





R.5  
1/4



Vol 7  
nr 108









## IN PSALTERIVM

Dauidis Israelitarum regis & uatis diuinissimi, Ioan. Baptistæ Folengij Mantuani Monachi Cassinatis  
commentarij, summa fide, mira luce, grata breuitate,  
ex ipsa Hebraica ueritate con-  
fecti & absoluti.

*ES De La Libreria Comum de Som from de Leuille*

ISINGRINIVS CHRISTIANO LECTORI S.

Ecce tibi, Christiane Lector, absoluta tandem FOLENGII theologi citra cōtrouersiam cōsummatissimi, in omnes Dauidis odas doctissima planeq; diuina cōmentaria: in quibus sanè, si ueraram uiri eruditionem, spiritusue ardore flagrantem animū consideres: siue sensuum candorem & acumen, mysteriorū item rerumq; abditissimarū luculentam explicationem: siue etiam aptam concinnamq; versuum & sententiarū connexionem spectes: siue fidam denique diuersorum interpretum collationem, quin & non minus appositam quā iucundas atq; utiles suis locis digressiones, cohortationes, admonitiones (ut teres interim puræ dictionis filum, ac bene latinarū uocum proprietatem, quæ Romanam elegantiam illam veterem, grauitatemq; Theologicam planè referant, omit- tam) diligentius expendas: hæc inquam omnia, nisi summa laude admiratiūq; digna esse iudica- ueris, omnem mihi fidem (qua apud me nihil est antiquius) abrogari uolam. Quid adeo in libri fronte paucis tecum agere libuit, ut non omnes monachos indoctos atq; impios esse, sicut a plerisque hodie, inuidia & maleuolentia erga illum ordinem potius, quā Christiano proq; studio, traducun- tur, re ipsa cū ex hoc nostro, tum ex aliorum eiusdem familiæ eruditissimorum uirorum procemijs & epistolis operi præfixis cognosceres. His igitur feliciter frui, & uale.



*No tiene que expurgarse libro por  
el nuevo expurgatorio desta año  
De 1640*

*Fr Pedro  
De Lorica*

Cum rerum ac uocum, ac Psalmorum etiam, quo quisq; inueniendus  
sit loco, locupletissimo Indice.

BASILEAE, PER MICH.  
Isingrinium, 1549.



8.12.50

# IN PSALTER

Printed at the University Press, Cambridge  
by the University Printer, Cambridge

First published in 1950

THE PSALTER  
A NEW EDITION  
OF THE  
PSALTER  
WITH  
A NEW INTRODUCTION  
AND  
A NEW COMMENTARY  
BY  
THE  
REV. CANON J. H. W. L. ...

Printed at the University Press, Cambridge  
by the University Printer, Cambridge

Cambridge University Press  
The Edinburgh Building, Shaftesbury Road, Cambridge CB2 8RU  
32 Avenue of the Americas, New York, NY 10013-2473, USA  
477 Williamstown Road, Port Melbourne, VIC 3207, Australia  
Dock House, The Waterfront, Cape Town 8001, South Africa



Anastasius Cæsenas monachus pio  
Lectori S. D.



On te latet, sat scio, Christiane Lector, quantū gratiæ & veneris eius-  
modi egregijs alioqui monumentis conciliet autoris cōmendatio. Siqui-  
dem Apellis picturæ vel solo nomine vulgò cōmendabantur. Habes igi-  
tur in omnem Davidicam poësim à IO. BAPTISTA Folengio, viro  
iam inde à puero sacris literis erudito, penèq; detricto, cōmentaria perpetua, quæ tibi  
multis nominibus debent esse quamgratissima. Quis enim vel felicius, vel sanctius  
hasce diuinas odas enarrare possit, quàm qui ab ipso ferè lacte in his versatus fuerit,  
ac velut enutritus? quiq; profundissima sensa non minus lachrymis, quàm indefesso  
studio elicere studuerit? Sub hac scriptores qui in suo theatro perstiterunt, laudem  
apud posteros immortalem tulerunt: at qui secus, multorum & sannas & rhonchos  
expertis fuere. Quare non est quòd hìc timeas Folengio, quin in propria steterit hare-  
na, vt si quis alius: illudq; lepidum Euripidis dictū, in quemuis potius, quàm in eum  
competat: *τίς τὸν Ἰσὺν, ὃν ἐπεπαινεῖ ἑυλαργυρία*. Accedit verò ad operis cūm venustatem,  
tum decorem, quòd vir iste omni superior laude, nō aliter loquitur, ac viuit: eo quip-  
pe est ingenio, is moribus, vt nihil mitius, nihil rursus inculpatius fingi possit. Quòd si  
modestiam quæris, ea est, vt vix passus sit à summis viris exorari, quò tantum thesau-  
rum impertiret studiosis: nec vnquam annuisset, nisi hoc vno euictus ariete, ne scili-  
cet diuinam concitaret iram, si blattis potius, quàm Christianis hominibus harum  
vigiliarum copiam facere dignum duceret, tantum abest vt inde vel gloriam, vel no-  
minis celebritatem aucupari speraret homo à fastu alienissimus. Ceterum quod ad  
rem attinet, ita dictionis filum attemperauit, vt mediocriter eruditi non arceantur  
à lectione: multò minus verò doctiores orationis politiam ac nitorem huic nostro feli-  
ci seculo à Deo optimo maximo condonatū desiderent. Porro momis & nasutis quis  
vnquam satisfecerit? Boni quiq; (vt spero) saltem iudicabunt tantum huic in sacris  
debere Mantuanos, quantum olim in profanis suo Maroni. Optimi verò censebunt  
eò amplius Christi Ecclesiam debere Folengio, quò Davidis carmina sunt Maronia  
nis excellentiora ac sibi vtiliora. Habes proinde frequentes paraphrases doctas æquæ  
ac dilucidas: allegorias vt pias & solidas, ita nunc primū excogitatas. Digressiones  
verò cognitu dignissimas, quæ te vnice oblectare poterunt, si propius & diligentius  
rem inspexeris. Ad hac non paucos noui ac veteris instrumenti locos offendes, quos  
vti operæ precium fuit subinde citare, ita in gratiam lectoris obiter, breuiterq; sed ta-  
men doctè explanat. Verū illud cum primis in votis habuit vir eximius, vt corru-  
ptos hominum mores informaret, rem profecto nostris exulceratis temporibus oppor-  
tunissimam. Ita verò carpit & mordet, vt nihil minus agere uideatur: ita morbos  
contrectat, vt ubiq; presentissimum adhibeat pharmacum: nusquam ferè non absti-  
nens ab acrimonia, nusquā nō prae se ferens & Christiani & monachi pectus. Sed hac  
& longè cōmodiora, re melius deprehendes, quàm vt ego possim, aut velim præfari.  
Illud tantum addam, hunc vnum esse huius memoriæ, quem cum veteribus theolo-  
gis non iniuria conferre possis, si reconditam eruditionem, atq; maximam grauita-  
tem non oscitanter expenderis. Cessabunt iam, opinor, ἀναλφάκτοι quidam blatero-  
nes, qui se demum eruditulos arbitrantur, si in monachorum inscitiam stolidissime



debaechentur, cum ipsi ne micam quidem eruditionis habeant. Sed hoc utcunq; tolerabile, nisi & impudentiam cum ignoratione haberent coniunctam, quæ dicacitatis & maledicentiæ mater est & origo. quanquam hæc ἀπεροδίουσα, alias fortasse tempestivius. Tu verò Lector candidè, despectis interim Orphei vel Pindari profanis hymnis, plectro & odis sanctissimi Regis David fruere potius, cumq; ijs Folengij doctissimis lucubrationibus, quæ tibi tuisq; commodis, magnis sudoribus confectæ sunt, & inuulgatæ: atq; alia id genus plura, quæ οὐ τῷ θεῷ propediem è nigris cucullis exhibunt candidissima, præstolare. Neq; enim plus valebit terra vulgi ἀχαεσία, quàm albi doctorum calculi. Bene vale, quisquis es sacrarum literarum studiosus.

Apud Casinum, anno à Christo nato M. D. XLIII.

Ioanni Baptistæ Folengio Nicodemus  
frater S. D.



On ignoras frater, longoq; rerum usu iam didicisti, cursum equorū favore perniciores fieri: atque illam tandem nō vulgarem censeri laudem, quæ ex notæ spectat æq; virtutis testimonio oriri solet. Hoc quidem dixisse volui, nō quod de ardore mentis tuæ quicquam dubitem, sed ut currentem adhibito calcari vehementius impellam, fervoremq; favore, quantuluscunq; is demum sit, augeam. Ad hæce nuper oras Euganeas quædam pia religiosaq; abs te edita, & ab Isingrinio luculenter typis impressa, in nōnullos psalmos pervenere commentaria, non insuavia quidem lectoribus, non ingrata, nō vel ab ipsis eruditissimis viris neglecta. Mirum quàm prona (sic illi referunt) in dictione sint, facilia, arguta, atq; ad eò strictim collecta, ut nihil tamen desideretur copiae & lepōris. Quo fit ut à plerisque non infimæ classis hominibus laudetur phrasis, à nonnullis orationis nitor, venustas, copia: ab alijs item cōcinna similitudinum frequentia, atque apta vocum proprietates & elegantia. Quid? lucubrationes istæ tuæ à probis omnibus laudantur, & ad cælum vsque extolluntur. Referunt (aiunt) Folengij scripta veterum auctorum politiem & gravitatem: cuncta, ut sacra tractari debent, præclara, sequentia, aperta, libera, & quod pios mirum in modum delectat lectores, Christum ubique spirantia. Sed & illud, inquiunt, mirandum, quod si interdum exteram pellem aut plumam induere contingat, id agit quod astutissimam agere fulicam non ignorat, quæ fœtum aquilæ neglectum ut suum alit. Addo & illud, quod & nos & nostra conspuere solitis, hæc eadem non minus placent, quàm arcta nobis necessitudine coniunctis. At ego sensuum candorem, & (non falsus sum) profunditatem, raramq; mysteriorum dilucidationem exosculor, cum ob plura, tum maxime quoniam à fratris pectore cælesti, ut opinor, afflato spiritu prodire. Verum tu interim, ut semper gloriæ propriæ contemptor fuisti, tuæ nō ignarus mediocritatis, nō semel tuis in commentarijs te nihil prorsus esse clamas. Sic enim de te loquēs in quodam testaris psalmo: Scio quod in me non est bonum. Gratia Dei sum id quod sum, qui dat omnibus & velle & posse. Probè id quidem. Alio item loco: Possum, inquis, omnia. Sed in quo? aut qua alia ab re? num à naturæ dotibus? num à viribus illis planè cum suo arbitrio fractis, quas cum homine nasci, cum ipsoq; crescere & enutrirī cernimus?

haud-



haudquaquam, sed in eo qui me confortat. Quare, frater optime, cum minimè diffitearis Dei gratiam id efficere quod es, ac perspicuum sit sublimem illam maiestatem non deditur citra omne meritum tuum instillare de super quod tu spargas, quod nobis impartiaris, quod hactenus Dei osiores ad bonam frugem pellexit, ac Deo tandem plenos spirituali reaccendit cupidine, te oro, & per venerandos piorum parentum nostrorum cerneris atque ossa obtestor, ne opponas obicem, neue irritam facias gratiam. Aperi os, corque exere, ac felici successu ad calcem usque iam ceptum opus deducere cura. Id quidem probi appetunt ad solatium: id improbi quoque, ad perditam deploratamque suam vitam remedium obnixè flagitant. Heus tu num abnuēs? non credo, vel eo maximè, quod oculum in Casino nactus, nihil tibi esse debet antiquius, quam ut hac in re orbiferè vniuerso, non solum amicis, qui te literis obruunt, fiat satis. Vale, ac numini admonenti prompto ausculta animo. Patavij, Nonis Augusti, M. D. XLII.

Ioan. Baptista Folengius Nicodemo fratri S. P. D.



Tu frater me in nemoribus latitantem interpellas? Ne ne tam alta scribere opinantur amici? Cacum id prorsus est amoris genus, quod in amicis eam videt excellentiam, quam ne statam quidem virtutis formam appellaret semidocti. Ego enim quid de me, meisque scriptis sentiam, non raro hisce in commentariis tum dico, tum, ne erret Lector, ad raum usque clamo: sincerum me scilicet tantummodo esse scriptorem, nempe cui pro scopo Dei sit honor, & susque deus religio: nihil praterea. Quare meis in monumentis nihil aliud in primis querere debent amici, quam amplam erga omnes charitatem, atque in Deum fidem. Tantum eruditionem in re sacra non ostento. Quae tamen, si in me aliquam esse iudicant, ea tandem est, quae meam ubique praesert, ut tu eam vocas, mediocritatem, non grandiora illa Sophocleo (ut aiunt) digna cothurno, quae tu frater alioqui mihi charior oculis proprijs de me aequè praedicas, ac de incognito omnino hospite quis rudis prorsus, atque expertus iudicij praedicaret. Amor enim vero te in me audaculum aliquantisper facit. Verum ego interea meo me spithamo metiens, adeo ex superfluis amicorum laudibus non efferor, quin me esse Folengium cogitem, hominem nimirum natum Hyadum tempore, idcirco ab aquis illis non abhorrentem, quas Christus in Davide usque ad animam suam intrasse queritur. Haec est crux vitae, haec proborum deliciae, id duri cum mundo certaminis theatrum, forsana & trophaeum: cuius quidem labores etiam tu mecum experiris Nicodeme. Experitur & Theophilus noster, cuius ingenium nostro auro rarum atque insolens, semper infensum fuit ranis. Sed cum edentulae sint, nihil aliud quam coaxant: quae quidem re non tam iram quam risum viatoribus excitare solita sunt. Sed ad propositum redeo. An tu meas expectari lucubrationes? En habeant qui expectant: en nostri exilij fructus (quo enim alio appellabis nomine hanc vitam?) en nemorum partus, en mea fidei confessio, en quid tandem meus toties instipulatus à mundo animus responderit. Exeant itaque in publicum, postquam sic vultis, ac tu me in primis hortaris Nicodeme, cuius benevolentiam tam charam habeo, ut nihil mihi charius esse possit, & festinus. Vale. Albanetae, Idib. Decemb. M. D. XLII.



Herculi Gonzagæ principi excel  
lentissimo, ac Dei Ecclesiæ Cardinali &  
docto & pio, Ioannes Baptista Fo  
lengius monachus Casi  
nensis S. D.



N fructus mei in Casino ocij (primitias informes, & tanquam ursæ partum ineffigiatas haud dudum ursus habuit) te autore Princeps inuulgari aliquando debuissent, non semel dubius cogitavi. Quòd enim plagis illis orbis, quæ Deum uerè colunt, mei animi conceptus aperirem, nihil mihi omnino timendum erat, cum nihil, quod ueniã facilè non impetrasset, me dicturũ sperarẽ. Sed illud deterrebat, te in fronte libri posito id attentasse. Noueram sane quem uirum interpellaturus essem, Herculem nimirum Christianum, nouum Aristidem, Pontificem tandem magnum (maximum te postea uidebimus) & eruditum. Verebar equidem, ne dum à uix iustitiæ deerrantes homines pungere, quasiq; à fuga reprehendere curarem, te, alioquin ab hac scena remotissimum, prætextu tituli in cæterorum numerũ obtrudere clam uoluisse iudicaret. Verũ simulac tua in mentem mihi uenit prudentia, atq; antiqua tuæ familiæ coniuncta cum maiestate lenitas, rem eam aggredi nõ sum ueritus, quam aliàs forsã detrectassem. Sume itaq; Antistes ullo absq; næuo suspicionis, nõ dico fortunæ risus, in cuius labijs residet adulatio, sed puluerulentam, laboriosissimamq; in psalmodi amphitheatro exercitationem, utpote à monacho, qui longè à doctorum hominũ congressu relegatus, librorumq; præsidio destitutus, sed re una solũ contentus, à curis mundi ociatur, ad Dei honorẽ, atq; in gratiam suæ sanctæ plebis assumptam, illicq; fortassis nõ pœnitendam, modò tu robustissimus adsis Alcides: qui, ut legere aliquando hi uelint, qui tibi nunc parent dicto, non tam horteris, quàm ipse quoque, uel fictè, si lubet, lectites. Cæterũ quòd meum fuerit consilium, post tot eruditissimos aliorum cõmentarios, post doctas uigilias, post ultimam ferè manum, ad illa etiam quæ casto hisce præsertim temporibus uelanda fuerãt silentio, uoluisse tanquam spectrum quoddam non amplius uisum apparere, nouit Dei spiritus, qui instigauit, norunt amici, norunt & qui bene emunctas habent nares. Mucidos enim meis à scriptis sanequàm procul arceri tam cupio, quàm quis alius à suis. Nam cum pituita ægrotent, in discernendis odoramentis falluntur: ut falluntur de more obloquutores, inuidi, atque ociosa ista, omentataq; inertium fucorum lues, quibus ut plurimum



mum alueoli magis usui sunt, quàm libri: quiq; more pecudum sine literis, sine Deo, sine ulla unquam rectè actæ uitæ significatione perire soliti sunt. Obsecro, quid tu tum cogitas cum portenta istiusmodi religionis tuos grauissimos appetere cōgressus audis? Fastidis, credo, nondum introductos. Quid cum loqui occceperint? mera somnia, geras, patinas, risus Gnathonicos, plausus, & demum insulsa omnia, & fucata. Hanc igitur orbis corruptelam (sic adultores atque supinos homines appellare soleo) ut à spiritus sancti amcenitate alienissimam esse & uides, & patientissimè nonnunquam, quæ tua est modestia, toleras, ita ego quidem tuo à sanctissimo, atque adeo cæterorum principum contubernio procul esse & cupio, & oro, & per C H R I S T I sponsam uobis creditam obtestor. Vale, & tenerum nepotem re-

bus, ut cœpisti, serijs assuefacito. Quicquid enim aquarum nouus hauserit cuniculus, tibi acceptum referent posterum.

Albanetæ Casini.



# I N D E X.

## E L E N C H V S O P E R I S.

Numerus, pagine: litera mox sequens, eiusdem pagine partis, quā ipsa margini adiecta occupat, index est.



**A**BBA TIS officium 339.d  
Abel quale sacrificium Deo obulerit 279.d  
Abiæ ad hostes oratio 323.d  
Abimelech præcidit ramos. 287.b  
Ablutiones Iudæorum 356.a  
Abraham fidelium omnium pater 392.b  
Abrahæ filij qui reuera nominandi 342.b  
Abstinentiæ cōmendatio. 407.d & 408.a  
Abusus in rebus omnibus perniciosissimus 388.d  
Abyssus significatio in scripturis 174.b 208.a 302.a 472.a  
Achab diuina ultione quam seuerè punitus 289.b  
Achitophelis astutia 299.b  
Actiones nostræ cum sunt dubiæ, dubia & ipsa redditur falsus. 40.c  
Actionib. nostris fidere nequimus, quantum uis candidè & nobis & cæteris uiuere uideamur 66.d  
Adam cur fugerit faciem. Dei 333.d  
Adæ præuaricatio 288.a.b  
Adeps pro rerum affluentia 50.a 308.a 431.a 469.b  
Adiurati qui dicantur 271.c  
Adolescentia ad uitia procliuius 91.d 425.a  
Adolescentiæ elegans descriptio 425.a  
Adorare apud Hebræos quid. 6.a 368.b  
Adoratores ueri qui 372.d  
Adorandi ritus 420.b  
Adorandi uera ratio 377.a 420.b  
Admonitio popularis ac beneuola quo loco adhibenda 231.d 232.a  
Aduersitates cur felicissimæ appellandæ 194.c  
Adulationis detestatio 245.c 346.a 382.d  
Adulteri & scortationis malum in uniuersum orbem debacchari. 239.d  
Adulteri pœna 398.d

Aedes sacræ & cœnobita quam obrem ædificata 98.a. 99.b. 101.c  
Aedomæi gens sordida 265.b  
Aegypti descriptio 327.c  
Aegypti ad fidem accessus 291.a  
Aegypti plagæ 322.a 394.b.c  
Aegyptiorum in Hebræos odium 336.d  
Aegyptiorum lingua Hebræis incognita Ibid.c  
Aemulatio pro ira 328.d  
Aequitas quid 378.a  
Aëris frigida plagam in scripturis, p aduersitate accipi. 229.a  
Aeruginis dictione scriptura quid uelit 327.c  
Aetas nostra quare aurea dici queat 53.d  
Aetatis felicitatis descriptio 137.b c 138.c  
Aetatis nostræ imago & facies spiritus sancti penicillo efficta 77.b 139.a  
Aetatis nostræ sanctimonia libentius publicis inferuit aspectibus, quam secretis diuinæ maiestatis obtutibus 98.a  
Aeternum seu sempiternum Hebræis sæpe pro longo & indefinito tempore poni 233.d  
Aethan locus 314.a  
Aethiopum religio 291.a  
Aeui nostri conditio tanquam penicillo depicta 40.d 77.b 86.c 139.a  
Affectiones unde nascantur. 280.b  
Affectus & animi motus in cōstantem etiam uirum cadunt. 249.b  
Affectus humani in Deo quatione dicantur 53.c  
Affectuum ardores atque ignes unde 73.b  
Affectuum mouendorum ratio ac summa 25.a  
Afflictio piorum assidua 279.b 305.b  
Afflictio piorum quam necessaria 333.d  
Afflictio quod crudelior, eodem magis Deus interpellatus. 271.a  
Afflictiones piorum quam graues 410.b Vide Crux.  
Agag typus 326.a  
Agarenorum origo 340.c  
Agnosce quid significet in scripturis 238.c  
Agricoltura sedula ad quid proficit 275.d  
Agrorum dimensionis ratio. 311.d 328.c 392.d

Alæ propitiatorij quid doceant 294.c  
Alarum similitudo immensam Dei bonitatem erga nos demonstrat 49.d  
Alarum in scripturis significatio explicata 174.c.d  
Alarum tutela quæ 256.b 391.a  
Alexandrinorum schola 291.a  
Alieni qui in scripturis 247.d  
Allegoriæ non ubique in sacris literis querendæ 460.d  
Altaris cornua 423.c  
Alter ut alterius uitam mordeat, omnibus quasi à natura ingentum 42.d  
Amalechitarum origo 340.c  
Amalechitarum crudelitas. 304.d  
Ambitio edificandi notat 234.a  
Ambitio sacerdotum 341.d  
Ambitio spiritualis 275.b  
Ambitio atque dominandi cupiditas post deposita arma, abijcienda 61.b  
Ambitionis descriptio 315.c  
Ambitionis imago 397.c  
Ambitionis uis 155.c  
Ambitionis detestatio 307.d 319.d 330.d 378.a 414.d  
Ambitione labefacta Christi Ecclesia 341.d & 342.a  
Amen dictio explicata 205.b  
Amens qui non satius ducit afflictionibus à Deo probari et perfici, quam in croceis enutriti 106.a  
Amicus rectus & æquus quis 96.b  
Amicorum falsorum descriptio 381.b  
Amor diuinus quantus 264.c  
Amor diuinus quasi ignis consumens 280.b  
Amor diuinus nullo temporum intercapedine intercedit 270.c  
Amoris natura 386.b  
Amoris uis 358.d  
Amonis exemplum explicatum 27.d 28.a  
Amoris diuini uis explicata. 158.d 159.a 342.a 360.d  
Amoris stimulus clementia. 407.a  
Angeli triumphantis Christi comites 287.c.d  
Angelorum descriptio 55.a  
Angelorum obedientia 386.b  
Angelorum officium 360.b.c 386.b 387.c  
Angelorum erga homines studium 158.b 352.c  
Angelorum circa homines fidelissima custodia 158.b  
Ange-



# INDEX.

- Angelorum pro reprobis tutela.** 360.c  
**Angelorum operationes laudanda** 352.c  
**Angelorum prauitas deprehensa** 32.c  
**Angelis inest uis ignea** 386.b.c 387.c  
**Angustia inferuendi uitij Deū immensum & amplissimū à nobis excludit** 81.a  
**Anima quid intelligatur** 16.c  
**Anima pro toto homine** 19.d  
**Anima pro desiderio & cupiditate nōnunquam in scripturis accipitur** 103.c  
**Anima pro corpore animato.** 114.a 393.b  
**Anima cur corpori à Deo infusa** 88.b 330.d  
**Anima cur aduersitatū lima corrodatur** 239.a  
**Anima plumbea notata** 23.d  
**Anima depositi nomine apud unumquemq; hominē à Deo collocata est** 173.a  
**Anima terrenis rebus non satiat** 306.a  
**Animę uarię acceptiones.** 324.b  
**Animę fastus per iniuriarum limam & scalprū ualde atteritur** 191.b  
**Animę cōditio eleganter descripta** 94.b  
**Animę hominis præstantia.** 334.d  
**Animę cum Deo cōiunctio quę** 257.c.d  
**Animę nigredo** 286.d  
**Animę uoces quę** 12.c  
**Animę oculi, cognitio & fides.** 95.b  
**Animę pedes, affectus esse.** 175.c  
**Animę frustra corporibus unita** 168.c  
**Animę duritia miserabilis** 252.a.b  
**Animę calamitas maxima quę.** 206.c 252.c  
**Animę angustię enarrata.** 118.a  
**Animę anxietas depicta** 37.b 292.c  
**Animę afflictę descriptio** 241.b.c.d  
**Animę exercitationes** 251.b  
**Animę tentationes descriptę.** 119.d  
**Animę iacētis fulcra quę** 256.d  
**Animę sitis** 369.d  
**Animę quies & perfectio** 239.a 301.a 311.a  
**Animę perfectio unde** 254.a  
**Animę perturbationes & consolationes** 251.a.b  
**Animę uoluptates ac delicię summę quę** 86.b  
**Animę periclitantis liberatio explicata** 84.d  
**Animę consuetudo ut sui cōtempum non multi faciat** 133.a  
**Animę secreta** 94.c  
**Animę laquei ac retia quę.** 95.a.b  
**Animę interitus indicium quod** 170.a  
**Animę mors quid sit** 234.c  
**Animam in manu ferre quid.** 434.d  
**Animam scelestam corpore pro malleo uti ad fabricanda uitiorum simulachra** 246.a  
**Animarum perfectarum cibus quis** 232.b  
**Animarū purificatio in quo sita** 242.b  
**Animarum beatitudo perfectissima quę** 89.a  
**Animarum domicilium descriptum** 131.a  
**Animarum sanctarum preces.** 31.c.d  
**Animarū insidiatores qui** 56.b  
**Animalium uocibus pij interdum nuncupantur in sacris.** 285.d  
**Animus humanus natura ad legum obseruantiam amore magis ducitur quàm ui** 125.d  
**Animus languens in carnē quoque ipsam mœroris notas emit** 106.b  
**Animus rectus qui** 150.c  
**Animi elari certa indicia** 316.d  
**Vide Superbiam & arrogantiam.**  
**Animi odoratus qualis** 39.b  
**Animi diuitias omnes in fide erga Deum sitas esse** 177.d  
**Animi morbo affecti signa** 40.b  
**Annalia sacra** 36.a  
**Antiochi imperium crudelissimum** 330.c  
**Antiochi impietas** 312.d  
**Anthropopathia Deo tributa.** 4.a  
**Antistes ecclesię quibus uirtutibus præditus esse debeat** 290.c  
**Vide Pastores**  
**Apostolorum sanctitas** 291.b  
**Apum labor & opus quid significet** 66.b  
**Aqua contradictionis** 337.a  
**ex Aqua quomodo orta salus.** 388.a  
**Aquę Aegypti sanguineę factę** 321.d  
**Aquarum inundationes pro uitiorum profluuijs** 134.b  
**Aquarum in scriptura significationes** 56.b 279.b 292.b  
**Aquarum translatio pulchrè explicata** 56.b 84.d  
**Aquilę renouatio** 384.b  
**senectus** Ibid.  
**Aquilonis latus quid significet.** 229.a  
**Arabię felicię descriptio** 304.d 305.a  
**Arbitrium liberum quod** 93.c.d  
**Arbitrium nihil aliud quàm suū libertas** 13.a  
**Arbitrium an homini liberum.** 390.d 392.a  
**Arbor plantata quę dicatur** 2.a  
**Arca Dei cur in bello capta.** 328.a  
**Arce ueteris testamenti mysteria** 282.d 283.a  
**Arcus pro celeritate pœnarum.** 21.b  
**Arcus pro robore ac fortitudine** 213.a  
**Ardea auis** 389.b  
**Argentum in scripturis pro doctrina & uita puriore** 36.c  
**Arietes in scripturis quid** 276.d  
**Arma omnia, omnes uires in Deo sitas esse** 52.b  
**Arma Christiani militis** 461.a  
**Aaronis fides** 394.b  
**Aaronis sacerdotiū quale** 409.d  
**445.b Erga Deum studium** 376.b  
**Aaronis familię sanctitas** 416.d  
**Arrogantia & fastus doctè confutata** 91.b  
**Arrogantia impiorum euanesceat** 283.a  
**Arrogantię detestatio** 310.b  
**Vide superbiam.**  
**Arundinis significatio in sacris.** 290.d  
**Ascensionis CHRISTI fructus** 288.a  
**Asini nomen quibus hominibus conueniat** 285.d  
**Assensus, uoluntas, & ipsa quoque potestas amplectēdi bona, Dei donum** 33.a  
**Assentatorum improbitas** 245.c 346.a 382.d  
**Asira etiam ipsa immūda coram Deo** 32.c  
**Astrologorum & magorum præfagia confutata** 117.a.b  
**Auarietis imago** 397.d  
**Auarietis malū in uniuersum orbem debacchari** 239.d  
**Auarietis studium** 427.a



# INDEX.

Auaritia quàm pernicioſa 334.a  
413.c.d  
Auaritia ſacerdotũ taxat 319.d  
Audaciæ genus periculoſiſſimũ  
quod 92.a  
Aurum in ſcripturis pro fide &  
charitate 36.c  
Aurum Arabicum 305.d  
Aurum & lapides preciosos pro  
diuinis eloquijs uſurpari 66.a  
Autoritas principẽ ornat 330.c  
Azymorũ ſolennitas 336.a  
Azotiorum pœnæ 329.c  
B  
BAal deus 398.c  
Babylonis infelicitas 450.c  
in Babylone quanta Iudæorum  
fuerit captiuitas 449.a  
Babylonicæ captiuitatis typus  
315.d  
Baculum, uirga & pedum, quid  
ſignificent 85.d.86.a  
Baptiſmi uera imago 395.a  
Baptiſmi iuramentum 271.c  
Baptiſmi uotum quàm ſanctẽ ſer  
uandum 378.d  
Barbari Iudæorum 415.c  
Baſan diuina ultione punitus  
289.a  
Beatitudo & felicitas æterna un  
de proueniat 140.a  
Beatitudo uera in quibus confi  
ſtat 342.b.343.d.344.c.349.c  
412.c.424.c  
Beatitudo uera quę 1.a.143.c.d  
144.a  
Beatitudo falſa quę 164.d  
Beatitudinis chriſtianæ ſumma  
1.a.335.d  
Beatitudinis norma cõpendio  
ſa 167.b  
Beel deus 398.c  
Bellum noſtro tẽpore in Aegæo  
& Punico mari contra Scythas  
& Arabes 21.b  
Beluarũ genus nullum quod in  
ſui ſimile, nec in alienũ quidem  
ita ſequi audeat ut homo in ho  
minem 134.c  
Benedictio & benedicere quid  
8.c  
Benedicere in ſacris quid 386.d  
235.d  
Benedictio ſacerdotis 281.d  
Benedictionẽ & miſericordiam  
in ſcripturis frequenter idem ſi  
gnificare 88.d  
D. Benedicti contra ſcurrilitatẽ  
præceptum 467.c Eiuſdem  
de obedientia præceptũ 386.c  
D. Benedicti cum ſore collo  
quium 467.b. c  
Benedictinorum infinita cœno

bia 383.c Eorundem regula  
qualis 411.d Vota 435.c  
Beneficentiæ diuinę dona quàm  
ampla 345.c  
Beneficentiæ diuinę effectus  
305.d  
Beneficia Dei cum gratiarum a  
ctiõne extollenda 270.b  
Beneficia Dei ubiq; & ab omni  
bus celebranda 370.d  
Beneficiorũ exprobratio 322.d  
Beneficiorũ obliuio inhoneſtiſſi  
ma 418.a  
Beneuolentiæ diuinę cogitatio  
quæ neceſſaria hominibus 321.b  
Beniamin tribus omnium mini  
ma 290.a. unde nomen acci  
piat 240.b  
D. Bernhardi laus 359.b  
Bethſaida patria trium Chriſti di  
ſcipulorum 290.b  
Bona corporea, media appellari  
143.b  
Bona fortunę mutationi ſemper  
obnoxia 412.d  
Bona hæreditaria qualia 45.c  
Bonum ſummum quod 107.c  
Bonorum omniũ ſolus Deus au  
tor 310.c  
Bonorũ calamitates citò finien  
dæ 113.b  
Bonorum omniũ conſilium in  
hoc uno uerſatur perpetuò, ut  
Deus colatur 79.d  
Bonorũ deſideria & meditatio  
nes 46.c  
C  
CAeſaris naufragium 390.b  
Cain quale ſacrificium Deo ob  
tulerit 279.c  
Calamitas occaſio eſt uirtutis  
113.a  
Calcaneus pro uitæ exitu in ſcri  
pturis 232.c. d  
Calicis deſcriptio 45.d  
Calicis ſignificatio explicatur  
34.d 86.d  
Calumnia quid 437.b  
Camilli Vrfini exemplum memo  
rabile 115.a  
Campaniæ concionatores qua  
les 433.d  
Campaniæ mulieres piæ Ibid.  
Candax Aethiopũ regina 291.a  
Canticũ in pſalmis quid 317.c  
Canticũ nouum quod 151.b  
Cantilenæ quæ piæ aures offen  
dunt inter Chriſtianos non fe  
rendæ 429.c  
Cantilenarũ in tẽplis uſus 289.c  
Cantiones ad Deum referendæ,  
non ad obſcenos amores 62.d  
Cantionũ nouarũ ratio & mos

antiquus 151.2  
Canum in ſacris ſignificationes  
261.c 277.d  
Captiuitas humani generis 42.a  
Caput quid in ſacris ſignificet  
289.a  
Caput erigere quid 7.a  
Capitum motio liuoris & con  
temptus ſignum 408.a  
Carbones pro bonæ naturæ do  
tibus 54.b  
Cardinalatus deſideriũ 341.d  
Carnis quæ natura 246.b  
Caro pro amore proprio 44.d  
Caſtigationis diuinæ fructus quæ  
ſalutaris 422.b  
Cataractarũ ſignificatio & deſi  
nitio 208.a  
Cedri arboris natura 363.a.b  
uſus 472.b  
Cedri arbores frequenter in ſcri  
pturis pro mundi huius poten  
tioribus accipiunt 108.b  
Ceila urbs à Dauide liberata  
248.c  
Ceila urbis obſeſſio 418.b  
Ceila urbis exemplum 250.b  
Ceremoniæ non pietas ſunt, ſed  
pietatis teſtificatio 57.d  
Ceremoniarum & rituum ratio  
221.c 255.b  
Ceremoniarũ ratio quæ ſeruan  
da ſit 57.d  
Ceremoniarũ ac libationum im  
menſum acruum neminẽ un  
quam integrẽ executum 238.b  
Cerni animalis natura & pro  
prietas 110.a  
Ceti marini natura 390  
Cham terra quid 393.d  
Chananeæ mulieris fides 302.a  
Chaos deſcriptio 387.d  
Charitas perfectæ quæ 43.b  
Charitas Chriſtianorum ſymbo  
lum 313.a  
Charitatis ueræ uis 90.c  
Charitatis ueræ præcipua indi  
cia 43.a  
Charitatis fructus uberrimus  
297.d 298.a  
Charitatem cur tam exactẽ à no  
bis requirat Deus 407.a  
Charitatẽ à ſeipſo incipere, ut fal  
ſum abrogatur 43.b  
Cherubin 333.b  
Cherubin ueteris teſtamẽti quid  
ſignificarint 375.a  
Cheteb dæmon 359.d  
Choræ ſeditio 397.c  
Chriſtus promiſſus in ſcriptura  
344.a.351.d 352.b 356.b 374.a  
Chriſtus Abrahæ olim promiſ  
ſus 306.c  
Chriſtus



# INDEX

Christus ex semine Davidis. 352.  
b 442.d 443.a  
Christus cum suis cōsanguineis  
cur è tribu Iuda 290.b  
329.c  
Christus summum bonum con-  
stituitur, cōtra definitiones phi-  
losophorum 159.d  
Christus dum stulta in hoc mun-  
do elegit, omnium dominus fa-  
ctus est 426.b  
Christus uerus Deus & homo.  
354.c 408.c.d  
Christus Dei patris misericordia  
dicitur 230.b  
Christus propitiatorium 282.d  
283.a  
Christus solus mediator 374.a  
422.c  
Christus caput suæ ecclesiæ. 288.  
a 442.b  
Christus ecclesiæ suæ fundamen-  
tum 348.c  
Christus ecclesiæ suæ autor & in-  
staurator 316.b  
Christus uerus pastor 332.b  
Christus contractæ religionis in-  
staurator 281.a  
Christus sui Euangelij æternus  
propugnator 303.d  
Christus sol iustitiæ 290.d  
Christus cur soli assimile? 355.b  
Christus scopus unicus salutis  
nostræ 348.b.c  
Christus unionis nodus 276.d  
Christus immunis ab omni pec-  
cati labe 292.d 293.a  
Christus Oceanus quidam è quo  
gratiarū amnes profluunt. 71.c  
Christus finis & perfecta uirtu-  
tum omniū consummatio. 33.b  
117.c  
Christus sanctorum omniū ne-  
xus est 163.a  
Christus omnia iura regnorum  
disponit, calcatur regum colla.  
71.d 224.d  
Christus cur exercituum domi-  
nus 224.d  
Christus præteritarū rerum om-  
nium & uaticiniorum nodus &  
finis 230.b  
Christus solus, rex magnus uerè  
appellatur 226.b  
Christus signum cōtradictionis  
348.a lapis offensionis. 422.c  
Christus cur in signū factus cui  
contradicitur 337.a  
Christus persecutionum imago.  
61.c 283.a 351.b  
Christus quib. malis in hoc mun-  
do expositus fuerit 347.b  
349.d 350.a.b

Christus mundo fabula 294.a  
Christus à fratribus suis contem-  
ptus 293.c  
Christus uerus psalmorum mul-  
torum interpret 405.c  
Christus peccatores non reiicit.  
277.a  
Christus quomodo dona accipe-  
re dicatur 288.a  
Christus cur admonitus à patre.  
5.a  
Christus hodie quoq; in suis mē-  
bris proditur, uenit, cruciq; affi-  
gitur 203.b  
Christi nomen æternum 306.b  
Christi natiuitas 347.d 349.a  
Christi miraculosa natiuitas.  
409.d  
Christi natiuitas in quibus præ-  
figurata 303.d 304.a  
Christi natiuitatis fructus. 335.c  
343.c.d  
Christi ætas aurea deliniata.  
225.a  
Christi aduentus maiestas descri-  
pta. 175.a  
Christi diuinitas perpetua. 355.b  
Christi naturæ duæ delcaratæ.  
188.b 354.c 408.c.d  
Christi regnum 274.a  
328.d 334.b 351.d 352.b 354.d  
Christi regnum quo loco incæ-  
perit 408.c  
Christi regnum quale 302.d  
371.c  
Christi regnū uniuersale 304.c  
Christi regnum quàm amplum.  
304.b 354.b  
Christi regni uis tota in miseri-  
cordia consistit 63.a  
Christi regnum, & æqualis cum  
Deo potestas 363.d  
Christi absolutissima in Deo sa-  
pientia 293.a  
Christi sacerdotium quale. 328.d  
409.c  
Christi uoluntates duæ 71.b  
Christi uita qualis 168.b  
249.a  
Christi mores & uirtutes pul-  
cherrimè enarratæ 83.b.c  
Christi clementia 293.a hu-  
militas 349.d in hoc mun-  
do paupertas 296.d  
Christi beneficia erga genus hu-  
manū descripta 186.d 187.a.b  
Christi iugum q̄ amœnum 295.c  
Christi crux quàm aspera 350.d  
Christi in monte Thabor transfi-  
guratio 353.a  
Christi in Iudæos pertinaces im-  
precationes 295.d 296.a  
Christi ad patrem oratio chari-

tatis plena 345.c.d  
Christi ad patrem pro sua eccle-  
sia oratio 309.b  
Christi conciones omnibus ex-  
positæ 332.a.b  
Christi uerba, iacula erant ignita  
216.d  
Christi in genus humanum im-  
mensa beneficia 257.d 292.c  
Christi anxia pro suis cura. 292.a  
Christi meritum 409.a  
Christi meritum quàm amplum  
344.d 369.d  
Christi sacrificium quàm efficax  
409.c.d  
Christi perfecta & consummata  
uictoria 410.a  
Christi diuina præsentia descri-  
pta 236.b 237.c.d  
Christi crux Iudæis scandalum,  
gentibus stultitia 293.a  
Christi cum tenebrarum princi-  
pe congressus 288.b  
Christi obsidio ostensa 77.c  
Christi uictoria & triumphus.  
89.c.d 373.d  
Christi triūphantis arma 344.a  
Christi mors q̄ preciosa 287.a  
311.c 333.a 396.c  
Christi resurrectio ad quid pro-  
fit 283.a 287.d  
Christi ascensio 283.c  
287.d  
Christi ascensionis fructus 288.a  
Christi ascendentis in cælum do-  
na 287.d 288.a  
Christi absentia quid toti orbi in-  
commodet 161.a  
Christi in spiritu effigies delinia-  
ta. 167.d  
Christi iudicium quàm horren-  
dum 315.d  
Christi nomen cur Dauid sibi tri-  
buat 343.a  
Christi amici quomodo in terris  
tractati 249.b  
Christi sectatores cur habeantur  
odio 294.d  
Christi hostiū descriptio 292.c.d  
293.a  
Christum in psalmis cōtinuum  
esse 8.d  
in Christo omnes sapientiæ the-  
sauri 290.c  
in Christo duæ naturæ 302.d  
354.c 408.c.d  
in Christo duarum naturarū ty-  
pus 339.a  
Christianæ uitæ descriptio.  
378.a  
Christianæ religionis hostes po-  
tentissimi 292.c.d  
Christiani nominis professio qd



# INDEX.

requirat 315.d  
 Christiani animi officiū 294.b  
 Christiani hominis uita quomodo instituenda 270.d 278.a 349.c 361.b 419.a  
 Christiani perfecti typus 362.a  
 Christiani pectoris signa 313.a  
 Christiani fucati qui 13.d  
 Christiano nil turpius q̄ mortis metus 41.b.c  
 Christianorū in religione quantitas oscitantia 423.b.c  
 Christianorum arces Christi hostibus ob custodum auaritiam prodire 231.c  
 Christianorum reipublicæ membra diuersa 10.b  
 Christianorum libertatem cælorum alterationibus subiectam esse, summa impietas 104.b  
 Christianorum cum Turcis comparatio 127.d  
 Cibus cælestis q̄ efficax 325.c  
 Cirtæ obsidio 390.b  
 expugnatio 447.a  
 Citrus arbor quæ, & quomodo à Cedro differat 108.c  
 Ciues urbis sanctæ descripti. 140.d  
 Clamor in scripturis cordis est, non uocis 12.b  
 Clamoris significatio explicata. Clementis vi pontificis (80. d) maximi mors 394.c  
 Cælum crystallinum 471.d  
 Cælum pro aëre 24.d  
 Cæli animati 291.b  
 Cæli qui uocentur 237.d  
 Cælorum descriptio 63.c  
 Cælorum seruitus ad Christi nuntum 237.b  
 Cælorum structura ordinatissima 63.b  
 Cælorum noua facies. 384.a  
 Cælorū animatorū deliciae. 291.c  
 Cælestiū rerū profunditas 273.a  
 Cælestium rerum memoria q̄ delicata 391.c  
 Cælestiū rerum cognitio quā necessaria 362.b  
 Cænobia cur à ueteribus instituta. 383.c  
 Cænobiorum uerus usus 314.d  
 Cogitationes tetrae & immundæ quæ 33.c 118.b  
 Cognitio sui uera, totius salutis ferme summa est 172.d  
 Cognitio nulla neq; in cælis neq; in terris de salute nostra esse potest, nisi Christus nos doceat. 79.d  
 Cognitio rerum quando noxia. 132.d

Collum nomine in sacris quid intelligendum 303.b  
 Colloquiorum leuitas uitanda 262.  
 Columbæ significatio 253.b  
 Colubæ similitudo. 249.c. 250.a  
 Comedere fructus uix suæ quid signet 338.a  
 Cōmodi proprii studium 293.d 386.d  
 Cōceptus hominum turpitudine summa 242.a  
 Concilij uniuersalis expectatio 138.c  
 Conciliorū celebrandorū robur & fundamentum 8.b  
 Concilia & cōuentus sancti qui. 167.d  
 Concionatoris diuini sapientia 232.d Vide Pastores.  
 Concharum natura 389.c  
 Concordia piorum 272.b  
 Concordia in ecclesia Christi q̄ necessaria. 342.a 444.c 445.b  
 Concordia in Christo querenda 383.c  
 Concordiæ cōmendatio 347.a 444.b.c 445.b  
 Conditarum rerum trifaria diuifio. 390.a  
 Confessio quid 22.a  
 Confessio auricularis 376.b  
 Cōfessiones auriculares tam crebrae unde natae 282.a  
 Confessio fidei quā necessaria. 281.b.c 315.d 316.a 428.b  
 Confessio ad salutem sit intrepida. 290.c  
 Conscientiæ felicitas quæ maxima 19.c  
 Conscientiæ uulnera 187.c  
 Conscientiæ malæ tormenta. 9.a 133.d 459.b  
 Conscientiæ purificatae splendori sol ipse cedit 54.b  
 Conscientiarum tranquillitas. 304.b 470.b  
 Cōsilia Dei inscrutabilia 362.a  
 Cōsilia nostra quid ualeant. 37.c  
 Cōsilia impiorum aduersus ueros Christianos 340.a.b  
 Cōsiliarij principum prauide scripti 37.a  
 Consolationis neruus ac robur præcipuum 128.b  
 Cōsuetudines sanctæ supplicandi Deo quatenus in Ecclesia ferendæ 73.a  
 Constantia fidei 268.b  
 Contemplatio rerum conditarū mirabilis 23.c  
 Contemptus Dei & proximi unde nascatur 307.d

Contemptores ueritatis piorum interitu gloriantur 312.a  
 Contemptores Dei ac Euangelij q̄ grauiter puniantur 341.a  
 Contentiosos, mundi amantiores esse, quā Dei, qui pax summa est 121.d  
 Conuenticula impia in Euangelij expugnationem 290.a  
 Cōuētus religiosissimi qui. 130.b  
 Cōuersatio impiorum fugienda 378.d 379.a 430.c  
 Conuersio uera ad Deū quomodo fiat 344.b  
 Conuicijs non certandū 456.b  
 Conuiuia sacra olim instituta, in quibus Deo gratiæ agebantur. 419.c  
 Conuiuiorum luxus & impietas Ibid.  
 Cor, animæ receptaculum. 244.c  
 Cor humanū nunquam suos sedare potest affectus & appetentias, nisi illis in rebus quæ æternæ sunt 178.a  
 Cor cælestis originis esse 9.b  
 Cor quando sanctarum cogitationum domicilium fieri possit 67.c  
 Cor purum & immaculatū Deo offerendum 270.b.c 273.d  
 Cor maris pro medio maris. 223.a  
 Cordis peruersi indicia 30.d  
 Cordis mūdi excellentia 243.a  
 Cordis puritas quæ 245.a  
 Cordis lætitia quid differat à terrena 11.d  
 Corde inquirendus Deus 425.c  
 Cornu in sacris quot modis accipiat 316.d  
 Cornu pro potentia 353.c.d  
 Cornu in scripturis pro robore, uirtute, potentia, gloria, & regno deniq; 52.b  
 Cornua altaris 423.c  
 Corporis odoramenta detestabilia 39.b  
 Correctio quā uariè accipias. 371.b  
 Correctio diuina quā salutaris 354.d 431.a  
 Correctio fraterna quā necessaria 293.d  
 Corruptum & integrū quomodo sumantur 39.a  
 Corui nigredo in sacris quid 286.d  
 Coruorum pulli quā mirabili Dei prouidentia alant 468.c  
 Coruorum Noë typus 286.d  
 Coruones uentorū in Hebræis allatæ 325.d 395.b  
 Creden-



# INDEX.

Credentium numerus diminutus 35.a  
 Credentiū unitas 347.a  
 Cremium quid 380.c  
 Crudelitatis detestatio 407.b  
 Crux semper pijs imposita 393.c  
 Crux quā necessaria hominibus 380.a  
 Crux cur pijs interdum onerosa 296.c 318.a  
 Crux pijs est uita, impijs mors 422.b  
 Crucis uia delicata 464.a  
 Crucis tolerantia 410.b  
 Crucis suauitas & mysterium quod 264.b  
 Crucis mysterium priscis temporibus cultum 25.a  
 Crucis piorū uera effigies 269.d 305.c 347.c 419.c  
 Crucis ac persecutionis imago Christus 283.a  
 Crucis & afflictionis fructus 331.d 422.b 431.a b  
 Crucis ac afflictionū finis q̄ gloriosus 271.c. Vide Afflictio.  
 Cubile in scripturis pro secretorib. cordis latebris 10.d 173.d  
 Cultus diuini & mundicie morum discrimen 81.a  
 Cultus diuini rudimentū primū, lingue candori ac mundicie affuere 160.a  
 Cultus diuini summa, amor, nō cruor aut timor 238.b  
 Cupiditatū comparatio ad belluas 19.b  
 Curarum nimiarū uanitas declarata 141.a.b.c  
 Custos malus suarum rerum, bonus haudquaquā aliorum esse poterit 29.d  
 Cyniphes quid 394.c  
 Cynomygē quid 327.c 394.c  
 Cysarē ducis interitus 340.d  
 D  
 Dæmonis imago 390.c  
 Dæmones docti 289.d  
 Dæmones ad tempus filio Dei præualere uidentur 56.c  
 Dæmonū acuitas 293.d nequitia 96.a insidia 294.c 327.d  
 Dæmonum uastum imperiū in orbe terrarū ante accessum diuini uerbi 26.a  
 Dæmonū malorū nomina 360.d  
 Dæmonum uenatio in animarū perniciem 135.b  
 Dæmonum uates furore temerario atq; impotenti perciti, nihil q̄ falsa effutire poterant 197.b  
 Dæmonū castra descripta 100.d  
 Dæmonū uictoria qualis 163.c

Damarum natura 389.b  
 Damnatorum cruciatus descriptio 233.b.c  
 Dathan interitus 397.c  
 Daud an omnes hos psalmos scripserit 441.b  
 Daud cur in psalmis contraria interdū adferre uideatur 358.b  
 Daud Ceilæ urbis defensor 247.b  
 Daud diuina prouidentia pastor factus 330.a  
 Daud in multis fuit typus Christi uenturi 271.d  
 Daud cur seipsum Christum uocet 343.a  
 Daud & sancti uiri cur aliquando tam dira hostibus imprecari sint. 18.b.c  
 Daudis & Moſis mira cōuenientia 24.b  
 Daudis doctrina 260.b  
 Daudis domus pro Dei familia 131.c  
 Daudis in lege domini peritia 242.b 333.b  
 Daudis erga legem Dei studiū 426.427.428.429.430.&c.  
 Daudis fides quā firma 251.d 252.c 419.a  
 Daudis humilitas 420.a  
 Daudis in regem electio 354.a  
 Daudis imperiū q̄ latum 354.b  
 Daudis regnū æternū dicit quatenus definit in Christū 101.a  
 Daudis persecutiones 267.c 417.d 419.b 421.b 454.b  
 Daudis exiliū 455.d angustia in deserto Ziph 269.c  
 Daudis in specum Engaddi fuga 457.c  
 Daudis scelus horrendū 241.a  
 Daudis penitentia Ibid.  
 Daudi factę de Christo promissiones 352.b 356.c  
 Daudi perpetua seminis successio promissa 352.b  
 Daudi cur ob adulterium, promissiones diuinæ nō factę sint irritę 354.b  
 Deber dæmon 359.d  
 Decoctores hereditatū & bonorū ecclesiasticorū notati 192.d  
 Defectio a fide quā pernicioſa 310.d  
 Defectionis ultroneæ a Deo indicium 57.c  
 Defectiones Aegyptiorū a fide 291.a  
 Delatorum impudentia 249.b  
 Dentium significatio in sacris 259.a  
 Desperatio aliquando homines

etiam perfectissimos occupat 122.b  
 Detrectatio unde nascat 407.c  
 Detrectantū ingenia 308.c  
 Detrectationis detestatio 379.b  
 Deus nomina omnia, & nullum nomen habet 22.b.c  
 Deus talis nobis est, qualē uolumus nos esse ac credimus 58.a 358.b  
 Deus in scripturis more humano se nobis accommodat 34.b  
 Deus absq; simulachris cultus olim 416.a  
 Deus solus adorandus, & creaturæ creatori nō præferēde 370.  
 Deus ubiq; & in omnib. 452.  
 Deus cur in cælis habitare dicatur 69.d  
 Deus quare certam sibi sedem in qua rogare præscripserit 68.c  
 Deus in iudicijs non præuerten dus 108.c  
 Deus bonorū omniū copiarū cornu 122.b 299.c 390.d  
 Deus solus uerē immaculatus ex se & est, & dici debet, nos uerō per ipsum 59.d  
 Deus in electorū cordibus qualē sedem habeat 372.b  
 Deus suis semper presens 395.b  
 Deus perpetuus, indefessusq; sue Ecclesię defensor 231.d  
 Deus uicissitudine miseriarū & consolationū suos experiri solet 113.c  
 Deus perfectissimos quoque interdū usq; ad desperationē animi exagitari finit 207.b  
 Deus suos igne aduersitatū exercet 34.b.c  
 Deus immutabilis 269.b 355.a 384.b  
 Deus quibus placari possit uirritibus 370.c  
 Deus sua dona uult nostra esse 47.d 48.a  
 Deus cur terribilis esse a scriptura dicatur 369.d  
 Deus quā constans in suis promissionibus 291.d 377.d Vide promissiones  
 Deus admonet antequā puniat 398.b.c  
 Deus eo proposito mortalis factus est, ut homo homini abolitam naturę legē innouaret 83.c  
 Deus licet nefarios interdū homines in pios cōcitet, eos tamē non inuitos finit 328.c  
 Deus per dæmones & angelos malos interdum punit homines 327.d





- Deus obliuionis cur à pijs accu-  
 setur 315.b  
 Deus quā ratione quærēdus &  
 inueniēdus à peccatorib. 439.a  
 Deus semplaudandus quoquo-  
 uersum se fors & fortuna uerrat  
 156.d 352.d. 391.a 401.b  
 Deus cur ignis urēs dicat 387.c  
 Deus zelotypus animarū 368.b  
 Dei bonitas imperscrutabilis  
 385.a.b  
 Dei bonitatis deliniatio 87.a  
 Dei digitus est ipse spiritus san-  
 ctus 23.d  
 Dei facies pro uisitacione eius  
 120.d  
 Dei uox seu uerbū, uis & uirtus  
 eius appellatur 107.d 108.a.b  
 Dei nomen quid 68.b  
 Dei nomen fortissimū 70.a  
 Dei nomē cognoscere qd 360.d  
 Dei nomen cur toties in psalmis  
 inculcatum fidelibus 288.c  
 Dei nomen duabus rationibus  
 extollendum 291.c  
 Dei nomen celebrandi desiderii  
 unde nascatur 291.c  
 Dei facies seu uultus quid 102.c  
 Dei facies uera de illo notio est  
 206.b  
 Dei aures, sapientia & misericor-  
 dia 115.d  
 Dei uterus quid 409.c  
 Dei clypeus 343.b  
 Dei uis inambulare qd 143.d  
 Dei præsencia in omnibus consi-  
 deranda 338.d  
 Dei super arcam fœderis præsē-  
 tia 338.a  
 Dei sedes descripta 53.b  
 Dei cum Adæ posteris pactum  
 æternum 417.b  
 Dei cum Abrahamo pactū qua-  
 le 392.c 395.c  
 Dei in distinguendis moderan-  
 disq; rebus conditis prouiden-  
 tia 314.b  
 Dei magnitudo in terris quæ  
 257.a  
 Dei imperium omnibus nume-  
 ris perfectum 395.a  
 Dei potentia q̄ immensa 375.b  
 Dei æterna potestas ex quibus  
 intelligenda 365.c  
 Dei benignitas declarata 92.a.b  
 Dei ingentia in nos beneficia  
 154.b 268.c 281.a 288.c 299.c  
 301.a  
 Dei in infimæ sortis homines be-  
 neficia 280.d 284.b 338.d  
 386.a 388.a.b.c.d  
 Dei beneuolentiæ erga electos si-  
 gna 319.a  
 Dei dona etiā in Ethnicis agnō-  
 scenda 43.b  
 Dei absq; Christo nulla cognitio  
 376.a (299.a  
 Dei erga inuocantes clementia  
 Dei clementia etiam erga rebel-  
 les quā magna 400.a.b  
 Dei longanimitas 209.a 326.d  
 384.d 385.a  
 Dei misericordia quā multi-  
 plex 30.a 281.b 294.c 295.a  
 Dei misericordia q̄ abundans  
 384.a.b.c.d 385.a  
 Dei erga suos uigilantia 333.a  
 Dei iustitia quæ 115.c  
 Dei maiestas ac splendor 291.d  
 Dei sapientia in creaturis admi-  
 randa 388.a.b.c  
 Dei cōsiliū immutabile 269.b  
 392.c  
 Dei cōsilia inscrutabilia 362.a  
 Dei consilia immensa, & quæ om-  
 nem numerum & cogitationē  
 excedant 197.d  
 Dei uerbum pro signo & uexillo  
 esse 264.b.c  
 Dei uerbum uerum animæ edu-  
 lium 81.d  
 Dei uox fortissima contra Hieri-  
 continos 110.a  
 Dei uerbū rerum cōditarū exor-  
 dium atq; origo 155.a  
 Dei uox etsi supera & infera om-  
 nia perterrefaciat, suos tamen  
 occultissimum in modū recreat  
 Dei populus qualis 8.b (110.b  
 Dei seruus quis 172.b  
 Dei filiorum felicitas descripta  
 Dei uolūtas quomo- (184.a.b  
 do exploranda 426.a  
 Dei furor & ira quæ 16.a  
 Dei ira quā terribilis 318.c  
 Dei irati signa 327.d  
 Dei, aut Dei nominis inuocatio  
 41.b  
 Deū in sole habitare quid 64.d  
 Deū magnificare quid 171.b.c  
 à Deo eiusq; uerbo discedere q̄  
 periculosum 310.d  
 Deo uel tantillum absente reci-  
 dunt omnia in peius 49.a  
 de Deo non superbē uel temerē  
 loquendum 316.c  
 Deo soli omnis debetur gloria  
 291.c.d  
 Deo gloriā offerre quid 107.c  
 Dij alieni qui 337.b  
 Dij qui in scriptura appellantur  
 107.a 236.b 338.b  
 Dij appellantur principes ac ma-  
 gistratus 338.d  
 Dij gentium non adorandi neq;  
 colendi 370.a 372.d  
 Deorum simulachra detestantur  
 372.c (337.c  
 Deorum terrenorum explicatio  
 Dexterā Dei pro uirtute & potē-  
 tia eius 49.c pro uita eterna  
 47.d pro misericordia 18.d  
 Dexterā patris Christus 60.b  
 Dexterā Dei quid 230.d 422.a  
 ad Dextrā patris sedere 408.d  
 Dialogorum ratio 360.a  
 Diabolus mendaciorum pater  
 277.c  
 Dialectica tractandarū scriptu-  
 rarū spiritualis, quieta & pacifi-  
 ca est, non illa contentionū ple-  
 nissima 32.b  
 Dies cœli quid 354.d  
 Dies pro fortunatis uitæ succes-  
 sibus in sacra scriptura frequen-  
 ter sumi 208.c  
 Dilectionis fraternæ cōmenda-  
 tio 313.a 326.c  
 Dilectiōis fructus 297.d 298.a  
 Diluuij aque quid portenderint  
 Diplois uestis 408.b (110.c  
 Discipulorum Christi symbola  
 313.a (418.c  
 Discordiæ detestatio 289.a 347.a  
 Discordia in Ecclesia Christi q̄  
 perniciofa 342.a  
 Discordiarū fabricatores pluri-  
 mi, pacis uerò perpauca 128.a  
 Dispensationis diuinæ ordo mi-  
 rabilis descriptus 106.a  
 Disputationes de gratia & arbi-  
 trio impudentes notatæ 155.d  
 Dissidiū inter Ecclesiæ proceres  
 subditosq; eleganter depictum  
 Dissipator quis 48.d (201.c  
 Diuina nō nisi in uasa tāti numi  
 nis capacia infundi debēt 232.c  
 Diuina in improbos seueritas  
 Diuinæ potentiæ signa (273.b  
 371.d 372.a  
 Diuini in nos furoris signa 351.  
 Diuitiæ quæ cōscientia (a.b.c.d  
 parandæ 269.a  
 Diuitiarum natura 413.a  
 Diuitiarum ratio quæ esse debeat  
 179.c  
 Diuitiarū usus legitimus 413.d  
 Diuitiarum fragilitas 247.c  
 Diuitū in hoc mundo conditio  
 180.d 307.c  
 Diuitum descriptio 159.c  
 Diuitū impiorū exitus 235.d  
 Doctores falsi quæ ratione homi-  
 nibus imponant 432.c.d  
 Doctōrū legis diuinæ arrogan-  
 tia & peruersitas notata 240.a  
 Doegi crudelitas 245.a 299.b  
 Doegi delatoris assentatorisq; in-  
 teritus 246.a



# INDEX.

- Dolus leuiter, etiam cum non suspicamur, in spiritum clam repit 124.d
- Dolum in spiritu uersari quid 124.a
- Doloris descriptio 52.c.d
- Doloris notæ 350.c
- Dñs exercituū descriptus 10.a
- Domini tribus 131.b
- Domino canendum esse 27.a
- Domus iniquitatum 314.d
- Donec, indeterminatū tēpus apud Hebræos significat 409.a
- Dormire cur Deus interdum ui deatur 318.d 382.a
- Dorsum incuruare quid 296.a
- Draco in ueteri testamēto quā uariè accipitur 313.d
- E**
- Eboris castitas 219.c
- Ecclesia magna, gentium multitudine significatur 169.a
- Dei Ecclesia quorsum erecta in terris 230.b
- Ecclesia Christi 415.b
- Ecclesiæ definitio 70.c 80.a
- Ecclesia bonis ac malis hominibus mixta 284.c
- Ecclesia cor unum & anima una in domino 276.d
- Ecclesia una tantum quæ sponsa Christi 283.b
- Ecclesia Dei hæreditas 285.c
- Ecclesia malignantiū 290.a 317.d
- Ecclesia suum splendore à Christo accipit 303.d
- Ecclesia quibus artibus dissipetur ab impijs 312.c.d
- Ecclesia Christi quā miserè lacerata hodie 330.d 331.a.b
- Ecclesia quantopere à Deo diligitur 311.c 348.c.d
- Ecclesia cur lunæ assimilet 355.b
- Ecclesia Christi quā ampla 364.c
- Ecclesia Christi quibus subnixa præditijs 370.d
- Ecclesia quā improbis hominibus infecta 379.d
- Ecclesia næuis quidem aspergit, sed non deletur 379.d
- Ecclesia Christi à gentibus instauranda 382.a
- Ecclesia Christi ex quatuor mundi partib. collecta 400.d 401.a
- Ecclesia ancilla iustitiæ 420.a
- Ecclesia arca sanctificationis 442.c
- Ecclesia sanctorū & malignantium 473.a.b
- Ecclesia suo sponso semper lætatur 473.b
- Ecclesiæ nostræ status notat 69.c
- Ecclesiæ fundamenta, uates & patriarchæ 114.d 115.a
- Ecclesiæ puritatem ac sanctimoniam è turpissimis sordib. exuscitatā esse, miraculū ingēs 221.b
- Ecclesiæ exultantis gestus eleganter descripti 225.d 226.a
- Ecclesiæ dominatio & potestas immensa 226.b
- Ecclesiæ pulchritudo depicta 228.d
- Ecclesiæ fundamentum 237.d
- 348.c 370.d quā firmum 316.c
- Ecclesiæ puritas 273.d 292.d
- felicitas 276.c ubertas 276.a.b (c.d)
- Ecclesiæ Christi uera bona 274.
- Ecclesiæ Christi iurisdictio 275.c
- Ecclesiæ alæ 286.c
- Ecclesiæ antistitū munus 286.b
- Ecclesiæ quicandor & ornatus 286.c
- Ecclesiæ candor ex Christi uulneribus 287.a
- Ecclesiæ spiritualis pōpa 289.c
- Ecclesiæ cōsolationes 311.c 316.b
- Ecclesiæ ueræ progressus 316.b
- Ecclesiæ nomen cur etiam mali & impij recipiant 317.d
- Ecclesiæ limites 334.c
- Ecclesiæ typus 290.d 297.c
- 317.d 334.b 336.d 370.b
- Ecclesiæ sinus 342.b
- Ecclesiæ dignitas 348.d
- Ecclesiæ Christi descriptio 353.b
- 364.b.c
- Ecclesiæ reformatio quā necessaria 382.b.c
- Ecclesiæ principes 290.b
- Ecclesiæ ministri, Dei uirtus, per uerbum 290.c
- Ecclesia fideiū cōmunio 292.a
- Ecclesiæ muri sanctorū animæ 297.d
- Ecclesiæ persecutio 298.d
- 339.d 444.a Vide afflictio & crux
- Ecclesiæ fabrica quā artificiose à Paulo descripta 420.b.c
- Ecclesiæ caput Christus 442.b
- Ecclesiæ cum Christo affinitas 443.a
- Ecclesiæ lucerna 444.a
- Ecclesiæ cōcordia ad quid proficit 383.c 420.c 444.c 445.b
- Ecclesiæ species 444.a
- Ecclesiarum bona hodie minutissimi quique magistratus pro libidine & impunè depopulantur 131.d 133.c
- Ecclesiæ pastores sine spiritu sancto frustra laborabunt 291.d
- Eclipsis seu defectus dictionum admodum familiaris scripturæ 106.c
- Effundere in sacris quid 268.c
- Elati animi certa indicia 379.b
- Vide superbiam
- Electio 274.c 357.a
- Electio non ex merito pendet 354.a
- Electio nis ratio 329.c
- Electi moriuntur ut semper uiuant 37.d
- Electi & sancti qui sint 158.d
- Electi uiua Dei templa 372.b
- Electoriū multitudo semen Dei appellatur 63.a
- Electorum præmia 274.c.d
- Electorum Dei conditio 347.a 468.a
- Electoriū corpus quidem sed fides nequaquā læditur 360.a
- Electorum cum Deo testamentum 352.b
- Electorum dolor in hoc mundo 439.c
- Eleemosynæ cōmendatio 413.d
- Elementoriū concussiones quare à Deo factæ 53.d
- Elisæi uisio qd præ se tulerit 158.c
- Eloquia Dei quanto studio prosequenda 426.c
- Emanuelis nomen explicatum 224.d
- Ephraim superbia 323.d
- De Ephraim tribu cur carnē suscipere Christus noluerit 329.c
- Ephraim tribus in Deū tumida regnum affectauit 330.a
- Ephrata quid 441.d
- Episcopi sedes qualis esse debeat 229.b
- Episcoporum munus 286.b
- Episcoporiū ac pastoriū Ecclesiæ officiū 287.a 289.d 290.a 463.c
- Equorum in sacris significatio
- Erubescentiæ cōmoda (318.c enumerata 90.c.d)
- Esdra exemplum 244.b
- Ethan musicoriū princeps 351.d
- Euangeliiū prædicare omni creaturæ, quid sit 222.b
- Euangeliiū rerum omniū bonarum finis & terminus 224.c
- Euangeliiū quib. reuelandū 352.c
- Euangeliiū purè ac absq. somnijs prædicandum 290.a
- Euangeliiū in omnē terrarum orbem latè spargendum 297.c
- Euangelium qua fide ac diligentia populo prædicandū 423.b
- Euāgelij uerba qualia puris aut impuris appareant 232.c
- Euangelij iugū leuissimū 239.b



# INDEX.

- Euāgelij uis & excellentia 238.b  
 Euāgelij imago per Dauidem  
 expressa 255.d  
 Euāgelij salutaris splendor 359.a  
 Euāgelij suauitas 285.d  
 Euāgelij perpetuitas 411.d  
 412.a 432.d 433.a.b  
 Euax dictio exultantis 298.c  
 Euge uox exultantis Ibid.  
 Eucharistiæ fructus 411.b  
 Exasperare in sacris quid 284.c  
 Exequiarū ratio descripta 140.b  
 Exercitia spiritualia non parum  
 prudentiæ exigunt 111.c  
 Ezechiae uictoria memorabilis  
 317.c
- F**
- Facies pro fauore 392.a  
 Faciē peccatorū sumere qd 339.a  
 Faciem auertere in sacris quid  
 442.d  
 Fames uerbi Dei 263.b  
 Fames Dei flagellum 393.b  
 403.c.d  
 Familia quomodo gubernanda  
 378.c  
 Familiæ integrę nostra ætate, pa-  
 rentum impietate funditus ex-  
 tinctæ 73.c  
 Familiaritas cum pijs tantū ho-  
 minibus habenda 430.c  
 Vide conuersatio  
 Fastus & superbiæ descriptio  
 32.b Vide superbiam  
 Fautor diuinus qua ratione con-  
 ciliandus 280.d  
 Fauus uetus testamentū adum-  
 mbrat 66.b  
 Felicitas hæc inferna, miseria est  
 40.b  
 Felicitas uera cum falsa ista com-  
 paratur 51.c  
 Felicitas uera quæ 155.b.c  
 Felicitas impiorum 306.d  
 308.a.c  
 Felicitas uera in quibus cōsistat  
 246.b 342.b 343.c.d 344.c  
 Felicitatis totius summa 155.b  
 Felix uerē quis dici possit 233.a  
 Felicem fuisse summa est infelici-  
 tas 77.a  
 Felices quosdā ideo uideri, quia  
 impij & scelerati 136.b  
 Fertilitatis causæ 403.d 404.a  
 Fideles qui 44.b  
 Fidelium animis quæ desideria  
 inesse oporteat 143.a  
 Fides rei christiane summa 69.c  
 Fides animæ gloria appellatur  
 221.c  
 Fides Ecclesię turri munitissima  
 rum urbium cōparata 231.b  
 Fides etiam politica sanctissime  
 colenda 379.c  
 Fides animę cibus saluberrimus  
 402.c  
 Fides Dauidis quā constans  
 419.a  
 Fides porta ad iustitiā assequen-  
 dam 422.b  
 Fides uera nunquam est ociosa  
 429.a  
 Fidei perfectissima definitio  
 420.c  
 Fidei ueræ argumentum & indi-  
 cium quod 156.c 325.b  
 Fidei stabilitas ac constantia  
 246.b.d  
 Fidei lex quæ 256.b  
 Fidei probatio quā necessaria  
 278.d  
 Fidei lumen unde 281.a  
 ad Fidei confessionem quæ re-  
 quirantur 281.c  
 Fidei præconium 285.d  
 Fidei imbecillitatis causa 293.b  
 Fidei & dilectiōis unitas 297.d  
 Fidei obediētia descripta 238.a  
 Fidei gradus duo 239.a  
 Fidei summa in quibus consistat  
 269.b  
 Fidei naufragium ex episcopo-  
 rum negligentia 315.c  
 Fidei rudimenta in qua Iudææ  
 parte orta 353.a  
 Fidei uis 374.b 384.d 394.b  
 uirtutes 380.b 428.d  
 Fidei confessio ad quid profit  
 391.c  
 Fidei necessitas 392.b.c.d 396.a  
 Fidei labefactatis imago 397.b  
 Fidei modicæ exemplum memo-  
 rabile 399.a  
 Fidei neglectus omnium malo-  
 rum causa 402.b  
 Fidei signa q̄ necessaria 429.a  
 430.a  
 Fidei in aduersis constantia q̄ ne-  
 cessaria 455.c  
 Fidei præcipuum argumentum  
 quod 53.d  
 Fide erga Deum ipsa quoq; rerū  
 natura immutari potest 48.d  
 Fide gratis iustificamur 268.a  
 401.b.c  
 Fiduciæ definitio 97.b  
 Fiduciæ in Deum uis 201.d  
 Figurarum & troporum cogni-  
 tio necessaria est ad psalmos  
 36.c  
 Filij Dei qui dicantur 298.a  
 Filij pauperum qui 303.c  
 Filij pro parentum delictis cur-  
 puniantur interdū a Deo 331.  
 d 460.d  
 Filij Adam 357.b
- Filij a parentibus oblati in sacri-  
 ficijs Moloch 399.c  
 Filiorū defectio explicata 62.a  
 Filiorū in parentes pietas in quī-  
 bus consistat 323.c  
 Finis in psalmis quomodo intel-  
 ligatur 8.c  
 Firmare pro exaltare 394.a  
 Flagellarum nomine scriptura  
 quid uelit 307.d  
 Flumina lōgo sub terra ferri in-  
 teruallo, & tandē emergere 88.a  
 Fluminum usus 388.a.b  
 Fœdus Dei antiquum cum ho-  
 mine 57.d  
 Fœderis summa inter Deum &  
 hominem 94.d 352.a  
 Folengius qua fide ac diligentia  
 hæc sua commentaria scripserit  
 270.d 319.a 358.c  
 Folengius quot annos egerit in  
 cœnobio 470.d  
 Folengius deplorat uitæ suę con-  
 ditiones 380.a  
 Folengius quando hæc sua com-  
 mentaria absoluerit 417.a  
 quid potissimum in ijs quærat  
 292.a  
 Folengij parētes 363.c patria  
 398.c 433.d fratres 471.a  
 Folengij in Surrentinis agellis la-  
 titantis oratio ardens 147.c.d  
 Folengij deambulationes amœ-  
 nissimæ 935.c  
 Folengij ætas 380.a 470.d  
 Folium in scripturis quid signi-  
 ficer 2.b  
 Fontium usus 388.a.b  
 Fornicatio in rebus spirituali-  
 bus 399.d  
 Fortitudo summa & doloris im-  
 mēsitās in pectore Christi con-  
 iuncta 75.c  
 Fortunæ insolentia 404.c  
 Fortunæ mutatio 310.a 309.d  
 unde procedat 321.b  
 Fortunatorum & diuitum uita  
 ampullosa 177.b  
 Fraternalis amoris memorabile  
 exemplum 398.a  
 Fructus boni arboris qui 2.a  
 Fructus spiritus quid uocet Pau-  
 lus 274.c  
 Frugum copia unde 403.d  
 404.a  
 Fulgura diuina quæ 55.c  
 Fulminis natura 387.b.c  
 Fulminis miraculum in Casino  
 monte spectatum 54.c  
 Fumigationes in sacrificijs un-  
 de 456.a  
 Fumi natura egregiē depicta  
 180.b
- Fune-



# INDEX.

Funeraliū sumptus notati. 162.c  
Funibus olim hereditates metie  
bantur 46.a  
Fures in ecclesia Christi quid ten  
tent 275.b  
Furoris diuersa significatio. 17.d

## G

Gabelitarum origo 340.c  
Galaad ubi 265.a  
Gaudium uerum in quibus con  
sistat 377.b.c  
Gaudiū solidi sedes in corde. 46.d  
Gaudiū cœlestis & solidi descri  
ptio 137.c  
Gedeonis stupendū miraculum.  
303.d  
Genitriciū immundities 242.a  
Gentium ritus impiissimi descri  
pri 45.b  
Gentiū ecclesia quare ampla di  
catur 81.a.b  
Gentes quæ dicantur 3.c  
Gentes impuræ & exleges è mun  
do & terra uiuentiū eiciēdg. 32.c  
Gentes in sacris quid 332.a  
Gentium ad Euangelii uocatio.  
275.c 291.a 297.b 304.c 305.a  
328.b.c 334.b 346.c 348.d  
349.a 370.b 371.b 372.a.b  
409.b 415.b 420.b  
Gerrones fuitiles à iustorū cōgre  
gatione longè expellendi 42.d  
Gestus corporis animi indicium  
459.d  
Gigas pro uiro forti & strenuo.  
154.d  
Gloria pro diuinorum beneficio  
rum memoria 114.c  
Gloriatio sanctorum in quibus  
rebus consistat 473.c  
Glorificatio nominis Dei in qui  
bus consistat 306.b  
Gloria solida 15.c  
Gradus in ecclesia 445.a  
Gradus perfectionum 297.d  
Græcorū hæretici in concilijs ui  
cti 8.b  
Græcorum persecutio 332.b  
Gratiæ diuinæ natura quàm ex  
cellens 105.a  
Gratiæ euāgelicę dignitas 354.d  
Gratitudo erga Dei beneficia.  
299.c  
Gratitudo erga Deum 374.c  
Gregorij Nouariensis mors. 366.c

## H

Hæreditas æterna 5.a  
Hæreditas Dei ecclesia 285.c  
Hæreditatis diuinæ status 266.  
c.d 411.c  
Hæreditates olim funibus metie  
bantur 46.a  
Haraboth qd apud Hebr. 283.d

Harmoniz in sacris usus 474.d  
Vide Musicam.  
Hebræorum magna impietas.  
326.a.b.c.d. & 327  
Hebræorum in Aegypto clamor  
336.d  
Hæreticus in ecclesia magis tole  
randus quàm hypocrita. 426.a  
Hæreticorū persuasiones quàm  
perniciosæ 432.c  
Heman Leuitarū sapientissimus  
349.d Musicorū princeps. Ibid.  
Hermon mons 353.a 445.a  
Herodes perturbatus gentiū ty  
pus 237.a  
Hierusalem cœlestis quæ 130.d  
Hierusalem urbis cur tam crebra  
mentio 135.c.d  
Hierusalem quare regis magni ci  
uitas appellata sit 228.d  
Hierosolyma perturbata Iudæo  
rum typus 237.a  
Hierusalē ecclesiæ typus 244.d  
Hierusalem deuastationis uatici  
nia 311.a  
Hierusalē deuastat 330.c 449.a  
Hierusalē manufacta, & cœlestis  
348.b  
Hodie, dictio bifariam explicata  
Holocaustum quid 279.c (4.d  
Homo an maior angelis 24.a  
Homo quanto minor beatis spi  
ritibus 24.a  
Homo qualis 28.c  
Homo quicquid sibi arrogauit,  
id totum diuino honori de  
tractum æstimer 89.a  
Homo in deligendo bono facile  
cæcutit 94.a  
Homo ipse humilis quomodo  
Deum exaltare dicatur 112.b  
Homo q̄ miserū sit animal 16.b  
Homo interior quis 210.d  
Hominis uia quæ dicatur 1.b  
Hominis cōditio descripta. 74.b  
Hominis primi casus miserr  
mus quotidie descendus 145.d  
Hominis feritas descripta 234.  
a.b.c  
Hominis animæ præstātia. 263.d  
Hominis ortus duplex 243.d  
244.a  
Hominis Christiani in hoc mun  
do officium 417.c  
Hominis nobilitas Ibid.  
Hominis miseria 236.a 385.c.d  
& fragilitas 292.b 465.d  
466.a  
Homini uita cur data 17.b  
Homini nil maius q̄ ipse Deus.  
51.b  
Homines dñj appellantur media  
tore diuino spiritu 24.c

Homines ad perscrutāda Dei iu  
dicia prorsus hebetes 29.a  
Homines eò longiore interuallo  
à Deo distāt, quò uiciniore spa  
cio uitij insistant 89.b  
Hominum perfectissimorū mos  
93.a.b  
Hominum labes ac morbi uarij  
descripti 98.b  
Hominum genus infelicissimū.  
139.c  
Hominum inconstantia & falla  
cia descripta 159.b  
Hominum persuasiones uento  
sæ descriptæ 195.a  
Hominū genus omne quomodo  
populus Dei uocatū 237.d  
Hominum uanitates 268.c  
Hominum mutabilitas 421.a  
Honores studio & anxietate que  
siti, nō honores, sed meræ curæ  
& profana negocia appellari de  
bent 101.b  
Honores ambiendi mos corru  
ptissimus 378.a  
Honoribus cur cumulent impij.  
268.a  
Hora nulla, nullus locus à demo  
num laqueis tutus 116.c  
Hostiæ omnes sanguinariæ um  
bra fuere sanguinis in cruce ob  
lati 45.b  
Hostiarum ratio 404.d 405.a  
Hostes Euangelij cur pijs felicio  
res in hoc mundo. 306.d 307.a  
Hostes Christi qui 408.d  
in Hostes suos cur sancti interdū  
tam grauiter inuehantur 431.d  
Hostium Christi audacia 312.d  
Humanæ naturę conditio. 301.d  
Humanarū traditionum uilitas.  
337.d  
Humilium preces exaudit Deus.  
382.d  
Humilitas sola legis diuinæ sen  
sum assequitur 65.c  
Humilitatis descriptio 95.d  
Hyadum sydus 372.a  
Hypocrita cur peccator in psal  
mis dictus 239.c  
Hypocrita hæretico multò dete  
rior 426.a  
Hypocritarum descriptio. 205.d  
206.a 239.c.d 268.b 401.b  
426.c  
Hypocritarū turba copiosa 292.d  
Hypocritarum superbia 426.c  
Hypocritas detestat Deus 326.c  
343.b  
Hyssopi herbæ descriptio 242.b

## I

Iacob cur Israël nomen ade  
ptus 392.b



- in Iacob tribus omnes originem  
duxerunt 321.d  
Idololatria finis impietatis 328.d  
Idololatria Hebræorum 337.b  
Idololatria uera 337.c 416.c  
Idololatriæ peccatum quàm la-  
tè sese extendat 372.c  
Idololatriæ detestatio 370.a  
372.c 397.d  
Idolæ cultus unde ad nos trās-  
latus 416.b  
Idumæorum origo 340.c  
Iecur quid in sacris 308.a  
Ieduthun instrumentum musicū  
320.a  
Ieiunia precationibus semper cō-  
iuncta 407.d  
Iesus cur dictus Christus 306.b  
Ignis carbones pro fulgetris ac  
fulminibus 55.a  
Ignis occultus de cælo lapsus ho-  
locausta quondam absumebat.  
68.d  
Ignis cælestis descriptio 237.a  
Ignis p persecutione. 278.d. 279.b  
Ignis spiritus sancti typus 291.c  
324.b  
Iha dictio quid Hebræis 288.b  
Imagines deorū rudiorū sunt do-  
cumenta 416.b  
Imber quid in sacris significet.  
285.b  
Imperantibus quæ scitu necessa-  
ria 330.b  
Impatoris officiū. 379.c. 411.c.d  
Imperfectiones nostræ quæ 39.c  
Impietas nulla tam execrabilis,  
quin per Christum possit ablui  
343.a  
Impietatis radix præcipua, ad cō-  
sideranda Dei opera non appli-  
care animum 105.c.d  
Impietatis simulachrum 30.c  
Impietatis gradus qui 239.c  
Impietatis captiuitas 407.b  
Impij hominis descriptio 1.a.b  
401.a  
Impij si dilata à Deo pœna, exal-  
tentur sicut Cedri Libani, feren-  
di sunt æquo animo 108.c  
Impij frequenter in scripturis ma-  
ri æstuantem comparati 223.a  
Impij sæpenumero cadunt in la-  
queū, quē posuerūt pijs 267.d  
Impij in hac etiam uita puniun-  
tur à Deo 271.b  
Impij quibus artibus pios tradu-  
cant, & inuisos reddant alijs.  
271.b  
Impij uitæ exitum non conside-  
rant 307.c  
Impij quæcūq; expetunt, asse-  
quuntur, sed nō sine magno ma-  
lo. 325.d 326.a  
Impij puniti à Deo deteriores  
fiunt 326.b  
Impij nō temerè damnādi 326.c  
Impij admoniti ac castigati inter-  
dum resipiscunt 341.b  
Impiorum animæ & mores de-  
scripti 13.b 252.d 253.a  
Impiorū potētia & successus. 30.b  
Impiorū infidiæ depictæ 31.a.b.c  
Impiorum successibus inuidere,  
est tales successus etiam suos es-  
se uelle 176.d  
Impiorum studia frequenter pa-  
leis comparata 2.c  
Impiorum conatus 248.a  
Impiorū pœna grauissimā. 209.b  
271.a 283.c 289.a.b 296.a.b.d  
305.c 328.c 362.c 367.c  
Impiorum contra Christū confi-  
lia. 272.c 273.a 340.a  
Impiorum conatibus nō resistit  
Deus, sed ad rēpstantū 273.a  
Impiorum calumniæ 293.c  
Impiorū natura ac ingenium. 296.b  
326.b 416.a 454.c.d  
Impiorū in hoc mundo felicitas  
235.b.c.d 259.b 306.d 307.a.c  
308.c.d 309.d  
Impiorū interitus crudelis. 209.b  
309.d 340.c.d 341.a  
Impiorū in ecclesiam Christi cru-  
delitas 267.d 312.d 347.b  
Impiorum consilia cœlitus dissi-  
pantur 318.b  
Impiorum concordia ad suppri-  
mendos pios q̄ firma 340.b  
Impiorum ira toleranda ad tem-  
pus 362.d 363.a  
Impiorum felicitate pij etiam of-  
fenduntur 365.a  
Impiorū de Deo iudiciū 365.c  
Imprudencia est, si nos constan-  
tiores & solidiores in fide futu-  
ros speremus quàm ipsi uiri per-  
fectissimi fuerint, David & Pe-  
trus 113.b  
Inanimatæ res cur Deum lauda-  
re dicantur 374.c  
Inclyti qui 9.b  
Incredulitatis malum quàm am-  
plum 325.a.b  
Induere in sacris quid 364.a  
Infantium & lactentiū argumen-  
tum mirabile 22.d 23.a  
Infelix qui 40.b 41.b  
Inferni significatio in sacris 17.b  
347.b 350.a 366.c  
Inferi qui 17.b  
Inferorum cruciatus 417.c  
Infidelitatis summæ indicium qd.  
57.c  
Infidelitatis contra Deum notæ.  
380.d  
Infirmitatis propriæ considera-  
tio quid efficiat 91.c  
Ingenia præclara quomodo ho-  
die perdantur 87.d 184.c  
Ingratitudo mundi erga immen-  
sa Dei beneficia 169.a.b 297.a  
307.d 324.a 337.b 352.d 369.a  
374.c 384.d 392.b 405.d  
Ingratitudo mundi erga Euan-  
gelium 291.b  
Ingratitudo Iudæorū quàm ma-  
gna. 326.a  
Ingratitudo fons omnium pecca-  
torum 360.d  
Ingratitudo patrum erga Deum  
395.d  
Ingratitudinis uitium explicatū  
166.c  
Ingratitudinis detestatio 418.a  
Inimici mentiuntur quò poten-  
tiam aduersantium imminuāt.  
277.c  
Inimici quatenus odio habendi.  
435.a  
Iniquitas summa quæ 245.d  
Iniquitatis filij qui dicantur.  
354.a  
Iniquitatis nomine omnia simul  
peccata complectuntur 402.b  
Innocentis definitio 88.a  
Innocentia semper in terris malè  
habita 190.b 248.d 272.c  
Innocētia cordis dei sedes. 330.b  
Inopia pro afflictione 350.c  
Insignia omnia quibus in dei ec-  
clesia inter cæteros conspicui su-  
mus, seruitutē magis, quàm im-  
perium aut dominium porten-  
dunt 107.b  
Insulatio uictis plerūq; acer-  
bior quàm ipsa mors 38.a  
Intellectus uis una, non plures.  
28.b  
Intercessionis Christi umbra.  
398.a  
Interitus & exitus pro negocijs  
actionibusq; uitæ humanæ.  
129.c.d  
Inueterascere quid 18.a  
Inuidiæ detestatio 367.b  
Inuidiæ natura 414.a 458.b  
Inuocare pro adorare 331.c  
Ioannes Baptista quo pacto lu-  
cerna ardens 237.a  
Ioannis Ludouici Gonzagæ fa-  
ctum præclarum enarratum.  
74.a  
Iob libri quis autor fuit 3.b  
Iob magis credendum quàm Pli-  
nio uel eius deo Aristoteli 109.d  
Iordanis reciprocatio miraculo-  
sa. 415.d



# I N D E X,

Ioseph quanta à Deo acceperit beneficia 333.a  
 Ioseph typus Christi 333.b  
 393.b.c  
 Ioseph in fratres pietas 393.b  
 Iosephi historia 393.b.c  
 Ira laudabilis quando in zelum exit 10.c  
 Ira & exandescentiæ motus in Deo quare dicatur 54.b  
 Ira diuinæ uehementia 318.c  
 344.a  
 Iræ diuinę placatę indicia. 344.a  
 Ismaëliarum crudelitas 304.d  
 Ismaëliarum origo 340.c  
 Israël Hebræis quid 392.b  
 Israël sanctitas 416.d  
 Israëlita, non omnes ueri Israëlita. 87.b  
 Israëlita quomodo per gyrū tabernaculi à Deo distincti 333.a  
 Israëlita magna impietas. 328.c  
 Iter ad cœlestem patriā quale sit. 173.b 240.d  
 Iudas Iscariota perfidiorū typus 405.c  
 Iudas Iscariota num uxorem habuerit 406.b  
 Iudæ scelus exagitatum 245.b.c  
 Iudæ Iscariotis auaritia 299.b  
 Desperatio 320.d. 334.a. 367.b  
 Iudæ filia in scripturis piorū animæ dicuntur 230.d  
 Iudæ sera pœnitentia 367.b  
 Iudæi cur Christum sint persecuti. 293.c  
 Iudæi quantopere à Deo dilecti 317.c.d  
 Iudæorum usuræ 43.c  
 Iudæorum mos antiquus circa nuptias. 64.c. Item in conuiuijs 86.b  
 Iudæorū populus olim omnibus nationibus terrori erat, nūc eo nil abiecius in toto orbe 72.a  
 Iudæorū ritus altare circumcundis hostiarum corona 98.d  
 Iudæorum sacrificandi mos antiquus 102.c  
 Iudæorū obstetricibus cuiusmodi domorū ædificia data. 140.c  
 Iudæorum mos legem suam conuolendi in oblongas membranas quid portendat 198.c  
 Iudæorum reliquiæ duræ 218.a  
 Iudæorum consuetudo in uictorijs 286.a  
 Iudæorum crudelitas 295.c  
 Iudæorum prisca religio 98.d  
 102.c 306.b  
 Iudæorū famosa captiuitas quid nos doceat 315.d  
 Iudæorum reiectio 328.b

334.b 370.b  
 Iudæorum festa & celebritates 336.a  
 Iudæorum erga Deum ingratitude 292.d 323.c 337.d  
 Iudæorum in seruandis promissis leuitas 338.b  
 Iudæorum in captiuitate Babylonica querelæ 355.c  
 Iudæorum prærogatiua ac dignitas 420.b 470.b.c  
 Iudex quomodo exoculei 43.d  
 Iudicis integritas quæ esse debeat 26.c  
 Iudicis iusti descriptio 267.a  
 353.b  
 Iudicis christiani partes ac uirtutes 282.a 418.c  
 Iudicis impij ac corrupti imago 339.a  
 Iudicis incorrupti descriptio 339.a  
 Iudices nostri æui taxati 25.d  
 Iudices nostræ ætatis ad Deum comparari 48.b  
 Iudices iusti dii in terris quodammodo censendi 183.d  
 Iudicum arrogantia & peruersitas notata 240.a  
 Iudicum iniquitas 248.d  
 Iudicum integritas & peruersitas quæ 258.b.c.d  
 Iudicium pro lege 392.b  
 Iudiciū & iustitia quid 302.d  
 Iudiciū Dei quā iustum ac integrum 282.b 317.a.c  
 Iudiciū iustum à quo expectandum 48.b  
 Iudicium diuinū contra impios 247.a.b 252.c.d  
 Iudicij humani peruersitas 318.c  
 Iudicij iniusti sententia Deo cognita 318.d  
 Iudicio excelso in rebus diuinis discernendis opus est 163.c  
 Iudicia hominū q̄ uana. 439.a.b  
 Iudicia diuinæ iustitiæ quæ 425.a  
 Iudicia diuina tacite præstolanda 178.c  
 Iudiciorum Dei inæqualitas accusatur 209.a  
 Iudiciorum prauitatis origo 258.c.d  
 Iugum grauiissimū quod 3.d  
 Iuramentū quatenus permissum 43.c  
 Iuramentum monachorū quatenus pium 271.c  
 Iuramenti usus 442.d  
 Iurandi apud Hebræos modus 62.b 271.d 355.a  
 Iurare Deo quid 271.c

Iustificationis ratio pulcherrimè declarata 125.a  
 Iustitia à malis causidicis uenundatur 339.a  
 Iustitia Dei pro ipso Deo 14.b  
 Iustitia nostra solus Christus. 400.d  
 Iustitia gratuita 345.b 353.c  
 Iustitia uera ex fide 345.a 353.c  
 Iustitia est qua Deo uiuitur per fidem 235.b  
 Iustitia quando muta 258.b.c  
 Iustitia uirtutum omnium perfectio. 149.a & cumulus 150.c  
 Iustitia iudicio cōiungēda. 366.b  
 Iustitiæ definitiones elegantissimæ 83.d 85.a  
 Iustitiæ & æquitatis conseruatio in quibus consistat 353.b  
 Iustitiæ diuinę iudicia quę. 425.a  
 Iustitiæ sacrificiū descriptū 11.a  
 Iustitiæ fructus 363.b  
 Iustitiæ statera 268.d  
 Iustitiæ officium 345.c  
 Iustitiæ plantatio 303.b  
 Iustitiæ porta 422.b  
 Iustitiam omnium uirtutū summam esse 83.d  
 Iustitiam à Deo datam, nostram esse dicimus ob fidei integritatem 48.a  
 Iustitiam unā cum innocentia lacram sæpe à tribunalibus discere. 99.d  
 Iustitiam quę scriptura uocet 136.b  
 Iustus quādo apud Deū propriā iustitiam iactare soleat 47.d  
 Iustus quare inops appelet. 41.c  
 Iustus & rectus quis 150.c  
 Iustus per Dei gratiam quomodo audacter diuino iudicio alioqui se uero ac terribili sese offerat 97.a  
 Iusto nullus locus siue in solitudine siue in multitudine tutus. 116.a  
 Iusti hominis proprietates 441.a  
 Iustorum uia quæ 2.d  
 Iustorum lætitia de uindicta malorum qualis 259.d 260.a  
 Iustorū gaudiū & triūphus. 283.c

**L**  
 Labia pro sermone in scripturis. 216.d  
 Laboris significatio quæ 250.b  
 Lachrymæ sanctæ qua uirtute præditæ sint 195.b.c  
 Lachrymarū & gemituū qui effectus 255.c  
 Lacus significatio in scriptura. 112.a  
 Lætitia uera in quibus consistat. 377.b.c



# INDEX.

- Lætitie oleum pro spiritu sancto 218.b  
 Laus uera quæ 61.d  
 Laus qua Deus delectat in quibus consistat 299.c  
 Laus & gloriatio felicissima quæ 214.c  
 Laudis sacrificium 239.b  
 Laudis sacrificia Deo gratissima 297.a.b  
 Laudis diuinæ cogitatio quos fructus adferat 270.b  
 Laudibus in ecclesia semper celebrandus Deus dator bonorum omnium 290.a 395.d 446.b  
 in Laudibus Dei celebrandis ordo 289.d Tempus 466.b  
 Laudandus Deus nō obiter, sed puro corde 273.d 463.a  
 Lex quid intelligatur 1.d  
 Lex uarijs nominibus appellata. 65.b  
 Lex naturæ 386.a  
 Lex Dei quid 378.d  
 Lex Dei qd reuera doceat 414.d  
 Lei Dei quàm preciosa 436.d  
 Lex uetus 384.c  
 Lex noua data per Christū. 373.c  
 Lex uitæ in Christo 401.d  
 Legis natura 427.d  
 Legis diuinæ cōmendatio. 424.a.b.c Cerritudo 269.b Terrores 285.c  
 Legis diuinæ usus 384.c  
 Legis priscæ omnia, umbra fuerunt eorū, quæ postea uiris sanctis acciderunt 45.c  
 Legis diuinæ meditatio q̄ necessaria 432.c.d 433.a 434.a.b  
 Legis diuinæ desertores qui iudicandi 438.d  
 Legis reiectio 409.d  
 Leges de promulgandis Dei beneficijs sanctitæ 323.b  
 Legum munitiones 353.b  
 Legum & mandatorū Dei obseruatio q̄ necessaria 386.a 436.d  
 ex Legū diuinarū exercitatione, quæ bona proueniant 425.a.b  
 Leonum natura 389.c  
 Leuiathan 313.d 390.c  
 Libanus mons 363.b  
 Liber uiuentium quid 296.c.d  
 Liberalitas in rebus spiritualibus Deo gratissima 428.a  
 Liberalitatis erga pauperes commendatio 413.d 414.a  
 Liberatio uera & sola, à uitiorū laqueis absolui 138.d  
 Liberationem à malis esse in aduersis patientiam 162.a  
 Liberos habere, an donum Dei præcipuum 142.b  
 Liberorū fecunditatis ratio explicata 144.b.c.d 145.a  
 Libertas sancta in quibus consistat 428.d  
 Libertas Christi à negocijs huius mundi 350.b  
 Liberum arbitrium. 390.d. 392.a  
 Liberum arbitriū homini quatenus datum 327.a  
 Libidinosorum nequitie ostensa. 240.a  
 Lignum pro arbore 2.a  
 Liliū testimoniū quid 263.c. 332.d  
 Lingua cur à Deo hominib. concessa 160.b  
 Lingua effrænis nullū non malū in orbem inuexit 192.b 245.d  
 Lingua quanto studio frænada. 456.b  
 Linguae peruersæ mala innumera. 256.d 257.a  
 Linguae dispartitæ cur discipulis prædicaturis apparuerint. 291.c  
 Linguarū cognitio quàm necessaria theologo 434.a  
 Literarum studia qualia esse debeant 42.c  
 Liuioris natura 414.a  
 Liuioris detestatio 334.a 367.b  
 Locus sanctus, pro Dei habitaculo 284.b  
 Locum nullum tam aptum esse ad decorandū Dei cultū, quàm cor 99.b  
 Locustarum ingens multitudo. 394.d  
 Locustarum natura 407.c  
 Longanimitatis Dei memorabile exemplum 326.d  
 Loquacitatis & mendaciorū detestatio 455.b Vide Lingua.  
 Lumbos nutare quid 296.a  
 Luminis appellatione quid significetur 11.c.d  
 Luminis diuini inuisibilis plenitudo, tenebræ & caligo 54.d  
 Lunæ motus, eiusq; ratio 389.b.c  
 Lunæ cursus quomodo ab Hebræis distinctus 389.b  
 Lux uera quæ 334.d 100.b  
 Luxuriæ pestis 325.d 326.a  
 Luxuriæ pœna 397.b.c  
 M  
 MAdianitæ Iudæis q̄ infensi. 340.d  
 MAdianitarū crudelitas 304.d  
 Magistratus q̄ necessarius. 279.a  
 Magistratus quomodo ambundus. 378.a  
 Magistratum electio quomodo instituenda 379.c  
 Magistratus officium 40.d  
 379.c 411.c.d 414.d 418.c  
 Magistratus boni cōmendatio. 461.d  
 Magistratum correctio 250.b  
 Magistratum dignitates 5.d  
 Magistratū in regendis subditis factus & oscitantia notat. 375.d  
 Magistratum contemptus perditionis signum 404.b  
 Maledicentiæ uirus quàm detestandum 272.b 379.b  
 Malus quis sit in mūdo, propter simulationes uix à perspicacissimis ingenijs deprehēdi potest. 28.a  
 Mali sic moriuntur ut semper mortui sint 38.a  
 Mali nō temerè damnandi. 326.c  
 Malorum omnium caput atq; origo unde 105.d  
 Malignantes ex sanguine non ex Deo nati 45.a  
 Manasses tribus 265.a  
 Mandata diuina in quibus consistant 412.c.d  
 Mane seu matutinū tempus frequens in scripturis 12.d 13.a 334.d 358.d 460.a  
 Manna quid 325.c 395.b  
 Mansueti qui dicantur 157.a  
 Mansuetudo pro uirium defectu 358.a  
 Māfuetudo deo gratissima. 318.d  
 Manus Domini in scripturis qd significet 440.d  
 Manuum significatio in scripturis. 98.c  
 Manuum ablutio ac puritas qd in sacris 308.d  
 Maria cur de tribu Iuda 329.c  
 Mariæ tempestatis descriptio. Maris utilitas 402.d (403.a  
 Maris pericula 390.b 403.a.b  
 Maris miraculosa aīalia 402.d  
 Maris rubri descriptio 133.d 400.d  
 Maris rubri miraculum 324.a  
 Maris rubri typus 277.d  
 Martyres celebrati 36.a  
 Mel, pro rerū abundantia 338.c  
 Mel nouū testamentū adumbrat Melchisedech rex & sacerdos 409.c  
 Melchisedech Christi typus. Ib.d  
 Memoria uis una, non diuersa. Mendaciū quid. 13.c 14.d (28.b  
 Mendaciū fons 277.c  
 Mendaciū detestatio. 326.c 455.b  
 Mendaciorum inter homines omnia plena 35.b  
 Mēs hominis uera domus. 140.c  
 Mens humana quando Deo dicitur 111.a  
 Mentis



# INDEX.

- Mentis conceptus à Deo forma-  
ri. 244.b
- Mentis benignæ & rursus fering  
indiciū 49.b
- Mentis bona quamobrem cæte-  
ris præstantiora 163.b
- Mentis Christianæ sublimitas &  
perfectio quæ esse debeat 62.b
- Mentis humanæ stupor 301.d
- Mentis tranquillitas & pax de-  
scripta 12.a
- Mensæ Christi in qua pij conui-  
uantur 419.d
- Mensæ significatio in scripturis  
86.a 295.d
- Mercenariorum in ecclesia Chri-  
sti descriptio 290.c
- Mercuriales statuæ 289.d
- Merita nostra, dona Dei esse.  
123.a
- Meritorum nostrorum uanitas.  
353.d 354.a
- Militis boni dotes 59.c.d
- Militis Christiani armatura.  
461.a
- Milites nostri temporis notant.  
52.c 60.a
- Ministros dei quid deceat. 379.c  
Vide pastores.
- Mirabilia quæ uociter scriptura.  
25.b 27.a
- Miracula in Aegypto edita. 324.  
a 325.a.b.c.d 352.d 394.b
- Miracula Dei uirtute facta quæ in-  
tegra 275.c
- Misericordia & ueritas inter Dei  
opera, maxima 92.c
- Misericordia Dei quàm diues ac  
ampla 270.a 468.b
- Misericordia diuina piorum lau-  
dibus semper extollenda 351.d
- Misericordiæ diuinæ finis. 270.a
- Misericordiā cur tā exactè à no-  
bis requirat Deus 407.a
- Mizraim pro Aegypto cur suma-  
tur 328.a
- Moab peruersitas 429.b
- Moabitæ gens sordida 265.b
- Moabitarum origo 340.c
- Moabitarum impietas & in Iu-  
dæos odium Ibid.d
- Moabitarum libido 398.d
- Mœnia & ualla fortissima quæ.  
132.a
- Mœroris descriptio 380.c.d
- Mollities animi quorundam no-  
tata 56.d
- Moloch gentilium deus 399.c
- Monachi defuncti qua frōde co-  
ronentur 363.a
- Monachos quid deceat 273.d
- Monachorū uita qualis. 249.c.d  
316.d
- Monachorū in cōgregatione &  
capitulo consuetudo 282.b
- Monachorū solitudines 284.c
- Monachorum in canendis psal-  
mis oscitantia 347.a
- Monachorū in diuersa monaste-  
ria migratiōes perniciose 407.d
- Monocerotis descriptio 362.d
- Mons domini 287.b.c
- Mons sanctus 7.b 42.b
- Mons sanctificationis 328.b
- Mons Sion 329.d
- Montis nomine quid in sacris in-  
telligendum. 275.a 278.c 303.b
- Montes, terra, flumina, &c. cur  
Deum laudare dicantur. 374.c
- Monumenta superba turpem im-  
mortalitatem ostendunt 140.c
- Mordacitas Christianis prohibi-  
ta. 456.b
- Mors pœna peccati 401.c
- Mors ab omnibus curis nos libe-  
rat. 350.b
- Mors piorū quæ salutaris 307.c
- Mortis umbra 85.c 215.a 350.b
- Mortis imperium quæ latum. 356.b  
383.b
- Mortis metus 457.a
- Mortem formidauit etiam Chri-  
stus lege naturæ 350.d
- Mortales omnes & turpiter & cre-  
bro in peccata labi 126.b
- Mortalium uariæ uiuendi ratio-  
nes descriptæ 93.d
- Mortui uocem filij Dei audient.  
83.a.b
- Mortuorū perfusiones meretri-  
ciæ magis quæ Christianæ 86.c
- Morum portenta enarrant 50.a
- Mos eligendi antistites detestan-  
dus 95.c
- Mos lugendi antiquus 114.c
- Mos in templis deplorandus ino-  
leuit 101.a
- Mosis oratio pro impijs 398.a
- Moses quantopere à deo doctus  
Ibid.
- Moses ueri pastoris typus 326.d
- Mosis fides 394.b
- Mosis fides non semper perfecta  
399.a
- Mosis incredulitas grauiter pu-  
nita Ibid.b
- Mosis in Aegypto miracula diui-  
na uirtute facta 324.b
- Mosis seueritas 397.d
- Mosis cum deo colloquiū 283.a
- Mosis comminatio in Deutero-  
nomio explicata 163.a.b
- Muliebris ambitiois exemplum.  
304.d
- Mulierum per Campaniam san-  
ctitas 433.d
- Mundus corde quis 88.a
- Mundus tantū quæ sua sunt am-  
plectitur 340.a
- Mundi creatio qualis 387.c
- Mundi amor homines à Deo a-  
uocat 291.c
- Mundi in rebus diuinis cæcitas.  
295.d 369.c 386.d
- Mundi curæ ac molestiæ 269.c
- Mundi tribunalia quomodo cor-  
rupta 190.b
- Mundi interitus 384.a
- Munerum uis improba 43.d
- Murus inexpugnabilis Dei po-  
tentia 15.d
- Muri significatio quàm latè pa-  
teat in scripturis 231.b
- Muri, piæ animæ typus 244.d
- Musicæ uis diuina in canendis  
hymnis & psalmis 150.b
- Musicæ in templis usus apud Iu-  
dæos 289.c.d 336.a 361.d  
374.c 473.b 474.d
- Musicis instrumentis psalmi de-  
cantati 302.b
- Musicæ fructus 429.c
- Musici comparatio 1.d
- Mutui ratio quæ 43.c.d
- Mysteria 398.c
- N
- Nabli instrumenti musici defi-  
nitio 150.c
- Nathan prophætæ grauitas in  
increpando Dauide 241.a
- Natio nulla tam remota quæ nō  
audierit uoces rerū cōditarum,  
suo more loquentiū & prædicā-  
tium conditoris uirtutes 64.a
- Naturarum diuersarum una per-  
sona in Christo 96.d
- Naufragiū in obsidione Cirtæ.  
390.b
- Nauigationis pericula 403.a.b
- Nauigationis utilitas 390.a
- Nautica ars admirabilis 403.b
- Nephtholim tribus unde nomē  
accipiat 290.b
- Nequitia quid 308.b
- Niceæ direptio 462.a
- Noë diluuium 387.d
- Nomen Dei quid 22.b 246.d  
247.c
- Nomine dñi uenire quid 423.b
- Nomina mēita, & ab infimo in-  
ferorū barathro euocata 43.c
- Nominū Iudæorū commutatio  
miserrima 45.b
- Norma ad intelligendas scriptu-  
ras uniuersalis proposita. 196.b
- Novi hominis exercitia 434.c
- Nox in scriptura quid 334.d
- Nox cōtemplationi ac precatio-  
ni aptissima 321.a 430.b 445.c



# I N D E X.

Noctis usus ac fructus 389.c  
 Noctis diuisio 357.b  
 Noctis apud Hebræos uigiliæ  
 quatuor 438.c  
 Noctis gloria 63.d  
 Nubium definitio 107.d 387.b  
 Numinis uis 400.d  
 Nycticorax auis 381.a

## O

Oblationes uoluntariæ 434.c  
 Obligationes pro improbis actio  
 nibus 136.d  
 Obrectationis detestatio 272.b  
 Obrectatorum nomen è libro ui-  
 tæ expunctum 246.c.d  
 Ocij detestatio 362.b  
 Odium piorum in impios quate-  
 nus probandum 391.b 453.b  
 Olei natura ac uirtutes 456.c  
 Onagri natura 388.b  
 Onocrotali auis descriptio 380.d  
 Opera fidei quæ necessaria 401.b  
 429.a  
 Opera nostra quamuis bona in  
 re spiritus intertexere, peccatū  
 turpissimum 97.c  
 Operum iustitia quàm friuola.  
 123.b  
 Operū nostrorū infirmitas. 396.a  
 Operū quantumuis bonorū con-  
 fuerudini plus tribuētes quàm  
 ueræ in Deū fiduciæ, miserè er-  
 rant 72.d  
 Operationū nostrarum audacia  
 equo effræni cōparata 70.a  
 Operationes nostræ ideo bonæ,  
 quia à gratia habent quod bo-  
 næ sunt 155.d  
 Oppressorū pro Euangelio exi-  
 tus describitur 305.d  
 Opus pro mercede 407.b  
 Orandi compendiosissima ratio  
 280.b 377.a  
 Oratio qualis esse debeat 247.d  
 380.b 458.a  
 Oratio ad Deum fiat mente pu-  
 ra 280.c  
 Oraciones quæ à domino exau-  
 dianur 274.a 418.b  
 Oratio spei stimulus est 120.c  
 Oratio spei auxilio denudata, im-  
 pia est 120.c  
 Oratio sine fide manca & inuti-  
 lis. 465.b  
 Oratio sanctorum quàm efficax.  
 376.b  
 Orationis siue precatationis uis.  
 161.c 280.b 405.d  
 Orationis quod initium esse de-  
 beat 90.b  
 Oratiōes nostræ cur hodie à deo  
 non exaudiantur 376.b.c  
 Orationibus cur ieiunia debeant

esse coniuncta 407.d  
 Orbis terrarum totus ad æternæ  
 uitæ immensitatem collatus, an-  
 gustissimus angulus est 81.b  
 Oreb Madianitarum factionis  
 dux 340.d  
 Organorū in templis usus. 289.c  
 348.b Vide Musicam.  
 Orphani significatio in scriptu-  
 ris 32.a 284.a  
 Ortus hominum turpitudine sum-  
 ma 242.a  
 Os hominibus cur à Deo datum  
 300.a  
 Oris formandi uim à Deo esse.  
 244.b  
 Osculandi pedes summi pontifi-  
 cis mos unde 304.d  
 Osianna quid 423.a  
 Ofsium significatio quæ in scri-  
 pturis 119.a 162.a  
 Otomanni crudelitas 462.a  
 Ouium cōparatio ualde elegans  
 84.a  
 Ouium cur tam crebra in scriptu-  
 ris mentio 322.b.c

## P

Palma cur uictoriæ signū. 363.a  
 Palmæ natura Ibid.  
 Panis doloris quid 141.d  
 Panis uitæ Christus 325.c  
 Panis necessitas 388.d  
 Parabola quid 323.a  
 Paradisi descriptio 284.d  
 Parentum in filios affectus. 356.c  
 400.a 406.d  
 Parentū munus ac officiū 463.c  
 Partitiones in rebus sacris defi-  
 niendis quatenus admittendæ.  
 297.d  
 Passer prudentiæ typus 381.a  
 Passeris ad hominem compara-  
 tio exquisita 135.a  
 Passerum duorū sacrificiū quale.  
 242.b  
 Pastoris ueri officium 275.b  
 290.d 330.a 356.c.d  
 Pastoris ueri effigies 326.d  
 Pastores ecclesiæ, reges spiritus.  
 287.a  
 Pastores falsi 290.c 342.d  
 423.b  
 Pastorū cura & industria descri-  
 pta 84.b.c  
 Pastorū bonorū uirtutes 290.c  
 Pastorū ecclesiæ negligētia quæ per-  
 niciosa 305.b 315.c 322.c  
 Pater cœlestis per Christū omnia  
 sapientissime condidit 60.b  
 Patris & filij consentiens uolun-  
 tas 287.b  
 Patrū peccata cur puniantur in  
 posteris 406.d

Patres antiqui cur præsentis uitæ.  
 adeo amātes fuerint 16.d 17.a  
 Patrum antiquorū in rebus diui-  
 nis cōtemplādis celsitudo. 69.b  
 Patientia piorum 272.b  
 Patientiæ exemplum 245.c  
 Paulus agnus ex lupo effectus.  
 26.c  
 Paulus è tribu Benjamin 290.b  
 Pauperis in scripturis significa-  
 tio 32.a  
 Pauperes qui 26.d 27.b  
 Pauperū desideria descripta. 32.d  
 Pauperū patientia nō inanis. 28.c  
 Pauperies homini bene instituto  
 honesta mater, mendicitas ue-  
 rò nouerca 90.d  
 Paupertas uera 183.a  
 Paupertas pro contemptu 314.c  
 Pax piorum in medio persecutio-  
 num 318.a  
 Pax spiritualis quàm necessaria  
 hominibus Ibid.  
 Pax conscientiarū 304.b 345.a  
 Pax piorum qualis 440.b  
 Pacis finis & terminus gloriosif-  
 simus 132.b  
 Pacis diuinæ ratio duplex 171.d  
 Pacis totius orbis summa quæ  
 esse debeat 177.a  
 Pacis definitio elegans 179.b  
 Pacis custodia principibus data  
 303.b  
 Pacis amator Christus 304.a  
 Pacis cōmendatio 444.b.c  
 445.b  
 Pacem nō nisi maxima ui animi  
 ab hominibus apprehendi pos-  
 se. 160.d  
 Peccatoris descriptio 1.b  
 Eius pœna 240.b.c  
 Peccatoris lætitia quæ esse debeat  
 242.c  
 Peccatorem se fateri nō satis est,  
 nisi peccata corrigat & emēdet  
 123.d  
 Peccatores quatenus exaudiant  
 à Deo 275.a  
 Peccatorum habitatio 343.a  
 Peccatorū etiam in hac uita pœ-  
 næ 360.d  
 Peccatorū in hoc mūdo felicitas  
 uertet in damnationem 362.c  
 Peccatum maximum 67.b  
 Peccati epitheta 44.d  
 Peccati pœna mors est 75.b  
 401.c 402.b  
 Peccatilabes 191.c  
 Peccati fordes ineuitabilis 242.a  
 Peccati captiuitas grauissima.  
 343.c  
 Peccato excluso nihil mali nomi-  
 ne uocari debet 156.d  
 Pecca-



# INDEX.

- Peccata quæ letalia 39.d  
 Peccata à Deo tegi dicuntur, cum  
 nos non tegimus 123.c.d  
 Peccata quantopere extimescen-  
 da. 263.d  
 Peccata aliorum tegenda potius  
 quam reuelanda 293.d  
 Peccatorum dominiū deprecandū  
 Peccatorum in homine 67.b  
 multitudo æstimata 199.c.d  
 Peccatorum gratuita est remissio.  
 384.d  
 Pectoris erga Deum exercitatio  
 quæ esse debeat 27.b  
 Pecorū carnificinam nihil ad sa-  
 crificia facere 242.b  
 Pedicularis morbus 394.c  
 Pelicani auis descriptio 380.d  
 Pellis pro carne Ibid.  
 Penuriæ causæ 403.c.d  
 Perfectio hominis quæ 242.d  
 Perfectionis summæ indicium, nos  
 nihil aliud nisi strumā ac luem  
 peccati esse confiteri 124.d  
 Perfectionis summa 177.b  
 Perfectorū uita qualis 299.d  
 Perfidorum mores 252.b  
 Perfidiæ pœna 406.b  
 Perfidiā omnes locos occupare.  
 Perfidioforū hominū de- (36.d  
 scriptio 268.a  
 Perfidioforum pœna cruentissi-  
 ma 271.b  
 Perfidioforū typus Iudas 405.c  
 Periculum magnū existimari de-  
 bet, in celebranda Dei erga ele-  
 ctos memoria non sedulo uer-  
 sari 112.c  
 Periculo nihil uicinius q̃ pericu-  
 lum non timere 91.a  
 Periurium inter oris uaria pecca-  
 ta maximum 88.c  
 Periurij genus quod periculosissi-  
 mum. 271.c.d  
 Persarum sapientes Christū ado-  
 rant 305.a  
 Persecutio pijs q̃ necessaria. 296.c  
 Persecutio piorum 339.d  
 Persecutionis atrocitas ad despe-  
 rationem ferē compellit pios in-  
 terdum 269.c  
 Persecutionis horror fidem ex-  
 tinguit 293.b  
 Persecutionis descriptio 407.d  
 Persecutiones piorum 292.d  
 Persecutionū tempus in scriptu-  
 ris æstui meridiano aut frigidis  
 lunæ radijs comparatum. 129.b  
 Persecutionū immanitas quādo  
 probis ac improbis exitiosa.  
 246.a.b  
 Persecutionum imago Christus  
 283.2 305.c  
 Persecutionum frequentia terret  
 etiam pios 318.a  
 Persecutionū acerbitas pijs etiā  
 mouet indignationem 350.a.b  
 Persecutionū horrenda monstra  
 descripta 48.b  
 Personarū in psalmis crebra mu-  
 ratio 359.c  
 Personarū cur tam crebra in pro-  
 phetis mutatio 375.b  
 Perturbationes unde nascantur.  
 280.b  
 Peruersitatis nostræ summa, ti-  
 moris diuini absentia 40.c  
 Persuasio falsa quæ 30.b  
 Pestis hominū & iumentorū me-  
 morabilis 327.d 328.a  
 Petræ significatio in scripturis.  
 266.b 324.b  
 Petræ contractæ miraculū. 324.b  
 Petri lapsus 334.a  
 Pharaonis desperatio 319.b  
 Interitus Ibid. & 289.a  
 Phariseorum uita 247.b  
 Philosophorum iustitia 3.a  
 Philosophorum scholæ notatæ.  
 87.d  
 Philosophorum hæreses 387.c  
 Phinees quā iusto zelo scorta-  
 torem occiderit 398.d 399.a  
 Phlegethontis, Aetnæ, aliorumq̃  
 ignium comparatio ad despera-  
 torum æstum 73.b  
 Physiognomi potissimū ex ocu-  
 lis iudicant, & maxime super-  
 bos 58.c  
 Pieratis uis 347.a  
 Piscium marinorū magnitudo.  
 390.b  
 Pij cum regnāt, populus uelit no-  
 lit ad Deum conuertitur 20.b  
 Pij eo minus se iustos arbitrātur,  
 quō magis iustitia à deo donan-  
 tur 125.a  
 Pij à malorū impetu tuti 318.a  
 359.b.c.d 360.a.b.c  
 Pij Dei iudicia reprehendere in-  
 terdum uidentur 314.d 315.a  
 Pij quatenus odio homines pro-  
 sequuntur 431.d 453.d  
 Piorum ad impios cōparatio ar-  
 guta 20.d  
 Piorum querelæ 35.a  
 Piorum imprecationes quare nō  
 paruipendendæ 146.c  
 Piorum execrationibus atq̃ di-  
 ris subijci periculosum 200.c  
 Piorum lapsus 209.a  
 Piorum exercitatio ad perfectio-  
 nem quæ 252.d  
 Piorum premia 274.c 289.c  
 384.b  
 Piorum consilia salutaria 283.c  
 Piorum irrisiones & opprobria.  
 294.a  
 Piorū pœnis licet acerbis nunq̃  
 satiantur impij 296.b  
 Piorum uita laudatissima 299.d  
 Piorū cū deo expositulatiōes 315.a  
 Piorū in afflictionibus cōsolatio  
 320.c 328.a 373.a 384.c 393.a  
 394.a 395.b 397.a 408.a 419.d  
 420.d 421.a 429.b 439.d 455.c  
 Piorum persecutiones tam diras  
 cur Deus permittat 320.c  
 Piorum ad ueram religionē am-  
 plectendam studium ardentissi-  
 mum 341.d  
 Piorum in hoc mundo dolores.  
 439.c  
 Pios cur cōtemni patiatur deus.  
 296.c  
 Pius torius orbis confusio & flu-  
 ctuatio in tranquillitatem cedit  
 Plagarū omniū miser- (179.a  
 ma, clamare ad Deum, & non  
 exaudiri 61.a  
 Plantæ infructifera in testō su-  
 perbiæ enatæ descriptio 146.d  
 Pluuia in sacris quid significet.  
 285.b  
 Pluuiæ fructus 304.a 388.c  
 Pœnitentia ad assequendam bea-  
 tudinem necessaria 56.a  
 Pœnitentia uera quæ. 188.c. 189.b  
 Pœnitentiæ forma 17.c  
 Pœnitentiæ luctus depicti. 124.b.c  
 Pœnitentiæ descriptio 242.c  
 Pœnitentiæ exēplū. 243.b.c. 244.a  
 Pœnitentiā agentes peccatores  
 non aspernatur Deus 401.b  
 Pollicitationes diuinæ 248.b  
 Pomorū custodiæ ratio 330.d  
 Ponere pro dare 277.b  
 Pontificis pedes cur exosculent.  
 Populi qui dicantur. 3.c (304.d  
 Portæ in sacris significatio. 27.d  
 242.d 348.c 377.d  
 Portæ mortis quæ 27.c  
 Portæ Sion Ibid.d  
 Portarum tabernaculi typus.  
 422.b.c  
 Portenta 392.b  
 Posteritatis relinquendæ ratio.  
 145.b.c  
 Potentum immanitas descripta.  
 38.c.d  
 Potentum consilia contra ueri-  
 tatem q̃ irrita 466.c  
 Potentia impiorum quā on-  
 rosa ecclesiæ 317.a  
 Potētis diuinæ signa. 283.b. 313.d  
 Potestas eorum peruersa, qui ex  
 aliorum subiectione atq̃ humi-  
 litate solummodo grandes ap-  
 parere contendunt 137.2



# INDEX.

- Præceptorum Dei summa 412.d  
 Prædestinatio 296.d  
 Prædestinatio in Dei amore sita. 329.c  
 Præses aut princeps quis 5.c  
 Præsulis ueri ac falsi descriptio. 356.d  
 Præteriti temporis pro præsentī apud Hebræos acceptio quā frequens 418.a  
 Precatio qua ratione ad Deū fieri debeat 280.b  
 Precatio ex corde immundo profecta, quā pernicioſa Ibid.c  
 Precationis feruidæ ad Deū uis & efficacia 161.c  
 Precationes immundæ quæ 48.a  
 Precationes quæ exaudiantur. 274.a  
 Precationes piorū quā efficaces 376.b Vide oratio.  
 Priapus deus 398.d  
 Primates cur præcipui hostes ueritatis 272.a  
 Primogenitorum prærogatiua. 354.c  
 Principis officium 3.c 379.c 411.c.d  
 Principis boni uirtutes 418.c  
 Principis boni laus 85.d 461.d  
 Principes nobilissimi à mortaliū memoria adeo elapsi, ut nunq̃ eos fuisse iures 108.d  
 Principes dij terreni 298.d  
 Principes cur dij in sacris appellati 338.d 339.c  
 Principes cur hodie à subditis contemnantur 404.b  
 Principum institutio 425.b  
 Principum & aulicorum mores descripti 72.c  
 Principum est, attentis auribus audire subditos 298.d  
 Principum nostratum mores taxantur 245.b 298.d  
 Principum facilitas 299.a  
 Principum leuitas Ibid.b  
 Principum bonorum descriptio 305.b 418.c  
 Principū mores inciuiles taxantur 404.b  
 Principum fauor momentaneus 421.a  
 Probitatis studia maximè remunerantur 209.b  
 Probore uita qualis. 246.d. 253.a  
 Proborū uita periculosa 247.c  
 Proborum sermo, Dei sermo est. 253.d  
 Proditionis pœna 406.b  
 Proditorum mores & ingenia. 203.c.d 254.a.b  
 Profunditas, p̃ afflictione. 289.a.b  
 Promissiones factæ de Christo. 351.d 352.b 374.a  
 Promissiones à Deo factæ q̃ certæ 291.d 344.c 352.a.b 355.a 356.b 392.c.d 395.c 420.c 429.b 439.d  
 Promissiões diuinas cur scriptura toties inculcet 395.b  
 Prophetæ falsi descriptio 432.c  
 Prophetæ cur subinde reperant, hæc dicit Dominus 289.a  
 Prophetæ falsi in suo nomine ueniunt 423.b  
 Prophetarum uerba quomodo accipienda 3.b  
 Prophetarū mos sententias eadem nōnunquam repetere, ad maiorem uim orationis manifestandam 76.a  
 Prophetarum sanctitas 291.b  
 Propitiatorij ueteris testamenti mysteria 282.d  
 Propitiatorij typus 375.a  
 Prouerbiū quid 323.a  
 Prouidentia Dei gubernant omnia 291.b 301.c. 333.b 357.a  
 Prouidentia diuinæ ratio occultissima 278.b  
 Prouidentia diuinæ signa 311.c 389.b 468.b  
 Prouidentia diuinæ imago. 381.c  
 Prudentia commendatio 330.c  
 Signa 411.a  
 Psalmus fermè nullus in quo spei mentio non inseratur 115.a  
 Psalmū cantici, antiqui quid uocant 348.b  
 Psalmi Solomoni adscripti quomodo censendi 3.b  
 Psalmorū concinnitudo pulchrè obseruata 71.a  
 Psalmorum interpretatio quæ requirat 260.a.b  
 Psallendi in ecclesijs ratio 361.c  
 Psalmorum inscriptiones quā difficulter interdum intelligant 267.b  
 Psalmorū in ecclesia usus 289.d  
 in Psalmorum libro temporum nulla ratio obseruatur 371.b  
 Psalmorum subiectum & interpretes Christus 405.c  
 Psalmorū cationes Deo gratissimæ 429.c Vide Musicam.  
 Psalmorū scriptores qui 441.b  
 Psalmos omnes à Dauide cōpositos esse 3.b  
 Psalmos aliq̃ de Christo eiusq̃ membris enarrari 201.b  
 Psalterij uersionum obscuritates 319.a  
 Puellarum apud ueteres chori. 289.d  
 Puellarū ornatus superfluus taxatur 462.b  
 Puerorū exemplum inter miranda rerum maximarum exempla adductum 23.a  
 Pueris in Christi scholam introductis nihil minus q̃ Christus proponitur 99.a  
 Pugna multo atrocior quæ cum uitijs & cupiditatibus conficta tur, quā corporis 100.c  
 Pugna cum mundo finis 251.c  
 Pupillorū nomine scriptura qd̃ intelligat 251.c 284.a  
 Puritatis robur quod 96.d
- Q**  
 Quies perfecta in hoc mundo nunquam speranda. 27.c
- R**  
 Rahab quid 349.a  
 Rancoris similitudo apta 40.a  
 Rapina nomine quid in sacris intelligendum 269.a  
 Rationis humanæ quæstio 11.b  
 Rectores animarum & uitæ aliorum qui esse debeant 243.c  
 Redemptionis beneficiū quā amplum 281.b 358.d  
 Regnū qua ratione administrandum 279.a  
 Regnum Christi æternum 355.a  
 Regnum Dei pax & tranquillitas 283.b  
 Regnū Christi innouatū. 404.d  
 Regnandi libido 304.b  
 Regnandi libido quā perniciosissima. 390.b  
 Reipublicæ malè ordinatæ descriptio 379.d  
 Religio uera in quibus consistat 80.a 211.b 344.d  
 Religio nostra quo hodie deuenit 143.b  
 Religio eorum qui timoris affectu ducuntur 326.b  
 Religionis summa & perfectio 200.d  
 Religionis simulatæ exēpla pessima 48.d  
 Religionis falsa persuasio quā pernicioſa 416.c  
 Religionis neglectus Dei iram concitat 323.d  
 Religionis cōtemptores quibus artibus pijs insidientur 312.c  
 Religionem in animorū unionē & tranquillitate sitam 258.a  
 Religionis reformatio quomodo instituenda 376.d  
 Religionis contemptus etiam apud Christianos 423.b.c  
 Remediū præsentaneū in angustijs acerbioribus 52.b  
 Renes



# INDEX.

Renes qua significatione in sacris accipiantur 308.a  
 20.d 46.b 97.b  
 Requiescere quid 42.b  
 Rerū celestium notioni quidam in terris præscriptus finis & modus, amoris uero nullus 159.a  
 Rerum conditarum magnitudine & pulchritudine, quasi proportionem quadam conditoris excellentia consideratur 63.c  
 Rerū ordo & successio in structura mundi pulcherrima 63.d  
 Rerum sublimium notitia non cunctis æque exposita & obuia. 232.b  
 Respublica felix quæ dicat. 90.a  
 Res prorsus latentes in rebus sacris interpretandis omittendæ sunt 126.d  
 Risus proborum qualis 246.c  
 Ritus in ecclesia qua ratione obseruandi 391.d  
 Resurrectio Christi 287.d  
 Resipiscentia impiorum Deo grata 341.c  
 Resurrectio Christi ab angelis nunciata 286.c  
 Resurrectionis Christi mysterium 288.d  
 Resurrectionis Christi utilitas. 283.a 284.a  
 Rex magnus qualis 236.b  
 Regis boni commendatio 461.d  
 Regis officium 379.c  
 Regum potentissimorum familiaria funditus excisæ 108.d  
 Regum adoratio unde 304.c.d  
 Regum tremores doloribus mulieris parturientis eleganter comparati 229.c.d  
 Reges & principes crudelissime ab assentatoribus falli 176.a  
 Reges, principes & magistratus omnes suum integrum munus non obire 133.b  
 Reges spiritus qui 287.a  
 Reges terræ qui dicantur 3.c  
 Regibus duo necessaria 330.b  
 Ros uoluntarium quid 284.b  
 Roris typus 304.a

## S

Sabæa regio Arabiæ 305.a  
 Sabbati uera obseruatio 362.a  
 361.b  
 Saccus, genus uestis lugubris. 114.c  
 Sacerdotum uita sit inculpatissima 282.a  
 Sacerdotum ambitio & auaritia. 393.c 341.d 470.b  
 299.b  
 Sacerdotum & monachorum uita

sumptuosissima taxatur 316.d  
 Sacerdotum uestes quid adumbrent 442.d  
 Sacerdotum officia quæ 443.c  
 Sacerdotum luxus & libido 443.d  
 Sacerdotum Christi quale 409.d  
 Sacrificij ueri & diuini descriptio 238.d 240.d 245.a  
 Sacrificia puerilia quæ 238.c  
 Sacrificia uera quæ 244.b.c  
 Sacrificia quæ Deo gratissima 297.a 343.b  
 Sacrificia matutina & uespertina 456.a  
 Sacrificiorum & rituum ueterum magnus acruus breui summa conclusus 198.c  
 Sacrificiorum ueteris testamenti mysteria 279.c  
 Sacrificiorum lex abolita 237.d  
 279.b  
 Sacrificiorum acruus atque oneris quæ summa 238.c  
 Sacrificiorum acruus in unum corpus & illud quidem fractum contusumque desisse per Christum 244.c  
 Sacrificiorum ratio quæ 237.c.d  
 404.d 405.a  
 Sacrificandi ritus apud Iudæos 423.d  
 Sacrificiorum omnium ueteris testamenti typus 423.d  
 Sagittæ pro fidei uerbis 217.d  
 Salomon noui testamenti 302.c  
 Salomonis regni amplitudo 304.b. eius typus 304.c  
 Salutis nostre uis ac summa 68.c  
 Salutis spes unica quæ 146.a  
 Salutis summa ratio in quibus uersetur 353.d  
 Samuelis sanctitas 376.b  
 Sanctificatio nominis Dei in quibus consistat 306.b  
 Sanctitas popularis descripta 115.c  
 Sanctimonia male suasa periculosè sibi ab blanditur 93.b  
 Sanctimonie falsa persuasio quantum obsit hominibus 366.b  
 Sanctitas quot modis in sacris accipiarur 345.d  
 Sanctitatis male suasa natura quæ 82.d  
 Sanctitatis locus 270.a  
 Sanctuarium quid 209.b  
 340.d 341.a  
 Sanctus factus doctus est 30.c  
 Sancti Deo, & Deus sanctis hæreditas 45.d  
 Sancti uiri cur interdum tam ardentem in suos hostes inuehantur 431.d

Sanctorum conditio 44.d  
 Sanctorum felicitas quæ 202.b  
 Sancti qui uocentur 218.c  
 Sanctorum res gestæ 254.d  
 Sanctorum dignitas 343.d  
 Sanctos non sui, sed gloriæ diuinæ causa uindictam efflagitare 31.d  
 Sanguinarius quis 14.a  
 Sanguinis significatio in scripturis 243.d  
 Sapientia mundi quam stulta apud Deum 362.b  
 Sapientia piorum stultitia iudicatur in hoc mundo 299.d  
 Sapientiæ munus proprium quod 232.b  
 Sapientiæ ueræ descriptio 404.d  
 412.c  
 Satan iurgiorum pater 294.c  
 Saturari consilijs quid 338.a  
 Saturnus deus à gentibus sanctissime cultus 399.c  
 Saul uictor Musica excipitur 286.a  
 Saulis leuitas 245.b  
 Saulis in generum crudelitas unde 253.c 454.b  
 Scabellum pedum Dei quid 376.a  
 Scandalum Hebræis pro calumnia & opprobrio 240.a  
 Schola Christianorum Alexandriæ 291.a  
 Scientiæ plenitudo, charitas est 54.d  
 Scortationis pœna 398.d  
 Scribarum & sacerdotum apud Iudæos conditio describitur 77.b  
 Scriptura diuina imperitis mulierculis & paruulis sapientiam suppeditat 65.c  
 Scripturarum uirtus in quo posita 232.b  
 Sculptilium adoratores iusto Dei iudicio damnantur 372.c  
 Scutum pro fiducia 20.d  
 Seculum seculi quid 72.a 205.b  
 Seculi futuri umbra ostensa 96.c  
 Seculi nostri ob cognitam ueritatem felicitas 400.c  
 Seditionum perniciēs 289.a  
 pœna 397.c  
 Seditiosorum hominum mores 398.b consilia 272.b  
 Selah quid notet 28.a  
 Selah dictio explicata 223.b.c  
 Selmon mons 287.a  
 Senectus uiuida 384.b  
 Senectutis incommoda 358.a  
 363.c  
 Senectutem quid deceat, quid



# I N D E X,

non 403.c  
 Senex bene moratus, mundi sy-  
 dus 403.c  
 Sene intemperato nihil turpius  
 300.a  
 Senilis prudentia 300.a igna-  
 uia 363.b probitas Ibid.  
 Senum studia 361.a  
 Seniores uigintiquatuor qui in  
 Apocalypsi 222.b  
 Septenarius numerus pro inde-  
 finito in scripturis 36.b  
 Septenarij numeri perfectio. 332.  
 c. 440.a  
 Sepulchra, diuitum domus esse  
 perpetuas 233.d  
 Sepulchrorū momentanea cor-  
 ruptela cum futura uita mini-  
 me conferenda 47.b  
 In sepulchris habitare qui dican-  
 tur 284.b.c  
 Sermo nequam quid 272.c  
 Seruitus uera in quibus potissi-  
 mum rebus consistat 414.  
 b.c.d  
 Serui Dei qui nuncupandi sint  
 298.a  
 Seruorū Dei differentia 298.a  
 Seruus Dei quid deceat 379.c  
 Sfortiadum familiæ interitus  
 145.b  
 Siccitatis nomine quid intelligē-  
 dum 284.c.d  
 Signum Cain datum in malum  
 348.a  
 Signa diuine beneuolentiæ 313.  
 a. 348.a præsentia 371.d  
 Silentium pro patientia 267.c  
 Silicernij descriptio 120.d  
 Silo reprobata ob peccata popu-  
 li 328.d  
 Similitudines cur in sacris literis  
 tam frequentes 286.d  
 Similitudinū utilitas 286.d  
 Simpliciores hodie à recto perfe-  
 ctionis cursu non retardari, mi-  
 raculo simile 100.a  
 Simplicitas Deo semper gratissi-  
 ma 343.b.c  
 Simulachrorum superstitiosa a-  
 doratio 416.b.c.d  
 Simulationis & hypocriseos pe-  
 ctis descripta 97.d 98.a  
 Simulatores odit Deus 343.b  
 Simulatorum & hypocritarum  
 studia descripta 35.c.d  
 Simulatorum numerus infini-  
 tus 292.d  
 Simulas semper plurimū Eccle-  
 siæ obfuit 50.d  
 Simulratis incōmoda 418.c  
 Sinai mons 287.d  
 Sinai montis concussio miracu-

losa 415.d  
 Sinistra pro ira 18.d  
 Sinus, pro interiori animæ par-  
 te 332.c  
 Sion mons descriptus 4.c  
 228.d 445.a  
 Sion mons in scriptura pro Ec-  
 clesia 230.d  
 Sion, Hierusalem est in scripturis  
 236.b  
 Sion mons speculationum ple-  
 nissimus 265.c  
 Sion mons fidei imago 273.c  
 Sitis animæ 369.d  
 Solatia piorum in cruce 429.b  
 Vide piorum consolatio  
 Solis ardorem in scripturis pro  
 aduersitate accipi 229.a  
 Solis & lunæ cursus 389.b  
 Solem præ ceteris cœli syderibus  
 maiestatem Dei attestari 64.c  
 Solitarij qui 284.c  
 Solitudinis laus 358.c  
 388.b  
 Solitudines cur piorum hominū  
 refugia 314.d  
 Somno similis est uita humana  
 318.c  
 Sopor pro morte acceptus 7.c  
 Sordidum atq; impurum nil ma-  
 gis in terris, quàm iustitia no-  
 stra, si tantūmodo nostra 57.b  
 Specus in Iudæa quatuor milia  
 hominum capientes 255.d  
 Spes uirtutum omnium necessa-  
 rium condimentum 121.c  
 Spes quid 44.b  
 Spes, orationis calcar est 120.c  
 Spes ignaua est, nisi feruida ora-  
 tione incalescat & inflammetur  
 120.c  
 Spes in afflictionibus pijs nō ab-  
 ſcienda 400.b  
 Spes in solo Deo firma acquieta  
 421.b  
 Spei definitio 19.a  
 Spei telum ualidū aduersus mun-  
 di aduersitates 149.c  
 Spei commoda & laudes celebra-  
 tæ 186.b  
 Spiritualia carnali uocabulo de-  
 liniari 71.d  
 Spiritualiū rerum meditatio qua-  
 lis esse debeat 433.c  
 Spiritus arbor descripta 1.c  
 Spiritus finis est rerum cœlestiū  
 9.d  
 Spiritus copia in diuinis odis  
 44.c  
 Spiritus instructio bellica contra  
 uitia 60.d  
 Spiritus odoramenta quæ 86.c  
 Spiritus ebrietas quæ 86.d

Spiritus feruores atq; ignes ex-  
 plicati 129.d  
 Spiritus uarij motus 249.b.c  
 Spiritus unitas in sacris quid  
 284.b  
 Spiritus sancti dona & officia  
 285.b.c 391.a 460.c  
 Spiritus sancti necessitas 291.d  
 Spiritus sancti uis 232.b  
 243.a 362.d  
 Spiritus sancti ignis quàm effi-  
 cax 371.d  
 Spirituum beatorum castra quæ  
 100.d  
 Spirituum malorum potestati,  
 nulla super terram comparan-  
 da 134.c  
 Stare quid in sacris 1.b  
 Statuæ sanctorum, rudiorum do-  
 cumenta 416.a  
 Statuarum uanitas 416.c  
 Sterilitatis causæ 403.c  
 Studia & labores omnes uani,  
 quibus diuinam gratiam pro-  
 mereri speramus 170.d  
 Sub præpositio, pro in 280.a  
 Subditorum peccata quomodo  
 corrigenda 293.d  
 Superbia q̄ odiosa apud Deum  
 364.d 379.b 426.c  
 Superbiæ & fastus exitus atq; e-  
 uentus qui 176.b  
 Superbiæ descriptio 315.c  
 Superbiæ typus 390.c  
 Superbi omnes & potentia ali-  
 qua insigni præditi, ui uerbi Dei  
 confringendi 108.c  
 Superborum conditio descripta  
 49.c 51.a  
 Superbos in omnis generis erro-  
 res prouere 175.d  
 Superborū finis & exitus 307.d  
 Superborū natura, mores ac in-  
 genia 316. d 406.a  
 Superstitio exitialis religionis est  
 lues 407.a  
 Superstitionis detestatio 391.c  
 Superstitiones unde emerferint  
 439.b  
 Superstitionum genera uaria no-  
 tata 59.b  
 Supplicationū uis & uirtus 54.  
 c. uide Oratio  
 Synagoga quando inceperit &  
 quando desierit 389.d  
 T  
 Tabernaculū uerum 335.d  
 Tabernaculorum festum 423.a  
 357.a 336.a Cur institutum  
 336.c  
 Tanis Aegypti oppidum Dei mi-  
 raculis clarum 324.a  
 Tareph quid 411.a  
 Tempe-



# INDEX.

Tempestas pro potentia diuina 237.a  
 Templum sanctum, est Ecclesia fidelium 110.b  
 Templi conflagratio per Antiochum 311.d  
 Templi nouissimi sub Christo ædificandi descriptio 230.b  
 Tempia cur ædificata 391.c  
 Tempia Dei uera 279.d  
 Temploꝝ usus legitimus 293.c 257.d  
 Temploꝝ insignis apparatus 289.c  
 de Templis Christianoꝝ uaticinium 312.d  
 Tempus gratiaꝝ, seu miserendi quando 125.a  
 Temporoꝝ mutationes in lingua hebreꝝ frequentissima 79.b 418.a  
 Tendicularum & laqueorum genera uaria 95.a  
 Tenebrarũ in sacris acceptio diuersa 413.b  
 Tentatio grauissima quæ 6.d  
 Tentatio maxima piorũ, dum felicitatem impioꝝ intuentur 307.b 308.c.d  
 Tentationes à dæmone diuersis artibus exerceri 6.c  
 Tentationum utilitas 278.d  
 Tentationum malleus, tenacissima carnis forceps 48.c  
 Tentatori libentius seruimus quàm ipse nobis imperet aut dominetur 67.b  
 Terra mystica 282.c  
 Terræ significatio elegans 264.a  
 Terræ operationes 275.d  
 Tempestatis significatio 249.d  
 Terrena sectari & ambire fallacissimum 9.c  
 Testamentũ quid significet 92.d. 93.a 239.b 352.a 355.a  
 Testamentum inter Deum & homines 352.a  
 Testamentum Dei æternum quale 392.d  
 Testamentum nouum quid præster ueteri 237.c  
 Thabor mons 353.a  
 Thalmudicoꝝ de diuisione maris opiniones 448.b  
 Theophili Folengij hendeca syllabum 412.b  
 Thorah lex 424.c  
 Tharsis Cilicij quondam metropolis descriptio 229.d  
 Thomæ Apostoli in prædicando Euangelio studium 304.c  
 Tibiæ pro fortitudine 468.d  
 Timor domini ad quid proficit

143.a 412.b.c.d  
 Tituli psalmorum explicatu diffucillimi 74.d  
 Tonitruu diuini descriptio 55.b  
 Topazij gemmæ natura 436.d  
 Tormentorũ & inferni loca indicata 41.c  
 Tormentorũ genera horribilia descripta 34.c  
 Tradi in manus dñi quid 32.a  
 Traditionũ humanarum uilitas  
 Trāquillitas animi in 337.d  
 quibus consistat 311.a  
 Tribum Ioseph cur repudiarit dominus 329.c  
 Trinitatis effigies 255.a 480.d  
 Trinitatis mysterium 282.c  
 Trinitatem totam rerũ omnium quæ condita sunt, creatricem extitisse 151.d  
 Terrarum seruitus ad Christi nulum 237.b  
 Tristitiæ descriptio 242.c  
 Triumphus Christi speciosissimus 287.c.d 288.a.b  
 Triumphus fidelium 287.c  
 Triumphat hodie etiam Deus in Christo 288.b  
 Triumphantiũ ceremonie 287.c  
 Tumuli patetis comparatio elegans 15.a  
 Turcæ superbia 390.c  
 Turcarum in Christianos securitas 474.a  
 Turtur quot modis accipiat 314.c  
 Tyranni unde 331.d  
 Tyranni imperium quàm graue 279.a.299.b.336.d.338.d 340.b  
 Tyrannorum interitus crudelis 339.c  
 V  
 Vanitas quid 428.a  
 Vasa pro instrumentis musicis 302.b  
 Vatis prudentia in explicanda sceleratorum uita 41.a  
 Venetoꝝ malleus Turca 390.c  
 Ventorum officium 387.b  
 Verbum Dei cur assidue audiendum 434.b  
 Verbi Dei contemptus omnium malorum origo 401.c  
 Veritas Dei quid 359.d  
 Veritatis apud Christianos contemptus q̃ magnus 423.b  
 Versionum psalterij mira uarietas & obscuritas 319.a  
 Vertex pro intellectu 22.a  
 Vestimentorum luxus taxatur 462.b  
 Vestis nuptialis quæ 220.c  
 Via ad salutem quàm scrupulosa 294.d 321.d 322.a

Vicissitudinis rerũ causæ 321.b  
 Victimaru ratio descripta 102.a  
 Victimæ antiquæ, umbræ & imagines fuisse tantum 198.a  
 Victimarum carnificinam lanis potius quàm uiris iustis conuenire 122.c  
 Victimarum & sacrificioꝝ nomina diuersa explicata 198.b  
 Victimaru uim ingentem nulli usui Deo fuisse 238.c  
 Victoꝝ in bello quæ ratio esse debeat 56.a.b.d  
 Viduæ significatio in scripturis 32.a  
 Viduarũ pater Deus 284.a  
 Viduarũ misera conditio 365.b  
 Vigilare, pro obseruare 381.a  
 Vincula quid Iudæi uocet 4.a  
 Vine domini quid 334.b  
 Vini modice sumpti utilitas 388.c  
 Visio diuina quæ 243.a  
 Visitationis significatũ duplex in scripturis 261.b  
 Vita uera est quæ futuram appetit 104.a  
 Vita etsi ob nullam nostri rationem, attramen ut gloria Dei emineat, instituta est 114.a  
 Vita alioqui desiderabilis & iucunda, nimis in longũ protrahi uidetur cœlestia cõtemplantibus 146.b  
 Vita cur à Deo hominibus data 405.b  
 Vita longæua magnum Dei donum 361.a  
 Vita longæua quam ob causam pijs expetenda 417.d  
 Vitæ autorem non cognoscentes uita indigni 28.b  
 Vitæ uia quæ 47.b.c  
 Vitæ humanæ descriptio 70.d 82.a 157.c 192.c 269.c 279.b 292.c 318.c 356.b 357.b 358.a 380.c 383.b 384.a 407.c 461.b  
 Vitæ imitatione altissimi regis nato similes euadere, res est nõ parui momenti 106.a  
 Vitæ humanæ institutiones non remere & populariter ab omnibus usurpandæ 232.b  
 Virtus pro uia Dei quæ nos ad ipsum ducat 59.a  
 Virtus humana labilis & infirma 104.d  
 Virtutis actiones omnes à Deo esse 244.a  
 Virtutis honos ac præmium 303.b  
 Virtutis nomine in sacris quid



# INDEX.

intelligendum	474.c	Vnicornis similitudo perquam	81.b.c 239.a
Virtutum gradus	342.c	elegans	79.b
Vitiorū monstra nobis ex igna-		Vocatio in rebus sacris neglecta	Vox magna satis in ca nendo, si ā
uia emergere	205.d	275.b	magno & forti pectore profici
Vituli, labiorum typus in sacrifi-		Vnitas fidelium	scatur 151.b
cijs	245.a	286.b	Vocis acerbitas in disputādo a-
Vituli cultu ac ueneratione quid		Vocatio non negligenda	animū parum tranquillum indi-
adumbratum	397.d	354.a	cat 122.a
Viuendum ea ratione est in ter-		Vocatio ministrorū Ecclesiæ sit	Vocis significatio quæ 249.a
ris, ut bona nostra omnia in cœ-		legitima	423.b
lis esse & credamus & iudice-		Vocati, non omnes ueri uocati	Vrbs quæ optimè edificata 131.c
mus	32.b	87.b	Vriæ innocentia generosa. 241.a
Vitio quomodo experēda	262.b	Voluntas Dei unde exploranda	& mors Ibid.
Vitio diuina iustissima	264.d	426.a	Vfuræ perniciēs 305.c
273.b 295.d		Voluntatis uis una, nō duæ. 28.b	Vfuræ detestatio 413.c.d
Vitio Dei in hostes suæ Ecclesiæ		Voluptatis pœna 397.b.c	Vsuram ā Christiano homine e-
340.c.d 341.a.b		Vorum solenne quod 238.d	uulsam uult Deus 43.c
Vide, impio-		Vorum præcipuum 255.b	Vulgi temeritas notata 218.d
rum interitus.		Voti nomen in scripturis cum	219.a
Vltionis diuinæ signum	4.b	Dei laude semper coniunctum	Vulgi insipientia & stoliditas
Vltionis diuinæ crudelitas. 271.a		239.a	314.b
Vltionis diuinæ exemplum me-		Vota subita & immeditata, peri-	Vulgi mores ac studiū 347.b.c
morabile	326.a 397.c	culosa 239.a	Vulpium natura 271.b
Vmbra mortis quid	350.b	Vota ultronea 248.b	Z
Vmbrarum tempus descriptum		Vota monastica quatenus pia	ZAbulō tribus in Galilæa 290.
82.b		271.c 319.c	b. Vnde nomē habeat Ibid.
Vmbraculorum festum	336.a	Vora cum diuinis laudibus con-	Zeb Madianitarū factionis dux
Vnctio in conuiujs ueterum		iuncta 273.d	340.d
388.d		Vora in baptismo Deo facta ser-	Zelus quid 293.d 331.b 437.d
Vnctio capitis in ieiunijs	408.a	uanda 319.c	ā zelotypia quomodo differat
Vnctio sacerdotum	444.d	Vora qualia Deus ā suis requi-	331.d
Vnguentorum abusus	388.d	rat 319.c	Zelotypia quid 331.c
		Vorum ratio pulchrè explica-	Ziphæorum proditio 247.c

## INDICIS FINIS.

### ERRATA SIC CASTIGABIS.

Pag. 9. A. uersu 6. qua, pro quia. 17. C. 22. re ipsa. 20. C. 18. consumeretur. 23. D. uers. ult. immensus. 24. D. 6. sed, pro non. Ibid. 15. pro mitas, lege semiras. 26. C. 15. usquam. 28. D. 17. ère. 40. C. 4. deriuari. 43. B. 7. adeo. 45. A. 14. superuacaneos. 55. D. 9. ietæ nubes. 76. C. 2. tam, pro tantum. 78. C. 20. Campensi. 79. C. 9. Decorem illum. 80. C. 11. auertit. 91. D. 12. à carnis. 118. A. 2. Scyllæam. 281. B. 24. uerba. 332. C. 23. irritauerūt. 334. B. 11. me- dio. 339. A. 24. uniuerfi. 353. A. 24. anteambulones. 359. B. 19. incognita. 364. B. 24. mul- tis, imò. 395. D. 12. laudandū. 402. D. 9. agnoscunt. 411. A. 15. sunt. 414. B. 13. cōmodū &c.



INDEX PSALMORVM.

INDEX PSALMORVM, IN  
quo primus numerus psalmum, secundus  
verò folium indicat.

**A**D dominū cū tribularer clama-  
ui. psal. 120, fol. 126  
Ad te domine leuaui animā meā. 25.90  
Ad te domine clamabo, Deus meus ne  
fileas à me. 28.104  
Ad te leuaui oculos meos qui habitas in  
cœlis. 123.132  
Afferte domino filij Dei, afferte domi-  
no filios arietum. 29.106  
Attendite popule meus legem meam,  
inclinate aurem uestram. 78.322  
Audite hæc omnes gentes, auribus per-  
cipite omnes. 49.231  
¶ **B**EATVS uir qui non abiit in consi-  
lio impiorum. 1.1  
Beatur uir qui intelligit super egenum  
& pauperem. 41.201  
Beatus uir qui timet dominum, in man-  
datis eius cupit nimis. 112.412  
Beati quorum remissæ sunt iniquitates.  
32.123  
Beati immaculati in uia, qui ambulāt in  
lege domini. 119.424  
Beati omnes qui timent dominum, qui  
ambulant in uijs eius. 128.143  
Benedic anima mea domino, & omnia  
quæ intra me sunt nomini sancto eius.  
103.384  
Benedic anima mea dño, domine Deus  
meus magnificatus es. 304.386  
Benedicam dominum in omni tempore  
semper laus eius in ore meo 34.156  
Benedictus dñs Deus meus, qui docet  
manus meas &c. 144.460  
Benedixisti dñe terram tuam. 85.343  
Bonum est confiteri dño, & psallere no-  
mini tuo altissime. 92.361  
¶ **C**ANTATE domino canticū nouū,  
cantate domino omnis terra. 96.369  
Cantate domino canticū nouum, quia  
mirabilia fecit 98.373  
Cantate domino canticum nouum, laus  
eius in Ecclesia sanctorum, 149.473  
Cœli enarrant gloriā Dei. 19.63  
Confitebor tibi domine in toto corde  
meo. 9.25  
Confitebor tibi dñe in toto corde meo,  
in consilio iustorū &c. 111.410

Confitebor tibi domine in toto corde  
meo, quoniam audisti omnia uerba o-  
ris mei. 138.450  
Cōfitemini dño quoniā bonus, quoniā  
in seculum misericordia eius. 118.420  
Cōfitemini dño quoniā bonus, quoniā  
in seculum misericordia eius. 136.447  
Confitemini domino, & inuocate nomē  
eius. 305.391  
Confitemini dño quoniā bonus. 306.395  
Cōfitemini dño quoniā bonus. 307.400  
Confitebimur tibi Deus, confitebimur  
& inuocabimus nomen tuū. 75.315  
Conserua me domine quoniā in te spe-  
raui. 16.44  
Credidi propter qd locutus sum. 116.419  
Cū inuocarē exaudiuit me &c. 4.8  
¶ **D**E profundis clamaui &c. 130.147  
Deus Deus meus respice in me, quare  
me dereliquisti? 22.74  
Deus auribus nostris audiuius, patres  
nostri narrauerunt nobis. 44.211  
Deus noster refugium & uirtus. 46.222  
Deus deorū dñs locutus est. 50.238  
Deus in nomine tuo saluum &c. 54.247  
Deus repulisti nos, & destruxisti nos,  
iratus es. 60.263  
Deus Deus meus ad te de luce &c. 63.269  
Deus misereatur nostri & benedicat no-  
bis. 67.280  
Deus in adiutorium meū intēde. 70.298  
Deus iudiciū tuum regi da, & iustitiam  
tuam filio regis. 72.302  
Deus uenerunt gentes in hæreditatem  
tuam. 79.330  
Deus stetit in synagoga deorū. 82.338  
Deus quis similis tibi, ne raceas. 83.339  
Deus ultionū dominus, Deus ultionū  
liberè egit. 94.364  
Deus laudem meā ne tacueris. 109.405  
Diligā te dñe fortitudo mea. 18.51  
Dilexi, quoniam exaudiet dominus uo-  
cem orationis meæ. 116.418  
Dixi custodiam uias meas, ut non delin-  
quam in lingua mea. 39.192  
Dixit insipies in corde suo, nō est Deus.  
14.38  
Dixit iniustus ut delinquat in semetip-  
so. 36.172  
Dixit insipiens in corde suo. 53.247  
Dixit dominus domino meo, sede à de-  
xtris meis. 110.408



# INDEX PSALMORVM.

- Dominus regit me, & nihil mihi deerit. 23.84  
 Dominus illuminatio mea, & salus mea. 27.109  
 Dominus regnavit, decorem indutus est. 93.363  
 Dominus regnavit, exultet terra, latetur insulæ multæ. 97.371  
 Dominus regnavit, irascantur populi. 99.374  
 Domini est terra & plenitudo eius. 24.87  
 Domine quid multiplicati sunt qui tribulant me. 3.6  
 Domine ne in furore tuo arguas me. 6.16  
 Domine Deus meus in te speravi. 7.18  
 Domine Deus noster quàm admirabile est nomen tuum. 8.22  
 Domine quis inhabitabit in tabernaculo tuo. 15.42  
 Domine in uirtute tua latabit rex. 21.70  
 Domine ne in furore tuo arguas me. 38.186  
 Domine Deus salutis meæ, in die clamaui & nocte coram te. 88.349  
 Domine refugium factus es nobis. 90.357  
 Domine exaudi orationem meam, & clamor meus ad te ueniat. 102.380  
 Domine non est exaltatum cor meum, neque elati sunt oculi mei. 131.149  
 Domine probasti me, & cognouisti me. 139.451  
 Dñe clamaui ad te, exaudi me. 141.455  
 Domine exaudi orationem meam, auribus percipe obsecrationem meam. 143.458  
 ¶ E C C E quàm bonum & quàm iucundum, fratres habitare in unum. 133.444  
 Ecce nunc benedicite dominum omnes serui domini. 134.445  
 Eripe me de inimicis meis, Deus meus, & ab insurgentibus in me libera me. 59.260  
 Eripe me dñe ab homine malo. 140.454  
 Eructauit cor meum uerbum bonum. 45.215  
 Exaltabo te domine, quoniam suscepisti me. 30.111  
 Exaltabo te Deus meus rex, & benedicam nomini tuo. 145.462  
 Exaltate iusti in domino, nam rectos decet laudatio. 33.150  
 Exaudi domine iustitiam meam. 17.47  
 Exaudi Deus orationem meam, & ne despexeris deprecationem meam. 55.248  
 Exaudi Deus orationem meam cum deprecor. 64.271  
 Exaudi Deus deprecationem meam, intende orationi meæ. 61.266  
 Exaudiat te dominus in die tribulationis. 20.67  
 Expectans expectaui dominum, & intendit mihi. 40.195  
 Exultate Deo adiutori nostro, iubilate Deo Iacob. 81.335  
 Exurgat Deus & dissipentur inimici eius. 68.282  
 ¶ F V N D A M E N T A eius in montibus sanctis. 87.348  
 Inclina domine aurem tuam & exaudime. 86.345  
 In conuertendo dominus captiuitatem Sion. 126.137  
 In domino cōfido, quomodo dicitis animæ meæ. 11.33  
 In exitu Israël de Aegypto. 114.415  
 In te domine speravi, non confundar in æternum. 31.114  
 In te domine speravi, non confundar in æternum. 71.298  
 Iubilate Deo omnis terra, psalmum dicite Deo. 66.276  
 Iubilate Deo omnis terra, seruite domino in lætitia. 100.377  
 Iudica domine nocentes me, expugna impugnantes me. 35.163  
 Iudica me domine, quoniam ego innocentia mea ingressus sum. 26.97  
 Iudica me Deus, & discerne causam meam. 43.209  
 ¶ L A E T A T V S sum in his quæ dicta sunt mihi. 122.130  
 Lauda anima mea dominum, laudabo dominum in uita mea. 146.465  
 Laudate dominum omnes gentes, laudate eum omnes populi. 117.420  
 Laudate dominum, quoniam bonus est psalmus. 147.467  
 Laudate dominum de cœlis, laudate eum in excelsis. 148.470  
 Laudate dominum in sanctis eius, laudate eum in firmamento uirtutis eius. 150.474  
 Laudate nomen domini, laudate seruulum dominum. 135.445  
 Laudate pueri dominum, laudate nomen domini



# INDEX PSALMORVM.

- domini, 113.414  
 Leuaui oculos meos in mōtes, unde ueniet auxilium mihi. 121.128  
 ¶ M A G N V S dominus & laudabilis, 48.228.  
 Memēto domine Dauid, & omnis mansuetudinis eius. 132.441  
 Miserere mei Deus secūdum magnam misericordiam tuam. 51.241  
 Miserere mei Deus, quoniam conculcauit me homo. 56.253  
 Miserere mei Deus, miserere mei, quoniam in te confidit anima mea. 57.255  
 Misericordias domini in æternum cantabo. 89.351  
 Misericordiam & iudicium cantabo, tibi domine psallam. 101.378  
 ¶ N I S I dominus ædificauerit domum, in uanum laborauerunt &c. 127.140  
 Nisi quia dñs erat in nobis, dicat nunc Israël &c. 124.133  
 Noli æmulari in malignātibus, neq; zelaueris facientes iniquitatē. 37.176  
 Nōne Deo subiecta erit anima mea. 62.267  
 Non nobis domine nō nobis, sed nomini tuo da gloriam. 115.416  
 Notus in Iudæa Deus, in Israël magnū nomen eius. 76.317  
 ¶ O M N E S gentes plaudite manibus, iubilate Deo. 47.225  
 ¶ P A R A T V M cor meum Deus, paratum cor meum &c. 108.404  
 ¶ Q V A M bonus Israël Deus his, qui sunt recto corde. 73.306  
 Quām dilecta tabernacula tua domine uirtutum. 84.341  
 Quare fremuerūt gentes, & populi menditati sunt inania. 2.3  
 Quemadmodū desiderat ceruus ad fontes aquarum. 42.205  
 Quid multiplicati sunt qui tribulāt me. psal. 3. pag. 6  
 Quid gloriaris in malitia, qui potens es in iniquitate 52. 245  
 Qui confidunt in dño, sicut mons Sion. 125. 135  
 Qui habitat in adiutorio altissimi 91.359  
 Qui regis Israël intende, qui deducis uelut ouem Ioseph. 80.332  
 ¶ S A P P E expugnaverunt me à iuuentute mea. 129.145  
 Saluum me fac domine, quoniam defendit sanctus 12.53  
 Saluum me fac Deus, quoniam intra uerūt aquæ usq; ad animā meā 69.292  
 Si uerè utiq; iustitiam loquimini, recte iudicate filij hominum. 58.258  
 Super flumina Babylonis. 137.448  
 ¶ T E decet hymnus Deus in Sion. 65. 273  
 ¶ V E N I T E exulemus domino, iubillemus Deo salutarino nostro. 95.367  
 Verba mea auribus percipe dñe 5.12  
 Voce mea ad dominum clamaui, uoce mea ad Deum. 77.320  
 Voce mea ad dominum clamaui, uoce mea dominū deprecatus sum. 142.457  
 Usquequo domine obliuisceris me in finem? 13.37  
 Vt quid Deus repulisti in finem? 74.311  
 FINIS.





# TABVLA IN PSALMOS PER LOCOS COMMVNES.

## LAVDATIONES.

In psalmodi libro aut laudatur Deus, aut ad eum laudandum fiunt adhortationes, in quibus eius cum erga alios, tum potissimum erga Israëlitas beneficia commemorantur. Vt psal. 8. 29. 33. 47. 48. 65. 66. 76. 81. 92. 93. 95. 96. 97. 98. 100. 103. 105. 106. 107. 111. 113. 114. 115. 117. 119. 134. 135. 136. 138. 145. 146. 147. 148. 149. 150.

## PRECATIONES.

Autoratur, Psal. 16. 26. 43. 84. 67. 90. 126.

In morbo. 6. 38. 39. 88.

Peccatorum uenia & expiatio. Psal. 19. 25. 51. 130.

Auxiliū petitur contra aduersarios & improbos potissimum, in quo insunt querelae & imprecationes. Psal. 3. 5. 6. 7. 9. 10. 12. 13. 17. 25. 27. 28. 31. 35. 36. 40. 42. 54. 55. 56. 57. 58. 59. 60. 61. 64. 69. 70. 71. 74. 79. 80. 83. 85. 86. 89. 94. 102. 108. 109. 123. 140. 141. 142. 143. 144.

## GRATIARVM ACTIONES.

Aut aguntur ei gratiae, in quo inest & laudatio. Psal. 18. 21. 30. 31. 34. 40. 66. 77. 116. 118. 124.

## FAUSTAE PRECATIONES.

Aut est fausta precatio, uel omen. Psal. 20. 72. 122.

## INVECTIONES.

Aut sunt in improbos inuectiones, cum precibus coniunctae. Psal. 5. 7. 10. 12. 35. 36. 40. 52. 53. 55. 58. 109. 120. 135.

## PRAECEPTIONES.

Aut docetur aliquid, & ad recte uiuendum traduntur praecepta. Psal. 1. 2. 4. 11. 15. 19. 23. 24. 32. 34. 37. 41. 45. 46. 49. 50. 62. 63. 73. 78. 82. 91. 95. 97. 99. 101. 112. 119. 121. 125. 117. 128. 129. 131. 132. 133. 137. 139. 151.

## PRAEDICTIONES.

Insunt & de Christo oracula. Psal. 2. 14. 16. 17. 22. 24. 50. 53. 68. 75. 82. 85. 86. 94. 97. 98. 110.

Et de Ecclesia. Psal. 51. 87.

Atque haec plerumque inter se mixta sunt.



# IOANNIS BAPTISTAE FOLENGII MANTVANI, DIVI BENE DICTI MONACHI, IN PSALMOS ALIQVOT, iuxta hebraeam ueritatem, commentarius.

## ARGVMENTVM.

Totius uoluminis Psalmorum argumentum **CHRISTVS** est, qui cum duas in se habeat naturas, modo hanc, modo illam, idcirco frequenter per psalmos ferè omnes interferit, ut doctiores habeant unde suam defleant ignorantiam, & rudiores unde exreuelata per **CHRISTVM** sapientia gaudeant.



**B**EATVS uir qui nō abiit in consilio impiorum. Sapientes illi qui in huius mundi sapientia turgent, & se extollunt, beatitudinem uitæ cōmodis metiri solent. Ex ipsis doctiores, uirtute ipsa quidem, sed proprio ingenio acquisita. Nos uerò beatitudinem esse dicimus. Deum timere, humana omnia despiciere, coelestia quærere, nihil quod homini possit accidere intolerandum putare, in Dei lege die ac nocte uersari, sprete interim omnib. quæ afferre solet calix aureus Babylonis. Hæc summa est beatitudinis Christianæ, quam nos affabrè docuit Dei filius in terris, quando illos ipsos beatos appellauit, quibus pauperies, luctus, mansuetudo, misericordia, benignitas, cordi essent. Sed alij (ō ceca ingenia) in iocis, in risibus, in omnilibidinum genere, in latis fundis, in ocio & pluma, in tyrannide, et cæteris id genus monstris & portētis, illam esse ducunt. Abire, seu ambulare in consilio impiorū, est illorum impia sequi studia consiliaq̃, quæ prorsus aliena sunt à Deo: cum impius is uerè sit, qui Deo cōtempto, et sciens & prudens malum agat. At cum consiliū à prudentia proficiscatur: prudentia uerò alia bona, alia mala cum sit: consiliū item, & bonum & malum: bonum ad eos solummodo spectat, qui diligenter ac cautè inquirunt, quibus uijs & medijs, ad beatitudinem ueram pertingant: malum autem ad illos, qui diuerticula peruestigant, quibus iam conceptam malitiam ad effectum perducant. Beatus igitur uir est, seu, ut in hebræo habetur, Beatitudines uiro sunt, qui non ambulauit in pessimorum hominū consilijs, qui ignorant Deū: & qui ad eorū nutū, qui semper deteriora cōsulunt, minimè uiuit: quiq̃ ab æstu illo cordis irrequieto, quo die noctuq̃ excruciant̃ miseri, longè abest. Quàm felix profectò est talis qui sic nō ambulauit, Et in uia peccatorum non stetit.

Peccatorem in hoc loco appellant quidam exteriorem hominem, aperteq̃ peccantem: eum uidelicet, qui in peccatis diutius uersatus, omnibus palam per sceleratam apparentiam sese nefarium exhibet. Est sanè impius, qui non credit. Est peccator, qui uita & moribus præ se fert incredulitatem. Mala enim desideria in se habet impius, malaq̃ consilia, ac pessimas cupiditates, quæ uitia in interiore homine insunt: peccatoris autem sensus, atq̃ ipsa omnino membra, earundem sunt cupiditatum, consiliorumq̃, ac curarum omnium, quæ à solida cordis tranquillitate, quam beatitudinem libenter appellamus, abhorrent, & instrumenta, & adminicula. Sed incidunt nonnunq̃ etiam sancti ipsi uiri, in uiam peccatorū, cum septies in die cadat iustus, quæ ratione quæso? hac sanè, ut ex lapsu cautiore facti, quàm sint in uia iustitiæ uitrei, quamq̃ nutantes & fragiles, non ignorent. Non stant tamē, hoc est, non permanent, non perseuerant, sed agnita peccati turpitudine, de uia peccatorum ad uiam iustitiæ statim regrediuntur. Porro uiam hominis in scripturis esse quicquid agit, quicquid conuersatur, uiuitq̃, & omnia quibus per studiū hæret, siue bona, siue mala sint, existimamus: sicut in hoc psalmo uidere est.



**C** Nouit, inquit, Dominus uiam iustorum, & iter impiorum peribit, Ecce uia nostra ad utrumque appositum.

Et in cathedra pestilentiae non sedet.

Vir enim sic affectus, omne, ut est adagium, tulit punctum. Primum damnauit propheta consilium impiorum, studia scilicet cordis impia: deinde apparentia opera mala, quae sunt peccatorum uiae; nunc tertio mortiferam doctrinam. Ad quae quidem omnia pulcherrima utens analogia, beati uiri uoluntatem in lege Domini, consilijs in primis opponit impiorum; deinde fructum emissum in tempore suo, id est, opera secundum Deum facta, uiae peccatorum; postremo folia, quae sunt uerba, doctrinaeque fidei, quae opponitur cathedrae pestilentiae. Nam in spiritus arbore truncus, siue lignum, est fides; fructus, opera; folia uero doctrina. Sed & radicem huiusce felicissimi ligni in hominis corde fixam, charitatem tum in Deum, tum in proximum unam cum fide esse affirmamus. Nec quidem audiendi sunt illi, qui sanctissimae huius arboris truncum, radicem uero, aut ramos tantummodo laudare solent, licet sterilis & sicca; errant enim. Nam nihil pendendam esse arborem censemus, in qua neque in folijs uiror, neque in fructibus aut odor, aut sapor, aut decor cernatur. Ita porro fides, ita charitas, ita harum socia, per quam aeterna sperantur bona, absque elegantia operum, doctrinaeque sanctitate, & pulchritudine, flaccidae sunt ac uanae. Quid sibi tandem uelle in hoc primo uersu prophetam putamus? Id sane, ac si diceret: O mirum felicem uirum illum, qui praua sceleratorum hominum consilia non est sequutus, neque eorum qui nefarie uiuunt socius effectus, quorundam doctrinam, qua ueluti peste quadam letali inficiuntur alij, adamauit.

Sed in lege Domini fuit uoluntas eius, et in lege eius meditabitur die ac nocte.

**D** Legem non tantum scriptam in hoc loco intelligo, quantum quodcumque nouit quis per secretas animi aspirationes placere Deo, atque ad ipsius sanctissimi nominis gloriam facere. Id enim pro lege habet, & ea quidem, quae uel ipsi iusto, alioquin a lege libero, sit posita. In hac enim suam omnem uoluntatem, omne desiderium, omnem conatum adhibet, die ac nocte, hoc est, sine cessatione. Vult semper, & desiderat uir iste beatus ea quae Dei sunt, & odit aduersa. Nam quemadmodum is qui, ut ait eximius ille uates, musam meditatur auena, toto pectore, toto ore, flatu, oculis, auribus, in hoc incumbit, non audit alia, non attendit, non uel ea quae sub oculis sunt, uidet; totus in carmine delectatur, sibi placet: sibi, etsi solus sit, uel ab alijs irrideatur, canit, & totus tandem in fistula est; sic uir iste beatus, sed altiori quadam ratione, meditatur in sola Dei lege die ac nocte, non statutis horis, ut docent quidam, & ridicule: quos quidem interrogare libet. Si amanti illi Terentiano usque eo insanire reliquit, ut suae Thaidi diceret: Fac dies noctesque me ames, me desideres, me somnies, me expectes, de me cogites, me speres, me te oblectes, mecum tota sis, meus fac sis postremo animus, quando ego sum tuus. Si sic, inquam, infano amanti licitum fuit tam ardentis amoris notas in amicam exprimere, quid a nobis repidiore ignis putamus exigere ab ipso legis autore, qui adeo feruida in suis amat, ut ignis consumens non grauetur appellari? Consumit enim ac macerat ignis iste diuinus affectus ceteros, desideriaque irrequieta in anima illa, quam sibi per amorem coniungi uoluit, ut nihil aliud cupiat, nihil amet, nihil exspectet, nihil denique aut uideat, aut sentiat praeter illum, in cuius penam naturam, ueluti ferrum candens in ignis naturam conuersum, transmutatur. Massa enim ferri, si semper in igne sit, uenis omnibus ac poris ignem ipsum amplectens, iam ignis, non ferri uim praeferebat. Quomodo igitur anima, quae, quasi ferrum in igne, semper in uerbo, in sapientia, in Deo est posita, quicquid agit, quicquid sentit, quicquid intelligit, Deus non erit? Verum non id solum,

Sed erit tanquam lignum quod plantatum est secus decursus aquarum, quod fructum suum dabit in tempore suo,



**A** More hebræo lignum pro arbore posuit: & est sensus, Vir iste similis erit arbori ad ripam fluminis alicuius amœni consita, qui non tantum secundum legis præscriptum, aut iussiones principum, & prælatorum, sed sponte sua bonarum actionum fructus producet in suo tempore: hoc est, quando ad proximorū salutem se promulgandi occasionem nactus, siue in his quæ animæ incolumitati cōducunt, siue in his etiam quæ commoda uitæ efflagitant, ad omnia opera, ad omnes personas, ad omnia loca, ad omnes fortunas, modo compertum habeat se gratum fore Deo, indifferens erit. Vnde, oro, uerba illa tam parum christiana, cum quis à mihi sero quopiam requisitus ut sibi det operam in aliqua sua necessitate, clamet, Heus tu, quid me obtundis? Sine me meum negocium agere, alia curo. O quàm longè is abest à re illa, cuius se cupit uideri per uitæ apparentiam atq; obseruantiam assertorem. Talis profectò ignorat quo tēpore dandus sit fructus ille suauis, cuius odore illectus Deus ad animam transit, cum illa q; familiarissimè conuersatur. Is enim fructus ille est, quem psalter ait bonam arborē dare in tempore suo: hoc est, ad sui conditoris gloriam proferre illud totum quicquid est in aliorum salutē, nec quærere quæ sua sunt, sed quæ multorum. Neq; sanè uerendum, ut præ soli incommodo fructum ferre nequeat: etenim fluentis spiritus sancti illis alluitur ac fœcundatur, de quibus asserit in suo euangelio Dñs: quod qui biberit ex aqua illa, quam ipse daturus est, non amplius sitiet. Et est perinde ac dicat, Arbor, cuius radices meis undis abluuntur, certissimam fœcunditatē habet: nihil uē minus timet quàm ariditatem, aut sitim pati. Iam uerò illud dicere est operæ præcium hic, arborē quæ sit plantata, haud quæ se plantauit, describi: contra illos quidem, qui sibi nimium, suisq; operibus, aut arbitrio credunt, & tribuunt, atque propterea sese plus nimio palpent, alios damnant, se excusant, sibiq; ipsis tantummodo placent, similes nimirum Traſoni illi tam uulgò celebri, magis, quàm sit ouum ouo, Est istuc, ait, datum profectò, mihi grata ut sint quæ facio omnia.

Et folium eius nō defluet, & omnia quæcunq; faciet prosperabuntur. Nec mirum sanè: nam à beati uiri ore, & uita, nec uerbum, nec doctrina unq; effluet, ac frustra cadet. Cur sic, oro: quoniam Dei est, & Dei uerbum manet in æternum. Folium igitur conuenientissimum erit sanctam nuncupari doctrinam: sicut fructus opera bona in beato uiro & dicuntur, & sunt. Atqui folium ligni ad gentium salutem fore præuidit Ioannes in Apoc. Nec ab re quidem, cum doctrina sanctissimi illius ligni, cuius esus uictori in carnis pugna promittitur, sola ea sit, quæ olim in consilio ambulantiſ impiorum, stantibusq; in uia peccatorum, ac in pestilentia cathedra sedentibus, seu, ut in Hebræo legitur, in cathedra irrisorū, hoc est, blasphemantium, in derisum uē habentiū uerba uite, opem, salutemq; attulerit. Quī, quæso, in terram cadere, ac deperire poterit uerbum illud, quod cæteris omnibus, & ista etiam ipsa, quam uidemus, cœlorū pulchritudine ac forma transcunte, æternum permanet. Quomodo fieri illud facile poterit, ut doctrina ea, quæ nihil aliud docet quàm Dei uerbum æternum, æterna non sit? Marcescere igitur, atq; euanescere non dicam illud, quod ut æternum sit, necesse est. Esto à multis ueritatis uerbum contemnatur, in uictum tamē maneat oportet, cum Dei sit, propterea æternum. Vides, nī fallor, arborem in amœnis aquarū ripis consitam semper uirescere. fructuq; uberrimo incuruescere, uel eo quidem, qui & maturus sit, & in tempore suo productus. Ita fermè sunt hi, qui nunq; absq; Dei lege sunt: nam omnia quæcunq; facient semper prospera erunt, ac Deo probata. Quis modo ambigat, omnia, etiam peccata ipsa, diligentibus Deum in bonum cooperari, cum legimus cuncta beato uiro feliciter obuentura? Peccata inquis? Durum profectò: sed tamen ea uidetur ratio esse, quam & diuſ affert Augustinus, quod cognito casu, considerataq; lapsus fœditate, uir sanctus mox sibi irascitur, se exactius cognoscit, libratq; & cautius se in posterum habens, pro condonata uenia cum qui donauit



**C**ardentius amat; nam cui plus dimittit, plus diligit, Cedunt ergo pñs omnia in bonum, & salutem.

Sed non sic impij, non sic, sed tanquam puluis quem proijcit uentus à facie terræ.

Diuus Hieronymus obelo notat secundo loco positum, *non sic*, quod in hebr. non habetur. Item illud, à facie terræ, superest: quod quidam additū putant à Græcis, explicandæ sententiæ gratia. Iam enim uates eximius uirum impiū, atq; adeo infelicem & miserum, à uiro beato ac pio diuersum describens, ait: Non eo modo ligno feraci, atq; frondifere arbori assimilabitur uir impius, et qui nullius legis uinculo tenetur, quæadmodum uir beatus assimilatur; nec quicquid agat, ut ille, prosperabitur, ac in bonum cedit. Is enim cum solitus sit impia sua consilia sequi, uana studia, letales hæreses, sectas, fœdas uē doctrinas, & quicquid illi in mentē uenerit, cōtempta ueritate, non potest non docere uana, nihilq; bonorum fructuum afferentia, cum malus sit. Is ultra non proficiet, aiebat Paulus: insipientia quippe eius manifesta erit in omnibus. Non diu igitur erit quicquid est, quod agit, aut molitur: nam uolente spiritu illo, qui se abhorrentem à cogitationibus quæ sunt sine intellectu fatetur, dissipabitur, proijcietur uē, atq; instar pulueris tenuissimi, uel, sicut legunt Hebræi, leuissimæ paleæ, quæ uento aliquo & turbine exagitata, minime eodem in loco ualet consistere, uolutabitur: dum interim beatus uir, tanq; arbor fixis altè radicib. stabit prorsus inconcussus, ac fructum suo in tempore per maturum proferet. Quod autem impij, impiorumq; studia, ac curæ, paleis comparari debeant, Ioannes exprimit, cum, autore Matthæo, dicit paleas igni comburendas. Quare cum scelerati, uiriq; athei eodem se habeant modo,

Non resurgent in iudicio, neq; peccatores in concilio iustorum.

**D** Hoc est, quando istorum uita iustitiæ norma examinari contigerit, causa cadent. Quomodo enim ante iustitiæ tribunal declamare pro iustitia poterunt, cum semper hostes iustitiæ extiterint? In concilio ne iustorum resurgent hi, qui consilijs, quæ impia sunt, stulta, prorsusq; à Deo aliena, de diametro pugnant cum iustorum consilijs, quæ pia sunt, atque deiformia omnino? Resurgent tamen, sed non ad resurrectionem uitæ, quod sanè est resurgere in iustorum concilio. Ad stabunt enim miseri, & qui obstinati in malis è uita migrarunt, ante Christi tribunal. Quaspe quaeso: hac quidem, ut pronunciato iudicio, dataq; sententiâ, mox se ad æternos cruciatus protrudant: cum interim illi, qui non steterunt in peccatorū semitis, regnum illud, quod illis coelestis pater à mundi exordio præparauit, feliciter accipient, atq; æuo fruuntur sempiterno, Causa uerò prædictorum à propheta infertur, cum ait:

Quoniam nouit dominus uiam iustorum, & iter impiorum peribit.

Quos nouit Deus esse suos, hoc est, quos prænouit per fidem atq; amorem fore suos, ac propterea beatos, & in uitæ libro conscriptos, hos ipsos agnoscit, fouet, amat, tutatur: atq; illorum uita curæ illi est maximæ, cum cōtrà sceleratorum uitam auerfetur, & idcirco pereant. Quî, rogo, perire non debet istorum uita funditus, cum ipsam, sua ipsorum culpa, non agnoscat Deus, deq; ipsa curam non habeat, sed tanq; alienam atq; incognitam perire sinat? Nouit sanè quidem Deus omnes, sed bonos solummodo, uti oues proprias fidelis pastor, & cognoscit, & proprio appellat nomine: quia illōs, illorum uē mores & uitam approbat, ac, uti res charæ solent, seruat & protegit. Caterum uiam iustorum definiunt nostri esse fidem, diuinorumq; præceptorū curam, atq; obseruantiam, nō elumbem, aut languidam, sed uirilem & persequantē: iustumq; ex fidei robore, ac eorundem præceptorum adimplerione censerî, & iudicari: malos uerò atque iniustos contrā. Aiunt enim illos ipsos iniustos esse, qui absque fide uiuunt, qui & impij: aut qui mandatorum legem transgrediuntur, qui & peccatores, Sed qualem iustitiam esse statuunt: cuius robore



**A** fus roboris: quam faciem? quam uim? illam sanè (ne de illa dicam, quam philosophi in distributiuam, commutatiuamq; partiri solent, perexigua planè, si ad nostram conferas) quæ in fide, ac mandatorum custodia sedem habeat. Nec tamen illam alteram idcirco perexiguam dixi, quod non aliquid eam esse arbitrer: sed quia humana cum sit, ista est diuina. Quam ob rem quantum res diuinæ supereminet humanis, tantum & iustitia, & iustus ille, quem modo celebramus, præstat iustitiæ, iustoq; illi, quem philosophi tantummodo laudant, & agnoscunt. Quam tamen iustitiam humanam, adeò exactè seruari uult nostra hæc, ut qui illam uiolauerit, se uiolatam expostulet. Porro cauendū ne in hoc, ut in similibus, parum docti se multum torqueant, cum legunt uiam iustorum hic dici à propheta, & iter impiorum, non uiam. Eadem quippe dictio est tum Græcis, tum Hebræis, atque idem significat, siue uiam, siue iter, siue etiam uiuendi modum & genus dixeris. Quod quidem optime intellexisse uisus est paraphrastes, qui ait: Agnoscit enim Dominus modum uiuendi iustorum, & gratus est illi, Sed uitæ genus illorum, qui Deum non habent præ oculis, interibit.

## PSALMVS II.



**Q**UARE fremuerunt gentes, & populi meditati sunt inania.  
**H**ic quæri solet à nonnullis, quis autor psalmorum fuerit, cum legunt quorundam titulos alijs magis quam Dauidi inscribi. Ego enim ut quibusdam haud infimæ classis autoribus aliquantisper assentiar, facile mihi persuaderi patior, psalmos omnes à Dauide compositos. Quod si reclamatione, & titulos opponant diuersos, ut ille est psalmi, cuius initium, Domine refugium factus es nobis: ubi in titulo legimus, Oratio Moysei hominis Dei, Respondebitur, non semper prophetarum uerba adeò secundum literam debere intelligi, ut nihil spiritualium rerum inesse arbitremur. Moyse enim assumptus ex aquis interpretatur. Quocirca cui potius huiusce rationis titulum, ac psalmū conuenire dicam, quam illi, qui ab aquis baptismi assumptus, purificatusque, atque ob id homo Dei factus, eiuscemodi decentissimam suæ assumptionis precationem in spiritu concinat? Quid iterū de psalmis Solomoni ascriptis censendum? Ego illi Solomoni eos refero, de quo in Canticis lego: Venite, & uidete regem Solomonem cum diademate: non alteri illi, cuius concubinarū numerus tam magnus in Regnorū libris exprimitur. Pacificus enim interpretatur Solomon, quam quidam interpretationem sibi excellentius uendicat Dei filius, quam Dauidis filius. Pacificus ne fuit Solomon ille, qui tam uarijs libidinū generibus, uti bellacissimis hostibus obnoxius fuit: non credo. Quare ne in his, quæ aut nihil, aut parum conducere existimo ad psalmorū intelligentiam, nimius sim, illud de psalmorum autore perinde dici posse arbitror, atque de libris Iob dixit Gregorius. Superfluū, inquit, est inquirere quis autor fuerit libri Iob, cum certissimū sit à spiritu sancto esse æditum. Vt cunq; sit, quæ de hac re opiner, breuibus exponere uolui, eo animo tamen, ut quicquid aliter sapientiores attulerint, illud amplecter, & pro uero habeam, modo ex sapientium numero sint. Psalmus igitur iste Dauidi reuelatus de Christo, acerbissimas eius per Iudæos ac gentes contexendas exponit persecutiones: quarum quidem atrocitatem præsentens in spiritu tantus uates, admiratusque tumultū eum concitantiū audaciam, quid ipso Dei filio glorificato futurum sit præcinit, atq; ait: Quare fremuerunt gentes, & populi meditati sunt inania? Hebr. Vt quid tumultuata sunt gentes? quod quidem expressius aperuit paraphrastes. Quæ, inquit, dementia fecit exterarum nationes inter se conspirare, & Iudaicam factionem rem stultam animo concipere? Quid, oro, stultius unquam excogitare poterant, quam uelle extinguere autorem uitæ? Eradamus, inquit, eum de terra uiuentium. Licet enim pleraq; quæ à diuo Hieronymo per futurū, à nobis per præteritū leguntur, dubium sensum reddere uideantur, intelligenda



**C**itā tamen nihil obest utrum legas, fremuerunt, an fremant, modò uim, intentio-  
nemq; spiritus uaticinantis attendas. Gentes enim milites Romani sunt: populi  
uero qui meditati sunt inania, Iudæi, nimirum tali elogio in scripturis fere omni-  
bus antiquis appellati. Laudate, inquit, Dominū omnes gentes, laudate eum o-  
mnes populi. Vt quid igitur Romani milites tumultuati sunt in **CHRISTVM**?  
qua utilitate? Certe absq; ratione impossibilia conati sunt. Opprimendū ne erat  
rex regū, & dominus dominantū, ab uno uix cognito in terris Cæsare? Sed hæc  
tam impia, impijssimi tyranni sicarijs cōcedamus: uos appello Iudæi. Quanta uos  
infamia dementatos dicam? uos, inquam, qui Dei populus, qui filius charissimus  
atq; dilectus appellari uultis, ut tam uana, tam insulsa, tam risu digna moliri audea-  
tis? Vos uitam mori cogitis? Vos, ne mundus uniuersus post illum abeat, cui coe-  
lum, cui tellus, cui paret mare, & ipsi obediunt dæmones, æternę prouidentię fre-  
num ponere tentatis? Vana omnino sunt hæc, atq; irridenda. Verū quid de ple-  
bemiserrima, ac omniū uilissima, cuius proprium est dissidia ciere, loquor?

Adstiterunt reges terræ, & principes conuenerunt in unum, aduer-  
sus dominū, & aduersus Christum eius.

Reges terræ, duo sunt Herodes. Alter enim cū pueros interficere iuberet, puerū  
**IESVM** interimere est arbitratus. Alterum uero legimus in **IESV** necem Pilato  
consensisse. Porro principes in unū qui conuenerunt, fuerūt Annas, Caiphas, &  
cæteri sacerdotū principes, ac scribæ, qui conspirauerant, ut si quis **IESVM** pro-  
fiteretur, ē synagoga illa nefaria expelleretur. Hi igitur omnes adstiterunt, hoc est,  
non subita, citoq; transeuntia illorum fuere consilia, sed diu in malitia perduran-  
tes, nouasq; in dies meditati insidias, tandem conuenerunt in unum, ut **IESVM**  
dolo tenerent, & occiderent. Primam enim suam iniuriā in patrem, cuius filiū  
**D**amantissimum tam dirē trucidarunt, machinati sunt: in filium postea. Idcirco pri-  
mum ait conuenisse illos in unū aduersus Dominū, postmodū aduersus **CHRIS-  
TVM** eius. Putās ne o tu qui legis etiā nū persecutiones in **CHRISTVM** eius  
desisse? Non desunt, crede mihi, in nostra etiā ætate, Herodes, non Pilati, non  
principes, non sacerdotes, non gentes, non Iudæi, qui, licet parum inter eos con-  
ueniat, utpote mutuis inter se odijs, contentionib; simultatibus, dissidijs, atrocis-  
simisq; persecutionibus ferocientes, in hoc tamen unum conueniunt, ut suis ma-  
lis morib; ac turpi uita, **CHRISTVM** in simpliciū animis extinguant. Nullus lo-  
cus tutus, nullāue hominū conditio, ne in ipsis quidem abditissimis antris & clau-  
stris, tam latens est, quō non penetret labes hæc execrabilis, atq; odiosa. Sed quid  
inquit spiritus?

Dirumpamus uincula eorum, & proijciamus à nobis iugum ipsorū.

Diapsalma est, & pausa spiritus, ubi subita intrōducitur persona. Dauid enim  
cum ex dolore eorum quæ in uitæ autorem impij erant facturi, tum ex considera-  
tionemisererrima futurorū temporum cōmotus, ac penē extra se factus, parum sub-  
stitit: postmodū uero à spiritu exporrectus, in hæc uerba flebiliter prorupit: O fi-  
deles, o æternæ Hierusalem mei confortes, dirumpamus uincula eorum: ne eorū  
perfidia consentiamus: ne ad turpissimos eorum mores, quibus nos quibusdam  
ueluti nodis ac pedicis irretire cōtendunt, aspiciamus. Audierat enim uates olim  
patribus fuisse coelitus dictum, Recedite à tabernaculis hominum impiorum, &  
nolite tangere quæ ad eos pertinent, ne inuoluamini in peccatis eorum. Proijcia-  
mus à nobis iugum ipsorū: nam quæ dicunt facite, quæ autem faciunt, facere no-  
lite. Periculosissimū sanē, atq; adeo grauissimum iugi genus imminet simplicium  
ceruicibus, cum illos quidem homines, à quibus eorum salus ac uita pendere de-  
bet, cernunt impiē uiuere, omniāq; illa quæ suauissimo **CHRISTI** iugo contra-  
ria sunt, edocere, scq; ui quadam impudentissima ad ea obseruanda adstringi, quæ  
nemini quidem digitulo tangere ipsi dignantur. Verum non melatet, hunc  
tertiū



**A** tertium psalmi uersum aliter à nonnullis intelligi. Volunt enim, & optime quidem, uerba illa fuisse Iudæorum, mutua seferabie cohortantium, ac dicentium, Dirumpamus uincula eorum, id est patris, & eius filij **CHRISTI IESV**, siue **CHRISTI** & eius discipulorum. ut sentit Ambrosius, quibus nos uincire cupiunt. Vincula enim ac iugum per indignationem sanctissimū Dei Euangelium etiam nū uocant Iudæi, quo tamen nihil liberius, atq; ad assequendam æternam felicitatem expeditius inueniri potest. Abijciamus, inquiunt, à nobis pollicitationes illas suas æterni regni. Quid? illas, illas terrificas gehennæ minas, quibus nos in suam ditionē seu ui, seu pauore, & illo quidem uano, iurare uolūt, spernamus. Scindamus illorum rationes; leges, iura, dominium, à ceruicibus nostris excutiamus: contrarij quippe sunt operibus nostris. Sic em̄ loqui solent, ait Augustinus, hi, qui **CHRISTI** iugū nolūt sibi imponi: Ecquis, oro, fastus, modestie, crucisq; imperiū ferat?

Qui habitat in cœlis irridebit eos, & Dominus subsannabit illos.

Quod Dauid, ceteriq; propheta Dominum aliquando sedentem, aliquando stantem faciunt, item ambulātem, subsannantem, in ira loquentem, & id genus alia, fictio personæ est, & anthropopathia, qua humani affectus Deo attribuuntur, quo dicta penitius animo insideant. Quapropter cum Deū legimus aliquos irridere, ut hic, illos ipsos statim impossibilia, risuq; digna conari intelligimus. Cumq; in furore, aut ira loquitur, illorū audaciam contractum iri. ac prorsus obtundendā esse demonstrat. Vterius, loqui in Deo, idem esse quod facere, cognitio eorum quæ de diuina potentia, esseq; æterno, ac uno. in personis diuinis cōcepimus, nos admonet credere. Consideremus, queso, q̄ pulchra antithesi rem narret propheta. Illi, ait, cum tumultu conuolant, perstrepūt, infremūt; Deus contra quietus, & in cœlis, ubi nulla potest esse animi perturbatio, aut ægritudo, sedet. Illi anxie loquūtur, consulunt, statuunt, conspirant; Deus autem ridet, subsannatue

**B** illos, uti solet pugil aliquis fortis, si eum tenellus puer sternere adnitatur. Tunc loquetur ad eos in ira sua, & in furore suo conturbabit eos.

At quando loquetur ad eos in ira? Tūc sanē quando suos irritos fuisse conatus, ac uana, cōfirmato **CHRISTI** regno, & studia & cōsilia cognoscent. Quādo subita, cum non sperabitur, ueniet contritio, ut ait Esaias, et cōminuentur sicut contearitur lagena figuli cōtritione perualida. Quando illos ad æquitatis normam iustitiæq; seueritatem librare cœperit. Quando ipsum minitantem, atq; illam tam horribilem, iustissimam tamen, sententiam pronunciantem audient, Ite maledictū in ignem æternum. Putāsne parum pauebūt? Quod, oro, signū aliud, aut argumentum magis euidens diuinæ ultionis, nedum iræ, ab impijs expectandū erit? Quis maior à Deo furor, quàm se tam irreuocabiliter detrudi ad cruciatus, uel ob id uanum miserrimos, quia æternos? Sed & eadem nunc manet seueritas, atq; iræ diuinæ signum, & impetus, illos, quos modo maximo cum dolore cernimus moliri nescio quæ contra supremi iudicis legem, & instituta: falsa edocere, noua inducere, abrogare solita, & eadem quidem sancta, ac antiquis patribus admodum probata; furere, insanire, & putidos quosdam per uulgus interspergere mores, & ritus. Nec est quod quis hic statim clamet, me hunc huius, aut illum illius sectæ imsimulare. Vniuersalis enim est spiritus sententia, nec quæ à me homuncione ad priuatos homines retorqueri debeat. Tunc, ait, loquetur ad eos. Quos eos? Eos, inquam, quos spiritus contra Dominū infremituros, atq; eius uineam deuastaturos præsensit, non tantum sicis, aut contis. quantum malis moribus. feritate tyrannide, ac turpissima omnium uita, & doctrina. Ad eos enim qui eiusmodi farinae sunt, cuiuscunq; conditionis, cuiuscunq; sectæ, cuiuscunq; uel nominis, uel gradus extiterint, decretum hoc pertinet.

Ego autem constitutus sum rex ab eo super Sion montem sanctum eius, prædicans præceptum eius.



- C** Notanda est emphasis, Ego autem constitutus sum rex ab eo, Ego ipse, quem olim tam indignabundi contempsistis, & quem turpissimo mortis genere condemnastis. Ego, cuius leges & praecepta nuper cum clamastis, dirumpamus uincula eorum, discindere attentastis. Ego ille, contra quem tam atrociter repugnastis, dicentes, nolumus hunc regnare super nos, constitutus sum rex à Deo patre. Haud quidem regnū mihi, uti plerique agunt mortales, arrogavi, sed constitutus sum, non à me, uerum ab eo, rex. Quam bene profectò res ipsa successit. A uobis contemptus, despectus, atque tandem cruci affixus, ac morte omnium ignominiosissima affectus, constitutus sum rex uniuersorum, super Sion montem sanctum eius, quæ est ecclesia fidelium, cuius umbra fuit prisca illa Hierusalem. Porro Sion multis in locis meminit Dauid, utpote sedis Dei præcipuæ, è qua diuina dabant responsa: eò enim sacerdotiū, ac regnū à Deo ordinatum erat. Ibi templū, ibi ritus sacri, ceremoniæ, & cuncta illa, quæ in terris tunc sancta appellabantur, ac quæ diuinam præsentiam, fauoremque præ se ferre, atque testari poterant. Enim uero in Sion super Dauid solium Christum sessurum, quò illud in iudicio corroboraret, ut inquit Esaias, & iustitia, non armis carnalibus, neque ad tempus, sed in sempiternum, apud omnes celebre erat. Et tunc quidem hæc omnia per cunctas nationes de Sion iactabantur, ex qua legem aliam ab illa, quæ Moysi olim data fuerat in Sina monte, emanaturam affirmabant. Itaque Christi hominis regnum in Iudæa primum, & in Sion principium habuit, fidelium alio qui ecclesiam adumbrante, quæ uerius speculatrix gloriæ magni Dei dici potest, quam illa umbrarū plena. Atqui hoc in regno Dei filius constitutus, patris gloriam, non suam, erat prædicaturus: propterea ait, prædicans præceptum eius: quod perinde intelligo, ac si dicat: Ego ascitus rex, ac à patre constitutus, non aliud docui, quam quod
- D** mihi ille cōmisit, qui misit, & constituit: non enim iniussus accessi, sed uocatus, sed missus, sed cōstitutus. Qui, rogo, aliud prædicarem, quam quod iussit ille, qui me constituit, & misit: Ita dominus **I E S V S** cum in carne hac crumposa esset, paternæ iussuionis haud immemor, idem ipsum discipulis iam iam ad laborem prædicationis accinctis mandauit. Ite, inquit, docentes seruare eos quaecumque præcepi uobis. Sed quale tandem id fuit præceptum: qualis iussio, quo parum altius uim spiritus indagemus? Ea sanè, quod omnibus per Christum promulgandum erat, si bi patrem dixisse, Filius meus es tu, ego hodie genui te. Hoc certè tanquā firmissimum decretum, nedum quidem ab ipso Dei filio diuulgandum erat, sed in acta quoque referendū: quod sanè quidem exactissime postea per quatuor illos diuinos scribas factū fuit. Proinde si res optime expendat, nihil aliud ad nos ueniens Dei filius in mandatis à patre accepisse uisus est, quam ut cunctis se dei filiū per signa uitæque sanctitatem, & doctrinam esse demonstraret: quod quidem est, eundem ipsum esse æternam uitam, ac pacem. Nam tam alti mysterij notionē habere, summa est, ac diffinitio æternæ beatitudinis. Hæc est, inquit, uita æterna, ut cognoscat te solum Deum uerum, & quem misisti **I E S V M** Christum. Vita itaque æterna, hoc est, mundi salus est cognoscere Christum esse filium Dei, quid nī? Mortem omnino pro hac confessione, & illam atrocissimā libenter oppeterē, nedum iurarem sic esse. Ecquod igitur aliud præceptum à patre habuit Christus, quam ut mundo exponeret se Dei filiū esse, hoc est, æternam uitam gratis per ipsum mortibus apportatam? Quocirca se à patre filiū uocatum, quod idem aiunt esse, quod genitū, declarans Christus, uitam æternam se apportasse declarauit: quod idem sanè est, quod illud, de quo loquitur uates, uel per uatem spiritus, in hoc loco, Filius meus, inquit, es tu, ego hodie genui te: hoc est, te in hac etiam ætate, ac uita statu admodum infelici nati, & apparere uolui: uel, ut sentit Augustinus, significare hodie, te sempiterna generatione, ac ineffabili modo, genui filiū per omnia mihi persimilem, eiusdem substantiæ, eiusdem potentiae, naturæ, uirtutis, deitatisque: hæc enim in terris docuit Christus, hæc pater ipse, qui usque modo operatur,



**A** operatur, unà cum suo spiritu miris modis, ac obscurissimis rationibus suis instillare non cessat. O beatum illum, cui tam sublimis arrha spiritus in carne hac mortali contingit.

Postula à me & dabo tibi gentes hereditatem tuam, & possessionem tuam terminos terræ.

Hic pater filium, quò petat, monere introducit, ne non sciamus quàm ardentè humani generis sitiret redemptionem. Muta enim iam olim in antiqua illa ætate erant omnia, ac furda: nec qui suū aduerteret languorē inueniebatur: in tantum sanè unusquisq; in malorum stupore obduruerat, atque amisso sensu nō erat qui uulnera sentiret. Morbo enim ignorato quis opem postulat? Admonendus igitur is erat, qui & nostras culpas agnosceret, atque ipsis iam mortiferis ex diutino usu & consuetudine factis, proprio sanguine, & nece mederetur. Postula, inquit pater ad filium. Tunc enim filius uisus est postulare, cum carnem assumens factus est homo: etenim ipse secundum quod homo interpellat pro nobis, mediator factus, hostia ac sacerdos. Postulauit, quando paternæ iussione dicto parens, tot diras passus est contumelias, sputa, clauos, ac mortem tandem, haud ipsi, sed nobis debitam. Hoc certè modo æterna cum Christo **I E S V** postulanda est hæreditas: neque unquam aliter à uiris illis, quibus nihil in uita antiquius est, quàm ut duriter uiuant, beatamq; hæreditatem uitæ incōmodis, non delicijs, ac nimia carnis cura adeant, actū fuit. Quid sibi igitur hic uult pater: hoc sanè, Postula o fili: si enim poposceris (hoc est, si carnem assumpseris, mortē uel obieris) ueluti hæreditario iure tuos, tibi omnes orbis subdam nationes. Hæreditabis enim orientem, partesq; occidentales; meridianas item plagas, ac ipsum gelidum Aquilonem, atq; ultimam terræ possidebis. At nunc, ut ait Apostolus, necdum uidemus omnia **B** Dei filio parere. Quid ergo: nō omnes obediunt euangelio. Obedient profectò, ac uelit nolit uniuersus ei subiicietur orbis tum, cum dominus ad iudicandum uenerit cum senatoribus terræ.

Reges eos in uirga ferrea, & tanquam uas figuli confringes eos.

Hebr. sic: Conteres eos in uirga ferrea, quæ quidem litera magis intentionē spiritus uidetur exprimere, q̃ si legas, reges. Cui & adstipulatur paraphrastes, ut sit sensus: Asper eris, ac durus aduersarijs: qui si rebellare uoluerint, scepro tuæ iustitiæ inflexibili, ac seueritatis, perinde illos conteres, atq; solet à figulo uas coctū conteri. Eiusmodi fermè similitudine usum esse Hieremiam legimus, qui confracta laguncula coram senioribus, dixisse fertur uice domini: Populum istum, & urbem istam confringam, sicut hoc uas confringitur, quod reparari non potest. Sic Christi hostes, sic rebelles fidei, sic crucis osores, solent comminui, ut in æternum restitui nequeant. Nulla enim res adeò à pristina remota est integritate, quàm si uas uiperfringas uitreum, aut uasculum aliquod è terra coctum, baculo conteras ferro. Quod quidem alio in psalmo uas perditum appellat uates. Factus sum, inquit, sicut uas perditum. Etenim quæ similitudo aptior unquam à propheta excogitari potuit, quàm quū impio, infideli, superboue, ac ambizioso, in die iræ usq; eò conterendo, ut ne uestigiū quidem eius ullum amplius à quoquam cerni possit, uas figuli comparare uoluit, quod potenti uirga aliqua è ferro confringatur? Quis unquam uasculi eiusmodi minutias unà coire posse iterum somniabit? quis tam pertrita restituet fragmenta? quis, quæso, illos ad pristinos reponet honores? ad amatas sedes? ad tam ardenti ambitione quæsitos gradus? ad fastum? ad tyrannidem? Atqui ut maxime uas cōminutum integrari queat, semel tamen æternis pœnis addicti, hoc longius à reparatione absunt, quo diutius dant pœnas, & has quidem interminabiles. Siquidē apud inferos nulla potest esse, aut pietas, aut redemptio. Si ceciderit, ait, lignum aut ad Austrum, aut ad Aquilonem, ibi erit. Porro sciendum, iram, furorē, uindictam, uirgam ferream, & multa alia id ge-



**C** nus, hebraïsmum frequentem esse in scripturis: uix enim aliter res diuinæ ab humana lingua exprimi possunt.

Et nunc reges intelligite, erudimini qui iudicatis terram.

Consideranda semper est in humanis rebus, siue dulces, siue amaræ sint, tum Dei bonitas, tum iustitia. Suprà enim nos spiritus peramanter admonuit, ne improborum perfidiæ faciles præbeamus aures, atque illorum malitiam probemus, cum inquit, Dirumpamus uincula eorum. Modo eosdem nos hortatur, ut intelligamus, erudiamurq; id est, ut æqui simus iudicij, ac consilij: nec non in his quæ à nobis agenda sunt, doctrina uerbi Dei præuia instruamur. Quæ maior iam potest esse cum iustitiæ, qua nos ex peccatoribus iustos efficit, non imputans peccata, tum bonitatis demonstratio, per quam æternorum bonorum ad hæreditatem gratis inuitamur, & quodammodo uel inuiti trahimur? Ait ergo, Et nunc: quasi dicat, Simulatq; o reges addiscere potuistis, quàm diræ maneant Christi hostes calamitates, iam uel serò sapite. Me enim constituto rege, ne mœrore contabescatis, ne cõqueramini, non parũ uobis præstare arbitremini, quod illi pareatis à quo uerus est intellectus ac eruditio. Cæteræ quippe eruditiones ab hoc solo uim habent, & præsidij: imò uanæ sunt, ac prophane, absq; huius uel ope uel gratia. Pulchrè & illud glossæ: iam cõtrito luto, iam innouati estis, iam fortes estis regere uos.

Seruïte Domino in timore, & exultate ei cum tremore.

**D** Sic sic inquã estote reges, ac præsidēs, ut uos tamẽ esse homines agnoscatis. Tunc enim princeps, rex, aut præses (cum præsidem dico, aut principem, eum dico qui non tantum rempublicam aliquam ciuium gubernat, quantum qui animas) Domino seruit, dictoq; paret in timore, cum adeò diligenter, atq; ea autoritate suos curat, ut se tamen in coelis oculatissimum habere iudicem cogitet. Namq; ex tali animaduersione quidam oriri solet in iudicandis alijs timor, quo quodam ueluti freno retractus iudex, ægritudines illas omnes animi, quib; corrumpi solent iudicia, expuit à pectore, atq; ab sese abigit. Quotus enim quisq; est, uel ex religiosioribus quidem uiris, qui in promulgandis sententijs, & iudicijs, aut in exequendis promulgatis, seu etiam in inferendis pœnis, metum hunc moderatum præ oculis habeat? Putant enim nonnulli, dignitates, atq; officia ipsa, nō ministeria in dignitatibus & officijs à Deo expeti, & probari. Ex quo sanè errore uix ferèdo, nascitur plerunq; uanitas quædam animi ac lætitia, pro adepto magistratu, eousque gestiens, ut nullum alium fructum in illo suo, ut uocant, gradu capere uelle uideant, quàm quod à subiectis sub hasta quodammodo transeat, cum obuñ fiunt. Ridicula plañe res est, atq; ab animis ingenuis prorsus exhibilanda. Non tibi, ait græcum illud epigramma, ô aselle, sed quia deam uehis. Quare huiusmodi parum urbani homines à spiritu admonentur, ut Domino in timore seruiant: quod si tamẽ exultandum sit, cum tremore exultent. Verum ne timoris, seruitutisq; nomine audito suspicaretur aliquis, seruitutem eiuscemodi coactam expeti, ac requiri, mox addit, Exultate ei: seu, ut alij legunt, de eo, benignissimo uidelicet patre, nō de uestra dignitate et honore. Iterum uerò, ne lætitia atq; exultatio in gesticulationem & temeritatem iret, ex qua leuitas animi procedit, in tremore inquit, Solet enim inconsideratum gaudium neglectum parere. Itaq; sensus erit, O uos reges, ô uos iudices, ô uos qui respublicas, qui ciues, qui aliorum animas regitis, ac iudicatis, uos Deo subditos esse perpendite, illum cum timore colite: de tanto rege, non de uestro magistratu ac gradu gaudete, contremiscentes tamẽ semper ne in iudicijs uestris, ne in pœnis ab reis exposcendis, ne in imperijs, in moribus, in uita, in doctrina illum offendatis. Atqui hic tandem uidēs metum cum exultatione permistum: ex qua re nobilissima quædam pars fidei, uel ea in primis præcipua exoritur, cum quis de se, suisq; bonis ac uirtute pauidus, timet Dei minas, flagraq; illa quæ à Dei lege aberrantibus infligi solent, ueretur: sed rursum de salute, ob promissiones hu-

mano



A mano generi factas ab illo, qui solus in attendendis promissionib. uerax est ac stabilis, securus perstat, & in Domino etiam atq; etiam gloriatur ac gaudet.

Apprehendite disciplinam, ne quando irascatur dominus, & pereatis de uia iusta.

Primum enim, ne in multis morer, uolunt Hebræi particulam hanc tribus modis posse legi: aut ut nos legimus, aut, adorate purè, aut, osculamini filiū. Sed magis propriè duabus ultimis quàm prima utimur, cuius tamen is sensus esto: Apprehendite disciplinam, hoc est, spiritus increpationes illas quæ per uerbum sanctum Dei fiunt; ne detractetis, quin potius ueluti munimentum quoddam aduersus ea omnia, quæ uobis in agendis rebus obesse possunt, suscipite. Erudimini, inquam, haud in superficie quidem, sed summo studio, ardentiq; cura, atq; animo contendite, quemadmodum illius monitis & correctionibus uosmet, alioqui rebelles, subiugatis: perindeq; tenaciter huiusmodi apprehendite disciplinā, ac teneate, atq; hi solent qui pugno tenent aliquid, ne effluat. Illud uerò, adorate purè, sic intelligi posse arbitror, quod ipse Deus optimus, maximus, solus uerè adorandus, ab homine colī debeat purè & sincere, hoc est, nullo nostro in eius obsequio, permixto proprio aut amore, aut cōmodo. Nullum enim fucum, nullam hypocrisisim, nullam crustam admittit purissima illa simplicitas. Proinde maximopere nobis pertimescendum erit, ne nos qui aliquid uideri uulgò uolumus, dum absq; huiusmodi disciplinæ, atq; eruditionis freno, seruire posse Deo aut credimus, aut credere fingimus, duos, quod aiunt, parietes de una fidelia dealbare uelimus. Iam tertiæ lectionis is erit sensus: Filium Dei, à quo nostra omnis est salus, libenter audite, suscipite, amplexamini, eius expetite amicitiam, non persequamini, nō in eū fremitē, non aduersus eum cōuenite, ne si quando irascatur, pereatis de uia iusta, hoc est, ne excacati, deinceps, quō eundum sit uobis, non uideatis, & sic in peccato uestro moriamini. Quod quidem obueniet,

Cum exarserit in breui ira eius.

Id est, cum subitò, cum non speratur, repentina superuenerit de improviso calamitas. Illud enim, ne pereatis de uia iusta, prætere istuc uidetur, ne scilicet de mundo exterminandi, in æternā supplicia protrudamini. Via quippe iusti, seu uia iusta, recta uiuendi ratio appellari potest. Si quidem uita hæc nostra ea est, per quam duo nobis monstrantur itinera; unum, quo ad futuram illam aliam immortalem uitam; alterum, quo ad miserrimam alteram illam inferorū properamus mortem, quæ sanè breui, atq; insperata futura est hora; nam non uideo quid iam longū in hac breuissima uita dici queat, quam ex Græcis unus umbræ somnium appellandā esse censuit. Hebræi habent, modicū, cuius dictionis is erit sensus: Ne modicam quidem eius iram feretis, quid magnam? Vasa quidem estis fictilia uix usus apta, & iam exterminio obnoxia. Tunc uerò, serò licet, sentietis quàm illi quidem felices fuerint ac beati, qui totam spem suā, fiduciamq; in Deo, nō in huius mundi fauore ac gratia collocauerint. Sed quid opus uerbis? quid multis moneo, ut huic regi ex animo seruiatis? quando is est, ut planè beati sint, quicunq; ipsum regem adorant, & in eo confidunt. Sat sit igitur hoc unum monuisse, & iterum atq; iterum inculcasse, Beati omnes qui confidunt in eo.

PSALMVS *Dauid, cum fugeret à facie Absalon.* III.



OMINE quid multiplicati sunt qui tribulant me?

Psalmus iste reuelatus fuit Dauidi, cum à facie filij sui Absalon, ut in Regnorū libro secundo legitur, sese fuga subtraheret. Tunc enim in spiritu illi, uti umbræ, ac præludio, domini IESV mors, persecutio, & demum è tumulo resurrectio ostensa fuit. Ex qua quidem uisione & spectaculo, hanc mirabilem composuit odam, quæ tum ipsi, qui multa à proprio filio, à lu-



C dāis, à suo populo est passus: tum uel maximè, uerissimeq; Dei filio, qui eadem, & atrociora, in terris à suis pertulit, conuenientissime aptatur. Propterea cum Christus ipse, aut loqui, aut, quod hominis proprium est, pati aliquid in psalmis intro ducitur, hi omnes loquunt, patiunturq; quotquot ad eius uenerādum corpus at tinent, quorū ipse caput est: nec secus quidem fit, siue sit Dauid qui loquitur, aut patitur, siue anima alia, siue tota ecclesia, Christus enim tum est, ut umbræ ratio, ac ueritas conueniat, qui & loquitur, & patitur, cum ait, Domine quid multiplicati sunt qui tribulant me: Quàm multi sunt, clamat Christus, qui me affligunt. Quo tamen meo merito? Quò, malum, quorundam progressa est feritas, ut uel de meis proprijs alumnis unum secum trahant contra me? Siccine filios enutriui? Siccine uiros tam diros, tam omnis humanitatis expertes alui, qui aduersum me tandem insurgerent? Quis hic non flect periculum animæ, quæ se hostium cuneis, atq; his fortissimis, circumseptā uidens, clamare cogitur, Heu quàm multi sunt hostes qui me insectantur? Videt sanè misera hominis cōditio, tauros hinc pingues, illinc ca nes multos circum se stare: à dextris, à sinistris, ab omni unde quaq; latere salutem suam à mundo, à carne, à sensibus, à peruersis hominibus impeti, & non uocifera bitur. quàm magnus illorum numerus est, qui ex cōposito, factoq; impetu in me, hoc est, in rem tam debilem atq; infirmam insurgunt? Aiunt enim à spiritu sancto edocti, tentationes à dāmonē diuersis artibus exerceri. Aut enim à fronte eum fe rire asserunt, cum spem felicis exitus in rebus maximè nefarijs pollicetur, & sugge rit; aut à tergo, quando ob memoriam male antea ctæ uitæ oblectat, seu nimium terret incautos. A dextris etiam ab arte sua nō cessat perfidus, nobis ad blandiens, ac uim atq; opem ad assequendas uirtutes, quo nos ad cenodoxiam impellat, ad dens. A sinistris tandem nos impetit, cum abiecta simulatione, nobis & cælum & punctum cominus aperto iam Marte uim infert manifestam.

D Multi dicunt animæ meæ, non est salus illi in Deo eius.

Grauiissima omnium hæc est tentatio, cum animæ alioqui nimium per se pa uidæ, obijcitur ab hoste, non est salus tibi à Deo tuo. Te, inquit, contemptui ha bet, non te audit. Quod quidem accidit, cum Deus animas penè uidetur non so lum deseruisse, sed & illis aduersari tum, cum nimium diu, ut sibi uidetur, sub aduersitatum pondere laborare apparent. Heu quàm dura tunc est uita, quàm intolerabilis, quàm odiosa. Nulla certè omniū inuenitur aduersitas cum hac com paranda, nemors quidem ipsa. Verum tu hostium derisionem aduerte, cumq; Deo tuo atrocissimum illud in cruce improperium audi: Confidit in Deo, liberet eum nunc si uult. Vah ille Deus, quem hic tanti facit, & in quem sperare se iactat, non fert opem, quare non est salus illi in Deo eius. Nemo certè homo est, qui in diuturnis tentationibus aliquando nō fathisceret, planeq; desperaret, nisi mox fides præstò esset, quæ queribundæ illi admirationi, qua anima sese à nimium mul tis circumuentam conqueritur, responderet.

Tu autem dñe susceptor meus es, gloria mea, & exaltans caput meū.

Hic ab Hebræis *selah* interponitur, nota nimirum exaltandæ uocis, seu animi ad ea quæ dicenda sunt, intendendi. Atq; est, quasi id dicat afflictus: Imperat orbis uniuersus, urgeat, lædat, uulneret, ac in me cuncta sua, siue supera, siue infera sint, agmina moueat, quid timebo? Quid me illis obijcere trepidabo, cum tu Domine susceptor meus sis, meq; tuteris, ac ab illorum telis uendices? Falluntur sanè ho stes, cum de me dicunt, non est salus illi in Deo eius: quando quidem tu, ô Domi ne, me sub tuæ protectionis alas nō aliter & suscipis, & cōgregas, quàm solet auis aliqua suæ prolis studiofa, atq; amantissima. Vidēs ne ô lector quid agat fides? Tu igitur, clamat in nobis fides, susceptor meus es, gloria mea: hoc est, tu solus es glo ria illa mea, qua gloriari & possum, & debeo. Alij enim genus, diuitias, patriā, ho nores, addo & iustitiam propriam, propria opera, proprias religiones, ut lubet, ia citent:



**A**stitent: ego autem, uel inuito mundi fastu, usq; ad raucedinem uociferabor, quòd tu solus es, in quo meam spem omnem ac gloriam collocaui. Neque uerò mihi opus erit caput, mentis, atq; adeò animi indicium, præ confusione ac dolore, humi figere, ut hi solent qui capite damnati ad supplicium ducuntur, cum tu caput ipsum meum erigis, ac me tandem gloriosum reddis; hoc est, tua me gratia iustum facis, & saluas, quæ sanè est unica mortalium omniũ gloria & exaltatio: ex quo quidam non amplius pudibunda fronte, aut demissa, sed hilari atq; aperta incedam. Porro hìc caput, minime erit absurdum, mentem, seu humanum intellectum appellare mauis, in Christo intelligi, erectum quidem ad expressam patris uisionẽ, & contemplationẽ, quam sanè ab ipsis suis primis incunabulis excellentius affectus est, quàm intellectuales omnes aliæ creaturæ: & quam subinde alia capitis exaltatio est subsecuta, simulac cœpit à patre mundo ostendi. Quando enim in **C H R I S T O** diuinitas ipsa in terris cœpta est manifestari, tum & illius caput, id est, Deus ipse in illo homine cognosci potuit; nam caput Christi Deus, ut ait Paulus. Hanc enim gloriam, capitis uel exaltationẽ, alio loco exoptauit filius ipse, cum patrem hoc modo allocutus est: Pater, inquit, clarifica me apud temetipsum, hoc est, fac me cognosci filium tuum; quod idem est, quod exalta caput meum. Verùm uos persecutores mei, quo uultu iactare audetis, haud esse in Deo meo mihi salutem; quomodo, quæso, istuc? longe enim aliter se res habet, q̃ uos optastis: nam

Voce mea ad dominũ clamaui, & exaudiuit me de monte sancto suo. Hìc filius Dei se semper à patre exauditum cum orauit, gloriatur. Et exauditus est, ait Paulus, pro sua reuerentia. O fiduciam nostram, Pater, inquit, ago tibi gratias, quoniam exaudisti me; ego autem sciebam, quoniam semper me audis. Quis, oro, adeò sibi diffidens est, ac de se, suaq; uirtute atq; ope desperans, quin spem suam mat atq; animũ, cum hoc tam certum de Dei bonitate erga se recolit testimonium? Cum clamore, ait Paulus, ualido, & lachrymis orauit patrẽ. Quæ, rogo, bonitas, quæ benignitas cum illa comparanda, qua nos Deus se in filio semper audire testatur? Hec quidem sunt lachrymæ, hìc gemitus, hìc clamor, haud noster, nostrarũ uel precum aut modus, aut numerus, quibus intercedentib; à Deo audimur. Vult sanè pater, atq; à nobis & lachrymas & suspiria exigit, sed eo pacto ac lege, ut ipsarũ lachrymarum uim, atq; efficaciam, sui filij lachrymis & precibus acceptum referamus. Cadit, crede mihi, nostra omnis præsumptio, hisce fidei ac ueritatis consideratis rationibus. Sed ad institutum redeamus. Exaudiuit me, inquit, de monte sancto suo. In omni, ait, loco semper exaudit me Dominus: sed potissimum in monte sancto suo, hoc est, de excelso suæ gloriæ throno, ac solio. Hebræi habent, de monte sanctitatis suæ, qui Sion est, typus nimirũ ecclesiæ. Promiserat enim Deus sese in medio populi sui habitaturũ, ac se ad arcæ propitiatoriũ orantes exauditurum, unde diuina solita erant hauriri responsa atq; oracula. Ecquis hìc non uidet ueritatis imaginem ab illis umbrosis rebus, & imaginibus caducis, solidam emanasse? Arca enim ecclesiam adumbrabat, propitiatoriũ Christi carnem, qua nobis propitiatio factus est, salus & uita. Mons uero sanctus, è quo nos iri exauditum testatur Deus, ipsa diuinitas: quæ Christo homini, atque adeò ecclesiæ suæ sanctæ uim dedit, illi, ut ex duabus naturis in unitate personæ, unum esset cum patre, hoc est, unus Deus: isti uerò, ut ex participatione gratis cõcessa, una esset & ipsa cum Deo, uoluntate & amore. Exauditur itaq; anima, facileq; impetrat quicquid rogat, si è monte sancto Dei, hoc est, si è diuinæ in Christo naturæ fide, ac persuasione haud quaq; uacillante, spem firmam rogata obtinendi, sumit, non aliunde. Etsi quidem leuandi sunt oculi nostri in montes, ut admonet Dauid, auxiliũ tamen nostrum à Dño sperandum erit, de mōte scilicet sancto eius. Quis, inquit, requiescet in monte sancto tuo? Quis adeò montis sancti huius amans erit, ut in illo requiescat, uiuatq; nō secus quàm solet amās esse in amato magis, q̃ in se? Habitat igitur in monte sancto Dei, id est, in Christo eius filio, atq; propterea in eius ecclesiā, is qui nullo



**C** alio è loco, nullàue alia è re, & ope, suum exoptata auxilium, præterq̃ ab ipso Dei filio, qui mons Dñi præparatus in uertice montium, ab Esaia dicitur, Cæterū uocis nomine, & clamoris, cum sæpe aliàs, tum potissimum hoc in psalmo, uult uates ardentem in Christo fuisse affectum intelligi, cum oraret: qui uel tum maximè quidem per illud Euangelij cōsiderari potest, ubi ipsum Dei filium in agonia factum, sanguineas guttas exudasse narrat, Ab hoc enim archetypo, neq̃ aliunde, quem admodum cæterarum uirtutum, ita & orandi nobis exemplum petendum erit.

Ego dormiui & soporatus sum, & exurrexi, quoniam Dominus suscepit me.

Hic nulli dubium esse debet, Christi mortem significari: qui quidem sicut uerus erat homo, ita uerè mortuus est, & propria se uirtute è tumulo excitauit, Dormiui, inquit, mortis somno in cruce, & in sepulchri gremio soporatus sum. Nam quemadmodum Christi mors, ita & iustorum, sopor uerius, propter futuram resurrectionem, dici potest, quàm mors, Sed quid anima illa, quæ se iam sentit exauditam à Deo? Ego, inquit, simulatque intellexi me, meosq̃ gemitus ac suspiria Deum respexisse, leniter soporata dormiui; depulsoq̃ timore, atque diffidentia omniniamota, lectulo me meo curis uacua cōmisi, Vide securitatem hominis Deo fidentis, Alioqui cor curis exæstuans, ac conscientia stimulis exagitatum, corpus omne consumit, atq̃ ab oculis somnum aufert, Et ego aliquando miser, & infelix, cum Elia præ tædio, ac lassitudine uia huius uitæ, quam semper maximo meo damno inquinauī, sub una iuniperorum sedens, dormiui in peccatis, Sed neque hoc satis: nam in peccandi delectatione soporatus, prorsus à uera uita exanguis iacui, Verum stimulo iam tandem infixio, quo mihi cœlitus est dictum, usquequo piger dormis? exurrexi: non quia uolui, aut multum conatus sum, sed quia Dominus suscepit me, aut, ut legunt Hebræi, quia Dominus sustentauit me, scilicet ne posthac cadam, & moriar omnino, Quamobrem

Non timebo milia populi circundantis me.

Ut lubet multiplicentur qui me affligunt, in me conspirent, insurgantq̃, ac de me dicant, non est salus illi in Deo eius: non deinceps uerebor, quò me iterum in letalem aliquem somnum protrudant, Vide, quæso, uiripectus stabile, in malisq̃ obduratum, atq̃ in Deo firmatum, quod nihil, ne myriades quidem quamuis numerosas hostiū pertimescit, Omnia enim æqualia putat esse in hoc mundo, uanitati nimirum obnoxia, citoq̃ prætereuntia, Deum enim, quem unice diligit, timet: atq̃ homines per Deum, Idcirco non est quod tam pauide quis uiuat, cum tyrannus plagas, exilia, bonorum honorumue depopulationes, carceres, damna, triremes, boias, eculeos, locorumq̃ mutationes, & mortem tandem intentat, cum his atq̃ huiuscemodi corporeis admotis tormentis, amplius quid faciat, ut ait Dominus, non habeat, In animas enim ius exercere nō possunt tyranni, atque plagiarij isti: qui tamen cum numerosi admodum sint, passimq̃ uel in ipsa parua decurionatus manu, nedum in regnis appareant, nemo est tam infracto animo, qui alia quando illorum ferociam non timeat, Quapropter

Exurge Domine, saluum me fac Deus meus.

Iacere dicitur Deus humano more, quando ex occultissimo suo, iustissimo tamen iudicio, bonis sinit malos præstare, atq̃ eos premere, Exurgere uero, quando ex liberatione suis præstita, diuinam suam potentiam, quæ antea iacere uidebatur, & suscitatur, & manifestatur: tunc enim apparet quod non dormit, neq̃ dormitat qui custodit Israel, O Dñe, inquit, in cuius resurrectione omnium sita est salus, exurge iam demum, tuam demonstra potentia, ac uirtute, & me libera, Cæterū, quod ait Augustinus, mos est scripturæ, ut sæpe Deo tribuat, quod ipse in nobis facit & operatur, ut hic: tunc enim, ait, nobis Deus surgit, cum nos ei surgimus, Ergo, dicit aliquis, nos prius surgimus, q̃ nos Deus (hoc certè uelle uidetur August.) exci-

ret, ac



A tet, ac nobis surgat. Sed alia disputatio est. Fac igitur o Dñe I E S V nos à luto, ab humo, à peccàdi cōsuetudine, à sopore ac nocte profundissima aeternae mortis surgere, atq; in tetra transire. Quod enim aliud transfugium esse potest, quod idem turpe non sit, prater id, quo transfugimus, ut ait ille, à dominis agrestibus, à nocte scilicet, à mundo, à peccato, à morte, ad lucem, ad Deum, ad innocentiam, ad uitam. Propterea enim Christus mortuus est, & resurrexit, ut nos peccatis mortui, iustitiae uiuamus, non ut perpetuo somno in peccatis obdormiscamus.

Quoniam tu percussisti omnes aduersantes mihi sine causa, dentes peccatorum contriuisisti.

Transacta beneficia memorat, quo coelestem patrem ad uentura prouocet. Dici non potest, q̃ ipse aeternus benefactor ad dona sua in memorem animam transfundenda propensus sit. Diuus Hieronymus ex hebraeo sic legit: Quoniam tu percussisti omnium inimicorū meorum maxillam. Quibus quidem uerbis uolunt Iudas in Christum uerbis maxime ac maledictis peccasse, designari. Haud solum autē cum impudentissimē negarunt, sed blasphemias insuper, dicteria, ac contumeliosissimas irrisiones addiderunt. Vah, inquiunt, qui destruis templum Dei, et illudebant ei. Dignum quippe est, ut in ea ipsa corporis parte, qua quis peccauit, ipse mulctetur, talionis lege, subiaceat. Sensus igitur erit: Nō timebo populū quamuis numerosum me circundantem: quoniam dentes, maxillasq; illorum, hoc est, eorum blasphemias ac maledicta, quibus ueritatis cultoribus obtrectant, fortiter comminuere es solitus. Sine causa, addit; id est, ipsa sola malitia illos ad hoc impellente, non quod illud meritis sim. Multum admodum ad retundendas haereticorum blasphemias, obtrectatorū mae maledicentiam, facit doctrina humana: sed ferme nihil est ad uim illam, quae à Deo coelitus infertur, & quam quidem saepe in Concilijs ecclesiae uniuersalibus experti sunt Graecorū haeretici, uicti magis à sancta quorundam simplicitate, quam ab argutissimis doctorum disputationib. Disputandum sanè est (fateor) cum haeticis, doctrina quidem, sed multo tutius sanctitate uitae. Non conturbor, ait Velleius apud Cíc. flumine inanum uerborum, nec subtilitate sententiarū, si orationis est siccitas. Siccitas uero ista, ac ieiunitas in Christianorum concionibus & disputationibus, est ipsa spiritus absentia. Ecquis est qui spiritus sancti succo uegetus, rhetorem quamuis eloquentem, sed absque huius uir & uirtute uerba effutientē, uereatur? Confidite, ait Dominus I E S V S, ego uici mundum. Eadem ratione & electi, per ipsum, non per se, aut per suam literarum copiam, uincere posse confidunt. Sermo meus, dicebat Paulus, in ostensione spiritus & uirtutis est, ut fides uestra non sit in sapientia hominum, sed in uirtute Dei. Vides, uides, inquam, celebrandorum conciliorū robur, & fundamentum? Vides qui inter alios, publico edicto, ad sancta illa comitia, uel ab extremis mundi regionibus euocandi sunt?

Domini est salus, & super populum tuum benedictio tua.

Repressis itaque maxillis, retusisq; sannis, in Deum, Deiq; amicos conspirantium, iam demum exoptata apparet salus, quae quidem ab ipso Deo solummodo sperari debet. Idcirco duo hic propheta dicit. Vnum, quod Deo ipsi tantummodo nostra referenda sit salus, & liberatio: huius enim, suos, etiam ubi omnia clamata uidentur, ac planè perditā, de improviso liberare mos est. Alterum uero, quod salus eiuscmodi ad Dei populum solummodo pertineat. At qualem asserimus Dei esse populum? Eum sanè, quem uirum beatū suprà in primo psalmo appellauit spiritus. Eum dico, qui nullo actionum suarum habito respectu, malae ne an bonae sint, sola Dei misericordia scit se liberandum, & qui uel in media ipsa morte, ac sepulchro, in eo confidit. Soli enim fermè semper in tentationib. desperantes pereunt. Porro ut inflammatoriore affectum demonstret uates, subito personam mutat, Deumq; alloquitur dicens, Et super populum tuum benedictio tua: hoc est, tuos



**C** bonis cumulare consuefcis ô Dñe, & est metaplasinus. Benedictionē Dei in scripturis frequentissimē legimus esse beneficentiā, ac liberalitatē: nam cum dicere in Deo idem sit quod facere, consentaneū item erit benedicere, benefacere intelligi. Vnde illud: Benedicens benedicā tibi, & multiplicabo te. Hinc & illā tam crebrā cœlitus patrib, factā in lege antiqua benedictiōnes, Abraæ scilicet, Isaac, Iacob, Ioseph item, atq; aliā alias passim per scripturas. Hinc rursus translātū putant quidam ad homines, ut superioris benedictiō pro bona imprecatione, feliciq; omine accipiat: non sanē excogitata ad demonstrandā quorundam animi leuitatē, & tumorem, qui sibi adeo ferē semper ad blandiunt, ac placent, cum cernunt subditos incuruari, & pressō poplite petere benedictionē, ut cum suam illam, protensis digitis, crucē dissecare occiperint, mimos eos dicas, aut personatas simias: adeo & genu, & brachio, & collo, & limis (ut sic dicam) oculis, benedictionem porrigunt. Eā ne animi uanitate proferenda est salutis nota: Vestrā ne sunt huiusmodi benedictiones, ô mortales, an illius potius, quem mansuetissimē nunc orat uates dicens, O Domine benedictio tua super populum tuum maneat: uel, quod clarius atq; elegantius à paraphraste accepimus, a te solo expectanda est salus uera, qui in populum te cognoscentem mirificē semper fuisti liberalis.

PSALMVS *David, ad uictoriam in Canticis. 1111.*



**V**m inuocarem exaudiuit me Deus iustitiæ meæ, in tribulatione dilatasti mihi.

**D** Prophetæ in spiritu de gentium ab idolis cōuersione ad ueram pietatem, cultumq; solidum, psalmus iste innotuit: & est letum canticum ac, ut Græci appellant, προσκελευσις, hoc est, uehementē adhortatio ad fidendum Deo, in quo solo totius uictoriæ nostræ uis, ac robur consistit: & qui finis noster est, ad umbratus quidem sub titulis illis psalmorū crebris, In finem scilicet, Psalmus hic igitur hortatur omnes, ac tuba ueluti quadā militari uocalissima prouocat ad inuadendas hostium copias, illisue fortiter resistendum: quia certissima promittitur de bello uictoria, & triumphus. Verū illi in organis quondam, nablīs, & cæteris instrumentis musicis pro uictoria aut adipiscenda, aut iam adepta, Deum orabant, illiq; gratias agebant: nos uerò in cordis gaudio, presentiq; animo, ac iustitiæ sacrificio tantummodo, Præterea illud est cum Augustino considerandum, quo nos admonet, Christum in psalmis continuum esse, semperq; loqui ac uersari, siue caput sit quod loquitur, siue membra cætera. Verū in Christi uoce, ut ipse ait, unumquemq; suam agnoscere posse, & debere uocem. Nam ipse aliquando dicit quod sibi soli conuenit, nec tamē se à nostris uerbis dirimit, imò à suis proprijs ad nostra redit, & à nostris interdum ad sua propria transit. Qui enim cum Augustino in psalmorum enucleatione sic sentit, nō multum torquebitur, si in quasdam literæ interdum salebras inciderit, quibus minus Deo digna dici à propheta nonnunquam uidebuntur. Itaque tantus uates, utpote nobile. **C H R I S T I** membrum per fidem effectus, atque adeo fidelissimus quisque Dei amicus, in hoc psalmo gloriatur de diuino fauore, non de humano, in conspectu maximē carnalium quorundam hominum, qui uiam crucis, asperam scilicet & difficilem, irrident: ipsiq; quantum possunt, & lingua, & uita aduersantur, ac detrahunt. Airigitur, Cum inuocare exaudiuit me Deus iustitiæ meæ: hoc est, Deus iustificator meus, & is, à quo mea omnis dependet iustitia; quique meæ testis est innocentia, cum anxie eius implorarem auxiliū, exaudiuit me. Iactat ne se hic de iustitia sua uir sanctus: Iactat sanē, ac proprias nonnunquam celebrat laudes, ubi diuinum honorem, non propriū resultare posse confidit. Hi enim tutò suas prædicant laudes, qui è nostro isto sanctorū uulgo minime sunt: qui quidem sancti seipsos nondum integrē abnegarunt, qui sua omnia chara nimium habent, qui nihil aliud quam



**A** quàm suum nomen, haud Dei, illustrari cupiunt: quicquid habent, à Deo se habere ignorant, atque ad hoc, ut alij sentiant, Volebamus, inquit Paulus, vobis tradere non solum Euangelium, sed etiam animas nostras. Vide, oro, calorem Pauli in fratres, ô tu, qui nihil aliud in donis tibi cœlitus datis expiscaris, quàm tuum nomen, ac cōmodum. In tribulatione dilatasti mihi, Narrat uir sanctus, sui clamoris effectum, iustitiæq; exitum, & uim, quæ cuiusmodi est, quia mentis tranquillitas acquiri solet, & ex qua quidem summum cordi innasci gaudium existimamus. Cor enim ut mœrore constringi cernimus, ita & gaudio contrà dilatari. Quod tamen gaudium nunquā, ne semel quidem, nisi pacata prius conscientia, alicui constringit. Mala nanque conscientia, uidelicet à facinorum fluctibus sceleratorum excitata, nunquam quiescit, sed cor miserandum in modum concerpit, ac uastat. Cor nostrum dilatatum est in uobis ô Corinthij, aiebat Paulus. Atqui rursus hic Pauli considerata est in Corinthios tum charitas, qua uel ipsa saxea corda emoliri possent, tum gaudium, ex bona eorundem cōuersatione. Videtur enim uates hoc in loco totam suæ supplicationis summam in hoc locasse, ut corde libero, patienti, ac ut alio in psalmo uocat, mundo & candido, donaretur. Sciebat enim ex cordis libertate, atque innocentia, pacem animi erumpere solitam, qua in terris alia certior nulla esse potest. Sint mihi regna, sint magistratus, sit uel ipsius orbis imperium, ne hilum quidem faciendum ducō, si, ueluti rapax Tityi uultur, meam excarnificet conscientiam stimulus. Gratanter igitur applaudit sibi uates, & ait: In tribulatione, quam asferre solet mundus, homo. peccatum, mors ipsa, me dilatasti: hoc est, mihi de concessa liberatione gaudium præstitisti, atque in angustiis redactō lausissimum sæpenumero de improuiso campum aperuisti. Putās ne cum uiro

**B** huiusmodi latitia affecto, posse affici tyrannum? adulterum? paricidam? draucum? paticum? furem? rerum sacrarum uiolatorem? decoctorem? malum ciuem? malum principem? malum sacerdotem? malum monachum? Deuastat (crede mihi) funditusq; concerpit cor, quicquid sedem in eo habet, quod terram sapit, atq; illud omne quod sensus hos brutos alit, & oblectat. Cœlestis enim originis cum sit cor, haud facile adulterinas suapte natura admittit cogitationes. Alioqui naturarum ubi diuersitas, ibi discordiam esse necesse est. Affectus carnis, seu, ut noster habet interpretes, prudentia carnis mors est, ut ait Paulus: affectus autem spiritus uita. Quid magis aduersum in re ulla esse potest quàm uita & mors? caro & spiritus: bellum & pax? Cæterum quia fidei semel exaudita est, se iterum, ne ingrata existat, ex auditum iri sperare, orat denuò,

Miserere mei, & exaudi orationem meam.

Pugna enim carnis cum spiritu, cum nunquam in hac uita cesset, idcirco nunquam à liberationis desiderio est cessandum. Ingemiscimus, ait Paulus, expectantes adoptionem filiorum Dei, redemptionem corporis nostri. Hoc enim desiderium si adsit frequens, frequens est oratio, et ea quidem, cui facilis ad diuinum contemplandum aspectus pateat aditus. Illum quidem uirum, ne horulæ punctum, ab oratione cessare arbitror, qui in continuo liberationis affectu uiuens, nihil tam in uita expetit, & quærit, quàm quomodo sua uota omnia, studia, appetentiæq; omnes, atque affectus, Deo probentur.

Filij hominum usquequo graui corde?

Blandè, peramanterq; mortales omnes propheta admonet, uel in primis coredatiores, quos (secundum Hebræos) inclytos appellat Hieronymus: & ait, O filij uiri, seu inclyti, quos uidelicet Deus nobili, diuinoq; effinxit animo, eia quousq; plumbeo, depressoue, ac non quærente, quæ sursum sunt corde, uita mtraducitis anxiam? O filij haud amplius Dei, propter turpitudinem peccati, sed Adæ: qui terreni, non cœlestis Adæ imaginem præstatis: quicq; illius præuaricationem imitmini, non C H R I S T I obedientiam, usquequo graui atque obstinato corde



**C**orde uiuistis: De simplicioribus enim, de quæ his qui in ignorantia tenebris uoluntantur, nulla ferè debet esse admiratio, si à solidæ ueritatis scopo aberrant: sed uos, ô inclyti, qui donorum cœlestium amplitudine præditi estis, qui sapientes, qui prudentes, qui religiosi, Deique serui per emphasim ab omnibus ubique gentium appellamini, usquequo cor in uobis stupidum, graue, terrenarumque rerum ambitione, & cupiditate languidum, planeque emortuum cernitur?

Vt quid diligitis uanitatem, & quæritis mendacium?

Nonne de uobis illud Hieremiæ dici uerissimè potest, quo queritur falsum hæreditasse patres, ac uanum absque utilitate? Quid, quæso, uanius? quid magis mendacio, uanitatiq; obnoxium, quam sic terrena ambire, & amare, ac si nulla esset post hanc mortalem immortalis uita: regnumque Dei in huius mundi bonis, elementisque consisteret, & non potius spirituale foret? Mendax enim ea est arbor, quæ loco fructuum, folia duntaxat producit. Mendax uitis, quæ expectata ut faciat uuas, facit labruscas. Mendax arcus, & fallax est, qui à scopo exorbitat. Veram ne igitur, solidamque, ac sibi constantem esse dicam in uobis religionem, & non potius falsam, flaccidam, & nutantem omnino, cum uos uidero tam anxio studio mundum, munditiue fastum, & gloriam, contra fas omne, tum quærere, tum passim, etiam usque ad ambitus culpam, in omni loco, in omni gradu, atque ab omnibus mercari: emere: aucupari: meretricioque quodammodo ritu lenocinari? Verum cum ratio, siue humana mens, uoluntate atque intellectu perficiatur: uoluntatis autem primum atque summum sit bonum, finis adeptio: primum uero & summum sit malum, à fine seiungi: bonum item intellectus cum sit uerum, malum autem, falsum: nemo est (nisi prorsus in literis plumbeus sit) qui non fateatur illum falsa, uanaque & amare, & sectari, qui omnia illa affectu persequitur, & quærit, quorum adeptione, ueluti à turre aliqua sublimi, à fine debito, bonoque solido ac minime uacillante, desinitur. Sperat aliquis, exempli causa, lumen à tenebris, aurum à nube, uitam à morte posse excuti: is errat omnino, quandoquidem à sole expectandum sit lumen, aurum à terra, à Deo uita. Nam quemadmodum principium uitæ Deus est, ita & finis. Omnes enim nos qui uitali hac aura fungimur, ab eo ipso sumus, in ipso uiuimus, & mouemur. Eodem sane modo & ratione, uel luci solem, uel auro terram esse, liquere potest. Atqui in animæ rebus haud secus esse arbitror: siquidem cum Deus ipse summum sit bonum, summa felicitas, summaque animorum tranquillitas, & pax, atque idem omnium rerum certissimus quemadmodum autor, ita & finis, indubium relinquitur, ut ab omnibus, qui ratione utuntur, solus, uti bonum, & finis, solisque medijs, adminiculisue illis quæri debeat, quæ & uera, & solida sint, atque ad assequendum quod optant idonea. Ego gloriam meam non quæro, aiebat sapientissimus magister. Est qui quærat, & iudicet. Vide, si potes, summam æterna consequendi. At tu si nullum fructum alium tuarum actionum expetis, quam uulgo honorari, laudari, digitoque, ut ait Satyricus, monstrarier, debito excidisti medio. Quid obsecro, in rebus diuinis terrena commiscet? Finis enim cœlestium rerum spiritus est. Regnum item suum Dominus non esse de hoc mundo asserbat: tu tuum hic præscripsisti, hic uis, hic amas, hic mordicus tenes. Quamobrem à sanctissimo uate admonemur, ne tandiu uana pro solidis, falsa pro ueris, fucata pro apertis deamemur. Nam à finis adeptione is abest longè, qui non à falsis medijs ea deligit, quæ uerè nos manuducunt ad finem ipsum, ac bonum, qui Deus est. Ecquid igitur uilo ab alio externo bono, uos, ô filij hominum, tantopere exaltari cupitis?

Scitote quoniam mirificauit Dominus sanctum suum.

Felix sic: Et scitote quod segregauit dominus sanctum suum. Hic uolunt Christum intelligi, circa quem res miras operatus sit pater. Et interponitur diapsalma. Huic igitur nitendum esse soli, quia solus uerè magnus existimandus est, cætera uero tantilla, cõdita omnia proclamant. Magnus profecto mihi uidetur mundus: sed quid



**A** sed quid ad Dei filium, qui ait, Ego uici mundum? Maiori postea quadam admiratione afficior, cum angelicarum naturarum excellentiam considero: cum uero eundem ipsum lego in scripturis Dominum dici exercituum, & cui adstant ipsi beati spiritus quoti die acclamantes, Sanctus, sanctus, sanctus, eidemque administrantes: umbras ipsos esse, pro illo, existimare cogor. Quid porro terrificas demonum naturas magnificiam, qui, ut sacer refert Euangelista, credunt, & ad tantum nomen contremiscunt? Nonne hic est, cui coelestia, terrena, atque inferna ipsa omnia simul genua flectunt? Quam desolanda quorundam hic esset miserrima conditio, qui non solum mundum quidem ipsum, alioqui mira, ac plane diuina ornatum pulchritudine, uerum etiam ipsam carnis faciem, libidinem scilicet, molliciemque detestandae copulae, hoc est, breuissimam uoluptatum horulam, perenni coelestium suauitatum fontem anteponunt. Scitote, o miseri, quoniam mirificauit Dominus sanctum suum: id est, filium suum, quem, ut ait Paulus, constituit heredem uniuersorum, & quem Daniel sanctum sanctorum, alius uero dominum dominantium appellat, mirum omnibus, mirabilemque fecit: quod mirificare uno uerbo noster reddidit interpretes. Quid, oro, huius magnitudinem comparandum? Regna ne? magistratus: amplius fundit: amplae ditiones: plena aeraria: intolerabiles uetigalium exactiones: mutua ne illa, ut uos uocatis, nunquam tamen restituenda: quid dona, ut modo sit, coacta? Vana proculdubio sunt haec omnia, si ad illam sancti huius potentiam mirificam conferatis. Iam & illud sane non praetermittendum, cur Felix legat, segregauit. Hi enim qui in excutiendis scripturis, emunctioris sunt naris, nobis tradiderunt, idem esse, atque eundem pretendere sensum, segregare, & sanctificare. Nam quod diuino cultui multis in locis antiquae legis segregabatur, id amplius prophanum non erat, sed sanctum. Unde legimus sabbatum sanctificatum, hoc est, segregatum, totumque Domino consecratum. Primogenita item tam crebro legimus sanctificata, quod est, diuino cultui segregata, ac sacris ritibus addita. Nec porro secus illud Hieremiae intelligi oportet, quo legitur: Priusquam de uulua exires sanctificauit te, & prophetam in gentibus dedi te: hoc est, antequam nascereris, ego te in futurum mihi prophetam segregaueram. Ita etiam Paulum uideo ab utero matris suae segregatum: sic Barnabam, sic alios alias passim in scripturis. Diuus Hieronymus legit, Cognoscite quoniam mirabilem reddidit Dominus misericordem suum. Alii uero, Quoniam manifestauit Dominus sanctum suum. Idem tamen omnium sensus, Pater quidem mirificauit Christum eius filium, & mirabilem effecit, cuius opera facere dedit, ut inquit Ioannes, quae nullus alius fecit. Et quemadmodum pater ipse illum gloria, & honore insignem, a ceterorum uulgo segregauit, ita eum suum esse filium, in uirtute, ut ait Paulus, manifestauit, ac definiuit. Non refert igitur utrum legas, sanctum, an misericordem: est enim, ut dixi, sanctus sanctorum, & uniuersae uiae eius misericordia & ueritas. Quid (ait) in pluribus immoror? Is Dei sanctus tam patri charus est, ut omnes, quotquot ad eum clamauerint, pater illico exaudiat.

Dominus, inquit, exaudiet me, cum clamauero ad eum.

Ad sanctum scilicet suum, & misericordem, tanquam mirabiliter (ut sic dicam) mirificatum. Atqui hic uides dei testimonium, quomodo suos uel aliqua oppressos, ob idque ad eius auxilium confugientes, statim audiat, atque inter aduersitatum turbines, & tentationum, spectabiles reddat: uerum id beneficio, atque intercessionem Christi sancti sui, qui, ut ait Paulus, factus est inter Deum & homines mediator, adeo ut quicumque eius nomen inuocauerit, saluus futurus sit. At uos sapientiores, & quibus sunt cure ceterorum animae,

Ira scimini & nolite peccare.

Diuersa enim cum sint in re publica Christianorum membra, uti in ciuitate sunt magistratus uarii, uariisque cultus uite: in qua tamen hi qui primarii dicuntur, illorum qui minores sunt plebis curam habent, his fauent, atque eos, cum opus est, castigant, subque ciuili disciplina, tum publicis, tum priuatis legibus, coercent: hi, inquam, primi, quemadmodum sapientia & doctrina uegetiores sunt, quam ceteri uulgo, ita eos modestia, ac,



**C**qua maxime præstare alijs debet, animi moderatione in reprimendis à culpa subditis, ornatos esse oportet. Quare admonentur, ut, postquàm naturis omnium insitum uidetur, ut primos uix frenare possint iræ motus, irascantur quidem in multitudinis noxas, sed ea tamen equabilitate animi, ne quid nimis, ut est adagiũ. Nam quicquid lacerato, aut dixeris, aut feceris animo, punientis impetus, nõ corrigentis charitas dici debet. Quocirca nunquã arguendi aliorum peccata, alicui suscipiendum est negocium, nisi pacato prius animo, atq; indicet conscientia, semagis dilectione in puniendo moueri, quàm ira, aut furore. Caducum esse omne illud, quod absq; charitate fieret, aiebat Ambrosius. Caterum iram nõnunquam peccatum non esse compertum est, motus maxime naturales si non exceßerint limitem. Sape item motu quodam cõcitatori ex ingenerata in nobis infirmitate, pœnaq; à Deo ob peccatum illata, inferuescit ira: quæ raro iudicium expectans rationis, uì omni comprimenda est, ne ex peccato, aut nullo, aut digno uenia, in quod est prolapsa in capitale deuoluatur. Est & ira laudabilis, & expetenda, quam zelũ libentius appellauerim quàm iram: quo, quadã ueluti sanctissima excandescencia, aut in propria, aut in aliorum peccata mouemur. Sed hisce omnibus iræ partibus, est alia quædam belluina magis, quàm humana, longenocentior: quæ planè rationis metas perrumpens, ferina rabie, aut in sumendis ab reo pœnis, aut in exaturanda sui cordis erinny, contra hostes incalescit. Ex qua quidem miserrima iræ parte nasci solent homicidia illa tam crebra inter homines eos, qui in ciuitatibus sectas, & similitates fouentes, ne uagientibus quidem in cunis parcere solent, cum desæuiendi in hostes offertur occasio. Quàm ergo cauendum, ne ira, qua ueluti uirtutis, ac iustitiæ instrumento uti debemus, à rationis dominio sese subtrahat, atque illi imperet, cui tanquam ancilla obsequi par est. Quòd si etiam rationis terminos iram deferere aliquantulum, ob iniuriam acceptam, in aliquo uideris, (de ijs qui sponte sua mali sunt, maligniq; ac ad exuscitandam non solum suam propriam, sed & aliorum iram in ceteros, sunt proni, non est modo dicendum: conclamati enim sunt, & planè immedicabiles) admoneatur, ne sol occidat, diesq; claudatur, antequam ira resideat, & furor. Irascitur quoq; & non peccatis, qui sic anteaetæ uitæ suæ cursum, sibi iratus deplorat, ut eisdem illis ipsis præteritis non deinceps inquinetur peccatis. Ille, inquam, irascitur absq; culpa, cuius animus a deo in subditorum uitia excandescit, ut ea ipsa tamen, quorum causa efferbuerat, non amet, & sectetur. Quis, oro, talem ferat iudicem, qui in aliũ iratus, quia clam furtũ fecit, ipse palam furetur: qui multa adulterũ uix à paucis deprehensum afficit, ipse uerò alterius uxore publice possidet? Quare à sapientissimo uate addit,

Quæ dicitis in cordibus uestris, in cubilibus uestris compungimini.

Licet enim sensus hemistichij huius per se obscurus sit, obscurior tamen ex oratione paululum duriuscula redditur: quæ quidem, meo iudicio, planior erit, si pro compungimini legeris compungite, cuius hic erit sensus: Mortificate, rationiq; iram, quam contra alios concepistis, & cuius incendij uobis conscij estis in cubilibus, hoc est, in cordis uestri latibulis, ac recessibus, subigite, cõsiderantes an illud prorsus, quod lynceis penè oculis in alijs uidetis, propter quod in irrationabilem excandescencia sæpenumero prolabimini, exhorrescat. Felix sic: Cogitate in corde uestro super cubili uestro, & filete, hoc est, redite ad cor: & in quiete mentis uestre, liberae scilicet ab omni irrationabili motu, cognoscite quæ dicimus, & filete, quiescite, cessateue ab omni iræ impetu effreni. Secretum enim cordis cubile, ab aliquo mali appetitu atq; irascentia sic tangi permitto (postq; homines estis) ut si leatis tamen, quiescatiscq; hoc est, ut prorsus cessantes, desideria illa uestra tam longè ab æquitate remota haudquaquã sequamini. Paulò secus Diuus Hieronymus legit ex hebræo: Loquimini, ait, in cordibus uestris super cubilia uestra, & taceate. Et est perinde, ac si dicat: Confitemini Deo, ipsumq; in cordibus uestris laudate, ac super cubilia uestra, id est, in secretioribus adytis animæ tacete, conquiescite, abstine-



**A** abstineteq; ab infantijs istis uestris longè à ratione semotis. Quin potius  
Sacrificate sacrificium iustitiæ, & sperate in domino.

Hic iustitiæ sacrificium uult uates intelligi omnem uirtutis cultum, quem qui amat & sectatur, etiam si nunquam ad perfectiorem uirtutis eiusdem terminum deueniat, ipse tamen ad uirtutem conatus, Deum mirabiliter promeretur. Quid uestri mihi boues, inquit, ô insensati? Quid uictimæ? quid ipsi cultus exteri absque animi pietate? Sacrificate mihi potius iustitiæ sacrificium: hoc est, errores omnes animi, uitiaq; ac libidinum turpitudinem, uti letales dipsades auersati, cursum eum, qui ad assequenda cœlestia in futurum, in præsentiæ uerò candorè animi, præmonstrat iter, arripite: Deum in omnibus concelebrate, illi soli iustitiæ uestram adscribite, uobis uerò aliud nihil, præter peccatum. Omnia, inquam, uestra, ut illi solūmodo sit gloria, diiudicate, reprehendite, mala esse prædicate. Alioquin crusta est ac fucus, ista uestra iustitiæ, & cultus, propter quem in Deo uos sperare dicitis. Neminem enim unquam dixerim uerè in domino sperare, nisi illum, qui Deo ipsi iustitiā illam, de qua loquimur, tanquam suauissimi odoris uictimam, ad aras, ut sic loquar, humilitatis, modestiæq; iugulauerit: quod quidem est, quicquid rationalis sacrificij, sanctorum scilicet desideriorū, actionumq; illarum quæ potissimum à cordis puritate ac candore proficiunt, à nobis prodierit, id totum Deo acceptum referre. Verum diuus Augustinus censet iustitiæ sacrificiū esse cor contritum, & humiliatum, quod se puniendo mactet Deo: quod sanè fieri puto, per bona post pœnitentiā opera, quibus de ueteri uita ad nouam transitur. Sed cur propheta statim post sacrificium iustitiæ subintulit, Et sperate in domino? Quia licet uir sanctus non solum suas actiones, suaq; ad uirtutem studia, ac uota ipsa cordis Deo cōtinuo litet, sed & seipsum totum, quicquid est, & corpore, & animo, tanquam holocaustum illud antiquum, ad honorem Dei accendat. exploratissimum tamen habet, hic uirtutum præmia condigna tribui nulla: nam quæ à Deo sperantur bona, cœlestia sunt, & quæ sensu corporeo percipi nequeunt. Si quidem quæ non uidemus, speramus, atque ea per tolerantiam præstolamur. Rursus quia de ratione actus humani est, ut ad finem sibi naturalem concinnetur: finis uerò perfectissimus, & is naturalis, hominis, eterna est felicitas, quæ à solo Deo sperari oportet: idcirco à propheta subinfertur, Et sperate in dño. hoc est, quem admodum sacrificiorum iusta, Deo ipsi solummodo conuenire fatentur ubiq; omnes: ita cum eorum, tum cæterarum optimarū actionum ac rituum præmia, ab illo expectari fas erit. Verū quoniā uix, ut diuus ait Augustin, inuenitur qui bona illa quæ ad animū pertinent, & amet, & inquirat, aiūt quidā quasi desperantes,

Quis ostendet nobis bona?

Quis in hac errorum ualle, labyrinthoue inextricabili terrenarum cupiditatum, ac laborum penè intolerabilium, solitudinumq; pelago, æterna hæc bona, quæ nobis à Deo speranda sunt, & ad quæ nos suspirare hortaris. demonstrare poterit? Quis, oro, in tam profunda tenebrarum caligine, atque adeo æterna nocte, faciem aliquam lucidam, nobisq; cæcutientibus præuiam proferre audebit? Quis tot in malis, & ijs quidem continuis, ostendet nobis bona? Impossibile hoc sanè uidetur esse. Vide, te quæso. rationis humanæ quæstionem, quæ nisi carnis incommodis, aut commodis, æterna metiri solet. Quis ais?

Signatum est super nos lumen uultus tui domine.

Hic lumen uultus domini, interpretari nō audeo rationē seu rationis lumen, cum prudentiam carnis lego mortem ab Apostolo appellari. Quin etiam hanc esse iudico meretricem illam speciosam in prouerbijs Solomonis, sapientiam scilicet humanam. seu rationis lumen. quæ nisi spiritu frænctur, usq; adeo insanit ut uel contra Dei sapientiā, iustitiāq; & uerbum. disceptare nō uereatur: & quæ, cum sibi uni tantūmodo lucida sit, hoc est, sibi sapiens, sibiq; spreto Deo, molliter



C nimium ad blandiens, cæca est omnino. Itaque huiusce luminis super nos ob signati hanc esse intelligentiā arbitrati sunt quidam, ac sensum, ut sit uates, seu animus alius purgatissimus, qui se lumine aliquo raro, nec omnibus concesso, offusum sentiens, temerariæ quorundam quæstioni respondeat. Dixerunt enim: Quis ostendet nobis bona? Hic autem, Signatū est super nos lumen uultus domine, hoc est, per amabili tuæ supramundanae illuminationis præsentia, per uerbum tuum, per spiritum tuum, per filium tuum, per sanctam legem tuam, signata est atque ostensa in nobis lux spiritus sancti, haud rationis humanæ, quæ non potest non propriam amare, fouereque cæcitatem, ac sui iudicii tenebras, & caliginem priorū consiliorū non libenter amplecti. Huic enim sententiæ uide an Paulinæ illæ crebrae ad stipulentur: Ne contristetis, ait, spiritum sanctum Dei, per quem ob signati estis in die redemptionis. Quid alia illa ad Corinthios scribens? Et qui ob signauit nos, inquit, deditque arrham spiritus in cordibus uestris. Potēs ne igitur ex his quæ dicta sunt animaduertere, quoddam aliud esse lumen ab illo per se (heu nimium) languido, rationis humane, nobis qui credidimus à Deo datū? Quis iam ambigat luminis huius appellatione, cognitionem diuinorū intelligi, qua se sentit anima mirabili atque inueto modo affectam, ac ueluti ceram molliter impressam, & ob signatam spiritus sancti beneficio ac dono? Donasti nos, ait, o domine, cognitionis tuæ, alioqui humanum excedentis intellectum, raro quodam lumine ac radio: cuius uis atque afflatu, quàm clarè cernimus in nobis aliud esse nihil, præter peccatum, tenebras, caliginem, errores: in te autem, lucem, bonum, uitam denique immortalem, atque omniū rerum perfectionem. Quæ sanè omnia ne cuncte quidem tenus intelligere est potis ratio hæc nostra per se cæca, imaginem tamen Dei alioqui insignita, sed deturpata prorsus, ac penè abolita, ob turpem peccandi consuetudinē. Ecquid iam aliud ualet tenuis (ut de medicam) pars hæc mei affectare?

Ad quæ niti: cum quibus conuersari: nisi cum proprijs tenebris? cum propria cæcitate: cum carnis uoluptatibus? cum præsentis uitæ commodis, ac crucis odio? Sensum enim istum quem posui, prophete spiritui quadrare non dubito, cum ex supra memoratis omnibus, tum ex Felicis litera, cui & cōsentit paraphrastes. Ait enim Felix ex hebreo: Exalta super nos lumen uultus tui: uel, extolle uexillum luminis uultus tui domine. Qua quidem litera admonemur, uatem orasse à Deo lumen, quod in se non esse compertissimū habebat: alioqui cur exorare contendere, quod rationi ingenitū sciret? Orat igitur anima, quæ se suaque exactissimè per noscit, spiritus Dei lumen sibi dari, datum uel augescere, atque ait: exalta super nos Deus cognitionis tuæ lumen. Extolle, inquam, tui uultus lumen, seu uexillum, quod in hac dura cum carne acie sequamur. Extincta enim tui in nobis cognitione, quod aliud certius inter bellandum sequemur signum? Dic, oro, animæ meæ, firmabo super te oculos meos, ut & ego me tuis eisdem oculis obfirmatū, hoc est, tuæ cognitionis lampade illustratum, ac ob signatū omnino sentiam: ex qua quidem lætari, diesque festos agere ualeā, dum alij interim gaudent ditati affatim, multiplicatiue terrenarum rerum bonis, ac lauitiā. Quapropter infertur,

Dedisti lætitiā in corde meo.

Atque aliam quidem ab illa, qua solent affici diuites illi terræ, qui ob frumenti, uinique abundantiam, id est, ob terrenarū rerum omniū affluentiam lasciuire consuescunt. Cæterū Hebræis is uersus integer est hoc modo: Dedisti lætitiā in corde meo, à fructu frumenti & uini multiplicati sunt, uel, ut legit Felix: Cum frumentum eorum & mustum multiplicati sunt. Olei, non est in hebreo, nec in uetustissimo hexapli psalterio Origenis se inuenisse diuus testatur Hieronymus: quanquā sententiæ non officiat, cum de bonorum abundantia terrenorū, qua gaudent huius mundi diuites, intelligatur uersus. Verum non desunt, qui suspicantur de pane ac uino sacrificij altaris hic Dauidem uaticinatū fuisse: & sanè, ut mea fert opinio, perquam optime, licet ab alijs reclametur, Volunt enim uatem, simulac cum

ctos



**A**ctos superius; quotquot sunt mortales, ad sacrificandum uniuersale illud iustitig sacrificium inuitasit, ad ultimam, ac summā sacrificij speciem transisse, ab illis ip sis primis omnibus antiquis uictimis adumbratā, qua multiplicati fideles, ueram bonorum abundantiam possident, cum illi interim falsam, atque umbratilem somnient. Sed de hoc sacramento alias forsitan, cum cōmodior locus prouocauerit.

In pace in idipsum dormiam & requiescam.

Gaudeant illi, ut lubet, in frumenti, uini, olei, cæterorūq; bonorū eiusmodi opulencia; ego in hac pace cordis ac spiritus gaudeo; paucis scilicet cōtentus emoriar, & requiescam: nihilq; aliud in hac mortali uita expetam, aut inquiram, spe ea fultus, quod cætera omnia facile adijcientur mihi.

Quoniam tu domine singulariter in spe constituisti me.

**V**ndemiser ex me mihi bonū aliquod arrogem; nam tu Domine singulariter, hoc est, tu solus hanc mihi spem firmam attulisti. Illi enim multiplicati, ab seseq; auulsi, ac planē distracti, & dispalati, in illa sua rerum multiplicatione latentur: ego uero uni Deo, ac singulari, in eternum adhærebo. Hic, hic, inquam, mundanarum rerum prorsus oblitus, in mentis tranquillitate, ac pace, obdormiam; in futuro autem felicitate omni, bonorum scilicet aggregatione, & copia omniū beatus, & quietissimus, requiescam. Iam & ultimo illud considerandum, quod ait, in idipsum, idem prætere quod unā, uel simul: & est in hebræo perinde ac si legas, in pace simul dormiam, & requiescam. Eadem enim dictio est Hebræis, qua superius uersu secundo, secundi psalmi est usus. In unum scilicet, hoc est, simul. Atque huius tandem in idipsum, is potest sensus exprimi, ne non sua desit copia spiritui: Sinemetu, o Domine, fauore tuo solummodo contentus, unā cum diuitibus illis, imò quid unā dico: magis feliciter quā illi, & iacebo, & obdormiscam: quoniam tu ipse Domine, qui solus potes, uel ea quæ non sunt, tanquam ea quæ sunt, uocare, & recensere, singulari quodāmodo me ab omni metu, perturbatione uel animi liberum habitare facies. Illud enim, Cōstituisti me, Hieronymus legit, habitare fecisti me.

PSALMVS V. *pro hæreditatibus ad uictoriam.*



**V**lt Felix, ad uictoriam idem præseferre, quod ad effundentē sanguinem, scilicet Christum; hæreditates uero esse utranq; tum Iudæorum, tum gentium ecclesiam, quæ in hoc psalmo laudes canit effudenti sanguinem, filio uidelicet Dei, qui solus pro omniū salute, sanguinem in cruce largissimum effudit. Cætera de titulorum interpretatione, partim in præcedentis psalmi titulo dicta sunt, partim, cum occasio occurrerit, dicuntur. Et cum totū psalteriū de Christo, ut iam est dictū, interpretari debeat, in hoc psalmo ipse filius Dei, siue David nobilissimū eius membrū, siue quæuis anima alia, quæ se a periculis undiquaq; circumuentam cognoscit, orat Deum, ne ad suas surdus preces appareat. Et hic notanda est in primis familiaris prophetæ tautologia. Cum enim uerba dixisset, addidit clamorē: nec tamen in hoc manens, subiunxit uocem orationis meæ. Siquidem repetitæ sententiæ præterquam quod ardentiorē animi affectum in orante ostendunt, se ipsas quoq; mutuo interpretantur. Porro clamor in scripturis, cordis est, non uocis: quando em̄ clamat animus, corq; ad dominum uociferatur, clamorem istum attendit Deus. Ne sileat, aiebat Hieremias, pupilla oculi mei. Non enim silet, aut mutus est oculus, cum lachrymas fundere minime cessat. Quis unquam sibi persuasum habuit, Deum oris uoce absq; sensu mentis delectari: Quocirca cordium afflictorum desideria sunt, quæ clamant: ut semper anxio cum desiderio clamant liberari hi, qui in carcere detinentur, siue edant, siue bibant, siue etiam dormiant, aut uigilent. Et hæc iugis illa est oratio, de qua dicitur, quod oportet semper orare. Clamat itaque cum Christo, anima, iam propter fidem fiducia uel ardorem, in Deum transfusa,



**C** Verba mea auribus percipe Domine, intellige clamorem meum.

Hoc est, ipso intellectu atque intentione clamorem meum attende, serioq; percipe quid sibi uolunt cogitationes meae intimae. Vocat enim suos irrequietos affectus ad amatum, humano more, uerba, clamorem, uocem. Ita flagrans amor, aiebat Cassius, cum se intra se cohibere non ualet, non intelligit quo ordine, quale ge, quāue serie ebulliat, solūmodo contentus suspirijs. Clamat fides, clamat amor, clamat affectus, lachryma, gemitus: hae enim uoces sunt animae, quae nutu minime, ut ait ille, aut uoluntate prodeunt, sed motu magis erumpunt. Hinc uē timor suas habent uoces meticulosas, dolor gemebundas, amor iucundas. Sic tandē solent orare illi qui ab homine quopiam exaudiri efflagitant, repetitis scilicet eiusdem sententiae uerbis, quod facilius quod cupiunt exorent. Neq; aliter uates animae admodū efflagitantis exaudiri affectum exprimere debuit, quā illius generis uerbis, quibus humanus iudex flecti consuecit.

Intende uoci orationis meae, rex meus & Deus meus.

Tu qui propriē mihi es tum rex, tum Deus, considera quā ualido cordis affectu ad te orem. A quo enim alio habui ut sic clamarem? Quem ad istum meum clamorem, alium habui impulsorem prae ter te? Tu igitur qui dedisti ut ita clamem, perpende an mihi frustra clamandum sit. Ceterum rex meus, ille audet dicere, in cuius mortali corpore, ut ait Paulus, non regnat peccatū, sed sanctitas, & iustitia, hoc est, ipse Deus. Atq; hic nostra omniū deprimit arrogantia; nam quemadmodum ipse fecit nos, nō ipsi nos, sic ipse regit nos, non ipsi nos. Deuiat em̄ prorsus, atque a uia iustitiae aberrat is omnino, qui se sibi non Deum proponit ducem & regem: quod quidē facile illis accidit, qui a se potius in suis actionib, quā a Deo, cuius gratia, si quid boni agunt, aliquid est, dependent.

**D** Quoniam ad te orabo domine, mane exaudies uocem meam.

Solet enim mane esse, simul ut recedente noctis caligine, lux prima emergere coeperit. Et est, ac si dicat: Statim me exaudies: quae uox conceptā indicat certitudinem, ac fidem, in orante omnino necessariam. Id certō scio, ait, facies. Praeterea quandiu in tenebris, & caeca errorum nocte uersatur homo, non exauditur a Deo, qui lux uera est, lampasq; ardentissima: cuius quidem beneficio ac dono, cum illustrari contigerit, illicō exauditur. Atque illud sanē considerandū, non dixisse uatem hora tertia, sexta, aut plena luce, sed mane summo, hoc est, cum primū tenebrae mentis expelli coeperint, exaudies. Quā hic castē, atq; ex animi meo nullis ponderanda esset Dei in nos facilitas, atq; adeo promptae eius ad mortalium clamorem aures: nō enim extinctis plenē in nobis peccati tenebris, diuinus tamē sentit fauor, praesentiaq;. Seditibus, inquit, adhuc in tenebris lux orta est. Quid illud? Adhuc illis loquentibus, ego dicam adsum. Scilicet norma haec benignitatis parum, ut caetera uirtutū exempla, a nōnullis animaduersa, quibus ita aliorum calamitates stomacho sunt, ut ne extremus quidem halitus miserorum, nauseam eorum sedare ualeat. Putant enim se nimium praebere contemnendos, nisi turgidi sint, difficiles, duri, ad pietatemq; plumbei, crudeles, torui, & plusquam ferrei. Tu itaq; Domine, quoniam in te uno confido & spero, idcirco statim exaudies.

Mane adstabo tibi, & uidebo, quoniam non Deus uolens iniquitatem tu es.

Iam illud in scripturis mirabile cernitur, quod hoc mane sit tam familiare spiritui. Legimus enim (non est animus omnia omniū rerū citare testimonia) Leuitas mane solitos stare ad Deo canendū. Proinde id temporis patres antiqui, etiam priuatim oraturi, sanctissimē obseruauerūt, hodieq; obseruant. Nec mirum sanē: animus enim hoc tempore ad peruestiganda diuina experrectior est, quā cum interdiu omnia circūstrepunt. Verū quia & mane, & uesperī, & quacūq; hora uenimus oratum, absque dubio exaudimur, modō non desit cor atque intellectus.



**A** ctus, anima scilicet precationis: uidetur mane istuc sensum alium hoc in loco secretiorem, spirituique propiorē innuere uelle. Est ergo mane, gratiæ illucescentis tempus, quod luxit, ut ait Paul. in cordibus nostris ad illuminationē cognitionis Dei in facie Christi **I E S V**, donec, inquit sponsa, aspiret dies, & inclinentur umbræ. Neque illud ab re est, quod in lxxx. psal. legimus: Mane, ait, oratio mea preueniet te. Mane igitur adstabo tibi, hoc est, nō amplius iacebo, nō amplius in luto fordescā, nō amplius resupinus ociabor: sed mane, id est, cum me statim tuus ille matutinus afflauerit splendor, diuinoque calore irradiauerit, adstabo erectus. Penē hic dixi nostrum arbitrium nullum. Nam cum hominis dignitatē, naturæque eius sublimitatē intueor, eum uideo maximis unde quaque suffultum à Deo donis, & in primis libero arbitrio. Quis hoc, nisi in animarū cognitione omnino stupidus sit, in homine esse non asserat? Cum uero meam ipsius animaduerto ad malum procliuatē, atque ut cum uulgo dicam, necessitatem, totus exhorresco, ac penē adducor, ut illud uel nullum omnino, uel quamminimū esse suspicer, adeo nullam in me cerno esse firmam, liberamque in deligendo bono uoluntatē, sed totus mei dissimilis factus, uix horæ momento in boni propositi optione perseuero. Ita profectò ad huiusmodi me adegit infirmitatis meæ consideratæ opinionē, malus mos, malus habitus, malaque in peccatis cōsuetudo, ac quasi obductū callum. Atque hinc de me propterea dictum illud Esaię uaticiniū uereor: Quod si, inquit, nō dixerint iuxta uerbū hoc, nō erit eis matutina lux, sed corruent, & esurient, & cum esurierint, irascentur, & maledicent Deo suo: & ecce tribulatio, tenebræ, dissolutio, angustia, & caligo persequens, & nō poterunt auolare ab angustia sua. Cur, quaeso, nō expauescam, cum lego quod nō poterunt auolare ab angustia sua? Si nō poterunt, ubi arbitriū, cum arbitriū nihil aliud sit, quā sui libertas? Nusquam opinor, si à iustitiæ sole semotū fuerit: alioqui neque ipsa salus æterna, aut beatitudo firma esse poterit & æterna, absque matutinae lucis huius beneficio, & dono. Itaque cum arbitriū, tum cætera illa bona quibus hominē à belluis distare cernimus, fateor esse, ut per se aut parum, aut nihil ad cōsequenda cœlestia ualeant: cum ipsa uero luce, atque ipsi æterno bonorū fontī unita, omnia & uelle, & posse. Omnia, inquit Paul. possum. Sed in quod? aut quæ alia ab re: num à naturæ dotibus: num à uiribus illis planē cōfractis, quas cum homine nasci, cum ipsiusue crescere, & enutrirī uidemus: haudquaquam, ait, sed in eo qui me confortat. Porro hunc uersum hoc modo interpretat paraphrastes (cum paraphrastem cito, Campensem intelligo) Summo mane cōponam ad te precationem meā, & uidebo me assequutū quod uolebam. Videbo, inquā, infirmitatē meā aliās mihi prorsus ignotā. Videbo quomodo mihi sit eundum, cum interim absque huiusce lucis radio halluciner omnino, & cæcus sim. Incipiente enim cognitionis luce in me, te uidebo: in cuius contemplatione illud cernitur, quod non Deus is es, cui placere possit iniquitas. Vide hic Græcis, iniquitatē pro omni genere peccati debere accipi, quod extra æquitatis sit normam. Anomia, dictio quæ hic ponitur, non proprie iniquitatē significat, sed esse omnino extra rationis legem: unde anomos is est quem nos ex legem dicimus. Vide Eutymium. Sensus igitur erit, quod Deus eius naturæ sit, qui non patiat in suis diutius immorari peccati tyrannidem, sed eam ueluti rem sibi infensam, atque odiosam, à suis longè propellit. At tu in sequenti uersu Dei iudiciū tremendum perpende.

Non habitabit iuxta te malignus, neque permanebunt iniusti ante oculos tuos.

Hiscē enim tam crebris nominibus, iniquitatis, malignitatis, doli, iniustitię, uult Dauid impiorū animas, & mores, in omnē prauitatē demersos, plenā uie eorum malitiā exprimere: quemadmodū illius generis uerbis, nō approbabis, nō habitabit iuxta te, nō permanebunt ante oculos tuos, odisti, perdes, & similib. alijs, diuinum de illis iudiciū exprimit. Nam cum Deus illos propter ipsorū prauitatē ac fastum detestetur, non fert eos diutius bonis esse molestos. Ergo tam copiosa uerbo



**C** rum sylua, Dei indignationem in prauos homines aperuit. Non habitabit, inquit, iuxta te malignus; hoc est, non patebit apud te locus maligno, improbo, peruerso, noxio. Quomodo enim stipula iuxta ardentē ignem stare poterit, & non ardebit? Qua ratione mors cum uita, tenebrę cum luce perseuerabunt? Discedite à me, ait, operarij iniquitatis. Atqui hic mihi considera, quo plenius rem pertractemus, per iniquitatis operarios non tantū publicos istos peccatores, quos etiam mundus ipse execratur, describi; sed & illos quoq; quorum facies cum uideatur sanctissima, sunt tamen sepulchra dealbata; & qui licet mundo uasfrē admodum imponere caleant, Deo tamen secretorum cognitori sunt noti, imò, ut uerius dicam, incogniti. Amen, inquit, dico uobis, nō noui uos. Ante oculos tuos, anthropopathia est, atq; idem ualeat, quòd non eos diu sustinebis in conspectu tuo stare, tantopere illos detestaris; exemplum nimirum à consueto hominum more desumptum: nam quos uehementer execrantur, eos non possunt nisi toruē intueri. Vnde illud: Tollatur impius, ne uideat gloriā Dei. Quod quidem clarius in sequentib; aperit, cum ait:

Odisti omnes qui operantur iniquitatem, perdes omnes qui loquuntur mendacium.

De iniquitate satis est dictum, nunc de mendacio dicendū. Mendaciū hoc loco erit omne illud, aut factū, aut dictū, aut à moribus profectū, quod simplices animas à recta exorbitare facit. Siquidē cum Deus summa sit ueritas, quicquid cōtra eius doctrinā factum, dictū uel fuerit, id mendaciū sit necesse est. Vide, oro, quantum fermē detestabiliores sint hi, qui mēdacia loquunt, quod hereticorū propriū est, atq; hypocritarū, q̃ operarij iniquitatis. Argumentū à pœna. Nam cum uates pronunciaffet, illos qui operantur iniquitatē, odio esse Deo: loquentes mendaciū, ait, ab ipso perdendos: ut grauius omnino uideatur à Deo perimī, q̃ odio haberi.

**D** Quod dictū sanē esse uolui, ut uideāt fucati Christiani quid agant: optimeq; perpendant, an quicq; horrendum magis esse possit, q̃ incidere in manus Dei uiuentis. Nescio enim an mihi utile esse possit, unā cum habitu hoc lugubri, squallorem quoque uultus, ac graues oculos circumferre: euāgelium cum ore, tum moribus, inter fratres profiteri; animus uero meus sexcentis mundanarū rerum curis defatigatus, nihil aliud, uel in ipsissimis secretiorib; templi partibus, uel cogitet, uel molitur, q̃ quomodo suas expleat cupiditates. Vides ne mendacij formā? uides quò se ingerat monstrum hoc horrendum, periculosum, maximoq; dignum odio?

Virum sanguinum & dolosum abominatur Dominus.

Quasi hæc summa sit totius improbitatis, quenq; occidere; quod quidem sit nō tantū pugione, aut ense, quantū odio, cordeq; inimico. Quare, multis prius improbitatis partibus cōnumeratis, cōcludit uates hoc epilogo. Dixi quod Deus noster is est, cui iniquitas haudquaq; placere potest, & apud quem locum nō habet malignus, coramq; stare nō ualet iniustus. Dixi quod odio habet omnes qui operantur iniquitatē, perditq; omnes eos qui loquunt mendaciū. Ne igitur auditorē diu suspensum teneā, in summa uirum sanguinū & dolosum abominatur Dñs. Hi sunt enim fructus eorū, qui sponte mali sunt, omnia ut dolis, odijs, simulatib; falsis pollicitationib; astu, simulataq; amicitia, & hypocrisi immisceant, atq; eò tandē progredi audeāt, ut uel ipsum innoxium sanguinē ardentissimē sitiant. Que dementia cum hac cōferenda, mentē scilicet hominī datam ut prosit cæteris, totā ad lædendū conuertere? Atqui passim uidere est q̃ amplum per uniuersum ferē orbem sit factum theatrū eorū qui respub. moderant, tum infantię, tum crudelitatis, adeò ut periculosissimū iam sit, & capitale, ciuib; esse iustis. Inenarrabile, ait Lactant. est, quod fit aduersus eos, qui malefacere nesciunt: & nulli nocētiore habentur, q̃ qui sunt ex omnibus innocentes. Audent igitur homines improbissimi, ministri esse iustitię, qui feras immanitate uincunt? Hæc Lactantius pro conditione sui temporis conquestus est. Nos uero optime nobiscum agi ducimus, ni peiora sint quę quod

tidie in



**A** tidie in ciuium perniciē moliri lupos, quos, ut ait idem, non uentris rabies, sed cordis efferauit, non sine lachrymis cernimus. Caterū in hoc loco uirum sanguinum appellat uates uirum auidum, studiosumq; effundendi innoxiiū sanguinē, quem nos sanguinariū dicimus: & quem non solum eum esse intelligimus, qui manu, ferroq; aliquem interimit, sed qui odio, ut dixi, irāue, ac maleuolentia insequitur. Quemnam iam latet, quod qui odit fratrem suum homicida est: Iam illud notandum, non immeritō homicidę fraudulentum à uate copulari: nam qui aliquem fallit, ut ait Eutymius, aut in pericula conijcit, eum occidere uidetur.

Ego autem in multitudine misericordiæ tuę, introibo in domū tuam, adorabo ad templum sanctum tuum in timore tuo.

Elegans profectō antithesis emphasi perornata. Sint illi iniqui, ait, ut lubet: sint maligni, iniusti, impij, dolosi, sanguinarij; ego multa, atq; admodum ampla misericordiæ tuæ abundantia fretus, particeps minimē illorū ero, alioqui tamē deterior, q̃ illi, futurus forsan. Illi ē p̃ssimo sinu tuo egrediunt, ego uero ingredior. Illi abs te sua uolūtate abalienati, absq; ullo timoris freno uiuunt; ego autē introibo in domū tuam, adorabo ad templum sanctū tuum in timore tuo: hoc est, cum trepida, filialiq; ueneratione, & ut ait paraphrastes, reuerenter maiestatis tuæ rationē habebo. Hic uates ad ueterē adorandī morē, qui in tēplo manufacto fieri uidebat, alludit. Egressis igitur illis abs te, ego ad te ueniā. Equidē hoc in loco impudentes quorundam orationes reprehendi arbitror, qui simulatq; perfractas quasdā suas preculas in tēplo publico faucib, magis q̃ corde mansas obtulerunt, putant sibi Deum uel multis nominib, deberi: quā quidē parum cōsiderata sui ratione turgidiores facti, licentius quodāmodo propter familiaritatē, ut sibi uidetur, cum Deo inītam, peccare audent. Errant profectō, ignorantes uim totam orationis in animo sitam esse, nō in faucib, & palato. Hos em̃ mansuetissimū in modū carpens propheta inquit: Non in præsumptione, aut supercilio, coram te meā fatebor indignitatē, peccatq; languorē detegā: sed cum reuerētia, ac timore, te colam, te uenerabor, te adorabo.

Deduc me in iustitia tua propter inimicos meos.

Vix à paucis prophetæ prudentiā cōprehēdi, uel hoc uno suspicor, quod cū sit totus tropis & mysterijs etiā per syllabas singulas inuolutus, pręterit tamē aliquādo adeo integrē, ut penē satius sit ab huius interpretatione abstinere, q̃ tam somnioso oscitare. Assiduus em̃ cōmentariorū lector, à mea hac sentētia (credo) nō discrepabit. Sēferat quidē uates se paululū prę ijs, quorū uitia cōmemorauerat, de se iactātius iudicasse: quocirca ne in uanam aliquā opinionē, aut gloriā prolabere, moxpedē, improuisum aspris ueluti qui sentib, anguē pressit humi nitēs, repressit ac fassus est, si quō per uirtutū gradus esset eundū, eō per Dei manus sese deductū iri. Dñe, ait, deduc me in iustitia tua: hoc est, per bonitatē tuam, qua iustus es, & bonus, deduc me: ut quēadmodū tu es, ita quoq; ego sim, & bonus, & iustus. Aut (sic cogimur aliquando sensus uarios opinari in re presertim tam obscura, ne diuinus spiritus suo fraude intellectū) deduc me, quō iustitiæ tuæ solidæ, & uerę, nō falsę, aut, quæ est natura humanæ iustitiæ, nutātī, studeā. Hāc, quæso, mihi da mentē, ut nihil mihi probe, nihil rectū, nihil sanctū à me repute, nisi quod tibi probari cognouero: ac quicquid statueris, quantūcūq; mūdo, carni, id est, mihi ipsi displiceat, placeat tandē. Deduc me, inquā, in te, & sat est. Nā quicquid in deo est, cū deus sit, idcirco iustitiā dei, ipsum esse deū oportet: quare deduci in iustitia Dei, erit deduci in deo. Et est cōsiderandū, quod in scripturis plerūq; dei iustitia pro ea, qua ipse iustus est, hoc est, unde quaq; perfectissimē bonus, accipi solet, ut in hoc loco. Ceterū anxius animę suū periculū nō ignorātis affectus à uate exprimit, cū orat se propter inimicos suos in dei iustitia deduci: & est sensus, Inimici mei summo me studio, ac peruigili cura obseruāt, sicubi precipitare possunt: nec mihi est integrū tam uas frascorū inlidias, nisi tuo ducatu, uel cognoscere, uel declinare: Da, oro, illorū impias





**C** nō sequi suggestiones, prauaq; cōsilia: quæ quidē tam turpia sunt, tamue foetida, ac male olentia, q̄ male olent sepulchra patētia, à quib. passim grauissimū exire odorē sentimus. Quid multis utor? Quēadmodū em̄ sepulchrū apertū iam iam expectare mortuū uidetur: ita illi, absq; ullo honestatis operculo, in hoc incumbūt, ut me deuorent, & extinguant, hos em̄ timeo. Quis, nisi amens sit, tam cruentos hostes atq; implacabiles, non extimescit? quapropter deduc me in iustitia tua, ac

Dirige in conspectu tuo uiam meam.

Felix sic legit: Rectam fac coram me uiam tuā. & hæc lectio magis spiritui quædrare uidetur; cuius sanè mentē doctissimè, ut cetera, exprimit paraphrastes. Fac, ait, plana sit ante oculos meos, uia qua itur ad te, atq; idem fermè Symachus. Ex plana, inquit, Dñe uiam meam ad te, hoc est, expedi, repurga uiam tuā coram me, ut inoffense gradiar, atq; ad optatū finē perueniā. Fac me uiuere uitam te dignam. Atqui uiam hanc quā sibi explanari poscit uir sanctus, uiam mandatorū Dei esse arbitror, quæ quidem affabre perpurgat, inoffenseq; curritur, cum nostrū per iustitiam solam, quā esse definiūt in omnes dilectionē & charitatē, cor dilatat. Etenim cum Deus amor sit æternus, atq; ad omnia pertingens, inq; rebus omnibus diffusus: ad huius imitationē, nostra omnis felicitas cōsumatione perfectissima reddit. Nam bonū eò diuinius existimat, quo in plures magis diffundit. O imensum facilitatis Dei pelagus in mortales omnes, ubi ipsius iustitia, ipsius bonitas, ipsius uia, qua insistere, quamq; amplecti debemus, nostra iam adeo facta est, ut eò, quò nos ipse, absq; merito nostro, destinauit, certissimè, quasi ex nobis deueniamus. Interim uerò orandū, Tu Dñe dirige in cōspectu tuo uiam meā: hoc est, fac id agam, in eo uerser, illud sequar institutum, quod tu probas, non quod ego, cuiusq; tu in teipso exemplum exhibes, & cui soli uerum successum aspiras, hoc ubi dederis, qui iam hostes hosce meos, quamuis audaces, atque inexorabiles, carnem scilicet, mundum, mundiq; amantes, pertimescam? Tantum enim abest ut huius generis hostes, seu dæmones, seu homines sint, metuam: ut etiam, te autore, illorum ferociam tantī faciam, quanti solent muscas, aut pulices, elephantēs.

Quoniam non est in ore eorum ueritas: cor eorum uanum est.

Narrat, nec sine lachrymis quidem, propheta, insidiantium probis hominibus, uitia, ac uersutias. In ore eorum, ait, non est ueritas, ideo neq; Deus. Non est, aiunt Hebrei, in ore eorum rectum, interiora eorum insidiæ. Sed idem sensus, qui is erit: In sermone quorundam nihil est, cui tutò fidi possit, nec sanè mirum: nam cor eorum, seu animus, seu, ut alia habet litera, intimum, spurcitijs opplerum est. Quicquid enim loquuntur, mendaciū est: quicquid cogitant, uanū: quicquid moluntur, immundū, insidiarum ue plenū, ac planè noxium. Etenim à summo bono, aternæque ueritate auersi, quomodo falsa, parūm ue sibi constantia, aut loqui, aut animo uoluere non poterunt? Et amplexati sunt, inquit Hieremias, ster cora. Non possum interdū (fateor) non supremū in modū admirari, unde tanta sit huic uitio mentiendi, uis, ac robur, quod uel ipsos rerum sacrarū ministros, & sacerdotes interdū adeo strictim connodet, ut nihil sibi magis uelle uideantur in suis patētis, conuentis, pollicitationibus, aut id genus alijs, quàm mentiri. Ex quo quidē mentiendi habitu & cōsuetudine, illud sepe euenire oportet, ut etiam in his quæ sibi admodū officere possunt si mentiunt, aperta fronte mentiantur. Quid ergo?

Sepulchrum patens est guttur eorum, linguis suis dolose agebant.

Nō temoueat temporū mutatio, plerunq; etiam in eodē uersu, ut hic, frequēs: familiare quippe prophetis est idioma, phrasisq; cōsuetæ. Cæterū quis tā ferreus, uel ex Dolopū gēte, qui à lachrymis tēperet, cōsiderans quib. cum, tum aliàs, tum nostro hoc infelici æuo uiuit? Sepulchrū patēs, ait, est guttur eorū: linguis suis dolose agūt: seu, ut alia est litera, Lingua sua falsò blandiunt. Vidēsne hoc schemate adulatorū frequentia exprimi? Adeo em̄ istius generis hominū increuit nūerus,

ut uix



**A** ut uixiam, quis uerus sit amicus, qui uera dicat, dignosci queat. Postq̃ enim impostorum technis, dolis, astu, mendacijs, falsisq̃ blandimētis infectus est orbis, suspecta iam facta sunt omnia. Verū quare ratione dictū sit, sepulchrū patēs eorū guttur uideamus. Quemadmodū em̃ sepulchrū reſeratur, ut mortuū admittat: ita illi sua illa noxia blandiloquētia in hoc incumbunt, ut simplices illecebrarū hamo pellectos uorent, & extinguant. Eliquant enim blandiusculas suas quasdā astutiolas prudentes, si Deo placet, uiri, quō incautos illectent, attrahantūe, & sic mīseros inescatos deglutiant, ac funditus perimant: ut nō minus de illo, qui eorum illecebris irretitur, actum dicas, q̃ de illo qui iam positus sit in sepulchro. Porro cum stomacho huiusce fœdissimi sarcophagi maleolentia est consideranda. Linguis suis, ait, dolose agunt. Nulla profecto res unq̃ rei alteri tam similis fuit, q̃ lingue dolosæ & fraudulentæ, tumulus patens est similis. Quid fœdus, oro? quod sepulchrū putridis cadauerib. plenum tam male fœtet, q̃ lingua simulatoris? q̃ fraudulentis? q̃ dolosis? Hebræi habent, diuidere, ac partiri, loco illius, dolose agebant: uel, ut est alia littera, falso blandiuntur. Nam huiusce generis homines nō ut res habet, aut ut corde cogitant, loquuntur, sed diuidunt, partiunturq̃ uerba ad eorum gratiam, quibus uolunt imponere, cum interim quæ uera sunt tegant. Quos quidem diuus Iacobus in sua epistola ait ex eodem ore dulce & amarum proferre. At tu Deus Iudica illos.

Destruere illos, condemna, illisq̃ uim aufer, atq̃ illorum fastum infringe tu, qui odisti omnes operantes iniquitatem. Si enim in nos carnis ardor defauit, si animi extollentia, si fraudulenti homines, si bilíngues, si hi, quorum doctrina tam male olet, quā male olere solent sepulchra, amoto operculo: hos omnes, uti hostes tuę sanctissimæ uoluntati oblectantes, destrue spiritu oris tui.

**B** Decidant à cogitationibus suis.

Hoc est, irrita fiant illorū consilia. Fallantur (obsecro) frustrenturq̃ suis conatib. atq̃ omnib. suis in rebus uarij sint, fluxi, incōstantes. Non, quaeso, quod cupiunt, adipiscant. Quā saepe maligni homines, hī dico, quibus ratio data est, ut cum ratione, qua potissimū à cæteris animantibus dissimiles esse debent, uiuant, atq̃ alijs profint, consilia in aliorum perniciem effingunt: quæ tamen, ut est in alio psalmo, æquissimo Dei iudicio, stabilire nequeunt. Hinc em̃ illæ tam crebræ sunt in nonnullis falsæ, inconstantesq̃ pollicitationes, iuramenta, simulationes, dissimulationes, ac plusquam Sardonicus risus.

Secundū impietate eorū expelle eos, quoniā irritauerunt te domine.

Vide iustitiæ normā. Fas enim est, ut quēadmodum uirtutū præmia à probissimis quibusq̃ expectari debent, ita iustissimo æquilibrio nefariorū scelera sint ponderanda, ac mulctanda. In magnitudine igitur, ait, impietatis ipsorū, secundumq̃ quod eorum commertit prauitas, à te, atq̃ adeo à tuis, longē illos expelle, ne nobis diutius imponant. Quod quidē, scilicet à facie Dñi propelli, grauissimū poenarū genus esse existimo. Eo em̃ expellente, quis locus tutus? In miserrimo certē uite genere manere, ac tandem postea in gehennā decidere necesse est illos, spe omni sese inde explicandi sublata. Quis, oro, casum huiusmodi illorū reparabit, qui idcirco cadunt, quia spōte se sua à diuina ope, atq̃ æterno bono tam infelicitè subtrahūt? Neq̃ tamē, ait uir sanctus, me tantū mouet istorū improbitas, & quā in me crudelissimè ferociunt, malignitas, quantū quod nec tibi parant summo bonitatis fontem: nam te irritauerunt Dñe. Quo amplius eorū potest ascendere impietas? Potest ne homo quispiā ad tantū prauitatis culmen excitare animū, ut Deū ipsum contra se prouocet? Aut is, credo, demens est, aut prorsus à Deo destitutus. Sed quis illorū futurus sit exitus, qui Deum in se prouocāt, uel uno Hieremiæ testimonio sciri potest. Siquidem cum dixisset Dominus, Nunquid me ad iracundiā prouocāt: mox addidit, Nonne seipſos in confusione uultus sui? Expelle itaq̃ illos abs te: quod



**C** sanè debes, cum propter multa, tum potissimum propter iustitiam: nam te impudentissimè, ô Domine, irritauerunt. Quid sceleratius excogitari potuit?

Et lætent omnes qui sperant in te, in æternū exultabunt & habitabis in eis.

Petierat propheta Dñm, ut impiorū studia & consilia refringerent, ac euanescerent: nunc petit, ut eos qui illius se fidei cōmiserint, ita iuuet, quò sempiterno gaudiō lætari queant. Perpende, te obsecro, qualis illorū futura sit merces, qui spem omnem suā, haud in se, sed in Dño collocauerūt. In æternū, inquit, exultabunt: seu, ut alia habet littera, ouabunt, more scilicet triumphantiū. Quod quidem gaudiū genus propriū eorū est, qui iam defuncti corpore, uitam degunt cum Deo. Sed si ad præsentē quoq; uitā gaudiū hoc referre malis, quid ni affirmē aliud in hoc mundo tam solidū, tamq; uerū esse nullum, præter id, quo anima Deo unita per spem, atq; amorē, afficitur? Cæterū quid tam in rebus humanis exultabile? quid tam triumphali ouatione dignū, q̃ Deum in se habere, uerā scilicet uitā, uerā beatitudinē, uerum bonū, ueram salutē? Hęc illa est felicissima aliā nobis facta promissio. Inhabitabo, inquit, in eis, & inambulabo: & ero illorū Deus, & ipsi erunt mihi populus.

Et gloriabunt in te oēs qui diligūt nomē tuū, quoniā tu bñdices iusto.

Hęc solida est gloria, in Dño gloriari. Quod quidē nulli hominū conuenire arbitror, nisi illi, qui rebus omnib; humanis pessundatis, Deum super omnia diligit: quod sanè est diligere eius nomē: nam ipse est nomē suū. Dum alij, inquit, in se, suisq; fortunis, ac amicis gloriant, te interim diligētes in te solo gloriabunt, quoniā tu benedices iusto. Causam reddit uates, quam obrem gloriabunt. Et est perinde, atq; dicat, Cur in æternū exultabunt sancti? cur habitabis in eis? cur gloriabunt in te? Respōsio: Quoniā tu benedices iusto: hoc est, iusto benefacies, nō sinesq; diuā malis ac peruersis hominib; iustitiæ studiosum diuexari. Omnis igitur salutis nostræ summa, super amplissimæ Dei beneficentiæ, gratiæ, misericordiæ uē cardines

**D** uersatur. Sint uirtutes, sint dona, sit uoluntas, sit arbitriū, gratia demū est quæ nos seruat. Atq; hic cōsideranda est piorū hominū consolatio, quibus nimirū dicitur: Et si maligni uobis homines maledicunt, confidite, quoniā Dominus ille, à quo gratiæ omnes deriuātur, is est, qui secretissimo quodam modo (uobis forsan ignoto) benedicere solet iusto, atq; ipsum circumquaque bona sua uoluntate, ceu clypei regumento, protegere, ac munire. Quam obrem sequitur:

Scuto bonæ uoluntatis tuæ coronasti nos.

Diuis Hiero. ex hebræo legit, coronabis: sed non officit sensui, qui is erit: Tua quidē bona erga nos uoluntate, tua, inquā, dignatione & beneuolentiā, nō nostro studio, cura, aut merito tuti sumus: ac in tantis hostiū impugnationib; haudquaquē deiicimur, sed fortissimè stamus. Quemadmodū enim miles in acie prælians, siue à dextris, siue à sinistris, aut eminus, aut cominus ab hoste impetatur, totū se umbone tegit: ita homo in uirtutū theatro enutritus, si sit aduersis hostiū telis, & his igneis, circumuētus, ac lacesitus, de se statim, deq; propria uirtute desperat, sed totū se sub Dei benignitate, ac misericordia, ceu sub tutissimo clypeo, protegēdum cōmittit. Muro tuo inexpugnabili, aitalio in loco spiritus, circuncinge nos Dñe. Haud dubium quidē, murū hic inexpugnabilem, Dei potentiā, uirtutemq; præ se ferre. Ita hoc loco, uoluntatē Dei, illius dignationē, & ut ait paraphrastes, gratiositatē, & fiduciam, prætereundū arbitror: cuius uis, atq; ambitu, circumspecti fideles, nullum tam atrox est bellum quod nō facile perferant, utpote qui nō ignorent ab ipso Deo fortissimo uires omnes suas pendere: à se autē aliud nihil, præter metū, infirmitatē, lapsū, mortē. Verū hoc secundū eorū sententiā, qui asserūt salutē omnē nostrā ex mera Dei uoluntate, soloq; eius proposito, absq; nostra ulla tum fidei, tum actionū oblatione fore: quod Latinos ferè omnes pro confesso habere uideo, secus Græci. Sed alienior hęc est materia, q̃ ut instituto nostro deseruiat. Illud interim pro comperito habendum, ita in re salutis cum Dei uoluntate ac proposito, nostrum concurrere



**A** currere arbitrium, ut nescias aliquando, cui magis faueas: quanquā ego libentius gratiā, hoc est, benignissimā Dei uoluntati, ac proposito, primas tribuere soleam: quā sanē persuasio, & fides, tutior mihi semper uisa est, atq; eam alijs probatum iri semper efflagitauī: modō nos cautes immotas, aut rupes nolint esse, ut plerōsq; ex gratiā assertoribus hīsce in temporibus uelle uideo.

PSALMVS VI. *In organis super ogdochordo.*



**N**IMAE secum reputanti quā ignoranter, quāq; uitiose prateritam transegerit uitam, horrendus quidam, si sapit, occurrit ob futurum iudiciū pauor. Vnde perterrita clamat:

**D**ñe ne in furore tuo arguas me, neq; in ira tua corripas me. Ogdochordū, ne in multis nos morent tituli, instrumentū erat octo chordarū, quo, alternatim cum organo, à musico pulsato, oda hęc inter alias solita erat decantari. Quid uero octonarius ille neruus, aut organū, aut uicissitudo illa harmoniæ significet, dicant alijs. Nos interim ad institutū. Ira igit, & furor Dei, in hoc loco, ut in plerisq; alijs scripturæ, horrendum eius iudiciū significat: quod sanē nemo, nisi is qui in hac uita diuinā implorat ueniā, euadere poterit. Atqui in primis est ex animo considerandus perterritæ animæ stimulus, quo intus in ipsis cordis medullis exagitat, in hac dictione, Dñe. Quæ quidē inuocatio nō sine profundissimo gemitu & singultu ab ijs proferri potest, qui & proprios norunt lapsus, & quæ iam poena se maneat præsentiscunt. Verū cum Deus absq; animi perturbatione iudicaturus sit: & cum furor, & ira, in supremū iudicē cadere nequeat: scriptura tamē non nisi per uerba inter homines cōsuetā, qualis nunc sit, aut qualis ad iudiciū illud uniuersale futurus expectet, exprimere ualeat: Cū exarserit, inquit, in alio psalmo, in breui ira eius, sensum igitur uersus huius doctissime, ut solet, aperuit paraphrastes, cum ait: Dñe ne pro ira, quā aduersum me, licet meritō, concepisti, castiga me: neq; pro bili, quam ego moui tibi, suppliciū sume de me. Quis, quæso, iratum Dominum ferat? Correctionē, inquit, ego infelix, patre dignā non recuso: sed tantopere sæuā, tam diram, tam immanē, ut scilicet cōmerui, quī feram? Vide, oro, num huic simile olim petierit Hieremias: Corripe me, ait, Dñe, ueruntamen in iudicio, & non in furore tuo, ne fortē ad nihilum redigas me. Peccaui, clamat hic anima faucia: peccaui, num id nego: num res meas, ueluti sanctas, uendito: num iustitiam: num spiritum: num suspiria: num crebras, & has diutinas, orationes ostento: hoc solum enim ē meo depromere possum cordis promptuario, peccaui. At tu Domine, licet meruerim, quæ æterna est, mortem, noli me iuxta meritum meum damnare, nec debitas de me, oro, poenas exige. Imo Domine

Miserere mei quoniam infirmus sum.

Irame quidem, ultionemq; peccatis meis debitā deprecor, misericordiā precor: nam infirmiorē me esse sentio, q̄ ut manū tuā tam grauē sustinere ualeā. Quod si quidē humane uires sunt pōderādæ, quodnam aliud reperir animal tam infirmū, tam debile, tam deiectum, tam ignauum, q̄ homo, ille præsertim, cuius cor uermis continuus conscientia, hydra omni truculentior, turpissime exedit: Quare

Sana me Domine, quoniam conturbata sunt omnia ossa mea.

Dolor enim, ait, qui molestissimis cōscientiæ morsib. me rodit, ossa ipsa adusq; sensu carentia peruenit, atq; ea miserabiliter cōturbat. His em̄ uates uerbis intumæ sue afflictionis uehementiā exprimēs, nos naturę doloris admonet: cuius ui, ac intentione, sentimur, summoq; cū periculo nostro experimur ossa ipsa cōcuti, ac labefactari. Gelidusq; per ima cucurrit ossa tremor, ait eximius ille, et poëta, et philosophus. Rursus nō erit absurdū ossa pro mētis uirib. interpretari: quæ & habitus uirtutū appellari possunt, licet nō admodū rectē, qui sanē à perturbationib. infinitis, uitijsq; animi enierues facti, atq; ut sic dicam, euirati, ex nostrarū imperfectionū



**C**ōmissione perlanguescunt, in tantum, ut iam non ossa, sed caro quaedam mollis, & infirma dici potius debeant. Quid igitur dicam?

**Anima mea turbata est ualde.**

Pulchra admodum in hoc loco metaphora ab Eutymio ponitur. Quoties, ait, quis ad iram irrationabilem, aut ad prauas concupiscentias fuerit stimulatus, tunc diabolus immodicē spirans, animam solet & corpus perturbare, non secus ac ualidus uentus in mare irruens; miscentur enim ambo, atq; aestuant, nec proprium aliquem locum, aut ordinem seruant. Propterea non ineptē arbitrati sunt quidam, hic animam omnem uim illam intelligi, qua uiuimus, & sentimus, ex mortis memoria, poenarumq; horrore summē deiectam, & consternatam: quemadmodum & illud de Christo intelligi oportet, Tristis est anima mea usq; ad mortem,

**Sed tu Domine usquequo?**

Plenissima affectus reticentia. Usquequo? uide quid addi debeat. Usquequo, ait, tuam illam solitam opem sic diuexato, sic fracto, differes? Usquequo tam infeliciter turbabitur anima mea, & uenter meus? Quousq; horrendum istuc doloris monstrum in me defauier? Diu, inquit, abs te neglectus sum, cum tamen auxilio tuo quammaximē indigerem. Vbi igitur es Domine? usquequo abes? Cōtemplare, te obsecro mi lector, ad quantū interim deueniat dolorē anima, quæ in medio ipso uerborū conatu intercipitur, ac mutit. Postq; enim dicere cœperat, usquequo non subuenis, à memoria statim peccatorū, quib; longē diuulsa fuerat à tam amantissimo patre, ueluti ab acutissimo iaculo traiecta, elinguis redditur, contentaq; solummodo suspirijs, tacet: postea uero à spiritu admonita, qua uia, quoue medio, commoti iudicis ira sedari queat, statim à mœrore euigilans clamat,

**Conuertere Domine & eripe animam meam.**

**D** Tu qui auersus es à me, inquit, propter fœditatem peccati, ita ut nihil iam mihi ob oculos uersetur, nisi mors, timor, terror, desperatio: reuertere ad me, ut prius, atq; eripe animam meam. Hunc sensum secutus paraphrastes, Redi, ait, Domine ad solitam clementiam. Viro enim maximis in perturbationibus animi constituto, uidetur Deus auersus, ac ueluti se aliò recepisse, cum eum sinit aliquandiu, non sine mirabili dispensatione, excruciarī. Orat igitur ut ad se reuertatur, hoc est, prius suum fauorem exhibeat, quasiq; sese ab ira recipiens, ab imminente exitio, ac, quo maxime affligitur dolore, eripiat,

**Saluum me fac propter misericordiam tuam.**

Nescio an diuinius exprimi posset huius hemistichij sensus, quàm à paraphraste est expressus. Libera, inquit, ô Domine, animam meam à malis, habita ratione non tam peccatorum meorum, quàm benignitatis tuæ immensæ. Quid huic addendum putas? quid, quæso, lachrymas nostras frigidissimas? quid planctus? quid actiones? quid affectum illum mordacē, quem compunctionē appellamus, præferimus? Saluum me fac, inquit. Qui uero? propter iustitiam meam? propter meritum? propter, uel usque ad mortem, labores, sudoresue extremos? Minimē quidem: at propter unam tuam misericordiam; ut neruum totum, uimq; omnem salutis, Dei miserationi, & pietati acceptum referre discamus. Non propter uos faciam, dicit Dominus, notum sit uobis; sed propter nomen sanctum meum.

**Quoniam non est in morte qui memor sit tui, in inferno autem quis confitebitur tibi?**

Dici facile non posset, quantum præsentis uitæ amantes fuerint antiqui patres. Huiusmodi enim desiderij ratio ea esse uisa est, quod illis non tam perspicue futuræ uitæ status fuerit reuelatus, quemadmodum postea nobis, Dei filio glorificato. Quocirca ipse in euangelio certiorē sui regni notionem tunc fuisse asserens, hoc modo suos alloquitur discipulos: Beati estis, qui uidetis & auditis, quæ uidere &

audire



**A** audire multi reges & prophetae concupiere. Quo ergo ueteres illi futurae uitae bona minus perspecta habebant, etsi non dubitarint ea omnia mortalium omnium excedere captum & intellectum, hoc fuerunt praesentis uitae cupidiores. Rursus, quia ex suo obitu, suoque à bonorum coetibus secessu per mortem, uidebant improbos rerum potituros, Deique honori, & religioni, quam sanè semper ante omnia cordi habuere sanctissimi illi uiri, insultaturos: uidebāt etiam cum demigrassent, nefarios homines illam adhuc teneram in terris, fastu atque ambitione calcaturos. Nonne istud idem diuinus ille exoptauit antistes, qui lectulo cubans, agensque animā, huiusmodi orauit affectus: Domine, si adhuc populo tuo sum necessarius, non recuso laborem. Cernebat enim uir prudens, ex suo obitu tenerū suum gregem à lupis exterminandum: quod quidem nec suos latuit alumnos, qui beatam animam iam iam coelestem requiem subeuntē, lachrymis insequentes clamabant, Cur nos pater deseris? aut cui nos desolatos relinquis? inuadent enim gregem tuum lupi rapaces. Hinc ergo tam anxie perfectissimi uiri orabant seruari in uita, hinc & orant in praesentiarum nonnulli, ut ea habeat, qui conditoris bonitatē, cultumque, dignis laudibus extollant, & dilatent. Non est in morte, ait, qui memor sit tui, quasi dicat: Quid me Domine tam citò mori cogis? cur me immaturo ueluti factum absumis, cum apud uitae defunctos nulla tui extet memoria? In sepulchro enim quis te unquam celebrabit? Mortuus, ac tumulo mandatus, poterit ne tuas laudes proferre? cultum tuum longius extendere? beneficiāne tua immensa inter mortales praedicare? Huic simile orasse Ezechiam regem legimus, cum uitam sibi pro rogari exposceret. Quia non infernus, ait, id est secundum Hebraeos, sepulchrū, confitebitur tibi: neque mors, hoc est, neque mortui laudabunt te. Nō moriar, inquit Dauid, sed uiuam, ac mox causam addit, quam ob rem uiuere in corpore cuperet: Et narrabo, inquit, opera Domini. Ingens nimirum indicium, uitam propterea diuinitus homini datam, ut sui conditoris cultum, quantum in se est, amplificet: non ut eum uitae fastu, prauisque moribus, uel coarctet, uel corrumpat etiam, ut nonnullos agere uideamus, qui ad decrepitos usque annos prouecti cum sint, attriti in Dei, ut uocant, seruitio, nondum tamen male olentem animam ex humo attollere didicerunt. Iam (credo) palam factum est, quid sibi uolunt hic mortis atque inferni nomina. Hanc quidem interpretationem hi qui uetustissimos, atque adeo uerissimos Hebraeorum libros consulere, nos docuerunt. Latini uero ab eo quod terra reconduntur mortui, ac infra nos ponuntur, inferos appellant. Ceterum in Genesis libro legimus, Iacob in mœrore illo suo dixisse: Descendam ad filium meum lugens in infernum. Quis, oro, tantum uirum censeat praedixisse se in locum poenarum descensurum? dicere enim uoluit, sese in luctu sub terra in sepulchro per mortem iri conditum. Infernus igitur sit ipsum sepulchrum: inferi uero ipsa cadauera. Non nego tamen sensum, quem modo dicturus sum, hic posse accommodari. Aiunt enim per mortem peccatum intelligi, quo cum quis foedatur, amens statim fit, & cæcus omnino, quocirca in sorde illa letali manentem, impossibile est Dei memoriam salutarem habere. Infernum porro exponunt esse locum poenarum, in cuius obscuritate neque proprii reatus resipiscētiā, neque peccati odium, neque laudis diuinæ studium haberi posse. Ante mortem, ait Eutymius, poenitere quem potest: post mortem uero retributionis tantummodo tempus est. Vide, queso, quam abundans in sensibus sit uatum spiritus. Vide, inquam, an in horrida mortis memoria, ac inferni, ubi nihil uidetur esse nisi mœror, dolor, desperatio, queat anima nondum ad scoriā usque repurgata, laudare Deum, quem, ob anteactae uitae scelera, cogitur tanquam alter Adam, aut Cain, fugere. Hi enim solummodo diuinas celebrare laudes sciunt, quorum mens ita suo unita est auctori, ut nihil iam, quod terrorem ciere possit, aut cogitent, aut sperent. In horrore igit mortis, atque inferorum, quis dignè laudat Deum? Quis rursus defunctus uita, ac tumulo conditus, suis ciuibus nomen sanctū Dei praedicabit? Aut quis peccatorum mo-



**C**leobrutus, iamq̃ infernis tenebris, atq̃ ignibus destinatus, non magis execrabit, quam extollet Dei cultum? Certè non mortui laudabūt te Domine, neq̃ omnes qui descendunt in infernum.

Laboravi in gemitu meo, lauabo per singulas noctes lectum meum.

Hyperbolæ audentes sunt, doloris nimirum amplificandi causa adhibitæ: impossibile enim modo se precaturum pollicetur. Quid non promitteret (ut in uotis uidemus) expauescens conscientia? Cuncta quidem plusq̃ difficillima, modo à tam diris absolueretur pauoris moribus. Laboravi, inquit, suspirando, plangendo, lachrymando, adeoq̃ in his defatigatus sum, ut largo imbrelachrymarū lectū meum lauerim: quod quidem impossibile uidetur. Sed talibus utimur, cum dolemus acerbius: neq̃ aliud hic sanè uult uates, q̃ instantiā, uehementēq̃ orationis ardorē demonstrare. Conceditur (inquit Fabius) dicere amplius, quando dici quantum sat est, non potest. Felix sic habet: Nabilem reddam per singulas noctes lectum meum, hoc est, efficiam ut natet lectus meus in lachrymis meis. Vides arduentes in propheta affectus? Audiamus (ait Eutymius) nos homunculi tanti regis poenitentiam, eamq̃ imitemur. Sanctissima profectò, atque tam sancto monacho digna adhortatio, modò nostri temporis poenitentes, poenitentiae summā ac uim, in nescio quibus propriæ uoluntatis afflictationibus, absq̃ intimo succo, minime statuerent: quibus quidem de more quotidie peractis, rursus idem sunt, ad pias scilicet actiones frigidi, incōstantes, duri, diffīciles, morosi, atq̃ omnibus, qui uel parum ab illo suo præcipiti proposito, ac falsa poenitentiae imagine dissentire uidentur, obrectantes. Verum non negauerim prophetam e ipsa, aut si re non ualuit, uotis tamen ueris, propositoq̃ nō ficto præstitisse, si quid inflāmatius ore protulisset, cum ut ignis tam estuantis desiderij, ignem illum alterū concupiscētiarum restingueret, culpasq̃ deleteret, tum ut nos tepidioris naturæ homines ad flammā illam, qua uerus poenitens urī debet, excitaret. Onorānam cœlitus ijs datam, qui anteactę suæ uitę rationē secū exactissimè reputant. Laboravi, inquit, nō simplici quodam modo, aut in superficie, sed in gemitu meo: uel, ut legit paraphrastes, fletu lamentabili. Postea adijcit: Lauabo, seu natāre faciā lectū meum, nō semel, ac iterū, sed per singulas noctes. Cernis assiduitatem laboris in poenitente? Cur uerò in nocte? num dies à carnis cruciatibus eximendus? Per diu enim uariæ solent nostri secreti silentium interturbare cogitationes, quæ raro in unum, perseverante lucis strepitu, quo mirum immodū distrahimur, coire possunt. At nox, cum ex defectu lucis, qua (ut dixi) facile in uariā distrahimur phantasmata, tum ex alto rerum omniū silentio, ac quiete, nos magis acuit, excitatq̃, ad res animi pertractandas. Cōmodissimum enim id temporis ad nobiscum ratiocinandū esse dixerunt patres. Illud porrò, lachrymis meis stratum meum rigabo, præcedentem particulam explicat.

Turbatus est à furore oculus meus.

Furorem appellat propheta horrorem illum iam in corde conceptū, uerum extra per membra ipsa peruagantem. Nam de furore illo superius dicto in Deo, nō dici, hebræus indicat. Diuus enim Hieronymus sic reddit: Caligauit præ amaritudine oculus meus: uel oculus simpliciter, uel tota hæc corporis habitudo, & facies, præ dolore assiduo decolorata, ac natīua specie destituta. Inter ceteros enim effectus, quos dolor cum lachrymis permixtus parere consueuit, reddit in primis faciem rugosā, totumq̃ corporis habitum cariosum, tabidū, penitusq̃ deformatum, &, ut alia habet litera, plusquam senilem, & cadauerosum. Hic igitur uates intelligi uoluit, succum sibi omnem corporis depernisse, seq̃ prorsus contabuisse. Nec sanè mirandū, quòd sancti Dei uiri tam crebris interdum questibus suum dolorem proferant: nam præter id quod nobis qui inter poenitentiae lamenta uitam traducimus, in exemplum proponuntur, est considerandum, quòd Deus in suis indolentiam non requirit, quemadmodum neq̃ ipse in terris præstitit, ut sanguis



Aneus ille fudor in horto, uel solus, testari potest. Quod si electis omnis abesset dolor, ubi cruxilla, sine qua Christianorū uita esse nō debet? Queri uerò, ad lamentariq; apud Deum, ac eius opem exposcere, animi est pij admodum, Deumq; ad quem confugit, pro patre habentis: qui quidem, cum nihil sit adeo indulgens, ac misericors, lamentis huiusmodi, quæ a corde attrito, simul & amante, procedunt, non offenditur, sed delectatur.

Inueteraui inter omnes inimicos meos.

Cur, queso (dicet aliquis anime, quæ tam queribūdē suū depromit laborē, & dolorē) tanta pateris? Vnde hæc tam dira afflictio? Inueteraui, inquit: hoc est, nondū nouū indui hominem, qui secundū Deum creatus est: adhuc seruo legi carnis. Inueteraui, inquam, & in uia iustitiæ (quemadmodū senes cernimus cito, uel in tanto labore defatigari) absque uigore spiritus fatigatus sum. Inueteraui dico, ac (quod cum singultibus, & semel, & bis, & tertio proferre cogor) turpissimē inueteraui. Siquidem nouum haudquaquam est hoc meum cum hostibus certamen, cum dolore, cum luctu. Annosum enim est, utpote quod mecum unā ex matris meæ utero sit exortum, mecumq; cum ipsis annis subcreuerit.

Discedite à me omnes qui operamini iniquitatem, quoniam exaudivit dominus uocem fletus mei.

B Vt animum recepit uates, utq; sen sit se iam, fugatis tenebris, consolationis radio tangi, ac periustrari, insultat hostibus, atque ait: Discedite à me, facessite, abite quotquot malum machinamini. Iam plus satis audiui, persensiq; uestra inimica in me odia. Recedite, inquā, spe uestra impia delusi: nam Dominus meo lamentabili fletu, clamorūque eiulatu, & lachrymis, placatus est. Ille enim qui mihi dedit ut tam largo lachrymarum imbre deflerem, ad eū me confugerem, is ad dona sua iam demum respexit.

Exaudivit Dominus deprecationem meam: Dominus orationem meam suscepit.

Hæc omnia eundem sensum habent, ut interim à superuacanea illa in hoc loco, inter orationem deprecationemq; differentia cessemus. Illud magis considerandum, quomodo ardeant, exundent, uiuāq; sint omnia in sanctis. Neque id rursus prætereundū, quod in hoc uersu Felix legit, suscipiet: quod intelligas summē confidentis orationem esse, quod exauditurus sit Deus in posterum, cum modo exaudierit: alioqui genus esset ingratitudinis haud mediocre, illū, qui iam se sensit exaudītū, iterum exaudiendū se minime sperare, quocirca à uate est dictū, suscipiet.

Erubescant & conturbentur omnes inimici mei: conuertantur & erubescant ualde uelociter.

Ethic animaduertenda est tautologia: nam hæc omnia, erubescant, conturbentur, conuertantur, idem uolunt ac discedant, licet diuersam habere uideantur intelligentiā: atq; est Hebræis perinde atq; dicas, dilabantur, rursus uē cum ignominia suo frustrati consilio ad propria reuertantur: similitudine nimirum à uictis in acie mutuata, qui pedem cum ignominia & pudore referunt. Nōne & de ipso quoq; demone, infensissimo mortalium omnīū hoste, scriptum apud sacros autores legimus, quod semel in pugna spiritus ab uno aliquo ex electis deuictus, indigne abundus ac confusus ita pedem retrahit, ut nunquam postea cum illo in cogere peccati congredi audeat. Fortissimū hostem, qui cum manum conferere per timeamus, simulac ad primum, & hunc leuissimū ictum confusus, dat terga. Ceterum sentit Eutymius dictiones, ualde, uelociter, omnibus superioribus uerbis adiiciendas. Optat, ait, propheta, atq; imprecatur illos quamocius hæc omnia pati. Verū, dicet aliquis, quomodo sancti Dei uiri, uel cum primis Dauid, tam dira aliquando uisi sunt hostibus suis imprecari? Sic enim dicere possumus, quod cum oratio sit opus animæ, cogitationibus, intimisque affectibus cum Deo collo-



**C**quentis, eò diuino afflata spiritu sæpenumero trahitur, ut mira quædam, atq; inef-  
fabilia uideat, ac patiatur: multa insuper interdū ei iudicia, alioqui recōditissima,  
summi iudicis reuelentur, quæ quidem corporeis uoluptatibus addictis minime  
sunt nota. Ita Dauid, cæteriꝑ; præclari Dei interpretes, incredibili quodam in  
suis precibus ardore, atq; ecstasi, in Deum ipsum rapti, cernunt quantum flagris  
& damnationi prauī homines sint proximi. Tunc enim quæ Deum optimū, opti-  
mè iustissimèꝑ; in reprobos decreuisse cognoscunt, eadem illa, quò boni minus à  
spe firma dilabantur, accelerare rogant. Nec quidem, cum Deum super omnia &  
uenerentur, & diligant, ab eo quicquam petere queunt, quod non certò sciant ip-  
sum ultrò daturum. Cauendū tamen, ne carnis affectu aliquo moti, aut ira, audea-  
mus temerè tyrannis, aut alio modo Dei hostibus, mala imprecari, aut de illorum  
infortunijs gaudere, dolereꝑ; in secundis illorum rebus. Nondū enim ad illam su-  
premam diuinorū cognitionem, nos tardi, atque hebetes, ascendimus, qua reue-  
lata facie, quæ in huiusmodi rerum dispositione sit Dei uolūtas pernoscamus. Po-  
tius autem ex hisce sanctorū imprecationibus doceri debemus, quàm longè à cœ-  
lesti fauore proiecti sint, ac perditī omnino hī, quos, quia pater illos, sua ipsorū cau-  
sa, non traxit, ardens demon contra electos tam dirè furere facit. De quibus tamen  
orandū erit, ut, si fieri potest, conuertantur ad Dominū ualde uelociter, atque illis  
millies illud Domini inculcandum, Ne tardetis cōueri ad Dominū: ne differatis  
de die in diem, & dicatis, Misericordia Dei magna est: subito em̄ ueniet ira eius, & in  
tempore uindictę disperdet te, uel illud Esa, Subito dum nō sperat, ueniet cōtritiō.

IN FINEM PSALMVS DAVID, QVEM CANTAVIT

*Domino pro uerbis Chusi filij Gemini.* VII.

**D**OMINE Deus meus in te speraui.



Titulus huius psalmi haud uno modo redditur. Alij enim, ut hī cui-  
des. Alij sic: Exercitatio Dauid, quando cecinit Domino super uerbis  
Chus stirpis Benjamin. Alij uerò aliter. Volunt enim dictionem he-  
braicam, quam exercitationem nōnulli interpretantur, errorem etiam posse reddi,  
aut interpretationē, aut angorem, quod magis placet, aut solitudinem, aut mu-  
sicum quoꝑ; instrumentū, quo canebatur hīc psalmus. Nos, ait Felix, hæc omnia  
Christo adaptamus: nam & angorem, & solitudinem quā maximam habuit, &  
passus est à Iudæis ipsis, qui Chus dicuntur, & filij dexteræ (sic enim interpretan-  
tur Benjamin) etenim filij dexterę fuerant, omnes uerò aliæ nationes filij sinistrę.  
Quid per dexteram, nisi misericordia? & quid per sinistram nisi Dei ira designat?  
Verū ipsi Chus erant, id est, Aethiopes nigerrimi, atrī, obcæcati mente, & corde,  
cum ipsum Dominū cruci affixerūt, hæc Felix. Nos autem ad psalmi mentem uer-  
tamus stilum, ne in enucleandis psalmorū titulis, nodum in scirpo quærere uideamur.  
Dei itaq; filius hīc est qui loquitur, qui nostras assumit calamitates, qui ueluti  
colonus in terris, ut ait uates ille, labores, doloresꝑ; suos & nostros exponit. Ille  
igitur absque peccati labe qui fuit, tanquam omnīū scelestissimus, tot diros spon-  
tes sua patitur cruciatus: nos uerò uel ab ipso uitæ exordio perditissimi, ne tantillū  
quidem pœnarum, quas cōmeruimus, non nisi fracto animo ac queribundo tole-  
ramus: hinc enim omnia iam facta sunt nobis odiosa, in omnibus morosis ac du-  
ris: offendunt omnia, pungunt, lacerant, mordent, uel ipsę quidem edentulæ res,  
atq; innocuæ, nobis aut pauori, aut fastidio sunt. His tamen, & nobis cognitis, &  
cæteris plusquam manifestis, audemus nescio quid perfectioris uitæ, ac studiū præ-  
ferre, nostrasꝑ; uenditare sanctimonias non erubescimus, quarū quidem umbrā,  
& hanc tenuem, uix, ueluti per transennam semel uidimus. Sed ad Dei filium re-  
uertamur, qui hoc in psalmo summā totius perfectionis, cuius ipse autor est, effi-  
giat. Si enim generali quodam modo, quædam in hoc psalmo posita intelligi arbi-  
tramur, ut sunt illa: Si est iniquitas in manibus meis, Et, Iudica me Domine secun-  
dum



**A** dum iustitiā meam. Nemo tanta cum fiducia unquam orare potuit, quanta innocentissimus Dei filius. Si uero de crimine falso alicui intentato accipienda ducimus, alicui nostrum etiam, cum duce nostro Christo, conuenire credimus. E quidem, ut de medicam, peccatorum omnium maximum me esse fateor: attamen non propter hoc, illos qui falsa in me moluntur, quique eorum maxime insimulant, quæ, ne per somnium quidem, unquam cogitavi, & qui à uirtutum itinere, aut salutis cursu meremoriari contendunt, excusare debeo, aut malum illorum animum approbare. Imò uitam ipsam, res, fortunas, & denique quicquid sum, effundere mens est, & debeo, potius quam illorum scelera, fœdosque mores, ac uitā omnium turpissimam, & inquinatissimā laudare, aut obtegere. A professione igitur fidei suæ in Deum, ut sanctos decet, precem auspicatur anima, & ait, Domine Deus meus in te speraui. Non ego in gladio, inquit, non in uiribus, non in scientia, non in meritis, non in amicorum tum copia, tum excellentia meorum, sed in te Dñe mi Deus speraui. Certissimum quidem est, illos, qui uerè Deo fidunt, deserui ab eo non posse; cum neque uir bonus eum queat deserere, qui suæ se fidei penitus commiserit. Quis talem, peruersum non censeret hominem? Porro spem nostri definiunt esse uim illam, quæ æterna sperantur: hoc est, cum fiducia minime uacillante expectantur, & quam ex Dei gratia, atque ope, oriri non est qui ambigat: cuique patrocinantur, ac uim suppeditant opera illa, quæ à charitate erga Deum proficiuntur, quæque spem ipsam tanquam ardentis facule præire solent: alioqui absque bonarum actionum fructu & decore sperare, temeritas potius, quam spes, appellari debet.

Saluum me fac ex omnibus persequentibus me, & libera me.

**B** Quoniam igitur in te speraui, & quoniam impossibile est eos, qui in te sperant, suo frustrari uoto, ac spe, idcirco serua me, tutareque ab hac tam numerosa me persequentium multitudine. Num me abs te totum pendentem in cruentas illorum manus cadere permittes? Ad quem, oro, alium, si abs te deferor, confugiam: nunquid ad me ipsum uitro ipso fragiliorem? num ad amicos fortunæ magis de more obscurdantes, quam honesto, quam decori, quam ueræ amicitia: nunquid mundi me huius tam inconstantis fidei committam? Ne uiuam si id tento, Serua tu igitur me o qui potes, meque miserrimum in modum catenis uitiorum innodatū libera. Timeo enim ne tandem deceptus comprehendar. Quis, rogo, tam est ingenio perspicaci, tam prudenti, tam acri, cui hostium technæ tam uariæ, sint notæ? Et si tamen sunt, qui poterunt sine te superari? Exime igitur me o Domine,

Ne quando rapiat ut leo animam meam, dum non est qui redimat, neque qui saluum faciat.

Quam bone Deus, eleganter uates leonis prædam corripientis, dilaniantisque imagine, ferociam, ardentemque iram hostium, nostram insectantium salutem, expressit: & est sensus: Ne, quæso, corripiat hostis tanquam leo animam meam, neque dilaceret, dum non est qui eripiat. Pulchra profecto similitudo. Nullum enim animal tam audax est, quod cum leone potissimum prædæ inhæante, concurrere audeat. Quis, oro, tam diras fauces à pastu immunis auertet? Censet Eutymius hunc psalmum illi maxime conuenire, qui ab immanibus exagitatus temptationibus, cum Domino suas computat rationes: ut persecutores sint demones, leo uero, ipse infeliciū spirituum omnium princeps satan, qui cum animas in desperationem rapere molitur, nemo ex omnibus inuenitur, qui illas è cruentissima ciuis ingluuiere redimere ualeat, nisi solus animarum amantissimus Deus, qui quidem sensus admodum pijs affectibus probari solet. Cæterum haud facile dici posset, quam imensus ferarum sit numerus earum, quæ præclarissimos quosque uiros à schola Christi, secum ad inhospitas syluas, tetraque nemora trahere conant. Etenim quæ feræ, quæ belluæ adeo immanes sunt, quæ tam atrociter in umbrosis saltibus minutiores animantes insectentur, ac uastent, quam uastant animi candorē, libido, ira,



**C**upiditas, odium, rabies, ambitio: Quæ ars igitur? quæ industria? quod, quantum uis solers, ingenium, aut consilium, nutantem hanc uitam nostram à tot malis redimet, cum non sit in rebus conditis, qui ad eam redimendam, seruandamq; sufficiat, nisi tantummodo Deus: Redimet ne homo hominem? hoc est, peccator peccatorem: sordidus sordidum: cæcus cæcum: quis unquam hoc uidit? Solus igitur ille, qui, quemadmodum ab omni peccati labe integer uixit in terris, sic bonorum omnium autor est, atq; idem eorundem bonorum & finis, & requies.

Domine deus meus si feci istud: si est iniquitas in manib. meis. Si reddidi retribuentibus mihi mala: decidam meritò ab inimicis meis, inanis.

Est hic considerata illius confidentia, qui alicuius insimulatus sceleris ab aliquo, sese diris deuouet. Felicitas sanè maxima est conscientia, nil conscire sibi, ac nulla culpa impalescere. Si igitur feci istud, hoc est, si uerū est quod mihi obijciunt aduersarij, & de quo tam male audio: si, inquam, meis in manibus inuenitur iniquitas, id est, si mihi adfuit, in hoc genere peccati, de quo accusor, consensus: si me ipsum ulciscor, quæ maxima est iniquitas: si alicui malum unquā pro malo reddidi, tunc non exaudies: atq; ita tua ope denudatus, ac gratia, cadam, & deficiā. Iam tunc hoc merui. Videtur hic hebreus paululum à nostro uariare sensus. Si iniqui, aiunt, & prauī aliquid unquam molitus sum, si iuncto mihi consuetudine, pacisq; foedere adstricto malū rependi, cadam meritò abs te reiectus, nam secundū eorum literā sic legi potest: Si conatus sum perdere quenq;, qui pacem, & amicitia meā ex animo expetiuit, quod quidem minimè feci: sed magis persequentē me nulla causa, defendi, amauiq;: inanis, ac uacuuus tuo auxilio, eò corruam, quò me hostes impellunt. Diuus uero Hiero, sic uertit: Si reddidi retribuentibus mihi mala, & dimisi hostes meos uacuos. Vide perfectionē animæ. Non solum, ait, facientibus mihi mala par pari nō retuli, sed illos quoq; nō dimisi uacuos beneficijs, & largitionib.

**D** Persequatur inimicus animam meam: & comprehendat, & conculcet in terram uitam meam, & gloriam meam in puluerem deducat.

Ardens deuotio, atque animo optime sibi conscio digna. Animæ nomine seipsum intelligit uates, id quod frequens in scripturis est. Vita porro in terram conculcatio, uitæ est extinctio. Gloriæ uerò in puluerē collapsio, est nominis, ac fame, qua sibiipsis boni superstitēs sunt, abolitio. Atq; hic selah interponitur, nec immeritò. Siquidem quàm candido pectore, uel in hostes ipsos esse debeamus, mirandum nobis in hoc loco proponitur exemplum. Sensus igitur esto: Si talia cōmissi, quæadmodū ignobile istud uulgus de me iactitat, persequat me hostis, uel homo, uel dæmon sit, non recuso, postq; sic merui: uerū ita persequatur, ut etiam comprehendat: adeò rursus cōprehendat, ut nusq; effugiam. Quid? ubi cruentus ille comprehenderit, cōculcet illicò, prosternatq; usq; in terram, uitam adimat, ac demum gloriam omnem meam, famæq; & nominis memoriā in tenuissimum puluerem deducat, hoc est, ad nihilum adeò redigat, quò funditus peream. Omirabiles prophetae affectus. Quis idoneus, ut hæc ardentes exaggerationes intelligat? Persequatur, ait, dæmon, caro, mundus, fomes peccati. Comprehendat, id est, in lege peccati meam deducat animam captiuam, ac laceram. Conculcet in terram uitam meam, affectus scilicet omnes animæ, terrenis rebus, mundoq; ipsi seruire faciat. Gloriam item meam in puluerem deducat: intellectum uidelicet meum, qui gloria est animæ, induret, obfuscet, obtundat: unde à gratia tua desertus, penitus obbrutescat. Quid, quæso, aliud imprecatus est Hieremias cum dixit: Recedentes à te, in terra scribebuntur.

Exurge Domine in ira tua.

Satis dira imprecatione, deuotionē uē, se uates purgauit in superioribus: nunc orat hostium oppressiōē. Dum enim finit Deus, occultissimo quodam, æquisiēmo tamen iudicio, prauos homines licentius in bonos desauire, iacenti similis uidetur, ac



**A** detur, ac dormienti; aut certe, ut audacius dicam, deiecto, prorsusq; uiribus destituito. Inenarrabile quidem est, quomodo diuina illa maiestas, quos maxime uult defensos, indefensos relinquat; atq; eorum, quos odit, iniurijs patiatur esse obnoxios. Ait igitur: Exurge Domine. Cur quiescis? cur differis? iustitiam tuam hic inuoco. Ostende, te obsecro, potentiam tuam in ira, hoc est, in ultione, & uindicta, qua commotiones, grauesq; iras me insectantium reprimas. Felix sic: Exurge Domine inter iracundias tribulantium me. Cui & conuenit paraphrastes: Commoueant te, ait, furores hostium meorum: ut dictio, ira, ad inimicorum rabiem referatur, nō ad Dei uindictam. Quanq; quid uerat, Deum, ut tanquam iratus ad innocentiae defensionem exurgat, inuitare: Reuelatur enim ira Dei de coelo super omnem impietatem, aiebat Paulus.

**Exaltare in finibus inimicorum meorum.**

Hoc est, fac te omnibus altiorē; cunctiq; tuam supereminentem potentia, illam nimirū qua omnes omniū terminos excedis, persentiant. Scribit Eutymius hic, fines hostiū, pro eorum morte accipi. Cum altus, inquit, sis, & sublimis, ita etiā appare, atq; ostende te hominib. Huiusmodi autē apparebis in finibus, hoc est, in morte inimicorū tuorū. Mors enim uniuscuiusq; finis est. Hæc Eutymius. Quæ quoniam uisa sunt digna spiritu prophetæ, libenter hic cæteris assuimus.

Et exurge Domine Deus meus in præcepto, quod mandasti, & synagoga populorum circundabit te.

**B** Cernis ne quantis argumentis utatur uates ad exorandam diuinam opem? Ab ijs enim quæ ipse Deus obseruari iussit, argumentatur. Tu, inquit, exurge eo modo, quo uis homines inter sese mutuis exurgere beneficijs. Mandasti quidem ut nos inter nos æquē iudicemus, ac miserōs ē sceleratorum manibus uendicemus. Tu iam præsta, quod præcepisti. Tu tuam, ne mendax, uanus, tyrannidisq; appetentissimū ab improbis appelleris, uindica constitutionem. Quod sanē si feceris, tum synagoga, tum populorū corona, coetusue frequens gentiū circunuallabunt te, ad te recurrent, te amplexabuntur, ad te, qui ob tuam de me neglectam curam, auersi retrocesserant, reuertentur. Per me enim tuus ad te reuocabitur populus, tuumq; ad cultum aggregabitur, unaq; frequentissimū ad tuas coibit aras. Nescio equidem quo pacto id accadat, quod impijs regnantibus in Dei ecclesia pastoribus, greges facile ad impietate prolabantur, qualiq; à Deo abducantur, cum interim tamen culpam omnē in greges ipsos reiiciant. Ita pii, probiq; cum regnant, populus ad Deū, uelit nolit colligitur. Quare semper cum à lege naturæ, tum ab ea quæ mandata est literis, cautum fuit, ne quis ad gubernandas respublicas, coetusq; ciuium, ac conuentus, ascisceretur, nisi is, qui & religione, & uitæ sanctitate cæteris præstaret. De ijs uerò qui honores, aut gradus, non secus ut canes leporē, insectantur, in hisq; adipiscendis die noctuq; immoriuntur, licet indocti, ineptiq; actam longē à probis moribus extorres, quā longē exulant à cœlestibus bonis demones, non est præsentis instituti dicere. Videant hi qui promouent.

Et propter hanc in altum regredere.

Cœlestis enim pater cum sinit sanctum suum gregē, synagogam scilicet populorum, à malis opprimi, uidetur solum regni sui dereliquisse, ac ad suorū iniurias connuere, neq; bonorum amplius partem, ut boni solent iudices, tutari. Cum autem suorum se uindicem, defensoremq; manifestat, uidetur tum solum regium denuò repetere, atq; iterum in altum conscendere, ut iudicet. Idcirco rogat uates: Tu qui dissimulare uideris, & qui iam non putaris ab aduersarijs meis in tuo sede resilio, quiq; longē abesse à tuis censeris, regredere, reuertere in altum, in solum; ad iudicium. Tu qui miseriorum es arbiter, iudica causam tuam: & si non propter me, qui extrema quæq; merui, at saltem propter hanc tuam congregationē, quæ ex falso intentata mihi calumnia, penē in maleuolorum consensit mentem, Tene-



**C**ra enim admodum est multitudinis opinio, & quæ, quemadmodum ad deteriora ita ad meliora facile inflecti queat, modò eius generis uita præditi sint illius moderatores, quòd ipsis uiuentibus nemo peccare audeat,

**Dominus iudicat populos.**

Hebræi legunt, iudicabit, idemq; Græci, & est uerbum ardentissimæ fidei, atq; adeò certissimæ in Deum, Cuius quidẽ sensum ita explicat paraphrastes: Quam prouinciã (exurgendi scilicet ad iudicandum oppressorum causam) non grauatẽ suscipiet Dominus, & iustẽ iudicabit populos, Et cum ita fore credam,

Iudica me etiã secundum innocentiam meam, & secundum iustitiam meam super me: uel, quæ in me est.

Nullam meã esse iustitiã, atq; innocentia, si ad tuam conferatur, certò scio, cum ne astra quidem ipsa munda sint in cõspectu tuo; olimq; in angelorũ choris reperi ta sit iniquitas. Quis se gloriatur mundũ habere cor? Verũ si me cum istorum uita cõponas, cõsciũ mihi quidem, in eo maximẽ de quo me accusant, eius iustitiã, atq; integritatis uideor esse (dona ne tua obtegere possim;) ut sperem me abs te ætutũ iuuari. Id ergo facias precor, petoq; ut quẽadmodũ ceterorũ, ita etiã meã rationẽ habeas innocentia, Certus enim sum aduersarios meos malã habere causam,

**Consumetur nequitia peccatorum, & diriges iustum.**

Deficiat ergo, finemq; habeat iam tandem, obsecro, improborum malitia, qui me, nulla mea in eos culpa, tam crudeliter adfligunt. Et diriges iustũ, hoc est, des ei optatum rerum suarum euentum, cuius ea est uoluntas, ut absq; nefandorũ horum minum, si fieri potest, impedimento, in iustitiã semita gradiatur. Porro iustum ne deferere poteris, quem tu sic esse uoluisti? Tu es enim Deus,

**D Scrutans corda & renes.**

Hoc est, eorũ quæ cogitamus, de quibũue oblectamenta capimus, es perscrutator. In corde enim cogitationũ sedem esse, nemo fermẽ est quem lateat. Cæterũ quia in renibus, ut asserunt Physici, inest affectus ille gignendi ceteris uiolentior, ac uoluptuosior, renes pro uniuersali oblectamentorũ sede ponit propheta; & est sensus: Tu Dñe intimarum etiã cogitationũ, & cupiditatũ es explorator. Vides, inquã, ubi uerus sit amor, ubi fucatus. Itaq; uera cum hæc sint, illi propterea tutò iudiciũ cõmittitur contra iudiciũ hominũ, qui ferẽ semper iudicant secundum apparentiã, cum Deus interim intueat cor. Olim enim Absalon à multis habitus est iustus, David uerò peruersus: ex quo illum secuti sunt, hoc relicto. Iob rursus ab amicis ipsis suis reputatus est peccator: ipsi autẽ non solum quidem alijs uisi sunt iusti, uerum etiã illi, uiro alioqui iudiciũ haudquaquẽ humani, sed planẽ diuini. Vides mortalium ferẽ omnium in alijs iudicandis cæcitatẽ: Nõne filius Dei inter suos seductor turbarũ appellatus est: nõne publicanorũ amator, potatorq; uini, Pharisæi uero iustissimi? Quotus enim quisq; est, uel ex eorum numero, qui religiosiores uidentur, cui iussio illa, qua admonemur, ne ante tempus iudicemus, sit cordis: has enim partes, hoc tribunal, hanc sedem occulta hominum disquirendi seruauit sibi Deus. Quocirca temeritas eiusmodi cum ab omnibus, tum uel maximẽ à bonorum cõtibus prorsus euelli debet, ac eliminari.

**Iustum adiutorium meum à Domino, qui saluos facit rectos corde.**

Secus Felix: Scutum meum super Deum, aut in Deo. Et sic dictio, iustum, seu iustẽ, seu potius iustus, ad præcedentis uersus finem pertinet, ut sic legas: Scrutans corda, & renes Deus iuste: uel, ut est in hebræo: Probator cordium & renũ Deus iustus. Attingitur uates, totam fiduciã suam, ac spem, in Deo sitam esse, qui iustus est. Estq; quasi epiphonema ad ea quæ dicta sunt. Nec mirum si per transnominatõnem scutum pro fiducia posuit, nam quemadmodum scutum, illum quem tegit fidentẽ ac securum reddit: ita ille, qui in omnibus huius mundi aduersis, quæ

adeò



A adeo multa sunt, ut numerari nequeant, Deum pro scuto habet, tutus efficitur, ac fidens. Quem sane fauorem, recto solummodo qui sunt corde, sentiunt & experiuntur: hi dico, qui optime de Deo cogitantes, haud huc, illucue incertis opinionibus peruagantes, curui incedunt.

Deus iudex iustus, fortis, & patiens: nunquid irascitur per singulos dies? Hic David sacro numine afflatus, prauidit hostium suorum ultionem, quæ sane tanta cum instantia, animique ardore, in superioribus petiuerat; atque ob id semetipsum consolans clamat: Deus, iudex est iustus; ideo non me inultum sinet. Fortis item est: utpote qui, quæcunque uult, facit. Longanimis rursus tamen est: expectans scilicet omnes ad poenitentiam. Sed nunquid irascetur per singulos dies? Minimè, inquit: siquidem longanimis est, ac patiens. Et quia non quotidie uos punit, sed suffert, iramque dissimulat, quò malos in se animos emolliat, ad poenitentiamque attrahat, nolite ob id improbiore effici. Nam nisi conuersi fueritis, gladium suum uiibrabit. Verum quoniam Hebræis diuersa est lectio ab hac nostra, diuersus quoque exoritur sensus. Sic Felix: Deus iudex iustus, & Deus irascitur per singulos dies, id est, quia iustus est, indignatur quotidie, quia isti nouis quotidie eum sceleribus ad iram prouocant: unde mirum, ni acceleret ultionem, sic frequenter irritatus. Paulò diuersius paraphrastes. Deus, inquit, & iusti est iudex, & eius, qui sceleribus suis Deum irritat assidue. Quid si alium adhuc adhibeam sensum? Alia enim ab his omnibus oblata litera effecit, ut aliam quoque suspicarer intelligentiam. Non irascetur, ait, per singulos dies: hoc est, Deus qui mihi uidetur iratus, me tandiu in afflictionibus laborantem deferens, non semper mihi iratus erit: quandoque enim misericordiae memor erit, & mutabit sortem. Sed quoquomodo se res habeant, uos qui tantopere mihi infesti estis,

B Nisi conuersi fueritis, gladium suum uiibrabit: arcum suum tetendit, & parauit illum.

Asserit propheta, summi iam iudicis imminere in impios mulctam, nisi quamprimum resipiscant, conuertanturque ad ipsum. Per gladium enim, poenarum acerbitatem; per arcum uero celeritate intelligi uult Eutymius, & rectè quidè. Ensis enim cum uiibratur, seu, ut legit Felix, acuitur, aut collimat, apparatus est ad inferendam alicui mortem. Idem & de arcus tensione dici conuenit: qui tunc tendi, parariue dicitur, cum oculis neruus apte, ne sagitta à scopo aberret, admouetur, sed rectè peccat, quāquam Felix legat, direxit: quod sane uerbum celeritatem magis uulnerum indicat, quam si legas, parauit. Iam nec illud omittendum quod admonet Eutymius. Crassioribus, ait, uerbis propheta sæpe uti solet, ut auditorum hebetudini consulat. Hæc ratione gladium Deum uiibrare, arcum tendere, telaque iaculari, atque alia bellica instrumenta habere dicit, ut auditoribus timorem augeat, ac per nota eis nomina lapideam eorum mentem concutiat. Verum huiusmodi armis non indiget ille, qui aspectu solo facit terram tremere, & in cuius manu est omnis spiritus. Hæc Eutymius.

Et in eo parauit uasa mortis, sagittas suas ardentibus effecit.

More hebræo uasa sunt instrumenta. Vnusquisque, ait Ezechiel, uas interfectionis habet in manu sua. Vasa igitur in eo parata, sunt spicula in arcu posita, quæ secum mortem portant. An uero spicula huiusmodi letalia sint, sciunt hi, qui modo in mari Egæo, & Punico, cum Scytharum & Arabum classe configunt, ubi nullo alio armorum genere, tam immaniter prosternuntur nostri, quam sagittarum imbore (ut sic dicam) ac nimbo. Illæ enim cum hamatae sint, uenenoque præsentaneo illitæ, raro à fauciorum corporibus absque anima euelli possunt. Sed quibus tandem sagittas illas diuini iudicii parandas dicit: ardentibus nimirum odio, studioque nocendi. Contra hos certè tela omnia tum humana, tum diuina, leges, iura, scitaque omnia collinantur. Paraphrastes uerò aliter intellexisse hanc dictionem, ardentibus, uisus est. Preparata enim, ait, apud se habet tela mortifera: parabit ea, quo-



**C** modo solent qui ardentissimè persequuntur aliquē. Vtrumuis enim sensum accipias, non errabis; modo non ignores, uasa illa in arcu parata, mala illa esse, quæ ex ipsa diuini iudicii celeritate, in scelestissimos quosq; uariarumue cupiditatum, ac libidinum flamma incensos, torqueri solent.

Ecce parturiunt iniustitiam, concepit dolorem, & peperit iniquitatem.

Assuescendum est in primis eiusmodi tropis hebraeis, in scripturis cum omnibus, tum maximè odorū huius generis, in quibus à plurali sæpenumero transitur ad singularē, & contrā. Hic enim cum suprā dixisset, Consumetur nequitia peccatorum, modo dicit, Ecce parturiunt, aduersarius scilicet, peccator, impius, scelestus. Neq; sanè aliud sibi uult uates in hac partus, parturitionisue translatione, q̃ significare, perditos homines; circaq; aliorum perniciem intentos, totos esse in excogitando, cōcinnandoq; exitio alicui; neq; aliud uersare animo, uerbis agere, factisq; moliri, q̃ ut aliquem, seu uī, seu dolo, ē medio tollant. Atqui cogitationū exordiū, cōceptui; consiliorū anxia illa ad nocendum dispositio, parturitioni; factum uero partui assimilari potest. Sic enim legit Felix; Ecce enixus est iniquitatē, postq; concepit afflictionē. Quam quidem distinctionē omnibus peccatis, quæ, ut nostri partiri solent, suggestionē, delectationēue, atque opere perficiuntur, conuenire arbitror. Concipit aliquis animo formas illas irritabiles, quas obijci nobis à dæmone scribit Lactantius; huiusmodi enim conceptus, nisi prudens aliquis informem illum adhuc, atq; inanimū conterat, prauo pedetentim effigiatur oblectamento, aliturq; consensu; qui porro iam grandis factus, cupit, laboratq; in lucem prodire, quod Latini parturire appellant, ac tandem prodit: isq; fit partus actione nefaria, ac facinorosa. Sensus igitur erit: Ego, ait, dixi, quod nisi conuersi fueritis, gladium suū uibrabit æternus iudex; sed quia nulla facta est conuersio, ecce, iusto Dei decreto, parturiunt impius iniustitiā; uel, ut habet paraphrastes, Ecce sceleratus ille parturiet iniquitatē, nocere magnopere cupiens; concipiet animo stultum & molestum laborem, & tandem pariet rem nihili. Sanè quā rem nihili, Nam

Lacum aperuit, & effodit eum; & incidit in foueam quam fecit.

Verissimum illud esse adagium, quotidie & uideo, & miror: Cōsiliū scilicet malum consultori pessimum. Illud etiam; Mali corui malum ouum. Quā multum enim, dictu miserabile, suo se gladio iugulant. Quot consilia quorundam leuium animorū intercisa; quot deliberationes formantur animo, quæ aut morte, aut casu aliquo inopinato, intercipiunt; Ignorant miseri, quod in suo Deus arcu parauit uasa mortis; quæ censet Eutymius uaria esse genera mortis, gladiū scilicet, ignem, aquam, terræ motū, hiatum terræ, ægritudines uarias, quibus acruatim quotidie oppleri tumulos sepulchrorū cernimus. Nōne arcus diuini celeritatem esse fatemur, cum miseros istos, de quibus hic uates loquitur, uidemus ad pedes nostros, aut ense, aut fuste, aut apoplexia etiam ictos, uel angina intercepto spiritu suffocatos occumbere? Quid de tantillo araneoli morsu, aut præsentaneo scorpij aculeo dicam? Quot heri, Deus bone, lætissimo uidimus genio cœnam uel usq; ad gallicinium produxisse, cras uero, ad summū perendie, exhalasse animā; ô incerta mortalium consilia. Sensus igitur is erit: Foueam effodit miser ille; neq; hoc satis, eam ipsam apertam reliquit, sperans ut ego imprudens in eam incidam. Verū longe illi diuersum eueniet; corruet enim ipse in eam, nunquā illinc extrahendus. Quibus sanè uerbis nihil aliud nobis significari uoluit, quā hostes istos nostros sceleratos, eadem ipsa, quæcunque nobis mala cogitant, ac uī omni intendunt, absumptura. Ecquis iam tam pusilli fidei uir est, qui uel ex unius istiusmodi psalmi testimonio contentus, totum se nolit Deo in aduersis committere, sperans fore, quod malos tandem male perdet æquissimus arbiter? Absalon enim à crine, ludas uero Christi, hoc est, innocentiae proditor, à collo pependit, Quid iudæi; nōne de terra ablati sunt; nōne funditus à gratia diuulsi?

Conuer-



**A** Conuertetur dolor eius in caput eius: & in uerticem ipsius iniquitas eius descendet.

Ecce affectus iniquitatis quò iniquum pertrahit, En quomodo in cœlum expuunt temerarij. Studium enim illud suum, ait, tam anxium (dolorem id uocat uates, seu, ut legit Felix, laborem. Quid non cum dolore ac labore molitur impius?) anxietas inquam illa tam studiosa me interimendi, in ipsius caput recidet: nedum quidem in caput illud suum perunctum, sed in ipsum quoque intellectum, quem hic per eminentiã, uerticem appellat, & est ac si diceret: Non solum enim corpora illius moles tuum iudicium sentiet, uerum etiam mens ipsa, atq; intellectus indurabitur, obbrutescet, in sensumq; reprobum sua spõte præcipitabitur. Ita enim orare possunt hi, quibus Dei uoluntas adeò perspecta est, ut nihil iam petere aut uelint, aut possint, quod non certò sciant futurum: atq; in hoc, sicut in cæteris diuinis dispositionibus, toti in Deum ipsum transformati, omnia illa solummodo cupiunt, amant, uolunt, quæ ipse æterna lege & uult, & ordinat. Ita enim erit, Ego autem ab illorum insidijs liberatus,

Confitebor dño secundū iustitiã eius, & psallam nomini dñi altissimi.

Celebrabo, inquit, Dñm secundum iustitiã illam suã, qua me sui cultorẽ ab impijs, eorumq; moribus, & fœditate eripiens, illos tandem, ut meriti sunt, perdidit. Nulli porro dubium esse debet, confessionẽ, quod diuus asserit Hieronymus, nõ poenitentiam semper, sed gratiarum actionẽ sapenumero ac laudem significare. Vnde illud: Confessio & pulchritudo in conspectu eius: nam ornatissimis moribus, uitæq; pulchritudine, ac candore, laudari Deum cõuenit. Atq; hic idem esse, confiteri Domino, & psallere nomini Dñi altissimi, censeo. Quod quidem illud est, quo in oratione dominica petimus sanctificari nomen Dei. Hoc agunt illi, qui haud fictẽ, & in superficie, sed ex animo credentes, fiduciamq; suam totam in Deo collocantes, quæcunq; illius sunt, uerbis, moribus, gestis, ac uitæ integritate profitentur: quò mundus ipse, alioqui per se ad malum procliuis, habeat, unde in nobis benedicere, non maledicere, aut oblatrare nomini sancto Dei ualeat.

*Super torcularia, seu ad githith.* PSALMVS

DAVID VIII.



**O**mine Dominus noster, quàm admirabile est nomen tuum in uniuersa terra.

Theophylactus in commentarijs super Ioannem censet Hebræos solitos cantare hunc psalmum tempore antiquæ legis in festo Scenopægiorum mense Septembri, quò iam conuectis frugibus, factisq; uindemijs, gratias hoc psalmo bonorum omnium datori Deo agerent. Alij asserunt githith instrumentum musicum extitisse, quo cum psalmus iste cantabatur. Adeò uariant, apud interpretes, de titulis psalmorum opiniones. Quoquomodo sint illæ, exploratissimum nos habemus hunc psalmum decantari solitum ab anima illa, quæ ex admiratione rerum conditarum, in quibus summa conditoris sapientia, ac bonitas maxime relucet, obstupescit, totaque extra se posita exclamat, Domine Dominus noster quàm admirabile est nomen tuum in uniuersa terra. Hebræi legunt, Dñe, Dñe, seu Domine dominator: quare illud primū diuinitati Christi Iesu conuenire, secundum humanitati, coniectamus: & est ac si diceret, Deus here noster. Nos interim hoc modo: Dñe rerum omnium opifex ac seruator, qui Dñs, per specialem quandã tui cognitionẽ, factus es noster, quàm admirabile est nomẽ tuum: hoc est, quàm admirandus es tu. Nomen enim Dei esse eius gloriam, famam, cognitionem, qua ipsius bonitas, maiestã sue cognoscitur, facile nobis persuaderi patimur: ac, ut ait quidam ex Hebræorũ rabbinis, nomẽ eius ipse est, & ipse nomen suum. Et nomina insuper habet omnia, ut ait Hermes, quoniã unus est pater: uel



**C** potius, quod idem asserit, nomē habet nullum, quoniam pater est omnium. Verū hęc aliās. Nunc, quantū ad institutū nostrū attinet, dicendū, hic animā sanctā mirum in modum stupore affici, & admirari, quomodo tam sublimis appareat Deus in rebus conditis: qui tam longē, tam latē, tam uē profundē innotescit, q̄ altē, q̄ longē, q̄ latē, eius incōprehensibilis bonitas cernit, & se passim uidendā exhibet. At qui hęc esse illam in Paulo latitudinē, longitudinē, profunditatē, sublimitatē uē, quam ut cōprehenderent Ephesij, ipse flexis genibus Deum orabat, arbitrati sunt quidam. Cæterū ex effectibus, atq; rerum conditarū ordine, & cōcinnitudine, notationem de Deo cum habeamus, eos ipsos effectus partim naturales, partim naturam ipsam excedere dicimus: sed cum hi, secundum naturę legem, uimq; illam rebus ab initio ingeneratā cœlitus procedant, illi magis ad ea pertinent, quę gratiæ, fideiq; mysteria cōtinent. In utriq; tamē admirabilis, ac super omnia sublimis apparet Deus. Idcirco dicendum: Dñe, Dñe, inquam, nostrū omnium, quā meritō magnifica fama nominis tui per uniuersas terrarū regiones est sparsa; quā sublimis, q̄ excelsusq; ab omnib; quotquot hanc terrę uastitatē incolunt, prædicaris.

Quoniam eleuata est magnificentia tua super cœlos.

Magna sanē sunt argumenta tuę maiestatis in terra; sed non minora, quę apparent in cœlis. Quod ibi decus? qualis ordo? qualis concentus? Quod nos legimus quoniam; quę, uel qui, legit Felix, hoc modo: Quā admirabile est nomen tuum in uniuersa terra, quę dedit confessionem tuam super cœlos: uel, qui eleuasti laudem tuam super cœlos. Sed unde rursus admirabile nomen tuum redditur?

Ex ore infantium & lactentium perfecisti laudem propter inimicos meos, ut destruas inimicum, & ultorem.

**D** Hic temeritas summa esset, hunc uersum secus interpretari, quā summa sapientia interpretata est tum, quum Iudæis obmurmurantib; hoc modo satisfecit: si tamen lapideis animis unquā satisfieri potuit: Nunq; legistis, ait, quia ex ore infantium & lactentium perfecisti laudem? Proinde ego quidem uatis excellentiā, atq; adeo spiritus ignem, ignisq; eiusdem celeritatē uix à perfectissimis uiris comprehensam, nedum retentam, contemplans, facile adducor, ut credam hic sanctissimum Dauidis pectus, cum cœpisset uelle res illas, quibus potissimū Dei gloria, & maiestas apparet, enarrare, à spiritus uelocitate interceptū, mirabile infantium & lactentiū argumentū interposuisse: quod quidem in Iudæorū persecutionibus in Dei filiū, cuius laudes in omnibus suis psalmis celebrare nititur, fore præuidit. Quid ni mirabile dixerim? Anteq; enim Dei filius nostrę huius miserię particeps factus, omnis iustitię normā in terris fabricasset, legimus à sanctis uiris dæmones à miserorū corporib; eiectos, claudos rectis incessisse plantis, leprosos emūdatos, ac tandem mortuos ad uitam restitutos. Quod uero pueri, & hi lactentes, ore illo suo balbutienti & imperfecto, perfectam fecerint laudem Deo, quis legit unquam? Nonne hoc inter miracula, uel ea quidem, tum ab antiquis, tum à nostris elegantissimē decantata, cōnumerandū? Verū si qui sunt, qui hoc in psalmo allegorias diligunt, pulcherrimę admodum sunt, ac sparsim per cæterorum libros coniectę. Ego quidem hunc totum laborem, mihi tantummodo ut satisfacerem, meo maximo incōmodo desumpsi. Scio certē & ego quoque cum illis, eos, qui non in suarū foris humanę sapientię uerbis, ut ait Paulus, sed simplicissimo modo, crucis diuinitatem in suis libris pertractant, paruulos, atq; infantes posse appellari. Scio rursus humiles, modestos, patiētes, innocuos, & qui nullo alio cibo pasci, aut uolunt, aut cupiunt, nisi cœlesti, lactentes uocari. Est infans, sub cuius lingua mel est. & lac. Est lactens, qui duo sponsi sugit ubera illa, quę uino meliora esse canit sponsa in amatorijs Canticis. Sed hęc, & huiusmodi, sicut suo loco posita margaritę quędam sunt preciosissimę, & quę mirabilem in modum me afficiunt: ita nō sua sede collocata, meum reddunt animum (ut alijs afficiantur non quæro) à gustu illo, quem



**A**lo, quem afferre solent solidi in scripturis sensus, planè refugum, & nescio qua sorte, aridum, ac ieiunum. Proinde ut illa excellentissima sint, cedroque digna: mea hec ita accipiuem, tanq̃ ab homine in solitudine sese inter poenitentię lamen-  
ta macerante, atq; otio istiusmodi imaginationibus non prorsus abutente, ut non  
abuti mei ordinis uiros semper concupiui. Neque enim à recto intelligentiæ sco-  
po aberrare dici debeo, si extollendę diuinę uirtutis materiã, non minus admi-  
randam elegantia, libertatem uie, ac ingenij acrimoniam in pueris, suppeditare af-  
firmauero, quàm cætera in uniuerso condita. Num absq; magna aliqua ratione fa-  
ctum putem, quod uatum eximius exemplum puerorũ inter miranda rerum ex-  
empla, quibus uel usque ad cœlos, maiestas cõditoris celebratur, interposuerit? Si  
initium eius tenellæ ætatis cogitas: si innatã in parentes cum risu uel cognitionẽ, uel  
mãsuetudinẽ: in iram, ac ueniã, facilitatẽ: si male prolatã, atq; in salua natantẽ bal-  
butiẽ: si rathã, si mãmã, si lusus, si iocos, si fletus tandẽ illos in rem omnẽ faciles cõ-  
sideras, omnia certè amabilia uident, & nescio quid præferentiã laudis diuinæ:  
cũ nulla ferè sit domus quæ uerè appellari queat, aut læta, aut felix, in qua tener in-  
fans nō uagiat, & perstrepat. Quid memorẽ pericula illa infinita, à quibus nō nisi  
manifesta cœlestis numinis ope, sanctorũq; angelorũ ministerio, eripit puer? Ve-  
rũ ut non sit aliud, illud in primis dignũ uidetur cõsideratione, quod ex tam te-  
nera ætate, nos Dominus intelligere iusserit, quid sit nobis à cœlesti patre speran-  
dum. Si uos, inquit, cum mali sitis, hoc est, amore proprio corrupti, potestis tamẽ  
bona data dare filiis uestris, nulla etiã expectata gratia, quanto magis nouit pa-  
ter cœlestis bona dare uobis, igitur, ut iam tandem finiam, uidetur propheta, cum  
immensam Dei bonitatem in humanum genus prædicare instituisse, nosq; in di-  
gnam tanto largitore imitationẽ excitare, post exclamationem sui maximi stupo-  
ris testem, de pueris statim subiecisse in hunc sensum: Bonitate Dei in mortales o-  
mnes plena adẽ est terra, ut ad cœlos usq; pertingat, imò illos superet. Hanc em̃  
ita admiror, & omnem excedentem intellectum iudico, ut nihil suprã. Quocũq;  
me uerto, passim in oculos tantę bonitatis argumenta incurrunt, radijsq; suis me  
am totam offundunt mentem. Sed quid opus uerbis: uel in sola illa tenella puero-  
rum ætate sic elucet, sic resplendet, sic est perspicua, ut ex illorũ ore, qui adhuc suũ  
illud lallare exprimere nequeũt, hostium Dei maledicentiã abunde cõfutari pos-  
sit. Ex ore igitur paruulorum, non ex sermone, quia infantes sunt, sed suo modo,  
ut cætera agunt in anima, quæ suo etiã modo norunt suum fateri conditorem,  
maiestas diuini nominis prædicatur. Opera, inquit, manuũ eius annũciat firma-  
mentum, cum tamen ore careant atque animo cœli. Cæterũ non illud omitten-  
dum, quod loco, perfecisti, Felix legit, fundasti uirtutẽ: uel, ut alia habet litera: Ini-  
tium fecisti tuæ uirtutis prædicandæ. Siquidem paruulis prædicantibus illis, de  
quibus Paulus ait: Estote malitia paruuli, sanctam legem Dei, sit robur spiritus,  
inualescitq; ac in auditorum animis initium uirtutis uim sumit: quo quidem ad-  
aucto, uelutiq; alimentis quibusdã spiritalibus alito, ad perfectissimũ uitæ statum  
fit transitus. Inimicum uerò, & ultorem, quos destruendos dicit, aiunt quidam es-  
se Iudæos, qui impudentissimẽ, non iam dissimulato Marte, Dei filio insensu fue-  
runt in terris: qui tamen & ultores appellari queunt ob id, quod iniurias Christo  
illatas, propterea quod à Deo non esset qui sabbatum non seruaret, iustas, atque  
in lege præceptas affirmarent: & sic Dei cõtumelias ulciscabantur, ultores, si Deo  
placet, zelantissimi. Verũ cum alia sit litera Hebræis, uidet alius prætendi sen-  
sus: ut is ultor sit, qui se uelit contra Deum ulcisci, quare sic reddit paraphrastes:  
Ut destruas, seu subuertas inimicum, & eum qui ueluti uindicem se opposuerat  
tibi. Quas uerò iniurias ulcisci uelit nescio: nisi fortè improbo pro iniuria sit, se fa-  
ctum hominẽ ratione præditum: accepisse legem, qua secundum rationem uiue-  
re oporteat: & demum innumera Dei beneficia in humanum genus quotidie in  
oculis habere, hoc certè scio, prauissimum quẽq; & qui iam in peccatis obdu-





**C**ruit, nolle esse Deum, ut licentius peccare posset, Quare maxima se iniuria affectū putat, cum sit lex, & Deus.

Quoniam uidebo coelos tuos, opera digitorū tuorum, lunam & stellas, quæ tu fundasti.

In prophetis enim parum referre dicūt, per unum tempus, an per aliud legas. Prius dixit, Eleuata est, perfecisti laudē, modò uero, uidebo. Et est perinde, ac legas, Video, seu uidi. Et uidet causam ponere propheta, cur tantopere Dei in homines bonitatē miretur; ex cōtemplatione scilicet rerum conditarū, cum omnium illarum maximè, quæ in cœlis tanto ornatu conspiciuntur, quod quidem animæ illi præsertim euenire necesse est, cuius studium, ac uoluntas, fractis interdum corporeis istis membrorū repagulis, per ampla diuinarū sedium theatra spatiantur. Verū cum Deus tam nobilis opificij autor sit, tanquā immensi operis artifex, atque idem quemadmodū initium, ita & finis, nequit anima satis mirari, quid id accadat, quod cum tantus sit, adeò sese deñciat, ut hominis fermè nihili, tam benigne, tamue paternè curam habeat, sic illum euehat, sic extollat, sic perornet. Vnde subdit,

Quid est homo, quod memor es eius? aut filius hominis quia reputas eum?

Atqui candidior hic à paraphraste ponitur sensus, quàm qui multum à me debeat illustrari. Ait enim: Quoties uideo coelos tuos, opera digitorum tuorū, lunā, & reliquas stellas, quas elegantissimo ordine in illis collocasti, tunc sic apud me cogito: Deus bone, quid est miserabilis homuncio, ut tu illius rationem habeas? aut Adæ nepos, ut tu inuisere illum, aut amicitia contrahere cum illo dignum ducas? fecisti illum tantum non deum. At tu uide quomodo singuli fere apices in propheta, singulas ex se flammæ eiaculentur. Non cōtentus enim dixisse, quoties uideo, seu suspicio coelos; dicit, tuos. Neque hoc satis, addit præterea, opera digitorū tuorum. Neque his rursus moratus, cum subiecisset, stellas, subintulit, quæ tu fundasti. Plumbeam prorsus animā illam esse arbitror, quæ huiusmodi affectuū telis nō transfoditur. Ad hæc, opera digitorum tuorum dicit, propter uaria spiritus dona, tanquā nodos quosdam in digitis: nam in scripturis, Dei digitus est ipse spiritus sanctus, propterea, quod quemadmodū digitus eiusdē est substantiæ cum manu, atque adeò cum reliquo corpore; ita spiritus, eiusdem est cum patre, & filio, substantiæ, ac nature, idemq; Deus. Aut, quod uidetur sentire Eutymius, ut magis miserabilis appareat conditor, qui talia, ac tam immensa corpora, tantilla diuinæ suæ potentiæ parte sit fabricatus. Porro quod lunæ, stellarumue mentionē faciat, omisso sole, ea uidetur ratio; quod quo tempore conspicitur luna cum stellis, is non uideatur: quocirca cum hæc suspicere se canit, appositè de sole tacuit. Non desunt etiam qui censeant, lunæ haudquaquā fieri posse mentionem absq; solis intelligentia, quippe quæ ab hoc, haud aliundē habet, unde luceat: nam absq; solis radio, corpus ea est iners, tardum, tetrum, obscurum. In alio quoq; psalmo, omisisis stellis, atque ipsa luna, tantūmodo solis meminit. Tu fabricatus es. ait, aurorā, & solem. Cœli igitur, sol, luna, alstra, omnisq; firmamenti ornatus reliquus, ab ipso summo rerum opifice fundata sunt, hoc est, adeò in primogenio suo ordine stabilita sunt, ut dimoueri minimè ualeant ē sede sibi præscripta. Sensus ergo is erit. Iurè obstupesco, demirorq; tuam immensam erga nos, ô Deus, bonitatem, qua sic terra est referta, ut supra coelos etiam, magis quàm dici possit, euadat. Etsi enim insani illi, ac temerarij, tantam tuam excellentiā aut ignorant omnino, aut cognitam demoliri conantur: pueri tamen, & hi lactentes, & sciunt, & prædicant. Quod si uel parum oculos attollo, si cœlū suspicio, ô quàm ingens decus tuū in illo respiciet: ibi soli, ibi luna, ibi sydera, ibi ornatus infinitus. Quis hæc animo pertractās nō extra se admiratione rapiat? Tu tantus, tam immensu, tamq; immensi artificij opifex, caduci uasculi,



**A** uasculi, quod homo est, planēque uitrei, & nihili, eam geris curam, ut nihil ferme aliud cogitasse uidearis, quā ut moribundā hanc carnis molem, sexcentisq; miseris obnoxiam exaltares? Tantum non fecisti eum Deum, Quid?

Minuisti eum paulominus ab angelis.

Siquidem solo corpusculi onere, moriendiq; necessitate, ipsis beatis spiritibus, qui dñ uocantur, quia diuinus illis aspectus plenius, quā ceteris creaturis cōmunicatur, minor est homo. Eo excepto, nō uideo cur homo non dici debeat maior angelis, simulatq; Dei filius ad patris dexteram, humanam collocauit naturam; adeo quod filius Dei idem sit, qui & filius hominis. Vterius, nōne clamat Apostolus, quod sunt omnes administratorij spiritus, in ministeriū missi propter electos? Maior ne est ille qui ministrat, an is cui impenditur ministeriū? qui alijs obsequitur, an cui obsequiū præstatur? Atque ob id forsan probabilior uisa est alia quibus litera qua legunt, Minuisti eum paulisper à Deo. Sed hæc magis de Dei filio, qui ob carnis assumptæ naturam inferior est patre, dici arbitror, quā de ullo alio homine. Nec illud interim satis intellectu facile esse opinor, quo dicūt ipsum Dei filium etiam angelis, nedum Deo, propter moribundæ carnis infirmitatem, minorem; cum lego Dionysium asserentem, Christū uti hominē etiam summos angelos purgare, illuminare, ac perficere. Neque illud obstare credo quod Paulus scribit: Eum uerò, inquit, quem modico, quā angeli, minoratū esse uidimus **I E S V M** Christum, propter passionem mortis, gloria & honore coronatum. Si quidem asserūt hic legi debere, modico quā Deus: quemadmodū ibi, Minuisti eum paulisper à Deo. Sed de ijs alijs. Nos qui in hoc psalmo uolumus naturæ humanæ dignitatem extollere, ne ab instituto nostro recedamus. Atque in primis illud superius dictum non omittendum, quid est homo; in hebræo non tantum hominem ipsum, quantum ærumnosam, ac sordidam eius natiuitatis conditionē significari. Quocirca saluator, quod nostram omnem humilitatem, miseriamq; solo peccato excluso, sese subiisse testaretur, filiū hominis, hoc est, mortalem, ærumnosum, abiectum, atque unum eū uulgo ac infima plebe se libenter appellabat, eumq; titulum sibi proprium fecit. Ex quo, uolunt quidam distinctionē illam, qua nos aliqui filios recte hominum nuncupandos asserunt, Christum uerò filium hominis, prorsus repudiandam, cum in scripturis maximē antiquis passim sit uidere, filiū hominis quēlibet hominē dici; ut illud, exempli causa: Quid est homo quod innotuisti ei, aut filius hominis, quia reputas eū? Vel illud ex hebræo: Nolite cōfidere in principib; in filio hominis, in quo nō est salus. His itaq; medullitus introspectis, illud cogitatu iucūdisimū exoritur, quomodo gratia, hominis dignitati annexa fuit, cū Christus per omnia nobis similis fieri uoluit, absq; peccato, ut ait Paulus.

Gloria & honore coronasti eum Domine, & constituisti eum super opera manuum tuarum.

Omiram prophetarū conuenientiā. Nōne tibi uidetur Dauidem hic illud Moysi replicasse: Faciamus, inquit, hominem ad imaginem & similitudinem nostrā, ut præsit piscibus maris, & uolatilib; cœli, & bestijs, uniuersaq; terre, omniq; reptili, quod mouetur super terram. Quæ ergo alia tam excellens gloria? Quis honor cum illo conferendus, quo ad imaginē, similitudinēq; sui conditoris factus est homo? Cui unquam alijs ex rebus conditis tam amplum imperium concessit Deus, ut ei diceretur, Replete terrā, & subiicite eam, & dominamini piscibus maris, uolatilibusq; cœli, & uniuersis animantibus, quæ mouentur super terram?

Omnia subiiecisti, ait Dauid, sub pedibus eius, oues, & boues, & uniuersa pecora campi.

Verū Paulus scribens ad Hebræos, de Christo Dei filio hunc locū interpretatur, quæ quidem interpretatio adeo uera est, spirituiq; prophætico germana, ut nullam aliam fas sit admitti, Sed in hoc tamen rursum mihi excellentiæ conditio-



**C**nis humanæ memoria refricatur, cum succurrit animo, per amantissimū nostrī generis Dei filium, omnia diuinæ dignitatis quæ sunt, reliquis nobis conciliata, concessaq; illius dono, & beneficio. Quapropter quicquid de hominis dignitate lex sacra enarrat, Christo primum uti capiti, instauratoriq; nostro competit, ac de eo iure omni intelligi oportet. Cui tamen dignitatis, tanto unusquisq; copiosius sit particeps, quanto spiritu illo diuino, quo mediatore dñi appellamur, largius fuerit donatus. Sed heu nos miseros, qui magna ex parte excellentissimū illud potestatis munus, dum ipsi cōditori subditi esse nolumus, amissimus. Verū adhuc spes est recuperandi dominij his, qui uerē Christo credunt: quorumq; imperio, ex summi opificis mandato, & dæmones, & montes, & quicquid uspiā est, obtemperat. Omnia certē subiecta sunt illis, qui ex Deo nati sunt, & qui iam in terris uis tam uiuunt cōlestem, quibusq; etiam ipsi beati cōlites, & seruiunt, & ministrāt. Cæterum oues, in hoc loco, sunt minorum pecudum greges: boues uerō maiorū armenta. Pecora porrò campi, feræ agrestes, quibus non sine ratione est additum. Insuper, auxesis est, & est perinde ac dicat, Videte ô mortales admirandā Dei benignitatem: satis non habuit tot pecudes cicures usibus uestris mancipasse, adiecit & feras. Nullæ enim tam sunt immanes, tam diræ, tam noxiæ, quas homo natura & arte suo imperio nō subiiciat, utilitatem uē ex eis non capiat. Atqui, ut uno uerbo tandem rem totam definiam, & superi, & inferi, illi, qui se penitus Deo addixerit, subiiciuntur, & parent. Nec profectò ab ulla alia est causa, quòd tam crebris exagitamur aduersis, quàm quia conditoris nos uoluntati, ut par est, inuiti obtemperamus. Regnum ergo in res conditas obtinebimus, seu potius recuperabimus, si pristinam animæ dignitatem, ut ait Eutymius, seruauerimus.

Volucres cœli & pisces maris, qui perambulant semitas maris.

**D** Volucres cœli, uolucres aëris intelligit, pro quo sæpenumero cœlum in scripturis ponitur. Præterea cum maris pisces omnis generis subiectos esse hominibus dixisset, se haud bene sub piscium nomine belluas marinas comprehendisse suspicatus est. Idcirco post piscium cōmemorationē mox addidit. Et qui perambulant semitas marium: seu, ut legit Felix, pertranseuntia semitas maris: cautē quidem, ne illud, qui, ad pisces, non ad monstra marina referas. Eam ob rem à paraphraste sic redditur: Pisces qui natant in mari, & quicquid usq; degit in ullis aquis. Nam maris monstra, Balenas, Orcas, Pristes, Phytetros, & id genus alia innumera quis piscis dicat? Aiunt uulgò id in mari esse, quicquid in terris nascatur: quæ quidem opinio in tantum doctioribus etiam uisa est uera, ac celebris, ut scribant rerum quidē omnium, non solum animalium, simulachra in mari esse, uuam, gladium, ferras, cucumīn, uero & colore & odore similem. Notat etiam Felix, esse quorundam opinionem, qui hunc hemistichium, quem dicimus demonstris marinis intelligi, ad hominis ingenium referant, & dicant: Tantum ei tribuisti ingenium, ac ad omnia mentis acumen, ut pertranseat mitas maris.

Domine Dominus noster, quàm admirabile est nomen tuum in uniuersa terra.

Admiratione eadem, atque eodem spiritus ardore, quo cœpit psalmū, desinit uerba. Quo exemplo monemur, quòd si interdū flagrantiori aliquo affectu, ne uerba

Deo dare uideamur, diuinum opus inchoare contigerit: postea

uerò, quæ humana est natura atque intentio, fugax scilicet ac uaga, frigere mens cœperit, mox uel in

calce saltem, recalescat spiritus,



A IN FINEM *pro occultis filij. uel, Vincenti super morte insipientis.* PSALMVS DAVID VIII.



CONFITEBOR tibi Domine in toto corde meo.

In finē pro occultis filij, uel pro morte filij, seu, ut notat Felix, super morte insipientis. Est psalmus igitur, secundum illos qui putant eum celebrandū pro morte filij, laus pro gratiarum actione, de infinitis beneficijs humano generi, à cruce, & morte filij Dei exhibitis: quæ occulta dicuntur, ob id, quod crucis mysterium occultū in priscis illis temporibus semper extitit: angelis quoq; ipsis à seculis æternis absconditum, ut ait Paulus. Hi uerò qui titulum Felicis approbant, aiunt gratiarū actiones esse, pro morte insipientis, scilicet antichristi, & cuiuscunq; alterius (sic ipse ait) Christianæ fidei inimici. Quod quidē fore credimus, cum erepto prorsus ē manu principis mūdi huius dominio, Christus regnū, ut ait Paulus, tradiderit Deo, & patri, Deusq; erit omnia in omnibus. Sit ut lubet titulus, nos potius quàm ardentem, quàm ex animo referendæ sint gratiæ Deo ob dona mortalium generi collata, per filij Dei cruorē, ac necem, consideremus. More suo propheta cupiens alijs mouere affectum amoris, & gratitudinis, eodē sese ardere demonstrat. Nam summa circa mouendos affectus in hoc posita est, ut is qui persuadere nititur, prius ipse moueatur. Confitebor, ait, in toto corde meo; hoc est, agam gratias tibi o Domine, non more eorum qui te ore ac ritibus colunt, corda autem illorum abste longe abeunt: sed in toto corde meo, animo scilicet toto ad hoc affecto, & ardente, adeo ut nihil aliud prius habeat. Mirum ni uideas, in rebus omnibus illis, quæ ad interiorem hominē formandum, uirtutesq; animi adipiscendas attinent, cor omne, affectus, amorem deniq; omnem, ac curam, à Deo expeti: alioqui illud unum, ad quod inuestigandū nati sumus, dissipationis studijs, distractoq; in plura ingenio, atque animo, inquirere, nonne hominis est ocio ac uita ipsa prorsus abutentis?



Narrabo omnia mirabilia tua.

Legimus enim in Iob: Cum uix paruam scintillam eius sermonū audierimus, quis poterit tonitruū magnitudinis eius intueri? Peraudax itaq; hyperbole est, animi summē in Dei amorem flagrantis index, quo etiam impossibilia conari fateat. Quod enim uult sapenumero, non quod facturus sit, pollicetur uir in Dei amore perustus. Ecquis potis est mirabilia omnia Dei enarrare, cum sint inenarrabilia, quia infinita: Porro assidua beneficia, ac dona, quibus humanū genus Dei est misericordiam, benignitatemq; expertum, appellat uates mirabilia, quæ sunt, ut ait Eutymius, trophæa ueluti quædam de inimico admiranda. Cæterum, illum in toto corde confiteri, ac laudare Deum dicimus, cuius cor non est aliqua, ne tantilla quidem parte, caducis rebus inhærens, sed Deo penitus affixum.

Lætabor & exultabo in te: psallam nomini tuo altissime.

Vide, teoro, gratissimī animi candorem. Fatetur enim sic se exhibitū sibi fauorem æstimare, tantū facere, ut in perpetuū de eo lætaturus sit, gratiasq; acturus. Memor fui, inquit alio in psalmo, Dei, & delectatus sum. Solus enim uerum ac solidum Deus est bonum, quo lætari nos decet; cætera uerò, quibus lætari solent homines, mœrores potius merentur appellari, quàm gaudia. Si nulla res condita, uel inter primos beatorum spirituum choros posita, satiare potest humanam mentem, satiabit ne tantillum gaudij huius mūdi, quod adeo fugax est, ac præcipitans, ut nesciam an fulgur celerius ē cœlo ei aculentur nimbi. Sensus igitur: Nō in auxilio humano, quod infirmum est; non in curribus, non in equis, non in structis copijs, non in rebus qualibuscunq; mundi huius labilis, non in propria iustitia & uirtute: sed in te solo lætabor, nomenq; tuum psalmis, atque odis celebrabo, licet omni sic laude altius, ac sublimius.



**C.** In conuertendo inimicum meum retrorsum, infirmabuntur & peribunt à facie tua.

Cōnumerat propheta beneficia, quibus lætari, gratiasq̃ agere intendit. Diuus Hieron. ex hebræo sic reddit: Cum ceciderint inimici mei retrorsum, atque hinc uir sanctus hunc uersum cum superiore uelle connecti uidet: ut legas, Psallā nomini Dñi altissimi, cum ceciderint inimici mei retrorsum, & corruerint, & perierint à facie tua. Alij interim hoc modo: Dum fugabitur inimicus meus à te, hoc est, cum amplius opem dissimulare nolueris, tunc aduersarij mei peribunt à præsentia tua: ut solent uicti, contra faciem uictorum stare non audentes, terga dare: & ita dum timore acti fuga sibi præcipites consulunt, facile aliquò impingunt, indeue cadūt, & pereunt. Haud rarò enim in scripturis faciem pro præsentia accipi, scit uel mediocriter in illis eruditus, Ecclesia ad sponsum: Cum per tuæ passionis merita, ac uirtutē, ô dilecte, antiquū hostē fugaueris, nouissimaq̃ abolebit mors, tunc illi quidē infirmabūtur, prorsusq̃ uiribus denudati peribunt, hostes scilicet fidei, hæretici, peruersiq̃ doctores. Interim uerò sinis, quemadmodū cōminatus es, regnare hypocritas: nam nondum impletas esse iniquitates Amoreorum, uel hoc uno suspicor, quòd ad uniuersa flagitia etiam nū conuiuet Deus.

Quoniam fecisti iudiciū meum, & causam meam: sedisti super thronum, qui iudicas iustitiam.

Tu interim, ô Dñe, cum ego uirib, impar illis essem, pro me stetisti, causæq̃ meæ patrocinium suscepisti. Ecquis iam tam orphanus, tam uel destitutus cliens est, qui se miserū sub tanto patrono expostulet? Facit Deus iudiciū nostrum, in fauoremq̃ causæ nostræ sententiā profert, & ab hostibus nostris quamuis potentissimis opprimi ueremur? Sedet pro tribunali ille, qui solus iudicat iustitiā, & de causæ naufragio dubitamus? Non equidē supremus ille iudex inter nostri huius cui iudices cōnumerandus est, qui adeò interdū iustitiæ sunt ofores, ut in deliberandis iustitiæ causis, illud unum maximè uideantur in primis profiteri, ut iustitiam opprimant, benemeritos de suis ciuib, cōculcent, & pessimè meritos extollant. Hinc (credo) eiulatus illi moestissimi uiduarum, orphanorum, innocuorumq̃ ciuium, non solum per domos, ac tecta propria, sed, quod infelicius est, in teterribus carceribus audiuntur.

Increpasti gentes, & perijt impius.

Adeò uel sola Dei increpatio, bonorumq̃ uiroꝝ cum Deo, ad extinguendam hostiū rabiē, sufficit. Sensus: Tu impios istos humani seminis hostes tantū increpasti, & perijt eorum dux. Et hic more suo Hebræus numerū mutat. Quid faciet lætan, immundorum omnium spirituū princeps, si gladio ipse spiritus feriat, cum ad solam obiurgationem suis factam, pereat?

Nomen eorum delesti in æternum, & in seculum seculi.

Hæc enim tota exaggeratio, in æternū significat. Vult hic uates omnimodā illorum extinctionē intelligi, ut nulla causa esset reliqua post mortē, quam ob rem nominari possent. E medio em̃ mūdi huius sublata principis tyrannide, per Christi mortem; cultu illius delet, deletisq̃ impijs illis ritibus, & sacrificijs: deletum est & nomē, ita ut iam per orbem uniuersum, uix nominis Iouis, Mercurij, Apollinis, Dianæ, cæterorumq̃ huius generis monstrorū supersint reliquæ. Ita & eorum, qui sceleribus, prauisq̃ cupiditatibus, & sordidis libidinibus uitam suam omnem conspurcantes, in hostium castra transfugiunt, cum uita transit & nomen, & fama, & quicquid est, quod post mortem etiam bonos uiuere facit in hoc mundo. Nomen enim illud quod peracto uitæ cursu superest improbis, nomen ne est, an potius uitæ transactæ labes, memoriæque execrabilis, atque æternum dedecus?

Inimici



**A** Inimici defecerunt frameæ in finem, & ciuitates eorum destruxisti.

Hic uersus quauis uariè enarretur, tamen hoc unum dicam, quòd Hebræi pro dictione frameæ, legunt uastationes, seu solitudines, seu potius depopulationes: sensus tamen idem cum nostro, qui is erit: O inimici, uestre depopulationes, uestre uastitates, in sempiternum (id enim in finem significat) consumptæ sunt, iam finem habent, iam posthac nō dabitur deuastandi facultas. Et est in dæmones, atq; in eorum cultores insultatio. Iam, inquam, ciuitates uestras, quæ hominum corda erant, evertit Dñs, & destruxit. Vide aliud, secundum aliam literam, insultandi genus. Vos uestras uastitates fecistis æternas: uos nostras ciuitates evertistis: Memoria ne illorū, quibus extrema quæq; cōminabamini, unā cum ipsis interijt: Nō erit ita; nam Dñs, qui nostræ fauet causæ, in æternū permanet. Vnde mox addit, Perijt memoria eorum cum sonitu, & Dñs in æternū permanet. Verū si cui magis simplex nostri interpretis arridet litera, non cōtradīcimus, sed eo modo quo res sacræ probari debent, & probo, & exosculor. Huius igitur is erit sensus, Frameas, hoc est, arma, telaq; inimici, quæ sanè in acie spiritali multa admodū sunt, per filij Dei aduentum prorsus ē manibus illius cruentis excussa: subindeq; illorum ciuitates, corda scilicet hominū, summa olim impietate ædificata, per uerum unius Dei cultum destructa iam esse. Plusq; æreus ille est, cui iam cōpertum non sit, q̄ acuta hostium arma fuerint, q̄ iræ immanes, q̄ ampla tyrannis, q̄ uastum imperium dæmonum in orbem terrarū ante accessum ad nos diuini uerbi: quo quidem fortissimo duce sese pro nobis in acie offerente, acuta illæ hostiū frameæ obtusæ sunt, ē pugno eiectæ, ac penitus uī omni denudatæ: ipsi uero terga dederunt, eorumq; imperiū & nomen extinctū est. Tam enim robustos hostes planè deiectos fatebimur, & debiles illos, qui ius in animā habent nullum, timebimus: Sæuīre quidem in nos, uel inuitis nobis, possunt; uincere uerò, minimè, nisi uolentibus nobis.

**B** Perijt memoria eorum cum sonitu.

Hebræi habent, Perijt memoria eorum cum ipsis. Vtrunque enim abolendos omnino esse hostes nostros, præ se fert. Nam quemadmodum sonitus, tandiū sonitus est, quandiu auditur: mox uerò non est, sed prorsus euanescit, cum desierit: ita improbi homines, uel dæmones, atque eorum mancipia, desæuiunt quandiu à iustissima Dei prouidentia permittuntur, mox nō sunt. Perijt enim memoria illorum cum ipsis, ut ne uestigium quidem famæ illorum super sit, ipsis ē medio sublatis. Porro quid inanius sonitu excogitari potest? In ipso enim suo strepitu, ac boatu, quis non perterretur: eo tamen cessante, atq; in aëre resolutō, nihil, ne memoriā quidem, superesse uidemus. Ita tu caue putes maioris esse potentiæ & uirtutis, hostium humani generis terrores, ac strepitus, cum nos illis suis nocendi artibus aggrediuntur, quam sit fragor, sonitus, aut ampullarum tumor: modò nos nobis nō desimus. Atrociores enim uidentur his, quibus nondum uirtus crucis est nota. Itaque de medio reuulsis hostibus,

Dominus in æternum permanet.

Is dico, de quo ipsi hostes insultantes dixerant, Eradamus eum de terra uiuentium: hæres enim est, occidamus eum: declarauit tandem se eum esse, qui uerè solus sit, & permaneant, cum interim cætera omnia, præ illo, caduca sint, ac nihili. Neque hic illud, quod dicit Eutymius, prætereundum. His uerbis, inquit, semel receptæ fidei stabilitas, atque ipsius ecclesiæ incommutabilitas denotatur. Nec sanè mirum. Siquidem in euangelio legimus amantissimum nostri Dominum dixisse Petro, Ego pro te rogaui Petre, ut non deficiat fides tua. Scimus enim Dei filium rogasse patrem, ut non deficiat illius ecclesiæ fides, qui sumus nos: & ueremur ne Turca, aut hæreticus, aut impij quorundam Christianorum mores illam extinguant: Illud forsan uerendum, ne eiectis illis, qui hucusq; filij regni uisi sunt, tradatur uera Dei cognitio, atq; hereditas, peccatoribus, & publicanis, Iam milites, iam



**C** ipsi militum duces commiscunt arma libris; atque inter tormentorum strepitus audimus uerba fidei, sacramque legem libenter admitti. Quis amplius miretur Benjamin lupum rapacem, effectum Paulum; cum nostris quoque diebus cernimus ferocissimum illum ursum, agnum factum? Quæ res iam ulla quorundam supercilium retundere est potis, si hæc non potest? Quam profecto uerissimum illud Osee est quod legimus, Deum scilicet uocare ea quæ non sunt, tanquam ea quæ sunt.

Parauit in iudicio thronum suum; & ipse iudicabit orbem terræ in æquitate, iudicabit populos in iustitia.

Non te rursum mutatio temporum moretur. Hæc omnia, quæ hic canit uersus, iudicis integritatem denotant. Nam cui desit aut iudicii rectitudo, aut mens æqua, aut iustitiæ zelus, is omnino à iudicandi munere secludi debet. Caterum, quod alias diximus, cum Deus ad sceleratorum hominum flagitia conuiere, nec opem suis statim afferre uidetur, quasi à throno iudicii deiectus sit, suspicamur; cum uero suos iam absque dissimulatione ab improborum manibus liberat, tum ipsum iustitiæ tribunal ascendisse, iudicareque quotquot usque gentium sunt in æquitate, dicimus. Atqui sub tentationum malleo defudanti tetra sunt omnia, plena mœroris, ac desperationis, adeo ut penè, uel ipsi perfectissimi uiri, eò quandoque impatientiæ impellantur, ut dicant, non est Deus. Vides quò nos interdum nostra obtrudat sanctitas? Verum ille, qui nouit etiam infinitis rebus finem ponere, quicquid suum probe cognoscit figmentum, tum, quando maximè est opus, accedit; atque illos flagrantissimis suis afflatibus, quibus uel ipse durissimus adamas emolli ri posset, in abditis animæ recessibus, admonet, ac dicit, Ego sum, nolite timere. Tantum porro abest ut nimium perfractè feramus, quicquid rerum aduersarum in nos defauire iusserit Deus, ut etiam infracto pectore, ac uti decet robustissimi ducis

**D** CHRISTI IESU imitatore, amplexemur, nedum toleremus. Parauit, ne dubitemus, in iudicio thronum suum; seu, ut habet Felix: Direxit in iudicio sedem suam, ut iudicet in æquitate, & iustitia. Quod si adhuc hæsites, quid sibi uelit throni huius iulce apparatus,

Factus est refugium pauperi, adiutor in opportunitatibus, in tribulatione.

Poterimus ne uererì, quin Dominus sit pauperum refugium, atque eorum adiutor, in tempore potissimum tribulationis (hæ sunt quidem opportunitates opem implorandi) cum credimus eum iudicare in iustitia & æquitate? Super quem, ait, respiciam, nisi super pauperem, & contritum spiritu? Imò, nescio quo secretiori modo, cum sit æquissimus omnium arbiter, pauperem tamen speciali quodam fauore prosequitur, & tutatur. Sed quis uerus sit pauper, alias dicemus. Non omnes enim qui uicatim, ostiatimque plenè manticis interdum stipem quærunt, pauperes Christi dici debent. Quod si tamen huiusmodi quærendi cibi mos in Dei ecclesia uisus est æquus, ac, ut sic dicam cum opulentiorum uenia, necessarius: illum uero, quo etiam sanctimoniales cernimus passim per uillas cum asellis circumcursare, quis probus ferat?

Et sperent in te, qui nouerunt nomen tuum, quoniam non dereliquisti quærentes te Domine.

Hi enim, qui Dei nomen, hoc est, Deum ipsum, ut iam dixi, nouerunt ex æquo; & iusto, iudicium proferre solitum, illo ipso solummodo nituntur, ei quæ fidunt, in neminem alium in suis ærūnis & afflictionibus, respiciunt, eum solum inuocant, quærunt, lachrymis ac suspiriis ad sibi opitulandum prouocant. Quam bonus, ait ille, sperantibus in se, animæ quærenti eum: id est, animæ illi, quæ de eo assidue sollicita est, & cui omnis in primis cura est, ut illi placeat, ac cum uate illo dicere audet, Etiam si occiderit me Dominus, in ipso sperabo. Sperent igitur quotquot fideles sunt in Domino, nullo respectu siue meritorum, siue demeritorum habito; sed solummodo hoc



**A**do hoc fidei ardore acti, quoniam Dominus non derelinquit quærentes se: alio-  
qui aut nimius erga merita nos amor obcæcabit, aut demeritorū exacta nimium  
consideratio ad animi desperationem adiget. Illa enim sicut præmittenda sunt no-  
bis ad sepulchrum, ita hæc detestanda: sed eousq; ut neq; in illis confidamus, neq;  
ob ista admodum diffidamus, sed totam salutis nostræ summā in bonitate Dei, gra-  
tia, & misericordia sitam effecredamus, damnationis uero in nobis tantummodo.

Psallite Dño qui habitat in Sion, annunciate inter gentes studia eius.

Cum talis sit Dominus, quemadmodum dixi, psallite illi in cœtibus sanctorū,  
quæ Sion est; hunc laudate, huic uestras odas, hymnos, cantionesq;, nō scorto, aut  
lenoni adscribite. Sed cur hoc? ut nimirum quamplurimi eius uirtutem, bonita-  
temq; agnoscetes, uno uobiscum grege facto, ac ouili, eius item concelebrent stu-  
dia illa, quæ superius mirabilia appellauit uates: seu studium, & curam, quæ, uel u-  
ti pater uniuersalis, erga genus humanum afficitur: seu etiam, quod ait Aquila, im-  
mutationes. O dictionem auream. Quid ni ego, uel usq; ad spiritus à corpore diui-  
sionem, tam mirabiles Dei immutationes prædicē: extollam: diuulgemq; omnia  
bus: Qui longē, ait Paulus, erant, facti sunt prope in sanguine Christi. Ecce immu-  
tatio una. Vis ne aliā audire? Habitantibus, inquit, in regione umbræ mortis, lux  
orta est eis. Abiecti enim assumpti sunt, mortui ad uitā restituti: & tandem Deus  
homo factus est, & homo Deus. Hæc studia sunt, hæc artes, hæc immutationes, quæ  
de Deo cogitanda sunt, atq; ab omnibus propalanda. Spargite in uulgus, ait para-  
phrastes, admiranda eius consilia.

Quoniam requirens sanguinem eorum recordatus est, non est obli-  
tus clamorem pauperum.

**B**Hoc est, non relinquens Deus innocuum sanguinem inultum, eorum. paupe-  
rum scilicet, recordatus est. Videtur Deus nonnunquā pauperum oblitus eo mo-  
do, quo superius in hoc eodem psalmo est dictū de iudicio eius dissimulato. Cum  
enim nō requirit, uidetur oblitus. Cum uero requirere, hoc est, ulcisci, uindictāq;  
de persecutoribus pauperum sumere cœperit, palām fit ipsum non esse immemo-  
rem clamoris miserorum. Nam inferius dicitur: Desiderium pauperum exaudia-  
uit Dominus. Porro pauperes Christi nō secundum inedia, pecuniarū uel in-  
digentiam solummodo iudicari oportet: uerū hi sunt, qui ab ipso seruatore no-  
stro Deo, in euāgelio pauperes spiritu appellantur: hoc est, qui nulla in re uitæ hu-  
ius sua bona statuunt. A mundo enim despecti, & contempti, sua se sponte ab om-  
ni superuacaneo affectu abdicant: oblatos honores respuunt: præteriti cum risu fe-  
runt: deiecti, in ordinemq; redacti, ne summum quidem uultum mutant: lacesiti  
iniuriā, tacent: in calumnijs, in pressuris, in uerberibus, in contumelijs, in infamia  
demum, ac derisione, idem uultus, idemque animus, & cor, fixum scilicet in Deo.  
Sciunt enim nihil adeo in hoc mundo tanti æstimandum, cuius uel beneficio, uel  
iniuriā, ne tantillum quidem à perseveranti contemplatione cœlestium rerum a-  
uerti debeant. Alioqui nimia dum carnis teneritudine affecti, ad leuissimū quæ-  
que fortunæ morsum animo destituimur, aut ineptissimē ad eius plausum gesti-  
mus, fit sane, ut quas horas in rebus homine dignis collocari par fuerat, totas in spi-  
ritis istis euentis, atq; adeo dubijs, & uarijs, animo pertractandis consumamus.  
Cæterum hæc omnia inferiora, aut sirenæ sunt, aut canes: hæc cantu, illi ad latratu,  
nos à boni propositi tramite, qui arduus est, uirōque forti dignus, deturbare con-  
tendunt. At per illum soli spiritu pauperes, expedito atque imperterrito gradiun-  
tur passu.

Miserere mei Domine, uide humilitatem meam de inimicis meis.

Quasi iam omni tentationum genere defunctus sit uir sanctus, nunq; sic Deo  
gratias agere consuevit. Sed quia præteritos per Deum uicit ictus, iterum se sperat  
uictoria potiturum. Atq; hæc est continua pectoris erga Deum affecti exercitatio,



**C** gratias de uictoria præterita agere, sed nihilominus Dei misericordiam, atq; opem implorare, ut iterum uincat. Nunquam enim in hoc mundo perfecta speranda est quies: nam cum nos tutos, quia uicimus, arbitramur, tum magis sæpenumero res crudescit pugna, & fortior eo fit hostis, quo minus expectatur. Ait igitur: Misere mei Domine, uide humilitatem meam, hoc est, deiectionem meam: uel, ut legit Felix, afflictionem meam, ex persequentibus me odio. Ab ijs enim, qui nos odio insequuntur, quem alium exitum expectari par est quàm afflictionū? Quod quidem periculum ut perpendat Dominus, ac uindictet, ab anima suæ miseriæ cōscia, ardentis huiusmodi precatione inuitatur.

Qui exaltas me de portis mortis.

Qui cum fiducia non clamem: Tu enim ille es, qui me erigis, atque à mortis ianuis ac faucibus retrahis, cuius ad limen iam miser acceſſeram. Iam enim de me actum erat: sed tu, quæ tua est pietas, à limine illo tetro me ad uitā reuocaſti. Num propterea me sic extulisti, ut uitam in luxu, ocio, & delidia transigam, ne uiuam, si hoc uolo: uerum

Vt annunciem omnes laudationes tuas in portis filiæ Sion.

Hoc est, ut mirabilia illa tua, ut studia, ut in mortales omnes, & cōsilia, & beneficia, prædicem, atque in sanctorum cœtibus enarrem. In prauorum enim hominum conuentibus hæc potius obtegenda sunt, quàm diuulganda. Portæ in scripturis, haud rarò pro locis publicis, conuentibusq; popularibus, ubi uel iudicia, uel conciones habebantur, poni consueuerunt. Ad hoc enim, inter cætera quæ uſui erant populo, ciuitatum portæ deputabantur, utpote loca, tum ciuibus, tum ruralibus uiris satis comoda. Nobilis, ait Solomon, in portis uir eius, quando federit cum senatoribus terræ. Portæ igitur mortis, ut rem paucis absoluiam, iudicia sunt mortis intentata à tyrannis, concilia sceleratorum, cœtusue, ac conciones hæreticorum, & demum quæcunque ad mortem pertrahunt, uti sunt peccata, & desperatio. Per portas enim hæc teterrimas est iter ad mortem. Portæ uero Sion, sunt iudicia, congregationesq; bonorum, sancta concilia, casti mores, exemplaq; optimæ uitæ, ac tandem quicquid ad Sion, cœlestem scilicet Hierusalem, nos mæ nuducit. In his itaque portis, Dei sunt laudes annunciandæ. Neminem porro ab hoc munere immunem esse arbitror, simulac Deus unicuiq; mandauit de proximo suo: modò is, qui annunciare instituit, ea sit doctrina, ac uitæ sanctitate præditus, ut uita respondeat uerbis.

Exultabo in salutari tuo.

Felix, In salute tua, & est sensus connectendus cum superiori uersu: quo innuit uates, sese idcirco misericordiam consequi optare à Deo, ut in sanctorum collegio & cœtu, innumera suæ bonitatis dona enarrare ualeat, ac cum lætitia de accepta ab ipso salute testari. Ideo paraphraſtes: Vt conscribam, ait, & commemorem uarios te laudandi modos illis, qui uersantur in portis Sion: & gaudio afficiam eos propter salutē tam miraculose allatam mihi per te. Venite, inquit in alio psalmo, & uidete quanta fecit Deus animæ meæ. His dictis, denuò ad decantandum Dei iudicium redit, quod contra hostes populi sui fecit, & ait:

Infixe sunt gentes in interitu, quem fecerunt. In laqueo isto, quem absconderunt comprehensus est pes eorum.

Diuerſa similitudine eandem sententiam dicit propheta, quæ est: Malum, quod alijs parauerunt, in suum ipsorum caput recidit. Lacum, inquit superius, aperuit, & effodit eum, & incidit in foueam, quam fecit: similitudine nimirum à luporum uenatione sumpta, qui foueis capi solent. Præterea de laqueo isto in alienam mortem abscondito, hoc est, dolose excogitato, quod aliud exemplum conuenientius citare debeo, quàm illud Amon: Is enim eodē ipso in patibulo, quod Mardocheus parauerat, suspensus interiit. Quod sanè exemplum, uel solum, uellere illorum aut res debe



**A** res deberet, qui dignitate aliqua sublimi à principe suo donati, nihil prius habent, quam ut carnifices suorum ciuium appareant. Sed

Cognoscetur Dominus iudicia faciēs: in operibus manuum suarum, comprehensus est peccator.

Apertissimum admodum indicium illud est, unde cognosci Deus queat, æquitas, ac iustitiæ amās esse, cum prauos ipsos sese suo illo gladio, quo alij interitum concinnauerant, iugulare sinit. Cognosceat igitur Dominus, ne uereamini, cum pauperes, cum afflictos, cum destitutos, ac contemptos, coeperit in iudicio liberare: quem alioqui duri homines cognoscere renuunt. Aegyptijs nimirum perfimiles, qui, nisi ab aquis comprehensi, pedem à persequendis ludæis referre contempserunt. Hi enim suo conatu frustrati, unā cum suis illis curribus atq; equis obruti fluctibus interiere: quorum cadauera, ad æternam posterorum memoriam, super litus maris, ut in Exodi libro legimus, insepulta iacuerunt. Caterū dum in hac uita uiuitur, quis tam nefarius est, qui uelit se nefarium confiteri: Quare à perspicacissimis quoq; ingenijs uix deprehendi potest, quis malus sit, uel ne. Sed simulatque Deus ad iudicium obeundum uenerit, thronumq; suum æquissimum, ut iudicetur certē & nos ex operibus manuum nostrarū tum, cum omnis fucus, simulatioq; illa, quæ modo uirtus cæcis uidetur, aberit, locumq; ceder. Hic uero interposita dictio selah, admonet rem esse narratā, dignā omnino quæ animo reponatur.

Cōuertant peccatores in infernū: omnes gētes quæ obliuiscunt Deū.

Epiphonema est, ad omnia superiora spectans, ab animoq; de salute sibi præstita exortum. Abeant, inquit, peccatores, facestantq; suo maximo exitio, ad inferos, uti olim Datan & Abiron, rebelles legislatori abiire. Abeant & unā cum illis gentes uniuersæ, quibus curæ non est Deus, quæq; nulla tenentur religione. Indigni enim sunt uita, qui uitæ autorē non cognoscunt. Totus, fateor, cohorresco, dum hæc cōmentor. Quam mihi uerendum est, ne in eorū numero adscribar, qui facile tam beneficū Dñm obliuiscuntur. Vna enim cum sit in homine uis memoriæ, quæ admodū una est uoluntatis, atq; intellectus: unum expetere oportet, quod solum ipsa, uel quod ipsum attinet, recordeat, sicut illa unū solum uult, ille intelligit. Is Deus est. Alioqui in diuersis phantasmatis, atq; appetentijs, tres istæ animæ partes occupatæ, sepe omisso Deo, ad turpia memoranda, aut appetenda, aut cognoscenda, & amanda etiā, reuoluunt. Quid igitur insanix, aut potius impietatis, & in Deū ingratitudinis, cor meū incitat ad illud appetendū, quod Deus nō sit: num meo in pectore unā simul esse queunt Deus & mundus? num fastus, & humilitas: num puritas, & libido: num mors, & uita? Illa enim quemadmodum animam undiquaque felicem reddunt, ita hæc bonum omne, uel in primis Dei cognitionem, longè à corde propellunt: unde miserabilis quædam exoritur in memoria stupiditas, in uoluntate puerilitas, atq; in intellectu tarditas, & hebetudo: quibus simul cōcurrentibus, ac in animæ perniciem conspirantibus, ea facile una ex illis fit, quæ, ut aiunt, uates, obliuiscuntur Deum. Sic igitur illis eueniet,

Quoniam non in finem obliuio erit pauperis: patientia pauperum non peribit in finem.

Ad tempus enim patitur iustus, sed in æternum non deseritur (sic in finem significat) imò in memoria æterna erit iustus. Patientia pauperum. Hebræi habent, Expectatio, seu spes mansuetorū non interibit in æternū, licet aliquando uideatur nutare. Mirum, quod aliàs me dixisse recolo, quantū benignissimus Deus fauere soleat miseris, & ærūniosis: dissimulat tamē aliquādo, ad eorumq; lachrymas cōnuet uersentiant, uel serò, nullam in terris sperandā esse beatitudinē: illudq; solum, & expetendum, & diligendum, quo absente, illa quoq; quæ uidentur mundo excelsa, & felicia, summæ despectionis plena sint, & miseriæ. O si hemistichij huius



**C**uerba literis aureis inculpi animo illorum, qui nimium muliebriter mundi molestias tolerant; quid tolerant dico; intuentur potius, concederetur; **PATIENTIA** pauperum non peribit in finem.

## DIVISIO.

**E**Xurge Domine non confortetur homo.

Iam David, simulatq; uictorias per Dei misericordiam partas commemorauit in superiori parte huius psalmi, idq; totum diuinæ retulit acceptū providentiæ; orat modo, ut ea etiam ratione cuncto suo populo adesse uelit, ne improbi cristas erigentes, supra modum insolescant. Ait igitur: Exurge Domine, qui dormis re uideris, cum non fers opem; ueni in auxilium nostrū. Non, quæso, confortetur homo. Hęc dictio, homo, cum neglectu est pronūcianda, & cum stomacho; quasi diceret, homuncio futilis, uitroq; fragilior, ne inuale scat, non præualeat, ubi tu es iudex, ac fautor; uel, ut alia habet litera, nō temerē agat. Videtur hic mihi uates breuius quorundam leuitatem, naturamq; paululum, q̃ fas est, audaciorē, uoluisse exprimere. Hi enim aliquando cum cæteris omnibus sint & doctrina & moribus inferiores, audent tamen ad omnia, quæ tractanda sunt, siue humana, siue diuina sint, suum ingerere iudiciū, ne dicam temeritatē. Sed quia id uitij genus immedicabile ferme uisum est humanis rationibus, orat uates, ut à diuina manu rescindatur, ne in futurum, quod ait Felix, corroboretur.

Iudicentur gentes in conspectu tuo.

O terrificam imprecationem. Gens, inquit, scelerata hæc; hæc, inquam, quæ coram mundo uult, etiam cum manifestissima legis iniuria, pro lege stare uideri, ac iudicare; reprimatur, oro, abste, arguaturq; ac tandem eius causa in cōspectu tuo uentiletur, iudiceturue, qui falli non potes.

**D** Constitue Domine legislatorem super eos, ut sciant gentes quoniam homines sunt.

Hoc est, da illis aliquem, qui suam illam arrogantiam reprimat. Vel, ut reddit Felix; Pone Domine iugum ipsis. Potentes se faciunt, sed à Deo uel leuissima castigatione uisitati, cernunt se nihil aliud esse, quàm homines. Diuus Hieronymus legit terrorem, ubi nos legimus latorem; quasi uates Deum oret, ut tyrannis, tyrannorumq; satellitibus, ac magistratibus, terrorem per signa, & portenta immitat, ne tam immaniter in Christi pauperes defæuiant; sed cum cernunt ob horrenda illa prodigia esse certam quandam providentiā, & uirtutem plusquam humanam, cui omnia obtemperare, uelint nolint, oporteat, ab incepto resiliant, confidentes se esse homines, & nihil aliud præterea. Huic sententiæ noster adhærens paraphrastes, sic reddit: Incute Domine terrorem illis, & ostende gentes illas impias sibi, ut sentiant homines esse se miris modis miserabiles; uel, ut alius habet interpretes, ut cognoscant se esse quid mortale, caducum, ærumnosum, nil postea. Qui enim de se sic sentit, quomodo in suæ naturæ consortes tam crudelis erit; tam durus, tam immanis, ut ipsos ueluti belluas quasdam excruciet, & interimat; se uero ut Deum haberi efflagitet. Verum in re nostra magnopere foret, si nunquā (postquam à nobis nil nisi arrogantia, fastus, tumor, accum superbia iunctus neglectus sperari potest) nostris ceruicibus concussor aliquis, durusq; monitor deesset, siue tyrānus is esset, siue lex aliqua iniqua, siue morbus sæuior aliquis, siue aliqua alia extrema calamitas; ut uel hoc modo edocti admoneremur, nos homines esse, hoc est, miseros, calamitosos, bullam, umbram, imò umbræ somnium. Hic interponitur selah. Quàm uero apte, sciunt hi, qui ob continuam propriæ miseriæ considerationem, se ipsos, tanquam feras aliquas indomitas, & timent, & fugiunt.

Psalmus x. secundum Heb.

Vt quid Domine recessisti longè?

Querelis passim scatet hic psalmus animæ, diuinæ providentiæ imper scrutabiles recessus inuestigare conantis; sed frustra. Quis enim profundissimū iudiciū Dei



A Dei pelagus perferutari potest: Cur impij prosperantur, ait Esaias: Quis, oro, tam in fide robustus est, qui secum reputans, uirum iustum nullo modo malum, quod queat auertere, latitū: Deum uerò iustissimū, atq; adeò ipsam iustitiam, cum omnia possit, tolerare bonos à sceleratissimis quibusq; opprimi, quasiq; non uidere, quæ hic aguntur: nō aliquando nutabundus exclamet, Vt quid Dñe recessisti longe hæc secum. Solet profectò Deus afflictis atq; ærumnosis adesse: superbos autem, & in aliorū iniurias promptos, deicere. Quī sit igitur, ut tandiū sinat bonos à malis diuexari? Abest certē procul, neq; uidet, aut curat humana. Hæc secum expendens anima mœrore aliquo immenso affecta, quemadmodū de his apud Deū patrem expostulare cogitur, ita non potest eum non rogare, atq; opem in tantis rerum difficultatibus non implorare. Ait itaq; Quare homines permittis temere, & casu ferri, quō fors iubet, nec ulla eorum cura tangeris? Num prorsus omnem de tuis expuisti cogitationem? Metaphora nimirum hæc, sumpta ab ijs uidetur, qui dum sinit Deus perditos homines pro sua libidine debacchari, ac bonos affligere, procul stare dicitur, recessisse, auertisse se, dormire, & similia alia pati.

Despicias in opportunitatibus, in tribulatione?

Felix: Vt quid occultaberis in tempore, in tribulatione? Videtur hic uates innuere uelle, ac uice miserorum conqueri, Deum longē abesse: aut si adsit, oculos, tempore quo ipsi aduersis agitatur, tegere, ne iniurias, quas ab improbis tolerant, uideat. Cæterum opportunitates, quas hic nominat propheta, tempus scilicet ad ferendas afflictis suppetias idoneum, ipse Deus nouit; nos enim ad tam alta iudicia perscrutanda prorsus hebetes sumus.

Dum superbit impius, incenditur pauper.

B Turgescit impius, ac superbia inflatur, cum nemine contradicente, imò omnibus applaudentibus, & laudantibus, regnat: suaq; desideria fauente, ut sic dicam, uniuerso, ut lubet, implet. Quæ pestis maior, quàm nostris ineptissimis plausibus improbos in improbitate stabilire? atq; id agere laudibus, quod qui sordidi sunt, sordescant magis? Interim uerò quod exitialis hæc flamma in dies magis inualefcit, incenditur pauper, affligitur, cruciatur, zeloq; fidei totus exæstuat. Impossibile enim est, hominem diuini honoris studiosum, absque extremis animi cruciatibus posse intueri, quæ quotidie in rebus pub. in urbibus, in priuatis ædib. in templis, in ipsissimisq; templorum penetralibus perpetrantur. Nullum ignis genus est, ne illius quidem, quem ex Phlegetonte ipso ardenti deriuari aiunt, cum hoc comparandum. Alia litera sic habet: Præ superbia sua infectatur improbus afflictum. Vnde exclamat paraphrastes: Summa arrogātia impius persequitur pium. Neq; hoc mirum sanē, postquā suos in hoc mundo Deus iussit in crucis amplexibus debere emori. Verum uide arrogantium exitum.

Comprehenduntur in consilijs quibus cogitant.

Hebræis est, comprehendantur. Quæ extimescenda imprecatio uatis est, in spiritu cernentis, eos nullo modo posse resipiscere. Quid hoc iudicio calamitosius? Quid tam horrendum, uel in ipsis inferorū sedibus, unq; uisum est, quàm impiū hominē intueri mille nefandorum operum maculis conspurcatū, nolle, propterea nō posse, ad æquiorē mentē transire? Hinc enim fieri æquissimo Dei iudicio sanctissimi asserūt uiri, quod qui longo habitu in peccatis induruere, minimē queant, nisi maximo miraculo, in resipiscentiā uenire: sed potius, ut alius reddit interpret, apprehendant beneplacita, quæ excogitauerunt, qua quidem re nil infelicius, aut dici, aut excogitari potest. Num id uerum est, peccatorem hominē inueniri, cui, quod malum corde cōcepit, exequi permittitur, ac perficere? Hæc enim infelicissima est cōprehensio, qua irretitur is, qui ideo derelinquitur à Deo, quia sponte sua malus est; diuinæq; bonitati, quæ æquē omnes ad se prouocat, blandeq; inuitat,



**C**reluctans, haud aliunde, sed à seipso, atq; à uoluntarijs, proprijsq; consilijs in præceps agitur. Est rursus alia litera: Coadiuuantur, inquit, in consilijs, quæ cogitant. Neq; hoc rarum inter nos. Nonne quotidie cernimus omnia fere, quæ ad luxum, quæq; impia ad uota perditorum hominum faciunt, abundè, à quo fato nescio, superpeditari? Quis iam ditior inter ciues? quis agris, honoribus, donis, facultatibus, liberis, tam potens? Hæc enim omnia impium hominē adiuuant ad maiorem ignorantiam tum Dei, tum sui: quo sanè morbo nescio an sit alius tam letalis.

Quoniam laudatur peccator in desiderijs animæ suæ.

Hic monet Eutymius, quoniam seu quia, dictiones, apud Hebræos nō semper causam reddere, sed aliquando aduerbium esse confirmandi: interdum etiam, iuxta usum idiomatis, superfluas esse, sed solummodo positas esse ornatus causa. Sensus igitur: Adeo enim præualuit error, ac uitiū huiusmodi, ut non solum nō inueniatur qui peccatorem à uia illa sua nefanda auertat, sed neq; desint qui laudibus eum extollant, palpentq; in his præsertim, quæ effrena illi libido suggerit, ac quæ infinita concupiscentiarum flamma proponit. Verum longè alium sensum esse ostendit hebræa litera, quæ sic habet: Nam laudat impius de desiderio animæ suæ. Cuius sensum ita reddit paraphrastes: Placet enim impius ipse sibi, & facit quicquid illi petulantia animi suggerit. Neq; hoc satis: siquidem, ut alius inquit interpres, improbus laudat suos cōplices, ob ea, quæ ipse spurcissimis desiderijs affectat animo: eadem enim & ipsi sectant. Chaldaeus uerò sic: Quare iactatur impius super concupiscentia animæ suæ? Vide quantū uariant interdum interpretationes, ac æquè defudent interpretes, in his maximè, quæ ex amphibola breuitate fiunt mutila.

Et iniquus benedicitur.

**D**Felix: Et iniquus benedicit blasphemanti Dñm. Quid hac impietate grauius? quid scelestius? Ad tam enim olidam rerum faciem peruentum est, ut non desint, ut ait paraphrastes, qui adulentur iniquo tam manifestè blasphemando in Dominum. Mens igitur prophetæ est, improbos ac scelerosos illos, in hoc uersu describere, qui & seipso, et alios, peruersitatis nomine, cum aperta Dei cōtumelia, ac blasphemia, laudare soliti sunt. Nedum quidem hoc, sed ab alijs etiam cōplurimis laudantur, ac, si Deo placet, ad cælum usque extolluntur: adeo præposterè uiuitur, uel ea sanè uita, quæ iam omni facinorosæ audaciæ obnoxia sit. Quid iam, oro, adolescentibus natura simplices ad temerarios illos alieni thori congressus, ad furta, ad homicidia coniecit, nisi genus istuc nefandorum hominum, qui cum bona sua omnia in ganeis decoxerint, interq; aleatores ac parasitos consenuerint, corruptores tandem puerorum efficiuntur, & illorum maximè, qui facultatis patriæ profusiores uidentur. Sed quemadmodum hi inter ciues, cum nonnullis alijs uitiorum monstris, tolerantur, ut sunt usura, artesq; meretriciæ, ludii illiberales, & similia: ita nullo modo in rerum sacrarum administratione ferri debent, ne, quod aiunt, ad ingenium lupus. Malus enim suarum rerum custos, bonus haudquæq; aliorum esse poterit.

Exacerbauit Dominum peccator, secundum multitudinem iræ suæ non quæret.

Factum hic minimè tolerandum, atq; arrogantiam illorum, quos supra peccatores, & iniquos appellauit, uult uates ostendere. Irritant igitur illi Dominum, inq; suum exitium prouocant, coguntq; ut sic dicam, sua illa in malis pertinacia. Qui enim eius generis maculis cōpersus est, rarò ad synceriores uitæ statum se transfert, sed potius, secundum multitudinem iræ suæ non quæret, uel, ut diuus intepretatur Hieronymus, secundum altitudinem furoris sui non requireret: cuius is sensus erit: Secundum quod profunditas iræ suæ, atque superbiæ eum extimulat, non curabit de Deo: consilia tantum propria requireret, sequeturq; non Dei. Ideo subiungit uates: Nō est Deus in cōspectu eius. Vide quō nos trahit mens improba, corq; ad iniquitatem uegetum. Verum si uellet quis uerbum è uerbo reddere, sic esset



**A** sic esset uertendū: Improbis præ sublimitate nasi sui non requirer: ut nasum sublimem ferre, superbiam indicium esse non ignores. Hi quidem nunquā requirūt, id est, nil pensi habent, neminē metuunt: nunquā inquirunt, liceat nec ne, quod agunt, an deceat, an sit utile, an honestū, aut minus: sed in omnib. suo arbitrio, libidine, ac ferarū more, impetu ferunt. Ex qua quidē impudētia illud emanat, quod Non est Deus in conspectu eius.

Vel, ut Diuus legit Hieron. Nō Deus in omnibus cogitationib. suis, hoc est, id sunt omnes eius cogitationes, id caput omniū illi est consiliorum, quod non sit Deus. Parum aliter Felix: Nō est Deus omnes cogitationes eius, id est, quicquid cogitat, nō est Deus: sed gloria, sed ambitio, sed fastus, sed ficta religio, pecunia, furor, ira, scortatio: sibi em persuadere nitit, quod, qui hæc puniat, nō sit Deus. Atq; hoc est quod alio in psalmo dicit, Dixit insipiens in corde suo, non est Deus. Quia quidē persuasione qui infecti sunt, nihil non turpitudinis moliri audent, Quare, Inquinatae sunt uiae illius in omni tempore.

Adeo, inquit, indies magis corrumpitur eius uita, ut nunquā speres meliora. Iam prorsus de illo cōclamatū est. Secus hebr. Idcirco Felix sic: Prosperantur uiae eius in omni tempore. Nullum certē aliud tam terrificū potest esse iudiciū, quam cum Deus finitres impijs ad uota succedere. Atq; hinc illud esse arbitror, quod Dominus ait: Misereamur impio, ne discat facere iustitiam. Talem equidē, o Domine, nollem misericordiam. Sensus ergo: Quicquid enim instituit uir improbus, prosperē ei succedit. Cupit ille quicquid libuerit, nec difficile potitur cupiditis: ita ut iudiciū, sententiāue Dei ab eo prorsus semota uideatur, cum secundum eius merita nō iudicat. Vnde alia est litera ex hebreo, hoc modo: Iudicia tua, o excelsa, ab illo sublata sunt, quod noster interpret sic reddit:

**B** Auferunt iudicia tua à facie eius, omniū inimicorū suorū dominabit.

Aliquanto lucidius habet hebraeus: Alitè à conspectu illius iudicia tua, hoc est, ardua illi tua erunt iudicia, quæ minimè apprehendere poterit. Ille enim modis omnibus, omniq; hora, ac loco, nocere dat operam: quid uerò de se statuas, ignorat prorsus. Quare turgidior factus, atq; efferatior, cōfidit se, uel solo flatu, suos posse sternere aduersarios. Idcirco Hebraeis est: Omnes inimicos suos flatu prosternet. Queritur uates, & ego quidem cum ipso, tantum potentiæ, ac successus, dari improbis, ut uel solo spiritu, si tantum moti grandius spirare cœperint, obuios quosque sibi hostes sternere sese posse putent. Solent enim qui eiusmodi sunt, dum eis omnia pro animi sententiā eueniunt, sortis suæ miserrime, ac conditionis obliti, mirum in modū tumere, & immane, nescio quod, spirare, præsertim cum ira conciti, & superos & inferos in aciem prouocant. Hincq; illa tantę securitatis persuasio originem habet, de qua uates in sequenti uersu sic:

Dixit em in corde suo, nō mouebor à gnatione in gnationē, sine malo.

Hoc est quod dicere uult: Cogitauit, firmauitq; id apud se: sic credidit, neque aliud sibi persuaderi uoluit. Non mouebor: uel, ut legit felix, Nō elabor à generatione & generatione: hoc est, per multa secula non nutabo, nihilq; accidet incommodi, eo quod nihil infortunij experior. Sine malo, præcisa locutio, sed tumoris plena: addendum est, uiuam, seu, ero: ut dicas, sine malo uiuam, aut ero. Ad tantam nementis insaniam deuenire potest homo aliquis, ut hæc dicat: Scilicet par est, ut quæ Deo tantūmodo cōueniunt, sibi arroget. Persuasum ne habet Adæ filius longissimo se uicturum tempore, in uita hac tam labili, nec incomodi quicquam accepturum: semper felix ero: sine malo uiuam: Quid, quæso, id aliud esse ducimus, quàm quod olim stultissimus ille angelus dixit: Similis, aut, ero altissimi. Quid illud rursum, quo persuasi primi parentes, comederūt uiam illam acerbam, per cuius gustū, quicquid iam uiuunt posterī, totum etiam nū coacescit: Eritis, aut serpens, sicut dñs.



**C**uius maledictione os plenū est, & amaritudine, & dolo: sub lingua eius labor, & dolor.

Descripta superius improborum felicitate (ut eos tam digno honestem uocabulo) transit propheta ad uias illorum nocendi, opprimendiq; innocuos, manifestandas, & dicit, quòd omnia quæ loquitur uir improbus, execrabilia sunt, & digna odio, cum omnibus maledicat, obtrectet, spernat omnes, ac uituperet. Sed hic occultioris nescio quid intelligentiæ uidetur innuere litera, quæ est Hebræis: Improbus, aiunt, implet os suum periurio, nec ab re asserunt uerbū, implet, possum, cum is mos, & consuetudo illis sit, qui Deo & hominibus infensi sunt, quòd non tantum deierare contenti sunt, nisi pleno ore, multaq; obtestatione præ se ferant sese ex animo, & uerè deierare. Simulachrū hoc impietatis, forensibus in contentionibus ciarius, quàm alio in loco cerni potest. Porro pro maledictione, quicquid uulgò docetur, quod aut hæresim sapiat, aut turpem uitam, intelligunt quidam: quemadmodū pastoris benedictionem, doctrinæ, ac uitæ sanctitatē præcendere arbitrantur: alioqui ubi in pastore scientia & sanctitas locum nō habent, cur eum pastorem uerius dicam, quàm opilionem, non uideo. Quòd si tamen horum alterutrum, quæ nostra est debilitas, tantummodo est expetendum, malo sanctitatem uitæ. Sat enim doctus est, qui sanctus est. Amaritudine, hoc est, ut ait Eutymius, iracundia: cum non nisi summa exagitatus iracundia loqui potest. Hebræi habent, fraude: quod quidem bene conuenit cum dolo: quanquā pro dolo alia litera habeat, avaritia. Vtrunq; enim perditorum hominū consuetudini bellissimè quadrat, qui omnia & supera & infera, arrogantissimè cōfundere soliti sunt. Sed de avaritia postea. Sub lingua eius labor & dolor. Num tibi uidet hic uates dicere, ac eiusmodi uerborū congerie attestari, illius generis homines, cum actas suas actiones, atq; intimos animi motus omnes, mendacijs, dolis, fallacijs, periurijsq; cōmiscere? Quid laborem, doloremq; cōtinuū in tam male affectis pectoribus memorem, cum iniquus nihil non motum, & quod prius in se, in alijs postea, laborem, doloremq; pariat, loqui possit: Hebræi habent: Sub lingua eius molestia, & prauitas, seu iniuria: nam quicquid lingua eius profert, iniuria est, ac prauitas. Verū postquam linguæ tam præsentaneū uirus per se admodum exitiale est, ut meritò serpentibus illis cōparari queat, qui in siticulosis Aphricæ littoribus enutrientur, quiq; ut scribit Plinius, solo sibilo cæteros serpentes fugant, frutices nec contactos necant, afflatos uerò exurunt: tamen adhuc illi animū ad execrabilia, ac magis detestanda promouent, Nam,

Sedet in insidijs cum diuitibus, in occultis, ut interficiat innocentem.

Ecce aliud peruersi cordis indicium. Iniquorū enim uitam comparat propheta tum leoni in specu aliquo latitanti, prædamq; expectanti: tum latroni, qui in desertis locis, aut saltibus uitā degens, clam habitat, siletq; ut prætereuntes adoriatur. Verū cum diuitum fiat mentio, seu, ut est in hebræo, Sedet insidians in atrijs: uidetur aliud genus latronum, ab illo, quod clam degit in nemorosis locis, exprimere uoluisse: eorum scilicet qui in ipsis aulis, atrijsq; principalibus reipublicæ populos deprædantur. Et sic erit sensus: Cum alij in desertis, ac solitudinibus insidiantur, latrocinenturq; hi domi, ac in urbibus: illi hospites, isti ciues expoliant. Ab illis interdum pietatem aliquam prodijisse, & uidimus, & experti sumus: ab istis, ne umbram quidem: adeo suorum ciuium sanguinem, peculium, fortunas, uis tam tandem expetunt. Ad hæc, quis crudelior unquā uisus est, aut latro, aut prædo, aut pirata quoque, quàm is, qui usuris, nefandissimisq; uersuris, ac depeculationibus, integras reipublicas exhaurit: Quid putas aliud sibi uoluisse Hieremiam, cum ait: A minimo usque ad maiore omnes avaritiæ student. A propheta usq; ad sacerdotem cuncti faciunt dolum. Hi sunt igitur, qui sedent insidiantes in atrijs, in aulis, in ipsis intimis uisceribus ciuitatū (ne dicam modò de illis, qui quascunq;



**A** noluerint res undiq; uenantur, atque emunt, ut postea quanto libuerit precio distrahant) ut interficiant innocentem, eriq; alieno obstrictum, atque eum quidem, cuius, nullo suo uitio, res alijs decoxit.

Oculi eius in pauperem respiciunt.

Affiduam, perpetuamq; insidiatoris narrat attentionem uates: qui cum pertranseuntem aliquem uiderit, summa diligentia, uel irreuerberatis oculis, obseruat, quomodo eum comprehendat: sumpta nimirum similitudine à latronibus, haud multum hisce à nostris domesticis dissimilibus, qui totis in hoc uiribus incumbunt, quomodo miserorū calamitatibus res suas accumulēt. Et quod hic legimus, pauperē, nomen magis miserabile exprimūt Hebræi, Eadē em dictio, oppressum, uirib. exutū, contractum uē significat: ut ferē semper eos appellat uates, qui obteri solēt, bonisq; omnib. denudari ab impijs: eo depingere intendēs quales ab illorū rapacitate reddant, haud quales fuerint anteaq; illis facti essent obnoxij: alioqui quomodo iam contractis, ac ad summam inopiam reductis insidiarentur?

Insidiatur quasi leo in spelunca sua.

Quis hic nō miretur tantam uatis in translationibus copiam? Animus eius est, ut ostendat his similitudinem tropis, quā ardentē flagrent peruersi, nefarijque homines, atque adeo ipsi spiritus nequam, innocentes uel usque in cinerem redigere. Ait enim illos plusquam leones callere insidiandi artes, plusquam latrones, plusq; aucupes. Nam quemadmodū leo in antro delitescēs speculari, si quod ex minutori grege animal incautū, nihilq; insidiarū aduertēs pertranseat: ita improbi, ita demones, incautas animas, si ex ijs forsan ē mandra aberret aliqua, contēplant.

Insidiatur ut rapiat pauperem: rapere pauperem dum attrahit eum.

**B** Perstat propheta in metaphora leonis, & sic ordinanda est litera: Ipse insidiatur rapere pauperem, ut rapiat pauperem, hoc est, insidiatur ut rapiat, quia pauper est, quia fidelis, quia Dei amicus, quem ipse infelix odio habet. Sed cur rapit? ut attrahat eum, hoc est, ut eum deglubat, ac discerpāt. Iam illud non omittendū, quō uates pathos mouere intendit, cum dicit, secundum ueriores literas, Insidiatur ut rapiat pauperem, ut rapiat pauperem: quas duas clausulas non sine singultu auctoris prolatis fuisse existimo. & est sensus, Illum, illum, quem à calamitatibus par fuerat eximi, insectatur, & miseriam miseriae accumulāt. Neq; illud quoque silendū, quod Hebræi, attrahit eum, connectunt cum sequentis uersus principio: ut sit sensus, Attrahit eum ut dilaniet: dilaniabit enim absq; ulla commiseratione, quicunq; in illius rete, aut laqueū inciderit. Litera enim Hebræis hæc est: Insidiatur ut corripiat afflictū. Corripit afflictū, cum trahet eum in rete suū. Qui sensus, quia uisus est uerus, mihi admodū arrisit, nec alium quærendum esse censui. Tamen ne noster interpres suo etiam ipse defraudet, interim dicendum,

In laqueo suo humiliabit eum.

Id est, dolo, & calliditate, qui nefandorum hominum laquei sunt, illaqueabit eum, ac ad terram deijciat, prosternerq; & occidet. Inclinet se, & cadet, ad pauperem referūt: & est sensus, quod pauper inclinet se, hoc est, ob atrocitatem afflictionum, ad terram incuruabitur, & cadet tandem, cum dominatus fuerit pauper, cum scilicet impius manus sacrilegas erexerit super innocuos. Et hæc secundum literam nostri interpretis. Verum quoniam, ut dixi, huius uersus principiū, scilicet, In laqueo suo, connexum est Hebræis finis præcedentis: & ille sensus uisus est quē sequi debeā, ab hoc nō declinare animus est, tum ob multa, tum uel maxime, quod uates in similitudine à leone in insidijs latitante mutuata perseverat. Sic enim Hebræi: Comprimit se leo, deijcit, & cadit uiribus eius cœtus confractorū. Ferē idem Felix: Subsident, inquit, humiliabitur, & cadet in fortitudine eius exercitus contritorum. Quæ metaphora, ut idem sæpe repetam, est à leone subsidente, & inclinante se in spelunca, ut incauta animantia capiat, desumpta. Quemad-



**C** modum enim ille comprimit sese, & incuruat, & deijcit, ut eo fortius in prædam infiliat: ita miserorum oppressores, ita hæretici, ita adulatores sese, uafri homines, interdum demittunt, & se cum deiectis deijciunt, cum flentibus flent, quò commodius hisce dolosis artibus inescatos opprimant, & cõminuant. Sic uides, quò modo experuerorum hominũ, nec minus dæmonũ uafra ac dolosa deiectione, cadat exercitus contritorum. Eo enim iam robore sunt, ut innoxiorum facile multitudinem, quam exercitum uocat ob assiduam cum hostibus conflictationem, prosternere queant. Sed unde hoc, quæso?

Dixit enim in corde suo, oblitus est Deus.

Si quis auet rationem intelligere, causam uero nō ignorare, quam ob rem improbi, omni humanitate exuti, tanta cum sæuitia miseros ciues insectentur, decipiant, irretiant, fraudent, dispolient, extinguant, ut in huiusmodi nocendi studio, atque arte, rapacitatem latronum, leonum truculentiam, ac dolos aucupũ superent: eam esse dicit propheta, quò dicunt in corde suo, hoc est, secũ cogitant, definiuntq̃, non esse Deum, qui rerum præsentium curam habeat. Auertit faciem suam, inquit, ne unquam ista, quæ hic fiunt, uideat. Nō curat quæ hic agunt homines. Excidit illi prorsus de humanis actibus memoria. Hinc enim apte admodum, ut cætera, paraphrastes: Persuasit, inquit, sibi Deũ negligere hæc, & auertere faciem suam ab his, nec habiturum unquam rationem horum. Quare his tam inhumanis, tam uere diris, nec omnino tolerandis actionibus consideratis,

Exurge Dñe Deus, & exaltetur manus tua, ne obliuiscaris pauperũ.

Iam uates cõnumeratis pauperum Dei calamitatibus, transit ad sanctarum animarum preces, ac gemitus, quibus Deum ipsum, quò tandem ad suos respiciat, summatq̃ pœnas de improbis illis, qui feritate, ac sæuitia, uel cum ipsis Hyrcanis tigribus contendere possent, orare soliti sunt. Et primum, ut Dei potentia, quæ iacere dicitur dum non succurrit, sese exerat demum, rogat: nec tandiũ suos sinat cultores ita inhumaniter à malorum petulantia tractari. Exurge Domine Deus. Satis iam superius de his familiarib, tropis prophetae est dictũ. Ad sensum igitur. Expergiscere Domine ad ultionem, Exaltetur manus tua, hoc est, leua in altum, percussurus ualidius, manum tuam. Metaphora quippe hæc inde sumpta uidetur, quòd hi qui aliquem paulũ atrociter percutere intendunt, dexteram, quantum in sublime possunt, leuant. Ne obliuiscaris pauperum, hoc est, ne negliges tuos omni humano auxilio destitutos: his fer opem, ne quando à maledicis dici contingat, te facile illorum obliuisci, quos tibi cordi esse in primis oportuit.

Propter quid irritauit impius Deum: dixit enim in corde suo, non requirer.

Est perinde, atque si dicat: Qua bonitate, quæue patientia, impium ferrepotes tam manifeste blasphemum, ut audeat dicere non esse Deum: non esse prouidentiam in cœlis ullam, quæ sit ista curatura: Hebræis autem sic est litera: Cur lacessit impius maledicto Deum: dicit in corde suo, nō requires. Atqui uel ex hoc uerbo uersu perpendi potest, sanctos Dei uiros, non sui causa, sed gloriæ diuinæ gratia, uindictam efflagitare: proinde summam hic animi indignationem, ob læsam Dei gloriam, in sanctis uidere est. Primum enim hoc indicat interrogatio, Cur lacessit impius Deum: Deinde personæ mutatio: postremum oratio mutila, Nō requires, hoc est, apud se cogitat impius, quòd tu Deus non requires, neque ultionem sumes. Vides quomodo Dei bonitate ac patientia abutuntur nonnulli? Mira nimirum impietas, diuinam indulgentiam, patientiamq̃, ab improbis stupiditatem reputari.

Vides quoniam tu laborem & dolorem consideras, ut tradas eos in manus tuas.



**A** Sensus est: Oblatrat enim peruersus ille maledicus, te non inquisitum de suis actionibus: at secus experietur infelix. Vides siquidem tu, & laborem, doloremq; hominum omnium iniuria affectorum conspicis: iramq; & furorem illorum, qui iniurias inferunt optimè cōsideras, & subtiliter (sic ait Eutymius) magno cum examine discernis, ut in futurum eos pœnis tradas. Hæc sanctus monachus. Tradi uero in manus domini, est ab eius iudicio puniri, req; ipsa experiri, quòd Deus nō finit in perpetuum, licet ad tempus dissimulare uideatur, malos in bonos defæuere. Similitudo nimirum ab operantibus accepta, qui tum opus exequi dicuntur, cum illud in manus accipiunt. Sic Iurisperiti, sic aduocati, sic procuratores, sic ceteri causarum disquisitores, pupillorum, ac uiduarum, illarum maximè, quæ ueræ uiduæ sunt, ut ait Paulus, causas in manu habere dicuntur, cum eas à luporum ingluuie, ut tenentur, uendicant.

**Tibi derelictus est pauper, orphano tu eris adiutor.**

Pauper, orphanus, pupillus, uidua, in scripturis pro quocunq; ab omnibus destituito, & qui omnibus omnium iniurijs facile obnoxius est, accipi solet. Et quia Deus, his potissimum, qui ab hominibus prorsus deferuntur, citius consulere, opemq; illis ferre consueuit, scriptura propè adagij loco, eum iudicem esse uiduarum, pauperum, orphanorumq; omnium scilicet afflictorū, iactitat. Horum igitur causa, ait, tibi est derelicta, uel, ut legit hebræus: Super te relinquet oppressus. hoc est, causam suam tibi committet oppressus: nam pupillorum semper, quæ tua est bonitas, curā habere es solitus. Male enim se haberent res nostræ, hoc est, mortaliū, si tyranni, ac cetera huius generis monstra, impune, & pro libidine in miseros ciues grassarētur: ipsi uero omni humano auxilio denudati, nec Deo quidem essent curæ. Nolite timere, ait Moses ad populum: stete, & uidete magnalia Domini, quæ factururus est hodie. Aegyptios enim quos nunc uidetis, nequaquā ultra uidebitis usque in sempiternū. Quam uellem animo libero, atq; humano, huiusmodi tractarent comminationes, mundi principes, atque animarum antistites, & rectores. Quod si tamē fastus aliquis, aut arrogantia à mundo illis cōceditur: quid monstri id est, in Dei ecclesia, in templis, in ipsis quoq; sacrarum sepium cellulis, & antistris, mortuorum scilicet domicilijs, inueniri superbiam, et dominandi ambitionē? Cuperem equidem, sic me Deus amet, cum meo Paulo, anathema fieri à Christo, modò sanctissimum eius nomen, & gloria, passim ab omnibus magis, quam propria celebritas, quàm magistratus, quàm mundus iste concupiscentiarū omnium irrationabiliū nutritor, amaretur. Felix profectò religio christiana, felix princeps, felix ciuis, si ea sibi ratione uiuendum in terris arbitrarentur, ut bona sua omnia in coelis esse iudicārēt & crederent: Christusq; ardentius coleretur, quàm æs, aut rerum mundanarum possessio, & scortum, & si quid turpius est.

**Contere brachium peccatoris, & maligni, quæretur peccatum illius, & non inuenietur.**

Confringe, inquit, potentiā improbi, in qua tam arroganter cōfidit. Non nos moueat ad distinctiones inter peccatorem & malignum, nominū uarietas: absurda plerunq; sunt, & parum ad institutum facientes. Logice enim tractandarū scripturarum spiritualis est, ac quieta: non illa contentionum plenissima, quæ cum nimium audax sit, ac in partiendis omnibus importuna, plerunq; nos in suis illis bellicibus diuisionibus, adeò diuidit, & confundit, ut ignoremus quem maximè sensum in scripturis sequi debeamus. Hic enim cupit, oratq; uates, illorum, qui iam ad omnis generis flagitiorum culmen peruenerunt, brachium, potentiam scilicet atq; imperium conteri. Quæretur peccatum illius, abs te uidelicet. Quod melius expresit Felix: Inquires, inquit. Et est sensus. Postq; cœperis illius improbitatem per iudicium inquirere, & inuestigare, qui interim dicit in corde suo, quòd nō requires: postquam, inquam, cœperis instituere quæstionē, eiusq; mala denudare,



**C**ac iudicare, statim iniquitas eius quæ alijs noceat, non erit, desinet, euanesceat. Vel, non inuenietur qui male agat, iudicio tuo æquissimo perterritus. Caterum, quomodo non etiam iustissimus quisque statim à lite cessabit, causæque cedet, si in iudicio cum Deo illum intrare contingat, quando coram ipso, ne astra quidem ipsa munda sunt: atque olim in beatis angelis prauitas inuenta est. Multo magis igitur cum malorum operationes excuti cœperint, euanescent omnino, terga dabunt, proicienturque tanquam quisquiliæ leuissimæ à facie uenti.

Dominus regnabit in æternum, & in seculum seculi: peribitis gentes de terra illius.

More suo uates de concessa diuinitus ope gratulationem celebrat. Certè suos Deus deferere nō potest. Ideò in omnibus ferme psalmis, in quibus pro liberatione à malis oratur, subiuncta est simul & gratiarum actio pro iam percepta. Ita in hoc psalmo, post ardentissimam contra miserorum oppressores imprecationem, tanquam exorato iam Domino, impetrataque in illos ultione, gloriari sanctos, hostibusque insultare facit, hoc modo: Dominus regnabit in æternum, & in seculum seculi: peribitis gentes de terra illius. hoc est, negabant illi Deum curam rerum humanarum habere: ridebantque eos, qui Deum rerum omnium prouidentiam habere, cunctæue exactissimè diiudicare, ac regere, asseuerabant. At secus, suo maximo malo, experti sunt: cum scilicet sempiternum omnium regem, potentissimumque iudicem esse. Vos gentes impuræ, & exleges, eradicabimini in præsentiarum de hoc mundo, qui illius est, non uester: postea uero de terra illa uiuentium, cuius Dominus rex ipse est æternus, summa cum ignominia arcebitur. Hoc idem, post patrem cōminatus est Solomon, in suis prouerbijis dicens: Impij de terra perdentur.

Desiderium pauperum exaudiuit Dominus.

**D**Causam reddit uates quamobrem Dominus iudicio in scelestos homines feruissimum usus sit, atque utatur continuo, ut de terra illius funditus extirpentur, quæ est maxima omnium poenarum. Non quis mihi modo teterrimos inferorū ignes, aut sulphureos halitus, cruciatūsue ceteros animarum miserorum in imo Phlegætonis lacu iacentium memoret: secludi enim à felicissimo Dei aspectu in æternum, ea est poenarum omnium acerbissima. Desiderium, ait, pauperum exaudiuit Dominus. Quid putas quantum commoueat pij patris animum, gemitus illi afflictorum: suspiria: singultūsue ab imis cordis radicibus euulsi: quid lachrymæ illesæ: quid planctus: quid eiulatus uiduarum, orphanorumque, & omnium illorum, qui ob cōtinuas minas, oppressiones, depopulationes, cædes, confiscationesque (quod aiunt) bonorum, querelis magis ac lamentis uitam miseram sustentant, quam pane, aut alio cibo simili. Hæc nempe sunt desideria, quæ à Domino exaudiri clamat uates. Porro quid censes aliud expeti posse à uiro illo, cuius corpusculum in terris utcumque uiscitat, cor autem eius in cœlo fixum, ac uegetum, ardet totum cum Deo unitum, atque per amorē & cognitionem in ipsum prorsus transformatum, nisi ut in terra, quemadmodum in cœlo, fiat Dei uoluntas: ut eius sanctificetur nomen: utque illius tandem adueniat regnum: hoc est, ut blasphemæ, ut maledici, ut disseminatores dissidiorum, ut impuri, ut rapaces, ut simulatores, elati, ambitiosi, tyrannidemum de terra extirpentur, quò pax, quò iustitia, quò tranquillitas, quò charitas tum in Deum, tum in homines, ob illorum scelera fugate, redeant, in ipsaque locum habeant, & nobiscum habitent.

Præparationem cordis eorum audiuit auris tua.

Non mirū sanè esse debet, si Dominus aures illas suas pientissimas, ad cor nostrum præparatum ad exorandum aliquid, quod eius sit uoluntatis, porrigit, cum ipsius præparationis ille autor sit, ac dator. Quare sic reddunt Hebræi: Diriges cor eorum, auscultabit auris tua. Nam quid oremus sicut oportet, ipsi nescimus, ut ait Paulus: multo minus quomodo, aut quo exordio rem tantam inceptemus. Sed ipse



**A** ipse Christus adiuuat infirmitatem nostram, ac postulat pro nobis. Vides igitur, uelle præparari, nedum quidem præparationem ad orandum, donum Dei esse, modo altissimis illis primis ab Deo oblati in inspirationibus non reluctemur. Porrigit enim Deus, atque offert homini sua dona: non cogit tamē, ut illa admittat; quam assensus illi etiam, & uoluntas, & ipsa quoque potestas ad amplectendum bona, non secus donum Dei sint, quā illud est, quo assiduus cœlitus admonemur afflictibus, ueluti à solis radijs, ne lucem oblatam aspernemur. Verū & illud interim fatendum (ne quæ donorum omnium sit uis ignoremus) arbitrium quoque nostrū inter diuina dona in primo rerum exordio homini data, connumerandum; quo, tanquam oculo, ut nonnulli asserere uidentur, ē nobis effosso, id ferē fit, quod diuus scribit Dionysius, ac si quis, sole suos radios sanis largiente oculis, sibi oculos eruēs, solaris luminis particeps fieri postulet. Paraphrastes enim sic hunc uersum reddit: Desideria piorum audiuiſti Domine, gubernabis corda ipsorum, præpara bis aures tuas precibus eorum.

Iudicare pupillo & humili: ut non apponat ultra magnificare se homo super terram.

Felix sic: Vt iudices orphanum, & pauperem, ac si dicat, Auscultauit auris tua, de quibus te interpellant miseri, ac eorum desideria & uota exaudiſti, ad hoc sanē, ut iudices illorum causam, qui humano prorsus destituti sunt patrocinio, ne ultra homo adijciat adeo insolescere super terram. Vt quid enim ob uires, aut uirtutes aliquas tibi diuinitus concessas, aut potentiam, & dignitatem plerumque in immerito collocatam, homo ē terra prognate intumescis: Dominus enim est qui humiliū causam tutatur. Tu interim homo bulla, tua sorte mortali te ipsum metire. Notat Felix in hoc loco henos poni, ubi nos hominem legimus, quæ dictio hominē plane abiectum, & uilem significat: quare melius putat hoc modo legendum, Ne pergat contere, homo ex terra, id est, homo abiectus, & uilis, qui ex terra est, terrenaque meditatur, ceteros ex terra. Vel, ut ipse quoque interpretatur: Ne addat amplius ut opprimat homo ex terra, id est, homo impius, terrenusque, ne pergat contere iustos. Quocirca sic reddit paraphrastes: Vindica pupillum, & humilem, ne mortalis homo posthac uim audeat inferre.

## PSALMVS DAVID IN FINEM, XI.

**N** Domino confido.



Psalmus est, mortales omnes, modò uelint, in Christum, qui finis est noster, perfectaque uirtutum omnium consummatio, dirigens. Olim enim Dauid à facie regis Saul profugus, nullis in locis, ob exploratorum uigilantiā, tutus considerare diutius poterat. Quacunque enim in sede latuisset, aut quocunque proficisceretur, illi nō longo interuallo sequentes, eum tandem coegerunt, ut relicto regno Israelis, ad Philistæos transfugeret, hoc est, ad idololatras. Vide quid agat interdum persecutionum acerbitas. Illos igitur tam passim sibi insensos exprobrat uates, conqueriturque, cur uirum eum, qui semper in Dño fuerit confisus, adeo moleste insectarentur, ut ne in desertis quidem locis sese occultandi daretur facultas: imò de latebra in latebram, de monte in montem oberrare, tanquam auiculam timidam, cui nusquam nidos struere concedatur, impellerent. Vnde prorsus hæc omnia sunt eorum, quæ nunc accidunt. Sunt sanē undique circa nos molestissimi hostes, qui non sinunt animam, quoquo uersum se uertat, tutam esse. Modo enim importunissimas ingerunt cogitationes, arduam esse uiam uirtutum, nos uero debiles: quocirca nos frustra conari. Modo etiam, quid stulti molimini: Si prædestinati non estis, quomodo uester is durus tendit labor? Rursus etiā persuaderentur, uitam illam, quæ in pietatis exercitio defudat, miseram esse, & ærumnosam: contrā autem, mundanarum rerum cupidos, ac sectatores, bonorum omnium lautitia abundare. Quare cum tam periculose sese nobis insinuare nitantur



**C**ur suggestiones, ne cedamus tam malo suavori, à patribus admonemur. Offerte enim dulcia dæmon unus, alius aspera, & amara: caro prouocat, trahunt sensus, ille lectat mundus, perterrefacit lex. Tu ne cede malis, sed tota fiducia tua sit in Domino: ac dic, in Domino confido.

Quomodo dicitis animæ meæ, transmigra in montem sicut passer?

O meæ cogitationes, ô tetri spiritus, ô adultores. Qua impudentia me hortari audetis, ut deserta uia Dei, quæ recta est, ac tuta, ad solitudinem, ad montes inculatos, ad terram minimè peruiam, & aquosam, profugiam? Timidis enim auibus, ut passer est, soletis esse mos, ut de agro in agrum, de monte in montem errando demigrent, simulatq; nulla eis ab aucupibus nidificandi conceditur libertas. Vide, oro, aliam eo periculosiorem cogitationē, quo occultam magis. Transmigra, ait, in montem, hoc est, in proprium sensum, in proprium consilium, in propriū amorem. Iam passer es, prudens scilicet iam es, quid uereris? (ait Hieronymus, passerē in scripturis pro prudētia accipi interdum) iam quidē dignus es, ut alios instruas. Quid in imis latitas? Desere iam tandem loca hæc campestria, atque ad montes propera. Cur tu perinde, atq; ille, non dignus es, qui ad altiore gradum proueharis? immeriti ascendunt, tu meritisissimus præteriris? Nonne uides tuā in seminem desinere plantam? Vbi tuorum laborum fructus? ubi inedia? ubi curæ illæ tam anxie, si uotis optata nō respondent, succeduntq;? Cernis, ô amice, quā nos occulte adlatrent canes, latentes scilicet cogitationes? At tu, si sapias, prudentissimè respondere: In Domino, non in rebus hisce longo spatio inferioribus. quā ea sint, ad quæ expectēda factus est homo, cōfido: hunc amo, hunc uolo, uel ruat mundus.

Quoniā ecce peccatores intenderunt arcum, parauerunt sagittas suas in pharetra, ut sagittent in obscuro rectos corde.

**D**icataliquis, cur bone uir in Domino hoc tuo confidis? Quoniam, inquit, ecce peccatores, ecce dæmones, ecce adultores, qui bellicis præparatis armis, innocentes, quando maximè non comprehenduntur, aggredi soliti sunt. Huiusmodi enim naturæ hi sunt, propter iam conceptam animi puritatem, & simplicitatem, ut facile ab acutioribus seducantur ingenijs, ac suggestionibus, nī præstò ad sit Deus, qui horum potissimè fautor est, & defensor. Porro per sagittas, pharetram, & arcum, totum belli apparatus intellige, siue corporeum, siue spirituale id sit. Per illud uero obscurum, quo recti, ut ait propheta, impetuntur corde, insidias: quod Græcis significantius una dictione exprimitur, ὡς σκοτομνῆ, qua noctem significant, quando maximè luna est obscura: quod Latinis esset obscuriluniū. Quæ sane omnia occultas hostium insidias prætendunt. Quo quidem nocendi genere uti solent dæmones, adultoresq; & amici illi, qui affectu carnis magis, quā spiritus, erga nos afficiuntur. An nescitis, ait paraphrastes, quoties impij tetenderunt arcus, aptauerunt sagittas suas ad neruum, hoc studiose agentes, ut clam tela sua iacularentur in eos, qui candido sunt pectore, ipsi quidem ledere studuerunt?

Quoniam quæ perfecisti destruxerunt.

Aliam causam ponit, quam obrẽ Domino fidere debeat. Condidisti, ait, tu Domine leges, iuraq; omnia. Tu mandata, quæ mandasti custodiri nimis, tanq; uirtutum ædificium erexisti. Illi autem & leges, et iura, & mandata impudentissimè destruxerunt. Siquidem, tempus facienti Domine dissipauerunt legem tuā. Hunc esse huius uersus sensum affirmat diui Hieronymi litera. Leges tuas, inquit, destruxerunt. Verum cum secus habeant alij, uisum est etiā alium prætendi sensum. Aiunt enim, fundamenta diruta sunt: ac si uates asserat, res suas adeò deiectas, euerfasq; à fundamentis esse, ut nihil prorsus superesset salutis: quocirca eo ardentius confidendum esse in Deo, quo maior est calamitas,

Iustus autem quid fecit?

Quid



**A** Quid commereuit: quid tantum delinquere potuit, ut in uita tandiu perduret, quò illud proprijs cernat oculis, de quo iam olim cōquestus est Elias: Aras, inquit, tuas destruxerunt, prophetas occiderunt, & ego derelictus sum solus. Plena commiserationis hæc est interrogatio, nec pathetico uacat affectu, quasi diceret: Ego miser, qui nocui unquam nemini, omnibus autem nec requisitus profui, tamen ab amicis deferor: deuincti beneficijs partim me produnt, partim contumelijs infectantur, partim etiam uel eousque impellunt, ut nullum uspiam mihi supersit confugium. Atqui neq; ob id animum despondeo, sed in Domino eo fortius confido, quo magis ab hostibus meis impetor, & affligor. Is enim in cœlis, omnibus supereminens residet, cunctaq; mortalium, quæ hic aguntur, intuetur, examinat, iudicat.

Dominus, inquã, in templo sancto suo: Dominus in cœlo sedes eius.

Felix sic: Dominus in templo sanctitatis eius. Quod si quis adhuc ignorat, ubi habitet Deus, audiat prophetam alium. In sanctis suis, ait, habitat Deus, & in cœlis præsidet. Hic enim in terris nobiscum per gratiam, donaq; illa sua sanctissimi spiritus, ac lucem eam, qua nos in fetotos rapit, cōuersatur: Illic uero in cœlis perfectissima uisione, æternoq; bono, ac felicitate, præsidet, & suos beat, Talis igitur is est, in quo spem meam collocaui. Nec ab re quidem: nam

Oculi eius in pauperem respiciunt: palpebræ eius interrogant filios hominum.

Dicendum in primis hic esse arbitror, in pauperem, non inueniri in Hebræo: sed tantummodo sic, Oculi eius considerant, palpebræ eius probant filios hominum, uel, ut reddit paraphrastes, Dominus in cœlo habet solium suum, unde oculi eius contemplantur omnia, & palpebræ illius obseruant diligentissimè quæcun-  
**B** que designant posteri Adæ. Quare is sensus esto: Dominus nō solum uidet, ac sua illa rerum omniū, ut ait Eutymius, exquisita scientia cognoscit, sed iudicat etiam, æquissimaq; statera mortalium omnium actus librat. Palpebræ enim pro obtutibus ab Hebræis usurpantur: unde alia litera sic habet: Eius intuitus explorant filios Adæ: seu, ut legit Felix, probant, hoc est, discutiunt, examinant, diligentissimèque attendunt quicquid moliantur filij Adæ, homunciones scilicet fragiles, & nihili.

Dominus interrogat iustum & impium: qui autem diligit iniquitatē, odit animam suam.

Rursus legendum esset, Dñs probat, seu exquirat, ut sensus apertior redderetur. Et uide, an Felicis litera penè integrū sensum faciat. Dñs, inquit, iustum probabit & impiū, & diligentē iniquitatē odio habuit anima eius. Clarius adhuc paraphrastes: Dñs, ait, obseruat & iustum, & impium: sed eum qui amans est iniquitatis, odio persequitur ex animo. Vnde in primis admonemur, quid sit animam Deo dissequi, hoc est, ex animo, ac seriò. Hac enim periphrasi intimum odium exprimere uoluit. Porro is diligere iniquitatem dicitur, cui non solum ipsa placet iniquitas, sed & qui eam defendit, amatq; ardentissimè. Nec nos moueat, quod tum hic, tum aliàs, Deum habere animā legimus, oculos, palpebras. Sacrarū rerum scriptura, cuius propositum est, omnibus, uel ipsis mulierculis quidem, ut consulat: non uult, cum nobis de ineffabili Deo eloqui instituit, aliter loqui, q̃ more humano, ac ueluti de homine, eiusq; natura & effigie, nos loqui consueuimus. Sic enim ad Esaïam locutus est Dominus: Calendas uestras odiuit anima mea. hoc est, ex animo, non fictè odiui. Cæterum Deus mirabili quodam artificio iustum aduersus examinare, perpolire uelut solitus, nō secus quidem q̃ solet aurū aurifex ignitis prunis, ac flamma: ex qua quidem arte, id quod syncerum est, facile secerni potest, ac dignosci: fæx uero iacet, nihilq; æstimatur, Ita Deus suos per tribulationum



**C** ignem excoctos, in lucem educit, ut omnibus palam, quantum dona tanti opificis ualeant, innotescat. Fallunt sanè hi, qui secus quàm per angustias, & ærumnas, excelsum sibi uirtutis iter patere existimant: cum rerum harum uis, atque acerbitate, mundarum rerum amor extenuari soleat, non secus, ac sub malleo ferreo bracteola. Nam quemadmodum ab auro in fornace posito euaporat quicquid alienae materiae admixtum fuerat: ita diuinus amor eo perfectior redditur, quo minus iam res condita diligunt. Verum tu, si sapis, quid poenarum improbos maneat, animo perpende.

Pluet super peccatores laqueos, ignis, sulphur, & spiritus procellarum pars calicis eorum.

Non possum equidè non supremum in modum mirari, ac simul dolere, si sit ullus uspiam gentium, qui iam audeat esse malus, simulatque passim & legit, & audit, quod horrenda sint illa, quae à summo rerum omnium iudice parata sunt illis, quibus cum intergrum sit manum uel ad ignem, uel ad aquam porrigere, ad ignem potius, quàm ad aquam admovent. Pluet, inquit, super peccatores laqueos. Alludit enim (ni fallor) uates, ad Sodomorum euerisionem illam tam tetram, ubi nunc lacum Asphaltum bitumen euomentem limi, esse affirmant, cuius natura sulphurea est. Horum quippe exterminium, propter insignem suam immanitatem, pro qualibet dira atque horrida ultione usurpari solet. Poena profecto tam execrabilis uitio condigna. O terrificos cruciatus. Sed o poenas omnes suo horrore ac foeditate superans uitium. Potest ne? uerum ne est? Christianum hominem ad tantam mentis caecitatem deuenire, ut membra illa non iam amplius corporea, sed ob sacram undam spiritualia effecta, tam detestandae copulae prostituat. Non credo, licet audiam, licet uideam. Quare ad propositum reuertamur, ne tam sanctas odas, pateticissimi huius uitii uel memoria conspurcet. Laquei enim sunt ea omnia, quae nos implicant, irretiuntque, & ne euadamus, perstringunt. Quae sanè, licet cum superioribus tormentorum generibus, quantum ad carnem attinet, horribilia sint, & metu digna, & quae uerius in futuro seculo apud inferos mortiferis inquinatis peccatis experient, quàm impraesentiarum: tamen neque ab his sunt modo immunes peccatores in anima. His enim aequissimo Dei iudicio laquei caecitatis animi, atque desperationis, stupida cum hebetudine intellectus permixtae iniiciuntur. In hos, inquam, in modum pluuiae diuinitus proijciuntur concupiscentiarum ignes, atque ira, sulphurque detestandi nominis & famae perpetrati sceleris. Spiritum rursus procellae in illos iaculatur Deus, quemadmodum meriti sunt: tempestatem scilicet, horroremque illum, & confusionem, quae continuis stimulis, uel usque ad amentiam, exagitant conscientiam. Et haec tandem omnia pars calicis eorum: hoc est, talia bibent. Et est metaphora à ritu antiquo mutuata, quo per conuiuii modi peratores sua cuiusque uini portio, quam hauriret, statuebatur. Ita, ea similitudine, quicquid nobis à Deo uel obuenit, uel statuitur, amarum sit, uel dulce, calix noster est, ac portio: quam uelimus, nolimus, bibere necesse est. Sed de calice alias.

Quoniam iustus Dominus & iustitias dilexit, aequitatem uidit uultus eius.

Hoc ultimo psalmi uersu rationem reddit, cur Dominus, ex more, bonos exploret, perficiatque aduersis: malos uero deteste, atque in eorum exitium & perditionem, uerberet. Iustus enim cum sit Deus, non potest non amare iustitiam, hoc est, secundum phrasim hebraeam, iustitiae cultores. Quare non absque ratione est dictum, quod iustitiam dilexit, & aequitatem uidit uultus eius: & est perinde ac dicat, aequitatem aspicit, illique fauet. Solent enim qui alicui rei fauere uolunt, non solum uerbis, ac nutibus, sed et gestu, ac uultu exhilarato praeseferre animi fauorem. Porro haec legens quis iam iustitiae studio defatigari potest, quolibet malam gratiam rependat mundus? Sat sit, obsecro, nos, qui sub truci aduersitatu malleo expolimur, Deo charos esse. Sat sit, inquam, tam aequum iudicem causam nostram sereno, fauentique uultu aspicere. Non nos malae fortunae acerbitas ab instituto deturbet, postquam perpetuam, quoad uiuerint, suis domesticis exercitationem in cruce esse decreuit Deus.



PSALMVS DAVID *super octauam.* XII.

Aluum me fac Domine, quoniam defecit sanctus.



Psalmum hunc canit uir sanctus: quanquā quis sanctior Christo: Is enim ille est, qui uerē, uel solus, huius mundi pericula, & misérias dignoscere, queriq; potuit in terris uiuens, utpote cui non solum ea, quę in imo hoc mundi diuersorio tractantur, nota erant: sed & quę in ipso patris corde æterna caligine cunctis mortalibus oblecta sunt, erāt aperta. De ogdo chordo, seu octaua, iam est dictum in superioribus. Vir igitur sanctus, ut dicere inceperamus, cum Dei filio queritur, quod rerum summa penes improbos, sed in primis apud delatores, & adulatores, posita sit: qui quidē primas in rebus pub. nacti dignitates, innoxios quosq; opprimunt. Nullum sanē uulnus acerbius arbitror posse perperari, uel regnū, uel rempub. aliquā, q̄ cum pestilentissimi homines rerū summā gubernāt, bonorū uenulla prorsus ratio habet. Et quia passim per orbē fermē uersum idem error usque adeo iam proserpsit, ut ne loca quidē sancta ab hac exitiāli labe immunia sint: propterea uir tum Dei, tum sanctę illius ecclesię studiosus querit, quoniā defecit sanctus. Sed primū feruenti, ac exestuanti animo exclamat: Saluum me fac Domine, serua o Domine, succurre, fer opem. Ita sanē exclamare soliti sumus, cum nihil, in re aliqua, omnino subsidij superesse cernimus: nisiq; Deus actutum opituletur, actum de nobis putamus. Defecit sanctus: uel, ut alia habet litera, consumptus est sanctus, hoc est, nulli boni supersunt. Enallage numeri est. Credentium numerus admodum diminutus est. Nam fidi qui sint, atq; integri, iam inter mortales esse desierūt. Omnes enim, uel in primis hi, qui aliqua præditi sunt & dignitate, & potentia, quę sua sunt quærunt, non quę IESV CHRIS T I. In ipsis enim diminuta est ueritas uitę, quia corrupta. Diminuta est ueritas doctrinę, quoniam aut ineruditi sunt, aut falsa docent: diminuta est ueritas iustitię, pacis, beneuolentię, & charitatis tandem in populos. Atqui querelas hasce à propheta in illos, qui auctoritatem, & potentiam super alios nacti, improbè uiuunt, prolatas esse, illud est indicium, quod in sequentibus canitur, Propter miseriam inopum, & gemitum pauperum nunc exurgam, dicit Dominus. Qui quidē pauperes, silentij & quietis cupidi cum sint, libenter à uulgi strepitu latitant, cum interim peruersi quidam audaculi sese ad omnia ingerunt, se ostentant, se tamē, ac ceteros infeliciter perturbant. Porro uix dici posset, quantum propheta noster infensus sit omnibus uniuersali quodam modo peccantibus ex malitiā, ac consulto: sed dolosos potissimum, atque illos, qui duplici sunt corde, execratur omnino. Et apte quidem bona omnia à filiis hominum excidisse exposulat uates. Nam ab illis ipsis quidem, à quibus summa uitę perfectio deriuari debuit, mala omnia emanarūt, emanantq; indies magis. Quid propterea à reliqua uulgi multitudine expectandum sit, tu qui legis iudica: siquidem ut cætera absurdissima, quę uulgò fiunt, omittam,

Vana locuti sunt unusquisq; ad proximum suum: labia dolosa in corde, & corde locuti sunt.

Mendacia quisq; loquitur cum socio suo, & apud amicum lingua loquitur fraudulenta, cui duplex animus scelerata suggerit uerba. Sic paraphrastes. Quid nū igitur dicam, querarq; passim per aulas, per plateas, in nundinis, in domibus quę sacris, nedum prophanis, mendacia audiri: deceptiones: simulationes: dolos: postquam audio spiritum asserentem unumquemq; uana cum proximo suo eloqui: Porro labijs dolosis in corde, & corde loqui: uel, ut ait Felix, labium adulationis in corde, & corde loquentur, est, cum quis eò malitię peruenit, ut malum inferre proximo sitiat, bonum tamen uerbis polliceatur. Interim enim applaudit, arridet, adulatur, tempus expectans uenenum euomendi. Hi cum tantummodo



**C** sibi ipsi amici sint, idcirco alios fallere, & decipere, ut inde sibi emolumenta & com-  
moda comparent, summa arte inuestigant. Simulatores enim istiusmodi generis  
homines appellantur, fax scilicet orbis terrarum, ac nautea, omni latrina graue-  
olentior. Verum,

Disperdat Dominus uniuersa labia dolosa, & linguam magniloquam.

Cernis ne quanti uir probus istiusmodi doloform hominum pestem faciat,  
aut quantam animo concipiat indignationem? Disperdat, ait, Dominus uniuersa  
labia fraudulenta: linguamque non nisi turgida, grandiaue, & arrogantia loquentem  
confundat. Falsis enim blanditijs, & assentationibus, iungit uates magniloquen-  
tiam, illis solitam; qui malis artibus iam demum fessi, ad sedem aliquam concupis-  
tam, uix ui deuenere. Sed in sequentibus, quæ sit lingua magniloqua, uerbaque, ut  
sic dicam, sesquipedalia, elegantissime edisserit.

Qui dixerunt linguam nostram magnificabimus, labia nostra à no-  
bis sunt, quis noster Dominus est?

Videntur hic imprudentissimi illius generis homines id uelle dicere: Nos lin-  
guis nostris magni, potentesque erimus. Labia nostra, os scilicet nostrum penes nos  
est. Iam quæcunque libuerit eloqui, eadem & facere licebit; nemo enim est, quem  
uereamur. Quis noster Dominus est? quis superior? Decernamus, statuamus, ordi-  
nemus; nonne os nostrum in nostra est potestate? Quis iam nostra audebit repre-  
hendere statuta? leges? ordinationes? plebiscita? diffinitiones? Perpende, te oro,  
quò nos aliquando nostra propellit temeritas, ac cum arrogantia iunctus contem-  
ptus, ut neminem, ne Deum quidem, pertimescamus. Nihil enim mentiri, nihil  
fingere, aut decipere, pudet, dummodo nostris ciuibus formidabiles, ac pertime-  
scendi simus.

**D** Propter miseriam inopum, & gemitum pauperum, nunc exurgam  
dicit Dominus.

Hic uersus cum uarie legatur, in idem tamen recidit sensus; ut intelligas scilicet  
quòd Dominus diu miseros sub angustiarum onere laborare non patitur: quòd si  
diu, non tamen in æternum. Nouit enim pius pater miserendi tempus. Illud uero  
non prætereundum, quod Hebrejs, præ, seu propter, geminatur. Aiunt enim, præ  
uastitate afflictorum, præ gemitu, siue eiulatu pauperum, nunc exurgam. Quæ sa-  
nè geminatio haud modicam in se habet dinosim, ac pondus. Hic igitur inopes, &  
pauperes, intelligi uult uates, bonos, & innoxios, qui malorum fraudibus, deceptioni-  
busque, & iniurijs, adeò obnoxij sunt, ut miserabilem in modum, non affligantur  
modo, sed prorsus obterantur. Ex quo, cum intolerabiliores, quàm ferre queat hu-  
mana conditio, interdum patiantur iniurias, uelint nolint, ingemiscere, ab imis  
precordijs suspiria trahere cogunt. At Deus, cui derelictus est pauper, & qui tum  
miseris opitulari est solitus, cum ipsi suam potissimum miseriam, & sentiunt, & fa-  
tentur, tam iniustis oppressiõibus motus, ait: Nunc ad horum auxiliũ exurgam,  
qui hucusque dormire uisus sum.

Ponam in salutari: fiducialiter agam in eo.

Hoc est, collocabo afflictos in salute, eosque liberabo. Paraphrastes sic: Colloca-  
bo pauperem eo loco, ut tutus futurus sit ab illo, qui lædere uirulenta lingua sua  
conabatur illum. Sed illud considerandum quod Felix legit, Ponam in salutari: lo-  
quetur pro ipso. Est mutatio numeri. Nam cum Dominus dicat: Ego exurgam,  
& ponam in salute pauperem, hoc est, seruabo illum: statim uates subiungit ex se-  
se, Loquetur Dominus pro ipso paupere: quasi asserat, uaticineturque illud euange-  
lij. Non enim, ait, uos estis qui loquimini, sed pater uester qui in cœlis est, ille est  
qui loquitur pro uobis. Tamen nec suauissimo quidem affectu caret id, quod nos  
legimus, Fiducialiter agam in eo; hoc est, meos cum omni fiducia pauperes faciam,  
ac uigore,



**A** ac uigore, res suas agere, uel eousque, ut nihil in diris illis suis afflictionibus trepident, sed robustissimè persistent. Nonne hanc diuinam Dei opem sanctissimi senserunt martyres, cum mortem cæteris molestissimam, tam gratanter, tam ue imperterrito animo oppetierunt? Quid illi, qui ibant, ut sacra ponunt annalia, gaudentes à conspectu concilij, quoniam digni habiti sunt pro nomine IESV contumeliam pati? Nonne amoris plenissima, ac fiduciæ, uox illa fuit Pauli? Curramus, ait, ad propositum nobis certamen, aspicientes in autorem fidei, & consummatorẽ IESVM, qui proposito sibi gaudio, sustinuit crucem, cõfusione contempta. Recogitate enim eum, qui talem sustinuit à peccatoribus aduersus semetipsum contradictionem, ut ne fatigemini animis uestris deficientes. Sed & illud quoque admodum castissimis mentibus placere solet, quo sentiunt aliqui in hoc uersu prophetam futuræ felicitatis nostræ statum præuidisse; miserorum scilicet, piorumq; omnium salutis summam totam collocandã esse, haud amplius in iustitijs illis carnis antiquæ legis, sed in salutari patris, hoc est, in Christo eius filio, qui factus est nobis salus, uita, & redemptio. Nam uiderunt, inquit senex ille prudentissimus, oculi mei salutare tuũ. Huic enim sententiæ uidetur fauere Chaldaica translatio, quæ sic reddit: Ponam redemptionem populo meo. Quænam alia potest esse redemptio, quàm Christus IESVS, qui redemit nos, & lauit, ut ait Paulus, in sanguine suo? Redemptionem, inquit in alio psalmo, misit populo suo: hoc est, filium suum misit populo suo. Quis populus eius? nõne credentes? nõne illi, qui tum hic, tum pãssim in sacra lege, pauperes, egeni, inopes, ærumnosi, & quorũ dignus non erat mūdus, ut ait apostolus, appellantur? His igitur fauet Deus, suumq; semper, ab ipsis rerũ primordijs, pollicitus est auxilium. Fallere enim nõ potest ipsa ueritas, neque stare non potest promissis. Quocirca nefas est uereri, ne ad ferendas nobis suppetias exurgat, ac, dum à mundi huius oppressiõibus exagitamur, ne nos ponat in salutari suo, postquã se nobis affuturum promissit; nec eius eloquia, sint nisi pura, uera, quibusq; toto animo fidere debeamus. Nam

**B** Eloquia Domini, eloquia casta, argentum igne examinatum, probatum terræ, purgatum septuplum.

Quàm longo interuallo inter se differũt eloquia Domini, & eloquia hominũ. Vana locuti sunt unusquisq; ad proximum suum, ait uates de filijs Adæ, labia dolosa in corde, & corde locuti sunt. Eloquia uerò Dei, ait esse casta, pura, syncera, & quod simplicissimæ Dei naturæ conuenit, simplicissima, & absque fuce. In plerisq; enim mortalium conuentis, in pactis, in fœderibus, in ipsis etiam doctrinis, sæpenumero errores insunt, mendacia, doli. In diuinis uerò eloquijs quid aliud expectandum censes, quàm rectitudinem, fidem, ueritatem, constantiam? Proinde uerendũ haudquaquã est, ut is qui summa & æterna est ueritas, nos sua lætetur blandiloquentia, aut inanibus pollicitationibus, cum eius uerba, & promissiones, ut inquit paraphrastes, candidissimæ sint, ipsoq; argento igne diligentissimè expurgato, puriores. Pulcherrima sanè similitudo. Iam, inquit, eius uerba omnĩ uanitate defecatiõra sunt, quàm ipsum sit argentum plumbo, aut alia adulterina commixtione depuratum, coctum uel septies, hoc est, pluries. Scripturæ enim mos est, per septenarium numerum, indefinitum significare, ait Solomon. Argentum electum est iusti lingua. Quod tamen de uiro iusto non tantum intelligi oportet, quàm de Deo ipso: quanquam iustitia ipsa potius, quàm iustus appellari debeat. Probatum terræ, graciõsmus est, pro purgatũ à terra, ut omnino purũ sit. Totus enim is uersus uariè admodũ ab Hebræis legĩt. Sermones Dñi, ait quidam interpres, sermones puri: argentũ excoctum in catino, uel, ut alius reddit, in uase alchimico terræ, depuratũ septies. Felix uerò sic: Argentum igne examinatum à domino terræ, purgatũ septies; ut illud in catino, seu uase alchimico, alludat



**C**ad modum depurandi argentum in uase fictili: Id uerò, à Domino terræ, præ se ferat argentum publicum, manifestū, & quod tanti ab omnibus æstimetur, quanti res pura, haud adulterina, æstimari par est. Vt cunq; enim uariet lectio, sensus nō uariāt, quo purissimo, defecato uē argento, ac exactissimè depurato, dicta Dei propter eorum ueritatem, æternamq; certitudinem, comparat propheta. Quocirca paraphrastes, postquā dixit pollicitationes Domini candidissimas esse, atque argento ipso igne diligentissimè expurgato puriores, subiūxit, à quo, arte & instrumentis ad eam rem aptis, ablatū est quicquid inerat terræ impuriore, idq; septies repetita concoctione. Quòd uerò in sacris literis argentum, uel doctrinam, uel uitam puriorem, quemadmodū aurum tum fidem, tum charitatem significet, manifestius est, quàm ut à me, qui aliud ago, refriceſ. Ergo impossibile est, quin Deus propter miseriam inopum, & gemitum pauperū, ad afferendum auxilium exurgat, eosq; ponat in salutari. Siquidem illius excellentiæ sunt diuina uerba, & promissiones, ut sint tanquam argentum purgatissimum, ac summè defecatū: & est maioris ponderis dictio, quàm si solummodo dixisset, sicut argentum.

Tu Dñe seruabis nos: & custodies nos à generatione hac in æternū.

Secus Felix: Tu Dñe custodies eos: custodies eum à generatione hac in æternū. Atqui hic notandū, summopere necessariam esse intelligendis psalmis troporum cognitionem, quibus utuntur Hebrei: uel illius maxime, quo subito, cum non aduertis, fit uel personę uel numeri uariatio, ut hic: Custodies eos, pauperes scilicet: custodies eum, hoc est, pauperem. Sensus igitur: Tu Domine, quando tuę pollicitationes adeo purę sunt, & uerę, ut nihil purius, ac uerius esse possit, seruabis optima fide, quę promissisti, & nos tutaberis perpetuò, seruabisq; ab huiusmodi pessimo hominū genere. Quid, quæso, aliud hortari nos uoluit Petrus, quando Iudeos admonuit dicens, Saluamini à generatione praua, quàm quod nūc uos uos orat: Difficillima sanè res est, circa molā, quod aiūt, triticeā uersari, & nō pollicine dealbari: uel ad profurniū sedere, nec fuligine denigrari. Porro sicut picare propriū picis est, ita in prauorū consuetudine, prauitate non affici, ferme impossibile. Quare Dominū precatur, ut nos à generatione hac (quod quidē cum stomacho est legendum) tutetur: quasi dicat, à generatione ista, quę cum ob innumera cœlitus beneficia sibi data, & grata & sincera esse deberet, facta est omniū generationum pessima, ingratiſſima, impuriſſima. Verū quoniam labilis, fors est humana, qui tantam, uel per secreteiores passim orbis angulos coniectam malitiam, uitare poterimus, nisi tu nos custodias, ac perpetuò serues? Quis in terris iam locus tutus? quę urbs? quę domus? quod tuguriū etiam unius hominis uix capax, quod prorsus immune sit, ac liberū? quodq; nō subrepat aliquando uel dolus, uel fraudolētia, uel simulatio, uel incōstantia, uel bellua illa omni Lernę hydra crudelior perfidia? Quàm uerum igitur est illud, quòd defecit sanctus: quòd diminutę sunt ueritates à filiis hominū: qui tamen, cum dicto citius, ab una illa atque inuariabili unitate sese diuellere soliti sint, circumquaq; securi obambulant, nihilq; uerentes utranq; in aurem stupidi obdormiunt. Idcirco à propheta dicitur,

In circuitu impij ambulant.

Hoc est, quoquo uersus te feras, circumfusi sunt undiq; peruersi homines, oberrantq; tanquā in corona malignissimi dæmones. Quis igitur tutus? Audiui, ait, alio in psalmo, uituperationem cōmorantium in circuitu. At unde tanta malorū colluies? Respondet paraphraſtes, haud ego: Cum principatum nacti fuerint, qui inter homines perditissimī sunt. Verū

Secundum altitudinem tuam multiplicasti filios hominum.

Per ea quę dicta sunt, nulli dubium esse debet, hunc psalmum in primis compositum esse in assentatores, ac sordidi ingenij homines, qui ob facilitatem principum, ad sublimiorem aliquem gradum euecti, nihil non agunt, quò suam libidine



**A** nem de ciuium miseris fatient: si tamen satietas ulla, aut modus ullus in exaturanda cupiditate erynni, statui potest. Hi sunt enim plerumque, qui ex humili fortuna ad primas dignitates in bonorum perniciem asciscuntur: quibus quidem nulla, tum amplis regnis, tum rebus publicis, tum religionibus quoque ipsis priuatis, pestis nocentior esse potest. Proinde sapientes, multo optabilius censuerunt habere principem stultum, & malum: consiliarios uero & ministros bonos, quam hos malos, principem bonum: propterea quod per ministros agunt omnia principes, audiunt, uident, loquuntur. Quare cum hi perditum sint, quamlibet boni principes existant, omnia peruertunt, ac in reipublice perniciem detorquent, quantumuis ab ipsis principibus instituta sint, & sapienter, & pie. Atqui quomodo non experimur quotidie uerissimam illam Solomonis sententiam: Dum regnant iusti, lætatur populus: dum autem dominant improbi, gemit. Sensus igitur erit: Mala omnia supra commemorata eueniunt nobis, cum tu, ô Domine, sicut altus es, atque profunda iudicia tua, exaltasti cos immeritissimos, fecisti quoque ut tanquam dii in terra, uulgi stolidi opinione haberentur, cum tamen nihil aliud sint, quam filii hominum, hoc est, homines uiles, ac nihili. Huic enim sensui alia ex Hebræo litera quadrat admodum, cum ait: In circuitu impij ambulant, cum exaltabuntur opprobria filijs Adæ. Sed nulla melior Chaldaica: In circuitu, inquit, obambulant impij, sicut hircus, uel sanguisuga, quæ fugit sanguinem filiorum hominum. Equis tam alta hæc Dei iudicia perscrutari potis erit?

## VINCENTI, PSALMVS DAVID XIII.

**VSQUEQUO** Domine obliuisceris me in finem?



**B** Is psalmus totus affectibus ardens, ab anima illa decantatur, quæ prorsus ob uarios perturbationum occursum exagitata, nullum euadendum, dum per proprias uires inuenit. Ex quo de se, suaque uirtute diffidens, cum Domino uidetur conqueri, cur tam tardè subueniat. Talem enim animi desperationem haud semel Dauid in suis illis, tum à Saule, tum à proprio filio, exuscitatis persecutionibus, expertus est: sed eo maxime tempore, quo à patria & regno exulabat. De psalmi titulo, quem Felix interpretatur, effundere sanguinem, satis superius in quarto psalmo est dictum. Nam certè cui alij nostram salutem committere debeamus, non uideo, nisi fortissimo illi, qui deuicta morte, profligatoque inuisibilem hostium exercitu, atque imperio, non armis ferreis, aut telis, sed crucore proprio, ac nece, uictor tandem euasit. Circunuellata igitur anima, & penè ab circuncursantium uariarum perturbationum impetu obruta, exclamat, **VSQUEQUO** Domine obliuisceris me in finem? Neminem quidem esse arbitror, uel me diocriter in schola spiritus exercitatum, qui ignoret, quas animi consternationes, anxietates, cruciatus uel experiatur anima illa, quæ in inquisitione ueritatis, exercitioque seipsam superandi, ac proprios motus, innatasque cupiditates, atque appetentias rerum diuersarum innumeras, occupata, torquetur, anxiamque ui quadam solitudinum, pulsue, ut sic dicam, irrequieto concitatur. Hinc enim suam ipsius considerans imbecillitatem, propriamque acuminis hebetudinem, & languorem, illinc uero potentissimorum hostium insidias & laqueos aduertens, qui eo atrociores sunt, quo eorum pars maior inuisibilis est, angitur supra modum, utpote quæ se miserrimam reputat, dum suam in longum miseriam protrahi conspiciatur. Quocirca illud sæpenumero illi obuenire est necessarium, ut inter tot rerum difficultates, atque angustias perstricta, dubitet interdum suam à Deo negligi salutem. Eo enim aliquando dubietatis ipsi perfectissimi quoque uiri adiguntur, ut quid, in re salutis, opus sit facto, deliberare nesciant: sed tum potissimum, cum res suas adeo ab hostium dolis circunuentas uident, ut ferè nullus elabendi modus appareat. Clamant igitur ferè attoniti, **VSQUEQUO** Domine tuorum non recorda-



**C**ris: Esto quòd ad tempus nostra nō cures, num hæc tua obliuio erit in finem, hoc est, in perpetuum? Oblitum Deum nostri dicimus, cum eum curam de nobis nō habere suspicamur.

**V**squequo auertis faciem tuam à me?

Hoc est, usquequo, quasi nolens uidere quæ hic aguntur, ut hi solent qui indigebundi, cum rogantur, auertunt faciem, tuum subtrahis fauorem? Quare sic reddit paraphrastes: Quousq; auertis tanquā iratus uultum tuum? Quousque?

**Q**uandiu, inquam, ponam consilium in anima mea? dolorem in corde meo per diem?

Vide quantā cōmiserationē, hisce repetitis sententijs, mouere intendit. Quādiu, inquit, mecū ipse cōsultabo anxius? Hic sanè mihi considera, quid nostra ualeant cōsilia, cum nostra sunt; his enim nostras in dies magis accumulari curas, & has quidem superuacaneas, experimur. Quid cor, cum perplexitate illa infinita humanorū consiliorū exeditur? Quā quidem necessarius sit rebus nostris diuinus fauor, sciunt hi, qui in pugna hac carnis molestissima, iam planè attriti sunt. Qui si certè nos, ob innatam nobis malitiam, in angustijs uiuere permittit, hoc est, si auertit faciem suam à nobis, nulla nostra uigilantia, nulla circumspectio, nulla cautio, ad assequendum finem, ad quem adipiscendum facta est humana natura, sufficiunt. Nam quo magis nos à malorum congerie, Dei auxilio destituti, conabimur extricare, hoc magis intricabimur. Dolorē. ) Clarius Hebraei, anxietatē, seu mœrorē. Vnde paraphrastes: Quousq; uanis curis animam meam affligam, quæ nihil præter mœrorem continuum pariunt; per diem uerò, iugiter, quotidie, absque requie.

**V**squequo exaltabitur inimicus meus super me?

**D** Vsquequo perfidos homines? usquequo daemones? usquequo carnem hanc petulantē fines in me ferocire, cristasq; erigere? Quousq; atrox hæc pugna, in qua hostibus meis prorsus sum impar, perdurabit? æternā ne erit? Quandiu subiecta erit anima mea uanitati, etiā nolens? Quādiu seruiō legi peccati & mortis? Hoc certò scio, quòd qui in carne sunt, ut ait Paulus, placere Deo non possunt. Quare tu Domine, qui omnia ab æterno respicis,

**R**espice & exaudi me domine Deus meus.

Conuenientissimè enim uerbo, auertis, opposuit uerbum, respice; & est perinde ac si dicat: Habe, quæso, calamitatis meæ rationem, & tandem, post tot gemitus, ac suspiria, exaudi me. Tu sanè meam nostri indigentiam; tu gemitus, tu lachrymas non ignoras. Cur igitur, more irati, auertis faciem, & non respicis? nōnne in Dominum, in regem, in ducem, in Deum meū elegi, in quem solum confidere debeam? Hebraei habent: Respice, responde mihi; quasi diceret, Annue o Domine, ac responde, qua demum uia elabi possim.

**I**llumina oculos meos, ne unquam obdormiam in morte.

Eodem consilio uates, quo suprà, petit sibi uitæ lucem impartiri, atque oculos illos, quibus ueritas cernitur, illuminari; hoc est, prementium malorum tanquam grauedinem, ac tenebras, quas mortis somnus, desperatio scilicet, consequi solet, dispelli. Vnde Felix: Ne quando obdormiam mortem; seu, ut ipse interpretatur, dormitionem æternæ mortis incurram. Alioqui, quomodo mortem hanc omnibus debitā deprecaretur? Sensus igitur erit: Absterge o Dñe mei intellectus oculos à caligine illa, qua per tales ueluti quosdam tentationum uapores, cæcitateq; obnubilati, penè cæci facti sunt. Nam nisi tu præstò sis, quid nostra cōsilia; quid conatus; quid animi uires agere poterūt? Quomodo ego quidē ex me eouadā quō nō is somnus obrepāt, eaq; occupet oscitātia, quā indubitatus interitus comes sequat? Solis em̄ diuino lumine, suo uitio, destitutus, mors datur æterna. Illud uero cōsiderandū, quòd electi, quib; ab hoc seculo demigrare cōtingit in uitā, quodam



**A** quodāmodo moriuntur; hoc est, ut semper uiuant, ab hac uita decedunt; mali uero sic moriuntur, ut semper mortui sint. Quod quidem infelicissimum mortis genus tum illis accidisse non dubitamus, cum illorum, Deum oblitum esse in finem, in perpetuum scilicet, haud dubij sumus. Omiserrimam illorum conditionē, qui adeo impiē uitam hanc uiuunt temporariam, ut aeternam amittant. Aeterna uero uita amissa, quid, oro, aliud expectandum ducimus, quā mortem illam, quā idcirco terrifica est, ac malis omnibus obnoxia, quia aeterna: quia perpetua: quia interminabilis: Quare, uide Domine, & considera,

Ne quando dicat inimicus meus, praeualui aduersus eum.

Cernis quā trepidula aliquando fiat anima, cum nō ignorat periculum? Cernis quā non cessandum sit ab imploranda Dei ope? Respice, ait, exaudi, illumina, ne in extremo illo meo obitu, in quo rei summa absoluitur, hostis praeualeat. iacetq; sese, ac dicat, me pugna celsisse: tum dico, quando mors aderit, nec ulla salutis spes erit reliqua. Quō mihi, rogo, tunc erit cōfugiendum, quando uitalis, ingratuefcente morbo, respiratio intercludetur, uox aberit, perlanguescent oculi, frigida extrema, atri ungues, cadent malæ, rigebit frons; ac tandē relicto corde, anima frigidum deferet corpusculū? Alia litera habet, Superaui eum, pro praeualui. Ut cunq; litera sit, uox est in aduersarij consternatione exultantis: quæ quidem in solatio plerunq; uictis solet esse acerbior, quā ipsa mors. Sensus itaq; is erit: Habe, quaeso, Domine rationem mei periculi, & exaudi me cum tam crudelibus inimicis colluctantem: ne forte dicat hostis exultans, factus sum illo superior: uici tandem, occubuit. Et hoc quidem modo,

Qui tribulant me exultabunt, si motus fuero.

**B** Felix: Tribulantes me: seu, ut alius legit, infestatores mei exultabunt, cum lapsus fuero. Solent enim in monomachia certantes, admodū gestire, latari, uiresq; colligere, si hostem suum uel paululum labare gressibus uiderint. Porro cōsiliū omne nostrum, ac deliberatio in hoc nostra firma esse debet, ut mori malimus, q̃ uel semel peccando Deum offendere. Huic enim proposito insistere, in hanc curā incumbere, niti, ac tota ui animi intentos par est eos omnes esse, qui obfustos, fugatosue hostes, ac dæmones, trophæa uictoriæ in sublimi suspendere efflagitāt. Quo quidem genere triumphi, nescio an aliud, uel in deuictis Persis, Turcis, aut Pœnis celebrius esse possit. Verū summa adhibenda est diligentia, ne in medio ipso pugnae feruore meticulosi nutemus, & ut ait uates, moueamur, ab instituto scilicet nostro, ac proposito: quod sanè esse debet, ne à pugna nisi uictores secedamus. Cæterum in pugna huiusmodi nō parum facit, si quibus potissimum armis uti oporteat, non ignoretur. Quare à propheta adiicitur,

Ego autem in misericordia tua speraui.

Dura sunt, ait, conditiones belli, dubij euentus, hostes fortissimi: & si omnia circūspicio, meq; exactē considero, uictoriæ spes extat nulla, nisi in te. Quocirca in misericordia tua, non in me, meisq; uiribus et actionibus, quāuis, ut mihi uidetur, sanctissimis, et semper speraui, et nunc spero. Vides qua acie collimatus sis spei gladius? Perpendis quō te, de Domini bonitate fiducia prouehat? Ignoras ne adhuc quibus telis minaces illi tui hostes confodiendi sint? Ita ē contrariū, non est in bello illo, quod sit in carne, miles adeo accurate, uel septemplici ære circūdatus, hoc est, omni uirtutum genere circūseptus, qui facile non occumbat, si hoc unum spectum deerit.

Exultabit cor meum in salutari tuo: cātabo Domino qui bona tribuit mihi, & psallam nomini Domini altissimi.

More suo uir sanctus de condonata sibi uictoria, quam totam in Dei misericordia sitam esse asseruit, gratias agit. Dignus profectō ille est, qui totam suæ uictoriæ summam à Deo pendere credit, cui Dominus opituletur, atq; eius cor solido per-



**C** fundat gaudio; quemadmodū & spei, & fidei comites semper sunt, pax, & gaudium: ex quo iugis illa, de perceptis spiritus donis, gratiarū actio, enasci solet. Nequit sane confundi, qui in Domino sperat. Exultabit igitur cor meum in salute mihi prestita, tot exanclatis rerum difficultatibus, modo in spe; tunc uero exultabo in Deo. **I**ESV meo, cum uidebo eum sicuti est, cognoscamq; eum, sicut cognitus sum. Interim enim cantabo, agamq; gratias tam benigno Dño, ubi ultus fuerit iniuriā, ut canit paraphrastes, qua affecerunt me hostes mei. Cur tali Dño, & patrono, meas omnes ingenij uires, mea studia, meas lucubrationes, meas uigilias, non dedico: Ille, ille est, qui per accessum eius filij ad nos, bona omnia cōtulit: nam ipse est omne bonum. Vnde ad Moſen loquitur Deus: Ostendam, inquit, tibi omne bonū. Ille, ait Paul, qui unigenitū suū nobis dedit, quomodo nō omnia bona cum ipso dedit? Illud postremo notandum: Psallam nomini Dñi altissimi, in Hebræo non inueniri, sed à pio aliquo interprete à psalmo septimo mutuatum, huicq; additum.

*Vincenti David, seu danti æternitatem.*

PSALMVS XIII.



**I**xit insipiens in corde suo, non est Deus.

Psalmum hunc dicatum uincenti, aut danti æternitatem, Christo scilicet bonorum æternorū omnium erogatori, in eos compositum esse, qui dum rerum potiuntur, Christi pauperes absque commiseratione aliqua, crudelissime, ac pro libidine diripiunt, & ut scribit uates, comedunt, affirmant doctiores. De huiusmodi quidem potentium immanitate conqueritur apud Michæam Dominus dicens: Comederunt carnem populi mei, & pellem eorum desuper excoriauerunt, & ossa eorum confregerunt, & conciderunt sicut in lebete, & quasi carnem in medio ollæ. Hoc igitur modo in terris male habitus uir sanctus, miratur, ac apud Deum, quid sibi uelit tam sæua superiorū atrocitas, exponit: & ait, Dixit insipiens in corde suo, non est Deus. Cum omnibus, secundum Damascenum, natura ingenerita sit cognitio, Deum esse: neque tam nota sint prima principia, quàm hoc: tamen cum quis adeo scelestus est, ut sibi uitam totam in perpetuis uitiorum sordibus traducendam esse arbitretur, atq; ob id Deum contemnat, & excretur, dicit proculdubio in corde suo, non est Deus. Licet enim ore id non dicat, sic tamē uiuit, ut prorsus Deum esse neget. Ait de his Paulus: Dicunt se nosse Deum, factis autem negant. Præterea illi, quibus iam Deum esse innotuit, acerrimum eum exactorē uirtutis esse, atq; omnium iudicē, ignorare nō possunt. Quare neq; prauis cupiditatibus facile obtemperabunt, neque impietate ulla assiciuntur, præsertim si eò sint cognitionis euecti, ut quemadmodum eum esse, ita & optimum esse non ignorauerint. Ex qua quidem professione id nasci solet, quod sicut Deum & esse, & optimū esse cognoscunt, ita eum summo studio, curaq; omni, & diligentia, & colunt, & amāt. Nam ex huiusmodi cognitione is amor oritur, qui ex se studium, ac eum ipsum, quem supra omnia diligit, imitandi ardorē parit. Reprobi uero, etsi quantū satis sit notionis diuinæ à benignissimo omnium Dño habeant, ut inexcusabiles sint, ut ait Paulus: eò tamē sæpe iniquitatis adducuntur, ut Deum non esse, qui sua uideat scelera, sibi persuadere conentur: atq; in re alia, q̃ in Deo, sibi confidendum esse existiment, quæ sit illis Deus. Siquidem cum in solo Deo confidendum sit, id necessariò Deus tuus erit, in quo confidis. Quod si in alio, q̃ in Deo uero confidis, iam Deum negasti, iam dixisti in corde tuo, non est Deus. Proinde qui confidit in Deo, is, Deus illi erit. Qui in opibus, qui in operibus, qui in homine, iam & opes, & opera, & homo, Deus illi erunt. Vide, oro, quàm facile, uel non aduertentes, ita efficimur insipientes, ut dicamus, non est Deus. Itaq; ut iam finiam, is qui non sapit quæ Dei sunt, quiq; ignorat Christum esse Dei sapientiam, insipiens factus, dicit uita, & moribus, licet forsan secus fateatur lingua, non est



A non est Deus. Eam ob rem mala arbor, ac radix infecta, bonos cum nō ualeat afferre fructus, à uate infertur,

Corrupti sunt, & abominabiles facti sunt in studijs suis.

Corruptum & integrum in rebus solummodo corporeis cum opponantur, in his quæ uacant corpore, transumptiue dicuntur. Nam animi integritatem dicimus, perfectam ad Deum conuersionem: quemadmodum ab ipso auersione, corruptionem appellare soliti sumus. Corrupti sunt, ait, ueluti carnes putridæ, in studijs suis: hoc est, in cordis radice mala, ac peruersa. A corde enim mala omnia orunt habent. Nam cum Deum esse negent, in quo omnis inest puritas; et mente & corpore inquinati euadāt necesse est: atq; ob id per omnia reprobi, in studijs, in curis, in cōsilijs, in amoribus, in actionibus quoq; suis prorsus obbrutescunt. Primū enim gradū sceleratæ uitæ, aiunt sancti Dei uiri, esse, in animo statuere Deum nō esse: proximū uero, uitæ actiones deprauare: hoc est, nihil rectū, nihil sanctum, nihil cum ordine, aut uelle, aut agere. Ex qua quidem re, tum Deo in primis, tum bonis omnibus, sicut sanis putrida cadauera, sunt abominationi. Nec sanè mirum: nam recto iudicio præditis, nihil habetur uirtute suauius: uirijs uero nihil magis detestabile, & iniucundum. Quare Solomon, uir prauus, inquit, abominatio est iustis. Porro cum diuus Paulus, Christum illis, quibus eo nihil amœnius, atq; odoratijs afferri poterat, prædicaret, aiebat: Odor sumus alijs uitæ ad uitam, alijs autē mortis ad mortem. Hincq; asserebat Solomon, sceleratum uirum abominatione esse illi, qui rectā graditur.

Non est qui faciat bonum.

Est perinde ac si dicat: Non est cadauer, quod non nauseam cieat. Et quemadmodum inter illa quæ naturā ipsam hominis prosternunt, ac deijciunt, fœtor ponitur: ita nīl tantum pī hominis animum angit, & planè affligit, quantū mala sceleratorum uita, & mores. Animus enim suum habet odoratum, licet incognitum, illis maximè, qui nullum aliud odoramentum, aut suffitum esse existimant, præter illum, quem rosacea aqua permixtum cīrthacum, aut ladanum excitat: aut quem etiam tantilli foricis umbilicus ē molliculis emortui animātis pellibus euaporans, ad delicatas nostrarum matronarū nares emittit. Scilicet puella sponso haudquaquam est placitura, nisi prius sit undiquaq; libidinosis illis suffumigationib; perlustrata. O nostrorum ciuium mores, ô impensas in alenda Christi inedia impensius erogandas, quàm in enutriendo in rebus pub. luxu & libidine.

Dominus de cœlo prospexit super filios hominum, ut uideat si est intelligens aut requirens Deum.

Quasi attonitum ac stupidum, uates Deum facit, atq; admirantem, omnes adeo à recta deflexisse, neminemq; qui bonis actionibus daret operā, inueniri. De cœlo, ait, respexit. Humano enim more hæc à uate, & his similia, dici sæpe legimus. Nam cum ubiq; uerè sit Deus, ac per omnia diffusus, in cœlo tamen eum esse, atq; habitare, omnib; ubiq; est iam persuasum. Vnde Eutymius: Quasi ex alto cœnaculo procumbere, & spectare Deum facit propheta, cum tamen & ubiq; sit, & omnia exactissimè pernoscat. Simile fermè & illud est in Genesis lib. Cumq; uidisset Deus terram esse corruptam, dixit ad Noe. Item illud de Sodomitis: Descendam, & uidebo, an iuxta clamorem, qui ad me peruenit, omnia commiserint. Illud rursum: Descēdit ut uideret ciuitatem, & turrīm. Anthropopathia est, nostro prophetæ admodum familiaris. Contemplatur igitur Deus sublimi tanquā ē specula, an inter Adæ filios sit intelligens, & inquirens Deum. hoc est, si est qui intelligat, sciat quæ bona & recta sunt. quæq; ad bene, beateq; uiuendum conducunt. Cæterum, illum absq; errore Deum inquirere dicimus, qui eum in spiritu & ueritate, uti spiritalem naturam decet, & colit, & ueneratur: atq; interim fucatis abiectis operationibus, aut ritibus, illum, ut patrem, non minus timet, quàm diligit, ab eoq;



**C** bona omnia, quæ tum ad corpus, tum ad animum maximè spectant, plena cum fiducia rogat. Inquiritur rursum Deus, ac utcunq; intelligi potest, uita optimè instituta, orationumq; studio, & feruido, & pertinaci. Paraphrastes enim sic legit: Dominus è cœlo contemplatus est posteros Adæ, ut uideat num sit in tanto hominũ numero cordatus quisquam, qui Deo studeat esse charus.

Omnes declinauerunt, simul inutiles facti sunt: non est qui faciat bonum, non est usque ad unum.

Nostri temporis homines hæc omnia ad priscos referunt, utpote qui ante summi patris, per eius amantissimum filium, conciliatam gratiam, in iustitiæ operationibus enerui erant, ac prorsus hebetes: secus uero impræsentiæ, simulatq; secum, ipse ueniens, & robur, & uim bene operandi nobis attulit. Illi ut lubet: nos audacter dicimus, ne unum quidem esse modò, cuius sanctitas non omnino sordida sit, atque impura, nĩ recens semper gratia illum excitet, moueat, purget, attrahat. Omnes, ait, declinauerunt. A quo obsecro: à Deo, à bono, à uita. In quod uero? in se, in sua studia, in omne malum, in mortem. Sequuntur enim iam omnes (non falsus sum) omnes, inquam, sequuntur, non quæ uerè bona sunt, sed quæ illis bona uidentur: non quæ Iesu Christi, non quæ proximi, sed quæ ad se, suumq; commodum augendum attinent. Hos quidem deplorat Esaias hoc modo: Omnes, ait, quasi oues errauimus, unusquisque declinauit in uiam suam, relicta scilicet uia Dei. Ne, quaeso, nostras ambagibus palliemus imperfectiones. Res enim hæc accuratius, quàm à nobis fit, est perpendenda. Stupiditas quidem periculosissima ea est animi, cum quis se sibi bonum esse persuadere nititur, cum tamè sexcentis, ne amplius sex, aut septem dicam, se obnoxium esse maculis, uel uno die, cernat. Neq; enim illa solummodo letalia esse peccata existimo, quæ uel à sicarijs publicis, uel à fœneratoribus, aut adulteris, & maleficis, perpetrari nouimus: sed illa etiam, quæ intus interdum, ut in Comœdijs accidit, transiguntur in desiderijs, in uotis, in appetentijs, in anxietatibus tandem illis animi irrequietis, quibus non aliter ambitionis, odi, atque avaritiæ stimulis exagitamur, quàm solet canis, aut equus, ardente Sirio, ab æstris compungi. Sed ad propositum reuertamur. Declinare in hoc loco idem est, quòd Dei legem reiicere, ac bene operandi studium relaxare. Nam qui iuxta Dei præscriptum studet uiuere, is fidus ceu seruus Dominum comitatur, nec aliò declinat, qui uero illud contemnit, & eum qui iussit, contemnit, ab illoq; se subtrahit, atq; aliò deflectit. Inutiles ait, hoc est, ut hebraeus reddit interpret, adeò computruerunt, ut Deo & hominibus nauseam ciere possint. Quĩ non eos inutiles appellabimus, cum sint membra putida, & planè emortua? Quis uero unquam ad usum aliquem, membrum adhibuit huiuscemodifæfectum, quod nisi à reliquo corpore resecetur, periculum est ne totum corrumpat? Ita impij, ita scelesti illi, qui ob uitæ impuritatem, & Deo & hominibus inuisi sunt, cum charitatem, quæ uita est animæ, non habeant, nihil uiuum, nihilq; uegetum agere queunt, quia mortui sunt: & Deus ipse, non est Deus mortuorum, ut sacrum testatur euangelium: Non est qui faciat bene. Horrendum profectò uerbum, & iudiciũ. Quod sanè, ut maius habeat pondus, facit uates, ut à Deo, postquam de cœlo prospexit, omniaq; exactissimè explorauit, proferatur. Quo quidem uerborum tropo, uoluit exprimi, sceleratos illos palàm fuisse perditos, uulgòq; deploratos: ut nonnullos nostra quoq; ætate esse cernimus, & maximo cum incommodo uniuersi penè orbis experimur. Porro illud non absque energia est additum, ne unus quidem.

Sepulchrum patens est guttur eorum: linguis suis dolose agebant: uenenum aspidum sub labijs eorum. Quorum os maledictione, & amaritudine plenum est: ueloces pedes eorum ad effundendum sanguinem.

Contritio.



**A** Contritio, & infelicitas in uis eorū, & uiam pacis non cognouerunt, non est timor Dei ante oculos eorum.

Hi tres uersus neque in græcis, neque in hebræis exemplaribus habentur. Sed quorundam est opinio, in septuaginta interpretum traductione hos olim habitos: quod sanè, ex eo quòd ab apostolo, qui illorum cōsueuerat uti translatione, in epistola ad Romanos sunt positi, cōiectari potest. Alij uero, quibus & ego assentior, putant apostolum, ex diuersis locis, quod de cordis humani impietate hic scribitur, congesisse. Vtunque sit, illis omisissis quæ in psalmo quinto sunt dicta, cætera prosequemur. **V E N E N V M** aspidum sub labijs eorum.) Aiunt rerum naturalium indagatores, aspidem anguem in Africa gigni, cuius quidem ictui nullum extet remedium. De hac enim letali serpente legimus, quòd obuia quæq; uiuentia præsentaneo suo ueneno perimit: & uocatur ab autoribus aspis somniculosa, quòd somnum letiferum percussis immittat. Cui uero ali j uitio aptius quàm rancori, ac oblocutioni comparari queat, non uideo. Nam rancor in uase, sicut id totum inficit, & putere facit: ita in animo aliquo miserrimo positus, cor ipsum totum, in quo sedes est animæ, corrumpens, ad os tandem peruenit: ubi linguam aggressus, eam contaminat: unde necessario uomitus quidam ater obtrectionis erumpit, à quo quidem illi, qui audiunt, facile inficiuntur. Sub labijs, ait: hoc est, sub lingua, sub uerbis, Hebraismus est, & est sensus: Quicquid loquuntur uenenum est mortiferum. **Q V O R V M** os maledictione & amaritudine plenum est, ueloces pedes eorum ad effundendum sanguinem.) Omnia, inquit, eorum uerba blasphemiae sunt, irrisiones, maledicta. Hi enim sunt, qui in iniurijs acceptis par pari referunt, uel interdum non lacescunt.

**A M A R I T V D I N E .)** Ex illa enim maledicentia, facile mentis indignatio, & rancor, qui hic amaritudo nuncupatur, deprehendi potest. Est adagium satis uulgo tritum, quòd qui amarum gerit in corde, dulce expuere nequit. Omnis amaritudo, clamabat Paulus, atque ira, tollatur de medio uestri. Signum enim animi huiusce generis morbo affecti, sunt torui illi aspectus, pallor, macies, silentium, cum illo maxime, quem odio insequeris: cum cæteris uerò, obtrectatio, ac perpetua, etiam in sacris occupatus, maledicentia. **V E L O C E S** pedes eorum ad effundendum sanguinem.) Mirum profectò esset, nisi post amaritudinem, indignationemq; animi, mors sequeretur, uel ea quidem qua frater odio occiditur, uel qua ferro. Vtrunque enim perficit cor malevolentiae ueneno infectum. Vides odij summam? Vides quò te trahat animi indignatio? Cernis ad quem finem te ducat infecti cordis amaritudo, ut illum, quem filius Dei proprio cruore, & morte uiuificauit, tu odio, atque indignatione interimis?

**C O N T R I T I O** & infelicitas in uis eorum: uiam pacis non cognouerunt.) Contritionem hanc in corpore, infelicitatem uerò in anima esse arbitror. An à felicitate solida & uera (hæc enim inferna felicitas miseria est) ceciderit, unde infelix dicitur ille, qui à recto exorbitans, ac, ut inquit uates, declinans, simul cum eiusdem propositi hominibus inutilis factus sit, non est qui dubitet: cum omnes pro confesso habeant, illum infelicem, ac plane extinctum esse, & deploratum, qui dicit in corde suo, non est Deus. Ex qua quidem animi infelicitate, qui est æternus quidam in conscientia terror, & horror, aliud emanat ulcus extra in membris, quam contritionē hic appellamus, nec prorsus ipsis ethnicis autoribus ignotam. Nam cum Catilinæ sæuitiam, atque in rempub. Romanam indignationem uellet exprimere Sallustius, sic de illo scribit: Color exanguis, fœdi oculi, citus modo, modo tardus incessus, prorsus in facie, uultuq; uecordia inerat. At qui quotidie in oculis sunt exempla, q̃ liuidi sint, q̃ fœdi, q̃ uecordes, q̃ uix aspectu tolerabiles sanguinarij homines, & hi, qui nihil tantum in uita amant, q̃ ut cæteros homines & odio, & ferro infectent, Hinc rursus hypocritæ, hinc alieni, seu honoris,



- C** seu æris appetentes; hinc inuidi, hinc illi qui non suas depereunt mulieres, miserere effigiantur: ut sanè asseuerare non dubitem, contritionem continuam in improborum corporib. inesse, & quam quidem ab interna illa infelicitate, corrosione scilicet conscientiae, deriuare dicimus. Verùm unde hoc tam tetrum emanat uir? ob quam causam, oro? Quia uiam pacis non cognouerunt. Fidem hic, uiam pacis esse arbitror: qua quidem iustificati, ut ait Paulus, pacē habemus ad Deum. Quæ sanè est, cum secura redditur conscientia, ac credit, Deo, omnia quæ agimus grata esse. Alioqui cum dubiæ sunt nostræ in re salutis actiones, dubia & ipsa redditur salus: quæ tamen nisi in certissima persuasionē, ac fide, quod eam assequutus sit, uiuenti datur nulli. Non enim ulla alia iniuria tam cum molestia affici potest Deus à suis, quam cum ancipiti animo rogatur: ac dubiè, quod ipse certissimè daturus est, petitur. Hæc igitur ea est cognitio pacis, quam uates asserit à reprobis ignorari. Vbi enim mens fluctuat, corq; curis ac studiis exagitur dubijs, pax ibi esse non potest. **N O N** est timor Dei ante oculos eorum.) Hæc tandem totius nostræ peruersitatis summa est, absentia scilicet diuini timoris. Qui quidem cum sit sapientiae exordium, inò ipsa sapientiae perfectio, non potest non maximopere sui cultores extollere, hoc est, ex hominibus heroas facere, cum eos à peccati contagione immunes reddit. Si quidem timor Domini, ut ait Solomon, expellit peccatum: quo quidem ab anima semoto, ac per spiritus gratiam, non solum eo, sed & ipsius fomite restincto, pax cordis, arrha scilicet salutis, peccati sedem occupat, sitq; unum cum Deo anima per amorem in campo sedata conscientiae. Ita è contrario, simulac Domini timor esse inter complures desijt, cernimus, nostròque maximo dolore experimur, illud quod in Osæ legimus: Non est ueritas, ait, nō est misericordia, non est scientia Dei in terra. Maledictum, homicidium, mendacium, furtum & adulterium inundauerunt, & sanguis sanè
- D** guinē terigit. Poterat ne elegantiori penicillo nostri æui conditio depingi? Quæ, oro, mala à corde illo abesse possunt, à quo abest ueritas, misericordia, pietas? His enim seclusis, illa actutum subeunt.

Nōne cognoscent omnes qui operantur iniquitatem: qui deuorant plebem meam sicut escam panis?

Perstat propheta in instituto; atque hic tangit illos, qui facile sibi subditos perinde exagitare solent, ac obtere, uti solet panis obteri dentibus, & deuorari. Quare sic reddit paraphrastes: Mirum profectò eos, quibus mandata est cura plebis, posse eò amentiae peruenire, ut licere credant opprimere miseros, & deuorare populum meum, non maiori commiseratione, quam deuorari solet frustum panis. Non me cognoscent: quasi dicat, Re ipsa certè uidentur de Deo nihil unquam legisse, aut proprii muneris, & officij, parum memores esse. Dura profectò increpatio: sed quæ nostris à magistratibus, rerumque publicarum primoribus, exactè perpendatur. Nōne cognoscent aliquando quàm malè egerint? Cognoscent sanè, ac per poenas experientur, quod nunc scire dissimulant. Et ut maximè impræsentiarum cordis improbitatem tam altè ex longo habitu absconditam uidere non possint, ex uerissimo tamen conscientiae testimonio sentiant tandem quid ignorauerint, quod maximè sciri oportuit: tunc dico, quando, ut minatur Solomon, turbabuntur timore horribili, & præ angustia spiritus gementes dicent: Ergo ne errauimus à uia ueritatis? & iustitiae lumen non luxit nobis? solque intelligentiae non est ortus nobis? Lassati sumus in uia iniquitatis, & perditionis, & ambulauimus uias difficiles: uiam autem Domini ignorauimus. Quid nostra nobis profuit superbia? quid fastus? quid ambitio? Transierunt omnia illa tanquā fumi umbra. Vide, obsecro, ad quantam interdum cognitionem perueniant acti plagis, qui in croceis uiuentes, uix, an Deus esset, suspicabantur. Vt cibum panis,) Hyperbole est, qua bonos ab improbis superioribus,



**A** rectoribus uel multitudinis prorsus atteri significatur. Littera quæ hic est Hebræis, ab hoc paululum sensu deuiat. Felix sic: Populum meum comederunt panem: uel, ut alius habet, uorant plebem meam in cibo panis. Idcirco huius litteræ sensum hunc esse arbitror, quod uorant Dei plebem tum etiam quando comedunt panem. Adeo enim infelices sunt, ut ne uictus quidem eorum quotidianus sit absque macula, & infamia: ut id quoque quod edunt, & bibunt, & uiuunt randem, sit peccatum, dum ex usuris, & rapinis, & furtis, delicias, nedum uictum quidem necessarium, sibi comparant.

**Dominum non inuocauerunt.**

Sed Belial, aut Mammonam, ut auaritia: aut Belzebub etiam, ut impudici, & scortatores. At quomodo illum inuocabunt, in quem non credunt? Quæ potest illorum esse inuocatio, qui dicunt, totoque uitæ circulo testantur, quod non est Deus? Præterea iucundum ualde est considerare uatis prudentiam in explicanda scelera-  
**B** rorum hominum uita. Ut enim quàm deplorati essent quorundam mores, spe omni sublata respicientiæ, enarraret, primum illis Dei negationem tribuit. Non est, inquit insipiens in corde suo, Deus. Deinde clarius recensere cupiens quàm flagitiose inter cæteros conuersarentur, ait eos, & Deo, & hominibus, uti putentia caduera nausæ esse, ac foetere: neque inter illos quenquam esse, qui bene ageret, sed Dei populum, ac plebem, crudelissimè deglubere, & deuorare. Postremo uero tantæ prauitatis radicem detegens, ait non esse ante illorum oculos diuinum timorem, ipsosque Deum non inuocare, hoc est, nullam prorsus de Deo curam habere, nihil ab ipso expectare, nihil uel petere. Cum enim Deum esse, ut ait Anselmus, per se notum sit, ex hac fit cognitione, quod homo identidem ipsum cognitum nominare libenter aueat, atque eius uirtutem prædicare, extollere, dilatare, illamque in angustiis, & ærumnis, quas uita humana quotidie experitur, inuocare non reformidet. Vates igitur cum negat illos, in quos hæc scripsit, Deum inuocare, planè dicit, eos omnis religionis uacuos esse, atque à diuino timore penitus alienos. Cæterum in scripturis inuocare Dominum, aut Dei nomen, perinde illud esse quod Deum colere, norunt hi, qui sacræ legis studio libenter nauant operam. In Genesis libro scribitur, quod Enos coepit inuocare nomen Domini: quod est, ipsum coepisse Dei cultum, iam tum in primis illis rerum exordiis parum cognitum. Item illud de Abraam, quo legimus sanctissimum senem aras extruxisse, ac inuocasse nomen Domini, nihil aliud uult, quàm Abraam colendi Deum loca instituisse, ibique primum eum ipsum coluisse, ac cæteros ad id agendum prouocasse. Vnde Chaldeus hunc uersum sic reddit: Nomen Dei non prædicauerunt.

**Ibi trepidauerunt timore ubi non erat timor.**

Licet enim, ubi non erat timor, in codicibus Hebræis non inueniatur, sed solum ibi, formidabunt formidine: cui statim adijcitur, Dominus in generatione iusta est: tamēn ut nostro etiā faueamus interpreti, ut par est, dicendum erit, quod si ad præsentem uitam huiusmodi superuacuum referamus timorem, non erit præter uatis mentem. Nonne uidemus, etiam inter illos qui aliqua religiosa uel dignitate uel professione in Dei ecclesia præditi sunt, quæ per fracte bonorum, honorum uel temporalium timeant, ac lugeant amissionem? Deum uero, qui solus timendus est, neque timeant, neque uereantur: quid cum moriendum est? quantos eiulatus? quanta lamenta? quos gemitus audire licet? Non sic enim pauet lepus, aut capreolus ad canum latratum, uti hi ad minimam quancumque mortis memoriā. O si non moriendum esset, aiunt. Quid, oro, tali metu in Christiano uiro turpius? quid magis superuacaneum? Timendum ne erit hinc demigrare, ubi uir iustus non absque dolore maximo animi, & cruciatu, manere potest? Sed quid hi timent, forsitan aliquis dicat? nonne Deum? nihil minus inquam. Timent enim sese. Timent transactam uitam. Timent conscientiarum testimoniū. Timent æternas pœnas, quas etiā uiuentes quodam modo miserabili-



**C** praesentiscunt. Timent igitur, ubi timor esse non debet; illum uero qui potestatem habet mittere in gehennam ignis, neque metuunt neque colunt. Rursus enim ad futuram uitam quae dicta sunt conuertamus. Illic dictio sic posita uidetur, ut innuat prophetam tormentorum locum prauidisse animo, ubi damnati infelicissima in quietudine trepidant, ubi non est trepidatio, similis uidelicet, tam saeva, tam formidabilis, tam atrox. Huic non dissimile illud est quod in Esaia legimus: Ecce terra Chaldaeorum, talis populus non fuit; id est, huic similis, & est sensus: Vos Deum, quem solum timere oportuit, non timetis, quin potius eum contemnitis, plebemque illius pro libidine deuoratis, atque omnia denique effreni petulantia peruertitis. At ego iam prauido quod uestra uos impellet malitia, ad loca scilicet illa inferorum terra, horrida, ac omnis generis tormentorum plenissima; in quibus quidem adeo perterrefaciemini, adeoque pauebitis, ut similis nunc paupor fuerit.

Quoniam Dominus in generatione iusta est.

Causam reddit propheta, quam ob rem tot mala in commemoratis peruersae uitae hominibus futura sint. Quoniam, inquit, herilem domum offenderunt, quae gens utique est, iustitiae studens, & timorata. Nam quia licuius habitationem dirueremolitur, quomodo non ipsum habitationis dominum offendet? Ad haec, qui probis uiris molestias ingerere conantur, non dubium quin ipsum Deum, qui in sanctis libenter conuersatur animis, laceessant. Lacesitus uero, ac quodammodo ob assiduas eorum iniurias impulsus, ultionem tandem de illis sumere deliberabit; generatio autem iustorum benedicetur.

Consilium inopis confudistis, quoniam Dominus spes eius est.

**D** Consilium uiri iusti, quem hic uates inopem, hoc est, rebus omnibus huius mundi denudatum appellat, est, Dei praesidium, ac uoluntatem hominis praesidio & uoluntati preferre: Deum super omnia, calcato prorsus huius seculi amore, diligere; lenocinia carnis ab sese, tanquam importunissimas harpyias abigere; mundum hunc affectu deferere, Deum solum timere, ac se tandem ad omnem conditarum rerum iniuriam, pro Dei honore libenter exponere. Hoc tamen consilium, hoc uotum, hoc institutum magis diuinum, quam humanum, confundunt facile improbi, rideantque, ac profusissimo cachinno subfannant, & quod magis dolendum est, nullam aliam ob causam tam salubre propositum damnare praeseferunt, quam quia Dominus spes eius est: hoc est, quia in solo Deo, non in huius mundi dynastis, pusillitate ue confidit. Est enim apostrophe. O impijssimi uiri, uos sanctum inopis consilium illud, quo fiduciam suam omnem in Domino posuit, irridetis: Haud mirum quidem. Nam uos dicitis, non est Deus. Non est Dei timor ante oculos uestros. Deum inuocare contemnitis. Et non probauerunt, ait Paulus, Deum habere in notitiam.

Quis dabit ex Sion salutare Israel: cum auerterit Dominus captiuitatem plebis suae, exultabit Iacob, & laetabitur Israel.

Mos est scripturae aliquid desiderantis, ut dicat, quis det: aut quis dabit: pro uirum nam det. Vnde illud est in Numeris testimonium: Quis tribuat, inquit, ut omnis populus propheteret: hoc est, utinam omnis populus propheteret. Et illud: Quis dabit capiti meo aquas: id est, utinam dentur capiti meo aquae. Ita in hoc loco, Vtinam, inquit, salus ueniat ex Sion. Quare sic reddit paraphraestes: Vtinam praestet Dominus ut ex Sion prodeat salus Israeli promissa. Videtur hic uates, postquam iustorum calamitates longo ueluti periodo deplorauit, filij Dei ad mortales accessum prauidisse, quo solo opitulante, a tot aerumnis liberati, una cum ipso liberatore Deo opt. max. dii efficerentur. Optauit igitur uir sanctus, ut quod certo uenturum esse non ignorabat, acceleraret. O utinam, inquit, salus illa iam tum ab exordio rerum conditarum promissa, adueniat. Erumpat iam tandem ex Sion, ut est pollicitus, seruator. Exeat, egerminet demum flos ille e radice Iesse. Quid ultra praestolandum, simulac totus corruptus est orbis? Iam non est qui faciat bonum, ne unus quidem.

Responso.



**A**RESPONSIO. Tunc, o uates, salus adueniet, cum auerterit Dominus captiuitatem plebis suae. Haec gentes utique sunt, quae iam olim non plebs eius, ut est uaticinium, nunc plebs eius. Immo omnes sunt, quamuis ab his nostris cultioribus plagis remotissimi. Iam non est Iudaeus, aut Graecus: sed omnes unum sumus in Christo IESU, qui fecit utraque unum. Omnes enim, ait Esaias, errabamus sine pastore. Ecce captiuitas humani generis: quae quidem prorsus, per aduentum filii Dei, a nobis auersa est, ac discissa. Quando enim unquam alius exultare potuit Iacob, supplantator scilicet uitiorum: aut quando laetatus est Israel, hoc est, uidens Deum? nisi postquam caeli, iam a principio ob hominum scelera clausi, aperti sunt, ac uox patris audita est: Hic est filius meus dilectus, in quo mihi complacui, ipsum audite. O laetitiam inenarrabilem. Tunc egrediemini, ait Malachias, & salietis quasi uituli de armento. Vide exultantem animam, atque ob salutem praestitam, gestientem, cui animantia similes uates. Qui non igitur ouantes est turpissimis peccatorum claustris, ut nos inuitat sponsa, egrediamur, ut Solomonem regem intueamur cum diademate, quo coronauit eum mater sua in die desponsationis suae: A saltu ne poterimus abstinere a gaudio ne? simulatque ipsum uidimus salientem in montibus, transilientem uel colles, ac similem factum, ob agilitatem, capreae, hinnuloque ceruorum. Ergo perpetuo nobis est gaudendum, ac die noctuque exultandum, postquam salutis aeternae, uitaeque beatae, quicquid incidat, certi sumus: id quod purissima in Christum fides, hoc est, regni Sion municipatus efficit. Nos interim qui hic cum mundo conflictamus, scimus quod ex Deo sumus.

## PSALMVS DAVID XV.

**D**OMINE quis habitabit in tabernaculo tuo? aut quis requiescet in monte sancto tuo?



Non admodum explicatu facilis a uate proponitur quaestio. Ardua enim res est, atque adeo ad intelligendum difficilis, quis, ex Dei dono, dignus sit, qui in eius ecclesia inter electos censeatur, ubi adhuc acerrime pugnatur, ac in tentorijs militaribus, tabernaculisque Cedar, non absque periculo habitat. Sed illud difficilius: quis dignus tandem reputabitur, qui triumphato mundo, uictor requiescere debeat in monte sancto Dei, hoc est, in aeterna beatitudine, quae omnis rationalis creaturae finis est, ac laborum requies. Vnde ait Eutymius: Requiescere is dicitur, qui ex longo itinere, & labore fessus, requiem capit. Per montem sanctum, ait, supercoelestem locum intelligere debemus. **RESPONSIO.** Qui ingreditur sine macula, & operatur iustitiam. Omnes Hebraeorum codices habent, ambulans, siue gradiens sine macula, & faciens iustitiam. Nulli enim dubium esse debet, totum hunc cursum uite, uiam esse quandam, per quam mortales omnes deambulare oportet: & in qua, ueluti in arena, ac theatro, unusquisque sese qualis in alio futurus sit, seculo manifestat. Verum quoniam non omnibus spectatoribus, facilis est, cuius uirtutis unusquisque sit, cognitio: idcirco id uates a spiritu edoctus, ne hereamus, aperit: ac toto quantum potest conatu, est sublimi tanquam specula clamat: O mortales, o uos quotquot in felicissimo illo uenturo redemptionis humanae aetate nascituri estis, quid haesitatis? quid uestros priuatos cultus iactaturi estis? quid ritus? quid uariarum religiosarum fidei uiuendi modum, alter alteri praeponetis? Vnum hoc uobis expetendum erit, in hoc solum incumbendum, qualiter cum innocentia ambuletis, colatisque iustitiam. Cetera enim, ultra haec, ornamenta potius, & decorum pietatis, appelletis, quam ipsam pietatem, oportet. Equidem nihil aliud esse iudico ingredi sine macula, quam innocentem, simpliciterque in domo fidei, quae est ecclesia, uiuere: ut de Iacob legimus, qui uir simplex erat, habitans in tentorijs, umbra scilicet futuri Christiani, qui omnis sa carnis prudentia sibi ipsi tantummodo prospiciendi, simplici quadam ratione uitae, abs Deo pendere debet. Atqui hi certe sunt, qui, ut scriptum est, & ingrediuntur.



**C** & egrediuntur, & pascua inueniunt. Ingrediuntur enim, per diuinos excessus in Deum. Egrediuntur uero ad res curandas proximorum bona fide. Nam à suis ante omnia Deus requirit, ut omnis ab eorum pectoribus absit fucus, & dolus. In ueroque tamen inueniunt coelestem, qua se nutriant, pastionem. Ecquid aliud uoluit apostolus, quando dixit, siue excedimus, Deo: siue sobrii sumus, uobis? Ceterum in hoc uersu, interiorem uidere uideor iustificationem illam, quæ à fide est: simul & exterioris officij munus, siue fructum fidei, qui in actionibus à charitate profectis consistit: per quas tum Dei, tum proximi dilectio cognosci potest. Et hæc quidē ingressio illa est, atque deambulatio, absque macula, de qua & hic, & aliis mentionem facit propheta, cum ait: Beati immaculati in uia, qui ambulant in lege Domini. Porro eum ipsum operari iustitiam arbitror, qui iustis totus deditus est operationibus, illis, quibus nimirum Deo gloria, proximisq; utilitas, ac beneficiū prouenire solet. Nam actiones eas omnes, ociosas, ac frigidas omnino esse opinor, quibus horum utrunq; non conueniat. Nostra itaq; studia, nostras literas, nostra ocia, sint quantum uis sancta, & diuina, nulla esse existimo, nisi pro fine & studij & oculi Dei gloriam statuamus.

Qui loquitur ueritatē in corde suo, qui non egit dolum in lingua sua. Felix sic: Qui non detraxit lingua sua. Atqui ueritatem eum loqui in corde suo asserunt, qui ab ipso fucus omni, & simulatione, sed ex animo, atque ingenuè, ut Christianum decet, cum proximis ambulat, promissisq; nunquam deest. Quod quidem fidei genus à Cicerone definitur esse, dictorum, cōuentorumq; constantia. Hinc certe hypocrisis, ac fraudulenti pudor inijcitur, qui uenenum aspidum, ueritatis loco, sub lingua obtegere consuecunt. Qui non detraxit, seu ut alia habet litera, qui non detulit lingua sua. Legimus enim in Regnorū libris, Miphiboseth Saulis filium descendisse in occursum regis, illotis pedibus, & intonsa barba, dicens: Seruus meus accusauit me seruum tuum ad te Dominū meum. Vide ad quas animi angustias deuenit miser ille, propter unius delatoris linguā, ut tantis miseris indicijs sese ante conspectum regis sisteret. Nescio sanè qua sorte id accidat. ut in ipsis quoq; bonorum cœtibus adeo surrepat interdum de aliorum uitis deferendifacilitas, quod quasi à natura ingenitum uideatur omnibus, ut alter alterius uiram mordeat. Quodnam colloquium? qui conuentus habentur, in quo alienorū peccatorū denarratio non audiatur? Tantum ne obrectationis amans est lingua: Procul, clamat Solomon, sint à te labia detrahentiū, ac quasi à facie colubri fuge à detractore. Delatores igitur, hypocritæ, obrectatores, dolosi, & in primis simulatores, è numero illorum sunt, qui non requiescent in monte sancto Dei, unā cum felicissimo illo cœtu, qui operatur iustitiā, qui loquitur ueritatem in corde suo, qui non egit dolum in lingua sua.

Nec fecit proximo suo malum.

Hoc est, nulla in re lesit, ne in appetentijs quidē, ac desiderijs. Etenim sic ut eius generis freno moderari linguam fas est Christianum, ut nihil prorsus eloqui audeat, quo non gratia, atque utilitas audientibus afferatur, Dei uero gloria illustretur: ita ab eo nihil expeti quidem aut fieri debet, quod non sit alijs utile, Deiq; nomen sanctificetur. Mirum ni hic uideas, quā à iustorū congregatione longe expellendi sint fuiles gerrones illi, quibus una illa in primis cura est, ut uel in doctissimis grauissimorum hominū colloquijs, risum intempestiuū moueant, aut adeo fabulas ingerant, unamq; post aliam, tanquā annulos, connectant, cachinnosq; immisceant, ut sanissimis quoq; animis stomachum prouocare, ac uomitū, non minus sufficiant, quā si plenam nauteæ pateram uel pisisando haurirent. O hominum genus inuisum bonis, atque his quidem, quibus sanctissima illa Pauli admonitio semper est cordi. Omnia quaecunque facitis in uerbo, & in opere, in nomine Domini I E S U Christi facite,



**A** Nec opprobrium accepit aduersus proximos suos.

Hoc est, ab alijs non est passus proximum suum opprobrio haberi; sed illius famam, uti suam propriam, tutatus est. Nam ex præcipuis ueræ charitatis indicijs, illud potissimum est, fratris famam ab se defensam; nullumq; quod depellere possis, eius opprobrium ferre. Quocirca, ut sibi quisq; gratiam, & famam apud bonos (quis probus improbis placere studeat?) saluam optat; ita & alterius nomen, & gratia, bonis omnibus curæ esse debent. Est & alius sensus, qui illis placere solet, qui nostræ huius uulgaræ æditionis mentem libenter sectantur; ut accipere opprobrium aduersus proximos suos, nihil aliud uelint esse, quàm illos, neque propter peccata, neque propter morbum aliquem corporeum, irrisione aut cõtumeelia uelle afficere. Sed prima aliquanto melior, ut mea est opinio; ut sint gradus hoc modo. Primum, neminem lædendū esse uerbis: unde est dictum, Qui non egit dolum in lingua sua. Deinde nō lædendū facto: quam ob rem additur, Nec fecit proximo suo malum. Postremo defendendum etiam esse ab aliorum iniuriā: ideo statim adiecit, Et opprobrium non accepit; uel, ut alia est litera, Nō tulit super proximo suo. Quapropter adiunctum est,

Ad nihilum deductus est in conspectu eius malignus.

Hoc est, iniquum proximi calumniatorem, quamuis potentem, quamuis ferocem, quamuis diuitem, contempsit.

Timentes autem Dominus glorificat.

Id est, quantumuis despectus mundo, honorat, tuetur, cum illis conuersatur. Verū paululū diuersius legunt Hebræi hunc uersum: Despectus in oculis suis cõtemptus est; timentes Dñm honorabit, quod quidem sic reddit paraphrastes: Qui ipse contemptor sui, & de seipso nihil minus quàm magnifice sentiens, alienæ uirtutis est admirator: maximè autem facit eos, qui reuerenter colunt Deum, quasi diceret, sese posthabito, cæteros diuini honoris studiosos, quanto potest affectu cōplectitur, beneficijs subleuat, & demum totus in alienis est cōmodis. Aspicis ne quomodo passim per scripturas uox illa, de qua nōnulla suprā, charitatem scilicet à seipso incipere, abrogetur? Quī, uel uno filij Dei testimonio, nō fit illis satis, qui per triuia hanc uenditant; quem quidem scimus, nedum à Deo, nedum ab angelis, sed ab omnibus fermè rebus cōditis diminutum. Verū hoc paulisper, hoc est, quandiu fuit à Deo discerptus, ut ne speciem quidem hominis haberet. Atque id certè, ob amorē, quo semper affectus fuit erga alios, haud erga se. Alio: qui quis unquam illum ad tantas coegisset ærumnas; nōne sua se sponte in sacris legas illas Iudæorum manus crucifigendū tradidit? Sic nimirū agere solet perfecta charitas, quæ nihil minus quàm propria attendit commoda; uerū quæ aliorum, ac Iesu Christi, ut inquit Paulus,

Qui iurat proximo suo, & non decipit.

Felix: Iurauit affligere, & non mutabit. Vtraq; enim lectio spiritus sancti mentem sequitur. Iurauit, inquit Felix, affligere, scilicet seipsum, ac propriam uitam: perstabitq; in illo, quoad eius uixerit, proposito. Et est sensus: Hic uir iustus se, quantum potest, per abstinentias, ieiunia, uigilias, & id genus alia, perseueranter affligere decreuit. Tantum uerò abest, ut alios lædat, aut affligat, ut etiam illos officijs subleuet, ac sibi in percipiendis uitæ cōmodis præponat. Verū sensus is nostræ erit literæ, quò fidei constantia inter homines celebretur. Nam si cui, oblata occasione, iurare contingat, quod damnosum sibi postea, & molestum fore appareat, præstabit tamen: neque ullo suo, aut damno, aut periculo, ab eo quod iurauit, deflectet animum. Sic Ionatham cum Dauide, alioqui patri suo infenso, fecimus inisse legimus: quod etiam, quæ summa erat in iuvene illo constantia, sanctissime, maximo tamen cum periculo, seruauit. Sic olim Regulus ille (liceat etiā Dei dona in ethnicis agnoscere) Carthaginem rediit, ubi tamen grauissimum sibi pa-



**C**ratum supplicium diuinabat. Quantam uero fidei constantiam, ab ijs, qui per sanctum Dei nomen, quo nihil in terris uerendum magis habent, iurant, in re præsertim honesta, requiri censemus? Verum cum iuramentum penè in totum, per euangelium, sit à Christianis abscissum, quo iubetur, ut sermo noster sit, est est, non non: tamen propter Dei gloriam, atque utilitatem proximi, cum aliter fieri nequeat, permittitur iuramentum: hoc est, ut nemo ex sese, aut pro se, & sua sponte iuret, sed ubi proximi interuenit commodum, aut salus. Ita hoc modo re utimur prohibita in alterius bonum, quemadmodum iudex in iustitiæ defensionem, homicidio. Sic Paulum iurasse, ad confirmandum euangelium, legimus: haud secus. Nam iurare, ac tam uenerandum nomen Dei in testem assumere, in re nihili, ut passim fieri uideo, aut decipiendi animo, non est scelus hoc iuramento grauius. Quod si tamè duriusculum uidetur in hoc loco de iuramento à uate dici, non erit absurdum pollicitationes intelligi, quas in bono uiro uim iuramenti habere oportet. Alioqui in eodem ferme puncto horum, eadem polliceri, quæ statim neges, hominis turpissimum est, ac parum sui compositis.

### Qui pecuniam suam non dedit ad usuram.

Nede usuris modò loquamur, quibus uniuersus ferè orbis miserrimum in modum atteritur: satis sit admonuisse, haud fas esse, iniusto aliquo lucro, proximo aliquid auferre. Olim enim Deus à fratre usuras exigi prohibuit, à Iudæo scilicet Iudæum. Ab alienigena tamè, & à gentibus permisit, ut omnia suis cultoribus subiecta esse indicaret. Nobis uerò, qui omnes in Christo fratres sumus, neminem licet, seu Græcus ille sit, seu Arabs, seu etià ab ultimis oceani littoribus cõuena, ulla in re grauare. Quapropter usuram prorsus à Christiano uiro euulsam uult deus. Nec mihi iam nomina illa mētita, Interesse, cum pactis uendendi, & retouendendi, ceteraque his similia ab imo inferorū barathro euocata obijcias: crusta est hæc, atque aperta damnationis quidam ridiculus fucus. Mutuanda est ergo ex Dei præcepto. Quid mutuanda aio? nonne tua egeno impartiri iuberis? nonne donare? Sed postquam eos nostræ deuenere, ut libentius eas mutuò, quam dono demus: mutuanda est, inquam, tua pecunia, sed nihil inde interim sperandum, ne esculentum quidem minimū. Nam uerissimum hoc est dictum, quod qui pecuniā suā non dederit ad usuram, requiescet in monte sancto Dei: qui uero dederit, è Dei populo, ut sacra lex sanxit, exterminabitur.

### Et munera super innocentem non accepit.

Et hoc in lege prohibitum. Nam nihil est, quo tam, ut sic dicam, exoculetur iudex, sapiensque à iustitia delabatur, quam munerum frequentia. Hinc illi sunt lachrymarum pleni in Esaia questus. Principes, ait, tui infideles, socij furum, omnes diligunt munera, sequuntur retributiones, pupillo non iudicant, & causa uiduæ non ingreditur ad illos. Vidi, uidi ego aliquando, uel in sacris locis, quod fas, quod leges, quod iustitia non potuerunt, exculpserunt munus. Vidi, inquam, quod absque singultu dicere nequeo, ui munerum nocentissimos homines in sublimiorē aliquem gradum accersiri: innocuos uerò, quamuis elegantissimo præditos ingenio, aut e gradu deijci, aut præteriri. Ex quo quidem inuerso rerum ordine illud necessario oritur, quod uulgò iam omnium pessimos illos appellant, qui ab omnibus olim optimi, ob uitæ simplicitatem, uocabantur. Illud porro hic aduertendum, quod non solum iudices, aut primores rerum publicarum, iniquos, uult uates intelligi: sed eos quoque qui iniustas fouent, ac protrahunt lites, compendij sui causa. Quod quidem exitij genus, adeò per orbis urbes licentius peruagatur, ut penè nulla alia in re sua quis ominari possit ruinam, quam cum in palatio, quod aiunt, rationis agit lites. Hunc uerè miserum, hunc ærumnosum, hunc uiuentem, mortuum appellare possumus: non tam sanè ob legum uitium, quæ iustissimæ sunt, quam ob causas agentium cupiditatem, ac cum impietate iunctas cauillationes: quibus quidē iam & rostra omnia, & senatus (bonos semper excipio) & rotæ quoque ipsæ miserabiliter rotant, & insaniunt.

### Qui facit hæc, non mouebitur in æternum.

Qui



**A** Qui illa, quæ dixi, ait uates, seruauerit ex animo, fixus. inuictusq̃, quicquid incidat, permanebit. Vnde alia habet litera: His rebus qui studuerit, in æternum nō nutabit. Nam is tanq̃ ex omni parte beatus, nuncq̃ à soliditate ea, ac fide, quam in Deo habet, deturbabitur, nunc quidem per gratiam, in futurum uerò per gloriā. Siquidem is uir ille est euangelicus, qui domum suam supra petram ædificauit. Felix: Faciens hæc, non elabetur in æternum. Paraphrastes: Qui facit hæc, non peribit unquam. Christus uerò: Hoc fac, & uiues.

INSIGNIA DAVID, uel secundum Græcos, statua, seu  
columna Dauid. PSALMVS XVI.



Tatua, seu columna, in rerum gestarum memoriam uictori erigi solet, trophæo aliquo onusta. Sic Christo psalmus iste pro statua uictori positus, qui ob deuictam mortem, iugulatumq̃ peccatum, ac direptū inferorum regnū, etiam nunc cum suis triumphat. Porro de insignibus Dauid sicut Felix: Quis magnæ uirtutis, seu uictoriæ insignia tulit nisi Christus? qui principem huius mundi, aduersus quem nulla arma, nullæ insidiæ, nulla ingenia potuerunt, uicit: ac extralares proprios, hoc est, extralares huius mundi eiecit, ac expulit. Sunt qui censent quoq̃ titulum huius psalmi significare instrumentū musicum, quo psalmum istum canebant. Vt cuncq̃ sit, filius Dei omnium redemptor est, qui loquitur, ea ratione, quam in superioribus psalmis diximus. Tentatus enim ille est, ut nos: in tentatione patrem inuocauit, ut nos: quò per omnia similis nobis, ut ait Paulus, fieret. Debit enim, inquit, per omnia fratribus assimilari, ut misericors fieret. In eo quidem in quo passus est & tentatus, potens est & his qui tentantur, auxiliari. Ait igitur:

Conserua me Domine, quoniam in te speraui.

**B** Ecce quomodo spem, uim eam esse, qua à Deo, cum oramus, exaudimur, opemq̃ eius benignissimā sentimus, tam crebrò inculcat uates. Proponit enim causam, quam obrem seruari debuit: Quoniā, inquit, in te speraui. Quis, oro, bonus eos, qui suæ se fidei commiserint, deseret? Multo enim certius pater hoc agit cœlestis, qui totius bonitatis fons est. At tu mihi cōsidera, q̃ necessaria sit spes, fiduciaq̃ in orante. Cætera quidem, quæ bona tibi uidentur, cum petis, non mirum si interdum hæsites, cum quomodo orare oporteat ignoremus omnino. Verum si peccatorum ueniam, salutemq̃ æternam petieris, ut cōtinuò petere est necesse, caue dubites te affecuturum quod petis. Alioqui si in orando consequi dubitas, quod ipse Deus tibi dare pollicitus est, de te actum est, tuaq̃ oratio impia fit, ac immunda omnino. Clamandum igitur esse ad Dominum semper, nos admonet uates, imò ipse uatum Dñs, qui hic loquitur, cum spe tamen, atq̃ fiducia adipiscendū rogata: ne simus, ut ait apostolus Iacobus, fluctui maris similes, qui à uento mouetur, & circumfertur. Non enim existimet, ait, homo ille (scilicet qui dubius orat) quò accipiat aliquid à Dño. Hæc diuinus apostolus. Iam illud rursus perpendendum, quomodo Dei filius, atq̃ cum eo purgatissimus quisq̃ animus, non sua proponit merita, non opera, non eleemosynas, nō ieiunia, non psalmodiū numerū, aut missarum, non cætera huiusmodi, fidei nimirum ornamenta, atq̃ (ut diuus appellat Benedictus) bonorū operum instrumenta: sed spem solam, qua plena fide, Deū exorari credit. Spes ergo, fides, fiduciaq̃, quæ idem penè sunt, impetrant à Deo: præterea nihil: quò tandem tuarum actionum supercilium deponere perdiscas.

Dixi Dño Deus meus es tu, quoniam bonorum meorum non eges.

Quid mirū si flagrans in Dei amore anima clamat, Deus meus es tu, cum ab eo ipso didicerit hoc esse suū nomen? Ego sum, inquit, Dñs Deus tuus. Quam porro uerum illud est quod Paulus asserit, neminē scilicet posse dicere Dñm Iesum, nisi in spiritu sancto. Soli enim fideles (hi dico, qui non solum ore, atq̃ externo cultu, sed intimo cordis affectu, Deum esse fatent) hunc honorant, hunc amant, in hocq̃



**C** solo cōfidunt, uerē dicere possunt, Deus meus es tu, quod quidem non ualeret blasphemus, adulter, auarus, atq; is, qui dicit in corde suo, nō est deus. Beata profectō gens, cuius est Dñs Deus eius: populus quem elegit in hereditatē sibi. Verū cur bonorū meorū non eges? quia Dñs es. Nam si mearū rerū egeres, nō esses Dñs. Quī tamen (dicer aliquis) à nobis Deus requirit nostra? Adjicitur ne aliquid Deo, nostris ex rebus? Quis adeò demens est, qui ex honore, ac cultu, Deo à creaturis impenso, arbitretur ipsius felicitatem augeri? Delectatur tamen huiusmodi beneuolentiā, ac grati animi indicio, ut occasiōē habeat, quā est eius bonitas, maiora elargiendi. Alij modo aliter hunc uersum legunt, & exponunt: Bonitas mea non super te, hoc est, aliquā mihi dare bonitatē non teneris: uerū quicquid fecisti, tuo munere ac benignitate fecisti. Diuus uerò Hiero. sic: Bonum mihi non est sine te. Vides quanta spiritus copia in hisce diuinis odīs abundat? Neq; interim aliā præmittam interpretationē, quam paraphrastes adamasse uisus est. Ait enim: Dico anima mea Dño, Dñs meus es tu. Bonum meum nō ad te. Vt sit aliquis in spiritu, qui animā suam, ut Deo sese penitus consecret, adhortetur: sed ne uideatur cō aliquid tam ex celso numini, ex sua illa cura & studio, cōferre, eam admonet hoc modo: Bonum meum nō ad te, hoc est, nihil meum tibi bonum confert, o Deus. Tantum, inquam, abest, ut tibi, quicquid illud boni sit, usui esse possit, ut etiam fastidio existat. Quare sic reddit paraphrastes: Persuasum habes o anima mea, & dixisti ad Dominum, Dominus omnium es tu: quare si quid in me est boni, id tibi usui non erit: sed sanctis, qui degunt in terra, & fide robustis, modis omnibus prodesse studebo. Propterea additum est,

Sanctis qui sunt in terra eius, mirificauit omnes uolūtates meas in eis.

Felix dilucidē magis. Ait enim: Sanctis, qui in terra sunt, & admirabilibus, omnis uoluntas mea in eis, & est sensus: Non sum adeò extra me, ut credam in me esse aliquid, quo tua queat augeri sublimitas. Celsior enim ultra omnem metam es tu, quam ut meis beneficijs frui debeas. Attramen quoniam Deus meus es tu, cuique mea omnia debeo, erit interim meus omnis amor, cura, & studium in sanctos, qui mecum adhuc his in terris degunt, atque abs te peregrinantur: illos, dico, qui tum uirtutum omnium cumulo, tum maxime fide insignes, atq; admirabiles omnibus existunt. Deus igitur mortalium beneficijs, aut donis, etsi læteretur propter nos, tamen ditior minime fit ex his, aut potentior. Sancti uero, quoad in terra uiuunt, nō parum rebus nostris indigent, atq; illarum commodo iuari possunt, & subleuari. Quod quidem adeò Dei filio semper placuit, ut nihil aliud planē in carne gessisse uisus sit, q̃ ut patrē ex beneficijs in miseros collatis promereretur. Sibi enim factum putat, quodcunq; uel minimis eius domesticis, fecerimus. At tu uide quomodo caro, hoc est, amor proprius, hæc omnia inuertat. Deo enim benefacere, cui nihil dare possumus, arbitramur: fratres uerò, quos ipse iussit rebus nostris adiuari, uel usq; ad nauseam fastidimus. Perpulchra sanē commutatio. Verū si magis sensus nostræ literæ conueniens arriserit, is erit. Filius enim Dei, homo Deus, fatetur hic patrem mirificasse, hoc est, mirabiliter, copioseq; perfecisse suas uoluntates, sua scilicet desideria, sua uota, precesq; pro salute hominum in terra etiamnum degentium, effusas. Nam nulli dubium esse debet, Christum multa in humani generis cōmodum, ac salutem exoptasse, à patrēq; petiisse, & exoptasse. Ego, inquit, rogabo patrem, & alium paracletum dabit uobis. Illud etiam: Volo pater ut ubi ego sum, illic sit & minister meus. In his enim, ut in cæteris, exauditus est, ait Paulus, pro sua reuerentiā.

Multiplicatæ sunt infirmitates eorum: postea accelerauerunt.

Anteq; enim Dominus Iesus ad mortales accederet, homo factus, quis nō peccatis onultus? Omnes, ait Paulus, peccauerunt. Ad hæc, quod conuenientius cepit etiam tribui peccato unquā potuisset, q̃ languoris, ac infirmitatis? Multiplicata erant



**A** erant igitur, atque in immensum accreuerant peccata, cum in omnibus, tum in generationibus maxime; qui postea, accepta ex alto spiritus sancti ui, & gratia, ad sacras reges quod ubi abundauit delictum, superabundauit & gratia. Quocirca in Actis legimus, quod glorificauerunt Deum dicentes: Ergo & gentibus poenitentiam dedit Deus ad uitam: Hebraei sic habent: Multiplicabuntur dolores: seu, idola illorum: post alterum festinauerunt. Et est Domini Iesu ex postulatio, qua queritur mortales ferè omnes idola, supersticiosus cultus, qui nisi dolores, anxietudinesque, & molestias pariunt, elegisse, se totius bonitatis, pacis, atque adeo aeternae quietis fonte derelicto. Hinc idem apud Hieremiam deflet, dicens: Me dereliquerunt fontem aquae uiuae, & forderunt sibi cisternas dissipatas. Alio item loco Iudam appellans, eius uanitatē deridet: Iuxta numerum urbium tuarum, ait, fuerunt dii tui Iuda. Nec minori stomacho clamat in Osee: Multiplicauit Ephraim aras ad peccandum. Vides, ni fallor, multiplicatas infirmitates, hoc est, uanum cultum, simulachra, molestiasque, ac labores supercaneos ferè omnium. Qui non dicam omnium omnino, cum lego populum Dei, uineam electam, plebem sanctam, tam acriter à uatibus obiurgari. Porro festinauerunt, ait, post alterum, hoc est, relicto uero Deo, alterum amatorem amplexati sunt.

**Non congregabo conuenticula eorum de sanguinibus.**

Non erit, inquit, mea amplius ecclesia, ut hucusque dissimulaui, coetus ille, illaque ecclesia malignantium, qui ex sanguinibus, non ex Deo nati sunt, hoc est, qui gloriantur se filios Abrae secundum carnem: & qui (ut aliquid per excessum dicam) Christianos se iactitant, se sanctos, se à mundo segregatos, absque spiritu, & fide: cum tamen non solum uiuunt, sed miserandum in modum marcescunt in sanguinibus, in carnis uidelicet putredine, ignorantes miseri, quod qui in carne sunt, placere Deo non possunt. Longè enim hi sunt ab illorum conuentu, de quibus in euangelio legimus: In mundo sunt, sed de mundo non sunt. Felix sic: Non libabo libamina eorum de sanguine. Hic nonnulli opinantur de Iudaeorum sacrificijs dici, quae magna ex parte constabant sanguine, adeo quod adagium prope loco erat, absque sanguinis effusione non esse remissionem. Quae tamē sacrificia, oblato sanguine illo in cruce, cuius sanguinarię omnes hostię illę umbra fuere, penitus abolenda essent. Alij gentium ritus quosdam impiissimos taxari credunt, in quibus pro uino cruorem libarent humanum consueuerant, seque mutuis uulneribus ad aras conficientes, propriosque natos immolantes, ac ceteros huiusmodi carnificinae usus religiosissimè in suis illis sacrificijs obseruantes, toti in tabo ac sanie uolutabantur. Vtrumuis accipias, hoc satis liquet, seruatore nostrum hic profiteri usus istiusmodi cruentos, superstitionemque omnem alienissimam esse à mundissimo suo cultu, cuius uim totam in animo prorsus sitam esse uoluit, atque in his postea rebus externis, quae ornare queant, non foedare, aut irrequietam facere conscientiam.

**Nec memor ero nominum eorum per labia mea, seu per os meum.**

Et est perinde atque dicat: Hisce nominibus, quibus hucusque eos nominaui, haud amplius nominabo. Verum quae illa gentium fuerunt nomina, anteaque asciscerent ad uitam? Mortui sane, impij, caeci, immundi sues, filij irae, damnationisque, ac mortis mancipia. Iudaeorum uero: populus Dei. populus peculij loco habitus, uinea electa, pars, haereditas, funiculus Domini. Horum igitur nominum fatetur Dominus sese posthac memoriā non habiturum. Quomodo, quaeso? Qui enim longè erant, prope facti sunt in sanguine Christi: ac seruos suos, ut ait Esaias, uocauit alio nomine. Quo, oro: Vos genus electum, ait Petrus, regale sacerdotium, gens sancta, populus acquisitionis, qui aliquando non populus Dei, nunc autem populus Dei: qui non misericordiam consecuti, nunc autem misericordiam consecuti. Vide nunc miserrimam Iudaeorum nominum commutationem, qui non iam populus Domini, sed populus durae ceruicis, & incircuncisi cordis appellantur: semen item nequam, ge-



**C**neratio praua, adultera, uiperea. Vos, ait Christus, ex patre diabolo estis. Illud porro nō omittendum, quod sunt qui interpretantur, nominum eorum, ad sacrificia & libamina referri. Quæ quidem interpretatio uisa est placuisse paraphrastæ, qui sic reddidit: Illos mihi illarum uictimarum sanguine adeo libare nō iubebo, ut ne mentionē quidem unquam amplius eiusmodi libaminum fieri apud me uelim.

Dominus pars hæreditatis meæ, & calicis mei.

Ne longius peruagemur in recensenda tota lege antiqua, in qua cum nullam Deus partem Leuitis inter fratres suos attribuisset, se illorū fore hæreditatem asseruit: dicam omnia illa, ut cætera priscæ legis, umbram eorum, quæ postea acciderunt sanctis Dei uiris, fuisse. His enim nulla esse debet in terris rerū possessio, quibus cœlestis hæreditas promissa est. Verum cum in hoc mundo nihil æquē proprium iudicetur, tantaq; diligentia custodiri soleat, quanta solent hæreditaria bona, idcirco hoc nomine sanctissimi quoque uiri libenter utuntur, utpote qui sibi Deum habeant, ut propriam hæreditatem. In eo enim omnia bona sua, & ea charissima, & propria, possident: neq; est res ulla, cui maiori cum diligentia studeant, quàm ipsi, quem unice diligunt, gratificari. Nec mirū quidem: in Deo enim, per Christum, æternam uitam, ac omni regno ditiores possidemus felicitatē. Cuius sanè æstimationem quo magis exprimeret, tam multas uoces congestit, portionē scilicet, partem, calicem, sortem, hæreditatem. Summa igitur: Voluit hic uates, seu uatum princeps Christus Iesus, significare, sibi ex patris beneficio, partem illam in eius populo contigisse, ut inter eius electos connumeraretur, eorum filius factus: hincq; patrem ipsum orat, ut quemadmodum sibi, ita & cæteris, qui suas sequuntur partes, uelit fors esse, hæreditas, ac portio. Quod quidem hoc modo exprimit paraphrastæ: Dominus, inquit, ipse portio est, & patrimonium populi, qui partes sequuntur meas, & calicis mei particeps fiet: quare tu Domine tutaberis illos, qui

**D**ueluti sorte obtigerunt mihi. Quocirca subiungit propheta:

Tu es qui restitues hæreditatem meam mihi.

Seu, ut alia habet litera: Tu sustentator sortis meæ, hoc est, me adiuuisti, mihiq; ut hanc eligerem hæreditatem, adfuiisti. Tu illam iam immotamque illam seruabis. Nam quos dedisti mihi, nō perdam ex eis quenquā. Quare hinc perpendi potest, tum Deum sanctis, tum sanctos Deo, hæreditatem esse. Hi enim, quoniam ipse alit eos, sustentatq;, ac de illis curam habet, ut de hæreditate patria haberi solet, hæreditas sunt Deo. Ipsis uero Deus: quoniam hi Deum, ante omnia, colunt, amant, bonaq; omnia sua ipsi acceptum referunt, ac toti demum ab illo pendent. Cæterum calix, ut iam diximus in alio psalmo, est, quicquid mali aut boni à Deo nobis obuenit. Sume calicem, ait Dominus in Hieremia, uini furoris huius de manu mea, & propinabis de illo, & bibent, & turbabuntur, & insanient. Vide quantæ amaritudinis plenus fuerit calix ille, e cuius haustu insanisse bibentes legimus. Sed in hoc loco calix est ipse Deus, qui se suis benignissime ingerit, atq; epotatus, mirū quantā illos afficiat suauitate, ac sapientia. Hem calix meus, aiebat alio in psalmo, inebrians, quàm præclarus est. Non tamen quidem huiusce calicis partem, hoc est, Deum ipsum totum (ne cum partē audis, de tota hæreditate assequenda dubites) in nos transferri posse credamus, nisi calix alter nobis probetur, qui est, ut cœlestis patris, haud nostram, compleamus uoluntatem. Qui porro calix (postquā Deus suos pascere decreuit amaritudine, & absinthio, ut inquit Hieremias, in hoc mundo) quàm Dei filio amarus extiterit, scit illa in horto ab ipsis penetalibus animæ conuulsa oratio, quādo hoc modo orauit: Mi pater, si fieri potest transfer à me calicem istum. Sciunt, inquā, eadem ipsa repetita uerba. Scit crux, scit poculum illud, felle ac myrrha permixtum, huius nostri figura, atq; admonitio quædam, ne suos in deliciis Deum alere solitum arbitremur. Haustu profectò intolerabilis is effect, nī Christus ipse hunc prius præbisset. Postquam enim & hunc insuauē, & alia complura



**A** complura figmento suo insupportabilia, ut sibi gentium omnium hæreditas, ob Adæ peccatum amissa, restitueretur, sponte prælibauit, facta sunt iam omnia, quæ prius uidebantur amara, super mel, & fauum, dulciora. Norunt enim hi solummodo, qui nō iam sibi uiuunt, sed ei, in quem per amoris flammam penitus transformati sunt, quàm suauē, quàm uel ultra omnem mundanam consolationē, & iucundum, & gaudiū plenissimum sit, unā cum Christo, eodem ipso tribulationū calice inebriari, unumquodque propterea cum ipso per uoluntatem, ac dilectionem effici. Sed me stultum, qui penē propositi mei, atque instituti oblitus, rem coner uerbis explicare inenarrabilem, & quæ gustu magis à pijs animis sentitur, quàm intellectu comprehenditur. Id enim totum amor efficit; præterea nihil. Ait igitur amantissimus Dei filius ad patrem: Tu es qui restitues hæreditatem meam mihi, Hæreditatem, inquam, ab alieno possessore usurpatam, ac penē consumptam, ad integrum mihi reddis: ut qui filius sum, sim & rex, & Deus, non Iudæorum tantum, sed & gentium: mihi quæ potestas omnium, & quæ in cœlis sunt, & quæ in terris, abs te detur: quemadmodum & tu quoque Dominus es, rex, atque rerum omnium imperator, & Deus: nam ego, & tu, unum sumus.

Funes ceciderunt mihi in præclaris, etenim hæreditas mea præclara est mihi.

Hebræi sic: Funes ceciderunt mihi in amœnis: etiam hæreditas pulchra ad me. Metaphora sanè est à rebus corporeis desumpta. Nam funibus olim homines metiri cōsueuerant hæreditates. Humus tua, aiebat Amos, funiculo meties. Quare is sensus erit, quod filius Dei, suæ hæreditatis sortem, amœno ac iucundo alsimilato fundo, & ait: Sorz mihi cecidit in fundo optimo, & amœno, in quo mihi quidē hæreditas præclara, ac speciosa assignata est. Quàm nobis hic esset lætandū, nisi tam tenaciter corporeis rebus inhereremus, postquam Dei filij hæreditatē, qui sumus nos, amœnā, speciosam, præclarā uē nūcupari audimus. Quid huiusmodi appellatione felicius: quid, quæso, pro tāta patris dignatione, in suo quoque munere eius amantissimi filij, repēdere unquā poterimus? Hoc nēpe, quod eius repēdit unigenitus, qui ait: Benedicam Dominum qui tribuit mihi intellectum.

**B** Vel, ut est alia litera, qui cōsuluī mihi. hoc est, qui mihi spiritū dedit: meque, quod illi gratū esset, eligere docuit. Hoc em̄ ferme idem est, quod in Ioanne legimus: Sicut docuit me, inquit, pater, hæc loquor: & qui me misit, mecum est, & nō reliquit me solū: quia quæ placita sunt ei, facio semper. Edoctus quidē, mirisquē modis, ac intellectū humanū excedētibus, Dei filius à patre in terris fuit eruditus, sed tērationibus maximè, & pressuris, ut per omnia similis nobis, misericors fieret, ut ait Paul. Qui quāuis, inquit, esset filius Dei, didicit tamē ex his quæ passus est, obedientiā. Hincque à capite erudiunt mēbra, Deo in aduersis, qui nos ut sibi uideat, utque nobis magis expedire iudicat, instruit, gratias agere: quod idem est, quod nunc ait, benedicere. Et quia nō inter ultima dei munera illud est, rebus in aduersis, & quæ tum carni, tum animo plerumque displicēt, diuinū nō ignorare consiliū: idcirco sic redditur is uersus à paraphraste: Laudabo Dñm, qui in omnibus à consilijs fuit mihi.

Insuper & usque ad noctem, increpauerunt me renes mei.

Felix: Castigauerunt me: seu, ut alius legit interpretes, erudierunt me. Quia enim scriptura, ut in superioribus psalmis diximus, solet interiores magis affectus cordis per renes significare, fatetur hic uir sanctus, se intimis affectibus huc actum, ut improborum hominum necessitudinem, communionemque & amicitiam abhorreret. Cum enim Deū secreta, quāuis altè recōdita & obstrusa nosse fatemur, eidem scientiam quoque renum nostrorū, ac cordium attribuimus. In illis enim cogitationū, in his oblectamentorū sedem esse definiunt. Quapropter si quis uehementi aliqua animi attentione affectat aliquid, quærit, cogitat, peruestigat, is quodammodo erudit, increpaturque ab ipsis irrequietis animi motibus, quod potissimum



**C** in uehemēter cogitantibus, quomodo, ceteris spretis rebus, soli Deo, ac per ipsum eius hæreditati, hoc est, sanctissimis uiris, inseruire queant, accidere necesse est: ut sic paulatim caro in spiritum transeat. Summa igitur: Adeo enim, inquit, mea desideria omnia, meum amorē, mea oblectamenta, ad sanctam mei amati conuerti hæreditatem, ut his accensus, noctibus etiam insomnis, & cogitabundus, nihil aliud uersum animo, quàm ut Deo gratus sim. Hoc sanè agere nequeunt hi, qui cum primum selux à mundo subtraxerit, nihil potius cogitant, quàm ut meditata interdum scelera expleant. Illi uerò, uel dormientes, cum illo, quem intentissimè quærunt, & amant, conuersantur. Tantū enim abest, ut importunis illis suggestionib. quæ per soporem, uel à dæmone, uel à naturali quadam membrorum lege in dormientes immittuntur, obnoxij sint, ut etiam ipsa uaria, ac confusa animæ phantasmata unita habeant, ac munda omnino, atq; erudita.

Prouidebam Dominum in conspectu meo semper: quoniā à dextris meis est, ut non commouear.

Vnde igit huiusmodi spiritus eruditio, renūmue increpatio, aut correctio: quid fructus, quæso? quis finis? Hic nimirū, ut Deū continuò nobis prouideamus, proponamusq;: hoc est, ut Deū semper ob oculos habeamus, nunq; nō obseruemus, timeamus, colamusq;, ac illi soli nitamur. Qui quidē cum nostris à dextris est (eos enim quorū opera nos defensos uolumus, à dextris collocare soliti sumus) tanq; si deus comes, & amicus, hoc in itinere passim à latronib. obsessio, de quib. supra: Sed det in insidijs cum diuitibus in occultis, ut interficiat innocentē. Cum, in quā, à dextris est, hoc est, cum nobis ferre opem cœperit, securi tum sumus, ac tuti proflus ab omni hostili incurfione uiuimus. Quare à paraphraste sic: Opposui, inquit, uoluti scopum ante oculos meos semper Dñm: qui quia adest mihi ad latus dextrū, nemo poterit perdere me. Vide quid in Dei amore accēsa anima dicere queat. Nō respexi, ait, quid mihi conduceret, quid uē noceret; nō ad hostium crudelitātē considerandam, non ad eorū tela illa, quæ iniicere solent in non suos, meditanda, conuerti animū, sed mihi illud satis uisum est, Dominū uidelicet ob oculos, quicquid incidisset, cōtinuò habere. Is est mihi omne bonum, Is amara omnia, ac planè mortifera, in dulcorem, salutemq; conuertit. Scio equidem nulla me à tentatione posse superari, ab eoq; separari, quoniam à dextris, ne cōmouear, est meis, hoc est, auxiliatur, ne in firmissima fidei acie uacillem, ac, ut ait Felix, elabar. Quod autem legimus: Et diabolus stet à dextris eius (ne de auxilio è dæmone expetendo cogites) hunc habet sensum, ut diabolus locum occupet, ne sit locus Deo, qui tamen semper adstitit à dextris pauperum.

Propter hoc lætatum est cor meum, & exultauit lingua mea.

Ille enim, qui Deum die noctuq; ob oculos habet, quicq; eum certissima scit fide sibi in omnibus subsidio esse, quomodo non ex corde gaudebit? Quomodo etiam illius nō exultabit os, & lingua? hoc est, quomodo nō, uel in ipsis amarissimis cruciatibus, gratias aget? Hic igitur uir sic affectus, se tanto gaudio, ob diuinam præsentiam, perfusum asserit, ut non solum cor, in quo nimirum solidi gaudij sedes est, ac radix, mirandum in modum lætitiæ gestiat, sed et lingua quoq; exulter. Quid linguam aio? corpoream ipsam molem totam membrorum, quiete, atq; ocio iam diu optato frui, ob tanti boni accessum, prædicat. Quare à uate adiicitur,

Insuper & caro mea requiescet in spe.

Et si enim adeo uerum eum esse sensum, quem dixi, certè sciam, carnem scilicet, nedum cor, aut animū, & linguā, coelestis eiusmodi gaudij fore participē, quo anima illa afficitur, quæ Deum continuò ob oculos habet, ut nullus alius uerior sit: tamen is, quem statim dicam, mitior est, ac animæ diuinis cōtemplationibus assuetæ magis gratus, Proinde hic Dei filium de corporum morte, ac eorundem resurre-



**A** ctione dicere arbitrantur ferè hoc modo omnes: Non solum quoad uiuam, semper mihi Deus erit cordi, in oculisq; uersabitur: ex qua quidem fide tanta afficiar letitia, ut uel corpus ipsum, alioqui graue, & onerosum, optata pace, tuto uè ocio, & quiete, copiose fruatur; uerum etiam post meum quoq; obitum, in spe quiescet, hoc est, securum de futura resurrectione dormiet, quem sanè sensum per pulchrè sic reddidit paraphrastes: Corpus quidem meum, inquit, in sepulchro iacebit; sed nihil dubitabo, quin excitaturus sit illud. Sed cur quiescet in spe?

Quoniam non derelinques animam meam in inferno, nec dabis sanctum tuum uidere corruptionem.

Non mirum sanè esse debet, si quasi inopinatò spem memoret, ac de improuiso interferat; cum eius uis sit, ac roboris, ut illi, qui hanc perfectè possidet, leuia omnia, & suauia reddantur. Quid in terris tam asperum est, tam ue ab humanitate omni abhorrens, quod non æquissimo ferat animo uir spei clypeo munitus? Alia li tera habet: Nò dabis sanctum tuum uidere foueam. Proinde omnes, nisi prorsus in fidei articulis stupidi sint, persuasum habent, creduntq; indubiè, filiū Dei, Christum Dominū, inferos adiisse, uerè mortuū, & sepultum; sed neq; animam apud inferos, neque corpus in sepulchro, ultra triduum detentum; hincq; nulla corruptione resolutum. Licet enim mortuus, ac tumulo mandatus fuerit; non tamen in morte, ac tumulo mansit; sed in tridui spatio rediuius, immortalem, beatamq; uitam, etiam cum corpore, est adeptus: adeò ut nò iniuria, cum ipsum inferos nunquam adiisse, aut foueam uidisse, fas sit fateri. Videre enim, pro ingredi, nò erit inconueniens intelligere, iuxta illud in Euangelio à Ioanne positum: Qui incredulus, inquit, est, non uidebit uitam. Rursus illud: Non uidebit regnū Dei. Summa igitur hæc erit, Dominū Iesum adeò celeriter resurrecturum, ut neque illius anima ad umbras tartareas concessisse, neq; corpus in sepulchro mansisse, multo minus corruptionis labem contraxisse appareat. Intactum enim corpus illud uenerandum, atque ab omni cadauerosa putredine immune, semet è tumulo excitauit, quò nos quoq; secundum propositum uoluntatis suæ, tempusq; præfinitum à patre, aliquando cum corporibus hisce ærumnosis ad immortalem secum uitā excitet. Quòd si non statim, postquam è uita demigramus, à tumulo reuocamur, uiuimus tamen interim animo beati cum Deo, certi quoque corporum resurrectionis, ac reuiuiscentiæ. Sic autem mori, non est mori: sic sepeliri, non est sepeliri: sic corpore corrumpi, non est corrumpi. Confer, si libet, momentaneā sepulchrorum corruptelam cum futura uita, potius enim illam non esse, quàm esse, fateberis: iurabisq; mortem hanc corporū, aditum ad uitam magis, quàm mortem, posse dici. Cæterum, ut de omnibus uel tantillum saltem prælibemus, sicut Christus mortem oppetens, sed sub mortis imperio neutiquā mahens, ipsam interemit, ut te uiuū faceret: ita ad inferos bellator fortissimus cōcessit, ut te inde, celeriter remeans, quo, propter Adæ trāsgressionē, nondū penè natus descenderas, extraheret.

Notas mihi fecisti uias uitæ.

Haftenus Dei filius, se à patre seruatum, ne diutius apud inferos, in mortēque, ac in sepulchro, unde corrumpi posset, detineretur, gloriatus est. Nò hoc erit, ait, sed potius uiam, qua ad uitam, immortalem scilicet, nulliq; obnoxiam contaminationi, deuenire ualeam, demonstrabis. Hebrei habent uiam, numero singulari. Sic enim ex Hebræo Felix: Notam mihi facies semitā uitæ. Cæterū uiam uitæ, esse obseruantia mandatorū Dei, interpretantur quidā, optimè quidē, nam si uis ad uitā ingredi, serua mandata. Verūm propè nihil ad psalmi intelligentiā facit. Non hoc uultuates impræsentiarū: alia res est. Quòd si ego de me ipso, hoc est, de abiectissimō Christi membro uellem hunc uersum interpretari, sic sanè dicerem, edoctus nimirum à numine illo, quo uel tenuiter afflante, cor hominis totum, in diuinis ignibus, è quibus uera est scientia, exæstuat, ac eliquescit, Ego, ô Domine,



**C** propter cōtractam ex parentum delicto noxam, à primo quidem meo ortu debui tanquā iræ filius ad æternos inferorum cruciatus obtrudi anima, corpore uero in puluerem, putrē mē glebam resolui perpetuò: tu tamen noluisti. Imò, quòd tua me arctius adstrinxit beneuolentia, semitam uitæ, hoc est, quo medio, quo uē adiutore, eternam uitam, tum anima, tum corpore, assequi possem, demonstraisti. Quē quidem semita, quod medium, qui adiutor, unigenitus tuus est: qui propterea à sinu tuo secretissimo, ad hanc nostram periculosissimam pugnam, cum peccato & morte cōflicaturus descendit, ut nobis, qua uī, quibusue telis nostri confodienti essent hostes, præmonstraret. Alioqui quis non cæcus? quis nō debilis: Omnes enim uires nostræ diris hostium iaculis penetrabiles erāt. Omnes errabamus dispalati, fusi, fugatiq; nec spes euadendi ulla erat reliqua. Tu uiam, tu robur, tu uires, tu belli tandem palmam, nobis amantissimum tui filium donans, concessisti. Nunc itaq; mortalib; omnibus, uitæ semita unā cum Christo Iesu ostensa est, qua nos (ô debiles omniū gressus) longos post itineris labores cō peruenire possimus, unde plenissimo, atque adeò tutissimo satiari gaudio cōcedatur. Tunc dico, scio,

Adimplebis me lætitia cum uultu tuo.

Hoc sanē quidem, quoad eius in carne uiuitur, non præstolamur: sed quando uultus tui præsentia aderit, tēque uti es, uidebimus, tum lætitiæ huiusce cumulus apparebit. Felix sic: Satietas lætitiarū cum uultu tuo, hoc est, ubi aspectus ille tuus est desiderabilis, amorisq; plenissimus, in quem, nouo semper animi ardore, prospectare efflagitant cœlestes spiritus, ubi sanē lætitiarum copia inuenitur: tunc enim eris omnium bonitas, omnium uita, omnium pax, omnium amor, & gloria. Tunc uero nos, qui modo ex parte cognoscimus, rem totam perfectissimē cernemus, intuebimur, cognoscemusq; ac copiosissimē satiabimur, cum apparuerit gloria tua, quæ nunc per speculum in ænigmate, magis promittitur, quam datur.

**D** Delectationes in dextera tua usque in finem.

Quid multa admodum memorē? In manu tua est, tuæq; potentiæ est id munus, ut nos scilicet perenni gaudio in te oblectari facias. Quē tum felicitas, Deus bone, nostra erit: quæ lætitiæ: quæ animæ exhilaratio, quando in nostræ huius caducæ molis corporeæ reuiuiscencia, ad Dei patris dexteram, unā cum eius amantissimo filio statuemur? Quæ oblectamenta alia? quæ delectationes cum hac comparandæ? Pudeat iam Christianū hominē in his sordidissimis mundi lenocinijs, ac delectationibus uolutari, quorū finis mors est, & continuus conscientiae laniatus. Cæterū dextera Dei plerunq; in scripturis uita est æterna, in qua quidem inenarrabiles sentiuntur delectationes, ad quarum comparisonem, hæ carnis, mœrorum sunt, & afflictio: cum interim sinistra eius, sit uita præsens, ob arduos labores, atq; ærumnas, quas experiunt hi, qui die noctuq; internis incumbunt purgationib;

## ORATIO DAVID. PSALMVS XVII.



Xaudi Domine iustitiam meam.

Filius Dei, sapientia patris, Christus Deus homo, hoc in psalmo est qui ex animo precatur, ne pater, alioqui mortalium exacerbatus in peccatis duritia, nostram sinat tam potentibus aduersarijs succumbere inbecillitatem. Illud in primis cōsiderandum, quòd uir exactē iustus nuncq; proprii solet ante diuinum cōspectum iactare iustitiā, nisi cum in acerbiori aliqua positis aduersitate, ac persecutione, nouit indubiē se propter iustitiam illud quidem pati, quod alioqui ē cæterorū si esset grege, haudquaq; patere: scitq; hostiū suorū causam iniustam, ac planē dignam, quæ à supremo iudice Deo opt. max. reijciat. Clamat igitur: Exaudi Domine iustitiam meam, hoc est, causam meam, quam tu iustam esse nosti, defende. Esto enim quòd nihil in nobis boni sit, quod abs te non proficiscatur: bonus tamen adeò es, atque amantissimus nostri, ut tua dona uelis quoque



A quoque nostra esse. Quare tua ex hac benignitate audaciores facti, dicimus iustitiam abs te datam, nostram esse. Exaudi igitur, ac tua defende munera.

Intende deprecationi meae. Auribus percipe orationem meam.

Congeries haec est, Exaudi, intende, auribus percipe: qua animi admodum exaestuantis in periculis, ac ferme desperantis, affectus demonstratur; ne diutius in distinctionibus rerum incognitarum immoreris. Dicas igitur, ut hi solent, qui in aliquod coniecti periculum anxie clamant, rem suam exaggerant, uerbaque inculcant, quò ad commiserationem facile audientes moueant,

Non in labijs dolosis.

Perinde enim id est, ac si dicat: Tu scis quòd ex animo loquor, atque oro. Hypocritae quidem labijs dolosis orare solent: & hi quoque, quos quotidie, uel cum laachrymis, à Deo petere cernimus, ut sibi remittat debita, quemadmodum suis ipsi remittunt debitoribus, cum interim nihil tam uersant animo, quam quomodo exigere ualeant, non solum quidem aes debitum, quod capitale uocant, uerum etiam usuras, sanguinem, uitam. Ridiculum sane, aut potius flebile, uirum quempiam uidere in templo, cum gemitu ac singultu, pro offensionibus ab sese in Deum factis, ad aras orare: pro alienis autem uindicandis, quas aliquem in se moliri suspicatur, ne de iam perfectis loquar, suspirare, occasionem, tempusque ad se ulciscendum animo praemeditari. Putas ne huiusmodi preces pro se factas, mendas esse? Censendum ne est, à dolo malo imminere huiusce hominis linguam sic orantis esse?

De uultu tuo iudicium meum prodeat.

Orat hic patrem, ut iam tandem inter se, & hostes suos iudicium faciat, & ait: O Deus, de arcano sapientiae tuae thesauro iudicium profer. Pronuncia tu, ait paraphraestes, in causa mea: nam nostrae aetatis uiri, in iudicandis iustitiae causis nihil non plerunque agunt, ut eam funditus extirpent. A quo, obsecro, iustum expectandum erit iudicium, nisi abs te, qui non solum iustitiae amator es, ac defensor, sed ipsa iustitia appellaris, & uere diceris? De uultu tuo, idem est, quòd à conspectu tuo, sedeque iudiciaria, & potestate.

Oculi tui uideant aequitates.

Hoc est, opelata, auxilioque praestito, te meam causam aequam approbare, & considerare, manifesta. Nam non me clam est, quòd oculi tui in pauperem respiciunt, nec nisi res iustas approbas, ac defendis. Praeterea illud maxime non praetereundum: quòd licet cum in hoc psalmo, tum in alijs saepe, horrenda quaedam persecutionum appareant monstra, quae uitam hanc nostram corpoream uexent, & perterrefaciunt; nulla tamen atrociora, si simul conferantur, quam illa, quae à contrarijs, secum ueritantibus in animo fiunt affectibus. Nullum profecto belli genus cum illo, quod in se intus experitur homo, & patitur, aequiparandum: atque eo saepius saeuire illud solet, ac late magis peruagari, quo quis animum à conflictu studiosius auocare nititur, & laborat. Quae turbæ, oro: quae commotiones cum illis conferendae, quum consilio uoluntas, uoluntati ratio, rationi uoluptas, susque deque alterum alteri repugnat, & contradicit. Hinc uero, cum haec legimus, non tantum corporeas improborum hominum insidias, ac persecutiones, iras, enses, tela, atque id genus alia, attendamus oportet, quantum carnis nostrae faces, appetentias, pugnamque spiritus cum sensuum arrogantia, & libidine. Illa enim non semper nos tangunt, ab ijs autem continuo exagitamur, ac cum eorum ferocia nobis dum hic uiuimus, perpetuum est negotium.

Probasti cor meum, & uisitasti nocte: igne me examinasti, & non est inuenta in me iniquitas.



- C** Paulò secus Hebræi: Explorabis cor meum: in uises nocte: igne me examina-  
bis, non inuenies: cogitatio mea non præteribit cor meum, ut sit sensus: Ego enim  
oraui ut meam defenderes causam, atque innocentiam mihi abs te datam: quæ qui-  
dem ut omnibus innotescere queat, explora cor meum, in uise nocte, hoc est, eo sa-  
nè tempore secreta animi examina, quo maximè dediti cogitationibus esse solent  
homines: tum, dico, quando ex ipso rerum silentio, & solitudine, malis ab hosti-  
dolis impetimur, diei-que præteriti phantasmata in nobis congerunt. Hoc ferè idem  
de se quondam professus est Iob. Probauit, inquit, me Dominus quasi aurum quod  
per ignem transit. At tu si aues, quo modo, uel quo instrumento à Domino pro-  
beris, intelligere: abs te, ne longius exempla quæras, perdiscere poteris, si aliquan-  
do sub tentationum malleo, tenacissima carnis forcipe uersatus es. Quæ uis ignis  
cum illa comparanda, qua tu accensus, nedum mundum quidem, sed & cælum  
ipsum territas, minis-que oneras: linguæ arrogantia & supera & infera simul con-  
uoluis: ac solo flatu tanquàm aspis somniculosa tum Deum, tum homines iri perdis-  
tum autumas? Caue item putes esse usquam, nec inter Chalybū montes quidem,  
caminum ardentiorē, quàm est cor libidine exestuans, aut fœdis conspurcatum  
amoribus. Huius enim generis arietibus nos sinit Deus cōcuti: hoc igne, hoc in-  
cendio, hoc flammarū cumulo cor nostrū experitur, probat, examinat-que cœlestis  
aurifex, quò tandem cuius temperaturæ simus appareat. Ad hæc, quanta ferocia  
mundus interdum in non suos defauit: quanta dæmones: quanta homines: Sed  
is felix, qui de se illud iactare potest: Non est inuenta in me iniquitas: seu non in-  
uenies, ut alia habet litera: hoc est, non inuenies in me, ne tantillum quidem infir-  
mæ fidei. Perstabo enim immotus, nec tentatori cedam. Vide candidum animū,  
de se nihil, de Deo autem omnia præsumentem. Verū quis ex nobis iam est, qui  
tantam præ se ferre queat animi constantiam, ut hæc dicere audeat, postquam ma-  
**D** ximè adeò intepuit fides (ea habita, natura quoque ipsa rerum à nobis immutari  
potest) ut nihil planè illius habeamus præter nomen? Cæterum ab Hebræis prin-  
cipium sequentis uersus huic additur. Sic enim reddunt: Cogitauī, ut iterum te  
deprecarer, ut tentares me, seu probares, non pertransibit os meum: id est, non dis-  
cam amplius uerba huiusmodi. Alij uerò secus: Cogitauī, hoc est, sic apud me stæ-  
tuit, nō pertransibit os meum: usque eò scilicet nō cedam aduersarijs, ne uerbo qui-  
dem: uel, ne uerbo quidem aut lingua, præuaricatus sum. Alij etiam sic: Animus  
à uerbis haudquaquā uariatur: sed quod corde cogito, illud idem et ore profero. Cui  
sanè interpretationi fauet paraphrastes: ait enim: Examinaſti totum me, nec inue-  
nistī id quod animo cogitauī, discrepare ab ore meo.

Ut non loquatur os meum opera hominum, propter uerba labiorū  
tuorum ego custodiui uias duras.

Diuus Hieronymus legit: In opere hominū propter uerbum labiorum tuorū  
ego obseruaui uias latronis. Felix uerò: In operib. hominis in uerbo labij tui ego  
custodiui semitas dissipatoris. Et est sensus: Quando hominem intueor aliquem  
operari, ego quid sibi uelit, quo animo, quòue ingenio operatur, obseruare soleo,  
metuens ne incautus seducar: atque id ago tuis sanctissimis uerbis admonitus, qui  
bus nos hortaris, ut à uīs dissipatoris, seu corruptoris, seu, ut legit Hieronymus,  
latronis, perquam diligentissimè caueamus. Dissipator porrò est, corruptor, ac la-  
tro, qui simplicissimos quosque, tectorio quodam mentite sanctitatis, ad peccatū alli-  
cit. Quid nō subuertit fucatus sanctus? Nō uacat modo exempla recensere, quot  
uirgines stupratæ, quot matronæ prostitutæ, quot uiduæ deceptæ, ob simulatam  
quorundam religionem, odiosa sunt hæc. Possem & mecum quidem, quod sæpe  
facio, stultam quorundam facilitatem, uel potius leuitatem dolere, qui ne momen-  
tum quidem horulæ in sententia perseuerant: & quod magis dolendum est, in his  
quæ fidei sunt, eo inconstantiores apparent, quo a pluribus peruersæ iustitiæ asser-  
toribus



**A** toribus edocentur. Danda igitur opera est, ut cautè, propter uerba labiorum Domini, atque eius sanctam legem, obseruemus dissipatores istos gregis dominici. Vigilate, inquit Dominus, ac iterum dico uobis, uigilate. Verùm si cui arridet magis uulgate editionis litera, quò uersus integer sit, ut in ecclesia legitur, sensus erit: Probasti me, o Domine, igneque temptationum & persecutionum examinasti: at ego quidem facta hominum non sum locutus, non blasphemauì, non questus sum, non murmurauì, nò detraxi. Propter enim uerba tua, sanctasque iussiones, ego nò solum malum non egi, sed uias arduas uirtutis aggressus sum, quæ suapte natura nihil molle, aut tenerum amat. Quod & fatentur quoque philosophi, qui asserunt, artem ac uirtutè circa difficile uersari. Seu custodiui, hoc est, diligentissimè attendi, considerauique, ne duras perditionis uias, ac difficiles, rebus secundis deceptus, aut aduersis deterritus, sectarer. Ambulauius, inquiunt improbi illi apud Solomnem, uias difficiles. Quare, ne custodia hæc mea uana sit, o Domine,

Perfice gressus meos in semitis tuis, ut non moueantur uestigia mea.

Suprà enim uir sanctus suam secretissimo quodam cœlitus afflatu attactus iactauit innocentiam. Verùm ne suis uiribus aliquid arrogasse uideretur, commo- dum subiecit orationē, qua primum innocentiae tutelam, persecutionū deinde depulsionem exorare nititur. Ait itaque: Perfice, hoc est, sustenta, firma meos in uis il- lis gressus, quibus itur ad te, luua, inquam, meos conatus, mea uota, mea consilia, ut in ipsis tuæ iustitiæ semitis rectus perpetuò gradiar, atque à tuo instituto nun- quam deflectam; ne labantur pedes mei, hoc est, ne à recta exorbitem, ac peccem. Vide, quæso, quàm necessarium sit abs Deo nos in uiam iustitiæ conduci. Nam si à nobis, uel tantillum quidem, aberit, recidunt omnia, quæ ad salutem adipiscen- dam faciunt. Cæterum quæ uis tam ualida erit, quæ illos, quos Dei spiritus in bo- **B** no proposito stabiliiuit, ab animi rectitudine amouere queat? Tantum uerò abesse debet, ut ob ignauiam cursus noster retardetur, ut etiam in dies magis incal- scat, ardeatque ad assequendum illud, quod toto affectamus studio. Illud interim a- nimo recodendum, quod de se Paulus prædicat: Ego, inquit, non arbitror me ap- prehendisse, sed quæ priora sunt oblitus, ad anteriora me extendo.

Ego clamaui, quoniam exaudisti me.

Cogita quæ tenera familiaritate loquar hic sponsa ad sponsum. Quoniã, inquit, in alijs meis precibus exaudisti me, clamaui, quasi diceret, exaudi me etiam nunc, ut iterum clamem: hæc enim non sefellisti, falles modo? Non puto. Igitur

Inclina aurem tuam mihi, & exaudi uerba mea.

Etiã si minus dignè clamaui, aut nimium summissem. Est similitudo ab opti- matibus, proceraque stiraturæ uiris mutuata, qui sese inclinare, auresque quodammo- do ad os uoce exili ac timida loquentis, ad mouere solent. Sic benigni principes, siceorum imitatores magistratus, sic parentes agere soliti sunt erga liberos, meti- culososque ciues, aut in plebe pauidos: alioqui perterrefactos subditos, & oppres- sos auersari, ac tumido prospectu ab sese propellere, ferinæ mentis indicium est, nò Christiani affectus, & charitatis. Felix secus hunc uersum reddit: Ego, inquit, uocaui, quoniam respondebis mihi, ut sit hæc perfectissima spei forma, quam in supplicante esse oporteat, & est sensus: Clamo, inuoco, quia te meis clamorib, re- sponsurum certò scio: alioqui superuacaneum eum esse laborem quis non uidet in orante, cum absque spe orat? Nò oratio illa uerè dici potest, aut debet, sed deri- fio, ac stupiditas animi parum considerantis, quid sit cum Deo loqui, aut ab eo ali- quid petere. Porrò uerba illa, quæ hic cupit à Deo exaudiri, cordis sunt desideria, in Dei amore ac fide flagrantia.

Mirifica misericordias tuas, qui saluos facis sperantes in te.

Tunc enim mirabilis omnib, ea uidetur liberatio, cum quis à periculo aliquo,



**C**in quo omnia desperata apparēt, eximitur. Orat igit̃ hic anima, cui mundi infidias carnisq̃ lapsus sunt notī: nec minus interim, quā longum in peccandi consuetudine obduxerit callum, & duriciem, ob oculos, ueluti spectra quaedam terrificā, ac uisa, continuo illi obijciuntur. O Domine, exhibe te mihi mirabilem, ubi maxime omnia adeo desperata uidentur, ut iam iam periclitari necesse sit, quod noscant omnes tuam esse manum, quæ liberat, non hominem, non artem, non fortunam. Poteris ne me, quamuis in immenso peccatorum morbo, & languore positum, ac uix spirantem, tuam tamen opem implorantem, auxilio frustrari, qui quæ tua est benignissima natura, seruare soles in te sperantes? Quod si alicui, propter illius seclera, ac obstinatam in perpetrandis delictis uoluntatem, tua auferenda est misericordia, ab illis potius, qui tuæ potentia, ac uirtuti reluctantes, sese, plusquam uis humana postulat, erigunt, aufer: hoc est,

A resistentibus dexteræ tuæ.

Dexteram Dei, in hoc loco, eius uirtutem, ac potentiam esse dicimus. Dexteram Domini, ait uates in alio psalmo, fecit uirtutem. Non desunt enim inter mortales, qui ex rerum secundarū opulentia in tantum efferuntur, ut nihil magis suis actionibus quærere uideātur, quā ut Deum, uirtutis oninis scilicet erogatorem, contemnant, & quantum in se est, e cœlo deturbent. Quo sanè sacrilego facinore, an aliud, uel impurissimis auribus, possit esse magis detestandum, norunt hi, qui in acie dii, ut sibi uidebātur, immortales, in medio ipso belli strepitu, ac cum ardentius in Deum excandescerent, inopinato tormenti uulnere icti, miserabiliter intercruenta tum hominum, tum equorum cadauera efflarunt animam. Hos Domine, atque horum similes, postquam sic expetunt, contere: me uerò tuum,

Custodi ut pupillam oculi.

**D**Exactam custodiam, non uulgarem, precatur hic uates. Et est perinde ac si diceret: Illis arrogantibus abs te suo merito disiectis, ac contritis: me diligentia illa, qua oculi pupilla custodiri solet, custodi. Cernimus enim in ipsis membris humani corporis, nullum æquè diligenter ab externis offensionibus reparari solitum, quemadmodum tenella illa oculi pars, quam luminis scintillam appellat Lactantius, nos pupillā. Ita hac diligentissimæ curæ similitudine petit se uates exacte seruari: neque tamen sola huiusmodi contentus, aliam adiicit,

Sub umbra alarum tuarum protege me à facie impiorum, qui me afflixerunt.

Metaphora rursus hæc alarū, immensam Dei erga nos bonitatē demonstrat. Exprimi sanè quidem non potest, quā sollicita sit ea cura, quam suis impendunt pullis aues: quā anxia illa, quam homo proprijs oculis: sed infinito maior ea, qua Deus tutatur in se credentes. Huic enim sententiæ quadrat & illud alterius psalmi, quo ornatissimè à propheta mortalium dignitas enarratur. Scapulis suis, ait, obumbrabit tibi, & sub pennis eius sperabis. Quis ex his maximè, qui præsumptius cum miserorū neglectu, & contumelia, non saltem à terræ animantibus uinci erubescat, simulatque uidet, quomodo gallina sui prorsus oblita, pullos suos soueat, alat, pro ipsisq̃ (quod & uoce, & pluma demonstrat) infirmetur, pugnet, ac uitam ipsam, ut liberos tutetur ac seruet, contemnat? Tales sunt nimirum potestus in mente Dei erga mortales: quos quia cernere tanta in maiestate minime poteramus, suum misit unigenitū, in quo cerneremus. Hæ sunt, inquam, curæ, hæc studia, hi mores, quibus ornatū esse debent urbium magistratus, atq̃ ipsi principes, & hi quoq̃, qui moderandarum animarū sceptrum facillè assumunt, & plerumq̃ etiam (malum) & querunt, & absq̃ pudore, tum ære, tum hypocrisi, ac assentatione, uenantur, atq̃ emunt. Præterea, à facie impiorū, idem ualeat, quod à præsentia impiorū, ne me uideant. Apte profectò: nam nō solum à nefandorum hominū lingua ac manibus, defendi nos oportet, uerum etiā à turpissima illorū cōuersatione, & uita,



**A** & uita. Hoc quoque modo Loth iustum, ut scribit Petrus, oppressum, à nefandorum hominum iniuria, & luxuriosa conuersatione eripuit Deus. Nam erat habitans, inquit, apud eos, qui de die in diem, animam iusti iniquis operibus cruciabant. Quòd autem iustissimi uiri tam anxie petant ab improborum hominum necessitudine, & conuersatione eximi, id in causa esse uidetur, quòd non nisi exulcerato animo uidere queant istiusmodi morum portenta, quibus & cœlum, & terra, & ipsa quoque infernæ regionis abyssus, inficiuntur. Quanta putas amaritudine affici uirum probum, cum uidet passim regnare fastum, superbiam, ambitionem, spreto pudore, modestia, pietate? Quare mirum haudquaquam esse debet, si rogat à malorum presentia hominum, & conuersatione subtrahi.

Inimici mei animam meam circundederunt.


An quidem uerum sit, quod ab omni parte hostium cuneis circunvallati simus, hi norunt, qui in pugna spiritus die noctuque uersantur. Alioqui cor stupidum, ac ad minimam hostilis impetus ictum perterrefactum, ac uictum, ne per somnium quidem, tanti mysterij capax est. Felix sic; Inimici mei in animam circundederunt me, hoc est, propterea circum me adstant, ut animam meam, portionem scilicet mei immortalē, interimant, secumque trahant. Atque hic uides iam uim hostium describi, postquam mores descripsit. Ad mores enim attinet, quòd supra impios illos appellauit, hoc est, sine Deo.

Adipem suum concluderunt, os eorum locutum est superbiam.

Adipe & pinguedine in scripturis (animus enim est superfluas ambages amputare) rerum abundantiam significari, uel mediocriter in sacris literis eruditus scire potest. Pinguis factus est Israel, ait Dominus in Deut. Et est sensus; Adipem suum concluderunt; hoc est, opes, facultatesque copiosas, suis commodis reposuerunt, unde tam insolenter ferociunt, ac contra Deum in primis, & contra homines, blasphemias fastu plenissimas congerunt. Prodiit quasi ex adipe iniquitas eorum, ait uates in alio psalmo; transierunt in affectum cordis. Caterum ex opulentia, felicique rerum successu, oriri solet fastus, ac superbia; qua quidem peste cum quis est affectus, nihil in terris excellentius ducit, quam ut adipem suum, hoc est, cor, & uiscera, ut ait Euthymius, stringat ad misericordiam, claudatque animum, ne quem, ex bonis maxime, in amicitiam admittat: & qui, ut reddit paraphrastes, tam est pastus bene, & obesus, ut à ruina obstructum uideatur os eius: quare & contemptum, & cum fastu, de alijs loquitur. Ex quo illud potissimum obuenire necesse est, quod alio in loco scripsit uates; Posuerunt in cœlum os suum, et lingua eorum transiuit in terra, hoc est, in Deum, & homines, quacumque illorum suggessit arrogantia, locuti sunt. Quare additum est; Os eorum locutum est superbiam. Cum enim id uitij genus adeo fastuosis diuitibus, atque arrogantibus plebis superioribus familiare sit, ut nullo alio se à diuino fauore tam manifestè alienos esse demonstrent, ac gratia; illud tamen futili quadam honorem, quibus ornati sunt, autoritate, ac licentia, obtegere nituntur, dum omnino in loco, & tempore, quælibet effutire, sibi, de aliorum moribus, ac uita, licere arbitrantur. Vnde illud oriri cernimus, quòd à subiectis sibi populis, nihil sperare audeant, præter timorem, iram, indignationem, neglectum, inquietudinem, odium, obtreccionem. Quis hoc modo regnare exoptat?

Projicientes me nunc circundederunt me: oculos suos statuerunt declinare in terram.

Quasi, ait, proiectamentum quoddam me existimantes, atque eum quidem, qui indignus essem ipsa uita, contempserunt, ac undequaque circundederunt, peruestigantes oculis, quo terræ loco, sua in meam perniciem expanderent retia. Heb. sic; Gressus meos circundederunt, hoc est, quocumque ambulare contingebat, hi uias omnes euadendi præcludebant. Oculos suos statuerunt declinare, seu ponent ad declinandum in terram; hoc est, perpetuò in nos oculos fixos habent, si qua ueniat





**C** occasio nos adeo deijciendi, ut labamur in terram. Eiusmodi enim illi sunt, qui, uel post reconciliatam amicitiam, resarcitamque pacem utcunque, & uerba, & actiones, & ipsos quoque minimos reconciliati amici gestus, ea obseruant uigilantia, & perspicacitate, qua quondam augures soliti erant oscines obseruare. Sed illi deteriores, quam isti. Hi enim religione quadam, licet superstitiosa, & falsa, ne quid inauspicatum agerent, augurijs utebantur: illi uero odijs ac simulatibus infecti, nullum non mouent lapidem, quò foedus illud mentitum amicitiae perrumpant. Alij pijs mentibus consulentes, hunc uersum interpretantur hoc modo. Oculos suos, aiunt, statuerunt declinare in terram, ne, proditorum more, aut quemadmodum senes illi dierum malorum inueterati, de quibus in Susannæ historia horrendum contextitur iudicium, in cœlum aspicerent. Hisce enim uerbis, inquit, improborum affectus describuntur, quibus tanquam ab œstro molestissimo concitati, in proximum continuo machinantur malum: quippe qui obliti, quid decus appetat, & honestum, ad suas tantummodo cupiditates intenti sunt, miseri, & caeci, & sic secum: Vt cunque ista placeant, uel displiceant, sic uolumus.

Susceperunt me sicut leo paratus ad prædam: & sicut catulus leonis habitans in abditis.

Nunquam, fateor, uidi elegantiorē metaphoram, & quæ clarius, ueluti politissimū speculū, eorū reddat imaginē, qui, seu clām, seu palām, nescio quid crudele in animo moliant, reque perficiunt, cum est occasio. Leo enim palām, utpote qui proprijs fudit uiribus, irascitur, rugitque, ac prædam petit. Catulus uero clām in insidijs, & dolo, cum palām non audeat, ob uirium imbecillitatem. Quod quidem felicissimè, ut cætera, sic reddit paraphrastes: Quisquis illorum, ait, similis est leoni, qui maximo studio inhiat prædæ: & catulo leonis, qui insidiatur ex locis occultis.

**D** prætereunti ouiculæ. Tu interim, qui hæc legis, omnia ad animum transfer, atque ad allegorias, troposue, metaphoras, ac secretissimos prophetarum sensus, assequere. Quàm malle profecto, Dei religioni studentes, ouiculas intelligere uulgò nuncupari, & has truculentissimè discerpas: quàm leones, leonumque catulos, in insidijs sedentes, & sese mutuis morsibus, non contentos innocuis carnibus, dilaniantes. Quantum, pro Dei fidem, semper obfuit Dei ecclesiæ, ac sanctorum cœtibus, superiorum discordia, & simultas? Qui possunt tenella uirgulta in arboris duritiem crescere, trunco ipso ab sese diuulso, ac longè à radice proiecto? Visne furculos tuos, ô arbor, ô radix, semper uegetos esse, & uirides, tute prius esto: num: hoc est, non tantum tute tecum concors esto, atque unanimis, sed & ipsos minimos malleolos, ac furculos, tanta charitate tibi connecte, quanta sibi uoluit connecti eius sponsam Christus Iesus, alioqui discordantibus à capite membris, mirum si ignores aliud nihil in toto corpore uideri posse, quàm languorem, morbum, dissolutionem, & mortem tandem. Iam illud non omittendum, quòd Felicis litera apertior est, quàm si legas: Susceperunt me sicut leo. Ille enim: Similitudo eius sicut leo.

Exurge Domine præueni eum, & supplanta eum.

Tu Domine, inquit, qui dum ferre suppetias differs, dormire uideris, exurge, præueni, anteuerte, præoccupa, præcide eius conatus, ne quod machinatur malum perficiat. Supplanta, inquā, illum eo modo, quo hi solent, qui currenti tibiam aut pedem subijciunt, ut cadat, ne ad metam deueniat. Vides quomodo ex omni parte ardentissimis scateat affectibus is uates? Vides quomodo de Deo loquens, à consueto hominum more, quò nostræ consulat hebetudini, non discedat?

Eripe animā meam ab impio, frameam tuam ab inimicis manus tuæ.

Hic indubiè legendum esse, framea tua, septimo casu, tam Hebræi quàm Græci affirmant. Sic Felix: Eripe animam meam ab impio framea tua. Alia uero litera ra & secus, & clarius: Eripe animam meam ab improbo, qui tibi uice gladij est. Idem



**A** Idem paraphraſtes: Animam meam, inquit, libera ab impio, qui gladius eſt tuus. Erit igitur ſenſus: Eripe animam meam ab impio, qui eſt framea tua, ſeu gladius, quo tuum perficis iudicium. Legimus enim in Eſaia: Vt Affur, uirga furoris mei & baculus ipſe eſt: in manu eius indignatio mea. Proinde ſequitur: Ab inimicis manus tuæ, hoc eſt, eripe me ab inimicis, qui tibi uice manus ſunt, qua nos cædis, atq; inferſ plagas. Quod de dæmone etiam dici uideo, tum aliàs in ſcripturis, tum in Iob maxime libris. Manus, inquit, Domini tetigit me, cum dæmon tetigiſſet, cuius ira Deus uſus eſt uice manus. Quare piorum eſt animorum, ſi quando à tyrannis, atq; peruerſis magiſtratibus affliguntur, æquo animo ferre, poſtquã in ſcripturis paſſim legunt, improbis ſuperioribus, gladij loco, ſapientiſſimum uti Deum. Alioqui, qui poteſtati reſiſtit, ordinationi Dei reſiſtit, ut ait Paulus, Non admodum enim iam intereſt, à quo hominum genere regatur mundus, ſimulac altior factus eſt mundo uir probus.

Domine à paucis de terra diuide eos in uita eorũ: de abſconditis tuis adimpletus eſt uenter eorum.

Hoc eſt, improbos eos, ab electis tuis, qui pauci ſunt, ſecerne: eos, dico, qui de terra ſunt, terram ſapiunt, & amant, non cœleſtia. In hac enim terrenarum rerum colluue, & inconstantia, felicitatem ſuam collocauerunt, atq; adeò bona ſua omnia. Vnde illud ſomma in diuitem epulonem, ex euangelio: Tu, inquit, recepiſti bona in uita tua. Ex iſtis ſanè erat diues ille, quos nunc uates in hoc pſalmo memorat. Variè admodum hebræis iſ eſt uerſus, ac ſequens. Felix ſic: A uiris ex tempore, quorum pars in uita: & abditum tuum, ut impleas uentrem eorum. Quorũ uerborum iſ ſenſus eſto: Eripe animam meam etiam à uiris ex tempore: hoc eſt, qui ad hoc tantum pertinent tempus, non ad futuræ uitæ perennitatem. quorum pars in uita: hoc eſt, qui actionum ſuarum, bonorumq; geſtorum partem, mercedem ſcilicet in hoc mundo recipiunt, quemadmodũ de epulone illo iam diximus. Et abditum tuum, ut impleas uentrem eorum, hoc eſt, ſecretum, atq; altè abſconditum eſt humanis ingenijs conſilium tuum, quod in tanta bonorũ copia uiuant. Quis hoc tuum iudiciũ perſcrutari par eſt, quo Lazarus ille iuſtus malis affectus ſit: heluo uerò, & qui nihil à ſordido ſue, uitæ conſuetudine atque inſtituto differret, bonis omnibus afflueret? O profunditatem incõprehenſibilem. Non ſolum, inquit, improbi, & ſcleroſi, in huius ſeculi bonis quietiſſimè natant: ſed & illis liberos donas, quibus poſt ſe, opulentiſſimas ſuas opes, tanta crudelitate partas, reſiſtant. Ideo ſubiicit uates,

Saturati ſunt filijs: & dimiſerunt reliquias ſuas paruulis ſuis.

Vel, ut alia habet litera, pueris ſuis. Id eſt, tam pollucibiliter, atque abundanter huius mundi rebus affluunt, ut etiam nepotibus ſuis, ac ſeruis, aliquid impartiant poſt mortẽ. Plus quàm par eſt, diuites ſunt. Cæterum ſi non placet interpretatio, quam poſui de abſconditis, dicas abſcondita diuitias eſſe, de quibus in ſuperioribus queſtus eſt, quod adipem ſuum concluſerunt: ſeu quia potiſſimum hæ in auro, & argento, peregrinisq; lapillis, qui in terra latent, conſiſtant, uel quia ab auriſ diuitibus abſconduntur. Idcirco alius ſic reddit: Theſaurus tuus replebit uentrem eorum. Et uerè uentrem; nam ad animã diuitiæ hæ caducæ minimè ſpectant, niſi fortè in eius damnum. Expauſcendæ igitur ſunt, non amandæ, poſtquam ab ipſius ueritatis ore proditum eſt, diuites difficile peruenturos in regnum cœlorũ. Nonne amentia genus illud eſt, rem eam expetere, conatũ ue omni, et labore querere, quæ tua diu eſſe non poteſt: cœleſtia uerò, quæ æterna ſunt, ac propria animæ bona, non ſolum non quærere, ſed auerſari, & obuia quoque, tanquam colubrum letalem, fugere? Nulla enim res, re uſa alia inferiori, aut æquali, expleri poteſt. Et cum nihil homine maius ſit, quàm ipſe Deus, ipſo ſolo impleri poteſt, ac ſatiari. An autem ſatiet animum diuitiæ, imperia, & quibus maxime ſolicitantur



**C** mortales, belluæ illæ infinitæ libidinum, testari hi possunt, quibus bellorum, tororū me alienorum, nullus est finis. Illi ut lubet,

Ego autem in iustitiā apparebo cōspectui tuo: satiabor cum apparuerit gloria tua.

Iam suam felicitatem, illorum felicitati opponit uates, & est emphatica antithesis. Illi enim, inquit, bonis caducis abundant, postquā sic uolunt: nihil moror. Ego iustitiā diues, tua felici, æternæq; uisione, ac pace, non fluctuagis mundi huius rebus, satiabor, expleborq; ad summum. Illi, inquam, ita, ut expetunt, copiosissime habeant. Quid mea interest? Ego non eis tam manifestam damnationem inuideo, sed iustitiæ potius, uirtutum scilicet perfectioni, ut cœpi, incumbam. Etsi enim in harum studio plurima me mala experiri oporteat, non frangar tamen, non deiciar animo. Erit profectò, erit, ut tuam faciem aliquando uideam ô Christe, atque ex tuo illo amabili aspectu, quo solo beatæ animæ explentur, ueram obtineam beatitudinem. Tunc sanè, plenè, uerè, copioseq; satiabor, quando tua manifestabitur gloria: cum interim indubitatum damnationis futuræ indicium sit, res eas in terris expetere, ac tam anxie, ut uideo, & amare, & quærere, quarum uoluptas, aut commodum, cum morte definit. Diuus Hieronymus ex Hebræo, loco, cum apparuerit gloria tua, legit, cum surrexerit similitudo tua: quod idem est, quod species, aut gloria: nisi malis similitudinem, hic dici hominem, qui ad Dei similitudinem est factus. Et erit sensus: Tum saturabor gaudijs, cum è tumultu euigilans, ad immortalem uitam surrexero. Similitudo enim Dei in nobis adeò per Adæ peccatum perlanguit, ut mirum uideri possit, quomodo non prorsus sit abolita, nostris maxime accedentibus erratis, ac lapsibus. Verum per iustitiā fidei, hic in terris, operante Christo, reformari potest: ac dum de fide in fidem ambulamus, augetur.

**D** re. Tum uero, cum Christo, in quem per amorē transformamur, nouissima in resurrectione perficietur, quando ad eius similitudinem rediuiui è sepulchris excitabimur. Nam quos Deus ad uitam præsciuit æternā, ut diuus inquit Paulus, prædestinauit conformes fieri imaginis filij sui.

## PSALMVS XVIII.

IN FINEM PVERO DAVID, SEV DOMINI DAVID,  
*quæ locutus est Domino uerba cantici huius in die qua eripuit eum Dominus de manu omnium inimicorum suorum, & dixit,*



Illigam te Domine fortitudo mea.

Dei filius Christus Dñs, hoc in psalmo, Deo patri gratias agit, quod se immunè ab improborū manibus reddidit. Sed hæc omnia propter nos, ut scilicet in angustijs, siue quas mundus, atq; ipsius amatores, siue quas dæmon, in anima, ac carne excitare solet, quò tutò euadendum sit, perdiscamus. O nos beatos, si cōtinuò Christi actiones ante oculos haberemus. Caderet, mihi credite, prorsus squammæ illæ, à cecitate nostra, quas olim Paulus per triduum passus est: & quibus nobiliore partem oculorum obtegentibus, in iustitiæ semitis planè lusciosi, atq; hallucinantes gradimur. Porro nihil hic agere illos arbitror, qui admodum in tituli interpretatione distorquentur, ignorantes quòd Dauid in suis illis persecutionibus, quibus tum à proprio filio, tum ab externis nationibus affectus est, ac tandem diuino suffragante auxilio liberatus, Christū ualde angustian dum, liberandum etiam, in spiritu uiderit. Proinde caput ipsum nostrum audiamus, ac cum ipso (modò sumus digna tanto capite mēbra) decantemus hanc amoris odam. Sed illud in primis cōsiderandum, neminè huiusmodi appellationibus, fortitudinis scilicet, firmamenti, refugij, liberationis, Deum inuocare posse, præter illum, qui totus, nihil sibi reseruans, ab ipso solo pendet, ac de eius auxilio certus est.



**A** tus est. Ad hæc, cum amor sit primum, & maximum donum; atq; in ipso omnia à perfectissimo Deo & opt. max. dona dentur gratuita: nullum aliud maius donū, uel Deo, uel homini rependere possumus, quàm amoris. Vnde illud est sponsi ad animā: Dilige, pro tantis sat mihi solus amor. Christus em̃, ut Deus, simplici quodam, infinitoq; ac inenarrabili amore diligit patrē: sed ut homo, eum maiore dilectione solus, q̃ omnes simul electi, & colit, & amat. Quocirca audacter, & uerè dicere potest, Diligam te Domine fortitudo mea. Equidem cum ne guttam quidem minimam eius flagrantis amoris adhuc persenserim, quoniam tamen illum ipsum hoc modo clamare uideo, qui me etiam reluctanter, ac sordidum, ad sublimiora secum trahit, ac perinde me unum esse cum patre, uti ipse est, & cupit, & uult; summa cum fiducia, unā cum ipso, dicam: Meritò te amo, ô pater, cum sis fortitudo mea, sine qua ipsi etiam cœlestes spiritus infirmi sunt, ac debiles. Cum tu Dñe multis, immensisq; me affeceris beneficijs, & in reddenda gratia me imparē cognoscā, agam quod possum, quamuis neq; hoc sine te queam; te reamabo.

Dominus firmamentū meum & refugium meum, & liberator meus.

Hebræi: O rupes mea, propugnaculum meum, ereptor mi. Vide metaphorā. Solent enim hi, qui se in præruptas rupes, pendentiaue saxa, ac loca inaccessa recipiunt, se tutos putare. Quis eò nisi aliger quispiam ascendere est potis? Tales profectò olim Israelitarum turme fuere ab Madianitarum exercitu fugatæ, de quibus in sexto Iudicum libro sic legimus: Fecerunt sibi antra, & speluncas in montibus, & munitissima ad repugnandum loca. Alio quoque in psalmo, Deus à propheta, petra refugium herinaccis appellatur. His igitur appellationibus, tutissimam esse Dei protectionē, innuere uult uates. Vnde sic reddit paraphrastes: Dominus instar rupis, & turris, semper fuit mihi, seruator meus, dux meus, & fortitudo mea. Stolidus nimium sum, si hic non considero, quod hætenus ignorauī, omnia scilicet bona mea, omnes uires, omnia arma, in Deo sita esse; neq; ulla ab alia re mortaliū errores tam crebros enasci, nisi cum sibi, quod Dei solius est, tribuunt.

Deus meus, adiutor meus: & sperabo in eum.

Felix: Lapis meus, confidam in ipso: & sic in metaphora persistendum est earū rerum, quæ omnifariam præ se ferunt securitatem. Porro nunquā de Deo nostro simile quoddam insultationi illi, qua in Aegyptios olim usus est Moses, auditum est dici. Vbi sunt, inquit, dij eorum, in quibus habebant fiduciam?

Protektor meus, & cornu salutis meæ, & susceptor meus.

Hebræi: Clypeus meus, uirtus, qua seruo: perfugium meum. Clypeus enim noster est Deus, qui tela illa ignea, pro nobis, quæ intorquet hostis, atque in nos iaculatur, suscipit. Cornu est, quia potens, & robustus. Siquidem in scripturis per cornu, quo animantia potissimum & pugnant, & intumescunt, potentia, uirtus, robur, gloria interdum, ac regnum significatur. Vnde impijs dicitur: Nolite extollere in altum cornu uestrum. De Christo autem: Et erexit cornu salutis nobis. Et illud: Exaltauit cornu populi sui. Vide uero quàm tenera, ut sic dicam, usus est dictione, susceptor: more scilicet anxie nutritis, quæ perterritum puerum, aut leui, nescio quo strepitu fugatum, inter amica brachia suscipit, stringitq; ad pectus.

Laudans inuocabo Dominum, & ab inimicis meis saluus ero.

Post inuocationē memorare iam incipit, quibus è malis Dei beneficio ereptus sit. Presentaneum enim remedium est, in angustijs acerbioribus, ac tentationum mole, ut de iam præstitis beneficijs & liberationibus gratias agens, Deum, ut iterum opem ferat, implores: quod quidem in scripturis fit passim obuium. Adde quòd eum inuocare nō potes, de quo salutē nō speres, Quare in euangelio Lucæ



**C** legimus, Dominum Iesum eleuatis oculis in coelum dixisse, Pater gratias ago tibi, quando me audisti. Ego sciebam quia semper me audis. Et cum hac dixisset, uoce magna, hoc est, fiducia plena, clamauit. Verum cupis ne scire quid utilitatis afferat eiusmodi erga Deum, uel affectus, uel gratitudo? Ab inimicis meis, inquit, saluus ero. Hic certe uides quam breui compendio eo peruenit, quo nostri labores omnes defudant: ad eam scilicet animi securitatē, ut nullum quamuis crudelem pertimescamus inimicum. A spe enim, ac laude, gratiarumque actione, tantum sibi comparatum bonum asserit: non à superstitiosis syngraphis, & tabellis collo alligatis, quibus nostri temporis milites utuntur, aut in rebus pub. factiosi. Vis ne miles, inter densissima hostium tela, uel inermis, in offensa uiuere? Deum, quem praeteritae uitae impuritate, furtis ac rapinis offendisti, uitae innocentia, & puritate, tibi concilia, eumque time.

Circundederunt me dolores mortis: & torrentes iniquitatis conturbauerunt me.

Quis tam ferreus est, qui hoc non fleat? Qui culparum suarum pondus non excreetur, pro quibus eluendis tam uilis factus est Christus, ut perterrefactus clamer, expostuletque, sese à doloribus mortis circumuentum? At tu, si tam durus es, atque extra te positus, ut hac non uideas, immensum saltē liberationis munus recognosce ex periculi magnitudine, in quo se esse queritur Deus tuus. Ceterum dictio, dolores, in hebraeo quiddam uehementius sonat, quam latinus reddit interpreti subitum scilicet, uiolenterque irrumpentem, ac omnē corporis texturam dissoluentem dolorem, ut ille est, quo miris cruciatibus, ac torminibus, distorquentur parturientes. Ita igitur non dissimulanter, aut in superficie, Dei sui languores contemplantur ardens anima. Coepit Iesus, ait scriba ille diuinus, pauere, & tædere, & contristari. Mirum si neges uehementes in pauore illo, qui mortem intentaret, in tedio, in tristitia, fuisse dolores. Et torrentes, inquit, iniquitatis.) Felix: Cōgregationes Belial perterruerunt me. Quod clarius expressit alia litera: Torrentes quidam perditorum hominum me exanimarant. Sunt profecto peruersorum hominum impetus, quasi torrentes: qui nulla lege, nullo ordine, nullo habito respectu, uel honesti, uel decoris, ferarum more, in omnibus suis consilijs & actionibus se habent, uti nimirum torrentes solent, qui subitis imbribus, uel niuibus è montium apice eliquentibus, repentino quodā impetu praecipitanter defluunt. Conturbauerunt me.) Perterruerunt me, ait Felix: seu exanimarāt: aut, ut paraphrastes, Torrentes diaboli terruerunt me. Aiunt enim corpoream naturam in Christo, à naturali sua dispositione immutatam, propter acerbiteriam doloris; non tamen rationem à rectitudine, ne pilum quidem, deflexisse.

Dolores inferi circundederunt me: praecupauerunt me laquei mortis.

Volunt enim quos modo dixit dolores mortis, eosdem etiam dolores inferi appellari, quod ex tanta uerborum exaggerantia, ut moris est Dauidi, summam angustiarum uim & anxietatem in Christo futuram exprimeret, quod quidem placeat. Addunt porro hunc inter Christi dolores atrociorē fuisse, quod suos scilicet tam diros cruciatus, ac saeuam mortem, per paucis profuturam prauidit. Unde illud è purissimi illius cordis radicibus emanauit, Sitis, quo se supremū in modum salutē humani generis sitiuisse significauit. Condoluit igitur Christus futurum mortalium exitium, ac nigras inferorum aedes infinitis animarū agminibus patere, suamque bonitatē penē ab hominū duritiā deuictam conquestus est. Praecupauerunt me laquei mortis.) Felix: Praeueniunt me. Vt intelligas, anxios ludaeorum animos, ad festinandam Christinecem, extitisse. Queritur etiam apud Hieremiam filius Dei hoc modo: Foderunt foueam, ut caperent me: & laqueum absconderunt pedibus meis. Hinc, ueluti interpretationem dictorum, adiicit: Tu Domine scis omne consilium eorum aduersum me in mortē, Summa: Tam astutus in



**A** tas in me fabricati sunt technas, uafrosq; dolos, & insidias, ut euadendi spes esset nulla. Nihil non tentauerunt, ut me occiderent, eraderentq; de terra uiuentium, Atego

In tribulatione mea inuocaui Dominū, & ad Deum meum clamaui.

Narrat hic Christus, quō angustiatuſ fugerit. Nō quidem ad magos, et ariolos, non ad mathematicos, ac phylliognomos, ut quosdā, uel in sublimiori professione aliqua constitutos, confugere audio, uidi quoque: sed ad Deum uerum, atque hunc solum omnipotentem, & constantissimū. Summa enim uirtus est, ac precipuum fidei argumentum, cum aut ab inuisibili tentamur hoste, aut iniurijs à uisibili impetimur, non despondere animum, aut nimium perfractē dolere: sed illuc nostra dirigere consilia, unde certissima expectatur salus. Ita enim egit Christus cum semper, tum maximē cum procidens in faciem suam prolixius orauit, factusq; est sudor eius sicut guttē sanguinis decurrentis in terram. Porro quid apertius ab apostolo dici potest, quā illud quod ad Hebrēos scribens enarrat: In diebus, inquit, carnis suæ, preces, supplicationesq; ad eum, qui posset illum saluum facere à morte, cum clamore ualido, & lachrymis offerens, exauditus est. Omīrā filij Dei erga homines dignationem: ō nostram uerō ignauiam; ipse enim innocuissimus, pro se, suaq; salute, orat; nos autem sordidi, horas omnes, ac si nullū esset periculum, ad puluinar stertimus. Nōne aliquando saltem, si non cōtinuō, à pollicitationibus per nos in baptismo, uoto illo scilicet publico, ac solenni, factis, excitamur? Pater, inquit ille, saluifica me ex hac hora. Mi pater, ait, transfer à me calicem istum. Nōne pro nobis etiam? Pater, inquit, serua eos in nomine tuo, quos dedisti mihi, ut sint unum, sicut nos. Poterit ne filius amantissimus à patre tam pio uoto fraudari? Cum clamore, ait Paulus, ac lachrymis: quod penē idem est, quod antea ipse Dei filius in propheta questus est: Oculi mei, inquit, languerūt prē inopia: quasi lugens, & contristatus ingrediebar. Atque hoc sæpe alias, sed tum fortius cum cruento ligno suffixus, humani generis ingratitude defleuit. E cuius miserando spectaculo, sol obscuratus est, discissę rupes, ac condita omnia dederunt notam doloris.

Et exaudiuit de templo sancto suo uocem meam.

Vide gratitudinem animi, qui in extremo quoque periculo constitutus, non potest non fateri beneficia. De monte sancto suo, inquit, deque æterno maiestatis suæ palatio, ac sede cœlorū immortalī, exaudiuit me. In cœlo enim habitare Deū, in tranquillitate infinita, hoc est, in seipso, & credimus & prædicamus. In cæteris enim locis, ac rebus, cum per potentiam quandam inenarrabilem, incomprehensibilemq; bonitatem, totus sit, quippe qui natura spiritus sit, propterea indiuisibilis, in cœlo tamen, beatorum scilicet sede, ac patria, speciali quadam prærogatiua, per diuinum aspectum, quo suos omnes beat, sedem habet.

Et clamor meus introiuit in aures eius.

Hoc est, non solum clamor meus, miserorum scilicet omnium, in sanctissimū eius conspectum peruenit, sed usque ad ipsius aures sese insinuauit. Cupis nescire an à patre filius sit auditus? Et clarificaui, inquit, & clarificabo. Verū quibus tandem signis pater suam solitus fuerit mortalibus manifestare potentiam, cum in antiqua lege populo illi duræ ceruicis, tum uel maximē moriente amantissimo eius filio in cruce, tum, dico, quando terrificis portentis ac signis testatus est sese dolere, atque irasci, in nec tam mansuetissimi agni, edisserit uates, ac feruentissimo pectore clamat,

Commota est, & contremuit terra.

Ardēt omnia in hoc psalmo: quare flagrāte in diuino amore opus est intellectu, ad hūc puestigandū, Alioqui mēs algida, atq; cœlestis prophetarū furoris expers,





**C** quomodo in flāma huiusmodi perfectissimis uiris uix cognita, incalcescet? Num hāc legentes ignoramus adhuc, ad diram illam filij Dei mortem, condita omnia perturbata, concussa, ac terrifico spectaculo cœlestis patris dilectissimi sui unigeniti spectantis necem, declaratā iram? Fuere quidem olim, mirabili mortalium stupore, terræ motus, tellusq; non semel altissimo subsedit hiatu. Fuit aëris tempestas, atq; aliæ cœli, terræq; & abyssi commotiones. Sub hora tamen, qua filius patri reddidit spiritū, fuere cuncta terribiliora, quā unquam, ac horrenda magis. Ab euangelio enim accepimus terram motam, petras scissas, monumenta aperta, inferos patuisse, obscuratum solem, lunamq; ut ait Petrus, sanguineam factam: signa insuper fursum in cœlo, & in terra deorsum, sanguinem, & ignem, & uaporem fumi. Quæ quidē omnia, moriente Christo, accidisse, non desunt qui dicant, citantes illud Ioelis ab apostolo Petro in medium adductū, licet alij ad iudicium uniuersale referant. Vtrunq; enim, ut mea est opinio, spiritui conuenit: sed illud magis, quo quidam asserunt diem illum magnū, & ut ipsius uatis uerbis utar, manifestum, gratiæ tēpus protendisse: quandoquidē is statim, connumeratis miraculis quæ diem istum felicissimū præuenire debuerant, infert: Et erit (postq; scilicet signa illa præterierint) quod omnis qui inuocauerit nomen Dñi, saluus erit. Quæ sanē inuocatio, quum fide, & cultu cōsistat, in alio seculo locum non habebit, cum omnia ibi definita, sedem sibi in æterno destinata, citius q̄ ipse sit oculi nutus, perenni lege sortientur. Signa igitur quæ hic à uate narrantur, indicia iræ patris, ac doloris, ob filij necem fuere. Qua ratione uero humani in Deo dicantur esse affectus, cum natura stabilis semper sit, ac sui similis, iam antea diximus. Nostri enim intellectus hebetudo, uix aliter de diuina illa natura, uel cogitare, uel ratiocinari, nisi more humano, ac consuetis uulgò uerbis, idonea est. Atqui huius temporis sexcenta prius præteriere argumenta, præludiaq; testantia Dei indignationem in mortaliū genus. Sed illud in primis (cætera enim omittam) quod in Exodi libro legimus: Iam, inquit, aduenerat dies tertius, & mane inclaruerat, & ecce cœperunt audiri tonitrua, & micare fulgura, & nubes densissima operire montem, eratq; omnis mons terribilis. Huiusmodi enim terrificæ illius regionis cōmotiones, umbra erant futuri, quemadmodum cætera Iudæorū, quibus quotidie in spiritu crudiuntur electi, hoc est, Dei ecclesia. Plagas illas hic uates memorat, ac minas, quæ in Iudæorū gratiam cœlitus olim Aegyptijs obuenerent, quo admoneamur, nolite huic ætati, quam auream appellare fas sit, postquam in ea uixit Christus, & nunc uiuit, portenta illa præluisse.

Fundamenta montium conturbata sunt, & commota sunt, quoniam iratus est eis.

Vides iam palam, quamobrem concussiones illæ elementorum à Deo sint factæ. Quoniam, inquit, iratus est eis. Cur iratus? ob necem scilicet tam indignā sui unigeniti, ob generis humani internecionē, ob latè diffusum per orbem tartareæ potestatis imperium. O desiderabilem electis supremi patris exandescentiā, atque iram, improbis uero extimescendam. Cæterū moriente Christo, genus aliud terræ, etiam quā id est, quod pedibus calcamus, permotum esse credimus: homines scilicet, qui tum præsentēs aderant crudeli illi spectaculo, ac tragœdiæ. Centurio, ait Euangelista (ecce terræ fundamentum) & qui cum eo erant (ecce terra) uidentes quæ fiebant, & quia sic clamans expirasset, timuerunt ualde: hinc uidēs & terram motam, & montium fundamenta concussa. Ita enim tropo scriptura, terræ, & montes, frequentissimè usurpantur. Aliud fermè huic simile ab alio euangelista enarratur. Omnis, inquit, multitudo eorū qui aderant ad spectaculum illud, uidentes quæ fiebant, percutientes pectora sua, reuertebantur. Porro Dei ira in hoc loco est diuinæ iustitiæ uindicta, exactaq; punitio, quam cum intentat Deus, aut signis huiusmodi terrificis pollicetur, quis liber à pauore? Tunc, ait propheta, contur-



**A** conturbati sunt principes Edom: robustos Moab obtinuit tremor. Perterrefactis enim principibus, nemo sanè ex uulgi turba est, qui impauide uiuat.

Ascendit fumus in ira eius.

Vide quomodo de Deo uates, ut de homine loquitur: quò tandem ex his, quæ quotidie in iratis hominib. fieri cernis, assuescas, uel sic, Dei potentiam, ac iustam eius iram, uindictamq; tum fateri, tum extimescere. In ira furoris mei, inquit, sufflabo in te. Creatore enim irato ob creaturæ interitum, uindictæ olim fumus præcessit, cum tyrannum ex parte coercuit: quod quidem ultionis futuræ atrocioris exordium fuit, quemadmodum fumus est igni præuius. Quocirca demones naturæ acutissimi, suam prorsus præuidentes exterminandâ tyrannidem, atque ad æternos sese obtrudendos, per Christi mortem, cruciatus, exhibant clamantes: Venisti ante tempus torquere nos, ac si dixissent, fumus tuæ est iræ, quem sentimus: nondum enim ignis tempus aduentasse scimus. Cur igitur cum fumo flammam quæque ante tempus eiacularis? Caterum nonne de homine uehementer irato dicimus, quòd in illius nares fumus ascendit? Hic itaque maxima Dei ira, atque ultio, in reprobos est expressa. Solet enim scriptura, & potissimum Davidis, mentis oculos excitare ad illa de Deo considerata, quæ corporeis passim oculis ultrò occurrunt. Ad hæc, in prisca illa Iudæorum ætate uulgò omnibus erat notum, Deum scilicet, cum præsentius suam decreuisset potentiam, iram quoque, atque ultionem declarare, intonuisse, fulgurasse, ac terram terrificè concussisse. Quo alio signo se iratum ostendit in Iudæorum gentem, quæ, in iussu Domini, regem sibi perit: Quorursus alio, se potentem, quando suo uati liberationem populi ab Assyrijs est pollicitus? Visitaberis, inquit, cum tonitruo, commotione, uoce grandi, turbine, tempestate, flamma ignis urentis. Neque sanè quidem alio se indicio, potentem, commotumq; ac timendum præbuit, cum mortalium redemptionem Christi morte paratam, cœlestis lampadis obscuracione, terræ motu, rupiumq; collisione, testatus est. Adeo enim antiquitus omnibus inualuit persuasio eiusmodi, ut etiam poëtæ ethnici hanc se habuisse suis in carminibus demonstrauerint. Sic enim illorum princeps: Ipse pater medianimborum in nocte, corusca fulmina molitur dextra. Cum igitur tropos, atque huiusce generis metaphoras, in scripturis legere contingit, caue ducas in Deo esse, aut iræ, aut exandescentiæ motus: quippe qui simplicissimæ, atque adeo perfectissimæ naturæ sit spiritus: sed tantummodo ex his elice, quàm mirabilis, quàm potens, quàm iustus, quàm ueirreuocationibus seruari oportet, si in rebus prophetis uidere nequis, ne idcirco ab illarum lectione deterrearis: sed magis assuesce in sanctis uatibus sanctum furorem pernoscere, ut in tanta præsentis psalmi troporum congerie est uidere: qui partim ad Christi tempus, partim ad iudicium uniuersale, totum uerò ad ea, quæ quotidie in peccatorum cōuersione fieri cernimus, attinet. Nō est em̃ tam horridus in rebus cōditis fragor, tam sæua cōcussio, tam asper motus, tam dira tēpestas, quæ illa minor non sit, quæ in hominis pectore uerè sese examinātis, ex cordeq; resipiscētis, ac quibus, ob uitæ impuritātē, ac turpitudinē, obnoxius sit pœnis, peruidētis, miserabilem in modum uersatur. Porro quis adeo lucidus ignis est: quæ fulgetra: quod fulmen: quæ coruscationes adeo splendidæ, adeo ardentes, quæ cum facie illa diuinæ consolationis comparandæ, quam in se sentit uir sanctus, ob reconciliatam cum Deo conscientia: sol ipse quidem purificatæ conscientie splendori cedit.

Et ignis à facie eius exarsit, carbones succensi sunt ab eo.

Irati hominis, ut iam diximus, qui è naribus spiret fumum, atq; ignem ex ore, Deo personam tribuit uates: quò terrificum eius in sceleratos homines iudicium, hisce saltem usitationibus uulgò uerbis, cor nostrum alioqui durum, ac intractabile, intelligat, & ueneret. Verum carbones, hoc est, bonæ naturæ dotes per Adā extinctæ,



**C** per Christum accensæ sunt: per uoluptatum, inquā, undas, ac fluctus, restinctæ, per spiritus ignem reaccensæ. In ardentissimam enim flammā diuini amoris, per Christi accessum ad homines, iam terminauit uoluptuosarū rerū fluor, ac torrēs.

Et inclinauit cœlos, & descendit: & caligo sub pedibus eius.

Habitus hic cœli, sæuiente procella, describitur: tum enim demissum uidetur ac terræ incumbere, montesq; fumo, & caligine, & nebula conuolui, & obscurari. Quæ quidem cum uidentur fieri, ut olim in monte Sinai uisa sunt, & quotidie in excelsioribus montibus cernuntur, Dei præsentia pertimescimus, fatemurq; eum ipsum descendere, caliginē mæ sub eius pedib. condensari: quod in picturis quoque effingere conantur pictores, ut passim in templis, locisq; prophanis fieri conspiciamus, licet ab omnibus fermè causa ignoretur. Ex hac porrò terrificæ cœlorum concussione, atque obscuritate, crebræ illæ rogationum supplicationes in Casino monte à sanctissimis illis mei ordinis uiris originem habent. Vidimus enim sæpe, maximo cum spectantium miraculo, & stupore, ipsius fulminis telum iam iam terris propinquum, uel precum, in aere pendere, tandemq; in medijs ipsis coruscationibus unā cum nimbis in tenuissimum uaporem resolui. Quis, oro, huiusce generis remedium tam salubre, ad placandum Deum iratum, mortales edocuit? Quis fidei carbones illos iam in nobis reaccensos, cinere olim obductos, & planè emortuos excitauit, in flammamq; effudit, nisi is, qui nostri gratia despectus, inclinauit sese formam serui accipiens, descenditq; ut ait Paulus, in inferiores partes terræ? Verum caligo sub pedibus eius. Nam obscura uia est, ut inquit Eutymius, atq; incomprehensibilis incarnationis filij Dei modus, & ordo.

Et ascendit super cherubin, & uolauit: uolauit super pennas uentorū.

**D** Crubin Hebræis aues sunt: Crub auis. Hic enim Dei potentiam, celeritate omnia indicibili superantem cogita, quippe qui pro equo, crub, seu uolucrē, & hanc cœlestem habere dicatur à propheta, & qui pennis, ut ait paraphrastes, ipso uento celerioribus uolat, & equitat. Cæterū in rebus corporeis nihil uento celerius esse re ipsa uidemus. Quid si alas addis? Vide prosopopœiam ferè necessariā ad exprimendos diuinos affectus in terris, apud rudiores præsertim, qui rarò ad cœlestium rerum contemplationē mouere animum norunt, nisi corporea aliqua similitudine proposita. Et uerè Dominus Iesus, cum inclinasset cœlos, & descendisset, equitauit super cherub, hoc est, super plenitudinem scientiæ (sic enim hanc uocem interpretantur) quam esse charitatem, diuus asserit Augustinus. Ipse enim solus creatorum omnium simul charitatem supergressus est, cum pro inimicis, atque illis quidem ipsis impijs, occubuit: cum ne pro amicis certè, & illis iustis, & bonis, qui mori audeat.

Et posuit tenebras latibulum suum, in circuitu eius tabernaculū eius: tenebrosa aqua in nubibus aëris.

Nimborum uis, qui terræ incumbunt, eo maxime tempore, quo totus passim nigrescit aer, à propheta narratur, ex quo tremendam creatoris potentiam in nubium obscuritate latentem ferè sentimus. Facit, inquit paraphrastes, tenebras latibulum suum circum se: in modum tugurij habet obscurissimas aquas, & densissimas nubes. Certum porrò est, inuisibilem diuini luminis plenitudinē, ut ait Dionysius ad Gaium monachum scribens, appellari diuinam caliginem, seu Dei tenebras. Has tenebras, ait, & hanc caliginem, ponit Deus latibulum suū. Rursus alio in loco: Diuinæ tenebræ, inquit, cooperiuntur omni lumini, & absconduntur omni uisioni, propter incircumscriptibilitatem, & super plenissimam proprii splendoris claritatem. Noctue enim oculi, hoc est, mortalium intellectus, ad hanc densissimam diuinæ naturæ caliginem, quæ lucem habitat inaccessibilem, omnino cæcutiunt. Quocirca quid humanis, tardis scilicet atque hebetibus animis, profundissimos illos diuinarum tenebrarum recessus aliquādo intelligere speramus, cum & in nubibus



**A** in nubibus aëris, in prophetis uidelicet, apostolis, angelicisq; naturis, tenebrosa sit aqua: id est, diuinarum rerum scientia, & speculatio hallucinetur, & lusciosa sit. Angeli enim Dei, ut ait Dionysius, nubes cœli sunt. Cæterum de apostolis canit ecclesia hoc modo: Qui sunt isti, qui ut nubes uolant, per cœlestem scilicet contemplationem, ac notitiam? Qui tamen, quandiu in terris peregrinati sunt à Domino, non tam altè, quemadmodum angeli, diuinæ notionis secreta perscrutati sunt. Hi enim, ut ait idem, recipiunt illuminationes diuinas receptione prima, clara, & immediata. Illi uerò, receptione secunda, symbolica, & mediata; nam per angelos deferunt ad nos.

Præfulgore in conspectu eius nubes transierunt, grando, & carbones ignis.

Vidisti ne unquam cōmotiones aëreas, & uicissitudines, elegantius exprimit? Clarius Hebræi: A splendore, aiunt, qui coram eo est, densæ nubes transierunt, hoc est, fulgetris crebrò micantibus, fulminibusq; cadentibus, extenuatæ nubes disparuerunt. Solent enim nubes, ex crebrescentibus coruscationibus admodum extenuari. Sensus igitur erit: A præsentia fulgoris, & coruscationum, quæ cœlitus erumpunt, dissoluuntur nubes quamuis densæ, & opacæ. Grando transit, fulminaq; illa ignea, quæ perinde cuncta perurunt, & afflant, atque solent accensi carbones in aridas segetes coniecti, stipulas amburere, ac deuastare, euanescent. Sunt & alij carbones, quos suprà memorauit uates succensos esse ab eo: qui prius tanquam preusti quidam sudes, semiustiq; titiones, extincti uidebantur, erantq; omnino: postea uerò uiuidi effecti, atque maiori, quàm antea, reaccensi lumine, & ardore, quamcunq; afflant animam, quamuis algidam & mortuam, in ignis illius naturam transmutant, qui cōsumens dicitur: similes nimirum lucernæ, quæ cum premitur, ut purgetur, uidetur extinguui: sed emuncta, postea maiori sese lumine manifestat, & lumen præbet. Hos enim carbones, Dei scilicet apostolos, alio in psalmo, carbones desolatorios, seu iuniperorum, appellat propheta: quorū quidē natura ea uis est, ut tenacius, quàm cæteri, ignem alant, ac seruent. Transeunt igitur carbones eiusmodi, ac tanquam scintillæ in arundinetis discurrentes, ut ait Solomon, ibant omnia sacrosancta diuini spiritus conflagratione perurentes, ac ueluti grando uel aliqua uentorum intra nubes colluctantium irritata, quæ late solet agros depopulare, sataq; sternere, ac uites gratissimo fructu denudare, simul chororū cultores cum ipsis aris & lucis demolientes, funditusq; exterminantes.

Et intonuit de cœlo Dominus, & altissimus dedit uocem suam.

Ex incensa uentorum inter sese luctantiū ira, istę nubes tonitrua edunt: hincq; fulgetra, ac fulmina, quæ hic uates carbones ignis uocat, excutuntur. Tum sanè nemo homo est, quamuis altus, ac sublimis, qui non paueat, fateaturq; diuinum illud esse opus, propterea timendū. Verum aliud quoq; tonitruui genus à uate hic dici arbitror. Intonuit igitur Dominus, & altissimus dedit uocem suam, quando Dominus Iesus, data de frumenti grano doctrina: quid dicam? ait, Pater, clarifica nomen tuum. Venit ergo uox de cœlo dicens: Et clarificaui, & clarificabo. Turba uerò quæ stabat, & audierat, dicebat, tonitruū factum esse. Nonne altè Deus intonuit, uocemq; dedit altissimus, cum aperti sunt cœli, & facta est uox patris dicentis, Hic est filius meus dilectus? Nonne, quādo factus est repēte de cœlo sonus aduenientis spiritus? Quid? nonne modo etiam fatemur cœlestē patrē, tonitruo quodam secretiori, ac uoce, nos desides excitare, cum aperit nobis sensum, ut intelligamus scripturas? ut resipiscamus? ut à uia nostra mala, in semitas iustitiæ, pacis, ac uitæ redeamus? Nedum hoc quidem, sed

Misit sagittas, & dissipauit eos.

O amabiles sagittas, ô pharetrā calore alio ignitam, quàm ille sit, quem suo Cupidini inesse somniant cæci adolescentes, Sunt, inquam, cœlesti patri suæ sagittæ,



**C**uæ pharetræ, sui arcus, sua tela: sed quibus solūmodo hi traſciuntur, quibus nū-  
lum cum mundo fœdus est, ac pax. Immittit enim Dominus ab arcu illo suo diu-  
no, & funda, suæ sacre legis stimulos, ac resq̃ morsus, uerba scilicet illa omni gla-  
dio ancipiti, ut inquit Paulus, penetrabilia: quorum quidem uulnere dissipantur,  
longeue fugantur turpes animi affectus, motusq̃, ac tandē dæmones illi tam  
mortalium generi infensi: quos sanè, ut ait Eutymius, hic non nominat spiritus,  
quia nō solum eos, sed & eorum nomina abominatur. Sat igitur fuit dicere, eos.

Fulgura multiplicauit, & conturbauit eos.

Vide altissimi bonitatem, qui non solum eiaculari dicitur fulgura, sed multipli-  
care: quò animum facile aduertere queas, quantum nūquam mortalibus defuit,  
quos semper admonitos uoluit, tum primum quidem per optimam naturę legē,  
eandem ipsam postea in tabulis illis lapideis repetitam: tum per sanctos Dei uir-  
tes, atq̃ interpretes, per signa, per miracula: tum nouissimè per sanctissimos suos  
apostolos, cæterosq̃ illius prædicatores: quæ quidem omnia diuina sunt fulgura,  
quibus copiosissime nostra, alioqui dura, ac lapidea afflata corda, conturbantur,  
partim quidem ad pœnitentiam, partim uerò ad desperationem. Nōne fulgur  
illud fuit cœlitus emissum, cum Paulus furia concitus in Dei uiros, ab equo de-  
turbatus proruit in terram, nihil uidens? Quid illud, quando, intransibis urbis  
mœnia Magis, cōturbatus est rex, & omnis Hierosolyma cum eo? Sexcenta alia,  
atque eo amplius in scripturis inuenies Dei fulgura huiusmodi, alijs quidem ad  
uitam, alijs uerò ad mortem. Sed felix ille, qui à tam salubri percussus telo, affla-  
tusq̃ admonitus, melior fit, haud deterior, uti solent hi, qui eo stupidiore sunt, ac  
in tam benignum numen duriores, obstinatiorē sue redduntur, quo crebrius uul-  
nerantur. Huiusmodi enim pertinacia affectus olim fuit Pharaō, Iulianus postea  
inter Christianos: sed parum antea Iudas Ischariotes. Sed nullus unquam adeo  
**D** amplius fuit exemplorū istiusmodi numerus, quin modò à quamplurimis nostri  
æui hominibus æquetur. Vnusquisq̃ enim habet in sua patria quod doleat, cum  
ob multa, tum potissimum ob obstinatam quorundam in malis pertinaciam.

Et apparuerūt fontes aquarū, et reuelata sunt fundamēta orbis terrarū.

Post tonitrua, fulgetraq̃, ac nimborum agitationes hinc inde uarias, gratus se-  
quitur imber, serenus fit aër, amœna omnia. Idcirco, ait, reuelata sunt fundamē-  
ta orbis terrarum. Haud amplius enim uisuntur cisternæ illæ dirutæ non ualentes  
continere aquas: sed riui amœnissimi: sed fontes uiui salientes in uitam æternam.  
Ex qua quidem aquarum copia, profundissima humorum receptacula de-  
teguntur: hoc est, reconditi scripturarum sensus, per aduentum spiritus Dei re-  
uelantur. Nam gratia, & ueritas, per Iesum Christū facta est. Et hæc quidē omnia,

Ab increpatione tua Domine, ab inspiratione spiritus iræ tuæ.

Tunc dico, quando increpasti gentes, & periit impius. Quando, inquam, in-  
crepabat eos, & non sinebat loqui. Omiram diuinæ potentie amplificationem.  
Cui enim ad uerbum parent flumina, ac profundissima aquarū scaturigines ob-  
temperant, eum potentissimū esse necesse est. Quare Iudæi diuinam in Christo  
admirantes potentiam, dicebant: Quis est hic, cui mare, & uenti obediunt? Nōne  
neis idem est, qui olim increpauit mare rubrum, & exiccatum est? Non est enim  
in rebus conditis res ulla adeo in suæ naturæ soliditate immota, quæ protinus à mi-  
nima diuinæ potentie increpatione, ac iussu, non dissoluatur, & pereat. Multo  
magis uerò, si quæ agunt homines, rerum naturæ aduersantur: legibus, bonisq̃  
moribus, humanitati, ciuilibusue sanctionib., ac publicæ concordie, & paci repu-  
gnant. Ab inspiratione spiritus iræ tuę. Ardēs periphrasis, quæ ira describit. Ira  
enim, ut ait Eutymius, ignis similis est: quæ sanè accensa, atq̃ excitata, uaporē quæ-  
si fumū emittit, & per iram hominis nares in aërē spirat: unde & spiritus iræ dicitur.  
Eos.



**A** eos, qui ualde irati sunt, iram spirare asserunt. Hac igitur similitudine, motum iræ significauit propheta, humano more loquens. Adeo, inquit, tu Dñe iratus eras, quod spiratio, ut ita dicam, spiritus iræ tuæ in aëre esset, & inimicos dissipares, hec Eutymius: Cæterum, ut nulla alia unquam fuerit increpatio, ac spiritus iræ Domini, ea sola tandem nos perterruisse debuit, qua ipse Dei filius comminatus est dicens: Nisi poenitentiam egeritis, moriemini. Quo mortis genere, quaeso? Moriemini, inquit, in peccatis uestris. Quæ unquam tam extimescenda audita est increpatio: quò nostræ igitur tendunt uanitates: quò tumor: quò nostræ sanctitatis opinio? Nisi enim poenitentiam egerimus, moriemur. Ergo poenitentia ad assequendam beatitudinē, hoc est, ueram uitam, necessaria est, ne tandiu à poenitentia, nescio qua, deludamur. Quæ uerò uera sit poenitentia, alia res est, Nunc ad institutū,

Misit de summo, & accepit me: & assumpsit me de aquis multis.

Diulgata enim Dei potentia per terrificas aëris commotiones, quò ad considerandum potentissimum cœlestis patris imperium excitaret ignauos, ad propositum redit propheta, quo coeperat ipsius opem implorare, dicens: Dñs firmamentum meum, & refugium meum, & liberator meus. Ac paulò post: Exaudiuit de templo sancto suo uocem meam. Quod quidem, rhetorum more, facta digressione, repetit, inquiens: Misit de summo, & accepit me. Vide grati animi affectū, qui omnia, quæ ad uictoriam faciunt, diuinæ bonitati attribuit: contra quorundam nimirum arrogantiam, qui parta in acie, aut in arcis alicuius expugnatione uictoria, non Dei potentiam, & auxilium, sed aut militum fortitudinē, uimq; pecuniarum, aut arietum, tormentorumue æneorum ordinem, ac aptam dispositionem iactitant, eisq; tribuunt, si quid felicioris successus in euentibus belli dubijs affecti sunt. Quid porro dicendum, quomodo in referenda gratia pro reportata de inuisibilibus inimicis uictoria, turpissimè erratur, dum nos solummodo, nostraque studia, ac consilia, miramur, & laudamus? Quotus enim quisq; est, uel ex prudentioribus quidem uiris, qui non magis transactæ suæ uitæ innocentiam, ieiunia, uota, peregrinationes, & id genus cætera adiaphora, credat, ac uulgò memoret, causam suæ uictoriæ extitisse, quàm benignissimi patris fauorē, & gratiam? Secus uero Dauid, qui interroganti uelut amico, quò suas referret uictorias, respondit: Misit de summo, & accepit me. Hebr. Misit ab excelso. Quid misit, oro? auxiliū, uirtutemq; uincendi, & me eripuit. Vide effectū cœlestis auxiliij. Hic Dauid, Deum penè uidere facit corporeis oculis, manum ē sublimi porrigere, seq; ex aquis malorum, in quibus uolutabatur, eripere, ac iam demersum extrahere. Idcirco canit: Assumpsit me de aquis multis. Metaphora hæc quidem ex aquis profundioribus sumpta esse uidet: in quas si quis ceciderit, aut ē ripa deturbatus fuerit, pereat necesse est, nisi ab aliquo actutum liberetur. A profluuiō, inquit, calamitatū immenso, in quibus periclitabar, extraxit me. Aquæ enim in scripturis, angustias nōnunquam, ac persecutiones ostendunt, ut illud est: Saluum me fac Deus, quoniam intrauerunt aquæ usq; ad animam meam. Interdum per aquas, populos pretendi, in prophetis maximè, uidemus: unde illud in Esaia: Ecce Dñs adducet super eos aquas fluminis fortes, & multas, regem Assyriorum,

Eripuit me de inimicis meis fortissimis.

Iam uates aperit, quæ sint aquæ illæ, ē quibus se ereptum memorat, hostes scilicet fortissimi: quos quidem non tantum illos esse iudico, qui inter ciues armis ac sicarijs affatim muniti sunt, quantum qui honoribus, magistratibus, autoritateq; sunt præditi: hisce enim bonorum ciuium ornamentis si accefferit malus animus, prauaq; conscientia, ac turpis uita, quid infelicius in rebus pub. contingere potest? Hebræi habent, fortissimè, quò intelligas, quanta ui opus sit, & robore, ne tam uafri hostibus succumbas. Huiusmodi enim sunt animarū insidiatores, qui eo extimescendi magis sunt, quo inuisibiles, & acuti.



**C** Et ab his qui oderunt me.

Oderunt (inquit Dominus, non tantum propter se, quantum propter nos, qui credidimus) & me, & patrē meum. Hi nimirum, ut ait Eutymius, dæmones sunt, qui uniuersos oderunt homines, uel in primis ipsum Dominum, in quem ad tempus præualuerunt. Quare additum est,

Quoniam confortati sunt super me.

Robustiores, inquit, me, facti sunt. Olim enim uiuente adhuc patriarcha illo antiquo, in eius filio Ioseph, adumbrata fuit istiusmodi sæuitia odij, quo longē ualentius improbi bonis præstant, illisq; aduersantur. Fratres, inquit, eius, oderant illum, nec poterant quicq; pacificè loqui. Hæc umbra. Veritas uerò haud semel in Euangelio queritur sese gratis odio haberi à suis. Ciues enim, ait, oderant illum. Quare ex his asseuerandum esse puto, eum qui alterum odio habet, dæmones imitari; qui uerò habetur, Christum: qui & se, & suos, mundo inuisos fore prædixit, ac uoluit: ne carnis uisco irretiti, facile in his, quæ oculis corporeis uidentur, beatitudinis summā statuerent. Et in hoc quidem genere erroris admodum reprehensibiles sumus, cum adeò teneriter nobis adblandimur, quòd bonis plerunque neglectis, quia officere nequeunt, ad conciliandos nobis improborum animos, totos neruos intendimus. Ex quo illud euenire necesse est, quod & bonis, & malis, inuisi efficimur. Illis quidem, quoniā dissimiles nostri sumus. Istis uerò, quia alieni instituti normam profitentes, populares tamen uideri appetimus, ac in episcopum me quærimus. Bonus is tandem esse non potest, qui malis aut placere, aut afflicti tari studet.

Præuenerunt me in die afflictionis meæ.

**D** Vides q; uigili cura, nauanda est opera, ne opprimamur? Venerunt, inquit, super me de improviso hostes, uti aqua solet torrentis, ruptis aggeribus, ne mihi euadendi esset uia. Quod quidē elegantissimè expressit paraphrastes hoc modo: Calidius suis consilijs circumuenire incautū conabantur me, tēpore afflictionis meæ, quādo scilicet maximè destitutus uidebar. Putāsne Christū in terris ab hac quoq; peste illæsum uixisse? Observantes, inquit Lucas, miserunt insidiatores, & quile iustos simularent, ut caperent eum in sermone, & traderet eum principatui, & potestati præsidis. Quid magis, oro, monstis simile, q̃ uelle amentiam, uerbo, sapientiam ipsam captare, ac fallere? Audet tamen & maiora: quanq; nesciam, an minus aliquod moliri queat homo, quā in ipso ueritatis ore, uerba inuertere cupere. & conari. Porro diem afflictionis uniuscuiusq; tempus constitutū ab æterno, à Deo patre, quo affligatur, esse existimo. Ante enim illud temporis, quid in nos possunt aduersarij, uel si mundus ipse uniuersus ferociat? Quid interim nobis timendum? Quòd si uero tēpus ipsum perferendi persecutiones aduenisse nouimus, iam Deo placet ut patiamur. Quid igitur recusamus? Quā detestanda quorundam extimemus nimirum mollities, qui (uti febricitantes solent, qui dum futuram periodicam aduersitatem ita miserè anguntur, ut nihilo infelicius illi se habeant, qui in media ipsa calamitatum flamma uoluntantur. Quid igitur tam effœminatē morbos portamus, quid rerum iacturā? Siue uiuimus, siue morimur, Domini sumus. Ruar coelum. Dñs firmamentum nostrum, arx, & robur est. Pudeat Christianum, ab ipsis etiam puellis Spartanis ethnicis, in hoc genere luctæ superari. Nam quem admodum benignissimi patris manus suos in aquas angustiarum induxit, ita rursus extrahet.

Factus est enim Dominus protector meus.

Adeò ut non timeam ne mihi perpetuò hærendum sit in luto aquarum mulerum. Non iam de meis uiribus, non de mea iustitia, nō de ui animi deblatero: sed uici, quia Dominus me suo dignatus est auxilio, & custodia. Nō solum enim hoc uerum etiam



**A** Eduxit me in latitudinem.

Hoc enim idem est quod suprà: In tribulatione, inquit, dilatasti me, & est sensus: Ex angustijs me in locum patentem, ac spatiosum eduxit,

Quia uoluit me.

Vel, ut legit Felix, quia dilexit me. Quid mirum enim si hominē tutatur Deus, illiq; in tribulationibus fert opem, pro quo emendo, proprii filij unigeniti, atque eiusdem amantissimi, sanguinem tradidit. Translatio hæc latitudinis sumpta esse uidetur à ceruis, qui ex angustiis, ac periculosis locis, in quibus à uenatoribus arctabantur, liberati, gaudent planitie, camporumq; latitudine, ac sese ad altiora loca, ubi & circumspicere, & cauere insidias possint, recipiunt. Ita sancti Dei uiri in acerbißimas persecutionū angustias ab improbis coniecti, metu penè exanimantur, donec, miserante Deo, à laqueo uenantium exempti, loca patentia, atque excelsa, ubi cœlestia circumspectare ualeant, petunt. Vnde alio in psalmo, animi summe grati dedit specimen uates, dicens: Qui posuit pedes meos tanq; ceruorum, & super excelsa statuit me, & hoc quidem, quia dilexit me, seu, quia uoluit me. Cur enim uoluit me? O miram tanti patris misericordiā. Vt secundum electionē, propositum Dei maneret, nō ex operibus, sed ex uocante. Itaq; antequam ego uellem eum, uoluit me, uocauitq; cum adhuc non essem: quò tandem beneficiorum eius omnium in mortales collatorum causam, illius uoluntatem esse, & beneuolentiā fateamur, quæ arbitrium humanum, æquali bonitate mouet, ac ad se trahit: ut nō minus illud ipsum arbitrium munus Dei sit, quamuis naturale, quam cæteræ intellectualis animæ dotes. Quibus enim hoc persuasum est, hi fateantur oportet bona omnia, siue quæ à Dei uoluntate, siue quæ à nostra, arbitrioq; proficiunt, ab ipsius Dei dono, ac gratia prouenire. Voluit, inquit, me, eripi scilicet, atq; ad uitam ærumnarum omnium expertem ascisci.

**B** Et retribuet mihi Dominus secundum iustitiam meam, & secundum puritatem manuum mearum retribuet mihi.

Videtur hic uates suum extollere meritum. Non extollit quidem, sed nos potius ad considerandam Dei erga homines benignitatē prouocat. Deus enim, qui gratis iustitiam nobis impartit, ac manuum puritatem, hoc est, uitæ innocentiam elargitur, pro ea præmium, perinde ac si nostra esset, & non sua, reddere est pollicitus. Retribuet, ait Augustinus, secundum iustitiam bonæ uoluntatis, qui dedit misericordiam, ut uellem. Quare suam in nobis uidetur Deus coronare misericordiam, simulatque coronat iustitiam, cuius causa & origo ea sit. Ad hæc, secretiori nescio quo modo, hic mihi occultus retegitur sensus, quo contemplari libuit, prophetam in hoc uersu, ut sic dicam, iactabundo, nos admonere uoluisse, quàm non illos Deus deserat, qui studio omni, ac cura adhibita, iustitiæ student, uitæq; puritatem, atque innocentiam sectantur, proq; illis omnibus æternam mercedem rependat: quò sanè quidem magis attendenda sit prompta cœlestis patris retributio pro iustitiâ facta, ex illius misericordia, nostra: quàm quod iustitiâ nostra, uitæq; puritas retributionē mereatur, & quærat. Nihil enim in terris tam sordidum est, atque impurum, quàm nostra est iustitiâ, si nostra tantummodo est.

Quia custodiui uias Domini, nec impiè gessi à Deo meo.

Vide quàm eleganti breuitate utrumque complectitur, iustitiâ scilicet, atque actionum puritatē. Custodiâ enim uiarum Domini, studium est uitæ, quod Deus, non mundus, præcipit. Argumentum utrinque ingens. Custodiui, inquit, uias Domini. Ecce cordis iustitiâ. Nec impiè gessi. Ecce manuū puritas. Quas quidem uitæ condiciones is solummodo possidet, qui seipsum plena fide Deo committit, ac se penitus ad proximorum utilitatem exponit. Diffidere autem de Deo, atque



**C** in actionibus illis, in quibus synceritas omnis inesse debet, turpitudinem exercere, summæ infidelitatis indicium est. Cæterum ad propria commoda, uel cum proximorum incommodo, & ruina, omnia referre, cuius est digni magis qui inter feras conuerfetur, quam inter homines. Non eò, inquit uates, malitiæ perueni, ut à Deo meo unquam deficerem. Quod sanè accidit, cum homo suo uitio, ac culpa, à Deo deferitur. Deferitur tamen prius ab homine Deus, quam ipse hominem derat: ut in omnibus uastissimus pateat campus considerandi summi patris in mortales tum bonitatem, tum patientiam. Vis ne à diuino fauore minimè deferi, ea qua præditus es à primis ipsis exordijs, potestate, illius serua præcepta, uel saltem, quod tibi integrum est, pro uirili conare; quibus abs te neglectis, statim ab ipso negligeris, defereris uè, ac ueluti suæ sanctæ uoluntati obluertaris, in reprobam mentem proruere sineris. Quod ea uerò aliquando, premente carne, non prætereantur, fieri quodammodo non potest: uerum illorū studium relaxare, sponteque omittere, ultronea à Deo defectionis indicium est: tum sanè impiè geritur à Deo, ut ait uates. Remissio igitur cure, ac studiij, obediendi diuinis iussuionibus, à deo auersio est, quā quidem remissionē ab sese alienā fuisse, in sequentibus testatur propheta.

Quoniam, inquit, iudicia eius in conspectu meo, & iustitias eius non repuli à me.

En studium Dei præcepta exequendi, quod non remittit unquam uir sanctus. Ob oculos, ait, cuncta eius habeo decreta, legesq; illius à me haudquaquam summo uo. Quæ, inquit paraphrastes, iustissimè ab ipso præcepta fuerant, uersabantur assidue ob oculos meos, & mandata illius nunquam repuli à me, tanq; parere nolens illis. Porro iudicia & iustitiæ in hoc loco licet idem præ se ferre uideantur, tamen iudicia existimamus esse, quæcunq; Deus ipse bona esse iudicat, & quæ illi placent. Vnde erit sensus: Non mea sequor iudicia, non consilia, nō uoluntatem, sed Dei. Quæ uerò iustitiæ sint, hebræus interpres aperit. Sic enim uertit: Et cærimonias eius non repuli à me. Quæ profectò, non uti in eis sita sit tota pietatis summa, & religionis, seruandæ sunt; sed tanq; decor ecclesiæ, ad ædificationem. Alio qui eliminatis à fidelium cœtu ritibus huiuscemodi sacris, & cæimonijs, quas uel Getæ ipsi, aut Sarmatæ laudare soliti sunt, non uideo qua re ulla alia corporea, sua erga Deum ecclesiæ testari queat pietatem. Non pietas quidem hæ sunt, sed pietatis testificatio, gratiq; animi assertio, atq; exhibitio.

Et ero immaculatus cum eo, & obseruabo me ab iniquitate mea.

Hoc igitur modo, ut dixi, ait uates, uitam degens puram, & innocentem. Inculpatè, ut coepi, uitæ reliquum exigam: quandoquidem sola ea uera est, inculpatq; ac casta uita, quæ ne unguem quidem transuersum à iudicijs, ac iustitijs Domini deflectit. Nam hoc antiquū semper cum homine fuit fœdus ab Deo initum, quod ipse custos esset, protector, ac merces: homo uerò innocens, & immaculatus. Ego Dominus, ait ipse ad Abraam, omnipotens: ambula coram me, hoc est, uitæ integer esto, & me cole: ego uerò ero merces tua magna nimis. Nec est omittendum, quod nō dixit, & nō peccabo: quod quidem humanæ fortis uix est concedendum, sed obseruabo me, & ut ait paraphrastes, cauebo sollicitè, ne impietate mea offendam illum.

Et retribuet mihi Dñs secundum iustitiam meā, & secundum puritatem manuum mearum in conspectu oculorum eius. *uel, ut est alia litera, ipso iudice.*

Qua quidem in re ostendit, nihil in bonorum conuentibus debere esse fuci, & simulationis. Vide porro stabilem de percipienda retributione fidem in hac geminatione, ac repetito uersu. Neque id solum quidem, sed ut alios ad idem innocentia studiū prouocaret, idcirco secundo dixit, quod Dominus retribuet secundum iustitiam



A iustitiam eius: ac si dicat, Dominus enim illis, qui pie uiuunt in hoc seculo, mercedem rependere solitus est: quare, ne sui dissimilis uideatur, mihi quoque, qui illius ope adiutus innocenter uixi, retribuet. Errant tamen hi, qui se putant adeo inculpate posse uiuere in hoc mundo, ut illorum uita per actus singulos Deo probari mereatur. Lapsibus enim, uel ipsi sanctissimi uiri, quia homines, obnoxij sunt. Tantum uero abest, ut studium illis desit, ac conatus, attingendi metam perfectionis, ut etiam in dies magis incalescat: atque eo acrius illi resurgant, quo sapius relabuntur. Quod qui habet institutum, iuxta Ioannis doctrinam, peccare non potest: hoc est, non potest ex animo rebus malis incumbere, atque in illis diutius perseuerare, licet peccet aliquando: quia semen Dei manet in illo.

DIVISIO *secundum Latinos.*

Cum sancto sanctus eris, & cum uiro innocente innocens eris.

Cum uates enarrasset quae suae rependit Deus iustitiae, digreditur ad idem de ceteris praedicandum: concluditque talem nobis esse Deum, ut ait Cyprianus, qualem nos esse uolumus, ac credimus. Ideo quicumque se sanctum, hoc est, pium, & religiosum, in his quae Dei sunt, exhibet, pius ei, ac benignus se exhibet Deus. Quod innocens, & ut legit Felix, immaculatus, hoc est, in humana conuersatione purus, nemini nocens, quam multis benefaciens, talem is sibi Deum facit,

Et cum electo electus eris, & cum peruerso peruerteris. *seu, peruersus eris.*

Qui enim electus erit, hoc est, fidelis, simplex, quique perfecte sese in uirtutibus exercuerit, talis illi erit Deus, fidelis scilicet, promissa attendens, simplex, ipsaque uirtus, ac merces. Verum qui peruersus fuerit, hoc est, qui ab omnibus supramemoratis alienus, curuus, exorbitans uel inceserit, ac pactum, quo se Deo adstrinxit immaculatum fore, uiolauerit, cum hoc Deus ipse peruerse, hoc est, praeter morem suum, durum se ultorem, ac iudicem, exhibebit. Et est considerandum hic de illis duntaxat dici, qui, lege recepta, atque intellecta, sponte prauis sunt, a Deoque desciscunt, ac sese prorsus ab eo diuellunt. Horum enim multitudinem deplorat Moyses in Deuteronomio, dicens: Dereliquit Deum factorem suum, & recessit a Deo salutari suo. Vidit enim Dominus, & ad iracundiam concitatus est, & ait: Abscondam faciem meam ab eis. Vides quomodo praeter naturam suam hic agat Deus in populum illum peruersum, quem charior semper habuit, quam charam habeat hominem pupillam oculi proprii: Generatio, inquit, peruersa est, quae in foedere mecum inito promiserat semihis promissa seruaturam, fregit pactum, peruersaeque mecum graditur. Peruertam & ego, inuertamque omnia, ac a promissis animu deflectam, simulac ipsa prius pollicitationes perfregit. Quam uereor, ne nostra tempora in minas illas antiquas deueniant. Videtur enim mundus fere totus, sed in primis conditiores qui censentur, adeo in suis actionibus, consiliisque caecutire, atque a rectitudinis linea exorbitare, ut uere affirmare non dubitem, multas, non dico mortalium turmas, sed regiones quoque & prouincias Christianorum, a Deo desertas esse. Solent enim qui huiusmodi sunt peruersitatis (ut intelligas quomodo miseriarum peruentum sit a nonnullis) semper perplexi, impediti uel, & perturbati sua agere omnia, nullam certam uitae rationem habere, castaque, firmaque omnino ignorare consilia, & demum omnia, quaecunque tractant cum ceteris negotia, peruerse agere. Contra uero Deus tanta huiusce peruersitatis hominum temeritate laceratus, cum tempus, quo eis, quae meriti sunt, rependat, postulauerit, ita perturbat, atque illorum omnes peruertit uitae rationes, & consilia, ut sempiterno in reprobam mentem traditi errore, & confusione, miserabiliter rotentur. Hincque horrenda illa uitia, quae Paulus ad Romanos scribens commemorat, ortum habent. Hinc atrocissima in rebus publicis, inimicitiae, in magistratibus crudelitas, auaritia, ambitio. Hinc, inquam, opprobria miserorum ciuium, hinc libidines, & haec quidem pro-



**C** miscuæ, homicidia, odia, ciuiles uel discordiæ, & simulationes, etiam in his qui ecclesiastici appellantur, originem sumunt. At tu, cui nobilissimarum rerum studium est curæ, cum sancto uiro, ut ait Ecclesiastes, assiduus esto, & quemcunque cognoueris obseruare timorem Domini. Facile enim cum corrupto, peruersoque homine, peruersus eris. Nam qui, ut ait idem sapiens, tetigerit picem, inquinabitur ab ea. Neque sanè absque causa clamat apostolus, Exite de medio eorum, & immundum ne tetigeritis. Hasce enim immunditias tu o Domine execraris.

Quoniam tu populum humilem saluum facies, & oculos superborum humiliabis.

Id est, abiectum, mundoque despicabilem, atque eum quidem, quem sanctum, quem immaculatum, quem electum tibi fecisti, seruas. Homines uero fastuosos, atque arroganter extollentes oculos, indicium nimirum elati animi, deijcis, ac humilias. In eiusmodi conditionis hominem inuehitur Iob, dicens: Quid te eleuauit cor tuum? & quasi magna cogitans attonitos habes oculos? Ac ne parui momenti id esse uitium putemus, hoc inter ea, quæ odit Deus, à Solomone connumeratur. Volunt physiognomi, ab oculis maximè, cuius habitus uniuscuiusque mens sit, dignosci facile posse: sed in primis superbi. Cæterum nonne olim tum, cum uocauit Dominus non plebem suam, plebem suam: gentes, populus scilicet uultu turgida, atque omnia fastu intolerabili calcans, ac fastidiens, reiecta: uiliorque omnibus nationibus facta?

Quoniam tu illuminas lucernam meam Domine, Deus meus illumina tenebras meas.

**D** Nelongius à mente prophetae euagemur, torquentes nos plusquam par est in secernenda lucerna à luce, ac lumine, arbitramur hic uatem, suam, atque eadeo nostrum omnium ab hostium crudelitate liberationem, per allegoriam lucernæ à Deo accensæ uoluisse à nobis coniectari: fusos uerò, fugatosue aduersarios, per lucis aduentum, hoc est, depulsione tenebrarum intelligi. Quod nos etiam sic esse fatemur: qui, cum aliqua nos urget miseria, ac calamitas, clamamus solem abesse, noctemque omnia caligine obduxisse: sperantes interim, quod sol remeabit aliquando, id est, tranquillior rerum facies. Verus tamen & ille erit sensus, quo faciunt animam cum Deo hoc modo colloquentem: Tu illuminas lucernam meam Domine, hoc est, omne lumen, quod in me est, à te est, sine quo nusquam lumen est, ac illi dicat: Lucernam satis lucidam abs te habeo, non à me, quæ, tum uidere, tum fieri, & possum, & debeo, quod Deus meus es, liberator, firmamentum, refugium. Sed hanc fac tu illustriorem, quò adhuc eadem ipsa copiosius uidere queam. Nonne illud quod in euangelio legimus, huic ferè simile esse fatendum est? Credo Domine, auge incredulitatem meam. Summa: Video enim, ait, quæ mihi sit eundem amplius uerò uidebo, cum eliminatis prorsus tenebris, solem ipsum iustitiæ meum in cor reduxeris. Cum sedero in tenebris, ait Michæas, Dominus lux mea est, & deducet me Dominus in lucem, & uidebo iustitiam eius. Nemo enim tanta perfusus est fidei, cognitionisue luce in hoc mundo, quin maiori semper perfundi, indigeat, ac uelit.

Quoniā in te eripiar à tentatione: & in Deo meo transgrediar murum.

Felix longè secus. Quoniam, inquit, in te percurram per militum cuneum. Alius uerò: perumpam, coteramque aciem quantumuis instructam. O fiduciam. Legerat profecto psalmum hunc, seu magis psalmi spiritum hauserat beatus uir ille, qui cum ceteris dimicaturus tyranno respondit: Ego in nomine Domini Iesu Christi, signo crucis, non clypeo protectus, aut galea, hostium cuneos penetrabo securus. Per murum hic rerum difficultates intelligi arbitror, & erit sensus: Per te Deum meum



**A** difficultatem omnem superabo, liberq; euadam, quasi dicat, te adiutore, nulla me angustia tenere poterit, Ego; inquit, peccata omnia, uiam scilicet mihi ad Deum, tanquam muro quodam aëneo, obstruentia, saltu transiliam; hoc est, expedite me ab illorum commercio in hoc uitæ cursu seruabo.

Deus meus impolluta uia eius.

Cum admiratione enim diuinæ erga nos bonitatis, proferenda sunt hæc, Deus meus. & est perinde ac dicat: Deus meus is est, ô mortales, cuius uia, studia uidelicet, ac præcepta, æqua sunt: facta item pura, certa, & quæ optimè pollicitationibus respondeant. Quare adijcit: Eloquia Domini igne examinata. Porro uiam Dei, uirtutem esse, quæ nostrum ad Deum explanet iter, scribit Eutymius. Atq; ob id, inquit, irreprehensibiles illos esse oportet, qui per uiam istam incessuri sunt. Quam uerò in terris immaculata fuerit Christi uita, hi norunt solummodo, quibus nulla est cum mundi uoluptatibus pax, & concordia. Semel enim in eius uulnerib. immerfis, ac cruore, nihil purum uidetur & impollutum, præter illud, quod Christi uitam referat. Reliqua enim studia, curæ, sollicitudines, sanctimonix quoque, fordescunt omnino, si uel parum ab huius exemplo & imitatione discedunt.

Eloquia Domini igne examinata.

Felix: Eloquium Domini examinatum. Vel ut alius: Sermo Domini perpurgatus. hoc est, certissimæ ueritatis est, & ut reddit paraphrastes, ab omni fūco alienissimus. Quomodo uerò eloquium Domini sit tanquā aurum purgatum alchimico, supra in psalmo alio fusiùs enarratum est.

Protektor est omnium sperantium in se.

**B** Hebræi: Clypeus est omnibus in se confidentibus. hoc est, quod expressit paraphrastes: Instar clypei est omnibus. qui in ipso præsidium suum collocant. Naturæ enim simplicissimæ, atque purissimæ cum Deus sit, iustitiam rursus cum diligit, immaculatos omnes, illos uidelicet, qui, quantum carnis onus permittit, Deiformes fieri desudant, ab hostium immanitate eximere solitus est, ut iam promissit: & eloquia eius uera sunt. Quid igitur timendum? Fallere enim non possunt diuina uerba, quæ magis quàm aurum sæpius excoctum, ac probatum, uera sunt, pura, & defecata. Quid aurum memorem? quid ignem? Non solum enim liberissimus Dominus tutatur, fouet, & par pari omnibus in se sperantibus refert: sed omnem omnium exuperat spem, cum supra quàm sperari potest, amplissimè dona accumulatur. Vnde,

Quis Deus præter Deum nostrum?

Exclamatio hæc est omnibus his, qui latam sibi cœlitus opem sentientes, nihil potius habent, quàm quod à cæteris agnoscatur, quod ipsi experti sunt, admodum conueniens. Quis aliùs Deus, aiunt, potest in se sperantes seruare? Certè, ut inquit Moses, non est Deus aliùs, ut Deus rectissimus: magnificentia eius distulisset, qui cum iam penè in cœlestiũ rerum disciplinis attritam uixerint uitam, data occasione sese per morbum aliquem grauiorem demonstrandi cuius temperaturæ sint, retunduntur illicò, auersi q; actutum à bonorum omnium fonte, in lacunis expiscant. O ingratos homines. Nonne Deus erat in sua ecclesia, ô uos, qui consulistis deum Acharon: Quid Christiano? quid, sacrorũ ordinũ candidato, cõmerciũ cum saga: cū maga: cum phanaticis? Horret animus sacrilegos recensere tetragonismos, circulos, angulosq; ac cætera huiusmodi ab imo auerno eruta portenta, cum sexcentis uenerandæ crucis distincta signis, ad illudendā debile hanc fidem nostrā. Quod si angina, pleuresi, aut podagra medendū est, quis Deus præter Deum nostrũ: quis magis potens? quis magis ad opitulandũ accinctus? Omne to prudens ueneficia illa, quæ à rabida uenere in in concessis amorib. perpetrant,



**C** Tam enim nefaria sunt, ut quæ ne à scelerationibus quidem lenonibus, absq; uerecundia proferri possunt. Tu Christiane cum tanta sacramentorum iniuria sacro oleo abuteris? Tu labia illa minio conspurcata, sacrosancta, atque ipsis beatissimis spiritibus non nisi cum tremore uidenda hostia audes perlustrare? Tu ad tantam iudicii diuini obliuionem deuenisti, ut præsumas inter meretricia oscula cōmiscere uerba illa diuina, quorum uis immensa, altissimi patris filius in manus delabitur sacerdotis? Tu, ut tuam exatres rabiem, & cœlum, & terram, & elementa omnia, & ipsas quoq; Stygias sedes, atq; ima inferorum penetralia commoues, & inquietas? Sed me incautum, qui longius quàm putaram, in re forsan non uera, digressus sum. Non enim me latet uelle rhetores, illos, qui scribunt aliquid ad disciplinā faciētiū morum, posse confingere, simulare, dissimulare uel, mentiri etiam, si in re sua est, modò animus sit iuuare, non officere. Ad institutum igitur nostrū redeamus.

Deus qui præcinxit me uirtute ad bellum; & posuit immaculatā uiam meam.

Vide q̃ graphicè hic pingat uates boni militis dotes. In primis enim magnanimo, ac forti pectore illi opus est; deinde felici successu, quæ quidē duo in hoc uersu comprehenduntur, cætera in reliquis qui sequuntur. Ait itaq; suo more uates (tu interim à corporeis ad spiritalia transire assuesce) Ipse ille est Deus, nō belial, aut satan, aut alius aliquis spiritus nequam à saga in nouilunio à profunda sepulchrorum fossa euocatus, qui me undique robore, fortissimaq; muniuit armatura. Neq; hoc satis. O diuinam in electos bonitatem. Fecit insuper, ut incontaminata esset uita mea. Porro quis nesciat brutos hos carnis sensus à planta pedis usque ad uerticem luxuriantes, nos à uitæ cursu retardare? Præcingendi enim sunt à Domino (à nobis uerò quid possumus?) ne uti uestimenta ad pedes usq; demissa cursum impediāt. Quanc̃ tamen uestis illa in primis polymita puero Ioseph à matre conminum Iesum Christum. Qui quoq; uia illa immaculata est, quam sibi, tanquam uestem positā, fatetur Dauid. Nam ipse solus uerè immaculatus ex se, & est, & dici debet; nos uero per ipsum. Siquidem solus absq; peccato in terris conuersatus est. Ille, inquam, solus sanctissimam in hoc mundo uiuens uitam, is est,

Qui perfecit pedes meos tanq̃ ceruorū, & super excelsa statuens me.

Hebræi: Aequauit pedes meos sicut caprearum, & super excelsa constituit me. Aiunt id genus animantium, si quando à uenatoribus acrius urgentur, maximo conatu loca excelsa, utpote tutiora, petere. Ita rerum cœlestiū studiosos agere necesse est. Eò enim & studio, & cursu indefesso, illis contendendum est, ubi omnia quæ illorum proposito officere possunt, circumspicere ualeant. Atque hinc duas alias dotes in strenuo milite necessarias, ex hac ceruorum, caprearumq; similitudine est uidere, celeritatem scilicet, & agilitatem. Alioqui desides, atq; inter hostiliumq; insidias stertentes, quomodo aut carnis uiscum, aut cupiditatū tela effugient? Dauidem enim perfectissimi uiri typum præ se ferentem, legimus in caprearum rupibus & latibulis iram regis deuotare solitum. Quid Gadditas illos cōtemnere, qui cum ad Dauidem transfugerent in solitudine latitantē, facies leonis, pedesq; quasi caprearum habuisse referuntur? Ait igitur: Ipse Dominus, qui me robore impenetrabili circumquaq; muniuit, is etiam fecit ut pedes mei non minus ueloces essent, quàm sint ceruorum; & quoties opus fuit, in æditi ueluti locis, atq; præruptis, inaccessisq; hostibus, ubi tutò mihi esse liceret, me collocauit. Non uerò cat affectu solito in Dauide uerbum, perfecit; adeò ardent omnia in hoc sanctissimo uiro.

Qui docet manus meas ad prælium, & posuisti ut arcum æreum brachia mea.

Secus Felix, & clarius: Docuit manus meas ad prælium; & contritus est arcus æneus.



**A** gneus brachijis meis. Cuius quidem uersus sensum sic reddit paraphraſtes, & optime, ut ſuus eſt mos. Docuit manus meas arma tractare, ſic ut frangere potuerim brachijis meis arcum, etiam ferreum. Vide quomodo uates fateatur omnia ſibi bona proueniſſe à Deo. Suprà enim faſſus eſt, ſibi à Deo datam eſſe, non tantum ad fugam, ſed ad inſequendos hoſtes, pernitiſſimam: nunc uerò manuum promptitudinem, roburq; lacertorum ac uim, in ſe cognoscit. Cenſet Eutymius hic, manus, uirtutes illas ſignificari, quæ ad actiones pertinet: & ut alius exponit interpres, diſcretiones, ut ait Paul. ſpirituū: quò proſectò nō ignoremus, quomodo cum mūdo, cum carne, cum affectib; animi pugnandū ſit. Alijs enim armis uti pugil, alijs eques. Cæterum Iudas ille Machabæorū imperator perfectiſſimam poſteris reliquit pugnandi formam, ut in eius geſtis legitur. Iudas, inquit, ſemper confidebat cum omni ſpe auxilium ſibi à Domino affuturum: & hortabatur ſuos, ne formidarent, ſed ſperarent ab omnipotente ſibi affuturam uictoriam: & locutus eſt ad eos de lege, & prophetis, ſinguloſq; animauit, non haſta, aut clypeo, ſed ſermonibus optimis. Solent enim noſtri temporis milites ridere, ſi audiunt uictoriam à bello contra infideles, domum magis ſpe, & fiducia in Deo, referendam, quàm enſe, aut tormentis æneis, abſque fide. Quid uerò ſentiant hi, quorū conuerſatio in cœlis eſt, de mutuis inter Chriſtianos uulnerib; & nece, nō eſt præſentis inſtituti edocere: uiderint alij. Quòd ſi tamen corporeis armis certandū erit, ſtrenuè id quidē, & imperterritò animo: ſed eo, quo Iudas ipſe, de quo ita legimus: Iudas quidem, & illi qui cum eo erant, manib; quidē pugnabant, cordibus uerò Dñm exorabāt.

Et dedisti mihi protectionem ſalutis tuæ.

Felix: Scutum ſalutis tuæ, hoc eſt, eam dedisti mihi opem, qua uti umbone uſus ſum ad mei protectionē. Et uerè ea mihi pro ſcutò fuit, id eſt, non leuis illa quidem, aut inutilis, ſed fortis, ſed utilis, ſed ſalutaris. Ea, inquam, illa fuit, à qua omnis mea proſecta eſt ſalus, non aliunde.

Et dextera tua ſuſcepit me.

**B** Explicatius quomodo res acta ſit enarrat. Tua, inquit, ope protectus ſum, quæ quidem clypeo tanquam aliquo ſalutari, tela hoſtium depulſa ſunt. Verū quomodo: quia dextera tua, inquit, ſuffulſit me: ſeu, ut interpretatur Felix, ſuſtentauit me. Solent enim, ait Eutymius, qui alicui opem ferunt, uti dextera, quippe quæ & potentior eſt, & aptior, & agilior, quàm ſit leua. Nō deſunt etiam qui ſentiant hic, uatem bona humano generi prouentura ex aduentu filij Dei, quem dexteram patris appellant, præuidiſſe. Ab hac enim dextera, ſeu brachio (ſic illum uocat Zacharias) bona omnia mortalibus emanarunt olim, & nunc maximè emanant: a deo ut illum à recta prorfus exorbitare exiſtimem, qui per medium aliud, quàm per Chriſtum, æternam beatitudinem aſſequi opinetur. Nam quemadmodū cœleſtis pater omnia, per hoc medium, ſapienſiſſimè condidit: ita eadem illa nunc ſeruat per ipſum: illiſq; qui cœleſtium bonorum capaces ſunt, æterna illa bona, quæ nec oculus uidit, nec auris audiuit, nec in cor hominis aſcenderunt, copioſiſſimè elargitur. Dextera igitur Domini huiuscemodi, ait Dauid, ſuſcipiet me: quando ſuſcipiet Iſrael puerum ſuum. Ideo alio in pſalmo clamat: Suſcipe me Domine ſecundum eloquium tuum, ut uiuam, ſecundum te ſcilicet, qui haſtenus ſecundum me uixi: & non confundas me ab expectatione mea, ſeu ſpe mea, quin potius ſuum ipſa ſortiatur finem, hoc eſt, teipſum. Nullus unquam ſperauit in Domino, & confuſus eſt, ait Eccleſiaſtes.

Et diſciplina tua correxit me in finē: & diſciplina tua ipſa me docebit.

Talpis cæcior eſt, qui hic non uidet, quantæ utilitatis ſit in hoc mundo rebus aduerſis affligi, nullamque pacem, nec inducias quidem cum ipſo habere. Videtur hic uates hoc unico uerſu aſſerere uoluiffe tot antediſta à Deo ſibi collata bona, proueniſſe, ſequè inde ad ſummum penè uirtutum culmen aſcendiſſe,



**C** aduersitatum lima, ac beneficio. Disciplina tua, inquit, correxit me, hoc est, castigatio tua, non ab excandescenti animo, atque irato, sed pio ac paterno profecta, erudiuit me, in finem: id est, erudiuit, in aeternum me erudiet. Disciplina, inquam, tuae correctionis, qua me ut filium, non ut seruum admones, & in officio contineres, me docebit, dabitque mihi intellectum, ne sicut equus & mulus efficiar, quibus non est intellectus. In hebraeo, pro toto hoc uersu, non est aliud quam: Et mansuetudine, seu bonitate tua, multiplicasti me, hoc est, paterna tua gratia, & benignitate, tantum mihi fortitudinis, quibusdam ueluti auxiliaribus copiis accumulasti, uirtutum insuper, ac gratiarum, ut iam potis sim à me ipso aduersarios debellare. Quid aio à me ipso? Tu enim es qui dilatasti gressus meos subtus me, & non sunt infirmata uestigia mea. Ruptis igitur hostium impedimentis, contritisque laqueis, quibus ego miser detinebar, securus iter facio. Aperta enim iam est uia, expurgatumque ab insidijs iter est, quo tuto ad te, per te, uenire queam. Haud hic aliud uult uates, quam omnia sibi, Dei dono, ex animi sententia successisse, quod quidem, secundum historiam sacram, aliquando uerum fuit. Legimus enim capite secundo tertij Regum libri quod postquam Moab Dauidi factus est seruus tributum soluens, atque ipse rex deuicta Syria in ualle Salinarum fecisset sibi nomen, seruauit eum Dominus Deus in omnibus, ad quaecumque profectus est. Summa: Fatetur uir sanctus in tam longa uerborum periphrasi, se adeo in pugna carnis profecisse, ut & actiones, & motus animae, qui & gressus dicuntur, rationis imperio subegerit, ita quod omnes eius partes robustiores sint factae, quam quod amplius nutare queant, ac uinci. Et haec quidem est gratia animi de beneficio coelitus percepto confessio, non iactabundi ostentatio.

Persequar inimicos meos, & comprehendam illos; & non conuertar, donec deficient.

**D** Stabili iam ex prioribus erga se admirandis Dei operationibus concepta fiducia, inanimat sese uates, & ait: Inimicos meos tandiu insectabor, donec comprehendero illos: nec, nisi deletis illis, reuertar. Solent enim exercituum imperatores, hi maxime qui uictoria potiti in conflictu, compertum habent nihil esse uicisse, nisi & uictoria sciant uti, palantes hostes, ac in fugam uersos, à tergo insequi, quod proprius una cum armis, desiderio quoque iterum instaurandi praelij expolientur. Argumentum sane mirabile, ac instructio in rebus spiritus necessaria. Non quidem sit est unum aut alterum superasse uitium: perstandum enim summa uis est, modis omnibus contendendum, ne hostis non omnino à nobis contritus, fortius recrudescat. Aiunt quippe sanctissimi uiri, humani generis hostes arcu orationum aereo facile transfodi, fugari lachrymis, ac flagrantissimis in Deum affectibus prorsus deleri. Sunt enim huiusmodi acie sanctorum arma instructa, de quibus etiam Paulus: In uerbo, ait, ueritatis, in uirtute Dei, per arma iustitiae, à dextris, & à sinistris. Porro quia saepe per ignauiam nostram, uel extinctus hostis reuiuiscere solet, propterea prudentissimè subiungit uates: Non conuertar, donec deficient. Tunc enim magis timendus est hostis, cum non sentitur. Simulat se saepe mortuum, ut incautos postea à tergo aggrediatur. Sed quia, quoad uiuitur in hoc mundo, nunquam ab insidijs cessant hostes, eò profecto nunquam nobis ab illorum insectatione desistendum. Non reuertar, ait Hebraeus, donec consumetur.

Confringam illos, nec poterunt stare: cadent subtus pedes meos, Moabitibus, Ammonitis, et Syrijs, rex David nunquam adduci potuit, ut cum illis pacem iniret, donec bona eorum parte deleta, reliquos sibi tributarios efficeret. Confringam illos, seu potius, ut ait Felix, percutiam eos, & surgere non poterunt. Vides ad quantum exterminium cogendus sit hostis, caro scilicet, appetentiarumque libido, ac petulantia, ne telæ dat? Et quidem de te actum esse ne dubites, si uel tantillum



**A** fœderis cum tam seuo hoste, ut tute tibi es, percusseris.

Et præcinxisti me uirtute ad bellum: & supplantasti insurgentes in me subtus me.

Quis non miretur huius sanctissimi uatis animi gratitudinē? Suam enim enarrans per partes, ut fit, uictoriam, in media ipsa enarratione, ad adscribendum Deo quicquid felicitis successus esset nactus, digredit, & ait, quod Dominus is ille fuit, qui se tam ualida præcinxit armatura, ac uirtute, ut hostes prorsus attriuerit. Loco supplantasti, Felix legit, prosternes, seu incuruari facies: utrunq; enim ad extremā hostium deletionem ostendendam facit. Cæterum supplantatur hostis, cum putans uincere, uincitur. Prosternitur autem, aut incuruatur, cum adeo fortiter enas, aut fuste percutitur, & uulneratur, ut nulla salutis suæ spes extet reliqua. Sensus igitur: Tu Domine ille es, qui bellis gerendis me idoneum fecisti: strauisti quoque inimicos meos omnes, illos qui insurgere in me moliebantur, eosq; in super terga mihi dare coegisti. Idcirco addit propheta,

Et inimicos dedisti mihi dorsum.

Hypallage est. Quid hoc oro? Obuertisti mihi terga, haud pectus, hostiū: eosq; in fugam egisti, sed qua tamen effugere non poterunt; nam

Odientes me disperdidisti.

Felix sic: Et inimicos meos dedisti mihi ceruicem. Quod quidem ipsemet exponens, inquit, fecisti illos retrorsum ire, ut post tergū illos insequerent: ac me odio habentes, ad internecionem perducerem. Nō fuit, inquit, qui uersa facie ueniam rogaret: propter, o Domine, illorum superbiam penitus extinxisti.

Clamauerunt, nec erat qui saluos faceret, ad Dñm, nec exaudiuit eos.

**B** Hac plagarum omniū miserrima est, cum clamant ad Dominū peccatores, & non exaudiunt. Humiliauimus, inquiunt, animas nostras, & non aspexisti. Quæ res infelicioi homini accidere potest; homines enim quantūlibet malī sint, & adorent creaturas magis quā creatorem, ut inquit Paulus, in afflictionibus tamen Deum inuocare soliti sunt, sed non seriō. Siquidem in alijs rebus magis, quā in Deo, uel cum Deo simul, spem suam ponunt. Verū zelotes est Deus noster, qui se solum colī uult, inq; se solo exigit, ut ponat homo fiduciam suam. Non quidem eius fauor ac gratia, uanis ritibus, superstitiosisq; ut est illa Iudæorū, emitur religione, aut crucis sacrificijs placat, sed corde puro, cōuersationeq; uite tota diuino cultui consecrata. Quid igit Deū nostris precibus sollicitamus; nos, dico, qui res alias cum ipso adoramus, aurum scilicet, scortum, gloriam, famam? Vides, certo scio, quo animi proposito eum ipsum præditum esse oporteat, qui cupit à Domino, cum orat, exaudiri. Alioqui si infecti auaritiæ ueneno, si fraudibus, si dolis, si odio, si nosmetipsos ulciscendi cupiditate fuerimus conspurcati, quomodo purissimas diuinæ maiestatis aures obtundere audebimus? Quocirca quia Dominus illos sua ipsorum culpa contempsit, neque illorum dignatus est supplicationes admittere, securè

Comminuam illos ut puluerem ante faciem uenti, ut lutum platearū delebo eos.

His enim similitudinibus uult uates suos hostes, non tantum Moabitas, & Syrios, quantum dæmones iri exterminatum intelligi. Parum enim esset, uel Dauidem olim, filium Roab Adadezer regem Soba, ac omnes eius curruum subiugales subneruasse: uel, nos, qui mutuis tam crebrò inter nos defæuimus uulneribus, palmā à Tuneto, aut Byzantio reportasse, nisi illi regij animi ferociam edomisset, nosq; depositis armis, dominandi cupiditatem, atq; ambitionem allideremus, unāue cum ipsis ensibus abijceremus. Hi sunt sanè hostes, qui à nobis (modo nostra nobis salus sit cure) non simpliciter uincendi, sed radicitus extirpandi sunt: ac non aliter, ut ait paraphrastes, dispergendi, quā puluerem solet uentus, & tanquā



**C** lutum platearum abijciendi. Lutum enim platearum, ut notat Felix, solet abijci, ac ex illo extra vias cumulus fieri, ne, credo, nundinas impediatur, dum cœni uisco, atque odore offensi homines, a negocijs abstrahunt: quamuis adeo iam succreuerit intra urbium mœnia lucri sitis, ut ne, si caderet quidem nautea e cœlo, aut asphaltum, deterrerentur, & a contractibus forensibus ciues, & a licitatione licitatores.

Eripies me de contradictionibus populi, constitues me in caput gentium.

Hæc de seipso Dauid, ut Christi typus. Alioquin nusquam legimus in Dauid completum esse, quod constitutus sit in caput gentium. Et quidem, ne ipsum Deum unicum esse rerum omnium conditorē ac reparatorē, cuique acceptum referri oporteat, quicquid boni successus, in hac dura cum mundo & carne cōflictatione, nobis prouenit, dubitarem, subitam introducit filij Dei personam, qui fateatur se se diuino auxilio, atque ope adiutum, ereptumque de manu hostili, ut ait Hierem. Vnde cœlestis nobis exoritur doctrina, qua admonemur, quam fortiter medela nos monstra rerum indigeamus, postquam Dei filium, & hunc innocentissimum, cernimus paterno auxilio seruatum. Porro Iudæi, ut iam diximus, populus Dei peculiari prerogatiua appellabantur, quemadmodum ceteri, gens. Ait igitur hic Christus: Tu pater ille es, qui me a rixis ac iniurijs populi tui, Iudæorum scilicet, liberabis: quod quidem abs te, sua sponte reiecto, constitues me in caput gentium. Et certe tota Dei filij uita, si rem ex animo cogites, nihil aliud in terris fuisse tibi uidebitur, quam contradictio quædam, rixa, & contentio cum Iudæis. Hi quidem liuore, & qua maius me cruciabantur, ambitione moti: ille autem amore, ac beneuolentia. Illi ut eum perderent: noster uero ut illos uiuificaret, suamque eterna domo, & felicitate donaret. Quid: ne illi quidem ipsi inter se in eo, in quo Christo contradicebant, erant concordantes. Alij enim asseuerabant eum bonum esse, alij non, sed seducit turbas.

**D** Quid Pilatus: Regem uestrum crucifigam? Illi autem, non habemus regem, nisi Cæsarem. Populo tandem isto duriore, quam sit æs, aut adamas, proiecto, constitutus est Christus caput, dux, rex, ac princeps gentium. Vides quomodo naturalibus fractis oleæ ramis, horum loco succreuit oleastri furculus? Et erit, ait Osee, in loco ubi dictum est eis: Non plebs mea uos, ibi uocabuntur filij Dei uiui. Sed illud magnopere horrendum, quod cum cogito, totus cohorresco. Clamat enim Dominus in euangelico illo Esaie spiritus: Inuentus sum a non quærentibus me: palam apparui his qui me non interrogabant. Ad Israel autem: Tota die expandi manus meas ad populum non credentem, & cōtradicientem mihi. Putas ne totas noctes in peccatis stertendum esse spe fultis regenerationis, ordinum, sacramentorum? Erras toto, ut aiunt, cœlo, si ritibus conuenis, uita uero dissens, ac cōtradictio.

Populus quem non cognoui seruiuit mihi, in auditu auris obediuit mihi.

Quæ maior potest esse laus, quam sic a filio Dei laudari? Ecce clamat Esaias, & ut potest, Deo in carnem uenturo gratulatur. En gentem quam nesciebas, uocabis: & populi, qui non cognouerunt te, ad te current. Dominus autem: Populus, ô Esaias, quem antea meum neque habebam, neque cognoscebam, seruiuit mihi per fidem. Sed & aliquid amplius addam. In auditu auris, hoc est, non uiso me, non per spectis miraculis ac signis, suscepit me: filius uero dilectus cōtemplatus. Idcirco beati illi, qui non uiderunt, & crediderunt. Quam uereor quidem interdum, ne abieciis nobis, subintret Parthus, aut Turca, postquam eò res nostræ deuenerunt, penè diuina bonitas a nostris sceleribus superari uideatur.

Filij alieni mentiti sunt mihi, filij alieni inueterati sunt.

Heu lachrymabilem commutationem. Tu popule electe, cui data est lex, ait Paulus, promissio, testamentum, si nis te a suis & canibus, hoc est, a publicanis & peccatoribus, ab æterna uita deturbari? Quam uerum fuit illud, quod filij regni eiectioni foras sunt, interim illo genti facienti iustitiam concessio: nam publicani uos, ac meretrices, præcedent in regno cœlorum. Conqueritur igitur Dominus, & ait: Filios enutriui, & exaltaui, ipsi autem spreuerunt me. Quod quidem



**A** ferme idem est, quod hic dicitur: Filij alieni mentiti sunt mihi, hoc est, hi qui filij esse debebant, negauerunt me, persecutiq; sunt, ac tandem occiderunt: quocirca alieni, spurijq; facti sunt. Vis ne audire qua sorte miserabili mentiti sunt ei? Nos, aiunt, patrem Abraam habemus. Iesus autem, Vos ex patre diabolo estis, Filij, inquam (quod sine animi dolore replicare nequeo) alieni inueterati sunt.

Et claudicauerunt à semitis suis.

Id est, spurij isti nō solum semel, bis, aut iterum, me negarunt, sed in malis quodque penitus consenuerunt, semperq; claudicantes, prauē in iustitiæ semitis incesserunt. Verū quoniā Hebræi aliter hæc uerba legunt, Et claudicauerunt in semitis suis; uidentur etiam uelle sensum alium intelligi. Sic enim legunt: Ex penetralibus suis trepidauerunt, uel defluent, seu cadent ex clausuris suis. Quibus & cōsentit paraphrastes: Desertores, ait, semper in metu erunt, & abdent sese in latibulis suis. Propterea quidam, sed in primis Felix, illud mentiti sunt, eundem habere sensum autumant cum illo sexagesimo sexto psalmi, uidelicet: Præ multitudine uirtutis tuæ mentientur tibi inimici tui. Quem sic reddunt: Tua potentia efficit, ut hostes tui fateantur semendacium & uanitatem sectatos esse, cum propria se uirtute superaturos iactarent. Felix uerò sic: Dicent præ timore non fuisse aduersum me. Alijs autē uisa est absurda hæc sententia, proinde asserunt uatem uoluisse his uerbis nihil aliud à nobis intelligi, quàm illos penitus Deo supplices, atq; eius potentia obnoxios fuisse, illud Deuteronomij citantes, Negabant te inimici tui: uel, ut alia habet litera, mentientur tibi inimici tui, & tu eorum colla calcabis. Et forsan, aiunt, inde mentiri pro trepidare, seruii maximè subiectione, scriptura usurpare solet, quod qui ita subiecti sunt, multa soleant, timore nimio adacti, his mentiri, quibus seruiunt, & quorum potentiam reformidant. Nam ex illis quidam sic reddidit: Seruili ter mihi supplices facti sunt, quocirca ex penetralibus suis trepidarunt.

**B** hoc est, in locis etiam clausis ac munitis timore contabuerunt.

**V**iuuēt Dñs, & benedictus Deus meus: & exaltetur Deus salutis meæ. Iuranti hic erat mos apud Hebræos, ut passim in ueteri instrumento est uiderere: & est perinde ac dicat, per Deum uiuentem, cum interim gentes per deos mortuos iurarent. Verū in hoc loco uox est gratias Deo agentis; unde hebræus interpretes sic uertit: Laudatus propugnator meus. Felix uerò fere idem cum nostro, Viuiť Dominus, ait, & benedictus creator meus. Adeo dulcissima uoce uite delectati sunt penē omnes, & quam uerē, singulariterq; Deo uiuenti in secula, conuenire arbitrati sunt. Sensus igitur: Ipse Deus, qui fons est uitæ, uitamq; habens in semetipso, cum dij gentium mortui sint, hæc tam mirifica, quæ hæctenus enarraui, operatur: idcirco sit semper benedictus, laudatusq; in æternum, qui mihi rupis insister, ac propugnaculi semper extitit: exaltetur ab omnibus, colatur, agnoscatur: ipse enim salutis meæ autor fuit. Huiusmodi quidem sublimitatis mens debet esse Christiani, ac perfectio, ut in omnib. tum dictis, tum factis, semper aueat Dei nomen exaltari, suum uerò deprimi. Vides quomodo suo more uates se ad psalmi finem accingens, laudibus illum concludere satagit: Desunt ne nobis ignauissimis argumenta uirtutum in hoc sanctissimo uiro?

Deus qui das uindictas mihi, et subdis populos sub me, liberator meus de inimicis meis iracundis.

In hebræo Iracundis non habetur, sed hac uoce aduersariorum affectus exprimitur, qui rabie sola, atq; ira eos impellente, in Dei electos insanire solent, non iusta causa aliqua, aut ratione. Summa est, quod Deus ipse semper uiuens, atq; omnium potentissimus, uires nobis suppeditat nos ulciscendi, qui & solo nutu subiigit nostro iuri atq; hastæ, inimicos eos nostros, qui sola animi impotentia ac rabie in nos desaeuiunt. Et quidem non te mouere debet, quod hic cernis uatem sese iactare de accepta cœlitus facultate se ulciscendi, Nam nihil aliud esse de inimicis no



**C**istis, uel in primis inuisibilibus, quorum, ut inquit Dionysius, furor est irrationalis, amens concupiscentia, phantasma proteruum, poenas sumere, quàm illis nō cedere, eorumq; suggestionibus non assentiri, cum à sacra lege, tum ab experientia edocti, probè nouimus. Vis ne è tam dura lucta uictor recedere: ne pedem moucas, sed persta, dura, finge te fortem ac ualidum. Alioqui mirum quàm dæmon in meticulosos acer sit, atq; audax. Secus uerò nobis cum hominibus nostræ professionis certandum est, Carbones, inquit Paulus, ignis cōgeras super caput eius, hoc est, par pari in iniurijs ne referas: nō odio te persequentem insequaris, non remordeas, sed uince in bono malū. Hostes enim beneficijs deuincire, ac nobis obsequijs conciliare, summa laus est, atque honoratior triumphus & uictoria, quàm si eos laqueo strangules, aut ferro iugules.

Et ab insurgentibus in me exaltabis me, à uiro iniquo eripies me.

Iam finem facit propheta omnibus prædicandi à quot malis ereptus sit à Domino, quò cuncti in eum credentes perdiscant tandem ad unicum illud asylum, tumue perfugium recurrere, ac post adeptam liberationem, partamq; uictoriam, tuum omnem, qua uictores euaserunt, illi referre acceptam, atque eum, quantum fas est humano ingenio, laudum trophæis onerare. & est, ac si dicat: Quid multa commemoror: quid per partes bellum commissum, uictoriæmue concelebro: Tu enim is ille es, qui omnibus illis, qui in me insurgunt, superiorē me facies, à uiroq; iniquo & maligno: seu, ut legunt Hebræi, à uiro uolentia: uel, ut uertit Felix, à uiro iniquitatis, tutaberis me, & est mutatio numeri.

Propterea confitebor tibi in nationibus Domine, & nomini tuo psalmum dicam.

**D** Hic enim Dei filius patri pro electis gratias agit, & ait: Quoniam me in caput gentium, reiectis filijs illis alienis ac rebellibus, constituisti: meq; à populi contradictione eripuisti, superiorēme omnibus illis, qui in me cristas erexerant, fecisti, uim mihi de inimicis meis me ulciscendi suppeditans: demumq; quoniam me ab omni homine maligno ac uiolento tutatus es, in futurumq; tutaberis, te, tuumq; nomen laudabo, spargamq; tui regni famam per cunctas passim nationes, ac decus meum faciam, ut omnes, qui sanctum tuum uerbum accipient, te laudent, te extollant, ac tuum tremendum nomē sanctificent. Vidēs ne, ô homo animalis, quò tuæ referendæ sint odæ: quò cantiones: quò metra illa tua mille libidinum nauis conspurcata? Nomini, inquit, tuo, ô Deus, psalmum dicam: non scorti, aut lenæ nocturni, aut adulteræ. Quid turpitudinis in metris illis, quos metricales uocant (ob id puto, quòd à Cale oppido Galliæ originem habeant: uel, quod magis placet, à Callo, quod bonum significat, eo modo sic dicti, quo apud inferos, Eumenides) nō auditur? Quàm sanctiorib. musis, puerorū, puellarūme ingenia exercitanda essent: quàm castiori plectro emollienda, ad amoremq; diuinum, non lasciuū, ac turpē, in suis istis primis annis imbuenda? Vidimus enim aliquando, uel castissimas matronas, neq; insipientiū amantiū lachrymis, aut donis, neq; pulchritudine ipsa sua ab omnibus laudata, atq; à quamplurimis cōcupita, potuisse flecti: ad unam tantē lasciuam cantionē, cor ad ea cogitanda conuertisse, quæ perpetrata, & sibi, & familiaria, & patriæ, perpetuā infamiae notam inurerent. Sed parum forsitan hoc esset, nisi & templa quoque ipsa istuc uenenum infecisset. Ridiculum ne illud est, an flebile magis dicendum, auribus choros audire, sacros hos psalmos in templis Deo canere: corde uerò, intercalari quadam ueluti turpitudine, foedos amantium ignes ab organis haurire?

Magnificās salutes regis eius, & faciēs misericordiā christo suo Dauid.

Mutatio rursus est personæ, & est ac si dicat, magnificas salutem: seu, ut legitur peraphraestes: Adauges in immensum salutifera dona regi tuo, facisq; misericordiam christo tuo Dauid, & semini eius usq; in seculum. Quanta spes hic concipi debet.



**A** postquam cernimus totam uim regni Christi in misericordia consistere. Genuit enim pater filium sibi ab æterno, Deum uerbum, natura sibi æqualem, eiusdemque potentia ac uirtutis, quem constituit regem uniuersorum, per quem fecit & secula, & cui fecit misericordiam: hoc est, regni eius summam uoluit esse misericordiam. Proinde eundem ipsum filium appellat uates Dauidē, hoc est, amabilem, lenem, speciosumque forma præ filiis hominum: quo etiam nomine ab Hieremia uocatur. Et seruiant, inquit, Dauidi regi suo, id est, ut interpretantur, Messia. Regnum igitur amabilis huius regis, amor est & misericordia; non fastus, non odium, non ambitio, non tyrannis, non crudelitas.

Et semini eius usque in seculum.

Cuius eius? Christi scilicet. Hæc enim electorum est multitudo, quæ semē Dei appellatur. Quinimò in ipsis diuinum est semen, atque ob id peccare non possunt, ut ait Ioannes. Quid autem sit hoc semen, si interrogor: puto esse æternos illos motus, atque igniculos, à summo rerum opifice ab æternis seculis in electorum cordibus accensos, secundumque infinitam eius misericordiam, electorumque ipsorum electionem, atque propositum, ut cum Chrysostomo sentiam, futurum, præuisos, immortalesque sententia destinatos: quorum quidem suauissimo illapsu, ac monitis, crebro experfecti, non peccant ad mortem: hoc est, in peccatis haudquam moriuntur, sed in Domino: propterea beati. In seculum, ait: id est, misericordia regni huiusmodi æterna erit, & adeo æterna, atque interim tam regi nostro familiaris, ut penē iustitiæ uideatur, ut sic dicam, oblitus. Erit, inquit Zacharias, ex his, qui offenderit in die illa (gratiæ uidelicet) quasi Dauid, hoc est, erit sicut Dauid, qui post culpam suam magnam misericordiam est consecutus. quare clamabat: Miserere mei Deus secundum magnam misericordiam tuam. Vides differentiā legis & euangelij? Certis quam uerum sit illud, quod olim mundi sapientibus Dei maiestas, Iudæis iustitia, Christianis uerò misericordia innotuerit: Et quidem, licet misericordia & iudicium cantanda sint Domino, misericordia tamen Domini plena est terra. Dulcor sanè is est, quo absente, nostræ omnes actiones, quamuis diuinæ, & sublimes, amaræ sunt, ac Deo parum gratæ: præsentem uerò, uel illæ quidem, quæ nota aliqua imperfectionis respersæ uidentur, mundæ efficiuntur, & Deo gratæ.

*Danti æternitatem, PSALMVS DAVID XIX.*



Oc psalmo uates Dei uirtutem ac prouidentiam, ex opificio cœlorum relucens, celebrare intendit. Memorat deinde legis diuinæ excellentiam & robur, ac demum à peccatis seruari rogat, petitque, ut quicquid animo cogitat, aut ore loquitur, illi probetur, & gratum sit. Nulli dubium esse debet, cœlos istos uisibiles, stellas, solem, lunam, dies, noctes, diuina esse spectacula, in quibus conditoris gloriam intuemur, æternamque eius potentiam, ut ait Paulus, & diuinitatem contemplamur. Et quia hæc iam ex consuetudine atque usu apud homines cœpta sunt euilescere, paucique inueniunt, qui ex tam pulchra cœlorum machina, Dei maiestatem intelligere curent, prudentissimus uates uoluit hiscerebus, quæ ante oculos semper obuersantur, & nunquam non apparent, humani generis stupiditatem excitare ad illam considerandam, à structura scilicet ordinatissima cœlorum, ordine, motu, ornatu, & sic orditur:

Cœli enarrant gloriam Dei, & opera manuum eius annunciat firmamentum.

Volunt interpretes hebræi hic idem esse, eundemque sensum prætere, cœli, & firmamentum: quamuis dictio hebræa, ut ipsi asserunt, non firmamentum, sed æther, significet, utpote quæ non à firmitate, sed ab expansione dicatur. Ex quo illud, quod nos in Genesis libro legimus: Et uocauit firmamentum, cœlum: illi, æthera uocauit cœlos. Hinc etiā ex nostris quidam Aristotelem imitati, dicunt cœlorum, syderumque naturam hoc nomine appellari, ducta nimirum huius uocabu-



**C**eli origine ex eo, quod semper motu circumductili æther feratur. Quemadmodum igitur, ut hi uolunt, idem est æther, quod cœli: ita quoque idem enarrant, gloriam scilicet Dei, ac maiestatem. Quare à magnitudine, & pulchritudine rerum conditarum, quasi proportionem quadam, ut uocat Eutymius, earum, artificis excellentiam consideratur. Nam qui cœlorum, siue ætheris, formam, situm, pulchritudinē, ornatum, spectat, uisu, ueluti doctore aliquo, utitur, ad sempiternam Dei uirtutem speculandam. Quocirca dicimus cœlos, cœlorumque machinam, Dei magnitudinem prædicare, cum proprio eos aspectu, ornatuue, ac motu, pro uoce uti consideramus. Nemo est enim, nisi sit omnino indoctus, qui censeat cœlos esse animatos: atque os habere, ac linguam, ut cætera animantia, contendat: uerum, ut dixi, ipsa in illis pulchritudo & forma, uox est quædam mirabilis, qua eorum opificis magnitudo annunciatur in uniuerso mundo. Ad quam quidem considerandam nos prouocat Esaias non semel, sed illud in primis: *Leuate, inquit, in excelsum oculos uestros, & uidete, quis creauit hæc.* Cæterum, ut hic uerissimus sensus sit quem dixi, quis nos tamen uerat, postquam uideo Paulum, quartum huius psalmi uersum de sanctis apostolis interpretari, hic sanctos Dei uiros, ac uates cæteros, cœlorum nomine intelligere? Cœli igitur apostoli sunt, ac cæteri eiusdem propositi uiui. E quibus Deus, ueluti ex hoc æthere solet fulmina, ignita uerba iaculatur, terret, fulgurat, ac terrifico quodam iustitiæ strepitu detonat. Hinc nimbi illi, ardente perfectionum Sirio, consolationis gratissimi: hinc fiducia pluuiæ, hinc casti amoris nubes, æstus atque ardorem huiusce inhospitæ solitudinis uitæ refrigerantes, ortum habent. Audite, ait Moses, cœli, quæ loquor. Quid mirum si cœli existimandi sunt hi, qui tum ore, tum animo, cum Paulo clamant: *Nostra conuersatio in cœlis est.* Sed quid enarrant cœli isti felicissimi? gloriam profecto Dei, quam esse arbitror cum Cassiodoro, gratuitam peccatorum ueniam: ex qua quidem solus glorificatur Christus, nos uero, nostraque iustitia, uis, & studium, damnantur. Verum hanc gloriam quis enarrare? quis prædicare? quis extollere potis est, nisi cœli isti formosissimi? Etenim terra terram sapit, & prædicat: hoc est, mundi fastum ac pompam. Secus uero cœli isti mystici, quibus sui artificis gloriam, & maiestatem annuntiantibus, nostra illico cadunt omnia, proprius scilicet amor, ac carnis cura.

Dies diei eructat uerbum, & nox nocti indicat scientiam.

Nescio an ullus alius possit esse apertior sensus huius uersus, quam quem ponit paraphrastes. Ait enim: *Dies unus indicat subsequendum alterum, & nox una docebit nos cognoscere aliam: perpetua enim uicissitudine mutuo succedunt.* Inter cætera huius structuræ mundanæ, quæ pulcherrima sunt, hæc inter prima esse uidentur, cum in rerum ordine, dies diei, perpetua quadam uicissitudine, eructat, seu manifestat uerbum, hoc est, mandatum Dei, ut miro quodam modo, & ratione, subsequens dies à præcedenti pendeat, ab eoque modum præfixum, qui ei obuenturus sit, sumat. Ex quo quidem ordine, & harmonia, rerum opifex laudatur, eiusque magnitudo ab omnibus & cognoscitur, & prædicatur. Neque porro id solum in mutua ista dierum ac noctium concordia est uidere, sed in anni partibus quoque, qui tam concinne quadrifarie diuiditur, ut nullus alius in rebus conditis mirabilior appareat ordo, qualem in ueris, æstatisue, autumnii, atque hyemis ordinatissimā successionem cernimus. Quod sane non esset, si nullo ordine, nullaque unius, & eiusdem optimi, ac perfectissimi prouidentia principij, sed casu, temerariaque uia, ac sorte, mundus regeretur. Hoc itaque modo, illud adagij loco uulgo celebre uerum esse deprehenditur, quod discipulus prioris est posterior dies. Cæterum dies, gratiæ tēpus est: nox, legis, & peccati. Vnde illud: *Nox præcessit, dies autē appropinquauit.* Nox Dei ignorance præterit, dies scientiæ & fidei. Dies spiritum, nox carnem. Noctis inuolucris obducti erant prophetae: diei radijs euangelij, hoc est, Christi præsentia. Verū & nox suā habet gloriā, quāuis tenuem, ad illam diei, in quo sol iustitiæ nunquam deest. Noctis enim ea est gloria, cum doctorum hominum



**A**num stimulis exciti, nos omnes sub peccato esse arguimur, ac de nocte ad diē reuocamur. Nonne igitur nox, legis scilicet minæ, atq; nostra declarata per legē damnatio, & conscientia, annunciat nocti scientiā: hoc est, illis quidē, qui etiam nū in fidei ignorantia, Iudaicisq; superstitionib. uersant. Etenim absq; legis ac cōscientiæ motibus, in profundissima errorū nocte uolutamur: ab illis uerō puncti, faciliē ab huiusmodi, tum legis, tum cōscientiæ tenebris, ad lucem diei, quæ est fiducia in Deo, prodimus. Porro felicissimū illum esse diē arbitror, qui, ut aliquando nox dies efficiatur, se in noctē transformat. Quod quidē accidit, cum perfectissimi uiri sese infirmiorib. animis tandiu attēperant, quandiu crescant in uirū perfectū. Cum liber essem, aiebat Paul, ab omnibus (ecce lux in Paulo) omniū me seruū feci, (ecce nox) cum Iudeis Iudeus, cum gentilib. gentilis, omnib. omnia factus sum, ut Christū lucrificerē. An uerō dies, in suauissima Christi academia, diei eructet uerbū, hī norunt, quib. in uita nihil iucundius est, q̄ in sacrarū literarū cāpo assidue spariari. Sacrum enim euangeliū, quod lucidissimū diem appellare fas est, quomodo diei, sanctæ uidelicet animæ, uerbū illud diuinū, qui Christus est Iesus, cuius ipsum grauidum est, nō eructabit: nō ostēdet: nō notū faciet. O lux, ô lumē, ô lampas uniuersi, Christe benignissime, quem unicū & colo, & ueneror, usquequo in tenebris uersor: Semper ne in caligine errorū, insipientieq; cor meū frigidum uolutabit. Heu me miserū, quot annis, absq; luce, attonitus, super terrā, infelicē hanc traduxi uitā. Transactæ me poenitet uitæ. Tu igitur dies luce omni splendidior, mihi, nō iam diei, sed nocti obscurissime ac deploratæ, tuum sanctissimū uerbum, tuā sanctā legem, tuam gratiā, tuum fauorem, instilla. Da me in te transfundi ô lux beatissima.

Non sunt loquelæ neq; sermones, quorū non audiantur uoces eorū.

**Felix:** Ut nō audiat uox eorū, hoc est, nō est idioma, nō sermo, nō natio tam remota, quæ nō audierit uocē rerum conditarū suo more loquentiū, passimq; prædicantium sui conditoris sapientiam, potentiam, uirtutem, bonitatem, Nanq;

In omnē terrā exiuit sonus eorū, & in fines orbis terræ uerba eorum.

Censet Eutymius præcedentem uersum legi debere per interrogationem, ut sit sensus: Putandum ne est, uariarum rerum articulata uoce carentium pulchritudinem cessare posse à celebrandis laudibus sui opificis, etsi inanimæ sint. Non hoc quidem. Nam in omnem terram exiuit sonus eorum. In elementis igitur, uniuersisq; fabrica & structura, ipse ornatus, distinctio, utilitas, pulchritudo, uisq; illarum omnibus à suo conditore sapientissime, qua seruantur, quæq; altera alteri affinitate est cōiuncta, ingenita, uox est ac sonus, quo Dei magnitudo etiā in ultimis orbis recessibus degentib. innotescere potest. Sed quid hæc, dicet aliquis, ad promerendam fidem eam, quæ in assequenda uita æterna prorsus est necessaria? Respondet spiritus, quod nunquā uiri sanctissimi defuere, & in primis apostoli, qui per uniuersum orbem donum hoc fidei disseminarent. Quod ne repentinum aliquid ueluti monstrum exhorrescerent homines, prædictum à sanctis Dei uatiibus longē antē fuit. Ait enim Esaias: A finibus terræ audiuius laudes, gloriam iusti. Rursus uice Domini: Mittam ex eis, qui saluati fuerint, ad gentes, in mare, in Aphricam, in Lydiam, tenentes sagittam, in Italiam & Græciam, ad insulas longe, & annuntiabunt gloriam meam gentibus. Quam gloriam, quæso? remissionem certe peccatorum, gratis dandam per Christum mortalibus. Quo nimirum beneficio, maximā sibi cōparauit gloriam Deus apud eos, qui & in terris sunt, & qui in cœlis, cum pro his mortuus est Christus, qui & impij erant, & hostes: quas ago Deo meo, aiebat Paulus, quod omnium uestrū linguas loquor. Quorū sum eo linguarum dono, tum Paulus, tum ceteri primæ ecclesiæ procures à Deo insigniti fuere: hac nimirum causa, ut in omnem terram exiret sonus eorū, ac non essent loquelæ, neq; sermones, quorum non audirentur uoces eorum.



## C In sole posuit tabernaculum suum.

Quia nullum aliud in cœlis sydus Dei maiestatem æquè attestatur, uti sol: idcirco uates huius peculiariter mentionem facit, asserens, quòd in ipsis cœlis tam nobilem faciem collocauerit. Felix sic: Soli posuit tentorium in ipsis, Cui & quadrat paraphrastis litera. Ipsi, ait, soli aptauit Dominus habitaculum in eis, & imperium dedit in eos. Vnde Eutymius: Deus, inquit, habitationē soli posuit in cœlo. Vides enim quomodo Græci cum Hebræis in huius uersus lectione cōueniant. Sol itaque, ut ipse ait, qui constitutum sibi in cœlo habitaculum nunquā reliquit, diuinæ gloriæ ac prouidentiae perpetuus est præco. Et quidem, ut nullum aliud in sole, quo queat à nobis summa Dei potentia considerari, argumentū sit: num illud non per se amplissimum, cum, eo exoriente, maneq̃ iubar illud aureum, ex quo quorara est dicta, mundo proferēte, uniuersi facies mirabiliter exhilarescit, ac miro quodam modo innouatur? Verūm quo magis id quod dicit illustretur, cum per similem facit sponso ē thalamo egredienti, decoro scilicet, ac circumquaq̃ geminis, atq̃ auro insigni. Est similis, ait paraphrastes, sol sponso, qui exurgens egreditur de cubili suo. Ferunt Iudæos antiquitus sub expansa cortina, sponfam sponso tradere solitos: ē qua quidem cum progrediretur, omnes qui aderant, exhilarabat, indeq̃ festi ipsi dies nuptiarum sumebant exordium. Proinde prophetam aiunt ex tali Iudæorum more, huiusmodi de sole cecinisse encomium, quem non solum sponso, qui nuptiali ē thalamo egreditur, sed giganti quoque, aut, ut legunt alij, heroi comparat. Vnde sequitur:

Exultauit ut gigas ad currendam uiam.

Myteria enim quę in hoc psalmo ab alijs enarrantur, diuina quidem sunt, propterea ab illis curiosus lector, ut lubet, ea inquirat. Non minoris forsan laboris res ea est, ac ratio interpretandi, quam nos sequimur, cuiq̃, uel usq̃ ad sudorem, insistimus, quā illorum, qui in allegorijs assueti, nihil non agunt, quò cuncta allegorica in scripturis esse demonstrent: utinam apte. Verūm nec nos in huiusmodi interpretandi genere ieiuni erimus: quā uerò feliciter, iudicent alij. Sat enim mihi sit candorem animi profiteri, atq̃ in me esse non dissimulare. Illud igitur in primis dicendum erit, ne intacta prorsus myteria relinquamus, quid sibi uelit, in sole Deum posuisse tabernaculum suum. Et quidem posset aliquis in dubium uertere, an ob id, quod in fidei causa ab apostolis per orbem uniuersum sparsum fuerat, finem nostrum nancisceremur: & si sine, & hoc perbeato, nō essent frustrandi electorum labores, in quo tandem huiusmodi moraretur finis, in quo adipiscendo tot rerum difficultates sancti Dei apostoli adierunt. Quocirca subiunxit uates, quòd in sole posuit Deus tabernaculum suum. hoc est, in facie Christi, ut ait Paulus, & claritate, qui lucis omnis fons est atq̃ origo, quemadmodum sol est lucis huius corporeæ autor, & principiu, uoluit Deus cognosci, qui antea fuerat incognitus, quando scilicet nox erat, stertebatq̃ mundus uniuersus somno altissimo errorum immersus. In hoc igitur sole conquiescit pater, in ipsoq̃ suum posuit domicilium. Nōne, inquit, ego in patre, & pater in me est? In ipso enim, ut clamat Paulus, omnis plenitudo diuinitatis, etiam corporaliter, inhabitat. Ne porro illum lucem esse unius solummodo regionis aut gentis suspicaremur, de se asserit hoc modo: Ego sum lux mundi: qui sequitur me, nō ambulat in tenebris. Quid illud: ego lux in mundum ueni, ut omnis qui credit in me, in tenebris non maneat. Et uere mundi lux est Christus: nam subtracta ab orbe hoc nostro, satis per se obscuratur turbido, Christi luce, plena erunt omnia tenebrarū, impietatis, perfidiæ, ignorantiae, crudelitatis: & tandem nihil erit in humanis nisi nox perpetua, ac mors. Non quidē lux est Christus eo modo, quo sol est uisibilis: sed penetratior ille est, utpote qui cor ipsum electorū, atq̃ animā, adeò suis diuini amoris radijs perfundit, & illustrat, ut unius penē substantiæ cum ipso efficiatur. Is itaq̃ sol iustitiæ, aureus sanè, atque



A atq; aspectu desiderabilis, è thalamo illo suo regio, in quo idem cum patre Deus lucem habitat inaccessibilem, egrediens, cum ab eterno delituisset, erupit tandem in lucem hanc uitæ, carnemq; assumens, homo factus est. Verum ne subito, ueluti spectrum, aut uisum aliquod nocturnum, disparuit lux hæc amabilis Christus lesus: minime quidem; nam habitauit in nobis, ut ait Ioannes, & manus nostræ contrectauerunt de uerbo uitæ. Ne porro, cum solem hunc pulcherrimum audis hominem factum, eum ipsum cogites solummodo despectum, ac quasi leprosum, ut inquit Esaias, atq; à Deo percussum, ob idq; ad obediendum patri uel impulsus, ac metu; eiusmodi dubitationi occurrit spiritus dicens, quod exultauit ad currendam uiam suam, gestiens nimirum, ut ait paraphrastes, tanq; uir strenuus absolueret cursum suum. Fatebatur enim se Christus, in Hieremia, peregrinum esse super terram, & colonum absq; diuersorio. Quare uitæ huius cursum, ac uiam, à calce ad metam, uti peregrini solent, perficere accelerauit. Quid ni appellem cursum? cum uelociter currat sermo Dei, qui Christus est: O mirabilem gigantis huius atq; herois agilitatem, O nostri hinnuli saltum celerem, & stupendum.

A summo cœlo, ait, egressio eius, & excursus eius usq; ad summum eius. Hebræi clarius: A fine cœlorum egressus eius, & recursus ad finem eius. Cuius quidem sensus, unica ipsius solis ac gigantis sententia diffinitur. Ego, ait, exiui à patre, & ueni in mundum. En à summo cœlo egressio eius. Iterum relinquo mundum, & uado ad patrem. En rursus excursus eius usque ad summum eius. Cum tot igitur passim per rerum conditarum machinam, atque adeo per tot suæ erga nos beneuolentiæ signa, sui notionem dederit,

Non est qui se abscondat à calore eius.

Nemo iam homo est, qui se ab eius amore excusare ualeat. Calor is est uniuersalis. Proinde unusquisq; quantum lubet, quod suum cuiq; arbitrium maneat liberum, sumere potest. Porrigit enim Deus homini, & uelle, et perficere, suum tamē non subtrahens fauorē, atq; auxilium: sed non cogit, non inuitos trahit, illeceit tamen pollicitationibus, quod dona sua non aspernentur. Vide enim quomodo bona uoluntas tua sit, ac Dei donum, quemadmodum etiam fides, quam donum Dei esse affirmat Paul,

Lex Domini immaculata conuertens animas.

Comodum enim, connumeratis argumentis illis, quibus adamussim perspectis, nullus est tam barbarus, qui non admiretur, simul & prædicet Dei potentiam ac maiestatem, adiicit de lege & doctrina Domini, munere quidem eximio, uereq; diuino, & cœlesti. Nam cum per sacram legem ad Dei cognitionem accessum habeamus, cognitio uero Dei sit uita æterna, concludi potest, Dei doctrinam uitam esse eternam. Unde illud est Pauli, ad Timotheum scribens, de illa elogiū, quo asserit diuinam legem nos ad salutem instruere. Porro cum uaria contineat lex, in unum tamen desinentia, uarijs illam uocibus appellat uates, modo legem, modo præceptum, modo testimonium, modo iudicia, eandem ipsam nominans. Quarum quidem uocum ea uidetur ratio, ut lex sit id illud omne quod ad bene recteque agendum, rationem præscribit. Testimonium uero, quod de Dei uoluntate nobis testatur. Iudicia etiam, quoniam uis uendi cum proximo legem explicat. Mandata rursus, seu iussiones, quod quæ à nobis seruari uult Deus, continet. Timor item Domini, eod quod Deum timere, uerumq; religionem, contemptis superstitionibus, ingerit. Iustificationes quoque, ob id, quod iustum eius obseruatorem reddit. At huiusmodi tam uarijs nominibus appellata, una lex est irreprehensibilis, atque animas à Deo auersas conuertens. Est est perinde ac si dicat: Fassus sum cœlos istos uisibiles Dei gloriam prædicare, quod sanè magnū est, sed propè nihil, si ad legem gratiæ conferas: ea enim sincera est, perfecta, absoluta, nihil mutationis admittens, nihil uarietatis, nihil quod inconstantiam præferat, aut corruptionem, cum in cœlis ipsis, alioqui pulcherrimis, uicissitudines lucis, atq; alterationes alijs aliæ succedant. Ista porro animas restituit, re-



**C** uocat, & in æternum renouat, beatq; & recreat: cœli uerò tantummodo corpora,

Quantum postea fidele sit legis testimonium, ob id certè considerare possumus, quòd fide à diuina lege subtracta, ea omnia quæ ad salutem hominum faciunt, uacillant oportet: qua quidem re, nihil in rebus humanis, simul & diuinis, absurdum magis accidere potest. Cœli præterea Dei sapientiæ sapientes solummodo admittunt: at scriptura diuina, uel imperitis ipsis mulierculis, paruulis, mundoq; deprecetis, sapientiā suppeditat. Mandata Dei postmodum æqua sunt, iusta, irreprehensibilia, cum interim cœlorum lumen obliquet interdum, ac sæpe sui dissimile sit. Præceptum Domini, ait, lucidum: sed lucem istam cœlestis structuræ nubes crebro, ut uidemus, obscurat, densissimæq; obducit caligine. Illa tantummodo corporeos oculos aperit, oblectatq; hæc mentis aciem, ipsumq; totum interiorem spiritum aperit, & exhilarat. Sol item, luna, & cæteræ aliorum corporum cœlestium, cursum suum, motū, ordinem, à summo illis opifice præfixum, dum seculum hoc erit, tenebunt: uerum ultra omne æuum timor Domini permanet in seculum seculi. Iudicia porro Domini adeò uera sunt, ut ne pilum quidem à recto uariant, sed fallunt sapenumero astrorum iudicia, luxq; ipsa nonnunq; deficit, atq; omnia tandem uicissitudinibus immutantur, uariant, ac in interitum festināt, cum sacra Dei lex uitam eam polliceatur, quæ æterna sit, uereq; beata. Hinc igitur cernas uelim, quàm indicibilis sit Dei in nos bonitas, qui, cum satis per se naturæ lex ad præstandam nobis de eiusdem magnitudine, ac potētia, cognitionē sufficere uideretur, addidit tamē & legem scriptā, quò nulla in re nobis assequendi finē, ad quē conditi sumus, deesset. Lex itaq; eadem hæc est, quæ immaculatam animā reddit, atq; irreprehensibilem: & est, ut ait Paulus, lex spiritus uitæ in Christo Iesu Dño nostro,

Sapientiam præstans paruulis.

**D** si tamen huius mundi sapientes interdum uisi sunt (ut nunc maxime uidentur in nostra hac ætate, in qua omnes de profundissimis sacrarum literarum sensibus, ac mysterijs, disserere audent, sed utinam candido animo) elegantius, quæ de diuina lege sentiunt, proferre, quàm pauperes spiritu, non intelligunt tamen: non ita afficiuntur, ut hi, qui nihil de se, suoq; ingenio præsumentes, in solo Deo fixum habent, quicquid sunt. Qui enim de terra est, terræq; sectatur, atque amat, is, utinquit Ioannes, de terra loquitur, terræq; incumbit, & immoritur. Erras quidem, si animalem hominem (sic eum appellat Paulus) unquam cœlestium rerum palmarum corde haurire existimas, quamuis Demosthenē orationis grauitate superet. Spiritualiter enim illa, ut inquit Paulus, examinantur: quocirca à spiritualibus uiris, infensis scilicet mundo, tantummodo percipiuntur. Gratias tibi ago, ô pater, ait, bar filius Dei, quod abscondisti hæc sapientibus, & reuelasti ea paruulis.

Iustitiæ Domini rectè lætificantes corda.

Mandata proculdubio nouæ legis intelligit, quæ iustum gratis reddunt hominem, ac conscientia pace lætificant, non deterrent, ut olim lex uetus, impræsentiarum etiam nonnullæ quorundam parum sibi constantes in ecclesia ordinationes,

Præceptum Domini lucidum

Tum factum est, cum detecta Mosis facie, & ablato, discissoq; à summo usq; deorsum uelo templi, unā cum capite nostro Christo Iesu in interiora uelaminis, ut ait Paulus, penetrauimus. Cæterum quomodo lucidum id non esse fatebimur, cuius origo lux ipsa est ac sol?

Timor Domini sanctus, permanet in seculum seculi.

Alij reddunt, timor castus; alij, filialis, quò intelligas, hunc eum non esse timorem, quem in Iudaico illo populo ferreo, atq; adamante omni durior, fuisse legimus. Porro timorem eum castum esse diffiniunt, cum Deus filiali quadam reuerentia timetur: qui quidem cum ab amore proficiscatur, nō potest non sanctus, ac



**A** Deo ipsi gratus esse; atque is prorsus infinitus est, perstatq; in aeternum, cum in eum tendat, qui supra omnem aeternitatem aeternus est; ille uero alius cum seruialis sit, ac temporarius, cum tempore deficiat necesse est; propterea nonnulli mancipium illum mortis appellandum censuerunt.

Iudicia Domini uera iustificata in semetipsa.

Profecto uera, ac in sese absq; alieno adminiculo firma manentia. Nam eo ipso quod Domini sunt, uera statim sint oportet; nec alia peruestiganda est ratio, ut solent mundi sapientes, qui ne in ipsis quidem rebus, quas prorsus coelestis pater uoluit humana ingenia latere, fidem adhibent. Ex quo quidem errore, & temerario ausu, fides penè in ecclesia Dei periclitata est. Felix sic: Iudicia Domini ueritas; iustificata sunt simul. Quare sic reddit paraphrastes: Iudicia Domini ipsa sunt ueritas, & modis omnibus aequissima. Insuper

Desiderabilia super aurum, & lapidem preciosum multum, & dulciora super mel & fauum.

**B** In rebus enim corporeis nihil aequè aestimari uulgo solet ab hominibus, ut aurum, & lapides preciosi: proinde à prophetis saepenumero pro diuinis eloquijs usurpari solent, utpote quae magis optabilia sunt, quam quauis res preciosissima. Et quidem nihil in terris tam utile esse potest, ac iucundum, quam Dei uoluntatem in sacra lege intelligere. Mirum quam tranquille ocietur anima in ea cognitione, qua Deus cognoscitur, gustaturq; ac planè hauritur. Putas ne animae illiusmodi gaudio affectae, ea quae uidentur in hoc mundo suaui & preciosa, placere possent: nihil certè minus. Nam semel in diuinum amorem, per sacrarum literarum cognitionem transfusa, nihil aliud, tum in coelis, tum in terris, iam uult & optat, quam in eo, quem unice diligit, pausare. Præterea, quemadmodum hic aurum, lapisq; preciosus, id omne quod appetere solent homines, quod principale sit ad obtinendas diuitias, atque inter ceteros principatū, significat: ita apum labor atq; opus, ponitur à propheta, pro quacunque re, quae uoluptatem nobis, siue in esculentis delicatioribus, siue in quauis realia delectabili afferre solet. Nec porro uacat mysterio, quod inter cetera edulia, mellis & faui solummodo mentionem facit propheta, cum mel nouum, fauus uero antiquum adumbret testamentum. Illud enim purissimum, utpote à cera repurgatum; is autem permixtus, & confusus. Amabilia sunt igitur diuina praecepta, ut ait paraphrastes, magis quam aurum, etiam si purissimum sit, & plurimum (hoc significat multum in nostro interprete.) & suauiora sunt melle, & fauo mellis dulcissimo; hoc est, quicquid expeti potest à mortalibus in hoc mundo, quod diuitias, quod potentiam, quod uoluptatem adducere consuevit, id minus est, quam si in Dei lege oblecteris. Obryzum scribit Felix pro lapide precioso. Idcirco posuit paraphrastes ex hebraeo, purissimum, aurum scilicet, quod Hebraei ophir dicunt; & est aurum syncerum, excoctum uel sapius, ac optime perpurgatum: de quo quidem in Daniele legimus, quod uir unus uestitus lineis, & renes eius accincti auro obryzo. Cum itaq; digna adeo sint, iucunda, plenaq; decoris ac uoluptatis, uerbatua, ô Domine,

Seruus tuus custodit ea.

Seu, ut alia est litera, Seruus tuus admonitus est ab illis: ut cautius scilicet agat, & non peccet. Conuersio nempe est ardens, atque exclamatio ad Deum, quae corrum, quae dixit, gustum ac experientiam se habuisse testetur, desiderabilia uidelicet super aurum, & quodcumq; preciosius auro in terris inuenitur, Dei iudicia esse. Quare sic uertit Felix: Seruus tuus cautus fuit in ipsis. Vide enim quomodo diuina haudquaquam probantur eloquia suaui esse, solaq; quae praeter ceteris rebus sint expetenda, legendo solummodo, aut loquendo, sed custodiendo: ut nimirum ea prorsus inutilis, ac uana censeatur doctrina, quae ex ore tantummodo erumpens, curiosorum aures uano demulceat pruritu. Verum frustra ne custodienda sunt,



**C** atque ex animo seruanda Dei iussa: minime quidem. Nam

In custodiendis illis retributio multa.

Hic proculdubio eterna bona, diuinis preceptis obtemperantibus, retributionem fore asserit. Verum ut multa ac maxima sit, ut est, merces illa beata & æterna, ad quam suspiramus, cupientes iam tandem dissolui, & esse cum Christo: est & alia in hoc seculo non paruuducenda, quippe quæ à Domino in euangelio centuplum appellatur: quam sanè esse arbitror, cum penitus à nobis euulsis peccatis, dicitibus, calcatoq; mundi fastu, atque edomita carnis petulantia, uirtutibus demur, nihilq; nō agimus, quò ex hominibus dii efficiamur. Paruipendenda neent huiusmodi retributio ac merces, quæ nos adeò diuinæ uoluntatis adimplendæ cupiditas facit, & inflamat, ut unum iam cum tanti boni autore Christo Iesu facti, eadem ipsa bona, quæ post hanc uitam expectamus, cum carne nihilominus consiliantes pergustamus?

Delicta quis intelligit?

Celebratis Dei laudibus in superioribus, ostensoq; quàm ardenti studio in perficienda Dei lege nauanda sit opera, quantumue facienda sit eius observatio, dubitantes, an aliquis tam sapiens inueniatur, qui impedimenta illa omnia, peccata scilicet, quibus ab assequenda æterna beatitudine retrahitur anima, perfecte intelligat. Tum enim maximè, cum non putamus, è nobis exeunt reliquæ quædam latententes uetustatis, Cananæorum residuū nondum omnino edomitum. quare continuo nobis clamandum est, Delicta quis intelligit? Quis delicta omnia aduertit? potis est: quamlibet enim uirtutum studia amemus, quolibet cautè, sollicitèue cunctispectemus necubi impingamus, uitare tamen non possumus, quin in multis labamur, quorundamq; peccatorum nexibus adstringamur, quorum ipsi consci non sumus, quæq; nostram prorsus fallunt conscientiam. Quapropter quis hic tam imperterritus est animo, qui non sibi ipsi interdum timeat, simulac cernit sanctissimos dei uiros uereri, an sit in terris aliquis, qui examus sim peccata pernoscat. Errores, seu ignorantias, legit Felix: quem secutus paraphrastes, sic reddit: Quæ errore committimus, tam sunt multa, ut ne deprehendere quidem quisquam possit omnia: quare ab huiusmodi, quæ latenter irrepunt, munda quæso me, Propterea à propheta subditur,

Ab occultis meis munda me Domine, & ab alienis parce seruo tuo.

Tam enim uerum est illud, quod in prouerbij legimus, quàm aliud quidem maxime: prauum scilicet, atq; inextricabile cor esse hominis. Certè postquam corruptum habemus, passim, & ut sic dicam, artuatim è nobis ebullire flagitia, nostris actionibus tuto fidere nequimus, quantumuis candidè, tum nobis, tum ceteris, uiuere uideamur. Quid igitur hic sibi uult uates? hoc sanè: Ab ijs me affectibus, uerbis, operationibus, quæ cum tibi aduersentur, mihi tamen placent, aut saltem non, ut par est, displicent, libera. Quamuis enim oculatissimè, cuncta quæ ago, & cogito, mihi uidear ad normam tuæ sanctissimæ legis edolasse: attamen, cum opus ultimam exegerit manum, uideo me plurimum à rectitudine aberrasse, cum nihil tamè minus uererer. Aiunt quidam peccata omnia duobus includi terminis: aut occulta omnino esse, aut aliena. Occulta illa esse dicunt, quæ in nobis innascuntur, quæ & originalia uocant idcirco, quòd in secretioribus animæ recessibus oriuntur, leant. Aliena uerò illa ipsa, quæ suadentibus malis hominibus, aut dæmone, committimus. Ab illis, inquit, quia sordes quodammodo sunt naturales, me emunda: ab istis autem me uendica, ac parce. Illud porro non omittendum, quòd alij legunt, à flagitijs parce seruo tuo: quæ sanè prorsus alienos nos faciunt à Deo. Alij item putant hic uatem orare, ut se seruet Deus à consortio alienorū, illorum scilicet, qui in sorte Dei minime censentur, ac si dicat: Retrahe me, ne impiam illorū uitam probem, seclerq; qui longè abs te alienati sunt, Quare hi uolūt masculino genere pronunciant



**B** cundum hebraeos, est dictum: noster tamen interpret, quem altissimo spiritu prae-  
ditum fuisse iudico, suo non est fraudandus sensu. Ait enim:  
Si mei non fuerint dominati, tunc immaculatus ero.  
Quamuis lucidior esset litere, si

Si mei non fuerint dominati, tunc immaculatus ero.

Quamuis lucidior esset litera, si secundum græcam lectionem uerteris: Si mei dominata non fuerint: ut dominata, ad peccata referas; tamen & hæc, quam frequentamus, pia est lectio. Peccata enim quæ suprà cōmemorauit, suos uocat hostes propheta: & est perinde ac si dicat: Non oro, Domine, ut peccata, hostes scilicet mei tollantur omnino à me: quandoquidē hoc nobis penē à natura ingentum esse uidetur, ut crebrò labamur: sed eorū deprecor dominiū, Sat mihi sit illis ipsis carnis necessitatibus, quibus uel ipsi innocentissimi uiri etiam inuiti parent, inseruire; tantum non seruiam atrocissimis illis hostibus, qui sunt, peruersa uoluntas, obstinatio, temeritas, superbia ambitio, atq; cum cæteris huius generis monstris desperatio. Hoc enim abs te exorato, immaculatā perpetuò degā uitam, in superq; Emundabor à delicto maximo.

Emundabor à delicto maximo.

Hæc est irreuocabilis in malitia cōsuetudo, & impœnitentia, quod est maximū omnium bonorū animæ exterminium. Et quidem ex eo, quòd tentatori libentius seruimus, quàm nobis ipse imperat, & dominatur. formatur in nobis habitus quidam pestilens in peccandi consuetudine: qui quidem cum tenacius cordis radicatus inheſerit, alteq; sese in penetralibus animæ insinuauerit, procreat impœnitentiam & desperationem, quod est peccatum in spiritū sanctum, id est, omniū maximum. Felix legit: Transgressionē maximā, uidelicet rebellionē, à fideq; defectiōne. Nullum enim maius potest esse delictum, quàm à Deo, ut ait Sapiens, per desperationem apostatare.

Et erunt ut complaceant eloquia oris mei; & meditatio cordis mei in  
 conspectu tuo semper.

Immundum illud esse, planeq; Deo execrabile, quicquid id est, quod uir im-



**C** pius, aut loquitur, aut cogitat, & agit, nemo est, uel mediocriter in schola spiritus enutritus, qui ambigat. Is sanè est, quem alio in psalmo conquestus est Dauid dicere in corde suo, non est Deus. Qui quidem turpissimus uitæ modus adeò uel in ipsis nobilioribus rerum pub. membris uim sumpsit, ut fermè nemo sit, qui libentius de oppressione miseris inferenda, aut de satianda siti, uel auaritiæ, uel libidinis, non loquatur, & cogitet, quàm ut semet rationis, atque adeò diuinæ legis imperio subiiciat, uiuatq; nemini inensus, gratus omnibus. Horrendas interim committo blasphemias, dissolutos mores, motusue effœminatos, ac choreas illas detestabiles, irritamenta scilicet libidinum, atque infecti cordis indicia. Etenim eiusce modi qui sunt infecti morbo, cum uate sanctissimo metrum hoc canere ex animo nequeunt, licet ore interdum proferant. At secus hi, qui spiritu Dei, ut ait Paulus, nō spiritu huius mūdi. acti, cōcepta prius in corde fiducia, ac certitudine illa, quæ maximè in filiis Dei est necessaria, canunt, ac ardentissimo affectu dicunt: Et erūt ut cōplaceant eloquia oris mei, & meditatio cordis mei in conspectu tuo semper. hoc est, ut interpretat̃ Eutymius: Preces meæ erunt tibi gratæ, atque eas suscipies, quando scilicet à prædictis omnibus emundatus fuero: ut eloquia hic oris, sint animæ familiares cum Deo colloquentis in regio cubiculo cōfabulationes, quod quidem in sequentibus magis exprimit: nam uult meditationem cordis in conspectu altissimi idem esse, quod oris eloquia: nam & anima suum habet os, suaq; eloquia ac sermones. Impossibile enim esse arbitror, cor illud, quod nondum cogitare turpia exhorret, sanctarum cogitationum posse fieri domicilium. Non me latet tamē, oris eloquia simpliciter posse intelligi: nam tum quidem perfecta Deo laus canitur, cum & os, & cor, in celebrando diuino cultu sanctissimè cōueniunt: alioquin corrupto corde, ac sordido, mirum si putes tui oris eloquia, & orationes gratas fore Deo.

**D** Domine adiutor meus, & redemptor meus.

Hebræi hunc uersum ultimum cum superiori sic legunt, & est (ni falsus sum) uera ac germana lectio: Sint, aiunt, sermones oris mei, & cordis mei meditatio, ut tibi probentur, ô Dñe propugnator mi, & redemptor. Felix sic: Sint in uoluntate (tua scilicet) eloquia oris mei, Dñe creator meus, & redemptor meus. Quocirca paraphrastes elegātissimè, ut suus est mos, hoc modo reddidit. Sint, quæ lo. gratæ tibi uerba hæc oris mei, & gratus sit animi mei affectus in te Domine, qui Deus meus es, & redemptor meus. Cæterum quis redemptor noster est: quis adiutor: quis refugium herinaceis, nisi Christus Iesus: qui quemadmodum nostræ omnis actionis, nostri studiij, nostræq; orationis, atque amoris, principium debet esse, ita & medium, & conclusio, finisq; & consummatio,

## PSALMVS DAVID XX.



**X**AUDIAT te Dominus in die tribulationis, protegat te nomen Dei Iacob.

Equidem statueram hunc psalmū interpretari, ut esset ecclesia, quæ Deum oraret pro salute illius, qui in rerum Christianarum expeditione contra infideles, qui & terra & mari, ad extinctionem fidei Iesu Christi accinguntur, futurus esset imperator. Verum cum uideo exercitus quos in profligandis fidei hostibus instructos esse decuerat, in mutuas Christianorum clades armari, stylū ad Dñm meū Iesum Christū conuerti: quem pro totius humani generis salute precaturū, præuidens Dauid, optat illum, oratq; exaudiri. Nondū ne salus Christianorū sanguine resperſa est Italia? Quā dignius sanè uestra esset laus, ad Euphratē potius, aut Danubiū, uestros uos cogere exercitus, q̃ ad Lirim, Rhodanū, aut Truentū. Quàm equius, inquā, esset, classes hæc uestras, uel ipso cœlo formidabiles, Byzantiū properare (cur non uolare dixerim, simulac cernimus entes



**A** enfes barbaricos iam iam Italiae ceruicibus imminere: quàm per hoc uestrum tantillum Adriaticum ocari, per languescereque. Sat ne etiamnum poenarum dederrunt Insubres: sat ne Sabaudienfes: sat ne tota Italia? Cum itaq; inter tot rerum pericula non sit, ne unus quidem ex orbis primoribus, qui uelit, uel si uelit, queat, miserimae nostrae aetatis conditioni ferre suppetias: unum, & illud maximum, in primis expetendum, extat confugium, Christus Iesus, Deus opt. max. qui cum sit perpetuus apud patrem pro nobis intercessor, & aduocatus, is solus est, qui totius nostrae miseriae pondus sustinet: idcirco uotis omnibus optandum est, ut illum patet ipse, in die maxime tribulationis, exaudiat, nobiscq; ipso mediatore, reconcilietur. O igitur unicum nostrum solamen **I E S V** Christe, firmumq; robur ac praesidium, exaudiat te Dominus in die tribulationis, protegat te nomen Dei Iacob. In primis enim considerandum est, nos nobis imprecari, quicquid Christo imprecamur, cum ipse caput sit, nos membra. Verum & illud arbitrandum, nihil omnino stimuli Deo addi posse nostris precibus, ut suum exaudiat unigenitum, atq; hunc amantissimum, quem semper audit, ac, ut petat, admonet, quò illi det eius haereditatem esse uniuersum. Sed hic uates duo uoluit. Vnum, quo sui uaticinii excellentiam ostenderet, cuius uis attractus, Dei filium carnem assumpturum, eundemq; ipse uero, quae sua erat in nos, qui uisuri eramus illum, quem ipse uenturum prauidit, charitas, nos admonendos duxit, cuius fidei speiq; atq; animi ardoris, in eum esse oporteret Christianos, qui pro ipsis sese exhibiturus esset uictima, idemque sacerdos, ac precator. Porro tribulationis diem in Christo appellat uates tempus illius peregrinationis in hac uita, quae nihil aliud fuit, quàm crux, & amaritudo quaedam, cum flagrantissima nostrae redemptionis siti coniuncta: quae sanè fuit continua pro nobis oratio. Optat igitur Dauid, & nos cum ipso optamus orantes hoc modo. Ne frustra, quæsumus, tot pro nobis suscepti laboris ærumnas pertuleris. Ne uanus afflictionum tuarum aceruus extiterit. Ne crux, ne sanguis, ne mœror, ne mors ipsa tandem inanem sortita sit finem. Sed pater aspiciat, tuasq; admittat precationes, quarum finis nostra est salus. Ab hac enim proiectis nobis, fas erit te indignationis insimulare, patrem uero crudelitatis, qui aut te filium orantem non audiat, aut nos frustra creatos indicet. Itaq; cupimus: quid cupimus aio? uolumus potius te exorare id, quod te orare scimus, hoc est, nos saluos fieri. **PROTEGAT** te nomen Dei Iacob.) Id est, Deus ille, quem Iacob suis in afflictionibus inuocauit, te exaudiat, teq; de manibus iniquorum eripiat, atque tutetur, ne te prorsus, ut eorum molitur peruersitas, extinguant. Iacob enim, qui & Israel, simul cum Abraham, & Isaac, speciali quodam modo inter cæteros patres multitudinis credituræ in Christum gestabant umbram. Quare cum legimus Deum in scripturis dixisse: Ego sum Deus Abraham, Deus Isaac, Deus Iacob: & si secundum historiam, tres illos uiros peculiari quadam tutela semper protexerit: tamen nos magis, qui credituri eramus, fauor ille diuinus spectabat, quàm illos, quorum uita fere omnis typus fuit futuri. Sensus igitur erit: Nomen Dei Iacob, hoc est, Dei nominis inuocatio protegat te: uel, ut legunt Hebraei, exaltet te: seu, in tuto te collocet: & est uerbum hic Hebraeis, quod proprie eiusmodi exaltationem significat, qua quis ab hostibus ereptus, in loco tuto ac inaccessso, collocatur: nisi forte magis arrideat paraphraستاe litera, qui sic reddit: Suppetias ferat tibi maiestas Dei Iacob: & sic clarior erit sensus, ut nomine Dei, illius intelligatur maiestas, numen, uirtus, & idem ipse Deus.

Mittat tibi auxilium de sancto, & de Sion tueatur te.

Sensus est eo uerior, quo breuior. Certissimum sit, ait, auxilium tibi à Domino. Iam tum enim in lege Moysis celebre fuit apud Iudæos, diuina oracula, promissiones, atq; adeò certissima auxilia, de sacrosancto tabernaculi propitiatorio, ac templi sanctuario è Sion prodire, ut hi bene norunt, qui crebris uigilijs in scripturis sa-



**C**ris uersantur. Licet sanè omnibus seculis, in omni loco orari, colūe Deus uoluerit; quò tamen populum illum antiquum, quem præ omnibus charum semper habuit, à gentium superstitionibus in uera contineret religione, certam sibi sedem, in qua rogaretur, ei præscripsit, donec copiosiore spiritu per aduentum sui unigeniti ad nos, donati homines, cultui illi assuescerent, quo uere diuina adoratur maiestas, in spiritu scilicet & ueritate, haud amplius in Sion tantummodo, & Hierusalem. Orat igitur Dauid patrem, ut filio suo dilecto opituletur, atq; eum, ut ait Felix, de Sion fulciat, quemadmodum olim è monte sancto Dei, & Hierusalem, quæ Sion est, indubitatum prodire auxilium Iudæis, fama erat. Cæterum non ab initio tuto alienum esse arbitror, si dicam, hoc quoq; modo ecclesiam pro unoquoq; nostrum orantem imprecari, ut nostras, alioqui frigidas ac ieiunas, exaudiat Deus orationes eo maxime tēpore, quo acrius à tentatore impetimur; quod quidem tempus, diem appellat tribulationis uates. Solet enim id temporis potissimum nos nostræ miseriæ admonere; quocirca necessitate sæpenumero acti id agimus, quod spontè aliàs atq; omni tempore agi oportuerat.

Memor sit omnis sacrificij tui, & holocaustum tuum pingue fiat.

Sacrificium filij Dei, cuius hic memorat propheta, fuit eius crux & mors, quam patri pro mortalium salute obtulit. Ipsius enim satisfactione, non nostra, seruati sumus. Felix sic: Memor sit Deus omnium munerum tuorum: seu, suffiet omnia munera tua, hoc est, munera omnia tua æquè grata habeat, ut solent in sacrificijs haberi, & suffitus & nidor. Atqui munera hic uocat Dauid labores, afflictiones, merores, ieiunia, orationes, ac cætera huiusmodi per Christum, tanq; sacrificia Deo patri pro nobis oblata; quorum sanè omnium, orat, ut memor sit, uidelicet ne frustra ab eius filio suscepta sint, hoc est, ne damnemur. Nam tota salutis nostræ carum ac summa, in Christi nece & sanguine consistit. Ob id quidem ad has nostras carnis ærumnas accessit Dei filius, ut aperto uirtutum itinere per sanctitatem doctrinæ ac uitæ, nos tandem, mortem oppetens crudelissimam, cruore sui corporis innocentissimo, à peccatorum sordibus ablueret. Porro pingue ut fiat holocaustum illius exoptat, quod ferè idem esse cum sacrificij memoria arbitror, & quod quidem in Christo fuit natura humana, super afflictionum & angustiarum aram, amoris igne cōsumpta. Nōne tum uisa est admodum ardere, cum è ligno pendens filius Dei exclamauit dicens, Pater ignosce illis? Pinguis igitur fiat tua hæc oblatio, hoc est, grata acceptaq; sit patri, sicut solent pingua atq; optima, grata esse in uictimis & sacrificijs. Eo enim tēpore, quo Deus huiusmodi cruciatu hostijs ac sacrificijs conuoluit, ex selectioribus atq; opimioribus, suam erga Deum testabantur religionem. Et quidem holocausta illa, si Deo probabantur, ignis quidam occulte eccæ lo lapsus absumebat, & sic paulatim in cinerem delabi uidebātur. Quare Felix sic uertit: Et holocaustum tuum in cinerem conuertat. Et tunc id quidem. Nos uero Christiani, qui ex cortice nucleum, aut ex umbra corpus seligere, subleuante corpore nostrum à terra spiritu Dei, nouimus, aliud ab illo prisco sacrificium intelligimus. Quemadmodum enim illud totum in honorem Dei, ueræq; pietatis cultum, & religionem cremabatur: ita nos, qui melioribus litare uictimis, nimirum rationalibus ac uiuis iubemur, eum ipsum hominem holocaustum, & hoc mirè accensum dicimus, qui sese totum, quicquid est, Deo deuouens, omnemq; conditarum rerum amorem exuens, ac quicquid carnem, mundumq; sapit contemnens, in mortuos concupiscentiarum cineres resoluitur, atq; in illum, qui spiritus est, ignem se totum transfundens, ardet uiuus, ardensq; uiuit, unius effectus naturæ, ut sic dicam, cum Deo, qui ignis consumens dicitur. Selah hic interponitur.

Tribuat tibi secundum cor tuum, & omne consiliū tuum confirmet.

Det tibi, ait, quicquid desideras, & omnia consilia tua compleat. Quis, oro est, quem lateat desideria è corde emanare? Quare hic uides, sitis illa in Christo redimenda



**A** mendici peccati iugo ac uetustate homines, quomodo ex animo fuerit, & consulto, non temere, aut fictè. Desiderio, inquit, desiderauì hoc pascha manducare uobiscum, antequàm patiar, hoc est, in tot meis laboribus & ærumnis, in hoc uitæ curriculo toleranter assumptis, nihil aliud tam frequens in corde habuì, quàm ut uobiscum, in hac ultima cœna, de mortalium salute commentarer, eamque uobis quodammodo in manibus ponerem, ex animo quidem, atque amore percitus, non fictè, aut cum simulatione, ut plerique mortalium faciunt, qui sua in omnibus commoda uenantes, nihil non agunt, modò, quæ cupiunt, uel cum Dei iniuria, assequantur. Cæterum quia, ut à sacra lege accepimus, cogitationes mortalium timidæ sunt, & incertæ prouidentiae nostræ, propterea in tanta rerum uarietate ac perturbatione, consilij dono, ne labamur ab ijs, quæ Deus firma esse uoluit, est opus. In salutis enim nostræ suscepto per Christum negocio, duo genera consilij fore esse præuidit uates: alterum quidem, quo consilium inierunt Iudæi, ut Iesum, & nos cum Iesu, tenerent, & occiderent: hoc est, quò nostrā impedirent salutem: sed frustra. His enim longè olim antè comminatus est Deus per Esaïam, illisq; obiecit illud admodum horrendum: Væ filij desertores, ut faceretis consilium, & non per me: & ordiremini telam, & non per spiritum meum. Alterũ uerò genus illud fuit, per quod Dei filius ab Esaia magni cōsiliij angelus est appellatus. Magnum profectò, atque ab æterno in mente Dei firmatum propositum, & consilium id fuit, cum decreuit suum ipsum coæternum sibi filium, eundem cum ipso Deum, pro hominibus, & his quidem impijs ac inimicis, emori. Quod igitur tandem istuc fuit diuinum consilium? hoc nempe, ut gratificaret nos, ut ait Paulus, in dilecto filio suo, in quo habemus redemptionem in sanguine eius, cui & ipse filius proprijs uulneribus, sanguine ac nece satisfecit. Corroboret, ait, pater tuum consilium o fili, tuamq; adimpleat uoluntatem, cum una, eademque sit cum patris uoluntate: quæ est, ut dum ipse mittit, tu missus, ambo eorum omnium, qui ante mundi constitutionem sunt electi, salutem, cum utriusq; spiritu, certissimam operemini. Et sic semoto à nobis dubitationis uitio, ac terrore,

Lætabimur in salutari tuo.

Hoc est, de salute nobis præstita gaudebimus, alterq; alteri tam diuinum munus gratulabimur. Felix: Exultabimus in salute tua. Clarius paraphrastes: Exultabimus ob salutem quam attulisti nobis. Vides quomodo opus non sit in hoc loco, ut aliqui interpretantur, sub illo salutari, Christum intelligere: quanq̃ nulla salus esse queat sine Christo. Quod quidem amabili hoc hemistichio expresse dicitur, cum canimus, In salute tua nobis concessa iucundabimur.

Et in nomine Dei nostri magnificabimur.

Felix: Erigemus uexillum, hoc est, triumphantium more, cum explicato uexillo, ouabimus. Quidni ouabimus? cum in solo nomine Dei nostri magni sumus, qui antea pomilij ueluti quidam eramus pessundati, uel à minutissimis quibusq; mundi rebus: Dicit non facile potest, quàm parui eramus, quàm despecti, quàm humiles, antequam Dei filius, Christus Iesus, nos exaltaret: hoc est, ipse prius omnium abiectissimus factus, uilissimusq; & ab omnibus contemptus, adeò nostrā hanc extulit miseriam, ut nihil nō ageret, colluctans cum huius mundi principe, quò tandem illam sic in altum eueheret, ut ad dexteram Dei patris uictor collocaret. Pudeat iam Christianum in illis rebus immorari, quæ idcirco ab ipso spernendæ sunt, quia uiles, quia mortales, quia ipso inferiores sunt. Alta enim à nobis requirit Deus, ac sublimia, postquam dii facti sumus, per Christum. Num coelestes effecti, ad terram iterum mordendam reuertemur? Vbi, oro, illa antiquorum patriæ feruida illa inquisitio? Heu cecidit robur è Sion. Suspicio enim aliquando, accuratius à nobis, quàm olim à Iudæis, nostra in terris statuuntur bona, ac inquit



**C**rantur, simulac uideo nostram hanc ecclesiam nihil aliud iam esse, quàm inextinguibilem terrenarum rerum sitim, & ambitionem apud quamplurimos, atq; illos quidem, qui altissimam uitæ professionem præ se ferunt.

Impleat Dominus omnes petitiones tuas.

Quid in singulis recensendis immoror? Det tibi Dominus quantum desiderare potes, optatoq; euentu secundet. Impleat, ait Augustinus, nō solum petitiones quas in terra, sed etiam eas quas in cœlo facis, interpellans pro nobis.

Nunc cognoui quoniam saluum fecit Dominus christum suum.

Ecce, orantis qualis debet esse affectus, & fides. Alioqui perplexè rogans, quomodo similis non erit in alto nauiganti, absque uelis ac clauo? Compertissimum iam esse debet, totius rei Christianæ summam, fidem esse, deq; diuina erga nos beneuolentia certitudinem. Verba sunt igitur prophetæ in spiritu cernentis, quàm non uanæ futuræ essent Christi supplicationes. Quis unquam de sanctissimis illis uatibus hoc dubitauit? Verum id dictum uelim, quò tandem excitemur ad concipiendam animo haudquaquam uacillantem de salute nostra certitudinem, ne in re tam certa cespitemus, aut dubij simus: periculosissimū id quippe esset. Idcirco dubietas omnis, è qua oriri solet diffidentia, si sapimus, procul à corde amouetur, ac certi de nostra salute (tantum in peccatis non perseueremus) etiam interposito, si fas est, iuramento, dicamus cum propheta, Nunc cognoui: uel, ut reddit paraphraestes, nunc experientia didici, quòd seruauerit Dominus christum suum, quo quidem seruato, è mundo omnis est sublata perditio, extincta mors, ac abolitum peccatum.

Exaudiet illum de cœlo sancto suo, in potentatib. salus dexteræ eius.

**D** Hebræus sic: Respondebit illi de cœlis sanctitatis suæ, uirtute saluifica dexteræ suæ. Ex his enim Hebræorum uerbis uidetur is sensus esse. E penetratibus cœlorum sacrosanctis audiuit pater filij sui amantissimi preces, eiusq; uotis annuit, atque illum uirtute eximia suæ potentia seruauit. Et uerè in potentatibus dexteræ Dei, salutem nostram per Christum factam esse non dubitamus, exploratissimum nimirum habentes, quàm fragiles eramus, hostes uerò nostri fortissimi. Quòd si modo etiam in lapsus, & hos turpissimos, proni sumus, nostra est culpa, qui sic uolumus: non quòd per Christum, atque eius mortem, non sit ad dita inbecillitati nostræ, & uis, & robur. Hoc enim uno maximè inter cætera, lex gratia & spiritus, ab illa carnis antiqua, & imperfecta, admodum dissentit, quòd si tum homines peccare contigerat, qui eos ablueret, non inueniebatur, cum omnes sub peccato conclusi essent, ut ait apostolus. Modò uerò Christus in terris ueniens, hoc est, unus absque peccato ad peccatores accedens, omnia eorum peccata sua fecit, secumq; tulit. Quare in alio psalmo conqueritur hoc modo: Longè à salute mea uerba delictorum meorum. O ingratos homines, ac ad considerata diuina beneficia stupidos. Nostra enim ingratitudo, nostra perfidia, nostra à Deo auersio fecit, quòd quæ erat per Christum leuissima effecta cum mundo pugna, & conflictatio, nunc omnium grauissima sit facta, & intolerabilis. Idcirco continua, & illa quidem potentissima est opus tutela à Deo in acie tam forti ac sæua, ubi ne horulæ quidem momento à periculosissima cum carne, mundi q; illecebris cessatur lucta, & bello. In cœlis porrò Deus habitare dicitur peculiari quodam modo, cum ubiq; sit, ex eo, quòd in illis, eius diuinitas & maiestas, præclarius ostenditur.

Hi in curribus, & hi in equis, nos autem in nomine Domini Dei nostri inuocabimus.

Duplici enim antithesi, & hac pulcherrima, utitur uates: primum in hostes, qui in rebus, ut sunt currus, & equi, adeò caducis, ac nihili spem suam collocauerant. Hi inuectus; deinde diuinam bonitatem in uendicandis suis à malis, cōcelebrans. Hi enim



**A** enim, ait, in magnifico curruum apparatu, equis uē ferocibus confisi sunt; nos uerò in nomine Domini Dei nostri inuocabimus, in clamabimusq̃, uti hi solent, qui in bello manus cum hostibus conferturi, sese mutuis clamoribus ad pugnam adhortantur: quod sanē, aiunt, ad reuocandos timidorū animos mirum in modum ualere. Proinde uatem hinc arbitror fumpsisse similitudinem: & est perinde ac dicat: Alij, ut lubet, in insigni apparatu bellico, mutuis se clamoribus cohortentur: nos autem nullo equitatu, nullis curribus, nullis uē copijs instructi, uerū in solo Dei nostri nomine confisi, pugnabimus, in clamabimusq̃, Dei solummodo auxiliō freti. Et quidem re ipsa Dauid, eundem ipsum animum Deo tantummodo fidentem in se fuisse, cum aliās, tum maxime in pugna cum Philistæis, præ se tulit. Nam cum esset cum eorum duce Golia conflicturus, illi, ut sacra refert historia, audacter dixit: Tu uenis ad me cum gladio, & hasta, & clypeo: ego autem uenio ad te in nomine Domini exercituum. Nonne tibi uidetur tunc uates dixisse, quod nunc dicit: scilicet, hi in curribus, & hi in equis: nos autem in nomine Dei nostri inuocabimus. Turris fortissima, ait Solomon, est nomen Domini: ad ipsam currit iustus, & exaltabitur, hoc est, uictoria potietur. Quid ueremur an fortissimum omnium sit sanctum Dei nomen, cum legimus, quod quicumque inuocauerit nomen Domini saluus erit: Tantum uir solidæ iustitiæ studens, in propriæ uirtutis curru, aut operationum suarum audacia, ueluti equo effreni, haudquaquā spem ponat: sed in Dei misericordia suam omnem uincendi facultatem positam esse certò sciat. Alioqui nostrorum ieiuniorum, orationūque, & eleemosynarum numerum & turbam, hostibus in pugna spiritus obijcere, hominis est supra modum in Dei bonitatem ingrati, & digni sanē, qui ob superbiam, in reprobam tradatur mentem, cadatque in turpissimos errores, ut quotidie in hac Domini area fieri conspiciamus. Quare

**B** Ipsi obligati sunt, & ceciderunt: nos autem surreximus, & erecti sumus.

Ipsi, ait, uiribus illis suis, quibus tam impudenter fidere sese iactitabant, destituti, compeditiq̃: seu, ut reddit Felix, incuruati, depressi, factiq̃ aduersarijs inferiores. Ita à Deo, propria sua culpa, in sexcentos, & eo amplius, peccatorum laqueos traditi, ut effugere nequeant, occubere. Illi sic: nos autem surreximus: seu, ut alia habet littera, insurreximus, in hostes uidelicet, & erecti sumus. Vides quam longè ad inuicem absint, & hi, qui sibi ob propriam excellentiam facile ad blandiuntur: & illi, qui cum nihil se esse fateantur, atque ex animo credant, à solo Deo pendere uolunt. Hi, inquam, sua culpa, in mentitam quandam, fucatamque sanctimoniam à Deo proiecti, facile in quæuis errata prolabuntur: illi, utpote qui in Deo semper sunt, ac uiuunt, eo audacius in inuisibiles insurgunt hostes, quo Dei præsidio tenacius inhaerent. In se enim nihil aliud inesse intelligunt, quam culpam, lapsum, peccatum, mortem: in Deo autem, innocentiam, iustitiam, uirtutem, uitam, & omne bonum. Stat quidem semper erectus in Deo, qui nihil sibi re seruans, totum se, quicquid est, in diuinam reijcit misericordiam: cum ille interim alius mille uitiorum occultorum nodis obstrictus, illisq̃ obligatus, tanto foedius cadit, quanto obstinatus suos ignorat errores. Cæterum uult diuus Augustinus, in hac nostra cum mundi acie & bello, illud superius dictum de curribus & equis, de his intelligi mortalibus, qui à uolubilibus mundi huius trahuntur bonis, ac tument. Quocirca temporalium rerum cupiditatibus irretiti, facile à uia iustitię prouertunt. Nos uero, quibus per spiritum sanctum data est regni cœlestis arrha & certitudo, à lapsibus actutum surgimus, non tam quidem uiribus nostris, quæ planè nullæ sunt, quam erecti ab alio: cuius sanē auxilio atq̃ ope, cum fortissimis humanæ naturæ hostibus congrèdi audemus.

Dñe saluum fac regem, & exaudi nos in die, qua inuocauerimus te.



**C** Modo uates ad Deum se uertens, obsecrat, ut, quemadmodū in toto hoc psalmo oratum est, ita exaudiat, saluumq; faciat Christū suum, cuius quidem salus nostra est, uti sunt etiam illius gratiæ ac dona. Paraphrastes per futurum legit hoc modo: Dominus seruabit ipsum regem, & nos quoque exaudiet, quotiescunq; implorauerimus auxilium illius. Verū longē secus Hebræi: aiunt enim: Serua Domine, Rex respondebit nobis in die qua clamabimus. Chaldaeus quoq;: Verbum, ait, Dei redime nos, rex fortis accipe orationem nostram in die inuocationis nostræ. Quam quidem literam diuus etiam Hieronymus approbat. Sententia igitur tam uariæ lectionis una erit hoc modo: Serua nos Domine, ferq; opem: nam si tu nos seruaueris, non frustra quidem ad regem nostrum, bonorumq; omnium autorem, quotiescunq; insurrexerint aduersarij, clamabimus. Ipse enim procul dubio respondebit, uotisq; nostris benignissimē annuet. Res quippe nostræ male se haberent, si à scelerib. nostris deterritis, fugatisq; à præsentia iudicis, id unum quoque fiducia in Christo solamen nobis deesset.

## EFFVNDENTI SANGVINEM, PSALMVS

DAVID XXI.



Domine in uirtute tua lætabitur rex, & super salutare tuum exultabit uehementer.

**D** Epinicion est, quo cœlesti patri laudes, pro parta uictoria eius unigeniti, canit ecclesia. Cum enim ecclesiam dico, sanctos uiros intelligo, ne imaginariam, nescio quam, ecclesiam formemus animo. Est igitur psalmus de Christo ecclesiæ capite, ac sponso: qui sua ut esset sponsa absque macula, & ruga, copiosissimē in cruce effudit cruorem: cuius sanē uim ac mysterium, hoc facilius penetrabimus, quo strictiori nodo, tam felicissimo capiti membra, arctius copulabimur, coaptabimurq;. Alioqui euulsi artus à capite, pereant necesse est: ac caput itidem absque suis membris, cuius erit caput? Ideo cum capitis huius nostri, uel laudes, uel gloria, uel labores etiam, atque ærumnæ, & ipsa mors tantū celebrantur, caueas oportet, ne te prorsus ab eo seiungas, etsi ipse à te, quantum est iactus lapidis, diuelli uideatur. Et quidem cum & hic, & alias sapenūmoro, regem ipsum nostrum CHRISTVM IESVM legis aut lætari, aut mœrere, nā tu, nisi cum ipso lateris, & mœreas, ad ipsum non pertines. Verū altior hæc est ratio, quā quæ à carnis uisco irretitis comprehendi ualeat. Huius enim generis sensa ac mysteria, quemadmodum à spiritu proficiscuntur, ita spiritualiter, à spiritualibus tantummodo, ut inquit Paulus, diiudicantur. Vide, te obsecro, à quanto honore excluduntur hi, quibus res corporeæ magis quā diuinæ sunt cordi. Vitam enim illam, haud uitam quidem esse existimo, sed miseriarū cumulum, ac mortē illorum potius, qui terræ solum, lucris, negotiationib; uisurris, ac infinitis cupiditatibus inseruiunt. Num semper humi cubandū erit? Quid porro de illorū uita censendum, qui cum in interiori cordis secreto innumeris solitudinum, curarūue stimulis, tanq; uulturibus quibusdam perrodantur, Deo tamen, tantillo obseruantia, quod aiunt, regularis satisfacere opinantur? Vita hæc est censenda? Quā uitam, oro, illam appellauero, quæ omnino à uera uita, quæ Deus est, eo longius abest, quo error ac peccatū, sub prætextu tranquillæ cordis, periculosis obtegatur? O cæcam mortalium ignorantia. Ad tantam ne animi hebetudinē: quid hebetudinē dico: ad tantam ne malitiā peruentū est à nonnullis, ut sacramentorū, bonorūue morū ac ritū candore & puritate, ad conciliandos sibi honores ac dignitates, pro lenone abuti nō reformident? Hi enim ut lubet: ego ad alia uocatus, cum perfectissimo uate cantabo Domino, dicamq;: Dñe in uirtute tua lætabitur rex, Rex noster Christus est: qui licet Deus, atque propterea eiusdem naturæ, idemq; Deus cum patre esset, uti homo tamē, utpote minor patre ad superandas



**A** superandas inimicorum oppressiones, rerumque humanarum difficultates, ac, ut ipse uocat, contradictiones, & patris opem implorauit, & eius uirtutem sepiissime expertus est. In ea quidem parte, qua hominibus obtemperabat, uirtute diuina ac sapientia simul cum ætate robustus factus, res mirandas in terris operatus est. In ipsa hora, ait Lucas, exultauit in spiritu sancto. Qui quidem uirtutis, gratiarumque liquor ac riuus, tum coeptus est à capite in artus, atque adeò in barbam, barbam Aaron descendere. Tum, inquam, nobis, nostræque imbecillitati additus est uigor, ac uirtus quædam plusquam humana, & mortalis, cum cœlorum ianua, prius seueritatis pessulo obfirmata, coepta est per Dei misericordiam referari. Quidni igitur cum regenostro, eodemque ipso & amico & fratre, non læter, ob uirtutem ei, ac mihi simul cum ipso cœlitus prestitam? Omnia enim Christi bona, omnes gratiæ, omnesque uirtutes, meæ factæ sunt. Porro salutare Dei in hoc loco, ut in plerisque alijs scripturæ locis, salus est, ut aliàs annotauimus. Nec illud omittendum, quòd Hebræi hunc uersum maiori legunt emphasi, quam nos. Quare sic uertit Felix: In salute tua quàm exultabit uehementer: hoc est, inenarrabilis erit lætitia illa regis, cum se, suosque sentiet de improborum manibus ereptos, sui patris dono ac gratia. Eodem enim uerborum tropo in superiori quoque psalmo est usus uates, Latabimur, inquit, in salutari tuo.

Desiderium cordis eius tribuisti ei.

Vide, te obsecro, psalmorum concinnitudinem. Antea enim in superiori psalmo dixerat filio Dauid, Tribuat tibi pater secundum cor tuum: modo uerò patri, Desideriū cordis eius tribuisti ei. Tunc, omne consilium tuum confirmet, modo, uoluntate labiorum eius nō fraudasti eum. Ecce quomodo alternis, ueluti camœnis ac ribijs, sibi respondeant psalmi, ac inter patrem & filium nostra firmata sit salus. Haud amplius igitur res in dubium est uertenda, simulatque sole ipso clarius cernimus filium toto animo ac desiderio nostram exoptasse salutem: patrem uerò

**B** filij uotis annuisse. Idcirco à uate additur:  
Et uoluntate labiorum eius non fraudasti eum.

Quid hoc enim, id sanè, Quicquid te rogauit, non illi negasti. Poterat ne pater filio illi præsertim, per quem uniuersa condiderat, quibusque omnibus illum præfecerat, atque omnium eorum iusserat esse solamen ac tutelam, quicquam negare? Quomodo, quæso, defraudatus est dicendus labijs, cum ipsemet rem asserat hoc modo: Pater, inquit, scio quod semper me audis. Quid tamen illud? Non ueni facere uoluntatem meam, sed uoluntatē eius qui misit me. Afferunt patres in Christo Iesu duas fuisse uoluntates, quemadmodum duas naturas, diuinam scilicet atque humanam. Hac enim pati & mori, utpote sensibus reluctantē, recusabat. Vnde illud est: Transeat à me calix iste. Siquidem integros in Christo affectus humanos fuisse, præter peccatum, affirmant. Illa uerò, quam unam cum patre æternam habuit, & morti, & ceteris ærumnis, quas electorum causa sponte sua suscepit, uoluntarie sese subiecit: atque propterea asseuerabat se non uenisse ut suam faceret uoluntatem, eam nimirum, quam ē uirgine nascens, secum traxit, humanam scilicet, sed uoluntatē eius qui se miserat, nempe æternam, atque unam cum patre. Verum unde hoc ei? Vnde tam largus gratiarum riuus, seu potius flumen, & mare?

Quoniam præuenisti eum in benedictionibus dulcedinis.

Hoc est, ea uidetur ratio esse, quòd amplissimis eum muneribus ac beneficijs antecurasti, præoccupasti que suauissimis benedictionibus, atque liquorum omnium dulcissimis, cum interim alij primorū parentū maledictionibus amarissimis præueniant. In dolore, ait. paries: maledictaque terra in germine suo. Quantis uerò præuentus fuerit filius Dei cœlitus donis, anteaque in hanc pugnam cum mundo ac morte descenderet, testantur passim prophetarū uaticinia, sed illud in primis, quo eum implendū predicit Esaias, spiritu sapiētiae & intellectus, spiritu cōsiliij & fortitudinis,



**C** spiritu scientiæ & pietatis, & spiritu tandem timoris Domini. Quam quidem numerum exundantiam Ioannes Baptista oculis penè corporeis intuens clamabat, quòd de plenitudine eius nos omnes accipimus. Oceanus enim quidam est Christus, è quo gratiarum omnium ac uirtutum, amnes & riuus effluunt. Quare nò immeritò selah hic interponit, quò paululum è sensibus exeuntes, ea quæ dicta sunt, quæue dicuntur, spiritu colligamus. Nec mirum profectò si, ut in principio psalmi uidimus, rex noster Christus in patris uirtute lætatus est; siquidem suauissimis præuentus benedictionibus, qui poterat non ardere, atq; ea uelle, quæ pater eum uelle, mundiq; in theatro exequi iussit, ac uoluit. At uide mortalium quorundam iudicium: quibus adhuc est persuasum, posse hominem ex sese animi uirtutes ad dei normam corrigere absque ulla alia cœlitus electione, cum tamen legant ipsum Christum idcirco omnifaria illa spiritus dona præ se tulisse, quoniam illum pater in benedictionibus dulcedinis longè antè præuenerat, illum ornans, aptansq; ueluti uas quoddam preciosum, in quo omnis plenitudo diuinitatis, etiam corporaliter, ut inquit Paulus, habitaret. Electus enim es, si nescis, ante mundi constitutionem, ut esses sanctus, ut idem ait, & immaculatus. Non uos, inquit, me elegistis, sed ego uos elegi. Elegit ergo nos Deus, ac ab æterno donis suis dulcissimis auertit, ut simus filij eius, ea nobis prouidens, quæ ad salutem attinent, nosq; iustificans, ac demum glorificans. An uerò nos sua sponte eligat, arbitrarioq; suo iudicio ac proposito ad se trahat; uel quòd prænoscat nos per fidem suos fore, propterea eligat, iustificet, saluet, non est meæ infantie id posse exprimere. Quòd si tamè possem, ut suum unicuiq; est ingenium, non auderem tamen meum inter tam nobiles pugiles interponere iudicium, hisce præsertim temporibus, in quibus ueris faueas opinioni suspectus haberis. Satis enim mihi factum arbitror, si illi sententiæ tacitè subscribam, quam uerissimam maximè esse iudicem. Nam limacem suo se nutriente succo, quis unquam reprehendit? Hoc solum interim aperte asseri liceat cum propheta, filium Dei in terris, ab omni parte idcirco perfectissimam uixisse uitam, quia à cœlesti patre gratiarum cumulo fuit præuentus,

Posuisti in capite eius coronam de lapide precioso.

Vel, ut ex hebræo diuus legit Hieronymus, coronam de obryzo: de quo auro nonnulla in psalmo decimonono sunt dicta, & est perinde atq; si dicat: Fecisti eum regem, data illi potestate uniuersali in cœlo, & in terra. Corona enim præcipuum est regis insigne ac decus, quo honor, qui tantæ debetur maiestati, exprimitur. Corona aurea, ait spiritus in alio loco, super caput eius, expressa signo sanctitatis, gloriæ, honoris, & opus fortitudinis. Hæ sunt sanè dotes, quibus ornatum esse regem cōuenit, & quæ in obryzo, auro uidelicet puro, summeq; defecato, mysticè cernuntur. Suo enim more propheta, spiritualia carnali uocabulo delinuat: quod quidem frequenter inculco, ut ingenio tardiores, in re spirituali corporea imaginari desistant. Summa igitur erit, ut Dei filium intelligas à patre regia potestate donatum: quod sanè eximium fuit donum ac beneficiū, inter alia innumera, quibus præconfortibus suis ornatus fuit, cuiusq; gloriam uidimus, ait Ioannes, gloriā quasi unigeniti à patre, plenum gratiæ & ueritatis: ut interim essentiale illud, ut uocant, præmium, in hoc loco, minimè conuenire dicam. Solent enim id bonum incomprehensibile, ueluti ceram, in omnē formam inflectere. Porro umbra huiusce spiritualis regni fuit celebris illa Rabbath urbis expugnatio, quam cum cepisset Dauid, tulit, ut sacra refert historia, diadema Aichol regis de capite eius pondo auritalentum, habens gemmas preciosas, & impositum est super caput Dauid. Iam tum primum quidem expressius, quàm in antiquioribus figuris, cœpta sunt iura omnia regnorum Christo subijci.

Vitam petijt à te, & tribuisti ei: longitudinē dierum in seculum seculi.  
Petijt enim non semel Christus à patre, & sibi, & suis, uitā immortalem, quam

sciamen



**A** setamē habiturū certō nouerat. Vnde illud in primis est: Pater clarifica me ea claritate, quā habui anteq̃ mūdus fieret, hoc est, da mihi pater immortalitatē. Opus nē est morte: moriar. Tantū em̃ abest, ut diutius à morte occuper, ut etiā, uix triduo cōpleto, rediūtuus ē tumulo, atq; immortalis egrediar. Scio equidē quod nō dabis sanctū tuū uidere corruptionē. Cernis ne hic quomodo nobis facta sit uitē, & illius quidē, quē in aternū protendat, promissio per Christū: Nō tantū em̃ sibi Christus, tum uitā mortalis donū, tum ceteras, quæ ad bene perfectēq; uiuēdū in hoc mūdo faciūt, dotes à patre postulauit, quantū nobis: qui quæcūq; bona habemus, ab ipso nos habere credimus. Alioqui, ablato à mundo Christo, quid boni expectandū esset, cum ipse sit omne bonū: Vitam igit̃ à te, ô pater, petijt: tu uerò quod petijt, dedisti, nempe longitudinē dierū in aternū. Nō solū, inquit, dedisti ei uitā, sed uitam longam, aternā, immutabilem, hoc enim significat in seculum seculi.

Magna est gloria eius in salutarī tuo.

Maximo cum stupore animi, hæc, non omni hominū colluuiōi cognita, sunt consideranda. Vis enim diuina huiusmodi excellentiæ est, ut eum statim, cui benigne affuerit, uerendum omnibus reddat. Hanc olim expertus Iudæorum populus, ceteris nationibus (ut interim omittam maiestatem, honorem, dignitatem, &, qua maxime exteris populis summæ erant uenerationi, cultus politiem) maximo erat terrori. Ita nunc contrā, nil in toto orbe terrarum abiectius, nil uilius, nil magis detestabile inuenitur, quā istuc uulgus Iudæorum, suis sceleribus à fauore illō antiquo Dei destitutum. Quid porro de ecclesiæ primordijs dicendū? Bone Deus, quis uitæ modus? quæ reuerentiā? quanta maiestas, uel ipsis inferorum manibus formidabilis? desiere penē funditus cuncta hæc, atque horum loco succreuit iam ea uitiorum labes, cuius maculis infecta, omnibus ferme inuisa facta est ac despicibilis. Olim enim pro miraculo uulgò habebatur, si in publicis locis, aut sacerdos, aut monachus uidebatur: ex qua quidem uitæ modestia, maximam sibi in populis cōciliabant gratiā, et reuerentiā. Nunc uerò dilaxato, planeq; amisso rigore illo antiquo morū ac seueritate amissa est, & in populis prisca illa in religiosos uiros obseruantia. Quam magna igitur, q̃ immensa ei data est gloria ob salutē illi abs te præstitā. Num magna illa nō fuit gloria, cum datum est illi nomen, quod est super omne nomē: Quid illud, quod audito Iesu nomine, coelestia, terrena, inferna quoq; ac cuncta ab initio cōdita, flexis genib, summā etiam nū testant̃ reuerentiā: Quod pectus igit̃ tam ferum? quæ mens adeo inhumana est, quæ suū audiens regem ac Dñm, tanto honore & gloria coelitus ornatū, nō timore ac reuerentia afficiat̃, trepidetq; uenerando quodā metu, atq; ecstasi? Ceterum quid gloriosius? quid honoratius ciui alicui esse potest, q̃ in periculo aliquo immenso constitutū, manu ipsa principis, aut regis eximi? Verū nō solū hoc dono affectus est Dei filius, sed alia in super addita est gloria, ac decor: cum eum tecū, ô pater, in coelestib, cōsedere fecisti, ut sicut omnes honorificāt patrem, ita & filiū honorificent.

Quoniam dabis eum in benedictionem in seculum seculi.

In tam Gracis quā Hebræis uacat. Quare uerior ea uidetur litera, quam ponunt Hebræorum doctiores, quæ sic reddi potest: Quoniam pones eum benedictiones in aternū. Non solum enim Christus amplissimas in se habet benedictiones, sed est benedictiones ipse: ut modo, si non alias animum aduertisti, Christum id semen esse intelligas, in quo gentes omnes, ut sacra refert historia, benedicendæ forent. Iam quidem resecto umbrarum uelo, scimus Christum esse omnium benedictionem ac pacem, & est sensus: Quid innumera eius dona enumerare coner? In summa dico: Tu pater ab aeterno decreuisti, ut non solum beneficijs ille tuis ac donis auctus, ornatusq; & esset, & diceret: sed illud etiam addo, quod ipse idem rectius tua dona ac beneficia appellari queat, ac debeat, quā illorū, licet amplissimorum, particeps: adeo in illum uoluisti thesauros omnes tuos sapientiæ recon-



Cditos effundi. Nam, ut cætera omittam,

Lætificabis eum in gaudio cum uultu tuo.

Hæc tandē totius felicitatis summa est, Dei aspectu frui. Sunt enim qui in theatro aut arena sese fortissimè exercent, atq; inde palmam frequentissimè referunt. his tamen labor omnis, & ut aiunt, oleum & impensa, deperit, si excursu stadio, prostratoq; aduersario, à regis uultu ac præsentia, longè propellantur. Quid si regis aspectu, ueluti uictores solent, dignarentur; gauderent planè admodum. Sed omnem lætitiā superat, si eos rex uultu hilari & gratulabundo, conspiciat, uocat, illisq; applaudit, & gratulatur. Sic uates, quò particularem quendam patris uorem erga filium suum dilectum ostenderet, facit illum ex aspectu paterno hilari & aperto, affatim lætari; & est perinde, ac dicat: Aspicias eum cum gaudio. Unde illud etiam est, quo filius alloquitur patrē: Adimplebis me, ait, lætitiā cum uultu tuo. Alioqui quid mihi principis afferre potest gaudiū aspectus, aut truculentus, aut uulgaris? Facies enim principis in aliquem aperta, & hilari, aut concepte animo beneuolentiæ indicium est, aut futuri beneficii; quemadmodum maleuolentia, uenturiq; exiti signū est, toruus uultus, minax, & obscurus. Quare, qui prudentiores sunt curiales, uiso semel atq; iterum principis uultu in se turbato, solent cedere, nec suo periculo præstolari, quò tandem illud erumpat tonitruum, arque ire præludiū. Solent enim humaniores principes huiusmodi uti artificio erga illos quos amant, sed tamē in aliquo grauiori delicto deprehensos, ne, uel inuiti, in rem alioqui charam, sæuire cogantur. Difficilis quidem res est, principem iustum, iustitiæ, etiam cum suorum interdum exitio, non parere.

Quoniam rex sperat in Domino, & in misericordia altissimi non commouebitur.

Cernis quomodo passim propheta filiū Dei regem appellat? Diuino hoc quidem consilio agitur, quò tandem perdiscamus, cui regi potissimū seruire debeamus. Iam causam omnem, quam ob rem tantam felicitatem Christo contigisse cecinit uates, in spem reijcit, et dicit, suprā memorata omnia Dei bona illi obuenisse, quoniam sperauit in Domino, ac totam in eius bonitate & misericordia, suam collocauit salutem, quare non commouebitur, ait, non nutabit, non deficiet, misericordia, inquit, facit ut persistat. Ecquis iam, obsecro, est, qui despondere animum uoluit ac queat, postq; cernit totam Christi beatitudinem à spe, misericordiaq; patris emanasse? Verū admonenda est carnaliū hominum ignauia, ne, cum audiuimus innocentissimū Dei filiū fleuisse, doluisse, sperasse, timuisse, misericordiamq; implorasse, id sibi ob propria contigisse peccata opinentur. Absurda sanè hæc est opinio, ac prorsus detestanda. Quid igitur? Nobis fleuit Dominus Iesus, nobis doluit, nobis timuit, nobis sperauit, nobis misericordiam implorauit, imperauitq; licet uerè fleuerit, uerè doluerit, uerè sperauerit, uerè timuerit, ac uerè misericordiā impetrauerit. Per omnia enim debuit fratribus assimilari, ut inquit Paulus. Non commouebitur.) Diuus Hieronymus uertit, non decipietur. Et certe ille qui sperat in Domino, decipi haudquaquā potest: nam, ut idem asserit, spes non confundit. Si aliquis quantum uis scelestus, ac à uia iustitiæ extorris, & impius, num eum ipsum deperisse omnino dicam, cui speranti ueniā pollicitus est Deus: tantum à peccandi consuetudine sese uiriliter eximat, nec ultra adiiciat iniquitatem addere iniquitati. Atqui illud admonuisse utile erit, spem illam scilicet tantūmodo ueram esse, si eo modo, quo Dei filius sperauit, sperauerit aliquis: hoc est, in misericordia altissimi: uel, ut legit interpretes hebræus, in bonitate altissimi, non in actionibus proprijs, ac orationum numero, & multitudine. Errant enim admodum nonnulli, qui plusquam par est, suæ illi obstinatae, in offerendo quotidie altaris sacrificio, aut exequenda corporea aliqua opera, in qua pietas inesse arbitrantur, consuetudini tribuunt, absq; uera in Deo fiducia, ac fide, Sperandū enim est, quia bonus



**A** bonus Dominus, non quia nos boni. Sanctæ quidem consuetudines in Dei ecclesia, atque ordo & modus, supplicandi Deo, non utiles solum, sed etiam necessariæ sunt, ac seruandæ: uerum hac lege, & instituto, ut noster omnis amor & gloria longè absit, sed Dei tantummodo in illis, & nomen, & gloria, requiratur: ex quo quidē proposito, & cōsilio, illud necessariò oritur, quòd homo in se nihil sperare audet, in Deo autem quamplurimū. Et si enim de meritis disputandū erit, nō ad suas sanctitatis operationes, tanquam ad promptuarium quoddam mercium recurrit, omnibus diuulgans, quot horas nocte una uigilauerit, quot missas in tota uita sua celebrauerit, quot lachrymas, quot uerbera, quot uisiones quoque, & afflatus spiritalis perpessus fuerit: sed diuinam bonitatē potius, Christi quē cruorem, ac mortem, summa cum reuerentiā & timore, commemorat.

Inueniatur manus tua omnibus inimicis tuis: dextera tua inueniat omnes qui te oderunt.

Vide quomodo inualidi, atque imbelles fiant hostes, alioqui truces ac feri, contra eos qui totam spem suam in Domino ponunt. Vide insuper cui rei hostium debellationem adscribi oporteat, an nostræ iustitiæ, quæso? an studiis: an conatibus: an potius quia Dominus debellauit? Non est enim quòd tu te ames, aut tibi applaudas, si carnis petulantiam, mundanarum quē rerum appetentiā, in te extinctam senseris. Id nempe totum, haud tu, sed Dei uirtus perfecit. Inuenit sanè, prorsus quē hostes tuos profligauit Dei manus, ac bonitas, uel, ut alia est litera: Suffecit manus Domini inimicis tuis, id est, quamlibet innumeris sint, atque illorum sæuitia ac fortitudini impar existas, una uel sola Dei manus ac uirtus, ad eos prosterrendos potis est. Dextera tua, inquam, ô Deus, inueniat, assequatur uel: comprehendat insuper, inuoluat quē poenis & cruciatibus illos, qui te, tuos quē tecum odio persequuntur. Infelix planè, omnium quē miserrima eorum sors est, qui cum te insecutentur, tu eos contra apprehendas, atque adeò occupes, ut nullus effugendi locus extet reliquus. Felix sic legit hunc uersum: Inueniat manus tua omnes inimicos tuos. Num porro id fati: minime quidem. Nam

Pones eos ut clibanum ignis in tempore uultus tui.

Ohorrendum mortaliū quorundam exitium. Quando, inquit, eos cœperis secundum multitudinem impietatum eorum exagitare, corrigere quē, ac eorū acta, irato uultu, examinare, pones illos tanquam furnum accensum. Et quidem hoc olim genus uindictæ, per Esaiam Deus Iudæis cōminatus est, dicens: Erit fortitudo uestra ut fauilla stuppæ, & succendetur utrunquē, & non erit qui extinguat. Felix sic uertit: In tempore ire tuæ. Aiunt enim Hebræis eandem dictionem, & iram, & uultum significare. Exempli causa. In psalmo alio legimus: Vultus autem Domini super facientes mala, habet Hebræi, Phenè autē Dñi. Rursum, ut hic, legit, Dominus in ira sua conturbauit eos, & deuorauit eos ignis.

In hebræo, Phenè autem Domini. Quare utraq; dictione usus est indifferenter noster interpres. An uerò atrocior queat esse in anima, inflammator quē gehenna, atque æstus, quàm Deum in se iratum experiri, atque à clementissimo truculenter aspici, clarior res est, quàm ut à me exprimi debeat. Aetnæ quidem, Veseui, Phlegethontis quē ipsius ignes, mortuas fauillas, aut cineres, dices, si ad æstū edacissimum pectoris illius, qui à facie Dei, tanquam alter Cain, profugus, sentit se à diuino fauore, ob sua scelera, destitutū, atque ob id ad æternam mortem destinatū, cōpares. Faxit Deus ut hæc ignores. Etenim quæ experientia didicimus, facile non nescimus. Porro in fœdis amoribus, nōne dicimus amantes ardere? Quid auaros: nōne illos habendi cupiditate? superbos fastu? iratos excandescentiā? inuidos odio? ambiciosos inquietudine peruri cernimus? Hic clibanus est, hic ignis, hæc fornax, hic caminus ille igneus, quem secum gerunt hi, qui se hostes Dei, turpissima uitæ consuetudine profitentur, qui quē à diuinis iussionibus abhorrentes,



**C** totos se in corporearum rerum amoribus immergunt. Effectus uerò, atq; ardoris huiusmodi, terminus is erit, quod sequitur: Dominus, ait, in ira sua conturbabit eos. seu, ut legit Felix, opprimeret, ac tandem sempiternus illos deuorabit ignis. Solet enim scriptura, poenam atrociorē diuinitus illatam, ignis conflagrationibus significare: quanquam de æternis inferorum incendijs e uero igne ad scelertorum tormenta erumpentibus, non sit ambigendum. Dominus omnipotens, ait sanctissima illa mulier, dabit ignem, & uermem in carnem eorum, ut urantur, & sentiant: hoc est, in igne ut uiuant in æternum. Interim autem

Fructum eorum de terra perdes, & semen eorum à filijs hominum.

Impios enim superius iri perditum affirmauit, modò uerò etiam eorum posteritatem tollendam esse prædicit. Fructus quidem ac semen, hoc in loco filij sunt, nepotes, & reliqua posteritas, quam è cæterorum hominum conuentu exterminandam fore uaticinatur, ut de Iudæis (omitto prudens integras recensere familias, etiam nostra ætate, parentum impietate funditus extinctas) uidere est, qui per incertas sedes perpetuò errantes, cæteris nationibus sunt abominationi, essentia etiam beluis ipsis, ni quorundam Christianorum uitio, nulla habita fidei ratione & amarentur, & in nobilioribus ciuitatum uicis collocarentur, fouerentur, ac ad conuictum quoque familiarem, cum uxoribus proprijs, innuptisq; puellis, admitterentur: quasi miserrimi decoctores, unde damna instaurent, non habeant, nisi sceleratissimis Iudæorum contractibus, usuris, uersurisq; adiuti, blandè in omnium rerum suarum interitum properent. Tantum non fiunt publica connubiæ cætera uerò, uel quæ scribere erubesco, indifferentia. A filijs hominū). Hebræa est phrasis, pro ab hominibus. Huiusmodi enim uerborum congerie, & circuncutione diuinæ uindictæ seueritatem in improbos exprimere uoluit. Cæterum,

**D** ut de interioribus quoque, qui ab animo procedunt, fructibus, ac filijs, non nihil dicamus: quicquid agunt uiri athei, quicquid cogitāt, quicquid docent, quicquid moliantur, diu stare non potest: sed adeo confunditur atque impeditur, ut nihil prorsus, quantumuis accuratè res suas ordinent, efficiant. Quid boni, diuque manentis à tam corrupta radice emanare poterit? Hoc sanè modo habitus Dei hostes sunt,

Quoniam declinauerunt in te mala.

Felix sic: Quoniam proiecerunt super te malum. Nō solum enim, inquit, malis te affecerunt impij illi, quando astiterunt reges terræ, & principes conuenerunt in unum, aduersum te, sed more uasalis à fundo prouioluti, quicquid ueneni in corde iam antea cōceperant, id demū totum in tuam perniciem effuderunt. Verūm

Cogitauerunt consilia, quæ non potuerunt stabilire.

Hebræi: Cogitauerunt fraudem, & non potuerunt. In alio psalmo: Meditari sunt inania. Omnē quippe lapidē, & fraudis, & doli, uoluerunt Iudæi, quò Christus perderet: sed frustra. Nam illud sanè maius fuisset, quàm solem radijs, aut æquis oceanum exhaustisse. Est ne in naturis rerum quicquam amentius, quàm uelle uitam mori? Conati sunt igitur impossibilia, & ea quidem magno studio, uis, atque arte. Verūm in medio ipso malitiæ conatu desiere. Alta enim nimium, & supra uires, animo conceperunt: sed, ut ait Felix, non potuerunt, perficere scilicet. Eorum quidem consilia eò spectauerunt, ut prorsus interiret filius Dei, hoc est, fons uitæ, rerum opifex, Deus ipse. Interijt tamen secundum tempus, ut inquit Paulus: uerūm postea, debellata morte, reuixit immortalis. Consideras ne quàm saepe frustra improbi, maliq; ciues, in optimos quosq; & plerumque de sua republica benemeritos, insaniāt? Quòd si tamen occulta Dei prouidentia, & iudicio, uel usque ad bonorum suorum depopulationem, exilium, carcerem quoque, ac mortem affligi sinuntur: eò tamen remeant, unde amore



**A** ac desiderio, nunquā semoti discesserant: ad caput scilicet suum Christum remigant: quos ideo in terris ab improbis sic malè haberi uoluit, ne se aliter, quàm ipsemet egit, æternam requiem adepturos sperarent. Crux enim, & afflictio, uia est, qua ad Christū pergimus. Quare longè hi absunt à scopo, qui uiam sibi salutis alter parant. Cum equidem uideo hominem aduersis, quantū potest, reluctantem, in illisq; desistentē, murmurantem, ac penè diuinis permissionibus resistentē, eum ipsum tanquā in æternam mortem properantē comitor lachrymis, si resuffragari nequeo. Non eo semodo habuit fortissimū illud pectus I O A N. Lodouici Gonzagæ nobilissimi patritij Mantuani, qui audita morte duorum filiorū suorū, iuuenum quidem optimè indolis, & expectationis, qui in octo dierū spatio, alter Mantuæ, alter uerò Venetijs, uiuere desierunt, ne summū quidem mutauit uultū, non defleuit, non questus est, non incusauit cælum, ut pleriq; mortaliū solent, etiam in minoribus infortunijs: sed in Deo fixus, nihil prius curauit, quàm ut Christo Iesu, quem sibi in omnibus unicum elegit solamen, & perfugium, gratias illas redderet, quas alij ob thesaurū aliquē inuentum preciosissimū redderent. Quid mihi, inquit, iucundius in terris esse potest, quàm res mihi charissimas, illi, quem suæ præoniniae & colo, & amo, obtulisse? O uocem diuinā, atq; à pectore cœlesti conflagrante incendio perrumpentē. Occumbant & cæteri, ait, filij, occumbat uxor, occumbat tota deniq; familia absq; ulla posteritatis spe, modò meus mecū sit Christus, & mihi opituletur, ne hilum quidē facio. Atrociora enim, inquit, pro me passus est Christus. Porro cui alteri, nisi Deo, genui filios? quis illos mihi concessit? nonne Deus? Insaniam quidem, nisi libenter illi reddam depositum, qui semper in me tam beneficus fuit. Sed ad psalmum reuertamur: penè enim, dum nobilissimum meæ patriæ, diuinumq; id donum, & exemplar fortitudinis, ac in Christū amoris, gratulor, & latenti quodam modo proponere satago, nimium digressus sum: si tamen in laudando uiro illo, qui laudes omnes exuperet, nimietas inueniri potest.

**Q**uoniam pones eos dorsum, in reliquijs tuis præparabis uultū eorū. Hic uersus uariè legitur. Felix sic: Quoniam sepones eos, cum neruis tuis diriges in uultus eorū. Alius interpres: Quoniam pones eos partem, in neruis tuis diriges contra facies eorum. Diuus uerò Hieronymus: Quoniam pones eos humerum, funes tuos firmabis contra facies eorum. Quæ quidem lectionis uarietas, ne sua asperitate suauissimū uatis sensum offendant, emollienda erit. Et primū, quod ad uulgarem æditiōē attinet, sic quidam interpretantur: Pones eos dorsum, hoc est, in fugā eos cōuerteres, & est idem cum illo noni psalmi uersu: Et inimicos meos dedisti mihi dorsum. Dorsum ponere, ait Eutym, is dicit, qui fugit, ac terga dat. nihil enim aliud corporis eius uideri potest, quàm tergum. Hæc Eutymius. Quo quidem locutionis tropo, & periphrasi, quoddam fuge genus ignominiosius expressi uoluit, quàm si dixisset, fugerūt, & hæc in hoc mundo quidem. Postea uerò q̄ ab humanis discesserint, quid eos maneat, aperit: In reliquijs tuis, ait, præparabis uultum illorum, & est sensus: Interim enim quòd in fugam uersi, in præceps feruntur, facies illos uidere, quod nunc uidere recusant, inter damnatos, qui sunt reliquiae tuæ, hoc est, quos, propter illorum in peccatis obstinationē, reliquisti, prorsusq; abs te proiectisti. Tunc enim uidebūt reliquiae illæ miserrimæ in quem transfixerunt. Modo quippe præparatos non habent uultus, atq; oculos, sed cæci omnino sunt. Res quidem hæc mihi digna uidetur, quæ lachrymarū amne, atque eo sanè capaciori, quàm sit Rhodanus, Tyberis, aut latè exundans Padus, considere: quòd homo ad Dei imaginē formatus, in tantam mentis caliginem proruat, ut à lumine, radijsq; solis, sua se sponte subtrahens, nihil antiquius in uita se habere profiteat, quàm perfractio diuini timoris freno, in perpetuis tenebris uiuere (si huiusmodi tamen hominū uita appellanda est, & nō magis miseria, ac mortis umbra) terga dare legi, ac dorsum, non faciem mentis, quæ sola est capax iustitiæ, quæ



**C** per fidem est Iesu Christi, cōtra ueritatem, atque ipsum Deum, uertere. Iam illud quod reddit Felix, cōsiderandum. Quoniam, inquit, spones eos: hoc est, ab alijs, à tuis electis; ab illis, qui ab æterno in libro sunt scripti uitæ, separabis. Heu infelicem separationem. Et separabunt, inquit, bonos à malis: hos quidem, ut regnum felicibus animis ab æterno paratum, accipiāt; illos, ut perpetuam miseriam, incōsolabilem uel dolorem subeant. Interim uerò eos tanquam scopum sagittis tuis asiduè petes, quod sic reddunt Hebræi: Cum neruis tuis diriges in uultus eorum: hoc est, sagittabis in eos, ut sit sensus: Fugient profectò, sed non effugient, à tergo habentes persecutorem, ante oculos autem sagittantem in illorum faciem. Huic item sensui cōuenit quoq; littera, quæ uertit: Pones eos partē, hoc est, pones eos in unam partem, ceu signum, & scopum, in quem iaciantur uulgò iacula, & sagittæ. Sed & diui Hieronymi littera quadrat, utpote ex hebræo desumpta. Ille funes, hi nervos. Ille humerum, hi dorsum, interpretati sunt; eundem tamen omnes præseferunt sensum: qui sanè is erit, quò nos instruat, animo perpendere, ad quantam salutis desperationem deueniant Dei hostes, qui cō ignominia corruiant, ut diuina manu destituti, signum, aut scopus, in quem turbæ iaculentur ex arcu spicula, à spiritu appellenti. Habent enim hunc exitum tandē improbi homines, ut in illos, & supera, & inferna, & quicquid uspiam in orbe uniuerso conditum est, conspirent: licet ipsi, propter obduratam in peccatis mentem, non sentiant. Hi sic. Tu uerò Domine,

Exaltare in uirtute tua: cantabimus & psallemus uirtutes tuas.

Accensus enim uates admodum ex consideratione salutis amplissimæ, Christo, ac cum Christo nobis, præstitæ, more suo, cum gratiarum actione, cantu, & triumphali, ut sic dicam, ouatione, psalmum terminat, oratq; ut nota fiat mundo potestas eius æterna. Sensus porrò uersus huius à paraphraste expressius redditur, quàm ut à me aliquid addi debeat. Ostende, inquit, Domine, quantus sis, & uiribus quantum ualeas: ut occasionē habeamus cantandi, & psalmis celebrandi omnipotentiam tuam. Et sic cum sanctissimo uirtutis nomine, quemadmodum hanc incepit odam dicens, Domine, in uirtute tua lætabitur rex; eam claudit, ac terminat, canens eo modo quem diximus.

PSALMVS DAVID VINCENTI SVPER  
ceruam matutinam, siue auroræ. XXII.



**D**EVS Deus meus respice in me, quare me dereliquisti?

In hoc psalmo omnia pathetica sunt. Verùm antequam odam decantemus, præludio prius ludendum erit. Præludia uerò in psalmis sunt ipsi tituli, qui plerunque difficiliore sunt interpretatu, quàm ipsi psalmi. Nec adhuc ex doctioribus aliquem uidi, qui, cum est de titulis tractandum, non magnopere desudet, se torqueat, ac tandem fateatur, se uocum amphibologijs uictum, nihilq; nisi per tenuissimas coniecturas, se posse intelligere, melius dicere, diuinare. Secus indocti, qui adeò impudenter omnia sua uulgò exponunt, ac si cœlo ipso supremo delapsa, ea sola mirari, amplectiq; debeamus. Quæ sane res tantam in ecclesia Dei peperit confusionem ac dubietatem, ut plerunq; facius esset simpliciores Senecæ tragoedias legere, aut Aesopi fabulas, quàm eorum scripta. Ex hebræis enim interpretibus uolunt aliqui dictionem, quæ uice tituli huic præfertur psalmo, instrumentū musicum esse, in quo psalmum hunc David iussu rat decantari. Alij item aliud. Sed celebrior ea uisa est sententia, qua dicunt, ceruam matutinam, siue auroræ, significari: quæ mihi quoque nō parum arridet. Ac illa magis, qua affirmant nōnulli, stellam illam, quæ solem mane præcedit (hanc Græci phosphoron uocant) adumbrari. Nam cum nulli dubiū esse debeat, hunc psalmum totum de Christo intelligi oportere, cum ex ipsa odæ serie, tum ex Euangelistarū



**A** gelistarum, ac Pauli testimonio, nescio an alius germanior, Deiq; filio conuenientior, titulo adscribi queat sensus, q̄ ipsum illud sydus matutinū nūcupare, utpote qui nobis per carnem suam purissimam, omnem attulit cognitionem solis illius, qui illuminat omnem hominem uenientem in hunc mundum: quemadmodum illud est ueluti preco quidam istius solis, quem oculis corporeis cernimus. Et quidem si filius Dei, filius hominis fieri recusasset, omnis prorsus uera de Deo cognitio à mortalium intellectu expuncta esset. Conuenit & ille ceruæ matutinæ. Familiare enim est epitheton Dei filio, qui sedamule, aut ceruorū hinnulo libenter assimilat. Et uerè Christus cerua matutina tum fuit (quando summo mane, ut refert Mattheus, consilium inierunt sacerdotes, & seniores populi aduersus Iesum) agitata à canibus: quæ post crudeles morsus, post uulnera, post cursum illum miserandum ab uno ad alterum iudicem, excelsam tandem petijt crucem. Et super excelsa, inquit, statuit me. Verum quoquo modo intelligat̃ titulus, hanc psalmi summā esse affirmant, filium scilicet Dei se in cruce derelictū à patre expostulantem. Nec mihi nunc altius repetendares est, quò probem ipsum Dei filium uerè, ut ait Esaias, languores nostros tulisse. Fidelibus enim, nō infidelib, hunc meum laborem probari cupio. Id sanè quidem mihi semper firmissima persuasum fuit fide, quod quemadmodum Christus semper fuit, ut nunc quoque est, suprā quā dici potest, humani generis amantissimus: ita pro ipso redimēdo, quippe qui peccata omniū in proprio corpore luere, eorumq; reus, ac pro nobis omnib, qui non eramus soluendo, præ & fideiussor esse statuerat, ueros, atque eosdem ipsos atrociores, quā qui ab humano intellectu cōprehendī ualeant, dolores subiit: hincq; tanquam unus ex nobis, quid unum aio? tanquam ille, qui totius mundi scelera in se transferens, scelus quodammodo ipsum, peccatum, ac maledictum, ut inquit Paulus, effectus est, clamat quāto potest animæ affectu, Deus Deus meus respice in me, quare me dereliquisti? Duplicata enim dictio, Deus Deus, cōmiserationis est plena, dolorisq; intentionem ostendit. Iam illud in primis non omittendum, quod respice in me, non inuenitur in hebræo: sed simpliciter est, ut refert euangelista, Eli eli lamaa sabatani, hoc est, ut idem diuinus interpretã scriba, Deus meus, quare me dereliquisti? Queritur Dei filius, qui fieri potest, ut pater ille, qui etiam hostibus proprijs parcere, atque illis opitulari solet, se tamen filium obsequentissimū extremo in dolore, & periculo constitutum deserat? & est, ac si diceret: Quare me innocentissimum in manibus impiorum deseruisti? Cur me perinde quasi ad te non pertineā habes? Dicent sanè improbi, te prorsus auertisse faciem tuam à puero tuo, de quo tamen toties affirmasti dicens: Hic est filius meus dilectus. Siccine dilecti filij à patribus deseruntur? Respice, te quæso, in me. Nam

Longè à salute mea uerba delictorum meorum.

Quā uerū illud fuit, quod olim de Christo uaticinatus est Esaias: Nos putauimus, inquit, eum quasi leprosum, & percussū à Deo, & humiliatum. Tantum non dixit uates, destitutum, & derelictum. Vide argumentum filij Dei, quo causam suam tutari nititur apud patrem. Reatus, inquit, peccatorū meorum procul sunt à salute mea, hoc est, nulli mihi impedimento esse debent, quin salutem obtineam, quia nulli; mors autem pœna est peccati: cur igitur morior, cum non peccauerim? Serio enim, non fictè, Christus propter se peccatorum omnium sortis attraxit: alioqui mori non poterat, cum mors peccatū, ueluti umbra corpus, sequatur. Alij hunc uersum hoc modo interpretantur. Verba, hoc est, numerationes, seu facta alienorum delictorum, quæ mea facta sunt propterea, quia eorum factus sum uas, & reus, non sinunt me exaudiri, ac seruari. Quomodo enim Christus non omnium peccatorum fuit reus, cum sua se sponte principalem patri pro



**C** omnibus constituit debitorem? Impossibile quippe fuit tam immensum debi-  
tum solui, absque Christo: qui uice omnium sub peccatorum onere hic gemens,  
clamat, adeo immensa illa esse, ut penitus à patre exaudiri non mereatur. O felix  
culpa, o felix, ut sic dicam, peccatum, & mors: postquam tanto bono, ut Christus  
est, ornatus est mundus. Quid, oro, mundus hic esset absq; Christo? Equis por-  
ro est, qui animū iam, propter facinorosam suam antea actam uitā, despondere ue-  
lit, simulatq; uidet Dei filium ad tantam, ut per excessum dicam, amoris dementiā  
erga humanam naturam deuenisse, ut pro omnibus illius delictis, atque his gra-  
uissimis, patri uadimonium promittat, totum debitum soluat, ac sese (o incom-  
prehensibilem amoris uim) cum ipso humano genere elongatum asserat à Deo?  
Cum enim Dei filium factum esse pro nobis maledictum, peccatōue peccatum  
damnasse in carne intelligimus in Paulo, tunc ea, quæ hic dicuntur à propheta,  
noua nō uidentur, licet mira, atque insolita. Spiritus, inquit Hieremias, oris no-  
stri Christus Dominus captus est in peccatis nostris. Ceterum, longè à salute mea  
uerba rugitus mei, legunt Hebræi, quæ quidem uerba, meo sanè iudicio, per in-  
terrogationē legi possunt, & erit sensus: Cur longinquus factus es à me, o Deus,  
cum tamen rugitus mei uerba audias, hoc est, gemitus, immensosq; clamores à  
cordis penetralibus euulsos? quasi diceret: Res hæc in te admodum insolens est,  
ac præter morem tuum. Rugitum porro dicens propheta, artificiosissime na-  
turam doloris exprimit: quæ quidem ea est, ut postquam uim spiritus, in corde co-  
maximè, quod in fortissimi uiri pectore situm sit, diutius continuit, tandem illa cu-  
mulo mœroris excita, cum se amplius tenere nequeat, erumpit in clamorē quen-  
dam leoninum magis, quàm humanum. Idcirco ex hoc uersu. & immensitatem  
doloris, & summam fortitudinem in diuino illo pectore Christi fuisse nō dubito.

**D** Deus meus clamabo per diem, & non exaudies: & nocte, & non ad-  
insipientiam mihi,

Aut per noctem, aut eodem casu legendum erit, die ac nocte, hoc est, iugiter,  
sedulōue clamabo, ut salutem abs te exorem, & tamen non exaudies. Stultū pro-  
fecto uidebitur apud mundi sapientes, quod ad te non auscultantem, clamen,  
& dicent: Cur clamas? Cur eius aures obtundis, qui ad tuos rugitus obsurdescit?  
Sed stulti illi, ac hebetes, quos prorsus, quomodo tu pater tuos ad tempus negli-  
gere uideris, præterit: atque propterea insipientem illam iudicant precem, quæ  
statim non exauditur, cum interim tua apud te iudicia æquissima maneant. Non  
igitur abs te, neque ab alio quopiam poterit mihi insipientiæ dari, si ea rogo, de  
quibus non exaudior. Verum diuus Hieronymus hunc uersum sic legit ex he-  
bræo: Nec est silentiū mihi, ut hinc saltem intelligamus, iugem, continuūq; cla-  
morē, ex desiderio, sitūue immensa redemptionis humane, fuisse in Christo. Unde  
elegantissimè reddidit paraphrastes, Absq; ulla intermissione. Atq; hinc rursum  
nostra carpit ignauia in orādo, quæ, ne mille quidē sancti spiritus igniculis admo-  
nita, ad mediæ horule perseverantiā disponi potest. Neq; hic loquor de stabili solū  
modo membrorū situ, sed de firmo, uti decet diuina peragi, ac cōstanti in Deum  
proposito, et uolūtate. Alioqui orationū uim et robur, in horarū numero, uel usq;  
ad corporis lassitudinem metiri, atque in locis publicis uenditare, superbæ mentis  
indiciū est, parumq; considerantis, in quo Dei honor consistat, aut fidei feruor.

Tu autem in sancto habitas, laus Israel.

Vide fiduciam in orante. Alijs forsan, ait, uidebitur te iniustitiæ meritō insinu-  
landum, quod, cum rogaris, nō exaudias. Errabunt sanè: nam tu semper, siue ex-  
audias, siue exaudire neges, sanctus es, & in sanctis illis, quos tu tibi ab æterno, ut  
sancti essent, elegisti, inhabitas. Nemo unquā iustè te huiusce errati accusare po-  
rit, quod tuos deseras, & non tuos adiuues, cum sis laus Israel: hoc est, cum is sis, quem



A quem canit, quem laudat, quem celebrat, cuiq; gratias agit credentium populus, quod semper eum liberas. Quomocunq; enim res se habeant electorum, siue dulces, siue amarę sint, semper eas curat Deus, quamuis secus uulgo appareat. Est & alius pius sensus, ut in sancto, ad ipsum Dei filiũ hic orantem referatur, hoc ferẽ modo. Dixi quod non imputabitur ad insipientiam mihi, si continuus orator cum sim, nihil impetro: nam ex hoc uerẽ dici non potest, quod me auerferis, cum semper ego in te, tu pater in meis. Tua enim una mecum est uoluntas, una deitas, una natura, atq; idem amor. Porro infinita propẽ sunt in sacris libris ac lege uaticinia, quibus olim pollicitus est Deus fore, ut nobiscum, uel usq; ad consummationem seculi cõuersaretur. Sed illud in primis apud Leuitas cap. uigesimo sexto: Si in præceptis meis ambulaueritis, & mandata mea custodieritis, ponam tabernaculum meum in medio uestri, & non abijciet uos anima mea.

In te sperauerunt patres nostri, sperauerunt & liberaisti eos.

Amplificatio hæc est querele. Ex eo enim quod pater ad filij sui dilectissimi præres conuiuere uideret, qui tamen priscis illis patribus, atque Israeli uniuerso præcanti semper affuerit, magnitudinẽ calamitatis in Christo immensam fuisse ostendit. Ait itaque: In te olim iusti omnes, siue patriarchæ, siue prophætæ hi fuerint, suis in angustijs sperauerunt: sperauerunt, inquam, & liberaisti eos, quasi diceret, nullus unquam abs te fuit derelictus, modo ex animo sperauerit. Quid?

Clamauerũt, & salui facti sunt: in te sperauerũt, & nõ sunt cõfusi. Ego autem sum uermis, & nõ homo, opprobriũ hominũ, & abiectio plebis.

B Vidẽs ne quantam cõmiserationem hæc cõmisceant? Mos enim est prophetis, ut ad maiorem emphasim sententias easdem repetant, & inculcẽt. Sensus igitur huius omnis uerborum congeriei is erit: Spem suam progenitores nostri in te, o pater, ponere consueuerunt, atq; propterea omnis illorũ suis in afflictionibus ad te clamor erat: & quotiescunq; id faciebant, tu illos liberabas, neq; unq; passus es illos pudore suffundi, hoc est, repulsam pati, & hi quidẽ serui. Ego autẽ filius cum sim, uermis, & non homo, opprobriũ in super hominũ, & abiectio plebis, reputatus sum. Ego, inquam, filius ille tuus unigenitus, & is amantissimus, abs te derelictus, factus sum res omnium uilissima, proiectamentumq; ab omnibus derisum, exhibilatum, ac infinitis iniurijs affectum. Non solum enim nouissimus uirorum reputatus sum, sed ne uir quidem. Quare uermis despectissimus, atq; infimæ plebis fax magis, quàm homo, dici debeo. Et uerẽ uermis est Christus, qui exiguus, abiectissimusq; omnĩ cum in terris uideretur, mirum tamen quàm exactẽ perdat, & cõminuat quicquid nactus fuerit in suis electis rubiginis, ac duritiẽ. Cæterum ferunt sancti Dei interpretes, inter cætera quæ Dei filius in gratiam nostri gessit in terris, maximam semper in patre fiduciam præ se tulisse, utpote qui suas omnes afflictiones in patris uoluntatem semper reiecerit: quod quidem neq; illius hostes Iudæos latuit. Idcirco cum uenerabile eius corpus ligno crucis, cruentissimis confixissent clauis, atq; illum moribundis oculis iam iam agere animam contempnissent, scõma huiusmodi inter sese de illo, maximo cum cõtemptu, & ironia, iactitarũt: Sperauit in Dño, eripiat eum nunc, si uult. Quã ob rem à uate infertur:

Omnes uidẽtes me deriserũt me, locuti sunt labijs, & mouerũt caput. Quàm contemptus, quàm ue abiectus, & uilis, præ omnibus mortalibus, fuerit manifestissimus Dominus in terris, in hac undequaq; commiserationis plena enarratione exequitur propheta. Quid, oro, ignominiosius? Quid opprobriosius in plebe audiri potest, quàm id quod refert Lucas in historia crucis? Viri, ait, qui tenebant eum, illudebant ei, cadentes eum: & uelauerunt eum, & expuebant in faciem eius. Quid, obsecro, illud erat, nisi in maiorem miseriam, mortis cruciatus prorogare? En quanta pertulit pro suis hostibus Dominus maiestatis,



**C** En quanto opprobrio subiacuit Deus, ut homini ereptum honorē restitueret. Ecce quid rursus sauius? quid cōtemptius? quid tantum lachrymis dignū, quā au-  
dire, quōd milites praesidis plectentes coronam de spinis, imposuerūt capiti eius,  
& dicebant, Auerex Iudaeorum: & dabant illi alapas. Vidisti ne unquam tam ter-  
rum spectaculum: tam informe: tam crudele: tam cruentum? cum cernis specio-  
sissimum illum iuuenem, in cuius diuinam faciem ipsi quoque coelestes spiritus  
cupiunt aspicere, à Pilato absque ulla commiseratione à planta pedis usque ad uer-  
ticem cruentatum, ac sexcentis, & eo amplius, uibicibus liuidū, è rostrisq; uul-  
go ostensum hoc scommate? **E C C E H O M O**. Non abreigitur, neque fictē  
suam deflet miseriam summus opifex, postquam suum adeo insanit opificium, ut  
ne tenuis quidem cutem, tam sauae morti sui conditoris condoleat. Quotus enim  
quisque est, uel ex sublimioribus, ut sibi uidetur, animis, qui Christi mortem  
habeat, ut sponsus sponsam in amatorijs canticis hortatur, sicut signaculum su-  
per cor suum? Porro de irrisione, qua Dominus in illo suo ultimo uitae termino  
est habitus, uno spiritu, tum propheta, tum prophetarum filij euangelistae, unoq;  
ore, plura olim conquesti sunt: sed in primis ipse Dei filius apud Hieremiam con-  
queritur hoc modo, dicens: Factus sum in derisum omni populo, canticum eor-  
um tota die. Cui postmodum succinuit euangelista: Prætereuntes, inquit, mo-  
uebant capita sua, dicentes: Vah qui destruis templum Dei, & in tribus die-  
bus excitas illud: & deridebant eum. Caterum illud, locuti sunt labijs, diuus  
Hieronymus uertit, demittunt labia: quod quidem ad exprimendum substan-  
tium morem summopere facere uidetur. His enim ridiculus quidam mos  
est, ut cum alicui procacius illudunt, labia demittant, ac foedissimum in modum  
distorqueant. Verum aptius aliquibus uisum est, id omne uno uerbo reddere,  
conuiciati sunt.

**D** Sperauit in Domino, eripiat eum, saluū faciat eum quoniā uult eum.  
Seu, ut alius uertit: Quoniam deamat eum. Vide ironiam. Si rex, inquit, Is-  
rael est, descendat nunc de cruce: confidit in Deo, liberet eum nunc si uult. Hoc  
plane illi dicere uolebant: Stulte admodum, ac ridicule fecisse uideris, qui à Deo te  
diligens arbitratus. Perpendis ne, o homo, iam tandem, quomodo aurora cer-  
ua, per syluas, per nemora, per rupes, à canibus agitata, agrē trahat spiritum: Mi-  
rum ni iam exhalauerit animam. Quid uerò? Initia quidem dolorum nondum  
audita sunt. Antequam enim nobilissimus pugil ultimum suae uirtutis præbeat  
specimen, quibus armis confusus propinquam præstoletur pugnam, prius inde  
cat uates his uerbis:

Quoniam tu es qui extraxisti me de uentre, spes mea ab uberibus  
matris meae.

Totus hic uersus confirmandae suae spei gratia paulò antè derisae, probroq; ha-  
bitae à Iudeis, adhibetur hoc ferè argumento: quod impossibile sit coelestem pa-  
trem, qui nos adeo benignè, nostra absque scientia, & uirtute, ex latebris uteri ma-  
terni eduxit, aluit, ac usque ad uirilem aetatem enutriuit, non rursus sic adultos,  
& amare, & nobis opitulari, eo maxime tempore, quo maior ingruit angustia-  
rum procella: impia hæc enim esset persuasio. Quā, quæso, fieri potest, ut qui nos  
sine nobis, atque adeo nobis ignorantibus, à secundinis illis, tricisq; matris ex-  
plicauit, statimq; in ipso uitae exordio mammillarum succo enutriuit, modo adul-  
tos, clamantes, cognoscentes, eiusq; auxiliū implorantes, deferat? Te procurante  
igitur, ait Dei filius ad patrem, ex utero materno prodij, indeq; bene sperare me  
docuisti, cum adhuc matris meae ubera sugerem, Quid dicam?

Inte proiectus sum ex utero.



**A** Quis hic non attonitus miretur audiens, quòd is, cui condita parent omnia, ac genua flectunt, dicat se ueluti abortum inanimum ex matris utero proiectum? Nudus, inquit, pauper, infirmus, miser, inops, & qui uitam à uagitibus auspicatus sum, ac lachrymis, è claustro materni uentris eiectus sum: sed in te tamen, hoc est, tuæ curæ, ac prouidentia derelictus. Quare

De uentre matris meæ Deus meus es tu, ne discesseris à me.

Vide quomodo diuina beneficia mortalibus, collata, etiam ab ipso primò conceptu, horum sursum pertractet, ut nos aliquando ingratitudinis nostræ pudere faciat. Semper enim, uel ab ipso conditarum rerum principio, antequàm quicquàm faceret ab exordio, cum nondum terra esset, aut cœlum, de suis electis curam habuit Deus, hoc est, ab eterno. Cum talis igitur sis, inquit, ô pater, nunc, oro, à me discedas, proculq; absis.

Quoniam tribulatio proxima est, & non est qui adiuuet.

Simeï, inquit, discipuli, me relicto, aufugerunt, quid de alijs sperandum? Ergo tu solus spes mea. Hoc idem Dominus olim in Esaia conquestus est dicens: Circumspexi, & non erat auxiliator: quæsiui, & non fuit qui adiuuaret. Nullum, quod sciam, maius est animi in angustia positi exterminium, quàm se solum uidere ab omnibus, & illis ipsis quidem amicissimis uiris derelictum, eo maximè tempore, quo maiori auxilio est opus. Et quemadmodum summa infelicitas existimari solet, fuisse felicem: ita extremam esse calamitatē iudico, in calamitatibus à charioribus deferi: ut desolato Christo accidisse legimus, qui cum in horto illo trans torrentē Cedron, de quo sacra refert historia quædam, ob Christi frequentiam, non indigna memoratu, à militum turmis impeteretur, uidit se ab intimis illis suis, à secretis discipulis, & à Ioanne quoq; illo tam charo deferi. At iam theatrum plenum est: producendus est pugil fortissimus, qui cum orbe uniuerso, cum peccato, cum morte, cumq; ipso autore mortis ac peccati, est conflicturus.

**B** Circundederunt me uituli multi, tauri pingues obsederunt me.

Hic iam primū cinctū se, & cōclusum memorat à potentissimis hostibus: quorum ferociā quo maiori exprimeret emphasi, grandes, ac preualidos tauros, quales regio Bassan diues pascuis alere solet, illos appellat. Nam Felix sic reddit: Circundederunt me tauri multi: tauri Bassan circundederunt me. Idem ferme paraphrastes: Cinxerunt me, ait, tauri multi, fortes, & ueluti faginati in pascuis Bassan circundederunt me. Solent enim huius generis animantia eo sæuius ferocire, quo fuerint in pinguioribus, pascuis enutrita: qualis est regio Bassan, quæ, ut est in libris antiquæ legis, mirū in modū ferax est, ac felix. Vitulos hic appellat uates effrenes iuuenes, & indomitos, qui cum nullo natura rationis iugo contineant, facile in effrenatas actiones feruntur, ut quotidie infinita ob oculos exempla, etiam in grauioribus, rebus pub, atq; adibus, habemus. Tauros uerò pingues, obesos illos ludæorū sacerdotes, honoratosq; uulgò scribas, & pharisæos appellat, qui ex nimia rerum copia elati, tyrannico magis imperio, atq; arte, q̃ legum scientia, res tum sacras, tum prophanas, moderabant. Huiusmodi enim strenuis, si Deo placet, ducibus, primo in cōgressu cinctū se ex postulat Dñs Iesus, hoc est, se penitus in eorū manib, ac potestate positū. Crudelis quidē fuit illa ludæorū in Christi corpus scuitia ac rabies. Crudelis et sacerdotū, et pharisæorū persecutio: sed quibus forsā, ob ignorantia, aut rei nouitatē, ueniā præstari debuit. Adhuc em̃ sol ipse iustitiæ carnis uelo adumbratus, non se illis prorsus, & aperte, ut illorū exigebat perfidia, impendere uoluit. Sed quid modò, ipso sole mediū iam tenente cœlū, hoc est, glorificato Christo, ac sese aperta ueluti facie, omnibus exhibente, cum tot mala in ecclesia Dei fieri cernimus, erit dicendū: Crudelior certē hæc mihi, q̃ illa, semper uisa est in Christum pugna, ac persecutio. Quæ uerò tela atq; arma illa sint, qui ministri, quis locus pugne, & qui tandē spectatores, quibus omnib, rebus atrocior hæc q̃



**C** illa effecta sit in Dei filium concertatio, & pugna, uniuersali quodam rumore sciunt omnes: sed altiori qui sunt mente præditi, & sciunt, & ingemiscunt, expectantes, quò demum hæc rerum confusio, ac perturbatio, dirigat. Sed ad propositum redeamus, ne dum nimium exacte res uniuersales, in ore quod omnium politas, uentilamus, particularis nos iudicij, & forsan odij, insimulemur. Itaque ad ceruicem nostram tot uenatorijs canibus circumuentam, nostra redeat oratio. Putas ne mansuetissimum Christum, rabidos illos tauros, ac petulantes uitulos, ob ea, quæ superius dicta sunt, ad cõmiserationem flectere potuisse? minime quidẽ, Clamat enim,

Aperuerunt super me os suum, sicut leo rapiens, & rugiens.

Non sanè satis fuit Iudæos, in cruciatibus filio Dei admotis, taurinam induisse ferociam, nisi & immanitate leonũ usi, e funditus discerper eum statuissent. Aperuisse enim illos fauces horrendo illo hiatu asserit, quo leo, cum prædæ incubens, totoque ore rugitum euomens, illam aggreditur. Aiunt quidem leones terrifico quodam modo rugire solitos, cum prædam appetunt, & uident. Quem quidem morem non ignorauit Amos: Num rugiet leo, ait, in sylua, si non sit illi præda? Porro quid sæuitiæ leoninæ tam simile unquam fuit, quàm cum positi ante iudicem illum diuini Iudæi, calcatis legibus, æquoque iam pridem ab atrij pontificum eliminato, abrasa iustitiâ, cõculcatoue iure, decoreque, & honesto, inualescebant clamantes: Tolle, tolle, crucifige eum? Obsederunt me, inquit. Obsidionem uerò hanc fuisse arabitror cum saepe aliàs, sed tum potissimum, quando modestissimus iuuenis, cum iam aptarent manicas, & funes, circumfusa agmina circumspiciens, pacatissimo peccatore respondit: Tanquam ad latronem existis cum gladijs & fustibus comprehendere me? Tum cohors, & tribunus, & ministri Iudæorum accesserunt, & iniecerunt manus in Iesum, & ligauerunt eum.

Sicut aqua effusus sum, & dispersa sunt omnia ossa mea.

**D** Toto, inquit, corpore exhaustus sum sanguine; qui quidẽ è membris meis crebris ictibus attritis, eo modo & copia effluxit, qua solet aqua è uase aliquo effundi. Aptaprofectò, ac planè intentioni prophetæ deseruiens similitudo: qui sanè, cum uellet indicare totum cruorem adeò è Christi corpore effusum esse, ut neguita quidem quamuis modica remanserit, addit similitudinem aquæ de uase aliquo proiectæ, & effusæ, quæ nihil omnino sui relinquit uestigij, cum ceteri liquores saltem saporem in uase relinquunt. Verum alij hac effusæ aquæ metaphora uolunt intelligi extremam membrorum Christi dissolutionem, quæ non tantum à cruciatibus & tormentis procedere consueuit, quantum à metu in hominem mirè exagitatione. Quocirca à uate additur,

Factum est cor meum tanquã cera liquefcens in medio uentris mei.

Illi em̃ quãmodo dixi de membrorum dissolutione; libenter assentior opinioni, postquàm in mentem mihi uenit illud in Iosue lib. quo asserit cor populi pumuisse, atque instar aque fuisse liquefactum. Ea enim uis est pauoris, ut è summis in intima, & à superficialibus ad infima cogat calorẽ: quo presente, membra omnia uegeta sunt, uiuuntque ac propriũ seruāt decorẽ. Eo uerò sese, ob metum, in occultioribus partibus, magisque intimis insinuante, frigus statim pectus occupat, atque propterea cætera omnia refrigerant, ipsæque membrorum compages uitali calore destitutæ dissoluuntur. Desiciente uerò naturali humore ac sanguine, in quo uita est animantium, perlanguescunt ossa, & quodammodo luxantur. Vnde in superiori uersu cõquestus est Christus, sua omnia dispersa fuisse ossa. Cor item cum sit organum, ut dicunt phisici, partis sensitiuæ: cumque primũ sit uiuens in animali, atque ultimũ moriens, facile ex nimio caloris cumulo oppressum eliquitur, quemadmodum solis calore, ac radijs, cera liquefcere solet. Vnde, oro, concitationes illæ cordis, in uiro etiam sapienti, sed in maximo mœrore aut metu constituto, originem habent, nisi quod cor ipsum à superabundanti calore illuc, propter nimiam illam perturbationem, aggregato, obrutum



**A** tum liquefit, & immutatur: In medio uentris, ait, huiusmodi intestinorū turbam esse cōmotam. quasi diceret, uulnerati cordis liquor in uentrem, more ceræ à solis radijs liquefactæ, effluxit. Per uentrem uult Eutym, iuxta græci nominis significantiā, totam corporis cōcauitatem intelligi. Vt cūq; intelligas, id scias uelim, uatem hic omni eiuscemodi uerborum exaggeratione nihil aliud exprimere uoluisse, quā membrorum dissolutionem, quæ ex metu, ac dolore aliquo immenso, in delicatoribus præsertim naturis accidere solet.

Arui tanquam testa uirtus mea.

En alius doloris, ac pauoris effectus. Reductus enim, ut dixi, ad abditiores intestinorum recessus calor, uicūq; pabulum absumens, ciet ariditatem, ac sitim excitat: quocirca humor omnis, uel, ut hic legimus, uirtus, seu, ut reddit hebræus interpres, succus exhauritur, eo modo quo testa, seu olla igne exiccatur, et arefcit. Conquerit igitur Dominus, uires omnes sese defecisse, ac ob naturalis harmonie corruptionem, cruorisue profusionem, atque ex consumpto uitæ succo, & humore, exaruisse, quemadmodum arefcere solet olla testea in fornace. O Christe, quantis tibi nominibus debitor sum, quantum me meæ præteritæ teneritudinis dispudet. Tu semper dirus tibi fuisti: tu in te crudelis, asper, inhumanus, quò me infinitis peccatorū sordibus infectum repurgares, ablueres, ac tandem te summū bonum, summamq; pacem, & æternam uitam, iam millies amissam mihi restitueres. O si saltē guttā unā sanguinis pro te effundere par sis, ac dignus, qui pro me tu totus effusus es, & dissolutus. Id unū tamē tibi de me polliceri audacter uelim, quòd nihil tam auidē in terris cupio, quā pro te posse mori. Hoc enim impetrato, quicquid de me futurū sit, non curo. Sed ad te, à quo nunquam discessit, redeat stylus. Videor nimirū te crudeli illo ligno pendentem audire, proferentemq;

**B** Lingua mea adhefit faucibus meis.

Hoc est, lingua siti exusta, in moribundis faucibus pallida iacuit. Quare non præter naturam fuit, quòd Christum in cruce ardentem sitim tolerasse legimus: ut interim de siti illa æterna, quam semper habuit Dei filius cum patre, redimendorum hominum, nihil impræsentiarum dicam, cum totus hic psalmus nihil aliud præferat. Quid, quæso, aliud filium ipsum è sinu patris ad terras deturbauit? Quid tam nobilem ceruam in uasto hoc perturbationum theatro sistere fecit? Quid mori tandem, nisi sitis ardentissima recuperandi genus humanum? Catephrastes, sic legit: Lingua mea agglutinata est palato meo, quod quidem in ægrotante euidentis signum est mortis: unde rari sunt, quibus, cum mori fiunt proximi, lingua uisco, nescio quo, impedita sermonem non interturbet: adeò ut uix sit, uel ex propinrioribus quidem, qui, quid sibi uelit, aut postulet ægrotus, intelligat. Quare statim adijcitur à uate,

Et in puluerem mortis deduxisti me.

Hoc est: Ita me, ô pater, confici iussisti, ut planè sepulchro, in quo puluis solum modo, ac cinis esse solet, adaptaueris, mortiq; cuius ui omnia in puluerem rediguntur, me tradideris. Corpus itaque exangue in tumulto iacere uoluisti. Vnde paraphrastes: Et tandem, inquit, in puluere, quemadmodum mortui solent, sepelies me. Certa igitur mors mea est,

Quoniam circundederunt me canes multi, concilium malignantium obsedit me.

Diuus Hieronymus ex Hebræo: Circundederunt me uenatores: quòd melius exprimat Christum fuisse ceruam illam, de qua in titulo nonnulla. Videtur hic rursus Dei filius uelle causam tantæ suæ anxietudinis reddere. Antea enim se à tauris, & uitulis, quos rugientibus leonibus assimilauit, circumuallatum



**C** est questus: modo uerò se à canibus, ceu feram, circumseptum replicat: moxq; qui fuerint canes illi, ac uenatores, aperit, inquiens: Concilium malignantiū, hoc est, peruersorum hominum conuentus, obsedit me. Hæc sanè obsidio longè antequā accideret, sapientissimum non latuit regem, qui eorundem canum uice, sic nostrā oblatrat ceruam: Circumueniamus iustum, Ecce canum obsidio. Causa uerò: Improperat, aiunt, nobis peccata legis. Grauis est nobis etiam ad uidendū. En rabiem caninam: Contumelijs & tormentis interrogemus eum, mortēue turpissima, condemnemus eum. Ecce iam tandem quò canum sæuitia prorupit. Quā uerè illud de seipso prædixit filius Dei in alio psalmo: Perijt fuga à me, & non est qui requiratur animam meam.

Foderūt manus meas, et pedes meos: dinumerauerūt omnia ossa mea. Hic tandem grauissimam pœnarum omnium in suo corpore cōmemorat dulcissimus Iesus. Altera em̄ manu, aut pede, clauo aliquo obtusiori traiecto, statim ibi humorum congeries aggregatur. quare nerui cæteri pastu humorum destituti, maximo cum dolore confixi contrahuntur. Ideo ui altera extendenda est manus, & pes, ut par sit in confixione cum prima. Nulli porrò dubium, quòd membra illa quæ neruorum robore magis ualent, dolori quoque læsa magis obnoxia sunt. Præterea in corpore sic affecto, nudo scilicet, ui extento, distractoq; & consumpto, ut fuit illud Iesu, non difficile erit ossa dinumerari. Idcirco sic is uersus à Campensio redditur: Tractatus sum ab eis tam inhumaniter, ut numerare poterim facile omnia ossa mea. Cæterum si quærere licet cuius generis homines hi fuerint, qui tam crudeliter dilaniarunt Dominū uitæ: idem ipse suum aperiat dolorē, qui cum in Zacharia interrogetur, quid sunt plagæ istæ in medio manuum tuarum: Respondet, his plagatus sum in domo eorum, qui diligebant me. Neque ob id tamen saturi.

Ipsi uerò considerauerunt, & inspexerunt me.

Felix sic: Ipsi cōsiderabunt, toruū aspicient. Idem enim cum nostro est sensus, sed expressius reddita est litera. Nam Hebræis in hoc loco, id quod nos legimus considerare, uidere, seu inspicere, aliquid aliud intelligitur, quā simpliciter intueri, aut uidere: sed est cum uoluptate, & gaudio aspicere, uti hi solent, qui in extrema calamitate inimici nondum plenè exaturati, ipsum sese inter cruciatus ac mortis terrores distorquentem, risu quodammodo sardonico, ac crudeli omnino, aspiciunt, atq; interdum toruo illum considerantes uultu, præ se ferunt etiam in mortuum, sequitiam. Hoc igitur modo à suis habitus Christus, clamat, ac quanto potest dolore omnibus diuulgat, his notis: Ipsi, quos me diligere arbitrabar, me acerbissimis in tormentis egrè anhelantem, multoq; in sanguine prouolutum intuebantur ridentes, insultantesue, quòd alios seruauerim, meam uerò salutem neglexerim. Neque hoc satis: nam me nondum planè exanimato,

Diuiserūt sibi uestimenta mea, & super uestem meā miserūt sortem.

Per futurum legit Felix, diuidunt: sed nihil officit sensui. Idioma est hebræum. Milites illi, quos modo canes, modo tauros, modo uitulos, appellat uates, cum, ut refert Euangelista, crucifixissent eum, acceperunt uestimenta eius, & fecerunt quatuor partes, unicuiq; militi partem: & tunicam, scilicet acceperunt. Per uestimenta, exponūt indumenta confuta: per tunicam uerò, uestem inconsutilem, de qua sortiti sunt: illa autem partiti. Verumenim uero qui mysteriorum sublimitatem, cum in his diuisis uestimentis, tum in inconsutili tunica requiri credunt, non falluntur omnino: sed ab alijs hauriant, qui innumeri sunt, qui totam uitam Christi pijs suis quibusdam allegorijs perornare norunt. Nobiscum autem non malè agetur, si sensum uatis germanū, in quo maxime exprimendo elaboramus, assequi poterimus. Cæterum cum illud in Iob legis, quod equidem absq; lachrymis (non erubescio crucem Christi) recensere nequeo: nonne ob oculos positum



**A** tibi uidetur spectaculum miserabile filij Dei, suum hoc modo expostulantis dolorem: Nunc oppressit me dolor meus, & ad nihilum redacti sunt omnes artus mei. Aperuerunt super me ora sua, exprobrantes percusserunt maxillam meam, saturati sunt poenis meis: sed hæc passus sum absq; iniquitate manus meæ. Ipsi ita: Tu autem Domine ne elongaueris auxilium tuum à me, ad defensionem meam conspice.

Cœperat enim uates in superioribus, sub Christi typo, ferè idem orare, cum dixit: Deus meus ne discefferis à me. Sed uolens afflictionum suarum, multo magis Christi, nos esse admonitos, à supplicatione illa se auerterat, & ad querelas quas audiuius, id est, ad enarrandum quantis malis teneretur paululum digressus, iterum ad intermissam precem reuertitur, atq; ait: Ne elongeris à me Domine, ne sis procul, ne amplius opem differas. Iam me cinctum à canibus, & his quidem insaturatis, uideo. Iam uestes meas, ut de mortuis fieri solet, partiti sunt inter sese. Quareto, quæso, ne longè abscesseris, quin potius, cum sis robur meum, ac uirtus, ferremihi suppetias propera. Illud porro quod nos legimus, conspice, Hebræis est, propera, seu festina. Atque hinc sanè habes, cuiusmodi habitus illum, qui cupiat à Deo, cum orat, exaudiri, esse oporteat: suum uidelicet ut agnoscat periculum, hostium insidias nō ignoret, ad Deumq; assiduo cordis gemitu, ac desiderio clamet, ut liberetur. Interim uerò toleranter ferat quicquid accadat, sed in primis Domini manum, hoc est enim, quod nunc dicit, ne elongeris à me; sed

Erue à framea Deus animam meam.

In alio psalmo idem precatur: De gladio maligno eripe me, hoc est, à potestate, dominioq; improborum meam protege uitam.

Et de manu canis unicam meam.

**B** Nescio quidem an infelicius quicquam mortalibus accidere possit, quàm à malis superioribus gubernari. Quod sanè, ne inter minimas hominum molestias collocari putes, facit hic uates à Dei filio inter acerbissimos suos cruciatus connumerari. Sentis ne hic instantiam in orante necessariam? Vides ne quomodo in tentatione positus, uerba, quæ mouere queant liberatorem, inculcare debeat? Nos stupidos, quos hi non tangunt affectus. Cæterum unicam suam perit Dei filius è manu canis eximi. Animam enim suam uocat unicam, id est, solitariam, derelictam, omni prorsus auxilio destitutam, & quam tu, ô pater, unicè diligis. Canem uerò appellat immundum Iudæorum cœtum, de quibus suprà est questus, dicens: Canes multi obsederunt me. Et uerè canes. Siquidem Dei filium olim, cum adhuc inter mortales degeret, mordicus dilaniarunt; modò autē immortalem factum, quē dentibus nequeunt, in epulsimis blasphemijs aggrediuntur. Nō mirum sanè esse debet, si numerum mutat. In scripturis enim prophetarum, & numeros, & tempora confundi, non absq; tamen sancti spiritus consilio, frequenter cernimus.

Salua me ex ore leonis, & à cornibus unicornium humilitatē meam.

Suprà enim: Aperuerunt super me os suum, sicut leo rugiens. Hisce quidē animalium nominibus, tum ferociam, tum implacabilitatem Iudæorum accusare intendit. Est enim unicornis, seu monoceros, bellua adeò fera, & indomabilis, ut moris magis eligat, quàm ad humanos usus manue fieri: cum cæteræ animantes, & ipsæ quoque tigres, alioqui natura implacabiles, uiuæ capiantur: hæc sola non nisi mortua in potestatem hominum uenire patitur. Vnde Iob rerum harum nō ignarus, sic loquitur: Nunquid uolet tibi seruire monoceros? Num pernoctabit ad præsepem tuum? Num illigabis monocerota loro tuo, ut aret? Huiusmodi igitur immunitate insignes fuerunt Iudæi in Christum, & nunc sunt, ut leones audacia, tigres fæuitia, monocerorem uerò implacabilitate superent. Quare huius totius uersus is sensus erit: Erue me, ô pater, à crudelitate hostium meorum, qui uerius leones, quàm homines, dici debent: atq; à potentia illorum indomita, qui nihil tantum in





**C**uita amant, aut uideri uolunt, quàm feritatem præ se ferre, hanc meam tutare deiectionem, qua factus sum uermis, & non homo, opprobrium hominum, & abiectionis plebis. Sic ferè semper in scripturis mos est accipi hoc nomen, humilitas, deiectionis scilicet, ac deiectionis. Vnde in alio psalmo: Vide, ait, humilitatem meam de inimicis meis. Caterum cornu, ut aliàs admonuimus, potentia est, imperium, uirtus, robur, fortitudo, & id genus alia.

Narrabo nomen tuum fratribus meis.

Equidem absq̃ ulla dubitatione asserere possem, omnem esse in hoc sacro psal-  
morum uolumine iustitiæ normam, uirtutumq̃ legem, ac decorum illud, quem  
in uita seruari conueniat; cuiusq̃ robur, & uis ea sit, ut curemus ne ingrati in bene-  
meritos de nobis existamus, sed par pari, quantum possumus, & animo, & re, be-  
nificis referamus. Verùm quia nulla è nobis retributio, quæ digna sit Deo, pro-  
dire potest, quippe qui nullarum rerum nostrarum indigus est; hoc cupit tamen,  
atque à nobis exigit diuina maiestas, ut bona, quæ nobis ipse contulit uel irrequisi-  
tus, nos fratribus saltem rogantibus communicemus. Quotus enim quisque est,  
qui non facilius eligat uulgo reputari absque ulla bonorum suorum (de bonis ani-  
mi loquor) collatione in alios, quàm multis benefaciens, ab aura populari præteri-  
ri: Non sic quidem se habuit filius Dei in terris, non sic eius apostoli, non sic cate-  
ri primæ illius ecclesiæ primates. Quid putas aliud in mente Pauli tum fuisse, cum  
se anathema pro fratribus suis fieri exoptauit, nisi posthabitis priuatis commo-  
dis, & salute quoq̃ propria neglecta, totus, quicquid erat, in aliorum salutē trans-  
fundi? Chamæleon quidem necesse est ut fiat quodammodo is, qui in alios, quic-  
quid bonorum cœlitus se accepisse pernoſcit, transmittere est paratus. Sed illud  
omne, quò (quemadmodum in illo suo anathemate Paulus efflagitauit) diuinum  
**D** illustretur nomen, non suum, Dei; prædicetur bonitas, ac iustitia, nō sua; ut non  
nullos agere cernimus, qui suis in studijs & actionibus, quantum uis iustis & san-  
ctis, se semper prædicant, proponunt cæteris, & nonnunquam sape præponunt:  
cæterum de illo, à quo bona cuncta procedunt, aut nulla, aut frigida mentio. Scilicet  
tua illectus uirtute, & pulchritudine Deus, te tam honoratis condecorauit bo-  
nis. Vide igitur quid Dei filius pro sua exorāda salute polliceatur. Vide, inquam,  
an cum nostræ ætatis hominibus in morbo aliquo, aut periculo constitutis conue-  
niat. Narrabo, inquit, nomen tuum fratribus meis. Totum enim bonorum conse-  
lium in hoc uersatur, ut non solum ab sese, sed ab uniuersi quoque orbis homini-  
bus colatur Deus, sanctumque eius nomen ac cultus celebretur, ametur, & si fieri  
posset, uel usque ad antipodas apportetur. Fratres hic uocat Christus coheredes  
suos, Dei scilicet filios per fidem, quos ab se edocendos asserit: ut uel hinc, si non  
aliunde, perdiscamus, nullam posse esse in terris, neque in cœlis etiam, plenam de  
cœlesti patre, aut de salute nostra cognitionem, nisi unctio doceat, quæ Christus  
est, rex noster, sapientia patris, & per quē accessum habemus ad Deum, ut ait Pau-  
lus: quanquam speciali quodam modo fratres appellat apostolos, utpote qui unā  
cum ipso in carne tanquam pronubi sponsam fratri & præparauerunt, & sangui-  
ne proprio, ac morte tutati sunt. Non ero, ait, ingratus, si me liberaueris. Nomen  
enim tuum (id scilicet, quo omnes ut pater diligis, foves, amplecteris, ac paterno  
affectu ad te trahis) omnibus illis, quos tu tibi, ut tui sint, eligis, atque ab æterno  
elegisti, manifestabo, in mediòque ecclesiæ, hoc est, in puris sanctorum conuenti-  
bus ac coetibus te laudabo, ut meritò es laudandus. Innumera porrò cum sint ar-  
gumenta, quæ nos admonent, quàm flagranti corde, atque ore simul, laudandus  
sit à nobis Deus, id unum tamen uidetur maximū, cum animo recensemus, quàm  
benignus sit, quàm ue ad miserorum calamitates, & pius, & facilis: non iam ut De-  
minus, sed ut pater, & is quidem clementissimus, qui non tam citò ad gemitum  
das preces pauperum commouetur, quàm præparationem cordis eorum audit  
auris



**A** auris eius benignissima. Quid, oro, aliud est euangelium, quàm Dei in miseros bonitatis præconium ac promissio? Quo alio affectu Dei filium fuisse permotum dicimus, ut terras hæc nostras miserrimas inuideret, naturæq; nostræ particeps fieret, nisi ut ad sese miseros, ærumnosos, atque humana prorsus felicitate uacuos ac destitutos, inuitaret, traheretq; & demum æternis suis donis ac diuitijs bearet? In medio igitur eius generis conuentu faciam, inquit, te, ô pater, celebrem, in omniumq; oculis, & mirabilem, & stupendum. Hunc uersum citat apostolus ad Hebræos scribens, uolensq; cognationem, quam sponte assumpsit Dei filius cum homine ostendere: Qui sanctificat, ait, & qui sanctificantur, ex uno omnes: propter quam causam non confunditur, hoc est, nil eum pudet, eos fratres uocare, dicens: Narrabo nomen tuum fratribus meis.

Qui timetis Dominum laudate eum, uniuersum semen Iacob glorificate eum.

**B** Ne fortè qui sint isti fratres Christi etiamnum tanquam parum supra declarati ignoremus, aperit dicens, quòd hi uerè Dei hæredes, cohæredesq; Christi, atque adeò uera ecclesia sunt, qui timent Deum. Quo alio breuiori, & ut sic dicam, diuini apophthegmate, summa Christianæ professionis exprimi potuit? Non hic mihi elegantissimos quorundam mores, graui instituta, plebisue scita à grauiissimis uiris sancita, leges, iuræq; obijcias, absque interiori spiritus, diuiniq; timoris condimento ac pulchritudine: cum ea uera, uereq; beata in terris dici, credi uidebeat religio, sese impollutū seruare, ut diuus scribit Iacobus, in hoc seculo, mun dumq; habere cor atque animum: cuius quidem integritas, & puritas in Dei timore maxime consistit. Cætera uerò umbræ somnium, Carnem enim à nobis nō requirit diuina maiestas, sed fidem, sed dilectionem à corde, ut sic dicam, meticulo-  
so, non arroganti & superbo, proficiscentem. Cæterum si rursus interrogor, qui sint isti timentes Deum: rectè, ut arbitror, respondendum erit, eos illos esse, quos in sequentibus semen Iacob appellat, ut subsequens hemistichium precedentis sit interpretatio. Vniuersum semen Iacob glorificate eum. O uos, inquit, qui fidem Iacob imitati diuinum nomē inuocare didicistis, illi soli gloriā adscribite, quæ est (ni in rebus difficillimis prorsus hallucinor) fides, qua eum ipsum solum esse credimus, qui nos à seculo hoc nequā absq; nostro merito liberat: ne dum plus nimio nobis de nostra iustitia adblandientes aliquid somniemus, in quo citra Deum gloriari debeamus: quasi bona illa, quib; nos cœlitus donatos agnoscimus, nobis nostro studio, cura, atque in uirtutū theatro exercitatione contigisse opinemur. Nec cessarium utrunque, & Deo omnem, & nobis nullam tribuere gloriā. Clamare quidem possumus, ac utcunque appetere, quod nobis conducere arbitramur: liberari uerò, atque quod cupimus, exorare, alterius est iurisdictionis: quamuis nec clamare quidem, aut optare, quod nobis utile sit, idonei simus, nisi Deus, qui in nobis nostrum format uelle, moueat animum ad ea desideranda, quæ tanquam holocaustomata illa antiqua, queant tota in Dei gloriā incendi: hoc est, quæ nihil omnino carnis, nihil mundi, nihil proprii amoris, & commodi sapiant. Qui enim uitam suam omnem hoc modo instituunt, uerè Christi fratres sunt, cæteri hostes. Notat hic Eutymius, pro seniore Iacob Iudæos fideles intelligi, quorum tribuum omnium Iacob progenitor extiterit: pro Israel uerò utranq; nationem. Nam qui eo modo, quo sanctos decet, Deum timet & cognoscit, is, siue à Iudæis, siue à gentibus oriundus sit, uerius forsan appellari poterit Israel, quàm priscus ille uir, qui diuina uisione dignatus, ex Iacob Israel à Deo nuncupatus est. Israel enim mentē Deum uidentem interpretantur. Ex qua quidem nominis mutatione cœlitus admonemur, neminem posse ad diuinam uisionem contemplandam, tum hic per speculū in ænigmate, tum illic in cœlesti regno reuelata facie assurgere, nisi prius



**C**alcatis uitijs, supplantatoq; mundo, & peccato, immundis spiritibus impostura fecerit, Iacob enim supplantatorem interpretari possumus.

Quoniam non spreuit, neq; despexit deprecationem pauperis.

Secus Felix, & clarius: Quoniam non despexit, inquit, neque abominatus est humilitatem afflicti: ut superiori respondeat uersui, quo precatus suam seruari humilitatem, rursus Dei beneuolentiam erga apud mundum inglorios testatur: & est ac si dicat: Eia animum resumite, ô qui rebus hisce caducis infensi estis, atque omnibus prorsus despicabiles. Nam à mundo contemptû, non uilipendit Deus: non pauperem, non pannosum, non lepra affectum, non deniq; peccatorẽ aspernatur, Sed neque extremam ob miseriam, in quam ego à meis coniectus sum,

Auertit faciem suam à me.

Hoc est, non cõtemptim auertit faciem suam à me, uti solent uultuosi quidam, ac alto gradientes supercilio, qui facile abiectissimos quosque auersantur. Vidisti ne unquam expressius taxari quorundam hominum fastum, atque arrogantiam, & in his quoque, qui in ipso ecclesiæ centro delitescunt? Deus optime, quæmonstra interdum in Dei uinea aluntur? stomacho plena sunt ferè omnia. Sed de his alij. Cæterum solent simplicioris qui sunt ingenij ( ut sunt in omnibus propemodum ob iudicij tenuitatem dubij ) quærere, quĩ fieri potest, ut qui superius dixerat: Deus meus clamabo per diem, & non exaudies: modò uerò asserat Deum non auertisse faciem suam, sed exaudiuisse? Vtrunque enim uerum esse scient, si prius, quod aliàs admonuimus, duas in Christo fuisse, quemadmodum naturas, ita & uoluntates, didicerint. Ea quippe hora, quando suas illas doloris notas deprompsit, querens se nō exaudiendum, quamuis die noctuque precaturus manus sibi uisus est derelictus. Tota enim in eo natura humana in improborum manus tradita, neq; quopiam, qui opitularetur, apparente, mortem facile appetijt: quam tamen, quò se uerum hominem esse demonstraret, summa animi anxietudine, nō semel deprecatus est. Postea uerò deuicta morte rediuiuus è saxo, in quo fuerat tumulatus, egrediens, sibi, suisque immortalem adeptus est uitam. Impossibile nanque erat uictorem mortis diutius à morte detineri. Hoc igitur modo exauditus fuit, illo uerò minime: cum tamen semper idem esset filius Dei, qui & filius hominis, eiusdem uoluntatis cum patre, utpote rerum omniũ principium cum patre, atque Deus, propterea idem,

Et cum clamauero ad eum exaudiuit me.

O uim castis pectoribus, ac summè in Deo sperantibus impressam, Vide quid de se pro nobis asserat Christus. Non benignissimus pater, ait, contemptim, uultuoseq; sese habuit, atque idcirco se auertit à me: quin potius, cum clamarem, diligentissimè me audiuit, remque meam exactissimè ponderauit. Atqui clamor in hoc loco, ut aliàs diximus, non tantum is est, qui ex afflicto pectore, aut diuexato corde enascens, ab ore expostulantis erumpit, quantum affectus ille interior amoris comes in Deum, quem motus animæ eo magis oblectant, quo fuerint coelestium rerum desiderio magis affecti, minúsque loquaces: quemadmodum huius rei in sanctissima Samuelis matre præcessit typus. Quòd si & ore, & lingua, & cæteris huiuscemodi interiorum affectuum nuncijs, ac proditoribus, laudandus est Deus: cor tamen illud est, atque animus, in quo uera laudandi Deum impressa est imago ac forma. Verùm uide grati animi recompensationem,

Apud te laus mea in ecclesia magna.

Felix, Ex te laus mea, hoc est, à te uenit, quod ego te in ecclesia magna laudo: nam



**A** nam supra pollicitus fuerat se in medio ecclesie laudaturum eum. Non displicet quod alius reddit interpret: De te laus mea in ecclesia ampla, id est, omnis mea laus, omnis cantio, omnis stylus, omnesque lucubrationes mee, de tua erga me bonitate erunt, apud omnes: non sane quidem in angulis, locisque obscuris, & angustis: sed in ampla, ac uasta tua ecclesia. Vocat hic gentium ecclesiam, uastam, & amplam, præ illa, quæ angusta proculdubio uidebatur, quando solummodo erat notus in Iudæa Deus, uerbūque Domini preciosum, hoc est, inter paucos cognitum. Et uerè magna iam facta est Dei ecclesia, postquam uerissime admodum illud per triuia quoque iactatur elogium, quod quicumque inuocauerit nomen Domini, saluus erit. Vnde exclamat Deus in Esaia: Ab ortu solis magnum est nomen meum in gentibus. Ecce Dei ecclesie amplitudo. Ecce cœlestis habitationis immensitas. Ecce diuinarum ædium uastitas ac prorogatio: quæ non tam quidem numero, aut multitudine & hominum & regionum censeretur debet, quam propagatione diuini uerbi; in quo sanè res tota salutis nostræ, ac summa, regnum scilicet Dei, mirabili delitescit artificio. Quocirca optimo erit opus artificis ad huiusmodi è cortice secernenda mysteria. Is enim spiritus est, quo quidem doctore inspirati patres olim loquuti sunt. Qui me, ait, dilucidauerit, inueniet uitam. Alioqui regna quotidie prophana Dei ecclesie addere, ædificia gemmea erigere, fana, uel in minutissimis uillulis & oppidulis, fabricare, hoc est mundanarum rerum cumulo augeri ecclesiam, atque hominum colluuiōe dilatarī, permagna res est, & quæ facile infideles prouocat, si non ad cultum, ad politiam saltem, ac munditiem morum. Verum à furtis, à rapinis, ab adulterijs, incestibus, sacrilegijs, ac quibus maximè atteruntur miserrimi ciues, usuris, simonijsque contractibus & uersuris non abstinere, si ecclesia Dei est, ego de ecclesia Dei esse nolo. Nam nihil in rebus humanis tam angustum esse ducō, quam uitis illis inseruire, quæ mihi Deum adimunt, qui solus immensus est, solus uastus, solus amplissimus, cætera angusta & arcta. Amplius ne tibi uidetur ille auidus, qui auiditiæ intentus, nil nisi pecuniam cogitat? Ille ne, qui toto anhelitu ad assequendum gradum aliquem excelsiorem suspirat? Quid ille, qui in fœdis uoluptatibus, uti sus sordida, uolutatus, Helenam totus, quicquid est, deperit? Nisi forte magnum existimari debeat ob calamistratum unius scorti uultum, totius Asiæ regnum olim excisum fuisse. Verum ille excelsus, ille amplus, ille ad amplam ecclesiam pertinens est, qui derisis huius generis rerum fragmentis, totius calcato orbe, qui ad æternæ uitæ immensitatem collatus angustissimus angulus est, imò nihil est, altissimis contemplationibus per atria illa cœlorum immensa spatatur, atque propterea nihil conditum magnum arbitratur.

Vota mea Domino reddam in conspectu timentium eum.

**V**idetur id quasi natura comparatum, hominūque consuetudini admodum familiare, ut quoties aliquid à Deo, quod nobis magnopere sit cordi, postulam, uicissim illi quædam polliceamur, quæ tantæ maiestati grata fore speramus. Atqui præcipuam, & quæ magis placitura foret illi, promissionem eam in primis opinati sunt patres, impenseque obseruauerunt, qua homo se uoto adstringit, Dei honorem, quantum in se est, tutari, eiusque sanctissimum nomen extollere, promulgare, ac pro eo dilatando mortem libentius obire, quam uiuere cum Domini sui iniuria & contumelia. Et quidem uota hæc erant, ac desideria filij Dei. Hoc unum potissimum egit in terris, ut patris sui nomen in omnes regiones propagaretur. Nōne illud fuit uotum ac promissio, quando superius sese adstrinxit, dicens: Narrabo nomen tuum fratribus meis, in medioque ecclesie laudabo te? Sed, ne noua tibi afferri cogites, uide quomodo ferè semper in scripturis uota adduntur laudis sacrificio, ne uerearis idem esse uo-



**C**um ac Dei laudem. In me sunt Deus, inquit, uota sua: reddam laudationes tibi. Rursus illud: Tibi sacrificabo hostiam laudis, & nomen Domini inuocabo, uota mea Domino reddam. Quid porro illud: Psalmum dicam nomini tuo in seculum seculi, ut reddam uota mea de die in diem. Sexcenta alia per prophetarum libros conspersa inuenies testimonia, quæ mortales omnes commouendum admonent, quàm in pollicitationibus, ac uotis Deo factis errent, si aut ea, quibus nihil emolumenti diuino honori, ac nomini adiicitur, aut, quæ uires humanas superant, pollicentur. Hæc stulta, illa superstitiosa: utraque uerò à Dei religione, & cultu abdicanda, ne ueritatis sedem error occupet. Vota tamen illa, quæ quotidie uulgò fieri cernimus, uel in primis illa, quæ in claustris profitentur, inter ea censenda arbitror, quæ in diuinæ tandem laudis, ac nominis honorem desinunt: licet interdum hi, qui promittunt, promissis stare non uideantur. Sensus igitur erit: Vota mea, hoc est, laudem quam tibi debeo, in conspectu timentium te persoluam: reddamque tibi tui sanctissimi nominis indefessam, flagrantem uel, quoad uiuero, professionem: quò tui honoris studio: si, hi dico, qui te timent, ac uerentur, non ignorent sese illum colere, qui meritò colendus sit, atque unice timendus. Hic uides, ni fallor, quæ sit ea ecclesia, in cuius meditullio se Deum laudaturum superiori uersu promiserat, timentium scilicet Deum cœtus, & congregatio. Alioqui, ubi omnia, contempto Deo, pro libidine aguntur: ubi ambitio, ubi simulas, ubi terrenarum rerum cupiditas dominantur: iustitia uerò, pudicitia, ac, qua maxime oblectatur Deus, animi puritas, seruiunt: ibi nullus modus uitæ, nullusque Christianæ religionis, ne odor quidem, esse potest.

**D**edent pauperes, & saturabuntur, & laudabunt Dominum, qui requirunt eum.

Quia enim omnis uirtus suum habet fructum & uoluptatem, in hoc loco uates commodum aperit, qui fructus, quæ uoluptas, qui effectus expectari debeant tum ab illis, qui Dei uerbum per diuersas regiones deferunt, tum ab ijs, quibus huiusmodi gratissima est merces, & qui cum audierint, cordis affectu excipiunt, ac, ut ait **CHRISTVS**, fructum afferunt in patientia: & hi quidem sunt mundo plerumque inuisi & odibiles: quosque cum hic, tum aliàs propheta uocat pauperes. Et uerè pauperes ab Adæ filiis nuncupantur: cum rerum omnium, quæ carni ac mundo parere solent, amore exuti, ab eo ipso tantummodo pendent, qui propterea carnem hanc nostram miseram induit in mundo, ut & ipsam carnem, & mundum, hoc est, animas omnes illas, quæ carnis, mundique ipsius amantiore erant, ad sese traheret, secumque à dextris uirtutis Dei in excelsis beans, spiritales prorsus efficeret. Elegerat enim illas iam primum ab æterno è mundo, ne cum mundo interirent. Interim uerò, Dei uerbo, quod est uerum animæ edulium, pascentur: nedum quidem hoc, sed & saturabuntur, absque fastidio tamen. At qui, quæso, edent? Edent pauperes, edent afflicti, despecti, inglorij. Edent peccatores, publicani, lenones, meretrices, & id genus alij, qui morbo aliquo letali infecti, morbumque ipsum non ignorantes, nihil aliud tam ardentè cupiunt, quàm à prætereunte **IESV** sanari. Hi nempe, ut ait uates, sanctissimo euangelij pabulo pascentur, inebriabunturque ab ubertate domus Dei: uituli scilicet illius saginati in euangelio, pro recuperato filio adolescentulo à patre occisi, pinguedine exaturati, non è filiquis amplius porcorum uentrem eum implebunt, qui, ob fidei candorem, eburneus in amatorij canticis appellatur. Quo quidem saluberrimo cibo pastæ animæ, in eundem ipsum cibum, contrario ordine cibi corporei, transmutantur: hoc est, à deo unum efficiuntur uerbi, amore ac desiderio cum **CHRISTO**, ut nihil amplius



**A** amplius, uel cogitare, uel eloqui, uel agere libeat, quod non in sui amati honorem cedere queat omnino: cum interim diuites dimittantur inanes: hoc est, de proprijs uiribus, iustitiæque, & religione præsumentes, atque propterea se diuites existimantes, gratia omni destituantur. Ecce, ait, serui mei comedent, & uos esurietis. Verum ne in re alioqui per se aperta hæsites, cuiusmodi scilicet cibus ille sit, quem edere oporteat Dei pauperes, adiicit: Et laudabunt Dominum qui requirunt eum. Vide, te oro, quam elegantissimo, & eo quidem mirabili, ac stupore pleno, utranque rem claudat epilogo. Nam duobus prope modum uerbis, & qui sint pauperes, hoc est, qui requirunt eum: & quo cibo sese oblectari oporteat, id est, laudabunt Dominum, edisserit, Qui uerò fructus? quis finis illorum erit?

Et uiuent corda eorum in seculum seculi.

Nam, non mortui laudabunt te Domine, sed uiuentes, sed qui corda habent uiua ac uegeta: hi scilicet, qui mundana omnia, quæ inferre solent mortem, fastidiunt, abominanturque, ac in perpetuis gratiarum actionibus uiuentes, omnia bona Deo accepta referunt, totamque uitam suam illis ipsis studijs, quibus maximè delectatur Deus, consecrant, atque alijs, diuinum laudandi nomen occasio sunt. Ne putes enim diuinarum gratiarum concessiones in tepidis pectoribus facile prouenire, marcescereque debere & occultari. Diuulgandæ enim sunt, quò uita ipsa habeat, unde sese continuis successionebus in alios effundat, sciântque cæteri, idcirco uerbi Dei semen à cœlesti agricola spargi, ut coalescat, uiuâtque in æternum. Quod quidem fit, cum alter alteri uitam impartit. Cæterum uitam appello doctrinam sacram & euangelium, in quo CHRISTVS ipse, uita scilicet omnium, latet. Quid latet dico: omnibus, inquam, expositus est, magisque lucet, quàm sol iste uisibilis orbi uniuerso. Cernis modo, ni fallor, ad quantam nos felicitatem cœlestis uerbi pastio euehat ac perficiat. Sunt qui dicant hic uatem sub eiusmodi uerborum inuolucro de CHRISTI corpore ab altari percipiendo uoluisse dicere, obscure tamen, quia umbrarum illud erat tempus: modò uerò, decusso è cortice nucleo, ueritatis, Cui & prælusisse donarium illud à rege populo datum asserunt, collyridam scilicet panis unam, assaturamque carnis bubalæ unam, & similam frixam oleo, seu ut legunt Hebræi, uinifexarium. Verum literæ series me, ut de esu sacre doctrinæ, & intelligerem, & interpretarer, monuit, fultus tamen nonnullorum iudicio, & in primis Eutyrii græci, qui in hoc loco sic refert: Pauperes enim sunt ueri omnes Christiani: qui tamen spirituales cibum euangelicæ comedunt doctrinæ, qua uerè alitur, & augefcit anima. Vtrunque enim sensum prophetæ spiritu dignum esse iudico, cum & hoc, & illud, unum atque idem, eiusdemque efficaciam ac dignitatis esse, sanctos Dei uiros disseruisse uideo. Quòd si tamen inter sese paululum differre uideantur, uult Ambrosius, doctrinæ cibum, carni, ac sanguini filij Dei præstare: quandoquidem asserit, sceleratiorem rem esse euangelium Dei contemnere, quàm eius filium ex altari proiectum pedibus conculcare. Sed eius generis sententiæ obstrusiores sunt quàm quæ, nisi à perfectissimis uiris, intelligi ualeant.

Reminiscentur & conuertentur ad Dominum uniuersi fines terrarum: & adorabunt in conspectu eius uniuersæ familiæ gentium.

Vis uno uerbo dicam, quid è pastu eiusmodi saluberrimo secutum sit? Hi enim, qui ex longa peccandi consuetudine adeò in malis obduruerant, ut prorsus omnem sui conditoris memoriam è corde abiecerant, uel ignea uerbi Dei afflati, pedem actutum referunt, ac deploratæ uitæ eieccto opprobrio, decussaque omni ab anima rubigine, quæ funditus igniculos illos homini cognita-



**C**tionis Dei inditos oblitterauerant, reminiscuntur: hoc est, quæ prius nouerant, reminiscuntur. (Prænotionem hic Platonis non intelligo, cui uisum est, animas antequam corporibus uniantur, omni scientia perfectas esse: sed ob corporis hebetudinem tardiores factas, obliuisci penitus quæ antea nouerant. Ex quo concludit uir, alioqui sapientissimus, pueros non noua discere, sed uetera reminisci) ex qua quidem reminiscencia, è doctrinæ fidei auditu, per orbem uniuersum excitata, oboritur, seu magis reuiuiscit lumen: quo illucescente, fit omnium finium terræ ad Deum conuersio, ita ut iam adorent eum: uel, ut redidit Felix, genua flectant coram eo uniuersæ stirpes gentiū. Et adorabunt eum, ut alio in psalmo, omnes reges, omnes gentes seruiant ei. Non illud porro prætereundum, quod refert Eutymius, ex uir, ut ipse ait, græci uerbi, posse elici sensum passiuæ significationis in uerbo reminiscuntur: ita ut sit sententia (eius enim uerba referre libet) quod digni efficiantur, quorum Deus reminiscatur, tametsi eousque repulsi, ac neglecti fuisse uiderentur. Quid mirum igitur si nostra etiam ætate cernimus à Deo uocari ea quæ non sunt, tanquam ea quæ sunt: hoc est, eos qui ad uitæ regnum minimè pertinere uidentur, ut sunt latrones, homicidæ, scorta, & quod difficilius hucusque uisum est, tum milites, tum militum duces, ad cognitionem ueritatis ascisci, cum Deus illos ad memoriam, ut sic dicam, reuocasse censetur? Saxa (credo) inanima, si eomodo illorum diuina reminisceretur bonitas, quo perditorum hominum reminiscitur, ad uitam, alioqui ipsis à natura negatam, resipiscerent, ac conditorum suum agnoscerent, & adorarent. Hinc uides, ni prorsus hebes es, unde pietas nostra ac religio ortum habet: unde, inquam, est, quòd nunc certum per urbes, per oppida, per uicos etiam minimos, ad audiendum salutis uerbum concurritur. Recordatus est enim Dominus misericordiæ suæ, sicut olim locutus est ad patres nostros, Abraam, & semini eius, qui **CHRISTVS** est, ut ait apostolus, per quod benedicendæ erant omnes tribus terræ, Causa uerò:

Quoniam Domini est regnum, & ipse dominabitur gentium.

Quia enim forsitan in dubium uerti poterat, ac quæri, quorsum gentes, de quibus in superioribus uates mentionem fecerat, dicens: Et conuertentur ad Dominum uniuersæ familiæ gentium: euocandæ essent, ac dominico gregi inferendæ, addit: Quoniam Domini est regnum, & ipse dominabitur gentium. Quod idem fermè à Paulo replicatur Romanis scribente: Num solummodo, ait, Iudæorum Deus? Imò & gentium. Nos stultos, qui hucusque putauimus cognitionis diuinæ reliquias in fanis solummodo ac templis manu factis conuiuiescere. Et licet quorundam uita aliena prorsus ab huiusmodi uulgari opinione foret, tamen, quæ male suasæ sanctitatis natura est, facile à quauis boni specie nobis imponi patimur, homines, si Deo placet, uasri, & prouidentes. Fatendum est igitur, quòd quemadmodum Deus rerum est omnium & conditor, & Dominus: ita omnes omnium mundi climatum, ad sese occultissimis afflatibus attrahere, siue fidelis, siue infidelis is sit, qui trahitur. Non publicanus, non fur, non latro, non parricida, non mercator, non miles, non quicquid uspiam gentium est, quod diuini calor is sit capax, seu uir, seu mulier sit, se excludi arbitretur, quin potius audeat, promptaque fide persuasum habeat, **CHRISTVM** non posse non reminisci eorum, quorum gratia tam dira à suis perpeffus est in terris. O felicissimum mortalium omnium euentum. Vis de quid addit:

Manducauerunt & adorauerunt omnes pingues terræ.

Versus iste suboscuro est, idcirco uariè enarratur: quæ tamen uarietas in interpretandis sacris libris, quammaximè, nisi fortè ad rem faciat, uitari debet. Videtur



A. Videtur igitur hic mihi uates illud idem dicere, quod alio in psalmo dicit: Vultu tuum deprecabuntur omnes diuites plebis, ut idem planè sint, & diuites plebis, & pingues terræ: hoc est, opulentiores, qui rerum affluentia lasciuiare solent. Et qui cum, secundum euangelium, difficilius Dei ingrediantur regnum, quam acus foramen cameli: diuinæ tamen maiestatis nomen affatim illustratur, si & ipsi cum pauperibus Christi ad saluberrimum cibum hic euangelij, illic postea apertæ deitatis admittantur. & est perinde ac si dicat: Quàm ex animo celebranda est Dei bonitas, quæ adeò sese in omnium salutem uniuersaliter, ac in omni loco & tempore diffundit, ut uel ipsi rerum domini, & potentissimi uiri, alioqui à mensa æternæ cœnæ propemodum exclusi, ad esum agni asciscantur, illique, flexis poplitibus, quod potissimum, externum licet, ueræ pietatis indicium est, suum erga Deum testentur animum. Neque hoc solum. Audi rem dictu incredibilem. Ipsi etiam mortui, sepulchròque conditi, siue, ut legit hebræus, in puluerem descendentes, proni in faciem coram eo cadent: hoc est, eum, uel inuiti, adorabunt. Hunc enim sensum nonne tibi uidetur illi seruatoris sententiæ conuenire? Venit enim, inquit, hora, & nunc est, quando mortui audient uocem filij Dei, & qui audierint uiuent. At unde tanta bonitatis copia? quia uitam propriam, inquit, non est dedignatus pro illis impendere. Nam quod nos legimus in principio sequentis uersus, Et anima mea illi uiuet: Hebræis præcedentis est finis, hoc modo: Coram ipso adorabunt omnes descendentes in puluerem, quoniam animam suam non uiuificauit: uel, ut diuus reddit Hieronymus: Et anima eius non uiuet: hoc est, animam suam non uiuificabit, sed pro ipsis eam tradet. Verùm quò simplicioribus, atque in uulgata æditione enutritis consulatur, erit dicendum:

Et anima mea illi uiuet, & semen meum seruiet ipsi.

B. Filius Dei est qui loquitur: cui quidem è tumulto excitato, glorificatòque, ac ad dexteram patris collocato, omnia iam genu flectunt: sed & mortui ipsi, secundum tempus præfinitum à patre, è puluere experfecti, suam testabuntur reuerentiam & timorem: non quidem mortuo Deo, ut sunt dii gentium, sed uiuenti in secula. Et anima mea illi uiuet, quasi dicat: Ego filius uiuens propter patrem, uiuo ipsi, hoc est, totam uitam meam illi tanquam maiori refero, ac totus, quicquid sum, ad eius gloriam uiuo. Nam meam propriam in hoc mundo gloriam non quaero, sed eius qui misit me, patris. Hincq; semen meum mecum ipsi seruiet, hoc est, eo modo, quo illi ego seruiò: ita filij mei euangelico semine concepti, nati, enutriti, deseruient. Quòd uerò fuerit CHRISTI obsequium patri exhibitum, næ eius semen non es, si rem tam apertam ignoras. Neq; enim est, quod nostram contegamus ignorantiam. Apertior enim res est, quàm quæ uel à uetula ignorari queat. Exploratissimum, inquam, iam factum est omnibus, quàm piam, quàm sanctam, quàm puram, Christus in hoc mundo uixerit uitam. Norunt & ipsi infideles, quantum obsequens fuerit patri: quantum patiens, quantum mundanarum rerum, & in primis gloriæ, contemptor: quantum ad referendum par pari in iniurijs obliuiosus, in beneficijs uerò etiam irrequisitus propensus. Quis rursus tam barbarus, uel ultra Sarmatas uiuens est, qui ignoret eius mansuetudinē? prudentiam: facilitatem: benignitatem: ac, qua maximè bonis omnibus gratus erat, comitatem: Nonne ille in furta, in adulteria, in occisiones, in libidines, in odia, in rapinas, & huiusmodi alia inuectus, testabatur Dei iram in illos futurā, qui eius generis facinoribus irretiti, nihil antiquius in uita ducebant, q̃ contempto Deo, calcatis uel legibus, iure & æquitate, in sceleribus uiuere? Quis porrò unquam à tyrannorum metu, cōsuetudineq; & amicitia, tam liber fuit? Quem unquā uidimus cum tanto stomacho pharisæorū, scribarum, sacerdotū uic, atq; huiusmodi latrinarū mores, & uitam detestatū palam esse? Omitto enim amorē illum immensum in miseros,



**C**in ægrotantes clementiam, in destitutos opem, in peccantes commiserationē tantam, quantam nunquam exhibuit in filios mater, iam clauos illos atroces, quibus ignominioso ligno pro te, ô homo, confixus fuit, ne patri non obediret, prætereo, Prætereo diutinos cruciatus, languores, tormenta, & ea quidem diriora, quàm quæ unquam, nec ab ipsis quidem immanibus expectari potuerint Cyclopibus, Atque hæc sanè omnia, quò patri suum probari posset obsequium, atque ex animo famulatus, Quasi enim per excessum illius faciem, qui semen Christi effici cupiat, deliniam: quanquam imperfectè, Complura enim is sibi, præter ea quæ à me dicta sunt, deesse arbitrabitur: quæ sanè omnia in Christi uita ac moribus, tanquàm in uirtutū omnium archiuo, accumulatisimè apparent, Non enim frustra Deus, qui eo quidem proposito homo factus est, ut homo homini abolitam naturæ legem innouaret, rectèque uiuendi formam traderet, nobiscum in terris commoratus est, Tantum porrò abesse debet, ut uulgari mediocritate cōtenti, nunquam eò perueniendi nauemus operam, quò non ascendisse, Christi uitam contempsisse indicium erit. Neque illos profectò admodum laudare possum, qui cum à turbis semoti, uitam sibi perfectiorem, quàm uulgò uiuitur, instituunt: nihilo scilicet tamen (utinam non turpius) neque altius sese à terra eleuant, quàm qui propter rerum familiarium sollicitudinem ac curam, humi deprepsi, uix interdum se Christianos esse reminiscuntur, Nos miseros, qui tam inconsideratè, superatis uastis pelagi difficultatibus, in portu allidimur,

Annunciabitur Domino generatio uentura: & annuntiabunt cœli iustitiam eius populo, qui nascetur, quem fecit Dominus,

Hic absque dubio ecclesiæ Dei perpetuitatē uaticinatur propheta. Nam quod superiori uersu cecinit, Et semen eius seruiet ei: credentium posteritatem, quæ **D** mortuo Domino in eius ecclesiâ successura erat, prædixit: modò eandem ipsam asserit illam esse, quæ populus Dei à cunctis appellabitur, quæ & æterna erit, Cœli dictio, neque in hebræo, neque in græco inuenitur: idcirco redundat, Neque rursus, quem legendum esset: sed quæ, aut quoniam, hoc modo: Semen seruiet ipsi: narrabitur, seu numerabitur Domino in generatione: uenient, & manifestabunt iustitiam eius populo genito, quoniam fecit: uel, quæ fecit Dominus, ut sit sensus: Semen eius, hoc est, posterī seruient Domino, atque in spiritu & ueritate eum colentes, populus peculiaris, gensque sancta ac pura, illi censebuntur, Insuper hæc de Domino, quæ dixi, scribentur, quò posterī omnes intelligant, ut & ipsi ueniant, & filijs quoque suis, qui ab illis nascentur, annuncient Dei iustitiam, Sed quam iustitiam? quoniam ipse fecit, omnia scilicet, quæ ad salutem hominum pertinent, Nihil enim non fecit benignissimus Dominus quò à peccati, atque propterea mortis imperio electos, semen uidelicet Dei eximeret, Sirte me, ait, omnem iustitiam exequi, hoc est, permitte me omnem morum rectitudinem, omnemque, atque eam quidem absolutissimam bonitatis normam ostendere, Sic enim Hebræi appellant iustitiam: quemadmodum Græci, qui eam diffiniunt esse uirtutem omnium summam, Quocirca nescio an rectè iustitiam dicant esse quidam iuris seueritatem illam, quam opponere solent misericordiam, Iudicium id potius in scripturis, ni fallor, appellatur, quàm iustitia, Cæterum licet, ut dixi, neque in codicibus hebræis, neque in græcis, quod sciam, cœli dictio habeatur: non uacare tamen à decore arbitror, cum eiusmodi dictiones, uelut gemmæ, fortuito quodam ornatu scripturæ interseruntur, Quamobrem hic putant, per cœlos, apostolos adumbrari, qui iustitiam Dei, hoc est, immensam diuinæ bonitatis amplitudinem, qua Deus ipse, non solum & Deus, & pater nobis esse uoluit: sed homo factus, & is omnium despectissimus, proprio cruore, & morte, hominum genus infinitis errorum tricis illaqueatum, in libertatem filiorum Dei



**A** rum Dei uindicauit; intrepide diuulgauerunt. Hanc itaq; iustitiam diuinam, non humanam, non superstitionibus foedam, praedicauerunt, continuoq; praedicant felicissimi coeli isti. Cui, quaeso, praedicant: populo nimirum ex aqua, & spiritu renato, & quem fecit Dominus: hoc est, quem sibi cum doctrina, tum crucis semine progeniuit, ut illud maxime uerissimum sit de electis elogium Osee, qui ait: Filij facti sunt Dei uiuentis.

## PSALMVS DAVID. XXIII.



Omnis regit me, & nihil mihi deerit: in loco pascuae ibi me collocauit.

**B** Felix prorsus Christianorum conditio, si quemadmodum crebro, & hoc, & huius simile de Deo testimonium ore proferunt: ita persuasum animo haberent, sibi nihil, quod ad suam, tum corporis, tum animae, spectat salutem, deesse posse, Deo propicio, tutore, & duce. Haud raram quidem huiusmodi translationem in scripturis esse inuenies, qua Deum pastorem, nos oues uocari legitur. Nec sane id absq; altissimi consilio factum ducimus. Nam sicut nullum aliud pecus tanta aequè indigere cura & sollicitudine cernimus, quanta ouis tenella, & quae minus sese tutari, sibiq; prospicere ualeat: ita hominem animantium omnium, si corpus spectas, miserrimum, interire omnino necesse est, nisi illum benignissimus atq; idem peruigil pastor Deus, continuo ducat, pascatue, ac ad aquas, ut ait propheta, refectionis minet. Hac igitur Dei cura ac prouidentia cum Dauid sese indigere pernosceret, atque adeo omnes Adae posteros secum, non tantum per se solum, quantum uice omnium, qui in latissimis ecclesiae pascuis uicturi erant, gloriatur hoc modo: Dominus regit me, & nihil mihi deerit: in loco pascuae ibi me collocauit. Felix ex hebraeo sic legit: Dominus pastor meus, non deficiam. Quem alius secutus interpres, sic reddit: Dominus pastor meus, non egebo: neque ultra primum psalmi uersum protendi existimant. Quod & affirmat paraphrastes: Dominus, inquit, pascet me, quare nullius egere potero. Nonne tibi uidetur hoc idem Paulum dixisse in epistola, quam Corinthiis scripsit: Omnia, inquit, possum in eo qui me confortat. Certè equidem cum ex longa rerum experientia, tum ex ipso acerrimo afflictionum tumultu edocti, non ignorare possumus, quod homo, cum se duci à Deo, atque ab eius indeficiente gratiarum fonte potari senserit, durior quidem silice erit, ni benefactorem agnouerit: hoc est, ni eum supra omnia amauerit, reuerentiæque ea, quae filium decet, timuerit. Proinde cum eiusmodi timore affectus fuerit, nihil sibi deesse posse arbitrabitur, cum non ignoret à Dei spiritu promissum esse, quod nihil deest timentibus eum. Neque hic mihi metum illum orbis uniuersalem obijcias, quo tonitruis, fulgetris, ac terramotibus, cuncta territat Deus: aut cum armatae acies in coelo dimicare, spectraq; nocturna, atque alia terriculamenta apparere cernuntur. Nemo enim inter mortales tunc est, qui non timore commoueatur, atque ob id uotis omnia, quae in mentem ueniunt, pollicetur. Propulsis tamen postea ab aëre nimbis, atque à mare procellis: terriculamentis rursus illis in somnium resolutis, aut ab aëris corporibus electo morbo, aut non reddunt, aut aegre reddunt, aut etiam in commodiorem sibi usum commutant, quae promiserant. De hoc enim illa laudato metu, tantum abest ut uel hic, uel unquam alias loquantur Dei interpretes, utpote qui in sapientem quoq; uirum cum cadere possit, eum tamen à recto rationis statu, ac iudicio, non dimoueant. Timete, inquit, eum, qui potest animam mittere in gehennam ignis. Sed neque de hoc genere timoris, hic locus, ut diffusius pertractemus, requirit. Ceterum illud quod nos legimus: In loco pascuae ibi me collocauit, alia litera sic habet: Intra, Deum pastorem, hominem uero ouem nominasse, nisi & commoda ob pastor-



**C**ris uigilantiâ ouibus prouenientiâ, in translatione perseverans, exprimeret. Quorum quidem id unum potissimè necessarium esse uidetur, ut non longè à pascuis stabula collocentur, illis maximè in regionibus, ubi umbræ raræ sunt. Medio enim die, aiunt peritiores gregis, cum incrudescit æstus, in umbrâ deducendos esse greges, ne lac æstu præreptum nimium exiccetur. Quocirca ubi arborum adumbras, in uastis præsertim solitudinibus, haberi nequit: id septorum, mapaliûm uel cinitate fit satis. Hic primum igitur se iacet anima illa, quæ uerè nouit, uana omnia sua esse studia, uanum iter, uanum item laborem & sudorem, nisi diuinæ prouidentiae benignitate regatur: & clamat: In pascuis amœnissimis recubare me fecit Dominus: uel, ut legit Eutymius: In loco herbarum, in loco ubi erant optima pascua, me collocauit. Summa itaq; Dominus uberrimum mihi pabulum præstitit. Caveas uelim hic, cum pascua herbarum audis, aut trifolium, aut gramē aliud, quo pasci debeat anima, imagineris. Est sanè res altius peruestiganda, nec à pascuis opimis fidei ac sacrae legis, auertenda mens est: ne corrupto, propter rerum corporearum imaginationem, animo, intellectus alioqui perspicax & acutus, à diuinarum rerum contemplatione deturbetur, uisq; ea coelestis aduentitijs quibusdam somnijs contenta, in considerandis rebus nihili immoretur. Cum enim animus, quem purgatissimum esse uolumus, ad contemplanda coelestia se rapi senserit à Deo, ac trahi, nihil agit, nisi euulsis quodammodo mundanarum imaginationum, atq; affectuum radicibus, liber ad illa peruestiganda se totum dedat, ad quæ appetenda natura se natum intelligit. Humana quippe omnia, mortalium animo, cui uigor igneus est, ac coelestis origo, inferiora sunt. Quare summus error est, in illis requiē quærere. Seruire enim debent, nō imperare animo, quaecunq; cōdita sunt.

Super aquam refectionis educauit me.

**D** Vide aliud gregis commodum, aquarum scilicet copiam: quod sanè Dauid à puero didicit. Pastor enim fuerat, ut penè cæteri omnes antiqui patres. Felix scilicet: Super aquas requiei, hoc est, ubi defatigati libenter requiescunt homines. Quod quidem seruatori nostro contigisse legimus apud Samaritas. Et uerè refectionis aqua leniter fluens, ut reddit paraphrastes, est Dei spiritus: ad cuius ripas defatigatus cum sederit animus, mirum in modum refocillatur, ac uires penè in conspectu cum carne & mundo attritas reassumit. Quas putas aquas illas esse Esaiæ, nisi hasce, de quibus modo loquimur? Haurietis, inquit, aquas in gaudio de fontibus seruatoris. Mirum si cogites uatem de aquis Siloë, aut Iordanis, sermonem facere: quibus quidem, uel à fundo ipso, ab aliquo epotatis, is rursum sitiet: illa uero, uel summis labijs degustata, totam animam adeò in se transmutat, ut deinceps nunquam, ut ait Christus, sitire possit. Nimium, crede mihi, in cōtemplandis diuinis beneficijs torpidus es, o tu, qui ad Dei obsequia speciali quodam spiritu cultu te ascitum uideri efflagitas, si nondum sacras hasce undas à Christi spiritu emanantes sensisti. Vide, obsecro, tuamq; tute ex animo rem perpende: quomodo scilicet propemodum à publicanis & peccatoribus, in puritate uitæ, anteuertaris. Quàm profectò mihi, ne de alijs dicam, uerendū est, quàm pertimescendum, ne ego quidem unā cum mea de meipso, rebusq; meis opinione, proximum, amaras aquas destitutus, uideam interim, nescio quos, cum Domino meo, super puteum Iacob confidere. Verum timendum ne mihi semper erit: num desperandum minime quidem, postquam

Animam meam conuertit.

A se enim auersam conuertit Dominus animam meam, alioqui uagam, & errantem: in superq; eam ipsam siti, atq; inedia periclitantem, sui spiritus cōsolatione refocillauit. Ad unum eam à multis, à perturbationibus ad quietē, à rebus cōditis, caducisq; ac maiori celeritate labentibus, quàm sit torrens rapidus, ad immortale, increatum, incommutabileq; bonum, adeò prorsus conuertit, ut planè mihi uidear



A uidear, Dei dono, id breui, quatuor scilicet annorū spatio, quibus per solitudines uagatus sum, affectus, quod uix in tota uita mea, quamuis ad multos annos pro- rogata, in claustris uiuens sperare unquam ausus fuisset. Ipse, ipse enim fuit, non mea uoluntas, non desiderium, non studium, non conatus, qui

Deduxit me super semitas iustitiæ.

Seu, per semitas iustitiæ, ut habetur ex hebræo. Hic rursus opera precium erit, iustitiam, eam esse uniuersalem uirtutem, quæ ceteras omnes complectitur, diffinire; semitas uerò illius, alias particulares uirtutes, quæ, ut uerbis utar Eutymianis, ad illam uniuersalem tendunt. Idcirco uates in hoc loco iustitiæ nomine, uitā per omnia legi Dei respondentem intelligit, & est sensus: Deduxit me Dominus, hoc est, ita formauit atq; instituit, ut totus omni bonitati studens, nihil iam mihi sapiat, aut gratum sit, quod non à dignioribus huiusmodi iustitiæ partibus proficiscatur. Erraui equidem iam diu sicut ouis sine pastore, aut instar infantis, qui amœnitateripæ fluminis illectus, dum inconsulto, quæ est eius ætatis natura, sese à matris tutela elongat, in aluei torrentem infelix proruit, ni mater natura in filiorum periculis suspiciosa, se à thalamo proripiens accurrat, puerumq; iam iam cadentem, uide nescio qua, celeris, præcipitio clamans retrahat, sed non absq; iurgijs, minis interdum ac uerberibus. Illo scilicet modo me in errorum semitis spatiantem, nec finem quò ambitionis me traherent illecebræ considerantem, aut in consideratione illa prorsus conuiuentem, retraxit Deus, non absque tamen dolore & castigatione. Et hoc quidem propter nomen suum, hoc est, tam immensum bonum à spontanea illius bonitate, ac quæ me ante mundi constitutionē deamauit, charitate, originem habuit, ut ipsius solius nomini, non meo, sit gloria: cuiq; solummodo maximæ, ut maximis in beneficijs solet, habendæ sint gratiæ.

Nam si ambulauero in medio umbræ mortis, non timebo mala, quoniam tu mecum es.

Non hic prætereundum, quomodo anima quoq; ipsa, quibus ad Dei contemplationem pertingat, suos habeat gradus: quos quidem in ipso statim psalmi exordio mihi uideor comprehendisse. Simulac enim cœperit sese totam diuino mancipare obsequio, sacræ illico doctrinæ undis uberrimis perfunditur, ac cœlitus resonat. Nam fides quidem ex auditu, auditus autem per uerbum Dei: à quo factus mirabili, atq; adeo secretiori quodam modo educatur, pinguescit, atque ad cognoscendum uerum alitur. Porro ex cognitione grandiuscula facta, amore ac desiderio consequendi rem cognitam, inflammatur: quo quidem adepto, à cognitione atq; amore cogniti, dispositio quædam, ac habitus ad frequentandas iustitiæ semitas oritur: quas planè nusquam esse nouit, nisi in Christo Iesu incarnato, in quo rectè beateq; uiuendi totam summam consistere arbitrat. Ex quo nimirum instructo fit, quod si aliquando illi peccare contingat, non actutum desperet: quia iam aliàs, Deum esse, qui de stercore erigat pauperes, experta est. Ad hæc, si, reassumpto animo, postea se sentit à Deo igniculis quibusdam ardentioribus, à Hiericonis ueluti campis ad montem Dei Oreb sustolli, non intumescit, non suas iactat uirtutes atq; operationes, sed magis fatetur, clamatq; se ab alio ad uias iustitiæ, non ab sese reductam esse, cum absq; diuino præsidio nihil omnino sit hominū ad assequenda cœlestia propositum & conatus, quantumuis & rationem, & arbitrium, & bonam, ut uocant, uoluntatē in se esse noscant. Nam si, ait, ambulauero in medio umbræ mortis, non timebo mala. At unde tanta de se fiducia? Quoniā, inquit, tu mecum es. Idem ferme Hieremias: Dominus, ait, mecum est quasi bellator fortis. Vnde non immeritò Iob ille in tribulationum igne millies excoctus, quasi bel- & cuius manus pugnet cōtra me, Paulò secus hunc uersum ex hebræo legunt: Etiam cum ambulauero per uallem tenebrosam non timebo malum. Idem para-



**C**phraſtes: Etiam ſi eundem mihi ſit, ait, per uallem tam opacam, ut umbra illius mihi mortē minitetur, nihil metuum. Vt hic clarè perſpici liceat, nihil aliud per umbram mortis prætendi, quàm horrendam mortis ſpeciem & imaginem: quæ uti inſeſtiſſima quædam Aleſto nos uſque diuerberans, in maximiſ periculiſ ob oculos aſiduè uerſatur: quemadmodum in uinctiſ ob capitalia ſcelera uidere eſt, qui etiam antequam à liſtore truncentur, centieſ in horam moriuntur. Et hunc quidem ſenſum Eutymio arriſſe uideo. Sic enim ille: Vmbra mortis labor ille eſt, qui in aliquo arduo inuenitur periculo: qui ob doloriſ ac deſperationiſ acerbitate, quæ morti ſimiliſ eſt, umbra mortis appellatur. Porro ne ſolum hanc mentis ſtragem in male affectiſ hominibꝯ ineſſe credaſ, uide de ſe quid dicat apoſtoluſ: Supra modum, ait, grauati ſumus, ſupra uirtutem, ita ut noſ tæderet etiam uiuere: ſed ipſi in nobiſ ipſiſ reſponſum mortis habuimus. Si fuero igitur in tenebriſ mortis, in caligine peccati, in tetra inferorū nocte, adhuc bene ſperabo, nec eo preſente quicquam mali timebo. Hæ ſunt profeſſò doteſ illæ præcipuæ in regno dei, quibꝯ noſtriſ in actionibꝯ ſperare, atqꝫ in peccatiſ animum deſpondere deſciſimus. Cæterum uifum eſt aliſ etiam umbram mortis peccatum eſſe ad mortem: mortem uerò ipſam, æternam damnationem. Nam quemadmodum umbra corpus, ita peccatum mortem comitari ſolet. Hi enim qui peccato uiuunt, hoc eſt, qui Deo mortui ſunt, uiuentes in corpore, nondum, & ſi uerè mortui ſint, ad mortem illam, ubi ſempiternuſ horror inhabitat, deſcenderunt: ſed adhuc in umbra ſtertunt, nondum umbra corpus attingit, nondum prorfus occubere. Quo quidem periculo circumuentuſ ille atqꝫ admonituſ, qui licet ſeptieſ in die cadat, ſpem tamen, uti ſacram anchoram, in naufragij periculo non deferit, ſed adhuc in meretriculoſo pectore ſcintillulaſ quaſdā fiduciaſ palpitanteſ ſentiens, ut poteſt ſubmuratur, dicent: Si ambulauero in medio umbræ mortis, nō timebo mala, quoniam

**D**tu mecum eſ, Quoniam, inquam,

Virga tua & baculuſ tuuſ, ipſa me conſolata ſunt.

Hoc eſt, cura tua paſtoraliſ mihi ſummam animi ſecuritatem præſtitit: nam pedum legit Felix, pro baculo. Quem ſecutuſ paraphraſteſ, ſic reddidit: Pedum paſtorale tuum à metu liberabit me. Vnde fatetur Hieremias ſe imperturbatā egiſſe uitam, poſtquam ſecutuſ eſt Deum paſtorem. Plurimum enim ſecuritatiſ ciuium animiſ afferre ſolet princepſ, qui magiſ paſtorem ſe exhibet & patrem, quàm Doſminum & tyrannum. Tum ſanè ciuitaſ in utranque (ut aiunt) dormit aurem, fit diueſ, fit cæteriſ formidabiliſ, expereſ factiõnum, religioniſ dedita, unanimiſ, proſmiſſorūqꝫ obſeruantiffima, ac pro tutando ſuo paſtore fit ſponte ſua adeo munita, ut non admodum exteri deſiderandi ſint militeſ, qui pro focis atque aris principiſ dimicent. Contra uerò nihil non tyranno à ſuiſ ciuibꝯ eſt timendum. Nam cum aut rerum facultatibꝯ, aut liberiſ, aut uxoribꝯ quoque ipſiſ propriiſ expoſtari ſe uident, ea interdum moliri animo coguntur, quæ, ne hoſtiſ quidem crudeſliſſimuſ, cogitare auderet, nedum agere. Verum quia tanta iam inter homineſ peccandi ſuccreuit licentia, ut non ſemper paterno baculo aut pedo, ſed uirga, & ea quidem ferrea interdum & dura, in coërcenda quorundam temeritate opuſ ſit, hoc agendū à principe, quod hic fatetur uateſ in mortaleſ omneſ agi à Deo. Qui quidem cum noſ à prauo uitæ itinere auocat, cum erranteſ ad reliquum gregem reducit, cum admonet, cum rogat quoque, ac, quando opuſ eſt, percutit, uti uirga uidetur. Cum uerò imbecilleſ tolerat, atque illiſ opem, ſufferentiamqꝫ in tentationibꝯ, ut poſſint ſuſtinere impartit, paſtorali eum baculo, ſeu pedo uti dicimus. Summa igitur: Tu peccanteſ me corripiſ, laboranteſ uerò, ac ſub tentationum mole nutanteſ, toleraſ & ſuſtentaſ. Quid uultiſ, ait Pauluſ? In uirga ueniam ad uoſ: Videſ hic Paulum uirgam Corinthiſ minitanteſ? Quid illud? Filioli mei, quoſ iterū parturio, donec reformetur in uobiſ Chriſtuſ. Nōne hic ubi uidetur Pauluſ,



**A** Paulus, non dico baculo amplius pastorali, sed materna quadam erga filios transformatione uti? Hic finis tandem eorum est, qui idcirco ad gubernandas animas asciscuntur (temeritas enim est sese ingerere, & non uocatos accedere) ut amanter profint, non ut crudeliter præsint, aut temerariè imperent. In hoc loco notat Eutymius dictiōem illam qua nos legimus, consolata sunt, Græcis esse aduocauerunt, quod quia admodum conuenire, & uirgæ & baculo, uisum est, libenter addidi. Nam propterea pastorem uirga uti cernimus, non tantum ut pigritantem gregem urgeat, cogatq; quantum ut aberrantem, in rectam aduocet uiam. Quæ nimirum uirga in rebus animæ ab antiquis patribus disciplina appellabatur: & quæ, ut ait Paulus, licet in præsentī uideatur non esse gaudij, sed mœroris, pacatissimum tamen fructum postea exercitatis per eam reddet iustitiæ. Et hæc de uirga ac baculo. Cæterum tu Domine

Paraasti in conspectu meo mensam aduersus eos qui tribulant me.

Solet enim inter huius uitæ oblectamenta, illud in primis existimari, quo laetis inter se conuiuæ epulis, ad tripodas alter alterum, quod aiunt, prouocat. Hinc sumptum aliqui autumant, tum hic, tum aliàs in scripturis, mensæ uocabulo præcipuas delectationes in animam cœlitus immixtas significari: cuiusmodi sunt igni culi illi ardentes, quibus ad mundanarum rerum neglectum accendimur, atque ad appetenda cœlestia inanimamur. Interim uerò ad alterius mensæ, sacræ scilicet legis cognitionem, supramundanæque communionis participationem admittimur. De ijs enim omnibus hic loquitur uates. Quorum quidem lautitia exaturatæ animæ, hostibus humanæ naturæ solent esse terrori ac formidini: idcirco à spiritu dictum est: Aduersus eos qui tribulant me. Itaque sensus erit: Adeo (inquit) me lauta dignatus es gratiarum tuarum mensa, utpote in conspectu tuo, ut uidens tibus, rumpentibusque sese ac liuore contabescantibus inimicis meis, sperem ad mensam illam tandē ascisci, ad cuius delicias percipiendas, tam amanter tuos prouocas, dicens: Ecce trado uobis regnum, ut edatis & bibatis super mensam meam in regno meo. Adeo ne intellectu tam hebeti uiuitur, ut putemus esse in hoc mundo delicias, aut uoluptates cum illis comparandas, quibus anima afficitur in rerum diuinarum cognitione & gustu. Quid cum cor desiderijs illis infinitis peruestigandæ ueritatis exæstuat, atque in iam cognita conuirescit? Quis indicibilem illam potis est exprimere suauitatem eorum, qui dignè, ut tanta postulat maiestas, uenerandum Christi corpus è sacerdotis manu percipit? Eliquesceret, crede mihi, omnino anima, atq; amore insaniret, si, uel semel quidem, seriò, & diligenter consideraret, ad quantam promoueatur altitudinem, cum ab huiusmodi sacrarum mensarum edulio non, ut merita est, abigitur, quin potius inuitatur, allicitur, ac, ut digna sit, à cœlesti sponso secretioribus quibusdam modis atque affatibus, perperagatur. Vide (ô genus armorum) diuinæ bonitatis in suos prouidentiam, atq; amorem tenerum. Nam cum necessariò cum hostibus confligendum sit, nō duras galeas, non triplici ex are contextum thoracem, non enses, non peltam nobis parat, sed delitiosam mensam ac conuiuium, & quod pluris æstimari debet, in conspectu illo suo, quo uel à longè prospecto, fugantur quantumuis fortes hostium cunei. Neque hoc satis quidem, sed insuper, quò nihil lautitiarum mensæ tam opimæ desit,

Impinguaasti in oleo caput meum.

Haud hoc quidem omnino ab historia rerum antiquarum abhorret. Aiunt enim morem hunc apud Iudæos, & præsertim in Palæstina, celebrem fuisse, quod in conuiuijs maxime diuitū, unguenta, quibus ungerentur conuiuæ, adhibebantur. Quem sanè morem non obseruatum à pharisæo illo euangelico, uidetur Dominus minus in suæ causæ defensionē assumpsisse, cum ait: Oleo caput meū non unxisti:



**C** hæc autem unguento unxit pedes meos. Quæ quidem consuetudo, quemadmodum cæteræ illius gentis actiones ac ritus, adumbrabant fore, quòd aliquando homines preciosiori, quàm sit Cirthacum, aut Megalium, perfunderentur balsamo: quod sanè alio in psalmo à propheta oleum exultationis & lætitiæ appellatur. Hic est spiritus Dei: qui cum mentem aliquam implet, mirum si in exteris rebus consolationem sumere appetat: cum nihil omnino sit in rebus conditis, quod tam animam exhilarare queat, quàm spiritus unctio ea, quæ, ut ait Ioannes, docet omnem ueritatem. Sensus igitur: Tu, ô Domine, caput meum, mentem scilicet meam, illi sanctissimi spiritus unctione saluberrima perfudisti, impinguastiq;: cuius fragrantia, atq; suauitate conspersa, cætera iam mortalium omnium odora mentis infudit. Quare cum id considero, non possum (fateor) non supremum in modum in calamistratos nostri huius æui mores excandescere. Adeò enim præposterè uiuuntur, ut in ipsis quoq; mortuis (scio quos mortuos appello) huiusce generis perfusiones, quæ uerius meretriciæ dici possunt, quàm Christianæ, locum habeant. Timentum ne capitis tam precioso suffitu placare quæris? Quid cordis tremori è musco atque electro confectum puluisculum apponit mortuus? scilicet tua per se sibi non satis nota est mollities, nisi prætextu languoris eam alijs etiam diuulges. Nul- lam certè amplius fumigationē, aut pigmentum huiusmodi preciositatis his, qui & habitu, & moribus, præ se ferunt uitæ obitum, usui esse uult pater cœlestis: sed illa solummodo amat odora, per quæ caro impallescat, spiritus uerò uegetus factus, de die in diem renouetur, ut ait Paulus.

Et calix meus inebrians, quàm præclarus est.

Paraphrastes sic: Et poculum meum ad summum usq; impleuisti. quò intelligas, uatem in translatione mense lautioris manere: ob idq; consideres, ad quam rerum cœlestium affluentiam interdum uocetur anima, cui de manu Dei ad summum usque exundans propinetur poculum. Porro calix iste ebrietas spiritus est, qua mens extra se posita, attonita efficitur, oblitaq; penitus sui tota in amatum fertur. Ebrius enim, eo maxime tempore, quo prima nondum decocta egestione, ebulliunt uenæ, stupidus omnino redditur, gressibus titubat, eaq; quæ ob oculos uersantur, non uidet, non audit, mutus planè fit, atq; ea demum, quæ aut agit, aut cogitat, confusa sunt, ac stupiditatis plena. Ita se habet in corporeis, carnaliumq; hominum conuersatione & consuetudine, anima plenissimo spiritus craterediluta. Cum enim cæteris uix sui compos uideatur, utpote hisce in rebus exteris plane inutilis, atq; omnium sensuum officio destituta, quæ appareat, deridetur, à perulantiumue multitudine exhibilatur, subsannaturq;: in honoribus præteritur, contumelijs afficitur, ac demum toto suæ uitæ curriculo ac motu, omnibus innotescere efflagitat, nihil in terris aliud fuisse filij Dei uitam & crucē, quàm stultitiam, apud huius mundi præsertim sapientiores. Interim uerò (quæ gratissimarum mentium natura est) sentiens sese illius ebrietatis, de qua etiam per Hieremiā loquitur Deus, dicens, Inebriaui animam lassam: ardore occupatam, prorsusq; accensam, miratur quàm efficax sit calix istiusmodi, qui sic reddit corpus ad actiones inutile, se uerò agilem ad Dei opus operandum. Idcirco admirans ait intra se: Quàm præclarus calix iste est, quàm exundās, quàm potens, quàm efficax, quàm diuinus, quàm superabundans, cum ex eo quilibet sitis ardorem sedare ualeat. Cæterū calix iste, euangelium est, crux est, sancta cōmunio est. Nōne, ait Paulus, calix, quem cōmunicamus, participatio sanguinis Christi est? Nōne is est, qui animā prorsus ebriam, hoc est, terrenarum rerum omnium immemorem, sitibundam uerò diuinarum facit: Haud sanè mirum. Nam qui bibit, ait Dominus Iesus, meum sanguinem, in me manet, & ego in eo. Quid, oro, præclarius audiri potest: quid nobilius, quid efficacius?

Et misericordia tua subsequatur me omnibus diebus uitæ meæ. Non



**A** Non possum non summo opere, cum hæc lego, tum Dei immensam in electos benignitatem, tum eorundem ipsorum dignitatem, & mirari, & uenerari, simulac ordine ab eo, quem in quotidianis hominum successibus fieri cernimus, diuerso, iustissimo tamen, & planè Dei spiritu digno, inter Deum & hominem iniri foederam uideo. Lex enim quædam ac pactio, à primis iam rerum conditarum exordijs, hominū cum fortuna, seu terrena felicitate, labili uidelicet & caduca, sancita fuit, ut illa fugeret, hi persequerentur, & frustra sæpe. Nam ipsa aura uelocior omnem omnium cursum præuertit: ipsisq; insequentibus, cum se capi simulat, egregiè imponere consuevit. At secus sese habet diuina bonitas, & ut ait uates, misericordia, cum suo figmento. Illud enim (quæ est hominis conditio) tardi semper incessus ad meliora, non solum non insequitur felicitatem illam æternam, ad quam tamen insequendam conditum est, sed eam fuga auersatur. Illa contrà, suo fugitiuo sese ultro obijcit, eum rogat, urgetue, ut se, uel rogantem saltem capere non grauetur. Si quidem ea semper Dei erga nos fuit bonitas, ut non tanto studio nos nobis, ut bene sit, quæramus, quanto ipse, ut nobis beneficiat, & quærât, & rogat: & illud quidem omnibus diebus uitæ nostræ.

Et ut inhabitem in domo Domini in longitudine dierum.

Parum quippe esset erumnosam hanc uitam nostram in uirtutum exercitationibus attriuisse, nisi dierum longa & æterna mansione donaremur. Sensus porro huius ultimi uersus sic cum superiori cōnectit paraphrastes: Certò certius, ait, benignitas tua, & misericordia, comitabitur me per omnem uitam meam: quare tandem inhabitabo domum Domini diebus nunquā finiendis. Neq; hoc quidem inter mediocria Dei dona in electos collata connumerandum, quòd hi, qui semel ad ueritatis agnitionem sunt uocati: hoc est, per fidem in ouile dominicum introducti, firmi maneant: nec unquā, manu semel ad stiuam aratri admota, retrò aspiciant. Quòd si tamen propter supernam electionē illam, qua suos ante mundi constitutionem Deus ad æternam beatitudinem elegit, post multos à recto lapsus, remeandum erit: multò tamen beatius, atque securius esse iudico, à iustitiæ semitis semel ostensis non declinare, quàm ad illas diu contemptas aliquando longo quasi postliminio reuerti.

## PSALMVS DAVID XXIII.



Omini est terra & plenitudo eius, orbis terrarum & uniuersi qui habitant in ea.

Cum Deus olim Dauidi locum in monte Moriah oraculo prophetæ Gad demonstrasset, in quo templum sibi construere uellet, præsensit uir sanctus, quanti Deus faceret populum Israël, utpote qui inter illos sedem sibi peculiarem delegisset, in qua coleretur. Sed ea quidem futuri quoq; umbram esse prænoscent, quippe quæ futuræ ecclesiæ, quæ uiuis è lapidibus ædificanda esset, statum præmonstrabant: miratur quomodo cum Domini sint, eiusque imperio pateant, & terra, & terrena omnia, & homines quicunque in terra uiuunt, populum tamen, qui sumus nos, tot inter orbis uniuersi populos, in suum peculiariter electuq; ut sit, celebretur: sed & (quod magis uatem attonitum facit) præuidet nō totum populum istum dignum futurum, qui in montem, nō iam amplius Moriah, sed montem æternum, in quo uerè Deus habitat, ascendat. Quis hic cum prophetæ non miretur, ac simul sibi non timeat, considerans non omnes Israëlitas, uel omnes uocatos esse: non omnes Christianos, ueros Christianos esse: non omnes uocatos esse. Verius enim est, quàm quòd inficiari possimus, neque locum sanctum, neque progenitores, neque instituta quamlibet iusta, atque à cælo ipso delapsa, reddere hominem dignum æterni montis sublimitate, nisi aliquid ab



**C** ipso requiras, quod nō tantum loci, patrum, legum, & rerum similium, quantum eius sit. Nō sunt, inquit Hieronymus, sanctorum filij, qui tenent loca sanctorum. Scio, ait propheta, quod omnis terra, & quaecunque ea continet, Domini sunt: ipse enim omnia illa condidit. Cum igitur omnes homines iure creationis sint eius, miror quī non omnes ad eius sanctum montem, æternam scilicet patriam pertineant. Num omnes, quæso; minime quidem omnium,

Quis igitur ascendet in montem Domini? aut quis stabit in loco sancto eius? Innocens manibus, & mundo corde.

Quem dicemus igitur Dei regnum ingressurum esse, atque ibi in æternum habitaturum? num illum, quia circuncisum? num quia sacris initiatum? num quia hac uel illa ueste indutum? nihil minus certe. Verum is æternæ uitæ montem indubiè conscendet: ibique, ubi omnis abest quemadmodum peccati, ita & miseriæ contaminatio: hoc est, in loco sanctissimo, in quem, ut ait quidam, non intrat pollutus, absque termino manebit, qui puris est manibus, ac corde candido. Sed petere, quod prius dicendum erat, exciderat, quare paululum illo, qui montem sanctum Domini petere iam coeperat, & cuius faciem deliniabamus, in itinere sic relicto, ad omissa redeamus.

Quia ipse super maria fundauit eū, & super flumina præparauit eum.

Alia litera: Fluminibus distinxit eum. Aedificia erecturi homines illud in primis curant, ut in loco solido ac firmo fundamenta ponant. Contrā autem Deus, quod omnipotentissimam eius uirtutem agnoscas, qui tam immensam orbis machinam, mari ac fluminibus superstruxit. Ait magnus Basiliius, solum Dei imperium pro fundamento esse terræ: non aqua, aut aliud quippiam: uerum per præsentem uersum ostendi, quānam ab initio mundi conditi aquarum situs fuerit: quod scilicet terræ aqua iniaceat, quasiq; custodiat & contineat, nec ab eius defluat superficie. Diuus etiam Chrysostomus hoc ferè idem sentit, asserens id propterea dici, quod aquæ terræ subiaceant instar fundamenti. Non miror es quidem antiquas philosophorum scholas in explicandis huiuscemodi rerum difficultatibus hallucinatos esse, utpote quibus nondum tam obstrusa rerum conditarum natura innotuerat, remotis longè adhuc hominum ingenijs à luce illa, quæ nobis postea per aduentum Christi bonorum omnium erogatoris apparuit. Sed magis doleo, nostros etiamnum è turbidis illis philosophorum riuulis libentius, quàm à pellucido fonte epotari. Quicquid enim illi, de situ orbis, de aquarum origine, de uentorum ui & natura, de iride, de tempestatibus, ac cæteris eiusmodi aëris alterationibus disputant, meræ fabulæ sunt, ac nugamenta. Vide, te oro, quid Iob interroget Dominus. Vbi eras, ait, quando ponebam fundamenta terræ? Indica mihi, si habes intelligentiam, quasi dicat illud quod in Ecclesiaste legimus: Intellexi, inquit, quod omnium operum Dei nullam possit homo inuenire rationem eorum, quæ fiunt sub sole: & quanto plus laborauerit ad querendum, tanto minus inueniet. At quomodo igitur, dicet aliquis, sortita est fundamentum tellus? Audi quid David Deum alloquens sentiat: Tu, inquit, fundasti terram super stabilitatem suam: non inclinabitur in seculum seculi. Vis tu sum antiquiorem cœlestis academix philosophum? Is est, ait loquens de Deo, qui extendit aquilonem super uacuum, & appendit terram super nihil. Et nos tamen, dijs, ut aiunt, inuitis, terræ aquas eo modo substernimus, quo fundamenta cætera ædificijs subigi solent. Quis credat unquam terræ immobilis molem uastam ab aquis natura fluidis sustentari? Labentia ne perpetuo cursu flumina pro fundamento tam stabili machinæ terræ esse dicemus? Quàm satius enim est, ut optima ingenia in his pertractandis occupari, quæ, ut ait Ecclesiastes, præcepta nobis



**A** nobis Deus, nec in pluribus eius operibus curiose nimium distorqueri. Simpliciter igitur fatendum erit, terram miro solique Deo noto artificio super sese fundatam, ac, ut acutissimus asserit Basilius, pro fundamento Dei uoluntatem habere, atque imperium; præterea nihil. Flumina porro addit uates ob id, quòd cuncta è terra flumina ebullire cernimus. Comperitissimum enim dicunt se habere antiqui autores, flumina longo sub terra ferri interuallo, & tandem emergere: ut de Nilo Aegypti fluuiò asserunt; qui cum in montibus inferioris Mauritaniæ non longè ab oceano, stagnante ibi lacu, quem Nilidem uocant, innascatur, condit se aliquot dierum itinere; rursùmque erumpit alio lacu, maiori in Mauritania. Iterum uerò arenis receptus, per deserta uiginti dierum spatio ad proximos Aethiopes fertur, ac denuò in fontem, qui Niger dicitur, prosilit. Sic complura alia scaturire flumina cernuntur. Quapropter, ut dicere inceperamus, à uate est dictum, quòd super flumina præparauit eum; orbem scilicet distinxit, atque miro fluuiorum, amniùmque perornauit decore. Itaque, quem fatebimur in montem istum diuinum ascensurum, ubi tam potens Dominus habitat, qui ex nihilo omnia condidit: modò uerò adeò seruat, ut ni seruaret, in pugnacissima statim elementa, quibus compacta sunt, dilaberentur, ac insidens aquis orbis suffocaretur: Certe innocens manibus, & mundo corde. Vide hic breuibus uirum undiquaque perfectum describi. Nam cui manus impollutæ sunt, cor castum, os uè irreprehensibile, ac purum, mirum si ei aliquid desit, ad peragendum iter ad excelsum istum montem, quem altam iustitiam diuus appellat Augustinus. Cæterum uirum illum innocentem esse ducimus, qui in actionibus suis omnibus uitam absque prauitatis labe transigit. Mundum uerò corde eum, qui nullum in animo sibi insidere patitur affectum, qui mundus non sit, ac Dei aspectu dignus. Cor quidem purum ac mundum, in primis à nobis requirit Deus, quò unusquisque suum uas possidere queat, ut ait Paulus, in sanctificatione, & honore. Considera, ait Eutymius, quomodo utraque pariter coniunxit, opera scilicet, & mentem; alterum enim sine altero non probatur.

### Qui non accepit in uano animam suam.

Hæ quidem sunt dotes illius, cuius operationes puræ sunt, corque impollutum, ac mundum. Anima enim cum idcirco condita sit, ut Deum intelligat, amet, ueneretur, ac, dijs factitijs abiectis, colat: atque interim sese in uirtutum exercitijs occupet cum corpore, quòd illi propterea adiunctum est, quo uti debeat ueluti incude, ac malleo, ad fabricanda uirtutum simulachra: qui sanè finis illius est, quoad uiuit in corpore. Ab huiusmodi porro scopo declinans, suo frustratur fine, atque corpori in uanum unita erit. Ea enim satis sibi nota est, seque haud frustra natam credit, quæ suam originem non ignorans, in contemptis cœlestibus, non uanis, & caducis, immoratur. Idcirco quæ non dicam uirum illum frustra natum, in uanumque accepisse animam, qui cum multa in baptismo, complura forsan in uotorum emissionem pollicitus sit, nihil tamen secius sese habet in uita (utinam non deterius) quàm hi, qui nihil in regeneratione, nihil in uotis, nihil in religionis professione promittunt. Habito enim semel Deo in derisum & contemptum, ea necessario obueniunt, quorum ueneno, & hoc quidem præsentaneo nonnulli infecti, adeò extra probitatis limen peruagantur, ut merito illos affirmare ualeas, in uanum natos esse, ac frustra uiuere. Et hæc secundum literæ nostræ sensum. Verum ea, quæ est Hebræis, me admonet alium quoque prætendi sensum. Sic illi reddunt: Qui non iurabit in uano animam meam, & non iurabit in fraude. Quò hinc aduertat, quàm non mediocris momenti sit illud decalogi præceptum, quo Deus suum sanctissimum nomen non assumi in uanum iubet, quòd idem est cum hoc, quòd hic legimus: cum nihil aliud sit iurare in uano animam Dei, uel per animam Dei, quàm deicere, ac falsum,



**C** per Deum, & per eius nominis inuocationem affirmare. Atque hoc sanè modo, mutatio erit personæ: ut postquam à propheta fuit quæsitum: Ecquis ualidus foret, qui dominicum montem ascenderet: sibi que ipse responderit: Innocens qui esset manibus, ac corde mundus, is nimirum ascenderet. Dei spiritus, ueluti nondum ad plenum axiomati satisfactum, sic adiecit: Non solum illud ô uates, sed qui animam meam, hoc est, me ipsum, meumque nomen in falsi assertionem non intromiserit, is ad tam felicem ascensum idoneus erit. Verùm si magis arridet litera, qua asserunt non esse personæ mutationem, sed uatem totam rei diffinitionem, ut cœperat, exequi: tunc erit legendum, animam suam, non meam, & erit sensus, eum Domini montem conscensurum, qui non iurauerit falsum per animam suam: quò intelligas, non solum nefandum esse ac scelerosum, deierare per Deum, uerum etiam per animam propriam. Qui quidem sensus uisus est uerus etiam Chaldaeo, qui sic legit: Qui non iurat falso ad obstringendam animam suam. Paraphrastes tamen superiorem sequutus, sic reddit: Qui non iurauit sine causa per animam meam. Non desunt quoque quibus magis placet id, quod diuus legit Hieronymus: Qui non extulerit ad uanitatem animam suam, id est, qui nunquam in animum induxerit, ut uana cum proximo suo loquatur, & in fraude nunquam iurauerit. Ideo à uate statim adijcitur:

**Nec iurauit in dolo proximo suo.**

Proximo enim suo, rei magis explicandæ gratia additum est: non est in heretico: sed solum hoc modo: Nec iurauit in fraude: seu, ut alius habet interpretor. Qui non detraxit lingua sua. Etsi enim uaria, & illa quidem execranda sint peccata: hic tamen uates periurij ac falsitatis tantum meminit, eò quòd nihil ferè cæterorum adesse possit, si hoc uerè desit. Illud enim beneuolentiam & charitatem in proximum præ se fert: hæc odium. Cuius quidem ueneno infectum cor atque animus, nihil non molitur, quò fratrem & mendacio, & fraude, & periurio, in ruina aliquam, tum rei, tum famæ iniiciat. Sensus igitur illorum omnium uerborum, quæ uariè, prout spiritus sanctus dat suis electis eloqui, sunt reddita, is erit: quòd ille, qui innocens suis in actionibus est, rursus qui candido uiuit animo, cordeque sincero, atque ore: hoc est, ille qui per omnia ad diuinam legem formatus fuerit, sancteque uiixerit, cœlestem montem, quæ perfecta est iustitia, proculdubio apprehendet, hic in ecclesia: in futurum uerò stabit, æternumque manebit in loco sancto eius, quò neque pollutus manibus, neque animo impurus, neque ore, aut periurus, aut bilinguis, aut obtrektor, licet cæteris exitus impedimentis, peruenire poterit. Ille igitur, ille, inquam, solus, qui irreprehensibilem uiuit uitam,

**Accipiet benedictionem à Domino, & misericordiam à Deo saluari suo.**

Imò potius per acceptam benedictionem ac misericordiam Dei montem hunc excelsum ascendet. Benedictio & misericordia in hoc loco, quemadmodum sæpe alias, in Deo idem sunt, atque idem significant: cumulum scilicet donorum, quibus gratis cœlitus ditamur. Vir, ait Eutymius, probus in actionibus suis, in cogitationibus mundus, qui que ab inanibus rebus seipsum segregauerit, & non peierauerit in fraudem proximi sui, hic accipiet benedictionem à Dño. Sed considerandum quid sibi uelit, accipiet. Id nēpe, ne quis suo, ut aiunt, marte, parare sibi iustitiā putet. Omnia enim bona à Deo, quemadmodum accipimus, ita & in Deum illa omnia refundi oportet, utpote qui dat omnibus affluenter, & non impropere, ut diuus inquit Iacob, nullis tamen nostris prouocatus meritis & actionibus, ne nos nostram de nobis fallat opinio. Quòd si quid in bonis nobis diuinitus collatis considerandum est, ac Deo, quicquid illud est, referendū acceptū: errat omnino, atque à se



A lida iustitiæ orbita penitus deuiat homo, cum sua, uel tantillum, aut amans, aut in ipsarum rerum spiritualium supputatione cōnumerans, à Deo complura, à se quoque aliqua accepisse fatetur. Quicquid enim sibi arrogauerit, id totum diuino honori detractum putet. Felix tamen, loco misericordiæ, iustitiam legit, hoc modo: Et iustitiam à Deo salutis suæ, hoc est, iustitiam accipiet à Deo autore salutis suæ. Sed in eundem recidit sensum. Iustitia enim illa fidei, in qua, ut inquit Oseas, iustus uiuit, à Dei misericordia originem habet. Nam nisi Deus suam cum miseria nostra commiseret misericordiam, non iustificaretur in conspectu suo omnis uiuens.

Hæc est generatio quærentium Dominum, quærentium faciem Dei Jacob.

Hoc tandem est, ait propheta, genus illud hominum, qui omiſſis cæteris curis, diuini uultus uisionem felicissimè quærent. Hoc, inquam, illud est, quod bonorum omniū illorum, quæ Deus Jacob fidei suo amico promisit, erit particeps. Bona uerò Jacob cœlitus promissa habentur in libro Genesis. Inter cætera autem illud potissimum est, quo sese illi custodem fore, quocunq; perrexisset, pollicitus est Deus. Sensus igitur erit: Illi, qui sic uiuunt, ut dixi, meritò Dei generatio appellandi erunt, quæ in id tota incumbit, quomodo post tot rerum superatis difficultatibus & laboribus, digna contemplandi diuinam faciem censeatur: quæ est perfectissima animarum beatitudo & felicitas illa, ad quam tandem adipiscendam, die, noctuque suspiramus. Verum non me latet hic quibusdam placuisse, faciem Dei eius filium esse. Siquidem per filium, omnis nostra cognitio, quam de patre habemus, exoritur. Qui uidet, inquit, me, uidet & patrem meum. Ablata enim cognitione Christi à mundo, quid est quod intelligere possimus de Deo? Cæterum Jacob sæpenumero meminit uates, utpote qui fuit tribuum Iudæorū pater, ex quibus Christus, à quo nos. Est ne tandem aliquis inter nos, qui ad altissimas illas animi contēplationes, quarū lumine ac face, adeò penè in id perfectionis adducimur, ut in corpore etiam constituti, uultum illum beatissimum Dei, non iam per speculum in enigmate, sed in propria, ut sic per excessum dicam, forma intuentes, de gloria in gloriam transimus, ac transformamur: ab hisce terrenarum sordium contagionibus euocari cupiat. Iam primum quid hic admoneat uates, perpendat animo. Mundas scilicet ab omni peccati sorde habeat manus, cor purum, synceros affectus, non in Dei contumeliam periuret, talēque se alijs exhibeat, quam se sibi Deum exhiberi efflagitat. Macula enim, uel minima quidem, in anima illa, quæ diuinæ luci absque medio aliquo coniungi expetit, minimè inesse oportet. Siquidem tam longo interuallo à diuinarum rerum speculatione distamus, quàm uiciniori spatio uitij inferuimus. Quare ab omni uanitate, uiliq; occupatione ac turpi: à malitia, ab odio, ab anxia honorum cura, à foedis cogitationibus, atque impuris animi motibus, & alijs infinitis eius morbis, mentis acies abstergenda erit. Alioqui cor prauis infectum cupiditatibus, præterquā quod perpetuis laceratur moribus, haud diuinæ uisionis capax est, sed omnium sordium domicilium, & hoc miserrimum, efficitur. Diapsalma hic interſeritur non immeritò, ut eorum, quæ dicta sunt, memoria refricetur: diuini scilicet honoris studiosos, Deumq; ipsum, per fidem maximè ac dilectionem castissimis desiderijs insignem quærentes, eos solos uerè filios Jacob, hoc est, uerè fideles censerī. Nec certè Christus est, licet à compluribus corpore iam teneatur, et, ut uerius dicam, iniusto Domino & possessione occupetur. Nam, ut ait Gregorius, non loca uel ordines, creatori nostro nos proximos faciunt: sed nos, aut merita bona ei coniungunt, aut mala disungunt. Iam cuius potentia ille sit ac uirtutis, qui à nobis manuum puritate, atq; animi candore, quærendus est, aperit uates.



**C** Attollite portas principes uestras, & eleuamini portæ æternales, & introibit rex gloriæ.

Quemadmodum enim non improbari solent à doctis, & litera, & sensus, quæ sunt Hebræis in hoc loco: ita & nostra non displicent. Sed de illis prius diuus Hieronymus ex hebræo sic legit: Attollite portæ capita uestra. Idem Felix, ac paraphrastes: Leuate, ait, ô portæ, capita uestra, hoc est, quicquid ô potentia in terris est. O uos principes, ô qui regnum, uel ultra Aethiopes atq; Indos protenditis, huic regi nostro potentissimo uestra referate claustra, id est, submisso capite, curuocq; dorso ac genu, illius ante pedes uestra projicite diademata ac sceptrâ. Hic solus adorandus est, non uos, quia solus potens: cæteri uerò bulla, atque umbræ umbra, Patiantur, inquam, fores triumphanti regi huic nostro, mortis, inferorumq; domitori, qui rex gloriæ dicitur, cœlestiumque agminum dux & imperator. Hæc ferme illi. Cæteris uerò omnibus magis placuit interpretari de Christi descensu ad inferos: ac rursum repetito uersu, ad admirandam eius in cœlestem patriam ascensionem sensum referre. Volunt enim adhortationem angelorum esse, illorum præsertim, qui filio Dei in terris obsequium præstiterunt; uocemq; illorum esse ad demones, quando ipse ad liberandas antiquorum patrum animas descendit, ut inquit Paulus, ad inferiores partes terræ. Referate, inquiunt, inferni claustra, iam ab ipso æui exordio, quantum ad animarum liberationem spectat, clausa. Tollite ius istius claustrum ac potestatem ab his captiuis: Quid est in mora? Vos potius portæ à postibus eleuamini, euulsæq; à cardinibus, ad tanti regis ingressum referamini. Tum uerò ardentes indignatione dæmones respondere faciunt. Quis est iste rex gloriæ, qui tam insolite, tam imperiose, tam secure, ad hæc umbrarum sedes descendit? Quis tam audax unquam fuit? Ergo ne ad unius solummodo regis iussione nostram æternam claustra, quæ ab æternis seculis tot tenent inclusos reges, referabuntur? **D** Quibus angeli: Non est hic, ô dæmones, ut cæteri reges, infirmi scilicet, ac morti obnoxij: sed fortis est, ualidus, ac mirabili quadâ ui & uirtute potens, quia Deus. Hic ille rex inclytus est, qui moriens, cum morte unâ principem uestrum alligauit, foras eiecit, uasque diripuit, & in meliorem sibi usum accommodauit. Ob quam sanè uictoriam, maximam assequutus est gloriam, nō tantum pro se, qui semper, uel in medijs ipsis cruciatibus, Deus erat: quantum pro his omnibus, quos uos sepultos iniquissimo iure detinetis. His porro dictis, clausæ ab æterno panduntur portæ: direptoq; inferorum regno, atque ipsorum spirituum immundorum ferociæ imposita lege ac freno, uictor, prædaq; hostili onustus, ad propria remeauit filius Dei.

Attollite portas, principes, uestras.

Angeli hi sunt Christum in cœlum ascendentem præcedentes, qui ad alios cœlestes spiritus clamât, ut uiam Domino uenienti aperiant: qui nouo mysterio obstupefacti, quærunt quid sit. Tollite, inquiunt: quò regis ingressuri magnitudinem ostendant, quasi dicat: A postibus, ne quid retardet regis ingressum, portas amouete. Quin potius, ô uos portæ ab æterno ob primi Adæ peccatum clausæ, nunc uerò in æternum, ob secundi gratiam, referandæ, aditum præbete, corruique quamprimum. Ecce rex ille, qui nuper abiectissimus omnium, sedens super asinum, ingressus est Hierusalem: nunc autem inimicorum trophæis ac spolijs potentissimus, eò remigrat, unde nunq; discessit: hoc est, ad beatam gloriam, quam ipse suis proprijs manibus formauit, & cuius rex ipse est & Dominus. Vox cœlorum aditus custodum admirantium, stupentiumque, qui fit, ut homo carne indutus tam gloriosus appareat.

Quis est iste (aiunt) rex gloriæ? **RESPONSIO:** Dominus uirtutum ipse est rex gloriæ.

Ipse hic



**A** Ipse hic, quem scitis, unigenitus Dei patris, qui & Dominus uirtutū omnium, ac potestatum cœlestium, Deus est sabaoth. Atque his ultra citraq̃ à sanctis illis animis habitis, introductus est homo ille in conspectu Dei patris, quem uates in superioribus graphice admodum effigiauit, innocentem scilicet manibus ac mundo corde. Quæ quidem partes etsi perfectissimi cuiusq̃ uiri esse uideantur, Christo tamen solummodo uerè conueniunt: quanquam & nobis quidem, qui unā cum illō, unum per fidem atque amorem, iam facti sumus.

## PSALMVS DAVID XXV.



**D**e te Domine leuauī animam meam.

Optimè quidem precationis formam ab hac oda sumere potest unusquisque, qui se grauissimo peccatorum onere incuruari sentiens, orat à periculo, atque adeò à ui hostium animam suam eximī. Felix profectò res magis spiritus uideretur in terris, si hi, quorum institutum uidetur esse, ut spre-  
tis seculi negocijs omnibus, quamuis humano usui necessarijs, cognito periculo, req̃ sua optimè perspecta, nihil sibi antiquius, ceterisq̃ utilius iudicarent, quā summo cordis silentio, atque animi pace, Deum solummodo lachrymis, ac quibus maximè commouetur diuina maiestas, suspirijs adirent. Felix princeps, felix ciuis, felix item res publica illa, quæ unanimis cum suis magistratibus publica negocia pertractans, cor prius Deo, quā animum publicis rebus, impenderet, ipsum orans, ne se, ne principem suum, ne ciues, ne uiduas, ne pauperes ciuitatis desereret, imò potius animum illum omnibus impartiret, quā ingenij acrimoniam, & uniuersalisque commodi desiderium præ se ferret, quā ingenij acrimoniam in re familiari dilatanda, ac, quod acerbius est, in excogitandis nouis artibus deglubiendi ciues, quò uel sua, uel sui principis habendi ardor restringatur. Sed his parumper non ab re desletis. orationem uideamus: quæ quidem ut non multa indiget interpretatione, cum sit per se admodum perspicua: ita non desunt ardentia sancti spiritus iacula, quibus tota interspersa est. Leuauī, more hebræo, pro leuō est dictum: seu, ut habet Felix, leuabo. Vnde paraphrastes: Ad te, inquit, animam meam erigam, & est sensus: Ad te Domine cor meum ab his corporeis, quibus miserandum in modum opprimitur, erigo, ut te, mea in hac ærumna & tribulatione, orem. Iam in posterum terrena omnia contemno, atque in te solo mentis meæ pacem, tranquillitatemue, ac animæ affectus omnes repono: cetera enim mihi fastidio sunt. Vides à quo initio auspicanda sit oratio, quæ fit Deo? Alioqui deterior sæpenumero à Dei cōspectu recedit anima, quā cum ad supplicandum ingressa, secum aliud quā nudum ignem, & se, & tua omnia consumentem, tulit. Vis ne iudicem Deum flectere, ac ad tui commiserationem inflammare? Ardet prius, & sic in ignis naturam transfusus, sublimia faciliè atq̃ cœlestia, quæ sedes est ignis, apprehendes. Hoc sanè modo ad Deum leuatur anima, haud secus,

Deus meus in te confido, non erubescam.

Deus meus, inquit, te solo nitor: cui semel, & me, & mea omnia, soli commisi. Non desunt quidem alia, & ea sanè multa, quæ me lactent spe falsa, pollicitationibusque inanibus: at ego meo periculo edoctus, spem meam in rebus nihili collocare dedidici. Quare, non pudeam, obsecro, spe mea, quæ in te solo fixa est, frustratus. Non erubescam, non confundar eo modo, quo solent hi, qui cum fauorem in sua causa à principe uel à iudice expectant, & non exorant, erubescunt illico, habitaq̃ repulsa, discedunt confusi. Ne igitur mihi id accidat, rogo,

Neque irrideant me inimici mei.

Hoc nimirum est omnibus natura ingenitum, ut à petitione, quæ fit iudici in



**C** suæ causæ patrociniū, repulsi, erubescant: & id maximè, si coram aduersarijs illud accidit: qui interim, quasi uictam habeant litem, inuicē gratulantur, mustant, perstrepunt, ac aduersarium confusum irrident. Petit igitur uir sanctus à spe illa, quam de Dei ope conceptam se in animo habere aasserit, non confundi, frustrariq;

Etenim uniuerſi, qui sustinent te, ô Domine, non confundentur.

Aptius ut primo respondeat uersui esset legendum, & sic uertit Felix, non erubescant, hoc est, hi omnes mecum, qui te, atque adeò omnia abs te expectant, & roti, quicquid sunt, aut uiuunt, à tuo nutu pendent, non erubescant uicti, neque à facie tua longè semoti, ab tuæ præsentiae fauore reſciantur. Haud facillè quidem exprimi posset, quàm parum sui ipsius sit uir bonus, & quàm, ut sic dicam, ægrè ferat bona sibi coelitus præstita, ni ceteri eadem illa & sciant, & habeant. Ea enim dilectionis & charitatis uis est, ut nunquam fermè quiescat, donec in quàm plurimos effundatur. Dauid enim: quid aio Dauid? Christus ipse perpetuus huius odore citator, non cōtentus pro se orasse, addit & eos omnes, qui secum spes omnes suas atque opes in diuino subsidio collocauerunt. Ceterum cum plura sint erubescens generis, illud in primis detestandum magis apparet, quo quis peccatis foedioribus obstrictus, morbum, quo miser die noctūque, ueluti ab erinny quadam secretiori discerpitur, medico detegere erubescit. Huic enim monitione ea, qua leſus ille priscus Iudæorum imperator in peccante usus est, addendus est animus. Da gloriam, inquit, Deo, atq; confitere, & indica quid feceris. Sed & alterū quoq; genus erat, quod optimam passionem appellant, sanctissimum illud quidem, atq; propterea expetendum, quo homo de turpi actione confunditur & erubescit. Milies enim in diem magis eligeret mori, quàm diuinū peccando foedare aspectum: idcirco ad minimam quamuis memoriam turpis alicuius operationis, erubescens suffunditur. Id uerò pessimum, cuius causa in impudentes tam acerbè inuehitur Hieremias, dicēs: Frons meretricis facta est tibi, noluiſti erubescere. Vnde apertissimum illud est elogium à Catone prolatum de iuuenē ganeo exeunte, sed rubore, uiso Catone, suffuso. Erubuit, ait senex, salua res est. Vide quàm breuiter Catō ab erubescens in adolescente, quid in eo ipso grandiori facto sperandum esset, argumentatur: ut uel hinc saltem erubescamus, ab hac optimi adolescentis parte, tam longè nostros abesse iuuenes, quibus nihil iam in medijs ipsis quoq; urbium triuijs impudentius cernitur, si tamen à bono ciue quicquam turpe in sua ciuitate siccis oculis cerni potest. Non uacat modò, neq; admodum ad institutū nostrum facit recensere, quibus lenocinijs, quantæue mollitiæ ac indulgentiæ, alatur in patrijs ædibus filius, quanta gener, quanta nurus. A quibus sanè tenera ætas honesta, seu magis prostituta, affabrè eruditur, quomodo extra domum, in alienum honorem impudentissimè se habere debeat. Hic, credo, stimulis acti quidā, & copiosissimum quod uiderant, nedum quidem in honestioribus secularium, ut uocant, ædibus, licenter peruagari impudentiam, sed & in sacrationes quoq; templorum sedes, ut est perfricata fronte meretrix, subrepere cœpisse: ne prorsus ab orbe tam augustum donum erubescens eliminaretur, tentarunt, summoq; pontifici persuadere conati sunt, ut (quæ summa est eius sceptri autoritas) radicitus ab ecclesia Dei mendicitas euelleretur, utpote fomes quæ sit nutriendi huiusmodi beluam. Quàm uerò uerum hoc sit, uideant alij. Nos ad odæ interpretationem reuertentes, id solum addere nō grauabimur, pauperiem scilicet honestam uiro optimè instituto matrem esse; mendicitatem uerò, nouercam.

Confundantur omnes iniquè agentes superuacue.

Hoc est quod dicere intendit uates: Qui sustinent te, nō erubescant confusi: sed hi potius, qui sine causa (id significat superuacue) me persequuntur. Vnde alia est Hebræis litera: Pudeſiant qui iniuria laceſſunt immeritos. Quam sequutus paraphraſtes sic reddit: Quotquot enim expectant auxilium abs te, non deſtituentur expectantes.



**A** expectatione sua: frustrabunt autē spe sua scelerati, qui sine causa me insectantur. Alij em̄ casu quopiā, aut infortunio peccāt: alij propria infirmitate fracti, alij ignorantia ac stupiditate obcæcati. Hi autem nullo alio prætextu, nisi sola malitia, atq; in rebus turpiter gestis oblectamento, & peccant, & immeritos lædunt. Tales igitur, à tuo conspectu, ueluti uilissimum proiecimentū, longè amoueantur, proijcianturq;. Tu uerò Domine, qui semper tuis fauere consuefcis,

Vias tuas demonstra mihi, & semitas tuas edoce me.

Eandem enim dicit sententiam suo more uates, quò sui animi ardorem palam faciat. Atqui hic ualde est considerandum, quid est, quòd tam anxie, repetita sententia, orat uates, sibi uias eius ostendi. In pugna enim spiritus cum carne & mundo, nihil periculosius censendum, quàm à ueritatis uia abduci: nam ipsa nobiscū in bellico huiusmodi labore decertate, mirum si à falsis mūdi lenocinijs, atq; ab inconstantib. suisq; dissimilibus doctrinis, à recta deducamur, & superemur. Verum quia in re tam periculosa, nil tam periculo uicinū esse iudico, q̄ non timere periculum: propterea uir sanctus, quāto potest animi ardore instat, oratq;, ut sibi Deus, quò eundum sit, demonstret, ne, uel modicum quidem, aberret. Siquidem uel tantullū à ueri itinere remoueri, maximus reputatur error, ac scelus. Et quidē non omittendum, energiam Hebræis esse nō modicam in illa dictione, quam noster interpretes Edoce transtulit. Illi nescio quid amplius habēt. Significat enim sic aliquē edoceri, ut rei illi quam didicit assuescat. Quare is sensus erit: Vias tuas, o Domine, demonstra mihi: sed & in his ostensis fac me assuescere, quasiq; callum obducere, atque indurescere. Vt iterum

Deduc me in ueritate tua, & doce me: quia tu es Deus saluator meus.

**B** Iam fusius tractat uates, quod dicere cœperam: uias scilicet Domini media illa esse, per quæ inueniendæ ueritatis mons scanditur. Atque hic nō mediocriter increpanda esset illorum inscitia, qui à proprio iudicio persuasi, nonnunquā eò procacitatis adiguntur, ut bonorum consilio contempto, hæc secum: Egō ne, quid faciendum mihi sit, quid nō, ignorem? Sancti uerò contrā, & hi quidem perfectissimi uiri, Deum orant, ut seiustitiæ semitas edoceat: hoc est ipsam ueritatem, quod est spiritus Dei donum. Deduc me, ait, ne humano affectu, naturalibusue cogitationib. seductus, alia pro alijs eligam, dicamq; bonū, malū: malum, bonū. Hoc em̄ miserabili modo se habet mortalium natura, quòd semper deteriora, & quæ maxime sibi officiant, eligat ex sese: à ueritatis uerò spiritu edocia, atque in iustitiæ semitas per Dei legem reuocata, in suetūq; instructa spiritus motu, prudentiæ dono a deo abundanter ditatur, ut nō, nisi ui maxima, & carnis, & sensuum, ei à recta aberrare amplius contingat. Summa igitur: Dirige me in ueritate tua: seu, ut legit paraphrastes, gubername bona fide, ne rursus à recto cadam: & ne desistas me tuam iustitiam edocere. A quo enim alio expectanda mihi erit salus, atque ab errorum laqueis liberatio, nisi à te, qui es seruator meus: hoc est, nō aliunde salutem, liberationemq; spero & uolo, quàm à te, qui Deus es, & is quidē potentissimus omnium: quiq; magis appetis nobis misericordiam impartiri, quàm nos assequi. Quare huiusmodi adductus rationibus, non despero: quin potius, eo animo, quem tu mihi elargitus es,

Te sustinui tota die.

Mos est scripturæ passim, pro expectare, uti sustinere, unde Hebræis est, Te expectare tota die: quod idem est, quòd longo tempore. Ille uerò longo tempore expectare Dominū dicitur, qui miserendi tempus Deo non præscribit, sed patienti fert animo, si quid in Deo moræ uiderit, certus tamen non longè diuinum abesse auxilium. Idcirco summa animi alacritate, medio quoque in ipso tribulationum seruire, atque igne, clamat: Compertissimū habeo, quod eruis sustinentes te Domine, cum patientiaq; te expectantes. Atqui hanc haudquaquā paruipendendā esse ar-



**C**bitror partem in orante: ne scilicet longa, ut sibi uidetur, defatigatus mora, ab instantia rogandi Deum desistat. Delectatur enim summus pater quodammodo cum suis luctari, ut sepe cum nihil minus speres, te superiorem faciat: rursus te, eo potissimum tempore, deici sinat, quo tute tibi uideris uictoria potiri. Ex quo saepenumero fit, ut te ab oratione glacie frigidiorē nonnunquā surgere contingat. Verū tu caue putes tum prorsus à Deo tuam negligi salutem, cum forsan te magis intuetur, & curat.

Reminiscere miserationum tuarum Domine, & misericordiarū tuarum, quæ à seculo sunt.

Stimulos enim huiusmodi, à consideratione propriæ infirmitatis extortos, hī sentiunt, qui seriō, ac iugiter, per mentis ecstasim, sese coram Deo sistunt, cupientes nimirum, modisq; omnibus contendentes dissolui, & esse cum Christo. Ab una enim parte desideriis illis, quibus creaturas omnes, siue quæ in terris, siue quæ in coelis sunt, supergressi, extraq; humanam sortem euecti, diuinæ solūmodo inhaerescere contemplationi dant operam. Ab alia uerò, tarda hac mole corporis aggrauati, uelint nolint, propter uarias phantasmātū incurSIONES, atque importunas, coguntur saepenumero ab instituto retrocedere, ac subinde tum sua, tum aliena incommoda, quæ à carnis contagione enata, altissimas animi contemplationes interturbare consuecunt, defflere, & conqueri. Et quidem unde tanta interdum in oratione frigiditas, ac, ut sic dicam, ieiunitas proueniat, ignorantes, modò unā, modò aliam prætexunt causam: ut modò uates, qui suas res optimè reputans, huc tandem deuenit, ut planè affirmaret, ab sese nihil boni expectari posse: à Dei autē bonitate, & misericordia, omne bonum, quare clamat: Reminiscere miserationum tuarum Domine, hoc est, tuarum, reuoca ad memoriā, clementiā, misericordiam, bonitatē, quæ à seculo sunt: id est, quæ tibi adeò semper natura agnatæ sunt, ut idem tecum unum sint, & credantur, atque eis quoq; superioribus seculis erga tuos es usus adeò benigne, ut meritò ab omnibus nuncuperis misericors, & miserator Dominus. Porro miserationem in Deo appellamus bonitatis eius effectus, iam quidem à principio rerum nobis euidentissimis signis, atque argumentis, ostensæ. Sed cum reminiscentiā & obliuio in incōmutabilem Deum non cadant, per transumptionem tamen dicimus, eum reminisci, dum uocatus audit, parcat, succurrit: qui alioqui, cum non exaudit, obliuisci dicitur. Vnde sunt illi innumeri per scripturas questus eorum, qui non statim ab angustijs erepti, clamant, exponuntq; se à Deo desertos, ac planè sui coelestem patrem oblitum.

Delicta iuuentutis meæ, & ignorantias meas ne memineris Domine.

Non mirum sanè esse debet, si primū iuuentutis, seu, ut legit Felix, adolescentiæ peccata memorat uates. Huiusmodi enim ætas quemadmodum à camis cupiditatibus facilius, quàm ætas durior superatur: ita raros in ea inuenies, qui recti iudicij gustum habeant: quippe qui omnia fermè sua gerunt absq; consilio, ac prudentia: sed affectibus raptantur magis, quàm sapientia, rationeq; reguntur. Porro ignorantias in hebræo sonat peccata illa, quæ à nobis iam pleniori æuo, propterea contemptu Dei ampliori, perspectaq; iam ueritate, admittuntur. Quocirca sic reddit paraphrastes: Peccatorum quæ designauī adolescens, & delictorum quæ subsecuta sunt, ne memor sis. Alius uerò ex hebræo legit: Scelera mea nemo mineris. Querit tamen Eutymius, cur oret uates pro eiusmodi peccatis, & nō pro cum scientia admissis, quia scilicet, inquit, quæ ignoranter committuntur, sola oratione delentur: cetera uerò maiori indigent poenitentia. Omnia igitur ante actæ uitæ peccata, atq; ignorantias, ablue Domine, &

Secundum misericordiam tuam memento mei tu, propter bonitatem tuam Domine.



**A** Idem ferme orat Neemias, dicens: Memento mei Deus meus in bonū, & ne deleas miserationes tuas à me. Sensus itaq; Secundum mensuram misericordię tuę, quę quidem infinita est, memor sis mei. Parce, inquam, ac subueni: ne dum uocatus non subuenis, miserię meę oblitus uidearis. Ait alio in psalmo David: Secundum multitudinem miserationum tuarum dele iniquitatem meam. Nunquam enim, quod sciam, in scripturis, sancti Dei uiri, cum aliquid à Deo petunt, sua ostentant uulnera, sudores, & id genus alia, quę rerum spiritualium imperitiores, hora maxime illa, qua ab humanis euocantur, infesto dæmoni, ueluti Cerbero ofsam obijciunt: tanquam Deus nostrarum abstinentiarū, aut numerum, aut laborem in primis à nobis, & non secundò exigat: fidem uerò, ac propensam in bonū uoluntatē, secundò, & nō primò. Periculosissimū sanè genus est audacię cum Deo pacisci hoc modo, ut suam ipse, uelit nolit, nostrę ex immensitate ieiuniorū pertrita uitę beatitudinem ex debito reddat: nos uerò interim animo ociosi, & securi, nuda opera solum utcunq; porrigamus. Danda est igitur opera, ne qui primus fidei uirtutum omnium principi statuendus est locus, is detur ancillis. nec quia, & crebrò, & turpiter peccauimus, despondendus est nobis animus. Nam

Dulcis & rectus Dñs, propter hoc legē dabit delinquentibus in uia.

Adeò, inquit, bonus & rectus est Dominus, ut ipsos quoq; peccatores, in uiaq; iustitię claudicantes, edocere non dedignetur, quo illos pacto uiuere oporteat. Vide affectum orantis. Solet enim postquam in se totus collectus diutius diuinā cōsiderauit misericordiam, atq; ipsam seriò implorans, tacitusq; in ea delectatus, iam demū quicquid rogauerat, impetrauit, intra se admirabundus dicere: Quam dulcis Dominus est, quam rectus, quam facilis, quam indulgens. Auersa ne peccatores: meretrices ne: latrones: parricidas: Minime quidē. Imò quoniā suauis est, ac affatim benignus, huiusmodi hominum genus solet sanctissima sua in lege instruere: cōtranimirum nostri temporis iustos, quibus summe est abominatio: ni peccator. Num quia peccauit aliquis abiiciendus est: num detestandus: num, publico ueluti edicto diffamatus, ab omnib; est uitandus? Atqui, ut cæteris maxime horrori sit, scabie, aut lepra affectus quisquam: num propterea etiam medico ipsi nausę esse debet ac stomacho? Quòd enim peccans quis, à uulgo natura leui nouarumq; rerum studio, exhibetur, quantumq; in se est, uel cruci ipsi affigatur, non mirum sanè esse debet. At ipsum principem, antistitemq; animarum uideb; debetur erratis, quantum lingua, atq; amaro animo defauire, quis non admodum doleat? Facit hoc sæpenumero imprudens animarū superior, ut ille qui peccauit, illius insipientia atq; malitia diffamatus, desperet, ac sese à cæterorum conuictu, intolerabili pudore confusus, cedensq; temporì, ac quorundā iniquitati, dissociet. Quid de illis dicendū, qui alienas turpitudines undiq; coementes, passim per regiones, ac populos, ut ipsi aut securius regnent, aut sancti uulgo uideantur, disseminant? Ineptissimū sanè illud esset, uulneratū aliquem, uel suppuratione, aut putridiori uomica affectum, publice à medico ostentari, & non potius, emplastro admoto, atq; malagmate, strictum institis, in secretioribus adium partibus locari. Iustum haudquaquam illum animarū præfulem dixero, qui subiectorum culpas aut facile detegit, aut detectas ad uenandum sibi iustitię nomen accommodat. Iustitia quidem ea non est, sed summę impietatis argumentum. Quos enim amat Deus, execratur homo: Amplectendi igitur hi sunt, atq; ut continuò agit Deus, ad uiam iustitię reuocandi, dirigendiq;. Nam

Diriget mansuetos in iudicio, docebit mites uias suas.

Nunc dicit de quibus peccatoribus sermonē fecerit, ne de quibuslibet peccatoribus dictum intelligas. Itaq; de illis dictum puta, qui Dei uerbū, sanctasq; cęli, tus immixtas inspirationes in mansuetudine suscipiunt, atq; auidius amplectunt,



**C** quàm fame confectus cibum. Cum anima enim aspera, atq; elata: seu, ut eam appellat Solomon, maleuola, nō habitat spiritus suauitas. Hos igitur dirigit Dominus in iudicio: hoc est, ut recto iudicio, atque ordine, suam instituant uitam, admonet, ac manuducit, qua quidem directione, nescio an quicquam honoratius homini accidere ualeat. Mites, Fel, reddit humiles, & est, ut superius admonui, hic uerbū, assuesco, ut sit sensus: assuefaciet mansuetos uijs suis, Quibus uijs, quæso:

Vniuersæ uiæ Domini misericordia, & ueritas.

In omnibus enim Dei operibus mirandū quendam in modum misericordiæ, ac ueritatis apparent. Atqui propter misericordiā dulcis dicitur, seu bonus: propter ueritatem, rectus. Misericordiā ne exhibet Deus? exhibet quidem idcirco, quia suauis, quia dulcis, quia bonus: hoc est, quia gratis exhibet. Veritatem uerò: quid nī, cū rectus sit ac uerax? pollicitus est enim: quare seipsum negare minime potest. At quid dicemus esse misericordiā in Deo? nempe beneficiū eius, nullo habito meritorū respectu, gratuitò datum. Veritatem uerò quam appellabimus? promissorum eorum gratuitam quandam exhibitionē, quæ ex debito quodammodo attenduntur: quia Deus est qui promisit, ac se nobis pollicitationibus obstrinxit, non homo natura labilis, atq; in promissionibus parum constans. Misericordiā igitur gratis promittit, ac dat. Veritas uerò promissiones bona fide complet. Nescio enim an alia letalior pestis in conuictu hominū, atq; urbibus bene institutis, & rebus pub. accidere possit, quàm nullā in promissionib. seruari inter ciues constantiam, ac fidem. Lucundissima porrò res est relatu, cum legimus, quàm arctè Deum urgeat Iacob ab his, quæ sibi pollicitus fuerat. Is enim cum fratrem time-meret, sic spe firma argumentat: Tu, inquit, locutus es quòd benefaceres mihi, & dilatares semen meum. Tu dixisti mihi, reuertere in terram tuam, et in locum natiuitatis tuæ, & benefaciā tibi. Igitur me erue de manu fratris mei, quia ualde eum timeo. quasi diceret, quæ pollicitus es, negare nō potes. Quocirca non ab re clamat Paulus, Christum Iesum ministrū fuisse circūcisionis, propter ueritatem Dei, ad confirmandas promissiones patrū, gentes uerò super misericordia honorare. Vide, te oro, num illud Christi, huic rei quam tractamus, cōueniat. Ego, inquit, sum uia, ueritas, & uita. Via nimirū per quā solūmodo eundū est: præterea nulla, sed quæ uia, obsecro? Illa scilicet biceps, ueritatis, ac uitæ. Vita autē, seu salus, per Dei misericordiā, nobis, nullis nostris inuitantibus meritis, datur. At ueritas Domini manet in æternū: quia sine poenitentia, ut inquit Paulus, sunt dona Dei. Itaq; uniuersæ uiæ Domini misericordia, & ueritas, Verū non omnibus, sed solūmodo

Requiritibus testamentum eius, & testimonia eius.

Et quidem hi sunt, qui, ut ait Paulus, secundū patientiam boni operis, gloriā, honorem, & incorruptionē quærunt: sed & qui non sunt ex contentione, acquiescunt autem ueritati, & non credunt iniquitati. Hos enim Deus suo beatissimo lumine perfundens, nō sinit diu, in tetra hac mūdi caligine, et carcere, seu, ut uerius dicā, obscura nocte oberrare: sed illos instruit, dirigit, ac manuducit. Atqui quos modò antea mansuetos, atque humiles, seu mites appellauit, nunc eius testamentum, ac testimonia, hoc est, diuinum fœdus, sanctamq; legem, ac Dei præcepta exquirentes nominat: ut planè perspicuum sit mansuetudinem eam, quæ Deo placet, non ociosos hos nostros esse mores, & elingues, sed rem esse negociolissimā, utpote quæ nulla difficultate, nullòue labore, atq; ærumna deterretur, quin diuinum testamentum & exquirat, & laudibus in cœlum usq; efferat. Porrò testamentum in hoc loco, fœdus illud significare arbitror, quo inter Deum & hominem conuenitur, ut sicut ipse Deus nos populum suum esse uoluit, agnouitq; ac semper tutatus est: ita nos ipsum, nostrum esse Deum uelimus, agnoscamusq; & ad ipsum nostris in calamitatibus confugiamus. Sexcenta sunt in scripturis testimonia, fœdus istuc sanctum, & æternum testantia: sed illud in primis: Ecce, inquit, dies



**A** dies uenient, & feriam domui Israël fœdus nouum, non secundum pactum quod pepigi cum patribus uestris: sed hoc erit pactum, quod feriam cum domo Israël: Dabo legem meam in uisceribus eorum, & in corde eorum scribam eam, & ero eis in Deum, & ipsi erunt mihi in populum. Testimonia uerò dicite legem, quæ de Dei erga homines uoluntate testatur, quam euangelium sancta appellat ecclesia, quod quidem, propterea quòd in eo solo, tanquam in proprio domicilio, sedē sibi Dei filius cum suo fœdere, cum testimonijs, uitæq; præceptis, ac decretis, collocauit, toto animo hi amplectuntur, quibus ipse omnium seruator factus est dulcis, & rectus, per commiserationem.

Propter nomen tuum Dñe propitiaberis peccato meo: multū est em̃.

Mirum si hic expectas animi excellentiam, ac uirtutes, à sancta uatis anima iactari. Propter, inquit, nomen tuum: propter scilicet te ipsum, non propter me, bonumq; meum, quod nullum est, meo propitius esto peccato: multum est enim, Felix, non propitius esto, legit ex hebræo: sed tolles, seu, portabis delictū meum, quoniam multum est. O uatis spiritum. Senferat uir Deo plenus tam grauem peccatorum sarcinam humanæ imparem naturæ, ac uirtuti fore: neque unquam futurum hominem quamuis iustum, & cœlestem, qui esset soluendo, ac qui potis esset chirographo peccati atque adeò mortis, satisfacere, nisi ille solus, qui ut homo efficretur Deus, ipse homo factus est, portans omnium nostrū peccata. Videlicet hic perfectissimorū hominum morem, qui sua semper maxima reputant delicta: ceterorum uerò leuia. Proinde inconsolabilibus sæpe lamentis, ac questibus, cœlum ipsum quodammodo adoriuntur, eiulantes, conquerentesq; multum, immensumq; suum esse peccatum: contra nimirum hypocritarū morem, quibus nulla Dei offensa grauis uideri solet, nisi ea, quam ipsi quoq; infideles grauissimā, **B** & iudicant, & puniunt: cum interim illi, qui rem altius cogitant, quibusq; magis perspecta est Dei uoluntas, maximam ducunt impietatem. Deum ipsum, ut conuenit, non amare, nō orare, non sanctum eius nomen extollere. Quare alij, ut par est, sua deplorent adulteria, homicidia, uisuras, rixas, miserorum uic oppresiones, ac innumera alia, quæ cunctis uti execranda, sic pœnis digna apparent. Ego interim mei frigidi pectoris detestabor torporem, malumq; ocium, & ignauiam. Cur non fleam considerans quantum mihi beneficiorum contulit Dei filij, & uita, & mors: at ego infelix, ne minimā illi quidem amoris saltem, si uulnerum, ac sanguinis nequeo, seu potius nolo, partem rependo: Atqui impietatem, & illam quidem maximam quæ non arbitrer, sic studijs, sic curis, sic affectibus, & actionibus deniq; meis omnibus, uitam non instituere, quò Dei nomen, sanctum, cunctisq; mirabile, ac salutare, per me uideatur? Peccatum ne illud grauissimū non erit, proximo: rum curam, & eorum maximē, qui rem ea aliqua indigent, nō habere? Pro his certe, ait uates, impietatibus, orabit ad te omnis sanctus. Vide igitur quā periculose nostra sæpenumero sibi ad blandiū sanctimonia: & quā rari sunt, qui occultiorē animi immunditiam, prout conuenit, perspectam habeant, cum sola illa estimare uideatur, quæ crassiora sunt peccata, & quæ manibus, ut aiunt, cōrectari solent.

Quis est homo, qui timet Dominū: legem statuit ei in uia, quā elegit. Exclamatio uehementissima illius est, qui bona considerans, quæ his ex mera Dei benignitate & misericordia proueniunt, qui exquirunt testamentum eius, & testimonia eius (exquiri enim nō possunt nisi à timentib. eum) exclamat: Quis nam uir ille est: quā felix, quā beatus est, qui timet Dominū, atque eius sectatur uias. Cupis ne inquit, istius timorati felicitatem agnoscere? Legem ei primū, ne erret, statuit Deus in uia, quā elegit. Solet enim diuina bonitas, illorū uitam, quos ab æterno. ut sui essent, elegit, adeò informare in hoc mundo, atq; in uiam iustitiæ dirigere, ut nihil præ se ferre amplius possint, quā quòd uerē ex Deo nati sunt, & quòd peccare ad mortem nequeant, Secreti enim semel ab incommutabili



**C**illo spiritu, qui omnia quemadmodū creauit, ita et permeat, & fouet, adeo corrum-  
pi nequeūt, quo minus semen illud Dei, quod in se habere sanctos Dei uiros affir-  
mat Ioannes, aut retineant cōceptum, aut abiectū reuocent. Nō quidem, mea sen-  
tentia, sensus is ab illis, quæ superius dicta sunt, abhorret. Docebit, inquit, mites  
uias suas. Ecce quomodo nulla nostra est opera in delectu boni, nisi Deus nos do-  
ceat. Et dabo, inquit Dominus, leges meas in corda eorum, & cognoscent me. Ve-  
rū neque illos abijciendos arbitror, qui hunc uersum ita interpretantur, ut il-  
lud, In uia quam elegit, haud ad Deum, sed ad animam referatur. Illi enim, quos  
superius dixi uerba illa referre ad Deum, gratiæ diuinæ admodum fauent, utpote  
que ad bonū nos semper moueat, informetū, ac placidissimo pertrahat nixu, atq;  
afflatu. Hi uero arbitrio, quod uolūt ex sese lumē, hoc est, uias iustitiæ ab Deo ob-  
latas, natura posse eligere, ac uitam secundū eas instituere; quibus tamē nunq̃ de-  
sit gratia, quæ uias illas ab se ostensas, ab arbitrio delectas, & statuatur, & explanet.  
Quemadmodū edulia absq; sale insipida sunt, ac fatua: ita arbitriū humanū pro-  
fus euanidum redditur, si desit gratia; tamē liberū est, atq; eo quidem liberius, quo  
gratiæ magis unitum est, & ab ea adiutum. Mirum quā amplæ sint in Dei eccle-  
sia de huiusmodi Dei donis disputationes: & quæ uerior sit opinio, adhuc sub ius-  
dice lis est. Quantum uerò ad me attinet, qui parum forsā mihi constare uideor,  
cum in his meis frigidiusculis cōmentarijs, nonnulla tum de gratia, tum de huma-  
no arbitrio asserere, seu potius tangere, prout psalmodi series me admonet, inui-  
tor: propositum illud est, ut quemadmodū utriusq; partis rationes mihi admodū  
semper uerę uisæ sunt, ita earum alteri me adeo non obstringi, ut diffinire illud au-  
deam, quod à doctioribus ecclesiæ uiris indiffinitum adhuc uideo. Cum enim u-  
terq; eorum exercitus munitissimus sit, atq; ad se defendendū paratissimus, quis  
me uetat, modò huius, modò illius, tanquā liberum spectatorem mirari uirtutem?

**D** Quod si tamen illorum alteri magis, quæ est spectatorum natura, & conditio, in-  
terdum fauere uideor, gratiæ parse ea est, ni fallor, quod si error est, malo quidem  
cum fiducia illa, quam mihi gratiæ fauor conciliat, errare, quā cum periculo ni-  
miæ de me, meoq; arbitrio confidentiæ, partem alteram superare. Verū ut de  
arbitrio, quæ dicere inceperamus, breuiter absoluantur, sic erit dicendum, quod  
cum uariæ sint inter mortales uiuendi rationes illæ, quæ ad assequendam beatus-  
dinem instruere ualeant, unam sibi unusquisq; eligere debet, postquā liberam ha-  
bet uoluntatem, quę sibi magis commoda uidetur ad illud, quod querit, adipiscen-  
dum: quanquā, si rem exactius perpendamus, expulcherrima illa actionū uariet-  
tate, unū omnīū est consiliū, uiaq; una, & uniformis. Alij enim dant operam,  
ut in cōmuni ciuium conuictu uiuentes, omnibus, per rerum suarum, aut uirtu-  
tum etiā in alios effusionē, præ se ferant, hominē hominis causa natum esse. Alij a-  
nachoreticam, cōnobialem aliq; deligunt uitam. Aliquibus item actio, aliquibus  
ocium, & contemplatio magis placet. Alijs rursum rationes alię uiuendi arrident  
potius, quę tamen omnes ad Deum adipiscendū conducere possunt: modò quem  
semel sibi unusquisque elegit uitæ statum, non in aliū facile cōmutet. Quæ sa-  
nè admonitio ad illos in primis spectat, qui cum maiorem suę ætatis partem in mo-  
nasterijs, etiā cum laude nō mediocri attriuerint, ad alterius uitę genus transcūt,  
causas nescio quas prætexentes. In illo igitur perstandū est, quod deliberato ani-  
mi proposito, atque consilio arripitur. Quod si ad meliorem uitę statum à nonnul-  
lis transfugitur, non hoc quidem improbandum, uerū illud uerendū, ne in  
rerum delectu fallantur. Quare quancunq; sibi uiuendi rationem ac uiam eleger-  
it ille qui timet Dominū, eam mordicus teneat; nam Deus illi fautor erit, ac præ-  
ceptor; quanquam ne in mille quidem uitæ mutationibus, cōmutationibusq; nū-  
quā diuina homini deerit bonitas; modò illius, qui cōmutat, pura sit mens, Deo-  
que unita. A deo enim nihil aliud expectari par est, quā bonitas, suauitas, pax, ui-  
ta. Ab hominibus autem non ita quamplurimis, qui quidem aliquando adeo dis-



**A** ficiles sunt, duri, atque implacabiles in admittendis iterum illis in ecclesiæ, siue religionis alicuius priuatæ sinum, ac gratiam, quos antea ab sese iustissimis interdictionibus permotos, defecisse norunt: ut nihilo secius agant, quàm mulieres illæ, quæ adulto iam puero mammas quidē admouent, sed adeò amaris infecta succis, ut magis eum à lacte deterreant, quàm prouocent. Christianus is haud quaquam mos est, sed Geticus potius: idcirco in ecclesiâ Dei non sufferendus. Nam quos uult diuina bonitas, etiam mille uitiorum nodis constrictos, sed resipiscentes, saluos esse, homo auersari non debet, & fastidire. Quid? quos euangelium Christi dignos uenia iudicat, atque propterea ad sese allicit, inuitat, admittit: admissosq; non secus, ac plerunque diligentius, quàm cæteros confouet, nihilq; non agit tandem, ut illi se in ueros filios receptos esse sentiant: priuatæ uerò quorundam leges ab sese tanquam immundos sues, aut canes abigent, atque id in primis curabunt, ut postquam admissi hi fuerint, nihil tam clarè uideant, quàm se spurios esse, membræque prorsus inutilia? Cæterum statuere, ponere, dareque legem, est in scripturis, legem docere. Vnde illud est: Legem pone mihi Domine uiam iustificationum tuarum, & exquiram eam semper, quasi diceret, te docente exquiram semper: non docente uerò, nunquā. Facile enim in deligendo bono cæcutit homo, atque hallucinatur: Deus autem, qui lux ea est, qua uel ipse res in animæ perlustrantur, & in quo tenebræ sunt nullæ, ut inquit Ioannes, uerax idem est, simplex, ac eiusdem semper uoluntatis, quæ est, ut illuminet omnem hominē uenientem in hunc mundum; non hunc, aut illum, priuato quodam, ut solent homines, affectu. Nam illi cura æqua est de omnibus, ut inquit ille, Felix tamen ille erit, ac planè beatus, qui uniuersalē eam lucem ultroneo cōsensu receperit; nam, ut cætera quæ illi obuenient bona omittam,

**B** Anima eius in bonis demorabitur, & semen eius hæreditabit terram.

Vide hic fructum eorum, qui à Deo selecti, uiam iustitiæ apprehenderūt, Et si enim Chaldaeus interpres me admonet de bonis futuris in uita immortalis hic à propheta dici: sic enim ille: Anima eius in bonis mundi uenturi demorabitur, tamen & de præsentis uitæ cōmodis intelligi quoq; posse iudico, quæ tamen cōmoda non tantum ab agrorum, aut pecorū numero, & fertilitate metiri soleo, quantum à cordis pace, ac tranquillitate. Anima quippe illa, quæ die noctuq; diuina exquirat testimonia, & legem, quomodo, etiam præsentis in hoc seculo, in bonis non demorabitur, atque ei ad uota non succedent omnia; cum quicquid cogitat, quicquid molitur, quicquid consiliorum capit, id omne Dei honorem spectat: Quæ tam sæua angustiarum procella, ac uis, animam sic optimè institutam, in mala unquam cōiicere erit potius? Si tormenta, si cruciatus, si exilia, si carcerem, si crucem tandem adhibeat carnifex, in his ea perinde oblectamēta capiet, atq; solent alijs, ob iucundissimas oblatas uoluptates. Postea uerò soluta à corpore, in illis ipsis bonis demorabit; hoc est, fixa, perseveranterq; manebit, quæ nec oculus unquam uidit, nec auris audiuit, nec in cor hominis ascenderunt. Neq; id satis quidem, nam semen eius, hoc est, hi, qui illius fidei feruorem imitati fuerint, unā cum ipsa Dei erunt hæredes, cuius terra hæc est, & plenitudo eius. Cum enim ius rerum præcipuum in hæreditarijs bonis consistat, idcirco scriptura, eiusmodi nomen plenissimo dominio, præcipuòque utendi iure ponere consuevit, & est sensus, quod posterī illius qui in bonis commorabitur, terræ domini erunt. Quid enim in terris est, quod uere Deum timentibus subditum non sit? Facti iam quippe sunt unum cum Christo, quem pater hæredem constituit uniuersorum, ut inquit Paulus. Ergo in eo, ut ipse concludit, quod omnia ei subiecit, nihil dimisit non subiectum ei.

Firmamentum est Dominus timentibus eum, & testimonia ipsius



**C**ut manifestetur eis.

Felix ex Hebræo: Secretum Domini timentibus eum, & fœdus eius, ut faciat eos cognoscere. Vtraque enim litera admodum uatis spiritui quadrat, ac mirabili quadam harmonia succinit. Vocat Dominum his, qui eum timent, firmamentum, & robur: quia in ipso totius stabilitatis æternæ sita est possessio: nec quidem aliunde est expectanda, cum cætera, præter ipsum, nutantia sint, ac planè sui dissimilia. Porro secretum in anima id est, quod neque caro, neque sanguis reuelare potest: sed cœlestis tantummodo pater. Ostupendum Dei munus. Tantum non dixit se suos electos à secretis illis, etiam spiritibus angelicis ignotis, fecisse. Me miserum, cui penè decrepito, atque in uirtutū exercitatione, per tot annos, uastis in cremis, ac claustris, si non perfecto, ut decuerat, attrito tamen, & defatigato, nondum ne scintillulam quidem tam felicissimi secreti experiri contigit. Quis raptus illos? quis ecstasim à diuini amoris proficiscentem ardore, atque ebrietate, in corpore positus exprimere tentabit? Quis connubiū illud cœleste, in quo patris maiestas totum nuptiarum locum, hoc est, humanum cor implens, inæstimabili cognitionis suæ luce, tum sponsam, tum sponsæ familiam, id est, animam, atque eius potentias, consilia, motus, affectus, desideriaque omnia, & speculationes perfundit: filius uero sponsus sit, spiritus promissus? Quis odoramenta illa? quis suffitus à cœlestibus choris per amplum summi regis palatium experrectos, terreno corpore uestitus, uel ad plenum olfaciet, uel si olfaciet, alijs enarrabit omnino, postquam mortale os immortalia non nisi ægre eloqui potest. Omitto secreta colloquia, quæ inter sponsum & sponsam habita, cor hominis alioqui stupidum, atque ad cœlestia pergustanda frigidum, & iners, in spirituale quendam, supra humanam sortem, immutat statum, ac planè exangue reddunt, transmutant in aliam naturam, quæ aut ignis est, aut igni similis. Et quidem ex hoc animæ secreto cum suo sponso congressu, percutitur fœdus inter eos æternum, D quod illa diuinis quibusdam nodis placidissime irretita, hoc propè modo obstrigitur, ut nihil amplius uelit aut cogitare, aut agere, quod non sit totum ad sponsi uoluntatem referendum: cuius bonitati ac misericordię se totam consecrat, se tradit, se quicquid est, in perpetuum mancipium donat. Et sic fœderis summa clauditur, ut Deus, pater sit, homo filius: ille det, hic accipiat. Quam ob rem à propheta est additum: Et testamentum ipsius, ut manifestetur illis: uel, ut legit Felix: Et fœdus eius, ut faciat illos cognoscere: hoc est, ut eorum intellectui det notionem, scientiamque, ac in contemplandis diuinis rebus aptitudinem. Igitur testamentum Dei, seu fœdus, seu lex appellanda sit, propterea cœlitus nobis tributum est, ut per illud à carnis depressione eleuati, ad speculanda cœlestia erigamur: atque porro cæteris, quæ sit Dei uoluntas, sancta, beneplacensque, ut ait Paulus, & perfecta, per nos diuulgetur: sed his potissimum qui in timore Domini uitam probam uiuere nauant operam. Alioqui tam excellentissimum diuinæ legis beneficium accepisse, cuius uiuacitudo, data est nobis ex filijs Adæ, filios Dei effici, facultas: & deinceps adeo brutorum more extra rationis limites uitam agere, hoc est, cunctis animi affectibus in uoluptatū sordes omnifariè prostitui, hominis est in rebus suis parum pensantis, ac de animorum æternitate idem cum Epicuro, Aristippoque sentientis. Verum hi ut lubet: ego autem secus res meas computo. Nam

Oculi mei semper ad Dominum: quoniam ipse euellet de laqueo pedes meos.

Mos est illis, qui in periculum aliquod immensum coniecti, mortem iam propè esse præsentiscunt, ut eò, & manus, & oculos, nedum animum, dirigant, unde salutem expectant. Quare id modò non sine flagrantis animi affectu, & nota, à uaticinio, utpote qui insidiantis mundi artes, atque hominum ad lapsus procliuatè optine me calleret. Non est enim cor tam sublime, atque in rebus diuinis exercitatum, quod non admodum sibi timeret, si occulte mundi tendiculæ corporeis oculis uideri possent. Quod



**A** Quod quidem, ut arbitror, in causa fuit, quam ob rem moti sancti Dei uiri, hanc nostram etatem alio tendicularū genere, à maximis approbato pontificibus (à cōcilijis non audeo dicere) ut sint etiam in ecclesia laquei, quibus irretiantur uitiorū, ac dæmonum artes, & technæ, summis scilicet casuum, ut appellant, conscientia, mirum in modū onerauerunt. Passim enim tendiculæ, passim laquei, passim mura-scipulæ, ac hamati funes, per eorum libros, tanquā per dumeta quædam asperiora tendunt; sed tamen nostra hæc omnia superat malitia. Qui iam laquei tam prudenter ab illis tensi, qui tam uarios in usuris contractus, in matrimonijs, in mercimonijs, in uenditionibus, in locationibus, & uersuris, connectere sint apti? Sciūt hi, quibus aliena audiendi scelera incumbit labor, quanta opus sit animi uirtute, ingenio, ac doctrina, in explicandis peccatorum rationibus, ac secernendis leuioribus delictis, ab his, quæ capitalia appellamus. Aufer enim à mortalibus malitiam, & improbitatem, cessabunt & aucupes à suis illis laqueis in ecclesia quodāmodo ob scelerum cumulū, atq; acumen, necessarijs. Verū felicius id esset inuentum, si à doctis solūmodo uiris tractaretur, ac laquei hi omnes ad impediendam uitiorū libertatem tensi uiderentur, non ad conscientiarū candorem dehonestandū. Vir tamen iustus, cui lex posita est nulla, ut inquit Paulus, huiusmodi laqueos, atque hamos, ille sus præterit; quia nulli obnoxius uitio, liber, quod non facit improborum hominum colluies, à tendiculis graditur. Quod quidem cōsiderans uates, simulq; nobis imbecillioribus inter tot hostium laqueos positus timens, atq; humanam prudentiam ad eorum rationem disquirendam, periculumq; euitandum, imparem fore aduertens, oculos non tantum corporis, quantum mentis ad Deū attollens, clamat: Oculi mei semper ad Dominū. Cur sic, quæso? quoniam ipse solus, non homo, non humanum ingenium, euellet de laqueo pedes meos; seu, ut legit Felix, educet ex rete pedes meos, affectus scilicet omnes animæ. Laquei porro animæ, ac retia, sunt terrene cupiditates maleq; demonū suggestiones; quæ, ne libere per iustitiæ semitas iter habeat, eam interturbare satagunt. Ad hoc ferme idem suam gentem adhortabatur Hieremias dicens: Leuemus corda nostra cum manibus ad Dominū. Atqui præcipuos in anima esse oculos aiunt cognitionem, & fidem; quarum alteram ab amore, alteram ab intellectu proficisci asserunt: utranq; tamen cæcutire, tetramq; contrahere lippitudinem, cum terrena solummodo aut amantes, aut cogitantes, illis ipsis rebus inseruiunt, quibus dominari oportuerat. Cum itaq; res humanæ hoc ferè modo, quem dixi, sese habeant,

Respice in me, & miserere mei: quia unicus, & pauper sum ego.

Solet enim aliquando cœlestis pater, ut est continua in homines affectus bonitatis, eo crucis genere suos exercere, ut non solum ab improbis eos acriter affligi sinat, uerum etiam ab ipsis quoque intimis amicis tum, cum minus opus est, deserat, quod quidem in hoc loco sibi obuuisse cōqueritur uates, ac uatū dominus. Proinde uniuersalem eam esse animi desperationē in nimium atrociter oppressis ceruimus, qui sese ab omnium solatio, atq; ope destitutos, facile expostulant, nō tam quidem amicorū solitudinem attendentes, quā perfractē nimis dolori succumbentes. Clamat igitur hic uates, ut uides, ne molestum sit in hac cōtinua cum carne ac mundo pugna, uehementiam periculi considerare. Solitarius, inquit, ego sum, ab omnibusq; desertus, ac prorsus abiectus. Pauper sum insuper factus: hoc est, is factus sum, qui, in quo confidam, habeam nihil, propterea in te solo mihi sperandum erit, à quo uera exire solet, & bonitas, & erga afflictos commiseratio. Cæterum hæc omnia ingenio mihi pertractanti, felicissima illa mulier Hester in mentem uenit, quæ in illis suis multiplicibus innodata angustijs, sic Deum compellat: Adiua me solitariam, & cuius, præter te, nullus alius est auxiliator.

Tribulationes cordis mei multiplicatae sunt, de necessitatibus meis erue me,



**C** Reddit causam, atq; eam quidem commiseratione dignam, quam ob rem tanta cum animi anxietudine auxiliū postulet. Nō sunt raræ, inquit, quæ me lacerāt, curæ: sed multæ, multæ etiam angustiae, quæ latè super me sese dilatauerunt. Sic enim Felix: Tribulationes cordis mei dilatatae sunt. Quem secutus paraphrastes ita reddit: Afflictiones cordis mei latè sparserunt sese: ex angustijs, quibus undiq; coarctior, educ, queso, me, quamuis alia Hebræis etiam sit litera, hoc modo: Angustiae cordis mei dilatentur: hoc est, cordi meo angustiato fiat spatium respirandi, procul malis omnibus illis, quibus premitur, amotis: & educ me ex coarctationibus meis: quod idem est. Sed neq; necessitatum nomen suo uacat affectu, & eo sane ardentissimo. Vocat enim suas necessitates propheta, tentamenta omnia, atq; in hoc mundo oppressiones, quippe quæ ad humanam lasciuiam coercendā necessariae quodammodo uideantur. Harum quidem lima, & scalpro, suos expolit Deus, & castigat, ne cum reliquo mundo, ut inquit Paulus, iudicentur. Vltterius (quò aliud necessitatum genus ponamus) quā non summo studio petendū nobis erit, uitam hanc nostram ab hisce miserrimis procurandi carnis alimenta sollicitudinibus, & necessitatibus, erui, quæ certè adeò nos à dignioribus rebus contemplandis abstrahunt, ut uix ex multis unus inueniatur, qui nō prudentius rem suam familiarem curet, seruetq; quàm animū ipsum, natum sanè ad ea cōtemnenda, quæ caro amat, & sectatur. Hincq; exortum morem illum detestandū arbitror in promouendis sacrarū aediū custodibus, & praelatis: ut crebrius in pertractandis secularibus acuti, sagacesq; deligi soleant, q̃ illi, qui semel à mūdo secreti, hasce munditricas, ueluti ad capeſſenda cœlestia, impedimenta quædā abijciunt, eò animū, uiresq; ingenij dirigentes, underegendarū animarum lumen suppetitat Deus. Alia enim res est, homines in optimis uitæ institutis enutrire: alia nummos eosdem centies in supputatorijs abacis, & partiiri, & colligere. Illa enim ad animarū presules, atq; episcopos attinet, hæc ad institores. Quare in deligēdo animarū pastore, nō tanti faciēda est carnis prudentia, ac cura, quanti feruor spiritus, atq; animus in terrenarum rerum despicientia assuetus. Verū illi, ut lubet. Tu uero Domine,

Vide humilitatē meā, & laborē meū: & dimitte uniuerſa delicta mea.

Humilitas in scripturis ferè semper, quod aliàs admonui, deiectionē, atq; ut sic dicam, imparitatem uirium humanarū ad congregiendum cum hostibus, significat: cui labor ille, qui ex debilioribus uiribus enasci solet, cum onere aliquo grauiori premimur, comes est. Idcirco humilitati laborem adiecit, & est sensus: Considera Domine quomodo impar planè sim ad cōmittendum cum meis fortissimis hostibus prælium. Vide carnis infirmitatem: perpende laboris, sudoris uecumen, quem in diutino hoc, cum mundo, & carne, certamine contraxi. Attende, oro, quæ patior, miseriamq; meam ē uestigio, non merita, quæ nulla sunt: non peccata, quæ innumera: nō culpas, quæ grauissimæ sunt, metire: sed omnia mihi, quæ tua est facilitas, condona. Nam hi solummodo beati, felicesq; sunt, quorū remissa sunt iniquitates, & tecta sunt peccata.

Respice, inquam, inimicos meos, quoniam multiplicati sunt, & odio iniquo oderunt me.

Paraphrastes sic: Considera hostes meos, quā sint multi, & q̃ capitali odio persequunt me, ut hinc saltē quā implacabilis sit hostiū humani generis truculētia perpendamus. Volunt interpretes Hebræorum id, odio iniquo, magis secundū eorum idioma exprimi, si legatur, odio furenti, quare ex illis unus sic reddit: Odio uiolento me oderunt, quasi diceret, nihil à me lesi, aut laceſſiti, me persequuntur. Etsi enim (non inficior) mala omnia, quæ mihi inferre moliantur, iuste meruerim: attamen id, bonus ne uidelicet, an malus sim, nihil ad eos. Si enim peccaui, haud illis certè, sed mihi ipsi nocui: tibi que soli mea habenda est uicēratio, non improbis hominibus, aut immundis spiritibus, qui sola omnes malitia,



**A** ac, quæ miserandū in modū torquentur, inuidia, furibundo me insectantur odio. Atqui hic uides dæmonum breuibus depingi nequitiam: naturam non audeo dicere. Solū enim pertinax in malis propositum, uoluntasq; inuidiæ stimulis exagitata, teterrimos huiusmodi spiritus nobis infensos reddit. Animo quippe iniuncto, & peruerso, suam miserrimam ruīnam, ex natura longē quā sua sit inferiori, refarciri non tolerant. Idcirco, quia spiritus, celerrimi sunt, peruigiles, sagaces, acuti, ac, ut sunt mille nocendi artibus instructi, perfidi, & opportuni ad cōnectendos dolos, quibus eternū dei consiliū seruandorū hominū intercīdant. Quas quidem artes sanctus Dei uates non ignorans, sibiq; atq; adeo nobis omnib. pertimescens, quo maximo ualet spiritus seruire clamat: Vide Dñe, quā multi sunt hostes nostri. Hinc enim dæmones ex sese irritabili persuasione, illinc eorum imitatores prauī homines, quī sola mentis peruersitate insectātur bonos, adeo in immensum creuerunt numerum, ut de nobis actum esse non dubitemus, nisi tu serenissimo uultu tui aspectu nos intuearis, ac tueris. In hoc enim toti sunt, ut à uia iustitiæ declinantes, te amittamus: quo amisso, quid, quæso, superest aliud, nisi ut in æternam mortem deuoluamur? Quod sanè mihi ne contingat,

Custodi animā meam, & eripe me: nō cōfundar, quoniā speraui in te. Vide quomodo indefesse nō cessat uates rem eam in omnibus ferè psalmis inculcare, cuius uirtute à Deo preces exaudiūt nostræ. Spem dico, quā meritò sacram, in hoc periculossimō perturbationū pelago, appellare libet anchorā. Spe enim salui facti sumus. Ait igitur: Meam eo modo custodi animam, ô Deus, quo infirmam in grege ouiculam custodire solitus est pastor: ac me eripe, & libera: nec finas ut spe falsus, quam in te posui, pudeam. Nam cum in homine non sit uia eius, à te solo pendere par est. Itaque non confundar, non erubescamq; meis à petitionibus repulsus. Siquidem

**B** Innocentes & recti adhæserunt mihi, quoniā sustinui te Domine.

Ut nullo alio in loco, maxime illorum, quorum amicitia à probis expetenda sit, effigies appareat: hic certè apertissima uidetur, ac admodū concinna. Amicus enim hicce duabus partibus à propheta positus ornatus, synceritate scilicet, & rectitudine, artibus omnibus quærendus est, nobisq; cōciliandus: quemadmodū in synceris, improbitatisq; studiosus, ex animo, nedum à corporali consuetudine expuerendus est omnino. Aequum porro, seu rectum amicū illum appellamus, quī nihil, ne tantillum quidem, à iustitiæ lege uariat: qui, ut maxime conuenit, & decet, omnia sua & agit, & dicit cum amico: sed & quī nihil prorsus, quod sibi commodum sit, aut utile, spectat: uerū quod honestū, quodue in primis amico conducere possit, uersat animo, ac re ipsa, cum datur occasio, efficit. Nondum dixi quod uolo. Eum itaque amicū expetendū, ac, uel sub ipso frigidissimo Arctoo inquirendum arbitror, quī sui ipsius amore omnino exutus, totus, ob Dei gloriam, in cæterorum salutem incumbit: et quī nihil minus, aut cogitat, aut agit, quā quod propriū sit, sed quod Iesu Christi, ac cæterorum postea. Cæterum cum similitudo amoris sit causa, hic nimirum, si non aliunde, coniectare possumus, cuius consuetudinis uite, ac morum fuerit Dauid, postquam innocentes, & corde rectos, sibi, ueluti suo membro, ac fratri, adhæsisse prædicat: quanquam tamen secundū Hebræorum literam, uidetur suam uoluisse manifestare puritatem, atque animi candorem. Sic illi: Simplicitas & rectum custodient me. Chaldaeus etiam ferè idem, sic enim reddit: Synceritas & rectitudo seruabūt me. Diuus quoq; Hieronymus: Simplicitas & rectitudo seruabūt me. & erit sensus: Spero me allequutorum quod multis superius precatus sum, simulatq; synceritas ac rectitudo, quæ mihi abs te datae sunt, me seruabūt: quemadmodū illos sua illorū peruersitas, et fraudulētia, perdent funditus. Volūt uoculā illā, quā noster interpret, adhæserūt uerit, custodient potius, aut seruabūt, Hebræis esse. Idcirco optandi affectu hæc sis



**C** reddit paraphraſtes: Innocentię, & æquitatis ſtudia ſeruent me. Nam impoſſibile eſſe definiunt ſancti, eum ipſum, qui animum in adipiſcenda cordis munditiã illa, per quam, ut ait Chriſtus, uidetur Deus, ſpontaneo ardore addixerit, non ſeruari ad uitam, licet huic ſeculo odioſus ſit, atque ob id deiectus, ac, ueluti proiecta mentum uiliſſimum, à tumidorum impudentia deriſus, & malè habitus. Porro ſicut à fortiſſimi pectoris ſufferetia, circa ea quæ pater cœleſtis nobis propterea diſſert dare, ut det commodius poſtea, ac quando nobis magis eſt utile, reliquæ ſeruent omnes proficiſci ſolent optimæ animi dotes: ita uel in primis, ex ea, cordis illa, de qua loquimur, æquitas, atque mundities, & originem, & uim, & incrementum ſumit. Quocirca adiſcit uates: Quoniam ſuſtinui te Domine, de qua quidem ſuffeſcentia, nonnulla in quinto huius pſalmi uerſu ſunt dicta.

**Libera Deus Iſraël ex omnibus tribulationibus ſuis.**

**Paraphraſtes:** Ex omnibus afflictionibus ſuis; quas ſanè afflictiones alio in pſalmo appellat uates iniquitates, dicens: Et ipſe redimet Iſraël ex omnibus iniquitatibus ſuis. Non quidem propterea iniquitatum nomine utitur, quòd Iſraël, id eſt, Dei populus, aut iniquus ſit, aut iniqua diligat; ſed quia cum bonus ſit, ab iniquitatibus iniqua patiatur. Præterea hic uates Iſraëlem memorans, nos antiqui fœderis cum uiro illo per Deum initi, admonet; quæ omnia futuri huius ſeculi umbra fuere, & eſt perinde ac ſi dicat: Exime Deus populum tuum fidelem ab infinitis eiꝯ anguſtijs, ſicut cum Iſraële, quando illum à metu fratris liberaſti, fœdus abſtepercuſſum fuit. Cæterum ſumma animi fortitudine hic opus eſſe arbitror, ac patientia, cum ut moleſtijs, quibus plerumq; ueluti eruditoribus quibusdam neceſſarijs ad uirtutes ideo ab optimo Deo addicimur, ut meliores ſimus, haudquaquam frangamur: tum ne, quoad in mortali hoc antro animæ uiuitur, à perſeuerantia orandi Deum deficiamus: quia nec pugna ipſa quidem noſtra cum mundo accarene, niſi cum morte deſinet.

## PSALMVS DAVID XXVI.



**VDICA** me Domine, quoniam ego in innocentia mea ingreſſus ſum.

**I**. Ardens in hoc pſalmo de ſeiſa, anima deo offert ſacrificiũ: nec ueretur ſuam apud illum iactare innocentiam, tantum eſt puritatis robur ac uis. Hoc idem olim non ſemel egit Dauid in bonorum exemplum, qui interdum ab improbis illis ſuis perſecutoribus falſò accusatus, non indignum duxit, diuina in ſe bona cognoscere, ac, in cæterorum bonorum confirmationem, in faciem, ut aiunt, peruerſorum hominum proijcere. Hoc idem etiam à Chriſto, pſalmorum ſcilicet omnium argumento, & ſumma, ſeruatũ legimus, cum in ſui patris honorem maximè, ſalutemq; omniũ noſtrũ, illud facere cõſpiceret. Hoc porro idem & nos. Verũ quoniam eiꝯcemodi locutionis genere ſolus Chriſtus uerè uti poterat, quippe qui non ſolum perfectam in ſe habuit innocentiam, atque animi puritatem, uerum etiã ceteris adeò abundè illam elargitus eſt, ut planè illi, quibus tam excelſum cõtigit donum, dñj in terris haberi debeant. Hi enim fœdere neſcio quoadmodum inæquali cum Deo pactum iniere, huiꝯſmodi conditione, ut ſua ipſorum peccata, & ſcelera, illius eſſent; eiꝯ uerò iuſtitia, ac puritas, iſtorum. Ineſtimabilis ualde eſt unio, & copula, qua per gratiam humana coniuncta eſt diuinã conſtitutio. Poſtquam enim Dei atq; hominis, diuerſarum ſcilicet naturarum, facta eſt una in Chriſto Ieſu perſona; uoluit ſanè Deus, & ſua bona, & hominũ mala inter ſeſe communia eſſe: imò (quod forſan duriuſculum uidebitur) noſtra uoluit ipſe ſua propria eſſe mala ſolũmodo, non noſtra: bona autem ſua, cõmunia omnino. Et quemadmodũ ab immenſa eiꝯ bonitate profectum eſt iſtuc, quòd ſcilicet eiꝯ ſancta uoluntas adeò omnes ſuos amplectatur, ſimulq; connectat, ac incomprehenſibil



**A** henfibili ueluti cuiusdam, ut sic dicā, deiformitatis nodo cōstrictos uelit, ut unum sint cum Christo, uniusque uoluntatis, atque innocentia: ita ex eodem fonte nostra emanauit fides, cuius ardore incensi, nostra omnium audemus peccata & flagitia in ipsum eius filium adeo integrè reijcere, ut prorsus illius sint, atque ea, ut est ignis edacissimus, cōsumat funditus. Cum igitur bonum aliquod aut appetimus, aut uolumus, cum nostra iam facta sit unā cum Deo uoluntas, Deus ipse est, qui appetit & uult: hoc est, qui nostram mouet uoluntatē ad bonum illud amandum, & quarendum, cuius ipse autor est ac dator. Qui tamē, cum omnia bona, ut dixi, sua sint, ab ipsoq; proficiantur, uult nostra esse eadem illa non secus, quā si à nobis, nō à sua misericordia & bonitate, originem haberent. Quare huiusmodi perauasione ac fide imbutus Dauid, nō ueretur suam hoc modo ordiri precationem: *Iudica me Domine, quoniam ego in innocentia mea ingressus sum, hoc est, iudicium pro me profer, quemadmodum in re iusta soles.* Defende, inquam, me, atq; ab improbis me uendica. Hoc sanē modo abs te adiutus, cunctis palām fiet quā simpliciter coram te ambulauerim. Hic uides uirum sanctum trifaria adductum ratione, ut sese audacter diuino iudicio, alioqui se uero, ac extimescēdo, offerat. Primum enim candorem animi ab omni dolo uacui ac liberi memorat, cum dicit: *In innocentia mea ingressus sum; seu, ut legit Felix, ambulauī.* Deinde summam in Deo fiduciam, ut in sequentibus uidebitur. In Domino, ait, sperans non infirmabor: uel, ut habet hebraeus, non cadam. Postremo uerò sedulam diuinæ bonitatis considerationem. Quoniam, inquit, misericordia tua ante oculos meos est. Hisce enim armis instructus Dauid securè dicere poterat: *Iudica me Domine, quoniam ego in innocentia mea ingressus sum.* Et licet hæc uerba, ut dixi, solus Christus, & uerè, & confidenter queat dicere, non excluditur tamen uir ille, qui propter iustitiam persecutiones patitur. Scit enim suam per Deum, iustam esse causam, Et quidem quomodo iusta esse non potest, cum ipsa sit iustitia causa sua?

**In Domino sperans non infirmabor.**

Non cadam, inquit, quandiu sperauero. Non elabar. Non, ne minimum quidem, in uia iustitiæ titubabo. Fiducia porro uis ea est, quæ iustum in propria cecebranda innocentia aliquantisper audacem reddit, si tamen summa in Deo fiducia ac spes, audacia, & non potius uera pietas appellari debet. Eius enim bonitatis est Deus, ut non possit non ferre illis suppetias inuocatus, qui ad se confugiunt, modo ab omni alio amore exuti, in se solo sperent, de se præsumant, atq; de certissimo suo auxilio ac fauore minimè dubitent. Mirum quanta, ut sic dicam, iucunditate, diuina afficiatur maiestas, ob purum illum animi candorē in suis, qui non tantum fidei ardorem, quantum simplicitatem atque innocentiam, ex qua fiducia oriri solet, præ se ferat. Vide igitur, quid anima de diuina in se beneuolentia præsumat.

**Proba me, inquit, Domine, & tenta me, ure renes meos, & cor meum.**

Vt hic enim, quæ superioribus psalmis de probatione illa, quæ à Deo per tribulationum ignem examinamur, sunt dicta, nō repetamus: id tantum admonere nō ab re erit, uersionem scilicet eiuscemodi, quam hic uates memorat, afflictiones esse, quibus nos Deus multifariē, tanquam optimus aurifex, probare solet, & experiri. Atqui hic iterum, ut in alio psalmo est dictum, cor & renes pro intimis animæ cogitationibus, ac oblectamentis poni uides: ne in superfluis, nescio quibus, interpretationibus allegorijs immoreris. In renibus enim rerum earum, quæ carnem maximè uoluptate afficiunt, cum sedes sit: idcirco pro internis animæ uoluptatibus renes à uate ponuntur. Cor item, quod cogitationum est officina & receptaculum, pro cogitationibus animæ occultioribus sumi solet. Ait igitur anima illa, quæ propter iam conceptam de Deo fiduciam, se firmam, suiq; similem in re spiritus pernoſcit, atq; propterea suam iactare posse innocentiam confidit absq; uitio: *Proba me Domine, & tenta me, hoc est, ure me, tenta, experire, examina, ut lubet, calamitatum*



**C** flamma, atq; igne. Non quidem elabar, non infirmabor, non, ne tantillum saltem, nutabo: quoniam, quæ est ante oculos meos, in misericordia tua sperabo. Modo enim tua mecum sit misericordia & bonitas, non tuas certè, quia pater es, & is sane pius & misericors, cohorrebo plagas. Quæri solet à peritioribus, num tentatio absque arrogantia periculo desiderari, atque à Deo peti queat: affirmantque nullo modo ab infirmioribus, & qui adhuc innumeris animi ægritudinibus obnoxij sunt, id tutò posse appeti: à perfectioribus uerò posse. Sed, ut quod sentio fatear, quemadmodum stultum uidetur tentare Deum: ita stultissimum esse arbitror à dæmone tentari appetere. Rogabat enim Paulus ut ab sese carnis stimulus longè esset, & ego ut propè sitrogabo: haud securè quidem id expeti à nobis potest, quod uiros sanctissimos semper detrectasse legimus. Quòd si tamen (quæ est audacia nostræ conditio) appetenda erit tentatio, eo sanè modo, quo nunc à Dauide, potest appeti. Ille enim cum dixisset, proba me Domine, & tenta me, adiecit illico:

Quoniam misericordia tua ante oculos meos est.

Misericordia igitur Dei uis ea est, cuius ope à tentationum fluctibus facile emergunt mortales. Illa, illa, inquam, est, quam semper tot inter carnis ac mundi molestias, ob oculos haberi fas est: non nosipfos, non nostra quamuis diutina in uirtutibus studia, atque exercitia. Alioqui & nos, & nostra bona in re spiritus inmentiori aliqua oppressione, aut tentatione positi, ad suas statim operationes, aut Missarum numerum, & eleemosynarum recurrunt: turpius peccamus, quam illi ipsi forsàn, qui cum frigidiores sint, tacent tamen, si quid interdum ardentioris spiritus sentiunt, idq; totum suspirantes in Dei bonitatem reiiciunt. Nam certè illud frequentissimè à diuino iudicio prouenire experimur, ut facilius nefandissimæ uitæ homines ad Deum conuersi, suæ antea uitæ scelera detestentur, atq; propterea in uiam iustitiæ regrediantur, quam illi superius descripti: qui cum nihil unquam, quod iustitiam sapiat, in tota uita sua peragant, setamè iustos existimantes, nihil ultra sibi quærendum esse opinantur. Quare neque calidi, neque frigidi cum sint, Deo in primis, hominibus postea, nauseæ sunt ac stomacho. Quomodo enim ex his aliquis dicere poterit: Proba me Domine, & tenta me, ure renes meos, & cor meum, quoniam misericordia tua ante oculos meos est. Et non potius, proba me, & tenta me, quoniam non sum sicut ceteri homines: quoniam Missas quotidie aut audio, aut celebro: quoniam ullam unquam (quod sciam) perfregi quædragessimam, quoniam peccatum mortale nunquam commisi: O homines prorsus à uitæ semitis aberrantes, atque abhorrentes simul. Hi quidem admonendi sunt, sua illa ieiunia, suas uigilias, sua psalteria, bonarum quidem esse actionum gradus: non per se bonas esse simpliciter actiones illas, quas potissimum ab homine requirit Deus. Quæ uerò illæ sint, iam notiores sunt, quam ut à me nunc, qui aliud agere intendo, describantur. Ego enim semper actiones illas parum utiles arbitratum sum, in quibus, tum Deo gloria, tum proximo utilitas, nō afferatur. Nam quemadmodum illæ gradus sunt quidam, ut dixi, ad perfectiores adipiscendas operationes ita: hæ optimæ adeò sunt, ut qui eas adeptus sit, is perfectissimus censeri debeat, ac planè beatus. Is, inquam, uerè dicere potest: Quoniam misericordia tua ante oculos meos est,

Et complacui in ueritate tua.

Ecce quomodo misericordiam & ueritatem simul connectit uates, quod per omnes fere scripturas fieri uideo à cæteris. Sensus igitur is erit: In tua confusus misericordia ô Domine, atque in his, quæ promissisti, quæ negare non potes, placui tibi: seu, ut legit Felix, ambulauí, hoc est, tutus in uis tuis, quæ sunt misericordia, & ueritas, ambulauí. Sic uno hoc breuissimo, ut sic dicam, apophthegmate, rem totam, de quo nunc loquimur, definire placeat: solo scilicet in Dei misericordia & ueritate



**A**ueritate fiducia conceptu seruari electos. Non sanè mirandum, si toties à propheta fidei, ac, quæ eadem est cum fide, fiducia fit mentio, & quibusdam ueluti gyris in scenam crebrò reuocantur. Præuidit enim uir sanctus, quàm prona ad sese iactandum futura esset nostræ ætatis sanctimonia, quàmque labilis, & parum cautæ, & quæ libentius publicis inseruitura foret aspectibus, quàm secretis diuinæ maiestatis obtutibus.

Non sedi cum concilio uanitatis, & cum impijs non sedebo.

**B** Hi sunt enim fructus illorum, qui diuinæ misericordiæ ac ueritatis persuasione freti, nihil adeò in uita quærunt, quàm quomodo cœlestibus monitis, atque inspirationibus pareant. Felix sic reddit hunc uersum: Non sedi cum uiris uanitatibus, & cum uersutis non ingrediar. Chaldaus autem: Non sedi cum occultantibus se, ut noceant. Quam quidem lectionis uarietatem in unum collegit sensum hoc modo paraphrastes: Non habui familiaritatem cum hominibus uanis, neque cum subdolis consuetudinem habebam. Virtutes igitur hic uates, quod dicere inceperamus, connumerat, quas per Dei misericordiam fuerat assequutus. Et primum quidem sanctissima quadam iactatione, se non sedisse, hoc est, non diutius cum his qui facile ad nugamenta, intempestiuosque sermones, ac fabulas conueniunt, commoratum esse prædicat. Atqui non parui periculi esse cum subdolis ac gerronibus consuetudinē familiarem habere, ex eo liquet, quod non diutius cum ipsis conuersari, inter uirtutes connumerandum esse censeat uates. At quia impossibile ferme uidetur, non aliquando labe huiusmodi saltem afflari, si non corrumpi, cum passim, & ijs, & horum similibus circumueniamur periculis, ac subdolis circumquaque sparsis simus obnoxij: uidetur hic uates non tantum dolosorum hominum, aut improborum societatem ab sese prorsus abieciisse fateri, quantum & doli, & improbitatis uitium ipsum, alioqui de hoc mundo exiuisse, ut ait Paulus, oportebat. Quæ enim uitæ conditio inter mortales cernitur, quæ immunitis omnino sit ab impurorum hominum contagione ac lepra? Vt cunq; intelligatur uersus, id sanè uoluit uates, eum ipsum scilicet, qui inter puriores animos connumerari cupiat, ueluti de seipso loquens, admonere, quàm diligenter illi cauendum sit, ne facile cum dolosis hominibus, ac, ut alia habet litera ex hebræo, cum teñtis, hoc est, fucatis simulatoribus, & qui in corde & corde loquuntur, amicitiam ineat. Fugiendus igitur prorsus est bonis malorum hominum conuictus, & consuetudo, ne illorum mores ac uitam probare uideantur: nihil tamen interim illis, si quid à nobis iuuari possunt, negandum.

Odiui ecclesiam malignantium, & cum impijs non sedebo.

Odiū enim, quo nobis mali stomacho sunt, in turpes eorum mores magis esse debet, quàm in eos simpliciter malos. Cæterum, ut dixi, si re atque ope nostra indigent, noster haudquaquam illis subtrahendus est fauor. Tantum cum huiusmodi genere hominum, qui, ut reddit paraphrastes, nulla certa lege uiuunt, consuetudinem non habeamus, eorum uicōuenticula, ac prauos, ut uocat Esaias, cœtus approbemus. In qua enim re alicui usui esse possunt, qui omnibus, quantum in se est, & nocent, & suis dolosis artibus imponunt. Nescio sanè an ulla alia inter Christianos perniciosior esse queat labe ac morbus, quàm actiones omnes suas, mores, sermones, contractus, pollicitationes, innumeris commiscere fallacijs, fuco, simulatione, dissimulationeque ac dolo, & uitium ipsum animi acrimoniā ingenij appellare. Nec est quidem, quò se illo Pauli dicto pallient, profitentes sese omnia omnibus factos esse, cum ne unum quidem utiles sint, cum omnia ad proprium commodum atque ambitionem referant.

Lauabo inter innocentes manus meas.

Vide quàm in enarrandis diuinis beneficijs non defatigetur uir sanctus, Felix:



**C** Lauabo in munditia, alius uerò: In innocentia. Narrat hic uates, quomodo se bonis coniunxerit, simulatque à malorum conuictu sese subtraxisse in superioribus falsus est. Lauabo, inquit, manus meas: hoc est, non inter improbos, atque impios immundus ero: sed inter puros puris ero manibus. Non ero, inquam, in ecclesia malignantium, sed in ecclesia sanctorum: hoc est, cum innocentiae sectatoribus mea erit consuetudo, cum illisq; manus meas lauabo, contestans me scelerum omnium immunem esse, neque unquam in concilio uanitatis, ac cœtu simulatorum, in quorum manibus iniquitates sunt, aut fuisse, aut diutius cōmoratum esse. Mos enim fuit olim apud antiquos, manuum lotionem suam innocentiam testari coram multitudine: quo quidem actu uulgo perspecto, eandem esse animi puritatem, quam in manibus uidebant, opinabantur. Quam sanè consuetudinem in euangelio legimus à Pilato seruata in Christi morte. Innocens sum, inquit, à sanguine iusti huius: uos uideritis. Sic Dauid in hac similitudine ab antiquis, ut dixi, desumpta, ostendi uoluit suam adeò certam esse innocentiam, ut olim certa erat illa, quæ religioso eo ritu ostendebatur. Illud uerò non omittendum, per innocentiam hic manuum, interiorem munditiam intelligi, quæ ex lotionem manuum, ex puris scilicet actionibus facile comprehendere potest. Manus enim, opera, atq; omnem externam uitam significant, quam sanè puram se præstaturum pollicetur, dum se manus absterfurum prædicat. Nec rursus affectu carere arbitror, quòd in innocentia addidit, non contentus dixisse simpliciter lauabo: hoc enim additamento superstitiosos tangi uoluit Iudæos, qui sibi admodum in crebra corporis lotionem placere soliti erant, quæ tamen nihil omnino est, si sola sit. Alioqui uirum illum nunquam dixerim affectus animæ interiores puros habere, qui in turpissimis uitæ actionibus sibi uiuendū esse satius ducit, quàm in purissimis illis actibus, qui semper candidi sunt atq; synceri, licet corpus sordidum sit, atq; illotum.

**D** Et circundabo altare tuum Domine.

Vide quomodo non uerba Dauid, licet sublimia, ac spiritu grauia, à consuetudine inter homines more detorqueat. Ad ritum enim Iudæorum, illorum maxime, qui maiori erga Deum ardore animi affecti erant, alludit. Hi quidem, quò suam integram erga Deum pietatem exprimerent, frequentiori hostiarum corona altare Domini circuire consueuerant, quem morem quoque in aliquibus Italiae locis etiamnum seruari cernimus, quàm uerò probe, iudicent ecclesiæ dii. Vidi sæpe equidem in quibusdam maxime statis diebus ad Sapim amnem mulieres præsertim genibus humi prouolutas, ter & quater cæreis in manibus accensis circum altare ingentium spectantium deuotione perrepere. Aiebant enim eum morem in illa regione à patribus summa religione seruatum, quò cordis pietatem in Deum posteris testarentur. Sed ara hæc altior diuo uisa est Ambrosio, quam Christum esse autumat, quo, & per quem, omnia nostra sacrificia offerri debent. Cuius quidem contemplationis is erit sensus: Equidem summo cordis feruore filium tuum, o pater, amplectar, teneboq; ac illi, qui factus est nobis & ara, & uictima, idemq; sacerdos, perpetuò adharebo. Umbra porrò huius illud fuit in Leuitico Mosis altare, super quod perpetuum ignem ardere solitum legimus: ad quod sanè, ait uates, non ut olim ueniam, ut carnes, aut sanguinem immolem, sed

Vt audiam uocem laudis, & enarrem uniuersa mirabilia tua.

Veniam, inquit, ad altare tuum: ipsum amplectar, ipsum tanquam locum tuissimum tenebo, non quidem ut aliquid tibi offeram, nam bonorum meorum tu neeges: sed ut auferam, ut accipiam, ut dicer, ut tandem audiam, edocearq; quis sit uerus tui laudandi, tuorumq; mirabilium enarrandi modus. Qui quidem haud amplius in citharis, nablisque, tibijs, aut organis manufactis fieri debet, sed cordis affectu atque ardore. O si uoces aliquando audire contingat te laudantium, tibiq; gratias agentium, pro restituta pace mundo, ac reuocata terris iustitia. Ad hoc enim sacra



A sacrae aedificatae sunt aedes, & structa coenobia, ut Dei laudibus, diuinæq; legis studio liberius à uulgo semoti homines inseruiant: non ut ocium, & quæstum, tanta animi inquietudine, ut sit, sectentur. Nō, inquam, ut circum altare Domini tenellæ audiant adolescentium aures, philosophorū somnia legi, multo minus comœdias, aut fabulas: sed ut audiāt, quo modo, quo ritu, quo animi ardore quærendus sit Deus, idemq; amandus, ac, spretis mundanarū rerū lenocinijs, prorsus, uti aratissima, tenendus. Non possum equidem interdum non excandescere, mihiq; ne de alijs dicam, non admodum irasci, cum uideo pueris in Christi scholam introductis, nihil minus quàm Christum proponi. Ex quo fit, ut illi cuiusuis magis aut hominis, aut doctrinae efficiantur discipuli, quàm Christi. Quis unquam illud laudaret institutum, in quo quis picturam addiscens, faber euaderet ferrarius? Vnde, oro, tantum creuisse fastum & ambitionem putamus in Dei ecclesia, nisi ab adolescentium natura ad quæuis procliuium eruditoribus ac magistris: qui cum superstitiosi sint, aut indocti, ea in primis alios edocēt, quæ ipsi ab alijs prius hauserunt, incitiam scilicet, ignorantiam, in Deiq; seruitio, & ignauiam, & uitam errorum plenissimam. Vnde iam factum est, ut ab omnibus fermè illis, qui sublimiori alia qua dignitate & professione in ecclesia Dei eminent, quis sit uerus laudandi Deum modus, aut ignoretur omnino, aut cognitus uitæ fastu obnubiletur. Cæterum de Dei mirabilibus nonnulla in psalmo nono à me sunt dicta. Felix uerò hunc uersum aliter legit: Vt faciam, inquit, audire uocem laudis. qui suam hanc litteram interpretans, sic ait: Vt faciam audire in uoce confessionis, quæ fecisti: non quæ ego, peccata scilicet, quorum foedo odore infectus frater, uice laudis, blasphemias congerit,

Domine dilexi decorē domus tuæ, & locum habitationis gloriæ tuæ.

B Ardens antitheton. Cum iniqua gerentibus, ait, non introibo, neq; cum impijs sedebo: sed potius mundis manibus, cordeq; candido ac sincero, circundabo altare tuum Domine, ubi tu uerè inuocaris, tuumq; sanctum nomen celebratur, gratæ sunt tibi preces ac uota. Ecclesia sanctorum hæc est, ubi tuus est decor ac gloria: talia enim dilexi. Ecclesiā uerò malignantiū, in qua foeda sunt omnia atq; indecora, odiui. Porro decorem huiusmodi ac gloriā, qua sanctum Dei nomē extollitur, nō tam in sacris ritibus, alioqui Deo gratis, inesse arbitror, quàm in uita illa, quæ undequaq; ad iustitiæ normam informata, exemplum est ceteris, ac calcar, ueri cognoscendi, cognitumq; amandi, ac studio omni peruestigandi. Decor igitur iste spiritualis est, & gloria, in spirituque cernitur, haud secus. Siquidem in terris nullum esse locum tam aptum ad decorandum Dei cultum censeo, quàm cor est, atque animus, in cuius ueluti meditullio fundata est sedes fidei, cognitionis atque amoris: quæ sanè omnia decor ille sunt, ac locus habitationis gloriæ Dei: seu, ut legit Felix, habitaculum refugij, quod uates se dilexisse fatetur: cum interim nō debent qui in templis decorem, nescio quem, pluris faciant, quàm qui à castis mentibus probari queat. Et quemadmodum eiusmodi decor inuisibilis est, ita & altare, in quo, & spiritu & ueritate, rebus scilicet inuisibilibus, diuinus perornatur cultus decentius, quàm corporeis, idcirco uisibilibus, peristromatis, conchyliatisq; tapetis. In cordis enim recessibus, uti in proprio templo inhabitat Deus: quare illic eius decor est, illic maiestas, illic gloria, illic numen & omne bonum. Ille uerò qui in templis exornandis impenditur labor, nihil aliud est, quàm quoddam testimonium munditiæ cordium, illorum maxime, qui sacrarum ædium inseruiunt obsequijs. Alioqui à pollutis parietibus aureas pendere laminas, aut cortinas, superfluus cultus est. Templi igitur spiritualis gloriā ac decorem, hoc est, sanctarum animarum puritatem & candorem, diligit uir probus: nec potest non odisse illud, quo uerum Dei templum dedecoratur. A corde enim tanquam ab uniuersali rerum omnium officina, quemadmodum sanctæ prodeunt cogitationes, synceriq;



**C** affectus, atq; altæ diuinarum rerum contemplationes; ita prauæ quoq; erumpunt cupiditates, homicidia, adulteria, rapinæ, furta, amor proprius, atque odium Dei: ne res illas, quibus aut commaculatur animus, aut emundatur, te ignorare dicas.

Ne perdas cum impijs Deus animam meam, & cum uiris sanguinum uitam meam.

Licet enim uates diuino suam subiecerit innocentiam iudicio ac censuræ, tamē quia nouerat etiam, quod non iustificatur in cōspectu Dei omnis uiuens, clamat, ac quanto potest animi affectu uociferatur, & petit se eadem cum impijs ac sanguinarijs pœna minimè conuolui debere. Atqui hercule, quod aiunt, opus est, primum ne eorum uitam imitemur, postquā multi adeo hi sunt, quibus cum, uelimus nos limus, consuetudinem saltem temporariam habere cogimur; deinde, ne turpi eorum uita contaminati, cum ipsis flamma eadem peruramur. Clamandū igitur est, totoq; animo uociferandum, ne nos cum reprobis unā absumat Deus ac perimat. Cæterum hic sanguinum uiros appellat uates illos, qui cædibus dediti sunt: crudelēs nimirum, & qui modis omnibus ē medio eos tollere conquirunt, quos turpissimis suis consilijs obsistere suspicantur.

In quorum manibus iniquitates sunt.

Nec enim in dictione manibus hæsites, sic reddit paraphrastes: Quorum opera sunt studio scelerata. Et sic illos, quos supra impios & sanguinarios appellauit, breuibus exprimit, eorum uidelicet actiones sceleratas ac nefarias taxans: qui sanè non casu aut stupiditate animi, mali sunt, sed sponte, data opera, atque ex animo. Horum profectò operationes semper ab æquitate semotæ sunt, nec possunt non semper malè agere, cum semper mali sint, consultòue peccent. Quod si tamen rectali quid interdū agere uideantur, ut in sacris ecclesiæ ritibus sepe accidit, ad quos sanè ab omnibus tam bonis, quàm malis indifferenter concurritur, id aut ex more, aut  
**D** ut appareant, non ut sint boni, faciunt. Cæterū illorum animus interim cum sacra peraguntur, odia, rapinas, adulteria, usuras, cædesq; & quomodo suas turpissimas expleat cupiditates, molitur. Verū ut nihil eorum improbitatis cumulo desit,

Dextera eorum repleta est muneribus.

Muneribus, inquam, ut reddit Chaldaeus, sordidis, hoc est, iustitia uendita, calcatiscq; legibus, & æquitate. Quoties enim uidi ego, ac quotidie uideo, à rostris, à tribunalijs, à consilijs, à Rotis quoq; & iustitiæ ministris, iustitiam ipsam unā cum innocentia laceram egredi, quid egredi aio? expelli potius ac deturbari ui munerum, quorum importunitate illecti nonnulli, nihil magis in suis illis sententijs & diffinitionibus quærere uidentur, quàm ut is causam uiucat, qui plus munerum congerit. Ignorant cæci, quod beatum illum appellat spiritus, qui excutit manus suas ab omni munere, Illi sic:

Ego autem in innocentia mea ingressus sum.

Suæ innocentiae professionem repetit uates, profectam nimirum à corde puro, atq; ab omni uana ostentatione libero, gratoq; diuinorum beneficiorum ac munerum. Ait igitur: Illi, ut lubet, suas expleant cupiditates: ego uero, ut hucusq; egi, in mea simplicitate à mundo derisa persistam. Tu tantum

Redime me, & miserere mei.

Paraphrastes: Libera me à malo, & clementer tracta me. Semel enim, inquit, me per tuam misericordiam ab hostium feritate ereptum, adeo in futurū muni, ac tege, ne rursus in insaturabilem eorum ingluuiē incidam. Tantū enim abest ut horum mores approbem, ut etiam & detester, & magis quàm ipsam pleure sim execrer.

Pes meus stetit in directo, in ecclesijs benedicam te Domine.

Vide iterum grati animi argumentum, quasi dicat: A tua redemptione, & misericordia prouenit, quod pes meus stetit in directo, hoc est, totius uite meæ curriculum stabile in uia iustitiæ, atq; incōcussum perseueret, licet passim à scandalis unde quaq;



**A** de quaq̃ occurfantib, impediatur, idcirco nutet. Miraculo iam simile uidetur, si a recto perfectionis cursu non retardentur simplices, simulatq; ab in sublimiori gradu collocatis tot foeda exempla libidinum, cupiditatū, odiū & ambitionis ebullire cōspiciunt. Quare maximi beneficii loco, uates hic pedem suum in recta mansisse enarrat, ne paruum gratiam obtinuisse illum ducas, qui a tot impulsoribus impactus, immobilis manserit. Proinde tam amplo beneficio accepto, more suo propheta psalmum cum gratiarum actione claudit, fateturq; se palam frequenti populo Dei beneficia pradicaturum, & est perinde atq; dicat: In ecclesia non malignantium, quam odiui; sed in frequenti iustorum corona ac cœtu, hanc meam innocentiam abs te mihi datam, in te refundam, tibiq; acceptā referam. Iam uideat, inquit, interpres hebræus, quisq; nostris in cœtibus quid agat, quā Dei nomē celebret, ut cum suam, tum aliorum fidem instauret. Verbis enim sine mente effusis, & cæremonijs solius aut stipis, aut publici moris, uel denique sui ipsius commodi promouendi gratia adhibitis, Deus irridetur, non laudatur, hæc ille, Diuus uerò Augustinus: Qui sic, inquit, laudat Deum, magis uituperat, quā laudat.

## PSALMVS DAVID XXVII.



Icet aliquibus uisum sit psalmi huius titulum esse, Psalmus David antequam liniretur: tamen in translatione Hieronymi, atque adeo in ceteris codicib, hebraeis cum nullo prænotetur titulo, sed absolute sit, psalmus David: operæ precium erit, opinationes magis, q̃ certam quorundam scientiā præterire, atq; illa cum hic, tum alias cæteris in hisce diuinis odis, quæ aut parum, aut nihil ad earum intelligentiā faciunt, omittere omnino, q̃ superflua necendo mihi iacturam temporis, cæteris autem, si quis unquam hunc meum laborem legere uoluerit, fastidium parere. Quicquid opinetur aliq, mihi in hoc psalmo uidetur uates nobis qui credidimus canere, (modò ne surdis canat) quomodo in discrimine aliquo deprehensi, nostram nos fidem animare, ac spem bonam sumere debeamus. Sed quid aio uatem: aut quid mortalem regem, mortalibus in exemplum proponi credam? Amatissimus enim nostri Deus caro factus hic est qui loquitur, & qui sese nobis, pro nobis maledictum factus, exemplum certissimum tum uirtutum omnium, tum fidei maximè in aduersis exhibet, & ait:

Dominus illuminatio mea, & salus mea, quem timebo? Dominus protector uitæ meæ, a quo trepidabo?

Vides ne in Christo uerum hominem secum periculi magnitudinē in quo uersatur, reputantem, sed spe fultum in Deo, in quem se totum projicit, contemnensq; quicquid id est, ac securam sibi salutem a patre pollicentem? Ille, ait, qui mihi in præteritis, & his difficillimis rebus adfuit, & qui me toties in obscurissima ærumnarum nocte prouolutum, in gratissimam consolationis lucem euexit, saluæ tue attulit, is & modò mihi aderit. Quem igitur timebo? quem expauescam? quas acies? quos gladios? quæ uulnera, aut cruciatus uerebor, cum Dominus sit mihi in nocte lumen, in periculis salus, in morte uita. Quādo enim recordor quantum mihi iam roboris attulit, sperare rursus audeo fore quod etiam posthac idem mihi erit, lux scilicet, salus ac uita. Non certè ipsas quoque inferorum tenebras, terramque peccatorum caliginem pertimescam, eius sanctissimo lumine perlustratus, a cuius radijs uniuersus hostium meorum cœtus, uelut a tormento aneo disiectus, propelli solet. Simile huic fermè à Michæa dictum recolo, Cum sedero, inquit, in tenebris, Dominus lux mea est. Hæc lux sanè diuina ea uis est, qua homo naturali luce in uitæ exordio, gratuitæ intellectus radijs illustratur: cui & postea aliud, ne in erroribus, quos secum uita ipsa afferre solet, uolueretur, additum est, fidei scilicet lumen, per Christum in nobis accensum. Alioqui primogenia illa, in lucerationis atq; intellectus uelle, absque Christo, confidere, idem esset, quod extincto cæreo sinu osum aliquē labyrinthum ingredi, Non enim sufficit cæcum,



**C**aut lampadem gestare manibus, nisi admoto accendatur igne. Quid igitur huiusmodi lucis beneficio adiutum obnubilare poterit? Cupiditas ne rerum humanarum: ambitio: ira: furor: caro: mundus: mors ipsa: Nihil quidem minus. Quis, ait apostolus, accusabit aduersus electos Dei? Deus qui iustificat? Quis est qui condemnat? Christus Iesus, qui mortuus est, imò qui resurrexit, & qui est ad dexteram Dei, qui & interpellat pro nobis: Igitur Deo lumen præbente, cedunt errores, atque ab interioribus oculis, ignorantia cadunt squamæ.

Dum appropiant super me nocentes, ut edant carnes meas.

Periculi magnitudinē, per esum carnium enarrans, hostium truculentiam exprimit, & est sensus: Vicinus est hostium exercitus, qui tanquam leones atrocissimè rugientes, salutem meam, carnem ueluti deuoraturi meam, inhiant. Atqui nihil aliud prætendit hic, ut edant carnes meas, quam ut reddat paraphrastes, quò me funditus tollant. Verum in medio ipso persecutionum conatu desistere, ac mei prorsus inferiores facti corruere. Licet enim, ut alias admonuimus, istuc dicendi genus uati admodum familiare, quo acies ueluti quasdam hominum inter sese concertantium, debilioresque succumbentes faciat, in mortalem hunc usum nostrum conferendi manus cum hostibus transferri queat: uerius tamen, ac spiritui conuenientius erit, si ad animum hæc omnia referamus. Quantum enim scelerati homines bonorum tranquillitatem interturbent, atque eorum paci officiant, hi norunt, qui in uita nihil tam cupiunt ac quærunt, quam ut spretis omnibus humanarum rerum turbis, Deo sese per animi puritatem uniant. Verum atrocior ea uidetur molestia, & pugna, qua cum uitij & cupiditatibus, hostibus scilicet inexorabilibus, conflatur. Proinde felicissimum illum esse uirum iudico, quem etsi sæpe, quæ est humana conditio, hostilibus iniurijs cedere uideo & corpore, & membris: animo

**D**tamen contra arma nequitia in coelestibus infracto perseverans, artus quidem, aut famam, aut nomē, à nefandorum hominum faucibus penè consumpta fert secum: spiritum uerò uictorem, ac triumphantem, non iam secum in terris, sed cum Deo in coelis conuersantem, spe ac fiducia enutrit. Quare ex illiusmodi triumphimemoria animatus, ad futurum certamen, quod non nisi cum uita desinit, accingitur, spe ea fultus, quam in illo habet, quem sibi lumen, robur, ac salutem in bello semper extitisse expertus est, & clamat:

Si consistant aduersum me castra, non timebit cor meum.

Rursus ad castra inuisibilium hostium cor reuoca, ne dum solummodo aut Turcas, aut Indos te uicturum speres, animum in acie periclitantem non aduertas. Nul- lam enim eam esse uictoriam arbitror, si corporeis debellatis hostibus, ab incorporalis uincaris, nempe ambitione, ira, libidine, atque habendi cupiditate. Præterea quemadmodum castra hic demonum sunt: ita alias in scripturis, beatorum spirituum esse inueniuntur, ut illud in primis in Genesis libro est uidere: Fuerunt locob obuiam angeli Dei, quos cum uidisset, dixit: Castra Dei sunt hæc. Quibus quidem Iacob, id est, uitiorum supplantatorem circumuallantibus, quousque illa altera cupiditatum castra pertimescenda sunt: Multa sunt sanè illa: sed multa etiam nimis, ut ait uates ille, sunt castra Domini: hæc quidem fortia, illa uerò debilia, parumque in Deo sperantibus extimescenda. Habet etiam & spiritus sua castra in cordis theatro, habet sua tela, suas acies, suasque testudines, atque arietes: quæ sanè omnia spirituali tantummodo uiro sunt nota.

Si exurgat aduersum me prælium, in hoc ego sperabo.

Equidem nescio, an tela acutiora in hostes intorqueri possint, quam ea quæ hic memorat uates, nempe spem ac fiduciam in Deo. Alioquin infideles, pauperum ciuium, atque sacrarum ædium, & are, & sanguine comparatas classes, impietate scilicet instructas, & ecclesiarum contemptu armatas, è portu soluere, summæ dementiæ est, ac parum considerati periculi. Vide, oro, quæ secus sese ad pugnam exacuat uir sanctus. Si



**A** cōmittendū, inquit, inter nos erit, atq; inuicem cōfligendū, in ipso ardore pugnae firmissimè credam auxilium mihi haudquaquam cœlitus defuturum. Idem fermè olim sibi imprecatuſ est Iob, dicens: Pone me Domine iuxta te, & cuiusuis manus pugnet contra me. Alij putant in hoc, id est, in eo quòd factus est Dominus illuminatio mea & salus mea, intelligi oportere. Alij uero in eo quod sequitur, uidelicet, unam petij à Dño. quasi dicat, daturus est quod petiui. Quid igitur timendum? Alijs etiam uisa est hic esse reticentia illa, quæ in corde fidei affectu accenso accideret solita. Volunt enim hi tunc uatem recordatum esse pollicitationis illius, qua sibi cœlitus est dictum: Requiem tibi dabo ab omnibus inimicis tuis, & fidelis erit domus tua, & regnum tuum usq; in sempiternum ante faciem meam, & thronus tuus erit firmus. Quæ quidem omnia de Christo aptius intelligi debēt, quàm de ipso Dauide: cuius regnum nec firmum, nec æternum dici debet, nisi quatenus in Christum desijt, qui æternus est, atque æternorum bonorum erogator. Sperandum igitur semper est in Dño, siue corporea, siue incorporea sint castra ac prælia, quæ in nos, ut clamat uates, insurgunt. Vt cunq; enim sæuiant,

Vnam petij à Domino, hanc requiram ut inhabitem in domo Domini omnibus diebus uitæ meæ.

Felix petitio, & quæ à sanctissimis tantummodo uiris, quibus cum mundo foedus nullum est initum, fieri debeat. Vnam, ait, petitionem Deum rogauī, quam & indefinenter orare perseverabo: liberam scilicet in domo Domini ab omni solitudine uitam. Id petam, & non cessabo, donec exorem. Hoc unum enim mihi necessarium esse in domo Domini arbitror, curis scilicet uacuum uiuere uitam, cum interim alij, ut lubet, negociosam & ament, & quærant. Mirum quàm deplorandum in Dei domo, ac templis, mos inoleuit: quòd sancto omisso ocio, rebusq; animi tranquillioribus contemptis, plerique curas superuacuas sibi accumulunt. Inescati enim semel miseri ambitionis hamo, nihil non agunt negociorum, quò tantum illuc perueniant, ubi perpetua anxietate plenam uitam traduentes, plus in negotio sint, quàm cum est negotium, ut aiunt, in negotio. Verùm quæsti huiusmodi studio, ac cura honores, non honores quidem, sed meræ curæ, profanæque negocia appellari debent, ut sunt, parum tamen iustissima Dei ultione à nonnullis animaduersa: cum nihil aliud sit in domo Dei habitare, quàm cordis pacem, ac tranquillitatem adeò amare & amplecti, quòd dignum sit, in quo Dei maiestas inhabitare non horreat. Et quemadmodum ubi uita est curis lacera, sed sponte susceptis, malisq; artibus quæstis, ac undequaq; cōemptis, ibi cœtus inquietos esse non ambigo. Ita cor illud, in quo pacis amor, & tranquillitatis altissimarum contemplationum formatricis sedem habet, diuinum numen habitare, ueluti templum suum proprium, & credo, & quod sine lachrymis dicere nequeo, olim expertus sum. Sensi tandem post curas illas infinitas unum id esse necessarium, in Dei scilicet domo perpetuò manere: quod nihil aliud esse intelligo, quàm iustitiæ ac ueritatis ædes, pacis insuper, & quietis cōscientiæ, quæ est uita animæ ac beatitudo, frequentare. Alta enim templorum tecta, ac parietes sexcentis sacrarum unctionum rectorijs illiti, sanctimoniam illam haudquaquam inducunt, quæ diuinam præsentiam facile illeçtet, si sanctis moribus, quæ est uera templorum sanctitas, careant. Sed quo tandem sine æterna mihi expetenda est in Dei domo mansio?

Vt uideam uoluntatem Domini, & uisitem templum eius.

Nullus codex, quòd sciam, neque græcus, neque hebræus, uoluntatem habet: sed aut pulchritudinem, ut diuus reddit Hieronymus, aut delectationem, & uoluptatem, aut iucunditatem, ut alij. Vicinitas enim uoluptatis ad uoluntatem, errorem hunc fecit apud Latinos. Et licet nobis ubique peruestiganda sit, ne in tebris ambulemus, Dei uoluntas: tamen hic tractandi de Dei uoluntate suus non est locus, sed de eius iucundissima uoluptate, qua anima in cōscientiæ requie, hoc



**C** est, in Dei domo familiariter conuersans afficitur. Illud totum, ait, meum est desiderium, ut per fidei speculum diuinam eius sentiam uoluptatē, quod est gaudium in spiritu sancto, de peccato remisso, ac uita æterna gratis concessa. Vide, oro, an secus in mulieris peccatricis salute apud Lucam sit actum. Ea enim simulatque suam in Dei domo per lachrymas, & unguentum testata est mansionē, illam summa lætitiæ, & iucunditatis uocem audiuit; Mulier, inquit, remittuntur tibi peccata tua. Quæ, obsecro, iucundior animæ uox esse potest: Quod nuncium tam delectabile, quàm ut mihi cœlitus dicatur: Tu qui hactenus mulier fuisti, mollis scilicet, sensibusq; inseruiens, atq; ad ea omnia, quæ uiri sunt, incōstans, ac tui dissimilis, iam uir esto: uade in pace, hoc est, superfluis relictis curis, quibus necessario hæret peccatum, in animi pace & quiete, uitæ quod superest transige. Itaq; illud idem est, quod hic uates sibi promittit, ut uideat scilicet diuinam iucunditatem, ac eius quasi antea derelictum reuisat templum, quanquā non me latet, scrutari uerbum, pro uisitare positum Hebræis: quod quidem sic uertit paraphrastes: Vt possim, inquit, scrutari quàm sint in regia illius uaria & admiratione dignissima. Quare alio in loco clamat propheta: Mirabilia testimonia tua, ideo scrutata est anima mea. Alius rursus interpretes sic reddit: Vt perscruter in templo eius, ut uel hinc, si non aliunde, addiscere possimus quam ob rem tot ampla edificata sint templa ac cœnobia, nempe ut Dei opera ac iudicia iugi consideratione cōtemplantes, fidem solidam in Deum unā cum ecclesiarum ædificijs erigamus. Alioqui ubi res profanas, negociæue terrena, atque id genus alia, quæ in immensum aggregant curas, tractari uideris, ibi mundum merum esse calculis omnibus affirmato. Idcirco igitur nobis perpetua domus Dei exoptanda est mansio, ut Domini tum uoluntatum uoluptatem uidentes, in rerum diuinarum peruestigatione, non in accumulandis agris agro, ut detestatur Deus in Esaia, aut in aucupandis hereditatibus, nostros conteramus annos. Sed iam quæ utilitas ex perenni in Dei ædibus habitatione oriatur, est uidendum.

Quoniam abscondit me in tabernaculo suo in die malorum, protexit me in abscondito tabernaculi sui.

Eutymius hic uocat tabernaculum, Dei protectionē, qua usus est uates in suis periculis, tanquam refugij sede, ac tabernaculo, sub cuius fauore frequentissime latuit. Et est, ni fallor, similitudo à more desumpta illo, quo utimur in eo protegendō, qui ab inimicis actus apud nos diuertit: & quem in secretioribus ædium locis occultantes, tutum, & ut sic dicam, inspectabilem hostibus facimus. Quare sic reddit paraphrastes: Occultaret me in penetralibus domus suæ. Felix uerò: Occultabit me in secreto tentorij sui. Nec quidem aliud hic sibi uelle uatem iudico, quàm eum, cui Deus iam factus est & illuminatio, & salus, locum sibi tutissimum apud cœlestem patrem conciliaſſe, eo maximè tempore, quo magis temptationum procella incrudescit: quod quidem tempus hic Dauid diem malorū appellat. Verum non hoc solum, sed &

In petra exaltauit me.

Vide quàm non ab incepta metaphora actutum declinat uates. Solent enim hi, qui in maximo aliquo periculo constituti, periclitanti uitæ latibulo aliquo secretiori consulere quærunt, rupem undique præruptam, atque propterea ui omnium humanæ inaccessam petere, in eiusq; scissuris delitescere. Atqui ut maximè illi, qui in intimis ædium uisceribus latitant, aut rupium fixuris occultantur, possint hostium aut ui, aut astu detegi: at is qui in Christo, qui petra dicitur, libenter commoratur, tutior est, quàm quod à dolis hostium circumueniri queat, atque à tam grato sinu, ut est ecclesiæ, possit extrahi. Hanc enim petram alio in psalmo uocat refugium herinaceis propheta, illis sanè qui innumeris peccatorum sentibus obſiti, quorū



**A** ti, quoquo se uertunt, omnibus sunt infensi ac nocui; quos tamen Dominus suo non dedignatur tutari patrocínio, modò uelint, ac trahenti gratiæ nò reluctentur.

Et nunc exaltauit caput meum super inimicos meos.

Exaggerationes hæ sunt ardētes animi summopere de Deo præsumētis. Quid, inquit, tentorij secretioris, aut petrae inaccessæ similitudine meam enarro securitatem? Non solum enim Deo tutore ab hostium dolis securus uiuam, uerum etiam illis ero superior, & uictor. Nam Deus caput meum extulit super illos, qui modò me undequaq; ueluti canes uenatici circumuallantes, inter fauces habere opinabantur. Hebræi enim, quod nos sequentis uersus initio legimus, Circuiui; huic hemistichio subnectunt, hoc modo: Exaltabit caput meum super inimicos meos, qui in circuitu mei. Vnde paraphrastes: Scio superaturum me eius beneficio inimicos meos uniuersos, quamuis undique oppugner ab illis. Quàm uerò periculum nostra quaquauerus ab aduersarijs expugnetur salus, satis abundè in superioribus est dictum.

Circuiui & immolaui hostiam uociferationis; cantabo & psalmum dicam Domino.

Suo more uates animi gratitudinem post accepta beneficia pollicetur. Non te terreat, ut saepe admonuimus, mutatio temporis. Hebræi tamē cuncta hæc per futurum legunt, Testatur igitur hic uir sanctus, se hostias Deo dignas immolaturū, laudes nimirum, ac cantiones diuino numini idoneas: & id quidem in eius tabernaculo, de quo pauloante, abscondit me, inquit, in abscondito tabernaculi fui: in quo haud amplius, aut hœdi, aut agni, ut olim, immolant, sed laudū, gratiarumq; actiones celebrantur. Quas quidem sese oblaturum Osæas quoq; promisit, dicens: **B** Omnem aufer iniquitatē, & reddemus uitulos labiorum nostrorum. Atqui non audiendi sunt illi, uiri quidem, si Deo placet, plusquā spirituales, qui contenti quibusdam suis, nescio quibus, sine mente speculationib; pro summa perfectione habent, ne semel quidem os ad diuinas laudes aperire: quin potius illos, qui eum in templis morem obseruant, stomachantur, illisq; detrahunt. Hi nempe admonendi sunt, ut prius animi tumorem dediscant, quàm antiquissimam ecclesiæ consuetudinem adlatrent ac lacerent. Quòd licet uerum Dei templum & tabernaculum, cor hominis ab omni impietate defæcatum esse sit dictum, in quo ueræ, Deoq; dignæ canantur laudes: non negandum tamen est, loca sacra ac fana, in terris diuino cultui apta, & quodam modo necessaria, atq; propterea à sanctissimis uiris libenter frequentata ac culta. Quæ uerò sint in templis & choris amputanda, nò est præsentis instituti edocere, multò minus hominis obscuri, atque incogniti. Clamat igitur uice nostri spiritus, postq; ad diuina tam stupidi sumus: Te ô Domine laudabimus, tibi uictoriam, tibi nostrum de hostibus triumphum ouantes referemus ac ceptum, tuæq; pietati ac clementiæ adscribemus: tuam insuper, uel mordicus, acram tenebimus, circuibimus, amplexabimurq; ac super illam, quæ ueram spirant religionē, iugulabimus uictimas, animas scilicet nostras, affectus, uota, desideria, flagrantissimis studijs offeremus, nedum oris laudes concinemus, ac uictoriæ præconia celebrabimus. Non deerunt quidem super altare huiusmodi tuum carthelabra aurea, non argentea, non gemmea, non thuribulum, non incensum, non thymiana, nò sexcenta alia huius generis odoramēta, modò tu faueas, nosq; cum tuam opem implorabimus, exaudias, ut semper exaudisti, Sed & modo

Exaudi Domine uocem meam qua clamaui ad te, miserere mei, & exaudi me.

Illud in primis, quod penè omiseram, non prætereundum, quòd nos in superioris uersu legimus hostiā uociferationis, Hebræis esse sacrificia clangoris; uel, ut



**C**uertit Felix, iubilationis. Allusit enim uates ad antiquum sacrificandi morē apud Iudaeos: in quo, ut in Numerorum libro legimus, buccinis ac tubis clangere ex lege iubebantur. Cui præterea à rege addita sunt & nabra, & cymbala, & cithargæ, atque huius generis alia. Rursus Dauid in hoc uersu ad illud unum quod rogauerat dicēs, Vnam petij à Domino, redit, ac precatur hoc ferè modo: O Domine, audi, te obsecro, uocem meam, misericorditerq; tracta me, ac meis responde uotis.

Tibi dixit cor meum: exquisiuit te facies mea, faciem tuam Domine requiram.

Ambiguus admodum is est uersus, idcirco ambigüe enarratur. Felix sic: Tibi dixit cor meum, requirite faciem meam, faciem tuam Domine requiram. Quorū uerborum is erit sensus: Cor meum cogitat tibi, hoc est, in persona tui, quid nobis iubeas, & respondes, Requirite faciem meā, quocirca abs te edoctus faciem tuam requiram. Diuus uerò Hieronymus, & Chaldaeus, idem quod noster interpretantur, omisso, te, quod in hebræo nō habetur, hoc modo: Tibi dixit cor meum: exquisiuit facies mea faciem tuam, & requiram, quasi id sentiat uir sanctus: Anima mea, quæ est ad imaginem & similitudinē tuam formata, petit ut faciem tuam, quæ est eius ueritas, ac bonorū omnium cognitio atq; exemplar, exquirat. Id sanè uult, id petit, id exquirat, propterea illam continuo requiram. Porro facies Dei, illius est notio, patensque uisio: quæ & eius uultus dicitur planè reiectus, ac beatissimis summummodo animis à corpore separatis apertus. Cuius quidem contemplationem, quoad eius copulata est anima corpori, requirere utcunq; potest: perfectè uerò tenere, quemadmodum illi, haudquaquam. Si inueni, inquit Moses, gratiam in conspectu tuo, ostende mihi faciem tuā, ut sciam te. Sed quia, ut dixi, superbeatissima Dei facies ac uisio, in qua summa totius tranquillitatis animæ est posita, corporeis aspectibus negatur, idcirco à Deo dictum est Mosi: Faciem meam uidere non poteris: non enim uidebit me homo, & uiuet. Sed num, quia uideri nequit, nec requiri propterea à nobis debet? Debet sanè studio omni ac diligentia inquiri. Alioqui res est, quæ non nisi summo sudore & conatu apprehenditur. Animos enim purissimos, atq; in exercitio uirtutum planè attritos, purissimus ille uultus, non turpes, non ocio languidos, non cupiditatum flamma exustos, non in libidinum cœno sordidos postulat. Quæsiui igitur faciem tuam, ait: quæramq; in futurum, ut possim de fide in fidem, à gloria in gloriam, quæ est facies tua, transire: & hæc omnia in facie & illuminatione uultus tui. O miserrimam mortalium conditionem, postquam cœlestis illius uultus tenuem uix per transfennam nobis contingit diuinitatio magis, quàm uisio absque uelo & umbra.

Ne auertas igitur faciem tuam à me,

Ut possim eam iam tandem tot superatis huius mundi ærumnis uidere. Ne tuos, quæso, felicissimos illos radios à me subtrahas, ô sol iustitiæ, ô fax, ô lampas totius bonitatis ac ueræ notionis. Ne, oro, uultum illum tuum desiderabilem, in quo natura quoque ipsa uniuersi delectatur, ab eoq; formas omnes, atq; idæas, uel ab æterno exemplari ac rerum omnium exordio sumit, tanquā iratus à me abscondas, auertasq;. Quod si (malum) non ualemus in hoc corruptibili corpore reuelata facie transire de claritate in claritatem tanquam à Domini spiritu, saltem nō desit amor, continuumq; in nobis te uidendi desiderium, Quod ut fiat, interim

Ne declines in ira à seruo tuo.

Ne, rogo, indignabundus secedas à me, nèue iratus à contemptibili hoc seruo tuo, quem hætenus tua sanctissima protectione refocillasti, serenissimum tuum aspectum deflectas. Quod si mihi deinceps peccare contigerit (malo tamē milles, si fieri posset, emori, quàm semel te peccando offendere) paternè, misericorditerq; castiga me: ac quādo res meæ potissimum in periculo erunt, consuetam fer opem, & me tuo iucundissimo conspectu recrea, Quid dicam amplius?

Adiutor



A les istiusmodi cœlorum cōmotiones, ac cætera alia ditionis Dei argumenta sese manifestandi uim habent, uox à propheta dicatur: nam propterea desides mortaliū animi in admirationem rerum earum, quæ diuinam potentiam ac maiestatem præ se ferunt, excitari faciliè possunt, cum audiunt primam illam causam perualido tonitru, ac terrifico terræmotu pro uoce uti: quam sanè uates asserit in uirtute erumpere, & magnificentia, hoc est, præualidam esse & magnificā: quippe quæ tam admirandis indicijs uerendam suam omnibus patefacit potētiam. Sed & illud operæprecium est uidere, breuiterq; exponere, qualiter uox ista diuina, etsi non secundum rei meritum ac dignitatem, at saltem prout præsens expostulat interpretatio, sit extollenda. Quid? inquit uates: Verbumne Dei parui putandum ducitis? num fidem eius dictis non adhibendam? Adhibenda est quidem tam magnificis eius gestis, orbisq; uniuerso cognitis. Vox certè Domini ea fuit, quando illius iussu spiritus Domini ferebatur super aquas. Vox ne illa Domini fuit, uel ne, cum ipse dixit, & facta sunt, ipse mandauit & creata sunt? Vox sanè Domini super aquas, quando locutus est super Aegyptiorum flumina illa omnia, quæ uerbi in sanguinem uersa, immundos ranarū greges produxerunt. Quid porro illud, quod in Exodi libro legimus, Dominū scilicet è cœlo grandinem igni cōmixtam iaculatum, horrendumq; in modum intonuisse? Fuit ne imbecillis Dei uox ea, quando Domini iussu mare rubrum peruiū factum humanis gressibus, populo quidem Dei uiam tutam præbuit, Aegyptios uerò stupendo miraculo suffocauit? Quid aquas Marath Dei uerbo ac uoce dulcoratas memorem? quid illas tam celebri portento è petra excussas? Ad futura, inquit uates, descendamus. Iam præsentisco, inquit, effectum alium excellentiorem huius beatissimæ uocis, quàm illi fuere, quos in superioribus cōmemoraui. Video (dilatis interim effectibus cæteris, qui mihi in spiritu reuelantur) non solum quidem Iordanis aquas è sanctissimi corporis filij Dei actu sanctificandas, uerumetiam omnes, quotquot in orbe terrarū sunt, ui uocis huius afflatas, renascentiam spirituales, ac planè diuinam hominibus apportaturas. Cuius alius Dei, nisi nostri, altera illa erit uox, quæ, facta multorū corona, strepituq; horrifono & formidabili, ita præsentium animos, ut sic dicam, dementabit, quod ex illis quidam dicent tonitruum factum esse, alij uerò angelum ab æthere locutū, alij item aliud? Hæc uates. Fateor equidem me manum à calamo temperare nō posse in celebrandis huius efficacissimæ, atq; adeò omnipotentissimæ uocis laudibus, cuius quidem uirtute scio condita omnia in lucem producta esse, seruari continuò, ac ad mortaliū beneficium discretis quibusdam suis, occultissimis tamen, & donis, & gratijs, unicuiq; nostrū impartiri. Vox enim hæc, seu uerbum, seu sermonem, seu euangelium appellare mauis, Christus est, Dei filius, sapientia patris, atq; eiusdem infinita uirtus. Siquidem uirtus est, ut inquit Paulus, in salutem omni credenti. Quocirca à uate est dictum,

*Vox Domini in uirtute, vox Domini in magnificentia.*

Virtutis nōne illud fuit, & id quidem mirabile, atq; unicè stupendum argumentum, & potestatis, perditum hominem recuperasse, atq; per cōtumeliosum, irrisumq; uulgo modum, per crucem scilicet, eundem ipsum Adæ filiū, hoc est, iræ alumnū, ac perditionis, inter nobiliores cœli spiritus collocasse? Quid porro unquam in terris magnificentius uisum est, quàm cum facto repente de cœlo sonitu, diuināq; pertonante uoce, repleti sunt omnes spiritu, & eo quidē sancto ac superbeato, non fanatico, aut furenti: quo sanè magistro, orbis totius linguis ab Apostolis cœptum est Dei uerbum prædicari? Vox certè fuit illa Domini in uirtute, & magnificentia, quæ confirmata est in nos, ut inquit Paulus, contestante Deo signis, & portentis, & miraculis. Illa, illa inquam est

*Vox confringentis cedros, & confringet Dominus cedros Libani.*

En quomodo paulatim uates potentiū hominū fastum deijciat, ac tumorem: quos sanè à uoce illa diuina sub cedrorū typo confringendos uaticinatur. Felix



c legit: Confringens cedros. quæ quidem litera uidetur uerior, ut confringens ad uocem referatur, non ad illum, cuius uox ea sit. Cæterū frequens in scripturis usus est, ut pro mundi huius potentioribus, cedri arbores, quæ in Libano Syriæ monte concreſcunt, uſurpentur: quanquā & in bonam quoque partem aſſumi legimus, ut illud in primis in Eccleſ. in quo uox iſta beatiffima ita de ſe loquitur: Quafi cedrus exaltata ſum in Libano. Illud rurſum in pſalmo, de eodem Dei uerbo, ac uoce: Sicut cedrus Libani, inquit, multiplicabitur, Cedri, inquit Ezechiel loquens de ſupercœleſtibus animis, non fuerunt altiores illo (Lucifero ſcilicet) in paradifo Dei. Verū in hoc loco cedri nomē ad illos ſpectat, qui in hoc mundo aut potentia, aut doctrina, aut etiam dignitate aliqua ſublīmiori, in Dei eccleſia eminentiores facti, plus nimio inturgelcunt, ac condita omnia delicati, ſi Deo placet, homines nauſeę habent. Hi nempe cedris creſcentib, in Libano à prophetis comparari ſolent. Vnde illud eſt Eſaiæ cōminationis plenum: Dies, ait, Domini ſuper omnem ſuperbum, & excelſum, & ſuper omnem arrogantem, & ſuper omnes cedros Libani ſublimis, & erectas, & ſuper omnes quercus Baſſan. Hæ enim ex felici ſolo, pinguique regione, quæ eſt trans Iordanem, altiores quàm in ceteris regionibus aſſurgunt: illæ ex benignitate aëris, quam in Phœnicia eſſe coniectamus: quanquam Libanus mons inter Arabes & Phœnices magis ſitus ſit, quàm in Phœnicia ſolum. Sunt enim natura ſteriles & inflexibiles: quocirca meritò potentioribus illis comparantur, qui ab ſeſe, aut ab antiquo auorū ſtemmate, & ſucceſſione, rerum dominiū, non à Deo, cuius ſunt, ut inquit Solomon, omnia iura regnorum, accepiſſe ſe iactitant, ſpreta interim omni religione, & pietate. Citrus uerò alia eſt arbor à cedro, de qua nūc loquimur. Hęc enim cum ſemper ſterilis ſit, illa ferax in primis eſt, & fructuū ubertate, coloreque, ac odore ſuauiſſima. Hęc Citra appellamus, quæ ad radices Atlantis montis aiunt immenſę magnitudinis, & non inſuauiſ odoris ac ſaporis, creſcere. His fermè ſimilia ſunt ea, quæ apud Ligures paſſim per apricum Ligutti maris littus pernaſcuntur. Verū nulla in his alendis ſagacior gens eſt, quàm quæ Benaci ripas illas incolunt, quę ad Orientem ſpectant: poma nimirum digna, quę ab amœniſſimis Tuſculanorū hortis, Margutianenſibus ſue plantarijs & clauſtris, per orbem uniuerſum ſpargantur: quæ cum magnitudine cæteris cedant, odore tamen & ſapore præſtant. Sed quid ago? penè imprudens tam ſuauiſ pomī memoria allectus, ab inſtituto excideram. Vnde igitur diſceſſerat oratio reuertatur, & dicat, ſuperbos omnes, atque potentia aliqua inſigni præditos, ui uerbi Dei cōfringendos. Quod ſi tamen dilata paululum abs Deo pœna, uidentur impij, ut alio in pſalmo canit uates, ſuperexaltari ſicut cedrus Libani, ferendi ſunt æquo animo, neque Deus in iudicijs eſt præuertendus. Tranſiui, ait, & ecce non erant. Confringet, crede mihi, ait uates, Dominus cedros hæſce Libani. quod cum uideris, poteris ne aliud dicere, quàm id quod tam crebrò inculcant uates, uidelicet: Os Domini locutum eſt: Nec hoc quidem ſatis quod dixi: inſuper

*Et comminuet eos tanquam vitulum Libani: & dilectus quemadmodum filius unicornium.*

Felix ſic: Et exilire fecit eos ueluti uitulum, Libanum & Syriam ueluti filium unicornium. Eos, uel Eas potius dictio ad cedros eſt referenda, ut ſic ad ſuperborum euulſionem ac fugam alludī intelligas: quorum figura atque umbra fuit conſternatio illorū regum, quos à Iudæis duce Joſue proſtigatos legimus. Porro Syriam mons Hermon eſt, quem Sidonij Syriam, Amorrhæi Senir appellant: Prolemaus uerò Hippum, quem Antilibano iunctum aſſerit: in quo quidem, ut in Libano, cedros altiſſimas, atque alias proceras arbores alij ſcribunt autores. Senſus igitur: Vox Domini cōminuet eas cedros, elatos ſcilicet, in rebusque huius ſeculi turgidos ac uultuoſos, extirpabitque illos ea facilitate ac celeritate, qua uitulus in morbidis Libani paſcuīs enutritus fugari ſolet à minimo rerū ſtrepitu. Sed quid dico cedros ſtirpitibus euellendas, cōminuendasque, cum & ipſum Libanum quoque tam robuſtarū arborum altorem, atque Hermon, citius à fundamentis euerteret uox iſta potentiſſima, quàm fugatur unicornis pullus, animal nimirū timidiſſimum, acin



A ac in fugam uel ad tantillum frondis motum concitatissimum? Quòd autem legunt Hebræi, Exilire facit illos: eum sensum habere uidetur, quòd præ timore è sedibus proprijs euulsi, quodammodo uidentur saltare, ut uel hinc discas quàm celer futura sit superbiorū deiectio, quando uisum fuerit diuinæ prouidentiae deponere potentes de sede tanquam cedros è Libano reuulsas, & exaltare humiles tanquam myricas in deserto. Vidimus enim aliquando totas integras regum potentissimorū familias extinctas, principesq; alios adeò à mortaliū memoria elapsos, ut nunquā eos fuisse iurare posses. Quot regna excisa? Quot urbes diruta? Quot (ne interim de minutioribus magistratibus, superbissimis tamen, ac Dei & hominū contemptoribus, dicam, quos citius desisse cernimus, quàm fumus in aërem resolutus desinit, ac euanescit) floridissima oppida, atq; arces in cinerem relabi nouimus? Vocis enim fuerunt hæc diuinæ, ne dubita, operationes, ne fato, aut fortunæ humanos euentus adscribas. Porro, dilectus, dictio in hebræo non habetur. quæ tamen ut possit ad ea, quæ dicta sunt, accommodari, sic erit interpretanda, ut dilectus idem sit, qui & potens, atq; à suis charus habitus, licet cæteris inuisus, qui nihilominus erit tanquā monocerotis filius fugiēs: quandoquidem in primarijs ecclesiæ, uel rerumpub. hominibus, non dignitas, aut imperiū probari solet, sed pietas ac religio. Quod sanè à mei quoq; ordinis superioribus illis, qui in causa sunt, intelligi cupio: ne dum nimium sue illi auctoritati (melius dicerem seruituti) tribuunt, parumq; interdum memores, quàm periculosum sit alijs preponi in his præsertim quæ ad animarū tutelam spectant, nostrā hanc nauem spiritus sancti manu fabrefactam, superbiae fluctibus, atq; ambitionis æstu submergant. Scio equidem hæc, atq; horum similia, quæ interdum per meos hosce commentarios à me tanquam admonitiones quædam ab amanti corde profectæ interferuntur, illos maximè, qui eorū, quæ dixi, tanquam repetundarū rei sunt, non probaturos. Secus uerò alij, quibus semper, à quocunq; proferatur, ueritas placuit, & quibus hunc totum meum laborem probari efflagito. Hos enim admonitos, illos reprehensos esse uult spiritus. Tantum porro abest, ut ingenua ingenia ob paucorum iram & indignationem, ea quæ ad Christi honorem pertinent, si leant, ut etiam & dicant, & inculcent, & si fas est, malleis ipsis ferreis quoq; illorum auribus infigant, qui plerunq; idcirco errant, quia, qui illos sincere admo- neat, non inuenitur. Veritas enim huiusce generis merces est, ut uulgò exposita sui omnibus copiam faciat. Candido qui sunt pectore, ac puro iudicio præditi, ea inspecta summa afficiuntur oblectatione: qui uerò tetro & impuro, illius radios, tanquam nocturnæ solis lumen, indignabundi auersantur. Sed ad uocem nostram, ad Dei uerbum, ad solem, ad Christum, qui sol est iustitiæ, uox patris & sermo, reuertatur stylus, ab eoq; regatur.

*Vox Domini intercedens flammam ignis.*

Hic rursus intercedens erit legendū. Per flammam uerò, quo in superbiorum serie maneat, eorundem, quos superius Cedros appellauit, seuitiam atq; irarum ardorem intelligit: quæ sanè à fortissima Dei uoce intercipiendam, ne quantum uolunt noceant, esse prædicat. Huiusmodi enim diuini facinoris præludium illud fuit, quando ex murmuratotibus, ut in Numerorū libro legimus, quatuordecim millia hominū & septuaginta combusta sunt. Tunc, dico, quando Aaron iussu fratris stans (uide hic uocē Domini intercedentem flammā ignis) inter mortuos & uiuos pro populo deprecatus est, & plaga cessauit. Quid porro illud cum ignis babilonicus, ne innocentissimis officeret pueris intercisus, contra sui naturam humanis corporibus celsit? Quid innumerorū martyrum flammæ algidas factas ui uerbi Dei, atq; interruptas memorē? Quæ tandem uis alia nisi istius summi beatissimæ uocis innatum hominibus concupiscentiarū ardorem in suis electis interfecat & sopit? Quæ alia, carnis incendia, iræ, ambitionis, inuidiæ, auaritiæ, libidinis, tam exactè diuidit, atq; eis finē imponit? At qui si honestioris flammæ ratio habenda est, ignisq; cœlestis, eundem sanè ipsum fatebimur donū esse cœlitus à corde patris, è quo uox ista ac sermo emanat, in electorum pectora im-



**C** missum, atq; sanctis coetibus diuisum. Qui cum unus sit natura & impartibilis, singulis tamen, natura cedente amorī, per partes secundum uniuscuiusq; captū diffunditur: ita ut alij datus sit spiritus sapientiæ, alij doctrinæ, alij uerò altissimi raptus ac ecstasis. Vide quid agat sanctissima Dei uox. Vide, inquam, quomodo bonorum, malorum quoq; interdum permeet corda, dispari tamen modo & effectu.

*Vox Domini concutientis desertum, & commouebit Dominus desertum Caddes.*

Felix sic: Vox Domini contremiscere fecit desertum, contremiscere fecit Dominus desertum Caddes. Deserti Caddes meminit propheta ob duo, meo quidem iudicio. Primum, ut horrendi terræ hiatus in morte Chore, & eorū qui cum illo offerebant incensum, posteros admoneret: quem sanè casum in deserto Caddes, per quod Israëlī populū annis quadraginta post Aegypti discessum circumductus fuit, accidisse legimus. Postea uerò huius deserti potissimum mentionem facit propterea, quod uastissimū sit, atq; inter alia horrendū magis, inhospitæq; solitudinis. Eremum Arabiæ hunc esse dicunt Idumææ cōterminū. Volunt enim Caddes dictum ab euentu, cum antea Sinai, Zin, seu Cadmoth appellaretur, eò quod Iudæorum populū in eo paratus ac idoneus factus, qui terram illam Canaan ingrederetur. Caddes enim preparare Hebræis est. Neq; sanè à uero dissimile erit opinari hīc uatem solitudinem tam uastam, pro immanioribus animis ac ferinis quorundam principum, cæterorumq; similium, per metonymiam posuisse, quos tamen asserit uirtute diuinæ uocis timore concutiendos. Solet enim felicissima uox ista quæ uidet corda inhospita, arenosa, inertia, primum quidem terrore, deinde placidissimo illapsu (quæ est eius natura) concutere, perturbare, trahere demum, ac planè immutare. Vidisti ne unquam impium aliquem exaltatum instar Cedri in Libano atque Hermon, breuissimi morbi ictu è medio excisum, aut furcæ impositum, aut in medio ipso rerum successu uertisse solum, fortunisq; expoliatū, ac populis, quibus olim pauidi fuit & formidini, postea contumeliæ esse ac despectui? Vox nempe diuinā illa fuit, atq; æterna ordinatio magis quàm sicarius aut carnifex, quæ confringere solet Cedros, flammamq; intercidere, ac immane desertum Caddes è loco mouere. Quanquā sint etiam Cedri, quæq; altissimæ, flammæ item ac deserta, quæ Dei sermone incensa ac commota, usum ad humaniorem, ad pœnitentiam, ad lachrymas, ad contemptū mundi citius resiliunt, quàm resilire solet ab incepto itinere tener uitulū, aut paruus monoceros strepitu aliquo perterrefactus. Siue igitur hæc omnia ad immanē superbiorum potentiā Dei uoce infringendam, siue ad flagrantia spiritus dona electis diuidenda referas, id totū uatis spiritui conuenit, qui, ut inquit Felix, pro Christi atq; eius ecclesiæ gloria, decore & magnificentia, hunc psalmum composuit.

*Vox Domini præparantis ceruos, & reuelabit condensa, & in templo eius omnes dicent gloriā.*

Felix: Contremiscere fecit ceruas, uel obstetricauit, seu dolere fecit uti parturientē ceruas, uel fortes. Hinc uides ceruas melius legi quàm ceruos. Ad ceruas enim spectat parturitio & partus, non ad ceruum. Porro dictio, præparantis, ut uulgaris legit æditio, cum Hebræis tum Græcis est præparans: hoc est, uox Domini ea est, quæ præparat ceruos, superbos scilicet atq; elatos ad fugam: non solum enim præparat, sed impellit quoq; ac, ut sunt meriti, concitatissimè perurget, adeò quod ex metu & dolore similes fient parturienti: qui quidem dolor molestissimus omnium est. Vnde apostolus de illius generis hominibus loquens, sic ait: Sicut dolor in utero habentis, & non effugient. Quòd uerò alij legunt obstetricauit, ad ceruas referendum est, ut hinc maximè diuinæ uocis uirtus comprehendatur, quæ uel ceruis natura in ædendo foetu difficillimis, obstetricis quodammodo fungatur officio. Hæ enim timore magis persequentium, quàm plerumq; tempus ad deponendum uterū, quod sanè octonis mensibus consistere asserunt, maturum sit, in ipsis tritis, ut aiunt, humanis uestigijs semitis emitunt foetum. Quanquam Iob, cui magis credendum esse arbitror, quàm uel Plinius, uel eius deo Aristotelis, qui scribit ceruas metu ferarum iuxta uias parere solitas, cer-



A ceruarum partum asserat adeò occultum esse, ut nequeat ab homine sciri. Non-  
 quid, ait, parturientem ceruā obseruasti? nunquid numerasti menses conceptus  
 eius? & nosti tempus partus eius? Vide quā malè conueniant philosophi cum  
 theologo illo antiquo tam grato uoci istī, cuius potentia in hoc psalmo celebra-  
 tur, cuiusq; afflatu ac numine attractus tantus uir, rerum humanarū, diuinarūq;  
 scientiam optimè calluit. Huic igitur animanti comparat uates potentiam huius  
 mundi, quē nisi Dei uerbi ad motis flagris & uerberibus, foetus illos difficiliōri ni-  
 xu parit, quos Christus in euangelio fructus pœnitentiæ nuncupauit. Quare sua  
 quæ sponte agere recusat, uerberū, ac tum legis, tum extremi iudicij metu, ac  
 terrore simul & dolore mota, faciliōri deinceps in ædendo iustitiæ partu utetur  
 utero. Ceruus enim, si cornua inspicias, pugnacissimum uidetur esse animal: ue-  
 rum si uel leuissimo impetitur ictu, contremiscens illicò fugit. Ita, atq; eodem in-  
 statu sunt in rebus mundi ferocientes, uti olim etiā fuere Hiericontini illi à Iu-  
 dæis deleti, quorum pauorem Raab illa celebris mulier graphice admodum de-  
 pingit, hoc modo: Irruit, ait, in nos terror uester, & elanguerunt omnes habitato-  
 res terræ, nec remansit in nobis spiritus ad introitum uestrum. Quid hunc terro-  
 rem Hiericontinis, alioqui tunc temporis bellacissimis, ac longè Iudæis & ui-  
 ribus, & ceteris urbis præsidij superioribus, incussit, nisi uox Dei fortissima, cu-  
 ius robore atq; efficacia inflata Iudæorum tubæ, clangore horrifono, absq; tor-  
 mentis ac uineis, alta urbis mœnia solo, dicto citius, æquauerunt? Nōne hæc ea-  
 dem est, quæ, ut ait uates, reuelat cōdensa? uel, ut legunt alij, denudat syluas? hoc  
 est, nōne quicquid in cordium latebris, ueluti in obscurissimis saltibus & nemo-  
 ribus latitat, uox ista beatissima, omniq; gladio penetrantior, detegit, reuelatq;  
 ac palām facit? Quid porro aliud esse affirmabimus mundi huius potētiores abs-  
 que diuini uerbi luce, præter syluam densissimis ramis, absq; baccis aut pomis o-  
 pacā? Quanta interdum errorū confusio uitiorūq; colluies, & ægritudo in  
 illius generis hominibus delitescit, qui autoritate aliqua sublimi, tanquā nemore  
 frondoso tecti, in densissimis uiuunt tenebris? Quæ tamen omnia reuelabuntur  
 aliquando, atq; omniū oculis patefient, quamlibet humanis aspectibus abdita ui-  
 deantur. Tum quidem & nemora, & nemorum uenatores unā cum ipsis planta-  
 rum stirpibus penitus euellentur, cum moniti à Iosue in aliud genus syluarū as-  
 cendent, & succident sibi spatia in terra Pherezæi, & Raphain. Verū adhuc qui  
 dem ferreis curribus utuntur Cananæi, nec in templo Dei omnes dicunt gloriā.  
 Dicent tamen aliquando, modò diuinæ uocis afflatibus non reluctentur. Quæ  
 cum omnia & supera & infera perterrefaciat, suos tamē occultissimū in modum  
 recreat, atq; eos ad suas laudes & gloriā celebrandam inuitat: & hoc in templo  
 sancto suo, quæ est ecclesia fidelium eorum, quibus cor unum est, atq; animus ad  
 ueram pietatē instructus. In quo quidem templo unusquisq; ut ait Augustinus,  
 pro dono sibi cœlitus dato laudare debet Deum. Alioqui cor illud unum, quod  
 inter Christi fideles esse debet, ab sese diuulsum, ac in partes dissectum, quomo-  
 do bonum illud unum, quod bonū quidem est propterea, quia unum, unquam  
 assequetur? Pereat necesse est tandem respublica illa, ac plebs, quamlibet ornata  
 uirtutibus, ac castis moribus, quæ ab unitate illa longè abest, à qua uel tantillum  
 quidem discedere non parua impietas est. Amor is ille est, qui è corde patris ema-  
 nans, filium prius, per quem, unum cum patre ipso nos qui credidimus efficimur,  
 electos postea, incomprehensibili bonitate ad sese trahit, agglutinat, atq; ita in se  
 transmutat, ut una prorsus res sit facta Deus & homo per Christum. O unitatem  
 tuam solummodo cognitam. Scio, scio equidem quod nemo ascendit in cœlum,  
 nisi qui descendit de cœlo filius hominis qui est in cœlo Christus Iesus. Nōne  
 hic uides quomodo necesse est hominem alterū quodammodo effici Christum,  
 si illò ascendere conatur, quò nemo ascendit nisi ipse Christus? Id omne (ne dei-  
 ciaris animo) perficit fides atq; amor, etsi non noster in Christum, qui per se algt-  
 dus est: at ille, quo nos, ipse æterna charitate adeò dilexit, ac sibi uniuir, ut unum  
 omnino cum ipso facti simus. Is tandem Dominus ille est, qui



**C** *Diluuium inhabitare facit.*

Hebræi legunt: Dominus præsidet diluuio. Parum tamen aliter Felix: Dominus, inquit, diluuiū inhabitauit. Cautum sit omnibus, clamat propheta, dum incrudescit tempestas, furitq; uis imbrum, ac cœlos penè ipsos cernimus in pluuias resolui, nos admonere diluuij, non illius Deucalionis & Pyrrhæ, fabulosi sanelle ac commentitijs, si ad saxa illa spectas, quibus aiunt humanum genus recuperatum esse: sed eius, quo uniuersus prorsus interiit orbis: ne & nos quoque eisdem illis uitjs, cum illius etatis hominibus coinquinati, aliquando absumamur. Quod quidem periculum ex animo perpendentes, uel sic saltem terrore metuq; à flagitijs coërciti, peccare nos pudeat, diuinamq; ultionem nostris sceleribus irritam in nos sœuire pertimescamus. Haud nobis quidem tutior quàm illis promittitur uitæ exitus, si eundem uitæ fastum cum illis sectantes, curam carnis, ut nos dehortatur Apostolus, in desiderijs fecerimus. Caro, inquit Deus, sunt, idcirco perdendi. Verùm cœlestis pater, qui nunquam suis deest, tum diluuium inhabitauit: hoc est, in diluuio etiam aquarum multarum, in diluuio illo tam celebris Noah, in trāsitu maris Rubri, in traiectione Iordanis, atq; innumeris alijs uitę periculis, semper suis adfuit. Quam porro omnem undarū exundantiam baptisimi aquas portendisse scimus: quibus quidem, ut interpretes reddit hebræus, præsidet Dominus, dans illis regenerandi uim atq; efficaciam. Notant hinc ueriores esse literam si legatur, inhabitat, aut inhabitauit, quàm si legas cum nostro interprete, inhabitare facit: quò intelligas, ipsum Dei uerbum, Deum ipsum, per se, suaq; sponte mentes purificatas, atq; sacrarum aquarum ablutione sanctificatas inhabitare. quanquā neq; illud quod nos legimus, à uerò sensu alienū sit, qui sic reddi potest. Dominus diluuiū, hoc est, animos illos, qui in cupiditatū pelago, atq; inundatione uersantur, maximoq; suo periculo natant, uerbi sui extractos inhabitare facit in templo sancto suo, in quo, ut superius dixit, omnes dicent gloriam: **D** hoc est, ad ecclesiæ sinum recurrent, in qua

*Sedebit Dominus rex in æternum.*

Quasi dicat, regnum filij Dei, quem uocem hæcenus appellauit, non erit temporum uarietati obnoxium, sed æternū: propterea & æterna quoq; eius erit protectio. Quis, nisi æternus, æterna lege regere erit potis? Et regni eius, inquit, non erit finis. Quare cum talis sit ac tantus

*Dominus, virtutem populo suo dabit, Dominus benedicet populo suo in pace.*

Si etiam nū ignoras, inquit, unde gratię, unde uirtutes, unde pax, unde uita, unde cetera bona proficiantur, hinc sumenda est doctrina. Nam quemadmodum cum non essemus, à Deo & exordium, & incrementum accepimus, ita & ornamenta uitę omnia, roburq; in aduersis, pax item animi, conscientię tranquillitas, & salus tandem ab ipso expectari debent. Sunt enim quædā in hoc mundo, quę animi tranquillitatem polliceri uidentur, ut sunt dignitates, diuitiæ, ubertas liberiorum, & agrorum quoq; uxor prudens, fauor ciuiū, & alia id genus multa: quę tamen quàm fallacia sint, ac parum sibi constantia, superuacaneum est recensere, simulac cernimus nullum adeò infimæ sortis hominem esse, cui non aliquando prædictarum rerum aliqua imponat, eumq; fallat. Solus igitur Deus est, qui uerè mortalium animos recreat, ac perfectè beat. Ipse enim cum æquam de omnibus uniuersaliter curam habeat, equè omnibus suę bonitatis radios exerit, æque omnes tangit. mouet, excitat, quò arbitrium nostrum, alioqui debile, atq; ad appetenda cœlestia languidum atque iners, habeat quo sese, uti solet uitis suis summat clauiculis, aut ulmo, aut orno se adiungens sustentare, & fulciat, & roburumat. Quod quidem id est, quod modò uates uirtutem ac pacem appellat: ut interimine nimius sim non dicam in hoc loco uatem præfagisse filium Dei in carnem uenturum, qui infirmis robur, debilibusq; in iustitiæ semitis, & uirtus, & fortitudo, quinetiam & pax, & iustitia futurus esset. Ipse enim, ait Paulus, est pax nostra. Alioqui corda irrequieta, diuisa, & turbida, sanctissimæ huiusce pacis & uirtutis,



Atis, hoc est, diuinæ uocis & uerbi minimè capacia erunt.

PSALMVS cantici dedicationis domus Dauid, xxx.



*Exaltabo te Domine quoniam suscepisti me, nec delectasti inimicos meos super me.*

Miratur Felix quorundam expositorū ignauia in exponendo psalmo hoc trigesimo. Et meritò quidem reprehendendi sunt, quippe qui in tantæ rei enucleatione ludaicas nescio quas fabulas introducere potius conari uidentur, quàm ut solidos sensus, ueramq; pietatē, & prophetæ spiritum reddant. Somniant enim hi, utpote qui nihil altum & cœleste cogitare norunt, dedicationem eam, quam in titulo psalmi legimus, aut de templo illo antiquo, cuius nulla in psalmo fit mentio, aut de ipsius domus Dauid parietibus, de quibus nusquā in scripturis legimus, intelligi debere. Nos uerò peritissimis, & illis quidem sanctissimis uiris adhærentes, audacter dicimus, odam hanc cantici exultantis, gratiasq; agentis, pro ecclesiæ dedicatione, hoc est, fidelium innouatione, à uate compositam esse. Mens enim humana tunc dedicatur Deo, canitq; suæ innouationis canticū, cum incipit Deus ipse in ea per fidem primū habitare: deinde per intimam illam, quæ solet à cœlesti patre post afflictiones immitti consolationē, ac à miseris solamen. Quare alio in psalmo exoptat uates, petitq; spiritum rectum innouari in uisceribus suis. Non negauerim tamen, imò res mihi similis uero uidetur, Dauidem domū illam suam Hiræ regis munificentia ædificatā, priuatim absq; cæremoniis & solennitate aliqua sacra dedicasse, Deoq; gratias egisse antequā illam frequentare cœpisset. qui quidem mos sicuti fuit futurarum rerum umbra ac uaticiniū, ita doctrinæ plenus, & quem in fidelium cœtibus peragi uidemus, qui antequam res quamlibet minimè in usum publicū ueniant, Deo gratias agere soliti sunt, atq; illi quicquid ad communis uitæ necessitatem & usum habent, acceptum referunt, ac illo propterea ueluti re sacra utuntur. Est ne animus tam impius, qui rem illam ad fastum ac libidinem habere uelit, pro qua iam Deo gratias egit, atq; eam Dei esse donum sibi persuasit? Omissa igitur uarietate illa, quam ab ignauia proficisci scribit Felix, affirmandum ducimus Christum esse, atq; cum eo illius ecclesiam fide ac fonte innouatam, quæ hîc orat, ac gratias agit Deo: Exaltabo te Domine quoniam suscepisti me, nec delectasti inimicos meos super me. Quando enim Christus Dei filius, caput ecclesiæ, à patreeductus est ab inferis, & nos cum eo educti sumus. Quando resurrexit, & nos quoq; resurreximus: ne tibi effingas monstrosum caput aliquod, quod mutilum sit, ac planè informe. Vnum enim, ne dubita, factum est corpus Christi & fidelium. Quod sanè considerans iusti anima, totaq; præ amore eliquescentes, gemit gaudio, exultatq; non in rebus quidē pessimis, non in diuitiis, non in emptis magistratibus, non in ciuiū occisione, aut cumulo agrorum & uinearū, sed in fide ac spe Iesu Christi, quæ est uera domus Dei, cordis scilicet humani dedicatio. Ne seseq; manens, effundit statim in alios, quos ardentissimo affectu ad secū Deum laudandum, eiusq; sanctum nomen celebrandū inuitat, dicens, Exaltabo te Domine: hoc est, omnibus dicam, & prædicabo, quoniā suscepisti me: seu ut legit Felix, quoniā exaltasti me. Iacet enim homo, ac ueluti sordidissimo cœno prouolutus humi cubat, qui in peccatis uiuit: suscipitur uerò à Deo, atq; exaltatur, quando è tam periculoso morbo & capitali, qualis est mala uoluntas, & erigitur, & liberatur. Et quidem eos ipsos prorsus reprehendendos esse iudico, qui cum se sentiunt ab huiusmodi letali peste Dei dono atq; ope liberatos, rem nefariā arbitrantur si eius dona promulgent, seseq; diuino beneficio & misericordia è peccatorum stercore erectos. Periculosissima sanè res est, & quæ facilè ingratitudinis notam inurere queat. Impossibile enim esse censeo animā Dei gloriæ, nō suę studiosam, errare posse, si Dei beneficia huiusmodi uulgò prædicet, atq; omnes suo exemplo ad celebrandū eius nomen adhortetur. Tantū ab anima illa omnis absit fastus & fucus, in portu nauigat. Neq; hîc tamē leuē quorundā facilitatē laudare intendo.



c qui adeo benigni sunt, atq; ad suas omnes exponendas merces liberales, ut gratiores sint in enarrandis suis, ut uocant, cōpunctionibus, lachrymis, & nescio quibus in somno uisis ac spectris, quàm quomodo deflenda sit humana conditio, quæ tam facile in huiusmodi labatur errores, ut Deum, etiam cum nō putat, atq; in his quidem quæ sæpenumero uidentur & honesta & bona, occulto, miserabili tamen modo, offendat. Exercitia enim ac studia spiritualia non parum prudentiæ exigunt. Quare non nisi summa cum sapientia nos admonet Paulus, spiritus probandos esse, an Dei sint, ab eiusq; uoluntate proficiantur.

*Nec delectasti inimicos meos super me.*

Hebræi sic: Nec letificasti inimicos meos de me. hoc est, noluisti diutius hostes meos gaudere, ac more triumphantium de reportata uictoria ouare: quin potius angelos ipsos humanæ naturæ amantissimos delectasti de me, utpote maximum qui præ se ferant gaudium super uno peccatore poenitentiam agente. Solent enim illi, qui inter se mutuis odijs ac persecutionibus defæuiunt, magnopere iucundari, si contingat illorū hostes uel aliqua opprimi, uenenoq; aut ferro e medio tolli. Quod quidem meus, meiq; ordinis autor, Benedictus, non egit: qui cum Florentij infestissimi eius hostis repentinam intellexisset mortem, non solum sese, ut diuus refert Gregorius, in grauib; dedit lamentis, tum quia inimicus occubuerat, tum quia de inimici morte is qui annunciauerat exultasse uidetur, sed & ipsi nuncio multam indixit, quod de inimici interitu gaudere præsumpsisset. Contrā uerò dæmones, qui in animarū lapsibus & morte, supra quā dici potest, gestiunt & ouant: è contrario uerò mœrore contabescunt, ac desperati fugiunt, cum animā diuino auxilio à peccatorum turpitudine ereptam cernunt, mutata uitæ consuetudine & statu, per fidem innouari, Deoq; liberatori suæ dedicationis canticū nuncupare, atq; illud ex animo polliceri: Exaltabo te Domine: uel, ut reddit paraphrastes: Laudibus te efferā Domine, quod seruaueris me, nec anam præbueris hostibus meis insultandi cum gaudio mihi.

*Domine Deus meus clamaui ad te, & sanasti me.*

Dicō citius pientissimus Dominus curat peccati uulnera, modò serio, atque ex animo oretur. Nescit enim sanitatem differre cœlestis medicus, si ab ægroto supplicetur eo modo, quo tanta maiestas à suis postulat orari, absq; fūco scilicet atq; hypocrisi. Nec porro est quod uereatur anima sibi à Deo concisa, ac per partes peccata remitti: cum summæ impietatis genus sit, ut diuus inquit Augustinus, dimidiā solummodo peccatorū à Deo sperare ueniam. Abluit enim totū hominem Deus, quemadmodum eum totū sibi adeo per fidem ac amorem adstrinxit & copulauit, ut unū iam factū sit prorsus caput cum suis membris. Simul igitur ac citissimè uulneribus omnibus animæ medetur Deus, illamq; totam sanat, atq; omnino in primam reformat integritatem. Cum primū enim David sese peccasse ex animo nouit & confessus est, statim à uate alio illud consolationis plenissimum audiuit: Transtulit Dominus peccatū tuum à te. Ezechias quoq; sacco indutus, Dominū ne se in angustijs illis obsidionis defereret, orauit. qui mox liberatori Deo ob solutam obsidionē gratias retulit. Ita porro ecclesia à sacro undè labro egressa, continuoq; egrediens, suum candorem, suamq; innocentiam & puritatem Deo refert acceptam. Cor enim morbum suū ignorans, aut dissimulans, aut, quod infelicius est, palrans, curari non potest.

*Domine eduxisti ab inferno animam meam, saluasti me à descendētib; in lacum.*

Vide an illud uerum sit, quod suprà diximus, nos uidelicet ab inferis eductos cum Christus ipse eductus fuit. Explicatius enim narrat à qua re susceptus sit, ac seruatus. Filius quidem Dei est, qui pro sua hīc ab inferis liberatione patri gratias agit eo modo, quo alio in loco est usus, dicens: Tu autem eruisti animā meam ex inferno inferiori. Est porro & eius ecclesia, quæ unum iam facta cum ipso corpus per fidem, pro sua à peccatis ac morte liberatione Deo gratias refert. Sol



**A**let enim Scriptura, lacum, foueam, infernum etiam, & sepulchrum, pro rebus huius mundi terrificis atque horrendis ponere. Vnde arbitror hinc uatem eiuscemodi transnominatibus, horrorem illum ac metum, qui in conscientia pessime de se conscia uoluntatur, innuere uelle, quò intelligas tandem quanti estimandum sit illud, quod tam horrendis appellatur nominibus. Id sanè me opinari cogit paraphraestes, qui hunc uersum sic legit: Domine saluam esse uoluisti animam meam ab inferis: seruaisti me ne fierem unus è numero eorum, qui precipites eunt in puteum. An uerò spes ulla possit esse salutis de eo, qui præceps in caput uoluitur in puteum aliquem profundissimum, aut de illo qui in sepulchrum è feretro proicitur, mirum si interrogas. Hos tamen & à lacu, & à sepulchro, seu ab inferis, quod idem est, maiori Deus excitat facilitate, quàm si uertas manum. Et quidem ne tanta res aliquando in dubiū uerti posset, ipse prius è monumento, atq; adeo ab inferis, tetriscq; spirituum immundorū sedibus, & uiuus, & illæsus prodijt. Cæterum equidem mihi semper persuasi, nullum lacum aut puteū tam profundum esse atq; obscurum, quàm est profunda & obscura res ambitio, auaritia, simulas, libido, hypocrisis. Quot enim sunt uitia, tot sunt profunda. Quare alio in psalmo se uates huiuscemodi penè ineuitabilibus profundis circumuentum sentiens, uel usq; ad raucedinem clamabat: De profundis clamaui ad te Domine. Tantum uero abest ut propter carnis illecebras in profundum aliquod lapsi, turpiq; consuetudine, atq; habitu deuincti, in illo diutius maneamus, ut etiam uix tacto fundo ualidissimè emergamus: nam periculosissimum illud in primis est, in peccatis habitum, unde impœnitentia oritur, cōtrahere, quasiq; callum obducere, atq; propterea obbrutescere.

*Psallite Domino sancti eius, & confitemini memoria sanctitatis eius.*

**B**ris atq; ætus, ceteros quoq; uiros iustos, ad uitamq; ascitos, ad extollendum Dei nomen secū excitat. At quo pacto, inquit Eutymius, humilis homo poterit Deum exaltare, qui excelsus est? Confitando nimirum, ac prædicando quòd altus is sit, & sublimis. O uos igitur iusti, boni, sancti, electiq; à Deo uiri, psallite Deo mecum, ipsi uicq; colite, ueneramini, atq; ore simul & spiritu laudate. Nam qui hoc modo Deum non laudat, tametsi ore psallat, Deo non psallit, sed parietibus, aut tectis. Mens enim uaria, atq; inconstans, non ualet uerba uitæ citra sui damnum proferre. Quis unquam à felle aut absinthio mel ebullire uidit? Psallite igitur eo modo quo tanta maiestas extolli potest, spiritu scilicet ac mente, ut nos hortatur Paulus: Et confitemini memoriæ sanctitatis eius. hoc est, celebrate sacrosancam memoriæ maiestatis eius semper, sed tum maximè, quando recordamini quòd uos sanctos, uos bonos, uos iustos effecit. Confitemini, inquam, illi, quoniam recordatus est misericordiæ suæ Dominus, qui nos, quos antea ob delicta à memoria prorsus eiecerat, ad memoriæ reuocat. Porro is ab Deo ignorari dicitur, quando in peccatis obduratus iusto Dei iudicio in reprobam traditur mentem, unde prauæ exeunt actiones, ociâque à uero prorsus aliena. Subtracta enim diuinitus luce, tenebræ statim ignorationis emergunt, quas quidem à Dei obliuione, uerbis sanè humanis, sed recondito sensu atq; intellectu, enasci dicimus, eo modo quo asserimus improbos homines tradi in reprobam mentem, cum suo uitio ac proposito in peccati turpitudinem, & ut uocat Paulus, passionem ignominiae cadere permittuntur.

*Quoniam ira in indignatione eius, & uita in voluntate eius.*

Non paruum quidem periculum existimari debet, in celebranda Dei erga electos memoria nō sedulò uersari. Sed nescio qua nostra ignauia id accadat, ut rarò diuinorum beneficiorū nobis continuo, uel cum non aduertimus animum, collatorū, in mentem ueniat, nisi cum ipsa sentimus, ac manu tangimus: cum tamen illud in primis munus interdum eo dignius, nobiscq; magis præstare est censendum, quo acerbius quod cœlitus datur, & nobis quamplurimū officere uidetur.



C Quocirca diuitiarum copia, rerumq; affluentia cæterarum, ut sunt corporis pulchritudo, sanitas, liberi, fauor principum, atq; huius generis alia, magis aliquando nocuere homini, quàm paupertas, rerumq; omnium humano usui necessaria, indigentia, corporis foeditas, & ægritudo. Quid liberalia studia memorem? quid literas? quid humanarum rerum, addo & diuinarum scientiam, legumq; omnium doctrinam enarrem? Longè enim interdum hæc omnia uisa sunt cedere simplicitati, sanctæq; quorundam ignorantia, cum ab illis sæpius tam magnificis donis, quàm ab istorum fatuitate ac nescientia, beluæ illæ tam infestæ cum orbi uniuerso, tum potissimum ecclesiæ Dei, ambitio, fastus, superbia, atq; hæresis tandem deriuauerunt. Quàm satius enim aliquando esset, ac sanctis cœtibus magis utile, in ijs potius, quæ stulta uulgo uidentur & infirma, nostros proceres, è quorum uita cæteræ multitudinis salutem pendere cernimus, uersari, atq; ab ipsis animi oblectamenta capere: quàm ea sectari, studioq; omni persequi, quæ sibi apud uulgum gratiam atq; honorem conciliare somniant. Hoc certè modo & respub. suos Numas, suos Catones, suos Lycurgos, suos Aristides haberent, & ecclesiæ sanctitate magis uigeret, claustraq; ac coenobia tum uirorum, tum mulierum, altissimis contemplationibus, ad quas è uulgo reliquo euocati sunt, ardentius operam nauarent, omisis interim rebus illis omnibus, quarum specie illecti quidam nihil tam auidè querere uidentur, quàm ut regnent solummodo, ac præsentis uitæ cōmodis perfruantur. Errant planè. At ego non minus, qui ab instituto præsentis tam longè digressus sum. Ad psalmum igitur, à quo tam imprudenter discessit, redeat stylus. Felix hunc uersum aliter ex hebræo legit: Quoniā instans in ira eius, quasi dicat: Ira eius est uelut instans. Nam eius generis ira citò in uiro probo sedari solet. Apertius paraphrastes: Momētanea, inquit, est ira illius: amor uerò quo prosequitur suos, in omnē durat uitam. Notat hinc Eutymius, iram castigationem intelligi: idcirco is erit sensus: Licet castigatio diuina, qua interdum uisitantur mortales, è maxima Dei excandescencia, & indignatione exire uideatur: uita tamen ac salus in eius sunt uoluntate. hoc est, etsi uelut iustus punit, ut misericors tamen, & cupit, & uult misereri, parcereq; & in finem seruare. Atqui notanda est familiaris admodum in propheta, ut sæpe admonui, de Deo anthropopathia. Humano enim more nostrę consulens imbecillitati, de diuinis personis loqui nobis instituit. Homo enim ira feruidus, cum aliquem tum punire contingit, id facere dicitur inconsulto, neq; ex animo, sed casu potius, & subito percitus iræ motu. Eodem itaq; modo ad ostendendam uindictæ breuitatem in Deo, & quàm grauare puniat, dicit castigationem eius in ira, indignatione uel, atq; excandescencia uersari, quippe qui non ex electione, aut proposito puniat, cum magis in uoluntate habeat (quæ est eius naturæ incomprehensibilis bonitas) seruare, uitamq; non mortem inferre. Quid, inquit, aliud uolo, nisi ut conuertatur homo, & uiuat? Cæterum quomodo mors potius quàm uita ab illo, qui fons est uitæ, ac ipsamet uiuificans omnia uita, expectanda erit? Nonne id illud omne, quod factum est, in ipso uita erat? Mortem igitur execratur Dominus, uitam uerò in nobis & impartiri appetit, modò nos uitam magis eligamus, quàm mortem. Quòd si tamen aliquando occidere uidetur, hoc nō agit, nisi ut uita statim danda charior sit: neq; interim aliud cogitat, quàm uitam nostram, quàm bonum, quàm pacem. Verum cupis ne, ait uates, experiri quæ dico, iram scilicet Dei breuem esse, consolationem uerò & diuturnam, & celerem?

*Ad uesperum demorabitur fletus, & ad matutinum letitia.*

Si, inquit, uesperis mali quippiā occurrerit, illicò tamen euanesceat. Quem quidem sensum ita reddit paraphrastes: Si fortè, inquit, sub uesperam accidat flebile quicquam, illud in ipsa aurora cōmutabitur in gaudium. Adeò Dei uoluntas est, ne sui diutius in miseria maneant. Est quidem fletus, est mœror, est tristitia, atq; animi cruciatus, dum durat tentatio illa in qua à Deo quasi deferi uidemur. Quis oro, in tentationibus ac mundi molestijs positus, letam uiuere potis est uita, cum sese à cœlesti patre derelictum suspicatur? Quàm sapienter igitur illud ab apostolo ad præ-



A ad præsentem rem faciens est dictum. Omnis, ait, disciplina in præsentem quidem non uidetur esse gaudij, sed mœroris: postea uerò fructum pacatissimū exercitatis per eam reddet iustitiæ. Cæterum quis etiamnum est qui ignoret calamitatem occasionem esse uirtutis? Prospera certè ac secunda semper ferè in uiliâ, ut inquit Seneca, deueniunt ingenia. Surgite, clamat alio in psalmo Dauid, postquam sederitis o uos qui manducatis panem doloris. Non sanè semper (haud despere-mus) in miseriarū tenebris erit sedendum. Habet enim malè antea actæ uitæ recor-datio suas lachrymas, suos fletus, suam miseriam, ac quandam animi desperationem: sed & spes suos excitare solet aculeos, gaudiū, consolationemue in spiritu sancto. Sepulto quidem Domino uesperī flebant omnes, mane uerò gauisi sunt discipuli uiso Domino. Vesperī etiam omnis flebat populus cum rege Ezechia cum audisset minas Sennacherib: mane tamen lætati sunt in Domino, intelligen-tes, ut sacra refert historia, tot millia hominū ab angelo interempta. Ezra doctor hebræus putat hunc uersum ita legi debere: Qui ad uesperā se cum fletu domum recipiunt, mane lætitia exultant. Verū utramuīs sequaris literam, is unus erit sensus: Citò finiendas esse bonorum calamitates, neq; propter illorum acerbita-tem desperandum, utpote quæ, etiam si per totam perdurent uitam, momenta-neæ sint, uentoq; ipso uelociiores, si æternæ illas felicitati compares.

*Ego dixi in abundantia mea, non mouebor in æternum.*

B Solent enim hi, quib. fax aliqua cœlestis cōsolationis illuxit, sic intra se: Quis me separabit à charitate Christi? non equidem amplius mouebor à generatione in generationem, sine malo. Iam me sentio hostilibus armis impenetrabilem fa-ctum. Dedit iam tandem cœlestis pater calamitatū mearum cumulo finem, car-nis illecebris pacem, cupiditatibus terminū, ac à malis omnibus me prorsus exe-mit. In hac igitur, tantaq; mea quiete & tranquillitate positus, non labascā post-hac, recedamq; ut prius, à iustitiæ semitis. Incauta sanè hæc est confidentia, ac pa-rum exercitati in rebus spiritualibus animi argumentū. Quandiu enim grauissi-mum carnis onus nobiscum cōmoratur, non est qui queat dicere se non posse am-plius, uel in ipsa capitalia peccata corruere. Atqui nonne Dauidem olim, eo ma-ximè tempore, quo se à Deo confirmatū in regno prædicabat, in morbum statim, ac nonnullorum iniurias incidisse legimus? Forsan ille uicissitudinis humanæ pa-rum memor, ob fauorem illum Israël ad Hebron, unctionemq; illam regiā tam celebrem, populiue frequentiam, ac reportatam de Iebusæis uictoriam, sibi ab arumnis uitam prorsus immunē polliceri fuit ausus. Quid Petri confidentiā me-morem? qui (ut sibi uidebatur) promptus cum Domino suo commori, ad unius-mox sceminæ interrogationem perterritus fidem fregit, iurauitq; se Dominum suum non agnoscere. Nos imprudentes, si cōstantiores in proposito, atq; in fide solidiores, quàm ipsi perfectissimi uiri fuerint, nos fore speramus. Proinde ue-rissimum illud esse non dubito, neminem adeò felicem esse, tamq; in cœlestibus rebus & altus, & excellens, quin illicò miser fiat, si suos subtrahat radios iustitiæ sol: ita neminem in tantas proiectum esse calamitates, quin actutum emergat ac beatus fiat, si fauerit Deus. Vicissitudine enim huiusmodi tum miseriarum, tum consolationū, experiri solet suos Deus, ut de se, suisq; rebus diffidentes, penitus in ipso solo spem omnē suam collocare perdiscant. Et quidem (ni fallor) eius ge-neris exercitatio & lucta in sequentibus exprimuntur.

*Domine in uoluntate tua præstitisti decori meo uirtutem.*

Successum rei enarrare incipit, ac, ut suus est mos, illa omnia, quibus sese con-tra ictus aduersitātū immobilem senserat, Dei esse prædicat. Interim, ait, tu, non ego, præstitisti decori meo uirtutē: non id, inquam, meis actum est consilijs, non meis studijs, non mea uoluntate, sed tua. Tu Deus, non ego homo, ille fuisti, qui robur, uirtutemq; præstitisti meo decori: hoc est, meæ, ut mihi uidebatur, stabili-tati ac perfectioni constantiā suppeditasti. Non sicut ego de me præsumo, sed ut tuæ placitū est uoluntati, me in tuis donis quemadmodū collocas, ita & firmas, &



C unde quacq; ne nutē, fulcis & roboras. Ex hebræo illud, decori meo, monti meo habetur, quem quidem montē, intellectum interpretantur, ueluti qui, uti mons in campis syluæ, in homine admodum emineat, & cui illius generis à Dei uoluntate contingat & robur, & firmitas, quorum præsidio neq; in secundis rebus sese efferat, neq; in aduersis nimium perlanguescat, frangaturq; aut mulierum more perfractē nimium doleat. Quare sic reddit paraphrastes: Tu Domine muniuisti quod præcipuū est, uim scilicet intellectus instar montis æquam, inconcussamq; fecisti. Verū tu stultitiam meam repressurus,

*Auertisti faciem tuam à me, & factus sum conturbatus.*

Sic ō Domine presumptionē meam eo periculosiorē, quo se sibi ueluti ideam quandā sanctitatis effingit, castigare solitus es. Tua igitur, uel tantillū quidem, auersa à nobis facie, nostra subito cōturbantur cōsilia, languida fit mens, ac prorsus consternata contabescit. Deus enim tunc nos respicere dicitur, cum nostris fauet optatis: ex quo quidem fauore uim fumens animus exhilarescit, gaudioq; afficitur, & in conscientiae tranquillitate dilatur. Vbi uerò se longius ire simulat, nostrisq; precibus ac uotis surdum quodammodo sese exhibet, iacet anima, conturbaturq; & in ipsis tentationibus atq; angustijs clamat, suspirat, ingemit, precaturq; id illud, quod sequitur:

*Quæ utilitas in sanguine meo dum descendo in corruptionem? (Verū interim.) Ad te Domine clamabo, & ad Deum meum deprecabor.*

Vide quō se anima in tanta sui consternatione dirigat, undeq; opem sibi promittat. Eo certē, si sapit, clamorē omnem suū ac lachrymas, unde certissimū speratur auxilium, uertet, experta nimirū toties pacem ueram, tranquillitatemque in orationibus, quæ castis desiderijs, cordeq; de diuina protectione minimē dubia fiunt, sitam esse. Sed nescio qua miserrima sorte id accadat, ut per pauci sint, uel in ipsis profitentiū sublimia cōuentibus, qui norint, quo modo, quōue studio, atq; animi exercitio rogandus sit Deus. Putant enim aliqui Deū perpetuo sibi scedere deuinxisse, si aut non declinent (ut cunq; id fiat non multū referre existimant) à præscripto orandi tēpore: aut suis in quibusdam, ut uocant, deuotionibus perstinacissimē, uel usq; ad nauseam spiritus perseuerent. Quemadmodū enim flagrans animæ intentio, ac perseuerans in orando institutum, semper habitum est celebre & diuinū à sanctissimis uiris: ita stolidā quorūdam ars, ac prorsus athea, in oratione quæ fit Deo, periculosissima uisa est, planēq; immunda atq; ignorationis plena, & quæ ipsis quoq; beatissimis spiritibus, nedū quidem Deo, indignationi ac stomacho soleat esse. Hincq; fatuæ illæ prodeūt interdum quorundam iactationes de manso breui hora psalterio, de lachrymis, dum alij stertunt, antelucanis, de ecstasi, de perfectissimaq; irrationabiliū affectuū mortificatione. O homines certē reprehendendos, dignosq;, quibus probior cœlitus impartitur mens atq; animus: qui cum natura igneus sit atq; diuinus, in his solummodo uersari debet, quæ uerē ardentia sunt, prorsusq; cœlestia, atq; à mundi crassitie aliena omnino. Censet Eutymius in hoc loco naturam humanā à uate taxari uilipendiq; quasi mortalem, ut ipsemet inquit, ac breui extinguendam, & quā alio in psalmo uanitati persimilem esse asserit. Vt cunq; sit, animā pro uita, quæ in sanguine sita est, poni in scripturis cum saepe aliās, tum in Leuitici lib. maximē legimus. Anima, inquit, omnis carnis in sanguine est. Quis unquā, nisi Empedocles prorsus discipulus fuerit, illam animæ partē, quæ & ratio appellatur, & cui æterna promittitur felicitas, in sanguine iacere uoluit? Ad quid igitur, inquit, utilis erit uita mea, si descendero in corruptionem? uel, ut reddit Felix, in foueā, seu lacum æternæ mortis? Atqui hīc rursus quasi impatiens consideranda erit cupiditas manendi in uita illorū, qui idcirco maximē uiuere cupiunt, ut magis ac magis Dei gloriam, ac nomen prædicare possint. Melius est, inquit, ut uiuamus, ciliob nullam certē nostri rationem, at saltem ob illam, ut tua gloria per nos, ac uirtus illustretur, spargaturq; fama tui nominis per uniuersum orbem, non ut carni



**A** fuerunt hæc diuinæ, ne dubita, operationes, ne fato, aut fortunæ humanos euentus adscribas. Porro, dilectus, dictio in hebræo non habetur, quæ tamen ut possit ad ea, quæ dicta sunt, accommodari, sic erit interpretanda, ut dilectus idem sit, qui & potens, atq; à suis charus habitus, licet cæteris inuisus, qui nihilominus erit tanq; monocerotis filius fugiens: quandoquidem in primarijs ecclesiæ, uel rerum publicis, non dignitas, aut imperium probari solet, sed pietas ac religio. Quod sanè à mei quoque ordinis superioribus illis, qui in causa sunt, intelligi cupio: ne dum nimium suæ illi auctoritati (melius dicerem seruituti) tribuunt, parumq; interdum memores, quàm periculosum sit alijs præponi in his præsertim quæ ad animarum tutelam spectant, nostrâ hanc nauem spiritus sancti manu fabrefactam, superbix fluctibus, atq; ambitionis æstu submergant. Scio equidem hæc, atq; horum similia, quæ interdum per meos hosce commentarios à me tanquam admonitiones quædam ab amanti corde profectæ interseruntur, illos maximè, qui eorum, quæ dixi, tanquam reperundarum rei sunt, non probaturos. Secus uerò alij, quibus semper, à quocunq; proferatur, ueritas placuit, & quibus hunc totum meum laborem probari efflagito. Hos enim admonitos, illos reprehensos esse uult spiritus. Tantum porro abest, ut ingenua ingenia ob paucorum iram & indignationem, ea quæ ad Christi honorem pertinent, lileant: ut etiam & dicant, & inculcent, & si fas est, malleis ipsis ferreis quoq; illorum auribus infigant, qui plerunq; idcirco errant, quia, qui illos sincere admoneat, non inuenitur. Veritas enim huiusce generis merces est, ut uulgò exposita sui omnibus copiam faciat. Candido qui sunt peccatore, ac puro iudicio præditi, ea inspecta summa afficiuntur oblectatione: qui uerò terro & impuro, illius radios, tanq; noctuæ solis lumen, indignabundi auersantur. Sed ad uocem nostram, ad Dei uerbum, ad solem, ad Christum, qui sol est iustitiæ, uox patris & sermo, reuertatur stylus, ab eoq; regatur.

Vox Domini intercidentis flammam ignis.

Hic rursus intercedens erit legendum. Per flammam uerò, quo in superborum serie maneant, eorundem, quos superius Cedros appellauit, sæuitiam atq; irarum ardorem intelligit: quem sanè à fortissima Dei uoce intercipiendam, ne quantum uolunt noceant, esse prædicat. Huiusmodi enim diuini facinoris præludium illud fuit, quando ex murmuratoribus, ut in Numerorum libro legimus, quatuordecim millia hominum & septuaginta combusta sunt. Tunc, dico, quando Aaron iussu fratris stans (uide hic uocem Dñi intercidentem flammam ignis) inter mortuos & uiuos pro populo deprecatus est, & plaga cessauit. Quid porro illud cum ignis babilonicus, ne innocentissimis officeret pueris intercisus, contra sui naturam humanis corporibus cessit? Quid innumerorum martyrum flammæ algidas factas uerbi Dei, atq; interruptas memorem? Quæ tandem uis alia nisi istius suæ beatissimæ uocis innatum hominibus concupiscentiarum ardorem in suis electis interfecat & sopit? Quæ alia, carnis incendia, iræ, ambitionis, inuidiæ, auaritiæ, libidinis, tam exactè diuidit, atq; eis finem imponit? Atqui si honestioris flammæ ratio habenda est, ignisq; cœlestis, eundem sanè ipsum fatebimur donum esse cœlitus à corde patris, & quo uox ista ac sermo emanat, in electorum pectora immissum, atq; sanctis cœtibus diuisum. Qui cum unus sit natura & impartibilis, singulis tamen, natura cedente amoris, per partes secundum uniuscuiusq; captum diffunditur: ita ut alij datus sit spiritus sapientiæ, alij doctrinæ, alij uerò altissimi raptus, ac extasis. Vide quid agat sanctissima Dei uox. Vide, inquam, quomodo bonorum, malorum quoq; interdum permeet corda, dispari tamen modo & effectu.

Vox Domini concutientis desertum, & commouebit Dominus desertum Caddes.

Felix sic: Vox Domini contremiscere fecit desertum, contremiscere fecit Dominus desertum Caddes. Desertum Caddes meminuit propheta ob duo, meo quidem



**C** iudicio, Primum, ut horrendi terrę hiatus in morte Chore, & eorum qui cum illo offerebant incensum, posteros admoneret: quem sanè casum in deserto Caddes, per quod Israël̃s populus annis quadraginta post Aegypti discessum circumductus fuit, accidisse legimus. Postea uerò huius deserti potissimum mentionem facit propterea, quòd uastissimum sit, atq; inter alia horrendum magis, inhospitæq; solitudinis. Eremum Arabiæ hunc esse dicunt Idumææ conterminum. Volunt enim Caddes dictum ab euentu, cum antea Sinai, Zin, seu Cadmoth appellaretur, eo quòd Iudæorum populus fuit in eo paratus ac idoneus factus, qui terram illam Canaan ingrederetur. Caddes enim præparare Hebræis est. Neq; sanè à uero dissimile erit opinari hic uatem solitudinem tam uastam, pro immanioribus animis, ac ferinis quorundam principum, cæterorumq; similium, per metonymiam posuisse, quos tamē asserit uirtute diuinæ uocis timore cōcutiendos. Solet enim terrificissima uox ista quæ uidet corda inhospita, arenosa, inertia, primùm quidem terrore, deinde placidissimo illapsu (quæ est eius natura) cōcutere, perturbare, trahere demum, ac planè immutare. Vidisti ne unquam impium aliquē exaltatū instar Cedri in Libano atq; Hermon, breuissimī morbi ictu e medio excisum, aut furcæ impositum, aut in medio ipso rerum successu uertisse solum, fortunisq; expoliatū, ac populis, quibus olim pauori fuit & formidini, postea contumeliæ esse ac despectui? Vox nempe diuina illa fuit, atque æterna ordinatio magis, quàm sicarius aut carnifex, quæ confringere solet Cedros, flammamq; interciderere, ac immane desertum Caddes e loco mouere. Quanquā sint etiam Cedri, quercusq; altissimæ, flammæ item ac deserta, quæ Dei sermonē incensa ac cōmota, usum ad humaniorem, ad poenitentiam, ad lachrymas, ad contemptum mundi citius resiliunt, quàm resiliere solet ab incepto itinere tener uitulus; aut paruus monoceros strepitu aliquo perterrefactus. Siue igitur hæc omnia ad immanem superbiorum potentiam Dei uoce infringendam, siue ad flagrantia spiritus dona electis diuidenda referas, id totum uatis spiritui conuenit, qui, ut inquit Felix, pro Christi atq; eius ecclesiæ gloria, decore, & magnificentia, hunc psalmum composuit.

Vox Domini præparantis ceruos, & reuelabit condensa, & in templo eius omnes dicent gloriam.

Felix: Cōtremiscere fecit ceruas, uel obstetricauit, seu dolere fecit uti parturientem ceruas, uel fortes. Hinc uidet ceruas melius legi quàm ceruos. Ad ceruas enim spectat parturitio & partus, non ad ceruum. Porro dictio, præparantis, ut uulgaris legit æditio, cum Hebræis tum Græcis est præparans: hoc est, uox Domini est, quæ præparat ceruos, superbos scilicet atq; elatos ad fugam: non solum enim præparat, sed impellit quoq; ac, ut sunt meriti, cōcitatisimè perurget, adeò quod ex metu & dolore similes fient parturienti: qui quidem dolor molestissimus omnium est. Vnde apostolus de illius generis hominibus loquens, sic ait: Sicur dolor in utero habentis, & non effugient. Quòd uerò alij legunt obstetricauit, ad ceruas referendum est, ut hinc maxime diuinæ uocis uirtus deprehendatur, quæ uel ceruus natura in ædendo fœtu difficillimis, obstetricis quodammodo fungatur officio. Hæ enim timore magis persequentium, quàm quòd plerunq; tempus ad depouendum uterum, quod sanè octonis mensibus constare asserunt, maturum sit in ipsis tritis, ut aiunt, humanis uestigijs semitis emittunt fœtum. Quanquā Ioh. cui magis credendum esse arbitror, quàm uel Plinio, uel eius deo Aristoteli, qui scribit ceruas metu ferarum iuxta uias parere solitas, ceruarū partum asserat occultum esse, ut nequeat ab homine sciri. Nunquid, ait, parturientē ceruam obseruasti: nunquid numerasti menses conceptus eius? & nosti tempus partus eius? Vide quàm malè conueniant philosophi cum theologo illo antiquo tam grato uoci isti, cuius potentia in hoc psalmo celebratur, cuiusq; afflatu ac numine attractus tantus uir, rerum humanarū, diuinarumq; scientiam optimè calluit. Huic igitur animanti



**A** animanti comparat uates potentiam huius mundi, quæ nisi Dei uerbi ad motis flagris & uerberibus, foetus illos difficiliori nixu parit, quos Christus in euangelio fructus poenitentiae nuncupauit. Quare sua quæ sponte agere recusat, ui uerberum, actum legis, tum extremi iudicii metu, ac terrore simul & dolore mota, faciliori deinceps in ædendo iustitiæ partu utetur utero. Ceruus enim, si cornua inspicias, pugnacissimum uidetur esse animal; uerum si uel leuissimo impetitur ictu, cōtremitens illicò fugit. Ita, atq; eodem in statu sunt in rebus mundi ferocientes, uti olim etiam fuisse Hiericontinī illi à Iudæis deleti, quorum pauorem Raab illa celebris mulier graphice admodum depingit, hoc modo: Irruit, ait, in nos terror uester, & elanguerunt omnes habitatores terræ, nec remansit in nobis spiritus ad introitum uestrum. Quid hunc terrorem Hiericontinīs, alioqui tunc temporis belacissimis, ac longè Iudæis & uiribus, & cæteris urbis præsidij superioribus, inculsit, nisi uox Dei fortissima, cuius robore atq; efficacia inflatæ Iudæorum tubæ, clangore horrifono absq; tormentis ac uineis, alta urbis mœnia solo, dicto citius, æquauerunt? Nōne hæc eadem est, quæ, ut ait uates, reuelat condensat, uel, ut legunt alij, denudat syluas? hoc est, nōne quicquid in cordiū latebris, ueluti in obscurissimis ialtibus & nemoribus latitat, uox ista beatissima, omniq; gladio penetratior, detegit, reuelatq; ac palam facit? Quid porro aliud esse affirmabimus mundi huius potentiores absq; diuini uerbi luce, præter syluam densissimis ramis absq; baccis, aut pomis opacam? Quanta interdum errorum confusio, uitiorumq; colluties, & egritudo in illius generis hominib, delitescit, qui autoritate aliqua sublimi, tanq; nemore frondoso tecti, in densissimis uiuunt tenebris? Quæ tamē omnia reuelabuntur aliquādo, atq; omniū oculis patefient, quamlibet humanis aspectibus abdita uideantur. Tum quidem & nemora, & nemorū uenatores unā cum ipsis plantarū stirpibus penitus euellentur, cum moniti à Iosue in aliud genus syluarū ascendent, & succident sibi spatia in terra Pherezæi, & Raphain. Verum adhuc quidem ferreis curribus utuntur Cananæi, nec in templo Dei omnes dicunt gloriam. Dicent tamen aliquando, modò diuinę uocis afflatibus non reluctenē. Quæ cum omnia & supera & infera perterrefaciat, suos tamen occultissimū in modum recreat, atq; eos ad suas laudes & gloriā celebrandam inuitat: & hoc in templo sancto suo, quæ est ecclesia fidelium eorum, quibus cor unum est, atq; animus ad ueram pietatē instructus. In quo quidem templo unusquisq; ut ait Augustinus, pro dono sibi cœlitus dato laudare debet Deū. Alioqui cor illud unum, quod inter Christi fideles esse debet, ab sese diuulsum, ac in partes dissectum, quomodo bonum illud unum, quod bonum quidem est propterea, quia unum, unquam assequetur? Pereat necesse est tandem respub, illa, ac plebs, quamlibet ornata uirtutibus, ac castis moribus, quæ ab unitate illa longè abest, à qua uel tantillum quidem discedere non parua impietas est. Amor is ille est, qui ē corde patris emanans, filiū prius, per quem, unum cum patre ipso nos qui credidimus efficitur, electos postea, incomprehensibili bonitate ad sese trahit, agglutinat, atq; ita in se transmutat, ut una prorsus res sit facta Deus & homo per Christū. O unitatē tuis solummodo cognitam. Scio, scio equidem quod nemo ascendit in cœlum, nisi qui descendit de cœlo filius hominis qui est in cœlo Christus Iesus. Nōne hic uides quomodo necesse est hominē alterū quodāmodo effici Christū, si illò ascendere conatur, quò nemo ascendit nisi ipse Christus? Id omne (ne deſiciaris animo) perficit fides atq; amor, etsi nō noster in Christū, qui per se algidus est: at ille, quo nos ipse eterna charitate adeò dilexit, ac sibi uniuuit, ut unum omnino cum ipso facti simus. Is tandē Dñs ille est, qui

Diluuium inhabitare facit.

Hebræi legunt: Dominus præsidet diluuiō. Parum tamen aliter Felix: Dominus, inquit, diluuium inhabitauit. Cautū sit omnibus, clamat propheta, dum incrudescit tempesta, furitq; uis imbrium, ac cœlos penē ipsos cernimus in pluuias



**C** resolui, nos admonere diluuij, non illius Deucalionis & Pyrrhae, fabulosi sane, ac cōmentitij, si ad saxa illa spectas, quibus aiunt humanum genus recuperatū esse: sed eius, quo uniuersus prorsus interiit orbis: ne & nos quoque eisdem illis uitij, cum illius ætatis hominibus coinquinati, aliquando absumamur. Quod quidem periculum ex animo perpendentes, uel sic saltem, terrore, metuq; à flagitijs coerciti, peccare nos pudeat, diuinamq; ultionem nostris sceleribus irritatam in nos se uiuere pertimescamus. Haud nobis quidem tutior quàm illis promittitur uitæ exitus, si eundem uitæ fastum cum illis sectantes, curam carnis, ut nos dehortatur apostolus, in desiderijs fecerimus. Caro, inquit Deus, sunt, idcirco perdendi. Verum cœlestis pater, qui nunquam suis deest, tum diluuium inhabitauit: hoc est, in diluuiō etiam aquarum multarum, in diluuiō illo tam celebri Noæ, in transitu maris rubri, in traiectione Iordanis, atque innumeris alijs uitæ periculis, semper suis adfuit. Quam porrò omnem undarum exundantiam baptismi aquas portendisse sci mus: quibus quidem, ut interpretes reddit hebræus, præsidet Dominus, dans illis regenerandi uim atq; efficaciam. Notant hic ueriores esse literam si legatur inhabitat, aut inhabitauit, quàm si legas cum nostro interprete, inhabitare facit: quò intel ligas ipsum Dei uerbum, Deum ipsum, per se, suaq; sponte mentes purificatas, atque sacrarum aquarum ablutione sanctificatas inhabitare: quanquam neq; illud quod nos legimus à uero sensu alienum sit, qui sic reddi potest, Dominus diluuiū, hoc est, animos illos, qui in cupiditatum pelago, atq; inundatione uersantur, maximoq; suo periculo natant, ui uerbi sui extractos inhabitare facit in templo sancto suo, in quo, ut superius dixit, omnes dicent gloriam: hoc est, ad ecclesiæ sinum re current, in qua

Sedebit Dominus rex in æternum.

**D** Quasi dicat, regnum filij Dei, quem uocem hæcenus appellauī, nō erit temporum uarietati obnoxium, sed æternum: propterea & æterna quoq; eius erit procectio. Quis, nisi æternus, æterna lege regere eris potis? Et regni eius, inquit, nō erit finis. Quare cum talis sit ac tantus

Dominus, uirtutem populo suo dabit, Dominus benedicet populo suo in pace.

Si etiamnum ignoras, inquit, unde gratiæ, unde uirtutes, unde pax, unde uita, unde cætera bona proficiantur, hinc sumenda est doctrina. Nam quemadmodum cum non essemus, à Deo & exordium, & incrementum accepimus, ita & ornamenta uitæ omnia, roburq; in aduersis, pax item animi, conscientia tranquillitas, & salus tandem ab ipso expectari debent. Sunt enim quædam in hoc mundo, quæ animi tranquillitatem polliceri uidentur, ut sunt dignitates, diuitiæ, ubertas liberorum, & agrorum quoq; uxor prudens, fauor ciuium, & alia id genus multa: quæ tamen quàm fallacia sint, ac parum sibi constantia, superuacaneum est recensere, simulacernimus nullum adeò infimæ sortis hominem esse, cui non aliter quando prædictarum rerum aliqua imponat, cumq; fallat. Solus igitur Deus est, qui uerè mortalium animos recreat, ac perfectè beat. Ipse enim cum æquam de cœlis omnibus uniuersaliter curam habeat, æquè omnibus suæ bonitatis radios exerit, atque ad quæ omnes tangit, mouet, excitat, quò arbitrium nostrum, alioqui debile, atque ad appetenda cœlestia languidum, atque iners, habeat quo sese, uti solet uitis suis illis clauiculis, aut ulmo, aut orno se adiungens sustentare, & fulciat, & robur sumat. Quod quidem id est, quod modò uates uirtutem ac pacem appellat: ut inrerim nimis sim, non dicam in hoc loco uatem prælagisse filium Dei in carnem uenturum, qui infirmis robur, debilibusq; in iustitiæ semitis & uirtus, & fortitudo, quoniam etiam & pax, & iustitia futurus esset. Ipse enim, ait Paulus, est pax nostra, quoniam quæ corda irrequieta, diuisa, & turbida, sanctissimæ huiusce pacis & uirtutis, hoc est, diuinæ uocis & uerbi minimè capacia erunt.



## PSALMVS cantici dedicationis domus

David, xxx.



Exaltabo te Domine quoniam suscepisti me, nec delectasti inimicos meos super me.

Miratur Felix quorundam expositorum ignauiam in exponendo psalmo hoc trigesimo. Et meritò quidem reprehendendi sunt, quippe qui in tantæ rei enucleatione Iudaicas nescio quas fabulas introducere potius conari uidentur, quàm ut solidos sensus, ueramq̃ pietatem, & prophetæ spiritum redant. Somniant enim hi, utpote qui nihil altum, & cœleste cogitare norunt, dedicationem eam, quam in titulo psalmi legimus: aut de templo illo antiquo, cuius nulla in psalmo fit mentio: aut de ipsis domus Dauid parietibus, de quibus nusq̃ in scripturis legimus, intelligi debere. Nos uerò peritissimis, & illis quidem sanctissimis uiris adhærentes, audacter dicimus, odam hanc cantici exultantis, gratiasq̃ agentis, pro ecclesiæ dedicatione, hoc est, fidelium innouatione, à uate compositam esse. Mens enim humana tunc dedicatur Deo, canitq̃ suæ innouationis canticum, cum incipit Deus ipse in ea per fidem primùm habitare: deinde per inuicem illam, quæ solet à cœlesti patre post afflictiones immitti consolationem, ac à miseris solamen. Quare alio in psalmo exoptat uates, petitq̃ spiritum rectum innovari in uisceribus suis. Non negauerim tamen, imò res mihi similis uero uidetur, Dauidem domum illam suam Hiræ regis munificentia ædificatâ, priuatim absq̃ cæremonijs, & solennitate aliqua sacra dedicasse, Deoq̃ gratias egisse antequam illam frequentare cœpisset, qui quidem mos sicuti fuit futurarum rerum umbra ac uaticinium, ita doctrinæ plenus, & quem in fidelium cœtibus peragi uidemus, qui antequam res quamlibet minimæ in usum publicum ueniant, Deo gratias agere soliti sunt, atque illi quicquid ad communis uitæ necessitatem & usum habent, acceptum referunt, ac illo propterea ueluti re sacra utuntur. Est ne animus tam impius, qui rem illam ad fastum ac libidinem habere uelit, pro qua iam Deo gratias egit, atque eam Dei esse donum sibi persuasit? Omissa igitur uarietate illa, quam ab ignauia proficisci scribit Felix, affirmandum ducimus Christum esse, atque cum eo illius ecclesiam fide ac fonte innouatam, quæ hic orat, ac gratias agit Deo: Exaltabo te Domine quoniam suscepisti me, nec delectasti inimicos meos super me. Quando enim Christus Dei filius, caput ecclesiæ à patre eductus est ab infertis, & nos cum eo educti sumus. Quando resurrexit, & nos quoque resurreximus: ne tibi effingas monstruosum caput aliquod, quod mutilum sit, ac planè inconsiderans iusti animæ, totâque præ amore eliquescens, gestit gaudio, exultatq̃ non in rebus quidem pessimis, non in diuitijs, non in emptis magistratibus, non in ciuium occisione, aut cumulo agrorum & uinearum, sed in fide ac spe Iesu Christi, quæ est uera domus Dei, cordis scilicet humani dedicatio. Neque tamen (ô rerum diuinarum exundantiam) in hoc tantummodo persistens, in seseq̃ manens, effunditur statim in alios, quos ardentissimo affectu ad secum Deum laudandum, eiusq̃ sanctum nomen celebrandum inuitat, dicens: Exaltabo te Domine, hoc est, omnes exaltasti me. Iacet enim homo, ac ueluti sordidissimo cœno prouolutus humi cruculoso morbo, & capitali, quale est mala uoluntas, & erigitur, & liberatur. Et quidem eos ipsos prorsus reprehendendos esse iudico, qui cum se sentiunt ab huiusmodi letali peste Dei dono atq̃ ope liberatos, rem nefariam arbitrantur si eius dona promulgent, seq̃ diuino beneficio & misericordia è peccatorum stercore erectos. Periculosissima sanè res est, & quæ facillè ingratitudinis notâ inurere queat.



**C** Impossibile enim esse censeo animam Dei gloriæ, nō suæ studiosam, errare posse, si Dei beneficia huiusmodi uulgo prædicet, atq; omnes suo exemplo ad celebrandum eius nomen adhortetur. Tantum ab anima illa omnis absit fastus & fucus, in portu nauigat. Neque hic tamen leuem quorundam facilitatem laudare interido, qui adeo benigni sunt, atq; ad suas omnes exponendas merces liberales, ut gratiores sint in enarrandis suis, ut uocant, compunctionibus, lachrymis, & nescio quibus in somno uisis ac spectris, quàm quomodo deflenda sit humana conditio, quæ tam facile in huiusmodi labatur errores, ut Deum, etiam cum non putat, atq; in his quidem quæ sæpenumero uidentur & honesta, & bona, occulto, miserabili tamen modo, offendant. Exercitia enim ac studia spiritualia non parum prudentiæ exigunt. Quare non nisi summa cum sapientia nos admonet Paulus, spiritus probandos esse, an Dei sint, ab eiusq; uoluntate proficiantur.

Nec delectasti inimicos meos super me.

Hebræi sic: Nec lætificasti inimicos meos de me, hoc est, noluisti diutius hostes meos gaudere, ac more triumphantium de reportata uictoria ouare: quin potius angelos ipsos humanæ naturæ amantissimos delectasti de me, utpote maximum qui præ se ferant gaudium super uno peccatore poenitentiam agente. Solent enim illi, qui inter semutuis odijs ac persecutionibus defæuiunt magnopere iucundari, si contingat illorum hostes uel aliqua opprimi, uenenoq; aut ferro e medio tolli. Quod quidem meus, meiq; ordinis autor, Benedictus, non egit: qui cum Florentij infestissimi eius hostis repentinam intellexisset mortem, non solum sese, ut diuus refert Gregorius, in grauibus dedit lamentis, tum quia inimicus occubuerat, tum quia de inimici morte is qui annūciauerat exultasse uideretur, sed & ipsi nuncio mulctam indixit, quod de inimici interitu gaudere præsumpsisset. Contrariò daemones, qui in animarum lapsibus, & morte, supra quàm dici potest, gestiunt & ouant: è contrario uerò mœrore contabescunt, ac desperati fugiunt, cum animam diuino auxilio à peccatorum turpitudine ereptam cernunt, mutata uite consuetudine & statu, per fidem innouari, Deoque liberatori suæ dedicationis cantum nuncupare, atque illud ex animo polliceri: Exaltabo te Domine: uel, ut redidit paraphrastes: Laudibus te efferam Domine, quod seruaueris me, nec ansum præbueris hostibus meis insultandi cum gaudio mihi.

Domine Deus meus clamaui ad te, & sanasti me.

Dicto citius pientissimus Dominus curat peccati uulnera, modò seriò, atque ex animo oretur. Nescit enim sanitatē differre cœlestis medicus, si ab ægroto supplicetur eo modo, quo tanta maiestas à suis postulat orari, absque fūco scilicet, atq; hypocrisis. Nec porrò est quod uereatur anima sibi à Deo cōcisa, ac per partes peccata remitti: cum summæ impietatis genus sit, ut diuus inquit Augustinus, diuinitatem solummodo peccatorum à Deo sperare ueniam. Abluit enim totum hominem Deus, quemadmodum eum totum sibi adeo per fidem ac amorem adstrinxit & copulauit, ut unum iam factum sit prorsus caput cum suis membris. Simul igitur, ac citissime uulneribus omnibus animæ medetur Deus, illamq; totam sanat, atque omnino in primam reformat integritatem. Cum primum enim David se peccasse ex animo nouit & confessus est, statim à uate alio illud consolationis plenissimum audiuit: Transtulit Dominus peccatum tuum à te, Ezechias quoq; sacro indutus, Dominum ne se in angustijs illis obsidionis desereret, orauit. qui mox liberatori Deo ob solutam obsidionem gratias retulit. Ita porrò ecclesia à sacro undæ labro egressa, continuoq; egrediens, suum candorem, suamq; innocentiam, & puritatem Deo refert acceptam. Cor enim morbum suum ignorans, aut dissimulans, aut, quod infelicius est, palpans, curari non potest.

Domine eduxisti ab inferno animam meam, saluasti me à descendentibus



A dentibus in lacum.

Videan illud uerum sit, quod suprà diximus, nos uidelicet ab inferis eductos, cum Christus ipse eductus fuit. Explicatius enim narrat à qua re susceptus sit, ac seruatus. Filius quidem Dei est, qui pro sua hic ab inferis liberatione patri gratias agit eo modo, quo alio in loco est usus, dicens: Tu autem eruisti animam meam ex inferno inferiori. Est porro & eius ecclesia, quæ unum iam facta cum ipso corpus per fidem, pro sua à peccatis ac morte liberatione Deo gratias refert. Solet enim scriptura, lacum, foueam, infernum etiam, & sepulchrum, pro rebus huius mundi terrificis, atque horrendis ponere. Vnde arbitror hic uatem eiusmodi trans nominationibus, horrorem illum ac metum, qui in conscientia pessimè de se conscia uoluntatur, innuere uelle: quò intelligas tandem quanti aestimandum sit illud, quod tam horrendis appellatur nominibus. Id sanè me opinari cogit paraphra stes, qui hunc uersum sic legit: Domine saluam esse uoluisti animam meam ab in feris: seruasti me ne fierem unus è numero eorum, qui præcípites eunt in puteum. An uerò spes ulla possit esse salutis de eo, qui præcepit in caput uoluitur in puteu aliquem profundissimum, aut de illo qui in sepulchrum è feretro proijcitur, mi rum si interrogas. Hos tamen & à lacu, & à sepulchro, seu ab inferis, quod idem est, maiori Deus excitat facilitate, quàm si uertas manum. Et quidem ne tanta res aliquando in dubium uerti posset, ipse prius è monumento, atque adeò ab inferis, terisq; spirituum immundorum sedibus, & uiuus, & illæsus prodijt. Cæterum e quidem mihi semper persuasi, nullum lacum aut puteum tam profundum esse at que obscurum, quàm est profunda & obscura res ambitio, avaritia, simultas, libi do, hypocrisis. Quot enim sunt uitia, tot sunt profunda. Quare alio in psalmo se uates huiusmodi penè ineuitabilibus profundis circumuentum sentiens, uel usq; ad raucedinem clamabat: De profundis clamaui ad te Domine. Tantum ue rò abest ut propter carnis illecebras in profundum aliquod lapsi, turpiq; consuetu dine, atq; habitu deuincti, in illo diutius maneamus, ut etiam uix tacto fundo uali dissimè emergamus: nam periculosissimum illud in primis est, in peccatis habi tum, unde impœnitentia oritur, contrahere, quasiq; callum obducere, atque pro pterea obbrutescere.

Psallite Domino sancti eius, & confitemini memoriæ sanctitatis eius.

Vide beatæ animæ in proximos candorem. Non contenta enim proprii calo ris atque æstus, ceteros quoque uiros iustos, ad uitamq; ascitos, ad extollendum Dei nomen secum excitat. At quo pacto, inquit Eutymius, humilis homo poterit Deum exaltare, qui excelsus est? Confitando nimirum, ac prædicando quòd altus is sit, & sublimis. O uos igitur iusti, boni, sancti, electique à Deo uiri, psallite Deo mecum, ipsūq; colite, ueneramini, atque ore simul & spiritu laudate. Nam qui hoc modo Deum non laudat, tamen ore psallat, Deo non psallit, sed parietibus, aut tectis. Mens enim uaria, atque inconstans, non ualet uerba uitæ citra sui dam num proferre. Quis unquam à felle aut absinthio mel ebullire uidit? Psallite igitur eo modo quo tanta maiestas extolli potest, spiritu scilicet ac mente, ut nos hortat ur Paulus: Et confitemini memoriæ sanctitatis eius. hoc est, celebrate sacrosan ctam memoriā maiestatis eius semper, sed tum maximè quādo recordamini quòd uos sanctos, uos bonos, uos iustos effecit. Confitemini, inquam, illi, quoniam re cordatus est misericordiæ suæ Dominus, qui nos, quos antea ob delicta à memo ria prorsus eiecerat, ad memoriā reuocat. Porro is ab Deo ignorari dicitur, quan do in peccatis obduratus iusto Dei iudicio in reprobam traditur mentē, unde pra uæ exeunt actiones, ociāque à uero prorsus aliena. Subtracta enim diuinitus lu sanè humanis, sed recòdito sensu atq; intellectu, enasci dicimus, eo modo quo asse rimus improbos homines tradi in reprobam mentē, cum suo uitio ac proposito in



**C** peccati turpitudinē, & ut uocat Paul. passiones ignominiae cadere permittuntur.

Quoniam ira in indignatione eius, & uita in uoluntate eius.

Non paruum quidem periculum existimari debet, in celebranda Dei erga electos memoria non sedulo uersari. Sed nescio qua nostra ignauia id accadat, ut raro diuinorum beneficiorum nobis continuo, uel cum non aduertimus animum, colatorum, in mentem ueniat, nisi cum ipsa sentimus, ac manu tangimus: cum tamen illud in primis munus interdum eo dignius, nobisque magis prestare est censendum, quo acerbius quod coelitus datur, & nobis quamplurimum officere uidetur. Quocirca diuitiarum copia, rerumque affluentia ceterarum, ut sunt corporis pulchritudo, sanitas, liberi, fauor principum, atque huius generis alia, magis aliquando nocuere homini, quam paupertas, rerumque omnium humano usui necessarium indigentia, corporis foeditas, & aegritudo. Quid liberalia studia memoremus: quid literas? quid humanarum rerum, addo & diuinarum scientiam, legumque omnium doctrinam enarrem? Longe enim interdum haec omnia uisa sunt cedere simplicitati, sanctaeque quorundam ignorantiae, cum ab illis sapientius tam magnificis donis, quam ab istorum fatuitate ac nescientia, beluae illae tam infestae cum orbis uniuerso, tum potissimum ecclesiae Dei, ambitio, fastus, superbia, atque haereticis tandem deriuauerunt. Quam satius enim aliquando esset, ac sanctis coetibus magis utile, in istis potius, quam stulta uulgo uidentur & infirma, nostros proceres, & quorum uita ceterae multitudinis salutem pendere cernimus, uersari, atque ab ipsis animi oblectamenta capere: quam ea sectari, studioque omni persequi, quae sibi apud uulgum gratiam atque honorem conciliare somniant. Hoc certe modo & respublicanos suos Numas, suos Catones, suos Lycurgos, suos Aristides haberent. & ecclesia sanctitate magis uigeret, claustraque ac coenobia tum uirorum, tum mulierum, altissimis contemplationibus, ad quas est uulgo reliquo euocati sunt, ardentius operam nauarent, omisissis interim rebus illis omnibus, quarum specie illecti quidam nihil tam auidē querere uidentur, quam ut regnent solummodo, ac praesentis uitae commodis perfruantur. Errant plane. Atego non minus, qui ab instituto praesenti tam longe digressus sum. Ad psalmum igitur, a quo tam imprudenter discessi, redeat stylus. Felix hunc uersum aliter ex hebreo legit: Quoniam instans in ira eius, quasi dicat: Ira eius est uelut instans. Nam eius generis ira cito in uiro probo sedari solet. Apertius paraphrastes: Momentanea, inquit, est ira illius; amor uero quo prosequitur suos, in omnem durat uitam. Notat hic Eutymius, iram castigationem intelligi, idcirco is erit sensus: Licet castigatio diuina, qua interdum uisitantur mortales, est maxima Dei excandescencia, & indignatione exire uideatur: uita tamen ac salus in eius sunt uoluntate, hoc est, etsi uelut iustus punit, ut misericors tamen accipit, & uult misereri, parcerēque, & in finem seruare. Atqui notanda est familiaris admodum in propheta, ut saepe admonui, de Deo anthropopathia. Humano enim more nostrae consulens imbecillitati, de diuinis personis loqui nobis instituit. Homo enim ira feruidus, cum aliquem tum punire contingit, id facere dicitur inconsulto, neque ex animo, sed casu potius, & subito percitus irae motu. Eodem itaque modo ad ostendendam uindictae breuitatem in Deo, & quam grauiter puniat, dicit castigationem eius in ira, indignatione uel, atque excandescencia haberi, quippe qui non ex electione, aut proposito puniat, cum magis in uoluntate habeat (quae est eius naturae incomprehensibilis bonitas) seruare, uitamque, non mortem inferre. Quid, inquit, aliud uolo, nisi ut conuertatur homo, & uiuat? Ceterum quomodo mors potius quam uita ab illo, qui fons est uitae, ac ipsa met uiuificans omnia uita, expectanda erit? Nonne id illud omne, quod factum est, in ipso uita erat? Mortem igitur execratur Dominus, uitam uero in nobis amat, & impartiri appetit: modo nos uitam magis eligamus, quam mortē. Quod si tamen aliquando occidere uidetur, hoc non agit, nisi ut uita statim danda charior sit: neque



**A** fit; neque interim aliud cogitat quam uitam nostram, quam bonum, quam pacem. Verum cupis ne, ait uates, experiri quæ dico, iram scilicet Dei breuem esse, consolationem uero & diuturnam, & celerem?

Ad uesperum demorabitur fletus, & ad matutinum lætitia.

Si, inquit, uesperu mali quippiam occurrerit, illico tamen euanesceat. Quem quidem sensum ita reddit paraphrastes: Si forte, inquit, sub uesperam accidat flebile quicquam, illud in ipsa aurora commutabitur in gaudium. Adeo Dei uoluntas est, ne sui diutius in miseria maneant. Est quidem fletus, est mœror, est tristitia, atque animi cruciatus, dum durat tentatio illa, in qua à Deo quasi deferi uidemur. Quis, oro, in tentationibus ac mundi molestiis positus lætam uiuere potis est uitam, cum sese à cœlesti patre derelictum suspicatur? Quam sapienter igitur illud ab apostolo ad præsentem rem faciens est dictum. Omnis, ait, disciplina in præsentem quidem non uidetur esse gaudij, sed mœroris: postea uero fructum pacatissimum exercitatis per eam reddet iustitiæ. Cæterum quis etiamnum est qui ignoret calamitatem occasionem esse uirtutis? Prospera certe ac secunda semper ferè in uisilia, ut inquit Seneca, deueniunt ingenia. Surgite, clamata alio in psalmo Dauid, postquam sedetis in miseriarum tenebris erit sedendum. Habet enim malè antea actę uitæ recordatio suas lachrymas, suos fletus, suam miseriam, ac quandam animi desperationem: sed & spes suos excitare solet aculeos, gaudium, consolationem uel in spiritu sancto. Sepulto quidem Domino uesperu flebant omnes, mane uero gauisi sunt discipuli uiso Domino. Vesperu etiam omnis flebat populus cum rege Ezechia cum audisset minas Sennacherib: mane tamen lætati sunt in Domino, intelligentes, ut sacra refert historia, tot millia hominum ab angelo interempta. Ezra doctor hebræus putathunc uersum ita legi debere: Qui ad uesperam se cum fletu domum recipiunt, mane lætitia exultant. Verum utramuis sequaris literam, is unus erit sensus: Cito finiendas esse bonorum calamitates, neque propter illorum acerbicatem desperandum, utpote quæ, etiam si per totam perdurent uitam, momentaneæ sint, uentoque ipso uelociore, si æternæ illas felicitati compares.

Ego dixi in abundantia mea, non mouebor in æternum.

**B** Solent enim hi, quibus fax aliqua cœlestis consolationis illuxit, sic intra se: Quis me separabit à charitate Christi? non equidem amplius mouebor à generatione in generationem, sine malo. Iam me sentio hostilibus armis impenetrabilem factum. Dedit iam tandem cœlestis pater calamitatum mearum cumulo finem, carnis illecebris pacem, cupiditatibus terminum, ac à malis omnibus me prorsus exemit. In hac igitur, tantaque mea quiete, & tranquillitate positus, non labascam posthac, recedamque, ut prius, à iustitiæ semitis. Incauta sanè hæc est confidentia, ac parum exercitati in rebus spiritualibus animi argumentum. Quandiu enim grauissimum carnis onus nobiscum commoratur, non est qui queat dicere se non posse amplius, uel in ipsa capitalia peccata corruere. Atqui nonne Dauid olim, eo maxime tempore, quo se à Deo confirmatum in regno prædicabat, in morbum statim, ac nonnullorum iniurias incidisse legimus? Forsan ille uicissitudinis humanæ parum memor, ob fauorem illum Israël ad Hebron, unctionemque illam regiam tam celebrem, populiue frequentiam, ac reportatam de Iebusæis uictoriam, sibi ab æternis uitam prorsus immunem polliceri fuit ausus. Quid Petri confidentiam memorem? qui (ut sibi uidebatur) promptus cum Domino suo commori, ad unius mox foeminae interrogationem perterritus fidem fregit, iurauitque se Dominum suum non agnoscere. Nos imprudentes si constantiores in proposito, atque in fide solidiores, quam ipsi perfectissimi uiri fuerint, nos fore speramus. Proinde uerissimum illud esse non dubito, neminem adeo felicem esse, tamque in cœlestibus rebus & altus, & excellens, quin illico miser fiat, si suos subtrahat radios iustitiæ sol:



**C**ita neminem in tantas proiecitur esse calamitates, quin actutum emergat ac beatus fiat, si fauerit Deus. Vicissitudine enim huiusmodi tum miseriarum, tum consolationū, experiri solet suos Deus, ut de se, suisq; rebus diffidentes, penitus in ipso solo spem omnem tuam collocare perdiscant. Et quidem (ni fallor) eius generis exercitatio & lucta in sequentibus exprimuntur.

Domine in uoluntate tua praestitisti decori meo uirtutem.

Successum rei enarrare incipit, ac, ut suus est mos, illa omnia, quibus sese contra ictus aduersitatum immobilem senserat, Dei esse praedicat. Interim, ait, tu, non ego, praestitisti decori meo uirtutem: non id, inquam, meis actum est consilijs, non meis studijs, non mea uoluntate, sed tua. Tu Deus, non ego homo, ille fuisti, qui robur, uirtutemq; praestitisti meo decori: hoc est, meae, ut mihi uidebatur, stabilitati ac perfectioni constantiam suppeditasti. Non sicut ego de me presumo, sed ut tuae placitum est uoluntati, me in tuis donis quemadmodum collocas, ita & firmas, & unde quaq; ne nutem, fulcis & roboras. Ex hebraeo illud, decori meo, monti meo habetur. quem quidem montē, intellectum interpretantur, ueluti qui, uti mons in campis syluae, in homine admodum emineat, & cui illius generis a Dei uoluntate contingat & robur, & firmitas, quorum praesidio neq; in secundis rebus sese efferat, neq; in aduersis nimium perlanguescat, frangaturq; aut mulierum more perfractē nimium doleat. Quare sic reddit paraphraestes: Tu Domine munuisti quod precipuum est, uim scilicet intellectus instar montis equam, inconcussamq; fecisti. Verum tu stultitiam meam repressurus,

Auertisti faciem tuam a me, & factus sum conturbatus.

Sic o Dñe praesumptionem meam eo periculosiorem, quo se sibi ueluti ideam quādam sanctitatis effingit. castigare solitus es. Tua igitur, uel tantillum quidem, **D**auerfa a nobis facie, nostra subito cōturbantur consilia, languida fit mens, ac prorsus consternata contabescit. Deus enim tunc nos respicere dicitur, cum nostris fauet optatis; ex quo quidem fauore uim fumens animus exhilarescit, gaudioq; afficitur, & in conscientiae tranquillitate dilatatur. Vbi uero se longius ire simulat, nostrisq; precibus ac uotis surdum quodammodo sese exhibet, iacet anima, conturbaturq; & in ipsis tentationibus atque angustijs clamat, suspirat, ingemit, precaturq; id illud, quod sequitur:

Quae utilitas in sanguine meo dum descendo in corruptionem? **V**erum interim Ad te Dñe clamabo, & ad Deum meum deprecabor.

Vide quō se anima in tanta sui consternatione dirigat, undēque opem sibi promittat. Eo certē, si sapit, clamorē omnē suum ac lachrymas, unde certissimū speratur auxiliū, uertet, experta nimirū toties pacē ueram, tranquillitatemue in orationibus, quae castis desiderijs, cordeq; de diuina protectione minimē dubiae sunt, sitam esse. Sed nescio qua miserrima sorte id accadat, ut perpauci sint, uel in ipsis penitentium sublimia conuentibus, qui norint, quo modo, quoue studio, atq; animi exercitio rogandus sit Deus. Putant enim aliqui Deum perpetuo sibi foedere deuinxisse, si aut nō declinent (utcunq; id fiat nō multū referre existimant) a praescripto orandi tēpore: aut suis in quibusdā, ut uocant, deuotionib. pertinacissimē, uel usque ad nauseam spiritus perseuerent. Quemadmodum enim habitum est celebre & diuinum a sanctissimis uiris: ita stolidā quorundam ars, ac prorsus athea, in oratione, quae fit Deo, periculosissima uisa est, planeq; immunda atq; ignorationis plena, & quae ipsis quoq; beatissimis spiritibus, nedum quidem Deo, indignationis ac stomacho soleat esse. Hincq; fatuae illae prodeunt interdum quorundā iactationes de manso breui hora psalterio, de lachrymis, dum alij stertūt, antelucanis, de ecclesiis, de perfectissimaq; irrationabilium affectuū mortificatione, O homines cerere re-



Aprehendendos, dignosq; quibus probior cœlitus impartiat mens atq; animus: qui cum natura igneus sit atq; diuinus, in his solummodo uersari debet, quæ uerè ardentia sunt, prorsusq; cœlestia, atq; à mundi crassitie aliena omnino. Censet Eutymius in hoc loco naturā humanā à uate taxari, uilipendiq; quasi mortālē, ut ipsemet inquit, ac breuī extinguentiam, & quam alio in psalmo uanitati per similem esse asserit. Vt cunq; sit, animā pro uita, quæ in sanguine sita est, poni in scripturis cum sæpe aliās, tum in Leuitici lib. maximè legimus. Anima, inquit, omnis carnis in sanguine est. Quis unquā, nisi Empedoclis prorsus discipulus fuerit, illam animā partem, quæ & ratio appellatur, & cui æterna promittitur felicitas, in sanguine iacere uoluit? Ad quid igitur, inquit, utilis erit uita mea, si descendero in corruptionem: uel, ut reddit Felix, in foueam, seu lacum æternæ mortis? Atqui hic rursus quasi impatiens consideranda erit cupiditas manendi in uita illorum, qui idcirco maximè uiuere cupiunt, ut magis ac magis Dei gloriam, ac nomen prædicare possint. Melius est, inquit, ut uiuamus, etsi ob nullam certè nostrī rationem, at saltem ob illam, ut tua gloria per nos, ac ueritas illustretur, spargaturq; fama tui nominis per uniuersum orbem, nō ut carni & mundo à tuis inseruiatur. Arbitror hinc scire posse homines ad quid conditi sint, cur uitam cupere, quib;que rebus obtemperare debeant. Nulla certè res alia, aut desiderium manendi in uita tam honestum est ac laude dignum, quàm illud, quo quis idcirco diu in carne uiuere exoptat, ut diu in celebrandis Dei laudibus ad cæterorū exemplum occupari queat. Quare sic cum Deo rationes suas computat:

Nunquid confitebitur tibi puluis: aut annuntiabit ueritatem tuam?

B Minime quidē omniū: quin potius uiuens uiuens ipse cōfitebit tibi. Si uixero, ait, te laudibus efferam: si in cinerem resoluar, quæ tibi, aut tuis utilitas? nunquid inanima laudare te poterunt: poterunt forsan, ut sunt plantæ, saxa, arbores, sol, luna, sydera, quibus maximus inest decor atq; elegantia: at à corruptione, à putre gleba, à puluere & cinere, quid decoris? quid laudis sperari potest? A pallida enim inemortuis faucibus & lingua, & uoce, num laus illa, quam tanta exoptat maiestas, expectari conuenit? Ne igitur hoc, quod timeo, accidat,

Exaudi Domine & miserere mei, Domine esto adiutor meus.

Sic enim hunc uersum legit Felix. Verum si nostra magis arridet litera, dicendum erit, uatem rei, atq; opis futuræ certum, de ijs quæ uentura erant, perinde uaticinatum esse, ac si iam præsentia essent. Eo enim modo diuina se habet natura, ut illi æque futura ac præsentia indifferentia sint: quæ & indifferenter suis, cum opus fuerit, impartit ac reuelat. Vides itaq; quo modo, aut qua arte uir sanctus suam sibi præparat dedicationem, nempe animæ purgationem & lumen: quod sanè sibi à Dei misericordia atq; auxilio profectū asserit. Quocirca sanctissima, ut sic dicam, iactantia, quod sentit aperit.

Audiuit, inquit, Dominus, & misertus est mei, Dominus factus est adiutor meus. Conuertisti planctum meum in gaudium mihi, conscidisti saccum meum, & circundedisti me lætitia.

Dictio enim, planctū, in hoc uersu eius efficaciam Hebræis est, ut lamentationē potius & fletum cum eiulatu permixtum præ se ferat, quàm planctum simpliciter: quamquam apud Latinos quoque planctus, seu plangor, idem fermè sit, quod fletus cum pectoris percussione, ac queribunda uoce & ululatu. Vide grati animi indicium. Nam simulatque suam in re præsertim tam periculosa expressit lætiam, de dato cœlitus auxilio lætatur, fateturq; sese gratias diuinæ bonitati acturū. Post dolorem, ait, malè transactæ uitæ. post tentationum rabiem, post hominum perfidiam ac persecutiones, post fletum, post lachrymas, uertisti tandem mœrorem omnem meum in gaudium: seu, ut legit Felix, in chorum: aut, ut alius reddit interpretes, in tripudiū. Et sic sanè cum iratus fueris misericordiæ recordaberis.



**C**æterum quod ait saccum suum conscissum, antiquæ nos admonet consuetudinibus, quæ illi, qui in inconsolabilem aliquem dolorē inciderant, lugubri ueste, quam saccum uocabant, induebantur: ex quo quidem more illud est in Ionæ libro de rege Niniuæ scriptū: Surrexit, inquit, rex de solio suo, & abiicit uestimentū suum à se, & indutus est sacco, & sedit in cinere. Quæ quidem periphrasi intelligi oportet: regem illum ē regali fastu & lætitia in extremum mœrorem ac luctum deuenisse: quemadmodum hic uates hac uerborum congerie exprimere uoluit, quod placatus Domino, atq; ad se per diuinos afflatus cōuerso, discessit mœror, luctusq; abiit, & ululatus. Circundedisti me, inquit, lætitia, hoc est, me totum penitus à dextris, & à sinistris, à planta pedis usq; ad uerticem cooperuit, ac cinxit me spiritus nō huius mundi, sed cœlestis ac planē beatus. Cæterum si aduersa sunt quæ accidunt, omnīa sustineo per eum, qui me confortat. Si felicia, nō efferror, non intumescō, sed ex his potius qualia sint æterna bona coniecto. Tantum enim abest, ut in minutissimis rerum fragmentis considerandis (fragmenta appello ea omnia, quæ uiro probo accidere possunt in hoc mundo, siue amara sint, siue dulcia) multum immoremur, ut etiam pertinaci proposito cōtemnamus. Sola enim cœlestia & æterna, nos occupare & debent, & possunt, modò animorum originem non ignoremus.

Ut cantet tibi gloria mea, & non compungar, Domine Deus meus in æternum confitebor tibi.

**H**ic gloriam uocat propheta diuinorum beneficiorum memoriam, quæ in primis animus gratus Dei gloriam extollere consueuit: hoc est, ut diuus ait Augustinus, nihil boni ex sese, ab Deo autem omnia proficisci putare. Num parua illa censetur gloriatio, quæ uirum sanctum gloriari condecet ac potest, se Deo charum, illiq; curæ esse, atq; propterea tutam in omnibus uitam agere: num illa, per quam iactare se solet peccata sibi omnia gratis remissa, seq; cuncta legis præcepta, alioqui humanis uiribus imparia, per Dei filiū exequi potuisse? Vide igitur, ô homo, quod tua destinanda sit gloriatio ac lætitia, postquam absterfo manu Dei luctu, & mœrore, pax animi conceditur. Insiapiens enim admodum es, si te à Deo ad effeminatos plausus, iocosq; ac luxus enutrirī censes. Scilicet tam sublimi naturæ ac numeri tua est cordi lasciuiā, neque aliud in primis curat diuina maiestas, quā ut tuam foueat molliciem & teneritudinem. Felix & cæteri quoq; Hebræi, & nō compungar uertunt, & non sileat: ut perpetuum tenorem atq; institutum laudandi Deum in uiro sancto esse pernoscas. Compunctum præterea cor in homine uelit nolite lere cogitur, unde rectè asserere possumus taciturnitatem necessariò compunctionem comitari: quod quidem ab Eutymio notatū esse uideo, cum scribit hic quod consequitur significatum esse ex eo quod præcedit. Verumenimvero nec dictio, compungar, uidetur absq; ratione poni ac legi, quare is erit sensus: De te cantabit anima mea, non de adeptis diuitijs & magistratib; de te, inquā, omnis mea erit gloriatio, non de numero agrorum, aut ædium: neq; unquam me tuæ eiusmodi laudis, aut de te gloriationis pœnitebit: scilicet quod reddit paraphrastes, incessanter te laudabo, bonumq; mihi abs te datum, tibi acceptum referam, non mihi, meæq; uoluntati, aut arbitrio, & tandem in æternum, id est, toto tempore uitæ meæ, me totum, tuum ad honorem & gloriam incendam: adeo ut nihil os, nihil lingua, nihil mens, atque ipse animus tandem aut cogitare, aut loqui iam uelit, aut possit, quod tuum nomen, quod tuam gloriam, quod tua beneficia & dona non referat, orbisq; uniuerso prædicet ac diuulget. Ne uiuam, si aliud cogito.

PSALMVS DAVID in finem, XXXI.



**N**te Domine speraui non confundar in æternum, in iustitia tua libera me.

Neminem unquam ex antiquis autoribus siue is uates fuerit, siue patriarcha.



**A** triarcha, quos ecclesię fundamentum appellat Paulus, me legisse memini, qui tam honorifice spem & fiduciam de Dei bonitate suis scriptis celebrauerit, quam Dauid, qui tam crebrò illam extollit, ut fermè nullus sit psalmus, in quo spei mentio non inseratur. Nouerat enim uir sanctus id præcipuū esse telum, quo audacia hostium tam uisibilem, quam inuisibilem retundi potest. Quid putas aliud in causam esse quòd tam assiduè discordijs orbis ferè uniuersus impræsentiarum exagitur? Quid porrò aliud arbitremur secundos Turcis in Christianos præbere succellus, quam à Christianorum pectoribus spei absentia, atque exilium? Quid, oro, ad tantam proiecit sui obliuionem ecclesiam? Quid respub. evertit funditus, atque à iustitiā, à pace, ab æquitate deturbauit ciuium animos? Vnde ambitio? unde cupiditas? unde dominandi libido, etiam in his, qui in intimis ecclesię penetralibus, & claustris latitant? unde luxus? unde fastus, simulasq; simulatio, dissimulatio, atq; omnis generis uitia emanant? nisi quòd in realia quam in Deo suam collocant fiduciam ac spem, mortalium pleriq;? Nuper enim à senatu Veneto ob atrocē admodum nunciū, quo ferebatur Corcyram à Turcis obsideri, cōsternato, interrogatus CAMILLVS Vrsinus an uellet cum exercitu Dalmatiam transire, respondit se nihil tam auidè cupere, quam pro Christo in acie occumbere, quē sibi semper tamen cum in tam iusto bello, tum ubiq; locorum affuturum speraret. O uocem certè Christiano imperatore dignam. Non rursus silentio præteribo Germanensium rempub. quæ eodem nuncio, quo Veneti, perterrita, nihil in primis curauit, quam ut cœnobiorum uiros ac mulieres, largissimis eleemosynis inuitaret ad diuinam exorandam opem in re maximè tam necessaria & periculosa: spe quidem ac fiducia, quam de Deo conceperant, eam præ se ferentes normam pietatis cæteris rebuspub. qua nimirum à tam nobili populo instructę non ignorarent inde magis, faciliusq; diuinum impetrari posse fauorem in reprimenda tam potentissimorum hostium ferocia, quam ui belli, classeq; facinorosorum hominum colluie, atq; ære populorum, simul & ecclesiarum instructa. Dauid enim cum rex esset fortissimus, atq; adeò sui exercitus strenuissimus & dux & imperator, uictoriarum tamē summam ab Deo magis, quam à munitissimis arcibus, aut uallo, aut fossa, sperandam esse censebat. Quare ubi cum hostibus confligendum erat, à munere quidem ducis optimi, militisq; fortissimi, sibi minimè cessandum arbitrabatur, quippe qui non minus ignauiam uel sibi, uel suis militibus nocituram aiebat, quam Philistæorum, Iebusæorumq; ac cæterorum hostium & arma, & ingenia: spem tamen suam omnem uictorię in Dei magis auxilio & uoluntate seposuisse cum alijs sæpenumero alijs in psalmis, tum in hoc maximè, quem modò exponere intendimus, testatus est, quam in falcatis curribus, cataphractorum uel numero, aut uelut armatura, quam sit fides, fiduciaq; ac spes in Deo, hi certè norunt, qui à tenerioribus annis ad decrepitam usq; ætatem in acie illa fortiter uersati sunt, in qua nō corpus, sed anima uulnerari solet. Cæterū animalis homo, carnisq; prorsus addictus, cum ne semel quidem ab arena uictor discesserit, ea quæ in abditissimis animæ recessibus peraguntur, non facile perscrutari poterit. Clamat igitur hic Dauid, Clamat anima suam non ignorans periculum. Clamat tandem Dei filius pro nobis, postq; nos in re nostra tam somniculosi sumus, & tardi: In te Dñe speraui, nō confundar in æternum. Nego equidem quenquā esse, qui, cum orat, etiam si spiritus ardore sese inter Seraphicos immisceat choros, non confundatur, repulsumq; se à Deo non sentiat, si absq; spe orare præsumat. Vult enim cœlestis pater à uacillante minime animo rogari: alioqui omnia animæ illi daturus, quæ à terrenarū rerum uiscolibera, quemadmodum amorem, ita & fiduciam omnem suam ac spem, in diuinam bonitatem transfundit. Tantū id unum expetendum erit, ne in repetentur, Scitille, qui res nostras etiam nobis ignorantib, moderatur, quid nos deceat,



**C**aut nobis utile sit, aut quæ magis, quæue minus officere, aut prodesse quæant. Idcirco semotis semper à sapiētissimo artifice his, quæ aut nihil nobis cōducere, aut multum obesse possunt, ea tantummodo elargitur, quæ magis utilia sunt, & quæ ad salutem nostram facere certissimè nouit. Hac enim persuasione quis orans nunquam suis in supplicationibus pudefiet confusus, reiectusq; ab actu illo diuino orandi nunquam discedet inauditus. Res uerò illæ, quæ adia phoræ sunt, si absque certa fide impetrandi postularentur, quippe quæ tam nobis aduersa esse possunt, quàm utilia, non sanè multum admirandum esset. At peccatis ueniam, salutemq; æternam, quam idem ipse Deus etiam interposito iuramento dare est pollicitus, titubanti fide petere, idem impietatis genus est cum illo, quo quis asserere audeat Deum inconstantem esse, ac facile à promissis cadere. Vides quò nostra interdum nos popularis protrudat sanctitas? quæ tum sibi met ipsa magis applaudere solet, cum minus solidè, minoriq; fide ac spe se uidet orasse? Vocamus enim necessariam iam in orante fiduciam, præsumptionem, & id maxima cum spiritus sancti iniuria & contumelia. Tantum porrò abest, quod aliàs admonuimus, ut in defectu rerum earum, quæ petendæ sunt, fallamur, ut etiam in dies magis in doctrina illa spiritus, quæ omnem docet ueritatem, erudiamur. In æternum, inquit, hoc est, non semper confundar, licet ad tempus confusus uidear, atq; à te derelictus. Num semper abs te eiectus uidebor? Minimè quidē. Sed in iustitia tua, nō in mea, quæ imbecillis est, tua uerò potentissima, libera me, tuæq; consolationis pabulo enutri, & pascere. Iustitia Dei in hoc loco, ut aliàs diximus, perfecta est eius natura, qua unde quaq; beatus est, ac summè integer, & per quam solam seruamur, atq; in adoptionē filiorum Dei asciscimur. Cogitanti enim mihi sæpenumero, ac stupenti, quàm uarij sint nostri spiritus & motus & affectus, uaria item consilia ac studia, illud in primis occurrat magnopere reconditum, cogitatuq; difficile, atq; arduum, an uir ille in tuto esset dicatur, qui in extremo, quod aiunt, anhelitu constitutus, agensq; animam, Deo posthac, si uiixerit, pollicetur sanctius suæ se uitæ rationes instituturū, legesq; alias arctiores illi unicæ, quam in antea cta uita non seruauit, additurum: quibusq; seruatis sperat opportuniori tempore, q̃ illud sit, quo tum sibi demigrandum esse timeat, confidentius emori posse. Is sanè, ut quod sentiam eloquar, uidetur mihi in iustitia sua, non Dei, uelle mori, cum in Dei iustitia obire mortem nihil aliud sit, q̃ nullo habito respectu meritorum, demeritorū uel, morientem sese totum in cœlestis patris sinum proijcere, atq; ab illius iustitiæ & bonitatis fonte, ne pilum quidem discedere. Alioqui in ratiocinatione meritorum nimium, quæ miserrima est hominis cōsuetudo, inturgescet, aut in considerandis improuide demeritis desperabit. Quid uetat igitur animum in Dei fide eruditum, spontaneo motu, atq; hilariter desiderio è corpore, cum iubet, exire, simulac nouit peccata omnia nostra, e quibus ortum habent demerita, filij Dei esse facta, illius uerò merita, nostra?

Inclina ad me aurem tuam, accelera ut eruas me.

Aures in Deo uolunt esse sapientiam & misericordiam. Illa enim nostram intelligit miseriam atq; indigentiam, hac exaudit & miseretur. Vates quidem diuinas operationes ab humanis edocere consueuit, quò nostræ naturæ (ut sic dicam) crassamento succurrat, quæ humi pressa rarò ad ea speculanda, quæ Dei sunt, nisi per corporea, & quæ usui hominibus sunt, sese erigere est ualida. Verùm considerandum, quomodo indignum haudquaquam sit Deo, si illum dixerit uates aurem ad suorum preces inclinare: qui sanè mos his esse solet, qui cum procerioris stature sint, aurem ad os tardiuscula prolatione, uoceq; exili hominis loquentis, quò facilius audiant, inclinant, quare is erit sensus: Tu Domine cum excelsus sis, ac super omnem sublimitatem sublimis, ad humilem tamē animam, tremulaq; uoce suum dolorem proferentem, aurem inclina. Tu medicus, ego infirmus: tu Deus, ego homo, uas scilicet fragile ac uitreum, Accelera ut eripias me, Vidisti ne unquam aliquem



A quem in amnem rapidum è lembo elapsum, aut in lutum ab equo excussum, seu è prærupto saxo pendentem, ac uix uix se, ne præceps cadat, summis digitis continet: Is enim hoc fortius prætereuntium opem implorat, quo cernit sese in maiori periculo constitutum, nedum quidem clamat, sed ut celerius accurratur, clamorem ingeminat, instat, urget. Eodem sanè modo res se nostræ habet. Vndiq; enim sexcentis circumuenti periculis, in dubio nauigamus. A dextris quidem in rebus prosperis, elatio & fastus: à sinistris autem in aduersis, desperatio. Hinc gula, somnus, ocium, desidia: illinc inordinatæ animi appetentiæ, uarij q; mentis affectus ac studia, ueluti tauri pingues obsident nos, & nostrā non cōsiderabimus miseriam: Ecquis animum habens non prorsus rationis expertem, suumq; aduertens periculum, non uociferabitur ad Dominum, atq; eum, clamore & ter & quater repetito, ad celerandam opem non prouocabit? Nunquam certè ab huiusmodi solitudine relaxandus est animus. Alioqui tum maxime in alto iactamur, cum nos tuto in portu nauigare credimus. De Dauide quidem legimus, quòd cum requiē neq; in montibus, neq; in uastis cremis à persecutionibus immanissimi regis Saul inueniret, desperabat se posse euadere: nam Saul & uiri eius in modū coronæ cingebant Dauidem. Vides, ni fallor, sub typo Davidis, quomodo uiro iusto nullus locus ab insidijs tutus sit, siue in solitudine secum, siue in frequentia cum cæteris uitam agere instituat. Quare

Esto mihi, ô Domine, in Deum protectorem, & in domum refugij ut saluum me facias.

Idioma id Hebræorum est, quasi dicat: Esto mihi protector, & refugium. Cæterum illius generis appellationum, refugij, arcis, rupis, petra, & similium congeries, auxilij rursus, opis, patrocini, magnitudinē periculi indicat, & est sensus: Ad te solum Domine confugio: tu arx, tu robur, tu uallum, tu rupes hostibus meis inaccessa, hoc est, te opitulante cadunt illicò conatus quauis acerrimi hostiū. Olim enim Iudæorum populo per regiones à Mose constitutæ fuerunt ciuitates refugij, ad quas cōfugere illos fas erat, qui in delicto aliquo capitali deprehensi, eo in loco, in quo crimen illud incurrerant, tuto habitare non permittebantur. Umbra sane diuini præsidij illa fuit, ad quam quidem uates, ut suus est mos, secretissimo artificio allusit, Deum ipsum refugij domum appellans. Vnde sequitur:

Quoniam fortitudo mea & refugium meum es tu.

Alia litera: Quia pro petra, loco uidelicet inaccesso, atque undiq; prærupto, ac pro turri (hæc est fides) mihi esse soles.

Et propter nomen tuum deduces me, & enutries me.

Cum nomen Dei (ut aliàs admonuimus) sit ipse Deus, deduci propter nomen Dei, erit ab ipso Deo propter semetipsum, nō propter merita nostra, aut operationes Deo dignas, quæ à nobis exire possint, duci ac regi. Quare is erit sensus: Dux mihi eris Domine, atq; à confragosis montium locis me in opima camporum pascua tanquam tenellam ouem deorsum minabis, ibiq; me enutries, ac uberrimis tuarum gratiarum herbis ales, & sustentabis. Omnis certè alius cibus mortalis est ac terminabilis, & qui mihi facile nauseam ciere potest: tuus uerò immortalis, æternus, consolidansq; & cor, & animam. Idcirco stolidi esset animi, planeq; uecordis, ab illo satietatem sperare, & uitam, cum mortalis sit, ac corruptioni obnoxius: tuus autem uiuus, & cætera omnia uiuificans, uitamue dans mundo.

Educes me de laqueo hoc, quem absconderunt mihi, quoniam tu es protector meus.

Passim Dauid in psalmis fraudulentorum hominum astutias, atque adeò spirituum immundorum insidias, laqueos, aut retia appellat. Res sanè commiseratio-



**C**nedigna uidetur, cum aucupum insidijs, aut uisco, aut rete capta auicula, in tricis illis dolosis implicatur: sed magis illa, cum uir probus, improborum hominum laqueis, calumnijs, falsisq; delationibus & iniurijs irretitus, miserrimum in modum pertractatur. At longe atrocius esset spectaculum, si aspectui humano patere posset quomodo anima in turpissimis illis suis appetentijs, ac concupiscentiarum foribus, faceret libidinum & curarum inuoluta, miris sese distorqueat modis, & se excruciet. Incauta enim dum forsan nimium ob propriam excellentiam aut turgent, aut praesumit, in laqueos illos, qui per deliciarum uepres ac sentes delitescunt, incidit, irrita nimirum ab ipsis aucupibus, atq; ostentui habita. Hoc igitur tropo uerborum uoluit uates doloform simulationes exprimere, qui dubijs semper uerbis responsa dantes hamatum animum, ac plane laqueis ornatum praeseferunt. Itaque me Domine, inquit, ab illis ipsis, qui in corde & corde loquuntur, ut me decipiant, explica, atq; ab illorum manibus (ut es natura simplicitatis tutor) uendica. Idem tu solus id potes, solusque item es, quem meum scutum, meum thoracem, meamq; galeam, contra duplices istos homines ac bilingues esse decreui. Nonne etiam daemones bilingues appellari fas erit, cum uitam polliceantur, mortem uero propinent? Vt cunctq; sauiant,

In manus tuas Domine commendo spiritum meum.

**C**um enim in omni loco, in omni tempore, in omni uita genere antiquis hostis circumeat quærens quem deuoret: idcirco ubiq; gentium, in omni ætate, in omni gradu, & uitæ conditione clamandum erit, ut spiritum nostrum, siue in corpore existat, siue ab ipso demigret, paternè foueat Deus, ac tutetur. Certè equidem cum considero nullum locum quamlibet abditum, ac remotum, nullam ætatem, nullamue horam tutam esse à daemonum, atq; hominum improborum tendiculis & laqueis, totus cohorresco, prorsusq; de me ipso desperans uereor aliquando, an possibile sit factu spiritum aliquem humanum seruari posse. Rursus uerò cum recoloco qua potentia & bonitate is praeditus sit, qui pro me eiusmodi hemistichio, quem nunc tractamus, in cruce moriens est usus, memet actutum reuoco, atq; in memet ipso diffinio, eundem ipsum spiritum, quem patri moriens filius commendauit, unum cum meo esse, utpote in uno atq; eodem corpore commorantem. Nam quemadmodum totum corpus humanum ab uno tantummodo spiritu, licet in membris uarijs diuisum, & agitur, & uitam habet: ita ecclesiam, electorum scilicet conuentum, alter alterius qui sunt membra in Christo, ut ait Paulus, unum atque eundem spiritum cum suo capite, qui Christus est, habere necesse erit. Quocirca asserere audeo Christum animam in cruce agentem spiritum meum patri commendasse, quando uoce magna exclamauit, dicens: In manus tuas Domine commendo spiritum meum. Quam uereor ne tam arctam unitatem, qua maior in terris nulla esse potest, impudentissimè scindamus. Odijs enim, simultatibus, mutuisq; discordijs, ac beluis illis Hyrcanis ipsis tigribus immanioribus, ambitione atq; auaritia, rescindi solet. Cuius quidem rei typus fuit Iudas Ischariotis, qui propter nemiā pertractandi res pauperum rabiem & cupiditatem, ab unico illo uirtutum omnium præceptore Christo Domino sponte sua seiunctus, ne in semetipso quidem unitus mansit, sed desperatis omnino rebus, omniq; abiecta spe ueniam, laqueo se suspendit, ac crepuit medius.

Redemisti me Domine Deus ueritatis.

Nonnulli legunt hunc uersum: Redime me Domine Deus ueritatis. Vtraque lectio sensum eundem habet, qui is erit: Certus sum de tuo auxilio ac redemptione, ô Domine, quia Deus uerax es. Tua enim promissio, cui indubie credo, mentiri non potest, quia ipsamet es ueritas. Quis unq; credidit se à ueritate falli posse? Constantissimus igitur in pollicitationibus Deus est: pollicitus est enim suos a malis eximere, Eximet certè, ac redimet Israël ex omnibus iniquitatibus suis; tantum non



**A** non animum in infortunijs despondeamus. Sæpe, inquit paraphrastes, liberaſti me, & liberaſis in promiſſis tuis conſantiſſimè uerax.

Odiſti obſeruantes uanitates ſuperuacue.

Felix: Odi obſeruantes, ſeu expectantes uanitates uanitatis. Alia uerò ex hebreo litera ſic reddit: Odi omnes qui magicis artibus intenti ſunt; ut planè idem ſit odio habere intentos magiæ, & expectantes, ut uertit Felix, uanitates; hoc eſt, ut ipſemet interpretatur, expectantes reſponſa Phytonum, & ſimilium. Solent enim hi, qui rebus corporeis relicto Deo intenti ſunt, mirum in modum in diſquirendis futuris euentibus eſſe curioſi; ut illi, exempli cauſa, qui gloriæ humanæ percupidis, de nondum habito honore, quaſito tamen, ac palam empto, uoluptatem aliis quam capere efflagitant. Sed mirum quàm ſæpe nanijs pluſquàm anilibus credunt miſeri; ridiculaq; portenta, & timent & uenerantur. Cur non magis impia, quàm ridicula dixerim? Cur non infidelia prorſus illa appellauerim, poſtq; audio inter primarios mundi uiros, quosdã adeò in fide Ieſu Chriſti parum ſtabiles & cõſtantes, ut in ornando, ſeu onerando potius capite regia corona, aut prima inſula, ac miſtra, cõſtellationes, quas uocant, obſeruare, chiromantas accerſere, paſſimq; per orbeſum uniuerſum astrologos, magosq; accire & cõſulere: qui & ipſi quoq; præmijs loco, pedo tandem epiſcopali donati abeunt. Scilicet honor ille, aut onus potius, omni cuiuſcunq; conditionis, aut artis, hominũ generi conferendũ eſt: & non magis illis, qui cum doctrinæ ſynceritate, morumq; candore, tum uitæ ſanctitate inter alios emineant. Et quidẽ aut honeſta ea ſunt, Deiꝝ religione digna, quæ fieri quotidie in eccleſia Dei cernimus, aut ridicula omnino cõminatus eſt Deus Moſi. Anima, inquit, quæ declinauerit ad magos & ariolos, interficiam eam. Non inueniatur, clamat Dominus, qui ariolos ſciſcitetur, & obſeruet ſomnia, atq; auguria. Ne ſit maleficus, nec incantator, neq; phytones cõſulat, neq; diuinos, & quaerat à mortuis ueritatem. Hæc quidem Iudæis. Emoriar equidem, atq; ab æterno uitæ fonte ſecludar omnino, ſi ea ipſa à Chriſtianis uiris peragi fas eſſe credo, quæ uel in ipſis incredulis ac infidelibus abominatur Dominus. Summã enim, atq; eandem præcipuam Dei iniuriã ſemper eſſe exiſtimaui, futurorum ſcientiã rei alij potius, quàm Deo tribui: quo moderante, diſponenteq; omnia perfectiſſimo conſilio atq; ordine, nõ poſſunt nõ optimè euenire, quæ ipſe euenire decreuit. Rectè igitur Dauid uolens ſuę fidei conſtantiam exprimere, ſe odiſſe uanas ſortes, ac magiæ ſtudioſos, omnibus teſtatum eſſe uoluit. Exemplum ſanè mirabile, & quod ſopitum in nobis fidei ignem exſcitare idoneum ſit. Pudeat, pudeat Chriſtianum hominẽ, ſed in primis eum, qui uel dignitate aliqua ſublیمiori in mundo cõſpicuus eſt, uel qui ſub arctioris alicuius profeſſionis lege ſolitariam degit uitam, eas ipſas, quas Deus etiam in hoſtibus ſuis execratur, artes ſectari, illisq; credere. Ab utroq; enim hujuſmodi hominum genere, cæteri è uulgo homines ſuas ſibi uiuendi normas aſſumere ſoliti ſunt, quare illorum uita ab omni parte perfectiſſima eſſe debet, ac plane munda. Tu igitur, ô Domine, meritò odiſti omnes obſeruantes uanitates iſtas ſuperuacue: hoc eſt, fruſtra, inutiliterq; ac pluſquam dici poteſt, & turpiter, & implectitur, qui omiſſo Deo rebus ſolummodo terrenis inſeruit, à quibus quidẽ nil niſi inanitas quædam expectari par eſt. Cum enim ſpecioſa magis apparent ac ſtabiles, tum illis minus eſt ſidendum: ſiquidem figura huius mundi, ut diuus inquit Paulus, aura fugacior præterit. Illi ſic:

Ego autem in Dño ſperaui, exultabo & lætabor in miſericordia tua.

Quoniã reſpexiſti humilitatẽ meã, ſaluãſti de neceſſitatib. animã meã.

Pulchra ſanè antitheliſis. Illi uana ſectantur: ego Dominum, qui ſuorum arx eſt muniſſima, ac reſugiũ domus, & amo, & ſequor. Illi uanitates obſeruant, & amplectantur; ego uerò in te ſpem omnem meam colloco, hoc eſt, & firma, & ſtabilia



**C**amplector. Illi suas omnes actiones ab aëtherum motibus pendere uolunt: ego abs te non solum & astra, & cœlos quoque ipsos uirtutem illam suam, qualis ea tandem sit, agnoscere affirmo, uerum etiam quicquid uspiam siue in cœlis, siue in terris conditum est, hoc idem agit: te confitetur, te amat, à teque esse, ac pendere, ut potest, prædicat. Porro hunc uersum integrum sic legunt Hebræi: Exultabo, & lætabor in misericordia tua, quoniam respexisti humilitatem meam: seu, ut legit Felix, afflictionem meam, agnouisti in angustiis animam meam. Vide hic uatis subitam ecstasim, ac stuporem, ex consideratione tam admirandi patrocini Christo à cœlesti patre contra spem omnium exhibiti. Cum enim unicum illud uirtutum omnium exemplar Christus Iesus, mortalium omnium languores, cruciatusue mortis, atque, ut aliquibus uisum est, inferni, secum ferens, in manus patris suum atque adeo nostrum commendasset spiritum, terrificum quendam præ se tulit metum: ita quòd ne leuissima quidem suspicio in circumstantium mentem uenire poterat, eum ipsum tam crudeliter habitum à Iudæis, seruari posse. Seruatus tamen est, atque à patre solo, à morte, & inferorum tenebris redemptus, quemadmodum in hoc se psalmo redemptum asserit. Spem quippe omnem suam illum de cœlesti patre concessisse arbitror, cum ob plura, tum ex illo quoque Esaia uaticinio, quo uates ille sic patrem animantem in cruciatibus filium facit: Noli, ait, timere, quia redemite, & uocaui te nomine tuo, meus es tu. Hanc igitur tam insperatam spem, atque opem considerans David, uice Domini exclamat: Exultabo, & lætabor in misericordia tua, propterea quòd me in angustiis anxiantem non deseruisti: sed magis, quæ tua est bonitas, extraxisti, uitamque meam paterno uultu, & aspectu, non indignabundo ac truci, penè periclitantem respexisti. Caue putes filium Dei aut fictè passum, aut simulatè patrem orasse. Quòd si certè tu ex animo perpenderis quantæ fuerit grauitatis pondus illud tuorum scelerum diuinis humeris filij Dei impositum: **D** quanta perditionis tuæ certitudo, quanta desperatio: diffinies tandem immensas illas difficultates non potuisse ab homine uno absque grauissimo dolore & cruciatu dissolui & enodari. Verùm ne inutile prorsus quidem, ait uates, tam sancti corporis uidear membrum, exultabo & ego quoque cum Domino meo, & lætabor in eius misericordia, non in mea iustitia, ac bona uoluntate. Ipsa, ipsa quippe est, qua quemadmodum ipse Dei filius solutis, ut ait Petrus, inferni doloribus, seruatus est, ita & nos cum ipso spem firmam salutis concipimus, atque eandem ipsam per ipsum obtinemus, ab ipsoque expectamus. Cæterum quòd in uulgata editione legimus: Saluasti de necessitatibus animam meam: puto uatem tentationes, ac aduersitates tanquam petulantia humanæ necessarias, necessitates appellare. Continuum enim hic bellum cum geratur inter carnem & spiritum, adeo iam nobis familiare factum est, ut connaturale penè, ac necessarium esse uideatur. Alioqui, qui non tentatur, quid scit? Ab hisce igitur necessitatibus se Dei auxilio ereptum sibi gratulatur uates, & nos cum illo.

Nec conclusisti me in manibus inimici, statuisti in loco spatioso pedes meos.

Perseuerat Psalter in diuinorum beneficiorum commemoratione, quasi hoc uersu superiorem explanans. Translatio frequens ea est in scripturis, ut cum aduersis premimur, tum nos in arcem cogi queramur: liberati uero, perinde atque in latiore campum, in quo pro nostro arbitrio uersandi spatium detur emissi, miro afficiamur gaudio. Qui enim quòd libuerit se confert, is proculdubio sui est iuris: ut hi plane sunt, qui reb. diuinis assueti, iam carnis huiusce infelicissimæ interfertos laqueos, acutissimæque mundanarum rerum spinas fortissimè calcarunt. Ita David cetum in arcem cogeatur cum à filio impijssimo & ui & armis impeteretur: postea uero à metu tum filij, tum ceterorum hostium Dei dono liberatus, in regnoque restitutus, ueluti ex angusto loco in latissimum deduci campum uidebatur. Dominus enim fecerat



**A** fecerat illi spatium. Non minoribus certè angustijs arctatur ille, qui ob malè antè actæ uitæ memoriã à dæmone diuexatus, omnia quasi per Syllæam rabiem, aut euripum aliquem rapidissimum ferri existimat, cuncta arcta uidentur, atq; anxietudinis plena. Quid si porrò spe firma erectus (uide quid agat spes) sentit se Dei munere, ac beneficio paulatim recipere ànhelitum, ac respirare? Spatium tum quidem fit, curritq; expeditè, ac solutis pedibus, animæ scilicet affectib; à bois illis terrenarum cupiditatum, canit Deo: Statuisti in loco spatioso pedes meos, sedasti q; omnes animæ motus atq; appetentias, ita ut nihil amplius uelit, aut appetat, quàm super excelsa statui.

Miserere mei Domine quoniam tribulor: conturbatus est in ira oculus meus, anima mea, & uenter meus.

Complectitur hic uates angustiarum animam dilacerantium effectus: atq; iterum alijs uerbis supramemoratas suas tribulationes explicat, quantoq; potest nihil diuinam implorat misericordiam. Felix tamen hunc aliter reddit uersum: Caligauit in dolore: seu, corrosus est præ amaritudine oculus meus. Norunt planè id illi, qui quantà æstimanda sit ultio diuina, quam peccando sibi ascuerunt, seriò ac sedulò uersant animo. Ab his certè longè absunt risus, iociq; curæ superuacaneæ, studia inutilia, ac umbræ rerum. Cogitantibus enim annos suos in amaritudine animæ, hoc est, medullitus, & seriò, horror quidam futuri iudicij, æternæq; damnationis ob oculos uersari solet: quam ægritudinem hic appellari posse arbitror, cuius ea est uis atque impetus, ut cruciatum, afflictionem, tabem, fœditatē uel, & id genus alia inducat. Exest animum, planèque conficit mœror huiusmodi. Neque sanè id absque fitratione. Nam si uehemens est, animum totum in id quod premit conuertens, naturalem simul calorem ad sese internè colligit: qui & ipse uehemens & molestus, uitalem succum cōsumit, uoratq; uti ferrum candens aquarum guttas, hincq; animi intentio in illo uno tota occupata concoctionem remouatur, intercipitq; commodam corporis instaurationem. Quare hisce incommotis affecta ualitudine, atque habitu corporis suo uitali ordine fraudato, suboritur gescit, calorq; cordis, unde emanat uita, imminuitur: unde impallefcit facies, oculi q; refugiant, ac ater nigror deturpat genas. Neque id sanè multum, nisi & lachrymas dira hæc animi ægritudo ab oculis longo fletu pertritis excutiat. Hinc gemitur, hinc suspiria, hinc ab imis ipsis cordis radicibus euulsi audiunt eiulatus. Turbatur insuper anima, uita, uenter, corpusque demum totum mœrore tabidum fit. An uerò eius generis mœror, qui tam atrociter totum ualeat corpus afficere, in fœtorem Dei cum in mundo esset cadere potuerit, psalmus alius indicat: in quo inter cetera ueluti aquam sua effusa fuisse ossa conqueritur, cōrque, uti cara ab igne format, eliquatum. Præterea uolunt quidam hic oculum turbatum in pœnitente præ amaritudine, intellectum esse & cognitionem, quæ facilè in perturbationibus animi uehementibus caligat, atque hebes fit: animam uerò pro spe poni, nec immerito quidem. Nam quemadmodum anima hæc, qua uiuitur, membra omnia uiua reddit ac refrigerat, quippe cui in sanguine sedes sit, & uis omnis: unde effuso peccato noster homo humano sanguine, homo uiuere desinit: ita spes, quæ totum interuere spes debet, nimium frangamur, ac desperemus. Ventrè rursus aiunt uim esse eam, quam memoratiuam uocant: siquidem inter alia, quæ uehementissimus ac nimis dolor secum ferre consueuit, id in primis commiseratione est dignum, quòd hunc sponsum in sponsa eburneum appellat, ob earum rerum candorem, & puritatem, quas uersat animo uir Deo charus. Quare tetras illas omnes esse cogitationes iudico, quæ à forde aliqua uitiorum, aut oblectamento proficiscuntur, ut



**C** est libidinum, uindictæ, mundanarumq; rerum, aut honorum impatiens cupido, atque æstus, amor sui, & cætera eius generis animi uitia, quibus memoriæ uirtus corrumpi solet.

Quoniam defecit in dolore uita mea, & anni mei in gemitibus.

Seipsum interpretatur hic uersus, ut nihil aliud esse intelligamus uitam in dolore deficere, quàm ipsos annos longo mœrore cōsumi. Clarius Felix: Quoniam, inquit, defecit in anxietate uita mea, & anni mei in suspirio. Vide quomodo uita sanctus, ac totius sanctitatis dator Christus, non dicat uitam se suam in terris perla sciuias, uoluptatesq; corporeas, ac commoda illa, quæ ad corpus solummodo spectant, traduxisse. Etenim eius generis uitam, parasitorum, ac in ganeis conuersantium magis esse arbitror, quàm Christianorum, habitantiumq; in templis, ac eorum maximè, qui cum Paulo se iactitant (quàm seriò ipsi uiderint) uitam suam positam esse in Deo. Scio, aiebat Paulus, quòd qui in carne sunt, Deo placere nō possunt. Sententia enim generalis hæc est, ad omnes pertinet, omnes tangit, omnes admonet, omnium uellit aures: **QVI IN CARNE SVNT, DEO PLACERE NON POSSVNT.** Neq; ego quidem à Paulo dissentire possum, quem unicè post Christū in terris ueneror. Vtinam aut ego interdum mentirer, cum uerum dico: aut illi, qui conspiciui magis sunt in mundo, suæ uitæ rationes adeò exactè instituerent, atque ad æquitatis normā formarent, ut nomen sanctum Dei per ipsos ab omnibus laudari posset, non blasphemari. Felix orbis, felixq; ecclesia, atq; eius templa & ædes, si caducis rebus omisissis, uanisq; tum carnis, tum earum rerum, quæ in animo insunt, eliminatis à procerum cordibus appetentis, solida, atq; ea quidem, quæ ueras uoluptates secum afferunt & sectarentur, & ceteros eadem ipsa sectari edocerent. Quanta porrò putas animi ægritudine affici uiros sanctos, ac perrodi, cum uident impios non iam ueluti Cedros Libani, sed super id, quod dicūt, aut colitur Deus, ut inquit Paulus, efferri? perindeq; uiuere, ac si Deus non esset? Et quidem doloris huiuscemodi uis eo sæuius in castissimis illis pectoribus inrudescebat, quo malum; quod uident, depellere nequeunt. Magnus sanè illum esse dolorē, & credo, & interdum experior, cum tam benignus pater, atque idem nostrorum omnium amantissimus, adeò male à suis haberi, & tractari cernitur: sed alterum illum quammaximū, cum animus tam iniustus inuarias ulciscendi penes eos sit, qui parum uiribus, multo minus autoritate & potestate præditi sunt. Hi certè de se cum Psalte canere possunt, quòd defecit in dolore uita nostra: hoc est, ut ipse semet interpretatur, anni nostri præ indignatione, & mœrore, inter gemitus & suspiria attriti sunt. Mirum profectò esset, si seruus, confectio in mœrore Domino, uiuere in delicijs uellet.

Infirmata est, inquit, in paupertate uirtus mea, & ossa mea conturbata sunt.

Ex hebræo: Infirmata est in iniquitate fortitudo mea, uel, ut legit Felix: In delicto meo corruit uirtus mea. Vtrunque enim filio Dei cōuenit, qui in hoc loco innocentissimi sui corporis defectionem, ac lassitudinem, paupertatem uocat, ob cuius languorem omne animi robur infirmatum dicit. Corruit, inquit, in delicto meo uirtus mea. Vide amātissimi nostri bonitatē, qui mortalium delicta, propter quæ ab innocentia illa, qua pares angelis conditi fuerant, in abominabiles uitiorū sordes, turpitudinemq; corruerāt, sua asserat, atq; in ipsis ferendis, delendisq; uim omnem spiritus elanguisse exposulet. Ego, inquit, qui peccatum nō feci, sub aliorum peccatorum onere coactus sum cadere: quæ tamē mea esse uolui, cum pro ipsis reus factus emori decreui. Peccata nostra alio quoque in psalmo sua uocat, dicens: Longè à salute mea uerba delictorum meorum. Ossa porrò sua turbata memorat, quòd uel ipsis rebus inanimis occasionē præbeat considerandi, cuius ponderis sarcina illa extiterit, quæ non solum intestina omnia perturbationib; obnoxia



obnoxia commouerit, ac planè cōcusserit, sed & ipsa quoq; ossa, alioqui dura, atq; inertia cōturbauerit. Non rarò enim istuc obuenit, ut ex uehementi perturbatione permoto spiritu, ossa quoq; ipsa tremant, nulliusq; uirtutis sint. Quare in nonnullis morientibus id moris esse conspiciamus, quod lachrymabilem quandam in modum contremiscunt, horribiliterq; distenduntur prae angustia & agonia. Deficiente enim uitali succo, atq; humore, tum ossa, tum cætera corporis partes, utpote suo pastu destitutæ, uim suam amittunt: idcirco cōtabescunt ac dissoluuntur, ex qua quidem re tremor, ac debilitas oriri solet. Cæterum ossa in scripturis pro dignioribus animi uirtutibus interdum accipi sciunt studiosi. Quas sanè uates affectione propriæ imbecillitatis, atque ignorantiae in corde pauido facilè innasci solet. Hisce tandem uerborū tropis uult uates omnibus innotescere, quàm graue fuerit uulnus illud, pro quo sanando tam dira passus est Dominus uitæ: rursumq; quid nobis uulneratis faciendum sit, simulatq; medicus non suorum uulnere dolorè tam acerbum, qui mortem intulerit, perferre uoluit.

Super omnes inimicos meos factus sum opprobrium uicinis meis ualde, & timor notis meis.

Exaggerat sui Domini calamitatem uates his uerbis. An uerò Christus populo illi suo despectui fuerit, ac abominationi, sacra testatur historia: atq; antea nō semel ab Esaia uaticinatum fuit, homines scilicet illum quasi leprosum, & absq; specie & decore reputaturos. Solent enim hi, qui in maxima aliqua angustia positi sunt, plurimum leuari, si quos nacti fuerint, qui si non opem, saltem animum com patientem, & amicum præstent. At in medio ipso calamitatum feruore ab omnibus destitui, & ab ijs quidem, qui nihil minus quàm se deferere debuerant, nō tantum deserui, sed contemni, atq; illis horrore esse, malorum omnium maximum est. Conqueritur igitur Christus Iesus, sese omnibus tum familiaribus, tum uicinis execrabilem esse. Quod enim nos legimus, super, Hebræis est, propter, seu apud: uel etiam, ut uertit Felix, ab. Vnde erit sensus: Ab omnibus tribulantibus me factus sum opprobrium uicinis meis ualde, & timor notis meis. Iplis notis & familiaribus, ait Augustinus, timorè incussi exemplo horribilis tribulationis. Id olim præ se tulit Petrus: hoc Iudas ipse, modo tamen execrabiliore quàm hi, qui metu potius illo, qui in constantissimū quoq; uirum cadere potest, deterriti, Dominum suum negauerunt, ille uerò malitia & iniquitate.

Qui uidebant me fugerunt à me, obliuioni datus sum tanquam mortuus à corde.

Mos est quidam turpissimus inter homines, ut illum qui in erumnam grauem aliquā, aut culpam inciderit, deuent omnino. Quinetiam, ne in periculum cum illo deueniant, aut in suspicionem saltem, si fortè eandem intrare domum contigerit, eo inspecto, se foras illicò proripiunt. Ex quo parum laudato more plerunque miser in miseria illa sua marcescens ac moriens, hoc uno omnium infelicissimo infortunij genere moritur, quod uiuens ab amicis fuit derelictus. Quare ne afflictionum cumulum omnem Dei filio defuisse putes, facit eum uates probrosum omnibus factum, à uicinis quoq; atq; ab ipsis charioribus amicis desertum, & obliuioni traditum. Obluioni, inquit, datus sum non secus, quàm mortuus aliquis, qui ab hominum memoria facile elabitur. Cum enim nulla amplius sit spes mortuum amicum in hoc mundo reuicturum, ea primum suis est cura ut humetur: nam finem cum uita tunc habent quæcunq; ab eo tractabantur negocia. Sic porro de uasis confractis adhuc minor est nobis cura, quàm de amico mortuo. Quocirca rem magis exaggerat, dicens:

Factus sum tanquam uas perditum, quoniam audiui uituperationē



**C** multorum commorantium in circuitu.

Non ignorare quidem possumus, quantū Christus male habitus fuerit à suis, quantumq; reiectus, adeò ut nulla prorsus de illo ratio haberet, iudicareturq; nulli usui idoneus. Cæterum mortuum hominē, aut uas fractum quis amplius amat, aut de eo curam habet? Vas perditum uocat uas fractum, quod ab omnibus uituperatur, abiicitur, à nulloq; emitur. Vas istuc in terris fuit Christus, atq; hi cum cooperatur, abiicitur, à nulloq; emitur. Vas istuc in terris fuit Christus, atq; hi cum cooperatur, abiicitur, à nulloq; emitur. Vas istuc in terris fuit Christus, atq; hi cum cooperatur, abiicitur, à nulloq; emitur. Hoc est, nulli usui mundano aptari possunt. Haud mirum sanè. In mundo quippe sunt, ut ait Christus, & tamen de mundo non sunt. Idcirco uituperationem audiunt commorantium in circuitu. Alio in psalmo conqueritur Dominus se circumdatum à canibus multis, à taurisq; pinguibus obsessum. Quàm uerò male audierit in terris, quàm uel sæpissimè à ludæorum turbis, tanquam uenatorijs canibus circumuentus fuerit, uituperatus, irrisoriq; habitus, nihil ferè tam copiose enarrant euangelici scribæ: sed tum maxime, cum eum occidere decreuerunt. Tum, dico, quando uniuersus penè orbis uisus est in suum conditorem conspirasse. Vnde sequitur:

In eo dum conuenirent simul aduersum me, accipere animam meam consiliati sunt.

**D** Quod quidem Hebræi clarius exprimunt. Audiui, inquit Felix, infamiā multorum: Timor circumquaq; dum ineunt cōsiliū simul aduersum me, ut perdant animam meam cogitauerunt. Censet Eutymius repetendum hic esse superiorem uersum illum: Miserere mei Domine, quoniam audiui uituperationē multorum commorantium in circuitu: sed tum præcipue, cum mihi animam adimere, ut redit paraphrastes, constituerunt. Mane autem facto, scribit Matthæus, consiliū dierunt omnes principes sacerdotum, & seniores populi aduersus Iesum, ut eum morti traderent. Ecce quomodo tota simul Iudæa cōuenit simul aduersus Iesum, ut innocentissimam illi adimerent animam. Cæterum non parum existimanda est tentatio illa, cum anima circumquaq; se septam sentiens à truculentis hostibus illis, qui nihil tam auide querere uidentur, quàm ut illam perimant: hoc est, à sua uita, quæ fides est, abalienent, ingemiscit, quasiq; inter sacrum & saxum, ut est adagiū posita suspirat, uereturq; an à Deo derelicta sit. Cum em̃ considerat à quam sublimi diuina contemplandi consuetudine, & gustu, quem toties in pace constituta plenis, ut aiunt, crateribus hauserat, ob tentationum molestiam atque atrocitatem eiecta sit, supra modum dolet, & queritur, quid sit quod hinc à consuetudine ac suauitate diuini gustus repulsam habeat, illinc amicitiam suam possidetem mundum, uitæq; comoda præmonstrantem uideat, attamen execrandum, modisque omnibus cōtemnendum ducat. Hæc secum: In re arctissima, periculq; plena uersor. Num ego abiectis omnino corporeis oblectamentis, cœlestibus etiam priuabor: num fractum ueluti uas coram Deo semper existimabor: num obliuioni illi tanquam res penitus nihili in perpetuum ero? Vides animam in tantis angustiarum procellis periclitantem, ac desperantem, & non clamabis, Miserere mei Domine, quoniam tribulor: quoniam audio uituperationem commorantium in circuitu: quoniam mei unà hostes conueniunt ut me interimant? Nonne die noctuque, ut meam mihi adimant animam, consiliū capiunt? Heu quàm frequentia consilia, aiebat sanctus ille solitarius, ineunt dæmones, ut hominem perimant. Iam certè res in comperto est nunquam cessare hostem humani generis, quin artes assuat, neqtatque dolos & fraudes, quò incautas irreriat animas, uagantesue, atque à grege cætero aberrantes deprædetur. Passim enim laquei, passim retia, passim decipulæ, passim mentita felicitate inescati hami tenduntur. Adeò in hoc unum semper conuenire uidentur aucupes istiusmodi astutissimi, ut hominem à cœlestis patriæ ingressu auertant. Ecquis tam deliberatum illorum, consiliū,



**A** tōsiliū, ac penē hominī inēuitabile, euitare poterit, nisi tu, ô Domine, opituleris: Nostrā ne uires: nostra sanctitas: Ne uiuam tecum si meam putem puchritudinē me posse seruare, & non potius tuam misericordiam, & pietatem. Hic certē astutissimē conspirauerunt aduersum me.

Ego autem in te speraui Domine.

Quicquidenim machinarunt intorserint in me hostes, spei umbone refringā, Tu spes, tu robur, tu arx, tu deniq̃ bonum omne meum, Idcirco

Dixi, Domine Deus meus es tu.

Dixi, hoc est, in hac sentētia semper perseueraui, ut quicquid accidisset, Deus mihi futurus esses, bonus, placabilis, ac multus ad ignoscendum. Considerandū illud est, quomodo anima illa, cui nihil iam placet, nisi uirtus, & honestū, in extremas interdum coniecta calamitates, atque ærumnas, spem nō deserat. Et licet uis doloris ipsum prorsus depascat corpus, cruoremq̃ ē uenis emungat, ac cor inanissimum penē reddat, & exangue, spiritus tamen diuini testimonio, qui testimonium reddit spiritui nostro, ut inquit Paulus, quod filij Dei sumus, roborata, intra sese cogitat, & dicit: Scio quod Deus meus es tu, Num igitur me in tua misericordia confidentem deserere poteris?

In manibus tuis sortes meæ.

Hoc est, ut interpretatur Augustinus, causa & ordo electionis meæ tibi soli cognitus est; non enim uideo, quam ob rem ab impijs ac reprobis me delegeris. Hebraei legūt: In manu tua tempora mea. Sortes dicit, hoc est, quicquid mihi acciderit, siue secundum, siue aduersum id fuerit, quid hostes timeo: In tua enim potestate illud omne esse scio, non in hostium meorum libidine, & uoluntate. Mala qui pemihi inferre possunt, bonaq̃ auertere, & inturbare, si tu, in cuius manu sitū est utrūq̃ tempus, tribulationis scilicet, ac cōsolationis, annueris. Non mihi quidem illud uerendū, ne reliquū uitæ spatium, quod tu incōmutabili proposito precepisti, à quorundam feritate intercipiatur, cum abs te, non ab hostium potestate, meū omne eū dependeat. Itaq̃ ut cūq̃ à frequentī improborū hominū corona concludar, adeo ut nulla sit euadendi uia, adhuc me seruare poteris. Quare

Eripe me de manu inimicorum meorum.

Libera me, ait, paraphrastes, à tyrannide impiorum. Videtur mihi uates uelle dicere, me exime à mundo, alioqui non certē uideo quomodo prudentis sit animi in mundo uelle uiuere, atq̃ à tyrannide mundi regina nolle opprimī. Nescio em̃ quo nostro merito id accadat, ut cum primū alicui, uel duorum homuncionū cura cōmittitur, in primis datis operam, ut tyrannus sit, non pastor, aut pater, nisi forte uoluerit uates tyrannidem peccati à nobis intelligi; cuius quidem imperiū eo magis pertimescendū est, quo latius in omni genere uitæ pro libidine euagatur. Huius profectō uis olim ea fuit & dira & pertinax, quando ille qui peccatum non fecit, peccatū pro nobis, qui non eramus soluendo, ac maledictum factus, mortem, & eam quidem acerbissimam obiuit. Et quidem is ipse est, qui nunc pro à tam sæua tyrannide liberatione patrem precatur hoc modo; Eripe me de potestate, seu tyrannide inimicorum meorum,

Et à persequentibus me.

Persequuntur, ait Augustinus, Christum atque eius ecclesiam, qui cum Christiani sint, secundum Christi uitam uiuere renuunt. Persequitur igitur Christū Iatro, adulter, homicida, tyrannus, ganeo, & ceteri huius farinae homines: qui cum in perpetuis tenebris miserrimam uiuant uitam, quomodo diuino lumini, qui Christus est, non aduersabuntur? Itaque cæci semper sint, posteaquam sic uolunt. Tu Domine

Illustra faciem tuam super seruum tuum.



**C** De Dei aspectu erga nos hilari & iucundo, quo suum testatur fauorē, iam alias diximus. Solent enim hi, à quibus iudiciū in causa nostra expectamus, prę se ferre, qualis eorum sit erga nos animus, uultu & aspectu. Quare à truci uultu iudicis & ingrato, quid tuę causę futurum sit pręnoscere poteris. Itidem porrò à patenti & claro, Sensus igitur is erit, ut elegantissimē reddit Campensius: Hilarem o Domine exhibe uultum tuum seruo tuo, ex quo scilicet spem firmam uictorię sumere ualeam.

Saluum me fac propter misericordiam tuam.

Vide quid sibi uoluit uates in nomine uultus exhilarati, & quid prę se tulit quando orauit, dicens: Illustra faciem tuam super seruum tuum: hoc est, saluum me fac propter misericordiam tuam, non propter bonitatem meam, quam nullam esse fateor. Illa igitur motus me adiuua.

Non confundar quoniam inuocaui te.

Confunditur is facile, ac pudefit, qui in petendo aliquid à principe, aut iudice, repulsam patitur. Alio in psalmo sic orat: Non confundar quoniam in te speraui. Quod sanē idem est, quod nō confundar quoniam clamaui, seu inuocaui te: cum nihil aliud sit animę clamor atq; inuocatio, cum orat, quā spē certa impetrandi quę postulat, uel sine uoce uociferari. Tu, cum oras, uide ut spes tua firma respondeat orationi, speiq; oratio. Nam oratio spei auxilio denudata, impia est, & quę proculdubio repulsam, ē qua confusio, atque animi desperatio emanat, refert. Ita spem ignauam reddi arbitror, nisi feruida oratione incalescat, ac inflammetur. Si quidem spes orationis calcar est, oratio uerò spei stimulus. Putat Eutymius in hoc loco faciem Dei, eius uisitationē ac beneuolentiam esse: seu, ut alij, cognitionem.

**D** quę licet insculpta sit animę à primo rerum exordio (ad imaginem enim Dei factus est homo) tamen is splendor ac notio ob absiduas, quasiq; ingenitas nobis percepti tenebras facile obnubilatur, tetraq; sit & obscura: unde tum Dei, tum nostri ea, quam mors æterna sequitur, exoriri solet ignoratio atq; obliuio. Quod sanē periculum aduertens Psalter, orat faciem, hoc est, ueram Dei cognitionē in se innouari, claramq; fieri. E contrario uerò

Confundantur impij, & deducantur in infernum, muta fiant labia dolosa.

Non ego, inquit, sed impij cōfundantur à tua repulsi præsētia, deducanturq; ut meriti sunt, in infernum, ubi mors est æterna, ubi horror, ubi metus, ubi omne malum inuenitur. Alias admonuimus non ualde admirandum esse, si interdum sanctissimi Dei uiri dira malis imprecari uidentur hominib, Nam cum unius maius spiritus, atque propterea uoluntatis cum Deo facti sint, quā horrenda illos maneant iudicia cognoscunt: quocirca rogant, ut ad bonorum leuamen, improborumq; metum ac terrorem, eorum interitus acceleretur. Scelestus enim, ut ait Eutymius, cum uidet sui similem cædi, eruditur. Deducantur in infernū. Felix legit: Sileant in inferno, hoc est, in morte æterna sileant, qui nunc tam impudenter Dei electos carpunt & adlatrant. Apud poetas etiam inferorū manes silentes uocabantur: unde silicernium, quod conuiuium erat funebre seni defuncto celebratum, originem habet: sic sanē dictum ex eo, quod à silentibus, secumq; cogitantibus sese mox mortuum sequuturos, edebatur. Quapropter abeuntes à conuiuio, quasi non amplius alter alterum uisurus esset, se mutuò salutabant, dicentes: Vae le, Sileant igitur, habitentq; in perpetuo silentio cum silentibus animis in inferno. Interim uerò eorum muta fiant labia dolosa, hoc est, obmutescant omnino duplices isti, mendaces ac uasri, qui in corde & corde loqui soliti sunt, filij nimirum diaboli (ut ait Christus) qui natura mendax est, & mendacij pater. Videat ciuis, uideat iudex, uideat mercator, uideat ecclesia, atque ex animo mortales omnes simul perpendant, quanti æstimandi sint huiusmodi linguę lapsus, & uitia, tam diro



A tam diro omine, atque imprecatione à sanctissimo impetuntur uate, Deducantur, inquit, impij in inferno; muta fiant labia dolosa,

Quæ loquuntur aduersus iustū iniquitatem in superbia & abusione.

Hic graphice admodum petulantia simul & insolentia quorundam depingitur. Sancto enim spiritui mirum in modū infensa est cum omnium, tum illorum præcipue, qui dignitate aliqua in repub. & magistratu præditi sunt, superbia ac fastus; sed illam maiori quodam stomacho cœlestis illa mens detestari solet, quæ iustos ciues, atq; optime de sua repub. meritos contemnit. Ex qua quidem sæuitia illud plerunq; accidit, quòd aut ciuitates, & regiones à bonis ciuibus deferuntur; aut ipsis utcunq; in antiquis sedibus perdurantibus, uis omnis, uel pecuniarum, uel honorum penes illos sit, qui idcirco interdum à principib. tolerantur, ac, quod turpius est, in dies magis nouis perornantur magistratibus, quia mali sunt. Hos igitur in hoc loco tangi, ac iuxta admoneri arbitror. Cum enim omnes tam uultuosè contemnant; cum neminem uereantur; cum probis omnibus sese superbe nimium, uel inuito principe, uel saltem conuiuente, præferant, sibi effutire quicquid in buccam uenerit licitum arbitrantur, aut potius præsumunt. Et quidem alio in psalmo eiusmodi rerum monstra effigiat uates hoc modo: Linguam nostrā magnificabimus, quis noster Dominus est? Vides in illorū uerbis superbiam, & contemptum, quem abusione reddidit noster interpret? Alia uerò litera sic habet. Qui loquuntur dura in superbia, & contemptu; hoc est, alta & arrogantia; si miles nimirū Solomonis filio illi, qui cum iuueniliter olim nimium exultaret, ea ciuib. suis locutus est, quæ illi postea, atq; eius regno nō paruas calamitates attulerunt. Tantum uerò abest, ut hac eadem labe uel simili infecti sint uiri sacræ religionis militiæ adscripti; quæ quidem nihil aliud ab exercitu suo exigit, quàm ueritatem, contemptū mundi, humilitatem, spiritum, fideiq; ardorem, atq; ignem, ut etiam omnia sectentur, quæ omnimodam mentis deiectionē præseferant. Non enim nostro simile duces uirū aliquē uidere sub funebri pallio, mitraq; aut pileo, religionis insignib. quæ in humilitate posita est, mundi fastū, & pompā profiteri.

Quàm magna multitudo dulcedinis tuæ Domine, quam abscondisti timentibus te.

Vates diutius in recensenda tum Dei patiētia, tum ultione peruagatus, statim quasi à spiritu interceptus exclamauit magnam esse diuini gustus suauitatem: quā tamen uult Deus à suis interdum subtrahi, & abscondi, ut eorū uirtutem excitet. Non enim suos semper internis spiritus consolationibus alere consueuit, sed ariditate nōnunquā, siti, inedia, ac, qua maxime affligi solet anima, corporeorū phantasmatum incurfione, & tumultu, sine eos perturbari; quanquam diuinus ille gustus, quo nullus inuenitur maior, & qui potissimū in conscientie tranquillitate positus est, nunquam purgatissimis animis desit: & quem certè à uate absconsum dici legimus, ac planè internū. Impossibile quippe esse censeo uirū illum, cui omnino corporearū rerum uoluptates nauseæ sunt, ac contemptui, suo interno fraudari gaudio, & gustu. Quòd si porrò uideat aliquando, quemadmodū illo sua sponte, ita hoc absq; animi proposito priuari, id tamen loco summæ consolationis habebit, quòd scit cœlestem patrem nō posse diutius pati, quo minus illos, quos amat, uiros singulari prerogatiua timentes Deum appellat, timore tamen eo, quo ueneratione quadam grauissima, ac Deo digna, eum uerentur, atq; amant. Felix hunc uersum sic reddit: Quàm magna bonitas tua, quasi dicat, ab ampla tuæ bonitatis consideratione nostra omnis interna exoritur spiritus suauitas, & dulcedo. Hæc sanè pror fus mundi huius sapientes refugit, sed paruulis solūmodo, hoc est, Deū timentibus impartitur. Nam

Perfecisti eis qui sperant in te, in conspectu filiorum hominum.



**C** Felix: Operatus es: bonitatem scilicet. Vnde erit sensus; quasi per correctionē hęc superioribus uerbis addita sint, hoc ferē modo. Quām ampla sunt bona, quę timentibus te, benignissimē, occulta tamen ratione, elargiris. Imō, ut amplius alie quid dicam, quām ampla sunt ea, quę fecisti pro in te confidentibus: idē tam in propatulo, ut illud cuncti mortales, & uidere, & admirari possint. Vides rursus quomodo spem, tanquam uirtutum omnium necessarium cōdimentum, timori associat. Magna igit sunt bona illa, quibus timentes se donat diuina bonitas: imō uerē magna sunt ea, quę perficit, ac palām adeō operat cōlestis pater erga in se sperantes, ut nemo homo sit usquam gentium qui hęc ignorare queat. Quid tam magnum unquam inter homines uisum est, quām cum pueri, innuptæ & puellæ, nedum robustioris ætatis uiri, diuino percite furore, ac fidei calice ebrii, carnificum gladios derisere, impaudæq; iugulum securi cædendum præbuere. Huiusmodi enim sunt ea, quę pater cōlestis in suorum gratiam operari solet.

Abscondes eos in abscondito faciei tuę à conturbatione hominum.

Hoc est: Interim quōd plenissimam undequaq; illis præparas mansionem, eos abscondes, tutaberisq; ab exitio, si non prorsus à conturbatione, cum ea omnino huic agnata sit mundo. Et id quidem in abscondito faciei tuę: hoc est, in occulto: ubi tu tamen semper in eos respicis, licet non uidearis: negent quę improbi te tuos curare, eis quę adesse. Abscondes, inquam, eos, atque ē regione tui uultus, qui improbis omnino occultus est, collocabis. Num corporeis uoluptatibus adducti te uidere poterunt, cum solummodo illorum, qui mundo sunt corde, id potissimum munus sit. Cæterum pro summa tutela, abscondi in abscondito faciei Domini, hoc est, coram eo, positum esse arbitror. Nam nullum in ciuitatibus tutiorem esse locum, quām is est, in quo ipse princeps moratur, nemo ex ciuib; est qui ignoret. Vnde clamabat Iob: Pone me Domine iuxta te, & cuiusuis manus pugnet contra me.

Proteges eos in tabernaculo tuo à contradictione linguarum.

Felix: A contentione linguarum. In loco, ait, secretiori, magisquetuto, eum delitescere facies, ut hi solent, qui illos, qui ad se confugiunt, in abditioribus aditū suarum locis abscondunt. Ex se enim homo uarios suos hostes, carnem scilicet, iram, innumerasq; mentis appetentias, libidines, atque illum maximē omnium teterrimum, amorem sui, uitare haudquaquam præualeat, nisi Deus opituletur, ac præstō sit collocans eum, ut sic dicam, meticulousum, deq; se desperantem omnino in reconditiis, atque adeō tutioribus tentorijs fidei. Iam tandem uides tutissimum locum, inaccessumq; hostibus IESU CHRISTI tabernaculum fidem esse. Nihil enim tam arduum, tamue aduersum esse potest, quōd animæ in fidei tentorio, hoc est, in sinu Christi commoranti metum incutere ualeat. Porro nulla atrocior pestis, his præsertim qui quærunt, ut hic idem Psalmes uocat, faciem Dei Iacob, accidere potest, quām illa, qua mutuis sese homines dilacerant contentionibus. Argumentum sanē ingens illud est, eos qui ad illiusmodi prouisi sunt rixas, ac dissidia, mundi amantiores esse quām Dei, qui pax summa est. Nonne, aiebat Paulus, cum sint inter uos zelus, & contentio, carnales estis? Nescio quidem an aliud quicquam tantum queat officere uiam tranquillitatem amanti, quantum contentiones, seu, ut eas appellat apostolus, contradictiones audire, de his præsertim, quę ad spiritus eruditionem atque continentiam, quanquam illas honestiori uocabulo nostri temporis disputatores, disputationes uocant. Quōd uerō inter ciues illos, qui negocia, aut uectigalia in rebus publicis exercent, & exigunt, interdum contentiones interueniant, non admodum sane mirum esse debet. At à mortuis, à sepultis, ab ipsoq; ecclesiæ cetero artem contradicendi sumere, quis bonus non horreat? Hos enim cum intueor de honor



A dehonoratioribus tum locis, & gradibus, tum literis ac disciplinis tam atrociter disceptare, uideor uidere mortuorū cadauera mutuis dissidijs inter sese de eligendis sibi cōmodioribus sepulchris concertantia, pacata enim omnia in Dei ecclesia esse debent. Impossibile quippe est reflexionem illam solarem, quæ è uase aliquo patulo aquæ ad parietem emissâ hinc atq; hinc exagitur, aquæ motæ indicium non esse: ita acerbitas illa uocis in disputando animum parum tranquillum, ac pacatū præ se fert. Clamor, aiebat Paulus, tollatur à uobis cum omni malitia,

Benedictus Dominus, quoniam mirificauit misericordiam suam mihi in ciuitate munita.

Inter cætera belli propugnacula, illud uidetur maximum, magisq; tutum, si quis ab hostibus circunseptus, cernit se in ciuitate ea positum, quæ sit optimè munita, atque obsidentium uineis, pluteis, tormentisue cæteris impenetrabilis. Sic enim instructus miles, hostium ferociam ac minas ridere solet. Ita sanè uir collocatus in ciuitate eamunita, quā alio loco ecclesiā magnam appellat uates, externos expugnatores, mundū, oblectamentaq; sensuum, ac cupiditatū motus & rabiem, facile spernit. Canit igit: O quā ex intimis animæ medullis laudandus est Deus, quā toto animo sanctissimum eius nomen celebrandum, qui miris ac magnis admodum rationibus & modis, suam mihi ostendit misericordiam, in subueniendā tam insperatō rebus meis planè deiectis & perditis. Is enim, quid multa memorem: tutatus est me, tanquam fuisset in munitissima ciuitate. Vnde hoc merui: quid prior dedi illi, ut tam magnificè mihi retribuatur? Interim uerò aliam mihi præparari certò scio ciuitatem adhuc fortius munitam, futuram Hierusalem, quæ est, ut ait Paulus, mater nostra: & quæ uiuis ex lapidibus, ut canit ecclesia, hoc est, uegetis animis, construitur: ueruntamen ihs quidem solum, qui in terris prius tionibus expoliuntur, ac pressuris.

Ego dixi in excessu mentis meæ, proiectus sum à facie oculorū tuorū.

Exhebræo: Ego dixi in præcipitatione mea, utraq; enim lectio optimè doctrinæ spiritus inseruit. Antequā (ait fortissimū robur nostrum Dominus Iesus uice nostri) sentirem me in urbe tam forti, & munita positum, intra me quasi animi desperatione stupidus factus, sic aiebam: Proiecit me Dominus à conspectu suo: me non amat, meam quærit perditionem. Vides quò aliquando animi desperatio ac diffidentia, adigat uiros etiam perfectissimos, & qui nihil iam in hoc mundo aut mirantur, aut diligunt, præter Deum? Nōne tibi uidentur præcipiti, ac nimium ad interitū festinanti iudicio, atq; consilio ferri, cum sub tentationū, aduersitatumq; malleo positi, se à conspectu oculorum Dei proiectos suspicantur? Putas ne à petore in fide firmo & cōstanti, prodire posse uocē illā, uidelicet: Deus Deus meus ut quid dereliquisti me? ut quid recessisti longe? despicias ne in opportunitatibus? Quod si à Christo prolata fuisse in cruce legimus, ab illo quidē prolata fuere, qui miseriam omnem nostram, præterquā peccatum, in sese transtulit.

Ideo exaudisti uocem orationis meæ, dum clamarem ad te.

Campensius uir in intelligendis psalmis & acutus, & meus quoq; dux, & præceptor, hunc uersum cum superiori sic nequit: Ego quidem olim in anxietate summa constitutus, abieci me esse putabam abs te. Verum tu etiam tum diligentissime auscultabas quotiescunq; clamabam, & omnes meas preces audiebas. Nos imprudētes, ingratosq; si in angustiis illis maximè, in quibus de tota salutis animæ summa agitur, ad Dominum clamamus: & nostrum clamorē ab illo, qui bonitatis oceanus est ualissimus, & qui cupidior est miseriam nostram abstergere, quā nosmetipsi ut abstergatur, putamus reijci. Tum enim plerunque cum non creditur, adest suis: sed quò nostrum magis in se excitet amorem, & desiderium, dormire se simulat, Quia igitur, inquit, ego raptu quodam mentis atq;



**C**ecitasti stupidus factus, putabam me à uultu tuo reiectū; idcirco tu sapientissimus omnium, non amplius dissimulasti, sed statim, qui tuus est natura mos, exaudisti uocem orationis meæ. Quare cum nostris rebus semper sit præsens dominus,

**Diligite Dominum omnes sancti eius.**

Commodum enim beata anima, Dei bonitate erga se celebrata, ad animi gratitudinem, diuinumq; amorem, ac plenam in deo fiduciam alios inuitat. O uos, inquit, qui sanctitatem uestram illi, qui solus sanctus uerè est, ac sanctitatis dator, acceptam refertis, meo exemplo dominum tam benignum amate. Haud certe à nobis amplius uictimarum carnificinam, quæ lanis potius, quàm uiris iustis conuenit, efflagitat: sed amorem uerum, totum scilicet incensum in Deo, suiq; penitus oblitum, ac cæterarum omnium rerum corporearum pulchritudini minime affixum. Non displiceat uobis, quicquid cœlitus dari uideris, siue dulce, siue amarum illud sit; certis quidem, quòd omnia in uestri salutē operatur cœlestis pater. Quòd si improborū gregem admodum numerosum in uos desæuire cernitis, ne desperetis, ne terreamini; tempore enim suo unicuiq; reddet Deus, sic exigente iustitia, quod suum erit. Etenim

**Veritatem inquiret Dominus, & retribuet abundanter facientibus superbiam.**

**D**Non enim sinet diutius ueritatem, hoc est, illorum uitam, qui uerè Deum colunt, atq; amant, à petulantia malorum opprimi, uerum eam ut rem charam inquireret, defendet, tutabitur, persecutoribus uero suis reddet (ne dubitetis) abundanter: illis dico, qui loquuntur in superbia & abusione, secundum abundantiam improbitatis eorum abundantissime retribuet. Dixi ueritatem in hoc loco esse uitam proborum, & uerè Deum colentium; motus sanè ob id, quod legit Fel. nam quod nos legimus, ueritatem inquiret Dominus: ille, fideles custodit Dominus, & retribuit superabundanter facienti superbiam, quanquam certè non uideo quomodo ueritas ipsa in homine iusto, & Deo charo, & fideli, manere non queat. Videtur quoq; dictio, abundanter, aliquibus Hebræis esse, cum fune: quod idem est, quòd cum mensura illorum superbiam debita. Eadem enim mensura, aiebat Dominus, qua mensi fueritis, remetietur uobis. Res quippe plurimas antiqui funibus metiri consueuerant: ne interim dicam de crudelissimo funium genere, quo torti quam plurimi, ea etiam interdum, quæ ne leui quidem cogitatione cõmiserunt, se manuificis manibus elapsam: Iesum uerò iustissimum ac innocentissimū crucis ligno affixum.

**Viriliter agite & confortetur cor uestrum, omnes qui speratis in Domino.**

Pulcherrimus quidem nexus, qui psalmi huius superdiuini exordiū termino concinnat spei elogio. Tunc enim sic orsus est: In te Domine speraui non confundar in eternum. Modò uerò cum iam ad calcem peruentum sit, claudit orationem huiusmodi fiducia pleno hemistichio: Cõfortetur cor uestrum, ô uos omnes qui speratis in Domino. Hoc planè idem est, quod superius in uigesimo septimo psalmo canit propheta, cum ait: Expecta Dominū, uiriliter age, cõfortetur cor tuum, & sustine Dominū: cum nihil aliud sit sustinere Dominum, aut expectare, quàm spem nostram omnem in Deo, hisce in dubijs mundi euentibus ponere, & nosbi cum nōnulla dixerimus, superuacaneū esse ducimus eadem sapius repetere. Tantum unum hoc admonuisse uelim, quod hic à Psalte cor nostrum pungitur, quippe quod olim in aduersitatū fluctibus uacillasse, penitusq; à firmitate ea, quæ uirō Christianū decet, sese deiecisse uisum est, iam demū sumat uires, atq; Christi Iesu calore animatū inualescat; alioqui certè nostrę nos animi egritudines, nostrę ue, ut appellamus, imperfectiones, pessimo omnium hominum exemplo ad usq; tumultus hos mandos



A mandos comitabuntur: animo uerò dilacerato, & non prorsus Deo ipsi scitilium mentium ofori unito, uelle e uita discedere, ingenij duri iudiciū est, atque eius quidem, cui animorum aternitas parum cognita est,

PSALMVS XXXII. *Eruditio David.*

**B**EATI quorum remissæ sunt iniquitates, & quorum tecta sunt peccata.

Perpicacioribus ingenijs, quid sibi uelit præfens psalmus, ex titulo modū & utili, & necessaria, & quæ quamplurimos uel ex sanctoribus nostræ ætatis hominibus prorsus lateat. Fingimus enim aliquando nobis ideas quasdam meritorum, quibus ex debito debeatur æterna requies: at unde, aut ex qua causa & ratione, Deo nostræ actiones futuræ sint gratæ, turpiter ignoramus, cum id in primis nesciri non oportuerat. Hic igitur unusquisque, cui maximè sua salus est cure, à Dei spiritu eruditur, unde peccatorum suorum remissio expectari debeat, à Dei dono scilicet, nō à nostris quantūuis perfectis operib. alioqui, ut diuus sentit Augusti, si bona cœperimus facere, & nostris uirib. id quicquid erit attribuerimus, & non gratiæ Dei, idolum nobis in corde nos uerbis iustificantes fabricabimus. Sunt enim, ait, homines ingrati gratiæ, multum tribuentes inopi, saucięque naturæ: Domini quippe est salus. Discute, inquit, bona merita tua, & uidebis quia dona sunt Dei. Nam uerissimū illud esse apostoli, ac planè diuinū minimè dubito, quod ait: Deū credēti in eum, qui iustificat impiū, per fidē, secundū propositū gratiæ suæ non imputare peccatū. Fidei porro iustitiam, haud humanę industrię, sed diuinę uirtutis munus esse asserunt (& optimè quidem) in quam sanè illius qui credit, tota ex Deo gloriatio est, & gaudium internum, inq. Deum ipsum rursus conuertitur: ut neque exordium, neque terminum huiusce gloriæ, aliud quippiam esse uelit, quàm ipsum Deum. Operum uerò iustitiam eam appellant, qua quis factis, atque actionibus suis fidens, per eas iustum fieri quasi ex debito, et sperat, & credit. Ex qua quidem persuasione illud potissimum oriri cernimus, quod siue ab hominibus, siue à Deo sperandum sit premium, paratum id sibi in primis suo merito opinatur, non alicuius dono, aut beneficio. Quę res profectò periculosissima est, in re præsertim tam seria, quippe quæ ea sit, in qua tota salutis summa consistat. Is certe alio iustitiæ genere præstantiori, quàm sit operum, mihi uidetur ornatus, qui cum totum uitæ suæ cursum in exercendis operibus bonis attriuerit, in suorum tamen meritorum ponderatione nihil moratus, se ad Dei bonitatem considerandā illicō transfert, quod solus uerè sit, qui uelit, ualeatq. uirū quamuis impium, per fidem, ad se confugientem, iustum facere. A quo enim alio spirituum supernorū res tanta, tantæ uē uirtutis potentia, atque imperium sperari potuit, si à nobismetipsis nil nisi infirmitas, debilitasq. nostris in actionib. expectari par sit? Atqui si liceat hæc duo genera hominū inter sese cōferre, nōne uidemus operum amantiores quomodo in gerendis, suscipiendisq. rebus, se habeant: iustitiam sci- licet eatenus adhibent, quatenus tum legi, tum hominū opinionī satisfaciant. Illi uerò se Dei dono iustificatos arbitantes, præ illo, aut certe citra illum, ipsas operum, legisue iustitias, tricas quasdam mentis esse existimāt, & fugiūt: nec possunt quidem non abhorreere ab actionibus illorum, qui se admirantur, se amant, sibiq. in primis tribuunt, quod solius gratiæ, & fidei sit. Iustus igitur, ut inquit Abacuch, ex fide uiuet: qui sanè per iustitiam, quæ ex Deo est, diuiniore quodam modo uitam degens, sublimiorisq. iustitiæ gradum ascendēs, normam gerendæ sibi uitæ, nō ex præscripto, aut lege operū, uerū ex imitatione Dei constituit. Siquis dem inter homines id usu sæpe accidit, ut in illo, quod ab alijs didicerimus, similes illis esse qui nos id docuerunt, operam demus: unde doctoris nostri gloria



**C** per nos illustrior redditur, ac magis celebris. Sic itaque (ne nimij simus in his pertractandis, quæ passim iam per orbem uniuersum, etiam in constrictis, edocent: fat sit solummodo ea breuibus perstrinxisse, quæ præsentì instituto inserviunt, uix enim aliter fieri potuit.) Sic, inquam, uir se, suæque exactè considerans, hoc est, quòd nihil boni in conspectu Dei egit, quò ueniam suis peccatis meruerit: quodq; omnes sue iustitiæ nihil aliud sunt quàm sordes, & maculæ, & quòd, quàm uis adamussim se legem Dei seruasse sibi conscius sit, se tamen inutile mancipium fateri opus est: quòd rursus si ei contigerit cum Domino in iudicio intrare, non iustificabitur, quin potius damnabitur: item considerans, quàm felix sit ille, cui Dominus omne peccatum condonauerit, atque perinde ac nunquam extitisset, tæxerit, gemitu quanto potest profundo, desiderans nimirum ex illorum numero esse quibus non imputat Deus peccata, exclamat: O quàm bene habet, quàm beatus is ille est, cui peccata iam condonata sunt, cuique ad pœnam ea Dominus non imputat. Obseruandum enim est, quòd non dixit uates, beatos illos esse se qui peccata admiserint nulla: nemini enim hominum id datum esse asserunt: sed quibus peccata prorsus donata sunt, ac eo modo tecta, tanquam omnino non essent, Deique oculos penitus fugerent: neque planè imputanda à Deo censeantur, cum pœnas meritò de illis sumendas à debiti syngrapha expungit. Cæterum à Deo peccata tegi dicimus, cum nos non tegimus: non rursus imputari, cum à nobis imputantur: non damnari, cum se homo damnat, ac iudicat: alioqui in illud facile impietatis proruit, quod in sequentibus detestatur uates cum ait:

Nec est in spiritu eius dolus.

**D** Potest enim fieri, ut homo suorum operum suauitate illectus, dum exteriora duntaxat intuetur, & amat, facile interim actionum specie sanctitatisq; opinione decipiatur. Nimirum enim turpiter is labitur, qui uirum illum iustum putat, cui adhuc peccata imputantur, neque adhuc sunt tecta, atq; à uindice Deo abscondita. Nam cum homo spiritus radijs illustratus, suos interiores cœperit absque fuco & simulatione librare affectus, atque ex animo considerare: iudicat statim sese totum in corpore & anima, non dico peccatorem, sed & ipsummet peccatum, nedum quidem illa crassiora, quæ etiam mundus ipse peccata existimat, excratur, ac uitanda omnino iudicat. Vnde inscrutabile sui cordis pelagum ingreditens exclamare cogitur, Delicta quis intelligit: cui tam reconditi motus sunt notit: quis tam abstrusa, ac planè incognita cognoscere unquam poterit: Proinde hic primū ad Deū uerè absq; dolo clamat, dum uerè absq; dolo peccatū cognoscitur. Hic, inquam primū Dei misericordia peccatū dimittit gratis, & abstergit, situ tibi nō remittis, non ignoscis, nō regis, sed ex corde atq; ex animo, nedum ore quidem, aut ex more, confiteris tenihil aliud esse, quàm peccatū maximū, & iniquitatem. Atque hoc sanè modo dolus qui in spiritu latere uidebatur, detegitur. Non enim mediocris doctrinæ indicium est, proprii cordis malitiam non ignorare, quæ alios facilius, quàm seipsam damnare solet. Is igitur beatus, in cuius spiritu nihil fictum, nihil uel simulatum deprehensum fuerit: sed ex animo seipsum discutit, peccataq; propria, non aliena, cognoscit, detegit, damnat, ac lachrymarum riuo abluit. Actum enim de illo prorsus asserere audeo, qui cognoscendi se peccatorem finem fecit. Putas ne illum quanti periculi sit, diuinam bonitatem peccando offendisse, non ignorare, qui licet ore se peccatorem fateatur (mos iam omnium is esse cœpit ut sese peccatores dicant: quàm uerò seriò, atque ex corde, parum perspicuum est) peccata tamen, neque corrigit, neque ex animo confessio nem illam pronunciasse reliquo uitæ cursu præ se fert: non enim illi qui ex corde se iniquos & cognoscunt, & fatentur, mundi plausibus delectantur, sed illius potius



Atius perfidiam atque iram in suum profectum pertrahūt. Norunt quidem quā periculi plena res sit illis ijsdem rebus inservire, quas hi solummodo sectantur, qui sese penitus ignorāt. Quā multi sanē sunt, qui cū, Dei spiritu ac dono aliquo perlustrati, se ipsos medullitus agnoscāt, conantur tamē, & quanta possunt animi intentione sibi persuadere nituntur, se bonos esse, & iustos, dum interim miserrime latentem dolum in spiritu aut nō sentiant, aut nō sentire, cum tamen sentiant, arbitrantur. Vides mentitæ sanctitatis fucum, atque imposturam. Vides, inquā, ni fallor, quid sit dolum in spiritu uersari.

Quoniam tacui inueterauerunt ossa mea, dum clamarem tota die.

Felix sic: In rugitu meo tota die. Cum cogitarē, inquit, in silentio delicta mea, prae multitudine anxietatis inueterauerūt; uel, ut alia est litera, Contabuerūt ossa mea. Obmutire enim solent hi, qui in maximis occupati sunt cogitationib. ut ijs planē accidit, qui cum nimio dolore, aut metu detinentur, spiritum diutius quā par est cōtinent: quo tamen postea erumpente, ac collectis in unū uiribus sese foras promente, æduntur mugitus quidam, ac eiulatus insoliti à pectore iam ex carloris ad intima collecti abundantia penē torrido, ac constricto: hincq; succo uitali in homine absumpto, ossa, reliquæ uē interioris texturæ partes necessariō fiunt tæbidæ, ac uetustarum rerum more, mucidæ. At igitur uerē atque ex animo pœnitens: Hei mihi quia tacui, quia peccata non detexi, non agnouī, nō confessus sum, remissi mihi, non imputaui, dolum in spiritu non attendi. Idcirco prae doloris æstus & anxietudine, contabuerunt ipsa ossa mea, nedum delicatiores uiscerum partes, atque exta, in rugitu meo. Siue, inquit, tacitus mecum cogito, siue rugitibus dolorem meum intimum indico, contabescunt ossa mea: seu, ut reddit paraphrastes, coneruntur uires meæ. Vidisti ne aliquando hominem sua secum peccata seriō reputantem, ac quanta se maneat inferorum tormenta considerantem, pependentemq; ex corde diuinū iudicium, meritam damnationem, ac tandem peccati fœditatem? Mirum si in eo colorem uiuidum, aut corpoream habitudinem admodum uegetam & robustam uidere dicas. Quid si suum internum cruciatum miris, atque insolitis eiulatibus ostendere cogitur? Te stupidum, qui in tantæ amici dissolutione, atque miseria, pulchritudinem aliquam corpoream inspicere opinaris. Luctus, crede mihi, aut internus mœror, & dolor maciem potius neruorum, ossium uē debilitatem, & laxamentum gignunt, quā robur, aut pulchritudinem. Quanto uerò exitio obnoxia sint ossa, hoc est, & decor, & uirtus animæ illius, quæ stupida quadam tum imprudentia, tum uerecundia attonita facta, sua tacet delicta, eaque tegit, & non sibi imputat: quin potius se ea ignorare sibi persuadet, putatque fucum rei tam certæ posse obducere, ac Deo ipsi imposturam facere, multorum nec quidem minutoris gregis hominum uita profectiana: unde uacillantia consilia: unde doli: unde mentis incōstantia: infirmitas: aegritudo: ab ignorantia sanē nostri, nostrarumq; iniquitatum, ac scelerum interiorū obliuione. Secus autē illi, quibus omnia sua interna optime perspecta sunt: se utique continuō damnant. sibiq; ipsis, non alijs, indignantur, atque irascuntur. Cætera uerò, quibus ex officio portionem aliquam uitæ debent, stabili, firmoque proposito, ac mente, infractoque consilio, prudentissime, absque animi scilicet perturbatione, & dolo iudicant, & moderantur.

Quoniam die ac nocte, grauata est super me manus tua, conuersus sum in ærumna mea, dum configitur spina.

Sentio, inquit, iudicij tui manum, & seueritatem die noctuq; mihi grauiter minitantem. Quid dicam? perinde coniectus sum in ærumnam & miseriam, ac solent hi, qui inter spinas uolutantur. Hic spinam, terrificam diuini iudicij me-



**C** moriam appellat uates. Qui sanè sapiunt, cum in mentem sua primum errata ueniunt, ac mox poenæ illis debitæ, ueluti spina aliqua acutiori, iudicij stimulo compungi solent. Felix, atq; adeò cæteri pene omnes hebræe linguæ periti, secus legunt hunc uersum. Immutatus est, ait Felix, humor meus in siccitates estatis, qui semet exponēs, sic inquit: Euerfa est pinguedo mea, & humidū meū in siccitates. id est, factus sum macilentus, & exiccatus, ac si positus fuisset ad radiū solis in æstate. Quare sic reddit paraphrastes: Sic mutatus sum, ut ex succulento factus sim aridior quàm sunt aristæ in media messe. Nescio enim an apertioribus demonstrationibus ostendi posset hominis sua peccata, quæ maximè in reconditioribus animæ recessibus insunt, cōsiderantis & dolor, & mœror. Clamat Dominus in Osee uaticinijs: Ego sepiā uiam tuam spinis, id est, minis & terroribus, quò uel hoc modo saltem, tuum ualeas non ignorare peccatum. Alioqui cum omnia infelici animæ tranquilla sunt, & delitiosa, fit stupida atque iners prorsus in periculis considerandis, in quibus assiduò, dum se ignorat, miserrimū in modum uersatur. Nunquā enim se tutum arbitratur uir sapiens, hoc est, ille qui probè senorit: sed quemadmodum cōtinuò se peccatorē non ignorat, ita continuò peccatum suum coram supremo iudice detegit clamans,

Delictum meum cognitū tibi feci, & iniustitiam meam nō abscondi.

Vides prudentiā animæ suæ salutis mirè anxie. Aliud, aliud, inquit, inij confiteor. Cur tacui misera? cur delictū meum non detexi? cur medicum infelix horruisti? Erraui igitur hactenus, modò uerò aliud mihi capiendum est iter. Meum enim peccatum, meam iniquitatem, meam iniustitiam, meum deniq; morbum non amplius celare statui, sed aperire potius, ac cognitum medico facere.

Dixi, confitebor aduersum me iniustitiam meam Domino, & tu remisisti impietatem peccati mei.

**D** Dicto citius solet diuinus medicus egrotantē animam sanare, modò ex intimis medullis se morbo infectam fateri non erubescat. Non sanè ualde admirandum est, licet ex se laudabile sit, ac tutum omnino, hominem in crassioribus illis peccatis quæ etiā tecta ab alijs facile cognosci, damnariq; possunt, prouolutū, aliquādo fateri illa, ac detestari, ut sunt homicidia, furta, rapinæ, publicus alieni tori concubitus, ciuiū oppressiones, usuræ, & cæterę huiusmodi rerumpub. pestes: at illud quod unum maximè à nobis requirit Dominus, nos scilicet totos à planta pedis usq; ad uerticē aliud nihil esse nisi strumam peccati ac luem confiteri, summæ perfectionis indicium erit. Referēda est igitur ac retorquenda omnino in nos nostra iniquitas & iniustitia, non in alios. Nos, nos, inquam, sumus qui peccamus: nos mali, nos reprobī; cæteri uerò & iusti, & Deo chari. Vis, obsecro te, uidere quid à penitissima eiusmodi nostri cognitione boni proueniat? Cum primum, ait, me meā aduersum me statui confiteri iniustitiam, statim tu, ô Domine, remisisti impietatem peccati mei. Selah his interpositum admonet, quantum tormentū sit peccatorum sarcinam iam demum sensisse. Illum ne dicam peccatorum pondus rectè sentire, confiteriq; ac ex animo cognitum facere, qui semper idem est, ac eadem ipsa, quæ crebrò ex ecclesiæ instituto & more sacerdoti detegit, & sectatur & amat. Hoc certe modo sua peccata cōfitentē, nunq̄ dixerim uerè suum morbū detexisse. Quòd si fallor, unde quæso in iisdē ipsis peccatis perseverantia? unde iisdem ipsi lapsus? unde eadem, quam modò coram sacerdote execratus es, tam anxie mundanarum rerum, honorumq; cupiditas, & ambitio? Vide quomodo facile dolus, etiam cum non suspicamur, in spiritum clām repat, ac nos deludat. Iam illud quidem nō erit silendū, quomodo ex huius uersus principio, de Dei bonitate, celeritateq; ad præstandam ueniam peccatoribus, maxima concipienda sit fides. Non differt enim usque adeò cœlestis pater suam salutem miseris impartire, quòd homo sese omnino in poenitentiae doloribus excruciet: sed simulac dixit, ac statuit in corde suum non



**A** non amplius dissimulare peccatum, sed illud prorsus detegere, & detestari, adest diuinus medicus quamprimum, ac animam in medio ipso noui consilij proposito perfectissime (ut est perfectissime semper operationis Deus) à peccatorum omnium sordibus abluat, ac usque ad scoriā, ut ait Esaiās, repurgat. Vide rursum quomodo anima propriæ sanitatis cupida, non contenta peccatum suum, peccatum dicere, uerum iniquitatem, seu, ut alia est littera, prauitatem peccati appellat: nō potest enim suum non aggrauare peccatum homo ille, cui ob oculos sedulo, quā periculosum sit proprium morbum ignorare, tamq̃ excelsam naturā, ut Deus est, peccando offendere, seq̃ sua sponte in æternam mortem protrussisse, uersatur.

Pro hac orabit ad te omnis sanctus in tempore opportuno.

Postquam, inquit, tam facilis es, atque exorabilis, neq̃ aliud à nobis requirere uideris, quā ut nostrum agnoscamus peccatum, illudq̃ fateamur, omni abiecta oscitantia, atque animi stupore amoto, orabunt te quotquot sanctitatis adipiscendæ studiosi sunt. Agit enim mirabilem in modum ac planè erudit bonorum animas diuinus ardor, ut eo minus se iustos arbitrentur, quo magis iustitia à Deo donatur. Iusti enim ob illud primū facti, quod illis Deus peccatum nō imputauit, suam tamen impietatem, peccatūq̃ prauitatem haudquaq̃ cessant accusare, eo potissimum tempore, quo seipsos uerè norunt, hoc est, peccatores, & scelestos: & quod quidem tempus opportunū appellat uates: Paulus uerò, ex Esaiā, acceptū. Tempore, inquit, accepto exaudiui te. Tunc enim, id est, cum homo suū cognoscit peccatum, tempus est miserendi: tempus est gratiæ, atque ad subueniendum animæ sub peccatorum onere laboranti, opportunum. Felix tamen legit, in tempore inueniendi. Idem Felinus, quod est, in tempore inquirendi Dominum. Querite, ait Esaiās, Dominū, dum inueniri potest, dum est occasio, dum nos inuitat, dum nō dum ex arena discessum est. Quandiu enim in hac uita uiuitur, puto tempus inueniendi Deum esse, poenitentiamq̃ agendi, ac promerendi per Christum bona illa æterna; quibus adeptis, spes nulla, metusq̃ nullus, aut pavor, nos coget, aut amittendi adepta, aut acquirendi maiora, cum Deus summa, atque idem unica ac perfecta nostra felicitas, tum nobis aderit, ultra quem nihil.

**B** Veruntamen in diluuiō aquarum multarum ad eum non approximabunt.

Ex hebreo aliqui legūt hos uersus hoc modo: Propterea orabit ad te omnis bonus in tempore inueniendi, etiam si multæ aquæ inundent. Vt cunque sit littera, is erit sensus: quod aquæ impetuosarum tentationū & tribulationum ad eum ipsum uirum iustum, qui sic orat pro impietate peccati sui, non appropinquabunt: hoc est, defauiunt quidem, tantum uerò aberit, ut eos à loco moueant, atq̃ à firmo proposito in Deum deturbent, ut etiā in illo magis cōfirmant, ac uires præstent. Hinc porrò illos non audiendos esse arbitror, qui legunt, ad Deum nō approximabunt aquæ multæ, hoc est, ut interpretantur, in luxuria fluidi ad Deum non appropinquabunt. Somnia sunt hæc ad spiritus iniuriā excogitata. Paraphrastes sic redigit: Nullæ quantumuis multæ fiant malorum inundationes, ad illum poterūt perfringere. Poterunt sanè uirum bonum (ut aliquid interim demus cōditioni humanæ) quassare, urgere, perterrefacere etiam: at perfringere omnino, prorsusq̃ conuellere, atque ab instituto dei cedere quī credam, cum Deo ipsi potentissimo cure sit maximæ. Quare clamat,

Tu es refugium meum à tribulatione quæ circundedit me, exultatio mea, erue me à circumdantibus me.

Tandem hic uates rei summam aperit. Mirum enim si conceperas animo uatem testaturum sese ab aquarum multarum diluuiō ereptum, quia bonus erat, quia fortis, quia de rebus celestibus benemeritus. Longe quippe aliter sese habent res seriæ in negotio spiritus, quā cōmenta quorundam dolosa, non est enim cur



**T** propriam iustitiam, roburque arbitrii plusquam par est iactitemus. Tu, inquit, refugium meum es, tu robur, tu arbitrium, tu uoluntas. Felix legit: Tu secretum mihi. Cui & alia convenit litera ex hebreo: Tu, inquit, absconditio mihi. Paulum uero aliter paraphrastes: Prouidentia, ait, tua occulta a malo proteges me. Quod uero Deus sit suis absconditio, atque refugii domus, satis in praecedenti psalmo est dictum. Hoc unum uero sciendum, quod reconditori prouidentia, quam quae ab humano intellectu perspicere queat, suos tutatur Deus, hoc est, quando res admodum perditae ac desperatae uidentur, tum suis adest benignissimus Dominus: & cum non speratur, apparet, dicens: Ego sum, nolite timere. Ceterum dicuntur tribulationes nos cingere, & obsidere, cum ita nos in angustum coniiciunt, ut euadendi spes nulla appareat. Ita sane solet ab hostibus cingi ciuitas: ita aper in sylua a uenatoribus: ita a daemonum technis & dolis pauidae animae. Porro illud, exultatio mea, sic reddit Felix: Canticis liberati circundabis me, quasi dicat, facies me undequaque tibi laudum cantica, atque odas celebrare, uti solet a periculo aliquo eximio liberatus: ita ut nihil circum me futurum sit, unde non erumpant summa cum laetitia gratiarum actiones. Preterea quemadmodum a tentationum mole quodammodo opprimimur, nisi Deus praesto sit, qui iacentem sub fasce animam subleuet: ita cum ab angustiarum acerbitate liberamur, exaltatio quaedam ab imis ad altiora oriri solet, ex qua rursus exultatio in spiritu canticis permixta gratiarum actionum ac laudum, emanat: quam quidem uates Deum ipsum esse ingenuè fatetur. Alioqui exultationes ceterae: quam cantica absque Deo quae fiunt, impia sunt, & scelestae, etiam si sacra appareant.

Intellectum tibi dabo & instruam te, in uia hac qua gradieris firmabo super te oculos meos.

**D** Fit mutatio personae. Deus enim est qui unumquemque nostrum coelestium rerum studiosum indagatorem alloquitur. Proinde maximopere cauendum erit, ne cum diuinarum rerum contemplationi incumbimus, alium ductorem, eruditoremque efflagitemus, quam Deum. Quid rem tam arduam memoro, cum ne ea quidem, quae in nobis insunt, perfecte, nisi Deus erudiat, cognoscere possimus? Is est enim qui docet hominem scientiam, non tantum quidem reconditarum rerum, quantum illarum quae proximè nos sunt, ac manu tanguntur. Ait igitur benignissimus pater et doctor: Faciam te intelligere, o homo, qui hucusque sine intellectu fuisti, cum tu tua ex te cognoscere opinaberis. Age, in me solo confide: ego te instruam, te ducam, tibi oculos aperiam, ne tu te iterum instruas, te ducas, te uidere arbitreris, ex te, non ex me. Si enim in uia ista uirtutum ac iustitiae, progredi est animus, ne dubita: ego qui te in uiam rectam conduxì, firmabo rursus super te oculos meos. hoc est, oculi mei in te erunt intenti, ne quid tibi, qui oculis tuis oberrare, atque in praecipitia corruere consueueras, desit. Esto in oculis tuis cecus, & insipiens, & ego intellectum tibi dabo, hoc est, ut ait paraphrastes, prudentem faciam te, & docebo quo te praesto uiuere oporteat, & studiosissimè obseruabo te oculo proprio: seu, ut interpretatur Rabbi Shlomoh, Innuam tibi oculo meo, id est, uiam, quam te capere par est, nutu oculorum monstrabo. Sensus igitur: Oculo meo, hoc est, meo fauore et cura tuam fulam. Ego ipse, non tu, considerabo quid tibi utile sit, quid secus: quoque uiam tuam dirigas, quomodo uitam, quomodo studium, uidebo: sine te meum esse, non tuum: alioqui tu tuus factus, absque intellectu ac mente uitam uiues miserrimam. Ponam super te, ait Chaldaeus, in bonum oculum meum, id est, tui curam geram. Tantum

Nolite fieri sicut equus & mulus, quibus non est intellectus. In camino & freno maxillas eorum constringe, qui non approximant ad te.

Tantum, inquit, uos amor trahat, non terror, aut minae, quibus solent a malis compesci complures, quemadmodum equos aut mulos lupatis & freno ad obtemperandum dominis suis compelli cernimus. Animus enim humanus natura ad legum



A legum obseruantiam amore magis ducitur, quàm uī, aut, ut ait satyricus, formidinis poenæ trahitur. Quamquam tamen neq̃ huius salus, qui metu potius, quàm suauitate ad bonū cogitur, sit desperanda, cum illi prorsus à spe salutis alieni sint, quos Deus penitus in malis obbrutescere sinit, neque illos aliquando, uel saltem asperitate, aut terrore, à uīa sua mala reuocat. Infelices omnino hi sunt, postquam ita à Deo permittuntur, sua ipsorum culpa, naturæ impetu, uti solent muta pecora, & ferri, & uiuere. Nec ab re quidem meminit equi, & muli, animantium nimirum quæ ad humanos usus, atque ad ferenda onera præ alijs faciliè mansuescunt. Sunt porro qui in hoc loco arbitrantur uocem, atq̃ adhortationem esse hominis iam à uitæ foeditate relabentis, ac proximos admonentis, hoc ferè modo: Cautum sit uobis o amici, ne prorsus in malorū perseuerantia perduretis. Ab ijs enim quæ proprijs oculis uidi, expertusq̃ sum in memetipso, consilium uobis do. Peccaui ram certè, atq̃ à uīa iustitiæ oberrans, uiam non bonam ingressus eram: uerū ad uersitatum cumulo admonitus, intellexi iam tandem, atq̃ ad Dominū reuersus, iustitiæ uiam non fictè, aut ignauè, sed ex animo totis conatibus, perterere occēpi. Quare uos hortor, ne, uti ego olim, diuinam bonitatem intelligere negligatis, neue ceu bruta rationis ac intellectus expertia, lupato, ac capistro in uīā salutis reduci cogamini. Cæterum qui non approximant ad te, interpretantur, ne repugnent tibi, aut, ut reddit paraphrastes, ne mordeant te. Nō præteribo etiam piam quorundam interpretationē, qui asserunt hic ad Deum precem esse illius, qui se sentiens à cœlesti patre duris monitis eruditum, atque à uitiorum turpitudine terroribus coërcitum, ita orat: Compertissimum habeo, o Domine, per uarias tentationes edoctus, atque eruditus, uiam hominis non esse in manu eius: idcirco spiritus tui suauitate allectos, trahe nos post te. Et si quos uides suo impetu, ueluti equos & mulos ferri, illorum ferociam reprime, à præcipitio reuoca, atque illos, sicut me compulisti, intrare compelle, ut uel hoc modo duriori admoniti. intellectum capiant, ac tandem in spiritu dolum sentiant, hoc est, se ipsos ignorare dediscant, uerbūque illud tuum, quod illuminat, & intellectum dat paruulis, omisis superuacaneis curis, toto studio atque animo amplexentur.

Multa flagella peccatoris, sperantes autem in Domino misericordia circundabit.

Omnes enim quotquot mortales nascimur, & turpiter, & crebrò in peccata labimur, atq̃ ob id nō mediocri castigatione egemus, quare asserit uates, quod multa flagella debentur homini (cum peccatorem nominat, hominem intelligit.) Verū si quis sub lima, ut ait quidam, non contrahit rubiginem, sed candorem: hoc est, si sub poenarum acerbitate uerè, atque ex corde resipiscit, ad Deumq̃ conuertitur, is proculdubio misericordiam consequitur, ac in uiam iustitiæ per marinus. Contra uerò hi qui sub flagellis sua sponte indurantur, atque, ut sic dicam, miserrimè lapidescunt, in brutorumq̃ naturam transformantur, à Deo relictis, neque uiam, neque modum suæ uitæ inueniunt, sed consilijs proprijs, cupiditate & impetu, res suas instituunt. Quis hic non uideat, quàm satius sit, nobisq̃ magis utile, rationis munere, atque intellectu, quo potissimum à feris distamus, uti in bonum, secundumq̃ eorum instigationem, & uiuere, & ab alijs sic agi edocemur, ut sunt tyrannicæ oppressiones, ambiciosorū iniuriæ, calumnie, dilapidationes, infamiæ, persecutiones, usuræ, & cetera huius generis, quæ in rebus publicis, optime considerandū, agnoscendumq̃ istuc potissimū fieri, quo in nos considerandas facilius descendamus, confiteamurq̃ nusquā perfectum bonum esse, nisi in Deo. Et



**C** quemadmodū, ut iam diximus, illum tribulationibus circumdatum appellamus, cui nulla euadendi, aut sese à cumulo aduersitatum extricandi spes sufficit: ita uirum eum Domini misericordiam circumdare affirmamus, cuius uita adeo curae est Deo, ut unde quaque spiritus donis munita, telis hostium prorsus impenetrabilis, inaccessaque facta sit. Soli igitur obstinati in malis, sub flagello pereunt.

Lætamini in Dño, & exultate iusti, & gloriamini omnes recti corde.

Vide sanctissimū nostrī prophetæ morem, qui non contentus ex se solo lætitiā spiritus coram Deo testari, cæteros Dei dono effectos iustos hortatur ad idem faciendum. Iustos hic uocat, quos in psalmi exordio beatos appellauit: rectos uero corde, illos à quorum spiritu dolum abesse optauit. Hos igitur felices, hos calculis omnibus beatos inuitat ad lætandum, gloriandumque in Domino, atque ad ipsum, qui remisit iniquitates, qui texit, qui non imputauit peccatum, qui refugium est nostrum, qui dat intellectum, quique instruit, & suis, ne errent, annuit oculo, laudem omnem suam, gloriā, lætitiā, honorem uel referendum. Vnde Eutymius: Lætamini, exultate, & gloriamini non de uestris meritis, & uirtutibus, quæ infirmæ sunt, sed in ipso solummodo Domino: nam & ego aliquando in uirtute propria confusus, lapsus sum. Vide hic, te oro, quomodo iusti solummodo, & recti corde, ad celebrandum diuinum nomen in domo Domini à spiritu inuitantur. Quare duo hic mihi proponi iudico, aut quod bonus sim, rectoque animo ac proposito inter cæteros Dei sanctos uiuam, quod in numero illorum, quos hic à spiritu ad exaltandā Dei gloriā & nomen uocari audio, censear: aut omnino à cæterorum bonorum collegio secludar: ne cum non inuitatus, hoc est, ne, uti sus immūda, impurus, ac unde quaque maculis & cœno infectus, laudes ad Dei aras, aut hymnos canere præsumo, actutum audiam, laudem in ore peccatoris speciosam minime à Deo reputari. Emundandus est igitur animus, atque à malarum cogitationum spinis repurgandus: auocanda rursus mens est, ac à phantasmatum rerum corporearū incurfione auertenda prius, quā os in Dei laude & gloria celebranda aperiat.

## CANTICVM GRADVVM

PSALMVS CXX,



**D** Dominum cum tribularer clamaui, & exaudiuit me.

Si uellem quidem cunctas omnium opiniones interpretum, ne dicā commenta, recensere, quibus psalmi huius, cæterorumque sequentiū titulum enodare conantur, nō sufficeret ætas: adeo multa sunt, uaria, planeque incerta. Quare, ne in dubijs immoremur, simpliciter fatendum esse arbitror, singulos hosce psalmos, gradus esse singulos, quibus facile uir ita, ut hi docet, affectus, ad æternū Dei templum ascendere est potis: quanquā Abram Ezra modum in huiusmodi, ut sic dicam, climactericis psalmis canendis, quendā fuisse autumet, quod uox gradatim à cantoribus eleuabatur. Res enim prorsus latentes in interpretandis rebus sacris omittendæ sunt, ne dum scientiam in omnibus ostentare cupimus, ignorantiam nostra ipsa præsumptione prætendamus, atque bonorum interpretum theatro, ac cœtu explodamur irrisi. Plena primo in hoc gradu scalarī anxietatis est querimonia, qua uir sanctus, ab improbis ui omnia, atque altius conuolui expostulat, nec nisi maximo cum mœrore à cœlesti patria exilium tolerat. Cum ualde, inquit, tribularer, clamaui ad Dominū. Cur nō ad homines, quæ for: quia imbecilles, quia uana salus hominis, quia facile à promissis cadunt. Verū alij interim innumeras suorum ciuium tribulationes defleant, uel quibus in uersa iam temporum uicissitudine, atque ordine, atteruntur sata, deuastanturque uinæ: ac ui imbrium, & tempestatū, frondibus denudantur syluæ: uel eis quidem, quarum atrocitate



**A** atrocitate, adeo exactionibus, decimis, grauissimisq; affliguntur uectigalibus, & ciues & clerici, ut uix respirare liceat. At ego illas ipsas profundiori cogitatione uersare animo soleo, quæ à nobis potius fidem, iustitiamq; & charitatē, longè perpulerunt & abiecerunt. Hæ sunt sanè tribulationes, hi ictus, hæc uulnera, quæ miserandum in modum animas diuini honoris studiosas exulcerare solent. Felix sic reddit; Ad Dominum in tribulatione mea clamaui, & respondit mihi: hoc est, uotis meis annuit. Non potest enim anima diuinæ beneficentiæ haud immemor, nō tota fide ac speclamare ad Dominū, simulac nouit se assiduīs monitis à coelesti patre ad huiusce generis clamorem excitari. Inuoca me, inquit, in die tribulationis, erua me, & honorificabis me. Idcirco uates quidā ardens sic orat: Domine Deus Israël, anima in angustijs, & spiritus anxius clamat ad te: & exaudiuit me, ait. Hoc grati animi in Deum proprium est, ut in medijs ipsis quoq; doloribus & cruciatibus Dei beneficia cognoscat, & fateatur, nec sanè mirum. Nam cum nobiscum in tribulationibus se fore pollicitus est Deus, quæ tam uehemens dolorum, aut angustiarum procella nos à recto probatæ uitæ statu deicere iam erit ualida? Cum ipso, inquit, sum in tribulatione, eripiam eum, & glorificabo eum.

Domine libera animam meam à labijs iniquis, & à lingua dolosa.

Hic mihi uates eorum morem seruare uidetur, qui cum angustiarum & uulnrum quoq; aceruum, uniuersali quodam modo enarrare occæperint, ea tandem quæ magis premunt, & quæ maiorem cōmiserationem mouere possunt, per partes connumerant. Inter cætera enim, quæ ualde hominum tranquillitati officiunt, ciuesq; mutuis inter se odijs desæuire faciunt, id unum potissimum esse iudico, atque, ut quod sentiam eloquar, experior, cum linguis peruerforum ciuium à principe potius, & magistratibus, quam bonorū integritati ac candori præbetur fides. Solent enim illi, si quos cernunt suas secum res agere, atq; in his uersari, quæ ad pacem, ad modestiam, ad religionē attinent, mordere, carpere, adlatrare, quantumq; in se est, à proposito retrahere; quo quidē malo, aliud ne uiro optimè instituto grauius accidere queat, nescio. Porro à labijs iniquis, linguæque dolosa se eximi rogat uates, pro ab hominibus iniquis, blasphemis, malorumq; inuentoribus, & delatoribus, atq; ab ijs quidem, quos duplices & simulatores appellare soliti sumus. Hos enim ab apostolo importunos dici legimus. Orate, inquit, ut liberemur ab importunis hominibus.

Quid detur tibi, aut quid apponatur tibi ad linguam dolosam? Sagittæ potentis acutæ cum carbonibus desolatorijs.

Felix sic; Quid dabit tibi, aut quid addet tibi lingua fraudis? Passim enim à sanctissimo uate uirtutum emanare exempla cernimus. Postquam à labijs sese malignis & mendacibus liberari petierat, oblocutores ad ipsos sermonem uertit, eosq; amantissimo hortatur affectu hoc modo: Quam tua tibi utilitatem afferre potest, quæ in ciues innocentissimos intorques, utilitatis & commodi secum ferunt? nulum enim cum hoc comparandum tormentū. Sunt sanè, ut cætera eorum incommoda omittam, sicut sagittæ acutæ à ualidissimo uiro contortæ. Memini equidem hominem admodum mihi necessitudine familiari coniunctum, à nonnullis obtrebitatibus ualde exagitatū, peneq; à probitatis itinere, propter calumniarū acerbum delapsū: quem quidem cum ad ferendas huiusmodi impudentes beluas æquo animo adhortari uellem, respondit: O amice, quod maius, periculosius uelis tranquillitatem perturbat? quæ res alia tam dira? tam sæua? tam mundo insolens, atq; monstrosa, quæ sic meum intercipere cursum sit ualida, uti sunt fraudulenti linguarum & tela, & spicula? Sagittæ sunt nimirum acutissimæ, quæ co-  
vulnus altius infigunt, quo à ualidissimo fortissimi uiri brachio iaciuntur. Quid?



**C** sunt sanè ueluti carbones ignei, cuncta circumiacentia perurentes ac deuastantes. Ad hanc enim, fateor, amici querimoniā, ego qui cum illo eadem in nauī me tunc esse non ignorabam, prorsus obmutui. Ex hebræo pro, cum carbonibus desolato rijs, ut carbones iuniperorum legunt; & est sensus, quod lingua fraude ac dolis instructa, sagittę comparabitur acutissimæ, nec non ardentibus iuniperorum carbonibus omnia peruastantibus, & quidē diutissimē. Aiunt enim eiusmodi ligni prunas uehementius, quā ceteræ, tum urere, tum ignem cinere cōtectas diutius seruare. Mirum quā magnam sylvam, ut diuus ait Iacobus, incendit linguae ignis. In ipsa enim, inquit, est uniuersitas iniquitatis, quæ inflāmat rotam natiuitatis nostræ. Verū si sapimus, simul ut uirum dolosum, ut alio in psalmo legimus, abominatur Dominus, hauquaquē desperandum erit.

Heu mihi quia incolatus meus prolongatus est, habitauī cum habitantibus Kdar.

Felix, atq; adeo ceteri Hebræorū interpretes sic reddunt; Hei mihi quia incolatus fui Heturriæ, seu quod uerfor apud Mesech, habito cum tabernaculis Kdar, uel cum tentorijs Scytharum. Nec sanè mirum esse debet, si unus Heturriæ, alius uero Mesech meminit. Is enim filius Iaphet Noæ filij fuit, à quo quidē Tuscos originem traxisse affirmāt. Kdar autē Ismaelis filius fuit, Abraæ nimirum ex Agar filij, à quo Agareni, seu, ut nos appellamus, Saraceni, gens quidem fera, ac nemini amica, ortum habent. Ceterū Tuscorum gentem, barbaram, truculentisq; Arabibus ac Scythis persimilem moribus, Dauidis tempore fuisse iudico, modo uero aliter. Vult igitur uates, fraudulentos homines & bilingues, exilio illi similes esse, quod à dulci patriā quis extorris, inter Ismaelitas, hoc est, inter barbaros, & hos quidē immanes, inhospitæq; cōsuetudinis homines uiuere cogitur. Atqui mos idem continet, ut si quando inter perfidos, nulliusq; religionis uiros uitā degere contingat, nos inter Arabes & Turcas esse, & cōuersari queramur. Quāq; eos ipsos barbaros atq; infideles, suū interdū sanctius Mahumetē colere, eiusq; legem, quam uis impiam & scelestam, magis adamussim seruare cōspicimus, q̃ nos sanctissima nostra instituta, ac religionis plena. Agedum ubi iam, aut in qua orbis sede & regno tam à nobis remoto aut secreto, non purius, synceriusq; interdum pacta inter ciues, conuentaq; ac fœdera seruari uidentur, q̃ in quibusdam rebus pub. atq; urbibus ex nostris? A quo enim Getulo, aut Garamante minor interdum expectanda est charitas & dilectio? quis tam sæuus? tam barbarus? tam inhumanitatis expertus? Arabs est, qui adeo ardentem suorum ciuium sanguinē, fortunasq; sitiāt & deprædetur, quemadmodum nos nostrorum fratrum, & eorum quidem, qui nobiscum unā ē cruento Christi latere epotantur, cruorem, famam, honorem, facultates, uita tam deniq; & sitimus, & crudelissimē depopulamur? Audisti ne unquam ab ipsis immanissimis Anthropophagorū antris tam impia aliquando prodijisse iudicia, aut pœnas, ut à quorundam iudicum rostris, aut rotis interdum Christianorum & prodeunt, & uī legibus iniecta, erumpunt? Quid igitur eiusmodi uiuendi mores plusquam Kdarinos & barbaros appellare nos uetat?

Multum incola fuit anima mea.

Cōqueritur uir iustus in hoc hemistichio sese diutius elongari à Dño, fateturq; se hospitē ac peregrinū esse super terrā: quemadmodū de priscis illis Iudæorū patribus assererat Paul. qui ad Hebr. scribens, sic ait: Promissiones à longe aspicientes & salutantes, confitebant quia peregrini ac hospites essent super terrā. Vide q̃ dispari uoluntate, nostra cum sanctissimis illis uiris cōueniant & studia & desideria. Illis em̃ nihil optabilius in primis uidebat, q̃ dissolui & esse cum Deo: nos contra lamentamur tam breuē hanc esse uitā, quam quidē, ob fidei carentiā, non peregrinationē aut incolatū, ut illi, nuncupandam ducimus, sed patriā, sed domū, sed certā sedem, sed regnū, Quomodo, quæso, cœlestis patrię amāiores nos esse iactabimus?



**A**himus, cum interim uita ipsam, & moribus, ne assequamur cōtendimus? Certè ciues, si uerè ciues sunt, ac dici uolunt, nil tam optant, quàm ut uiuant in patria.

Cum his qui oderunt pacem, eram pacificus.

Felix sic hunc legit uersum cum superiori: Quamplurimum habitauit anima mea cum odio habente pacem. Et mox alium reddit hoc modo: Ego pax, & cum loquar, ipsi ad bellum. Anima enim tranquillitatis appetentissima, senimium diu inter dolosos, atque eos quidem qui pacis bono aduersantur, detentam queritur. Nihil, ait, unquam tam anxie desiderauit, quàm cum omnibus pacem habere: uerùm non sic ab alijs mihi est repensum. Siquidem cum dissidiorum concinnatores ad pacem animare satagerẽ, illi è contrario magis ad bellum incitabantur. Ego pax, hoc est, ego totus paci addictus, cum ea quæ ad pacẽ faciunt loquor, illi ad bellum statim, ad ingenium, ad antiquas rixas, ad discordias redeunt. Quem sanè sensum ita exprimit paraphrastes: Longa, inquit, uidetur animæ meæ mora, quia inuitus detineor inter eos, qui pacis sunt ofores, adeò ut cum paci totus studeo, & quæcunq; ad pacem faciunt loquor, illi hoc ipso ad bellum excitantur. Atque hic tandem unum huius uariæ lectionis sensum atque intelligentiam habes: qua quidem describitur, quamplurimos esse discordiarũ fabricatores, pacis uerò perpaucos, & hos derisos, prorsusq; inauditos. Verùm an aliud tam euidentis perfectionis signum in uiro iustitiæ illius studio, quam diffiniunt esse totius bonitatis cumulum, uideri queat, nescio, cum plurimis lacepsitus iniurijs, ac, ut sic dicam, obrutus multorum calumnijs & inimicitijs, perstat immotus, nec à pacis studio, ne tantillum quidem, aberrat. Sed illos mortalium omnium miserrimos esse iudico, qui non solum perpetuo uitæ tenore pacis ofores sunt, uerùm propterea, atq; ob id potissimum hostes se esse pacis profitentur, quia qui eos ad pacẽ sectandam admonent, atq; exhortantur, minimè defunt; maliq; omnino sunt, quia alij boni,

## CANTICVM GRADVVM.

## PSALMVS CXXI.



**E**uaui oculos meos in montes, unde ueniet auxilium mihi.

Vnus is est præcipuus consolationis neruus ac robur, animam cum tribulationum aceruo conflitantem, sese totam, humano quantum licuit pertentato solatio, ad diuinã implorandam opem cōuertere. Cum ignoremus, inquit rex ille, quid facere debeamus, hoc solum habemus residui, ut oculos nostros dirigamus ad te Domine. Data est enim homini ratio atque intellectus, ut eorum ui, & perspicacitate instructus, illa facile, quæ sibi in pertractandis rebus corporeis aduersantur, præuidere antequam accidant, ualeat; subindeq; terrens adminiculis ac præsijs, aut fortiter tolerare postquam acciderint, aut superare omnino. Quod si tamen adeò acerba sunt, ut in illis subiugandis nulla suppetat ratio, aut consilium, ut nunc pleraq; in mundo fieri cernimus, ad diuinum confugiendum est auxilium; quanquã ne in illis quidem humanæ industriæ conarrem, uel industriam arbitremur. Montes cœlos dicit, quos alio in psalmo clarius nominat, cum ait: Ad te leuaui oculos meos qui habitas in cœlis. Non mediocrem enim deuoti animi indicium est, non paruumq; mentis illuc trahi cupidã, quò totos cordis affectum & desiderium direxit, argumentum, corporeos quoq; in cœlis attollere oculos, nedum gemitus & suspiria. Quare summæ deuotionis ac fidei uerba hæc esse existimo. Verùm paraphrastæ litera me alium, ab hoc quem diu sperandum esse auxilium nisi à solo Domino. Idcirco à uate id puto additum: Auxilium meum à Domino. Sumpta nimirum similitudo ab illis uidetur, qui auxilia expectantes, è locis æditioribus, ut solent exercituum excubitores, an iam de-



**C**um adueniant, speculantur. Hisce enim uerbis uoluit Psalter ignauę animę oscitantiam pungeret, quod, quā anxie petendum sit à cœlesti patre auxilium, nō ignoret. Alioqui aut raro, aut nunquam stertenti animę, atque supinę, diuinas gratias contingere credimus.

Auxilium meum à Domino, qui fecit cœlum & terram.

Vide uirum undequaq; adamussim compositum, atq; in negotio spiritus probe eruditum. Vide, inquā, quomodo seipsum, pro se, in propria causa, uas, fideiq; iussor factus, consolatur dicens: Auxilium meum à Domino, id certò scio mihi nō defuturū. Fallat me homo, ut natura est fallax: mihi imponat, meisq; quod aiunt, in manibus inuertat aleas, non multum moror, postquam persuasissimum habeo, auxilium omne meum à Domino, haud illo sanè debili atque inertī, sed potentissimo, & eo quidem qui cœlum terraniq; condidit, breui affuturum. Non ab recetē uates in hoc loco tam nobilis, atq; adeò potentissimi opificis & conditoris mentionem facit: nam diuinę potentię memoria sapius refricata, in spe firmitus solidamur, nec facile ad adorandam, ut nonnullos facere uidemus, humanam opem, infidelem scilicet, suiq; dissimilem, & nutantem, descendimus, & est perinde ac si dicat: Ille qui tam mirabile fabrefecit ædificium, idemq; sapientissimè gubernat, & moderatur, me ne minimam mundi portionē ac uilem, non poterit à periculis eximere. Ceterum per cœlum & terrā, condita omnia, siue cœlestia, siue terrena sint, intelligi oportet, quemadmodū illud in Genesis exordio sancti Dei uiri interpretati sunt. In principio, inquit Moses, creauit Deus cœlum & terram. Quocirca o tu qui in arduo uirtutū exercitio uersaris, & sudas, ne animum despondeas: nam is tam potens Dominus

Non dabit in cōmotionē pedem tuū, neq; dormitabit qui custodit te.

**D**abit: non sinet te in iustitię semitis uacillare aut deficere. Non sanè putes aspernari esse periculi, uel parum in salutis itinere lapsare, pedemq; à loco mouere. Pes enim noster, aut affectus, aut studium, aut conatus, ni ui summa ad anteriora nitatur, facile relabitur, atq; à iustitię theatro turpius discedit, quā si tam altam prouinciā nunquam pertentasset. Tantum enim abesse debet, ut perfectionis apex ac culmen somniculosis, tardisq; in uirtutum adeptione dari existimetur, ut etiam datum adimatur. Non dat igitur Deus, nec sinit suorum pedes, hoc est, animę modus, atq; appetentias & affectus in bonitatis studio labascere, modò ipsi sibi nō desint, modò præparatam sibi ab æterno prædestinationē, sanctissimis studiis, atq; ut diuus admonet Augustinus, orationibus adiuuent. Non dormiet certè qui custodit te, modò tu non dormias, modò tu te continuo excites, atq; ad capeffendum quod restat itineris, recentiori semper exercitio & labore nitaris. Quid dubitas?

Ecce non dormitabit neq; dormiet, qui custodit Israël.

Amplificatio hæc est, cuius is erit sensus: Dominus enim qui populum suum uigilantissimè tutatur, nō dormitabit: hoc est, ne leuiter quidem soporabitur, multo minus somno detinebitur profundo. Quāq; paraphrastes in uersa litera sic redidit: Profectò, inquit, neq; dormiet unquam, neque uel leuiter obdormiscet qui curat Israël. Deus enim se amantes, ea solet diligentia custodire, perindeq; tutari, nulla ac si alia detineretur cura. Certè cum hominis ad præcipitia procliuatatem, properantiamq; considero, contrā uerò continuam diuinę bonitatis cum cognitione protectionem, atq; à lapsibus reparationē & tutelam, phrenetici statim mihi occurrunt spectaculum, in quo miserum illum uidere uideor modis omnibus sese à ter aliqua æditiori, aut ripa, in amnem profundissimum præcipitare conantem, à tergo autem parentē, uel amicum aliquē ui summa, curauit difficili, & nixu illum retrahere, rogare, cogere tandē, atq; in tutiori sede locare. Quare hic Deū totū in curandis suis intentū esse, puto uatē huiusmodi uerborū ardore uoluisse exprimere. Dominus



**A** Dominus custodit te, Dñs protectio tua super manum dexterã tuam.  
 Ex hebræo enim sic potest legi: Dominus custos tuus, Dominus umbra tua, super manum dexteræ tuæ. Quocirca sic reddit Campensius: Bono animo sis, Dominus curat te, & tua: erit instar umbraculi tibi, ad dexteram manum adstans assidue. Mos est enim inter homines, ut si quando rem aliquã præsentẽ dicere uelint, ad manũ eam esse dicant. Quo quidem uerborũ tropo, diuinũ uult uates intelligi patrociniũ semper, atque adeo suis præsens, uti res illæ solent, quæ nobis præstò sunt, ac ad manus. Verũ cum hæc scribo, alius mihi occurrit sensus, ut sit Dominus nostri haud uulgaris, & custos, & tutor, qui nedum quidem uniuersali quædam custodia ac tutela, sed speciali prærogatiua, & cura, super manum suorũ dexteram conquiescat: hoc est, ne uulneretur protegat, atque instar umbraculi refrigeret. Hincq; illud hic fingi posse arbitror, ut sint qui spiritali in acie dimicantes, mutuis sese ad Deo fidendum, alter alterum, uel seipso etiam moneant adhortationibus, hoc modo: O anima quæ in belli æstu ac feruore periclitaris, deq; tua salute trepidas, ne time: Dominus enim, ne tua lædatur dextera, hoc est, ne tuæ deficiant uires, atq; in labore prælii nimium defatigeris, & pereas, præstò ad tutelam aderit. Ipse quidem & ictus, & uulnera pro te, tanquam socius latus tuum dexterum cingēs, quò prior se periculo obijciat, suscipiet. Nam certè pugilis dextera in duello uulnerata, ut olim Venerem à Diomede uulneratam fabulosus refert Homerus, certissimum mortis indicium est. Quo enim alio se membro tutabitur pugil, aut miles? quoq; alio uibrabit ensem, aut iaculum intorquebit, dextera ipsa ad huiusmodi usus instructa hostili uulnere fauciata: Vide igitur quàm flagranti affectu diuinam opem nunquam suis, eo maxime tempore, & loco, quando maxime opus est, defuturã, enarrat Psaltes. Quid, oro, timendum, cum ipse Dominus pro nobis in acie dimicans, primas sibi belli partes uendicat, nosq; ab telis hostium certius protegit, atque umbra suæ sanctissimæ consolationis refrigerat & refocillat, quàm nos solet dextera, quamuis prompta atq; agilis, tegere & tutari.

**B** Per diem sol non uret te, neque luna per noctem.

Sub nomine diei, noctis, solis, lunæ, atq; exustionis, narrat uates Deum, quem in superioribus custodem, protectoremq; nuncupauit, mala omnia futura à suis depulsurum, quocunque tempore accidant. Verũ quia lunam urere non facile admodum dicimus, litera quæ est Hebræis aptius hic poni uidetur. Die, inquit, sol non percutiet te, & luna nocte. Quorum quidem uerborũ sensum sic à paraphrasista accepimus: Hoc umbraculo fiet, ne ardor interdũ lædat te, neq; luna frigore noctu. Non semel enim in scripturis, persecutionum tempus, ac rabiem, æstu meridiano, aut frigidis lunæ radijs, describi legimus. Nihil quidem obice aliquo intermedium, uel huius algorem, uel illius perustionem deuiderint, utrunq; tempus affert mortalibus ualde noxium esse ac periculosum. Hoc ferè modo ad res nostras se habet diuina bonitas. Ipsa enim miseris, atque ærumnosis, nõ minus, cum in persecutionum igne, aut miscriarum frigore uolutantur, est refrigerium ac medela, quàm olim fuit Hebræis in solitudine peragrantibus columna nubis interdiu, atque ignis noctu. Porro si quem diuinæ consolationis luce afflari contigerit, nenimium, si sapit, insolescat, tyrumue se existimet, dicens: In abundantia mea nõ mouebo in æternum. Rursus uerò si nox perturbationum obscura, tetraq; aduersicia in Deum cadat omnino, aut desperet: sed magis, Deo ipso custode, atq; amico, neq; tentationum ardorem, neq; diffidentia frigis & algorem sibi officere possent arbitret. Est & alius solis ardor eo nocentior, quo temperatus magis apparet. Perfusa enim interdum anima luce quadam insueta, consolationisq; gustu ac suauitate affecta, ni prudēs sit, & grata, facile in id impietatis corrui, quod cœlestes illiusmodi afflatus sibi, propter suam iustitiam, & ut uocant, deuotionem tribui opinetur.



**C**ur, uel eò maxime, si in aduersitatum acerbitate posita, lunam perspicue per noctem lucere, hoc est, si se sentit uiuidam, robustamq; ac planè nō aliter in afflictionibus & uiuere, & lætari, quàm solet in igne Salamandra. Quæ quidem omnia periculorum genera iustissimus ille Iob aduertens, de sese hoc modo testabatur: Si uidi, inquit, solem cum fulgeret, & lunam incedentem clarè, & lætatum est in abscondito cor meum, & osculatus sum manum meam ore meo, quæ est iniquitas maxima, & negatio contra Deum altissimum: hoc est, summa omnium iniquitatum ea est, sibi aliquem, suisq; operationibus, quod solius Dei est, impendere, atq; ad blandiri. Ab hoc igitur periculosissimo omnium naufragio, ni seruet Deus, aut tum æstum illum refrigescere, tum frigus incalescere faciat, tuti esse omnino nequeunt uel sanctissimi quidem uiri. Idcirco à propheta necessaria admodum scitu infertur assertio, atque oratio.

Dominus, inquit, custodit te ab omni malo, custodit animā tuam Dominus. Dominus custodiat introitum tuum & exitum tuum, ex hoc nunc & usque in seculum.

nunc & usque in seculum.


Vide quomodo dulcissimum custodiæ nomē dulcissimus inculcat uates, quō tandem tua bona omnia diuinę bonitati referre perdiscas: siquidem, ut alio in psalmo asserit, Nisi Dominus custodierit ciuitatem, frustra uigilat qui custodit eam. Dominus igitur est qui custodit te. Dominus, inquam, est (quid uereris?) qui custodit animam tuam, seu uitam tuam, ne carni inferuiens, unā cum carne intereat. Per futurum enim legunt Hebræi, custodiet. Ceterum ex interpretibus hebræis, aliquibus uisum est in hoc loco, per introitum atq; exitum negocia, actionesq; uitę humanę significari, quorum quidem nullus aut modus, aut ordo, nisi turpis, & confusus, esse potest, ni Dominus ipse consilia moueat, ac, ne erret animus, per-

**D** uigil semper custos existat. Nescit porro homo, prorsusq; in deligendis, secernendisq; rebus illis, quę magis, quę ue minus sibi conducant, hallucinatur. Quare olim Solomon à Domino, ut quicquid uellet peteret, prouocatus, respondit: Ego sum puer paruulus, & ignorans egressum, & introitū meum, hoc est, nec quid incœptem, nec quid perficiam, quid omittam, quidue instituam, aut ordiar, quę rursum fugiam, aut quę sequar, nescio. Consuetudinem quoq; huiusmodi uulgō esse cernimus, ut eum ipsum hominem, qui in pertractandis suis rebus & negocijs inuisibilis prorsus sit, atq; infans, dicant ingressum, exitumq; ignorare: quod quidem uitium ab animi stupiditate provenire affirmāt. Est & alius ingressus, egressusq; qui periculosissime ignoratur, utpote qui maximē ad animum pertineat: ille uero ad corpus. De ijs quidem olim concionabatur Dominus inquitens: Si quis introiuerit per me, saluabitur: is enim ingreditur, & egredietur, & pascua inueniet. Vide quam paucis sanctorum ecclesiam effinxit. Ingressio quidem in Domini ouile fit per fidem, amoremq; ac cœlestium rerum cognitionem & disciplinam: egressio uerō, per operationes illas, quę à charitate proficiuntur. Idcirco pascua, & ea quędem pinguiā & opima post hanc uitam nanciscentur. Legimus enim sub antiqua Iudæorum lege complures ingressos esse, atq; in hoc mundo quoq; per prophetarum, aut legis etiā ipsius campos inuenisse pascua: ab ista tamen uita egressos, clauso adhuc cœlo, nondumq; cœlesti referata beatitudine, atq; æterna requie, pascua uera non inuenisse. Ita modō (heu nostram ignauiam) ad sacras passim undas concurritur, fidēsue in Dei domum infertur. Hinc feruor, hinc lachrymę, hinc cetera reconciliationis diuinę signa, atq; argumenta cōspiciuntur. Quid? Ad tantum nonnulli interdum deueniunt spiritus feruorem atque ignem, ut dulcissimorum parentum contempta cura & conuictu, sprete patria, relictisq; amicis, ac rebus omnibus huius mundi, uel ad uitę sustentationem necessarijs, sese in solitudinē aliquam uastam, atq; inhospitam conijciant, aut (quod animosius forsan est uisum) in cœnobio se aliquo concludant, Vides ne felicissimum horum in Domini academi-



**A** miam ingressum? Verum tam ardentem in multis flammarum cumulum in aerem resolui, atque in carnem, qui antea spiritu coeperat, ut conqueritur Paulus, desisse uidimus: scilicet qui tam beato ingressu rem spiritus attentauerant, infelici postea euentu à pristino ardore desciscentes, pascuaque solida ignorantes, abierunt, ut dicit Solomon. Quid tam leni uitor uocabulo: peruolarunt potius, ac precipitanter accelerauerunt post uestigia gregum suorum, pascentes nimirum sensus, eaque oblectamenta, curasue illas sectantes, quas uel mundus ipse, alioqui curis innumbris inuolutus, execratur. Hi enim haud modo uno & ingrediuntur, & egrediuntur. Quare illud unum potissimè tremendum illius generis hominibus contingere est necessarium, quòd ne post hanc uitam quidem solum, sed nec dum hic uiuunt in hoc mundo, pascua inueniunt: nisi forte è siliquis porcorum enutrirì, animae pabulum dici uelint. Et ego quoque qui in eorum numero censeor, qui fide tantum gressus sum, cum qualem finem & egressum consequi debeam me penitus lateat, illud interim unum meam admonitam animam uolo, atque ei imprecari non cesso, iterum, atque iterum repetens: O anima mea, quid iam pertimescis? quòd tua te trahunt consilia: simulac Dominus is solus est, qui custodit introitum tuum, ac exitum tuum, ex hoc nunc, hac in mortali scilicet uita, quòd probe, quæ ea sint, quæ frugere debeas, quæ ue amplecti ac sectari, pernoscas: & usque in seculum, hoc est, transacto uitæ cursu, te in æternis suis bonis, in loco scilicet pascue, ubi immota sua predestinatione, atque proposito, suos ab æterno collocauit, statuatur. Huic igitur soli gloria, honorque & imperium sit in secula seculorum, Amen.

## CANTICVM GRADVVM. PSALMVS CX XII.

**B**  **AETATVS** sum in his quæ dicta sunt mihi, in domum Domini ibimus.

Cum alias propheta tropis elegantissimis mutuae charitatis, quam in Dei ecclesia esse necesse est, effigiem describit, tum in hoc psalmo maxime illam sub terrestri Hierusalem umbra & typo, propemodum ante oculos ponit. Quanta putandus est affici iucunditate uir diuinarum rerum studiosus, cum audit esse qui ardentissimis conatibus ad coelestem patriam properant, relictis interim toto affectu atque animo, tricus illis omnibus, quæ opus tam nobile impedire queant. Certè, si uel raro saltè, à fidelibus, ad quid nati sunt, ad quid uocati, ad quid uncti, sacroque regenerationis lauacro innouati, consideraretur, non tam facile sua se sponte à fine proprio, qui Deus est, hoc est, summa felicitas, æternumque bonum, ac beatitudo, alienarent. Quotus enim quisque est, uel ex ipsis quidem, qui ideo ad subliorem aliquem gradum euecti sunt, ut cæteris bene, beateque uiuendi regum præstent, atque illa solummodo & uita, & eruditione edoceant, quæ futuræ uitæ statum præ se ferant, qui non libentius corporearum rerum affectibus inhient, atque eas ipsas perinde ament, & sectentur, ac si tantummodo ad fouendam carnis naturam geniti essent? Nec est quòd quis hic mihi dicat, ut passim dici audio, religiosisimos illos esse hominum conuentus, qui ab aliena aut re, aut uxore usurpanda, abstinent: qui publicas libidines auersantur: qui usuras, qui cætera uulgò patentia non exercent flagitia: si interiores illos maculas prauarum cupiditatum, inuidentiæ, simultatis, ambitionis, à corde longè proijcere non uideo. An nondum cunctis iam innotuit quanto sapientissimus magister stomacho detestari albata sepulchra, hoc est, mores hominum unde quaque pictos, & candidos, in ternos uerò affectus corruptissimos, tabeque ipsa cadauerosa putridiores, detestari soleat. Nego igitur uirum illum religiosum esse, Christianæque legis sectatorem, qui licet corpore absteineat, animo tamen mundanarum rerum cupiditatibus inleuit. Hic igitur, ut dicere inceperamus, sub manufactæ ciuitatis nomine, coelestem patriam depingit uates, sibi que se ab alijs eiusdem secum animi ardoris uiris



**C**ad tantæ urbis accessum inuitari gratulatur, quam quidem, Hierusalem sanctam, matremq; nostram, seu requiem, ab apostolo appellari legimus. Ingrediemur, inquit, in illam requiem nos qui credidimus. Olim enim à uiginti annis uiri omnes, hoc est, tribus Domini, ut in Deuteronomij libro uidere est, ad locum in quo Dei erat templum, ex diuina iussione, ter annis singulis conueniebant, ibiq; præter religionis cultum & sacrificia, quibus Dei populus purificabatur, de ijs quidem rebus iudicia, quæ alijs in locis tractari nequierāt, habebantur. Ab illo igitur umbra-tili more & consuetudine, ex qua nimirum Hebræorum multitudo se ad conuentus illos festiuos adornans, uicinos, eiusdemq; tribus uiros ad secum eundum adhortabatur, ut nunc quoq; à plerisque uulgò fit, qui cum aliquò, ubi festi dies celebrantur, sint profecturi, familiarissimos quosq; ad communem inuitant lætitiā, rem seriā enarrans propheta cœlestis Hierusalem statum, elegantissimo troporum inuolucro, ostendere intendit. Ait ergo: Lator admodum equidem cum dicunt mihi, Eamus in domum Domini, ad eumq; properemus. Quid moramur? Non nos, aut uxor, aut nimia rei familiaris retardare debet cura & sollicitudo. Ea, inquam, ciuitas est, quæ totos animæ affectus, totumq; amorē nostrum, totum studium, omnēue conatum expostulat, ac uult.

Stantes erant pedes nostri in atrijs tuis Hierusalem.

Omnes fermè Hebræorum interpretes, in portis reddunt, non in atrijs: sed parum refert. Quamlibet enim, ob carnis sarcinam, longè à cœlesti patria peregrinamur, affectibus tamen ac desiderijs, qui sanè pedes animæ sunt, tantæ nobis ciuitatis aditus est occupandus: nanq; noster in cœlis cum sit municipatus, quandiu uitæ tam hanc ærumnarum plenam uiuimus, longè à diuina absumus hæreditate. Verum interim quò expedite absq; corporearū rerum impedimento in interiora uelaminis, ut uocat Paulus, introducāmur, pedibus, hoc est, uotis, suspirijsq; ab amore profectis, postibus illis aureis portarū, quæ, ut canit ecclesia, nitent margaritis, insistendum erit. Illud uerò admodum uerendum, ne illotis pedibus accedamus, postquam in uate illo eximio legimus, quò inquinati nō intrabunt in eam. Oigitur sancta ciuitas, ô mansio, ô sedes luce ipsa solis splendidior, ac Deo digna, pedes nostri, motus scilicet animæ atq; affectus, in atrijs iam tuis, licet graui curarū onere defatigati ac pressi, stant fixi atque immobiles. Iam una illa omnium maxime in spiritus negocio norma est seruanda, ut homo, quandiu in hoc seculo uersatur, necnon cum carnis molestijs & curis die noctuq; conflictatur, nunquam se ad tantam perfectionis sublimitatem peruenisse existimet, quò se putet absq; aliqua animi perturbatione posse uiuere. Hoc enim animorum illorum proprium est, qui iam prorsus à mundanarum rerum uinculis liberi, defunctiue corpore, ad illam, quam semper, etiam cum in carne essent, ardentissimè concupierunt, diuinam uisionem atque aspectum euolarunt. Quem iam lateat terrenam hanc, ut eam appellat apostolus, habitationē, intellectui humano haud parum officere: à ueri contemplatione, & intuitu auertere; intercipere; uariarūue rerum unioni illi, quam cum Deo haberi oportet, diuersitatē obijcere? Hæc enim omnia cum mortalibus omnibus communia sint, stultum ualde esset, id à carne cupere alienum, quòd carni natura ingenitum esse uoluit summus opifex. Tantum uerò ab ingrediendi studio & conatu, nostri nō cessent affectus ac desideria, quòd est de die in diem magis in Dei obsequio incallescere; alioqui in iustitiæ semitis non progredi, regredi erit.

Hierusalem quæ ædificat ut ciuitas, cuius participatio eius in idipsum.

Aperit iam uates quæ sit illa, de qua loquitur, Hierusalem: ne illam Iudæorum ab impijs scribis & pharisæis habitatam, & quæ Dominum uitæ interemit, imaginemur. Hæc enim factis atq; heresibus, cum in se admodum diuisa sit ac lacera: illa uni solummodo fini, & bono nixa, integra prorsus, utpote cuius participatio eius in idipsum, atq; à diuisione omni immunis, permanet. In idipsum. Simul, uel una



**A** una reddunt Heb. Felix sic: Quæ cōiuncta est ipsi simul: hoc est, cum Deo unum effecta, cuius cōsortiū simul est. Ciues enim sanctæ huius urbis, unius, eiusdemq; animi sunt, idem participant bonum, eandemq; felicitatem ac præmium. Interim autem, quod hic doctrinæ limula expolitur, si unum gaudere contigerit membrū, congaudent & cætera: si mœrore affici, afficiunt & reliqua, mutuis sibi inseruiunt obsequijs, mutuas ferunt necessitates, infirmitates tolerāt, curant, medentur, adeo ut nō tam suus unusquisq; existimari queat, quàm aliorum omnino. Verum qui discordi animo atq; irrequieto, suis scilicet tantummodo obsequens cōmodis, nemini utilis, compluribus grauis & morosus, se ad terrenam huiusmodi ciuitatem pertinere asserat, toto, ut aiunt, errat cœlo: proinde ad futuram multo minus, ubi omnium bonum æquē singulorum est, uti omnium. Cum enim amor sit sui prodigus, naturaq; in aliorum cōmoda permeans, & diffusus, quemadmodum in æterna patria perfectissimus est, ita undequaque absolutissima singulorum est boni communio, & unitas: perindeq; de alterius bono, atq; felicitate unusquisque lætatur, sibiq; applaudit ac gratulat, uti de suomet bono, & beatitudine solet propria. Idcirco de perfectionibus sibi datis, ut scribit Dionysius, inferioribus hi qui in sublimiori gradu positi sunt, cōtinuò tradunt. Sanctissimum igitur illud animarum domicilium nō ciuitas est terrena, neq; cæmentitia materia, saxisq; inertibus, aut lateritijs parietibus adamussim correctis fabrefacta: sed cœlestis est, atq; animorū numero, & ordine constructa: cuius ciues animæ sunt, ciuitas uerò ipsa ac ciuium bonum, Deus: id est, perfectissima quies & pax.

Illuc enim ascenderunt tribus, tribus Domini testimonium Israël, ad confitendum nomini Domini.

**B** Hic tandem uates qui sint uiui lapides, hoc est, cœlestis Hierusalem ciues, atq; ædificium, aperit: tribus scilicet, non quælibet, sed tribus Domini, gensq; illa, quæ ad Dominum, haud mundum pertinet. Hanc itaque ciuitatem, has ædes, hos uæcetus & multitudinem, non iam ter in anno, aut ex more, sed continuò, fide, sanctisq; operationib, ac perpetuo placendi Deo, & uoto, & desiderio, ui spiritus acti, electi omnes adeunt, summoue nixu & conatu ascendunt, neq; aliò unquā diuertunt, quoad eius portarum aditum occupent, pedesq; in ipso primo limine stabili fide atq; proposito atq; instituto. Hæ quidem tribus testimoniū sunt Dñi: hoc est, enim, uidentem Deum interpretantur. Itaq; se semē esse Israelis testificantur, hoc est, ad Deum pertinens. Verum quo testimonio? fidei nimirū, spiritusq; feruore, gaudio, patientia, mansuetudine, ac, qua mirum in modum diuinā sibi gratiā conciliant, humilitate, rerumq; humanarū cōtemptione ac despicientia. Nam quemadmodum quæ à uirtute, atq; animi candore proficiuntur actiones, testimoniū nos Dei esse præ se ferunt ac reddunt: ita illæ, quæ à conscientia impuritate, & turpitudine emanant, nos ex patre diabolo esse testantur. Tribus igitur sola illa, quæ in dominica sorte censetur, ea est quæ testimonium perhibet de bono: atq; ob id quidem, ut sanctū Dei nomē, non suū, illustret, ac celebre fiat. Sunt sanē multi, qui idcirco ascendunt, testimoniumq; fide, nescio qua, se è Domini sorte esse, reddunt, quò sese uulgo ostentent, se celebrent, sibiq; non Deo, aut eius ecclesiæ sanctitatis nomen asciscant. Secus uerò tribus illæ Domini, Dei utique populus, ac fors: quæ propterea sibi ascendendum esse existimant, ut tum fide, tum actionibus diuinā testificentur bonitatē, Deusq; ipse, nō homo, laudet, colatur, spargatur ue illius nomē & fama, per angustissimos quosq; orbis angulos, nedum per templa, sacrasq; ædes atq; aras. Qui enim aliud quicq; suis in actionib. ac studijs, aut quærit aut agit, q̃ ut Dei nomen ab omnibus, quibus cum uiuit, sanctificetur, is sanē turpissimè à uero aberrat scopo, nec tantillum quidem ad æternā Hierusalem attingit, in qua rectum duntaxat, ut bona cætera omittam, perpetuò audiri contingit





**C** iudicium, Quare à Psalte conuenientissimè infertur:

Quia illic sederunt sedes in iudicio, sedes super domum Dauid.

Causam reddit uates, quam ob rem à sanctis tribubus ad diuinū celebrandum nomen in ecclesiam conuenitur: etenim in ea, coelestia, hoc est, uera, recta, synce-  
ra, quas sedes uocat propheta, sunt tribunalia, nec mirum quidem, nam numen  
ipsum quod mundum iudicare dicitur, hic praesens est, hic sedem habet, hic iudic-  
cat, hic non solum illa quae humano patent aspectui, sed & reconditos cordis re-  
cessus & cogitatus, disquirat, & examinat. Nusquam enim uerum esse tribunal ac  
iudicium affirmauerim, ac rectum, nisi inter ciues de sanctissima istiusmodi ciui-  
tate, quae Dei spiritu, & informatur, & regitur, optimè meritos. An nescitis, aie-  
bat Paulus, quod & angelos iudicabimus? Soli quidem iustissimo cuique cætera  
di iudicandi, probeq; dignoscendi ius tributum est, atq; facultas: sed in primis se-  
ipsum, ne cum mundo reliquo, ut idem admonet, iudicetur. Hanc tandem, ait ua-  
tes, optimè esse ædificatam urbem assero, ubi una ciuium omnium concordia est,  
ubi recta sunt iudicia, ubi tribunalia iusta: hoc est, ubi iudices integri, æquitatisq;  
ac probitatis magis, quàm pecuniarum, aut munerum sectatores conspiciuntur.  
Alioqui iudice uel auaro, uel ciuili sanguinis sitibundo, atq; epotatore, quomo-  
do ciuitas Dei illa erit, cuius rostra æquissima sunt, ac à diuino spiritu illustrata?  
Cæterum hic Dei familiam, Dauidis domum appellat uates, quod aliàs quoque  
admonuimus.

Rogate quæ ad pacem sunt Hierusalem, & abundantia diligentib. te.

Clarius hunc reddunt uersum Hebraei hoc modo: Precemini salutem Hiero-  
solymis, felices sint qui diligunt eam. Quare sic habet Campensius: Optate pacem  
ipsi Hierusalem, feliciter eueniant omnia illis, qui bene uolunt & amant eam. Vis  
**D** ne quid in Dei ciuitate boni agant ciues audire? Perpetua enim sese mutuò ado-  
randum Deum pro pace, id est, pro perfectissimo ecclesiae statu & tranquillitate,  
excitant adhortatione, à qua quidem eo distat longius, quo terrenarū rerum cupi-  
ditatibus propius inhiat, & accedit. Male enim cum Dei ecclesia agi arbitror, si  
tam tumultuose res eius internas exagitari contingat, quemadmodum externas  
eius facultates passim, atque ab omnibus diripi cernimus. Olim enim per paucis  
quibusdam principibus, ecclesiarum, ut uocant, bona, pro reipub. ac regni sui de-  
fensione usurpare fas forsan fuit: at nunc à minutissimis quibusq; magistratibus  
ea ipsa pro libidine, atque impune depopulari, moresq; in foedissimos, atque uisus  
uitæ nefarios transferri uidere, quis æui huiusce nostri statum miserrimum, & la-  
chrymabilem non fateatur? Verum quia in dies magis sæuam hanc erinnyem in-  
crudescere, uiresq; sumere conspiciamus, hoc unum extat confugium, ut mutuis  
nosmet exhortationibus ad exorandam plebi Dei pacem incitemus. O uos igitur  
tribus, tribus (inquā) Dñi, O uos lapides uiui, ô uos ciues, ac domestici Dei, ô uos  
sanctę animę, quæ idcirco ad ecclesiarum bona, & dignitates ascenditis, ut Dei no-  
men per uos, non uestrum, aut uestrorum cognatorum, exaltetur, & celebretur fiat:  
rogate, benè precamini, optate quæ ad pacem spectant: hoc est, ea omnia, quæ ad  
suā coelestis Hierusalem ædificium, structuramq; attinent, orate. Cætera enim,  
quæ tam charę patriæ fabricam, aut morantur, aut intercipiunt, à uestris cœtibus,  
à uestris rebus pub. à uestris regnis procul exterminanda sunt. Verum abundan-  
tia, atque prosperitas illis omnibus, qui te diligunt, ô beata ciuitas, eueniant. Illis  
porro omnibus qui te uastant & affligunt, contritio & infelicitas, simulac uitam pa-  
cis non agnouerunt.

Fiat pax in uirtute tua, & abundantia in turribus tuis.

Felix: Erit pax in antemurali tuo, & abundantiā in palatijs tuis. Nō surdis em̃ su  
præcecinit uates, cum optimū quencq; admonuit, atq; ad impetrandā cœlitus pacē  
animauit.



**A**nimauiť. Hi quidem audita sacra adhortatione, se statim ad exequendam spiritus iussione permouent, uersiq; ad ecclesiam, quanto possunt spiritu exclamant: Fiat pax in uirtute tua, hoc est, in munitissimis locis tuis det Deus robur & uires, & est perinde ac si dicat, intra mœnia tua, atque in palatijs tuis, seu domibus singulis, sit pax & tranquillitas. Nemo te, propugnaculaue tua, & ualla, licet uastissima adhibeat tormenta ac milites, infestet. Adeat iam tandem ad tui custodiã spiritus robur & uirtus: paxq; illa, quę exuperat omnẽ sensum, te cingat & tutetur, quò populus, ut imprecatur Esaias, sedere possit in pulchritudine pacis. Fiat, fiat non tantũ cor-porearum rerum copia ac luxuries, quantũ diuinarum gratiarũ, cœlestiumq; donorum abundantiã & uis. Crescat, abundet, augeaturq; spiritus, adeò quòd hostes ad ciuitatis muros ac turres accedentes, nihil aliud, præterq; inaccessa propugnacula & mœnia, quę sunt sanctorũ orationes ac uota, uidere queant. Caterũ sicut cœlestis ciuitatis (cum cœlestẽ ciuitatẽ dico, ecclesiam Dei intelligi cupio) robur ac fortitudinẽ, credentium corda esse arbitramur: ita terrenarũ urbium præsidium, & illud quidem eximium & præcipuũ, ualla rursus fortissima, ueraq; mœnia esse nõ ambigimus, ciuium corda, atq; in suum principẽ optimẽ affectos animos. Exaspe-rati enim plerunq; ciues, crudelissimouẽ depresi exactionũ onere & mole, inde uallatamq; propugnaculis pauperũ labore atq; inedia confectis. Vis ne princeps tutissimẽ tuo regno consulere, atq; illud telis hostilibus haudquaq; peruium face-re: tuos beneuolentiã & benignitate ciues arma. Hoc sanẽ modo formidabilior ho-stibus eris, q; si triplicẽ fossam, murũq; & eum quidẽ æneũ, tuę urbi circumieceris.

Propter fratres meos & proximos meos loquebar pacem de te.

**B** Causam dicit, cur sanctę Hierusalem ciues, suę patrię tam salutaria benẽ pre-ca-ti sint. Ea enim charitatis natura est ac uis, ut quęcunque aut agit, aut loquitur uir probus, ea omnia in fratris salutem cedere exoptet & quærat. Feliciter, inquit, omnia tibi contingere rogauĩ, o sancta ciuitas: pacẽque tibi æternam precatus sum, non ob aliud quidem, quàm ut fratribus meis ac proximis, eodem scilicet fontis sa-cramento, & spiritu mecum regeneratis, pax animę obueniatur ac salus. Illud idem porro alijs uerbis utens replicat uates, atq; ait:

Propter domum Domini Dei nostri quæsiui bona tibi.

**V**idean hoc quoque idem sit, quod superius dixit: Tribus uidelicet Domini il-luc, quò Dei nomen ab omnib; laudaretur, ascendere: modò uerò se bona illa quę superioribus expressit, quæsiisse asserit, propter nomen Dñi celebrandum: quan-quam nihil officit fratres & proximos uno eiusdem uitę instituto, ac spiritu uiuen-tes, domum Domini nuncupare, cum passim in scripturis cor iusti Dei esse tem-plum ac domum asseri legimus. Sancta enim Hierusalem, domus Dei, iusti q; ani-mes ac mens, idem ferme sunt. Quare is erit sensus: Propter electos, qui sunt fra-tres mei, Dei templum & domus, imprecatus sum, & quæsiui bona tibi o Hieru-salem. Mirum si à prophetis pacẽ ecclesię rogari ob id potissimũ censeas, quò frua-ges in agris uberiores crescant, aut uinẽ copiosiore in luxum alantur, turãue à Cimbrico milite uina ad futurũ hyemis ocium seruentur. Hunc certẽ finem Chri-stianę pacis in primis esse nõ arbitror. Proinde cum hæc omnia terrę nascentia ad humanos usus ab uniuersorum cõditore producta ideo amanda sint, atq; ab ipso Deo petenda, quatenus uitę necessitatibus subueniunt, ac utilia sunt; altior tamẽ Christianorũ ratio in assequendę pacis desiderio esse debet, q; ut mundo tranquil-lus utantur: uerũ quò tutius, pacatiũue diuinę iustitię, sanctisq; operationi-bus, ac mutuis inter nos alter alteri inseruire possimus obsequijs. Nullus em̃ glo-riofior pacis potest esse finis, & terminus, quàm ut tranquillis animis, pacataq; re-ligione, & aucto magis diuino cultu & nomine, Dei uirtus in terris propagetur, laudeturq; qui saluat gratis omnes sperantes in se,





**D**te leuauī oculos meos qui habitas in cœlis.

Serui enim atq; ancillæ, utpote qui dominorum suorum imperio totī addicti sunt, quibusq; nulla est rerum possessio, nec ius etiam acquirendi, & libertas, si aliqua re indigent, is à domino, illa ab hera, quicquid illud sit, & præstolantur, & petunt. Hoc idem quoq; in iniurijs, & contumelijs ab aliquo acceptis, agi ab illis cernimus, ueluti quibus nullum aliud in illis suis afflictionibus atq; periculis extet confugium, præterquā illorum, quorum iuris sunt. Quis unquam alienos seruos ab huiusmodi iniurijs, quibus tum ab homine, tum à rerum indigentia premuntur, uendicabit? Hoc enim proprium eorum munus est, sub quorum dominio hi uiuunt. Itaq; elegantissima hac usus similitudine propheta, electos Dei seruos, ita se in necessitatibus, quæ cum ad corpus, tum ad æternum spectat, erga Deum haberi asserit, quemadmodū illi se habent, qui toti mortalium dominorum iuri atq; obsequio obnoxij sunt. Qui enim uel parum saltem in rebus quæ ad spiritum attinent, fuerit eruditus, non ignorabit certè, quàm non aliunde, nec à proprio quidem arbitrio & uoluntate, multò minus ab aliena & opere, & manu, præterquam diuina, si quid aut ab inexorabili dæmone, aut ab improbis eius ministris, ærumnarum patitur, expectandum erit auxiliū. Proinde si quis aspera aliqua persecutionū molestia, ab his præsertim, quos hic in inuolucro describit uates, tumidos scilicet, elatosq; ac ob felices terrenarum rerum successus, turgidos & superbos, impetitur, ad Dominum illicò, & eum quidem qui habitat in cœlis, attollat oculos, atque ab ipso ueniam, si quid deliquerit, reque aliqua indiguerit, aut iniuria exagitari contigerit, & speret, & imploret. Clamet igitur: **O**tu me audi: nam ad te oculos meos subleuo, hoc est, quicquid in me, quod luce aliqua cœlesti & diuina illustrari uideatur, apparet, id totum ad te refero, atque in te, tuamq; parum ingratissimis mortalibus notam misericordiam refundo. Non sane attollerem, non leuarem, nisi tu mecum & attolleres, & leuares: quin potius, nisi in me magis tu, quàm egomet in me ipso, esses. Votis enim, ac sanctis, ut ait Augustinus, desiderijs homo ad cœlum sustollitur, quemadmodum malis, & impijs ad ima dei jçitur, ac præcipitatur. Nunquam porro illum oculos uerè ad Deum leuare dixerò, qui licet, uel ultra empyream regionem, in diuinæ naturæ contemplationem totum immerferit intellectum, cognoueritq; quæcunq; de Deo, ut ait Paulus, cognosci possunt: in se tamen aliud oculorum genus, hoc est, mundanæ frivolarie, proprijsq; amoris, & commodi plausum reflectens, tam altæ indagationis fructum prorsus amittit. Quod quidem uitium, illud idem esse existimo, in quod illos proruisse asserbat Paulus, qui cum cognouissent Deum, nō sicut Deum glorificauerunt. Noxiam enim illam semper arbitratus sum scientiam & cognitionē, quamuis sublimem, & diuinarum rerum indagatricē, quæ se magis, quàm ipsum cœlestium donorum erogatorē, admiraretur, & coleret. Ex qua quidem turpissimè ma quorundam improbitate & ingratitudine illud in primis oritur, quòd cum nimium ambitiose suæ illi naturalium, supernaturaliumq; rerum aut linguarum peritiae tribuunt, nihil non agunt, quòd lux ea, alioqui felix, & diuina, sua, non Dei appareat, uulgoq; reputetur. Quod sanè fit, cum carnis commodis, atq; ambitionarie, quam deuotionem appellamus, experrectum. Hi certè in Domini sui manibus fixos haudquaquā habent oculos, sed in se potius, aut in studijs illis suis algidis & ieiunis. A Domini igitur uirtute ac manu, hoc est, à fortissima eius providentia, qua omnia condita in suo esse conseruat, fouet, tutatur, & uiuere facit, nostrorum omnium, qui à rerum face & humilitate cœlitus euocamur, oculi minimè, ne pilum quidem, sunt auertendi. Quo, quæso, respectu? quo fine? nostri ut nimirum tandem



**A** tandem misereatur. Huc totius uitæ nostræ labores, studia, conatus, consilia, curæ, leges, instituta, iura, & diuina, & quæ uocant, positiua atq; humana, spectare debent. Quare

Miserere nostri Domine, miserere nostri, quia multum repleti sumus despectione.

Nescio enim an ulla alia res sit in hoc nostro infelici seculo tam fletu digna, atq; cōmiseratione, quemadmodum ea est, qua nos repletos uulgò despectione & contumeliis, & altissimis suspirijs ingemiscimus. Si quidē uatem hic suas duntaxat contumelias, & non potius diuini cultus, atq; honoris neglectum conqueri opinaris, longo à psalmi spiritu ac mente aberras interuallo. Non hæc sanè solet esse cōsuetudo animæ se nihil prorsus attendentis, diuinumq; nomē solummodo extolli efflagitantis, ut sui despicientiā, aut contemptum multifaciat; uerū illam, qua Dei religio & pietas habetur ludibrio, atq; irrisioni. Cum enim diuinum nomen perfectissimi quicq; uiri ante omnia illustrari & cupiant, & quærant, nihil est quod eos magis excruciet, quàm ipsissimis proprijs oculis cernere ad tantum quosdam, uel ipsiusmet religionis mystas, uitæ fastum ascendere, atque insolescere, ut simplicitatem illam, candoremue eum morum, quo fidei maximè consistit iustitia ac uis, contemnant, affligant, irrideant, atq; usq; ad spectantium nauseam, ac stomachū subfannent. Quid iam in terris tam est uulgò contemptui, & ut scribit Psalter, despectioni habitū, quàm probitatis instituta ac leges? Vbi iam antiqua illa erga uiros ecclesiasticos observatio & reuerentia? Quò iam (malum) nostra deuenit sublimitas: sunt ne hæc corruptissimi uulgi uitia, an clericorum potius, caterorumq; religioforū ignaui mores, & detestandi, qui eiusmodi diuini cultus exhibitionem, & neglectū, in orbem induxerunt? Quàm uereor ne nos potius quàm illi, in causamur, quia multum repleti sumus despectione.

**B** Quia multum repleta est anima nostra opprobrium abundantibus, & despectio superbis.

Equidem nollem ex his quæ dicta sunt, quorundam insolentiam foueri, qui in inspicendis aliorum peccatis, carpendisq; moribus, ac uita sacerdotum, atque eorum quidem omnium, qui sese priuatis legibus, sub cœnobiorum disciplina, & iugo manciparunt, tam uigiles sunt & acuti. Quod si certè hi, quemadmodum catera omnia condita, iam consenuere, atq; à pristino uitæ studio, & seruire desierunt, quò putas à cæteris peruentū esse? Censendum ne erit reges, principes, magistratus, suum integrum munus, seruata in rebus gerendis iustitia & æquitate, obire? quò quæso uulgi proteruitas, atq; impudentia processit? quò ciuiliū? quò forentium curarum peruenit cursus? aut à quo gradu tandem patritiorum dignitas, totiusq; orbis maiestas, & celsitudo prolapsa est? Vnusquisque igitur suum in se habet quod defleat uitium ac reprehendat. Hoc unum scio, quòd eo ardentius abundantibus & superbis, hoc est, ab huius mundi locupletioribus & fastuosis, uitæ nostra, nosterq; cultus & religio irridetur, premiū, despiciabilisq; habetur, quo pertinacius diuinis curis, sanctæq; legi & doctrinæ, operam nauamus. Quare claudendum, atq; repetitis gemitibus cum Psalte uociferandum erit: Miserere nostri Domine, miserere nostri, quia usque ad fastidium contumelijs repleti sumus. Repleta est, inquam, anima nostra, periculosissimumq; in modum ignominia, contumelijsq; & derisione affecta. Facta est nimirum apud huius seculi potentiores gustinus, hic repetitam esse sententiam, ut idem sit opprobrium abundantibus, quod est despectio superbis: ut uel hinc perdiscere queas, quàm difficile sit diuitum esse superbum: & cum diuitem dico, nō tantum illum dico, cui infinita agorum iugera atque armenta, diuitias suppeditant, quantum illum qui iustitia, ut si bi uidetur, meritorumq; cumulo, & gratiarū, se magnum reputat. Certè quidem



**C**um hanc uatis querimoniam lego, audire uideor uiduarū, ceteraq; turbe misere multitudinem suam fortem lamentantē, postq; adeò inhumaniter illud hominum genus ab illis ipsis, qui propterea ad altiore aliquē gradum, aut principatus, aut magistratus, aut etiam ecclesiasticę dignitatis asciti sunt, quò in primis miserorum curam habeant, exagitari, bonisq; prorsus denudari, tum ab alijs audio, tum à me metipso quidem coniecturā facio, ubi res sacras ecclesiarum, cœnobiorumq; fortunas, alioqui in pios usus erogari solitas, quasi publico edicto diripi, passimq; ab omnib; asportari, proprijs intueor oculis. Illud adnotandū, opprobrio legi, & despectione, nō opprobriū & despectio: nisi fortē hanc malis esse in fastuosorū hominum superbiā, imprecationē: ut sit sensus: Miserere nostri Dñe, miserere, inquam, nostri. Opprobriū uerò, despectioq; & cōfusio sit superbis, atq; in felici huius seculi euentu turgidis & abundantib; ut suo malo tandem, q; nō impunē tuā insectentur religionē, perdiscant. Illis igitur mala hæc omnia à tuo æquissimo iudicio proueniant, tibi uerò gloria, honor, uirtus, & imperiū sit in seculorū secula. Amen.

## CANTICVM GRADVVM. PSALMVS CXXIIII.



**I**lli quia Dominus erat in nobis, dicat nunc Israël, nisi quia Dominus erat in nobis.

Vates, atq; is quoq; qui eodem cum uate spiritu, non mundi affectibus agitur, sese à grauioribus tentationibus, morteq; æterna Dei beneficio seruatum, & ipse prædicat, & alios ad idem faciendum prouocat, suoq; exemplo adhortatur. Videtur enim Psaltes ad antiquam illam Chaldæorum in Babylonico exilio crudelitatem alluisse, in qua, ardentī in Iudæorum populum cōmotione, atq; ira concitati, sacrum Dei fanum combusserunt, ciuitatem funditus exciderunt, quamplurimosq; promiscuæ multitudinis uiros ac fœminas obruncauerunt. Tum enim cuncti ad unum Iudæi ab hostibus absumi posse uidebantur, nisi Dñs sui populī partem seruare decreuisset. Quid illos, quos ab Aegyptiacæ seruitutis iugo, diroue Pharaonis imperio ereptos legimus, tum dixisse credimus, nisi sicci traiecto pelago uestigijs, insequentes hostes ab illis ipsis undis, quæ sibi tutū præbuerant iter, obrui & suffocari cernerent? Nōne illud: totum profectò genus nostrū in tetris illis undis deperisset, nisi Dñs iam iam præsentī periculo affuisset, seruassetq; ab interitu illo horrendo, quo proprijs oculis nostros interiisse hostes uidimus. Verū umbra hæc omnia futurorū. Nos uerò quibus nō tantū aquarū Aegypti transitus, quantum è fonte sacro regeneratio ac gratiarū copia est tradita, alium Pharaonē, alios Aegyptios, aliāq; pericula cogitare consueuimus. Vt enim ea omnia illa, quæ ex ueneranda ueteriq; historia accepimus, uera sint: Saranam ante omnia asserendum, Pharaonē, ducemue Chaldæorum, ac regem, Saranam infensissimum Dei ecclesiæ hostem cum impijs suis ministris, qui iam mundum ferè totum occupant, grauissimōq; tum priuatarum legum, tum publicarū oppressiōnū iugo, atq; imperio opprimunt, præmonstrasse. Quid innumeras mecupiscentiarum flammās à mortis autore, in ipsis animæ medullis exuscitatas memorem? quid nexus? quid pedicas tanti aucupis ad perniciem nostram undiq; tentas recenseā? Certē nisi Dominus nobis affuisset, in nobisq; quæ est eius bonitas, mansisset (dicat nunc Israël, fateatur, non dissimulet donum Dei) nisi, inquam, nobis affuisset, suoq; beneficio seruasset,

Cum exurgerent homines in nos, fortē uiuos deglutissent nos.

Sauitiā hostiū his uerbis aperit, scq; ad consuetū inter homines morē transfert uates. Sic enim in atrocioribus acceptis iniurijs dicere solemus: Adeò me ille uelenti insequitur odio, ut me uiuum absorbere uelle uideatur. Ita sanè impudentissimi homines probis, eorumq; rebus ac fortunis inhiant: ita dæmones, ita terribilissimi omnes inferorum spiritus, diuinæ iustitiæ studiosos, mansuetos, à libidinib; abhorrentes, simplices, publicarūue rerum, non priuatarum amantiore: eos dico qui uerē



**A** qui uerè, hoc est, iustitiæ illius quæ à fide est, uita uiui sunt, deglutire satagunt. Quãti, proh Dei fidem, laquei uiro illi, qui spretis cæteris, toto anhelitu, totis insuper animi uiribus atq; intentione, tenuem saltem ueritatis portionem attingere contendit, sunt positi: Non tam sanè uolubili gyro atq; impulsu, à pueris solet turbo exagitari ludicrus, q̃ hinc atq; hinc ab appetentijs uarijs, à motibus animæ effrenibus, ab ægritudinibus, formisq; uarijs continuò impetuntur bonarum rerum studio: si & cupidi. Contra hos quidem condita omnia (de cœlestibus animis id dicere est nefas) cõspirasse uidentur. In tot igitur rerum difficultatibus & periculis, quomodo de nobis actum iam esse non asseremus: quomodo non prorsus nos perijsse, nisi nos Deus seruasset, sanctissimoq; suo patrocínio munissset. Miraculo omnino persimile uidetur, tam uastæ angustiarum molì interdum non succubuisse.

Cum irasceretur furor eorum in nos, forsitan aqua absorbuisset nos. Furor, atq; in peruersis hominibus, à recto scilicet iustitiæ itinere auersis, ardor & rabies, non tantum ira est, atq; exandescencia in optimos quosq; quantum uariarum cupiditatum, avaritiæ, ambitionisq; æstus & inquietudo: quibus maxime beluis cum quempiam exagitari contigerit, unà illicò secum, nedum sui persimiles, uerum & modestissimos interdum, atq; innocentissimos uiros, eodem procellarum tumultu & impetu, si non eodem peccati genere, & trahit, & miserrimum in modũ conuoluit. Hebræis enim huius uersus initium, cum superioris fine connectitur hoc modo: Tunc uiuos deglutissent nos, cum incensa esset eorum ira in nos, quorum quidem uerborũ sensum sic reddit paraphrastes: Tunc uiuos deglutissent nos: erant em̃ furiosissimi, & ira maxime accensi in nos. Solent equidẽ hi, qui molestissimo aut libidinis, aut inuidentiæ, & ambitionis perurgentur cestro acstinulo, impotentia quadam animi, atq; ardore in illos, quos sibi in amoribus uel honoribus præferri aut uident, aut suspicantur, mirabiliter insanire: quod si ferro nequeunt, linguæ saltem maledicentia suo infelici morbo, & languori, mederi quærent, hinc suspiciones, hinc in morib, in actionibus, in colloquijs acerbitas: hinc oblocutiones potissimum, cæteræq; quibus mirum in modum distorquentur, uenenati cordis ægritudines exordium habent. Hæc enim uitiorũ profluvia, aquacile nostra superatur imbecillitas, ipsarumq; obruitur impetu, atq; exundatione.

Torrentem pertransiuit anima nostra, forsitan pertransisset anima nostra aquam intolerabilem.

Non possum equidem non in dies magis prophetæ copiam admirari. Hic enim alia translatione hostiles impetus describens utitur: quos sanè nemo homo est adeò uel in terrenarum rerum abundantia, uel diuinarum quoque, & diues, & copiosus, qui cum aliàs, tum nostris præsertim temporibus effugere ualeat, nisi Dominus adsit fautor, & tutelaris. Nota porrò est translatio, ualdeq; in uatibus familiaris, qua ad uim hostium subitam, atque inopinatam exprimendam, rapidissimis niuib, saxa, mixtasq; campis arbores & segetes, uel cum stabulis armeta trahunt, mirabili artificio transferunt. Ecce, ait Dominus in Esaia, adducet super eos aquas fluminis fortes & multas. Sensus igitur is erit: Nisi nos seruasset Dominus, in aquis malorum perijssemus, transiissetq; per animas nostras, id est, per nos, torrentis angustiarum uiolentissimus atq; inopinatus: seu, ut legit Hebræus, aqua per ros sola libidine ac petulantia moti, ferocire soliti sunt, quanquam aquam intolerabilem, aquam elatam uertat Felix, sed contrario à nostro sensu, hoc modo: Tunc, id est, nisi nos Dominus conseruasset, transiissent super animam nostram aquæ exlate, turgidæ scilicet, ac ruptis aggeribus, per campos late exundantes. Vel, quod magis placet, ad rubri maris fluctus alludit. Quod uerò per aquas, aquarumue in-



**C**undationes insperatas ac subitas, tentationes & aduersitates, quibus Dei populus à cœlesti patre erudiri soleat significantur, non semel à nobis est dictum. Quis tam ergo audax, tamq̃ sibi fidens, ac de sese, suaq̃ ope securus est, qui improborum hominum, nequissimorumue spirituum, quibus, ut inquit Iob, non est potestas super terram quæ comparetur, dolis atque insidijs se posse reluctari autumet, absq̃ diuino fauore ac patrocinio? Quare

Benedictus Dominus qui nō dedit nos in captionē dentibus eorū.  
Seu, ut legunt Hebræi: Qui non dedit nos prædam dentibus eorum. Hostium feritatem ante oculos ponit uates, cum illos beluis prædam dentibus dilaniantibus comparat. Laudandus, ait, Dominus, qui nō permittit nos prædam dentibus eorum esse, quorum eorum; demonum scilicet, curarūue cor nostrum miserabiliter discerpentium; ad hæc crudelium tyrannorū, parricidarum, fœneratorumq̃, ac reliquæ eiusmodi ciuitatum pestilentia atq̃ exitij. Nullum enim, quod sciam, beluarum genus est, quod in suam speciem, nec in alienam quidem, ita sæuire audeat, quantum homo in hominem. Quis iam tener cuniculus, aut lepus timidus, tam uel à canibus, uel à fera aliqua syluestri discerpi unquam uisa est, quemadmodum Dei plebē, hoc est, pauperes, orphanos, uiduas, ciuesq̃ res suas secum agentes, à malis rerum pub. ministris, à fœneratoribus, ab auarissimisq̃ magistratibus & principibus, passim per urbes, per oppida, per uillas quoq̃ ac solitarias amnium ripas dilaniari, atq̃ ulla absq̃ commiseratione funditus à proprijs laribus, à patria, à uita tandem conuelli atq̃ extirpari quotidie cernimus? Veruntamen, quod profusus, atq̃ in primis exoptandū erit, animus in Dei lege apprimè eruditus & firmus, etsi in ea parte, quæ ad carnem spectat & mundum, excruciaci contingat, illa tamen, qua Deo propior est, & similis, mundanarum rerum euentus omnes perinde contemnere consueuit, uti solet minutissimas atomorum in aëre incurSIONES; uel gigas uel elephas. Nouit enim uir iustus, quàm nihili æstimāda sit huius mundi instabilitas; quàmq̃ ex animo paruipendendi sint hi, qui nihil in uita adeo curare præ se ferunt, quàm ut deuorent Dei plebem sicut escam panis. Tantum enim abest ut subactō corpore, amissisq̃ facultatibus, & rebus quoq̃ ipsis quæ uitæ usui sunt, ab aliena ingluuie & crudelitate raptis, mens hominis suæ cœlestis originis oblita nimium turpiter, aut in curandis rebus humanis, aut in deſcenda earum amissione atq̃ inopia angatur, ut etiam exultet, illò sua dirigens consilia, ubi firmata sunt omnia, & æterna; quæ solummodo, cum uera bona sint, & quæ minimè à uoluntate quaerenda, cætera uerò umbræ somniū. Benedictus igitur Dominus, hoc est, laudibus omnibus efferendus, postquam nos tali insigniuit spiritu, eaq̃ uita animauit, ut nihil nobis minus timendum sit, quàm ut in prædam eorum dentibus, faucibusq̃ cruentis tradamur. Potior enim pars nostri intacta, uiuax, relisq̃ fortunæ impenetrabilis, atq̃ inaccessa perstat in sua origine, in Deo scilicet, summo, stabili, perfectōq̃ bono fixa & immobilis.

Anima nostra sicut passer erepta est de laqueo uenantium.

Cum Psalter bonis ciuibz aduersantiū ferociam, per dentes: truculentiamq̃ illorum inexorabilē, omnia pro libidine pertrahentē, significasset: per laqueos, occultas rursus eorū machinationes, atq̃ insidias detegit: periculorūue magnitudine expressa, diuini auxiliij magnitudinē in sequentibus, ardenti, ut solet, affectu celebrat. Omnis em̃ tentatio laqueus est, siue carnis, siue spiritus sit. Laqueus exitium est, cruciatus, calumnia, persecutio: addo & his morbos, infirmitates uarias corporis & agnitudoines: quæ quidem omnia cum ad exercendam animi fortitudinem ac fidem, à Deo permittuntur, tum quoq̃ ab inuisibilium inimicorū astu & sagacitate inferri solent, quò à recto mētis statu deiectione homines, infidelitatisq̃ aut desperationis insidias nō aduertētes, in eternæ mortis laqueos impingant. Quod quidem




**A** quidem periculi genus considerans Paulus, ita orat: Det illis Deus poenitentiam ad cognoscendam ueritatem, & resipiscant à diaboli laqueis. An uerò laquei, inuitabilesq; tendiculæ sint, honor, dignitas, pecunia, formaq; ut appellat Lactant, irritabilis, ac bonum ipsum tandem in ipso cordis arcano delitescens, & se amans, innumerabilis hominum multitudo, uel eorum quidem, qui excellentioris uitæ statum profitentur, per orbē undiq; uniuersum capta testari potest. Verum ab huiusmodi deceptionibus se Dei ope, nō propria, extractū prædicat uir ille, qui affectus omnes suos ad diuina solummodo peruestiganda erectos habet, seq; timidissime & salacissime, atq; adeò fugaci auiculæ comparat. Ita enim homo est in se mansuens, sibiq; fidens. Nec ab re quidem. Nam si suam, cum improborum hominum potentia, aut dæmonum ferocia, uirtutem æquiparare uelit, quid eo timidius, ac magis debile? Si carnis rursus fomitem, atq; irritamenta consideras, quod animal homine salacius? quod impudentius? quod magis ab honesto connubio, toroq;, ut illum appellat apostolus, casto, & immaculato, alienum? Porro si contingat ipsum aliquando intrare in iudiciū cum Deo, fugacior quidem est, quàm ipse unquam fuit aut Cain, aut eius parens Adam. Similem igitur humanam naturam timidissimo passerī, & lasciuo esse affirmat uates, ereptam tamē Dei beneficio & dono, à uenatorum laqueis atque insidijs. Fracto enim rete, aut laqueo, ille, cum nec speraret quidem, actutum euolat. Ita & nos, ait uates, contrito laqueo, liberati sumus. A quo quidem? à nobis? à nostra industria, nostroq; conatu & uoluntate? neutiq; certè. Nam si nos exactè consideremus, nihil nos aliud esse fatebimur, præterquam passerem ad minimū foliorum motum perterrefactum, atq; in fuga præcipitem. An ab hominibus cæteris? an ab amicis? Minimè quidem omnium: nam uana est salus hominis. Proinde qui eruet homo hominem de laqueis, deq; occultissimis animæ erratis ac lapsibus, cum uir, ut ait Michæas, fratrem suum uenatur ad mortem? Omnia igitur cum fraudibus, dolosisq; artibus, atq; imposturis plena sint, præsidiaq; humana infirma, & temporaria,

Adiutorium nostrum in nomine Domini, qui fecit cœlum & terram.

Vide quomodo uir iustus, quiq; spiritu nō huius mundi, ut inquit Paulus, sed diuino ducitur, omnia bona sua cœlesti patri fert accepta. Non in rerum humanarum, inquit, aut principum, cæterorumq; superiorum gratia & fauore, sed in nomine Domini, & eius quidem qui cœlum & terram condidit, nostrum sit adiutorium. De immensa enim Dei potentia, gloriatio hæc est. Cum profectò multa sint proborum fidei argumēta, quibus in angustijs tum animi, tum corporis positi, se prorsus à Dei ope, & auxilio pendere uideri uolunt, id in primis nobile, ac laude dignum, cum quis ea quidem ipsa, quæ ab humano præsidio atq; arte sunt admixta, non contemnens, præcipuam tamen suæ salutis uim in Deo positam esse, & credit, & prædicat. Inconstantis igitur animi, parumq; creduli & fidelis, uocem illam cuiusdā nostri ordinis uiri fuisse iudico, qui cum ab atrociori lecto cubans angina propemodum suffocaretur, ad chirurgū, qui multis suæ artis admotis præsidijs de salute tandem ægroti desperabat, conuersus inquit: Me adiuua, me adiuua, ô chirurgus: in multis enim tibi beneficiam. Cæterū de cœlesti implorando auxilio nulla mentio. Hanc tantam animi consternationem, quæ ab ægrotante peccatore diuinæ beneficentiæ memoriam omnino excutiat, quis laudare audeat? Suæ enim fidei, hoc est, quàm imbecillis fuerit uir illè cum sanus esset, tunc in extremo suæ scenæ actu dedit specimen. Quàm porro periculosa sit, ac metu plena, ea quæ in animarum perniciem fit per dæmones uenatio, sic refert Hugo: Inuadunt, inquit, primum animas per suggestionē, tangunt per malas cogitationes, mordent per prauam delectationem, masticant per deliberationem, transglutunt per consensum, trahunt in stomachum per operationem, decoquunt per consuetudinem, egerunt per damnationem.





Vi confidunt in Domino sicut mons Sion, nō commouebitur in aeternum, qui habitat in Hierusalem.

Non semel enim in superioribus psalmis est dictum, confidentiam in Deo uim eam esse, quæ sola Dei filios in huius mundi commotionibus & fluctibus, stabiles atq; incōcussos reddit. Quod quidem cum alijs in psalmis uates, & dicat, & ut rem scitu necessariā sapissimè inculcet, tum in hoc maximè adeo manifestè aperit, ut nusquam aliàs huiusce beatissimæ operationis facies tam perspicuè uideri queat. Cōparat enim hominem sic affectum solidissimo monti, fortissimæq; ciuitati, cui undequaq; circumiaceant montes, atq; ait, quod illi, qui in Domino fiduciam omnem suam collocauerunt, non, uel in medijs ipsis tentationum fluctibus ac procellis, nutare poterunt: quemadmodum impossibile est Sion montem nutare posse, aut à proprijs sedibus transferri. Dicit aliquis forsan, qui non potius Psalter uirum in fide solidum, aut Caucaſo, aut Atlanti, utpote montibus propter illorum uastitatem immotis magis, comparauit? Familiarem quidem admodum in prophetis esse mentionem ciuitatis Hierusalem, atq; eius montis in quo sita est, & regionis, sciunt in rebus sacris eruditi. Eiusmodi enim affectionum genere, supernam patriam, quam alio loco ueluti ciuitatem ædificari præſeferrent, appellare consueuerunt, quippe quæ reconditiorem significantiam præ se ferrent, quàm quod dicebatur. Ad hæc Psalter ea quæ magis Iudæis nota erant, in quibusq; illorū religio apud exteros etiam sanctior habebatur, cultusq; melior, prudentissimè in medium afferebat, quò plebs illa corporeis ritibus, & cæremonijs superstitiose nimis addicta, perdiceret tandem rerum umbras aliquando aduentante ueritate desituras, eaque ipsa & amaret, & studio omni perquireret, quæ tam nobilis ciuitas, ac mons, occultissimo præſagirent mysterio. Permanent illa sane in diffinito æuo, atq; hi cum illis, qui eius ciuitatis ciues sunt. Siquidem cuius ciuitas æterna est, ciuem item æternum esse oportet. Quemadmodum igitur mons Sion stabilis est atq; immobilis, ita uir ille, qui in Deo, non in se, suaq; ope & iustitia, non in rebus caducis, ac, ut sunt ferme mortalia omnia, uanis, quotidieq; in interitum properantibus fiduciam ponit, non cōmouebitur in æternum, non nutabit, nō ab intuitu diuini aspectus, sancteq; Hierusalem amouebitur unq; quin potius stantes erunt pedes eius in atrijs tuis, o beata ciuitas. Visa est aliquib. huius primū uersus litera aptari posse, ut ille nō labare gressib. dicatur, qui spem suā omnem collocauit in Dño illo, qui habitat in Hierusalem. Sed ex hebræo alia est, sensusq; alius. Sic enim illi: Qui confidunt in Dño, sicut mons Sion, non cōmouebitur in æternum habitabit, ut ex numero singulari pro plurali hebraismum notes. Postea uerò sic sequentem inceprant uersum: Hierusalem, mōtes in circuitu eius, & Dominus in circuitu populi sui, ex nunc & usq; in æternum. Nos uerò,

Mōtes in circuitu eius, & Dominus in circuitu populi sui, ex hoc nunc & usque in seculum.

Si in superiori uersu hebraismū, alioqui in hoc uate frequentissimū, uitare esset agitas, sic interim illum proferre poteris: Qui confidunt in Dño, similes sunt monti Sion, qui non mouetur loco, sed in perpetuū sedit. Vtunq; ista accipias, æternū Dei auxilium hic enarrat uates. De terrena enim Hierusalem tam nobile cani elogiū, quod ex nunc & usq; in seculum montes habeat in circuitu, defensionē scilicet æternā, absurdissimū est opinari: cum legimus haud semel illam moram, depulſamq; ac tandem à Babylonijs, & Tito postea funditus euersam. Non relinquatur, ait uatum Dñs, in te lapis super lapidem. Itaq; de alia hic dici Hierusalem est arbitrandum, quæ, ut puto, ea est, cuius participatio eius in idipsum: hoc est, cuius animus unus, cor unum, mens una, propositum unum. Verū cum impossibile sit aliquam saltem, si non perfectam, ecclesiam in terris non esse, simulatq; nobiscum



**A** bis cum conuersari usq; ad mundi finem pollicitus est autor uitæ, hanc cauit uates celestibus spiritibus, ueluti muris ac montibus circumseptam. Hi enim, ut asserit Paulus, mittuntur in ministerium eorum qui regnum capiūt salutis. O tutam custodiam, Ponetur, clamat Esaias, in ea murus, & antemurale. Ecce mons, ait, ple-nus equorū, & curruum igneorū in circuitu Elisæi. Vide, te oro, quomodo cun-cta in hac custodia, concita, præsentia, atq; ardentia sint, cum eam equis curribus igneis circumcurrentibus comparat. Sicut igitur montes in circuitu sunt terrenæ Hierusalem, quæ occidit Dominum, ita ipse Dominus humani generis amanti-sinus est in circuitu populi sui. Quod quidem additum puto, ne nobis in montibus alioqui ad custodiam nostrā intentis, manendum esse cogitaremus. Nam qui dem in montibus, hoc est, in angelicis solummodo spiritibus, aut alijs quāuis sublimibus beatissimis, aut etiā in excellentissimis nostris uel uirtutibus, uel actio-nibus sperare non tutum est: uerū in uertice montium, qui Christus est, & spera-re, & bonum omne nostrum statuere, tutissimum. Etenim ad eum, ut uaticinatur Esaias, non ad eos, fluent omnes gentes. Cæterū quemadmodum aduersarius no-ster, ut diuus refert Petrus, in circuitu obambulat quærens quem deuoret: ita Do-minus peruigil custos non dormit neq; dormitat, ut custodiat Israël, hoc est, illos omnes, quos ab æterno suos esse decreuit.

Quia non relinquet Dominus uirgam peccatorum super sortem iu-  
storum, ut non extendant iusti ad iniquitatem manus suas.

Dura nimirū in rebus humanis uidetur conditio, cum adeo & sæuè, & diu quo-rundam improbitas in rebus pub. imperium, quod uirgam uocat propheta, tenet. Nulla enim nocentior hac potest esse in uita ciuili pestis ac pernicies. Proinde por-tenti simillimum esse arbitror, bonorum innocentiam in tam ampla superiorum nequitia & ambitione, illasam seruari posse. Est profectò aliquid fidei puritati nō parum officiens, debiles ferè omnes uulgò in iustitiæ semitis, & esse, & uiuere; at ipsa capita, ipsosq; pastores & patres, in subditorū perniciem (ut sic dicam) conspi-rare, foedissimamq; uitam (bonos semper excipio) uiuere, quis nō inconsolabiliter desleat: quis non interdum in bonarum institutionum proposito & uoluntate ua-cillet? Cui nō aliquando in mentē ueniat, quò nobis aliquis tranquillius uiuendi locus relinquatur, satius esse turpissimis quorundam potentiorū moribus assen-tiri, atq; cum illis unā in uariarum libidinum, ac cupiditatū ceno uoluntari, homici-dijs quoq; rapinisq; tum publicis, tum priuatis conspurcari, q̃ in uitæ puritate & cædore perstātes quotidie affligi, deglubri, emungi, ac uita tandē unā cum patria & fortunis millies in die una exui? Cōsiderans em̃ uir iustus (iustū scriptura sæpenu-mero nō perfectè iustū, sed iustitiæ amantē, & studiosum appellare cōsueuit) malos plerūq; in cœtu hominū potētissimos esse, cūcta q; pro libidine, abiectis interim le-gibus, calcatōue pudore atq; honesto, exequi, bonos uerò intolerabili iugo premi & uexari, eò pene adducit, ut desperet omnino, decernatq; nusq; pacatā uitā inue-niri, præterq; in illis, qui ideo felices uident, quia impij & scelerati. Sed quoniā, ut inquit August. Dei sapientiæ, quæ omnia bene facit, etsi nō uideamus quomodo, est credendū, sperat fore ut aliquādo auferat opprobriū ab Israël, atq; à tritico zi-zania auferantur, ac spinæ: compertissimū iam esse debet, neq; omnino in dubiū trahendū, quòd nō relinquet Dñs uirgā peccatorū super sortē iustorū: hoc est, nō diutius patietur, licet ad tempus ita nostris exigentib. peccatis cōniueat, potentio-rum sæuitiā adeo super Dei populum, quem sortem Dñi appellat Psaltes, efferrī, quo minus faciat, ut inquit Paulus, cum tentatione prouentū. Tantū porrò abesse debet, ut extendat manus suas uir probus & cādidas, ad operāda scelera, per quan-cunq; obuiam occasionem, & pessimū aliorum exemplum, ut etiam ex tam mala causa optimam sibi uiuendi perstruat rationē. Viuant igitur hi, ut lubet, utq; uen-ter atq; ocium in plumis cōquiescens suggerit: nobis autē, quibus ipse Dominus



**C** sese in circuitu populi, in munitissimā scilicet tutelam esse est pollicitus ex nunc & usq; in aeternū, aliud uitæ genus est querendū, æterna uidelicet requies ac mansio, in quā non intrans, ut ait uates ille eximius, polluti. Interim uerò, ut à sanctissimis uiris admonemur, cauendū nobis erit, ne à potentissima mundi huius, aut dæmonum tyrannide, uel parū deterriti, à rectitudinis studio atq; amore, animū relaxemus. Perstandum quippe est, ac ui omni cōtendendum, ne à iam concepta salutis opinione, & fide relabamur. Quid si illud interim Esaia nostris hisce in exulceratis temporibus, nos qui uiuimus, qui residui sumus, adimpleri cernamus? Restitutam, inquit Dñs, iudices tuos, quemadmodum olim fuerunt, & senatores tuos sicut antiquitus. Verū ne in hoc quidem tanto negotio spes desit certa, animusq; penitus defatigetur ac desperet, uide quid pro nobis beatissimus oret spiritus.

Benefac Domine bonis, & rectis corde.

Orat hic uates, seu potius uatis spiritus, hoc est, diuinus ignis, quò p̄s populi p̄ cōtingant principes. Principib. enim bonis orbi concessis, quæ iam plebs, aut respub. aut ciuitas, aut regio quoq; nō æquitatis studiosa erit. Ab illa sanè dignitate tanq; à cœlesti idea & forma, minutioris gregis qui sunt, totam uiuendi normā desumere soliti sunt. Ceterū quis iam tam fracto est animo, quin ex hac sancti spiritus supplicatione animatus, futuram à tot malis liberationem sperare audeat? Beatus nignus esto, inquit, tuis, ac beneficus o Domine: hos adiuua, hos, ne à te ad hostes deficient, muro tuo inexpugnabili, hoc est, cura tua indeficiente, cœlestiumq; spirituum ac doctorum, prophetarum, legisq; tuæ scribarum & interpretum uallo, ac propugnaculo circumcinge. Boni quidem ideo sunt, & recti, quia tu eos, & bonos, & rectos esse uoluisti, Tua itaq; defende munera.

**D** Declinātes aut in obligationes, adducet dñs cum operatib. iniquitatē. Improbas actiones, prauosq; animi affectus, ac motus cōsultò immundos, obligationes hic uocat Psaltes. Et quidem nullum in rebus humanis nodum esse op̄nor, qui tam arctē res queat corporeas perstringere, quā arctē deuincit, ac ligat animam peruersa mens, corq; à pietate alienum, atque ad humanitatis opera prorsus plumbeum. Postquam igitur omnia beneficē bonis euenire oratum est, in obligationes impietatis proruentibus hoc imprecatur modo: Illi qui à rectitudinis uia, hoc est, à te, tuisq; suauissimis afflatibus, & iussionib. in improbitatis laqueos, atq; obligationes sua se sponte dedunt, adducet Dñs: hoc est, ab se abiiciens, in tenebras proijciat exteriores cum deditis iniquitati, id est, ex professo malis, planēq; perditis ac deploratis: quando scilicet cōstitutis ad leuā hœdis, agnisq; ad dexterā, immensus clamabit iudex: Discedite à me omnes operarij iniquitatis: nescio uos. Ite, quid est in mora? ite in ignē eternū. Hæ sunt quidē obligationes, hi laquei, hæc uincula, à quibus suos liberādos Dñs in euang. prædicat, cum dicit: Si uos filius liberauerit, uerē liberi eritis. Mirum si in Christiana religione iam sit, qui se medio alio, quā Dei filij, ab impietatis nexibus, quib. irretitur, eximi uel putat, uel querit: ubi iam innumerabilibus, sed miserandis exemplis notissimum sit, animum illum qui ex sese, aut proprio arbitrio, bonisq; naturæ, à scelerum nodis, quorum uel arctatur, se excutere cogitet, implicari magis, magisq; in noua quotidie peccatorū monstra conijci. Soli enim Christo Deo homini, homines uiuificandi, atq; à suis illis uitiorū obligationibus eximendi, data est à cœlesti patre uirtus, ius, potestas, imperiū, nō nobis: quanq; & nobis quoq; quos suos in salutis nostræ negotio cooperatores esse uoluit. Quòd nos legimus in obligationes, Hebræis est simpliciter, ad prauitates, quāuis ex illis sint qui hunc uersum sic reddāt: Extēdentes lubrica, deduci facientes declinare, hoc est, alios facientes cadere, atq; à uia iustitiæ declinare, deduci sinet cum operarijs iniquitatis in eternam mortem. Hunc enim sensum secutus paraphrastes cum superiorem uersum ita reddidisset: Benefac Domine bonis, & his qui candido sunt pectore, mox adiecit: Illos uerò qui alijs præcipitia parant, re ipsos



A ipsos per præcepta coge, quemadmodum sceleratos homines æquum est. Verum Pax super Israël.

Id tandem illud est præmiū, mercesq; infinita, quam summus pater in se confidentibus pollicitus est dare. & est perinde ac si dicat: Cum sceleratos homines, atq; eos quidem, qui à uia iustitiæ in impias declinant obligationes, status ille futurus, quem illis qui sponte sua sunt mali, atq; alijs infesti, præparasti, maneat: quis illos, quorū uirā tu tibi, quæ tua est incōprehensibilis prouidentia ac bonitas, ad uerā colendā pietatē formasti: quod bonū: quis finis? Pax scilicet, & tranquillitas. Vno enim uerbo nostrā expressit hæreditatē, quæ Christus est: nam ipse quidem qui fecit, ut inquit Paul. utraq; unum, hoc est, & animā & corpus, alioqui Deo rebelles, ad diuinū obsequiū unā concordēs, pax nostra est ac requies: cum interim non sit pax impijs, dicit Dñs. Porro Israël, ut quidā interpretant, directus Dei dicit, hoc est, qui recto itinere à solo Deo ducit. Nam postq; facie ad faciē Deū uidit Iacob, mutato statim nomine uocatus est cœlitus Israël, fidelis scilicet, atq; à pietissimo patre Deo directus: unde Israëlita dicti sunt fideles, & grex Dñi, qui à uero tantummodo pastore ducunt, in rectaq; statuunt uia. Ipse igitur solus est, qui nostras studia, nostras operationes, nostrū arbitriū, nostrā uoluntatē, atq; cæteros animæ & motus & affectus sedat, ac dirigit. Cæteri uerò quibus nostri cura est demandata, nisi propterea sese præferri alijs appetant, ut nos à dissolutis uitæ gressibus reuocent, in rectāue collocent uia, instruant, & ut sic dicam, in erroribus mortuos animæ ac uiuificent, fures sunt, & ut Domini uerbis utar, latrones. Magna equidē debet esse apud homines superiorū suorū autoritas, sed maior Dei. Diuina enim maiestas Imperatoriæ, ut ait Ambrosius, non est subiecta: multo minus autoritati, qui idcirco libenter ceteris præponi ambiunt & quærunt, ut ex aliorum solummodo subiectione atq; humilitate grandes appareant. His nulla, nec in terris quidem: illis amplissima atq; æterna, etiam in cœlis, pax erit ac quies.

## CANTICVM GRADVVM, PSALMVS CXXVI.



Nō conuertendo Dñs captiuitatē Sion, facti sumus sicut cōsolati. Diuinū hunc psalmū alijs, ut lubet, de Aegyptiaca seruitute, aut cum reduces ē Babylone Iudæi à uicinis hostibus, ne sanctam instaurarent ciuitatem, impedirentur, exponant: nos altiori sensu spirituiq; propior, rem tantam indagandam esse arbitramur: & dicimus humani hīc generis captiuitatē à peccato, à lege, à morte per Christum, qui captiuam duxit captiuitatem, solutam recenseri, atq; ab animo tanti beneficii haud immemore sub typo celebrari. Verum (ut nunq; aliàs fuerit satis mundo felicissima hæc liberatio) modò tam repentino euentu, mirandum quendam in modum, cunctisq; seculis stupendum apparuit, ut ferme uideamur, non rem ipsam, sed spectrum, ac somnium intueri. Dicit quidem facile non potest in quā horrendis ignorantia tenebris hucusq; à multis annis antea uolutatum sit. Quid nunc: o felicem ætatem. Vnde tam insperatum, tamue inexpectatum effulsit lumen? Proh Dei pietatem. Quis unquam antea in superioribus ætatibus, populos, urbesq; integras & regiones aut legiti, aut oculis proprijs uidit adeo certatim ad audiendum Dei uerbum ac legem concurrisse? Nō iam fabulas indoctas secuti, ut olim, nostri doctores illectant uulgū, sed Dei præsentia, uirtutemq; infinitam, & bonitatē simplicissimē, quæ natura est ueritatis, diuulgant. Iam quidem fidelium corda in persuasionib. parum castis inreporata repuerascunt tandem, nouamq; formā induentia, pro falsis ab impijsimīs. Quid mercatorū: quid militū, quorum salus aliquibus uisa est impossibilis, poenitentia lachrymas, & gemitus memorem: quid uitæ puritatem: quid illud unum, in illo uno ducum omniū facile principe perfectissimæ iustitiæ exemplum referat. In huiusmodi igitur à peccato & morte conuersionem acciti, non gaudebimus:



**C** non erimus sicut consolati? Hebræi sic habent hunc uersum: Cum reduceret nos Dominus captiuos ex Sion, eramus ceu somniantes. Olim enim, ut de priscis illis umbris aliquid loquamur, Iudæorum populus in Babylone captiuus, super flumina illic sedens, in memoriaq; charæ patriæ flens, & se excrucians, in salicibus in medio eius suspenderat organa, signum nimirum extremi mœroris & luctus. Postea uerò liber factus, de exilijsolutione, Deo opt. & maximo gratias agit, & dicit, se adeò ob captiuitatis liberationem ex Sion lætatum esse, quòd factus sit sicut consolati; hoc est, quemadmodum illi, qui consolationē aliquam insperatam accipientes obstupefunt, atq; attoniti fiunt: ut olim Petro accidit, qui ē carcere ac boīs, misterio angeli solutus, præ gaudio stupidus factus, putabat, ut in apostolorum actis scribit Lucas, se uisum uidere, cum tamē à carcere uerè educeretur. Quare nō indoctē Hebræorum interpretes, eramus ceu somniantes, reddiderunt. Solent enim homines felicitatem aliquam inopinatam adepti, præ gaudij magnitudine uideri sibi somniare, nō rem ipsam cernere. Vnde paraphrastes: Præ gaudio, inquit, uisi sumus non assequuti tantum bonū, sed somniare. Atqui hic ex his uerborum tropis uides, quanta fuerit olim, ut nunc quoque, diuinorum beneficiorum magnitudo, postquam ex animo considerata reddit homines planè stupidos, ac ueluti somniantes. Et quidem ego, alioqui in rebus cæteris non prorsus amens, cum hæc, quæ quotidie fieri uideo, contemplor, non possum non summopere gaudio, quod me occupat, efferri, ac planè ineptire. Quī non usque adeò gestiam, atque ex me prorsus exeam, ut præ lætitiā, ex consideratione tam immensę largitatis nuper mundo coelitus factæ, dementer, atque insaniam? cum uideo Dei gloriam hæcenus à nostra præsumptione, temeritateq; & impudentia obscuratam illustrari: uerum iustitiæ solem, non mentitum, exeri? hominem uerò per uitiorum deuiam diu aberrantem, ad patriā, ad uitam, ad lumen, ad Deum restitui? Vix enim, etiam cum uideam, ea fieri credo. Tam quidem immensa in tam perditā etate nunquam ausus essem optare. De improviso igitur lux hæc effulsit, atque subitis sese in hoc nostro caliginoso radijs insinuauit seculo, quò gratia maior esset, magisq; nos excitaretur torpor ad retinendas iustitiæ semitas, à quibus superioribus seculis tam turpiter erratum est. Modò eiusmodi libertatis cognitio non rectē accepta, illuc nostram non impellat arrogantiam, ut & prædicatores in temerariam uerborum, ut à nonnullis fieri audio, prorumpant audaciam atque impudentiam: & hi qui audiunt periculosiores contrahant errores ob auditam tam insolenti modo euangelicam libertatem, quā prius unquam, quando orbis fermē uniuersus profundo detineretur ignorantie somno.

Tunc repletum est gaudio os nostrum, & lingua nostra exultatione. Homo enim in considerandis diuinis beneficijs sedulus & uigilans, atque illo maximè, quo de ignorantie nube, per sanctum Dei uerbum se sentit creptum, nō potest non summa cum iucunditate lætari animo, ac per exteriores quidem sensus, atque indicia forinseca exprimere, præq; se ferre, quanta intus consolatione afficiatur. Ignauia enim torpentes, inq; Dei obsequio tardi atque inertes, rarò huiusmodi scintillas spirituales, & ignem experientes, quicquid cogitant, quicquid loquuntur, quicquid demum agunt, frigidum est, inane, inconstans, ieiunum, inuile, licet interdū à corde puro, atq; ore diserto, & docto, proficisci uideat. Ardens enim semper esse debet id illud omne, quod diuino numini semel addictum est, ac consecratum. Os in hoc loco ad interiores affectus attinet: nam & animæ sua habent ora, quemadmodum & cætera per transumptionem, membra: alioqui & ad intellectum pertinens: nam per illud primū quidē quæcunq; ingrediunt non continentur hominem: quod exit uerò, ut sunt malę appetentiæ, homicidia, adulteria, furta, & multa his similia, quę ore cordis proferuntur, nō solum cōmaculat animam, sed & occidit. Ab ore enim cordis, ut ait Augustinus, malum & bonum emanans hominem



A hominem uel munda, uel foeda. Proinde furtum, aut meretricia oblectamenta, uel uſuras ore corporis dicere, & nominare, malum eſſe nō eſt cenſendū; uerū dum ea uoluntario motu atque affectu cogitas, uoluptatemq; inde uenaris, pernicioſum, etiam ſi ſileas. Ab iſto igitur interno ore illud maxime uim atq; efficaciam ſumit. Quare hic uates os cordis primū, in quo ſcilicet gaudium potiffimē concipitur, nominat; alterū uerō poſtea. Nam ut dolor ille qui cordis penetralibus inſidet, non poteſt non interdum ſeſe per os corporeū, ſuſpirijs, gemebundisq; uocibus atq; eiulatibus manifeſtare; ita quæ in interioribus animæ reſſibus concipiuntur gaudia, lingua animi interprete, & nuncio, uti ſolent ad ea detegenda, quæ corporeos ſenſus omnino fugiunt. Ait igitur: Facta abs te, ō Domine, à peccatorū uinculis liberatione, ſolutæ uero ignorationis captiuitate, ac fracto mortis imperio, & legis, tunc gaudio atq; exultatione tui ſancti nominis, tuæq; miſericordiæ & pietatis præconio impletum eſt cor noſtrum, os, lingua, guttur, & quicquid tandem in nobis, aut extra nos eſt. Verū ſcleratorum quorundam mores hic recenſere exhorreo, qui ob infinita Dei dona mortalibus collata, blaſphemias impiſſimas, & maledicta, tam bono Domino rependere nō uerentur. Veſtra enim res agitur, ō principes, ſi in tanta Dei iniuria conuiuetis.

Tunc dicent inter gentes, magnificauit Dominus facere cum eis.

Felix ſic; Magnificauit Dñs facere cum iſtis. Non cōtentus uir ſanctus ſuo proprio paſci gaudio, ex alieno rurfus ſe admodum lætari aſſerit. Tanta eſt, inquit, noſtræ liberationis gratia, & donum, ut uel inter publicanos & peccatores, nomē ſanctum Dei celebret, ab illisq; qui haſtenus à Dei regno uiſi ſunt extorres, dicatur: Quam magna proſectō ſunt ea, atq; ſtupenda, quæ in ſuorū gratiā Deus operatur. Vera enim (quod hucusq; ignorauimus) ac uti tantæ conuenit maieltati, dilectione, in populum iſtum afficitur Deus. Magna quidē, quis iam hoc ambigat? & magnifica inter ſuos agere ſolet diuina bonitas. Sic itaque de Dei beneficentia die noctuq; aſſiduus laudibus, etiam in iſtis uulgo triuijs & plateis cani audio. Sic meretrices, ſic peccatores, ſic impura uulgi turba iam demum propalata gratia, ſi non ore pleno, ut queunt tamen, hoc eſt, rudi adhuc balbutie ac ſaliua, tam ſublimem gratiam & liberationem prædicant. Gratia porro diuinæ haud immemor dei paſſancti ſuo cantico celebrauit. Quia fecit, inquit, mihi magna. Cur ſancta uirgo? quia nimirum potens eſt. Sed & forſan quia tu ſancta? Minimē id quidem; uerū quia ſanctum nomen eſt. An tua ad hoc illum impulere merita? nihil minus, ait. Sed quia miſericordia eius à progenie in progenies timentibus eum. Vides ne quomodo in ſcripturis noſtra undiq; cadit iuſtitia & uirtus? Ipſe enim, nō homo, non ars, non ingenium humanum: ipſe, inquam,

Magnificauit Dominus facere nobiſcum, facti ſumus lætantes.

Repetit iſdem propemodum uerbis quæ ſuperiori uerſu dixerat, diuinam ſcilicet bonitatē in ſuos etiam ab his qui longē à ſalutis ſcopo aberant (ſic gentes ante filijs Dei aduentū erant) cognitam & prædicatam. Adeo, inquit, admiranda ſunt illa, quæ noſtris temporibus in electorū gratiā fieri uideo, ut uel athei quidē homines eorum magnitudine moti, uelutiq; extra ſe poſiti, illa hoc modo fateri cogant. Magnificauit Dñs, hoc eſt, magna ſunt & ſtupenda omnino, quæ circa bonorum uitam & tutelam, à Deo optimo, ſummo & maximo peraguntur. Haud certē generis huiusmodi illa erāt, quæ Iudæorū populus, licet electus, licet peculiaris, ſors Dei, hæreditas, uinea electa, & filius dilectus, & eſſet, & ab omnibus diceretur, in ſignis ac portentis expertus eſt. Verē hi dicunt, quod magnificauit Dñs facere nobiſcum, unde quidē noſtra omnis oritur lætitia. Magnū nōne illud fuit, ſtupendum, prorfusq; intellectu humanū, quid humanū dico; ipſam quoq; angelicæ naturæ excellentiā & altitudinē transcendens, Deū ſcilicet ipſummet immortalem,



**C** impasibilem, humanisq; oculis omnino inuisibilem, in suorum gratiam mortalem factum, ærumnosum, uisibilem, sexcentisq; & eo amplius, angustiis, contumelijs, iniurijs, cruciatibus, & ut sic dicam, mortibus obnoxius: Quæ alia, oro, magna, admirationeque digna dici possunt, si hæc non possunt? Quid porro aliud in terris, ullæue in regione, ac mundi climate, tam unquam miraculo simile est iudicium, quàm ea quæ nunc (ô ætatem auream, si cœptis consentiat finis) ipsissimis nostris oculis cernimus, manuq; contrectamus, in electorum gratiam & salutem fieri? Fuit ne unquam orbis adeò in densioribus tenebris obuolutus? Fuerit ne unquam præteritis seculis homines tam longè aberrantes à ueritate, à Deo, à uita, à salute? Legeram equidem, at nunquam uideram, factum repente de cœlo sonitum tantis aduenientis spiritus uehementis, excutientis, excitantisq; ac ineffabilibus deitatis suæ radijs, suos illustrantis, replentisq; totam domum, ubi erant sedentes in regione umbræ mortis. Sed illud super omnia admirabile, ex parua unius scilicet heretici scintilla, pessima sanè, & detestanda, tam uastum inquirendæ ueritatis corda ferè omnium hominum peruasisse incendium atq; ardorem. Adeò ex mala re celestis pater bonum elici uoluit: quemadmodum è rudi saxo, & informi plerumq; mirandum illud diuinæ potentiae indicium, ignem scilicet excuti cernimus. Verum quoniam duo nunc extrema inter sese ualde pugnancia, longissimoq; interuallo ab se diuulsa, tanquam duos inexorabiles hostes, & eorum unumquemq; potentissimum, per orbem uniuersum peruagari conspiciamus, malum uidelicet animarum in multis sectæ eiusmodi studiosè fauentibus: in alijs uerò bonum, diuinæq; gloriæ percupidum: timendum sanè est, utri eorum potius à quamplurimis acclametur. Tenera enim adhuc res est, & quæ facile ad illorum utrumlibet inflecti queat: in meliorem tamen partem casura, si Concilij uniuersalis medela adhibeatur. Expectatur adhuc, utinam non incassum, Proinde quoniam inter sacrum & saxum **D** iacere mundus penè totus conspicitur, uerendum admodum est, orandumq; ac nocteq; ingeminandum,

Conuerte Domine captiuitatem nostram sicut torrens in Austro.

Perge, ait, Domine, à dira nos, sicut cœpisti, captiuitate educere. Parum enim mortalium saluti profuisse arbitror, ab inanimatarum illos rerum, atq; idolorum cultura superioribus seculis ereptos esse, si iisdem modo rebus inferuiant, atque in eandem simulacrorum impietatem relabantur: nisi fortè turpius, atq; adeò periculosius à nobis post agnitam ueritatē peccetur, quàm ab impijs olim gentibus, quibus nondum æquè ut nobis iustitiæ sol effulserat. Hic itaq; à sanctissimo uiro, electas Dei animas, atque animato illi æternæ prædestinationis libro adscriptas, ab impietatis, ignorantiaq; & eterne mortis captiuitate, cuius quidē laqueis miserandum in modum hucusq; deuinciebantur, ad ueritatis lumen, ad fidem, ad pietatem, æternamq; uitam, ac Deum conuerti. Etenim ueram hanc solummodo esse liberationē iudico, à uitiorum laqueis absolui. Alioqui à carceris squalore eximi, aut à tyrannorum sceptro, atq; imperio, in liberiores uitæ statum reponi, nihil propèmodum est, si turpissimis cupiditatibus conspurcatus, uiolentissimo ambitionis Domino, atq; auaritiæ pareas. Ab hisce enim crudelibus manicis ac boiis petenda est primum solutio, ab illis postea. Et quanq; ingenuis animis illud quidem iugum graue est, istuc tamen in primis grauissimum, atq; propterea in ad primum excutiendum. Quod sanè sit poenitentiae cruce, hoc est, uoluntaria in aduersis tolerantia, precibus sedulis, lachrymis, eleemosynis, atq; illis quidem animi affectibus, quibus maxime nobis diuinam conciliamus gratiam ac misericordiam, humilitate scilicet, rerumq; humanarum contemptu, ac despicientia illa, quæ non ab elato animo, sed quæ à contrito, atq; humili corde proficitur. Quanta porro lætitia, ac gaudio, animus sic liber afficiatur, ex his quæ sequuntur facile cōiectare possumus.



A possumus, cum illum hominī in uastissima & siticulosa solitudine, quam hic, ut  
 censet Felinus, torrentē appellat uates, commoranti, cuiq; subiti atq; inopinati de  
 improviso erumpant aquarum dulcium riuuli, suo more comparat. An uero sic  
 repentina aquarum scaturigo sitiēti sit grata, tute qui legis iudica. Dissimili ta-  
 men aliquantisper sensu hūc uersum interpretatur Campensius: Reuoca, inquit,  
 nos ē captiuitate cū eo gaudio & fructu, quo terra sitiens excipit fluentes per eam  
 riuulos aqua plenos. Vides ne hic quā graphice nostræ ætatis imago, & facies,  
 spiritus sancti penicillo efficta sit? Quæ iam solitudo tam arida, tam ē zonæ il-  
 li torridæ coniuncta, aut supposita est, quæ tam sitiat, atq; aquarum appetat fluen-  
 ta; & scaturigines, quā nostris temporibus uidimus à populis appeti, sitiēq; dei  
 uerbi latices: neq; esse tamen, qui ne per cuniculos quidem occultos, ac subterra-  
 neos canales, quantū sat esset aquarū educeret? Ex doctioribus enim unusquisq;  
 suis contentus fontibus (penē dixi lacunis) aut nihil purarum aquarū tradere po-  
 terant; aut si poterant, utpote in ecclesia Dei autoritate summa, ac dignitate cōspi-  
 cui, ex longa tamen defuetudine temporū & corruptione torpentes, uel modum  
 ignorabant, uel rem insolitam afferre pertimescebant. Ex quo quidem illud in re  
 Christiana subreperat malū, quod pro uera, solidaq; pietate, acceptæ iam essent  
 uulgō quædam mentitæ iustitiæ, ac bonitatis umbræ, & somnia, cum homines ut  
 queritur Dominus, tenebras magis quā lucē adamarent. Proinde simulatq; ex  
 alto lux iam oriri cœpta est, fontiumq; uiuorū copia iam satis ampla emanare cer-  
 nitur, optandus is quidem fructus est, atq; ubertas in populis, alioqui siccis, & are-  
 nolīs, quæ arenti agro, & solitudini, ob aquarum fœcunditatē obuenire solet. Au-  
 strum dicit (quantū non melatet ab aliquibus Hēbreorum interpretibus pro au-  
 stro aridum poni) quoniam in meridionali plaga, in qua solitaria admodum sunt  
 B loca atq; inhospita, spirans ē circumiacentibus proximē, longo tamen interuallo,  
 montibus eliquat niues; unde fertilitas etiam in locis rudibus & incultis sæpenu-  
 mero provenire solet. Is enim uentus ab hauriēdis aquis auster dictus, Græcis est  
 Notus, quæ sanē dictio humorem significat: ac apud sacros præsertim autores di-  
 uini spiritus gratiam, atq; abundantiam præ se fert. Nam mortalium uita torren-  
 ti, præcipitiq; fluuiō comparatur: quæ tamen propter ingenitam nobis, seu potius  
 ex longo usu contractam ignauiam, nescientiæ gelu, atq; incredulitatis frigore, &  
 brumæ remorata, in iustitiæ cursu torpescit, & penē in medio ipso sanctarum actio-  
 num profluuiō immoritur, nisi auster ille diuinus, quem ad sui horti fœcundita-  
 tem, fugato prius aquilone, in canticis illis suis amatorijs inuitat sponsa, dicēs: Sur-  
 ge Aquilo, ueni Auster, perfla hortum meum: & afflet, & reporem euehat. Ut  
 enim, quemadmodum diximus, auster per meridionalem plagam transiens, te-  
 pidus redditur, atq; porro ob sui naturā humore calido uiuidus, solet flumina tar-  
 do gelu & frigore constricta, atq; à defluuiō & cursu retardata soluere, ad pronio-  
 remq; fluxum, ut rursus fluant, cōcinnare: ita infidelitatis glacie ac gelu perstri-  
 cta anima, à salutisq; cursu ob superuacanearum curarum frigus, ac torporē uti à  
 Remora sisti solent nauigia, præpedita, per sanctissimi spiritus austrum; hoc est  
 diuinis afflatibus, atq; aspirationibus adiuta, in interceptum iustitiæ cursum re-  
 dire incipit: suumq; periculum aduertens, clamorē huiusmodi cum Psalte in-  
 geminare nō cessat, quò suam Deus tandem captiuitatem rumpere, atq; in tutio-  
 ri portus res suas collocare uelit. Perstringunt enim animam infelicissimis nodis,  
 uastum ueluti Laocoontē fatales illi colubri, malus mos, mala in peccatis consue-  
 tudo, peruersa itē studia, fraudulentie, simulationes, simultatesq; turpia ocia, ille-  
 cebra, & cupiditates: quæ omnia adeò tenaciter nostris iam adhæserunt uiscerib;  
 biles propemodum nexus, tam uē induratum nostræ infelicis nature, turpissimēq;  
 consuetudinis, & frigus, & gelu, ex nobis dissoluere, aut eliquare non ualentes, ad  
 te o Domine, qui nostræ ariditati, nostræ uē solitudini, & deserto, auster es, atq; hu-



**C** mor uiuidus, & salutaris, confugimus; nostrosq; laqueos & catenas expauescentes, si non palam, quia non audemus, at saltem in occultis animæ anxietatibus clamamus, uociferamurq;: Conuerte Domine captiuitatem nostram, sicut conuerti solent in liberiorē cursum torrētes niuib; pleni, geluq; constricti, sed suauissimo austri flatu resoluti. Vides hic, credo, quomodo peccata nos ligant, ac stringunt, quemadmodum aquam, ne fluat, frigus, ac gelu; quo tamen austri flatu resoluta, ad suum illū naturalē illapsum reuertitur fons, per amœnasq; herbidi alvei spondas ruptis algidis illis obicibus properat. Ita sanè spirante sancti spiritus austro, à peccatorū glacie soluitur anima, atq; ad cœlestem patriam per apricas diuinorum præceptorum ripas sua sponte accelerans, hostibus suis formidabilis incedit. Verū quia in eiusmodi cursu labor est: & cum maxime in hisce caducis, labantibusq; trāquillitatis humanę successibus speretur quies, & pax, tum passim apparet crux, ac undequaq; emergunt difficultates, & hæ quidem uariæ, ac sui dissimiles: non propterea tamen abijciendus est animus, neq; à uia iustitiæ, uel parum quidem, declinandus, quoniam

Qui seminant in lachrymis, in exultatione metent.

**D** Est terrena profectio, ut in agris, atq; agellis uideamus, satio: est etiam spiritualis, quæ, ut diuus inquit Augustinus, in lachrymis fit. Quare beatos illos fore asseruit Dominus, qui in luctu uitam ducere instituisse. Beati, inquit, qui lugent, quoniam consolabuntur: quod idem ferme est, quod hic dicit, illos uidelicet in exultatione postea metituros, quod prius in lachrymis seminarunt; hoc est, qui in cruce ob Christi amorem totam uitam egerunt, carnemq; cum eius concupiscentiis, ut inquit Paulus, cruci affixerunt. Infelicissimum enim illud hominum genus esse arbitror, qui cum in carne semināt, id est, cum omnia bona sua in corporeis cōmodis, & uoluptatibus (ueluti semina in campis iaciuntur) & ponant, & statuunt, se in perpetuo quodā uitæ gaudio fore opinantur, cum tamen interim huiusce mundanæ letitię extrema, ut clamat Salomon, luctum occupare non ignorent. Sensus igitur: Illi, cui iam libertas ea, quæ per sancti spiritus austrū fit, cōtingit, summo pericuriandum erit, ne dissoluta gestulatione, leuiq; lætitia, ac euanida, ineptiat: sed in lachrymis potius, singultibus, atq; amaritudine annos traducat. Quis, oro, uel ex ijs maxime qui sponte iam sua boni sunt, à lachrymis tēperare poterit, cū quā longe à recto iustitiæ itinere peccando aberrauerit, cogitat? Quis absq; horrore, luctuq; animi, ignem illum tetrum ac mirē ardentē inferorū, plagasq; & cruciatus, quos breuissimis sibi asciiuit uoluptatibus, ac planè commeruit, animo recensere poterit? Quomodo is miserandæ atq; ærumnosæ omnino huius uitæ peregrinationem, & incolatum, quo uelimus nolimus, habitare cum habitantibus in tabernaculis Chedar cogimur, siccis oculis uersabitur animo? Saxeus enim ille est, ac durior silice, qui, cum flagitia illa intuetur, quorum turpitudine quotidie maiestatem misticis fidei, uel in ipso secretissimo ecclesiæ gremio, diuinā offendi maiestatem conspicit, non effuse lugeat, ac cum propheta illo, suis dari oculis lachrymarum fontem exoptet? Peccat anima, & ea quidem quæ non corruptilibus auro, atq; argento, ut inquit Petrus, sed precioso sanguine agni immaculati, filij Dei, est acquisita, & ego à lachrymis cessabo? Rideant, rideant aliij, proximorūq; suorū peccata ac lapsus ludibrio, ut lubet, habeant, & derisioni: mihi certè huiusmodi uiuendi mos & modus, nunq; Christianus uisus est, sed Getulus potius, atq; omnino impius. Contrā uerò, qui seminant in benedictionibus, de benedictionibus quidem metent eternam pacem, æternam requiem, eternā lætitiā, hoc est quod hic dicit, in exultatione metent, perenne scilicet bonū; præter id, quod in hoc quoque seculo restitutæ religionis optatam uidebunt messēm.

Euntes ibant & flebant mittentes semina sua.

Describit hic uates illos, qui in lachrymis seminantes, atq; suspirijs, gaudium po-



A ftea, & ut pollicitus est dominus, exultationē obtinebunt. Hi quidem ignauiam horrentes ibant solliciti, accelerantes nimirū tanquam peregrini ad patriam, flentesq; portabant semina sua: uel ut legit Abram Ezra, uas seminariū, quod est corpus humanum, quo ueluti quodam animæ uehiculo nostræ feruntur operationes, atq; ante nos ad iudicium præmittuntur. Quis enim ex semine prodire fructū non fateatur? Ita ex actionibus à fide, atq; amore proficiscentibus, æterna solet promereri felicitas, ac beatitudo, nobis alioqui per fidem Iesu Christi, atque eius cruorem, & necem conciliata: ne gloriatur homo, ut inquit Paulus, quasi ex operibus. Peragunt itaq; sanctissimi Dei uiri suæ uitæ cursum non absque summo animi dolore, & mœrore, propter ea, quæ quotidie in honoris diuini contumeliam fieri intuentur, non deficientes tamen interim à cœlestium admonitionum, atque exemplorum satisfactione & cultura. Hos quidem sic admonet Paulus: Nolite deficere beneficientes; tempore enim suo metemus non deficientes. Etenim illud in primis in diuino obsequio requiri asserunt, in uirtutum scilicet itinere satis per se laborioso atque inamœno perstare, nec ab extero quopiā quamuis uiolento, ac concitato motu, à proposito dimoueri. Nam licet animæ illæ, quæ iam propter laborum assiduitatē in spiritus agone, & bello induruerūt, callūm uel obduxerunt, ac ueluti irreuocabili quodāgressu maiore sui itinere peregerunt partem, non possint tum suam tum cæterorū non incusare tarditatē, ac moram, atque propterea & dolere, & ingemiscere: postea tamen in futura, atq; expectata retributione, & præmio,

Venientes autē uenient cum exultatione, portantes manipulos suos. Etest sensus, quasi si quis id dicat, aut cogitet: Quid spei illis erit, qui euntes eunt, ac flent mittentes semina sua? Respondet spiritus: Venientes autem uenient cum exultatione, portantes manipulos suos: manipulos sanè gaudij, & iucunditatis plenissimos, confertos uel exultatione, ac tripudio: haud illos quidem myrrhae amplius in suaues, de quibus sponsa sic in canticis: Fasciculus myrrhæ dilectus meus mihi inter ubera mea commorabitur. Mos enim uniuersalis ferme omnium est, ut per actis agrorum laboribus, collectis uel frugibus, atq; hordeis, nihil sese fecisse existiment, nisi minima quoque rerum fragmenta, ut sunt arborū, uitiumq; purgamenta, stipulas, malleolos, sarmenta, atque huiusmodi alia, in fasciculos iungo, aut uimine constricta, ad locupletiore usum domum referant. Sic sanè beatę animæ cum corporibus adhuc suis colluctantes, uberiores prius sanctarum operationum fructus ante se mittunt. Cæteras uerò fidei reliquias postea cum e corpore migrare cōtigerit, uno confecto manipulo ac fasce, secum deferūt. Et hoc quidē idcirco dictum puta, ne dum qui nunciij tibi ad tumultū præmittendi sunt scire dissimulas, aut recusas, fasciculos, nescio quos, operationū, ne dicam confusionum, post mortem iubeas per hæredes exequi, ac tanquam legatos, rerum uerso ordine, etiam si testamento, uel codicillo, iusiurando quoque addito, illos tibi deplos, nunquamq; desituros offerre actionum bonarū manipulos: illos ipsos, dum in corpore hoc mortali uiuitur, hoc est, dum agrorum labor nos ad aratrum, ad falgamus, præmittamusq; si sapimus, ante nos. Alioqui certè bona illa omnia, quæ salutis nostræ utilia esse & uolumus & desideramus, post pompam funebrem, amittimur, cum per nos exequi possumus, iubere, extremae dementiæ est, atq; ignorantia. Sunt tamen quedam, quæ cum laude à nobis in uita ordiri cœpta, post mortem quoque nos, uti umbra solet corpus, sequi, circumq; sepulchrum, ac cineres uersare expetimus, dignitatem scilicet, honorem, nomen, famam, auctoritatem, liberalitatemq; & id genus alia, quæ extincta etiam corporis præsentia, permanere post nos, in reb, maximè pub, optimè per nos administratis, efflagitamus, & quæ



rimus. Marmorea autē monumenta in uita, aut statuas, & sacella precioso emblemate, atq; assentatorio epitaphio perornata, propterea erigere, ut inde nomē post mortem sanctissimum, quod in uita turpissimum fuit, adipiscamur, superflua cura est: sed ea tamen, quæ famam nostram, ac nomen maculis uitiorū infinitis conspersum, immortale reddat uulgò, alioqui citò, ob antea actæ uitæ rationem, atque odium, desitutum. Vide igitur quid de te tuum istud monumentum moneat.

## CANTICVM GRADVM. PSALMVS CXXVII.



**I**si Dominus edificauerit domum, in uanum laborauerunt qui ædificant eam.

Absq; diuino presidio, atque ope, conatus omnes nostros, Ingenium, artem, industriam, uires, studia, prouidentiam, frustra esse, in hoc Psalmo à spiritu sancto admonemur. Atqui illud potissimū cum à patrefamiliās exoptandum sit, ut commodus familiæ status obueniat: id primum in ipso Psalmi exordio tractari arbitror, cum ipsum cōmodum uitæ statum, domum appellat uates: quamquidem, non tantum corpoream illam speciem quam oculis cernimus, & habitationem, esse credimus, quantum dignitatem ipsam in liberis, in uxore pudicitiam, fidem, rectitudinem, ceteręq; familię & ubertatem, & pacem. Huiusmodi enim domorum ædificia à Deo Iudæorum obstetricibus data, ut in Exodi libro legimus, à doctissimis Hæbreorū uiris accepimus, stabilem scilicet, commodam, ac numerosam familiam. Eò enim mortalium omnium conatus & labor spectare uidentur, ut sit ubi habitet, facultatibus interim, dignitate, honore, atq; honesta familia perornatis. Hæc igitur domus est, quam hic psalter asserit frustra à patrefamiliās construui, ni dominus ipse construat: quanq; quod postea dicemus, mens hominis nūc facta, quæ corporibus solummodo inseruiunt, idcirco cum corporibus breui interiture; illa uerò æterna, ac Deo similis. Vanæ sunt igitur uires uestre, uanę prouidentię, uana consilia, uana artificia, nisi dominus provideat, pro uobisq; uigilet, & uestras formet cogitationes. Et quidem

Nisi Dominus custodierit ciuitatē, frustra uigilat qui custodit eam.

Et hoc uerissimum est, parum ad urbium tutelam, uel excubias, uel fossas, uel propugnacula cetera, & munitiones facere, si dominus pro mœnibus stare, eaq; tutari, & seruare noluerit & ciuitatē, & ciues. Vidimus enim aliquando per ualla, & fossas, pauperum agmina absq; commiseratione in insupportabiles detrudi labores, atq; in medijs ipsis luti aggeribus inedia potius, quàm labore (spectaculum horrendum) consumi, & expirare. Quid sacrarū ediū parietes atq; aras, in murorum ædificia coniectas memorē? quid sacrosancta templorū uestibula? quid columnas? quid ipsa profanis inaccessa sanctuaria ui erepta, ac nefandissima metamorphosi in propugnacula, in arces, in mœnia transformata? Putās ne huiusmodi impietate munitas urbes diutius perstare posse? Quī, quæso, diuinum numen hostilibus tuæ ciuitatis & regni obsidionibus affuturū sperare audes, quod uite prius impuritate, & tyrannide, à tuarum rerum tutela abiecisti? Vī tu, o princeps, Deum ipsum omnipotentissimum ad tui custodiam prouocare? Prouoca tu prius, atq; intra urbis mœnia ad habitandum eos ipsos ciues, si sapias, reuoca, quos à terris iam diu propulso, ad cœlum Deus asciiuit, iustitiam scilicet, religionem, equitatem, in ciues amorem, temperantiam, diuinumq; timorem, & reuerentiā: alioquin nihil est, quod tu tam anxie in comparandis classibus, muniendisq; muris atq; arcibus, te torques, & affligis, si Deum ad rerum tuarum exitium præstolaris. Sed ad propositum reuertamur. Cum enim duplex sit in ecclesiā sinu populus confutatus, alter qui uetus dicitur, alter uerò nouus: de primo quidem prius, qui carnis commodis tantūmodo seruiens, humanamq; rationem sequens, nihil non proprio ingenio tribuit, atq; industriæ, forsan etiam sanctitati, & ut sibi uidetur, prae-



A fectioni, à propheta fit mentio, de altero postea. Nondum enim ille ad meliora ex-  
 perrectus, quippe qui iustitiam suam uolens constituere, Dei iustitiæ, ut inquit  
 Paulus, non est subiectus, ea quæ sint opera, quæ in nobis cœlestis pater operatur,  
 ne per tennes quidem rimulas comprehendere est potis. Cupida enim est admo-  
 dum natura humana, atque maiorem in modum propriæ excellentiæ & uirtutis  
 amatrix. In hoc quidem genere, ut Cicer. uerbis de poëtis utar, nescio quo pacto,  
 suum cuiq; pulchrū est. Huic itaq; ueteri, atq; in uia iustitiæ prorsus decrepito, &  
 oscitanti, à spiritu dicitur: Quid tentas insane? nisi enim Dominus tua consilia,  
 tuos conceptus, tuas operationes, mentisq; domiciliū, ac conscientiæ domū, & ci-  
 uitatē edificauerit, custodierit uē, frustra in uirtutū exercitio, & labore defatigaris.

Vanum est uobis ante lucem surgere, surgite postquam sederitis qui  
 manducatis panem doloris.

Parum secus Hebræi, Frustra, inquit, uobis est, quod acceleratis mane surge-  
 re, quod differtis rursus sedere uescentes cibo erūoso. Monet hic spiritus, ab uno  
 illo benignissimo, in donisq; profusissimo Domino, qui dedit uitam, domūq; ad  
 habitandū, dari etiam absq; tanto nostro negotio, & anxietate, uictum. & est per-  
 inde ac si dicat: Frustraneum est, & nihil omnino, quod tanta anxietudine & la-  
 bore ad operas surgitis, tanto uē negotio uestras uos uobis res paratis, ô morta-  
 les. Quinetiam illud uanum, tam sollicitē diem ipsum, alioqui ad actiones aptum,  
 præuenire, seroq; ad ocium & quietē residere, nisi Dominus affuerit, uobiscumq;  
 simul & surrexerit, & laborauerit. Hunc sensum secutus paraphrastes sic reddit:  
 Nihil, inquit, succedet uobis, etiā si summo mane surrexeritis, & sursum & deor-  
 sum cursitantes sedere recusaueritis, sicut hi, qui summis laboribus uictū parant.  
 Nonnetibi uidetur hic superuacaneam quorundam in comparandis sibi aut re-  
 bus, aut honoribus, curam describi: & tolli etiam? Nec quidem interim de rerum  
 ciuiliū ministris, aut mercatoribus, aut fabris, aut quorundam patrum familiās  
 more mihi dicendum arbitror, qui sanē interdum forensium munerū onere, aut  
 filiorum grege & multitudine oppressi, huiusmodi iure omni sollicitudinē, & an-  
 xiam sibi uendicant curam. Verum quid de illorum in tractandis suorum benefi-  
 ciorum prouētibus, accumulandaq; supellectili, & calore, & avaritia dicendum?  
 Qui ex tenuiori aliquando fortuna, ut uocant, seculari, ad ecclesiæ opulentiam ac-  
 citi, illud in primis profiteri uidentur, ut auari sint, planeq; iniusti, atq; omnibus  
 infensi. Horum itaq; huiusmodi admonitione uellendæ sunt aures: Quō frustra  
 uestre uos trahunt cupiditates: sunt ne hæc bona tanti aestimanda, ut pro illis tu-  
 tandis, aut potius, tanto cum iustitiæ damno atq; iniuria, amplificandis, nomen  
 uestrum religiosum, famam, honorem, dignitatem, uenum exponere non uereas-  
 mini? Nisi enim Dominus uobis meliorem concesserit mentem atq; animum, ad  
 ea magis quærenda quæ sursum sunt, non quæ super terram, actum de uobis esse,  
 & dicam, & iurabo. Non mirum quidem, simulatq; primos ad ecclesiarum gra-  
 dus, & administrationes, illos nonnūq; ascisci uidemus, qui in conficiendis con-  
 tractibus, concinnandis uē ratiocinationibus, &, ut uocant, computis, & litibus,  
 acutiores sunt, licet in spiritualibus negocijs tardī, atque hebetes. Caterum cum  
 nostro interprete ferme conuenit græcus: sic enim habet: Vanum est uobis ante  
 lucem uigilare: uanum surgere postquam sedistis, qui manducatis panem dolo-  
 ris, & erit sensus: O uos qui manducatis panem doloris, panem scilicet ærumna-  
 rum, ut uertunt Hebræi, tinctumq; amaritudine, & luctu: hoc est, ô uos qui uitam  
 in miseria, & periculis ducitis, id à uobis frustra fieri moneo, quod summo mane  
 antelucanis operibus tam anxia cura incumbitis, & postquam quieuiistis, iterū ad  
 reassumendū opus intermissum surgitis: hoc est, qui nec noctu quidē uobis par-  
 citis. Nisi Dominus ædificauerit, custodiuerit uē res uestras, inane est ac cassum  
 quicquid agitis, Sunt & qui piam quandam suam in hoc loco formare solent me-



**C**itationem: quam sanè breuè quodammodo epilogo recensere nō grauabor, nec abrequidem, ac proposito. Volunt enim in hoc psalmo ciuitatem, aut domū, animam esse: edificatores uerò presules, atq; antistites: quibus quidem inanem esse laborem omnē asserūt, nisi ipse eternus purgatissimarū mentiū habitator suam ipsemet sibi uel edificet uel tuteſ, & domum & ciuitatē: & quibus subinde à spiritu dicitur: Vanū est uobis ante lucem gratiæ, atq; instinctū spiritus, ad animarū edificatū surgere, nisi Dominus uos ad tam nobilem, omniumq; difficilissimam structuram, ad quā erigendam summa opus est doctrina, & sanctitate, tum uocauerit, tum instituerit. Retunditur in hoc loco (ni fallor) quorundam superiorū temeritas, atq; inconsiderata, parūue prudens in suscipienda animarū cura facilitas. Semper enim, cum in perdiscenda rerum humanarū arte aliqua adhibendus est delectus, ne inuitis, quod aiunt, dijs rem prorsus inutilem, nostræq; naturæ repugnantem aggrediamur: tum in hac maximè, quæ ob sui difficultatem, atq; excellentiam, ars artū appellatur, adhibendus est. Quare illum, cui eius generis sarcina est imponenda, cuiusq; animus titillatione, nescio qua, preponendi se cæteris afficiit ac pungitur, rem ipsam haud dissimulanter discutere oportet, quo uidelicet animo, quo fine, qua meritorū opulentia, cuiusue spiritus incendio ad illud appetendum, quod diu dumq; inflammeretur. Accidit enim aliquando ut animi leuitate magis, quàm diuinitas spiritus, aut uocatione, aut ductu, moti quidam, rem tantam non solū obuiam, atq; ab alijs ueluti offam Cerbero obiectam acceptent, sed & impudentissimè uergantur & emūt. quos sanè, spiritus sequenti hemistichio admonitos esse uoluit: Surgite, inquit, postq; sederitis, qui manducatis panē doloris. Longa, ait, uobis prius opus est sessione, hoc est, sancto ocio, atq; animi pace, & quiete: à cuius quidē suauitate diutius remorati, ea in silentio, ad pedes scilicet domini Iesu sedentes perdiscatis, quæ postea in cæterorū commodū & salutem, iam ebrii facti, in cellamq; uicariam introducti effundere ualeatis. Alioqui ante hanc lucem atq; inspirationē, uelle ad alienam uitam, informandā surgere, & sese ingerere, animi parū pensibentis est, ne dicam stolidi. Neq; illud rursus ab re dictum putant, quod animarū moderatores doloris panem edere affirmat uates. Siquidem ad illorum maximè officiū pertinere uolunt, non sua solūmodo, sed & subditorum peccata ac lapsus deſlere, expiareq; lachrymis, & poenitentia: alioqui non pastores, non Dei uicarios, non patres, sed mercenarios, ac derisores, simul & irrisos animarum aucupes illos appellandos censent. Flebam, aiebat Iob iustus, super eo qui afflictus erat.

### Cum dederit dilectis suis somnum.

Iam alter hic populus à spiritu in mediū ducitur. Illo enim, qui suæ iustitiæ nimirum fidens est, descripto, ad alterum illum qui bona sua omnia, haud sibi, suæq; iustitiæ tribuit, sed Deo potius, atq; eius bonitati & potentiæ, & quem hic dilectum suum appellat Deus, effigian dū transit, Felix principium huius uersus cum superiori conuenire opinatur, hoc modo: Vanū est uobis diluculo preuenientibus surgere, retardantibus sedere, comedentibus panem dolorum, sic dabit dilecto suo somnum: uel, certè dabit somnū: hoc est, requiē & quietē à laborib; suis dilectis absq; negotio dabit, quā uos tanto studio, atq; tum animi, tum corporis defatigatione, uobismetipsis scilicet, non à Deo, habere contenditis. Solet enim diuina bonitas suis charis ac dilectis omnia ne petentibus quidem, uerū in utraq; aurem dormientibus, ut est prouerbiū, abundanter suppeditare, & est perinde, atque dicat: Quid est quod tanta animi anxietate & labore horsum sursum cursitantes curam uestris quæritis? Sinite iam tandē ô curæ terris anime, Dei prouidentia suas pariter agere: nam quemadmodum sine ipso factum est nihil, ita nihil omnino ducentium, quod uos uestro tam anxio studio & labore agere molimini, nisi ipse egerit actumue seruare decreuerit. Vidēsne quam de suis curam habeat Deus: quantum eos faciat: cum ne cogitantes quidem, aut multū elaborantes, donorū cumulo ditare soleat: ad illos uerò, qui proiecto pudore, atq; æquitate, toti sui sunt, uel in ipsis



**A** immensis suis laboribus uitam efflantes, ne oculum quidem uertere: Nihil solliciti  
 suis, inquit, dicentes, quid manducabimus? aut quid bibemus? Scit enim pater ue-  
 ster celestis quid opus sit uobis. Verumenimvero oscitantiam, aut torporē hic  
 à spiritu probari haudquaquē ducimus; nam sui per similes celestis ille opifex expe-  
 tit, suaq; dignatur beneuolentia: qui licet die septimo ab omni opere quod patra-  
 uerat requieuerit, usq; modò tamen, ut diuinus scribit Ioannes, operatur: neq; uel  
 tantillum temporis (si fas est temporis nomine in illa æterna natura uti) à sui opifi-  
 cij cura, & moderatione cessat. Iusti enim quanq; perpetuò, etiam in hoc mundo  
 alioqui solitudinū plenissimo, superuacuas non admittant curas, ex quibus in-  
 quietū omnino eorū cor reddi possit atq; intellectus, in negociosissimo tamen uer-  
 sanē sabbato. Non quidem torpēs est diuinus spiritus, sed uiuax: quiq; celestes,  
 uiuas, ac cōcitas, in corda uegeta, atq; in Dei amore flagrantia iaculari soleat & fa-  
 ces, & flāmas. Quarū quidem per uisionem excitati sanctissimi uiri, nō possunt non  
 uicem diuino amorī rependere, proq; igne ignē in operationibus referre. Requi-  
 escunt sanē semper ab omni opere suo, quod sapiat scilicet amorē propriū, quodq;  
 sibi ad blandiā, manum ue propriā, ut ait Iob, ex osculet; uerū ardentī quod an-  
 acmiro, planeq; diuino instinctu atq; impulsu, patris opus cū ipso patre simul ope-  
 rantur. Quicquid enim fidei illius, ē cuius radice optime tantūmodo erumpere so-  
 lent, uti ē uite gemmę aut fructus, operationes, in se esse cognoscūt, id totū libentis-  
 simē Deo acceptū referūt, fatentes quidē, quod neq; qui plantat, neq; qui rigat, ali-  
 quid est, sed qui incrementū dat Deus. Sic itaq; dabit Deus dilectis suis bonorū sa-  
 tietate cum quiete, & facilitate ea, ut illa dormiētibus obuenire uideant; laboresq;  
 illorum nō labores, sed somnus potius ac sopor, & is sanē quietissimus, censeant.

**B** Ecce hæreditas Domini filij, merces fructus uentris.

Canit hic psaltes, ac docet, qui sint dilecti illi, quibus somni metaphora super  
 rius cuncta cum quiete cessura asseruit: Domini scilicet filij, quos tam charos hæ-  
 bet, quā bona hæreditaria inter homines haberi solent. Maximæ enim curę sem-  
 per fuit apud homines patria hæreditas, quæ quidem, nisi in extrema rerum in-  
 opia, ab hæredibus, absq; turpi infamia, atq; ignominia, à paterna domo abalie-  
 nari potest: quò uel hinc perdiscamus, quā nō libenter à patre optimo atq; aman-  
 tissimo nostri Deo, abdicemur. Ius enim illud in nostra iam factū est potestate, ubi  
 in domo filij manere in æternū à sanctissimo accepimus Euangelio: seruū uerò  
 non ita. Atq; illi quidem sunt uentris, ecclesiæ scilicet ac fidei fructus. Hunc enim  
 uentrem meliorib; bonis, quā sint terrenarū rerum facultates, grauē, ac fœtum,  
 ob morū candorē, doctrinæq; puritatē, eburneū uocat sponsus in Canticis. Quis  
 hic malus suam non defleat ingratitudinē, qui postquam tam amantissimis appel-  
 lationibus atq; elogijs, dilecti scilicet, hæreditatis, filij, fructus, à celesti patre est  
 dictus, peccando tamen sese ingratisimis ausibus, ab ipso patre, à uita, à Deo, uel  
 inuito, ut sic per excessum dicam, diuino proposito, & uoluntate, euellere cona-  
 tur: Merces enim in hoc loco Hebræis est potius donum liberum, atque ingenu-  
 um, quā merces debita: & est ferē idem significans repetitio cum superiori, ut  
 idem sit filium esse, ac uentris fructum: rursus hæreditatem idem cum mercede,  
 Quare optimē à paraphraste est redditū hoc modo: Ecce, inquit, hæreditas quā  
 Dominus dat, filij sunt, & præmium præcipuum, fructus uentris. An uerò donū  
 præcipuum sit, apud homines præsertim qui rei uacant uxoriæ, honestatē, & ut  
 uocat Paulus, immaculato toro dant operam, habere liberos (de liberorum gre-  
 gibus per clericorum aut sacerdotum cellulas uagientium, aut in suę pellicis gre-  
 gio uidente quoq; uxore ludentium, negarem hic à spiritu dici, nisi huiusce fœctu-  
 ræ homines, uel usque ad summū totius orbis apicem erectos, & uidissem, & uti  
 maximum fortunę ludibrium exhorruissem) hī scire possunt, qui hæredem alie-  
 num, & quem fortē rerum suarum ingenti cum periculo, & tum animæ tum cor-  
 poris iactura comparatarum, prodigum, subitūq; decoctorem præuident.



**C** Sicut sagittæ in manu potentis, ita filij excussorum.

Suo more uates similitudine utens, filios affabregnauos, optimeq; institutos, & morigeros, sagittæ à ualida potentissimi uiri manu è neruo emissæ, ob illorū agilitatem, atq; in feriendo certitudinē, comparat. Excussorū nomine in metaphora perseverans utitur. Sagittas enim ab arcu eiectas excuti, seu excussas dicimus. Ita filij olim ex Iudæis incredulis credētes, atq; ex spiritu & aqua renati, à reprobis parentibus, à diuina scilicet luce abiectis, excussisq; uī quadā in naturā ipsam saeuiente amoti, atq; euulsi, citissima celeritate atque impetu, tanq; scintillæ in harundinetis discurrentes, hostiū fidei corda alto uulnere fauciarunt, hos quidem ad intercessionē, illos uerò ad uitam. Non defuere tum planē, ut nunc etiam non desunt, uel ex excellentioribus ingenijs, qui audita ab ipsis idiotis uiris, prorsusq; infantibus ac rudibus ueritate, indignati magis in antiqua perfidia induruerūt. Fuerunt etiam quorū mentibus alterius generis uulnus infixū, contra naturā uulnere, ab antiquis illos uitiorū plagis, ac putore sanaret, uiuidamq; conualescentiā, hoc est, spiritus libertatem, reclamantibus quoq; excussis illis scribarū ac pharisæorū turbis & monstris, obduceret. Deo, inquit Paulus, gratia, qui semper per nostrum triumphum agit in Christo Iesu, ut odor simus alijs quidem mortis ad mortē, alijs uerò ad uitam. Vides, ni fallor, ex his unius excussorū filij non prorsus idiotæ uerbis, duplex, sed longe diuersum ab sese uulnus. Ex Hebræis tamē quidā pro filijs excussorū, filij iuuentutis reddunt, seu filij adolescentiarū, ut uult Fel. Nam uetustate, senectuteq; legis à ceruicibus nostris per robustissimos in spiritu iuuenes, licet mūdo debiles atq; imbecilles, Christi discipulos, excussa, longeq; proiecta, nihil iam in religione, atq; academia Christiana, & doctrina, uetus est, ac senio affectum: sed uegeta omnia, uiuida, robustaq; sunt, ac succi plenissima. Quā obrem pro populo ueteri nouus subrogatus est, qui senescere nō nouit, sed quotidie magis in spiritus adulescentia repuerascit, atq; de die in diem, ut inquit Paulus, renouatur. Ecce, ait Dominus, noua facio omnia. Nec satis quidem fuit olim nobis alio, qui natura ad malum pronis, antiquū illud oneris, ut uocat Esaias, iugum, aut scilicet primum exactoris superasse in die Madian, nisi & quotidie nostra, ueluti aquilæ innouetur iuuenta, in diesq; magis paruulus ille qui natus est nobis in mortalitatis mis reformetur, crescatq; ut monet Paulus, in uirum perfectum: hoc est, in perfectiorem, quā hucusq; actum est, uitæ statū, deposito peruersę consuetudinis senio, & uetustate: seu serpentium more, antiquo abiecto cortice, ac pelle, noua in Christo, ut ait Paulus, simus creatura, cui quidē innouationi nostra hæc cura hæc ab æterno illo diuinæ prouidentia decreto destinata. Tantū illi, quibus hæc uidetur incumbit, non torpescant, ac leporē, quod aiunt, expectatū insequi nō recusent. Videor enim uidere omnium animos ad ueritatis amissæ recuperationem intentos: modò non desit, qui uiam præmonstret.

Beatus uir qui impleuit desiderium suum ex ipsis, non confundetur cum loquetur inimicis suis in porta.

Hebræi, quò sagittarum metaphoram seruarent, pro desiderio, pharetram interpretati sunt, Sic Fel, sic ceteri Hebræorum interpretes. & est, ac si dicat: Beatus planē uir ille erit, cuius domum talibus filijs, robustis scilicet, moratisq; ac mira dexteritate, prudentiaq; præditis, impleri contigerit. Summā in terris hanc esset felicitatem opinantur homines. Qui enim huiusce generis, atq; excellentiæ cum horis filios, quomodo pudefiet, aut pertimescet, cum loquetur, contenditq; cum hostibus suis in porta, hoc est, in iudicio? Conuentus enim atq; iudicia, in portis per antiquos patres haberi consueuerant. Quare portas, quod aliàs me admonuisse recolo, pro iudicijs, comitijsq; forensibus in scripturis, haud raro accipi legimus. Eutymius monachus super hunc locum interrogat. Ex ipsis? quæ ipsa? quæ superius, inquit, memorata sunt, quòd sanctæ ciuitatis constructio perficiatur, quòd



A quòd ab omni perturbatione requies detur, ac pax, quòd multā prolem suscipiat ecclesia, quodq; alia dona recipiat. Vides quæ desideria in fideliū animis inesse oporteat: Qui enim eiusmodi curis ac uotis sua impleuerit desideria, cordisq; abdita castissimis occupauerit appetentijs, non confundetur sanè, non repulsam, cum negociū illi fuerit cum hostibus, in porta referet: hoc est, in iudicio illo uniuersali, uel in priuato quoq; uniuscuiusq; obitu, per quem ueluti per portam ad immortalitatem statum transitur, constans, atq; ad hostiū accusationes intrepidus persistet, quippe qui rationes suas omnes iam antea, cum sanus esset, uitamq; in uirtutū adeptione laborans, sudansq; exercuerit, optimè cum Deo uirtutū omnium erogatore instituerit. Is itaq; cū caducis hisce rebus corporeis per mortem concedere iubetur, non potest non sanctissimè, cum in sanctissimis uixerit desiderijs, è uita emigrare, iam primum quidem conceperat animo, nihil in re præsertim salutis humanas uires, ingenium, conatus, studia, quamuis sublimia, uulgaresq; doctrinas excedentia, subsidij afferre posse, nisi Dominus edificauerit, custodierit ue dona sua, ac beneficia. Deinceps à spiritu eruditus iam probè nouerat uanam quietem nostram esse, uanum ocium, uanum itē laborem, uanas curas, uanum quicquid agimus, quicquid cogitamus, quicquid animo molimur, nisi dominus nobiscum fuerit, nobiscumq; illud, utpote qui omnibus animæ motibus atq; actionibus uelle, perficereq; instillare non cessat, & egerit, & perfecerit. Neq; id quidem postremo sic affectam animam latere potuit, quòd cum dilectis suis dederit somnum Deus, requiemq; à curis omnibus humanis & sollicitudinibus præstiterit, præstò aderit hereditas Domini, hoc est, ipse filius Dei, qui nostra est hereditas, nosq; ipsius. qui quidem in porta, iudicioq; illo supremo, iudex omnium factus, molestissimo imperabit hosti, Sile tu perfide. Vos autem hereditas mea mihi, percipite regnum uobis ab origine mundi decretū, atq; à cœlesti patre præparatum. B est qui pro uobis exactè soluit, postquam uos non eratis soluendo, filius Dei uiui, qui cum patre ipso, ac utriusq; spiritu regnat Deus in secula seculorum, Amen.

## CANTICVM GRADVM. PSALMVS CXXVIII.

Eati omnes qui timent Dominum, qui ambulant in uijs eius.

Bona profectò corporea, quæ media appellamus, idcirco mortalibus à cœlesti parente elargiuntur, ut omni superuacua ex animo reiecta cura,

ra, & solitudine, quietius ad ea cōtemplanda, quæ uera bona sunt, atq; expeditius parati sint; quanquam, nescio qua sorte id accadat, quod ea in primis & querimus, & amamus, quæ iure omni tum humano, tum diuino, in secundis haberi oportuerat. Quotus enim quisq; est, & ex illis quoq; qui ecclesiastici, singulari

quadam religione appellantur, & se uideri cupiunt, cui non magis uitæ cōmoda, atq; delitiæ curæ sint, quàm quomodo paucis, minimisq; contentus, illam in terra degat uitam, quæ angelica potius quàm humana dici queat. Eò enim iam no-

stra paulò ante de uenerat religio, ut is solus in rebus pub. in regnis, in urbibus, in ædibus etiam sacris, & felix, & beatus uulgò censeretur, atq; propterea magis ho-

noraretur, cui ampliores erant fundi, maior armentorum numerus, ædificia ædi-

tiora, preciosior supellex, ærariusq; copiosior, atq; animus ad appetenda illa quæ nunquam satiant, ardentior, & sagax magis. Ex quo illud potissimum Christiana

in re ortum habet uitium, atq; error, quòd aut nulli, aut pauci ex his, qui hoc munda-

doutuntur, ut monet Paulus, tanq; non utentes, sapientes scilicet qui sunt, aut, ut illi magis, qui aut sese totos quicquid sunt, abiecto pudore, saluteq; animæ negle-

cta, ac plenis, ut aiūt, uelis, in sui principis gratiā & cōmodum, æternis cruciatibus deuouēt (ut olim Decij illi, fortissimi quidē uiri, pro sue reipub. salute egere; quan-

quam himelius, atq; honestius occubere, utpote qui pro omniū ciuiū suorū salu-

te propriā deuouerūt: nostrates uerò quid? pudet literis ea mādare quæ æterna no-

stram religionem forsā afficient ignominia, & cōtumelia: dicam tamē ex nostris



**C** multos haud iam in ancipitē terræhiatum, ut quondam Q. ille Curtius, sed in certissimam atq; aeternam mortē, & suam, & ceterorū ciuium, quantum in illis fuit, salutem deiecisse, ob rem quidem nihili, quam sanē impresentiarum silentio præterire malui, quàm rem unam tam crebrò inculcare) aut nihil non agunt, quò ex alienis incommodis ac damno, suas res, aut liberorum augeant. Vnde lachryma-biles illi infelicis turbæ à proprijs laribus, à focus, à tectis, ab agris etiam ipsis paterna uieiecte, per urbium triuia audiuntur ululatus, ac gemitus. Ex qua quidē crudelitate illud maximè contingere est necessarium, quòd ciues aut sedes alias extrapatriam sibi parandas cogitabūt, aut perpetua ærumna miseri intra ipsissimos sue patriæ terminos incertis sedibus & domicilijs peragrabunt. Verū hæc, dum aliud agimus, per excessum sunt dicta. Impossibile enim est aliquando satyras non scribi, ab ingenijs præsertim illis, qui nihil in uita tam auidē cupiūt, quàm quòd orbis uniuersus flamma, non iam cupiditatū, atque auaritię, sed mutue charitatis, beneuolentięq; principum in ciues, uicissimq; in principes ciuium deflagret, quòd elogiū istuc propheticum de cunctis in ecclesię sinu commorantibus dici possit: Beati omnes qui timent dominum, uel, ut reddit Hebræus interpres: O beatos omnes qui dominū colunt: non aurum, non scortū, non se tandem. Et in uijs eius ambulant. In alio enim psalmo initium sapientiæ, hoc est, ueræ cognitionis exordium esse asserit timorem diuinum, quo homo, animal alioqui durum, atq; arrogans, ad eius opera, & iudicia trepidet, ac moueatur. Sanctum quippe est, terribileque, ac uenerandum nomen eius, quocirca metuendum. Sensus igitur: Alij eos beatos appellare soliti sunt, quibus amplæ diuitiæ, forma, dignitas, honor, pulchritudo, humanarum, diuinarumq; rerum scientia, ac notio, principum fauor, magistratus, sublimesq; & primi in rebus pub. gradus, atq; eius generis alia, quæ nobilitatem quandam plusquam humanā præ se ferre uidentur, cumulatissimè insunt. Nos, ait uates, illum solum, licet mundo despectum, ab illoq; male habitum, uerè felicem ac beatum esse ducimus, qui timet dominum, atque in iustitiæ semitis, quæ sunt uiæ eius, graditur. Et quia, sicut scribit Lucas, non est personarum acceptor Deus, sed in omni gente quæ timet Deum, & operatur iustitiam, acceptus est illi, propterea in ipsa statim fronte psalmi, atque exordio, uniuersalem affixit dictionem, omnes scilicet: ne hic nobis persuaderi patiamur, particularium duntaxat hominum Deum esse, & non omnium, quod sanè contra illos uidetur esse, qui ex solo Dei proposito, & uolūtate, absq; humano aliquo arbitrij subsidio, atque ope, electos saluari disputant. Verū aliud nunc agimus: id quidem, quòd beatos illos omnes esse affirmamus, qui plus quàm humanā, diuinam timent, ac uenerantur præsentia: & qui nec in superiorū suorum gratiam, quam uis potentium ac formidabilium, eò uecordiæ deueniunt, ut à iustitiæ itinere uel tantillum quidem declinent. Quare nunquam bonis illa uisa est ingenuo digno animo uox, qua quis turpiter, atque iniuste magistratum sibi aut à principe, aut à repub. aut etiam à nescio quo euentu & casu de mandatum exercet, pro scuto utitur, dicens: Sic iussit princeps, sic rex, sic præful. Diuina enim maiestas, quod alias quoq; diximus, imperatoriæ non est subiecta, multò uerò minus tyrannicæ. Ceterum ambulare in uijs domini, nihil aliud esse scribūt patres, quàm in cunctis nostris & cogitationibus & actionibus seruare iustitiam, quam perfectam mandatorum Dei obseruantiam, & cultum esse diffiniunt. Tantum enim porro abesse debet, ut proprij amoris uisco impediti, nō in uijs Domini, sed in nostris potius, quæ prauæ sunt, atq; ad interitum pertrahentes, libenter ambulemus, ut etiam quicquid in nobis est, quod nostrū uidetur, abijciamus, nedum uias nostras, quæ multarum cupiditatum spinis obsitę sunt. Abijt uagus, inquit Esaías, in uia cordis sui. Et, quàm uilis facta es iterans uias tuas.

Labores manuū tuarum quia māducabis, beatus es, & bene tibi erit.  
Pulcher



**A** Pulcherrima, ut sic dicam, deductione utens propheta, tota animi fiducia illum asserit, qui timet Dominum, atq; in uis eius ambulat, beatum in primis esse, eternæq; uitæ securum. Deinde nec corporea hæc quidem bona illi deesse posse. Laborabis, inquit, manibus, ô tu quisquis es talis, uti sanctos decet: ceterum uerò tuam Deo relinquant uelim. Laborant alij, sed frustra sæpenumero, partisq; non absq; maxima animi molestia, atq; erumna utuntur. Hi sunt enim quibus ne diuitiarum quidem oceanus sedaret habendi sitim. Soli igitur qui timent Deum præsentibus cōtenti sunt, summaq; animi tranquillitate, ac quiete, rebus obuijs, quantumcunq; dederit Deus, uti solent. Semper enim illis bene, beateq; & feliciter omnia euenient: quia quicquid fors rerum attulerit, illud omne in suum pertrahunt gustum & commodum. Quomodo, quaeso, sui curam Deum non habere exposcunt, cum sibi à diuino spiritu præceptum illud esse non ignorent? Time, inquit, Dominum omnes sancti eius, quoniam nihil deest timentibus eum. A timore igitur hoc casto, ac uenerando, omnis mortalium omnium felicitas, ac beatitudo, hoc est, tranquilla perturbationū, appetentiarumq; sedatio emanat, pignus scilicet atq; arrhabo futuræ uitæ, quæ sane abscondita est, ut inquit Paulus, in Christo Iesu: quo adepto anima ueluti in fine proprio conquiescit omnino, neq; aliud ultra querere aut uult, aut potest. Proinde haud mihi quis hic dicat, beatitudinem quidem in Christo nobis promissam ad futurum uitæ statum pertinere solummodo, non ad præsentem, cum impossibile iam factum sit ob assiduas affectuum commotiones, ac tumultus, animam prorsus conquiescere, sedariq; omnino. Non infior equidem illic perfectissimam esse beatitudinem: hic uerò in perfectionis desiderio atq; conatu sudare animam, niti, instare, quod quidem exercitium, aut laborem, beatitudinis nomine dignari non incōueniens erit. Quare non immerito uirum sic affectū alloquitur Psalter: Beatus es, inquit, postea uerò, benetibi erit: hoc est, in utroq; uitæ statu, licet non æquo gradu, felix eris, ac beatus. O beatū, ait Cam pensius, & felicem te: sic enim quæ labore manuum tuarum paraueris, frueris: quam præsens hæc ætas ad exercendas solummodo uires animi apta uideatur, atque ob id potissimū à Deo opifice maximo mortalibus concessa, ut in sudore uultus uescamur pane: futura uerò huc spectare uidetur, ut ea quæ hic maximo cum labore acquiruntur, æterna pace, in Deo summo rerum cōditarum bono ac fine, perenni q; felicitate, ac beato gaudio possideamus.

**V**xor tua sicut uitis abundans, in lateribus domus tuæ.

Illud enim quod maximè in uxore expetunt uiri, fecunditas est: quam quidem felicissime marito illi, qui timet Dominum, contingere promittit uates. Verum quid interim de illis censendū, qui, cum in timoris diuini studio, atq; exercitio die noctuq; uiuunt, uxorem tamen interdum sterilem, & quo magis sese excruciant miseri, impudicā, rixosam, atq; adeò immorigerā, ut Xantippem dicas, in patrijs domibus alere coguntur: Ex duobus enim, alterum diffiniendum esse arbitror: aut illud quidem, quod non timore eo, quem uiro perfecto conuenire par est, afficiuntur: aut, quod magis placet, de alia uxore, quam quæ mortales pariat liberos, intelligi oportet. Sapientiam hanc uolunt esse, de qua quidem legimus: Ama sapientiam tanquam sponsam, & ipsa amplexabitur te. Illa uero: Ego quasi terebinthus extendi ramos meos. Sed quemadmodum uitis, quæ natura caduca est, nisi alieno adminiculo, quod clauiculis illis suis complexa quasi manibus serpit, fulta sit, ad terram fertur: atq; propterea sterilibus malleolis, sarmentisq; luxurians syluescit facile, ac per omnes partes nimium sui prodiga funditur: ita huius effigiem, rerum diuinarum cognitionem, quam sapientiam appellamus, secum ferre arbitror: quæ nisi à timore, ueluti ab ulmo uitis, aut fraxino, subfulciatur, in aridos sepe pampinos leuitatis, atque arrogantiae desinit. Huic uero nixa, atque apposita, sit sicut uxor uberrima coniuncta uiro, aut sicut uitis arbori innixa.



**C** Diuus enim Augustinus, uxorem hanc feracē, ecclesiam uult esse. Alij animati, quæ timori diuino, tanq̃ uiro nupta, uberrimos ex sese sanctorū desideriorum, atq; affectuum emittit fructus. Non displicet tamē, quò ad assequendam huiusce timoris gratiam magis accendantur mariti, uxorem illam in hoc loco intelligi, cui in sui peccati multam, sub execratione est dictum: In ærumna & dolore paries; ut uel hinc quàm longe à Dei timore absint, perdiscāt, postq̃ fertilitas illa in sua uxorē desideratur, quam timentium Deum uxoribus dari non dubitāt. In lateribus domus addit, quò liberorū copiam in lateribus omnibus, atq; angulis ædium undiq; uersari sentias. Quid si uideas huiusmodi fecunditatem liberorum in uxoribus Deum haudquaq̃ metuentiū; num ob id reprehendendus est Deus: num donorū liberalitatē, uel in immeritos, in liberalissimo Domino carpere audes: num quòd se timentium uxoribus pollicitus est dare, nō timentium negabit? Tu enim, si sapias, Deum time, atq; eius uoluntati pare, & obsecunda. Cætera uerò quæ tibi est pollicitus, si ex usu tibi erunt, dabit, tantum non Dei iudicia nimio festino appetitu nostro anteuertere cupiamus.

Filij tui sicut nouellæ oliuarum in circuitu mensæ tuæ.

Solent enim parentes, post anxiam rerum uel domesticarū uel publicarum curam, è foro domum redeuntes, extra limen ad tempus negocia omnia relinquere, quò tranquilliori consuetudine, atq; ocio, curis uacui, cum reliqua familia cibum sumant. Accurrit primum uxor, si non gressu, animo saltem; serui, ancillæq; festinant, lectos sternunt, apparant cibum, & pro se quisq; sedulo facit, quò Domino fiat satis. Verū pater nulla alia à domesticis tam afficitur consolatione, quàm si numerosa liberorum copia mensæ, dum pascitur, circūstet. In his enim (modo pater sit) oculos, mentem, animum, affectum deniq; omnem atq; amorē, fixum habet.

**D** Putās ne mediocre hoc donum esse dei? Aiunt enim patres hanc omnium maximam esse consolationem, ueram, & quæ inter alias cor magis tangat, atq; afficiat. opinor equidem; sed eam omnium maximam in homine illo, qui ob liberorum commodum atq; amorem, timorem Dei omnem abiecit, esse non iudico. Impossibile enim omnino est, cor illud, quod prius equitate, iustitia, timoreq; illo, de quo nunc loquimur, non affectum sit, uero ac solido affici gaudio. Non (crede mihi) animum impiū, uel ipsa tota, quantāue sit fortuna, & faulrix, & prompta, cum cor nū illo suo rerum omnium bonarum copia referto, atq; si lubet exundanti sedare potest, ueraq; oblectare lætitia & consolatione. Cum recolit animo quàm periculosa res sit, quàm ue odiosa, aliena rapere, filijsq; ex aliorū fundis atque agris, diuitias parare, non potest nō miserrime uiuere; ex præteritisq; periculis edoctus, non potest, ne dum capiti proprio, uerū etiam filiorum, totiusq; posteritatis salutem non maximopere timere. Hunc igitur nuncq̃ dixero felicem, sed miserrimum, miseris amq; suis posteris comparantem. Huic ne dicam astare posse filios tanq̃ nouellas oliuarum plantas, uirentes scilicet, atq; intuentiū mirē oblectantes aspectum? Verū, ut ad sapientiam reuertamur, ea est uxor, quæ in lateribus domus nostræ, hoc est, in omni parte animæ elegantissimos effundit foetus, ac liberos, qui sunt, honesti motus, castæq; appetentiæ, atq; unde quaq; ad iustitiæ librā ponderata consilia. Hac enim similitudine mirabilem exprimere uoluit Psalter delectationem, quæ maximè ex actibus à sapientia profectis afficitur uir sapiens. Circumstant igitur atq; immenso oblectant gaudio, ueluti lautè instructā mensam, cor sanctissimi illi affectus, ac motus fidei, qui à sapientia producuntur: nam absq; sapientiæ dono, legitimi filij, sancta scilicet opera, atq; uti in oliueto plantæ sunt semper uirides & aspectu gratissimæ, usq; uirentia, oblectamentumq; præstantia, à fide exire nequeunt: ita neq; à sapientia, absq; fide. Vtraq; enim, & mensæ, & uxoris nomen libi uendicat. Quid ergo?

Ecce sic benedicetur homo qui timet dominum.



ut ait spiritus, defleat. Ad dexteram quidem defleat, quæ fastu superbiæ insolens, primū imitatur angelum: ad sinistram uerò, qui ludam domini proditorum, ob animi desperationem. hæc enim facilè in aduersis frangitur, succumbitq; peccatorum oneri, ignorans misera cuius bonitatis is sit quem toties peccando offenderit: illa autem secundis inflata rebus, sibiq; ob merita, non Christi, sed sua adblandiens, molitur nescio quas excellentiæ formas, etiam non aduertens: quibus facile persuasa, in id sanè impietatis genus delabitur, ut uita saltem, si non ore, de se illud iactitet, Similis ero altissimo. Arrogans enim sibi quispiam aliqua in republica aut regno dominium, legumq; antiquarum abrogationem & contemptum, ius item alias sibi condendi nouas, necesse quidem est quòd is aut rex sit, aut regnum affectet, contempto rege. Ita sanè anima in superbiæ semel fauces coniecta, sacram in primis contemnit legem, legisq; autorem, atq; propterea eos omnes qui eiusdem legis studiosi sunt. Vnde à uero cordis alimento, quod est uerbum Dei, sua se sponte subrahēs, aliud actutum quærīt ex sese, quod propriæ excellentiæ affectum & amorem appellari consentaneum erit: quo quidem uel summis labijs degustato, mirum quàm insolenter sese efferat, se amet, se palpet, sibi tandem & cæca & stupida miserabiliter imponat. Cæterum ab anima sic affecta, sic cæco præpedita iudicio, quid aliud sperandum censes, quàm fastum, quàm arrogantiam, quàm superbiā, quàm ambitionem, quàm Dei contemptum, atq; ob id magnitudinis propriæ & excellentiæ desiderium? Talem igitur affectum ac pedem in se uenire deprecatur uir sanctus: & ne id quidem solū, sed eos omnes qui tali gradiuntur passu, ad sese accedere non permittat ille qui superborum colla, ut ait quidam, propria calcauit uirtute, instantissimè rogitat. Quare sic reddit Paraphrastes: Non perueniat usq; ad me pedibus suis superbus. Periculosissima sanè res est, cum istiusmodi hominum genere necessitudinem habere, qui se admodum mirantur, se prædicant, ac sese ob animi intemperantiam cæteris anteponunt. Nullus quippe error est, in quem non prouat uir superbus ac se amans. Et manus peccatoris non moueat me. Fel. uertit: Et manus impiorum ne amoueat me. Volunt hîc quidam spiritum de his innuere, qui cum mali sint, fingunt se bonos, ac per mentitam quandam sanctimoniam aparentiam uulgi iudicium aucupantur. Alij de obrectatoribus sermonem esse existimant, quorum impudentia ac ueneno, adeò frequenter atteruntur boni, ut penè interdum ab incœpto uitæ instituto relabantur, uicti nimirū à tam diro morfu ac dente: uerum innocentia suo contenta testimonio, Deoq; nixa, huiusmodi rerū facē ac luem animosissimè tolerat, ualidoq; graditur incessu in uia iustitiæ. Alij rursus de adulatoribus dici opinantur, quibus & ego assentior. Non me, inquit, à uia Dei, à uita, ab animi rectitudine, mellitum istud adulatorum genus amoueat. Nulla enim maior potest esse pestis in optimatum ædibus, atq; amicis, omnia assentari. Quid agat tunc princeps, cum in istius generis inciderit familiares, qui nihil æquè in obsequijs, in sermonibus, in actionibus, familiaritq; cum principe conuictu curant, quàm quomodo, quicquid ille agit, approbent, extollantq;, ac crudelissimè tam bono domino imponant? impossibile nempe est, talem principem à uia Dei nō deflectere: qua quidem amissa, quò infelix sua dirigit in moderandis populis consilia? quid boni, quid quod sapientiā referat, expetere unquam poterit? Cadat igitur oportet in uastum errorum barathrum princeps, cui qui uerum dicat, non inuenitur. Verumenimvero ut detur principem aliquando aut Regem, propter adulatorum frequentiam posse falli (quam certe non uideo, cur improbis, nuperrimisq; magis ciuibus, quàm probis, Ecclesiæ uerò prælatis quis tam fœdum nō excretur lapsum? Cæterum utcumq; is uersus accipiat, illud pro comperto est, uatem hîc improborum uim ac proteruitatem, per pedem superbiæ, manumq; peccatoris significasse, quorum quidam casum ac ruinam præuidens, mox addidit:



**C** ibi ceciderunt qui operantur iniquitatem, expulsi sunt, nec potuerunt stare.

O horrendum iudicium. Sed ô nostram quoque detestabilem in tolerandis aduersis teneritudinem. Clamat quippe lex, clamant prophetae, clamat ipse à summo empyreo Deus; non diu sua in illa mentita felicitate consistere posse improbos: nihilominus tamen, cum infelices eorum quotidie intueamur exitus, obsecundas illorum fortunas angimur, querimurque, ac Deum uolumus omnino suis in æquissimis iudicijs cæcutire ac labi. Ibi, ibi, inquit (ne dubitetis) hoc est, tempore illo maximè, quo uulgò dñi in terris existimabuntur, suorum scelerum dignas persoluent pœnas. Transiui, ait uates alio in psalmo, & ecce non erat: quæsiui eum, & non est inuentus locus eius. Vides ne superbi exitum? uis ne etiam mansueti atque humilis? Permanet, inquit, in æternum in conspectu eius, Dei scilicet. Ceciderunt igitur olim impij homines à uita, à bono, à Deo, caduntque in dies, ut crebris, ni prorsus plumbei simus, intuemur exemplis. Cadent rursus in posterum, expellunturque tum hîc, tum in futurum à facie Dei, in qua summa inest rerum omnium cognitio, iucunditas insuper ac æterna quies. Non potuerunt, inquit, stare. Vidisti ne unquam fastuosum hominem atque arrogantem elegantiori depingi penicillo? omnes enim illius actiones, nedum consilia quidem, atque affectus animi, in incerto semper uersantur motu: adeo ut quid plerunque sibi uelit, aut cupiat, aut agat quoque, ne Delius quidem ipse diuinaret. nō mirum sanè: nam secundum spiritus uaticiniū, Non potuerunt stare. Surgere, uertit Fel. Idem Paraphr. quæ quidem uox superbis tam aptè conuenit, quàm quæ alia maximè. Non possunt, inquit spiritus, surgere, non possunt resipiscere, nō possunt per penitentiam ad uitam regredi: sua quippe sponte obdurati in malis, obcæcati, attriti que in rerum humanarum cupiditate & ambitione, non possunt quidem, quia nolunt, quia suus illis placet tumor, quia diuinis ultrò reluctantur afflatibus, quia tenebras magis quàm lucē, ut inquit Christus, diligunt, quia ad Dei alas, in quibus omne inest bonum, confugere renuunt, sed ad se potius, aut ad magos & cariosos, in tractandarū rerum prouidentia recurrunt. Tu uerò fili, clamat spiritus, noli æmulari in malignantibus. Sed alius is est psalmus.

## PSALMVS IPSI DAVID XXXVII.



*Oli æmulari in malignantibus, neque zelaueris facientes iniquitatem.*

Inter cætera enim, quibus maximè angî solent ac turbari imbecillius fidei homines, illud potissimum est, cum cernunt improbos quosdam nullum unquam finem suis sceleribus ponere, & tamen sic rebus omnibus quæ felicitatē polliceri uidentur, abundare, ut hi soli Deo curæ esse uulgò appareant, cæteri uerò neglectui. quare eousque interdum, ut sunt in fide debiles, & queruntur & excandescunt, ut quasi à Deo rationem eorum quæ fiunt in mundo, exacturi, cum uate illo clamēt: Quare respicis contemptores, & taces: quare uia impiorū prosperatur? Bene est omnibus qui præuaricantur & iniquè agunt. Plantasti eos (ô iudicium inscrutabile) & radicem miserūt. Vide animam ob ea quæ fieri in mundo absurda arbitratur, conquerentē, nutantemque in fide: quam illa prorsus, rationem edocere instituit. Cuius ea est summa, ut quicquid accidat, id totum diuino cōmittatur iudicio: idcirco nihil ultra aut querendum aut exponendum, cum illa maximè, quæ à cæcis iudicatur felicitas, fallax sit omnino, fluxa, ac crusta potius felicitatis, quàm uera felicitas. Id enim semper uel ab ipsa prima rerum constitutione in terris uisum est, ut impij scelestique homines fortunæ bonis, perpetuo ueluti riuo, affluerent: pij uerò, utpote, ad meliorem uitam seruati, inedia, atque æterna ueluti malorum serie, ærumnis tererentur. Quamobrem autem id accidat, seu potius cur id Deo in disponendis rebus humanis moris sit, quis tam audax est, qui hoc interroget? Abstrusa enim planè hæc sunt: propterea ueneranda magis, castoque silentio, ut inquit Dionysius, prætereunda, quàm discutienda.



Aquirenda. Illud uerò interim cum uate nostro fatendum erit, iustus es Domine,  
 & rectum iudiciū tuum. Maxima proinde fidei pars ea est, uulpes hasce nostras,  
 quæ demoliantur uineam, ut canit sponsa, actutū capere, ac paruulos, dum paruuli  
 sunt, ne in giganteam crescant formam, ad petram, quæ Christus est, allidere.  
 Memini equidem, cum nondū prima professionis meæ perdidicissem rudimen-  
 ta, in fideq; adhuc tener essem, de huiusmodi, ut mihi tum uidebatur, inæqualita-  
 terum conquestum me esse. Videbam enim inertes quasdam moles (homines  
 uix eos esse cōiectabam, à forma scilicet tantummodo) indoctas, rudes, planeq;  
 ab omni probitate, ingenuitateq; animi abhorrentes, à sarculis, à rastris, a ganeis  
 interdum extractas, ad honores ac dignitates promoueri, illisq; anteponi atq;  
 imperare, qui cum literis tum moribus, tum uitæ quoq; sanctitate insignes ad-  
 modum essent. Monstrum illud quidem tunc esse iudicabam: mox uerò meum,  
 per Dei gratiam, aduertens errorem, non solum ab admiratione illa mea indo-  
 cta destiti, uerumetiam sic fieri oportere duxi. Vnde illis ipsiis, quibus olim inui-  
 dendum fermè esse opinatus sum, nunc ex animo compatior, quæ aut paruā, aut nullam referunt  
 religionem. Quod si ad cōmunem omnium utilitatem, Deiq; honorem, illud in  
 primis optandum uidetur, ut bonorū prorsus in partiendis honoribus ac digni-  
 tatibus, ratio omnis habeatur, nulla uerò improborum: fatendum tamen est, id  
 optimè, summaq; ratione factum, quod diuino fieri consilio non ignoramus.  
 Tantū illud cupit spiritus, ne secundis nefandorum hominum rebus inuidea-  
 mus. Alioqui quid aliud est ob fortunatos illorum successus dolere, quàm ad ea  
 ipsa, quæ illis miserè inuidemus inclinari? Noli igitur, clamat spiritus, æmulari  
 in malignantibus, neque zelaueris facientes iniquitatem. Fel. Noli contendere  
 cum malignantibus, seu commisceri: quod est, cum quis certatim cum alio con-  
 tendit ut superior ea in re, de qua contendunt, euadat. quanquam alius ex He-  
 breo simpliciter transtulit, Noli imitari malos. Paraphrastes uerò, Nihil te mo-  
 ueat, si sceleratos uideris opulentos, nec illis inuideas prosperitatis tantillum, &  
 uerè tantillum,

*Quoniam tanquam fœnum velociter arescent.*

Non est scelus quod non audeat uulgus, si suum uiderit principem, atq; eos  
 qui rerum potiuntur, scelestè uiuere. Quare id semper natura comparatum fuit,  
 ut filij parentes, serui dominos, plebs principem, oues, ut sic dicam, pastores, in  
 uitæ filo ac ratione referant. Vis' ne Princeps tua æquitatis præcepta à populis  
 seruari? tute prius æquus esto, alioqui parum aut nihil prorsus, ipsius etiam sum-  
 mi Pontificis leges de frænanda hominum libidine luxuq; & peccandi licentia,  
 mortalium animos mouere posse arbitror, nisi ipse Pontifex, cæteriç ecclesiæ pri-  
 mates & pastores ea præditi sint uitæ excellentiā, ut meritò absq; rubore sancire  
 queāt leges atq; ordinationes. Hæc igitur totius orbis summa pacis uidetur, atq;  
 suam instituant reipublicæ Christianæ instaurandæ, etiam absq; Concilijs, ratio, si sic  
 culis, quod sibi eundum sit, contemplentur. Tenacius, crede mihi, uel unicum san-  
 ctimonie exemplum in pastore, subditorū hæret ingenijs, quàm mille leges aut  
 ordinationes absq; uitæ integritate. Hæc enim ad pietatem atq; obedientiā insti-  
 tuit, illæ uerò sic sancitæ, ad risum & contemptum. Verum tu, si sapias, ob alio-  
 rum improbitatem ne digitum quidem à recta uiuendi ratione deslectas: neq; li-  
 uore tete maceres, propterea quod sceleratos uideas fortunæ bonis florere, im-  
 peritare ue cæteris. Diuturna enim esse non potest huius generis felicitas, quæ  
 in momentaneis fundata est rebus: tanquam sanè fœnum inarescit. Quid prato  
 uiridi gramine ac floribus perornato pulchrius amœniusq;? uerum à fœnifecis  
 cæso, quid nudius, quid inamœnius? Flos enim, aut herba quamlibet uiridis ac  
 uiua, cum primum succiditur, perlanguescit decoremq; amittit, atq; emoriens  
 in aliam transfertur formam. Sic nimirum ampullosæ fortunatorum hominum  
 uitæ contingere omnino necesse est, si morbo hī aliquo grauiori aut morte in ter



Cepti, seu principum favore denudati, casuq; alio repentino percussi, in ærumnas deciderint. Non perinde quidem citò flos à tenero demessus culmo intermori-  
tur, ac citò fortunæ (ut uocant) filius in miserrimā prouit calamitatem, si uel pa-  
rum ab ipsa deseritur matre. Facti sunt, inquit Dominus, uelut fœnum agri, & ui-  
rens herba tectorum, quæ arefacta est antequam ueniret ad maturitatem. Quare  
sic reddit Paraphr. Similes enim deprehenduntur fœno, quod exortum minimo  
durat tempore: & herbæ similes erunt timenti, quæ marcescit subito. Quis igitur  
tam fragilem exoptat amicam, aut amet, aut alijs inuideat, quæ excisa in pratis  
herbæ, aut fœno in stiriam collectio æquiparatur?

*Sicut olera herbarum, inquit, citò decident.*

Olera hîc herbarum pro ipsis herbis uiuis poni asserunt. Vide quàm flaccidæ  
rei comparetur mundi huius prosperitas: idcirco abiecto tam caducarum re-  
rum amore,

*Spera in Domino, & fac bonitatem, & inhabita terram, & pascèris in diuitijs eius.*

Fel. Spera in Domino, & fac bonum, & inhabita terram, & pascue ueritatem:  
seu pascue fide, ut alius ex Hebræo. Vnde sic reddit Paraphr. Fiduciam tuam col-  
loca in domino, & sectare quod bonum est, ut terram inhabites longo tempore,  
& pascas & augeas assidue de domino conceptam fidem. Tota hîc perfectio-  
nis summa à spiritu necitur, quæ est, cum fidei, quam in Deum esse oportet, ad-  
duntur opera, hoc est, arbori per se eleganti suus etiam fructuum decor additur.  
Et quemadmodum fidei seu fiduciæ proprium est, nudis affectibus nudum sequi  
Christum, ita operationum illam conuenit diuitem esse copia atq; ubertate: imò  
si desunt opera, fides ea non est, sed mortua quædam uox & nomen. Vide igitur  
quid hîc spiritus admonet. Curam, inquit, omnem tuam, reiecta procul dissi-  
tia, cõmitte Deo: atq; eadem nixus in operando quia credis fiducia, tuas dispo-  
ne actiones, sic cogitans: Poterit ne Deus me in se sperantē, etiam in rebus huius-  
tæ necessarijs, in angustijs, in ærumnis, in tribulationibus deserere, qui suos sic di-  
tat cõtēptores in hoc mundo, sic ornat honoribus, sic beat, sic in altum euellit,  
ut penè nihil aliud cogitare uideatur, quàm ut suis beneficiat hostibus: haud fa-  
cile quidem credo. Certò equidem scio, quòd non illi quidem beati, sed beatus uir  
qui sperat in eo. Nisi fortè instabilem hanc diuitiarū honorumue copiam, & cui  
summa annexa est miseria, beatitudinem appellandam esse arbitremur. Quare  
mens uatis hæc est, ut nos à falsæ felicitatis admiratione, qua improbi ex more  
se se efferunt, retrahat: idcirco clamat, ueram eam tandem, solidamq; atq; ab om-  
nibus expetendam felicitatem, in Deo, non in hoc mundo sitam esse. Caterum,  
inhabita terram, id præ se ferre uidetur, quòd qui concepta in Deum fiducia ni-  
hil non agit, quòd tum Deum, tum proximum optimis promereatur actionibus,  
iam uel in terris beatus sit, ac quicquid contingat, quietus: cum interim alijs, qui  
fortunati uulgò appellantur, nihil desit quo se iugiter affligant, quod offendat,  
quod molestias die noctuq; afferat. Hi certè suis libero nunquam utuntur ani-  
mo, ille autem semper felix & beatus, etiam in exilio, ac summa rerum inopia,  
tranquillam agit uitam: hi quidem mundo seruiunt, ille imperat: hi uel in mini-  
mo fortune uulnere anguntur, dolent, insaniunt, ille nec in maximo quidem uul-  
tum mutat, sed sapientior eò quotidie fit, quò atrocior fuerit calamitas constitutus.  
Hic profectò diuitijs, ut canit uates, etiam in extrema paupertate constitutus,  
abundat, recentioribus continuè fomentis fidem, quam in Deum habet, enu-  
trians. Pascuntur igitur improbi inani quadam rerum uanitate, illiq; fidunt: pro-  
bi uerò, & fide, & ut uertit Fel. ueritate, qua certò credunt suis Deum, qui uerax  
est, deesse non posse, iucundissimè aluntur. Sunt porrò qui uolunt, maximo cum  
mysterio illud, quod noster uertit interpret, in diuitijs eius, Dei scilicet, à non  
nullis uerti in fide: quò nimirum tandem à mortalibus non ignoretur, diuitias or-  
mnes animi in fide Iesu Christi sitas esse. Quare delectare in Christo, mi lector,  
delectare in eius fide.

*Delectar*



A *Delectarē in Domino, & dabit tibi petitiones cordis tui.*

Id insitum fermè omnibus natura est, ut ea in re, cui fidunt maximè, delectentur. Eam ob rem si quem uidero in diuitijs, in honoribus, in dignitatibus, ceterisque huiusmodi rebus fluxis & caducis, in literis quoque, ac quod nouum fors aliquibus uidebitur, sanctis in operationibus tanquam in fine sese oblectare, conquiescereque, hunc sanè suis in fortunis ac literis sanctisque actionibus, non in Deo beatitudinem collocasse asseuerabo. Nulla enim in re quamlibet excelsa ac diuina, requiescere mens debet humana, præterquam in Deo. Proinde quanto potest pectore, è sublimi ueluti turre, hinc clamat uates: O tu quisquis es qui aliam ab hac, quam in mundo tanquam ludibrium fortunæ horum sursum uersari cernis, felicitatem assequi efflagitas, sine hos hisce in rebus nihili oblectari, sumique bonum statuere: tu in domino, qui bonorum omnium fons est atque autor, delectationes omnes tuas colloca. Ipse, ipse, inquam, non princeps, non mundus, non quicquid uspiam conditum est, etiam in secretioribus cœli recessibus ac sedibus, dabit tibi petitiones cordis tui. Cupis ne honores, dignitates, diuitias? A Deo hæc quidem petenda sunt, qui æterna donat: non à mundo, qui mortalia & caduca. Nolite filij, aiebat senex ille sanctissimus, diligere mundum, neque illa quæ in mundo sunt. O nos beatos, si iam tandem quam fallax sit mundana hæc felicitas uel serò cognosceremus: quamque ea uera sit, quam Christus ab alto crucis ligno suis ostendit familiaribus. Iam illud maximum omnium uidetur, quod fit quod Deus nihil non de illis, quæ à suis rogatur, præstare dicitur: Præstat nimirum omnia: nam nihil planè hi rogare possunt, quod totum ad illustrandum Dei nomen ac gloriam, non faciat. Cum enim, inquit quidam, diligas Deum, nihil indignum postulabis. hincque illud esse opinor, quod dominus Iesus suos admonuit discipulos, ad hunc modum: Si manseritis in me (enimam in Christo per amorem, quo solo in re amata conquiescimus, oblectamur) & uerba mea in uobis manserint (en amoris effectum) quodcumque uolueritis, petetis, & fiet uobis. Quis princeps, quis rex aut imperator, quæ fortuna id polliceri audeat? Insatiabile enim cor est humanum, nec unquam suos sedare potest motus aut appetentias, nisi illis in rebus quæ æternæ sunt, quid igitur in multis te torques?

*Reuela domino uiam tuam, & spera in eo, & ipse faciet.*

Diuis Hieronymus ex Hebræo uertit, Volue super dominum curam tuam. Fel. uero, Circumuolue secus dominum uiam tuam. Vt cunque sit litera, is erit sensus: Tuam illi committe uitam, uitæque institutum: quicquid agis acturus ue es, in illum reijce, speraque te assecuturum quod quaeris: ipse certè, non tu, aut humanum ingenium faciet: hoc est, perficiet omnia, optatumque dabit finem. Ipse namque est, ne dubita, qui in te & uelle & perficere operatur. Atqui mens denique ea spiritus est, nostram ut exciter ignauiam, non ut alat. Etenim quemlibet suas animose ordiri actiones prout suggererit spiritus, oportet, cæterum absque cura rei euentum diuinæ commendare bonitati. Admonet nos Petrus sollicitudinem omnem nostram proijciendam esse in Deum, quoniam illi cura est de nobis. Vide igitur quanta debeat esse in Christiano uiro fidei uis, ac robur. Quod quidem elegantissimè, ut cætera, expressit Campensis: Committite, inquit, domino statum rerum tuarum: fide illi, optima enim fide curabit & te & tua.

*Et educet quasi lumen iustitiam tuam, & iudicium tuum tanquam meridiem.*

Difficillima quippe res est, urbem in sublimi monte positam diu latere posse. Iustitiam in hoc loco, ac iudicium, nihil aliud esse interpretamur, quam uitæ in lucem productum iri, atque eundem adeptura splendorem, quem in meridie esse cernimus: hoc est, uitæ huiusmodi ordinatæ Deum tandem dignum, etiam in hoc mundo, concessurum præmium. Quandiu enim improbis res omnes ad uota succedunt, probis uero nullæ, ut fit, uidetur rerum ordine quo-



**C** dammodo uerso, horum uita sanctè æquòq; iudicio instituta, in obscuro posita esse: illorum uerò qui in flagitijs uiuunt, maiorem in dies nancisci lucem. Verum hisce fortunæ bonis tandem expoliatis, in ærumnosumq; uitæ genus conuersis, expulsis, poenæq; suis sceleribus digna mulctatis, bonorum uita splendescere incipit, laudatur, honoratur, ac tandem meridiano illo lumine, in quo Deus ipse ineffabilibus bonis diues, in sese manens habitat, donatur. Vtram, oro, uis tam censes æquè probèq; institutam? illorù ne qui mundi huius mancipia cùm sint, quoquouersum se uertit fortuna, eò temerario feruntur impetu, agunturq; non secus, ac solet turbo ludicrus in gyro ui actus: an horum qui cùm in mundo sint, ut ait Christus, de mundo non sunt? hoc est, quibus nihil iam in terris place re potest, quod iustitiam, quod rectitudinem, quod diuinitatem demum quamdam non referat. Id ne an illud uitæ genus putas dignum esse, cuius Deus rationem habeat, cuiq; suum impartiat lumen? Diuino certè lumine in his qui respublicas, regiones, religiosasq; familias moderantur, extincto, quò se uertant miseris: unde in tractandarum rerum labore uigorem sument: unde iustitiam addiscant, unde æquitatem? Tu fili, inquit spiritus, non propterea quòd res uideas humanas eo se habere modo quem dixi, frangaris animo: tantum tu

*Subditus esto Domino, & ora eum.*

In omnibus, inquit, diuinis obtempera consilijs, haud quærens quidem, cur id magis quam illud fiat in terris: ora; eum, ut abs te, alioquin ingenio temerario & curioso, queat perfici. Verum alia Hebræis est litera, idem tamen ferè sensus. Diuus enim Hieronymus sic: Tace domino, & expecta eum. Alius uerò: Sile domino, & formare ei: hoc est, tacitus absq; murmuratione omnia Deo permitte, teq; adeò diuinæ attempera uoluntati, ut ab ea, ueluti in utero foetus, formeris, ad illaq; sine querelis amplexanda instituaris, quæ sic fieri decreuit Deus. In silentio enim ac spe tota ferè Christianorum sita est perfectio. Dominus, inquit Moyses, pugnabit pro uobis, & uos tacebitis. Expecta dominum, uertit Fel. & expecta ipsum. Idcirco sic Paraphr. Patienter expecta dominum, & fer æquo animo, si quid ab illo tibi immittatur aduersi: neq; contristeris, si uideris alium quempia felicius augere sua, quod sæpenumero sceleratissimo cuiq; euenire solet: quod est, quod noster interpretes transtulit,

*Noli æmulari in eo qui prosperatur in via sua, in hominē facientē iniustitias.*

Fel. sic: Ne contendas, seu commiscearis cum producente ad prosperitatem uitam suam, cum faciente scelera. Eandem planè sententiam hîc repetit uates, quam in superioribus dixit, nempe bonos haudquaquam fortunatis improborum successibus moueri debere, sed tacitos diuina præstolari iudicia. Tempus uerò, quo res in melius uerti debeant, is solus nouit, cui & præterita & futura æquè ut præsentia nota sunt: quæ quidem res propria Dei est, non hominis: cuius sanè tantummodo interest, quicquid emergit noui, diuina uenerari consilia, illisq; gratias agere, quorum absq; nutu ne minimum quidem arboris folium tremat & mouetur, gemmæ uerò uite intumescit. Quocirca

*Desine ab ira, & derelinque furorem: noli æmulari ut maligneris.*

Vide quàm prudenter uir sanctus nos ab æmulatione inuidentiæq; illa quæ infirmioribus natura inest animis, auocet, usque adeo enim interdum hi ob improborum felicitatem stupidi efficiuntur, ut ne ab excarescentia quidem atq; ira, & cœlum & terram querelis commiscentes, se temperent. Cùm uides, inquit Euthymius, iniustos homines in secunda esse fortuna, noli irasci aut indignari contra eos, quasi præter id quod par est, prosperentur: neq; tecum ipse illud doleras, quòd ob summum tuum erga uirtutes amorem potius infelicior sis. Non desunt etiam, qui hunc uersum de nō referendo par pari in iniurijs interpretentur, ut sit sensus: Non reddas malum pro malo, non maledicta regeras, nō quæras uindictam, ne & tu, dum te ulcisci quæris, fias illi similis qui malum intulit. Maleficiosus est, &



A teor, caue ne tu quoq; idem sis, dum eadem quę in alijs reprehendis, efficis. Verũ prior sensus ad superiora aptius quadrare mihi uidetur: unde sic reddit Paraphr. Cohibe animum tuum ab ira, & pelle furorem, ne sic incendaris, ut illorum sceleratorum exemplo, ad perpetranda similia animum inducas. Cæterum illud nõ tandum, à Felice ferè semper Contendere aut commiscere, pro æmulari reddi: cuius uerbi interpretationem in superioribus persecuti sumus. Nunc ad reliqua.

*Quoniam qui malignantur, exterminabuntur: sustinentes autem Dominum ipsi hæreditabunt terram.*

Noxij enim maligniq; homines non regnabunt semper super terrã, ut ait Salomon: tantum hi quibus cœlitus missa est crux, animum in persecutionibus nõ despondeant. In superandis nanq; aduersis nisi tandẽ longo indurescat usu cor, in amoremq; rei illius quæ in adipiscenda animi pace necessaria est, licet gustu acerba atq; amara, trahatur, nunquã in Deo firmari poterit, in quo solo uera est pax & quies. Quid enim habent improbi in hoc mundo, aut ferunt, quod idem anxietatum bellorumq; plenissimum non sit? Nam Christo, qui pacis illius, quã omnem superare sensum affirmat Paulus, autor est, ab expetendarum rerum aut agendarum quoq; sine excluso, quid aut iam expeti aut agi potest, quod continuis curarũ gyris non implicetur? Contra uerò his euenit, qui in omnibus suum sibi semper Christum, uirtutum omnium archiuum atq; exemplar, proponunt: quibus ipsa quoq; totius orbis confusio & fluctuatio in tranquillitatẽ cedit. Tantum illud auct spiritus, ut nõ solum id animose fortiterq; quicquid illud est quod fors affert humana, feramus: sed & consideratè ac sapienter, ne quid in uiro probò, casu fortuitoq; fieri cernatur, longè antequam accidat, præuideamus. Etenim eo ex usu quidam formatur in nobis habitus, quam patientiã appellamus: qua nimis obtemperata, Christum in nobis innouari, seu, ut inquit Paulus, reformari in dies magis sentimus: cuius porrò tanquã benignissimi hospitis, tum opetum donis in eam euehimur magnitudinẽ, ut mundo faciliẽ imperemus, rerumq; omnium conditarum possessionem, hæreditario ueluti iure adeamus. Atq; id sanè est quod hĩc uates asserit, sustinentes scilicet, seu, ut uertit Fel. expectantes dominum hæreditare terrã. Beati, inquit dominus Iesus, mites, quoniam ipsi hæreditabunt terrã. A patientia quidem mitescere incipimus. Verum ne diutius diuina nos mora torqueat, admonet uates, breuĩ id quidem futurum, cum ait:

*Et adhuc pusillum, & non erit peccator: quæres locum eius & non inuenies.*

Breuis simè, inquit Paraphr. sic interibit impius, ut ueteris pompæ, qua admirationi fuit multis, nihil reliquum uisurus sis. Paululum sustine, uertit Hebræus interpres, & impius non supererit: cumq; aduerteris ad locũ eius, nullus aderit. Intelleges uerò in loco eius, uertit Fel. hoc est, cõsiderabis locum eius. Hæc quidem uel sola, maxima omnium deberet esse timidis consolatio, cum legunt nefarios homines breuĩ excidendos, adeoq; penitus suis illis à timidis densciendos animabus, ut nunquam ferè extitisse uideantur. O diuinum iudiciũ, ô deploratas animas. Quot uidi ego aliquando ex humili fortuna, tanquam è trito sepulchro, ad urbium magistratus, regionum, religiosarumq; ædium dominium, seu à principibus, seu à sorte nescio quã ascitos, ad tantam animi impotentiã, tumoremq; deuenisse, ut prioris penitus, seu humanæ potius conditionis obliti, tanti iustitiæ, æquitatem, religionemq; fecerint, quanti sues gemmas spurcissimi. Hi tamen illorum fastu, & uita, & res, & locus, & quicquid illorum mortale uspiam fuit, unã interijisse uisum sit. Quò uerò animæ sic malè de religione Christiana merita abierint, humani haud quidẽ est ingenij id uelle inquirere, uel diffinire: hæc Dei omnino sunt. Quod autem ad nos attinet illud certum est, mortalium omnium animas Deo curæ esse: quę uerò sint eius, quæ ue sint in æterno prædestinationis diuinæ libro conscriptæ, ipse solus nouit. Ego ut de me aliquid dicam, maximo cum timore quid de me futurum sit oporiet: meamq; cum tremore & me-



**E**tu, ut me admonet Paulus, salutem operor: de alijs uerò nulla mihi cura, nisi ea quidem, qua omnes cupio, oroq; in Christo Iesu saluos esse. Cæterum illud considerandum, quàm continua rem narret uates antithesi: Quæres, inquit, locum eius, nefarij scilicet hominis, & non inuenies.

*Mansueti autem hereditabunt terram, & delectabuntur in multitudine pacis.*

Idem ferme superioribus cecinit dicens: Sustinentes dominum ipsi hereditabunt terram. Porro pax, tranquillitas illa animorum est, qua quis adeò fortiter suos omnes mentis affectus, ad mutabiles rerū euentus componit, ut quicquid contingat, id totum in suum pertrahat colorem, omnibus in rebus eam seruans animi æquabilitatem, quæ uiro non tantū Stoico, quantum Christiano conuenit. Sedebit, inquit dominus in Esaia, populus meus in multitudine pacis. Is enim sic Deo per fidem unitus, hoc utitur mundo tanquā mancipio, illi uerò tantum quam domino ac Deo. Is imperat, illi obsequuntur. Is continuo quodā pacis tempore, etiam inter tela & neces, tranquillam agit uitam: illi etiam in medio ipsorum fortunæ sinu obdormiscentes, miserrimam. O rem penè dictu incredibilem. Vide, oro, ad quem felicitatis gradum adsciscitur anima, sic ad rerum instabilitatem composita silensq; domino, atq; illius se totam committens prudentiæ, ut illi scelestissimus quisq; quamlibet primarius inuideat.

*Obseruabit, inquit, peccator iustum, & stridebit super eum dentibus suis.*

**O**bserua liuoris naturam atque effectum. Est sanè usus uerbo admodum peruersæ uoluntatis hominibus apto: obseruat enim quis aliquem (de obseruantia illa, in qua summa inest admiratio & reuerentia, non loquor modò) cum eum & oculis & animo, in modum speculatoris ita custodit, ut nihil aut loqui, aut agere is queat, quod illum latere possit: & id propterea quidem, ut ampliorem calumniandi occasionem habeat. Qui porro non contentus uidisse, diligenterq; omnia, quæ ab eo, quem odio infectatur, sanctissimè interdum peraguntur, obseruasse, alia confingit, surrogat, desert tandem, ne quid totius malitiæ cumulo de fuisse uideatur: qui quidem cumulus tum ad summū usq; exuberat, cum illi, qui tam nefandum ignem restringere deberent, non solum illum fouent, sed etiam emunt, ac tanquam peregrinas merces in bonorum omnium perniciem deuoluunt. At uide quàm uehementer inuidiam indignationemq; improborum contra innocuos, puritatisq; cultores exprimit, cum illos canū more infrendere dentibus asserit. Malitiose cogitat de iusto improbus, uertit Hebræus: & nudat, seu frendit, ut Fel. super eum dentibus suis. Atqui ex tam periculosa inuidorū rabie per motum quondam fuisse Apostolū arbitror, cum Philippenses admonuit dicens: Videte canes, uidete operarios malos, uidete concisionem. Quam quidem prudentissimam Pauli admonitionē non tantum ad illos pertinere iudico, in quos diri isti canes facile ob uitæ innocentiam desæuire soliti sunt, quantum ad Principes, rerumq; publicarum ministros: quorum omnium illud præcipuum munus est, ut diligenter perpendant, ut ait Epictetus, quis est qui loquitur, aut de quo. Verum utcunq; conniueat in rerum delectu summatum ignauia, illud in primis summa debet esse pñs consolatio, quòd

*Dominus irridebit eum, quoniam prospicit quòd ueniet dies eius.*

Huius uersus sensum sic cum superiori necit Paraphr. Conabitur impius iustum subuerrere, & frendet aduersus illum dentibus suis: dominus autem ridebit minas illius: nouit enim, quàm sit in propinquo tempus, quo ipse peribit. Non parum quidem, quod aliàs admonuimus, nostræ officit saluti, cum nobis uir in metiendis aduersitatibus, considerandaq; diuturna solummodo, ut nobis uidetur, improborum in innoxios petulantia, malumq; struendi licentia, Deum penè in iudicijs anteuertimus. Vis ne, ô amice, plenissimam unde quaq; mentis adipisci tranquillitatē, arrham nimirum cœlestis patriæ ac uitæ? Quæcunque in terris contingant, tu tantum reuela domino uitam tuam, & spera in eo: quòd uerò superest ipse faciet, dabitq; rebus exitum non quidem secundum desideria cordis



A cordis tui, præpropere sanè interdum nimis & præcipitantia, sed secundum beneplacitum purissimæ suæ uoluntatis in Christo: qui cum sit ante omnes (ut inquit Paulus) & omnia in ipsum cõstent, sitq; caput corporis ecclesiæ, qui est primum, primogenitus ex mortuis, ut sit in omnibus ipse primatū tenens, quia in ipso complacuit omnē plenitudinem inhabitare, & per eum reconciliare omnia, per ipsum pacificans, per sanguinē crucis eius, siue quæ in terris, siue quæ in cœlis sunt, poterit ne suos tam forti sibi nodo, ut est eius sanguis, adglutinosos, adeo sub aduersitatū mole sinere laborare, ut desperent omnino? Spera, spera, inquit, in domino, & ipse faciet. Faciet, dico, cū tentatione prouentū, ut possis sustinere. Nam certè illius est bonitatis Deus, ut non det in æternum fluctuationem iusto. Cæterū dies cum uarias habeat in scripturis significationes, interdū, ut hīc, pro uniuscuiusq; exitu atq; euentu intelligi oportet. Vnde illud quoq; est, quod in Iob libro legimus: Super diē illius obstupescunt. Deī risu porro Deī, atq; subnatione, cum aliās tum maximè in secundo psalmo est dictum. Sed iam iræ uehementia in noxijs quanta sit, satis admodum cōpendiose in sequentibus explicat, cum illos facit,educto ē uagina gladio tensoq; arcu, iustissimos quosq; adoriri.

*Gladium, inquit, euaginauerunt peccatores, intenderunt arcum suum.*

Hunc nimirum, ut clām: illum, ut apertè offendant. Qui enim gladio, aut ense coram quempiam adoritur, uī id agit aperta, atq; ut sic dicam, ingenuè: qui uerò arcu, is prius uulnus infigit, quàm saucius se insidijs circumuentum sentiat. quoniam, inquit in alio psalmo, intenderunt arcum, parauerunt sagittas suas in pharetra. Quamobrem, obsecro, tantus sagittarum apparatus? ut sagittēt, ait, in obscuro, hoc est, ex insidijs, rectos corde. Quid illud? Intenderunt arcum (rem amaram) ut sagittent in occultis immaculatum. Vtroq; igitur armorum genere noxium, maleuolorum hominū in eos, qui tum de Deo, tum omnibus de rebus rectè sancteq; sentiunt, quosq; hīc uates pauperes, inopes, & rectos corde appellat, & animum & apparatus exprimens, ait:

*Vt decipiant pauperem & inopem, ut trucident rectos corde.*

Sed

*Gladius eorum intret in corda ipsorum.*

Vulnere scilicet. Nam cordi aut telo aut pugione traiecto, nulla tam efficax, præsentaneaq; adhiberi potest medela, quin statim intereat saucius.

*Et arcus eorum confringatur.*

Ex Hebræo potius per futurū legi par est, quàm ut noster uertit interpret. Sic enim reddi posset: Gladius eorum penetrabit in cor eorum, & arcus eorum frangentur. Quis hīc iam non uelit eam assequi iustitiam, qua habita, tam chari Deo efficimur, ut penè illū oculis intueamur corporeis, ex hostiū nostrorū manibus tela excutere, arcusq; in nostrū exitium tenso perfringere, ac eundem ipsum gladium, quo nos interimere posse existimant, in illos uī ea retrorquere, ut medio prorsus corde transfodi uideantur? Ne dubites, inquit: pugna hæc, quæ in Christi pauperes excitatur, haud iam in Christi pauperes solū, sed in Deum ipsum excitatur. Is enim, non tu, ô homo, pro te in acie stat: sibiq; factū putat, quod suis fieri membris, siue beneficium illud sit, siue damnum, aut iniuria, uiderit. Quare illud aptè admodum ab Apostolo est dictū, cum fatebatur se adimplere ea, quæ decerant passionum Christi in carne sua pro corpore eius, quæ est Ecclesia: quasi tulisse cruciatus & iniurias, nisi & eadem ipsa in suorū corporibus perferret. Siue igitur aperto, ut uocant, marte, manifesta q; uī & cōtumelia te inuadat homo, aut demon: siue clām & dolose, ut solent maledici & obrectatores, ne in fide Iesu Christi titubes & desperes, à spiritu admoneris, simulac asserit iniurias istas omnes diuina manu infringēdas: alioquin ea est in nos amoris magnitudine Deus, ut tum demum nos totos penitus suos esse uelit, cum nos uelimus, toti q; interim nihil in fide hæsitantes ab eo pendeamus. Bonum quidem est: quid bonum aio?

*Melius est modicum iusto, super diuitias peccatorum multas.*



C Vide quàm amanter in fide tenues enutriat spiritus. Si, inquit, optio daretur, ô tu, quisquis es, cui cum inedia ignominiaq; apud homines maxima est confusio, amplas nesceleratorum hominum diuitias, honores, pecunias uel partim ui, partim nefandissimis usuris, exactionibusq; è uita pauperum, miserorumq; ciuium ac uiduarum exactas eligeres, an simplicem & puram uiuendi rationem pauperiemq; illam, quæ paucis minimisq; contenta, nihil aliud uult, aut expetit, nisi quod naturæ usui honestè suppetit, eò sanè suas omnes dirigens appetentias, ubi ueræ sunt diuitiæ, ubi ueri honores, ubi ampla bonorum omnium possessio, quæ Deus est, inuenitur? Quàm satius (mihi crede) quàm tutius, quàm honoratius esset paululum habere, ut reddit Paraphr. & partum iustè, quàm diuitias plurimas, quomodo habent eas improbi, quomodo, inquit, hoc est, tanta anxietate, tanto strepitu, tanta turpitudine & infamia, non dico partas, sed inuita iustitia proiectoq; pudore ac religione, è sinu ipso calamitosæ multitudinis congestas? Non hîc quidè diuitias iustè acquisitas à spiritu damnari arbitror, modò in eum transferantur usum, qui pius sit ac Christianus. Qualis uerò is esse deberet, non est præsentis instituti definire: quòd si definirem, insolens forsan, & nouum uideretur, non quòd nouum quidem sit, sed quòd à mortaliū memoria unà cum suo autore Christo iam planè exciderit. Reuocato enim Christo, innouatoq; in nobis spiritu, reuocabitur & prisca illa uiuendi ratio ab ipso cœpta, à nobis uerò penitus oblitterata. Tantum id dico quòd hîc me docet spiritus.

*Brachia peccatorum conterentur, confirmat autem iustos dominus.*

Hoc est, quæcunq; illa sunt, in quibus confidunt improbi, illisq; nituntur, à domino breui confringentur, siue diuitiæ illæ sint, siue honores, siue dignitates, aut quicquid illud sit, in quo sperant diuites. Idem fermè uaticinatur Hieremias: Cor-  
nu, inquit, confringetur, & brachium conteretur auari. O curam Dei in miseros. Illis, inquit, infelicitè cadentibus, iusti à Deo iustitiæ ipsius autore, perpetuo stabiliuntur robore. Huiusce quidem mirabilis iudicii tum uisum est præludiu, cum in æternam prouentibus miseriam primis illis angelicarum mentium choris, cæteri diuina suffulti manu stabiles in Deo permanserunt: à quo tamen (uide quid boni potuerit tunc quoq; liberum arbitrium) nisi Dei suffragata esset bonitas, irreuocabiliter desiuiissent. Descendit pluuia, clamat Christus, uenerunt flumina, flauerunt uenti, & irruerunt in domum iusti, & non cecidit: fundata enim erat supra petram. Vnde id quæso? Quia

*Novit dominus dies immaculorum, & hereditas eorum in æternum erit.*

Novit, ait alio in psalmo, uiam iustorum, & iter impiorum peribit. Pulchrè enim admodum dies immaculorum illi opponit, quod supra dictum est: Dominus irridebit eum, quoniam prospicit quòd ueniet dies eius. Non miru, inquit, si confirmat iustos dominus: nam ipse, quod est eius naturæ præcipuum, agnoscit eorum dies: hoc est, eorum uitam approbat, dirigit, suoq; favore fulcit, curat, fouet, protegit, tutatur, perindeq; enutrit, ac solet tenellos infantes nutrix. Quare eorum hæreditatem æternam esse oportet, nò momentaneam, et illam quidem, quæ infinitis litibus obnoxia sit. Nonne, ut inquit Paulus, hæredes sumus Dei, nullas redas autem Christi? Quibus uerò bonis Christus usus sit in hoc mundo, angustè inuenio præter persecutiones, famem, sitim, mœrorem, inediam, angustias, ærumnas, tentationes, ac crucem tandem: hæ sunt quidem delitiæ, diuitiæq; quas suis dominus cum pacis codicillo & charitatis, ab humanis hæditario reliquit: hæ bona, inquam, sunt, quorum participatione iure ueluti filijs Dei uel in Christi familiam traducimur. quanquam ne id quidem unquam filijs Dei ueram esse hæreditatem existimo, quòd æternum idem nò sit: quocirca ea omnia, quæ in Christi uita nobis imitanda proponuntur, non hæreditas, sed gradus ad hæreditatem illam, qua Christo cohæredes efficimur, appellanda erunt. Cæterum quomodo terrenis in facultatibus nostram nos ueram, qui imagini filij Dei conformes fieri speramus, expectamusq; ut inquit Paulus, corpus humilitatis nostræ



A nostra configurari corpori claritatis eius, statuimus hereditatē: Regnū meum, clamat Christus, non est hinc: hoc est, hisce rebus caducis ac transitorijs minimē constar: & nos qui tam felicitis capitis membra uideri uolumus, nihil tam ardentē uel cupimus, uel amamus, quā quæ mundus falsa plerūq; fide pollicetur. Vanissima hæc igitur bona, quæ in fortunæ arbitrio posita esse cernimus, nostra sint hereditas, si post mortem nihil in homine superest reliquum, ut fermē sibi persuasisse nō nullos etiam sublimis uitæ ac professionis uiros in Dei ecclesia spicor, cum eos cerno nulli rei tam tenaciter affixos esse, quā mundo & carnī: & tamen id non nesciunt, quod qui in carne sunt, Deo placere non possunt. Vera igitur proborum hereditas æterna est: quare peregrinos sese fatentur in hoc mundo, non ciues. Hoc sanē illis persuaso,

*Non confundentur in tempore malo, et in diebus famis saturabuntur, quia peccatores peribunt.*  
Hereditas, inquit uates, iustorū æterna erit: peccatores uerō, atq; illa omnia, quæ sibi effingunt bona, simul cum ipsis interibunt. Summa enim hæc est omnibus in scripturis conclusio, probis quidem uiris æternā deberi uitam, improbis autem æternam mortem. Vtri uerō sectæ magis adhærendum sit, tu mi lector iudica. Num te præterit, epulonem illum diuitem sua in terris recepisse bona: Lazarum autem, hoc est, pauperem spiritu, atq; in Christo nudum, mala: Caterum sensum huius uersus sic reddit Paraph. Non frustrabuntur spe sua, quando alios inuoluet temporis infelicitas: & alijs fame laborantibus, ipsi saturabuntur. Tempore igitur illo, quod malum appellat uates, in quo mundus uniuersali quadam labe, inedia, ut nunc fit, bellis, aut aquarum diluuijs, deuastatur & laborat, tuti hi soli sunt, qui spem suam omnem in Deo statuunt, idcirco quod nihil tam acerbū ac triste in hoc mundo accidere potest, quod illis dulce nō sit ac tolerabile, quippe quibus iam pectus ad id genus iniuriarum, per Christum, induruit: quibusq; illud in primis compertum est, omnia quæ hīc fiunt, à sapientissimo Dei consilio proficisci: necesse in rebus conditis quidpiam tam ab hominum usu abhorrens, quod à Christiano uiro non queat uinci. Contrā uerō improbis omnia dura sunt, inæqualia, aspera, mortifera, licet rerum illarum copia abundet, quæ cum animi tranquillitatem polliceantur, nihil minus tamen præstant. Verum secreta ab humano prorsus sunt intellectu huiusmodi Dei iudicia, quæ cum quotidie à supremo illo arcanorum celestium thesauro ad nos usq; descendere conspiciamus, ob fidei tamen tenuitatem, atq; in rebus nihili occupatum animum, non solum ignoramus, uerum etiam cum sic fieri aut audimus, aut cernimus, uti noua horremus, & pertimescimus. Amantibus certè Deū omnia abunde suppeditantur: non amantibus autem, quid excogitari potest, quod satis sit: Est & aliud famis genus eò periculosius, quod ad animarum magis quā corporum interitum attinet. Euangelij quidem, atq; adeo Christi Iesu fames hæc est: qua qui affecti sunt, aut moriantur necesse est, aut in continua uiuant miseria: & maximē cum qui frangat panem, ut queritur dominus, non inuenitur. Impurissimis igitur omnibus à tam sancto edulio, ut Christus est, amotis, puro hi qui sunt animo plenissimis (quod aiunt) crateribus exaturantur:

*Inimici uerò domini mox ut honorificati fuerint & exaltati, deficientes quemadmodum sumus deficient.*

Quantam hīc mihi cōsolationis uim sentire uideor, simul ac suos sibi Deus reputat inimicos, qui probis infesti sunt. Verendum itaq; minimē nobis est, ne fortior iustorum pars sit, & causa melior, quā illorum, qui cum dijs ferē in terris habentur, ut fumus tamen in auras resolutus, euanescent. Naturam porro fumū esse conspicimus, ut dum durat, non solum lædat oculos, uisumq; impediatur, ac nientia obnubilet, uerum etiam & solem, & diem, & cœlum quoq; ipsum obscurare uelle uideatur: is tamen uel breui mora, dictum, factum, in nihilum relabitur. Haud diuturniori quidem felicitate illi beati sunt, qui cum uanissimis rerum ineptijs inseruiant, fumososq; etiam cum iustitiæ ac probitatis iniuriā se-



**C**itentur honores ac magistratus, & obtineant quoque, nihil antiquius habent, quam ut Deum contemnant, bonos opprimant, ac quicquid luminis in terris est, fastu atque arrogantia extinguant. Verum hæc diu non tolerat Deus: nam simul ut præscripto honorati fuerint termino, suumque in exitium exaltati, uelut fumus ex templo occubent, ac definent: seu, ut reddit Paraphr. non alter quam adeps agnorum, qui adoletur super altare, finem capient, una cum fumo deficient. Sic enim is uersus Hebræis est: Quoniam impij peribunt, & inimici domini uelut adeps agnorum defecerunt, in fumo defecerunt, quod dictum quidam putant, ut quam facile id, quod spiritus comminatus est, futurum sit, lucidius exprimeretur. At igitur, Dei hostes ea consumendos celeritate, qua agnorum adeps & pinguedo igni imposita consumi solet, atque (alludit enim ad ueterem sacrificandi morem) in aerem citò cum fumo ipso desitura sustolli. Non desunt etiam qui loco adipis, lucem, seu preciosum camporum, aut planitierum, poni debere arbitrantur: quæ quidem omnia quemadmodum solo ictu oculi circumspiciuntur, ita et unico prospectu præterlabuntur. Horret sanè animus cum terribilis illius mihi uocis è celo auditæ in mentem uenit: Quantum glorificauit se, inquit, & in delitijs fuit, tantum date illi tormentum & luctum. Sedeo regina, & uidua non sum, & luctum non uidebo. O fastum, o arrogantiam: en quid te maneat inspicere. In una, inquit, die uenient plagæ eius, mors & luctus & fames, & igne comburetur: quia fortis est Deus, qui iudicabit illa. Ecce uides quomodo Dei hostes in una die, hoc est, breui temporis interuallo, suorum scelerum luant poenas. Vis ne iterum breuissimo, ut sic dicam, cõpendio diuitis huiuscemodi, qui diuitijs paret, non imperat, morem omnium turpissimum agnoscere?

*Mutabitur peccator, & non soluet iustus uerò miseretur & commodat.*

**D** illud ante omnia considerandum est, quomodo noster interpret a spiritu (optimus) admonitus, peccatorem absolutè diuitem illum nuncupet: Hebræus uero impius, cui diuitiæ oneri sunt atque iacturæ, non dignitati & cõmodo. Is enim cum ualde rebus omnibus, quæ ad mundum attinent, & honorificè abundet, si cui tamen quid debet, aut non reddit omnino, aut ægrè quidem, quantulumcumque illud sit, reddit. Adeo miseram hanc caducarum rerum cupiditatem tanti quidem faciunt. Econtrario uerò iustus, hoc est, qui se continuè ad probitatis regulam, quæ est in Christo, componit, ultrò etiam illos quibus nihil debet beneficijs afficit, iuat omnes, illisque nulla habita ratione amicus ne sit, an inimicus, sua impartitur bona: & id quidem nullo alio punctus stimulo, nisi misericordiæ. quem sanè affectum cum duri illi diuites ignorent, omnibus suis in rebus & actionibus difficles sint oportet, inexorabiles, dirique, truces, & propterea impij. Ex qua quidem misera illorum conditione illud proculdubio concludi potest, pauperimos omnium illos esse, cum tamen opulentissimi uideantur, quippe qui nec in debitores quidem rerum earum quas illis debent, uel mediocriter benignos atque audeant. Iusti uerò, quamlibet fortunæ tenuis sint ac facultatis, ita in egenos atque alios sæpenumero liberales sunt, ut meritò ditissimi uocari queant, duo interim affecuti laudum genera, unum quidem liberalitatis, alterum misericordiæ. Cæterum quemadmodum illorum interpretationem non improbo, qui uersum hunc de ingratisimo illorum more interpretantur, qui cum & corpus & animam, & cætera à Deo dona, tanquam talenta mutuò acceperint, non soluunt tamen, non gratias agunt, multiplicatumque non reddunt fructum. Iusti autem bona illa sua omnia, quibus meritò iusti appellari debent, cæteris largiter impartientes, se seque omnibus secundum gratiam quæ data est eis, ut inquit Paulus, attemperantes, domino suo, multo auctum scœnore reddunt pecuniã. Quemadmodum, inquam, hanc tam piam non improbo interpretationem, imò etiam uerò & laudo & exosculor. Vespaulum à sensu, quem in hoc uersu requiri uult spiritus, deflectere suspicor. Verum prudentiã hinc mihi tandè iusti considera, qui idcirco miseretur, & cõmodat,

*Quia benedicentes ei heredes abunt terram, maledicentes autem ei disperibunt.*

Novit enim uir iustus, quod quicunque ei, Deo nimirum benedixerint, gratias ue



Atinati simul & mens, & spiritus, cœlestes choros huiusmodi suauitate allectos, quæ non iam à mortuorū animalium neruis oriri solet, sed ea, quæ à corde uiuo, ac in amore cœlestium uegeto atq; ardenti, è cœlo ad terras pertrahunt? Legimus enim ad tam nobile psalterium prophetasse Elîsæum: Dauidem quoq; ab impio rege fugasse dæmones. Verum cur non ita impræsentiarum aut uaticinamur, aut dæmones fugamus cum his nostris nablîs, & organis? quia non idem nunc fidei ardor in nobis inest, qui in illis sanctissimis uatibus inerat, per quem quidem omnia facîle dæmonum irritamenta sedari solent, cordaq; purificari, ac lumen illud amabile, qui Christus est, penè in nobis extinctum reuiuiscere. Vult uates igitur hisce instrumentis musicis ad subleuandos à mœrore animos inuentis, mortales omnes admoneri, diuinum cultum cum cordis lætitiâ, iubiloq; ac mutuis concentibus, & choris celebrandum esse, qui sanè gaudiorum cumulus in fide reconciliataq; conscientia maximè consistit. Quid uerò canendum sit, aperit dicens:

**Cantate domino canticum nouum.**

Solent enim hi, qui re aliqua insigni afficiuntur, cuiusq; memoriam cupiunt ad posteros transire, nouas cōponere cantiones, atq; odas. Quem quidem morē antiquos seruasse legimus: sed in primis Mosem traiecto mari rubro, ac Deborah, fugato rege illo impio Iabin, atq; eius duce Sisara extincto. Sed quàm uereor ne adhuc in carnis uetustate uiuentes, ueteres etiamnum cantilenas, è ueteri corporis cithara, non iam decem chordarū ordine distincta, sed mille uitiorum confusione distenta, resonemus, nobisq; dicatur per uatem illum, uice domini: Auferte à me tumultum carminū uestrorum, & cantica lyra uestra non audiam. Atqui innouatis iam omnibus per Christum, noua quoq; in Christiano uiro debent esse cantica, noua organa, nouæ citharæ. Noua igitur ô mortales in nouitate uitæ, in iustitia scilicet & sanctitate, canite cantica. Quid? num uos quidem Deus ad iustitiam, qua iusti facti estis per gratiam, idcirco asciuit, ut illi de hoc cor agat, hoc sensu seruiatis? Renouamini spiritu mentis uestre: hîc canticum peragat. Vetus iam omnia fastidit dominus. Caterum canticum hîc nouum, quod frequentare nos admonet uates, Euangelîū est, de quo domiphialas aureas ac citharas decantatum legimus. Quo uerò tum animi, tum oris, aut linguæ motu, id canticum celebrari debeat, ostendit uates:

**Bene psallite illi in uociferatione.**

Nollem profectò hîc argumentū sumere psallentiū choris præfectos, perinde ac si tota psallendi uis ac summa, in uoce fortî & ualida potissimū cōsisteret: alioqui tenuissimæ uocis homines, ut sunt pleriq; mei instituti homines, ob rationem uictus, ac parsimoniam, à tam laudabili munere laudandi Deum excluderentur. Satis enim magna in choris celebrandis uox est, si à magno corde, hoc est, in Deo, qui super omnia magnus est & excelsus, fixo, proficiscatur. Quare ne erroribus atq; ineptijs tam pura actio scœdaretur, huiusmodi artificio patres quorundam ignorantia succurrere decreuerunt. In primis, aiunt, adsit cor ac mens, deinde uox grauis, quæ unâ cum animo atq; affectu, graui, integro, rotundoq; concentu ac metro, non conciso aut intemperato boatu, sacram legē profeculationem, quæ enim hîc uocat uates decentem illam (ut sic dicam) oris gestitionem, quæ ex eo fit atq; oritur, cum mens adeò plenè afficitur gaudio, ut se continere uix possit, quin in uocem aliquā intestini sui gaudiij testem erumpat. Proinde alio in psalmo sic canit uates: Tunc repletum est gaudio os nostrū, & lingua nostra exultatione. quanquam tamen Fel. non uociferationē, sed iubilationem simpliciter transtulit; alius uerò clangorē, quod quidem totū sic reddit



**C** Paraphraſtes, operam date ut quam optimè cantetis, & cum animi alacritate.

Quia rectum eſt uerbum domini, & omnia opera eius in fide. Causam reddit Propheta, quamobrè Dei nomen tam attentè laudari conueniat, ut hi faciūt, qui toti in muſicis ſunt inſtrumentis, cum ea pulſant, nihil aliud interim uel agentes, uel cogitantes, quia, inquit, rectū eſt uerbū domini, & opera eius in fide. quem uerſum ſic interpretatur Paraphr. Aequa enim ſunt quæ loquitur & mandat dominus, & quicquid facit, optima illud fide facit, cōtra nimirum morem hominū, quorum pleriq; aut perfricata fronte non ſtant promiſſis, aut quæcūq; polliciti ſunt, mille inturbant technis, ac interuertūt. Et quemadmodū iſti uſmodi mores inter homines turpiſſimi ſunt, & propterea à cōmuni ciuiū cōſenſu uituperandi, radicatusq; extirpandi, ita Deus in omnibus ſuis tum factis tum dictis, firmiſſimus ac rectus, ab omnibus laudandus eſt, colendusq; ac ſuper omnia in hymnis et canticis ſpiritalibus (ut inquit Paulus) in cœlū eſt rendus. Et eſt ac ſi breuiter diceret, Quæcūq; agit Deus, recta ſunt, nam dictio quā noſter interpreſ, uerbum, uertit, Hebræis eſt Dauar, id eſt, res, negociū, factum, mandatū. Quæcūq; igitur inſtituit, aut agit Deus, ſumma cum aequitate ac fide inſtituit & agit; ne interim huic loco fidem illam, quā definiunt eſſe ſperandarum rerum argumentū non apparentium, ineptè obtrudamus. Reſ hīc alia agitur, nimirum de fide illa, qua Deus uerax eſt, & quæ pollicitus eſt, conſtantiffimè ſeruat, quem quidem ſenſum magis exprimit uates, cum inſert,

Diligit miſericordiam & iudiciū.

Vel, ut uertunt quidam, iuſtitiam & iudiciū diligit. Nulli dubiū, quod ubi cūq; hæ duæ partes in tractanda re aliqua uel diuina uel humana concurrunt, ibi omnia rectè, atq; ordine tractant. Quare quò intelligas omnia, & quæ in cœlis, & quæ in terris geruntur, ordinatiſſima Dei prouidentia, rectoq; ordine ac diſpoſitione geri, dixit, quòd Deus diligit iudiciū, & iuſtitiam, ſeu miſericordiā. & eſt perinde quaſi dicat, Quicquid à primis rerū exordijs actum eſt, agiturq; in præſentia, ac deinceps agetur, id omne diuinæ bonitatis capax eſt & particeps.

Nam miſericordiā domini plena eſt terra.

Quid terram aior: nōne & cœli ipſi eodem cum terra fruuntur diuinæ bonitatis dono: fruuntur ſanè.

Siquidem uerbo domini cœli firmati ſunt.

Cum tamen Auguſtinus dicat quòd cœli non indigent miſericordiā, ubi nūc la eſt miſeria. Hebræi reddunt, Cœli facti ſunt. Volunt quidam uerbum domini in hoc loco idem eſſe, quod

Spiritus oris eius omnis uirtus eorum.

Quo tropo haud rarò ſcriptura uti ſolet. Percutiet (inquit Eſa.) terram uirga oris ſui, & ſpiritu labiorū ſuorum interficiet impiū, quare hīc uirgā oris Dei, ac ſpiritu labiorū ſuorū, Dei uerba eſſe aſſerunt; ut ſit ſenſus, quòd ſolo Dei iuſſu & præcepto, cœli conditi ſunt, atq; eorū ornatus & decor perfectè fabrefactus. Sed ut hæc uera ſint, ſenſum tamen profundiorè requirendum eſſe uoluerunt ſanctiores. Quare uerbū hīc, æterni patris filiū eſſe interpretantur: ſpiritu uerò oris eius, ſpiritum ſanctū; quò hīc duo perſpici liceat, nempe Trinitatem totam rerū omniū, quæ in uniuerſali opificio conditæ ſunt, formatricē extitiſſe: filiū uerò ipſum à patre eſſe, ſpiritū autē ab utroq;. Datur igitur patri in rerū conſtitutione autoritas, filio ſapientia, ſpiritui uerò uirtus ac bonitas, cum tamen hi tres uerba ſint deus, propterea eiūſdē autoritatis, eiūſdē ſapientiae, eiūſdemq; uirtutis, ac bonitatis. Proinde Trinitas tota rerum omnium creatrix eſt, ut inquit Auguſtinus, atq; eius opera in generali cōditione indiuiſa. Non te moueat quòd cum hīc, tum aliàs uidetur uates Deo attribuere, quòd proprium hominis eſt, nempe uerbum



A uerbum, os, faciē, caput, & id genus permulta: uix enim aliter, quod aliās admo-  
 nuimus, de Deo loqui possumus. Necessariū tamen est, corporeas huiusce gene-  
 ris formas trāsferri ad animū, nec aliud de Deo cogitare, quā quod tanta maie-  
 state dignū sit, cum nihil æquē absurdum esse possit in negotio spiritus, q̄ in con-  
 templationibus simplicissimę naturę Dei corporea immiscere. Assuefaciendus  
 est igitur animus ad illa cogitanda, quę purgatissimis mentibus cōueniunt; ali-  
 ter intercepto corporeis imaginationibus ac phantasmatis, animorū cursu, faci-  
 le in id impietatis prouūt, ut in rimandis diuinę naturę recessibus, terrena tur-  
 piāq̄ interdum aduocent & cōmisceant. Habitus enim felicissimi purē casteq̄  
 peruestigandi cōlestia, ex his formant cogitationibus, quę absterfo prorsus ter-  
 renarum rerū amore, in Deum, qui purissimus spiritus est, feruntur: secus uerō  
 uel minimū quidem, conatū illum animi in Deum relaxare, nō parū detrimenti  
 ad perfectiora illa, ad quę cōtendere debet uir Christianus, afferre solet. Hincq̄  
 illud interminabile curarū mare ortum habet, dum cōlestia absq̄ delectu ac fide  
 contemplantes, Deum uolumus contentū esse nostris ineptijs; & quod natura,  
 legūq̄ præscripto totū debemus Deo, mundanis illecebris deliniti, partim Deo,  
 partim mundo ipsi impartimus: ex quo mediā quandam miseriarū plenissimā  
 nanciscimur uitā, qua continuīs curarū motibus ac gyris infelicissimē iactamur,  
 ut tolerabilius foret mūdo penitus, q̄ neq̄ mundo, neq̄ Deo obtemperare. Sed  
 ad psalmū reuertamur, illudq̄ in primis consideremus, nullā posse in terris diu-  
 constare Rempublicā, aut regnū, nisi in tractandis rebus primas sibi uendicent  
 partes duę illę res nobilissimę, quę in Deo insunt, iudiciū & iustitia: hæc qui-  
 dem, ut iuste decoreq̄ unusquisq̄ cum altero queat uiuere: illa uerō, ut omnia  
 rectē matureq̄, & cum delectu geri possint in populo: quemadmodū in admini-  
 strando regno his usus est Dauid, quē legimus iudiciū fecisse & iustitiā omni po-  
 pulo. Cupiditate enim atq̄ auaritia occęcati quidā in administrandis rebus publi-  
 cis, dijudicandisq̄ causis forensibus ac litibus, nihil nō agunt, quō suā expleant  
 libidinē ac sitim, non ut legibus satisfaciant, utq̄ ea uiuat inter ciues equitate, ut  
 nemo tam infimę plebis homo sit, qui rectē queri possit se à potentiorib. oppres-  
 sum, aut obnummorū carentiā inauditū exclusūq̄ à iudicio: ex ditiorib. uerō  
 nullus inueniat, cuius opes magis à iudice spectentur, q̄ ius, fas, ratio, probitas.

Congregans sicut in utre aquas maris, ponens in thesauris abyssos.  
 Elegantissima catachresi stupendum maris miraculū enarrat uates, quomo-  
 do scilicet ui diuinę potentię adeo arcē intra littora continet, ut quasi in utrem  
 collectū uideat. Quod quidem ad efferendā Dei uirtutē magnopere facit, dum  
 ei in tam uasta undarum mole id damus imperiū, quod hominē in tantillo aquę,  
 quā utre gerit, habere cernimus. quanq̄ Fel. non utrem, sed cumulū uertit. Non  
 defunt etiā, quibus ea uisa est litera lucidior, qua legitur, Cōgregantis sicut utre  
 aquas maris: hoc est, qui dominus cōgregat maris aquas suo sanctissimo uerbo,  
 sicut in utrē; idemq̄ dominus ponit abyssos, aquarū uidelicet profunditates tan-  
 quam thesauros, in occultis terrę locis. Quam quidem profunditatē quis dimen-  
 sum est: aiebat Salomon. Manent hæc atq̄ id genus alia infinita, captumq̄ huma-  
 num excedentia, in obscurissima diuinorum iudiciorū caligine reposita: ut uel  
 hinc dicamus, q̄ sapientissimē diuersorū populorū multitudo in Ecclesię sinu,  
 ueluti in utre aquę, ui uerbi Dei sit congregata: quamq̄ facile ē sacramentorū  
 ripis efflueretur, nisi Dei spiritus humanos affectus, colluctantes ueluti uentos  
 in nobis frenaret. Cæterū nōne tibi uidetur hīc spiritum dicere, quod olim in  
 primorū exordio dixisse legimus, Congregentur, inquit, aquę quę sub cōlo  
 sunt, in locū unum, ut appareat arida: Quis, oro, uerbi illius æterni potentiā satis  
 mirari unquā poterit: per illud enim non solum facta sunt omnia, sed etiā instau-  
 rata postea per eius aduentū in carnem, Is Christus est, cuius quidem beneficio



**C**ac dono adeo in sublime euecta est humana conditio, ut cunctos beatos spiritus supergressa, locum supremum in æternis sedibus ac mansionibus teneat. Nos ingratos, qui tantum munus aut ignoramus, aut cognitum mille uitiorum maculis obnubilamus. Cum talis igitur ac tantus sit dominus,

**Timeat eum omnis terra.**

Paueat cœlum, cōtremiscantq; condita omnia, ut ad tam uenerandū nomen affurgat quicquid creaturarum inueniri potest; utq; in Iesu nomine omne genu flectatur, cœlestium nimirū, terrestriū ac infernorū. Quod sanè quidem in cœlis fieri certò scio, cum nulla inibi dissensio animorū sit, sed una omniū sub uno capite æterna sentiatur harmonia, ac uoluntatum consensio. In Stygijs quoq; regionibus suū erga Deum esse timorē haud dubito, cum lego dæmones credere ac cōtremiscere: solus homo insignitus Dei imagine, capax beatitudinis, haeres Dei, animantiumq; omniū ac cæterarum rerum conditarū dominus & rex, tam benefico dño reluctans, inq; eius legē obnixus, nihil tam quærere uidet, quam quomodo exlex uiuat, hoc est, & Deo infensus, & sui similib. odiosus. Quod si quis hæc nō sic se habere cōtendat, in mediū afferens purissimos ecclesiæ mores ac ritus, nō contradico: uerū id quæro, unde tanta uitiorū colluuius emanauerit: unde adulteria, incestus, rapinæ, bonorum uiroꝝ oppressiones, furta, usura, suspicionesq; letales, simoniæ, ac horrendæ illæ in Deū blasphemiae, hoc frequentiores, quò nemo est qui eas uel leui mulctet reprehensione? Vnde rursus cupiditates inextinguibiles, in uiris maximè illis qui familiarius in ecclesia conuersantur, q̄ cæteri e uulgo: num hi, quæso, ex his censendi sunt, qui in hoc uersu à uate admonentur, ut dominum timeant? Timeat, inquit, eum omnis terra.

**Ab eo autem commoueantur omnes inhabitantes orbem.**

**D** terra illa, quæ Deum timere debeat, nempe homines, quandiu in terris degunt, ne fortè montē aliquem petricosum, aut saxa inanima tibi effingas Deum time re posse. Sollicitè colant dominū quotquot in terra degunt, inquit Paraphraſtes, & offendere illum metuant, quotquot sunt habitatores orbis, quanq̄ & illud nō nego, terram scilicet, atq; adeo cætera omnia condita Deum timere ac reuereri, cum à præscripta sibi lege naturæ nō aberrant, sed quicquid illud est, æterno fœdere atq; instituto seruant: unde mirabilis uniuersi quidam exoritur concen tus & pulchritudo, ex qua quidem continuis ueluti rerum successiōibus ac uarietate cōsuetudinibus, ab unaquaq; re Deus laudatur timeturq; ac ut cuilibet rei brutæ datur, colitur. Non mirum quidem,

**Quia ipse dixit & facta sunt, ipse mandauit & creata sunt.**

Quid igitur admiratione dignū, si plasma suū adoret plastem? Fel. sic: Quoniam ipse dixit, & fuit: ipse præcepit, & stetit. Alius uerò: Ille em̄ cum iubet illi cum præcipit constant res. Naturæ enim humanæ inditū est, ut plus homini uel honoris uel reuerentiæ deferamus, quē maiori tum dignitate tum potentia præditū esse arbitramur. Cum igitur Deus in immensum omnē aliam potentia excedat, præcellatq; & dignitate & uirtute, quippe qui dicto solo cuncta efficit, rit, seruetq; cōtinuè, propterea ab omnibus coli, summèq; præ cæteris cum diligi tum metui, ac uenerari consentaneū erit. Fide, inquit Paulus, aptata sunt secula per Dei uerbū secula, hoc est, omnia illa quæ, ut inq; Theophylactus, secula hæc cōplectuntur, ex nihilo esse effecta. Sensus igit: Illi soli, uel in primis salte & ante omnia, nostrū omnē debemus amorē, cultū, timorē, atq; ex animo reuerentiā, cum tam potēs sit ac bonus, ut eius uerbo, sapientia, cōsilio & prouidentia cōstituta omnia subsistant, persistentq; ac perpetuis ueluti gyris ad ipsum tanq̄ rerū omnium exordiū referūt sese. Quis igit deus sicut Deus noster? Ipse ipse, inquit, Qui



**Qui dissipat consilia gentium, reprobatur autem cogitationes populorum, & reprobatur consilia principum.**

Hebræis totum illud uacat, Et reprobatur consilia principum. Quare sic uertit Fel. Dominus dissipauit consilia gentium, amouit cogitationes populorum. Paphr. quoq; Dominus turbauit consilia gentium, irritas fecit machinationes populorum. Celebrato enim miro illo creationis ordine & miraculo, transit uates ad explicandum gubernationis modum. Nam quemadmodum ualidissima sua uirtute, quæcūq; condita sunt ipse condidit, ita æterno suo consilio ac prouidentia & seruat & moderatur. Et quia mortalium consilia ex sese natura ad malum prona, diuinæ legi continuè repugnant; propterea quæcūq; statuunt, aut mouentur, ex se uana sunt omnino, ac nullius momenti. Quare ne optata peruersis improborum hominum consilijs ac machinationibus respondeant, illa Deus sapientissimè confundit, neue suum sortiantur exitum, aliò protrudit, ut quondam per æternum suum uerbum (hic Christus est) dæmonum legionem à misero illo qui, ut refert Lucas, in antris ac terræ hiatibus habitabat, in porcorum gregem protrusit apud Gadarenos. Vana sunt igitur humana consilia, de moreq; nutantia, ac sui dissimilia; contrà uerò Dei consilium & propositum, stabile perstat, duratq; æternum. Vnde sequitur,

Consilium autem domini in æternum permanet, cogitationes cordis eius in generatione & generationem.

Euthymij interpres hunc uersum breuissima quidē elegantia sic reddit: Non solum, inquit, quod uult Deus id semper permanet, sed illud etiā, quod cogitat; nam cogitatio diuina perfectum opus habet. Addit insuper, nihil aliud esse, in generatione & generationē, quàm simpliciter, semper: quo sanè intelligas decreta diuina nulli temporū uarietati obnoxia esse, aut posse unquā dissipari. Porro in scripturis (quod penè exciderat) gentium nomine idololatrias significari, populorum uerò uocabulo Iudæos, iam aliàs admonuimus: quorum omnium consilia quàm fœda fuerint atq; iniqua, res clarior est q̃ ut eam multis persequar. Fuit ne unquā secundum rationem, aut naturæ quoq; instinctū ac legem excogitatum illud (haud certè scio stultum ne magis an impiū appellari debeat) cum primi illi homines post uniuersale orbis terrarum diluuiū ab oriente profecti conati sunt turrin ad cælū usq; pertingentē struere: Vidēsne consiliorū illorum quæ absq; Deo sunt, exitū: Descendamus, inquit dominus, & confundamus linguam colli, ut non audiat unusquisq; uocem proximi sui. Cogitauerunt quidem consilia, ut ait spiritus, sed quæ nō potuerunt stabilire. Istiusmodi igitur hominum consilia per ætatem successiones uti fœda atq; à natura ipsa abhorrentia, confundit Deus, ac cōtinuè nostra quoq; ætate perturbat, mirabilisq; suæ prouidentiae consilio ac nutu intercipit, uanaq; reddit. Malè enim res nostræ se haberent, si per effreni sua audacia atq; impudentia impelluntur. Nulla profectò in terris esset regio ac religio, in qua proborū hominum dolores, cruciatus, persecutiones, exitia fuerint, ut nunc sunt, Iudæorū consilia, quàm turpes motus animi, quàm scelerati conatus quibus purissimæ Christi doctrinæ (ut nihil interim de antiquis illorū in Dei honorem ac cultū iniurijs dicā) semper aduersati sunt, sciunt nō solum doctiores, uerum etiam imperiti, & ipsi quoq; textores ac lanarij. Cæterum etsi non me clām est, ut dixi, Et reprobatur cōsilia principum, in Hebræorū litera non inueniri; aiunt enim in superiori illo hemistichio id totum conclusum esse, quo legimus, Dominus dissipat consilia gentium: tamen ne frustra interiectū ab interprete putemus, sic dici potest; Principum nomine non tantum urbium aut



**C**reglonum dominos denotari in scripturis, quantū in cæteris rebus ac disciplinis magnos & sapientes: de quibus quidem sic philosophatur Paulus, quod sapientiam Dei nemo principū huius seculi cognouit, Sed prius quidē non multo antea dixerat: Sapientia loquimur inter perfectos, sapientia uerò non huius mundi, neq; principū huius seculi, qui destruuntur. Vide, oro, quā breuiter Paulus rem, de qua loquimur, colligit: Qui destruuntur, inquit: quod sanè nō tam de illorū uita intelligi oportet citò desitura, quā de illorū consilijs & conatibus. Quī, quæso, illorū consilia æqua esse poterunt ac sancta, cū ab animo impuro, tetra & iniquo proficiscantur? Pereat quidē necesse est quicquid moliant homines, quod aut Deo aduerset, aut præter Deum sit. Putant nōnulli inter consilia Dei atq; sententiā illud distare, quod consiliū eternū sit atq; undiq; sibi constans, & sui simile: sententiā autem uariabilem, ac prout hominū merita postulant, aut rumpi aut firmari: quod quidē in Niniuitis resipiscentibus locū habuit, quibus cū horrendū illud euerfionis exitium cōminatus esset dominus, uisa postea illorū pœnitentiā, placatus est, sententiāq; mutauit. Et uidit Deus, inquit Propheeta, opera eorū, quia cōuersi sunt de uia sua mala, & misertus est Deus super malitiam, hoc est, pœnam quam locutus fuerat ut faceret eis, & non fecit. Verū

Beata gens, cuius est dominus Deus eius, populus quē elegit in hæreditatem sibi.

Beata gens, inquit Paraphr. quæ dominū habet protectorē suum: & populus ille felix est quem dominus sibi elegit, ut illum peculiari modo possideat. Exclamat hic uates, beatū illum fore hominū cœtū, qui superuacaneis omisissis inquisitionibus, curiosis uē disputationibus, fatetur simpliciter, mundū æquissimo ordine à Deo, quemadmodū olim factū, ita nūc regi, & prudentissimè, ut res cunq; cadant, gubernari. Ultra hæc quidem transire nō debet fidei simplicitas: alioqui curiose nimīū imperscrutabilia Dei iudicia rimari attentans, atq; aliè reposita, omninoq; occulta denudare uelle præsumens, in uastiorē, quā sit Caucasus aut Atlas, impinger lapidem. Quod mundus à Deo sit factus solo dicto, certum est: quod uerò aut quamobrē id uel illud in mundo uel agat uel agi permittat, incertum. Tantarū enim rerū nodos haud Oedipus quidē Sphinxis interpres dissoluere posset, sed ille solus qui idcirco res suas obstrusiores mortalīū arrogantiam latere uoluit, quod fides, quæ sperandarū rerū, nō apparentiū argumento fulcitur, deuicta mundi huius sapientia, melius dicere temeritate, gaudeat ac triumphet. Misiss itaq; rebus hisce inquirendis quæ nihil profunt, ut inq; Paulus, beatos illos asseueramus homines, quib. se Deus tutorē exhibet seruatorēq; summū deniq; ac omne bonū: & quos perinde charos habet, atq; solent inter mortales hæreditaria bona chara haberi: quod sanè nō fortuitò aut casu fit, sed æterna in Dei mente electione. Elegit enim nos Deus, inq; Paulus, ante mundi constitutionē, ut essemus sancti & immaculati, quasi dicat, nos idcirco sancti sumus, atq; à peccati sorde immunes, quoniā ad sanctitatē, mentisq; candorē & munditiē a se uiuē nos Deus: alioqui in peccatis cōcepti, nati aliq; ac usq; ad decrepitā etatē probe cti, quid boni ē nobis exire posse arbitramur? Obijciatur hīc quidē quamlibet liberū in rebus agendis arbitriū, id humanæ penē collapsæ non admittunt uires, etsi illud in uoluntate humana habere nescio quid imperij, & credo & fateor. Verū ut rebus ceteris maximè ditatus sis, haudquā te felicē dixero, nisi tibi persuaderi patiaris, diuinos oculos mortalīū actiones ē cœlesti suæ sanctitatis solio contemplari, dijudicareq; ac secernere. Vnde magnopere se peccare arbitrantur, qui aut in perpetrandis sceleribus latibula, quod diuinū fallant conspectum, perquirunt: aut falsa persuasionē decepti putant mundū fortuitò regi, nec quēquam esse qui hæc curet inferiora. Idcirco palām delicta illa quæ quotidie non absq; maximo animi dolore, uel in medijs ipsis urbium plateis fieri cernimus, non



**A** nonnullis effrontibus perpetrantur. Secus uerò hi agunt qui propter fidei synce-  
ritatem filij Dei effecti sunt. Siquidem ut primis iam antea ab ipsis spiritus rudi-  
mentis edocti fuerunt, ita persuasum habent mundi rectionē nō calu esse & te-  
mere, sed ex certa diuinę mentis scientiā ac iudicio; quare ne in antris quidē ter-  
rę abditissimis peccare audent, imò uulgò peccantes arguunt, aut saltem aman-  
ter admonent, atq; à proposita illorū animis turpi illa, ut dixi, persuasione, quan-  
tum possunt retrahunt. Quòd si tamen ob id, uel ob similem aliam rationē pub-  
lice illos peccantes in se prouocauerint, non crucem sibi imminentem persecu-  
tionum detrectant, nō queruntur, non maledicunt, non par pari in iniurijs licet  
immeritisimè acceptis referunt. Illi enim qui cuncta etiam occultissima rima-  
tur ac intuetur, suam cōmendant causam. Sciunt quidem quoniam

De cœlo respexit dominus, uidit omnes filios hominum.

Sciunt, inquam, quoniam

De præparato habitaculo suo respexit super omnes, qui habitant  
terram.

Videtur hic uates eandem sententiā repetere: aſunt enim haud inconsultò id  
à spiritu factum, quò non ignoret lector, mala illa quę mortaliū oculos fugiunt,  
Deum non latere. Cæterum præparatum habitaculum uocat Dauid sedem tan-  
to numini cōmodam, ac ad contemplanda omnia quę fiunt, habilē & idoneam.  
Paraphrastes autē sic reddit hunc uersum; E tabernaculo quod ab omni inque-  
tudinē liberum ipse inhabitat, considerauit uniuerſos habitatores terrę. Porro  
uerbum, respexit, maiorē habet emphasim in Felicis litera, qui sic transtulit: Et  
prospexit omnibus habitatorib. terrę: hoc est, prouidit omnibus, atq; illis cōsul-  
tum uoluit. Nōne, obsecro, de cœlo suis ab æterno prospexit Deus; hoc est, ut  
**B** inquit Augustinus, cum in filio suo proprio decreuit salutē omniū comparatū  
iri: Et ut quidem illorum minimè peccata respexit aut considerauit, sed se ipsum  
tantummodo, humanę se imbecillitati attemperans, factus homo: ita haud sibi  
quidem ipse prospexit & consultū uoluit, sed suis solummodo quos in profun-  
dissima errorū nocte stertentes deprehendit. O immensum diuinę charitatis ar-  
gumentū. Ille enim qui omni eternitate superior est, ille qui sibi undequaq; per-  
fectissimus, seq; ipso contentus, immortalis, nulli infortunio aut uarietati obno-  
xius, sui semper similis, ac nō solum beatus, uerum etiā ipsa est beatitudo, cuiusq;  
intuitu ac nutu condita omnia contremiscunt, atq; in nihilum feruntur, respexit  
tandem super omnes habitatores terrę: hoc est, terram hanc miseram, imò mise-  
riarum altricē, non minus animo atq; affectu incolentes, quàm corpore ac mem-  
bris hisce moribundis ac brutis, respexit: respexit inquam, eo sanè oculo atq;  
prospectu, quo solent parentes filios in aliqua extrema calamitate constitutos,  
aut inter licetorum manus ad suppliciū pertractos intueri. Certè si pater est, non  
nisi immenso cum dolore atq; animi cruciatu & lachrymis, tam crudele filijs spe-  
ctaculum ac tragœdiā intueri poterit. Hos itaq; in Deo cum inesse dicimus affe-  
ctus, non illius quidem naturā exprimere conamur, sed nostrę illum potius in-  
digiētīę succurrere & calamitati denotamus; alioqui in Deo cuncta solida sunt,  
nulliq; animi agilitudini subiecta atq; imbecillitati. Non poterunt igitur omniū  
hominum secreta Deum latere,

Qui finxit singillatim corda eorū, qui intelligit omnia opera eorum.

Haud singillatim quidē, sed simul, uertit Fel. Alius uerò, pariter. Sed Paraphr.  
diffusus suo more: Qui finxit, inquit, sine ulla exceptione corda omniū. Quid  
enim nō solū actionū, quę propalā fiunt, uerum etiā reconditarū cogitationū  
ignorare potest Deus, qui humani cordis fictor est: Scilicet qui plantaui aurē,  
ut ait uates in alio psalmo, non audiet; aut qui finxit oculum, nō considerat: Sen-  
sus igitur: Deus enim, qui non secus hominē format, ac solet figulus uas fictile,



Cum quidem ignorare poterit, quicquid in homine conditū est: Cognoscitigitur supremus ille oculus, atque perfectissimè intelligit, quacūque aut cogitant aut operantur homines, quamlibet penitissima & occulta. Eant modò qui falsa sanctitatis specie delectati nihil non agunt, quò rumorē de se sanctū excitent, ac sibi uendicent. Potest ne homo ad tantū diuinę ultionis contemptū deuenire, ut magis uulgi, rei adeò infirmæ & imbecillis, fauorē expetat, ametque, ac impudentissimè uenetur, quā acutissimū Dei oculum reuerat: illumque timeat, cui nostra & quę occulta nota sunt, atque illa quidē quę media ipsa luce peraguntur: Proinde quot homines uita integerrimos & innocuos, occultè in occultissimas improborū hominū casses prolapsos uidit: quot ædes diruit: quot familias excidit: ne interim de ecclesiæ bonis per ipsos ecclesiæ ministros tacitè distractis, uenditis, atque (ò mores perditos) in luporū fauces, quò suum nonnulli sarcirent cōmodum, ac nominis labem perpurgarent, proiectis dicā, hæc ne Deum latere arbitramur, lateant licet homines: Nonne ipse est qui finxit, formauitque omnium hominum corda, & propterea intelligit omnia opera eorū: Satis ne tibi uisum est, tot mala in Deo: des cum inuexeris, tot bona decoxeris, tot sanctos uiros traduxeris, uenūque exposueris, illud pro tectorio uti, NIHIL DICA S: Scilicet Deo simul impositum est cum homine: quanquā ne hominī quidē, adeò in nonnullis facinorosis coniuncta est cum peruersitate stoliditas, ut neque uulgo imponere sciant, quod potissimū fallere arbitrantur. Diffusius hæc quidem, quàm putarā: dolor enim eorum quæ cum hæc scribo, fieri uideo, calamum penē ab instituto deflexit.

Non saluatur rex per multam uirtutem, & gigas non saluabitur in multitudine uirtutis suæ. Fallax equus ad salutem, in abundantia autem uirtutis suæ non saluabitur.

D Ut ostendat uates nihil quod hominī salutem afferre potest, à rebus conditis posse expeti, sed à Deo, res illas in mediū adducit quibus maximè in prælio homines confidere soliti sunt. Et notandum illud quod noster interpretes uertit, Per multā uirtutē, Hebræis esse, In multitudine exercitus, quare is erit sensus, quod neque rex uel multa copiarū, neque aliās uir fortis (uirum enim fortem ac strenuum, gigantem appellat) quamlibet robore, aut equorum numero & fortitudine polleant, parare sibi salutem poterunt ex sese, sed inualida hæc omnia esse absque Dei ope & fauore. Nemo quicquā habet, inquit Hieronymus, nisi à Deo: unde non potens ut rex, non fortis ut gigas, non diues, qui in equo notatur, consequetur præmium ex sua uirtute. Quām uellem ex animo perpenderent illi, qui in domini uinea non parum nauant opere, ut sancti tandem euadant, quòd sicut nec rex per militū multitudinem, nec gigas seu athleta, aut pugil per corporis fortitudinem, nec equus quidem per uelocitatē seu robur aut ferociā, in prælio tuti sunt absque diuina uirtute & auxilio: ita nemo suis uiribus, suo studio, suis actionibus, suoque arbitrio ac conatu, suā sibi parare salutē poterit, absque Deo. Fallax equus, Fel. uertit, falsitas equus est: uel, mendacium equi ad salutem. quod perinde est, ac si dicat, fallit spem sessoris seruari per illū sperantis. Equus, inquit Salomon, instruitur ad præliū, sed dominus seruat. Illud enim, saluabitur, Hebræis est, saluabit, sessorē scilicet. Ne uerò quis diu se torqueat in inquirendo cōfugio, unde pendere debeat, quando quidem id neque rex, neque aliās princeps, aut miles strenuus & potēs, neque equus ipse etiā bellicosissimus præstare possunt, adiicit uates:

Ecce oculi domini super metuentes eum, & in eis qui sperant super misericordia eius. Ut eruat à morte animas eorū, & alat eos in fame.

Mirū quā occulta prouidentię ratione cœlestis pater suos à periculis quamuis immensis eximat, siue sit bellum, siue latè grassetur pestis, siue fame laboretur: denique quicquid uitę periculū intentat, aut metū incutit, id omne quicquid illud sit, ab



fit, ab amicis suis auertit. Sed hæc ad uitam solummodo temporariā: quid uerò cum mille mortis generibus circumsepta teneat anima? quid cum æterni uerbi fame atq; inedia laborat? quid cum labe aliqua letali ac mortifera peccati se afflatā sentit: num aliud tam certū illi quærendū erit leuamen, quàm Dei? Aliquid quidem afferre potest ad medelā animæ uel sacerdos, uel præsul, uel ipsa quoq; bona in homine uoluntas; at morbū penitus euelli consanescereq; ægrotū, diuinæ opus est benignitatis, nō humanæ industriæ & solertiæ. Vide, te oro, an alius in toto psalmorū uolumine sit, qui tam continuè abundeq; diuinā extollat gratiā, quàm is quidē est quē nunc præ manib. habemus, & cui quicquid ingenij in nobis est, modò sit aliquid, perlibenter impendimus. Si em̄ queras, quod rerū cōdītarū fuerit exordiū, quæ origo, quis fabricator, nōne id fuit uerbū domini: nōne diuina gratia: nōne ultrò Deus nullis nostris, cum nondū essemus, meritis prouocatus, Verbo, inquit, cœli firmati sunt: Quis porrò tam diligit misericordiā & iudiciū, ut dominus? Misericordia certē domini plena est terra, atq; adeò quidē plena, ut nihil sit siue in cœlis siue in terris, siue in ipsis quoq; infernis sedibus, quod misericordiā domini ac iudiciū nō resonet. Dominus inquā est, qui elegit nos in hæreditatē sibi, qui nos curat, nos respicit, nos seruat, nos eruit, nos alit. Nusquā, quod sciam, in scripturis legi, istiusmodi bona mortalib. contigisse uel operū ac studiorū, uerū ex mera Dei gratia & uoluntate, quæ nos ad omne bonum prouocat, atq; occultissimis quibuscūq; excitat inspirationibus: cuius sanè gemini oculi, pietatis scilicet & prouidentia, seu maioris misericordiæ ac iudicij, in suos semper intenti sunt, ille quidē ne labant, hic uerò ut lapsos erigat, & quos tum hic tum aliās, timentes Deum, atq; in eius misericordia sperantes appellat uates: quosq; etsi interdum membris affligi corporeis sinit, aut iubet, potioris est, patrociniū sumit. Vnde cōmodè illud est dictum, ut eruat à morte animas eorum. Ad hoc, inquit quidā, sunt oculi domini super metuentes eum, ut eruat à morte animas eorum, si non corpora, & alat eos in fame iustitiæ. Quare Anima nostra sustinet dominum.

Ad domino, inqt, anima nostra, quanta demū est, dependet, qua ratione, quæso? Quoniam adiutor & protector noster est.

Id enim inter cætera, quæ nostra in Deum fiducia gignit, præcipuū est, quòd & nos, & nostra omnia à Deo pendere uolumus: atq; propterea quæcūq; nobis sunt necessaria, à benignissima illius manu expectamus. Ideo canit uates, anima nostra sustinet dominū, quod clarius uertit Fel. Anima nostra expectauit dominum. Idē Paraphr. Ergo quoniam adiutor noster est Deus & protector, anima nostra sustinet eum quidē in spe: spes uerò, ut inquit Paulus, nō cōfundit. Imposibile nanq; est animā suipsius prorsus oblitam, hoc est, proprio amore exutā, in Deūq; penitus per amorē euectā, suis in supplicationib. reijci, atq; proinde cōfundi: angitur enim potius q̄ frangitur, sustinet, tolerat, Deiq; morā actarditatem quodammodo portat humeris, donec tandem exoret quæcūq; antea rogauerat. Ex qua quidem sufferentia illud in primis nasci solet, quod adijcit uates: Quoniam in eo lætabitur cor nostrum, & in nomine sancto eius sperauimus.

Videtur hæc summa esse totius felicitatis, quæ in hoc mundo, alioqui per se infelici & ærumnoso, haberi potest, gaudium scilicet internum, quod in spiritu sancto situm esse scribit Paulus, ob pacatam nimirum cum Deo conscientiam: quod quidem ex eo fit, cum non solum se sentit anima ab antiqua uitiorum sorde purificatam, uerum etiam eò perfectionis ascendisse, ut nihil iam in terris amare aut expetere possit, quod aut Deus non sit, aut ad Deum dirigat. Exuberantiā autem illam diuitiarum & uoluptatum, qua se homo felicem



Carbitratur, felicitatem appellare non audeo, cum fieri nequaquam possit cor huiusmodi affectuum lenocinijs non continenter perturbari, sexcentisque curarum moribus non discerpi, propterea beatum non esse, cum beatitudo seu felicitas, ut dixi, in eo maximè consistat, ut conscientia prorsus tranquilla sit, atque cum cæteris animæ partibus cõsentiat. Sufferendus est igitur dominus, quoniã auxilium nostrum, ut uertit Fel, & scutum nostrum ipse: quoniã in eo, non in nobis, ubi summa est inopia & miseria, lætabitur cor nostrum: quoniam in nomine sancto eius, hoc est, in ipso (nam ipse est nomẽ suum) sperauimus, non in rebus hisce uitreis & caducis. An uerò lætitia illa, quã è sedatis animi motibus atque affectibus oriri dicimus, in anima mundanarum rerum curis distenta queat inueniri, illorum sit iudicium, qui mundi illecebris delinunt, in adipiscendo scorto aut agro, aut gradu etiã & magistratu, toti die noctuque immoriunt. Ambitionis enim ea uis est ac libidinis, ut illum qui huiusmodi laborat morbo, pallidum, planeque deformatum, ac, ut sic melius illius depingam effigiem, cadauerosum reddat. Sic cæteri quoque animi affectus, quibus mens hominis ardentius inordinateque agitatur atque impellitur, præ se ferunt faciem ac formam, hi ut lubet, nos uerò interim in nomine sancto eius sperauimus.

Fiat misericordia tua domine super nos, quemadmodum sperauimus in te.

Sic fiat, inquit, ut nos sperauimus: sperauimus autem quã maximè, maxima sit itaque & tua misericordia. Sit, inquã, quemadmodum expectauimus, præterea nihil. Atqui illorum placet admodum coniectura, qui à spiritu admoniti putant hic uatẽ aduentum filij Dei in carnem præuidisse, in quem nimirum tanquam ultimum nodum atque annulum, tota uirtutum catena, gratiarumque cumulus ac moles erat desitura. Ad eoque exeunt ad circumferentiã. Sic Christus omnium caput, uniuersalis rerum machina ueluti in meditullio positus est: ab eo enim tanquam perenni fonte gratiarum omnium riuus demanant. Nec aliunde quidẽ unaquaque res, siue rationis experta siue capax, atque intellectu prædita, formam subsistendi, aut benè sancteque uiuendi sumere potest, nisi à Christo, in quẽ sanè res omnes deriuant, quemadmodum ab ipsius bonitate & misericordia, ueluti ab æternis, ut aiunt, idæis, olim extracte sue re, continueque extrahuntur. Misericordia igitur is nodus est, ad quẽ uirtutum omnium, ac gratiarum capita referuntur, & id quidẽ in Christo, qui ad nos à patre delegatus, nos, dico, in infinitis reatibus, deprehensos, atque propterea capite mulcandos, purissimam sui corporis tabellam secum tulit, aut potius in castissimis uirginum uteri penetralibus formauit, in qua id solum scriptum erat, GRATIA ET MISERICORDIA. Quid dulcius, oro, audiri unquam potuit? Quod magis mortaliũ ægritudini cõueniens antidotum ad moueri debuit? Verum nos miseros, qui sub tam salubri medela grauius ægrotamus, illud imprimis curantes, ne modo nostram leuemus nostra opera egrotationẽ: uolumusque laboriosissimo, ne scio quo, actionum nostrarum sudori referre id acceptum, aut arbitrio quoque humanum, quod simplici debetur gratiæ & misericordiæ. Bonæ enim operationes ideo bonæ sunt, quia à gratia habent quod bonæ sunt, alioqui temeritas illa qua quis operosus partim quidẽ gratiæ, partim sibi ipsi tribuit illarum actionum, quæ bonæ uidentur, id sanè efficit, ut illa actio quæ in se bona est, permissione proprii amoris ac corruptæ uoluntatis, mala euadat. Num censes à corde humano posse aliquid, quod prauum non sit & turpe: adiutum tamen à gratia, seu potius formatum, rectum efficitur ac sanctum. Cum enim uideo nonnullos interdum adeo sanctum atque immoderatè de gratia & arbitrio disputare, ut uerè illos absque gratia esse, quæ modestissima est, atque arbitrio, quod donum Dei est, asseuerare possim, illud mihi statim occurrit spectaculum Ioannis, ut hinc sit ille qui arbitrij partes tueat, illinc qui gratiæ, Diues sum (ait arbitrij fautor & possessor) & locupletatus, & noli







**C**ogēdia, in lachrymas resoluta sunt. Heu corda plusquā aërea Iudæorū: uideor enim uidere pallidam illam Iesu faciem, ac moribundā, ab ipsis rupibus, siccisq; cautibus & silicib. lachrymas excussisse: solus ille, qui semper dilectus est nuncupatus filius, neq; aliter à Deo & foris & nutritus, quā solent teneri infantes à tenera matre & foueri & enutrirī: solus, inquam, ille fera omni crudelior, ac sa-xo durior, tam miserandum spectaculum sui cōditoris, absq; lachrymis, nedum cernere, sed proprijs manibus conficere est ausus. Nōne rursum dissimulauit uultum, aliāmue prae se tulit faciem, mutauit consiliū, ut sic dicamus, & rationē, quando diuinam suam naturam corporea hac mole ac forma contexit: Etenim cū immortalis esset, incorruptibilis, inuisibilis, rebusq; omnibus locupletissimus, factus est ultrò mortalis, uisibilis, omnium pauperrimus, ac tandem, uelut corruptum cadauer, tumulto mandatus, quanquā corruptioni obnoxius fuit nulli. Superatis itaq; tot rerum monstris, atq; in pristinam redacta de integro formam facie illa diuina, in quam tanquam in totius beatitatis obiectum, cōlestes cupiunt prospicere animi, composuit hanc amoris odam filius Dei Christus Iesus, eamq; suos edocuit, & sic cecinit: Benedicā dominū in omni tempore, semper laus eius in ore meo. Nullum tam euidentis nostrae fidei in Deum potest esse argumentum, quā cū ipsum uultu eodem, atq; eadem mentis tranquillitate laudamus, illiq; gratias habemus, siue prospera sunt quae accidunt, siue aduersa. Nimium enim is tener est, ac delicatus, qui in secundo rerū suarum euentu laudat Deum, in contrario uerò blasphematur, aut saltem ingemiscit, & lamentatur. Et sicut quidem carnis mollitudinem suas in nobis partes exequi permittimus, ita infractū animū, inconcussūq; ac sui semper similem, in uiro cōlestibus disciplinis mancipato requirimus. Alioqui illud in primis, contingere est necessarium, quod mens humana continuis exagitetur curis & per motionibus, hisq; diuersis & uarijs, cū diuersa, planēq; inconstantia ac uaria, etiā sub unius horulæ momentū accidere penē omnia conspiciamus. Quare danda erit opera: qui in uno persistet immobilis tenaxq; propositi iam in Deo concepti tenore: qui Deus ut ea maximē omnia, quae corruptioni debita sunt, auersatur, ita praecare ris inconstantē nutantemq; animum fastidit & execratur. Laudandus est igitur semper Deus, quoquo uersum se fors uertat humana, & fortuna. Benedicte dominus, aiebant pastores illi in uate quodā, quod diuites facti sumus. Censes ne tam molles pastores in segetum populatione, aut gregum inedia & morte, eadem laudis diuinæ notas potuisse occinere? Quotus enim quisq; est, etiā ex his qui mundo abiecto, cōelum iam manibus attigisse uideri uolunt, qui non summo opere doleat, excrucieturq; animi, si aut Padus ruptis aggeribus fata inunda-uerit, aut Syrio ardentiori afflatae uites exustae fuerint, uel imbre ē nimio luxuriantes uim omnem uuarum in pampinos, frequentēsue clauiculos deriuauerint? Quā uereor ne cōmodis incommodisq; rerum harum inferiorum, diuinam erga nos metiamur beneuolentiam; cū ignorare tamen nō debeamus, cōlestem patrem suos sub flagris ac uerberibus erudire solitum, non delictis fouere. Quomodo igitur cū res contingant, uir spiritualibus assuetus dominicū Christo, quem in omnibus sequi debet, ex animo dicat, Benedicte dominus in omni tempore, siue nubilum id sit, siue serenū. Semper laus eius in ore meo. Sint mihi ubertim diuitiae, sit peculium, sint numerosi greges, sint liberi, sint honores, semper laus eius in ore meo. Sint contra inedia, fames, ærumna, paupertas, languor, morbus, ac tandem filiorum orbitas, semper laus eius in ore meo. Itaq; absurdissimum illud quidem, minimēq; ferendum in Christiano uiro, quod à Cicerone prolatum legimus: Bonum, inquit, liberī, misera orbitas: bonum patria, miserum exilium: bonum ualetudo, miserū morbus. cū apud nos nihil malum, aut miserum existimari debeat, praeter peccatū: hoc ex-cluso, nescio sanē quid mali nomine uocari debeat, ac possit. Igitur



In domino laudabitur anima mea: audiant mansueti, & lætentur. Deuictis, inquit, tentationibus, non mihi quidem laudem, meisq; uiribus ac studiis arrogabo, sed Dei misericordiae illud totum feram acceptum. Fas enim est, ut illi qui uim ad superandos hostes suppeditauit, laudem magnitudo debeat. In domino gloriabitur anima mea, legunt Hebraei, uel de domino: ut sit sensus, Totis animae affectibus, de domino, deq; eius bonitate gloriabor. & est ferè idem, quod nonnulli uertunt, Laudat anima mea dominum: nam de domino gloriari nihil aliud esse arbitror, quam laudes eius, maximo quantum possis affectu, prædicare. Audiant hæc itaq; omnia mansueti, & lætentur. Vide grati animi argumentum. Non possunt quidem non supremum in modum lætitia affici mites ac mansueti, simulac audiunt suæ sortis homines à Deo in afflictionibus non desereri, atq; propterea diuinum nomen ad cælum usq; efferre. Porro mansuetos uocat illos, qui cruci libentius sese submitunt, quam cuius eminentissimo principi aut regi: etsi non me clam est, à nonnullis mansuetudinē, uirtutem eam dici qua quis facile, natura duce, iræ ardorem temperat & extinguit: uerum mansuetudo etiā lenitas est, ac quædam cum aptitudine morū iuncta facilitas. Fel. tamen uertit, humiles; alius uerò, oppressos. Quare sit reddit Paraphr. In laudando domino occupata erit anima mea, ut audiant qui aduersa patiuntur, & recreentur. Vnde à quodam psalmorum interprete admonetur lector his fermè uerbis: Nunquā psalmum hunc intelliges, nisi graui tribulatione per Deum liberatus: tunc laudabis Dei benignitatem, & dulcedinē misericordiae eius. An uerò nostra quoq; etate oblata nobis sit propter aduersitatum frequentiam, occasio laudandi Deum, equidem non ignorare possum: licet interdum adeò extra me in dignioribus cum occupatus fiam, ut uix me esse hominem sentiam; sentio tamen tunc demum, cum proborū in rebus gerendis modestiā, lenitatemq; animi à nonnullis uideo suspectam haberi. Illi, ut suus est mos, agant: ego uerò interim uel usq; ad raucedinem clamabo, Audite, audite mansueti, & lætamini:

Magnificate dominum mecum, & exaltemus nomen eius in idipsum. Non mirum enim si quis diuino numine afflatus, non solum ipse propter incredibilem, quam in se sentit, cœlestis perfusionis lucem, lætitia gestiat, uerum etiam alios ad idem mentis tripudium prouocat, cum causam mox, quam obre lætari debeant, infert:

Exquisiui dominum & exaudiuit me, & ex omnibus tribulationibus meis eripuit me.

Nequid sibi uelit illud, Magnificate dominum mecum, diutius quæras, breuibus id exprimit Paraphr. Laudibus, inquit, quantum potestis maximis, efferte dominum, extollamus nomen illius unā omnes. Ex qua quidem interpretatione admoniti, censemus nihil aliud esse dominum à nobis magnificari, quam eo nostro illū laudari proposito, quo apud omnes: quemadmodū in seipso maximus est, supraq; omnem magnitudinē infinitè excelsus, ita magnus existimetur, colaturq; passim ab omnibus. Cæterū, in idipsum, Hebraeis est, unā, simul, pariter: & est sensus: Non uos pudeat pigeatq; o mites, o à mundo despecti & oppressi, tam bonū principem unā mecum, qui toties uim illius bonitatis expertus sum, laudare magnificareq; atq; eius nomen, quanto ualeatis conatu, extollere: nam & ego quidem in tribulationē grauiissimā sæpenumero prolapsus, illū mihi semper querendū esse duxi. Nec sanè id quidem frustra: nam me actutū ab oppressionū mole leuauit, non secusq; extraxit, ac solent matres tenellos filios à periculo aliquo imminenti extirrefactos. Sic Fel. Ex omnib. trepidationib. meis eripuit me. Accedite igitur ad eum, & illuminamini, & facies uestre non confundentur.



**C** Cum hæc & similia nimirum lego, uideor mihi uidere mortaliū animos in caligine errorum densissima æquē uersari, atq; hi consuescunt, qui labyrinthum aliquē ingressi, hōc magis in sinuosis illis gyris horsum fursum implicant, quō ex sese absq; lumine aut filo, tam confusas uiarum ambages egredi nituntur. Labyrinthus enim uita hæc est; Christus uerō solus, ne lumē aliud imagineris, fax ac lampas; filii autē glomus, fides; qua quidem nostrarum operationum dextera, sed unita ac colligata, præuio semper Christo, non labyrinthum iam quendam, sed profundissimā errorum noctem illæsi superamus. Accesserunt enim antiqui illi patres olim ad Mosen, ad iudices, ad Prophetas; uerū ex his quis unquā se iu- cem esse testatus est, quemadmodum Dei filius, qui in Ioannis Euangelio clamat, Ego sum lux mundi? Nōne de uiro illo sanctissimo, quo nemo unquam enatis mulierū surrexit maior, sacer refert scriba, quod nō erat ille lux? Lux itaq; Christus solus est, cuius beneficio nō tantum corpora hæc inferiora & uiuunt, & incrementū sumunt, quantum mortalium animi, quorum lumen propriū ac uita, ipse est; quo absente, non solū tenebroso cuidā mortis generi sunt obnoxij, uerumetiam nihil omnino sunt. Omisissis itaq; rebus cæteris, quæ aut carent lumine, aut falsum illud quidem pollicentur, ut sunt cogitationes illæ, aut opera quoq; quæ ab humana solūmodo proficiuntur ratione ac uoluntate, accedite ad eum, & illuminamini. Ipsum, ipsum adite; ipse enim est, non alius quispiam, qui illuminat omnem hominē uenientem in hunc mundū. In ipso uita est, lux, pax, & omne bonū; in cæteris uerō tenebræ, nox, mors, atq; omne malum. Haud sanè uerendū, ut in tam sancta de obtinendo Christi lumine fiducia repulsam patiamur (sic enim interpretantur, Et facies uestre non confundentur) quin potius illud timendum, ne nostra timiditate, pusillitate uel animi offensum, radios illos suos bonitatis, alioquin omnibus ex æquo patulos, subtrahat: quos illis tantummodo perpetuo quodam influxu exerere solitus est, qui idcirco tam beatissima luce perfunduntur, quod illam absq; hæsitacione & rogant, & iam se, propter spem certā, exorasse certō sciūt. Quare illa nō paruipendenda est Pauli adhortatio, qua nos admonet, ut cum fiducia accedamus ad thronum gloriæ eius. Fel. tamē hunc uersum sic legit; Respexerunt ad eum, & cucurrerūt, siue illustrati sunt, quod quidem duplici sensu niti uidetur; altero quo, Ad eum, ad ipsum referatur Deum; altero uerō ad sese. Prima quidem interpretatio concinna admodum uidetur, atq; apta ad ea, quæ dicta sunt: ut sic uates, qui, simul ut dixit diuinos oculos ad suas respexisse calamitates, breui ueluti conclusionē rem necat hoc ferè modo. Postquam me in miserijs adiutum, atq; adeo ab infinitis periculis tum animæ, tum corporis ereptum à Deo, audierūt, respexerūt illicò ad eum, ac factō uelut agmine certatim cucurrerunt; uel respicient, ut uertit Fel. & accurrent, simili modo se, suaq; omnia Dei fidei committentes. Si uerō ad ipsum uatem illud referas, ut nonnullos referre uideo, ob illa quæ sequuntur, is erit sensus, tanquam uates de se dicens, alium introducat: quod genus locutionis nonnunquam, etsi non frequenter, in scriptura legis diuinæ positum cernimus. Aspicient, inquit, homines illum, hoc est, me, atq; admirabundi considerabunt, accurrentq; tanquam magnum quoddam uisuri; nec quidem pudebunt, ut hi solent, qui uisa re illa, ad quam tanto studio contenderant, illusi reuertuntur, quippe quod non ea uis rei illi inerat, quam prius animo conceperant. Cernebant enim uatem afflictum, despectum, irrisum, oppressum, à proprijs laribus, à patria, à sinu deniq; ciuium eiectum, tam subito fauore erectum. Vnde stupentes hæc inter se,

Iste pauper clamauit, & dominus exaudiuit eum, ex omnibus tribulationibus eius saluauit eum.

O immensam, aiunt, diuinæ beneficentiæ largitatem. Iste profugus, miser, proscritus



A proscriptus, ab omnibus contemptus & eiectus, tam Deo charus est, ut cum pri-  
mum eius opem implorauerit, statim adiutus sit, atq; à tribulationibus illis tam  
sæuis, tam immanibus, tam humanæ uirtuti imparibus, ereptus. Quis hæc gran-  
dia non fateatur, ac stuporis plenissima? Audí & miraculo propiora:

Immittit angelus domini in circuitu timentium eum, & eripiet eos.

Solet enim diuina bonitas suos ita in ærūnis ac laborib. illis, quibus tota hæc  
uita referta est, & tutari, & illæsos reddere: ut penè nihil aliud cogitare uideatur,  
quàm ut illos in eo rerū culmine statuatur, quò conspicui mundo, dii magis quàm  
homines reputent; quæ quidē felicitas non ociosis, aut in rebus huius mundi oc-  
cupatis contingere unquā potuit, uerum defudantibus, atq; à iustitiæ semita ne-  
passum quidem deflectentibus. Sunt & qui etiam (exemplo, ut aiunt, Dei, cui sui  
maximæ, ut dixi, sunt cure) nihil omitunt, quò suos cōsanguineos, licet ineptos,  
aut affines, aut saltem eiūdem patriæ homines summopere extollant, atq; inter  
primos ciuitatis collocent, ut ferè insanire uideantur, si quod quærunt non asse-  
quuntur. Atqui forsā id superbix atque ambitionis in rebus publicis atq; ur-  
bium magistratib. tolerari posset, utpote in huius mundi gloria ac fastu uersan-  
tibus, atq; ad eum certatim omnibus accurrentibus, passimq; conspirantibus: at  
in templis id uirus, templorumq; prouentibus & honoribus inueniri, quorū ho-  
nor ac gloria ea tandē esse debet, ut unusquisq; paruo minimoq; cōtentus, nihil  
in terris magnū, nihil ue gloriosum arbitretur, nisi mundo ingloriū esse, ac om-  
niū abiectissimū, quis bonus æquo ferat animo, & potissimū cum nulla uite aut  
doctrinæ habeatur ratio, sed illa tantūmodo, quòd cōsanguinei sunt, eiūdemq;  
regionis incolæ? Nemo unquā, inquit, carnē suam odio habuit. Infelicissimū  
profecto carnis genus, atq; ab animo prorsus amputandū, illorū præsertim qui  
B idcirco in templis ac claustris uitam degunt à uulgo remotā, ut tranquillius res  
suas cum Deo, qui in purissimis solummodo, ac penitus à turbis semotis animis  
habitat, pertractent, non ut carnem illam suam, turpissimo omnium exemplo,  
& foueant, & reclamante quoq; natura, in altum euehant. Sed ad Psalmū. Diuus  
Hieronymus ex Hebræo sic reddit hunc uersum: Circundat angelus domini in  
gyro timentes eum. Fel. uerò sic: Moratur, siue castrametatur angelus domini  
in circuitu timentium eum. Sumpta enim occasione uates à sua liberatione, ut  
in psalmi titulo est dictum, fidissimā angelorum circa homines custodiam cele-  
brat, & ait, quòd dominus adeò erga suos uigilans custos est ac insomnis, ut ue-  
lit etiam uniuscuiusq; angelum ad sui, ut sic dicam, clientis tutelā castra circum-  
poni, ne uidelicet ab inimicorum castris hinc inde circumfusus lædatur. Quòd  
uerò noster interpretes transtulit è græco, Immittit, Septuaginta transtulerunt,  
Irruet, quòd eadē dictio Græcis sit, immittere, irruere, inuadere, inñcere; utraq;  
tamen uersio obscurior, quanquā nō me præterit, immittit, à nonnullis ita inter-  
pretari, quòd angelus tanquam minister, diuini fauoris influxum, in electorum  
custodiam immittit. Quòd si porrò, qui sint electi, à tardioribus ingenijs ignora-  
ridicuntur, addit uates, quòd hi sunt, qui timent dominū, Si rursus, unde istius-  
modi timore affecti queant cognosci, interrogor: respondeo, à præceptorum  
Dei obedientia: Vbi (inquit lex sacra) est timor, ibi etiam mandatorum observa-  
tio. Ergo in obtemperando diuinis iussionibus, is facile dignosci potest, qui in  
electorū numerū ascitus sit: alioqui in uia stertentes fidei, ac in media ipsa luce  
hallucinant, præ se absq; dubio ferunt, ab electione Dei æterna exclusos esse,  
atq; propterea tutissimis angelorū castris haudquaquā muniendos. Verum ut  
non sit alia cœlestium spirituum custodia ac defensio, aut aliæ quoq; pro tutandis  
electis excubie, num ille quidem qui magni cōsiliij angelus appellatur, cum suis  
castris, suaq; tutela deesse poterit? Non deerit certè, quandoquidem se nobiscū  
fore usq; ad consummationē seculi pollicitus est. O fidam supra humanum atq;



**C**angelicū præsidiū, custodiā. Vult tamen dux noster ipse omnipotentissimus, & imperator, suos secū ad nostri tutelam & defensionē habere exercitus, ne ullo prætenu, ullōue pallio nostram possimus obtegere ignauia, querentes nos esse indefensos & derelictos. Olim enim obfessa ciuitate Dothan per regem Syria, in qua erat Elisæus, uisus est mons plenus equorum, & currum igneorū in circuitu Elisæi, quæ quidem uisio nihil aliud præ se tulit, quàm administratorios illos spiritus (sic eos uocat Apostolus) continuis nobis affuturos subsidij. Quid item illud, quod in Exodi libro legimus? Præcedet te, inquit dominus, ad populum Iudæorū, angelus meus, & introducet te ad Amorrhæum, & Ethæū, & Pheræum, Cananæumq̃, & Euæum, & Iebussæū, quos ego conterā. Hi sunt enim populi terræ, populo illi à Deo promissæ. Verū priusquam angeli custodiam populo spondidisset, præceptorū illi aceruum cōdiderat, addideratq̃, se illi semper affuturū, tantum omnia, quæ ei locutus fuerat, non contemneret, sed diligentissimè seruaret. Ecce mittam angelum meum, inquit, qui præcedat te, & custodiat semper in uia, & introducat in locum quem præparauī tibi. In obsequendo igitur mandatis diuinis, huiusmodi cœlestium animorū tutelam atq̃ opem merentur electi, ne nobis naturalem quandam purissimis illis ministris consuetudinem, qua nobis uelint nolint deuincti sint, somnietur. Vos interim

Gustate & uidete, quoniam suauis est dominus.

**Q**uam uerissimū illud quidem est, diuina scilicet beneficia nō solum esse consideranda meditandaq̃, & ob oculos sedulò retinenda, uerum etiā spiritus palato degustanda, atq̃ in cor traicienda. Idcirco uates cōmemorata angelorum uigilantia erga homines, ac custodiā, dono utiq̃ sublimi & diuino, datoris bonitatem, suauissimamq̃ illius naturā ac facilitatē in suos nobis offert, nō solum quæ deo animo pertractandam, uerum etiā degustandam. Nam Dei munera, quæ nunquam defunt mortalibus, nemo tam scelestus est & impius, qui non interdū uoluat animo, ac cogitet à Deo esse: uerū illorū gustus & suauitas ad illos tantum pertinet, qui nihil aliud in terris iam expetunt & amant, præter Deum: hi electi sanctiq̃ uocantur & sunt, ceteri uerò etiam nū dubij, ut sunt fermè omnes quos nostra hac ætate, fœdo omnium exemplo, cernimus pede altero inter religiosos cœtus manere, altero uerò terrenis negocijs ac quæstibus fixos esse & occupatos: rarò enim hi gustant, quàm suauis sit dominus, quàm bonus (ut uertit Fel.) quàm benignus, quàm super mel & fauum dulcis. Duos quidem pedes hoc est, omnes animæ affectus, non illos aut illos, à nobis exigit purissimum atque adeo simplicissimū illud nomen. Quare id summopere cauendum, ne dum hinc à mundi amore plecti, ab infinitis terrenarum rerum curis imperitiamur, hinc à memoria pollicitationū Deo per nos factarum urgemur, ancipiti progrediamur passu, atq̃ illi faueamus parti, quæ modis omnibus à nobis est exutenda. Vis uno uerbo rem totam concludi? Vult totum hominē Deus, uult animū, uult cor, uult spiritū, uult omnes animæ affectus, uult corpus deniq̃ ipsum brutum. Ceterū gustus ad uoluntatē seu amorem attinet, uisio autem ad intellectū in quibus sanè rebus tota animæ beatitudo posita est. Vtra uerò potior sit, in hac uita maximè, fateor me nescire. quanquā scio statim quosdā mihi responsuros, satis illud tritum, quod non possumus amare incognita. Sed nostrum id nō erat institutum. Illud tamen unum me ignorare haud dicam, totam uim Euangelij, in qua tanquam in speculo nostram contemplamur beatitudinem, à M O R. Porro si aiunt, ad metam, illam in primis auream resonare dictionem, A M O R. Porro si primam rerum originem respecto, si cœlum, si terram atq̃ eius ornatum ac cultum intueor, si diuinum de recuperandis hominibus in Deo consiliū, si eius filij ad id negociū delegati aduentum, miracula, ac demū ærumnas crucemq̃ cōsidero, uidentur hæc mihi omnia sub una hac tantūmodo dictione concludi,



cludi, AMOR. Ad hæc, quid aliud totius Legis, prophetarumq; omnium summam, qua beati efficimur, in unum colligit nodum, nisi AMOR: qui quidē non tantū ab anxia diuinæ naturæ peruestigatione, & quæ in terris ferè est nulla, cognitione, oriri solet, quantum à simplici in Deo spe ac fiducia, quinimò duo hæ optimæ in anima partes adeò simul cohærent, & indissolubili cōnectuntur uinculo, ut una sine altera esse omnino nequeat. Non parū enim (meum iudiciū simpliciter profero) religioni nostræ decederet, si è cognitionis magnitudine, quæ tenuissima est, nostrū in Deum amorē metiremur, qui immensus esse debet, cū diuinarum rerum notioni quidam sit in terris præscriptus finis & modus, ultra quem uelle progredi nefas esset; amorī uerò nullus præfixus sit terminus ac modus. Vnde quidam ex sanctioribus nostrę professionis uiris olim interrogatus, quis modus in diligendo Deo deberet esse, Modus, inquit, sine modo. Nec sanè aliud spectasse Euangelium iudico, cū iussit Deum toto corde, tota mente, atq; anima & uiribus à nobis diligere, quàm in Deum amore illo nos ferri debere, qui modum nesciat ac mensuram. Hæc igitur cuncta longè antequam euenirent prospectans uates, ac præuidens cœlestis huiusce amoris gustum ante Christi aduentum ferè nullum per simplicem magis in Deum fidem ac spem sensuros homines, quàm per rerum earum notionem, quæ nullatenus humano ab intellectu percipi possunt, exclamauit,

Beatus uir qui sperat in eo.

Verum quidem illud etiam est, atq; à sacra lege non semel celebratum, maledictum scilicet esse hominem, planeq; execrandum, qui in homine sperat & confidit. Verissimū & illud, benedictum eum sanè esse, ac beatū omnino, qui in domino spem suam collocat & fiduciā. alioqui certè tanta interdum rerū confusio inter homines cōmiscet, cū alter alteri plus quàm par est fidit, ac uicissim sese mutuis quibusdam uicissitudinibus fiduciæ ac spei confouent, ut non maiori cōmisceatur fretum aliquod uiuentorū ingenti concitatū, funditusq; euersum. Quàm falsus is quidem est, qui in homine quamuis amico & probo, adeò ex animo confidit ac sperat, ut nullo unquā tempore aut occasione, eum mutari posse cogitet. Ea enim animi inconstantia mortalium pleriq; affecti sunt, ut amicū quamlibet charū facile fallant, modò id uel sibi met, uel rei illi, quā magis amant quàm fidem, inseruire posse uideant. Et ut quidem huiusmodi fallendi studiū in uulgonatura leuissimo ferendū sit, in magistratibus tamen ac rerum publicarū & Ecclesię primatibus neq; ferendū, neq; nominandū. Sed illud unum hac in re potest esse remediū, ne quis quotidie ab amicis se deceptū expostulet, dicatq; imprudens, non putaram, si titubantē spem in homine, qui fallere consueuit, posuerit: in Deo autē firmam ac constantē, qui ita à deceptione remotus est, quemadmodum à ceteris animi uitijs quibus implicati sunt homines, natura semotus est & alienus omnino. Quare non absq; ratione uates exclamauit, Beatus uir qui sperat in eo: hoc est, felix ille, qui fidei illius sese committit penitus. Quocirca

Timete dominum omnes sancti eius, quoniam non est inopia timen-

tibus eum. Contrà uerò, Diuites eguerunt & esurierunt.

Elegantissima hīc quidem antithesi usus propheta, scribit, nihil nō, quod ad uitę usum faciat, abundè in Deo sperantibus, eumq; timentibus suppeteret, inopia interim laborantibus huius seculi diuitibus & potentibus, quos secundum Hebræorū literā leones appellare libuit. Sic Fel. Catuli leonū inopes facti sunt, & esurierunt. Dictio enim, quā noster interpretes diuites uertit, magis prophetę sensum exprimit, quàm uim uocis. alioqui dicendum erat, leones iuniores, quib; ob recentiorē ætatem, magisq; uiuidam, ferociores sunt, atq; ad prædam ualentiores, inedia facilius ac fame deficient, quàm hī qui timent dominū: nam nihil



**C** deesse potest tam charis Dei amicis. Verum (ut dixi) diuites hinc à uate describuntur, feroces insuper, rapaces, usuris rem suam accumulantes, iniusta luxura sectantes, de aliorum fundis atque agris posteris suis diuitias comparantes, & demum de miserorum ciuium sudore & ærumna feliciter uiuentes: hi nempe omnes à passione illa æterna, qua pauperes solummodo spiritu recreantur, & ui tam habent, tum hinc, tum in futuro uitæ statu ieiuni erunt. Esurientes (canit Deipara uirgo) impleuit bonis, & diuites dimisit inanes: uacuos scilicet super no illo cibo, quo uel summis labijs degustato, in eum conualescit anima uigorem, qui ab interitu tam longè abest, quàm longè inuicem absunt lux & tenebræ, mors & uita, felicitas & miseria, esse & non esse. Ne putes, ait glossa, hinc dici de terrenis rebus, quæ nullius precij sunt, sed de spiritualibus. quanquam non rarò quidem eos ipsos etiam diuitijs multis turgidos atque elatos, uidimus ad tantam rerum omnium inopiam deuenisse, ut aut fame interierint, aut ad posterorum exemplum à diuina prouidentia seruati, uitam miserrimam utcunque traduxerint, nihilo tamen secius meliores effecti, quàm prius fuerant, cum fortunam capillo (quod aiunt) tenere uisi sunt. Hi enim in limo limosam, ut sunt meriti, degunt uitam.

Inquirentes autem dominum non minuentur omni bono.

Fel, non indigebunt uertit. Alius uerò, non deficient ullo bono. Quare uerborum horum omniū sensum Paraphr. quemadmodum uenustè & uerè, sic breuiter colligit hoc modo: Qui potentia leonibus similes uidebantur, ad inopiam redacti sunt, & famem passi, cum interim quærentibus dominum nihil defuerit unquam. Atqui considerandum, quomodo nunc uates eosdem ipsos inquirentes dominum uocat, quos superius sperantes in domino, eumque timentes appellauit: quò animum aduertamus, nulla ferè alia ratione aut uia posse Deum inquiri quàm illa, quæ spe fideque, ac erga Deum ipsum timore ac reuerentia sternitur, atteriturque pedibus euangelizantium pacem, uel, ut inquit Esaias, euangelizantium bona. Ac ne illorum spes interim & timor nequicquam esse uideatur, continuis sese macerant abstinentijs, inedijs, cruciatibusque corporis spontè susceptis, uigilijs, & ijs quidem diuturnis & constantibus: quibus sanè rebus & indicijs, quantum sit illorū studium & conatus res eas superandi, quibus promissis deuictis, uirtutes omnes animi stabiliuntur, firmanturque in Deo, sed in primis pertinax illud propositum inquirendi Deum, quod unà esse cum spei, timorisque diuini habitu diximus, omnibus testatū esse cupiunt, hi certè non minuentur omni bono: quod quidem bonum, ne diutius in diffiniendo summo philosophas omnes philosophorum inuicem concertantium peruestigemus, Christus est: quo adepto, summa illicò præstò est felicitas illa animorum, quam beatitudinem appellamus: uerum his tantummodo, qui non tam cognitionis regulam, quàm amoris ac fiduciæ illum inquirunt. Quare ne longius aberratur,

Venite filij, audite me, timorem domini docebo uos.

Timorem hinc uocat uates cultum Deo syncerè impensum, quem sanè suos edocendum spiritus pollicetur, illosque filios uocat. Quid ni filios appellet, cum illorum teneritudinem atque infantiam assiduè alat coelestium donorum alimentis, quò tandem in uiros coalescant undequaque perfectos? Filioli mei, inquit Paulus, quos iterum parturio, ut reformetur in uobis Christus, ad hoc enim spernis gratiarum archiuis, ac thesauris tam copiose à Dei spiritu ditamur, ut Christus tandem in nobis reformetur, in ipsoque per amorem, cultumque illum transformemur, quem hinc timorem domini appellat Propheta, quem secutus Paraphr. sic reddit: Venite quotquot discere cupitis, & auscultate mihi, quo pacto uerè coli uelit dominus, docebo uos. Et quid sit illud, uenite, interpretatur



**A** tur Fel. præparamini. Venite igitur, accedite, quid ueremini? pater est qui uos inuitat, rogatq; ac quibusdam ueluti crepundijs & crepitaculis ad sese allicit. Ceterum timorem huiusmodi, qui in Dei religione positus est, è libris utcunq; discere possumus: sed parum illud quidem, nisi is cuius id donum est, illius cognitionem suppeditet, nosq; in filios illos quos hîc ad cōdiscendam timoris huiuscedoctrinam prouocat, misericorditer accersat, moueatq; ad ea appetenda, quæ alioqui neq; per nudum nostrum arbitrium, neq; per nostram duntaxat uoluntatem nancisci idonei sumus. Negocium id spiritus Dei est in primis, non hominis nimum per sese ad diuinas contemplationes lusciosi & tardî. Ergo

Quis est homo qui uult uitam? qui diligit dies uidere bonos?

Fel. sic: Quis est uir qui uult uitam? qui diligit dies, ut uideat bonum? Paraphrastes uerò clarius: Quisquis cupis fieri longæuus, & multis annis uiuere feliciter, cohibe linguam à maledicentia. Idcirco enim annorum prorogatio desiderari debet, atque à Deo peti, quò diuinus per nos cultus latius propagetur, inseruiaturq; uirtutibus ac numinis immisionibus, non curis seculi aut uitij, inter quæ ea quibus lingua infici solet & maculari: indeq; animus ac mens non inferiorem sibi uendicant locum. Sufuratione enim murmurationeq; ac qua maxime inquinatur anima, obrectatione, periurio insuper & blasphemia, foedari cernimus non solum linguam, uerumetiam & cor & animum. Imò, ut rem clarius exprimam, à contaminato corde huiusmodi turpes erumpunt fructus. Quocirca inter prima diuini cultus rudimenta id potissimum à uate ponitur, linguæ scilicet candori ac munditiæ assuescere: nec facile quò nos uocat animi petulantia atque ira, claustra alioqui summo naturæ artificio occlusa, laxemus linguæ.

**B** Prohibe (inquit) linguam tuam à malo, & labia tua ne loquantur dolum.

Priuada est igitur his duobus potissimum telis lingua, ne quem scilicet aperta lædat iniuria, ne quem dolosa & occulta. Natura enim hominibus cum data sit à Deo lingua, ut alter alteri suos aperire ualeat cōceptus, tum ut ipsum suū fabricatorem laudibus efferat, atq; eius nomen diuulget, insigne erit flagitium tam nobili abuti instrumento ad concinnandas fallacias, iniuriasq; illas, quæ & homini incommodum, & Deo cōtumelias inferant. In lubrico quidem cum sita sit, facile in eam sæpenumero prolabitur intemperantiam, ut ea quoq; quæ non uis, impudentissimè effutiat. Iam illud scitè à Salomone dictum, quòd os lubricum operatur ruinas. Sed illud horrendum, quod inquit Christus: Ex uerbis eustrinæ fundaberis, & ex uerbis tuis condemnaberis. Iactis itaq; cœlestis doctum erigendum ædificium transit, & ait:

Diuertere à malo, & fac bonum, inquire pacem & persequere eam.

Audisti ne unquā breuius ad totius sacrae legis uim exprimendam compendium? Fuge, inquit Paraphr. malum, & fac bene. Sic sanè res habet, ut in malo euitando solertia nihil propèmodum sit, nisi & ad operationes illas, quæ à fide proficiuntur & amore, adijcias animum. Cui unquam profuit, aut fuit decori, conscissas abieciisse uestes, nisi nouas, aut saltem honestas & decentes induerideat? Porro declinare à malo, est illud totum, quod à sanctissimo Christi Euangelio dissentit, longè propulsare, nec quicquā in moribus, in uita, in cogitationibus deniq; nostris & affectibus admittere, quod Christi uitam nō referat. Ille uerò facere bene dicitur, qui natura ipsa prima præuia, sed imbecilli & tarda, ad ipsius instaurationē amplexandā quæ per Christū facta est, totis animi uiribus



**C** contendit. Hinc Deum super omnia & colit & amat, illinc uerò proximū perinde ac seipsum diligit. Quod quidem ante Christi aduentum ad nos prorsus exoleuerat, reclamantibus tamen naturæ ipsius antiquæ institutis ac lege. Instaurata sunt igitur omnia per Christum, & quæ in cœlis, ut inquit Paulus, & quæ in terris sunt. Quare si adhuc ad ea, quæ agi oportet, cæcutis & dormis, pigeatq; à doctioribus haurire quæ magno absq; labore non perdiscuntur, pigebit ne etiam compendiosam Christi uitam, in qua totius inest iustitiæ summa ac uirtus, uel semel in die recensere? Si legem bene uiuendi certā assequi peroptas, Christum intuere; si modestiam, si patientiam, si in aduersis tolerantiam, si fortitudinem, si mundanarū rerum contemptum ac neglectū appetis, à Christi uita hæc omnia perfectissimè discere poteris: nusquam enim nisi in Christo, ad bene sancteq; uiuendum lex ac forma statui debet. Is certè cum tantus sit, ac tam uastus, ut rerū omniū molem & impleat & contineat, obuius est tamen omnibus, atq; adeo patens, ut nemo tam abiectæ sortis homo sit, qui tam excelsæ rei consuetudinē non assequatur & obtineat, modò sui prorsus ipsius immemor, in illum, quantum in se est, per amorem & desiderium ardentissimè feratur. Hic certè non exacta admodum legis cognitio, non linguæ, nō artes, non humanarū rerum doctrina, addo, & diuinarum anxia illa sollicitudo & inquisitio in primis requiruntur, sed amor, sed puritas, sanctaq; fidei simplicitas, ac quedā in moribus (ut sic dicam) Christi-formitas. Induite dominū Iesum Christū, aiebat Paulus, & sat est. Quid breuius dici potuit? quid rursus utilius? posito enim circa nos, supra nos, infra nos, & in nobis tandem Christo tanquā uestimento, nihil iam deerit, quò minus supra superos spiritū cœlestium choros statuamur. Eo quidem obtento, illud potissimum euenire necesse erit, quòd quemadmodū cætera illa, quæ ad assequendum tot laborū nostrorū præmium conducunt, facile obtinemus: ita pacem maximè

**D**eam, qua tum omnibus, quibus cum uiuimus, cōmodi sumus & gratiosi, tum nobis quoq; qui adeo pacata conscientia, tranquilloq; animo, cum Deo primū, postea cum hominibus omnia pertractamus, ut cœlestes quodāmodo in terris diuideamur, non solum inquirimus, uerum etiam studio omni & conatu, ut perfectè illam habeamus, contendimus. Idcirco addit uates: Inquire pacem, & persequere eam. Res est enim, quæ nisi maxima ui animi ac nisu apprehendi potest: adeo multæ uariæq; inter homines interdum rixarū incidunt, atq; odiorū occasiones. Non fuit quidem æstus in mari tam sæuè, orta tempestate, quàm respública illa, aut hominum aliàs cōgregatorū multitudo, rupta pace, & furit & infanit, dum in sectis diuisa, alter alterū & lingua & ferro, & quod est scelestius, ueneno persequit, & atrocissimè infectatur. Fugato enim semel à nobis Christo, qui pacem tam diligenter nobis, cum iam iam è terris discessurus esset, tanquam bonorum omniū nexum ac summam cōmendauit, cuiusq; æternum in sinu patris domiciliū pax est & quies, quid in mundo aliud uidere cogitamus, quod non sit bellorū discordiarūq; plenissimū? Quot urbes (malum) excisas? quot respublicas? quot familias? quot uel integras regiones, religionesq; è fundo erutas, tum legimus, tum nostris quoq; oculis uidimus, propter dissidiorū rabiem atq; impetum? Atqui in infidelium conuentibus ac populis bella esse & discordias quis iam miretur, cum absq; Christo sint, ac uiuant, qui pax ea est, quæ exuperat omnem sensum: at in Christianis cœtibus, in oppidis atq; urbibus Christi fonte intinctis, in templis ipsis quoq; in Christi nomine erectis pacem nō esse, sed rixas & cōtentiones, magis mirandū est, q̃ si in medio ipso Galliarū centro Hispanienfes quis profiteat partes, aut in Britannia Gallicas: quanq̃ id in Italia nulli iam detur opprobrio, cum à multis iam retrò annis omni nationū omnium sceptra, ne dicam libidini, gens hæc prostituta sit. Vnde aut hinc in Pyrenæo monte educatus res Italas moderet, aut ille in ripis Rhodani seu Rheni altus, aut alius quocūq; è Mæotide, si lubet, emergat palude, ac nobis imperet, non eousq; mirabimur, ui



<sup>A</sup> titres solemus insolitas & novas. Quòd si etiamnum à quamplurimis, unde tanta rerū confusio ortū habeat, ignoratur: his una hac tantū uocula satisfactum iri uelim, DISCORDIA. Quòd si rursus interrogor, unde nata sit huiusmodi bellua, quæ crudelissimam quanq̃ feram immanitate superat: fatebor equidem, malum id omne à Christi absentia exortum, quemadmodum ab illius presentia non secus bella omnia ac rixæ sese subtrahunt & fugantur, ac uulgus solet seditiosum, in discordiasq̃ procliue sedari, uiso principe aut rege. Quoquo se modo res habeant, id nobis unum maximopere curandum erit, ut tanto nos studio & conatu, pacem saltē animi, si corporis inter uiperas coniecti non possumus, inquiramus, quò tandem illam assequamur, apprehensam uerò mordicus teneamus. Id enim significat, & persequere eam. Nam

Oculi domini super iustos, & aures eius in preces eorum.

Mirum in modum nostra perfectione delectatur Deus, atq̃ propterea iucundo uultu, atq̃ oculis undequaq̃ latissimis, suorum uirtutem intuetur, uti solet pater liberos intuens benemoratos, atq̃ ad ingenuas, ciueq̃ optimo dignas operationes ita aptos & instructos, ut à præclarissimis quoq̃ ciuibz laudentur, uulgoq̃ celebrentur. Est & alia ratio, quamobrem asserat uates Dei oculos iustorum uitam contemplari, atque ad eorum preces aures facile accommodare. Nam postquam mortales omnes generaliter admonuit, neminem seu clàm seu apertè laudandum esse, quin potius eo pacem studio ac diligentia inquirendam, ut queat aliquando apprehendi & teneri, infert, subinde diuinos oculos in probos esse intentos, quo nimirum illis, ne qua re egeant, aut à quopiam supra uires laedantur, prospicit, consultumq̃ uult. Proinde si quid acerbum calamitosum ue (ut sunt pleraq̃ huius mundi) inciderit, eos cum primum ad ipsum confugerint, audit, atq̃ à periculis uel animæ uel corporis asserit. Quod sanè dictum à Propheta idcirco arbitror, cum ut superbam quorundam petulantia à miserrum oppressione arceat, cum clarè cernunt iustorum uitam curæ esse Deo, tum ut iusti ipsi non tam præfractè potentiorū iniurias perferant, cogitantes nullam esse in mundo tam fortem persecutionū acerbicatem, quin statim à Dei manu, sub cuius tutela atq̃ protectione tuti sunt, confringatur. Nam

Vultus dñi super facientes mala, ut perdat de terra memoriã corū.

Ne uereamini, inquit, iusti; neque quomodo improborum ulciscamini iniurias, cogitatis: finite hanc curam Deo: facies enim domini super illos. hoc est, ut reddat Paraphr. toruo uultu aspiciet sceleratos, ut aboleat à terra memoriã eorum. Fel. item, loco Vultus domini, ira domini posuit, quò intelligas nihil aliud scentiã: non quòd sanè huiusmodi affectus & ægritudines in purissima Dei natura sint, sed à signis irati hominis uoluit uates in Deo comprehendere iustissimū illius esse consilium, suos à peruersorū hominum contumelijs uindicandi. Et ut quidem in hoc mundo ad innumera illorum scelera, ut est natura patientissimus, ob quædam quæ nobis prorsus occuluntur iudicia, Deus conniueat, num conniuebit etiam in supremo illo die, cum exactissimo examine aurum à scoria, triticumq̃ à palea ac bulla seligens, illud horrendum in impios iudicium profecturos iucundum & lætū, an toruum & acerbum: Intuebitur quidem omnes Deus & bonos & malos, hos nimirū ut damnet, illos ut seruet: hos ut ad æternos detrudat ignes, illos uerò ut in felicissimis æternorum bonorum sedibus collocet. O iudicium ab omnibus, dum hîc uiuitur, ex animo perpendendum extime scendumq̃. Cæterum quòd hîc asserit iniquorum omnium memoriã è terra abolendam, si non placet uiuentiū terram, quam beatitudinē æternam quidam esse



C interpretantur, intelligi, ad quam quidem interpretationem tanquam ad certissimum sensorum confugiū recurrunt: hunc uitæ esse statum dicas, quo quidem peracto, nulla extat improborum actio quæ digna sit memoria, sed æterno decore & infamia. Et certè suis in æumnis

Clamauerunt iusti, & dominus audiuit eos, & ex omnibus tribulationibus eorum liberauit eos.

Iusti dictio in Hebraicis codicibus non inuenitur, sed additū puto explicandi causa prophetæ sensum. Diuina quippe bonitas nō potest nō præstare adesse suorum gemitibus, & orationibus illis præsertim, quæ è purissimis cordis radicibus egressæ, ipsum Deū quodāmodo ad subleuandam miserorū sortem, quæ conuinis afflictionū procellis exagitur, cogere uidentur. Conglomerentur sanè hinc inde angustię & miserię, tantillo orationū igne adeò exeduntur, ut penitus in auram resoluantur, aut in sese collectæ tanquā putridum cœnum cōmarcescant. Non est quidem res ita efficax & fortis ad dissipandos hostium humanigneris cuneos atq; exercitus, ut est feruida ad Deum precatio. Vnde hic uatem illud in primis asserere uoluissē arbitror, multam atq; atram tentationum nubem ab aëre isto caliginoso pendēre, tonitrua persecutionū audiri, fulmina, ignitaq; linguarū tela in nos spargi, ac demum uastissimā calamitatum procellam, abyssumq; profundissimā ærumnarum, per hoc mare magnū & spaciosum mundi debacchari: ea tamen omnia, tanquā pueris quæ fiunt terriculamenta, solo orationū flatu dissipari. Clamauerūt, inquit, ad dominū; nec frustra quidē, nam dominus exaudiuit eos. Quos eos quæso: iustos sanè, mansuetos, humiles, cuncta huius mundi pro Christo deridentes, ad iniurias ferreos, ad beneficia molles, rerum prorsus suarum cōmodarumq; immemores, aliorū uerò memores, castos, sobrios, & demū in Christum per amorē transfusos: horum enim oratio diuinis gratissima est auribus, ceterorū autem non item. Nam mens, in qua huiuscemodi insunt gratiarū dona, deiformis quodammodo sit: atq; propterea quicquid à Deo petierit, hoc certius exorabit, quò illud gratum esse Deo, & scit, & alijs persuadet. Ita profectò res se habent proborum, aliorum uerò secus. Nam clamauerunt, inquit uates in alio psalmo, ad dominū, nec exaudiuit eos. fiat, inquit, illorum oratio in peccatum. O horrendam imprecationem; ab his enim longè abest dominus, contrā uerò,

Iuxta est dominus his qui tribulato sunt corde, & humiles spiritu saluabit.

Cum multa sint quæ conferri queant ægrotanti refrigeria, id potissimū uidetur, si lecto cubanti continuis assideat medicus obsequijs, soletur, excitet, ac demum sanitatem polliceatur. Haud secus quidem se habet diuinus medicus erga animas suorum afflictas, tentationumq; ui consternatas, sauciasq; aliquandò & ualde afflictas: assidet enim, pientissimus uti pater, consolatur, admonet, blanditijsq; ad reassumendum uigorē allicit, animat, & sanat tandem. huiusmodi enim sunt hi, quos hîc uates contribulato uocat corde, spirituq; humiles & abiectos, seu ut illos appellat Dominus, pauperes spiritu, ut sunt planè omnes qui pie in Christo uiuere cupiunt. Heu quàm dire hos manent cruces: pectore enim huiusmodi pus est adamantino. Quod quidem aduertens Propheta, è sublimi tanquam specula clamans, istiusmodi quassatos hortatur homines ad hunc modū: Quid exi mescitis? hostium ne feritatem & multitudinē: uestram ne imbecillitatem: Eia adest dominus, ut his qui fracto sunt animo, opituletur, atq; eos qui afflicti sunt spiritu, seruet.

Multæ (fateor) tribulationes iustorum, & de omnibus his liberauit eos dominus.



**A** Paraphr. sic: Multa incōmoda accidunt iusto, sed ex omnib. illis eripiet eum Dominus. Equidē quā multa sint aduersa, quæ uiro iustitiæ studio accidāt, & uideo & experior: uerū illam quam promittit uates liberationem, non sic frequenter uidere contingit. Quis liberationē illam ab incōmodis appellare unquā poterit in uiro inedia, morbo, persecutione, exilio, & cæteris huius generis cruciatibus quoad uixerit afflictio? Mortemne ærumnarū huiuscemodi finem, liberationē, quam hīc uates celebrat, dicemus esse? Magna profectō diuinę bonitatis ista esset laus, hominū cœlestiū rerum studioforū miserias per mortē solui tantummodo, nec aliud interim liberationis genus extare etiam in hoc mundo, quo tanquā excelsæ abietes inter fruteta, humilesq; myricas, electorū animi conspici apparerent. Quare diuinā hanc à malis liberationē, puto esse in aduersis patientiam; qua qui abundē ornatus est, ruat æther, ac quicquid usquā gentium est, in unum conspiret, in illumq; desæuiat, liber is erit, ridebitq; impavidus; non illius quidem pectus afflictionibus assuetū induratum ue, uulnus quantum uis acerbum ac letale attingere unquā poterit. Incrudesceat mundus, perterrefaciat dæmon, atq; eius minister homo, ne parū quidem remollescet, laxabitq; sese, in illa perstans fide, quod propē est Dominus his, qui tribulato sunt corde, & humiles spiritu seruabit. Scit quidem, quod

Dominus custodit omnia ossa eorum, unum ex his non conteretur.

Ossa hīc uocat animi uires, solidioresq; animæ cogitationes, quibus nō secus, atq; ossibus corpus, sustentatur, ac uires sumit. Custodit igitur dominus hæc, quæ diximus, iustorum ossa, nullumq; eorum cōteretur, uiolentia scilicet peccati. Alioqui & ossa, & nerui quoq; ipsi proborum, eosdem cum domino suo cruci affixo subeunt cruciatus. Porro cum diuinā sit munificentię propriū, iuuare, quos, rogo, in primis iuuabit: illos ne qui satellitio immenso sicariorū septinihiuerentur, an illos potius, qui cum ab omnibus destituti sint & abiecti, uitam uiuant miserrimā? His ne, inquā, potissimū, quibus diuitiæ opulentissimę sunt, quibusq; maxima in horreis uis inest frumenti, nihil nō interim procurantibus, quod annona in dies carior fiat, tantq; ueneat, quāti uita hominis æstimari solet, opitulabit? an illis magis qui propter cōmeatus penuriā in uicis ipsis ac triuijs ciuitatum, uitam eiularibus suspirijsq; plenissimā effundunt? Hos igitur potius quā illos tutari solet diuina bonitas. Cuius uices in terris cum gerat Princeps, atq; urbiū magistratus, danda illis erit opera, ne minimū quidem à præscripto diuinæ legis aberrant, qua cauetur, ut omniū suę ditioni parentiū ex æquo curam habeant, maximè pauperū, pupillorum, uiduarum, orphanorū. hæc sunt enim, quæ Principū auribus inculcari debent, ut si quid perniciosum hesterni clauo infixū fuit, hodierno eiiciatur. Cæterū hīc ossa præ cæteris membris uates memorat, quia in ipsis texture humani corporis maximè inest robur. Ossa eius, uertit Fel. ob id, puto, quod obstrusioris nos mysterij per uatē admoneri censuit. Et est sensus: Ne, uos oro, persecutionū crucem, uariarumq; angustiarū molestiam exhorrescat, o qui in Christo uitā uiuere syncerā instituitis. Ipse enim dux noster & imperator Christus maiori ærumnarū cumulo circūuentus, usque adeo interim illius membris, rationiq; obtemperantibus aliquid dicā. Vnde seruato Principe, quis populus nō tutus? Obserua scripturarū cōuenientiā, Os, inquit, illius nō confringetis. Quid illud, quod in Ioanne legimus? Venerūt ergo milites, & primi quidē fregerunt crura, & alterius, qui crucifixus est cum eo: ad Iesum aut cum uenissent, ut uiderunt eum iam mortuū, non fregerunt eius crura: ut scriptura impleteretur, Os nō cōminuetis ex eo. Sic nimirū Christo obire mortem peropus fuit, sic eius amicis ac filijs est necessarium, E contrariō Mors peccatorum pessima, & qui oderunt iustum delinquent.



**C** Mors peccatorum, ait quidam, infamis & obscura. Quare sumptus illi regales in funeralibus, sepulchrâq; Pario lapide ac statuis perornata, nō magis quorundam mortem præclaram, minusq; obscuram reddunt, quàm cadauera ipsa, uel feretrum multa auri ui onustum, uel numerosa præficarū multitudo suum illud lessum eiulantiū celebriora faciunt, ac minus putida. Verū probum anteactæ uitæ testimonium res ea est, quæ sanctorū obitum cū Deo, tum mundo preciosum reddunt. Hebræis tamen is uersus aliter legitur: Malitia, inquit, seu noxa interficiet impiū, & odientes iustum uastabuntur, seu destruentur. Quare Paraphr. sic reddit: Occidet impiū ipsa impietas, & quotquot odio persequuntur iustum, peribunt. Illud sanè Euangelicū hic mihi à uate dici uidetur. In peccatis uestris moriemini. Atq; hos quidem Paulus suo admodum graphicè pingit colore ad Philipenses scribens: Multi, inquit, ambulant, quos sæpe dicebam uobis, nunc autem & flens dico, inimicos crucis Christi, quorum finis interitus, quorum Deus uenter, quorū gloria in confusione ipsorum, qui terrena sapiunt: nostra aut conuersatio in cœlis est. Visne clarius, tum horū qui terrena sectantur atq; ambiunt, interitum, tum illorum uitam qui cœlestia, ob oculos poni? Nefandorum certè hominum uitam non dubia sequitur mors infamiâq; & æterna illorum obliuio. Proborum uerò uitam uita alia comitatur, & ea quidē æterna, interim autem honor, dignitas, splendor nominis. Quod si etiam piorum quorundam hominum nomen ac famam secretissimo Dei iudicio certū ita ab improbis perrodi ac fœdari, ut perpetuo quodammodo opprobrium ē uita decedere uideantur: nomen tamen illud in cœlis dei digito conscriptum manet indelebile incontaminatumq;. Ecce, inquit Christus, nomina uestra scripta sunt in cœlis, hoc est, æterna sunt ac splendida. Semper igitur iustorum aduermæ in manu Dei sunt. Verumenimvero propter assiduam obiectarum aduersitatum crucem, ac cumulum, uisi sunt oculis insipientium mori: in pace tamen decedunt, uiuuntq; illius uitæ genere, quæ ab irrationabili prorsus perturbatio- ne, atq; interitu in hac quoq; uita immunis est. Septies enim, ait Salomon, in die cadet iustus, & surget tamen: improbus uerò in malo corruet. hoc est, in multa, & ea quidem immensa pericula sæpe incidet iustus, emerget tamen ui ereptus diuina: uerū improbus ac scelestus ipsa malorū mole opprimetur, interibitq; omnino, siue infortunia illa quæ ei obuenient, corporea fuerint, siue ad animam spectauerint, ut sunt peccata, noxæq; illæ quibus quotidie diuinos offendunt oculos. Sed contrā,

Redimet dominus animas seruorum suorū, & non delinquent omnes qui sperant in eo.

Illi enim, inquit, ut dixi, prorsus occumbent, proprijsq; in peccatis morientur, iusti uerò in refrigerio erunt. Obsecro, cur sanctas non dicā animas perenni beatitudinis statione in refrigerio esse, cū ad mortem, ut inquit Ioannes, peccare nequeant? Causam uerò quam obrem id fiat, ponit uates, cū ait, quod redimet illos Deus: hoc est, ita se Deus misericorditer cum illis geret, ut quicquid deliquerint, non illis imputabit, sed teget potius, remittet, purgabit, ad uitamq; cooperari faciet. Et ne fortè in peruestigando, qui sint serui illi à domino commendati, diutius immoreris, eos ipsos dicit, qui spem omnem in Deo collocant: hi nempe, quod dicere inceperam, delinquere haudquaquā possunt ad mortem, quia ex Deo nati sunt, semenq; Dei in se insitū habent. Nihil ergo damnationis, clamat Paulus, est his qui sunt in Christo Iesu, qui non secundum carnem ambulant. Et hi sunt quidem qui sperant in eo, ut ē spe tandem fiduciaq; in Deum, sanctificationē omnem nostrā auguremur. Omnis, inquit Ioannes, qui spem habet hanc in eum, sanctificat se. Ex qua quidem sanctificatione, quæ est sanctissimi illius seminis, qui Christus est, ubertas & fœcunditas, una prorsus cum



A cum ipso efficitur insitio spiritus, in nouamq; anima transit, ut sic dicā, substantiam, ut ex humana fiat diuina, rapiaturq; per continuos excessus in eius penē naturā, cui concorporales facti sumus, ut inquit Paulus, & participes promissionis eius in Christo Iesu per Euangelium: ubi non est gentilis & Iudæus, circumcisio & præputiū, barbarus & Scytha, seruus & liber, sed omnia & in omnibus Christus. Nexus igitur sanctorum omnium Christus est, idcirco & pax & beatitudo: cui gloria sit in secula, Amen.

## PSALMVS DAVID XXXV.



Vdica domine nocentes me, expugna impugnantes me.

Haud dicere quidem possem, quantum me dirē illæ pauperū deterreant ac miserorū, in iustitiæ oppressores: quantum uē ad tolerantius ferendas improborū in iurias me hortentur, excitentq;, simulac quotidianis intueor exemplis, afflictorū causam magis Deo curæ esse, quā affligentium. Et cum passim ferē per sacrū uatis huius uolumen istiusmodi imprecationes cōtineantur, id maximē hoc in psalmo, & diffusius, & ut mihi uidetur, ardentius quā in cæteris, pertractatur. Caueant sibi, oro, qui bonorum uitam maledictis incessunt, factoque ueluti agmine iniuriarum, in ipsos eorumq; fortunas & nomen ea feruntur rabie, qua solent feræ in mansuetiores pecudū greges. Sancto enim aliquando instigati furore uiri Dei, illas in oïes iustitiæ eiāculantur diras, ut satius illis esset fulmine ē cœlo tangi, aut Parthico trañci spiculo, quā ab huiusmodi proborum ardore uī spiritus excitato uel semel impeti. Putas ne cōminationem illam in Deuteronomij libro scriptam, suo uacasse mysterio: ad eumq; solum qui legem illam ueterem, imperfectam, atq; idcirco umbrarū plenissimam transgressus esset, pertinuisse: & non potius fidei Iesu Christi, illiusq; professionis hominum oblocutores spectasse? Percutiet te, inquit Moses, dominus amentia, cæcitate & stupore cordis, erisq; palpitans in meridie, ut cæcus palpitat in tenebris; nihil habebis in his quæ institueris, prosperū; calumniā & rerū direptionē quotidie patieris, nec erit qui seruet. O infelicem rerum statū. Nihil habebis, inquit, tranquillum: nulla erit pedibus tuis quies: dabitq; tibi dominus cor trepidans, oculos deficientes, & animam languidam. Ut certē hæc omnia interdum secus quā hīc dicuntur, improbīs euenire corporeis intueamur oculis: in interiori tamen conscientiæ theatro ex illis quilibet suum experitur certamen. Sentit, inquam, quā calamitosius planē sit rerum earum quæ non uidentur, quā quæ uidentur, quibusq; quantum uis fortunatis suis inest labor & dolor, iacturam perpeti. Bona enim mentis hōc dignitate præstantiora sunt, ac quā illa quæ ad corpus attinent, nobiliora, quō nulli fortunæ subiecta uarietati, ab æternis, ut sic dicam, bonorum idæis dependent. Quare illorum etiam magis timendum est damnum, quā cæterarum rerum quæ suis crebrō possessoribus exitio solent esse, rarō salutē; illa uerō suos semper cultores in tuto collocant. Atqui huiusce rei discriminisq; inter bonos & malos olim numerosa præterierunt concertationes, sed quæ in Christum, præteritarum omnium ætatum ac scripturarum perfectionem & terminū, tandem desierunt: à quo quidem uti ab Ecclesiæ capite in membra quemadmodum gratiæ, ita rerum earum quibus ad ipsum gratiarū cumulū peruenitur, doctrina proficiscitur electorum. Inter pro Christo primū sibi uendicat locū crux ipsa, quæ est cōtinua in uita hac infelici plinē professio, si tamē unde eiuscemodī professionis haurienda sit cognitio nō ignoremus. A Christi, puto, doctrina ac uita, Christianos suam uiuendi normā sumere oportet. Quis, oro, unquam illum dixerit Platonis discipulum, qui cū doctrina tum uita Epicurum profiteatur? Ita sanē nunquam equidem Christianum uirum appellauero, qui Christum & uita & moribus non prorsus referat.



**C** Sit quispiam quidem quantumuis in literis, in uirtutibusq; ac in medijs ipsis templorum aris enutritus, nisi illius uita cum Christi uita consentiat, doctū forsā illum, aut bene moratum esse affirmauero, Christianum uerò minimè. Qui facit iustitiam, inquit Ioannes, iustus est, sicut & ille iustus est: qui facit peccatum, ex diabolo est. Vides breuibus, quò se omniū sectæ atq; hæreses dirigant. Est ne aliquis demum qui suum cupiat Christo non fictè aut fucatè, sed seriò non men dedere? Debet sicut ipse ambulauit, & is quoque ambulare ac uiuere; alioquin semoto à nobis Christo per prauitatem uitæ, exitio nobis erunt, non saluti, quæcunq; illa sunt quibus uulgò Christiani uideri uolumus, & religiosi. Hæc quidem copiosius forsā quàm par fuit, quàmq; meum posceret institutū, disserui: eò enim in primis me crassa quorundā adegit ignoratio, qui nimium sibi quidem ob baptismum, sacrosq; ordines ac uestes & ritus adblandientes, nihil ultra in Christi schola quærendum esse arbitrantur. Quare in diuinorū gustu torpidi ac ieiuni, rarò, quò sua dirigenda sint consilia, multò minus supplicationes & uota, compertum habent. Ex qua quidem inscitia illud potissimū oriri nescio, ut oratio eorum fiat in peccatum; illisq; tumore, nescio quo, inflati miserie calamitatē minitentur, imprecenturq; quos se interdum æquiores sanctioresue esse, ni talpæ prorsus essent, iudicarent. Excelso quippe iudicio rebus in diuinis discernendis opus est. Nunquā enim uatem aliquem ex antiquis legi mala cuiuspiam imprecatur, nisi ui superna aut ecstasi concitū, quemadmodum propheta extitisse omnes à sacris annalibus accepimus, sed in primis Dauidem, qui è cœlo ad regnū ascitus unctusq; & in quo administrando nihil aliud unquā quæsisse uisus est, quàm populorum cōmodum, ac Dei honorem, hanc iusti doloris inuectiuam in Saulum ipsum, eiusq; adulatores consultoresq; nequissimos, uictus diuina composuit. Quare in exponenda ardentissima hac oda, Christū ante omnia, fidelē postea quemlibet, qui in angustias nonnullas insignes coniectus contra Ecclesiæ inimicos precatur, ob oculos statuamus, dicamusq;: Iudica domine nocentes me, expugna impugnantes me.

Clarius Hebræi: Contende cum contenditib, mecum, præliare cum præliantibus mecū. Expressius adhuc Paraphrastes: Supplicium sume o Domine de aduersarijs meis, pugna aduersus oppugnantes me. Quid putas per se homines in bello tum ad corpus, tum ad animam spectante, absque Dei ope posse? Nichil propemodum, etsi suas omnes arbitrij uires in unum colligat, atque animi uirtutem ac robur promat. In hoc certè psalmo uideo animam præliandi quiddem percupidam, sed omni prorsus armorum genere denudatā, idcirco imbellem: unde suæ conscia imbecillitatis, quanto maximo potest clamore Dei auxilium implorat, dicens:

Apprehende arma & scutum, & exurge in adiutorium mihi.

Videor enim hîc mihi genus humanum audire, seu potius Christum uice hominum suam exponentem infirmitatē. Quid certè ualeat pugil in harena absq; armis illis, quibus sese à ui hostium queat defendere, aut eos quoq; offendere, clarè uideo: occumbat enim necesse est, nisi alius utriusq; generis arma suppeditet. Clamat hîc igitur homo, clamat uoluntas, clamat arbitrium, arma illa omnia quæ in tam periculoso cum mundo certamine necessaria sunt, sibi deesse. Deest quidem, quo sese tutari possit, clypeus, deest ensis, deest ipse quoq; thorax æneus ac galea, quò se uertat, oro: Pugnis sanè nudis res tanta cum tam crudeli hoste minimè tractanda est. Sanè uerò animā intueor conquerentem se pernitus dearmatam, proptereaq; alienum implorantem auxilium, & illam fortem, hostiliq; telo impenetrabilem atq; inaccessam dicam: Est (fateor) quædam in anima uis & potestas, qua nescio quid potest, & uerè nescio quid. De me autem (ut ingenuè quod sentiam loquar) illud fateri possum, me scilicet ex me, meoq; inge-



A ingenio nihil omnino posse: in illo uerò qui me confortat, omnia. Fel. uertit: Apprehende scutum & spiculum, seu hastam. Quare sic reddit Paraphr. Arripe clypeum & lanceam: clypeum nimirum, ne uulnerer: lanceam uerò, ut uulnerem. Vides, ni fallor, quomodo utrunq; armorum genus à Deo petendum sit. Sua porrò familiari de Deo anthropopathia utitur uates, quò quantæ sit curæ Deo sanctorum uita non nesciamus: simul ut eum tanquam hominem obarmat. Quid uerò clypeus, quid telum, quid gladius, quid cætera armorum nomina in bello spiritus præ se ferant, alij dicant: nobis sat est, huiusce generis armorum appellatione cum nostram nuditatem indigentiamq; & periculum in bello tam fauo contemplari, tum promptam Dei bonitatem, ac uirtutem in suis defendendis pernoscere.

Effunde frameam, & conclude aduersus eos qui persequuntur me: dicam animæ meæ, salus tua ego sum.

Euagina, inquit, denuda ensem: seu, ut reddit Paraphr. Arma te gladio & lancea, ut occurras persecutoribus meis. Conclude, inquã, illos, ne queant euadere: seu claude galeam, quando quidem res urget, agendumq; est cominus. neq; id solum quidem, sed uerbis quoq; meam solare pusillanimitatem & deiectionem. Dic animæ meæ, salus tua ego sum. Solent enim hi qui ut amico in periculo aliquo immenso constituto suppetias eant sese ingerunt, atq; armant, non solum quidem re ac manu amico subsidium afferre, uerum etiã uerbis in spem bonam timidum illius animum erigere. Promitte, inquit Campensis, allaturum te animæ meæ salutem: hoc sanè impetrato, cuiusuis manus pugnet contra me, ne pedem quidem uel tantillum mouebo. Homini plerunq; illi qui haud fictè dissimulanturq; sua secum reputat errata, quàm fœde scilicet ac sæpe lapsus sit, quàm rum item in se ad oscitanter in diuinum concalescere soleat amorem, quàm duritiæ semitas affectum, quàm tardum ad capeffendas iustitiam (inquantum) imbecillis ob iam obductum in peccatis callum factus sit, contra autem hostes fortissimi, nullum aliud salubrius potest esse remedium ad sedandam animi desperationem, quàm si in spiritu audiat à Deo, Salus tua ego sum. Quid cum paternam illam, mundanã omnem exuperantem lætitiã, aure haurit cordis increpationem: Modicę fidei quare dubitasti? Non est sensus quidem in homine, non mens, non intellectus adeò in diuinis contemplationibus immerfus, cui ea gaudij copia plenè uti est, ualeat significari, cum secretissimo quodã diuini motus susurro atque afflatu se sentit anima excitari, pungitq; telis illis igneis, Salus tua ego sum. Remittuntur tibi peccata tua, Vade in pace. O iacula, quorum uulnere sanantur animæ. Corde profectò molli, atq; (ut inquit ille) carneo hic opus est, nõ ferreo, quò è tam suauissimo uerborum sono, è fonte nimirum diuini amoris emanante emollitum colliquescat in eundem ipsum ignem, qui Deus est. Sed illud cauendum, ne anima tam ardenti nota semel insignita, planeq; purgata, in glaciem denuò recidat, atq; in easdem ipsas rursus remigret peccatorum sordes, relabaturq; præceptis in id impietatis genus, ut infinitis suis erroribus addat etiã ingrati tudinis culpam. Perstandum est igitur in fide Iesu Christi, qui mihi meisq; alioquin ad bona omnia oclusis, non cessat insusurrare quotidie auribus, Salus tua ego sum. Sic itaq; tuis eueniat, ô Deus: contra uerò

Confundantur, & reuercantur quærentes animã meam. Auertantur retrorsum, & confundantur cogitantes mihi mala.

Iam mala illa uates, quibus scelesti occultissimo aliàs modo, aliàs quoq; aperto, atq; omnibus exposito affliguntur, enumerat. Haud semper quidem diuina animaduertere solet ultio in res istas improborum externas aut corpora, sed



**C** in animam potius, quæ pœnarum omnium maxima est ac magis atrox: è contrario uerò secus se habet in bonorum pœnis, quas sanè in uitam hanc potius, quam in bona animæ uim habere quotidie cernimus. Eam ob rem uitam hominibus in libidinum cœno sese perpetuò oblectantem, neq; ulla affici molestia aut multa, profligatam omnino eam esse, atq; à Deo derelictam affirmabo: quandoquidem eum ipsum hominem charissimū Dei esse filium ducimus, quem ipse flagris, molestijsq; huius uitæ uarijs & assiduis expolit, aptatq; tanquā lapidem uiuum, cœlesti ædificio ac structuræ. Cæterum hos duos sic legunt uersus Hebræi: Pudefiant, & ignominia afficiantur, qui quærunt animā meam; reuerentur uerò & pateant probro, qui cogitant malum mihi. Is enim confundi, puderi fieri ue dicitur, qui suis frustratus cōsilijs, alio se cardine rem uertere, quam putarat, conspicit: quiq; dum aliū perdere nititur, ipse infelicitè perit. Aiunt porro sancti Dei uiri, mirabili suffundi pudore dæmones (si tamē pudor in tam impudenti collegio inueniri potest) si quem ex perfectioribus nostrę religionis hominibus adorti, omniq; insidiarum machina adhibita, nihil secius agunt, quā si mutam statuem aut truncū aliquem inertem adorianur. Ea enim spiritibus illis tetrīs inest uis ac uirtus, ut uel modicum quidem reiecti, pedem actutū referant, cessentq; ab impugnatione confusi. Et certè quòd dæmones tam crebrò ex hominū conflictu uictoriā reportent, nō id quidem contingere ob fortem illorum uirtutem aut potentiā est censendum, sed ob nostram potius ignauiam ac socordiam, ne dicam promptam ad uincula & manicas uoluntatem: uincimur enim, quia uolumus. Proinde nostram optimè perpendentes tum imbecillitatem, tum ad porrigendas hostibus manus procliuitatem, nostra arma, quæ debiliora sunt quā aranearum sint telæ, exuentes, diuina cum uate, uatūq; domino impetremus, dicamusq; cum Paraphraste: Suffundantur pudore, & afficiantur ignominia, quotquot student subuertere me; conuertantur in fugam, & infames fiant, quotquot machinantur malum mihi:

Fiant tanquam puluis ante faciem uenti, & angelus domini coartans eos.

Mira enim atq; horrenda exaggeratione diras in æternā improborum perniciem accumulat uates. Non cōtentus quidem sempiternā illis confusionem, probrumq; æternum exoptasse, denuò imprecatur ut pulueri & cineri, seu, ut uertunt Hebræi, festucæ seu paleæ uento expositæ similes efficiantur: hoc est, nusquā stabiles consistant, nullisq; certis regantur consilijs. Vidisti ne unquam pulueris aut palarum globum, uentorum uis ac turbine per aërem circumferri, sursumq; ac deorsum exagitari? Ita sanè sunt hi, qui semel à diuina sua sponte euulsi protectione, nulla certa nituntur uitæ ratione: sed quòd à mundo, munda-  
narumq; rerum cupiditate impelluntur, eò confusissima consiliorum textura, motuq; animi intemperato & effreni, sese uertunt. Et quemadmodū sanctissimū Dei uirū certo suis in tractandis negocijs consilio, firmoq; proposito eunt, ut inquit uates, de uirtute in uirtutē: ita nefarij homines de malo in malum, de scelere in scelus, inconstantissimo semper ausu, temerarioq; conatu præcipitantur. Cæterū auget uates, quod dicere inceperat. Angelus, inquit, domini sit coartans eos: seu, ut uult Fel. euertens & elidens eos. Da mihi hominem, ubi sese firmet, tanquam quisquilias uentorum impetu exuscitatas, non habentem, quid certi unquam ager: quam rem unquam stabilem inceptabit? Sed quid si angelus uento omni potentioris adhibeas impulsus? Deus bone, quæ rerum confusio: quæ consiliorū actionumq; & ipsarum quoq; cogitationum uolubilitas? De his quidem illud à Salomone dictum fuisse arbitrari: Stultus, inquit, ut luna mutatur. Verum ut strenuis copiarum ductoribus id inconstantia paululum, quò sagacius hosti queant imponere, concedendum sit, in Christi certè milita-  
nuda



nuda omnia esse debēt, uera, syncera, cōstantia, firma; alioqui hodie ordiri quod cras emoliaris, animi indicium est parum sui compotis, atq; propterea nulla bonorum societate digni. Horū quoq; effigiem in sequenti uersu alia demonstrat imagine Propheta, inquit:

Fiat uia illorum tenebræ & lubricum, & angelus domini persequens eos.

Lubricū, uertit Fel. lubricitates. Nōne illud in hoc loco tibi uenit in mentem, quod suos in ciues iratus Esaias olim imprecatus est: Excæca, inquit, cor populi huius, & auribus aggraua, ut uidentes non uideant, & audientes non intelligant: ne conuertantur, & sanem eos. Vides ne quò miseriarum tendant tenebræ huiusmodi, ac lubricitates à propheta cōmemorata: eò nimirum, ut qui sic uiuunt aut gradiuntur, nullo unquam uia lumine, aut firmo regantur solo, semperq; in periculo sint, & illo quidem irremeabili & deplorato. Cadant enim crebrò oportet, uel eò maximè quidem si à tergo impulsorem habeant, quem hic uates Angelum domini appellat. Sensus igitur erit: Quæcūq; attentauerint, molitūq; fuerint improbi, nutantia sint, obsecro, præterq; cadant opinionem: nī hil eis succedat, in omnibus suo frustrentur conatu, nutent, lapsentq; continuè, ac tandem quid sequi, quòue ire debeant, ignorent prorsus. Sic sunt, sanè omnes qui propria ducuntur prouidentia & arbitrio. Atqui extincta in anima luce illa, qui Christus est, per quem quidem nō solum homines, sed & supremi cœlestium spirituum chori illustrantur, perficiunturq; ut inquit Dionysius, ac uirum sumunt, quò tendat, oro: Plena sunt certè omnia lapsibus, atq; æterna errorum nocte & caligine, absq; Christo. Ad hæc, quod putamus aliud fuisse malum illud, quod Cain uago comminatus est Deus, cum dixit: Incertus rerum tuarum semper eris, & uagabundus super terram: quàm inconstantiam istam aliorum uita rotatur, qui abiecto Deo, hoc est, omni bene uiuendi norma ac lege pessundata, more pecudum in omnem feruntur libidinem ac turpitudinem: Horum igitur (ait spiritus) sint uia obscuræ & lubricæ, Angelus postea ille domini, qui in circuitu obambulat timentium eum, & qui nocte una percussit in castris Assyriorum centum octogintaquinque millia hominum, à tergo illos insequatur & impellat.

Quoniam absq; causa absconderunt mihi interitū laquei sui, superuacue exprobrauerunt animam meam.

Causam reddit uir iustus, quamobrem tam dira contra Dei hostes imprecatus sit: Quoniam, inquit, sine ulla causa (sic enim legit Campensis) clam laqueis suis mortiferis conati sunt inuoluere me. Certè cum hæc lego & considero, nullus mihi è cuncto iustorū grege occurrere potest, qui tam iuste de improborum iniurijs exostulare queat, atq; usq; eò moueri & irasci, ut mala illa quæ hic connumerantur, suis imprecetur hostibus, quemadmodum filius Dei, qui (si illius in terris uitam nouimus) nec pati debuit, nec mori. Quid unquam tam syncera natura, tam pura mens, tam defæcatus animus delinquere potuit, ut ea tormentorum genera experiretur, quæ ne à carnifice quidem crudelissimo non sine misericordia nefandissimis piratis admouerentur: pertulit tamen innocentia, quod nobis nocentissimis debebatur, suumq; fecit quod erat nostrum, nempe peccatum, iniurias, crucem, mortem, quare de illatis sibi immeritò contumelijs non rarò queritur. Interitum porro laquei uocat dolos illos ac fraudes, quibus innocentissimum Dei filium Scribæ illi astutissimi irretire conati sunt. uerum quando ipse uoluit, captus est. Ex qua quidē bona eius erga nos uoluntate, nostra adeo uim sumpsit ac robur, ut nemo iam ab hostibus quamlibet fortibus & truculentis uinci possit, nisi uelit. Data est igitur uis ea animi atque uoluntas à



**C** Deo nobis per Christum, ut neq; cupiditatibus, neq; hominum iniurijs persecutionibusq; succumbamus, nisi uelimus. Quid uerò id sit quod nostram ita informet uoluntatem, ut bonum uelit, malumq; aueretur, gratiam diuinam purto esse, quæ debili nostro unita arbitrio per se algido & pigro, ipsam ad experendum bonū excitat, pungit, irradiat, tantum abest ut illam cogat. Superuacue exprobrauerunt animam meam. Licet is sensus uideatur perinde esse, ac si diceretur, Sine causa irridentes dixerūt omne malū aduersum me: Hebræis tamen alia est litera, proindeq; sensus alius. Vnde sic uertit Fel. Frustra fecerunt foueam animæ meæ. Paraphr. uerò, Sine causa foueam foderunt animæ meæ, siue in perniciem meam. Verum,

Veniat illi laqueus quem ignorat, & captio quam abscondit, apprehendat eum, & in laqueum cadat ipsum.

In ipsum, inquit, cadat laqueum quem alijs parauerat. Subitam hîc ruïnâ insperatamq; calamitatem suis deprecatur hostibus, sed metaphora à uenatoribus mutuata, qui scrobe aliqua oblecta, laqueum circumnectentes, lupis aut alijs id genus feris insidias parant, ut dum eæ inconsultò expositâ ad escam adcurrunt, in dolosam incidant foueam, cuius altitudine saltem, si non laqueo, aut rete capi queant, huiuscemodi enim infortunij euentus per se hominî ualde calamitosus est, si contingat: sed longè miserior atq; infelicior si subito, cum tumultuq; ac præter opinionem & spem, de quo ne cogitarat quidem, incidat. Quid si porro in eandem ipsam, quam alijs parauerat, illabitur miseriam? auget id quidem infortunium. Sic Felix: Veniat illi strepitus, seu, ut alius transtulit ex Hebræo, tumultus quem non cognosceret: hoc est, de improviso, antequam rei euentū agnoscat, cadat. Nam ferè id semper accidit, ut qui è sublimi in profundum aliquod labitur, repentino exanimatus casu, deorsum in caput maximum cum clamore ac strepitu uoluatur. Vnde sic reddere hunc uersum aliquibus

**D** libuit: Laqueus seu rete quod abscondit, capiat ipsum, cadatq; cum tumultu in illud. quò subitâ intelligas fore Iudeis Christi hostibus ruïnâ & calamitatem. Certè si obstrusiores humani cordis recessus corporeis oculis uideri possent, non solum quidē hæc, alioquin sæua & horrenda, in sceleratorū animis inesse cerueremus, uerum etiam terrifica magis, magisq; dira & monstrosa. Cum enim Deus adeò natura in largitiones effusus sit, & ut sic dicā, prodigus, ut illius quoq; hostes indeficientis eius benignitatis participes efficiantur, uidentur hi interdum felicissimi in mundo esse. Sed quid si morsus illos atroces in conscientia cerneret? quid si confusionem illam animi, mentisq; inconstantia uasto perturbationum pelago atq; libidinū exagitata conspiceres? iurares quidem illos tum maxime miseros esse, atq; infelices, cum uulgo maxime felicissimi uidentur ac beatissimi. Extracta autem crusta illa beatitatis in superficie (pro Dei fidem) quid turpitudinis non uideretur? Deme, te oro, ab illis diuitias, deme magistratū, deme Principum fauorem, quid nisi nudos graculos intueberis? Rotentur itaq; (ait spiritus) in æternum suo illo, postquam sic uolunt, confusionum strepitu & tumultu; contra uerò,

Anima mea exultabit in domino, & delectabitur super salutari suo.

Anima, inquit, mea, quæ in laqueis tanquam incauta auicula, perire speratur, non peribit, non caderet, non ob id in mœrore contabescet: sed exultabit in domino, gestietq; lætitia indicibili in spiritu, ob salutem sibi præstitam. Paraphrastes tamē optandi affectu sic uersum reddidit: Anima mea gaudeat, & exultet serio, propterea quòd salutem afferre dignatus est mihi. Semper ferè noster interpret salutem transtulit pro salute: quanquā nec salutare quidem margaritam serio. Cum enim salutarem hanc dictionem per psalmos tanquam margaritam interspersam uideo, occurrit mihi statim Dei filius Christus Iesus, qui adeò salutaris



**A**lutaris nostra factus est salus, ut nulla alia unquam fuerit, eritq; in posterum. Quare siue salutare cum appellet uates, siue salutem, idem Christus est, idem Iesus, idem seruator. Et quidem (ut quod sentiam loquar) uidetur hic mihi uates dicere uoluisse; Anima mea multas ob rationes exultandi in Deo, eiq; gratias agendi, materiam haudquaquam tenuem atq; inefficacem habet; uerum omnis oblectamentorū meorū lætitiarumq; uis ac neruus, in fide uenturi Messie posita est. Cum sanè recolo quid is mortalibus allaturus sit in terris, uideo nusquam bonum, nusquam pacem, nusquā uitam, nusquam salutem posse esse, nisi in illo. Idcirco mea in me anima gestit gaudio, in ipsoq; prorsus delectatur, illum uult, illum cupit, illum amat, illum uotis omnibus exposcit. Sed nō solum id quidem, uerum etiam ipsa

Ossa mea, res alioqui stupida ac uitæ expers, exultabunt. gaudebuntq; & dicent: Domine quis similis tibi? eripiens inopem de manu fortiorum eius, egenum & pauperem à diripientibus eum.

Latinus interpres duobus sensum uersibus expressit, qui uno tantummodo debuerat. Vnde Paraphrastes: Omnia ossa mea dicant non esse similem tibi domine in eripiendo pauperem à uolentia eorū, qui uiribus illo superiores sunt: in eripiendo, inquā, afflictō & egeno ab opprimentibus illum, quare ea est Hebraeis litera: Omnia ossa mea dicent, Domine quis sicut tu, qui liberas afflictum ab eo qui illo robustior est, & afflictum & inopem à depradante illum? Vides hic certè genus humanum afflictum, ad eamq; olim redactum bonorum inopiam, ut in omnibus à fortissimo mundi tyranno depradatoreq; tanquā uilis si-mum mancipiū opprimeretur: id tamen Christus in eam quam nunc cernimus libertatē, mortis suæ munere, à quo uita omnis dimanauit, transtulit. Sunt porro qui intima seu uires, pro ossibus uertunt, ut sit sensus: Omnia intima mea, uiresq; meae omnes & affectus tantorum beneficiorū memoria exterefacti clament, Domine quis similis tibi? quis tam fortis? quis tam bonus? quis tam adueniam facilis? Tu afflictum, tu inopem, tu miseriarum acerbitate sese torquentem, à prædonum sæuitia solus uindicas, præterea nemo.

Surgentes testes iniqui, quæ ignorabam interrogabant me? Quod nō cognoui, interrogabāt me, uertit Fel. Paraphrastes uerò: Quæ ignorabam, ipsi interrogantes obiecerunt mihi. Vehementem hic hostium suorum crudelitatem exaggerat uir iustus, sed in primis ipse iustitiæ dator Christus. Inter cæteras enim uitæ miseras quibus obnoxij sunt improbi, illa potissimum deterior uidetur, cum nefandarum cumulo actionum falsitatem quoq; testium in alicuius infamiam & perniciem addunt. Quod sanè Christo agno candidissimò, cohortes inter prætorianas constituto contingit. Summi sacerdotes, inquit Marcus, & omne concilium, quærebant aduersus Iesum testimonium, ut cum morti traderent. Cuiusmodi autem generis illud fuerit testimonium tam impotuntè quæsitum à Iudæis, explicat dicens: Multi autem falsum testimonium didebant aduersus eum. Sed uide, uel inter sexcentos iniquitatis testes, quàm ualidè emerferit innocentia. Testimonia, inquit, cōuenientia non erant. Solent porro iudices, qui ui metūq; pœnis aut interrogationib. quoq; in inuolucro confundere, quod uolunt, extorquere nituntur, ambages nescio quas uerborum per somnium quidem unquam optauit, falsorum tandem testium iudicio & accusatori subiaceat. Hincq; est (opinor) quod dicit uates, se de his quæ nunquā nouit, interrogatum. Heu quantum olim attulit exitij bonorum uirorum integritati & candori, istiusmodi pestis lues.

Retribuiebant mihi mala pro bonis, sterilitatem animæ meæ.



**C** Ecce aliud miseriæ genus in improbis. Respondebat, inquit interpres Hebræus, malum mihi pro bono, orbitatē animæ meæ. Cōmodius tamen sterilitatē uertit Fel, quā orbitatem: ut sit sentus: Ea quidem quæ in me moliuntur uiri athei, mors quodammodo sunt animæ meæ: siquidem diutius ab illis afflicta nō secus se habuit, quā se habet mulier effœta, cubansq; in puerperio. Auxi, inquit, in illis beneficia, ueluti in agro semen: illi autem, negato scœnore, spinas, gramenq; inutile, signum nimirū sterilitatis, retulerunt. Quid; in eam me coniecerunt miseriam ac solitudinē, in qua orbi (orbitatis nomen explanandum est) hi scilicet qui nullo amicorum subsidio fulciuntur, soli esse solent. Est nimirum aliquid dignum laude, pro beneficijs beneficia compensare, par pariq; in donis referre: sed illud laudem omnem superat, cū quis bonum alicui pro malo reddat. Is calculis omnibus inter diuos referri debet, simulac æternū patrem in tam liberali actū beneficentiæ imitatur, qui continuis & his quidem nefandissimis à nobis lacepsitus iniurijs, contumelijsq; affectus, haud cessat tamen quin è benignissimo suo gratiarum fonte hauriat, quod perpetua tanquam irrigationis ar nos ingratisimos deriuat. Verū non tantū id quidem diuinæ imitationis argumentū est, quantū illud diabolicæ, cū quis ab aliō beneficijs prouocatus, ornatusq; dignitate ac gloriā, probrum refert & iniurias. Vidi ego aliquando præclarissimos uiros, atq; ad fortunę uulnera planē immotos, neq; propter morbum aliquem, neq; propter uim quamuis sæuam hostium, aut exilium, aut liberos mortem, rerumq; depopulationem & exterminium, à recto animi statu potuisse deijci, unico tamen ingratitude actū adeō insanijsse, ut in mœre prorsus contabuerint. Hinc sunt (credo) innumera illa in scripturis exempla, in quibus Deus Iudeorum carpens proteruitatem, illis obijcit, quanta semper uel ab ipsa prima rerum origine pro illorum salute gesserit: illi uerō pro immensis beneficijs, immensas (ō ingratum populum) contumelias, maledicta, blasphemias, obrectationes, ac mortē tandem eius rependerunt filio. Quare non iniuria hīc queritur Christus, sibi suisq; amicis pro bono malum repensum esse. Vnde quid dicat,

Ego cū mihi molesti essent, induebar cilicio, Humiliabam in ieiunio animam meam, & oratio mea in sinu meo conuertetur. Quasi si proximum, & quasi fratrem nostrum sic complacebam, quasi lugens & contristatus sic humiliabar.

Summæ charitatis indicium exprimitur. Cæterum ex Felicis litera, qui transtulit, Ego autem, cū ipsi infirmarentur, indumentum meum saccus: non tu illud Apostoli audire fateris? Quis infirmatur, & ego nō infirmor? quis scandalizatur, & ego non uror? Non potest quidem non dolore affici membrum, pro membri illius dolore aut damno, quod eidem secum corpori annexum est. Potest id manus pro oculo, pro manu oculus, pes, caput ipsum tandem in corporibus hīce brutis & moribundis, & non poterunt membra illa quorum corpus Ecclesia est, caput uerō Christus: qui æterna nos compage tam rectē sibi inseuit, uniuicq; ut impossibile omnino sit tam diuini corporis membrum non idem, eiusdemq; substantiæ ac naturæ, cum reliquis esse membris. Idcirco eisdem ipsis affectibus alterum pro altero afficitur, idem dolent, idem amant, idem appetunt, modò alter alterius membra sint in Christo, ut inquit Apostolus. Mos porrē antiquis fuit, & nunc quidem manet, ut dolorē animi pro se aut pro suis intimis susceptum, externis quibusdam signis præ se ferrent: inter quæ erat luctus, ieiunium, tristisq; incessus, & habitus ut plurimum cinere ac pulueris conspersus, mœror insuper in facie, lachrymæ, singultus, ac mœsta (quod pluris faciebant) sedulaq; supplicatio. Etenim uerus dolor, hoc est, pro seipsis rebus assumptus, eum faciliē cui quid dolet, ita attonitum reddit, atque in his



A considerandis, quæ premunt magis, occupat, ut sui prorsus immemorem faciat, nedum cibi, aut honestioris uitæ cultus; nihil enim hi tam cupere uident, quam ut quamprimum inuisa hac ab luce soluantur, quocirca nulla illis propriæ uitæ inest cura. Hæc sanè mœrorem intimum attestantia ideo hîc uates accumulât, ne nō sciremus qualis in Christo futura esset erga genus humanum clementia; subindeq; in suis quæ esse debeat, quos nimirum sui haud dissimiles, cum in omnibus, tum in his maximè, quibus miserorū calamitatibus subuenitur, esse uoluit. Estote, inquit, misericordes, sicut pater uester misericors est. Quàm uerò ardens homo hominem in æumnis positum diligere debeat amplectiq; ac æquè illius salutis uti propriæ curam habere, id est argumento, quod illum sic se in miseris torquentem, proximū fratremq; appellat uates. Quasi, inquit, proximum & quasi fratrem nostrum sic complacebam, quasi lugens & contristatus sic humiliabar. Clarius Hebræi: Habebam me, inquiunt, ac si eorum proximus, ac si frater fuisset; uti qui lugēt matrē pullatus incuruabar, ut hîc primū uideas matrem latinis in codicibus deesse. quare sic uoluit Fel. Sicut lugens matrem nigerrimus humiliatus sum. Solent enim filij teneriori affectu matrem, quàm patrem diligere, idcirco istius quàm illius mortem tolerantius ferre. Porro uerbum, complacebam, sic interpretantur: Ego homini sic afflicto studui tanquam amico, tanquam fratri, & illi quidem charissimo, complacere & gratificari. Vnde cumuli huiusce uerborum sensum elegantissimè, ut cætera, expressit Paraphr. hoc modo: Ego interim cum ipsi infirmarentur, pro uestimento usus sum sacco, & ieiunio maceraui me, & precibus impetraui à domino quæ uolui pro eis. Tanquam si summus amicus, imò frater quicuis eorum mihi fuisset, omnia humanitatis officia eis exhibui in aduersis; non aliter quàm qui matrem lugebat, pullatus & capite demisso incessti. At qui scribenti mihi, atq; ex animo, quid sibi uelit hîc spiritus consideranti, mœror ille Dauidis in mentem uenit, qui auidita morte filij, cooperto capite incedens lugebat filium dicens, Absalon fili mi, fili mi Absalon: quis mihi det, ut ego moriar pro te fili mi Absalon? Quid illud mirabile charitatis exemplū in Christo; qui præuidens ciuitatē illam scelestam, sui suorumq; interfectoricē, haud multo post iri exterminatū, fleuit super eam dicens: Quia si cognouisses & tu, quoties ego, inquit, uolui cōgregare te quemadmodum gallina congregat pullos suos sub alas, & noluisti: Ecce relinquetur deserta. Vide quàm pio affectu, quàm non libenter futura suorum hostium exitia uaticinatur Christus. O normā certè beatitudinis compendiosam, sed parum à plerisque cognitam. Eò enim noster à multis iam retrò annis nūq; cum gaudio ac risu recenseremus, sed etiam amicorum si non miseras læto animo audiremus (id fuisset nimîū insolens) at saltem secundas eorum res ac fortunas perturbato pectore uel audiremus ab alijs, uel nos alijs commemoraremus. An uerò in præsentia meliores nostra hæc ætas pariat liberos quàm antea, non dico: sunt qui deteriores arbitrantur. Jam illud postremò uidendū quid sibi uelit, Et oratio mea in sinu meo conuertetur. Conuertatur uertit Fel. alius uerò, uersabatur. Alius item ex Hebræo: Et totus eram in precationibus. ut nihil aliud fermè sit orationē in sinu nostro cōuerti aut uersari, quàm nos frequenter orare: nec quicquā tam aduersum posse contingere, quin ab orandi officio absterreamur, quanquā non me clām est aliū ab alijs reddi sensum hoc ferè modo: Semper quidem meis pro persecutoribus Deum oraui, quibus sanè cum nil mea profuerit oratio, quippe qui indigni erant, pro quibus ego exaudirer, ea tamen in sinu meo conuertetur, hoc est, mihi utilis erit. Quod si mauis optandi affectu cum Felice uersum legere, is erit sensus: Adeò mihi non sum conscius mala pro meis hostibus orasse, ut hoc ipsum quod oraui, ad me reuerti cupiam. Si malè precatus sum, id totum in me conuertatur, recidatq; & est, ac si dicat:



C Bona illis semper precatus sum, illi uerò contrà. O perfidiam hominum.

Aduersum me lætati sunt & cōuenerunt, congregata sunt super me flagella, & ignorauī.

Felix sic: Cū ego attritus essem, lætati sunt, cōgregati sunt: congregati sunt aduersum me claudi, & non cognoui; aperuerunt, & non siluerunt. Hic mihi (fateor) crudele spectaculum mortis Iesu in memoriā uenit, cui adeò multa paulò ante crucem flagella accumulata fuere, ut impossibile planè uisum tum fuerit, hominem unum tam diros perferre potuisse cruciatus. Tulit tamen amantissimus nostri dominus ea illa, quæ iure omni mortalium generi debebantur, & quæ spiritus in superioribus una tantum dictione Cilicium appellauit, nō quidem illud hirsutis contextum uillis, aut acutissimis intersertum paliuris, sed uerberibus, irrisiōibus, contumelijs, ictibusq; tam sæuis & inhumanis, ut cruor è membris illius purissimis partim immenso emanaret profluuiō, partim sub cute interceptus carnem illam sanctissimam ita atris oppleuerit uibicibus, ut non iam caro hominis in Iudæa enutriti, sed nigerrimi Aethiopis appareret. O certè cilicium nostris sceleribus debitum, nō illius innocentia: qui idcirco omnes omnium turpitudines & peccata obtegere dilueretq; potuit, quia unus omnium inuentus est ex omnibus Adæ posteris, qui sine peccato esset. Vis ne huius candorem ac puritatem à sponsa secretorū illius conscia diffusius audire? Dilectus meus, inquit, candidus & rubicundus, electus ex millibus. Caput eius aurum optimum, comæ eius sicut elatæ palmarum nigrae quasi coruus. Oculi eius sicut columbæ super riuos aquarū, quæ lacte sunt lotæ, & resident iuxta fluentia plenissima. Genæ illius sicut areolæ aromatum confitæ à pigmentarijs. Hyalæ eius lilia distillantia myrrham primā. Manus illius tornatiles, aureæ, plenæ margaritis. Venter eius eburneus distinctus sapphiris. Crura illius columnæ mureæ, quæ fundatæ sunt super bases aureas. Species eius ut libani, electus eius ut cedri. Guttur illius suauissimū, & totus desiderabilis. Talis est dilectus meus, & ipse est amicus meus filia Hierusalē. Hic habes Christi nostri in spiritu effigiem, hic animi illius formam, hic candorem, hic puram ab omni lue peccati animam: alioqui certè debitor pro debitore debitum quī soluere potuisset? Sed ad psalmum. Illi, inquit, qui ob innumera mea in illos beneficia pro me stare, aut saltem in meis mecum dolere afflictionibus debuerant, aduersum me steterunt, ob meumq; lætati malum, unā cum alijs meam in mortem cōspirauerunt, hi, inquam, quos me salutem illis afferentem audire amarēq; oportuerat, ut mortem mihi inferrent, congregati sunt. Ego ut illis uitam darem, morti me dari passus sum, illi uerò contrà pro uita mortem mihi asciuere: ex qua quidem immani illorū sæuitia & ingratitudine, ipsi quoq; sibi mortem pro uita nacti sunt. Cæterum putas ne, ô lector, conuentus omnes, congregationesq; Christianorum, in Christo fieri: nōne interdum contra Christum? Astiterunt, inquit spiritus, reges terræ, & principes conuenerunt in unū, ad quid, obsecro: aduersus dominū. & aduersus Christum eius. Hi solummodo igitur Christiani sunt ceteri sanctiq; cōuentus ac Cōcilia, in quibus aut de informandis secundum Christi legem moribus, aut de illius dilatando cultu & religione iustitiaq; quæ iam diu è terris excessit, reuocanda decernitur. De dilatando uerò tēporali ecclesiæ dominio, req; familiari tutanda & augenda quoq; conuentus qui habentur, hoc magis uulgò probari solent, quò ob Christi honorē & gloriā hos cernunt fieri. Illos uerò quos passim à nōnullis quotannis acciri audimus, è quibus nihil aliud prodire cernimus, q̃ Christi iniurias, proscriptiones, exilia, oppressionesq; excoGITATA mala, quis probus laudet? Et ignorauī, inquit: hoc est, causa, cur me tātope re odio cōuicijsq; incessere, me prorsus latuit, Quod uerò noster interpres uerit

flagella.



A flagella, Chaldaeus, quò magis translationem aperiret, transtulit, impios insidiatos. Et quod nos legimus,

Diffipati sunt, nec compuncti,

Hebræis est, discissi sunt, & non sunt compuncti: hoc est, à seipsis quoque diuulsi, discordiꝫ animo uicissim dissipati, ad cor per resipiscentiam neutiquam redierunt, quanquam Felix, Aperuerunt, siue ut alius, Sciderunt, & non Siluerunt, uertit. Quorum uerborum sensum sic reddit Paraphr. Proscindebant me conuicijs sine intermissione: ut Non siluerūt, in hoc loco, ut in plerisq; alijs scripturæ, idem sit, quod non cessauerunt, quod aliàs admonuimus, quare reddit Paraphrastes, sine intermissione. Chaldaus uerò sic: Si excoriarent me pelle mea, non haurirent à me sanguinem. Vt hinc certè intelligas, Christi corpus adeò immensis affectū fuisse cruciatibus, ut exangue prorsus remaneret. Vnde alio in psalmo ad hunc queritur modum: Aruit tanquā testa uirtus mea. An uerò sanguis aut humor alius è testa igne cocta exire queat, tute iudica. Sic igitur, hisceꝫ delitijs à suis acceptus fuit Christus pro te, ô homo.

Tentauerunt me, (inquit) subsannauerunt me subsannatione, frenduerunt super me dentibus suis.

Hisce enim derisionum irarumq; indicijs, nō solū Dauidem quidem, alioqui scēdiora quoq; promeritum, obnoxium fuisse legimus, uerum etiam, & in primis ipsum omnium hominum, quotquot unquam uixerunt, uicturicꝫ sunt, innocentissimū Christum. Vah, inquit, qui destruis templum Dei. Eat modo, si filius Dei est, descendat nunc de cruce, & credimus ei. Quid strepitus illi frequentes, tumultusq; tum Iudeorum tum gentium per trienniu contra ipsum excitati? Quid porro saeva illa succlamatio, stridorq; uel usq; ad sidera, Tolle, tolle, crucifige eum, præ se tulit aliud, quàm iratos illorum animos, planeq; ferinos in mansuetissimum agnum? Tota deniq; Christi uita, eo maximè temporatio, crux tandem, ac continua usq; ad tumulum persecutio & mors? Eapropter non molestum admodum esse debet, si membrum eisdem ipsis ærumnis, quibus obnoxium fuit caput, expositum esse cernimus. Nimiū quidem notitias quæremus teneritudinem, si spinoso sub capite, ut inquit Bernardus, de ad professionem accedunt, quò duriores sibi eligunt uitæ rationem. Tentauerunt me (clamat Christus) improbi homines, claudiq; ut uertit Fel. hoc est, uiles, ut ipsemet interpretatur, & abiecti subsannauerunt me, fremueruntq; super me dentibus suis. Sic, sic (inquā) meos à mundo tractari oportet. In mundo quippe sunt, sed de mundo non sunt. Erat ne de mundo amicus Dei ille qui inter hostiles Iudeorum turbas positus irrisusq; percussus, ac saxis penè obrutus non suam, sed persequentiū indoluit miseriam? Vnde, ut refert Lucas, exclamauit, Domine ne statuas illis hoc peccatū: cum interim illi audientes dissecarent coram tuis, & striderent dentib. in eum. Nōne is cum Christo, cui martyrii priatione, frenduerunt super me dentibus suis? Caterū litera quæ est Hebræis, non aliū quidē sensum, sed paulò diuersum habere uideť. Assentatores, inquit, cū parasitis omnia subsannantibus, infrenduerūt cōtra me dentib. suis. Fel. uerò paulò secus: Cum simulatorib. derisionū esculentorū frenduere aduersum me dentibus suis. & est sensus: Cum simulatoribus claudi illi, uani scilicet homines, & nihili, congregati sunt derisionū esculentorum: hoc est, quorū mos est, ut derideant alios, quò inde cibū habeāt. Quare sic reddit Paraphrastes: Vnā cum scurris & irrisoribus frusto panis cōductis nō destiterunt frendere contra me dentibus suis, quanq; forsan melius pro frendere, denudare uertendū erat, ut effusum



C intelligas risum quo dentes denudantur. Verum quoquo se modo res habeat, id liquet, uirum hic iustum conqueri, uanos homines, futiles, & qui scurrilibus oblectantur dictis, unà cum suis hostibus de suis malis lætatos esse, sibiq; quò magis dolorem augerent, illulisse. Idcirco sic transtulit Chaldæus: Verbis delatorijs & superbis & derisorijs strinxerunt contra me dentes suos. Non est quidem in ciuium conuictu genus hominum tam turpe ac infame, quàm illud est quo quis gulæ causa, non solum Principum (id forsitan tolerandum, quanquam nec id quidem) sed omnes omnium uulgo hominum mentes ac cupedias infestantes Gnathonicam profitetur artem: hi quidem foedissimis assueti moribus, nihil non turpitudinis in illorum gratiam, à quibus uictum sperant, effutire solent: hincq; (ô animas frustra corporibus unitas) quiduis facile derident, profusissimòq; subsannant cachinno, modò suis Thrasionibus risum moueant, illorumq; gratiā nanciscantur, nulli quamuis circumspecto ac graui uiro solent parere: & id quidem præsentibus matronis puellisq; innuptis, ac pueris, & quod acerbius auditur, in uiduarū edibus & nuptijs. Eò ne uilitatis res ea deuenit, pro qua emenda Dei filius tam dira in terris passus est: Heu,

Domine quando respicies? Restitue animam meam à malignitate eorum, à leonibus unicam meam.

Certè cum tam crebras uatis huius querelas ob imminentium periculorum metum lego, alterius mihi generis hostiū, quàm illud est quod in corpora deseri uire solet, in mentē uenit. Est multum profectò homini, præsertim in spiritus doctrina nondum erudito, ab improbis hominibus tum lingua tum ferro quaquauersum impeti, ac probro haberi: sed longè atrocius illud est, periculoq; propius, atq; magis extimescendum, cum est cum hostibus incorporeis confingendum. Sauciari quidem ab hominibus, ac uulneri altè infixio irrisione addi, ferendum utcunq; est: at à telo, nescio quo, inuisibili transfodi, insuperq; interdum grauius esse solet, quò uulnus à plerisq; non sentitur, dissimulaturq; interdum. Quocirca nō tantum hic uates à corporeis orat eximi hostibus, quantum ab incorporeis. Cæterum maioris efficacix ea est litera, quæ est Hebræis: Domine, inquit Fel, usquequo respicies? Reticientiæ plenus est uersus: solent enim hi, qui cumulo aduersitatū oppressi suum detegere conantur dolorē, haud rarò singultibus intercipi, atq; idcirco aliàs mutire, aliàs uerò prorsus, quod sciri cupiunt, retinere. Domine, inquit, quousq; aspicies? Vide sermonis incisionem: inferendum enim fuerat, Nec fers opem, nec hostium meorū superbam retundis arrogantiam, cum tamen omnia uideas, æquissimòq; ponderes iudicio. Tunc enim Deum quodammodo nostra non uidere arbitramur, cum iustissima sua prouidentia & cōsilio non æquè citò atq; optamus, nobis opitulatur: uidere uero, cum uocatus præstò adest, uenitq; actutum suppetias. Hebræi ferè omnes promulgitate tumultū uertunt, & uerè tumultū. Nam quid agunt scelesti, aut molientes animo, quod tumultibus plenissimū non sit: ordinatissimæ quippe Dei legi nō auscultantes, quid in se habent, quod strepitum non referat & tumultū: Porro unicam uocat animā, hoc est, solitariam, desolatam, ab omnibusq; derelictam ac destitutā: quam orat ab improbis, quos propter truculentiam, morum uel fastum & superbiam, leones appellat, muniri. Fel, uertit, A catulis leonū: quò quorundam ex primatibus (credo) consuetudinē exprimat, qui interdum in oppugnatū da ex sese miserorū innocentia fessi, surrogant catellos, nescio quos, ipsi succenturiati, qui ex illorū autoritate lasciuiantes, palam uel optimis quibuscq; in sustentatione non uerentur. Quod quidem impudentiæ genus, ob sordidam eorundem hominum qui in eo uersantur conditionē, probis solet esse molestius, quàm illud quidem, quod licet per se, uti cætera uitia, detestandum sit, è domo tamen nobili demanat: quanquam nulla potest esse domus nobilis, in qua inest scelus. Quam quidem



**A** quidem admonitione mortaliū aures uellendas esse duco, ne dum in diuitijs solito modo, aut principū fauore suam statuunt nobilitatem ac familię splendorē, posteris aut nullam illam omnino, aut tenuē relinquant. Siquidem (si me interrogas) nihil unquā in rebus conditis tam fallax uidi & fragile, quā sunt diuitiæ, aut fauor principū. Nobilitas uerò illis innititur rebus quæ æternæ sunt, etiam in exilio, extremaq; rerum inopia, ac (quod ait Esaias) in camino paupertatis.

Cōfitebor tibi domine in ecclesia magna, in populo graui laudabo te. Voto se astringit hīc uates, uatumq; dominus, se patris nomen celebraturū; & id quidem non in angulis, aut angusta tantummodo Iudæorū regione plebeq;, pro maiori parte uana atq; inutili, sed in multa gentium frequentia & multitudi ne; id enim significat Ecclesia magna. Aliās admonuimus, cōfessionis nomen, laudes interdū, interdum gratiarū actiones præ se ferre, ut in hoc loco. Vnde sic reddit Paraphr. Accepta tibi referā omnia mea, idq; palam in hominū frequentia. Dona enim Dei (modò omnis ab animo absit uanitas) obtegere, impietatis indicium est atque ingratitudinis. Duobus quippe affectibus hī maximè mouentur, qui Deum diligunt: altero quidem amoris, altero autem studiij ac cure diuina promulgandi beneficia. Venite, inquit alio in psalmo, & uidete quanta fecit Deus animę meæ. Quare non frustra admonitum nos iri curauit scriba ille spiritus, cum ait: Quisquis confessus fuerit quòd Iesus sit filius Dei, Deus in eo manet, & ipse in Deo. En amoris summa. Nec quicquam aliud sanè hīc esse ducas confessionem, præterquā laudem gratiarum uel actionem, celebritatem, & sanctificationē Dei nominis coram mundo. Quod quidem in primis, quoad in terris uixit, executus est Christus: subinde hī omnes qui sunt eius. Cōfessiones uero illę gratiarumq; actiones quæ in templis quotidie fiunt in psalmis ac canticis spiritualibus, ut inquit Paulus, quemadmodū sanctissimæ quidem sunt, ac Deo dignæ, si ab animis proficiantur tranquillis, & à terrenarū rerum contagione puris omnino: ita immundę, prorsusq; inutiles iudicantur, si ab impuris elatisq; pectoribus erumpūt. Quare eæ quidē nugę, illę laudes existimari debent. Proinde, si sapimus, summo cauendum erit studio, ne interuerso rerū ordine, sub sanctissimo cœlestiū uerborū uelo ac prætextu, pro laudibus gratiarum uel actionibus, nānias strepitu nescio quo inani proferamus, atq; propterea ab eo qui habitat in cœlis, irrideamur, excludamurq; à gustu illo diuinarū rerū, quē hī solū hauriunt, qui ab omni carnis inquinamento atq; ambitione semoti, in terris quidem corpore, in cœlis uerò spiritu atq; animo uersantur. Cæterum, In populo graui, in populo forti transulit Fel. utrunq; enim Dei uerbum audienti necessarium. Siquidem pectus diuini seminis capax, ab omni prorsus leuitate animi, atq; imbecillitate uacare debet, alioqui nullum ex eo fructū expectari consentaneum erit. Nulla certè coitio atq; amicitia inter æternum & caducum, inter firmum, passimq; cohærens, & dissolutum, suiq; dissimile, esse potest.

Non supergaudeant mihi qui aduersantur mihi iniquè, qui oderūt me sine causa, & annuunt oculis.

Negaudeant super me, uertit Hebræus. Illud uerò, iniquè, falsò seu immeritò, & absq; ratione, transulit. quare sic reddit Paraphr. Non habeāt ansam in sulcandi qui hostiliter insequunt me absq; ratione. Cæterū, annuunt oculis, nihil aliud esse interpretant, q̃ subfannāt, unde subdidit, Nec illi qui odio me habent sine causa, & subfannant me. Verū ardentior mihi uidetur esse affectus in uerbo, annuunt: solent enim hī, qui alicui lapsum parant & ruinam, alter alterius nutum, quò suum quisq; obeat munus gnauiter, obseruare; nam id uerbis exprime re haud tutum putant. Alter igitur in alterius uultum iactantes oculos, tum remstruunt, tum animi conceptum mutuo detegunt nutu, quod quidem eò periculosius esse scimus, quò ab inimico animo proficisci non ignoramus, Est porro



**C** quoddam odiū genus inter cetera abominandū magis, cū quis nulla accepta iniuria, sed sola libidine uoluptatēq; aut uirtutis odio, quempiam maleuolentia persequitur: quod sanē à liuore atq; inuidia pullulare non rarò experti sumus. Ab his itaq; sic malè affectis hominibus petit uir probus liberari: hoc est, non propterea deijci animo atq; à uia iustitiæ deturbari, quòd iniusto scilicet odio & immerito impetitur: istiusmodi enim pestis cōtagione in primis infecti sunt demones, homines postea illi qui, ut dixi, tanto quempiā maiori persequunt odio, quanto eum magis gloria & honore conspicuum cernūt. Hinc pallor, hinc macies, hinc in moribus acerbitas, ac trux quidā aspectus, & sermo in eum cui male uolunt, mordax perpetua demanāt miseria: hinc rursus persecutiones, exilia, fictæ delationes expostulationesq;, & homicidia plerunq; originē habent. hinc tandē delatoribus adulatoribusq;, simulatoribus, parasitis, sicarijs, & quibusuis alijs huius monetæ hominibus aperiuntur portæ. Vides ne quo satellitio munitum sit istud, de quo nunc loquimur, odiū? Te stupidū, si tot mala considerans, quamobrē ab odiosis illis hominibus defendi petendum sit, mirari perrexeris.

Quoniam mihi quidem pacificè loquebantur, & in iracundia terræ loquentes, dolos cogitabant.

Diuerfum planē ab hoc sensum litera quæ est Hebræis demonstrat: Quoniā, inquit Fel. nō pacem loquentur. Nihil enim pacatū cogitant, uertit alius ex Hebræo. Vnde sic reddit Paraphr. Non enim quibus tutò fidī possunt, loquuntur. Querit itaq; uir sanctus, se immerito ab improbis odio maledicentiæq; discerpit: ab his, dico, qui in inferēdis iniurijs innocuis, pacisq; studiosis in terra hac, aliorū qui mille bellorū tumultibus obnoxia, callent artē. Parum ne est, in ipso tumultu dissidiorū sectari pacem? Quòd si ideo quis à Dei spīritu admonitus ab omni bellorū genere abstinet, non caret tamen suspitione apud illos, qui cū alienū ex suo metiant animū, putant omnes haud diu in terris absq; rixis ac iurgijs posse uiuere; semoti enim semel à Deo per uitę fastū, in quo quidē Deo summa cōmiserant pax, æternusq; rerū nexus atq; unio, & supera & infera continuis cōmiserant prælijs. Cæterū dictū illa quā noster interpretes uertit, terre, Hebræis est, in tranquillō seu pacifico, qui in terra sunt: quod una dictione (opinor) reddit interpretes, in iracundiā. Vocat in iracundiā mansuetos, qui irasci ferē nesciunt, eo modo quo appellamus interdū modestos, ipsam modestiā. Vnde sic illū transiisse suspicor: In iracundiā terræ loquentes, quare Paraphr. Aduersus insonantes, qui in terra degunt, dolos concinnant, Fel. uerò: Et super mansuetatē depingit uates, qui adeò interdum irrequietis extimulantur discordiarū cœstris, perperandorū ue facinorū irritamentis die noctuq; perurgent, ut quò certius triumphent, eò omnes peruersitatis machinas in modestissimos ac mites, hoc est, contra inermes atq; imbelles dirigunt. Quid si porrò molossus molossus, aut lupus lupum, cū nihil minus cogitet, inuenit? quā citò quidem tumor ille giganteus in uolumen desinet? Quòd uerò quidam interpretantur, in iracundiā terræ, id est, in iracundiā terrena, quemadmodū equidē non improbo, ita nō intelligo. Sed illud non omittendū, quòd noster interpretes uersus initium legit absq; negatione, Quoniam mihi, inquit, pacificè loquebantur: illud hominū genus spectare arbitror, qui in corde & corde, ut ait spīritus, loqui consueverunt. Linguis (ait) suis dolose agebant. Hi sunt quidem qui secus atq; in corde habent, loquuntur: detestandum profectò uitium, modisq; omnibus à bonorū societate expandū. Nescio sanē qua sorte id accadat, ut non solum collusores, ganeonesq; & id genus colluuiem reliquā infecerit lues hæc execrabilis, sed etiam adytis: adeò letalibus morbus tam impauidē à nonnullis suo in sinu enutritur.

Et dila-



**A** Et dilatauerunt super me os suum: dixerunt, euge, euge, uiderunt oculi nostri.

Perpicuū id est interitus animę indicium, cum in spiritu sentit demones lætitiā gestire, sibiq; inuicē illatā ob mortē gratulari. Quod enim infelix anima à tetrīs illis manibus impugnet, faucieturq; interdum, non multū adeo mirū esse debet, licet lachrymabile. quod uerò prorsus intereat, subq; ictib. illis hostilib. expiret, nō est dolor, non luctus, nō mœror, qui tam immensum damnū æquare ualeat. Anima enim, res scilicet tam Deo chara, tam nobilis, tam diuina, à tam uili hoste occidit. Et dilatauerunt, inquit, super me os suū, latantes nimirū, ouantes, deq; adepta uictoria cachinnos efferentes, clamātesq; nō absq; irrisione, Vah, uah, uiderunt iam tandē oculi nostri quod diu optauimus: uictus est, attritus est, occubuit, ō iucundū spectaculum, homo tam nobis infensus eiectus est. Non defuerunt quidem impulsores, non rabulæ, non quadruplatores, non plagiarij. Puto enim de Christo humato Iudæos olim huiusmodi iactitasse inter sese dicteria. Eam modo faber iste qui contra Moſen uerba facere non est ueritus. Censes ne hunc sabbatū tanta cum religione à patribus seruātū, custodijſſet? quid? filium se Dei faciebat. O inauditā blasphemīā, iam iam tandem exaturati sumus. Vah, is modò qui tanto strepitu seducebat turbas, frigidò nunc in tumulto iacet exanguis. Hæc quidem, atq; horum similia de unigenito Dei filio Iudei olim, De pijs uerò, hoc est, de oppressa innocentia ac penē extincta, non iam amplius Iudæi, sed ipsi Christiani acerbiora quoq; blaterant. Verūm

Vidisti domine, ne fileas, ne discedas à me.

Nihil profectò delectabilius puro cōscientiæ testimoniō, impuro uerò nihil miserius. Malè nanq; sibi conscia mens, tum legibus tum iudicijs semper rebel-  
**B** lis est humanis ac contumax. Benè autem, non solum ab humano diuinoq; non abhorret iudicio, uerum etiā illud expetit & quærit. Vnde non immeritò sapien-  
tissimus ille asseruit Rex, quod fugit impius nemine persequente: iustus autem, ut leo erit confidens. Sua igitur fretus conscientia uir bonus, diuinum non uere-  
tur appellare iudicium, inquit:

Exurge, & intēde iudicio meo, deus meus & dñs meus in causam meā.

Iam illud considerandū, quanta sit in uerbo illo, uidisti, consolationis uis & magnitudo. Esto, inquit, q; hætenus ea, quæ in me sceleratorū hominū astutia machinata est, uidere nequaquā uisus sis, uidisti nihilominus: hincq; meam te causam tandem defensorū, iusq; asserturū certò scio. Fac igitur, te oro, quod te facturū nō dubito: ergo ne fileas, ne dissimules, ne lōgius absis; alioquin te causam meā nō defendente, aut te meis peccatis offenso aliò diuertente, quē alium patronū, quem aduocatū, quem procuratorē interpellabo? hi enim interdum nō tantum iustitiæ, quantū auri desiderio, suis illis in litibus nonnunq; iniustis, uel usq; ad emissionē animæ defudant. Tu quietissimus tuo in throno sedens, æquissimo iura omnia & condis & moderaris iudicio, & id quidē gratis: quare tu, nō homo natura fallax, atq; ad bonū torpidus, euigila, exurge, atq; animū ad hanc meam cum hostibus controuersia applica. Cæterū, in causam meā, Fel. uertit, ad cōtentionē meā: sed idem ferè est cum nostro. Nā uita hæc assiduus in cōtentionibus, partim cū mūdo atq; eius amatorib. partim cū incorporeis, & his quidē astutissimis & crudelibus uersat hostibus. Quid sit porro in Deo euigilare, exurgere, filere, procul abire, & cetera huiusmodi, iam aliàs fusius annotauimus. Anthro-  
popathia quippe est uati huic nostro admodū familiaris: cuius quidē frequen-  
tia, ac seruido, ut sic dicā, motu, cōcita omnia reddunt in hoc poëmate, atq; ignita  
Iudica me secundum iustitiam tuam domine Deus meus, & non su-  
pergaudeant mihi.

Hebræi sic: Iudica me secundū iustitiā tuam ō domine, ō Deus mi; & ne gau-



**C** deant, ut ex repetitis uerbis illis, ô domine, ô Deus mi, anxium liberandi studiū, immensumq; periculū, quo urgemur continuè, aduertat. Nemo enim, nisi magis in periculis constitutus, uerba illa quæ cōmiserationem mouere possunt, inculcare solet: quemadmodū hi sanè agunt, qui aut amnē aliquem rapidissimū illapsi, per ripam sparsim circumfusus homines, dum in præceps ferunt, intuentur: aut qui ab hostibus telis igneq; circumsepti, ab alto tecto, & tegulas & cantherios, & quicquid aliud eis metus suppeditauerit, deorsum proijcientes, ingemunt natis clamoribus, uicinorū, cōcursantisq; ad spectaculū multitudinis auxiliū implorant. Non minori certè periculo, imò maiori multò mortaliū anime, dum te tro hoc corporis inclusæ sunt antro, circūuallatæ sunt, uel cū à rapido cupiditatum libidinūq; fluuio latè per oblectamentorū ripas deuagāte, raptæ penè suffocant: uel immundorū dæmonū hinc atq; hinc, tum inordinatis iræ motibus, tum superbiæ, ambitionisq; avaritiæ, ac cæterarū eiusmodi rerū machinis obsessæ, nihil fore opis à quoq; circumspectāt. Quò se uertant, quæso: quò suū dirigent clamorē: quò oculos: quò manus supplicabundæ? Ad patrē nimirū æternū. Quod si ob peccatorū sordes, quas in te esse uides, ô homo, tam excelsi numinis iudiciū exhorrescis, nōne cogitas quia pater est: adhuc ne trepidas? En uiam aliā (quāq; certè non aliam) quā qui refugit, licet ab uniuersis supernorū spiritūū choris superbiæ illi ferant, nihil agit, quò minus in æternā mortis noctē protrudatur. Clamat igitur scriba ille diuinus: Si quis peccauerit, aduocatū habemus apud patrē Iesum Christū iustum. Ipse, ipse (inquā) est propitiatio pro peccatis nostris, si tūm nostra non obtegamus scelera. Nam certè si confiteamur peccata nostra, si delis est & iustus, ut remittat nobis peccata nostra, & emundet nos ab omni iniquitate. Vis uno uerbo rei summā (inquāt) tibi aperiām? **S A N G V I S** Iesu Christi emundat nos ab omni peccato. In hunc enim, tanquā in salutis omniū finem, sacramenta omnia ecclesiæ, castiq; ritus & mores tendunt, deriuanturq; hac sententiā meta à sacramentorum, bonarū uel actionum & cæremoniā cū cursu semorū, frustra curritur: uanaq; sunt studia illa omnia & labores, quibus nos tandem diuinā promereri gratiā speramus. Est aliquid quidem, pro adipiscenda animi puritate inedia affligi, & crebrò corā sacerdote in recensendis reatibus cōfundi & erubescere: non est rursus parui momenti res, multorū inopiæ subuenire, uel duas, orphanos, reliquāq; turbā miserorū ab usuris, à carceribus, à uinculis, à tributis remibus quoq; uindicare, & mori tandem ob salutē proximī: uerū nihil adhuc te egisse putes, nisi bonarū rerum huiusmodi Christū & nexum & finem statuēris. Id per excessum fermè dicere uolui, non tantū quidem ut alios monerē, quantum ut me meiq; similes in uia iustitiæ pigritantes pungerem & excitarē. Sed ad uatem reuertamur, qui secundū iustitiam Dei, non suā, iudicari postulat: quam quidē iustitiā nihil aliud in psalmis ferè omnibus, atq; adeo in cæteris diuinæ legis libris esse iam diximus, q̃ perfectissimā illius bonitatem, bonorum omniū cumulo exuberantē. Quia igit uir bonus hoc minus in se esse bonitatis perspicit, quò exactius sese examinat, ad patris bonitatē, ad quam omnes, si sapiunt, confugere debent, statim recurrit, clamatq;: Iudica me ô domine, non sanè quidē secundū iustitiā meam, quæ nulla omnino est, sed secundū tuam, quæ perfectissimè bonus es, atq; immense misericors. Quod si tamen iustitiā illa quæ incōmutabili tui iudicij seueritate posita est, utendū erit, nō recuso: scio equidem meā ex te iustam esse causam. hostium uerò meorū iniustam. Quare in illos potius, qui sponte sua mali sunt, quā in me, quē tuum esse uoluisti, sœuiendum erit. Non itaq; ob partum de me triumphum gaudeant, non lætitiā efferantur, non gloriantur,

Non dicant in cordibus suis, euge, euge animæ nostræ: nec dicant, deuorabimus eum.

Depressimus eum, uertit Fel. Non te moueat tempus pro tempore interdum ponit.



apponi. Hebraismus quidē est creber admodū in prophetis ferē omnibus. Nec animæ nostræ, sed animę meę, transtulit. Et est ac si dicat, ut interpretatur Paraphr. Non habeant cur dicant in corde suo, ex animi nostri sententia hæc res successit nobis, quanquam ab alijs ex Hebræo, anima nostra, seu anime mi, uerti uideo, ut sit sensus: Vah anima nostra, simulac iste expulsus est & occubuit, latere. O quam nobis ex animo ouandum est. quid putas? quæcunq; optamus affecuti sumus. Et est summæ uoluptatis exclamatio, perinde ac si quis exclamet: Vah, tandem quod diu noster expectauit animus euenit. Dixerunt, inquit Hieremias, deuorauimus. En ista est dies, quā expectabamus: inuenimus, uidimus. Dictio, quam noster interpres nonnunquam uertit animā, Hebræis est interdum uoluptatem, desiderium, libidinem. unde illud: Non tradas me in animas tribulantium me: hoc est, ne me improborū libidini ac desiderio dilaniandū tradas. Chaldæus uerō sic reddit: Non dicant, lætabitur anima nostra: de ruina scilicet illata ac morte, Cæterum ne id amplius dicant, effutireq; audeant,

Erubescāt & uerecundia afficiantur simul, qui gratulantur malis meis. Induantur confusione & uerecundia, qui maligna loquuntur super me. Induantur pudore & ignominia, uertit Hebræus: ne reuerentiam illam, quæ uirtuti debetur, imageris. Sic illud, Reuerentur, uertunt, confundantur, seu, ut reddit Paraphr. infames fiant, quotquot erigunt sese, ut noceant mihi: seu, ut transfert Fel. qui magnificant super me: hoc est, qui os suum super me uictorū more super uictos, dilatant, impudentissimisque insultationibus dilaxant. Maximi id quidem odij est argumentū, cum prostratum hostem, animamq; inter uulnera efflantem, aut calamitatem in aliam coniectum quis procaciter insultat, disticijsq; incessit ac mordet, quod sanè genus conuicij miserrimo illi sic afflicto solet esse tristius, quam ipsa miseria & mors. Quod enim id impietatis signum in sicarijs & gladiatoribus cernatur, non multum quidem mirandum. In grauissimis uerō uiris, & his quoq; qui speciali quodā cultu ac religione, sacris templorum aris inseruiunt, id cerni non solum admirandum est, uerum etiam monstrum omni deformius ac magis turpe. Cæterum tota hæc uerborum congeries nihil aliud præ se ferre uidetur, quam quod maligni homines, atq; illorū impulsores dæmones. pudore afficiantur, hoc est, spe sua delusi pedē cum ignominia à persequendis Dei seruis retrahant: contra uerō,

Exultent & lætentur qui uolunt iustitiam meam, & dicant semper, magnificetur dominus, qui uolunt pacem serui eius.

Pulchra sanè antithesis. Illi, inquit, qui suam uolentes constituere iustitiam, Dei iustitiæ non sunt subiecti, erubescant, probroq; afficiantur. E contrario autem, exultent, lætentur, non erubescant, aut modo aliquo confundantur, qui uolunt iustitiam meam: hoc est, qui ex me, meaq; bonitate boni esse uolunt, non ex se, suaq; iustitia ac uirtute, hi dicant semper, hi prædicēt, hi uotis omnibus expectant, hi die noctuq; uel in medijs ipsis triuijs clamitent, Magnificetur dominus, non solum supra se, sed super omne illud quod dicitur Deus, aut colitur, sese tollit. Cum enim considero, mi lector, tumorem quodammodo totius orbis, sese usq; ad regionem Lunæ (nihil dico) ad regionem illam igneam in qua cælestes uisuntur animi, effluentem, uideo mihi uidere uanam quandam ampullarum per undas colludentiū imaginem & spectaculū: quæ ut cernentibus grandiores modò, modò minores uidentur, nunc apparent, nunc fallaci quodā præstigio latitant & se abdunt, ita una facta omniū conuersione euanescent, in nihilumq; resoluunt. O uanam mortaliū arrogantiam. Verum hæc animi leuitas uulgo ut plurimū sui dissimili, ac tenuissimi iudicij, concedatur: quando quidem eò peruentum est amentia, ut etiam inhonesta concedamus: quis id ferat in sapien-



C tibus, in schola Christi enutritis: in his tandē, qui, ut inquit Paulus, semel illuminati, gustauerunt etiā donū cœleste, & participes facti sunt spiritus sancti: gustauerunt nihilominus bonum Dei uerbum, uirtutesq; seculi futuri: Quid hoc monstri est, ut eò quis maiori afficiatur fastu & tumore, quò maioribus sedonatum à Deo donis, uelit nolit, fateri cogit? Quid illud: (stupore obruor) hūc uidere ob sanctitatē, quæ in humilitate, animisq; inglorijs, & ignominia esse debet, intumescere: illum ob literas, & has quidem sacras, non solum intumescere, sed insanire omnino: & nisi uulgò celebretur, donetur ue mitra aut pileo, emori: hi certē non dicunt semper, Magnificetur dominus: utinā saltē rarò. Iam illud non prætereundū, quòd Hebræi, Qui uult pacē serui sui, legunt, ut ad dominū, uult, referas: nō, uolunt, ad homines, ut sit sensus: Dominus qui in suis pacem omnino uult esse, atq; animi tranquillitatē, magnus ab omnibus existimetur. Pacem uerò cum hīc, tum aliàs rerum omnium successum uolunt esse: sed quia in humanarum rerum successibus uix, ob continuā uicissitudinum inconstantia, id appeti potest, idcirco in diuinis tantummodo quæri oportet. Imò si daretur optio, qui Christi uitā profitentur, pacem illam quam in terrenarū rerum copia sitam esse cernimus, nollent omnino: hanc uerò & uellent, & uotis omnibus à Deo peterent, ut ab illis peti quotidie, uita saltē, si nō ore cernimus: quanq̃ & ore quidē, qui abiectis omnibus quæ huiusce generis pacem, quæ ad mundū attinet, pollicentur, sese in antris, paruo minimoque contenti, occludunt, nihil aliud interim aut cogitantes aut agētes, quam quomodo tam arduū uitæ genus temerē, & casu, minimē se apprehendisse testentur. Alioqui membris ipsis corporeis, ac citò desituris, diuino se cultui dedere, animo uerò atq; affectu, mūdo & ambitioni, crux quidem est, sed non illa quā à suis exigit Christus. Qui sanē suum illud mirabile cum conderet testamentū, amplissimamq; suis relinqueret ditionē & imperiū, D inter cætera illud in primis nobis cordi esse uoluit, Pacē relinquo uobis, Pacem meam do uobis, non quomodo mundus dat, ego do uobis. Putas ne Dei filiū de alia pace, quam de illa, qua spiritus & caro in unum perpetuò ad obtemperandū Deo coeunt fœdere, intellexisse? De altera uerò illa qua anima quoq; cum corpore lasciuiare solet ac pergræcari, censeo illum differuisse, cum dixit: Non ueni pacem mittere in terris, sed gladium & bellum, hoc est, scissuras ac dissidia. Hæc quidē æternæ apud inferos conflictationis ac pugnæ arrha est & pignus: illa autem æternæ pacis, quæ in Deo tota sita est, qui pax est nostra, ut inquit Paulus, redemptio. Hanc itaq; pacem uult Deus in suis esse, hanc format, hanc præcipit, hanc donat tandem, ne quæ Dei sunt, absq; Deo posse nos assequi somniemus. Pax porrò illa qua homo homini Deus est, non lusus, ut est adagiū, ab hac originem habet. Fieri non potest, hominem in se pacatū, Deoque per mentis puritatem unitū, in alios bellum ciere posse. Illud etiā quod in hoc uersu à nostro interprete legitur, ita aptari potest, ut homo iustitię illius quæ à Deo est, studiosus, postq̃ suis imprecatus est hostibus confusionē, infamiamq; & probrū, mox de eiusdem secum professionis uiris pulcherrima usus antithesi, addat: Exultent & latent, qui uolunt iustitiā meam, hoc est, ut interpretatur Paraphr. Quibus placet innocentia mea, uel ut alius ex Hebræo, qui fauet innocentia meæ, hi quidem in spiritu gaudeant, orentq; te, ô Deus, ut ego in ueritate tua ac fide, quæ est innocentia mea, perseuerem: hi inquā, qui meam uolunt pacem, atq; à malis liberationē, mecum sanē, non interruptē quidem, sed semper dicant, Magnificetur dominus. Nam quod ad me attinet,

Lingua mea meditabitur iustitiam tuam, tota die laudem tuam.

Nihil in hoc loco aliud uult uerbū, meditari iustitiā, q̃ iustitiā ex animo, seduloq; ac promptissimo lingue motu prædicare. quare sic uertit Paraphr. Et lingua mea sedulo prædicabit iustitiam tuam, hoc est, perfectissimam bonitatem tuam, qua



A qua sola duce, ad te asciscimur, in te perstamus, tibi unimur, de te cantamus, per te uiuimus, ac in te tandem per amorem transimus, renouamurq; in horas: cum interim scelestos quosdam à te tanquam à Solis luce auersos intueamur confundi affligiq; ac continuis anxietatū gyrīs rotari. O diuinam iustitiā. State, inquit spiritus, & uidebitis gloriam eius, cui laus sit in secula seculorum, Amen.

PSALMVS XXXVI. Vincenti, serui domini Dauid.



**D**ixit iniustus ut delinquat in semetipso, nō est timor Dei ante oculos eius.

Cum multis alijs argumentis diuina erga mortales innotescere possit bonitas, tum ob id quidem maximè celebris uidetur, cum nō solum suis, sibi nimirū per fidē copulatis, bene facit continuè, sed etiā improbis, à fideq; alienis sua communicare dona non cessat; hos & illos æquo intuetur aspectu sol ille iustitiæ, nec est qui se abscondat à calore eius. Quod uerò à felicissimo illo prospectu alijs perurantur, raptenturq; tanquā ab igne ad supernas, ut uocat Dionysius, illuminationes, alijs uerò indurentur, obtenebrescantq; obstrusior ratio est, quam quæ ab humano intellectu disquiri queat, multò minus à lingua edisseri. Quis unquā nouit sensum domini, aut quis illi à consilijs fuit? Quare in his peruestigandis, quæ occulta omnino Deus nobis uoluit esse, uel totā ponere ætatē, nihil aliud agitur, q̃ quod cōtingere diuaganti in Labyrintho aliquo cernimus, qui cum diu sinuosas illas permeauerit, remeaueritq; uiarū ambages, in easdem semper recidit angustias; ita nimirū curiose nimium altissimas diuinarū rerū contemplationes humano sensu, hoc est, hebeti ac tardo quis aggrediēs, caliginosis quibusdam inuoluitur mæandris, perditq; semitas, ac tandem à gloria, ut inquit Esaias, obruitur. Illud pro comperto habendū, neminē nisi sua culpa indurari. Vtrunq; igitur hoc in psalmo à spiritu tractatur, bonitatem scilicet Dei adeo copiosam esse in omnes, ut etiā ipsos nefarios homines, terræq; animantia completatur, moueatq; ac continuis afficiat donis & beneficijs. Quæ quoniam in Dei filium rerū omniū nodum ac summā referuntur, hac de causa à spiritu psalmus dicatur Vincenti, Christo nimirū, mortis atq; adeo peccati in cruce uictori; rursum horum omniū rationem mortaliū captum prorsus superare: quorum duorū membrorū occultis quibusdam ueluti lineis uidetur totus ferè is psalmus adumbrari. Verum non uacat mysterio, quod in titulo uates se seruum Dei appellat, quare huiusmodi appellatione id quidem innuere uelle arbitror, quod cum plerunq; nefandissimi quiq; licet Dei hostes sint, diuinæq; legi & uita & doctrina interdum, ac ficta quadam religionis imagine reluctentur, rerum tamen omnium copia, adeo pleno ueluti cornu abundant, ut nati planè ea uideantur lege, à fide nō desciscunt, sed fixi in illa perstant professione, è qua supremū illum adep̃ti sunt titulum, **SERVI DEI**, quam quidem tanti faciunt, quanti alijs uel regna uel imperia. Verum turpissimè à quibusdam in eo erratur, quod tam sublimi non contenti titulo aut nuncupatione, stomachantur planè si quis in missis ad eos epistolis, & literarum superscriptionibus, illos simpliciter appellet Dei seruos, nisi & addat ampullosum reuerentiæ nomen: nihil enim excelsum in terris amat Dei seruus. Sed ad psalmi interpretationem, cuius initium obscurum admodum est, uertamus animum.

Dixit iniustus, ut delinquat in semetipso, non est timor Dei ante oculos eius. Video reprobos effigiem hīc breuib; delinīari. Dixit, inquit, iniustus, hoc est, impius, milleq; uitiorū maculis notatus, intra semetipsum, statuit decreuitq; in peccatis uiuere & mori. Esto lex retrahat, admoneat rursum pungatq; conscientia, ac ingentes excitet stimulos, sic definiuit, sic solidis ueluti pessulis pro-



Compositum affirmavit. Causam mox reddit uates, cur in id rebellionis quis incidat. Non est timor Dei, inquit, ante oculos eius. Semel enim diuino abiecto timore, quid non audet sceleratus? Et quemadmodum quidem à felicissimo timoris domini exordio (quid de tota sperandū possessione?) uera proficiscit sapientia: ita stultitia, hoc est, cordis cecitas ac temerarius quidam ausus, ab illius emanat deliquio atq; odio. Verum littera quæ est Hebræis, difficilior uidetur. Sic Fel. Dictū transgressionis impio, Intra cor meum non est timor Dei in conspectu oculorum eius. Istud est, inquit, perenne dictū in improborū animis de sua transgressione, quid alios audio? Intra cor meum, hoc est, in medio cordis mei: serioq; mihi placeat quæcūq; ago. Non tam citò, ait, à proposito dimoueor. Magis adhuc obsecrè sic reddunt alij: Dixit scelus, seu ipsa innata peruersitas (sic legit Kimhi) de improbo, in medio cordis mei non est timor Dei coram oculis eius. Sed quid dicit de improbo scelus, quid iniquitas? Deum nequaquam timendum esse, & id quidem in corde sancti: hoc est, ita uir sanctus de sceleratis in corde suo cognoscit sic sentio, inquit, quòd iniquitas iniquo dicit, fac quæcūq; libuerit. Sed quamobrem id dicit: quia nō est timor Dei coram illo. sic fermè reddit Kimhi Hebræus. Vnde alius horum omnium sensum colligens, ita uertit: Sic sentit cor meum de audacia improbi, quòd non habeat Deū ante oculos suos. Fusius uerò Paraphr. Persuasit, quantum animo concipere possum, ipsa nequitia impio exlegi, non esse metuendum illi, ne Deus supplicium sumat de sceleribus illius. Dictio porro scelus, seu iniquitas, rem magis exprimit, augetq; quàm ut noster uertit interpret: quæ dictio insignem præ se fert peccatorem, quiq; pleniori de Deo cognitione, addito quoq; diuinæ legis cōtemptu, delinquit. Quare ut in peccatis quis obstinatè uiuat, in ipsisq; moriatur, summo illum Dei, atq; eius timoris neglectu conuicti necesse est: ut hi fermè sunt, qui cū nunquā uel boni uel mali omnino diuulgò appareant, attamen pessimi omnium sunt: quorumq; uulnus eò periculosius æstimari solet, quòd incognitū magis magisque cū illis tum cæteris, & rectis, & impudenti quodam inscitia uelo dissimulatū. Hi certè ad uitæ resipiscentiā difficiliter reuocantur, quàm qui publico ueluti dedecore & turpitudine peccata illa quæ uel audita solum probis omnibus stomacho solent esse, committunt. Calcata enim clam Dei religione, prostrato cultu, timorēq; illius abiectio, quò non prorumpit impietatis genus illud hominum? Hincq; in profligata quorundam uita, illa necessariò insunt peccata, furta scilicet, rapinæ, usuræ, depopulationes, homicidia, adulteria, incestus, scortationes, blasphemia, ludi illiberales, & id genus alia publicè à nonnullis patrata scelera, corrigenda tamen uel unico interdum spiritus admonitu. In secretiori uerò uitæ genere hæc ferè, mala mens, malus animus, odium, simulatio, tumor, ambitio, fastus, superbia, liuor, ac quo maximè Dei irritatur patientia, amor sui, quæ quidem uitia cū anime tenacius hæserint, quæ æterna est, quasi cum ipsa æterna efficiuntur: unde raro hi, quibus huiusmodi insunt delicta, in ueram sui cognitionem deueniunt, quæ summa fermè totius salutis existit.

Quoniam dolose egit in conspectu eius, ut inueniatur iniquitas eius ad odium.

Affectus hi sunt illorum qui putant Deum haudquaquam timendum esse. In primis enim non solum peccatis peccata coaceruant, uerum etiam ob turpitudinem illam, quæ peccatis grauioribus natura inest, sibi adblandiuntur, placentq; non secus, atque solent ob res bene gestas alij. Quod quidem est, quod in hoc uersu asserit uates, quem sic uertit Fel. Quoniam adulatus est sibi in oculis suis, quanquam paulò secus Paraphrastes: Blandis, inquit, persuasionibus egit apud illum (iniquitas scilicet) ut placere incipiat ipse sibi flagitijs suis. Obsecro, quid unquam uel uisum est turpius, uel auditum scelestius, quàm cū quis sua laudans



laudans scelera, inde sibi lætitiā parat, unde æternū ultrò mœrorē assumere debuerat: Quare sic offenditur Deus (ita reddit Paraphr.) ut ipsum cum sceleribus suis deprehensum odio persecuturus sit perpetuò: id quod noster interpret uertit, ut inueniatur iniquitas eius ad odiū: uel, ut Fel, ut odio habeatur, à Deo scilicet & hominibus. Dici quidem faciliè non potest, quantū ad iracundiā æternū prouocent patrē, quantūq; probis displiceant, sua, uelut Sodoma, prædicantes flagitia. Idcirco is erit sensus: homines suis sese flagitijs palpantes laudantesq; illud efficere necessariò, ut & Deo & hominibus sanctè institutis, illorū iniquitas inueniatur, deprehendaturq; esse odio ac abominationi. Quàm uerò metuenda ea sit actio quæ Deo nauseam moueat, tute, ni prorsus æneus es, iudica. Cæterum nonne dementiæ genus est, dolose fucateq; cum illo loqui uelle aut agere, cui ab æterno cuncta, quamuis à cognitione humana remotissima, antequā sint, in lucemq; producant, notissima sunt: Quid illud, cum apud nos deposita ab amico pecuniam mala fide uel distrahimus, uel negamus? Nescio enim quid inter ciuū pacta conuentaq; doli mali titulo censeatur, si id non censeatur. Depositi quippe nomine apud unumquemq; nostrū à Deo collocata est anima, ut intacta seruetur, aut fœnore augeatur. Quid si distrahitur, aut è capite quippiam minuitur: id dolo malo factū iudicabitur. Actio itaq; illa quæ diuinæ nō respondet uoluntati, dolose quidem fit, maloq; animo & ingrato: quocirca ab illa cui maxime inniti debuerat, euulsa, ab eius quoq; amore qui idem est cum uoluntate, euellitur. Vnde ab Dei amore semota anima, in eius odium cadere necesse est: & sic inuenietur iniquitas prauī hominis ad odium, nempe Dei. Nam

Verba oris eius iniquitas & dolus: noluit intelligere, ut bene ageret.

Hic mihi uidetur totā improbitatis summā describi, Adeò ne homo tam inconsulto insanire decreuit, ut ne bene agat, hoc est, ne uitam uiuat feris dissimilem, mente atq; intellectu, quo similis Deo efficitur, se exui patiatur: & id quidē ab sese, ac propria uoluntate & arbitrio: Noluit, inquit; hoc est, diuinæ luci, sanctisq; immisionibus, ac Dei uerbo & legi cor ultrò ferreum & obcæcatū oppo- nit, quod prauum non sit ac dolosum: uerum etiā se ad illa agenda quæ optima sunt, non sustinet erudiri & admoneri. Cessauit intelligere, uertit Fel, ut beneficeret, qua sanè lectione quorundā inconstantia in rebus agendis taxari iudico, quibus si tandē post tot infusas diuinitus inspirationes, post crebras à patribus, à libris, à lege, à proprio, si lubet, sensu admonitiones, rem bonā inceptare libuerit, cessant continuo, atq; in ipso relabentes exordio, ante ostium illicò, ut ait Comicus, errant. Ex quo quidem turpissimo imbecillitatis genere illud necessariò nascitur, quod nulla in diuinis progressio fit à multis, qui tamen ob longā rerū experientiam, atq; in his quæ ueram referunt religionē & cultum, exercitacionem, nō iam homines, sed dii in terris esse deberent. Iter enim, quo ad cœlestem pergimus patriam, huiusmodi est naturæ, quod si non procedis, retrocedis. Vis perstat illi ignea est, nec deorsum quidē flectitur, aut uirtute sua aliqua naturali à terrenarū rerum contagione liberis peruiū sit. Volatu quodāmodo opus est, nō gressu, passūue inerti ac tardo, in uia iustitię. Porro quid sibi uelit, Noluit intelligere ut bene ageret, elegantissimè expressit Paraphr. Noluit respiscere, inquit, neq; uitam in melius cōmutare. Hinc disci potest, quàm ferreus sit quorundam animus, quam uē in Deum ingrata mens illorum qui obstinatissimo in malis proposito, nihil ultrò admittunt, quod idem exitiale nō sit, ac sibi contemptis proborum admonitionibus letale. Vide quid inferat:

Iniquitatem meditatus est in cubili suo, astitit omni uia non bonæ, malitiam autem non odiuit.



**C** Videtur hîc mihi uates uelle dicere, Is prorsus deploratus est. Solent tamē hi, qui cuiuspiā scelera enarraturi, totā simul uitiorū congeriem uniuersali quadā appellatione proferunt, diuissim postea, ac per partes totā illam turpitudinū molem, chaos uē informe distinguere, quem quidem morē in rhetoricis quoq; seruari legimus. Nam simulac Dauid in psalmi exordio dixisset, Dixit iniustus ut delinquat in semetipso; posito ueluti eorū, quæ dicturus erat, fundamento, mox membra ædificij singillatim deliniare uoluit. Iam scelestū illum, quem describere instituerat (siue hominem aliquem intelligas, siue impium Iudæorū cœtum, quem in Christum fore preuidit crudelissimū, designari mauis, non adeo multū refert) cū alienū à Dei esse timore affirmasset, dolosumq; illum, atq; ea sanè prauitate insignem, quæ tum Deo, tum homini stomachū ciere posset, appellasset, subindeq; oris illius malitiā ac sacræ legis, qua duce ad optima uitæ instituta formamur, contemptum detexisset, cordis tandem, simul & operationū fœditatem aperuit. Iniquitatē, inquit, meditatus est in cubili suo, quod clarius ex Hebræo alius reddit, Scelus parauit in cubili suo. Vnde sic uertit Paraphr. Cogitabit noctu iacens in lecto, quibus artibus opprimat plurimos. Quemadmodū enim sanctissimis assueti disciplinis, nihil tēporis, horarumq; prætermittunt, quin obstruissima diuinæ legis sensa rimenē, peruestigentq; ac quomodo quoq; in mores ea inuenta transferant; ita hi, qui pressi humi nihil cœleste cogitare norunt, omne tempus, sed nocturnū præcipuē, in quo silent omnia, atq; ab hominū conspectu semota sunt, in cōcinnandis flagitijs & sceleribus consumūt: itaq; luce exorta, breuiori ueluti compendio meditata noctu facinora perficiunt. Et sic animus portio utiq; Dei, ad illa solummodo expetenda, inquirendaq; à Deo conditus, quæ procul à terris sunt posita, humi figitur, atq; propterea humana solum ac terrena diligens, in illorū prorsus naturam transit, quæ insensibilia sunt, ac bruta omnino. Quare sic malè assuetus, planeq; sua culpa à Deo derelictus, astitit omni uia non bonæ. Astitit, uertit Fel, iuxta uiam non bonam. Clarius Paraphr. Seditabitur uitæ genus pessimum; nullum genus malitiæ prætermittet. Non te moueat (quod iam millies admonuimus) tempus pro tempore positū. Id locutionis genus familiare admodū Hebræis est. Ceterum, malitiā non odiuit, uidetur nimirū tenuē redditū, nec plenè spiritus mentē referre. Expresius itaq; Paraphr. ut dixi. Quocirca alius sic uertit ex Hebræo: Nihil malī auersatur. ideo quicquid cogitat, dicitq; & operatur, noxium sit oportet, ac mortiferū. quanquā Fel, idem ferè cum nostro, Malū, inquit, non abominabitur. Nisi fortè & illud haud minimi æstimari debeat flagitium, malum prorsus non execrari, atq; odio persequi, quod sanè dixisse uolui, ne quis se satis diuinę legi fecisse opinetur, si à malo tantummodo absq; illius odio abstineat. Perfecta enim esse debēt omnia in Christiano uiro; alioqui nō uideo, quo perfectionis gradu statuendus is sit, qui id penitus nō excretur, per quod iter ad perfectionē obstrui potest. Iam illud quoq; addendum, quod penè exciderat, Cubile sæpenumero in scripturis secretiores cordis latebras significare; ut illud, exempli gratia: In cubilibus uestris compungimini. hincq; interdum solitudinē, locumq; à turbis secretum. unde illud: Intra in cubiculū tuum, & clauso super te ostio ora patrem tuum in abscondito; quem sensum is quoq; locus, quem nunc tractamus, habere uidetur.

Domine in cœlo misericordia tua, & ueritas tua usq; ad nubes.

Vates enim cōsiderans q̄ deplorata sit quorundā uita, quāq; immensum Dei bonitatis exemplū, qui adeo bonus est ac liberalis, ut solē suū oriri faciat ex quo super bonos & malos, pluatq; indifferēter super iustos & iniustos, exclamat: Domine in cœlo misericordia tua, & ueritas tua usq; ad nubes. hoc est, ut reddit Paraphr. quicquid ambitu cœlorū continet, benignitatis tuę particeps est, & cōstantiam



Atiam propositi tui sentiunt quæcunq; inter terrā & nubes media sunt. Posset ne cōpendiosioridictione integrū huius uersus sensum quis reddere? Et licet idem planē sit misericordia in Deo, & bonitas seu benignitas, ueritas quoq; ac, ut uerit quidā ex Hebræo, fides: idemq; prorsus sit, in cœlo, & usq; ad nubes: quò tamen ampliori uerborū copia rem altius pertractaret, quòq; inclusum detegere mysteriū, uberius eam descripsit. O domine, inquit, quòd tua in huius mūdi effectione, æternāq; in moderandis rebus prouidentia, appareat bonitas & misericordia, magnū profectō existimatur, dignumq; stupore. Verū in ipso cœlorū medio, in quo purissimi habitāt spiritus, in ipsorū bonorū omnium meditullio, in ipsis secretioribus totius felicitatis adytis, in ipso (ut sic per excessum dicā) supernæ Trinitatis sinu misericordiā tuā sensisse, quis satis unquā mirari potuit? O immensum tanrē tuæ bonitatis mare. Nōne in cœlestibus illis animorū choris prauitatē olim inuentā fuisse legimus? Quis reliquias illas in te, æterno incommutabilisq; stabilis uis fœdere? Nōne tua bonitas, nōne misericordia, nōne ueritas: hoc est, firmū, constansq; in subleuandis miseris propositū? Igitur & quæ in cœlis, & quæ in terris degunt, per te tuamq; bonitatē & sapientiā, quæ Christus est, instaurata sunt. Volunt (quod dicere inceperamus) Hebræi interpretes totū hunc uersum id fermè attestari uoluisse, orbem scilicet terrarū omnem ad eò Dei tum bonitate, tum prouidentia plenū esse, ut uel ad cœlos usq; istiusmodi beneficiē cumulus pertingat, quanq; quod ex Paraphrastæ litera cōiectari potest, prima pars sublimiorē quandam rationē, quippe quæ in cœlorū pulchritudine, motu ue, atq; ordine cōsistit, spectare uideat; altera uerò in his inferioribus ac magis densis, utpote à lunæ globo per nubes ad terrā usq; concretis. Quòd porrò ueritas, seu fides, seu firmū gubernandarū rerum consiliū, non solū in nobiliore cœli regione luceat, uerumetiā in his quæ sub cœli conuexo, ut sic dicā, in aëre, in terris, in imis quoq; inferorū antris appareat, ordinatissima rerū conditarū series, ordo, decor, ac lex quædā æterna, cōmixtaq; iustitiæ diuinę libra ac decreto, per te ueluti uocibus clamat. Quare in sequentibus eandē ipsam iustitiā, & iuementiā cōparat: abyssō uerò, ob illius amplitudinē ac profunditatē. Nam in scripturis haud rarò abyssus pro uastitate aliqua immensa sumi solet. Neq; altud quidem hisce nominibus uult spiritus, q̃ excellentissimā regendarum rerum rationem ostendere in Deo. Iustitia enim infinita, æternoq; iudicio, fide insuper constantissima, atq; ampla in creaturas omnes effusa bonitate, ac misericordia, cuncta Deus moderatur, implet, permeat, fouet; itaq; sua secretissima sustentat uirtute, ut unā cum hominibus animantia quoque terræ suo in esse conseruet, deq; illis quemadmodum de cæteris curam habeat. Ideo sequitur:

Homines & iumenta seruabis domine.

Salus hīc quæ iumentis, cæterisq; rebus rationis aut uitæ expertibus, à Deo tribuitur, eius bonitas est, quæ omnia suo in statu, prout unicuiq; rei naturaliter conuenit, seruantur: ne salutem illam, quæ animis solummodo rationis capacibus debetur in cœlis, dari belluis imageris, aut dæmonibus quoq; ut quondā nonnullos, è nimia de Deo fiducia deceptos, uoluisse memoria est traditum. In sua igitur ingenita uī ac natura, quicquid conditum est, diuina seruatur misericordia, sit quantum uis imbecille ac tenue.

Quemadmodum multiplicasti misericordiam tuam Deus. Filij autem hominum in tegmine alarum tuarum sperabunt.

O quam (uertunt Hebræi) præclara est misericordia tua, seu bonitas tua. Fel. uerò: Quam preciosa est misericordia tua Deus, quò maiorem ex Hebræo energiam notes, quam ex illo, quod noster transtulit interpret. Celebrata enim Dei bonitate illa, quæ uniuersali quadam amplitudine condita omnia complectitur,



**C**ad eam describendam, qua pios tantummodo speciali communit prerogativa, transit: & id quidem solita metaphora alarum, & est sensus: O quam excelsa tua est bonitas, Deus, quam in omnia diffusa, quam efficax: simulac creaturas omnes quemadmodum condidit, ita nunc fouet, ac placidissimo quodam nature illarum psu, & seruat, & moderatur. Filij uero hominum, hi dico, qui tuæ se fidei, tanquam tutissimo alarum patrocinio, dedunt, aliter eam agnoscunt ac sentiunt. Alarum hic meminit uates, ne uulgarem in Deo suos protegendam curam suspicemur, sed fidam potius, tutam, ab amoreque proficiscentem, & efficacem. Caterum quis motum illum amoris natura inditum auibus, quo suos pullos tanto cum studio, curaque, ac alarum tutela & fouent, & enutrient, exprimere unquam posset: Difficilia hæc quidem dictu sunt, sed difficiliora multo illa, quæ diuinum erga homines testantur amorem, & charitatem. Expansas enim suæ dilectionis continue ad se mortalium animos inuitans Deus, extollit alas, clamat, admonet, hortatur, ad alarumque confugium, sub quarum umbra hinc & hinc obdormiscunt fides & amor, omnes quotquot rationis ui preediti sunt, ex æquo prouocat & inuitat. Sed quid ibi agitur? quid hisce ab alis commodi sperari potest?

Inebriabuntur ab ubertate domus tuæ, & torrente uoluptatis tuæ potabis eos.

**V**ides ne felicitatis copiam in alis domini? Inebriabuntur, inquit. A quo, oro? Ab ubertate quidem. Crateris forsan, aut pateræ auro, gemmisque ac precioso celatae emblemate? Minime quidem omnium, uerum amplissimæ domus Dei. Ritus ne is est beatitudinis, à felicissima istiusmodi domo Dei silenti præterlabens furor? haudquaquam sanè: sed torrens potius est rapidissimus, ab austroque diuinarum gratiarum impulsus, qui ad nos usque uoluptatum immensarum, indicibilium, æternarumque profluuio decurrit. O felices alas. Putas ne tantum ab oceano scaturire posse aquarum, quantum bonorum omnium à beatissimis Dei alis, à brachijs illis tam crudeliter in cruce extensis deriuatur? In alis tuis inuentus est sanguis animarum, clamat Hieremias. Quid porro sint alæ huiusmodi, quibus & dii & homines beantur, ut ait Kimih Hebræus, litera, quæ est Chaldæo, abundè demonstrat. Sic ille: Quam preciosa misericordia tua Deus, homines autem in umbra sancti Dei uiri, intelligamus, cum interim in bonis nescio quibus infimis suam totam collocant spem nonnulli uel ex nobilioribus, ut sibi uidentur, in infimis. Ab umbra igitur alarum Dei seiungi atque amoueri, certissimum damnationis signum est. Et quia fieri non potest, mortalium animas aliquo non pasci edulio, ac potu: eò id quidem præstantius erit ac diuinus, quò propius ad alas istiusmodi, à quibus omnis spirat diuinitas, accesserit: hoc uero infelicius letaliusque, quò longius recesserit. Illa enim satietas spiritus est, hæc carnis. Illa ad mortem munditiam attinet, hæc ad carnis lasciuiam & turpitudinem. Illa æternis concluditur annis, hæc cum carne finitur, atque interit. Vis rursum scire alarum Dei nomen? Altera quidem à misericordia nomen habet, altera à iustitia, qua quidem sola cum iustitia efficiamur, & id sanè per Dei misericordiam, concluditur indubiè, misericordiam & iustitiam idem esse in Deo, atque unum: quemadmodum & reliqua, quæ de ipso dicuntur, unus Deus est, uniusque naturæ & bonitatis. Tota itaque nostra in alarum misericordia & iustitia debet esse & spes & fiducia: quod est quidem in alarum illius umbra sedere: hinc spiritus ebrietas, hinc ubertas, hinc profluuia emanant gratiarum: nam de plenitudine eius nos omnes accipimus: nos, dico, qui in Dei familiam per gratiam censemur, per gratiam potamur, per gratiam ad bona animarum æterna adsciscimur. Verum hæc tanta, tamque diuina ac salutaria abs te prodire, o Deus, haud ualde quidem mirum est:

Quoniam apud te est fons uitæ, & in lumine tuo uidebimus lumen. Quid



Quid mirum enim si à fonte uitæ, aut luminis, & uita & lumen demanant? Atqui uita hæc, quam ab inexhausto, non iam riuo, aut amne, sed oceano, & eo quidem ualtilissimo diuinitatis prodire sentimus, misericordia est; Lumen uerò, fides, à qua iustitia, paxq; animi, ac salus ortum habent. Quæ sanè omnia cùm in Deo per nos sunt, ab eoq; proficiuntur, uiua sint oportet, ac uegeta: cùm à nobis, statim perlanguescunt, & moriuntur. Quamobrem iustitia, quæ è Deo est, per quam iustificamur, uiua est, atq; æterna. Illa uerò quam ex sese habere homo existimat, per eamq; iustificari arbitratur, mortua est, & quæ unà cum mundi uanitate occidit. Et quidem cùm spiritus hîc electorū animas suū à Dei lumine lumen haurire asserat, id sanè mihi dicere uidetur, quod olim Paulus Romanis persuadere conatus est, fidem uidelicet Dei donum esse; alioqui certè diuina absq; luce, nulla nostra est fidei uis ac lumen. Domine, inquit, in lumine uultus tui ambulabunt. Quid illud Esaiæ: Et ambulabūt gentes in lumine tuo, & reges in splendore ortus tui. Vides accessum ad eum per eius lumen, quæ fides est, fieri: hanc porro splendorem ortus Dei appellat, propterea quòd per solam fidem iustitia Dei oriatur in cordib; nostris, ut idem ait uates: & hæc quidē omnia per Christū, per quem aditū habemus ad Deū, ut inquit Paulus, Surge (clamat spiritus) illuminare Hierusalem. hoc est, ô tu qui è tenebris ad lucem exire flagitas, illa uera, quæ illuminat omnem hominē uenientem in hunc mundum, lumen omnibus attulit. Lumen igitur istuc à Christo duntaxat petendū erit, non ab humana ratione aut arbitrio; aliter supertuacaneū quidem fuisset, Dei filium rei illi lumen apportasse, quæ per se lucida esset. Venit igitur lumē, cùm tenebræ essent super faciem abyssi, sederentq; omnes in regione umbræ mortis. Mirum sanè, si cùm umbram audis, aut abyssum aut mortem, lucem aliquam imagineris. Iam ante Christi aduentum ad nos, mundus planè omnis in pristinum illud chaos, molemq; indigestam reciderat: emergente uerò è diuina caligine Christo, actum uisus est sol, luminariaq; illa duo æterna fidei & amoris, mundo inuecta sunt. Tunc uita, tunc pax, tunc bona hominibus oblata est uoluntas, quæ antea mala fuerat, ac à Deo aliena. Cùm itaq; sic se res habeant, cùm inquā in tua omnino misericordia & iustitia, ô domine, nostræ omnis salutis summa posita sit, non in humanis uiribus atq; arbitrio,

Prætende misericordiam tuam scientibus te, & iustitiam tuam his, qui recto sunt corde.

Extende, uertit Fel. misericordiam tuam cognoscentibus te. Ecce quomodo simpliciter absq; periphrasi rogat anima se sub tutissimis Dei alis foueri. En iterum quomodo misericordiam & iustitiam, quæ fidei summa est, imò uerò etiam ipsa fides, in medium reuocat. Extende, inquit, felicissimas gratiarū tuarum alas, è quarum umbra fons aque uiuæ salientis in uitam æternā beatissima erumpit scaturigine, luxq; illa emicat, emanatue, quæ nulla unquam tenebrarum obscuritate intercipitur: sed uiuax semper est, omnia perlustrans, omnia transcurrentes, omnia permeans, omnia uiuificans, omnia instaurans, omnia æternis enutritiens alimentis. Cæterum prætende, quod noster uertit interpretes, id præ se ferre opinor, misericordiā scilicet Dei, seu bonitatem appellare mauis, & iustitiam, idq; quo sanè obiecta iustorū peccata, non iam peccata, sed illius generis actiones efficiantur, quæ in salutē tandem ac bonū, ut ait Paulus, cooperari queant, his solummodo qui Deum per fidē agnoscunt: cùm interim merita illa, iam non merita, quibus nonnulli miserandū in modum intumescunt, nullo spiritus sancti umbraculo operta, in æternum illis cooperentur exitium ac mortem. Porro quid aliud putas diuina Christi brachia in cruce expansa, traiectaq; durissi-



C mis clauis admonuisse, quàm misericordiæ æterni patris alas omnibus apertas, patefactasq; ac nunquã suis amplius dilectis claudendas? Quid uulnus illud crudele lateri infixit? quid caput spinis obduxit? quid mortẽ tam dirã, tam cruentã, tam immeritã, tam lachrymabilem innocentissimo Dei unigenito attulit? nõne misericordiã? nõne bonitas? nõne dilectio? En tandẽ alã, sub cuius umbrã pãuidã requiescunt animæ, non temerarię, aut suis in extollendis meritis nimium procaces. Notat hĩc quidam, cognoscentes Deum, rectosq; corde, eosdem esse. Quicũq; ait, uerẽ Deum agnouerit, is & amabit, eoq; recto & æquo corde erit, nihil sibi, omnia autẽ proximis in gloriã Dei quærente. Fiat igitur misericordia tua, ô domine, super nos, quemadmodum sperauimus in te. Ad hæc,

Non ueniat mihi pes superbiæ, & manus peccatoris nõ moueat me.

Affectus in anima pedes sunt: his enim celeribus ueluti pedibus sua habet inera animæ. Sed ea felix, quæ rectã incedens, neq; ad dexterã, neq; ad sinistram, ut ait spiritus, defleat. Ad dexteram quidem defleat, quæ fastu superbiæ inflata, primũ imitatur angelum: ad sinistram uerò, qui ludam domini proditorẽ, ob animi desperationẽ, hæc enim faciliẽ in aduersis frangitur, succumbitq; peccatorum oneri, ignorans misera cuius bonitatis is sit quem toties peccando offenderit: illa autem secundis inflata rebus, sibiq; ob merita, nõ Christi, sed sua ad blandiens, molitur nescio quas excellentiæ formas, etiam non aduertens: quibus faciliẽ persuasa, in id sanẽ impietatis genus delabitur, ut uita saltem, si non ore, de se illud iactitet, Similis ero altissimo. Arrogans enim sibi quispiam aliqua in republica aut regno dominium, legumq; antiquarum abrogationem & contemptum, ius item alias sibi condendi nouas, necesse quidem est quòd is aut rex sit, aut regnum affectet, contempto rege. Ita sanẽ anima in superbiæ semel fauces coniecta, sacram in primis contemnit legem, legisq; autorem, atq; propterea eos omnes qui eiusdem legis studiosi sunt. Vnde à uero cordis alimento, quod est uerbum Dei, sua se sponte subtrahens, aliud actutũ quærit ex sese, quod propriæ excellentiæ affectum & amorem appellari cõsentaneum erit: quo quidem uel summis labijs degustato, mirum quàm insolenter sese efferat, se amet, se palpet, sibi tandem & cæca & stupida miserabiliter imponat. Cæterum ab anima sic affecta, sic cæco præpedita iudicio, quid aliud sperandum censes, quàm fastum, quàm arrogantiam, quàm superbiam, quàm ambitionem, quàm Dei contemptum, atq; ob id magnitudinis propriæ & excellentiæ desiderium? Talem igitur affectum ac pedem in se uenire deprecatur uir sanctus, & ne id quidem solũ: sed eos omnes qui tali gradiuntur passu, ad sese accedere non permittat illi qui superborum colla, ut ait quidam, propria calcauit uirtute, instantissimẽ rogitat. Quare sic reddit Paraphrastes, Non perueniat usq; ad me pedibus suis superbus. Periculosissima sanẽ res est, cum istiusmodi hominũ genere necesse est ordinem habere, qui se admodum mirantur, se prædicant, ac sese ob animi intemperantiam cæteris anteponunt. Nullus quippe error est, in quem non proruat uir superbus ac se amans. Et manus peccatoris non moueat me. Fel. uertit. Et manus impiorum ne amoueatur me. Volunt hĩc quidam spiritum de his innuere, qui cum mali sint, fingunt se bonos, ac per mentitam quandam sanctimoniam aparentiam uulgi iudiciũ aucupantur. Alij de obrectatoribus sermonem boni existimant, quorum impudentia ac ueneno, adeo frequenter atteruntur boni, ut penẽ interdum ab incepto uitæ instituto relabantur, uicti nimirũ à tam diro morsu ac dente: uerũ innocentia suo contenta testimonio, Deoq; nixa, huiusmodi rerum faciem ac luem animosissimẽ tolerat, ualidoq; graditur incessu in uia iustitiæ. Alij rursus de adulatoribus dici opinantur, quibus & ego assentior. Non me, inquit, à uia Dei, à uita, ab animi rectitudine, mellitum istud adulatorum genus amoueatur. Nulla enim maior potest esse pestis in optimatũ adibus, atq;



bus, atq; aulis principum, quàm cum ex illorum familiaribus quis inducit animum, ut ait Comicus, omnia assentari. Quid agat tunc princeps, cum in istius generis inciderit familiares, qui nihil æquè in obsequiis, in sermonibus, in actionibus, familiaricq; cum principe conuictu curant, quàm quomodo, quicquid ille agit, approbent, extollantq; ac crudelissimè tam bono domino imponant: impossibile nempe est, talem principem à uia Dei non deflectere: qua quidem amissa, quò infelix sua dirigit in moderandis populis consilia? quid boni, quid quod sapientiam referat, expetere unquam poterit? Cadat igitur oportet in uastum errorum barathrum princeps, cui qui uerum dicat, non inuenitur. Verumenimurò ut detur principem aliquando, aut Regem, propter adulatorum frequentiam posse falli (quanquam certè nō uideo, cur improbis, nuperrimisq; magis ciuibus, quàm probis, atq; ex antiqua patrum nobilitate grauissimis, fidem habere debeat Princeps) in Ecclesiæ uerò prælatis quis tam fœdum nō excretur lapsum: Cæterum utcunq; is uersus accipiatur, illud pro comperto est, uatem hinc improborū uim ac proteruitatē, per pedem superbix, manumq; peccatoris significasse, quorum quidem casum ac ruinam præuidens, mox addidit: Ibi ceciderunt qui operantur iniquitatem, expulsi sunt, nec potuerunt stare.

O horrendum iudicium. Sed ô nostram quoq; detestabilem in tolerandis aduersis teneritudinē. Clamat quippe lex, clamant prophetae, clamat ipse à summo empyreo Deus, non diu sua in illa mentita felicitate consistere posse improbos; nihilominus tamen, cum infelices eorum quotidie intueamur exitus, ob secundas illorū fortunas angimur, querimurq; ac Deum uolumus omnino suis in æquissimis iudicijs cæcutire ac labi. Ibi, ibi, inquit (ne dubitetis) hoc est, tempore illo maximè, quo uulgò dii in terris existimabuntur, suorum scelerum dignas persoluent pœnas. Transiui, ait uates alio in psalmo, & ecce non erat: quæmansui eum, & non est inuentus locus eius. Vides ne superbi exitum? uis ne etiam licet, Ceciderunt igitur olim impij homines à uita, à bono, à Deo, caduntq; in dies, ut crebris, ni prorsus plumbei simus, intuemur exemplis. Cadent rursus in posterum, expellenturq; tum hinc, tum in futurū à facie Dei, in qua summa inest rerum omnium cognitio, iucunditas insuper ac æterna quies. Non potuerunt, inquit, stare. Vidisti ne unquam fastuosum hominem atq; arrogantem elegantiori depingi penicillo: omnes enim illius actiones, nedum cōsilia quidem, atq; affectus animi, in incerto semper uersantur motu: adeò ut quid plerunq; sibi uelit, aut cupiat, aut agat quoq; ne Delius quidem ipse diuinaret, nō mirum sanè: Idem Paraphr. quæ quidem uox superbis tam aptè conuenit, quàm quæ alia maxime. Non possunt, inquit spiritus, surgere, non possunt resipiscere, nō possunt per pœnitentiā ad uitam regredi: sua quippe sponte obdurati in malis, obcæcati, attritiq; in rerum humanarum cupiditate & ambitione, non possunt quiescere, quia nolunt, quia suus illis placet tumor, quia diuinis ultrò reluctantur afflatibus, quia tenebras magis quàm lucem, ut inquit Christus, diligunt, quia ad Deialas, in quibus omne inest bonum, confugere renuunt, sed ad se potius, aut ad magos & ariolos, in tractandarū rerum prouidentia recurrunt.

Tu uerò fili, clamat spiritus, noli æmulari in malignantibus. Sed alius is est psalmus.





Oli æmulari in malignantibus, neq̃ zelaueris facientes iniquitatem.

Inter cætera enim, quibus maximè angī solent ac turbari imbecillī fidei homines, illud potissimū est, cū cernunt improbos quosdam nullum unquam finem suis sceleribus ponere, & tamen sic rebus omnibus quæ felicitatem polliceri videntur, abundare, ut hī soli Deo curæ esse uulgò appareant, cæteri uerò neglectui. quare eousq̃ interdum, ut sunt in fide debiles, & queruntur, & excandescunt, ut quasi à Deo rationem eorū quæ fiunt in mundo, exacturi, cum uate illo clament: Quare respicis cōtemptores, & taces? quare uia impiorū prosperatur? Bene est omnibus qui prauaricantur & iniquè agūt. Plantaſti eos, (ô iudiciū inscrutabile) & radicem miserunt. Vide animam ob ea quæ fieri in mundo absurda arbitratur, conquerentem, nutantemq̃ in fide: quam sanè spiritus in hoc psalmo consolari, atq̃ earum rerum, quarū ordinem ignorat illa prorsus, rationem edocere instituit. Cuius ea est summa, ut quicquid accidat, id totum diuino cōmittatur iudicio: idcirco nihil ultra aut querendum aut expositulandum, cū illa maximè, quæ à cæcis iudicatur felicitas, fallax sit omnino, fluctans, ac crusta potius felicitatis, quàm uera felicitas. Id enim semper uel ab ipsa prima rerum constitutione in terris uisum est, ut impij scelestiq̃ homines fortunæ bonis, perpetuo ueluti riuo, affluerent: pī uerò, utpote ad meliorē uitam seruati, inedia, atq̃ æterna ueluti malorū serie, ærumnis tererentur. Quamobrem uatem id accidat, seu potius cur id Deo in disponendis rebus humanis moris sit, quis tam audax est, qui hoc interroget? Abstrusa enim planè hæc sunt: propterea ueneranda magis, castiq̃q̃ silentio, ut inquit Dionysius, prætereunda, quàm disquirenda. Illud uerò interim cum uate nostro fatendum erit, Iustus hæc nostras, & rectum iudiciū tuum. Maxima proinde fidel pars ea est, uulpes hæc nostras, quæ demoliuntur uineā, ut canit sponsa, actutū capere: ac paruulos, dum paruuli sunt, ne in giganteam crescant formam, ad petram, quæ Christus est, allidere. Memini equidem, cū nondū prima professionis meę perdidicissem rudimenta, in fidēq̃ adhuc tener essem, de huiusmodi, ut mihi tum uidebatur, inæqualitate rerum cōquestum me esse. Videbam enim inertes quasdam moles (homines uix eos esse coniectabam, à forma scilicet tantummodo) indoctas, rudes, planeq̃ ab omni probitate, ingenuitateq̃ animi abhorrentes, à sarculis, à rastris, à ganeis interdum extractas, ad honores ac dignitates promoueri, illisq̃ anteponi atq̃ imperare, qui cū literis tum moribus, tum uitæ quoq̃ sanctitate insignes admodum essent. Monstrum illud quidem tunc esse iudicabam: mox uerò meum, per Dei gratiam, aduertens errorem, non solum ab admiratione illa mea indocta destitui, uerum etiam sic fieri oportere duxi. Vnde illis ipsis, quibus olim inuidendum fermè esse opinatus sum, nunc ex animo compatior, quororq̃ præclarissima quorundam ingenia in his occupari quæ aut paruā, aut nullam referunt religionem. Quod si ad cōmunem omnium utilitatem, Deiq̃ honorem, illud in primis optandum uidetur, ut bonorū prorsus in partiendis honoribus ac dignitatibus, ratio omnis habeatur, nulla uerò improborum: fatendum tamen est, id optimè, summāq̃ ratione factum, quod diuino fieri consilio non ignoramus. Tantum illud cupit spiritus, ne secundis nefandorum hominum rebus inuideamus. Alioqui quid aliud est ob fortunatos illorum successus dolere, quàm ad ea ipsa, quæ illis miserè inuideamus inclinari? Noli igitur, clamar spiritus, æmulari in malignantibus, neq̃ zelaueris facientes iniquitatem. Fel. Noli contendere cum malignantibus, seu commisceri: quod est, cū quis certatim cum alio contendit ut superior ea in re, de qua contendunt, euadat. quanquam alius ex Hebræo simpliciter transtulit, Noli imitari malos. Paraphrastes uerò, Nihil te moueat,



neat, si sceleratos uideris opulentos, nec illis inuideas prosperitatis tantillum, & uerè tantillum,

Quoniam tanquam fœnum uelociter arescent.

Non est scelus, quod non audeat uulgus, si suum uiderit principem, atq; eos, qui rerum potiuntur, scelestè uiuere. Quare id semper natura comparatum fuit, ut filij parentes, serui dominos, plebs principem, oues, ut sic dicam. pastores, in uitæ filo ac ratione referant. Vis'ne Princeps tua æquitatis præcepta à populis seruari? tute prius æquus esto. alioqui parū, aut nihil prorsus, ipsius etiā summi Pontificis leges de frenanda hominum libidine, luxuq; & peccandi licentia, mortaliū animos mouere posse arbitror, nisi ipse Pontifex, cæteriꝑ; ecclesiæ priores & pastores ea præditi sint uitæ excellentia, ut meritò absq; rubore sancire queāt leges atq; ordinationes. Hæc igitur totius orbis summa pacis uidetur, atq; uniuersalis reipublice Christianæ instaurandæ, etiā absq; Concilijs, ratio, si sic suam instituunt uitam pastores, ut in illis subditi, tanquam in mundissimis speculis, quo sibi eundum sit, contemplantur. Tenacius, crede mihi, uel unicū sanctorum exemplū in pastore, subditorum hæret ingenijs, quàm mille leges aut ordinationes absq; uitæ integritate. Hæc enim ad pietatem atq; obedientiā instituit, illæ uerò sic sancitæ, ad risum & contemptum. Verū tu, si sapias, ob alio uore improbitatem ne digitum quidem à recta uiuendi ratione deflectas: neq; liperitare ue cæteris. Diuturna enim esse non potest huius generis felicitas, quæ in momentaneis fundata est rebus: tanquam sanè fœnum inarescit. Quid pratorum uiridigramine ac floribus perornato pulchrius, amœniusq; uerū à fœnifecis casu, quid nudius, quid inamœnius? Flos enim, aut herba quamlibet uiridis ac uiua, cum primum succiditur, perlanguescit, decoremq; amittit, atq; emoriens in aliam transfertur formam. Sic nimirum ampullosæ fortunatorū hominum uitæ cōtingere omnino necesse est, si morbo hialiquo grauiori aut morte intercepti, seu principum fauore denuatari, casuq; alio repentino percussi, in ærumnas deciderint. Non perinde quidē citò flos à tenero demessus culmo intermorparum ab ipsa deseritur matre. Facti sunt, inquit dominus, uelut fœnum agri, & uirens herba tectorum, quæ arefacta est antequam ueniret ad maturitatem. Quare sic reddit Paraphr. Similes enim deprehenduntur fœno, quod exortum minimo durat tempore: & herbæ similes erunt uiuenti, quæ marcescit subito. Quis igitur tam fragilem exoptat amicam, aut amet, aut alijs inuideat, quæ excisæ in pratis herbæ, aut fœno in stiriam collecto æquiparatur?

Sicut olera herbarum, inquit, citò decident.

Olera hîc herbarum pro ipsis herbis uiuis poni asserunt. Vide quàm flaccidæ rei comparetur mundi huius prosperitas: idcirco abiecto tam caducarum rerum amore,

Spera in domino, & fac bonitatem, & inhabita terram, & pascēris in diuitijs eius.

Fel. Spera in domino, & fac bonum, & inhabita terram, & pascere ueritatem: seu pascere fide, ut alius ex Hebræo. Vnde sic reddit Paraphr. Fiduciam tuam colloca in domino, & sectare quod bonum est, ut terram inhabites longo tempore, & pascas & augeas assidue de domino conceptam fidem. Tota hîc perfectio nis summa à spiritu nequitur, quæ est cum fidei, quam in Deum esse oportet, adduntur opera, hoc est, arbori per se eleganti suus etiā fructuum decor additur. Et quemadmodū fidei seu fiducia proprium est, nudis affectibus nudum sequi Christum, ita operationum illam conuenit diuitem esse copia atq; ubertate: imò





**C** si defunt opera, fides ea non est, sed mortua quædam uox & nomen. Vide igitur quid hic spiritus admonet. Curam, inquit, omnem tuam, reiecta procul diffidentia, committe Deo; atque eadem nixus in operando qua credis fiducia, tuas dispone actiones, sic cogitans: Poteritne Deus me in se sperantem, etiam in rebus huic uitæ necessarijs, in angustijs, in ærumnis, in tribulationibus deserrere, qui suos sic ditat contemptores in hoc mundo, sic ornat honoribus, sic beat, sic in altum euehit, ut penè nihil aliud cogitare uideatur, quàm ut suis benefaciat hostibus; haud sanè quidem credo. Certò equidem scio, quòd non illi quidem beati, sed beatus uir qui sperat in eo. Nisi fortè instabilem hanc diuitiarum honorum uel copiam, & cui summa annexa est miseria, beatitudinem appellandam esse arbitremur. Quare mens uatis hæc est, ut nos à falsæ felicitatis admiratione, qua improbi ex more sese efferunt, retrahat; idcirco clamat, ueram eam tandem, solidamq; atque ab omnibus expetendam felicitatem, in Deo, non in hoc mundo sitam esse. Cæterum, inhabita terram, id præ se ferre uidetur, quòd qui concepta in Deum fiducia, nihil non agit, quòd non Deum, tum proximum optimis promereatur actionibus, iam uel in terris beatus sit, ac quicquid contingat, quietus; cùm interim alijs, qui fortunati uulgò appellantur, nihil desit quo se iugiter affligant, quod offendat, quod molestias die noctuq; afferat. Hi certè suis libero nunquam utuntur animo, ille autem semper felix & beatus, etiam in exilio, ac summa rerum inopia, tranquillam agit uitam; hi quidem mundo seruiunt, ille imperat; hi uel in minimo fortunæ uulnere anguntur, dolent, insaniunt, ille nec in maximo quidem uultu mutat, sed sapientior eò quotidie fit, quò atrocior fuerit calamitas & crux. Hic profectò diuitijs, ut canit uates, etiam in extrema paupertate constitutus, abundat, recantioribus continuè fomentis fidem, quam in Deum habet, enutrit. Pascuntur igitur improbi inani quadam rerum uanitate, illiç fidunt; probi uerò, & fide, & ut uertit Fel. ueritate, qua certò credunt suis Deum, qui uerax est, deesse non posse, iucundissimè aluntur. Sunt porrò qui uolunt, maximo cum mysterio illud, quod noster uertit interpret, in diuitijs eius, Dei scilicet, à nonnullis uerti, in fide; quò nimirum tandem à mortalibus non ignoretur, diuitias omnes animi in fide Iesu Christi sitas esse, Quare delectare in Christo, melleior, delectare in eius fide,

Delectare in domino, & dabit tibi petitiones cordis tui.

Id insitum fermè omnibus natura est, ut ea in re, cui fidunt maximè, delectentur. Eam ob rem si quem uidero in diuitijs, in honoribus, in dignitatibus, ceterisque huiuscemodi rebus fluxis & caducis, in literis quoq; ac quod nouum forsitan aliquibus uidebitur, sanctis in operationibus tanquam in fine sese oblectare, conquiescereq; hunc sanè suis in fortunis ac literis, sanctisq; actionibus, non in Deo, beatitudinem collocasse asseuerabo. Nulla enim in re quamlibet excelsa ac diuina, requiescere mens debet humana, præterquam in Deo. Proinde quanto potest pectore, è sublimi ueluti turre, hic clamat uates: O tu quisquis es qui aliam ab hac, quam in mundo tanquam ludibrium fortunæ horsum sum uersari cernis, felicitatē assequi efflagitas, sine hos hisce in rebus nihili oblectari, suumq; bonum statuere: tu in domino, qui bonorum omnium princeps, atq; autor, delectationes omnes tuas colloca. Ipse, ipse, inquam, non princeps, non mundus, non quicquid uspiam conditum est, etiam in secretioribus dignitatis, diuitias? A Deo hæc quidem petenda sunt, qui æterna donat: non à mundo, qui mortalia & caduca. Nolite filij, aiebat senex ille sanctissimus, diligere mundum, neq; illa quæ in mundo sunt. O nos beatos, si iam tandem quàm saluam sit mundana hæc felicitas uel serò cognosceremus; quamq; ea uera sit, quam Christus



**A** Christus ab alto crucis ligno suis ostendit familiaribus. Iam illud maximum omnium uidetur, qui sit quod Deus nihil non de illis, quæ à suis rogatur, præstare dicitur: Præstat nimirum omnia; nam nihil planè hi rogare possunt, quod totum ad illustrandum Dei nomen ac gloriam, non faciat. Cum enim, inquit quidam, diligas Deum, nihil indignum postulabis, hincq; illud esse opinor, quod dominus Iesus suos admonuit discipulos, ad hunc modum: Si manseritis in me (enimam in Christo per amorem, quo solo in re amata conquiescimus, oblectamur) & uerba mea in uobis manserint (en amoris effectum) quodcunq; uolueritis, peteris, & fiet uobis. Quis princeps, quis rex aut imperator, quæ fortuna id polliceri audeat? Infatiabile enim cor est humanum, nec unquam suos sedare potest motus aut appetentias, nisi illis in rebus quæ æternæ sunt, quid igitur in multis te torques?

Reuela domino uiam tuam, et spera in eo, & ipse faciet.

Diuus Hieronymus ex Hebræo uertit, Volue super dominum curam tuam. Fel, uerò, Circumuolue secus dominum uiam tuam. Vt cunq; sit litera, is erit sensus: Tuam illi committe uitam, uitæq; institutum: quicquid agis, acturus ue es, in illum reijce, spera q; te affecuturum quod quæris: ipse certè, non tu, aut humanum ingenium faciet, hoc est, perficiet omnia, optatumq; dabit finem. Ipse nanq; est, ne dubita, qui in te & uelle & perficere operatur. Atqui mens deniq; ea spiritalis est, nostrâ ut excitet ignauia, non ut alat. Etenim quemlibet suas animose operum actiones prout suggesserit spiritus, oportet, cæterum absq; cura rei euentum diuinæ commendare bonitati. Admonet nos Petrus sollicitudinem omnem nostram proijciendam esse in Deum, quoniam illi cura est de nobis. Vide igitur quanta debeat esse in Christiano uiro fidei uis, ac robur. Quod quidem elegantissimè, ut cætera, expressit Campensis: Committe, inquit, domino statum rerum tuarum: fide illi, optima enim fide curabit & te & tua.

Et educet quasi lumen iustitiam tuam, & iudicium tuum tanquam meridiem.

Difficillima quippe res est, urbem in sublimi monte positam diu latere posse. Iustitiam in hoc loco, ac iudicium, nihil aliud esse interpretamur, quam uirtutis cuiusque uitam iuste rectoq; iudicio institutam; quam quidem asserit spiritus in lucem productum iri, atque eundem adeptura splendorem, quem in meridie esse cernimus: hoc est, uitæ huiusmodi ordinatæ Deum tandem dignum, etiam in hoc mundo, concessurum præmium. Quandiu enim improbis res ordines ad uota succedunt, probis uerò nullæ, ut sit, uidetur rerum ordine quodammodo uerso, horum uita sanctè æquoq; iudicio instituta, in obscuro posita esse: illorum uerò qui in flagitijs uiuunt, maiorem in dies nancisci lucem. Vt hisce fortunæ bonis tandem expoliatis, in ærumnosumq; uitæ genus coniectis, expulsis, pœnæq; suis sceleribus digna mulctatis, bonorum uita splendens incipit, laudatur, honoratur, ac tandem meridiano illo lumine, in quo Deus ipse ineffabilibus bonis diues, in sese manens habitat, donatur. Vtram, oro, uitam censes æquè probeq; institutam? illorum ne qui mundi huius mancipia cum sint, quoquo uersum se uertit fortuna, eò temerario feruntur impetu, agunturq; non secus, ac solet turbo ludicrus in gyro ui actus: an horum qui huius in terris placere potest, quod iustitiam, quod rectitudinem, quod diuinitatem demum quandam nō referat. Id ne an illud uitæ genus putas dignum esse, cuius Deus rationem habeat, cuique suum impartiat lumen? Diuino certe lumine in his, qui res publicas, regiones, religiosasque familias moderantur, extincto, quò se uertant miseris: unde in tractandarum rerum labore uigorem sument: unde iustitiam addiscent: unde æquitatem? Tu fili, inquit spiritus,



**C** non propterea quod res uideas humanas eo se habere modo quem dixi, frangaris animo; tantum tu

Subditus esto domino, & ora eum.

In omnibus, inquit, diuinis obtempera consilijs, haud quaerens quidem, cur id magis quam illud fiat in terris; oraque eum, ut abs te id, alioquin ingenio temerario & curioso, queat perfici. Verum alia Hebraeis est litera, idem tamen ferè sensus. Diuus enim Hieronymus sic: Tace domino, & expecta eum. Alius uero: Sile domino, & formare ei; hoc est, tacitus absque murmuratione omnia Deo per-mitte, teque adeo diuinæ attēpera uoluntati, ut ab ea, ueluti in utero foetus, forme-ris, ad illaque sine querelis amplexanda instituaris, quæ sic fieri decreuit Deus. In silentio enim ac spe tota ferè Christianorum sita est perfectio. Dominus, inquit Moses, pugnabit pro uobis, & uos tacebitis. Expecta dominū, uertit Fel. & ex-pecta ipsum. Idcirco sic Paraphr. Patienter expecta dominum, & feræquo ani-mo, si quid ab illo tibi immittatur aduersi; neque contristeris, si uideris aliū quem-piam felicius augere sua, quod sæpenumero sceleratissimo cuique euenire solet: quod est, quod noster interpret transtulit,

Noli æmulari in eo qui prosperatur in uia sua, in homine faciente iniustitias.

Fel. sic: Ne contendas, seu commiscearis cum producente ad prosperitatem uitam suam, cum faciente scelera. Eandem planè sententiam hīc reperit uates, quam in superioribus dixit, nempe bonos haudquaquam fortunatis improbo-rum successibus moueri debere, sed tacitos diuina præstolari iudicia. Tempus uerò, quo res in melius uerti debeant, is solus nouit, cui & præterita & futura æ-què ut præsentia nota sunt. quæ quidem res propria Dei est, non hominis; cuius  
**D** sanè tantummodo interest, quicquid emergit noui, diuina uenerari consilia, il-lisque gratias agere, quorum absque nutu ne minimum quidem arboris folium tre-mit & mouetur, gemmæ uero uite intumescit. Quocirca

Desine ab ira, & derelinque furorem: noli æmulari ut maligneris.

Vide quàm prudenter uir sanctus nos ab æmulatione, inuidentiæque illa quæ infirmioribus natura inest animis, auocet, usque adeo enim interdum hi ob impro-borum felicitatem stupidi efficiuntur, ut ne ab excandescencia quidem atque ira, & cælum & terram querelis commiscantes, se temperent. Cum uides, inquit Eu-thymius, iniustos homines in secunda esse fortuna, noli irasci aut indignari con-tra eos, quasi præter id quod par est, prosperentur: neque tecum ipse illud dolens, quod ob summū tuū erga uirtutes amorē potius infelicior sis. Non desunt etiā, qui hunc uersum de non referendo par pari in iniurijs interpretentur, ut sit sen-sus: Non reddas malū pro malo, non maledicta regeras, nō quæras uindictā, ne & tu, dum te ulcisci quæris, fias illi similis qui malum intulit. Maleficiosus est, fa-teor, caue ne tu quoque idem sis, dum eadē quæ in alijs reprehendis, efficis. Verū prior sensus ad superiora aptius quadrare mihi uidef: unde sic reddit Paraphr. Cohibe animū tuū ab ira, & pelle furorē, ne sic incendaris, ut illorū sceleratorū exemplo, ad perpetranda similia animum inducas. Cæterum illud notandum, a Felice ferè semper Contendere aut cōmiscere, pro æmulari reddi: cuius uerbi interpretationem in superioribus persecuti sumus. Nunc ad reliqua.

Quoniam qui malignantur, exterminabuntur: sustinentes autē do-minum ipsi hæreditabunt terram.

Noxij enim malignique homines non regnabunt semper super terrā, ut ait Sa-lomon: tantum hi quibus cœlitus iussa est crux, animum in persecutionibus nō despondeāt. In superandis namque aduersis, nisi tandē longo indurescat usu cor, in amoremque rei illius quæ in adipiscenda animi pace necessaria est, licet gustu acerba



Acerba atq; amara, trahatur, nunquā in Deo firmari poterit, in quo solo uera est pax & quies. Quid enim habent improbi in hoc mundo, aut ferunt, quod idem anxietatum bellorumq; plenissimum non sit? Nam Christo, qui pacis illius, quā omnem superare sensum affirmat Paulus, autor est, ab expetendarū rerum aut agendarum quoq; sine excluso, quid autiam expeti aut agi potest, quod contumuis curarū gyris non implicetur? Contrā uerò his euenit, qui in omnibus suū sibi semper Christum, uirtutum omnium archiuum atq; exemplar, proponunt; quibus ipsa quoq; totius orbis confusio & fluctuatio in tranquillitatē cedit. Tantum illud auct spiritus, ut non solum id animose, fortiterq; quicquid illud est, quod fors affert humana, feramus; sed & consideratē ac sapienter, ne quid in uiroprobo, casu fortuitoq; fieri cernatur, longē antequam accadat, praeuideamus. Enim eo ex usu quidam formatur in nobis habitus, quam patientiam appellamus: qua nimirū obtenta, Christum in nobis innouari, seu, ut inquit Paulus, reformari in dies magis sentimus: cuius porro tanquā benignissimī hospitis, tum ope tum donis in eam euehimur magnitudinē, ut mundo facili imperemus, rerumq; omnium conditarum possessionē, hæreditario ueluti iure adeamus. Atq; id sanē est, quod hic uates asserit, sustinentes scilicet, seu, ut uertit Fel. expectantes dominum hereditare terram. Beati, inquit dominus Iesus, mites, quoniā ipsi hereditabunt terrā. A patientia quidem mitescere incipimus. Verū ne diutius diuina nos mora torqueat, admonet uates, breuī id quidem futurum, cum ait: Et adhuc pusillum, & non erit peccator: quæres locum eius & non inuenies.

Breuisimē, inquit Paraphr. sic interibit impius, ut ueteris pompæ, qua admirationi fuit multis, nihil reliquū uisurus sis. Paululum sustine, uertit Hebræus interpretes, & impius non supererit: cumq; aduerteris ad locū eius, nullus aderit. Intelleges uerò in loco eius, uertit Fel. hoc est, cōsiderabis locum eius. Hæc quidem uel sola, maxima omnium deberet esse timidis consolatio, cum legunt nefarios homines breuī excidendos, adeoq; penitus suis illis à tumidis deiciendos sedibus, ut nunquam ferē extitisse uideantur. O diuinū iudiciū, o deploratas animas. Quot uidi ego aliquando ex humili fortuna, tanquā è trito sepulchro, ad urbium magistratus, regionum, religiosarumq; ædium dominiū, seu à principibus, ut prioris penitus, seu humanæ potius cōditionis obliti, tanti iustitiæ, æquitatem, religionemq; fecerint, quanti sues gemmas spurcissimi. Hi tamen repentina consternati fortune indignatione, ita in nihilum resoluti sunt. ut cum illorum fastu, & uita, & res, & locus, & quicquid illorum mortale uspiam fuit, unā interiisse uisum sit. Quò uerò animæ sic malè de religione Christiana merita abierint, humani haud quidem est ingenij id uelle inquirere, uel diffinire: hæc Dei omnino sunt. Quod autē ad nos attinet, illud certum est, mortaliū omnium animas Deo curæ esse: quæ uerò sint eius, quæ uel sint in æterno prædestinationis diuinæ libro conscriptæ, ipse solus nouit. Ego, ut de me aliquid dicam, maximo cum timore quid de me futurum sit operor: meamq; cum tremore & mequidem, qua omnes cupio, oroq; in Christo Iesu saluos esse. Caterū illud considerandum, quā continua rem narret uates antithesi: Quæres, inquit, locum eius, nefarij scilicet hominis, & non inuenies.

Mansueti autem hæreditabunt terram, & delectabuntur in multitudine pacis.

Idem sermē in superioribus cecinit dicens: Sustinentes dominū ipsi hæreditabunt terrā. Porro pax, tranquillitas illa animorum est, qua quis adeo fortiter suos omnes mentis affectus ad mutabiles rerū euentus componit, ut quicquid



**C**ontingat, id totum in suum pertrahat colorem, omnibus in rebus eam seruans animi æquabilitatem, quæ uiro nō tantum Stoico, quantum christiano conuenit. Sedebit, inquit dominus in Esaia, populus meus in multitudine pacis. Is enim sic Deo per fidem unitus, hoc utitur mundo tanquam mancipio, illi uerò tanquam domino ac Deo. Is imperat, illi obsequuntur. Is continuo quodam pacis tenore, etiam inter tela & neces, tranquillam agit uitam: illi etiā in medio ipso fortunæ sinu obdormiscunt, miserrimam. O rem penè dictu incredibilem. Vide, oro, ad quem felicitatis gradum asciscitur anima, sic ad rerum instabilitatem composita silensq; domino, atq; illius se totam committens prudentiæ, ut illi selestissimus quisq; quamlibet primarius inuideat.

Obseruabit, inquit, peccator iustū, & stridebit super eū dentib. suis.

Obserua liuoris naturam atq; effectum. Est sanè usus uerbo admodum peruersæ uoluntatis hominibus apto: obseruat enim quis aliquem (de obseruantia illa, in qua summa inest admiratio & reuerentia, non loquor modò) cum eum & oculis & animo, in modum speculatoris ita custodit, ut nihil aut loqui, aut agere is queat, quod illum latere possit: & id propterea quidem, ut ampliore calumniandi occasionem habeat. Qui porrò non contentus uidisse, diligenterq; omnia, quæ ab eo, quem odio insectatur, sanctissimè interdum peraguntur, obseruasse, alia confingit, surrogat, defert tandem, ne quid totius malitiæ cumulo defuisse uideatur: qui quidem cumulus tum ad summū usq; exuberat, cum illi, qui tam nefandum ignem restinguere deberent, non solum illum fouent, sed etiam emunt, ac tanquam peregrinas merces in bonorum omniū perniciē deuehunt. At uide quàm uehementer inuidiam, indignationemq; improborum contra innocuos, puritatisq; cultores exprimit, cum illos canū more infrendere denubis afferit. Malitiose cogitat de iusto improbus, uertit Hebræus: & nudat, seu fren-

**D**icit, ut Fel. super eum dentibus suis. Atqui ex tam periculosa inuidorum ditione, ut motū quondam fuisse Apostolum arbitror, cum Philippenses admonuit dicens: Videte canes, uidete operarios malos, uidete cōcisionem. Quam quidem prudentissimam Pauli admonitionem non tantum ad illos pertinere iudico, in quos diri isti canes facile ob uitæ innocentiam defauire soliti sunt, quantum ad Principes, rerumq; publicarum ministros: quorum omnium illud præcipuum munus est, ut diligenter perpendant, ut ait Epictetus, quis est qui loquitur, aut de quo. Verum utcunq; conniueat in rerum delectu summatum ignauia, illud in primis summa debet esse pijs consolatio, quòd

Dominus irridebit eum, quoniam prospicit quòd ueniet dies eius.

Huius uersus sensum sic cum superiori necit Paraphr. Conabitur impius iustum subuerrere, & frendet aduersus illum dentibus suis: dominus autem ridebit minas illius: nouit enim, quàm sit in propinquo tempus, quo ipse peribit. Non parum quidem, quod aliàs admonuimus, nostræ officit salutē, cum nobis uideatur, in merendis aduersitatibus, considerandaq; diuturna solummodo, ut nobis uideatur, improborum in innoxios petulantia, malumq; struendi licentia, Deum penè in iudicijs anteuertimus. Vis ne, ô amice, plenissimam unde quaq; mentis adipisci tranquillitatem, arrham nimirum coelestis patriæ ac uitæ: Quæcunq; in terris contingant, tu tantum reuela domino uitam tuam & spera in eo: quod uerò superest, ipse faciet, dabitq; rebus exitum, non quidem secundum desideria cordis tui, præpropera sanè interdum nimis & præcipitantia, sed secundum beneplacitum purissimæ suæ uoluntatis in Christo: qui cum sit ante omnes (ut inquit Paulus) & omnia in ipsum cōstent, sitq; caput corporis ecclesie, qui est principium, primogenitus ex mortuis, ut sit in omnibus ipse primatū tenens, quia in ipso complacuit omnē plenitudinē inhabitare, & per eum reconciliare omnia, per ipsum pacificās, per sanguinē crucis eius, siue quæ in terris, siue quæ in cælis sunt.



<sup>A</sup> sunt, poterit ne suos tam forti sibi nodo, ut est eius sanguis, adglutinosos, adeo sub aduersitatū mole sinere laborare, ut desperent omnino: Spera, spera, inquit, in domino, & ipse faciet. Faciet, dico, cū tentatione prouentū, ut possis sustinere. Nam certē illius est bonitatis Deus, ut nō det in æternum fluctuationem iusto. Ceterū dies cū uarias habeat in scripturis significationes, interdū, ut hīc, pro uniuscuiusq; exitu atq; euentu intelligi oportet. Vnde illud quoq; est, quod in Iob libro legimus: Super diē illius obstupescunt. De risu porro Dei, atq; sub sanatione, cū aliās, tum maximē in secundo psalmo est dictū. Sed iam ira uehementia in noxijs quanta sit, satis admodū compendiose in sequentibus explicat, cū illos facit, educto ē uagina gladio, tensoq; arcu, iustissimos quosq; adoriri.

Gladium, inquit, euaginauerūt peccatores, intenderunt arcū suum. Hunc nimirum, ut clām; illum, ut apertē offendant. Qui enim gladio, aut enro arcu, quempiā adoritur, uī id agit aperta, atq; ut sic dicam, ingenuē: qui uerū arcu, is prius uulnus infigit, quā saucius se insidijs circumuentum sentiat. Quoniam, inquit in alio psalmo, intenderunt arcum, parauerunt sagittas suas in pharetra. Quamobrem, obsecro, tantus sagittarū apparatus? ut sagittent, ait, in obscuro, hoc est, ex insidijs, rectos corde. Quid illud? Intenderunt arcum (rem amaram) ut sagittent in occultis immaculatum. Vtroq; igitur armorum genere noxium, maleuolorū hominum in eos, qui tum de Deo, tum omnibus de rebus rectē, sanctēq; sentiunt, quosq; hīc uates pauperes, inopes, & rectos corde appellat, & animum & apparatus exprimens, ait:

Vt decipiant pauperem & inopem, ut trucident rectos corde. *Sed* Gladius eorum intret in corda ipsorum.

Vulnere scilicet. Nam cordi aut telo aut pugione traiecto, nulla tam efficax, praesentaneaq; adhiberi potest medela, quin statim intereat saucius.

Et arcus eorum confringatur.

Ex Hebræo potius per futurum legi par est, quā ut noster uertit interpres. Sic enim reddi posset: Gladius eorū penetrabit in cor eorū, & arcus eorum frangentur. Quis hīc iam non uelit eam assequi iustitiam, qua habita, tam chari Deo efficiamur, ut penē illū oculis intueamur corporeis, ex hostiū nostrorū manibus tela excutere, arcusq; in nostrū exitium tenso perfringere, ac eundē ipsum gladium, quo nos interimere posse existimant, in illos uī ea retorquere, ut medio prorsus corde transfodi uideantur? Ne dubites, inquit, pugna hāc, quā in Christi pauperes excitatur, haud iam in Christi pauperes solum, sed in Deum ipsum excitatur. Is enim, nō tu, o homo, pro te in acie stat: sibiq; factum putat, quod suis firimembris, siue beneficium illud sit, siue damnum, aut iniuria, uiderit. Quare illud aptē admodum ab Apostolo est dictū, cū fatebatur se adimplere ea, quā deerant passionum Christi in carne sua pro corpore eius, quē est Ecclesia: quasi Christus (uah charitatē immensam) nō satis habuit suo in corpore tot diros per-tulisse cruciatus & iniurias, nisi & eadē ipsa in suorū corporibus perferret. Siue igitur aperto, ut uocant, marte, manifesta q; uī & cōtumelia te inuadat homo, aut daemon: siue clām & dolose, ut solent maledici, & obrectatores, ne in fide Iesu Christi titubes & desperes, à spiritu admoneris, simulac asserit iniurias istas omnes diuina manu infringēdas: alioquin ea est in nos amoris magnitudine Deus, ut tum demū nos totos penitus suos esse uelit, cū nos uelimus, totiq; interim nihil in fide hāsistantes ab eo pendeamus. Bonum quidem est: quid bonū aio?

Melius est modicum iusto, super diuitias peccatorum multas. Vide quā amanter in fide tenues enutrit spiritus. Si, inquit, optio daretur, o tu, quisquis es, cui cum inedia, ignominiaq; apud homines maxima est confusio, amplas ne sceleratorū hominū diuitias, honores, pecunias ue partim uī,



**C** partim nefandissimis usuris, exactionibusque è uita pauperum, miserorumque ciuium, ac uiduarum exactas eligeres, an simplicem & puram uiuendi rationem pauperiemque illam, quæ paucis, minimisque contenta, nihil aliud uult, aut expetit, nisi quod naturæ usui honestè suppetit, eò sanè suas omnes dirigens appetentias, ubi ueræ sunt diuitiæ, ubi ueri honores, ubi ampla bonorum omnium possessio, quæ Deus est, inuenitur? Quàm satius (mihi crede) quàm tutius, quàm diuitias ratius esset paululum habere, ut reddit Paraphr. & partum iustè, quàm diuitias plurimas, quomodo habent eas improbi, quomodo, inquit, hoc est, tanta anxietate, tanto strepitu, tanta turpitudine & infamia, non dico partas, sed inuita iustitias, proiectoque pudore ac religione, è sinu ipso calamitosæ multitudinis congestas. Non hîc quidè diuitias iustè acquisitas à spiritu damnari arbitror, modo in eum transferantur usum, qui pius sit, ac Christianus. Qualis uerò is esse deberet, non est præsentis instituti definire: quòd si definirè, insolens forsan, & noui uideretur, non quòd nouum quidem sit, sed quòd à mortaliū memoria unà cum suo autore Christo iam planè exciderit. Reuocato enim Christo, innouatoque in nobis spiritu, reuocabitur & prisca illa uiuendi ratio ab ipso cœpta, à nobis uerò penitus oblitterata. Tantùm id dico, quod hîc me docet spiritus.

Brachia peccatorum conterentur, confirmat autem iustos dominus. Hoc est, quæcunque illa sunt, in quibus confidunt improbi, illisque nituntur, à domino breuiter confringentur, siue diuitiæ ille sint, siue honores, siue dignitates, aut quicquid illud sit, in quo sperant diuites. Idem fermè uaticinat Hieremias: Corinu, inquit, confringetur, & brachium conteretur auari. O curam Dei in miseros. Illis, inquit, infelicitè cadentibus, iusti à Deo iustitiæ ipsius autore perpetuo stabiliuntur robore. Huiusce quidem mirabilis iudicii tum uisum est præiudici, cum in eternam proruentibus miseriam primis illis angelicarum mentium choris, cæteri diuina suffulti manu stabiles in Deo permanerunt: à quo tamen uide quid boni potuerit tunc quoque liberum arbitrium) nisi Dei suffragata esset bonitas, irreuocabiliter desiuissent. Descendit pluuia, clamat Christus, uenerunt flumina, flauerunt uenti, & irruerunt in domum iusti, & non cecidit: fundata enim erat supra petram. Vnde id quæso? Quia

Nouit dñs dies immaculatorū, & hæreditas eorum in æternū erit. Nouit, ait alio in psalmo, uiam iustorū, & iter impiorū peribit. Pulchrè enim admodum dies immaculatorū illi opponit, quod supra dictum est: Dominus irridebit eum, quoniam prospicit quòd ueniet dies eius. Non mirū, inquit, si confirmat iustos dominus: nam ipse, quod est eius naturæ præcipuum, agnoscit eorum dies: hoc est, eorū uitam approbat, dirigit, suoque fauore fulcit, curat, fouet, protegit, tutatur, perindeque enutrit, ac solet tenellos infantes nutrix. Quare eorū hæreditatem æternam esse oportet, non momentaneā, & illam quidem Dei, cohæfinitis litibus obnoxia sit. Nonne, ut inquit Paulus, hæredes sumus Dei, cohæredes autem Christi? Quibus uerò bonis Christus usus sit in hoc mundo, nulla certè inuenio præter persecutiones, famem, sitim, mœrorem, inedia, diuitiasque, quas suis dominus cum pacis codicillo & charitatis, ab humanis discedens reliquit: hæc bona, inquam, sunt, quorū participatione iure ueluti hæreditario in Christi familiam traducimur. quanquam ne id quidem unquam filijs Dei ueram esse hereditatem existimo, quod æternum idem non sit: quocirca ea omnia, quæ in Christi uita nobis imitanda proponuntur, non hæreditas, sed gradus ad hæreditatem illam, qua Christo cohæredes efficimur, appellanda erunt. Cæterum quomodo terrenis in facultatibus nostrā nos ueram, qui imagini filij Dei conformes fieri speramus, expectamusque, ut inquit Paulus, corpus humilitatis nostræ configurari corpori claritatis eius, statuimus hæreditatē? Regnū meum, clamat



A. clamat Christus, non est hinc: hoc est, hisce rebus caducis ac transitorijs minime constare: & nos qui tam felicitatis capitis membra uideri uolumus, nihil tam ardentius cupimus, uel amamus, quam quæ mundus falsa plerumque fide pollicetur. Vanissima hæc igitur bona, quæ in fortunæ arbitrio posita esse cernimus, nostra sine hæreditas, si post mortem nihil in homine superest reliquum, ut ferme sibi persuasisse nonnullos etiã sublimis uitæ ac professionis uiros in Dei ecclesia suspicor, cum eos cerno nulli rei tam tenaciter affixos esse, quam mundo & carni: & tamen id non nesciunt, quod qui in carne sunt, Deo placere non possunt. Verum igitur proborum hæreditas æterna est: quare peregrinos sese fatentur in hoc mundo, non ciues. Hoc sanè illis persuaso,

Non confundentur in tempore malo, & in diebus famis saturabuntur, quia peccatores peribunt.

Hæreditas, inquit uates, iustorum æterna erit: peccatores uerò, atque illa omnia, quæ sibi effingunt bona, simul cum ipsis interibunt. Summa enim hæc est omnibus in scripturis conclusio, probis quidem uiris æternam deberi uitam, improbis autem æternam mortem. Vtri uerò sectæ magis adhærendum sit, tu mi lector iudica. Num te præterit, epulonem illum diuitem sua in terris recepisse bona: Lazarum autem, hoc est, pauperem spiritu, atque in Christo nudum, mala? Cæterum sensum huius uersus sic reddit Paraph. Non frustrabuntur spe sua, quando alios inuoluet temporis infelicitas: & alijs fame laborantibus, ipsi saturabuntur. Tempore igitur illo, quod malum appellat uates, in quo mundus uniuersali quadam labe, inedia, ut nunc sit, bellis, aut aquarum diluuijs, deuastatur & laborat, ruti hi soli sunt, qui spem suam omnem in Deo statuunt, idcirco quod nihil tam acerbum ac triste in hoc mundo accidere potest, quod illis dulce non sit, ac tolerabile, quippe quibus iam peccatus ad id genus iniuriarum, per Christum, induruit: quibusque illud in primis compertum est, omnia quæ hic fiunt, à sapientissimo Dei consilio proficisci: nec esse in rebus conditis quidpiam tam ab hominum usu abhorrens, quod à Christiano uiro non queat uinci. Contrà uerò improbis omnia dura sunt inæqualia, aspera, mortifera, licet rerum illarum copia abundant, quæ cum animi tranquillitatem polliceantur, nihil minus tamen præstant. Verum secreta ab humano prorsus sunt intellectu huiusmodi Dei iudicia, quæ cum quotidie à supremo illo arcanorum thesauro ad nos usque descendere conspiciunt, ob fidem tamen tenuitatem, atque in rebus nihili occupatum animum, non solum ignoramus, uerum etiam cum sic fieri aut audimus, aut cernimus, uti noua tantur, & pertimescimus. Amantibus certè Deum omnia abundè suppediantur: non amantibus autem, quid excogitari potest, quod satis sit? Est & aliud famis genus eò periculosius, quod ad animarum magis quam corporum interitum attinet. Euangelij quidem, atque adeo Christi Iesu fames hæc est: qua qui affecti sunt, aut moriantur necesse est, aut in continua uiuant miseria: & maximè cum qui frangat panem, ut queritur dominus, non inuenitur. Impurissimis igitur omnibus à tam sancto edulio, ut Christus est, amotis, puro hi qui sunt animo plenissimis (quod aiunt) crateribus exaturantur:

Inimici uerò domini mox ut honorificati fuerint & exaltati, deficientes quemadmodum fumus deficient.

Quantam hinc mihi consolationis uim sentire uideor, simulac suos sibi Deus reputat inimicos, qui probis infesti sunt. Verendum itaque minime nobis est, ne fortior iustorum pars sit, & causa melior, quam illorum, qui cum dijs ferè in terris habeantur, ut fumus tamen in auras resolutus, euanescent. Naturam porro fumum esse conspiciamus, ut dum durat, non solum lædat oculos, uisumque impediat, ac nitentia obnubilet, uerum etiam & solem, & diem, & cælum quoque ipsum obscurare uelle uideatur: is tamen uel breui mora, dictum, factum, in nihilum rela-



**C** bitur. Haud diuturniori quidem felicitate illi beati sunt, qui cum uanissimis rerum ineptijs inseruiant, fumososque etiam cum iustitiæ ac probitatis iniuria sententur honores ac magistratus, & obtineant quoque, nihil antiquius habent, quam ut Deum contemnant, bonos opprimant, ac quicquid luminis in terris est, festu atque arrogantia extinguant. Verum hæc diu non tolerat Deus; nam simul ut præscripto honorati fuerint termino, suumque in exitium exaltati, uelut fumus extemplo occubent, ac desinent: seu, ut reddit Paraphr. non aliter quam adeps agnorum, qui adoletur super altare, sinem capient, unà cum fumo deficient. Sic enim is uersus Hebræis est: Quoniam impij peribunt, & inimici domini uelut adeps agnorum defecerunt, in fumo defecerunt. quod dictum quidam putant, ut quia facile id, quod spiritus comminatus est, futurum sit, lucidius exprimeretur. At uigilatur, Dei hostes ea consumendos celeritate, qua agnorum adeps & pinguedo igni imposita consumi solet, atque (alludit enim ad ueterem sacrificandi morem) in aërem citò cum fumo ipso desitura sustolli. Non desunt etiā qui loco adipis, lucem seu preciosum camporum, aut planitierum, poni debere arbitrantur: quæ quidem omnia quemadmodum solo ictu oculi circumspiciuntur, ita & unico prospectu præterlabuntur. Horret sanè animus cum terribilis illius mihi uocis è cælo auditæ in mentem uenit: Quantum glorificauit se, inquit, & in delictijs fuit, tantum date illi tormentum & luctum. Sedeo regina, & uidua non sum, & luctum non uidebo. O fastum, o arrogantiam: en quid te maneat inspicere. In una, inquit, die uenient plagæ eius, mors & luctus & fames, & igne comburetur: quia foris est Deus, qui iudicabit illa. Ecce uides quomodo Dei hostes in una die, hoc est, breui temporis interuallo, suorum scelerum luant poenas. Vis ne iterum breuissimmo, ut sic dicā, compendio diuitis huiuscemodi, qui diuitijs paret, non impetrat, morem omnium turpissimum agnoscere?

**D** Mutuabit peccator, & non soluet: iustus uerò miseret & commodat. Illud ante omnia considerandum est, quomodo noster interpretas à spiritu (opinor) admonitus, peccatorem absolute diuitem illum nuncuper: Hebræus uero ipsum, cui diuitiæ oneri sunt atque iacturæ, non dignitati & comodo. Is enim cum ualde rebus omnibus, quæ ad mundum attinent, & honorifice abundet, si cui tamēmen quid debet, aut non reddit omnino, aut ægrè quidem, quantulumcunque illud sit, reddit. Adeo miseram hanc caducarum rerum cupiditatem tanti quidam faciunt. E contrario uerò iustus, hoc est, qui se continue ad probitatis regulam, quæ est in Christo, componit, ultrò etiam illos quibus nihil debet beneficijs afficit, iuuat omnes, illisque nulla habita ratione amicus ne sit, an inimicus, sua impartitur bona: & id quidem nullo alio punctus stimulo, nisi misericordie, quem sanè affectum cum duri illi diuites ignorent, omnibus suis in rebus & actionibus, difficiles sint oportet, inexorabiles, dirique, truces, & propterea pauperes quidem illorum conditione illud proculdubio concludi potest. Ex perrimos omnium illos esse, cum tamen opulentissimi uideantur: quippe qui nec in debitores quidem rerum earum quas illis debent, uel mediocriter benigni esse audeant. Iusti uerò, quamlibet fortunæ tenuis sint ac facultatis, ita in egenos atque alios se penumero liberales sunt, ut merito ditissimi uocari queant, duo interim affectui laudum genera, unum quidem liberalitatis, alterum misericordie. Caterum quemadmodum illorum interpretationem non improbo, qui uersum hunc de ingratisimo illorum more interpretantur, qui cum & corpus & animam, non cetera à Deo dona, tanquam talenta mutuò acceperint, non soluunt tamen, non gratias agunt, multiplicatumque non reddunt fructum. Iusti autem impartientes, seleg omnia, quibus merito iusti appellari debent, ceteris largiter impartientes, domini omnibus secundum gratiam quæ data est eis, ut inquit Paulus, attemperantes, domini suo, multo auctam fœnore reddunt pecuniā. Quæadmodum, inquit, hanc tam



piam nō improbo interpretationem, imò etiam uerò & laudo, & exosculor, ita paululum à sensu, quem in hoc uersu requiri uult spiritus, deflectere suspicor. Verum prudentiam hīc mihi tandem iusti considera, qui idcirco miseretur & commodat,

Quia benedicentes ei hæreditabunt terram, maledicentes autem ei disperibunt.

Nouit enim uir iustus, quòd quicunq; ei, Deo nimirum benedixerint, gratias ueegerint, atq; alijs sibi concessa diuinitus beneficia communicauerint, nihil interim quærentes quod suum sit, sed quod aliorū ac Iesu Christi, ut inquit Paulus, hīc demum summa animi pace terram hanc quoq; alioquin impuris magis, quàm candidis mentibus fauentem, feliciter possidebūt. Qui uerò maledixerint, blasphemiasq; pro gratia tam benefico domino retulerint, peribunt omnino, hīc quidem inopinato miserrimoq; euentu ac morte, ut frequentibus quotidie intuemur exemplis, illic postea futuro in seculo ac resurrectione à uera uita, quæ Deus est, eiectione in perpetuum protrudentur ignem, in quo animas infelicissimo mortis genere uiuere credimus, sed ea uitæ conditione, ut mallent quidem non esse omnino, quàm sic esse miseras. quanquam aliter sentiūt nonnulli, qui uolunt animas illas miseras malle esse miseras, quàm non esse omnino: uerum meam simpliciter protuli sententiam, nec adhuc compertum habeo, quid aut honoris aut commodi mihi afferre queat ens illud suum tam nobile, cum perpetuo miserum sit. Fel. hunc uersum aliter ex Hebræo legit: Quia (inquit) benedicti ab eo hæritate accipient terram, & maledicti ab eo exterminantur. Quæ quidem sententia adeò uera est, ut mirum sit, si cui in dubium uertatur. A diuina enim benedictione nostrum omne bonum originem habere, à maledictione uerò malum, non est qui non fateatur. Et quod sanè malum, unde oritur maledictio, nostra à uoluntate, atq; obstinato in peccatis proposito, emanare certò scimus, bonum uerò à mera diuinæ benedictionis gratia & largitione. Sunt & qui illud, ei, ad iustum referant, non ad Deum: quò minimè ignoretur tam charū Deo iustum esse, ut his quoq; bene esse uelit, qui ei benefecerint: perire autē illos, qui male. Tanta erga suos Deus afficitur cura, ut quicquid unitis suis quamlibet minimis quis fecerit, sibi factum dicat. Huiusce porro ueritatis umbra tunc fuit, cum Iacob ille simplex à patre subrepta penè de manu fraxerit tibi, benedictionibus repleatur. Illud quoq; ad Abraham: Benedicam benedicientibus tibi, & maledicam maledicentibus tibi. Verum littera quæ à Felice legitur, sequentibus magis quadrare uidetur.

Apud dominum gressus hominis dirigetur, & uiam eius uolet. A domino, clamat Salomon, diriguntur gressus uiri, & quis hominum intelligere potest uiam suam? Non est quidem consolatio suauior, non afflatus diuini, non testimonium intus in mente iucundius, quàm cum in spiritu certi redimur quòd filij Dei sumus. Iacto proinde hoc fundamento, confirmatoq; huiusmodi fidei testimonio intra nos, nō possumus non fateri nos summe curæ esse Deo, atq; idcirco ab ipso, ut solent filij charissimi à parentibus, foueri aliq; ac, ne in tortuosis uitæ huius semitis deerremus, dirigi. Itaq; cum rem aliquam aut cogitatione aut actu quoq; uel molimur, uel incœptamus, cursus quidam est atq; iter, quod, ut rectum sit ac dignū in quo laboretur, à Deo formari necesse est. alioqui quæcūq; in homine, tanquā ab homine concipiuntur, aut extrà per operationes exeunt, infirma sint oportet, & momentanea. Sunt ne fortioris naturæ aut roboris homines quāuis grandæui in uia iustitiæ, quàm sunt pueri in firmandis suis illis passibus & gressibus? Si hī quidem adeò infirmè titubant, ut aut cadere uideantur, aut cadant omnino, num sese, ex se, ne cadant, cōtinebunt,



**C** prostratiue se erigent ex se, an à nutrice? Delapsi certè et eiulatibus & uagitiis opem quidem implorare poterunt, se uerò è terra erigere neutiquā. Non maioris itaq; ut dixi, sunt roboris homines in peccata prolapsi, ausiq; quicquā, quod suam ad salutē spectet, aggredi proprio sensu & consilio: proinde uana illa esse omnia, quæ ab homine facta sunt, quæq; fiunt in præsentia, & quæ in posterū facturi hi sunt absq; Deo, asseuerare fas sit. Qui quidem Deus nō idcirco liberum homini concessit arbitrium, ut ipse excluderetur: sed ut, quemadmodum donorum omniū quibus copiose ditati sunt homines, autor est & erogator, ita eorundem ipsorū adiutor sit ac cōseruator, imò excitator: alioqui perpetuo oblanguescerent ocio ac somno. Manifestè hīc docemur, inquit Euthymius, quòd absq; diuino auxilio, homo per se nullum operari potest bonū: promptitudinē autem nostræ cooperari solet Deus. Cæterū quid sibi uelit, Et uiam eius uolet, interpres Hebræus aperit: Et uig, inquit, eius fauet: seu prosperabit, ut uertit Symmachus. Non mirum quidem: nam rei illi, quam quis charā habet, qui nō faueat? Amat enim Deus suos, suaq; in illis conseruat munera, atq; in dies magis accumulatur. Quare quicquid in hoc uasto peregrinatiōis uitæ itinere uir probus agere instituit, id Deus uult, id approbat, id dirigit, illiq; perpetuò fauet. Quocirca

Cum ceciderit, non collidetur, quia dominus supponit manū suam. Si, inquit, in infortunium inciderit (ut incidere necessarium illis est, qui Deum quærun) non succumbet tamen, etiam si illud peccatum sit: sed diuina protinus subleuatus dextera erigitur, in pristinumq; restituitur statum. Hinc, opinor, illud est, quod à Ioanne asseritur, hominē per gratiam in filium à Deo adoptatum nequaquam peccare posse ad mortem, quia charitas Dei manet in illo. Quare equidem cum uideo probum quempiam uirum à mundo uexari, affligi, in fortunæ quoq; bonis, in uita, in nomine detrimenta subire, addo & in peccata proruerem, haud multum quidem moueor: scio enim id genus aliquando exercitationum uel perfectissimis ipsis uiris, cœlitus proinde dari, ut sese diligētius examinent, quid à se, quid à gratia sint, ac possint, iam demum agnoscant. Quod quidem iudicium & consilium in Dei mente æternum, in angelis olim locum habuit. Si quidem hi cadentes, illi per gratiam à casu reparati, quantum suum nudum potuerit arbitrium, quantum gratia, experti sunt. Periculosissima ea res est, uirum quamlibet iustum se sibi uel tantillum committere: alioqui certè hunc uersum aliter à uate proferri oportuerat. Cur, oro, non potius ad hunc modum, ad ceciderit non collidet, quia suam sibi supposuit manū. Verum ut quæ dixi, adeo uera sint, ut nullo modo in dubium uerti debeat, Dei scilicet filios in hoc mundo iniuriarum lima, ac quò iam demum cuius temperaturæ sint appareat, igne putandos & expoliendos: ita hi admodum detestandi sunt, qui iniurias inferunt. Ne insidieris, clamat Salomon, & queras impietatem in domo iusti, neq; uastes requiem eius. Sed tu uide quid parenti fidei quondam pollicitus sit Deus: Inimicus, inquit, ero inimicis tuis, Fel. tamen hunc uersum aliter reddit ex Hebræo. Quoniam dominus sustentat manum eius: ut in lapsantibus sit, aut arduum aliquem ascendentibus cliuum, quibus manum manui, aut brachio supponimus, (de more illo mollissimo non loquor modò, quo mulieres in nonnullis Italiae locis manu sustentantur clericorū maximè cum obambulanti, uanissimo illo quodam & periculoso, idcirco in regionibus christianè institutis abrogando omnino) qua ueluti basi nixi fulciantur. Quare is erit sensus, ac summa: Cum ceciderit cadere, nō penitus proruet, quoniam dominus sustentat illum. hæc ferè Felix.

Iunior fui, etenim senui, & non uidi iustum derelictum, nec seminem eius quærens panem.

Quod enim iusti à benignissimo domino non deferantur, id iam compertius est, quam ut argumētis probetur. Planum id quidem est. Quod uerò illorū semina



**A**men, filij uidelicet & nepotes, aut ipsi quoq̃, nunquā uisi sint panem querere, non sic compertum, cū per orbem passim uniuersum non desint, qui mendicitatem colant, qui tamen probi existimantur. Id igitur uult hic spiritus, neminem unquam ex illorum numero, qui diuinæ iustitiæ studiosi sunt, ad tantā deuenire posse rerum inopiā, ut necessario, licet tenuissimo interdum, uictus usu careat, nisi quem ad tolerantiae posteris exemplum æternus deligit pater: uel quem uoluntario quodam mētis ardore ærumpnosam sibi eligere paupertatem iubet, ut sunt hi, qui in harenosis degentes eremis, aut incultis mōtibz, baccis solummodo & glandibus naturam sustentant. Vnde cū inter diuites quoq̃ non pauci quidem sint, qui cœlestem penē uiuant uitā, ita in egestate constitutos inuenies complures mundo adeo addictos, ut neminē plerūq̃ ē uulgi coluue facile deprehendes, qui tam nefariē uiuat, quā pauperes quidam, atq̃ hi ut plurimum, qui in urbium triuijs, atq̃ templorum adytis stipem quærunt. De his enim nō loquitur spiritus, sed de filijs Dei ingenuis, & apertis, qui domi, aut nemore aliquo, & secessu occultiori oclusi arctam quidem degunt uitam, ac tenuem, sed puram, nitidam, totamq̃ diuinæ conformē uoluntati. Nihil enim fœdus paupertate sordida, ac desiderijs illis infinitis habendi infecta. Iuuenis, inquit, fui, & diu uiuendo senex factus sum, nec tamen uidi iustum desertum, nec semen illius laborare uictus inopiā. Quod si porrò laborat, aut ut diuinū in terribus mendicis, quos uicatim, ostiatimq̃ panem petere uidemus, sanctimoniam uitæ nobis effingamus. Vera em̃ in Christo, atq̃ illius ob amorem suscepta paupertas, ab omni prorsus impudentia, ac procacitate tam longè abest, quā a cæteris animi uitijs & peccatis. Cæterum illud (ne minima quoq̃ intacta prætereamus) non omittēdum, dictionem Etenim, in hoc uersu superesse. Quare uertendum erat simpliciter, & seu ut Felix, etiam. Puer, inquit, fui, etiam senui, & non uidi iustum derelictum, nec semen eius quarens panem, Imo

Tota die miseretur & cōmodat, & semen illius in benedictione erit. Horum uerborum sensum ornatē aperit Paraph. ad hunc modum: A sidiuē in omnes misericors est iustus, & mutuō dat, ideo posterī illius abundabunt. Dicitio enim quam noster interpret, In benedictione, uertit, Hebræis est, in delictijs, seu in beneficio: quo nobis cōpertum sit, omnia Christi pauperibus suppeditari, si non ad luxum, ad uitæ tamen cōmodum, & quantū sat est: non solumq̃ ipsos, uerum etiam illorum posteros perpetua fruituros Dei benignitate. Tantum uerò abest, ut aliquid Deum timentī, quod ad honestum uitæ usum faciat, deesse possit, ut successuris etiā liberis, unde honestam uiuāt uitam, relinquat. Filij (sic filium alloquitur pater) pauperem quidem uitam gerimus, sed habebis multa bona, si timueris Deū. Ait igitur uates, Tota die, hoc est, iugiter, continue, quādiu in carne uiuit uir iustus, egenorū curā habet, misereturq̃, ac suo minime parcēs genio, cū non opus est ut donet, commodat, datq̃ mutuō, & sua libenter impartitur cū omnibus, tum his potissimum, qui miserabiliores sunt. Atqui hæc ingenijs terrenarum rerum uisco remoratis difficilia uidentur. Qui sit, aiunt, ut hi pauperes cū sint, dent sua, & abundant: Quibus Salomon respondet, non ego: Alij diuidunt propria, & ditiores fiunt: alij rapiunt nō sua, & semper in egestate sunt. A cœlestium enim rerū diuitijs exclusi auari, quid in terris, quod satis illis uideatur, adipisci unq̃ poterunt: Contra uerò ad illas pro sibi deligunt portionem, quæ ad necessarium uitæ obsequium, non imperium, quasi indignabundi utantur. Cæterum diuino sic assueti edulio, quicquid in terris delitiosum uidetur, amarum ducunt, ac mortiferum.

Declina à malo & fac bonum, et inhabita in seculum seculi.



**C** Nemo tam sanctus est, qui non cupiat sepius admoneri: non eum sanè fugi, quàm faciliè uel ipsi perfectissimi uiri, in uia iustitiæ, ni crebrò admoneatur, laesescât. Quare is denuò à spiritu, prompto audit animo, quod in superioribus etiam audiuit, nempe, Declina à malo, & fac bonum. At id uerendum, ne, ut monet Esaias, dicamus bonum malum, malum bonū. Summa igitur opus est prudentia in delectu rerum tum omnium, tum maximè earū quæ uariè interdum edocentur. Verbum Christi habiter in uobis, clamabat Paulus, in omni sciencia docentes. Et ut quidem purus simplexq; animus ac candidus, necessarius omnino est in huiusmodi doctrina & schola, in qua purgantur animæ: ita stupiditas omnis mentis, & inscitia detestanda. Sensus itaq; & summa hæc erit, ut à malo prorsus abhorrentes, quodcunq; bonū nobis à spiritu demonstratur, pro uiri li aggrediamur. Et sic abiecta ueteris hominis, in quo omne inest malum, uetustate, nouum, à quo omne proficiscitur bonum, quicq; secundum Deum creatus est, ut inquit Paulus, induamus: quo sanè per diuinam gratiam adepti, habitamus, ut asserit uates, in seculum seculi, hoc est, æternorum bonorū stabiles cum Dei filio, nos quoq; eius facti per fidem filij, hæredes erimus. Nam certè secundum Christi doctrinam, seruus non manet in domo in æternum, sed filius.

Quia dominus amat iudicium, & non derelinquet sanctos suos: in æternum conseruabuntur. Iniusti punientur, & semen impiorum peribit: Iusti autem hæreditabunt terram, & inhabitabunt in seculum seculi super eam.

**D** Id quidem ad iudicem in primis attinet, ut exactè utriusque partis ratione cognita, bonis, exclusa improborū causa, faueat. Itaq; dominus, utpote æquorum omnium iudicum æquissimus, amat iudicium, amat æquitatem: idcirco iustam sanctorum causam ita approbat, tutaturq; ut iusti perpetuò appareant, atque innocentes: eam uerò, quam se habere improbi arbitratur, aut certè sibi impudentissimè fingunt, damnat, à defensioneq; multa eorū sceleribus adhibita, excludit, tantum abest ut eos aut defendat, aut honoribus augeat: illos uerò nō solum à metu omni, perturbationeq; liberat, uerum etiam protegit, fouetq; ac ceteris tanquam sublime quoddam uirtutū exemplar proponit, honoribusq; quò magis illorum pateat probitas, adeò in altum euehit, ut meritò is censeatur iudex, qui optimi iudicis partes nō ignoret: cuius sanè id potissimū munus est, ut in temptis improbis, probis faueat. Nego igitur bonum eum esse iudicem, qui in diffiniendis causis, dirimendisq; litibus & controuersijs, aliter agit, q̃ quod hic agi à Deo opt. max. indicat uates. De illis porrò iudicibus, qui causas iniustas data opera protrahunt, quò debilior proborū pars iam tandem fessa lite cedat, transitiones ue nescio quas, uelit nolit admittat, quicq; pecuniarū ui necessitudinisq; uel patriæ affectu corrupti & obcæcati, causas ipsas iniquas defendunt, & obtinent, nihil aliud dicendum esse arbitror, nisi q̃ ut hi, qui iustum iudicē in tractandis causis referūt, dii in terris quodāmodo cœlo digni cēseri debent: ita illi dæmones ne terra quidem digni, à foro omni atq; magistratu abdicandi sunt. Nulla enim letalior potest esse pestis in rebus pub. & regnis, quàm cum iudicibus, primarijsq; causarum forensium ac templorū hominibus corruptis, minima proborum habetur ratio, maxima uerò improborum. Felix nimirū mūdus si illi, in quorum uita, tanquam in uirtutum omniū forma & facie, ab omni iustitiæ gladius uibratus, nimirū ad uindictam malorum, ut inquit Paulus, laudem uerò bonorū, committi posset. Verumenim uerò ne longius q̃ par est à pietatē mo digrediamur, sensum horum trium uersuum à Paraphrasæ acceptū aperiamus. Sic ille: Amat enim dominus quod æquum est, nec unquā deserit sanctos suos



suos (custodia enim adhibita est illis perpetua) impiorum uero posteritas exterminabitur. Iusti tanquam suam possidebunt terram, & inhabitabunt eam diutissime. Ceterum ea ornatissimi sunt animi æquabilitate, atque in toleranda quacunque utcumque accidunt, in terris patientia Dei filii, ut ne digressum quidem latum à iam concepit in deo fiducia ac spe dimoueri queat. Quare paruus, minimisque mundi huius carenti cum sint rebus, semper diuites sunt, alacres, iucundi, tantisque uel Cræsi ipsius diuitias æstimant, quanti cætera, quibus à cursu retrahuntur animæ, & onera & impedimenta. Abijciendæ sunt sanè res omnes huius mundi, atque in profundo demergendæ salo, ne ab illis, ut ait Crates, demergamur: nisi quatenus honesto uitæ usus conducunt, aut ad assequendas æternas illas in Christo diuitias adiuuant. quod si uel parum quidem officiunt, quid, obsecro, amatur? quid tam anxio studio & cura quærentur?

Osiusti meditabitur sapientiam, & lingua eius loquetur iudicium.  
Lex Dei eius in corde ipsius, & non supplantabuntur gressus eius.

Nimirum à Deo directi. Vide filiorum Dei felicitatem. Hi enim quacunque in regione sint & degant, quocunque in studio uersentur, aut arte, quacunque sub lege uiuant humana, semper quæ recta sunt atque utilia, loquuntur: & id quidem serio, magnoque animi affectu, & deliberatione. Verbum enim quod noster interpretatione in se habet, reique omni conuenit, quam cogitatione ac studio cõplectimur. Porro sapientia hinc Christus est, qui à nobis totus, quantus est, animo, cogitatione atque intellectu cõcipiendus est, nedum quidem ore celebrandus. Ignis insuper est, qui nos, nisi refugiamus, ad se penitus rapit, transformatque in sese: quos deinde sic raptos, transmutatosque, ac felicissima tanquam metamorphositorum spirituum choros transcendent, ea in parte cœlorum collocet, ubi ipse ad dexteram Dei patris sedens, cum sit caput corporis ecclesiæ, ut inquit Paulus, ex quo totum corpus per nexus & coniunctiones subministratum & contentum crescit in augmentum Dei, absque suis membris manere haudquaquam meum. O felicem conditionem humanam. Ceterum iudicium in hoc loco, ut in superioribus quoque ostensum est, interpretantur esse quicquid rectè ordinatumque sit, estque rationi consentaneum. Vnde quidam ex Hebræo sic uertit, Et lingua eius loquitur æquitatem. Immisso enim semel Christo per assiduas meditationes, in animam, non potest quidem aliter aut cogitare, aut eloqui, aut agere etiam, quam quod tam sanctus conceptus suggerit. Putas ne hominem sic affectum, hoc est, cuius cor cum Christi corde iam unum factum est per amorem, posse quicquam loqui, quod Christum non referat, & propterea & iustitiam, & æquitatē, & sapientiā, & omne bonum? Non mirum tamen: nam lex Dei eius in corde ipsius, & non supplantabunt gressus eius. Vide quomodo fides, ex qua salus, & non supplantabunt gressus eius. Vide quomodo fides, reddituas, quāobrem os meditabitur sapientiā: Lex Dei, inquit, in corde ipsius: hoc est, cum salutarem iam animo conceperit legē, nihil potius aut ager, aut cogitabit, quā ut diuinam ex ea eliciat uoluntatem, uitamque ea instituat ratione, ut nihil ab illo, quod iam per gratiam nouit, discreper: alioqui labor omnis ac sudor, iusmodi haud niti sine, ac scopo, qui proprius legis finis sit ac terminus. Finis quoque legis, Christus, ut inquit Paulus, ad salutē omni credenti: quo sanè cognito, cognoscit & patris uoluntas, quā uelle quærere aut exequi sine Christo, amen-tia summa est. Sine me, inquit, nihil potestis facere. Ceterum de assidua, quæ debet



**C**esse in lege domini meditatione, satis copiose in primo psalmo est dictū. In quā certe, qui eo quo conuenit studio incumbit, impossibile est suis in meditationibus, siue illæ ad animam, siue extrā ad mores spectent, posse falli. Idcirco additur, Et non supplantabunt: seu, ut uerit Fel. Non cōmouebuntur: uel ut alius ex Hebræo, Non nutabunt gressus eius. Stabilis, ait Campensis, erit, & à lapsu securus pes eius. Ecquæ igitur alia quærēda sunt diuerticula, remediāq; alia ad firmandos pedes nostros in uiam pacis? Lex enim Dei negotium id totū operatur. Vnde illud mirum, præclara quædam ingenia, inter nos etiam, maiore ætatis partē in literis, nescio quibus, atque occupationibus succo spiritus plenus uacuis adeo, priusq; necessariū hoc delibent poculum, terere, ut fessum plānè intellectum, ac, ut sic dicam, effœtum, tum demum sanctissimis diuinæ legis studijs uix uī admoueant, cū gustu omni interiori carent. Ingenia enim dum tenera sunt ac uiua, illis prius assuefacienda sunt studijs, quæ uera sunt studia, atque animæ quodammodo naturalia: alijs postea, si libuerit, quanquā non uideo cur adepto regno aliquo immenso, arctissimus quærendus sit uicus. Quod si porrò aditum necessariò ad sacram legem à prophanis literis, aut tumidis loquacibusq; philosophorū scholis captādum esse iudicas, toto proculdubio erras cœlo: nam uerum ille solummodo præbet aditum, conatumq; adiuuat, ac rem tandem perficit, qui legem condidit. Is Christus est, qui se non temerè, falso ue, & uiam & ueritatem & uitam appellauit, appellatq; continuè: ut hi probè norunt, qui cōtemptis ceteris studijs, in lege domini meditantur die ac nocte, nihilq; aliud se scire præ se ferunt, q̃ Iesum Christum, & hunc crucifixum, ut de se olim testatus est Paulus. Interim uerò, heu mores corruptos,

Considerat peccator iustum, & quærit mortificare eum.

**D** Latinius Fel. Et quærit occidere eum. En uirum illum, quem superius misereri, & commodare asseruit uates: cuiusq; lingua sapientiam, iudiciūq; meditationatur, ac loquitur: & cuius uiscerib; ac cordi, ut inquit Hieremias, scripta est lex Dei. En, inquā, uirum illum sic per gratiam à terris elatum, quomodo peccator cōsiderat, speculatur, attentēq; obseruat, si qua forsan aut lingua, quæ natura in lubrico est posita, aut moribus non omnino ab humanis lapsibus intactis, uel leuiter errauerit. Tum quidem oblato ueluti triumpho, quid non molitur miser? Ferro enim (si ferro res peragi posse uidetur) inermem illum, imbellemq; adoritur, opprimit, occidit tandem: uerū ferro uti illum si uel metus, uel religio prohibet, tunc eò liberius maledicentiæ, falsisq; delationibus ac commentis, frangit nus sordium ad lacerandam proborum uitam pelliceretur.

Dominus autem non derelinquet eum in manibus eius, nec damnabit eum, cū iudicabitur illi.

Conniueant utcunq; principes, & pastores, dissimulentq; ac si lubet pestem hanc foueant, dominus non derelinquet eum, iustum scilicet. Vide, te oro, doctrinam spiritus. Vt maximè, inquit, sit iustus in improborū manibus, diutiusq; sursum deorsum inter crudeles illorum fauces ac dentes exagitetur, ne sic quit dem deserit à domino: nam si tempus est ut pro Christo, ac eius fide & iustitia tutanda pati debeat, occumbet sanè fortiter, nec tantillum quidem aut scarijs, aut obrectatoribus cedit: tantum abest, ut succumbat, ignauiterq; ferat, si quid ferendum est, aut mors quoq; obeunda. Sin autem immaturū illud fuerit tempus, quo pati quis debeat, nō est quod dubites improbos quidem à similitate, & persecutione nō desituros, illum uerò feliciter euasurum. Nam & dominus Iesus trāsiciens per medium illorum ibat. Neq; illud porrò consentaneū est, cum quē scelerati quidam oblocutores, delatoresq; infamant & condemnant, à Deo quoq; qui æquisimus arbiter est, sic iudicari, & cōdemnari. Nec damnabit. inquit,



quit, eum, dominus scilicet iustum, cum iudicabitur, nempe ab improbis: nam dictio, illi, Hebræis ferè omnibus superest. Paraphrastes uerò paululum diuersum reddit sensum. sic ille: Dominus non sinet eum opprimì tyrannide illius, nec permittet eum impietatis conuinci, quando causa eius in iudicio tractabitur. Magna profectò fidei ea uis est, cum quis non cernit solum se à maledicis, falsisq; delatoribus accusari, uerum etiam iudices ipsos corruptos esse, sperat nihilominus Deum suæ non defuturū innocentiae. Qui si tamē deesse interdum uidetur, atq; ad suorum iniurias cæcutire, illosq; quò excelsum mundo patientiae exemplum præbeatur, destituere, seruetur tamen sic male habita in terris innocentia, ad futurum illud ab illo tutanda iudicium, in reuelatione domini Iesu, ut inquit Paulus, de cœlo cum angelis uirtutis eius, in flamma ignis, dantis uindictam his, qui non nouerunt Deum, qui quidem Deus utpote iustissimus omnium, suis in diffiniendis causis neq; pecunia, neq; turpissimis illis animi affectibus, quibus pars maior hominū obnoxia est, corrumpi potest, quin cuiq; quod suum est, reddat. Tu interim, ô quisquis es, qui truci etiamnum sub maleo aduersitatum ingemiscis,

Expecta dominum, & custodi uiam eius, & exaltabit te, ut hæredita te capias terram: cum perierint peccatores, uidebis.

Solent enim hi qui ærumna aliqua insigni ac persecutione oppressi, suis uident aduersarijs, quæcunq; optant, feliciter euenire, præberi honores, atq; illis per magistratus in miseros defæuendi materiam quodammodo subministrari, conqueri, ac Deum quasi ignauia, qui tam absurda non corrigat, insimulare. Hos itaq; monet spiritus, hortaturq; ne sua, proborumq; cæterorum deterriti oppressione, diuinam uelint iudiciorum moram reprehendere. Cur, inquit, hitam diu nostræ urbi, nostræ reipub. nostræ patriæ, quam iam totam prorsus è fundo rapinis ac furtis exhaustere, præpositi sunt? Ignorat ne hæc Deus? clarent ciues, eiulant uiduæ, plebsq; ipsa, ac uulgus, non iam pane, quo omnino carent, sed suspirijs & lachrymis infelicem enutriunt uitam, & tacet Deus? Viudeamur dominum in rerum moderatione carpere. Expecta, clamat spiritus, dominum: noli, oro, nimium festinanter accelerare, spera, confide, sustine. Verum interim custodi uiam eius: hoc est, fidem, qua uel sola ad Deum iter est, serua. Ab illa enim, si sapias, ne minimū quidem diuertas: alioquin regio omisso itinere, quò tandem perueniendum tibi esse cogitas? Expecta igitur patienter (sic reddit Paraphrastes) aduentum domini, & uiue secundum præscripta illius: quod si feceris, extollet te, & terræ præficiet. Porro illud, & exaltabit te, interpretantur, & superiorem te faciet. Magna nimirum hæc est spiritus promissio, quæ totius mundi suis pollicetur uictoriam. quanquam haud multum quidem id potest uideri, uictum scilicet hostem iterum posse uinci. Mundus enim, si ne scis, tunc prorsus uictus, profligatusq; fuit, quādo Christus in suorum gratiam alto confixus est ligno. Ego, inquit, uici mundum. Ecquid igitur prostratū extimemus inimicum? Iam ille quidem uictus est, iam captus est, iam uires nostri Imperatoris perdidit. Quomodo uerò terram lege tanquā hæreditaria obtineamus, in superiorib. dictum est: hæredes enim cum Christo facti sumus uniuerforum. Proinde quid in rebus conditis tam excelsum, tam ue etiam à terrena hac mundi machina secretum est, cui uir iustus nō imperet: hunc cœlum, hunc tellus, hunc inferi, uti dominū & colunt & uenerant: excelsior enim ob unionē cum Christo omnib. factus est creaturis. Quare nō mirū ualde esse debet, cum legis hominē iustitia illa quæ in Christo est, iustificatū, terræ quoq; huius dominiū habere. Cæterū cum perierint peccatores, uidebit. Voluptas quidē illa, qua uulgò homines solent affici, cum cernūt crudeles suæ reipub. ministros è medio



**C** tolli, non una certè nititur ratione; nam ignobiliori qui sunt animo ac fide, solo odio illius, quem è summa uident felicitate in extremâ coniectum miseriam & inopiam, aut fato absumptum, oblectant; ceteri uerò, quibus altior inest mens & animus, utpote cum Deo perpetuo fidei ardore uniti, non propter miserilius infortunium aut odium, uoluptatè capiunt, sed Dei potius cōsiderata in ferendo suis auxilio sedulitate, uehementissimè gaudent, nihil aliud interim optantes, quàm ut illi demum regionib, religionibusq; præponantur, qui sanctiores ceteris sint, in quibusq; Dei timor cum morum concinnitate, atq; in tractandis rebus prudentia & mansuetudine coniunctus sit. Literaturam autem in antistite & magistratu absq; diuino timore & charitate odit dominus. Sed ad psalmum. Noli, inquit uates, uelle ante tēpus ab æterno patre constitutum uidere, uidebis postea, & si certè non citius, at saltē in extremo terrificoq; iudicio, tum dico, quādo & ipsi quoq; impij uidebūt in quē transfixerunt. Interim uerò ego, ut de me dicam,

Vidi impium superexaltatum, & eleuatum sicut cedros Libani: & transiui, & ecce non erat: quæsiui eum, & non est inuentus locus eius.

**D** Locus eius, Hebræi non habent; quare sic uertit Fel. Quæsiui eum, & nō est inuentus. quanquam Paraphrastes uidetur locum legisse; sic ille: Vidi impium potentem, & uirentē, & similem lauro, quæ uiret perpetuò: sed paulò post obiter præteriui locum, in quo antè floruisse ille, uerum inueniri non potuit, euanuerat enim. Porro ex Hebræo partim laurum uiridem, partim arborem simpliciter, sed annosam indigenamq; interpretantur, quod noster interpretes uertit, cedros Libani: in quo quidem monte proceriores illas crescere, quàm in cæteris montibus, affirmatur. Vt cunq; sit litera, idem est sensus, qui is erit: Iam sanè uideram impiū florentem, uiridem, atq; adeò in huius mundi felicitate stabilem, ut annosam, indigenamq; altissimis in montibus arborem altè radicatam dixisses, & dum respicio, iam euanuit, iam in auras resolutus est, iam perinde ac nunquā fuisset, nusquam apparuit, contentus interim cubitalis fossæ domicilio. heu cæducam fortunam. Illud uerò mirum, quòd omnibus ferè idem fatentibus, atque perpetua ueluti exemplorum serie spectantibus, non desint tamen qui libenter uanissimo illi fortunæ ludibrio succedant. Haud magistratus hīc quidem, & dignitates in rebus pub, ac templis, damno: imò uerò etiā illas quemadmodū necessarias esse iudico, ita & colo, & obseruo: id tantū cupio, ne ambitionis fumo ac superbix obcæcati quidam, illud degant uitæ genus, quod meritò queat à probis reprehendi, ab improbis laudari. Notant hīc quidam, superexaltatū, ab alijs, à stulto nimirum populo, ignauoq; principe aut senatu, intelligi: eleuatum uerò à sese, proprioq; fastu & ambitione, & quem quidem uates cedro cōparat Libani, utpote miræ magnitudinis arbori, in monteq; sublimi enutritæ, uerum sterili & infructuosæ, quod aliàs annotauimus. Et trāsiui, inquit, hoc est, paululum deinde uixi, posteaquam tumidum illum sic se efferentem uidi, & ecce non apparebat; adeò omnia superborum umbra sunt, ac fumus. Tu fili, quantumcunq; illi tumeant,

Custodi innocentiam, & uide æquitatem, quoniam sunt reliquæ homini pacifico.

Tu tantum, inquit, æquitatem in omnibus custodiens, quæ ad te attinent, cura, cætera Deo cōmitte. Et sic quidem proborum reliquæ, hoc est, quicquid post mortem hominis relinquitur, pijs æternū est, reliquæ uerò impiorū interibunt, non quòd omnium tam proborū, quàm improborū animæ immortales nō sint, sed quia eæ ita misere erūt & infelices, ut meritò nō esse quis eas dicturus sit: illæ uerò sic uitæ illi æternæ, quæ Deus est, unitæ, ut solum res illas uerè esse iudicet, quæ tanto bono coniunctæ sint, atque adglutinatæ. Pacificum hīc uocat uirum illum



illum, qui neminem contemnens, omnibus benefacit, dat, commodat, dissidia componit, pacemq; cum omnibus, ut eum admonet Paulus, seruat. Fel. tamen, atq; adeo ceteri ferme Hebræorum interpretes, non innocentia & æquitate legunt, sed innocentē, simplicē & rectū. Obserua, inquit Fel. simplicē, & respice rectū, quoniā nouissimū uiro pax. Alius tamen ex Hebræo, Custodi sinceritatem, & uide rectum: nam postrema uiro pax. Id enim in primis à nobis uult spiritus, ut omisso illo studio, ac cura aliena cōsiderandi scelera, nos tantum illos, qui puro animo & recto, nobis in exemplum proponamus. Quod si, quos tibi deligas in uitæ duces, nō habes, deerit ne tibi unq; Christus, quem hic spiritus innocentem, rectumq; ac pacificū appellat. Ceteros enim ut à rectitudinis linea facile deflectere, quæ est humana conditio, deprehendas, Christus tamen idem semper est, qui uirtutum omnium autor, idcirco in miseram hanc ærurnarum uallem è patris sinu descendit, ut uel solus ad per ecclissimæ uitæ institutionem sufficeret. Non nos igitur tantum detertere debent nefariæ improborum actiones, quantum proborū rectæ ac sanctæ, animare. Paraph. Cum modo innocentia & æquitatem adamasse uisus est. Sit tibi curæ, ait, integritas, & specta semper id quod rectum est; eum enim, qui talis est, pax manet perpetua. Vide quomodo proborum reliquiæ, seu, ut uult Fel, nouissimū; seu ut alij, postrema, pax sit æterna, ac quies.

Iniusti autem disperibunt simul, reliquiæ impiorū interibunt.

Id enim, quod in superioribus eisdem propemodū uerbis dixit, replicat. Inuisti, inquit, punientur, & semen impiorum peribit.

Salus autem iustorum à domino, & protector eorum in tēpore tribulationis. Et adiuuabit eos dominus, & liberabit eos, & eruet eos à peccatoribus, & saluabit eos, quia sperauerunt in eo.

Ossem, quo tuas stylo laudes celebrabo: Vide, mi lector, quot bona ab unica illa uirtute, quam salutis anchoram Paulus appellat, proficiuntur: salus nimirum à Deo. Vis ne aliud: protectio rursus, dum hic à domo peregrinamur, pauperum, liberatio, & id genus aliæ auxiliares, ut ita loquar, copiæ. Hæc, inquam, omnia uni contingunt animæ, si in domino spem omnem suam collocauerit. Ego hic quidem ( fateor ) non possum non meum aperire animū. Cum enim totus interdū in me collectus, à quā bono pendeā domino & patrono, recolō, præ lætitiā insanio, reprehendoq; me ipsum, si aliquando secus egerim, aut stellæq; & quicquid in cœlis est quod per se, aut mutuato lucet lumine, sed & inueniatur dominus, qui in seruo speret. Venio autem ad inferiora. Diuitiæ ne debeant: quid in his fragilius, aut fortunæ indignationi magis expositū? Quid porro illud unum omnium (ut dicunt) maximum, principum scilicet fauorem meum, cū nihil unquam sub sole tam præceps uisum sit, & uariū, & periculū: Si cymbæ uitreæ, semiue gelu cōstricto amni lapsantibus pueris fidendum est & ego quoq; tam titubantis rei fidam uestigio. Amicorū uerò frequenter homines nihil adhuc homine fallacius inueni. Omnes enim quæ sua sunt, non quæ Iesu Christi, aut amicorum, quæsiuisse expertus sum. Ergo in his iterum sperare audebo? Insaniam omnino, si ulla alia in redeinceps sperauero, præterquam in illo, qui solus suis in pollicitationibus constans est, utpote natura æternus, & incommutabilis. Verū ut hæc omnia, quæ dixi, infirma sint, planèque indigna, quibus res tam nobilis, uti homo est, fidere debeat, illud





C autem infirmisimum, atq; absq; dubio periculosissimū, illis in rebus, quæ in nobis insunt, sperare uelle: huius enim generis sunt, sciētia, literatura, artesq; quas uocant, liberales, ac disciplinæ: hisq; addo uoluntatem, arbitriū, atq; actiones illas, quæ à fide charitatēq; tum in Deum, tum in proximū, proficisci uulgò existimantur. Etenim absque calore diuino hæc omnia penitus ieiuna sunt, & gelida. Deo itaq; gratiæ habendæ sunt, in illorū sperandum, nō in hac aut illa re, & operatione quamuis excelsa, & cœlesti. A spe quidem, quam in Deo habemus, bona omnia ortum habent; ab ea autem quæ alia in re est, quæ Deus non sit, mala. Itaq; ut suauissima spei adhortatione psalmū finiam, speret Israël in domino hoc nunc & usq; in seculum; cui laus sit in seculorum secula, Amen.

## PSALMVS DAVID AD MEMORANDVM, XXXVIII.



Omīne ne in furore tuo arguas me, neque in ira tua corripias me.

Titulus odæ huius licet secūdum Hieronymi translationem sit ad rememorandum diem sabbati, in Hebræis tamen omnibus, quos sciam, codicibus, dies sabbati non inuenitur: sed tantūmodo, ad memorandum, siue, in rememoratione. Putant quidam diem sabbati à D. Hieronymo additum propterea, quod à uetustissimis forsan annalibus, ut uir erat infiniti propemodum studij, acceperat odam hanc, in die sabbati decantari solitam. Chaldaeus uerò habet, ad incensandum, seu suffumigandum. Nam cū psalmus hic totus pœnitentiæ lachrymis respersus sit, uidetur odorē quendam, ac suffitū suauissimū ad Dei nares attollere. Verū hæc omnia occulta omīno. Sunt etiā qui censent dictionem lehazchir, quam noster interpretes ad memorandū, seu reminiscendū uerteret. Hebreis esse instrumentū musicū, quo Dauid, cū psalmū hunc caneret, uteretur. Omīssis igitur superfluis, illud in primis fateri necesse esse, hoc in psalmo Christum esse, qui nostra ob uulnera, quæ sua, ut immensa est in homines dilectione, esse uoluit, mortalium miseriam è peccatorum turpitudine contractam memorat, fateturq; ac miris ob id sese torquet modis. Hic, fateor, dum hæc cōmentem uenit, ut cū intellectus meus prorsus in me, in illo cōsiderando, contraheret ac torpeat, nihil aliud agere possim, q̃ amarissimis suspirijs ac lachrymis meam tacitus solari stupiditatē. Quid primū igitur defleam? Mene tam sordidum, atque in peccatis à primis iam meis annis educatum, ut nulla omnino in me pars sit, quæ tota sordibus non scateat? an tam mei amantissimi Christi rursus? qui adeo me charum habuit, ut me in tuto collocato, tantis se rerum periculis & tormentis pro me obiecerit, eaq; omnia, quæ meis sceleribus debebant, tam gnauiter subierit, ut mirum uisum sit, quomodo purissima Dei natura tantum me omnīū impurissimū fecerit, ut non solum sordes in me omnes peccati abluerit, sed & ipsas suas quoq; omnino esse uoluerit? Et ut ego quidem pro me tantum, quantum debeo, flere nequeo: ita in immensa illa consideranda Dei charitate, nullum statuere possum lachrymis terminum, ac modum. Non si quidem Oceanus, quantus quantus est, meis ex oculis exiret; non si quicquid seu in cœlis, seu in terris conditum est, in lachrymas conuerteretur, ex meq; passim peraret, ut ebulliret, nec sic mihi quidem satisfacerē. Verum ne est Deum, peccatū, maledictūq; pro me factum? O uastum cōtemplandi diuini amoris pelagus. Veltantq; à naturarū omnium principio uim sumūt, in ipsoq; uiuunt ab æterno. pro tam uili mancipio mortuum esse? Est ne intellectus ita uiuax, in peruestigandisq; rebus animi obstrusioribus ac secretis adeo acutus & solers, ut hæc perfectē, aut saltē mediocriter intelligat? Cæcutit nimirum mens, hebescit animus, cor adeo stupore



A stupore afficitur, ut penè à uita destituatur. I nunc ô anima mea, ac tandè tuo maximo admonita morbo, perpende quantus ille sit, què toties peccando offendisti, què in te prouocasti, cuiq; pro beneficijs iniurias ingratissima rependisti. Dic, dic, mecumq; quanto potes eiulatu clama: Domine ne in furore tuo arguas me, neq; in ira tua corripas me. Cum aliàs, tum sexto in psalmo præcipuè dixi, iram & furorem in Deo plerisq; in scripturis horrendum eius significare iudicium, iudicijq; pauorem, qua afficitur anima, cum præterita sua rememorans peccata, mirū in modum expauescit. Què sanè affectum atq; animi mœrorem ego infelix in me non esse, tanto afficior dolore, quòd nī certò scirem amantissimū mei Christum omnia illa, quæ in me desunt, quibusq; maximè æterni patris sedatur ira & furor, pro me supplere, desperarem prorsus, non aliterq; me à tam pī partris conspectu subtraherem, atq; olim Cain ille sceleratus sese, seipsum tanquam feram indomitā exhorrescens, subtraxit. Verum cum cogito cuius bonitatis is sit, qui idcirco in terris iam omni uitiorū labe cōtaminatis ac corruptis, natus est, ut cum omnium, tum potissimè miserorū curam patrociniūq;sumeret, nō solum animo non deficio, sed & ipsum summa colligo fide, ac uti infirmū membrū sub fortissimo capite, aut tanquā miles sexcentis transfossus uulneribus sub robustissimo atq; incolumi duce, audeo adhuc nescio quid supra me, nō tamen ex me, verum ex eo qui sanat cōtritōs corde, & alligat contritiones eorū, clamorē. Quid clamorē meum tenuē & exilem iactito? clamat pro me Christus clamore ualido (ut inquit Paulus) & lachrymis: Domine ne in furore tuo arguas me, neq; in ira tua corripas me. Cum meæ, inquit, transactæ uitæ memoro errata ac lapsus, uideor mihi te ad illud iræ genus adegisse, ô domine, ut nullo modo ultionem, quam peccando merui, effugere ualeam. Quò me igitur conferat? Nullibi adhuc salubrius meo morbo inueni remedium, quàm in te: imò alia omnia, cum diu quæsiissem, uana esse, ulcusq; magis exasperantia, quàm medelam adhibentia comperi. In me enim primū nihil esse uideo, quod non detestari quidē potius debeam, quàm amare. A planta sanè pedis usq; ad uerticem nulla in me est sanitas. Què porrò inter homines, qui mea, quàm egomet, studiosius contrectet uulnera, requiram? Si equidem tam dirus mihi fui hostis, erunt ne alij mitiores? Videnim aliquando tenuissimas pustulas ob medicorū inscitā aut potius improbitatem, in ulcus fœdissimū erupisse, dum hi quidem nō tantum quò agrotum sanarent, quantū ut proderent, infamarentq; ac omnibus infensum redderent, suis illis informibus uterent epispaticis. Ego itaq; cum uehementissima laborē agritudine, medicosq; uideam plerosq; aut crudeles, aut iniquos, ad te, mi deus, confugere decreui, petoq; ne me, prout merui, abs te abdicēs, eoq; desperationis mea impellas culpa, ut nulla posthac spe ueniæ admissa, in reprobam protrudar mentē. Te (fateor) ad iram, ad furorem, ad uindictā, meis infinitis prouocaui sceleribus. Num id nego? Ego enim homo, quod in me erat, egi, agōq; cōtinuē: tu deus, quod tuū est, age. Ego, inquā (quod meis à primis perdidici annis) peccauit: tu (quæ tua est ab æterno bonitas) parce & miserere. Mea quidē est miseria, tua uerò misericordia. Quare tua utens misericordia, me à mea emunda miseria:

Quoniam sagittæ tuæ infixæ sunt mihi, & confirmaſti super me manum tuam.

Habet Deus suas sagittas, quibus uulnerat, ut ait Iob, & medetur. Vnde anxio in mœrore positus uir ille, posteaquam sua appendi peccata & calamitates in statera à domino petierat, clamauit: Sagittæ domini in me sunt, quarum indignatio ebibit spiritū meum, & terrores domini militant contra me. Hæc sunt odior, cum anima suos in amaritudine reputās annos, sentit quàm poena omni dignum fuit, tam bonum dominū, tamq; amabilem offendisse patrē, odiumq; atq;



**C** iniurias pro amore ac beneficijs retulisse. Atq; non est dolor huic similis, nō uulnus, nō spiculū cum hoc comparandū. Solet enim anima uarijs interdū à dæmone transuerberata concupiscentiarū telis ac sagittis, quæ ignitæ admodum sunt, (ut inquit Paulus) ita in malis obstupescere, ut nec letales quidē ictus persentiat. Longo sanè usu in peccatis attrita, planè stupida fit, & absq; sensu: uerū à salutifero Dei telo, qui Christus est, traiecta, sentit iam tandē uulnera illa præterita letalia fuisse, hoc uerò salutē secum afferens ac uitā. Incipit inde res suas exactius considerare: perpendit periculū, cogitatq; in quā scdum uitæ statū sese præcipitauerit: quare confundit, erubescit, & mirū ni in lachrymas tota colliquecat. Mortis igitur memoria ac iudicij, unā cum conscientia testimonio, atq; bonorum amissorū reminiscencia, sagittæ illæ sunt, quas in se hīc fixas esse querit animus tua. Alio in psalmo sic suum detegit dolorē: Quoniā, inquit, die ac nocte grauata est, seu depressa est, ut uertit Fel. super me manus tua: hoc est, non extētiā illam quidē uideo ad percutiendū, sed depressam. Iam, iam, inquā, percutit. Iam crebros ictus sentio. Confirmasti, inquit, super me manū tuā: hoc est, me tuo tremendo iudicio, mortisq; memoria, in qua totius uitæ summa cōcludit, perterrefacere nō cessas. Hinc porrò à mundo, à dæmone, à me ipsa quoq; uulnerata tam dirē cōturbor, ut penē tui firmissimi auxiliij oblita, in id impietatis cadam, ut me prorsus abs te neglectā putem. O meum præteritū factum. Fateor, fateor, quod

Non est sanitas in carne mea à facie iræ tuæ: non est pax ossibus meis à facie peccatorum meorum.

**V**ir enim in diuinis occupatus, facilius quā ille qui in libidinibus, aut sordidis curis, die noctuq; emoritur, seipsum cognoscit, quæ quidē cognitio adeo in  
**D** spiritus academia est necessaria, ut ea propemodum res prima sit, quā in cōlesti doctrina oporteat addisci. Sole igitur ipso clarius cernit experiturq;, quā infirmum sit ac fragile, humani corporis uasculū. Totum enim, quantumcūq; est, aut esse potest, sexcentis nō solum morbis, atq; ægritudinibus est obnoxium, uerum etiam uitij illis turpissimis, quibus unā cum anima, percusso ueluti fœdere, ac iunctis, ut ait Cyprianus, complexibus, ambo in mortiferas suauitates lapsi obdormiūt. Cumq; euigilauerint, inquit, serò pœnitentiā adducit confusio, & inquinamentorū horror fœdata menti occurrit. Hanc igitur corporis huius miserie, fœdissima hinc inde euomentis inquinamenta, imbecillitatē, nihil aliud animæ quā onus conciliantem atq; impedimenta, sibi uir iustus à diuina prouenire indignatione propter peccata arbitratur, exclamatq;, Heu non est sanitas in carne mea à præsencia iræ tuæ, ô domine. Nihil integrum in toto meo est corpore, quod peccatorū mihi cōsciū sum. Non est quidem in rebus cōditis immanior atrocitas ac cōfusio cum illa æquiparanda, quam homo suæ malè antea uitæ conscius, hoc est, ex animo, quanti periculi fuerit Deum peccando irritasse, cogitans, in se experitur, quid meruerit, quid calamitatū sua sibi sponte asciuerit, quid bonorū amiserit, quid miseriarū non tantū sibi, uerum etiā probis omnibus accumulauerit. Quod si, mi lector, quæ dico non intelligis, uim nondū illam nosti, qua filius Dei impulsus, in hoc psalmo pro te, alioquin ad ea quæ ad te attinent cōsideranda stupido & inertī, angitur, eōq; lamentatur affectu, quo illum conuenit, qui totius orbis peccata, sua fecit. Est ne dictu facile, numen illud im mortale æternūq;, pro re mortali & caduca, illo sub onere, quo omnes premebantur, perinde gemere, ac si omnium hominū debitorum reum perageret, solusq; cæteris in uitæ innocentia permanentibus, peccasset. Hinc igitur nosmetipsos perpendamus periculum, salutisq; desperationem, simul ac metu, terroreque futuri iudicij, tanquam sagittis è Dei manu cōtortis, se Dei filium transfixum queritur.



At tūc. Magna profectò nostra erat indigentia, magna ægritudo, magnū uulnus, pro quo sanando Dei filium nostras omnes infirmitates subire peropus fuit. Non est, inquit, sanitas in carne mea, non pax, non quies in ossibus, non in ipsa anima. Caro enim infinitis subiecta ærumnis, tota lacera est: anima uerò tædio ac pauore afflicta, prorsus contabescit. Quid igitur ego infelix hîc dicam, mi lector? Ego, ego sum, qui peccaui: ego debitor, ego pœnis obnoxius, ego scelerū horū, pro quibus Christus moritur, reus sum: ego, non ille, fateri possum, quòd non habitat in carne mea bonum. Operditam mortalium uitam: ô diuinam clementiā ac bonitatē; humana enim caro tota languida est, tota putet, tota immunissima scatet obscœnitatibus, conspurcaturq; in dies tanquā sus in uolutabro, infinitis libidinum monstris: & tamen secuta omnium, ac si nullum esset periculum, in utraq; obdormit aurē. At è sublimi ueluti monte in Iericontinā hanc miseriarū uallem descendens Samaritanus, tam infelicis desperatāq; naturæ morbos in se assumens, dixit: Veniam & curabo eum. Et sanatus est puer, inquit, in hora illa. In qua hora, quæso? Tum puto, quando incubuit super defunctū puerum, posuitq; os suum super os eius, & oculos suos super oculos eius, & manus suas super manus eius, & incuruauit se super eum, & calefacta est caro pueri. Moritur igitur autor uitæ, & non est qui, cur id fiat, cogitet. Vide, te oro, quid hîc de se, pro te, dicat innocentissimus omnium:

Quoniam iniquitates supergressæ sunt caput meum, & sicut onus graue grauata sunt super me.

Nulla fuit unquam tam grauis sarcina, quàm ea est, qua suo unaquaq; anima peccatorū premittitur onere. Quid si peccata des omnium hominū, qui fuerunt, suntq; in præsentia, ac erunt in posterū, unius solummodo imponi humeris: Excederet, credo, uim omnem humanam: quocirca diuina sit oportet, quæ id ferat, quod humanas prorsus superat uires. Is igitur Christus fuit, qui humanā diuinę coniungens naturā, utraq; in se uerissimè habuit: hanc quidē, ut tanquā Deus illud ferre, proq; illo mori uellet; illam uerò, ut posset, alioqui nec Deus unquā absq; homine mori potuisset, nec homo absq; Deo uoluisset. Iniquitates, inquit, supergressæ sunt caput meū: hoc est, immaniores sunt, quàm ut humana queat ferre imbecillitas. Vide in quam rerū desperationē sese immergat interdum anima, ut ea, sua se sponte oneret sarcina, quam ferre nequeat. Iniquitates superaue runt caput meum, uertit Campensis, & factæ sunt grauiore, quàm quibus ferendis sufficiam, quid?

Putruerūt & corruptæ sunt cicatrices meæ, à facie insipientiæ meæ.

Cicatrices in anima, eadē sunt peccata sepius repetita, concupiscentiæq; que interdū cum non aduertimus, ob insipientiam nostram recrudescūt, uel cum eas sanatas esse per pœnitentiā ducimus, emergunt denuò. Ex qua quidē ignauia id plerunq; cōtingere experimur, ut fœdius è recrudescente cicatrice dimanet pus & sanies, q̃ prius è uiuo ulcere & aperto emanauit. A primo enim peccati actu & uulnere, facilis quidā oriri solet pudor & cōfusio, ex qua resipiscentia: à frequentis uerò, repetitisq; iisdem in peccatis ictibus, formatur consuetudo quedā turpis, atq; ut sic loquar, indolentia, in qua necessariò inest contemptus ac desperatio. Quod sanè cicatricū corruptionem appellat uates, eò periculosiorē, quòd ab insipientia, stupiditate uel animi proficisci magis, q̃ ab ullo alio leuiori mentis affectu asserit. A stupidis enim animis quid sapientiæ sperare poteris? A facie, aut hoc est, à præsentia, ut aliàs annotauimus. Quæ uerò sit huiusmodi insipientiæ facies, seu præsentia, sic aperit Paraphr. Putruerunt, & recruduerunt male obductæ cicatrices meæ, propter insignem stultitiam meam. Vnde

Miser factus sum, & incuruatus sum usq; in finem, tota die contristatus ingrediebar.



**C** Vide normā pœnitentis. Habe, inquit Origenes, tristitiā cū conuerteris, & esto quasi desperatus. Vir em̄ ille qui cū propter transactā uitę memoriā, tum ob instantis futuręq; periculum, in mœrorē delabitur, quomodo, si sapit, quod restat uitę, in iocis ac risibus sibi traducendum esse iudicabit? Nōne istud quidem esset, uelle iterum cicatrices refricatis uulneribus aperiri? Est diuina quędā ac planē necessaria in Dei ecclesia lex & cōsuetudo, ut semel saltem anno quolibet (sic consulendum fuit mortalium tarditati, ac ut sic dicam incogitantia) sua quilibet denudet scelera sacerdoti. Quo sanē medio uulnera animę à spiritu sanantur, obducunturq; cicatrices, hōc quidē solidiores, quō acutiori pœnitentię cultro fuerint purgatę. Sed illud uerendū, ne post pudorē, consternationemq; illam animę, quam nobiliorē partem pœnitentię esse uolunt, post lachrymas, post singultus, hoc est, post consolidata ulcera, teneras iterum rescindamus plagas, fiantq; nostra ultima deteriora prioribus, ut prędixit dominus. Non cōtenti tamen nōnulli sancta hac Ecclesię cōstitutione, eam frequentius repetunt, laudabiliter id quidē, modō eos non lateat uulnera illa in homine letalia quodāmodo effici cū placent, & quę crebrō sanata, crebrō recrudescūt. Rarō enim anima uerē à Dei spiritu diluta, hoc est, quę priusquā sacerdoti sese purgandam offert, purgata à spiritu fuit, egesta reuomet. Quę quidem purgatio ab intimo dolore propter admissa peccata, firmoq; abstinenti sese à reliquis proposito, id omne a gente Dei spiritu, in animā prouenit. Quare in re tam seria, ut est peccatorū confessio, illud maximē requiritur, ne nos aut usus, aut metus, aut alius huiusmodi affectus ad illi obsequendū instituto ac legi adigat; uerū peccati odiū, sanitatisq; recuperandę desideriū, ac quędam in nos propter peccati turpitudinē excandescentia atq; ultio, non uī trahāt, aut ex more, sed uoluntario mentis consilio atq; deliberatione, spōte nos nostra ducamur. Hęc planē paululū à proposito diuer-

**D** tens dixi, quō facilius animū aduertant in religione rudiores, quot modis cōsolide ne obductę repullulent cicatrices: & q̄ periculosum sit, uelle ulcera antea cōsolidari, q̄ opportunis abstergantur remedijs. Sed ad me ipsum redeo, qui meæ fecditatis conscius, meq; tanquam implacabilem mihi exhorrescens hostem, miser factus sum, & incuruatus sum usq; in finem, tota die contristatus ingrediebar.

Quoniam lumbi mei impleti sunt illusionibus, & non est sanitas in carne mea.

Miserias miserijs mihi coaceruans, quomodo miserū me esse nō fatebor? At qui fieri minimē potest, me tam graui miseriarū onere pressum, non curuū incedere. En remediū uerē diuinū meę arrogantia datū ac superbię. Nisi enim esset, qui elatum in me animū frangeret, quis eum ferret? quid cor superbissimō meo in pectore nō auderet? Verū cū meipse seriō contemplor, hoc est, quā intollerandū, quam ue ærumnosum sit pondus istud, quod mihi ultrō ascieuerim, non queo non ex intimis animi pręcordijs dolere, ac continua quoad uiuā tristitia affici. Contristatus igitur, uitę huius iter utcunq; expedīā, me macerans, suppliciumq; de me sumens: quoniā lumbi mei adeō repleti sunt illusionibus, ut nulla in carne mea sit sanitas, nulla integritas, nullaq; eius extet pars, quę libidinum incendijs non ardeat, illudaturq; ab obscœnis quibusdam formis ac motibus, tanquam captiua meretrix omnibus omnium uulgo iniurijs prostituta: siue uigilem, siue dormiā, siue legam, siue orem, siue aliquid aliud sacratius peragam, is molestissimus sese ingerit carnifex. Quid dicā in eremīs, in solitudinibus, in harenosisq; locis, ac solitarijs, ubi nulla cernitur amœnitas, ubi nihil est quod non horrorem ac metum afferat, præstō est, & sese etiam frigidissimis anachoritarum sensibus insinuat, illisq; petulantissimē illudit, dum irritabiles quasdam obijcit species ac formas: ad quas considerandas uel perfectissimi interdum uiri, à cœlestium rerum contemplatione sensim, cū non aduertunt delabun-



A delabuntur. Itaque iam satis superq̃ præteritis meis annis uacatum est mundo, nunc tandem referendus est pes, atq̃ animus à mundi uanitate reuocandus. Instat iam mors, urget, admonet, minaturq̃: & ego, ut fera quæ naturæ impetu magis, quàm rationis fræno in sordidas uoluptates fertur, in lasciuijs degat. Meum sane periculum animaduertens,

Afflictus sum, & humiliatus sum nimis: rugiebã à gemitu cordis mei.

In superiori uersu illud quod noster interpret uertit, In finem, Hebræis est uehementer, nimiũ, seu, ut reddit Paraphrastes, supra modum. Vnde quidam ex Hebræo sic transtulit: Afflictus & humiliatus sum eouq̃, ut omne tempus mihi fastidiosum sit. Etiam illud in superioribus, Tota die contristatus ingrediebar, sic uertit Hebræi: Tota die, hoc est, iugiter, pullatus seu atratus, ac mœrens ambulauit. Tota die, inquit Campensis, habitu lugubri obambulauit tristis. argumentum nimirum ingens mœsti animi & afflicti. Illud quoq̃ notandum, Paraphrastem secus reddidisse superioris illius hemistichij sensum, Quoniam lumbi mei impleti sunt illusionibus. Intestina, inquit, mea feruenti plaga plena sunt, quæ sic erumpit, ut nihil in corpore integrum reliquerit. Quod quidam de morbo aliquo uiscerum grauiori intelligi existimant: ego mallem de interno dolore, ob præteritorum peccatorum memoriam & terrorem. Ilia mea repleta sunt combustionē, uertit Fel, quæ littera primo sensui magis conuenire uidetur, quam Paraphrastes quoq̃ eundem reddere uoluisse uideri potest. Nam cum uehementioribus quis rerum uenerearum flammis incenditur, ardet totus, neq̃ in eo pars ulla est, quamuis abdita & intima, quæ tunc non ebulliat. Nescio enim an nostri isti frigidiusculi eunuchi, quibus titillatio quamlibet parua in alijs ob-scœna (suas plerunq̃ turpissimas & uehementes, nec in confessione quidem nude de tegunt, sed quantum possunt, mille obtegunt circumlocutionibus) atq̃ à natura excitata, horrore solet esse, quæ hîc dico, imò quæ dicit spiritus, intelligant. Ego quidem perfectorum mentem exprimere aueo, qui sanè suis in enarrandis miserijs eò diligentiores sunt ac nudiores, quò exactius cognoscunt sese. Ardentem nunquam uidi demanasse confessionem à corde, nisi quod spiritu arderet diuino. Cæterum tepida omnia abominatur dominus. Ego enim meam, inquit, cum mecum reputo miseriam, afflictus sum, & humiliatus sum nimis, rugiebam à gemitu cordis mei. Collisus sum, uertit Fel, & contritus sum uehementer, rugiu præ palpitatione cordis mei, alius uerò: Fractus & comminutus sum, seu dissolutus sum, relaxatus, mutatus ue nimis. Quocirca sic Paraphrastes: Debilitatus sum, & modis tam miris uulneratus, ut præ intolerabili animi cruciatu uocem ediderim non humanam, sed rugitum potius leoninum. Hæc sanè omnia ex Hebræis interpretibus libenter addidi, quò à plerisq̃ qui se Pœnitentes nominant, haud ignoretur, cuius habitus is esse debeat, quem uerè atque ex animo suorum pœnitent delictorum. Vera enim pœnitentia non tantum (crede mihi) in rebus constat externis, quantũ in amaritudine animæ & cruciaturu. Tunc uerò bene ingemiscis, ut inquit Augustinus, quando sic te pœnitet errati, ut tibi amarum sapiat in animo, quod antè dulce fuit in uita: & quod tepius oblectabat in corpore, ipsum te cruciat in mente. Dissoluitur tunc quidam anima, ac quodammodo in sese frangitur: itaq̃ in lachrymas tota resoluitur, ut nullam amplius admittere uelit consolationem, nullam capiat requiem, donec ex Dei ore audiat: Remittuntur tibi peccata tua, uade in pace. Catefifici cernimus, in psalmo uigesimo secundo, in quo Christi narratur passio, abundè est dictum.

Domine ante te omne desiderium meum, & gemitus meus à te non est absconditus.



**C** Persuasum quippe sancti Dei uiri habent, se à Deo amari, atq; propterea debere ab illo suis in æumnis & tentationibus è uestigio adiuuari. Sic sentit caro, utpote cui res uel mediocriter graues, onerosæ sunt, penèq; intolerabiles. Verù à consuetis spiritus immisionibus admoniti, breuì animum colligunt, certòq; sciunt, usqueadè aduersitates ab aeterno patre sibi inferri, quatenus absq; salutis dispendio ferre eas possint. Interim tamen eo, quem iam à spiritu didicerunt, commoti affectu, iniurias quodammodo, quibus undequaq; obiecti sunt, cum Deo expostulare uidentur. Quousq; inquit, hæc in nos defæuier procellas? Patieris ne diutius animas has nostras, iam ab ipsis primis nostræ infantia tibi dedicatas annis, à diris huiuscemodi calamitatum atq; æumnarū uiperis discerpi, cum maxima coram te sint nostra desideria & affectiones, amorq; noster quibus in rebus positus sit, te minimè lateat? Quis melius, quàm tu, qui nos sic esse uoluisti, & formasti, ac denuò in pulchriorem refudisti formam, nouit, quò nostra dirigantur suspiria? quò gemitus? quò lachrymæ? Tu bonorum omnium autor atq; erogator, per quem sic, ut uides & iubes, die noctuq; suspiramus, in gemiscimus, cœlumq; ipsum eiulatibus oneramus, tuos inspicere afflatus, nosq; iam tandem in eo rerum colloca statu, ut nulla posthac aduersitatū nos à nostra, quæ est in te, pace, deturbet moles ac tempestas. Nam

Cor meum conturbatum est, dereliquit me uirtus mea, & lumen oculorum meorum & ipsum non est mecum.

Vide summi doloris effectum. Cor enim animæ sedes ac domicilium, non potest nō anxium esse, ac crebris ictibus palpitare, circuireq; ut uertit Fel, hoc est, miris circumagi pulsibus ac motibus, cum maximo aliquo afficitur dolore animæ & metu. Corde igitur sic affecto, tota penè corporis textura dissoluitur, & grotatq; unde membrorum miserranda quædam ac sensuum oritur debilitas, ut uerè sui domini tota (ut sic dicam) uideatur misereri familia. Et ut quidem arduos omnes ac sensus, unà cum corde simili afficiantur damno, acerbius tamen id oculis, utpote delicatioribus, & nobiliori seruientibus sensui, contingere cernimus; & si quidem non aliam ob rem, ob lachrymas tamen frequentiores à dolore erumpentes adèò plerumq; atteruntur, ut corrupta planè pupula aut scintilla luminis, ut eam uocat Lactantius, suo destituantur uidendi munere. Hic ob aliter uates, seu potius uatum princeps, sui uolens uehementiam doloris, hic ob aliena peccata, ille ob sua exprimere, clamat, cor suum crebris palpitationibus agitari, uires deficere, atq; oculos lumine prorsus orbari, quanq̃ nihil me uerè, qui hæc omnia meo maximo experior mœrore, de internis animæ uiribus atq; oculis hunc uersum interpretari. Sentio enim (ô utinam meo commodo) nonnunquam è sæuiori aliqua infortuniorum procella, quid meæ possint uires, quid uoluntas, quid arbitrium. Sentio, inquam, quàm caliginosum mihi factum sit cœlum, quàm tenebrosa meipsius cognitio; hebet tum quidem magis uisus ille interior, quem liberè in altissimarum rerum indagatione figi posse cogito, cum tranquilla omnia illa quæ mentis aciem obtundere, obfuscareq; solita sunt, esse uidentur. Verùm ab igne, cuius perfectionis aurum sit ac naturæ, facile dignoscitur. Fateor igitur, neq; cor in me, neq; animum, neq; si quid aliud sum, diu sub aduersitatum tentationumq; malleo, suum seruare posse uigorē ex sese, continuis tamen in meliusq; refundi posse ex Deo, qui cor ipsum ac mentem, diu sub non cessat munire suarum gratiarum præsijs & donis, ita quòd, nisi uelim, à firmo contemplandi diuina, terrenaq; despiciendi proposito & uoluntate nequaquam possim diuelli. Meritò quidem, & uerè ego inter cæteros peccatores queri possum, quòd cor meum conturbatum est in me, quòd dereliquit me uirtus mea, quòd lumen oculorum meorum non est mecum, quòd

Amici mei, et proximi mei aduersum me appropinquauerunt, et se terunt



aterunt, Et qui iuxta me erant de longè steterunt, et uim faciebant qui quærebant animã meam, Et qui inquirebant mala mihi loquuti sunt uanitates, et dolos tota die meditabantur.

Inter multa uitæ huius infortunia, illud acerbius uidetur, cum quis in ærumnam aliquam insignè proiectus, ab amicis ac propinquis deseritur. Quare non immeritò quidem alio in psalmo Christus multis prius suis enumeratis calamitatibus, quas ultrò sibi pro omnium ascuiuerat redemptione, postremò tanquam infortuniorum omnium maximum addidit: Tribulatio proxima est, & non est qui adiuuet. Cuiq; scriba ille diuinus succinuit dicens: Omnes relicto eo fugerunt. Parum ne id fuit: O instabilem amicorum fidem, posteaquam non solum columnæ ipsæ Ecclesiæ tum prorsus uacillasse uisæ sunt, uerumetiam dilectus ille discipulus, qui è sapientissimo Christi sinu quicquid diuinitatis in terris humano ab intellectu hauriri potest, abundatissimè hausit, relicta lindone aufugit nudus. Fratres mei, clamabat Iob, præterierunt me ut fluuius, qui a luo suo decurrit. Vnde illud est de Christo uaticiniũ: Amici procul recesserunt ab eo. Fel. hunc uersum sic legit: Diligentes me, & socij mei ex aduerso plagæ meæ stabunt, & proximi mei longè steterunt. Non hîc te immoretur temporum mutatio: familiaris hæc est Hebræis phrasis, ut sæpe aliàs admonuimus. Vident enim interdum nostras amici miseras & plagas, uerum contrà hîscere ne utiquã audent, tantum abest ut succurrant, partim animi ingratitude infecti, partim metu eorum qui innocentiam affligere soliti sunt, deterriti. Vnde hi rebus suis proprijs & commodis in primis consulentes, inter amicos fortunæ connumerationi sunt, illi uerò expungendi omnino ab hominum conuictu & conuersatione. Cæterum huiusmodi fidelium, si Deo placet, amicorum sodalitiũ fultus uir probus, totus quantus est insidiantium libidini ac crudelitati dilaniandus traditur. Semoto igitur amicorum solatio, impunè uim faciunt, qui quærunt animam meam: hoc est, qui nomini meo dignitatiq; ac uitæ insidiantur, dolos mihi connectunt. Nam quod noster interpret uertit, uim faciebant, Hebræis est, laqueos seu insidias parauerunt. Quid hunc (aiunt) adeò in altum euehi permittimus? Quid tenerum dum est uirgultum, non amputamus omnino, aut saltem deorsum, ne in proceram coalescat arborem, deflectimus? Si dimittimus eum sic, omnes credent in eum. Hic est hæres, clamabant illi malæ fidei agricoltæ, occidamus eum. Sic nimirum semper in terris male habita fuit innocentia. Porro uanitates Fel. uertit prauitates: alij uerò ex Hebræo, partim perniciose, partim scelerata. Vnde Paraphrastes: Loquebantur scelerata, & fraudes asidue machinabantur.

Ego autem tanquam surdus non audiebam, & sicut mutus non aperiens os suum. Et factus sum sicut homo non audiens, & non habens in ore suo redargutiones.

Quid faciat anima mille intus perturbationibus exagitata, foris uerò innume-  
ris iniquorum hominũ iniurijs exposita, ab amicisq; derelicta? Tacet nimirum,  
perinde ac solent natura elingues, atq; ad calumnias obsurdescēs: tota in Deum  
fertur, qui cum res suas liberius, q̃ cum hominibus pertractās, de illatis innocen-  
tiæ iniurijs cōfidenter expostulat. Corruptis enim mundi tribunalibus, quibus  
coram mutire solent innoxij, noxij uerò libenter audiri, nostras hîc omnium,  
qui in ærumnis uitam agimus calamitosam, discutiendas in cœlis causas relin-  
quimus. Quæ quidē spes adeò nos tutos reddit, ut ne in præsentia quidē multũ  
perturbemur, si inauditi damnamur. At qui subitus quidā (exempli causa) exori-  
tur rumor, probũ aliquem ciuem fregisse reipub. ærariũ, corralisse ue è templo  
calices, ac perditissimũ omnium iudicatũ, peculatus reum factum, quid hîc agat



C uir optimo conscientiae fretus testimonio; uel eò maximè quidem, si illos quorum interest innocentiae causam tutari, non solum corruptos esse, sed & pariter cum maledicis illis conspirasse uidet? Aequè enim illa omnia de se sic uulgò iactitata praeferibit, atq; solent surdi, aut modo alio attoniti & amētes. nam quid cui quis respondeat de quo non auditur? Erit igitur tanquam natura surdus, cui reticentia necessariò comes est; hoc est, non respondebit, non contumelias pro contumelijs referet, non remordebit, sed Deo tantum causam suam uentilandam committet. Quòd si tamen interdum in maledicos, arcta quadam atq; honesta cogente necessitate, audendum erit, non insolens id quidem omnino, modo ausus huiusmodi in temeritatem exiens, æquitatis limen non excedat. Vide quid Christus sæua illa accepta coram iudice alapa, sacrilego responderit percussori. Si male, inquit, locutus sum, testimonium perhibe de malo: si uerò bene, quid me cædis? Quàm uerum illud tunc fuit, quòd sicut ouis coram tendente, sic non aperuit os suum. Et factus sum, inquit, sicut homo non audiens, & non habens in ore suo redargutiones. quasi dicat, adeò tacui, ac si non haberem quid iustè responderem, aut redarguerem. Similis eram, inquit Paraphrastes, uiro qui nihil audit, nec diluit quæ illi obijciuntur crimina. Enim uero nostrum dum nimium amamus nomen ac famam, dumq; omnibus, & maximè improbis, anxie nimium satisfacere efflagitamus, illud contingere necesse est, quòd & nostras mollius quàm par est, feramus iniurias, & illos, quibus tanta cum solitudine placere nitimur, magis inflammemus, atq; idcirco perpetua in anxietate uiuamus. Huiusce enim generis hominibus id moris est, ut eos percussione magis frangas, quàm obsequio places & humilitate. Quanquam uir christianè institutus, mauult millies improborum persecutionibus esse obnoxius, quàm uel tantillo iniuriarum posse uincere. Scit enim uitam hanc militiam esse ac pugnam, in qua qui uincitur (de controuersijs cum hominibus loquor) uictoria potitur. Vis ne, inquit sanctissimus meæ professionis senex, tuum uincere aduersarium? sinas te uinci. Verum ut ad me redeam,

Quoniã in te domine speraui, tu exaudies me domine Deus meus.

Fastidio iam demum, inquit, & homines, & quicquid polliceri possunt filij Adæ. Vidi tandem, ac meo iam periculo expertus sum, condita omnia titubantibus incedere uestigijs. Quare summa hæc esset amentia, rei illi fidere, quæ perpetuo nutet motu. Itaq; in domino mea erit deinceps collocanda fiducia, non in homine quauis potēte, aut amico; multò minus in rebus inanimis, rationisq; expertibus, ut sunt diuitie, dignitates, regnaq; & magistratus. Solus enim Deus est, cui idcirco fidendum est, quia uerax, quia omnium ditissimus, quia inuocatus actutum subuenit. O spei robur. Exaudiet (inquit spiritus) quoniam in ipso speratur. Respondebis, uertit Fel. hoc est, annues, uotisq; meis auscultabis. Sed de spe iam centies diximus. Tu exaudies igitur, quoniam in te speraui. Tu exaudies,

Quoniam dixi, ne quando supergaudeant mihi inimici mei, & dum commouentur pedes mei, super me magna locuti sunt. Tu exaudies,

Quoniam ego in flagella paratus sum, & dolor meus in conspectu meo semper. Tu exaudies,

Quoniam iniquitatem meam annuntiabo, & cogitabo pro peccato meo.

Rationes hinc quasdam adducere uidetur homo Dei, quamobrem in angustijs & persecutionibus, tanquam qui loqui nesciret, obmutuerit, cum nihilominus supra uires affligeretur, ab amicis quoque desertus, & propinquitatibus omnibus planè stomacho fuerit. Ex qua quidem animi lenitate ac mansuetudine sibi



sibi à cœlesti patre data, se exauditum iri sperat. Prima igitur ea est, ut cùm ab atrocioribus quis impetitur iniurijs, non tantùm cogitet, quàm mali illi sint, qui iniurias inferunt, quantũ quòd propria ob delicta longè immaniora meritis sit: quocirca se, suasq; (ut aiunt) opes diligenter expendens, eò se totum proijcit, unde tantis suis malis opem, medelamq; expectari par est. Cognito enim quòd nullo lares sit in mundo cui uel horulam quidem inniti aut possit, aut debeat, in Deũ totus fertur, speratq; à cœlesti medico se suis erratis, unde sæuæ illæ persecutiones ortum habent, ueniam impetraturũ. Nec fallitur quidem: nam cum primũ amantissimus nostri Deus, qui hac de causa in mundũ uenit, ut animę languoribus mederetur, ad nos curandos, qui infinitis propemodũ ægrotamus morbis, inuitatur, præstò adest, modò spe firma exorandi quod oratur, supplicationes fiant. Hinc est, ni fallor, quod hic dicit: Quoniam in te speraui, tu exaudies me domine Deus meus. Alia item ratio est ab ista demanans, cùm non solum sub iniuriarum onere, tanquam mutus sileat, nec queratur, sed etiã dicat, hoc est, ex animo optet, rpeceturq; tantũmodo ne uera illa unquã sint, quæ sibi hostes obijciunt, pro quibusq; nõ tantũ se, hominem alioqui miserũ ac fœdum, uerum etiã iustitiã ipsam atq; innocentiam impudentissimè impugnãt, sibiq; cum gaudio insultant: namq; eos huiusmodi affectos impudentia nouit, quòd ineptissimè in quamlibet parua aliorũ non dico ruina, sed lapsus suspicione, quã pedum commotionẽ appellat uates, lætitiã gestiãt, ac magna gloriosaq; uerba de iam adepto triumpho blaterent. Hinc illud est, quod alio in psalmo optauit uates dicens: Ne quando dicat inimicus meus, præualui aduersus eum: & qui tribulant me, exultabunt, si motus fuero. Huius porro uersus sensum sic reddit Paraphrastes: Valde metuebam ne nanciscerentur ipsi ansam gloriandi aduersum me: qui quoties uel tantillum accepissem incõmodi, erigere solent cristas suas. Putas ne animam sic male ab aduersarijs habitam, posse de se aliè quicquam sentire? Deijcitur mirum in modum, ualdeq; atteritur animæ fastus, per iniuriarum limam ac scalarubiginem, non candorem. Quoniam igitur in persecutionibus surdus, mutusq; extiti, non maledicta maledictis regerens, cùm tamen possem: quoniam in illis meis angustijs atq; æumnis, spem nunquam, quam in te semper habui, remisit: quoniam, inquam, pro mea tutanda innocentia ac fide, qua omnibus in rebus meis quamlibet aduersis, tuo fultus præsidio nisus sum, rogauiq; non tam pro me, quàm pro meis hostibus & persecutoribus, quæ omnia dona tua sunt, exaudisti me semper, exaudiesq; in posterum: nam impossibile planè est, te tua non amare munera. Et cùm quidem nostram tutaris innocentiam ac iustitiam, tu tua tunc defendis dona. Exaudies rursum, quoniam ego in flagella paratus sum, & dolor meus in conspectu meo semper. Nihil enim tam gratum esse posset Deo, quàm si indicia sui erga homines amoris, ea suscipiantur animi mancia suscipi. Quæ porro præcipua illa sint indicia, puto molestias uitæ huius esse, & flagella: nam quem diligit dominus, corripit, ut inquit Salomon, & quasi pater in filio complacet sibi. Quare id non ignorans uir sanctus, diuina, non sua fretus uirtute, clamat: En ego in flagella paratus sum, en cor, en animus, en quicquid in me est, tua ad amabilia admittenda uulnera preparatũ. Quid mihi iucundius accidere potest, q̃ tuis erudiri flagellis? quid utilius? quid maiori desiderio amplectendum, q̃ illis ipsis trās fodi iaculis, quorũ uulnere meliores efficimur, eaq; insignimur nota, quæ nos propalã omnibus ueros Dei esse filios ostendit? Vt cūq; em̃ in me desequiant dæmones, utcūq; mūdus, ego posthac tanq̃ surdus nō audiã, ac tanq̃ mutus nō habens in ore suo redargutiones ero: tantũ res meas meq; reputans illud in primis curabo, quomodo dolor meus in cōspectu meo sit semper; hæc mihi cura die noctūq; erit, hoc studium, hoc perseuerans animi



C propositum. Caterum dolor is, animæ est cruciatus, quo continuis tanquam ui peris, ob peccata iam olim admissa, proditur. Nemo enim tam sanctus est, tamq per pœnitentiæ lauacrum emundatus, cui peccata uitæ antiqua dolori esse non debeant, & id assidue: cum quidē in memoriā illi uenit, quantus ille sit, quē de linquendo innumeris lacefsiuerit modis, ni prorsus saxeus sit, totus in lachry mas resoluitur, doloreq; eò afficitur uehementiori, quò iam nitidior factus, le ipsum clarius intuef, quàm antea peccati turpitudine obnubilatus intueri pote rat. Et dolor meus, inquit, in cōspectu meo semper. Quocūq; me, inquit, uerto, aut humana fugio consortia, is me semper angit cruciatus, mecumq; commo ratur: quoniam iniquitatē meam ego, ego inquam qui peccaui, annuntiabo, & cogitabo pro peccato meo. Istuc igitur graue illud uulnus est animæ meæ, is do lor, hæc afflictio, quòd iniquitatem meam nō possum non agnoscere, dum me met mihi ostendo, nec dolorē remittere sinit recordatio peccati mei. Ergo meas fatebor maculas, neq; unquam à consideranda peccati mei fœditate auertā ani mum. Fel. sic: Quoniā iniquitatē meam indicabo, anxius ero præ peccato uiu. Vide, mi lector, an ad tuas diluendas culpas, tēporaria illa, quæ in extremo uix quadragesimæ calce, peccatorū tuorum sit memoria, satis sit. Non hīc certē diu næ bonitati terminum præscribere animus est, qui dicto citius hominem à mor bo quamuis letali curare potest, ac curat cōtinuē, ut olim, etiam ante Christi ad uentum, per quem ueram naſti sumus medelam, Naaman illum Syrium, in lor dane septies lotum, iussu Elifæi, à lepra emundauit. Verum id timeo, ne conten ti subita illa, non dico uitæ mutatione, sed peccatorum memoria, ac confusa ple runq; confessione, nos nostris debitīs satisfecisse arbitremur. Peccati enim labes huiusmodi res est, quæ nisi nouis semper coërceatur studijs, doloreq; maſtetur, aut repullulat, aut ne semel quidem unquā radicitus exciditur. Dolo re quidem, & illo immenso ac diutino opus est ad reconciliandam nobis diuinam gratiam, quæ tamē adeò abundans est, & sui, ut ita loquar, prodiga, ut nec reluctantēs de ferat, nec ipsos prorsus in sordibus delictorū deuolutos auersetur. Audi igitur, quid clamet anima peccati telo transfixa. Dolor, inquit, meus in conspectu meo semper. Alio item in psalmo: Iniquitatē meam, inquit, ego cognosco, & peccatū meum contra me est semper:

Inimici autem mei uiuunt, & confirmati sunt super me, & multipli cati sunt qui oderunt me iniquē.

Interea, inquit, loci, dum ego sileo, saxeusq; quodāmodo ad iniurias efficio, perferoq; omnia, ea fultus persuasione, quòd nō diutius tuos absq; ope sub mor le aduersitatum laborare sinas, mei hostes uiuunt, ualent, exultāt, robustioresq; quotidie & numero & uiribus aucti efficiuntur, & quod sæuitiam omnem supe rat, me immanissimē nihil unquam uel re uel uerbo à me læsi persequuntur. id est, quod ait, iniquē. O genus hominum uerē execrabile & odiosum. Illi

Quia retribuunt mala pro bonis detrahebant mihi, quoniam seque bar bonitatem.

Hoc est, illi quibus inhumanus quidam mos est, malum pro bono, iniu riasq; pro beneficijs compensare, detrahebant mihi, aduersabanturq; me lace rabant, mordebant, allatrabant, non alia quidem magis causa, quàm quoniam sequebar bonitatem. Persequebar bonum, transferunt ex Hebræo quidam, uo luntq; de bono seu beneficio intelligi, quod pij homines in suos hostes pro ca lumnijs refundere ex animo quærunt. Vnde sic quidam interpretantur: Qua cunque re illos iuuare possem, eam persequutus & consecratus sum præcipuo studio. Persequi enim rem aliquam nos dicimus, cum eam diligenter, curaq; ac studio consecramur. Vnde illud est: Inquire pacem, & persequere eam. hanc e nim in primis immanitatē, à Iudæis Christus expertus est: Occidamus, inquit, eum



et cum, contrarius quippe est opibus nostris. Quare cum te, ô Christe, uideam ex his quæ passus es, misericordiam didicisse: cumq; te audiam continuis ueluti clamoribus me, meiq; similes, hoc est, miseros, multaq; uitiorû turpitudine inquinatos, pressosq; pondere cupiditatum, è cœlo inuitantem, clamantemq;, Venite ad me omnes qui laboratis, & onerati estis, & ego reficiam uos: audebo & ego unâ cum illis ad te, fide ea munitus, qua meam nitî imbecillitatē uoluisti, confutgere, quasiq; reclamare,

Ne derelinquas me domine Deus meus, ne discesseris à me. Intende in adiutorium meum, domine Deus salutis meæ.

Vides domine quo in loco sint res meæ, quàm truces aduersarij, quàm impar mea cum tam crudelib. inimicis uirtus: q̃ non sint, etiâ inter religiosiores, qui innocuos à noxijs, purosq; ab inquinatis, eximere aut possint, aut uelint: quare auxilio tu sis mihi domine mi Deus, & ne relicto me in his periculis, tu procul hinc abscesseris. Citò igitur accurre, ut auxilio sis mihi domine autor salutis meæ. Cui laus sit & benedictio, Amen.

IPSI IDITHVN. PSALMVS DAVID XXXIX.



Ixi custodiam uias meas, ut non delinquam in lingua mea.

Idithun, de quo sic legî: Idithun in cithara prophetabat super con-  
fidentes & laudantes dominû: ex primarijs cantoribus, qui sacre præ-  
erant melodie, psalmisq; Davidis in diuino canendis obsequio, unus  
transiliens interpretantur: psalmusq; uirû illum graphicè describit, qui è mundi  
uauitate ad Deû transire & cupit & nititur. Diuinę certè contemplationes haud  
facile ab ignauis apprehenduntur animis: res enim est, quæ continuû efflagitat  
motum & transitû. alioquin omisso, uel parû, cœlestem illum gustum obtinendi  
studium ac nixu, in rebus facîle corporeis cõsiderandis, fruendisq; firmamur, ma-  
nemusq; in Aegypto durissimis luti ac lateris conficiendi operis addicti. Sum-  
ma proinde ui emigrandû est ab impijsimis mœnibus Pharaonis, ad montem  
Dei Oreb (hic Sinai est) in quo lex uitę à purgatissimis tantûmodo percipitur a-  
nimis. Verû nescio qua mea miserrima id contingat sorte, ut cum me iam ue-  
pres hæc curarû superuacane arû, noxijsq; affectiones transilisse somniem, in  
easdem me iterû reuolutum sentiâ: & cum me penitus è luto emerxisse arbitrer,  
rursus in lutum deuoluar, rursus in terra me esse uideam, rursus idem, utinâ  
nô peior, sim. Vnde id quæso: Ob id, opinor, quod nondû Aegyptû dereliqui:  
adhuc Ramestes magis, aut Phiton placet, quàm desertæ solitudinis labor, atq;  
iter. Sed illud in me ualdè admirandum, quod cum etiamnum super ollas car-  
nium Aegypti sedeam, me in Aegypto esse non cogitem, eaq; uiuam animi secu-  
ritate, ac si in culmine ipso montis Deum facie ad faciem cum Mose alloquerer.  
O meam stupiditatē. Proinde, si sapio, alia mihi ineunda est uitę ratio. Iam igitur  
decreui, iam (ut inde mei transitus exordium sumam, unde mala propemodum  
omnia originem habent) deliberaui, & dixi, Custodiam uias meas, ut non delin-  
quâ in lingua mea. Ea enim meæ mihi in primis habenda est uitæ ratio, ut quic-  
quid agam, aut loquar, adeò exactè ad diuinæ legis regulam, perpendiculumq;  
informē, ut ne uerbo quidem quamlibet minimo quenquâ offendâ. Vides quo  
exordio felicitis huiusce trāsitus auspicianda sit uia? Nam cerè quemadmodum  
suam non refrenanti in linguæ moderatione est positus. Quare ne in re iam to-  
ties à multis decantata diutius immoremur, illud asserere possumus, nullum  
inquam malum in terris extitisse, quod lingua effrenis non inuexerit. Non est,  
inquam, tam algida regio etiam ipso sub frigidissimo Bootis sydere collocata,



**C** omnis scilicet calor atq; ignis expers, quam non incendere queat turpissima obrectatorū lingua. Quantū uerò incendiū afferat mortalibus adulator, quantum palpo, quantū simulator, quantū mendax, quantū dolosus, falsusq; delator, quantū periurus, iam non est ulla orbis plaga quæ id ignoret. Quod ego quidē damnum non ignauiter expendens, quanto possum conatu nauo operam, quō non solū tam lubricum diligenti custodia membrū muniam, uerumetiā capistrō alligem, aut fiscella reprimam. Quod noster interpret uertit, posui ori meo custodiam; Hebræis est, custodiam os meum fiscella, boum scilicet more, quos fiscellis, ut ait quidam, capistrari oportet, ne germinum tenera decerpant. Hoc sanè uerbo usus est Moses in Deuteronomio; ubi nos legimus, non alligabis os boui trituranti; Hebræi habent, Ne capistres fiscella bouem dum triturat. Obserua igitur animæ diligentiam.

Posui, inquit, custodiā ori meo, cū cōsisteret peccator aduersum me.

Hoc est, ut reddit Paraphrastes, frænū adhibebo ori meo, quandiu negotiū mihi fuerit cum impio. Putas ne undecunq; uel cū non aduertis, sparfos esse corycæos, qui nostram, ut inquit Paulus, explorantes quæ est in Christo libertatem, miro obseruant artificio, si quid non rectè dictum excidat: olim enim corycæi per Asiæ portus interspersi, quid mercatores rerū ferrent, quō uenauigerent subauscultantes, insidiasq; interim saxa inter latentia, insulasq; occultiores molientes, egressos illos è portu adoriebantur, diripiebātq;. Sic nimirū à nōnulis etiam in intimis ciuitatū, templorumq; interdū uisceribus fieri cernimus. Hi enim amicitiarū, necessitudinumq; prætextu, aut aliquo alio honestiori habitu, tanquam secretiori secessu tecti piratæ, quicquid loquimur subauscultare soliti sunt: unde ansa uix unius uerbi prolatione aut reperta, aut ficta calumniandi, in nostram grassantur innocentia, famamq; deprædantur, ac ne cogitata quidem, ad Principes & magistratus pro factis deferunt. Qui interdum male fidei pastores cū sint, non solū probos sic male habitos, ab improbis non asserunt, sed etiā (malū) opprimunt, illosq; premijs qui infontes, tanquā oues belluis cruento in theatro obiecere, & ornant & exaltant, Cæterū peccatorē aduersum nos consistere dicimus, cū uel alijs, nobis præsentibus, obloquitur, uel nobis adlatur. Verū illud diuinum, posse adeo obfirmari animū, ut non pecces lingua, cū semper, tum potissimū cū te aut tuos calumniantem audis. Non est quidem multū te tuam ostentare mansuetudinē, cū nemo lædit, obstititq; & prouocat: at illud nō solū magnum, uerumetiā maximū omnium uidetur, cū consistit peccator aduersum te, silere. quanquam aliquibus persuasum est suum periclitari honorem, nisi in suos, quanto possunt nixu, ferociant calumniatores. Talem quidem morē Christiana non admittit constitutio. Imò, si ingenuè quod uerum est fateri uolumus, non conijcio cur hominē illum, qui par pari suis rebus, cū Christi legem longè aliter præcipere uideā. Quibus ne igitur suam perscripsit uoluntatem ac legem Christus? O mores corruptos. Vide, mi lector, quantum nonnunquam à uero aberramus scopo, parumq; consideramus quæ sit Dei uoluntas bona, ut inquit Paulus. Quàm uereor, ne illa Christi solidioribus, leuissima nescio quæ interdum amplexamur, quibus planè seruatis, secuta omnia nobis fore pollicemur. Væ uobis, inquit, hypocritæ, quia decimatis mentam, & anethum, & ciminum, & reliquistis quæ grauiora sunt legis, nempe iudicium, & misericordiam, & fidem. Hæc quidem oportuit facere, & illa non omittere. Hæc igitur atq; his similia cū cerno (ut inquit) illis præferim in locis fieri, illisq; ab hominibus, à quibus ob uitæ sublimitatē nulla ferè speratur correctio, sic mecum: Vbi auditus nō est, non effundas sermonē; quare

Obmutui



A Obmutui, & humiliatus sum, & filui à bonis, & dolor meus renouatus est.

Obmutui silentio, uertit Fel. hoc est, ut reddit Paraphraſtes, obmutui penitus: abſtinui etiam bonis, metuens ne & illa in calumniã raperent. Solet enim aliquando uir probus, ſi quid acerbius contra ſe, aut ſui ſimiles, uel quod magis eum angit, contra diuinum honorẽ aut dici aut fieri uidet, in querelas quasdam parum ſe dignas erumpere, reclamareq; ac cõmotiore, quàm par eſt, animo in illos inuehi, qui cùm turbas conciuerint & rixas, lautiffimẽ triumphãt. Quam fanè intemperantiã quò facilius ſuperent, malunt perpetuo ſilentio etiam de his quę bona ſunt, obmutefcere, intusq; ſua, ut aiunt, in ſartagine cõſumi, quàm quid ineptè intemperanterq; effutire. Verùm dolor ille ſic ex diutina exortus reſtentia, ſicq; in interioribus animæ partibus cõpreſſus, ſuam ſecum enutrit pœnam; nam ſpiritus à mœrore quodammodo reſpercuſſus, ſeſe ad intimas cordis ſedes reuocat; unde contracto introrſus per ſpiritum calore, doloris incitabula, (ſic illa uocant philoſophi) mirum in modum incenduntur. Ex quo quidem calore uis eò acrior fit doloris, quò calor ipſe uehementius incruduerit. Quare ſi ſe ſaluum in ſe dolorem innouatum, ſeu exagitatũ, ut uertunt Hebræi, eſſe ſaſſus eſt, ſubiunxit illicò,

Concaluit cor meũ intra me, & in meditatione mea exardeſcet ignis. Quorum uerborum ſenſum ſic reddit Campenſis: Cùm animo reuoluerem quibus in malis eſſem, non aliter æſtuabam, quàm ſi ignis intra me arderet, qui erumpere cogeret me in uocem hanc. Vnde uehementes cogitationes, hæ præſertim, quæ in querelas, ob multa abſurdè quæ fiunt in mundo, ſeſe effundere inardescunt, intus in animo retentæ, irrequieto tanquam igne exagitantur motu, ti à Deo relicta eſt infirmitas, quò quales tandem ſimus, non ignoremus. Ceterum non eſt dolor cum illo comparandus, cùm uir diuini honoris ſtudioſus, ſancti uidet ſanctorum à ſuiſus conculcari conſpurcariq; & nihilominus ne mutire quidem, illi integrum eſt. Tacet igitur, ſuumq; in ſemetipſo macerans dolorem, cum Deo ſaltem, poſtquam cum hominibus non licet, diuinam expoſtulat iniuriã.

Locutus ſum, inquit, in lingua mea.

Quid, oro, poſt diſſimulatũ tandiũ dolorem, locutus eſt?

Notum fac mihi domine finem meum, & numerum dierum meorum, quis eſt, ut ſciam quid deſit mihi.

Tædio, inquit, incolatus huius uitæ affectus, in qua fanè nihil, quod uerũ gaudium afferat, inuenitur, ſed omnia turbida, moleſta, aſpera, conſuſa: tantũ id cupio, ut mihi infelicis huius exiliĩ finis, quantoq; tempore in miſerijs mihi uiuendum ſit, innotefcat. Putasne diutius cum his qui oderunt pacem, commoratio, dolorem hunc meum ſi non leuare omnino, at ſaltem lenire poſſet. Iam quæcunq; guſtu amara ſunt, ut ſunt pleraq; huius mundi, expertus ſum, tuaq; ope adiutus utcunq; ſupraui. Reſtat finis, quo fanè cognito, nõ tanta cum moleſtia quod uitæ reliquum eſt tranſigam.

Ecce menſurabiles poſuiſti dies meos, & ſubſtantia mea tanquam nihilũ ante te. Veruntamen uniuerſa uanitas omnis homo uiuens.

Illud in primis aſſeuerandum, finem unicuiq; ſui incolatus, facile poſſe innotefcere, ſi ſe breui cogitat moriturum. Nam longa haudquaquam ſerie, non dico annorum, ſed horarũ, recensendum eſt, quicquid totum hĩc uiuitur. Ecce ad menſuram pugillorum poſuiſti dies meos, uertit Fel. & tempus meum ac ſi non



**C** esset coram te. Minimā omnium quæ manu fiunt, hîc ponit mensuram, quod tenuissimæ uitæ nostræ tempus adeo breue esse, ac citra omnem, ut sic dicā, numerum cogites, quod tam parua mensura, ut est pugillus, metiri possis: aiunt enim quartam partem esse palmi. Vnde nonnullis placuit sic uerti posse: Ecce palmares posuisti dies meos, hoc est, breues, modicos, citoq; desituros, utpote tam modica re inclusos. Vt cunq; igitur sit litera, illud non ambigendum, breuitatem hîc uitæ humanæ describi. Siue enim cubito, siue ulna, siue ipithama, aut semisse & pugillo tuam hîc uitam metiaris, scito te quam primū moriturū; atq; propterea inanitatem quandam rerum esse, mortalium etatem. Reuera enim, inquit Cam pensis, modis omnibus uanissimus est, quisquis est homo, quantum uis uideat esse aliquid. Substantia mea, partim tempus meū uertunt, partim æuū, quod uartes uice hominū asserit, si Deum spectes, qui super omnem æternitatem positus est, nihil penitus esse, atq; hîc non absq; ratione interponitur Selah. Ceterū uniuersa uanitas omnis homo, sic interpretantur: per omnia, per uniuersosq; suos affectus, & appetentias, illas præsertim quæ ad mundum attinent, uanitas est omnis homo uiuens. Nihil est, inquit, humana uita, præterquam uanitas. Certè (uertit Fel.) omnis uanitas, omnis homo permanens. Alius uerò, Certè tota uanitas est uniuersus hominis status: ut hinc ex Hebræorū interpretum consensione, non ignoremus illud repetitum in nostra æditione Veruntamen, certè esse, aut ut alijs uisum est, tantū: ut sit sensus: Nullam ferè in terris uitæ hominis esse ueritatem, sed quandam potius umbram, uestigiumq; ac tenuem rerum imaginē, si æternū illum uitæ statum cogitemus, quem transacta miserim huius incolatus peregrinatione, in Deo per Christum adepturi sumus: unde stultitiæ proximum esse, quicquid hîc accadat, conturbari hominem & affligi: quod à spiritu statim additur,

**D** Veruntamen in imagine pertransit homo, sed & frustra conturbat. Et uerè frustra, superuacueq; perturbationibus acceptis concutimur, deq; rerum humanarum damno ac iactura querimur, quas citissimè tanq; non dico imaginem, sed imaginis somnium præterire conspiciamus. Si uita hominis adeo fugax est ac uelox, ut eam spiritus umbræ & imaginī comparet, cui putas rei diuitias, honores, regna item atq; imperia posse comparari? O quantū certè fallimur. Scit quidem omnia hæc infelix homo, cognoscit, intuet, experitur quoq; ac manibus quodammodo contrectat: & tamen ad leuem tam caducarū rerum motum angitur, & nequicquam conturbatur, easq; quam primū in nihilum re soluendas amat, quantoq; potest studio & colligit, &

Thesaurizat, & (quod infelicissimum omnium uidetur) ignorat cui congregabit ea.

Heu falsam mortalium expectationem. Cui tanto labore, ac tum animæ tum corporis intertrimento acquisita, post tuum relinquere paras obitū. Extraneus interdum hæres, atq; hostis sæpenumero, licet filius sit, & consanguineus, tuis succedit fortunis. Suspiciatū ne unquam fuisses decoctorem aliquem breui hora consumpturum, quod tu tanto tempore, tantoq; salutis tuæ dispendio congelessisti? Quid uerò senserint hi, qui tot bonis beneficijsq; ecclesiam ditauerunt, multi se ignorare dicunt. Illud tamen fatentur, non propterea quidam aut suos ciues, aut consanguineos & affines, aut filios quoq; & amicos pauperes suis bonis fraudasse morientes, ut in nefarijs absumerentur usibus. Horret animus illa commemorare, quæ ob beneficiorum, ut uocant, laetitiam interdum peraguntur: quare illa, quorum interest, curent pontifices, ac corrigant. Meis ne partibus me omnino defuisse censebor, si uerecundè, ac cum pontificum reuerentia admonuerō. Nec ipsi quidem orbis moderatores, si ex Deo sunt, uiros illos, qui ingenuè doctrinā spiritus edocent, auersant, tantū abest ut odio habeant. Ceterū Ecquæ



**A** Ecquē nunc est expectatio mea? nōne dominus? & substantia mea apud te est.

Rursus substantia hīc Hebræis est, prestolatio, seu spes. Vnde sic Fel. Et nunc, quasi dicat, rebus mundi sic se habentibus, quid expecto domine? spes mea in te est. Iam, inquit, confessus sum mortalium uitam, ac quęcunq; moluntur homines, uanitatē quandā esse, atq; umbrā. Quid igitur in tam caducis cōfido rebus? Tu certē unus es, in quo spes mea omnis, ac quicquid sum, & uiuo, recūbit. Appetant alij, ut lubet, & diuitias, & delitias, quibus nihilominus in terris nullus statuitur finis, & modus: ego autem hęc omnia fastidiens, in te solum me, quantus sum, reijcio. Ergo,

Ab omnibus iniquitatibus meis erue me: opprobrium insipienti dedisti me.

Omnes, quod sciam, Hebræorum codices habent, opprobriū insipientibus, seu ludibriū stolidis, seu nequam, ne ponas me: hoc est, ne sinas me perditis hominibus, ac nullius frugis, opprobriū fieri: solent enim hī, si quando probos uident diutius in miserijs uiuere, cum malāq; conflictare fortuna, illorū deridere patientiā, ac spem, quam ignauitā appellāt. Ne proinde id fiat, rogat uir sanctus: sed prius illud, ut scilicet suis ab iniquitatibus, ac trāsgressionibus, ut uerit Fel. utpote origine atq; exordio, unde mala cetera proficiscuntur, emundet. Nulli dubiū, quod a nostris sceleribus illud nascitur, quod in opprobriū insipientium traditi sumus. Illusio, inquit alio in psalmo, his qui in circuitu nostro sunt, facti sumus. Vide quid hic asserat: Dedisti me, ait, opprobriū insipienti. Causam mox addit cur id contingat: quia in te peccaui. Ego enim meis a meipso diluendis malis nō sum idoneus: quare tu, qui omnipotentissimus es, ab omnibus iniquitatibus meis erue me. Et sic abs te adiutus, haud amplius quidē irrisioni meis ero aduersarijs. Interea autē ubi me illorū uanitati ac sannis obiectū esse uoluisti,

**B** Obmutui, & non aperui os meum. Illorum enim arroganti non respondi temeritatē,

Quoniam tu fecisti. Tu, inquit, sic fieri iussisti. Tu, tu, non homo, es qui percussisti. Tu etiā solus es, qui uulneri meo medelam adhibuisti. Te igitur solum inuoco, te rogo, te im-plo-ro, tantū abest ut cum ceteris uel uerbo quidem uno expostulem. Tu tantū Amoue à me plagas tuas.

Alij forsan æternā abs te summa animi fiducia petēt beatitudinē, ac uitā: ego id quidem nō nisi pauidē ac reuerenter: istud uerō & opportunē & importunē, & procaciter quoq; tandiu orabo, donec me exorasse sensero. Non te, inquit, dimittam, nisi prius benedixeris mihi, à teq; audiero, Aurora est. Vulnera igit illa, quæ tui inflixisti, tu ipse etiā remoue. Verū non id quidem oro, quasi nō me grauiora meruisse arbitrer, querarq; me iam satis pœnarū dedisse: hoc sanē stultissimū esset: sed dico, me iam prorsus plagarū tuarū ui attritū esse. Acerbiores quippe sunt, q̃ ut his meā ferendis uires sufficiant. Hebræi simul & Græci alio hanc legunt ordine literā. Quod enim noster uertit interpres, Amoue à me plagas tuas: deinde ueluti finito & uersu & sensu, aliū ordiū uersum, ad hunc modū: A fortitudine manus tuæ ego defeci in increpationibus: propter iniquitatem corripuisti hominem.

Felix sic transfert: Aufer à me plagam tuam, à uulnere manus tuæ ego defeci. Postea uerō sic: Cum redargutionib. super delictum castigasti uirū. Alius item: Remoue à me plagam tuam, ab exagitatione manus tuæ consumptus sum: in obiuigatione ob iniquitatē corripis uirum. Euthymius quoq; græcus: Amoue à me plagas tuas, à fortitudine manus tuę ego defeci: in increpationibus propter



**C** iniquitatem corripuisti hominem. Idem fermè Chaldaeus: Amoue à me, inquit, vulnus tuum, à percussione ualida manus tuę consumptus sum. Quorū omniū sensus ac summa est, quòd anima sui suorumq; facinorū, simul & in ferendis peccatis uirium bene conscia, clamat, petiitq; iam demū à tam dira plagarū immisiōne reparari: non quòd quidem & has, & acerbiores quoq; non merita sit, uerū ob id, quòd se iam planè sub grauitate manus Dei cōsumi sentiat. Vnde sic redit Paraphr. Aufer à me paulisper flagellum tuum: prae metu enim manus tuę propemodum exanimatus sum. Nam in increpationibus propter iniquitatem corripuisti hominē: hoc est, ut idem interpretatur, castigationibus ob iniquitatē immisissis erudire soles hominē. Cur hīc igitur felicissimas nō appellauerim aduersitates, simulatq; per eas, quasi per eruditiones quasdam & instructiones, ad diuinam intelligendā uoluntatē informamur? Verū has caro quantū potest refugit: spiritus uerò, modò ex Deo sit, non solū illas non refugit, sed immisissas libentissimè admittit, ac si ardentior est, & amat, & quærit. Clamat ubiq; lex sancta, filiorū Dei pectora ad mundi iniurias ac persecutiones erudiri solita, placentq; per tribulationes & angustias occalescere. Ad hæc si bene aduerteris, ut inquit Theophylactus, inuenies non aliter regnare in nobis Iesum, nisi per afflictionem: atq; ita qui in delicijs uiuunt, inimici sunt Christi. hæc Theophyl. Ceterū cui iam cōpertum non est, duas ob res cœlitus immitti aduersa: ob unā quidem, quia turpissimè peccauimus: ob alteram uerò, quòd nos Deus, qui nostris mantissimus est, cuius simus temperaturæ agnoscat. Hoc igitur non ignorātes, quid tam molliter sub ærumnarū mola perstrepimus, ingemiscimusq;: Verū, ut dixi, carnis hæ partes sunt, nō spiritus, qui non secus à tentatione & angustia, expoliri solitus est, ac solet ferrum mordaci à lima splendorem nancisci. Vide quid dicat caro:

**D** Et tabescere fecisti sicut araneam animā eius: ueruntamen uanè conturbatur omnis homo.

Atrocitatē castigationis exaggerat. Eo enim modo, inquit, tuos in correptionum acerbitate cōtabescere uoluisti, quo solet aranea, quę dum in texendis suis illis telis, opere scilicet inutili, intenta est, seipsam exhaurit & consumit. Hebręi tamen non araneā, sed tineam uertunt. Vnde Felix uertit: Tabescere fecisti uelut tineā preciosum eius. Quid porro sit preciosum eius, hominis uidelicet, nostra expressit æditio, animā inquiens eius, cuius quidem uigorē propter flagella contabuissē asserit, perinde atq; solent uestimenta etiā summa diligentia reposita, à tineis rodi & absumi. Notat hīc quidam, subaudiendū esse, uestimentū, ut nō rarò aliquid, quod ex reliquis uerbis satis intelligit, omittere scriptura soleat. hæc ille. Quare sic uertit: Dum tu hominē ob iniquitatē tantū quasi obiurgas, castigas, illicò tabescere eum facis, ut pereat quicq; in eo desiderabile est, sicut uitem depascit tineam. Et cū homo tam infirmū animal sit, ut minutissimis istiusmodi comparetur uermiculis, ueruntamen uanè conturbatur, adhuc intumesceat, adhuc suę nullū statuit terminū ambitioni. Mera enim uanitas homo est. Illud rursum nō omittendū, quod ex annotationib. Felicis cōijci potest, cui & quadrat litera, quam modo posui, Preciosum eius, desiderabile, uel desideratū eius posse uerti: ut sit sensus: Idcirco em̄ hominē corrigere decreuisti, & id quidem acriter, ut ita in eo pereat, quicquid desiderare est solitus, dum mundo ad dictus est, quemadmodū perit, cōsumiturq; à blattis, pannum aut uestes. Desiderabiles certè ærumnas: non secus em̄ affectiones nostræ effrænes, cōcupiscentiæq; ac desideria ab ipsarū dente perrodunt & euanescent, ac solent quidem tabulæ è ligno, aut uestes, & cætera id genus alia, à tineis perforari, exedui, & in minutissimā, ut sic dicā, scobem redigi. I nunc, qui perinde aduersitates, rem tibi adeò necessariā exhorrescis, atq; horrere solet inuentā in itinere uiperā uiator. Crebris



Crebris, inquit Euthymius, tentationibus & flagellis extenuat animā nostram Deus, crassitudinē illam nimirū, quā ob peccata cōcreuerat, ei circūcidens. Solet, inquit, anima à peccatis quodammodo crassior reddi, & contrā afflictione & flagellis attenuari. Quare, mi lector, appetēda sunt aduersitates, nō detrectanda. Verū quoniā Dei donū id est, robur ab ipso quidem non ignauis peti debet desiderijs ac uotis. Certē qui suum aduertit periculū, quamcūq; longē adhuc à patria exulet, nō potest nō immenso affici dolore, ac queri se tandiū peregrinari à dño, atq; illius felicissimo priuari aspectu; ad quem assequendū maiori sanē uī opus est, ac nixu, q̃ quem humanę admittāt uires. Si quidē corpus spectes, atq; illius cōmoda, nostra hīc firmantes tentoria, immortalem hanc fore uitā quāuis difficilem & ærumnosam, cupimus; & tamen scimus, ut inquit Paulus, quod si terrestris domus nostra huius habitationis dissoluatur, ædificationē ex Deo habemus, domū nō manu factā, æternā in cœlis. O deplorandū errorē. Dispeream, si uis homo uirib. quātusquātus est, uel usq; ad lunæ globū saltē pertingere potis est intellectu: multo uerò minus ad illa quæ purgatissimis tantūmodo animis à Deo cōtemplanda obijciuntur. Alij igitur suam iactitent excellentiā, ne dicam uentosam persuasionē, suasq; optimas à natura dotes & prædicent, & si lubet, etiam ad posterorū memoriā parietibus, durāq; silici imprimāt, ac statuas erigant: ego autem meam non celans indigentiam ac paupertatem, clamabo ad Deum altissimū, Deum qui benefecit mihi, dicamq; cum propheta:

Exaudi orationem meam domine, & deprecationē meam: auribus percipe lachrymas meas: ne sileas.

Inculcata enim dictiones, oratio, deprecatio, lachrymę, cōmiserationis plene sunt, eoq; tendunt, ut quod forsan aut ius, aut ratio nequeūt, ipsæ importunē impetrēt. Hæc dixisse uolui, ne in distinguēdis in hoc poëmate sapenumero oratione à deprecatione, rursūq; deprecatione ab obsecratione, tēpus melioribus impendendū studijs, conteras. Ne putes, inquit quidā, hīc animā ore solummodo ac uerbis orare, addit & lachrymas, quæ uiolentissimæ sunt in precib. ad mouendū iudicē. Quæ quidē anima licet, ut inquit Augustinus, tot trāsilerit, habet dat iniquitas, refrigescit charitas. hæc Augustinus. Possem & ego illud addere, quoniā defecit sanctus, atq; ideo Christus iam ferē ab omnibus ignoratur, idcirco contemnit, ostentuiq; habet, ut ait Paulus. Cæterū alio modo legi Hebreis hæc litera. Sic Fel. Exaudi orationē meam dñe, & clamorē meū aurib. percipe: ad lachrymā meā ne sileas. uel, ut alius, ad lachrymā meam ne obsurdescas. Clamorē meū aurib. hauri, uerūt Campēsis: ad fletū meum ne obsurdescas. At qui hic duo mihi, quæ ad clariorē uulgatæ æditionis intelligentiā faciant, uidere uideor, alterū quidem, nihil aliud in hoc loco deprecationis uocē esse, q̃ clamorē illum internū ē corde anxio erumpentē ad aures usq; Dei; alterū uerò, ne sileas, ad lachrymas referri: quæ sanē adeò necessaria sunt in oratiōe, ut ferē ea indigna sit, quæ audiat, si desint lachrymæ. Vbi lachrymæ, ibi spiritus. Lachrymę, inquit Ambrosius, tacitæ quodammodo preces sunt: ueniā nō postulant, & merentur: causam nō dicunt, & misericordiā consequunt: nisi quod utiliores lachrymarū preces sunt, q̃ sermonū: quia sermo in precādo sæpe fallit, lachryma omnino nō fallit. Sed illud arbitrandū, ueras nunq; lachrymas, eas dico, quibus orationem munitam esse oportere diximus, à corde duro atq; occupato, prodire posse. Lilo enim est, qui animæ libēter illi adhæret, quæ spiritus suauitate affecta, nullo amplius alio fatiari expetitedulio quā suspirijs, ac singulrib. illis, qui à desiderio cœlestis patriæ, atq; à miserrimo uitæ huius erga stulo dissoluendi proficiunt. Alioqui lachrymarū facilitatē in his, qui nunq; suam reformant uitam, sed semper mali sunt, quo nomine appellem, prorsus me fugit. Ea enim uirtute



**C** præditæ sunt sanctæ lachrymæ, ut animā totam abluāt, mutantq; in aliam, quam antea omnino ignorauerat, formā & imaginē. Sed de lachrymis satis: quanquā perpetuò mihi lachrymandum esse scio, ô Deus:

Quoniam aduena ego sum apud te & peregrinus, sicut omnes patres mei.

Quādiu enim in corpore sumus, clamabat Paulus, peregrinamur à domino. Vis ne peregrinationis humanę statū audire? Per fidem, inquit, ambulamus, & nō per speciem. Audemus autē (en sanctorum fiduciā) & bonam uoluntatē habemus magis peregrinari à corpore, & præsentes esse ad dominū. Nam & in hoc, inquit, ingemiscimus, habitationē nostrā, quæ de cœlo est, superindui cupiētes. En tādīū animæ, quo mirū in modum afflictā, ab istis iam tandem mundanarū rerū tricis cupit dissolui, & esse cum Deo: qui certē cū sit uera hominis quies ac beatitudo, in hac carne tamē uix in ænigmate conspicit: quare à diuino illius aspectu semoti, ac per id tetrum uelum corporis disiuncti, querimus quod tam diu ab illo, quem supra omnia, imò quem solū & amamus & colimus, extorrescimus, clamamusq; cum propheta: Aduenæ sumus, apud te tamē, per fidē, sicut omnes progenitores nostri, qui in nube fuerūt: hoc est, in caliginoso uitæ huius incolatu atq; exilio abs te peregrē degētes, spe tamē in cœlis ac desiderio tecū in patria felicissimè diuersabant. Sic nos quidem. Sed quid alios memoro? Ita ego, inquā, inæquali licet passu atq; affectu, meam mecum deploro miserā, ingemisco, quantoq; possum nixu contendo, si fortē eò per te ueniam, ubi tu meas merces, mea quies, mea felicitas, & patria, ô benignissime. At prius tu quidem (mitigata paululum pœnarum atrocitate, sub qua, nisi manum porrigas, mihi omnino periclitandum esse uideo)

Remitte mihi, ut refrigerer, priusquam abeam, & amplius non ero.

**D** Suspende, obsecro, tuum de me iudiciū, manumq; à percussione reprime, ut antea q̃ uita hac mortali demigrem, respirare ualeam: hoc est, ut spiritus cōsolatione accepta, te tandem pietissimum agnosca patronū, quem hactenus seuerum, propter peccata mea, expertus sum iudicē: & sic abs te refocillatus, securē deponam spiritū meum, Cui laus sit & benedictio in secula seculorū, Amen.

## IN FINEM PSALMVS DAVID XL.



**X**pēctans expectaui dominum, & intendit mihi. Aut certē in ueritatis indagatione prorsus hallucinor, aut nos ferē omnes amentes appellari necesse est, qui cū psalmodiū librum, scriptum nimirū Dei digito, ad mores hominum informandos, refundendosq; denuò in nouā imaginē in Christo Iesu, qui summa psalmodiū orationū studio, respersum cernimus, uix oculos aperimus ad ea sanè cōsideranda, quę in psalmis nobis imitāda proponunt. Clamat in his Christus, ingemiscitq; mœret, affligitur, ac quasi sub tuo onere, ô homo, exanimatur: & nihilominus, perinde ac tua minimè res agat, & rides, & profundissimo stertis somno. Non ferendo onere subducere, aliū interim sub eo emorientē contemnere & irridere? O nostram ignauitā. Putamus ne nostra ad diluenda scelera, unam uix uel excussam ab oculis lachrymulam suppetere posse, qui Deum legimus pro non suis, tantis affectum fuisse doloribus & cruciatibus? Censemus ne nostra in re, tanta præsertim, debere nos obdormiscere? Atqui ut illud omnium uerissimum sit, Christum nostra omnia suis ærumnis adeò extenuasse delicta, ut plane nulla effecta sint; num te propterea prorsus tuo in negotio indiligentem, incogitantē



temq; esse decreuit: Vult igitur Deus, ut secum in his, quæ ad te spectant, collabores, teq; saltem, ut grati animi homines solent, in tuis curâdis rebus, & promptum, & non ignauum omnino præbeas. Si Christus itaq; pro te doluit, ualdeq; afflictus est: tu & pro te ualdè doleas, affligarisq; ac nulla prætereat dies, quin tu pro te cum illo, qui pro te ubertim lachrymauit, abundè illachrymes. Alioqui certè cum sacram seridò intueor legem, cōtraq; nostram cū ē regione expendo uitam, mihi nescio quid, nulla sui parte sibi cohærens, ac, ut in somnis fit, totum dissociatum & luxatum uidere uideor: hæc enim imperat continentiam, moderatam religionem, pacem, cōcordiam, māsuetudinem, humilitatē, iustitiam, ueritatem, nostri odium: nos contra libidinē rependimus, arrogantiam, superbiam, fastum, superbiam, iniurias, superstitiones, ac nostri amorem. Strictò ne hæc simul coeunt modo? Errò ne, an ista prout reuera sunt, delinunt? Nōne, te oro, luxui adeò intentè, avaritiæq; ac cæteris huiusce generis orbis mōstris addictus es, ac si in terris nihil aliud Christus aut egisset, aut alios edocuisset: Ille unam uiuendi rationē præ se tulit, nos aliam longeq; diuersam & amamus, & mordicus tenemus. Atq; hæc quidem cū eo se habeant modo, nos tamen christianæ disciplinæ sectatores esse, nō solū credimus, uerum etiā pro nostra huiusmodi tutanda persuasione cum cōtradicentibus rixamur, cōtendimusq; ac usq; ad audientium nauseam digladiamur. Sed de his satis. Nunc ad psalmum mentem applicemus, interim his non ab re defletis. Narrat hic anima, quæ per fidem ita annexa est Christo, ut is caput sit, illa membrum, quo modo per gratiā à multis erepta sit malis. Verū unde ipsa in tam mirabili & diuino exponendo consilio deficit, ille, ut est anxius, ut sic dicam, animarum zelotypus, quasi succenturiatus supplet. Quare non mirum admodum esse debet, si tum hoc in psalmo, tum in plerisq; alijs, membrum modò uideas unum ē Christum corpore, tanq; in scena, loqui, modò ipsum caput pro se interdū, interdum uero uice omnium, & nonnunquā ignobilium, ut illa uocat Paulus, membrorum introduci. Quæ sanè norma ad intelligēdas scripturas uniuersalis est, atq; eousq; necessaria, ut planè à psalmorū studiosis absq; ea non secus erretur, atq; errant hi, qui nandi prorsus imperiti, nare absq; utre aut subere præsumunt. Cū diutius, inquit, aduersariorum telis impeterer, diris ue persecutionum stimulis exagitarer, quid putas egerim? num quidem mihi ob moram, dilationemq; diuinā tunc fuit desperandum? Minimè certè omnium, sed, ut sanctus mihi suggessit spiritus, Expectans expectaui dominum, & intendit mihi. In me, inquit, suos iniecit oculos dominus, beneuolq; intuitus est aspectu. Quid porrò sibi uelit repetita dictio, expectans expectaui, Hebræus aperit. Cū diu, inquit, expectaui sem dominum, tandem attendit mihi. Paraphrastes uerò: Sollicitè expectans expectaui, donec præberet se mihi. Iam illud periculosum, in continua hac cum carne & mundo lucta, moræ diuinæ, qua nō propterea cœlestis pater in suis descendendis utitur, quòd illos negligat, uerū ut aptiores eos ad suum cultū pietatemq; quæ in rebus arduis posita est, efficiat, impatientem fieri. Et cū quidem nostrum omnino excedat intellectum, quamobrem id potius q̃ illud in subleuandis miserijs, & uocatus, & lachrymis, ut nobis uideatur, coactus. Hebræi totum hunc uersum sic integrè transtulerunt, ut principium sequentis secundum nostram æditionem, præcedentis illis finis sit, hoc modo: Expectans expectaui dominū, & inclinauit (aurē scilicet) ad me, & exaudiuit clamorē meum. Postea alium sic incœptant: Et exaltauit me de puteo perstrepēte, uel strepitus. Quod noster interpres sic uertit:

Et exaudiuit preces meas, & eduxit me de lacu miseriæ, & de luto facis.



**C** Siue miseriam, siue strepitum legas, statum illum calamitosum denotat, in quo anima propter tentationum, rerumque aduersarum uehementiam posita, ipsa in se aliud nihil sentit atque experitur, praeterque tumultum, strepitum, paorem, miseriam. De luto facis, de luto coeni, seu limi, reddunt Hebraei. Videtur metaphora ab his sumpta, qui amnem aliquem turbidum pedibus, aut equo uadare tentantes, in occultum fundum limum incidunt, a quo nisi aliena extrahant ope, emergere nequeunt: unde in foedo illo mortis genere interire eos necesse est. Ita igitur omnis huius mundi calamitas est, ita aerumna, ita persecutio, ita tentatio, ita peccatum. In peccatis, inquit Christus, uestris moriemini. Ecce limosi uadi periculum. Ecce in coeno mors, dum nostris nimium pedibus, animae scilicet affectionibus & cupiditatibus, aut equo, hoc est, irrationali, effraenique humanae prudentiae consilio, nostram committentes salutem, in illas rerum angustias incidimus, a quibus sane eximi quam maxima ui opus est, diuina scilicet; nam uirtus omnis humana tenuis est, ac debilis.

Et statuit supra petram pedes meos, & direxit gressus meos.

Non contentus quidem unum est Deus suos a periculis extraxisse, nisi illos etiam tuto in loco collocet. Id est enim quod hic asserit spiritus in hoc uersu, qui sic a Paraphr. redditur cum superiori; Solicite, inquit, expectaui dominum, ut extraheret me a puteo illo calamitoso, & luto sordidissimo, & constitueret me in rupe erectam in pedes meos, uiam mihi praeparans per quam ambulare inoffense. Purgatos igitur per fidem, quae est in Christo Iesu, animae affectus, qui sunt eius pedes: euulsosque a peccati limo, ac sorde, adeo firmo in solo & petra, hoc est, in seipso roborat aeternus pater, ut nequaquam amplius nutare possint, sed recta gradietes, eo se se expedite dirigant, ubi naturalis suus est finis, quam beatitudinem appellamus. Idcirco enim mortalium animas creauit Deus, ut beatitudinem habeant. Quare igitur non adipisci, contra plane suae naturae conditionem esse arbitrandum est. Vide igitur quod foedè erret anima quae peccat, cum non solum ab Deo, qui eius est finis, se impudentissime subducatur, uerum etiam ipsa suam corrumpat naturam. Vnde hic transacti iam periculi memoriam retinens, illudque procul tanquam scopulum in mari e litore prospectans, sibi se in tuto esse applaudit, Deoque, qui suos statuit supra petram pedes, ac suos, ne amplius a uia iustitiae aberret, direxit gressus, quanto potest tripudio gratias agit, additque ad sui gaudij cumulum;

Et immisit in os meum canticum nouum, carmen Deo nostro.

Nouum hic uocat canticum, nouam oblatam laudandi Deum materiam, ob nouam innotatam spiritus gratiam: quod in sequentibus magis exprimit. nam quod nos legimus, carmen Deo nostro, Hebraeis est, laudem Deo nostro, ut sequens hemistichion prioris sit explanatio. Vnde ex Hebraeo quidam: Carmē, inquit, ori meo inseruit, gratiarum uidelicet actionem deo nostro. Quod a Paraphr. sic redditur: Ut immitteret, inquit, hoc est, expectans expectaui dominum, ut immitteret in os meum canticum, quo noua & inaudita beneficia Dei nostri decantent. Ceterum de cantico nouo, in Psalm. mo trigesimo tertio abunde est dictum. Iam enim per nouum Adam, noua mundo oblata sunt munera; neque uetustum illud uae amplius, tam frequens in prophetis, a prioribus exortum parentibus: quorum delicto nostrae adeo afflictae sunt res, ut sanctus ille uir clamare non sit ueritus, Vae seculo, & qui habitant in eo. non amplius, inquam, uae illud antiquum simul & horrendum audit: sed uox turturis, uox dilecti pulantis, ut inquit sponsa: uox qua dictum est, Hic est filius meus dilectus, ipsum audite. nam is solus est, qui canticum illud nouum composuit, quod nemo cantare poterat, nisi centum quadraginta quatuor millia, qui exempti sunt de terra. Verusta enim omnia fastidit dominus. Quare non ab re clamat Paulus: Renouamini spiritu mentis uestrae. Quo uero modo id fieri debeat, alius breui aperit compendium: Quiescite, inquit, agere peruerse, discite benefacere. Haec est sane noua in Christo creatura, ad cuius exemplum

Videbunt



**A** Videbunt multi, & timebunt, & sperabunt in domino.

Vide qd boni à grata anima ob percepta diuinitus beneficia proficiſcaſ: nam (ut multa alia omittā) illud in primis nobiliſſimū eſt, quod à ſanctiſſimis eius cōſilijs, actionibusq; & uerbis, ad ſanctitatē cōplures amplexandā, quæ in ſpe potentiſſimū, ac Dei timore cōſiſtit, incendunt: quemadmodū à prauis moribus, illorum præſertim qui magis cōſpiciui ſunt, deterrenē, ac deſperati maledicta blaſphemiasq; deo pro laudib. regerūt. Quot interdū anime, multorū qui aut etate, aut ſexu, aut iudicio & ingenio infirmiori ſunt, audito uiſoq; turpi aliquo exemplo in natu grādiſſimis, atq; in hiſ qui religioſiores cenſent, nō ſolū ab incepto fidei propoſito reſiliūt, uerumetiā ad quauis facinora ſeſe impudentiſſimē ingerūt: Danda proinde eſt opera, ne quē noſtro exemplo ad turpes incitemus operationes. Nam unicuique, ut ſacra ſanciuit lex, mandauit Deus de proximo ſuo. Verū tu, cui lux iam per Chriſtum oblata eſt, eorū tantūmodo uitam imitanda. Quod ſi quē tamen illorū, qui ideo in ſublimi aliquo gradu & dignitate ſunt conſtituti, ut norma omnibus bene ſanctēq; uiuendi exiſtant, turpiter uiuere contigerit, ne dubites, ſi à tam periculoſo monſtro te fuga auerteris, à melioribus ingenijs reprehēdi. Tantū illud cura omni obſerua ac fac, quod tibi ſimili in periculo faciendū eſſe præcepit Chriſtus: Quę dicūt, facite: quæ autē faciūt, facere nolite. Hic mihi itaq; cōſidera, quid de ſe dicat uir ſanctus, ſeu pro eo filius Dei. Videbunt multi. Quid, oro, uidebūt? Meam nimirū in aduerſis & ſpem, & tolerantia: meum erga Deum tum amorē, tum reuerentiā, candoremq; animi, ac fidem. Quare hiſ moti quāplurimi, meoq; incenſi exēplo, totā ſalutis ſummā ex me diſcēt, quā in ſpe maximē, ac Dei timore poſitā eſſe, haud ſemel dixi. Itaq;

**B** Beatus uir cuius eſt nomen domini ſpes eius, & non reſpexit in uanitates & inſanias falſas.

Beatus, inquit, uir, qui tentatus, alicuiusq; rei honeſtę percupidus, nō ariolos, aut magos, meras nimirū uanitates atq; inſanias, ſibi accerſiuit, ſed ſpem omnē ſuā in Dei nomine uoluit eſſe. Vult Euthymius dictiones, inſanias falſas, Græcis eſſe uaticinia dæmonū: quæ idcirco falſa ſunt, quia à dæmone, qui mēdax eſt, ut ait Chriſtus, & pater eius, originē habent. Furore enim temerario atq; impotentiuates illi dæmonū perciti, quid inſaniæ, falſæq; religionis & doctrinæ non effutiebāt: Sic Fel. Non reſpexit ad ſupbos & diuertētes, ſeu circūeuntes, mendacio. quāq; Paraphr. ad quacunq; uanitates illud referendū eſſe opinaſ. Vnde ſic reddit alius quoq; ex Hebræo: Non reſpexit ad ſaſtuoſos, & eos qui ad uanā deſiciunt: hoc eſt, qui Deo uero relicto, quæ carni libent ſectantur, & qui nō iam bona, ſed inanes bonorū imagines atq; umbras anxio amplectuntur deſiderio. Id eſt, ni fallor, quo ſuos in Hieremia uoluit Deus admonitos eſſe: Nolite, inquit, conſidere in uerbis mendacijs, dicētes, Templū domini, templū dñi, templū dñi. Utinā noſtra hæc etas, alioqui ſatis iam demū ad ſolidū bonū experrectes, nō deſunt quę aſtologiā illam ineptiſſimam profiteant, qua dempto ueluti ſceptro de Dei manu, nō ſolū priuatas præſagiūt cuiuslibet fortunæ et etates, ſed & imperijs, regniſq; ac diuinę illi (ô ineptias) ſummi Pont. maieltati neceſſarios quosdā euentus contingere & aſſerunt, & quod magis dolendū eſt, toti perpotius inſtrumēta ſupſtitionū, falſarūq; opinionū, ac doctrinarū inſtituēs: Non hi ergo beati, qui huiusmodi in Dei domo enutriunt errores: ſed is beatus, qui ſpe omni ſua in Dei nomine reſpoſita, nō reſpexit ad uanitates & inſanias falſas. Verū hiſ parūper omiſſis, ad te redeo, ô, cuius fidei me iam pridē dedicaui. Nam Multa feciſti tu domine Deus meus mirabilia tua, & cogitationibus



C tuis non est qui similis sit tui. Annunciaui & locutus sum, multiplicata sunt super numerum.

Sic enim ex duobus nostri interpretis uersibus, unum legūt Hebræi, & est superioris propemodum exclamationis causa. Diuino quidem spiritu, à quo uera omnis cognitio oritur, accensa anima, atq; ex consideratione immensæ Dei beneuolentiæ erga homines stupida effecta, exclamauerat: O felicem uirum, & beatum, qui fiduciam suam omnē in domino collocat. Subinde uerò alio exclamationis genere, tanq; rationē, cur sic exclamauerit, redditura, suum depromit stuporē, & ait, ut uertit Campensis: Plurima designasti tu domine admiratione dignissima; & cogitationes, quibus sedulò curas nos, tam sunt multæ & mirabiles, ut nemo hominū intelligere queat, quantū tibi debeat pro illis. Si enim alijs enarrare coner eas, & uerbis proloqui, inueniā plures esse, quā ut numerare sufficiam, nedum uerbis explicare. Quis porrò illas eternas patris cogitationes, quibus ante omne æuum decreuerat, per unigeniti sui sanguinem & mortem genus seruare humanū, uel intellectu capere, uel lingua proloqui unq; poterit? Abstrusiores illæ sanè sunt, admirabiliores uē, quā quæ ab humana mente percipi ualeant. Quare non immeritò exclamat anima: In cogitationibus tuis, hoc est tam admirandis, tamq; amore ac charitate refertis, quis similis tibi? quis tecum comparandus? Quid ex se homo cogitationibus cōprehendere unquā poterit, quod idem aut turpe omnino nō sit, aut inconstans, aut bonarū rerum odio plenissimū? Tuarū uerò cogitationum modum super nos nō est ordinare ad te: (sic quosdā hunc uersum reddere uideo) hoc est, tam sublimes sunt, nempe diuinæ, ac supra omnē æternitatē, captūq; humanū positæ (nostræ uerò sordidæ, ac temporariæ) ut nullus omnino modus, aut ratio in his peruestigādis idonea sit, quomodo sese ad te habeant, hoc est, à te proficiscant. Annunciabo, inquit, loquar, D præualuerunt numero. Adeò, inquit, omnē numerū superāt, ut nihil propemodum sit, uelle eas lingua exprimere. Quis, oro, hīc stupore non extra se fiat, considerans tanta, tamq; immensa Dei mortalib, subueniendī esse consilia, ut omnē prorsus excedant cogitationē, ac numerū superēt, uincantq; omnem omnium spem atq; expectationē? Certē si nō aliud, id saltem, puto, uel ipsa gelidissima ad diuinū amorē accēdere deberet pectora, cordaq; è sede propria euulsa, in ipsum, qui tanta nos prosequit charitate, transformare. Quid illud? O cæca mortalium iudicia, ac ingenia. Quid, inquā, illud, cū te sentias per ignominia ad gloriam, per turbationē ad pacē, per mortē ad uitam, per peccatū ad iustitiā miro modo ascisci, ac uī fidei adduci: Hīc enī, mi lector, cuperē & ego, ne ingratus omnino dicerer, annuciare, alijsq; enarrare, quanta fecit Deus animæ meæ, q; miranda, q; innumera: sed in ipso prorsus exordio dicēdi deficio, uideoq; quā temerarium id penitus sit, tentare uelle, quod nō solū hominī, uerum etiam ministro spirituum beatorum ordinī, dictū est difficile. Cæterū, ne etiam minima prætereamus, illud quod uulgò legūt, multiplicati sunt, nescio quam sententiam adducat. Multiplicata igitur uertēdum erat, quod tum Græcos omnes, tum Hebræos, sine controuersia uelle uideo. Sed ad reliqua.

Sacrificium & oblationem noluisti, aures autem perfecisti mihi.

Ex Hebræo, Aures autē perforasti, seu aperuisti mihi, uertūt. legimus enim in Exodi lib, quod seruo illi, qui neglecta libertate, quæ septimo quoq; anno seruis offerebat, dño suo seruire mallet, q; liber abire, subula perforabāt aures: quod quidē perpetuæ seruitutis indicium erat. Ita in hoc loco dei seruus suū cupiēs eternū p se ferre erga deū obsequiū, quod sanè ab ipso domini uoluntate fieri nullatenus potest, dicit suā à dño perforatā esse aurē, apertāq; ac ad percipiēdas diuinas iussiones preparatā. Et est perinde, ac si dicat: Me tibi eterna deuinxisti seruitute, auresq; ad tuā perdiscendā uoluntatē pforasti, aperuistiq;. Nam si des



**A**des ex auditu, auditus autē per uerbū Dei. Hic locus citatur ab Apostolo in Epistola quam dedit Hebræis, sed alijs uerbis. Corpus, inquit, aptasti mihi. sed idem omnino sensus est, si res medullitus inspiciaſ. Nam cū alicuius aures à domino perforant, instituunturq; ad cœlestem capeſſendā doctrinā, ex qua fides, atq; ardens ad parendū Deo, eiusq; sanctis monitis desiderium oriri solet, id necessarium sit, quod totum se homo diuino consecrat obsequio: unde ipsum quoq; corpus, alio qui uoluntati Dei cōtumax & rebelle, ad eius cultum ac religionē aptatur, formaturq;. Sed hoc de impuro homine sit dictum: secus uerò de Dei filio, cuius mundissimū corpus, propter suam purissimā naturā, hostia & sacrificiū promortalium omnium peccatis fieri potuit. Vnde cū impossibile foret, taurorum sanguine & hircorum auferri peccata, ut inquit Paulus, ipse Dei filius ingrediens mundū dicit: Hostiam & oblationē noluiſti, corpus autem aptasti mihi, hoc est, corpus meum consummatā perfectamq; hostiam fore ab æterno destinaſti. Vnde infer Paulus de diuina loquens uoluntate, in qua uoluntate sanctificati sumus, & est ac si diceret alloquens patrē Christus: Spretis, ô pater, umbrosis illis, cruentisq; uictimis, umbra scilicet futurorum, me corpus, hoc est, umbrarum illarum omnium ueritatē esse uoluisti. Ait Paulus ad Colossenses scribens, in Christo habitare plenitudinē diuinitatis corporaliter: hoc est (id obiter dictum sit) uere, non per imagines ac figuras. Nam uictimæ illæ antiquæ atq; sacrificia, umbræ quædam atq; imagines fuere, Christus uerò ueritas. Neq; unquā fuit umbræ per se, sed à corpore aliquo denso, soli obiecto. Veniente igitur tempore, in quo corpus, hoc est, res ipsa, ac ueritas propalata erat, cessere umbræ atq; imagines. Ipso, inquit Augustinus, ueniente, noluit ea, quæ erant eius figuræ. Porro diuersa uictimarū ac sacrificiorū nomina in lege ueteri, diuersos portendebant effectus: alia enim simpliciter sua quilibet uoluntate, absq; diuino præcepto offerebat, & hæc oblationes uocabantur: alia rursus ex legis iussione. Erat postea sacrificiū uespertinum, erat matutinū: alia item secundū tempora & personas, quemadmodum in Leuitici libro uidere licet. Verum holocaustū, illud erat sacrificium (sacrificium generale erat nomē, quicquid scilicet altari inferebatur) quod totum diuino incendebat honorī. Holocaustum uerò pro peccato, sacrificium expiationis appellabatur: & id semel tantummodo in anno per summū pontificē ingressum, non sine sanguine, in sancta sanctorū, quod quidem uerum illud sacrificiū per summū pontificē Christum cōsummandum præferebat, à quo sanè nostra omnia sanata sunt uulnera, diluta scelera, ac uita restituta. Erant & alij sacrificandi ritus, pro peccato, pro ignorantia quoq;. Sed de his satis, quantum ad psalmi intelligentiam spectat.

Holocaustum (inquit Christus) pro peccato non postulaſti: tunc dixi, Ecce uenio. In capite libri scriptum est de me, ut facerem uoluntatem tuam Deus meus uolui, & legem tuam in medio cordis mei.

Licet enim hi uersus unicuiq; nostrū, quatenus Christi membra sumus, comparari queāt, quippe qui nihil adeò curare debeamus, quàm ut toti, quāti quantum sumus, diuino, quod hic canit uates, mācipemur cultui, qui in eo potissimum consistit, ut Dei obtemperemus uoluntati, quemadmodū ea totius sacrae legis summa est, ac perfectio. Tunc dixi, inquit, Ecce uenio: nam in capite libri scriptum est de me, hoc est, diuinæ legis præcipuum caput est, ac summa, ut ego, quid tuam seruitutē ascitus sum, faciā uoluntatem tuam Deus meus. Volui, quid uolui: uolui legē tuam in medio cordis mei, id est, ex animo, ac serio tua in meditando lege immorabor. Vide promptitudinē, atq; ardens studiū animę perficiendi Dei uoluntatē. Et si, in quā, hæc ad nos pertinere posse arbitramur, tamē ea dei filio in primis sanctorū omnium capiti cōuenire existimamus, qui patrē pro



**C** nobis alloquitur, dicens: Holocaustum pro peccato, seu, ut uertit Fel. sacrificiū expiationis non postulasti; hoc est, cruentis illis hostijs, ac ritibus, in quibus nulla extat purgatio, ac iustitia, abs te reiectis, tunc ego uictimarū illarum omnium finis, dixi, Ecce uenio: ecce me uerum, consummatūq; sacrificiū, in quo omnis inest animarum puritas, ac peccatorum remissio, pro toto humano genere, non pro hac tantūmodo aut illa deuoueo natione. Sic enim in capite libri scriptum est de me; hoc est, caput ac summa cū legis, tum prophetarū omnium illa est, ut tempore abs te ordinato mundum planē perditū inuisam, eumq; suis à sceleribus, meo purgē sanguine ac morte. Nam nihil tam cupio, quā ut tuam de seruandis hominibus cōpleam uoluntatem. En, mi pater, hostia: en ligna, en ara, en gladius. Iam quidem alius incēptandus est cultus, aliāq; ædificanda religio, cuius uisceribus tua imprimēda sit lex ac uoluntas, quæ est, ut qui uidet filium, & credit in eum, habeat uitam æternam. Cæterū lex tua, lex spiritus est, non corporeis illis ac immundis sacrificiorū ritibus innixa, licet adumbrata, rudiq; populo ad tempus, tanquā illius fidei signū, credita. Ecce quā breui summa magnus ille sacrificiorum acruus, ac ritūū concluditur. Quod porrò Deus à mundi semper exordio, ab homine fidem magis, atq; ardentē in eius cultu, qui in spiritu maxime ac ueritate positus est, animum requisierit, quā sacrificia illa anti qua ac cerimonias, nihil tam accuratē narrant scripturæ. Quare illud, quod nos ter interpretes uertit, In capite libri: diuus Hieronymus, atq; adeo cæteri ex Hebræo habent, In uolumine libri scriptum est de me: hoc est, & lex & prophetæ de me scripserunt, ut faciam uoluntatem tuam. Alludit enim ad Iudæorum morem, qui etiamnum oblongis quibusdam suam conuoluunt legē membranarum, gumentum sanē ingens, quod nondum illis mens legis explicata est, sed adhuc manet in inuolucro, ac mæandris ueluti quibusdam inuoluta. Porrò in medio cordis mei, uertens interpretes, sententiā magis quā uerba reddidit: nam Hebræis est, in medio uiscerum meorum; seu, ut uertit Fel. intra intestina mea. Unde Paraphrastes: Doctrinam tuam in penetralibus pectoris mei describam habeo. Notant quidā, ut faciam, Lut. I superesse, sed solummodo legi debere, facere uoluntatē Deus meus uolui. Voluntas, inquit, patris fuit filij mors, quæ pro humana salute summa cum dispensatione à Deo permissa est. Verū iam est uidentium, quod illius tendat propositū ac studiū, qui cum filio Dei se dicere possent confidit, Facere uoluntatem tuam Deus meus uolui, & legem tuam in medio cordis mei.

Annunciaui iustitiam tuam in ecclesia magna: ecce labia mea non prohibebo domine tu scisti.

Quāquam Hebræis tuam uacat, non officit tamen sensui, imò explicat magis; nam nihil tam curat uir sanctus in hoc mundo, quā ut quā plurimis flagret iustitia, quæ est eius perfectissima bonitas, innotescat. Mirū quā ardenti flagret desiderio et studio, ne tam immēsum Dei beneficiū, ut est eius misericordia ac ueritas, à mundo ignoretur. Videt enim per sacros diuinæ legis afflatus, quibus quotidie magis ac magis accendit, non amplius in arcta, ut olim, atq; angusta Iudæorū gente celebrāda esse dei dona, sed in ampla totius orbis plaga, frequentiaq; populorum, uel usq; ad effusionē animæ propalanda. Non quidem cessare proborū hominum minas, & crudelitatem, à diuini uerbi præconio cessare potest: proinde nihil eum, quamlibet durum aut asperum, à concepta iam flamma, atq; igne amouere idoneum est. Clamat, urget, inculcat, admonet, hortatur, rogat, minatur quoq; nec quicquā tam auidē cupit, quā pro Christo, à cuius spiritu tam ualidum hausit animū, atq; eius cultu & honore, posse emori. Quid humanas minas, mortemq; illam, qua corpora duntaxat pereūt, uir diuino fultus præsidio timere debet: Tantū enim Dei religio uiua sit, lateq; per orbem uersum



A uersum diuulgetur, omnia quamuis horrenda ac sæua, leuia animæ Christo per fidem atq; amorē unitæ, imò uerò etiam leuissima uidentur. Ecce, inquit, labia mea non prohibebo, domine tu nosti. Insuper

Iustitiam tuam non abscondi in corde meo, ueritatem tuam, & salutare tuum dixi. Non abscondi misericordiã tuam, & ueritatem tuam à concilio multo.

Iam illud considerandũ, quàm non obscure Euangelij munus in uerbo illo, Annunciaui, uersus superioris appareat; nam Hebræis est, non tantum rem aliquam simpliciter annunciare, q̃ rem nouam insolitamq; & quæ audita animos mirum in modum afficiat atq; accendat, prædicare; quod sanè tam aptè sacrosancto Dei Euangelio conuenit, q̃ quod aliud maximè. Quid unquam tam nouum à seculis auditum est, q̃ totum humanum genus unius Christi sanguine & morte, atq; illa quidem ignobili & infami, è morte ad uitam restitutũ esse? Quid porro tam nostros afficit animos, atq; ad diuinã excitat religionem, q̃ unius solummodo fidei in Christum, qua nostra omnia per ipsum deleta esse scelera certi sumus, seruatos nos esse beneficio cerneret; quis hîc amore omnino non colliquefcit: Quantam putas spiritus suauitatem concepisse Apostolum, quãdo illud fidei elogium protulit: dicens: Iustificati per fidem, pacem habemus ad Deum. hoc est, Deo per fidem, ac Christum, qui fidei nostrę finis est, recõciliati, in amicitiamq; asciti, perfectã adepti sumus animi tranquillitatẽ, ac de remissis peccatis certitudinẽ, ex qua nimirũ tumultus illi, ob legis sarcinam, ac strepitus conscientiarum experrecti, sedati sunt. Iustitiam igitur tuam, ô Deus, qua perfectissimè bonus es; ueritatem item tuam, hoc est, constantiam in promissis; ac salutẽ, quam mihi uel in medijs ipsis conclamatis rebus semper attulisti, haud meo quidẽ in corde delitescere sinam, sed quemadmodũ mihi, ita & alijs notas fieri curabo. Tamen enim cuncta hæc, ut dixi, de unoquoq; homine diuini cultus studioso dici queant, de Christo tamẽ melius ac uerius prædicant, qui apud Esaiam sic de se testatur: Ad annunciandũ mansuetis misit me, ut mederer contritis corde, ut prædicarem captiuis indulgentiam, & clausis apertionem, ut prædicarem annuum placabilem domino, & diem ultionis Deo nostro, ut consolarer omnes lugentes, ut ponerem fortitudinem lugentibus Sion, & darem eis coronã pro cinere, oleum gaudij pro luctu, pallium laudis pro spiritu mœroris.

Tu autem domine ne longè facias miserationes tuas à me: misericordia tua & ueritas tua semper susceperunt me.

Non absq; salutis periculo est, ex diuina ad subueniendũ dilatione argumentari animam, se esse prorsus à Deo derelictam. Etenim, ut sæpe iam diximus, iunctissimo quodãmodo spectaculo suorũ cum mundo luctam intuetur Deus: tantum abest, ut eos omnino negligat. Ego enim, inquit uates, peto ut in multiplicibus meis tentationibus atq; æumnis, multiplici uariocq; misericordiã tuã genere ac modo mihi subuenias: quanq̃ illud exploratissimum habeo, req; ipsa toties expertus sum, miserum hunc homuncionẽ tuã à misericordiã, ac qua promissa constantissimè seruas, ueritate ereptum. Vix quidem uerbis exprimi posset, quàm uariã, ut sic dicam, arte suis in liberandis à persecutionum, tentationumq; atrocitate utatur Deus. Proinde uarias, multiplicesq; hîc appellat Dei miserationes propheta. Anima enim quæ tum dæmonum, tum peruersorũ hominum insidias incurrisse se sentit, cupit quidem eripi, atq; propterea diuinum implorat subsidium: sed eo tamen consilio, ne quid ultra: crucem enim tam mortalius salutiferam, quantum potest refugit. Verũ Dei cõsiliũ secus atq; putamus, in suorũ cura sese habet ac patrocinio. Dura quippe atq; amara afflictæ animæ aliã, cum id illi cõducere iudicat, porrigere solet solatia: aliã uerò mol-



C lia & suauia: quæ tamen omnia haud multò pòst in immensam cedit animæ consolationem, cum se uidet tam obstruso, incomprehensibiliq; liberationis genere à ui hostium extractam; idcirco in uocem illam fidei plenissimam erumpit: Misericordia tua, & ueritas tua, haud rarò quidem, & interdum, sed semper susceperunt me. Quid posthac uereor? Quemadmodū igitur hactenus mecum egisti, mi Deus, ita in posterum ne longe facias miserationes tuas à me:

Quoniam circumdederunt me mala, quorum non est numerus: comprehendunt me iniquitates meæ, & non potui ut uiderem.

Non potui uidere, tum Græci tum Hebræi transtulerunt: & est lucidior sensus, qui is erit, ut interpretatur Paraphrastes: Circumdederunt me, inquit, mala innumerabilia, apprehenderunt me iniquitates plures, quàm ut eas uisu assequi potuerim. Fallunt certè oculos, fallunt ingenium, fallunt animæ cognitionem tot mea infortunia & ærumnæ, atq; ob id peccata & scelera. quid dicam?

Multiplicatæ sunt super capillos capitis mei, & cor meum dereliquit me.

Quàm hîc seriò ab anima illa, quæ cæteris omîssis curis in illud solummodo incumbit, ut purgator in dies euadat, exclamādum esset, Delicta quis intelligit? At nescio qua infelici mortaliū sorte accidat, ut quiduis potius, libentiusq; & curent, & cogitent, quàm ut se ipsi pernoscant homines. quo sanè adepto id fit, quòd (ut in optimo contingit speculo) in se esse uideant quod continè defleant. Quis, oro, securam, multò minus lasciuā dissolutamq; degere potest uitam, illud ex animo pertractans, quòd suę usq; eò præualuere iniquitates, ut numero superent, ut inquit Paraphrastes, capillos capitis sui? Potest ne homo torrentium glaream, marisq; arenam, aut atomorum copiam enumerare? Eo se habent numero ac modo hominum peccata: quod si quis non uidet, profectò nondum perfectè se nouit. Ridebunt hæc, scio, nōnulli elegantes, si Deo placeat, religiosi, quibus durum admodum uidebitur, me hisce meis in commentarijs asseruisse, hominem qui se adamussim nouit, quamuis iustus sit, purèq; in Dei ecclesiā conuersetur, se non solum peccatorem, sed etiam peccatorū omnium impurissimum fateri: ad hæc, opera omnia humana, conatus & lachrymas, frigidas, inanes, atq; imbecilliores me dixisse, quàm quæ per se, suoq; ut aiunt, Marte, ac uirtute, tot mentis notas ac maculas, quæ numerum omnem superent, diluere queant, nihilq; boni agere posse hominē penitus absq; Deo. quod quidem ethnicos quoq; nedum optimos ecclesiæ theologos uidisse compertum habeo. In tertio enim de natura deorum clamat ille atq; inculcat, nihil omnium sibi, suoq; parbitrio tribuunt nonnulli, ut multum se posse ex se arbitrentur, & ut olim Pelagianî, disputent, dicant quæso, cur sanctiorem, quàm agunt, non persequuntur uitæ rationem? unde tanta illorum effutiendi quicquid in buccam uenerit licentia? unde ambitio? unde odia? unde effrenis illa cupiditatum bellua? Pereat, oro, in me huiusmodi facultas arbitrij, quæ me impium nefariumq; ac mei prorsus immemorem reddit. Verum illi, ut lubet, suis pareant affectibus: mecum uerò agi non malè duxero, si meam mecum reputans imbecillitatē atq; ignorantiam, cum timore ac tremore, ut me hortatur Paulus, meam operabor salutem. Cohorresco planè totus membris cum cogito, tam innumeris peccatorum me cooperum esse pustulis, ut capillorum mei excedant capitis numerum. Non sunt hæc fabulæ: spiritus enim Christi est, qui mortaliū omniū uice loquitur, queriturq; se multis circumuentū esse malis, suasq; adeò increuisse iniquitates, ut numerum planè omnē excedant. O innocentissimū dominū: quid ego pro me hîc dicam, cum tu pro me tam ex animo meis pro sceleribus, tuis iam factis, & doles, & quāto maximo potes eiulatu clamas, implorasq; solitā æterni patris opē, dicens: Com-



A Complacere tibi domine, ut eripias me, domine ad adiuuandum me respice.

Illud notandum, quod penè exciderat, in hemistichio illo, Cor meum dereliquit me, uim illam inesse, qua ostenditur, quanto malorū cumulo prauenta interdū sit anima: & est sensus: Omnis uirtus, uigorq; & robur defecit me. Animus meus destituit me, reddit Campensis: quod idem tamen est cum nostro. Nam cum cor uirium humanarum sedes sit ac fons, animam quoq; complectitur, & fouet. Cæterum clarius hunc quoq; uersum reddit: Velis, inquit, domine eripere me; hoc est, tuā hīc appello uoluntatē, quā mihi benigna sit, meq; ē uestigio à tot malis eximat. Nam quod nos legimus, respice, Hebræis est festina. quare sic uertit Paraphrastes, Ad ferendum mihi auxilium accurre: quod uerbum diuinam ad subueniendum celeritatem poscere uidetur, quanquam etiam uerbum respice, ut noster uertit interpres, optime quadrare scio: id enim Dei fauorē prospectumq; facilem ac benignū sibi esse rogat, illud properantiam: longa enim mora omnis in Deo animę in ærumnis laborātī uidetur esse. Ideo nobilissimam Dei naturam, atq; in sese quietissimā, iræ, excandescentięq; interdum accusat, atq; ob id trucem penè illius aspectum, & inexorabilem putat, dum suis in angustijs nullam sentit cōsolationem. Nullus quippe homo est, quin libentius ocio, uitęq; tranquilla ac beata in hoc mundo uelit uti, quā curis onerari, & in ærumnis esse. Sed Deus crucis illius, quæ ueram suppeditat uitam, autor, longè diuerso utitur consilio in rebus suorum curandis. Nouit enim suprema illa prouidentia, quā uitrea sit. planēq; ad uitia prona mortalium natura: quamq; facile ex ocio, uitęq; malorum experte, à cœlestium contemplatione ac desiderio auertatur, hauriatq; infinitas illas cōcupiscentiarum flammās, quibus ad uiuum usq; torrefacta, nec se cognoscere, nec in Deum aspicere iam potis sit. Huic igitur afflictionū cruce succurrere cœlestis decreuit pater, amara illa quidem priuatio, sed quę postea usq; eō ipsam oblectet, ut omne aliud uitę genus in seculis arbitretur, quod absq; cruce sit. Nulla itaq; in aduersis ab anima suę salutis cupida audiat querimonia, nullum tædium, nulla desperatio: sed diuinę tantummodo bonitati gratias agens, quanto potest affectu & conatu, illam sibi tot inter mala nō deesse roget. dicatq; cum propheta: Complacere tibi domine ut eripias me. quin potius, posteaquam sic expetere uidentur,

B Confundantur & uereantur simul qui quærunt animam meam, ut auferant eam. Conuertantur retrorsum & uereantur, qui uolunt mihi mala. Ferant confestim confusionē suam, qui dicūt mihi, euge, euge: contrā uerò, Exultent & lætentur super te omnes quærentes te, Et dicant semper, magnificetur dominus, qui diligunt salutare tuū.

Pulcherrima suo more hīc utitur antithesi uates. Cæterum solent hī, quibus uolupte est aliquem odisse, atq; illis quidem rebus, quibus comes est odium, lacessere, pudore suffundi, si illum, quem persequuntur, æquo animo & hilari persecutiones tolerare uiderint: mirantur enim unde tam robusta dimanet uis spiritus suo in hoste. quare illius patientia nonnunquā uicti, pudoreq; affecti, ab incepto desistunt, atq; ad meliorem uitę statum sui hostis exemplo sese transferunt. Sed quid de illis censendū, quicquid acerbius irritatur, quò illum quem iniurijs incessunt tranquille ferre, quicquid malorū ab improbis inferri potest, perferunt: opinanturq; metu illum, atq; ignauo animo ac spisso, tacere, in iniurijsq; quiescere: Vtinam id solum de his, qui seculares uulgo appellantur, dici posset. Heu corrui robur ē Sion, heu quid interdū uidere cogimur. Audiui quendam non semel ita questum fuisse: Vtinam Dei fuisset uoluntas, ut in fascijs ulnisq; nutricis meam obijsssem mortem. Non sanè quidem id cupio, quòd improborū



**C** infortijs admodum mouear, utpote qui eas mihi semper necessarias fore duxi, ac lubētī amplexatus sum animo: sed nollem à fonte illo processissent. Maiori quidem afficior dolore, considerans unde tam turpe prodierit uitium, quàm quod ego quorundam contumelijs pateam: uerùm quoniam duriores sunt, quàm qui mea uinci possint tolerantia, decreueruntq; tanquam sues, suis in sordibus commarcescere, nihil mihi aliud agendum atq; orandū esse iudico, quàm quod me docet spiritus: Confundantur igitur, & uereantur simul, qui quærunt animam meā. Illi, illi ignominia notentur, nō tui, tuæq; religionis studiosi, ô Deus, ad unumq; pudore suffundant. Conuertantur in fugam spe ipsi sua delusi, sngnenturq; ipsi, nō ego, qui falsò accusor infamia, qui malo meo, ut ipsi arbitrantur, atq; exilio, quammaxima gestiunt uoluptate, triumphantq; & in absentem quoq; (nefas) oblatrant. Ferant confestim confusionem suam qui dicunt mihi, euge, euge. Hactenus ille, uir quidem, ut mihi uidebatur, neutiquam improbus. Videant igitur, oro, innocentia, hoc est, Christi persecutores, quàm periculofum sit piorum execrationibus ac diris subijci. Varijs hīc modis sensus suos execratur anima, quò conceptum dolorem apertius explicet: & est sensus: Quamprimū, oro, tanta illorum impietas, qui mihi propter miseriam, in qua uolutor, insultant atque illudunt, manifestetur. Nam si diutius, ô domine, meam ad refocillandam imbecillitatem, tuam opem distuleris, periculum erit, ne aut ego persecutionum oneri uictus succumbam, aut alij metu deterriti à iustitiæ linea declinent. Cæterum aliter hunc uersum Hebræis, Ferant confestim confusionem suam, legentibus, alius redditur sensus. Fel. Sic: Obstupefiant iuxta præmium ignominia illorum: hoc est, opprobrium, talionis iure, atque ignominia eadem, qua bonos notari efflagitāt, digna nimirum merces illorum sceleribus rependatur, ut sit debitum quodammodo illorum peruiacitati hostimentum. Chaldæus legit, præ uerecundia: quod sanè cum superiori uersu, quo dictum est, confundantur, & uereantur simul, optimè conuenit. Porro de dictione, Euge, iam aliàs dictum fuit uocem insultantis esse: quam uocem nonnulli ex Hebræis, uah, seu ohe, uertunt. Paraphrastes tamen Euge cum nostro reddit. Sic enim ille: Pereant mercede accepta pro ignominia, qua me afficere conati sunt, & quotquot insultantes dicunt in aduersis meis, euge, euge: contrā uerò, gaudeant & lætentur freti fiducia tua, quotquot student placere salutis tuæ. Hæc ille. Non rarò enim, imò omnibus fermè in locis, salutare pro salute uertit interpretes, ut hīc uides, & est sensus, ut supra à Paraphraсте accepimus: Tuam igitur solius opem, ô Deus, non mundi, non principum, non falsorum plerunq; amicorum expetentes, amantesq; quod nobilissimum in primis pietatis genus est, tui in te gaudeant, de te lætentur, exultent, ac absq; animi intermissione te celebrent, dicantq; Magnus, ac super omnem immensitatem longè immensus est dominus:

Ego autem mendicus sum, & pauper: dominus sollicitus est mei.

Iam diximus in superioribus, æqua erga omnes cura diuinam teneri prouidentia: sed præcipuè erga pauperes illos, quos Christus pauperes spiritu in Euangelio nuncupat. Quare frequentissimus prophetarum is mos est, ut Deum pupillorum, uiduarū, pauperum, orphanorū, caterorumq; istiusmodi miserorum curatorem faciant. Et hæc nostra summa est religionis perfectio, ut anima sua denudata sponte, mundi fortunis & præsijs, solo Deo nitatur, ipsi fidat, atq; ab ipso suis in actionibus & cōsilijs pendeat. Mirum quàm semper huiusce instituti anima sui similis sit, hoc est, hilaris, bene morata, atq; prauorum hominum iniurias non solum patienter ferens, uerum etiā animose deridens, ac summa illas alacritate, qua maximè afficiuntur hi qui Deum possident, refringens. Vide



**A** Vide tamen quid dicat: Quoniam, inquit, ab omnibus meis in aduersis destitutus sum, idcirco sollicitam mei curam suscepit Deus. Ex præteritis enim meis incommodis probè didici, quòd eius misericordia & ueritas semper susceperunt me; suscipient, scio, & in posterum. Cæterum nonnulli legunt; Dominus affigabit mihi; hoc est, dominum id saltem mouebit, quòd ego humanis ultrò exutus armis, ad ipsum solum confugio. Alij uerò, cogitauit mihi, hoc est, de me cogitauit in bonũ. Quare sic habet Chaldaeus: Deus cogitauit mihi bonum. Non præteribo etiam aliam Kimhi Hebræi literã, non quidem ut intelligentiæ confusionem afferam, uerum magis ut acutioribus, ne dicam curiosioribus, satisfaciã ingenijs. Aestimauit me, inquit, Deus: hoc est, me dignum esse duxit, cui suppetias iret. Cum igitur sic se diuina habeat erga mortales bonitas, ut nunquam non, etiam cum nõ sentitur, in inferenda suis ope, ut ego quidem, inquit, indignè licet, non rarò expertus sum, iugiterq; experior, præstò sit,

Adiutor meus & protector meus tu es, Deus meus non tardaueris.

Cum auxilium meum, inquit, tu semper meis in ærumnis extiteris, ne morò etiam in subueniendo tardus sis: scrutator enim miserũ in modum si uel parum abs te deferor. Quòd sanè à mũdo, qui tuos persequi odio solitus est, destituar: quòd ab amicis, mihiq; necessitudine coniunctissimis deferar: quòd improbis infensus sim & odiosus, id mihi certè nouũ aut insolens, inexpectatumq; atq; proinde molestum, intolerandumq; minimè uisum est: istiusmodi enim decipi solent fructus è mundo. Verum abs te, in quo omne inest bonum, à quo pax uera animi, tranquillitasq; conscientiæ tanquam riuuli ab immenso gratiarum decurrunt Oceano, contemni, in aduersisq; deferi, nulla acerbior uidetur posse esse aut crux aut mors.

PSALMVS DAVID XLI. EFFVNDENTI  
SANGVINEM.



Eatus uir qui intelligit super egenum & pauperem, in die mala liberabit eum dominus.

Haud mihi quidem multum elaborandum erit in ueriori formandolensu huius psalmi, simulac lego nonũ uersum à seruatore nostro Iesu Christo in sui proditoris reprehensionem citatũ olim fuisse. Dicant alijs ut lubet, uatem morbo aliquo grauiori oppressum, planèq; suis à cõiunctissimis amicis derelictum, desperatisq; prorsus rebus, de se lecto cubanti hunc psalmum componia paratæ eum non latuerunt: alijs uerò pro Salomone eius filio factum opinètur, cuius insidiæ ab Adofint que dicunt, ad Christum, cuius typus fuit Dauid, totum psalmum, ne in antiquis recensendis annalibus occupemur, referre tentabimus. Sunt fermè omnibus obuia & nota, ut umbræ tamen queunt cognosci. Qui uolunt, in his euoluendis occupari possunt: atqui mihi dictu facilenon uidetur, quantum meus in melatitia geñiat spiritus, cum de Christo aliquem enarrari psalmum, aut de illicitatorem dominum Iesum, sed ita, ut aliàs tanquam caput & loquatur, & mirisrò, ut membrum, & plerunq; ignobilissimum, sese nostræ usque eò attemperat se cognoscat, in seq; esse & fateatur, & doleat, quò à membris caput disiunctum esse minus uideatur. Quare quæcunque sancti Dei uiri indignè perpetiuntur à mundo, in ipsis Christus patitur, sudat, angitur. Vnde non absque diuina scientia illud fuit ab Apostolo dictum, qui cum Romæ captiuus esset, mortemq; ope-



**C** riretur, fassus est sese paratum esse adimplere, quæ afflictionibus Christi in sua carne adhuc deerant. Quæ quidem omnia quantum uelim ex animo perperderent principes, atque animarum pastores; sed fabulæ propemodum nostris hisce animis penitus exulceratis, quæ de Christi mansuetudine dicuntur, apparent, ac somnia. Nam eò quidem dissidij inter capita & membra nostra iam processit uita, ut magni Ecclesiæ proceres, sua contenti magnitudine, infirmiores sibi subditos, oues scilicet languidas, atque artus moribundos fastidiant, execrenturque; tantum abest, ut curent, illorumque morbos (quod fecit, facitque etiamnum Christus) in se transferant. Verà ne sunt quæ dico? Utinam falsus sim, uanaque fiant rerum, quæ mihi hoc in secreto recessu occurrunt, imagines. Sed ad dominum meum Iesum Christum redeo, qui psalmi huius summa est, & qui se pro te, ô ingratissime animantium omnium homo, & pauperem & inopem & egenum esse fatetur, Christus, inquit Cyprianus, pauper fuit, pauper mater, pauper filius, inops hospitium, atque proinde discipulos diuites aspernatur. Verum beatus ille, ac ter & quater felix, qui uerè intelligit cuius excellentiæ & charitatis is pauper sit, qui cum diuitiarum omnium, quæ tum ad animum, tum ad corpus spectant, autor existat ac dator, factus est tamen in mundo rerum omnium ad uitam pertinentium inops, miser, despectus, atque ab omnibus ferme contemptus. O si intelligas, mi lector, quàm ingens bonorum omnium copia sub tam uili lateat tegumento, te certè cum propheta beatum dixerim. Est proinde ex probis quispiam, qui prauorum hominum iniurijs laceratus & oppressus, uix ui potest oculos ad cælum attollere, duret, obsecro, cogiteque intra sese, beatitudinis instrumentum id quidem esse, uel eò maximè, si in die malo, hoc est, in tetra persecutionum tempore persuasum habeat, intelligatque Christum non procul abesse, imò illum magis in se pati, quàm ipsemet in sese, illa quæ ab impijs inferuntur. Desperet ne id cogitans & intelligens? Nequaquam certè; nam firmo illo iacto fundamēto, statim liberabit eum dominus. Dominus, inquam, custodiet eum, & uiuificabit eum, fietque beatus in terra, & non tradet eum in animam inimicorum eius. Sic enim hos legunt uersiculos Hebræi per futurum, quos noster interpretes reddit optandi affectu, hoc modo:

Dominus conseruet eum, & uiuificet eum, & beatum faciat cum in terra, & non tradat eum in animam inimicorum eius.

Illud in primis considerandum, liberationem illam, de qua supra dictum est, in die malo liberabit eum dominus, in stabili ferendi pro Christo, quicquid accadat, proposito potius intelligi oportere, quàm quòd re ipsa ab aduersarum rerum onere, cruce scilicet sanctis necessaria, leuetur uir iustus. Illam enim ueram à malis liberationem esse iudico, cum quis eo animi robore à Deo donatus sit, ut illa non tantum fortiter toleret, atque infractè, uerum etiam libenter, & ut res charæ solent, percupidè, & cum oblectamento, quò præmium quodammodo uiro illi, qui intelligit super egenum & pauperem, in die malo propositum sit, ut quemadmodum homo homini in æumnis misericordiæ uiscera aperit, ita reuera pensa quasi à Deo uice, is quoque tempore in aduerso à malis eximatur. Summa igitur est, quòd anima multis circumsepta miserijs, in Deum, qui pro misericordiæ bonitatis dispensatione exerceat; nam nulli dubiū, quin plena à malis sequatur liberatio. Ea enim fiduciæ in Deum uis est, ut Deus ipse quodammodo animæ ita erga se affectu amore deflagret, atque propterea nihil aliud uelle uideatur, quàm quòd ipsa uelit, ac castissimis petat suspirijs, & oret. Sunt præterea qui legunt, ut nos è nostro interprete: In die malo liberabit eum dominus, alij uerò, quibus non coactus assentior, punctum, quod Hebræi ethnachthā appellant, post in die malo transferunt, quò super egenum & pauperem in die malo, ad-



lo, aduerso scilicet & ærumnoso, prouidentia habeatur. Cæteri porro qui sequuntur uersus, ab Hebræis per futurum, ut dixi, leguntur. Vtraque enim interpretatio uatis spiritui non dissona uidetur, quanquā (ut mea est opinio, quam tum hic, tum aliàs interferere interdum audeo, summis tamen, ac cum omni Ecclesiæ reuerentia) per futurum aptius legi debet, ut uerbo liberabit, & conseruabit, & uiuificabit, beatūq; faciet (quò fidei uis uerbi non ignoretur) spes quoque respondeat; tamen, ut præfati sumus, quæ per imprecationem nostro ab interprete leguntur, solitam prophetæ anastrophē, subitamq; uocis uersionem imitantur; qua postea, etiā secundum Hebræos, usus est, cum dixit, nō tradas eum in animam, hoc est, in libidinem, ut aliàs admonuimus, & uoluntatem inimicorum eius, pauloq; post,

Dominus opem ferat illi super lectum doloris eius, uniuersum stratum eius uersasti in infirmitate eius.

Hebræi sic: Dominus confortabit eum super stratum dolorum; uniuersum cubile eius cōuertisti in infirmitate eius. Verū illud non prætermittendū, quod in superioribus legimus, uiuificabit eum, non tam de futura, æternaq; uita intelligi, quā de præsentī, in qua per Christi fidem, quæ est uita animæ, iusti efficiuntur. Nam pietas, ut inquit Paulus, promissionem habet uitæ quæ nunc est, & futuræ. Ex qua porro animæ iustitia, illud quod sequitur felicissimè nascitur: Et beatum, inquit, faciet eum in terris. Quò subsequentiū bonorum uir iustus, spe iam concepta, futurus sit hæres, nemo ferè ambigit. quò uerò in hac quæque uita, atque in terris, in quibus ærumnosa quædam, perpetuaq; illi promissa est crux, non sic perspicuum. Durum quippe nonnullis uidetur, eum beatum dici posse, cuius uita continuīs in angustijs uersatur. Id sanè durum esset, si sanctorum felicitatem in hoc mundo, uitæ commodis, ac delictijs metiremur. Sed longe aliter, beatioribusq; se habet rebus sanctorum felicitas in hac uita, quā sint diuitiæ, honores, & id genus alia, quæ ab hominibus ut plurimum diliguntur. Intus enim in anima, hoc est, ubi Christus suum habet domicilium, id beatitudinis genus reperitur, quæ est pax animi, tranquillitas que conscientiæ, ac iugis cœlestium bonorum gustus, frequensq; cum sponso animæ congressus & confabulatio. hincq; in uiro illo sic affecto, quædam cernitur morum æqualitas, uultus hilaris, comitas, parsimonia, frugalitas, modestiaq; ac quidam longo ex usu obductus ad iniurias callus. Quid illud? quò per assiduas tentationū ictus, diutinaq; persecutionum rabiem eruditus, affabreque edolatus, atq; propterea uel ipsis demum improbis cognitus, non desint etiā è perditorum hominum numero, qui illi inuideant sanctitatem morum, dicantq;. O tali certè nos præditi essemus animo; non est quidem alia in terris beatitudo, non felicitas, non perfectio, præter illam, quam tranquillorum hominum sectatur uita. O beatos illos, qui se prorsus à negotioso uitæ genere abdicarūt, lætamq; etiā in medijs ipsis uulgi turbis, uiuunt uitam. Verū nos miseros, qui ultrò mundi perfidiæ obiecti sumus; bis enim, aiunt quidā, nos nostraq; Deo deuouimus: sed nihil actum, in idem reuoluimur lutum. Sentis, mi lector, quò afflictorum pro Christo tenet beatitudo? Quantas uerò insidiarum machinas commoueat improbi, ut quietarum mentium cum nomen, tum uitam, aut uulgò contumelijs interspergant, aut extinguant omnino, notior res est quā ut eam ego multis persequar uerbis. Sed illud in tentationum, persecutionum uel diritate, omnium, quæ letissimum est, innocentiam posse quidem quassari, atteri uerò omnino, & exipari exorati, probè nouit, cum in sublimi illa supercœlestiq; precatione illud in fine ad miserorum consolationem addidit; Et ne nos inducas in tentationem,



- C** sed libera nos à malo. Hac igitur persuasione, ac fide fultus uir iustus, nullam quamlibet diram mundi pertimescit tyrannidem. Compertum quippe habet, non semelq; expertus est, dominū sibi opem attulisse super lectum doloris, uersumq; stratum suum uersasse in infirmitate. Vide quomodo uates, quò coelestium capaciores simus, ab usitato hominū sermone non libenter diuertit. Solet enim qui aliquo affectus est dolore, maximè animi, non per diu quidem solūm, sed de nocte potissimum, tanquam curarum altrice ac matre, curis exedi & affligi. Verū Deus uiro iusto sic se suo in lectulo maceranti, salutarē supponit manum, ne collidatur penitus, emolliensq; dolorem, illud ipsum stratum anxietatum plenissimum, in aliud strati genus, ut fieri solet à morbo aliquo liberatis, cōmutat; hoc est, sanum illum prorsus reddit, lectumq; eius (ô fidum obsequium) angulis, lateribusq; undequaq; uentilatis, etiam atq; etiam uersat, & ut mollius cubet, diligentissimè tum manibus, tum baculo percutit, & explorat. Vult Augustinus lectum carnem esse, in qua inest peccatum, unde continuus animi pijs est dolor, cum id agere plerumq; quod displicet, uel carnis impulsu coguntur. Hincq; ut ait quidam, nō rarò in perplexas mentis angustias incidunt in tremorē iudicij, doloremq; conscientiae; ut quocunq; se uerrant, nil nisi angustias uideant, atq; propterea Dei patris conspectum, quantum possunt, fugiunt. Tunc, ô Deus, horū uniuersum uersasti stratum, ut hi filij tui qui iam sibi uidebantur perditij, qui uolutabant in spinis, qui nihil quietis habebāt, possent mollior quiescere, dormire, & melius habere. Qui enim semper pater es, hic planè matrem agis, ut filij, qui alijs solent esse misericordes, iam quia indigent, misericordiam cōsequantur. Sed noster ad Christum redeat sermo, qui nostra perinde quasi sua essent, deflet peccata. Omnium enim ubiq; mortalium delicta, cum innocentissimus tamen omniū esset, sua fecit Christus, pro illisq; tanquā suis, patrem placare intendit, dicens:

Ego dixi, Domine miserere mei; sana animam meam, quia peccavi tibi.

Quā melius hæc mihi miserrimo, qui semper peccaui, dicenda essent, q̄ illi, qui nunquam. Verū quī possum ex animo, ac seriò dicere, Peccaui, quito uel cogitare queam, quod fermè peccatum nō sit? Video enim quomodo hac in infirmitate mea necessarium omnino sit, ut meum subtus me stratum & uersum ab omni est peccati contagione liber, crebrò sursum deorsum exploret & uersum; alioquin in peccatis ortū, in peccatis emori necesse erit. Ego (inquit promissus Christus) dixi, ô domine miserere mei, illamq; animam, tuam ad imaginem, similitudinemq; formatam, per peccatum deformatam, collisam, fractam, laceram, sana, & consolida. Ne, te oro mi lector, mentis oculos, cum hæc legis, tuo à capite subducas. Ipse est qui pro te hic loquitur, oratq; suas sibi, quæ uerius tuæ sunt, quā illius, remitti culpas. Eadem quippe ratione Christus mortaliū omnium moriens in se transtulit delicta, suaq; fecit, qua olim uictima illa antiqua in lege, quæ pro peccatis immolabatur, peccatum in se suscipere, secumq; incendere ferrebatur. Christi hæc erat umbra. Quare mirum admodum est, si totus in Deum per amorem non raperis, considerans tua peccata, non iam tua, sed Christi, per æterni patris misericordiam facta esse: Christi q; iustitiam, meritum, ac uirtutem in te ab ipso tanquam ab Oceano gratiarum immenso transfusam. Sed ne longius ab instituto diuagemur, Christum persecutiones suas enarrantem audire non pigeat, qui hic loquitur:

Inimici mei dixerunt mala mihi; quando morietur, & peribit nomen eius.



A Nulla in terris perniciosior inuenitur pestis, quæ est simulatus amicus. Quod enim ab hostibus quis aperto, ut aiunt, Marte impugnetur, penè tolerandum. At à falsis fratribus, fucatisque amicis circumueniri ac decipi, quis id cogitans præ dolore non extra se exeat? O insulsa Iudæorum consilia. Quando, inquiunt, morietur? Scilicet is, qui uita est illa, à qua condita omnia existendi uim sumunt ac uitam, expectatur ut occidat. Ab illo die, inquit Ioannes, cogitauerunt ut interficerent eum. Queritur hinc igitur dominus multas in se blasphemias, multa dicta & diras suos congestisse hostes, mortemque suam cum nominis interitu efflagitasse. Cernis ne, pie lector, quomodo in hoc psalmo proborum hominum uita, cum probitatis autore Christo, pedetentim quasi per membra effugiatur? Quàm uerum quidem illud est, quod qui pie in Christo uiuere cupiunt, multas incurrunt molestias. Verùm illud omnium amarissimum uidetur, si à domesticis id fiat amicis, si à necessitudine coniunctis, si ab ipsis denique pastoribus ac patribus. Sed iam uisa patentium hostium feritate, tectorum simulationem detegamus.

Et si ingrediebatur ut uideret, uana loquebatur, cor eius congregauit iniquitatem sibi: egrediebatur foras, & loquebatur in idipsum.

B Omnes Hebræi, quos sciam, unum tantum habent hinc uersum, quem sic reddit Paraphrastes: Si forte fortuna uenit quisquam illorum ut uideret me, loquebatur fucate, addebat sceleri scelus, longè aliud habens in animo, quàm in ore: egressus enim à me foras, linguam aduersum me exacuebat. Fel, uerò: Et si uenit ut uideret, uanum loquetur, congregabit iniquitatem sibi: egredietur foras, loquetur. Ex qua lectione perspicuum est, illud, in idipsum, quod simul ininterpretantur, ad sequentem referri uersum: unde Fel. sic illum orditur: Simul aduersum me susurrabant omnes. Alius uerò ex Hebræo: Aduersum me conspurcabant simul omnes inimici mei. Paraphrastes: Vnanimiter aduersum me conspurcabant. Hinc sanè nonnullorum simulationem à domino meo (quò cautiores scribi uideo. Vide & tu, cui pro nefandissimo est more fratris existimationem, ac uitam, sub amicitiae prætextu traducere, cuius similitudinē nanciscaris, proploras nimirum filij Dei. Subintroierunt, inquit Paulus, quidam fratres, ut exproremus modum obtinent, si princeps, aut alius quispiam ex primoribus orbis, cui de fratre defertur, haud faciles delatoribus accommodant aures. Eo quippe modo malignorum deterrita simulatione, tuta redditur innocentia, paxque orbi uniuerso conciliatur: alioqui certè dissidia, in ipso etiam sacrarum ædium sinu ac centro, oriri necesse erit, dum Corycæis eiusmodi, ignitisque iuniperorum prunis, à primatibus non solum impenditur fauor, uerum etiam statuitur præmium, ac, quod uix dicere audeo, honoribus illis, quibus ornari solent optimi, integer rimique ciues, nefandissimus quisque simulator & malus, ut sic dicam, plagiarus, etiam in rerum publicarum administratione, plus dicam, animarum quoque rectione, pessimo omnium exemplo donatur. O infelices animas, quibus à tam tetro monstro gubernari contingit. Interdum enim cum hæc, horum uel similia mundi porbarum, phariseorumque leuitas ac promptæ aures, ad admittendas proditoris, fucatisque amici & discipuli, in amicum & magistrum insidias. Occurrit mihi, inquam, sic cogitanti Christus ipse totius probitatis specimen & exemplar, quomodo traducitur, tunc fuit & uenditus: quomodo nostra quoque ætate suis in membris traducitur, uenitque ac cruci affigitur. Is est enim qui hoc in psalmo nostram, qui in mundo cum ipso affligimur, ob consolationem & exemplum, queritur se à fucatis proditum amicis. Cæterum illum uana loqui existimamus, qui cum



**C**or odij amarulentia ac fraude plenum habeat, eum tamen quem prodere cogitat, laudat, cum ipsoq; familiariter conuersatur, inuitat, blandoq; compellat sermone ac uultu. Illud certe comicū perfidiosæ huiusmodi consuetudini apertissime conuenire arbitror: In melle, inquit, sunt lingue sitæ uestræ, atq; orationis corda in felle sunt sita, atq; acerbo aceto. Linguis dicta dulcia datis, corde amara facitis. Vana proinde ea sunt omnia, quia falsa sunt, fuciq; plena, & simulationis. Quod uerò ab huius generis hominibus frequenter obseruatus fuerit Christus, & circumuentus, dum uitam hanc in terris nobiscū ageret, nemo est uel medio-criter in Euangelicis literis eruditus, qui id ignoret. Quid sit porro, cor eius congregauit iniquitatē sibi, exposuit Paraphrastes, cum ait: Addebat sceleri scelus. Diuus etiam Augustinus simulatā æquitatem, duplicem appellat iniquitatem. En igitur quomodo cor impij sibi facile accumulet iniquitatem. Egrediebatur, inquit, foras, & loquebatur. Nunquam uidi proditorum morem elegantius describi, & est perinde quasi diceret: Concepto per simulatorem illum atq; exploratorem in corde ueneno, emptaq; dolo colloquio innocentia, ac risu pellecta Sardonico, erumpit foras proditor, egressusq; ab illius præsentia, cui insidias parauit, suis statim cum coniuratis, quid actum sit, quid ue agendum, loquitur: deinde nouas machinatur artes, quibus irretita probitas, aut cedat, aut intereat, necesse est. Id est igitur quod uates ait: Egrediebatur foras, & loquebatur. Quod si cui placet huic addi uersiculo, in idipsum, exponi potest, quod loquebatur una cum suis, eiusdemq; farinae hominibus.

Aduersum me susurrabant omnes inimici mei, aduersum me cogitabant mala mihi.

**D** Vide quomodo is improbis potissimum proditoribus mos sit, ut nihil ingenuè aperteq; loqui audeant: sed quodam tacito, ut sic dicā, susurro res suas mutant potius, quam exponunt. Etenim quemadmodum ille, qui malè agit, odit lucem, ut inquit Christus, ita odit proborum congressus, & quicquid probitatem, candoremq; animi sapit, detestatur. Fucus enim est quicquid agit, loquitur, & cogitat. Cæterum quid sit, cogitabant mala mihi, diuus exponit Augustinus ad hunc modum: Cogitabāt, inquit, mala mihi, si quis alius alio amplius inueniret. Et id quidem ad conspirationem, quæ in alicuius struitur perniciem, atinet, cum interim ille nihil malī cogitans, aliorumque animum ex suo ponderans, aut domi, aut in secessu aliquo secretiori sedens, pietatiq; ac literarum studijs incumbens, subito transfoditur uulnere, aut solum uertere iubentibus dijs cogitur. Nam simulac etiam atq; etiā cogitarūt mala mihi (inquit Christus) tandem

Verbum iniquum cōstituerunt aduersum me, nunquid qui dormit non adiiciet ut resurgat?

Tandem, inquit, iniquam protulerunt sententiā. Tandem post longum æris murmur secutus est nimbis. Tandem innocentissimū agnū mori cogerūt. Ablato itaq; à mundo sole, extinctoq; uniuersi lumine, inter se omnes in densissimis conspirauerunt tenebris: Nunquid, inquiūt, qui dormit, qui ab omnibus, etiam à proprijs discipulis derelictus est, à nobis uerò infamatus, expulsus, ac tandem cruci affixus, atq; in tumulum, uti solent ceteri mortui, proiectus, adiiciet, hoc est, animum inducet ut reuiuiscat, iterumq; nobis negocium facessat. Tuti enim iam sumus. Iam extinctus est. Verū littera, quæ est Hebræis. paululum diuersum huius uersus sensum habere uidef. Verbum, reddit Fel. Belial effusum est in ipso. & qui iacuit non resurget amplius. nihilominus Belial eandem præ se fert significationē, quā iniquū. & est sensus: Maximū scelus ac flagitium infusum isti est, ut à tam longa, diraq; ultione ac pœna nequeat liberari: nodum enim debitas suæ impietatis persoluit pœnas. Quare fieri nō potest, ut qui nunc tam



A tam atroci affectus est supplicio & morte, denuò reuiuifcat. Perpetuò quidem sic eum iacere opus est. Vide quam de filio Dei opinionem conceperant Iudæi, sed in primis synagogæ antistites. Præterea Belial Hebræis scelus est: uerbum uerò Belial, res scelestæ, ac perditæ, quocirca in scripturis uiri Belial hi dicuntur, qui ad usum bonū sunt inutiles, prorsusq; nefarij, ac qui, secundum etymologiam Hebraicā, ad nocendū alijs tantūmodo uiuunt. Sic filij quoq; Belial. Vnde Anna Samuelis mater remulentia ab Heli sacerdote in simulata, respondit: Ne reputes ancillam tuam quasi unam de filiabus Belial. Et sic in hoc sensu Belial in scripturis haud rarò reperies. Porro Verbum, inter alias significaciones quæ passim in scripturis nobis obuiæ fiunt, rem, negocium, factumq; significat. Videamus, inquit pastores illi felicissimi, hoc uerbum, quod factum est nobis: hoc est, rem ipsam, de qua nobis dictum est. Nam Hebræis id modus est, ut quodlibet negotium, aut factum, uerbum dicant: ita ut etiam diuinam legem, præceptaq; atq; interdum prophetias, uerbum nuncupent: adeò celebrior Hebræis uerbi significatio uisa est, quàm Latinis. Illud postremò notandum, nunquid qui dormit, clarius absq; interrogatione, ut legunt Hebræi, possit legi. Qui iacet, inquit, non resurget. Quòd si tamen nostra alicui magis arduerit litera, expungendum omnino erit Nunquid, & sic legendum: Qui dormit non adijciat ut resurgat. Decumbere, inquit Paraphraustes, tam grauius cœpit, ut nunquam ualitudinem pristinam recepturus sit.

Etenim homo pacis meæ, in quo speraui, qui edebat panes meos magnificauit super me supplantationem.

Nulli dubiū quin hic Christus de Iuda dicat, cū hæc eadem pro se citauerit uerba in Euangelio. Sed clarior erit sensus si, etiam, non etenim, legas, ut uerba in Hebræi. & est ac si dicat Seruator: Quòd ab ipsis meis, patrisq; hostibus derisioni habitus sim, ac ludibrio, atq; propterea morti addictus, nō mirum admodum uideri potest: uerū illud me angit, quòd etiam homo, qui cum arctissima mihi intercesserat familiaritas, cuiq; fidebam, qui & meo mecum uictitabat patet legi. Etiam uir pacificus meus, hoc est, amicus meus quo nitebar, edens pacem meum, magnificauit contra me insidias. Chaldaea uerò: Magnificauit super me dolum. Vtraq; enim litera eundem sensum, quem nostra, reddidit. Attamen qui insidias uertunt, seu dolos, simplicius id quidem, quàm qui supplantationem: quæ sanè uersio quandam allegoriæ speciē sapere uidetur. Queritur hic itaq; dominus Iesus, se ab amico, & sodali, illo præsertim, cum quo arcta ac pacifica sibi semper fuerat consuetudo, & qui cum cibum sumere solitus erat, deceptum fuisse. Supplantationem dicens, ad illud alludere uidetur, cū quis currentem aliquem, aut secum luctantem, calcaneū inter eius tibias insinuans, uelut nolit cadere compellit. Quomodo uerò Christus in Iuda sperauerit, illoq; nixus fuerit, intellectu difficile uidet: uerū puris animis, cœlestibusq; rimantibus, sed in primis pecuniam rei familiaris, dispensationem mensæ, Apostolum, familiare colloquium, ministerium uerbi, uirtutem miraculorum, cibi mensæq; domesticæ societatem, & quod omnium maximum fuit, superdiuinum sui corporis ac sanguinis edulium, satis facillè apparet. Num, quæso, hisce munerib. ornatus tibi inferior uisus est Petro? num cæteris Apostolis? Sed maxima cū sint beneficia, maximam præ se ferunt iniuriā in ingratum. Quare non absq; ratione positum est uerbum, Magnificauit, hoc est, magna fuit Iudæ supplantatio, & iniuria, hominis nimirum mei familiaris, conuiuæq; atq; innummeris meis affecti beneficijs. Vnde (malum) speranda mihi fuit grati animi testificatio, repensa est iniuria & contumelia.



- C** Tu autem domine miserere mei, & resuscita me, & retribuam eis.  
 Volunt nonnulli, ex præcedenti uersu uaticinium de ultimo illo osculo dato Christo per Iudam in horto, debere intelligi, cum ait: Etiam homo pacis meæ. Osculum enim, pacis, charitatisq; (de uero osculo loquor) indicium est. Item buccellam tinctam in catino, datamq; ipsi proditori in cœna illa Christi cum discipulis ultima, sub uerborum illorum uelo adumbrari: Qui edebat panes meos. Ut uera ista non sint, pia tamen sunt, & quæ ego facile amplector modò, prius germanum disquirant sensum, hæc postea. Sed ad Christum redeamus, qui hic nostram ad consolationem, suis enarratis persecutionibus, quas cum ab hostibus suis omnibus, tum à domestico amico & familiari perpeffus fuerat, orat patrem, ut tantarum ærumnarum, totius uidelicet generis humani, iam tandem miseretur, ab eiusmodi calamitatibus, atque è sepulchro se emergere, reuiuiscereq; faciat, atq; illis quidem ipsis, quibus persuasum erat mortuum non amplius resurrecturum, uiuum, fortemq; apparere. Idem ferme rogauit Christus in humanis agens, cum ait: Venit hora ut clarificer filius hominis. Pater saluifica me ex hac hora: sed propterea ueni in horam hanc. Pater clarifica nomen tuum. Ex potentissima quidem Christi è tumulo resurrectione, tum pater, tum filius ipse, tum tota deniq; trinitas purgatissimarum mentium hominibus gloriosa uisa est: cæteris uerò extimescenda, & nonnullis etiam uana & commentitia: de quorum sanè durtie atq; amentia, tunc locutus est Christus, cum dixit: Propterea non poterant credere, quia dixit Esaias: Excæcauit oculos eorum ut non uideant, & non intelligant corde, & conuertantur, & sanem eos. Hæc dixit Esaias, inquit Ioannes, quando uidit gloriam eius. Vide quomodo in hoc omnes consentiunt, ut Christi resurrectionem eius gloriam appellent: quæ & certè nostra est. Nam et si ab eius morte nostra omnis orta est purificatio, ab eius tamen resurrectione, **D** iustitiæ nomen & præmiū adepti sumus: siquidem Christus, ut ait Paulus, mortuus est propter delicta nostra, & resurrexit propter iustificationem nostram. Alioquin, inquit, nisi esset resurrectio mortuorum (absurdissimū omnium foret, caput absq; mēbris posse reuiuiscere fateri: in Christo enim è sepulchro se excitante totum mortaliū genus reuixit) miserabiliores cunctis essemus modis mantibus, ne dicam Sarmatis ac Getis, quibus nondum ullum huiusmodi impartitū est lumen. Quid deinde Christus his, à quibus tam male habitus fuit in terris, rependendum esse censeret, cum ait, Et retribuam eis, eleganter exprimit Paraphrastes, dicens, ut illis quod meriti sunt retribuam. Id enim proprium iustitiæ politicæ munus est, ut unicuiq; quod quis meritus est, à iudice tribuatur. At Christus, qui de seipso tanquam uniuersorum domino ac iudice, suam post resurrectionem testatus est, omnem sibi à patre datam esse potestatem in celo & in terra, uerius has sibi integras iudicandi partes, distribuendiq; omnibus, ut meriti sunt, uindicat, q̃ cæteri è mundo iudices. E tumulo igit excitato Christo, iniquum illud uerbum, quod inquit, Constituerūt aduersum me, nunquid qui dormit addet ut resurgat? dissectū fuit, uanumq; redditū. Propterea illud quod sequitur, additum uidetur:

In hoc cognoui quoniam uoluisti me: quoniam non gaudebit inimicus meus super me.

Hebræorū interpretes partim uertunt, quoniam dilexisti me: partim, quoniam complacuisti in me. sed idem sensus est. Idcirco, inquit, me abs te amari noui, q̃ inimicus meus gloriandi aduersum me causam non habet. hoc est, sine peccato inuētus sum. Quòd me persecutus fuerit, quòd prostrauerit, quòd à proprijs latribus eiecerit, traduxerit, occiderit tandem, quid illi gloriæ esse potuit, cum hæc omnia iniquissimo egerit animo, atq; absq; causa? Ille enim me attritū omnino, extinctumq; arbitratus, suis cum adulatoribus exultandi occasionem se natū existima-



existimauit. Verum id frustra: nam breui à cœlesti patre, qui filium æquè ac se ipsum diligit, omnibus ab æumnis, aduersisq; ereptus, atq; à sepulchro excitatus, gloriam illam, ditionemq; ac potestatem adeptus sum, ut iam omnia mihi condita pareat, nedum minimus uilissimorum hostiũ cõuentus & globus. More hinc humano, ut multa alia, de cognitione, qua se à patre diligi testatur, loquitur filius Dei. Verum qui hac de re longas appetit disputationes, distinctionesq;, quomodo scilicet Christus triplicem habuerit cognitionem, ab alijs petat: ego enim, nisi coactus, ad illa, quæ parum huic meo inserviunt labori, diuerto. Sui itaq; frustratit triumpho de me impij (clamat Christus) debitas suis scelerib; dederunt pœnas.

Me autem propter innocentiam suscepisti, & confirmasti me in conspectu tuo in æternum.

Nonne illud tibi in mentem nunc uenit, quod de huiusmodi susceptione, confirmationeq;, à scriba illo spiritus enarratur? Dominus, inquit, Iesus postq; iocutus est eis, assumptus est in cœlum (ecce assumptio) & sedit à dextris Dei, (ecce æterna in cõspectu patris confirmatio.) Quod quidem, mi lector, meis inimico meo destitutum, cum qui me aduersis exerceat deesse sentio, postquam uicis tolerantia tam nobilem meruisse assumptionem, ut æterna stabilitate in cõspectu Dei patris sedeat, maneatq; perpetuo. O certè felicitatis uenturæ argumentum, cum quis innocenter uiuens persecutionum lima atteritur & exsolitur. Sentio, sentio, quàm non detrectandæ sint mundi iniuriæ: alioquin, ait ille, qui non tentatur, quid scit?


Benedictus igitur dñs Deus Israël, à seculo & in seculum. fiat, fiat.

Vates more suo cum gratiarum actione, Deiq; laude psalmum claudit. Cæterum familiaris scripturæ tropus est, ut benedictionis nomine inter cætera huius uocis significata, quæ multa admodum sunt, pro laude, gratiarumue actione utatur: quod non raro in superioribus est dictum, Calix, inquit Paulus, benedictionis, hoc est, diuinæ largitatis, munificentiæq;, quo benedicimus, laudamusq; Dei benescientiam, quoq; de morte Christi salutifera gratulamur, patriq; gratias agimus, ut idem ferme sit calix benedictionis, qui & gratiarum actionis. Ita igitur, Benedictus dominus Deus Israël, idem præ se fert, quod laus, gratiarumue actio Deo sit, Israël uero Deum appellat idcirco, quod nulla tunc alia à gente ritè colebatur: uel quia hi soli ueram de Deo habent cognitionem, atq; propterea puras ex animo referre queunt gratiarum actiones, qui à Deo electi, directiq; (sic à nonnullis hanc uocem interpretari uideo) etiam in carne positi, diuino frui conspectu & quærunt, & non raro assequuntur. Omni laude maior dominus Deus Israël, reddit Paraphrastes. Ab æterno fuit, & usq; in æternum erit. Amē, Amen. Hec de illud inter alia in Deuteronomij libro legimus, quod cum per Moysen deuotiones, ut ita dicam, in legis transgressores recitarent, respondebat populus, Amen: affirmantes nimirum hac uoce, ratumq; habentes, quicquid pronunciaffet Moyses, & est perinde, ac si dicat, Fiat, & ita fiat, ut noster ferè uertit interpretes, alij autem, Verè, uerè: quod ipsa uocis geminatio maiorem ostendat cõfirmationem corum, quæ quis dicturus est, uel quæ iam dixit. Cæterum, seculum seculi, inquit Paulus, in ecclesia per Christum Iesum in omnes ætates seculi seculorum: hoc est, illius seculi, quod succedentibus seculis, nunq; sortietur finem, aliàs uerò seculum, centum annorum dimensio est, & pro longo tempore plerumq; à Latini usurpatur. Sit Deo laus igitur tum omnium, tum potissimum illorum, qui, ut possunt, & ut grauissima carnis sinit sarcina, in iucundissimum illius aspectum fixos




IOAN. BAPTISTAE FOLENGII  
**C** tenent oculos. Sit, inquam, illi laus, sit gloria, sit gratiarū actio in æternū. Quod  
 quidem benedictionis genus ego peccator, qui hæc scribo, approbās, ratumq;  
 habens, illi subscribo, dicoq; Amen.

PSALMVS XLII. Vincenti eruditium filiorum Choræ.



ALMVS XLII. Vincenti eruditium filiorum Choræ.  
Vemadmodum desiderat ceruus ad fontes aquarum, ita de-  
siderat anima mea ad te Deus.

 uiderat anima mea ad te Deus.

Ardet tota hæc oda, sed priusquã illius calorẽ hauriamus, pauca de titulo. Extincto Chora illo seditioso, ut in Numerorũ libro legimus, tres illi filij superstitēs fuere: è quibus postea usq; ad Dauidis ætatẽ posterialiquot descendērũt, quorũ doctiores in musicis, Rex ipse cum alijs Leuitis (Chora enim Levi pronepos fuit) ad sacros decantandos hymnos elegit. Inter quos quidem hymnos, is quẽ nunc exponere intendimus, mortales omnes miris sancti spiritus afflatus erudire uidetur: quapropter in titulo positũ est, Eruditũ: siquidem ad percipiendũ totius psalmi sensum multa lectori opus est eruditione. Illorum uerò, qui hunc psalmũ censent ab ipsis proprijs Choræ filijs cõpositum pro futura Iudæorũ captiuitate, atq; in Babylonẽ transmigratione, extant scripta: qui huiusmodi delectantur lectione, illos, si lubet, aut ociũ est, legant. Ego enim hĩce parum degustatis, ad illa libenter cõtemplanda, quæ ardentius moueant animum, mentem applico. Nihil terrenũ mihi sapere uidentur psalmi: ueruntamẽ ut ea quoq; ipsa uera sint quæ ab alijs dicuntur, siue de Regis dolore, qui ob exilium festis illis præcipuis Iudæorũ minimẽ interesse potuerit, siue de crudeli ab Assyrijs in Babylonẽ captiuitate, omnia nihilominus illis umbra fuere, nobis ueritas. Omisissis igitur umbris, ueritatẽ amplexemur. Haud nos quidem præterit, quomodo Dauid in omnibus fermẽ Christũ præfigurauerit, illiusq; uitæ typus fuerit: captiuitas uerò illa celebris Iudæorũ, humani generis portendebat captiuitatem: quam hĩc nimirũ à Dei filio defleri uideo, atq; propterea æternã desiderari patriã, cuiq; per fidem anima atq; amorẽ unita, per languescens suspiransq; cum nihil aliud suis in angustijs præter tenebras ac mortẽ uideat, audiatq; in ipso etiam ecclesiæ diuersorio à multis sibi nõ absq; improprio dici, ubi est Deus tuus: suum aperit desiderium, & flens ingemiscensq;, quanto ualeat affectu clamar: Quemadmodum desiderat ceruus ad fontes aquarum, ita desiderat anima mea ad te Deus. Aiunt rerum naturalium scriptores, ceruos natura calidissimos serpentium carnibus interdum uesci solitos, quãobrem æstu, sitiq; perenni cum ferẽ semper, tum maxime à canibus agitados affici, proindeq; summa celeritate atq; appetentia, cui comes sit clamor, ad aquas ferri. Vnde sic uertit Fel. Quemadmodum ceruus uociferat super inundationibus aquarũ. qui se ipsum exponens, præ desiderio, inquit, clamat propter inundationes aquarũ, hoc est, ut inueniat. sic ille. Alius uerò glocitat, interpretatur, quòd illa propria ceruorum uox sit: alius item, mugit: Paraphastes autẽ, anhelat. Quæ quidem omnia permagnũ bibendi desiderium præ se ferunt. Volens igitur spiritus animas erudire, quàm ardentĩ attollĩ debeant affectu in Deum, eiusq; religionẽ, illas animanti huic sitibundo, omnisq; moræ impatienti comparat. Et certẽ non uideo cur anima tota, quanta est, diuina perspecta in se bonitate, ac gratiarũ inundatione, ex amore, desiderioq; amorẽ saltem rependendi nõ comburatur. Excelsas enim illas, æternasq; diuini amoris contemplationes, in quibus degustandis toti intenti esse debemus, frigidis, utinam nõ turpibus, occupati curis, uel nunq; gustamus, uel gustatas miserẽ fastidimus. Contenti enim aliquando nostris, nescio quibus ritibus, nihil ultrà quærimus. Ex quo sanẽ ignauia genere illa, à quibus perperetua ueluti cruce impetuntur boni, rerũ monstra emergere cõtinuo nostro more rore cernimus, nempe superbiam, arrogantiam, bonorũ morum iuxta & hominum



num contemptum, odia, similitates, persecutiones, discordias, cupiditates, atq; horum omnium altricem ambitionem. Quæ, oro, res publica? quod regnum? quæ regio? quæ religio ab huiusmodi deuastata feris diutius perstare poterit? Hæc quidem, atq; horum similia secum reputans anima, simulq; tanquam uenenatos angues, aut canes uenaticos exhorrescens, fugiensq; ad aquas haud amplius contradictionis, sed pacis & quietis, hoc est, ad suum Iesum, ad suum amatum, qui in uate illo clamat, Omnes sitientes uenite ad aquas, quanto potest cursu confugit. Fastidit planè omnia, imò uerò etiam pertimescit quæcunq; germanum religionis candorem dehonestare uidentur: fateturq; sese non aliter Deum, in quo omnis inest tranquillitas, sitire, atq; solet ceruus siti ardescens anhelansq; fontium aquas appetere. Quod quidem desiderium ita exprimit Paraphrastes: Quomodo ceruus anhelare solet ad riuulos aqua plenos, ita anhelat anima mea ut perueniat ad te.

Sitiuit anima mea ad Deum fontem uiuum. Quando ueniam, & apparebo ante faciem Dei?

Nullus, quod sciam, Græcorum Hebræorumq; uertit, fontem uiuum, sed, fontem uiuum, ut diuus uertit Hieronymus: seu, uiuentem, ut alij: seu etiam, ualentem, ut Paraphrastes. Vicinitas enim literarum hunc peperit errorem, si tamen error dici debet. Nam ea animæ hîc, ut uides, æstuantis mens est, quò omnibus diuulget, qualiter rebus iam demum omnibus, quamuis in mundo conspicuis & honoratis, in quibus tamen maxima reperitur debilitas & miseria, contemptis, ad illum, qui planè fortis est, uitæq; illa præditus, quæ condita omnia suum in statum conseruat, ac uiuere facit, confugere expetat, flagretq; desiderio penè intodam coelestium quoq; rerum desideria, sed absq; siti tamen, frigida nimirum, ac sine ullo animi æstu & ardore. Hi quidem qui tardis huiusmodi ac torpidis afficiuntur motibus, raro imò nunq; perfectum uitæ genus assequunt, execrabile uerò nonnunq; ac turpe. Siti igitur opus est, & ea quidem ardenti, ad assequendam iustitiam illam, qua adeptæ, aut saltem sitibundè concupitæ, is qui siti afficitur, beatius à Christo nuncupatur: qui ut sanè se unicum esse fontem, in quo sitis omnis sedari posset, ostenderet, clamabat: Qui sitit, ueniat ad me. Nam qui uenit ad me, non esuriat: & qui credit in me, non sitiet in æternum. O fidem uerè bonorum omnium conciliatricem. Quid miser hîc dicam? Da mihi domine hanc aquam, ut non sitiam amplius. In hoc quidem æstu, ni opituleris, peream. Tu, qui Deus fortis es, ac fons uiuus, mihi imbecillo, ne in me præualeat mûdus & mors, subueni. Te sitio, te concupisco, te uolo: sed tua absq; gratia, nec mea uera est sitis, nec bona concupiscentia, nec recta uoluntas. Quandiu enim miserrimo hoc in statu uitæ sexcentis uitiorum errorumq; nodis constricto, durabo? Quando ueniam? quando, inquam, apparebo ante faciem tuam? qua uel semel inspecta, meus plenissimè refocillabitur animus, reuiuiscet spiritus, cor iamdudum innubibit, mensq; ab erroribus liberabitur, ac meus in te totus comigrabit amor ac uoluntas. Facies hîc Dei, uera de illo est notio: quam sanè perfecte in hac uita habere non possumus: uerum in æterna patria, in qua tota nostra posita est beatitudo, ac motuum omnium quies, perfectissimè obtinebimus. Cæterum diuersa à nostra nonnullorum ex Hebræis litera, diuersum parit sensum: legunt enim, Quando uidebor? seu, quando aspiciar? Quare sic uertit Paraphrastes: Quando mihi contingeret, ut intromissus ad te aspiciar placido uultu tuo, qui nunc ob peccata scilicet mereor intuitu conspici irato? Vide porro quomodo anima siti unde quæq; fruendi re sua amata exæstuet, fermeq; insaniat: non contenta enim eorum, quæ ad sui desiderij significationem locuta est, alio accumu-



**C** lat, reddiditque rationem cur tam ardentem cupiat dissolui, & esse cum Deo.

Fuerunt mihi (inquit) lachrymæ meæ die ac nocte, dum dicunt mihi quotidie, ubi est Deus tuus?

Sunt multa in terris quæ pias affligunt animas, uerum illud in primis, cum quid in Deum, eiusque honorem ab improbis malè dictum aut factum audiunt. Honos porro Dei est, si in eius non desint Ecclesia, qui uel in medio ipso persecutionum igne atque ardore, totam spem suam in illo habere præferant, & propterea nullius hominis, quos penè omnes aut fallaces, aut ad subueniendum oppressis frigidos & uident, & experti sunt, opem implorent. Id igitur spei genus mundo insolens, ac planè incognitum, à profligatis animis rideri solet, uel eodem maxime, si occulto Dei iudicio, iustissimo tamen, ex probis quempiam diutius, quam uelle uidentur, in aduersis sese torquere conspiciunt. Vnde illa impiissima auditur uox, Vbi est Deus tuus? ubi ille, cuius auxilium tam tibi certum fore prædicabas? dormit sanè, aut tuas non curat nugas. Quid hinc agat anima, dum hæc tam nefanda audit, nec tamen interea sibi cœlitus opem ferri sentit? nōdum enim perfectè expolita uisa est æterno patri, Suam itaque solatur confusionem lachrymis ac suspiriis. Causa, inquit quidam, piæ animæ lachrymarum est, insultatio iugis prauorum. Non sic quidem dirè ferro transfoditur corpus, quam anima crebris illis improborum insultationibus, quæ in contumeliam cedunt Dei, tota, quanta est, transuerberatur, quare cum nihil aliud se posse cernit, non secus auidè in lachrymas resoluitur, illisque oblectatur, atque alij solent fame coactipane. Solet enim huiusmodi quis affectus dolore, & qui iam penitus ex his, quæ turpiter tum dici tum fieri à scelestis uidet, fessus est, angulo quopiam secreto, ri delecto, sese, ne uideat, ne audiat, ne centies in die una ob religionis zelum si bi mori contingat, abdere; ubi ad Iesu pedes prouolutus, non iam quidem liquidò aut confidenti, ut solitus erat, affectu, suum compellat amatum, sed destitutus prorsus Eliæ more uiribus, totus in lachrymas resoluitur, nihilque dicens, omne illud cellulæ silentium amarissimis interturbat suspiriis, non absque spectamen. Proinde additur:

Hæc recordatus sum & effudi in me animam meam, quoniam transibo in locum tabernaculi admirabilis usque ad domum Dei, in uoce exultationis & confessionis sonus epulantis.

Sic enim integrè continuant hunc uersum Hebræi, & est sensus, summamque omnium horum uerborum atque intelligentia: Ego qui olim, cum contra me admodum sæuirent improbi, uidebam purissimum tuum cultum ac religionem à quorundam tyrannide fœdari, planèque excindi, uerebar equidem ne tandem tuis destitutis aris, sacrisque abolitis ritibus ac ceremonijs, ego quoque una à iustorum consortio, quæ tua uera est Ecclesia, secluderer: uerum cum mihi eorum in mentem uenit, quæ iam tuis pollicitus es cultoribus, continuisque non cessas repetere monitis, memet reuoco, à mœroreque animi, tanquam à tristi somno experrectus, meam melioribus in recensendis annis dilato animam, quæ nimio ex dolore ac radio constricta prorsus induruerat: meque ipsum item consolans, spero fore, quando infinitis meis calamitatibus in reformatum tui sanctissimi cultus statum, sanctorumque consortium aliquando illo cum gaudio remigrem, quali dies festi peragi solent. Dei tabernaculum, & id admirabile, ecclesia est: seu, ut inquit Augustinus, fideles sunt: & est tutus ille fidei sinus, ad quem qui confugit, tutiorem degit uitam, quam qui in munitissima tum fossa, tum uallo atque arce sese tutatur. Et in clytæ sorores, spes, fides, & quæ his maior est, charitas, ad nos tenuissimo misericordiae uelo inumbratæ prodeunt. Cum igitur te in Dei tabernaculo per fidem collocatum sentis, ingratus nimium es, si aliud experis confugium. Cæterum, Transibo cum



cum numero, uertit Fel, quò magnā mortaliū copiam, sedatis Ecclesiæ persecu-  
tionibus, ad Deū reuersurā, quæ à pietate, ob animi desperationē omnino desci-  
uerat, intelligas. Durū quippe id esse uidet, cū res nobis charas, ut est honor  
Dei, eiusq; cultus ac religio, ab improbis, & his quidem nōnunq; ministris deua-  
stari cernimus, neq; ulla alia à nobis, qui abiecti sumus & irrisi, expectat tutela,  
aut subsidium, præterq; lachrymarū. Sed illud durius, cū ille qui in Dei ecclesia  
iudicandi munus sibi sumit, idem ipse accusator efficitur, actor insuper & carni-  
fex. Porro quòd ait se transiturū ad ædes Dei sacras in uoce exultationis & con-  
fessionis, soni p̄ epulantis, ad antiquū alludit Iudæorū ritum, qui templum in-  
gressuri uarijs utebantur cū ornamentis, tum cantibus & harmonijs, indicijs  
sanè maximi gaudij multitudinis & lætitiæ. Quod uerò tripudium futurum sit,  
qui cantus, quæ symphonix, quæ epulæ suauissimæ ac lautæ, quæ in diuinum  
effusio amorē eorum, qui æternā ingressuri sunt Hierusalem per Dei misericor-  
diam, puræ castitatis tantummodo nouerunt mentes: quapropter omnis illis eò  
perueniendi mora difficilis uidetur, atq; amara. Cū tamen sic se res habeant,

Quare tristis es anima mea, & quare cōturbas me? Spera in Deo,  
quoniam adhuc confitebor illi, salutare uultus mei, & Deus meus.

Quid me tam dirè perturbas ô anima mea? Quid cogitationibus meam æque  
frangis quietem, ac si res tota funditus excisa esset? Non eo quidem res spiritus  
se habent modo, quo mundi & carnis: hæ enim tum maximè perlabunt atq; oc-  
cidunt, cū magis florere uident: illæ uerò contrā castissimo quodam præsti-  
gio humanos fallunt arbitratus ac iudicia. Eas sanè in terris pressuras subire ne-  
cesse est, attamen dum perditas illas omnino esse ducimus, feliciter emergere ui-  
demus, tuncq; uerè uiuunt cū exangues uulgò reputant. Quorsum igitur, ô  
mea anima, tristis es, atq; intra me tumultus excitas? an tuæ solitæ in Deū fiden-  
tiæ immemor iam facta es? Si rectè iudicas, nihil est in mundo quam obrem tur-  
bari debeas. Spera, spera in Deo, in quo certa est salus, in cæteris uerò rebus ua-  
na & incerta. Venient profectò dies, in quibus iucundissimas illi, qui mihi salu-  
tem attulerit, agam gratias, cunctaq; in me collata diuinitus beneficia illi liberè  
accepta referam, qui haud multò pridem propter persecutionū acerbiter ac  
tenebras, circa ueritatis lucem, tanq; ad lucernam papilio, cæcutiebam. Saluta-  
re uultus mei, Hebræi reddunt, salutem uultus tui; seu, ob auxilia faciei suæ illū  
celebrabo. Quis ex Hebræo, salutes magis aut saluationes uertēdum erat, quàm  
salutē, & est sensus: Veniet tempus quando ego impavidus Deo propter opem  
& salutem multis mihi modis allatam, ostendamq; à beneuolo suo uultu atq; a-  
spectu, fauoris nimirū teste ac uadimonij, gratias agam. Solent enim, quod aliàs  
quoq; diximus, hi quorum nostram interest leuare miseriam, è uultu, cuius ani-  
mi erga nos sint, significare. A truci quidem principis aspectu atq; irato, quid  
pacis tuis in calamitatibus sperare audes? ab hilari uerò, atq; in te facili & iucun-  
do quid non boni? Vnde illud iam omnibus palàm factum est, quòd cū Deus  
nostris in miserijs nobis opitulatur, eum nos beneuolo intueri uultu asserimus:  
cū nō subuenit uel centies interdum inuocatus, toruo & iracundo. Cæterū si  
cui nostra magis arripet litera, is suus erit sensus: Erit enim aliquādo cū amo-  
ro metu, recuperataq; ui spiritus, Deo cantabo, atq; eius nomen ob salutē meo  
uultui exhibitam celebrabo: uultui dico, nuper ob mœrorem desperationemq;  
deiecto, humiq; defixo, nunc uerò exhilarato, atq; ad cœlum usq; uti forma sub-  
limis est, liberè sese attollenti. Vide quomodo perfectissimi quoq; uiri multis ua-  
rijsq; interdū etiam usq; ad desperationē animi, curis exagitari à Deo sinunt. Id  
licet scimus, abnuimus tamen, quantūq; possumus, cum hoste congressionē de-  
testamur. huius nempe erroris, in orbe penè uniuerso dñium habentis, causa  
est, fidei inopia, atq; erga dei religionē torpor & superstitio. Porro, Deus meus,



**C** sequenti uersiculo connectunt Hebraei, hoc modo: O Deus meus. anima mea depressa est super me, propterea memor ero tui de terra Iordanis & Hermonim à monte Mizahar. quem noster interpret sic reddidit:

Ad me ipsum anima mea turbata est, propterea memor ero tui de terra Iordanis & Hermonij à monte modico.

Est cōtinua uiri iusti suā enarrātis ærumnā, series, spe tamē in Deū minimē ab iecta. Ad me conturbat, inquit August. quæ ad Deū reficit: nō enim mihi firmitas, uel spes in me, ideo nunq̃ præsumo de me, sed sperabo in Deo. Stulta profectō anima illa est, quæ in se aliquid esse somniat, quo niti admodū debeat. Visne tibi Deū iratū cōciliare? dic cū propheta, Humiliatus sum usquequaq̃ dñe: alio qui tua, nescio quæ, in rebus spiritus, cōscientiæq̃ ratiocinatione cōputans, diuinæ derogas gratiæ, quicqd tibi, qd tuū nō sit, assignaueris. Super me, uertit Fel. anima mea depressa est. Idem fermè doctiores ex Hebræis aliij, hoc est, deiecia, planeq̃ humiliata. Euthymius uerò, In me ipso, exponit, id est, nemine alio mō, rorē hūc meū sciēre: quō sanctæ animæ prudentiā intelligamus. Nihil em̃ fœdū, nihil turpe, nihil effœminatū, aut, in medio ipso quoq̃ tentationū tumultu, uincitū agitur ab anima diuino semel affecta timore. quassari quidē potest, uinci autē difficile. Quis uerò sit sensus huius uersus, à Paraphraste elegātissimē exprimitur. Mi Deus, inquit, anima mea cruciat sese intra me, nec habeo quo me cōsoler, nisi recordatione beneficiorū patribus nostris exhibitorū iuxta Iordanē, & à Mithzar usq̃ ad montē Hermon. Mos is erat antiquis Iudæorū patribus, quō sua magis Deo probarent uota atq̃ orationes, quoq̃ suas in quibus uersabant, mitigarent angustias, antiqua Dei beneficia memorare, illiq̃ quodāmodo obijcere, tanq̃ eadem, quæ patribus tum promissa, tum data essent, sibi deberentur.

**D** Vnde illa est præclara Salomonis oratio in templi dedicatione, in qua inter cætera illud quoq̃ legitur: Dñe Deus Israël, qui custodis pactū cum seruis tuis, qui ambulant coram te in toto corde suo: qui præstitisti seruo tuo David patri meo quæcūq̃ locutus fueras ei: & quæ ore promisti, opere cōplesti, sicut & tempus præsens probat: nunc ergo, dñe Deus Israël, imple seruo tuo patri meo David quæcūq̃ locutus es. Hunc igitur seruat morē uates, atq̃ anima illa, quæ modò suas quærens solari calamitates, præclarissimas quasdam, in antiquorū patrum gratiā factas per Deum, operationes cōmemorat, remediū nimirū maximè operis salutare ad suscitandam spem in Deū, quæ in aduersis nōnunq̃ frigere solet, plañe obnubilari. Quia, inquit, meis in ærumnis ac persecutionibus penē animo destitutor, propterea memor tui ero de terra Iordanis & Hermonij à monte modico. Nulli dubium esse debet de mirabilibus hīc sermonē fieri, quæ Deus olim pugnādo operatus est pro populo suo ad Iordanē, mōtemq̃ Hermoniorū. prope Bassan, aut ad montē modicū, seu Mizahar, quem quidam putant in regione Seon regis Amoreorū situm esse: aliij uerò, quid sit mons iste, ignorari etiam ab ipsis Hebræorū eruditioribus asserūt. Hermon porrò mons trans Iordanē situs est, in quo, ceterisq̃ illius regionis montibus iam antea regnauerat Og rex Basan: quo deuictō tota illa regio in possessionē Rubenitis, Gaditisq̃ cessit. Vnde se res habeat, ex Hebræo sic posset reddi: Propterea memor ero tui propter terram Iordanis, & Hermoniorū, & mōtis modici, seu Mizahar. Illud quidem pro comperto esse debet, mirandas quasdam operationes, quæ partim nobis per scripturas patefactæ sunt, partim uerò nos fugiunt, illis in partibus per Deū in populi sui fauorē gestas esse: & quarū hīc uates, seu populus in Babylone afflictus recordabatur, nosq̃ cum ipsis, sed altiori quodam rerū gestarū mysterio. Scimus enim quid in Iordane per Christū in nostri gratiā actum sit. Scimus quid Hermon iuxta Iordanis fluentia positus, quem anathematizationē interpretatur quidam, & quæ uult modicū illū esse mōtē, quæ Hebræi Mizahar uocāt, portendat.



<sup>a</sup> Anteq̃ enim quis mysticū hūc Iordanē, in quo omnes peccati sordes abluunt̃, in grediat̃, ad illiusq̃ undas per Christū purificatas descēdat (Iordanis enim descensio est) prius illi proximus radendus est Hermō: hoc est, suæ sunt prius detestanda uitę cōsuetudines & mores. Anathematiza te, inquit Augustinus, displicēdo tibi, ut placeas Deo. Quām uerō admiranda sint illa quæ quotidie in sui populi cōmodū operat̃ Christus in sacro hoc purificatoq̃, & uerē diuino ecclesię fonte, & in mōte modico, nō est mēs, nō animus, nō intellectus, qui exprimere ualeat, adeo stuporis plena sunt om̃ia, captūq̃ humanū excedētia. Memorare ea quidē nostrā ad cōsolationē, atq̃ admirari possumus, intelligere autē neutiq̃. Nā certē cū illa attētori peruestigare nitimur animo, ō Deus, tum clarē cernimus, quod

Abyssus abyssum inuocat in uoce cataractarum tuarum.

Verū alio exponendus est sensu uersus. Abyssum hīc uocat anima calamitatē atq̃ infortunū. Aquas em̃ imperuias, profundas, cōfusasq̃ abyssum appellāt: ita calamitatis interdū, illiusq̃ maximē, cuius acerbitate spiritus solet humanus cōcuti uehemēter, ac labefactari, neq̃ origo, neq̃ modus, neq̃ quod omnino tenet, à quoq̃ sciri potest. Et cū ex una emergere (ueluti hī qui in contortā aquarū uorticē delapsi, & manibus, & pedibus, & toto deniq̃ enitunt̃, quo exeāt, corpore contendimus, en alia parata est subitō, adeo ut calamitas calamitatē accire, seculūq̃ trahere uerē ita dicat̃, quemadmodū abyssus abyssum inuocare, sibiq̃ affliccere, à uate scribit̃. Vellem, inquit, cōtinuo tanq̃ obtutu eorū omniū quæ me morauī, effigiem ob oculos habere: sed infortunia ita infortunijs agglomerant̃, ut planē altissimā aquarū abyssum uidere mihi uidear aliam sibi abyssum, ruptis cœli canalibus, associasse. Metaphora enim sumpta uidetur à diluuiō illo memorando Noē, in quo legitur cataractas cœli fractas, quod intelligas uim omnē imbrium tum erupisse. Nam cataractæ, aquæ illæ sunt, ut alia earū omittam significata, quæ ex alto tam precipitanter ferunt̃, ut ruere potius dici queāt, quàm fluere. Loca quoq̃ ipsa, à quibus aquæ illæ exeunt, uel per quæ transeunt, cataractæ appellant̃. quare non absq̃ ratione, in uoce canaliū tuorū, uertunt nōnulli. Cæterum nemo iam homo est qui ignoret, aquas, aquarūue inundationes, aduersa in scripturis, atq̃ infortunia, haud rarō prætere.

Omnia excelsa tua, & fluctus tui super me transierunt.

Hic uersus cum superiori unus est Hebræis: & est eorū, quæ de abyssis, aquarūq̃ irruptione dixit, interpretatio, quas ab excelsō Dei habitaculo, hoc est, à diuina prouidētia effluxissenarrat. Clamat Esaiās: Cataractæ de excelsis apertæ sunt. Inde porrō est, quod anima in tentationū confusione ac strepitu posita, si multq̃ à prauorū hominū iniurijs lacessita, id oneris, ærumnas, calamitates, miseres, fluctus, procellas, & tandem excelsis euulsas è cataractis abyssos, ut hīc uiquæ usq̃ ad animā meā. Et hīc quoq̃, ut uertit Fel. omnes undæ tuæ, & fluctus tui (tentationū scilicet) super me transierūt. Mi lector, hæc fermē sunt remedia illa, quæ proficienti animæ, ne insolescat, à cœlesti adhibent̃ medico: & quæ ne delectat̃, atq̃ ex his in spiritu coalescit. Animalis quippe mens atq̃ animus uix hac presse per transfennam intuet̃: nō percipit enim quæ Dei sunt: nam in spiritū pro diuina tutanda iustitia parati sunt. Non uult enim Deus suæ religioni addictos tardo uti ocio: sed negocioso quodā uitæ genere, ac pugnaci, illos cōtinuē exercet, indurat, experit̃. Tantū uerō abest ut eos indefensos relinquat, ut etiam in medijs ipsis aduersitatū fluctibus, miris inauditiscq̃ soletur afflatibus atq̃ inspirationibus, quarum radijs illustrati persuasum absq̃ dubio habent, quod

In die mandauit dominus misericordiā suam, & nocte canticū eius.



**C** Dies in sacris literis pro secundis aliquando, fortunatisq; uitæ successibus accipi solet; nox uerò pro contrarijs, turbidis, & ærumnosis. Quare memor Elías illorum quæ passus fuerat, aiebat: Anima mea desiderauit te in nocte. Hac enim cum quis ex piorum numero premi cõtingerit, ualdeq; offusis circumquaq; temptationum tenebris obfuscarì, nil nil caliginè, obscuritatè, ut in nocte sit, metumq; uidere aut cogitare idoneus est. Quò se uertat? In mentè quippe ueniunt præteritæ uitæ scelera: atq; propterea nox illa terrifica iudicij, de qua Zachariás, Vidi, inquit, noctem. Pauet interim, atque hoc magis tristitia, desperationeq; obruitur, quò se solummodo intuetur. Ad dominum igitur eiusq; uerbum, quod diem, auroramq; sancti Dei uiri appellare consueuerunt, confugiendum erit: hoc est, eatenus patienter Dei manus toleranda erit, quatenus illi, qui nostram, siue in die, siue in nocte uersemur, melius quàm nosmetipsi, salutem curare est solitus, uisum fuerit. Scit enim cœlestis pater, quid opus sit nobis. Tantum illud cauendum, ne ob diram diutinamq; infortuniorum acerbitatè, animum despondeamus. Benedicam, canit uates alio in psalmo, dominum in omni tempore. & hinc quoq; ferè idem: In die, inquit, mandauit dominus misericordiam suam, & nocte canticum eius, hoc est, ut reddit Paraphrastes: Pulsis malorum tenebris in die, dominus decreuit misericorditer agere nobiscum. quare neq; hac quidem tribulationibus plena nocte à laudando illo cessabimus. Carmen enim in laudem illius scriptum, & precatio ad Deum omnipotentem, & uitæ auctorem, semper erunt in ore mihi. hæc ille. Sic Hebræi totum integrum uersum legunt. Vnde Fel. adeo & cæteri Hebræorum interpretes hoc ferè modo uertunt: Per diem mādabit dñs misericordiā suā, & in nocte canticum eius mecū, oratio Deo uitæ meæ, Postea aliū ordiunt uersum:

Dicam Deo, susceptor meus es tu.

**D** Sed de nocte aliquid alio prius sensu, de quo tamē alio me in psalmo scripsisse memini. Quotidie, inquit quidā interpres, hoc est, cōtinua ueluti serie temporis, cōmendat dñs bonitatē suā, ideo omni nocte laudē Dei uisum canam. Ex his quidem cum mihi in mentē uenit ordinationis illius, quam Dauid in libro uerborum dierum promulgauit dicens: Leuitæ stent manē ad laudandū, canendū, confitentiumq; dño, similiterq; ad uesperā, cogor aliqua cū experientia asserere, tempus illud noctis, quod concubium uocant, ad hæc crepusculū, sanctis priuatum precaturis maxime inferuire. Eo enim horarum momento cum sileant omnia, cōcoctusq; sit stomachus, ac sedati seu potius euaporati humores noxij, mens ad diuinam cōtēplanda experfectior reddit: & si quid per diu ob tumultus, strepitusq; assiduos, quos audit, in cœlestibus rimandis rebus, seseq; excutiendo, torporis atq; ignauie cōtraxerit, tunc in quiete illa profunda abstergere nititur, ac querit tantillum duntaxat temporis suo cum sponsio colloquendi sibi concedi. Quantumcunq; tamē illud sit, in spiritali totū, atq; ab amore fideq; profectis singulibus & lachrymis, plerumq; nihil dicens aut petens, impendit. Vnde haud immerito quidem solis radios suas interturbasse contemplationes sanctissimus quidā conquestus est senex. Hinc porro à probis laudatus mei instituti hominibus, unus est, hyberno maxime tempore, ut peractis de more laudibus matutinis, unusquisq; secretiori aliquo in angulo semotus, aut obscuriores ad aras prostratus, uel, quod magis placet, cellulæ secretorum cum Deo colloquiorum conscientia impendunt meditationibus. Qui uerò ardentiori sunt spiritu, media illa non contenti hora, longius in sponsi sinu cōmorantur. Sanctissima profectò ista est consuetudo, & quæ uel sola ad expungenda quotidiana uniuersæ congregationis, ne dicam orbis, errata, idonea sit. Alioqui certè non uideo, quamobrem remotis à religioforum cœtibus simplicium mentium orationibus, diutius consilere ualeant. Quare ob multa quæ absurda, utinam nō impia, in mundo fieri conspicio deter.



A deterritus, siue in die, siue in nocte mihi uiuere contingat, perpetuo ueluti clamore, dico Deo, dicamq; in posterum, susceptor meus es tu. Alij ut libet, suum quo nitant bonū, diuitias dicant; alij honores & magistratus, artes alij, cauillatio nesq; humanas, quibus rebus omnibus fulti timorē sibi potius, q̃ spiritus fauorē, uulgoq; reuerentiā ac dilectionē conciliare putant; ego interim dicā, Deū meū omne bonū esse, meū robur, meā, cui fidere debeam, uirtutē. Cum is sim igitur, qualem tu me esse uoluisti, hoc est, cum totus à te, per te, mi Deus, pendeam, nec quicq; quietis usquam esse praterq; in te, ac per te, & credam, & prædicem, Quare oblitus es mei? & quare contristatus incedo, dum affligit me inimicus?

Quare semper est, unde mihi semper lugendū sit? Quare me semper obterit inimicus? quare tandiu impunē tuū in seruū debacchatur? Ero ne semper hisce in lamentis occupatus? Erit ne unq; ut expeditius tuā uidere queam præsentia, uultumq; illum tuū desiderabilē, cuius aspectus tota mea est felicitas? Quando, o uitæ meæ autor, erit ut in cōspectu cōciliij lætus obambulem, idcirco quod di gnus inuentus sim, qui pro nomine tuo cōtumelias subeam? Ex Hebræis quidā uertunt, Quare ater, seu pullatus ingrediar, dum coartat hostis? Omnia quippe hæc mœrorem denotant maximū: qui quidem ut clarius pateat, quoddam tanquam auctarium addit:

Dum confringunt ossa mea, exprobrauerūt mihi inimici mei, dum dicunt mihi per singulos dies, ubi est Deus tuus?

Ita ab Hebræis, & rectē quidem, integer legitur uersus, cuius ea est summa ac sensus: homini diuini honoris percipido omne tormentorū genus, quod corpori uel à sæuissimo carnifice adhiberi potest, sed illud in primis, quod uidetur omnium maximū, cum secantur ossa, tolerabilius fore, quā cum audit sibi à procacibus insultatoribus cum irrisione obijci, Vbi est Deus tuus? Quæ sanē exprobratio nō tantū ad illius cōtumeliam, quā illa afficit, cedit, quantū Dei, qui quodammodo stupiditatis & sæuitiæ in nō subueniendo suis, etiā millies interdum inuocatus, ab improbis accusat. Vnde impudentissima quondā illa Iudæorū de Christo cruci affixo audita fuit uox, Saluū nūc faciat eum si uult. Quare sic redit Paraphrastes: Tolerabilius foret mihi si gladium adigerent in uiscera mea, q̃ est Deus ille tuus? hoc est, quē tam ardentē inuocabas, quemq; tibi nō defuturum affeuerabas? Fel. uerò sic: Cum gladio in ossibus meis opprobrio affecerūt me tribulantes me, dum dicerent ipsi mihi quotidie, ubi est Deus tuus? Quorū uerborū is erit sensus: æquē enim me opprobrio affecerūt hi qui me persequuntur, dum in me insultantes iactarent, ubi est Deus tuus? ac si me gladio traiecissent ossa. Nostri autē interpretis litera, unā cū græco, eum præ se ferre uideēt sensum, quē ponit Euthymius meę professionis monachus: sed ante eum Augustinus, qui sic ait: Quasi ossa frangunt, dum uirtus patiētiae affligitur, quod irrilus est, uel de te nō curat. hæc ille. Euthymius uerò sic: Contritis nimirū ossibus meis ob tam graue onus seruitutis, ob uerbera, ob plagas (per ossa enim uires intelligit) irridebant me inimici mei, illud mihi semper obijcientes, ubi est Deus tuus, quate eripiat & liberet? Verū quia diuina bonitas haud diutius, quā fermo legimus, lamenta, iam tandem se recipit anima, seseq; consolatur, idem dicens quod superius:

Quare tristis es anima mea, & quare cōturbas me? Spera in Deo, quoniam adhuc confitebor illi salutare uultus mei, & Deus meus. Cui gloria sit, laus, honorq; in seculorum secula, Amen.



C



Vdica me Deus, & discerne causam meam à gente non sancta, ab homine iniquo & dolofo erue me.

Hebrei hunc psalmū eiusdem argumenti cum superiore absq̃ titulo legūt. Videt̃ enim (iudiciū meū simpliciter profero) ea esse oratio, quā suprà pollicitus est, dicēs: Apud me oratio Deo uitæ meæ. Oratio igitur hæc plena est fiducia in Deū, ita ut diuinū iudiciū alioquin inexorabile & seuerū, æquissimū tamen, appellare uideat̃. Adeo multū est sincera uiuere conscientia, nec admodū angī & torqueri, si bonos improbis à deo permitti uidere cōtigerit, posteaq̃ iam parte aliqua saltē spiritus imbutis cōpertū est, Dei seruos crucis dolabro expoliendos necessariō esse, sed eousq̃ tamen ne toti in perfidorū manib. relinquunt, hi enim in corpora, artusq̃ moribundos, famā quoq̃ ac nomē ferocire possunt, in animam uerò, in uoluntatē, in arbitriū, imperiū nō habent. Quare illorū ira, exilia, tormenta, & si quid dirius est, ut sunt oblocutiones, detractiones, calumniæ, fictæq̃ delationes & maledicentiæ, ridenda sunt magis q̃ timenda. Expulso em̃ aliquo sua ab urbe & patria, quid ultra hæc? Hem paruā tyrannorū dirionē. Atqui ut uerissimū prorsus sit hunc psalmū à uate, ut nōnullos asserere uideo, illis fermē cōpositū diebus, in quibus totū penē regnū cum filio in se conspirasse uidit, Achitophelēq̃ illum perfidū, quē hic hominē iniquū & dolofo appellat, totius cōspirationis autorē extitisse; uerū tamē interpretandi ratio est, si ad Christū, cuius typus rex ille fuit, psalmi sensum referamus, qui cū in terris nobiscum cōmoraret̃, nihil nō tum à Iudæis, tum à gentibus incōmodi passus est: modò uerò immortalis factus, summaq̃ potentia insignis, ac uirtute, ab uniuerso fermē orbe suis in membris impugnat̃. Et quia mēbra ipsa adeo iam malignorum hominū iniurijs, tum dæmonū insidijs atq̃ ictibus attrita sunt, ut uix respirare, aut hircere audeāt, nedum apertē loqui quod sentiūt, aut diuinū cōpellare iudiciū, ipse benignissimus subintrat Christus, cui maxima semper fuit de miseris cura, & sic pro me, qui omnino infans sum, patrē alloquī: Iudica me Deus, & discerne causam meā de gēte nō sancta, ab homine iniquo & dolofo erue me. Tantū hic abesse puto ut uir sanctus sua oret à Deo discuti peccata, ut id etiam quantū potest fugiat; quippe qui minimē ignoret q̃ periculosum sit cum deo in iudicio uelle cōtendere; uerū illud rogat, suā ab impijs causam separari. Corpus Christi, inquit Augustinus, hic gemit inter zizania, hoc est, inter malos positū, cum quibus quia nō habet cōmunem causam meritorū, licet alia multa habeat communia, nasci scilicet, mori, prospera & aduersa, clamat, Iudica me Deus de gente non sancta: hoc est, à gente praua, impia, scelestā, iniquitatisq̃ studiosa, me meamq̃ causam asserere. Non te moueat mutatio numeri, q̃d iam centies admonui: nam cū prius dixisset de gente, mox subdidit, ab homine iniquo. Troctam, postquā uniuersalem totius orbis defleuit malitiā, unum aliquem siccissimum infestum tacitē, sub uerborumq̃ inuolucro designare; ut mihi planē contumacitū, qui in hoc meo cōmentariorū labore, cū generalem improborū turpitudinē, aut proborū candorē cum propheta stylo depingere ad ecclesiæ edificat̃ionē cogito, occurrunt mihi priuatim illicō uiri quidam mihi noti, in eoq̃ uitæ genere, de quo tractare uatem arbitror, magis insignes, è quorū uita, tanquam à mente diuina excerptas ideas, meo inseruire proposito ac consilio, uti solent plastes argillam contrectatā digitis, facio. Verū illud in primis mihi curæ est, ne quenq̃ lædam, néue à malorū cōtagione nāuū aliquē indelebilem contraham. Non me quidem præterit quā periculosum sit diutius cum gente nō sancta, sed ante omnia cum uiro iniquo & dolofo cōmorari. Huius enim æquē exhortor resco contubernium & cōuictum, atque soleo meo in ocio & quiete, cum Deo, turpes



*A* turpes, obſcœnasq; rerum mundanarũ incurſiones exhorreſcere. Id igitur dñe meo ab animo procul abigendum eſt, idq; uel uſq; ad rauim abs te petendum,

Quia tu es Deus fortitudo mea, cœtera omnia infirmitas ipſa. Verũ Quare me repuliſti, & quare triftis incedo, dum affligit me inimicus?

Et uerè ſuorũ fortitudo Deus eſt, nam cũ mũdo plerunq; deſpecti ſint, ab eoq; afflicti, arduũ planè uideĩ, quomodo tantillis queāt uiribus tam immẽſo perturbationũ, quas ciere ſolent improbi, cumulo obluẽtari. Tũc quidẽ cũ humanæ defiũt uires, quę breui exhauriunt labore, hoc eſt, cũ maximè eſt opus, diuina opitulat benignitas: tum, inquã, qualis erga ſuos ſit deus in calamitatibus, apparet, fortis ſcilicet & mirabilis. Nam proſtratis proborũ hominũ perſecutoribus, perfractaq; doſoſi uiri atq; iniqui arrogãtia & faſtu, quod difficile admodũ uidebatur, quis neget diuinũ illud opus extitiſſe? Siquidẽ tyrannũ indomitũ ab humili ciue & uix cognito, adde & in oppreſſionib. ſilente, deuinci ac ſuppeditari quis unq; uidit? Verũ interim quod Deus colluctationis huiuscemodi ſuorũ cũ mũdo ſpectator ſolũmodo eſt, nō deſenſor, illos quodãmodo deſeruiffe uideĩ: idcirco clamat anima, Quare me repuliſti? quare me ſinis tãdiũ à perſidioſo hoc monſtro & fraudulentò uexari? quare dum in me, aperta dirarũ abyſſo, iniuriarumq; profundo, deſœuit, ego ater, pullatus, mœrens, obſcurus, funeſtus, uitam uicunq; traduco miſerrimã? Vſquequo lugebo? uſquequo triftis incedam non accepta ſpiritus ſancti conſolatione? Haudquaq; quidem mihi in tanta ærumnarum uarietate conſtituto integrũ omnino eſt, ut efflagito, te abſq; turbis poſſe querere, multò minus tuo iucundiſſimo frui ſpectu. Quo ſanè negato, ipſæ totius mũdi delitiæ, nedũ iniuriæ, mihi amariffimę ſunt & letales. Hallucinor proſectò uel in medijs ipſis radijs meridianis tuo abſq; lumine mi Deus. Quocirca

Emitte lucem tuam, & ueritatem tuam: ipſa me deduxerunt, & adduxerunt in montem ſanctum tuum, & in tabernacula tua.

Deducunt, & adducunt, uertit Fel. & eſt tempus pro tempore. Cœterũ lucem hic appellat anima diuinã opem: ea nanq; cum infortunijs, quæ penè infinita ſunt, colluctante, tetra omnia apparẽt & obſcura: recepto uerò ſpiritu, eſt denſiſſimis ueluti tenebris læta emergit, fateturq; nihil lucis præterq; in Deo inueniri poſſe. Veritatẽ porrò addit, ut ipſum quodãmodo ad ſibi opitulandũ cogat, ut cum ſuis ſe nuncq; deſuturum iam prima à mundi ætate pollicitus fuerat. Et mento, promiſit, negare poterit. Hiſce igitur duabus ſuffulta alis anima, nihil obſtat, quin in excellam animi pacẽ ac quietẽ, quam montẽ ſanctũ appellat uates, in quo Deus habitat, in carne etiã poſita tranſuolet, futuramq; atq; adeò immortalẽ & æternã, iam tandem ſuperatis mundi procellis, beatitudinẽ, quam tabernaculi nomine, ſecretioris nimirũ diuinæ maiestatis habitaculũ designat, in quo tota animarũ conſiſtit felicitas, adeat, ingrediaturq; nō propria quidem luce adiuta, ſed quia Dei lex ac ueritas, ipſam tanq; porrecta manu, deducet & adducet: hoc eſt, ne fruſtraneus ſit eius labor & conatus, peruenire faciet. Quod autẽ uates hic Dei filiũ, qui ſe paſſim per ſcripturas tum lucẽ, tum ueritatẽ, tum uitam deniq; fatetur, præſagierit, quicq; diruta inimicitiarũ, quæ inter Deum & hominẽ interceſſerant, maceria, euulſisq; inferorũ à poſtibus portis, proſtrata morte, occiſoq; peccato, perempto item mũdo, mundiꝝ principiẽ foras eiecto, imò quas proprio ipſe digito conſcripſit, in feliciffimas æterni patris ædes, in quibus multæ ſunt manſiones, deducturus eſſet, & credo, & ut res maximas ſoleo, ueneror & admiror, cupiens nimirum neſcio quid, quod exprimere nequeo: interim uerò mea illò dirigens ſuſpiria, ubi meus eſt amor, ubiq; ſanctorum animæ corporeis exutæ uinculis, exemptaq; à gente non ſancta,



**C** atq; à viro iniquo & doloso libera, conquiescunt beate. Ego interea loci, quod in felicem illum quoq; statum per Christum lucem, vitamq; & ueritatem asciscar, deducarq; & adducar,

Introibo ad altare Dei, ad Deum qui lætificat iuuentutē meā. Confitebor tibi in cithara Deus Deus meus.

Hæc uerba omnia, unum duntaxat reddunt uersum Hebræis, & rectè quidē: alioqui subobscurus esset sensus. Alio in psalmo memini me dixisse de ara, quā libenter sancti Dei uiri frequentant; hæc est Ecclesia, hæc diuinitatis statio, is deum Christus est, ut inquit Ambrosius. Vide igitur quod anima, tanq; cerua à canibus sursum deorsum agitata, à persecutorumq; moribus, eorum maxime, quibus Dei honorē, religionemq; periclitari cernit, exterrita, cōfugere debeat: nempe ad Ecclesiam, hoc est, ad sanctorū collegium, ad locaq; illa, in quibus libenter Deus, propter inhabitantiū puritatē atq; innocentia, assiduus cohabitator est. Haud rarò quidem apud prophetas, altaris, sacrificiorū, ceremoniarū, tuumq; sacrorū, atq; harmoniæ fit mētio: sed eorū ratio nōnullis obscura. Quare ne quis ex rudioribus, illis in disquirendis uocibus se multum torqueat, illud censendum, uates omnes, sed in primis Dauidem, priscae illius religionis mirū in modū studiosum extitisse: quocirca rebus omnibus illis, quibus cultus illi or nari posset, nō defuisse. Et ut re ipsa, licet informi ac uelata, præstiterit quæcūq; se in psalmis præstitisse asserit, ita planè diuina eum non latuere mysteria, quæ quidem sub literæ uelo atq; umbra, quod prophetarū propriū est, enarrans, mo res illos antiquos Iudeorū intermiscet, alluditq; sæpenumero ad cultū illum in formem his uocibus, quē dum uixit tanti fecit, quanti imperia alij ac regna. Al lusiones sunt igitur hæc omnia mysterijs amplissimis, sed obstrusis, grauidis, mul taq; rerum spiritualiū onusta merce: sed subuereri aliquando cogor, ne dum ni mium nostræ fidimus prudentiæ atq; ingenio, somnia pro rebus certis & inue niamus, & literis ad posterorū memoriā mandemus. Castè enim, ac cum dele ctu diuina ad peruestiganda mysteria accedendū est, nō inuerecundè atq; incon sultò. Itaq; ne altare hīc manufactū simpliciter solūm adeundum esse existimes, additū est, ad Deum, qui lætificat iuuentutē meā. O diuini uerbi efficaciam, per Deum, inquit, ad eiusq; meditandam legē (ecce aliud aræ genus) accedam, per quam quotidie uetusta nostra infirmitas iuuenescit, uiuidiorq; fit, ac magis florid a. Et ne quidem hanc molem corpoream pulchriorē adepturā faciem imaginē ris in hoc mūdo, in mentē tibi ueniat Paulus, qui scribens ad Corinthios sic ait: Licet is qui foris est homo noster corrumpat, tamen qui intus est renouatur de die in diem. Homo igitur interior est, qui abiecta peccati, prauaq; cōsuetudinis uetustate ac senio, nouam quotidie nanciscitur formā, & id sanè per Christum, qui etiam ætate grandæuos perinde innouare est solitus, ac solet Aquila ex ar cupido, alio in psalmo illud spe plenū proferre nō est ueritus: Renouabere, inquit, ut aquila iuuentus mea. Attamen Hebræorū litera nō habet, Iuuentutem meam: sed simpliciter uertunt, ad Deum lætitiæ, gaudiij, seu exultationis mihi læti uertit Fel. Quare sic Paraphrastes: Ad Deū ipsum auctorē inenarrabilis mihi læti tiæ: quam & referam ingenuè acceptam tibi citharæ modulatione Deus, animo meo charissimè Deus. Interpretes enim noster ad sensum magis aspexit, quam ad uerba, indicium nimirū nō mediocre, ardenti in Deum spiritu uiri. Subtrahant il li, ut lubet, doctrinā, profundamq; literaturā: ego quidem illi candidū, purūq; in Deum animū, si fas est, inuideo. Cæterū repetitio dictionis, Deus Deus, ma gnā signat beatæ animæ cum Deo consuetudinē & familiaritatē: quam sanè longo uix seculo, multis in laboribus atq; ærūnis per Christū attrita indipsit anima. Id quidem dictū esse uolo ad meā in primis, cōpluriumq; mei similium ex cutiendam



acutiendam ignauia atq; ignorantia, quibus persuasum est, absq; sudore illo intenso ac labore, qui potissimum est iugi contemplandi exercitatione contrahi solet, posse animam ad familiare cum Deo colloquiū admitti. Ex qua quidem persuasio ne illud necessario contingere experimur, ut qui frigide Deū in uita tum amaue- rint, tum quaesierint, in mortis quoq; tempore frigidius & inuocent, & uti om- nium solamen ac refugium amplexentur. Etsi enim dona hæc omnia sunt Dei, illi tamen nostrū nō ingratū est studiū, atq; ad cōciliandū nobis suum amorē & familiaritatē conatus. Cū itaq; tam benignē se habeat erga me diuinus fauor,

Quare tristis es anima mea, & quare conturbas me? Spera in Deo quoniam adhuc confitebor illi salutare uultus mei, & Deus meus.

Ne idem illud, quod in psalmo præcedente est dictum, sapius repetamus, te hortor, mi lector, ut cognita iam tandem humanarū uirium imbecillitate & in- constantia, in Deo tua solum fixa sit spes, tua fides, tua dilectio, tua tota deniq; laetitia, ac gloria, Cui & laus sit perennis, atq; honor, in secula seculorū, Amen.

PSAL. XLIIII. Vincenti filiorum Choræ eruditium.



Bus auribus nostris audiuius, patres nostri narrauerūt no- bis opus quod operatus es in diebus eorum, & in diebus an- tiquis.

Ne quod dictum est de titulo huius psalmi superius in psalmo quadagesimo secundo, iterum dicamus, uel eò maxime quod quæ de titulis ab expositoribus dicunt, nutantia ferme omnia sunt, & dubia, anima hinc iusti eruditur per Chri- stum, quantum facienda sit ab homine bene instituto, oppresso tamen in hoc mun- do, præteritorū beneficiorū memoria, & grata recordatio. Exusciatur enim hoc modo & ratione penē emortua & profligata, ob persecutionū atrocitatē, fides, emollescitq; quodammodo durities animæ, propter præsentium malorū instan- tiam concreta, cū in memoriā illi uenit eundem ipsum esse Deum, qui nunc suæ bonitatis copia in aduersis nunq; defuit. Nostra porro ætas, ut de antiquis Iudæorū temporibus sileam, de quibus uolunt interpretes hunc psalmū scriptū esse, licet inuicē nō conueniant, habet abundē quid in præteritis annorū seculis miret, quid imitari debeat. Idem quippe Deus qui tunc, etiā nūc est, idem spiritus, eadem cœlestis patris bonitas: uerū non eadem fides, hoc est, non tam feruida & sincera, cætera uerò æqualia. Proinde nostra omnis tarditas atq; ignauia nō assequendi, quod illi assecuti sunt, ab informi quidem fide & dile- ctione ortū habet. Nam quæcunq; admiranda prisci illi actitarunt, à fide, ut opti- mē testatur Paulus Hebræis scribens, profecta sunt. Neq; ego quidē illos proin- de audio, qui sibi se in fide firmos esse, facile persuadēt, cū tamen nihil minus, quam quod ad fidei candorē attinet, agere uideant. Bonarū enim actionū testi- monio, spiritus item ardore, mutuaq; charitate, humilitate, patientia, iugiq; con- templandi cœlestia exercitatione, mundi odio, ac cæteris id genus fidei orna- mentis ac fructibus, nostra ostendenda est fides, non uerbis nescio quibus solū. Absq; enim fidei sinceritate, quā nō omnia, quæ à nobis aguntur, ambages me- ras esse dixerim: Et hæc, quantum ad eruditionē in titulo positam spectant, sint di- cta; nunc ad psalmum, cuius prima est ad illos eruditio, qui uel carne uel spiritu, patres sunt, quorumq; interest Dei opera filiis enarrare, illosq; & uita & uerbo ad amorē ueræ religionis accendere: nō fabulis, uitæq; turpitudine à iustitiæ sti- nere arcere. Quando enim ueram religionē dico, Christianā dico, hoc est, quæ Christi uita ac doctrina contenta, nihil ultra quærit. Tunc se illa felicem, uereq; beatā esse existimet anima, cū Christi duntaxat insistentis uestigijs, neq; ad dex-



**C**teram, neq; ad sinistram, ut ait sacra lex, aberrat. Vita igitur Christi satis iam tantem omnibus sit; id quippe ille uult, id eius uolunt discipuli, id uel ab ipsis mundi incunabulis, tum prophetæ, tum patriarchæ requirunt, id demum meus pater Benedictus & uult, & nos idem uelle hortatur. Nam suam cum scriberet regulam discretionem, ut inquit Gregorius, præcipuâ, quò omnem uitaret iactantiâ, tanq; qui perfectissimæ Christi legi, priuatam, ueluti necessariû additamentû, addere uoluisset uiuendi normâ, prudentissimis semper usus est uerbis. Vnde in principio statim libelli, sic in proemio: Cõstituenda, inquit, est nobis domici (id est christiani) schola seruitij, in qua institutione nil asperû, nil graue nos cõstituturos speramus. Nonne, mi lector, tibi illud Christi dici cogitas: Iugû meû suauis est, & onus meû leue? Quodd uerò asperû, durumq; à nõnullis, qui rerû potiuntur, constitutionû uoluminibus reddatur, ampla est, ut mihi uideatur, ad implecandos rudiorû animos & conscientias occasio. Quanquã non me clam continuo subditorû lapsus, cõtina egere reformatione, ac ueluti reflexis passibus, innouatione. Tantû id cupio, ut quæ quotannis necessariò ad informandos subditorû mores, aut coërcenda uitia, & errores ordinantur, grauiâ sint, & quæ uenustatē religioni possint addere ac reuerentiâ, nõ risum mouere, ac maxima cum animarû iactura, contemptû. Haud multò pòst diuus ipse sic ait: Procellu conuersationis & fidei (en legis Christi summa) dilatato corde, inenarrabiliq; dilectionis dulcedine curritur uia mandatorû Dei, ut ab ipsius nunquã magisterio discedentes, in eius doctrina usq; ad mortē perseverantes, passionibus Christi per patientiam participemus. O uerè aurea atq; euāgelica mei patris institutio, Quanta porrò, quamq; admiranda in ipsius cæterorumq; deinceps patrum gratiam operatus sit Deus, nos qui sub illius uexillo cœlesti patri meremur, & legimus, & auribus nostris audiuius, quin & ipsi patres, nostrum ad excutiendum torporem, narrauerunt nobis. Faxit Deus ne degenerent posteri, Cæterû hîc uates sentit de mirabili cœlorû, orbisq; uniuersi fabrica, ad hæc de portentis illis terrificis cum in Aegypto, tum in expugnandis terræ promissæ incolis, tum in Iordanis transitu, excussaq; è saxo aqua, & cæteris huius generis propè infinitis summæ potentie signis per Deum in sui populi fauorem ostensis. His enim auditis, illius amore, qui tanta pro hominibus operatus est, ni prius ferrei simus, incalescimus, atq; propterea fore speramus, ut quemadmodû illos tam immensis ornauit beneficijs, ita nobis nostris in miserijs defuturus minime sit, uel eò potissimum, quòd huius odæ uaticinium nos magis, ex Pauli testimonio, nostraq; tempora spectasse credimus, quàm illa Iudæorû umbrarum plena. Paulus enim Christianorû persecutiones attendens, hunc psalmum citat dicens: Propter te mortificamur tota die, æstimati sumus sicut oues occisionis. Et uerè oues occisionis dici queunt hi, qui propter Christû, quicquid sœuitie in eos moliantur improbi, æquo fortiq; animo tolerant, ut ille cum à lanijs iugulans, nihil repugnant, nec querunt. Nobis igitur, qui si nõ omnino propter Christû, eiusq; iustitiâ affligimur, at saltem propter peccata nostra & scelera, totû id canonicum scribitur, nosq; ueluti digito designat. Illud notandum, & copulam, quæ in diebus eorum, & in diebus antiquis interiecta est, in Hebræis codicibus non inueniri: quæ tamen nihil officit sensui, imò etiam, ut mihi uideatur, clariorem illum reddit: quem sic exprimit Paraphrastes: Quæ temporibus illorum operatus es, & temporibus quæ illos præcesserant.

Manus tua disperdidit gentes, & plantaſti eos: afflixisti populos, & expulisti eos. Nec enim in gladio suo possederunt terram, & brachium eorum non saluauit eos: Sed dextera tua, & brachium tuum, & illuminatio uultus tui, quoniam complacuiſti in eis.

Narrat effectû facinoris illius eximij, quod egisse Deum in diebus antiquis falsus



& falsus est in superiori uersu. Vide pulcherrimā antithesim, sed subobscuram ob  
 uerbum, expulisti; quod si simpliciter, ut noster uertit interpres, legendum pu-  
 tas, ad gentes referendū erit, sed statim geminata antithesis deperit gratia & de-  
 cor. Quare à doctioribus animaduersum est, uerbum illud Hebræis esse, germi-  
 nare facere, uel, propagines extendere: in quo quidē sensu, illo ipso uerbo usum  
 esse interpretē asserunt in psalmo LXXIX. ubi de Iudæis, uinea nimirū Dei ele-  
 cta loquens propheta, sic ait: Extendit palmites suos usq; ad mare, & usq; ad flu-  
 men propagines eius. Idcirco uersum his ferē uerbis uertendū esse scribūt: Af-  
 fixisti populos, illos uerò germinare, propaginesq; expandere fecisti; ut ad Iu-  
 dæorū populum referat, nō ad gentes, quō suus, ut dixi, remaneat antithesi de-  
 cor. Is sensus quoq; Paraphrastæ placuisse uisus est, qui sic reddidit: Tu omnipo-  
 tentia tua (en manus domini) gentes extirpasti, & patres nostros in loca illorum  
 inseruisti. Plurima mala tu intulisti populis illis, ut patres nostros in terras illorū  
 introduceres. Veteres præterea Iudæorū annales haudquaquē nunc mihi recen-  
 sendi sunt ad id, quod scribit uates, ostendendū: nota iam hæc omnia sunt uel ip-  
 sis tetricibus, nedū clericis, cæterisq; Christianæ religionis, quibus is meus de-  
 sudat labor, studiosis. Illud quoq; notū, manū dñi, dexterā, brachiū, pro illius au-  
 toritate, fortitudine, robore, auxilioq; & uindicta nōnunq; sumi solita. Nūquid  
 manus dñi, inquit dux ille, inualida est? Quare in superioribus exclamat uates:  
 A fortitudine manus tuæ ego defeci. Horrendū tandem est incidere in manus  
 Dei uiuentis. Mens igitur prophetæ ea est, ut suos antiquorū beneficiorū Dei  
 moneat. Illud tamen in primis illis obijciens, quod si feracē illā promissionis ter-  
 ram, eiectis Cananæis, Amoræisq; ac reliqua illius gentis colluie, adepti fue-  
 re, id quidem nō sua, aut patrū uirtute & sapientia cōtigit, uerū diuina uirtute  
 & fauore, quē hīc uultus Dei illuminationē appellat: atq; id sanē nullā aliam ob-  
 causam aut rationē, nisi quod ita uisum est illi, cui placuit suam in gentes illas im-  
 pias exercere potestatem atq; iram, in Iudæos uerò misericordiā: quoniā cōplacui-  
 sti, inquit, in illis: seu, ut uertit Fel, dilexisti eos. Mirū si his auditis etiā nū inter  
 nos sint, qui afferant beneficia cœlitus nobis cōcessa, nostro aliquo merito aut  
 labori, tanq; mercedē reddi, & nō potius ea omnia spōtaneæ Dei uoluntati & mi-  
 sericordiæ accepta referāt. Et ut id, quod dico, uerū esse, prout est, bona scilicet  
 nostra omnia à diuina nobis gratia provenire ac uolūtate, nō à nobis, nisi quate-  
 nus cor nostrū alioquī durū, & penē indomabile diuinis assurgat inspirationib.  
 pulsanq; numini nō reluctet, sed, quod potest, libenter impendat, paruā illā sci-  
 licet uolūtatis scintillā, atq; arbitrij portionē, quæ libera relicta est in anima, seu  
 potius reformata per Christū: ut, inquā, id uerū esse & credāt, & fateant, illud ta-  
 men nō absq; metu atq; animi horrore, seriō expendendū, an æquissimo Dei iu-  
 dicio, oculatissimo tamē & incōprehensibili, nos qui in hac Christiana repub. ni-  
 hil minus q; Christū, illiusq; uitā referimus, cōtingat aliquādo, uel Sarmatis, uel  
 Aphris, cæterisq; religionis Christianæ hostibus locū cedere, illosq; à cœlesti pa-  
 tre admonitos, diuinis parēre afflatibus, atq; oblatū iustitiæ donū auidē arripien-  
 tes ecclesiæ, nobis excisis, inseri. Quis, oro, si id accidat, diuinū poterit meritō re-  
 prehendere cōsiliū? Qualis, obsecro, nostræ ratio est uitæ? Si Christiani sumus,  
 ubi in nobis Christū? hoc est, ubi in nobis pax? ubi puritas? ubi fides? ubi totius  
 legis summa ac nexus charitas? Quām uereor, mi Lector, q; timeo, quod si por-  
 ro tantus errorū aceruus in uulgo solūmodo natura rudi & inculto inueniret,  
 spes quidē reuocandorū rudiū ab erratis sapientioribus planē certa esset: uerū  
 cum sapientes ipsi, primarij q; orbis homines in eisdē sapenūtero (utinā nō fœ-  
 dioribus) cōuoluant cum multitudine peccatis, quæ spes iratū placandi Deū e-  
 rit reliqua? Si sal, inquit Christus, euauerit, in quo saliet? Scio equidē, quod in  
 quē Deus illuminationem uultus sui iecerit, is statim quālibet infidelis & perdi-  
 tus, modō donum illud gratuitum non refutet, in Christi ouile introducet. Scio



**C** & illud, turpis uitæ Christianū; hoc est, ambitioni terrenarumq; rerum cupiditatibus addictum, magisq; mundo, quam Deo, atq; eius aspirationibus, quæ nunquam desunt, obtemperantē, diutius in tutissimo, atq; omnibus aperto Ecclesiæ sinu manere non posse. Nec quidem irasci quis debet, si ego immensam nostri æui ingratitude in Deum cōsiderans, minimamq; aut nullam potius, quæ uera sit, resipiscentiā cernens, unā cum multis subuereri cogor, an Deus uelit iterum uocare ea quæ nō sunt, tanq; ea quæ sunt. Nō sanè id quidem durum uideri debet, postquā sic uolumus, totaq; rei summa ab obstruissimā Dei prouidentia, purissimāq; eius uolūtate, turpissima nostra sic exigente uita, dependet. Unde nō ab re additū est à uate, Quoniam dilexisti eos. O mirabilem certē diuinæ amoris uirtutē. Dilexit, inquit Paulus, nos cum adhuc inimici essemus. Obscero quid ab hoste meritorū expectari potuit. Num igitur nostrū iactandum est consilium; num uoluntas per se admodum ægra ac debilis; num arbitriū, utpote res multū robusta & ualens; num merita humana, nempe sordidiora, quā sit fluor menstruus ille letalis, cuius, ut inquit quidam, acescunt superuentu musta, sterilesunt tactæ fruges, moriuntur insita, exuruntur hortorū germīna, & fructus arborum, quibus insedit, decidunt, simulatq; causam simpliciter diuinæ dilectionis erga homines Christum extitisse, ad Ephesios idem scribens Apostolus afferat. Dilexit nos, inquit, in Christo, ante mundi constitutionē. Christus igitur totius amoris Dei autor est, idemq; erogator. Proinde exclamare mihi fas sit cū Paulo, Quis me separabit à charitate Christi? Quis te mihi unquam adimet, o animæ meæ uirtus, atq; idem salus ac uita?

Tu es ipse rex meus, & Deus meus, qui mandas salutes Iacob.

**D** Rapta enim à spiritu anima diutina ex consideratione immensæ Dei charitatis erga homines, in familiarē huiusmodi uocem, blandumq; ut sic loquat, plausum erumpere solita est. Tu es, inquit, rex ille meus, qui in me regnans, meq; totum permeans, possidens, occupans, nō sinis peccatum regnare in meo mortali corpore. Per te enim solum hisce in miseris, quæ me quaqua uersus circumdant, sustētor, in te quiesco, à te uictorias triūphosq; deuictis profligatisq; hostibus reporto, sub teq; alacriter, licet multis confossus uulneribus, decerto, nam ipse es, qui mandas salutes Iacob, hoc est, qui curas, præstasq; multis modis occasionibusq; adinuentam salutē fidei seruo tuo, qui tua iam fortissima suffultus manu, imposturam uitis facere perdidicit.

Etenim in te inimicos nostros uētilabimus cornu, & in nomine tuo spernemus insurgentes in nobis.

Petemus cornu, ex græco legi posset; ex Hebræo, percutiemus. Metaphora enim à malè cicuratis sumpta uidet bobus, quibus mos est, ut obuio de his adstant, de quibus quidē cornupetis fit mentio in lege Moysi. & est uetus de his adagiū, Fœnū in cornu portat; nam fœnū alligatū cornibus, indicium erat ferini illius moris, ut dixi, quo bos haud bene edomit facile in obuio quosq; ferebat, cornuq; feriret, si poterat, quos deinde percussos prostratosq; & pedibus & genibus conculcasset & cōminueret. Quare sic Fel. ex Hebræo legit: In nomine tuo conculcabitur insurgentes in nos. Idem Paraphrastes: Freti, inquit, tuo auxilio aduersarios ueluti cornu petebamus; freti potentia numinis tui prosternebamur quotquot insurgere audebant in nos. quanq; nec, uentilabimus cornu, ut noster uertit interpret, aberrat à uero. Simile huic in Maccabæorū gestis, qui duce Iuda illo eximio, occisoq; Nicanore, reliquias exercitus uiam unius diei insecuti sunt, legimus. Et exierūt, inquit, de omnibus castellis Iudææ in circuitu, & uentilabant eos cornibus, ut solent nimirū pilæ à tauro in theatris uentilari, aut triturate paleæ in area horsum sursum rastris palisq; ac demum uentilabris exagitari, in sublimeq; proijci, atque à granis secerni. Cæterum in nomine tuo



idem esse, quod in te, iam aliàs diximus: nam ipse est nomen suum, Hebræi filium intelligunt.

Non enim in arcu meo sperabo, & gladius meus non saluabit me.

Narrat mortaliū vires & fortitudinē (creber usus est in scripturis, arcū pro robore poni ac fortitudine. Apprehensi sunt, inquit Hieremias, fortes eius, & elanguit eorū arcus) nihil propemodū esse ad debellandos hostes cum visibiles, tum potissimū inuisibiles. Id per se quilibet, nisi cæcus prorsus sit, uidere potest. Quod si nostra tamē aliquid valent arma, valent nimirū per Deum. Nostra, inquit Paulus, arma potentia sunt per Deū. Stulta igitur ea est opinio, qua quis se multū per se, in re præsertim salutis, posse arbitrat. Malè profectò res se nostrę haberent, si nostris duntaxat utendū esset armis cōtra hostes tam diros atq; inexorabiles, ut sunt nefarij homines ac dæmones: his enim cūctis uiribus ac uirtute, ne in nos præualeāt, obluendū est, illis uerò patiētia & mansuetudine. Cæterū gladij nomē haud rarò in scripturis pro bello sumi solet. Nō igit̃ mortaliū eò se se efferat fastus, ut sibi se ex hostibus uictorias ex se adipisci posse persuadeāt, ō Deus: nam tu, nō homo, nō consiliū, nō quicquid præstans deliberatio & conatus, Saluasti nos de affligentibus nos, & odientes nos confudisti.

Confusio hīc cœlitus in eos, qui innocuos diuexare soliti sunt, immissa, duabus de causis cōtingere liquet: aut em̃ à Dei iudicio provenit, qui suos minimē indefensos, quæ immensa suæ maiestatis est bonitas, sinit, aut nostra ē patientia: quanq̃ utrūq; à Deo est. Nullo quippe acerbiori uulnere trāsfigi potest uir probitati bonorū infestus, quā si illos audit suas irridere persecutiones, perindeq; minas, exilia, & cruciatus eo ferre animo, ac si blanda amicorum essent oblectamenta. Nos itaq; qui sub aduersitatū lima splendidiōres per Christū reddimur, In Deo laudabimur tota die, & in nomine tuo cōfitebimur in seculū.

Hebræorū interpretes, laudabimus, uertunt, tota die: hoc est, ut reddit Symmachus, per omnē diem. Aquila uerò, per totā uitā: & nomen tuū, inquit, in ætērnū celebrabimus. Quid autē illud sit, q̃ de reportato ab hostibus triūpho, par atq; uictoria laudare debeamus, nos esse existimo: & tunc laudare, pro gloriari, ut interpretant̃ doctiores, accipi par est, nam qui gloriat̃, seipsum laudat: uerūm istiusmodi laus aut gloriatio, tota in efferendo Dei nomē atq; honore posita est. Nā qui se dono aliquo aut uirtute affectū à Deo gloriat̃, gloria hæc in diuinū refundit̃ honorē, ut qui gloriat̃, in dño gloriē. Cæca enim omnino esset anima, quæ cœlestibus ditata muneribus, in se meritū, unde laus quædā sordida ac turpis dimanare solet, atq; honorē reflecteret. Atqui ne absurdū aliquid à uate hīc dictum suspiceris, prioris hemistichij addita est interpretatio: Cōfitebimur, inquit, tibi in seculū: id est, te laudabimus, tibiq; gratias ob immensa illa patribus collata beneficia, die noctūq; quoad uiixerimus, agemus.

Nunc autem, hoc est, transacta illa patrū felicitate ac fide, qua media, quicquid optabant, abs te faciliè impetrabatur, nos nostris sic postulantibus meritis, repulisti & confudisti, & non egredieris Deus in uirtutibus nostris.

Nec id satis quidem tibi, ut es natura æquissimus, uisum est: nam Auertisti nos retrorsum post inimicos nostros, & qui oderunt nos diripiebant sibi.

Heu diuinā ultionē, heu quā terrificū est incidere in manus Dei uiuentis. Insuper dedisti nos tanquam oues escarum, & in gentibus dispersisti nos. Vendidisti populum tuum sine precio, & non fuit multum in commutationibus eorum.

Quid propterea subsecutum est? Posuisti nos opprobriū uicinis nostris, in subsannationē & derisum



**C** his qui in circuitu nostro sunt. *Adhæc,* Posuisti nos in similitudinem gentibus, cōmotionem capitis in populis.

Hiscæ, atq; horum similibus solent questibus sanctissimi quoq; utri interdum tum suam, tum reliquæ multitudinis mille uitiorum laqueis præpeditæ sortem deflere, singulatimq; enarrare apud Deum : signū nimirū maximi doloris ac fidei, alioqui certè tam longa pro nostra miseria concio coram illo, qui perfectissimus humanorū cordium perscrutator est, minimè est necessaria; uerū ingenti id dolori donandum est. Repulisti, inquit, nos ueluti uilissima proiectamenta ab irato uultu tuo; confudistiq; nos, tanquam nostris in postulationibus inauditos, spretosq;. Ex quo porrò contemptu nostra omnis exorta est confusio, illudq; effectum, quòd non amplius tu nostris cum exercitibus, utpote ductu potentissimus, inuictusq; imperator, ut olim consueueras, egressurus sis. Virtutes enim pro robore ac belli neruo ab interprete nostro ponuntur: unde ab Hebraicæ linguæ peritioribus hæc dictio, exercitibus, redditur, non uirtutibus. Quare sic Felix : Non es egressus cum exercitibus nostris. Paraphrastes uerò; Quī fieri, inquit, potest ut nunc deserueris nos, & ignominia affeceris nos, nec ingrediaris nobiscum, sicut soles, in prælium? Vide quàm familiariter, quantaq; cum fiducia, anima Deo plena suum alloquitur sponsum, illiq; non tantum quidem suas, quantum aliorum, æquè ac si suæ essent, exponit calamitates. Quæ enim cōiunctam sic cum Deo animam calamitas uel parum quidem turbare poterit? Neq; mors, inquit Paulus, neq; uita poterit nos separare à charitate Dei, quæ est in Christo Iesu dño nostro. Illud propterea in nonnullis, etiā ex ijs quise cœlū manu tangere opinant, reprehensibile, qui cū ob uitæ puritatē, flagrantemq; spiritū, Deū sibi prorsus cōciliaſse uideant, conciliarūt quoq; ad leuementa men iniuriarū ictum expauescūt, eneruesq; facti, repentē ab instituto resiliunt, querūturq;, ac suas omnibus declarant afflictiones. Admonendi hi quidē inconut sui prius solidam cōcipiant notionē, quàm temerario forsan ausu, atq; inconsultò, supra id, cuius capaces neutiquā sunt, se extollant. Sed ad animæ querelaredeamus. Auertisti nos, inquit, retrorsum post inimicos nostros : clarius Hebraei, Cōuertisti nos retrorsum à tribulante, quorū omniū uerborū sensum eleganter exprimit Paraphrastes : Cōgisti nos, inquit, terga præbere hostibus, & præda facti sumus illis, qui odio habebant nos. Succurrit hīc mihi dux ille strenuus, ac Deo amicus, Mathathias, quē cum filijs è prælio ad montes confugientem, ex militibus nō parua secuta est manus. Typus is quidem futurorū. Atqui anima tum quidem hosti præsertim inuisibili terga dare uidetur, cū aut corporis grauata onere, carnisq; mollietie & teneritudine deuicta, aut quia bellorū expers est, atq; propterea imbellis, congressusq; impatiens, armis illicò ad primū uix hostiū impetū abiectis, fugam arripit, hoc est, se uictam fatetur. quancū melius dixissem, animas à sese, proprijsq; cupiditatibus deuictas, non à mole inerti corporea atq; immobili, seductas peccare, quibus idcirco illud quod à uate additur, contingere necesse est. Dedisti nos, inquit, tanq; oues escarū, & in gentibus dispersisti nos. Oves in cibo, uertit Fel. uel, ut alius, gregē comestionis. Solent enim qui oues ad lanificiū, posteritatēq; enutriūt, illas ab ijs quas macello destinauerunt, seligere, atque ita selectis è grege, reliquas iugulandas lanijs tradere: quarū quidem conditione quid infelicius? Hæc omnia enim miseriā penè intolerabilem interdū sanctis Dei uiris accidere præ se ferunt. Simile quiddam cum aliàs sæpenumero, tum ab Antiocho illo immani perpesti sunt Iudæi, qui nō semel, ut sacri testantur annales, partim ab hostibus trucidati sunt, partim fugati, captiq;, ac uilissimo uenditi precio. Proinde additū est, Vendidisti populū tuū sine precio, & nō fuit multitudo in cōmutationibus eorū. Hic penè mihi uideor audire Paulū clamantē; Ego homo peccator, sum uenundatus sub peccato. Vel illud



illud Esaia: Gratis uenūdati estis. Cuius uerò imaginis istiusmodi sit uenditio, alio in loco graphicè admodum effigiat dicens: Domine Deus noster, possederunt nos domini absq; te. Quòd porro quis uili dicatur precio uendi, aut nullo, ad eius contemptū dicitur. Prauos enim, nulliusq; frugis seruos, nō solum absq; precio nonnunq; distrahimus, uerum etiā illorū emissionē pro magno ascribimus lucro. Et nō fuit multitudo in cōmutationibus eorum; hoc est, nō magna quidem fuit pecuniarū uis ac summa, cū uenirent, & req; cōmutarentur. Preterea, inquit quidam, quo alienati sumus, ad paruā ascendebat summā. Verūm aliū huius hemistichij esse sensum, litera quæ est Hebræis, ostendit. Fel. sic uertit: Et non multiplicasti in cōmutatione eorum. Item alius ex Hebræo: Non audisti in permutationibus eius. Rursus ex eodem fonte alius, aliocq; sensu: Vendisti inquit, populum tuum in frequenti mercatu, neq; tenaciter contendisti de precio eorū. Sed Paraphrastes sic totū uersum clarè, ut Paraphrastē decet, Deū alloquens, interpretatur: Vendidisti populum tuum, inquit, nulla pecuniā, nec obolo uno factus es ditior ex uenditione illorū, horum enim omniū sententias ponere libuit, quò obtusiorē aliquantisper pungerē lectorē, hortarerq; quasi ex obliquo ad scripturarū studiū & laborē. Contenti quippe nōnulli lectione, ne scio qua, obiter inuenta, interdumq; inepta, atq; errorū plena, nihil ultra inquirendum esse exclamant, præterq; illa, quæ simpliciter à simplicioribus scripta sunt autoribus, utinam non indoctè, & quod sublimiores magis excruciat animis impiè. Boni enim autores à bonis, bonitatisq; illius, quæ à Deo est, studio legis debent; ceteri uerò aut non legendi omnino, aut cum delectu legendi. Posuisti nos opprobriū uicinis nostris, in subsannationē & derisum his qui in circuitu nostro sunt. Posuisti nos in similitudinē gētib; cōmotionē capitis in populis. Posuisti nos prouerbiū in gentibus, quasi dicat, infortuniorū nostrorū cumulo alioqui per se molestissimo, addunt & dicteria, irrisiōnumq; prouerbia, præ indignatione & derisione capita quassantes, uicissimq; oculis annuentes, ac nomen sanctum tuum blasphemantes. De opprobrio, quo tum aliās, tum nostræ ætate afficiunt serui Dei, qui res suas cum silentio atq; animi quiete curant & exequuntur, alijs in psalmis diximus, dicturūq; sumus cū occasio fuerit: illud tantum nunc dicam, huiusce generis irrisiōnum, iactandiq; scommata atq; dissolutionē, ac fidei carentiam: ab illis uerò qui in circuitu nostro sunt, ob contractam maledicendi obrectandiq; rebus sacris, consuetudinē atq; habitū, qui cū in rerum mundanarū copā, & luxu penè natent, aliorū quoq; inhiant fortunis: unde illis facilè peruersus obuenit mos, ut illorū corrodāt uitam, quorum facultates nequeunt: illisq; inuideant & oblatrent, quorum bona auferre connituntur. Quocirca (ut de me loquar, qui quantū possum turbas omnes auersor) hoc in secessu Casini, tum mole ipsa montis, tum monachorū sanctitate sublimis delitescō, penitusq; me me, ne audiam, ne uideam, ne inquiner, ne morore contabescam, abdo. Letaliter enim quodammodo uulneror, cū religiosos audio uiros à plebe derideri, atq; ut efficaciori utar uerbo, catamidiari, illud semper timens, ne nos in causa simus. Quare

Tota die uerecundia mea contra me est, & confusio faciei meæ cooperuit me, à uoce exprobrantis & obloquentis, à facie inimici & persecuentis.

Narrat hic anima suū dolorē cōtinuū esse (id significat, tota die) dum oblocutoribus opprobrantibus, ac impudentissimè cōuiciantibus, seu, ut uertit Aquila, reddit Hebræus: omni die ignominia nostra ante oculos nostros est, & pudor uultus nostri operit nos; id est, nos totos occupat, Is em̄ mos est illis, q; maximo affi-



**C**eiuntur pudore, faciē sustollere nō audere, quin potius uelare, si licet, & tegere, ut in ualde pudefactis uidere est. Quare cupiēs anima suā ostendere cōfusione ac uerecundiā illorū ergò, quę quotidie in sanctorū, suarūq; religionis ignominia iactari audit, cōsuetis inter homines utitur uerbis; uerū nō propterea à fiducia, quā erga deū cōcepit, ne latū quidē unguē discedere animus est. Ideo subinfert,

Hęc omnia uenerunt super nos, nec obliti sumus te, & iniquē non egimus in testamento tuo.

Omne hoc, reddit Fel. uenit super nos, & nō obliti sumus tui, & nō mentiti sumus in fœdere tuo. Magna profectò uis ea est amoris, qua anima erga Deum afficit: uide enim quomodo tantis suis in expositulationibus ab amato minimè auersa sit, sed cōtrā potius fateatur se nunq̃, etiā in medijs ipsis infortunijs, Dei immemorē extitisse, nūquā uie fœdus iam olim cum suo amato initū uiolasse. Nihil falsum, inquit, nihil iniquū, fraudulentūq; & dolosum, in tua sancta lege ac testamēto cōmiscuimus: sed quicquid tibi, mi Deus, polliciti sumus, id te optulante seruauimus. Atqui ea hęc est laus & gloriatio, de qua suprā, In Deo, inquit, laudabimus tota die, & in nomine tuo cōsitemur in seculum. Felicissimū id sanè laudis genus est & gloriationis, cū quis se Dei amicum esse gloriatur. Fuit ne unquam celebrior inter homines uel honor uel dignitas? Aspice, te obsecro, quanta cum fiducia Deum alloquitur:

Et non recessit retrò cor nostrum.

Amor scilicet noster nullā aliā ad rem, te relicto, translatus est. A uia enim qua ad te itur, non retrocessit unquam cor nostrum.

Et declinasti semitas nostras à uia tua.

**D**uersu. Quare diuus sic uertit Hieron. Nec declinauerūt gressus nostri à semita tua; ut illud, nec, magis additū à uiro sancto intelligas, explanādi gratia, q̃ quod in codicibus Hebręis inueniat. Noster quippe interpret prout sonat Hebręus, uertit; itidem quoq; Chaldeus; uerū negationē, ut dixi, utrūq; hemistichiū cōplecti oportet, ne sensus secū pugnare uideat. Cæterū uia Dei, uia equa est, ut ait uates quidam, uia iustitiæ, uia amoris, uia ueritatis: hoc est, diuinæ est iussione cōficio declinare præclarissimi interdū uiri sinunē, ut inde quid proprię uires ualeāt, quid item diuina gratia, & cognoscāt, & alios edoceāt. Idcirco Esaias illorū uice quib; nōdū cōpertū est, quāta animi puritate ac fide, morē Deo gerere oporteat, exclamauit: Quare fecisti nos errare à uijs tuis? indurasti cor nostrū ne timeat te

Quoniā humiliasti nos in loco afflictionis, & cooperuit nos umbra mortis. Si obliti sumus Dei nostri, & si expandimus manus nostras ad Deum alienum, nōne Deus requireret ista?

Quām animosa reddit anima, quę nullius turpitudinis cōscia, nulla expallescit culpa. Quoniā, inquit, deiecisti nos in teterrimū afflictionū locū, nosq; totos plane calamitatū tenebris, quas umbrā mortis appellare fas sit, obtexisti, nō propterea tui sancti nominis ac cultus immemores esse uoluimus, neq; subinde uanos ethnicorū deos, ut cōplures faciūt, eorūq; opē implorauimus. Si hęc quidē egisse mus, num certi nō fuissetus Deū illa nō laturū? Nōne requisiturus ea fuisset ille qui arbiter omnīū est? Certē enim cordiū secreta quālibet abdita tam uigilē lumine, in loco afflictionis, Hebręorū interpretes, & in primis D. Hieronymus, reddūt, in loco draconū; quod perinde dictum putant, ac si dixisset, In eam nos prrudisti seruitutē, nepe sub illorū dñatione qui feritate draconib; similes sunt. Alij rursus pro locis desertis & arenosis, in quibus maximi oriunt & crescunt dracones



dracones, dictiones illas poni arbitrant. Quod quidem quod horrendum sit, metuque plenius, habitare scilicet ubi habitant dracones, stupidus prorsus es, si id te ignorare dicas. Quis duro animo, siccisque oculis illud Maccabæorum aut legere aut audire unquam potuit: Iudas, inquit, Maccabæus secessit in desertum locum, ibique inter feras vitam in montibus cum suis agebat, & fœni cibo uescentes comorabantur. Cæterum umbram mortis appellant quidam calamitatem, quæ cum præsens est, tam est acerba, ut morti penè similis uideatur. Vmbra, inquit, eam appellauit, quia umbræ rebus similes esse solent, quarum formas repræsentant. Vmbra etiam mortis peccatum esse aliàs me dixisse memini: sed alia res est: nunc enim pro tentationum mole, tetroque persecutionum profundo atque abyssio dictum esse liquet. Siue igitur draconum legas cum Hebræis, siue afflictionis cum Græcis, eundem præterdit sensum, quem sic reddit Paraphrastes: Contriuisti nos interim locis, quibus non homines, sed dracones habitare uidentur. Nam pluribus in locis scripturarum, rixos homines ac exleges, uariis ferarum nominibus nuncupari inuenies. Quare nequaquam mirum esse debet, si homines illos qui ad hoc nati uidentur ut in quieti sint, quam plurimisque noceant, ut permultos nos quoque nouimus, dracones appellauit uates, appellantque quotidie integerrimi quique uiri, quibus morte diutius semper uisum est, sanctum Dei nomen atque honorem cernere improborum libidini tradidi, horrendasque, & id (malum) impunè, audire blasphemias, oblocutiones, maledicta, proborumque exilia ac mortes. Heu hominum confidentiam, nonne Deus tandem requireret ista? Est rursus in scripturis draconum planctus, & struthionum horribiliter in deserto eiulantium, quod quidem locutionis genus cum reperiri contigerit, uastationem ibi maximam, luctuosamque esse miseriam intelligas. Vnde illud est Micheæ: Faciam, inquit, planctum sicut draconum, & luctum quasi struthionum. In hac enim uatis querela, Deum non ultra populi illius miserturum intelligi oportet. Struthio porro, ut est apud rerum naturalium indagatores, cum prius pullos produxerit, in illos statim, ac si sui non essent, indurat. Sed ad psalmum.

Quoniam propter te mortificamur tota die, æstimati sumus sicut oues occisionis. Exurge, quare obdormis domine? exurge, & ne reuellas in finem.

Hic certè, inquit, tua res agitur. Quis, oro, dominus suum cernens seruum pro se suoque honore decertantem, atque inter hostium gladios periclitantem, non ita illi suppetias? Sæuus is quidem reputabitur, planeque ingratus, si non subueniet. Id igitur gratianimi obsequium, quo se libenter occumbere, mortemque pro tutando illius honore ac cultu oppetere, tanquam Dei beneuolentiam impetraturus, ostendat uir sanctus. Simulac, inquit, pro te, non secus ab improbis scelestisque sicarijs iugulamur, passimque, ut solent oues à lanijs, trucidamur, quid adhuc dormitabundus ociaris? Cur tuos æquè ac si alieni essent, contemnere uideris? Expergiscere domine, ferque opem, ne perpetuò neglecturus tuos uidearis. Iam ærumnarum infortiorumque adeo accreuit cumulus, ut nostram omnino superet uirtutem. Hinc enim, fateor, impudentissima illectat caro, illinc mundus, illecebre, uariæque phantasmatum imagines ac formæ mihi illudere conantur. Ad hæc deterrent demones, inescant rursus, ad blandiuntur, minantur. Quò me uertam? uel eò maximè, si ne farij perditique homines suo in meum exitium patrocinantur principi?

Quare faciem tuam auertis? obliuisceris inopiæ nostræ, & tribulationis nostræ?

Longa nimirum uidetur anime mora illa in Deo, qua suis differt auxiliari: ignorat enim quanta cum sapientia & consilio, res suas agat Deus: qui quidè tunc illi quodammodo dormire uidetur, aut iratus omnino esse, cum non succurrit, idcirco faciem illam suam uiuificam, qua uel semel inspecta, putrida reuiuiscunt corpora, nedum anime,



**C**indignabundus auertere. Summæ profectò indignationis signū id est, & iracundia in iudice, aut principe illo, qui cum à misero quopiam rogatur, uultum furtibundus auertit, atq; aliud cogitare se simulat, quare inauditus secretè suam deflet sortem, publicè nō audet; interim uerò ab auarissimis magistratibus tumile, tum cæteri miseri licenter, utpote cum principe in populi perniciem coniunctis, proteruntur. Ad Deum itaq; cōuersi, quanto possunt clamore suas cum illo expostulant calamitates. Cur faciem, inquiunt, etiā tu tuam æquè nostris à querelis deflectis abscondisq; ac si ex hisce ignauis unus esses principibus, qui nos aut nō audiunt, aut auditos utcunq; (facile ex cōgressu ciuū stomachantē princeps) ad magistratus interdum corruptos, ciuiliſq; sanguinis sitibundos reijciūt. Putas ne, mi Lector, tot pijs prouocatū querelis Deum, posse ad suorum ærum nas diutius cōniuerē? Sciunt mei ciues quid nuper sua in ciuitate actum sit: clamauerunt certè ad dominū, & ipse exaudiuit eos; faxit Deus ut illis meliora contingant in posterum. Quid clamauerunt rogas?

Quoniam humiliata est in puluere anima nostra, conglutinator est in terra uenter noster. Exurge domine, adiuua nos, & redime nos propter nomen tuum.

Cōglutinator est, Fel. uertit, adhæsit. Videtur mutuata similitudo ab his qui letaliter percussi, solo hærent penitus, quantiſq; sunt, attoniti distenduntur. Cæterum quòd noster interpret uertit, Propter nomen tuū, Hebræis est, propter bonitatē tuā, seu, misericordiā tuam, ut Fel. Vt cūq; autē literā accipias, exploratissimū id esse debet, natura nos iræ filios esse, idcirco nullā nobis à mūdo inferri posse plagā, quæ nostris nō debeat peccatis, quare de his quæ nos nobis spontaneo asciuius cōsilio & uoluntate, quī querimur: quid perinde ac si indebitè nobis prouenirent aduersitates, aut illas declinare nitimur, aut saltem agro, ac uelut usq; ad desperationē reluctante ferimus animos? Insaniæ argumentū id est, Humiliata est in puluere anima nostra, Cōglutinator item uenter noster in terra, maxīmā animā præ se ferre deiectionē ac despectū, quid puluere despectius: quid submissius uentre humi serpente? Sic Paraphraſtes: Prostrati sumus usq; in terram, & uenter noster terræ adhæret. Exurge tandem ut auxiliēris nobis, & libera nos pro immensa benignitate tua, ô Deus, cuius nomini laus sit semper atq; honos in secula seculorum, Amen.

PSAL. XLV. Vincenti super lilia filiorum Choræ eruditium.  
Canticum dilectionum.



Ructauit cor meum uerbum bonū, dico ego opera mea regi. Cum omnes etiam Hebræorū interpretes hunc psalmū de Christo atq; eius ecclesia exponūt, sed in primis D. Hieronymus, tum maxime Chaldæa translatio, eo nixa uersu quo dicit, Pulchritudo tua rex Messia, superabūdat à filiis hominis. quod quidē noster interpret sic uertit: Speciosus forma præ filiis hominū. Item illud: Et cōcupiscet rex decorē tuū, quoniam ipse est dñs Deus tuus, & adorabūt eum: seu, adorabis eum, ut diuus uertit Hieron. Quæ sanè omnia de Dauide aut eius filio Salomone intelligi, ut nōnullos interpretari uideo, absurdus est q̃ quod multis cōuinci debeat. Nō negauerim tamen patrē de filio in hoc psalmo tanq; Christi typo atq; umbra sic prædixisse, quæ tamen in Christū atq; eius spōsam, quæ in Canticis amatoris se amore perlanguescere fatetur, desinerēt. Lilia in titulo utrunq; cōplecti nomen sponsæ & sponsæ. Vnde in Canticis simulac sponsa sponsi pulchritudinē laudauit, ille cōtra suæ dilectæ nō auersatus laudes, laudū ei repēdit uices, dicens: Ego flos campi, & lilium conuallium. Sicut lilium inter spinas, sic amica mea inter filias. Hic igitur



igitur Christus atq; Ecclesia, quam ille unicè deperit, ueluti in scenam introducuntur, haud illam quidem quæ immoderatissimo apparatu & luxu, ad ciuium corruptionē publicè ab urbium dynastis nōnunq; lacris initiatis, pessimo simplicium atq; in fide rudium exemplo agitur, uerū illam quæ altissimis adumbrata mysterijs, suos ad se adeò rapit spectatores, & ex hominibus deos penè faciat. Sed antequam sacri huius epithalamij dialogum excutiamus, de procœmio prius nonnulla. Is enim mos est illis qui præclara quædam narraturi sunt gesta, literisq; mandaturi, ut procœmia præscribant. Quem sanè morem à uate nostro seruatum hoc in psalmo cœlestium rerum fœtura grauido, diuinisq; connubij buccinatores, & cernimus, & uenerabundi exosculamur. Itaq; procœmij exordiū id esto; Eructauit cor meū uerbum bonū, dico ego opera mea regi. Lingua mea calamus scribæ uelociter scribentis. hucusq; præambulum. Cor meū, inquit, multo spiritus, diuinisq; quodammodo oppletum crapula eructauit, more scilicet ebriorum. Quid, oro, eructauit? Verbum, inquit, bonum, suaue, iucundum, amatorium. Diuinū prorsus id est, quod euomere gestit. Proinde quicquid canere institui, & nunc lucubro, id totū meo regi & cano, & lucubro. Cæteras quippe lucubrationes inutiles esse existimo, præter illas quæ ad honorem fiunt Dei. Illic enim percipit anima, quid sit uerbum illud, quod hîc è uatis corde erumpit. Rachas dictio, quæ in primo statim exordio uersus Hebræis est, illam propriè cordis loquutionē indicat quæ nondum ad os, ut exeat, peruenit: attamen cor illam ab sese emittere meditatur & contendit, sed plerunq; ut ineffarent, ebullit. Paraphastes uerò, erumpit. Verū equidem (ut quod est nō dissimulem) cum hæc cōmentor, succurrit animo, nihil aliud id esse uerbum, quod bonū uocat propheta, quodq; in eius ebullit corde, quàm ut sponsum faciat suam tandem dilectæ dicere, Amo. O certè uerbum super omnem bonitatē optimum, perfectum, diuinū, simulatq; à tam parua dictione nostra omnis orta est salus. Quid, mi Lector, fuisset unquam mortaliū genus, nisi Christus suam adamasset Ecclesiam? suam columbam? suam formosam? nullum quippe animal in felicius homine inueniret. Sed postquā amor ille in immensum adeò creuit, ut tam ardentē amasium pro sua mori dilectæ, & morte quidem infamiae sæuæ, adegit, felicissimus omnium quæ sub hoc cœlorū tegumento, forsan & quæ supernis in regionibus uitam degunt cœlestem, factus est homo. Quocirca ingratiſſimi omnino inſimulandus erit animi, si quicquid agit, aut cogitat, aut scribit etiam, id totum illius non dedicat honorî, qui cum meritò damnare eum posset, ex gratia seruare maluit. Cæterum illud quod sequitur,

Lingua mea calamus seu stylus scribæ uelociter scribentis,

Studium canendi maximum testatur, cum linguam suam stylo scribæ celeris atq; expediti comparat. Nam certè ut expeditè, ita percupidè se laudes regis celebraturum hoc dicto demonstraui, ne spiritum sanctum Dei pro scriba huc modò auocemus, ut quosdam suis in cōmentarijs agere cernimus: quanquam nec id quidem omnino displicet, cum spiritum Dei, digitum in scripturis nuncupari lego. Vnde Ecclesia in hymnis spiritum ipsum alloquens canit: Dextræ dei tu digitus. Illud quoq; seruatoris, Si in digito Dei eiſcio dæmonia, filij uestri in quo eiſcient: In Mose etiam legis tabulas Dei digito conscriptas sacra narrat historia. Diuus hîc Augustinus suas sibi solitas connectens alas, in cor patris transuolat, ubi æternum illud uerbum, & uerè bonum, à quo nostra omnis bonitas originem nata est, conceptum inuenit. Sed iam epithalamium, uiso præambulo discutiamus, in quo spōsa illa, quam cœlestis pater sibi, ut eam filio suo dilectissimo cōiugio copularet, è face mundi per gratiam delegit, sui sponsi laudes ita texit, sed prius à forma;



**C** Speciosus forma præ filiis hominum, diffusa est gratia in labijs tuis, propterea benedixit te Deus in æternum.

Nulli dubiū, quòd qui digniorib. animis, præclarioribusq. ingenijs sunt præditi, ut reges maximè decet esse ac principes, formæ etiā præstantia pollere soliti sunt, quòd si secus aliquando contingat, id rarò quidem; secundum enim cōmunē existimationē loquor. Proinde illud à rege potissimū sic cœlitus ornato provenire certū est, quòd populis terrori magis sit ac reuerentiæ, quàm is cuius sordido tum animo, tum ingenio, deformitas quoq. corporis coniuncta est. Verum alius in sponso, alteriusq. generis decor ac forma, quàm sit in homine mortali, citòq. transituro, à sponsa laudatur. Sic Paraphrastes; Supra modum formosus es, nec quisquam ex posteris Adæ conferri tecum ulla ratione poterit. Volunt enim utranq. breuiter in Christo naturam hinc depingi, humanā scilicet sub speciei nomine, diuinam uerò sub pulchritudinis. Quarū sanè excellentia, quarūq. in illis fuerit, sitq. perpetuò & decor & gratia, difficile non erit, non dico cognoscere, nam id quidem impossibile, uerū saltē quasi per transfennam intueri, his tantū modo, qui cœlestibus rimandis rebus assueti, sensum omnē suū atq. intellectum in contemplanda mirabili illa in Christo unione, quæ captum omnem humanū excellit, attentius figunt. Cū enim Deus esset (intelligisne quæ dico, cū Deum dico;) cū Deus, inquam, esset, pulchritudinū omnium machinator, sine quo quidem fœda essent omnia ac turpia, quæ fieri potuerit, quin illius quædam diuinitatis notæ, ab illis membris Dei digito fabrefactis concretisq. è purissimis uirginis uisceribus, teste Deo solum modo, id est, ob stupelcentem natura, non eluxerint. Quas tamen notas neq. ego quidem distinctè delineare conabor, simulatq. uideo cœlestem sponsam illius pulchritudinē ac formam, generatim duntaxat, ut res solent difficiles, cōprehendisse. Illud unum dico, nullam unquam formā, nullam pulchritudinē, nullam elegantiam, nullum decorum in mortali homine fuisse, neq. esse posse, quin longè excellentius in pulcherrimo Christi corpore extiterint. Quam uerò sublimis, cūctisq. absoluta numeris eius fuerit anima, tute è copula illa ineffabili cum diuinitate coniecturam facito; ego enim illius dotes me magis admirari fateor, quàm uelle calamo describere. Verū quid canat spōsa uideamus. Diffusa est, inquit, gratia in labijs tuis, propterea benedixit te Deus in æternū. Laudato sponso à forma, nunc ab eloquentia, leporeq. sermonis laudat: quæ sanè pars in principe nō mediocrē sibi uindicat locum: ut de Salomone legimus, qui adeò orationis gratia & facundia ualuit, ut multos & reges & principes, & ex sapientioribus non paruam ad se audiendum traxerit, sed in primis reginam illam ex orientali plaga egressam, idcirco ut audiret sapientiam Salomonis, ut in Regum gestis cernere est. Quantū porrò Christus uel puer in terris uiuens elegantiæ & in uerbis & in moribus præstiterit, norunt legisperiti illi Iudæorū, nedum uulgi, qui in templo tam gratiosum puerū (duodecimū tunc agebat annum) cōcionantem disputantemq. audientes admirabant, unde tam doctus sermo à puero, qui literas non didicisset, emanaret. Iacula quidem erant ignita, uerba Christi, sed quæ magis homines ad amorē, quàm ad terrorem cōmouerent. Cæterū labia pro sermone intelligas posita. Ait igitur percita amoris œstro anima: O spōse posteaquam uerbum caro factus es. nobisq. similis in terris uisus, Deus homo, iucundus statim aspectu, dulcisq. affatu apparuisti. nihil in te austeri habēs, ne illos, quos, ut cœlesti patri reconciliares, mansuetissimo quodam, ut sic dicam, artificio pertractabas, metu refringeres ac deterres. Num scientiam in primis, aut cognitionē rerum illam, qua maximè mortaliū ingenia tumescere solita sunt, diffusam habes in labijs tuis? Non hanc quidem in te uideo, sed gratiā potius, sed dignitatē, sed sermonis mansuetudinē atq. humilitatē, qua peccatores potissimū allucis, nō terres;



A terris, qua Euangelii, iugumq; suaue prædicas, qua fidem, qua amorē, nō legis minas, erroresq; ac mortē, annuncias. Num quid suauius in terris unquā auditum est: num uel ab ipso rerum exordio uisum? Osi, mi Lector, ambo unā tam iucundi spectaculi, ubi aliud nihil q̄ pax, quā charitas, quā mutua in his que Dei sunt, consensio docebatur, spectatores fuissetus. Quis tam frigida mentis homo est, qui id nō cupiat? Verū unde tantus gratiarū effluxit liquor? Propterea quod benedixit te Deus in æternū, quod nō nobis clām sit, Dei patris beneficentiam causam extitisse, quod filius tam gratioſis moribus in terris uisus sit, ac super omnes mortales speciosus. Sic ab aliquibus hunc intelligi uersum uideo. Plures nihilominus cum nostro consentiunt interprete, cuius litera eum habere sensum uidetur. Idcirco benedixit te Deus in æternū, id est, te immensis pater condecorauit muneribus, quæ finem habebunt nullū, quia natura speciosus es, genuināq; gratiarum dote copiosissimē præ omnibus ditatus. Cum igitur talis tantusq; sis, ô pulcherrime,

Accingere gladio tuo super femur tuum potentissime, specie tua & pulchritudine tua.

Hic sponsa sponsum à fortitudine laudat, similitudine nimirū à duce aut principe illo præferit, qui se patrem pastoremq; populorū ac militū præbet, assumptis enim ne in somno quidē, bellorū præcipue tempore, quiescit, sed dormiēs, ut ita loquar, uigilat. Vide an elegantius accuratiusue unq; legeris, quæ in principe debeant esse, partes describi. Inuitat hinc itaq; rex noster à regina, ut arma sumat, ensēq; lateri accingat; qui sanē ensis, decor quidam regius esse solet, nam Hebræi sic integrū hunc legunt uersum: Accinge gladiū tuū super femur, gloria tua & decor tuus: hoc est, qui gladius gloria tua est ac decor, ô potentissime. Paraphrastes item sic: Accinge gladiū tuum femori tuo, ô potentissime; laudem enim & honorē magnificē assequeris. Verū quia ecclesiæ arma spiritalia sunt, ut inquit Paulus, nō carnalia, à spōso nimirū Christo, qui in spiritu amari coliq; in primis debet, accepta, aliud hic armorū genus quærendū esse arbitror, quod è terro aut ære minimē fabrefactum sit; diuinas illa esse scripturas definierūt patris, quibus sanē spiritalia nequitię in cœlestibus occidi solent, quemadmodū illis corpora solūmodo corruptibilia & caduca. Hic igit à uate uice futuræ sponse à cœlo quodāmodo trahitur sponſus, inuitaturq; iam tandem, diu expectatū nē liberandarū à captiuitate mortalium negociū, prouinciāq; illā tam hominibus & uicinisq; soli debitā, utpote omnium fortissimo aptoq; ad debellandū, ra- itaq; à cōsuetu belligerandi usu nō discedens, uocat gladiū uerbū Dei, quod est Euangelii; femur uerò, per quod carnalis designat procreatio, uocat Christi humanitatē (ut recepto iam utamur uocabulo) qua assumpta, unitaq; diuinitati, matris uox. Et clarificauit gloriā & claritatē. Vnde illa est è cœlo audita patris uox. Et clarificabo. quare is erit sensus: Appareat iam tandē, ô potentissime, caro illa tua à conditarū rerū origine mundo promissa, diuq; à me desiderata expectataq; ut uerbū illud iam demū salutis audiamus: cuius sanē effecti exci- abant, etiam perditissimi homines, in profundūq; malorū ac desperationis pro- præbebunt, actiq; in fugam hostes, aut ignominiosissimē trucidabunt, aut æternas in miseras detrudentur.

Intende, prosperè procede, & regna propter ueritatem & mansuetudinem & iustitiam, & deducet te mirabiliter dextera tua.

Verba plerūq; in nostro interrupta interprete, cōciliq; uersus id agunt, ut in excutiendo sensu Delio interdū opus sit cōiectore. quanq; tamē suos & ipse habet sensus, pios nimirū & castos; uerū ubi litera, quæ est Hebræis, clarior uisa



IOAN. BAPTISTAE FOLENGII

C est, nōnihil ab illo, licet inuitus, diuerto, quò sensus lucidior reddat, ut scilicet  
nē necessariū fieri duxi. Quemadmodū enim superiorē uersum Hebræorū ita  
uertūt interpretes, ut diximus, sic & hūc sequentē pleniorē reddūt, nempe cum  
subsequēti cōiunctū, hoc modo, ut uertit Fel. Et decore tuo prosperare, equita  
super uerbū ueritatis & māsuētudinis & iustitiæ, & docebit te terribilia dextera  
tua. Nam supra dixerat: Accinge gladiū tuū super femur tuū, qui est gloria tua,  
& decor tuus. Modò uerò decoris nomine delectata sponsa subiūgit: Et decore  
isto tuo, qua cunctis admirabilis es, undēq; serenitas quādā iucundissima dima  
nat, nos aspice, uenīq; felici comitatus, ut decet regē, prosperitate, terrificoq; ex  
cluso mortis atq; adeo peccati regno, regna, & nos prorsus, qui tanq; oues erra  
mus absq; pastore ac duce, ad te trahe, reuoca, cogeq; si lubet. Quid tandē: Cur  
rum ueluti adornatū mansuetudinis cōscende, equitaq; propter causam fidei &  
ueritatis & iustitiæ, quæ planē omnia in mūdo extincta sunt. Et sic nimirū tua te  
dextera potētiaq; ac uirtus, ad maxīma perpetrāda facinora & mirabilia adhorta  
bitur, Chaldaeus habet, Docebit te dñs, ut terrorē inferas cū manu dextera tua.  
Loco, porrò procede, Hebræis est, inequita. & est perinde ac dicas, inequita, ue  
harisq; his rebus, ueluti quadrigæ rotis, ueritate, fide, māsuētudine & iustitia.  
Vide q̄ breui sic obiter cōpendio, qualis in terris rex esse debeat, depinxit spon  
sa. Da mihi igitur regē, principē, antistitemq; animarū, qui suis in pollicitationi  
bus uerax sit & cōstans, in moribus mansuetus, mitis, ac omnib. suis in actioni  
bus, regniq; moderatione iustus, nil ultrā quæram: absolutissimus is quidē erit,  
dignusq; cuius fidei maxima meritò hominū multitudō cōmitti debeat: his uerò  
exclusis, ne ouicula quidē. Id dictū uelim ad quorundā etiā religiosorū taxandā  
opinionē, qui asserūt, arte potius in gubernandis populis opus esse humana, ac  
simulatione, q̄ Dei spiritu. Error is est maximus, nā si in rebus quālibet paruis  
instituendis diuino egemus lumine ac ductu, multò magis in magnis, quæ ma  
xima omniū est, hominū gubernatio, sed illis in rebus præcipuē, quæ ad animarū  
attinent informationē. Syncera hæc esse debet, spiritusq; perpendiculo diligen  
tissimè collibrata, Sed ad psalmum.

Sagittæ tuæ acutæ, populi sub te cadent in corda inimicorum regis.

Sagittæ tuæ acutæ, populi sub te cadent in corda inimicorum tuorum. Sagittas uocat sponsa, fidei uerba, quæ acie omnē gladij quis acuti superant uerba enim uitæ à Petro appellant. Proinde nulla tam dura res esse potest, ac terribilis minus pericula, quæ ad tantillū uerbi Dei ictū protinus nō cedat, emollescat, pareat: Illud præterea notandū, cōfusam hīc literā sensus confusionē, nī aduertas, pareat: qui tamen facilis reddit, si per parenthesis (populi sub te cadent) legeris. Verum, cadent, ad duo referri potest, nēpe ad sagittas cadentes in corda inimicorum, regis; & ad populos qui uisa regis potētia, uirtutēq; ac iustitia, proni subiiciunt, caduntq; ut dicit, sub rege. Atqui ea in Dei uerbo sita est uis ac energia, ut quicquid nactū fuerit in homine uitiositatis, prosternat illic, sed partim ad uitā, ut de bono odore edisserit Paulus, partim ad mortē, cordisq; duritiē & desperatiōnem. Sed hi sua culpa atq; obstinatione in mortē frangunt, illi uerō ad uitam, ob Dei misericordiā: alioquin tum hi, tum illi eodē damnationis genere mulcandi erāt. Traiecta igitur hostiū Christi corda Euāgelij telo, nō eundē nanciscunt finē. Quidā enim illorū uulnus salubre nō auersantes, ex hostibus fiūt amici, ut quōdam Paulo cōrigit: quidā etiā unde medelā amplecti debuissent, uenenū hauriunt, & id præsentaneū. Nam qui mali prius fuerāt, sanctissimo transfuerberati gladio peiores sua culpa ac uitio euaserūt, ut de Iuda dñi proditore legimus. Quis hīc igitur nō exclamet, Dextera dñi fecit uirtutē: dextera dñi exaltauit me: Nō moriar igitur amplius iustitiæ, ut hactenus imprudens egi, sed uerā uitā, quæ est in Christo Iesu, uiuam, & sic narrabo opera dñi. Putas ne absq; Christo, quæ hic tam speciosum, tam fortē, tam mansuetū, tam iustum, tam potentē regem depin-



igit sponsa, te Dei opera tum noscere, tum meditari, aut literis mādare posses. Er-  
ras, si id putas, toto, ut aiūt, cœlo. Absq̃ enim capite quid uirgē habet pes? quid ma-  
nus? quid cætera totius corporis mēbra? Num te latet, quod caput uiri Christus  
est, caput uerō Christi Deus? O tu igitur qui uitam aues degere cœlo dignam, a  
capite tuo ne, si sapias, procul esto, alioquin euulsum a capite corpus marcescat  
neceſse est, & intereat. At tu mihi præterea splendorem alium in sponſo nostro,  
dignitatemq̃ nobiliorem considera:

Sedes tua Deus in seculum seculi, uirga directionis uirga regni tui.

En quomodo iam demū spōsa, præmisso illo tam honorifico præludio, in quo  
spōsi formā, pulchritudinē, sermonisq̃ suauitatē ac lepōrē, uires insuper & po-  
testatē laudib. extulit, Deū illum esse fateſ. Sedes tua, ait, hoc est, potestas tua re-  
gīa, o spōse, æterna est, nō temporaria, ut sunt planē omnia mortaliū. Est, inquā,  
uirga, sceptrū scilicet regni tui, sceptrū directionis, sceptrū ueritatis, sceptrū iu-  
stitiæ, nō erroris, nō mendaci, nō iniustitiæ. In illo enim nulla inueniſ asperitas,  
nulla arrogātia, nullus fastus, crudelitas, uerū omnia placida & æqua. Quomodo  
autē regnū Christi sit regnū æquitatis ac rectitudinis, ipsa aperiat spōsa, & dicat:

Dilexisti iustitiam, & odisti iniquitatem, propterea unxit te Deus,  
Deus tuus oleo lætitiæ præ consortibus tuis.

Illud nō omittendū in superiori uersu, ubi nos legimus unā cū Hebræis, Deus,  
Chaldaica translatio ponit inenodabile illud nomen Tetragrāmaton, quod solū  
Deo, uel ipsiſ Iudæis testibus, competere definierūt antiquæ legis interpretes

quō uel hinc saltē, si nō aliunde, hauriant Iudæi Messīa Deū esse, de quo hūc psal-  
mū cōpositū esse affirmāt. Duræ profectō istæ sunt Iudæorū reliquiæ, quas per  
orbē penē uniuerſum incertis peruagare sedibus uidemus. Sed ad rem nostrā.

Quemadmodū enim pro cumulo uirtutū perfectō, ut aliās diximus, iustitiā in  
Deo sumi legimus: ita in homine iniquitatē pro plena unde quaq̃ uitiorū mensu-  
ra intelligimus, ut in hoc psalmo cernere est. Maximū porrō laudationis genus

est in principe, si iniquitatē huiusmodi suo à solio excludat omnino, iustitiāq̃  
amplexē. Tunc sanē populus ille felicissimus censi debet, cui princeps illius  
moris cōtingit, qui nihil nō syncerū purūq̃ sua in ditione uidere patitur. Hunc

certē patrē potius, q̃ regē aut principē appellabimus, eumq̃ in terris tanq̃ Deū  
uenerabimur. Et ut quidē hæ duæ in homine partes, mille nimirū animi pertur-  
bant, perfectissimæ fuere, & sunt, erunq̃ perpetuò: & id sanē propterea, quod

(sic uideo ab aliquib. exponi) unxit illum Deus oleo lætitiæ præ cōsortibus suis.  
Oleū exultationis, legit Græcus, sed idem est. Nam oleū lætitiæ seu exultationis  
nō raro ponit pro spiritu sancto, siue eius gratia, in prophetis maximē clarū est.

Spiritus, inquit Christus in Esaia, dñi super me, eò quod unxerit me. Cui subin-  
dē sententiæ scriba ille diuinus in Apostolorū actis Deū alloquēs, occinuit dicēs:

Cōuenerūt autē uerē in ciuitate ista aduersus sanctū puerū tuū Iesum, quē unxi  
sti: hoc est, quē lenissimo gratiarū tuarū oleo abundē perfudisti. O uerē copio-  
sam, passimq̃ exuberantē perfusionē, de cuius exundantia ac plenitudine nos

omnes, qui spōse nomine diuinis in obsequiis suauiter libenterq̃ exanimamur,  
accipimus. Istud igitur olei genus internū in corde est, ubi sedem sancti spiritus  
lesti cōsentiūt hi, qui nullis mūdi cupiditatib. inquinati, totū, quantū est, cor cœ-

nō in rebus exteris, in quib. cōtinuus inest motus, idcirco & corruptio, tripudiū  
agūt. Illic, inquā, inungit anima, fitq̃ regina, fit spōsa, fit sacerdos altissimi. nam  
utruq̃ hominū genus, regale scilicet & sacerdotale, oleo perūgi corporeo solen-

ne erat: sed absq̃ illo spiritus, nec corporeū id quidē ueros reges, uerosq̃ altissi-  
mi sacerdotes, sua quamlibet ampla perfusione efficere posse, audeo dicere. Sūt



**C** porro qui censent in hoc uersu dictionē, Deus, repeti minimē debere, sed simpli-  
citer legi, propterea unxit te Deus. Sunt & qui repetūt: unde priorē ad spōsum  
referūt, posteriorē uerō ad patrē. Quare sic reddit Paraphrastes: Amatissimus es  
iustitiā, & odio persequens quicquid est ab æquitate diuersum, ideo unxit te, o  
Christe Deus, Deus tuus oleo fragrantiore, q̄ ullū unq̄ sociorū tuorū. Prophe-  
ta quidē antiqui, socij nimirū spōli, istiusmodi olei perfusione deliniti fuere: a-  
postoli postea, sed copiosius: ut uerissimū illud appareret, unguentū scilicet à ca-  
pite in barbā, barbā inquā Aaron placidissimo lapsu descēdisse. Etenim cui cō-  
pertū nō est, in capite abundātius huiusce generis oleū extitisse, q̄ in ipsa Aaron  
barba, quā ab ipsa capitis exuberantia perfusa dicit̄: Caput porro Christus est,  
barba uerō omnes Christi amici: sed illi præcipuē, qui propius felicissimo spōsi  
ori adheferūt, ab ipsoq̄ uerba uitæ audiere: ut olim prophetis cōtigit, qui sua ple-  
runq̄ uaticinia huiusmodi confirmabāt testimonio, Os dñi loquutū est. Quare  
spōsa illa, quē & nūc hīc loquit̄, moræ quodāmodo diuinæ impatiens clamabat,  
Osculet̄ me osculo oris sui. Ab eodē postea capite, ueluti à torrente, apostolorū  
hausere riuuli, sed feliciori cursu, q̄ prophetarū. Hauriūt & in præsentia sanctis-  
simi quicq̄ uiri. Quid sanctissimos tantūmodo dico uiros, simulac lego fragran-  
tissimū illud unguentū ad orā usq̄ ac simbrīā uestimētī summi huius sacerdotis  
iuxta & regis, id est, usq̄ ad infima quoq̄ Christi membra defluxisse: Verū om-  
nibus quantūuis spōso propinquis & familiaribus, impartit Deus spiritū ex di-  
menso: haud sic uerō Christo, cui nō datur spiritus, ut inquit Ioānes, ad mēsurā.  
Cæterū nos qui in ecclesiæ gremio per Christū uiuimus, ideo sancti uocamur,  
quia à sancto peruncti sumus, Christus aut̄ sanctus sanctorū, ut eum uocat Da-  
niel, à patre, cui potentia æqualis est, atq̄ idem Deus. Meritō igitur à sponsa lau-  
datur, quod ipse Deus à Deo præ consortib. suis atq̄ amicis, spiritus sancti, in-  
**D** perfusus sit: ut ex hac sanē perfusione id factū uideat, quod iustitiā dilexerit, in-  
quitatemq̄ odio habuerit. Verū quia id aures simpliciū maximē audire renuūt,  
illud addendū uideē, idcirco Christum exultationis oleo à patre unctum fuisse,  
quod iustitiam prius dilexerit, & iniquitatē odio habuerit. At qui non contenta  
tam sublimi titulo spōsa laudasse sponsum, ad aliud laudū genus, ne quid suo di-  
lecto, quod ad perfectum regis ornatum faciat, deesse arbitraremur, descendit.

Myrrha, inquit, & gutta & casia à uestimentis tuis à domibus ebur-  
neis, ex quibus delectauerunt te filiæ regum in honore tuo.

Laus est à uestiū, ædiumq̄ ornatu ac splendore. Et id quidē haud minimā re-  
cōciliat gratiā, hinc atq̄ hinc passim cū gradit̄, honestā spirare sua uolentiā,  
quanq̄ nostra hac ætate, in qua quiduis audemus, nō solū reges, urbiūq̄ prima-  
rii istiusmodi delectant̄ odoramētis, uerū etiā lanij, lanarij, & qui abdomen pu-  
blicē uendūt, principes ipsos æquare in hoc ornatus genere enitunt̄. Cæterū di-  
ctionē quā noster uertit̄ interpretes myrrha, ex Hebræis quidā asserūt esse, quem  
uulgo muscū dicunt: alioqui quid grati odoris ē myrrha spirare queat nō uideo,  
nisi quatenus diuinū aliqd̄ prætedat mysteriū. Idem de gutta dicendū, quā Sta-  
cien Græci uocant, quamq̄ scribit Hieronymus, ut ab his qui aromatu nouere  
uirtutes, audierat, florē esse myrrhæ, quē stillam aloēq̄ nōnulli appellāt. Verū  
aliquib. dictionē hāc Hebræis id genus odoramētī misturāq̄ significare uisum  
est, quā nos populariter ambrā appellamus: non succinū illud quidē, quæ gutta  
est ab arborib. defudās, electrū Græci uocāt, sed potius pigmentū est odoriferū.  
Quodcūq̄ tamen illud sit, id certē nō ignoramus, uatē altius spectasse, q̄ sint illa  
quib. etiā laniste pariter cū regibus uti possunt. Idē quoq̄ de sumptuosiorib. ædi-  
ficijs quē hīc à spiritu domos eburneas appellari uideo, dici posset. Quid nō ten-  
tat interdū uulgi temeritas: eod̄ enim nostra iam processit audacia, ut si qd̄ ex qui-  
situs insigniū sue à principe, uel in erigendis ædificijs, uel in cōmutando uestiū  
usu



A usu inuentū fuerit, id statim à uulgo, & excellētius nōnunq̃ usurpē. Casia por-  
 rō, quā fistulā uocat, herbā esse, quā & interdū in fruticē coalescens, suauissimū  
 emittit odorē, ab antiquis autoribus accepimus. Sensus itaq̃ totius uersus, qui  
 Hebreis post Delectauerūt, seu lætificauerūt te, actutū finit, is erit, ut candidē à  
 Paraphraste reddīt: à quo illud etiā obiter perdisci poterit, nō domib. eburneis,  
 sed repositorijs uestiū eburneis legi debere. Nihil q̃ myrrhā, inquit, aloē & ca-  
 siam spirāt omīa uestimēta tua, ex repositorijs uestiū eburneis deprōpta in hoc,  
 ut te exhilarēt. Vides q̃ musicē eleganterq̃ regis forma, facundia, aspectus, ro-  
 burq̃, ac uestimentorū fragrantia, simul & ædiū magnificētia hucusq̃ descripta  
 sint. Sed iam ad obstrusiora spōse sensa utcūq̃ deliniāda uertat stylus, licet incul-  
 tus, & quod mihi natura insitū est, pauidus, in his præsertim enucleandis quę ar-  
 dentiorē in Deū, q̃ mea sit, requirūt mentē atq̃ ingeniū, quod nunq̃ in me exti-  
 tisse fateor, sed tardū potius ac rude; uerū ille cui me à puero, & sciens & prudēs  
 uoto indissolubili addixi, addicōq̃ recētiori denuò affectu & uolūtate, scit omī-  
 no qd̃ meus expetat spiritus, nouit cor, nouit mentē, nouit quò meus aspirer ani-  
 mus. Scit tandē quorsum id mihi scribendi negociū & laborē asciuerim: scit qui  
 dem, quia ipse, ipse Deus, nō alia prorsus res, me ad istos utcūq̃ cōcinnandos cō-  
 mēarios suis sanctissimis excitauit monitis. Nulla enim (fateor) mihi unq̃ obla-  
 ta fuit occasio, quā me adeo à sensibus, atq̃ à mundi amore ac metu abalienaret,  
 quā hęc modò quę mihi à cœlesti patre ostensa est. Et ut quidē nihil unq̃ mun-  
 do uel oblectamēti uel utilitatis allaturus sit is tantulus meus labor, illud tamen  
 nunq̃ in me uituperabit, meo me ocio abuti noluisse, maluisseq̃ huiusmodi  
 cruciatus genere, effrenes meo in animo infringere motus, & eos qualitercūq̃  
 in bonis, quę uera bona sunt, firmare, & docere q̃ periculosum id prorsus sit, a-  
 nimū natura cœlestem in rebus nihil occupare, ut olim meo maximo incōmo-  
 do ac iactura occupauī, penēq̃ obrui. Modò uerò liber ea qua me libertate libe-  
 rauit Christus, illi rursus me, meosq̃ cogitatus, actiones insuper, lucubrationes,  
 sinō aureas aut argenteas, æreas saltē deuoueo, illiusq̃ nomini dedico, offero,  
 confecro. Nam tenuem (scio) homunculi oblationē nō auersabitur altissimus,  
 modò à candido proficiscat animo, quem in me esse, per sponsi illius misericor-  
 diam, cuius in hoc psalmo describitur gloria, nō diffiteor. Myrrha, inquit spon-  
 sa, & gutta, & casia à uestimētis tuis, à domibus seu repositorijs eburneis, ex qui-  
 bus delectauerūt te. ultra, ut dixi, non procedit Hebræis uersus: sequentē uerò  
 ita ordiunt: Filia regū in magnificētis. Verū his parumper omīssis, ad alia quę  
 polliciti sumus transeamus. Sub odoramentorū nomine, sanctorū hīc mores,  
 uitæq̃ exempla, quę in Christi corpore, quod est ecclesia, insita, ab ipsa, quę do-  
 mus eburnea, ob fidei candorē & castitatē à spiritu cū hīc, tum aliās in scriptu-  
 ris nuncupatur, mirabili sua uolentia suffitu egrediunt, mysticē enarrant. Illita  
 enim semel anima spiritus sancti unguento, quod à Christi uita spirare sentit, ab  
 illiusq̃ experrecta fumo atq̃ odore, se totā illo (ut uerbo utar comico) fumificat,  
 quē postea è candido cordis repositorio, ædēq̃ eburnea, in qua duæ illæ sorores  
 cōmorantur, fides & uirginitas, ad eos qui foris sunt, effundit. Istiusmodi enim  
 fumigatione sanēq̃ delibutus olim apostolus, illamq̃ in Corinthios deriuās cla-  
 mabat: Christi bonus odor sumus Deo, qui odorem suę notitię manifestat per  
 nos in omni loco. Verū ne hīc tardus somniet lector, huius generis pigmenta  
 sua uia esse ac delitiosa, ut sunt illa quę à Felicis Arabiæ plaga transportant, myr-  
 rham dixit, genus profectò aromatū amarissimū, & qua uolunt carnis afflictio-  
 nem, seu amaritudinē, ut inquit Augustinus, significari: quā qui in ecclesia syn-  
 cerē admittit, exercetq̃, mirabilē spargit boni odoris fragrantia, inuentā nimirū  
 in splendidissimis sponsi uestibus, quas diffiniūt illius esse corpus atq̃ animam;  
 quibus sanē uti pallio cooperta diuinitas hominē illum, quē sine specie & deco-  
 re in terris, ob tormentorū sæuitiā apparuisse testatur Esaias, nō unī tantūmodo



**C**arnis amaritudini, sed sexcentis, & eò amplius exposuit; unde fragrantissimus quidā uel usq; ad inferiorū umbras delapsus est odor, Christus, inquit Paulus, tradidit seipsum pro nobis oblationē & hostiā Deo in odorē suauitatis. Ecce odor à cruce Christi, ecce oleū, ecce, in quibus oblectari se debent Christiani, suffitus atq; perfusiones. O felicē odorē, ô admirandam à laniato Christi corpore perstillantē suauitatē. Video amorē, uideo pacem, uideo iustitiā, qua ego gratis iustificor per fidē, in Christi uulneribus, tanq; in repositorijs eburneis, requiescere, publicāq; ab illis tabulam cruentis inscriptā literis ad hūc modū pendere: **FRUCTVS DIGNOS AGITE POENITENTIAE.** En myrrhæ effectus. En quomodo Christo cruci affixo uinū dabāt ad bibendū myrrhatū. En quomodo ipsius corpus uel euulsum est cruce, atq; ab anima destitutū, myrrha & aloē perungere cupiūt sanctissimæ mulieres. En quomodo antea munus illud funebre exoluit Nicodemus, ut ferē inde quidē coniecturā fieri oporteat, nihil nō in terris amarū esse oportere illis quib; Christi uestigijs adhærescere animus est. Proinde D. Hieronymus eboris nomē interpretās sic ait: In ebore castitas, qd prius obscurū, ferris ac limis lucidū fit: ita sancti per sectiones & attritiones diuersorū suppliciorū elimati, uirtutū uarietate fiūt lucidi. Eburnea profectō sententiā, & diuo illo digna, utpote assueto inter sponsæ ubera unā cum sponso delitanti. Cæterū idem de aloē fermè dicendū, cui cū ea insita sit uis, ut ē stomacho noxios extirpet humores, aut saltem sedet, humilitatis typum secū habet: quæ quidem à sui notione resipiscentiāq; quam faciliē uir uerē pœnitens assequitur, originē habet. Quis, oro, tam stupidus est, qui se cognoscēs peccatorē, proptereaq; dignū cui æterna debeat mors, nō pertimescat, subindeq; sese omniū uilissimū, in iurijs tissimūq; arbitretur, qui ausus fuerit tam benignū dominū, ut Deus est, iniurijs lacessere: hanc qui obtinet, mirū si se alijs anteponat. Siquidem inuēta tam præclara margarita, subitū quoddā illius qui inuenit, cordi effulget lumen, cuius radijs perlustratus in aliū mutatur hominē, innouatur, ex ægroq; fit sanus, sedatis iam per gratiā inordinatorū affectuū humoribus, biliq; tetra cōcupiscentiarū ac libidinū procul eiecta & eliminata à corde. Nulla enim Deo uictima salubriori litari potest, q̃ cū nos peccatores agnoscentes, fateamur quoq; omniū miserimos nos esse, indignosq; quibus Deus unq; ueniam prestare debeat. Forſan, mi Lector, hīc myrrhæ opinabarīs nomen aut stactis, obiter absq; ratione interiectum. Altiora quidem rursus q̃ ea quæ à me patrū autoritate fulto sunt dicta, id continere certō scio; sed hæc cursim tantūmodo attigī potius, quā ut tanta rei dignitas postulat, plenē descripsi: & id sanē, quantū ad cōmentariorū legē rationemq; pertinet. Casia porrò, siue fistula, quam in aquosis udisq; locis nasci firmanter rerū indagatores, quāq; aiūt in immensum fermè crescere, sua uentū passim spirare odorē, fides est; quæ cū baptisimi proxime aquas oriatur, in sublimem sese erigens altitudinē, mirabiles per orbem uniuersum odoramento effundit suauitates. Et ut quidem cæteri uirtutū chori, qui hīc sub odoramento uelo adumbrant, necessarij omnino sint in decorandis sponsi uestimentis, quæ sunt uarij in ecclesia status & sacramenta, fides tamen primā sibi uendicat sedem, utpote qua cæteræ connitantur tanq; capite uirtutes, illa uerò Deo, per Christum. Verū omnes simul iucundissimo sponsum afficiūt oblectamento, è domibus nimirum exeuntes eburneis: quæ quidem, ut diximus, eburnæ ap-

Ex quibus, inquit, lætificauerunt te. Proinde, Filia regū in honore tuo.

In magnificētis tuis, uel palatijs, uertit Fel. seu, ut alius, preciositatib; Filia, inquit, regū, nempe illorū animæ qui ab apostolis, ueriorib; sanē regibus, q̃ illi sint quorū libidini nec tota quidem satis iam facit Europa, à cæterisq; Christi discipulis geniti per Dei uerbum altiq; in uirum adoleſcūt perfectum, in mensuramq;







**C** filij Dei spōsam cōueniat, intelligi uult spiritus, is amor est quem aureū, purēq; ab omni alio amore defæcatū esse oportet, & quē uariū, hoc est, uariarū uirtutū ornatu insignē in suo cultu requirit Deus, hæc rursus ea est uestis nuptialis, qua homo ille nō indutus, ausus tamē unā cum alijs ad cōnā illā magnā sedere, maxima cum exprobratione ac ignomina foras eiectus est. Atqui (ut breuiter quæ iandiu parturio tandem pariam) ubi amor non est, mutuaq; dilectio & charitas, quā sponsæ uestem appellamus, ibi Deus esse nō potest; idcirco neq; eius ecclesiā, neq; religio, neq; cōuentus ille qui ad reginæ contuberniū, quod unum atq; idem cum rege habet, pertineat. Pura omnia, atq; amoris plena uult Deus esse in sua sponsa, qui sumus nos: modō id simus quod uocamur, Christiani scilicet: hoc est, ad eō amore & fide Christo uniti, ut prorsus cum eo unum efficiamur, nam maledictus is est numerus, qui primus ab unitate discedit. Propterea enim Deus homo factus est in terris, ut nos inuicē disiunctos discordesq; atq; à cœlesti patre penitus euulsos, unā reponeret, cōciliaretq; denuō inuicē, sed in primis Deo; ut uno tandem cum capite corpore effecto reformatoq; illō tota integra ascenderet ecclesiā, ubi sponsum nacta sedentē ad patris dexterā, simul cum ipso in uestitu deaurato, circumdataq; uarietate, per gratiā resideret. Verū interim dum cœna paratur, altitiaq; occiduntur, & iam mensa posita est,

Audi filia, & uide, & inclina aurem tuam, & obliuiscere populum tuum, & domum patris tui. Et concupiscet rex decorem tuum, quoniam niam ipse est dominus Deus tuus, & adorabunt eum.

Adorabis eum, uertit Fel. & melius meo iudicio. Audi filia, inquit æternus pater ad humanū genus, sed speciali prærogatiua ad paucos illos quos inter multos ab æterno suos fore præuidit, idcirco uocauit, arctēq; attraxit. Quid ab excelso igitur intonuit cœlo: Aure, inquit, fidei quæ dicturus sum percipe: nam fides ex auditu. Sponsam hîc pater sui dilectissimi filij appellat filiā; siquidem nuncupari illam uniuersalem genituram, qua mortales omnes sui creatoris filij nuncupari possunt, est & alia excellentior, qua electorū animæ, hoc est, ecclesiā in fidei uero concepta, felicissimo paternæ dilectionis partu in lucē editur: & id quidē sancto operante spiritu, alimenta q; subministrante Dei uerbo, quo cōtinuo ueluti incremento, sub magisterio spiritus ac doctrina grandescūt animæ, æternæq; ælunē beatitudini. Et uide quæ hætenus cæca fuisti, quō tui dirigēdi sint gressus: res quippe tua agitur. Vide ne bonū malū, aut malū bonū dicas: nam in doctrina maximo opus est delectu. Vide igitur, atq; quod uides, prudenter intellige, tandemq; aurē illā tuā à salutarib. olim abhorrentē monitis, tumidā, relictantemq; spiritui, inclina, & assentire. Hîc quidē cœleste transigis connubiū, o pulcherrima mulierū; nam formæ tuæ amore captus est Deus, teq; afflictim deperit. Est aut, ne ignores, hîc rex, dñs Deus tuus: tu ancilla, & ea quidē præ nihili. Quod si tamē aliquid effecta es, nempe digna quæ ad castos tam sanctis admittaris amplexus, id totū illius gratiæ acceptū referas, qui te suā in sponsam uoluntario suæ æternæ mentis cōsilio, è stercore, pauperē, humilem, despectam, omnibusq; prostitutam delegit. Tuas ille maculas, qui omniū purissimus, est, absterfit, nō tu, quæ iam luto fæcis assueta, penitus in sordibus emarcueras. Verū illud abs te in primis exigit sponsus, ut tui prorsus obliuiscaris populi, illius nimirū qui te antea seducere cōsueuerat. Huius sanē omnis deuotanda longē cōuictus. Neq; porro id satis quidē; nam omnē paternarū adiū memoriā habuisse abijcere tua admodū interest. Abijce igitur mundū, quem loco patris habuisti, atq; eius uoluptatibus ac lenocinijs finē statue. siquidē spōsum, qui te, ut sancta esses & immaculata, è millib. tanq; liliū è spinis decerpserit, uulnerasti in uno oculorū tuorū, in unoq; crine colli tui. Quare mūda & tu planē sis oportet, interim nō ignorās, quis, qualis, quantusq; sit ille, cui te desponsatā uides. Talis quippe est



**A** est quē nō solū amore prosequi debeas, sed etiā dignus cui tu in genua prouolu-  
ta supplex fias, eumq; colas, & adores. Alludit hīc uates, nī fallor, ad illud Gen.  
Propter quod, inquit, relinquet homo patrem & matrē, & adhærebit uxori suæ.  
Magnū id quidē sacramentū, clamabat Paulus, qd est inter Christū & ecclesiā:  
cuius hīc pulchritudo atq; ornatus, miro spiritus artificio, typisq; pleno adum-  
bratur: quocirca minimē obtuso ad tam alta perscrutāda mysteria opus est inge-  
nio. Mentē hīc requirimus sublimē, nitidā, purgatā, impendioq; in his quæ diuī-  
nitatē oleant, eruditā. Mens enim uel tantillū à terrenarū rerū amore & ambitio-  
ne remorata, in istiusmodi rimandis mysterijs hebes prorsus reddi & obscura.  
Quod si nō nullos uideas rebus hīscē mūdī exteris toto animo affixos, & nihilo-  
minus elegantissimē de Dei secretis differere, nō amant tamen, nec minimū qui-  
dem eorū, quæ ui interdū prophanæ doctrinæ aut peritiā linguarū disertē profe-  
runt, gustū habent. His igitur suo in cœno derelictis, ad munera quæ spōsæ pa-  
rantur, describenda uertamus calamū. Et ut illorū dignitas maior sit, q̃ ut ab ho-  
mine in carne posito disquiri queat (quis enim unquā mortaliū immortalia Dei  
dona plenē peruestigare poterit?) illud tamen proximē lambendū, quatenus ex  
munerū magnificentia, quātī æstimāda sit Christi spōsa, coniecturā facere possi-  
mus. O fortunatā spōsam, ô felices animas, modò suā nō dissimulēt uocationē.

Et filię Tyri in munerib. uultū tuū deprecabunt, omēs diuites plebis.

Filia Tyri, codices ferē omnes tum Hebræi tum Græci habent, & ponit pro  
Tyro. Quemadmodū enim in scripturis Hebræi pro hominib. filios hominū po-  
nere cōsueſcunt, ita filias Sion pro ipsa Sion, & filiā Tyri pro Tyro. Verū siue fi-  
liā, siue filia legas, nō multū adeò refert, modò gentiū multitudinē hīc ad eccle-  
siā Christi spōsam cum muneribus accessurā intelligas. Tyri porrò meminit  
**B** Matthæus in Euangelio, ubi enarrat mulierē (typus hæc erat ecclesiæ) egressam  
à finibus Tyri & Sidonis, ad dñm, pro asserenda filia à dæmone obsessa, cōfugis-  
se. Gentibus ea quidē erat progenita, in gentiumq; alita ciuitate luxu perditā.  
Vnde uates ille eximius Esaías, Tyri uolens euerſionē ob ciuiū impietatē prædi-  
cere, sic orſus est: Onus Tyri. Et post pauca: Vlulate, inquit, naues maris, quia  
deuastata est fortitudo uestra: & erit in die illa, in obliuione eris, ô Tyre, septua-  
ginta annis. Nomine itaq; Tyri, urbis sanē omnis generis facinorū altricis, uult  
spiritus ecclesiā ex peccatoribus, & his quidē profligatissimis, sed per gratiā ad  
relapscentiā accitis, conflatā à nobis intelligi, quò maior gratiarū actionū cumu-  
lus diuinæ accrescat bonitati: quæ adeò in donis, ut sic dicam, profusa est, ut illa  
etiā quæ nō sunt, tanq̃ ea quæ sunt, ad se trahat, sibiq; per fidem uniat. quod sanē  
gentibus olim reiecto Iudæorū supercilio cōtigisse, & credimus, & nobis quoq;  
ipsis ex gentibus oriundis, ob tam mirificā diuinī amoris significationē gratula-  
mur. Quid tam mirandū in terris unq̃ uisum est, q̃ ex peccatoribus, ex meretri-  
cibus, ex lenonibus, idolothysiæq; deditis hominibus, unū in Christo, & id qui-  
tatam esse ecclesiæ puritatē ac sanctimoniā? Currit iam Tyrus, currit Sidon, cur-  
rit Babylon, currunt diuites plebis, hoc est, multa egregij tum sapientia, tum di-  
uitiarū copā atq; insignes, & se & sua ad pedes ecclesiæ proijcientes, fatent̃ nul-  
lam usquā sapientiā, nullasq; ueras, neq; in cœlis, neq; in terris inueniri posse di-  
uitias, præterq̃ in Christo ecclesiæ sponso, cuius faciem, præsentiamq; uenera-  
bundi & contemplant̃, & tanq̃ diuinī numinis domiciliū adorant. Clamat alio-  
in psalmo spiritus: Ecce alienigenæ, & Tyrus, & populus Aethiopum, hi fuerūt  
illic. Vides hīc quoq; ex alienigenis & peccatoribus & diuitibus, ut sunt de mo-  
re Aethiopes, Aegyptij, Syri, Sabæiq; erectam esse, pulcherrimēq; honestatam  
Christi sponſam. Verū ne rudes etiamnum in spiritus doctrina, corporea ali-  
qua hoc in decore atq; ornatu sponsæ cōmiscerent, uide quid doceat.



**C** Omnis gloria eius filiae regis ab intus in fimbrijs aureis circumamicta uarietatibus.

Laudat sponsam à forma & pulchritudine, quam in interioribus animae bonis omnino esse definit. Nam cum Deus spiritus sit, in spiritu potissimum coli debet. Quod uero exteri additi sint ritus & caeremoniae, prudentissimum id fuit inuentum à patribus, corruptum tamen à posteris, qui facile ad superstitionem suadent. Multas, inquam, ob rationes id fuit à maioribus excogitatum, sed propter illud praecipuum, quod uulgi, illorumque multitudo quae aut in colendis agris, aut distrahendis mercibus, concinnandisque emporijs occupata, ad erigendam raro mentem res ad illas, quae purgato solummodo percipiunt animo, nisi externis huiusmodi admodum adminiculis, excitantur. Quae sanè res ut ab ingenijs atque animis probe institutis, asuetisque in spiritu cum Deo colloqui, & laudant, & contra obrectatores defendunt, ita ea ipsa quae suae interdum officium tranquillitati, ad imbecillum aedificationem (sic olim Christus soluit didrachma) tum seruant, tum ab alijs seruari efflagitant, quam illos non latet, quod tota gloriosa (sic uertit Fel.) filia regis interior, & quae in terfessionibus deauratis indumentum eius. Ceterum dictio ab interprete nostro reddita in principio ferme uersus, eius, & Graecis & Hebraeis uacat: sed simpliciter legunt, Omnis gloria filiae regis interior. Et aptè hinc quidem fides, animae gloria nuncupatur: nam per fidem cum se saluam fore anima praesentiat, fidesque ipsa sit donum Dei, ut inquit Paulus, cur non intra sese, ubi suum possidet amatum, illiusque frui cõubernio & amore, de donis diuinitus acceptis gloriari debet: ingrata id nimium esset mentis indicium. Gloria igitur probi uiri anima, & crebro quidem, sed in cõno, sed in spõso, sed in suo duntaxat amato: qui cum natura spiritus sit, in medijs animae, quae & ipsa spiritus est, libèter cõmoratur, ubi connubiū illud inefabile inter Deū & humanam mentem transigit. Nulla ibi discordia, nullus rumor, nullus strepitus audit: sed pax summa animae, tranquillitasque in media quoque ipsa flagranti diuini amoris fornace ac flamma, placidissimo spiritus leniter flantis furris inuenitur. Quae gloria in terris, o tardae mentes, cum hac comparanda: Omnis, inquit, animae gloria, quae est filia & sponsa summi regis, internè cernitur. Internè item fimbriae illae sunt aureae, quibus ea circumamicta uarietatibus, hoc est, ornatu varijs coloribus, quibusdamque preciosarum rerum, ut inquit Fel. ligamentis ac nodis elaborato, quae sunt à fide dilectioneque, varijs in locis ac temporibus profectae operationes, quarum omnium uncini sunt ac nodi, sapientia, ac quibus maxime delectatur ecclesia, humilitas & castimonia, sublimis graditur. Dictionem, fimbrijs, Hebraei non habent, ne superflue in exponenda fimbriarum uoce, ut nonnullos facere uideo, philosophemur, qui dictionem illam aut zonam, per quam lumborum profusum coërcetur, adscribunt, aut temporis fini & termino, quae quidem si cui placet, habet unde haec abundè hauriat: nos solum dicimus, fimbrijs non esse in Hebraeis codicibus, sed tantummodo, Et textura auri uestimentum eius, uel huic simile. Quod si taliter quis saluam antiquae assuetus, fimbrijs aureis legi debere contendat, id in illius gratiam dicam, fimbrias extremas esse oras uestium, quae debiliores in ecclesia uestitu significant commissuras, quae & ignobiliora à Paulo nuncupari membra uideo: nam qui tam ardenti in ecclesia, ut perfectissimi agunt uiri, non incensum collo fide, & tamè suo urunt modulo, hi tanquam debiliores in extremo circi cõfessu collocant. Et cum ad spõsae ornatum ipsi quoque pertineant, ipsaque spõsa nihil, quod perfectum non sit, ad sublimiora secum euehat, hi etiā nihilominus aurei ad eius pedes, tanquam in infima stolae candidae ora cõquiescunt, Dei gratia contenti, qui se quis frigidus, suae tamen sponsae pallio assuere dignatus est. Vnde

Adducentur regi uirgines post eam, proximae eius afferentur tibi. Afferentur in lætitia & exultatione, adducentur in templum regis. A frequenti puellarum choro hinc laudant sponsa, lucidissima cogitatu planities est



est, reginā istā, nuper quidē ē medio Tyri lacerā tetramq; egressā, ad tam sublimem dignitatis gradum ascendisse, ut preciosissimis induta uestibus, chorisq; uirginū diuinū p̄an, castumq; hymenāū concinentiū comitata, uniuersorū regi Deo opt. max. cōiugio copulet. Dementor prorsus, mi Lector, cum in nemo rolo hoc meo deambulans interdū secessu, aut cellulae sedens feriat, rem tantam uerso animo, cōtemplorq; infinitā, imperuestigabilēq; omnino diuinā esse bonitatē, quā tam ineffabilia, tamq; nostrū excedentia intellectu, spōtaneo sui altissimi, æterniq; cōsiliij motu ac proposito, iam olim operatus est, operaturq; in dies in eorū gratiā quos sibi, ut sui essent, anteaq; quicq; faceret à principio, aut formare terra & orbis, ē mūdo secreuit, atq; æterna sua illos prouidentia ad semper capessenda bona destinauit, utq; essent uasa misericordiæ aptauit. Sed o, dignus ego aliquando inueniar, ō Christe, ut cæteris abiectis curis in te totus, quantus sum, transeam, transmigramq; ac penitus, ut cupio, absorbear, quō in te uideam, cognoscamq; me ex illis unam esse uirginibus, quā tuā comitaturæ sint sponsam, eamq; uarijs depictam coloribus, ingenti cum tripudio & exultatione, usq; ad templū sanctum tuū, ubi ad dexterā Dei patris, tu Deus sedens, æquissimo cūcta expendis iudicio, deducturæ. Id sanē mihi interim cōpertissimū est, eaq; uiuo fide, quod nō carnis turpitudine inquinatī, nō mundo, mundanarumq; rerū illecebris irretitī, adducēt regi; sed adducēt uirgines, puræq; animæ post eam, spōsam nimirū tuā. Verū nō omnibus id cōtinget uirginib; sed his tantūmodo quā uitæ puritate, fideiq; candore proximæ illi sunt; eā dico, simul cum spōsa, resonantib; utrinq; choris, festūq; diem celebrantibus, cum gaudio & exultatione adducēt in templū regis. Iam illud nō omittendū, uersum hūc Hebræis copiosiorē esse, q̄ nostra habet editio. Vnde Fel. Vestibus phrygiatis, seu, acupictis, ut alius; seu etiā, ut Chaldaus, diuersarū figurarū deducēt ad regem uirgines. Parū uerō aliter Paraphrastes: Vestibus, inquit, elegantissimē uarieгатis perducet ad regem illū, uirgines comitabunt illā. adducitur iam nunc cū suis uirginibus regina tibi, ō rex. Nō nihīl, ut uides, ab Hebræis dissentit Paraphrastes, ueruntamen ut illorū uera sit litera, ita huius sensus uerissimus, atq; prout se res habet, elegantissimē expressus. At tandem

Pro patribus tuis nati sunt tibi filij, cōstitues eos principes super omnem terram.

Ecce iam demū qualis ē cœlesti inter Christū & ecclesiā connubio prodit par tus. Vates enim nuptiali enarrata pōpa, sese ad spōsum cōuertens illū alloquit. Pro patribus, inquit, olim tuis, ē quorū posteritate tu tuā assumpturus es carnē, nati sunt tibi filij, apostoli nimirū, qui in uerbi tui negotio & satione, in prophetarū cæterorūq; patrū locū succedent, sed in primis patriarcharū, quō utrorūq; numerus concinnē admodū æquari posset, hī quidē duodecim extitere, illi tantū. Atqui hī omnes unā sunt, quos Ioannes, assumpto utriusq; partis numero, uiginti quatuor seniores appellauit. Vice igitur patrū omniū antiquorū, diuinus ille emerfit Apostolorū chorus: quē sanē orbī rex ipse Christus Deus & homo, etiā in terris familiarē cum illis degens uitā, præfecit uniuerso: Ite, inquit, in mundū uniuersum, & prædicate Euāgeliū omni creaturæ. Verū quid istud est? nihil aliud cerē, q̄ mortaliū omniū generi annūciare pacē, reconciliationēq; cū Deo factā esse, peccata diluta, ac salutē omnib; allatā. Ite, inq; ipsum arguite mūdum de peccato, de iudicio, de iustitia: reges insup ac tyrānos imperterritē reprehēdite, illisq; leges ad bene beatēq; uiuendū præscribite. Quid rogo, mi lector, aliud à principe exigendū cēses: principes hī ergo nostri sunt apostoli & patres, quorū uerbo, utpote à Christi ore emanāte, nos q̄ fidei alimēto nutrimur, geniti sumus, ē quorūq; academia postea cæteri qui ecclesiæ præsunt, exiere patres, uel cū primis summus pont. q̄ si eodē ipso quo illi accēsus est spiritu, informatusq;



**C** doctrina, eadem quoque ipsa gubernandi ratione ac modo uti solet: utuntur & eius collegae Episcopi, & reliqui ecclesiae proceres, quibus nimirum omnibus Apostolorum munus onusque tum uita, tum uerbo alios erudiendi impositum est. Vtraque igitur uitae qualitate, hi qui ceteris praeponunt, praestare debent, sanctimonia scilicet & doctrina: ceteroquin Apostolorum sedes non honorant quidem, sed derident potius, & quantum in se est, demoliuntur. At ego, inquit sponsa,

Memor ero nominis tui domine, in omni generatione & generatione.

Est uox sponsae, quae ut gratum erga Deum ob innumera in se collata beneficia praese ferret animum, ad ipsum conuersa ait: Simulatque me tantis, tamque immensis adornasti muneribus, tui semper nominis, tuae beneficentiae, tuae largitatis, tuaeque erga me dilectionis & memor ero, & te posteris omnibus memorabilem reddam. Id nempe significat, in omni generatione & generatione.

Propterea populi confitebuntur tibi in aeternum, & in seculum seculi.

Vides iam demum cuius sint qualitates sponsae uestimenta: populi scilicet contentitium Deo, ut haec tota sit Ecclesiae diffinitio ac summa. Quod uero uoces illas tam accurate inculcat, in generatione & generatione, in aeternum, in seculum seculi, uult sponsa innuere suam nunquam defuturam sobolem, quae aeternis uelut ex-cubijs a posteris in posteros, quoad perstiterit mundus, diuinum laudibus extol-lat nomen, atque eius cultum per cunctas orbis regiones late disseminet. Hac sane fide ac spe munita uiuit, quod deformata quoque mundi huius forma & imagine, transactaque corruptibili annorum serie, ac temporum uicissitudine, non deerunt qui eundem ipsum patrem, coaeternumque eius filium, ac utriusque spiritum laudabunt, concelebrabuntque in aeternum, & in seculum seculi, Amen.

PSAL. XLVI. In finem, filijs Chorae pro occultis, canticum.

**D**



Eus noster refugium & uirtus, adiutor in tribulationibus quae inuenerunt nos nimis.

Solent plerique mortaliu illud quod maxime admirari iuxta & quærere: qui sit quod cum Deus aequissimus rerum omnium ponderator sit, atque idem omnipotentissimus & rex & dominus, suos tamen sinat amicos & familiares adeo acerbe diuque ab improbis uexari, ut penè illorum curam uideant habere nullam: contra uero perditissimis quibusque suis omnibus in negocijs, imò etiam sceleribus ita cum cuncta succedere, ut ob id solummodo nati esse uideantur, ut perpetuo beati sint. quomodo, inquit, tolerat haec Deus? num aequum illud est, ut boni malis, mali uero bonis afficiantur? Haec ferme tardis ingenijs atque animis, in contemplandis rebus diuinis parum exercitatis, a proprio sensu, nempe carnali & crasso, solent obijci, sed frustra. Siquidem istiusmodi secretorum Dei iudicia altissima obuoluta sunt caligine, nec nisi a spiritualibus, prorsusque a carnis contagione remotis intelligi possunt. Carnalis enim sensus, ut inquit Paulus, non percipit quae Dei sunt. Eapropter superuacanea minimè illa est dictio in titulo, pro occultis. Hoc igitur in plalmo iucundissimum id erit spectaculum, uirum probum intueri cum mundo colluctantem, subque persecutionum mole desudantem, sed spem omnem subsidij in Deo, quem refugium, quem uirtutem, quem adiutorem appellat, collocantem. Ait itaque, Deus noster refugium & uirtus, adiutor in tribulationibus quae inuenerunt nos nimis. Vir- tus hic robur est seu fortitudo. Dictionem uero, nimis, tum Hebraei, tum Graeci, inter quos diuus est Chrysostomus, qui illam ad dictionem, adiutor, referendam esse existimat, transtulerunt, ualde. Idem quoque uelle cum Chrysostomo Hebraeos uideo. Unde sic Felix: Deus nobis refugium & fortitudo, auxilium in tribulationibus inuentus est ualde: hoc est, non debile aut meticulosum illius est auxilium, sed ualidum ac praesens. Paraphrastes autem interpretatur, manifestissimè. Vt cum accipias, id non te clam sit, Deum non semper suos prorsus a malis eximere, illis tamen



tamen semper opitulari, comitemq; sese, quæ est eius benignissima natura, in afflictionibus addere, viresq; suppeditare. Haud facile quidem patitur diuina maiestas suos diutius in terris uiuere absq; cruce: sic placitū excelso illius est consilio. Proinde illud nobis qui persecutionū tentationumq; crucem nō eo quo par est animo toleramus, satis esse debet, quod Deus nunq; suos sub angustiarū one reingemiscētes omnino deserit, sed illis patrocīnatur, illorumq; perfectionem tunc maximè cū non sentitur, ærumnarum lima ac scalpro fabrefacit.

Propterea non timebimus dum turbabitur terra, & transferentur montes in cor maris.

Cor maris, more Hebraico, pro in mediū maris posuit. Vnde etiā Ionas ē uentre ceti clamās aiebat: De uentre inferi clamaui, & proiecasti me in profundum, in cor maris. Quare sic reddit Paraphrastes: Nō timebimus etiā si subuertat terra, & præcipitent mōtes in mediū mare. Cæterū propria scripturarū phrasis est, ut uim, furorēq; & impetū improborū hominū, æstuanti ponto, uastāq; aquarū inundationi æquiparēt. Proinde illa est in Esaia de impijs analogia: Impij quasi mare feruens, quod quiescere non potest, & redundant fluctus eius in conculcationem & lutum. (cuius undæ, uertunt ex Hebræo, spumā eijciunt, & lutum) NON EST PAX IMPIIS, dicit dominus. Non mirum igitur esse debet, si tam graphicè & uerè à sacro uate improborū mos & natura depingitur: à Dei quip̄ regnis, siue in urbibus, siue in priuatis quoq; ædibus ac lararijs tam alta pax & concordia, quam uel unus tantummodo irrequieti animi homo & ambitiosus, quod quotidie ingratīs experimur, nō perturbet, & emoliat: & id quidem breui, quod in uirū optimè institutū, subq; Dei alis quiescentē, nullus cadere potest ab impijs metus, etiam si sint illi magis terrifici atq; horrendi, quā sit terræ motus, aut mare furens, spumansq; cuius horrifono appulsu littus quodāmodo in lutū liquefieri uidetur, nō liquefit tamen, sed durius planè ē sœuis illis undarum ictibus redditur. Ita sanè stabiles in fide animæ, Deoq; nixæ, in calamitatibus fortius indurescūt, siuntq; in dies magis lucidæ, atq; in supernarū rerū amore feruidæ.

Sonuerunt & turbatæ sunt aquæ eorum, conturbati sunt montes in fortitudine eius.

Perstat uates in iam cœpta metaphora. uerū illud notandū, aquæ eorū, melius secundū Hebræos posse legi, aquæ eius, ut ad mare referat: uel si, aquæ eorum, magis placet lectio, uertendū superius erat secundum Græcos, in corda mariū. Illud rursus nō omittendum, in fortitudine eius, ambiguū admodum esse etiam inter Hebræos. Fel. uertit, in superbīa eius, quod sine dubio ad mare referit. Paraphrastes uerò: Contremiscant, inquit, montes metu maiestatis illius, Dei scilicet. Verū litera Fel. uidetur uatis metaphoræ aptius inseruire, ut sit sensus, Turbulentur licet, pulsuq; immani ac terrifico perstreptent maris aquæ, hoc est, iræ illæ minaces improborū ut uis ferueant, incrudescantue, montes item, turbida scilicet illorum corda, atq; arrogantia uī mala animi exagitata, ex uno in a sedatosq; recessus inundare, prorsusue colluuiē illa sua perfidiæ diruere adnātantur, nihil omnino obtinebunt. Nam

Fluminis impetus lætificat ciuitatem Dei, sanctificauit tabernaculum suum altissimus.

Inter hunc uersum & superiorem Selha dictio interponitur, de qua nonnulla in superioribus diximus, ut de re ambigua dici potuit. Illud tamen pro minus dubio tenendum, Selha indicium alicuius insignis affectus esse, quo qui psallit





- C** promouentis spiritus sancti libito atq; impetu afficitur: qui quoniam in nostra non est facultate, sed spiritus illum cientis, propterea nec in omni psalmo, nec in omni uersu haberi potest. unde illud fit, quod ipsa dictio quadam, ut sic dicam, confusione, citraq; rationem per psalmos interspersa uideatur, ut hoc ipso plane indicetur secretā, omninoq; incognitā illi inesse uim, ac subitum secundū spiritus uoluntatem motum. Kimhi uerò Hebræus simpliciter interpretatur notam fuisse exaltandæ uel cōmutandæ uocis cū psallerēt, ut in registris (quod aūt) organorum uidere licet, atq; propterea cogitationes animi uehementius intendendæ; sed, ut dixi, res admodum ambigua est. Hic tamen illam, quo dixi modo, insertam esse arbitror; nam cū fragorem illum immensum tum montiū, tum littorū, tum procellosi maris, impetum nimirū ac rabiem implacabilem Dei hostium præ se ferentem descripsisset uates, uolensq; è regione solidam animæ oppressæ fiduciam in Deum, ipsiusq; Dei certissimū erga suos auxilium laudare, atq; interim scribere, utpote rem captum omnem humanū excedentem admiratus, Selha intermiscuit, atq; ita exorsus est: Fluminis imperus lætificat ciuitatem Dei, Fluminis riuuli eius lætificabunt ciuitatem Dei, uertunt Hebræi: quæ sancta litera suauiorē reddit uersum, quā ea quam nos legimus. In diuinis enim exprimendis sensis, illis præsertim quæ Dei misericordiam ac bonitatē ostendunt, uerbis utendum est mitioribus, quā cū tractamur prophana. Posteaquam fractos illos impiorū strepitus ac tumultus, qui è perditorum hominum corde, tanquam ruptis amnes aggeribus limoso ex alueo, erumpere soliti sunt, horrendis quibusdam descripsit uerbis, uolensq; contrā Dei opponere soliti tranquillitatē, tranquillioribus usus est uocibus: & est idem, ac si dicat: Interim enim dum saluum unde quaq; spumofum, ira scilicet improborum exaestuauit, pulsaq; proximē positos scopulos ac montes, necnon littora uelle obruere uidetur, fluminis riuuli placidis præterlabentes meatibus, id est, pax, silentiū, securitas, fluminis riuuli in spiritu sancto, quæ omnia ab æterni patris amore, tanquā suauiter currentes fontium aquæ in nos deriuantur, altissimi ciuitatē, quæ est ecclesia sanctorum, in qua diuina maiestas suum posuit tabernaculum, nō manufactum, lætificationis huius mundi, aut corruptibile, sed sanctum & perenniter beatum, lætificarum ac sanctum, tabernaculū dicitur esse altissimi, quod quidem ab æternis iussibus suum esse uoluit: ideo illud, ut est natura sanctissimus, sanctum esse iussit. Felix profectò ecclesia, felix anima, felix mortalium conditio & status, si seruū id suum pernosceret. Vnicuiq; enim illud insitum debet esse fidei robur, ut seruū num ex illis esse credat, cuius cor Deus per gratiam inhabitet: alioqui in dubijs perplexisq; mentibus, diuinū non libenter cōmoratur numen. Cæterū integrū huius uersus sensum sic reddit Paraphrastes, quem sanè frequenter citare soleo, quò rudioribus ingenijs, crudisq; stomachis uario ciborum genere consulam, simulq; hi norint, quantū nostræ huic ætati debeamus, quæ tales nobis produxerit uiros, doctos sanè, & in his quæ ad Christianæ religionis sinceritatem attinent, impendiò eruditos. Sic igitur ille: Exterritis alijs, fluuius amœnissimus in uarios diductus riuulos exhilarabit ciuitatē nostram, quam Deus inhabitat protector noster, & gratissimè humectabit loca sancta, quæ incolit sanctissimus ipse. Heu, mi Lector, quā pauidus sum, cū me recolo uocatum non in immunditiam, ut inquit Paulus, sed in sanctificationem in Christo Iesu, hoc est, ut sanctus sim, sanctumq; seruem illius in me domiciliū, quemadmodū me uocauit, legitq; (spero) in sortem filiorū Dei, ut sim sanctus & immaculatus per ipsum in Christo. Illud tamen summopere me subleuat, meumq; sedat timorem & anxietatem, quòd quæ ego ex me mea in causa facere nequeo, ipse pro me faciet: id est, arbitrij, uoluntatisq; meæ, ac uiriū imbecillitati uim addet, manumq; illam suam salutarem, quæ mortuis dat uitam, ne prorsus collidar, gratuito supponet. hac



hac itaq; munitus persuasione, quid dæmonum iras expauesco? quid terræ hiatus? quid procellosas maris undas? quid nutantes natantesq; in freti corde, aut montes aut insulas pauidus perhorresco? De impijs enim impiorumq; iniurijs atq; insidijs hîc loquitur spiritus, à quibus quidem me fore tutum arbitror quoad in ecclesiæ gremio tranquille iaceo, nec id sanè frustra. Nam

Deus in medio eius non commouebitur, adiuuabit eam Deus mane diluculo.

In medio, inquit, tabernaculi sui, quod sibi sanctificauit altissimus; hoc est, in medijs ipsis ecclesiæ penetralibus, tanquam propugnator, perstat intrepidus, vexillumq; subtimidis hac nota insigne, aureisq; inscriptum literis, illorū ignam oburgans ostendit, Ego sum, nolite timere. Hæc probè nouimus (heu nostram in rebus fidei inconstantiam) & tamen ad tantillum iniuriarum exterrefacti, diuinū nobis auxilium deesse & clamamus, & nostram detestantes sortem, muliebriter ingemiscimus, nostrisq; ipsis persecutoribus uel usque ad rauimus obrectamus, quos nihilominus à nobis diligi oportuit tum ex Dei præcepto, tum quod maior ex illorum iniurijs atq; odio nobis exoritur utilitas, quam plerumq; ex amicorū beneuolentiā & obsequio. Causam porro aliam addit uates, quam obrem Dei domus, qui sumus nos, non etiam in feruidissimo maris æstu trepidabit, eo quod adiuuabit eam Deus manè diluculo: hoc est, summo mane, statim, maturè, & ut reddit Paraphrastes, ante ipsam auroram. Solent enim hi qui nostro alicui negotio interdum adesse polliciti sunt, si ex animo id agere institerint, ne lucem quidem ipsam diei primam operiri, sed ante auroram, quò suo modo nobis magis probetur opera, rem aggredi. Eo, imò longè diligentiori se habet pro suis fore propugnatorem testatus est, sed in Esaia potissimum, ubi suam sic pollicetur operam: Antequam inuocauerint, ego annuam: & adhuc ipsis loquentibus, ecce ego adsum. Nonne & id ferè obsequium ipsis quoq; suis hostibus olim præstitisse fassus est? Expandi, inquit, manus meas tota die ad populum incredulum, qui graditur in uia nō bona. Putamus ne igitur illum, qui nec ipsis suis profligatissimis hostibus, qui eum spernunt, dicuntq;, recede à nobis, non appropinques nobis, quia immundus es, suam non subtrahit misericordiam, nobis qui eum colimus, quibusq; uel horulam ab ipso seiungi, morte ipsa omnino acerbius uidetur, suam beneuolentiā inuocatum negaturū? hac certè fide tam debili in Dei ecclesiā nō uiuitur. Trepident qui uolunt, nutentq;, ac diuinas in dubium uertant promissiones, nos hunc morem nō approbamus: neq; id ecclesiā imperfectionis, cui à benignissimo domino dictum est, Fides tua non deficiet in æternum, admittit. Quocirca

Conturbatæ sunt gentes, & inclinata sunt regna, dedit uocem suam, & mota est terra.

Certè si non aliàs, hoc saltem amabili cantico, quanta fuit semper, estq; in præsentia, atq; erit in futurum uis uerbi Dei, comprehendi potest. Et ut præterita omitteremus, quanta scilicet solo uerbo ac uoce operatus sit Deus in Aegypto, in terra Amœrorum & Canaan, quanta in solitudine, quanta ad Iordanis ripas, aut ad Iericonina mœnia, quanta demum in aspera illa eremo, in qua sui uerbi notionem ac uirtutem tum mundo aperte ostendere uoluit, cum non tantum calumniatori illi immundo, quantum futuræ suæ posteritati respondit, Non in solo pane, inquit, uiuit homo, sed in omni uerbo quod procedit de ore Dei. Vt illa, inquam, uetusta, unde tamen nostra omnis orta est fides, prætereamus, futuraq; uatibus inquirenda relinquamus, nostra cōsideremus: hoc est, illa quæ quod tidie in ecclesiā Dei fieri cernimus. Diuersis igitur animorū per motionibus di-



**C**uino audito uerbo afficiunt plerique homines, & eo quidem modo nonnulli ac trepidatione, qua olim Amoræorum, Cananæorumque reges audito nuncio apparatus bellici filiorum Israël, affecti sunt. Dissolutum est cor eorum, inquit, & non remansit in eis spiritus. Vnde hic uates cupiens quam sit efficax diuini uerbi uirtus ac potentia demonstrare, ait: Dei uoce adita terram omnem contremuisse, gentesque passim per orbem uniuersum interspersas infremuisse, ac regna ipsa tandem, alioquin uicinis formidata regionibus, nutasse, altumque arrogantia suapercilium demisisse; uerum non uno quidem modo omnes, aut ratione, quod sane lucidius nostro à seruatore Christo differitur, quam ut à me aliquid addi possit. Iacto, inquit, semine, aliud cecidit secus uiam, aliud supra petram, aliud inter spinas, aliud in terram bonam. Vide, mi Lector, quam multifariam distrahuntur mortalium animi in suscipienda Dei uerbi satione. Horum omnium quidem aures illa Christi admonitione uellendæ sunt: Qui habet, inquit, aures audienti, audiat. Omnes igitur quotquot in terris ratione utuntur, à summis regibus usque ad nouissimum plebis hominem, in anima quoque, quin etiam beati in coelis spiritus, & quicquid spirat in aëre, aut undas nando sulcat maritimas, inflexis genibus sacro assurgunt Euangelio, utpote rerum omnium bonarum fini & termino. In hoc enim omnium salus, laborumque & ærumnarum quies, qui Christus est, non iam delitescit, ut olim in uatum libris, sed propalam omnibus exponitur, ab omnibus uidetur, inter omnes uersatur, cum omnibus colloquium habet, atque omnibus tandem nobis, ni prorsus oblatam auersemur gratiam, salutem, pacem, uirtutemque æternam apportat. Hec omnia in Dei uerbo, in Euangelio, in Christo insunt bona. Sed illud maximopere aduertendum, cuius habitus tunc nostra reperiuntur corda, cum ab ignitis diuini uerbi petuntur telis & iaculis, ne dum uulnus animæ salutare infigi credimus, letale hauriamus. Conturbari quidem omnes necesse est, ut inquit uates, inclinari regna, commoueri que terram, hoc est, terræ huius incolæ, audito regis uniuersorum uerbo: uerum quemadmodum reprehensibiles sunt in homine conturbationes atque agnitiones illæ, quæ nisi si de in Christo temperentur, mortem inferunt; ita sanctissimæ quoque insunt, quæ uitam, his præsertim qui, ut ait Christus, audientes uerbum retinent, & fructum afferunt in patientia; quam quidem nobis in hac uita leuissimam faciam esse experimur, postquam

Dominus uirtutum nobiscum, susceptor noster Deus Iacob.

Hic Dauid aperte ad illud, quod futurum erat, alludens uaticinium, quo Christus appellatur Emanuel, quid sit Dei filius, diffinit. Emanuel enim interpretatur, nobiscum Deus: quod idem omnino est, quod Dominus uirtutum nobiscum. Per carnis enim unionem cum diuinitate, totus factus est noster Christus, adeoque nobiscum carne, tum animæ affectibus, exceptis noxijs illis qui sunt peccatorum origines, unitus, ut is sit caput, nos membra. O immensum & incomprehensibile donum, quare non absque ingenti animi stupore, hic iterum à uate Selha interpretatur. Quod uero uirtutum, seu Zebaoth, id est, exercituum dominus sit Christus, id idem ipse cum patre Deo, Deus homo à patre accepit. Data est mihi, inquit, omnis potestas in coelo & in terra. Ille igitur qui omnibus, & quæ in terris, imperat agminibus, omniaque dispositi iura regnorum, catæque colla regum; hoc est, ille qui omnipotentissimus omnium est, nobiscum est, intra nos est, atque propterea, continuis tanquam excubijs, nos in periculis protegit, ut tatur (quemadmodum olim multis à periculis tutatus est Iacob) ac in sese perfusa dem atque amorem traiecit. Quid ergo tam meticolose nostris in rebus, quas ipse suas uoluit esse, pericula, ærumnas, hominum iras, iniurias, exilia detrectamus? Dominus enim ille, ille inquam dominus uirtutum cum nobiscum sit, quis contra nos? O interminabile diuinæ bonitatis pelagus. Agite dum

Venite



Venite & uidete opera domini, quæ posuit prodigia super terram, auferens bella usq; ad fines terræ. Arcum conteret, & confringet arma, & scuta comburet igne.

Prodigia, mirabilia uertit Fel. seu desolationes, seu etiam uastitates & solitudines, ut alij. Campensis uerò, admiratione digna transtulit; quæ tamen omnia in eundem recidunt sensum, qui is erit, quòd diuina ædita uoce, de qua supra, dedit uocē suam, & mota est terra, promulgatoq; Dei uerbo, ac iactò per uniuersas mundi plagas Euangelij, fideiq; fundamento & semine, mirifica illæ quidem fuere operationes, suntq; modò, quæ uirtute fidei à sanctissimis peraguntur uiribus, & quas qui seriò contemplari uoluerit, non illas quidem humanas, solitasq; fieri in terris iudicabit, sed planè stupendas, insolitas, nouasq; & quæ prodigio rum imaginē habeant. Et ut sanè cætera admiratione digna censeant, illud omne prorsus superat miraculorū genus, quòd mundo aliter infinitis bellorū motibus agitato, pax summa, ueniente Christo, dictum factū reddita sit. Atqui præturissimā sub tantò duce agimus uitam, promittentes, ab antiquis per ecclesiam ostensa fuere uatibus; sed illud in primis à Michæa, qui Esaïam imitatus, imò eo quo Esaïas spiritu accensus, ita inter cætera de futura pace prælocutus est: Et cōcidēt gladios suos in uomeres, & hastas suas in ligones; non sumet gens aduersus gentē gladiū, & nō discent ultrā belligerare. Et post pauca uates eximius cōcludit, redditiq; rationē unde tam subita prodierit pax: Quia os domini, inquit, locutus est. Ab ore itaq; domini, à Dei uerbo, à sacrosancto Euangelio, hoc est à Christo, pace terris reddita, reconciliatus est Deo mundus. Congregabo, inquit, claudicantem, & eam quam eieceram, colligam, & quam afflixeram confo labor. Vide hic ecclesiam olim reiectam, à Christo autē nō modò reuocatā, uerumetiam in dilectissimā sibi sponsam ascitam, atq; ita cōiunctā, ut una omnino facta sit caro, unūq; corpus cum ipso. Est porrò aliud pacis genus nobis qui in fide Iesu Christi uiuimus, per sanctum Dei uerbū comparatū, quo quis adeò perfecte suos per Christum sedauit interioris hominis motus atq; appetentias, ut nihil ferē in mundo accidere possit, quod eum ab adepta per Dei gratiam animi pace deturbare ualeat. Iustificati enim per fidem pacē habemus. Vide quā compendioſe pacis summā descripsit apostolus: uerū cui tam excelsum cōtingit donum, felix is prorsus est, planeq; beatus, & cuius uita non iam, ut cæterorū ē uulgò hominū est uita, æstimari debet, sed quoddam potius portentum, prodigiumq; insolitū, ac lapsum ē cœlis miraculum: quod quidem mundus, munda narumq; rerum cupiditatibus remorati ignorant omnino. Certē nō est pax impii. Da mihi itaq; cœtum hominū, da populū, da ciuitatē, quæ istiusmodi pacis, cuius uirtute turpes omnes sopiuntur cōcupiscentiæ, uel in primis ambitio, atq; amor sui, perfruatur bono; illinc subito colluies illa execrabilis rixarum, dissidiōrum, contentionū, litium, bellorum, mutuarumq; persequutionū, ac quibus maximè diuina ad iram irritatur bonitas, superbarū mentiū & arrogantium, tantum meretrix ab honesto amphitheatro, ignominiosissimè explodetur. Catechizantes bellorū apparatus ui uerbi Dei confractum iri significare. Vnde sic Paraphraſtes: Cessare fecit bella per totum orbem, & omnes angulos illius, arcū confregit, sagittas & lanceas perdidit, currus bellicos igne exussit. Quare

Vacate & uidete quoniam ego sum Deus, exaltabor in gentibus, & exaltabor in terra.  
Fel. super sedete & cognoscite. Alius ex Hebræo, acquiescite & cognoscite.



**C** Alius rursus ex eodem fonte, Remittite & cognoscite. Verba sunt æterni patris, fidei hostes, innocentięq; oppressores alloquentis. Et est mutatio personarum, ut crebrò in prophetis quoq; cæteris fieri cernimus. Exustis igitur armis bellicis, inquit pater, per me, pacęq; terris reddita, quid ultra contracti uermes cristas erigitis? remittite, cessate, depositaq; rixandi libidine, ac tumultus concien-di in meę religionis homines, impugnare illos desistite, pro quibus ego uniuersorū dominus propugno. At qui eo optimè à uobis animaduerso, facile cognoscere poteritis me illum esse Deum, qui potestatem habeam in gentes, & terram latè uniuersam. Quid itaq; conamini? quò uestra tendit temeritas? quò fastus? Quò amentię ulciscendi uos protraxit rabies, ut illos, pro quorum salute ego deorum omniū potentissimus in acie sto, certoq; extinguere omnino arbitri mini? Acquiescite, ne mea à uobis sæpe irritata bonitas, ac, quæ uos ad animi resipiscentię præstolatur, patientia in seueritatem exeat, sumatq; de uobis pœnas, quas lento ueluti gradu differo, quò uos saltem pudore confusos, meaq; lenitate deuictos, in gratiam reuocem. Est ne homo in terris, mi Lector, tam durus, qui Dei cōminationibus huiusmodi ex animo pensitatis, uel mediocriter saltem non moueatur, cessetq; ab amicorum Dei impugnatione? è qua quidem nulla illi contingere potest utilitas & gloria, sed turpitudine magis, dispendiū, & duas ob res infamia, tum quia cū Deo, qui omniū fortissimus est, litigare quodā modo uelle uidet, tum cum hominibus qui suapte spōte imbelles sunt, & qui nihil in terris tam auersant, q̃ rixas, & ob Christi amorē dissidia? Diuina enim cōtenti protectione ac gratia, latissimā etiam in exilijs & cruciatibus degunt uitam, illud quod à uate in calce psalmi replicatur, perpetuis concinentes horis.

Dominus uirtutum nobiscum, susceptor noster Deus Iacob.  
Cui laus sit, gratiarumq; actio atq; honos in secula seculorum. Amen.

D.

## PSAL. XLVII. Vincenti filiorum Choræ.



Mnes gētes plaudite manib. iubilate deo in uoce exultatiōis. Rumpentur ilia (credo) impiorū ob illa quæ hoc in psalmo legunt. Legūt sanè cum cæteris, ueruntamē spiritualis gustū tripudiū, q̃d hic ab animis in Christi amore, quæcunq; occurrant aduersa, permanentibus tanto cordis gaudio celebraf, minimè sentiūt. Audiūt enim uel inuiti, q̃ stabiles in fide Iesu Christi perseuerent hī, quos iandudū propter aduersitates extinctos planè esse opinabant: quocirca nullū nō mouēt lapidē, quò etiā absentiū pacē interire bent. Verū p̃ij sub infortuniorū onere indurati, assuetiq; crucē cum Christo ferre, quæ in eo maximè cōsistit ut odio nos insequētes diligamus, obsequijsq; iu- uemus, atq; cœlestē pro illis patrē æquē atq; pro nobis necessitudine cōiunctis oremus, nō solū in ecclesiæ sinu agentes, uerum etiā extorres, prorsusq; à fide et dilectione alienos, ad Deo gratias agendū, ipsumq; mētis alacritate ac tripudio laudandū inuitant. Vide enim q̃ diligenter ecclesiæ filij matris consuetudinē ac fidem seruant, ea quippe, ut est charitatis in omnes propē infinitæ, amplas illas, quibus orientales occiduis cōnectit plagas, expandēs manus, omnes quotquot ratione utunt, diuinisq; capaces sunt numinis, hoc suauiter prouocat cātico ad plaudendū Deo manibus: q̃d sanè miræ indicatiū est lætitiæ, idcirco addit à spiritu, in uoce exultationis. Ecclesię igitur uox est exultantis, lætitięq; inenarrabilis gestien- tis, inuitantisq; gentes omnes ad cognoscēda, itidemq; prædicāda beneficia Dei: sed illa in primis, quæ propter Christi atq; eius uerbi accessum ad nos, mortali- æquē omnibus collata sunt. Gentes omnes, populi omnes, diuus uenit Hieron. ut omnes regionū omniū in toto degentes orbe hīc inuitari intelligas. Nā in scri- pturis ferè pro particulari hominū genere, quos gētiles uulgò appellamus, gen- tes quæ ex Iudæorū genere minimè sunt, accipi solent, quanq̃ certè nescio quid hic mi-



**A** hic mihi mysterij subolere uideť. Quid si dicā, perspecta uatē in spiritu suā gētis reprobatione, futurā ē diuersarū nationū multitudinē præsensisse ecclesiā: Reiectis enim Iudæis, in corū locum subrogatus est alienigena, pauper scilicet, scortum, peccator, ganeo, atq; idolorum cultor, quos omnes una duntaxat appellat. Deo in uoce exultationis, Plausus iste manū simul cum cæteris lætitiæ uocib. quę hīc à uate ponunt, ad animū referendæ sunt: nam quę à spiritu sub carnaliū uerborū tropo ac uelo enarrant, spiritualement requirūt intellectu; uerū cū illarū cōceptus in animo formati sunt, adeo in immensum, quod gaudiorū cœlestium propriū est, coalescere consuescunt, ut uiuē ui in purissimis cordis penetralibus fluētis cursu, quī impetu tamen imbrīū ē proximis aliquando mōtib; cadentium ita copiose impletur, ut ruptis aggeribus ē ripis exeat, lateq; campos circumquaq; positos inūdet. Hinc proinde ē spiritualis scilicet copia lætitiæ intus in corde bullientis, exteri in ecclesiā demanarūt cantus, organa, ritusq; cæteri solennēs, atq; templorū ornatus: hæc enim omnia internā spiritualiū gaudiorū præseferunt abundantia, imò uerò etiā torpentē interdum animæ calorē, ut aliquādo nos pueri experti sumus, mirū in modū exuscitare solita sunt. Quare decor iste cet causa ac pompæ, ut ferē fit ( quonā uanitatē iam nostra processit religio: ) tolerandus ut cūq; est, atq; ad spirituale omnino rerum illarū quę in animo sunt, pertrahendus augmentum. Gaudete igitur iusti, sed in domino. Plaudite manibus, sed in domino. Iubilare uoce exultationis, sed in domino;

**B** Quoniā dominus excelsus, terribilis, rex magnus super omnē terrā. Excelsus, diuus interpretat Hieron. potens quod uult. Terribilis, qui iudicaturus in potestate est. Rex magnus porrò, quia nō solū rex est Iudæorū, sed & gentiū, ut inquit Paulus: idcirco additū est, super omnē terrā. Plumbei prorsus sumus, nisi quanta nobis hīc lætandi in dño suppediteť occasio, uel mediocriter saltem pernoscamus. Quis unq; in terris tam excelsus uisus est rex, qui quod uoluerit perfecerit: Et ut cætera potuerit, quod minus tamen concedendū est, potuit ne non mori: potuit ne sexcentis infortuniorū, morborūue, atq; animi ægritudinū necessitatibus nō obnoxius esse? Ad hæc, illē ne tam terribilis ac seuerus, ut suis in iudicijs, legibusq; sancientiis ac pœnis, ea usus sit potestate ac terrore, ut neminē reluctante inuenerit: Et ut quidē in suo regno neminē cōtradicentē itaq; Christus, num propterea rex magnus super omnē terrā dicēdus erit? Solus nem tuā terminos terræ, rex magnus est super omnē terrā, ut in nomine Iesu opernas flectat, nō solū quidē eorū qui terras has imas incolūt, uerū etiā qui superno & in infernas habitāt sedes. Data est, inquit, mihi omnis potestas in cœlo & in terra. Quis igit dñs Deus est, sicut Deus noster? Quocirca haud immerito quidem nos hortat ecclesiā hoc ferē modo: Gaudete o filij in dño: iterū dico, gaudete, iubilate, psallite, perpetuumq; mecū cōcelebrate sabbatū: quoniā dñs ille noster qui excelsus est terribilisq; ac magnus super omnem terram,

Subiecit populos nobis, & gentes sub pedibus nostris. Omiram ecclesiā potestate, simul ac suis sub pedibus prostratos nationū omnium populos intuetur. Comprimer populos sub nobis, uertit Fel. & regna sub pedibus nostris. Vt cūq; legas, immensam hīc ecclesiæ dominationē, spiritualement nimirū, ne terrenarū illam rerum potissimū reginā debere esse opineris, tib; effingas uelim: nam suo à sponso olim audierat, Regnū meū nō est hīc. Et licet Christus rerum omnium conditarū dominus sit, atq; idem quemadmodū effector, ita & conseruator ac rex, siue illæ terrenæ sint, siue cœlestes, uult tamen



- C** suam sponfam totam cœlestem esse, totamq; in spiritu uersari, atq; illo comburi igne, quo excitante secretissimū illud atq; admirabile transigit connubiū: è quo nos qui in utriusq; fide, quæ una est, solidi uiuimus, originē habemus, regenerati quidē è sacrarū undarū profluuiō in spiritu & igne. Quare cūcta in Dei ecclesia igne illo, qui spiritus est, quicq; in aquis illis salutaribus delitescit, uri debent: non eo qui è mundi huius amore ac desiderio, tanquam à duro saxo solet excuti. Quod uerò populi, omniumq; orbis regionū gentes ac regna, Dei ecclesiæ parere dicto debeant, submissēq; illam uenerari, id ea fieri debet in primis religione ac cultu, qui in spiritu uersatur: nam Deus, qui spiritus est, sua in ecclesia, quæ spirituum humanorū unitate consistit & concordia, in spiritu præcipue colluuit & ueritate. Siquidem diuina omnia uera sunt, terrena autem nutantia ac dubia. Volunt quidam etiam ex doctioribus, simul ut tota iam Asia atq; Africa, magnamq; partem Europa ab ecclesiæ institutis desuiit, posse illam uti terrarum rerum dominio atq; ense, nō ad tumorem quidem & fastum, aut ad uiturpandas uicinorū regiones & arces, ut olim actum fuisse legimus, sed ad uitur telam, contra illos qui nulla spiritalis sceptri cōminatione deterriti, ab iniurijs sibi inferendis nō desistunt. Audio. Verū si res syncerius tractanda foret, tute iam solūmodo diuinā sufficere, quæ fide asciscitur, dicendum esset: quam si quis haberet, quid insidiarum, quid machinationū nō prudentissimè declinaret? Verū hi non tantū quid priscæ conueniat ecclesiæ contemplantur, quantum quid compluriū mortalium arrogantia, durāq; & insolentissima etiam in ipsum creatorem quorundam peruiacia, ne dicam uecordia, mereatur. Proculdubio nulla est tam indomita rerum natura, quin fide in Deum uera resideat, & cōmolelscat. Itaq; illorū numero qui in fide Iesu Christi perseuerant, uniuersus subiectus est orbis. Quidam enim ueneranda quadā religionis maiestate permoti, alia antea tumore elati Christi sponsæ aduersaban, modò uerò fratres nostri facti sunt in Christo. Reliqui autem, hi scilicet qui à fide sua se sponte abdicarūt, aut qui nunquam illi adhæserunt, aut qui etiam in ecclesia diuersantes impiè ambrososq; uitam uiuunt scelestam absq; fœdere, ut inquit Paulus, & misericordia, quomodo nostro non erunt subiecti iudicio, cū ipse asserat nos quoque angelos, nedum mundum iudicatuos? Nescitis, inquit, quoniam angelos iudicabimus? Quid sanè mirum?

Elegit nobis hæreditatem suam, speciem Iacob, quem dilexit.

Hæreditatem nostram, uertunt ex Hebreo: sed idem sensus. Si nostrā legas, maiorem ostendit Dei clementiam, qui sua uult nostra esse. Causam reddit uer dicto parere necesse sit, nēpe ex diuina electione, ut electio, inquit, permaneat. Quod enim nobis æternorum bonorum hæreditatem, quam hic speciem Iacob noster appellat interpret, Hebræi uerò splendorem seu magnificentiam, pollicitus sit Deus, ex electione id factum est & gratia, non nostris ex meritis, alioqui gratia non esset gratia, ut inquit Paulus. Ipse nimirum elegit, nos autem illud tantillū, quod in nobis est arbitrij, ultroneæ Dei electioni seruire fecimus. Nam, ut diuus inquit Bernardus, absque arbitrio humano non est, quod saluetur: absque gratia non est, unde, Iacob porro in hoc loco (ne illud modo citemus uaticinium, quo cœlitus dictum fuit, Iacob dilexi, Esau autem odio habui) interiorē designat hominem iam uitij imponere consuetum: cuius splendor & magnificentia fides est, qua adepta per Dei gratiam super omnes populos. Incomprehensibilis quippe est animæ, Deo per fidem atque amorem copulatæ unitatē, & dignitas & potentia. Vnde non absque ratione uare



uate Selha hīc interponitur, quo admonitos nos esse uoluit, purgatissimis hīsce in rimandis rebus opus esse animis. Alioqui sordidis fœdisq; ingenijs nil nisi sordida fœdaq; & terrena occurrere possunt, cū cōtemplantur phantasmata. Nō enim imis in rebus inuenitur altissimus: etenim

Ascendit Deus in iubilatione, & dominus in uoce tubæ.

Nulli dubium de Christi ascensione ad patrem hīc dici, post admirabilem illam, ē qua nostra omnis orta est iustificatio, ut inquit Paulus, resurrectionem. Vnde occiso pariter cum morte peccato, ereptōq; de manu hostili homine, ac patri per suum sanguinem, in quo mirabiliter iucundari solent piorum animæ, reconciliato, ascendit in cœlum, sedetq; ad dexteram Dei patris. Verū tanta rum fuit in cœlis lætitia, tantus harmoniæ concentus ac sonus, ut uix ab accensis supernarū rerum amore animis sobriè comprehendī potuerit: quæ tamen omnia Pfaltēs sub iubilationis uocumq; tubarū appellatione adumbravit, ad illam, credo, alludens quam & in spirītu uidit pompam, qua, ut in secundo Paralipomenon libro legimus, Deiarca in templum fuit inuecta. Cūctis, inquit, pariter & tuba & uoce & cymbalis & organis, & diuersi generis musicorum concinētib; uocemq; in sublime tollentibus, longē sonitus audiebatur. Et uerē quidē quoq; audita fuit: nam quī ob uitæ turpitudinē procul à cœlestium rerum gustu aberant, agni mox sanguine conspersi propēadeō facti sunt, ut quicquid tum a cœlo fuit in cœlis, mirabili rerū cōmutatione plenissima exhauserunt saturitate, hauriuntq; impræsentiarū, si quæ illius excellentiæ in terris etiā nū reperiūtur animæ, quæ ē longinqua ueluti regione reuersæ, ad patris oscula atq; ample xus admittūtur. Propior ne datur alicui ad aliquem accessus, quā is qui sit per osculum? O quanta tunc impletur cognitione anima, quanto perfunditur gaudio, quanto afficitur stupore atq; ecstasi, si illi uel leue quidem aterni patris contingat osculum. quid tunc uidet, mi Lector? quid sua uolentis spiritus? Sed deus, fateor, dum illa quæ me prorsus fugiunt, mandare literis conor. Verū illud sanē de me ipso fateri liceat, quōd cū me procul à diuinarum rerum gustu, ob meam ignauiam & torporem sentiam, nihil tamē tam ardentē cupio, quā iam tandem superuacaneis dissolui curis, & esse cum Christo. Non tam quidem in recessu hoc meo conditus, secretusq; à turbis, inter quas non inueniri dominum iam toties expertus sum, quāro, clamo, nemo rososq; hos colles lachrymo sis impleo questibus, nec desistam, donec inueniam quem diligit anima mea. Inloquitur dominus, & quæ audio illius iussu scribo: quā uerō feliciter, iudicent alij, satis enim mihi id uisum est, si diuinis obtemperans monitis, meo non abutor ocio, sed illud, quantulumcūq; est, cœlestibus impendo obsequijs. Verū ad ecclesiam redeo, quæ ut lætanter, ita & robustē ē sublimi contemplatione cœlos introeuntem conspicit, quasi aurora consurgens suos inuitat dicens:

Pfallite Deo nostro, pfallite, pfallite regi nostro, pfallite. Quoniā rex omnis terræ Deus, pfallite sapienter.

Frequens enim uerbi pfallite repetitio, diligēs laudandi Dei studiū, quod in sanctorū cordib; inesse debet, cōmonstrat. Laudandus est igitur Deus nō semel aut bis, sed iterū atq; iterū, hoc est, dum cor in nobis palpitāt ac uiuit: id enim indignum est cuius domicilio delectet Deus, nisi perpetuo supernarū rerū deslagret desiderio, atq; propterea diuinū nomen celebrandi, extollendiq; inter illos qui adhuc extra uineā ociant. Pfallite, inquit, Deo nostro, pfallite, illiusq; nomē



**C**odis, hymnisq; à spiritu formatis efferte. Si Deum queritis, ipse Deus est noster: si regem, rex ipse noster est. Huic igitur uestros dedicate cantus, non insulsetamen, aut cum cordis uanitate, sed sapienter, sed cum spiritu, sed cum intellectu. Quod enim noster uertit interpres, Psallite sapienter, Hebræis est, canite prudenter: id est, unusquisq; illorū quę canit, intelligens sit. Cæterū quis Deū laudibus ritè efferre poterit, nisi is qui illius bonitatem ac sapientiam probè nouerit. Illo duntaxat hi munere cœlitus ornantur, qui cum prudentia atq; intellectu ab ignorantia facie depurato, quæ est in rebus agendis sapientia, res suas cum Deo comunicant. Quid nī igitur toto cum uocis, tum cordis nixu Dei nostri nomen à nobis celebretur, cum rex omnis terræ Deus sit? Quare quotquot sapitis, psal-  
mos in illius honorem succinite. Aliam rursus adducit causam, cur tam diligen-  
ter à nobis celebrandus sit Deus: quoniam, inquit,

Regnabit Deus super gentes, Deus sedet super sedem sanctā suam.

Maximū hīc tandem suæ bonitatis Deus dedit specimē, cum se stabilem fore gentium regem pollicitus est: gentiū dico, quæ longioribus iam antea seculis, quàm quæ hominū memoria colligi queant, à Deo reiectæ, cōtemptæ, atq; à ueræ religionis cultura, tanq̃ sues imundę, sua ipsarū culpa explosæ, uita uix hominū uiuere à Iudæis credebant, adeò repentē immutatae sunt per Christum, quā uersa rerū uicissitudine, populus ille dilectus & religiosus à cœlesti pabulo, ut fidem appellamus, ultro semotus sit, gentes uerò Deo infensæ subintroierint. & sic nimirū effractis è fidei trunco oleæ ramis insitus est oleaster, surculusq; alienus illorū loco succreuit: hoc est, à Dei tutela ac religione, sua se spontē spon-  
dentibus Iudæis, per gratiam gentes admissæ sunt, atque adeo arcetē spon-  
bus assutæ, ut æterna illarum in ecclesiæ bonis facta sit habitatio. quam quidem  
**D** perpetuitatem expressit uates, cum dixit: Deus sedet super sedem sanctam suā. Sessio enim, stabilitatis indicium est. Vnde Paulus firmam Christi cum patre uolens significare mansionem, Sedere, inquit, illum fecit Deus in dextera maiesta-  
tis suæ in excelsis. Idcirco

Principes populorum cōgregati sunt cum Deo Abraam, quoniam  
dij fortes terræ uehementer eleuati sunt.

Variè enim cum legatur hīc ultimus psalmi uersus, uariū reddit sensum. Fel-  
sic: Principes populorū congregati sunt, populus Dei Abraam, quoniam Dei scu-  
ta terre nimis exaltatus es. Vbi illud in primis animaduertēdū, dij uel Dei, genti-  
tiuū esse tam Græcis, quàm Hebræis. quare sic græca lectio posset uerti, Quoniam  
fortes Dei à terra uehementer eleuati sunt. Chaldæus quoq;: Principes populorū  
cōgregati sunt, populorū qui credūt Deo Abraam; nanq; coram dño scuta  
terre. Volunt præterea interpretes, principes populorū pro apostolis accipi de-  
bere, qui ob Dei uerbi ministeriū, illud ab orbe uniuerso adepti sunt nomē. Alio  
quoq; in psalmo Deū alloquens propheta sic ait: Constitues eos principes super  
omnē terrā. Hi etiā fortes, seu propugnatores terræ dici possūt, unde scuta terre  
à nonnullis appellantur. Quocirca nō est nomen tam sublime, quod illi felicissi-  
mo Apostolorū collegio tribui posse haud æquum uideatur: ideo à spiritu prin-  
cipes populorū Dei Abraā, hoc est, uerè credentiū, ut fuit Abraam, atq; ad Dei  
hæreditatē pertinentiū nuncupant; quorū quidem patrociniō, literarūq; monu-  
mentis, pars illa mundi quæ in fide Iesu Christi perstat immobilis, tanquā scuto  
contra hæreticorum insaniam utitur ac ense: coluntur à regibus, à populis homi-  
brantur, amantur, inuocantur, ab omniumq; passim Europæ regionum  
nibus ad illorum ædes, ad delubra, ad aras, ad dies festos certatim concurrunt.  
Cum itaque tales sint, num dubitas illos uehementer, ut canit uates, eleuatos  
esse à terra scilicet, terrenarūque rerum cupiditate & amore? Non desunt  
etiā



etiam qui illud, dii fortes terræ eleuati sunt, ad Iudæos referunt, quia eo modo à spiritu dii terræ appellantur quo olim Adam, nempe per ironiam; nam miser postquam diuinā transgressus est iussione, pellicea accepta à Deo tunica, illud ironiæ plenius audire meruit, En Adam quasi unus ex nobis factus est, sciens bonum & malum; ita hi ob legem, ritusque sacros, & ceremonias elati, cum in seipsum mutuis odiis, tum in Deum contaminata religione, impij extitere. Verum quia litera quæ est Hebræis, alium præferre sensum uidetur, illud quasi pro epilogo totius psalmi breuibus dicendum erit, quod ecclesia ea est quæ ob multa collata moribus beneficia Deo gratias agit, sed in primis de mirabili Christi in cælos ascensione, Vnde ait, Ascendit Deus in iubilatione, cœlestium scilicet spirituum, qui è sublimi tanquam specula, accepta tuba, insonuere dicentes: Viri Galilæi quid statis aspicientes in cælum? Deinde de felici atque adeo perenni cum patre mansioni: quocirca cecinit, Deus sedet super sedem sanctā suam. Deinceps de propagato illius regno, non amplius intra Iudææ pomœria concluso, sed super omnem terram protenso. Ideo dixit: Rex omnis terræ Deus. Illud quoque: Et regnabit Deus super omnes gentes. Postremo de electione, principatuque Apostolorum, quos in diuini uerbi ministerio ac labore, filio tanquam comites associauit. Quare illud de sanctissimis illis uiris concinuit elogium: Principes populorum congregati sunt cum Deo Abraam, Chaldæus uero, quamobrem principes illi congregati sunt cum Christo, qui Deus erat Abraam, causam exprimit magis quam nosser interpret. Nam cum uertisset, Principes populorum congregati sunt, populi qui credunt Deo Abraam; causam statim addidit. namque coram domino scuta terræ; ualde exaltatus est. Et est uox ecclesiæ, seu sponsæ circumiacentes adolescentulas alloquentis. Cum hæc, inquit, de meo sponso tam sublimia dicantur, dicenturque in posterum, ualde exaltatus est. Idcirco uos omnes spectatores plaudite manibus, iubilate Deo in uoce exultationis, cui æterna debetur laus in secula seculorum, Amen.

PSAL. XLVIII. Canticum psalmi filiorum Choræ.

**M**agnus dominus & laudabilis nimis in ciuitate Dei nostri, in monte sancto eius.

Vatis Esaia futuram felicitatem ob Christi præsentiam, atque ipsius cetera illius uaticinia illud extat eximium: E Sion exhibit lex, & uerbum domini de Hierusalem. Quæ quidem felicitas haud in se manens, utpote umbratilis illius prædictionis & finis & ueritas, alterius felicitatis umbra fuit, nostræ nimirum ecclesiæ, hoc est, gentium per gratiam ad fidei lauacrum ascitarum; & id quidem aperte, absque umbra & uelo. Iam propalato Euangelio, in manibus Christum, nemini beatitudinem nostræ salutis expectationem habemus. Iam uates, inquam, omnes qui runt ænigmata, quæ in Christo Iesu rerum earum illiusmodi omnium termino conuiuere. Qui Christus innumeras ueluti reficiens obligationum plantas, se solum illud esse lignum uitæ, quo afflicta, fameque pereuntes animæ recreari possent, aperte denunciās clamat: Venite ad me omnes qui laboratis & onerati estis, & ego refovebo uos. Ad unum itaque nobis est confugiendum, in unoque aspiciendum, cui quicquid obsequio acceptum referri par est. Aureus igitur per Christum ecclesiæ status hoc in psalmo sub typo Hierusalem à uate, obscure tamē, prædicitur. ait itaque: Magnus dominus & laudabilis nimis in ciuitate Dei nostri, in monte sancto eius. Magno hic in primis opus est intellectu, quo quod magnus is sit qui nos adeo magnos fecit, ut illa quæ in mundo magna, etiam à magnis reputantur, & irrideamus, & tanquam nostræ



- C** dignitati imparia auersemur, aptè intelligatur. Paruus quippe animus, hoc est, in paruis, ut sunt planè omnia huius mundi, occupatus, tam altæ magnitudinis minimè capax est. Idcirco quæ tum hîc, tum aliàs à uate spiritus ardore concito scribuntur, tanq̃ pusillo quæ nequeant cōprehendi intellectu, stulta & noua existimātur. Proinde in quibusuis alijs potius occupant rebus homines, q̃ ut, quid spiritus dicat ecclesiæ, intelligant; atq̃ ita animus, diuina utiq̃ portio, humi profectus infelicissimè à nōnullis etiā tenetur, qui cū maxīma illis oc̃h, tum profectus fionis rimandi cœlestia occasio suppeditetur, ingratissimi tamē omniū sunt, qui cōtempto spiritus gustu, siliquarū porcorū more passionibus delectant. Hi igitur à spiritu admonentur, quod si illum qui magnus est, quærere decreuerūt, in monte sancto eius, nō in planitie, ubi Hierico ciuitas, quæ luna interpretat̃, sita est, quærant. In ecclesia quidem, magna ac sublimia iam facta sunt omnia, simul ac Christus eam sibi, in qua per credentiū fidem habitaret, elegit. Quocirca mōs Dei sanctus appellatur, è quo omnē ipse sanctitatē, tanq̃ ab exundanti fluuio ri uos, in suos deriuat amicos; nam de plenitudine eius nos omnes accipimus. Cū itaq̃ magnus sit ac sanctus, quin & lapis ille præcisus de monte, ut ait Daniel, sine manibus, qui creuit in montē magnū, & impleuit omnē terram, quid nisi suos, quos sibi conformes fore pollicitus est, & magnos & sanctos non efficiet? Vide quomodo uates in enarranda ecclesiæ felicitate, à similitudine Hierusalē, que in mōte sita erat, nō secedit; eò enim loci, situ, Deiq̃ religione cōspicua, reliquo feru mē terrarū orbi nota erat; nostra uerò in sublimi contemplationū altitudine fundata, in diuinascq̃ per animarū excessum transfusa illuminationes, in cœlis desiderio atq̃ amore, in terris autē bonorū morū odore atq̃ exemplo, syncerissimè cōuersatur. Sentis ne quomodo magna esse debeat ecclesia, quæ & terras simul & cœlum uno amplectatur ambitu? Magnū igitur eum esse oportet, qui ecclesiæ & cœlum uno amplectatur ambitu? Magnū igitur eum esse oportet, qui ecclesiæ & cœlum uno amplectatur ambitu? Magnū igitur eum esse oportet, qui ecclesiæ & cœlum uno amplectatur ambitu?
- D** magnitudinē nō solum ut purificator inhabitet, uerum etiā permeet, ac admiranda, planēq̃ imperuestigabili cōtineat ratione, atq̃ propterea laude omī dignissimus ab omnibus censerī debet, & prædicari. Campensis hūc sic reddit uersum: Magnificit dominus, & laudat̃ meritō ab his, qui ciuitatē Dei nostri incolūt, quæ sita est in monte, quē sanctitas illius inhabitat. Quid?

Fundatur exultatione uniuerse terræ, mons Sion latera Aquilonis, ciuitas regis magni.

Laudat urbem à situ, dicitq̃ illam optimè fundatam, gaudioq̃ omniū uniuerfali erectā, Sion mōtem, in quo diuinus erat cultus, parte ab aquilonari spectasse. Aiūt enim ea in regione urbis, quam ferit Aquilo, Sion montē positū esse: ad cuius radices, altiori tamen cliuo, structum erat templū, in quo Deus copiosiori uerbo ac spiritu, quàm in cæteris locis, suam ostendebat maiestātē: eapropter ciuitas regis magni passim ab omnibus appellabatur. Hebræi tamen secus hunc uersum habent: quare sic Fel. Formosa nympha, lætitiā totius terre mons Sion. Alius uerò: Pulchrum clima, siue pulchra regio, locusq̃ elegās est mons Sion, exhilarans omnē terrā, latus spectans Aquilonis, ciuitas regis eximij. Sancta igitur ecclesia, ciuitas nimirū Dei excelsi, in qua electi non tanq̃ hospites & aduenæ, sed tanq̃ ciues ac domestici Dei quietissimè diuersantur, pulchra est nympha seu sponsa, pulchra regio, pulchrū orbis clima, atq̃ excellentior ager ob consitas unde quaq̃ gratiarū plantas, ac riuos suauissimo spiritus susurro perfectamentorū ripas perstreptentes, quàm ille unquam fuerit montis Sion, sub cuius typo ecclesię pulchritudo hîc à uate figuratur. Verū quia nulla in terris perfecta inuenitur pulchritudo, tantus sponsæ decor à noxio Aquilonis flatu, nō è regione quidem, sed de transuerso percussus nō nihil interdum decoloratur, licet nō omnino obtenebreſ. Quare in amatorijs canticis, postquam audierat à sponsa, Recti diligunt te, ad adolescentulas circumiacentes conuersa illud tandem protulit:



tulit: Nolite me considerare quòd fusca sim, quia decolorauit me sol. In scriptu-  
 ris enim, & solis ardorē, & frigidam aëris plagam, ut ferme illa est quæ Boreæ  
 subiaceret, pro aduersis nōnunquam accipi legimus. Proinde nescio qua id sorte  
 accidat felicissima, quòd in sponsæ uultu, hoc est, in externa ecclesiæ conuer-  
 satione, natus etiam à pressuris cōtractus, mirum in modum sponso Christo pla-  
 ceat. Est profectò ecclesia affabrè in monte excelso & amœnissimo, qui Chri-  
 stus est, exadificata: est admodum elegans, est pulcherrima, ut à sponso lauda-  
 tur, mulierū, estq; ea quæ de sponso illud prædicare audeat: Ego dilecto meo, &  
 ad me conuersio eius: ueruntamen suum & ipsa patitur algorem. Ab Aquilo-  
 ne, clamat Esaias, fumus ueniet, & nō est qui effugiat agmen eius: sed dominus  
 fundauit Sion, & in ipso sperabunt pauperes populi eius. En hīc habes, è frigi-  
 rarō afflati, uelint nolint, subnigrescūt, sed nō suffocantur. Atrocitas enim per-  
 secutionū, quas fumus secum affert Aquilonis, licet animarū pulchritudinem  
 extinguere omnino nequeat, nam dñs fundauit Sion, nigritiem tamen quan-  
 dam subobscuram obducere solita est: qua tantū nihilominus abest ut decor il-  
 le à spiritali radīis animæ conciliatus deperire possit, ut etiam sub persecutionū  
 obscuritate, uti solent sub bruma ac gelu fruges, uiuacior indies efficiat & pul-  
 chrior. Quocirca in Canticis sic canit sponsa: Nigra sum, sed formosa. Cæterū  
 tam procelloso uento ac noxiō, ut est Aquilo, latus seu latera dictio optimè qua-  
 drat, quippe qui nuncq; uti mos est dolosis hostibus ac sicarijs, recto afflat spiri-  
 tu, sed obliquo. Quare superbissimū illum principem legimus dixisse, Sedebo  
 in monte testamenti, in lateribus Aquilonis. Verū illud nobis, qui etiam inui-  
 to Boreæ, à matris tutela neutiquā discedimus, per maximā affert consolationē,  
 quòd in ea uiuimus sede, quæ ciuitas regis magni à spiritu appellatur: scimus e-  
 nim quòd humiles spiritu seruabit dominus. Multæ sanè, fateor, sunt tribulatio-  
 nes iustorū, quis negat? quis bonus aliud in terris expetit? uerū de omnibus his  
 liberabit eos dominus, quia Rex magnus est super omnes deos. Exultemus igitur  
 in domino, cantumq; lætitiæ illius dedicemus nomini, postquam nostra fun-  
 data est ecclesia cum exultatione uniuersæ terræ, nempe omnīū qui mūdānarū  
 rerū cupiditatib; immersi, in terræ penè naturā transierāt. Quid mirū? fundauit  
 eam altissimus, nō hæreticus, nō mundanæ gloriæ cupidus, nō auarus, quem-  
 admodum Doëg ille fuit Idumæus, qui potētissimus erat pastorū Saul. Quare

Deus in domibus eius cognoscetur, cū suscipiet eam.

Ergo in domo eius tantūmodo, in ecclesia, in ciuitate Regis magni, in mon-  
 te Sion cognosci potest Deus, subindeq; amari ac gustu percipi: extrā uerò ne-  
 que cognoscitur, neq; amatur: & id quidem magis, cū inuocatus suæ præstò  
 adest sponsæ, illamq; ob mundi iniurias exterrefactam non secus in suæ diuini-  
 tatis uīnas, intra quas ipsi quoq; uita defuncti reuiuiscunt, & suscipit, & fouet,  
 ac solet mater tenellam natam spectralicuius imagine pauefactā ex humo eri-  
 gere & consolari. Cæterū in domibus plurali numero cognosci Deum asserit  
 sunt delubra. Vnde quemadmodū in nobilioribus orbis locis atq; urbibus mul-  
 tæ sunt ædes sacræ ac fana, quæ unī tamen ex ipsis, quam matricē appellant, ob-  
 temperare par est (hæc sedes est episcopi, ad quem suæ omnes diocesis contro-  
 uersæ referri debent: qui quidem si ea, qua oportet, præditus est uitæ integritate,  
 potest, ad summumq; referre pontificem) ita in orbe passim uniuerso innume-  
 ræ penè erectæ sunt, in quibus sacra peragunt mysteria, sacræ ædes, una tamen  
 est columba, una formosa, una digna, de qua illud cani debeat: Circūdate Sion,  
 & complectimini eam; hoc est, ad eam undiq; confluite omnes: siquidem illius



c sponsa est, de quo illud legitur Esaiaë uaticinium: Et fluent ad eum omnes gentes, & ibunt populi multi, & dicent, Venite, ascendamus ad montem dñi, & ad domũ Dei Iacob, & docebit nos uias suas. Ecce igitur quomodo cognosci potest musq; Iacob, in qua uera inuenitur spiritus doctrina, per quam cognosci potest Deus, à uate illo nuncupať ecclesia: ad quã sanẽ cum ab omnibus cõcurrit, is in primis Christo debetur concursus. Ideo ab Esaia dictum fuit, Et fluent ad eum omnes gentes. Iam illud ex Hebræorum litera notandum, dictionẽ illam quam noster interpret transtulit domibus, splendide & magnifice constructas domos significare. Vnde Fel. uertit, palatijs. idem Campensis, idẽ quoq; ex græco alij.

Quoniam ecce reges terræ congregati sunt, conuenerunt in unum. Ipsi uidentes sic admirati sunt, conturbati sunt, cõmoti sunt, tremor apprehendit eos. Ibi dolores ut parturientis.

Si quidem Reges tanta afficiunt admiratione ob dignitatẽ splendoremq; ecclesie, ut animo conturbentur, cõmoueanturq; tremefacti, atq; illis, quibus solent parturiẽtes, teneant doloribus, quid putas à reliqua fieri multitudine? Nul li dubium huiuscemodi animarũ cõmotiones ab impiorum olim prodijse peccatoribus, prodireq; assidue. quare non, cõmoti sunt, sed, præcipitati sunt, timore scilicet, uertit Fel. Quid facimus? inquit: hic homo multa signa facit, si dimittimus eum sic, omnes credent in eum. Quid illud, quod Magis Hierusalem introeuntibus turbatus est rex, & omnis Hierosolyma cum eo? Vides ne hic na scentie ecclesie quasi quædam crucis præludia præparari? Typus profecto horum omniũ fuit olim regnante Iosaphat, tumultus ille bellicus regum Moabitarum, Ammonitarũ, Syrorum, Idumæorumq; contra Iudam (ab hac enim tribu ortus est Christus) qui tamẽ reges unã cum exercitibus suis diuini numinis uir perculsi, adeo (mira res) dementati fuere, ut seipsi mutuis cõtrucidarent uulneribus. Vertit dominus, inquit, insidias eorum in semetipsos, & sic mutuis se concidere uulneribus. Dolor porro ille, quo mulier parturiens afficitur, eam ubicunque inuenerit, detinet: quocirca uatis similitudo cõcinnẽ admodum ecclesie aptatur hostibus, quibus nimirũ omnis adimitur fugiendi facultas, cum æterno uisum fuerit patri suæ dilectæ ulcisci iniurias. Quod uerò interdum ad innocuorũ afflictiones dormire uideatur, id planẽ incognito nobis fit iudicio, æquissimo tamẽ, cuiq; nostra omnis penitus quanta est, assurgere debet uoluntas. Ita enim sanctissimi quicq; uiri præteritis semper seculis fit iudicio, modò hi qui peccato mortui, iustitiæ tuæ uiuere sollicitã nauat operam, O Deus, haud quidem nobis obscurum est, quod

In spiritu uehementi conteres naues Tharsis.

Id est, potentiam superborũ ac diuitum, tui sanctissimi spiritus impetuante res. Exaltabitur, clamat Esaia, solus dominus in die illa super omnẽ superbũ & excelsum, & super omnẽ arrogantẽ. haud multò pòst addit: Et super omnes naues Tharsis, & super omne quod uisu pulchrũ est. Tharsis Cilicie metropolis erat, è qua aurũ maximis asportabatur nauibus. Vnde onerariæ naues, quibus in mediterraneo maximẽ nauigabatur mari, tum ob nauigiorum magnitudinẽ, quibus utebantur Cilices, tum ob celebritatẽ loci ac portus, Tharsenses uocabantur. Tanta porro fuit olim illius ciuitatis dignitas, rerumq; preciosarũ copia, ut matrem illam urbium appellarent. Tam igitur opulentæ ciuitatis sancti spiritus afflatu contritum iri. Haud sanẽ dubium, superborũ hominũ contra innocuos audaciam nulla ui posse alia cõfringi, quàm spiritus Dei. Nam cum totus ferẽ orbis illius generis hominibus fauere solitus sit, illisq; assentari, atq; ad suas explendas cupiditates opem ferre, quis turpissimis illorũ moribus frenum ponere iam audeat: quis illorũ cohibebit arrogantiam? quis latẽ diuagantem in oppri-



<sup>A</sup> opprimendis bonis licentiā reprimere unquā poterit: Solus igitur Dei spiritus is est, qui erepta de manu hostili innocentia, feros illos ausus improborū refringere æquæue disijcere est ualidus, ac solet unā Eurusq; Notusq; naues in mari Cilico pergrandes disijcere & obruere. Nam Hebræi, cum uento Noto, illud quod nos legimus, in spiritu uehementi; diuus uerò Hieronymus, in spiritu uedinis, transtulerūt. Terrificū ualde est atq; horrendum, nauem uidere onerariā medio in freto hinc inde à uentis impeti, agitari, spondasq; fluctibus apertire, ingemiscere, rimisq; fatiscere, ac suo modo nautarū alioqui metu exanimatorum implorare subsidiū; uerū horribilius id quidem esset spectaculum, ac magis terrificū, si humanis cerni posset oculis, cum Deus improborū corda multorum scelerum conscia, suo uehementi spiritu, in medio ipso uanitatis atq; ambitionis pelago & æstu, exagitare cœperit. Qui, Deus immortalis, pauores? qualis, qualis conscientiae tremor? quanta dissolutio? Nō enim uana loquimur, sed Sicut audiuius, sic & uidimus in ciuitate domini uirtutū, in ciuitate Dei nostri, Deus fundauit eam in æternum.

Ab æternis enim semper seculis, cum apud illos qui simpliciorem absq; lege scripta, nō tamen absq; fide, degebant uitam, tum illis omnibus quibus data fuit lex per Moſen, clamauit Deus, testatumq; esse uoluit, se suam nunq; deserturū ecclesiam: id sanè legimus, id audiuius, id patres nostri narrauerūt nobis, quæ etiam legimus, & audiuius, re quoq; illum ipsa, cōtinua temporū posteritatumq; successione præstitisse, & olim uidimus, & nunc etiam iucundissimo intuitu. Quid intuemur aior? Manus nostræ cōrectauerūt de uerbo uirtutis. Proinde illud est sponsæ tripudij plenum: Manus meæ, inquit, distillauerūt myrrham, & digiti mei pleni sunt myrrha probatissima. Quæcunq; igitur à lege & prophetis in ænigmate de ciuitate domini uirtutum, de ciuitate Dei nostri prædicta fuerūt, ea iam exhibita cernimus. Adueniente quippe Christo suū ut nouissimū ædificaret templum, de quo ab Aggæo sic dictū legimus: Magna erit gloria domus istius nouissimæ plus q̃ primæ, & In loco isto dabo pacē, dicit dominus exercitū, uidimus, uidemusq; ac manu tangimus illū, de quo idem uaticinatus est uates dicens: Veniet desideratus cunctis gentibus. Et, Implebo domum istam gloria, dicit dominus. David uerò: Deus fundauit eam in æternū. Idcirco Christus tanq; præteritarū rerum omniū ac uaticiniorū nodus & finis, simul ut suo à discipulo fidei confessionē audiuit, respondit, nō iam Petro duntaxat, sed uniuerso planè orbi, quò ecclesiæ summa nō ignoraret: Tu es Petrus, & super hanc petram, fidei scilicet, quam nuper professus es, dicens, Tu es Christus filius Dei uiui, ædificabo ecclesiam meam, & portæ inferi nō præualebunt aduersus eam. Ergo æterna erit ecclesia, quia in cōfessione Christi, qui æternus est, fixas habet radices, iamq; cum ipso qui caput fidelīū est, ad dexteram residet Dei patris, spe saltem ac fide. Interim uerò persecutionum lima, ut absq; macula omnino inueniatur, à summo expolitur artifice, unoq; ueluti facto fidelium corde atq; animo, subclamat:

Suscepimus Deus misericordiam tuam in medio templi tui.

En hīc audis quorsum Dei ecclesia erecta sit in terris, quò uidelicet misericordiam suscipiamus: hanc enim tanq; tutissimū miserorū asylū, diuina ab ipso iam rerū principio decreuit esse bonitas. Quòd igitur ad sacri fontis aquas, per quas omnia q̃uis nefanda, milliesq; repetita in fide Iesu Christi abluunt scelera, ab omnibus passim fiat cōcursus: quòd ad cætera, quæ in ipso ecclesiæ peragunt meritis & mysteria & sacramenta cōueniant fideles, id omne per Christū, qui Dei patris & ipse idem Deus misericordia dicitur, actum est gratuitò. Nemo ideo quantū uis nefarius, modò syncerè accedat, excluditur. Quid sic? Misericordia domini plena est terra, Idcirco quantū quisq; copiose uoluerit, ab exundanti il-



**C**ilius plenitudine haurire poterit. Quòd si porrò in medio amnis alueo sitire te clamas, iam tua est culpa, postquã tibi integrum est, ut talis sit tibi Deus, qualem tute uis esse. Cæterũ uide hîc grati animi indicium, illorũ qui oblatam Dei misericordiam nõ refutant, sed summissæ, tanq̃ rem minimè sibi debitam, ac uerecundè amplexant. Suscepimus, inquiunt, ô Deus, misericordiã tuam in medio templi tui; id est, in tutiori tuæ sanctæ ecclesiæ loco, ubi fidei sedes est, misericordiã sumus consecuti. Eapropter

Secundum nomen tuum Deus, sic & laus tua in fines terræ.

**N**ulla iam adeò remota est regio, cui persuasum nõ sit Deum unũ esse: uerũ nõ ita æquè illius celebratur cultus ac religio ab omnibus. Innumeris enim detenti erroribus pleriq̃ mortaliũ aliò sua destinarũt consilia, quàm ut ipsius, quẽ unũ fatentur Deũ, relictis superstitionibus, sectenẽ religionẽ. Verũ istuc quidẽ utcunq̃ tolerari posset, si istiusmodi pietatis neglectus aut ignoratio, eos tantũmodo qui extremas orbis incolũt oras, inuolueret, & nõ paruũ illorũ numerũ, qui in medio templi tui, ô Deus, cõspicui magis sunt, nõ solũ quidem inuolueret, sed penitus obrueret, & qui sanè turpius quàm illi, qui quid sit fides, ne per somniũ quidem forsan perceperũt, peccare uident, cum in fide Christi à puero enutriti, Christo tamẽ & uita & doctrina quantũ possunt aduersant. Ex his itaq̃ quæ absurdissima fieri cernũt pij homines, exterrefacti, uerentesq̃ an diuino aliquid cõtempno cultu, nõ sit in Christi ecclesiã qui christianè uiuat, rogant, quantoq̃ possunt clamore à Deo petunt, ne suũ sanctũ nomen, ne pietas, ne religio prorsus è terris excedat, sed potius passim, etiã usq̃ ad fines terræ deportentur, ab illisq̃ tandem qui omnino feri sunt, & à fide alieni, ritè colant. Et quem admodũ (inquiũt) nomen tuũ sanctũ est, & sicut nulla est in terris regio & gens, quæ nõ nominet Deũ, ita nunc reuelata gratia, aperta q̃ misericordiã ianua per Christũ, nulla usquã gens sit, ô Deus, quæ tuũ nõ sanctificet nomen, colatq̃, ac iam demũ in Christo cognitum, qui splendor tuæ est gloriæ, ueneretur. Nam

Iustitia plena est dextera tua.

Hoc est (dextera Dei, illius est potẽtia) quicquid agis, iustitia est, nempe summa bonitas, summa misericordia, summa charitas. Et quã quidem iustitiã quem admodum tu solus possides, ita & in omnes illam solus, quæ tua est natura, largissimè effundis. Quocirca

Lætetur mons Sion, & exultent filiæ Iudæ propter iudicia tua dñe.

Mons Sion, ecclesiã credentiũ est, quæ in Christo, qui mōs montiũ à prophetis appellat, fundata, in diuinarũ rerum speculatione cõtinue uersat. Filiæ uerò Iudæ, ipsæ sunt piorũ animæ, quæ in fidei cõfessione, uel ruat orbis, stabiles perseverant. Nam ut olim, tum dico quando fidei nostræ puritas inter Iudæorũ spinas, ueluti candens lilium latitabat, populus Iuda, progenies Iacob, filij Israël, & alia huius generis nomina, ex Iudæis credentes significabant; ita & modò ex illorũ pomarijs fructũ colligentes, illis iisdem nominibus, ad eos ostendendos qui in fide Iesu Christi, sub ecclesiæ tutela puram degunt uitã, uti solemus. Inuitatur hîc igitur Dei ecclesiã, cuius incolæ sanctorũ animæ sunt, quæ & filiæ Iudæ, ad gaudiũ illud ac tripudiũ, quo sanctissimos quosq̃ ob diuinorũ iudiciorũ considerationẽ affici par est. Quæ sanè iudicia in eo præcipue uersantur, quòd Deus quæcunq̃ iudicat, rectè iudicat. Nam cum sanctorũ animas seruare iussit, id planè rectè factũ est ac iustè: quia ab eius misericordia, quæ semper iussa est & recta, salus iustorũ omnis proficiscit. Atq̃ ex hoc æquissimo Dei iudicio aliud subinde exoritur: quòd si quid cui unq̃ pollicitus est, re id ipsa præstare cõfuescit, quod quidem iudicij genus adeò iustũ censet, ut apud homines etiã illos qui mutua uiolant fœdera, à pollicitationibusq̃ facillè discedũt, & iniquos & iniustos appellemus. Rursus cum improborũ uitã detestetur, illorumq̃ curã nõ habeat



beat, atq; propterea tum hîc eos deferêdo, obcæcâdo ue miseros faciat, tum illic in uitæ exitu, ad æternâ dijudicando miseriâ, num ob id iustû illius nō erit iudicium: cum præsertim illos tantûmodo ab æterno damnari uoluerit, quos illorû culpa & uoluntate damnandos prænouerit. Iniustitiæ forsan si secus ageret, reprehêdi posset. Iustus igitur es dñe, & rectû iudiciû tuû, Atqui ut alia multa sint, in quib. ecclesia sese in spiritu oblectare queat, illud omniû maximû uidet, cum huiusmodi iudiciorû Dei seriẽ uoluens animo, quemadmodû æquissîma illa esse iudicat, sic ex illis tanq; certissîmis tum iustitiæ, tum misericordiæ sui arbitri indicij & argumētis, q̃ maxima afficit iucunditate, gaudetq; ac se nosse dñm, ut inquit Hieremias, gloriâ. Ex qua porro notione amor actutû flagrantissîmus oriri solet, quo uel usq; ad medullas exustæ animæ, nō possunt nō summa tenerrîmæ & exultatione, propter ea quæ in mûdo æquissîmo Dei iudicio fieri per suum habêt. Proinde quæcûq; accidūt, siue prospera ea sint, siue aduersa, om̃ia illa in suû pertrahūt profectû, amplectūturq; tanq; à Deo missa. Etsi enim, ut inquit August. laborât iusti inter spinas, exultât tamen, quia nō errat Deus in iudicando. Et hæc quidẽ om̃ia pro illis qui in sinu ecclesiæ tuti uiuūt, sint dicta. Vos autẽ qui foris estis, uos parricidæ, uos adulteri, uos meretrices, uos qui sub talentoplumbi, super quod tetra sedet iniquitas, ut inquit ille, defudatis,

Circundate Sion, & complectimini eam, narrate in turribus eius.

Vos qui hætenus à diuinorû gustu, qui ab ecclesiæ pectore distillat, ob uitæ turpitudinẽ, fideiq; imbecillitatẽ extorres fuistis, uenite ad templû sanctû Dei, quæ Sion est: confluite, properate, studioq; spiritus atq; ardore animati, cõplectimini eam: narrate, in turribusq; illius, tanq; in editiore sanctæ urbis loco posita, gratiam quã accepistis omnibus promulgate. Corde enim credit ad iustitiã, ore autẽ confessio fit ad salutẽ. Diuus Chrysostomus, Narrate in turribus eius, exponit, mensurate turres eius, ad quantã scilicet altitudinẽ perductæ sint, quæ sanè expositio eò, ut credo, spectat, quòd fidei gradus, qui numerosi sunt, optimè ab ignauis perpendi debeant; nam quod in munitissîmis urbibus & oppidis turris est, id in ecclesia est fides. Idcirco suã laudans sponsam Christus in Cantid. inter cæteras illius pulchritudinis dotes illud quoq; addit: Sicut turris David colum tuû, quæ ædificata est cum propugnaculis suis. Collû enim tanq; bas caput sustinet. Ira nihil tam in ecclesia, Christi religionem sustentat, q̃ fides: quæ tanq; è durissîmo marmore columna à spiritu fabrefacta, pro reliquo laboræ edificio. Hanc Paulus christiani ædificij fundamentû appellat. Et quæ cum una sit, per gradus tamen apprehendit. Huic porro Græci expositoris sententia, litera quæ est Hebræis, quadrare uidetur. Numerate turres eius, uertit Fel. hoc est, considerate quàm multa, fortisq; sit urbis istius munitio; siquidem in ipsa Christus habitat, qui, ut ait Paulus, uirtus Dei est in salutem omni credenti. Idem reddit Paraphrastes, atq; adeò cæteri ex Hebræo. Idcirco

Ponite corda uestra in uirtute eius, & distribuite domos eius, ut enarretis in progenie altera.

Ponite cor uestrû ad murû eius, uertunt Hebræi, Noster enim interpres magis sensum expressit, quàm uocẽ trāstulit. Siue igitur murû legas, siue uirtutẽ, idem emergit sensus, qui talis est: ô qui cupitis fidei lumine ciuitatẽ sanctã Sion, quæ est in Christi ecclesia, cõplecti, animû ad illius murû, id est, in cõsideranda illius uirtute & fortitudine, adhibete. Murus in ecclesia aliàs fides est, aliàs diuina protectio, angelica rursus custodia, ac pia sanctorû unitas, nōnunq; etiam sacra est lex & scriptura. Proinde quis in tam forti nō libenter habitaret arce & urbe, in qua militû fides, ac ciuium unio, lex item sancta, angelorumq; tutela, atq; ipse tandem Deus pro muro stant ac uallo? Sic nostra munita est ecclesia. Quo circa quàm fortis sit, quàmq; hostibus inaccessa, ac multo ædiû splendore in-



C signis, diligēter quò literis ad posteros mandare possitis, animaduertite, quod enim noster interpret uertit domos, Hebræis est, palatia siue turres. Similiter quoque uerbum, distribuite, illis est, exaltate. Vnde sic uertit Fel. Exaltate turres eius; hoc est, quod sint excelsæ perpendite. Perstat quippe uates in metaphora munitæ urbis, quam tamen ut ad spirituales referamus intellectum uult spiritus, in primisque postulat. Sed si porro breuiter, quod sit præcipuum ecclesiæ munimen, tibi ex primi appetis, quæ turris, quæ mœnia, quis uallus, quæ arx tandem, Christus est: Quoniam hic est Deus Deus noster in æternum & in seculum seculi, ipse reget nos in secula.

O fidam atque exoptandam omnibus custodiam. Ipse dux noster, Deus est, & Deus in æternum. Quis hinc præ amore non insanit: ipse, inquam, reget nos in secula. Non temporaria quidem sunt Christi subsidia, non imbecillia propugnacula, non infida, non uenalia, ut nostro quoque seculo uidimus arces Christianorum munitiones, ob custodum auaritiâ & impietatem, ipsis acerrimis Christi hostibus uenundari; sed æterna sunt, robusta, fida, & quæ nullo uinearum aut tormentorum genere labefactari queant, nisi amici hi sint ac filii, qui fidei sagittis ab amoris pharetra detractis non solum ecclesiæ robur obtinent, uerum etiam ipsum Christi cor ac pectus transfigere soliti sunt. Vnde se uictum, uulneratumque clamat dicens: Vulnerasti cor meum, soror mea, sponsa; uulnerasti cor meum. Ceterum non hic præteribo, quomodo uaria sit etiam apud Hebræos ultima huius uersus particula. Ex ipsis enim quidam legunt, Ipse reget nos usque ad mortem: uel, usque ad finem uitæ, ut Paraphrastes; alij, per iuuentutem; alij rursus, suauiter. Causa autem huiusce uarietatis, Almut est dictio: quæ si una est, ut nonnulli opinantur, iuuentutem designare affirmant: & erit sensus, Deus reget nos in posterum, ut à pueris seu iuuentute semper rexit. Cui sententiæ & illi qui, suauiter, uertunt, adhærere uidentur, eò quod hi quibus pueri curæ sunt, suauitate potius in tam tenera moderanda ætate utantur ac modestia, quam rigore & seueritate. Qui uero duas esse dictiones asserunt, ut diuus asserere uidetur Hieronymus, in morte, seu, usque ad mortem interpretantur. Quæ quidem interpretatio nobis, tum sancti uiri autoritate permorsum quia de perenni Dei custodia erga suos in principio statim uersus differe re incœpit dicens: Ipse Deus, Deus noster in æternum, & in seculum seculi, magis arridet, quam illorum qui Almut iuuentutem interpretantur. Verum ut cunctas legas, hanc scito ueram, germanamque esse spiritus intelligentiam, Deum perpetuum, indefessumque esse suæ ecclesiæ defensorem; cui laus omnis sit, decorque, ac gratiarum actio in secula seculorum. Amen.

PSAL. XLIX. Vincenti filiorum Choræ.



Vdite hæc omnes gentes, auribus percipite omnes qui habitatis orbem.

Miranda quædam narraturus propheta, nempe mysterium illud quod absconditum fuit, ut inquit Paulus, à seculis & generationibus, nunc autem manifestatum sanctis eius, quibus uoluit Deus notas facere diuitias gloriæ sacramenti huius in gentibus, qui est Christus, cuius quidem aduentu, cruoreque ac morte, hominum genus propter scelera à cœlesti patria exclusum, diuinumque odiosum numini, Deo patri reconciliatum fuit, atque æternorum bonorum capax factum, & hæres. Hæc, inquam, tam mundo insolita & noua explicatius forsitan quam alius in hoc psalmo exaraturus, auditorum beneuolentiâ in ipso statim exordio captare nititur. Ad hæc nonnulla de extremo, nouissimoque disserturus iudicio, quæ insulsa mundi sapientibus uidentur ac uana; rursus de celerrimo rerum mundanarum fluxu quædam, atque idcirco in illis spem uel tantillam collocare, indignum prorsus esse homine, enarraturus, res nimirum (ut dixi) mundo inauditas, nouas, insolitas, atque propterea



pterea inuifas, cur nō beneuolam ac popularem præmittere debuit admonitio-  
nem? Cæterū quis hīc mīhī unquam credat, ſi cum Gregorio diuitias ſpinas ef-  
ſe dixerō: maximē cū illæ pungant, iſtæ delectent. Rurſum illud quis in mun-  
di uanitate alitus non irrideat, ſi cum dilectiſſimo Chriſti diſcipulo & alumno  
ſubclamaſero: Nolite diligere mundum, neq; ea quæ in mundo ſunt. Si quis di-  
ligit mundum, non eſt charitas patris in eo. Sublimia igitur, noua, ſtupendaq;  
ac mundo planè incognita, idcirco admiranda, Chriſtus qui de ſe illud teſtatur,  
Aperiam in parabolis os meum, eruſtabo abſcondita à conſtitutione mundi, in  
ſui uariis pſalterio & cithara cantaturus, ſic rem orditur: Audite hæc omnes gen-  
tes, auribus percipite omnes qui habitatis orbem,

Quiq; terrigenæ, & filij hominum, ſimul in unum diues & pauper.

Hic omnes ſparſim mundi incolæ ad audiendum uerbum uitæ, à uitæ auto-  
re inuitantur. Nemo enim à Chriſti doctrina abigitur, nō rex, nō princeps, non  
integer populus, non mercator, nō miles, non ſicarius, non leno, non meretrix,  
non quicquid ſordiū huiusmodi in orbe inuenitur uniuerſo, à ſuauiſſimo Chri-  
ſti uerbo repellitur. Præco enim uniuerſalis eſt Chriſti ſpiritus: eapropter om-  
nes inuitat, prouocat, admonet, accendit demū, atq; ad percipiendam ſuis lan-  
guoribus medelam, alioqui timidos, & ut ſolent phrenetici, ſuæ ſaluti reluctan-  
tes, animat. Audite, inquit, quæ dicturus ſum, alta ſcilicet & inopinabilia, his po-  
uſſimū qui Dei ſpiritu non aguntur. O uos populi omnes, uos, inquam, omnes  
qui ſeculum hoc tetrum inhabitatis, faciles ad ea quæ in parabolis dicenda ſunt,  
præbete aures. Vos ſummi, uos imi, uos diuites unā cum pauperū multitudine  
diligenter audite. Illud enim quod noſter interpret uertit, Quiq; terrigenæ, & fi-  
lij hominū: Hebræis eſt, etiā filij Adam, etiā filij uiri: hoc eſt, ut interpretatur  
Paraphraſtes, & plebei & principes, quos inclytos diuus appellat Hieronymus  
in tertio quarti pſalmi uerſu, ut ibi diffuſius diximus. Magna proſectò ſalutis  
ſpes eſt iniecta pauperibus, atq; in mundi huius negocijs indoctis omnino, &  
inertibus, in cœleſtibus uerò uegetis & elimatis. Vnde illud, & pauper, preſſe  
legi oportet: nam ſimulatque à tuba ipſa ſpiritus, uniuerſali quodammodo acci-  
tus eſt mūdus clangore, & ſingillatim diuites, additur, & pauper: ac ſi dicat, etiā  
pauper, etiam pannofus, à uobis deſpectus, ô tumidi, & irriſus, uobiſcum meam  
ad concionem ueniat, audiatq;. Si quidem

Os meū loquetur ſapientiam, & meditatio cordis mei prudentiam.  
Summa hīc deſcribitur Euangelij, quo per Chriſtū piorū corda admonenſ,  
uim ſpiritus in eo cōſiſtere, ut ad diuina contemplanda, reiectis ſuperuacaneis  
mundi curis ſeſe erigant: quod propriū ſapientiæ munus eſt, ac propterea per-  
fectarū animarū cibis. Sapientiā, inquit Paulus, loquimur inter perfectos. Pru-  
dentia uerò ad ea quæ rectè agenda ſunt, riteq; inſtituēda, pertinet. Et quemad-  
modum à ſapientiā ac prudentiā, quæ cunq; cōdita ſunt, in lucem iam olim exie-  
re, ita omnis ſcripturarum uirtus in eo poſita eſſe uidetur, ut animū ad cœleſtia  
perueſtiganda, ſubindeq; amanda & inquirenda moueat, moresq; uitæ infor-  
met, atq; inſtituat. Quæ quidem humanæ uitæ inſtitutiones non temerè, popu-  
lariterq; ab omnibus uſurpandæ ſunt, ſed ab his tantūmodo qui conſultò, maxi-  
maq; animi ponderatione & conſilio, leges aut condunt, aut conditas edocent.  
Quare à uate additum eſt, Et meditatio cordis mei prudentiam, loquetur ſcili-  
cer: ſeu intelligentias, ut uertunt nonnulli: uerū idem eſt ſenſus. Nam ad illa  
quæ ſapienter prudenterq; dicuntur, percipiēda, multa opus eſt intelligentiā:  
haudd cunctis enim ſublimium rerum notiſſimā æquē expoſita eſt atq; obuia. Quo  
circa ſtatim à ſpiritu inſertur,

Inclinabo in parabolam aurem meam, aperiam in pſalterio propoſi-  
tionem meam.



**C** Propositionē, ænigma uertunt Hebræorum interpretes. In sacra enim ege, idem penè sunt, parabolæ, uerba sapientiū, & ænigmata, ex eo quòd reconditis, & quæ præcipuè apud mundi amantiores interpretatione egeant, referta sunt sententijs. Vobis (inquit Christus suis) datum est noscere regnū Dei, cæteris autem, id est, mundo deditis, in parabolis. Nam certè diuina non nisi in uasa tantuminiis capacia infundi debēt. Adde quòd pura Euangelij uerba, puris aperta sunt mentibus, lucidaq; apparent, ac radijs spiritus grauida: impuris uerò atq; in uoluptatū cœno immerfis, obscura uident ænigmata, stultaq; sanctiones & parabolæ. Ait igitur in uate Christus, Inclinabo aurē meā: hoc est, audiam à Deo (mea, inquit, doctrina nō est mea, sed eius qui misit me patris, & quæ audio loquor) parabolam, remq; carnī & mūdo incognitā, ænigmaq; meū in psalterio & cithara, id est, in carmine hoc, ac psalmo euangelico cantabo, quodq; à cœlesti patre audiui, & didici, proferam. Intelligāt enim quibus datū est à patre meo: datur tamen omnibus, modò uelint, hoc est, modò ineptis inflati persuasionib; gratiæ uocāti nō reluctent. Quæ quidē dicturus sum ridebit (scio) mundus, dicā tamen prout se res habet. Inclinabo, diuus inquit Hieron. humiliabo me ueritati in tus loquēti, quæ docet loqui in parabolis, ne omnib; pateat. Notat hīc quidā, propositionē, sermonē esse, qui ad exhortationē atq; utilitatē proponit audientiū.

### Cur timebo in die mala?

**D** En primū ænigma. Iam quæ pollicitus est Dei filius se dicturū, effari incipit, causamq; in se mortaliū omniū uniuerſalē assumens, querit unde illud sit, quòd improbi exterrefacti æternos ad cruciatus detrudi metuant. Iniquitas hæc est, sub cuius denominatione maximus peccatorū acruus intelligit. Hæc em̄ cum semper homini, quoad in corpore uiuere permittit, infesta sit, tum maxime in uitæ exitu, quem calcaneum scripturæ nonnunquam appellare consueuerunt, molestissima est. Vnde sequitur,

### Iniquitas calcanei mei circumdabit me.

Quemadmodū em̄ calcaneus extrema est totius corporis humani portio, ita mors ultimus est uitæ, tanq; peractæ scenæ, actus, in quo qualis futurus sit animarū status, uelut in speculo coniectura fieri potest. Idcirco purissimus seruator de suo loquens calcaneo aiebat: Venit enim princeps mundi huius, & in me nō habet quicquā. Cuius sanè rei illud fuit ex ore Dei uaticinium: Et ip̄sum, inquit, nempe semen mulieris, qui erat Christus, cōteret caput tuum, & tu (uasre serpens) insidiaberis calcaneo eius. Iniquitas igitur, ac malè actæ uitæ testimonium, tanquā coluber nostro insidiatur uitæ fini. Iam hīc sermonē sapientiam fertissimū, ut promisit, proferre incipit. Vide diuini concionatoris sapientiam, cum se quidē timere falsus est, cæteros latenter quid sibi timendū sit, admonuit, iniquitas nimirū & peccatū. In cæteris uerò rebus, omnis superfluous est timor. Sensus igitur erit: Si me, inquit, interrogas quid mihi sit timendum in die mala, hoc est, in die illo horrendo mortis, in quo dæmon tanq; tortuosus anguis, malorumq; omniū autor ac molitor, omnes malignitatis neruos tendere nititur, respondendo peccatū id solū esse, quod tum potissimè cum è uita demigrandū sit, homini insidiat: id solū igitur mihi est timendū, id detestandū, id anteaq; me extorrefaciat, cōterendū. Nonnullis ex Hebræorū interpretibus uisum est, nō iniquitas calcanei, sed, prauitas insidiatorū, debere legi, hoc modo: Prauitas insidiatorum meorū circumdedit me. Postea sequentē sic incipiūt uersum, Nitentes opibus suis. Paraphraſtes tamē calcaneū magis approbasse uidetur, qui sic reddit: Cur sollicitus ero de huius uitæ bonis, tempore quo uiuif cum miseria (en quomodo dies mala dicif) in terra: num ut finis operū meorū iniquitatis me cōdemnet? Hac itaq; sollicitudine curaq; terrifica, à nobis, qui pauperem, ut ait Tobias, semper egimus uitam, reiecta, nihil timeamus. Timeant hi potius,

Qui



Qui cōfidūt in uirtute sua, & in multitudine diuitiarū suarū gloriānt̃.

Iniquitatis membra describit uates: hi enim, inquit Augustinus, qui cōfidunt in uirtute sua, nempe potentia & potestate, sunt quos iniquitas calcanei circumdabit. Ecquid igitur talem sic in ultimo uitæ tempore ab iniquitate circumuenit, atq; idcirco timidū, & absq; fide pauitantē, à morte, multaq; æterna liberabit? Diuitiæ ne illæ tanto cum animæ dispēdio & iactura partæ? dignitas ne? potentia ne? Quid his, oro, debilius? Quid diuite auaro, tumido, inlatiabili infatigabili, & ob id fragilius? Atqui, ut cætera omittā, ne ipse quidem frater, multo minus extraneus, illum à moriēdi, pœnasq; subeūdi sempiternas necessitate eximere unquam poterit. Lex enim mortis firma est & certa, & quæ nulla quālibet maxima uirtutum uī, aut rerum opulentia infringi queat.

Frater igitur nō redimit, redimet homo: nō dabit Deo placationē suā.

Quæcūq; offerat quis Deo, quæcūq; polliceat̃, aut quoquo modo litet pro redemptione fratris, uana omīno sunt: tempus enim est ut ē uita excedat. Hinc certē, si nō aliās, compertū esse potest, q̃ fragiles sint ac flaccidæ res illæ omnes, quæ cum felicitatē in hoc mūdo præ se ferre uideant̃, nihil tamen minus præstāt. Sed felix ille & ter & quater, qui huiusmodi uanitatis lenocinio minimè pellectus, liberè absq; mundanarū rerū amore suā in dño obit mortē. Nimiū enim te nax est diuitiarū amor, & qui ne in extremo quidem uitæ halitu diuitē hominē deserit: nō hūc certē à cōmuni omniū lege, quāuis charissimus redimere potest frater, nō opes, nō tanto cum labore acquisitus honos, nō uxor, nō filij. Quid? (heu miserandū, eundemq; irreuocabilem illius exitū) ille ipse clementissimus Iesus, in quo tota mortalitū omniū redemptio posita est, uel eum à moriēdi obligatione, uel à perpetua pœnarū miseria, potentia illa sua, quā ordinariā uocāt (de absoluta nō loquor) quæq; uult omnia ab æterno ordinē illum primū naturis omnibus insitū seruare, & secundū illius præscriptū, legemq; æternā suas exequi operationes, eximere minimè potest, & uult. Si is itaq; qui noster pater est, dñs & rex, adde & amantissimus nostri frater ac redemptor, sic in peccatis morientē redimere noluerit, quē aliū etiam ex dignioribus cœlestiū spiritūū choris redimere eum posse arbitrabimur? Pro omnibus enim (modò uelint) copiosa facta est per Christi sanguinē expiatio: pro illo tamen qui cōfidit in uirtute sua, in proprijs operationibus, in diuitijs, in pecuniarū abundantia atq; honorū, nulla. Iam illud nō prætereundū, literā quæ est Hebræis, nō legi per interrogationē. Sic Fel. Frater nō redimēs redimet uirū: hoc est, quantūcūq; enitatur frater uirum sic confidentē redimere, nō assequē nihilominus quod optat. Siquidē, ut interpretat̃ Paraphrastes, nemo potest uel fratrem suum, si uelit, liberare ullis opibus à morte, nec afferre Deo quicquā, quod pro eius redemptione uelit suscipere. Profecto rarissimè seruant qui diuitias inhiant, hæc ille. Hebraismus porro est prophetis familiaris, redimens redimet, ut aliās admonuimus, quò rem maximo tentari nīsu ac desiderio intelligamus. Ait enim alio in Psalmo: Expectās à morteliberare ne utiquam poterit: idcirco non dabit Deo placationem suam, pro fratre scilicet sic in rebus nihili confidente. Non dabit, inquam,

Precium redemptionis animæ suæ.

Eius, uertit Hebræus: sed cum perierit, peribit in æternū. Viuet quidem per petuū, sed eo uitæ genere ut desperato ne optatus quidē interitus cōtingat. Ex Hebræo sic etiā legi potest, Et erit preciosa redemptio animæ eorū, & cessabit in æternū: seu, ut diuus uertit Hieron. quiescet in secula. Simile huius illud est qd in primo Regū lib. legimus: Et uerbū dñi, inquit, preciosum erat: hoc est, haberi nō poterat. Cupiūt sanè damnati extinguī omīno potius q̃ in pœnis æterna cruciari uita: sed frustra id quidē, nāq; apud inferos nulla potest esse redēptio, nulla



C misericordia, nulla poenarū remissio, lignūq; ubi ceciderit, siue ad Austrum, siue ad Aquilonē, ibi perpetuò erit. Quare clamat Ioannes sua in ecstasi & reuelatione: In diebus illis quærēt homines mortē, & eam nō inueniēt, Itaq; à uate addit,

Et laborabit in æternum, & uiuet adhuc in finem. Non uidebit interitum,

quem ualde optabit. Cruciabit, inquit, in æternū, æterno quodam, sed miserrimo uitæ genere. Porro quia illud qd noster interpret uertit, Laborabit in æternum; cum Hieronymo, qui transtulit, quiescet in secula, cōuenire minus uidet. Is utriusq; aptus erit sensus, quod ille qui ob malè transactæ uitæ rationē æternis destinatus est poenis, laborabit in æternū immortalibus excruciatu tormentis: atq; illo sanè in loco, ubi perpetua in miseria uiuens, ab illa sua anxia accumulandarum opum sollicitudine quiescet perpetuò. Moribundis enim semel exultanti membris damnati, nulla amplius aggregandi diuitias tenentur cura, sed ab illa prorsus liberi effecti quiescentesq; in infinitas alias deuoluuntur anxietates, hoc quidē miserabiliores, quò inextinguibiles penitus sunt & immortales. Struunt igitur illorū est opinio atq; inepta omnino, qui magno quamlibet precio sibi suorum animas persuadent à morte posse redimi, suisq; illud concedi, quod nemini unquam quamuis potenti, atq; in rebus huius mundi florido ac diuiti, concessum fuit, & maximè,

Cū uiderit sapientes morientes: & quòd, simul insipiens & stultus peribunt. Et, quòd uelint nolint, relinquent alienis diuitias suas, & sepulchra eorum domus illorum in æternum.

Sunt ne ista immortalis in hoc mundo uitæ indicia? En uidere est, inquit, quidam interpret, ut sapientes æquè moriant & pereant ac stulti & stupidi, & opes suas alienis relinquant. Insipientē porro illū appellari par est, qui, ut inquit Augustinus, nō sibi prospicit in futurū: stultū uerò, qui in quo malo sit, nō attendit. Verū ex Hebræo sic potest legi, Stultus & bardus peribūt: ut stultus secundum dictionē hebraicā is intelligatur, qui ultrò à ratione desciscat, deflectatq; à iustitiæ linea, quicq; nō tantū ratione, quantū recta ratione suapte sponte destitutus sit. Dictio autē altera illum secundum Hebræos exprimit, qui omnino ratione carens prorsus stolidus factus est & brutus. Horum itaq; omnium unā cum sapientibus unus est interitus. Vide, inquit, eorū qui tam longè à ueri cognitione aberrant, quā falsus sit animus: cū enim magnifica sua illa ædificia, sumptuosissimāq; propylæa ac palatia splendido constructa marmore atq; emblemate, perpetuum sibi fore domicilium somnient,

(Tabernacula eorum in progenie & progenie, uocauerunt nomina sua in terris suis.)

arbitrenturq; ob rem tam leuē, breuiq; interiturā, se immortalem adepturos nomen & famam, id illis in primis pro debito illorū stultitiæ rependitur merito, quòd sepulchra eorum domus illorum sint in perpetuū: non quòd sanè impiorum corpora perpetuò mansura sint in sepulchris, cū reuiuiscere aliquando ad futurum debeant unā cum pijs omnibus iudiciū, sed id secundū Hebræorū phrasim dictum est, qui nonnuncq; pro longo tempore & indefinito, æternū seu sempiternū ponere cōsueuerūt. Dolori, inquit Augustinus, seruatur impij animi, usquequo accepto corpore utrinq; cruciet. Quid sibi igit uolunt sapientes isti, si Deo placet, rerū suarū calculatores, cū sibi sua fore tabernacula atq; ædificia in progenie & progenie, indeq; nomē sibi uulgò celebre conciliandū opinant: nōne illud domus nostræ æternæ erunt, dicentq; posterī longa annorū serie nos ampla hæc cōstruxisse ædificia, ornasse tēpla, ac statuas erexisse: hinc nos laudabunt, nobisq; quicquid cōmodi nostris ex laboribus nanciscēt, referent acce-



acceptū; & sic nostrū pariter cum ædificijs æternū erit nomē. O mortaliū amen-  
tiam. Nōne & nos quoq; uidimus quosdam huiusce persuasione homines in-  
bebant, uel ip̄as cōmodissimas habitationes, apteq; ad libellam fabrefactas fun-  
ditas euerterent, ac nouas nescio quas ineptas, & eas iterum atq; iterum fixas &  
refixas, nondumq; inceptas, & iam adamussim correctas, erigerent: & id totum  
(ut prae se ferebant) quò nomen suum à posteris in posteros quasi per manus tra-  
duceretur. Verū hi probè ostendūt, quā gratius illis sit suū in terris celebre  
censeri nomen, quā in uitæ libro, in quo duntaxat piorū nomina scripta sunt  
in cœlis, præscribi. Ab aura certè populari, uulgicq; rumore, atq; mentitis nōnun-  
quam titulīs dependent, non à diuino amore & gratia. Verū ipsi suas uitæ ratio-  
nes uiderint, nos ad institutū. In æternū itaq; fœdi illi cineres, atq; ossa impiorū  
infami in tumulo erunt: hoc est, eousq; requiescent, quousq; ad uitam acciti, re-  
integrato corpore coram iudice sistantur, publico nimirū unā cum anima ad  
æternā inferorū caliginē ac noctem damnādī edicto; & meritò id quidem, nam  
huiusce impietatis

Homo, cū in honore esset non intellexit, comparatus est iumentis  
insipientibus, & similis factus est illis.

Ingratissimus certè animantiū omnium est homo, qui cū à Deo tam beni-  
gne innumeris decoratus sit fortunæ bonis, ut sunt diuitiæ, honor, dignitas, pul-  
chritudo, autoritas in rebus pub. & multis alijs istius generis bonis, ferino tamē  
uiuens ritu, in eius prorsus transit ferē mores, cuius uitā imitatur. Res certè stu-  
pore digna est immenso, quòd homo natura nobilissimus, atq; in sublimi rerū  
mundi huius fastigio collocatus, & id sanè à Deo, nil tam in primis curare uidea-  
tur, q̄ quomodo reiecto Deo & æquitate, nouisq; quotidie excogitatis explen-  
darū cupiditatū monstris atq; artibus obbrutescat omnino, fiatq; similis uita ac  
moribus iumentis ipsis rationis expertibus. Non dormiet in magnificētia, uer-  
tit Fel. Similis factus est iumentis quæ exterminata fuerūt: id est, nō morietur  
in glorioso illo suo uitæ honore & statu, sed mœrēs desperatusq; ē uita decedet,  
& cuius nomen non secus uulgò supererit, ac solent iumenta occisa, in frustra  
dissecta & exterminata. Alius item ex Hebræo, Homo in precio nō morabitur:  
hoc est, ut inquit Paraphrastes, nō fiet pluris quā bestia, quibus se similem fe-  
cit. Et licet quidem istiusmodi generis homines felicissimo interdū omniū plau-  
su & fauore uiuere & mori quoq; appareant, apud cordatiores tamen, atq; illos  
qui in rebus pub. sapientiores sunt, q̄ uis inglorij, bestia reputantur meræ, & si  
quid in terris, quod saltem uegetet, turpius est. Proinde

Hæc uia illorū scandalum ipsis, & postea in ore suo complacebunt.

Ambiguus semper sensus est, ubi ambigua ab interpretibus redditur litera.  
Fel. legit, Hæc uia illorū insipientia illis, & posteris sui in ore eorū current. Idem  
sermō ceteri ex Hebræo. Cuius lectionis ea uidetur summa ac sensus, ac si cate-  
ra omnia superius dicta in unum colligens dicat: Hæc demum illa est eorum ui-  
tæ ratio, id institutū, ea insipientia ac fatuitas, ut posteris quoq; suis eundem ui-  
uendi modum, cui ipsi adhæserunt, tradant: posteris dico, qui in ore ipsorū cur-  
rent, hoc est, qui iuxta illorū uerba ac præceptiones, quibus quidem præcipiē,  
ut seculi huius cōmoda rebus omnibus anteponant, in primisq; quærant, uitam  
instituiere debeant. Et hæc quidem quantū ad Hebræorū literā attinet, sint dicta,  
cuius quoq; sensum sic breuiter aperit Paraphrastes: Hic est successus stultitiæ  
illorū dignus: sed & posteris illorū quod ab illis didicerūt sequent. quæ præterea  
illorū miseria atq; stoliditas quò attētiū animo recondat, additū est Selha. No-  
stræ uerò literæ is erit sensus: Hæc uia illorum, non Dei, scandalū est ipsis; hoc  
est, in illam ipsam suam impingunt uiam, caduntq; illisi, & post hæc in ore suo



C complacent, illorū scilicet imitatores, qui eadem quæ ipsi laudabūt, agētiq;  
tanq̃ à diuino desumpta oraculo. Alij rursus, in ore suo complacent, ad eol-  
dem ipsos quorū uia libimet est scandalum, referunt, ad hunc ferè modum: Nō  
illis uisum est satis, quòd facti sunt pecoribus similes malè uiuendo, nisi sua pec-  
cata ueluti Sodoma prædicent. Vide igitur, mi lector, quomodo quando per-  
stat mundus, stultitię non sit finis. Heu mentes deliras. Vsq̃ue quo delitijs, ut in-  
quit Hieremias, dissoluimini filia uagæ: usque quo ebrīæ estis? At cupitis ne ho-  
rum tandem qui huiusmodi turpissimā sanxerūt legem, uobisq̃ præscripserūt,  
ô amentes, exitum non ignorare?

Sicut oues in inferno positi sunt, & mors depascet eos.

Tanquā, inquit, stolidus ouīū grex, acruatim hi ad inferos, quos uos felices  
arbitramini, descendant, cibusq̃ mortis erunt. Quemadmodum enim cadaue-  
rum omniū caro, cibus est uermiū, ita animarū damnatarū uita est mortis esca,  
eo sanè modo, quo in pratis herba depascitur, quæ nō à radice, ubi illius est uita,  
conuellitur, sed carptim tonsa à pecoribus inciditur: sic anima in pœnis illis in-  
nitis posita, suæ absq̃ substantiæ consumptione ac iactura, à perpetuo tanq̃ uul-  
ture dilaniatur morfu, sed nō absumitur. Cæterū mors animæ, ipsa est à Deo se-  
paratio & interitus, quem alio nomine damnationē appellamus. Ab hac igitur  
morte, impij anima (si tamen, ut sic per excessum dicam, anima in impio uocan-  
da sit, & non potius nequā spiritus) siue in corpore cōmoretur, siue extrā dem-  
gret, æterno corroditur dente ac cruciatu. Ex Hebræis quidam, non depascet  
eos, reddūt, sed, reget eos: & est ac si dicat, Mors eos, ut pastor solet oues, reget,  
illisq̃ dñabitur. Vnde illud est Augustini: Vt Christus uita, ita diabolus mors,  
qui pastor est eis, ut ouibus, quas trahit ad pascua mortis, quæ sunt æternorum  
D cruciatuū tormenta. Paraphrastæ tamen prior magis uisa est arrisisse litera, cum  
ait: Sicut oues abducentur ad inferos, ubi pabulum morti erunt perpetuæ. Vt  
cunq̃ litera placeat, illud displicere debet, hominis scilicet animā, diuinæ lucis  
consortem, & æternæ felicitatis hæredem, cuiusq̃ pastor natura Deus est, ac re-  
ctor, ad tantam deuenire posse suæ dignitatis obliuionē, ut contempto Deo, re-  
busq̃ cœlestibus à mente prorsus eliminatis, sua se sponte (nefas) spirituum im-  
mundorū dominio atq̃ imperio dedat, ubi à diuinorū excisa pastione, ipsa se in  
cibum æternæ deuoueat morti. Heu animas sic à morte consumptas, lachryma-  
rum fluuiō amnecq̃ suspiriorū, si daretur, redimendas. Verū in inferno, quod te  
admodū pungere deberet, ô qui gloriaris in malitia, & potens es in iniquitate,  
nullus est misericordiæ sensus. Agedū, uis ne aliā illorū intelligere calamitatē?

Et dominabuntur eorum iusti in matutino.

Id est, illis quos modò, dum nondum à paleis secretū erat granū, irrisioni ha-  
buerūt, transacta mundi nocte, se subditos cernent: tum dico, quando regnan-  
te in suis Christo, illi omnia subdita erunt, fientq̃ reprobi scabellū pedum eius.  
Participes enim semel crucis Christi facti in hac uita electi, erūt & gloriæ, quæ  
in eo potissimū cōsistet, quādo & ipsi dexteræ iudicis, genus omne mortalium iu-  
dicaturi, affederint: & id quidē in matutino, seu manē, ut uerūt Fel, id est, in ipsa  
statim prima secretorū cordiū cognitione, quæ impræsentiarū dum ignorantia  
nox est, omnino nos fugiunt. Nondum, inquit Ioannes, apparuit quod erimus  
(ecce nox): scimus autē quòd cum apparuerit ille (ecce lux in dño) similes ei eri-  
mus (ecce nostra cum Christo potestas & gloria.) Idcirco clamabat Paulus, No-  
lite ante tempus iudicare: hoc est, dum nox adhuc terris incubat, nolite præpro-  
perū uobis arrogare iudiciū: illud differte quādo ueniet dñs, qui & illuminabit  
abscondita tenebrarū. Audisti, inquit spiritus, improborū maximā omnium cala-  
mitatē, cū se nimirū Christo, atq̃ eius amicis, quos in hoc mūdo tam diro perse-  
cuti sunt odio & cōtemptu, uelint nolint, subditos intuebunt. Audi quoq̃ aliā, qua



qua, spe omni rerum illarū, quibus in uita nitebantur, eisq; magis quā Deo fidebant, destituti, desperatq; in pœnis manebunt æternis.

Et auxilium eorum ueterascet in inferno à gloria eorum.

Id est, res illæ omnes, honor scilicet, dignitas, diuitiarū copia, addo & literarū, à quibus sanè tanquā à potentissimis pendebant dominis, non amplius in mar moreis adibus, excelsisq; tectis ac palatijs, in quibus spem omnē suam collocauerāt, uidebunt; sed in inferno, perpetuo illorum domicilio, tam sublimi gloria uersa in ignominiam, sic penitus interibunt, quòd nulla eorū deinceps extabit memoria. Robur, inquit Campensis, impiorū peribit, ubi ad inferos à magnificis adibus (à gloria, noster uertit interpret) quas hīc extruxerant, translati fuerint. Nō omittam quod hīc à Græcis addi uideo; nam simulatq; literam eodem quo noster interpretati sunt modo, usq; in inferno, addunt postea, à gloria sua expulsi sunt: hoc est, ab illis ipsis rebus quas sibi æternā fore gloriā opinabatur, prorsus reijcientur. Ita illis continget,

Veruntamen Deus redimet animā meam de manu inferni cū acceperit me.

At Deus redimet animam meam, uertit Hebræus: & est clarior sensus, quā si legas, Veruntamen, quem sic reddit Paraphrastes: Interim, dum scilicet illi in perpetuis manebunt pœnis, Deus liberabit animā meam ab eo cruciatu, qui in pœnis manet. Ipse enim me recipiet ad se, per gratiam nimirū & misericordiam. Quoniam, inquit Chaldaeus, docebit me legem suam in æternū, seu suscipiet me; aut, ad se, ut Aben Ezra interpretat, assumet in morte spiritū meū. Omnia hæc enim à Dei filio dicunt propter nos, qui ob felicissimā illius resurrectionē, in qua mirabilis Dei patris erga eum apparuit dilectio, simul cum ipso ad æternā assueti in carne positis, mecumq; colluctans, ab aureo Christi ore audire uideor, quorumq; memoria nō solum corda hominū diuinæ suauitatis capacia, uerum etiam saxa ipsa inanima & rupes cōmouere deberent: Venite, inquit, benedicti patris mei, percipite regnū quod uobis paratū est à patre meo, ab origine mundi. O me felicem, si, quid aio sit: quoniam, inquam potius, unus ex illis ero. De mentia forsā hæc est, ac præsumptio, imò uerò etiam summa hæc est sapientia, quam me hæc inter quercus atq; ilices latitantē nuper edocuit meæ fidei autor Christus: huic enim semel addictus, concorporatusq; ut inquit Paulus, atq; per coelestis patris misericordiā illicò hæres destinatus, quomodo nō semper cum illo cōmorabor? Euelli potius sol ipse sua à sede poterit, obscurariq; ac cum cæteris Deus sub gelidissimo persecutionū septentrione laborantes inflammare solet, dissociantur piorū animæ, iustitia illa uidelicet animata, qua Deo uiuitur per fidem. Haudquāq; igitur uerebor fide & ego illa munitus, quæ est in Christo Iesu, quamq; Deus per ipsum, tanq; per aureū riuulū, in me alioqui sterilem & siccum deriuauit, unā cum ipso, cuius ego per gratiam sum membrū, dicere: Veruntamen Deus redimet animā meā de manu inferni, cū me acceperit, cū ad se traxerit, uti iam traxit, sibiq; per misericordiam copulauit. Cū hæc itaq; planè uulgò incredibilia uideant, quæ hucusq; à spiritu in inuolucro dicta sunt, additur diaplasma, uel eo maxime, quòd in sequentibus dicturus erat:

Ne timueris cū diues factus fuerit homo, & cū multiplicata fuerit gloria domus eius. Quoniam cū interierit, non sumet omnia, neq; descendet cum eo gloria eius.

Pulchra nimirū, ac Christi spiritu digna hæc est parænesis, qua suos hortat, ne illorū metuant fastum, qui in multitudine diuitiarū suarum gloriantur, cū



C ipsa eadem illorum felicitas breui interitura sit. Siquidem cum mori illis contigerit, nihil prorsus rerum illarū, quas tam ardentem in hoc mundo dilexere, secum auferēt, in gloriam ē uita decedent. Quorsum igitur tam breuem improborum pertimescimus felicitatem, quæ cum illorum uita, quæ breuissima est, simul interit? cuiusq; felicitati sempiterni hi dati sunt comites, dolor, mœror, luctus, planctusq; insaturabilis, ac perennis in cruciatibus miseria. Quis tam bellam, ni prorsus excors sit, deamet felicitatem? Sed illud supra modum dictu mirabile, quod cum hæc nobis dicantur, nec quo minus ea uera sint dubitemus, imò etiam & credamus, & in ecclesia unā cum cæteris fateamur, illecti tamē rerum harum inferiorum ambitione, falsaq; decepti beatitudinis imagine, unus post alium certatim ad miserrimū illum uitæ exitum perinde properamus, ac solent hi qui in hippodromo currentes, gloriosum expectāt post cursum brauiū. Heu mentes attonitas. Non te malè habeat, inquit spiritus, non mireris, discrucieris ue animi, cum diues factus fuerit homo improbus, ac uulgò gloriosus, tu uero pauper & inglorius; ne, inquam, pro magno illud reputes, cum suam in altum malis artibus, dolo, sœuitiā atq; usuris euexerit familiam, natura humilem & obscuram; nam cum ipse interierit, interibit quoq; secum pariter quicquid in terris gloriosum illi uisum fuit; nudus enim ab hac uita excedet, quemadmodū nudus in eam, alioqui suo sibi uitio letalem, ingressus est.

Quia anima eius in uita ipsius benedicetur, cōfitebitur tibi cum benefeceris ei.

D Quicquid illi felicitatis obuenturū erat, id totū illi in uita datū est, cæterū nil ultra, præter miseriam. Sed tu interim mihi turpissimū illius morem considera, qui neminē laudare aut amare solitus sit, nisi quem uiderit suis seruire cōmodis & uoluptatibus, cæteros uerò quāuis integros & probos aspernatur. Benedici hic positū est, pro rerum copā affici; confiteri item pro laudare ac gratias agere; & est sensus ac summa, quod anima impij, hoc est, ipse impius in hac solūmodo uita rerū ubertate affluet, ab alijsq; laudabitur partim timore impulsis, contra uerò ignorantibus, quānam sit uera uitæ felicitas & beatitudo: ille autē contra eum tantūmodo laudabit, qui suum approbabit uitæ modum, sibiq; suis in cupiditatibus morem geret. Verū alius uidetur esse sensus Hebræis, quia alia est li tera. Sic Fel. Animæ suæ in uita sua benedicet, & celebrabūt te; id est, in hac uita beatus sibi uisus est; & laudabunt te (mutatio est numeri) hi scilicet, qui cōfident in uirtute sua; cum nō dissimilis illis fueris, te laudabūt. Quid si diuītē hunc in eptum apud se loquentem introducamus? Celebrabunt, inquit, te uulgò, erisq; aliquid apud multitudinem, cum sic tibi prospexeris, molliterq; uiuens agrum agro accumulaueris. Verū ut cūq; intelligatur litera, miser ille, de quo multa in parabolis loquutus est spiritus, post breuem illam uitæ gloriam, post delicias, post turpem rerum omnium saturitatem & fastidium, tandem

Introibit usq; in progenies patrum suorum, usq; in æternum non ui debet lumen.

En tandem improbi diuitis exitus: ex hac enim uita demigrans, cum nihil minus tamen cogitaret, in infernū, ubi illius iam pridē, longa ætatū serie, descenderūt patres, quorū mores imitatus est, proijciēt, absq; spe ulla uidēdi unq; lucē. Veniet, inquam, quod patres eius, qui simili fuerāt improbitate infecti, uenerūt, ubi horror noctis æternus, caligoq; densissimis inuoluta tenebris omnē modū aufert diē ac lumē, multò magis Deū, qui lucis omnis principiu est, huiusmodi enim improbitatis homines tunc Christus quasi digito demonstrauit, quando lucidæos alloquēs improbis omnibus locutus est dicens: Vos implete mensurā patrum uestrorū. Primus porro martyr, Quem, inquit, prophetarū nō occiderunt patres uestri? Quare sic suos admonet Deus in uate illo: Ne sitis, inquit, sicut pa tres



tres uestri, ad quos clamabant prophetae priores, dicentes: Cōuertimini de uis  
uestris malis, & cogitationib. uestris pessimis, & nō audierūt, neq; attenderunt  
ad me. Illuc igitur ubi nullus ordo est, nec lux, nec uita, sed sempiternus horror,  
perpetuūq; mors, nox & mœror inhabitant, patres impij cum filijs simul impijs,  
uno facto uolumine descendant, æternūq; manebunt. Et certē nulla illis à iu-  
dice illata iniuria; nam

Homo cū in honore esset, non intellexit, comparatus est iumentis  
insipientibus, & similis factus est illis.

Repetit quæ superius dixit. Miserabilis homūcio, clamat Paraphraustes, cū  
in honore propter diuitias esset, nihil intellexit; sed pecudum uitā imitatus, sese  
similem fecit illis. Ignorato quidem, seu potius neglecto bonorū omniū morū  
fonte, mirū si homo aliud uitæ genus eligat, q̃ ferarū. A quo sanè uitæ genere  
faxit Deus ut ego, qui hæc à turbis remotus, utcūq; inter dumeta ac saxa balbu-  
tio, cum cæteris diuini honoris studiosis abhorrens, illuc me totū proijciam, ubi  
mea continua suum habent nidum suspiria, ad pedes nimirum domini mei Iesu  
Christi, ubi meam iam omnē collocatam esse felicitatē certō scio. Reposita qui-  
dem est hæc spes mea in sinu meo; interim uerò tam benigno domino laudū om-  
nium cumulus, honorq; perpetuus in seculorum persoluantur secula. Amen.

PSALMVS I. Psalmus Asaph.



Eus Deorum dominus locutus est, & uocauit terram à solis  
ortu usq; ad occasum.

Hactenus primus est uersus Hebræis. Cæterū Asaph unus ex Le-  
uitis illis erat, qui in die illo, quo, ut in sexto Paralip. capite legimus, attulerūt ar-  
cam domini, & cōstituerūt eam in medio tabernaculi, à rege ad confitendū dño  
selektus fuerat, quiq; cū cæteri partim lyra, partim organo diuinas celebrarēt  
laudes corā arca, ipse in cymbalis idem laudandi Dei munus nauiter exequeba-  
tur. Cui & is in primis quē nunc exponere nitimur, tanq; cantorū principi de-  
mandatus fuit psalmus, mysterio nimirū omniū maximo insignis: quippe qui  
de filij Dei aduentu, ortuq; Euangelij, ac gentiū uocatione, mirabili uerborum  
artificio pertractet. Quocirca narraturus uates rem mirū in modū sublimē, atq;  
adeo penē incredibilē, in ipso Psalmi exordio magnificis admodū utiq; uerbis, di-  
cens: Deus deorū dominus locutus est, & uocauit terram à solis ortu usq; ad oc-  
casum. Hebræi, Deus fortis, dominus loquutus est, uertunt. Paraphraustes uerò  
cum nostro legit: Deus, inquit, iudicū dominus loquutus est, nam iudices olim  
ludæorū dij appellabantur. Prophetæ item, cæteri q; qui spiritu Dei agitabant,  
omniūq; impræsentiarū, adoptionis gratia dij uocari possunt: quorū tamen  
Deus opt. max. Deus est ac dominus. Vide quomodo hīc uates auditu-  
ris merū iniicit, cū illum qui omniū quamlibet doctrina & spiritu sublimium  
princeps est, loquuturū asserit, non his quidem aut illis duntaxat, sed omnibus  
regionū omniū, qui ab ortu solis usq; ad occasum terras incolunt. Nemo enim  
ab Euangelij fide excluditur. Ideo ille qui rex magnus est super omnes deos, id  
est, qui super quosunque, quantacunque polleant dignitate ac potentia, siue  
in cœlo, siue in terra, constitutus est rex, quiq; olim multifariam, multisq; mo-  
dis per Prophetas suam mundo aperuerat uoluntatē, nouissimè extremis hisce  
diebus, proprio ipse ore nobis loquutus est. Et primū quidem sui castissimi ser-  
monis initiū ē Sion, tanq; ē sublimi fidei turre & specula, auspicatus est. Quare

E Sion species decoris eius, Deus manifestè ueniet.  
Sion, Hierusalē est in scripturis. Specie decoris eius, nō tantū diuinā Christi  
præsentia, qui speciosus præ filijs hominū in terris factus est, appellat hīc spiri-  
tus, quantū salutis humanæ, cœlestisq; doctrinæ præconiū, quod in Hierusalē,



Cum per Christū, tum per eius discipulos exordiū habuit. Fel. sic: Ex Sion ornamento pulchritudinis Deus splendide apparuit. Nō possum equidē hīc à nōnullis nō dissentire, qui cum suis in procemijs de promulganda euāgelij lege ac gratia, Christiꝝ aduentu primo in carnē, psalmū hunc factū asserant, in ipso tamen fermē interpretationis initio, ad secundū statim transeunt, à uocibus intercepti (opinor) illis, quibus ad exprimendū magis euāgelij fulgorē ac pulchritudinē utitur uates: ut sunt, Deus manifestē ueniet, ignis ante illū præcedet, & similia alia; quæ tamen nō minus primo, quā secundo Christi aduentui cōuenire mihi uidentur. Tentabo igitur, spiritus Christi ductu, an psalmus iste uerē diuinus, decorisꝝ ac perfectæ pulchritudinis christianæ reipub. præco, primo illi celeberrimo Christi aduentui, cuius præsentia nostra tunc salus cœpta est delineari, atque ab ipso Dei filio tanquā (ut sic dicam) calotechnio absolutissimē perfici, aptari queat. Alioqui certē quid mihi secundus iucunditatis, imò quid terroris atque adeò diffidentiae ac desperationis nō afferret, nisi primus extitisset, qui blanda, suauisꝝ sui memoria metū omnē meū temperaret, dulcēꝝ redderet, si quid amaritudinis ex peccati haustu meū aliquādo infecit palatū. Verū si cui magis aliorum psalmū de utroꝝ interpretantiū aduentu sententia arriserit, nō ægrē ferā, imò illam cum ipsis & amplexabor, & si sic Ecclesiæ uidebitur, dissuauabor: tantū meā simpliciter aperiam opinionē, fultam nihilominus non minimē clausis ac doctrinæ uiris. Deus, inquit uates, qui patribus olim nostris, sub uerborū rituūꝝ in uolucro loquutus est, ac suam corpoream mūdo pollicitus est præsentiam, en tandem manifestē ueniet.

Deus, inquam ille, noster ueniet, & non silebit.

Excusis enim umbris, apparuit ipsa manifestē ueritas: qua, siue in terris, siue in cœlis quoque requiras, quid manifestius, quid lucidius inueniri potest? Ego, inquit, qui loquebar, ecce adsum. Hinc porro sic de manifesto huiusmodi accessu ad nos per carnē, liquidissima testatur uoce Esaias: De Sion exiit lex, & uerbū dñi de Hierusalē, & iudicabit gentes, & arguet populos multos. Num, te obsecro, gentes à quoꝝ iudicari, arguiꝝ multi latē degentes populi occultē, & nō potius palām & manifestē poterunt aliquando? Ad hæc, lucis huiusce radiōs, crassiori cum etiam nū essent sensu ac spiritu discipuli, semel intuētes quā si per transfennā, dixerūt Christo: Ecce nūc palām loqueris, & prouerbū nullū dicis. Quod si tamen quis Dei filiū in terris obscure atque occultē uixisse, suūꝝ sparsisse uerbū cōtendat, is audiat, hominū tunc malitiā atque ignorantia, addo & hebetudinē, in causa extitisse, quin solis radiōs, uel in ipso splendidissimo meridie, intueri potuerint. Esto siluerit ipse, ut uis, num propterea post Christi mortem, felicissimamꝝ illius ad dexterā Dei patris affessionē siluere apostoli: num cæteri illius propemodū absque numero discipuli: num hi omnes gratiā per Christum mundo allatā silentio texere: nōne publicē, propalamꝝ hæc omnia: nōne in omnē terram exiuit sonus eorū? Martyres porro ne illi primi, bases nimirū fidei & Ecclesiæ, in arctis angulis, angustisꝝ locis, an in medijs ipsis urbium plateis & theatris, toto spectante orbe iugulati fuerent? Manifestus igitur, ac, ut uerit Fel. splendidus apparuit dñs, splendidus uixit, splendidus mortuus est, splendor rursus infusionem cernitur: in cæteris uerò & obscurus, & (ut sic dicam) letalis: quemadmodū olim etiā in ipsa crudeli sui purissimi corporis, in quo neque tunc pulcherrimus paucis illis, qui in eius fide permanerūt, sed in primis beatæ uirginis secretorū cœlestiū cōscia, apparuit: alijs autē informis, & planē extinctus. Quī, rogo, dicendus is est in tenebris aduentare & occultē, cuius aduentus ignis ante ambulo est, atque horrissonus procellæ strepitus præco?



Ignis, inquit, ante ipsum præcedet, & in circuitu eius tempestas ualida. Ignem hic uocat spiritus, uirtutem illam efficacem, quam suo ab æterno in-  
seuit uerbo & legi Deus, cuiusq; ardor in ipso statim gratiæ limine, mortalium  
cum omniū, tum Iudæorū maximè corda uiolentius, quàm antea, & mouit, &  
partim ad uitam, partim ad interitū exussit. Cōmotus est, inquit Matthæus, seu  
turbatus est Herodes, & omnis Hierosolyma cum illo, nempe Herode, qui ut  
gentiū ad tam insolitum noui regis aduentū cōmouendarū typus fuit, ita ciuitas  
illa, totius populi Iudæorū. Ad hæc, ex huiusce facis igne, illa tum primū ardens,  
ut illum appellat Christus, lucerna de improviso erupit Ioannes, uatum nimi-  
um omniū maximus, imò uatum interpres, qui omnes quotquot illum ad Ior-  
danis ripas conuenissent (ad eum enim certatim turbæ, publicanīq; ac, ut refert  
Lucas, milites discendi causa conueniebant) tanq; uox uerbi, præcoq; & nun-  
cius, publicè ad ueram capeffendam pietatē erudiebat. Vnde omnis Iudæa, ut  
inquit Matthæus, Hierosolymaq; atq; omnis regio circa Iordanem, tam nobilis  
lampadis excitata fulgore, exibant ad eum, & baptizabantur ab eo in Iordane,  
confitentes peccata sua. Hæc ne in occulto? Sentis ne ignis illius uim, qui ante  
eum præcessit, & inflāmauit in circuitu inimicos eius? O si mihi uel tantillū sal-  
tem, in tenebroso uitæ huius itinere, tam efficacis ignis uiri illius, cuius nomen  
à sacra mihi unda contigit, contingeret. Discrucior sanè animo, nōdum me uel  
minimā quidem uitæ illius, cuius nomen adeptus sum, integritatem arripuisse:  
arripia tamen, modò Deus, cuius ille aduentū tanq; fax ardens præuius fuit, me  
in spiritu & igne etiam atq; etiam ablui iubeat. Atq; hæc de igne dicta sint. Cæte-  
rum tempestas ualida, seu turbo, ut uertūt Hebræi, eo sanè tropo, quo ignis, Dei  
potentiā omnia in Christi aduentu proterentē deuastantemq; significat. Qua-  
re Paulus istiusmodi ignis calore accensus, turbīnēq; illo, cuius olim impetu ex-  
equo deturbatus exterritusq; è persecutore factus est uas electionis, clamabat:  
Arma militiæ nostræ non carnalia, sed potentia Deo ad destructionē munitio-  
nem (ecce tibi uis ignis & procellæ) consilia destruentes, & omnē altitudinem  
extollentem se aduersus scientiam Dei, & in captiuitatē redigentes omnē intel-  
lectum in obsequiū Christi, & in promptu habentes ulcisci omnem inobedien-  
tiam. Vides q; concitus factus sit Pauli sermo, ob ignis tempestatisq; diuinæ im-  
pressionem? Vis ne aliam uehementiorem audire commotionem?

Aduocauit cælum de sursum, & terram discernere populum suum.  
Videor hic mihi illud seruatoris audire: Nunc iudiciū est mundi, nunc prin-  
ceps huius mundi ejicietur foras. Atqui & supera & infera, cœlestia nimirū &  
terrena, ad erigendam tunc ecclesiam, nempe diuinitatis in terris domicilium,  
Christi, Christianorūq; cum Christo, in tam nobili ædificio collaborantiū, ob-  
sequijs præstò adfuere. Prodigia enim tum primū immensa, tum in cœlis, tum  
in terris ad mortalium terrorem uisa sunt. Et ut alia penè infinita prætereamus,  
Vide ne in Christi morte sol in cœlis, tanq; sui autoris exhorrescens mortem, ex-  
stult, atq; absq; luce uisus est? Quid terra? petræ, inquit, scissæ sunt, & monu-  
menta aperta sunt, & multa corpora sanctorū qui dormierant, surrexerunt. Vo-  
catus itaq; cælum, suam sursum uersum demisit ad Christi nutum seruitutem,  
in tam quidem inanimatarū rerum, q; mentiū illarū cœlestium, quarū mini-  
mo usus est Christus in terris, cæteri q; post illum Ecclesiæ procures, atque il-  
lius fidei cooperatores. Lætitia illa rerum erat conditarū omniū uniuersalis, un-  
de demonū tyrannide exhibitū fuit obsequium: & id quidem totū, quò pñ om-  
nes à demonibus certatim exhiberentur, & sic postea à reprobis discreti semoti q;  
traherentur: ita illos qui cœlestia in hac uita dilexissent, cælum ut suos agnosceret, ad  
traheret, atq; in æternis collocaret bonis; alios uerò, utpote terram terrenaq;



**C** uel usq; ad emissionē anime, sectantes cōmoda, terra ipsa cognosceret, suūq; ut populū à celesti illo alio discerneret, tandiūq; aleret, quoad per mortē absorptus ad æternam transmitteret damnationem. His igitur suis in cruciatibus derelictis, inquit spiritus:

Congregate illi sanctos eius, qui ordinant testamentum eius super sacrificia.

Ecce quomodo secreti ab improbis boni, sanctiq; à nefarijs, in Dei Ecclesia cōgregandi sunt. Hi, dico, qui fidei legē longē præstantiorē esse, q̃ lex operū, ipsa ostendūt: & qui, ut inquit Augustinus, cogitant de promissis eius supra illa quæ operant, quæ sunt sacrificia, quæ hīc à spiritu interferunt. Nouū, inquit, testamentū, quod in fide fundatū est, præstat ueteri, quod cruentis cōstabitibus & sacrificijs: hī igitur ad Christū congregent, confugiantq; qui superstitione reiecto cultu, ut ferē ille erat Iudæorū, ordināt, disponūtq; atq; idcirco nouū istud pacis ac fidei, ut ueros decet liberos, testamentū, tanq̃ illius ueteris summā ac nexū, & in quo sanē omnis inest perfectio, seruant. Verū Hebræi nō, illi, sed mihi uertūt, hoc ferē modo: Cōgregate mihi bonos meos, seu sanctos meos, incidentes fœdus meū super sacrificiū. Et est uox Christi, ad sese cōgregantis omnes, quos sibi datos à patre, ne quis ex illis pereat, asserit. Vnde illud est: Cum exaltatus fuero à terra, omnia trahā ad meipsum. & est sensus, ut elegāter aperit Paphraustes: Congregate ad me, inquit, sanctulos meos (uide tenerū Christi affectum in suos, quos sanctulos uocat) de quibus tam sum meritis bene, & qui mecum inierūt pactū de sacrificandi ratione. Quæ quidem ratio, ut mea fert opinio, in eo cōsistit, ut ritibus ueterū seruatis, tam in sacramentis uel conficiendis, uel multitudini erogandis, q̃ in piarū ceremoniarū usu & cultu, ad Ecclesiæ decorē, pietatisq; Christianæ testimoniū, à patribus decreto, illud tamen primū & uelut caput in cultu externo requirāt, persuasumq; sit omnibus, Deū in spiritu & ueritate in primis coli debere. Ad quē sanē finē nō solū ritus isti Ecclesiæ, ac sacramenta referri debent, uerum etiā quicquid à sanctis Dei uiris, uerāq; religionis capacibus hīc agitur, id totū prorsus eō tendit, ab illoq; tanquam radij à sole, dependet. Id quidem fœdus est Dei cum suis initum, incisumq; in eorū corda atq; animas, ut olim incidebantur in æs aut saxum, leges fœderum.

Et annuntiabunt cœli iustitiam eius, quoniam Deus iudex est. Quis hīc nō miretur, simulq; quanto ualet animi studio ac nisu, iustitiā illius licet secretā, uulgōq; ferē incognitam, annunciet, qui remotis procul ab Ecclesia reprobis, quos uti suū populū terrā discernere in superioribus imperauit, illis tantūmodo suæ misericordiæ sinum aperit, quos suos fore iam ante rerū originem prænouiit (hos cœlos uocat) ac propterea suo cultui, qui spiritum totum hominis requirit, misericorditer addixit. Quod quidem mysteriū præteritis omnino seculis incognitū, nobisq; in Christo palām factum, tanta adeo miratione dignū uisum est uati, ut Selha hīc interponere curauerit, uel eō maxime, quod abolendam prorsus esse sacrificiorū legem, cum hæc scriberet, in spiritu prænuderit. Vnde nouum atq; perpetuum sacrificandi ritum conscripturus, facit hīc Deum uniuersorū iudicem, quod res altius consideretur, ad uniuersam totius orbis multitudinem sermonem habere.

Audi, inquit, popule mi, & loquar Israël, & testificabor tibi: Deus tuus ego sum.

En hīc Ecclesiæ, quæ est in Christo, fundamentū poni: nam fides ex auditu. Clamat igitur in hoc psalmo Christus, omnesq; cōmuniter ad ea quæ dicturus est, audienda, sed cum primis in libro uitæ per gratiā cōscriptos, qui sunt uerus Israël, inuitat. Audi, inquit, hoc est, meis fidem adhibe uerbis, popule mi. Populum suū uocat Deus omne mortaliū genus, quippe qui omniū pater est & cōditor, ne



tor, non uocatum se quis expostulet: uerum quia fides non omnium est, ut inquit Paulus, sed Dei est donum, specialiter, ut dixi, prerogatiua suos alloquitur: illos dico, qui oblatam fidem amplexuri erant. Te, inquit, o popule mi, o Israel, o qui credituri estis in nomine meo, uos alloquor, uos ad meam inuito concionem, uos testes adhibeo, quod Deus Deus uester ego sum. Innumera enim quae uobis potentiae meae addo, & amoris mei erga uos exhibui testimonia, nonne clamant me solum uestrum esse Deum: Vide quid Dei filius in Ioanne de se dicat: Si non facio, inquit, opera patris mei, nolite credere mihi: si autem facio, & si mihi non uultis credere, operibus credite. Oportet igitur accedentem credere, sed illud ante omnia, quod ipse est Deus, Deus (inquam) noster per gratiae dilectionisque, qua suos dilexit ante mundi constitutionem, priuilegium. Quid hic (malum) non diffiniunt de Deo, atque eius, ut uocant, essentia nonnulli: uerum ineptum, siquidem ineffabilia mortali explicare uelle uerbo, impossibile plane est, ne dicam stultum. Ad obediendum fidei, clamat Paulus, gratiam & apostolatum accepimus. quare ubi dominus quidpiam asserit, ut inquit Chrysostomus, non oportet audientes multum defatigari, aut curiose nimium indagare, quae dicta sunt, sed tantum excipere & credere. Non, inquit, ut ipsius substantiam indagemus, sed ut in eius nomen credamus, uocati sumus. Sed iam concionis seriem uenerabundi uideamus.

Non in sacrificijs tuis arguam te, holocausta autem tua in conspectu meo sunt semper. Non accipiam de domo tua uitulos, neque de gregibus tuis hircos.

Quandiu enim Israel puer fuit, legique ceu aspero seruiuit paedagogo, ad ea quae legis erant seruanda diuina tenebatur iussione, contendebatque pro uiribus: uerum ne quicquam: nam acruum illum immensum ceremoniarum, rituumque ac libationum, nemo unquam integre exequutus est: quandoquidem nihil unquam ad perfectum, ut ait apostolus, adduxit lex. Et licet cuncta illa antiquae legis decreta ac sacrificia, populi illius fidem testarentur, tamen id paucis cognitum erat: proinde alia ab ipsa iam mundi origine promissa sancienda erat lex, foedusque perforandum aeternum, quod passim omnibus ubique gentium uiuentibus obuium foret. id Euangelium erat, id Ecclesia, id Christus, cuius cultus ac religio a spiritu hinc optime effigatur. Ne uerearis, inquit, o homo, te a me reprehendi, nisi cruentis mihi litaueris sacrificijs: plenus sum. Ne offeras ultra sacrificium frustra. Incensum abominatio est mihi, holocaustomata uestra non mihi iam sunt accepta: nouus inceptandus est cultus, cuius summa, amor est, non cruor aut timor, ut olim. Uestra enim (ne dubiteris) holocausta in conspectu meo sunt semper: iam illa habeo, mea quippe sunt, tantum abest ut mortalium rebus egeam. Non amplius accipiam, ut hactenus factum est, de domo tua uitulos, neque de gregibus tuis hircos, o homo: umbra illa omnia fuere. En ueritas, en ego qui tum rebus in illis loquebar, adsum. In me iam solum uestros, o mortales, conijci te oculos. Exoleuerunt iam demum umbrae, praesto est lux. Illud porro non praeterendum, holocausta in conspectu meo sunt semper, a nonnullis per negationem legi, hoc modo: Et holocausta tua non semper me coram: ita Kimhi Hebraeus interpretatur, uultque negationem utriusque inseruire hemistichio, quemadmodum in superioribus dictum sit: Non dabit Deo placationem suam, & precium redempcionis animae suae. & est sensus, holocausta uestra haud semper mihi accepta erunt & grata, utpote quae ad tempus duntaxat praefixa, uestrae prospiciens imbecillitati, seruari uolui, cetero mihi nauseae erunt:

Quoniam meae sunt omnes ferae sylvarum, iumenta in montibus, & boues. Cognoui omnia uolatilia coeli, & pulchritudo agri mecum est. Si esuriero, non dicam tibi: meus est enim orbis terrae, & plenitudo eius.



C Nulli dubium esse debet, sacrificantium tum Iudeorum animū magis spectasse Deum, quā occisa pecora. Id enim fuit in mente Dei consiliū, ut Iudeorum populus ueræ religionis expers & rudis, ab illis sensim sacrificandi ritibus, ad ueram cælestem pietatē, quæ potissimū in animo consistit, transiret, cōdisceretq; sibi tandem emori, ac Deo uiuere; alioqui quid uis illa uictimarum, omnium molitori Deo uel honoris uel utilitatis conferre potuisset? Illud, Cognoui omnia uolantia cœli, nihil aliud sibi uult, quā in mea sunt potestate. Hebraismus est, quo haud rarò in scripturis legimus Deum suos agnoscere, quod idem est, atq; Deū illos ut suos habere, eosq; curare & tueri. Cæterū cum belluarum omnium, ferarumq; syluestrium, uolucrum item multitudo, & quicquid mansuefactorum animalium in terris uspiam inuenitur, diuinæ morē gerat uoluntati, atq; in illius sit potestate; absurdissimū planè esset censere Deum, tanq; hominē rerum harū inopem, bestiarum carnibus uesci, aut illarum nidore delectari, proindeq; è domo illas hominum, aut armēto poscere. Puerilia sanè quidem illa fuere sacrificia, pueris nimirum Iudæis, hoc est, nondum solidiori pietatis edulio, quod allatum erat Euangelium, assuetis, ad tempus cōcessa. Verū plenitudine ea temporis aduentante, qua suum misit Deus unigenitū, factum de muliere, factū sub lege, ut eos qui sub lege erant, redimeret (en quomodo perditū erant quotquot sub lege onere premebantur) cœperunt illa omnia usque adeo nutare, donec aperta iam tandem ab agno pietatis euangelicæ tabula, ac libro qui Dei manu obsignatus fuerat resignato, prorsus occubuerē, aliudq; sacrificandi genus, per breue scilicet & cōpendiosum, in eorum successit locum. Quamobrem à spiritu additur,

Immola Deo sacrificium laudis, & redde altissimo uota tua.

D Hæc est summa, conclusioq; totius illius sacrificiorum acerui atq; oneris, ut sermo quis Dei considerans bonitatē, atq; in mortales dilectionē, illum quem tam large effusum in erogandis huic mundo ingrato & duro muneribus cernit, admiretur, amet, quærat, illumq; solum ante omnia expetat, secumq; uelit, cui & se & sua tutò queat cōmittere consilia; interim uerò nil tam charū in uita habet, q̃ ut tam benignū dominū, quā oris, quā cordis efferat laudibus, iuxtaq; ueluti de se structa ara, ac simul uictima, se totū ad diuini nominis honorē & maiestatem cendant. Atqui talem sacrificandi morē atq; usum, in quo fides atq; amor humanis iugulatis sensibus, splendidiore sunt, diuina approbat maiestas, hunc cupit, hunc uel ab æternis rerum seculis, à mortaliū poposcit animis, & exegit. Vult igitur à nobis Deus nos ipsos, uult animum, uult cor, uult quoq; ipsum alioqui brutū atq; iners corpus, ut quicquid tandem sumus, quicquid uiuimus, uouerimusq; id totū facta ueluti rerum omnium nostrarum sarcina ac globo, una sit laus Deo, unaq; libatio & sacrificiū. Cæterū hinc uates (opinor) celebris illius ac solennis meminuit uoti, quo nostrū quilibet se Deo in baptismo dedicat; huic cōtrauenire scelus penè inexpiabile censetur: quocirca uelimus nolimus, inuiolata reddenda sunt, quæcūq; tanta cum religione promissimus. Quid porro de nouo nouo sendum, qui nō cōtenti nos semel deuouisse Deo, addimus & aliud nouū nouū obtestatione iusiurādū? Nō nouū quidē id est, sed quēdā pia prioris testimonio, qui recensq; promissio illorum quæ iam polliciti sumus; unde arctior nos nodo, qui in claustris sepultam degimus uitā, repetito iusiurando, distinemur nodatiq; sumus, q̃ hi qui semel in baptismo ea Ecclesiæ promiserūt uouerūtq; quæ seruata, perfectissimū reddūt hominē, capacemq; æternæ felicitatis per Christū, cuius sanguine ac nece, uis ea data est aquis, ut nihil aliud requiri posse uideat, in periculo perfluū omnino sit & nouū. De uotis uerò quæ sparsim ab hominibus, in periculo aliquo cōstitutis nūcupant, quid iudicandū sit, id dñi Ecclesiæ uideat: de modo, nō dere ipsa loquor. Tantū illud dicam, uota illa tunc uera esse ac rationi cōsentanea, quæ à tēperato animi proposito & cōsilio, dimēsis prius humanæ naturæ uiribus,



A uiribus, prudenterq; examinatis proficiscencia, in Dei honorem, profectumq; animarū tendunt. Ceteroquin uota illa subita & immeditata quæ fiunt, quæ ue magis à uehementi perturbatione animi ac metu prodeūt, q̃ consultò, aut erga Deum fide, quemadmodū difficilia plerunq; sunt, & ut seruentur, impossibilia, ita neglecta, periculosa. Sed de omni hac uotorū ratione nō loquitur hic uates, uerū de illa qua perpetuo fœdere anima & pollicitatione se consecrat Deo, promittitq; se, quæcunq; accidunt, eius sanctū nomen celebraturā, eoq; uicturā uitæ instituto, quo palam om̃ibus fiat se nihil in terris tam cupidè desiderare, q̃ ur diuinū laudetur nomen, sanctificeturq; atq; ab omnibus ubiq; gentiū colatur. Rarò enim in scripturis uoti nomen reperies, cui Dei laus itidem cōiuncta nō sit. Ceterū quoniā cuius anima temperamēti sit, quid ue de Deo sentiat, nō clare admodū discerni potest, idcirco addita est aduersitatū lima, cuius quidem uel ad uiuum usq; interdum corrosa, quò se uertat, plerunq; ignorat; eam ob rem à Deo, ut est animarū amantissimus, ne tota in scobem exeat, admonet.

Inuoca me, inquit, in die tribulationis: eruam te, & honorificabis me.

Duos hīc mihi uidere uideor fidei gradus, ad animarū perfectionem necessarios: alterū enim, quò certò credant sese occultis spiritus stimulis ad amplexandam crucē animari, inuitariq; alterum uerò, quò suam nō ignorantes infirmitatem, nusquā sibi sperandum esse in ipsa ferenda cruce auxilium, præterquam à Deo, persuasum habeant. Qui Deus ita nostri cupidus est, ut non solum nos periculi incautos admonere soleat, uerum etiā sese nobis exhibet in aduersis defensores; qui tamen haud multa quidem à nobis propterea exigūt, neq; multi laboris ac curæ, ut olim illa erant Iudæorū, sacrificia, uerū id tenue & solum, ut reiecta prorsus cæterarū rerum spe & fiducia, ad se tantūmodo confugiamus, si aut agere molestum est. O certè leuissimū euangelicæ pietatis iugum, in quo nimirū aliud nihil tam efficax & salutare requiri uideo, quàm fidem. Vide, te obsecro, mi Lector, quàm abbreviatū sit factum uerbum domini. Inuoca me, inquit, in die tribulationis. Sed quid, suauissimè domine, nobis inde erit sperandum: Eruam te. O immensum beneficiū, sed eo quoq; immensius, quò is qui proestitit, Deus est. Verū num in me aliquid est, quod te dignū tibi rependi queat? Est sane: me honorificabis. En igitur laudis sacrificiū, en uota, en promissiones, de quibus superius mentionē fecit spiritus, dicens: Immola Deo sacrificium laudis, & redde altissimo uota tua (censent quidam orationes has esse Deo factas pro salute nostra.) Vnde in uotis nūcupandis Dei potissimū honos, quæ nostra est salus, quæri debet, non leuitas animi, aut subita parumq; cogitata, ut sic loquar, præcipitatio mentis. Hæc sanè me edocuit spiritus.

Pecatori autem dixit Deus, quare tu enarras iustitias meas, & assumis testamentum meum per os tuum?

Iustitias meas, statuta mea, uertit Fel. Alius ex Hebræo, legem meam. Paraphrastes uerò, constitutiones meas. Hæc enim omnia idem significant, legem nūcum diuinā, quam postea testamentū appellat uates: hoc est, fœdus illud æternum cum Deo percussum, quo homo se ui fidei per Euangelium seruatum iri credat. Iustitia quippe nostra à Deo gratis per fidem, quæ summa est diuinæ legis, originē habet. Sunt etiam qui iustitias meas, ceremonias meas uertunt, nō quòd ab ipsis mortaliū iustitia, quæ à fide est, proficiscat, sed quia hæ nostrā in Deū fidem ac pietatē, ut ualent, testent, modò à pio animo ac religioso peragantur. Verū quia omnia quæ sunt Dei, atq; ad eius cultū spectant, munda omnino esse debent & pura, utpote animarū candorē secū afferentia, eam ob rem ab animis iuxta & corporibus optimè purificatis & mundis tractari illa debent: secus uerò ab arroganti corde ac superbo, quæ est letalis animæ pestis, addo & à



C corpore libidinum maculis inquinato, contrectari doceriq; maximū est scelus: quare nō immeritō, qui talis est, à Deo hīc arguit. Quare, inquit, tu, hoc est, quā fronte tu immundus, tu impurus, tu inquinatus, meas audes enarrare constitutiones, quā mundæ natura sunt, puræ & castæ? Cur uel nominare quidem, multo magis edocere meū, quod cum meis pepigi fœdus, præsumis? Tū ne polluto illo ore, quod maledictione & amaritudine plenū est, incircuncisisq; labijs, meā non erubescis prædicare legem, meumq; testamentum, quod sanctum est, sanctosq; proinde suos esse buccinatores & uult & præcipit, diuulgare? Ridiculū planē, alios ad morum culturam atq; ornatum instruis,

Tu uerō odisti disciplinam, & proiecisti sermones meos retrorsum.

Tu prædicas nō furandū, & furaris: nō scortandū, & scortaris. Disciplinā hīc poni pro correctione intelligas, ut hinc duos potissimū improbitatis in improbo gradus uidere liceat. Primus igitur cū uideatur esse ad pietatem accessus, admonitiones sedato ferre animo, atq; subinde Dei uerbum amplecti: ita ad impietatem primus is est, proborū correctiones auersari, atq; propterea ad secundum statim prouere, qui est uerbi Dei neglectus. Ceterū hīc inter reliquos Dei hostes taxari hypocritā iudico, quē per emphasim peccatorē nuncupat spiritus. Solet enim is qui huiusce generis infectus est inquinamēto & uitio, ad suā obrependam prauitatē artificiosissimē Dei uerbo uti: cū totus enim intrinsecus fordidus sit & superbus, omniū tamē purissimus ac mitis, nepe qui suis in sermonibus, in actionibus, in moribus, nil nisi sanctimoniā præ se ferre uideat, à leuissimā censeat turba. Si quidē externū hominē illū spectes, neminē unq; in exhortando, in cōuersando, in corrigēdo, uel mansuetiorē, uel doctiorē uidisti. Sed quid si secreta illius cordis intueri posses latibula? statim, opinor, iurares nō tantū a perta male olere sepulchra, quantū male olet hypocritæ animus & mens. meritō is igitur à spiritu arguit: Tu, inquit, qui ceteros doces, te ipsum nō doces. Tu qui omnē odisti correctionē, meaq; post tergū proiecisti uerba, tam temerario ausus es imperio meā proferre legē: ceterisq; bene uiuēdi normā præscribere, cū tu ea in parte, quæ mortalium fugit oculos, male uiuas, imò prorsus mortuus sis?

Si uidebas furem, currebas cum eo, & cum adulteris portionē tuam ponebas.

Succurrit hīc mihi alius turpissimus hypocritarū mos & cōsuetudo, qui cū cæteris interdum tum doctrīna, tum dignitate aliqua insigni præstent (à seruatore fures & latrones appellantur) infelici turbæ facilius imponere consueuerunt. Nam si facto ipso nō furant, aut pudore aut metu detenti cum scortis cōsuetudinē nō habent, assentiunt tamen animo habentibus, applaudūt, inuidētq; ac turpi quodā mentis afficiunt oblectamēto & cōsensu: & sic cū agni foris appareāt, intus tamen sunt lupi, & si quod aliud rapacius inueniūt animal. Rursum duo hīc mala in uniuersum penitus orbem debacchātia, è quibusq; tota reliqua uitiorū sentina erumpere uidet, à spiritu in mediū produci uideo: alterū quidē immodicæ habēdi cupiditatis, alterū peruersæ libidinis. Nam dictionē illā, quā noster interpretes uertit, adulteris, cum scortatoribus, uel cum fornicatoribus, quā bræis est, quantū nō me latet maximū omniū, quæ effreni in libidine peragunt peccata, adulteriū esse. Quæ dictio uisa est placuisse, cū nostro, Paraphraste, qui sic reddit uersum: Si furē usquam uidisti, illi te adiunxisti, & fieri furti particeps cupiebas, & socius factus es illorū qui alienas stuprare solēt uxores. Deme itaq; ab homine intemperantiā habendi, ac libidinem, nescio in quod aliud uitiorum genus delabi queat. Et ut quidē nulla alia peccandi licentia ab hisce duabus tanquam belluis, uirtutū omniū amœnitatē deuastantibus, deriuari possit, quæ tamē sequuntur, necessariō contingere opus est:

Os tuum abundauit malitia, & lingua tua concinnabat dolos.

Sedens



**A** Sedens aduersum fratrem tuum loquebaris, & aduersus filium matris tuæ ponebas scandalum.

Quid non peierant cupidus & libidinosus? quid non fingunt? quid non mali machinantur, quò suum aliquādo sopiant æstum? Omitto prudens largas auarities, libidinosq; pollicitationes, quibus decepti nōnunquam ciues, ciuiumq; uirgines, eò interdum desperationis adiguntur, ut abiecto pudore, legumq; metu, illegestate coacti publicum exerceant latrocinium, hæ uerò corruptæ atq; delusæ, quia uni nequiuertunt, omnibus sese uulgò prostituunt. Os igitur impij, hy pocrita, auari, simulatoris, abundat malitia, fucosq; omnē suum conuoluit sermone: fingit, subridet, dolosq; tandem ea connectit arte atq; impudentia, ut ne suis quidem uterinis parcat fratribus. Vide, mi lector, mecumq; time, considerans in quàm tetrum cadat profundum ille, qui projicit sermones Dei re trorsum, qui disciplinam auersatur, qui polluto audet ore ac turpi, puram, sanctamq; edocere legem. Vides ne quomodo & supera & infera, sursumq; deorsumq; perturbat & confundit? Atqui ut melius illius intelligatur perversitas, additur hic uerbum, sedens: quod sanè maximam præ se fert arrogantiam, & est ac si dicat, Cùm prauus nimirum sis ac turpissimæ tibi uitæ conscius, audes nihilominus (nefas) tanquam doctor aut iudex, in multorum conuentu sedere, omnes carpere, calumniari, mordere, damnare tandem, si quos uides, aut suspicaris saltem, tuæ aduersari libidini atq; ambitioni. Quid? adeò omni exultus es humanitate, ac Dei metu, ut etiam eosdem ipsos, eodemq; enutritos lacte fratres, opprimas cum cæteris, atq; eis illudas? quod quidem sæuitiæ genus quò penitus consideretur, eadem repetitur sententiā: alioqui sat erat dixisse, aduersus fratrem tuum loquebaris. Scandalum porro dictio, Hebræis est calumniā, seu op probrium. Vnde sic reddit Paraphrastes: Et filiū matris tuæ facere infamē nitebaris. Cæterū mater hic est nō tantū illa quæ mortales gignit filios, uerum etiā quæ immortales, quæ est ecclesia, fidesq; atq; eadē, eiusdēq; professionis religio, cuius uirtute fratres omnes sumus in Christo. Videat igitur quid agant hi, quorū ea uidet uitæ ratio, ut fratres opprimāt, illorumq; nomen uulgò traducant. Videant, inquā, quid in sequentibus huiusmodi nequitia homini cōminef Deus.

Hæc fecisti, & tacui: existimasti inique, quòd ero tui similis. Arguam te, & statuam contra faciem tuam.

Peccata tua scilicet, ut addunt Græci. Hebræis eadem fermè est littera cum nostro, ab aliquibus tamen additur, me, ad hunc modum: Arguam te, & statuā me contra oculos tuos. Diuus uerò Augustinus hunc interpretatur locū hoc sensu: Ostendam, inquit, te tibi, Omnia quidem hæc eò, ut cunq; sit littera, spectare uidentur, ut maximā animi confusionē tunc fore asserant miserrimo illi, cū eius scelera Deus punire decreuerit, qui interim ad eius conuiuens peccata, dissimulansq; nō uidere quæ turpissimè ab illo perpetrant facinora, tacet, ut sic saltē cognita diuini iudicis patientia, confusus resipiscat: uerū nihil plerunq; agitur: obduratus enim in malis non solum omnē abiecit bene uiuendi legē ac rationē, uerum etiā cæcus omnino effectus putat Deū sua approbare scelera, aut ut homines solent, cordiū secreta nō uidere, quòd statim nō puniat, hinc itaq; ea exorta est Dei reprehensio, acerba nimirū ac terrificā: Hæc fecisti, inquit, ô scelerate, & ea quidem corā me: attamen tacui, dissimulauiq; sinxi me nō uidere, ut uel eo modo, mea deuictus mora & patientia, ad pœnitentiā accederes: uerū tu nihilo fecius cōmollitus, durior effectus es. Nam quia ad tempus tua dissimulaui scelera, me tibi similem esse, nempe stolidum hominem & incogitantem existimasti: sed se aliter res habet: te enim, ut me decet, qui omnia quamuis abdita & secreta cognosco & iudico, arguam, castigaboq; ac tuam ad maiorem mentis confusionem & metum, tua ordine omnia tuos ante oculos sic disponam flagitia,



C ut singillatim ea dinumerari queant, teq; tibi tunc noscere faciam, qui res mo-  
dò illas, quas tu turpiter tuam ad immensiorē aggregas miseriam, me omnino  
fugere arbitraris. Verum ne id contingat, ô uos hypocritæ, ô uos simulatores,  
ô quorū facile ora cōcinnant dolos, quicq; abiectis sermones meos retrorsum,

Intelligite qui obliuiscimini Deum,

quæ loquor. En iterum expecto, taceo, dissimulo, si fortè, ô stupiditatē homi-  
num, quid amplius uobis facere debui, & nō feci? Intelligite iam tandem, ô stul-  
ti, & tardī ad credendum,

Ne quando rapiat, & non sit qui eripiat.

Raptante enim Deo, uosq; ad æternas protrudente pœnas, quis tam ualidus  
est qui uos eripere, deq; cruciatibus illis infinitis eximere possit? Rapiam, legūt  
Hebræi, & melius quàm noster, ut personæ mutatio, quantū fieri potest, uideat.  
Rapiunt porrò animas, ad seseq; pertrahūt per carnis oblectamenta interdum  
dæmones, uerum Deus ex illarum numero eas, quas sibi ab æterno suas esse no-  
uerat, eripit. Cum rapit uerò Deus ipse, nemo est nisi ille qui raptus est, qui eri-  
pere queat. Rape igitur me, ô Christe, sed nō eo modo, quo rapere simulatores  
istos, Epicureos, uentri deditos, & fraudulentos, ad æternam scilicet mortē, cō-  
minatus es: sed eo quo tuos, ut tui sint, tecumq; cōmorentur, & rapis, & ut libe-  
ter, sponteq; sua rapiantur, tuo accendis igne, & inflammas spiritu. De istiusmo-  
di enim hominū genere, ita à sanctissimo tuo spiritu rapto, illud quod sequitur,  
abs te dictum minimè ambigo.

Sacrificium laudis honorificabit me, & illic iter, quo ostendam illi sa-  
lutare meum.

D Et qui posuerit iter (uertit Fel.) ostendam ei salutare Dei. Alius ex Hebræo,  
Et qui rectā graditur, illi exhibebo salutē diuinam. quò hinc perpendas, nemini  
unquam defuturam Dei opem, modò ille pro uirili parte conetur, fidemq; quæ  
uia est recta, mordicus teneat. Secus tamen uidetur intellexisse hūc uersum Pa-  
raphrastes. Quicunq; inquit, mihi animi offert gratitudinē, is me uerè honorat,  
& recta it ad me. Verum in idem hæc omnia recidūt: nam illud uerū, sincerūq;  
diuinæ esse laudis sacrificiū atq; holocaustum arbitror, quocq; Deus sua in reli-  
gione uerè, casteq; honorari cupiat, cum homo totus, quantus est, illis quæ ab  
igne fidei descendunt, mancipatur obsequijs. Qui talis est, talisq; mouetur affe-  
ctu, quicquid iam uiuit, id totū Dei est laus & sacrificiū: ad quod sanè immolan-  
dum, me in superioribus inuitauit Dei spiritus dicens: Immola Deo sacrificium  
laudis, & redde altissimo uota tua. Intelligo, intelligo benignissime domine, in-  
telligo quid tuus sibi uelit spiritus, quid uē à me requirat, id scilicet, quòd abie-  
cto mūdo, calcatoq; uitæ fastu, & me quoq; penitus neglecto, totus, ea qua sum  
mensura, super aram fidei, in qua amoris ignem perpetuò ardere uoluisti, iugu-  
ler, in teq; moriar. Nam certè in te emori, tuumq; ad honorē sensus hos brutos  
mactari, uera est uita, uera religio, uerum ad te iter. O si id mihi, anteq; è mortali  
hoc demigrem corpusculo, contingat, ut iam tandem, cōtemptis mundi huius  
miserrimi iniurijs & lenocinijs, spretaq; improborū audacia atq; impudentia,  
qua exterrita interdum anima in iustitiæ itinere lassescit, ad te qui solus suspiran-  
tium animarū refocillator es & consolator, accedam propius, in teq; liberè tran-  
siens, peccato prorsus moriar, quod quidem illud iter est, quo arrepto, id mihi  
supra omnem suauitatem suauissimum pollicitus es dicens, Ostendam illi salu-  
tare meum: quod sanè tuum esse filium Christum Iesum omnium seruatorem,

& scio, & amplector: cui tecum laus sit perennis, unà cum utrius-  
que spiritu, & honor & gloria in secula  
seculorum, Amen.



PSALMVS LI. Psalmus Dauid, cum ueniret ad ipsum Nathan propheta, quando ingressus fuerat ad Bethsabee.



Miserere mei Deus secundum magnam misericordiam tuam.

Non est, opinor, tam profligata uite homo, qui hoc psalmo medul-  
litus inspecto & gustato, non ad sua protinus execranda scelera mo-  
ueatur, atq; ad exemplū tanti regis, ut fuit Dauid, ad implorandam Dei clemen-  
tiam nō se accingat. Quot enim syllabæ aut apices literarū in hoc diuino insunt  
psalmo, tot ignita mihi uidentur esse iacula. Haud insolens id quidem: uerba e-  
nim quæ ab amaritudine ueræ poenitentia, à cordeq; serio contrito proficiscunt  
humana, cōmouere sint apta. Dauid quidem, tantus scilicet uir, tam diues, tam  
sapiens, tam barbaris formidabilis, tam immensis à Deo donatus bonis, in quo-  
modo suæ prorsus oblitus dignitatis, in fœdissimum carnis lapsum miserè pro-  
ruit; cui & homicidiū fidelissimū atq; adeò religiosissimū addidit militis. Arca (in  
quit uir ille) Dei, & Israël & Iuda habitant in papilionibus, & dñs meus Ioab (is  
enim totius exercitus Dauidis imperator erat) & serui domini mei super faciem  
terre manent, & ego ingrediar domū meam, & comedam, & bibam, & dormiā  
cum uxore mea. O animū certè pium & generosum. Is tamen ita de Dei religio-  
ne & cultu, addo & maiestatis regia optimè meritis, ab ipso (illius antea stupra  
ta uxore) obruncatur rege, seu ipsius iussu ad Rabath mœnia hostium sagittis  
confossus occubuit. Putas ne subito regem, horrendū post adulteriū, strenuūq;  
militis occisionē, ad cor rediisse; non credo: nam nuncio mortis Vriæ à castris al-  
lato, misit, ut sacra refert historia, & introduxit Bethsabee in domū suam, & fa-  
cta est ei uxor, peperitq; ei filium. Verū à uate Nathan, orto iam puero, admo-  
ditum, à lætis se statim hymenæis ad luctum dedit, suamq; Deo detegens turpitu-  
ba, Peccaui domino. Quæ sanè uerba cum attentius considero, tot gemitus, su-  
periorē spiritalēq; interiuentia uidere mihi uideor, quot elementariæ in eis posita sunt li-  
di suum notis detexisse peccatū, atq; subinde à uate audiuisse, Dominus quoq;  
transulit peccatū tuū, non morieris: arrepto psalterio, hanc lachrymosam Deo  
cecinit odam: Miserere mei Deus secundum magnā misericordiam tuam. Pa-  
sum dicit, sed multū præ se fert: magnā enim implorans misericordiam, magnū  
uī, idcirco tuā magnā, ô Deus, imploro misericordiā. Magnis sanè uulneribus  
hinc inde sanie defluentibus, magna peropus est cura & medela: quam quidem  
totam tuā in bonitate ac misericordia sitam esse nō ambigo. Et hæc pro dictio-  
ne, magna, exponenda sint dicta, quæ in Hebræorū codicibus nō inuenitur, sed  
id solum, Miserere mei Deus secundum bonitatē tuam, & secundum amplitudi-  
nem miserationū tuarū dele trāsgressiones meas: quod noster interpres uertit,  
Et secundum multitudinē miserationū tuarū dele iniquitatē meā.

Quod Deus multifariā sua uti solet misericordia erga uerè poenitentes. Quem-  
admodum enim uariæ sunt diuinæ legis trāsgressiones, ita uarijs utitur modis  
Deus ad nostram subleuandam miseriam. Clamat igitur misera anima: O Deus,  
cuius conspectū, quo etiam abditissima permeas, nō sum ueritus, cuiusq; offen-  
sionē tam paruī duxi, pro nihiloq; habui, ut in profundam peccatorū uoraginē  
& barathrum me mea sponte coniecerim, quò me uertam? Peccaui, multumq;  
peccaui, atq; iterū peccans peccaui supra modū. Ad quē uerò pro tot meis am-  
plis, nefandisq; peccatorū maculis abstergendis confugere debeo, nisi ad te, qui  
natura, contra hominū morem, misericors es & multus ad ignoscendum? Ego



**C** enim cum totus perditus sim, atque à iustitiæ semitis prorsus extorris, id spei mihi  
lominus tantillæ, meo in afflicto pectore nō omnino extinctū esse tuo munere  
sentio: quo certè utcumque animatus, tuam audeo etiamnum ego omnī miseri-  
mus compellare misericordiam, clamorūque, ac quanto possum eiulatu ingemino:  
Miserere mei Deus secundum magnam misericordiam tuam, & secundū mul-  
titudinem miserationum tuarum dele iniquitatem meam.

Amplius laua me ab iniquitate mea, & à peccato meo munda me.

Suam exaggerat uates hisce repetitis eiusdē significationis uerbis, causam et  
dolorē. Etiam, inquit, atque etiam laua me, meamque abluēs iniquitatē, quicquid à me  
peccatū est, expūge. Mea em̄, fateor, & semel & bis atque iterū delesti scelera, ego  
uerò omnīū ingratissimus cecidi iterū. Quare tu, qui dixisti, In quacūque die in-  
gemuerit peccator, omnīū iniquitatū eius nō recordabor, mearū ne recorderis,  
quia ingemisco, quia mei me peccati dispudet, illachrymo, totamque hanc nemoro-  
sam suspirijs & fletibus impleo solitudinē, Nec mihi certè mearū ob cōmissa fa-  
cinora misericordie quietē ullā, aut cōsolationē polliceri debeo, donec abs te audīa, re-  
mittunt tibi peccata tua. Munda me igitur, o animarū purificator, meique miserere:

Quoniam iniquitatem meam ego cognosco, & peccatum meū con-  
tra me est semper.

Ego enim qui hactenus cæcus fui, meique peccati notitiā aut nō habui, aut me  
habere dissimulaui, en ad cor reuersus immensam illius cognosco, consideroque  
turpitudinē, cuius uis & periculum, ob oculos perpetua, ueluti Alestro, scelerū  
meorū ultrix, meo ingenti uersatur horrore. Adest, adest in anima cōtinua, que  
die noctūque meam dilacerat cōscientiam, transacti facinoris memoria, mortisque  
**D** chirographum, ac certa, peracerbaque, nī tu eximas, damnatio. Quod si fortē mea  
hæc miseria eō crudelior, quō diuturnior, uulgo est ignota, num te, o secretorū  
omnium cognitor, latere potuit? Etenim

Tibi soli peccaui, & malum coram te feci.

Te uidente (heu scelus, si me spectro, inexpressibile) te uidente, inquam, peccare  
nō sum ueritus. In te, in te unum, tuis neglectis inspirationibus, peccaui, & ma-  
lum coram te feci. Te iudice, te ultore, te omnia ab excelso tuæ maiestatis solio  
inspectante, collibranteque, sceleri scelus addere non erubui. Quid agam: quem  
in plorē, ad quem confugiam, nisi ad te, quem etsi ego impudentissimus om-  
nium tam nequiter offendi, atque irritaui, pium tamen esse, atque ad parcendum fa-  
cilem, benigneque liberalem certō scio. Parce itaque, ut pollicitus es, miserere, ac  
meam delens iniquitatem, amplius laua me ab iniustitia mea, & à peccato meo  
munda me,

Ut iustificeris in sermonibus tuis, & uincas cum iudicaris.

Veniam certè, mi dñe, condonaturū te uerè sua scelera cognoscenti, & serio  
cōfidenti, iam à prima rerū origine promissisti. En ego igitur qui peccaui, qui ma-  
lum coram te feci, qui peccatū meū cognosco, detego, detestor, atque ex animo fa-  
teor. Illam, illam tuā ab æternis promissam seculis meo iure peto ueniam. Si quidē  
mea mihi prorsus condonaueris scelera, ut es pollicitus, misericordiamque mihi  
perfido præstiteris, meritō æquissimus iudicaberis, in seruandisque promissis,  
susque deque constantissimus, qui forsā ab impijs dirus, implacabilis, atque ad ser-  
uanda promissa meis offensus delictis, durus & difficilis iudicaris. Ut igitur tuā  
ad cōtumeliā improbi nequicque id obganniant homines, miserere mei, & tuā  
me in gratiam, meis mihi omnibus remissis peccatorū debitis, admitte. Quan-  
tum porro ad me attinet,

Ecce enim in iniquitatibus conceptus sum, & in peccatis cōcepit me  
mater mea.

Si meum



*Simeu* quidem ortum, ortum autē, si meū potius turpem, in peccatisq; unā totum cum secundinis illis fordidis matris meae prouolutū intueor, recordorq; conceptū, mirū nequaquā uideri potest, si à genuina carnis illecebra stimulatus, tractusq; deliqui: uerū cū tuam cōtrā cōtemplor bonitatē, misericordiamq; mihi immeritisimo toties praeſtitam, uerso animo, mihi uideor (prò scelus) in tam altum desperationis mea culpa proruisse barathrum, ut resipiscentiā iam spes extet nulla. Idcirco non iam mirum solummodo esse debet, si toties emundatus, iterum atq; iterum in idem reuolutus sum lutum, sed etiam mirum in motionem. Quis id credat, tenero adhuc, nondumq; animato in utero materno conceptui adhærescere peccatum? simulq; cum puero & crescere, & enutrirī? Heu inevitabilē peccati sordem. Ecce, ô misericordissime, in iniquitatibus cōceptus sum; num id diffiteor? Te, ut sic dicam, antequam possem, aut uellem, oculatissimo quodam reatus genere offendi: neq; id sanè inficior. Quid? Nōne mea quoq; genitrix in ipso conceptionis æstu & calore, toro sacro, cui cupiditas, quæ pœna est peccati, annexa est, abusa, in te deliquit, peccatoq; obnoxia fuit? Num itaq; mundum de immundo conceptum semine, immundo ab utero exire absq; peccati macula potuit? Verū ô illa satis prima fuisset miseria, neq; ego omnīū ingratisimus alia alijs accumulasse delicta, in immensumq; exaggerassem. Attamen sint illa quidem immensa, sintq; adeò immania, ut ultrā progredi nequeant, num mihi propterea despōdendus erit animus? nunquid tuarū omnino pollicitationū mihi excidet memoria? minimè id quidem omnīū: nam Ecce ueritatem dilexisti, incerta & occulta sapientiæ tuæ manifesta-  
stimihi.

Edoctus nimirum abs te, qui mihi haud rarò subterraneis tanquam cuniculis, rerum uulgo omnino incognitarū scientiam, sapientiāq; instillasti, nescire haudquaquā possum, te ueritatem diligere: hoc est, quæcunq; olim pollicitus es, te stabili firmoq; seruaturum cōsilio ac decreto. Hoc sanè posito, quid ultrā uereor? quid, inquam, ad te pro exoranda ueniā, quam semper promissisti, promittisq; continuè, ab Amoræorū castris transfugere dubito? Sed quoniam tuā absq; ope id tentare uelle, summa esset temeritas & scelus, tu, non alius,

Asperges me domine hyssopo, & mundabor: lauabis me, & super niuem dealbabor.

Olim enim duobus oblati passeribus pro sacrificio purificandi à lepra, ut in Levitico legimus, ex illis alter (hic Christus erat) in uase occidebat fictili super aquas uiuentes; alter uerò sic uiuus, qui humanū spiritum per Christi mortem ad uitā resurrecturū, ut inquit Radulphus monachus, portendebat, cum ligno cedrino, coccoq; & hyssopo in sanguine occisi tingebatur, quoq; ille, qui affectus erat lepra, conspergebatur. Hyssopus porrò, herba nimirum humilis, odoratus non insuauis, ac natura petrosi innascens locis, fides est, qua nostra, ut inquit Petrus, purificantur cōda. Hesychius uerò diffinit hyssopum boni odoris, gratiam spiritus, cooperatricē emundationis nostræ esse; utrunq; enim uatis in tam amplius hircorum aut taurorū carnificina, sed fide potius in Christi sanguine & morte intincta expiari posse, mundariq; à peccati labe ac lepra. Si, inquit, tu agnoscis, ô Deus, ac fide, tanquam hyssopi fasciculo in cruore Christi madefactus, ueluti consummata, perfectaq; expiatione, resperseris me, measq; notas dilueris, mundus actutum efficiar, niueq; ipsa candidior euadam, modò tu meam hanc (quid à me possum?) diluas maculam. Scio, scio (inquam) purificationem omnem animarum in fide Iesu Christi sitam esse; qua sanè impetrata,



- C** Auditui meo dabis gaudiū & lætitiā, & exultabunt ossa humiliata. Mirum quā immensam animo concipiat lætitiā peccator, qui post longum in lachrymis mœrorem, post suspiria, post gemitus, singultusq; à cordis penetralibus euulsos, audit tandem in spiritu cōsolationis uerba illa: Dimissa sunt tibi peccata tua, uade in pace. Hunc uersum clarius reddunt Hebræi: Fac me, inquit, audire gaudium & lætitiā, exhilara ossa quæ tu percussisti. Hebræi enim, quoniam optandi carent tempore futuro, Indicatiui uti solent, ut in hoc psalmo uidere est. Cæterum nullo alio affectu, ac motu interiori tam prosternitur corpus, quā cum mœret animus, & tristis est. Spiritus, inquit, tristis excruciat ossa, nedum carnem mollem, ac minimo cuique morbo expositam. Quare illiusmodi efficacix mœror est ac tristitia, qua in sua deslenda peccata stringitur ex animo pœnitens, ut corpus planè totum pallore & macie tabidum, prorsusq; informe reddat, ac usque ad ossa penetret, ipsaq; concutiat & conturbet. Auditis postea uerbis uitæ, quibus ingemiscienti animæ, seseq; absque ulla sui commiseratione in pœnitentiæ labore maceranti, à spiritu dicitur, Vade in pace, iam amplius noli peccare, omnia quāprimum serena fiunt: exhilarescit anima, carniq; suus obducitur uigor, atq; ossa ipsa nuper à Deo, ob metum iudicij percussa, planèq; pertrita, consolidantur, &, ut sic dicam, lætitia gestunt. Quòd si quidem tam pulchrum corporis habitum ob condonatam nobis peccatorum ueniam nanciscimur, quid de interiori mentis pulchritudine dicendum? quid de ossibus animæ, quæ sunt illius uires, censendum? nullam certè in hoc mundo consolationem cum hac comparari posse iudico. Vnde non absq; ratione hîc clamat uates: Auditui meo dabis, hoc est, facies me audire propter remissa mihi peccata gaudium & lætitiā, atq; proinde ipsa per se inertia exultabunt ossa, ob pœnarū metū consternata. Verum tu interim, quò facilius rem hanc iterum queam assequi,

Auerte faciem tuam à peccatis meis, & omnes iniquitates meas dele. Ne sis, inquit, acer nimium peccatorū meorum inspector, sed potius auerte faciem tuam ab eis, illa nimirū mihi ne utiquā imputans, perindeq; regens, ac si nunquam extitissent: ea tu, qui potes, è debiti syngrapha expungens, illorum amplius non recorderis. Peccaui, nō nego, iniquitatemq; ego infelix, prorsusq; exlex factus, meditatus sum in cubili meo: astiti uiæ non bonæ, malitiam subinde nō odiui. Tu, quæ tuæ est perfectissima naturæ consuetudo, sic ista omnia in me ablue, ut ne illorum quidem odor supersit ullus. Ad hæc,

Cor mundum crea in me Deus.

Quā uerū illud est, quāq; omnis consolationis plenum, quod ab aureo, sapientissimoq; Christi ore sedentis olim in mōte, uniuersoq; sancientis mortaliū generi bene uiuendi legem, prolatū fuit: Beati, inquit, mundo corde, quoniam ipsi Deū uidebunt. Verū quod castis plurimam auget consolationis uim animis, id merum Dei munus est. Ipse enim, ut hîc uides, cor mundum in nobis creat, indiesq; magis innouat, ac nostris in uisceribus suum sanctum spiritū inhærescere facit. Vult sanè diuina maiestas nos nostro minimè duci spiritu, sed suo. Elegantes quippe mores, aut actiones quoq; honestas, addo & utiles in ciuium conuictu, atq; in Ecclesia, in medium afferre, non multū adeò difficile uidetur: sed cor habere mundum, purèq; defæcatum, atq; in cœlestibus contemplandis uegetum & exercitatum, iam id Dei est opus, illiusq; effectio, ac, ut sic dicam, creatio. Sed quia id muneris, quoad in imperfecto hoc uitæ statu uiuitur, perfectè haudquaquam haberi potest. studium tamen illud sedulum adipiscendi cordis munditiā, à Deo pro perfectione cōputari solet. Et ut breuiter, quæ sit cordis puritas intelligamus, in subsequentibus aperitur.

Et spiritum rectum innoua in uisceribus meis.

Est itaq;



Est itaq; spiritus sanctus, qui & rectus, stabilis, principalis, munificusq; ut interpretatur Fel. appellatur, quicq; nostræ omnis munditiæ & candoris effector est & autor. Quocirca ad diuinam illam uisionem, in qua animarū tota consistit beatitudo, posse aliquando hebetum hunc nostrū peruenire intellectum absq; Dei spiritu, qui rectus est & sanctus, impossibile omnino est; uerū cum omnibus, qui ad huiusmodi mentis puritatē toto anhelant conatu, obuius sit & præsto, cœlestis orandus est pater, ut suo nobis concessio spiritu, cor, quod sordidū ex se est, mūdum efficiat, & spiritū rectum, qui nos ad iustitiæ semitas reducat, nostris in uisceribus, cordisq; penetralibus, unde omnis ebullit impuritas, innotare uelit. Nam nouo semper indiget auxilio uetusta nostra imbecillitas. In uisceribus meis, uertunt Hebræi, in me. Putas hīc uatem minimū exoptasse donū? maximū id quidem omnīū est. Nam cor, omī abraza impuritate & inquinamento, templum subitō sit Dei, uirtutumq; omnīū domicilium, atq; altissimarū contemplationū uas capax. Quantū certē nobis contendendum est, ne tam nobile (sordescant ut uis cætera) cœlestis numinis sacrarium, alicui aperiāmus turpitudinī & peccato. Proinde die noctuq; uel usq; ad rauim, clamandum erit:

Ne proijcias me à facie tua, & spiritū sanctum tuū ne auferas à me. Ecce quomodo absq; circumlocutione, quæ sit cordis mundities, rectusq; spiritus, exponit. Spiritū, inquit, sanctum ne auferas à me: qui spiritus secundū uarias suas operationes, cum unus tamen atq; idem sit, uarijs appellari nominibus à prophetis maximè consueuit. Quid sit porro à facie Dei proijci, breuibus aperit Paraphrastes: Ne destituas me, inquit, à solito fauore tuo. Nam certē quidē à diuine manus fulcimento cor lassum nō cōtinenter sustentatū, sua in turpitudine, & facie à terrenarū nimirū rerum amore cōtracta, perire necesse erit. Quod sanè beatissima uatis anima perpendens, sibiq; prudentissimè timens, sic Deum rogat: Ne proijcias me à facie tua: id est, ne me adeò obbrutescere, obsecrariq; sinas, o Deus, ut de tua prorsus gratia desperem. Quod uerò q; plurimis id meruerim nominibus, à te scilicet abijci & cōtemni, omnes planè, ob meū iam omnib. palam factū delictū, nō ignorare possunt. Attamen de tuo inexhausto gratiarū fonte confisus, etsi sordidus, infinitisq; peccatorū maculis notatus, tuā clementissimā etiam nū audeo cōpellare misericordiā, quantisq; ualeo mei afflicti cordis uiribus, clamo, inculcoq;: Ne proijcias me à facie tua, & spiritū sanctū tuum (sine quo, quantus quantus sum, totus immunditijs effluo) ne auferas à me, neq; mihi illum deneges, imò da, datumq; conserua: nā in illo omnē inesse sanctitatē, in me autem omnem turpitudinem & improbitatem, clarè uideo. Redde,

Redde mihi lætitiā salutaris tui, & spiritu principali confirma me. Salutis tuæ, uertūt Hebræi. Dictionē item illam, Principali, uel libero, uel liberali, uel principe quoq; ut Paraphrastes, reddunt. Sic ille: Restitue mihi gaudium, quod de salute mihi per te præstanda concepi, & spiritu illo principe (cui scilicet cæteri subiecti sunt spiritus) muni me. Alijs uerò, spontaneo, seu libero, aut liberali, ut diximus, interpretari aptius uisum est; & est sensus, Fac domine, ut concepta de tua misericordia fiducia, de cōdonatis mihi peccatis, quæ est per Christum salus, læter, gaudeamq; tuo in spiritu, non in meo, meisq; uiribus, quas tandem, in peccato deprehensus, luce clariū nihil eas esse intueor. Iam de me persensu miser, quā turpi seruitutis conditione mea obstricta fuerit anipertitioso, non nunc spiritu libero, non coacto, non humano, non seruili, nō subborum audebo: Et ut cætera, quæ tui spiritus calore, uel ab ipso durissimo improcam, ego certē Docebo iniquos uias tuas, & impij ad te conuertentur.



**E** Ogratam sanctæ animæ sponſionem. Verus enim pœnitens, cuiq; à ſpiritu, longos poſt ſletus, ſe factum eſſe Dei filium per gratiam redditur teſtimonium, atq; omnia propterea remiſſa illi eſſe peccata, tanto afficitur charitatis ardore & incendio, ut illud ipſum ſpiritus donū, quo operante ſe mundum effectum conſpicit, in alios effundi peccatores, ut & ipſi reſiſcant ad uitam, mirabiliter expectat. Docebo, inquit, prauos uias tuas, quibus ſanè ad te itur. Dicam, inculcaboq; ad aliorum eruditionem, quanta feciſti tu Deus animæ meæ: at contrà, quàm immenſus, quàm turpis, quàm periculofus meus fuerit lapſus: contrà uerò, quantum ſuauiſſimæ, letitiæq; mihi attulerit ſpiritus ille tuus princeps ac liberalis, prædicabo. Mirum ni meo exemplo & doctrina, impij ad te conuertantur: hi dico, qui à te iandudum auerſi, ambulant uias non bonas. At uerò tu prius

Libera me de ſanguinibus Deus Deus ſalutis meæ, & exultabit lingua mea iuſtitiam tuam.

Nonnullis latinior uifa eſt uerſio, ſi, exaltabit, uerteris: id curent grammatici, nos interim aliud. Videtur hic mihi uates uelle dicere, neminē ad informandam aliorum uitam, in his maximè rebus quæ ad animarū rectionem attinent, debere aſciſci & promoueri, præter illum cui ſpiritus ſanctus unà cum anteactæ uitæ purgatione datus ſit: hoc eſt, cuius apperentiæ, motuſq; animi, adeo per ſpiritus ſancti præſentiam ſedati ſint, ut aliorum ſclerum meritò dici poſſit & monitor & cenſor. Alioqui ſordidus annulus ſordidum, ut aiunt, digitum. Quæ fronte, oro, rudis adhuc in ſchola Domini adoleſcens, aut in carnis laſciuia & luxu altus, indoctusq; & cui mille etiamnum inſunt effrenatæ mentis perturbationes atq; ægritudines, moderandarum animarū, quæ ad perfectiſſimū uitæ ſtatum conditæ ſunt, difficillimam illam, uiris tantūmodo integerrimis debitam, prouinciam ſibi ſumere, uindicare, atq; impudenter nonnunq; præripere audebit: Audent tamen nonnulli, audent indocti, audent omniū ineptiſſimi, bardes, attoniti, ſtipites, & qui à montibus incultis, aprorum more, deſcendentes olent haram, quiq; affectu tandem potius belluino pertrahuntur, quàm Dei ſpiritu. O miſerrimā animarū conditionē, quibus huiuſcemodi cōtingunt ſuperiores. Vide igitur, o cuius mens adhuc obſcura eſt, & humi preſſa, cuiuſq; animus arrogans eſt, ac freni impatiens, quid tantus rex ſibi antea cœlitus dari prius abſolui peccata, cor item candidum ſibi & mundum, unà cum ſpiritu recto de ſe polliceri auſerit: Docebo, inquit, iniquos uias tuas, & impij ad te, non ad me, qui nihil ſum ſine te, conuertentur, meoq; exemplo tuum ad cultum certatim accurrant. Interim uerò quòd me ad id idoneum tuo aſſatus ſpiritu ſentiam, libera me de ſanguinibus Deus, Deus ſalutis meæ. Sanguis in ſcripturis accipi ſolet: ſanguis pro turpi carnis operatione, naturæq; mortalis corruptela accipi ſolet: unde illud eſt, Sanguis ſanguinem tetigit. Sanguines uerò in plurali, pro concupiſcentiæ peccato ac lue, ſumi cernimus. Quare Ioannes illos qui ex Deo nati ſunt, ab illis qui è carnis cōcupiſcentia, feruoreq; libidinis, ſecernere uolens, ſic ait: Qui non ex ſanguinibus, neque ex uoluntate carnis, neque ex uoluntate uiri, ſed ex Deo nati ſunt. Quocirca uates in ſuperioribus cōqueſtus eſt illa infelici carnis in iniquitatibus conceptus ſum. Etenim qui nondum prima illa infelici carnis natiuitate extincta, in qua Adæ, iræ nimirum filij naſcimur, per gratiam non renaſcitur, totus ſanè caro eſt, nempe carnis concupiſcentiis obnoxius, quæ ſi per ſe ueluti ſus in cœno uolutatur. Alia igitur quærenda eſt natiuitas, quæ ſi per Chriſtū ex Deo, qui nouæ huius natiuitatis effector eſt per Ieſu Chriſti fidem, qua operante, è corruptibili carnis ortu ad immortalē renaſcimur, efficiturq; filij



a filiis Dei uiuentis : quam quidem nemini unquā contigisse uidimus, nisi illi qui ab innatis illis, atq; ut sic dicam, in sitiuis concupiscentiarū flammis abhorrens, ē carne in spiritum transire satagit, & nifu omni cōtendit. Verū cū id à Deo expetendum esse censeret, cōpertumq; haberet Dauid ab illo, qui ubertim sua elargitur dona, tam rarum sibi concedi munus ac beneficiū, maxima animi anxietate, quam geminatio illa, Deus Deus, satis apertè demonstrat, & petit, & quanto ualet mentis ardore instat, uociferaturq; : Libera me de sanguinibus, ō Deus, Deus, inquam, salutis meæ. Victus enim ab effrenatis concupiscentiarū motibus, in nefandum illud, fœdissimo omniū exemplo, impegit adulteriū: neq; id satis, sanguinem sanguini insuper accumulauit. Nam uiro innocuo à me sceleratissimo omniū interempto, quò mea ulterius progredi potuit iniquitas: Excelsis, fateor, id scelus scelerum omniū cumulum & summam, Mé ne (heu faci- adeo, quò meum obtegerem peccatū, seu potius, quò liberius meū sedare possem incendium, nō parue meorū ciuium multitudinis effudisse sanguinem: Verum ad me per te reuersus, ō Deus, tuam ad misericordiā confugio: nam si certum me meis à sanguinibus liberaueris, nō ero ingratus, sed passim omnibus exaltabit lingua mea iustitiam tuam: hoc est, immensam tuā, quæ mea immensa deleuit peccata, in spiritu exultans laudabo bonitatē, qua nimirum impiū gratis iustificas per fidem. Et ut sanè id quidem aptius, sanctiusq; à me queat perfici,

Domine labia mea aperies, & os meum annuntiabit laudem tuam. Vide quomodo Dauid in omnibus fermè psalmis rem, utpote religioni nostræ ad sciendum necessariam, eandem dicat, & replicet: nempe actiones illas opere diuinas posse ritè laudes celebrare: ipse enim est qui spirituales illos in mentis hominis format conceptus, & desideria laudandi Deum, quæ tamen, nisi nostra denuò gratia uim linguæ suppediet annunciandi quæ à corde hausit, in animi huiusmodi excessum in se sentiens, atque, ut sic loquar, irritamentum, illud in primis exoptasse uisus est, ut ad exuscitandum in alijs laudandi Deum ardorem, alio illo spiritus munere donaretur, quò ea quæ de Deo in intimis animæ recessibus conceperat, ore proloqui posset. Nihil non quidem rerum earum, quibus diuinum extolli potest nomen, os à Domino referatum, eloqui idoneū est. Aperi, inquit Deus ad Esdram, os tuum, & bibe quo te potauero. Cui ille: Aperum est os meum, & non est clausum amplius. Ad celebrandas itaque diuinas laudes & scitè & castè, cor prius, linguam postea atque os à Deo moueri oportet. Cuius sanè muneris per Christum nobis erogandi typus fuit præcurripit pater, qui iussu Dei mutam prius relaxans linguam, in illud mirabile protulit canticum: Benedictus dominus Deus Israël. En laus illa, de qua nunc loquor laudem tuam, ab ore cœlitus referato decurrens: Os, inquit, meum annuntiabit ueris ignito.

Quoniam si uoluisses, sacrificium dedissem: utiq; holocaustis non delectaberis. Sacrificiū Deo, spiritus contribulatus, cor cōtritum & humiliatum Deus non despiciet.

Ex Hebræorum interpretibus nonnulli hunc sic reddunt uersum: Quoniā si amares uictimā, redderem: sed holocausta nō oblectant te. quare is erit sensus, ut elegantissimè à Paraphraste exprimitur: Externis, inquit, sacrificijs, etiam si plura offerre coner, non placaberis: neque hostia quæ altari imponitur, delectaberis: sed sacrificia (sicalium huic assuit uersum) quibus placatur Deus, ea sunt, animus pœnitentia fractus, & cor dolore concussus & uulneratum,



C Hæc à quocunq; offerentur tibi, ô Deus, despiciere nunquã poteris. Vide quomodo infiniti illi sacrificiorũ acerui, in unum corculum, & illud quidem fractũ & contusum, per Christum desiere. Dici facile nõ posset, quàm iucundè diuina intueatur maiestas cor, animæ scilicet receptaculum, quod sese duriter in poenitentię labore macerans, suamq; duritiã ob longum in peccandi consuetudine morẽ acquisitã lachrymis emolliens, cõtundensq; in mortariolo diuini amoris, & id sanè sapientiẽ pistillo, frequentiq; amaritudinis cõtusione, ex se toto, quantumcunq; est, suauissimũ conficit unguentũ, quod demũ in candida fidei pyxide repositũ, conditumq; fragrantissimo orationũ puluere, diuino cõsecratum mini: fieri quippe nõ potest, ut cor huiusmodi cõmõtione affectum, à Deo despiciatur. Quid aliud censes presagisse unguentũ illud, quod mulier peccatrix libatũ alabastro, effudit super caput Iesu? Huc certè omnia Iudæorũ sacrificia libationesq; ac quibus potissimũ religionis fidem testabantur, spectabant holocaustum quidem illis in umbrosis ritibus & ceremonijs, à populo suo requisitum Deus, cor uidelicet contritum & humiliatum. Neque unquam tam uetusta fuit ætas, in qua recondito quodam modo atq; afflatu, mortalium diuinum illud animis non instillauerit oraculum Deus: Fili, præbe mihi cor tuum. Vide igitur quid hinc uates præsenferit. Si uoluisses, inquit, sacrificium tibi more patrum offerri, haud multũ quidem mihi difficile fuisset, uel hircum, uel taurum, uel quauis alia iugulasse animantia; uerũ tu nõ solum uulgaria illa, cunctisq; obuia, & minimæ æstimationis sacrificia nõ appetis, sed etiã nec holocaustũ sacrificiorũ omnium maximũ & nobilissimũ requiris. Quid igitur à nobis, quod tibi gratũ futurum sit, offerri potest? Iam illud quid sit uideo; uideo enim quod afflicti cordis, amarique spiritus, quo noster in nobis uetus conterit Adam, nouusq; per gratiam effigiatur, non despicias holocaustum. Sed interim quod meũ atteritur cor, tuasq; ad aras mactatur,

Benigne fac in bona uoluntate tua Sion, ut ædificentur muri Hierusalem.

Eleganter id quidem à nostro interprete est uersum: nam benignè facere, est aliquem beneficijs demereri. Benignitas uerò, ipsa est munificentia & liberalitas. Optauit hinc igitur uates, Sion seu Hierusalem non tantũ mœnia erigi & parietes, quantum illa omnia quæ ad perfectum Dei cultum, ut ipse iam instituta necessaria uidebantur. Et ut quidem nihil non præstò fuisset, deerat tamen templum, quod tanto semper studio per se construi posse & concupiuerat, atq; aliã Deo impetrare contenderat. Verũ aliud tunc ædificiũ, murosq; alios, per Christum Hierusalem ac Sion spectasse tantũ uatem arbitror, ecclesiam nimirũ per Christum ædificandam; in cuius meditullio excelsa fidei turris construenda erat, murisq; circumponendi in gyro, quæ sunt angelorũ excubiæ, doctorumq; laborum, ac munimẽta, ut inquit Augustinus, immortalitatis. Ad hæc torcular in primis, quod solus calcauit Christus, in ipsa urbis platea collocandum erat, nempe ministeriũ uerbi Dei, sanctissimo Christi intingendum cruore, premendum à domino, ut inquit Hieremias, uirgini filiæ Iudæ. Ait igitur: Subtracto, ô domine, tuo ab hisce nostris iam cõsenescentibus ceremoniarũ libaminibus, ritibus & sacrificijs intuitu, benefac Sion illi cœlestium uerè rerum speculatrici, & id quidem pro tua bona uoluntate, gratuitoq; tuæ bonitatis munere, quò tuæ tantæ Ecclesiæ, quæ uera est Hierusalẽ, nostra uerò hæc umbratilis, splendor illius insignis murorũ, utiq; uirtutũ, piarũq; animarũ, atq; altissimarũ contemplationum & excessuũ, appareat. O si me ætas illa in humanis adhuc agentẽ inueniret;

Tunc acceptabis sacrificium iustitiæ, oblationes & holocausta, tunc imponent super altare tuum uitulos.

Tunc



Tunc sanè (hem rerum uicissitudines) tunc, dico, simulatq; uenturæ illi Sion, tua sanctissima præsentia, ô Deus, quæ est bona patris uoluntas, bene feceris, murosq; illi incorruptos æternosq; circumieceris, atq; illius ciues, recti, principis, liberi, sanctiq; spiritus priuilegio, autoritateq; prærogatiua munieris, accipias sacrificium, non amplius uitulorū, boumq; aut altilium, sed iustitiæ, sed fidei, sed puritatis, sed amoris. Tunc, inquam, amari cordis contritiq; humiliati ac uisque quaq; in pœnitentiæ dolore confracti, gratæ tibi erūt oblationes & holocausta, accensa nimirum, absumptaq; à cœlesti diuini ardoris conflagratione, atq; super aras desideriorū, diuinarumq; purgationū oblata: tunc demū, impiorum nostrorum tuas concinentiū laudes, concelebrantiumq; tuam bonam erga omnes generatim uoluntatem, cui tamen interim & semper omnis debetur honor in secula seculorum, Amen.

PSAL. LII. Vincenti. Eruditū Dauid, cum ueniret Doëg Idumæus, & indicauit Sauli, uenit Dauid ad domum Achimelech.



Vid gloriaris in malitia, qui potens es in iniquitate?

Historia hæc, quomodo scilicet Doëg inter Saulis nō modo pastores, uerum etiā assentatores primus, Dauidem ad Achimelech sacerdotem profugisse, ab eoq; panes ac gladiū accepisse, regi nimirū crudeli, crudelior nunciauit minister, & quomodo sacerdotes omnes unā cum Achimelech ipsius regis iussu (scelus inauditū) obtruncauit, in primo Regum libro copiose habetur. Ea igitur indigna in sacerdotes domini animaduersione cōmotus Dauid, hanc mirè ardentem in Doëg ipsum, assentatorū simul & delatorū typum, composuit odam. Nescio enim an ulla alia possit esse perniciosior lues in aulis principum & prælatorum, & quæ magis illorum inficiat animos, quàm cum libenter adulatōres delatoresq; & audiunt, & admittunt. Quot ciues, quot sacerdotes, qui innocentia sanctimoniamq; studentes, toti in diuina occupati sunt religionē, à delatorū palponumq; malitia circumuenti, aut occiduntur, aut solum uertere coacti, ab alto iam conceptæ probitatis proposito penè auertuntur? Verum non tantū Doëg, sceleratum uidelicet adulatorē, quantū Saulis leuitatem, in causa esse, quod integerrimi plerunq; ciues male audiant, peiusq; tractentur, semper existimaui. Vnde cum uate isto sanctissimo, imò potius cum Dei filio, qui ex his quæ in terris passus est, cum ab omnibus ferme Iudæis, tum à discipulis, qui utriusq; partis munus in magistri perniciem egregiè exequutus est, miseris subuenire didicit, in delatorem assentatoremq; inuehi atq; excandescere fas sit. Quid gloriaris in malitia, qui potens es in iniquitate? Copiosior est Hebræis uersus, quare sic diuus uertit Hieronymus: Quid gloriaris in malitia potens, misericordia domini tota die. Idem Felix, cuius sensus sic redditur à Paraphraste: Quid gloriaris, & multa posse te putas per malitiam? An ignoras sua clementia omnipotentē Deū adesse bonis omni tempore? Id cōnaturale ferre est omnibus ex malitia peccantibus, sed his potissimū qui è turpi assentandi, tandem euaserūt, ut de cōmisso scelere gloriā uulgò aucupent. Eia, inquiūt, eietus est nostra ille opera, uictus est. Quis iam nobis, nostrisq; rebus aut dñio officere amplius poterit? Vicinus sanè, hem q; facile: quicquid em̄ cōtra illū moliti sumus, noster, tanq; stolidus thynnus escā, aut fatuus polypus, abli- putas ne Iudeorū principes tam execrandū facinus exhorruisse? Et spopoderūt illi, inquit, triginta argenteos. Quid nostrā iam deprecamur sortē, ô innocentissimi Iesu, postq; tu omniū cādidiſſimus, falsi hominis & impudētissimi absq; frōte



**C** delatoris audaciæ, inuidentiæq; scribarum & Pharisaorū obnoxius esse uoluit: Te enim per os illud nefandum tam male habito, traducto, uendito, mortisq; adiudicato, ego ne me uel letaliter uulneratū querar? Non cōmittam sanè deinceps, ut quis tam iniustus ex me audiat querelas. Nam misericordia Domini nō cras tantummodo aut perendie, sed tota die; ea quippe mea suffulta imbecillitate, non timebo, quid faciat mihi homo, quid uel turpissimus machinetur palpo, aut impudens delator. Non te pudet homo uanissime; nam, ut multi iam præclarissimi experti sunt uiri,

Tota die iniustitiam cogitauit lingua tua: •

Nec id satis uisum est,

Sicut nouacula acuta fecisti dolum.

Iniustitiam, prauitates, seu corruptelas, seu etiam contrafractiones, uertit Felix, sermonem pestilentem Campensis, qui sic reddit: Sermonem pestilentem supeditat sceleratus animus linguæ tuæ, quæ simillima est nouaculæ acutæ (cultor rasorius is est) cū ad ressecandam barbam adhibita aberrat, & iugulum petit. Atqui uide, quàm aptè illiusmodi uocum congeries delatori, doloq; assentato, ri conueniat. Etenim concepta semel in fraudulentō eius animo iniquitate, habitaq; subinde amaritudinem illam è pectore eijciendi occasione, pestiferas tandem illas iandiu præmeditatas (ita uerbum, cogitauit, in hoc loco significat) ex malitiæq; compositas corruptelas, ac proborum latè nomen & famam deuastantes contrafractiones, effutit lingua: quæ sanè acutæ æquiparatur nouaculæ, cuius ea est naturaliter uis, ut anteaquam aduertat, aut sentias, infigat uulnus, & id quidem, ob illius collimatam diligenter aciem, grauissimum. Quæ igitur cunque, ô impure ueterator, animo moliris, atque ore profers, ex spiritus testimonio iniqua sunt, malitioseq; excogitata, & mortifera. Quid amplius tam nefariæ tuæ consuetudini posset addi? Ecce integer, perfecteq; insignis tuæ peruersitatis cumulus:

Dilexisti malitiam super benignitatem, iniquitatem magis, quàm loqui æquitatem.

Hic Selha interponitur, nec id quidem absq; ratione: nam illud summā omnem iniquitatū excedit, cū quis ita improbus est, atq; ultrò profligatus, ut tamen si nihil inde emolumentū omnino nancisci speret, mauult tamen alijs nocere, quàm benefacere; mentiri insuper, quàm id quod uerum est eloqui: adeo male infectus animus sordidior indies fit, atque impurior. Quod sanè ex sequenti magis exprimitur uersu.

Dilexisti omnia uerba præcipationis lingua dolosa.

Apostrophe est ad linguam. O lingua, inquit, dolosa, lingua fraudis, lingua ad ipsos inflammandos orta aquarum fontes, lingua in omne scelus præcipientans, ac quicquid nacta fueris probitatis atq; innocentiae perurens, uorans, deglutiens, consumens, ad tantam ne maledicendi, impiæue deferendi rabiem deu venire potuisti, ut nō solum fraudulenta ex more uomites, uerum etiam illa (malum) impudentissimè diligas, in ipsisq; oblecteris? Quantum cauendum est, ne in peccatis consenescentes tenax adeo inhæreat animo habitus, cui comes est delectatio, ut etiam cū nulla inde expectetur utilitas, peccare tamen potius est gamus, quàm ea quæ recta sunt, atque homine digna, agere. Brutorum certe id moris est, aut potius dæmonum, non hominis, non animæ illius, pro qua sananda uiuificandaq; mortuus est autor uitæ: qui licet (ne te id nescire causeris, ô qui super grauissimum talentum plumbi simul cum iniquitate ociares, gloriarisq; cū male feceris) qui licet, inquam, summè misericors sit ac pius, scelera tamen ultronea non sinit inulta.

Propterea



<sup>A</sup> Propterea Deus destruet te in finē, euellet te, & emigrare te faciet de tabernaculo tuo, & radicem tuam de terra uiuentium.

Horrendis hisce translationū uocibus, doloſum illum Doëg, hoc eſt, perfidū delatorem atq; aſſentatorē, omni ſimul cum poſteritate, iuſta Dei mulcta, breui exterminatū iri, exprimere intendit: quare aptè admodum hīc additur diapſalma. Putās ne duros animos, huiusmodi terrificis ſpiritus minis admonitos, poſſe aliquando miſeſcere & emolliri? Heu perditos aſſentatorū mores; heu infelīcem delatorū exitum. Propterea, inquit, id eſt, quia dilexiſti malitiā ſuper benignebras, Deus equiſſimus arbiter destruet te in finē: hoc eſt, te funditus euertet, extirpabitq; radicitus in æternū: quid? radicem ipſam tuam, nempe poſteritatē, una tecū cum fortunis ē uita hac abradet, diruet, emolietur. Tabernaculum hīc uocat corpus iſtuc tetrū, quo etiā utitur anima tanq; malleo, ut inquit Cyprianus, ad fabricanda ſibi uitiorū ſimulacra. Quòd ſi pīſ magis arridet animis, pro terra uiuentiū (quæ ſit terra uiuentiū in ſcripturis, aliàs diximus) beatitudinē intelligi debere animarū, nō cōtradico, imò cum illis in iſtiusmodi ualde oblectior interdum meditationibus, quæ nō tantū intellectui nouā addunt rerū cognitio nem, quantū quæ amorē, ac tenerū illum mentis affectum, quam deuotionē apellant, noſtræ uoluntati. Quare dicendum erit, utriuſq; mortis, corporeæ ſcilicet, atq; illius qua Deo moritur anima, mentionē hīc fieri: utrunq; enim mortis genus acerbifſimū ſolet eſſe improbis, ſed illud quo ab æterna excludunt uita, acerbius. O dementiā noſtrā, ō inexcusablem mortaliū ignorantīā. Dum enim uir probus ab improbo ex ſe iam proſtigato, impunè prælicenterq; affligitur, & malehabet, id plerunq; accidit, ut probus à probitate, perſecutionū immanitate exterefactus deſciſcat, improbus uerò improbius quotidie euadat: atq; ita ambo, totum uidelicet in has duas diuiſum partes humanū genus, uno facto ueluti omnīū globo & uolumine, in eternū feratur exitium. Proinde felicifſimū illum eſſe arbitror, qui in tanta uiuendi difficultate & controuerſia, ſe purum ſeruauit: hoc eſt, qui ſtabilis in fide Ieſu Chriſti, quicquid ſors afferat, perſeuerat. Durum id ſane uidetur: uerū in eo qui nos confortat, quid non audendum? Poterit ne mundus, quīs atrociter irrugiat, turbasq; immiſceat, ab ea uita, quæ abſcondita eſt in Deo, nobisq; ſeruata per Chriſtum, ſynceras deturbare animas? Neutiquā quidem: nam immunitatē huiusmodi raram, ac planè mundo inſolitam, ſuis cōſiliat ſpiritus, qui potentiſſimus omnīū eſt, nō homo natura fallax & infirmus, inconfiansq; in omnibus uijs ſuis. Selha hīc additur.

Videbunt iuſti, & timebunt, & ſuper eum ridebūt, & dicent: Ecce homo, qui non poſuit Deum adiutorem ſuum, ſed ſperauit in multitudine diuitiarum ſuarum, & præualuit in uanitate ſua.

En quomodo uafa iræ, & ut appelle ea Paulus, contumelię, in cōmodum & ſalutē cedūt uafis miſericordiæ & electionis. Perſpecto em̄ nefarij hominis inſeritu, diuinaq; in eum animaduerſione conſiderata, timēt ſancti, pauidiq; quid de ſe futurū ſit, præſtolant. Timēt, inquam, ne & ſibi à iuſtitia itinere, quod per ſe admodū cōfragofum eſt & ſalebroſum, aberrare cōtingat. Ea enim carnis natura eſt, quæ uel optimis ipſis animis timorem inijcere debeat. Dum ſanè nox igitur iuſti improborū exitū, & timebūt, ſeu uenerabunt, ut uertit Fel. Deū. alius uerò, ſtupebūt, & ſuper eo cum riſu dicent, en gigantē, qui nō fecit Deū robur ſuū, ſed in multitudine opū ſuarū ſpem poſuit, ac ſceleri fidit. Præualuit uerbū. Hebræis eſt, corroboratus eſt. quare ſic Fel. Corroboratus eſt in prauitate ſua. Cuius hemiſtichij ſenſum ſic reddit Paraphraſtes: Et ſceleribus potentiam affe-



C ctauit. Porro risus, consensio quædam est è corde optimè sibi conscio mans, qua uir sanctus diuina approbat iudicia, in illisq; considerandis incredibilem in modum delectatur, gaudetq; ac uanos, breuiq; desituros scelerati hominis conatus ridens, non absq; animi stupore clamat: En uir ille, qui modò omnium tumidissimus, nempe in fortunæ gremio lasciuiens, exultantiusq; sese efferens, spem omnem suam in rebus fortunæ collocauerat: en, inquam, quomodo mutata sorte factus est omnium miserrimus, atq; eo quidè infelicior, quod illis quibus paulò antè maximo cum fastu imperare consueuerat, derisioni factus est, ac fabulæ.

Ego autem sicut oliua fructifera in domo Dei, speraui in misericordia Dei in æternum, & in seculum seculi.

Ille, inquit, speraui in multitudine diuitiarum suarum, quæ natura fragiles sunt, & uitreæ: ego autem in misericordia Dei, quæ æterna est ac firma. Emphatica hæc est antithesis, qua instabili improborum fortunæ proborum fides opponitur. Vide cui arbori se similem faciat Dauid, hoc est, uerus pœnitens, atq; propterea Deo amabilis, & decorus. Oliua uiridis, uertit Fel. Alius uerò, frondosa; utrumq; enim perpetuam olearum elegantiam præ se fert, quibus aut raro, aut nunquam decidunt folia, nisi prius appareant noua. Aiunt quidem naturalium rerum indagatores, oleam alternare fructus leui arundinis ictu, sine ramorum læsione decussis germinibus. Et ut melius similitudinis uim exprimat, addit, in domo Dei: hoc est, ad instar oleæ semper uiuentis, baccisq; onustæ, utpote in opimo Dei solo confixæ, in Dei speraui misericordia in æternum, infelicissimo nimirum edoctus impiorum exitu, quos sanè interim admonitos esse uelim, nihil in rebus cõditis instabile adeo esse se & caducum, quantum est diuitiarum luxus, addo, & principum fauor, eorum maxime qui faciles præbent aures assentatoribus, & illis quidem quibus turpissimum est mos, de innoxijs, quicquid libuerit, deferre. Hi enim non tam delatorum quam obrectatorum nomen meritò sibi arrogant; inquam, è libro uitæ expunctum, proindeq; in tetrìs æternorum incendiorum tabulis cõscriptum. Quod uerò candida, illæsaq; ac bonarum actionum ferax, in suo perstet candore atq; uberitate, tanquam felix olea, probi uiri uita, in tanta zizaniarum, tristiumq; plantarum luxurie ac fruticum posita, id totum à diuina proficisci misericordia; cuius ea uirtus est, per quam talis, tamq; immensus nostræ additur spei stimulus, ut in ipsis etiam penitus cõclamatis rebus, in tua, ô Deus, sperare audeamus benignitate. Quare tuo ego huiusmodi raro, & non omnibus cognito ditatus munere,

Confitebor tibi in seculum, quia fecisti. Et expectabo nomen tuum, quoniam bonum est in conspectu sanctorum tuorum.

Te igitur laudabo, tibiq; perpetuo, qui in impios id fecisti iudicium, in meq; misericordiam, gratias agam. Tu, tu, non alia extrinsecus res aut actio, fecisti, quæ stupendo, atq; adeo grauissimo & æquissimo facta sunt consilio. Tu, inquam, fecisti, ut ego tanta in persecutionum atrocitate tua in misericordia sperarem; idcirco, quæcunq; obueniant, tuum sanctum nomen, te scilicet, tuamq; opem fidenter expectabo, non cadamq; à fiducia illa, quam tu in me, tanquam in uiuenti olea succulum, inseuisti. Licet enim non tam celeriter, ut mea forsitan præpropere efflagitabit imbecillitas, succurrere decreueris, expectabo tamem immobilis, illud pro certo habens, quoniam nomen sanctum tuum bonum est in conspectu sanctorum tuorum: id est, omnibus qui in te confidunt, à teq; qui sanctus sanctorum appellaris. Nonne cati sunt, ad subueniendum, beneq; faciendum præstò est, atq; expositum. Nonne igitur bonum: quid bonum dico? nonne optimum, nos tuum cum patientia expectare nomen, unde tuam haurire possimus misericordiam? Non ab re quidem eximius ille tuus clamat uates, Qui crediderit, non festinet, uerum expectet diem, qui, ut idem ait, non abscondit faciem suam à Iacob, cui interim grata perfoluat laus honorq; in secula seculorum. Amen.



PSAL. LIII. Ad hæreditatem. Eruditium Dauid.



Ixit insipiens in corde suo, non est Deus.

Opinantur quidam hunc psalmū, eruditionē seu reuelationē calamitatis illius insignis extitisse, qua affecti sunt Iudæi à Græcis sub Antiocho iustri, cui psalmi principium, utpote homini superbissimo & impio, conuenire arbitrantur. Alij rursus de Iudæorum populo, Christi interfectore, psalmum scriptum autumant. Alij item in tituli litera nō cōueniunt; nam dictionē, hæreditatē, nōnulli congregationē, quidam uerō, ut diuus est Hieronymus, chorum interpretant: & quidam etiam, ut se ab huiusmodi explicēt difficultatibus, est translatio, quæ sic habet: Ad laudandum super ultionē impiorū, qui perturbant hæreditatē dñi, intellectus, bonū per manū Dauid. Quocirca diui Hieronymi interpretationē huc optimē quadrare iudico: & est perinde ac si dicat, ad laudandū, siue ad chorū, aut choream, ut sibi uelle græca uidetur lectio, ducuntur impiorum exitium, quod in psalmo hoc prædicatur, eruditio. Vt enim uariant interpretes, exploratissimū illud est, idem cum quarto decimo psalmo esse argumentū, eandemq; penē literam. Quare quæ in illo desunt, ceteris prætermisiss, hīc enarrabimus.

Quoniam Deus dissipauit ossa eorum, qui hominibus placent: confulsi sunt, quoniam Deus spreuit eos.

Aequissimū hīc inter cetera narrať iudiciū in improbos, qui cū trepident timore, ut inquit uates, ubi nō est timendū: dum, inquam, hominū iudiciū pluris faciunt q̃ Dei, in utrunq; uelint nolint, prolabunt. Nam à diuina percussu manu, desperati ab hac uita, amissa quoq; hominū gratia & fauore, decedunt, nec id quidem mirum: nam suapte se sponte à suauissimo Dei conspectu subtrahentes, in plausuq; hominū atq; adulatione suam statuentes felicitatem, meritō confulsi animi uirtute ac cōminuta, quæcunq; aut cogitant, aut agunt, confusa esse oportet, & dissipata. Nam Deus, à quo ordo omnis rerum, sanctaq; proficiscuntur consilia, spreuit eos. O terrificū certē iudiciū, æquissimū tamen, & uerē Deo dignum. Hinc ille erat Christi Iesu clamor in Phariseos, quorum uita omissa, à uulgi plausu & gratia pendeat. Quomodo uos, inquit, potestis credere, qui gloriā ab inuicem accipitis, & gloriā quæ à Deo est, nō queritis? Hīc minemq; reddere, cur Deus spreuit eos. Væ dissolutis corde (ecce cōfusio: causam in quomodo, aut quamobrem Deus spreuit eos. Ad hæc, cū dicat insipiens in corde suo, nō est Deus, quenam ratio est, ut illius curā habere debeat, cui per suum est, seu saltem sibi ipse, quò liberius peccet, persuadere nititur, non esse Deum: Tu uide, summisseq; diuinam contemplare bonitatem, quæ neminem, nisi prius ipsa spreta sit, spernere consuevit. Cui proinde summa debetur reuerentia, dignitasq; & honor in secula seculorum. Amen.

PSAL. LIIII. Vincenti. In canticis eruditium Dauid, dum uenirent Ziphæi, & dicerent Sauli, nōne Dauid absconditus est apud nos?



Eus in nomine tuo saluū me fac, & in uirtute tua iudica me. Legimus enim in sacris annalibus, Dauidem, Doeg Idumæi proditione, diu profugū, à facie Saulis, Ceilam urbem parua admodum manu militū, à Philistæorū obsidione liberaſſe, indeq; metu regis, &



C quia ab oraculo diuino acceperat, se breui à Ceilitis prodendū, in deserto Ziph, urbe illa ingratisima derelicta, sese abdidisse. Qui cum neq; apud Ziphæos se tutū cerneret (quis tutus unq; fuit inter proditores?) iterū relicta deserti illius sylua, in qua nō diu cum suis latuerat, descendit ad petrā, & uersabatur in deserto Maon. Sed interim dum adhuc in saltu illo Ziphæorū, anceps uitæ diuersaret, uiri illi missis oratoribus ad Saul in Gabbaa, dixerunt, nōne ecce David latet apud nos, in locis tutissimis syluæ, in colle Achilæ, quæ est ad dexteram deserti? Quod cum rescisset David, in summumq; se adductū discrimen Ziphæorum proditione cerneret, desperatis planè rebus, hanc Deo suam cōmendans salutem, composuit odam, ardentem mirum in modum, ac Christi, Christianorumq; persecutiones atq; iniurias portendentem. Eò enim interdum periculi proborum uitam deuenisse uidimus, ut ne quidem tuti essent, ut de Dauide legimus, in abruptissimis petris, quæ solis ibicibus peruiæ sunt: adeò cœlestis patris suorum ærumnis, cruceq; illa, quam filio suo prius in delitijs esse uoluit, oblectatur. Verum quia Ziphæi, nempe innocuorū proditores, inexorabilesq; delatores, nusquam nō, uel in medijs ipsis laudantiū Deum conuentibus, nedum in Ziphæorū sylua, & deserto Maon, apparent, impossibile fermè uidetur, tam uafros uirtute humana posse deprehendi ueteratores, ne dicam superari aut deleri. Quare suæ imbecillitatis conscius uir sanctus, conscius, inquam, quàm debilis humana sit uirtus, ad diuinam conspecto periculo confugit, clamatq; cum propheta: Deus in nomine tuo saluum me fac, & in uirtute tua iudica me. Nomen Dei nonnunq; in lege ipsius est honor, laus, fama, uirtus quoque, & potestas. Vnde illud est, In nomine meo dæmonia eijcient: id est, in mea uirtute atque autoritate. Et, si rem altius peruestigare libet, nomē Dei, est ipse Deus: nam ipse est nomen suum. Et est, ac si dicat: Per temetipsum, aut per filium tuum (id significat apud Hebræos etiam, nomen tuum) me serua, potentiaq; illa tua, quam condita omnia territas, meam suscipe causam, iniuriasq; mihi hisce à Ziphæis illatas uindica. Contra enim Dei naturam ac morem esse uidetur, animam huiusmodi fidei ardore orantem non exaudire. Illud ne, obsecro, nos qui in alto continuis iactamur fluctibus, latere iam potest, quòd quicumq; inuocauerit nomen domini, saluus erit. Quare non absq; diuino consilio, ab Ecclesia illud replicatur quotidie euangelicum, Sanctificetur nomen tuum.

Deus exaudi orationem meam, auribus percipe uerba oris mei.

Vide, quàm nō inconsultò & impudenter, sed scitè ac uerecundè sese anima ad ea quæ petenda sunt, accōmodat. Actus enim ille sublimis orandi Deū, quæ admodum purgatas planèq; nudas requirit animas, ita uerecundas & humiles: alioqui superbas, impudentesq; & quæ à corde tumido & elato profiscuntur orationes, diuinæ auersant aures. Illud semper cauendū, ne nostra oratio fiat in peccatis. Anima hīc igitur tota, quāta est, in se collecta, hoc est, diligentissime perpendens, quis ille sit, cui suā narrare orando calamitatē cogitat, sic suam orditur precationē, à consueto hominū more in orando minimè abhorrentē. Mi Deus, inquit, meam audi supplicationē, excelsasq; illas tuas, quas nefas est nisi à puris castisq; animis interpellari, gemebundæ huic meæ uoci præbe aures.

Quoniam alieni insurrexerunt aduersum me, & fortes quæserunt animam meam, & non proposuerunt Deum in conspectu suo:

Suos uocat David persecutores, alienos, à Dei scilicet timore & reuerentia: Vnde causam, quam obrem sic eos appellauerit, addidit: quòd nō proposuerunt Deum in cōspectu suo, id est, suam ut in me explerent libidinē, ex meq; poenas, uel de his quæ nunquā cogitauī, exposcerent, nullam de Deo habuerunt rationem. Et quia id malorum omniū fons est atq; origo, diuinum scilicet ab sese abijcere timorem, Selha hīc interponitur. Quid certè sibi uelint hī, aut quàm de



immortalitate animorū conceperint opinionē; quid, inquā, de fide Iesu Christi, atq; eius lege sentiāt, me prorsus ignorare fateor, qui quò suas licentius expleāt cupiditates, irasq; satient, eò interdū insanīa adigunt, ut Deo, Deiq; timore peccātis abiecto sopitōue, aut potius posthabito cōscientiē testimonio, proiectōq; pudore, toti in opprimēdos iustitię probitatisq; studiosos, charos uidelicet Deo uiros, incūbūt; qui sanè innocui, cū ut plurimū imbelles sint atq; inermes, facile à quouis nefario ac doloso pessundant, tyrānisq;, quos hīc fortes noster appellat interpretes, aliq; uerò sæuos aut terrīficos, cedunt. Eheu quantū sceleris, quantum iniuriarū, quantū sæuitiæ ab his emanat uerbis, Nō proposuerūt Deū in cōspectu suo. Homines, inquit Paraphrastes, sæui magno studio conati sunt perdere me, nō habita ulla ratione tui, ô Deus. Verūm quid multis meā execror sortē?

Ecce enim Deus adiuuat me, & dominus susceptor est animæ meæ.

Obserua plenā fidei antithesim. Illi, inquit, mei crudeles hostes, athei nimirū homines, atq; omni ab humanitate alieni, quibusq; nulla inest de Deo ratio & cognitio, summo cōtendūt nīsu, meā à me tollere animā, nēpe nomē, famā, uitā; Deus autē contrā, illā, ut est natura misericors, tutaē, atq; illi fert suppetias, eamq; suas in ulnas, tanq; solers nutrix pauidum infantē, suscipit & consolā. Vbi sanè sicut in munītissimo quiescens uallo aut arce, nihilq; minus timens, q̃ superborum hominū minationes & uulnera, suū hoc modo fidenter alloquit defensorē:

Auerte mala inimicis meis.

Hoc est, auerte à me mala, eaq; in meos retorque inimicos. Malū enim quod in me parant, ad eos, quò sciant tandem se in cœlum expuisse miseri, redeat. Diuus Hieronymus uertit, Repende malum insidiatoribus meis. Felix item, Conuertatur malum tribulantibus me.

Et in ueritate tua disperde illos.

Mirum q̃ crebrò anima suis in precationibus, Deo illius audēter animoseq; obiciat pollicitationes. Iam enim uel à prima conditarū rerū effectiōne pollicitus est Deus, se suis nō defuturū, innocētiām q; defensurū, subinde proborū persecutores abq; misericordia prostraturū. Inimicus ero, inquit, inimicis tuis. Ea igitur spe fulta anima, quòd Deus in seruandis promissionibus cōstantissimū sit, non iam suas dissimulat cogitationes, sed aperto ueluti corde, audet suum sic cōpellare amatū: In ueritate tua disperde illos. Quemadmodū, inquit, bona pollicitus es fide, illos prosterne, disijceq; penitus, ut sua tandem edocti ruina perdiscent, q̃ periculosum sit cum in te sperantib. decertare. Ego autē (modò aspīres)

Voluntariē sacrificabo tibi, & confitebor nomini tuo domine, quoniam bonum est. Quoniam ex omni tribulatione eripuisti me, & super inimicos meos despexit oculus meus.

En grata animę testificatio, ac pro reportata salute uotum. Vltroneo, inquit, laudis sacrificio, nō coacto aut timido, tuū sanctum nomen, bonū nimirū omnibus, hoc est, munificū, in gratiisq; copiosum & liberale, fatebor, ac cūctis palām predicabo. Alludit (credo) uates ad sacrificiū illud antiquum, quod spontē quispiam sua, aut ex uoto susceptū, pro gratiarū actione Deo offerebat: cuius ritus ac mos, in septimo Leuitici capite prolixè à Mose describitur. Vbi inter cætera illud est: Si uoto, uel spontē quispiam obtulerit hostiam, eadem edetur die: sed & si quid in crastinum remanserit, uesci licitum sit. Quid uerò illa omnia præsa-gierint, quid uē mysteriorū portenderint, elegātissimè, ac maxima diuinorum enigmatū cognitione, à Radulpho Flauiacensi, meæ professionis monacho, suis pertractat, q̃ ut à me, cuius aliud est institutū, quid addi possit. Sat sit locum demonstrasse, quanq; certè non me præterit, dictiōnē, uoluntariē, Hebræis esse, cum munificentia, uel cum liberalitate; quæ tamen omnia ut notat Fel. sponta-



C neæ mentis præ se ferunt oblationē. Cæterū &, Super inimicos meos despexit oculus meus, nihil aliud sibi uult quàm, optatā de inimicis meis ultionē uiderēt oculi mei. Vnde Paraphrastes: Et eius beneficio (Dei scilicet) uidit oculus meus qualia quisq; uellet in capitalibus inimicis suis. Id enim omnibus fermè natura comparatū esse cernimus, ut unusquisq; sui hostis interitum exoptet. Verū alia est, cur id optet, ratio, in homine diuinæ religioni cōsecrato, Deoq; per uoluntatis unionē copulato: alia in illo, cuius cor continuīs cum exagitef odij stimulis, ac sese ulciscendi æstibus, nō solū apertos in se hostes, uerumetiā illos quos sibi olim nocuisse suspicat, aut pueriliter somniat, odit. Phrasis hæc est hebræa, quæ admodū & illa in Michæa: Oculi mei uidebunt in eam. Interim autē afflictus animus, ab iniurijsq; hominib; male habitus, cum eodē ipso uate suos in hostes animose insurgat, dicatq;: Ne leteris inimica mea super me, quia cecidi; cōsurgā. Cū sedero in tenebris, dñs lux mea est, Iram dñi portabo, quoniā peccauī ei, donec causam meam iudicet, & faciat iudiciū meū. Eductet me in lucem, uidebo iustitiā eius. Cuius nomini gloria sit perennis, & laus in secula seculorū. Amē.

PSAL. LV. Vincenti. In canticis eruditium David.



Xaudi Deus orationem meam, & ne despexeris deprecationem meam: intende mihi, & exaudi me.

A doctioribus enim accepimus, hūc psalmū à uate cōpositū, cū adhuc in Ceila urbe, à se ingēti periculo ab obsidione, fusis fugatisq; Philistæis, liberata diuersaret. Vbi semel atq; iterū à diuino admonitus oraculo, quod nistim ad tutiorē se reciperet locū, fore quod in hostiū manus deueniret, in ipso fugæ tumultu, lamentabilē hāc Deo obtulit precationē: quā postea placatis rebus, regnoq; restitutus, musicis uoluit decātari instrumētis: sic enim in Canticis interpretat Felix Pratēsis, Vmbra nimirū illa omnia futurarū in Christū atq; eius ecclesiā persecutionū extitere. Persuaserat quidem sibi uir ingenuus, propter solutæ obsidionis beneficiū, se tutum in ciuitate illa cum suis manere posse: uerū in gratissimi ciues, uiri profectò totius humanitatis expertes ac religionis, remunerantes quasi meritū, pro beneficio exitiū referre conati sunt. Vide, mi lector, quam immensa transferendū ad nostra sensim tempora quæ hīc legunt, aperiat ianua. Nusquā enim tuta est innocētia, quæ tum quidē periculosius subire discrimen uidet, cū sua ob merita peruersorū sibi hominū animos cōciliasse arbitrat. Proinde suū anima aduertēs periculū, quod neq; in Ceila urbe, neq; apud Ziphæos, neq; in deserto Maon, in monte opaco, à proditorib; atq; impetu Saulis, habitātis in Gabbaa, tuta sit, ad Deū, qui caput est Christi, cuius hīc uita, nempe obnoxia perditorū hominū iniurijs, à spiritu delineat, pauida admodū confugit, dicēs: Exaudi Deus orationē meā, & ne despexeris deprecationē meā: intende mihi, & exaudi me. Verba sunt, inquit August. tribulati cupientis liberari: de huiusmodi enim uocū repetitione familiarissima uati, nō rarò in superiorib; à dictū. Argumenta sunt sanè cordis extrema affecti amaritudine, exoptantisq; à timoris magnitudine asseri: quater enim eandem fermè repetiuit sententiā. Ne despexeris, ex hebræo reddunt, ne abscondaris, seu, ne abscondas te ab oratione mea: seu etiam, ut interpretatur Paraphrastes, ne auerferis preces meas. Durū id quidem, cū princeps aut iudex à quopiam misero rogatus, abscondit se, ne gatq; uelle audire: proinde de illo, eiusq; causa actum esse omnino, ex circūstantibus quis nō iudicet? Non est quidem doloris acerbitas cum illa comparanda, uel eo maximè, si illius causa æqua sit, & digna expeditione, & nihilominus qui pro æquitate iudicet, conuiuet iudex, precesq; non solum miserorū, uerumetiā ipsius innocentiae legumq; & religionis (scelus execrandum) auerfatur.

Contristatus sum in exercitatione mea, & conturbatus sum à uoce inimici, & à tribulatione peccatoris.



Heu heu, cui uel tantilla saltem de oppressis iniecta est cura: dissimulant ne omnes: sicine uestris à tribunalibus inaudita reijciat probitas? Vno hic ferè uerbo tota Iesu Christi expressa est uita, qui nullo districtus ocio aut labore, ab incepto pro suis negotio destitit, nunc à dæmone, nunc à peruersa Phariseorum scibarumq; astutia circumuentus, à proprio, eoq; dilecto afflictus populo, traductus, expulsus, ab ipso demū proditus discipulo: sua tamē in exercitatione ac lucta, ne parum quidem elanguit, nūquāmue à solido recuperandarū animarū deflexit proposito & amore. Cū enim legimus, Contristatus sum in exercitatione mea, à seruatore nostro dici, nōne illud confestim in mentem uenit, Tristis est anima mea usq; ad mortē? Nunq̃, fateor, uidi hominis summo in dolore, addo & metu, eo præsertim quo se breui in hostium manus peruenturū præsentis, quam à nostro redditus est interprete. Sic enim Felix: Vlulabo mouens me huc & illuc, in meditatione doloris mei. Dictionē quippe illam, quam nos legimus, contristatus, Hebræis uox est summæ cōsternationis animi, dolorisq; immensissimi. Præ dolore, inquit Campensis, moueo me nūc huc nūc illuc, & inter orandum cōturbor. Factus est, inquit scriba ille, in agonia prolixius orans. Iam nō illud silendum, primos psalmi huius uersus alio ordine ab Hebræis legi, uerū quia menti uatis nihil fermè aduersa, sic nostro suam uerborū permittimus seriem & legē, ut nihil innouemus: qui quidem uates quamobrem contristata fuerit Christi anima & conturbata, aperit dicens: A uoce inimici, & à tribulatione peccatoris. Clarius & fusiùs ex Hebræo: A facie, seu à cōspectu uiolentiæ peccatoris. Contumelias enim, diramq; uocis acerbitatē in hostibus, ac minas, quibus ferè pauidi exanimari solent, uocem appellat uates: ipsam uerò oppressionē & uiolentiā, tribulationē: utroq; enim afflictionis genere à Iudæis sæpenumero affectus fuit Christus, & nos cum illo, sed nō eodē animo & consilio. Nam nos si quid acerbius à perfidijs irrogatur fratribus, indignabundo id ferimus peccatore. Christus uerò patiētissimè & tacitè, maximāq; qua semper uel erga ipsos acerrimos usus est calumniatores, dilectione.

Quoniā declinauerunt in me iniquitates, & in ira molesti erāt mihi. Iniquitatē super me cadere facient, uertit Felix, & cum ira odio habebūt me. Vide improborū salforumq; delatorū impudentiā & malitiā: nō cōtenti enim odio illo suo inextinguibili, atq; ira qua molesti sunt bonis, addunt etiā, itaq; calidè cōcinnant dolos, ut quod oprant, tandem obtineant, quò modestissimi scilicet uiri, & innocentes, scelera illa quæ ipsi uulgò sparserūt, cōmisisse uideantur, quid nequius unq̃ auditū fuit? Quid putas aliud tunc machinatos esse Iudæos, cum Christum tanta animi rabie atq; ira, cruci affigi coram iudice succlamauerunt, nisi ut declinarent in illum iniquitatem: hoc est, ut latro, ut seductor, ut dæmoniu habens crederet. Sic nimirū in terris semper habiti sunt amici Christi, habenturq; continuè. Vnde haudquaq; mirū esse debet, si nostram intuitus fragilitatem tam pius dominus, nostramq; prorsus indutus sortē, hīc queritur dicens: Cor meū conturbatū est in me, & formido mortis cecidit super me. Timor & tremor uenerunt super me, & contexerunt me tenebræ.

Hisunt nimirū affectus & motus animi, qui in constantē etiam uirū, ob falsas illi obiectas calumnias, cadere cōsueuerūt. Sed uā uobis, qui, ut cōminatur dñs, iustitiā iusti aufertis ab eo. Hīc uelim à castis mentibus, nondum tamen ad solidum pergustandū cibum eruditis, attentè quæ dicuntur expendi, ne à uario spiritus ille intelligere possent, animi confusionē incautè hauriant. Solet enim diuini utcunq; ignis sui eousq; interdum animare, robustosq; in aduersis facere, ut in medio quoq; ipso persecutionū aestu ac flamma audeant de se illud dicere: Non



C timebo millia populi circumdantis me. Contrà uerò, à calore illo sæpenuero, suum ad maiorem profectum destituti, etià à leuissimo iniuriarum strepitu pa uent, clamantq;: Cor meum conturbatū est in me, & formido mortis corripuit me. Timor, languor, mœror, metus, terror, horrorq; uenerunt super me, & cir cundedit me undiq; p̃auoris caligo. Aspiciemus, inquit Esaias, in terrā, & ecce tenebræ tribulationis, & nox obtenebrata est in caligine eius.

Et dixi, quis dabit mihi pennas sicut colūbæ, & uolabo, & requiescā. Aliàs diximus, idē penitus esse, quis mihi dabit, quod, utinā aliquis mihi det. Pennas hīc optat uates, & has auis pernīci adeò agilitate, ut eam nequeat soluto maxime uolatu, assequi accipiter: solet enim, quæ est illius natura simplex & in cauta, in aëre interdū pennarū leuitate oblectata, uariè sese iactare, plaudere, sul care, & sic implicatis strepitu pennis capi. Speculator, inquit, occultus fraude latro sic gaudentē in ipsa rapit gloria. Huiusce igitur alitis alas miro efflagitauit desiderio uates, nempe ob id ut ex præsentī hostium periculo elapsus, longè tu toq; auolare posset. Vnde sic reddit Paraphrastes: Quare (perspecto scilicet pe riculo) dixi apud me, utinam dentur mihi alæ, sicut datæ sunt columbæ, ut auo lare mihi liceat, & aliū in locum cōmigrare tutiorē. Certè, inquit, procul hinc aufugerem, & in locis penitus desertis habitare potius, quàm inter hos impios. Hæc Paraphrastes, & clarius quidem quàm nostra æditio, quæ sic habet:

Ecce elongaui fugiens, & mansi in solitudine.

Alius item ex Hebræo: En longissimè profugerem, atq; ad eremū diuerterē. Noster enim interpres tempus pro tempore posuit. Hīc mihi in mentem uenit quorundam feruor atq; uis animi, qui interdū uarias hominū pertaxi molestias atq; iniurias, sese à fratrū turbis, tanq; à Ceilæ urbis hominibus subtrahentes, in aliquam, ut soli sint, cōmigrant solitudinē. Hi enim duas has sibi esse necessarias nō ignorēt alas, alterā quidem fidei, alterā uerò amoris: quarū sanè remige sulci, quocūq; auolare cōtigerit, tuti erunt & quieti. Hi quippe sunt, qui nō cōuersio nis feruore nouitio, ut meus inquit Pater, sed monasterij probatione diuturna, didicerūt cōtra diabolū, multorū solatio, iam docti pugnare, & bene instructi, fra terna ex acie ad singularē pugnā eremi descēdere. Sed illud mirū, q̃ importunē hi procaciterq; à nonnullis mōstrent digito, exhibent, & tanq; trās fugæ infames atq; apostatę uulgò traducant: illos autē quos cōnobijs ad liberius uitę genus acciri norūt, summīs efferūt laudibus, amāt, exosculant, donis pauperib. debitis infarciūt, tantūq; ō ineptias, dī nō habent. Non sanè intelligo, in quib. uis maxi mē istiusmodi cōsistat apostasiæ & defectionis, utrū ne in illis qui spreto omīno mūdo, ad solitudinē, locū mirū in modū erectis in Deū animis salubrē & necessa riū confugiūt (qui cōnobīa deserūt ut per emporia cursitent, aut quibus magis, ut ait ille, placet mulierositas, liguritiō, temulentia, cupedia, q̃ mētis quies, hime ritō apostatę appellanē) an in his potius qui desertis cōnobiorū molestijs, sese in negociosissimo uitæ genere summergeunt. Selha hīc positū, nos ad Dei iudicia si mul & hominū ignorantia cōtemplandā excitat. Verū interim quòd in salo hoc uasto & dubioso nauigat, in quo & cymbæ & corbitæ una iactant tempestate,

Expectabo eū q̃ saluū me fecit à pusillanimitate spiritus & tēpestate.

Tu hīc mihi considera sanctissimī uatis mansuetudinē & modestiā, qui suas appellat uires, uirtutesq; animi, pusillas ac tenues: hostium autē insidias atq; im petus, tempestatē: quæ dictio Hebræis est, repentinus, summeq; uolentis uen torū flatus. Vnde querit Hieremias, improborū iniurias, uentū esse uerentem in uijs, quæ sunt in deserto. Verū dictio, pusillanimitate, nō est in Hebræo, sed id solūmodo: Accelerabo fugā mihi, à spiritu uehemēti, à tempestate. Certè si res perspectē examineē, nihil aliud sunt dæmonū tentamēta, maxime si uehemētia sunt, aut malorū hominū persecutiones, q̃ uetus quidā procellosus, turbōue cō citus



citius & cōfusus. Quid nō perturbat dolosus dæmon? quid nō delator? quid non perfidiosus palpo, aut apertus calūniator? Fax quidē & amurca, limpidissimū cōfundere solet oleū, si uas uel parū agitaueris. Et quia imbelles plerūq; colūbæ hæ sunt innocentissimæ, quibus duæ, ut dixi, necessariæ sunt alæ, nō Icarie illæ quidē, molli cera cōpactæ, sed spiritus glutinamēto annexæ, tam uarijs interdū improborū technis & insidijs, nisi forti sint animo in Deo, nēpe ad fortunę ictus intrepido, succumbunt. Ideo à uate est dictum, Expectabo eum qui saluum me fecit; quò palàm asserere nō uereamur, patientiam ualde esse necessariam, ac si lentium, in re præsertim tam obinæ qualem certandi conditionem confusa. Ergo tu domine, postquā prorsus, si nos duntaxat consideramus, inermes sumus, debilioresq; quàm ut tam immensæ oblocutorum turbæ suppetamus.

Præcipita, & diuide linguas eorum, quoniam uidi iniquitatē & con-  
tradictionem in ciuitate.

Audiāt hæc delatores, audiāt maledici, audiāt hi quorū dentib. expōita est pro-  
borū uita, qd hīc à spiritu dicat. Audiāt, inquā, & si sapiūt, aduertāt animo, qd im-  
medicabile illud sit uulnus, qd à diuina inferi manu. Præcipita, inqt, & diuide lin-  
gua. eorū. hoc est, fac ut nihil nō incōsultò, cōfusedq; loquant. Nullā habeat, oro  
cōinnitatē illorū sermo, atq; exitū cōspiratio. Legerat enim uates, qd dira fuerit  
olim Dei ultio in temerarios illos, qui eò aliquādo amētix degenere, ut alter ad  
proximū suū diceret: Venite, faciamus nobis ciuitatē & turrim, cuius culmē per-  
tingat ad cœlū. Dñs aut: Venite, descendamus, & cōfundamus ibi linguā eorū. Quo-  
nepid satis quidē: Inde, inqt, dispersit eos dñs super faciē cūctarū regionū. Quo-  
circa idē fermē hīc suis imprecat hostib. nō à diuinis nihilominus discedēs iudi-  
cjs, quæ æq;ssima esse nouerat & certa. Vidi, inqt, iniquitatē, uidi disceptatiōes,  
uidi dissidia, uidi seditiones, uidi odia, & hæc omnia (prò dolor) in ciuitate illa, intra  
mœnia illa, in quib. pax summa esse debuerat & cōcordia. Quid ad hæc ultra: Si  
emab illis, de quorū salute, meo etiā ingenti periculo, benemeritus sum, tam ma-  
le repensum est, quid ab ipsis expectari debuit inimicis? Verū postq; sic uolunt,  
Dic ac nocte circūdabit eam, super muros eius iniquitas, & labor in  
medio eius, & iniustitia. Et nō defecit de plateis eius usura & dolus.

Quam unicuiq; diligēter ex urbiū dynastis ea quæ à propheta, de Ceila ciui-  
tate, cū stomacho dicunt, audienda sunt, an forsan illiusmodi uisiorū sordib. in-  
fecti sint eorū ciues. Iniquitas, inquit, die ac nocte: id est, cōtinuē absq; intermis-  
sione iniquitas hæc miserrima circūuallata est iniquitate, pro muro. Turpia sunt sa-  
ne in primis illius mœnia & ruinosā, uerū ipsum forsan ciuitatis corpus minus  
est deforme: Minimē id quidem omniū: nam in ipso urbis medio (medio autē)  
in ipsis frequētissimis plateis, locis nimirū celeberrimis ac magis cōspicuis, ea  
insunt mala: prauitas, iniustitia, usura, dolus, heu perditā ciuitatē. Quid multat  
nulli sceleris genus nō regnat in ciuitate ista. Iam illud nō prætereundum, alio  
reddi sensu literā, quæ à nonnullis ex Hebræorū interpretib. legitur, sic illi: Die ac  
nocte circuiui eam, super muros eius, & prauitas & molestia in medio eius, ut sit  
sensus: Diu in muris eius oberrauī, ut uiderē quid in ciuitate hac agerēt: Deus  
bone, quid malorū nō uidī: Prauitatē, malitiam, iniquitatē, oppressiones, dolos  
fraudes, usuras in ipso urbis centro, aternū sibi cōstruxisse domiciliū cōspexi.  
Hæ sunt, mi lector, ciuitatum pestes quas in Ceila, de se tam male merita, depre-  
hendisse faterur Dauid. Faxit Deus, ne cōplures in Europa Ceilæ inueniantur.  
Ceterū labor, ut noster uertit interpres, Hebræis prauitas est, quæ est insignis  
tum corporis tum animi deformitas ac peruersitas: qui enim huiusmodi mentis  
affectus est labe, quid nō cum labore, æstuq; animi, molitur & agit? Verū illud,  
inquit uates, quod me acerbius uexat & premit, dicendum mihi est:

Quoniam si inimicus meus maledixisset mihi, sustinuissem utique:



- c Et si is qui oderat me, super me magna loquutus fuisset, abscondissem me forsitan ab eo: Tu uerò homo unanimis, dux meus, & notus meus: Qui simul mecum dulces capiebas cibos, in domo Dei ambulauimus cum consensu.

Ambigua admodum hæc est littera collata cum Hebræis. Diuus Hieronymus uidetur hæc omnia ad falsum quempiam amicū, typum nimirum Iudæ Christi proditoris referre, de quo hic queritur uates, sic enim ille: Non inimicus exprobrauit mihi, ut sustineam; neque is qui oderat me, super me magnificatus est, ut abscondar ab eo, sed tu homo unanimis. Verum in idem ferè cum nostra concurrat editio, ne cuius is erit sensus: Si is qui mihi palam aduersabatur, & de quo, quin meus esset hostis, nemo non nouerat, quidpiam mali in me esset machinatus, tanquam prauum hostem & apertum facile uitassem. Si is, dico, quem omnes me odio persecutorunt, malum mihi intentasset, conuiciaque in me arrogantia & superba congestisisset, sustinuisssem certè, eique celsissem, & prudens consultoque tam uastam irarum procellam, mea deferuere fuga & patientia expectassem: at tu homo meus unanimis, collega, dux, qui cum arctissima mihi erat consuetudo, consiliorumque communicatio, & qui mecum unam, ut solent familiarissimi sodales, summa animorum concordia, ad templum sanctum Dei, in quo nihil fucatum, nihil non syncerum esse fas est, conueniebamus, me, me, inquam, tam nuper tibi charum & beneuolum, insidijs aggredivausus es? Tu, non hostis, non ille qui me odio incessabat, maledixisti mihi, & super me magna loquutus es. Illud notandum, dictionem Vnanimis, ab Hebræorum interpretibus sic ferè reddi: Tu homo sicut æqualis meus, uel, ut Felix: Tu uir secundum ordinem meum; hoc est, habitus honore perinde atque ego. Illud quoque, cum consensu, cateruatim transferunt, seu, cum cœtu; id est, multis nos comitantibus: seu etiā, cum terrore, ut diuus uertit Hieron. quæ dictio nihil aliud sibi uult, quam tam arctam duorum principum amicitiam maxima cum dignitate coniunctam, omnibus admirationi fuisse ac terrori. Vt cunque sit littera, quisquis ille fuerit, de quo tam dolenter queritur uates, & sanè merito, infelicissimi Iudæ typus est, atque subinde proditorum omnium, sed illorum maximè, qui cum amici, & hi charissimi esse uideantur, perfidissimi tamen sunt hostes, atque eò nocentiores, quod occulti magis sunt, minusque perspecti & noti. Quanta hic mihi considerandi quorundam prauitatis & fraudulentiam offertur occasio, ex illo perfido, simulato, infando, facinoroso Iudæ osculo: Contrà uerò, quis tam scelerosus est proditor, fucatusue amicus, qui non pudore suffundatur, cum recolit animo, quid modestissimus osculo filium risu lesus? Iuda, inquit, (ô rarum atque unicū mansuetudinis exemplum) osculo filii hominis tradis? Saxa tum quidem fleuisse arbitror, Iudas tamen ære ferroque durior, ne parum quidem remissus, insaniens abiit, nec sanè destitit quoad è mundo lumen ac solem abstulit & extinxit. Quocirca iustissimus uatis fuit dolor, iustaque excaecatio & querela in simulatore illum nequam & proditorum, quo tamen sic sua in perfidia derelicto, ad ceteros intermissos suos redit hostes, illisque horrendam imprecatur ultionem, dicens:

Veniat mors super illos, & descendant in infernum uiuentes. Cum Dauid, ob immeritas in se paratas insidias, à Ceilæ ciuibus maiorem in modum affligere, reique indignitate uersaret animo, uolensque tum illis tum futuris eiusdem perfidiæ posteris diuinam predicere ultionem, illum memorabilè simul & horrendum terræ hiatum, quo Dathan & Abiron unam cum tabernaculis rebusque suis, liberis quoque & uxoribus absorpti sunt, in medium, quasi aliud agens, adducit. Et descenderunt, inquit Moses, uiui in infernum operi humo. Hæc nimirum ultio ea est, ac mulcta, ab antiquis illis seculis decreta seditiosis, & murmurantibus, in Moysen & Aaron, id est, in Dei religionis & cultus studiosos. Sepeliantur, inquit, uiui, funditusque intereant. Nam in scripturis ferè aliud nihil est, descendere in infernum,



infernum, quàm subito perire interitu. Idcirco Ezechiel uolens inopinatam quorundam incircuncisorum exprimere extinctionem, asserit illos descensuros ad infernum cum armis suis. Affectus est ualde ardens in prophetis. Non id quidem, ait uates, temerè imprecor, aut ira permotus, sed sic edoctus à spiritu, qui odio habet omnes peccatores terræ.

Quoniam nequitia in habitaculis eorum, in medio illorum.

Huius uersus sensus sic reddit à Paraphraste, & breuiter & doctè: Regnât enim nequitia in tabernaculis eorū, imò in ipsis penetralibus cordiū illorū. Sceleratā enim quorūdam uitā, deploratosq; mores huiusmodi aggrauat dictione, nequitia, quæ cum frugalitati opponat, ad omne maleficiū conuenit; quanq̃ malum, seu mala, simpliciter à nonnullis ex hebræo reddi uideo. Modis sanè omnibus de testanda sunt ædes, in quibus nequitiarū greges, tanq̃ in hara suæ grunnire audiuntur. Quid, te obsecro, in domū tuā, ubi pudica cum nuru sedet uxor, ubi siquid ubi innuptæ filia innocentissimā agunt uitā, obscœnus introducit scurra, & eodemp̃ grege infamis parasitus; siccine alitur filius? Itā ne uerò in uno eodemq; residet tripode sua cum pellice mœsta coniunx? Indiciū nimirū id est, nequitiaꝝ tumultū in medijs ipsis tui cordis penetralibus & medullis requiescere, si tamē requies illa dici debet, ab innumeris uitiorū morsibus, tanq̃ ab importunissimis sanguifugis, die & nocte emungi, sensimq; exanimari. Hi ut lubet, Ego autem ad Deum clamaui, & dominus saluauit me.

Solet enim anima diutius cum mundi grumnis & miserijs, nempe cum uarijs tum à natura ipsa, tum à dæmone, tum etiam ab illius ministris, cōmotis & appetentijs & odijs uersata, & penè attrita, maxima affici perturbatione & metu, atq; usq; eò interdū concuti, ut Dei omnino oblita uideat. Verū sese postea ab assuetudine admonita spiritu colligens, admiransq; simul & reprehendens suā eò confugiendi, ubi pax omnis inest animi ac quies, uel morā, uel ignauiam, illis reiectis perturbationibus, tota in Deū fertur, seq; miris consolans spiritus radijs, intra sese hec ferè: Ego toties in iisdem ipsis prouoluta angustijs & tentationibus, ad Deū clamaui, & ipse exaudiuit me. Quid in me igitur ipsa, tam uili scilicet re & tenui, tandiū immoror? Scio certè quid agam, postquam ita est mortalium conditio, ut nusquam non, quæ illam exerceant, fiunt obuiæ occasiones.

Vespere & mane & meridie narrabo & annuntiabo, & exaudiet uocem meam.

Continuè, inquit, cōtenteq; illi meā exponā indigentia. Vide sanctæ animæ, ut illa erat uatis, sollicitudinē. Et certè, si noster unde proueniat in rebus spiritus & albor & torpor, addo & superstitiosa religionis imago, interrogor, dicam ingenuè, à frigido id contingere in diuinum amorem affectu & studio, ab instantiaq; animi, ac bonarū rerum fastidio. Mirum in modum erramus, si tantilla nostri portione cōtentum esse Deum arbitramur. Atqui anima illa quæ tota in ignem diuini amoris, ob assiduos raptus & ecstasim, cōuersa est, ignis quodammodo efficit; quocirca cum ignis sit, ignē ipsum sentire haudquaq; potest: secus uerò, si in terrenarū rerum glacie, brumaq; cupiditatū, atq; ambitionis gelu & frigore diutius immorata oblectataq; partem nescio quā sui ad ignē admouet. Statim enim, quasi à repentino cōmotā, reiectaq; aduersæ naturæ transitu atq; attacktū, intolerando afficitur dolore, atq; eo incendiū æstu, quo prorsus cōsumitur, dum igitur calorē illum spiritus intensum, quo cupiditates omnes noxiæ & turpes adeduntur, assidua peropus est exercitatione, quæ quidem omne temporis momentū atq; instantiā suo sibi iure uendicat; alioqui certè noster omnis labor, atq; ad perfectionē nisus, debilis omnino efficitur, & plerūq; inutilis & uanus. Vespere itaq; & mane & meridie, hoc est, omī hora, mea Deo exponā desideria,



c narraboq; illi quanta à dæmonū, quanta à peruerforū hominū dolis & infidijs patiar, quanta à meipso, quanta à mūdo, quanta à carne, à sensibus, à uarijsq; rerum incurfantium formis & imaginibus iustineam. Ipse uerò, quæ est illius bonitas, meas subito audiet querimonias,

Et redimet in pace animam meam ab his qui appropinquant mihi, quoniam inter multos erant mecum.

Is finis totius nostræ pugne est cum mundo, quies scilicet in Deo. Pulchrum admodum illud est, quod huic loco à glossa assuitur. Nos inter malos positioremus cum isto, plangamus, secumq; dicamus: Redimet me in pace, contra illos qui nō amant pacem, nempe hi de quibus sic uates: Ab his qui appropinquant mihi, quoniā inter multos erant mecū: quosq; doctissimè diuus adumbrat Hieronymus, atq; cum ipso Augustinus: Appropinquant, inquiūt, nomine, nō nūmine; corpore, nō mente; numero, nō merito: in multisq; mecum sunt, in baptismo, in Euangelio, in festis & huiusmodi, sed nō in paucis, nimirū in fide, spe & charitate. Iustissima hæc est, mi Lector, sanctæ huius animæ querela. Vnde uereor interdum, ne quibus una est fides, unus cibus, una religio, unaq; uitæ consuetudo & professio, unum minimè sit cor & uoluntas. Vereor, inquam, ne in una eademq; sanctissimè à patribus instituta repub. in qua ciues unanimem pre se ferre debent uitæ rationē, nō desint, qui tam sanctē sancitam unionē, ac uiuenti legem, suis duntaxat inferuientes cōmodis, ne dicā uoluptatibus, discindant, ac prorsus diruant. Illud porro silentio nō prætereundum, ab his qui appropinquant mihi, Hebræis esse simpliciter, à bello quod mihi est. Vnde Paraphrastes: Restituet in pace animā meam, & liberabit eam à præliantibus contra me, quibus plurimi sint: ut hinc quoq; intelligamus illud, inter multos erāt mecū, ad hostiū numerū referri. quare sic à nōnullis reddi uideo, Quoniā cum multitudine aduersum me aderant. Non ab re quoq; erit quorundam hic proferre sententiam: aiunt enim uatē, cum immensum circū se conspiceret delatorū salforumq; ciuiū & numerū & imperū, in diuinā se penitus proiecisse defensionē, proindeq; idem ipsum, quod postea uidit Elisæus in Dothain, conspexisse uisum. Nam cum ciuitas illa, ut in quarto Regum libro uidere est, à Syriæ rege, ut Elisæum caperet, obsideretur, consurgens diluculo minister uiri Dei egressus est, uiditq; exercitum, & nunciauit ei dicens: Heu, heu, heu, domine mi quid faciemus? at ille respondit, Noli timere, plures enim nobiscū sunt, q̃ cum illis. Et ecce mōs plenus equorū & curruū igneorū in circuitu Elisæi. ò fidem, fidem. Hæc fultus forsitan quā opus fuerat, à me sunt dicta, uerū id, opinor, nō absq; fructu: late enim patet campus fidei hic simul & Dei bonitatis erga suos considerandi copiā. Quid certè sibi uelit regis Syriæ circum Dothain exercitus, quid Elisæi uisio aut fides, quid pueri timor, quid mons, quid currus ignei atq; equi, quid tandem Dauid à Ceilæ uiris, eiusdem cum ipso tribus & sanguinis, proditus, rerū portenderent, hi bene norunt, quibus pura ac facilis, propter iam longum in diuinis rimandis mysterijs usum, inest mens atq; animus. Sordidis enim ingenijs & dolosis, tantum abest ut hæc mundissima intuenda proponant, ut etiam proposita auersentur. Solus enim hæc nouit Dauid, solus Elisæus, hi, dico, norūt tantūmodo, qui in Deo quicquid pœnarū improbis perfidiosissq; Ceilæ ciuibus obuenturū est, præuidentes, non fracta aut nutanti asserunt fide, quòd

Exaudiet dominus, & humiliabit illos, qui est ante secula.

Dominus, inquit, qui perfidorū minis aut dolis nō mouetur, ut solet homo, sed tranquillus sedet, immobilisq; cætera cōmoueri sinens, æterno perstat consilio ac mente: illos illos, inquam, tam suis, quorū preces audire consuevit, infestos, arrogantesq; homunciones, humiliabit, deponetq; de sede, atq; immortali eos tandem afficiet supplicio. Quæ quidē res, ut ob oculos uerferet illorum,



illorum, qui diuinas irrisioni habent plagas, & propter ea quoque quæ sequuntur, adiectum est Selha. Verum cōminetur ut libet Deus, pungat, admoneat, percutiat demum, ac usque ad emissionem illos animæ uerberet,

Non enim est illis commutatio, & non timuerunt Deum.

Ultrā nō progreditur Hebræis uersus. Clamat Esaïas de Deo loquens: Adhuc manus eius extenta, & populus nō est reuersus ad percutiendū se. Duritia sanē hæc est lachrymabilis & miseranda, cum ē Dei uerberibus uitā nancisci debeat, mortē quispiam nanciscatur; & unde candorem cōtrahere debuerat, rubiginē cōtrahit. Quare nō immeritō diris illud insectatur ferrū uates quidam, quod ē lima dis sceleribus pertinacia, dignissimi hi quidem (ut hunc uersum interpretatur Campensis) qui pereant. Causa uerō redditur: Quia, inquit, sceleratū uitæ genus nunquā mutabunt. Sensus, ait Augustinus, impiorū incōmutabilis est. Ergo ne tam dura, tam inflexibilis, efficitur interdum anima, ut nunquā resipiscat a uia sua mala: nunquā sese recipiat: nunquā a perfidia, a prauitate, a superbia, ab impietate, ad bonas Dei semitas redeat. Semper ne in uoluptatū cœno, limoquē auaritię, liuoris, odi, ac qua potissimum diuina offenditur maiestas, ambitione ac fastu, tam nobilis uiuere decreuit natura. Opinor enim uatem in hoc loco, tantā animæ oscitantiam & malitiam considerantem, nō sine gemitu & lachrymis in hæc uerba prorupisse: Non enim est illis cōmutatio, & non timuerunt Deum. En ra dix torius prauitatis animæ, Deum nō timere. En summa rei, cur anima sub flagellis induratur, cuius hīc alia a spirītu manifestatur improbitas.

Extendit manū suam in retribuendo, contaminauerunt testamentū eius: diuisi sunt ab ira uultus eius, & appropinquauit cor illius.

Longē secus se habet litera quæ est Hebræis, quæ sic est: Misit manū suam in pacificos suos, maculauit fœdus suum, neque ultrā procedit litera, sed aliū statim incipit uersum, Molliti sunt. Vnde uidetur tota illa uerborū coaceruatio, quā noster accumulat interpretes, a nescio quo addita. Perstat enim uates in enarrant & blanditiem. Perfidiam cum ait, Misit manū suam in pacificos suos: id est, in familiares suos, in amicos, in eiusdem professionis uiros impudentissimē ma exprimit Paraphrastes: Iniecit manū uolentam in eum, cum quo pacem simulauerat, amicitia uinculo turpiter rupto. Postea de alio sic: Blandius fecit quisque eorum os suum lacte, cum tamen præliū instituerent in animo: gratiosiores uisi sunt sermones eorum quouis unguento, cum re ipsa essent gladij. Felix uerō: Mollē fuit, inquit, supra butyrum os eius, & intīmū cordis eius; leniora fuerunt uerba eius supra oleum, & ipsi sunt gladij. Noster autem:

Molliti sunt sermones eius super oleum, & ipsi sunt iacula.

Hæc sanē omnia ponere libuit, ob duo quidē, tum quò rudis nō ignoret lector, multū adeo diuersam esse Hebræorū nōnunquā literā ab hac nostra iam uulgo accepta, tum ut expressius simulatorū effigies omnib. palam fiat, subindeque illorū mores & sodalitates æquē uidentur, ac solent a nummosis uitari mercatoribus latrones & piratæ. Is enim perfidiosorum mos est, ut suos ita ad audientium animos attemperent sermones, blandēque effingant, ut nihil minus de illis suspicari queas, quā quòd perfidiā machinentur. Iurares quidem nō uerba, sed mel ipsum ex simulato illorū ore cadere, adeo omnia concinnē, mollē, suauiterque disposito & truculento, facilis mihi erit fuga atque auersio: a recto uero & familiarī, cuiusque uerba cum mellita, lenique perlita oleo & unguento uideantur, a uenenato tamē proficiantur animo & pugnaci, meā decipi sinceritatē, nō tantū miror,



C quantū miserandam illius sortem doleo. Et hæc secundū ueriorē litteram superioris uersus sint dicta. Verū ne nostra quam quotidie, tanq̃ debitā diuino cultui, impendimus pensionē, suo fraudetur sensu, ita erit dicendum, quod Dei ultio extendit manū suam, more scilicet percutientis, super perfidos illos, quos supra in infernū descensuros in uita, uaticinatus est Dauid, ut illis secundū quod meriti sunt, reddat. Siquidem parum illis uisum est, non immutari quandoq̃ in melius, aut Deum sprete religione nō uereri, nisi & Dei legem, sanctūq̃ fidei & charitatis, rupto pietatis fœdere, cōtaminassent testamentū. Heu perditas nimirō luxu animas. Vide quid asserat: Diuisi sunt ab ira uultus eius, & appropinquauit cor illius. Vultus eius, Dei scilicet. A serenissimo enim Dei uultu, ex cuius contemplatione condita exhilarant omnia, diuidi & seiungi, quæ maior animæ contingere potest calamitas: ab irato uerò acerbissimis expelli uerbis & minis (ut illa sanè erūt, horroris plenissima; Ite maledicti in ignem æternū) tu met ipse qui legis, iudica, & time; nam appropinquauit cor illius. Tunc nimirū cor Dei, nempe uoluntas, ut inquit Augustinus, quæ occulta nunc est, reuelabitur, innotescetq̃ omnibus. Siquidem qui à dextris, quiq̃ à sinistris, à supremo collocandi sint iudice, occultū omnino nunc est: tunc uerò manifestum, ac, uti solent res proximè admotæ, notum. Tu interim, si sapis,

Iacta super dominum curam tuam, & ipse te enutriet: non dabit in æternum fluctuationem iusto.

Hic se ipse, atq̃ adeò omnes qui eodem cum ipso ducunt spiritu, alloquit uates. Iacta super dominū curam tuam: hoc est, omni alia abiecta cura, uel ea maxime, quia, quoniā nefarij diu nimium innocentia diuexare uident, etiam sanctissimi solent angere homines, tuum negociū curandum, tuam indigentia, tuā omnē animi sollicitudinē Deo cōmitte. Quid tu æquē de his doles, quæ absurda, ut tibi uident, fiunt in mundo; ac si diuinæ uelis legē præscribere prouidentia. Gaude igitur, exultaq̃ in domino, simul ut minimè, qui te quotidie eruditiorē faciunt, nō defunt doctores. Ipse quidem est, nō tu, tuaq̃ nimia illa animi cura & anxietas, quæ te enutriet, aletq̃ ad illud proculdubio uitæ genus, q̃d absq̃ curis, amarissq̃ ob improborū calumnias sollicitudinibus, in cœlis transigitur: interim uerò ne dubita, nō dabit in æternū fluctuationē iusto. Non sinet profectò proborū uitā diutius in alto iactari, etsi ad tempus id uelle uideat. In hoc quippe mari magno & spumoso, atq̃ propter uentorū sæuitiam tumido ac fracto, in quo placidis perpetuò frui etesijs scelerati apparent homines, cum tuæ sit nauis rector Deus, idemq̃ & aura & portus, quid tibi periculi est: Tantū tu o qui in procelloso mari di huius iactaris pelago, fidissima à Cynosura tuos, si sapis, oculos neutiquā auertens, illud ingeminare ne pigrere: Domine salua nos, perimus, succurre, subueni. Etsi enim horrendū, in quo uersamur, extimescimus naufragiū, ea tamen uiuimus in te fide, quod nō dabis in æternū fluctuationē iusto, quodq̃ eos qui tranquillās laci Genesareth perturbant undas,

Deduces in puteum interitus.

Id est enim quod superius dixit, quod descendent in infernū uiuentes. Illi, inquit, qui bonos affligunt, amisso ueri itineris lumine, in æternā. post breuē hūc fortunæ plausum, detrudent noctem: & (quod illis horrorē incutere deberet)

Viri sanguinum & dolosi non dimidiabunt dies suos.

Cum enim fæx ista mundi, sanguinarij scilicet homines & fraudulentissimi, longam sibi polliceant annorū seriem, nō peruenient nihilominus, equissimo Dei consilio, ad dimidiū uitæ. A diuino siquidem intercepti iudicio, in media ipsa se cundarū rerum felicitate ac lautitia, ab humanis, cum nihil minus cogitabunt, extrahentur. Nunq̃ sanè uir nimium in hisce mundi curis occupatus, aut crudeli fraudulentoq̃



A fraudulentoq; animo affectus, suam incepisse uitam apparet: ita enim uiuit ac si semper esset uicturus. Imparatus quidem cum semper sit, nullum mortis g. nus contingere potest, qd peracerbū illi nō uideat, nouū & immaturū. Longē: erō secus se habet proborū uita: hi enim quocūq; tempore aut loco emigrandū fuerit, latē ē corpore, tanq; ē tetro exiliūt carcere, perindeq; uiuunt, ac si omni hora uenerit uigilia dominus, tanq; suū omne uixerint æuum, tametsi iuuenes, parato demigrant animo, nihil interim de uita aut morte solliciti, siue cras, siue post integrū seculum illorū futurus sit finis. Id solida fide in Deum, qui uera est uita, etiam in hac errorū ualle degentes persuasissimū habent, quod si iustus a morte præoccupatus fuerit, in refrigerio erit. Improbis uerò nullum cōstitui potest uitæ mediū, cum nunq; uiuere cœperint. Est & alius pius sensus, ut inter homines inueniantur, qui cum spiritu incipiant, in carnem desinant: horū sanē statui potest uitæ medium, sed infelix illud quidem & calamitosum. Alij rursus malo sue ætatis cursum incipientes exordio, actutū uisa luce resiliunt, incœptosq; turpiter dies, ut uerbo utar uulgarī, dimidiāt, deq; infelici principio ad amœnū, eundemq; beatū demigrant uitæ exitū. Alij item cum malē cœperint, malū etiam in prauitate perdurantes sortiunt finē. Hos dicit uates, suos nunq; dies dimidiatos habere. In Aegypto enim nati, aliti, atq; usque ad decrepitos enutriti annos, in Aegypto quoq; miserrimā oppetunt mortē, nec aliquando solitudinē, quō pro millionis terrā adipiscant, adeunt. Etenim in huiusmodi uitæ statu, periculoso nimis, & metuēdo, cum unusquisq; ex reprobis cōnumerari possit, illi in primis id sibi uindicāt nomen, qui a uate particulariter sanguinarij, crudeles, atq; absq; misericordia, dolosi, perfidi, mendaces, simulatores, fraudulentī, & qui probitatem uenalem habent ac fidem, nuncupant. Vt cunq; hi suam instituunt uitam, Ego autem sperabo in te domine. Cui laus sit in secula. Amen.

PSAL. LVI. Vincenti. Super columbam mutam, inter longinquos Dauid insigne, dum caperent ipsum Philistæi in Geth.

**M**iserere mei Deus, quoniam cōculcauit me homo, tota die impugnans tribulauit me.

Nota est historia in primo Regū libro, quando Dauid captus a seruis regis Geth, simulauit se furere: & nos nonnulla in titulo psalmi trigessimiquar. ti diximus. Tunc enim illū iam a periculo liber cōposuit, hūc uerò instante periculo. Columbam autē se mutā fuisse inter longinquos, nempe a Deo alienos, ut erat Philistæi, fatetur: nam in tanto uitæ discrimine nō modō se mutū finxit, sed planē stolidū & furentē. Quæ quidem amentia, ac mentitus furor, occultissimo illiterū mysterio insigne quoddam fuit regiū, & decus. Hac in re, ut penē in cæteris, typum præ se tulit Christi, qui alio in psalmo de se dicit: Ego tanq; surdus nō audiebam, & sicut mutus nō aperiens os suū. Quid: nōne furens aliquando a suis est habitus ipse Iesus: En igitur uerus Dauid, amabilis nimirū & decorus, a populo obscuro & obuoluto (sic Philistæos interpretant) captus, malēq; habitus, quasi ales innocua silet, instarq; infani in parietē illum, qui inter Deū & hominē, tanq; inimicitiarū testis positus erat, impingēs furensq; atq; excors ab impietatis atrio reputatus, eiectus illususq; ac multifariā cōuicijs affectus, tandem uniuersorū rex euasit: ut planē asserere possimus, amentia istiusmodi & derisio. nem, necessariā omnino esse ad insigne illud regiū assequendū, quo hi donant, quicum Christo impropertis magis delectant, q; uulgi fauore & plausu. In hoc itaq; psalmo Christus est, seu eius Ecclesia, quæ purissimo columbæ nomine in canticis dignata amatorijs, suam æterno patri exponit indigentiam. Et sic a misericordie uoce suam auspicatur precatōnē: Miserere mei Deus, quoniā cōculcauit



**C** me homo, tota die impugnans tribulauit me. Petulantē enim sui hostis libidine & sœuitiam, cuius iniurias inter cætera pressius considerabat uates, in uerbo illo, conculcauit, ostendit: quem quidem cum neq̃ mansuetudine, neq̃ patientia, neq̃ ipsa quoq̃ placare posset innocentia, ad diuinā cōfugit misericordiā. Quis, oro, hostis tam dirus, ex illis præcipuē, qui Dei populum continuo bellorū motu impetere cōsueuerat, uisa Dauidis lenitate & mansuetudine, nō iratum depotui fuisset animū? Saul tamen, hoc est, eiusdem gentis homo, eiusdemq̃ religionis & cultus, durior semper uisus est, ac minus placabilis: ut nōnullos etiam in Dei ecclesia uidere dolemus, quibus cum si quid tecū cōtrouersiarū intercesserit, nā tu potius Getham aliquē aut Pœnū, aut alium quemuis intractabilem eligas hostem, qui cum tua dirimenda sit lis, q̃ talem Christianū. Putas ne mansuetissimū dñm ab hac etiā acerbissima omniū iniuriā uixisse immunē? Multa, inquit, bona opera operatus sum in uobis, propter qd̃ uultis me occidere? Ad hūc igitur, qui perfectissimæ fuit in terris exemplum lenitatis & patientiæ, nostris in periculis confugiendum est, clamandumq̃: Misere mei Deus, ne mea me obruat miseria. En iste, unius scilicet horæ homo, leuissimus omniū & arrogantissimus, me conculcat, affligit, persequitur, totaq̃ die me impugnans, eò me penē adduxit, ut uix respirare mihi liceat. Et sic, nimirum ad eius exemplum, cæteri

Conculcauerunt me inimici mei tota die, quoniam multi bellantes aduersum me.

**D** Id est ferè moris in uili uulgo & plebe, ut si quē fortē uiderint, etiam immeritò, à suo affligi principe, & male haberi, hi subito, ne nō similes suo dño uideantur, turbas in miserū illum nouas cōmoueant, uicq̃ iniecta legibus & probitatibus, quicquid in buccam uenerit, effutiant. Censēs ne uilissimū Iudæorū uulgius a deo immaniter in Christū insanire ausum fuisse, si miti in illū & leni extitissent animo uiri synagogæ primarij? Quid nō audet temerariū uulgius, modò sciat se suis gratificari posse patribus? Tunc sanè heluo, parasitus, adulator, delatorq̃ & alij istiusmodi inquinamenti homines triūphant, Conculcauerūt me, clamant in nocentia, inimici mei, prorsusq̃, cōtempo Deo, attriuerūt. Illud notandū, principium uersus sequentis, ab altitudine scilicet, tum Hebræis, tum Græcis, finē esse præcedentis, ad hunc modū, ut uertit Fel. Quoniā multi bellantes aduersum me excelsē. quā quidem dictionē alij interpretant, ô excelsē, uel, ô altissime, ut Paraphraſtes; alij, superbē; alij quoq̃, ab excelsō: quò ostendat uates, inimicos suos longē superiores extitisse, se autem subiacuisse. & sic alium ordiuntur uersum: Per diem timebo, ego in te sperabo. quem sic reddit Paraphraſtes: Quocūq̃ tempore timor inuaserit me, ego ad te confugiam. Ego, inquam, cæteris omisis auxilijs, quæ natura imbecillia sunt & infida, ad te unum, uerumq̃ miserorū perfugium accedam. Noster autem interpretes ita uersum integrum tranſtulit:

Ab altitudine diei timebo, ego uerò in te sperabo.

Et est, ac si asserat, ut inquit Augustinus: Alti sunt & tumidi, qui me conculcant, uerū id in die, nō diu. Siquidem temporarij illorū impetus sunt, & uaniores quidem, q̃ sint ampullarū lusus: attamen quia inextinguibilem præ se ferūt flammā atq̃ incendiū, idcirco ab imbecillioribus timent animis, & mericulosis. Qui licet stabilem nostrā erga Deū fidem ac pacē, q̃ uis obnixē cōtendant, uere nequaq̃ ualidi sint, cōcutiunt nihilominus, & inturbant. Vt cūq̃ tamen insaniant, in te sperabo. Qua proinde spe, tanquam æneo munitus clypeo,

In Deo laudabo sermones meos, in Deo speraui: non timebo, quid faciat mihi caro.

In Deo laudabo uerbum eius, uertit Fel. sed in idem recidit. Siquidem probi uiri sermo, Dei sermo est. Nec aliud quidem ille longo assuetus usui, quem admodū cogitare, ita eloqui & uult & potest, quin totū diuinū sit, ac Dei propriū. Nihil



<sup>A</sup> Nihil enim gratius puræ animæ cōtingere potest, q̃ cū illi diuinū promulgan-  
di uerbū, celebrandiq; Dei nomen, ac tum uita, tum doctrīna, sanctisq; lucubra-  
tionibus, castissimū illius dilatandī cultū, offertur occasio. Sua itaq; omnis cū  
sit intentio & studiū, ut Dei uerbū, è quo perfectio animarū, amor scilicet, ama-  
tisq; cognitio, ac fides, aureis quibusdam deriuant cuniculis, latè omnibus inno-  
telcat, idq; se tandem affecuturā speret, cur carnē, mortaliū uidelicet minas aut  
terrores multi facere debeat, non uideo. Timeant sanè carnem, qui carni, tanq̃  
dominæ, obtemperant. Timeant homines, qui plus homines q̃ Deum & amāt,  
& metuunt; ego, inquit uates, simulac Dei sermones, quæ sunt eius mihi factæ  
pollicitationes, quibus maximè meis in æumnis innitor, laudibus efferre, atq;  
in ipsis, quoquo modo insaniat mūdus, sperare decreui, nō uerebor quid in me  
minarū, seditionumq; moliant homines carni obnoxij & mundo. Hi enim

Tota die uerba mea execrabantur, aduersum me omnes cogitatio-  
nes eorum in malum.

Perpende, te oro, humanissime Lector, q̃ graphicè dolosorū hīc hominū, in-  
nocuisq; insidiantū mores effingat uates, imò Christus ipse, qui cum Deo suā  
expostulans sortem, pro me miserrimo sibi ascitam, ita hostiū suorū (qui probi-  
tatis cupidos odio & cōtumelijs insectant, hi Dei hostes ilicò efficiunt) perfidiā  
deregīt atq; astutiā. Quicquid, inquit, instituo, quicquid cogito, quicquid aut lo-  
quor, aut operor, id totū uasri homines & astuti calumniant, partemq; in dete-  
ctione accipiūt, atq; ad inuidiam pertrahunt. Quid hīc dicam: omnes eorū cogita-  
tiones & consilia, in meū tanq; uenenata spicula intorquet exitiū. Quotidie qui  
dem uerba mea, etsi uitæ uerba essent, à Deoq; profecta, execrabantur, dirisq;  
impetebant ac calumnijs. Ad hæc,

Inhabitabunt, & abscondent: ipsi calcaneum meum obseruabunt, si-  
cut sustinuerunt animam meam.

Clarius Felix: Congregabunt, abscondentur: ipsi uestigia mea obseruabūt,  
cū expectauerūt animā meā. Hucusq; Hebræis uersus est. Ecce perfidiosorū  
mos & institutū: formati enim suis illis turpissimis in mente ideis, formisq; per  
uersitatū, cōueniunt tandem, in unumq; cōspirant, ut sagittēt in obscuro rectos  
corde. Quæcūq; enim agit uir sanctus, aut loquit, quocunq; suū habet iter, seu se  
deat, seu legat, seu etiā dormiat, aut alijs naturæ indigentis, ut sanctos decet, pa-  
reat, ea omnia callidi illi aucupes obseruant, ad suamq; inflectunt nequitia: & id  
sanè totū, quò innocentissimorū hominū & famā & dignitatē, & nomen & ui-  
tam demū traducāt, & extinguat. Hucusq; ut dixi, Hebræis est uersus. Vnde sic  
redditur à Paraphraste: Conspirabant, & insidiabant ipsi, & uestigia mea obser-  
uabant, studiosè hoc agentes, ut capiant animā meā. Ex qua quidem Paraphra-  
stæ lectione duo aduerbi possunt: tum uersum copiosiorē esse Hebræis, tum nō  
calcanē, sed uestigia ab illis legi. Quanq; calcanei dictio nō nihil uero sensui in-  
seruire uideat, quò apertius malitiosorū hominū doli, occultaq; patefiāt insidiæ.  
Nihil profectò apertè, nihil ingenuè agunt proditores, sed omnia uersutè, ob-  
scure, uasrè, subdolè, ut de calcaneo alias diximus. Verum tu, ô Deus,

Pro nihilo saluos facies illos: in ira populos confringes.  
Quòd hūc uersum per interrogationē legi debere opiner, facit interpretatio  
Paraphrastæ, qui sic reddit: Erit ne hæc iniquitas impunita illis? Sensus igitur:  
hæc ne illorū peruersitas tam parui à te æstimabit, ut pro nihilo illā ducas: idcir-  
co nullā de illis exigas poenā: minimè id omniū, mi Deus: nam eiusmodi uiuo si  
de, quòd illos nō fines inultos, sed potius illorū acerrimè, uti solent irati, scelera  
uindicabis, eosq; quos ingentes penè populos numero æquent, deprimes, pro-  
sternesq; atq; temerarios illorū ausus perfringes. Verū cæteri Hebræorū inter-  
pretes absq; interrogatione sic uersum reddūt: Propter iniquitatē liberatio illis,



C in ira populos deiſce Deus, hoc eſt (utriuſq; literæ ſenſum ponere non ſum ueritus, quò unicuiq; ſuū integrū ſit iudiciū, eū quē uoluerit ſequi) ſua illi prauitate ſetutos fore arbitrati ſunt. Nam me expulſo, ē medioq; ſublato, ſuis ſe rebus tutē cōſuluiſſe, dñiūmq; perpetuò ſtabilire uifi ſunt, gaudētq; ſe propterea præmiū nō uile aſſecuturos: (ſic de præmio interpretať Fel. ne me mea ſomnia enarrare ſuſpiceris) uerū tu Deus æterne, culparū eiꝯſcemodi flagitiōſarū uindex, deiſce illos, extermina, &, ut ut numeroſi ſint, præcipita & confringe. Ego autem, ō

Deus uitam meam annunciaui tibi, poſuiſti lachrymas meas in conſpectu tuo, ſicut & in promiſſione tua.

Hactenus legunt uerſum Hebræi & Græci. Cū uideo, mi Lector, conſula adeò in diſtinguendis uerſibus interpuncta & intercisiones, cogor interdū ſuſpicari nō ab ipſo id factum eſſe interprete, ſed à pio neſcio quo templorū miniſtro, quò pſalmorū cantus aptius deſineret. Is em̄, quiſquis ille fuit, uiſus eſt pſalentiū choris literā q̄uis ineptam accōmodare maluiſſe, quā uerū ſenſum & ſpiritū. Illud etiam nō omittendū, dictionē Deus, quā nos legimus in principio uerſus, Hebræis eſſe præcedentis finē, ut ſuprà retulimus. Et quod noſter uerit interpreter, Vitā meā annunciaui tibi; Hebræi habent, Fugam meā, ſeu diſcurſus meos numeravi tu. Rurſus illud, In conſpectu tuo, ſicut in promiſſione tua: illi legunt, In utre tuo, utiq; in cōmentario tuo: ſeu, ut reddit Campenſis, In libro rationū tuarū ſcribe eas, nempe lachrymas. Quare nihil aliud hīc uelle uatē auguror, q̄ ſuā continuā & uagam deſlere fugam, exiliū, atq; ut uertit Felix, uagationem: nam, ut in Regū geſtis legitur, nuſquā illi tutus erat locus. A patria quippe ieſtus, à Philiſtæis penē occiſus, à Ceilitis, Ziphæiſq; prodiſtus, à filio, à dometiſtis, ab ipſiſq; arctiſſima illi coniunctis neceſſitudine traductus, quo iam terrarū angulo ſeſe occluderet tantus uir? Quare nō ualde admirandū, ſi alio in pſalmo ſic ſuam exponit miſeriam. Fuerunt mihi, inquit, lachrymæ meæ, panes diē ac nocte. heu cibum certē innocentiſſimo uiro minimē debitum. Hic uerò quid: Poſuiſti, inquit, ſeu, quod magis placet, Pone lachrymas meas in conſpectu tuo, illas conſidera, illas tuo ſanctiſſimo clementiæ abſterge ſudario, ſicut in promiſſione tua, ſicut, inquam, tuis in promiſſionibus eſt ſcriptū, atq; ſi lubet, illas in utre tuo, nempe reſpositorio, quo res ſolent chariores collocari, colloca: & hæc nimirū omnia, lachrymas, gemitus, uagoſq; diſcurſus, ac iam faſtidita ſuſpiria, cum hiſ quæ à perdiſſimis iſtis proditoribus perfero, tuis in cōmentariis, ne unquam in obliuionē deueniant, reponere. Vide q̄ certū de ſuis hīc geſtis protulerit uaticiniū Dauid. Etenim cū hæc quotidie beatiſſimi huius uatis æſta ab eccleſia recenſent, recentioriſq; ſemper ſtudio populis enarrant, nōne tibi æterna illa eſſe, perindeq; indies magis noua, ac ſi in Dei rationario ſcripta eſſent, uident: Sic ſunt ſanè ſanctorū omniū geſta, cū interim perit memoria impiiōrū cum ſonitu. Ergo, inquit, habita afflictionū mearū ratione à te, ō Deus,

Conuertentur inimici mei retrorſum.

Terga dabunt, conſuſiſq; re proſus infecta, malum in omen faceſſent. Multis quippe præteritarū rerum mearū exemplis, atq; experientia perdidici, quòd

In quacunq; diē inuocauero te,

Tuumq; implorauero auxilium, quæ meis à tuo edoctus ſpiritu imprecatus ſum hoſtibus, euenient, mihiq; parces. Ecce,

Ecce, inquam, cognoui quòd Deus meus eſ.

Tu tu, non alius, eſ qui res meas optima curas fide, quiq; tum, cū maxime opus eſt, cumq; maior perurget miſeria & calamitas (contra nimirū hominum morem, qui amicitiam tum quidem colere ſoliti ſunt, cū fortunata uideť, cū uerò miſera, deſtituunt) & ſubuenis, & miſerum à miſeria ualidiſſimē ſubleuas.

Quare ne ingratus uidear,



<sup>A</sup> In Deo laudabo uerbum, in domino laudabo sermonē: in Deo speraui, non timebo, quid faciat mihi homo.

Verbum seu sermonē, aliās diximus, rem in scripturis, ut etiam hīc notat Felix, significare; opus item factū, negociū. quare is erit sensus, ut diuinē exprimit Paraphrastes, qui sic reddit: Fretus benignitate Dei, boni cōsulam quicquid accidat mihi. Fretus, inquā, benignitate domini, æquo animo feram quicquid eueniet mihi. Non te moretur, quod modò Deum, modò dominū, suū appellat fauorem uates; nam ipse est dominus, & Deus noster, nos autē populus eius, quamquam dictio illa, quā noster ferē semper uertit interpret, Dominus, nescio quid aliud sonet Hebræis, quā sit simpliciter dominus. Cæterū quæ hīc à nonnullis de uerbo illo æterno, in patris mente, quod in Deo ipso, & ipsum Deum laudari oporteat, dicunt, & quo modo expressa sit in hoc uersu, in Deo scilicet, in dño, in uerbo, effigies trinitatis, nō est cur modò simplici huic nostræ attexamus explanationi; aliud sanē agimus. Hi tamen quibus ociū est & spiritus, alta hæc & sublimia, sensu prius literæ nō ignorato, formare utcunq; animo poterūt. Quod nō interdum sublimitatis is eleuatur animus, qui nulla alia re curāq; detentus, præterq; Dei, à quo perfectū iam hausit nitorē, uim illam diuinā adeptus est, quæ facile ad cœlestia intelligenda, plerunq; etiam cum nō aduertit, rapitur. Is certē cum uate nostro audacter, ob iam conciliatam cum Deo amicitia, illud de se eloqui poterit: In Deo laudabo uerbum. Quicquid, inquit, mihi (mollē ne illud sit, an asperū, nihil moror) contigerit, de illo sanē, tanq; de re à diuina porrecta manū, gloriabor, Deumq; ipsum laudabo, celebraboq; illius nomen in perpetuū, tantū abest ut, quemadmodū in fide inconstantes solent, de iniurijs mihi à calumniatoribus illatis querar. Summæ quippe fidei indicium est, cum eandem omnino repetit eisdem penē uerbis sententiā: Sperabo, inquit, in Deo, quem solum amo, quē colo, quē in delicijs habeo; & sic nō timebo quid faciat mihi homo quāuis celestus, quid in meā machineū uitā ac nomē proditor, quid palpo, quid delator, quid callidus ille ueterator, quid tota hæc demū Philistæorū manus. Nanq;

In me sunt Deus uota tua, quæ reddam, laudationes tibi. Solenne ac præcipuū ex his quæ fiunt Deo uota, illud est, feruens scilicet laudandi eius nominis studiū, de quo nonnulla suprā in alijs psalmis, à nobis sunt dicta. Et ne diutius in peruestiganda hīc uotorū huiusmodi ratione te torqueas, prudentissimè à uate est additū, Reddam laudationes tibi: ut subsequens hemistichius, prioris sit interpretatio. Atqui uota ea quæ corporeis uidentur oculis, uerpote quæ ab exteriori ecclesiæ procedunt ritu ac cerimonia, tum sponso grata sunt, si illius in primis queratur honor & cultus, qui in mentiū unitate ac fide maximè positus est. Nam uerā illam esse numinis laudem, uerumq; cultū, uotū atq; religionē ducimus, quæ cum in mundis, benèq; excoctis sita sit animis, ad externos quoq; uti è uaporario solet calor, sese effundit mores ac ritus, qui interioris flammæ testes sunt & lucis. Quare ut prudenter, ita uerissimè à uate est dictum: In me sunt Deus uota tua, nempe laudes, quæ reddam tibi. Est etiam illud pulcherrimū à quodam dictū, Non extrā quero, inquit, quid offeram: de ara cordis, de macello, de cellario cōscientiæ exit torū, quod in charitate accendendum est. Reddam igitur, inquit uates, quæcunq; tibi pollicitus sum.

Quoniam eripuiisti animā meam de morte, & pedes meos de lapsu, ut placeam coram Deo in lumine uiuentium.

In lumine uitæ, uertit Felix. Rursum illud, Ut placeam coram Deo, diui Hieronymi translatio habet: Ut ambulem, seu, ut uerfer corā Deo. Idem Felix, idem cæteri ex Hebræo. Cuius sensum sic exprimit Paraphrastes: Ut possim ambulare coram te, mi Deus, illustratus lumine quo solent qui uiuunt perpetuò. Gratissimī hæc est animi testificatio, qua se uates, perfectissimi poenitentis typus, al



C tissimo deuouet Deo. Hi sunt porro effectus, hi nostrarū lachrymarū exitus & gemituū, qui ē corde ualde cōsternato prodire soliti sunt, nempe integra à morte animæ ereptio, tum eiusdem ereptionis spes solida, certitudo ac fides. Quod quidem infelicissimū mortis genus, cū ab effrenatis hominis affectibus atq; appetentijs, qui sunt pedes animæ, oriri soleat, idcirco suam ab huiusmodi pedum lapsibus liberationem ingenuē fatetur uates. Ex qua sanè, hoc est, ē nostris nobis cōdonatis à Deo reatibus, reconciliataq; cōscientia, ac recto nostris in uisceribus innouato spirītu, atq; erogata cōlitis gratiarū abūdantia & suauitate, subita quædam exoritur in anima lux, quæ Christus est: quo præuio & duce, facile salebrosas uitæ huius semitas, iterq; caliginosum & obscurū, illæsi transcurrimus. Iam illud postremò notandū, oculos meos à lachrymis, in codicibus Hebræis nō inueniri; uerū non impedit sensum, imò adiuuat: ut sicut uerbis illis superius positis, Ipsi calcaneū meum obseruabunt, hæc opponunt, Pedes meos eripuisti, scilicet à lapsu: ita illis, Posuisti lachrymas meas in conspectu tuo, ista, Oculos meos à lachrymis, uidelicet liberaisti, pacata iam conscientia, ac libera à iudicij terrore & pœnarū, ob condonata peccatis meis ueniam, infusumq; in me spirītū: quo attestāte, lumenq; mihi in tenebroso uitæ huius labyrintho præmonstrante, certior fio me Dei esse filiū, qui lux est, ac mirabiliter lucens lampas ac fax, in lumine uiuentium. Cui honos sit & laus in secula. Amen.

PSAL. LVII. Vincenti. Ne dissipes Dauid in signe, dum fugeret ipse à conspectu Saulis in speluncam.



Iserere mei Deus, miserere mei, quoniam in te confidit anima mea.

D Cum semel Saul, & uiri eius, ut in primo Regū libro legitur, in modo dum coronæ cinxissent Dauid, in deserto Maon, ut caperēt eum (iam Dauid desperabat se posse euadere) uenit nuncius qui nūciauit Saul Philistæos in regnū irrupisse: quo nuncio exterritus rex, omisso Dauid, exercitū in Philistæos direxit. Dauid tamen cōsiderans se minimè tutū fore in Maon, ascendit ibi, ut refert historia, & habitauit in locis tutissimis Engaddi. Porro repressis fugatisq; Philistæis, Saul iterum habito totius exercitus delectu, nouam incœpit persequutionem. Et perrexit, inquit, ad inuestigandum Dauid etiā super abruptissimas petras, quæ solis ibicibus peruiæ sunt. Verū in ipso itinere, Saule immensam quandam speluncam, quò uentrem purgaret ingresso (scribunt cosmographi, in regione illa ingentes adeò specus inueniri, ut sint qui quatuor millia hominū capiunt) in cuius interiori recessu Dauid cum suis (sexcenti hi erant) latitabat, contigit ut ipse Dauid, refracto prius impetu militū, qui Saul occidere decreuerant, propius accederet, & sic clām oram præciciens chlamydis regis ad suos reuertetetur. Postea uerò è specu egressus Saul, pergebat cœpto itinere, sed uiso Dauid, perceptoq; periculo in quo fuerat, non modò à uiri iusti destitit persequutione, uerum etiam percussio cum illo fœdere domū redijt. Verū Dauid in ipso belli tumultu & fuga, hanc in Deum fiduciā plenā composuit odam, dixitq; Miserere mei Deus, quoniam in te confidit anima mea. Quòd certè Dauid tam infesto pepercerit inimico, cū eum occidere potuisset, tum primū Euangelij imaginē expressius q̃ antea forsan adumbrare uisus est. Quis enim (inquit Saul) cū inuenerit inimicū suum, dimittet eum in uia bona? Perfectissimi sanè illud fuit animi indicij. Quotus enim quisq; est, uel ex his qui ecclesiæ legis adhuc uer cultu & religione, qui uirum illum, nempe in tenebris antiquæ leges adhuc uersantem, in huiusmodi uitæ actu se æquasse dicat? Si dicit, unde, obsecro, inextinguibiles in rebus pub. in templis, in ipsissimis Ecclesiæ adytis, discordiæ, rixæ, dissidia, homicidia tandē illa quæ tum ferro, tum odio crudelissimè perpetrant? Sed mihi hîc tempero, & ad psalmi interpretationē, prius explanato, ut res ambiguae



Abiguae explanari queunt, titulo, me uerto. Censent nonnulli uerbum, Ne dissipes, seu, Ne perdas aut corrumpas, ideo hic poni, quod Dauid, uisa occasione, promptoq; animo suorū interficiendi Saulem, sese cōtinuit, dixitq; : Propitius sit mihi dominus, ne faciam hanc rem. Et est fermè idem, cū non multò post si dissimū comitem Abisai, qui Saulem ipsum dormientem obtruncare statuerat, obiurgauit, inquit; Ne perdas eum, seu, ut nostra habet æditio, Ne interficias eum. Insigne porrò uocat Saul, ob dignitatē regiam, quem etiam Dauid ipse ex more Christū domini appellare cōsueuerat. Alij uerò putant initiū fuisse carminis, ad cuius numerū & mensurā, tum is tum cæteri eiusmodi cōpositi erāt psal-  
mi. Alij rursus, Ne dissipes, ad Deum referūt, & mixtā dictionē, quam cæteri in  
signe interpretant, mitem seu simplicē uertunt, titulū Hieronymi citantes, qui  
sic habet: Pro uictoria, ut nō disperdas Dauid humilem & simplicē, quando fu-  
git à facie Saul in speluncā. Horū omnīū de titulo ambiguo & obscuro, opinio-  
nes idcirco ponere libuit, quò unusquisq; quod suo magis cōducere gustui du-  
xerit, id arripiat. Tantū id cupit spiritus, ut mens natura ignea, his imis modicè  
delibatis, ad sublimiora peruestigāda toto feratur nisu. Omisso igitur paulisper  
tore hic nostrū, nostrā cōmendare Deo patri miseriam; quæ ut acerbior appa-  
reat (quā non eam acerbissimā dicam;) bis uerbum idem, nempe miserere, repli-  
cat. Miserere mei, inquit, miserere mei, subindeq; causam, cur diuina flecū de-  
beat seueritas reddīt, cū ait: Quoniam confidit in te anima mea. Ea enim præ-  
dita uel fiducia, ut non solum ad nostris opitulandum malis, Deū moueat, sed  
etiam cogat omnino, & ad nobis obsequendum obliget. Mirū quā lautè gau-  
diat anima in angustijs & oppressiōibus, spe solida in Deum. Proinde ni-  
hil tam arctè ferē à nobis diuina requirit maiestas, quā ut aperta fiducia, min-  
imeq; nutante & debili persuasiōe, ad se nostris in ærūnis cōfugiamus: hoc est,  
nostrū omnino totū uult cor, quo habito, totū & nostrū habet amorē, nostram  
fidem, nostra desideria, nostros affectus. Hæc est lex fidei, ad quam obseruan-  
dam, quotquot sacra intingimur unda, uel ingratissimè tenemur.

Et in umbra alarum tuarum sperabo, donec transeat iniquitas.

De alarū tutela iam aliàs diximus, sollicitā præ se ferre ac tutam protectionē.  
Vidisti ne unquam pullos gallinaceos è corbe gallinaria, ubi cōtinua filiorum  
cura ægrotat mater, exiisse, atq; in aprica lasciuisse area? Quid si à rotatu illo in  
aëre tardo, uastro tamen ac dolofo milui, aut rapido accipitris uolatu deterren-  
tur ad corbem subito, natura id cōmonstrante, ad matrem, ad solitas recurrunt  
alas. Quid tum mater? expāsis actutū alis, ingemiscensq; interim cum filiis, atq;  
eis & uoce & pluma ad blandiens, tandiū timidis incubat, quoad eius, à domesti-  
cis domus, clamore effugerit prædo. Ita nimirū suos erga electos se habet diuina  
bonitas, qui, cū desit qui pungat stimulus, aut metū ingerat miluus, in uitæ lu-  
xum faciliè prolabunt: ueruntamen admoniti & puncti, eò prudentissimè remi-  
grant, unde imprudentissimè, forsāq; stolidè emigrarūt. Putas ne tum Deus  
comprimat, an potius expandat suæ protectionis alas? Id sanè agit in præsentia  
Deus, agetq; in posterū, donec transeat iniquitas, transeat accipiter, transeat mil-  
uus, rapaxq; orationū clamore expellatur uultus. Quod quidem in cruce egita-  
2  
manissimus nostri Christus: nam longos post mortaliū questus, post gemitus,  
post lachrymas, post clamorē illū miserandū, quo omnes passim uociferabant,  
miserere nostri dñe, miserere nostri, ille reiectis à manib. institis, excussisq; funi-  
bus, quib. à proprio cōstrictus fuerat populo, nodosum crucis ascendit stipitē: è  
qua sanè diuina illa amoris plenissima nō modo aperuit brachia, uerū etiam illa  
ipsa clauis, trabalibus illis quidem & firmis, configi uoluit, ut firmā, immutabi-  
lemq; suam erga nos fore ostenderet & charitatem & misericordiam. Ergo



**C** Clamabo ad Deum altissimum, Deum qui benefecit mihi.  
Ad Deum perficientē super me, habet Hebræus; id est, clamabo ad Deum altissimū, Deum, inquā, expedientē, atq; ad optatū finem, quicquid orauero, perducen- tem. Vnde Paraphrastes: Implorabo auxiliū Dei altissimi, Dei illius, qui perficiet quæ cœpit in me. Quod si etiam exponēda est nostræ æditionis litera, dicendū erit, uerba hæc summæ esse fidei, qua anima præteriti haud immemor beneficij, sperat suis idem in afflictionibus assecuturā. Benefecit, inquit, olim à me rogatus, benefaciet quoq; spero, in posterū. Ego autē sciebam (inquit Christus ad patrem) quod semper me audis. Vnde

Misit de cœlo, & liberauit me, dedit in opprobriū conculcantes me.  
Res profectò simillima uidetur esse miraculo, si cui in calamitate aliqua misere attrito, subita è cœlo effulgeat lux, de improuisoq; diuinū appareat subsidium. Quid tam mirandū in rerum natura, hominē scilicet uidere penitus destitutum calcatumq; ab omnibus, derisum, expulsū, nō multò adeò post è terris ærumnarum tenebris, tanq; è nube solem, exilire? Hæc sanè spiritus, ut diligentiori expenderent animo, uoluit Selha interponi. Quid sit porro, dedit in opprobrium conculcantes me, sic exprimit Paraphrastes: Et infamem faciat eum, qui cōculcare conatur me. Verbum enim, dedit, quò lucidior haberet sensus, additū est à Græcis: nam illa Hebræis duntaxat est litera, Opprobriū absorbenti me, dabit scilicet Deus. Deinde quid sit illud, quod Deus è cœlo, hoc est, ab æterna illa moderandarū rerum omnium prouidentia ac bonitate, in suorum subsidium demittere consuescit, subsequens declarat uersus.

Misit Deus misericordiam suam, & ueritatem suam, & eripuit animam meam de medio catulorum leonum: dormiui conturbatus.  
**D** En duo illa fulcra, quibus anima tanq; iacens uitis innixa sustentatur, Dei scilicet misericordiam, & ueritatē seu fidem, qua quidem Deus ex pacto quodammodo pollicitationū suos seruat electos, illa uerò gratuito. Censendum ne est, Deum, qui misericordia, coæternaq; sibi bonitate motus, salutē, si quis eam cupiat, conferre pollicitus est, imò ex pacto sese obligauit, negare posse, quod ultro ea benignitate se daturū promissit? His itaq; tanq; nuncijs è cœlo missis, animas suæ religionis percupidas & studiosas inuisere solitus est Deus, ne in aduersitatū acerbitate fatiscentes, desperent omnino, hisq; eas solatur dictis: Ego sum, nolite timere. Vide propterea diuini effectū præsidij: uide, inquam, in quibus plerūq; malis uersetur innocentia, nostraq; è regione ostendatur fides. Eripuit, inquit, animā meam de medio catulorū leonum, dormiui conturbatus: id est, inter illos qui leones magis quàm homines appellari debent, uersari cogor. Verum unde hæc exorta est, dicat aliquis, conturbatio? Audiatis, si lubet.

Filij hominum, dentes eorum arma & sagittæ, & linguæ eorum gladius acutus.

Quid nō conturbat peruersorū hominū linguæ? Quis cœtus, quis populus, quis ciuiū cōuentus tam sanctus, tamue tranquillus, quem nō confundant, perturbentq; penitus doloſorū hominū oblocutiones, perfidiosæq; odiorū factiones? Vnde expressius illud superioris uersus reddunt Hebræi ferè omnes: Dormiui conturbatus. Sic Felix: Iacebo in medio inflammantiū, in medio filiorū hominis, quorū dentes lancea & sagittæ, & lingua eorum, framea acuta. Dormire cogor, inquit Paraphrastes, inter furiosos. Vide quāta uerborū exaggeratione foetissimā maledicorū consuetudinē depingit uates. Eos similes dicit esse, ob truculentiam iramq; inexorabilem, leonibus: & ne id parum uidere, illos iterū furiosos, & his quidem incenditibus inflammantibusq; quicquid probitatis nati fuerint, cōparat, enarratq; unde illorū huiusmodi erumpat furor, unde ignis ille



Ille letalis detractiōnū accusatiōnūq; ortū habeat: A dentibus, inquit, eorū acutissimis, linguisq; ignitis. Quæ duæ sanè res, cum sermonis potissimū sint instrumēta, ad turpissimū deferendi assentandiq; usum accōmodat peruersissimum istuc genus hominū. Quocirca non immeritò sanctissimus ille senex & apostolus, de linguae natura edisserens aiebat: Ecce lingua modicū quidem membrū, quātus ignis, q̄ magnā sylvā incendit. Lingua ignis, est uniuersitas iniquitatis. O infelices animas. Verū ne diutius in tuos praeualeat amicos hæc mūdī pestis, Exaltare super cœlos Deus, & super omnem terram gloria tua.

Tu qui improbis periurisque, ac illis quidem qui de se illud iactare cōsueuere, Labia nostra à nobis sunt, quis noster dominus est: tu, inquā, qui istiusmodi hominū generi iacere, planeq; ad iniurias innocentiae obdormiscere uideris, exaltare in uirtute tua, expergiscere, illisque tandem te in celis esse, ubi omnia prudentissimè circūspiciens, & moues, & temperas, ostende, & debitas de illorū sceleribus pœnas, ut es æquissimus omnium arbiter, poscens, uitamq; innocuorū ab illorū eripiens sæuitia & diritate, tua appareat etiam in terris magnitudo, quæ in eo maximè posita esse uidetur, ut defensa probitate, nefandorū hominū feritate frenes, ac multa afficias. Sic sanè tua postulat æquitas, sic iustitia, sic, quibus potissimū ab omnibus ubiq; omnium hominū regionibus, immensus omnipotentissimusq; iudicaris, gloria atq; excelsa moderandarū rerū prouidentia, & maiestas. Vide, obsecro, illorum immanitatem atq; insipientiam. Nam

Laqueum parauerunt pedibus meis, & incuruauerunt animā meā. Foderunt ante faciem meam foueam, & inciderunt in eam.

Tametsi em̄ multa sint argumenta, quibus diuina copiose queat ostendi moribus cum uirtus, tum sigillatim erga electos beneuolentia, illud tamen nō inter infima censerī debet, cum in idem planè ipsum improbi incidūt periculū atq; dolenterq; uti solertes solent auibus aucupes, aut feris uenatores, concinna uerunt. Idcirco uolens propheta, quanti res ea momenti sit, dignaq; quæ intimis recondatur animæ secretis demonstrare, Selha hīc inseri curauit. Verū cum copiose admodū in superioribus psalmis, de huiusmodi troporū genere sit dictū, ad reliqua descendamus. Tantū illud nō prætereundū, incuruauerunt animam meam, à Felice uerti, depressit, nempe laqueus seu rete: sed si etiam ad insidiatores id totū referas, ita ex hebræo uerti poterat, ut nonnullos uertere uideo, Rete parauerunt pedibus meis, ad capiendam animā meam. Si animā igitur legas, ad dæmones id totū referendum erit (quid enim insidiarū, quid tendicularū, quò infestas irretiant animas, non moliuntur dæmones?) si uitam rursus exponas, ut sapenumero fit, ad homines scelestos & fraudulentos. Vtrunq; enim molestissimū tranquillis solet esse hominibus, atq; his quidem qui cum nihil in terris tantumq; sincérité & candorē, pluris æstimare solent doloſorū hominū iniurias, q̄ dæmonum, naturaliter ad minimū fidei telum expauescentiū: illi uerò ne ab ipsa quidem terrifica diuinæ ultionis flamma & multa deterrentur. Sed uide, quid probitatis cultrix, planeq; à spiritu erudita de se dicat anima:

Paratum cor meum Deus, paratum cor meum, cantabo, & psalmū dicam domino.

Uti lubet, inquit, in me sagaces insurgant dæmones, struantq; insidias turpissimorum affec̄tū, obloquutores, uanisque blaterones, inuidi, exleges, impij, en cor meū, tua ad admittenda uulnera, mi Deus, præparatum, promptumq; tuum ad celebrandum in psalmis nomen. De te igitur cantabo, metraq; non assentatoria illa quidem, spe lucri uenalia, in principis alicuius gratiam elucubrabo, sed tuum ad honorem laudemq; cantabo, & psalmum dicam. Illi certè laqueum



c parauerūt pedibus meis, ego cor ad ferendum quicquid fors attulerit, præpara-  
bo. Illi in foueam, quam foderunt ante faciem meam, inciderunt, ego autem can-  
tabo & psallam, tantū abest ut meam amplius querar sortem. Age itaq;

Exurge gloria mea, exurge psalterium & cithara, exurgam diluculo.

Ad diuinas enim hīc laudes decantandas, mira spiritus doctrina sese excitat  
uates, uocatq; suam se gloriam aut decus, ut ex hebræo uertunt nonnulli. Se, in-  
quam, nablum, chelym q; & citharā nuncupat, ea sanè ratione, qua anima in diui-  
nis occupata mysterijs, in Deo q; per cordis quietē emoriens, nō solum quæ a-  
git, ea omnia in sui laudibus amati concinendis impendit, sed etiam nō iam am-  
plius anima, utpote quæ cum Deo unū quoddā ui effecta sit amoris, ipsa eadem  
fit laus, hoc est, quicquid cogitat, loquitur q; aut agit, id omne laus una est Dei,  
perfecta q;, ac in cineres uirtute fidei conflagrantis, absumentisq; holocaustum,  
collabēs litatio. Expergiscere, inquit, ô anima mea, expergiscere, profer q; tena-  
blum & citharā, quæ mea est gloria, quia Dei. Nam quod ad me attinet, ne ipsam  
quidem opperiar aurorā, sed suauissimo cōcentu ipsam anteuertam lucem. Vult  
me sanè, meo in lectulo stertentē prima excitabit lux, sed ego illam potius. Vult  
uates suum apud omnes testatū esse laudandi Dei studium & uigiliantia; alioqui  
certè tam arctam cum cœlesti numine unionē humanæ mētis, qua in Deum ex-  
se exiens anima, penitusq; sui oblita, & fertur, & rapitur, ignauis, totasq; noctes  
stertentibus, nunq; cōtingere uidimus. Summo quippe opus est nīsu, atq; infra  
cto animi proposito & studio, in adipiscenda ea animæ purgatione, qua duce ad  
illum ascenditur perfectionis gradum, ad quē cum omnes, tum illi maxime qui  
& habitu & cultu, & ipsa quoq; cōuiuendi in cœnobijs ratione, ueteris præ se fe-  
runt Adæ interitū, conari debent. Quod si secus hi agere uident (quicūq; hi sint)  
D tot monstra eos esse dicas, atq; ad illudendū Christi religioni, ex antro aliquo ca-  
liginoso emerfa portenta, ac lamias. Ridebunt hīc, scio, nonnulli quibus persuasum  
est, si quid in Christi doctrina, quod animi sublimitatē requirat & perfectio-  
nem, legere contigerit, id ad consilia referri oportere: proinde nullā sibi esse de-  
bere de consilijs considerationē, sed de præceptis tantūmodo. Ridebunt hīc, in-  
quam, duntaxat hi, qui nec consilijs nec præceptis obtemperantes, uitā, nescio  
quam, dubiam, effractam, inertem turpemq; transigūt: secus uerò illi, qui quan-  
to possunt conatu in præceptorū studio sese exercitantes, cōsilia sibi æquē pro-  
sus atq; ipsa Dei præcepta, necessaria esse arbitrant; quocirca nō hīc quidem ri-  
debunt, sed suspirantes suam detestabunt moram, quod illum nondum attinge-  
rint scopum, quo adepto, Christus, nempe animarū quies, pax, uita acquirunt.  
Sanè uerò nostra delectat inertia Deus: neq; ob aliud erectæ sunt templorū ara-  
& muri, nisi ut sint qui uitæ cōmoda solummodo sectantes molliter, absq; labo-  
re aut proficiendi studio, nō in dño, sed in uentris cura ocidentur: Flet Christus,  
didido & impuro, & ego mea in causa, genere nescio quo uitæ contentus, nihil ul-  
tra quærendum mihi esse persuadebo: Me miserū: quomodo equidem unā cum  
uate, imò cum Dei spiritu, qui ardens ignis est, dicere nisi fictē potero, Paratum  
cor meū Deus, paratū cor meū: Putās ne, mi Lector, ab anima illa, quæ in diui-  
no prorsus nō sit immersa lumine atq; amore, uerè dici posse, Paratū cor meum  
Deus, paratū cor meū: Censes ne, quid ista præ se ferat repetita cordis præpara-  
tio: quid cantus: quid psalmi: quid cithara: quid illa tandē animæ gloria, de qua  
hīc uates obscurè tamen loquit, à tardis mentibus cōprehendi posse: Alta sunt  
hæc quidem, illisq; tantūmodo cognita, qui purissimā degentes cum Deo uitā,  
nō minus æquissima illius diligunt consilia, ad eaq; obseruanda toto aspirant  
nimo, quàm salutare illius præceptiones. Verum alij ut lubet, quæ secum in ter-  
ris attulit Dei filius, definiant: ego autem meum seruans institutum, Con



Cōfitebor tibi in populis dñe, & psalmū dicā tibi in gentib. Qm̄ magnificata est usq; ad celos misericordia tua, & usq; ad nubes ueritas tua. Apertē hīc narrat uates, quāobrem in se psalteriū & citharam exuscitari concupuerat, nempe ut sparsim omnibus, ubicūq; degant, nationibus, siue gentes hāc sint, siue ē Iudæorū populo, sanctissimū Dei nomen ac cultū prædicare, suauissimōq; spiritus meditari posset cōcentu. Quem sanē sensum sic reddit Cam-pensis: Cantabo laudes tuas etiā apud hominū uariarū nationū multitudinē maximā. Tam est enim grandis misericordia tua, ut ad celos usq; pertingat, & maior sit quā distantia hīc ad nubes tua in seruandis promissis constantia. Cœlos & nubes pro eodem posuit, præuiditq; Dei religionē, quē in animorū uniorum de Dei misericordia posita est, in toto undiq; terrarū orbe disseminandam. Cate dammodo seruat quod est pollicitus, nonnulla à me in superioribus sunt dicta psalmis. Quare ut tandem psalmū finiam, ad Deum cōuersus, eiusq; fide, quam meū in algidum per Christum transfudit cor, animatus, illud cum uate iucundissimū, planeq; diuinum de omnipotentissima Dei gloria, quæ est eius uirtus, misericordiāq; ac in morales omnes beneuolentiā, repetam elogium, dicamq;: Exaltare super cœlos Deus, & super omnem terram gloria tua. Qui laudabilis es & gloriosus in secula. Amen.



PSAL. LVIII. Vincenti. Ne dissipes Dauid insigne.

I uerē utiq; iustitiā loquimini, rectē iudicate filij hominum.

Tituli inscriptio cum superioris psalmi titulo cōuenit, idcirco eadem utriq; seruiet expositio, idēq; erit sensus, atq; eadē ferē causa, eo excepto, quod superiorē à Saule in Engaddi regione fugatus cōposuit; hūc uero, quādo Ziphæorū prodicione penē in Saulis potestātē traditus, inde aufugit, pauloq; post fidissimo duce Abisai, qui Saulē dormientē occidere instituerat, re- prehenso, ipse hastam cyphumq; dormiētis regis clām abstulit. Et est iustissima quædā in Saulis cōsultores ac iudices, typū sanē peruersorū iudiciū, querimonia & inuectiua. Ad nostra em̄ tēpora, ad quē umbræ illæ rerū dirigebant, hęc om̄ia aptāda sunt, ne Christiane uis fidei suo fraudei spiritu ac sensu. Aptemus hīc igit Christū, cuius reprehensiones incredibilē in modū amabiles sunt & salutes, prauos reprehendentē iudices, ad hūc modū: Si uerē utiq; iustitiā loquimini, rectē iudicate filij hominū. Nō est in rebus humanis utilitas cū ea cōparanda, cum in regnis, rebusq; tum publicis tum priuatis, iudices illa præditi sunt animi integritate atq; moderatione, ut nihil diffiniāt, quod nō undequaq; iustissimū sit, ac optime collibratū. Contrā uerō quæ pestis nocentior, qd monstrū tam execrandum, tam ue insolitū & expauescendū potest esse ciuibus, si is cui dī iudicandarū rerum data est facultas, iniquus est, & bis in una eademq; causa uenalis: Possunt quidē huius generis iudices (bonū iudicem in terris tanq; Deū ueneror) toga illa sua molliter imbricata, striataq; ac graui, tum moderato tardoq; sermone & tractando, addo & formicino passu, iustitiā profiteri; ueruntamen cū res ipsa serid eliminatis decretis atq; institutis, eō suas dirigūt sentētias & diffinitiones, unde maius sperat emolumentū, aut in quo priuatis suis, suorūq; affectibus plerunq; turpissimis satisfieri posse opinant. In istiusmodi nomenclaturæ homines inue- quimini, utiq; uerē, hoc est, ex animo, synceroq; iudicio loquimini, rectē, omis- te lingua, aut ornato suggesto, quod æquum est, metiri solent homines, sed ab ipso omnino iudiciorū exitu & finitione. Huc optime quadrare uidetur Felicis litera, An certē, inquit, mutā iustitiā loquimini? id est, num iustitiā loquimini,





**C** iustitia tamen ipsa obmutescit? Muta nimirum tunc fit iustitia, cum etiam ipso iudice disertissime de iustitia differente, iacet indefensa, imò inaudita & oppressa, Cæterum tum Græci, tum Hebræi, recte legunt, non rectè.

Etenim in corde operamini iniquitates in terra, iniustitias manus uestræ concinnant.

En totius prauitatis iudiciorum summa atque origo. Cōtaminato quippe corde, cupiditateque, ira aut liuore infecto animo, quod iudiciū proferre possunt iudices quod iniquum omnino nō sit & iniuriū? Mirū si à corrupta radice, sanos decerpi posse fructus opinaris. Omnē, inquit, cogitationē (heus iudices) in eo consumitis, ut quæ praua sunt & iniqua, nō solū statuatis, uerum etiā in alijs (malum) defendatis. Quid autē? uos tantillam nacti in terris potestatem (in cœlis enim æquifimus omniū sedet arbiter) adeo insolescitis, ut tanquā omnia uestra æquissima forent, iniquitatem pro æquitate manus uenditent uestræ? Hebræis ea est litera: Prauitatem manus uestræ æquilibrabunt. Nescio quidem, an pars hæc in iudice soliditas appellari queat, an insolens potius arrogantia & temeritas, cum ea interdum definiat, quæ nihil minus referūt, quàm leges & iustitiam, & nihilominus tam cæci sunt hi dii terræ, quod se uel acutissimis imponere posse ingenijs arbitrantur. Quid non peruertunt contaminati iudices? Quid impietatis, quid perfidie non audent istiusmodi togatæ belluæ? nō mirū id quidem: nam iudicium

Alienati sunt peccatores à uulua, errauerūt ab utero, locuti sunt falsa.

**D** Heu miserā, prorsusque deploratā istorum sortem. Quid mirandum, inquit, si hi suis in iudicijs à iustitia aberrant? Nanquā in ipso statim uitæ exordio, in ipso uulua conceptu, in ipso sordido ex utero ortu & natiuitate, errare alienareque se à Deo, à probitate, à castis moribus, à uitæ integritate cœperūt. Idcirco locuti sunt falsa, falsasque promulgarūt sententias. Impij, inquit Campensis, à tempore quo primum æditi sunt in lucem, errare cœperunt, ab utero matris loquentes fucata. Quapropter

Furor illis secundum similitudinē serpentis, sicut aspidis surdæ, & obturantis aures suas, Quæ non exaudiet uocem incantantium, & uenefici incantantis sapienter.

Secundum similitudinē furoris serpentis, uertit Felix, & clarius quàm noster. Cæterum, sapienter, Hebræis est, scitè, doctè. Serpentibus porro ea est natura & consuetudo, ut ira aut rabie in aliquē perciti, nunquā nisi cum ueneno ipsum deponant furorē. Et ut cæteris id quod sequitur, insitū sit naturaliter serpentibus, præcipuè tamen is est aspidibus mos atque astus, ut si coniecturis quibusdam, sibi à natura inditis, præuident se à magicis incantandas præstigijs, suapte sponte, ne suum audiant insidiatorē, obsurdescant. Siquidem illud est incantatoribus, consilium, ut aspīs uī carminū districta, deponat uirus, & ita mansuefacta capiatur. Aiunt Marfos huiusmodi optimè callere artem, carminibus scilicet serpentes quamlibet uenenosas ac letales cicurandi. Prudentissimè hīc quidem uates sceleratorum quorūdam naturā, de iudicibus impijs loquens depingit. Nam serpentina quædam illis inest malitia & calliditas, ut irati in quempiam (irasci enim in sui similes neutiquā soliti sunt, sed in dissimiles) nunquā deferueant, nisi proiecto penitus in illum, cui malè uolunt, ueneno. Quod si quē porro ex sanctioribus tanquā eruditū in sedanda illorum insanā & furore incantatorē ad se aduentare praesenserint, ad salutes ilicò admonitiones occludunt aures, illosque perinde auersantur, ac solet aspīs incantatores. Verū enim uerò diuinā aliquando nostris insensata delictis prouidentia, istiusmodi uenenatas permittit ad innocuorum exercitationē regnare uiperas. Vnde semel iratus in Iudæos Deus, illud horrendū in Hieremia protulit, dicens: Ecce ego mittā uobis serpentes regulos, quibus non est incantatio, & mordebunt uos, Sed uide quē nō libenter, imò quasi coactus id ue-



lit pientissimus dñs. Dolor, inquit, meus super dolorē, in me cor meū mœrens. Horū igitur omnīū bene doctē sensum sic reddit Paraphrastes: Venenū eorū simile est ueneno serpentis, & callidissimæ aspidis, ultrò obfuscentis, & obturare eam conantur, ut non cogatur audire uocem illorū qui murmure suauī talutuncq; diri hi sint & implacabiles,

Deus cōteret dentes eorū in ore ipsorū, molas leonū cōfringet dñs.

Hebræi legunt, Contere, & confringe, utrunq; aptè. Ceterū frequens in scripturis dentiū ac maxillarū metaphora est, qua mordaces delignātur calumniæ, uerbūq; innoxiorū uitam lacerantia: uis quoq; improborū, peruicacia, insultus, & id genus alia, quibus instructi artibus in puram proborū conuersationem ac nomen, fortunasq; interdum ferocire solent impij obrectatores atq; inuidi: quorum sanè crudelitātē ut clari⁹ exprimat, dentes illos habere leoninos, nempe acutos ac mordacissimos, asserit. Mola porrò maxilla hīc est, seu mandibula. Quare alio in loco præuidens uates perniciosorū hominū oblocutiones, & blasphemias à dño retundendas, ait: Quoniā tu percussisti omnes aduersantes mihi sine causa, quod diuus uertit Hieron. ex Hebræo: Quoniam tu percussisti omnīū inimicorū meorū maxillā, dentes peccatorū cōtriuisti. Est & aliud genus dentiū, quo Ecclesia mordere solet, atq; arguere peccantes, imò suauissima spiritus mola adeò cōminuere, ut ad sese penitus illos attrahēs, in suā prorsus cōmunetur: Dentes tui sicut greges tonsarū, quę ascendūt de lauacro. Et uerè Ecclesie dentes, tanq; oues detōsæ dici debēt, hoc est, absq; ira ac furia, suos sibi subditos reprehendētes. Quod quidē superiores illos, quorū furorē secundū similitudinē serpentis, surdæq; aspidis esse asseruit uates, quibusq; dens putidus est, ut ait Salomō, ac pes lassus, admonitos uult spiritus. Horū itaq; audaciā, furiatāq; in inuocuos Christi amicos mentē ac feros morsus, ita minutim cōfringet dñs, quòd Ad nihilum deuenient tanquā aqua decurrens, intendit arcum suū donec infirmetur.

Cur hic interpretēs, intendit, nō intendunt, uertit, uix coniecturis auguror: nisi forte intendit, ad Deū referat. Sed alia hīc est mens uatis, illa nimirū, ut audaces improborū conatus, irritos uanosq; omnino fore prædicat. Cuius quidē significatū sic exprimit Paraphrastes: Sagittæ quas iaculant, inter uolandum confringantur: id est, quicquid parant improbi, in medio ipso collabatur nisu, ad instar summa ui tensi, cuius sagittæ in ipso iaciendi conatu refringuntur, in frustrūq; nō absq; intorquentis periculo desiliūt. Huic sententiæ etiā astipulatur diuī Hieronymi litera, qui sic reddit: Intendant arcum suum, donec cōterantur, nempe sagittæ. Felix uerò, Dirigent sagittas suas: sint, ac si cōfringerentur. hoc est, ut ipse sua exponit uerba, nullū damnū faciant. Ceterū notant quidam, principium uersus nō tantū de fontīū aquis, aut amnīū celeriter dilabentiū intelligi oportere, quantū de aqua è uase aliquo euerso proiecta & dispersa: qua similitudine, studia, curasq; iniquorū penitus dissipatum iri nō ambigamus. Verū litera quæ Hebræis est, aliū præ se ferre sensum, ut diximus, uidet: unde sic Paraphrastes, Diffuāt sicut aquæ natura labiles. Quoquo modo accipiendā esse literam ducas, illud compertissimū est, q̃ primū nefandorū hominū conatus desituros: quod alijs postmodum clari⁹ exponit rerum imaginibus, dicens:

Sicut cera, quæ fluit, auferentur: supercecidit ignis, & non uiderunt solem. Priusquam intelligerent spinæ uestræ rhamnū, sicut uiuent. Quam citò enim cera igni admota colliquescat, nō est qui ignoret. Nō secus, inquit, celeriter improborū successus, nifusq; turpissimi præteribūt, atq; solet ab



**C** igne cera actutū liquefieri. Alio in psalmo hac eadem usus similitudine, sic ait: Sicut fluit cera à facie ignis, sic pereant peccatores à facie terræ. Proinde posita ceræ metaphora, ignem addidit. Supercecidit, inquit, ignis super ceram, nimirū illam mollissimā: hoc est, diuina illis superueniet ultio, qua suapte sponte exoculati, neq; hunc solem uisibilem amplius, neq; illum qui in ueritatis indagatione ac gustu splendet, intuebuntur: & id quidem protinus, anteaq; eorum peccata, quæ hîc spinas uocat, in rhamnū, id est, in effectū exeant, atq; obesse queant. Rhamnus enim robustior spina est atq; annosior, idcirco acutior & nocentior. Verū longè aliter has legunt similitudines Hebræi. Sic illi: Diffuant uelut cochlea, & sicut abortiuum foemine, priusquam solem uideat: priusquam spinæ eorum adolescant, in rhamnum repentē uiuos, sicut acerrimo furore, tollet eos turbo. Diuus etiam Hieronymus non ceram, sed uermem transtulit. Quasi uermis, inquit, tabefactus pertranseant. Similiter abortiuū unā cum cæteris reddit, nō ignem. Cæterū de spina & rhamno sic: Anteaq;, inquit, crescant spinæ uestræ in rhamnū. Paraphrastes uerò dilucidius suo more omnia: Similes fiāt lima ci, quæ inter rependum, uel, ut alius uertit interpret, intra testam suam colliquefcit: & abortiuo seu talpæ, quæ nō uidet solem. Priusquā crescant spinæ uestræ, ô impij, in rhamnū, in flore ætatis iratus dñs subuertet eum qui dux est uestræ uenæ uobiscū. Nam quod nos legimus, Sicut uiuentes, Hebræi habent, Sicut uiuentem aut uiuum. Non desunt etiam qui hunc uersum ultimū sic transferant: Anteaq; ollæ uestræ à subiectis spinis calorē cōcipiant, tanq; quis adhuc crudum eripiat, sic æstuanti indignatione subito corripiet illos, ut hinc perdiscere liceat, æquē citò perniciosorū hominū fortunas euolaturas, subindeq; aut parū aut nihil probis obfuturas, ac solet spinarū aridarum flamma, nempe subita & repentina, sub olla carniū adeo celeriter præterire, ut caro ipsa cruda extrahatur, nil scilicet calor is uel ollæ uel carni attulit. Ita profecto ignis ille irarum in maleuolis, quando suorū maximè Deus innocentiam tutari decreuerit, euaporabit, in nihil lumēq; resoluatur, & magis id adeo tum, cū se in ipso fortunæ gremio luculentam uitam uiuere opinabunt. Vide igitur, ô qui in malis longo iam ex usu obduruisti, & contremisce, considerans quibus rerum imaginibus tuæ descriptæ sint fortunæ. Quid, obsecro te, aqua torrentis fugacius? quid arcu nimium tenso fragilius? quid à solis luce ac radijs alienius, quàm sit absq; oculorū usu talpa, aut in formis abortio? Quàm porro uelox sit ac concitus spinarum aridarum calor ac flamma, nemo planè est qui id ignoret. Iam (crede mihi) priusquam opatū sortiatur exitum, tua intercisa est iniquitas. Puta enim illam iam præterisse, cū adeo imbecillis sit ac uelox, ut repentinæ dumorū æquiparetur flammæ. Quod si tamen tam durus es, ut neq; diuino iudicio, neq; tam aptis, tibiq; ualde consentaneis rerum mouearis imaginibus, illud saltem te moueat, quod

Lætabitur iustus cū uiderit uindictam, manus suas lauabit in sanguine peccatoris. Et dicet homo, si utiq; est fructus iusto, utique est Deus iudicans eos in terra.

Pedes suos, uertūt Hebræi, nō manus suas: sed ferè idem est. Nam nihil aliud hîc sibi uult uates, q̃ indicare quomodo seriò gaudere soleant diuini honoris cupidī ac studiosi, ob illā tam horrendam in oppressores innocentie irrogatā cœlitus ultionē. Cuius atrocitatē attentè meditātes, quanq; periculosum omnino sit cum purarū mentiū defensore Deo uelle rixari, cōsiderantes suis in actionibus & curis, quæ sunt illorū manus, fiūt cautiores. Multato pestilente, clamat Salomon, sapientior erit paruulus. Lauāt igitur manus (hæ actionū præ se ferūt munitiem) seu pedes, q̃d ad peruersorū uias attinet, in peccatorū sanguine uiri iusti: id est, cōsiderata illorū damnatione, indeq; accepta occasione, ab actionib. illorū prauis ac studijs, prudentiores facti abstinent, fatenturq; diuinā esse prouidentiam.



atque suo non fraudas fructu ac premio iustitiæ, æquissimo res hominum ponde-  
rat æquilibrio, iustis scilicet spiritus gaudiū, nempe iustitiæ præmiū gratuitò e-  
largiens, & uitā: impijs uerò & sceleratis, de quorū moribus multa in superiori-  
bus differuit uates, & mœrorē & luctum, tetramq; errorū caliginem ac noctem,  
iustissimo persoluens merito ac iudicio. Dicent (inquit) uulgò, uisa hac in Deo  
iudicandi æquabilitate, ergo est fructus iusto, ergo est Deus omnium, quæ fiūt  
in terra, iudex. Est profectò: sic sentio, sic fateor, sic ipsissimis intueor oculis. Cu-  
ius propterea magnitudini laus sit æterna, in secula seculorum. Amen.

PSAL. LIX. Vincenti. Ne disperdas Dauid insigne, dum mitte-  
ret Saul & custodiret domum, ut occiderent eum.



Ripe me de inimicis meis, Deus meus, & ab insurgentibus in  
me libera me.

Duo, ut mihi uideat, sunt potissimū ad explanandos psalmos neces-  
saria: spiritus scilicet Dei, atq; eorū quæ in psalmis ferè sunt, experientia. Dei e-  
nim spiritu ad diuina perscrutanda mysteria incendimur & illuminamur: expe-  
rientia uerò, atq; in acerbioribus rebus usu & exercitatione, ad scribendū acui-  
mur. Alioqui sanctissimo illo spiritus destituti lumine, aut nulla experientia edo-  
cti, quomodo in tam ardenti atq; difficili poemate non hallucinabimur, inepteq;  
in scribendo errabimus? Ego enim, ut de me dicā, longo tum annorū, tum rerū  
usu atq; exercitio probe eruditus, in hac me parte doctissimū esse fateor, tametsi  
neq; disertū neq; eloquentē. In altera uerò parte obnixē admodū elaboro, cōten-  
dop pro uiribus, ut assequar. Gratuita quidem sunt dona Dei, idcirco summa  
sunt cum ueneratione existimanda, & petenda. Certè, mi humanissime Lector,  
quotiescunq; psalmū aliquē mihi elucubrandū legere incipio, attenteq; cōside-  
ro, uideor mihi (quod in lectione Pauli de se asseruit Hieronymus) non uerba au-  
dire, sed tonitrua. Vident nonnunq; uerba quedā simplicia, & quasi innocētis ho-  
minis & rusticani, & qui nec facere, nec declinare nouerit insidias: sed quocūq;  
aspekeris, fulmina sunt. Hæret in causa, capit omne quod tetigit, tergum uertit  
ut superet, fugam simulat ut occidat. Putas ne tantū uatem adeò suis in scriptis  
& uberet, fugam simulat ut occidat. Putas ne tantū uatem adeò suis in scriptis  
usu ornare potuisse? Ex his nimirū quæ passus est, hausitq; à Deo, didicit, exara-  
tionem, quæcunq; ille scripsit, scripta esse, ut in hoc nunc psalmo fateri possu-  
mus. Nam cum tertio iam iram Saulis, malo à spiritu uexati, cōnixiq; illum lan-  
qui caput obruncarent. Verum prudentissima eius uxor Michol, eo clām per  
fenestram demisso, statuam, quæ Dauidem simularet, super lectum composuit,  
& sic deluso rege, charissimū seruauit uirum. Qui tamen horrendo illo in strepi-  
tu armorū, ac periculo, diuinæ haudquaq; immemor bonitatis, ad illam, ut suus  
erat mos, tantq; ad tutissimū suarū ærumnarū perfugiū, hāc mirè accensam dire-  
xit precationē, dicens: Eripe me de inimicis meis, Deus meus, & ab insurgenti-  
bus in me libera me. Nulli dubiū esse debet, inimicissimo illos animo, qui à rege  
missi fuerant, Dauidis domū circumfedissee, in ipsiusq; uitam, quò satis regi face-  
rent, conspirasse. Atqui, ne cuius conditionis hi essent, qui nefario seruirent re-  
gi, nesciretur, confestim addidit:

Eripe me de operantibus iniquitatē, & de uiris sanguinū salua me.

Qui sunt illi, qui operant iniquitatē, quicq; Christum atq; eius Ecclesiā, inno-  
centiū scilicet uitā, in Dauide tunc odio persequabant? Dictio quæ est Hebræis  
atq; ualde aperit, illos notans qui non simpliciter iniqui sunt, sed qui consultò,  
atq; ex animo, toti dediti sunt iniquitati, internecionibusq; intenti. Perniciosis-  
simum id genus est hominū, sed quod tamen à magistratibus, patrumq; pruden-



¶ tia, anteaq̃ ulcus in saniem desinat, præcidi queat. Sed quid, si idem ipsi primarij homines interdum iniqui sunt? Nullum, opinor, extat remediũ, præter illud, quod hîc suæ adhiberi indigentiæ rogat uates: Eripe me, inquit, de inimicis meis Deus meus. Vide quò ab iniurijs oppressa hominibus se uertit anima. Vide an aliud quicquam tam firmũ inueniatur cõfugium, quàm illud est Dei, qui uerus atq̃ adeò solus est fessarũ mentiũ refocillator. Omissis itaq̃ humanis præsidijs, quæ aut debilia sunt, aut infida, nostra omnis collocanda est in Deo fiducia, noster amor, nostra sollicitudo. Ipse ipse, inquam, est, qui inuocatus, nos nostris eripit ab inimicis, nempe operantibus iniquitatẽ, ac sanguinẽ sanguini, ut ait ille, accumulantis. Verũ quid Christus in Dauide de se, pro me, qui mea in dignoscenda miseria atq̃ inopia prorsus hebesco, hîc dicat, consideremus.

Quoniam ecce ceperunt animam meam, irruerũt in me fortes: neq̃ iniquitas mea, neq̃ peccatum meum, domine.

Hucusq̃ uersum hunc legunt Hebræi, quem sic reddit Felix: Quoniam ecce insidias parauerũt animæ meæ, cõgregati sunt super me fortes, nō transgressione mea. & non peccato meo, dñe. Id est, nihil me in illos peccasse conscius sum, quãobrem tam acerbo me persequi debeãt odio. Quòd si suspicio de me aliqua turpissimũ illorũ occupauit animũ, uana omnino ea est, ac probo uiro indigna. Si porro quæ in me machinant, quò suam tantũmodo sedent rabiẽ, antiquumq̃ satient odum & maleuolentiã, excogitarunt, sit dominus inter nos arbiter, atq̃ idem uin dex & ultor. Quid sit, ceperunt animam meam, clarius exprimunt Hebræi, ut dixi. Vnde Paraphrastes: Ea enim, inquit, est illorũ hominũ improbitas, ut mihi insonti insidias struxerint, & conspirauerint in me feroces (tantũ non dixit leones) quos ego nunquã ulla affeci iniuriã, nec peccati quicquã in eos admisi. Nam certè, quantum ad ea spectat, quorũ me nequiter insimulant aduersarij, de hisq̃ urgent & coarctant,

Sine iniquitate cucurri & direxi.

Hîc mihi uideor audire Paulũ de se dicentẽ, Cursum cõsummaui, fidẽ seruauĩ: cũ nihil aliud sit uita hæc mortalis, quàm celer quidam cursus ac fugax. Is sanè felix, qui cum propheta de se id dicere nō ueretur, Sine iniquitate cucurrit: siue illud Pauli, Cursum perfecĩ. Et ne quidem cursus in salebroso uitæ huius, propter infinitas rerum difficultates, catadromo ignauus uideretur, addidit, Fidem seruauĩ: ille autẽ, Direxi. Sed quid direxit uates, aut quò? promptũ nimirũ animũ ad obsequendũ numini: ad illud, inquã, ad quod sua ipse studia postea ac labores Paulus: Ceterũ, inquit, repõta est mihi corona iustitiæ (en premiũ cur sus) quã reddet mihi dñs in illa die. Verũ cuiusmodi integritatis is est dñs, qui te corona, palmaq̃ iustitiæ, ô Paule, est donaturus? Est ne forsan, ut sunt pleriq̃ nostris, quibus nullus est in elargiendis uirtutũ præmijs delectus, nisi in his qui sibi chariores sunt, magisq̃ propinqui, turpēs ne hi sint, uitijq̃ inquinati, an pulcherrimis ornatĩ animĩ dotibus, nihil pertinere arbitrantur? neutiquã id quĩdem omniũ, sed iustus est iudex. Et hæc satis, pieq̃, quantũ ad literam nostri interpretis attinet, sint dicta: uerũ Hebræis longẽ diuersa est. Sine iniquitate, inquit, cucurrerunt, & instruxerũt se. Absq̃ iniquitate (scilicet mea) uertit Felix, current, & dirigentur, nempe in me: ut id omne ad hostes illos referatur, de quibus suprà sic questus est: Ecce ceperũt animã meam, irruerunt in me fortes (fortes sanè propter uim multã pecuniarũ copiarumq̃, & dignitatũ) sed neq̃ iniquitas mea, neq̃ peccatũ meũ hac in re fuit. Absq̃, inquã, iniquitate mea, tanquã effrenatæ belluæ, impetuosisimẽ cucurrerunt, uimq̃ omnẽ in me sauitiæ direxerunt. Quare sic Paraphrastes: Quãuis nulla re læsi sint à me, nihilominus currunt, ut noceant mihi, & summo studio conantur perdere me. Quocirca

Exurge in occursum meum, & uide.

Quasi



Quasi uates Deum dormire, nō uidereq̃, quæ hīc agunt absurda, suspicatur. Sic sanè his nonnunq̃, qui acerbius à nefarijs impudentissimisq̃ iniuriarū machinatoribus exagitant, contingere & cernimus, & si aliquando in pugna spiritus uersati sumus, experimento didicimus. Certè, mi Lector, animis Deo per fidem cōiunctis nihil iucundius accidere potest, q̃ cum mala conflictare fortuna. Competissimū illis quidem est, diuinū nunq̃ electis deesse posse subsidiū: idcirco summa afficiunt delectatione, unde alijs teneri adhuc in fide uirib, destituunt, ceduntq̃ proinde actutū aduersis. Verū & his & illis, in periculosissima cū mundo pugna, necessariū ualde est ad Deū confugiū. Ideo tum hi tum illi, suis in angustijs, ac, ut sic dicam, uulneribus & percussionebus, cum uate clamare ingeminareq̃ cogunt, Exurge, dormis ne domine? expergiscere, occurreq̃, anteaq̃ comprehendant nos hostes, suisq̃ irretiant dolis. Quid tandiu monstra hæc recedat? cæcutis ne ad ea quæ hī nequissimè tua in mancipia moliuntur? uide quæ hīc aguntur, uelne? Si nempe tua in re hallucinaris, quid agant cæteri, quorū pars maior nobiliorq̃, nihil tam expetit & quærit, quàm tua ut funditus corrumpat religio, abrogentur bene uiuendi instituta, ac fides è mundo prorsus excedat? Heu nobilissimū iam olim pietatis unde elapsum est decus? Vide igitur tu è cœlis, postquam non est qui uideat in terris.

Et tu domine Deus uirtutum, Deus Israël, intende ad uisitandas omnes gentes: non miserearis omnibus qui operantur iniquitatem.

Hoc planè modo literā ordinant Hebræi, quem quidem ordinē ego nō inuitus sequor, nō idcirco sanè quò confusionē nostræ interspergā literæ, sed ut germano cōsulam sensui, quē ex apta literæ cōcinnitate facillè elici posse nemo doctus ambigit. De Deo uirtutū, hoc est, exercitiū, quo tropo Dei significat potentat, Deo Israël, quo bonitas, aliàs nō semel diximus, Et est perinde quasi dicat, Tu dñe Deus omnipotens, superq̃ omnē potentiam excelsus & sublimis, uide quæ hīc fiunt, atq̃ omnes qui sua se spōte à suauissimo tui cultus semouent in te corrige, dureq̃ castiga. Visitatio enim Dei in scripturis, præterq̃ quòd designat, ut in hoc loco cernimus. Vnde in Esaia sic loquitur Deus, Visitatione per orbem mala. Visitatione igit dñs quos pœnis afficit, uisitat & illos quos sua dignat gra cum ad nos uenit oriens ex alto. Gentes porrò hīc uocat spiritus, quotquot alieni sunt à Deo, siue Iudæi hi sint, siue alienigenæ, nempe omnes qui operant iniquitatē: quibus nullā præstari misericordiā exoptat uates dicens, Non miserearis omnibus, qui operant iniquitatē: hos ueluti digito demonstrans, qui nulla alia ratione, nisi q̃ peruersæ naturæ homines sunt, & ad inquietandā proborum uitā nati qui uident, cōtinuis lacessunt iniurijs innocentia. Nō te misereat, inquit, illorū qui in malitia obdurati, suapte spōte perditī sunt. Hi quidem ex se de se iudiciū proferunt, decernūtq̃ se indignos esse misericordia, cum dura a deo sit illorū in peccatis consuetudo, ut malint sua in sorde sic emori, q̃ ad fontē illū gratiarū omniū profluuio redundantē, ex quo omnib, quantū, quādoq̃ aut quomodo uoluerint, haurire integrū est, recurrere. Quāobrē cum arduū id ualde uideat, planeq̃ admirandū & terrificū, hominē scilicet ad tantū diuinæ bonitatis ultro deuenire neglectū & obliuionē, ut nullo mereat redimi misericordie genere, additū est à spiritu Selha. Interim uerò q̃ nullū illi impartit uitæ lumen, conuertentur ad uesperam, & famem patientur ut canes, & circuibunt ciuitatem.

Verbū quod noster uertit interpretes, conuertent, Hebræis est, itus & reditus, seu ire & reuerti; hoc est, sedulo, anxieq̃ discurrere, quò sollicitam aduertat, per-



C anxiamq; delatorū, proditorūq; miserā. Nihil sanè infelices huc & illuc temerè, noctūq; præsertim (quod sub dictione, ad uesperā, intelligitur) discurrētes omitunt, quò suā tandem expleāt rabiem & libidinē. Modò hi literis, & his quidem mentitis ac falsis, modò ore proprio, modò per internūcios, succenturiatosq; leones & corycæos, eousq; à rectitudine summovent rerū moderatores, donec tandem illos (ut leuissimò nōnulli sunt animo) ab æquitate deturbent, & quod uolunt obtineāt; idcirco triumphant. En quomodo sæpenumero peruersa à tribunalib. exeunt iudicia. O inuisam omnibus, qui Deū timent, hominū istiusmodi luem. Vide cui animanti similes illos faciat uates, canis scilicet famelico, quò fastidiosam illorū aduertat impudentiā. Cane enim famelico quid impudētius, quid procacius? Hebræorū interpretes suppressa clausula, famē patientē, id duntaxat habēt, tumultuabunt; uel, ut reddit Paraphrastes, Oblatrabūt tanq; canes. Vt cūq; uertas, hi canes sunt impudētissimi, qui fœdo importunoq; latratu quēlibet moratū tranquillūq; proborū cōuentū, quē hīc ciuitatē appellat spiritus, obsident, perrumpūt etiā, & subuertūt, uel eò maximè, si ex primatib. haudquaquē defint, qui huiusmodi feras in uinea domini alant, illisq; ad bonarū frugum depopulationē utantur. Non quidem superuacua fuit illa Pauli admonitio: Vide te, inquit, canes, uidete concisionē. Proinde quid tam solidū inueniri potest, aut impenetrabile, quod nō confringant, cōcidantq; acutissimi oblocutorū dentes?

Ecce loquent in ore suo, & gladius in labijs eorū, quoniā q̄s audiuit? Egregiū sanè consiliū, atq; altè absconditū. Quis, aiunt, quæ nos inter nos oc cultissimis in latibulis cōtra illū infusurrauimus, audiuit? Res mira, inquit Paraphrastes, ore & labijs suis gladios loquunt, nec tamen quenq; esse putāt, qui audiāt. De his (credo) loquitur Esaias, cū ait: Quis uidet nos, aut quis nouit nos? Quare maximū præ se ferre Dei contemptū hi uident, quē nō audire, quē clam inter se loquunt, opinant; uel si audire putāt, nō tanti nihilominus tam uigilem faciunt oculū, quo minus ea quæ in proborū uitā & dignitatē contexunt, uel palam effutiāt, uel audacissimè exequant. Notandam hīc esse opinor apostolus, inquit, loquētur in ore suo; deest enim quid loquent, nempe cædem, fraudulentiam, infamiā, ruīnam, exitiū. Quicquid demū inter se conuenire uideris, gladium id dicas, atq; acutissimis clauis refertū culeum, è quo quoquouersum uerteris, molestissimis emergunt cuspidibus, punguntq; nec quidem tacti.

Tu autē domine irridebis eos, & ad nihilum deduces omnes gentes.

Gentes hīc uocat eos omnes, de quib. suprā: Intēde ad uisitādas omnes gentes. Porro, irridebis eos, anthropopathia est: de quo tropi genere nō raro diximus, sed potissimū in psalmo secūdo. Impossibile omnino est, in Deū, ut in hominē, istius generis cadere posse animi ægritudines: uerū ea loquendi ratione uult uates, perditissimos innocentiae persecutores impossibilia, risuq; digna conatur os intelligi, & quæ nō solū à Deo, uerum etiā à firmis in Dei fide pectoribus subsannari debeant. Agant illi ut lubet, quantumq; diuina permittit patientia, ut canes adlatrent, circumfedeantq; bonorū uitam & nomen: qui habitat in coelis, uir scilicet Deo per amorē unitus, cuiusq; cōuersatio in coelis est, irridebit eos. Cæterum, ad nihilū deduces, Hebræis est, subsannabis. Vnde sic Paraphrastes: Et subsannabis consilia gentiū omniū. Quanq; nec illud quod nos legimus, à uero aberrat sensu, ut superiori quoq; in psalmo idem fermè de improbis asseruit iudicibus: Ad nihilum, inquit, deuenient tanquam aqua decurrens. Verū

Fortitudinē meam ad te custodiam, quia Deus susceptor meus es.

Non ultrā procedit uersus Hebræis, qui tamē nō, meā, sed eius uertūt. Verū prius, quē sensum afferat, fortitudinē meā, dilucidemus, Hebræos postea. Scio, inquit, quòd abs te irrisi consument, in nihilūq; relabentur. Eam ob rem mihi nulla de illorū ultione cura, sed meā omnē fortitudinē, uindictæq; occasiōē ad te cu-



te custodiam: hoc est, tibi ut pro me agas, qui me toties ab hostiū meorū manib. eripuisti, cōmittam, tu pro me pugnā sumito. Nunc ad Hebræorū literam exponendam descendamus, quæ tam etsi una sit, diuersum tamen reddit sensum. Sic illi: Fortitudinē eius tibi seruabo, quoniā Deus protectio mea. Ex illis enim quidam, eius, ad animam referunt, de qua suprà dixerat, Quia ecce ceperūt animam meam; & est idem ferè cum nostro. Nonnullis uerò uisum est de Saul, hoc est, de innocentia oppressoribus, quorū permagna in mundo est fortitudo ac uis, debere intelligi, hoc penè modo; Mei persecutoris uim atq; audaciā, cū in mundo tam potens sit ac ualida, ut à me homuncione infringi nequeat, ad te custodiam: id est, tibi ut illam frangas, reseruo, cōmendoq;. Aliquibus etiā alia magis placuisse uisa est interpretatio, cui & Chaldaea astipulatur paraphrasis. O Deus, inquiunt, qui meo nunc hosti robur es & fortitudo, dum eum regnare sinis, ac me oppresso tutaris, ad te custodiā: id est, illud ipsum robur mihi obuerturum esse scio, cū me, eo excluso, ad regnū ascueris, atq; in illius locum surrogari iusseris. Interim uerò ad te respiciam, auxiliūq; meis in æumnis à te expectabo. Quem autem sensum secutus sit Paraphrastes, tu ipsemet qui legis, iudica. Sic enim ille: Viribus illius aduersarij mei ego te opponam, qui protector meus es Deus.

Deus meus, misericordia eius præueniet me, Deus ostendit mihi super omnes inimicos meos.

Quam libenter sui sancta amati anima inculcat nomen. Vis ne in quo studio uniū cuiusq; uersetur animus, deprehendere? Ex crebra nimirū rei alicuius locatione hæc discitur scientia. Mirū q̄ indignabundè de re alia, quàm de suo amato loquatur homo, qui Deū amat, atq; ut rem summè iucundam & charam, tum querit, tum deperit, tum etiā dormiens in ore retinet. Contrà si quempiam uideris de mundi cōmodis, nempe de ciborū lautitia, de nummis, de cōtractibus, de honoribus, de opprimendo aliquo sermonē libenter facere, quid putas? Hūc quid uino præditi sunt spiritu, uel heluonem, uel auarū, nūmosq; magis quàm Deum colentem, institoremq; aut licitatore, & sæuum omnino, non uerebuntur suspicari ambitiosum, licet ingenti fulgeat autoritate & dominio. Quid unum de, oro, turpissimum parumq; Christianus ille manauit mos, atq; uniuersalis feratim enarrendo, ut si quando cum amicis confabulandi datur occasio, ad bella bula, ad ociosas garrulitates, ne dicam murmurationes, ad obscœnitatesq; uerba deflectimus, nisi quòd spiritus suauitate uacui, expertesq; dulcedinis Dei uina oblectatur maiestas? Vide quomodo sanctissimus uates, utpote qui amorē suum omnē in Deo esse decreuerat, Deū uel centies interdum absq; ratione, ut ignauis uidetur animis, inculcat. Deus, inquit, susceptor meus es. Deus meus, misericordia eius præueniet me. Deus ostendit mihi super omnes inimicos meos. Anteaq;, inquit, ab aduersarijs cōcludar, inuoluarq;, Deus me cōsueta, ne occūbam, anteuertet misericordia, pro suaq; muniet (sic reddit Paraphrastes) benignitate, priusquā illi insultū facere possint in me, & ostendet mihi in hostibus meis, qualia uidere uellet unusquisq; in suis, utiq; interitū & ruinam. De hoc quidem loquutionis genere, quomodo scilicet in nostris uideamus inimicis, in psalmo quinquagesimo quarto est dictū. Phrasis est Hebræa, qua quis ab improbis mapetat, sed quod sic omnia in Deo ueluti in purgatissimo fore intuetur speculo, ac mirè pavidus. Quis has in uiro sancto non admiretur, exhorrescatq; diras? Ne occidas, inquit, illos, ne quādo obliuiscantur populi mei. Disper



coge illos in uirtute tua, & depone eos protector meus domine.

Populus meus, nō populi mei, legunt Hebræi: quem suū uocat uir probus, quia Dei, eo ferè modo quo suprā, suam appellauit misericordiā, seu bonitatē secundum Hebræos, dicens: Deus bonitatis meæ praueniēt me. Illud item, In uirtute tua, in exercitu tuo, nempe Iudæorū, uertūt ad hunc modū: Ne occidas eos subito, sed lento quasi supplicio affecti, tuo in exercitu uagi, afflicticq; oberrent, quò uel sic tandem populus meus eruditus, tam insperati minimè obliuiscat beneficij. Proinde à Paraphraste ita redditur, Ne occideris subito eos dñe, ne penitus in obliuionē ueniat hæc ultio tua populo meo, sed uagari coge illos de loco ad locū. Hic mihi infelicissimi Chain imago depingi uidet, aut perditissimi Iudæa, qui prodito Christo, desperataq; uenia, atq; amisso satraparū fauore, & proiectis argēteis, cum diu hucq; illucq; incertus esset diuagatus, tandem laqueo se suspēdit. Atqui nō mitiori extimulant inquietudinis cæstro hi, qui traducta proborum uita atq; innocentia, miserabili triumphāt spectaculo. Verū quā satius esset, Christi in hoc genere luctæ subijisse uices, quā Iudæ. Depone illos itaq; dñe de sede, uexa, urge, stimula, atq; eousq; tandem afflige, quoad suo maximo cum opprobrio, cæterorūq; exēplo & instructione, fateant nimiū periculosum esse cum Dei amicis uelle depugnare. Vide interim quo isti affecti sint morbo.

Delictū oris eorum sermonē labiorū ipsorū, & cōprehendantur in superbia sua, & de execratione & mendacio annuntiabuntur.

Haftenus Hebræis est uersus, sed dissimili & litera & sensu, à nostro. Felix sic: Peccatū oris eorū, uerbū labij eorū: & comprehendant in superbia eorū, & de maledictione, & de mendacio, seu de execratione & macie narrabūt. Clarius ex eodem fonte alius: Propter peccatū oris eorū, propter sermonē labiorū, atq; superbiā eorū capiant, propter periuriā & mēdacia singuli ducant. Aben Ezra uult hic intelligi uerbum illud superius dictū, Depone, seu disijce: & erit sensus, Disijce illos propter peccatū oris sui, propter uerbū, nempe uenenatū, labiorū suorū: sua in superbia illaqueentur. Cur uerò id fieri appetat, addidit illic, ut nō nulli uertunt, propter periuriā atq; mendacia fiant fabula uulgi. Dictio, quā noster uertit interpres, mendaciū, Hebræis est etiā macies, ut hæc sit multæ acerbitas diuinæ, pallor scilicet ille liuidus & letalis, quē in facie uultuq; simul cum uecordia inesse cernimus obrectatorū maximè atq; inuidorū. Quæ quidē infamiae nota cum cunctis ferè, diuino sic exigente iudicio, manifesta sit, in uulgis fabulam ac prouerbiū facile abit. Hunc quoq; sensum intellexisse uisus est Euthymius, qui sic ait: Propter blasphemiam & mendaciū, omnibus sermo erunt & fabula. Quod sanè uno duntaxat uerbo, annūciabuntur, exprimere uoluit noster interpres, sed obscure nimium.

In consummatione, in ira consummationis, & non erunt.

Et hæc omnia, inquit, infelicissima illis contingent sorte, cum consummatio, finis scilicet illorū prauitatis aduenerit. Consummatio, dico, in ira: hoc est, cum irati Dei iudiciū super illos uenerit. Et tunc, qui aliquid modò esse uident, in nihilū relabent. Talis igitur erit cōsummatio atq; exitus improborū, in quos tam iusta uates, uates autē, imò ipse Dei spiritus in hoc psalmo inuectus est excandescentia. Et hæc quantū ad literam nostrā spectant, sint dicta. Cæterū Hebræi cōsummationis dictionē per uerbū legunt hoc modo: Consume, consume in indignatione, & nō sint. Quid sit porrò cōsume, elegantissimè aperit Paraphrastes: Finem impone, inquit, execrationibus illorū: sic finē impone, ut nullæ sint amplius reliquæ, & scient tandem Deum esse, qui imperiū habeat in Iacob: cuius posteri non angustis, quemadmodum solent, limitibus continentur, sed omnes angulos terræ compleuerunt. Quod noster sic reddit interpres:

Et scient, quia Deus dominabitur Iacob & finium terræ.

Amplius!



Amplissima iam facta est per semen illud feracissimū ē Iacob, quod Christus est, purgatissimarū mentiū, quarū typus fuit Iacob, & ditio & imperiū. Enim uerō ab arctissimis Iudaeorū pomcerijs nostra per Deū ampla emerit fides, qua sanā animati, quicquid sub cœlo conditū est, nostro subiugamus imperio. Quid iam nō audet anima Christo annexa? quid nō subigit? quid nō frenat? Tam certē immēsa, tamq̃ admirāda huiusce animæ facta est dignitas ac potentia, ut meritō hic Selha interiectum esse à spiritu nō ambigamus. Eant modo, postquā sic uolunt, malū in exitiū perfidiosi isti delatores, canes nimirū impudentissimi, quorum ora linguaq̃, ac quicquid demum sunt, acutissimus mucro est; fiant, fiant vulgo ludibrium parabolāq̃, ac publica in triuijs fabula.

Conuertantur ad uesperam, & famem patientur ut canes, & circuibunt ciuitatem. Ipsi dispergentur ad manducandum, si uerō non fuerint saturati, & murmurabunt.

Replicat quod iam dixit: etsi nō me clām est, quosdam ex Hebræorū doctioribus priorē uersum de circumcursantibus more canū, actisq̃ odio ac studio occidendi Dauidem, intellexisse; hūc uerō fame, ac tecti inopia. Quocirca, quod nos ster uertit interpretes, Et murmurabunt; illi, Nō dormient. Quāq̃ Paraphrastes absq̃ negatione sensum sic format: Et quia famelici nō inuenient quo faturent, cubabunt: hoc est, inanes dormient. Felix autem utranq̃ lectionem approbasse uisus est. Vagabuntur, inquit, tanquā profugī, quō sibi uictum comparent: sed absq̃ saturitate indignantes murmurantesq̃, utcunq̃ quiescent. Tu, mi lector, cōsiderata tanq̃ in transcurso uatis calamitate, cōtraq̃ diris suos in aduersarios examinatis imprecationib, certoq̃ de illis animaduerso uaticinio, ad nostra hæc tempora omnia transferre ne uerearis, imō cuncta hæc nostram ad eruditionē scripta esse arbitreris. Et ut apertior, quæ hīc obscurē dicūtur, peruestigandi pateat campus, immemor illius haudquaq̃ sis, quod in propheta Amos te legisse minime dubito. Ecce, inquit, dies ueniunt, dicit dñs, & emittā famē in terrā, non famem panis, neq̃ sitim aquæ, sed audiendi uerbum Dei, & mouebuntur à mari usq̃ ad mare, & ab aquilone usq̃ ad orientem circumibunt quærentes uerbum domini, & non inuenient. En quomodo sensu alio circumcursant uagantes, ut canes famelici. En quomodo nō est qui frangat illis panē. Cæterū quod psalmū ad felicissimā Christi resurrectionē adaptent nōnulli, tam id laudo, quàm aliud quidem maximē, & ut quod uerum est ingenuē fatear, in hisce occultissimis rī mandis mysterijs multū adeo & immoror & delector: sed nostrum id non erat institutum, idcirco ab alijs, qui ex senequunt, hauriant.

Ego autem cantabo fortitudinem tuam, & exaltabo mane misericordiam tuam: Quia factus es susceptor meus, & refugium meū in tribulationis meæ.

Suis sanctissimi moris non oblitus uates, ingentes sese acturū Deo, pro cōdō nata à malis liberatione, & gratias & laudes, maxima animi alacritate ac tripudio pollicei. Persuauis hīc mihi offertur antithesis: Ecce, inquit, ipsi, nempe aduatores, perfidiosi, maledici, delatores, loquent in ore suo, & gladius in labijs eorum: ego autem cantabo fortitudinē tuā, non meam, quæ nulla est. Illi ut canes adlatrabunt, insanientq̃, ac quærentes quos mordeāt, circuibunt ciuitatē, & id tenus ad uesperā: ego uerō exaltabo mane misericordiā tuam, non hominū, quæ fugiam mane, quamcitisimē nimirū, atq̃ in ipsa prima illucescentis gratiæ solisq̃ iustitiæ aurora: quoniā meis in tribulationibus & æumnis factus es susceptor meus, meum refugium, mea pax, mea tota consolatio. Nec quidem ex me id me acturum spondeo, sed quia misericordia tua præueniet me. Quapropter



**C** Adiuutor meus tibi psallā, quia Deus susceptor meus es, Deus meus, misericordia mea.

Cantabo igitur dño, illiq; me totū dedam, atq; om̃es meas cōsecrabo uigilias, studia, actiones, qui bona tribuit mihi, qui me amplexatus est, qui suscepit, qui traxit, nō homini qui mala intulit, qui abiiecit, qui contempsit, qui auersatus est. Exin psallam nomini dñi altissimi, cuius ampla est misericordia, bonaq; uoluntas ad omnes. Cui laus sit æterna, atq; honos in secula seculorum, Amen.

**PSAL. LX.** Vincenti. Super liliū testimoniij insigne David ad docendum, dum præliaretur cum Aram Naharaim, & cum Aram Zoba, & reuersus est Ioab, & percussit Edom in ualle salis duodecim millia.



Eus repulisti nos, & destruxisti nos, iratus es, & misertus es nobis.

**D** Ne historiā illam totam aut bellū, pro quo psalmus iste fuit cōpositus, receniteamus, in secūdo hęc tota Regū libro fuisse satis posita est. Quod uerō tam multis ornata sit uerbis inscriptio, id in causa esse arbitror, quod in bello illo memorabili, ac conflictu cum Syris habito atq; Edomæis in ualle salis, in quo decem & octo millia hostium desiderata fuere, diuina uisa est apertius largiusq; suis fauisse bonitas, quā alijs in prælijs. Cæterū quid insigne David significet, iam diximus. Tantū illud notandum, liliū testimoniij, candidum gratumq; uatis animū in asseuerando quæ fecit tum Deus in gratiā suorū, denotari. Porro Aram Naharaim ipsa est Syria Mesopotamię, longo à Iudæorū terra semota interuallo. Aram uerō Zoba, eam dicunt esse, quam nunc Palestinā appellamus. Ad hęc ex Edom, qui est Esau, Edomæi originem habent. His igitur intellectis, ad uatis mentem interpretandam accedamus, qui suam, nostramq; in primis hoc psalmo detestatur in cognoscendis Dei beneficijs tarditatem, unde ferē omnis peccatorū erupit riuus, ex quo diuina irritata patientia, adeo plerumq; suos finit acerbè diuexari, ut prorsus nullam de illis curam habere uideatur. Nos sane incogitantes, si nequedum uel tenue quidem suspicamur, cur tot quotidie increbrescant mala, coaceruenturq; dolorū hominū insidiæ, augeantur nobis exordia, furta, rapinæ, usuræ, adulteria, & id genus alia infinita, quæ magis nobis ex timescenda meritò essent, nisi tam lusciose res serias intueremur, quā si terrificam Ottomanorū classē iam iam, tutissimis incensis Italiæ portibus, quā si fortissimā atq; adeo pulcherrimā Genuæ molem plenīs subire uelis conspiceremus. Quò oro, quò nostra tandem sese direxit uecordia, quò impietas, quò diuini timoris neglectus? Reflectenda saneq; est demū nostra in peccatis consuetudo, retorquendumq; propositū, & uoluntas mensq; mundi illicijs assueta. summo refringenda est nisu, atq; ad ea quæ hic à spiritu dicuntur, à superuacaneis & curis & doctrinis retrahenda. Quotus enim quisq; est, qui grato animo ac prompto malit, quid loquatur in se dominus Deus, audire, quā quod odium, Heu notio, libido, fastus, atq; amor proprius suggerit, & infelicissimè obtrudit: Heu nostram oscitantia. Censemūsne uarē absq; ratione tam flebile præsentī fecisse psalmo exordiū? Quid miserius, q̃ sic hominē à Deo destitui, repelliq; ut dissipetur omnino, & destruat? Clamat igitur, Deus repulisti nos, & destruxisti nos, iratus es, & misertus es nobis. Immensæ res est calamitatis, à diuino abijci conspectu. Quò tum se uerrat anima, si ad diuitias cōfugit, quæ res tam fragilis: si ad rerū imperiū ac dominiū, nil magis fortunæ ludibrio expositū uidet. Quicquid igitur in teterrimo hoc mundi statu inuenitur, siue is fauor hominum sit, siue in rebus cæteris, quæ felicitatem polliceri uidentur, sit collocatum, non tantū æstimari debet, ut aliqua in eo pars esse censeatur, cuius fidei, tam nobilis res, ut est hominis anima, tutò se queat committere. Quod sanè (callidè quidem) aduertens David



David, simulac suā, quemadmodū uidimus, Deo occēpit exponere querimonia, actutū addidit, Reuertere ad nos. Nam quod noster uertit interpres, Miſertus es nobis, Reuertere ad nos, legunt Hebræi. Vnde sic Paraphraſtes: Ira de poſita redi ad nos. & melior quidē, ut mea fert opinio, hæc eſt lectio, Quare ſua in exponenda calamitate perſeuerans adiicit,

Commouifti terram, & conturbasti eam.

Atq; iterum inceptam interſerens ſuæ querelæ precationem, ſubdidit,

Sana contritiones eius, quia commota eſt.

In ira enim dñi, clamat Eſaiās, cōturbata eſt terra. Nulli dubiū eſſe debet, ſub typo illo antiquo populi Iudæorū, à uicinis cōtinuè gētibus exagitati, Dei eccleſiam adumbratā fuiſſe, cuius effigies ac forma, qualis futura eſſet in terris, à uarietate & doctē & graphicē admodū hic exprimif. Pro cōmotione quidē terræ cōturbationēq; ſeu, quod ardentius exprimūt Hebræi, contraſtione ac uulnere, uult uates populū Dei, qui ſumus nos, adeo ſæuē affligendū intelligi, cōterendumq; ut non ſecus dirumpi uideatur, atq; ſolet terra grauiori permota concuſſu, altē hinc ac ſindi. Terra porro, animus hominis eſt ac mens, quæ interdum propter perturbationū acerbicatem, culturā ſpiritus auerſans, tribulos & ſpinas, pro opimis frugibus, ad quas procreandas orta eſt, adducit. Cōmouifti, inquit, terrenū ſtucor noſtrū, eiūſq; robur attenuaſti, æquēue propter grauiffimū perſequeſtionum æſtum rimas contrahere feciſti, ut ſolet ager ardentibus ſolis radijs, aut terræ motu, concuti & aperiri. Tu igitur qui noſtro id merito malū in nos ſæuere ſoluisti, tua ſolita admonitus à miſericordia, terrenam hanc noſtram imbecillitatem iam planē conſciſſam & ruptam, cōſolida & ſana; uacillat enim miſerandum in modum, & fatiſcit.

Oſtendiſti populo tuo dura, potaſti nos uino compunctionis.

En crucis Chriſti ſuauiſ. Mollia quippe ſuis propinat mūdus familiaribus, accumulatq; delicias delicijs, luxum luxui. Chriſtus uerò ſuis, pro his omnibus crucē, & eam quidē duriſſimā. Oſtendiſti, inquit, nobis dura, ô Deus. Verū quæ in re oſtenſa hæc eſt nobis durities? in tuo nimirū filio, quē altiffimo crucis ſtipiti, quod cunctis palām foret, quod uitæ genus à tuis eligi deberet, cōfixiſti. Tunc ſanè mundo patuit uniuerſo, crucē Chriſtiano uiro neceſſariā eſſe. Et quidem, ut quā procul ab omnibus mundi uoluptatibus abeſſe deberemus, quæ magnam partem in compotationū luxuriā, atq; epularum poſitæ ſunt lenocinio, demonſtraret, aceto myrrha ac felle cōmixto potari uoluit, & id quidem (heuiſſimum ſpectaculum) cū quietiſſimā in cruce ageret animā. O ſi crucis myſterium non ignorarent mortales. Quid ſi non deſunt qui minimè ignorent, atq; obſiſſime edoceant, & tamen crucem ipſi auerſantur? ſicq; uiuunt tanquam nunq̃ morituri, molles, delicati, moroſi, nihilq; tam pauidè metuentes, quā ne quid tantillæ quidem à quo quā afferatur moleſtiæ? Cum inertibus iſtiusmodi aluiſ, miſ Lector, nulla poteſt eſſe cum Chriſtiani uita coitio. Vide quid de Dei populo fateatur uates. Potaſti nos, inquit, uino compunctionis, uino amaritudinis, uiſed quod mœroris, anxietatis, toxici, & quod bibentes haudquaſq; exhilarare ſoleat, ſeu poculum aut calicem, ſuam unicuiq; eſſe bonorū malorūue cōtingentem, à Deo partem. Voluiſti, ait, portionem omnem noſtram in hac uita crucem eſſe, quæ tamen cū moleſtiſſima noſtræ uideatur eſſe ignorantia, mirabiles tamen conſolationum ſuauiſſitates afferre conſueſcit. Si quidem

Dediſti metuentibus te ſignificationem, ut fugiant à facie arcus.

Ap̃tē ualde à noſtro interprete uerſum eſt, ſignificationē: nanq; inter caſtrenſes ordines præcipui hi ſunt, ut aut erecto per uexillum ſigno (ſignū uolūt eſſe



c significationē, qua totius rei qualitas indicat ) suum miles teneat locum, atq; ita signū sequi assuefactus, quem ordinē, quem ue ducem attendere debeat, perdiscat: aut alio audito signo siue per tubam, siue per notam aliam, quid iubeat imperator, intelligat. Ita anima, ea præsertim, quæ uim hostiū haud ignauiter sustinet, uiriliterq; tuum seruat locū atq; ordinē, à signo sibi dato ne parū quidem diuertit. Id Dei uerbum est, quo accepto per fidem, quid suus imperet dux, cuius ea in primis est uoluntas ac iussio, ut animose in hostes irrumpens, à cōflictu nisi uictrix abscedat, optimè callet. De hoc itaq; signo suo populo dato sibi applauditur David, ita summo omniū ductori Deo gratias agit, dicens: Tu domine, atque idem dux noster ac rex, dedisti hac in periculosissima cum uersutissimis hostibus pugna, nō illis quidem qui tuo deserto signo, ad hostes transfugitū, à teq; turpissimè desciscunt, sed metuentibus te solūmodo, tuumq; irreuerberato obtutu obseruantibus uexillū, significationes, quibus auidē susceptis intellectisq; letales hostiū arcus ac tela cautē sanè declinare assuescant. Hebræi tamē pro, Vt fugiant à facie arcus: habent, Vt exalten à facie ueritatis: quò occultū hīc adueramus mysteriū, nempe uictoriā nostram omnē, diuinarū pollicitationū ueritatē ac cōstantiæ referendam acceptā, ne militiā hanc in fidei castris optimè à nobis gestam, rei alteri, quæ non sit Deus, adscribamus. Idcirco quò maximā hīc opus esse animi attentionē intelligeremus, interpositū est Selha. Parū ne id est, pollicitationū nos cumulo penē obrutos, à Deo, licet infinitis à nobis lacessito iniurijs, nō fallit? Quem unquā inter homines istiusmodi affectū animi benignitate & constantia uidere contigit? Atqui humanis nunq; tam offendi potest erratis diuina bonitas, quin se aliquando promissi pigeat, quo minusq; quod pollicita est, & constantissimè seruet, & ne æternū quandoq; intercidatur consiliū, misericorditer admoneat. O certè amorē nō tam facile, ut fit, à mortalibus contemnendum. Dedit enim signū, nō Iudas, aut quispiam alius proditor, sed amor diuinus: dedit promissiones, dedit, qua se iureiurando astrinxit, fidem. Quid uere mur? Id, inquam, signū, hanc significationē, hanc notā dedisti nobis, o Deus, ut exaltentur, ut triumphent, ut liberent dilecti tui, qui ut tui essent, tuāq; in uerba iurarent, & sacramentū dicerent, tu ab æterno statuisti. Quare cum nostra omnis à te dependeat uictoria & salus,

Saluum fac dextera tua, & exaudi me.

Hinc sanè, id est, à Dei manu & uoluntate, mortaliū omniū emanat salus, atq; ab hostibus uictoriæ trophæum. Vt eripiant è periculis amici tui, ait Campensis, tu dextera tua uictoriā affer, & responde uotis nostris. Illud enim quod nos legimus, Et exaudi me, Hebræis est, Et responde, seu annue mihi: quæ utiq; lectio ardētiore præ se fert animi motū, q̃ si simpliciter legas, & exaudi me, Verū

Deus loquutus est in sancto suo, lætabor, & partibor Sichimam, & conuallem tabernaculorum metibor.

Non est robur ac uis cum ea comparanda, qua quis in diuinis sperans, quæcūq; cōtingant, promissionibus, afficitur. David enim simul ut se suūq; populum à Dei repulsum fauore questus est, hīc animū colligit, fateturq; sese, quæcūq; à diuino sibi antea promissa fuerant oraculo, breui possessurū: inter quæ quidē illa erāt, quorū sigillatim mentionē hīc facit. Tu interim, mi Lector, ad secretas excutiendas uocū harum causas mentē promoue. Sichimā enim, quæ & Sichem, in monte Ephraim posita est, ubi & ossa Ioseph conuiuere, Humeri interpretat Philo. Nō unō quidem omnes humero iugum Christi ferūt Christiani. Cōualles uerò tabernaculorū, ipsa est Sochor seu Succoth, hoc est, tabernacula quæ ibi ædificauit Iacob, diuiso ab illo in itinere fratre. Has terras igitur suo se dominio subiecturū canit uir Dei, & id quidē maximo animi gaudio, quia sic promiserat Deus. Partiri porrò uerbū, ac metiri, pro obtinere, iureq; debito possidere,



possidere, poni hic ducas. Nam funibus olim metiri, partiriq; bona, maximè hæc reditaria, consueuerant homines. Cæterū, In sancto suo, Hebræis est, in sanctitate sua, seu, in sacrario suo, quò hinc intelligas, pollicitationes illas à diuino exiisse propitiatorio. Quanquā nihil obstat, quin in sancto suo legi queat, cuius sensum sic reddit Paraphrastes: Deus, inquit, promissit per spiritum sanctum suum hæc se facturum, quare ego seriò exultabo: diuisurus enim sum pro meo arbitratu Sichem, & uallem Succoth tanquā meam dimetiar. Deus igitur promittens mihi dare, quæ dicam, loquutus est in sancto suo (hic est Christus, atq; eius spiritus) idcirco lætus, quæ pollicitus est obtinebo, meoq; subdam iuri. Si quidē iam Meus est Galaad, & meus est Manasses, & Ephraim fortitudo capitum mei, Iuda rex meus.

Hucusq; Hebræis is est uersus. Galaad, qui interpretatur aceruus testimonij, in Galilæa ultra Iordanem positus est. Itidem & Manasses, quæ est obliuio. Porro Ephraim, quem frugiferum uocant, idcirco fortitudinem sui capitis appellat uates, hoc est, robur sui principatus & regni, quia potentior alijs tribus fuerat ac numerosior, adeò quòd pro tota multitudine decem tribuum nōnunq; sumi solet, ob id etiam, opinor, quòd post mortem Salomonis, decem tribus contra Dei præceptum sibi in regem ascuerunt Hieroboam, qui è tribu Ephraim descendit. Ad hæc Iuda, quem Philo laudationē seu confessionē interpretatur, totius regni Dauid atq; Ecclesiæ dux est, ac rex siue princeps, aut, ut nōnulli ex Hebræo uertunt, moderator: utraq; enim lectio mirandum in modum cōuenit Christo. Hæc mea, inquit Dauid, iam sunt, iam in meam cessere potestatem, po- steaquam qui promissit, Deus est. Quinetiam meo subijciatur imperio

Moab, olla spei meæ: in Idumæa extendam calceamentum meum. Sordidum atq; humile externarū nationū, uti erant Moabitæ & Aedomæi, si bi subiugandarū prædicit obsequiū: unde Moab uocat ollam, seu lebetem suæ lotionis, ut legunt Hebræi. Quid, oro, in ædium supellectili uilius inuenitur pel- luo ad abstergendas pedum sordes fabrefacto? Ita, inquit, meū erunt ad obse- quium Moabitæ, ut uilis est olla aut lebes: atq; in Idumæos, tanq; in penitus mi- nō modò quidem meæ gentis homines, qui aut à uicinis subiugati fuerant hosti- bus, aut qui suapte sponte meo à regno defecerant, recuperaui, uerum etiam Mihi alienigenæ subditi sunt.

En maxima purificatæ mentis uis & potestas. Vide cuius conditionis hi sint hostes, qui à sanctorū subiugantur exercitu. Moab enim, de quo illud canitur e- logium, Moab superbus est ualde, ex patre interpretant. quis uerò sit pater iste, quicq; illius filij, sapientissimus aperit magister: Vos, inquit, ex patre diabolo estis. Porro Idumæa, sanguinea seu cruēta interpretant. Quid uerò præ se ferat sanguis in scripturis, tum aliàs, tum potissimè in psalmo quinquagesimo primo est dictum. Cæterum, Alienigenæ subditi sunt, Hebræis secus est: Super me, in- quunt, Philistæa iubila. Mos erat populo Israëlítico, circumiacentes, allophy- los, Philistæos siue Palæstinos appellare: idcirco ex interpretib. alij Philistæos, alij alienigenas transtulerunt. Quid autem sibi uelit, Philistæa iubila, sic opinan- tur nonnulli, ut sit per ironiam ad hunc ferè modum dictum. De uictis enim cir- cunquaq; hostibus, tu Philistæa iubila super me, uel cōtra me, quasi diceret, mi- nimè id quidem erit, sed uicta & tu cum cæteris mihi obtemperabis. I nunc, ac male pugnatū fuit. Alij item uolunt acclamationē illam significari, qua suo con- fuescūt serui domino ad blandiri, & quicquid agant, laudare, siue bene id actum sit, siue malè: quod quidem seruitutis genus turpissimū omniū est. Verū aliud sensisse Campensis uidetur, qui sic reddit: Philistæa, si sapis, ambi amicitia meā.



c Sed nostra haudquaquam contemnenda est litera, quæ sensum planè eundem cum Hebræis, etsi aliter pronunciatum, expressit. Verùm iam ad effectum fidei contemplandum nos uocat spiritus.

Quis deducet me in ciuitatē munitā? qs deducet me usq; in Idumæā? Tamen si id uates de Rabbath metropoli Ammonitarū, quam longa difficultatē expugnatā obliuione tandem obtinuit, sentire uideatur, in quo quidem bello & ipsi quoq; Idumæi deuicti fuere, aliò nihilominus eum spectasse arbitror, eò scilicet ubi uera munitionū ciuitas sita est, in monte nimirū Sion, in mōte speculationum plenissimo, in monte illo qui mons montiū à sacris appellat uatibus. Ea est (nō prorsus Dei spiritu destituti sumus) urbs fidei, urbs amoris, urbs misericordiæ, urbs in qua Christus torcular calcauit solus, urbs purificatarū duntaxat animarū domiciliū ac sedes; & ut tandē, quod nōdum dixi, dicā, ea est ecclesia circūquaq; munita castris illis, quib; à sanctissimo Iacob uisis, exclamauit, Castra Dei sunt hæc. Putas ne deesse posse munitione in castris dñi? Irrugiat dā nesci, irumpant, ut lubet, sectæ & hæreses, improbiq; illius insultēt ciues, perstat inuicta. Nam in Christo cū fixas altè habeat radices, qui uniuersorū dñs est, quid his mundi tenues pertimescet iniurias? O quis me, inquit, ad ciuitatē illam bonis omnibus refertam deducet illæsum? O quis me adeò insigni, robustoq; fulciet animo, ut uel in intimos hostium irruam cuneos, Idumæorū nimirū sanguinariorum, uexantiumq; in innocuis puræq; uitæ hominibus Deum?

Nōne tu Deus qui repulisti nos? & non egredieris Deus in uirtutibus nostris?

Imò quæ tua est immensa erga tuī cultores facilitas & clementia, nobiscū uācum nostris copijs egredieris ad præliū. Tu enim qui iam pridem nostris offensus sceleribus, nos prorsus repuleras, ac tanq; hostes, uti eramus, abieceras. ille d. es qui tuæ recordatus misericordiæ, me in urbem illam munitissimā introduces, nobiscumq; nostros ad debellandos insidiatores armatus exhibis. Ceterū si absq; interrogatione hunc uersum legi posse opineris, sunt quibus tuam fulcias opinionē Nam ex Hebræo sic quidam uertūt: Certè tu Deus, qui depuleras nos, & nō egrediebaris cum exercitibus nostris, modò egredieris. Paraphrastes uero per interrogationē legens, Nōne, duplicat hoc modo: Nōne tu Deus qui auxilio tuo, longo nos tempore destitueras? nōne tu Deus nunc egredieris in prælium nobiscum, & dux eris exercituum nostrorum? Quare

Da nobis auxilium de tribulatione, quia uana salus hominis.

Opinor hīc quidē, ut erat perspicacissimo uir ingenio ac spiritu, uatē nō absq; animi dolore & præuidisse, & quæ hoc in uersu dicere uoluit, mandasse literis. Præsentitenim uir pius, q; uanū, q; futile, quamq; elumbe futurū esset in Deiecclesia quorundā patrociniū, moresq; difficiles & dolosi, qui cū religionis tranquillitati autoritate insignes consulere & possint & debeant, nihil tamen minus agūt. Siquidē cū diriorē aliquā perturbantiū pacē imminere senserint procelam, aut metu perculsi, aut sua solita delectati tum ignauia, tum dolo sitate, sese clām subtrahūt. Vnde delusa innocētia, præterq; quòd absq; defensore à nefarijs malè habet hominibus, in illud cogitur, rei euentibus edocta fractaq; interdum erumpere querimoniam plenissimā, Vana est salus hominis. Imbecille, ne dicam perfidiosum humanū est perfugiū. Flaccida omīno est mortaliū uirtus ac robur. Da igitur tu o qui potes, nobis nostris in tribulationib; auxiliū, simulac ne unus quidē est inter homines, qui nō sua diligētius curet cōmoda, q; amicorū, atq; eorum quidē qui ideo à pueris uexant hominibus, quia boni sunt, quia uirtutibus præditi, quia morati, quia pro te, tuoq; honore ac religione millies in die uno emori malūt, q; nefarijs illorū assentari moribus, turpissimāq; atq; adeò ambitiosissimā eorū probare uitam, Quare nos huiuscemodi auersati hominū spectra. In



In Deo faciemus uirtutē, & ipse ad nihilū deducet tribulantes nos. Quanta hīc affici debent lātitiā crucis amulatores, quorū ea est in malis insti-  
tutio & consiliū, ut nihil ex sese, qđ laude dignū admodū sit, agi posse existimēt,  
sed omnia ex Deo. Hac enim imbuti persuasione, quicquid cōtingat, inferaturq;  
iniuriarū à dæmone, à mundo, à priuatis item domesticorū insidijs & fraudibus,  
in Deo fixi manēt, ab eoq; felicissimè dependent, nihil interim in terris arbitran-  
tes, quod idem uanitati nō sit summè obnoxiiū, idcirco & debile & caducū. Iactō  
itaq; hoc in schola fidei fundamento, perfectissimā in Deo solo esse quemadmo-  
dum sapientiam & bonitatem, ita uirtutem, fortitudinē, pronamq; subueniendi  
suis uoluntatem, censendum erit; quibus sanè tam excelsum indutum armis nu-  
men, adeo funditus nostros cōculcat aduersarios, ut in nihilum omnino (quem-  
admodum quotidianis ac frequentibus intuemur exemplis) resoluant. Cui pro  
pterea honor sit & potestas in secula seculorum. Amen.

PSAL. LXI. Vincenti. Super canticum Dauid, seu super  
instrumentum musicum.



**E**xaudi Deus deprecationem meam, intende orationi meæ.

Quādo, aut. quo tempore, quoue in periculo cōstitutus Dauid hūc  
composuerit psalmū, fatentē interpretes se ignorare. Quare ne plus q̃  
par est, in dubijs torqueamur, illud compertū, uatē summa in angustia animi po-  
siti, hanc Deo, miserorū perfugio, obtulisse precatōnē. Et quod deprecationē  
prius, orationē postea interserat, nihil aliud est, q̃ ex repetitis eiusdē sensus uer-  
bis maiorē uelle exprimere indigentia & calamitatē. Superflua ea est cura, qua  
hic afficiunt, qui in uocū huiusmodi partitionib. uanè admodū immorant.  
Autigē uirille sanctissimus, qui omnib. fermè suis in actionib. ac pressuris, Chri-  
stiatq; eius spōse typū prę se tulit, Exaudi Deus deprecationē meā, intēde oratio-  
nimeā. Sūt ne hac hominis parua affecti perturbatione, an maxima illa quidē?  
audi, ingt, succurre, subueni, fac ne meā suo frustrent desiderio lachrymę. Nam  
A finibus terræ ad te clamaui, dum anxietur cor meū, in petra ex-  
altasti me.

Interpunctū hīc secus Hebræi collocant, q̃ noster interpres, aptè id quidem,  
Ab ima hac, inquit, terrarū regione, quæ longo à cœlo dissidet interstitio, ad te,  
qui excelsio in solio sedes, clamaui, clamōq; ac quanto possum animi ardore su-  
piro. Nam nō me latet, quā liberaliter me alias in anxietate animi constitutū  
erexeris, in locūq; tutissimū, tanq̃ in rupem undiq; præcisam, ad quā tamē meis  
pertingere uiribus nequaquā poteram, perduxeris. Quod enim noster interpres  
uertit, In petra exaltasti me, id Hebræis perinde est ac, rupem in aditiorē, q̃ ut  
eam possim cōscendere, me subduxisti. Vnde Felix: In rupem altiorē ne diriges  
me. Quāq; certè mihi quidem hīc nescio quid luminis effulget, cū in mentē  
uenit, Christum petram esse, robur scilicet nostrum, fidamq; stationem ac refu-  
gium. Adhunc sanè lapidem, è monte excisum sine manibus, cū ab importu-  
na carnis illecebra distringitur anima, uexaturq; à mundo, aut ab improborum  
hominū arctatur iniurijs, fiducialiter recurrit. Vbi sanè collocata, placidissimè  
sic suum alloquitur sponsum: In petra exaltasti me, &

Deduxisti me, quia factus es spes mea, turris fortitudinis à facie ini-  
mici. Inhabitabo in tabernaculo tuo in secula, protegam in uelamen-  
to alarum tuarum.

Non cōtenta anima suū uocasse amatū, petram, nempe arcē tutam, atq; hosti-  
bus inaccessam, eundem ipsum fortitudinis turrē, subindēq; tentoriū, atq; alarū  
receptū, quasi illi subblandiens appellat. De quarū sanè uocū significatione plu-  
ries in superioribus à nobis est dictū. Porro hīc Selah additur, quò quāti facien-



**C** du sit Dei fauor animaduertamus, postq̃ tam uarijs, eisdemq̃ suauissimis ab anima appellat uocib. Quid turre in ædificijs excelsius? quid tam tutū, q̃ in ipso ducis diuersari tentorio? Quid amabilius, suauiusq̃ audiri potest, q̃ sic nostrā à Deo defendi foueriq̃ salutē, ac solent pulli implumes sub matris sedulæ alis protegi, atq̃ à grandioribus muniri auibus? Siquidem in ualle hac ima atq̃ cœnosa, miseriarū, sexcentisq̃ inundata sordiū paludibus, ac infinitis obiecta periculis, immorari nos p̃iget, pudetq̃. En turre fortitudinis, atq̃ innocentia, cuius adiutus & ascensus tam patens est & cōmodus, ut uel ipsis claudis & uaricosis obuius sit & facilis, si ab externis molestijs, quibus multifariā uita hæc afficit mortalis, impetimur, si in nos coniurato ueluti agmine diri insurgūt oblocutores, si inuidi, si nefandissima delatorū illuuiēs & uulgus insidia. En arx munitissima, leuioribus tantūmodo peruiā animis: en tentoriū refrigerij, en alæ, en umbra illa saluberrima, è qua supercœlestis afflat spiritus, odorq̃ gratissimæ spirat sue uolentia, quo languida recreant animæ, ac uim sumunt, respirantq̃ in Deo. Porro, deduxisti me, aut uacat omnino, aut superiori neq̃ti debet uersui. Sequētem enim sic incipiunt Hebræi, Quoniam fuisti spes mihi,

Quoniam tu Deus meus exaudisti orationem meam, dedisti hæreditatem timentibus nomen tuum.

Solidissimæ hæc sunt uerba fidei. Iam, inquit, mi Deus, præsentio te, quicquid à me oratū est, nō negaturū. Simili quidem armata uirtute, & accensa igne oratio, cor hominis imperturbatū efficit, atq̃ in sapientissimo Dei ordinationis cōfilio quiescere facit. Quæ autē sint ea quæ suis in precationibus, familiarisq̃ cum Deo cōgressu efflagitet anima, breuib. exprimit propheta: nēpe, uitæ æternæ, hoc est, ipsius Dei hæreditas & possessio, quæ cū omnibus exposita sit, his tantūmodo qui Dei nomen timēt, summisseq̃ uenerant, atq̃ propterea in eius censent sortē, cōtingere decreuit cœlestis pater. Qualis uerō status ille felicissimus diuinæ hæreditatis futurus sit, tēporarius scilicet, uel ne, adijcit spiritus inquis:

Dies super dies regis adijcies, annos eius usq̃ in diem generationis & generationis.

Iam de ætate regis Israël, mortalis nimirū hominis, ac nō secus in terris duraturi, q̃ durat flos in pratis incisus, minimē id dici arbitror, quod uidelicet illius anni in diem generationis & generationis prorogandi fuerint. Periphrasis quippe est, qua æternitas significat. Aliud itaq̃ seculū, q̃d sempiternū sit, aliusq̃ rex, cuius diebus dies alijs, atq̃ iterū alijs adijcian, quærendus est, cuiusq̃ hæreditas æterno duratura sit æuo: hūc Christū Dei filiū esse quis ambigit? De quo quidē regno sic duos ultimos psalmi uersus interpretatur Chaldaeus: Idecirco laudabo nomē tuū in secula, cū reddā uota mea in die redemptionis, & in die qua ungetur rex Messias, ut sit rex. Itaq̃ habita hæreditatis mentione, ne illā ex eis esse rebus, quas passim inhiant homines, suspicaremur, statim subdidit, æternā eam esse, cuiusq̃ dominus æternus sit & immortalis: hisce enim circumlocutionibus de Christi loquētes diuturnitate uti cōsuescimus. Quicquid tamē de illa dixeris, ut inquit August. minus dicis: sed aliquid necesse est dici, ut sit unde cogites, quod dici nō potest. Verū sordidos purissima nequaq̃ admittit cōceptus diuinitas: in his enim peruestigādis è uulgo hominū exire necesse est. Vide igit, & castissimo cōtemplare intuitu, qd de nostro cōcludat rege spiritus.

Permanet in æternum in cōspectu Dei, misericordiam & ueritatem eius quis requireret?

Stat, inquit, rex iste noster æterna, immobilisq̃ corā Deo. Deus ipse generatio, ubi præsto est, ut ait August. ad miserendū omnib. Verū tantæ illius beneficentiæ copiam, ut est misericordia, ac qua cōstāntissimē quæ pollicitus est seruat, ueritas, intelligere




telligere, quemadmodū hīc asserit uates, quis idoneus? quis in terra hac caliginosa diuersans, in qua innumerabiles insunt errores, disquirere illa unquā poterit? Nemo sanè homo est; sed qui puriori sunt animo & miti, facilius ad ea tentanda, quæ nec ipsis beatissimis quidem diuinæ prouidentiae ministris plenè innotuerunt, euolāt, q̃ qui turpi & superbo. Atqui ut cum meo sanctissimo gētili, quod uerū est concludam, nō potest homo accipere quicq̃, nisi fuerit ei datum de cœlo. Iam illud nō omittendū, quod hīc Hebræorū interpretes transtulerūt, Misericordiam & ueritatē præpara, custodient illum. Et est uatis, felicissimū Ecclesiæ statum præuidentis, ad Deum precatio, simplexq̃ ad illos qui illius uices in terris executuri erant, admonitio. Præpara, inquit, ô Deus regnū, qui ab æterno tibi coæternū præparaisti regem. Præpara regnandi modū & rationē, quam in misericordia potissimū ac fide consistere, in te ô beatissimū lumen animæ præuidentis. Hæc sanè custodient illum, nempe regem, qui inter malæ fidei homines habitaturus est; alioqui certè partibus illiusmodi regno omni necessarijs, à iudicijs ac tribunalibus eliminatis, secedet rex, à mundoq̃ effugiet. Etenim felicissimū illiusmodi regis misericordia in primis ac ueritas regnū parient, à quibus quidem, tanq̃ à duabus inseparabilibus sororibus, omnia illa quæ reipub. Christianæ moderatoribus necessaria omnino erūt, proficiscenē bona, pax uidelicet, iustitia, charitas, æquitas, ac sancta in rebus gerendis prouidentia; hæc enim à gubernandi ratione haudquaq̃ dissocianda sunt. Aliter uerò si cōtingat, Christianum ne illud unquam censebis iudiciū, à quo id longè semotū est, quod præcipuum suo inesse regno decreuit Christus? Verū quæcunq̃ agant, acturiq̃ sint homines, mea haud multum interest; ego enim abs te edoctus, mi Deus,

Sic psalmum dicam nomini tuo in seculum seculi, ut reddam uota mea de die in diem.

Sic, ea scilicet fide, quam te coram professus sum, animatus, tibi metra omnia mea, tuū sanctissimū nomen, regnūq̃, cuius in misericordia & ueritate uim omnem gubernandi esse uoluisti, celebrantia, & dicabo, & cum laudū gratiarumq̃ actionū cumulo consecrabo, atq̃ eo sanè modo uota omnia mea desideriaq̃ te tuamq̃ religionē extollendū dilatandū ue, atq̃ uel usq̃ ad extremos orbis incolas transportandū, quotidie, quoad uiuero, tibi uniuersorū regi gratanter nuncupabo, persoluamq̃. Cui laus sit perennis, quemadmodū perenne est regnum, in secula seculorum, Amen.

PSAL. LXII. Vincenti, Super Reduthum psalmus Dauid.

 On ne deo subiecta erit anima mea: ab ipso em̃ salutare meū. Mirū q̃ uariè sese torqueāt interpretes in re prorsus abdita, ut sunt ferè omnes psalmorū inscriptiones: quorū nōnulli, quò aptius (utinā bore dicā, quā obrem uates illos, qui omīno absq̃ titulo sunt, uel quo tēpore cōposuerit psalmos, tanq̃ res ludicras tractarēt, somniant. Quām satius proculdubio, magisq̃ utile foret legentibus, suam ingenuè hac in re tanta fateri ignorantiam, quām opinationibus plerūq̃ insulsis ac friuolis ingenia obruere liberalia. Quod sanè à quibusdam expositoribus modestissimè fieri uideo, qui cum certā ab ipsis quoq̃ Iudæis reperirent, illis omissis, ad explanationē psalmorū sese simplicissimè contulerūt. Huiusce omnino generis is est psalmus, quē nunc ad extollendam animæ fiduciam in Deū exponere cupimus: faxit Deus ut ea, qua cōuenit, animi puritate & castimonia, tam suauē animæ affectum & sentiam, & stylo persequar. Ceterū Reduthum nomen fuisse instrumenti musici censet Felix, idem Rabi Salomon, ad cuius harmoniā hunc psalmū decantari solitū opinant.



**C** Nōne Deo subiecta erit anima mea? ab ipso enim salutare meū. *David quidem,* utpote, quod pluries dixi, typus cum Christi, tum illorū qui ad Christi corpus attinent, suis in aduersis se semper abiectū, pusillumq; & iudicauit & falsus est. Verū cum se Deo curæ esse, tanto scilicet dño ac regi cogitaret, se tutum omnino reputans, in uerba amoris, ac summæ in Deum fiduciæ prorumpere consueuerat. Nam cum uarijs sæuissimisq; ob persecutionū immanitatē premertur aduersis, atq; animi permotionibus, adeoq; plerūq; in diuersos tum iræ tum ulciscēdi sese, tum desperationis quoq; distraheret affectus, ut penē ab ingruentibus obrueret malis, ad consuetū, idemq; tranquillissimū Dei perfugiū recurrere solitus erat. Ab una enim parte tanq; in bilance suā appendens miserā, ab alia Dei opem & misericordiā, sic seipsum alloquit intra se: Nōne meā Deo, quæcunq; accidunt, subiectā esse animā decreui? Vnde igitur tantæ animi cōmotiones? unde tempestas? Certò enim scio meā salutē nō ab armis corporeis, nō a me ipso, nō ab hominib; cæteris natura uanis & fallacib; pēdēre, sed à Deo. Hebræi uersum absq; interrogatione legūt. Sic Felix: Certè ad Deū respicit anima mea, ab ipso salus mea. Alij uerò, quod & ipse approbat Fel, uertūt, Ad Deū silet anima mea: id est, cum silentio & patientia Deū, eiusq; opem præstolat. Vnde sic reddit Paraphrastes: Meritò Deū patienter expectat anima mea: ab ipso enim proueniet salus mihi. Causam porro suæ exprimens fiduciæ ita intulit:

Nam & ipse Deus meus, & salutaris meus, susceptor meus, nō mouebor amplius.

Iam me, inquit, sua in fide tam firmū esse iussit, ut impossibile planē uideatur, me multū posse amplius labascere & nutare. Perstabo igitur in eo qui meū est robur, mea rupes, mea arx, meū propugnaculum, in eiusq; cultu & religione, uel inuitis hostibus perseuerabo. Verū

Quousq; irruitis in hominem? interficitis uniuersi uos tanquam parietem inclinatos, & maceriæ depulsæ.

Apostrophe est, atq; in hostes summa armata fide insultatio. Sed suā causam attenuat uates, seq; ruinoso parieti, impulsæq; maceriæ seu sepi, ut legūt Hebræi, cōparat: & est sensus: Quò uestra, o perfidissimi omnium, progressa est impietas, ut tanq; effrenatæ belluæ in hominē irruatis innocentē. Quò uos (malū) diuinorum protraxit obliuio iudiciorū, ut uos, uos, inquā, uniuersum meū in exitiū cōiurati, in inferenda mihi morte properetis? An uos latet, quòd in parietem rimosum, iam iamq; cadentē, aut maceriē sepemq; dissolubilē crudelissimè desæuitis? Atqui notanda est hīc maxima in uate, in hīsc mutilis uerborū cōcisionibus, & admiratio & dolor. Interficitis uniuersi uos: quasi dicat, Et amici & inimici unā meā in ruinā conspiratis? Verū in quem uestra fertur rabies? in parietē nunc nunc casurū: in maceriem planē labilem: in sepem ipsis etiam grandioribus animantibus facilem ac peruiam? Egregiū sanè facinus, dignumq; quod ad posterorum memoriā mandetur literis. Cæterū nō prætermittendū, huius uersus litteram & sensum Hebræis secus esse. Sic illi: Vsq; quo cogitabitis prauitates super uirum? occidemini omnes uos sicut paries inclinatus, maceria expulsa. Ex hac sanè litera Hebræorū uidere licet uerbum, interficitis, similiter & reliquas uersus dictiones ad hostes referri, nō ad uirum iustum: quò planē se penumero nibus fiat, mala illa quæ à perniciosis inferunt hominibus, diuino sæpenuero in eorū exitiū reflecti iudicio. Etenim uerius id est, q̃ quis inficiari debeat, malignorū hominū consuetudinē & mores, tanq; parietem esse caducum, subito caluplenum, qui proximè prætereuntes, ni cauti sint, atq; aliò diuertant, subito calupniat & ruina. De huiusmodi ego quidem hominū genere à uate illo dici arbitror, quòd parietem perfodient, ut educant eum. Verū si cui magis nostra aridet litera, Chaldaicam secum facere gaudeat, quæ sic habet: Quousq; tumultu

(ecce



Ecce irrationabilia peruerforū hominū consilia irrumpitis in uirū sanctum, & fecistis seruire uos omnes interfectioni? In ceteris uerò cum Hebræis consentit.

Veruntamen precium meum cogitauerunt repellere, cucurri in siti: ore suo benedicebant, & corde suo maledicebant.

Precium suum, uocat propheta suum honorē & existimationē, ē qua ut illum deturbarent improbi, cōspirauerant. Felix sic: Propter exaltationē eius inierūt consilium, ut expellant; hoc est, ut efficiant ne exaltetur. In hoc enim toti incumbunt uiri athei, ne boni ad dignitates ascendant: enitunturq; tum uiri, tum mendaces dolosisq; inuentis, fraudibus, periurijs, ut quod moluntur miseri, etiam cum iniuria Dei maxima, atq; eius religionis damno adipiscantur. Interim uerò purissimus probi uiri animus hæc uidēs ridet, tantumq; abest ut sua à modestia discedens, ob rem tam friuolam irascatur, ut etiā cum magistro suo ambiciosorū huiusmodi hominū & iniquorū salutē sitibūdē expetat & quærat. Hinc est proinde quod hīc attexit uates: Cucurri, inquit, in siti. quanq; Hebræis alia est litera & sensus. Diuus enim Hieronymus, Placebunt sibi in mendacio, uertit. alij item ex Hebræo, uel uolunt, uel affectant mendaciū. Quocirca unde noster hausit interpres dictionē, sitis, me latet omnino. Vult uates perfidiosorū faciē huiusmodi uerborū circumlocutione describi. Cogor sanē hīc, quod sæpe facio, integerrimi iuuenis, fratris mei cineres, hoc in sanctissimo Casini templo, in quo nunc & ego ad sepulchrum mei patris Benedicti, & dies & noctes, meos mœrens tristisq; reputo annos, exosculari, dissuauariq;. Qui cum ut candens liliū ē spinis illis, quæ hīc à uate diligentissimè deteguntur, emergere uideretur, miris indignisq; tanto iuvene affectus est iniurijs: quarum quidem atrocitate & sauitia diu afflictus exagitatusq;, tandem huc, diuina (credo) id operante prouidentia, diuertens, in purissimo Benedicti sinu, purus ipse ac Placidus, placidissimā efflauit animā, pro illis interim diuinā implorans ueniam, quorū lima scalproq; expolitissimus factus, rectā ad æternum profectus est patrem, ad quem ego, eo quo ipse modo profectus est, me profecturū spero. Ceterū quomodo hī mendacium affectarint, subsequenti aperitur hemistichio: Ore, inquit, suo benedicebant, & corde suo maledicebant. Ad blandiebātur, inquit, mihi uultu, corde autem pessima machinabant. Operditissimos mores. Tam quippe scelerata ea uita est uati consuetudo, ut hæc enarrans, ab ingentiq; suspiriorum cumulo interruptus, Selah tanquam sui doloris testem interposuerit.

Veruntamen, quoquo modo peruerse malitioseq; sese habeāt huius generis hominū uita ac mores, Deo subiecta esto anima mea, quoniam ab ipso patientia mea.

Iterū hīc, subiecta esto, Hebræis est, sile, ut in principio psalmi diximus. Item, patientia mea, ipsi legunt, spes mea: quod quidem uersu, ut in poetis fit quoque ethnicis, intercalari magis explicat dicens:

Quia ipse deus meus, & saluator meus, adiutor meus, nō emigrabo.

Seu nō elabar: nō in iam cōcepta animo fiducia titubabo, ut ferè idem sit Hebræis, quod in superiori dictū est uersu, nō mouebor amplius, eo excepto quod in primo addūt uersu, multū: nō elabar, scilicet multū: hīc autē simpliciter, nō elabar, seu nō titubabo, aut nutabo. Verū neq; dictio, emigrabo, à mente spiritus abhorret: nam æquē est, ac si dicat, utcūq; insultent in me improbi, nō à iustitiæ proposito, ueritatisq; confessione, ut solent meticulosi, emigrabo: imò res hōc meas atq; actiones diligentius tum perscrutabor, tū eas esse aliquid existimabo, quò illis à nefandissimis cernā detrahi oblocutorib. quātōq; illi in me dirius incruduerint, tāto ego qdē latius querimonias meas omnes ad Deū referā. Siquidē In Deo salutare meum, & gloria mea, Deus auxiliij mei, & spes mea in Deo est.



C Vide summā perfectionis animæ, quæ suam salutē, Deum, suam gloriā, suū robur, suam spem esse prædicat. Mirū si hæc omnia in te esse sentiens, aliquid tibi ad nanciscēdam animæ beatitudinē deesse arbitraris. Diffinitio planè hæc est fidei, cuius uirtute ac medio gratis à Deo iustificatis, eò loci facile peruenire nobis integrū est, ut cum Deo etiā in antro hoc tetro corporis constituti, perpetuò conuersemur. Quid hac mansione felicius? Quò nostra omnis tendit uoluntas? quò tandem studiū, quò n̄sus, nisi ut cōtinenter cum Deo simus? Spes itaq; nostra in Deo tantūmodo sita sit, & sat est. Eam ob rem

Sperate in eo omnis congregatio populi, effundite coram illo corda uestra, Deus adiutor noster in æternum.

Persuauis sanè uatis admonitio: nō cōtentus em̄ suā prædicasse fiduciā, alios subinde ad idem faciendū hortat. Sperate, inquit, quæcūq; accidunt aduersa, in Deo, ô populi. Effundite coram illo corda uestra: hoc est, si quid uos premit, aut angit, laxatis dolori habenis, illi, quicquid illud est, aperite, effundite, reserate: nanq; ipse Deus est noster, idemq; adiutor in æternū, protectio, salus, uita. Iam illud porrò dicendum, in hebræo, omnis congregatio, nō inueniri, sed sic tantūmodo, ut uertit Felix, Sperate in eo omni tempore. postea subiungunt, Populi effundite coram illo cor uestrū. Cæterū per lachrymas cor effunditur, ut diuus inquit Augustinus. Vnde nō absq; ratione clamat Salomon: Punge cor, & producet scientiam, nempe sui cognitionē, qua nil peccanti salubrius cōtingere potest. Idcirco diapsalma huic connectitur uersui.

Veruntamen uani filij hominum, mendaces filij hominum in state ris, ut decipiant ipsi de uanitate in idipsum.

D Dictio quam noster transtulit interpres, ueruntamen, Hebræi habent, certè. Idem quoq; Euthymij interpres. Atqui ut sensus dilucidior huiusce habeatur littere, eam quæ Hebræis est, discutiamus. Sic Felix: Certè uanitas filij Adam, mendacium filij uiri in stateris, ut ascendant ipsi si magis uanitate simul. Adeò, inquit, inanes sunt filij Adæ, id est, homines è terra prognati, è cœlo autem nequaquā per gratiā, ut si in statera ipsi simul omnes cum uanitate ac nihilo ponderent, ascendant ilicò tanq; res, quàm ipsa sit uanitas, leuior. Inuenient, inquit, in uanitate ipsa leuiiores. Quare elegantissimè hanc sic ponit similitudinē Paraphrastes: Videte ne spem uestram in ullo ponatis homine: sunt enim ipsissima uanitate uaniores tam plebei, quàm principes ( filij Adam, filij uiri qui sint, hîc uides ) quod palam fieret, si appenderentur in bilance cum ipsa uanitate: plus enim ponderis inesse deprehenderet uanitati ipsi, q̄ omnibus illis in altum tanq; re leuissima sublati. Bellissimā profectò humani seminis cōditionē. Sed nos stultos & excordes, q̄ Deum in re tam leui nostrā cōstituimus fiduciam, idq; interdum diligentius, q̄ ipsa præ uel amamus, uel metuimus, cui si una in statera cum uanitate collibret, ipsa præ ponderet uanitas. Cæterū, quod aliàs admonuimus, dictionē quæ in codicibus est Hebræis, simul, unā, noster uertit, in idipsum. Idcirco sic nostrā possumus explanare literā, quò nihil aliud prætere uideat [ mendaces filij hominū in stateris, ut decipiāt ipsi de uanitate in idipsum; uel, ut nōnulli ex græco transferūt, ut fraudem faciāt in stateris ipsi ex uanitate simul ] quàm id omnino, quò cum uanissimi, nulliusq; ponderis sint homines, se tamen, ac si alicuius essent æstimationis & precij, audent tanq; statera aliqua aut bilance pēdere, & id simul ornare, qui nōdum ad ueritatis agnitionē introducti, in seipsis dijudicandis illorū seruant morē, qui quemlibet suis in distrahendis statera rebus defraudant facile. Cum corruptam habeant, inquit quidam, sedem iudicij, in stabilia eligūt pro stabilibus, mala pro bonis. Per stateras, inquit, iudicia ipsa intelligit. Itaq; cum uanitati cōdita om̄ia, nedū homines, obnoxia sint, imò cū ipsissima sint uanitas, si affluant

Nolite sperare in iniquitate, & rapinas nolite concupiscere:



*affluent, nolite cor apponere.*

Vide quomodo hic strictim res illas ferè, quib. potissimè nixū genus hominū turgidū sit & elatū, uanitatē esse demonstrat. Iniquitas sanè, seu calumnia, ut ueritatis uanitas est; uanior adhuc est rerum copia male partarū, nempe usuris, falsis delationibus, iniurijs, interuersisq; contractibus, cauillofis furacibusq; ad te stamenta irruptionibus congestarū, quæ omnia sub rapinæ appellatione intelligi uult spiritus. Quàm pauidè interdum timeo, ne nos, nos inquam, qui à mundi uanitate ad solida acciti sumus bona, in illorū numerū censeamur, qui ad hūc se iactitant modum in Esaia: Posuimus mendaciū spem nostrā, & mēdacio prouerō, uolenter atq; cum iniuriā, Verūm si diuitiarū cum labore, æquoq; studio acquisitarum, aut à progenitoribus relictarum tibi adsit copia, id tanq; diuinum quoddam cœlitus emissum fer Deo acceptum, tantū abest, ut omisso interim donatore, in ipso conquiescas dono. Quid hac posset esse re uanior? Si affluunt, inquit, diuitiæ absq; cuiusquā iniuriā partæ, si florescunt, si adsunt copiosæ, nolite animo illis adeo affigi, ut munificentia largitoris obliuiscamini. Esto, diues ualde es, diuitijs nihilominus perinde utare, ac si nihil ad te spectarent; eas utiq; prout sunt, existimato, fragiles scilicet, caducas, ac uanitate ipsa uaniores. Non in istiusmodi igitur rerum pusillitate uestrum immoretur cor, o mortales, sed in Deo potius, re tanta nimirū, atq; omniū maxima, spem uestram ponite, Quid?

Semel locutus est Deus: duo hæc audiui, quia potestas Dei est, & tri-  
bi domine misericordia, quia tu reddes unicuiq; iuxta opera sua.

Iam hic uates psalmū concludens, duo prius admonitos esse uoluit homines, quibus sanè totius fidei summa consistit, Alterū enim, quo robur in Deo summum inesse ac fortitudinē, qua seruare nos possit, arbitremur; alterum uerò, misericordiam & bonitatē, qua uelit; additq; Deum æquissima cuilibet repensurū, prout in uita actitarunt, compensatione, nō ea quidem humana, atq; ab humanis proficiscēti iudicio, falsa scilicet & corrupta, sed iusto librata pondere, ut memini quicq; fuerit, & id sanè à spiritu cōmode ualde additum puta, quò nostram mundi uanitate atq; amore deterreat mentē. Semel, inquit, locutus est Deus: hoc est, irreuocabilis diuina est lex, atq; immutabilis. Stat fixum quicquid sancti uir Deus: è quo quidem duo hæc cordis, in quo sedes est fidei, hausi auribus, potestatem uidelicet in Deo esse maximam, & bonitatem. Idem fermè de Deo olim testatus est Iob inquit: Semel loquitur Deus, & secundò id ipsum nō repetit. Hæc quantū ad nostri interpretis literam attinet, sint dicta; uerū longè aliud uideatur esse nonnullis ex hebræo sensus, ideo & litera alia. Semel, inquit, locutus est Deus, bis id audiui: hoc est, & semel & iterum, sæpenumero scilicet, in le-  
gibus & prophetis, cæterisq; diuini oraculi interpretibus locutus est, & id, inquit, audiui, & sic esse, ut locutus est, persuauissimū habui, quòd robur in Deo est. Paphrastes tamen ferè cum nostro cōuenit. Ita ille: Vnum quiddam locutus est Deus, sed sæpenumero illud audiui, solum Deum esse qui possit omnia. Chal-  
dæus etiam, bis, cum uerbo, audiui, cōiungens, hunc affert sensum: legem unā locutus est Deus, & bis illam audiui de ore Moysis scribæ magni. Quicquid igitur huc attuli, uatis spiritui seruire existimo; eapropter quæcunq; ex his, quæ suo quisq; magis satisfacere animo uiderit, ea absq; errore sumere poterit. Tan-  
quid illud fatendum ab omnibus, Dei consilia immortalia esse & æterna, & quic-  
bus cuncta ordinatissimè moderatur, & fortitudinem & prouidentiam, contem-  
plari libeat, æternum est & inuiolabile, quemadmodum ipse æternus est, & su-  
pra omnem uitam uiuens, impartiensq; cæteris, unde uitam sapientissimè insti-  
tuant. Cui propterea laus sit & perennitas in secula seculorum. Amen.





Eus Deus meus, ad te de luce uigilo.

Volūt interpretes, Dauidē in extrema animi angustia positū, in desertoq; Ziph latitantē, quæ regio ad Iudæ sortē spectabat, hūc psalmū cōpotuisse. Regionis em̄, in qua tantus delituī uir ob Saulis metū, qualitas apte admodū hīc depingit, cum terrā illā desertā, inuiā & inaquosā, ipse appellat uates, quod hīc uidere liceat, eō nōnunq; desperationis deuenire posse animā, propter sēuitiā persecutionū, ut cūcta illi arida uideant, inculta, horrenda, meticulo-  
sa, prorsusq; auia & inhospita. Vastissima quidem solitudo cum hac sit uita, nihil in ea facile reperies, quod animā, quæ cœlestibus assueta rebus, horret omnia quæ gustum nō prae se ferunt diuinū, satiet, ac lætam reddat. Et id potissimū pro uenire experimur, cum ingenitis mundo perturbationibus, satis nimirū ex se-  
acerbis & diris, adduntur & improborū hominū iniuriæ & calumniæ. Id, in quā, acerbissimū omniū semper mihi uisum est, si sic afflictum hominē, cœlesti quoq; priuari gustu cōtingat. quā dura planē tunc apparent omnia, q̄ aspera, q̄ siti-  
culosa, quā inamœna. Veruntamen præteritarū haud quāq; immemor conso-  
lationū, se ipse consolari ad hūc ferē modū solet: O Deus, Deus, inquam, meus, sine quo nulla mihi potest esse pax aut uita, ad te in ipso statim mane, antequam  
dies emergat nouus, suspiro, clamo, à malaq; quaquauersum exagitatus fortu-  
na, suspicio, uigilo, atq; instar cerui ob æstum anhelantis,

Sitiuit in te anima mea, quā multipliciter tibi caro mea, in terra de-  
serta, inuiā & inaquosa.

Hucusq; protenditur Hebræis uersus, unde lucidiorem prodire sensum per-  
spicuum est. Multifariā dicit se Deū appetere & desiderare, ob multas uariasq;  
D quas secum fert mundus, molestias & curas. Ait igitur: In te, mi Deus, qui quīs  
ardentē sedare soles sitim, mea sitit anima, ac suauissimo exanimat ardore. Id a-  
nima, id corpus, id caro ipsa, alioqui suæ salutis ignara, atq; in iustitiæ itinere mi-  
rum in modum tarda & somniculosa, multipliciter, quia multis maculata est no-  
tis, expetit & efflagitat, in hac præsertim (heu dolor) terra uitæ inuiā, turbulenta,  
æternæq; uiuæ aquæ indigentia laboranti. Sunt sanē multa in mundo quæ sitim,  
nempe appetentias animæ uarias extinguere polliceri uidentur, sed augent se-  
tius, cum nostra ex his sedari cupimus desideria, quæ sitim magis ac siccitates,  
cum afferunt, q̄ humorē & succū. Istiusmodi enim sunt diuitiæ & voluptates,  
quæ cum animæ in Deo ebriæ horri soleant esse & nauseæ, ita rerum illarū ap-  
petentioribus aridissimo, insatiabili tamen atq; æstuoso solent esse oblectamen-  
to & siti. Et quemadmodū certē terra hæc infelix, deserta sit improbis & conta-  
minatis: hoc est, deserta à Deo, inuiāq; in qua diuinū ad auram post meridiē nō  
spacietur numē: atq; inaquosa, absq; scilicet diuini gustus suauitate, fontēq; gra-  
tiarum uiuido & perenni: ita p̄s animis deserta quoq; est, à mundo nimirū, in-  
uiāq; illis omnino sit & infructuosa, propter rerum earū, quas mundus ipse ap-  
petit, inopiam. Hæc est perfectissima crucis imago, in quā irreuerberata intus  
acie amoris anima, suum secum trahit socium, nempe carnē hanc mollem & fra-  
gilem. Quocirca ut inflammatorē suum ostenderet erga Deum affectū uir san-  
ctus, suam asserit animam cum carne simul ad uitæ fontē sitiuisse ac suspirasse.  
Proinde additum est,

Sic in sancto apparui tibi, ut uiderem uirtutem tuam & gloriā tuā.

Hoc, inquit, modo ac ratione, in sancto tranquilloq; uitæ statu, quem minime  
assequuntur improbi, tibi apparebo, te cernam, te, quem in tentationū persecu-  
tionumq; caligine ne per transennam quidem uidere poteram, largē lateq; con-  
templabor: atq; hac sanē uia ac speculo, tuam qua cuncta concutis intuebor po-  
tentiam



entiam & gloriā, è qua nos à mundo, mundiꝑ amatoribus despecti, planèꝑ derisi, tuæ tamē cōsolationis uberrate repleti, in tutoꝑ collocati, tanꝑ scintillæ ab ardenti demanamus igne. Nō mediocris quidē est Dei laus & gloriā, cū suos à prauis malè habitos, atꝑ ita sæuè diuexatos, ut in cineres penè collabi uideantur, quasi porrecta manu, è malorū profundo extrahit, mundoꝑ tanꝑ perfectissimæ lucis sydera ostendit. O felicem acerbitem, felices calamitates, quæ nostras adeò exactè collimant animos, ut è terra hac eos tetra lucidissimos, ueluti è durissimo inertiqꝑ saxo, ignes emicantes fas sit dicere. Cæterum dictio, multipli anima mea, suum tamen & ipsa habet sensum & decorē, qua nempe dilectionis castæꝑ sitis immensitas demonstratur. Theodotion uerò, quam sapissimè, transles, in loco sanctitatis, quæ ecclesia est, aut cor hominis ui fidei reformatum in Christo, qui huiusmodi oblectatur domicilio, ut cor est à uisibilibus rerum amoteuulsum, diuinæꝑ consecratum religioni.

Quoniam melior est misericordia tua super uitas.

Hic uates uirtutē diuinæ erga se misericordiæ cōsiderans, quomodo scilicet immensa adeò semper fuerit, lateꝑ exundans, ac uel in ipsis desperatissimis rerum euertibus, cū nihil minus expectarēt homines, præstò extiterit, sibiꝑ iam perditò præter spem omnium effulserit, illā nō iam uitæ uni aut alteri, sed multis, si id uni contingere posset homini, antepōnit. Nec sanè id est insolitū animis ferendo Christi improprio assuetis: siquidem cū Dei misericordiæ finis sit uita æterna, qui nō mille corporeæ huius miseræ uitas pro illa assequenda libentissimè impenderent. Vt cūꝑ, inquit, seres habeant humanæ, quocūꝑ in loco exulem, à quibusuis affligar, in tua contemplanda bonitate & clementia, qua tuos gratis protegere solitus es, totus ero. Nam certè tua erga homines benignitas, infinitis præponderat uitæ huius cōmodis: eapropter quoniā quæ rependam, quæ tam excelsò digna sint munere, in me esse non uideo, illud tamen utcunque referam,

Labia mea laudabunt te.

Telingua, te animo, quantuluscūꝑ ille sit, laudabo, tibiꝑ gratias agere ne horulæ quidem momentum desistam.

Sic benedicam te in uita mea, & in nomine tuo leuabo manus meas.

Vt meus, inquit, est mos, quandiuꝑ uiuero, ubi ubi egero, te celebrare institui, ac ut cæteris id quoꝑ notum fiat, puras ad te, atꝑ in tui nominis honorē patio, extollam manus, indicium sanè flagrantis mei in te amoris ac fidei. Sic, dictio, antiquū eum fuisse morem uati ostendit, quod bene intellexisse Paraphrasen auguror, cū ait: Hic mihi erit mos agendi gratias tibi, ut cum ueneratione nominis tui, ad omnia quæ facturus sum, manus admoueam. En uotum illud solenne, quo se homines è purissima fontis lotionē egressi, insolubili constrictione non ignorant, ut Deum uidelicet, quicquid sors euehat humana, contempnitis efferant laudibus, sacrisꝑ celebrent panegyricis. Atqui in istiusmodi occupata mens curis, quomodo facilè ad ea cogitanda aut amanda, quæ mundum referant, dilabatur?

Sicut adipe & pinguedine repleatur anima mea, & labijs exultationis laudabit os meum.

Vide quid bonorū crebra secū afferat diuinæ laudis cogitatio. Ex ardenti, inquit, te laudandi affectu ac nisu nō secus fiet pinguis anima, ac solet corpus adipe pinguius abdomine pinguescere, tum cū labijs exultationis laudabit os meū, id est, cum labijs, exultatione, sanctoꝑ tripudio plenissimis, tuas decābit



c laudes os meū. Adipem & pinguedinē pro summa supernarū deliciarū suauitate hīc poni existimes; tropus is est in scripturis creber, ut aliās adnotauimus. Ineffabilis planē ea est suauitas, qua anima ex humo, uti à tenero cespite uiola, elata afficitur, cū in diuinis occupata laudibus tota, quanta est, in amati amore emoritur. Quod quidem nō absq; ratione à me hīc dictum esse uelim, ob tardam quorundam in celebrandis diuinis, ut uocant, officijs oscitantia. Id semper cū in omnibus tractandarū rerum causis rationibusq; cogitandum, quis is sit qui cum loqui aut res tuas tractare intendis, tum præcipuē in hoc de quo loquimur, laudandī Deum & modo & ritu, ne dum labijs tantūmodo Dein os auribus satis fecisse opinemur, cor, tanq; leuioris armaturæ equitem, hincinde excurrere sinamus. Verū utcūq; id esset tolerandum, si os saltem & lingua, quibus Deo potissimū in templis occinuntur laudes, pura essent atq; integra: hoc est, quæ à scurrilibus obscœnisq; abhorrent colloquijs, à calumnijs, ab infamia, à delationibus, dissidiisq; sationibus, ac mortiferis demū temperarent oblocutionibus. Etenim actiones omnes, quæ ad Dei spectāt cultū, puræ esse debent, candidæ, ardentes, uiuentesq; in Deo, non hisce in rebus, quibus fœdari solet animus ac mens: quæ cū sincera flagransq; in sancta esset uatis anima, uide quid de se spondere audeat.

Sic memor fui tui super stratum meum, & in matutinis meditabor in te, quia fuisti adiutor meus.

Amor enim diuinus nulla temporis intercapedine, quo minus semper ardeat, interciditur: siue is qui afficitur, uigilet, siue dormiat, siue aliud aliquid actitet, suo semper cum amato cōquiescit, dormitq; beatus. Verū cœlestes modō flammæ admittere, quas in aliud statim flammarū genus cōmutes, id leuissimū animi indicium est, ne dicam ingratissimi, planēq; sui dissimilis & superbi. Cum igne quidem diuini amoris, alterius amoris ignis, ut ille est qui in mundanarū rerum felicitate, tanq; efferatus rex debacchatur, coire haudquaq; potest. Quocirca ne tam delicata ē manibus excidat suauitudo, illud in primis curandum, sitq; unum cōtinuē pausetur in animæ medullis fax illa, qua accensa, ardet tota, sitq; unum prorsus cum amato, in tranquillissimo cōscientiæ diuersorio. Vnde nō iam amplius in se, sed in illo potius quē supra se diligit, uiuens, illud meritō cum sapientissima uatis anima concinere & uult, & potest: Sic, hoc est, tua ô Deus flagrantissima accensus amoris flamma, memor fui, eroq; tantisper dum uixero, tui super lectum strati mei, eo nimirū tempore, quo in somnis à uaria phantasmatū incursione atrocius impetunt homines, atq; inertī perlanguescere solent molliē & torpore pleriq;: identidemq; in ipso primæ lucis exordio sic in somnis assuetus de te cogitabo, in te expergiscar, teq; animo uoluā reuoluamq; libero & syn-tor meus. Incrudesca, opto, rerum tristium caligo & nox, memor ero nihilominus tui: cōtrā uerò læta mihi arrideat fortuna, suoq; me illo copiē cornu uel usq; ad satietatē impleat, nō ob id tamen insolentior factus, tuæ immemor ero fidei, imò eo tenacius mihi illam inhærescere faciā, quò periculosiori subiectus est ruinæ, qui à prospera nutritur fortuna, quā qui ab aduersa iactatur. Cæterū licet dictio, sic, aptē admodū, ut uides, quadrare huc possit, tamen neq; à Græcis, neq; ab Hebræis legitur, sed, si, uel, certē, ut reddit Felix: Certē, inquit, memor fui tui. Verbum porrò, fui, à cæteris Hebræorū interpretibus, ero, transfertur, ut sit tempus pro tempore. Et est illud notandū, Quia fuisti adiutor meus, principio sequētis uersus Hebræis esse. Vnde sic Paraphrastes: Fuisti enim auxili- hac exultabo. Quod noster sic reddit interpretes, Et in uelamento alarum tuarum exultabo.

De hoc



De hoc tropi genere, nempe alarū, tum aliās, tum in psalmo quinquagesimo-septimo copiose diximus. Ex sedula quippe illa de Deo meditatione, quę die noctę purę infidet animę, illud in primis oriri cōpertissimū habemus, quod animę in diuino requiescens amore, credit se, quęcūq; contingant, fidissimis Dei alis cōtegi & foueri. Quocirca eo maximē tempore, quo maiori afficitur ærumna, ad amoris alas confugiens, ita suum alloquitur tutorem:

Adhæsit anima mea post te, me suscepit dextera tua.

O efficacē certē fiducię uirtutē. Immensę quidem suauitatis plenū illud esse Elaię quis non uidet? Anima, inquit, mea desiderabit te in nocte, sed in spiritu meo & pręcordijs meis de mane uigilabo ad te. Vide coniunctissimā cum Deo animę copulā. In spiritu, ait, meo, non id porrō satis uisum, addit, In pręcordijs meis mane, illucescente scilicet gratia, applaudenteq; cœlo, uigilabo ad te, quod planē idem est, qđ hīc de se asserit uates, dicēs: Adhæsit anima mea post te. I prę, inquit, mi solertissime dux, ego ponē te actutū sequar, tibi adherebo, à te me nulla unquā quuis acerbā diueller calamitas. In me enim iniquissimo tanq; Marte, improborū cōcurrunt agmina, ego uerō tuis insistentis uestigijs, post te curram: siquidē aliās similibus in cōtrouersijs cum mūdo, me suscepit dextera tua, nempe tua uirtus, tua bonitas, tua misericordia, suscipiet & (spero) in posterum.

Ipsi uerō in uanum quęsierunt animā meam, introibunt in inferiora terrę. Tradentur in manus gladij, partes uulpiū eorum.

Eccenuminis in oppressores innocētię & uirtus & ultio. Etenim suis frustrati uotis improbi, turpissima affici solent confusione. Ipsi, inquit, incassum meū expetiere interitum, imō in obstrusa illi citius loca terrę, penitusq; latentia reuerentur, quā me à cœlo, unde mea est cum Deo uita, deturbabūt. Ad infernas quidem corruent tormentorū regiones, puniendī unā cum tetrīs illis spiritibus, hī qui meam sitiunt infamiā & mortē: interea uerō neq; in hac uita qui de diuinā effugient ultionem; nam in gladij manus, id est, in uim atq; aciem hostilis gladij traditi, occisiq; & insepulti, in prędam belluis ferisq; truculentissimis, quę humanis uescuntur carnibus, infelicissimo dabuntur spectaculo. Similiter nunquam locutionis genere utitur uates ac tropo, quod nos minimē lateat, quā sœua certaq; malorū hominū perfidiā supernē maneat ira & uindicta. Illud nō silendum, in uanum, Hebræis quibusdam esse deuaſtationē: unde sic Felex, Eupſi ad deuaſtationē quærent animā meam. quā dictionē ipsemet exponens, pro, cum strepitu, accipit: quā sanē quorūdam perfidiosorū bellissimē effigiat imago, qui cū innocuū quēpiā traducere decreuerūt, nihil nō machinatur, dolorū, patentiū quoq; iniuriarū admouent, quō maiori id strepitu, uulgi tumultu, quod odioſo cōceperunt animo, obtineant. Verū quia fœdæ eiusmodi conspirationes ad unū, qui illarū dux sit & caput, referri solent, in illum uates futurorū nimirū temporū præscius, tanq; de Saule loqueretur, inuectus se inuoluit: Distrahant, seu, ut uult Campensis, proſcindant (nempe ipsi conspiratores illum super gladium. Ad hūc quippe modum hanc legunt literā Hebræi, quā noster uertit interpres: Tradentur in manus gladij. Verū huiuscemodī, uti inprecatione uates, ad omnes simul cōiuratores sermonē uertit, dicens, Partes uulpiū eorū: quod expressius ab Hebræis redditur, Portio, inquit, erunt dolosarū. Is enim naturaliter mos est uulpi ingenitus, ut crudelis sit & dolosus. Quocirca sapientissimus magister Christus, sœuitiā simul & fraudulentiam Herodis ostendere uolens, illum appellat uulpem. Ite, inquit, & dicite uulpi illi. Eant igitur dolosi omnes, atq; unā cum suo duce factioſo crudeles, quemadmodum comminatus est spiritus,



**C** Rex uerò lætabitur in Deo, laudabunt omnes qui iurant in eo, quia obstructum est os loquentium iniqua.

Pulcherrima certè mysteriorū omniū, quæ in oda hac planè diuina occulunt, & connexio, nempe in Christo, qui hîc à uate per antonomasiā rex appellatur, & qui cū in terris esset, nobiscumq; nostri similis cōmoraret, nunq; eousq; à persecutoribus diuexari potuit, quin in patris prouidentia & bonitate copiosissimè iucundaretur. Enimuerò hunc esse crucis finem decreuit Deus, pacem nimirū animi, ac gaudium in spiritu sancto. Rex igitur ille uniuersorū Christus Iesus, atque hi omnes qui ad ipsius regnum, quod in moderandis animi appetentijs, brutisq; subigendis sensibus maximè positū est, per gratiam asciscuntur, utcūque intremant impij, regnentq; in mundo, lætabuntur in Deo, ac per Deum in crucis ignominia lætissimū in modum exultabunt. Ad hæc, ne diutius in perue stigandis eorum moribus, qui ad Christi regnū attinent, immoremur, pulchrè à spiritu attextitur, Omnes qui iurāt in eo, hoc est, qui in Christi uerba & legem ex animo iurant. Quem quidem sensum una duntaxat dictione expressit Felix, ut adiuratus, inquit, id est, qui se iuramento Dei uerba ieruaturum obligauit, ut in baptismo de more fit. Cui tamen pollicitationi aliud additur à nōnullis in cœ nobijs iusiurandum, cū profitenē ingentium obtestatione perfectiora: quod quidem promissionis genus pium ualde est, si in Deo fieri contingat. Alioqui iurare lingua, mentē uerò iniuratum gerere, seu iuratum animū & linguam euerare, periculosissimū periurij genus est, parum uerò à plerisq; mortaliū animaduersum. Totus enim, mi lector, expauesco, cū in mentē mihi uenit illud à Sancte Barbarico Veneto, patritio sanè integerrimo, atq; eruditissimo Iurisconsulto, mihi olim dictum: Vereor, inquit, ne statim is periurus efficiatur, qui monacho profitemur. Sed uir ille alioqui prudentissimus, humanarū uirium imbecillitatē demensus est, non Dei gratiam atq; opem. Iuramentū igitur quod in Deo fit, sanctum esse debet, firmū, ratum, uerum, inuiolabile, quoq; Deo ipsi soli rata tribuitur ueritas. Per nomen, inquit Moses, illius iurabis; id est, ipsius duntaxat nomini ueritatē tribuito: quod qui agit, nihil Deo dignius augustiusq; esse confitemur. Idcirco pulcherrima claudit antithesi psalmum propheta dicens, Laudabunt omnes qui iurant in eo, hoc est, uerè. Subinde alterum subnectit membrū, Quia obstructum est os, seu, obstruetur os, ut uertit Felix, loquentium iniqua, falsa scilicet, maledica & iniusta, ut planè sunt hæretici, hypocritæ, adulatores, inuentoresq; malorum, & duplices, orbis uidelicet uniuersi contaminatio. Aperta enim debent esse omnia in Christiano uiro, nuda, ingenua, syncera, & quæ simplicissimam Dei naturam referant, Cui laus sit perennis honosq; in secula seculorum, Amen.

PSAL. LXIIII. Vincenti, Psalmus David.



**A**udi Deus orationem meam cū deprecor, à timore inimici mei eripe animam meam.

Omissis somnijs, quibus conant nōnulli, cur quilibet compositus sit psalmus, exponere, hîc dicendum, Dauidem suis in ærumnis ac persecutionibus, longissimis illis quidem & acerbissimis, uario psalmorū fuisse delectatum poemate, subindeq; suum hisce sedasse mœrorē & luctum remedijs. Illud certè mirum, tantū uatem tam molestè perfidiosorū hominū linguas atq; oblocutiones tolerasse, in illosq; tam acerbè in singulis ferè psalmis inuectum fuisse. Verū duas ob rationes id factum puto, tum quia seruatoris uniuersi typus cū esset, calumniasq; ac falsas re ipsa quotidie experiretur delationes ac rumores, ea tamen omnia, etiā diriora, in Christum omniū innocentissimū suo à populo congerenda præuidit, & ut rem nefandam, Deoq; indignā execratus est, tum quod



quòd optimè nouerat quāti, quamq̃ immensi periculi simul & dispendij bonis, nondum tamen in fide solidis ac firmis, allaturū id esset uirus. Proinde futuros maledicos & delatores, à maledicendi, falsaq̃ deferendi consuetudine quasi deterrere licet, tam crebrò in perniciosos eorum mores inuehitur, ut hoc in psalmo uidere licet, in quo turpissimā inuidorū obrectatorumq̃, & delatorum faciem ac naturam, elegantissimo depingit poëmate. Sed prius, ut summa præditus erat si de, suam Deo cōmendat causam, clamatq̃: Exaudi Deus orationē meā cum deprecor, à timore inimici eripe animā meam. Cuius sanè subiecti illius fuerit precatio, aptè admodū exprimit Paraphrastes. Audi, inquit, Deus uocē cōmemorationis calamitatū mearū, ut contra minas, quibus hostis me terret, tuearis uitam meā. Inimici, singulari numero, pro inimicorū positum, qui frequens est in psalmis hebraismus, arbitror; quanq̃ nil uetat, quò insignem aliquē oblocutorū ducem, ad quē execrandi istiusmodi lues recurrere tutò soleat, notari à uate existimem. Nulli dubiū, abiectissimū istud genus hominū atq̃ colluuiōnē, nō tam temerè in proborum uitam ac nomen sæuiturā, nisi ex primatibus, qui foedissimos illorū mores & libenter ferrent, & astutissimè alerent, inuenirent: solent enim hi prudentes, si Deo placet, homines, istis abuti malleis ad contundendā in nocuorū uitam & famā. Quare nō absq̃ immenso animi dolore id à uate prolaturum iudico: A timore, inquit, inimici, nempe perfidiosorū meā in uitam conspiciunt altoris, eripe animā meā. Si hi, quorū pestes huiusmodi à mundo auferre interest, pestes ipsas fouent & amplexant, ad quem (malū) meas referre debeo querimonias: à quibus ius exigere? cui metū, cui meā exponam miseriā? Tu igitur, qui haud semel quidem

Protexisti me à cōuentu malignantium, à multitudine operantium iniquitatem,

Protege etiam nunc me, ac, quæ tua est bonitas, meā abs te datam tutare innocentiam. Protexisti, tum Græci tum Hebræi Protege habent, seu absconde: & est clarior sensus. Vnde sic totum hunc uersum reddit Paraphrastes: Absconde me à multitudine prauorū secretò consultantū aduersum me, & à conspiratione sceleratorū. Cæterū quid sit, à multitudine operantiū iniquitatē, breuibus interpretatur Felix: A congregatione, inquit, tumultuosa. Nihil sanè agunt seculi, quod tumultuosum idem nō sit, planeq̃ iniuriosum, ac bellorū plenum: quorū quidem artibus adeò nonnunq̃ pax cōturbatur orbis & confunditur, ut uersorum ordine, nefandissimos quosq̃ regnare uideas, probos autē calcantur, & absumi: qui certè cum modestissimi sint, & Dei religionis, quæ concordia nō domo Dei, pacis nimirū domiciliū, schismata excitentur ac dissidia, taciti tolerant. Illi uerò insolentiores facti,

Exacuerunt ut gladium linguas suas, intenderunt arcū (rem amaram) ut sagittent in occultis immaculatum.

Quia exacuerunt, noster uertit interpretes; Hebræi autem, qui, utrunq̃ tamen præcedentibus conuenit. Atqui maledicentiū linguas acuto comparat gladio, cito scilicet penetranti: amarulenta uerò illorū uerba, sagittis dolose è tenso arcu contortis, quibusq̃ hostes, ut inquit Campensis, capitales peti solent. De istiusmodi linguarū tropis & similitudinibus, in alijs iam diximus psalmis. Tantū illo addam, uix me unquā schematū huiusmodi sensum assequi potuisse, nisi longō usu atq̃ experientia, quid sibi uellet uates, re ipsa perdidicissem. Qui non tenetur, quid scit: nihil omnino. Vide igitur quid boni & iucunditatis secum afferat amabilis crux Christi. Iam illud non prætereundum, rem amarā, per parentem ab aliquibus legi, ut quædā sit doloris simul & admirationis interiectio, ut nonnunq̃, malū, nefas, scelus, prò dolor, & id genus alia ponere consueui-



C mus. Cæterū, Vt sagittent in occultis immaculatū, idem planè est, quod in alio conquestus est psalmo, dicens, Vt sagittent in obscuro rectos corde: id est, ut illos ex insidijs adorianur, qui rectà in Deum incedunt, illiç per amorem, abiectis interim mundi curis & occupationibus, inhærescunt, Ad hæc

Subitò sagittabunt eum, & non timebunt, firmauerunt sibi sermonem nequam.

De improuiso, inquit, uenenata contorquebunt iacula, diras nimirum calumnias, & accusationes tumultuosas in eum, nempe innocuū, & nō timebūt. Heu rem penè incredibilem. Verūm ne est, iniquum adeò & nefarium inueniri hominem, qui natura simplices & imbelles, ut sunt pleriq; in terris Dei amici, non uereatur lædere, eosç à tranquillo uitæ statu deturbare? Id prorsus contra naturam uideē esse, & nihilominus qui id peragant intrepidè atq; impunè, inueniuntur: atq; hi quidem nō in antris inter feras, aut nemoribus, sed in ipsis quoq; nobilioribus, magisç cultis orbis locis & tectis, Deo enim semel per impotentiam animi contumaces effecti, nulla re alia oblectari uidentē, quàm ut à mundo Christum auferant. Callidè illi quidem firmauerūt sibi sermonē nequam. Sermonē nequam appellat uates rem illam tristem & amaram, de qua suprà locutus est, dicens, Intenderūt arcum (rem amaram.) Cæterū, ut iam diximus, sermo, inquit, uerbum, Hebræis est, res, factum, negociū. Vnde alio in psalmo, Verbum, inquit, iniquum constituerunt aduersum me, Calumnias hinc igitur, dolosasç conspirationes iam pridem meditatas, demumç turpissimo sancitas fœdere & confirmatas intelligit. Solent enim perfidiosi homines in alicuius interitum cōspirantes, cautè admodū suas sigillatim perfidiæ eousç exequi partes, quoad tempus idoneum diu: expectatū sparsas in unum colligendi firmandiç insidias aduentur. Tunc sanè nō hominū quidem ratione utentiū cōmotam iram conspiceres, sed porcorum grunientium potius, tumultuantiumç strepitū in Christū, hoc est, in puras animas, atq; in his rebus quæ ad mundum attinent, incautas & simplices. At aliam illorum contemplare amentiam & stupiditatem:

Narrauerunt ut absconderent laqueos, dixerunt, quis uidebit eos?

O corda certè à numine derelicta. Cui, quæso, narrauerūt? Sauli, inquit interpres Hebræus, id est, cōiurationis duci, cui ob magnā in uulgo autoritatē & potentiam, obesse alijs integrū est. Narrauerūt illi itaq; ç cautè, quàm uelate, ne resciscat mundus (de Dei uerò notitia nulla illis cura) composuerint laqueos, fallacias scilicet ac dolos. Quis, inquiūt, uidebit eos? quis adeò callidus est, qui tam aptè abscondas detegere ualeat insidias? Post multa, inquit Paraphrastes, ultro citroçq; habita uerba, abscondere decreuerunt laqueos ea arte, ut neminē fraudem illam deprehensurum sibi persuaferint. Verūm

Scrutati sunt iniquitates, defecerūt scrutantes scrutinio, accedet homo ad cor altum.

Vide anxium in improbis excogitandi iniqua animū, simul & uanū irrequietæ machinationis exitum. Varios, inquit, nocendi modos, ut solent dæmones, studio omni & diligentia peruestigarunt; uerūm à meditata anxieç peruestigata malitia deficientes, nihil obtinuisse uisi sunt, quamlibet alto ac profundo hominichinati fuerint corde. Siquidem principium sequentis uersus, Ascendet homo ad cor altum, huic finis est Hebræis, qui sic habent: Inquirunt praua consilia, toti sunt in inueniendo, & intimo cuiusç, & corde profundo: hoc est, consilia iandudum præmeditata, & quæ unusquisç corde gerebat profundo & secreto, summa ui perficere nixus est: sed letali ex insperato à Deo percussus sunt uulnere: atq; hoc sanè modo

Exaltabitur Deus.



Incomprehensibili quidem ratione interdū & cōsilio id in diuina cōtingit mente, ut sceleratis quorundam conatibus parēre uideat Deus, hoc est, illorū timere audaciā, cum extemplō illam nō reprimat, & refringit: uerū à nimia aliquādo illorū prouocatus arrogātia, atq; usu in malis diuturno, euigilare tandem solitus est, & qui nuper tanq; abiectus & subditus, ad peruersas improborū actiones cōnuere uidebat, insperatō in mediū profilit, magnumq; ac mirè tremendū sese exhibet uindicē, cum aut punit male acta, aut ne agantur sapientissimè coërcet. Quod uerò nōnulli hūc uersum interpretant de profunda diuinorū consiliorū in homine indagatione, quæ quanto in his peruestigandis profundius sese immerferit, tanto altius Deus ab humano se separat sensu, & exaltatur, casta admodum interpretatio est, sed quæ nihil hīc ad rem. Nam de excogitatis in hoc loco, diuicq; anxio & profundo meditatīs animo dolis, atq; in bonorū perniciē insidijs à Deo nihilominus perfringendis loquitur uates. Idcirco infertur,

Sagittæ paruulorum factæ sunt plagæ eorum, & infirmatæ sunt contra eos linguæ eorum.

En oblocutorū proditorū me quomodo ferē sint sine ictu tela. Egregios facinorarios, quorū uulnera puerilibus comparant uulneribus. Quis tam fortes nō uereatur hostes? Heu proiectam graueolenti ē sentina nauseam. Sic ego quidem perfidiorum hominū turbas, conuentusq; malignantiū appellare solitus sum, facem scilicet mundi ac nauseam. Sagittæ, inquit, illorū, id est, uulnera ex insidijs in solidum immissa animū, haud dissimilia erunt plagis quæ à pueris infligi solent, nempe debiles & absq; cruore. Quid? ipsæ eorum linguæ tam male dicæ, tam dolosæ, tam arrogantes, quas modō ut gladium exacuerūt acutum, en quomodo infirmatæ, elinguesq; ut sic dicam, factæ, in mutuas, æquissimæ Dei prouidentia, conuersæ sunt dilacerationes & morsus, in se ipsæ refractæ relatione prorsus euanuerunt. Et id secundum nostram dictum sit æditionem, quæ tamē alia est Hebræis, quam diuus Hieronymus sic transtulit: Sagittabit eos domus. Idem ferme Felix. Alius uerò ex eodem fonte sic: Sciet illos Deus sagitta subito, subito erunt plagæ eorū, & facient impingere se ipsos linguis suis: ut hīc sanè solitam diuinæ ultionis rationē & morem nos, qui maledicis linguis obprobriales in nos intorquere conant sagittas, calumnias uidelicet diras & mortiferas: Deus uerò sapientissimus rerum moderator, in illorum ignominiam ex improbo uiso, cum nihil minus timeant, eadem ipsa maledicentiæ spicula retorquere cōsuēscit, atq; adeo, ut meriti sunt, & sæuè & acerbè, ut cernentibus horrore futuri sint & terrore. Quocirca à spiritu additur,

Conturbati sunt omnes qui uidebant eos, & timuit omnis homo.

Et annunciauerunt opera Dei, & facta eius intellexerunt.

Contremiscent, inquit, stupebuntq; quicunq; eos tam male habitos, tamq; rabiose mutuis inter sese ferocientes uulneribus aspexerint, dicentq; hæc sanè diuina fuit ultio, hæc Dei operatio & iustitia. Quis hæc hominū aut tentasset aliquid quando, aut tentata unquam perficere potuisset? fuit id quidem diuinæ potentie indicium & argumentū. Hūc porro sensum sic exprimit Paraphrastes: Admirabunt quicunq; uidebunt, & cōmemorabunt hoc opus Dei alijs, qui & alia eius opera hoc exemplo docti maiore prudentia expendent. Eam ob rem

Lætabitur iustus in domino, & sperabit in eo, & laudabuntur omnes recti corde.

Visa itaq; diuina in improbos seueritate, iustissimus quisq; qui antea acerbissime à uirulentis illorū linguis adeo suffocabat, ut uix, quemadmodū solent gra-



euissimo aliquo onere oppressi, respirare poterat, exhilaratur, spiratq; libere, atq; in domino hilarem in modum lætatur, & exultat. Tu uatis copiam, uerborumq; ubertatem admirari ne desinas: nam & iustus, & qui sperat in Deo, & qui puro uiuit corde, idem planè est, idemq; significat, hominè scilicet tam exactè à Dei manu formatus, ut quæcunq; obganniant delatores & maledici, robusto ferat animo, uiuatq; in Deo: cui, quæcunq; in se bona esse intuetur, gratissimè ea referat accepta, in seculorum secula, Amen.

PSAL. LXV. Vincenti, Psalmus Dauid, Canticum.



E decet hymnus Deus in Sion, & tibi reddetur uotum in Hierusalem.

Vt lubet, nonnulli hunc psalmum prædictionem quandam captiuitatis Babylonicæ extitisse asserant, siue, ut alijs uisum est, precationem ad Deum pro pluuiâ, siccis frugibus, satisq; exultis imploranda: nos Sion, sanctæq; Hierusalem, quæ est ecclesia, uaticinium fuisse certi sumus. Nam Sion mons unâ cum nobilissima illa ciuitate, fidei imaginem adumbrabat; alioqui cur illud de prophetarum interfectrice dici queat, quod scilicet pinguescent speciosa deserti, & exultatione colles accingentur, non uideo. Haud mores quidem turpissimi Iudeorum tam sanctum ecclesiæ statum præ se ferre poterant, sed cultus & religio: quem admodum etiam nunc, si quid à fide alienum peragunt homines, ad futuram uitæ candorem perennitatemq; spectare minimè arbitrandum est, sed illud tantummodo quod rectum est, ac fidei consentaneum: cuius uis ea tota esse uidetur, ut abiecto mundo, spretisq; carnis oblectamentis, ac ipsis quoq; delicatis uitæ commodis, toti in diuinum feramur amorē. Tunc quidem haud secus ad Sion, futuramq; Hierusalem nostras pertinere animas, & speramus, & religiosissimis assensione & se coniecturis auguramur. Quocirca huiusmodi solida affecti persuasione & gaudio, hanc plenissimam diuinæ laudis odam unâ cum uate canere haudquaquam non dubitamus: Te decet hymnus Deus in Sion, & tibi reddetur uotum in Hierusalem. Tametsi enim dictio, Hierusalem, addita sit à Græcis, sensui tamen minime illam obesse iudico, qui talis est: Cum laudes illæ omnes, & uota quæ præter fidem, tua ab ecclesia, sanctisq; ritibus abhorrent, turpissima sint, & quæ nihil ad te pertineant omnino: ita in Sion, in noua Hierusalem, in sanctorum conuentione & conuentu quæ fiunt, castissima sunt, integra, uera, & quæ te mirifice oblectant. Hic rursum uides coniuncta cum diuinis laudibus, ut aliàs admonuimus, uota. Cæterum aptissimus locus, Sion nimirum, mons sublimis & mysticus, in cuius fastigio gratissimæ numini laudes persoluuntur, cor hominis est, nempe humanus spiritus, & mens Deo per fidem eousq; unita, ut nihil iam amplius cogitare ualeat, quod aut Deus non sit, aut ad Deum pertineat. Id dixisse opinor facilem, ne dicam turpem quorundam opinionem, qui se satis Deo fecisse opinantur, si illius celebratis de more in templo laudibus, cor diuinarum rerum cæpax foedissimis in occupationibus ac curis diuagari permittunt. Animus qui per sordidus, elatus, in satiandæ uel tum libidinum tum odiorum æstu intentus & dissipatus, quomodo purissimas Dei laudes, immenso absque terrore & metu celebrare audebit? Vide igitur o tu qui sanctorum ordinum candidatus, mundissimis te perpetuò deuouisti ritibus, ne pro laudibus blasphemias Deo impingas. Vide, inquam, an syncerè illud quod à spiritu infertur, atque ex animo rogare queas.

Exaudi, inquit, orationem meam, ad te omnis caro ueniet.

Illud planè non omittendum (quod nostra è re, quā modò diximus, ualde esse coniectamus) Hebræis esse, Tibi silet, quod noster uertit interpretes, Te decet. Unde diuus Hieron. sic transtulit, Tibi silet laus Deus in Sion: id est, tuis in concinnendis laudibus, tranquillo opus est corde, atq; à rerum externarum incurusione



ti & quieto. Porro quia Hebraei principium huius uersus, Exaudis, seu exaudies habent, nobilissimæ mihi illius, qua templum consecrauit Salomon, orationis in mentem uenit, in qua illud inter cætera auditu iucundissimum legitur: Si quis, inquit, cognouerit plagam cordis sui, & expanderit manus suas in domo hac, tu exaudies in cælo. En cuiusmodi generis illum esse oporteat, qui à Deo exaudiri suis inprecationibus efflagitat. Et ut quidem ea omnia quæ in deprecatione illa scribuntur, populum tantummodo tunc præsentem spectasse uiderentur, secretiori nihilominus mysterio Christum, Christianosque ritus, atque ardentem ecclesiæ portendebant fidem. Quocirca additum est à uate, Ad te omnis caro ueniet: id est, te, tuamque religionem, in qua tuæ ueræ audiuntur laudationes, uenient, certimque current omnes regionum omnium homines, quamlibet duri ac carni dediti. Quid tam unquam dilucidè Christi regnum, qui solus æternum propositus est uniuerso terrarum orbi propitiatorum, adumbravit? Quod sanè mysterium regem licet ingratissimum non omnino latuit, qui in dedicatione sua illa solenni, nescio quid altius præsentiscens, sic de gentium conuersione uaticinatus est: Aliigena, inquit, qui non est de populo tuo Israël, cum uenerit de terra longinqua, propter nomen tuum (audietur enim nomen tuum magnum) cum uenerit erigat, & orauerit in hoc loco, tu exaudies in cælo, in firmamento habitaculi tui, & facies omnia, pro quibus inuocauerit te alienigena. O immensam certè Dei in peccatores facilitatem. Facies, inquit, omnia, pro quibus inuocauerit te alienigena: hoc est, abs te ob scelera alienati, suamque sponte euulsi ad te confugient, mogete, ut par est, inuocet, syncerè scilicet, castè, pureque, ac fide præditi. Propterea igitur quod tu omnium exaudis preces, ad te omnis generis homines quantuis uagi confluent. Quid itaque in peccati sordibus tandiu o mortales immoraminis, simul ut omnibus quamlibet nefarijs ac profligatis dicto citius promissa est salus: Verum forsan quò minus id statim fiat, obstare uidetur quòd

Verba iniquorum præualuerunt super nos.

Sed superuacaneus omnino is est timor: nam tu Deus uel ab ipso primo generis humani exordio, cuiuslibet sua serio execranti crimina, patrociniū late benignè attulisti, auferes etiam nunc inuocatus,

Et iniquitatibus nostris tu propitiaberis.

Eccediui illud propitiatorium, de quo alio in psalmo sic canit uates: Quia ab eis sumus, experimur. Hunc dñm Iesum esse & credimus, & nisi omnino plumbendum uideret, literam quæ Hebraeis est, clariore sensum reddere. Sic Felix: Verba delictorum præualuerunt super nos. Alius item, Verba prauitatum, transtulit. Ierum uero dictio, uerba, significet, alius rursus ex hebræo sic reddit: Ratio scelerum nostrorum superaret nos, nisi tu domine ueniam dares. Idcirco Paraphras, Grauiissimæ, ait, iniquitates nostræ superauerunt uires cuiusque nostrum, quare peccatis nostris ut ipse tu satis facias necesse est. In alio quoque psalmo huiusmodi loquutionis genere usus est uates, cum ait: Longè à salute mea uerba delictorum meorum. Quæ quidem uerba qualem sensum habeant, illic copiose est dicere. Illud enim uero non ignorandum, nostra adeo iam pridem in immensum creuisse peccata, cresceretque quotidie, ut nisi Deus nostram ad subleuandam misericordiam summè misericors, tum olim & hostia & sacerdos gratuito effectus propter animam prorsus humano actum esse quis dubitaret? Quòd enim perditissimi nostrorum præualuerunt super nos. Quòd autem ab infinitis emundati sumus maculis, emundamurque indies, ab illo indubie prouenit, quòd iniquitatibus nostris sumus propitiatus est Pōtifex, nempe Christus filius Dei uiuentis, qui non secundum



C legem mandati carnalis, ut inquit Paulus, factus est, sed secundum uirtutē uitæ insolubilis, & qui nō habet necessitatē quotidie, quemadmodū sacerdotes prius pro suis delictis sacrificiū offerre, deinde pro populi: hoc enim fecit semel se offerendo. Vide igitur uirtutē mortis Christi, ē qua nostræ omnis ratio beatitudinis ortum habuit, quam tantū sanè abest ut nostro nancisci posse studio & labore tantūmodo somniemus, ut etiā ea persuasione illam amittamus, Id merum Dei donum est, quare

Beatus quem elegisti & assumpsisti, inhabitabit in atrijs tuis.

Ecce qua seruant ratione, quicunq; salutem adipiscunt, nempe diuina ex electione, hoc est, ab impietate atq; erroribus, gratuita Dei assumptione, qui nulla nostra prouocatus uirtute, sua nobis impartitur munera, quemadmodū improborum irritatus duritie, atq; in peccatis perseverantia, suos illis subtrahit gratiarū radios. His itaq; extra dñi uineam ultrò pigritantes, primi illi, utpote ante Paulus, di constitutionē secreti ad hoc, ut sancti essent & immaculati, ut inquit Paulus, in conspectu eius, in charitate, inhabitabunt in atrijs ecclesiæ, in eiusq; conquelescent sinu felices, spem interim uiuā futuræ beatitudinis in Deo fouentes, latitiaq; gestientes inenarrabili, ob suam per Christum uocationem, qua ad fidem, summā nimirū æternæ adipiscendæ uitæ, asciti sunt. Et nos itidem, qui in Christo sorte uocati sumus, ut inquit idem, unā cum ipsis

Replebimur in bonis domus tuæ, sanctum est templum tuum mirabile in æquitate.

Puto hīc bona domus Dei, quæ est eius Ecclesia, non illa quidem esse quæ à uulgo censentur, lautæ scilicet beneficiorū mensæ, agrorum uastitas, aut iumentorum numerumq; copia, sed ea potius quæ Paulus Galatis scribens memorat, D quæ & fructus spiritus nuncupantur, charitas scilicet, gaudium, pax, patientia, longanimitas, bonitas, benignitas, mansuetudo, fides, modestia, continentia, castitas: quæ sanè omnia copiosissimè à diuo Benedicto in recensendis bonorum operum instrumentis pertractantur. In huiusmodi certè bonis opiparè pellucibilibiterq; oblectari solēt animæ, quibus illa alia nausæ sunt bona & neglectui, quæ uulgus hominū admirari consuecit & appetere. Infelicissima quippe omnium esset ecclesiæ mansio, si in his solum quæ cum mundo cōmunia sunt, fundata esset bonis, caducis scilicet, & quæ à cœlesti uitæ ingressu arcent animas. Sanè quidem sanctum est templum tuum, ô Deus, firmū, æternum, immutabile, idcirco mirabile in æquitate, in iustitia, ac qua maximè in tuis oblectariis, dilectione. Hæc sunt igitur uera bona ecclesiæ, cætera uerò horum sunt adminicula & affeclæ: hoc est, eatenus bona sunt, quatenus Christi pauperum inopiæ, compluriumq; uirtuti subsidium comparant. Alioquin iniusto quæ possident dominio (res enim Christianorū, pauperum sunt in primis) quis bonus bona dicat: Verum ut lubet, illi suo in saginario cōmarcescant, tu pietissime

Exaudi nos Deus salutaris noster, spes omnium finium terræ, & in mari longè.

Penè in peruestigandis ecclesiæ bonis immerso mihi exciderat aliam esse Hebrais literā, aliocq; legi ordine in superioribus: siquidē uersus unus illis totus integer est usq; ad, Mirabile in æquitate, ad hūc modū: Beatus quē elegeris, & tibi sociaueris, ut habitet in atrijs tuis, ut satureſ bonis domus tuæ, sancti templi tui. Postea uerò alterum ita ordiuntur, Mirabile in æquitate, seu, ut uertit Felix, Terribiliter cum iustitia respondebis nobis Deus salutis nostræ, spes omnium extremorum terræ, & maris longinqui. Quare Paraphrastes disertissimè, ut suus est mos, hos duos sic connectit uersus: Felix omnibus modis ille quem tu elegeris, & tibi propinquum feceris: Habitabit enim ille in atrijs tuis, & nos unā perfruemur elegantia domus Dei, & sanctimonia regij palatij eius. Dictū mirā



mirabile, cum simus peccatores, tanq̃ iustus exaudies nos Deus, autor salutis nostræ, qui spes omniũ finit̃ es terræ, & maris extremas incolentiũ. Vtriusq̃ literæ, nempe nostræ & hebraicæ, satis copiose à Paraphraste sensum percipere licuit. Magnus itaq̃ Deus est noster, simulatq̃ in eum quicquid intra orbis limites hominũ continet̃, aut ultra quoq̃ ad extrema usq̃ Oceani fluẽta longè lateq̃ protenditur, sperare necesse est. Tu igitur ille es, mi Deus, in quo solo spem nostram collocari oportet, mouens omnia, permeans, fouens, disponens, & ut ad particularia nonnulla tuæ maximæ signa potentia descendam,

Præparans montes in uirtute tua, accinctus potentia.

Stabiliens montes, uertit Symmachus; idem & Felix, atq̃ adeo pleriq̃ ex hebræo. Tantã quippe molem montiũ è planitie usq̃ ad nubes ascendere, nec quauis uentorũ uis aut turbine dimoueri, summæ potentia Dei indicium est, qua uelut zona præcinctus, omnẽ undiq̃ rerũ omniũ penes se retinet potestatem, ab ipsoq̃ quicquid in terris regnorũ est, dependet, gerendarumq̃ rerum uim sumit ac legem, quocirca nonnulli, instruis montes, transtulerunt. Nam cum Ecclesia suos mysticos habeat montes, nempe uiros in fide solidos, idcirco & dignos qui catechis, uti colles agris, aut campis montes, præponi debeant, hos admonet spiritus, suam illam in administrandis ecclesiæ rebus & sacramentis autoritatẽ à benignissimo Deo, qui accinctus est potentia, hoc est, qui undequaq̃ potentissimus est, expectandã esse. Vnde sic reddit Paraphrastes; Deus est qui sua propria potetia stabiles facit montes, qui omni ex parte cinctus est robore, & modis omnibus omnipotens. Quid propterea de illis censendum sit, qui neq̃ docti, neq̃ à Deo instructi, neq̃ coelitus uocati & missi, sed turpi ambitu uenudati, audent sese in administratione rerũ sacrarũ ingerere (cum res sacras dico, animas potissimũ intelligo) ac ut sic loquar, prostituere, aliàs diximus. Id uerò in præsentia tantũ modo de his uaticinari liceat, quod de suo quodam uaticinatus est proditore Christiano; Melius, inquit, esset, si natus nõ fuisset homo ille. Nam certè cum quis Deo auctore nõ intrat per ostium in ouile ouium, sed aliunde, nõne fur est; nõne laqueum maris ac populorũ, qui nõ absq̃ ratione à uate hic memorantur, cum sic Deum alloquitur, ortum habent.

Qui cõturbas profundũ maris, sonũ fluctuũ eius, turbabunt gẽtes. Hactenus unus Hebræis uersus est, qui sic redditur, alio tamen sensu, sed ueriori, ut mea opinio fert. Sic Felix: Compescens fremitũ mariũ, murmur undarũ, & multitudinẽ populorũ. Alius item ex Hebræo dilucidius, ut ad ea quæ dicta sunt, quæ sequuntur conuenire clarè uideas. Sedas, inquit, fastum mariũ, fastum procellarũ eius, & fremitum populorũ. Vidēs ne, te amabò, turgidum illorum animum, qui à Christo fures, id est, non legitimè intrantes, appellantur, tanquam maris æstum intumescere; Perpendis ne ex his quæ metaphoricè à uate hic dicuntur & obscure, illorum sonitũ, atq̃ in moderandis animabus strepitum & tumultum; è quo maximus hominum fremitus, utpote ab indomitis circumrupto delabi solent, auditur. Verũ illud sic malè suis à rectoribus habitis solatio esse debet & consolationi, quod dñs is solus est, qui mari imperat ac uento: id tantũ à nobis expetit, ut se dormientem excitemus. O potentia ineffabilem. Exurgens, inquit Marcus, cõminatus est uento, & dixit mari, Tace, obtumesce: & sedauit uentus, & facta est tranquillitas magna. En uides quomodo maris æstus debet debacchantur, dicto citius illarum frenat impetũ. Ob ea itaq̃ à te, ô Deus, tam mirificè sapienterq̃ in tuorũ gratiam acta, te uenerabuntur,



c Et timebunt qui habitant terminos à signis tuis, exitus matutini, & uespere delectabis.

Hic ampla Ecclesiæ describitur iurisdicção, quā sic Deus in Esaia alloquitur, dicens: Ab oriente adducā semen tuum, & ab occidente congregabo te. Quare id quoq; suauissimus præuidens magister, ita olim concionabatur: Venient ab oriente & occidente, & recumbent cum Abraam, Isaac, & Iacob, nempe cum filiis dei cultoribus, in regno cœlorū; filij autē regni (mira res) eijcientur foras. Sensus igitur, quicumq; extremas terrarū oras incolunt, tua ob signa & portenta, miracula illa quidem & stupenda, mouebuntur, tuamq; ad religionē pauidi ac uenerabundi accedent. Eam ob rem, exitus matutini, hoc est, orientales plagas, & uespere, occiduas scilicet, delectabis: id est, ut Hebraica habet litera, cātare facies, præ gaudio nimirum inuentæ lucis fidei. Quod porrò sint qui signa in hoc loco interpretent cœlestia, nescio sanè an huc aptè quadrare possit. Nam (nisi prorsus hebes sum aut falsus) de signis ac miraculis Dei uerbo, per Christum multis discipulos æditis, loquitur uates, quorum magnitudine, atq; in solito modo usu per moti complures, diuino ac tūtū sese dedere cultui, ut fusc admodum in scripturis uidere licet. Vnde aspera cōmollienda esse corda, ac glebas ueluti aridas & duras, uī signorum occanda irrigandaq; Dei uerbi imbre præuidens uates, suisq; solitis usus metaphoris, subiunxit:

Visitasti terram & inebriasti eam, multiplicasti locupletare eam: flumen Dei repletum est aquis, parasti cibum illorū, quoniam ita est præparatio eius.

D Vnus is est Hebræis uersus, alio tamen uerborū ordine. Sic illi: Visitas tellurem cum siticulosa est, ditas eam ampliter; riuus Dei plenus aquis fluit, facit feliciter prouenire triticum eius, quando quidem sic instruis illam. Si ad feracē hanc terrā, campumq; irriguis opimū aquis referre lubet, quid his suauius? quid diuina tam uberim attestans prouidentia ac uirtutē, audiri potest? Cæterū, Ita est præparatio eius, seu, ut uertit Hebræus interpres, sic illā instruis, ingenitā uim terræ à Deo indicat, qua continuis grauida fœtibus, inditum sibi à natura ordinem & fouet, & mirabili rerum serie enutrit, seruatq; perpetuò. Porro, Cibum illorū, animantiū omniū intellige, quare sic reddit Campensis: Curabis ut semper agris se proueniat è terra pabulum illis, quæ degunt in ea. Multum adeò semper agricolæ profuit sedula agricolatio, curaq; ac peruigil in deligendis temporibus agricolæ prouidentia, quod scilicet cuilibet uel restibili uel nouali, uel ueruacto cōueniat semen, quoue tempore repastinationes fieri debeant, insitionesq; aut inoculationes, uel quo instrumento etiā frondari possint arbores, furculari, decacumariq; & ut cōmodius solis radijs pateant rami, qua concinnitudine fieri queat interlucatio. Quid cū ad pubescentes herbas ex udo fontis alueo euocantur aquarum ductus & deriuationes? Hæc, inquam, omnia ut maximè hominū iuantur opera atq; industria, ita horū omniū autor est Deus & effector. Ideo nō ab re clamat uates, Visitasti terram, & inebriasti eam, scatebris nimirum gratiarum ac donorū: quæ ut sanè ampla in hac possint camporū cultura animaduertiri, ita amplissima, planēq; immensa in pulcherrima ecclesiæ fœcunditate apparerent: quam quidem siti æstuq; interire necesse est, nisi assiduas in illam deriuatus uiuæ aquæ scaturigines: nam tota illius fœcunditas à te pendet, uiuēq; in te, ac per te alitur, erescitq; ac in te demum consummatur. Ideo, ne nimio periclitetur aëris ardore,

Riuos eius inebria, multiplica genimina eius, in stillicidijs eius lætabitur germinans.

Perstat enim uates in rei agrariæ similitudine. Oro, unde tanta diuitiarū diminauit



haurit copia: unde ecclesiæ ubertas: à Dei sanè alueo ac flumine, quod repletum est aquis. Physon forsan id est, quod circuit omnē terram Euilath, ubi optimum nascitur aurum. Vt uis illud appelles, is Christus est, è cuius latere, quemadmodum ex Adæ Eua, formata est Ecclesia. Idcirco si sitit animus, si arescit mens, si exinedia emoritur amor, perlanguescit spiritus, & collabitur intellectus, uiuendum è Christi uulnere humorem hauriant: nam flumen Dei repletū est aquis. E Christi certè latere nostra omnis deriuata est salus, deriuatūq; sunt gratiarum riuus: in cuius stillicidijs ecclesia lætatur germinans, erumpitq; in gemmas illas, quæ eam tandem producent uuarū copiam, quæ nulli aptæ sint torculari, nisi illic quod solus calcare potuit Christus. Cæterū Hebræorū litera metaphoræ iam acceptæ magis inferuire uidetur. nam Felix sic uertit: Sulcos eius inebria, seu humecta, æqua cumulos eius: hoc est, ut reddit Paraphrastes, glebas eius occa, imbris lubrica eam redde, germinū eius benedices. Tu tamen, mi lector, perspicere uerborū huiusmodi proprietate, ad spiritualē hæc omnia fecunditatē transferre assuesce. Quantū ad me attinet, scio arentē mei parui agelli campū, legis uoluntate peccatūq; cognitione arandū esse, atq; cōtumaces illius glebas carnis mortificatione & interitu perfringendas: quod si postea spargendū est semen, illud copiosissimo Dei seminario extrahendū est, spargendūq; benignissima illius manu, ac deinde spiritus imbre irrigandū, subigendū cōfouendumq;, & ne germinis mea syluescat culpa, intreatq; immunditiæ lappis obrutū & spinis, fidei ratio ac sarculo cōmollendū atq; expurgandū. Hæc tamē unus atq; idem operatur spiritus Christi sua in ecclesia, cuius hīc fertilitas ab eodē ipso spiritu mirabili depingit artificio, cognito nimirū duntaxat illis, qui carnē suam crucifixerūt, ut inquit Paulus, cum uitij & cōcupiscentijs. Ad mollē quippe animā, effœminatā, atq; in mundi crassamento ambitiose lasciuientē, diuinarū rerū gustum & cognitionē ingredi nō credo. Proinde sic suo in uolubro relictis suis, ad te, o qui solus nostrā hanc animæ ariditatē ac sitim, pluuiā tui sanctissimi spiritus temperas, irriguoq; superiori & inferiori madefacis, atque uberrimè fecundas & repletis spiritu, adaucta prius tua in Ecclesia fruge, adauctis gratiarum cumulo, tandem

Benedices coronæ anni benignitatis tuæ, & campi tui replebuntur ubertate.

Clarius Hebræi: Coronas, inquit, annū bonitate tua, effusam em unde quaq; Dei gratiā in Ecclesia uult hīc uates intelligi, & est sensus: Annū totum integrū rerum omnium prouentu, & eo quidē copioso cingis atq; ornas. Vnde Paraphrastes: Tanq; corona exornasti annū pro benignitate tua. Cupis ne, o amice, quid fati uelit is annus ferax, cuiusq; formæ sit & abundantia, nō nescire? Audi Christus in Esaia sic declamantē: Ad annunciandū mansuetis misit me, ut mederer contritis corde, ut prædicarē captiuis indulgentiā, & clausis apertionē, ut prædicarem annū placabilem. O felicissimū certè annum: ut cōsolarer, inquit, omnes lugentes, & darem eis coronā pro cinere. Vides ne fertilissimi anni huius copiam & felicitatē? Quid si à nōnullis (sileam ne, an eloquar?) quid si, inquam, à nōnullis, interuerso rerum ordine, imò ui iniecta spiritui, nō tantū uerbo & doctrina, quantū re ipsa quoq; prædicat annū hunc uitæ esse implacabilem & durum, hoc est, id temporis prorsus esse uindictæ, in quo contriti magis conterendi sint, carniui interimendi, & hi qui in luctu sunt, mœrore alio cōsumendi? Cinerem, inquit, illis pro corona inspergamus. Heu filia Sion, quò tua progressa est fatui modo quæ de illo dicunt, cuius, ob potestatē, atq; in administrandis ciuiū rebus auctoritatem, uices te gerere iactitas, uita uerò discrepas, de te dici ualeant, Et campi tui (hi tui sunt subditi) replebuntur ubertate: seu, ut legit Hebræus,



c Et uestigia tua stillabunt pinguedinē. Verū quia id de te dicere nequimus, de benignissimo Dei spiritu dicere nō uerebimur, qui ubicūq; suauissima sui fauoris impresserit uestigia, ibi fœcunditas statim, ac felicissima gratiarū erumpet uertas; ibi rosæ, ibi uiolæ suum emittent odorē; ibi arua, ibi campi, ibi colles, uarij scilicet ecclesiæ ordines diuina redundabūt munificentia. Sed quid in singulis immoror? ipsa quoq;

Pinguescent speciosa deserti, & exultatione colles accingentur. Induti sunt arietes ouium, & ualles abundabunt frumento, clamabunt, etenim hymnum dicent.

Quanta nostræ est felicitas Ecclesiæ, quanta fœcunditas, quanta ubertas; cuius quidem mirabili similitudinū elegantia, in hoc psalmo delineatā esse dignitatem cernimus, modò cernere detur. Iam conspiciamus illam, tanq; subactam uoluntate auctam & fructiferā. Redolent quidem iam campi uario conuestiti florū decore, ridet colles, egermināt mālā punica, saltusq; innumeris onerati baccis incuruescūt, uernant omnia, ac tandem ē uinceis florentibus gratissima afflāt suauolentia. Quid multa? ipsæ quoq; incultæ solitudines, inhospitāq; deserta & arenosa, iam culta fiunt, iam pinguescunt, iam fructus emittūt suauissimos. Neq; porrò ab exundanti hac passimq; erumpenti gratiarū ubertate ipsa exclusa sunt pecora & oues, quæ in herbidis lateq; porrectis uarij graminis ac florum praesentia colludentes, densiori uestiunt uellere, uallesq; ui ingenti frumētaria redundantes, unā cum omnibus diuinæ largitatis haudquaq; expertibus terræ partibus, Deo summo & maximo rerū effectori, quicquid felicitatis in se habent, referunt acceptū, applaudunt, gratulanr, illiq; in hymnis & canticis immortales agūt gratias. Iam illud postremò dicendum uidetur, ultimū psalmi uersum clariore præsentia se ferre sensum Hebræis, quibus nulla est omnino de ariete mentio: sed ita habent, Vestient planities pecora, & ualles operient frumento, iubilabunt, atque canēt. Quanq; arietes, dictio nequaq; suo uacat mysterio. Nam in scripturis arietes pro principibus, magistratibusq; & doctoribus sumi solent, qui populorum duces sunt, quemadmodū illi ouium; induunt igitur, nempe exultatione ac latitia spiritus (modò ueri arietes sint) hoc est, mirandum in modum exhilarant, & si suos uiderint subditos in opimis Dei pascuis ali & saginari, triumphant. Oiu cundissimā amœnitatē, sed paucissimis notam, etiam his, qui cum arietes esse deberent in grege dñi, uerueces sunt pigri, ac rei nullius cōmodo utiles, præterq; macello ac lanienæ. At tandem, quò breuiter strictimq; quæ diffuse sunt dicta & uariè, colligamus, hæc omnia in uno transigunt corde. Nam nihil aliud Dei ecclesiam esse intelligo, q̃ cor unum, atq; animā unam cum Deo: quæ sanè unio id unum efficit, ut cum Deo unū prorsus, quotquot credimus, per Christū simus, qui huiusce unionis nodus est & caput, nos membra. Cui laus sit in Sion, ac gloria in Hierusalem, in secula seculorum. Amen.

PSAL. LXVI. Vincenti, Canticum psalmi.



Vbilate Deo omnis terra.

Mos is est solennis illorum quibus nihil in terris, addo & in cœlis, placere potest, quod Dei honorē ac laudem non referat: quòd si quid in mundo hoc tetro & caliginoso fieri cernūt, quod æquitatē nō sapiat, quodq; Dei nomen ac religionē uel parū quidem deprimere uideatur, angunt subito, mœrent, cum Dei ecclesia, nempe proborū hominū cœtu & cōuentu, tam in dignas non cessant expostulare iniurias: sic contrā in optima bonarū actionum messe, in populorū fide, atq; in his quæ ad diuinū spectant cultū, diligentia & seruire mirū in modū delectant. Sed quid si præter istiusmodi uniuersalē uiuenti



ubiq; rationē, ē qua mirabili afficiť quis gaudio, particulari se sentit cœlitus or-  
nari beneficio: quanto, Deus immortalis, perfunditur iubilo: quanto gestit tri-  
pudior: quanta afficitur animi consolatione. Ex quo quidem fit, ut sua haudqua-  
quam contentus sit felicitate, nisi & eiusdem illud professionis cæteri resciscant  
uiui, quō omnes, nedum ipse, in orbe degentes uniuerso, ad id Deo referre acce-  
ptum, laudibus & his quidem immensis prouocentur. Vide quid agat charitas,  
quid fides, quid diuini honoris studium in anima. Atqui si quis unquam in ter-  
ris extitit, qui huiusmodi ardēti affectus esset instituto, is Dauid fuit, qui tum  
modō exponere meditatur, quā flagrans diuinū exaltandi honorem in se ha-  
buerit, prae se tulit. Quorsum uerō, aut qua de causa præsētem cōposuerit psal-  
mum, se ignorare fatentē interpretes, illud interim cōfidentes, insignem aliquā  
aque insperatam populi uictoriam, tam iucundum præstitisse uati occasionem  
componendi canticum. Magna profectō ea fuit uis gaudiij, qua terram circum-  
fusam omnem ad laudandum Deum inuitari cernimus.

Psalmum dicite nomini eius, date gloriam laudi eius.

Alia hæc est imago ecclesiæ præter illam, quæ in superiori expressa est psal-  
mo. Præuidit enim excellentissimus uates, quod tam nobilis architectus, ut est  
Christus, quō amplissimā suæ religionis ædificaret ædem, ex arcē aliquando  
Iudææ terminis egressurus esset. Vix enim pauci inueniebant ante Christum,  
qui ad sacra templi, atq; arcæ mysteria accerserentur, & hi ex Iudæis duntaxat:  
modō uerō apparente diuinitatis radio, discissoq; templi uelo, omnes ullo absq;  
delectu, quicunq; in uniuerso passim degunt orbe, ad cœlestia capeſſenda bo-  
na, nō solum ad celebrandos externos ritus, ut illi erant Iudæorū, admittuntur.  
Nemo quidem ab amantissimis humani seminis Christi brachijs atq; amplexi-  
bus excluditur: sit aliquis quantū uis periurus, sit scortator, sit heluo, sit sexcen-  
tis interspersus uitiorū notis & maculis, totidemq; obstrictus sit scelerum nodis  
& catenis, nō solum à Christo, modō uelit, suscipitur, uerum etiam mouetur, in-  
trahitur, donisq; alliciť, ac tantū nō cogitur. Quis hīc igitur nō gaudeat:  
tam hanc, alioqui in cœroribus obnoxiam, colitis, gaudete, psalmū dicite nomini  
eius: illi enim uestras dedicate odas, uestra cantica, uestras Musas. Quid, ô stoli-  
di, ingenia illa diuina, nempe ad peruestiganda simulq; laudibus efferenda quæ  
Dei sunt, nata, in encomijs, nescio quibus, laudū meretriculæ, aut ingrati prin-  
cipis cōsumitis? Date, date gloriā laudi eius: nam Dei laus sola digna est gloria,  
& quæ uestris celebrari debeat ingenijs ô mortales. Hebræi legunt, Ponite glo-  
riam laudis eius: cuius is sensus esse potest, existimate eius laudem, uestram esse  
gloriam. Verū si me interrogas, nihil aliud hīc sibi uelle opinor uatem in tam  
ardenti uerborū congerie ac poëmate, quā quod diuina quantis potest laudi-  
bus & tripudio, celebrari debeat maiestas & uirtus. Idcirco additur,

Dicite Deo, quā terribilia sunt opera tua domine. In multitudine uirtutis tuæ mentientur tibi inimici tui.

Causam enim indicat uates, quāobrem extollendū sit laudibus Dei nomen,  
propter opera nimirū illius stupenda. At igitur, dicite Deo. Loquela istiusmo-  
di ac stupor quo anima ex assidua diuinorū operū cōsideratione solet affici, in-  
tribilia ea quæ facta sunt à Deo, siuntq; indies, illi uidentur: necesse est enim ut  
excellētia ea prædita sit, ut testimonium spiritus Dei, non spiritus huius mun-  
di habeat in se. Tunc sanē quiduis suis audet, hauritq; & gustat in contemplatio-  
nibus absq; errore, affabreq; eruditur, atq; in ea quæ secretissimis assequitur cō-  
iecturis, penitus transformatur: tunc canit Deo, tūc illi dicit, Mi domine, quā



C **terribilia omnia illa sunt, quàm stuporis plena, quæ tum primū in antiqua rerū molitione operatus es, in earumq; cōseruatione atq; in cremēto cōtinenter operaris, ea semper nouo alens nutrimento, complectens, fouens, percurrentes, prudentissimeq; ne in nihilū redeant, temperans & instituens. Verū illud mirationem omnē superat, quòd tu homo factus (quis hīc rei magnitudine nō obruit;) bona omnia illa quæ neq; oculus unq; uidit, neq; auris audiuit, neq; in cor hominis ascenderūt, tecum ueniens è cœlis attulisti, tuamq; in Ecclesiā adeò copiose effudisti, ut ex terrena planè iam facta sit cœlestis & deiformis. quare huius mūdi sapientes etiā tanta hæc iam demum uersantes animo atq; intellectu, rerumq; excellentia deterriti, te potentissimū sapientissimūq; esse fatebunt, quæ antea mentientes, penitus imbecillem arbitrati fuerant. Solent, inquit Augustinus, mentiri inimici, ut potentiam cuiusquam imminuant. Quocirca seruator in Iudæos semel iusteq; excandescēs, ut erant meriti, sic de illis loquutus est: Vos ex patre diabolo estis, qui mendax est & mendaciū pater. Cæterū hunc chemistichū nōnulli de hostium subiectione interpretantur eo fermè sensu, prout in psalmo decimo octauo abundè expositū est à nobis illud enarrantibus, Filij alieni mentiti sunt mihi. Vt cunq; ergo tibi, ô potentissime, tua in religione uel hypocrisis, uel in mundi rebus sese oblectantes, turpissime & uita & doctrina mentiantur, nihilo tamen minus**

**Omnis terra adoret te, & psallat tibi, psalmum dicat nomini tuo.**

**Adorabit te, & psallet tibi, ex Hebræis pleriq; reddunt: & est eorū, quæ in superioribus uaticinatus est, assertio, dixerat enim, Iubilare Deo omnis terra, psalmum dicite nomini eius: nunc uerò, Omnis terra adorabit te, & psallet tibi, tunc enim, Date gloriā laudi eius; modò autē, Psalmū dicet nomini tuo: ut idem omnino & id illud præ se ferre uideatur. Eam quoq; ob rem, utpote ex inflamma**  
**D to proficiscentem spiritu, atq; in laudandi Dei studio prorsus occupatam, à uate hīc interponitur Selah. Itaq; ô uos quibus Dei curæ est honor & religio, uos mi**  
**tes, uos mundi contemptores,**

**Venite & uidete opera Dei terribilis in cōsilijs super filios hominū.**

**Ab hac quidem tam alta diuinarū operationum inquisitione abigi debent & fues & canes, hoc est, in uoluptatū cœno perseverantes, elati, immundi, tumidi, ambitiosi, liuidi, qui tanq; canes purissimæ cuiq; actioni oblatrant. Verū uos, ô quorū conuersatio in cœlis est, uenite, accedite, & quàm immensa, quàm ueterroris plena sint Dei opera, considerate, simul & admiramini. Nam in cōsilijs terribilis ualde est, & tam sanè potens, ut quæ nequeat quamlibet excelsus est alio homo uel tantillū quidem æquare. Super uirtutē omnē humanā euectus est altissimus: attamen in tam tenui re & abiecta, ut homo est, admirandis suis illis semper usus est cōsilijs, & (sic uertit Symmachus) machinationibus, nempe decretis illis æternis, quibus mira prouidentia ratione in mortalium usus est institutione, & salute. Super filios Adam, uertunt nōnulli ex hebræo, quò quid de tam gratuita Dei bonitate sperare deberet quicuis hominū, nō Iudæus tantū, innue**  
**ret: uolunt enim genus hominū uniuersum hīc comprehendī. Proinde uolens**  
**uates diuina beneficia Iudæorum populo, tanquam futurarū rerum umbræ ac**  
**typo, exhibita recensere, duo illa præcipua, maris uidelicet rubri, & Iordanis di**  
**uina intersecti uirtute ac potentia, in medium adducit dicens:**

**Qui conuertit mare in aridam, in flumine pertransibunt pede, ibi labimur in ipso.**

**Historia hæc aquarū suo ab alueo separatarū notissima est: notum est & mysteriū, detectumq; ab apostolo, qui Corinthijs scribens asserit patres omnes mare transiisse, in Moseq; baptizatos in nube & mari, hoc est, in aqua & spiritu. Vidēs ne**



ad ne terribiles admirandasq; Dei operationes. Sentis ne ex Arabico illo sinu diuiso mirifica ecclesie preludia, atq; aquarum uelo obnubilata exordia? Vis ne præterea terrorem illum, qui in diuinis inest operationibus, cognoscere? Dixerunt, inquit, Aegyptij, Fugiamus Israël: Dominus enim pugnat pro eis contra nos. O si animis usque adeo purgatis essemus, quò stupefida dextera Dei uirtutem in nobis agnoscere ualeremus. Obsecro, maiorine stupore dignum atq; admirationem tum fuit, quando apertis aquarum undis, sicco traiecit mare itinere Iudæus: an modò cum Christianus uirtute cœlesti, à periculosis mundi fluctibus extrahitur? Illud porrò indicio esse potest, utrum horum excellentius actum sit, cum illi traiecto paruo illo sinu atq; amne, uix pauci non absq; sudore terram in troiere promissionis, nos uerò omnes ad eius ecclesiam ac religionem, uastissimo superato mundi pelago, & id facillimè, per Christum asciti sumus. Quare ibi lætatur, non sanè quidem in opimis terræ illius frugibus, aut immensæ magnitudinis uuarum racemis: sed in ipso, id est, in quo ipse in terris lætatus est, nempe in ærumnis, in afflictionibus, in pressuris, in cruce tandem, atq; in altissimis inter hæc animi cōtemplationibus. Talis quidem Christiani uita esset debet, in qua nimirum cum Christo nostra omnis esse debet oblectatio, gaudium, & finis tandem. Cætera uerò, quæ lætitiâ nescio quam nobis polliceri uidentur, caduca omnino sunt, parumq; Christiano uiro digna. In ipso igitur solo lætandum est, Qui dominatur in uirtute sua in æternum, oculi eius super gentes respiciunt: qui exasperant, non exaltentur in semetipsis.

Ipse, inquit, in se existēs, quippe qui uita est omniū, uel quæ in cœlis, uel quæ in terris spirant, à se propriaq; uirtute, non ab alio, ut mortales solent reges, dominiū habet rerum uniuersale & sempiternum: quapropter quæcunq; agunt mortales, intuei, diligentissimèq; considerat. & certè qui eum peccando exasperant, atq; irritant, non diu præstabunt cæteris. In semetipsis, illud signat, quòd irritantes Deum, seu, ut uertunt ex hebræo, desertores Dei, qui à semetipsis, à proprio felicitumore & ambitione, quasi dii sint, exaltari & quærunt & nituntur, suo (quamuis diuersum sibi persuadeant) frustrabuntur conatu. Impossibile id plañe uulgo uidetur, elatos istos è terra genitos posse aliquando à tam anxie quæsimis honorum sedibus deijci: ideo non absq; ratione à spiritu additum est diapsaldea. Quòd si tamen, quæ est occultissima diuinæ providentiæ ratio, peruersos quosdam ac temerarios diutius bonis imperare cernimus, deiectioni nihilominus tam hi sunt à Deo, hoc est, destituti & derelicti: quorum iudicium iam olim, ut inquit Petrus, non cessat, & perditio non dormitat. Ad hæc, quis bonus putres huiusmodi non horreat fungos, aut illorum nō detestetur dominiū? Et Deo hoc modo regnare uolet? Volunt tamen nonnulli, licet inepti, stulti, & ut uerbis uarcomis, caudices, stipites, asini, plumbei, qui suis tantummodo contenti gradibus, quicquid sentiant probi, aut querantur, in semetipsis tamen de se, suaq; inepta gubernandi ratione, turpissimè delectantur, modò enim regnent, nihil non tolerant. Cæterum quod noster uertit interpretes, in æternum, ab aliquibus uersum est, seculo, quod exponunt, toti orbi. Cum itaq; eo se habeant modo ea quæ dixi,

Benedicite gentes Deum nostrum, & auditā facite uocem laudis eius. Non uacat enim suo lepore & suauitate dictio, Nostrum: & est ac si dicat: Deum illum, non nostra iam ob scelera à nobis auersum, ut olim, non implacabilem, non terrifico circumfusum numine aut maiestate, sed placidum, sed placatum, sed nostras miseratū afflictiones, sed nostrum tandem totum effectum. O igitur populi, ô gentes, laudibus huic nostro canite Deo, cultumq; illi uerum,



c nempe in spiritu & ueritate, latè adeò persoluite, ut quicunq; uasto hoc in seculo degunt, illius per uos audiant laudationes. Mirum si in his quæ hîc dicuntur, im-  
mensum illud Dei patris beneuolentiæ signum erga homines, quo suum in ter-  
ras misit unigenitum, cognouisse Vatem dubites. Vix enim antequam Chri-  
stus sese nostræ attemperans imbecillitati, ad subleuandam huc hominû descen-  
disset miseriam, noster esse iudicabatur Deus, sed Iudæorû tantum: uerum ex-  
orto postea iustitiæ sole illo, cuius fulgentissimi radij uel usq; ad inferorum no-  
ctem & caliginem (dictu mirabile) penetrarunt, noster omnino factus est. Hic,  
hic inquam ille est,

Qui posuit animam meam ad uitam, & non dedit in commotionem  
pedes meos.

Animam nostram, & pedes nostros, habēt Hebræi. unde Paraphrastes: Qui  
conseruauit nos in uita, nec permisit uacillare pedes nostros, hisce enim circulo  
cutionibus innuere uult Vates, amissam aut saltem periclitantē nobis per Dei  
clementiam restitutam esse animæ uitam, quæ Deus est. Nam nihil aliud in nos  
moliri dæmones, atque illorum mancipia uidentur, quàm ut nobis Deum au-  
ferant: quo sanè ablato, non secus moritur anima, ac solet corpus destitutum à  
spiritu. Et quia mors illa, qua Deo interit anima per peccatum, ferè ab internis  
motibus atque appetentijs principium auspicari consueuit, ideo à Vate est ad-  
ditum: Non dedit in commotionem pedes meos, nempe desideria atque affe-  
ctus, quibus anima quasi pedibus fulta, quolibet diuagatur. Non mediocre pro-  
quidem donum est Dei, puros uidelicet in anima seruari affectus, alioqui pro-  
pter naturæ corruptionem spiritui rebelles, & ad contrectanda mollia ac las-  
cum iniurijs lacessitur, mirabiliter procliuēs. Voluisti, inquit, nos ab aduersa  
exagitari fortuna, non propterea quidem ut nos funditus deleres, sed

Quoniam probasti nos Deus, igne nos examinasti, sicut examina-  
tur argentum.

Is finis calamitatum præclaris est animis, eoq; tandem à Deo in inferendis  
suis amicis plagis consilia diriguntur, ut cuius temperamenti sint experiatur, la-  
teq; omnibus innotescant: quemadmodum ea est intentio aurificis in depuran-  
do auro aut argento, ut id purius reddatur, non ut in igne pereat. Nam cum  
igne nihil ferè uoracius inueniatur, illo tamen naturaliter eum more præditum  
esse nouimus, ut quæuis alia consumens, argentum atq; aurum non solum non  
absumat, uerum etiam splendidius efficiat & defæcatius. Vnde optimus ille au-  
rifex subtimidos in fide roborans clamabat: Modicum nunc sic oportet contri-  
stari in uarijs tentationibus, ut probatio uestre fidei multò preciosior auro,  
quod per ignem probatur, inueniatur. Verum ut exploratius nobis hac in re di-  
uinum fiat consilium, additum est à Vate,

Induxisti nos in laqueum, posuisti tribulationes in dorso nostro, im-  
posuisti homines super capita nostra.

Quid præ se ferat hîc, laqueus, quid tribulatio in dorso, seu in lumbis, ut legū  
Hebræi, ultima uersus particula demonstrat. Imposuisti, inquit, homines su-  
per capita nostra. quod expressius ab interpretibus Hebræorum est redditum.  
Vnde Felix sic: Insidere fecisti capiti nostro hominem. Alius item clarius: Im-  
ponis uelut iumento homines capitibus nostris. Alius rursus: Fecisti equita-  
re homines super caput nostrum: id est, ita homines nobis præponi uoluisti, ac  
si iumentis insiderent, Hæc certè uidet calamitatū omnium maxima, cum perinde



homo homine crudeliter in imperijs abutitur, quasi bellua sit. Tumida nimirum ea est impotentia animi & fera, uixque in ecclesia tolerabilis, magisque id adeo, quod iam per Christum mutata est rerum consuetudo. Nam filius hominis, uniuersorum scilicet dominus & rex, non uenit ut sibi obsequium in terris exhiberetur, sed ut alijs ipse potius praestaret. Ea enim uis est amoris, hoc est, Christianae legis id robur est & summa, ut unus omnium in Christo & uniformis sit nomen. Quod si porro necessarii sunt magistratus & superiores, qui effluentem quodammodo in officio continere queant multitudinem, id ea ornatum esse debet moderatione imperium, ut Christianum appareat, lene nimirum, atque amoris plenum. Animantia ne rationis expertia putamus illos esse homines, qui nobis illa crediti sunt ratione, ut Christiano ritu gubernentur, non ut tyrannice crudeliterque opprimantur? Hi sane laquei sunt, eae tribulationes, maximae illae quidem, quas hic gemitibus (opinor) interceptus Vates exprimere magis uoluit, quam expressit. Nonnulli ex hebraeo, non laqueum, sed, angustum, transtulerunt; alij item, in neruum; quae dictiones multum quadrare illi uidentur dominio, quod tyranni nomen potius, quam Christiani sibi arrogat, ut ferè sunt iam (miserum) omnes etiam in religiosissimis coetibus principatus. Caeterum quod lumbos uertunt quidam, dorsi loco, ea uidetur ratio, quod qui lumborum defractione laborant, cuius admodum, cum doloreque incedunt. Qua sane metaphora crudelem oppressionum sarcinam, à diro superboque magistratu subiectorum dorsoque humeris, tanquam lassis asellis, sub onereque deficientibus, impositam, inde ea quae dicta sunt, bellissime conuenit. Namque catenis deuinciri solent fugaces serui, aut indomitae ferae, non homines ingenui, & qui mortem seruituti illiusmodi, quae Christianam pietatem non referat, antepone consueuere, quique ingenuam seruire seruitutem, ut sanctissima illa tyranno obiecit uirguncula, à Christiano didicerunt. Quid plura? ait,

Transiimus per ignem & aquam.

Nulli iam incognitum est, in scripturis ignem saepenumero pro persecutionibus, tentamentisque, ac uarijs uite periculis sumi; similiter & aquam seu aquas: quare is erit sensus: Adeum enim miseriarum cumulum peruentum erat, ut per ignem & aquam transiuisse, hoc est, periculum omne subiisse nobis uideremur. adeo sub acerbissima calamitatum forcipe uolui & reuolui, incendium quammaximum est, atque obscurum aquarum profluuium. Verum tu Deus, quae tua est natura, contra morem hominum placibilis, ab edacissimo illo, illo inquam persecutionum igne, rapidissimaque tentationum & periculorum ingentium tum animae tum corporis illuione,

Eduxisti nos in refrigerium.

Id est, in te, tuque spiritus consolatione, qui animarum uel in medijs ipsis tentationum undis, quibus illarum uires miserandum in modum remitti solent & incendi, periclitantium, metuque exanimatarum refocillator es. Hebraei habent, Eduxisti nos in abundantiam, seu in terram spaciosam & laram; ut illi respondeat dictioni, quam supra, angustum, transtulerunt. Aben autem Ezra, in aërem interpretatur, à quo homo ab igne exiens refrigeratur: ab aquis autem respirat. Vtunque literam interpretentur, refrigerij uox aptè hic poni uisa est, utpote quae miram in Deo suauitatem, atque amoris erga suos dulcedinem repraesentet. Caeterum quid aliud uita est bonorum in terris, quam continuus afflictionum aestus, ardor, ignis, lateque reus ac flumen? Quid porro de Deo animarum amantissimo cogitare par est, nisi quod pius sit, benignus, suauissimusque desolatorum consolator, ac moerentium periclitantiumque & pax & uita? Qua quidem persuasione affectus uir san-



cetus, ne ingratus omnino uideretur, uide quid de se pollicitus est:

Introibo in domū tuam in holocaustis, reddam tibi uota mea, quæ distinxerunt labia mea, & loquutum est os meum in tribulatione mea.

Ecce sanctæ animæ de perceptis à Deo beneficijs gratissimus affectus. Alludens quidem ad ueterē sacrificiorū ritum, suam spondet fidem, atq; ad præstantum quæcūq; pollicitus antea fuerat propensionē ac studiū, propheta. Quem admodum enim sacrificiorū omnium, quibus tum litabatur Deo, nobilissimū erat holocaustū: ita in præsentia nihil fide præstantius offerri potest ab anima, cuius illud umbra fuerat ac typus, cuiusq; partes expressius in subsequentibus enarrans adiicit:

Holocausta medullata offeram tibi cum incenso arietum, offeram tibi boues cum hircis.

Hæc sunt præcipua, hæc uota, hæc iusta, hæc pinguis illa, quæ domū Dei ingredientes secū afferunt, amor scilicet, fides, mortificatio, atq; suauissimū illud planēq; necessariū cum gratissimo nominis odore ac suffitu, orationū pigmentum. Vide quid mysteriorū tum illa sacrificandi lex & consuetudo adumbrauerit: uide, inquam, in quā tranquillū rerum statū tam laboriosus desierit mos. Neq; porro summo uacat mysterio, quod se uates in superiorgibus redditurus deuouet, quæcūq; olim in tribulatione constitutus distinctē uouerat. Quæ distinxerunt, inquit, labia mea. Distinguit, ait August. qui se nihil esse dicit, Deū omnia: & se eo egere, nō illo se, Quem quidem purissimū sacrificandi ritū ac religionem, nescio an Cain ille sceleratus agricola intellexerit, qui sanē rectē, ut legimus, suum obtulit sacrificiū; sed nō rectē distinxit, quoniam se subtrahendo, terrenis solūmodo litauit rebus; idcirco ad illius munera, ut inquit Moses, non respexit Deus. O si, mi lector, iam tandem humanus exciteretur torpor (torpor autem) error potius hīc erat dicendum. Quod si quidem uox ista erroris in Dei ecclesia (adhuc in area granum paleis cōmixtum cernimus) audiri amplius non debet, nempe quæ in Christo, quæ summa est ueritas, fundata est, unde, te obsecro, per Deumq; obtestor & adiuro, tanta uitiorum illuuiēs: à quo fonte tam ampla terrenarum rerum dimanauit cupiditas, ambitio, luxus, auaritia, superstitio: Aut error is est, aut summa in hominibus infidelitas. Sed hīc mihi tēpero, & ad psallendum redeo. Holocausta medullata, Hebræi holocausta tantūmodo legūt: seu, ut Felix, holocausta pinguiū: pinguibus enim & selectis ē grege armētis sacrificare cōsueuerant. Cuius sanē moris autor fuit Abel, qui pastor erat ouīū, quīq; ut sacri habent annales, Deo obtulit de primogenitis gregis sui, & de adipibus eorum. Pinguis quidem omnia atq; opima (non hīc Epicurū, Epicureosq; qui Liberum magis quā libros colūt, intelligo) in Christiano uiro esse debent: idcirco lautitiā istiusmodi in animæ medullis, non in tarda crassaq; mole corporis sitam esse uult spiritus: siquidem in cordis penetralibus hæc omnia cōspiciunt, nō in lucida, beneq; curata ac rasa cute: ibi enim uerū est Dei templū, ibi ara, ibi uictima, ibi thus, ibi ignis, ibi summus ille pontifex, qui semel, ut inquit Paulus, in consummationē seculorum, ad destructionem peccati per hostiam suam apparuit. Verū cum hæc omnia mortalium plerosq; utpote in terrenarum rerum negocijs explicandis ardentes, quā in ueris intelligendis bonis occupatos, omnino lateant, breui facta sacrificiorū mentione, à propheta interponitur Selah: tantū illud interim efflagitante, quod nos, qui in lucidissimo Deitū nere nostra hallucinamur culpa, ad ea tandem contemplanda, quæ continuum ueluti ros in suos instillare diuina non cessat bonitas, oculos aperiamus.

Venite, inquit, & audite, quanta fecit Deus animæ meæ.

Hīc mihi audire uideor omniū seruatorem, sic suum alloquentē populū: Qui habet



habet aures audiendi, audiat: id est, qui capaces sunt fidei, hi audiant, hi intelligant, hi toto hauriant spiritu, quæ penitiori in animæ conclaui diuina tractantur colloquia. Cōclauē quidem istiusmodi intimus est animæ affectus, nempe cor, atq; animus. Ianua, fides; ianitores uerò, amor & pax. Ceteri familiares, atq; à secretis amici, sunt puritas, castimonia, mansuetudo, humilitas, feruor, & quæ propius accedunt, synceritas & clementia. Ponē illius uultū effigiauimus, qui sermonem illiusmodi, quem se Vates habiturū pollicetur, auditurus est. Quanta, inquit, Deus fecit animæ meæ, quàm immensas in me cœlitus effudit largitiones. Atqui ne uos diutius suspensos teneam, illud omnium maximum commemorabo, in quo mea in illum fides, illiusq; in subleuandis miseris sollicitudo, æternarumq; promissionum firmitas & constantia, eximīa nimirum illius dona perspicua sunt, illis præsertim, qui propter sedulum cum Deo congressum, uegetiores habent sensus, Itaq;

Ad ipsum ore meo clamaui, & exaltaui sub lingua mea.

Sub lingua, hic positum esse pro, in lingua, asserūt interpretes, illud alterius psalmi, haud huius dissimile citantes: Sub lingua eius labor & dolor. En fidei uis animæ, quæ ex pollicitationibus diuinitus sibi factis animata, nihil dubitat, quo minus quæcunq; rogare instituerit, exoret. Ideo, inquit, lingua illum mea laudibus, quantum potui, extuli. Copiosiore quidem istiusmodi periphrasi uult omnibus testatum esse, suas à Deo auditas esse querelas, propterea sanctissimū illius nomen à se laudatum. Continuo, ait Paraphrastes, animus meus, lingua, eius beneficio respōdens, laudibus extulit illum. Est ne id minimum inter diuina beneficia connumerandum, nostras à Deo exaudiri lachrymas: lachrymas dico, quia impossibile planè uidetur, ueras orationes quæ Deo fiunt, absque lachrymis formari posse. aut illas quidem à peccatorum memoria atq; amaritudinis prodire necesse est, aut à diuino amore, cuius ea est uis, ut animam ad se è terris eleuet, sibiq; uniat, ac secum illam sic in lachrymas colliquentem, contra reum inferiorum naturam ardere faciat. Quis unquam id uidit, quempiam scilicet in aqua uiuæ fonte aut amne positum inflammari? Talis enim diuinus est amor, qui cum ignis sit, quicquid tetigerit, igneum id actutum fieri oportet. O si istius simili in his quæ Dei sunt algidissimo, istuc contingeret incendium. O si istius generis in me ignem, ignem alium, nempe cupiditatum, extinguī exererer. Scio enim in uno eodemq; cordis domicilio, utranq; minimè coire posse flammam. Quàm longo sanè interuallo me à sanctissimo semotum esse Vatis spiritu doleo, quem hic optinē de se sibi consciū illud fateri audio:

Iniquitatem, inquit, si aspexi in corde meo, non exaudiat dominus.

Periculosa hic se deuouere cōditioni uidetur Vates. Nam quòd homo à peranda re ipsa iniquitate se temperet, simulq; & exhorrescat, magnum quidem uideri solet: at uerò à corde conceptus omnes turpes omnino abegisse, nō miraculo persimile: Quis gloriari potest se mundum habere cor: ille nimirū, qui illud Pauli aureis scribendū literis, totumq; illius ita obumbrans animā, ut nullus flagitiosis cogitationibus extaret locus, audacter ostērat, Gratia Dei mecum. Quòd autē interdum purissimas quoq; proborū mentes aliquis nequam natura insitū uidetur, ob primū peccatū multam, ut omnes aliqua, ut sic dicam, odiū, irarumq; libidinis aut dominandī, etiam inuiti patiantur. Hi sanè sentiunt, quæcunq; illis aut à dæmone, aut à naturæ debilitate suggeruntur: uerū ea nō aspiciunt, non attendunt, nō illis assentiuntur, non ut molles naturaliter agere consuecūt, applaudunt: letale id esset omnino, Quocirca cum quis cōuocordie



C processit, ut fœdos illos animi motus libenter amplectat, ex ipsisq; cōlectamentis ueneretur, huius prorsus oratio sit in peccatis, tantum abest, ut Deum a quo illi inueneri aspectu arbitremur. Scimus enim, aiebat cæcus ille euangelicus, quod Deus peccatores nō audit. Dauid autem quid? Non exaudiet me, inquit, dominus, si iniquitatē aspexi in corde meo. Periculosissima planè res est, inquit nato quempiam animo cum Deo congredi audere, ab illoq; id petere, quod his tantum modo dare solitus est, qui à turpi prorsus terrenarū rerū cōtagione immunes sunt & liberi. O quàm nitidam, purèq; defæcatā illam decet esse animā, quæ uerè, atq; ea qua oportet fiducia & amore, diuinū illud precationis fulmen, Patre noster qui es in cœlis, in cor patris eiaculari cogitat: à quo quidem ille, ille inquam qui cuncta solo nutu condita moueri facit, traiectus clamat, Vulnerasti cor meū soror mea, uulnerasti cor meū. Cæterū uolunt interpretes ex hebræo legi posse, Et exaudiet: id enim diffinitionis tempus est, quo certò scimus inquit natos animos nequaquā exaudiri posse: illud uerò imprecationis, ut exposuimus: in utroq; enim nobilissimā sibi uindicat sedem fides. Qua quidem robustissima tanquam armatura circumdatus Dauid (non illa quidem Saulis, qua indutus incedere haudquaquam poterat, sed illa de qua Paulus, Arma militiæ nostræ nō carnalia sunt, sed potentia Deo) subiunxit:

Propterea exaudiuit Deus, & attendit uoci deprecationis meæ.

Propterea, inquit, quod iniquitatē, ut ipse dederat, nō aspexi in corde meo, nō alui, non dilexi, exaudiuit Deus, hoc est, attendit, auresq; illas suas benignissimas, ad miserorumq; clamorē apertas, ad meā inclinauit precationem. Idcirco

Benedictus Deus, qui nō amouit orationē meam, & misericordiam suam à me.

D Nostras quidem nō repellit orationes à Deo, ab illius prouenit misericordia: quæ cum omnibus semper obuia sit, precationibus tamen & assiduīs & feruidis, illius nobis cōciliandus est fauor: quo sanè impetrato, nihil tum sibi deesse existimet anima, licet cunctis careat uitæ cōmodis. Nam quæ bona in Deo sita sunt, (sunt enim omnia) felicissimo prædita sunt statu & æterno: quæ uerò in mundo, caduca, misera & tēporaria. Benedictus igitur sit dñs, sit laudabilis, sit gloriosus in secula, qui meā nō reiecit precationē, nec sua me destituit benignitate. Amē.

PSAL. LXVII. Vincenti. In organis psalmus cantici.



Eus misereatur nostri, & benedicat nobis: illuminet uultum suum super nos, & misereatur nostri.

Cum multa & uaria occurrant animæ argumenta, quibus uel ab ipsa prima rerū molitione, diuinā queat admirari & bonitatē & potentia, illud arctius uidetur, quod cuncta quæ olim operatus est, operaturq; quotidie in nostri gratiam, ea propria motus natura egerit, agatq; continuo: hoc est, quia pius, quia bonus, quia misericors, quia in effundēda sua in omnes bonitate, liberalissimus. Ab hoc sanè fonte, quicquid bonorū illorum, quæ tum ad uitæ præsentis cōmoda, tum ad futuræ, quæ in Deo est, spectāt, nacti sumus, perpetuis tanq; uulis copiosissimè redundat. Quis certè tam immensa aliquādo cōsiderans in se exhibita à Deo beneficia, contraq; suā animo uersans miseriam, atq; ingratiſsimū in tam beneficū dominū morem & consuetudinē, non rei magnitudine indignitateq; confusus, miserandum in modum obstupeſcat & obruatur? Verum iussu impæris conditionis reconciliatrix diuina facta est misericordia, cuius uis intellecta, meticolosq; insinuata animo, nullus homo est adeo, ut inquit ille, sine re, sine fide, sine spe, sine fortunis, ore, lingua, manu, uita omni inquinatus, qui dissipatum non interdum colligat animū, fateaturq; salutem omnem mortaliū in Dei sitā esse duntaxat clemētia, quæ uis ea sit, quæ è cœlo fidem, quæ gra-



Ats seruamur, deuehat, atque in diffidentiae filios, ut eos uocat Paulus, gratuito effundat. Vnde non ab re praesentem incepturus odam Vates, ignitam sane, atque diuinorum rerum mire consciam, a misericordia sic illam orditur: Deus misereatur nostri, & benedicat nobis; illuminet uultum suum super nos, & misereatur nostri. En quomodo istud diuini uultus lumen aliud ab illo sit, quod humanae insitum esse rationi asserunt nonnulli, feruntque ægerrime, si quis id nouum esse dicat, a Christo nimirum tenui illi rationi additum, & id per fidem, qua anima ad ea cognoscenda amandaque, & idcirco quaerenda illustrat, & accendit, ad quae ne mediocriter quidem appetenda assurgere potest humana ratio. Prostrata quidem omnino illa fuit in primo homine, penesque extincta: quocirca suis illam in consilijs ac deliberationibus cæcutire, prorsusque, uti solent absque olei fomento lychni, perlanguescere necessarium est: addita uero fidei luce, quae a Christo, tanquam ignis ab ignea silice, excutitur, splendidior fit, ac ad amplectendum illud, ad quod uix strictim quasi pertransennam antea hallucinabat, aptissima. Et ut multae sint nobilissimae diuinæ bonitatis partes, illa mihi semper nobilior uisa est, & quam inter ceteras magis anxie efflagitauimus, ne me uidelicet meis in manibus sineret, hoc est, ne me ad rationis meae prostratae lumen, melius dicerem tenebras, solum incedere permetteret. Id ægre audiunt, scio, non pauci, qui naturae humanae rationisque nimium tribuentes, uix fidem tolerant, Christumque contractae religionis instauratorem occultissima denegant impietate. Ego autem id lumen, illud esse cum ecclesia fateor, quod illud lumen omnem hominem uenientem in hunc mundum, quodque a uate Dei uultus lumen appellari uideo: non illud rationis, ad bona omnia cæcutientis. Nam per Christum, qui id lumen est de quo loquimur, suam uoluit in nos ueram sapientissimum artifex deriuare notionem ac lucem: alioquin ablato istiusmodi è terris radio, in densioribus forsan, quam antea, ambularemus tenebris: ideo non nisi maxima cum ratione hic ponitur Selah. Vide igitur Vates sapientiam, qui alterius conditionis lumen, quam illud sit quod in homine ingenitum esse non uerat, rogaturus, proprijs abiectis omnino uiribus, ad diuinam recurrit misericordiam, clamatque, Deus misereatur nostri, & benignus sit nobis, & sic ostendat uultum suum nobis,

Vt cognoscamus in terra uiam tuam, in omnibus gentibus salutare tuum.

Illud non omittendum, repetitionem particulae, Et misereatur nostri, non esse in hebraeo: uerum non officit addita sensui, imò etiam solitas, ardentes nimirum in Vate praese fert scintillas: refert enim, nescio quid, ea repetita, exaestuantis animae, probeque agnoscentis, quantum boni afferre soleat Dei misericordia: cuius effectus etiam praestantiores sint, quam quos humana queat mens cogitare, illum tamen non inter mediocres collocari par est, ueram scilicet, quada, quae illi noxia sunt, procliuus, in rerum delectu cæcutiat, erretque deceptus. Impartiatur, clamat Vates, nobis Deus suam misericordiam, ne in terra hac deuia, bonum, sed potius inter gentes istas impias & incultas diuersantes, ueram salutis nanciscamur notitiam, quae est in Christo Iesu, quem nobis salutem esse uoluisti, patemque & uitam. In hunc sane sensum omnes conueniunt interpretes, non tam Latini, quam Hebraei quoque. Vnde Paraphrastes: Vt cognoscamus uiam, qua itur ad te Deus: beneficium uidelicet illud redemptionis, quod impendisti uniuersis gentibus. Non hic dubium esse debet, felicissimum illius seminis aduentum, per quod benedicendae essent omnes tribus terrae, ut olim facta fuerat coelitus Abrahamae promissio, a Vate praecognitum: qua subinde cognitione accensus, mireque illustratus, in illa fidei prorupit uerba: Vt cognoscamus in terra, terra, dico, ista infinitis obnoxia erratis ac lapsibus, uiam illam tuam,



**C** quam ab æternis humano generi pollicitus es seculis, quamq; omnium sparsim gentium salutem fore sempiterno sanxisti consilio, in Christo Iesu tuo unigenito; quem sicut tuum esse natum, tibiq; coæternum, atq; unius tecum deitatis, potentia, sapientiaq; & uirtutis confitemur; ita nostram omnium cum salutem, redemptionem, iustitiam, uitam deniq; & beatitudinem fore expectamus. Itaq; firma hac persuasione ac fide animati,

Confiteantur tibi populi Deus, confiteantur tibi populi omnes.

Perpulchra hinc à Vate fit uerborum sententiarumq; conexio, etenim posita tanquam structuræ spiritualis fundamento misericordia, erectoq; benedictionis, illuminationis & cognitionis ædificio, uniuersus introducitur orbis, qui sanctam hanc domum, nempe ecclesiam per Christum fabrefactam, inhabitet. Maximam porro letitiam denotant repetita illa adhortationis uerba; Confiteantur tibi populi Deus, confiteantur tibi populi omnes. Salus enim uniuersalis cum sit, cur non etiam confessio? At uide, quibus ornanda sit bonis anima, antequam audeat, Dei in primis illi opus est clementia, beneficentia postea, quam nouam appellari gratiam fas sit, qua ipsa adiuta, ad excellentissimum illud omnium capessendum fidei lumen admittitur; quo sanè interlucente, uiamq; ad suum cognoscendum benefactorem præmonstrante, in reperti amorem accenditur, rapiturq; in amatum, atq; hinc tanquam à pellucido diuinitatis speculo, ad cæterarum rerum notionem peruenit, fitq; actutum adeò unum quoddam cum Deo, ut nihil iam, uel in istis externarum rerum occupationibus, aut agere, aut cogitare, cui si uelit, queat, quod diuinum non referat honorem. Putas ne animam sic cum Deo coniunctam (ut omnes certè debent) in terris diu manere posse? Censes ne uel minimam quidem illam inire posse cum mundo, cum carne, cum fastu & corpore hoc ne fœdus? Heu animas frustra à Deo redemptas, quæ ea se habent in corpore, etiam moribundo ratione, qua se habent ipsa rationis expertia animantia. Illud etiam quod mihi hoc in loco succurrit non silebo, partes has scilicet spiritualis ædificij, quas nuper posui, non minus forsitan ad confessionem illam, quam sacerdoti probo & erudito fieri sancta decreuit ecclesia, pertinere, quam antea diuinarum laudum gratiarumq; actionum exercitatione uersatur. Nam antequam quis se sua audituro peccata sistat sacerdoti, nihil propèmodum agit, nisi prius uentilata diligenter conscientia, & lachrymis & singultibus ab amaro corde profectis, remissionem à Dei misericordia delictorum suorum impetrauerit; cuius sanè præcipuum illius uidetur esse donum, beneficentia, quam hic à Vate benedictione nuncupari cernimus, & quam diuinæ misericordiae effectum appellare possumus. Hincq; aliud cõfestim emergit donum, diuinum illud quidem & necessarium, quod nimirum ex eo, quod ignorantia caliginem ab anima abstergere solitus est, lumen uultus Dei nuncupare non inconueniens erit: is Christus est, lux sanè animæ ac uita; quo quidem operante, perfecta quædam oritur in nobis tum Dei, quem peccando offendimus, tum nostri, qui peccauimus, cognitio, ex qua uera prodire solet confessio, atq; integra conscientia pax & tranquillitas: quæ tunc digna sit, cui sacerdos, nempe ecclesia, sponsi nomine, Dei misericordiae, remissarumq; culparum gratiam annunciet. Cuius id esse gratia uidetur signum & indicium, benedictio illa quæ à sacerdote, in uocatis singillatim sanctissimæ trinitatis unius Dei personis, & quam diuinæ effectum esse clementia diximus, impenditur poenitenti. Confessiones uerò istas tumultuosas, imprecitatas, & quæ magis ex more fiunt, quam quod peccata displiceant, uix uitas asserere audeo; res enim est quæ non mediocri indiget excussione & mœrore, etià si quotidie fieri cõtingat. Quotus enim quisq; est, qui quàm immensæ grauitatis pondus sit, Deum offendisse, uel cogitare quantum sat est, uel dolere quantum debet,



debet, valeat? Non, crede mihi, crebrae solūmodo te mundant confessionses, sed verae, sed purae, sed nudae, sed à consternato animo suapte sponte quae enascantur, & quae non minus à futuris, quàm à transactis abhorreant sceleribus. Sic candor fidei, sic mores, sic casti ritus & ceremoniae in Dei Ecclesia seruari poterunt: quae quidem ut animas perfecte expurgatas sua in academia requirit, ita qui illas mundare nouerint, perfectos cum doctrina tum sanctimonia cupit esse sacerdotes, & eos quidem liberos, non uenales, non quaestuosos, non socordes, non illos qui, ut inquit Esaías, praebrietate absorpti sunt à uino. Oro, unde frequentes illae, quas generales uocant, confessionses cum uarijs collatae sacerdotibus ortum habent, nisi quod aut sacerdotes parum probatae uitae sunt & doctri-nae, aut ipsae actae confessionses mutilae fuerunt & fictae, aut etiam hi quos poenitentes appellamus, adeò imbecilles in fide Iesu Christi uiuunt, ut nullam suis unquam peccatis sperare audeant ueniam, nisi eadem pluribus, & usque ad nauseam crebro recenseant sacerdotibus? Id sanè est nostro nos studio ac labori peccatorum remissionem, non diuinam acceptam referre uelle bonitati & misericordiae. Verum, ut ad psalmum redeamus, ut cunctis suis in iudicijs, ac uitae itinere plerique hallucinentur mortales, attamen

Lætentur & exultent gentes.

Maxima certè est animae consolatio, cum meminit se sua in salute Deum, hoc est, rem tam sublimem, tam aequam, tam misericordem, tam reorum amantissimam, habere arbitram. Vide quibus ornatus esse debeat iudex uirtutibus: alium quippe illud esse oportet & sublimem, scientia uidelicet, ingenio ac probitate, ne celsitudinem istam superbiae magnitudine, & fastu aestimandam ducas. Iustum item hunc esse uolumus, ne priuatos sui animi affectus & libidinem aequitati praeponderare uelimus, ne priuatum in miseros animum in iudice requiramus, non crudellem, non inexorabilem, non durum. Sed unum adhuc, quod perfectum, cunctisque lit. Prium quoque & propensum in miseros animum in iudice requirimus, non crudellem, non inexorabilem, non durum. Sed unum adhuc, quod perfectum, cunctisque numeris absolutum efficere queat iudicem, sibi deesse arbitrabitur qui talis est, nisi diligat, & obsequijs iuuat. Haec penitus Christiani iudicis partes sunt: ceteroquin in iudicandis Christianorum causis, proferendisque culparum interdum etiam incognitarum aut fictarum multis, eo ferri impetu, quo solent capitales hostes ferri, id certè à mundo forsan tolerari potest, aut, ut est superbarum mentium altor, laudari: de Deo autem istuc opinari, summum esset piaculum. His itaque omnibus, uos gentes, uos publicani, uos peccatores terrae, uos qui prauorum obnoxij estis iudicijs & diffinitionibus in hoc mundo, laetamini, quoniam qui aeternum de uobis habiturus est iudiciū, Deus est, qui cunctos orbis populos, nullam habitam rationem uel patriae uel consanguinitatis, uel etiam priuati commodi aut amoris aut odij, ut solent homines, aequissimè iudicaturus est. Quae sanè res quò maiore perpendat animi attentione, Selah interposito, ad Deum repente, cum uix aduertat, sese uertit Propheta, dicens:

Quoniam iudicas populos in aequitate, & gentes in terra dirigis.

Id est, ut interpretatur Paraphrastes, omnium qui in terra degunt, tu te ducere praebis. Quis talem non libenter amaret pastorem & patrem? O normam certè ab aeterni patris corde in terram hanc ærumnosam delapsam, datamque mortalibus, qua alterius alter sufferre perdiscant miseriam, condocescantque mutuas æquo expendere iudicio operationes. Hinc, opinor, Dei spiritu permoti mei ordinis patres, decreuerunt, sanxeruntque olim lege, ut illis potissimum diebus, quibus generalia congregationis haberentur comitia, & diffinitiones, quod Capitulum uocant, hic psalmus à choris summisse decantaretur, quò scilicet Dei lumen hac inuitatum precatione praestò adesset iudicaturis: quo sanè praesente, cuncta aiebant aequissimè censerì, pacemque omnibus conciliari, praestari clementiam,



c uirtutes, dignitatē, magnitudinē, existimationē congregationi, augeri: absente uerò, atq; à nobis auerlo, omnia turbulentē fieri diffiniriq; lites exulscitari, sicut tiam inferri, mala ocia, opprobria, irrisiones, contemptū religioni acciri. Sanctē id quidem nostris à progenitoribus ordinatū, faxit Deus, ut eo quo decretū est instituto ac spiritu seruetur, reuoceturq; si quid ob quorūdam ambitiosorum morem elanguit. Atq; in hunc rerū statū, non tam monachorū ordine, quàm or be ipso uniuerso restituto,

Confiteantur tibi populi Deus, confiteantur tibi populi omnes, terra dedit fructum suum.

Vide quomodo à Dei spiritu & benedictione, ecclesie tellus sapientie uome re subacta occataq; ac in liras diuini timoris stiuua directā, irrigataq; suauissima misericordie scaturigine & refrigerio, suū emittet fructum, aliàs trigessimū, aliàs sexagesimū, aliàs centesimū. Verū quid terram hīc mysticā describorū illa, illa tellus, inquā, illa gignendis uepribus destinata, deposita, ut sic dicā, in dominos (modò hī boni sint ac pī) indignatione atq; ira, copiosissimū reddet fructum. Quæ quidem felicitas ut diuturna sit,

Benedicat nos Deus Deus noster, benedicat nos Deus, & metuant eum omnes fines terræ.

Solitū hīc uatis spiritū, ardentē scilicet, atq; in rimandis cœlestibus acutū, demonstrat diuinarū uocum geminatio; quantū sublimis illa quæ à nōnullis affertur in hunc locum contemplatio, mirū mihi in modum arridet. Volunt enim ac tem in tam sancte odæ termino mirabilem trinitatis animo hausisse unionem ac mysteriū, idcirco dixisse, Benedicat nos, hoc est, gratiarū suarum in nobis adaugeat cumulum, Deus pater, Deus item filius, qui propter humanā assumptā naturā noster factus est, & benedicat nos Deus spiritus: indeq; ne quid erroris in personarū distinctione oriret, ilicò subiunxit, Et metuant eum omnes fines terræ. Vnde sic diuus refert Hieronymus, Ter trinitas, eum unitas. Preterea quod dico: nam is est qui tanquam frenū nostram continens in officio petulantia, caute quæ nobis credita sunt, à Deo seruari facit. Cui, patri scilicet, & filio, & utriusq; spiritui, unī Deo laus sit & benedictio in seculorum secula. Amen.

PSAL. LXVIII. Vincenti, David psalmus cantici.



Xurgat Deus, & dissipentur inimici eius, & fugiant à facie eius qui oderunt eum.

Mos enim à Deo, per cuius uerbum, ut in Numerorum libro legitur, tangebant tentoria, & per uerbum illius proficiscebant, admonito ut arcam cum multitudine transferret, id erat moris, quod ubi eleuabat arca, ipse religiosissimè diceret, Surge domine, & dissipentur inimici tui, & fugiant qui oderunt te à facie tua. cum autē deponeret, aiebat, Reuertere dñe ad multitudinē exercitus Israël. Umbra hæc omnia, & mysterijs grauida, ut cætera erant Iudeorum, extiterē. Quæ quidem mysteria nō minus Mosi quàm Dauidi cognita, sub actione illarū uerborūq; ac ritū obiecta uelo, nobis qui ab arcæ propitiatorio, qui Christus erat, diuina propius haurituri eramus, tradebantur. Tunc sanè mirabilis Mosi uerū illius propitiatori, è quo dñs opem populo per solitudinem peragranti se exhibiturū promiserat, lux ea innotuit ac uirtus, de qua sic Paulus: Qui diffinitus est filius Dei in uirtute secundum spiritū sanctificationis. Ritus igitur ille deponēdi rursusq; extollendi per Mosē arcam, mortis Christi atq; à malis redemptione reuiuiscentiæ, è qua nostra omnis ortum habet iustificatio, atq; à malis redemptione, typus fuit. quocirca sanctissimus uir ille, ac solertissimus Dei exercitus imperator, ipsum alloquens dominū, solitus erat dicere: Nisi tu ipse precedas nos, non



non educas nos de loco isto. A quo quidē familiari Mosis habito cum Deo colloquio, illud in primis emanasse fidei exordium nō ignoramus, quod nobis persuaderi à spiritu patiamur, nostrum id iter uitæ caliginosum ac tetrum, in perpetua tenebrarum mansurum nocte, nisi Christus uerum propitiatorium, in quo omnis habitat plenitudo diuinitatis corporaliter, non umbraticè, ut olim, super arcam sui sanctissimi Euangelij, quod nouum appellare testamentū libuit, suos de loco isto periculosissimo, atq; irarum pleno, tanquam fidissimus ductor præcedens extrahat, moueatq; ad amcēiores capeffendas iustitiæ semitas. Quod quidem iter iustitiæ, nisi Christus à mortuis surrexisset, deuium prorsus ac uanum extitisset. Vnde Moses penitus hæc omnia quàm cæteri è uulgo noscens mysteria, in ritu illo sustollendi arcā clamabat: Exurge domine, dissipentur inimici tui. Cui subinde non minori affectus cognitione Dauid, ad ritumq; illum alludens, sic suam exorsus est precationem: Exurgat Deus, & dissipentur inimici eius, & fugiant qui oderunt eum à facie eius. Mortuo quidem Christo & sepulto, tunc uniuersus uisus est orbis cum suo conditore occidisse. Etenim uis illa uitæ, qua per fidem iusta effecta est anima, hoc est, mane illud sabbatum quod illuxit in prima sabbati, adhuc cum uitæ autore in sepulchro quiescebat: se uerò suāq; sponte è tumulo excitante, secum quoq; emerfit iustitia illa, per quam gratis iustificata est anima. Quod quidem optimus ille aduertens spiritualis ædificij architectus, aiebat, Christum mortuum esse pro peccatis nostris, resurrexisse uerò propter iustificationem nostram. Vnde non absq; summo mysterio suam appellat resurrectionem Christus, regnum Dei, in Euangelio. Mira & illa quidem suæ ecclesiæ à persecutionum acerbitate liberandæ, post crucis tolerantiam fuit imago: idcirco huiusce obstrusissimæ rei mysterium detexitus Paulus, ita de Christo edisserens, Corinthios admonet: Et si, inquit, crucifixus est ex infirmitate, sed uiuit ex uirtute Dei: nam & nos infirmi sumus in illo (en nostra cum Christo crux & mors) sed uiuimus cum eo ex uirtute Dei (en à malis cū duce nostro resurrectio.) Sed & illud, quod huic secreto attexuit mysterio, iucundissimum: An non cognoscitis, inquit, uosmetipsos, quia Christus Iesus in uobis est? Hæc itaque omnia sacer prænoscent uates, quasi è somno Deum excitans clamat, Exurgat Deus: iam nimium penè ad mortaliū clamorem conuiuere uidetur. Dormit'ne peruigil ille oculus, atque insomnis patitur: lacet'ne exanguis etiamnum sub saxo uitæ autor? Semper'ne molestissimus improborum moribus obiecti erimus? Quousque ærumnosum id uitæ genus protendetur? Exurgat igitur ille, qui cū uigilantissimus nostri custos sit, dissimulat tamen nonnunquam, quò nos magis necessaria crucis amaritudini affuefaciat: & sic dissipentur facessantq; tanquam dispalati milites & confusi, inimici eius. Fugiant, fugiant à diuino illius cōspectu, uti solent tenebræ, exortu luce, qui in probos castosq; in Deo quiescentes animos turbas cient. Nam Dei regnum pax est & tranquillitas, non superbia, atq; unde ferè mala omnia originem habent, ambitio.

Sicut deficit fumus, deficient: sicut fluit cera à facie ignis, sic pereant peccatores à facie Dei.

Dura nimirum hæc est Vatis imprecatio, quam idcirco certius in mundo cōtingere cernimus, quòd à Dei illam spiritu prolata certum sumus. Sed illud horrendū, quòd hī quos hæc dira, equa tamen ac sancta manet ultio, ita in malis obduruisse uidentur, ut quid tam periculosa sibi uelit comminatio, aut in qua maxime hominis parte posita sit, ignorent penitus. At uide, quàm debilibus, improborum arrogantia & fastus, comparentur rebus, fumo nimirum & ceræ ab igne colliquescenti. Vidisti'ne unquam in rebus humanis rem ullam tanta



**C**um celeritate resolui atque consumi, quanta excitatus ab igne fumus, aut ce-  
raflammis admota? Ita sanè abeunt, imò uerò etiam euaporant perfidiosorum  
hominum technæ & insidiæ, Deo in suorum auxilium aduentante, pro illisq;  
ut olim cum peccato & morte, pro suis decertauit, & uicit, decertante, Fluxæ  
sunt res mirum in modum improborum & caducæ: contrà uerò, quæcunque  
agunt pîj homines, aut uersant animo, stabilia & æterna, nempe quæ in Deum,  
unde proficiscuntur, desinunt, qui æternus est, & super omne illud, quod ab  
intellectu humano, angelicòue comprehendì potest, excelsus & sempiternus.  
Fluant igitur, atq; instar ceræ colliquescant Dei hostes, &

Iusti epulentur, & exultent in conspectu Dei, & delectentur in  
lætitiâ.

Pulcherrima antithesi, Exultent in conspectu Dei, opponit, Pereant pec-  
catores à facie Dei: hi enim cum suapte sponte nefarij sint, & duriores quàm  
qui à spiritus suauitate mitigari queant, à Dei semper uultu & gratia longè  
proiecti sunt, idcirco nulla solida affici possunt cordis lætitiâ, etsi pessimis in  
rebus, quemadmodum prædixit spiritus, exultare uideantur: Iusti uerò, hoc  
est, scelera omnia tanquam uenenum exhorrescentes, in fideiq; iustitiâ, in  
qua summa inest mentis iucunditas, epulantes exultant, gaudent, trium-  
phant, in eoq; delectantur, quòd digni demum habiti sint, qui pro nomine  
Iesu contumelias subeant. Quid felicitus, oro? Hebræi hunc prospiciunt uitam.  
Quare, ô uos, quorum conuersatio propter mundi, mundanarumq; rerum de-  
spicientiam, in cœlis est,

**D** Cantate Deo, psalmum dicite nomini eius: iter facite ei, qui ascendit  
super occasum, Dominus nomen illi.

Hic planè quis is sit, cui laudes Musasq; nostras, & psalmos consecrare de-  
beamus, deliniat spiritus. Dominus, inquit, nomen illi. quod sic reddunt He-  
bræi: In Iha, seu cum Iha est nomen eius, quam dictionem uult Felix dimi-  
diū esse Tetragrammaton, significareq; redemptorem. Vnde Paraphrastes  
sic reddit: Extollite illum, qui pro uehiculo utitur nubibus, cui proprium no-  
men, seruator Deus, Ex qua proinde Paraphrastæ litera illud quoque notan-  
dum uidetur, quid significati afferat, qui ascendit super occasum, qui pro ue-  
hiculo, inquit, utitur nubibus: & est penè idem, quod in alio dictum est psal-  
mo, Ascendit super Cherubim, & uolauit. Alij autem suo in idiomate reli-  
cta dictione haraboth, quam noster uertit interpretes occasum, aiunt illam su-  
premiū cœlum significare: quæ sanè interpretatio mirè admodum ascen-  
sioni CHRISTI in cœlum conuenit. Alij item haraboth, solitudinem seu  
eremum interpretantur, & erit sensus: O uos iusti, ô uos, quibus dirigenda-  
rum animarum ad Deum incumbit labor, ô qui expedito uiam cupitis ad bea-  
titudinem calcare gressu, iter facite ei, nitidum scilicet, spaciosum, diligen-  
tèrque à peccatorum dumis expurgatum: hoc est, id agite, in id incumben-  
te, ut se homines peccatores agnoscentes, seruatorem efflagitent, optentque  
Dei uerbum, nempe animæ pabulum ac uitam. Parate, inquam, uiam Do-  
mino, rectas facite semitas ei, qui tanquam sol, solisq; iubar, paternæ uique  
gloriæ splendor atque imago, ab æterno cœlorum oriente ad obscurum fru-  
gum solitudo, eremusque aspera, deuia, atque spiritus suauitati inaccessa,  
ad nos, nos, dico, in tenebris atque umbra mortis cæcutientes, & qui



qui, ne de certa illius uereamini protectione, néue ab improbis cōtemptui habeatur, in Iha suum habet nomen: id est, seruator omniū est, atque illi idem est cum patre ipso nomen. Quod porro à nonnullis ex nostris totus is uersus de Christi resurrectione, qui ascendens super occasum, hoc est, qui calcata morte felicissimè ad immortalitatem reuiuixit, simpliciter exponatur, quomodo libenter audio, atque in his quæ de huiusmodi dicuntur mysterio, maximo afficior oblectamento: ita operæ precium uisum est, quem sensum Hebræorum referat litera admonuisse. Vt cunque enim tibi arrideat litera, id te non ignorare cupio, immensum hîc illius, qui deuicta morte, excisaq; illius origine, ac profligato hostium fidei exercitu, uiuus è sepulchro, tanquam cerui hinnulus mēnā elapsus laqueorum tendiculis, exiliuit liber ac lætus, nomen simul & nomen à Vate describi. Itaque cum tam potens sit, tamq; insigni præditus maiestate Dominus,

Exultate in conspectu eius (turbabuntur à facie eius) patris orphanorum, & iudicis uiduarum: Deus in loco sancto suo.

Sic integer uersus est Hebræis: tamen si, Exultate in conspectu eius, ad præcedentem pertinere uersum non me clam sit. quare ita hunc legunt uersum Hebræi: Pater orphanorum, & iudex uiduarū, Deus in habitaculo sanctitatis suæ. cuius is erit sensus: Quamuis enim in cœlo suæ maiestatis habitaculo resideat Deus, proculq; à nobis esse uideatur, pater tamen pupillorum est, & iudex uiduarum. Hebræis enim totum illud, Turbabuntur à facie eius, superfluit: uerū postquam receptum est, per parenthesis legendum esse censeo. Vos orphani igitur, & uiduæ, id est, omnibus mundi huius cōmodis denudati, reiecti, irrisi, & qui iustitiæ fame laboratis, propterea malè ab improbis auditis, habeminiq; iudicio ac probro, exultate in conspectu eius, qui amantissimus uestri pater est & iudex: non in conspectu mundi, qui perfidiosissimè uestræ insidiatur innocentie & pudicitie. Non sanè res parui æstimanda est, desolatam turbam, sancti afflictorum cōgregationem curæ esse Deo, pietissimo uidelicet parentis iudici. Tanto quidem patrono ac domino, quid nobis, qui perfidiosorum sapientie & uirtutis, quem tu tibi in patrem, ô qui ærumnosam in angustijs agis uitam, elegeris?

Deus in loco sancto suo, Deus qui inhabitare facit unius moris in domo, qui educit uinctos in fortitudine, similiter eos qui exasperant, qui habitant in sepulchris.

Maximè illud esse potestatis uidetur in Deo, ita sapienter humanas sibi conciliare mētes, ut una omniū planè mens sit, quæ inhabitet in domo eius, quæ est ecclesia, quæ una est, quoniam una est fides. Idcirco id inter infinitæ Dei potentie signa ponitur, quod unius moris homines, hoc est, unius consuetudinis, atq; uarie unitatis uitæ (quam unitatem spiritus uocat Paulus, inquit: Solliciti seruare unitatem spiritus in uinculo pacis) in unum coire faciat. Cœlestem profectus uocationis suæ, ut inquit idem, permaneat: Ad hæc, non minoris id quoq; potentie illius indicium est, quod in cœlorū sublimitate, loco nimirum sancto suo, residet: hoc est, qui super omnes, & per omnia, & in omnibus nobis est. Sed illud forsan maius ac fortius non ab re additum est, In fortitudine: cum illos qui longo detenti usu atque habitu prorsus in peccatis obduruerant, soluit, fortisq; alio nexus genere, quàm sit uitiorum, felicissimo illo quidem & per beatum, connodat, suæq; attexit ecclesiæ. Verum illud omnium uidetur maximum, si rebelles, obstinatos, incredulos, penitusq; profligatos, illos nimirum qui cum



C in profundum malorum deuenerint, contemnunt, nempe Deum, propriamque existimationem & salutem, quicque in sepulchris, loco utique tetro ac foetido à Vate dicuntur habitare, ad se uocat, allicitque muneribus. Cuius sanè rei, uide an daemones illi, qui apud Gadarenos in antris & sepulchris sua habebant domicilia, typus fuerint. Nónne, aiebat Augustinus, maius est iustificare impium, quam creare cœlum & terram? Ideo quoque Vates asperam illorum ostendere cupiens consuetudinem, aspero usus est uerbo. Exasperant, inquit, hoc est, lacessunt, concitant, irritant, nempe Deum. Cæterum in sepulchris, Hebræi uertunt, in siccitate. Vnde diuus sic transtulit Hieronymus: Increduli habitauerunt in siccitatibus: hoc est, fonte uitæ derelicto, ad fidelis frugem atque amœnitatem non peruenient, sed in arenosa uitiorum siccitate suapte sponte perdurantes, absque bonarum actionum fructu uitam uiuent miserrimam; u. hinc perspicuum appareat, Dei domum, nempe Ecclesiam, in qua Deus inhabitat, sanctam esse, homines uerò non sic cuncti. Sunt enim inter bonos respersi quidam, adeò morosis infecti moribus, ut ideo uiuere, à Deoque tolerari sua in Ecclesia uideantur, quò p̄j ex acuta illorum lima splendiores efficiantur. Illud non omittendum, unius moris, Hebræis esse solitarios, seu ut reddit Symmachus, monachos, id est, à mundi penitus amore prorsus, ut sunt ferè illi (modò sint) qui & habitu & uictu, animum à mundi prorsus uanitate liberum præ se ferunt. Alij item ex Hebræo, unicos uertunt: quam quidem dictionem ad liberorum orbitatem referunt. Vnde Paraphrastes fuisse & eleganter rei huius sensum ita exprimit: Deus facit, ut qui paulò antè fuerant soli, sine liberis, nunc habeant domum familia plenissimam: & ex unicis personis, ut inquit Felix, facit magnam familiam. Quomodo libet literam interpretaris, hinc uides (opinor) totum hunc uersum diuina undequaque scaturere erga homines bonitate. Nam certè ubicunque locorum habitant boni, ibi amœnissima est paradysus, quæ à fluuiò illo, quod in quatuor diuiditur capita, ut scribit Moses, perpetua irrigatur scaturigine: ubi uerò mali, ibi infernus, ibi siccitas, ibi contritio, atque infelicissima bonorum omnium, quæ uera bona sunt, ariditas atque inopia. De his enim illud meritò dici potest, quòd habitant in sepulchris: de illis autem, quos unicos, seu solitarios appellat spiritus, id quod sequitur:

Deus cum egredereris in conspectu populi tui, cum pertransieris in deserto, terra mota est: etenim cœli distillauerunt à facie Dei, Sinai à facie Dei Israël.

Idem fermè quondam cecinit Debora. Domine, inquit, quum exires de Seir, & transires per regiones Edom, terra mota est, cœlique ac nubes distillauerunt aquis, montes fluxerunt à facie Domini, & Sinai à facie Dei Israël. Olim enim Deus suam uolens mundo, præsertimque Iudæis ostendere maiestatem, ac numinis præsentiam, terrificis id significare indicijs consueuerat, ut in Sinai monte, teste nimirum diuinæ legis Dei digito conscriptæ, uidere licet. Ecce, inquit, (aduentante scilicet Deo) coeperunt audiri tonitrua, ac micare fulgura, & nubes densissima operire montem. & haud multò post: Totus autem mons Sinai fumabat, eò quòd descendisset Dominus Deus super eum in igne. Verum hæc omnia felicissimum CHRISTI mortem, quæ exires de reuiuisceniam portendebant, unde simulac Deus magna emissa uoce inter cruciatus, placidissimam efflasset animam, terra euestigio mota est, ut inquit Mattheus, petraeque scissæ sunt: post uerò, in ipso è sepulchri claustro exitu, terræ motus factus est magnus. Præuidens itaque Vates quæ horrenda futura erant diuinitatis CHRISTI in resurrectione signa, illa sub typo illorum, quæ



quæ in Sinai monte contigisse nouerat, obscure ualde adumbrauit, iam Deum cum suo populo egredi, est illi in æumnis & angustijs præstò esse, atq; suppetas ferre. Vnde alio in psalmo queritur iusti anima, dicens: Et non egredieris Deus in uirtutibus nostris. Et est, ni fallor, ad longam illam in solitudine Iudæorum peruagationē allusio, in qua diuinū cum illis numen in columna noctu ignis, per diu autem nubis proficisci consueuerat. Ideo à Vate est dictum, Cum pertransieris in deserto, quare sic Paraphrastes: Deus cum tu præires populo tuo, & gradereris per solitudinem, atq; hîc Selah interiectum est, propterea quòd res stupore plenissima detegatur, Deum scilicet sese facilem ac manifestum populo illi ingratisimo exhibuisse. Cæterum cœli distillationē, alij pluuiam, alij manna interpretantur. Nec suo quoq; uacat mysterio & sensu, quòd Sinai & Israëlitis coniunctim meminit Vates. Etenim in monte Sina Israelitas in peculiarem sibi populum & filium elegit, Vides ecclesiæ in Christo electionem: Iam nō illud prætereundum, ter Deus poni in hebræo: unde sic Paraphrastes: Cœli sudauerunt propter præsentiam maiestatis tuæ, ô Deus: quin & hic Sinai contremuit, ô Deus, Deus inquam Israëlitis. A facie igitur Dei, à præsentia numinis, à diuino illo Christi resurgentis aspectu, non tantum terra hæc elementaliscq; terræ motu concussa fuit, sed uniuersus planè contremuit orbis, cōtremiscitq; continuè. Scinduntur autem non iam rupes amplius aut petra, uerum hominū corda ad pœnitentiam ascita. Sudarunt sanè olim cœli, copiosissimisq; ad diuinæ maiestatis præsentiam perstillarunt aquis: modò uerò nullus lachrymarum à consternatis emanantiū animis statuitur finis. En quàm felix rerum mutatio facta est per Christi egressum è sepulchro, in conspectu populi sui. En quomodo in salubre magis timoris genus uersus est timor ille Iudæorū horrendus, quo penè exanimati dixerunt Mosi: Loquere tu nobis, & audiemus: nō loquatur nobis dominus, ne moriamur. & ait Moses: Nolite timere: ut enim probaret uos uenit Deus, & ut terror illius in uobis esset. Aspicias quomodo cuncta illis terrificata contigere: Vis ne modò amabilem istiusmodi timoris audire commutationē: Præ timore, inquit Matthæus, exterriti sunt custodes (ecce Iudæorum timor) & facti sunt uelut mortui. Quid porro? Respondens angelus, dixit mulieribus, dixit inquam animabus in inquirendo Christo anxij & studiosis: Nolite timere uos, nempe timore illo, quo facti sunt uelut mortui cæteri, sed eo quidem, quo uobis concilietur pax & uita: scio enim quòd Iesum quæritis (ô felicissimā inquisitionē) non est hic, Quid timetis? uitam ne inter mortuos quæritis: surrexit enim, sicut dixit uobis. Adhuc ne res uobis dubia est: uenite, ô Deo charæ, & uidete locū ubi positus erat dominus. Quàm suauia hæc omnia effluunt cursu, illa uerò difficili & duro. Verum unde tanta gratiarum dimanauit copia, ô Sinai Deus, Deus inquam Israëlitis? scio, scio unde. Nam

Pluuiam uoluntariam segregabis Deus hæreditati tuæ, & infirmata est, tu uerò perfecisti eam.

Quid sit istiusmodi uoluntariū ros, & pluuiā, cum aliās à diuino hauserūt oraculo sancti Dei interpretes, tum ex illo Iohelis uaticinio: Et effundam, inquit, spiritū meū super omnē carnē. En igitur imber ille uberrimus & salutaris, cuius aquis irriguis mortalium corda madefacta, spontaneū Deoq; dignū emittunt fructum. Hæc est lex spiritus uitæ, gratia & Euangelium, quo purè sancteq; populus dimulgato, sancti spiritus imbre fœcundatur ecclesia, sitq; eius obsequium ac religio ultronea, aperta, libera, non coacta, uicq; è duris hominū cordibus extorta. Sunt & qui uoluntariam pluuiam ad Deum referant, qui suapte sponte, ulroq; nostris minimè prouocatus meritis, salutiferam gratiarū pluuiam è largissimo suæ bonitatis fonte in nos effundere solitus sit. At in priorē tamen sententiam litera quæ est Hebræis declinare uidetur, unde nōnulli sic transferūt: Plu-



**C**uiam liberarū uoluntatū rigas Deus, hæreditatē tuā, & cū defecta est, perficis eam. Paraphraſtes uerò ſimpliciter pluuiā copioſam reddidit; utraq; enim inter pretatio uberrimæ diuinarū gratiarū effuſioni cōuenit. Soler quidem id genus imbrīū, quo homines longo liccitatīs æſtu afflicti exhilarant, ſenſim, placideq; ac ſua omnino ſponte diſtillare, nō ui atq; impetu, ut in tempeſtatibus fit, è cœlo deiſci. & eſt perinde ac ſi dicat, eam tuā hæreditati profudiſti pluuiā, uoluntariā nimirū, atq; adeò opportunā, quod ſi illis optio daretur, eam ipſam, nō aliam eligerent mortales. Cæterū Dei hæreditas, ut nō ſemel admonuimus, ex gentibus à mundo uaniſq; ſuperſtitionibus & cultu erutis, eccleſia eſt, quam hic nutantem, ſubtimidamq; dubiam, atq; ob præteritæ uitæ ſclera pauſactam, & ut notat Fel. afflictam aſſerens uates, à Deo perficiendam, atq; in iuſtitie ſemitis ſtabiliendam prædicat. Mirum quàm periculose, ante ſpiritus ſancti donū, quod hic pluuiā appellat Vates, ægrotabant homines; ſiquidem à legis minis ac terroribus cōcuſſi exanimatiq; tanq; phrenetici, per ſalebrosos deſperationis anfractus, orbisq; uniuerſus uno ueluti factō uolumine in interitū properabat. Verū Deus ſui figmenti ſortem miſeratus, ſpiritū ſanctum ſuū placidiſſimo demisit illapſu, atq; ita quicquid erratū fuerat, correxit, perfecitq; ac metum illum exitialem, in amoris dulcedinem & ſuauiſſimam conuertit; & id quidem, cū uoluntariē nos genuit uerbo ueritatīs, ut eſſemus initium aliquod creaturæ eius. Quocirca, ô Deus, ô numen, ô inexhauſtum gratiarum mare,

Animalia tua habitabūt in ea, paraſti in dulcedine tua pauperi Deus.

**D**ictionem quam noſtra hæbet translatio, animalia, cū Hebræis ſit etiam cœtus ſeu turba, miror cur animalia potius, quàm cœtum trãſtulerit interpres, quod ſi tamen illi animalium uox magis arrit, quàm hominū, fera tranſſerendum erat, nō animalia, ut notat Felix. Verū cū de fidelibus, deq; illis qui in feliciffimis eccleſiæ pascuis alendierant, ſit ſermo ac uaticinium, dictio, animalia, non prorsus fortuito poſita hic eſſe uidetur, atque in conſultō; nam creber in ſcripturis eſt uſus, ut p̄j uarijs nuncupentur animalium uocibus & nominibus: modò hi oues, modò equi, modò etiam boues, & id genus alia appellantur. Quid? ſi quem uiderit uulguſ duriter ſeſe in edomanda carnis petulantia exercitantem, ridentemq; iniurias, atque ambitioſorum hominum pariter & inuidorum perſequutiones animoſe cōtemptimq; ferentem pro Chriſto, nonne aſellum illum eſſe ſtolidum, aut mulum in onera cōtumacem & durum, proclamabit? In euſcemodī tamen animantibus tota uis fidei poſita eſt. Duri igitur in onera, oppreſſi, deriſi, à mundoq; cōtempti & expulſi, animalia ea dici poſſunt, quæ ſpiritus in Dei hæreditate cōmorari aſſeuerat, & quæ ſub una, & illa quidem tenui ac neglecta paupertatis uoce delineat, dicens: Paraſti, hæreditatem ſcilicet, gratiam, euangelium, guſtumq; cœleſtium, in dulcedine tua, ô Deus, non in terrore ac minis, ut quondam lex parata fuit Iudæis. Sed cui potiffimum tanta parata eſt felicitas, ô altiffime? Pauperi, hoc eſt, in his quæ ad mundum attingunt, nudo, iuſtitieq; famæ laboranti. Ergo eſurientes impleſ bonis, & diuites diſmittis inanes. Viſ' ne, mi lector, fuſius etiam, quæ ſint ea quæ uero pauperi præparauit Dei benignitas in dulcedine & ſuauiſſima, non neſcire? Audi:

Dominus dabit uerbum euangelizantibus uirtute multa.

Ecce præparatio illa ſuauiſ, refertiſſimaq; dulcedine, quā à Deo pauperi ſpiritu præparatā legimus: Dei ſcilicet uerbū, ac præconiū fidei. Quàm certè uerū illud eſt, quod pulchri pedes ſunt euangelizantium pacem, euangelizantiū bonum. Verū ſuauiſ hac inæſtimabilis, qua miro afficiuntur ſpiritus oblectamento animæ, inefficax planè eſt, niſi à numine uirtus ea ſuppeditet, qua mens imbuta, non tantum ſibi ipſa, quantum cæteris, illum animi conciliet ardorem, ut non iam uerbum illud, quod ſparſim in populos diſſeminatur, appareat, ſed merus



merus ignis, & fax, & flamma. Quæ pectora tam ferrea inueniuntur atque im-  
 mita, quæ à Dei uerbo illo, quod à mente minimè arroganti, aut ore uano, etsi  
 diserto, sed à spiritu, à fide, à charitate proficiscens, purè in populos diffunditur,  
 trajecta non emollescant. Optimi profectò, ac planè rari, istiusmodi erigendi  
 aedificij nostra hac ætate in terris apparere architecti, uerè ad reuocandam pri-  
 stinam atque adeo apostolicam predicandi Dei uerbi rationem ac formam, è cœ-  
 lo elapsi, uiri quidem in spargenda Euangelij suauitate adeò mites & ardentes,  
 ut nemo inueniatur tam altè in desperationis barathrū proiectus, quin his uel  
 semel auditis, animum subito colligat, nouamq; induat uitæ faciem: ita uiuax  
 est Dei sermo, atq; efficax. Ite igitur quo cœpistis spiritu uiri à Deo missi: nam  
 dominus dabit uerbum euangelizantibus uirtute multa, tantum absit fucus. Cu-  
 perem certæ meæ professionis homines à tam cœlesti satione non esse immu-  
 nes, ne nihil tandem ad templi fabricam attulisse iudicentur. At pariant saltem  
 calamo, simulac ore nequeunt, si quid, quod Christi maiestate dignum sit, par-  
 turiant. Mutire in excubijs tam necessarijs non licet. Sed ad psalmum. Psaltes  
 enim ad antiquum Iudæorum morem alludens, qui uictoribus è prælio reuer-  
 tentibus cum choris atque instrumentis musicis occurrere soliti erant; quod sa-  
 nemunus epinicia pro uictorijs decantandi, aiunt mulieribus in primis deman-  
 datum fuisse. Vnde illud est, quod Sauli, cæso Golia per manus Davidis, è bel-  
 lore deunti, egressæ sunt obuiam mulieres concinentes, Saul percussit mille, &  
 David decem millia; ad illam, inquam, ueterè alludens consuetudinē, illud pro-  
 tulit: Dñs dabit uerbum euangelizantibus, seu, ut hi uolunt qui ad mulieres id  
 referūt, annuñciatricibus. Quare sic ex hebræo reddunt; Dominus dedit, quod  
 annuñciatrices de copijs maximis canerent, & quid canerent, subiunxit:

Rex uirtutum dilecti, dilecti, & speciei domus diuidere spolia.

En laus illa, quam de sponso canunt filij sponsæ, nempe quod deuicta mor-  
 te, rex meritò appellari debeat uirtutum, hoc est, exercituum dilecti populi sui,  
 multum inquam dilecti, quemadmodum ipse dilectus est patri. Et gratificauit  
 nos, ait Paulus, in dilecto filio suo. Dilecti igitur simul & delecti ab æterno pa-  
 tre, suo annexi sumus dilecto unigenito, in quo habemus redemptionē per san-  
 guinē eius. Idcirco cum tam carē, ut cruor est Christi, cœmpti simus, quid cau-  
 simi qui sunt in acie domini, atq; in conflictu strenui & uictores, castra hostium  
 diripere ualidi erunt, uerumetiam ipsi desides domi, atq; absq; labore & pulue-  
 re belli, speciosi & elegantes, unà cum cæteris domus, & nonnunq; copiosius q̃  
 illi, diuident spolia. Hi sunt, ni fallor, qui ad Iesu pedes quiescentes, ad cœlestes  
 summa cum pace animi rapiunt cōtemplationes, cum alijs interim in dñi uinea  
 sudantes, totiq; in infirmioribus instruendis ecclesiæ membris intenti, nihil nō  
 agunt quò Dei uerbum per uniuersum latè orbem diffeminef. Atq; his quidem  
 quibus fidei partibus, summam perfectionis ecclesiæ consistere nō dubitamus.  
 Verum secus hunc uersum legunt, uertuntq; Hebræorum interpretes, & in pri-  
 mis diuus Hieronymus, qui sic transtulit: Reges uirtutum fœderabuntur, fœ-  
 derabuntur, quod ad Apostolos, apostolicosq; uiros, ut sunt episcopi, cæteri q̃  
 ecclesiæ antistites & doctores, pertinere asserunt, quorum honori id oneris  
 annexum esse uidetur, ut in subiugandis fidei hostibus unanimes, atq; uno Dei  
 sic uerbi libuit: Reges uirtutū fugient, fugient, quod de ecclesiæ hostibus di-  
 uini uerbi fulmine exanimandis, adeoq; præcipitanter in fugam agendis, ut uel  
 ipsi etiam mulierculis domi ociosis, illos expoliandi fuerit facultas. Vnde  
 sic Felix: Et habitatrix domus diuidet spolia. Sed altiori mysterio, species  
 domus & pulchritudo, est fidelium unitas, qui latantur in messe, exultantq;



c sicut uictores capta præda, quando diuidunt spolia. Verùm de his satis, cum prolixè quoq; subsequens tractandus sit uersus, ob lectiōis uarietatem.

Si dormiatis inter medios cleros, pennæ columbæ deargentatæ, & posteriora dorsi eius in pallore auri.

Prætereo prudens quæ hic de cleris à nostris dicuntur, sublimia illa quidem & diuina, sed quæ nihil ad hunc uersum explanandum faciūt, cum dictio illa in codicibus emendatioribus nō inueniatur. Si quidem ea est in hoc loco Vatis intentio, ut atræ comparet nigredini mortaliū miseriam; candori uerò, à miseria liberationē. Cuius rei (opinor) fuit præludiū, quando resurrectionis Christi, nostræ omnis miseriæ ob longum in peccatis usum cōtractæ liberatoris, è tumulo nunciij splendidissimis mireq; albicantibus uestiti indumētis apparuere. Quocirca sanctissimæ quædā mulieres cū timore simul & gaudio celeriter à monumeto exeuntes, rem stuporis plenā ceteris enarrarunt discipulis; cum nihilominus antea, cum adhuc peccati negociū in purissima Christi carne ageretur in cruce, tetra omnia fuissent, luctuosa, ac mœsta. Ex hebræo itaq; sic reddit Felix: Si dormiatis inter chytropodes, hoc est, ad focum desides. quod expressius ab alijs redditur: Cum iaceretis inter ollas, alæ columbæ obductæ argento. Clarius adhuc nonnulli: Si etiā tanq; inter ollas desidentes atri sitis, iam eritis candidi uelut tecti pennis columbæ. Fusius porro Campensis: Si hucusq; inter fuligine obductas ollas iacuitis, & tam atri quàm carbo facti estis, eritis posthac tam candidi quàm alæ alicuius columbæ, etiā si argento exornata fuerit, & pennæ illius elegantius admixtum habeant auri pallorem. Vide, ad quantū ecclesia columbæ penitiorum fumo atq; errorū fuligine eruta, promota sit, quæ niueis columbæ penis, plumisq; argenteis fuluo intertextis auro comparetur. Quid elegantius in omni rerum artificio cerni potest, quàm cum nitidissimū, purgato splendidoq; distinctum auro, argenti uas facti, aut indumentū conspicitur? Ita nimirum ornata est Dei ecclesia, nempe fide, ac Dei uerbo, igne spiritus excocto, atq; uti solet purgatissimū argentum uase alchymico affabrè depuratū, miro defæcato artificio. Atqui istiusmodi duabus suffulta alis ecclesia, adeo in altum euehitur, ut nullo remorata obice aut impedimento retardetur, quo minus in sinum patris fessa, unā cum eius filio deuolet, conquiescatq; ulla absq; perturbatione, in Dei amore. Atræ enim nigerrimū in modū obducta est anima caligine ac fumo, cū in peccatis obuoluta, ad concupiscentiarū præfurniū, aut chytropas, ociosa fedet: uerū à diuino experrecta numine, uulnerataq; ad uitam, tetris ilicò exuitur corui illius pennis, qui egrediebatur, & non reuertebatur, ut inquit Moses, ad arcam: Columbæq; argenteis induitur plumis, quæ uirentibus oleæ ramū folijs secum afferens, ad arcam reuersa est. Vide quid Paulus de utriusque alitis afferat pennis. Sicut, inquit, est ueritas in Iesu, deponere uos secundum desideria erroris. Ecce corui nigredo: ecce animæ fuligo ante Christum. Vultis ne modò, uestræ, & induite nouum hominē, qui secundum Deum creatus est in iustitia, & sanctitate ueritatis. Verū unde hæc (prò immensa dei bonitas) unde hæc, inquam, tam repentina ecclesiæ albedo? unde candor? unde subitum istuc effulsit lumen? nempe ex eo, quod

Dum discernit celestis reges super eam niue dealbabunt in Selmon.

Non ultra Hebræis procedit uersus. Mirantur nonnulli interdum, cur tam uarijs, tam uæ frequētibus utatur similitudinibus Vates. Hi nouerint, præcipuū id in poetis requiri, quod aptè, uariè, cōcinnèq; sua perornent metra comparationibus & metaphoris. Ad hæc, quid maiore afferre solet rebus pertractandis notationem, ac lucem, quàm cum similitudinibus utimur? quibus quidem, tanq; ornamentis



amentis ac gemmis totus is intertextus est psalmus. Etenim posita columbæ candicantis similitudine, aliud item candoris genus copiosissimum adducit Vates, montis scilicet Selmon, qui proximè Jordanis ripas situs, niue fermè perpetua summo albicat uertice. Felix tamen nulla de monte hoc mentionē faciens, sic transtulit: Dum extendet omnipotens reges in ea, uelut niue dealbabis obsecritatem. Idem ferè Campensis: Cum distribueris, inquit, ô omnipotens, per varias prouincias, qui regant eam (columbam scilicet) tu candidiorem reddes eam niue, quæ hucusq; uersata est in obscuritate. Ergo à pastorum perfectione, quos hic reges appellat spiritus, candor istiusmodi, qui niuem quamuis candidissimā superat, in subditis perficitur: quando quidem obscuro & caliginoso andocto, Dei timore uacuo, non candor quidem argenteus aut aureus obducitur ecclesiæ splendor, sed caligo, nigerq; fumus, & atra nox. A suis igitur superioribus stat, aut nutat religio: nitorēq; aut nigrītē ab eorū qualitate induitur Christi sponsa. Verū occultiori sensu mōtem hunc Selmon, quem caliginosum, seu, ut uult Philo, umbram offendiculi interpretatur, Christum esse suspicor. Nam quicquid candoris nacta est ecclesia, à cruentis Christi uulneribus, ac cruce ortum habuit, quæ quidem gentibus stultitia, Iudæis autē scandalum semper exuit. Cruce etenim Christi ueluti in conspicuo positam cernimus: ad illius uerò gloriam, utpote profunda in caligine diuersantē, cæcutimus omnino: ita prorsus humana est conditio. In hoc igitur monte obscuro atque umbroso, hi qui sua execrantur scelera, refrigerantur, illamq; nanciscuntur animi pulchritudinem & candorem, quem in Dei religione esse conuenit, & qui passim omnibus ob præfulum integritatem conciliatur, Mons sanè iste felix, est mons aureus, mons sanctus,

Mons Dei, mons pinguis, mons coagulatus. Vt quid suspicamini montes coagulatos? mons in quo beneplacitum est Deo, inhabitare in eo: etenim dominus habitabit in finem.

Miror si quæ hîc de feracissimo dicuntur monte, de alio dici monte opinaris, quàm de illo, quem præparatum in uertice montium, & ad quem confluere debebant omnes gentes, prædixit Esaias: is est Dei filius: id saxum illud est, quod monte absque manibus excisum fuisse legimus. Vide itaque nostri montis feracitatem: si quidem cum gratiarum omnium copia refertissimus sit, varijsq; conuersus uirtutum plantis, nonne mons Dei meritò dici debet: nonne pinguis: nonne coagulatus, seu superciliorum mons, ut uertit Felix, hoc est, in uaria assurgens iuga: nonne, inquam, ferax est, opimisq; uberrimus pascuis: atque his omnibus, qui cum Vate illo morastite sese ad montis domus Dei Iacob ascensum accingunt, obuius? Quid? nonne ille, de cuius nemoroso uertice audacissimus Abimelech cum exercitu præcidit ramos, quorum fumo atque igne, mille hominum cum præsidio turris Sichem extincti sunt? Verum haud omnium qui est, quod de Corintho dixere antiqui, adire Selmon: quoniam mons Dei est, quem qui ex inquinato uulgo tetigerit, siue iumentum id fuerit, siue homo, non uiuet. Cum itaque bonis omnibus redundans sit mons iste, qui sit, ô diuina est Ecclesia, unus Christus, unus mons, ad quem utique omnes, quibus sua curæ est salus, confugere necesse est. Is solus est enim, in quo beneplacitum est Deo, habitare in eo, non ad tempus quidem, sed in æternum. Si quidem Pater & Filius idem est Deus, idem amor, eadem uoluntas, numen, maiestas. Caterum, Vt quid suspicamini, secus habent Hebræi. Sic Felix: Cur exilietis montes excelsi? illum montem dilexit Deus, ut inhabitaret ipse, qui quidem Felix, seipsum exponens, ita ait: Vt quid insidiosè intuemini



**C** montes altissimi aduersus montem, quem dilexit Deus, ut inhabitaret ipse. Vnde de Paraphraistes: Quare inuidetis reliqui quantūuis cliuosi montes, monti huic quem elegit Deus? Montes porro excelsos seu cliuosos appellat Vates, rebelles angelos, atq; horum simillimos, mundi huius sapientes, superbosq; atq; ut eos depingit Paulus, repletos omni iniquitate & malitia, contumeliosos, elatos, inuentores malorum, absq; fœdere, proditores, ac Deo tandem odibiles. Putasne sua tūc tempora duntaxat deliniasse Apostolū, an nostra quoq; similiter? Vtraque, opinor, Quid si nunc uiueret; aut (credo) scelerum magnitudine deterritus, sileret omnino, aut ad rauim usq; clamaret, sese non omnia quæ dicenda fuerant, dixisse, connumerassēq; flagitia. Totus planē corruptus est orbis. Verūm ne à monte sancto Dei declinantes, per loca deuia & inaquosa, id est, parum hominibus grata, diuagemur incauti, unde digressi sumus, reuertamur. Mirum quàm fastidiose uera audiant homines.

Currus Dei decem millibus multiplex millia lætantium: dominus in eis in Sinai in sancto.

Ecce triumphantis Christi, quem mōtem Dei diximus, de peccato, atq; adeo de morte & inferno dignitas. Nam, ut inquit ille, in multitudine populi dignitas regis; cuius sanè multitudinis numerū, cum tam immēsus sit, ut in ipso, quicquid credentiū uspiam fuit unquam, eritq; in posterū, intelligatur, quis aliquando recensere poterit? Omniū enim quotquot cum Christo resurreximus, conregnabimusq; sedentes in cœlestibus, ut inquit Paulus, in Christo Iesu, pompa hīc uictoriæ describitur, non solum angelorū, ut nonnullos interpretari uideo. Porro curruum mentionē hīc facit Vates, morem spectans triumphantiū, qui curribus uecti aureis, insigni sese uisendos populis præbebant spectaculo. Ad hæc, indiffinitū uolens intelligi numerū, diffinitis usus est uerbis: qd expressius **D** ab Hebræorū interpretibus redditū est. Sic Felix: Currus Dei centena millia, duo millia angelorū. Alius uerò: Currus Dei bis decem mille millia. Rursum alius accumulatiū: Currus tui ō Deus myriadum, ac infinitorū milliū sunt. Paraphraistes autē sic totum integrū reddit uersum: Equitatus Dei centenorū est milliū: habet & angelorū millia, quibus comitatus nunc huic mōti adest Dominus, sicut olim Sinai cum sanctimonia, ut planē illud, quod noster uertit interpretes, in Sinai in sancto, ad tremendam illam, religionisq; plenissimā, ac numinis Dei præsentiam referatur, cum tota circumquaq; tubarum clangore, atq; horrifono terræ motu, ac tonitribus perstreperet regio, descēderetq; dominus, ut inquit Moses, super montē Sinai, in ipso montis uertice, sanciretq; dominus, populo fœdera. Is igitur idem ille est, qui in Sinai olim uertice, tam maiestate plenus apparuit, qui & nunc innumerabilibus myriadum lætantiū millibus comitatus, tanq; triūphator è cruce, è bello, è tumultu candidissimis euectus equis, orbēq; uniuerso subiugato, occisa morte, deletōq; peccato, nō Capitoliū illud impium, Ioui dicatum, præeunte senatu ascendit, sed cœlum, sed digniorem spirituum cœlestium sedem supergressus, ad dexteram Dei patris unā cum suis simillimis, nempe cruci, contempto mundo, mundi q; tyrannide assuetis, colloctus est. Quocirca (ut te nunc alloquar, ō altissime)

Ascendisti in altum, cœpisti captiuitatem, accepisti dona in hominibus, etenim non credentes inhabitare dominum Deum.

Apertē hunc uersum de Christi resurrectione, seu post crucem exaltatione, donisq; spiritus, adducit ad Ephesios scribens Apostolus. Sed quod nos legimus etiam cum Hebræis, accepisti dona, Paulo est, dedisti dona, sensu nimirum potius adducto, quàm uerbis ipsis. Siquidem quò ex hominibus dona, hoc est, sanctas animas acciperet Deus, dona prius oportuit ut darer, quod quidē Paulus prudentissimè superioribus attexuit uerbis, asserens, quosdam apostolos a Deo



Deo datos, quosdam prophetas, alios Euangelistas, alios pastores & doctores; qui sanè omnes eorundem minimè donorū immemores, electos, per Euangeliumq; acquisitos, uice munerū Deo offerrent; ille uerò tanq; suæ beneficentiæ fructū, proborū animas quasi donaria sumeret. Ad hæc Christus, ut asserit Augustus, secundū quod unus cum patre est Deus, dedit dona hominibus; secundū autē quod caput est Ecclesiæ, accepit, sed in hominibus, sed in membris, sed in his qui spiritus donis indigebant. Neq; perinde diuinæ incongruū est bonitati, dicere Christū etiam nū largitiones ac dona à patre accipere, quādo sui accipiūt quorū ipse caput est, ipsi uerò uiua illius membra; nam quicquid uel bonorū à patre, aut ab homine, uel malorū quoq; ab improbis suis irrogatur amicis, id sibi uinā prouidentia recondita erant thesauris, anteaq; Christus eò, unde nunq; discesserat, remigraret (nondum enim erat spiritus datus, quia nōdum Christus erat glorificatus) necesse planè fuit, ut hinc ex hoc mundo, ut ipse aiebat, transiret ad patrem. Idcirco suos cōsolans discipulos, incredibilem in modum ob suū à mundo abitum afflictos, solitus erat dicere: Nisi ego abiero, paracletus nō ueniet ad uos: si autē abiero, mittam eum ad uos. Profligato itaq; mundi principe, lumen meum ac uita, imisq; istis relictis tenebris, ascendisti in altum, accepisti dona in hominibus, qui sumus nos, quos tu tibi, ut tua in cœlis dona essent, interris per tuum sanctum uerbum atq; Euangelium, è quo amor ac fides eger minarūt, præparasti. Nōne aureo tuo ore illo, quo condita omnia in lucem edicta sunt, dixisti: Cū exaltatus fuero à terra, omnia (ea dona) traham ad me? Verū tu prius, in ipsaq; triumphī pompa ac gloria, captiuam duxisti captiuitatem, tua nimirum dona, nempe electos, per turpissimam Adæ præuaricationē, sub dæmonum concupiscentiarumq; imperio pressos: hinc, tanquam uictoriæ nuntios, tecum duxisti solutos, ac planè liberos: illinc uerò ponē aliam catenis orcerat, scilicet diabolum, peccatum, mortem, infernum, currum sequi triumphalem præcepisti. O lætum spectaculum. Vide quā manifestè donorū huiusce modi munificentiam, bellī item, uictoriæq; & triumphī imaginem describit Paulus: Donauit, inquit, nobis omnia delicta, delens quod aduersus nos erat uisum est tam nobile & copiosum? Vis ne dirum cum tenebrarum principe aut illud cōgressum? Et ipsum, inquit, tulit de mediō, affigens illum cruci. Difficile illud sanè fuit certamen, & cruentum, sed felix omnino subsequuta est uictoria, & triumphus. Et expolians, ait, principatus & potestates, traduxit confidenter palām triumphans illos in semetipso. En igitur quomodo secum captiuam duxit captiuitatem Dei filius, ducitq; continuē. Quare non frustra à Paulo fuit dictum: Deus semper triumphum suum agit per nos in Christo Iesu, quid illud? Et captiuam, inquit, ducimus omnem cogitationem ad obediendum Christo. Ita nimirū nostra hac etiam tempestate triumphat Deus in Christo per Ecclesiæ ministros atq; antistites, si boni sunt, haud secus, ne fortè triumphum illi inuicis affligit, ut planè nullum suum esse dominiū arbitretur, nisi imbelles operiat, atq; de illorū contumelijs triumphet. Vilissimus is est animus, ne illum inter in habitum appellem, atq; à Deo alienum. Cæterū, Etenim non credentes inhabitet dominū Deum, Hebræis est, Insuper etiam rebelles, seu defectores, ut inhabitet Iha Deus. Iha porrò dictionem, partem esse tetragrammaton, quam seruatorem interpretantur, in superioribus diximus. Vnde sic sensum reddit Paraphrastes: Quin & rebelles plurimos, & Dei penitus ignaros, in gratiam recepisti, ut uerè dici nunc possit, habitare inter homines te seruatorem Deum, Quare,



c Benedictus dominus die quotidie : prosperū iter faciet nobis Deus salutarium nostrorum.

Sunt uoces hæ lætitiæ, Christum ad cœlos usq; laudibus efferentiū, qui per petuis tanq; epinicijs in ecclesia propter assiduas proborum uictorias exultantes, audiuntur. Idcirco additur, die quotidie : hoc est, de die in diem, ut ex græco transferri potest; seu ex hebræo simpliciter, quotidie, aut per singulos dies. Laudandus itaq; dominus Deus, qui cursum hunc uitæ nostræ, atque iter, curru illo suo triumphali adeo, si quid scabriciei inerat, explanauit, ac tutum fecit, ut nihil in eo, quod prosperū idem nō sit ac fortunatū, remanserit. Ipse, ipse inquam saluationū omniū nostrarum autor est, & effector. Sunt qui uocem, quam noster transtulit interpres, salutarium, Hebræis Iesuoth esse asserant, qua totius trinitatis opem mortalibus collatam signari opinantur, unde ex nostris sic quidam: Cum uideris Iesuoth, id est, salutare, in psalmis, assurge ad laudandum patrem & filium & spiritum sanctum, nostræ salutis autores, unum & idem, omnipotens, salutare. Cæterū in hebræo nulla de itineris prosperitate fit mentio: sed ea illis est litera, quæ solitos in Vate affectus, nempe concitos atq; ardentes, ostendit. Aggrauabit; uertit Fel, nos Deus salute nostra: hoc est, ut se ipse interpretat; pro onere imponet nobis salutem, quod ex eodem alius fonte clarius reddidit. Gratię, inquit, domino Deo quotidie, qui nos salutaribus beneficijs obruit, unde Paraphrastes: Tam est in nos beneficus, ut onerare nos uideri meritō possit. Diuinis, inquit, obruimur donis, oneramur, ad summumq; explemur. O certerem multa animaduersione dignā: quare nō immeritō huc interiectū est Selah. Præterea nō cōtentus Dauid, & semel, & iterum in uno eodemq; uersu nomen Dei amabile posuisse, etiam atq; etiam idem in sequenti, more suo, non absq; tamē diuinitatis, sanctæq; trinitatis mysterio, inculcat.

D Deus, inquit, noster, Deus saluos faciēdi, & dñi domini exitus mortis. Deus saluos faciendi, ex græco simpliciter uerti poterat, Deus salutis: uel, in salutem, ex Hebræo; uel etiam, salutem, hoc est, ut interpretatur Paraphrastes, omnimodæ salutis autor. Alij etiam auxiliorū uertunt, quod uerissimū illud Dei in Osea appareat: Perditio tua, inquit, ex te Israël, ex me tantūmodo auxilium tuum. Illud quoq; domini, domini, suo nō uacat mysterio. Volunt enim primā dictionem, quæ puram Dei naturā ac substantiam præferat, nempe tetragrammaton, Hebræis esse; alteram uerò Adonai, quam diuus Hieronymus ex more Deum transferre solitus est; illam autē, dominū. Quocirca is erit sensus, quod Deus ille, qui per se est, uiuitq; in seipso, atq; in se manens, & uitæ & mortis, tanquam omniū dominus, imperiū possidet, quemadmodū mortalibus seruandis est autor, ita ut mors exeat, longeq; à suis propellatur, illius bonitatis proprium est. Ad Deum itaq; salus, ad Deum uita, ad Deum tandem attinet mortē procul effugare, expellerēq; à suis, qui interdum in morte deserui uidentur: namq; eo aliquando artificio ad crucis gloriam sensim promoueri uult Deus suos. quanquā hīc mihi nescio quid subodorare uideor mysterij, felicissimæ uidelicet resurrectionis Christi, qui ē mortis uinculis egressus, ad immortalem accitus fuit uitam: quod & nos cum ipso, abiectis prius mortalitatis exuijs, dirutoq; molis huiusce corporeæ obice atq; impedimento, introducemur beati. Hīc igitur Paulus, ad incorruptionē reuiuiscentiæ fit mentio, cuius autor, atq; ut inquit Paulus, primogenitus, fuit Christus: primogenitus, inquit, ex mortuis, ut sit in omnibus ipse primatum tenens.

Veruntamen Deus confringet capita inimicorū suorum, uerticem capilli perambulantium in delictis suis.

Capita hīc uocat spiritus, peruersarū sectarum principes ac duces, quos una cum perseuerantibus in delictis suis confractum iri uaticinatur. Hebræi tamen caput



caput uertunt singulari numero. Nam certè sublato è medio seditioforum duce, seditio, ut in prælijs fit, actutum residet. Quid de illis opinandum, in quorum ore illud est frequens & tritū: Si uis regnare, diuide, hoc est, seditiones excita: haudquaquam Christianorū mos is est. Vide quid dicat; Etsi, inquit, Deus saluos faciendi, nō interimendi Deus sit, ueruntamē iustus est. Eam ob rem caput illud superbum, ducemq; sceleratū inimicorū suorū, nempe factiosā, ac tum in Deum, tum in homines iniuriosā multitudinis altorē percutiet, perpetuoq; de nudabit opprobrio, quemadmodū denudant folijs arbores, aut riui alueus, ut inquit Esaias, à fonte suo. Verticē capilli, more Hebræo pro capite posuit: hoc est, illius nudabit caput, prorsusq; quod uulgo notū fiat, glabrū reddet. Paraphrastes autē sic interpretatur uersum: Proculdubio, inquit, Deus uulnerabit caput inimicorū suorū, findet caput eius, qui perdurat in peccatis suis obstinatus. A capite igitur, à principe, ab ipso uulgi uertice ortum ferè habet quicquid delinquit multitudo. Sed,

Dixit dominus, ex Basan conuertam, cōuertam in profundū maris. Vide aptissimā similitudinē in diuino describendo, in sceleratū seditioforū caput & ducem, iudicio, quē Og regi Basan, Pharaoniq; Aegypti, impijs simis nimirū regibus ac sæuis, comparat Vates. Dixit itaq; dominus, sic decreuit. (Mos est prophetis, si quid seriō dicturi sunt, & quod summā indubitatamq; exposcit fidem, huiusmodi locutionis genere præfari: Hæc dicit dominus.) Sic igitur ab æterno loquutus est Deus: sapientissimo, atq; eo quidem omnino modo, & roborē, meos tutabor subditos, cōuertamq; de graui impiorū iugo in libertatem, quo ex Basan olim occiso rege, deletorū illius exercitu, populum eripui meū, illicq; inimicorū bona ac fortunas diripiendas tradidi: uel eo quo antea fluctibus obruto Pharaone, mare siccis peruadarūt pedibus. Is enim sensus, ne nouus coactusq; uideat, è litera quæ est Hebræis, formari potest. Siquidem, de profundo, seu profundo maris, hī uertūt: nō, in profundum, ut nostra habet editio. Proinde ex illis quidam sic trāstulit: Restituā à Basan, restituam à profundo mari; hoc est, populū meū afflictū, atq; à tyrannis oppressum, è malorū immensitate, atq; profundo, in liberiores uitæ statum restituā, deletis interim, profligatisq; meæ religionis hostibus, quos tam seuerè, ut meriti sunt, percutiam & uulnerabo, Vt intingatur pes tuus in sanguine, lingua canum tuorum ex inimicis ab ipso.

Dira sanè, sed æqua nihilominus, ac digna sceleratis impiorū ausibus ultio. Adeo, inquit, inexorabiliter illos feriam, ut pes tuus conspergi illorū possit sanguine, linguaq; canum tuorum lambere illum, & si libuerit, bibere ualeat. Ab ipso, ad improborum altorem referunt, unde sic suis in annotationibus scribit Felix: Vt pes tuus, & lingua canum tuorum intingatur in sanguine, qui effluet ab inimicis, & ab ipso principe eorum. Nōnulli uerò ad Deum illud referri existimant, & dicūt: Ex inimicis ab ipso, Deo scilicet interemptis. Vide an horum omnium typus Achab ille impius, uenditusq; ut faceret malum in conspectu domini, fuerit: cuius sanguinē, ut est in tertio Regum, cū in prælio occubuisset, linerūt canes in Samaria. Verumenimvero tuæ partis homines, pij nimirum, ac religionis susq; studiosi,

Viderunt ingressus tuos Deus, ingressus Dei mei, regis mei, qui est in sancto.

Melius uertisset interpretes, si gressus, aut incessus, aut etiam, ut interpretatur Campensis, successus uertisset. sic ille: Viderūt pij hos successus (nempe ultionem sumptā ex hostibus, opemq; illatam oppressis, atq; omnia demū, quæ hæc tenus in triumphali pompa pro diuino asseruit honore spiritus) & agnouerūt eos esse abs te, Successus, inquam, illos esse agnouerunt abs te, qui Deus meus es,



C & rex meus insigni sanctimonia præditus. En quanto hîc mentis ardore affectus fuit Vates, quanta ui fidei, quanta amoris: quod sanè ex repetitis uocibus illis à corde mirū in modum cœlesti exusto incendio manantibus copiosissimè demonstratur. Deus, Dei mei, regis mei &, qui est in sancto. Quid sibi hæc uolunt? Viderunt, inquit, felices animæ illius incessus, atq; inter illos, qui piè casteq; uiuunt, uestigia & successus: quia Deus meus est, mea uirtus, mea sapientia, meus amor, illeq;, cuius domicilium sanctimonia est ac puritas, tantū abest ut in sordido diuerfetur animo sanctus sanctorum. Idcirco

Præuenerunt principes coniuncti psallentibus in medio iuuentulæ rum tympanistriarum.

Pompa hîc gaudiij spiritualis ecclesiæ narratur, cuius internæ lætitiæ signa illa sunt solennia, quæ in cantorū numero cōcinnè admodum perornato, distinctoq; uarijs cantibus atq; instrumentis musicis, palàm apparent; addo & templorum insignes uariatosq; apparatus, ac sonoros illos, atq; ad numerū dispositos, altisq; è turribus auditos ex ære strepitus & tinnitus, quibus nō parū exilarari solet multitudo. Gestire tum gaudio uident omnia. Verū nihil propèmodum hæc ad diuinū cultū, si, quamobrem ea à patribus instituta fuerint, in animo potius quam certè in ecclesiæ exordijs tum, cum pietatis summā in animo potentissimū sitam esse definirēt homines, arderentq; omnia ullo absq; externo admixtulo, istiusmodi templorū ornatus in usu nō fuisse suspicor. Patres tamen quæ admodum sanctissimi illi quidem fuere uiri, sic sanctissimè nostræ consules ignauia, hosce longo quasi postliminio reuocarunt ritus, antiquissimos sanè illos, quippe qui ante Christi accessum ad homines extiterint, quorūq; morē Varis hic breuiter ob oculos ponere studuit; usque adeo tamē, quod si qd intus misterij delitesceret, à candidis discutere ingenijs, ac puris animis. Qui quidē mos is ferè fuit. Nam ornato templo, aut arcæ loco, cum gratias Deo ob insignem aliquod beneficiū agere instituissent, cantores in primis anteire iussi (post primarios tamen multitudinis uiros) suauissimo rem incœptabant cōcentu, hi postea qui musicis modularent instrumentis. Sed his omnibus interiecti puellarū chori, tympana, honestissimis corporis motionibus, grauiq; ad numerū passu, atq; inuicē gyro ac nexu, pulsabant, uulgus deinde. Vides ecclesiæ decorem, quod illæ spectarūt umbræ; uides diuinū in celebrandis Dei laudibus, & ordinē & ritum. In re enim spiritus primi esse debent præsules & pastores, cæteri deinceps; alioqui quo exordio, aut quo unquam ordine aut modo, diuinas illas celebrabit uulgus laudationes, quas tum ore, tum mysticis puræ mentiū instrumentis, ac castimonie tympanis atq; organis celebrari oportet, nemine, ut sic dicam, antea ambulone, qui & uita & doctrina, tanq; sanctitatis signifer, antea? Obsecro, quid roboris imbecilliū animis afferre potest præsul, aut nulla præditus sanctitate & doctrina, aut doctrina solummodo absq; spiritu? Docti sunt & dæmones, sed nulli tamē sunt usui pietati. Quid porrò cantores hîc positi (in longum iam nimis procedere psalmū uideo) unā cum psallentium uirginū choris præferant, tu, cui integer est animus, nempe à mundi uanitate liber, tecum discute. Mihi sat fuit rei summam, ut olim Mercuriales statuæ uias indicabant, præmonstrasse. Præcesserūt igitur principes, ut uertit Felix, postea psallentes, in medio uerò puellæ tympanizantes. Idcirco uos ea imbuti, qua antiqui erant, fide, atq; animi candore, ô patres, ô præsules, ô qui audacter ad animarū rectionem, discipulem illam omnino, acceditis, unā cum grege à uobis in sanctitate & iustitia instructo, non odijs, iniurijs, aut pessimo uitæ exemplo dissipato,

In ecclesijs benedicite Deo domino de fontibus Israël.

Quæ sint istiusmodi ecclesiæ expressius, ex hebræo referūt. In cœtibus, aiūt, laudate Deū. alioquin una est Ecclesiā, una columba, una unico Dei filio spōsa. Agite



Agitedum, inquit, diuinū, ubi quā plurimi ad id cōueniunt, nomen cultumque ex-  
tolle; purum enim Euangeliū, nō fabulas, non errores, nō uestra somnia edo-  
cere, clauisq; amoris, ac iustitiæ malleo uim fidei rudibus subditorū auribus infi-  
gite; & id in Ecclesijs, hoc est, in locis ubi habitat Christus, atq; eius spiritus. Cæ-  
teri autē hominū conuentus, cōuenticula magis impia dici debent, quā plebs  
Dei, populusq; acquisitionis, & gens sancta. Odiui, inquit dominus, ecclesiam  
malignantiū. Qui porro sint, qui ad ueram spectent Ecclesiam, in sequentibus  
aperit Vates, dicens: De fontibus Israël, nempe illorum qui ē Dei populo origi-  
nem traxerunt: nam pro origine fontē dixit, uipote qui sit omnīū, cæterarumq;  
aquarum origo, & principium. Vnde Felix uertit, de scaturigine, quanq; fons  
ipse æternus, unde effluxit Ecclesiæ decor, ac uirtus fidei, Dei gratia est, ex qua  
illud suauissimū, tanq; riuus, emanauit uaticiniū. Haurietis aquas in gaudio de  
fontibus seruatoris. Quæ tamen gratia cū ab uno exeat principio, qui Deus  
est, ob uarios nihilominus effectus, multiplicesq; deriuationes & scatebras,  
plurali usus est uoce, quare is erit sensus: In Ecclesijs, id est, in concilijs iustorū,  
& congregationibus, magna Dei opera, exquisitaq; in omnes uoluntates eius,  
laudate: laudate, inquam, dominū, o uos, qui ē Dei populo, tanquā ē uite pro-  
pagines, aut ē plantario surculi, originem ducitis; ibi enim uiuæ aquæ sunt, ibi  
pax, ibi Deus,

Ibi Benjamin adolescentulus in mentis excessu. Principes Iuda du-  
ces eorum, principes Zabulon, principes Nephthalim.

Duo hīc mihi magno uidetur agere artificio Propheta. Primū quidem ad hi-  
storiā tribuū istiusmodi, quasi aliter agens, prudentissimē alludens, Christi, san-  
ctiq; eius Ecclesiæ mysteriū detegit. Postea uerō, cuius uirtutis hī esse debeant,  
qualisq; præesse efflagitant, obscuriori quadā uocū ratione indicat. Benjamin  
quidem tribus minima omnīū tribuū fuit, eo maximē tempore, quando ob stu-  
pefactam Leuitæ cuiusdam uxorem à Gabaonitis, penē tota à cæteris tribubus de-  
& quod noster uertit interpretes, in mentis excessu, hī habent, dominatur illis.  
Vnde sic Felix: Ibi Benjamin paruulus dominatur illis, atq; id dictum uolunt  
propterea, quod regno multis postea annis floruit. Quamobrem autē tribuum  
solummodo Benjamin, Iuda, Zabulon & Nephthalim, mentionē faciat Vates,  
id nō absq; mysterio factum putant. Siquidem ē tribu Benjamin Paulum, qui de  
Deo quasi in mentis excessu atq; ecstasi locuturus erat, originem ducturū præ-  
biderat: Iuda uerō nō solum Christum omnīū seruatorē, sed & eius cōsanguini-  
cos, ut fuit Iacobus iunior, Simeon, Judas, & Ioannes. Zabulon autē ac Neph-  
thalim erant in Galilæa, ē qua non paruam discipulorū manum Christum uo-  
casse legimus. quare in Actis, ut refert Lucas, ardentē ac uariam loquendi peri-  
fur. Illud quoq; ab angelis prolatū: Viri Galilæi, quid admiramini, aspicientes  
in celū? Quod porro Petrus, Andreas & Philippus Galilæi fuerint, ex Bethsai-  
da, suo in Euangelio testatur Ioannes. Vide igitur, quā callidē sciteq; princi-  
pes illos Ecclesiæ, de quibus alio in psalmo sic asserit, Constitues eos principes  
super omnem terram, in mediū adduxit Vates; nempe illorum adumbrans effi-  
giem, qui nunc sacris prælati locis, eo supra modum lætantur titulo. Benjamin  
filius dextræ, interpretatur Philo, Iuda confessionem, Zabulon habitaculum  
fortitudinis, Nephthalim dilatationem: hæ sunt nimirum partes, quas ad anima-  
rum antistitem spectare credimus: his sanē demptis, non uideo cur Dei ouilis  
appellari quis pastor debeat. Ut sit igitur in primis illius dextræ filius præsul  
necesse est, de qua sic Salomon: Partes dextræ nouit dominus, uel eius quo-  
que, quæ se amplexandam à sponso prædicat sponsa: Dextera, inquit, illius am-



C plexabit me. qui enim istiusmodi obstrictus est nodo & cōplexu, totus in Deo per amorē translatus est, hincq; illa emanat intrepida, quæ fit ad salutē, cōfessio: quæ ut eo, quo modo fieri debet, efficiatur, bene forti animo, nō meticulofo aut dubio est opus: ut fermē absque Zabulon sua in confessione mutire Iuda uideatur. Tribus his itaque perfectissimis perornatus gradibus antistes, arctissimisq; mundi exutus impedimentis, nempe avaritiæ, libidinis, odiorū, superuacanearumq; curarum, ambitionis, atq; malarum rerum omnium altricis ignorantia, in campo dilatatur fidei, quæ est in Christo Iesu, in quo thesauri spiritus, atq; sapiētiæ, ac sanctitatis: hisce enim meritò cōmittitur à Deo doctrina spiritus, atq; animarum curatio. Vnde additum est:

Manda Deus uirtuti tuæ, cōfirma hoc deus qd operatus es in nobis.

Hic mihi intueri, quàm egregio cœlitus dignent cognomine ueri Ecclesiæ patres: hos Dei uirtutē esse, per quos æternus pater sua impartitur dona hominibus, asserit spiritus. Manda, inquit, synceris illis pastoribus, qui dextera tuæ, per quā uirtutes operari cōsuefcis, sunt filij, ut tuū alant gregem, ut pascant, ut dirigāt, ut ad aquas refectionis minent. Etenim tua suffulti manu, instinctiq; spiritus suauitate, quomodo sua illa abutent autoritate, ut nōnullos, etiā ex his qui mundo mortui uideri uolunt, abuti cernimus? Quàm ualde execrandus est pastor, qui in moderando Christi grege, pro uirga, duro utiq; fuste, aut gladio: pro amore, odio: pro beneficijs, sua tantūmodo quærens cōmoda, maleficijs. Verū tu dñe, quod hucusq; in tuorū operatus es gratiam & salutē, nostris haudquaquā offensus delictis, confirma, stabiliq; fac ratum esse decreto tuo, ut præponantur ouili, qui ueri sint pastores & patres, nō mercenarij, non lupi, non tyranni: hoc sanè exorato, tranquilla omnia, quæ nunc cōmota uidentur & confusa, succedent: tunc pax, quæ nulla nunc est: tunc charitas, quæ penitus refrixit: tunc pietas, quæ ferè ignoratur: tunc suus decoloratæ restituetur sponsæ uigor, ac natiuus color, & gratia. Tunc, inquam,

A templo tuo in Hierusalem, tibi offerent reges munera.

Totam hic penè ueram describi ecclesiæ effigiem & pulchritudinē uideo, quæ in eo maxime posita est, ut uerum Dei sit templum ac domicilium: à quo illud in primis requiri oportet, ut totum, quantū est, uisionem referat pacis (hæc est Hierusalem) ac radijs à iustitiæ sole, qui Christus est, emicantibus resplendeat. A pacato itaq; ecclesiæ statu & splendido, pacati illi reges, quos supra Dei uirtutem appellari diximus, suis cum muneribus, quæ sunt piorum statum, si illis hi contingant patres, qui & uita & doctrina eam præ se ferant sanctitatem, ut dii meritò in terris haberi possint, non homines, infinitis animi agnitudinibus ultrò obnoxij. Interim uerò tu ô Deus,

Increpa feras arundinis, congregatio taurorum in uaccis populorū, ut excludant eos, qui probati sunt argento.

Volunt interpretes Latini, malos principes & antistites hic feras arundinis appellari, nēpe crudeles & diros, qui in umbra calami, ut inquit Iob, in locis humilibus dormientes, ad omnē uentum doctrinæ mouent, uertunturq; eam in partē, ad quam maiori impellunt animi permotione, quos & cœtum taurorū in uaccas populorū, hoc est, in subditos debacchantium, ut eos tandem à probitatis instituto & proposito, licet Dei uerbo, tanq; igne argentum, probatos excoctosq; deturbent, uocare libuit: quos omnes a seuerissimo Dei ore increpandos uaticinatur Vates. Verū littera hebræa alium signare sensum uidetur. Sic ferè illi: Dum increpas turbam lanceatam, cœtum ualidorum inter uirulos populorum, efficis ut deiectione uectigalesq; facti, argenti tributa pensitent. Ex quo in primis illud uidere est, neque feras arundinis, neque uaccas in Hebræo legi;



legi: alio item sensu argenti dictionē poni, quā nostri reddunt expositores, quare sic Paraphraſtes: Vasta multitudinē lancea armatam, & turbam eorū, qui robustiores habentur inter potentiū filios, qui & uictulorum more lasciuiunt, donec facti supplices, tributa tibi pendere cupiant, Quid tanta?

Disſipa gentes quæ bella uolunt, ueniēt legati ex Aegypto, Aethiopia præueniet manus eius Deo.

lam longis ueluti periodis expleto cursu, laudes diuinas in psalmi calce, tati- quam excurso stadio, mirisq; interiectis de gentiū ad fidem cōcursu uaticinijs, strictim accumulatur Vates. Legati, principes uertūt Hebræi, seu præstantiores, seu, ut uult Campensis, optimates. Verū nulla ex his uocibus ambiguitas. Clamatur dominus in Esaia: In die illa erit altare domini in medio terræ Aegypti, & titulus domini iuxta terminū eius; & erit in signum, & in testimoniū domino exercituum in terra Aegypti. Clamabunt enim ad dominum à facie tribulantis, & mittet eis seruatorem. Vides Aegypti accessum ad fidem, de quo tanta cum lætitia prædicit Vates? Huic porro regiōi cōtermina est Aethiopia, quondā propter religionis cultum, addo & circuncisionis obseruantiam, nostris ab autoribus celebrata: cuiusq; regnū Candax mulier tum uiribus tum diuitijs potentissima, ea maximè tenuit tempestate, qua primis florentibus ecclesiæ exordijs, eunuchum Hierosolymas cum muneribus delegauit: quod sanè fidei signum in regina illa iam antea à nonnullis ex diuinorū oraculorum interpretibus prædictum fuit, sed illud in primis Sophoniæ: Ultra flumina Aethiopiæ, inde supplices mei filij disperſorum meorum deferent munus mihi. Cæterum celebris admodū in Alexandria Aegypti uiguit olim Christianorū schola, ut refert Philo. Quod uerò postea, tam uastæ atq; eximie regiones à fide descuerint, occultior res est, quàm ut ab humano cōprehendi possit ingenio. Quid si nos eadem sicutam aut Parthis, aut Sarmatis, mulctari contingat? Cū enim uideo totum perperfidiam, & impietati? Porro ne multum in excutiendo ab illis uocibus sensu, Aethiopia præueniet, manus eius Deo, laboremus, expressius reddūt Hebræi: reddūt Paraphraſtes, Aethiopia festinabit porrigere manus suas Deo. Causam subinde addidit: Et fœdus inire cupient cum Deo. Idcirco igitur cū nulla sit tam à nostro secreta orbe regio, quæ diuino non sit illustrata lumine,

Omnia regna cantate Deo, psallite domino.

(Hic Selah interponitur, quò de gentium hinc fide uaticiniū fieri aduertamus.)

Psallite Deo, qui ascendit super cœlum cœli, ad orientem.

Insidenti cœlis cœlorū, uertunt Hebræi, ab initio, seu, ab æterno: seu etiā, ne noui nos fingere Deū insimulemur, à tempore quo cōditi sunt. Atqui hinc Dei tantū potentia, tum deitatem, numenq; uerendū & æternū, uidere licet, qui cœlis, tanq; equo aut currui insidēs, illos æterna moderat̃ prouidentia. Verū alios hinc mihi cōtemplari cœlos fas sit, quib. suauissimus insidet sessor Christus: hæ sunt enim castæ, puræ, riteq; in fide Christi eruditæ cogitationes, nempe illorū, qui nō iam sibi uiuentes, sed ei, in quē per amorē transfusi sunt, ad mundi plausum minime pertinent, sed suam conuersationē in cœlis esse multis indicāt argumētis: imò ipsi animati cœli sunt, in quorū mentibus diuinus amor suū uoluit esse strator quorū (opinor) ætate, sed rari, sed incogniti, sed suo cōtenti habitatore occultati, uolentes interim animo, dieq; noctuq; quietissimo pergustantes raptu atq; ecstasi sui amati triumphū, in quo onustus trophæis ascendit super cœlū cœli, ad orientē, Deus ad Deū, à quo rerū origines, ac naturæ suæ sortitæ sunt uim, ac



**C** formā. En cœlorū animatorū delitiā, en diuitiā, en uoluptates, en uita animā, in quibus uertuntur polis cœli isti Deo gratissimi. O nostrā certē detestabilem uite rationē. In quibus, obsecro, curis, tam breuē cōsumimus dierū cursum: Nō ab re est quidē, quōd hīc Vates tam anxio inculcat affectu: Cantate Deo, psallite dñō, psallite Deo. Nōne id tibi uidetur uelle dicere: Deus te totū requirit, atq; omni tempore, ô homo, Verū res hāc dura admodū, ac planē impossibilis semper uisa est animis nōdum ab amore mundi semotis. Quocirca ne unde excelsa istiusmodi animā perfectio oriatur, ab oriente scilicet illo, de quo sic præcursoris pater: Visitauit nos oriens ex alto; nos lateat omnino, additum est:

Ecce dabit uoci suæ uocem uirtutis, date gloriam Deo.

Videre hīc licet à quo emergat fonte uis animi, ac desiderii celebrandi Dei nomen: quæ sanē res cū duabus constet partibus, altera quidē in interiori animæ affectu, atq; amore posita est, altera uerò in promulgando, uoce oris externa, nec minus uita ac moribus, Dei uerbo. Vtraq; tamē inefficax sit oportet, nisi alterius generis uox, uocum omniū concelebrantiū Dei honorē, moueat, accendatq; gratiam, & sonum. Ea quippe est, de qua alio in psalmo sic differit Vates: Vox domini in uirtute, uox dicentis, ut uaticinatur Esaïas, clama. Muta igitur nostra omnia sunt desideria, quamuis uocalissima appareant; muta suspiria, mutæ uoces, quæ ab æterna Dei uoce, à qua uirtus omnibus suppeditat rebus, non inflammantur, ab eaq; uim sumunt & efficaciam. In uirtute quidem positū est regnū Dei, nō in sermone atq; eloquentia, unde nō absq; altissimo rerum mysterio prædicaturis Christi discipulis apparuerunt, ut inquit Lucas, disparitæ linguæ tanq; ignis. Cuius porrò generis ille extiterit ignis, mox explicat. Et repleti sunt, inquit, omnes spiritu sancto. Frustra itaq; ad populos nunciij delegantur euangelici, nisi illorū uerba eo incenduntur igne, qui audientiū corda inflammare auditores, ô doctor, ô antistes, ô diuini uerbi prædicator, ô qui bellē tuos tibi uideris proferre animi conceptus: Inflanmeris tu prius, atque ita & tu, & qui te audiunt, uno accensi spiritu, date gloriam Deo, nō uestre eloquentiæ, aut præparationi. Quōd si etiamnum à nōnullis, quo uitæ genere, & ratione id assequi possint, ignorari contingat, illud, ne nimius sim, tantummodo dicam: nullo tam arduam rem esse & difficilem, quin uitæ puritate, atque in Deum fide, assiduīs adiuta precibus, exoretur. Caterū quam hīc gloriam intelligi uelit spiritus, Hebræus explicat: Tribuite, inquit, fortitudinem Deo, id est, uirtutem rerum atque efficaciam, illi assignate, non uobis, non uestro ingenio, non sanctitati. Si quidem

Super Israël magnificentia eius, & ueritas eius usq; ad nubes.

Quā demum excelsus sit Deus, quā magnificus, quā uis suis in pollicitationibus constans, id mirabili in his relucet gratia, quæ in populi sui salutem, qui uerus est Israël, operatus est, operaturq; assidue. Splēdor itaq; Dei, maiestas gloria, uirtus, potentia, nō tantū usq; ad nubes istas uisibiles, cœlosq; ipsos ordinatissima pulcherrimaq; factos ratione & decore, pertingere uisa est: uerum etiam ad aliud quoq; nubium genus pertinere credimus, de quibus illa est Dei iussio in Esaïa: Mandabo nubibus meis, ut pluant super eam imbrem. quā rem in sequentibus aperit spiritus, cū inquit:

Mirabilis Deus in sanctis suis.

Ecce de quibus loquebatur nubibus asseueratio, de sanctis scilicet animis, pureq; in Christo degētibus, & qui cū se aliquid esse nō ignorent, attamē id totū Deo, eiusq; uirtuti ferre acceptū minimē dubitāt. Eam ob rem à Vate inferitur:

Deus Israël, ipse, non homo, non uis humana, non angelus demum, quantumuis supremus, atque diuinæ proximus uisioni,

Dabit



Dabit uirtutem & fortitudinem plebi suæ.

Quæ est Ecclesia in Christo, nempe fidelium unio, & communicatio, qui ob innumera accepta à Deo beneficia, non cessant clamare quotidie, dicentes:

Benedictus Deus. Amen.

PSAL. LXIX. Danti æternitatem. Super lilia David.

**S**aluum me fac Deus, quoniam intrauerunt aquæ usque ad animam meam.

Lilia, in titulo, ne in superfluis desudemus, uult Felix instrumentum fuisse musicum, quo psalmus iste mirè diuinus decantari consueuerat, tamen de liliis & nos quoque alias diximus. Ad psalmum igitur declarandum nostra omnis uis ingenij, ac si quid est spiritus, sese accomodat. Sublimia ualde in hoc insunt sensa, utpote de Christo Dei unigenito copiosissime differente. Quocirca illud in primis à candido impetrare lectore mirum in modum efflagito, ne meo hoc in labore dictionem querat, ut ferè nunc sit, supra modum elegantè: sed id magis, an sensus illi, quos è psalmis exprimere cogito, ac naturali quodammodo stylo mandare literis elaboro, hi sint, per quos diuinum queat laudari nomen. Nihil sane aliud in hoc meo feriatus ago ocio, quam ut Deum tum animo, tum calamitate sanctissimum illius nomen extollere gestiente, placem, beneuolumque mihi reddam: hoc enim impetrato, rumpatur utuis mundus, atque in me irrugiat, beatus sum. Quod hic psalmus de corporea Christi presentia, ærunis, crucis, & post crucem gloria, ex uersibus & ab ipso, & à suæ legis interpretibus citatis, uaticinium fuerit, manifestior res est, quam ut multis probetur. Ipsum igitur in afflictionibus aquis pro me periclitantem, meumque ferentem onus, ac penè detrectantem, non absque lachrymis audire mihi uideor. Heu, unde hæc tam anxia pro te, o hostis, o uis seruatoris & cura, & sollicitudo? Meæ enim miseriæ hæ partes sunt, non tua, o uita omnium, o salus, o quies æterna. Proinde sicut tam uastum ærumnarum pondus, quod tu ultrò pro me subiisti, meum est, ita meus mœror, meus luctus, meus clamor, metusque meus esse debet, qui peccaui, non tuus, o omnium innocentissime. Clamas tamen, ac tanquam unus ex nobis in altissimum calamitatum è sublimi iustitiæ ripa deuolutis stagnum ac gurgitem, ingeminas: Saluum me fac Deus, quoniam intrauerunt aquæ usque ad animam meam.

Infixus sum in limo profundi, & non est substantia: ueni in altitudinem maris, & tempestas demersit me.

Hic calamitatum humani generis cumulum atque acerbitatem considerare non piget. Siquidem in illis exprimendis, non contentus Dei filius dixisse, se aquis (aquæ enim in scripturis nonnunquam aduersitates sunt) obrutum: adiicit, profundum limum & tenacem, & illum quidem in profunda maris altitudine, ac procellosa. Irreuocabilis is planè lapsus uidetur, cum quis in eam corrui, uadum querens, annis profunditatem, que tam limosa sit, ut nullus illi firmandi pedes, stabilis exitus locus, quod enim noster uertit interpretes, Non est substantia, sic uerti potest, Non est super quod stetur. Vnde ex hebræo ita ferè: Hæreo in profundo luto, ubi solum nullum est. Paraphrastes uerò: Demersus sum in lutum, quod fundo pedibus ac stabilis, uadari tutò nequeunt. Cæterum idem præ se ferunt uerba illa: Intrauerunt aquæ usque ad animam meam, quod ad os usque peruenerunt: quibus ad inquantam perditionis altitudinem coniectus erat homo, antequam Deus homo fieret, qui suam, quid suam aio? qui meam potius detegens miseriam, atque animi anxietudinem, clamat iterum:



c Laboraui clamans, raucae factae sunt fauces meae, defecerunt oculi mei dum spero in Deum meum.

Sanè quod magni id est periculi indicium, cum quis eousque uociferando, opemque implorando defatigetur, ut prorsus irrauciat & deficiat. Quod sibi hic contigisse asserit Christus. Idcirco alio in psalmo sic suum exponit moerore: Lingua mea adhæsit faucibus meis. Ita sanè animam, quæ suum non ignorat periculum, agere necesse est: tota enim cum uita hæc sit torrens quidam rapidissimus, limosus, passimque periculorum plenus, ac mirè profundus, quis se tutum arbitrat? quis non exanguis tam certum aggredi audet interitum? Quis cum uadandum sit flumen uortiginosum, turbidum, incertum, limumque simul cum saxis atque è ripa euulsis arboribus conuoluens, non horrebit? Mirum si tum iocis ac uoluptatibus indulgendum esse censeas. Quid illud? ô nostram omnino execrandam, peritatem: cernimus enim Dei filium pro nobis in uastissimo perturbationum, periculorumque fluitare pelago, atque opem uel usque ad raucedinem efflagitare: & nos è littore uitam nostram sic in alto iactari, penesque obrui, siccis intuemur oculis. Vnde quid pro te, ô homo, perinde atque pro se, dicat tui amantissimus Christus. De fatigatus sum, inquit, clamando (sic reddit Campensis) exaruit guttur meum. Dedituerunt me oculi mei, dum expecto aduentum illius Dei, cuius auxilium expetui sum toties. Sub hæc

Multiplicati sunt super capillos capitis mei qui oderunt me gratis: confortati sunt qui persequuti sunt me inimici mei iniuste: quæ non rapui tunc, exolvebam.

D Hucusque Hebræis integer est uersus. En limosum uitæ huius miseræ profluuium: en instabiles undarum fluxiones, in quibus integerrimi interdum uiripericulosisimè fluctuant, metuque exanimantur: nempe confusa perfidiosorum horum minimum multitudo, ac fluxa fides. Quam uerò copiosi hi sint, è propolita à Vatesimilitudine coniectari potest. Multiplicati sunt, inquit, super capillos capitis mei: hoc est, multi usque adeo sunt improbi, ut crines mei omnes capitis superarent. Solemus enim cum ingentem, & planè indiffinitum significare uolumus numerum, crinum aut arenarum uti similitudine. Verum tam delicata est hodie nostræ ætatis conditio, fictaque probitatis persuasio, ut propemodum insaniant ira nonnulli, si quis ingentem esse simulatorum numerum queratur: malunt quippe suam tegi silentio turpitudinem, quam deprehensi, uel unica tantum uocula reprehendi. Vt cunque indignentur, me minimè falli posse arbitror, si omisso hominum metu, qui antiquus meus est mos, cum Dei filio expostulem, ita in immensum creuisse illorum, qui Christum gratis affligunt, copiam, ut omnem prorsus excedant numerum. Confortati sunt, Hebræi habent, corroborati sunt, seu inualuerunt. Vnde Paraphrastes: Totis, inquit, uiribus aperi subuertere me. Cuiusmodi uerò illorum fuerit uis & conatus, in sequentibus aperit Vates, inquiens: Quæ non rapui, tunc exolvebam: hoc est, de illis dare poenascogor, quæ nunc admisi. æquè enim nonnulla restituere renumerareque me impellunt, ac si, quæ illorum sunt, rapuissem. Id sanè tum uatem alium præuidisse censeo, cum Deum iniquitates omnes nostras in Christo posuisse asseruit. Quid unquam peccauit Christus? quid deliquit, ut tam dirè omnium subire criminum multacoactus fuerit? Atqui uersus huius particulam tanquam de se scriptam, ut totus plane est psalmus, benignissimus citat in Ioanne dominus: Vt impleatur, inquit, scriptura: Odio habuerunt me gratis, id est, absque causa. Ita profectò fuere proceres illi synagogæ religiosissimi in Christum, cui pro beneficijs, & his quidem admirandis & multis, calumnias, cruciatus, & mortem tandem rependerunt: præ ludia nimirum, & prædictiones futuræ illius Ecclesiæ, quæ puritatis nutrit, nempe ob



peoblocutores, dolosi, duplices, impuriq; quadruplatores, & infames hæretici, quos omnes suos uocat hostes Christus in hoc psalmo. Veruntamen,

Deus tu scis insipientiam meā, & delicta mea à te nō sunt abscondita. Mos est enim illi, qui falsò accusatus quæcūq; obijciūt delatores diluere niti tur, ut suæ multifariam adductis innocentiae indicijs & testibus, tandem ab humano inauditus iudice sese ad Deum conuertat, clametq;: O Deus, simulatq; nostrates corrupti sunt iudices, ad te, quem nihil, quamlibet obstrusum & secretū, latere potest, cuiq; mea omnis stoliditas animi, atq; peccata, quæ hi mea esse uolunt, idq; iurant & obtestantur, notissima sunt, confugere decreui. Similem fere morem seruasse hīc Christum uideo: etenim inauditus, eiectus, irrisus, conspu tus, in manusq; carnificum tanquam perditissimus latro à timido illo traditus iudice (cū ultro errat iudex, occidit Christum) de quo illud miserandum narratur spectaculum, in quo Barrabbam homicida & seditioso è carcere soluto, innocentissimū agnum Iudæorum tradidit uoluntati ac libidini, crudeli nimirum & sanguinariæ, ut crucifigeretur, quò se uerteret? Cui stultitiā: cui delicta illa horrenda, quorum tanquam repetundarū reus accusabatur, quæ tamen sua esse uoluit, cū nostra essent, expurganda cōmitteret, nisi patri: qui totam filij gloriam in terris è cruce pendere maluit, atq; iniurijs, quàm è uulgi plausu, falsq; principum fauore ac gratia. O doctrinam certè nostris erratis necessariā. Ceterum secretissimū hīc mihi detegi mysterium fateor: iam tum enim quidem primū à Vate præuisum fuit, Christi crucē scandalum fore Iudæis, gentibus uerò stultitiā, sed utrisq; salutē & uitam. Nam certè quidem, quod stultū est Deo, fortius est hominibus. Idcirco hīc Christus absolutissimā suam in Deo sapientiam, insipientiā appellat: mortaliū uerò crimina & peccata, sua; quippe qui omnium reus factus ac præs, omnīū languores in ligno, unde morbus omnis animarum ortum habuit, perferre uoluerit; ut eundem planè fuisse & medicum, & agrotum non ambigeremus. Sed uide aliud clementiæ genus:

Non erubescant, inquit, in me, qui expectant te domine, domine uirtutum: non confundantur super me qui quærunt te, Deus Israël.

Non tanto quidem afficiūt mœrore uir sanctus, ob persecutiones quas ab improbis patit, neq; tanta teneat cura propter insidias calūniasq; sibi paratas, quam to flagrat studio, ne in fide simplices à secundis improborū successibus deterreant. Solent enim infirmiusculi, probi tamen uiri, si quem uiderint ex sanctoribus acerbè nimium uexari, atq; subinde à quibusuis suppeditari, nec inueniri cui curæ sit innoxiorū defensio, nutare in fide, atq; eò interdum adduci, ut cum sanctis consuetudinem habuisse propemodum erubescant. Vide quā consternato animo ac dissipato, ob Christi necem, duo illi discipuli ab Hierosolymis Emaus cogitabant: Sperabamus, inquiunt, quia ipse esset redempturus Israël. En quomodo à spe firma salutis, propter persecutiones ac crucem magistri, excellentissimi descuerint uiri. Quid infirmiores tum egisse arbitramur? Ne id igitur contingat, orat Vates, orat Christus, orat Ecclesia, orat nondum secretum à paleis graui, clamatq;: Ne, quæso, mi Domine, Domine, inquam, qui cūctis & terrenis & cœlestibus imperas agminibus, meū propter infortuniū pudefiant hi, qui te firma præstolant fide: nō confusione, aut animi desperatione, ob meas, quas ab improbis tolero, persecutiones, afficiant: idcircoq; à proborum consuetudine abstineant, quotquot tuam ambiunt amicitiam, ô Deus Israël, illius scilicet hominum multitudinis & dux & custos, qui spreto mundo, à te, ne in istiusmodi rerum ambagibus ac mæandris misere oberrent, diriguntur.

Quoniam propter te sustinui opprobrium, cooperuit confusio faciem meam. Ecce cur patit Christus, tum causa, tū ratio: nēpe iustitia, ac Deus. En summa



**C** felicitatis animæ, en arrha salutis, en prisce fœderis cum Deo sanctio: pro Deo utiq; proq; eius tutanda religione, sceleratorū iniurijs expositam esse innocentiam, Adeo, inquit, impiorū calumnijs & irrisiōibus obnoxius fui propter te, hoc est, tua causa & iussione, ut uix ui faciē attollere potuerim. Quid; ad tantam enim peruentum est miseriam, quod etiam

Extraneus factus sum fratrib. meis, & peregrinus filijs matris meæ.

A fratribus, inquit, meis, & his quidem uterinis, eodemq; lacte mecum nutritis, alienus spuriusq; reputatus sum, non minusq; ab illis malè habitus, quàm malè habeor ab ipsis meis hostibus & aduersarijs. Heu falsam fratrum fidem, heu feros mores. Me, inquam, innumeris afficiunt iniurijs meæ matris filij,

Quoniam zelus domus tuæ comedit me, & opprobria exprobrantium tibi ceciderunt super me.

Apertior adhuc infertur causa, quam obrem persecuti sint Christum Iudæi: ob zelum nimirū Dei honoris, qui in ea maximè deprehenditur domo, quam, quoniam diuinæ consecrata est semel religioni, negociationibus amplius, aut turpi quæstui seruire minimè fas est. Proinde iustissima fuit seruatoris excandescencia, quando perspecta templi ob nundinas corruptela, factiq; de funicularis flagello, omnes eiecit, oues quoque & boues ui exclusit, subuertiq; numulariorum æs ac mensas, dicens: Auferte ista hinc, ô perfidi, mentitq; sacerdotes & Scribæ, iam pridem uestram ob ambitionem & auaritiā cœlo inferens, si, & nolite facere domum patris mei, domum negociationis. Abite, inquam, domo Dei, qui Deum mille interuersis dolosisq; & fraudulentis inhonoratis contractibus & uersuris, auarissimi decoctores: in domo quippe Dei diuina tractari debent, non prophana, non turpia, non ita auara & inæqualia, ut qui præfunt, in delicijs uiuant, qui uerò subsunt, in edia contabescant, & pereant. Zelus in hoc loco sancta est æmulatio, flagransq; spiritus permotio, qua quis ob diuinum neglectū honorem ualde excandescit: quam cōmotionem in Christo tum fuisse senserunt apostoli, cum uisa institutorum pecorumq; è templo eiectione, recordati sunt, ut inquit Ioannes, quia scriptū erat: Zelus domus tuę comedit me, hoc est, me absorbit, seu, ut quidam ex Hebræo uertūt, torquebat me. quocirca causam tam iustæ cōmotionis subiungit ilicò, dicens: Opprobria exprobrantium tibi ceciderunt super me. cuius sensum sic exprimit Paraphrastes: Quia summo studio conatus sum tueri maiestatem tuam, idcirco probra, quibus probrose affecerunt te, tam me habent malè, quàm si ipse ego probris illis affectus essem. Vides ardentem Christi erga diuinum honorem animum: uides flagrantem illius affectum, ô tu, cui nihil in terris tam charum est, quàm propriū cōmodum & celebritas: uides qua de causa fleuit innocens: cōquestus est Dei iniurissimus: nempe propter mortalium impietatem, procliuatēq; in Dei iniurias, ob quas diluendas nihil non contumeliarum à suis perpeffus est impatiibilis & immortalis. Quantum hinc nobis flendum esset, qui tam longè ab istiusmodi humanitatis officio extorres sumus. Debemus certè, ut inquit Paulus, imbecillitates infirmorum sustinere, & non nobis placere, quemadmodum Christus sibi non placuit, sed sicut scriptum est, Improbria improbrantium tibi, ceciderunt super me. Exemplum sanè id est mirabile in oculis tum nostris, tum illorum, qui libenter præfunt cæteris. Etenim subditorum peccata, aut paterno corrigenda sunt affectu, aut tegenda omnino: atque id omne summo cum præfulum mœrore & luctu: non crudeli exasperanda fieri nonnunquam cernimus, quibus maxima ingenij esse solet acrimonia tum in spargendis disseminandis que in uulgus subditorum erratis, tum in confingendis nouis, quæ propria dæmonum ars est, atque acuitas. Haud ita quide agebat



Agebat Christus, quod si non credis, quid in sequentibus asserat, animaduerte. Et operui in ieiunio animam meam, & factum est in opprobriū mihi. Et posui uestimentū meum cilicium, & factus sum illis in parabolam. Aduersum me loquebantur qui sedebant in porta, & in me psallebant qui bibebant uinum.

Volens amantissimus nostri Iesus, suū erga peccātes ostendere mœrorē, his uisur uocibus, quę ingentē inter homines prae se ferre animi dolorē cōsuecūt: nempe, luctus, ieiunij, sacci, opprobrij. Quid homine sic affecto tristius? quid lugubrius? Illud notandum, in principio literæ uocē Fletus, Hebręis esse, quare sic Fel. Et fleui dum esset in ieiunio anima mea. Campensis ferē idem; Si quando, inquit, fletu & ieiunio affligebam me, ipsi probro uerterūt id mihi. Cæterum per ciliciū, saccum, culeum, cinerē etiā, & ieiuniū, in scripturis luctuosum hominis statū intelligi uolunt doctiores: symbola quippe sunt hæ uoces pœnitentie, unde illud quoq; alio tropo in Job legitur: Saccum, inquit, accinxi super cutem meam, & infixi in puluere cornu meū. Quocirca alio in psalmo suum exprimens dolorem Christus propter hominum scelera, ita ait: Contristatus sum in exercitatione mea. O felicem luctum & mœrorem, cum pastor pro errante atq; infirma luget ouicula, non triumphat super contritionem gregis. Luxerunt, inquit quidam, sacerdotes, ministri domini, dicentes: Parce domine, parce populo tuo. Iam illud considerandum, quomodo inter mœroris indicia, quo afficiuntur hi qui in luctu sunt, derisiones, atq; opprobria, quę in pios à petulanti iaciuntur uulgo, præcipua esse uidentur: sed illa omniū maxima, si à primatibus & pastoribus, unde dolor atq; cōmiseratio expectari debet, proueniunt. Ideo non immeritò hic queritur Christus, suum luctum pro peccatoribus assumptum, tam atq; illis, qui in portis urbium aut templorū, ubi optimates confident, resq; dissimulant, ubiq; frequentia hominū conuenticula fieri consuecūt, ut plurimū ponendi occasiōem prestitisse. Sed ne potum hic omnem uini moderatē sumptum reprehendi existimes, clarius à Paraphraste res sic tota exprimitur: Pessimè loquebantur de me, sedentes in porta, primores ciuitatis: carmina cōponebant de me, qui potabant uinum in tabernis. quo heluones, comedonesq; turpillimæ uitę homines intelligere spiritum non dubitemus. Verū tu uide, quod nostrę dirigendæ sint curæ & studia, cum ab istiusmodi probitatis lue & perniciē, maledictis impetimur, uel eò maximè, si cum illa hi, qui in portis & exedris sedent, conspirare uidentur: uide, inquam, quid de se perfectissimæ iustitiæ asserat artifex:

Ego uerò, inquit, orationē meā ad te dñe, tempus beneplaciti Deus: in multitudine misericordiæ tuæ exaudi me, in ueritate salutis tuæ.

Sic perpetuant hunc uersum Hebræi. Eclipsis plena hæc est reticentiæ, qua maximo in dolore uti consuecimus: ex frequentibus enim suspirijs, udisq; singultibus, uocis organum interceptum abrumpitur, concisq; ea quę dicenda sunt, profert. quare is esse sensus uidetur: Dum me irriderent impij, & tam piū meū ludibrio haberent fletū, ego interim orationē meā ad te dñe, scilicet direxi: quod sanè tempus à tua manat uoluntate. Quod nos legimus, tempus, Felix habet, tempore, unde sic ille: Tempore beneplaciti, Deus, orationē scilicet meā direxi. Paraphrastes autē aliū, haud multū tamen huic dissimilē, adducit sensum. Ego, inquit, cōtra hæc omnia, nihil aliud q̃ precatione mea apud te hoc egi, ut cito adueniat tempus, quo tibi libeat succurrere mihi. Id esse uidet Christiani omnino animi officium, improborū iurgijs & maledictis, orationes, nō iurgia aut



C maledicta opponere: alioquin hinc atq; hinc quaquaversum, mutuis insaniensibus inter sese odijs atq; iniurijs hominibus, tranquillissimus ecclesiæ status confunditur, atq; in immanes quosdam sensim transitur mores & ritus, quos bellui nos magis, quàm Christianos appellari consentaneum erit. Verùm simulatque passim fermè emergunt pericula,

In multitudine misericordiæ tuæ exaudi me, in ueritate salutis tuæ. Iucundissimū id est quod hīc dicitur. Secundum immensam misericordiam tuam, inquit, quæ tam latè patens est atq; ampla, ut omnes amplectatur, exaudi me, ferq; opem ac salutem, quam ueram certamq; esse nō ambigo: id enim, in ueritate significare uolunt, præter illud quod ad æternas Dei pollicitationes spectasse Vatem censeo. Vnde Augustinus: Misericordia, inquit, dimittendo peccata, ueritas reddendo promissa: hæ duæ quidē sunt alæ, quibus arcæ olim propitiatorium mira obumbrabat religione: quibusq; ornatī esse debent in ueritate igitur tua, qua certissimam mihi impartiri pollicitus es salutem, me adiuua, muni, tutare.

Eripe me de luto, ut non infigar.

Non immergar, uertit Felix: per lutum enim, cuius superius mentionem fecit, dicens, Infixus sum in limo profundī, uitæ incōmoda, & angustias, significari diximus, quibus omnibus singillatim omīssis, ad totius rei caput, quod est perditorum hominū odium, transit, dicens:

Libera me ab his qui oderunt me, & de profundis aquarum.

D Odit sanè proborū uitam mundus, odit dæmon, odit homo illē, de quo queritur Salomon, quod prauo corde machinatur malum, & omni tempore iurgia seminat. quocirca suorum ignorantiam & ignauiam pungens Christus, sic suos alloquitur discipulos: Nolite mirari si odit uos mundus: scitote, quoniam priorem me odio habuit. Ergo qui Christi sectatores appellari efflagitant, cur mundi odia pertimescunt? Cur aquarum profunda, quæ sunt inextricabiles humanæ uitæ aduersitates & molestiæ, pauidi, Deo duce, qui ante nos intrauit, uadumq; complanauit, ingredi reformidant? Quod si tamē cum hīc, tum aliàs Dei filium pericula timuisse, atq; proinde opem, ne periret, à patre implorasse, lege re contigerit, id putes uelim, non sibi omnipotentissimum timuisse, sed nobis, sed suo figmento, quod uitro fragilius esse nouerat: penè dixi, uoluerat: quod omnibus sub peccato cōclusis, ipse omniū misertus, omnibus clementiæ sinum aperiret. Vide, homo, quomodo tuo in hoc pauore constitutus, uarias, flagrantēq; inculcat translationes Dominus Iesus.

Non me, inquit, demergat tempestas aquæ, neq; absorbeat me profundum, neq; urgeat super me puteus os suum.

Viam enim illam necessariā, qua itur ad Deum, angustiarū nimirū & aduersitatum, quò nostræ consulat tēritudinī, limum appellat, lutum, profundas aquas, tempestatem, marisq; altitudinē, ac puteum, cuius os terrifico pateat hiatus. Cæterum, urgeat, Hebræis est, obfirmet, seu, ut uertit Felix, claudat, aut cōstringat. quod uerbum fusius pertractat Campensis, dicens: Neq; cōcludat me puteus operculo suo. Quod quis enim in profundum cadat puteum, periculosum admodum uidetur: sed illud spe absq; ulla exeundi periculosissimum, si graui obfirmet operculo putei os. Infigar, ex Hebræo uerti poterat, immergar, seu obruar, ut dixi. Ne inuoluat me, reddit Paraphrastes, fluctus aquarum; neq; absorbeat me profundum. Ideo

Exaudi me domine, quoniā benigna est misericordia tua: secundum multitudinem miserationum tuarum respice in me.

Cum



Cum hominī inter angustias sese torquenti in mentem uenit, quā benīgnus sit ille, atq; misericors, qui miseris suppetias ferre cōsuecit, nulla est munitiuria, quā toleranter, sedatoq; non amplectatur animo. Verū interim tam felicissimum bonum, & munus, ut Dei est clementia, ardentissimo nō cessat implorare desiderio, affectuq; quodammodo urgere, ut in repetitis, concitatisq; eiusdem sententiæ uerbis in hoc psalmo uidere licet. Quid his uocibus concitatus? Exaudi me domine, quoniam benigna est misericordia tua, secundum multitudinem miserationum tuarum respice in me.

Et ne auertas faciem tuam à puero tuo, quoniam tribulor uelociter exaudi me: intende animæ meæ, & libera eam, propter inimicos meos eripe me.

Quem non mouerent tam lachrymabiles doloris notæ? quid non exorarent? Nonnulli ex Hebræorū interpretibus dictionem, miserationum, quā noster interpres, quō modum in Deo multiplicem significaret miserendi, plurali uerbo numero, humanitatem, qui habitus est animi ad misericordiam pronus, uertunt. Responde in me, melius secundū Hebræos transferri poterat, responde mihi hoc est, meis uotis annue. Idcirco haud multò post adiecit, Intende animæ meæ. Caterū, ne auertas faciē tuam, idem præ tendit quod, ne faciē tuam à seruo tuo indignabundè, ut solent offensi & irati, auertas. Moueat te, inquit, tua ingenta illa ab æterno bonitas; moueat clementia, moueat fides, quā tuos non diutius in miserijs perseveraturos promissisti. Moueat & illud, quod seruus tuus ego sum, & is quidem, qui tibi à puero, uel in medijs ipsis mundi blanditijs, aduocatus & iniurijs, obsequens fui. Moueant te tandem inimicorum meorum blasphemiae, iunctaq; cum impietate contumeliæ ac probra. Ad quem, oro, mortaliū mihi erit confugiū? Væ mihi, si in ærumna aliqua cōstitutus, in hominem leuatur fallacem & ingratum aspexero; non est enim inter illos quibus mea dolere coaceruant. Maledictus itaq; sit homo ille, qui confidit in homine: si quidem, quod ad me attinet, circumspexi, & non erat auxiliator. Imò subsidij loco, dederūt in escam meam fel, crucem nimirum & mortem. Verū quid tibi meas omnium cognitori singillatim enarro calamitates?

Tu scis improprium meum, & confusionē meam, & reuerentiam meam. In conspectu tuo sunt omnes qui tribulant me, improprium expectauit cor meū, & miseriam: & sustinui, qui simul contristaretur, & non fuit, & qui consolaretur, & non inueni.

Certè, mi lector, si in te naturalis saltem esset animi sensus, & cōmunis, hisce miserandis auditis filij Dei querelis, perspectoq; dolore, quem pro te non reposses. Caterū cōfusus parum reddita hæc est litera: quocirca, ut clarior fiat sententia, seu potius à scribis transcripta, raro sensum coherentē, sibiq; constantem exprimit. Sic itaq; Fel. Tu cognouisti opprobriū meum, & confusionem meam, & ignominiam meam: coram te sunt omnes tribulantes me: opprobrium contulit cor meum, & afflicus sum, & expectaui commiserescerem, & non fuit: Tu nosti utiq; quibus probris, quo pudore, quaq; ignominia afficiāt me hi tan fecit totum me. Expectabam qui misericordia motus consolaretur, sed nullus aduenit: aut qui ægrum animum non nihil recrearet, sed nullum inueni. Porro quid sibi uelit dictio, reuerentia, in nostro interprete, non intelligo, atque magis adeo id, quod neq; Hebræi neq; Græci reuerentiā legunt, sed ignominiam,



C ut etiam in Hieronymi translatione uideri potest. Verbum uerò, expectauit, an ita ut exponunt nostri, huc quadret, uiderint alij: nos enim literæ illi, quæ germanum uidetur referre sensum, non inuiti adhæremus. Sed unicuique suus inest gustus, tantum meum simpliciter afferro. Videor mihi certè uidere amatissimum nostri Iesum in immensos coniectum cruciatus, non nouos alios, ut ipsi asserunt, expectasse, sed consolatorem potius, & condolentem: quanquā res secus atque debuit accidisse uisa est. Ideo in incœpta perseverans querimonia, sic suum testatur dolorem:

Dederunt in escam meam fel, & in siti mea potauerunt me aceto.

En quò processit Iudæorum crudelitas, atque efferata mens, ut Christo, nempe uitæ omnis auctori, in cruce sitiienti & moribundo, pro extremo, quod concedi solet etiam piratis in equuleo morituris, solatio, fel aceto temperatum porrexerint: indicium quidem amarissimi illorum animi in Dei filium: indicia inquam & certissimæ rerum illarum, quæ sequuturæ erant, prædictiones. Oro, quid unquam suauius, amœniusque uisum est in terris, quam Christi iugum, atque eius religio & cultus: contrà uerò, quid amarius, quid uè austrius, quam ea, quæ à nonnullis tam felici ac leui addita sunt, addunturque continuè oneri: Verum feruidis in Deum animis etià illa, quæ acerbissima uidetur & dura, amœnissima sunt & grata. Est & aliud amaritudinis poculum Christo animam in pœnis agenti, hoc est, innoxio cuilibet à mundi malis oppresso, propinatum, cum illis quidē ipsis, quibus propter asperam grauemque persequutionum aut peccatorum interdum molem, qua miserè arctantur, consolationis uerbum & suauitatē admoueri par fuerat, uerbum iniquum, uerbum asperum, uerbum desolationis & ruinæ impingimus. Heu crudos animos, dignosque qui scopulis magis ac duris imperent cautibus, quam hominibus. Vide mi lector, quomodo istiusmodi pœnæ genus in ultima suorum cruciatuum enarratione, tanquam omnium atrocissimum, seruauerit Christus. Atiam quid his, aut horum simillimis imprecetur spiritus, consideremus.

D Fiat mensa eorum coram ipsis in laqueum, & in retributiones, & in scandalum.

Mensæ uocabulum maximo est usui in scripturis, qua non tantum cibus & potus signatur corporeus, quantum aquæ sapientiæ refectio. Deique uerbum, ac in qua cœleste diuini gustus manna semper præstò est, lex. Vnde in alio psalmo ita de se loquitur Vates: Paraisti in conspectu meo mensam, aduersus eos qui tribulant me. Verum hæc mensa, is cibus, hoc symposium cum sit perfectorum, mundi uoluptatibus addictis sit sæpenumero in laqueum & ruinam, dum lucem quæ passim à scripturis, tanquam à sole radij, emicat, tenebras appellant & caliginem. Quare obcæcati miseri cum nihil certi suis in consilijs atque actionibus statuere ualeant, huc atque illuc distracti dissipatique, uelut amentes impelluntur: hincque illa potissimum, quæ in sapientioribus plerumque huius mundi hominibus insunt mala, nempe ambitio, fastus, superbia, ac iuncta cum Dei neglectu arrogantia, ortum habent: quocirca mirum minimè id esse debet, si suis in iudicijs ac diffinitionibus tanquam cæci oberrant, in ipsoque hallucinantur meridie: nam mensa ista facta est illis in laqueum, & præcipitium. Mensa itaque duplici illis ratione extio esse solet: aut illa quidē, quæ Dei uerbo ornata est: aut illa, quæ epulis & comotationibus onerata, quò prorsus unde gaudium & lætitiā haurire opinantur, moerorē hauriāt, luctum, confusionē, quæ quidem illis ea apta est retributio, cuius hic meminit Christus: Par pari, inquit, redde illis, o pater: ut qui mihi sitiēti fel aspero commiscuere aceto, ita suæ illæ delitiæ, atque oneratæ luxu atque ambitione mensæ, sint eis in perniciem, atque pro allata mihi amaritudine, in compensationem. Huic quidem sensui litera quam habet Felix, qui non retributionem, sed pacifica uertit, inferuire uidetur, sic ille: Fiat mensa eorum coram ipsis in laqueum,



queum, & pacifica in scandalum, hoc est, ut ipse interpretatur, ea quę solent expectare tanquam pacifica, reuertantur in offendiculum. Insuper

Obscurētur oculi eorū ne uideant, & dorsum eorū semper incurua. Dirarum plena hęc est Vatis imprecatio, & prædictio. Siquidem in scripturis, dorsum incuruari, seu nutare lumbos, ut hīc legunt Hebræi, est falsis deprinid doctrinis & opinionibus, in uanitatēq; sensus ambulare, ut quondam gentes ambulasse queritur Paulus: Hi enim, inquit, tenebris obscuratum habentes intellectum, alienant se à uita Dei per ignorantiam, quę est in illis propter cecitatem cordis ipsorum, qui desperantes semetipsos tradiderunt impudicię, in operationem immunditię omnis in avaritiam. En quomodo miserrimē isti omnium obcæcati incuruatiq;, suapte culpa à Deo in omnem tradi uitę turpitudinem sinunt. Putāsne uatem Esaiam de istiusmodi hominum illuuię, qui Chridixisse: Excæca, inquit, cor populi huius, & aures eius aggraua, & oculos eius claude, ne fortē uideat oculis suis, & auribus suis audiat, & corde suo intelligat. Dura certē retributiō, sed illis debita, de quibus sic loquitur Ioannes: Cū tanta signa fecisset coram eis Iesus, non credebant in eum. Quid non cœlestium etiamnum conspiciamus signorum? quanta beneuolentię diuinę indicia? quanta charitatis? quanta patientię? attamen sua, hęc omnia amoris argumenta, nonnulli superant malitiā, atque in sceleribus obstinatione. Quare domine uermeriti sunt,

Effunde super eos iram tuam, & furor irę tuę comprehendat eos. Fiat habitatio eorum deserta, & in tabernaculis eorum non sit qui inhabitet.

Sit palatium eorum desolatum, uertit Felix. Omne hīc genus pœnarum illis cōtingere precatur, cū Dei indignationē, iręq; furorem in eos effundi rogat, instatq;, quō omnimodam intelligamus illorum extinctionē, ne quis ex eorum posteritate relinquantur, qui illorum ædes inhabitet. Adeō, inquit, eos, eorumq; progeniem funditus dele, ut illorum prorsus solitarię reddantur domus, & palatia (inquam) tanta cum pauperū ruina & calamitate structa. Huic adteratur uaticiniō Seruator, qui ex calamitatibus illis, quę sanctę obuentu-  
Eccerelinquetur domus uestra deserta. Vis ne quis sit furoris domini effectus non nescire? audi quid in Vate illo cōminetur: Ecce, inquit, furor meus & indignatio mea cōflatur super locum istum, super uiros, & super iumenta, & super lignum regionis, & super fruges terrę, & succendetur, & nō extinguetur. Alio-  
runt: hoc est, adeō omnem tuam effusē in eos euome indignationem, ut nihil, quemadmodum in uase funditus euerso sit, reliquum remaneat.

Quoniam quem tu percussisti persequuti sunt, & super dolorē uulnerum meorum addiderunt.

Subdubius huiusce uersus est sensus, propter lectionis uarietatem. Felix, Et super dolorem uulneratorum tuorum narrabunt, transtulit. Idem fermē ceteri ex Hebræo: cuius is sensus uidetur esse, quō nefandissimi illi ad tantam animi deuenerē immanitatem, ut cum derisione & gaudio, de illis qui propter Deum uulnerati fuere & afflicti, mutuō commentantes enarrauerint. Siquidem piorum pœnis quamlibet acerbis, nūquam satiantur improbi: nihilq; iucundius in uita ducunt, quā probitatis studiosos molestijs excruciarī cernere. Vnde sic paraphrastes: Quem tu percusseras ipsi persequēbantur, & grauitatem uulnerum, quibus tu uulnera ueras me, alijs cum uoluptate narrabant. Alij uerō Kimhi Hebręum sequuti, illum habere sensum opinantur, quem uersus ille alterius



C psalmi habere uidetur: Deus dereliquit eum, persequimini & comprehendite eum: hoc est, derelictum à Deo infectamini. Obsequiū id ingens erit Deo & religioso, si uulnera uulnerato, molestiasq; molestijs illi addiderimus. Quam incundum profectò id est, nostrum uidere hostem à Deo percussum, fugatum, afflictum. Ita cum risu suam inter sese exponunt animi sequitiam in illum, quem destitutū à Deo arbitrantur, Sed errant improvidi: siquidem integerrimos quosq; uiros à Deo tum percuti existimamus, cum tandiu cū mala cōflictare fortuna sinuntur, quatenus ad melioris uitæ usum collimentur, perficianturq; in illo, ad quem utiq; nullo alio itineris genere, præterquam crucis, peruenire posse arbitrantur, atq; ita esse triūphant. Verū inexprabile fermè ab illis cōmittitur scelus & flagitium, qui sic quassatum è manu Dei calamū, quod uetat fieri spiritus, conterunt. Quid tali monstro inhumanius? At tu domine cōpletis iam tandem Amorrhæorum iniquitatibus, simul ut se à uulgo ignorari opinantur,

Appone iniquitatē super iniquitatē eorū, & nō intrent in iustitiam tuam. Deleantur de libro uiuentium, & cum iustis non scribantur.

Hic quidem est finis illorū, qui Christū in electis amaro potant felle, quæ sanæ crudelitas etiamnum à Christo immortalis iam facti, dirior, magisq; amara ducit, quàm illa tum fuit aceti potio, quā sibi in cruce penè exanimato, à minusq; hi sunt impijs porrigi sensit Iudæis. Ne igitur impurissimi isti diutius, mi Deus, in te debacchentur nebulones, bonorumq; suorum omnium cū naturæ, tum rationis & ingenij ridiculè asoti, sine eos labi de scelere in scelus, de iniquitate in iniquitatem; atque ita à tua exclusi iustitia, quam fidem esse non ambigimus, de uitæ libro, in quo saluandorum duntaxat numerus aureis indelebilibusq; inscriptus est literis, expungantur. Librum hinc uitæ, seu uiuentium, breuiter, nefusius quàm par est diuagetur oratio, æternum Dei est propositum, quo uocatio simul & iustificatio connixæ eam in nobis excitant cognitionem, e qua nostræ animatæ mentes, illud persuasum habēt, quod quos semel præsciuit Deus, hos & prædestinauit conformes fieri imaginis filij Dei. Quæ sanè indelebilis est saluandorum conscriptio in Dei libro, ex quo impossibile est expungi oblitterariq; illius nomen, qui semel digito Dei scriptus est. Quocirca Christus discipulorum animis certam salutis persuasionem infigi cupiens, aiebat: Gaudete, quia nomina uestra scripta sunt in cœlis: hoc est, gaudete, quoniam certissima uestra est salus. Quod uerò reprobi de felicissimo illo codice deleri dicantur, eum habet sensum, quem caute admodum subiunxit uates: Et cum iustis, inquit, non scribantur, ut omnino idem sit, impios è libro uitæ tolli, quod, cum iustis non scribi. Dele, inquit, eos de libro uitæ, facq; cum iustis haudquam scriptos esse cognosci: idcirco tanquam sua spōte perditos & deploratos ab omnibus uitari. Sic quidam: Hi, ait, facile ex uerbis & factis se non esse ascriptos in librum prædestinatorum ad uitam, declarant: quandoquidem uocationis suæ & iustificationis signa non apparent. Puto quidem de his dici, qui nullo stimulo aut futuri iudicij, aut conscientia propria deterriti, semper mali sunt. Ego autem (ut quis sim ingenuè fatear, non enim crucis ignominia erubesco)

Ego, inquam, sum pauper & dolens, salus tua Deus suscepit me.

En quò traxit uniuersorum dominum pro te, ô homo, charitas & beneuolentia. Nihil unquam tam commiseratione dignum uisum est, quàm pauper & ærumnosus ab omnibus calcari. Sic fuit Christus in terris, sic tales admauit Rex regum delitias. Vt igitur desolatum seruum ad sese traheret, felicissimacq; æternorum bonorum ditaret copia, se eiusdem fuisse sortis cum illo prædicat dicens: Ego pauper factus sum, ut tu, ego dolens, ego imbecillis, ego ille, cuius anima tristis facta est usque ad mortem. Sed te omnium ingratisimū merito perfidiæ damnare possem: nam si quempiam saltem circumspectiorem dolentem



dolentem uidere cupio expectoq; nemo homo est: si consolatorem, tantumdem. O ingrātū hominem: siccine meum mihi rebelle factum est figmentum? nulla ne in terris relicta est charitas? O principes, ô synagogæ proceres & optimates, semper ne uestro à conspectu lacera, inauditaq; exhibet innocentia? semper ne irrisioni uobis erit pauper, miser, dolens? Non est qui audiat, non est qui uel oculum uertat, etsi laborauerim clamans, raucaq; factæ sint fauces meæ. Me certè insipientem, qui cautes aut rupes ad commiserationem fleâ posse arbitratus sum. In te igitur, ô uere, purissime, amorisq; inexhausti postquam furdi facti sunt homines, & illi quidem (malum) e quorum uisceribus, ob religionis umbram, sub qua lautè pollucibiliterq; ociantur, summam expectari par fuerat clementiam & humanitatem. Verumenimuerò quid frustra præstolor? En iam salus tua ô Deus, non tua ô homo, suscepit me, amplexataq; est ærumnosum. Quare

Laudabo nomen Dei cum cantico, & magnificabo eum in laude.

Solennis est Vatis consuetudo & mos, ut enarratis longis quasi periodis Dei tum in se, tum in omnes generatim uita integros beneficijs, psalmum diuinis concludat laudibus, ut in hoc uidere possumus. Ob reportatam, inquit, salutem, spiritualibus hinc inde resonantibus gratiarum actionum canticis, illum magnum, immensum, superq; laudem omnem superiorem & excelsum, prædicabo. Gratius id quidem erit Deo, quàm si bouem obtulero, aut uitulò cornua producente & ungulas, litauero. Sic noster interpret:

Et placebit Deo super uitulum nouellum cornua producentem & ungulas.

Non uitulum nouellum legunt Hebræi, sed, bouem & uitulum. Afferit enim (quòd piam Euangelij considerare queas imaginem) ardens Dei laudandi studium, sacrificijs illis antiquis longè præstare, proindeq; diuino gratius esse conspectui. Atqui sententiæ istiusmodi Vatis diuus succinens Augustinus, sic ait: Sacrificium laudis gratius erit, quàm sacrificium uituli. Alius rursus ex nostris: Laus puri cordis plus placet, quàm mactatio pecudum. Quocirca Christus huiusmodi cruentum sacrificandi ritum abolendum esse sciens, sic apud Samaritanas mulierem futuræ ex gentibus Ecclesiæ effigiem adumbrantem alloquitur: Venit hora, & nunc est, quando ueri adoratores adorabunt patrem in spiritu & ueritate: nam & pater tales quærit, qui se adorēt. En quomodo tantus sacrificandi labor & sudor, in tantillum animi candorem & puritatem desijt. Vitulum cornua producentem & ungulas, seu, cornutum & ungulatum, ut uertunt nonnulli, uitulum appellat selectum robustumq; atque subinde (modò per latos allegoriarum campos spaciari haudquaquā animus est) idoneum ad sacrificium. Cum itaq; nudus eterno patri gratus sit animus, hoc est, à munere plane indigus, Videant pauperes & lætentur: quærite Deū, & uiuet anima uestra.

Ouos (inquit Christus) qui mecum in curriculo hoc uitæ miserando perambulastis in tentatione, quicq; mundo infensi estis, & odiosi: uos qui ditissimam lat, uitam meam haud absimilem agitis: uos dico, quibus oculi dati sunt ut uideant, uidete quid mihi gloriæ per tentationum laborem paratum sit à patre meo. Videte per me, quò uobis eundum sit. Non me quidem unquam pater in ærumnis deseruit: ita neque uos, quos mecum per gratiam unum esse uoluit, deferet. Videte, perpendite, contemplantini, quærite uia fidei Deum, quæ uita



c est animæ: quo sanè inuento, ea uiuetis uita, quæ abscondita est in illo, proinde illis tantummodo cognita & parata, qui tamen in mundo sunt, de mundo tamen non sunt, Ne uereamini,

Quoniã exaudiuit pauperes dominus, & uinctos suos nō despexit.

Id nimirū benignitatis indicium in Deo nouum non est: siquidem uel ab ipso primo mundanæ pulchritudinis initio semper exaudiuit pauperes: & uinctos suos, hoc est, sub impiorum potestate & tyrannide, illius ob nomen detentos & pressos, non despexit, sed benignissimè exemit. Propterea

Laudent illum cœli & terra, mare, & omnia reptilia in eis.

Soluti quidem à catenis cū peccati, tum mortis, homine per Christum, quibus miserandum in modum uinctus tenebatur, non solum ipse, atque illius custodes angeli, tam amplum mortalium generi congratulari debent beneficium ac donum, uerum etiam condita omnia, quæ corruptioni obnoxia, ut inquit Paulus, ingemiscunt adhuc expectantia redemptionem filiorum Dei, quæ est Ecclesia per Christi sanguinem acquisita: cuius imaginem à Vate hic in spiritu præuisam fuisse persuasum habeo. Vidit enim uir sanctus affore aliquando, quod diuini uerbi semen per uniuersas latè orbis regiones spargendum esset, quibus imbre spiritus fecundatis, atque in uatiam pulcherrimamq; frugum copiam erumpentibus, is nasceretur orbis decor & elegantia (hæc est fides) quæ una esset Dei sponsa, formaretur. Idcirco quò diuini muneris excellentia profundiori consideraretur sensu, & cœlestia, & terrena, & quæ maximis ornata sunt insulis, maritima, ad supernas cognoscendas laudandasq; operationes inuitat, Laudent, inquit, illum cœli, laudet terra, laudent maria omnia, & quæcun que in eis natant, ac uiuunt.

Quoniã Deus saluam faciet Sion, & ædificabuntur ciuitates Iudæ, & inhabitabunt ibi, & hæreditate acquirant eam.

Ecce palàm Ecclesiam, magni nimirum Dei speculartricem, saluatū iri prædicit, templaq; erigenda. templa autem: ciuitates, imò uerò ipsas potius integras & regiones, uiuissimè & parietibus exedificandas. Clamat Esaïas: Aedificabunt filij peregrinorum muros tuos, & reges eorum ministrent tibi. Muri itaq; Ecclesiæ, sanctorū sunt animæ: ne tu aliquando baptisimi spe solum tumidus, aut ordinum & tonsuræ prerogatiua elatus, te ad Ecclesiæ structuram absq; sanctitate pertinere somnies. Putamus ne Apostolum temerè atque imprudenter illud Ephesijs indicasse? Estote, inquit, imitatores Dei sicut filij charissimi. Atqui illud sanè tunc Paulum spectasse arbitror, quod à sapientissimo Ecclesiæ suæ architecto dictum audierat: Estote, ait, perfecti, sicut pater uester dilectus perfectus est. Iam quid hîc non diuidunt de perfectionum gradibus pariter rerum acutissimi: Diuisiones certè, atque in diffiniendis rebus sacris partitiones non reprehendimus: sed eousque tamen, ne in consuetis Christi tunicis turpissimis pateat scissuris. Illud tantum dicam, perfectione iussam esse Christianis à Christo, quando dixit: Estote perfecti. Diuidant modo ut lubet perfectionem, atque in frustra secant qui uolunt: is finis est noster. Qualis uerò haberi possit in hoc mundo, aut quæ sint ea, quæ ad assequendam istiusmodi perfectionem, propter quam Dei imitatores efficimur sicut filij charissimi, si inter rogor, dico fidei esse atque dilectionis unitatem, quibus quidem tanquam columnis, ac fundamento, sustentata Ecclesia, mirabilem cœlestium rerum gloriam, quæ est Dei hæreditas, ac post puluerulentum uitæ huius cursum & laborem, retributio, etiam in terris (res mira) prægustat hauritq; in Deo. Quare à consueta



consuetudinis fiducia minimè discedens Vates, intulit; Et inhabitabunt ibi, & hereditate acquirant eam.

Et semen seruorum eius possidebit eam; & qui diligunt nomen eius habitabunt in ea.

Omnes enim, quotquot diuinę cōsecrati sumus religioni & cultui, qui mun-  
dissimus esse debet, speciali pręrogatiua Dei serui nuncupamur; alioquin om-  
nia seruiunt illi. Verum ardentiori qui uixerunt fide, ut sanctissimi fuere Apo-  
stoli, atque etiam modò, si qui sunt qui idem cum ipsis seruant, tum uitę, tum  
fidei institutum, pręter seruitutis appellationem, amicorum quoque nomine  
felicissimè dignantur. Horum itaque, illi qui credunt Euangelio, quiq; abie-  
ctis varijs peregrinisq; ut eas uocat Paulus, & doctrinis, & persuasiouibus, uni  
adhęrescunt Deo, semen & filij meritò dicuntur, nempe ex illorum labore &  
predicatione in spiritu prognati. Ac ne diutius in discernendis Dei seruis quis-  
piam occuparetur, additum est illicò: Qui diligunt nomē eius, hoc est, qui Dei  
nomen atque honorem unicè & castè supra omnem alium amorem, & amant,  
& colunt. Amor igitur uia ea est rara, qua ad Deum itur, qui finis animarum  
est, ac summa felicitas. Ad quem qui semel ingressi fuerint, perenni cum eo  
commorabuntur quiete, & beatitudine. Cui honor sit perennis, ac laus in secu-  
la seculorum, Amen.

PSAL. LXX. Psalmus Dauid ad reminiscendum.



Eus in adiutorium meum intende.

Inscriptio huius psalmi atque agumentum, cum idem omnino sit  
cum inscriptione & argumento quadragesimi psalmi, à quintodeci-  
mo uersu exordium sumendo, superuacaneum uidetur eandem cum tituli tum  
argumenti sententiam atque psalmi expositionem repetere. Tantum illud di-  
cam, non posse animum in Dei religione enutritum nō dolere & ingemiscere,  
cum quàm fœdè olim prolapsus sit, labaturq; continuè à uia iustitię, atque adeo  
à Deo, in turpissimas impuritatis lacunas, reminiscitur. Quid cum recolit im-  
mensa Dei beneficia in se collata; contraq; suas in Deum offensiones, atque in-  
gratissimam pro meritis compensationem? heu quanta illi lachrymarum offer-  
turoccasio, quanta suspiriorum, quanta gemituum. Flet igitur suam ingratit-  
udinem, flet amissam gratiam. Flet etiam idcirco, quoniam quantum par est,  
flet se haudquaquā posse conispicere. Ad hæc, putasne illum, qui in maximis, &  
his quidem continuis, ut ea est uitę huius conditio, se prouolutum periculis  
intueretur, posse absq; animi trepitatione miserrimum hunc uitę statum transi-  
gere: Si transigit, aut insanus omnino est, aut à Dei luce destitutus. Aiunt enim  
ex antiquioribus quidam, psalmum hunc tanquam quadragesimi epilogum  
à Vate frequentatum, utpote qui suarum crebrò culparum reminiscens, fu-  
tura non minus extimesceret pericula, quàm præterita non satis cautè præ-  
uiderat. Hinc, credo, usitatus ille demanauit mos, & ritus apud clericos, ut  
quoties laudum una, quę quotidie septenario replicantur numero, incoepan-  
da erit, toties psalmi huius initium usurpent. Sapienter id quidem: nam diuino  
impetrato subsidio, cuncta quę uel agere, uel orare instituerit Christianus, op-  
tine succedere necessariū erit. Verum illud interim nō ambigendum, diuinam  
nulli unquam istiusmodi contigisse gratiam atq; opem, nisi cui pura esset mens,  
sedatusq; animus, ac à turbis semotus. Iam illud quoq; notandum, quartū uer-  
sum, qui tertius Hebræis est, sic à Felice legi: Reuertantur super uestigia consu-



c sionis eorum, quid dicunt, Euge, Euge, id est, me odio persequunt, observantq, quò meum uulgò traducant nomen, famamq commaculent, & uitam. Verum impurissimi uilitigatores in idem ipsum proruant infamiae, & cõfusionis damnum, quod mihi inferre moliantur; atq hoc sanè modo, in execrandis confusio nis eorum uestigijs, tanquam sues in uolutabro uoluantur, reuoluanturq in quinatissimi. Porro Euge dictio, exultantium uox est, & maximo gestientium plausu. Alij ex Hebræo uertunt, uah, quæ uox est insultantis. Nonnullis etiam Euax significantius uerti posse arbitrati sunt, quæ dictio tamen eiusdem ferme est significati, cuius est Euge. Quicquid ex his uerteris, procacem seditiosorū impudentiam & insultationem in prostratā ostendit innocentiam: à quibus tan quam letalibus Cerastræ cornibus, aut Dipsadis morfu, nos, qui libenter impro bis odiosi sumus, eximat Christus; cui cum patre sit laus perennis, Amen,

PSALMVS LXXI.

**I**N te domine speraui, non confundar in æternum. Neque à diuo Hieronymo, neque à cæteris, quòd sciam, Hebræo rum interpretibus aliquis huic psalmo inscribitur titulus: quem au tem in latinis codicibus à Græcis absq dubio sumptum legimus, inter somnia ponendum esse quis non iudicet? Somnijs igitur omiſſis, quæ in psalmis requiri oporteat, uenerabundè inuestigemus. Psalmi huius argumentum cum mul tis commune esse perspicuum est: sed cum illo maxime, cuius initium eisdem planè constat cum uerbis, tum maxima ex parte sentiſſis, ac sensis. Tamen si e nim in nōnullis uocum duntaxat uarietate discrepare uidentur, eandem tamen referunt intelligentiā. Illud compertissimū, Vatem tanquā Christi typum, uen turas contra Ecclesiā suis præsentiſſis ærumnis præsagisse, deplorasseq inu rias & persequutiones: subindeq diuinam sibi precationibus conciliaſſe bene uolentiam, opemq spe fultum orasse, ac tandem, ut flagrantissimo erat spiritu, exorasse, atq proinde laudum uota Deo ipso liberatori nuncupasse. Sed suo in primis more à spe suam auspicatur orationē, utpote totius perfectionis animæ neruo, & robore. Alioqui certè parte hac ab anima illa maxime remota, cui id est propositū, ne turpe aliquod cum mundo fœdus ineat, idcirco maximis eam affici incommodis, atq iniurijs oportere, totum illud suum consiliū uanum esset, prorsusq imbecille, & nihili. Ait igitur:

In te domine speraui, non confundar in æternum: in iustitia tua libera me, & eripe me.

Ne sinas, inquit, spem quam in te collocaui, suo frustrari sine. Non, oro, tanq res uilis, tibiq odiosa, tuo à conspectu cõfusus abigar: quin potius propter tuā, qua perfectissimè bonus es, & misericors, me à malis exime, iustitiam.

Inclina ad me aurem tuam, & salua me.

De hoc loquendi tropo, quo proceræ qui sunt staturæ, se, ut commodius illos audiant qui summissè, uoceq loquuntur tenui, incuruant, in psalmo suprā me morato abundè est dictum. Insignis quippe illa est laus in Principe, cum ipsos quoque publicos onerarios, qui se alloqui cupiunt, non auersatur tanquam in ter blica quædam res est Princeps, qui expositus cum sit omnibus tanquam in ter ris Deus est. Deo autem quid communius? quid magis cunctis obuim? An uerò delicati isti nostrates Principes & Prælati, qui nihil tam refugiunt, quàm subditorum congressum & commodum, nihilq tam impensè amant, quàm car nis commoda & delitias, suum ut decet peragant munus & officium, sciunt hi, quine plerunque fastidiosos illorum mores, mollemq animum & effemina tum offendant, cum illis congredi nō audent; idcirco maximis interdū à magi stratibus



fratribus afficiuntur damnis & iniurijs. Non uult (inquit à cubiculo puer) curis onerari dominus, quiescit, cum uxore iocatur, ludit. Turpe id prorsus, atque in sui domini cōtumeliā dictum. Hunc itaq; mollissimū obiter carpens morem propheta, à Deo, nempe uirtutum omnium exemplari, facilitatem illam quæ in sapiēti principe esse debet, exorare nititur. Inclina, inquit, ô tu qui altissimus es, ad me, paruissimæ qui sum staturæ, aurem tuam, & serua me.

Esto mihi in Deum protectorem, & in locum munitum, ut saluum me facias: quoniam firmamentum meum, & refugium meum es tu.

Vt saluum me facias, Hebræis est, mandasti ut seruares me: nam petra mea & arx mea es tu. Vnde Paraphrastes sic liberius rem trāstulit: Sis mihi instar rupis munitissimæ. Causam uerò: ut iugiter tutò obambulare possim: decreuisti enim serua me, cum petra mea sis, & munitio mea. En quàm facilem & popularem se præbet Deus inuocatus. Putasne forsan altissimum, unum è nostratibus esse pastoribus & magistratibus, qui uim totam suæ magnitudinis in eo positam uideri uolunt, ut grandes solummodo appareant, & incircumscripti? Quis ex illis, qui graciliori sunt animo & timido, tam uastam molem alloqui unquā tentaret: tam illud permultis dignum uidetur lachrymis, cum illi, à quibus tutelam sperare debent homines, & defensionem, suis referunt ciuibus exitium. Nōne cum audis à uate dici, Esto mihi in Deum protectore, & in locum munitum, ut saluum me facias, id cuiuslibet exprimatibus ab unoquoque nostrum dici possit? Esto mihi, inquit, in Deum protectorem: non in lupum, non in in locum munitum, non in hominem natura iniurium, contumeliosum, destructorem. Et in locum munitum, non in locum ruinæ, in locum instabilem, deciduum, periculosum. Vt saluum me facias, non ut perdas, non ut mactes, non ut ueteratorum crimineris, traducasq; atq; humi fligas. Quid? furdus ne à spiritu canitur? Canitur quidem: idcirco ad te, ô qui licet in excelsis habitas, debilia tamen & caducanō aspernaris, confugio, Quare

Deus meus eripe me de manu peccatoris, & de manu contra legem agentis, & iniqui. Quoniā tu es patientia mea domine, domine spes mea à iuuentute mea.

Iniqui, Hebræi legunt uiolenti. Dictionem uerò, legem, neq; græci neq; hebræi codices habent, sed simpliciter ab utrisq; redditur, de manu peruersi, seu agentis iniqua. Quoquo modo uerti literam contingat, extremā quorundam improbitatē intelligi uult Vates: & est numerus pro numero, ut est usitatus loquendi modus, apud prophetas maximè: nisi in signē malis scelestū quempiā intelligere, sibi ceteris infensiorē, latēter pungi à Vate: quod sanè uerissimile uidetur. Achitophelē hunc fuisse arbitror, seu Idumæū illum proditorē Doëch: alterius enim prodicione & dolo nihil non egit rex, quò Dauid tandem post exiliū, diuti namq; in confragosis montiū locis atq; antris fugā, interficeret; alterius uerò cōsilio filius ipse, regnandi cupiditate. Vide quò interdū sæuitiæ prolabať peruer sunt animo furere, atq; in ciues ipsos innocuos insāhire faciāt, sed & ipsos quoq; liberos, tanto cū uite incōmodo & labore educatos, in parētes instigare audeāt. An uerò Doëch perfidia, aut Achitophelis astutia, uel Iudæ etiā Iscariotis auaritia reprehendenda fuerint magis, q̃ principum illorū & sacerdotū leuitas, ac inuēta cum inuidia crudelitas, nō audeo definire, ne uetera illa cōminiscēs, prætare soliti sunt, mimi nimirū in hac miseranda uitæ tragicædia, & frequentissimi, & acuti, & qui significatissimi notant hic uocibus, uiolentię scilicet & iniquitatis. & est sensus, ut elegantissimè illum exprimit Paraphrastes: Mī Deus, inquit, eripe me à tyrannide impij, è manu iniqua agentis, & uiolenti, quia tu fuisti semper



c spes mea domine Deus, & fiducia mea ab ipsa infantia usque in ætatem hanc.  
In te confirmatus sum ex utero, de uentre matris meæ tu es protector meus.

Hæc ferè omnia in psalmo uigesimosecundo explicuimus: id tantum repli-  
care non grauabor, quòd mirum in modum mortalium subleuatur miseria, si se  
quilibet Deo etiã in ipsis materni uteri latibulis, curæ fuisse sibi persuaferit. Sed  
illud non omittendum, principium sequentis uersus huic Hebræis finem esse.  
quare sic Fel. De intestinis matris meæ tu extrahens me, in te laus mea semper.  
Alius item ex eodem riuo: Tu de uisceribus matris meæ secreuisti me, hinc om-  
nem laudem de te consummo. Maximoperè quidem animo minimè ingrato  
delectat Deus. Quocirca quid tum Deo, tum hominibus potest esse iucundius,  
quàm anima in referendis beneficijs, aut saltem in habenda gratia liberalis &  
prompta? Atqui hinc generosum quoddam oriri solet desiderium, ac compen-  
sandi amici meritũ, uoluntas, sed in primis Dei, qui cùm donorũ uastum quod-  
dam sit pelagus, cæteri latentes uix tubuli sunt & cuniculi. Quare cùm in dono  
rum exhibitione nulla sit inter Deũ & homines proportio: illud tamẽ, ut suum  
propriũ, gratus sibi arrogat animus, ut quicquid est, id totum esse Dei lau-  
dem, atque illius nominis celebritatem cupiat, perficiatq;, si potest: quando-  
quidem laus, qua diuina delectatur maiestas, non tantum ore fit, quantum per-  
petuo purgatæ uitæ tenore, atq; instituto, licet is mutus omnino sit qui laudat.  
Verũ noster interpret sic integrum reddit uersum:

In te cantatio mea semper, tanquam prodigium factus sum multis,  
& tu adiutor fortis.

D Tu fiducia mea fortis, uertit Fel. qui & se ipse exponẽs infert: Super te susten-  
tatus sum, uelut nimirum paries cratitius ruinosus, aut uitis decidua, quæ ro-  
bustis fulcitur pedamentis ac fulcris. Tanquam prodigium, inuitatumq; por-  
tentum, semper in terris uisa est perfectorum uita, quemadmodum fuit Christi:  
ideo à mundanarum rerum amantioribus ostentui habita & irrisioni. Vnde nõ  
ab re clamat Paulus, se factum esse cum suis spectaculum mundo, & angelis &  
hominibus. Nos, inquit, stulti propter Christum. En quomodo piorum sapien-  
tia, tanquam stultitia à mundo existimeretur. Mirantur sanè improbi, & qui tam  
foedè, pertinaciterq; in peccatis indurere, ut planè illis impossibile uideatur,  
mortalem in terris hominem & fragilem, se posse diutius à carnis inquinam-  
mento temperare. Excellentissimum id est uitæ genus. Consentaneum quippe  
est, ut nitidum miretur læuorem in unione porcus, hoc est, avarus, libidino-  
sus, intemperans, superbus, ambitiosus, popino, asotus, candidam probi uiri  
uitam, nempe liberalem, apertam, pudicam, continentem, humilem, humanæ  
gloriæ contemptricem, ac bene sobriam, non tanquam rem honore dignam,  
sed uti sui dissimilem tum admirantur, proq; insolito habent prodigio, tum cri-  
minantur, pessimisq; incessunt contumelijs & maledictis: ut purissimæ uitæ  
Christi contigisse legimus, qui alio in psalmo sic de se loquitur: Omnes uiden-  
tes me deriserunt me: hîc uerò, tanquã rem prorsus prodigiosam fugerunt me  
quamplurimî. Verũ tu Deus firmissimo me spei cõmuniuisti solatio. Quare

Repleatur os meum laude, ut cantem gloriam tuam tota die magni-  
tudinem tuam.

Apertissimè Repleatur huc uerbum attexitur, quò redundans laudandi  
Dei studium intelligamus. Vnde sic Paraphrastes: Pleno ore laudabo te, &  
omni tempore maiestatem tuam cantabo. Magnitudinem tuam, puto addi-  
tum à Græcis uberius intelligentiæ causa: alioqui simpliciter uertendum  
erat, ut uertit Felix: Replebitur os meum laude tua, tota die laude tua. Volunt



Volunt, inquit, aduersarij, diricq; crucis hostes, ut tuas ad laudes obmutescam, celsēq; à sacrosancti tui uerbi confessione, ac uitæ integritate, quæ præcipua tui honoris laus est & celebritas. Tu contrā, os meum, ob id nimirū mihi datū, ut tuū laudibus efferā nomen & cultū, ui adimple fidei, atq; eo ardoris ambure incendio, ut plenissima atq; imperterrita te cōfiteatur uoce, subindeq; inclamet,

Ne proijcias me in tempore senectutis, cum defecerit uirtus mea, ne derelinquas me.

Parum id quidem esset, in utero quempiam materno absq; naturæ uitio conceptum, in lucem feliciter edi, atq; ut de se in superioribus testatus est Vates, lu-  
bica transcurfa adolescentia, uirilem sub Dei custodia attigisse ætatem, si eo maxime tempore, quo pacatius tranquilliusq; uiuendū est, quod & proprium sibi senilis ætas uindicat, in ærumnis bellorumq; tumultibus uiuere illi contingat, atq; fœdioribus plerunq; coinquinetur uitijs & peccatis, quàm cum feruida esset ætate. A Deo itaq; petendum erit, ne suam illam felicissimā erga omnes protectionē, quæ nemini nisi uolenti, ulla unquam deest ætate, grandæuis iam factis subtrahat; nam nihil potest esse turpius sene intemperato, atq; illo quidem qui in his uersatur, quæ in iuvene reprehendenda omnino sunt, & execranda. Ita sanè nihil unquā salubrius delectabiliusq; in rebus tum publicis tum priuatis expertus est orbis, sene uiuido, perspicaci, atq; rebus in agendis temperato, prudenti, & religioso. Verū illud dubiū, an Christus, qui iuuenili fermē decessitate, se à patre senectutis tempore seruari ritē petierit. Hic mihi firmam Ecclesie fidem intueri: quando quidem Christū pro senescente ecclesia, in qua periclitatura fermē erat charitas, hoc est, uis omnis uitæ & salutis, orasse patrem credimus. An uerò in illud modò peruentum sit uitæ genus, è quo iratæ excesserint uirtutes, consenuerit fides, ac penè exoleuerit Dei religio, qui purgationi debacchatur imperio luxus & ambitio. Orat hinc igitur Christus pro sponsa in hunc ferè modum: Ne meam, oro, contemnas senectutem, ô Deus: scio equidem aucta omnia consumi atque denasci: sed in his tantummodo quæ ad corruptius spectant: cætera uerò quæ fidei robore connituntur, repubescere indies magis necesse est, & renouari. Quocirca cum ob diras diutinasq; improborum iniurias, meos affligi destituiq; uiribus contigerit, ne tunc me, quæso, hoc est, illos, quos ut mei essent, sanctissimo tuo attraxisti spiritu, proijcias, longēq; à te propellas.

Quia dixerunt inimici mei mihi, & qui custodiebant animam meā consiliura fecerunt in unum, dicentes: Deus dereliquit eum, persequimini & comprehendite eum, quia non est qui eripiat.

Dixerunt mihi, idem est quod, de me conspirantes loquuti sunt. Qui rogo? Inimice, qui meæ insidiantes uite, quicquidue ago obseruantes, facta inter se cōiuratione consultauerunt, dicentes: Abiecit eum Deus, quò se uertet mihi ser: En apta perdendi illum occasio. Ipse enim cum imbecillis sit ex sese, ab amicitio uerò derelictus, insensus omnibus, grauis, atque adeo tandem ab uniuersis destitutus, quid, quo minus tam debile confringi queat uas, obstare poterit? Eum, eum, inquam, ô qui impudentiores estis, persequimini, instate, atque usque eò urgete, ut comprehendatis: nam qui illum nostra è manu eximat, inueborum nullus. Heu perfidorum insaniam. Censendum ne est, amantissimos limas: non clamores? Quàm propensiori certè affectu in nos diuina mouetur clementia, quàm solet in filios nutrix anxia, aut mater. Verū utcunq; sua in impietate perdurent impij,



**C** Tu Deus ne elongeris à me: Deus meus in auxilium meum respice. Frequentia quidem iniuriarum, simul & periculorū instantia, huiuscemodi rogādi Deum in anima pātere studiū cōsuevit. Deus, inquit, ne elongeris à me. Vidisti ne unquam hominē malo aliquo exitiali affectum: nō contentus is quidem semel atq; iterum cum medico, ut sit, colloqui, atq; ab eo uisitari, rogat ne se unquam deferat, ne discedat: imò ut præsens corā adsit continuē. Vides anxiū in ægrotante membrīs studiū: quid si animo: quid si sordida, atq; æstuant, tanquam febre, torquetur conscientia: Niprorsus quidem in malis induruerit, decreueritq; tanquam phreneticus non admittere curationē, apud diuinam instabit clementiam, rogabitq; & lachrymis, & suspirijs, dicēs: Deus ne elongeris à me: Deus in auxilium meum respice, festina, atq; miserē ægrotantem inuisa se. E contrario autem,

Confundantur & deficiāt detrahentes animæ meæ: operiantur confusione & pudore, qui quærunt mala mihi.

Ecce morbus ille, cuius uī maximè atque incendio, infirma adhuc in fide anima conficitur: nempe detractoris rabies, & uirulentia. Quid non perturbat in quietissimum istuc oblocutorum genus? Hebræi tamen, non detrahentes, sed aduersantes animæ meæ reddunt. Verbum item, deficiant, confumentur transferunt. Idem Symmachus. Quare is erit sensus, ut reddit Paraphrastes: Pudeant & absumantur qui aduersantur mihi. Qui uerò hi sint, qui facile probis aduersantur, sequenti explicatur hemistichio: Qui quærunt mala mihi. Cæterum dictio quam noster ferè uertit interpres, reuerentiā, tum Græcis tum Hebræis est pudor, ignominia, cōfusio, seu ut habet Campensis, infamia. Illi, inquit, me prorsus à uia uite, quæ ingenua est, libera, atq; honoris plenissima, auertere connitūtur: tu Deus illos eadē, quam mihi inurere satagunt, infamię nota, quæ est totum te meum bonū amisisse, affice, cōfundeq; cum ignominia tam turpes illorum ausus, atq; in nostram meditata perniciē, quod omnium malorū maximum est, allide consilia: hi enim, qui turpissimus demonū atq; perfidiosorū hominum mos est & consuetudo, quærunt mala mihi: tu contrā, bonum ac uitam, quæ in te est, quāq; beati efficiuntur, & quære, & elargire. Illi itaq; ut uolunt habeant,

Ego autem semper sperabo, & adiiciam super omnē laudem tuam. Vide quā suam libenter in Deum spem iacet uir iustus. Iam non semel diximus, id potissimum telum esse, quo exterrefacti dæmones in fugam uerti consuescunt. Ad eod gratissima Deo semper ea fuit animæ uirtus in fugam uerti con illo tantummodo nixa, à nulla alia dependet re quam uis sublimi & diuina. Ego, inquit, meis in periculis & ærumnis non hodie solum, aut eadem ipsa hora, qua nulla urgeor tentatione, spero: sed semper, sed omni tempore, sed tunc potissimum cum planè destitutus uideor & neglectus, atq; ita tuus, ut sic dicam, obrutus beneficijs, adiiciam & ego super omnem laudem tuam: hoc est, ardentiori quā antehac unquam studio tuus in celebrandis laudibus incumbā. Ita enim hunc uersum interpretantur Hebræi: Augeā, inquiunt, omnem laudem tuam: seu adiiciam ad cunctas laudes tuas. Insuper,

Os meum annuntiabit iustitiam tuam, tota die salutare tuum: quoniam

Hucusq; uersus est Hebræis, licet alijs uerbis, sensuq; alio. Nam dictio, quam noster uertit interpres, literaturā, Hebræis est, numerum. Certè, inquit Felix, non cognoui numerum, nempe laudum. Cæterum notant quidam dictionem, quoniam, superesse, seu pro certè positam, ut reddi à Felice diximus. Sensus igitur is esto: Mi Deus, os meū tuam indefessō quotidie studio laudabit, qua summe boni, & in omnes beneficis, iustitiam, salutemq; mihi immeritissimo allatam



allaram prædicabo; nam tot tuæ in me extant benignitatis indicia, ut numerum ignorem. Alij quoq; modum uertūt pro numero. Illud planè huius est consimile in alio psalmo: Annunciaui, inquit, & loquutus sum, multiplicati sunt super numeri. Quid uerò sibi uelit Græcis in hoc loco *παρατείας*, quid' ue somnient nonnulli ex huius uocis interpretibus, diligens iudicet lector. Maxima mihi animæ illius in mentem uenit perfectio, quæ diuinis se sentiens, & his frequentissimis ditatam muneribus, obstupescit, seq; idoneam, quæ tam numerosum donarum mente assequi possit, non arbitratur: contra nimirum quorundam morem, qui cum humili & abiecto sint animo, non minus summis de cœlestibus cogitare soliti sunt, quàm de terrenis, & illis quidem quæ mûdum magis resunt quàm Deum, atq; eius religionem. Et quidem innumerabilia omnino Dei in homines beneficia: idcirco ab his duntaxat cognita, si non numero comprehensa, qui tam excelsa sunt mente, ut omnem mathematicam excedant supputationem; quod proprium diuinæ est naturæ. Quid itaq; hîc agat anima? uide quid consilij capere instituat:

Introibo in potentias domini, dñe memorabor iustitiæ tuæ solius.

Scio, ait, tot inter uitæ huius tentamenta, quid me agere deceat. quicquid unquam mihi aggredi erit animus, id Dei fretus uirtute aggrediar: & solam, solam inquam tuam, ô domine, non hominis naturaliter imbecillis atq; impuri, iustitiam inuocabo: illiq; uel totus in me conspiret mundus, adhærebo. Verbum enim Memorabor, eandem hîc præ se ferre significationem uidetur, quam alio loco expressius magis, quàm quod sic se habeat litera, posuit interpret: Hi, inquit, in curribus, & hi in equis, nos autem in nomine Dei nostri inuocabimus. Nam illi nonnulli legunt: Et in nomine Dei nostri memores erimus, hoc est, ut interpretatur Felix, clamabimus, ut faciunt bellatores. Quod si tamen memoriæ uerbum hîc cōmodè positum arbitraris, nō id quidem inelegans, sed mirè aptū. Siquidem à Paraphraste sic reddi uideo: In memoriā reuocabo omnibus, & celebrem faciam integritatem tuam, tuam inquam solius. Nam tu

Deus docuisti me à iuuentute mea, & usque nunc pronunciabo mirabilia tua.

Causam hîc reddit, quam obrem diuinæ haudquaquam immemor iustitiæ ac bonitatis esse debeat: nempe ob id, quod qui ab ineunte sibi ætate nunquam desinit, ita illum in posterum non defuturum, persuasum habet. Vide igitur sanctæ animæ affectum. Tu Deus, inquit, me à puero, tum dico, quando tam suauissimum ignorabam præceptorē, usq; nimirum ad hanc, in qua nunc uiuo, ætatem, mirandas illas tuas erga electos operationes, quas caro prorsus ac sanguis ignorant, accuratissimè edocuisti: hincq; ego illas diligentissimè pronunciabo, palamq; omnibus faciam, ut illa diuulganda sunt, quæ immensa sunt prædita magnitudine. Quocirca, ut etiam ab ipsis meis semper egisti incunabulis, ita

Et usq; in senectam & senium Deus, ne derelinquas me, donec annunciem brachium tuum, generationi omni quæ uentura est potentiam tuam.

Senectam & senium perinde est, ac si dicas, senectutem & canitiem, seu decrepitam ætatem. Tamen si enim de quocunq; hæc dici possent natu grandiori eximius Dei filium pro Ecclesia orasse diximus, indagari posset. Ne proijcias me, inquit, in tempore senectutis, & erit sensus: Tu pater, quem me tuæ caput Ecclesiæ esse uoluisti, mihi in omnibus præsens, ac uel usque ad mundi interitum & consummationem, ad sis fautor, quò cunctis etiam uenturis, nedum meæ ætatis hominibus, tuum brachium, uirtutem scilicet & potestatem inuulgare





C queam. Videtur enim nescio quid à nonnullis ex Hebræorum interpretibus hîc addi. Sic ex his quidam: Quò annunciem posteritati brachium tuum, & omni qui nasciturus est potentiam tuam. Idem fermè Campensis. Felix quoq; sic: Donec annunciem brachium tuum generationi, cuiusq; uenturo potentiam tuam. Vnde ambigendum minimè est, potentiam tuam ex Hebræo uersus huius finem esse, non sequentis initium, ut nos legimus. Verùm cum nō multum sensui officere uideatur, sua integra remaneat litera interpreti, quam sic reddidit:

Potentiam tuam & iustitiam tuam Deus usq; in altissima quæ fecisti magnalia, Deus quis similis tibi?

Clarius Hebræi: Iustitia tua Deus usque in excelsum, quoniam fecisti magna. Est sanè mira ab inflammato animæ affectu profecta exclamatio, simul & admiratio, illi ferè similis, de qua alio in psalmo ita stupidus exclamat Vates: Magna est super cœlos misericordia tua, & usque ad nubes ueritas tua. In sublimioribus enim occupata mens rebus, nihil de Deo, quod idem excellentissimum non sit, cogitare potest. Etenim siue in his quæ ad admirabilem illius naturam spectant, siue in his quæ ad purissimam eius carnem, uitæq; cum apud homines diuersaretur, integritatem: siue etiam ad providentiam illam infinitam, qua cum omnia, tum præcipuè homines, sapientissima gubernat ratione, uersetur, omnia illi diuina atque admiratione digna apparent. Quod quidem animo in turpitudinum cœno tanquam cum meretricibus uolutato, contingere haudquaquam potest. Est & alius sensus, quem quoniam literæ quam nos legimus aptè accommodari posse uisus est, uel eo maximè, quòd à nonnullis ex Hebræo sic exponi uideo, in medium adduci non ab re erit: qui sanè sensus, ut facilius elici possit, dictionem Donec, suprâ positam sibi asciscere uiderur. Per-tierat enim superiori uersu Propheta hoc modo: Deus ne derelinquas me, donec annunciem brachium tuum generationi, atque omni qui nasciturus est. Infertq; subinde: Donec, inquam, potentiam tuam simul & iustitiam in sublime subaudi, feram: qui fecisti magna. Ecquis igitur sicut tu? Propterea sic ex Hebræo uerti poterat, ut uertunt quidam: Deinde (hoc est, simul ut posteris tuam annunciauerò uirtutem) potentiam tuam & iustitiam tuam Deus, quæ res magnas perfecisti, in altum extollam: quis similis tibi? Expressius item Paraphrastes, cum dixisset, Adsis mihi sicut hucusque, quoad indicauero brachium tuum meæ ætatis hominibus, & uniuersæ posteritati potentiam tuam: statim intulit: Et iustitiam tuam Deus laudibus in altum extulero, qui designasti maxima: Deus quis conferendus tecum? Et certè nihil unquam fuit, neque esse potest tam immense magnum, quod cum Dei magnitudine collatum non minus Quis similis mei? Antea uerò Moses in cantico post Aegyptiorum interitum: Quis similis, inquit, tui, magnificus in sanctitate? Ideo

Quantas ostendisti mihi tribulationes multas & malas, & conuersus uiuificasti me, & de abyssis terræ iterum reduxisti me.

En aliud admirationis genus. Mens quippe humana non potest non interdum incredibilem in modum obstupescere, mirariq; unde tam uastus ebulliat angustiarū in hoc mundo Oceanus. Verùm cum quæ mortalium naturæ conditio agnata sit, recolit, ex hoc tenuissimo ad aliud sensim considerandum, & id quidem omnium maximum, transit stuporis genus: quod totum in meditatione diuinæ beneficentiæ magnitudine uersatur. Quantas, inquit, tribulationes, quàm multas, quàm difficiles, quàm planè diras ostendisti mihi: hoc est, expe-riri me fecisti. Verùm tu mihi sedata ira placatus, conuersusq; me prorsus exanimatum recreasti, restituistiq; me mihi, atque à malis, tanquam de profundis



de terræ hiatu, etiam atque etiam extraxisti. Abyſſus, ut aliàs notauimus, non rorò Hebræis est, malorum cumulus, ac tetra miseriarum uastitas. Vnde clamat Ionas: Abyſſus uallauit me, alio uerò in psalmo Vates: Abyſſus abyſſum inuocat: hoc est, calamitas calamitatem tanquam annulus annulum necit, atque inuitat. O immensum cōtemplandi tuam excelsam bonitatem mare, mi Deus. Quicquid enim in terris spirat, in meum conspirasse interitum uidetur. Tu uerò, qui naturalis tuus est mōs,

Multiplicaſti magnificentiam tuam, & conuerſus conſolatus es me.

Expresſius ueriffet interpreſ, magnitudinem; seu cum Paraphraſte, potentiam meam, non tuam: quò doni cœleſtis amplitudinem in ſe homo cognoſcat. Illi, inquit, meum extenuare nomen, uitamq; calumnijs, ac ferro abſumere adnātuntur: tu contrà, uim illam, quæ me in te firmiſſimè contineat, ſuppeditare nō ceſſas: indicium ſanè tuæ ad me conuerſionis, quam cūm contemplor, permaximè afficior gaudio & conſolatione. Vide ſummæ in beata anima uirtutē fidei: Conuerſus, inquit, qui antea meam ob turpitudinem auerſus fueras, cōſolatus es me. Succurrit hīc mihi mulieris Cananæ exemplum, quæ diutius propter ſilicet morbum afflicta, penèq; ob Chriſti, ut uidebatur, indignationē exanimata, à benigniſſimo tandem Ieſu ad fœmineum cōuerſo eiulatum & lachrymas, pleniffima illa cōſolationis uerba audire meruit: O mulier, magna eſt fides tua: fiat tibi ſicut uiſ.

Nam & ego confitebor tibi in uariis psalmi ueritatē tuam Deus, psallam tibi in cithara ſanctus Iſraël.

Ex Hebræo prima uox redditur, quapropter: seu ut Campenſis, quare. & eſt ſenſus: Quoniam tuam in me auxiſti magnitudinē & uirtutem: quoniā conuerſus conſolatus es me, unde mea omnis profecta eſt ſalus, ſalutiſq; perſuaſio: idcirco te tuumq; nomen laudabo, canamq; tuam in pollicitationibus conſtantia, mi Deus, & psallam tuum in honorem, cithara, ô qui ſanctum facis Iſraëlem. Aliàs diximus uafa nonnunquam in ſcripturis pro rerum omnium instrumentis poni: quare uafa psalmi, instrumenta hīc ſunt muſica, ut ſerè erant nablum, lyra, cithara, organum, atque huius generis alia, quorum modulatione & harmonia diuinæ ſolitæ erant laudes decantari. Cæterum, ſanctæ Iſraël, à cunctis Hebræorum interpretibus transferri uideo. Te, inquit, muſicis laudabo instrumentis, ô Iſraëlis, populi nimirum dilecti, atque ad uitam aſciti, ſanctificator. Atqui Deus quemadmodum uita eſt uiuax, ac uiuificans: ita ſanctus, atq; idem ſanctificans, ſordēſq; omnes ſuis ab amicis abſtergens, dici debet. Itaq;

Exultabunt labia mea cūm cantauero tibi, & anima mea quam redemiſti.

Vide grata animæ inſtitutum, quo ſe & corpore & animo (id eſt totum hominem in Dei amore comburi) diuinum laudare nomen pollicetur. Vnde ſic Paraphraſtes: Exultabunt labia mea (instrumenta hæc ſunt inter alia prolationis humanae) ubi psallere cœpero tibi: & anima mea multò magis, quam liberatiana liberatione, qua miſeris uenit Deus ſuppētiās, hoc uerbum, redemiſti, intelligamus, ſiue de animarum redemptione, per quam nos CHRIſTVS in cruce æterno reconciliauit patri, cogitemus, utrunque purgaſſimis ſuaue eſt animis. Anima igitur mea, ô CHRIſTE, tuo cruore ac nece à peccati atque adeo mortis ſeruitute erepta, tibi, haudquaquam ſibi, aut mundo cantabit, exultandoq; tuum ſanctiſſimum laudibus extollet nomen.

Sed & lingua mea meditabitur iuſtitiam tuam, cūm conuſi & reue-



**C**riti fuerint qui quærunt mala mihi.

Videtur hîc Vates conditionem uelle Deo ponere. Lingua, inquit, mea tuâ laudabit iustitiam tuam, cum confusi & profligati fuerint quærentes mala mihi. qui quidem loquendi modus uix ab anima in diuinarum rerum studio occupata prodire potest. Siquidem quæcunq; illi accidant, ad laudes semper Dei prompta est atque hilaris. Idcirco litera, quæ est Hebræis, tutiorem præferre sensum mihi uisa est. Sic Felix: Etiam lingua mea tota die loquetur iustitiam tuam: quoniam niam uerecundati sunt, quoniam confusi sunt inquirentes malum mihi. Quasane lectione solennia hîc quædam esse, pro reportata uictoria, animæ (ut sic dicam) epinicia definire possumus. Quamobrem elegantissimè sic rem aperit Paraphrastes: Quin & lingua mea exercebit se sedulo in cantanda iustitia tua: erubuerunt enim & infames facti sunt, quotquot studuerunt in commodare mihi. Qui porro hi sint, qui, quomodo innocentissimis noceant uiris, malumq; inferant, & quærunt & machinantur, non semel hisce nostris intersparsit cõmentarius Christi (ut opinor) spiritus: quem meo hoc in labore, quemadmodum in suo Dauid, scopum esse uolo & ducem. Cui propterea laus sit, atque honos, in secula seculorum, Amen.

## PSAL. LXXII, Salomoni.



**D**eus iudicium tuum regi da, & iustitiam tuam filio regis. Somniant, mireq; cæcutiunt hi, qui hunc psalmum de Salomone illo interpretantur, cui uoluptatibus, tanquam bellacissimis hostibus obnoxio, pacifici titulum minimè conuenire arbitror. Ad hæc, ut cætera quæ de Salomone Bethsabeæ filio intelligi absurdissimum esset, omittamus, quomodo à mari usq; ad mare, & à flumine usque ad terminos orbis terrarum illius fuit imperium? Quando omnes gentes seruiuerunt ei? Qua porro uirtute Aethiopes, seu habitantes solitudines, ut nonnulli transtulerunt, quos Cambalistæ aërios spiritus esse diffinierunt, eum adorauerunt? Vero igitur Salomoni, in cuius ortu illud è coelis fuit auditum, In terra pax, hominibusq; bonæ uoluntatis, totum hunc psalmum adscribi debere fateamur: non illi, cuius imperium breui admodum conclusum fuit termino, cuiusq; filius impiissimus exitit Roboam: ipseq; nefandissimis alienigenarum amoribus ac libidinibus adeò conspurcatus uixit, ut illius etiamnum dubia censeatur salus. Noster autem non tantum saluandorum hominum est autor, uerum etiam ipsamet salus, & uita. Quod sanè Dauid in spiritu præuidens, hanc uerè diuinam de ipsius Christi regno, cuius summa est iudicium & iustitia, à patre habito, composuit odam: ad Deumq; conuersus, sic suam orditur precationem: Deus iudicium tuum regi da, & iustitiam tuam filio regis. Duas hîc expresse in Christo narras prænouit Vates: qui quidem Christus ea, quæ æqualis semper est patri, ratione, rex est cum patre uniuersorum æternus: ea uerò quæ in terris uisus est cum hominibus homo, quicquid imperij habuit, à patre habuit. Vnde ut erat gratissimi animi filius, non semel professus est se patre minorem: propterea quod mne sibi iudicium à patre datum, datamq; esse rerum omnium, tum earum quæ in coelis essent, tum quæ in terris, potestatem. Quid illud? Mea doctrina apud est mea, sed eius qui misit me patris. Ideo Vates illum regem, regisq; filium appellans, & Deum, & Dei filium esse asserit. Cæterum iudicium atque iustitiam nihil aliud hîc esse diffiniunt, quam rectas moderandarum rerum rationes, ac ut reddit Paraphrastes, formulas, qui sic habet: Deus iudicandi secundum te formulas regi da, & æquitatis studium filio regis. Orat itaque Vates, atque cum eo mortalium multitudo, ut in Christo, in quo omnis inest æquitatis norma ac uirtus,



virtus, hipenes quos hominum est imperium, iudicent, regantq; populos, ac iusto moderationis æquilibrium mundi expendant. Etenim Christo ad instaurandas orbis ruinas aduentante, cœpere actutum nutare errores, magnaq; parte eousque tolli, quoad eius humano prorsus consumpto genere, omnia integrè subiecta illi forent, Deusq; esset in omnibus, & nos qui ad uitam uocati sumus, in illum felicissima transiremus abitione. Reconditissimo itaque mysterio utriusque aduentus in hoc psalmo fit mentio; quasiq; dormiens ab Ecclesia excitatur dominus, ad hunc modum:

Iudicare populum tuum in iustitia, & pauperes tuos in iudicio.

Iudicabit, uertit Hebræus. Idem & cum Chaldæa translatione, græca editio. Vt iudicet, legit Euthymij interpres, populum tuum. Idem fermè ex Hebræo Campensis: ut uerba sint Ecclesiæ orantis, quò terram hanc corruptissimam tandem miseratus, mittat què missurus est, qui retracto ab erroribus mundò, duo illa è cœlis secum deuehat luminaria, nempe iustitiam & æquitatem: quorum radijs illustratus orbis, in eam refundatur formam, atque imaginem, quam in Christi uita & doctrina, tanquam in æterna cum patre idæa, conspicienda esset, indeq; omnem bene beateq; uiuendi normam extractura. Cæterum cum præclarissimis ornatus esse debeat rex animi dotibus, illam in primis requirit spiritus, ut pauperes, afflictosq; & ærumnolos, ab opprimentium uolentia, atque astu eximat, reddatq; quod sibi unusquisque ob uitæ rationem meruerit. Virtuti enim suus debetur honos & præmium: iniquitati uerò opprobrium, atque cum uituperatione multa. Et id sanè est populos in iustitia & iudicio gubernari. Alioqui turpissimos quosq; à contaminatis iustitiæ ministris eo donari præmio, quod integerrimis debetur uiris, illosq; præteriri atque opprimi, quos honorari decuerat, summa est regionum religionumq; perniciès & confusio. Quo circa maximis ingeminandum est uocibus, ut nostri iam tandem misericorditer pater, sui unigeniti demittat in terris spiritum, quò iustè æquabiliterque iudicari possint homines, probiq; ab improbis secerni, ac cæcis à magistratibus dignosci. Atq; hoc sanè modo

Suscipiant montes pacem, & colles iustitiam.

Absurdum nimium esset putare, montes hosce petricosos suscipere posse pacem, aut colles iustitiam. Montes igitur hîc sunt, quos postea in psalmi ferè reges appellat Vates: colles uerò, quos populos. Atqui moderandarum rerum debet esse finis & terminus, ut pacem animi susceptam, in qua uis inest iustitiæ & rectitudinis, transfundant reges, atque adeo cæteri & principes & magistratus, in populos sibi subditos. Nec sanè pulchrius uestiri solent colles uel flore, uel fructu, quàm uestiuntur decore omni uirtutum, sed in primis fidei in Deum, populi, cuncta iustitiæ studiosis occupantibus, optimoq; expendentibus iudicio & æquitate. Orat itaque uir sanctus, ut non sibi duntaxat pacem, quæ à Iesu CHRISTI corde emanat, suscipiant Ecclesiæ processus: uerum ob id quoque, quò populus latari, sedereq; ualeat, ut inquit Ecclesiæ, in pulchritudine pacis. Etenim ea præditi sapientia rectores hominum, quæ à Deo est, non à mundo, insaniunt propèmodum, nisi conciliatum sibi temperatis bonum, sentiant subditi, gustentq; quàm diuinum illud omnino sit, à dictum est: Et colles iustitiam, qua sanè à patribus tanquam à fertilissimis descendente montibus affecti delibutiq; subditi, suas omnes adeò iustè concinnant actiones, ut meritò iustitiæ cultores appellari debeant. Nihil enim populus tam exitiale esse potest, cum rerum summa penes illos est, qui in iudicandis,



C diffiniendisq; subditorum causis, humano raptantur sensu & consilio. Expulso quidem nostris à tribunalibus Christo, à quo omnis proficiscitur rectè diffiniendi forma ac iudicium, quò se uertant patres? quò suas dirigent diffinitiones? quò iudicia? Poterit ne hoc modo sedere uir, ut inquit ille, subtus uineam suam, & subtus ficum suam pacificus? Næ quidem obsidionem posuerunt super nos. Verùm utcunq; nostrates hallucinentur iudices, ô qui sub corruptissimò iniquorū defudatis iudicio, gaudete: siquidem rex ille æquissimus, regisq; filius Christus, diuinus amor, pax orbis,

Iudicabit pauperes populi, & saluos faciet filios pauperum, & humiliabit calumniatorem.

Filios inopis, legit Felix: id est, illos qui sunt Christi, quos utique, utpote rerum omnium huius mundi egentissimus, crucis uerbo, atque efficacia genuit patri: hos quidem iudicio suo æquissimo protegit dominus, ac confuso, prostratoq; calumniatore, nempe mundo, diabolo, peccato, morte, peruersoq; homine & inuido, benignissimè tutatur. Cæterùm, filios pauperum, idem esse secundum phrasim Hebraicam, quòd pauperes, aliàs diximus. Et sunt planè idem pauperes populi, qui & filij pauperum, utique credentes: quò uerùm illud esse non ambigamus, nullam uidelicet esse damnationem his, qui in Christo sunt. Cuius sanè patrociniū, iudiciūq; sua in Ecclesia exactissimum, ne temporarium, citoq; desitutum putaremus, à spiritu est additum:

Et permanebit cum sole, & ante lunam in generatione & generationem.

D Id est, quandiu sol iste uisibilis, à quo luna, quemadmodum à Christo Ecclesia, lumen sumit, lucebit, æterna erit Dei in suos protectio. Ecce, inquit, uobiscum ero, usque ad consummationem seculi. In generatione & generationem: periphrasis est, quæ æternitas significatur. Sed litera, quæ est Hebræis, lucidiorem parit sensum quàm nostra, quæ ambiguum & obscurum. Sic Felix: Timebunt te cum sole, & in conspectu lunæ: hoc est, quandiu reuoluentur tempora, quæ nimirum è solis cursu, motuq; lunæ originem habent, CHRISTVM reuerebuntur in terris populi. Vnde sic Paraphrastes: Reuereantur te, ô rex, quoad sol lumen suum præbuerit mortalibus, & luna seculis cunctis. Quid sit porrò in nostro interprete, Ante lunam, Chaldaus aperit: Ante lumen, inquit, lunæ orabunt coram te generationes generationum. Hic igitur uides CHRISTVM, qui heri & hodie, ut inquit Paulus, ipse & in secula, æternum suæ fore religionis defensorem. Id dictum esse uolo, ne afflictæ ab improbis innocentia, eò interdum adigatur impietatis, ut Deum eo se habere modo, in probitatis defensione arbitretur, quo homines fermè ex more inconstantes, temporarij, & parum pii. Suo quippe tempore, atque cum maximè opus est, ad suos descendit dominus, consolaturq; afflictos, dicens: Ego sum, nolite timere. Quid igitur pauidi in CHRISTO de nutamus?

Descendet sicut pluuia in uellus, & sicut stillicidia stillantia super terram.

Haud dubium quin hîc ad stupendum illud Gedeonis miraculum alludat Vates, in quo madefacto solummodo rore lanæ uellere, area circumquaq; posita, sicca inuenta est: rursus area rore imbuta, uellus absque imbre sicca apparuit. Magnum id quidem fuit mysterium: siquidem in lanæ tum uellus silenti tanquam ros descendisse illapsu uisus est Deus, cum nisi ad oues, quæ perierant, domus Israël se uenisse fassus est CHRISTVS, reliquo interim in siccitate



acitate spiritus remanente omnino orbe, Verum postea in gloriam ascitus, tam largo gratiarum imbre, ingrato omisso uellere, relictaq; in siccitate Iudæa, perfudit gentes, ut meritò dici posset, se sicut stillicidia stillantia super terram, ad omnium generaliter descendisse salutem autor uitæ. Sunt qui typum huius ro-  
ris in uellere, ad tacitum placidissimumq; deiparæ uirginis cōceptum referant: tamen ex litera quæ est Hebræis, aliū signari sensum iudico: eum sanè, quòd Deus eo soleat modo ad subleuandas suæ sponsæ ærumnas, & oppressiones descendere, quo solet pluuia in detonsum, demessumq; pratum descendere. Quid tum gratius? quid tam agricolis desiderabile, quàm cū defecta prati herba recens superueniat pluuia, qua terra humefacta, ad noua concipiēda germi-  
na temperetur? Felix enim, atque cæteri ex Hebræo sic ferè legunt: Descen-  
det sicut pluuia super herbam refecatam: siue super tonsum, hoc est, ut ipsemet interpretatur, super gramen incisum: quod si non habuerit pluuiam postquam refecatu fuerit, arescet. Quare sic alius ex eodem fonte: Descendet æquitas & iu-  
stitia ad terram, sicut pluuia in defectum fundum, & sicut rorulentus imber. Hic uides quomodo nulla sit apud Hebræos de uellere mētio. Veruntamē uni-  
cuique suæ sint de uellere & rore Gedeonis meditationes, piæ nimirum, & quæ ad placidissimum mirabiliter exprimendum faciunt spiritus lapsum in uirginis  
uerum. Verum neque ego (opinor) reprehendi debeo, qui quæ sit germana  
psalmi lectio, uerecundè admoneo. Vt cūq; sensum imaginēris, illud comper-  
tissimum, fructum mirum in modum feracem, propter Christi descensum, mor-  
talibus allatum. Quod sanctissima præuidens Vatis anima, in spiritu exul-  
tans, clamauit:

Orietur in diebus eius iustitia, & abundantia pacis, donec auferatur luna.

Quasi uerò antea copiosa non fuerit pax, hæc dicit Vates. Nam Christus  
corruptum in peccatis mundum inuisens, oriensq; ex alto, non solum pacem &  
iustitiam secum attulit, uerum etiam omne bonum, cuius homines forent capa-  
ces, abundantissimè largitus est. Quòd uerò postea abolita sint, sublataq; è mun-  
do tam felicia Dei dona, ut est pax & æquitas, id hominum malitia factum est.  
Florebit, inquit, quæ penè exaruerat, in illius ætate iustitia, summaq; usque-  
dum luna non sit, in terris erit pax. Cur non summa? cur non integra? cū di-  
uersus planè Deo per Christū recōciliatus est orbis. Vt illa enim pax, quam ob  
regnandi cupiditatem atque ambitionem sæpenumero, etiam in ipsis sanctio-  
ribus Ecclesiæ locis, nutare cernimus, excindi omnino queat: ea tamen quæ in  
sanctorum animas per Christi spiritum, tanquam insitus oleæ surculus, inserta  
est, æternis nititur fibris & radicibus, ideo æterna. Quocirca additum est à Vate,  
Donec auferatur luna: id est, pax ista animorum, ac, qua gratis iustificamur  
per fidem, iustitia, quo usq; luna suum seruabit cursum, fixo altè stipite in Deo,  
perdurabit. Etenim nulla tam sæua potest esse perturbatio & confusio, quæ pa-  
cem tranquillamq; hominis conscientiam, à rectitudinis linea, aut pacis stu-  
dio facile amouere possit: nam quæ Dei sunt, ab eoq; proficiuntur, firma sint  
oportet atque æterna.

Et dominabitur à mare usq; ad mare, & à flumine usq; ad terminos  
orbis terrarum.

Vastitatem imperij CHRISTI, simul & felicitatem exprimit Vates, ad re-  
gnum nimirū Salomonis ut cūq; alludens, de quo sic legimus: Salomon autē  
erat in ditione sua, habens omnia regna secum à flumine terre Philistinim usq; ad



C terminum Aegypti. Ipse enim obtinebat omnem regionem quæ erat trans flumen, quasi à Thipsach usque ad Gazam. Atqui in eo quòd Salomonis regnum usque ad promissæ terræ fines protendebatur, regnum fidei ultra Oceanum dilatandum præfagibat. Nam quod nos legimus, Et à flumine usque ad terminos orbis terrarum : quidam ex Hebræo sic uertunt : Ab Oceano orientali usque ad extremos occidentis fines. Ex his etiam sunt, qui à mari usque ad mare, mare Rubrum intelligunt, & mare Palæstinæ. Flumen uerò Euphratem, qui ab oriente exiens in mare Rubrum erumpit : idcirco Iudæis adeò notus & celebris, ut fermè illum flumen absolutè nominent. Et est ac si dicat, ab oriente usque ad occidentem. Quoquo modo sensum formes, regnum hîc C H R I S T I, quod & fidei, à spiritu designatur. Quod sanè in sequentibus clarius adhuc exprimitur.

Coram illo procident Aethiopes, & inimici eius terram lingent.

Amplam atque adeo extremam orbis regionem sub meridionali plaga constitutam, idcirco torridam, ac nimio calore obfuscam & feram, ad significandum uniuersale Christi regnum non absque mysterio huc adducit Vates : huius enim hesperi sunt populi ad occidentem, Indi ad orientem : ad quos quidem in Christi fide mansuefaciendos, missum olim fuisse à Domino Thomam apostolum nonnulli affirmant. Mundum itaque uniuersum adoraturum esse aliquando Christum prædicit Vates : qui cùm ferè totus à Dei desciuiisset religione, additur à spiritu, Et inimici eius terram lingent : hoc est, uenerabundi, pronique in terram illum adorabunt. Tangit enim morem antiquum adeundi reges, quem hodie quoque ab orientalibus seruari sunt qui dicant. Neque illud tilebo, nonnullas nostra quoque ætate mulieres ab ultimis Oceani ripis in Italiam euectas, coniugioque principum dignatas, ad tantum animi tumorem admittisse, ut neminem, neque sacerdotes ipsos & episcopos ad colloquium admitterent, nisi genuflexos, atque humi pronos. Quanquam non tam sexus imbecillitas uanitas in hoc est reprehendenda, quàm stoliditas illorum, qui cultum illum soli Deo debitum, animanti tam imperfecto leuissimè prostituunt. Sed ad psallendum redeo. Omnimodam enim subiectionem intelligi uult Vates inimicorum Christi : sub quorum nomine Amalechitas potissimum, Madianitasque & Ismaëlitas, homines nimirum feros, atque, ut sapissimè experti sunt Iudæi, indomitos, hîc tangi arbitror. Amalechitam enim lingentem interpretatur Philo. Qui sanè populi Arabiæ deserta incolentes, perpetuis quodammodo uexarunt Iudæos incursionibus, typo quidem uerissimo eorum quæ ab improbis perpeffura erat probitas. Quid non audent in innocuos teterrimi isti Aethiopes, atque lingentes Amalechitæ ? Cæterum uide quomodo sanctissimi Vatis spiritui haud multò post succinuit Esaias : Venient, inquit, ad te curui filij eorum qui te humiliauerunt, & adorabunt uestigia pedum tuorum omnes qui detrahebant tibi. Quid illud ? Locum pedum meorum glorificabo. Hinc opinantur quidam, illam prodijse exosculandi pedes summi Pontificis consuetudinem : quæ eò spectasse uidetur, ut scirent omnes illi, cuius uices in terris gerit summus Pontifex, omnem deberi cultum & pietatem. sic illi. Nos ad propositum reuertentes dicamus cum propheta, quòd

Reges Tharsis & insulæ munera offerent, reges Arabum & Saba dona adducent.

Lusus is est poëticus, mireque diuinus.

Et adorabunt eum omnes reges, omnes gentes seruient ei.

Felix Arabia, quæ in littore sinus Arabici sita est : regionisque Aegypti, & quæ



& quæ ad mare rubrum usque protenduntur, hisce nominibus significantur. Saba, seu Sabæa regio, à Saba ex filijs Cham sic dicta, in qua thus, ac uis omnium aromatum innascitur, Arabia felix est; harum itaque regionum reges, regi Christo munera suis è locis apportaturos præfagiens Vates, regionum omnium reges Christianæ religioni obtemperaturos uaticinatur. Eam ob rem infine uerius, quasi collecta dictorum omnium summa, intulit: Omnes gentes seruiant ei, quod quidem apertissimum fuit præludium, quando uix nato Christo, Persæ illi felicissimi ab Eois euecti partibus, auri thurisq; munere, ac myrræ, diuinum in puero testati sunt numen. Tum sanè primum oblata sunt Deo primitiæ gentium. Cæterum insularum nominatim mentionem facit Vates, ob quæ Syriæ atq; Iudææ conterminæ sunt. Quæ cum ad obsequium regum Hierosolymarum præstò essent, cæterarum omnium tum fluminum, tum marium flumina in Christum adumbrabant. Heu fidelissima quò erroris nuper prolapsa Britannia? Angelicône Angliæ patieris priuari cognomento? Quantum tua exultit reipublicæ Christianæ exitij, nò dico defectio, id durum nimium esset, sed imbecillitas, sed ab institutis patrum parum auersa mens? Dona adducent, quid sibi nolit, aperit Paraphrastes, qui sic totum reddit uersum: Reges Tharsis (ea est Cilicia) & qui insulas inhabitant, munera offerant illi; reges Arabum & Sabæorum tributa pendant.

Quia liberabit pauperem à potente.

Nempe à tyranno, à diuite, à superbo, & ambitioso eruet humilem, abiectum, & suisq; in oculis uilem, &

Pauperem cui non erat adiutor.

Cuique nullum in terris, nec charissimorum quidem, extabat perfugium. O legem certè pro dilatandis regnis necessariam. Amplissimum, ait, Ecclesiæ erit imperium: ad cuius sanè pedes, uel ipsi potentissimi adorabundi procumbent reges: propterea quòd qui illius erigunt cultum, effigiantq; religionem, non tyranni sunt, non crudeles, non cupiditatibus, curisq; superuacuis, & affectibus obnoxij: non dirij, non, quæ natura demonum est, inexorabiles, sed misericordes iusti, & qui non opprimunt, sed liberant pauperem à potente. Vide summam Christianæ pietatis, mi Lector, mecumq; religionis nostræ deplora uulnere xati, & iacentes sicut oues non habentes pastorem. Mirum si hinc audire cogitas, quòd uidens Iesus turbas uexatas, oppresserit illas. Heu malè fidam pastorem quorundam custodiam. Quibus iam nostræ concredita sunt animæ: sed mihi hic tempero, & ad benignissimam domini Iesu in subleuandam insaniant improbi, Deus tamen

Parcet pauperi & inopi, & animas pauperum saluas faciet. Ex usuq; & iniquitate redimet animas eorum, & honorabile nomen eorum coram illo.

Aptius ex hebræo: Miserebitur pauperis, seu attenuati & inopis, uel ut reddit Paraphrastes: Pius erit in pauperem & egenum. Chaldaus quoq;: Miserebitur super pauperem & squalidum, quò specie illorum, qui in hoc mundo per Christum affligunt, còplecti animo hi possint, qui cum nullo misericordiæ comoucant affectu, uix hominem à bellua discernunt. Qui uerò sint Christi pauperes, quoq; indigentia genere laboret, alias diximus. Et, ut neq; hic de usuris superflue philosophemur, ex usuris, nò legit Fel. sed simpliciter sic transfert: ex fraude, seu ut Chaldaus: ex calūniis & iniurijs redimet animam eorum, quanq; certè nil obstat, quin hic quoq;



C de usuris, ut plerunque aliàs, mentionem facere uoluiffe Vatem arbitremur eò maximè quòd, ab usuris, uerti à Campense uideo. Quòd si ciuium singillatim calamitates recensere animus esset, quid usuris, quas homicidijs sequitìa præstare asserunt Canones, calamitosius? quid infelicius? A qua, oro, alia peste quamuis letali & dira, tam absumuntur homines, quàm à nefandissimis usurarum uersurarumq; cōtractibus absumi solent res & publicæ, & priuatæ: Iam illud obscurius à nostro interprete est uersum: Et honorabile nomen eorum coram illo, Felix sic: Et preciosus erit sanguis eorum in oculis suis. Idem Chaldaeus, quorum quidem uerborum sensus elegantissimè exprimitur à Paraphraste, hoc modo: Nec temerè fundi sinet sanguinem illorum: nempe ut rem sibi charam & preciosam, Nihil sanè non preciosum atque honorabile in Dei oculis esse potest, quod syncera agitur fide ab his, qui insensì sunt mundo. Qualis uerò sit honor ille, quo piorum ornantur à Deo nomina, alio in psalmo aperit spiritus: Et nomina, inquit, eorum uiuent in æternum. De impijs autem: Nomen eorum delesti in æternum, & in seculum seculi. Quid illud: Nomen impiorum delebitur, Quòd autem suos sinat interdum Deus traduci in uulgus, infamariue, atque instar quoddam limi ab improbissimis conculcari obloquutoribus, non multum mouere nos debet: talem enim scimus esse crucis effigiem, Impossibile planè est iusti uiri nomen, quantumuis à maleuolis male habitum, absque honore esse & gloria apud Deum. Siquidem ut nulla alia expectetur laus, perfidorum nunquam succumbet infamiæ, sed lucidior indies, tanquam splendor in merìdie, euadet tandem,

Et uiuet, & dabitur ei de auro Arabiae, & adorabunt de ipso semper, tota die benedicent ei.

D Quòd enim, & uiuet, ad pauperem, non ad regem referre debeam, litera quam ponit Felix me hortatur, sic ille: Et uiuet, & dabit illi de auro Arabiae, & orabit pro eo iugiter, quod sanè de iusti uiri uita, ac de cœlestibus elargiendis illi donis & diuitijs, quæ sub auri Arabici nomine intelliguntur, sumi oportet. & quem quidem sensum Paraphrasten intellexisse uideo: Viuet, inquit, cum rege illo pauper, & participem faciet eum auri Arabici, & orabit pro eo assidue: nullo non tempore beneficus erit in eum, Sensus igitur: non sanè uir iustus sic in terra, ut dixi, malè habitus, illo quo apud homines extinguetur modo, sed uiuet; neque uiuet solùm, sed regis beneficio, qui immensis eum preciosisq; rerum thesauris, ut aurum est Arabicum, perornabit, diues erit: proq; illo orabit tantus rex, benefacietq; illi continuè. Vide, te oro mi Lector, opprobrium pro Dei religione exitum, uide felicitatem, uide diuitias, nempe à benignissimo rege Christo erogatas, quid his beatius? Cæterum, mirum nisi hic uisus sis, de quibus sic ille: Pater sancte, serua eos in nomine tuo quos dedisti mihi. Quod utique sanctissima Vatis anima pranoscens, sic ipsum alio in psalmo alloquitur CHRISTVM: Exaudiat te Dominus in die tribulationis. At qui oratio CHRISTI ad patrem æterna est, quemadmodum æterna est protectio, æterna salus, æterna uita. Quocirca additum est à spiritu: Tota die benedicet ei. Verùm si cui magis hi placent interpretes, qui uerba hæc omnia ad regem referunt, ut referre uidetur noster interpretes, abundè habet quo suum sedet desiderium, Illud tantum aduertat, an eo sensu uerba inter se bene cœant.

Erit firmamentum in terra in summis montium, superextolletur super Libanū fructus eius, & florebunt de ciuitate sicut fœcnum terræ. Hi sunt effectus beneficentiæ illius, de qua ea est asseueratio: Tota die benedicet ei, Stabile, inquit, non uacillans huiuscemodi salutis erit fundamentū, atque adeo



adeo solidū & incōcūsum, ac si in solido iactū esset mōtis apice. Porro cōlestia cum sint in Christo dona, quid in terris illorum originem peruestigamus? Terrenis enim non satiatur anima, neq; in his oblectatur, quæ in imis fundata sunt rebus. Cæterum mons Christus est: montes uerò, illi, de quibus in superioribus uaticinatus est Dauid, dicens: Suscipiant montes pacem. Verum omīssa interpretatione uocis Firmamentum, hebraicam discutiamus literam, quæ sic habet: Erit multiplicatio, seu pugillus frumenti in terra, in uertice montium: conuietur uelut Libanus fructus eius. Diuus quoque Hieronymus: Erit, inquit, memorabile triticum. Nulli dubium, pro frumento firmamentū, à quo nescio huc translātū. Vnde ex Hebræorū interpretibus quidam sic totum reddit uerbum: Tanta fiet in terra per montium uertices tritici uis, ut instar Libani si agorem reddat: in urbe germinent sicut fœnum terræ. Lucidius adhuc Paraphrastes: Ex paucis, inquit, granis in terram proiectis, etiā si in cacumine mōtium satio fiat, maxima proueniet messis, & excrescet frumentum illud in eam altitudinem, ut si uento agitur, strepitum excitent aristæ plenæ, qualem altissimæ Cedri in monte Libano solent. Florebunt insuper ciues, & multiplicabuntur in ciuitate, quemadmodum herba solet in agris, hæc Campensis. Rursus literarum quorundam ex Hebræo, quod & notat Felix, me cogit, de Eucharistiæ cibo id dictum suspicari, & magis id adeo, quod uerba quæ noster uertit interpretes, in uertice montium, Chaldaica translatio expressius refert, in capitibus sacerdotum. Sed sat sit admonuisse: nunc ad reliqua enarranda diuinæ beneficentiæ ac maiestatis argumenta, ne nimij simus, uertamus animum.

Sit nomen domini benedictum in secula.

Hic rursus se alio habet ordine litera, tum græca, tum Hebraica. Sic ex Hebræo: Erit nomen eius in æternum. Idem termē Euthymij græci interpretes. Quæ quidem litera à præcedentibus cōcinnè admodum pendere uidetur. Erit, inquit, frumentum in terra in summis montium. nunc autem: Erit nomen eius in æternum, seu ut reddit Paraphrastes: Erit nomen eius celebre perpetuò. Ecce hanc hic enarratur summa: nam eò quidem tum prisca Iudæorum spectabat religio, arca, templum, ritusq; illi informes & ceremoniæ: tum noster quoque in Ecclesia cultus & pietas, illò suum dirigit consilium, ut Dei nomen sicut in cœlis sanctissimum est, & supra omnem bonitatem immense bonum, ita in terris & uita & moribus sanctificetur, perpetuisq; efferatur laudibus. Sanctimonia quidem, mansuetudine, pace, charitateq; ac pura in Deum fide, sanctificandæ Dei nomen; iniquitate uerò, superbîa, dissidijs, odijs, desperatione, ac mundanarum rerum amore, atq; ambitione, deturpatur. Quoniam igitur, ut iam dictum, æternus est dominus, æternamq; dat gloriam, ita in æternum glorificetur, laudeturq; in secula. Siquidem

Ante solem permanet nomen eius.

Perstat, inquit, Christi Iesu nomen ante omne æuum: nam cum æternus sit Patris filius, æternis cum ipso regnat seculis, idem habens nomen ab initio ut Deus, quod modò in terris homo factus præ se tulit. Et uocabis (inquit angelus ad Mariam) nomen eius Iesum, quasi dicat, nomen illud æternum in cœlis, quo nunc omnes ab æterno seruari uoluit, unde Iesu nomen ante omne æuum, æternæ genitura adeptus est, idem fore in terris per te palàm fiat, & credatur. Non ab re quidem hæc à me omnia: nam quod noster uertit interpretes, permanet nomen eius, Hebræis hynon uerbū est, quod, ut prælicenter interpretatur Felix, filiabitur uerti posset: hyn enim, à quo uerbum istud originem habet, filium significat. Sensus igitur, ut optimè à Paraphraste redditur, is erit: Priusquam esset sol, ab æterno filius nomen erat illi.



c Et benedicentur in ipso omnes tribus terræ.

Illud ferè hîc mihi audire uideor, quod diuino ab oraculo pius olim audiuit Abraham. Benedicentur, inquit, in semine tuo (is Christus erat) omnes gentes terræ. Benedicentur, uertit Chaldæus, in merito ipsius omnes populi. En quàm breui, ut sic dicam, apophthegmate, unde omnis salutis ratio proficiscit, dependet, expressit Chaldæus; nempe à Christi meritis. Quocirca clamat Vates:

Omnes gentes magnificabunt eum.

Hoc est, magnū illum beatumq; præ omnibus, & felicem, à quo omnis mortalibus emanauit felicitas & beatitudo, prædicabunt, palamq; dicent sese innummeris ab eo affectos esse beneficijs. Cum itaq; is tantus sit, tamq; omnibus beneficus & liberalis,

Benedictus dominus Deus Israël, qui facit mirabilia solus: & benedictum nomen maiestatis eius in æternū, & replebitur maiestate eius omnis terra: fiat, fiat.

Ecce quàm copiosis notis flagrantissimū suum erga Deum ostendit affectū diuinus Vates. Laude, inquit, dignissimus est dominus: dominus, inquam, ille qui tot modis olim suum fidissimum protexit seruum Israël, & qui nulla alia adiutus ope, per se solus, suisq; tantūmodo nixus uiribus, magna mirandaq; ac cunctis inaudita seculis operatus est, operaturq; indies. Idemq; laude omnidignum est nomen illud excelsum, magnificumq; ipsius filij, qui æterna illius est gloria, splendor, figuraq; substantiæ ipsius, per quem fecit & secula: quare telus orbisq; uniuersus illius replebitur numine & maiestate. Amen, Amen: hoc est, ita fiat: ita, inquam, fiat, ut uaticinatus sum. Atq; ita, eoq; spiritus ardore atq; ecstasi, qua cœptæ sunt,

D Finierunt orationes Dauidis filij Isai.

Vult diuus Hieronymus particulam hanc esse psalmi finem, idcirco illi attendendam: quæ tamen cum ambigua sit, ab omnibus fermè ambigüe exponitur, ac tam uariè & frigide, ut planè nihil eos dicere ausim affirmare. Verum quòd interim magis ab aliquo dilucidè quid de hac re sentiendum sit, proferatur sensus, quem affert Campensis firmior adhuc uidetur, sibiq; constans magis, sic ille: Hæc ut euenirent, summa fuit uotorū ipsius Dauid filij Iessæ. Nam cum Dauid in cæteris omnino psalmis ardentia in Deū præ se ferat studia & desideria: in hoc mirum quàm insolitè deflagret transmigreicq; affectu atq; amore in Deū, eiusq; filium, quem in tetrum hunc terræ incolatum descensurū præuidens, obnixè rogat ut ueniat, ut acceleret, ut iustitiam secum ueniens deuehat. Et sic secundi finis est libri psalmorum apud Hebræos. Quorum quidem psalmorum auctori Deo laus sit, atq; honos in secula seculorum. Amen.

PSAL. Asaph. LXXIII.



Vàm bonus Israël Deus his qui sunt recto corde.

Ecstasi plenus est psalmus, atq; idem planè est cum multis argumentum. Miratur mundus, mirantur & ipsi interdum sanctissimi uiri, qui, ut inquit Christus, in mundo sunt, & de mundo nō sunt, nutantq; quantum doq; animo & dubitant, an illud Deo dignum censi debeat, bonos scilicet cōtinuis in hac uita affligi miserijs, malis uerò omnia ex sententia provenire, quis hoc credat? Cui iam est persuasum, consentaneū id in Deo esse posse ac laudabile, illum nimirum in quo error inest nullus, suos uelle amicos perpetuis in hoc mundo proteri calamitatibus, cum malaq; conflictare fortuna: hostes uerò tam immensis ditari uitæ cōmodis, ut penè nihil aliud cogitare uideatur, quàm ne minimo quidem detrimento afficiantur, O rem certè incōprehensibilem, prorsusq;



& suscipi latentē, si sensum spectas humanū, nempe tardum, hebetē, fallacē. Secus  
 autē hi, sensu qui sunt uegetiori, iudicant, qui à uulgi opinione semoti cum sint,  
 rem altius contemplantur: nam etsi, quæ est cōmunis mortalium imbecillitas,  
 in rimandis diuinæ prouidentiae iudicijs cæcutire, tantillumq; à uero aberrare  
 uideantur, at non ita tamen concutiuntur, à fidēue tam longē diuagantur, quin  
 statim animum colligant, experrectiq; in Deo cernant, fateanturq;, quicquid  
 contingat sapientissimo id fieri iudicio, licet occulto, ac planē uulgo incognito.  
 Quod si porro cum Vate illo ueteri interdum obstupescere, profunditateq; di-  
 uinorum consiliorum deuicti clamare coguntur, Quare impij uiuunt: subleua-  
 ti sunt, confortati sunt diuitijs, domus illorum securæ sunt & pacatæ, & non est  
 uirga Dei super illos: nihilominus tamen, ut dixi, non ita destituuntur animo,  
 quo minus quæ de Dei ordinatione sentienda sunt, & sentiant, & cum Vate ar-  
 dentissimos sui animi conceptus sic exponant: Quàm bonus Israël Deus, his  
 qui recto sunt corde. Pulchrē admodum rectos corde Israëlī attexit Vates: si qui  
 dem prioris subsequens hemistichion uidetur interpretatio: Israëlē enim di-  
 rectum à Deo interpretatur: Philo uerò, uidentem Deum. Vtraq; tamen inter-  
 pretatio huc bellè quadrat. Etenim, ut sapiētissimus asserit magister, Beati mun-  
 do corde (cor mundum, rectum appellare liceat) quoniam ipsi Deum uidebūt.  
 Quantumlibet igitur felices sint prauī in hoc mundo, boniq; miseri & infelices,  
 quàm benignē, quàm amāter se habet Deus erga illos, qui fide integra, rectoq;  
 ut fuit Israël, animo, ut cuncq; res cadant exteræ, ab eo dependent. Tamen si enim  
 interdum nutare aliquantisper uidentur, attamen stant fixi in Deo, tantum ab-  
 idcirco alio modo sensum explicāt. Certē, uertit Felix: alij autem, ueruntamen.  
 Est affectui humano diuinæ obmurmuranti prouidentiae responsio, queren-  
 tiq;, ac quodammodo Deum stupiditatis accusanti, quod improbos rerum om-  
 nium successu & cōmodo affluere sinat, probos uerò miseria & ærumna. Cui  
 spiritus: O insulse, quoquo modo res se habeant humanæ, atq; utuis Deus im-  
 pios fouere uideatur, pios autem affligere: ueruntamen hi ut filij charissimi cu-  
 ra ei sunt, atq; honori: illi autem fastidio atq; odio. Intelligo, ô beate spiritus. Ve-  
 rum hæc uidens, mœrore quasi contabui,  
 Et mei penē moti sunt pedes, penē effusi sunt gressus mei.  
 Vide animum Dei consilia parum cautē peruestigare conantem: fatetur e-  
 nim se improborum felicitate ita permotum, ut nihil abfuerit, quin à iustitiæ,  
 probitatisq; studio, quod per lapsum pedum, & effusionem gressuum signat, di-  
 laboretur. Mihi id accidit absurdi, inquit Paraphrastes, ut cum mei penē oblitus  
 essem, tantum non labi cœperint pedes mei: & quemadmodum accidere solet  
 his qui per lubrica ambulāt, effuso gressu collapsus fuerim. In causa uerò fuit,  
 Quia zelaui super iniquos pacem peccatorum uidens.  
 Maxima ea omnium uidetur tentatio, nihil fermē illis qui sanctē uiuunt suc-  
 cedere, intueri: improbis uerò omnia, & quidem contra ipsissimos Dei amicos.  
 Eo enim interdum impatientiae perrupisse quorundam animos uidimus, ut cu-  
 ra penē Dei contempta, peruerforū uitam, in qua summa apparet pax & quies,  
 sectari propemodum maluerint, quàm sanctē uiuentes uitam uiuere ærumno-  
 sam. Zelauius, inquit: hoc est, iniquorum fortunis inuidimus, consideran-  
 tes nihil non illis pacificum contingere. Et  
 Quia non est respectus morti eorum, & firmamentū in plaga eorū.  
 Neq; græci, neq; hebræi codices, quod sciam, habent Respectus: sed aut re-  
 nuntio, ut Euthymij uertit interpretes: aut uoluntas, ut alius etiam ex græco: aut li-  
 gamina, ut plerique ex hebræo. quorum omnium is unus erit sensus, ut elegan-  
 tissimē redditur à Paraphraste: Tota, inquit, uita, non solum fortunata illis om-



**C**nia fuere, sed etiam in morte illis accidere solet, ut ætate defecti sine longo cruciatu extinguantur. Sicut igitur feliciter uixerunt, ita feliciter moriuntur. Quis talem (ut græcæ dictioni faueam) renuat mortem cum moriendum est, in qua moriens ulla absq; uiolentia & horrore, è uita demigrat? Porro difficultates illas terrificas, & longos cruciatus in moriente, ligamina, firmamentumq; in plagas eorum, appellat Hebræus; Abeunt, inquit, è uita scelerati isti felices, si tamen felicitas ea uera est, onusta peccatis conscientia quempiam emori. Sed de corporea membrorum per mortem abitione è mundo, placida sanè & tranquilla, hic loquitur spiritus. Cæterum si dictio Respectus, interpretanda est, illum præ se ferre uidetur sensum, quòd iniqui in mortem nequaquã respiciunt, sed tantquam semper uiçturi præsentem tantummodo prosperitatem attendunt, more nimirum belluarum, in quibus nulla inest mens & ratio, quarum ui futura præsentiscere ualeant. Illud etiam non omittendum, ultimam uersus particulam sic ab Hebræis uerti, Vicens robur eorum, uel ut transfert Fel. fortis, robustus, si licet est impius, cum moritur; & est mutatio personæ. Vt cunque uertant, illud compertum, quòd

In labore hominũ non sunt, & cum hominibus non flagellabuntur.

In afflictione seu molestia hominis, uertunt Hebræi. quare sic Paraphrastes: A molestijs, quibus ex ipsa conditione homo fragilis obnoxius est, liberi esse uidentur. Solet enim Deus prauissimos quosdam eò interdum felicitatis in hoc mundo euehere, diuitijsq; honoribus, rebusq; illis, quæ non tantũ bona, quantum bonorũ simulachra atq; imagines appellari debent, ditare, ut in terris ferè pro dijs habeantur; tum propterea quidem, ut perspicacium sublimiũq; animorum, quæ sit fides in Deum, appareat; tum quanti æstimanda sint bona illa, quæ tam copiose uel ipsis profligatissimis Dei hostibus permittuntur, diuina edoceat sapientia; tum demũ quòd excelsius, magisq; formidabile suũ uideri possit iudicium, cum tam sublimes florentesq; succidere decreuerit plantas. Non terdum, quam laborem & flagellum appellat Vates, ut sunt illa omnino, famines, inopia, frugum armentorumq; iactura, mors pecorũ, pestilentia, iræ, multæq; principum, exactiões, & hæ quidem grauissimæ, bella, incursiões, depopulationesq; liberorum orbitas, atq; id genus alia penè innumerabilia, affliguntur, illi rebus suis omnibus intactis lautè admodum mundo hoc utuntur. O diuinæ certè prouidentia consiliũ planè secretum, atq; ab intellectu humano semotum omnino. Verũ uide quàm indignè tam larga Dei manu abutantur ingratißimi omnium. Quoniam quidem in labore hominum non sunt, & cum hominibus non flagellantur,

Ideo tenuit eos superbia, operti sunt iniquitate & impietate sua.

Is tandem finis illorũ est, qui in immoderata rerũ opulentia, addo & honorũ lasciuiantes, ut superbia tumidi eò perditionis dilabantur, ut toti, quãti sunt, iniquitate impietateq; nempe omni prorsus genere uitiorum tanquam ueste operiantur. A superba enim mente atq; ambitiosa, cum peccata omnia originè habentes à putrido ebullit ulcere, ebulliunt. Quò ultra progredi posset uel ipse perditissimus dæmon? Sunt tamen quidam etiam ex his forsan, qui in templis habitant, qui si non dæmones in fastu uitæ superant, æquant saltem, atq; ultrò pares illis fiunt. At uide, quàm nefandum turpitudinis scelus, horrendum, inestimabile prorsusq; detestandum, diuino id permittente iudicio, superbæ, tanquam merces debita, rependatur animæ, nam quod noster uertit interpretes, operti sunt iniquitate, Hebræis est nonnullis, inuoluet nates iniquitas eorum. Hi sunt enim, ut clamat Paulus, qui alienati à uita Dei, quiq; desperantes semetipsos tradiderunt



runt impudiciæ, in operationem immunditiæ omnis. Cætera uerò tute cogita, mi lector, imò à mente abijce, ne purissimis hisce spiritus affectibus, tu nondum carne prorsus exutus carnalia immiscens, à rerum cœlestium gustu arcearis: ad cæteras potius detegendas, quæ in superbo insunt homine, uitæ maculas, perge. Penè quidem ex his quæ hîc à uate dicuntur, adducor, ut superbum, eundem & impudicum, ne dicam exoletum, esse affirmem. Audi aliud insigne facinus superborum:

Prodiit quasi ex adipe iniquitas eorum, transierunt in affectum cordis.

Hic mihi illud Iob in mentem uenit, qui cum de felici improborum fortuna loqueretur, id inter cætera attulit: Iste moritur robustus & sanus, diues & felix, uiscera eius plena sunt adipe, & medullis ossa illius irrigantur. Aliàs diximus, adipem in scripturis, pro opimis, bonisq; omnibus fortunæ abundè referis accipi: pro lætitiâ quoque & gaudio: quemadmodum iecur pro amore, & renes pro intimis animæ cogitationibus atque oblectamentis sumi solent. Senfus igitur & uerè & doctè à Paraphraste exprimitur hoc modo: Vix apparent præpinguedine oculi eorum: supraquàm sperauerant omnia illis prospera eueniunt. Quod nos legimus, Transierunt in affectum cordis: Hebræi habent, Transierunt cogitationes cordis: id est, modum illorum fortunæ excesserunt, supraquàm unquàm sperare potuissent & optare, assecuti sunt. Vnde sic Felix: Transgressi sunt prudentiam cordis, hoc est, ut ipse se exponit, habuerunt plus quàm cogitauerunt. Idcirco quoq; transierunt in affectum cordis, nempe iniquitatem quodammodo uoluptuosam facientes, quicquid corde affectarunt, ulla absque controuersia perfecere. Quid tali felicitate infelicius? Neq; id quidem satis, aliud habet impietatis genus:

Cogitauerunt & loquuti sunt nequitiam, iniquitatem in excelso loquuti sunt.

Nequitia uitium est, quod cætera omnia complectitur, frugalitatiq; opponitur. Cæterum, si dictionem Excelso, ad Deum referas, aptius in excelsum uertendum erat, ut Euthymij interpretè uertere uideo: ut sit sensus, peruersos illos obloquentes, nec Deo quidem excelso pepercisse, sed in ipsum quoque maledicta congersisse. Verum, de excelso, transfert Felix, ac cæteri ex Hebræo ferunt omnes, quò hinc audacissimū illorum morem consideremus, qui omnes conditissimè tum in Deum, tum in homines effutiunt, Quocirca à Vate cōmōdum additur:

Posuerunt in cœlum os suum, & lingua eorum transiuit in terra.

Id est: In omnes uenenatam exacuentes linguam, & superos & inferos uno eodemq; contumeliarū genere conuoluunt. Atqui hîc mihi impudentissimorū gerronū consuetudinē depingi arbitror: sed illorum maximè, qui dignitate aliâ præditi sunt. Mirum quàm facile alienos mordeant mores. Dignitate quicquid illa sua, tanquam clypeo muniti, quicquid lubet, licere sibi putant. De Deo itaq; perinde loqui consuecunt, ac si illius essent in moderando uniuerso socij, quod penè exciderat, non omittendum: initium scilicet præcedentis uersus aliorum, hoc est, ab omni recta bene uiuēdi ratione dissoluti, dissipatiq; quicquid improborum uitam sunt machinati. Idcirco turgidi facti, in Deum, in subditos, in superiores, in æquales, nullo habito delectu, ab excelso arrogantia fastu loqui soliti sunt.



**C** Ideo conuertetur populus meus hic, & dies pleni inuenientur in eis. Periculum id ingens est pauorisque plenum, in membris potissimum Ecclesiae nondum solidè in fide Iesu Christi firmatis. Vide argumentū: Si pijs malè omnia succedunt, impijs uerò bene, quis iam pietatis studiosus erit? edamus itaque bibamusque cum illis, ut melius nobis sit. Sentis ne periculum? Idcirco, inquit spiritus, conuertetur populus meus, deficientque huc atque illuc distractus ab eo quod coepit, nempe iustitiae itinere atque instituto. Et sic (pro multam inauditam) à me auersis dies pleni, pleni inquam mundi huius bonis ac oblectamentis, inuenient in eis, perinde atque in illis ipsis improbis; quos sanè à me ultrò deficientes, in lasciuien- tibus mundi gremio, tanquam sues in coeno, uolutatos, meo æquissimo dereliqui iudicio. Verum, populus eius, non meus, uertunt Hebraei. Sic Felix: Propterea conuertetur populus eius concussus, & aquae pleni exprimentur illis. Quid sit populus eius concussus, aptè exprimit Paraphrastes: Propter, inquit, huiusmodi fluctuabit populus Dei, nunc hoc nunc illud animo uersans: & hæc ueluti aquae amarissimæ pleno calice obtrudentur illis ut bibant. Quocirca sugentur ei ab improbis (ita ait Kimhi Hebraeus) aquae calicis pleni toxico. Cuius ui insaniens, in illa quæ sequuntur facile prorumpit uerba:

Quomodo scit Deus? & si est scientia excelsa?

**D** Quid mihi, inquit, obtrudunt uerba illa, quod scilicet Deus æquam de omnibus curam habet? quod uidet omnia? quod discernit? quod ut iuste, sic celeriter in excelsa iudicat? Si ita res habet, & nihilominus peruersissimos quosque amplissimis mundi bonis, honoribus, tranquillaque sinit uti fortuna, quomodo eum quæ hic fiunt, scire, diiudicare uel dicam?

Ecce ipsi peccatores & abundantes in seculo obtinuerunt diuitias.

Vides confusum in anima conflictum, quæ, ut par est, non omnia diuino committit consilio? En, inquit, perfidi isti è terra nati quomodo turgidi sunt, improbi, fallaces, prorsusque athei ac profligatae uitæ homines: attamen rerum omnium, tanquam effuso copiae cornu, lautitia abundant: quò enim improbiore sunt, hoc illis tranquillius res omnes fortunare Deus uidetur. Sunt ne ista æqui iudicis, ut Deus est, indicia atque argumenta? Penè quidem persuaderi mihi paterer Deum innocentia hominum offendi, simulac uideo proborum uitam tam male haberi in terris.

Et dixi: Ergo sine causa iustificauit cor meum, & laui inter innocentes manus meas.

Sic sanè intra me: Ergo si ita diuinum expectatur iudicium, mea omnino fides, qua me iustitiam adepturum sperabam, ne quicquam fuit. Ergo mihi operam lusisse uideor, qui tam anxie, ut puro essem corde, elaborauit. Frustra & illud fuit, me iniquorum uita & consuetudine abstinuisse, fugisseque ad antra, solitariaque loca, ne contaminarer, atque eadem cum ipsis inuoluerer uitæ impuritate. Cæterum de puritate manuum, seu ablutione, aliàs diximus exteriori uitam hominis significari: neque aliud inter innocentes manus lauare prætendi, quam puram uitæ conuersationem præ se ferre quæpiam. Quid mihi igitur, inquit, honoris attulit castam cum castis uixisse uitam? En tandem pro merito afflictus sum,

Et fui flagellatus tota die, & castigatio mea in matutinis.

Perseuerat adhuc suo in ancipiti exprimendo de Dei providentia iudicio anima, fideque dubia. Bene, inquit, seruo, & flagellor: non seruit malus, & honoratur. Quid itaque censendum, cum quotidie serui ego frugi officio fungens, quotidie uerber-



uerberor, diesq; singuli suo mihi exordio nōnihil afflictionis afferunt. Si interdum quidem scelestissimi isti incōmodo uitæ aliquo tanguntur, aut illud breue est, aut seruum omnino: ego autem ab ipso matutino diei tempore, usque ad uesperam, continuis obnoxius sum incōmodis. Atqui prauus quidam apud nonnullos, huiusq; non absimilis, in dijudicandis aliorum factis apparet mos: ut, si quos ē suorum numero, sibi uel amicitia, uel affinitate, uel patriæ interdum cōmunionē coniunctos peccare, & id quidem crebrò & turpiter contingat, illo- rum statim obregant delicta, eaq; dissimulent, & si non malitia, affectu saltem humano & turpi, pro benefactis haberi uelint. Quorundam uerò lapsus, in quos uel ipsi moderatissimi quandoque dilabuntur uiri, adeò celeriter se uerecū- & querant & puniant, ut neminem iam peccare discernas, nisi qui bonus sit. Vnde ista, obsecro, orta est iudiciorum inæqualitas: alij enim in sortem quan- dam infelicem illorum, qui sic iniuste suis à superioribus dijudicantur, referūt: ego autem prauum eorundem potius superiorum animum, atq; à Dei doctrina alienum, in causa esse iudico. Quòd si Deus improbos non euestigiò punit, aut adeorum scelera conniuere uidetur: proborum uerò uitam & citò & assidue flagellis ab erroribus auertere, id æquissimo fit iudicio & necessario. Illi autem turpissimo, & irrationabili trahuntur affectu. Aliud est enim flagitiosorum ho- minum peccata ad tempus, ut uel sic saltem resipiscant, dissimulare, aliud mali- tiose tegere, & quia amici sunt, nutrire. Heu mores corruptissimos. Si sic se res- sum illam fuisse hypocritarū querelam in Vate illo. Vanus est, inquiunt, qui ser- uat Deo. Et quod emolumentū, quia custodiimus præcepta eius, & quia ambu- lauimus tristes coram domino exercituū? Ergo nunc beatos dicimus arrogan- tes. Et sunt, mi lector, imprudentis animæ querimoniæ, quæ in disqurendis al- iis consilijs, nimium curiosa est & procax. Verum quoniam ex illarum nu- mero est, quæ ad mortem peccare haudquaquā possunt, quia Dei semen in se ha- bent, non ita dura efficitur ac contumax, quin statim deprehenso suæ ignoran- tiæ periculo, sese colligat, diuinoq; illustrata lumine fateatur, quod in sequenti- bus sateri Vatem conspiciat:

Sidicebam, narrabo sic, ecce nationem filiorum tuorum reprobauī. Vide uim lucis diuinæ. Longè, inquit, à me sitea, de qua hactenus tristis ac mærens tam multa questus sum, sententia. Nam certè, si induxero iterum ani- mum, ut sic de Deo sentiam & loquar, ut hactenus loquutus sum, tuos absq; du- bio electos, nempe nationem filiorum tuorū reprobam, à teq; alienam dicam. Quod sanè impietatis genus inexpressibile uidetur. Quid tam tuæ bonitati, mi Deus, ac, qua cuncta iustissimo ponderas æquilibrio, potest esse iniurium pro- gressu? Hec itaq; ac multa id genus alia stultè nimium atq; imprudēter uersans animo, Existimabam ut cognoscerem hoc, labor est ante me.

Hebræorū interpretes post dictionē Hoc, interpunctum collocant hoc mo- do: Cogitauī ut cognoscerem hoc: id est, quomodo relictis in miseria iustis, pra- uos exaltas, ditasq; continuè, ac de illis solummodo curam habere uideris. Ve- nim ipsa rei difficultate deterritus, tantisper à uanitate illa mea animi, superua- cuoq; consumor labore,

Donec intrem in sanctuariū Dei, & intelligam in nouissimis eorū. Sanctuariū hīc uocat spiritus cœlestiū rerum cognitionē: etenim ē sacrario illo antiquo templi, certa Dei oracula audiri fama erat. Modò uerò ē benignissi- mo Christi pectore, qui totius diuinitatis sanctuariū est, istiusmodi cognitionis lumen hauritur ab his nimirum, qui abstracti à mūdii amore ac metu, cor ipsum Christi ingrediuntur, in quo omnis inest sapientia, pax, amor, quies, uita, & re-



**C**um nō solum præteritarū ac præsentiū cognitio, uerum etiam futurarū prænotio, Inter quas illud quoque est, quod in Deo tanquam in emaculatissimo speculo, quæ miseria eos maneat, qui in hoc mundo felices uulgo iudicant, clarissimè intuentur. Idcirco addit Vates, Vt intelligam in nouissimis eorum, quem tamen sensum fusius quàm cæteri ex Hebræo tractat Campensis: Tunc enim, inquit, intelligam rem ipsam, cum uidero quæ finem habituri sint impij, qui hîc uidebantur felices: & pijs, quos hîc opprimebant illi, Sed de impiorum exitu tantummodo hîc loqui spiritum arbitror, ex his quæ sequuntur:

Veruntamen propter dolos posuisti eis, deiecisti eos dum alleuarent. Felix sic: Quippe in lubricis pones illos, deicies eos in ruinas. Alius item ex Hebræo, Attamen in lubricis posuisti illis; nempe eorum felicitatem. Rursum alius: In lubrico locauisti eos. Hæc unà idcirco conguessi, quò quid sibi uelit in nostro interprete, propter dolos, perspicuum sit; & est (opinor) similitudo ab his desumpta, qui in lubrica gradientes uia facile cadunt. Ita hi sunt, inquit, qui sua illa immodica diuitiarum luxuria nisi, nihil suis in studijs aut actionibus, quod firmum sit, statuere norunt. Quocirca subiungit Vates, Deicies illos in ruinas, uel eo maximè tempore, dum alleuantur: hoc est, cum magis in altum elati uidentur. Succurrit & alius sensus, qui nostræ faueat literæ, & est idem atque si dicat: Quoniam subdoli ex more hi sunt, fiduntque rebus sane quàm dolosis, ut ferè sunt res huius mundi, proinde tu æquissima cōpensatione imposuisti eis; hoc est, illos à propria uoluisti deludi fortuna, & falli. En

Quomodo facti sunt in desolationem, subito defecerunt, perierunt propter iniquitatem suam.

**D** Felix profectò hæc est consilij in anima mutatio. Antea enim sui penè obliti, in illud prorsus obloquutionis in Deum proruperat, ut eum quasi stupiditatis, ac ferè iniustitiæ reprehenderet: discutere nimirum efflagitans, quo iudicio, quæue lege, aut prouidentia id fieret, ut boni continuis iactarentur infortunijs, malis uerò ne tantillum quidem incōmodi obueniret. Modò autem ad se reuersa, suamque cognoscens ad diuinam excutiendam caliginem tarditatem, haud amplius de diuina addubitat in iudicando æquitate: sed miratur, stupetque, quomodo hi, qui non ita pridem ut dii in terris habebantur, subito inuoluti infortuniorum nimbo, in extremam coniecti sint ruinam. Quomodo, inquit, facti sunt in desolationem, quàm subita oppressi sunt calamitate, quis id unquam sperasset? periire omnino. Hem quò illa læta abiit fortunæ facies. Repentino quippe horrore exterriti, in nihilum acti sunt. Quod enim nos legimus, Perierunt propter iniquitatem suam, Hebræi habent, Consumpti sunt à repentinis horroribus: quæ quidem uox subitam inopinatamque præ se fert animi consternationem. Nihil quidem timidius homine in gremio fortunæ enutrito, percussio tamen, atque in calamitatem aliquam acerbiolem obtruso: ut ferè sunt hi, qui propter diuitiarum copiam, aut fauorem principum, supra modum tumidi fiunt. Verum,

Velut somnium surgentium domine in ciuitate tua, imaginem ipsorum ad nihilum rediges.

Vide quàm apta comparat similitudine Vates prauorum felicitatem illius somnio, qui iam euigilauerit. quid somnio huiuscemodi inanius? Dormiens enim somnijs quidem, aut sopore oblectari potest: uerum postea experrectus cum fuerit, quò uana illa abiit oblectatio? Ita nimirum uanida omnino est humana hæc felicitas, qua qui abutitur, delectatione se aliqua affici sibi uidetur. Interim uerò è fortunæ sinu, tanquam à mollissimo eiectus lectulo, sentit miser suam illam bonorum honorumque beatitatem & splendorem, quem hîc imaginem



nem uocat spiritus, nihil aliud extitisse quàm fugacem somnum, ac rei simula-  
 chrum, non rem ipsam. Dormierunt, ait alio in psalmo, & nihil inuenerunt om-  
 nes uiri diuitiarum in manibus suis. Desierunt igitur in umbram ac somnū (ut  
 & nos quoque sapius uidimus, uidebimusque, quò sua sit Deo susque deque gloria)  
 arrogantium diuitiæ & delitiæ. Desiere honores, desijt & splendor ille immo-  
 dicus, atque autoritas in populis, tanquam imago inanis, & fugaci simillima so-  
 mno: in eorumque locum irrisio, contemptusque morte ipsa acerbior, atque exhibita-  
 tio, miro omnium consensu & plausu subintroire. Verum id penè tolerandum,  
 nisi post uitæ huius somnum, eiectionis explosioque à ciuitate sancta Dei, in qua sum-  
 ma ueraque inest felicitas, non umbratilis, atque, ut illa est mundi, inanis, comon-  
 strarent se nihil aliud uiuentes in Dei religionē introduxisse, præterquam ima-  
 gines ac rerum umbras. Caterum, imagines eorum negliges, uertunt Hebræi:  
 hoc est, eorum gloriam, quæ uerius imago gloriæ dici potest, quàm uera gloria,  
 tanquàm rem nihili abijcies. Atqui incredibilem in modum, mi Deus, dum tam  
 profundam iudiciorum tuorum caliginem contemplor, obstupesco, dementorque  
 omnino, ipsa rei profunditate oppressus.

Quia inflammatus est cor meum, & renes mei commutati sunt. Et ego  
 ad nihilum redactus sum & nesciui, ut iumentum factus sum apud te.

Hucusque duos legunt uersus Hebræi, Flamma hæc cordis ab æstu illo animi  
 in quieto prodire solita est, cum quis secreta illa Dei rimari nititur, quæ huma-  
 num prorsus fugiunt intellectum, Hebræi tamen non legunt, inflammatus, sed ace-  
 rosum. Vnde sic Paraphrastes: Interim uelut a core quodam macerabit se cor  
 meum. Mirum quàm uarijs, atque eisdem ipsis quidem aptissimis, suo in exprimen-  
 do dolore atque affectu, similitudinibus utatur Vates. En alia iterum secundum He-  
 bræos: Et renibus meis, inquit, compungar; hoc est, ut ipse exponit Felix, ac si sa-  
 gitta acuta infixæ esset in renibus (uulnus eò loci infixum letale esse solet) commo-  
 poni cernimus, pro anxijis hinc animæ per motionibus, superfluisque imaginationi-  
 bus, posse accipi opinamur. Quas quidem superuacaneas occulta omnino  
 disquirendi curas, suæ attribuit stultitiæ uir sanctus, Nam quod noster legit in-  
 terpres, ad nihilum redactus sum, Hebræis est, & ego stultus: seu ut Felix, ego  
 rereddidi. Et torquebo me cogitationibus meis: intulit, propterea quòd re-  
 iumentum ueluti omnium ignarus, hæc non satis intelligere potuerim. Quid ultra: ut  
 iumentum factus sum apud te. Mirum admodum esset, si iumenta rationis exper-  
 tia, ea quæ Dei sunt peruestigare conarentur. Vide itaque cui rei æquiparetur ho-  
 mo in inuestigandis Dei iudicijs nimium anxius, amenti nimirum ac iumento.  
 En quàm acuto nostra confoditur telo arrogantia, Parendum certè est simpli-  
 ter numini, diuinisque assurgendum summa cum ueneratione iudicijs: neque il-  
 latus quidem peruestiganda sunt, quæ suæ solummodo esse scientiæ decreuit altis-  
 simus. Atque eo sanè modo mens hominis erudita, in Deumque transiens per uo-  
 luntatis unionem, quam format amor, in se deficit, atque ad nihilum, ut ait Vates,  
 redigitur. namque ea præditus est Deus natura, ut quencunque suo sanctissimo in-  
 flammauerit amore, ita exurat, ut in sese felicissima transmutet conuersione.  
 Tunc sanè noxij omnes adeduntur affectus, renesque, hoc est, carnales appeten-  
 tiæ sopiuntur in anima illa, quæ penitus ex se exiens, in quietissimo Dei sinu  
 obdormiscit. Deficit igitur in sese, propterea fit tanquam iumentum, fit de-  
 mens, fit insipiens, fit nihil tandem, dum quadam deiformi tranquillitatis ecsta-  
 si & raptu se sentit cum suo semper amato requiescere. Idcirco subiungit:

Et ego semper tecum, tenuisti manum dexteram meam.



c Quare, perpetuæ, inquit, tibi curæ fui. Siquidem tu, tua benignissima mema-  
nu sustentasti, tremulamq; dexteram meâ, quò me à malorū profundo extrahe-  
res, apprehendisti, meamq; increpasti timiditatē, dicens: Modicæ fidei, ut quid  
dubitasti? Tu igitur solus, nō homo, non angelus, non quivis alius ex supremis  
tuæ felicissimæ uisionis consortibus, tenuisti manum dexteram meam,

Et in uoluntate tua deduxisti me, & cum gloria suscepisti me.

Tuo enim, inquit, consilio, ac, quo perpetuo beatus es, proposito & uolunta-  
te, quacunq; mihi eundum esset, fidissimus ueluti comes affuisti: & me tandem  
tuis in bonis, quæ tua est gloria, & tota animæ felicitas, collocabis. Suscepisti,  
Hebræi legunt per futurum, suscipies, seu assumes, Vnde sic Felix: In consilium  
tuum deduces me, & postea in gloria assumes me. O certè nunquam ab animo  
delendæ Dei promissiones. O amor. Quid?

Quid enim mihi est in cœlo, & à te quid uolui super terram? Defe-  
cit caro mea & cor meū, Deus cordis mei, & pars mea Deus in æternū.

Vide hîc perfectissimā diuini amoris ecstasim, de qua suprà nōnulla diximus:  
cuiusq; ea in primis uirtus est, ut amantē in se transmutet, exuatq; nō solum ap-  
petentis illis crassioribus, quibus interdum cū magis ad cœlestes adnititur  
congressus anima, turbatur & concutitur, uerum etiā placidissima quadam à re-  
bus omnibus conditis defectione ac morte, ad se rapiat, strictēq; adeo uniat, ut  
planè deiformis euadat. Ea quidem est quæ hîc dicit: Quid enim mihi est in cœ-  
lo, quod tanti faciam, quanti te? quod mihi præter te placere queat: quod te mihi  
irato non detester: nō auerfer: quid? nulla me satiat creatura, siue in cœlis ea sit,  
siue in terris. Omnia quippe inferiora me esse iudico, cū me in te per amorem  
euectum sentio, gustoq; te super omnē suauitatem suauissimū, atq; eum quidem  
D in quo meus omnis conquiescit intellectus, amor, uoluntas, cor, animus, caro  
tandem, ac bruti hî sensus. Quid igitur in terra meam quæro tranquillitatem?  
quid in ea est, quod tecum collatum nō sordescat: non pereat funditus: non mi-  
hi displiceat? Putās ne me aliud in cœlis, atq; in hoc mundi domicilio, posse am-  
plius desiderare quod non sit Deus? Ex hoc planè desiderij æstu atq; ardore de-  
ficit animus, deficit caro, cōlanguescuntq; simul meæ omnes in me uires. Nam  
tu, non ego, non aliud quidpiam, deficientis cordis mei robur es, uirtus, atq; is  
solus, quem portionem omnem meam, quem uitam, quem salutem esse & sem-  
per uolui, & nūc recentiori studio ac proposito tum uolo, tum interposito quo-  
que iuramento decerno, statuo, delibero.

Quia ecce qui elongant se à te, peribunt: perdidisti omnes qui forni-  
cantur abs te.

Cū enim bonū animæ sit Deus, quid, oro, putat se posse unq; assequi bono  
rum relicto Deo? Optima sanè fuit improuidæ animæ doctrina, similitudo illa  
obmurmurantibus proposita de filio prodigo, suarumq; rerum decoctore, pha-  
risæis. Quàm malè habuit infelix, simulac accepta à patre hæreditatis portione,  
peregrè profectus est à Deo in regionē longinquam. Quid, obsecro, impruden-  
tissimus actitauit iuuenis à patre profugus? Dissipauit, inquit, omnē substantiā  
suam uiuendo luxuriose. Vide quid agat anima alienata à Deo, nempe suo in  
stercore, hoc est, suis in impurissimis putrescit affectibus. Ignara erim misera,  
quàm periculosum sit à Deo, uel digitum quidem discedere, suis in actionibus  
& cōsilijs adeo obbrutescit & stupida fit, ut morbum suum nō sentiens atq; ege-  
statem, nihil tam quærit in hoc mundo, quàm quomodo scēdissimis suis amato-  
ribus, qui sunt in primis, libido, superbia, fastus, crudelitas, atq; horum omniū  
altrix ambitio, prostituat, forniceturq; à Deo, cuius castissimos dedignata am-  
plexus atq; oscula, tanq; infamis meretrix à regio abigitur cubili & cōubernio.  
Idcirco in reprobam tradita uoluntatem, in omne uitę scelus ac flagitium deuol-  
uitur.




uitur, quod sanè est, quod hîc à spiritu nostram ad cautionem dicitur: Ecce, inquit, qui à te procul recedunt, interibunt. nam tu, quæ tua est in iudicando æquitas, eos omnes perdere consuesti, qui te sponso animæ derelicto, cuilibet impudentissimo copulantur lenoni. Heu perditam animā. Adamaui, inquit, alienos, & post eos ambulabo. Verum illa, ut lubet, suos sequatur adulteros,

Mihi autem adhærere Deo bonū est, ponere in domino Deo spem meam: ut annunciem omnes laudationes tuas in portis filiæ Sion.

Perfectissima ea est animæ quies, cum sponso Christo, quæcunq; cōtingant, adhærere scit, in illiusq; sinu, qui totus amor est, emoritur. Bonū, inquit, solum id esse arbitror, arbitror autē: imò persuasissimū habeo optimū illud esse, me super vacaneis reiectis curis, falsisq; cōtemptis rerum imaginibus, uniri Deo, in eoq; spem omnē meam, qui meus est dominus & Deus, collocare: atq; hoc sanè modo, mi Deus, tuas mirificas in me laudans operationes, cunctis illas, qui tuo sanctissimo ducunt spiritu, annuntiabo. Cæterū de portis, in quibus conuentus habebantur, non semel in superioribus dictum est psalmis: quanq; in Hebræo dictiones, in portis filiæ Sion, non inueniunt: sed tantūmodo, ut enarrem omnia opera tua. In hisce quidem enarrandis occupari debent homines, uel in primis illi, qui religiosi appellantur: nō in recensendis regnorum bellorumq; tumultibus & dissidijs, dissidiosi ipsi, si qui sunt tales, & plus quàm desides atq; ociosi. Mirum q; longè, indignabundeq; ab istiusmodi colloquēdi ratione sese subtrahat sponfus, Cui laus sit semper, ac gratiarū actio in secula seculorum. Amen.

PSAL. LXXIII. Eruditium Asaph.

 T quid Deus repulisti in finem: iratus est furor tuus super oves pascuæ tuæ.

Siue enim de immani illa Hierosolymorū ruina & deuastatione; quæ duce Tito futura erat, hunc psalmū uaticiniū fuisse intelligas: siue de illa quæ sub Pompeo Antiochoue, sub quo templū miris pollutū fuit cōtaminatio: siue imaginēris: siue etiā de sæuissima tyrannorū persecutione, qua afflictā fuit Ecclesia, à Christi nece usq; ad tempora Constantini Imperatoris, asseras, nō sanè multū à psalmi argumento aberraueris: modò calamitatē aliam acerbiorē præfagisse Vatem certò scias, quæ adeò interdum crudeliter desæuisse uisæst, ut sponsæ fidem nonnūq; iniuriarū cumulo penè obrui inspexerimus, sponsum uerò ipsum ad tam indignū suæ dilectæ uulnus connixisse, ac, uti solent obliuiosi, aliò diuertisse. Eò quippe aliquando nostra deuenisse tempora, quid temporalis & mores & uitam cernimus, ut planè hi esse iudicaremur, in quos uaticiniōrū omniū congeries terminaretur. Idcirco qui propiori adhærerēt Deo spiritu, nō fuerunt ueriti interdū cum illo, quē unicè amarēt, de his quæ in mundo citra normā omnē æquitatis fierent, deq; iniurijs in probissimos quosq; illatis, expostulare ad hūc modū: Vt quid Deus repulisti in finem: iratus est furor tuus super oves pascuæ tuæ. Nescio em̄ an quicq; calamitosius esse possit, quàm autē oves pascuæ eius. Verum persecutionū acerbitatē id agere sēpenumero expectemur, ut illum quē misericordiā ipsam decentius appellari fas est, q̄ misericordis ferē uniuersus in Christi sponsam ferociat, ut ferocire tum armis, tum doctrina quoq; & cernimus, & præ dolore cōtabescimus: num propterea tamē ita cū mundo in suos cōspirasse censeamus: Sūnt ne hæc solidæ cōstantisq; in Deū si dei uerba, an nutantis potius & turbatę: ut quid Deus repulisti nos: ut quid oblitus es nostris: abiecisti ne perpetuò tua à cura miseros, afflictos, ærūnosos, sunt



C ne istiusmodi propriæ pastoris partes, ut suos exterminet greges? Tu pastor, tu pater, nihilominus iratus est furor tuus super oves pascuæ tuæ? Quid tibi uis, mi Deus? quid cogitas cum ouiculas has debiles, tuas tamē, tuiq; sanctissimi uerbi, ac spiritus pabulo in pratis Ecclesiæ altas, tandiu, ulla absq; cura à mundi tyrannide, ab hæreticis, ab hypocritis, ab istis demum falsis pastoribus illudi, discerni, ac uti solent in laniena carnes unciatim concidi & uenundari, sinis distrahi? Vide uerborū efficaciam. Hebræi enim quò ardentiorē hanc animæ querelam exprimerent, ita hunc reddiderunt hemistichium: Fumat naris tua in gremio pascui tui. Siquidem eum esse morem in ualde iratis cernimus, ut ferè igne ē naribus spirare uideantur.

Memor esto congregationis tuæ quam possedisti ab initio, redemisti uirgam hæreditatis tuæ mons Sion in quo habitasti in eo.

Is unus Hebræis est uersus. Immensa hæc est Ecclesiæ consolatio, cum se recolit à Deo uel ab ipso rerū initio dilectam extitisse. Recordare, inquit, huiusce cœtus hominū, quorum numerū tu solus æterna computas ratione, è mundoq; ut tui sint, eligis & secernis: quos tamen etiam anteq̃ mundum ipsum cōderes, sempiterna tua uirtute, ac constantissima possedisti prouidentia, direxisti, iustificasti, ac tandem sanguinis precio tui unigeniti adeò integrè tibi uendicasti, ut plenum liberumq; in eos imperium, hæreditario ueluti iure haberes: & id quidem in monte sancto tuo Sion, quæ tua est Ecclesia, in qua uera certaq; & tranquilla sanctorum est mansio. Possedisti ab initio, sunt qui ex Hebræo uertunt, emisisti pridem, seu iam olim. quæ sanè lectio ulla absq; dubitatione Christi morem, qua uniuersus à peccato liberatus est orbis, ostendit. Virgam item non sine ratione huc esse adiectā censeo. Siquidem ut funiculis olim, ita uirgis agros metabantur mensores. Quanquā Aquila sceptrum fortitionis transtulit, & est ac si diceret: Portionem illam hominū, quam tu tibi per gratiam ueluti hæreditatem, immenso crucis baculo dimensus es, ac contra humanū morem (quis bona sibi hæreditaria lege debita comparat?) & cōparasti, & tuam omnino esse uoluisti, ne tua à memoria abijcias, ne spernas, ne auerferis. Contrà potius,

Leua manus tuas in superbias eorum in finem, quanta malignatus est inimicus in sancto.

Ferè quod Hebræi legunt, in æternum: nostra editio habet, in finem. Eleua inquit, in sublime manum, quò fortius uulneres, prosternasq; in æternū superbissimos istos homunciones. Prò quàm insolenter, quàm malignè, quàm perfidiose se habuit, etiam in ipso sacrosancto Ecclesiæ sanctuario, atq; in ipsis secretioribus sanctarū ædium adytis, tuus iste hostis arrogantissimus. In sancto, Hebræis est, in sanctuario. Illud item quod noster uertit interpres, leua manus tuas, plerique ex Hebræo reddunt, attolle passus tuos, seu, leua incontinenter gressus tuos, ut uastes omnem inimicum, quorum uerborum sensum illos afficias nunquā phrastes: Erige te in pedes, ut obuiā hostibus profectus malis illos afficias nunquā quam finiendis: nihil enim non ausi sunt in templum sanctitatis tuæ consecratum. Nulli dubium, quòd hic Vates ad templi conflagrationem duce Antiocho factam alludens, aliud destructionis genus, aliud incendium, aliam uim hostium uero Dei templo inferendam præuiderit: nempe illam, qua boni passim flamme exterminandi essent. Cessaruntne modò, an potius inualuere odiorum gressus in templo sancto Dei: in sanctuario ipso: in locis dijs cōsecratis? Quid de libidinum incendijs proferam? quid stupra? quid furta cōmemorem? At illud non silebo, etsi cætera, Dei honoris percipidos maiore affici animi mœrore & luctu, ex incendio quod in Dei ædes (ædes Dei, ædes Christianorum appello) coniecit fastus, atque cum auaritia & libidine ambitio, quàm si perenni cernerent



nerent deflagari flamma orbem uniuersum, intacta fide, Deiꝝ cultu incolumi,  
ac religione. Heu benignissime Christe, quò nostra (tuam dicere erubescō) im-  
pudentiæ processit congregatio, quam tamen possedisti ab initio: quò religio:  
quò mundus planè totus: Vbi iam spiritus: ubi ardor fidei: ubi nexus ille, cuius  
uirtute quicquid cōditum est, quod ratione utitur, in te durat, uiuicꝝ, ac suum  
seruat statum, charitas: Leua, leua, inquam, iam tandem in altum letalius per-  
cussurus manum, manum autem: ensem potius atque hastam, in superbiam eo-  
rum, qui tuam constuprarunt sponsam. Quanta, mi Deus, malignissima ista im-  
proborum colluies in te machinantur mala.

Et gloriati sunt qui oderūt te in medio solennitatis tuæ. Posuerūt  
signa sua signa, & non cognouerunt sicut in exitu super summum.

Singillatim hostiū audaciam enarrat Vates: quam quidem, nō omisso tem-  
pli ueteris, atꝝ adeò synagogarum typo, ad Ecclesiæ tempora referri conuenit.  
Vndicꝝ enim morum dissolutionē ē superba nōnullorum uita dimanantē, iam  
lessi uidimus, & maximo cum dolore etiamnum uidemus, experimurꝝ impio-  
rum cineres, atꝝ ossa hæreticorū ē sepulchris denuò excitari, reuiuiscere, atque  
in Dei templo uictoriæ signa ac trophæa erigere. Quid, oro, immanius, deplo-  
ratusꝝ audiri potest, quam improbos & flagitiosos eò uecordiæ prorupisse, ut  
pessundato Christo, hoc est, calcata fide, pacēꝝ & innocentia ē ciuium conuen-  
tibus non tantum eiecta quantum oppressa, in Dei Ecclesia, in templis, in re-  
bus publicis adeò insaniant, atꝝ proborum fortunas, famam, uitamꝝ inhient,  
ut nulla alia ē re se gloriam nancisci uelle uideantur, quàm ut Deum contem-  
pserint appareant. Quare non immeritò hīc queritur spiritus: Et gloriati sunt, in  
quit, qui oderūt te. Sed forsan id meritò in ganeis, aut myropolijs, aut cruentis  
atꝝ in amphitheatris, uel inter collusores fieri toleramus: leuius istuc esset,  
esset turpe: sed in medio solennitatis Dei contingere lamentamur: hoc est, ut in-  
terpretatur Campensis: Ipsis festis solennibus clamauerant tanquā uictores, nō  
aliter quàm pij solent præ gaudio cantare in honorem Dei. Subindeꝝ (pro au-  
dacia) erexerunt uexilla sua in trophæum. Solent quidem uictores, urbe aliqua  
expugnata, aut arce, primis refixis signis, alia uictoris in sublimiori urbis loco  
figere, ex altoꝝ clamare, ac uictoris nomē ingeminantes insolentissimū in mo-  
tum ouare. Ita etiam, si quid in unaquaqꝝ agatur urbe aut republica, aut cui sub-  
iecti sint populi, intelligere cupimus, ex editioribus murorum locis, aut turri-  
bus, qua impressa sint nota uexilla suspicimus. Quare si ex illis cernis cruorem  
cruce Christi effluere, hoc est, sapientiam, pacem, dilectionemꝝ ciuium mu-  
tuam, & pietatem, totum uexilli campum occupare, quid putas? Deus urbi illi  
præsideret, si uerò contrā, haud cruore quidem Christi, sed ciuium innocuorum  
conspersa signa uideris: si superbiam, si dolos, si usuras, si odia, si fastum, si inui-  
diam, si ambitionem, si libidines & similtates, totum iunctis quasi manibus  
complecti uexillum inspexeris, illic absque dubio regnare dæmones affirma-  
uerunt sicut in exitu super summum. Eum quidem signare sensum uidetur,  
quòd qui prophanato templo impietatis signa affigere decreuissent, non intel-  
ligentes quàm impiū id esset res sacras polluere, in portarum illa exitu edi-  
ficiorum loco, quò conspicua essent omnibus, affixerint. Indiciū nimirum le-  
uissimæ illius gloriæ, de qua illud est: Et gloriati sunt qui oderunt te. Verūm a-  
deo. Sic Felix: Cognoscetur uelut adducens superius. Alius item ex eodem fon-  
te: Nobilis erit sicut adducens ad sublime. & est perinde, ac si uertissent: Qui  
olim isthuc Dei templum ædificare instituisse cepisset (is CHRISTVS est)  
utpote qui maximo id labore ac sumptu egisset, cognoscebatur ab omnibus,



C ac tanq̃ ille qui sanctum cuperet ædificiũ absolui, & usq̃ ad supremũ euchi fastigium, laudabatur: nunc nulla illi habita reuerentia & respectu, tam ingentibus laborata sudore moles (uide uim crucis) diruitur, æquẽ succinditur, ac solent syluæ securibus ac malleis dirui ac succindi. Quare additum est à Vate,

Quasi in sylua lignorũ securibus exciderunt ianuas eius in idipsum, in securi & ascia deiecerunt eam.

In idipsum, quod aliàs significauimus, unà uel simul, interpretantur. Cæterũ huius uersus sensus ita ferè à Chaldaeo redditur: Sicut, inquit, eminet qui securim eleuat ad decidendos ramos arborum, ita isti bipennibus & malleis omnia cõminuunt. Hinc sanè celerem iratumq̃ animũ in demolienda Dei religione, nõnullorum licet animaduertere. Verũ sensus qui à Paraphraste nostro redditur, planior uisus est, ac minus obscurus, sic ille: Palàm uidentibus cunctis (en quomodo interpretatur, nõ cognouerũt) ascenderũt uastaturi templum tuum, non aliter quàm syluam lignorum ingressi arbores truncare solent. Iam nunc id agunt, ut ianuas, & omnem penitus ornatum illius securi & malleis perdant. Nam dictio quam noster habet interpres, ascia, Hebræis est, malleo, seu malleis: qua uoce duos ecclesiæ ministros, ac sæuos in rebus publicis dynastas, & magistratus, quorum sæuitia cõtundi solent atq̃ atteri proborũ fortunæ, & cari arbitror: quemadmodum bipenni, superbam eorundem cõsuetudinem ac dominũ, quo templi ianua, quæ fides est, rescindi consueuit, atq̃ à postibus euelli. Hi sunt enim qui

Incenderunt igni sanctuarium tuum in terra, polluerunt tabernaculum nominis tui.

D Omni genere libidinum, cupiditatumq̃ flamma atq̃ auaritiæ, non solum parietes ipsos, ac ritus ecclesiæ, & fœdarunt & incenderunt (ut olim immanis ille Antiochus, qui in templo aram antiquo Iudæorum cum extruxit, tum in ea ad rei sacræ contumeliam porcos immolari iussit) uerumetiam sacrarium ipsum Dei, ipsa fidei mysteria, claustraq̃ diuinitatis & castimonie, quæ sunt puræ animæ, turpissimũ in modum conspurcarunt, ac horrendo, fermeq̃ inextinguibili exusserunt incendio. Quò non prorupit illorum proteruitas? Cui aliquando ætati? cui sexui pepercit impurissima, atque insaturabilis illorum libido? Pollutum est iam cœlum, polluta tellus, pollutus aër, polluta condita omnia in terris. Quare,

Dixerunt in corde suo cognatio eorum simul, quiescere faciamus omnes dies festos Dei à terra.

Ea tandem improborũ peruersa est uoluntas, ut nõ sit Deus: uel saltem, ut illius nomen ac religio è terris exulet. Certissimũ sanè id est desperata mentis indiciũ, cum Deũ atq̃ eius legem non esse, quò liberius peccare possit, exoptat. Vide nefandam quorundam conspirationẽ. Dixerũt, inquit, in corde suo: hoc est, ex animo unà omnes & cõsultò decreuerũt hoc modo: Quiescere faciamus à terra, deleamusq̃ ab illorũ aris ac templis quicquid illud est, quo illorũ colitur Deus. Omnes dies festos, Hebræi habẽt, omnia templa siue synagogas. Quibus quidem uerbis adducor, ut de Christianorũ templis uaticiniũ esse existimẽ: alioquin unum duntaxat Iudæis templũ fuit. Quam uerò ætatẽ cõspexerit tunc ipsi ritus, ipse nouit. Præteritorũ quidem tyrannorũ multitudo, forsàn & præsentato id admonere uidetur, quòd unaquæq̃ ætas, quid pro Dei honore contaminato queri posset, semper habuerit. Et quidem cum ego hasce atq̃ harum similes uersos animo querimonias, aliud statim incendiũ genus, aliam direptionem, alios tyrannos quàm fuerit Antiochus, aut quàm sit ignis iste uisibilis, seu aræ dirutæ lateritiæ, uel templi marmorei, preciosissimoq̃ uarietati musæo, profanatio uidere



videremihī uideor. Id profectò nefandissimum cū sit factū, illud scelus omne exuperat, utpote quod animas à Deo auferat, id muros solummodo, ac ceremonias. Verū illud nos solari debet, quòd si incendunt sanctuariū Dei in terra, non incendunt in cœlis, ubi Ecclesia fixas habet radices in Deo. Interea tamen maximo cum mœrore animi,

Signa nostra non uidimus: iam non est propheta, & nos non cognoscet amplius.

Illud unum semper Iudæis tum in Aegypto cōmorantibus sub tyrannis, tum in ceteris suis aduersis, præcipuum diuinæ fuit beneuolentiæ signum & indicium, quòd nunquā illis placatoris uitæ statum quæ portenderent signa & portenta, aut prophetæ, qui à malis liberationē pollicerentur, defuere, unde illa est Dei promissio in Exodi libro: Signa, inquit, faciam, quæ nunquam uisa sunt super terram, nec in ullis gentibus. Hac enim diuinæ beneuolentiæ nota contenti, quæcūq; aduersa contigissent, æquo tolerabant animo. Verū postea sua sic exigente perfidia atq; impietate, ab istiusmodi cœlitus beneficijs destituti, desertos quoq; à Deo, ac reiectos se opinabantur. Quocirca innumeris nonnunquā, atq; his quidem amarissimis suam conquesti sunt sortem, & lachrymis, & lamētis, ut hic uidere licet. An uerò in Christianorū cœtibus signa illa antiqua appareāt, de quibus sic olim suos alloquēs discipulos disseruit Christus, dicens: In hoc cognoscent omnes, quòd mei eritis discipuli, si dilectionem habueritis ad inuicem: uix assequor coniecturis. Ergo amor nota illa est, ac symbolum, quo quis an Christi discipulus sit, cognosci potest. Ergo minimè uerendum est, eum ipsum hominē qui in charitate non sit, in Deo non esse, affirmare. Sit igitur quispiā quantumuis doctrina, aut politis perornatus moribus, & ceteris monijs, si charitatis gratia atq; ornamento uacuis inueniūt, eundem ipsum Dei spiritu uacuum asseuerabo, idcirco ex legem, atheum planè ac perditum. Affligimur enim, uarijsq; & atrocioribus interdum, quàm olim Iudæi, exagitamur aduersis. Sub hæc morbis penè infinitis, tēpestatibus, penuria, odijs, mutuisq; discordijs & bellis obruimur: & adhuc signa liberationis apparent nulla, quia nullæ est in nobis respicientia, nulla à delictis cautio, nulla circūspectio, nulla prorsus pax, ac tum in Deū tum in homines dilectio. Eam ob rem angeli pacis amatores noster execrantur malitiā. Ceterum, Et nos non cognoscet amplius, qui eundem Hebræis est, ac si dicas cum Paraphraste: Nec quenquā dedisti nobis, qui scire possit quando horū liceat sperare finem, nisi mauis, cognoscet, ad Deum referre, & erit sensus: Olim Deus, ut pius solet pastor suas oues, nos agnoscebat, dabatq; sui sanctissimi spiritus donis, modò uerò nos non cognoscet amplius, quippe qui acerrimi facti sumus illius religionis hostes. Verū

Vsq; quo Deus improperebit inimicus? irritat aduersarius nomen tuum in finem?

Heu supreme atq; altissime Deus, quousq; adeò insolens is erit homuncio, ut te audeat cōtumelijs laceßere? te adlatrare? ac tuā in maiestatem blasphemus esse? Perpetuò ne id erit? sat sit quesito, illum immanissimè tuam hactenus in religionē iniurias congestisse. Irritat, blasphemabit uertunt ex hebræo, uel huic cōsimile, quare sic Felix: Blasphemabit inimicus nomē tuum in æternū? Quod qui agit, is Deum prouocare uidetur. Idcirco eundē refert sensum utraq; litera. Ad hæc, Ut quid auertis manum tuam, & dexterā tuam de medio sinu tuo in finem?

Volunt nonnulli sinum in Deo copiosam illius esse donorū abundantiam: dempta nimirum similitudine à pijs patribus & amicis, qui, quò in obuios pueros aut amicos benigni appareant, sinu non nihil donorum gestare soliti sunt. Rogatur igitur Deum anima, ne largissimā suæ beneficentiæ manum è sinu, in quo bo-



**C** norum omnium copia est, amoveat: hoc est, ne iratus ab elargiendis suarum gratiarum muneribus desistat, quod si ad tempus, ne id perpetuo faciat (sic, in finem, interpretantur) rogat. Manum tuam, & dexteram tuam, pro utraque manu interpretatur Campenlis: sed alio sensu, ut plerique ex hebraeo. Sic Felix: Quare conuerteres manum tuam? & dexteram tuam e medio sinus tui aufer. Quam ob rem, inquit, conuerteres manum tuam a beneficentia? Cur cessas, ut solent ociosi atque inertes, qui nihil agentes, in sinum manum condere consuecunt? Aufer, aufer, inquam, manum e sinu, ut tuis protectis amicis, sceleratos istos in tuam religionem maledicos ulciscaris. In fine, non est in hebraeo: Paraphraestes tamen, funditus interpretatur. Quare, inquit, contrahis utraque manum instar hominis ociosi? Profer, quaeso, tandem eam e sinu tuo, & perde hos impios in te homines funditus.

Deus autem rex noster ante secula, operatus est salutem in medio terrarum.

En quomodo anima fidei stimulis excitata, ab inceptis in Deum querelis perdetentim deflectens, in diuinæ laudes potentiae resoluitur. Ecce, inquit, Deus rex noster ab aeterno: nempe potentissimus, atque idem ipse misericors, & beneficus. quid ueremur? Ipse, qui a prima rerum origine semper etiam in medio ipso terrarum, hoc est, palam, cunctisque cernentibus, suis opitulatus est, deerit ne modo? Solent quidem illa, quae in medio urbium centro fiunt, propalam fieri. Eapropter in medio terrarum, pro patenter positum, exponunt ex hebraeo. Vnde Paraphr. Certe ille, inquit, Deus rex mihi fuit a seculis plurimis, qui innumeris argumentis palam ostendit, in medio huius terre uires sibi non deesse. Quod porro hanc particulam de mortaliu salute, quam Christus operatus est in Hierusalē, quam in medio orbis climate sitam esse affirmant, nonnulli interpretentur, pie id quidem, uerum alia in hoc loco uidetur esse spiritus intentio: ea nimirum, ut Dei amicos faciat ab antiquis collatis in patres beneficijs, diuinam erga omnes, ac patentem attestari & potestatem & beneficentiam. Quocirca per partes rem narrare incipit in sequentibus.

**D** Tu confirmasti in uirtute tua mare, contribulasti capita draconum in aquis.

Memorabile primum, ac plane stupendum infinitae Dei potentiae exemplum adducit uates, cum duce Mose Hebraeorum populus siccis transuadavit mare uertigibus: de quo sic Moses: Diuisa est aqua, & ingressi sunt filij Israel per medium siccis maris: erat enim aqua quasi murus a dextera eorum & leua. quod idem est, quod hic a uate dicitur: Tu confirmasti, corroborastique uirtute tua ac potentia maris undas hinc & hinc, ac si solidi extitissent muri: atque subinde capita hostium in ipsis contriuiisti fluctibus, obruto Aegyptiorum exercitu aquarum aestu atque impetu. Rex enim Aegypti in scripturis, Leviathan, seu draco nonnumquam appellatur: idcirco & Aegyptij dracones, ut in hoc loco intelligere possumus. Vnde de illa est Dei comminatio in Ezechiele: Ecce ego ad te Pharaon rex Aegypti draco magne, qui cubas in medio fluminum tuorum, Hebraei, secuiisti mare, seu dissipasti, ut reddit Felix, transferunt.

Tu confregisti capita draconis, dedisti eum escam populis Aethiopum.

Draconis, Leviathan uertit Felix, quod idem est: siquidem Leviathan magnum esse draconem asserunt autores. Pro diabolo aliquando sumitur: hic uero pro Pharaone, ut diximus: cuius capita, nempe uires tyrannicas, seu illius proceres & duces, tanquam capita Lerneae Hydrae, a Dei manu contritos canit uates. Quomodo uero fuerit esca populis Aethiopum, ambiguum uidetur. Ex hebraeo sic ferè uertunt: Dedisti eum in cibum populo deserta incolenti: uel, habitantibus solitudinem, ut uertit Felix. quae quidem omnia de feris, rapacibusque uolucris, ut sunt naturaliter uultures & corui, qui cadauera ubicunque fuerint sequantur, intelligi uolunt. quare sic Paraphraestes: Fregisti uires illius, qui similis uidebatur draconi maximo, & capita habenti plurima; obiecasti eum feris deuorandum,



randum, & coruis qui in desertis locis uersari solent, & uicitare cadaueribus. Viderunt, inquit Moses, Hebræi Aegyptios mortuos super littus maris, qui locus illiusmodi cruentis aliubus, ob cadauera à fluctibus eiecta, ut fuerūt illa Aegyptiorum, frequentatissimus esse solet. Ad hæc,

Tu dirupisti fontes & torrentes, tu siccasti fluuios Æthan.

Sive hîc fontes, & torrêtes aquas uel è saxo diuina erutas in deserto Sîn per Moysen, quæ largissimæ egressæ sunt, ut in Exodo legimus, ita ut populus biberet & iumenta, accipiamus: siue generaliter fontium ac fluminum eruptiones è terra, miraculo nimirum ingenti & stupendo, intelligamus, errare nequaquam possumus: utrunque enim diuinam testatur potentiam & maiestatem. Porro Æthan locus erat, in quo olim, ut Moses ait in suo Exodo, è Sochor egressi castrametati sunt filij Israël in extremis finibus solitudinis, non multum adeò à littore maris rubri desitus, atque hoc saltem modo de mari iterum exiccato mentionem fecisse Vatem sub fluuiorum nomine arbitramur quidam. Verum qui Æthan nomen appellatiuum esse ducunt, propius ad Vatis mentem accedere uidentur: ut diuus est Hieronymus, qui transtulit flumina fortia, nam Æthan robusta, seu fortia interpretantur, unde alij ex hebræo uertunt, flumina ualida, uel fluuios immanes. Paraphrastes autem, fluuios rapidissimos, quod de Iordane arefacto in transitu populi ad terram Chanaan, doctè sanè ac poeticè Vatem cecinisse existimamus, quamquam nihil prohibet, quo minus hæc omnia de uniuersalibus diuinæ potestatis indicijs, ad particularia nihilominus alludentem miracula, olim populo illi durissimo & murmuratori exhibita, dixisse Vatem opinemur, quemadmodum & ea quæ sequuntur.

Tuus est dies, & tua est nox, tu fabricatus es auroram & solem, æstatem & uer, tu plantasti ea.

Æstatem & hyemem uertunt Hebræi: uerum non multum refert. Id perspicuum, maximam hîc Dei in distinguendis moderandisque rebus conditis describi prouidentiam. Nisi hæc malis omnia ad antiquum illud referri miraculum, quo densissima obuoluta caligine Aegypto, pars ea, in qua Dei populus commorabatur, lucida existerit. At te, inquit, uicissitudo hæc mirabilis dierum & noctium, lux item, ac sol iste fluerum omnium pulcherrimus emanarunt. Tu omnes terminos terræ firmos esse sanxisti, atque inuariabiles. Tu æstatem, tu uer ab hyeme, ordinatissima ac certa discreuisti ratione, iussisti quoque suum ab æterno sibi prescriptum seruare ordinem. Nec mirum sanè: nam tu hæc omnia in numero & mensura sapientissimè effecisti. Omnes sermè ex hebræo uertunt absque pronomine, ea. Sunt & qui auroram & solem, lucem seu lunam, & solem uertunt, quod planè Felicem sensisse suspicor, qui sic transtulit: Tu ordinasti luminare, & sol. Cum igitur tam potens sis dominus & terribilis, Memor esto huius.

Memor esto huius, illud uindica, de illorum, quod statim dicam, seuerissimas poenas sumito, quod illud: Inimicus improperauit domino, & populus insipiens incitauit nomen tuum.

Heu scelus inauditum. Nonne id per se ualde detestandum, dignumque animadversione censetur, profligatissimos scilicet homines in proborum existimationem & uitam conspirare aulos, nisi & te quoque, ô domine, contumelijs afficiant, lacestantque iniurijs & contumelijs? Vulgus insipiens & stolidum improborum, qui suæ sortis immemores, non solum hominem, mortales utique mortalem, ad bellum prouocare non sunt ueriti, uerum etiam te irritare non reformidant. Quid hoc furore insanius? homo ne nihili altissimum iniurijs laceffere attentabit? Atqui nihil aliud id esse opinor, quam, cum tam audax sit homo, ut Deo contempto, in id proprius impietatis corruat, ut quicquid humanus suggesserit sensus atque affectus, illud data opera in diuini honoris contumeliā, atque honorum uirorum exitium scelera-



**C** uulgò appareant. Horū itaq; peruersę haud immemor esto uoluntatis, ô Deus: hos reprime, his frenum inijce.

Et ne tradas bestijs animas confitentium tibi.

Hebræi ferè omnes transferunt, Ne tradas bestiæ animā turturis tuæ: hoc est, animā uiri innocui, imbellisq; ac suas simplicissimè ingemiscētis ærumnas, ut solet turtur solitaria suo amisso consorte, ne bestiæ dominio, tyrāno scilicet impuro & crudeli supponas. Moab noster superbus est ualde, idcirco quid illi cum turture prorsus inermi, atque omni irā genere uacua & humili: Qui sint porrò turtures, confitentes scilicet domino, sequenti aperit hemistichio.

Et animas pauperum tuorum ne obliuiscaris in finem.

Hoc est, puras animas, à mūdoq; derisas, despectas, afflictas, tuūq; ob honorē & cultum, quæ est fides morū pulchritudine perornata, contumelijs affectas, ac demum re omni mortali, atq; affectione denudatas, etsi ad tempus, id exigente crucis lege, despicerē uidearis, ne perpetuò tamē ad illorū cōiueas afflictiones. Nihil enim crudelius, quàm à bestijs dilaniari. Bestia quippe est dēmon. Bestia illius perfidiæ imitator homq. Bestia tandem is est, qui cum multa pollicitus sis Deo, fregit fidem. Verū tu Deus tantæ horum impietatis memor,

Respice in testamentum tuum.

**D** Vna hæc esse solet miserorū cōsolatio, cum antiquarū illis in mentē uenit pollicitationū Dei, quibus testamento ueluti obsignato, ac fœdere, se suis nunquā defuturū, uel à prima ipsa rerū cōstitutione promissit, pluriesq; testatus est. Etenim non est mens tam stupida ac dura, quę cum horū meminit, uel fidei ac stimulis puncta, non ad ea speranda exciteet, quę æterno firma esse cōsilio in Deo, probè nouit. Respice igit, non ad illa, quæ nobis propter peccata quamplurimis debent nominibus: sed ad inuiolabile, quod olim cū homine percussisti, fœdus & pactū. Quidē nōne in testamento illo tuo amore plenissimo, quod tu ē terris excedens corpore, rato sanxisti iusiurando, illud in primis notatū fuit: Ecce ego ero uobiscū usq; ad cōsummationē seculi: huiusce igit recordare sanctionis. Ceteroqui tot inter rerū difficultates atq; incōmoda districtis, ad quę nobis erit interfugiū, cum omnes quę sua sunt quærant: hoc est, nihil non agunt, quò suas expleant cupiditates ac libidines, non quomodo tua augeat religio, & pietas. Non immemor itaq; eorum, quæ pollicitus es, in nostram conijce oculos miseriam,

Quia repleti sunt qui obscurati sunt terræ domibus iniquitarum.

Clarior sic reddi posset etiā ex græco litera: Quia obscurati terræ repleti sunt domibus iniquitatū. hoc est, hi, quos superius ob morū asperitatē ac sœuitiā bestias appellare libuit, tuo destituti lumine, atq; proinde obscurati cecicq; facti, terrenis adeò affixi sunt rebus, ut nō solū iniqui uocari gaudeant, sed etiam illi, quorū domus omni prorsus iniquitatū redundet genere. Metaphoricè em̄, domus iniquitatū posuit Vates, pro summa iniquitatis copia & mensura, qua & ipsorū domus, tota nimirū familiā, infecta sit. Verū aliū ex hebræo reddi sensum suspicor, cum aliā planè dissimilē à nostra intueor literā. Sic Fel. Quoniam repletæ sunt obscuritates terræ habitaculis iniquitatis. Antra, inquit, speluncę & solitudines, in quibus Dei amici à uulgo abhorrentes sese abdunt, non ita obscuræ sunt, & subterraneæ, quæ tutæ sint à conuentu malignantiū & domicilio. Quò non prorūpīt iniquorū furor? Certè eò nos malorū propterea inuisantia deuenimus, ut inquit Paraphrastes, ut in teterrimis locis, & ueluti subterraneis & obscuritatibus plenissimis degere mœsti cogamur: nec hæ tamen domus ab iniuria & insultibus hostiū immunes sunt. Quod porrò credentibus, idem olim speluncæ, atq; propter persecutionū immanitatem solitudines, idem nunc sunt cœnobია & claustra. Verū illud cauendū, ne id afortis, mangonibus, aliòue modo ignauis & turpi egestate laborantibus perfugiū nunc sit, quod ad proborum



borū solamē & refrigeriū inuētū fuit. Quod si tamē, ô Deus, uilissimū id genus hominū ad priorū probationem non nihil posse in mundo decreuisti, at saltem

Ne auertatur humilis factus confusus.

Ne abs te, oro, quēadmodū à prauis iudicibus eiekti, inauditiq; sumus, cōfusi ei clamur: indeq; & à mundo, & tua insuper à præsentiā, in qua omnis inest cōsolatio, & uitæ solatiū, repulsi desperatiq; in eternā obtrudamur mortē. Itā ne uerū cum his, qui superbo atq; arroganti supercilio, se tuo à sanctissimo spiritu destitutos prae se ferūt, destituimur & nos? Quid? si sic & amici & inimici uno impietatis exitu conuoluunt, quis tuum laudabit nomen? quis cultum? Esto, impius, sacrilegus, parricida, testamentorū, conuentorūq; & fœderum uiolator, falsarius, atq; huius generis alij te minimē laudare possunt; num proinde & ceteri, qui ab illiusmodi sordido uitæ instituto abhorrentes, malē audiunt & affliguntur, non laudabunt? Scio domine quod

Pauper & inops laudabunt nomen tuum.

Te extollent, te, uel usq; ad uitę effusionem, inuito mundo celebrabunt. Quare

Exurge Deus, iudica causam tuam, memor esto improperiorū tuorum, eorum qui ab insipiente sunt tota die.

Vide quo nitant fine tot sanctę animę querelę, quę tamen si Dei iudiciā reprehendere uideat, non reprehendit tamen: uerū stupidē admiratur, eaq; non secus atq; ipsummet Deum & colit, & uenerat. Vide, inquā, quomodo suas cum mundo cōtrouersias & lites, Dei esse asserat. Contende, inquit Felix, litigium tuum. Impossibile quippe est animā diuini honoris studiosam in his, quę ad proprios attinet affectus & cōmoda, si illis ipsīs rebus, quas quærīt aut expetit priuē, uel si iniurijs afficiat, multū angī: at ubi cernit Dei honorē periclitari, adeo immaniter affligit, ut leuior omnino illi esset mors, & ea quidē acerbissima, q̃ sic malē haberi in terris Dei religionē intueri. Idcirco quicquid iniuriarū ob legem Dei honorē subit, pro Deo, illiusq; causa id eam subire arbitrandū est. Causa igit, pro qua malē in mundo audire innocentia contingit, Deus est. Vnde nō immerito hīc clamat anima: Exurge domine, qui tuas ad iniurias dormire uideas, ac tuā ipsius causam tutare, consideraq; q̃ indignis à gente ista stolidā, atq; impudenti, habearis contumelijs & probris: & id quidē (quod nequissimā illorum auget impietate) quotidie. Te enim tuā non curante causam, quis curabit? quis in hac maximē perditissima ætate, in qua quod lubet audent nōnulli impudē, pro ea in iudicio stabit? Clarius etiā ex gręco uertisset hūc uersum interpres, hoc modo: Memor esto opprobrii tui, quod ab insipiente fit tota die. Ex hebręo item: Memento opprobrii tui ab insipiente tota die. Interpres em̃ cum neq; ex gręco, neq; ex hebręo purē transtulerit, ambiguū fecit sensum, quē sic dilucidē suo more expressit Paraph. In memoriā reuoca qua sis cōtumelia affectus à populo ad impietate usq; stolido, nō semel atq; iterum, sed assidue. Quamobrem

Ne obliuiscaris uoces inimicorum tuorum, superbia eorum qui te oderunt ascendit semper.

Non rarō diximus, Deum penē obliuionis accusari, cum nō æquē citò, ac nostrā expetit prępropera in omnibus uoluntas, aut miseros à miseria eximit, aut suos impudentiū hominū in bonos licentiā nō coërcet. Vide hīc fiduciā animę, quę cuius persecutores, dei hostes appellat. Haudquaq; profectò mirū: nam qui alij sponfam uiolauerit, quomodo sponsum se habere amicū opinari poterit? Atqui ne diutius in peruestigando, cuius naturę hi sint, qui meritò Dei hostes censerī possint, quorūq; blasphemię, ac tum in Deum ipsum, tum in illius amicos obloquutiones, puniri debeant, torqueamur, additū est à Vate, superbos illiūq; honoris percupidos tumidē fertur, uerum etiam ad te usq; ascendere arrogantissimē conat. Hi sunt igitur, qui tanq; seditiosi illi fabricatores turris Babel,



**C** aut similes perditissimo angelorū principi, te (prò scelus scelera omnia excedēs) uitæ eternæ erogatorē, odio contumelijsq; incessunt & persequunt. Nonnulli ex hebræo fastuosi cordis morē efficacius exprimūt in uerbo, ascendit. Sic quidā: Fastus em̄ insurgentiū in te uehementer crescit. Expressius rursum Paraph. Contumeliosa enim uociferatio eorū qui se opponunt tibi, assidue fit maior & maior. Fumi certē instar est superbia, qui alta & lucida, quanq; ipse obscurus sit & ater, naturaliter appetit: uerū in medio ipso turbulento suo conatu resoluīt in aërem, prorsusq; euanescit, & amplius fumus non est. Ita est superbia, ita ambitio, ita fastus. Sed illud supra omnem mirationem admirandū, quod ab illius generis hominibus fumus iste demanat plerunq; execrabilis, qui cū nobilissimum in rebus pub. ac templis obtineant locum atq; ordinē, ea ardere deberent spiritus conflagratione, quæ nihil nisi purgatissimā flammam atq; ignem absq; fumo, in subditos deriuaret. Quod porro fumosus sit rex, aut princeps, aut philosophus, penē id tolerandum, cū mundo ipsi imperent, seu potius seruiant, qui fumosus est, & absq; luce: at loca sancta cernere tam densa obnubilari caligine, ut habitantiū oculos eruat, quomodo ferendum? quomodo non pertimescendum? Heu fidei naufragiū. Verū utcunq; Moab sua in superbia & arrogantia tumidus sit, atq; insaniat, sua nihilominus Deo est gloria & imperium in secula seculorum. Amen.

PSALMV S LXXV.

Effundenti sanguinem. Ne dissipes. Psalmus Asaph: Canticum.



**O**nsitebimur tibi Deus, cōsitebimur & inuocabimus nomē tuum, narrabimus mirabilia tua.

**D**rioribus sunt dicta, q̄ ut denuò reperant. Etenim crebra unius eiusdemq; rei repetitio, tēdiū magis asferre solet, q̄ oblectamentū, atq; qd in primis hisce in cōmentarijs requirimus, utilitatē, ac Dei honorē. Christus hīc est qui loquit, & qui se patrē cū suis laudaturū pollicet; additq; de futuro iudicio, in quo se horredū fore impijs iudicē fatei, nōnulla. Horū quippe omniū umbra tunc fuit Iudeorū famosa illa captiuitas, atq; è Babylone liberatio, in qua omni abiectio mœrore & luctu, liberē cœperūt, autore Cyro, diuinis uacare ceremonijs. Tunc sanē Ecclesiæ, à peccati iugo mortisq; imperio per Christū asserendę, expressa fuit imago. Alioqui certē cor hominis uitiorū adhuc catenis innodatū, quomodo Dei religioni & cultui, qui natura igneus est, liber, & totus spiritualis, ritē, ut par est, seruire poterit? A sensibus igit̄ exeundū est omnino, atq; à mūdo, illis qui libere in Deum per fidei confessionē, cuius hīc adumbrat uirtus & efficacia, transire appetunt. Eiuscemodī quidē ornatus fuit Christus perfectione uitæ ac doctrinæ, quod nos ab omni bene uiuendi ratione alienos, ad se (quē illius benignissima est natura) traheret, transmutaretq; atq; propterea ad suā formaret imaginē, ut certē formauit. Quam sanē Ecclesiæ perfectionē in se transferens Paulus, nonnulli uiuo iam non ego, uiuit autē in me Christus. Torpescunt hīc (credo) nonnulli uel ex ipsis forsan, qui ex ædita iam Christi nominis professione, quam non solum baptismi testimonio, ac iusiurando præ se tulere, uerum etiā alia insuper ad dita pollicitatione, qua syncerioris, quā uulgò fit, uitæ genus se uicturos ponderunt, se tutos arbitrantur, dicuntq; haudquaquā id ab homine carnis operere presso, præstari posse. Quare sua tantūmodo nescio qua contenti procella & tempestate perterrefacta, putat se tutam, si reducto in collum capite, ac pedibus in intestinos illos reuocatis ossiū receptus, sese adeò occludit, ut nihil aliud quā nudam domum præ se ferat. Sic illi amore exuti diuino, quæuis accidunt, in sese quanti sunt se cōtrahunt, de se præsumūt, se fruunt, quocirca si quid sublimius dictum



dictū aut legūt, aut audiunt (nihil quod perfectionē referat contemplari norūt) obstupeſcūt ilicò, nec quicquam ſublime in mortali corpore cōmoranti tribui poſſe opinantur; fatenturq; ſi non ore, at uita ſaltem, Chriſtum Dei lucem ſuā terras has tetras & caliginofas inuiſſe. Propterea nec uerē, nec abſq; mendacij culpa, id, quod in hoc loco ab animis purē in Deo uiuentibus dici audiūt, de ſe profiteri queunt: Conſitebimur tibi Deus, conſitebimur, & inuocabimus nomen tuū, narrabimus mirabilia tua. Hucusq; Hebrēis unus eſt uerſus, quem ſic reddit Felix per præteritū: Celebrauimus te Deus, celebrauimus, & propinquū nomen tuū: narrauerunt mirabilia tua. Qui uerò fuerint, qui narrauerunt, aperit Paraphraſtes: Cōmemorabunt, inquit, quotquot uiderunt quā miris modis nobis adfueris. Haud facilis quidem res eſt, hominē cōleſtibus dignatū aſſatibus, Dei poſſe munera obtegere. Vnde ex hebrēo non immeritò illud eſt, propinquum, ſcilicet factum eſt nomen tuum: nempe ex donorū frequentia, & beneficijs in mortales copioſiſſimē effuſis. Propē igitur Deus factus eſt nobis, obgratias ac uim ſpiritus, quem ſecum oriens ex alto, utpote eundē eiſdemq; naturæ Deum, ad generis noſtri inſtaurationē attulit, quod quidē mirabilia illa eſſe, quæ hīc à ſpiritu cōmemorantur, exponunt interpretes. At itaq; ſponſus:

Cum accepero tempus ego iuſtitias iudicabo.

Eſt enim nonnulli ex hebrēo non tempus, ſed cōetum uel ſolennitatem, ut Felix, uertunt: non deſunt tamen qui etiam cum noſtro conueniunt, unde Paraphraſtes: Vbi ego tempus ſtatuero mihi, alius uerò: Cum ſtatutū tempus natus ero. Hī quidē ad tēpus, quo Chriſtus accepta à patre poteſtate illa, de qua ſciſe in Euangelio loquitur: Data eſt mihi poteſtas omnis in cōelo & in terra, ſpectarunt: alij autem ad piorum cōetum, & Eccleſiam, qua, tanquā puro tritici grano à paleis ſecreto, ab improborum perfidia, atq; hæreſi diuulſa, ipſe omnes ſummo exactoq; libraturus eſſet iudicio: nempe malis mortem, & cruciatus, bonis uerò ſeipſum, qui uita eſt ſanctorū, atq; æterna felicitas, tribuens. Verūm alius adhuc mihi ſuccurrit ſenſus, non omnino ineptus, ut mihi uidetur, ſi tempus pro opportunitate accipiatur, qui talis eſt: Tunc equidem qui uniuerſorū cōſtitutus ſum rex à patre, data occasione, atq; dijudicandi à bonis reprobos oportunitate, æquiſſimo omnia decernā decreto, æterna enim mihi hæc eſt cum patre natura, ut ſiue ſuo in ſtatu atq; ordine, perduret mundus, ſiue finē faciant uiuendi animantia, cuncta iuſtiſſima diſſiniā lege, licet ſecus nōnunquam infirmioribus appareat animis. Tunc ſanē colliqueſcet mundus, pauebitq; illius habitator homo. Quidē etiam nū ſimulatq; iudiciū eſt mundi,

Liquefacta eſt terra, & omnes qui habitant in ea.

Suo more Vates tropicē, ne dicam poëticē, rem obſtruſiſſimā, quippe quæ in ſpiritu tranſigitur, enarrat: nempe Eccleſie, cordium nimirū fidelium in Deum progreſſum. Anteq; enim hī in Deo per fidem ſtabiliantur, varijs illos concuſſionibus ac perturbationibus neceſſe eſt: poſtea uerò, tanquā rudi lapides, hinc inde expoliti, ſcalproq; edomiti, & quadrati, in nobilioribus ædificij locis coaptantur, ſuſtentantq; rei Chriſtianæ molem, & ſtructuram, uti teretes ſolent ædificia columnæ. Qua de re à ſpiritu additur:

Ego confirmaui columnas eius.

Atq; hīc Selah interponit, quò quantū Chriſto fidei præſtari par ſit perpendamus: qui ſanē Chriſtus ut cū rerū omniū, tum potiſſimū ſuæ Eccleſiæ autor eſt & effector, ita inſtaurator, ac, uel tota dehiſcat orbis machina, & tutor, & cuſentit quantū inuiti amplectunt, atq; in ipſa examinant hī, qui turpiſſima actæ uitæ cōſcientia affecti, diuinū timent iudiciū, exterritiq; cōtremiſcunt. Verū nō propterea ad reuocandos à prauitate greſſus, uel parū quidem animū inducunt. Hī igitur ſic ſua à Deo auerſi culpa, derelictiq; e fidei ſinu tanq; inutiles eſciant



**C** quisquille: illi aut qui licet in mūdo sunt, de mūdo tamen nō sunt, ut asserit Christus, in erumnis, in persecutionib. in ipsis quoq; uitæ lapsibus, ac (quid stupendius?) in peccatis grauioribus, uegetiores spiritu indies efficiunt, adeoq; in Deo coalescunt & firmanr, ut meritò Ecclesiæ, tanq; colūnæ ædificijs, à Deo supponantur, fiantq; illi de quibus hīc dñs: Ego, inquit, non homo, non ars, nō cognatio, non affinitas, non pecuniarū uis, aut affectus humanus, illos elegi, confirmauīq; ac meis in ædibus & cardines & colūnas, & quicquid quo mea fulta est Ecclesia, inueniūt, esse uolui. Atq; ita rebus concinnè aptatis, sic meum cœpi iudicium: & primū ab obiurgatione eordium sumens,

Dixi iniquis, nolite iniquè agere: & delinquētibus, nolite extollere in altum cornu uestrum, nolite loqui aduersus Deum iniquitatem.

Nemo sanè homo est in peccatis ita obduratus, cui nō interdū lux aliqua ē cœlo effulgeat; cuius radijs si nō penitus illustratus, at saltē afflatus, suę admonet turpitudinis, & periculi, huiusmodi quidē lux ab amore illo uniuersali Dei, quo uult omnes homines seruari, atq; ad cognitionē ueritatis peruenire, descēdens, occultissima quadā ratione pijs tantūmodo cognita animis, uox Dei appellat. O uocē certè desiderabilē, atq; amoris plenā, nisi in cor adeo durū ac ferreum, quod hoc magis obbrutescere cōsuescit, quo humanius à spiritu tractat, prolaberet. Dixi, inquit, iniquis, incredulis, stultissimisq; huiusce generis hominib. qui ueritatē Dei in iniustitiā detinentes turpissimā degunt uitā: Nolite, uos obsecro, tam facile à iustitiā itinere declinare. Quid tandiu sceleri scelus, delictum delictis accumulatis? Nolite cornu istuc uestrū potentia, qua quicqd lubet, id licere arbitramini, in Deū tanq; uexillū impietatis erigere. Nolite loqui de Deo tam superbè, tam contēptim, tam blasphemè. Quid ceruicē boū instar iugo oblutantiū, erectā, distentāq; signū nimirū animi superbi, atq; indomiti, circūferatis? Quod noster uertit interpres, nolite aduersus Deū iniquitatē, sic legūt Hebræi: ne loquamini ceruice erecta, seu cum ceruice elato, seu etiā in collo duro. Elati id supra modū animi indiciū est, atq; arrogāter de se, spreto Deo, cogitātis. Ceterū in scripturis cornu pro regno interdū sumit, pro honore, potentia, maiestate, & pro id genus alijs. Quocirca Iob fatebat se cornu suū in puluerē deposuisse: hoc est, regiū fastū, mundanūq; honorē, & pompā abiēcisse. Vide hīc grauidum non mediocrē perfectionis Christianæ. Quoties em̄ hæc, aut horū similia mihi legere cōtingit, occurrit statim animo reprehensibilis quorundā mos, qui cum uitā cœlestē in terris profiteant, iurentq; se mundo, atq; eius illecebris & delictijs penitus morituros, nihil tamē minus agūt, sed aut mundū iam cognitū se cum in Dei ædes afferūt, aut nunq; propter inediā, genusq; uitæ sordidū atq; operosum, antea uisum, se inuenisse iactitant, uiuuntq; eo insolentia modo, ac si in ipsis alti essent fortunæ uiuarijs. Nolite, oro, sic agere: nolite nostrū in exitiū (in uestrū autem ut lubet) cornu id copiar, atq; non aliās gustatā pinguedinem ē fundo haurire, sed abijcite potius, tanquā rem uobis, quid uobis aio; omnibus prorsus uitam beatam profitentibus, insolitam & onerosam.

Quia neq; ab oriente, neq; ab occidente, neq; à desertis montibus.

Deest huic uersui ex hebræo, exaltatio, seu aliud simile: & est sensus, ut elegātissime à Paraph. reddit: Neq; ab oriēte, neq; ab occidente, neq; ab Austro (is em̄ uentus à meridionali spirat plaga, ubi montes sunt ob nimīū solis ardorē inculti & steriles, nam magnū desertū Iudææ à meridie est, quemadmodū mare ab occidente) cuiq; continget, quod solidū magnūq; facere poterit illum, nempe cornu in Deū propter superbiam & ambitionē extollentē. Sunt qui non exaltationē addunt, sed defensionē. Vnde quidā sic ex hebræo: Neq; ab ortu, neq; ab occasu, non à deserto, aut à montibus aderit qui defendat; sed Deus uindex est, qui hunc deijcit, illum autem erigit. Quod noster sic uertit interpres:

Quoniam Deus iudex est, hunc humiliat, & hunc exaltat.

Potest



Potest quidem homo potentia aliqua immensa fultus, atq; uti indomiti cornibus tauri solent, auctoritate munitus, eo uerborum adduci, ut nō solum terrā hanc putrem & inertē subigere enitatur, sed & cœlum ipsum, ac Deum tandem lacessere non uereatur. Verum si ingratus omnino non est, pressumq; humi animū aliq̄do erigere uolet, cernet statim q̄ longē à ueritatis scopo aberrauerit, quātuē infulse in rebus illis spem, bonumq; suū posuerit, quæ nec bonæ sunt, nec stabiles, nec parte aliqua sui similes: sentiet, inquā, nihil in rebus cōditis, unde cunq; afferant, inueniri posse, quod suam satiare queat dominandi cupiditatem, quod libidinē, quod auaritiā, quod crudelitātē: uerum Deū esse solum, qui hisce sedatis animorū permotionibus, animas bonorū omniū copia, pace scilicet, spiritū, conscientiaq; tranquillitate implere possit. Namq; in illius est arbitratu, hostes & ditos, adeo ē sublimi mundi gloria ad ima prosternere, ut planē & Deo & hominibus infensi, cum principe illorū demone perpetuā in caliginē, ac noctē inferorum deiiciant. Vides ne, o superbe, inopinatā diuinæ potentie cōmutationē? Deus, inquit Paraphrastes, iustus iudex: ille solus deponit, & ad nihilū redigit, & e contrario eriget in altum quencunq; uoluerit.

Quia calix in manu domini uini meri, plenus mixto. Et inclinauit ex hoc in hoc, ueruntamen fæx eius non est exinanita: bibent omnes peccatores terræ.

Vini meri, ex hebreo quidā uertūt, uini rubei, utpote magis celebris apud Iudeos, quocq; cruentā in improbos animaduersionē signari asserunt. Verum alij, quod probabilius uidet, uini lutosi aut spissi, trāsferūt. Siquidē à Deo, tanq; potatū omnib. propinandū, emergit mors, & uita: quæ cum limpidissime cōparatū potioni, qua pij potari solent, mors contra spissæ & lutulentæ, qua reprobi, quos hic spiritus peccatores terræ, hoc est, terrenis rebus penitus affixos, per ananiam uocat, cum unū tamen sit poculū, q̄ in Deo una est uolūtas, una Dei uolūtas, una prouidentia. Merū porro in Deo, est uinū gratiarū, quod turbide superat pœnarū fæci. Cuius crassamētō epotati improbi, nihil quod syncerū sit ac purū agere permittunt: quosq; etsi in omne genus facinorum proiectos, suacq; sponte perditos, sic tamē à Deo, sub nomine Hierusalē pungi, ad suiq; cognitiōem excitari uideo in Esaia: Eleuare, inq; eleuare, cōsurge Hierusalē, quæ bibi ad facies. Ex hoc in hoc, Hebræis solūmodo est, ex hoc, nempe ex calice, unde sic quidā trāstulit: Crater uino meraco plenus & adornatus in manu dñi est, de quo fundet, & fæces eius sugēt & bibent omēs impij terræ. Felix itē: Et redunda refecit ex hoc. quare etiā Paraph. Habet em̄, inq; dñs in manu poculū, in quo pulchrē rubet uinū, sed cui plurimū est fæcis admixtū: ex hoc porriget meracū p̄p̄is, fæcem uerē noxiā exugere, imò epotare coget impios omnes, quantū uis deq; in terra multi. Si, ex hoc in hoc, legas, duos intelligas oportet calicis istiusfodi effectus, qui ad bonos simul & malos attinent. Si, ex hoc, solūmodo, quod ceptorandos dicit. Bibite, clamat dominus in Hieremia, & inebriamini, & uolūtes, & cadite, neq; surgatis à facie gladij. Bibētes biberis. Caterū calix domini nilex est, in qua inest spiritus & litera, quæ quidem litera præ illo fæx est, & toxicum. Bibant igitur, postquā sic uolunt, impij isti terræ suum sibi de manu domini uenenum, ac præsentaneū in fundo cyathi aconitum;

Ego autē annuntiabo in seculum, cantabo Deo Iacob, & omnia cornua peccatorum confringam, & exaltabuntur cornua iusti.

Iam psalmū felicissimo claudit dialogo, nempe Christi & hominis, propheta. Sic homo: Ego em̄, o benignissime, quicqd tuo à spiritu eruditionis hausi in hoc



**C** psalmo, futuris annuntiabo seculis, scribamq; quæ hîc audiuit; & quæ scribam, ad honorem Dei Iacob perpetuis tanq; Musis cātabo. Cui Christus; Et ego, in cuius manu uita est ac mors, cornua peccatorū, fastum nimirū, ambitiosamq; tyrannidem & autoritatē perfringam: contraq; efficiam, ut iusti cornua, nempe, fides, spes, charitas, quibus debellantur frangunturq; crudelissimi illorum hostes, superemineant, regnentq; in cœlis hi mecum beati. Amen.

PSALMVS LX XVI.

Vincenti. In canticis psalmus Asaph, Canticum.



**N**otus in Iudæa Deus, in Israël magnum nomen eius. In Canticis, in instrumentis musicis exponunt interpretes, in primis Felix. Diuus Hieronymus, in carminibus transtulit. Cæterum Canticū est oda tripudij, qua uates ob continua diuinæ benevolentiae signa erga Iudæos, suo congratulaturus populo, uel ob id maximè, quòd Deus cæteris termè neglectis nationibus, in Iudæa tantūmodo & Hierusalē habitare uidebat, narratq; quid olim in suorū gratiā fecerit, facturūue esset in posterū tam beneficis dominus, Ibi, inquit, cōfregit potentias, arcum, scutum, gladiū, bellum. Foras hîc Vates, quod nōnullos suspicari uideo, de insigni illa, Ezechia rege, uictoria & bello, in quo centum octoginta millia uirorū in castris Sennacherib regis Assyriorū ab angelo interempta fuere, uaticinatus est. Viderat enim sanctissimus uir in spiritu, nihil tam esse in rebus humanis uel felix, uel optabile, quā Deum habere propitiū & amicū, ut Iudæis tunc fuit, quos inter ceteras orbis nationes charius diligens, suo dignatus fuerat cultu, & religione. Ibi arca fuit, ibi propitiatoriū, ibi templum, ibi lex sacra, ibi quicquid gratiarū, quicquid fauoris & præsidij è cœlo ab homine mortali expeti poterat, tam copiosè à Deo suppeditabatur, ut nihil ferè aliud curare uideretur, quā ut rebellem populū beneficijs obrueret. Hæc igit tam immensa, tamq; humanū captū excedentia confiderans Vates, penèq; extra se factus in id prorupit canticū: Notus in Iudæa Deus, in Israël magnum nomen eius. Id, inquit, præcipuū est numinis donū, quòd inter Iudæos cognoscitur Deus, eiusq; nomen, magnum à nostro populo reputatur. Nulli dubium, quòd ubi est Dei populus, ibi habitat Deus, atq; illius nomē sanctificat. Quis sit modò locus, aut populus in terris, qui Deū cognoscat, atq; eius immensum adoret nomen, puto Ecclesiā esse credentiū à spiritu hîc sub typo Iudææ atq; Israël deliniatā: nam ex Dei confessione, quæ à fide orit̃, Israël statim fit Iudæus: hoc est, à confessione ad Dei transitur uisionē ac notitiā, unde amor, ex quo Christus, qui nostra est felicitas, emanat. Quòd uerò sint in Ecclesia homines, qui tanq; pecora uitam degant fidei rationisq; expertē, subindeq; nefariā & turpem, res magis fletu digna est, q̃ admiratione. Siquidem neq; inter conuentū illum Iudæorū tam celebrem, tam Deo charum, tam sacris ritibus ac ceremonijs insignē, homines in omne genus impietatis proiecti defuere. Nō defuit tum quidē murmurator, non sacrilegus, non in Moſen atq; Aaron oblocutor, nō delator, nō inter sacerdotes qui idola, hoc est, aurū, scortū, affines, ac proprium cōmodum ardentius coleret, quā nomē sanctū Dei. Putāsne inter istiusmodi professionis homines quamuis mundo conspicuos, diuersari posse Deum, & colī? Notus itaq; solūmodo in Iudæa etiā nū est Deus: atq; apud Iſraēlitas illos, qui non in manifesto, ut inquit Paulus, sed qui in occulto Iudæi sunt, & circumcisio cordis in spiritu, non litera, cōmoratur altissimus.

Et factus est in pace locus eius, & habitatio eius in Sion. In incœpto perseverans typo Propheta, de re seria prædicit. Nam q̃d nostrile gunt, in pace, Hebræis est, Salē, quæ est Hierusalē, unde statim intulit, in Sion. Etenim pro nomine proprio appellatiuū posuit. Salem quidem interpretatur,



pacem. Volunt porro Salem ea ferè tempestate dictam Hierusalem, qua loco illi in qua sita erat, nomen indidit Abraam, dicens: Dominus uidet. Felix sic legitur uersum: Et fuit in Salem tugurium eius, & habitaculum eius in Sion. Et uerè apud Iudæos fuit eo ferè modo Deus, quo solet esse tugurium in cucumeratione, ut ait uates ille: ad tēpus uidelicet breuissimū, unde simili usus est tropo alio in psalmo uates dicens: Posuerunt Hierusalē in pomorū custodiā. Ergo, ne nobis locum, nescio quem, in quo uelit nolit habitet Deus, somniemus, ubi pax nō est, ibi neq; Deus, neq; homo diuini honoris cupidus, habitare unq; poterit. Pacem quidem, silentiūq; à turbis profundū, atq; ad speculanda cœlestia (hec Sion est) cor uegetū, diligit Deus: cetera quamlibet religioni addicta auersatur. Ibi, *inquam*, confregit potentias, arcum, scutum, gladium, & bellum.

Vide hīc Dei pro suis in hostes & uigilantiā & fortitudinē. Est ne id mediocris potentia indiciū, inter tela hostium sic suos seruare Deum illæsos, ut à iam concepta per fidem animi tranquillitate ac pace, non deturbentur prorsus? Quocirca nō absq; ratione hīc positū est Selah. Certe nō est tam firmū cor, & stabile, quod in persecutionū frequentia & acerbitate, quæ improborū sunt arma, non concutiat interdū, nutetq; in fide. At Deus tamen (quid excelsius excogitari potest? sua in pacatissima perstans natura, ac pace illa, quæ exuperat omnē intellectum, absq; ulla sui immutatione, tyrānos illorumq; minas, perinde infringere solitus est, ut solet uas uitreum infringi ab excandescēti, atq; uehementer irato. Cæterum potentias arcuū, legendū esse indicat græcus interpret: hoc est, sagittas, ac tela missilia. Vnde sic Fel. Confregit uolatilia arcus: nempe iacula, aut spicula. Diuus item Hieronymus idem ferè quod Felix. Horrendum sanè id esset spectaculum ac dirum, militem uidere tota hac uī armorū, arcu scilicet, scuto, ense, galea, omniq; demum apparatu bellico munitū, cum uiro quopiam nudo manum conferere, ac digladiari. Verū atrocius id iudicant sanctiores, cum pessimus pator uersutissimus, dolis nimirū armati, calliditate, simulatione, fallacijs, atq; odio, furunt. Dicto nihilominus citius sedas hæc omnia, & tanquam munitiones bellicas perfringis, o Deus.

Illuminans tu mirabiliter à montibus æternis. Hoc est, terribiliter conspicuus appares, cum è cœlis, qui æterni sunt montes, percutere decreueris. A mōtibus prædæ, legunt ex hebræo, unde Fel. Illustris factus es à montibus prædæ. Diuus uerò Hieronymus, à montibus captiuitatis. Alius item à monte prædonū transtulit. Quorū uerborū is erit sensus: Tu ferox in hostes magis, ac celer factus es, quàm ullus solet leo, aut latro è montibus ad prædandum accelerans, atq; in uiatores sæuè furens. Idcirco

Turbati sunt omnes insipientes corde. Rursum uertunt ex hebræo: In prædā dati sunt robusti corde. quare sic Paraphrastes: In prædā dati sunt animo feroces. En quomodo hi qui nuper sagittis, arcu, ense, clypeo ac thorace onusti, minabundiq; incedebant, in prædam dati sunt, & id quidem à Deo innocuorū defensore, ac uindice. Heu incōsideratum uitæ genus. Vide quid inferat spiritus:

Dormierunt somnū suum, & nihil inuenerunt omnes uiri diuitiarum in manibus suis.

Sono, inq; mortis oppressi interiire: neq; ulli amplius potuerūt esse usui illis pristinū eorū robur & ferocia. Semel em̃ à morte interceptis, in somnū etiā quicquid uirū in illis inerat, resolutū est. Sic ex hebræo: Dormitarūt somnū suū, & nō inuenerūt manus suas cuncti uiri prestantes uirtute. Proinde sic reddit Paraph. Opperierūt ueluti mortifero somno grauati, nec usui illis esse potuerūt, quantum uiri essent alioq; fortes, manus illorū. Iam illud supra modū incōprehensibile,



c quod homo qui semel animum ad tyrannidem admouerit, uitamq; adeo ambire nō se instituerit, ut nihil beatum esse ducat, quod arrogans idem nō sit, ac planē iniuriosum, mortaliū conditionis oblitus, quæ in mortis somnū non secus, uel cum non aduertit, pedetentim delabit, ac solet dormitabundus, qui uiribus paulatim destitutus, uigoreq; sensim amisso, in somnum tandem etiam inuitus resoluitur, se immortalem esse in hoc mundo opinatur: cum tamen omnes simul homines uno ueluti facto uolumine ad mortē properare uideat. Heri enim nostris nos manibus hominem superbissimū, efferentemq; sese supra illud omne, quod est aut dicit Deus, sepeliuimus, cōspeximusq; nihil aliud esse uitam hanc nostram, præterq; breuissimi soporem somni: hodie uerò nos uti dī immortales in terris haberi uolumus, ac ui extorquemus. O insaniā, Heu quā lusciosē ad tua cæcutimus iudicia, ô immense. Consimilē quidem, atq; unam post aliam prætexentes abditorū euentuum rationē, quasi uelum nostris obducimus oculis prudentissimi, si Deo placet, homines: fallimur tamen. Siquidem

Ab increpatione tua Deus Iacob dormitauerunt qui ascenderunt equos.

Te obiurgante factum est, ô Deus Iacob, ut in equis & curribus confidentes, tanquam somniū, imò somnī umbra, euauerint. Equi in scripturis haud raro pro fastu, atque arrogantia sumi solent. Idcirco prohibuit olim deus in lege, ne quis ex regibus equorū multitudinem aleret, Eam ob rem ex Aegypto equos educere, ut in libro Regum tertio uidere licet, consueuerant.

Tu terribilis es, & quis resistet tibi? ex tunc ira tua.

Hoc est, cum tua cœperit ira feruescere, quis subsistere poterit? quis animum tuum iratum, mi Deus, effugiet? Tu quidē uehementer terribilis es, ac metendus. Tu, Hebræis bis positum maiorē auget admirationē, quasi diceret: Tu solus es, quo irato, nullus omnino est adeo imperterrito uiuens animo, qui nō pueat, atq; in fugam uertatur. Siquidem

De cœlo auditum fecisti iudiciū: terra tremuit, & quieuit.

De cœlo audire fecisti iudiciū, uertit Fel. Quod enim iudiciū iniustum & letale ē terra, nempe à mortali hominū tribunali in quempiā miserum prodeat, tolerabile id quidem, quippe quod ui pecuniarū, ut sit, aut principis gratia infringi queat. At ē cœlo, unde omnia quemadmodū perfecta, ita certa & inuolabilia proficiscuntur, sententiam promulgari audire, & homines, & elementa, & orbis ipse tandem uniuersus terrificè admodū cōtremiscunt, silentq; taciti, & uenerabundi, Tunc dico,

Cum exurgeret in iudiciū Deus.

Qui hactenus dormire uisus est, dum tandiu regnare hypocritas & effeminatos, ut olim cōminatus est, permisit, connixitq; ad miserorū calamitates. Alio in psalmo sic Deum alloquitur Vates, quasiq; ē somno illum excitans compellat: Exurge, quare obdormis domine? exurge. Ex hebræo nōnulli uertunt, cum exurgeres. Sed nihil obstat sensui, cum creber sit Hebræis usus, tēpus pro tempore, aut numerū pro numero ponere. Vt cunq; legas, illud compertū, iudiciū id omne seuerissimum à Deo factum,

Vt saluos faceret omnes mansuetos terræ.

Nempe illos, qui tametsi in terra hac dolorum plenissima degunt, omnia men abiecta uitæ pompa, mansuetissimū in modum se totos diuinæ consecrant religioni: quæcunq; aduersa contigerint, leni tolerant animo, & miti. Horū quidē uitam & salutem tanti facere Deum experimur, ut penē illum ab omni iudiciorum genere uacare conspiciamus, donec probos ab improborū iniurijs ac persecutionibus diligentissimè, quæ est eius immensa circa suos custodia, asseruerit.



merit. Maximū id est Dei beneuolentiæ erga electos signū. Ideo à spiritu hīc ad-  
ditum est Selah. Quòd porro ex sacrarū rerū expositoribus inueniant, qui duos  
hos uersus cum sequenti, ad iudiciū referant uniuersale, nō falluntur omnino,  
simul ut cernimus diuinas has odas innumeris grauidas esse mysterijs. Verūm  
is plusquā ter beatus, cui tam obstrusæ rerū cœlestiū caligines, prout sunt, in-  
notuere. Nos interim eo contenti sensu, quem simplicissimo tum stylo, tum ani-  
mo persequi nos nō semel diximus, ad altiora illa peruestiganda, hoc firmiori,  
ueluti iacto fundamento, præmonstrato, sublimioribus aditum aperimus inge-  
nys. Illud tamen molestissimū, permultos inueniri qui psalmos singulis fermē  
dei horis Deo tanq̃ debitam persoluentes pensionē, neq̃ hūc neq̃ illum inquit  
tant sensum; sed sua in hoc, quemadmodum cæteris in rebus, contenti crassitie  
atq̃ ignorantia, illum sectantur uitæ modum, qui cū neq̃ calidus, neque frigi-  
dus omnino sit, tum Deo, tum pijs omnibus nauseam ciere solet ac stomachū.  
Sed ad psalmum redeo.

Quoniam cogitatio hominis confitebitur tibi, & reliquiæ cogitatio-  
nis diem festum agent tibi.

Vix quidem quæ hīc dicuntur à nōnullis, scribere ausim: adeò dubia sunt, &  
à mente psalmi (ni falsus sum) remota. Quod sanè genus interpretandi cui po-  
tius adscribi debeat, interpretis ne literæ interdum ambiguae & confusæ, an au-  
denti quorundam expositorū ingenio, nō definitio. Hī enim dum à ueteri non-  
nunquā ædicatione discedere reformidant, ea psalmis assuunt, quæ nec in somnis  
quidem cōiectauit Vates. Idcirco nos consultò, cū aliter fieri nequit, Hebræo  
rum literam, omīssa illa interpretis sæpenumero obscura (spiritum uiri nō dam-  
no) admittimus, ut in hoc contingit loco. Felix igitur sic hunc interpretatur uer-  
sum: Quoniam ira hominis celebrabit te, reliquias iræ accinges. id est, furor ille  
hostilis atq̃ ira, in tuum tandem, à te fracta, honorē cedit, quod quidem impijs si-  
mo Aegyptiorū tyrāno accidisse legimus: Posui, inquit, te, ut ostendam in te for-  
titudinē meā, & narretur nomen meū in omni terra. Reliquias iræ accinges, seu  
alligabis; hoc est, si quid ultra bellorū prostrati hī hostes, ueluti reassumptis de-  
uicis uiribus, innouare uoluerint, tu illud præteriti furoris residuum reprimes &  
contundes. In Pharaone rursus uidere est, quid sibi hīc uult spiritus; nam miser  
ille toties propter atrocitatē pœnarū attritus, eò cōsternationis animi deuenit,  
ut: Moysi diceret, ac fratri: Surgite, egredimini à populo meo, & abeuntes benedi-  
cite mihi. Vides Dei hostem penitus profligatū: Audi extremū illius conatū, ac  
tanq̃ confusæ impietatis, sæuitiæq̃ atq̃ iræ reliquias. Iunxit, inquit, currum Pha-  
raonis, & omnē populū suum assumpsit secum, & persequutus est filios Israël. Ve-  
nim dominus, qui reliquias iræ alligare solitus est, interfecit exercitū eorum, &  
subuertit rotas currum, ferebanturq̃ in profundum. Timuitq̃ populus domi-  
num, & crediderūt dño. En quomodo in laudē cessit altissimi ira hominis. Qui  
quidem sensus quo maiori fulciatur autoritate, Paraphrastæ literam huc aduo-  
cemus: Honori, inquit, profectò tibi erunt, qui ira conciti temerè cōtra te in præ-  
lium prodierunt. Peribunt enim, & si quid minarū hostilium reliquum fuerit,  
id tu uendicabis tibi, & te illi oppones, ne terreantur tui. Quare, ô qui suauissi-  
mo dignati estis Dei patrociniò,

Vouete & reddite domino Deo uestro omnes qui in circuitu eius  
affertis munera terribili. Et ei qui aufert spiritum principum, terribi-  
li apud omnes reges terræ.

Omnes quos sciam Hebræorū interpretes, Afferte munera terribili, seu for-  
midabili, legunt: uel afferent, ut Felix. unde ex his quidam: Vouete & reddite  
domino Deo uestro, omnes qui in hoc cœtu adestis afferte formidabili mune-  
ra. Ei, dico, uestra nūcupate uota, qui uitam adimere potest principibus, ac om-  
ni



**C**nes reges terræ, nedum stolidum uulgus, terrere. Cæterū de uotis quæ à nobis in primis requirit Deus in psalmis, iam aliàs diximus gratiarū esse actiones, diuinasq; laudes, ac (pœnitentiæ dona esse affirmant nonnulli) continuā nostri cum animi tum corporis macerationē & sacrificiū. De illis uerò, quæ ab hominibus quotidie nuncupari cernimus, suas habet diffinitiones Ecclesia. Illud tamen dicam, periculosissimū id esse uotorū genus, ea polliceri Deo, quæ postea aut seruare nequeas, aut nolis omnino. Nouit enim uniuscuiusq; animus, quid humanus appetat spiritus, quamq; integrè quod uouit reddat. De nonnullis autem dicam, qui solennissimo illi primo in baptismo, aliud in professione uorum addidere, & illud quidem cum iuramēto, teste impressa altari cruce, teste cōplurium conuentu, teste demū cum purissimis sanctorū cineribus atq; ossibus Deo. Memini quidem me amicū quendam meū uirum sanēq; doctum, atq; à mundi uanitate penitus alienum, iocose reprehendisse, quòd honorem sibi à patribus oblatum refutasset. Quid agis? aio. nunquid obedientiam in professione oblatam tu iuratus tam uilem habes, ut tua magis cures cōmoda, quàm patrum uoluntatem? erras. Ille cōtrā penè indignabundus, obortis tamen lachrymis, quasiq; me obiurgans, ita respondit: Heu amice, quantū lachrymarū mihi illa affert interdū uotorum recordatio, cum ea me in baptismo, & in professione promississe recolo, quæ aut nō reddo, aut non tam piè & sanctè, ut par est, reddo. Quòd si certè etiamnum recenti ueluti proposito & uoto, me id quod sum pollicitus, ratū facere contendo pro uiribus, conorq; in memetipsum tamen miserrimū in modū recidens, uideo in membris meis nescio quid reluctans cōtradicensq; ac planè quæ promisi denegans, & confidenter abiurans. Pareo ne Deo atq; Ecclesiæ eo quo decet animo, seu ut meū exigit iusiurandum? quid cor? quid oculi? quid sensus? hi bruti, licet iam decrepiti, in omnē prorsus impuritatem proni: quàm uerò sint à lapsu immunes, scit Deus, cuius id donum est. Restat pauperies, restat pro Christo nuditas, restat ultronea corporearū rerum, addo & affectuū inordinatorem de piciencia. Nihil sanè minus aut cogito aut ago. heu me miserum, quòd me insaturabilis protrahit interdum habendi cupiditas. Si quidem desunt facultates priuatae, nō deest tamen animus ad facultates, ad honores, ad delicias, ad superbam dominandi ambitionē. Quid? nōne uoto atque iuramento, quo me nudam cum Christo uitam uiuere obligauī, stultam ut facerem imposturā, quasiq; Dei oculis uelum obducerem, inter mei ordinis homines praelaturā, ut uocant, nō tantū desiderauī, quantū impudentissimè, uel usq; ad ambitus, praeuisionisq; culpam, quæsiui? Scilicet me liberum à paupertatis uoto illa adepta dignitate somniabam, fingebamq; nullis parcendum esse, quæ in meum cederent cōmodum & luxum, sumptibus, quia Abbas tandem essem. Sed utinam nō ultra mea progressa fuisset amentia. Dicam: dicam profectò, nec meas dissimulabo culpas. Ad tantū enim aliquando deueni paupertatis odium, ut me non esse monachum optauerim, sed aut Episcopū, aut Cardinalem, aut saltem, modò liber essem à uoto, militem, ad summū quicquid sors attulisset. Verū à Christi spiritu admonitus atq; informatus, & me uouisse gaudeo, & quæ uoui me redditurum, quid aio demens? & Christum in me pro me redditurū certò scio. Illo itaq; cōtentus uade, nihil aliud nūc cogito, quàm ut illi meæ probent uita rationes, illud interim uersans animo, tum mihi, tum ceteris sacra unda dilutis celitus imperatū esse, Vouete, & ne Deo uerba dare uideamini, quæ uouistis reddite. His didi, beatam nostram fore rempublicam, si sic omnes agerent: hoc est, si nemo suapte sponte, emptisq; suffragiis ad dignitates sese ingereret: sed uocatus aut uerecundè abnueret, aut inuitus accederet: alioquin obedientia istam uoluptuosam quis non libenter amplecteretur? Absque fronte iam nostræ emuntur dignitates, danturq; illis, qui eas quærunt.



PSAL. LXXVII. Vincenti iuxta Ieduthun, Asaph psalmus.



Voce mea ad dominum clamaui, uoce mea ad Deum, & intendit mihi.

Post multas variasq; interpretationes, quas afferunt interpretes de uoce Ieduthun, tandem concludunt instrumentum fuisse musicum, quo usus est Asaph cantorum princeps in canendo hoc psalmo, nec absq; mysterio quidem: nam Ieduthun interpretantur transilientem: & ut aiunt, transcendens omnia, Deum quaerit, & inuenit. Quis porro hic non miretur: quis satis, quae in hoc insunt canitico, mysteria discutere unquam poterit? Christum enim hic uideo pro me inuenit in modum consternatum, adeoque afflictum, ut non uereatur dicere, Renuit consolari anima mea. Idcirco uolunt doctiores hunc psalmum flebile quoddam fuisse uaticinium pro Christianis à Romanorum Imperatoribus, melius dicere diffipatoribus gregis dominici, oppressis, ac supra uires attritis. Puras ne praesentia quoque deesse, qui Dei religionis periculum animaduertens, haec seculum: Nunquid in aeternum proijciat Deus? Verum interim publice: Voce mea ad dominum clamaui, uoce mea ad Deum, & intendit mihi. Quid sit, intendit mihi, expressius reddit Hebraeus: Aurem praebabit mihi. Magnae id sane fidei in anima est indicium, cum orans suam à Deo exauditum iri precationem persuasum habet. Alioqui certe anceps, quae Deo offertur, oratio, ancipitem praese fert fidem: quae tum gratior est numini, cum constans magis est, & uel in ipsis difficillimis persuasionibus, certa. Vide igitur quam perfectum in se orandi modum exhibeat Christus: Voce mea, inquit: haud rauca quidem, aut ex fidei defectu exilis & mussante, clamaui. Voce mea, inquam, ualida & constanti ad illum qui Deus meus est & dominus, clamaui, atque euestigio exaudiuit me. Clamabo, uertunt Hebraei: sed parum refert, hebraismus frequens est prophetis. Postea precationis seriem ac formam subnectens, ait:

In die tribulationis meae Deum exquisiui manibus meis nocte contra eum, & non sum deceptus: renuuit consolari anima mea.

Hucusque Hebraeis unus est uersus: sed longe alius. Sic Felix: In die tribulationis meae dominum exquisiui, uulnus meum per noctem defluxit, & non residebit: non uulnere recrudescente non remittitur dolor. Defluxit, inquit, uulnus meum, sanie nimirum atque atro sanguine: hoc est, meum aequum insanabile factum est malum, atque solet ulcus perpetuo suppurans, & semet exedens. Non suo tamen uacat sensu si legas, Exquisiui manibus meis nocte contra eum, seu coram eo. Solent enim qui extremo aliquo afficiuntur dolore, & oculos, & manus, indicium nimirum summae anxietudinis, ad Deum tollere, nisi malis secundum alium dubiae dictionis hebraicae sensum, manus, non uulnus, defluxisse intelligere, ut in his qui diriorum aliqua affecti sunt perturbatione, contingere cernimus, qui laxatis inconsolabiliter manibus, plane se uiribus destitutos, ac desolatos ostendunt, mouentque se continuè, ut solent spatici. Quocirca quidam ex Hebraeo sic transtulit: Vacillabat totas noctes uirtus mea, & non quiescebat: & id quidem nocte, coram Deo, hoc est, attentè, ac maxima animi permotione & dolore, qui ex more incrudescere noctu consuevit. Quam porro doloris uim, ac desperationem, quod intendit: Renuit consolari anima mea. Omne, inquit, consolationis genus auersa est anima mea, nullumque admisit refrigerium, praeter illud quod à Deo opperiebatur. Eapropter humanis abiectis remedijs, quae tam saeuo atque immani immortuus sum.

Memor fui Dei, & delectatus sum, & exercitatus sum, & defecit spiritus meus.



c Aspicere quomodo suos finit interdū Deus ita acerbè in diuersa distrahi, & dissipari, ut nihil minus referant, q̃ constantiā. Quàm uerū illud est, quàm uetaciter cordi imprimendū, Deū scilicet eum esse, qui deducit ad inferos (ecce animæ desperatio) & reducit (ecce uis fidei.) Dixerat enim in superioribus Vates: Renuit cōsolari anima mea. Nunc uerò animū colligens, sic suum solatur mœrorē: Vt cunq̃ affligar, ut cunq̃ meū immedicabile sit uulnus, destituarq̃ prorsus omnibus tum corporis, tum animi uiribus, atq̃ inteream tandem perturbationū cumulo oppressus, adhuc in eum sperabo, adhuc diuinæ haud immemor ero bonitatis, in illiusq̃ memoria delectabor exercitaborq̃, ac proinde etiā usq̃ ad spiritus defectionē memet excrucio. Vides sui penè dissimilem in amantibus quoq̃ Deū nōnunq̃ animū: Delectantē sanè in dño, amant, mœrent, anguntur, timent, sperāt, ac tandem inter bellū & pacē positi, sese cōtinuis macerant curis. Qui quidem mentis affectus ex Hebræorū litera ardentius exprimunt. Sic Felix: Memor ero Dei, & uociferabor: loquar, & anxietate inuoluetur spiritus meus. Diuus uerò Hieronymus: Recordans Dei conturbabar, loquebar, alius autem, fremebam. Paraphrastes: Eiulabo ad illū. Sed & diuus Augustinus, garrivus, è græco legisse uidetur: quod quidem uerbum ex eodem alius fonte mitius reddidit, dicens: Argutabar, & meditatus sum à meipso. hoc est, sollicitus etiam usq̃ ad procacitatem clamabam, cogitabamq̃ quonam pacto tantis ab ærumnis liberari possem. Cumq̃ solutionē, aut requiem inuenirem nullam, meus in se se planè defessus cōmarcuit spiritus. Selah propterea huc interiectum, nos ad id considerandum excitat, quī fit interdum, quòd Deus suos adeò acerbè atteri sinat, ut penè animum despondeant, cū tamen illos ardentissimè diligit.

D Anticipauerunt uigilias oculi mei, turbatus sum, & nō sum locutus. Narrat hīc Vates per partes sui animi anxietatem: quæ cū nimia est, omnem prorsus ab oculis eiicit somnum. Præuenerūt, inquit, oculi mei insomnes uigilias omnes noctis. hoc est, nullo detinebantur somno. quod clarius reddit Hebræus: Tenuisti, ait, palpebras oculorum meorum, ne possim dormire: quæ res sic me conturbauit, spiritumq̃ exhaustit, ut ne loqui quidem amplius mihi integrum esset. Quomodo id secus à me agi potuisset: Etenim

Cogitavi dies antiquos, & annos æternos in mente habui.

Heu meam ignauiam. Video sanctissimū hīc Vatem: Vatem autem: Ipsum uideo mei amantissimū Christum sese pro me afflictantem, pauentemq̃, & mirum in modum ad patris iudicia contremiscentem: & ego infelix, qui peccauit, peccatq̃ assidue, in utranq̃ tutus aurem obdormisco: Cū sanè cogito dies antiquos, atque anni æterni in mentem mihi ueniunt, hoc est, quàm irreparabili proruerit olim casu fulgentissimus ille omniū angelus semel peccans: quàm ue ingratissimus cunctorum animantium primus homo indelebile eiectus fuit cauerit peccatum, unde ab amœnissimis irreuocabiliter Paradisi eiectus fuit hortis. Quid Iudas? ille, inquam, Iudas, in quo se spes omnium finium terræ sperasse alio in psalmo fatetur, quò suis peruenit sceleribus, extinctionē queum? nōne ad turpissimā, quam proprijs sibi asciuit manibus, eterna uideatur. Cū hac, inquam, tum præterita, tum adeò antiqua, ut penè æterna uideatur, cogito, rimorq̃ animo nullum diuinos effugere posse oculos delictum, insanio penitus, itaque uehementer conturbo, ut nullus omnino mihi restet sensuum usus, nutetq̃ ratio, ac planè uigore omni ego destitutus, non homo iam uiuens, sed aut truncus annosus, aut statua aliqua inanimis appaream. Ad hæc succurrit antiqua illa, ut mihi uidebatur, annorum felicitas, cū ego quidem in diuinam totus transformatus religionem, atque amorem ardebam desiderijs penè infinitis, nullaq̃ mihi iam supererat cura, nisi quomodo in amati amplexibus expirarem: nunc uerò mutata sorte, amissiq̃ illo, qui in me



memagis erat, q̃ egomet in meipso, totus mea in deplorāda miseria & calamitate uelior cōsumorq;: huc mens, huc animus, huc quicq̃ deniq; in me est uertit̃. Et meditatus sum nocte cum corde meo, & exercitabar, & scopebam spiritum meum.

Rursus, exercitabar, Hebræis est, loquebar, nempe cum corde meo, attentē scilicet, eo maximē tempore, quo profundissimo res omnes detinentur somno, quare additum est, nocte. Nox quippe cogitationū mater est atq; altrix, quod alias notauimus, rationemq; quamobrem id fiat, attulimus. Scopebam spiritum meum: uentilabam, reddunt alij, seu excutiebam, sic apud me tractans:

Nunquid in æternum proijciat Deus? aut non apponet ut complacitior sit adhuc? aut in finem misericordiam suam abscindet à generatione in generationem? aut obliuiscetur misereri Deus? aut continebit in ira sua misericordias suas?

Vide quò demum anxietas illa prorupit, qua in superioribus testata est anima, se omnē prorsus respuisse consolationē, se tristem, se miserandū in modum conturbatam cogitasse dies antiquos, atq; annos æternos in memoria habuisse. Sic intra se: Immutatus est ne immutabilis, ut nō amplius, ut olim, suā nobis impartiat clementiā: uult ne perditos nos esse funditus: proijciat ne nos omnino: aut futurum ne est, ut placatior fiat nunquā posthac: negat ne nobis modò, quod superioribus semper præstitit seculis: perijit ne in perpetuum ipsius clementia: ipsius bonitas: ipsius, qua seruat omnia, quæ pollicitus est, fides: nonne quæcunq; sanciuit æterna sunt, proinde à generatione in generationem æternā dilabentia serie ac prouidentia: hæccine firma ea est confidentiū in Deo pollicitatio: oblitus ne est tam citò suæ promissæ misericordiæ: quid? tam ne imbecilles factæ sunt illius miserationes, ut iram eius frenare nequeant? O nos & ter & quater miseros, si sic se habent res hominū. Quocirca non iniuria Selah huc interiectum esto.

Et dixi: nunc cœpi, hæc mutatio dexteræ excelsi.

Tandem huc, inquit, perueni, ut dicerem: Iam plusquā satis dolore conturbui, præq; amaritudine uix mei compos exiti. Quare nunc ad me reuersus, de Dei erga homines uoluntate mitius sentire occœpi, dixiq;: Hæc certè rerū mutatio ac uicissitudo, à potentissima dextera excelsi prouenit. Me itaq; stultū, qui Dei iudicij legem præscribere aditor. Verbum Cœpi, in Hebræo nō inuenitur: sed, expectatio mea hæc, aut mors. Item, mutatio, nō transferunt: sed, annorum dexteræ excelsi, ut sit sensus: Cogitabam, hæc mea est mors, is meus est interitus, simul atq; uideo Deū me penitus abieciisse. Verū memor ero annorū dexteræ excelsi: hoc est, facinorū, quæ Deus præteritis olim annis pro suis ædidit, ut uel sic meū ad spem penè collapsum erigam animū. Si uerò, expectatio, arriquo, ut olim, dexterā suam exerat altissimus. Quem autem sensum sequutus sit Paraphrastes, ex illius patet litera, sic ille: Profectò, dicebam, ad mortē usq; cruciat me hæc recordatio superiorū annorum, quibus toties & tam manifestè adfuit omnipotenti dextera sua, is qui supra omnia est dominus. Ita igitur

Memor fui operū dñi, q̃a memor ero ab initio memorabiliū tuorū, & meditabar in omnib. operibus tuis, & in adinuentionib. tuis exercebor. Ero, nō Fui, uertendum erat, unde Felix: Recordabor operū dñi. Nihil enim tam fortiter animū sub angustiarū onere laborantē erigit, q̃ uiua, sedulaq; conuerſa Dei beneficentiæ in suos, cogitatio ac memoria. Ait itaq;: Desperare ne de beo, quia peccauit: quia seduxit me mūdus: quia à dæmone, à carne, à falsis traductor fratribus: Minimè id quidē omniū: nam meū ad refrigeriū recordabor, quo



c modo se gessit Dei pridem cum sanctis suis, licet tentatis, ut ego, afflictiſſq; atq; in errores prolapsis, prouidentia & bonitas. Peccatores illi quidem fuere: at uero tamen sic foedi, sic in tribulationū igne excocti, & planè à mundi plausu reiecti, irriſiſq; tua cōtinuè protecti sunt ope. Horum itaq; haud immemor, quæ rurſus ab ipsa mundi origine miracula, signa, adinventiones, nempe consilia, studia, artesq; ut sic dicam, multiplices, quibus ad hominū salutem uti consueſcis, ædidisti, sollicitè meditabor, in illisq; memet exercebo, & ad uitæ huius miseræ refocillationem ea uoluam animo, & reuoluam. Nam certè,

Deus in sancto uia tua, quis Deus magnus sicut Deus noster: Tu es Deus qui facis mirabilia.

S uporis sanè immensi, atq; admirationis plena sunt hæc uerba: & est ac si diceret, exclamaretq; Hem Deus, quicquid cogitas, quicquid in rerū moderatione ac salute moliris, quæ tua est uia, qua omnia tanq; uniuersorū uigor, & uita, percurris, est in sancto: hoc est, sanctissimè, summaq; peragitur æquitate & constantia. O uia absq; dubio sanctissimā. Tametsi em̄, mi Deus, dura admodū tua illa sint flagella, quibus etiā usq; ad interitū tui nōnunq; atteri uidentur familiares, iustus tamen es in omnibus uis tuis, & sanctus in omnibus operibus tuis. Quā obrem, ô uos, qui tenera adhuc cōnitimini religione ac fide, uidistis ne unquā Deū aliū tam sanctū & æquū, ut Deus est noster: quis inter diuos tam magnus: tam potens: tam erga suos, suos quidem: imò uerò etiam erga hostes, & facilis & benignus: Certè, mi Deus, tu solus is es, qui mirāda, stuporemq; omnē excedentia operaris. Tu, uel ab ipsa prima mundi ætate, continuo ueluti gratiarū amne,

Notam fecisti in populis uirtutem tuam.

D Populis, inquam, uarijs, diuersisq; uitæ institutis ac rationibus informatis. Sed in primis

Redemisti in brachio tuo populum tuum filios Iacob & Ioseph.

Non absq; mysterio, Iacob & Ioseph mentionē hīc facit Vates. Iacob enim uir ille fuit, à quo tribus omnes originē traxere. Ioseph autem, quoniam patrē si mul cum tota illius familia & liberis aluit in Aegypto, loco nimirū Dei religionis ignaro, Dei retulit beneficentiā, qui in medio etiā angustiarū æstu suos alere nō desistit, quare interponit hīc Selah. Testis, inquit, ingentiū istiusmodi facinorum fuit populus ille rebellis, quem mirandum in modum, cunctisq; inaudito seculis miraculo, ex dura Aegypti seruitute liberaſti. Tuæ tūc quidem potentia brachium, robur nimirum ac maiestatiē senserunt cœli, senserunt elementa, rupesq; aridissimæ tuo exterritæ imperio, copiosissimū præbuerunt aquarū haustum. Vidit hæc omnia Aegyptus, & expauit. Ipsæ quoq;

Viderunt te aquæ Deus, uiderunt te aquæ, & timuerunt, & turbatae sunt abyssi.

Siue hīc aquas Aegypti intelligamus, quæ Dei iussu sanguineæ factæ sunt: siue illas maris, quæ populo cessere transeunti, nō errabimus: modò Dei potentiam elegantissima celebrari metaphora intelligamus. Adeò, inquit, celeris fuit illarum corruptio, harum uerò cessio & fuga, ut planè Dei imperiū extimuisse uisæ sint. Senserūt quidem, tanq; animatae fuissent aquæ, tuū imperiū profunquam (res mira) tam fluxum elementū te, ô Deus, & timuit. Quid: ipsæ profundissimæ maris abyssi pauore exterritæ, sua à sede motæ sunt. Verum id totū non absq; immenso tuorū horrore ac metu. Quis cernens hīc atq; hīc aquas tanq; parietē cōglobatas imminere, ponē uerò armatas hostiū copias insequi, non timuisset. At hīc quidem mirabile uidere mihi uideor mysteriū, cum in mentē uenit, impossibile omnino esse ad felicissima terræ promissā, in qua habitat Deus, bona, posse aliquādo peruenire hominē uia alia quā illa, quæ maximis obdu-



at tenebris, interruptaq; maris undis, atque hostium armis obfessa, tota horret. Quis, obsecro, tam asperā non exhorresceret uitæ semitam, nisi Moses, nisi Aaron, nisi fortissimus dux ille Aminadab, nisi tandem Deus, cuius præsentiam uiderunt aquæ & timuerunt, animosissimè anteirent. In mari sanè, atq; eo turbido & procelloso, Dei est uia. Nam

Multitudo sonitus aquarū, uocem dederunt nubes. Etenim sagittæ tuæ transeunt, uox tonitruī tui in rota. Illuxerunt coruscationes tuæ orbi terræ, cōmota est, & contremuit terra.

Vide quomodo ab antiquis nō discedens Aegyptiorū plagis, proborū salutē cum improborū interitu cōmiscet Vates. Nōne hīc tibi ob oculos illud Exodī versatur cum hæc legis? Dominus, inquit, dedit tonitrua, & grandinē, ac discursantia fulgura super terram: pluitq; dominus grandinē super terram Aegypti, & grandis & ignis immixta pariter ferebant. Tantū in terra Gessen, ubi erant filij Israhel, grandis nō cecidit. Multitudo, inquit, sonitus aquarū. En uis illa imbriū, cum fracti aëris canales, tum aquas, tum grandinem, simulq; è tetrīs nubibus eruant ad terram usq; horrissono conuoluunt strepitu fulgetra, uocem dederunt nubes. Ecce tremefacientes omnia tonitrus: è quorū mugitu sagittæ illæ fulgurum uagæ, celerrimò erumpentes cursu, rotatūq; ineuitabili, excelsiora ferunt loca. Nulla tum quidem pars cœli est, quæ tam clara coruscationum lamina non illustretur. Idcirco terra omnis, nedum belluæ & homines, suo penè cœli fundamento tremūt, horrendūq; in modum concutitur. Sunt ne hæc diuinæ potentiae indicia, an ut arbitrantur mundi sapientes, necessarię quędam æris alterationes? Virtus ea (ni fallor) à numine procedit, non à necessarijs cœli moribus, aut dæmonū, ut quidam opinant, terroribus. Quod uerò cōtra uentum imbriū, aut tempestatū & fulgurū, quę crebra admodū hunc in excelsū cadunt montē, in quo placidissima mei patris cōquiescunt ossa & cineres, erigant in sublime cruces, fiantq; supplicationes & uota, num propterea istiusmodi reliquid magis, nempe Deum nostris offensum erratis, hisce fidei argumentis inuolunt, rogariq; ne in nos, uti consuecit in hostes, tam dirè res quoq; inanimatas, uulneriti sumus, ferocire sinat. Nōne idem etiā pro bellis, pro discordijs, pro sicciatē, pro lue & peste, agere soliti sumus? Sed, ut dixi, uia tua, ô domine, uia difficilis est, uia ardua, uia salebrosa. Et quidem

In mari uia tua, & semitæ tuæ in aquis multis.

Via enim qua ad te itur, quaq; res conditæ peruestigantur, & utcunq; intelliguntur, inaccessa penè est, atque innumeris conuoluta fluctibus. Semitæ, inquam, tuæ, quibus afflictæ permeas corda, multis in aduersitatū aquis sitæ sunt, sed sanè quidem tuis in electis delicias ferere cōsueciscis, sed spinas, sed tribulos, sed lappas, sed crucis amaritudinem. Et tamen ad hæc tam alta tuæ prouidentiae consilia cæcutimus, prorsusq; cæci sumus: siquidem ab humano intellectu

Vestigia tua non cognoscentur.

Occultissimo etenim modo mortaliū salutē operari solitus es. Possumus certè multas, & has quidem uarias, cur id uel illud fiat, prætexere rationes. At uerò innumeris in rerumq; omnino occultarū indagatione exoculati, in illud tandē deuenimus, ut uicti clamemus: Quis cognouit sensum dñi? aut quis eius unq; uestigia, nempe consilia, atq; in disponendis rebus tum ordinē, tum prouidentiam perscrutatus est? nemo profectò qui id apperiat, inuenitur: uel si appetat, assequitur. Verū illud nobis, quàm sol ipse, est compertius, quòd

Deduxisti sicut oues populum tuum in manu Mosi & Aaron.

Crebra enim ouīū in scripturis fit mentio, quò minime uulgarem in Deo esse



C erga suos custodiam cōtemplemur; qui quidem cūm uniuersalis sit pastor, uult tamen sempiterno rerum ordine ac serie, ut sic dicam, primogenia atq; aeterna, quemadmodū ceteras quoq; res, ita homines suos in terris habere duces & tutores. Deduxit quidem dñs, ut hīc canit Vates, tanquā oues, solerti scilicet cura, ex Aegypto Hebræorū populū; uerū nō absq; ducibus & pastorib. Alioqui quōd uulgus rude atq; imbecille, uel millies diuino ab oraculo admonitū, suū direxisset iter per mare; per solitudinē; per terrā hostilem? Strenuissimus igitur datus fuit illi dux cum fratre Moses: quem cūm ex aquis assumptū interpretent, Aaron aut fortitudinis montē, animarū ductores bellissimē adumbrasse nō ignoramus. Aquas diximus nōnunq; in scripturis uitæ huius afflictiones, aduersamq; fortunā, atq; interdū cupiditatū profluuiū prætereundū. Da mihi igitur animarū ducē nōdum ab aquis assumptū, hoc est, adhuc aduersis molliter reluctanē, in persecutionūq; fluctibus fugacē, & fœminarū more eiulantē, aut in cupiditatū libidinumq; uolutabro sese uolutantē, idcirco in fide euiatū: emoriar si quā uideris unq; ex ouibus sub tali pastore diutius in Dñi pascuis, ritēq; educari. Qui eiuscemodī sunt, aut Aegypti desiderio cōtabescent miseri, aut cōtempso Deo, atq; eius religione, uitulū sibi pro Deo ex aureis uxorū inauribus delicatissimi (si Deo placet) pastores cōflabunt. Nihil enim in illis reperiēs, quod elumbe nō sit, effœminatū, putidum. Mose itaq; ductore opus est, atq; Aarone, uiris scilicet in fide, doctrināq; spiritus robustis, firmatisq; in his quæ solida sunt & perfecta. Non quidem in mūdi saginario tanq; in amne fluitantes, aut turpissimis parentibus affectibus, sui uult esse gregis pastores Deus. Quare si nonnullos inuenias istiusmodī, de quibusq; sic dñs in Hieremia querit: Pastores multi demoliti sunt uineā meā, cōculcauerūt partē meā; parendum illis quidem est cum delectu, si mulq; dolendū, quōd adeo in immensum nostra creuerint scelera, ut merito in nos illud dictū esse intelligamus: Effœminati dominabunt eis. Qui uerō sint illi, qui Mosen, aut Deū potius in terris referant, hos breuiter designat spiritus in Vate illo: Dabo, inquit, uobis pastores iuxta cor meū, & pascēt uos sciētia & doctrina. Ceterū doctrinā hanc, doctrinā spiritus esse arbitror, nempe illā, quæ nō tam literarū linguarūq; cognitione nitat, q̃ quæ purissimis animarū cōtemplationibus ad Iesu pedes addiscit. Cui laus sit atq; honor in secula seculorū, Amen.

PSAL. LXXVIII. Eruditium Asaph.



Tendite popule meus legem meam, inclinate aurē uestram in uerba oris mei.

Ingenti quidem animi intentione his opus est, quibus ab amico, seu à rege & principe præterita exprobrant beneficia: id enim ingratis contingere nō rarò experimur. Verū ea quæ à Deo fit exprobratio, nō solum animū attentum requirit, uerum etiā eruditionib. refertissima est, ac doctrina, ut in hoc psalmo cernimus, qui maximis obiectus est mysterijs. Siue enim de defectione Hieroboam, qui fuit de tribu Ephraim, quiq; cōtra Dei decretū affectauit regnū Iuda, psalmū cōpositum asserant expositores, siue aliam effingant rationē, illud in summa considerandū, diuina hīc quædam à Christo erga homines recenseri beneficia: quæ quidem diligenter, ut par est, ab homine perspecta, maximā excitāt admirationē, quippe quæ Dei erga mortales quālibet ingratiſsimos tum bonitatem, tum clementiā, præ se ferant. Tantū si quidem momenti illa habere præsentem appellare non ueritus fuerit. Audite, inquit, popule meus legem meam, inclinate aurem uestram in uerba oris mei.

Aperiam in parabolis os meum, loquar propositiones ab initio. Obserua quid animus ad Dei iussiones exequendas inuitatus respōdere debeat. Illud, opinor; Audiā quid loquat in me dñs Deus. Qui nō libenter audiat: Etenim



Et enim loquetur pacē cum populo suo. Interim tu, o benignissime, aperi in parabolis os tuū, loquere propositiones, ænigmataq; ab initio occulta quæ fuerāt, ex plana. Quid hīc significant parabole seu proueria, in quadagesimonono psalmo exposuimus; nempe dictiones, quæ grauissimis refertæ sint sententijs; ænigmata uerò, quæ arcana paucisq; nota cōtineant mysteria. Huiusmodi quidem locutionis genere Christum in terris usum fuisse testatur Euangelium. Sed illud terrificum: Ideo, inquit, in parabolis loquar eis, quia uidentes nō uident, & audientes non audiunt, neq; intelligunt. hoc est, indigniores sunt, quàm ut eos apertiori erudiā doctrina, quemadmodū uos facio, quibus datū est noscere mysterium regni cœlorū: illis autem non ita. Cōmemorabo, inquit Paraphrastes, quæ fabulæ uideri possint, nisi uerē constaret superioribus seculis contigisse ea. Quāta audiuius & cognouim⁹ ea, & patres nostri narrauerūt nobis Hebræorū litera clarior est. Nam postquā Fel. transtulit, loquar ænigmata: ætūm alium sic inceptat uersum: Quæ audiuius & cognouimus illa. Quo modo uerò ea, quatenus homo, atq; cum eo cæteri, audierit, cognoueritq; Christus, aperit dicens: Et patres nostri narrauerūt nobis, quasiq; per manus tradiderit, quanq; istiusmodi locutionis genus, ut cætera quæ in mente patris uersant, unigenito tantūmodo perspecta sunt, & quibus uoluerit ipse, etiā absq; hominum ministerio reuelare. Verū ut potuere res obstrusissimæ detegi,

Non sunt occultata à filijs eorū in generatione altera, narrantes laudes domini, & uirtutes eius, & mirabilia quæ fecit.

Ex quo, ait, patribus Dei innotuit potētia, ac per donorū copiā munificētia, hī subito filijs eadē longa ætatū serie nō occultarūt, narrantes nimirū Dei laudes, uirtutē, uimq; stupendam prodigiorū, ac cūcta demū mirabilia, quæ in electorū gratiā semper operatus est. Hebræi tamen alio hanc literā legunt sensu. Sic Fel. Non occultabimus à filijs eorū in generationē nouissimā. Et est gratissimi animi institutū. Audiuius, inquit, à patrib. Audiere & cæteri post eos filij, ac nepotes. Ita neq; nos successuris eadē inuidebimus posteris: sed narrabimus Dei laudes, & miracula, signaq; beneuolentiæ patris ingentia & antiqua, nō eos celebimus. Sic ipse filius ad patrem loquitur: Manifestaui nomen tuum hominibus, quos dedisti mihi de mundo.

Et suscitauit testimoniū in Iacob, & legem posuit in Israël. Quanta mandauit patribus nostris nota facere filijs suis, Vt cognoscat generatio altera, filij qui nascentur & exurgent, & narrabunt filijs suis.

Et suscitauit: ex hebræo, statuit, uertūt. Porro testimoniū hīc & legē nō absurdum erit opinari illud esse, quod antea dixerat se enarraturū filijs, qd ipse à patribus acceperat. Id enim à Deo tanq; lex aut testamentū priscis olim patribus fuit traditū. Vnde illud est in Deuteronomij libro: Ne obliuiscaris uerborū, quæ uiderūt oculi tui: docebis ea filios ac nepotes tuos. Vide legem de promulgandis Dei beneficijs sancitam. Ait itaq; Et statuit, fanciuitq; legem filijs Israël, ut nota facerent filijs suis, ea quæ ipse mandauit patribus, ne non scirent posterī, qui & ipsi suis enarrarent filijs, filij item nepotibus.

Vt ponant in Deo spem suam, & non obliuiscantur operum Dei, & mandata eius exquirant.

En ænigma, en problema mundanę addictis felicitati inenodabile. Ecquis ex illis persuasum id habet, totam illorū spem, humanis interim abiectis præsidijs ac delitijs, collocandā esse in Deo: & eo quidem, qui sapientissimo suę prouidentię cōsilio suos nōnunq; deserere uidet amicos? Idcirco igit crebrā suæ erga nos beneuolentiæ memoriā inter nos esse uoluit: neq; id solum, sed etiā pro lege, inuolabiliq; testamento ac fœdere decreuit esse, ut quemadmodū nos à patribus



c æternā Dei erga homines semper extitisse accepimus charitatē, ita & nos filijs eandem ipsam nunc esse, & copiosiore, prædicemus: cuius uirtute excitati alii, quando, suauissimis illius condiscant obtemperare mandatis. Et id propterea,

Ne fiant sicut patres eorum generatio praua, & exasperans, generatio quæ non direxit cor suū, & non est creditus cum Deo spiritus eius.

Et nō fuit fidelis cum Deo spiritus eius, uertit Felix, Item, direxit, stabilit. Miraculi loco haberi potest, filios cernere morigeros, & sub bellacibus patribus & rixosis, quietos: ut olim patres fuerūt antiqui Iudæorū in solitudine uasta illa post fugam Aegypti, de quibus sic queritur suos alloquēs dñs in psalmo: Nolite obdurare corda uestra sicut in exacerbatione secundū diem tentationis in deserto, ubi tentauerūt me patres uestri, probauerūt, & uiderūt opera mea. Quanta enim fuerit in Deū illorū peruersitas & ingratitudo, notior res est quā ut illam multis cōtra cōmentariorū legē persequar. Narrate, inquit, filijs ipsis uestris, illisq; uel usq; ad fastidium inculcate, q̄p̄ beneficis semper antiquis fuerit cœlestis pater; contrā uerò, quantū illi ipsi pertinaciter rebelles & cōtumaces; ne & ipsi suis fiant cōsimiles patribus, nempe generationi prauæ & adulteræ, cuiq; nunq̄ quod rectum est placuit, nec unquā ex animo mihi credidit, ut ex illis quæ dicturus sum pernosci poterit. Inprimis enim

Filij Ephrem intendentes & mittentes arcū, cōuersi sunt in die belli. Filij Ephrem, sunt posterii illius, qui & filij Ephraim appellant, qui fuit filius Ioseph. Hos in hoc loco pro toto populo Israëlítico sumi uolūt doctiores, ob id, quòd homines illius tribus, cui Sylo ciuitas cōtigerat, in qua sedes fuit arca, idcirco & religionis, cæteris arrogāiores fuere. Quem sanè tumore atq; audaciā non diutius dissimulans Hieroboam, qui ex illa fuit tribu, uel eò maxime quòd eum constituerūt regē super omnē Israëlem, nec secutus est quispiā domū Dauid, ut narrant historiæ, præter tribum Iuda solum, bellū mouit cōtra Abiam regem Iuda, nempe tribus à Deo electæ ad regnū. Duo hīc itaq; tangit Vates: tum rebellionē decem tribuum, de quibus triste illud est Esaia elogiū: Væ coronæ superbix ebrijs Ephraim, & quæ duce Hieroboam in Iuda tribum mouerūt arma; tum illorū calamitatē, in quā spreto Deo, atq; eius religione, inciderūt: nam inito bello cum tribu illa duce Abia, perterruit Deus Hieroboam, & omnē Israëlem qui stabat ex aduerso Abia & Iuda. Percussit ergo illos Abia & populus eius plaga magna, & corruerunt uulnerati quinquaginta millia uirorū illud fuit humiliatq; sunt filij Israël in tempore illo. Superbiæ nimirū immensæ illud fuit indicium, diuinas uelle pollicitationes de regno Iuda æterno infringere. Vnde ante belli congressum Abias è montis apice sic hostes alloquitur: Num ignoratis quòd dominus Deus Israël dederit regnū Dauid super Israël in sempiternū? Siue igitur ad bellum illud impiū, siue ad bella alia contra alios intellexeris, à Vatis mente nō eris alienus. & est sensus: Filij Ephrem intendentes, siue armati fides, ut uertunt ex Hebræo, & arcu; hoc est, suis magis uiribus atq; armis fident quā Deo, in fugam uersi turpissimè occubuerunt. Quid mirum? factus est Ephraim, ut ait Oseas, quasi columba seducta non habens cor. Conuersi itaque in fugam sunt in die belli, quoniam

Nō custodierūt testamentū Dei, & in lege eius noluerūt ambulare. Ecce totius indignationis Dei, atq; iræ contra homines ratio, & summa, Neglectus religionis. Fregerūt, inquit, fœdus, corruerūt testamentū, legēq; meā ultrò auersati sunt. Quid scelestius inter homines cōmitti unq̄ potuit, quā sacrosancta uiolare testamenta; pacta abolere? & leges demū urbium nō lei uari? Nulla his quidē, qui sic agunt, statui potest multa, quæ tam graue queat aquare crimen. Sunt tamen pactorū conuentorumq; uiolatores, sunt testamentarij, falsarij, diplomatūq; &, ut uocāt, instrumentorū contractūq; corruptores, qui non



non solum à ciuium conuictu, ut lex iubet, nō arcentur, pœnisq; afficiunt: sed etiam (malum) de aliorū bonis & fortunis, tanq; de profligatis hostibus, triumphant, atq; inter primates rerumpub. ambitiosissimè collocantur, seu sese potius obtrudunt. Heu sortem miseram Israëlitarū, quid nostram? Non fœdus in initum cum Deo in lege, in ritibus, in cultu, in religione, in baptismo, in uotis, in sacramentis, in fidei professione, seruauerunt: sed à lege, à Deo, à uita, à pietate, sponte sua auersi,

Obliti sunt benefactorū eius, & mirabilium eius, quæ ostendit eis. Deus, ait, illis, illorumq; patribus tot tamq; stupenda quotidie ostendit benevolentiae signa, ut nōnulla ex grauioribus cōmemoraturus sim. Illi uerò cōtrā, omni abiecta illius memoria, nihil minus cogitarūt, quàm ut grati essent. Ergo Corā patribus eorū fecit mirabilia in terra Ægypti, in cāpo Taneos. Perstringit breuiter miracula edita in Ægypto; cuius regia ciuitas Tanis fuit, agri sanè fertilis & opimi. De illius regionis primatibus sic loquitur Esaiās: Stulti principes Taneos, sapientes consiliarij Pharaonis dederūt consiliū insipiens. Prouinciæ itaq; in primis, & loci, in quo mira illa & uulgatissima sunt ædita porta coram rege, ne dubiam rem afferre uideretur, mentionem facit.

Interrupit mare, & perduxit eos, & statuit aquas quasi in utre. Mira res, tam uastam aquarū molem arctè adeò coactā, ac si in utre collectæ essent, quanq; nō utrem, sed cumulum uertūt nōnulli. Paraphrastes uerò: Stare iussit aquas natura sua fluidas, tanq; molem marmoreā. quod idem est quod in Exodi libro legimus: Erant illis aquæ ceu murus à dextris & sinistris. De diuisione autem maris sic loquitur Moses: Abstulit illud dominus flante uento uementi, & urente tota nocte, & uertit in siccum.

Et eduxit eos in nube diei, & tota nocte in illuminatione ignis. Dominus, inquit Moses, præcedebat eos ad ostendendam uiam per diem in columna nubis, & per noctē in colūna ignis, ut dux esset itineris utroq; tēpore. Evidentius ne unq; fuit summæ Dei in populū illum dilectionis signū. Verum illa omnia nescio quid occultioris portendebant mysterij. Futurū quippe erat, ut Ecclesiæ filij nō solū maris aquis, uerum etiā nube gratiarū, atq; igne spiritus baptizarent. Idcirco sic de Christo cōcionabatur Ioānes: Ille uos baptizabit igni, & spiritu sancto. Qui sanè ignis eousq; sua in Ecclesia ardens erit, quoad eius uisum sunt antiquæ uitæ in eam protrulit Adam, exurat, subcrescatq; illa quæ noui testamētī sunt Adæ. de quo sic Vates ille: Si abluerit dñs sordes filiarū Sion, & sanabit Hierusalē lauerit de medio eius in spiritu iudicij, & spiritu ardoris: & creabit nubem per diem, & fumū, & splendorem ignis flammantis in nocte. Hinc clamat Paulus, omnes in nube & mari baptizatos esse, Cui & illud quod sequitur mirabili respondet artificio:

Interrupit petram in eremo, & adaquauit eos uelut in abyssu multa. Et eduxit aquam de petra, & eduxit tanquam flumina aquas.

Bis repetit cōfractæ petræ miraculū, è qua maxīma aquarū dimanauit copia: quoniam bis aquis indiguit populus, & murmurauit cōtra dñm. Et tamē petra illa quæ erat Christus, iniuriarū prorsus immemor, illorū obtēperauit uoluntati, ne dicā libidini. Proscidit, inquit, petra alioqui siccā & aridam, in loco sterili atq; infœcundo, ut sunt ferè solitudines, quæ tam copiosam uiuæ aquæ effudit abundantia, ut nō riuū aut amnē, sed fluuiū, profundāq; abyssum dixisses. De exundanti illius petre beneficio ita loquitur Moses: Cū eleuasset Moses manū percutiēs bis uirga siccā, egressæ sunt aquæ largissimæ, ita ut populus biberet, & iumenta. Et quidē aptissimo usus est uerbo interpret, adaquauit, qd propriè de armētis et pecudib. dici solet. Fuerint ne homines, seditiosissimi illi murmuratores, an pecora, uix diffinire ausim: ut nūc quoq; de quibuscūq; nō audeo, qui copiosissimè è Christi



**C** latere epotati, ingratissimi omnium existunt, quibusque etiamnum nulla apparet in die nubes, aut fax in nocte, sed omnia illis in eremo hac uitae arida, & solitudine, obscura sunt, horrida, inamœna, meticulosa. Nullo quippe spiritus haustu affecti, sicciores quam ipsae sint cotes, effecti sunt. Ideo de illis, quod de iurgioso populo illo asserit Vates, non inconuenienter dici poterit.

Et apposuerunt adhuc peccare ei.

Nihil his omnibus, inquit, facti sunt meliores, utinam non deteriores: utinam peccata peccatis addentes, non magis reprehensibiles extitissent, quam cum nullo affectierant beneficio. Hem audaciam hominum. Vide quid inferat:

In ira excitauerunt excelsum in inaquoso.

In solitudine, siue in torrido, uertunt ex hebraeo. Nescio quidem an id peccatum dici queat, an amentia potius & socordia, Deum audere contumelijs lacessere, atque ad iram prouocare. Quid istuc tandem est?

Et tentauerunt Deum in cordibus suis, ut peterent escas animabus suis. Et male loquuti sunt de Deo: dixerunt, nunquid poterit Deus parare mensam in deserto?

**D** Animabus suis, melius ex Hebraeo uertisset, cupiditati suae, uel, pro sua libidine: ferè enim in hoc significato utitur interpret dictione Anima, ut in superioribus psalmis annotauimus. Flagrarunt quidè intolerandum in modum desiderio edendi carnes in eremo filij Israël: unde uox illa diffidentiae audita fuit: Quis dabit nobis ad uescendum carnes? Anima nostra arida est: nihil aliud respiciunt oculi nostri nisi Man. Qua de re iratus dominus, percussit eos plaga magna nimis, uocatusque est ille locus, Sepulchra concupiscentiae: quae sanè uox ad illa, quae de cupiditate diximus, optimè quadrare uidetur. Ceterum uolunt tentationis huiusmodi illud praetendere, cum manifesto quis Dei contemptu atque illius pollicitationum irrisione, uirtutis illius periculum facit: quemadmodum rebellis ille populus non semel Deum tentauit, cum alias in solitudine, tum in Raphidim maxime ad petram Oreb, cui nomen inditum tum fuit tentationis ac iurgij, quia tentarunt, ut inquit Moses, dominum dicentes: Est ne dominus in nobis, an non? quasi diceret uulgus illud uilissimum: Cur frustra, ô Moses, tam magnifica de Deo praedicas? quod sua illa abiit de nobis cura, quam tu perpetuam fore nobis, nostrisque posteris toties pollicitus es? Das nobis ne uerba, an tanquam muta pecora per uastam hanc solitudinem temerè uagari facis? Si nos amat Deus, quod uiuifecimus, cur aquae inopia nos tandiu affligi sinit? utinam in Aegypto mortui fuisset. Poterit ne is, quem tu tam nobis beneuolum iactitas, & potentem, instruere conuiuium, in hoc praesertim deserto, in quo rerum omnium summa est penuria & egestas? usquequo blandissimis istis tuis nos lactas pollicitationibus? Stolidam profectò generationem & infidelem, ne dicam impiam. Scilicet,

Quoniã percussit petram, & fluxerunt aquae, & torrentes inundauerunt: nunquid & panem poterit dare, aut parare mensam populo suo?

Verba sunt (ni fallor) Vatis, populi murmurantis temeritatè reprehendentis, ad hunc ferè modum: Nuper mirabilem Dei uirtutem in eliciendis è duro saxo aqua quis experti estis, quid iterum an queat lautam in solitudine parare mensam dubitatis? heu mentes caecas. Hunc sensum à Paraphraste afferri uideo, qui sic reddit: Miranda profectò caecitas illorum: qui enim elicere potuit illis uidentibus ex petra aquas tanta copia ut iustos fluuios aequarent, de illo dubitant, possit ne carnem praebere populo, quem sibi tam miraculose asseruit. Verum & qui hac uerba ad populum illum referunt, de quo id legimus: Ortum est murmur populi quasi dolentium praelabore contra dominum: audiendi sunt: uolunt enim mirabilem incredibilemque his uerbis populi illius exprimi impietatem, qui Dei uirtutem in eliciendis



cutiendis aquis è petra nō ita pridem expertus, quasi quæ facta fuerant irridendo dubitat, an sibi uelit Deus suis iterū in necessitatibus opitulari. Idcirco in amarissima illa, summeq; indignationis plena prorupit uerba: Nunquid & panē poterit dare, aut parare mensam populo suo? quod quidem cum neglectu legendum est: quasi diceret, populo, quem suum esse simulat. Cæterum panem, non Man hic intelligit, quod iam pridem depluere ceperat dominus, sed cibum aliū vulgarem, quare nonnulli cibum transtulerunt pro pane.

Ideo audiuit dominus & distulit, & ignis accensus est in Iacob, & ira ascendit in Israël.

Quid sibi uelit interpres in uerbo Distulit, non satis mihi compertum est. Ex Hebræo uertunt, iratus est, uel huic simile. Idem Symmachus, alij item è græco, reiecit. Duplicem hinc à Vate describi mulctam arbitror: incendiū unam, qua extrema castrorum pars, cum de uia labore cōquererentur, absumpta fuit. Altera, qua sæuiente, datum est nomen loci, ut diximus, Sepulchrum cōcupiscendum ira in filios Iacob, ac mirè admodum ipsissimos deuastauit Israëlitas, nempe homines ingratiſsimos, ac sua culpa reiectos. Bis idem dicit in uno uersu, quò quanti momenti populi illius perfidia extiterit non ignoretur. Cum audisset, inquit Moses, iratus est, & accensus in eos ignis domini, deuorauit extremā castrorum partem. Quid illud? Et ecce furor domini concitatus in populū, percussit eum plaga magna nimis.

Quia non crediderunt in Deo, nec sperauerunt in saluari eius. Ecce tota exitij humani generis, nō solū Iudæorū, summa, & causa, defectus scilicet fidei. Quia non crediderūt, inquit, in Deo. Quàm amplius hinc patet cam pus Mosi (si quis tamen Moses in terris est reliquus, aut Aaron) de nonnullorū expostulandi Christianorū incredulitate. Vidimus enim nos omnes per Christum expoliata Aegyptū, Aegyptiosq; unā cum principe huius mūdi uī aqua deterritos, metuq; exanimatos, atq; à tyrannide, sæuoq; animarū imperio reiectos, imò extinctos. Sensimus nubem æstū hūc carnis refrigerantē, ignemq; inter errorum tenebras interluentem experti sumus: manu item tetigimus, è saxo illo dudum nostrā ob culpam durissimo cordis Christi, qui lapis est uiuus, undas, amnes, fluuios, Oceanum tandem gratiarū effluxisse: è quo & nos, & sensus hī nostri bruti, nempe iumenta spiritus frēno obluctantia, epotati, mensa de lijs sacramentorū refertissima quotidie utimur, & nihilo tamen secius in fide duramus, nihilq; minus credimus, quàm nos Dei curæ esse. Quòd si cōtendunt quidam, se fide nixos omnia in Deo posse: ubi, oro, illorū sunt fidei indicia? ubi fructus? ubi mutua, quod fundamentū est fidei, charitas? Nisi fortè malint fidei fructus ac spiritus nūcupare, quos opera carnis appellat Paulus. Adhuc (crede mihi) uastam peragrant solitudinē ingrati Hebræi: adhuc Aegypti carnes desiderant: adhuc uiuūt murmuratores in Mosen & Deū. Nō igit ingrati illi homines, quantū uis aliās experti essent Dei benignitatē, ex animo crediderunt Deo, neq; illius sunt pollicitationib. cōfisi. Ergo occultissima ratiōe ab illorū tutela se mouit se custos. Sed interim, quæ est illius patiētia, dissimulauit nō nihil iniurias Et mandauit nubibus desuper, & ianuas cœli aperuit.

Vides ne rerum exuberantiā in Deo? nōne hīc tibi uidetur totum exhausti cœlū, atq; quicquid bonorū in illo est, in perfidos nescio quos effundi? quid si boni essemus? Iussit, inquit, nubibus in sublimi supra eos pendentibus, easq; tanquam supernè cœlorum ostia reserasset, rupit:

Et pluuit illis manna ad manducandum, & panem cœli dedit eis. Stupenda res.

Panē angelorū manducauit homo, cibaria misit eis in abundantia.



**C** In enarranda miraculorū serie non suum seruat ordinem Vates; nec quidem opus est, modò quę acta sunt, non omittat, Panē cœli, frumentū cœlorū uertunt ex hebreo; qua uoce cibi illius dignitatē exprimere uoluit, Man uocans cœlorū triticum, ac paulò pòst angelorū panem; non quòd simili uescant edulio beatissimi illi spiritus, sed quia è cœlis, ubi illorum est domicilium (quanquam hi corporum expertes loco circumscribuntur nullo) descenderit. Sunt qui panem robustorum, seu heroum, seu nubium quoq; transferūt, quā quidem ultima uox ex eo quòd dictum est, & mandauit nubibus desuper, aptius legi posse asserunt. Tamen, si res altius peruestigāda foret, lexq; cōmentariorū permitteret, primā atq; alteram spiritui magis prophetico conuenire dicerem, uropote robustorum cœdium illorū, qui nō iam homines, sed heroēs, dñq; in terris, ob diuinam passionem, quā secum fert Christum, gratiam adumbrantes. Non Man igitur, sed quod Man respexit, intuendum esset, Quod sanè non intellexisse antiquos Iudæorum proceres in eremo, queritur Moses in Deuteronomio. Cibauit te, inquit, Manna in solitudine, quod nescierunt patres tui. Idcirco Christus se signans, ira de Manna apud Iudæos edisserit: Non Moses dedit uobis panem de cœlo, sed pater meus dat uobis panem de cœlo uerum. Panis enim uerus est qui de cœlo descendit, & dat uitam mūdo. Ex his tandem obstupescens Iudæis, & discipulis, rem totam breuiter exposuit, dicens: Ego sum panis uitæ, Christus itaq; in Man illo ueteri quærendus est, qui robustarū uerus est cibus mentium, atq; angelorū, quos continuè à Christo etiam ut homine purgari, perficiq; & illuminari scribit Aëropagita. At quantā fuerit efficaciz cibus ille cœlestis, aperit Vates, Cibaria, inquit, misit illis in abundātia; hoc est, ad satietatē. Comedatis, inquit dominus, non uno die, nec duobus, uel quinq; aut decem, nec uiginti quidem: sed usq; ad mensem dierū donec exeat per nares uestras, & uertatur in nausē. Nec falsus quidem fuit dominus; nam haud multò pòst, tam suauem angelorum cibum pertāsa gens illa iam Deo fastidita, submurmurauit dicens: Anima nostra nauscat super cibo isto leuissimo. Verū dominus nō propterea à tam uiliū hominū cura desistens,

Trāstulit Austrū de cœlo, & induxit in uirtute sua Aphricū, & pluit super eos sicut puluerē carnes, & sicut arenam maris uolatilia pennata. De largissimo auiū munere cœlitus emisso sic loquitur Moses: Ventus egrediens à domino, arreptas trans mare coturnices detulit, & demisit in castra itinere quantum uno die confici potest ex omni parte castrorum per circuitum, Vnde infert David:

Et ceciderunt in medio castrorū eorum, circa tabernacula eorum. Tabernacula uocat conopœa, & papiliones, quibus usi sunt Hebræi in solitudine. Ceterū Auster, quē dñs transtulisse seu mouisse in cœlis, ut uertit Felix, asserit Vates, à meridionali flat plaga. Aphricus ab occidua. Ventorū hic uidebitas intellige coturnices, quarum donum non tantum celebrare intendit Vates, quomodo uidelicet allatæ fuerint, quantum illorum impietatē detegere qui acceperunt, quicq; tot tamq; innumeris affecti cœlitus beneficijs, à murmuratio ne tamen atq; oblocutione in Mosen & Deum non cessarunt.

Et manducauerunt, & saturati sunt nimis; & desiderii eorum attulit eis, non sunt fraudati à desiderio suo.

Nimīa quidem accensi cupiditate edendi carnes, carnibus uel usq; ad uomitum impleti sunt; nam quantum illorum effrenata appetiuit libido, tantum illis diuina obsecundauit indulgentia. quod est, quòd hic dicit: Et non sunt fraudati à desiderio suo. Hebræis tamē alius uidetur esse sensus. Sic Felix: Non habuerunt fastidio desiderii eorū, hoc est, ut ipse se interpretatur, non fuerunt alienati sua à cupiditate, in tanta nimirū carniū copia, Verū prior sensus aptior uidetur, ut ea



ut ea sit quodammodo Dei ultionū maxima, cum impij quæcunq; expetunt, assequant. Heu rem flebilem, cum nō sumus fraudati ab effrenatis desiderijs nostris. Dimisit, ait alio in loco, eos secundū desideria cordis eorū. Non sanè hæc sunt tuæ in nos beneuolentiæ signa, ô dñe, sed iræ, sed furoris, sed extremi nostri interitus & damnationis. Errō ne? Ex his enim quæ in plebem illam murmuratricem acta sunt, mihi, si id contingat, subuereri cogor. Quid illa?

Adhuc escæ eorum erant in ore ipsoꝝ, & ira Dei ascendit super eos, & occidit pingues eorum, & electos Israël impediuit.

Immensam hæc præ se ferunt uerba illius populi ingratitudinē, ac Dei ultionem. Quid ingratius, oro, quid turpius, ac magis detestandum, quàm in medio ipso beneficiorū usu & copia, beneficiariū in benefactorē murmurare? Adhuc, inquit Moses, carnes erant in dentibus eorū, nec defecerat huiusmodi cibus, & ecce furor dñi concitatus in populū. Dauid uerò: Et ira Dei ascendit super eos, occiditq; pingues, robustissimos scilicet quosq; ac florē iuuetutis qui erat inter Israëlitas prostrauit. quam sanè nobiliū internecionē ostendere uoluit Moses, cum ait: Percussit eum plaga magna nimis, qđ enim noster habet interpretes, Electos Israël impediuit; nōnulli uertunt, Iuuenes Israël humiliauit. Porro pingues in scripturis, pro potentibus, honoratis, pontificibusq; senibus, atq; omnib. his, qui in mūdo alicuius numeri sunt, ac nominis, usurpari solent. Quorū quidem si sua illi abutunt pinguedine, typus fuit Agag rex pinguiſſimus Amalechitarū, aut Aeglon Moabitārū. Putās ne uisa tam immani suorū strage, reliquam uulgi multitudinē resipuisse? Non credo. Proinde uide quid infert spiritus:

In omnib. his peccauerūt adhuc, & nō crediderūt in mirabilib. eius. Mira sanè res est, & stupēda, cum ferrū ex limæ dente rubiginē cōtrahit. His, inquit, omnibus nihil adhuc facti sunt cordatiores, sed quotidie peccata peccatū accumulantes, non crediderunt in mirabilibus eius. Nanq; tot æditis in eorū uisitat. Idcirco æquisſimo Dei iudicio ad interitum properauere.

Et cōsumpsit in uanitate dies eorum, & anni eorū cum festinatione. Pertransierunt scilicet. Clarius tamen ex Hebræo uertunt: Et consumpsit in uanitate dies eorum, & annos eorum cum horrore. Ad nihilum, inquit, redegit illorū uitam, atq; annos horribiliter cōsumpsit. quanq; nec uocem festinationis ab repositam arbitror. Siquidem uiros impios, suos nō dimidiaturos dies, à cœlesti audiuiſſimus oraculo. At iam ex his quæ sequuntur, populi illius leuitatem, uel ingratitude, consideremus.

Cum occideret eos, quærebant eum, & reuertebantur, & diluculo ueniebant ad eum.

Is mos est improbis, atq; in peccato induratis, ut si quando ad iustitiæ semitas per flagella reuocantur, tandiū peccati illos pudeat, pigeatq; quandiū fortuna aliqua aduersa afficiuntur: qua sanè postea aut mitiori reddita, aut ablata omnino, ad ingenium statim redeunt, deteriores interdum facti, quàm prius fuerant. Eo planè more usi sunt Hebræi in solitudine, quorum anxium in plagis animū apertissimè exprimit Propheta, cum ait: Et diluculo ueniebant ad eum. hoc est, nō expectabant diei lucem, sed die noctuq; anxij & timidi, ad diuinum summo animi terrore confugiebant præsidium.

Et rememorati sunt quia Deus adiutor est eorum, & Deus excelsus redemptor eorū est. Et dilexerunt eum in ore suo, & lingua sua mentiti sunt ei.

Obserua illorū religionē qui timoris affectu ducunt, nō amoris. Etenim qui dilectione in Deum fertur, in fide sui semper similis est; qui metu, dissimilis: &



**C** quemadmodum in fide, ita in omnibus tum factis, tum dictis, incōstantissimus. Recordabantur, inquit, percussi eundem ipsum esse Deum in præsentia, qui & aliàs, fortem nimirum ac pium. Hæc quidem afflictī fatebantur, uerū non ex animo; nam summīs labijs religionē profitentes, mellitis quibusdam Deo uerbis blandiebantur, aliud sanè q̄ quod in corde celabant, proferentes: quādoquidē sancta, religionisq̄ plenissima, uerbis ostentabant.

Cor autem eorum non erat rectum cum eo, nec fideles habiti sunt in testamento eius.

Innumera quodammodo fuere illorū pollicitationes in firmando cum Deo fœdere, in scripturis: sed ne semel quidem perstiterunt bona fide in pacto, quod cum illo pepigerāt. Corde quippe duro ac peruerso cū essent, qui pactis cum Deo initis sincero parēre animo potuissent. Hinc credo cōcludi posse, mēdacē, fictumq̄, ac simulatorē, nullatenus seruire posse Deo, atq̄ illud seruare fœdus, quod teste Ecclesia, cum Deo ipso animosissimè percussit in baptismo. Sit ille quantumuis religiosus, si simulator est, & duplex, in illorū numerū cēferi debet, de quibus hīc queritur Vates, dicens: Cor eorū non erat rectum cum Deo, nec fideles habiti sunt in testamento eius, fœdere nimirū cum illo percusso, ac lege. Attamen quamuis illi essent, quales paulò antè fuisse diximus,

Ipsē autem est misericors, & propitius fiet peccatis eorum, & non disperdet eos.

**D** Quis hīc imperscrutabilem paternamq̄ diuinæ largitatis copiam nō miretur? quamlibet enim profligati sint homines, ac Deo rebelles, nō propterea uti sues ab Ecclesia eiiciendi sunt. Siquidē tantus est æterni patris in homines q̄uis celestos & nefarios, amor & beneuolentiā, ut nemo sit, qui tam immensum bonitatis pelagus peccando equare ualeat. En tentauerūt me, inquit, iam per decem uices. Illud quoq̄: Vsq̄ue quo multitudo hæc pessima murmurat cōtra me? Nō sunt hæc quidem, mi lector, uerba tyrāni irati atq̄ inexorabilis, sed amantissimi, licet cōmoti, animarū parētis. Ipse quidē nō tam illorū merita, q̄ seipsum intuens, debita illis omnia nō semel dimisit: idcirco illos funditus nequaquam subuertit.

Et abundauit ut auerteret iram suā, & nō accendit omnē iram suam.

Abundauit, ex hebræo uertunt, Multus, seu totus, in eo fuit Deus. In quo: ut iram suam auerteret. In hoc igitur totus fuit Deus, ne irascere. quare sic uersum reddidit Paraphrastes: Maximo studio quasi uim faciens sibi cōtinuit iram suā: nec re ipsa ostendit, q̄ meritò etiam furere posset in eos. Quid illud: (patris est clementissimi, qui cōtra filium iratus, ne nimiū excandescens mulctandi modū excadat, quempiā, qui eum cōtineat, optare, assurgereq̄ in uerba cunctanter tardēq̄, quò ex intuentibus quis manum reprimat) Dimitte me, ut irascatur furor meus cōtra eos, & deileam eos. Vide rursus aliā ueri pastoris in Mose effigē: Aut dimitte eis, inquit, hanc noxam, aut si non facis, dele me de libro tuo quem scripsisti. Ridēt hæc, scio, nostri temporis antistites quidam, qui quoniā tenuissimò afficiunt spiritus gustu ac doctrina, quid nō de hoc ardenti Mosis affectu & desiderio disputant: atq̄ ne, uti res est, intelligat, in frustra adeò concidunt & attenuant, ut penè Mosen fictē cum Deo locutum, ni prudens sis, asseras. Idem quoq̄ de Pauli anathemate somniant, Suam itaq̄, ne ut meriti erant excandesceret, cohibuit iram benignissimus dominus:

Et recordatus est quia caro sunt, spiritus uadens & non rediens.

Mirum si magnā ualde hīc uim arbitrio concedas. Spiritus, inquit, in homine erraticus est, uagus, suāq̄ sponte ad lapsus properans: ad innocentia uerò, propter naturæ debilitatem, regredi, id iam suā non est facultatis, sed gratiæ. Huiusce quidem mysterij typus fuit ouis illa euangelica, quæ naturali suo impetu à reliquo aberrans grege, p̄i pastoris opera, atq̄ humeris, non suo conatu & uirtute



tute, ad gregem relata est. Potest quidem homo ex se à Deo discedere: in gratiã uerò illius redire, atque illi reconciliari, iam eius est iuris qui offensus est. Vnde clamat Salomon: Omnes qui ambulant in ea (nempe peruersitatis uia) non reuertentur. Spiritus igitur hominis, qui carni, atq; illius appetentijs ultrò obtemperat, illisq; uelit nolit, obnoxius est, procul errat, sed nō regreditur ex sese, idcirco fragilis est & caducus. Qua quidem re optime ab ipso rerum omniũ effe-ctore cognita, ad misericordiam facile tum motus est.

Quoties exacerbauerunt eum in deserto, in iram concitauerunt eum in inaquoso.

Rursum, in inaquoso, in torrido, seu in solitudine, quæ naturaliter aquis caret, uertunt Hebræi. Crebrò inculcat Vates Deum, alioqui motibus huiusce-  
modi animi uacuum, ad iram ob continuam populi illius impietatem concita-  
tum: quæ quidem ut patentius etiã nobis, in quos signa illa admiranda, quæ cō-  
numerare intendit, directa erant, innotescant, nonnulla ex illis quæ tum gesta  
fuere, subnectit, nō eo tamen ordine, quo acciderunt. Namq; in his recensendis,  
ut diximus, nō tantum ea est cura Prophetæ, ut aut ordinem, aut numerũ gesto-  
rum concinnat, quantũ ut Hebræorũ impietate arguat, qui Dei beneficia inui-  
ciarũ cumulo superasse penè uisi sunt. Plena quidem sacra est lex, quàm toties,  
quàm ex animo, quàm malitiose Deum irritauerit in deserto uulcus illud sedi-  
tiosum: rursus, quàm sæpe fregerit pactum, quo sese, quæcunq; præcepisset do-  
minus, obseruaturũ astrinxerat. Exasperarunt igitur Deum multoties, multifa-  
ciamq; in eremo, atq; illum (sic uertit Felix) contristauerunt in solitudine.

Et conuersi sunt,

Nempe à fucata illa sua à malis resipiscencia, ad ingenium, ad antiquam mur-  
murandi consuetudinem, ad malum animum, ad impietatem.

Et tentauerunt Deum, & sanctum Israël exacerbauerunt.

Quem multis nominibus colere debuerāt, cum ob multa, tum quia is est qui  
uniuersam Israël multitudinẽ, modò uelit, sanctam facit, spreuerunt, ad iracun-  
diamq; prouocarunt. Ex hebræo, circumscripserunt, uertunt pro exacerbauerunt:  
hoc est, illius potentia terminos prescribere. Vnde Paraphrastes: Iterũ tentare  
sunt conati, quàm ipse potens esset Deus, & metiri potentiam eius qui sanctifi-  
cat Israëlẽ; quædam enim posse illum credebant, sed non omnia.

Non sunt recordati manus eius, die qua redemit eos de manu tri-  
bulantis.

En totius ingratitudinis ratio & summa, beneficiorũ scilicet obliuio. Parum  
desuit illos à seruitute illa infami atq; intoleranda Aegypti, tam ingenti miracu-  
lorum potentia (hæc fuit manus Dei) eximi: Tam nobile tamen atq; operosum  
facinus à memoria reiicientes, ne tempus illud quidem, quo erepti fuere de ma-  
nu hostili, recordari poterant.

Sicut posuit in Aegypto signa sua, & prodigia sua in campo Taneos.  
Non sunt, inquit, recordati, quemadmodum manifestissima suæ diuinitatis  
signa in eorum gratiam, per totam regionem Aegypti, etiam in campo illo amœ-  
nissimo omniũ & fertili Taneos, ubi regia est Aegypti, portentosissimè osten-  
dit: atq; in primis quando

Cōuertit in sanguinem flumina eorum & imbres eorũ, ne biberent.

Misit in eos Cynomyam, & comedit eos, & ranã, & disperdidit eos.

Et dedit ærugini fructus eorum, & labores eorũ locustæ. Et occi-  
dit in grandine uineas eorum, & moros eorum in pruina. Et tradidit  
grandini iumenta eorum, & possessionem eorum igni.



**C** Hic rursus admonendus est lector, ne miracula eo, quo ædita sunt, ordinere quirat: namq; ea uati nequaquã mens est: sed illa, ut duritiẽ populi, atq; animũ ferũ, ex ui miraculoꝝ metiamur: caueamusq; si sapimus, ne & nos, ut inquit Paulus, in id incredulitatis incidamus exemplũ. Signa quidẽ huiuscemodi, cuius, quantãq; uirtutis, aut quo tempore facta sunt, nil tam accuratẽ scribit Moses in Exodo. Cãterũ flumina, more hebrẽo, pro Nilo, qui solus totam inundat Aegyptũ, hic poni scias. quantũ te id latẽre nolumus, Aegyptũ fossis quaquauersum Nilũ riuos recipientibus interfecari, ut ubiq; nauigabilis sit. has fossas igitur, propter illorũ latitudinẽ, atq; aquarũ fluxum, flumina appellari non inconueniens erit. quod sanẽ ex hebrẽo facilẽ intelligi potest: nam quod nos legimus imbres eorum, illi riuos eorũ habent. Porro Cynomya uox, etsi huc quadrare uidetur, ut pote quã sit muscarũ omniũ molestissima, ea tamen dictio Hebrẽis nescio quid efficacius prã se fert, nempe omne genus muscarũ & uolatilium seu insectorũ cõmistum, quare ex hebrẽo sic quidam uertunt: Misit in eos misionem, & uolauit eos: & ranam, & uastauit eos. Ad hæc, æruginis dictione quid sibi uelit interpretes, nõ sat coniecto, cum uox illa Hebrẽis sit bruchus, animal sanẽ minutũ, sed herbis mirũ in modum infensum, ac locustis dissimile. Moros item Hebrẽis sycomoros est, uel ficus simpliciter, quibus abundat Aegyptus, maximẽ ad Nilũ ripas. Aiunt tamen morũ in Libya nasci, quã fructum fert, quem sycomorum appellant. In pruina, nõnulli lapides maiores grandinis interpretantur, idcirco quod ea in plaga de tẽpestate omnia latẽ depopulante loqui uidet Moses. Chaldaus uerò, carbonẽ ignis reddidit. Et tradidit, melius ex Hebrẽo, conclusit: ut uniuersalem grandinis tyrannidem, ut sic dicam, in iumenta & pecora, intelligamus. Cãterũ, possessionẽ eorum igni, sic uertit Paraphrastes: Quicquid possidebant carbonibus ignis, qui cum grandine permisti contra naturam fuerant, absumpsit. quantũ ex hebrẽo, greges eorum, non possessionem eorum, uertunt nonnulli. Quid in multis, inquit, immoror?

Misit in eos iram indignationis suã, indignationem & iram, & tribulationem, immisiones per angelos malos.

Quid hac exaggeratione pulchrius? quid ad demonstrandum iratissimi hominis affectũ efficacius? Solet in primis Deus, si quid malorũ irrogari cuipiam uoluerit, per angelos id malos exequi, etsi nõ me errare credam, si hic Vate cõmunem dixerõ seruasse loquendi morẽ. Quãcũq; enim mala cõtinent, ea à malo dæmone, quippe qui malorũ autor sit, inferri opinamur. Vt cũq; rem pensites, illud certũ, has uerborũ exaggerationes iustam in Deo iram exitisse, atq; indignationẽ, prædicare. Quare ita Paraphrastes: Ex calamitatibus, quibus affecti eos, colligi potest, quã seriò illis iratus fuerit. Manifesta quippe erãt irati Dei, imò uehementer irati signa, uexatio illa, & plagã, quales nõ solent ab hominibus, quantũ uis inimicis inferri: sed quales per angelos ab irato Deo immisos, ad flagellandos illos qui uehementer sunt scelerati. hæc ille. Quis nõ pauert, nesciens Deũ indignatione atq; ira ardentẽ, nuncijs, qui mala inferre consuefunt, nostrum imperasse interitũ? Certè tunc uisus est clementissimus dominus totã irã laxasse habenas, ut in sequentibus quoq; expressius tractatur. Ergo

Viam fecit semitã irã suã.

Amplũ nimis erũpendã irã fecit aditũ. Nullũ tum passus est retinaculũ Dei furor: effudit sese totus: adeò in omne genus facinorũ proiecta gens illa fuerat.

Et nõ pepercit à morte animarũ eorum, & iumenta eorum in morte conclusit.

In pestem conclusit, legunt Hebræi, quã fuit quinta plagarũ Aegyptiorũ, de qua sic Deus ad Pharaonẽ: Ecce manus meas super agros tuos, & super equos, & super asinos, & camelos, & oues & boues, pestis ualde grauis. Et mortua sunt, inquit,



inquit, omnia animantia Aegyptiorū. Illud etiā, non pepercit, clarius forsan ex Hebræo uerti poterat, nō cohibuit. Quam sanè hominū occisionē, eandem nō nulli esse uolunt, quæ pecora peste interiere. Et sic ex Hebræis uertūt quidā, iræ suæ iter faciebat, ut pestilentia cū ipsos homines, tum iumenta eorum inuaderet. Alijs item uisum est de decima edisseri plaga, quia actutum subditur:

Et percussit omne primogenitū Aegypti, primitias omnis laboris eorum in tabernaculis Cham.

Fuit hæc plaga cæteris acerbior: quæ quidem sæuiente, ortus est clamor magnus, ut inquit Moses, in populo Aegypti: neq; erat domus in qua non iaceret mortuus. Percussit itaq; dñs omne primogenitū in terra Aegypti, à primogenito Pharaonis, usq; ad primogenitū captiuæ, & omne primogenitū iumentorū: quod de occisis in agris uolunt intelligi: eam ob rem dictū tum fuit, manus mea erit super agros tuos. Nunc uerò, primitias omnes laboris eorum interijisse asserit. In tabernaculis Cham, idem est, quod in domibus Aegyptiorū. Primus em̃ Aegypti habitator fuit Mizraim filius Cham. Vnde in scripturis, quod nos legimus Aegyptū, Hebræi habent Mizraim, quæ uox Aegyptū sonat. Et est cum in signatione pronunciandū, perinde ac si dixisset: In tabernaculis sceleratæ Aegypti, quæ tam sceleratū habuit autorē. His itaq; in fauorē populi sui gestis, Deus tandem decreuit tam funestis illius calamitatibus finem ponere.

Et abstulit sicut oues populum suum, & perduxit eos tanquam gregem in deserto. Et deduxit eos in spe, & non timuerunt, & inimicos eorum operuit mare.

Considera q̃ breuiter diuinam erga illos curā, atq; hostiū interitū perstringit Yates. Solet enim Deus tunc quidem, cū omnia desperata apparent, atq; horrida, ut sunt pleraq; in desertis locis, suis ire suppetias, ac nō secus illos fouere & recreare, atq; solet afflictos greges pastor sedulus. Quocirca non absq; ratione hic dictum est à spiritu, quod migrare eos fecit tanquam oues ex Aegypto, suffocatisq; in mari hostibus, securos eos, uti gregem consuecit pastor, deduxit per desertum. In spe, Hebræis est, tutò.

Et induxit eos in montem sanctificationis suæ, mōtem quem acquiuit dextera eius.

Montē primo loco Hebræis est, terminū, seu regionē, nempe Cananæorū, in qua suum cultū, cuius maxima deberet esse sanctitas, erigi decreuerat. Is mons Sion est, quē propria ille uirtute & uolūtate (en felicissimū Ecclesiæ fundamentum, Dei uoluntas: ne quis humanæ plus quàm par est attribuat dignitati) sibi asseruit, in regione nimirū Ammoræorū, quæ mōtibus ferè tota conspersa est. De terra hīc promissionis loquitur, quam quid ni felicem, ac undequaq; sanctitatis insignem appellet spiritus, cū in ea futuri essent summi Dei sacerdotes, arca, lex, templum, ac sacra omnia. Nōne & idem modò de illius quoque sponsa, cui uetus illa prælusit religio, iactare possumus, quod sancta omnino sit, utpote quæ Deo plena, nulla alia in sede cōmorari uelle uideatur, præterq; in sponsi sinu, in quo quicquid uirtutū, gratiarumq; in terris esse potest, suum collocauit domicilium. Quàm dignum factum est cor hominis.

Eteiecit à facie eorū gentes, & sorte diuisit eis terram in funiculo distributionis, & habitare fecit in tabernaculis eorum tribus Israël.

Hic enim mihi dicere uidetur spiritus, Iacob dilexit, Esau autē odio habuit, Fracti sunt rami, inquit Paulus, ut ego inserar. Verū illud me prorsus exanimat, cū quid de me futurum sit cogito. Vide, inquit, bonitatem, & seueritatē Dei. In eos quidem qui ceciderūt, seueritatē; in te autē bonitatē Dei, si permāseris in bonitate; alioquin & tu excideris. Hei mihi, quod nō permāsi in bonitate,



c Excidar' ne ergo à fidei trunco: à uita: à Deo: Perpende, mi Lector, quomodo fractis illis sterilibus Ammoræorū ramis, insitus est Iudæus: qui postea & ipse reiectus, amplum introeundi gentibus formauit aditum. Putas' ne ultimos hos furculos excidi posse: non possint; attamen, quæ in mundo fieri contra fœdus cum Deo initum uideo, subuereri me cogunt, Sed ad psalmū. Qua ratione funi culis messorijs, aut sorte, diuidebant' ab antiquis agri, aliàs annotauimus: nunc contis res illa prælongis, clauiculisq; distinctis peragitur. Et est ac si diceret: Ex pulsus illinc impijs, immisit suos, qui illorum ædes tanq̃ hæreditario sibi iure delegatas, inuicem partirentur; atq; eo sanè modo habitare fecit in tabernaculis eorum tribus Israël: quod maximū fuit Dei beneficiū, licet in ingratos collatū. Si quidem turgidiores ob id facti, spreuerunt benefactorem,

Et tentauerunt, & exacerbauerunt Deum excelsū, & testimonia eius non custodierunt. Et auerterunt se, & non seruauerunt pactum, quemadmodum patres eorum conuersi sunt in arcum prauum.

De istiusmodi populo multa in Dei religione pollicente, sed nihil prestante, sic querit' Deus in Osea: Facti sunt quasi arcus prauus seu dolosus, qui nimirū ad eiacula spicula fabrefactus, ac req; tensus, statim laxat', sitq; prorsus ad impellendam sagittā inhabilis. Ita planè fuere erga Deū Israëlita, ad seruanda per cussa cum Deo fœdera remissi, & elumbes, cum tamen in promissis acerrimi extiterint spōsores: obruti ferè beneficijs, nō uicti sunt, sed acerbiores indies effecti, suum, ut antea tum ipsi, tum ipsorum patres egere, tentauerunt, exasperantq; benefactorem, Deum illum quidem excelsū & potentissimū; tantū uero abfuit ut illius seruarent pactum & legem, quam se seruatuos olim sponderant, terrificisq; sese deuouerant diris, ut nihil minus tum cogitarent. Atq; ita

D In ira concitauerunt eum in collibus suis, & in sculptilibus suis ad æmulationem eum prouocauerunt.

Iam tandem suū ad finē peruenit errorū omniū maximus Dei obliuio. Simul atq; enim peruersus animus huc atque illuc nefarijs à permotionibus & consilijs diu raptatus est, in idololatriam tandem præcipitatur, qui finis est totius impietatis, atq; in Deum odij. Ita (prò miserrimā animarū sortē) populo illi tam delicatē à Deo nutrito cōtiguit, qui diuinæ oblitus beneficentiæ, idcirco in reprobam traditus mentē, nō semel in collibus atq; excelsis lucis cum gentibus dijs factitijs & simulachris, Deo uiuo contempto, aras exemplo uicinorū pessimo confluxit, litauitq; ac tum se tum liberos circa ignē summæ impietatis argumentolustrauit. Ad æmulationē, clarius ex hebræo uerti posset, ad iram. Vehementer irritauerunt eum, reddit Campensis. Eam ob rem

Audiuit Deus & spreuit, & ad nihilū redegit ualde Israël.

His, inquit, auditis indignatus est Deus, & sic Israëlē, populum illum tam charum & dilectum execratus, in uilissimam illum omniū conditionem, tanquam rem nihili prouere fecit. Spreuit igitur eum indignabundus,

Et repulit tabernaculū Sylo, tabernaculū suū ubi habitauit cū hoībus

Paulatim ad effigiandam in terris Dei sedem, regnū ac sacerdotiū, descendit Vates. Reprobata quidem Sylo ob peccata populi, in qua arca fuerat, & religio: abiecto quoq; ex eo loco regno, in quo impijssimus regnauit Saul de tribu Beniamin, ac scelestus ille Hieroboam, qui peccare fecit Israël: tribum Iuda, & qua suum æternum stabiliret regnum, nempe è David, ex quo Christus, occul-tissima elegit prouidentia. Hem rerum uicissitudines. Nunquid, clamat Deus in Hieremia, spelunca latronum facta est domus ista: Ite ad locum meum in Sylo, ubi habitauit nomen meum à principio, & uidete quæ fecerim ei propter malitiam populi mei Israël, ac si diceret: Cauete ne id uobis contingat. Certe



Certe, inquit, faciam domui huic, in qua uos habetis fiduciã, sicut fecit Sylo. Re-  
pultigitur tabernaculũ Sylo Deus, tabernaculum illud (quis id credat?) in quo  
ob sacra, ritusq; religiosos, uisus est familiariter inter homines conuersari,  
Et tradidit in captiuitatem uirtutem eorum, & pulchritudinem eo-  
rum in manus inimici.

Vocat hinc spiritus arcam, & tabernaculũ, Israëlitarũ uirtutẽ, seu robur, & pul-  
chritudinẽ, propterea quod nihil tum fortius in terris fuit, ac pulchrius religio-  
ne illa, in qua diuinũ illud erat numinis præsens indicium propitiatoriu, è quo  
caelestia dabantur responsa. Hæc tamẽ omnia in hostiũ potestatem deuenere. Nam  
comisso prælio, in quo triginta millia peditũ in exercitu Israël desiderata sunt,  
capta est arca. Tum quidem religiosissima mulier Phinees filij Heli uxor, audi-  
to quod capta esset arca, ædito prius partu, præ dolore mortua est, sic de Sylo ro-  
re & pulchritudine ablata conquerens: Translata est gloria Dei ab Israël,  
quia capta est arca Dei. Et seriò quidem translata fuit: nam in Sylo nunquã am-  
plius relata est. Verũ non diu, maxima cum ultione gentis illius quæ illam ce-  
perat, intra Palæstinorum, Bethsamitarumq; terminos diuagata, tandem in Ga-  
laa apud Aminadab ingenti cum triumpho ac pompa collocatur, Interim uerò  
in ipso tumultu bellico, in quo capta fuit pulchritudo Israël,

Conclussit in gladio populum suum, & hæreditatem suam spreuit.  
Iuuenes eorum comedit ignis, & uirgines eorum non sunt lamenta-  
te. Sacerdotes eorũ in gladio ceciderũt, & uiduæ eorũ nõ plorabant.  
Vide durissimũ illius belli exitũ, in quo omnes Israëlitæ penè ad unum tum-  
igne, tum ferro, occubuerunt. Atq; optimo quidem, mea sententiã, usus est uocabu-  
interpretis, conclusit, quò illos ita arctè telis hostiũ circumuentos fuisse intelli-  
gi, ut nulla esset euadendi uia. Tam cõmunis, inquit, illa fuit calamitas, ut uel  
omnino uiri aut capti essent, aut obtruncati. Contra latinũ loquendi usum, non  
sunt lamentata, uertit interpretis in passiuã significatione. Aptius diuus Hierony-  
mus: Virgines eorũ nemo luxit. nõ mirũ, quoniã uiri omnes simul & mulieres  
interierant. Nisi malis secundum literam Felicis interpretari, qui sic transtulit:  
Virgines eorum non nupserunt: seu, non fuerunt laudatae, ut ex hoc intelliga-  
mus, omnem tunc abfuisse letitiam, atq; canendi occasionem. Quid sacerdotes?  
nonne & ipsi unã cum cæteris occisi sunt? Duo, inquit, filij Heli mortui sunt,  
Ophni & Phinees. Quid pater? nõne cùm audisset arcam captã esse, è sella ce-  
cidit, & fractis ceruicibus mortuus est? Proinde nec uiduæ illorũ superstites ui-  
dere, quæ mortẽ coniugum de more flerent. quĩ uirorum mortem lamentaren-  
tur, quæ simul cum maritis uiuendi finem fecerant? Plorabant, seu plorauerũt,  
uertunt interpretes. At iam deferuescente Dei ira, qui nullo unquam irrationa-  
bili commouetur affectu, suum miseratus est populum,

Et excitatus est tanq̃ dormiens dñs, tanq̃ potens crapulatus à uino.  
Suo more Vates rem seriã metaphoris explicat. Cùm suis quippe Deus, et  
crebrò, & anxie rogatus non subuenit, profundissimo detineri somno uidetur:  
cũ uerò lata ope succurrit, quasi illum è somno excitari opinamur. Quocirca  
laud paruo accepto incõmodo in primo belli cum Philisteis congressu, eo tem-  
pore, quoeducta est arca in castra, clamauerũt Hebræi: Quare percussit nos dñs  
hodie coram Philistiim: quasi dicat, Cur dormit dominus? cur suis nõ subuenit?  
Verũ postea, capta arca, occisoq; Israëlitarum exercitu, atq; exusta Sylo unã  
cum habitatoribus, cessauit Deus ab intereccionẽ, sed iram in hostes uertens,  
quasiq; è somno expergefactus, ac suamet corroboratus uirtute, ut solent ho-  
mines haustu uini optimi corroborari (non crapulatus, sed uociferans, aut



c exultans à uino, uertunt Hebræi, grauissimo illos uulnere afflixit.  
Et percussit inimicos suos in posteriora, opprobrium sempiternum dedit illis.

Quod fuerit ulcus illud, quo, præter muriũ copiã, qui totã deuastarũt regionem, affecti sunt uiri Azotij à paruo usq; ad maiorẽ, è morbi remedio, ac uoto, nõ ignorari potest. Inierunt, inquit, consilium Gethæi, & fecerũt sibi sedes pelliceas: posteaq; à diuinatoribus admoniti, anos aureos & mures conflantes uolumine Deo Israël nũcupauerũt. Podice quidem in dies magis cõputrescente uulnere illis erat quies. quod sanè ultionis genus utpote in occultiorẽ, obsceniorẽq; partẽ corporis desæuiens, opprobrium sempiterno fuit illis, eritq; perpetuũ. Tam etsi enim diuina nonnunq; prouidentia nefarios moueat homines, atq; in suorũ exercitationẽ ac multã exuscitet, eos tamẽ haudquaq; inultos sinit, ut hic uidere licet in Azotijs Israëlitarũ hostibus: quorũ sæuitia Dei penè abolita fuit religio. Cæterũ ipsi suo tumore dignas luerũt pœnas, infames nimirum, & opprobriosas. Hac igitur ratione, atq; occultissimo Dei consilio, uterq; correctus est populus, ipseq; meritò antiquam spreuit sedem in Sylo.

Et repulit tabernaculum Ioseph, & tribum Ephrem non elegit, sed elegit tribum Iuda, montem Sion quem dilexit.

Mirum si alicui nostrã assignamus rei electionẽ, præterq; Dei dilectioni. Electio quidem illa, qua suos sibi ab æterno copulauit Deus, in illius amore sita est, ab eoq; proficiscit. unde nõ mirũ id esse debet, si reiecto posthabitoq; Sylo, in domum Aminadab introducta fuit Ecclesia. Quod autẽ abiecerit Ioseph, diuus sentit Hieronymus: Nõ ad hoc, inquit, repulit Deus tribũ Ioseph uel Ephraim, ut in eternũ sperneret; sed noluit de ea suscipere carnẽ, eligens potius tribum Iuda, de qua beata Maria procederet, ex qua nasceret ipse: ut dilectionis suæ montem, id est, Ecclesiã, eleuaret, sic diuus ille. Cur uerò illa atq; altera reiecta tribu, id est, Iuda elegerit: nos stultos & superbos, qui tam obstrusam, neq; angelicis spiritibus omnino cognitã rem, indagare posse cõfidimus. Elegit enim, quoniam dilexit, qua uerò ratione aut causa illã dilexerit, si interrogor, audacter dicã, Nescio. Licet mihi centies, hic ultroneũ Dei motũ, ille prænotionẽ impingant. Iudæi, Nescio. Tu quis es, qui interrogas Deum? Quod porrò Roboam de tribu Ephraim usurpauerit sibi regnũ super decẽ tribus, affectaueritq; illud Iuda, id Dei absq; electione factũ fuit. Sed ille, ut uir erat ambitiosissimus & impius, decretum penè Dei infringere adnixus est. Montem itaq; Sion, in quo sua firmaretur religio sanctitate insignis, inter alios elegit montes.

Et ædificauit sicut unicorniũ sanctificium suum in terra, quam fundauit in secula.

En alia similitudo. Vnicornis enim, siue monoceros, animal nullius cedens potentia, inuicta propemodum est fortitudine: cuius cornu nobilissimũ omnium est, utpote immensum, & medicamentariũ. Ita igitur in Sion monte templũ, quod simũ, unicumq;, & omnium pulcherrimũ ac robustissimũ sui cultus templũ, quod hic sanctificiũ, noua uoce, ob insignẽ ritũ & ceremoniarũ sanctitatẽ & cãdorẽ, appellat Vates, sibi Deũ ædificaturũ asserit: cornu nimirũ monocerotis per simile, quod inter cætera cornua magis robustũ sit, & formosum. In Hebræo tamen nulla fit de unicornem mentio: sed sic transferunt: Et extruxit sicut excelsa sacrorum eius, uelut terrã, quã fundauit in æternũ, hoc est, quemadmodũ extruunt coeli, ut interpretat Felix: seu superbæ atq; excelsæ regia, & palatia: cuius fundamentũ ut terra fuit, quæ nunq; mouetur. Ea itaq; mens est propheta, ut sub typo templi in Sion ædificandi, pulcherrimã, atque adeo æternã prædicet Ecclesiæ formã. Cetera neq; templum, neq; in qua erat templum, Hierusalem, æterna fuit, quæ nõ semel unã cum templo diruta, uix loci nomẽ retinuit. Quare sic Phraestes



aphraſtes: Extruxit ſimilem altiffimis regum palatijs ædem, maiestati ſuæ dicatam, quam ſtabilem eſſe uoluit, ſicut terram, perpetuò.

Et elegit Dauid ſeruū ſuū, & ſuſtulit eum de gregibus ouīū. De poſt ſcerantes accepit eū, pſcere Iacob ſeruū ſuū, & Iſraël hæreditatē ſuam.

Dilucidius ex Hebræo uertit. Sic Felix; Ab inſequendo effœtas abduxit illū, ut paſceret Iacob populum ſuū. Diuus quoq; Hieron. ſequentē fœtas, tranſtulerat enim paſtores, ut Dauid fuit à puero, ſolentiori cura & ſtudio fœtas oues, quàm ſteriles, fouere & alere. Vult itaq; Vates diuinā extollere bonitatē, quæ ſe ab humili uitæ genere, ut ferè ſunt paſtores, ad regium euexerit faſtigium.

Obiecta interim tribu Ephraim, quæ in Deum tumida regnū affectaſſet. Semeſ enim Chriſtus è piſcatorio uocans lembo apoſtolorū principem, ſic illum alloquitur: Eris poſthac piſcator hominū. Ita ferè idem nunc de Dauide dici poſſet, qui electus, ab ouīumq; paſtione euocatus ob id fuit, ut deinceps homines, nemine Dei plebem & hæreditatem, quam hîc Iacob & Iſraël appellat, paſceret, deq; illa curam ſumeret. Putabās ne forſan tantum uirum ad regium ſceptrum aſciſceret: ſcorta undecunq; emeret: nec ab iſſis quoq; turpiſſimis abſtineret exorior: Heu mores intolerandos. Nihil profectò dignius in terris inuenitur homine, ita in his quæ Dei ſunt, informato, quòd oues Eccleſiæ per paſcua Chriſti opima educere nouerit: alere inſuper in feracibus doctrinæ pratis, uiuiſq; adquire ſancti ſpiritus undis, ac placidis gratiarū riuulîs abluere, fouere, immergere, & demū ad aram diuini amoris iugulare. Eæ ſunt quidem uerî paſtoris pariter. Neq; illi, opinor, audiendi ſunt, qui quorundā dñiū q̄uis cōmodum atq; uile detrectant, illud ſolūmodo ſpectantes, quòd hî qui rerū potiunt, in obſcuritate ſint familia, quiq; interdum ab aratro ac fœnili ad primos gradus promouentur qui in aulis alti ſunt regijs antepoſiti ſunt. Duriffima certò res eſſe uideſ.

Verū ad id, quod ſunt, figendus eſt animus: nō ad id, quod fuere. Quòd ſi boni ſunt, eaq; ratione ſubditorū curant cōmoda, qua ſuos curaſſe populos, in ultimo psalmi uerſu de ſe tanq; de alio loquens, teſtatus eſt Vates, nihil in terris ſalutius: quippe qui neq; in præteritæ uitæ ſtatu, neq; in præſenti, quæ ſit mūdi cōmoditas, ne ſummis quidē labijs deguſtarūt. Idcirco quicquid agūt, ſanctū eſt, ſyncerū, & undecūq; iuſtū, humile, ac ſubditis cōmodum. Contra uerò ſuæ ſi priuinae immemores ſunt fortunæ, nihilq; in primis tam cupiūt & quærūt, q̄ ut reſponderent, quærātq; magis terrori eſſe ſubditis, q̄ uenerationi, nullā in terris luē tam exitialem mūdo alioqui curis alijs inſinitis, atq; infortunijs obnoxio, cōtinere poſſe diffiniūt ſancti Dei utri. Verū tu, ô, quem Dei religionis adurit zelus, uide qua arte, quæ ueratione & prudentia, gubernandi ſint homines.

Et pauit, inquit, eos in innocentia cordis ſui, & in intellectibus manuū ſuarum deduxit eos.

Pro intellectibus, aptius ex græco, intelligentijs, uerti poterat, ut nihil aliud ſit populum in intelligentijs manuū noſtrarū gubernare & educere, quàm quæ gerenda ſunt, ita inſtituere, ut à ratione, prudentiaq; proficiſci uideantur, nō ab animo diſſipato, indocto, & temerario. Ideo ex Hebræo reddunt, & in prudentia manuū eius minabit illos, more ſcilicet paſtoris gregis amantiſſimi. Duo ſunt hic à ſpiritu uocari uideo ſynceritatem, ſeu innocentiam cordis, quæ præcipua ſedes eſt Dei. Ab hoc enim fonte illa tam rara, mūdoq; inſolita naſcuntur bona: Pax mutua, in promiſſis fides, ueritas, conſtantia, æquitas, amor non tam ſui, q̄ ſubditi. Patientia inſuper ac mens tandem in Deū, quicquid cōtingat tranſlata, quid mirū: nōne bona omnia in illo, qui puro eſt animo, in eſſe teſtatus



c est Christus, cum ait: Beati mūdo corde, quoniam ipsi Deū uidebūt. hoc est, mentis, rationisq; intuitu Deū uidebūt. Idcirco quaecūq; cogitabunt, aut agent, Deū esse necesse erit, quare Dei spiritus ductu & persuasione, nō timore mundano, atq; arrogantia, subiectis sibi hominibus imperabūt. Alterū uerō est, quod in rebus agendis maximā uim habet: id prudentiā, ac iunctā cum dignitate atq; estimatione autoritatē appellare libeat: ut nihil planē agat princeps, aut magistratus, qđ nō sapidū sit, integrū, graue, ac maiestatis plenū, hanc partē ab intellectu fidei luce irradiato proficisci opinamur: ideo uersum est ab interprete, in intellectibus seu intelligentijs. Sic egit sanē David, sic Christus: cuius uices higerūt in terris, qui alijs ritē præponunt. Cui & laus sit perennis, in seculorū secula. Amē.

PSAL. LXXIX. Psalmus Asaph.



Eus uenerunt gentes in hæreditatem tuam, polluerunt templum sanctū tuū, posuerūt Hierusalem in pomorū custodiā. Quæ diuus Hieronymus de hoc psalmo opinatur, nos ipsē pro psalmi argumento uti nō grauabimur. Psalmus, inquit, iste uocem cōtinet Prophetæ, captiuitatē terrenæ Hierusalem deplorantis: quæ captiuitas nō tantū ad illam ciuitatē, quantū ad animā, quæ sæpe ciuitas scribitur, referenda est, hæc ille. Quo uero tempore illa tam dira calamitas acciderit, qua Dei templū pollutū fuisse, sanctorūq; cadauera insepulta iacuisse querit Prophetæ, asserūt interpretes, Antiocho regnante, quem radicē peccati nominant, cōtigisse: sub cuius imperio sublati sacris ē templo, factaq; ingenti ciuiū clade, effusus est sanguis, ut in historia Maccabæorū legitur, per circuitū sanctificationis, & cōtaminauerūt sanctificationē. Quæ sanē omnia à Vate præuisa, atq; hīc, ut uides, lachrymabiliter decantata, nescio quid altius adumbrarūt: & quæ quidē nostra quocūq; ætate, nisi prorsus plūbei sumus, uidere potuimus. Examinemus igitur: Deus uenerūt spiritus, quid Vates, cum tam lamentabiliter questus est, dicens: Deus uenerūt gentes in hæreditatē tuā, polluerūt templū sanctū tuū, posuerūt Hierusalem in pomorū custodiā. Hæc omnia profundissimo proferenda sunt singultu ab anima, quæ idcirco in terris unita est corpori, ut aut diuinā cernataugeret religionē, aut excedat omnino de mūdo. Cernit enim pristinā deferuisse fidem, algere omnia, atq; his in locis, quibus olim propria ignis fuit sedes, nunc cuncta in imbruma cohorrescere. Vis' ne clarius dicā: dicā profectō, etsi dicā mihi acerbā impingat mundus. Pridem enim syncerior q̃ nūc est, fuit uiuendi ratio: tum prius quādo parua, aut nulla omnino erat inter Christianos ambitio, nullus proprius amor, nulla discordia, nullus cupiditati locus, auaritiæ nullus, nullus libidini, obrectationi, falsitati, nullus tandē Antiocho superbissimo, & tyrāno. Sentis ne de quibus hīc gentibus loquitur spiritus: hæc quidem omnia tūc procul aberant: nunc uerō uenerūt (de hereticis hæc dicta esse, aut de colluie quorundā ex se progenitorū, qui religionis candorē ineptis moribus, ac uitæ impuritate cōtaminant, alij asserant) uenerunt ne solum: sese, in quā, obtruserūt impudentissimē in hæreditatē tuā, in Ecclesiā tuam, in ipsissimū sinū tuū, ō Christe. Ideo polluerūt templū sanctū tuū, quæ sunt simpliciū animæ: inter quos tu miris ineffabilibusq; diuersariis religionis mysterijs: cuius uis ea est, ut simplici fidei cōtenta testimonio, quicquid tumidum est atq; elatum, auersetur. Posuerunt tandem Hierusalem in pomorū custodiā. Ex græco melius, ut pomorū custodiam. Solent enim in pomarijs custodes tuguriola quædam paucis ex lapidibus, aut tabulis, stipulis quoq; tumultuario magis opere, quā arte struere: quibus tecti, ne quis quid auferat, diligentissimē obseruant. Illa quidem ædium speciem præseferūt: attamē rebus omnibus uacua nihil omnino esse deprethendunt. Sic lapidum congeries, aut harundinum confusissimē congestarum cumulus. Sic contigit Hierusalem in ampla illa Antiochī uastatione, desertā penitus, nihilq; omnino



omnino præ se ferenti, præterquā formam inanem ciuitatis, atq; imaginē. Sic fuit olim nostra hæc Ecclesia, penè à tyrannis atq; hæreticis desolata, dirutaq; in his quæ elegantiori sunt forma. Parum quippe fuisset uasa unà cum Antiocho templi uniuersa, altare aureū, libatoria, phialas, mortariola aurea, & uelum, & coronas, & ornamenta gēmea abstulisse, corrasisseq; aurū, argentū, & uasa concupiscibilia, si pietas, si fides, si pax, si charitas suas in templis retinuissent sedes. Illiusmodi enim ablatis ornamentis, nulla potest esse in Ecclesia forma & effigies, licet altis fulta columnis uel ad sydera uicq; sese bracteolis circūtectā aureis & gemmeis sustollat. Pomorū custodiam, diuus Hieronymus transtulit, acerbiora: quæ sanè interpretationes sensui, quē modò posui, mirè cōueniūt. Sunt & qui sensum alium afferunt, nempe illius per similem, de quo sic Esaïas: Relinquitur filia Sion (hæc est Hierusalem) umbraculum in uinea, & sicut tugurium cucumerario, nam transactio tempore cucumerū, aut peponum, relinquitur quid ultra actum est: quod ultra actum est.

Posuerunt morticina feruorum tuorum escas uolatilibus cœli, carnes sanctorū tuorum bestijs terræ. Effuderunt sanguinē eorum tanquam aquam in circuitu Hierusalem, & non erat qui sepeliret.

Penè hic dixi, crudelius nobiscum actum esse, atq; agi. Quod flumen iam est, torrens, quē in afflictā hac nostra (si nostra tamen est) Europa, sanguine Christianorū exundasse non uidimus? & eo quidem sicis, telisq; Christianorū effusis. Quocirca factus est planctus magnus in Israël, & ingemuerūt principes & seniores: iuuenes & uirgines infirmatæ sunt, & speciositas mulierū immutata est, quid? ipsa sanctificatio eius desolata est sicut solitudo. Vidisti ne unquā tantum spectaculū? Obiecerūt in super cadauera feruorū tuorum auib; deuoranda: carnes, inquā, sanctorū tuorum inhumatæ datæ sunt bestijs terræ. Quid crudelius unquam agi potuisset? Tanta itaq; tum fuit humani sanguinis effusio, tantū ex eo, aut amnes potius, per totū urbis ambitū diffuserēt. Et sic sanè ualida est pulcherrimæ ciuitatis facies ac uenustas, adeoq; excisa, ut ne quidē polliciores, qui mortuorū corpora, uel præmijs ingentib; inuitati, sepelirēt, inueniant: adeo metu, atq; horrore plena erāt omnia, Sed illud forsan acerbius, quod facti sumus opprobriū uicinis nostris, subsannatio & illusio his, qui in circuitu nostro sunt.

Res sanè crudelior est, quā ut exprimi possit, quempiam cernere calamitorem derideri. Quod certè inter homines bona animi perlanguescāt, penèq; interirent & pax & charitas, mirari quidem possumus & dolere, & ferre utcūq; si mal ut rebus omnibus datum est, ut senescant aliquando. Verū ultra hæc ab infidelibus atq; domesticis hostibus derisioni haberi & fabulæ, quis tam audax est, qui id toleret uiuus? Quousq; igitur acerbissima hæc durabit inquietudo? Vsq; quo domine irasceris in finem? accendetur uelut ignis zelus tuus.

Erit ne, inquit, tua hæc in nos ira perpetua? excandesceat ne semper instar ignis, tuus huiusmodi zelus? furor? excandescentia? Atqui uides quomodo iustitiam Dei ultionem zelum appellet Vates: nomen nimirū quod sibi olim, cum suam sanciret legem, non grauātē aptauit. Ego, ait, Deus zelator sum, ignis conflagrans. Ducta hæc uideat metaphora ab illis, qui uxori nimirū sunt, quò quā ardent se habeat Deus affectu atq; amore erga animas, facile aduertamus, dictumq; integram illi pro tam flagrantis zeli compensatione pudicitia referre. Ita zelum diffiniunt scripturæ, ut ira sit, quæ ex nimio amore proficiscat: uelut



**C**um parentes ob aliquam offensionē liberis succensent: non quod eis malē uer-  
lint, sed eo ipso ostendunt, se erga eos amantiore esse animo. Ita uxorū aman-  
tissimi agere solent mariti: modō zelotypia illa prudens sit, & temperata, & quæ  
uiros non tam dirē affligat, ut exangues reddat, aut ad innocuē plerunq; uxorīs  
occisionē pertrahat. Istud enim uitiū non zelus uocari debet, sed amentia & fu-  
ror. Vt uis igit̃ tua in nos æquissima sit iræ motio, ô altissime, nobis potius, qui  
hæreditas tua sumus, qui templum, qui ciuitas, qui habitatio, qui serui, qui san-  
cti demum tui abste sanctificati nuncupamur, illæsis, à plagisq; istiusmodi acer-  
bissimis intactis,

Effunde iram tuam in gentes, quæ te non nouerunt.

Haud in nos, qui te non solū nouimus, uerumetiam hanc à te nobis datam  
cognitionem, fide, sacrisq; ritibus attestamur. In gentes illas impias excande-  
sce potius,

Et in regna quæ nomen tuum non inuocauerunt,

Sed Belial magis: aut suis in expeditionibus, itineribus quoq; ac, ne quidin-  
auspicatō agant, in negocijs omnibus uel sacris, uel prophanis, & magos & a-  
strologos. Aliàs diximus, inuocare nomen Dei in scripturis, pro cultu & adora-  
tione Dei accipi: neq; enim ritē quempia inuocare quis potest, à quo salutē non  
expectet. Vnde legimus, quod Enos filius Seth, cœpit inuocare nomē domini:  
hoc est, ab illo cœptus fuit Dei cultus manifestior. Quantum ex animo conside-  
randa hîc esset, simul & timēda, dira hæc Vatis imprecatio nostris regulis & ma-  
gistratibus, qui deuorant Dei plebem sicut escam panis: uel ut hîc dicitur,

Qui comederunt Iacob, & locum eius desolauerunt.

**D** Maximam quorundam ostendere uolens truculentiam, eos dicit comedis-  
se Iacob (id nomen ex more scripturæ bonis omnibus conuenit) & locum eius de-  
solauisse. Hæc sanè de Antiocho, cuius hîc fabula agitur, uerissimè dici nota est  
historia: nota & cæterorū, quibus summo semper odio fuit Christiana religio.  
Verum illud magis flebile & dolendum, quod ista, forsā & duriora, à Christi-  
anis regibus, & minutissimis quoq; magistratibus atq; urbium præfectis, sæuissi-  
mè dimanasse cernimus. Vix enim primo dato nouo regi aut principi sceptro,  
illud primū ingeritur documentū, ut populos sibi subditos laceret, emungatq;  
usq; ad sanguinē. Ex qua sæuitia fit, ut etiam integrę regiones incolis uacue red-  
dantur. Exesis enim ciuibus, & consumptis, desertæ fiunt ciuitates, & regna.  
Illud tamen exploratissimum, ob populorum scelera, ut decreuit Deus, regna-  
re hypocritas, & tyrannos. quod sanè non latuit Vatem: quare quanto ualuit  
clamore subintulit:

Ne memineris iniquitatum nostrarū antiquarū, citò anticipent nos  
misericordiæ tuæ, quia pauperes facti sumus nimis.

Nullō quidem maiori impulsu ad plenam nostri cognitionē arctamur, quā  
cum affligimur. Vix enim absq; ærumnis & cruce, an homines simus coniecta-  
re possumus. Puncti uerò, quæ pars in nobis est, quæ exploratissima non appa-  
pareat: Sed illud occultum omnino, præteritorum ne reatum multam infer-  
ri causa, an præsentium: an parentum potius, an illorum quoque, quibus cum  
uiuimus, culpa. omnia hæc obscura. Quod si interdum filios pro parentum de-  
lictis puniri cernimus, non id propterea factum putemus, quod quis ob ea, quæ  
non peccauit, puniri debeat: sed illud magis, quā inuisa sit Deo prauitas, quā  
inultam ne serò quidem unquam sinat. Non absq; causa hæc dicta sint, propter  
eos, inter quos est Aben Ezra, qui sic legunt hunc uersum: Ne memor sis pra-  
uitatum antiquorū. Quoquo modo legas, illud perspicuū, nos pro nostris lapsi  
bus, siue antiqui hi sint, siue recentes, pœnas luere. Verum quia nemo est tam  
exactè purgatus, quin de præteritis sibi admodum timere debeat, hîc una de  
regulis



regulis spiritus insertur. Noli, inquit, meminisse retrò nostrorū peccatorū: ea illue remitteq; ac, si nunquam extitissent, tege. Citò, citò, inquam, tuæ nos, an-  
teq; in peccatis moriamur, qui in peccatis nati sumus, præueniant miserationes: uehementer enim attenuati sumus. Ideo

Adiuua nos Deus salutaris noster, & propter gloriam nominis tui Domine libera nos. Et propitius esto peccatis nostris propter nomen tuum.

Vides quàm non remissè suas effundat lachrymas, cor mœrens? Deus salutaris, ut saepe annotauimus, perinde est, ac si uertisset, Deus autor salutis nostræ. Quid postea sit, propter gloriā nominis tui, sic explicat Paraphrastes: Non tantum, inquit, habita ratione nostri, quàm magnifici & maiestatis plenissimi nominis tui, libera nos à malis in quibus uersamur: remitteq; peccata, nō quia meruimus, sed ob id potissimū, quò tuum, qui sic gratis iustificas impium, sanctissimum extollatur nomen.

Ne fortè dicant in gentibus, ubi est Deus eorū? & innotescat in nationibus coram oculis nostris ultio sanguinis seruorum tuorum, qui effusus est.

Ecce querelarū summa, & finis illorū, quibus mitior solet esse mors, quàm diuinum uidere calcari honorē & religionē: ne scilicet malè audiant in Dei contumeliam à gentibus. Gentes hīc Vates non tantum uocat barbaros & infideles, quantū turpis uitæ Christianos, atq; illos quidem, qui in fortunæ gremio ocian-  
tes, quicquid simplicitatis in doctrina inest spiritus, fastidiūt, ridentq; profusè, si eos in Deū fide armatos cernunt, qua obiecti illorū minas atq; oppressiones tanti facere dicimus, rēq; præstamus, quanti muscam Elephas, aut si quis est in terris Polyphemus, aut Cacus. Sed illa est totius timoris nostri ratio, ne tuū san-  
ctum nomen derisioni habeatur: audiamusq; ab illis, qui te oderūt, ubi est Deus eorū, de cuius fiducia tam crebrò gloriari cōsueueret. Sileant, sileāt impudentis-  
simi blaterones, quiescātq; si sapiūt. Tu interim fac, mi Deus, ut sumptis de illis penis, nobisq; ut maior fiat eorū calamitas & afflictio, cernentibus, palàm fiat animaduersio, atq; ultio sanguinis seruorū tuorū, qui tam indigne effusus est.

Intrent in conspectu tuo gemitus compeditorū, secundū magnitudinem brachij tui posside filios mortificatorum.

Hoc est, illos, qui cæteris interfectis, adhuc residui sunt, à morte uindica. Periret, inquit Campensis, in conspectū tuum gemitus eorum, qui in carcere teneantur captiui: magnitudine potentiae brachij tui in uita cōserua eos, qui mortif-  
icantur ab hostibus. Magna profectò tum fuit persecutio illa Græcorum. Tunc sanè (horrendū) tota urbs uisa est unà cum ciuibus funditus excindi. Ideò  
non sine maximo animi dolore precat Vates, eos saltem, qui exterminio illi cru-  
delissimo superuicturi essent, seruari in uita. Videor hīc mihi certè uidere hu-  
manū genus, sub dæmonū tyrannide afflictū, & usq; ad desperationē pressum,  
tum quid peccatorū catenis innodatū, sempiterno mortis horrore destinari. Ve-  
patre frustrata est sine mors, ille zelantissimus suarū ouīū custos, immortalis cum  
compeditorū, qui nexibus planè indissolubilibus peccati, ac mortis, deuincti sunt,  
in sat sit tot ciues ab hostibus truculentissimè necatos, unà cum suis ad tetram  
in aliud uita genus, q̃ ea est, quæ infinitis obiecta ærumnis & periculis, mors  
perius quàm uita dici posset. Hi sunt, mi lector, etiamnū affectus in Christo, de



c quo sic Paulus: Quis est qui cōdemnet? Christus Iesus qui mortuus est, imò qui & resurrexit, qui & est ad dexterā Dei, qui etiā interpellat pro nobis. quasi dicat: Cū ipse Christus Dei filius pro nobis mortuus sit, & surrexerit, sedeatq; ad patris dexterā aduocatus noster & precator, mirum uideri posset, si alius quispiam eos, quos tanto fauore & charitate dignatur Christus, auderet condemnare. Filios mortificatorū, alij reddunt filios punitorū. Sed mens ea est Vatis, ut illos, qui morti destinati sunt, Deo cōmendet: hos filios mortis appellant Hebræi. Et quod nos legimus, posside: illi habent dissolue, seu remitte; ut sit sensus, Dissolue illos qui morti destinati sunt.

Et redde uicinis nostris septuplum in sinu eorum, improprium ipsum, quod exprobrauerunt tibi domine.

Clarius ex hebræo, sic ex illis quidā: His autē inter quos uersamur, in sinum redde contumeliā, qua te affecerunt, septupliciter, hoc est, abundantissimē redde; septenarius quippe numerus indefinitā prae se fert copiā Hebræis. Percutit uos septies, inquit Deus in Leuitico, propter peccata uestra. Vide an forsan huiusce tropi genere usus sit Deus, cū ait septuplū puniendū illū, qui occidisset Cain. Multiplicitatis igit, perfectionis, uniuersitatis quoq; symbolū est numerus istiusmodi, idcirco quieti consecrat. Sensus itaq; is esto: Retributione omnino saua atq; ampla affice uicinos nostros, nempe illos, quibus cum uelimus non limus, uiuere cogimur: in sinumq; illorū reiice quicquid opprobrii moliti sunt in te. Sinus pro interiori animae parte sumi potest. Cor itaq; illorum tanquā spiritum traiciat, quod tuam in contumeliam machinantur improbi; sic illis fiat, postquam sic uolunt; nam irrita uerunt te domine.

D Nos autem populus tuus, & oues pascuae tuae confitebimur tibi in seculum, in generatione & generationē annuntiabimus laudem tuam. Gratissimi hec animi sunt uerba, quae sic à Paraphaste elegātissimē exprimuntur: Nos interim populus, & grex, cuius tu prouinciam pascendi sumere dignatus es, referemus tibi accepta omnia nostra perpetuò generationibus cūctis, & literis mādabimus quā uerē dignus es, qui lauderis ab omnibus. Qui semper laudabilis es in seculorum secula. Amen.

P S A L. L X X X. Vincenti erga lilia testimoniū. Psal. Asaph.



Vi regis Israël intende, qui deducis uelut ouem Ioseph, qui sedes super Cherubin appare.

De lilijs nonnulla in psalmo, cuius initiū est, Eruclauit cor meum, sunt dicta. Quanq; & illud afferre possumus, lilia hīc testimoniū puras esse mentes in Deum, quae cōlestis in terris sunt testes ueritatis, quia testimoniū Dei habent in se. atq; hae quidem sunt, quae se oues Dei appellant, tenerē nimirū in pascuis amoris enutritas. psalmi argumentū ferē idem est cum superiori. Magnā profectō sanctissimi Vatis fiduciā in ipso statim exordio deprehendere mihi uidetur, cū Dei amicos ab ipso pasci Deo, tanq; oues à pastore, praedicat. Quid dulcius audiri posset: quid suauius? Itaq; siue, regis, legere libeat cum nostro interpretē: siue cum Hebræis, pascis, mirā diuinæ bonitatis oler suauitatē. Ait igitur: Qui regis Israël intende, qui deducis uelut ouem Ioseph, qui sedes super Cherubin appare. Is unus Hebræis est uersus: & est maximi stuporis in anima Deo plena, argumentū atq; exclamatio. O pastor, inquit, ô qui nō segniori nos cura ac studio in aridissima uitæ huius solitudine tanquā oues, ne inedia fatigemur, alere cōsuescis, ut quondā suum aluit in Aegypto unā cum tota illius familia parentem, fame uictusq; penuria laborantē Ioseph, ausculta quae dicturus sum. Tu, inquam, qui Cherubin sessor es uelocissimus, effulge, nobisq; qui in te nebris cæcutimus conspicuus appare. Rem certē mirabilē, si quis ex illis, quae



tum acta sunt in Ioseph uita, quanta semper fuerit Dei erga suos uigilantia atq;  
amor, cōsiderat; quomodo scilicet eum dominus adhuc puerū, mansuetū sanē,  
nihilq; uti tenera solet ouicula, quęcunq; mala inferrēt fratres, recusantē, dedu-  
xit, seruaueritq; illæsum in puteo, in carcere, & quod admirabilius uideri pos-  
set, ab effrenata dominæ libidine. O certē inenarrabile diuinæ charitatis erga  
suos exemplum. Non potuit quidem adeo in purissimū ferocire iuuenē fratrū  
suor, non carcer, nō impudentissima mulier, non mundus ipse tandem uniuer-  
sus, quin rex quodāmodo totius euaderet Aegypti. Vides ne Christū omnium  
innocētissimū, post plagas, post iniurias, post acerbissimas in tota ferē uita con-  
tēdiē, cruento coronatus diademate, non iam Aegypti duntaxat, sed orbis omni-  
no uniuerſi regnū adeptus est? Cæterū fama erat, ac certus rumor, Dei præsen-  
tiam super arcam fœderis inter duos Cherubin, unde diuina dabant responsa,  
residere. Erantq; omnes filij Israēl per gyrum tabernaculi, in quo erat arca, sic à  
Deo distincti. Ab oriente suis cum castris erat, Iuda, Isacar, & Zabulon. A meri-  
die, Ruben, Simeon, & Gad. Et hi omnes præibant cū proficiscerent. Ab A-  
quilone arcam comitabant, Dan, Aſſer, Nepthalim. Ab occidēte, Ephraim, Ma-  
naſſe, Benjamin, qui sequebant. Ergo ante Ephraim, qui adiunctis copijs cum  
Manasse ac Benjamin, succedebat in itinere, ferebāt arcā. Idcirco addidit Vates;

Coram Ephraim, Benjamin & Manasse, excita potentiā tuam, & ue-  
ni, ut saluos facias nos.

Doctissimus fuit in lege David, ideo mirabili rerum illarum acritū allusio-  
nerem narrat mysterijs plenissimā. Mirum quā uariē se torqueant expositio-  
nes in disquirēda ratione, cur tres has tribus solūmodo nominet Vates, omiſſis  
cæteris. Præter id quidem, quod Dei præsentia ad propitiatoriū accedere roga-  
tebat, quoties enim Deus ante tres illas tribus, quæ pone arcam sequebant, appa-  
rebat, tunc se omnibus præsentē, utpote ad propitiatoriū propemodū uisibiliter  
reuerſum, exhibebat) ea quoq; Vatis est mens, huc Christū, cuius typus fuit Io-  
seph, à quo eæ tres descenderūt tribus, in mediū adduci. Interim uerò uult excel-  
lentia iuuenis cōsiderari, qui seorsim à cæteris positus, monumētisq; hisce eter-  
nis insertus, quantē fuerit autoritatis non ignoret à posteris, cū ob plura, tum  
plenissimū, quod in tanta omniū egestate, prouidentia Dei admirabili totum ge-  
nus Iacob educauerit. Alius hīc rursus res mihi esset, nī aliud agerē, peruesti-  
ganda. Penē, fateor, ab his, quæ in hoc mihi psalmo disquirenda occurrunt, ob-  
ſcurior. Viderat em̄ Vates Deum sua in maiestate residentē super Cherubin, quā  
scientiæ plenitudinē interpretant, æterna illa sua substantia eo uitę genere uiue-  
te quo in se manēs uitæ omnis autor est, atq; inexhaustū creaturarū omniū ex-  
celsū. Quis itaq; intellectus? quæ mens? quę cogitatio hominis rem tam obſtru-  
ctam, inaccessamq; ac ipsis beatis animis incognitā, uel mediocriter quidē com-  
prehendere unq; potuisset? Mirari utiq; poterant homines, intelligere uerò mi-  
nimē. Quocirca clamantē huc introducit spōsam, sponsi amore perlanguescen-  
tem. O tu qui in plenissima scientiæ cognitione te cōtentus requiescis, stupen-  
dum tūc in modū in te manens, excelsus nimīū uideris, deposita, ut sic dicam,  
aījs, occulta, caliginosa, imò super omne lumen lucidissima, huic te mundo ui-  
ſibilem præbe, serēq; opem, ac demum, qui nostra ob scelera iandudum delitui-  
ſſi, appare: excita potentiā tuam illam, quam tum Aegyptij, tum filij Iacob, dis-  
ſos, planeq; à dæmonum, prauorumq; hominū tyrannide oppressos eximas,  
ut quondam à tetris illis Aegyptiorum undis, plagisq; letalibus tuum exemi-  
ſſi populum.



c Deus conuerte nos, & ostende faciem tuam & salui erimus.  
 Tu qui Deus ille es, qui quiduis etiā potes, nostra à te auersa corda ad te conuerte, in te dirige, per te ad te redeant, quæ à te absque te diuulsa sunt, & remotissima. Quid? ostende faciem tuam hilarem, da fauorem, dic ut redeat tranquillitas, quid tandiu differs? Tuam exhibe mundo potentiam, & salui statim erimus. Solo enim & eo quidem minimo tui felicissimi uultus intuitu, ipsa reuiuiscit mors. Heu

Domine Deus uirtutum quousq; irasceris super orationē serui tui? Populi tui, legunt Hebræi. Item illud, Quousq; irasceris, efficaciorē illis ostendit uim ac sensum. Vnde nonnulli, quousq; fumabis, uertunt. Solet enim supra modum iratis fumus quodāmodo ē naribus exire. Vult spiritus intelligi, summam in Deo fuisse ac iustam ob mortalium scelera indignationem. Totus enim huiuscemodi scater affectibus David, qui passim ignem atq; animi ardorē demonstrāt. Domine, inquit, Deus, cui omnes quāuis potentissimi parent exercitus, cuiq; subsunt omnia, quousq; tandem excandesces? nec admittes precationem populi tui, nempe miseri & oppressi?

Cibabis nos pane lachrymarum, & potum dabis nobis in lachrymis in mensura.

Cibabis eos, ex hebræo legunt, quò eos, ad populū referre libeat. Item dictio, in mensura, copiosiorē habet sensum Hebræis, capacem scilicet mensuram significat, quare sic Fel. Fecisti illos bibere lachrymas in maxima mensura. Nihil certē flebilius his uocibus audiri posset. Voluit enim Vates dicere, tantum præ dolore effusum esse lachrymarum, ut pro cibo ac potu, illis amarissime atq; adeo cōtinuæ extiterint lachrymæ. Vnde alio in psalmo sic suum aperit dolorē: Fuerunt mihi lachrymæ meæ panes die ac nocte. Quid nī, mi Deus, etiam usq; ad amissionem oculorum fleam? Quandoquidem

Posuisti nos in contradictionē uicinis nostris, & inimici nostri subsannauerunt nos.

Alio in loco sic suam cum Deo discutit calamitatē: Facti sumus opprobrium uicinis nostris, subsannatio & illusio his, qui in circuitu nostro sunt. Idem ferme Paulus: Spectaculum, inquit, facti sumus mundo, & angelis, & hominibus, nos stulti propter Christum. En totius subsannationis eorum origo, qui pie uere uolunt in Christo. Quid non contumeliarū patitur Dei seruus? is dico, qui (non illos omnes Dei esse seruos iudico, qui serui Dei uulgò appellantur) quæcūq; agit aut cogitat, eò dirigit, ut malit mori, quàm quicquā cogitare aut agere, quod suum non referat dominum. Exposuisti nos, inquit, uicinorū nostrorum malediciā, qui & nostri osores cū sint, de nostris rident malis. Quapropter tu

Deus conuerte nos, & ostende faciem tuam & salui erimus.

Repetit uersu quasi intercalari, quæ superius dixit. Videor enim hīc mihi uidere infelicem Adam conscientia perpetrati sceleris, tanquam à furijs actus, per Paradisi campos diuagantem, fugientemq; à facie Domini, nec minus interim cogitantem, quàm ut Deum per pœnitentiam quæreret. Censes ne fugitiuum seruum dixisse, Deus conuerte me, & ostende faciem tuam & saluus ero? Quæsiuit ne ueniam, qui abscondit se, ut inquit Moses, & uxor eius à facie domini in medio ligni Paradisi? Verum ille, qui in Cherubim residet, quid à se suū posset figmentum, probè nouerat. Proinde nō longiore Adæ expectans fugam, eum statim ad se conuertens inquit: Adam ubi es? Quid (uerustiora prætermittimus) intuitus ille igneus, quo Petrus tanq; iaculo transuerberatus, ab atrioq; illo nefandorū hominū quamprimū egressus, fleuit amare? Quid Iudas? num illi defuit



defuit pastoris clementia? Non defuit quidē, alioqui quid sibi crebra illa, & se-  
cra, ne rescirēt ceteri, in cōuiuio illo extremo, admonitiones uoluerūt? Quid  
panis intinctus in paropside? Verūm durissima ille durior silice in cōcepto per-  
seuerans facinore, sese foras abripuit. En fuga à domino. En quò nostra nos ali-  
quando auaritia & liuor impellit, quibus sanè tanquā molestissimis exagritus  
estis Iudas, pientissimū prodidit dominum: quo scelere admissō, spe tamen ue-  
niē amissa, laqueo se suspendit. Hos equidem uarios, mi lector, considerans di-  
uinae uocationis effectus, deterreor penitus, cohorrescoq̃, illud amarissimo uer-  
bo animo, an frustra ego miser à clementissimo toties uocatus sim patre. Vi-  
deo quidem Petrum ad unum Christi nutum, mollem factum, atq̃ uocationi ci-  
urum praeuississe ascensum: Iudam uerò, nedum aspectu, sed uerbis, ac, quae  
hic penitus & confundor. Quā mihi sanè seriò, atq̃ ex animo clamandū pro-  
de est, dieq̃ noctuq̃ ingeminandū: Deus (contremisco hīc primū, nec quae  
sequuntur proferre audeo) Deus, inquam, noster (iam audeo & cetera, postquā  
noster factus est Deus) conuerte nos, aspectumq̃ illum iucundū, quo à te auer-  
sus conuersus est Petrus, in nobis fige, & sic salui erimus. Poteris ne, ô clemen-  
tissime, te inuocantes, te querentes, te, quaecunq̃ accidunt, tanquā refugij aram  
complexantes deserere; auersari: tuo à cōspectu abigere? O moriar, si id mihi un-  
quam persuasi. Illud non me praeterit (quod cum cogito, maximā in te esse uim  
clementiae, & in transfugas quoq̃ dilectionis affectum, uideo) quòd

Vineam de Aegypto transtulisti, eiecisti gentes, & plantasti eam.  
Dux itineris fuisti in conspectu eius, & plantasti radices eius, & imple-  
uisti terrā. Operuit montes umbra eius, & arbuta eius Cedros Dei.  
Extendit palmites suos usque ad mare, & usque ad flumen propagi-  
nem eius.

Nulli dubium, de uinea illa dici, de qua sic asserit Esaias: Vineam domini exer-  
cium, domus Israël est, & uiri Iuda germen delectabile eius. Mens quippe  
fuit in Deo aeterna, uitem aliquando sibi delectam plantare in terra Canaan: &  
eam quidem ē Iudaeorum furculis, & malleolis. Verūm hī à dumosa Aegypti  
tellure, ubi permultos iam antea annos plantati fuerant, radicibus extirpandi e-  
rant: quod quidem potentissima Dei manu actum fuit. Inde igitur euulsi, trans-  
plantatiq̃ in terra illa feraci, eiectionis Cananæorum plantis, in immensum cre-  
uerunt. Et sic operosa (ut sic dicam) agricolae industria erecta est uinea, muni-  
tissima praesidijs, utpote in cuius mdeio aedificata erat turris actorcular. Itaque  
ita adeo pampinis lasciuiare coepit, ut totam, ut hīc canit Vates, repleuerit ter-  
ram, felices usque ad mediterraneū mare flumenq̃ Euphraten extendens pal-  
mites, quod Dauid tempore contigisse nouimus. Nihil non egit Deus, quò sua  
tandem fructus, uinitoris nimirū finem, emitteret delecta: sed frustra conatus  
est: nam diutius expectata, quod ipse apud Esaiam queritur, ut faceret uuas, fe-  
cit labruscas. Cuiusmodi uerò ea fuerint uuae, quas solers expectauit uinitor,  
ut faceret iudicium, & ecce iniquitas: & iustitiam, & ecce clamor. Tota hīc Ec-  
clesiae descripta est imago: siquidē excisa Iudaeorū natione gens subintrauit or-  
dine planè diuerso. Namq̃ tunc eiectionis gētibz intrusus est Iudaeus, nunc uerò,  
euulsa Iudaeorū stirpe, ascite sunt gentes, qui sumus nos, qui ex immūdis suis  
facti sumus filij Dei uiuentis. Verūm ad ueterē illam uitem reuertētes, perspicua  
la, plantasti radicē eius & impleuit terram, nequaquā intelligi posse de Iudaeorum  
dominio, quòd impleuerit terram, sed de Christi regno, qui rex est uniuersorū.



**C** Quòd porrò, ut hîc dicitur, illud Dauidis tempore suos extenderit terminos, quos palmites metaphoricè nominat, usq; ad mare Indicū atq; Euphratē, deuctis Moabitibus, perspicuū est. quòd uerò totum occupauerit terræ ambitū, nemo unquam uel mediocriter eruditus asserere poterit. Iam illud, dux itineris fuisti in cōspectu eius, de fauore illis exhibito in igne & nube in deserto, minimè intelligi oportet, sed de gentibus tanquam spinis è terra illa, in qua transplantandierant uineæ surculi, luccisis, quare sic Paraphrastes: Repurgasti diligenter rudibus eiectionis superficiē eius. Alius ex hebræo: Scrobem præparasti ei. Et ut res euidētiōr fiat, uide quid de cœlesti dicat uinitori Moses in Deuteronomio: Ipse cōsumet, inquit, nationes has in conspectu tuo paulatim, atq; per partes. Cæterum uineæ magnitudinē atq; excellentiā exprimere cupiēs, illam, in metaphora perseuerans, montes umbra texisse dicit, ac Cedros Dei, nempe altas & conspicuas, inumbrasse. Idioma est scripturæ, ut quod egregium est, id Dei esse asserat, unde alio in psalmo hunc seruat morem Vates dicens: Iustitia tua sicut montes Dei, hoc est, montes altissimi. Qui uerò fuerint, sintq; in præsentia montes istiusmodi, ac cedri, quæ à spiritus refrigerio obnubilant, tegunturq; in Dei Ecclesia, nouit Christus, nouit eius mater à sancto obūbrata spiritu, nouit & uisio illa discipulorū, quādo nubes lucida obumbravit eos. Cætera modò dicant alijs, nos enim à cōmentariorū lege non discedentes, ea omnia, quæ à litera nimitū diuagari uident, perstringimus, eo interim cōtenti sensu, quem diuus affert Hieronymus in hunc locum. Licet, inquit, uinea synagogam figurauerit, ad Ecclesiam tamen referenda sunt, quæ à tenebris seculi ad cœlestem dignitatē, eiectionis uirtutum gentibus, fide fauente translata est. Verum ô domine,

**D** Ut quid destruxisti maceriam eius, & uindemiant eam omnes qui prætergrediuntur eam? Exterminauit eam aper de sylua, & singularis ferus depastus est eam.

Ne quis hîc de singulari sibi aliqua bellua philosophandū esse existimet, Hebræis est, fera agri; quo quidem nomine, ut inquit Felix, omne genus animalis syluestris nuncupat. Vnde sic Paraphrastes: Et fere omnis generis, quæ in agris degunt, depascēt eam. Diuus item Hieronymus idem ferme. Id quidem diripiē fuit, cū destituti à Deo Iudæi ob scelera, omnibus ferè orbis gentibus diripiēdi traditi fuere, Ecquæ unquam res in agris tam latè deuastari uisa est, quā uinea à custodibus uuarū maximè tempore derelicta? Ita nimitū Iudæis contigit ingratissimis. Ita & modò quotidianis, infelicissimis tamen, intuemur exemplis, quā foedè, quā miserabiliter, quā absq; penè resipiscentiæ spe, in omne genus facinorum hî, qui sua se sponte à Dei subtrahunt tutela, præcipitantur. Porro apri syluestris nominatim mentionē facit, quoniam hæc bellua inter ceteras, uineis magis infesta est. Idem de feris agri dicendū. Cæterum uineæ custodiam, Dei scilicet fauorem, maceriam, seu sepem, ut uertunt Hebræi, appellat Vates, quam hîc dirutam queritur. Ostendam, inquit dominus, uobis quid ego faciam uineæ meæ. Auferam sepem eius, & erit in direptionē. Diruam maceriē eius, & erit in cōculcationē. Vide quomodo anima deserta à Deo rerum omniū propè modū iniurijs fiat obnoxia, cū apris, cæterisq; uel nemorū, uel camporū feris, uitijs sanè, ac tum publicis tum priuatis demolienda traditur tyrānis. Veruntamen una adhuc extat salutis ratio, placatū numen. Quare ut id quamprimū fiat,

Deus uirtutū conuertere, respice de coclo, & uide, & uisita uineam istam.

Vineam istam, cum indignatione simul & dolore legendum est: ac si diceret, uineam istam meritò à te derelictam, luxuriantemq; inuise aliquando ô Deus potentium potentissime. Redi, inquam, ad nos, atq; de excelso maiestatis tue solio fauenti respice intuitu, qui iam pridem nostris offensus sceleribus, auersusq; longè



longè recesseras. Quis enim iacentē istam tuæ hæreditatis uineam subleuabit unquam, si nulli ea est tibi curg, qui illius dominus es & sator? Aper' ne de sylua fera ne: Quid? neque hi quidem, quibus tanquā pedamentis nixa esse deberet, tuæ minori sunt exitio sponsæ, quàm est uirū aper ipse ferocissimus, aut ursus è timore egressus, quem fames seu prolis amor à summis detraxit montibus in uineæ depopulationē, Cui igitur tam arduum demandandū erit negociū, cum omnes quæ sua sunt quærant, non quæ uineæ, non quæ sponsæ, non quæ Dei? Tui atq; cuius res agitur, uide,

Et perface eam, quam plantauit dextera tua, & super filium hominis quem confirmasti tibi.

Et perface eam, Hebræis est, & plantulam seu hortum, scilicet uisita: quod ad superiorē refertur uersum. Illud obscurius, quid sibi uelit, Et super filium hominis quem confirmasti tibi. Volunt nonnulli, uineam domini, populū Israël, & filium (hominis in hebreo uacat) idem esse, secundū morem scripturæ, quæ uniuscuiusq; rei uocat filiū illud, quod ab ea factū est, aut seruat, aut aliqua ad eam spectante ratione, illud citantes in Esaia: Tritura mea, & filia areæ meæ. Nec est rarum tantiqua lege, Israëlitas non tantū filium, sed filium quoq; primogenitū appellari. Verū utcunq; legas cetera, illud compertū, non Super, legendū esse secundum Hebræos, sed, propter. Quare sic Fel. Et propter filiū quem confirmasti tibi, & tum quidem de Christo Deo homine uaticiniū esse non dubito, nixus maxime paraphrasi Chaldaica, quæ sic reddit: Et super regē Messiā, quem cōfirmasti tibi. Atq; hoc modo Vatis pro Ecclesia fidei plena erit precatio. Nouerat enī periculosus iactanda illa esset aduersitatū fluctibus, atq; adeò assidue, ut penē à Deo, tanq; uinea ab agricola, deserta uideret. Ait igit: Quod uinea tua olim dicta, sepe diruta & macerie, omnibus omniū ferarū moribus obnoxia fuerit, tum id quidē meruit: uerū tu, qui illam spōtaneo seuisti motu ac cōsilio, eam de nouo uisita, excole, purga, & tandē, si nō propter aliud, at saltem propter filium, tua ex illa, tanq; è uite gemmā pullulare, & nasci debere æterno sanxisti decreto, & quem unxisti, cōfirmasti q; nobis in regem haudquaq; temporariū, sed firmū & sempiternū, perface. Certē iam (quod sine lachrimis proferre nequeo) est incensa igni & suffossa.

Heu desolata uitis: heu uuarum acerbitas, quarū gustu non nepotum solum modo dentes obstupescunt, sed acescunt animi, ac prorsus demētātur. Vnde, cōsecro mi Deus, tam repentina rerum mutatio: tam irreparabilis ruina: tam dirum uulnus & letale, ut eam incendi, ab impijsq; effossoribus subuerui patiaris: tam causam uideo:

Ab increpatione uultus tui peribunt.

En tota rei summa. Tua enim irritata scelerum cumulo bonitas, in furorē tantū atq; ultionē, ut meriti sunt, desijt. Id quidem fecit tui uultus austeritas, ut uinea exulta sit, & effossa: quæ si sic durauerit, nempe cōbusta, & radicitus euer'a, perirent necesse est, quicunq; hoc signant nomine. Sunt qui uerbum, peribunt, ad subueriores uitis referant, ad hunc modum: Esto, uinea succensa est, atq; effossa: illius tamen incensores, effossorēsq; uinea tandem in pristinā reformata facit, peribunt. Vterq; sensus Vatis menti atq; spiritui mirū in modū inseruit. Ceterū puto seueritatē atq; iram patris tum uisam protrahi in longum, cum ob tanto peccatis mundo, qui opem ferret, non appareret. Is Christus erat, quem seculum pater, ut prostratā erigeret uineam, imò quò nouam sereret, ut seuit, eroreq; proprio adeò ubertim irrigaret, ut illam perpetua efficeret uiriditate æternam. Et de quo illud quod sequitur, additum uidetur.

Fiat manus tua super uirum dexteræ tuæ, & super filium hominis, quem confirmasti tibi.



**C** Iam tandem qualis sit filius, exprimit spiritus: nempe uirum dexteræ, imò uerò etiam ipsam dexteram patris, per quam facta sunt omnia. Fiat, inquit, manus tua: hoc est, iam demum quæcunq; pollicitus es de filio, re præsta. Appareat uis illa tua tandem potentissima, inaudita, insolita, planeq; incomprehensibilis. Quis id humanis unquam asserat argumentis, ipsum Dei filium, patri coæternum, eiusdemq; naturæ & potestatis, posse aliquando hominis filium effici: & eum quidem despectum, ac uix ob uitæ tenuitatem, uulgiq; impropria, & derisiones, hominem? Verum tam uili & abiecto ex oriente filio, fastus omnis atq; arrogantia corruit Aegypti: superbissimisq; eiectis Cananæis, dilecta insita est uinea. Quid nos? O profundissimum mysterium. Adeo sanè arctè conglutinati sumus tibi, ô Dei unigenite, ut à te excidi planè arduū sit. Tu uitis, nos palmites, proinde in te uiuimus.

Et non discedimus à te, uiuificabis nos, & nomē tuū inuocabimus. Discedemus à te, per futurum uertunt Hebræi: Græci uerò, discedamus. Aspice benignitatem Christi, qui non solum propterea in mundum uenit, ut colapsam errantemq; restitueret uineā, uerum etiā ipsamet, quò arctior inter Deū atq; homines esset nexus, factus est uitis. Nos itaq; palmites, ille uitis, pater uerò agricola. En quomodo prostrata, à ferisq; depasta, restituta est uinea. Quod sanè prudentissimam Vatis animam non latuit, ideo in illa fidei plenissima prorupit uerba: Non discedemus amplius à te, ô Deus, quemadmodum populus ille discessit rebellis: idcirco tanquam palmes à uite abscissus interiit. Ergo illis luxuriantibus ueluti pampinis detruncatis, uiuificabis nos, atque in te inferens uitam dabis perennem. Interim uerò tua in religione & cultu, crudelissimis etiam inuitis è sylua apris ac feris, immoti prostabimus, tuumq; sanctissimum laudabimus nomen: quod qui seriò inuocauerit, saluus actutū erit. Vide quid de se huic succinens uaticinio asseuerat Christus: Ego, inquit, sum uitis, uos palmites: qui manet in me, & ego in illo. Nos uerò interea non discedemus à te, & uiuificabis nos. En uitis unā suis cum palmitibus unio, atque eadem propè natura. Hæc enim omnia unus atque idem operatur Amor. Verum quoniam à te dictum esse nouimus, ô præceptor, Sine me nihil potestis facere: ita & nos repensa fidei uice dicimus,

Domine Deus uirtutum conuerte nos, & ostende faciem tuam, & salui erimus.

Iam pulcherrimo uersu clauditur intercalari psalmus, in quo totam omnino beatitudinis nostræ summam uidere licet. Primum est enim, ut nos Deus iam dudum auersos cōuertat. Deinde, ut sui nobis fauoris ac luminis faciem in hoc miserando uitæ labyrintho demonstret. Postremò, ut peracto uirtutum cursu nos saluos faciat, quocirca ter hîc à Vate intersertus est uersus. Magnum profectò id est doctrinæ spiritus argumentum, uiam qua itur ad Deum non ignorari. Quòd porrò nos benignissimus ad se conuertat pater, quodq; fauentissime benignitati, qui gratis seruat sperantes in se, Cui proinde laus sit atq; honor in secula seculorum. Amen.

PSALMVS LXXXI.

Vincenti super torcular. Asaph.



Xultate Deo adiutori nostro &c. Volunt nonnulli hunc psalmum à Vate idcirco compositum, ut in festo tabernaculorum, quod quintadecima die mensis septimi, September is erat, collectis iam frugibus celebrabatur, decantaretur. Vnde est illud in Deut. præceptum: Solennitatē tabernaculoorū celebrabis per septem dies, quando collegeris de area, & de torculari fruges tuas, quare in titulo torcularis mentionem fieri arbitrantur.



rantur. Alij uerò afferunt instrumentū fuisse musicum, quo Asaph cantorum princeps in hoc cōcinendo usus est psalmo. qui tamen cæterarum quoq; solennitatum, quæ in memoriam beneficiorū Dei institutæ fuerant, nos admonens, summa illas animi alacritate fieri hortatur. Eam ob rem ab exultationis uoce sic suum auspicatur exordium.

Exultate Deo adiutori nostro, iubilate Deo Iacob. Sumite psalmū & date tympanum, psalterium iucundum cum cithara. Buccinate in neomenia tuba, in insigni die solennitatis uestræ.

Sic Felix: Sumite carmen, pulsate tympanū, citharam iucundā cum Nablo. De Nablo & psalterio aliās diximus. Mos is erat Iudeis, ut dies festos huiusmodi, ingenti tubarū clangore, uocibus quoq; humanis uario cōmixtis instrumentorum genere, celebrarent. Inter cæteras enim solennitates, prima illa erat Azimorum, & Paschæ. Post quā, quinquaginta transactis diebus, in memoriam datæ legis alia celebrabatur, quam Pentecosten appellare libuit. Deinde tabernaculorum alia, de qua sic iussit Deus: Habitabitis in umbraculis septem diebus. Alia deinceps erant rudi populo ad tempus præceptæ, quarum uarietate ac reuerentia delectatus, disceret aliquando in Deū spiritu transferri: quod sanè nunquam fecit. Id enim iam tunc quidem aliū magis gratum spectabat populum, nempe gentium, quæ totam uastam illam atque onerosam rituum ceremoniarum congeriē, in unum duntaxat fidei cultū reducturæ essent. Hæc est Ecclesia Christi, quæ suos mirabili rerum mysterio sub harmoniæ uocibus delitescente, extollendum Dei nomen adhortatur, clamatq;: O filij, ô qui, superatis Aegyptiarum, traiectoq; sinu illo procelloso mundi, ad promissas uobis sedes properatis, exultate Deo, cuius uirtute seruati estis: iubilate, diemq; festum in eius honorē agite, qui purissimo uiro Iacob nusquā non suis in aduersitatibus p̄sto adfuit. Quid aliud, aliud carmen, aliud tympanū, lyra alia, aut cithara, & Nablum, sumenda sunt, pulsandaq; quàm illa, quæ mortuorū neruis animalium, seu ex ære fidibus, ad harmoniam aptari solent. Viuis id enim agitur instrumentis iubilationem per confessionem fidei erumpendum, pulsandumq; mortificationis tympanū, non tantum sensuum, quantū sapientiæ propriæ, propriiq; amoris, & iustitiæ. Cui & suauissimi soni lyra, ac Viola, cōmodæ scilicet conuerſationis, minusq; morosæ consuetudinis gratia cum cæteris, ac tuba uerbi Dei iugantur, qua admonitæ circumiacentes passim regiones, noua facta esse omnino in Christo intelligant, sciantq; sabbatum domini aduentasse, quod illud domini aureis conscriptū literis secum attulit mandatum: Omne opus seruale non legetis in eo. Clangite itaq; tuba, non rauca illa quidem, aut meticulosa, ut igitur solent predicatorum, sed aperta, sed ingenua, sed uocalissima, in neomenia, nempe in nouilunio, quia noua facti sumus creatura in Deo. Is quippe dies insigne debet esse ornatus solennitate,

Quia præceptum in Israël est, & iudicium Deo Iacob.

Præceptum in hoc loco idem ferè est, quod iudicium, & testimonium, seu statutum, ut uertit Felix. Omnis, inquit Deus in Levitico, qui de genere est Israël, manebit in tabernaculis, ut discant posterij uestri, quod in tabernaculis habitare fecerim filios Israël, cum educerem eos de terra Aegypti. Ceterum, quod aliās admonuimus, siue Israël, siue Iacob, quod idem est, siue Ioseph in scripturis inuenias translata positos, ibi sanctos Dei uiros intelligi ne dubitaueris. Quod si porro tribum Ioseph, qui nullam constituit, à Deo negligi, ut in superiore psalmo uideri potest, legere contigerit, Manasse tribum atque Ephraim, ne tribum illi demus, qui nullam habuit, intelligamus, Præceptum igitur



c Dei æternum est ac decretū, ut sanctissimū illius nomen atq; honorē, in spiritus alacritate ac fide celebremus, Siquidem

Testimonium in Ioseph posuit illud, cū exiret de terra Ægypti, linguam quam non nouerat, audiuit.

Statutum, inquit, illud celebrandarū solennitatum fuit in signum ac testimonium Ioseph, nempe uerē credentibus, cū egressi ē caliginoso mundi regnō, in regnum claritatis filij Dei per aquam & spiritū fuerint introducti: tum dico quando primū Dei audita fuit lingua, non antea tam clarē audita, quod est Euangelium Christi, optimū nimirum apportatæ salutis nunciū. Ex quo summo exultandum est tripudio, nō in huius mundi cōmodis, & lautitia, sed in spiritu, in Deoq; ipso, qui perfectissimæ autor est salutis ac uitæ. Volunt quidam ex hebræo, inter quos Kimhi uir apprimē doctus & acutus, illud totum, cū exiret de terra Ægypti, ad Deum referri, hoc modo: Cū Deus exiret contra Ægyptum, ut suos ulcisceret (postea fit mutatio personæ) linguā tum audiebam, quā ignorabam. Chaldeæ uerō Paraphrastes ad Ioseph ē carceris squalore eductum refert, quem sensum secutum esse Campensem uideo, qui sic reddidit: Ratum illud seruari uoluit à posteris Ioseph, in memoriam eius, quod feliciter uersatus fuerit ipse in terra Ægypti, quō cū uenissemus, linguam quam non didicimus, audiebamus. Tum dico, quando benignissimus pater

Diuertit ab onerib, dorsum eius, manus eius in cophino seruierūt. Nulli dubium, quod Ægyptiorū lingua peregrina fuit Hebræis, ideo inaudita, & incognita. A cophino, seu ab ollis, aut à furno recesserunt, ex hebræo transferunt, ut sit sensus: Deus suorū humeros à gestandis Ægyptiorū oneribus, manusq; à coquendis laterib, atq; ollis uindicauit. Nota est historia in Exodi libro, quā duram seruierint seruitutē in Ægypto Hebræi. Oderant, inquit, filios Israël Ægyptij, & affligebant uidentes, & inuidentes eis, atq; ad amaritudinem perducebāt uitam eorū operibus duris luti & lateris. Non ab re quidem Ægypto liberationis. Siquidē nullum unquā exhibitū fuit dignius populo illi ingrato beneficiū, quodq; magis altissimis grauidū fuerit mysterijs. Totius enim Ecclesiæ imago simul & electio in eo copiosius, quā in cæteris penē innumeras, adumbrata fuit. Illic quidem primū gratuita à mundi tenebris deprehendit assertio, illic aspera uitiorū seruitus, illic baptismi, gratiarumq; Oceanus: illic demum numen, siue inter maris fluctus eundum sit, siue in desertis locis peragendum, suæ semper præstō est sponsæ. O quā amplius patet hīc campus animæ sese oblectandi, corradendiq; ex Ægypto tenebrarū altore preciosissimam illam supellectilem, qua expoliati sunt uiri illi populi Dei oppressores. Verū huic ego quidem tam sanctæ animæ non tam inuidens contemplationē, quā meam execrans tarditatē, ad psalmū subtristis redeo.

Inuocasti, inquit, me, & liberaui te, exaudiui te in abscondito tempestatis, probaui te apud aquam contradictionis.

Diuus Hieronymus uir præter sanctitatē ingenio felicissimo, atq; in explicandis prophetarū sensis acutissimo, sic nos hunc locum exponens admonet. Prophetæ, inquit, & psalmi ideo obscuri sunt, quoniam subito cū nescis persona mutatur. Hucusq; enim locutus est propheta. Nunc subito inducitur persona Dei loquentis ad populum, & dicentis: In tribulatione inuocasti me. Hæc diuus ille. Qualis uerō, quantus ue fuerit Hebræorū clamor in Ægypto, illud inter cætera testari potest, quod Deus Mosen alloquens sic ait: Vidi afflictionē populi mei in Ægypto, & clamorem eius audiui, propter duritiem eorū qui præstō (uide hīc tyrannorū faciem deliniatā) operibus. Quod autem inuocatus præstō tunc adfuerit illorū clamori, atq; eos liberauerit, canticum illud diuinū à Mose compo-



compositū, Cantemus dño, rei totius seriē, modumq; liberationis elegantissimē aperit. In abscondito tempestatis, Hebræi habent, in abscondito tonitruū: quod sardonad tonitruū referunt, quo exterritus Aegyptiorū exercitus fugam adornaue rat, dicens: Fugiamus Israël. De istiusmodi ē cœlis terrore, quo credīt Deus exterruisse Aegyptios, sic alio in psalmo loquit Vates: Vox tonitruī tui in rota. Paraphraſtes uerò sic rem absoluīt: Ad ea quæ in occulto postulasti, ego tibi respondi tonitru, quo hostes tuos exterrui. Nam quod nos legimus, exaudiui te, Hebræis est, respondi tibi. Præ timore quidē præſectorū, qui operibus lutī ac laterum præerant, ne mutire quidem audebant Hebræi. Idcirco in occulta cordis amaritudine ad Deū, quē liberatorē expectabāt, sua dirigebāt suspiria ac gemitus: quibus, ut hīc inquit spiritus, tonitru, atq; alijs istiusmodi ē cœlo signis, se affectam illorū uitā cernere præ se ferebat numen. His itaq; ait, in tui gratiam, o ingratissime, peractis, probaui te subito ad aquā contradictionis, an me amares: an fidē mihi, ut pollicitus fueras, adhiberes; an tui similis permaneres. Nihil mirum quidem expertus sum: siquidem pro donis, acerbissimas rependisti iniurias: pro gratia, murmurationes & cōtumelias: pro amore, odiū. Hęc est aqua, cui nomen iurgij datū fuit, propter murmurationes populi in deserto Cades, cū populus murmurauit cōtra Moſen, dicēs: Cur eduxisti Ecclesiā dñi in solitudinem, ut & nos & nostra iumēta moriamur? Quām hīc mihi, ne de alijs dicam, uendum est, ne saluberrimæ aquæ baptisimī, aquæ pacis, aquæ quæ fluunt cum silentio, fiant mihi aquæ cōtradictionis & iurgij cum Deo. Quid de suauissimo meo dicam seruatore: an mihi in signū factus est, cui contradicatur? uidebo ne illum, qui fons salutis est ac uitæ, positū esse in ruīnam multorū, & mortē? Heu me ingratum. Verū et si me millies eiecerit, spreueritq; & demū occiderit, adhuc in illo sperabo, audiamq; quid me admoneat, cūm dicit:

Audi popule meus & contestabor te. Israël si audieris me, nō erit in te Deus recens, neq; adorabis Deum alienum.

Selah antehunc uersum positū, diuinorū nos admonet beneficiorū erga homines: rursusq; hominū ingratitudinis in Deū. Qua re animaduersa, mirū nisi proſus insanias, iuresq; nunq; tam iniquam te uidisse cōtradictionē, quām hīc muneribus Deum, illinc hominē iniurijs mutuò (ut sic dicam) rixari. Deus recens, Hebræis est, extraneus. nam sequens hemistichius præcedentis est explatio. Non adorabis, inquit, Deum alienū. Cæterū Deus recens fuit uitulus ille aureus ab Aaron opere fabrefactus fusorio, recens factio: atq; illi quoq; quos impijſſimus erexit Hieroboam, clamans: Ecce dñj tui Israël, qui te eduxerunt de terra Aegypti. De dñjs autem gentium, quos alienos uocat Propheta, notiores sunt, quām ut à me nominatim recenscantur. Innumeri hī erant: adeò stolidum hominem turpiſſima inuaſerat de dñjs persuasio & religio: sed ad psalmū. Iudicatur huc Deus contestans populum ut se audiat. Si id quidem fecerit, bonum illum usurum fortuna, & prosperitate: sin minus, illum se suis, unde turpiſſime caderet, consilijs permissurum. Quid periculosius hominī cōtingere possit? Audī, inquit, popule mi. Per sanctē tibi polliceor Israël, si mihi auscultaueris: audi, ut nationes solent exteræ, coles Deum, præter me. Non tibi excidat quod Ego sum dominus Deus tuus, qui eduxi te de terra Aegypti.

Enim dictio, ne sensus interturbetur, eradenda est. Sic Felix: Ego dñs Deus tuus, qui exaltaui te de terra Aegypti. Ita ferè cæteri ex Hebræo. En quomodo crebrò excellentissimī, atq; stuporē omnē superantis miraculi, fugæ Aegyptiacę memoriā refricat spiritus, quippe quod unū maximē sacramentorū omniū summam cōtineat, & perfectionem; modò nō desint, qui excussa ab animo ignauia,



C atq; à corde immunditia, castissimis sese ingerat ad illa cōtemplanda, seu potius peruestiganda, cogitationibus. Illud maximè cauendū, ne nouus inter nos quispiam inueniatur Deus. Siquidem quod unusquisq; anxie nimium cupit & ueneratur, id illi Deus est. Quocirca meus potest esse, uel cum nō aduerto, Deus, uxor, scortum, pulsio, princeps, numus, dignitas, mitra, pileus, codex ipse etiam legis diuinæ, literatura, linguarum cognitio, tabula, catulus, addo & religiosissimæ uestes cilicinæ, perones, è saxoq; cubilia, aut puluinaria. Quid? nōne & his addi quoq; possunt digniora illa? propria consilia? propria sanctitas? iustitia? fides? dilectioq; ipsa in Deum, ac miracula? quis id credat? Heu quàm uaria sunt etiamnum idola, ac noui, nuperrimiq;, nunquam aliàs, uel ab ipsis simulachrorum inuentoribus excogitati dñj in terris. Cui nimirum rei amore nimio additum nullam aliam amoris alieni patitur cōmitionem & societate. Quare in tua ipsa fide ac iustitia, amorēq;, quo te in Deum rapi arbitraris, Deus ipse, ut finis quærendus est, idemq; amandus, & in primis, imò ipse solus adorandus. Alioqui tu in te permanens, de te oblectans, à teq; minimè exiens, de his quæ in te diligis, tibiq; adblandiris & applaudis, unum nouum conficis Deum; quo admissio, fides ex Deo ore prolatum maxima me afficit consolatione, meamq; penè emortuam exuscitat fidem.

Dilata, inquit, os tuum, & implebo illud.

Hoc est, aperi os tuum quantum potes, aperi cor, aperi si quid oblectū in te est, ac quicquid libuerit, postula. Hic mihi illud audire uideor seruatoris: Quæcūq; petieritis patrem in nomine meo, dabit uobis. Nulla sanè bonorū copia carere possunt, qui Deū amant. Vide facilitatē impetrādī à Deo rogata. Tantū, inquit, aperi os tuū, & sat est. Tritius illud est, quàm quod multis cōmonstramus: nempe principē, aut amicū quempiā percupidū effuse elargiri quod petitur, sic effari solitum, Aperi os, quod reliquū est, sine mea me uti liberalitate. Peto igitur doctum, atq; os, quantum ualeo, & cor aperiens, clamo. Quid clamas insane super contritione tua? Insanabilis est dolor tuus. Heu quis uicturus est, quando ista faciet Deus? Quid petis tandem? Te, nunquid aliud uis? te. Quem Deum in terris adoras? recens? ne factum? te. Quid amas? te. Me igitur habe. nihil aliud uolo, mi Deus; siquidem qui te habet, omnia habet, neq; illius ultrā protenditur desiderium; nam uotorum omnium te amantium, tu finis es & quies, atque ea quæ neque ex illis unus efficiaris, qui non direxerunt cum Deo cor suum, & qui nō custodierunt testamentum Dei, & in lege eius noluerunt ambulare. Tum dico, quando me contempsit,

Et non exaudiuit populus meus uocem meam, & Israël non intendit mihi.

Nunq̃, inquit, meis acquieuit cōsilijs populus meus dilectus, nec ipse Israël unquam sincero dilexit me affectu. Non desiderauit me, uertit Felix. Vtrunq; enim maximā in Iudæis arguit fuisse ingratitudinē, qui diuinis penè obruti beneficijs, nunq̃ sincerè tam beneficum amarūt donatorem. Verum uide quàm iuste par pari referat Deus his, qui salutaribus cōtemptis consilijs, proprijs tantummodo raptantur affectibus.

Et dimisi eos, inquit, secundum desideria cordis eorum, ibunt in adinuationibus suis.

Soli quippe illi sunt Dei, qui illius ducunt spiritum, nō humano, nempe errore & uago. Etenim qui diuinis nituntur inspirationib; nihil in rebus agēdis tam horret, q̃ suas sequi adinuationes, & ut hic legūt Hebræi, cōsilia. Vnde sic Felix. Et di-



Edidisti eum, nempe populum, in prauitate cordis sui. Ambulent in consilijs suis, hoc est, in præceptis corruant, postquã sic uolunt. Suas enim amant leges, ordinationesq; ab effectibus proprijs, nõ à meo spiritu formatas. Secundũ eas agitur uiuant, nullo nimirũ meo consilio adiuti. Hi quidem ut facile à probitate delabunt, ita superbiẽ nõ effugient notã. Quare permisi eos animo indurato inire quantũ uellent, & sua sequi cõsilia, qui nollent mea. In Salomone hac de re sic loquitur Deus: Comedent fructus uiæ suæ, suisq; consilijs saturabunt. ut planè nihil aliud sit fructus uiæ nostræ edere, proprijsq; saturari consilijs, quàm in præceptis ruere, nullumq; uitæ modum sequi, & rationem. Veruntamen nunquam tam procul auersi sumus à Deo, quin semper aliquis pateat ad illius gratiam aditus ac perfugium. Vnde sequitur:

Si populus meus audisset me, Israël si in uñs meis ambulasset, pro nihilo forsitan inimicos eorũ humiliassem: Et super tribulantes eos misissem manum meam.

Vtinam, uertit Felix, populus meus audisset me. Idem Paraphrastès: sed in secunda persona hos duos uersus legit. Vtinam, inquit, popule mi audisses. Operari hic Deus suas non negligi aspirationes & consilia, unde perfecta benè sanctitatis puiendi profiscitur ratio ac forma. Perplexam quidem omnia esse, atq; incõstantia necesse est, dum nostra sunt. Idcirco hinc querit dominus, populũ illum uis uis uiæ semitis contemptis, proprias, quæ ad interitũ ducerent, elegisse. Vtinam, inquit, durus ille auscultasset mihi populus, measq; pertriuisset uias. Ego enim ullo absq; labore & negotio, suos statim deiecissim hostes, manũq; meam in celestissimos illius persequutores extendissem. Volunt nõnulli dictionem, forsitan, ironicè positam; uerũ cum neq; in græcis, neq; in hebraicis codicibus habeatur, superflua uidetur illorũ expositio. Ex græco sic uerti posset: In nihilo sanè, hoc est, citra omnem laborem aut præmium inimicos eorum prostratissem. At totius illorum perfidiæ origo ea esse uidetur, quòd

Inimici domini mentiti sunt ei, & crit tempus eorum in secula.

Videtur hic tota diuinæ in homines excandescentiæ summa & ratio describi: quod homines cum permulta Deo polliceantur, ea tamen nonnunquã uiuunt si: quæ si nihil unquã polliciti fuissent. Quid hac stupiditate, atque, ut illud uocat Vates, mendacio impudentius? Olim enim Iudæi metu ingenti exanimati succinuerunt in Moysen dicentes: Omnia quæ præcepit nobis Deus faciemus, & obedientes. An uerò postea à promissis excesserint, nihil tam diligenter scribit Moyses, quàm ut illorum palàm faciat leuitatem. Quid nunc? quanta in baptismo, quanta in annorum accessione, quanta in professione, quanta in uotis, in sacramentis, & sciens & prudens, Deo, teste Ecclesia, pollicentur sum? Verũ me millies una die mentitum esse Christo, & sensi, & meam inestatus sum perfidiã. Quàm uerò castè seruent alijs, quæ promissere, mea non potest scire. Penè tamen adducor, ut nihil propemodum seruari credam. postquam non amplius Christum in mundo (utinam saltem in locis sacratoribus) uideram, suas exequi impietates, non tantũ uideo, quantũ nõ sine maximo animi dolore experior. At uerò tempus eorũ qui hæc agũt, erit in seculum, æterna ultimum erit mulcta, æterni cruciatus, æterna miseria. Videtur Paraphrastès hanc sententiam particulam ad Dei amicos, non ad hostes referre. Sic ille: Populus autem meus felicia uidisset tempora perpetuò. Idcirco additum esse opinantur,

Et cibauit illos ex adipe frumenti, & de petra melle saturauit eos.

Omnia hæc uerba ab Hebræis per præteritum subiunctiui temporis legunt, ita tamen quòd, si populus meus audisset me, subintelligant. Sic Felix: Odio habentes dominũ mentiti fuissent illi, & esset tempus illorum æternum: & cibasset



**C**illum adipe frumenti, & de rupe melle saturassem te. Et est mutatio personæ frequens in hoc Vate. Per adipem frumenti, frumenti florem ac medullam, seu similam, hoc est, bonorū omnium copiam intelligit; quemadmodum per mel de petra, rerum delicatarum abundantiam. Moses quoque suo in cantico tropo eodem est usus, dicens: Et sugeret mel de petra, oleumque de saxo durissimo. Mira sanè illic fuit regionis ubertas, simulac è saxis ea demanasse dicantur, quæ uix ui sub acto in solo ac miti, provenire consuecunt. Vehemens hyperbole est, qua mirum in modum nostra carpitur ignorantia, ad illudque unum tandem excitatur intelligendum, quod ibi deliciosissimus est paradysus, ubi est Dei timor, atque ad ea quæ sunt fidei, auditus. unde non immerito dictum fuit à Deo: Si populus meus audisset me. Quæ proinde hinc lateant mysteria, dicant alij: nos interim Christum ipsum panem uerum de cœlo datum ueneramur, atque ab illius ore, qui petra est, ac nostris in aduersis rupes, mel ac lac carpentes, audemus in cor eius, ubi misericordiae oleum inuenitur, commigrare, ibique castissimis anhelantes suspirijs ingemiscimus, raptamurque in illius amorē: sub cuius lingua, ut inquit sponsa, mel est & lac: cuiusque nomen, oleum late effusum esse prædicat. Quid suauius? quid dulcius ex ore illo tam bonis omnibus referto audire unquam potuissem, quam cum mihi dixit: Remittuntur tibi peccata tua, uade in pace: Omnem quidem deliciarum copiam ex his domini mei uerbis distillasse persensi. Sed tum maxime, cum illud totius iucunditatis ubertate plenissimum addidit: Dilata os tuum, & implebo illud. Cui ego: Audio domine, & uenio: tu uero interim traheme post te, ut curram in odore unguentorum tuorum. Cui laus sit perennis in secula seculorum. Amen.

## PSAL. LXXXII. Psalmus Asaph.

**D**eus stetit in synagoga deorum, in medio autem deos dii iudicat. Compertior res est, quam ut quispiam illam ignorare queat, homines dignitate conspicuos altiori, quam humana sufferat conditio, quidam in terris præ se ferre diuinum. Id proprium certè est Dei, atque ad ipsius pertinet maiestatem, mortis ac uitæ imperium habere. Idcirco diuina eos lex, qui huiusmodi ornati sunt potestate, diuino dignatur nomine, deos illos appellans. Illud obstrusus: qui sit, quod tot millia hominum iugo naturaliter obedientiae reluctantium, unius aliquando pareant imperio sapissimè tyranni, nihilque hominis in se habentis præter effigiem, atque illam plerumque turpem & monstrosam. Magnū propterea Dei donum esse semper existimaui, liberos atque ingenuè educatos nobis Dei operatur dilectio, qua suū semper ab æterno dilexit figmentū. Nonne & ipse quoque in primis, cum salutis humanæ fundaret exordium, tyrannorum hypocritarumque subiacuit iudicio tantus dominus? Qui tamen, quæ incomprehensibilis est illius bonitas, tantis nequaquam offensus iniurijs, illos, qui huiusmodi generis erant, homines semper admonuit, ne tam se suis in imperijs ac iudicijs efferatè haberent, quin Deum inter illorum cōuenticula præsentem esse sibi persuaderent, qui in suis omnem cupit esse in iudicando iustitiā & candorē. Quod sanè Dei consiliū non ignorans Vates, sic nostrates alloquitur iudices: Deus stetit in synagoga deorum, in medio autem deos dii iudicat. Reges, ut dixi, principes, iudices, magistratusque cæteri, atque adeo magis id, si animarum curatores appellantur: qui sunt Episcopi, antistites, prælati, & id genus alij, dii in scripturis appellantur: si boni sunt, Deus inter illos, tanquam dux & dominus, imò tanquam unus ex collegis ministris quoque, libentissimè diuersatur: si mali atque improbi, in medio illorum est tanquam iudex, atque ultor illorum acerrimus. Atqui, in medio esse, frequēs in scripturis usus est, poniturque pro præesse, ducere esse, principem, præfectum, dominum, atque nonnunquam unum ex illis, quibus cum conuersaris. Et ego, inquit, in medio eorum est Deus:



Deus: hoc est, dux illorū ero: imò familiaris, gregario cuiq; similis. Sensus igitur uelapidissimè exprimit à Paraphraste, is erit: Deus astitit cœtui illorū, qui præ cæteris potestātē in alios nacti sunt; in medio ipsorū iudicū, quæ officij illorum sunt, admonuit illos. Volūt porrò nōnulli duas in Christo naturas sub dictionibus, Deus stetit, abumbrari. Nam quòd Deus sit, id compertum omnino: quòd autē stet, aut ambulet, id iam non Dei est, sed hominis. Est igitur Christus Deus & homo, qui in ecclesia, ut diuus fatetur Hieronymus, alijs stat, alijs sedet, alijs ambulat, alijs dormit: & cū ipse sit immutabilis, pro nostra tamē uarietate mutatur, hæc ille. Cū ea itaq; sic se res habeat,

Vsquequo iudicatis iniquitatem, & facies peccatorum sumitis?

Eum quidē alicuius faciē sumere dicimus, cuius mores imitat, aut uitā, tum sermone, tum habitu quoq; ut in comœdijs sit, effingit. Eo igitur modo iudices peccatoris faciē assumere querimus, cū in peccatorū gratiā sententias profert. At itaq; Dei filius: Quousq; uos sufferā, ô quos sicut deos in terris esse uoletis. Vsquequo iudiciū pronūciatis iniquū: usquequo nulla habita ratione æquitate, in impiorum gratiā, piorumq; ruīnam sententias promulgatis? quandiu accipiat. Iudicate, quid reluctamini, quid ius uenditis?

Iudicate egeno & pupillo, humilem & pauperem iustificare. Eripi te pauperem, & egenum de manu peccatoris liberare.

Selah, qd penē exciderat, ante hos duos uersus interiectū nos admonet, q̃ ex terribile suū istuc malū in oculis dñi, nempe iustitiā à malis causidicis uenundari. Quòd si multi interdū re in eadē ac causa, iudices sunt, quanq̃ neutri alteros diligunt, impia tamen ac tyrānica uicissim collusionē in bonorū perniciem mutuas addūt operas. Tu mihi, inquiūt, faueas, ego tibi, Cernis unde orbis ferē uniuersis miserit interitus? Horū quippe cōiuratio ita iustitię nomen afflixit, ut penē totū exoleuerit. His itaq; à spiritu dici: A calumnijs illū, qui alieno destitutus auxilio, impar suo est aduersario, defendite, illiusq; patrociniū assumite. Cōteri-rogantiā superbiorū, succurrite pauperi ac mendico, uiduasq; & orphanos saluā ab omnibus direptos, ab impiorū ingluuie & ui, asserite. Verū nihil ago: Nescierunt, neq; intellexerunt, in tenebris ambulant, mouebuntur omnia fundamenta terræ.

Penē in illam quorundam adducor opinione, qui scribūt, iudices rectos, atq; aduocatos utentes legibus prout debent, meliorē uitā agere, q̃ hi, qui dicunt re ligiosi, quicq; in eremis solis uestuntur herbārū radicibus: ob id credo, quòd per totā pax orbis uniuersalis conseruatur, quemadmodū, si prauī sunt atq; iniqui, hoc est, omnia cōmiserunt & perturbant, ut terræ fundamenta, qd hīc canit Vates, & quatiānt. Vnde uerò malū id ortū habeat, principiū uersus aperit, quòd nescierūt, neq; quid quaq; in re præstandū sit, cōsiderauerūt. In tenebris, inquit, ambulant. Qui autē in tenebris ambulat, nescit quò sit eundum. Cupidi nam quippe rerum mundanarū, atq; ambitione exoculati, Dei iudicio in repro- sperari queat, tu met qui legis iudica. Est & alia fundamentorū terræ cōmotio, addit Paraphrastes, bases terræ tantū nō uideantur, Eò quidem interdum res nostræ dilabuntur, atque adeo propter iniquas quorundam sententias, atq; im- peria proterunt, ut iratū Deum mundanā hanc machinā funditus uelle euertere suspicemur. Quid uerò in causa sit quòd, quid agi debeat, nō uideāt dii isti no- strates, haud rarò à prophetis dictum fuit, sed illud potissimū à Hieremia: Om- nes pastores, inquit, pascet uentus. Illud quoq; Omnes isti principes declinan- tes, ambulantes fraudulenter, æs & ferrum, uniuersi corrupti sunt, At



**C** Ego dixi, dñi estis, & filij excelsi omnes: uos autem sicut homines moriemini, & sicut unus de principibus cadetis.

Inculcat pientissimus dñs, crebroq; istiusmodi deorū ingrati tudinē atq; inco gitantiā arguit. Volui, inquit, ut pro dñs in terris haberemini, iussiq; ut meas in iudicādis, erudiēdisq; populis, uices ageretis. Quid? Altissimi uos quoq; ipsius filios nō semel effectos esse pronūciaui. Veruntamē quia uos ut deos minimē, aut à Deo natos exhibuistis, nō ut dñi amplius, filijq; dei uiuetis, sed ut uilissime plebis homines, aut, quēadmodū solent ut plurimū tyrāni, moriemini. Citat hūc locū benignissimus Seruator in Ioāne, Iudeos arguēs, se nihil malē dixisse, quōd se Dei filiū appellasset, cum nōnulli quoq; simpliciter homines dñi appellati sint in terris. Nōne, inquit, scriptū est in lege uestra, Ego dixi, dñi estis? Si illos dixit deos, ad quos Dei sermo factus est, & nō potest solui scriptura, quē pater sancti ficauit & misit in mundū, uos dicitis quia blasphemās, quia dixi filius Dei sum? Diuus Hieron. uidet dictionē illam uniuersalē, omnes, ad quoscūq; quibuscor pus dedit Deus & animā & spiritū, referre; Aequaliter, inquit, omnes nascimur, & aequaliter morimur, æqualis omniū cōditio est. Illud quoq; unus de principi bus cadetis, de angelis è cœlo lapsis nōnulli intelligi debere arbitrant. Verū de tyrānis potius dici uidet, qui plerūq; execrabili mortis genere, aut repentino ab sumunt interitū. Iam & illud nō omittendū, secundi uersus principū clarius le gi ex hebræo. Sic Felix, atque adeo ceteri fermē: Veruntamen sicut homo, seu sicut Adam (maiorē id præ se fert cōtemptū) moriemini. O si id nostri seriō per penderent optimates: ō si se aliquando pastores, patres, deos tandem, atq; altissi mi filios idcirco appellatos, ut re præstet quod dicunt, reminiscerent: ō si. Quid ago? nescierūt, neq; intellexerūt, in tenebris ambulant. Eam ob rem, nō subdito rum forsan populorū, sed illorū culpa, mouebunt, ut cōtinuē mouentur, omnia fundamēta terræ. Quod quidem uniuersale orbis malum suis quoq; sublimens posteris Benedictus, sic de Abbate edisserit inter alia: Abbas, qui præesse dignus est monasterio, semper meminisse debet, qd dicit, & nomē maioris factis imple re. Christi enim uices se agere in monasterio existimet. quasi dicat, uices Christi gerit, nō tyranni aut feræ. Aurea profectō mei patris admonitio, ac digna, quē ui ce pictæ tabulæ aut statuæ, superliminarib, domorū præsulū (iam cellulæ esse de siere) affigat. Quare simulatq; omnia penē corrupta sunt uitæ studia in mundo,

Surge Deus iudica terrā, quoniā tu hereditabis in omnibus gentib. Tuiple, ō Deus, per teipsum, nō per impostores, noster esto arbiter & doctor. Tu, tu inquam, nō illi, nempe dñi, ac suo à nomine degeneres, quæcūq; in terra hac nōstra penē à te destituta agunt, iudica: atq; eo sanē modo tu totius hæres u niuersi, ac dñs cēseberis: nō illi, qui à tuo minimē spiritu uocati, sed ui atq; ambi tu intrusi nihil antiquius habent, q̃ quomodo abiecto clemētiæ nomine atq; hu manitatis, suis in iudicijs ac finitionib, nō te, sed scribas illos ueteres Iudeorū ac sacerdotes referāt. Vos aut qui hæc legitis, illius qui pius est pastor, atq; hæres à patre delegatus, hæreditas sunt, Cui honor sit & laus in seculorū secula. Amē.

PSAL. LXXXIII.

Canticum psalmi Asaph.



Eus quis similis tibi? ne taceas, neq; compescaris Deus. Quæcūq; opinent alij, cur Vates istud composuerit canticū, nos interim nihil cōpertī habentes, dicimus Dei populū hūc queri se à fini timorū impeti hostiū bellis & iniurijs: idcirco illos, anteaq; uictoria potiant, ab sumi, radicitusq; euelli rogitat. Effigies hæc est Ecclesiæ, quæ interdū adeo saue cum ab hæreticis, tum à fucatis religiosiis uexari cōtingit, ut ferē à sponso negli gi uideat. quare maximo quāto potest clamore, atq; anxietate, ut hi solent qui in profundū aliquē puteū aut amnē delapsi sunt, orat, exclamatq; Deus quis simi lis tibi? ne taceas, neq; compescaris Deus, Mi Deus, inquit, quis adco, ut tu, qui Deus



Deus deorū diceris, potens est, atq; ad ferendas suppetias facilis: ne igitur amplius taceas, ne dissimules, ne ad tam patētes cōiueas turbas. hucusq; eī tacuisti, uimq; illam tuæ potentiaē infinitam cōpescuisti: iam, oro, qualis sis ostende.

Quoniā ecce inimici tui sonuerūt, & qui oderūt te, extulerūt caput. Illud nō prātermittendū in primo uersu, quis similis erit tibi, in hebræo non inueniri, sed sic tantūmodo, ut uertit Felix: Deus ne taceas tibi, ne sileas, & ne quiescas. Hisce enim repetitis uocibus, insupportabilem omnino prātendit animi dolorem. Sed neq; illud quod nostra habet æditio, suo caret affectu. Res quidē est, quæ ingentē in anima ualde anxia cōmouet admirationē. Quis similis, inquit, tui? quis tam potens? tam certus? tam ab omni simulatione alienus? Ecce tam facinus planē intolerandum. Inimici tui perstrepētes, tumultuantesq;, ac caput, tanq; te in pugna uicerint, extollentes, ira atq; armis insonuere. Addunt & aliud manifestissimū in te odiū signum. Nam

Super populum tuum malignauerunt consilium, & cogitauerūt aduersus sanctos tuos.

Isti, inquit, maligni, perfidiosi q; uilitigatores, nequissimū inierūt cōsiliū contra populū tuum, nempe contra illos, qui idcirco mundo infensi sunt, quia de mundo non sunt. Etenim mundus quos suos esse nō dubitat, amat, amplectitur, suisq; dicit bonis: ut ferē sunt fastuosi, arrogantes, inuidi, libidinosi: hi qui cogitauerūt aduersus sanctos tuos. Absconditos tuos, habent Hebræi: hoc est, qui occulta illis ipsis arrogantibus ratione, tibi curæ sunt, ac tutela. Res quidē obstrusæ spiritus sceleratis omnino obrectæ sunt ingenijs. Sed quid tantum, longum post strepitum minarum & oblocutionū, cogitauerunt: quid machinati sunt: quid dixerunt inter sese?

Dixerunt: Venite & disperdamus eos de gente, & non memoretur nomen Israël ultra.

Adeste, inquit, o nostri cōiuratores, atq; ita illos uariē dissipemus, disperdamusq;, ut amplius gens nō sint (sic Felix interpretat) nec nomē iusti, aut memoriam in terris amplius sit reliqua. Intereāt funditus, qui nostræ aduersant tyranni atq; imperio. Videor hīc mihi uerba illa audire regis Aegyptij de Hebræis: Venite, ait, opprimamus eos, ne fortē multiplicentur. Siquidem tyrānis illa in primis est cura, ne boni multiplicentur: quare acerbissimæ interdum in ciuitatibus audiuntur proscriptiones, exilia, neces, calamitatesq; diuersæ & crudeles. Opprimamus, inquit, illorum nomen, fortunasq; diripiamus: alioqui quis nostris obtemperabit legibus: nudi certē nudis imperabimus parietibus. Hæc faciemus, confilia sunt Aegyptiorū: quorū moribus atq; insolentia tota iam corrupta est bene uiuendi puritas, nutat fides, ac lacera, uel usq; ad secretissimū Dei thronū clamat innocentia, queriturq; nullam sibi in terris sedem iam esse.

Quoniam cogitauerunt unanimiter simul, aduersum te testamentū disposuerunt tabernacula Idumæorū & Ismaelitæ, Moab & Agarenī, Gebal & Ammon, & Amalech, Alienigenæ cum habitantibus Tyrū.

Colluiem hīc narrat hostium populi Dei Vates, qui percusso ueluti foedere inter sese, in Deum ipsum conspirasse uisi sunt. Verū nihil propē agimus, nisi a spiritu edoctus unusquisque, qui sint inter nos Idumæi aut Ismaelitæ, qui Ioseph emant puerum, qui Moabitæ, qui Agarenī, & id genus alij Ecclesiæ hostes, prudentissimē apud se discernat. Aliter certē tot inter hostes positi, & eos quidem, qui nostro notati sunt symbolo, uix absque periculo tuti erimus. O infelicitas, clamat Hieronymus, Non potest populus Dei tantam in bono habere concordiam, quantam mali habent in malo? Notat Kimhi Hebræus, diuturnum hīc prælium per dictionem Tabernacula, signari, quibus me-



**C**onditionales maximè populi, ut sunt Ismaelitæ, Aedomitæ, Agarenique ab Agar Abraham ancilla procreati, utebantur. Hi enim cum cæteris, qui hîc à Vate connumerant, infestissimi semper extiterunt Iudæis hostes: ut in præsentia sunt quorūque inter nos, quorū umbra fuere populi illi ferales & indomiti. Idumæi quidē, seu Aedomitæ, ab Aedom, qui & Esau, originē habuere; hostes nimirū acerrimi populi Israël, quemadmodū Esau fuit Iacob. Ismaelitæ ab Ismaël filio Abraham prognati sunt. Moab & Ammon, unde Moabitæ & Ammonitæ denominant, à Loth è duabus suis filiabus descenderūt. Agareni uerò ab Agar, ut dixi, ancilla Abraham, quā Ceturam esse, quā post mortē Sara in uxorē duxit Abraham, nōnulli opinant. Et hi malunt à Sarra Sarraceni, quā Agareni ab Agar dici. Gebal siue Gebalitarū originē se ignorare affirmant doctiores: secus autem indocti, qui de omnibus differere, etiam cum iniuria spiritus, non uerentur. Quòd si tamen de Gebalitis aliquid suspicari fas est, non absurdum forsitan erit opinari posteros illos fuisse Hebal unius ex filiis Iectan, ut in decimo Geneseos capite uidere licet. Amalech item, ex quo Amalechitæ, filius fuit Eliphathi filij Esau. Cæterum alienigenæ, Hebræis est Philistijn, qui perpetui fuerunt hostes Iudæis, Tyrij autem olim confœderati cum Iudæis, unā postea cum cæteris finitimis populis à fœdere desiscentes, iunctisque copijs cum rege Assyriorū, eos admodum prælijs infestant, quamobrem additum est,

Etenim Assur uenit cum illis, & facti sunt in adiutorium filijs Loth. Hoc est, Moabitis atq; Ammonitis. Hi itaq; omnes uno animo, licet diuersis temporibus, in Dei populum, imò in ipsum Deum conspirantes, fœdus sanxerunt, sancientesq; cōtinuè, ac castra ad proborū exitiū metati, nihil nō agunt, quòd probitas è terris excedat, aut unā cum fidei exercitu in bello occumbat. Verū, o dñe, o, cui non tantum res cœlestes, quantū quoq; terrenæ atq; imæ sunt curæ, **D** Fac illis sicut Madian & Sysaræ, sicut Iabin in torrente Cyson. Disperierunt in Endor, facti sunt ut stercus terræ. *Rursus,* Pone principes eorum sicut Oreb & Zeb, & Zebee, & Salmana.

Selah ante hunc uersum positū nos admonet illorū quæ nūc fiunt, quorumq; imagines ea quæ dicta sunt de gente illa Iudæorum populo infensa atq; odiosa, adumbrabant. Adeò uix credi potest piorū uitā nō solū ab exteris, uerumetiam ab ipsis propinquis, atq; eiusdē sanguinis, religionisque hominib; assiduè uexari: ut nō rarò Iudæis cōtingit. Ceterū Madianitæ à Madian Abraham filio descenderūt, qui iunctis sibi Amalechitis, atq; alijs Iudeorū nomini, atq; eorū successibus inuidientibus, omni ferè anno regionē illam militū incursionibus profligantes, ita illis molesti erāt, ut in speluncis eos sæpenumero sese abdere cogerēt. Quos tamen Deus ita postea, Gedeone duce, metu exterruit, ut se mutuis consilijs dispartitisq; cōtrucidarent uulneribus. Porro Sysara fuit dux exercitus Iabin regis Canaanitarū, qui propter torrentē Cyson, Endorq; fontē à Deo debellatus, actusq; in fugam, à Iaël uxore Heber Cinei clauo capiti infixio interemptus fuit. Oreb uerò & Zeb, Madianitæ factionis principes in prælio capti à populo occisi sunt, quēadmodū illorū reges Zebee & Salmana à Gedeone. Qui quidē omnes facti sunt ut stercus terræ: nā de illis legi, quòd illorū corpora ab undis correpta, atq; ad littus proiecta, sine honore inhumata iacuerunt. Vnde sic Paraph. Qui perierunt in Endor relictī ad stercorendos agros insepulti. Eodē porro fati generis perierunt

Oīes principes eorū q dixerūt, hereditate possideam<sup>9</sup> sanctuariū dei. Sanctuariū Dei appellat religionis cultū unā cū tabernaculo atq; arca fœderis, quæ omnia maximā cōciuerāt apud externos in Iudæos inuidiā. Quare gens illa impia utpote numine uacua, sic inter se: Iure hæc quidē nobis cōtingūt hereditario, idcirco uel atq; armis illa adeamus. Atqui hæc forsitan à Moabitis, quòd maius excitarent odiū in Iudæos, in castris iactabant. Nam hi questī fuerāt se à Iudæis eiectos



electos è terra sibi debita, cum Aegyptios fugerent. Eam ob rem Ieptè Galaaditarum duci se cōtra eos ad pugnā cum exercitu pręparantī, percunctantīq; cur Ammon cōtra Israhēlem arma mouisset, respondit: Quia tulit Israhēl terrā meam, quando ascendit de Aegypto, à finibus Arnon usq; Ieboch, atq; Iordanē. Et de his satis. Dei sanctuariū & templū, quod sibi lege quodāmodo hæreditaria possunt impuri & flagitiosi, credentiū unitas est, de qua sic Paulus: Templum Dei sanctū est, quod estis uos. Ammon uerò acerrimū Israhēlitarū hostem, è Loth tamen Abrahamæ cōsanguineo, nēpe illius fratris filio descendente, populū turbidū interpretant. Heu q̄ sępe Christi sponsa à proprijs filijs, à familiaribus, ab ipsis quoq; quorū fidei à sponso peregrē proficiscenti cōmendata est, affligit & uulneratur. Verū tu o qui potes, simulac tam efferi sunt cum suis fœderatis Ammonitæ isti superbissimi, ut nullis quamlibet instructis cedant proborum copijs,

Deus meus pone illos ut rotam, & sicut stipulam ante faciem uenti. En multa eis digna, qui spem suam perinde atq; si imæ res istæ mundi æternæ essent, in fortunæ uolubilitate firmare nituntur, Deum autem solidum bonum contemnunt. Hos itaq; (postquam sic turpissimi illorum mores exigunt, neq; aliquid quod firmum sit expetunt) rotæ per similes fac, ac stipulæ, quæ uenit exposita huc atq; illuc circumfertur; nempe inconstantes, uarios, atq; in omnibus animi leuitatem demonstrantes. Ad hæc

Sicut ignis qui comburit syluas, & sicut flamma comburens mōtes, ita persequēris illos in tempestate tua, & in ira tua turbabis eos.

Mirū q̄ ex candescenti cōmoueat affectu Vates in illuuiem istam hominū Dei sanctuariū dehonestare conantiū. Hī quippe sunt magis, qui in Ecclesiæ uisceribus lautè ociantes, animantiū more saginant, quàm qui extrā positi, & ui & amīs in bonorū cœtus crudelissimè debacchantur. Verum quoniā sterilissimæ similes sunt syluæ, aut absq; fructuū decore nemori, monti quoq; altissimo nulli apto: sic irreparabili ac concito ab humanis eos tolli uult spiritus euentu, quo sylua opaca densaq; arboribus cōburi solet immisso igni; aut mons nemorosus, uentisq; ob altitudinē undecunq; expositus, cuius cacumen flamma incens aggressa, latè omnia ullo absq; impedimento depopulatur. Aspice q̄ aptis uisceribus Vates similitudinibus ad exprimendam Dei ultionē in hostes Ecclesiæ, atq; illius partis fautorū, ut ferè sunt omnes, qui abiecta mūdi gloria & ambitione, suā habent in cœlis conuersationē. Non dici facile potest quantū hī mūdi iniurijs expositi sint. Ceterū de affectibus illis in Deo horrendis, iræ, furoris, & similibus, iam aliàs diximus: hisce enim uocibus, iusta in illo peccata ulciscendi cōnotio arguitur. Nōne summo is exitio dignus censebit, propter quē adeo offenditur Deus, ut ad iram, furoremq; prouocari dicat? At tu uide spiritus suauitatem; uide, inquam, quod diræ illæ demum tendant Vatis imprecationes.

Imple, inquit, facies eorum ignominia, & quærent nomen tuum dñe. Icti forsan & confusi, te iandudum amissum quærēt, qui in lauta alti fortuna, ne tui quidem memoriā retinent. O necessariā uerberū assiduitatē, qua interdū uel ipsi perditissimi Dei hostes admoniti, ex hostibus fiunt amici, ex fugacibus seruis filij, ex hominibus diij. Perfunde, ait, illorum facies confusione & ignominia, fac eos parumper cōtemptibiles, fac odiosos, ut uel sic ab omnibus conspuant, uel læsi nominis placationem quærere compellantur.

Erubescant & conturbentur in seculum seculi, & confundantur & pereant.

Nihil enim ardentissimæ huic Vatis exaggerationi posse addi uidetur, adeo ut sibi ardentium affectuum mirè ardens, ardentissimus fabrefecit spiritus. Vi disti ne unq; puerū ab aliquo iniurijs affectum, idcirco flentem, causamq; suam




**C** parentibus interiectis singulibus exponente: Quid tum pater? Tenelli quidem pueri æquè ad risum atque ad lachrymas facilis partes assumens, in offensorum subridens acerbis minacibusque inuehitur uerbis, exaggerat, urget, inculcat, excandescitque, & plagas nescio quas fictas insigere simulat. Et hæc quidem omnia, non seriò quidè, aut quòd reuera leues illas alterius pueri iniurias ulcisci quærat, uerùm quòd filiũ placet, uimque illi, qua in se sperare cõdiscat, insinuet. Ita nimirũ interdum pro suis agit Dei spiritus, ne nimis iniuriosorum hominũ persecutionibus, remorati, qualisque à pietissimo patre destituti sint, abijciant animum, eoque immanitatis prolabatur, ut unà cum illis Deum esse negent. Vide exaggerationem: erubescant, confundantur, conturbentur, pereant tandem. Quid his uerbis acrius? Verùm id agit, ut resipiscentes Dei gratiam spontaneo reiectam cõsilio & uoluntate, tum quærant, tum maximo animi conatu, ut res charæ solent, inueniam retineant; atque eo sanè modo correcti, mentis oculos longa peccandi cõsuetudine tanquam cataclisi obnubilatos aperiant.

Et cognoscant quia nomen tibi dñs, tu solus altissimus in omni terra. Vtrunque enim populũ, siue eum qui fide per gratiã seruauit, siue illũ qui induratus suapte sponte æternis tradendus est pœnis, Dei nomẽ immensum, atque unicè tremendũ, in terris fateri necesse est. Sic Paraph. Vt sciant te esse illũ, cui soli nomen est rei respõdens, altissimo dño, in omnia potestatem habenti per uniuersam terrã. In alio psalmo sic de se loquitur Vates: Psallã nomini dñi altissimi, eternũ excelsus est super omnes deos, Cui laus sit atque honos in secula seculorũ. Amen

PSAL. LXXXIII. Vincenti super torcular filiorum Choræ, psalmus.

**D**



Vam dilecta tabernacula tua domine uirtutum. Videtur in hoc psalmo Vates eodem affici mœrore, quo in illo, cuius initium est: Quemadmodũ desiderat ceruus, Bellorũ quippe tumul- tu & periculo, maximè cõtra filiũ, impeditus, diuinis haudquaquam poterat interesse ceremonijs & festiuitatibus, quæ tum fortè cõtigissent. At uerò dies festos alios, ac sacra tabernaculaque alia & ceremonias, quæ illæ erant quæ corporeis ornabant ritibus ac pompis, animo pertractasse Vatem iudico, quãdo ad celestium rerũ cognitionẽ, quarũ uetus illa religio umbra fuit atque imago, ascitus, exclamauit: Quãm dilecta tabernacula tua dñe uirtutũ, nõ ultrà primus protendi uersus Hebræis. Quãm amabilia, inquit, sunt tua, ô potentissime, domicilia: quæ omnib. digna desiderijs. proinde quæ maximo afficior dolore, me neque ad hæc, quæ hinc manufacta sunt in terris, neque ad illa multò magis, quæ tu in celis unà cũ tuis æterna habitas mansionẽ, posse ea, qua tua decet peragi, occurrere religione. Possum ea quidè ardentè, ut die noctuque facio, desiderare: sed in ipsis meis mœstissimũ in modũ perturbor, cõtabescoque desiderijs, uixque apud me sum. certè nõ dissimulatèr

Concupiscit & deficit anima mea in atria domini.

Vide quæ ardenti prædita debet esse anima desiderio, quæ celestia appetit, ut præ desiderio atque amore deficere appareat. Id profectò diuinorũ agunt appetentia si uehementes sunt, ut animã penè extra corpus rapiant, tantoque afficiant ardore rem illam quã deperit obtinendi, ut tota iam sit in ea magis, quæ in se: hoc est enim, quod hinc gessit dicere propheta. Alij, inquit Hieronymus, desiderant possessiones, alij seculi istius delicias, alij apparere in Ecclesijs, & gloriam habere apud homines: mihi autem hoc solum desiderium est, uidere æterna tabernacula illa scilicet, ubi congregatio est, non uitiorũ, sed uirtutum. De desiderio Cardinale latus, ad quẽ nunc plerique ne semidocti quidem aspirant, nulla à Hieronymo fit mentio, quoniam nondum suo tempore ordo is celebris inuentus erat. Ergo ca- solũmodo appetenda sunt domicilia, hi amandi cõuentus, in quibus suã habet se- dem spiritus uirtutũ omnium, & gratiarũ erogator: non mundus rerũ alter illarũ, quæ



quæ nos prorsus numini reddunt odiosos, quarūq; eæ duæ in primis cōspiciuæ magis sunt, ac letales, discordia & ambitio; his enim feris è Christi uinea reiectis, quid non tutum? quid non Deo dignum? Idcirco subinfert Vates:

Cor meum & caro mea exultauerunt in Deum uiuum.

Id absq; dubio inter nos, qui queat dicere, inueni nemo, præter illum, qui in Deū totus est raptus. Etenim miraculo persimile uidet̃ esse, si cor, & caro, aliō qui spiritui rebelles, in id cōsentiant: sed ea est amoris uis erga Deū, & robur, ut cordis gaudiū ab amore conceptū in ipsa quoq; descendat membra, faciatq; pene ex duabus dissimilib. naturis unū quoddam in terris cœlestē, planēq; beatū: & id quidem per Deum illum uiuum, qui uitā omnīū autor est, sed præcipuē animæ, cuius ille uita est, quemadmodum sui ipsa corporis. Quocirca ipse de se se suos alloquitur discipulos dominus apud Ioannē: In mundo quidem pressuram habebitis, in me pacem. En uita animæ, pax scilicet in Deo.

Etenim passer inuenit sibi domū, & turtur nidum, ubi reponat pullos suos: altaria tua domine uirtutum, rex meus, & Deus meus.

Hucusq; tertius huius psalmi uersus legi ab Hebræis: quibus etiā nō turtur, sed hirundo potius est. Suam enim causam hīce attenuat uocibus Prophetæ. Si quidem cum hirūdinī aut passerī, is naturaliter mos sit, ut in hominū domicilijs suos struant nidos, labor tamen eorū sæpenumero cassus reddit̃, cū ab incolis eorū derubatur. Verū nō propterea cedunt auiculæ pertinaces, sed ab una eiectione parte, in alia nouū incēptant nidi opus. Haud sic mihi, inquit, cōtingit, qui tua à domo fugatus, ab altari quoq; tuo, à sacris, à religionis pompa, ô dñe exortum, rex meus & Deus meus, longè propellor. Volunt nōnulli reticentiā, ut in magnopere mœrentibus sit, hīc esse: ac si diceret, hirundo ne passer ne sibi, pullisq; suis etiā iuxta altaria nidificare permittitur? quid ego? Heu sortem meā omnīū miserrimā. Altaria ipsa tua ne uidere quidem possum, cū tamen te meū dominū, & eum quidem potentissimū, meumq; regem, & Deum tandem esse uoluerim. Quibusdam uerò uisum est, quòd facta de passere ac turture mentione, suis in extruendis nidis, in quibus tranquillè uiuant, sedulis & operosis, tranquillæ olim uitæ illi in mentē uenisse: proinde illud idem, quod in principio egit psalmi, exclamasse: Quàm dilecta altaria tua domine, q̃ tranquillæ religio, q̃ puicetus, ô dñe uirtutū, rex meus, & Deus meus. Cæterū hīc animus ab incorporeis rebus minimè auertendus est. Altaria quippe ad inuisibilem illum cultum, qui in corde transigitur, referenda sunt. Idcirco additum est:

Beati qui habitant in domo tua dñe, in secula seculorū laudabūt te.

Ecce quomodo beatos illos appellat, qui suam cum Deo habētes mansionē, cuius fabricator amor est, perpetuā laudandi Deū adepti sunt occasionē. Nulla quidem felicitas cum hac cōparanda. Quid ultra expetere debet anima? Quid in hoc satis per se arduo, & inquieto uitæ diuersorio in primis illi esse debet, si sui compos est, nisi ut illo in loco statuāt, in quo summa sit quies, pax, ociū, atq; exollendi Dei nomen, dilatandiq; illius cultū & religionē, necessaria quædam offeratur occasio? Is est sinus Ecclesiæ, in cuius cōplexu, cruento nimirū & spinoso, extinctus est autor uitæ: ob cuius necē uera omnibus, quæ fide uiuit, restituta est uita. Obserua igitur quanta inest animæ felicitas, quæ in Ecclesiæ gremio, quicquid occurrat, requiescit. Cætera enim uana sunt, & inquieta, ut in hæreticis uidere licet: aut in illis quoq; qui cū ueros se Abrahamæ filios cultu nescio quomodo, referunt: sed continuis agitantur bellorū discordijs, ac perpetuis ad tumultum usq; odiorū æstribus, quod sanè ut dignè perpendatur, timeaturq; Selah huc attexitur. Itaq; non hi quidem beati, sed

Beatus uir, cuius est auxilium abs te, ascensiones in corde suo dispo-



c fuit, in ualle lachrymarū in loco quem posuit. Etenim benedictionē dabit legislator, ibunt de uirtute in uirtutem, uidebitur Deus deorum in Sion.

Quid sibi uelint hi uersus, nō difficile admodum uidetur posse intelligi, si de uiro illo simpliciter dici affirmemus, qui cū à Deo, ut par est, dependeat, uirtutum sibi gradus, quę sunt ascensiones quādam in anima eō perueniendi, quō in ualle hac miserię, loco nimirū quem sibi ad lachrymas elegit, prudentissimē format. Verū littera quę est Hebręis, aliud innuere uideť. Sic ferē omnes ex Hebræo; Beatus homo, cuius fortitudo in te est, semitę in corde eorum, hucusque est uersus. Postea aliū ordiuntur; Transeuntes per uallem fletus, fontes ponēt eam, atq; ita principiū sequentis uersus ē nostro, huic assuit, ad hunc modū: Etiā benedictionibus induetur doctor, seu, ut ex illo quoq; fonte transferunt nōnulli, etiam cisternas amiciet pluuię. Volunt studium populi adeundę domus Dei, & solitudinē, quam per semitas cordis significari opinantur, describi: hincq; puteos ad refocillandam multitudinē passim etiam in ipsa ualle lachrymarū, & fletus, nempe loco siticuloso atq; arenti, effodiendos, cisternasq; & piscinas, in quibus pluuięales reciperentur aquę, diligentissimē parandas, & sic illum, qui illud edocuerit cōmodum, omni ex parte, ut inquit Paraphrastes, diuinis muneribus, plebisq; laudibus ornandum esse. Et qui tales sunt, uirtutum adeō cumultū atq; incrementū accipient, ut apud Deum considere in Sion uidebuntur. Vide quā immensis extollendus sit laudibus, si quis alicuius publici inuentor est cōmodi, qui cum Deo uno sedere loco appareat. Apparebit, inquit Felix, apud Deum in Sion. Verū alio excutienda est sensu littera, alioquin obscura & dubia. Illis igitur qui uallem hanc mundi, in qua nihil est quod fletum nō moueat, transire parant, semitę in corde sunt; hoc est, diutius hīc cōmorari minimē expectant, sed obnixē ad anteriora, ut ait Paulus, sese extendentes, de uirtute in uirtutem, de claritate in claritatē, tanq; à Dei spiritu proficiscuntur. Et hi quidem uallem ipsam sic arentem & mœstam, ponēt fontes eam; id est, eam totam simul in dulcissimū conuertent aquarū fontem; nempe ē crucis amaritudine suauitatem haurient spiritus, atq; rerum omniū istiusmodi, sanctęq; huius philosophię doctor est Christus, qui multis donorū ornatus gratijs & benedictionibus, ē cœlo tanq; gigas ualidissimē exiens, in suos quicquid gratiarum in se habuit, id totum ferē profudit, ita ut iucundissimū sit illos intueri de uirtute in uirtutē, de fide in fidem incedere. Atq; hoc sanē modo tandem doctor ille eximius Iesus apparēbit apud Deū in Sion, hoc est, in fidelium cōuentu, in tabernaculis, nō peccatorum, sed fidei, in quibus pax unā cum castimonia suum habet diuersoriū, cōmorabitur; fœdas interim, impudicasq; superborū hominū habitationes execrans, atq; utpote in quibus omne inest malum, auersans. Ac demum, ne suis aliquando non pręstō esse uideretur, sic in Propheta Patrem alloquitur:

Domine Deus uirtutum exaudi orationem meam, auribus percipe Deus Iacob.

Ex his quę dicta sunt, non tantū accensus Vates, quantū dolore atq; amaritudine animi, ob duas quidem res affectus, hanc interposuit orationē, simul & Selah. Ob unam sanē, quōd tandiu à Dei domo extorris esset: ob alteram uerē, quōd in spiritu pręuiderat nullum fore, qui tam exactē, ut par est, diuinū huiusmodi referret doctorem, quem benedictionibus onustum dixerat affuturū. Id muneris illorum proprium est, qui pascendis sponsę adolescentulis pręponuntur. Viderat, inquā, quā longē à Christi uestigijs oberraturi essent quamplurimi, & ex his quoq; qui cū pastoris ac patris nomen sibi arrogant, nihil tam minus quā patrem aut pastorem pręstant. Imō acerbissimis onerati maledictionibus, totam hanc uallem mœroris & luctus, turbidissimis oppletur ludibus



ludibus cisternisq; dissipatis, ac grauius olentibus lacunis, quàm sint cadauera inhumata, exundare faciunt. Quid autem sit in illis, quod tam tetrum exhalat foetorem, si interrogor, puto id esse superbiam. Quid igitur mirandum si hic clamat iustus anima: Domine Deus uirtutū, Deus potentissime, Deus misericors, exaudi orationem meam. Ausculta quid cor amarum intra se cogitet, & desideret, o Deus Iacob.

Protektor noster aspice Deus, & respice in faciem Christi tui.

Se Christū uocat David, ob regiam unctionē: ad illum tamen respiciens Christus, in quo nos patrem elegisse, dilexisseq; ante mundi constitutionē, asseuerat Paulus. In faciem. In, non est in hebræo: sed simpliciter, respice faciem Christi tui: hoc est, faciem mœstam, ac præ dolore demissam miseratus intueri.

Quia melior est dies una in atrijs tuis super millia. Elegi abiectus esse in domo Dei mei, quàm habitare in tabernaculis peccatorum.

Is unus Hebræis uersus est. Dictio, abiectus, quanquā huc optimē cōueniat, etiam tamē in hebræo habet significationē, nempe ad limen, seu ianuam sedere. Sic quidam transferunt: Malo ostiarius esse domus Dei mei, quàm uersari in tabernaculis impiorum. Item Paraphrastes: Optarem magis accubare ad limen domus Dei, quàm habitare in splendidis impietatis ædibus. Sunt porro ex notis, Deum scilicet speciali religione colentes, qui hunc uersum in secularium, ut uocant, hominū execrationē, tanquā illorum habitatio, sit habitatio peccatorum, iactitant. Sunt & ex illis, qui in nos hæc eadem. A deo mutuis nonnunquā nos inter nos diſterijs, impietatis arguimus. Pessimū id est morsuum genus inter Christianos. Ego enim, qui utranq; uitam expertus sum, sic mihi persuadeo, nullam in terris impietate tam execrabilem posse esse, quin per Christum queat abui, ad cuius pedes, limen scilicet adeundi patris, malo equidem mœstus sedere, quàm mundi plausu permulta habitare secula in tabernaculis peccatorum & suis commorantium.

Quia misericordiam & ueritatem diligit Deus.

Illi uerò qui peccatores appellantur, crudelitatem, tyrannidem, iunctaq; cum perfidia, mendacia & dolos.

Gratiam & gloriam dabit dominus.

Illi contra inexorabiles, damnū, infamiam, contumeliā, exitium. Ceterum, misericordiā & ueritatem in hebræo non est, sed ut uertit Felix: Sol & scutum dominus Deus. Alius item ex eodem fonte: Lux & securitas dominus Deus. Digne profecto istiusmodi sunt Deo denominationes, quippe qui sol is sit, qui uitæ lucem emittit per peccatum animis infundit: clypeus autem, quoniam tela illa ignis, ut ea appellat Paulus, tum dæmonum tum odiosorū hominum, à suis arceat. Atque eo sanè modo,

Non priuabit bonis eos, qui ambulant in innocentia.

Quæ sit innocentia in hoc loco, Felix ex hebræo magis exprimit, sic uertens: Qui ambulant in perfectione. Quæ rursus sit istiusmodi perfectio, uerissimè reddit Paraphrastes: Qui ambulant, inquit, simpliciter. Nullū certè tam gratum potest esse Deo sacrificiū, quàm simplex desponsata fidei annulo uitæ cōuersatio. Vbi sancta est simplicitas, ibi Deus, ibi perfectio, ibi uitæ Christianæ summa ac finis. Ex qua quidē spiritus asseueratione illud absq; dubio concludi potest, eos prorsus homines à Deo, qui simplicissimæ naturæ spiritus est, alienos esse, quos simulatores, ac duplices suis in rebus agendis esse cernimus. Etenim longè hi fallunt, qui arte, non spiritu, res Dei, uti sunt animarū, tractandas esse opinantur. Sensus igitur elegantissimè à Paraphraste redditur: Non poterit, inquit, non facere benignitatis suæ participes eos, qui ambulant simpliciter. Et quidem



c qui ambulat simpliciter, confidenter ambulat, ait Salomon. Contra uerò, qui uititur mendacijs, hic pascit uentos. At tandem, quò rei summam absoluam,

Domine uirtutum, beatus homo qui sperat in te.

Exclamatio est, ab animo in Deum ob illius magnitudinis considerationem raptò, exiens. Atqui si hìc, uirtutum, gratiarum cumulum intelligas, non fallus eris. Verùm Hebræis, exercituũ est, quam dictionem noster ferè interpres reddit, uirtutum: qua quidem uoce potentiam Dei infinitam intelligi uult Vates. Et est quasi eorũ, quæ dicta sunt, epiphonema animæ, mortales omnes cupientis ad diuinæ religionis, quæ spei maximè innititur, cultum acciri. Ait itaque: O quàm uerè felices hì sunt, qui spem omnẽ suam in te, qui potētissimus omnium es, collocant. Quid illi postea, qui te neglecto, corporeis caducisq; nituntur rebus: Infelicissimi illi quidem omnĩũ, atq; lachrymarum amne deflendi. Tibi autem laus sit æterna, & gloria in secula seculorum. Amen.

P S A L. L' X X X V. Vincenti filiorum Chora.



**B**enedixisti domine terram tuam, auertisti captiuitatẽ Iacob. Opinantur nonnulli, odam hanc suauissimã à Vate compositam fuisse, quò posteri, hì potissimũ qui è Babylonica oppressione, in qua turpissimã seruierunt seruitutem, liberandi erant, quid Deo pro gratiarum actione cani posset, haberent. Doctiores tamen ex præcipuis hanc esse existimant, quibus Christi charitas in homines, propter assumptam carnem in mundo, apertè ostenditur. Etenim anteaquã Dei filius Christus Iesus homo factus uitam hanc, excepto peccato, miserandam & ærumnosam nobiscum ageret, mirum quàm duris tenebamur uitiorũ, errorumq; catenis innodati. Nulla unquam fuit captiuitas, ne ipsa quidem famosissima Assyriorũ, cum illa comparanda, qua, tanquã fune colligati homines, sub mortis, nempe peccati aculei, iugo & uetustate premebantur. Nulla tunc erat quies, nulla, quæ uera esset, consolatio, nullum refrigerium, adeò cuncta inamœna erant, aspera, dira, nubifera, atq; uti solent inculti agri, peccatorũ dumis obsita, & ob spiritus inopiam plane emortua. En tandem è summo ad terras delabens cœlo, sicut in uellus conuescit imber, placidissimo nimirum illapsu, Dei filius, hunc uite campum alioqui sterilẽ fœcundissimis irrigauit aquis, conuertitq; ad sese quicquid antea per peccatum auersum fuerat. O immensum amoris argumentũ. Ecce igitur, clamat Vates, terram illam ob Adæ lapsum maledictã, dirisq; detestatam, tuis sanctissimis denuò exornans benedictionibus, instauras, inserisq; si quid malis ab agricolis abrasum fuerat. Tuæ itaque bonitati & clementiæ, non nostro studio, quod nullum erat, & merito, referri acceptum par est, quòd Benedixisti domine terram tuam, auertisti captiuitatem Iacob. Aliàs diximus uerum Israël & Iacob pios homines esse, quorum terram, Ecclesiam, in qua unum tantũmodo esse debet cor ac mens. Hæc est possessio Christi, idcirco ab ipso dilecta, & culta. Vnde ex hebræo sic uertunt quidam: Dilexisti domine terram tuam: seu, ut reddat Campēsis, Recōciliatus es domine terræ tuæ. Iratus quippe erat Deus mundo ob infinita, quibus planè obruebatur, scelera. Verùm propriæ motus, quæ uel amarissima cōdulcescunt, misericordiæ suauitate, reiectis prius illis, qui suapte sponte profligati fuerāt, cæteris recōciliatus est. quocirca à spiritu inferitur, Auertisti captiuitatem Iacob; nempe electos, qui, quoniã Dei semen erat in eis, ad mortem peccare non poterant, à peccati lapsu asseruisti. Siquidem

Remisisti iniquitatẽ plebis tuæ, operuisti omnia peccata eorum. Ecce sanctorũ dignitas, quorum delicta perinde atq; si nunquam extitissent, obteguntur, Deiq; abstergitur manu, si quid contractũ fuerat fœditatis. Quare beati hì à spiritu nuncupantur, quorum remissæ sunt iniquitates, & tecta sunt peccata.



peccata. Quid felicius audiri posset, quàm si cui cœlitus dicatur, Remittunt tibi peccata tua: quod æquè certum esse intelligo, ac si illum proprijs conscriptũ in vitæ libro intuerer oculis. Ideo non iniuriã additum est huic loco *Selah*.

Mitigasti omnem iram tuam, auertisti ab ira indignationis tuæ.

Dilucidius ex Hebræo, Continuisti omnẽ iram tuam: seu, ut uult Paraphrastes: Collegisti omnem iram tuam, quæ sparsa fuerat in nos. Continuisti, ne in furorem erumperet, indignationẽ tuam. Tunc sanè Deus suam omnem in sese collegisse, compressisseq; uisus est iracundiam, cùm iniuriarũ, quibus uel in ipsa statim prima rerũ molitione affectus fuit, immemor dixit: Non ultra percutiã omnẽ animã uiuentẽ, sicut feci. Mittã enim quem missurus sum, hoc est, meum delegabo filium, qui copiosissimis ornatus donis, homines adeò in aliam transfuset uiuendi rationẽ, ut pro iniurijs antiquis amorem mihi rependere condoficiant. Tunc demũ illum iram deposuisse, nedum mitigasse, uidimus, cùm pro iecto ferẽ tremendo iudicij sceptro, obiectaq; maiestate, ac, ut sic dicam, uelato in se Deo, nudus, atq; instar coloni, ut ait Hieremias, absq; diuersorio in terris apparuit Christus, proq; ense ac fuste, crucem secum attulit. Deferbuit itaq; Dei ira in homine illo tenui & despecto, quem nihilominus postea in immẽsum creuisse montẽ, in spiritu uidit Daniel. Verũ quid nobis emolumentum allatũ fuit propter sedatam iram in Deo? quid cõmodi, si denuò peccamus: si nouũ in Deo excitamus furorem? Nos miseros. Vnde tot etiam nũ cades: unde quorundam etiam illorum, qui religioni purius, quàm è uulgo cæteri seruire uideri uolunt, uitæ turpitudine? Vnde odia? Sunt ne hæc placata in Deo contra nos irę indicia? Quid olĩm tranquillũ sedatumq; numinis animũ irritauit: nõne impietas: nõne ne amentia: nõne in periculis incogitantia, ne dicam inconsiderata despicientia, atq; ultronea in interitum præcipitatio? Ob huiusmodi quidem facinora, sed leuiora forsã quàm nunc sunt, clamauerunt patres nostri ad te domine, clamauerunt, inquam, & salui facti sunt: in te sperauerunt, & non sunt confusi. Si leuius ne nos deterioribus oppressi malis: acrius afflicti: periculosius à mundo, à carne, à tyrannis, ab ipsa demum uolubilitate fortunæ circumacti? Clamabimus certẽ, atq; inculcabitur & nos,

Conuerte nos Deus salutaris noster, & auerte iram tuam à nobis.

Illud luce ipsa clarius, nullum propè nostrum esse ad assequenda cœlestia nisi suum & studiũ, nisi Deus in nobis suum infundat lumen, corq; alioqui stupidum atq; iners moueat, auersumq; à iustitię semitis reuocet, atq; ad se cõuertat. Tunc sanè uera animæ ad Deum fit conuersio per gratiã, quã lumen esse animæ diffusiunt. Cæterũ salutaris noster, Hebręis est, salutis nostrę, quare is sensus erit: Tu Deus, à quo quicquid salutis homo nanciscitur, deriuatur, cõuerte nos. Aliter conuerti, ut decet, nõ poterimus. Conuerte nos, inquã, atq; iram illam tuam nobis debitam, tuo à figmento remove.

Nunquid in æternum irasceris nobis? aut extends iram tuam à generatione in generationem?

Num perpetuò, inquit, tua in nos defæuiet iracundiã? num æternus erit furo: nunquid tuam protrahes è progenie in progeniem ulsionem? Pessimè profecto res se haberẽt nostræ, si nostri nos in sordibus arbitrij à te proiectos marcescere sineres.

Deus tu conuersus uiuificabis nos, & plebs tua lætabitur in te.

Cum interrogatione hunc legunt uersum Hebræi, quò superiori quoq; conueniat interrogationi. Dixerat enim: Nunquid in eternũ irasceris nobis? Statim postea subiunxit, ut uertit Felix: Nõne tu conuerteris: uiuificabis nos: & populus tuus lætabitur in te? Alius uerò: Nõne redibis potius, ac restitues nos,



**C**ut populus tuus latetur in te? En quomodo è diuina ad nos cōuersione, uita hōmini, quæ ex fide est, conciliat. Viuificabis nos, inquit, tu, non homo, nō uoluntas humana, nō arbitrium, nō ipsa capax diuinitatis mens. Hincq; plebs tua sancta, nempe ad te per te conuersa, in te solo, non in suis meritis, ut solent hypocritæ, solido perfundentur animi gaudio. Quàm uerum illud est, atq; in limine ædium superborum sesquipedalibus, quò magis conspicuū sit, inscribendum literis: Qui gloriatur, in domino gloriatur. Quare,

Ostende nobis domine misericordiā tuam, & salutare tuū da nobis.

Iam hīc Vates rei illius, à qua mortalium conuersio exoritur, durisq; insinuat mentibus uita, ac noua bene uiuendi inducitur forma, mentionem facit. Ea quidem è patris corde manans, misericordia appellatur: quanquā inter cætera, quæ secum attulit filius Dei in mundum ueniēs, in crucis uexillo impressam esse uoluit. Hīc itaq; Dei rogans sibi ostendi misericordiam Vates, Christum iam tandem in terris apparere rogitat. Idcirco statim intulit: Et salutare tuum da nobis. hoc est, salutem tuam nobis, quæ tota in tui unigeniti uoluntate ac præsentiā est posita, impartire. Interim uerò,

Audiam quid loquatur in me dominus Deus: quoniam loquuntur pacem in plebem suam, & super sanctos suos, & in eos qui conuertuntur ad cor.

**D**Is unus uersus est in hebræo, in quo ego quidem (nī falsus sum) totius salutis nostræ summā uidere mihi uideor: quæ in eo potissimū sita est, ut diuinis credamus pollicitationibus, unde solida dissipatarū mentium formatur pax & quies, ex qua sanctitas. Et hæc omnia quidem per Christum, qui fidei nostræ autor est, & merces. Audiam itaque, hoc est, illis omnibus quæ pollicitus est Deus (in me, non est in hebræo) firmam adhibebo fidem: quoniam pacem, tranquillūq; animorum statum de plebe ea sua, quæ se illi gladio amoris iugulauit, loquatur: loquetur, inquam, super sanctos suos, eos nimirum, qui per illius uerbum haudquaquam indurantur, & sordescunt magis, ut solent impij: sed sanctificantur, atque ad cor reuersi, in Deum curis cæteris omissis feruntur. Obserua euangelicæ prædicationis uirtutem. Immensa quidem in illa, ac planè incomprehensibilia promittuntur: tu tantummodo audi, crede, præstolare, & sat est. Quòd certè per Dei uerbum sanctificari contingat animas, cui ignotum iam id est: Pater, inquit Christus, sanctifica eos, nempe qui conuertuntur ad cor, in ueritate. Sermo tuus ueritas est. O legem ad obtinendum Dei fauorem compendiarīam & unicam. Etenim extra beatissimæ huiusce legis inductionem cæcūtimus omnino, atque in bonorum delectu hallucinamur: in ipsius quidem gremio positus est Christus, qui lux mundi est ac uita. Vnde igitur tenebræ? unde mors? à luce? à uita? Erramus si id credimus, neque adhuc quid loquatur dominus Deus audimus,

Veruntamen prope timentes eum salutare ipsius, ut inhabitet gloria in terra nostra.

Sic Felix: Vtique prope est his, qui timent eum, salus eius. Hæc, nī fallor, in eos dicta puto, qui cum se Dei cultores, exteriori cultu testatum esse cupiant, nihil minus tamen agunt, quàm ut uerè id sint, quod uulgò ostentāt. Nam cum Dei religio in eius maximè posita sit timore, ac iuncta cum trepidatione reuerentia illa, quæ ab amore proficiscitur, hi suo solummodo contenti uitæ fūco, atque impostura, scelestiorem nonnunquam habent animum, quàm illi, qui palàm peccant. Vtcunq; inquit, uera Dei religio apud cōplures esse uideatur, attamen in his solum illam habitare certum est, qui Deum sincera colunt pietate,



tate, uerenturq; ut patrem. quapropter Dei filius, qui solus gloria nostra est, ac uita, & in quo Deus habitat plenissimè, inter nos homines diuersatur. Numinis quippe præsentiā appellat Vates gloriam, uti uerè est: imò sola ea est, in qua nos gloriari iubemur. Sunt qui, in terra nostra, in Christo nostræ mortalitatis particeps interpretant, in quo pater sit, quemadmodū ipse in patre, ac nos in illo. Quæ maior gloria hac esse potest? Verum non me clàm est, Dei præsentiā, nempe conditarum rerum gloriam, ubiuis gentium uixerimus, apud nos diuersari. Ibi dignitas, ibi sanctissimus uitæ odor, ibi pax, ibi iustitia, ibi, quantum occultè in antris latitemus, & misericordia, & ueritas: quæ omnia maiorem animæ cōciliant gloriā, quàm si multimodis ornatus sis uirtutibus & scientijs, addo & magistratibus, absque Dei timore. Quocirca additur à spiritu,

Misericordia & ueritas obuiauerunt sibi, iustitia & pax osculatæ sunt.

Impossibile quippe uidetur, ibi uirtutum omnium cumulum deesse, ubi libenter habitat Christus, quo in mundo corporeæ molis uelo, tanquam sole tenet nube obducto, apparenteq; misericordia & ueritas obuix uicissim factæ sunt. Siquidem secum ille ueniens conduxit misericordiam, qua quæcunque olim promiserat uerissimè præstaret. Atque eo sanè modo iustitia quæ ex fide est, paxq; cōscientiarū, mutuis sese amplexibus exosculantes, indissolubili conglutinatæ sunt nodo. Pax quidem animi, iustitiæ fidei indiuiduum comes facta est. En quadriga, in qua è cœlis euectus est Christus. En quàm arctè cōnexæ sunt, eo aduentante, inter sese necessitudine uirtutes: quibus prius adinuicem dissociatis, ne illorum quidem nomen integrum audiebatur. Ad hæc,

Veritas de terra orta est, & iustitia de cœlo prospexit.

Vide ô tu qui ueritatem Dei, ut inquit Paulus, in iniustitia detines, quomodo te omisso, ueritas, nempe uera, non ficta, ut tua est sanctitas, è terra, hoc est, à peccatore terrenis cupiditatibus immerso, egerminauerit. quoniam ipsa quoque, quæ in Deo est iustitia, quæq; gratis iustificamur, è cœlo abundantissimè effluit. Verbum, prospexit, interpretantur, quanquā nil uetat, quoniam de benignissimo Dei intuitu in peccatores intelligamus. Etenim ipso nos placatis intuentem nobis proueniunt. Volunt præterea pñ quidam expositores, de sanctissimo uicidici Mariæ partu, è qua homine, uti solet è terra flos & germē, immaculatus prodijt Christus homo. Vnde iustitia, ut inquit Augustinus, qua iustificarētur homines, è cœlo prodijisse uisa est. Siquidem per Christum nostra omnis è sinu patris allata est purificatio.

Etenim dominus dabit benignitatem, & terra nostra dabit fructum suum.

Eccè quomodo à diuino benignitatis fonte, terra hæc nostra cordis, alioqui fer se infœcunda, dat fructū spiritus, respondetq; gratiæ, quæ è cœlo tanquam ros purus, seu imber, lapsu in satis gratissimo, in agello animæ continuè depluit. Nulli dubium, quod nemo potest accipere quicquam, nisi ei datum fuerit è cœlo. Quemadmodum igitur terra, quam uomere grauiq; rastro subigimus, non fecundatur, nisi solis & pluiæ adiuta beneficio, ac temperata: ita & cor hominis absq; Dei benignitate & clementia, fit sterile, & infœcundum. Nam (quicquid de se suisq; uiribus philosophentur homines)

Iustitia ante eum ambulabit, & ponet in uia gressus suos.

Iustitia, inquit, Dei, hoc est, gratiarum immensitas, ante illum, quod nulla ei de sit bonorum copia, ne ueis erret, qui Deum timet, tanquam dux solers, ac si-



**C** dus comes præcedet, atq; illius firmabit in uia pacis uestigia. Penè homo quamlibet gratiarū sit diues copia, in iustitię semitis puer est, nempe debilis, atq; ad firmandos gressus incertus ac titubās, nisi Deus, ueluti nutrix, aut mater anxia, ad lapsumq; pueri suspiciosa, illius pedes moueat, pedetentimq; ad uiriles assuefaciat passus. Itaque iustitia illum, qui Deo charus est, præcedet, figetq; illius pedes in uia, qua ad amœnam Dei habitationem iter est. Et est hīc annotanda metonymia. Dicere enim uoluit, iustissimum quenq; coram Deo ingressurum, iustiliciterq; pedes in Dei itinere positurum, cū dixit per transmutationem, Iustitia ante eum ambulabit, & ponet in uia gressus suos; nēpe in uia iustitię, pacisq; ac fidei itinere. Quę omnia diuinę beneficentię dona sunt, atque iter, quo ad Deum felicissimè transitur. Cui gloria sit in secula seculorum. Amen.

PSAL. LXXXVI. Oratio Dauid.



**I** nclina domine aurem tuam & exaudi me, quoniam inops & pauper sum ego.

**D** Oda hæc feruidę mentis affectum, cū omnium, qui abiectis humanis curis atque occupationibus, in Deum feruntur, ostendit, tum uel maxime Dei filiū, qui unus Deus cum patre, ut inquit Augustinus, unus homo, cum hominibus, orat in forma serui, qui oratur à nobis in forma Dei, orat pro nobis ut sacerdos noster, orat in nobis ut caput nostrum, oratur à nobis ut Deus noster. Hactenus uir sanctus. Atqui hīc uides quomodo diuina quadā immutatione, ac Dei in hominem, hominis item in Deum transitu, idem penè factus sit Deus & homo, creator & creatura, mors (ut sic dicam per excessum) & uita. Atq; hæc omnia quidem per Christū, quem dedit pater (ut inquit Apostolus) caput super omnem Ecclesiā, quę est corpus ipsius, & plenitudo eius, qui omnia in omnibus adimpletur. Quocirca idem pro nobis innocentissimus orat, atq; innocentissimus pro nobis crucem, unde omnis orta est piorū innocentia, atq; in Deum translatio, pertulit. Orat hīc igitur pro impurissimo purus, pro iniquissimo sanctus, pro facinoroso, celestiumq; diuitiarum egentissimo, ipse innocentissimus, ac non tantum diues, quantum copiosissimus bonorum omnium erogator, clamatq;: Inclina domine aurem tuam & exaudi me, quoniam inops & pauper sum ego. Vidisti ne unquam, mi lector, excellentissimum quempiam oratorem ingenti ærumnosę multitudinis agmine comitatū, uniuersalem pro sua republica causam agere coram rege, aut magistratu? Se quidem unum ex illorum numero, qui miseri sunt, effingens, perinde aliorum exponit calamitates, ac si suę essent omnino, simulq; cum cæteris mulctandus foret. Non secus sanè, ut in hoc psalmo uidere est, se pauperem atq; inopem, hoc est, re omni humana prorsus denudatum queritur. Ait enim: Tu ô altissime, aurem tuam mihi, causam meam tenuè, uocèq; gracili, insusurranti potius quàm exponenti, quò me clarius intelligas, inclina, & me tandem exaudi; quoniā flebilem in modum afflictus, ope omni humana destitutus sum.

Custodi animam meam quoniam sanctus sum, saluum fac seruum Deus meus sperantem in te.

Duas enim huc affert rationes, quamobrem exaudiri debeat uir sanctus: ceteras postea. alteram quidem, qua se bonitatis uerę religionis studiosum, alteram, qua se Dei seruum esse fatei. Quę duę in homine afflicto partes cōmiserationem, uel ipsis quidem hostibus mouere possent, nedum dominis naturaliter in frugi seruos beneuolis. Porro sanctitas in hoc loco, ut in plerisque alijs scripturę locis, pro sanctitatis studio & cura sumi debet. Vnde Paraphrastes: Sit



Sit tibi curæ, inquit, anima mea, quia candido sum erga te animo. Necessè quidem est eum ipsum, qui se ante Deum aliquid rogaturus sistit, purum omnino esse, ac sanctitatis appetentissimum: alioquin impuro animo, atque in diuino obsecro inerti, uix aliquando suum impartitur lumen iustitiæ sol. Verum si Christum spectes, se sanctissimum, imò sanctitatis distributorē, parum dico, ipsissimam sanctimoniam se recte appellare poterit. Vide igitur quid dicat: Serua, inquit, mi Deus animam meam, quoniam nihil mihi antiquius est, quam ut innocens sim, ac sanctus: quoniam insuper seruus tuus ego sum, & is quidem, qui non aliunde mihi uindico fauorem, præterquam abs te, mei curam habe. Quo alio niti de beo patrono? Te unicè diligo, te efflagito, tibi supplico. Idcirco

Miserere mei domine, quoniam ad te clamaui tota die. Letifica animam serui tui, quoniam ad te domine leuaui animam meam.

Saxeus prorsus is esset iudex, qui huiusmodi non flecteretur p̄i pectoris precationibus. Duas rursus alias adducit rationes, cur flecti debeat æternus pater. Misereatur te, inquit, mei domine, quoniam ab omni horrens animi torpore, tuum assidue imploro subsidium. Ad hæc: Exhilara, te obsecro, afflictam hanc animulam serui tui, quoniam ad te, quamuis in sublimi habitantem, uotis, affectibusque animi flagrantissimo pertingere elaboro.

Quoniam tu domine suauis & mitis, & multæ misericordiæ omnibus inuocantibus te.

Iam patris animum in homines ob scelera commotum, ab eius laude placare intendit, non fictè id quidem, & adulatoriè. O mores, o ætatem plusquam æream: Quid non adulationis præ se ferunt orationes mihi nuper, dum hæc commendat, ad legendum oblate? Stomachor, cum in illorum memoriam uenio, in autorem ne, quisquis is tandem fuerit, an in quorundam magis leuitatem, non dico, quibus uel falso, in ipsis uel usque ad nauseam laudatis, istiusmodi ab antiqua matrem seueritate penitus degenerantia, chara sunt & grata. Quò, malum, tanta tam grauis confectio deuenit dignitas? Sed ad rem nostram, Suauis & mitis dilectio, quamuis in Deo optimè conuenire uideantur, Hebræis tamen sunt, bonus & propitius, seu ut legit Fel. bonus & propitiabilis. ut sit sensus: Quoniam natura bonus es, hoc est, ad elargienda munera facilis & liberalis, atque ad peccata condonanda flexibilis, supracque expectationem omnem omnium misericors erga illos, qui tuum implorant auxilium,

Auribus percipe domine orationem meam, & intende uoci deprecationis meæ.

Inculcat hæc anima, cui mora omnis in Deo longa uidetur. Horrendum profecto id esse iudico, mala quotidie increbrescere, augeri que ærumnas: tardum uero, seu nullum omnino extare subsidium. Id maximum sanè est opus fidei, intentionis ardorem atque exuberantiam. Auribus, inquit, percipe orationem meam. Sufficere sanè poterat dixisse, Audi. Aliam rursus addit exaggerationem: Intende uoci deprecationis meæ. Cur non solummodo, intende deprecationi meæ, & non attexeret, uoci? Hæc sunt, ut dixi, maximè anxij animi indicia, Sed iam ad effectum fidei exprimendum descendamus.

In die tribulationis meæ clamaui ad te, quia exaudisti me.

Haud immemor, ait, præteritæ tuæ in me beneficentiæ, uel tum quidem, cum penas potius quam beneficium demererer, iterum uarijs in angustijs constitutus clamare, tuumque implorare auxilium audebo, sperans fore, ut quod è re mea esse iudicaueris, abundanter præstes. Certè



c Non est similis tui in dñs domine, & non est secundum opera tua. Neque dñs gentium mortui, & manufacti, neque ipsi quoque, in quibus plerunque confidit uulgus, potentissimi homines, neque angeli demum, eadem qua tu, pollent fortitudine ac potentia. Non queunt hi omnes uitam dare, ut tu; non iustum quenquā facere, ut tu; non ditare uirtutibus, ut tu. Quis ergo tecum conferendus? Nemo omnino est, qui tua imitari queat opera, adeò longo à te, quicquid conditum est, dissidet interstitio. Et quidem, ut alia omittam, tuo excitatæ spiritu,

Omnes gentes, quascuncq; fecisti, uenient & adorabunt coram te domine, & glorificabunt nomen tuum.

Apertissimè hîc Vates gentium uocationem prædicit, quæ sanè inter admiranda Dei facinora maxima omnium semper uisa est. Quis id unquam credidisset; quis, nisi Dei spiritus ductu, cogitationibus unquā assequi potuisset, filiis ab hæreditate exclusis, facinorosos quoscq; & hos quidem acerrimos Dei hostes, aut introductos, ascitosq; ad ea percipienda bona, quæ nunquam aut optassent, aut optare ausi fuissent? Sunt ne ista minime potestatis indicia, an maximæ; an infinitæ; an captum omnem cum hominum, tum angelorum exuperantis? Omnes itaq; gentes ubique per orbem dispersæ, quarumq; autor tu es, supplices ad te uenient, humiq; prostratæ, tui sanctissimi nominis maiestatem cõcelebrabunt, atque ad cœlum usque laudibus extollent. O immensurabilem certè Dei magnitudinem. Dicam, inquit, Aquiloni, da: & Austro, noli prohibere. Affer filios meos de longinquo, & filias meas ab externis terræ. Non id quidè mirum, neq; si te intueor, ualde magnum:

d Quoniam magnus es tu, & faciens mirabilia, tu es Deus solus. Cæteri uerò umbratiles & imaginarij. Quare, ô tu qui potes,

Deduc me domine in uia tua, & ingrediar in ueritate tua. Lætetur cor meum, ut timeat nomen tuum.

Lucidius Felix ex hebræo: Doce me domine uiam tuā, ambulabo in ueritate tua: unias cor meū, ut timeat nomen tuū, Paraphrastes rursus: Doce me domine uiam, qua itur ad te, ut ambulem confidenter per eam. Verbum porro, lætetur, Hebræis est, aut unī, aut excita, aut coge. De letitia uerò apud eos nulla fit mentio, quanquā suo & ipsa ornata est decore. Siue enim à diuino exciteris spiritu, siue tuum alioqui dissipatum cor uniatur, siue etiam placidissimo iustitiæ afflatu, semper tibi lætandum erit. Nullum quippe potest cum illo comparari animæ gaudium, cum se sentit à Deo pungi, excitariq; ad intermissum iustitiæ studiū, atq; Deo uniri. Confidenter, inquit, tutosq; per iustitiæ ac ueritatis semitas, in quibus syncerè omnia fieri par est, ambulabo, si tu direxeris, si docueris, si excitaueris, si cor distractū uniuersis. Istuc certè in terris felicissimū est uitæ genus, sic à Deo hominē instrui, ut nihil à uero fidei itinere deflectens, unitū semper habeat cor in Deo. Nam difficile omnino est animū in huius mūdi curis immersum, uoluptatibusq; carnis affixū, posse in Deū, in quo tota inest perturbationū quies, transferri, atq; in eo letari. Sunt qui sic, ingrediar in ueritate tua, interpretant: Nō dubito quo minus mihi fidus itineris comes futurus sis: id enim promisisti: tua igit cõfusus fide ingrediar. Verum uide quā prudentissimè è solida, grauiq; cordis lætitia, oriri faciat timorē erga Deum Vates. Lætet, inquit, cor meum, ut timeat nomē tuū. Obstupescūt hîc opinor mundi sapientes, cum audiunt è letitia metū nasci. Hi quidē, quid sibi uelint duæ illæ molæ in lege domini, superior & inferior, ignorant penitus. Fac igitur, mi Deus, ut uniatur cor meum in te, ne huc illuc propter tentationū acerbitatē distractū in fide uacillet.



hoc sanè impetrato, in te gaudebo, te metuam, de te cantabo, &

Confitebor tibi domine Deus meus in toto corde meo, & glorificabo nomen tuum in æternum.

En sancti cordis unio cum Deo. En gratæ animæ promissio, ac uotum: cui nihil prius est, quàm ut Dei nomen sanctificetur, colaturq; ab omnibus passim, ubicunq; degant, nationibus. Vis enim ea est pietatis, ut tantùm de alieno unusquisque gaudeat bono, quantum de proprio. Etenim cum uno uiuant corde, atq; animo electi, unum eos uelle, unum expetere, unum prorsus diligere, atq; eodem perfundi gaudio necesse erit. Quocirca cum uideris hominũ cœtum in uaria scindi consilia, uariaq; appetere & amare, ibi per me fateri licebit, nullam esse pacem & unionem, ideoq; neque Deum, neque boni cuiuspiam uestigium. Obserua itaque quid hinc credentium multitudo, cuius unum tantummodo factum sit cor, de se æquè, ac si unus duntaxat esset homo, asserat. In toto, inquit, corde meo, non dissipato, in uariasq; scisso, uti solent hypocritæ, persuasiones, & qui immensis cupiditatibus obnoxij sunt, te celebrabo, nomenq; tuum perpetuò, cum uerbo, tum uita ac moribus, magnificabo, efferamq; etiam inuito mundi supercilio, ad cœlos usque intrepidus. Vellem profectò ex hac sanctæ animæ pollicitatione ac uoto, condocerentur hi, qui in templis se Deo laudes canere arbitrantur. Qui interdum, bone Iesu, tumultus: quæ inter psallendum commiscuntur turbæ: qui strepitus uagæq; animæ dilacerationes: quæ ordiuntur: quæ simultates sacris, tanquam diuinum Selah, interferuntur psalmis: Glorificabo, inquit, nomen tuum, non proprium, non amicorum, non affinium, & id quidem quoad uixero:

Quia misericordia tua magna est super me, & eruisti animam meam ex inferno inferiori.

Infernus hinc inferior (ne aut de limbo patrum, aut subterraneis inferorũ tebris modò philosophemur) pro extremis periculis, in quæ nōnunquam conuertitur anima, sumi debet. Vnde Paraphrastes: Quoties, inquit, uersabar in periculis, etiam summi, tu me eripuisti, & animam meam ueluti ab inferis ad superos reuocasti. Idem ferme est, quod alio in loco de se asserit Vates: Domine, inquit, eduxisti ab inferno animam meam. Quòd autem infernum inferiorem appellet, prosopopœia est, mirè admodum rei efficaciam exprimens. Cæterum misericordiam magnam in Deo uocat, ob magna hominum scelera, quæ aded inimmensum creuerant, ut penè diuinam superasse clementiam uiderentur. at itaque: Misericordiæ tuæ erga hominum genus immensæ non parua quidam extant indicia. Quoties enim ego (ut pro omnibus semel dicam) extremum, in pericula coniectus essem, tu me, tanquam ab inferis ad uitam restitutum, in secura collocasti fidei sede. Et ut quidem multa, quæ infernum plusquam inferiorem præ se ferunt, omittam, illud molestissimum omnium non tacebo, quòd

Iniqui insurrexerunt super me, & synagoga potentium quæsierunt animam meam, & non proposuerunt te in conspectu suo.

Aptius latina usus esset loquutione latinus interpres, si cœtum, aut concluium, aut turbam quoque, ut reddit Paraphrastes, uertisset, non synagogam. Ad hæc, iniqui dictio, Hebræis maiorem habet energiam, quàm si simpliciter legas, iniqui. Superbi, uertit Felix. Alius, uolenti. & est sensus: Violenti quidam homines, quicquid nullo rationis utuntur fræno, ut ferè est uulgus, in me conspiciunt. Sed id parum forsan uideri posset, nisi & ipsi quoque multitudi-



Cnis primates, ipsi principes, ipsi pastores meam mihi adimere uitam, aut saltem traducere, nulla habita tui ratione, moliti essent. Heu insaniam: non proposuerunt, inquit, Deum in conspectu suo, sed mundum. Id extrema profligataque dementia signum est, omni abiecto Dei timore, impudentissime peccare. Quod certe aliquando uolentorum hominum turba, uirum quempiam bene moratum, odio, siccisque, ueneno, aut maledictis incessat, non est adeo incredibile, quin credi possit: at ab ipsis primarijs hominibus, à magistratibus, ab ipsis denique multitudinis patribus, è quorum uita, tanquam à uirtutum omnium archiuo, suam ceteri sumere debent uiuendi normam, scuitiam atque odium prodire cernere, quis, nisi ipsemet ipsorum experiretur immanitatem, unquam crederet? Sic sanè male habitus fuit Christus in terris, non solum à uulgo naturaliter nouarum rerum cupido, uerumetiam ab ipsis synagogæ dynastis, à pontificibus, à scribis, à sacerdotibus. Vide igitur perfectam crucis imaginem, o tu, qui Christum imitari cogitas, Hi nempe, qui tales sunt, ut dixi, duri, crudelesque appellari debent,

Et tu domine Deus miserator, & misericors, patiens, & multæ misericordiæ, & uerax.

Piæ quidem uocis memoria delectatus interpret, ter misericordiæ, cum non opus esset, usus est dictione. Siquidem Hebræorū interpretes ferè omnes, unatantummodo contenti misericordiæ uoce, sictorum transferunt uersum: Tu domine pronus es ad misericordiam, propensus in beneuolentiam, tardus ad iram, bonitate & fide effluens. Ad fidem, inquit Campensis, propensissimus es. Da mihi igitur Christianum ita, ut hinc illum desiderat spiritus, affectum, sed cum primis principem ac præfulem: nihil illi ad Christianæ uitæ perfectionem deesse dicam, iuraboque Deum illum esse, non hominem. Secus uerò, neque illi dominij sceptrum, neque huic animarum tutelam rectè traditam asseuerabo. At suis hi, postquam sic uolunt, agitentur animi permotionibus ac turbis: tu domine

Respice in me, & miserere mei, da imperium tuum puero tuo, & saluum fac filium ancillæ tuæ.

Neque Græci neque Hebræi codices habent, imperium: sed aut robur, aut fortitudinem. Cæterum dicens filium ancillæ, auge seruitutis conditionem, quæ in uerna despectior esse solet, quàm in simpliciter seruo. Sensus itaque erit: Tu qui auersus à me, tanquàm iratus dominus, longè aberas, redi placatus, sedatoque me respice animo, ac uires suppeditans serua me, non tam seruum tuum, quàm uernam despectum & miserum, nempe filium ancillæ tuæ, non libera. Hinc mihi quoque hoc modo orare fas sit: Te Deum hinc meum inuoco, beneuolo me intueri aspectu & iucundo, & ad me, qui procul ob peccatorum meorum scditatem offensus abieras, redi. Da puero tuo animum, da uires, da suipsius imperium, da robur, da tui fauoris, in quo omnis inest gratiarum uis & potentia, magnitudinem, ac serua filium ancillæ tuæ, matris nostræ Sion, quæ est credentium Ecclesia, & quæ tibi liberam seruitutem. Non desunt qui hæc ad Christum referentes, mundissimum beatæ Virginis partum à Vate præuissum fuisse arbitrantur, quæ, multis prius ultrò citroque habitis cum Angelo uerbis, se ancillam tandem domini testabatur, dicens: Ecce ancilla domini. Sanctissima planè hæc est opinio, Vatisque spiritu dignissima: atque adeo magis id quod statim intulit:

Fac mecum signum in bonum, ut uideant qui oderunt me & confundantur, quoniam tu domine adiuuisti me, & consolatus es me.


Tota quippe uita Christi, conceptus, natiuitas, consuetudo, doctrina, crux, tandem



tandem & mors, mirabile fuerunt Dei benevolentiae signum, non illud quidem cui contradicuntur erant Iudaei, sed in bonum, sed cui par fuerat, tanquam bonorum omnium scopo, adhærescere homines. Atqui signum olim Cain sceleratissimum datum fuit in malum, hoc est, ut Dei indignationis atque irae, in illo indicium foret. Contra uero seruatori nostro in bonum, quod diuinæ beneuolentiae atque amoris erga homines admonerentur hi, quos signauit Deus, ut inquit Paulus: Et de dit pignus spiritus in cordibus eorum, ceteri autem contabescerent, uidentesque obstupescerent. Ecce hic positus est, inquit senex ille sanctissimus, in multorum ruinam, & in resurrectionem multorum, & in signum, cui contradicetur. At ita igitur: Mi pater, signum aliquod tuae erga me aede benevolentiae, quod hostes mei uidentes pudore afficiantur, dicantque uicti, te meum semper esse consolatorem. Est ne, mi lector, mediocris ea Dei amoris erga nos significatio, cum ab improbitis mille una die lacessiti iniurijs, peristamus intrepidi, nihilque minus in hoc munus ueremur, quam ob sceleratorum hominum impudentiam & linguas, a pace animi, quam per Dei benignitatem adepti sumus, deturbari? Certè uerius illud est, quam quod multis illustrari debeat, quod qui Deo adhæret, unus spiritus cum illo efficitur, Cui laus sit perennis in secula seculorum, Amen.

## PSAL. LXXXVII.

## Filiorum Choræ, Psalmus Cantici.

 Vndamenta eius in montibus sanctis.

Oda hæc sanequam parua, sed non minus obscura, quam mirabilis, maximam præbuit occasionem expositoribus dicendi, & de his quoque, quæ tamen pia esse uidentur, non nihil tamen à Vatis mente abesseprehenduntur. Solidos certè deamat sensus sua in doctrina spiritus, non nutantes, non cum Iudæorum risu indoctos & frigidos. Videtur hinc mihi Vates illorum morem seruare uoluisse, quibus, cum præclarissimi alioqui sint poëtae, nonnunquam stricto argutoque poematis genere, ut sunt Epigrammata, luisse libuit. Psalmum Cantici appellabant antiqui cationem illam, quæ instrumento incepta esset musico, sed uoce actutū humana, secundo quoque loco, intercepta. Quem quidem more etiam nū seruare templorum choros cernimus, tum alias, tum cum ad beatæ Virginis canticum in uespertinis laudibus peruentum est. Mirabili plenus est ecstasi psalmus: quare à sensibus, ut sic dicam, mihi exeundum est, si ad ea quæ in illo obteguntur mysteria, mente saltem, simulac calamo nequeo, attingere cupio. Semel Dauid uenturae felicitatis in Christo atque eius Ecclesia magnitudinem cogitans simul & admirans, uictusque rei immensitate in hac de improviso prorupit uerba: Fundamenta eius in montibus sanctis. Vide ad quæ alia referenda sit dictio, eius, nisi ad ea, quæ prius sanctissima quadam ratiocinatione uoluerat animo propheta. Iam illud in primis dicendum, suo more Vates nē manufacta Hierusalem, quam in collibus sanctis, nempe Sion, Moriah, atque Oliueto sitam fuisse asserunt autores, ad cœlestem, quæ est mater nostra, ut inquit Paulus, transitum facere. Idcirco montes sanctos uocat ob præcipuam Dei religionem & cultum. Ibi quidem erat templum, ibi arca, ibi certissima dabantur à Deo responsa. Verum penè nulla illa uetus fuit sanctitas præ illa, quam per Christi præsentiam non tantum Iudæam, quantum uniuersum terrarum orbem ornandum esse præuidit Vates. At itaque: Fundamenta eius, nempe alterius Hierusalem, in montibus, non illis quidem terrenis, in quibusque crucifigendus est autor uitæ, sed sanctis, sed puris, in cœlis nimirum, ubi habitat diuinitas, iacta sunt. Etenim ex spe ac fide in Deum, eiusmodi surgunt pietatis ædificia. Quare non absque ratione Ioannes sua in apparitione fatei se uidisse ciuitatem sanctam Hierusalem nouam de cœlo descendisse. Porro quam aliam ciuitatem putas expectasse Abraham, quando expectauit, ut inquit Paulus, fundamenta habentem ciuitatem,



Cuius artifex & conditor esset Deus? Quod si certè rem diligenti perpendamus spiritu, nullū aliud beatissimæ huic urbi statuemus fundamentū, præter montē eum, quem eleuatū super omnes colles testat̃ Esaias, qui Christus est, pulcher, rimī etiam huius ædificij fabricator. Vnde quoniā fictor suum amat figmentū,

Diligit dominus portas Sion, super omnia tabernacula Iacob.

Quid nī tantī faceret Deus Sion, ut illam magis diligeret quā cunctas Iudæorum ciuitates, atq; habitationes, quandō illa cunctis religionis obseruatijs, legisq; præceptis, ritibus, ceremonijs, præponenda esset? cuiusq; tandem bases suum fore unigenitū decreuisset? Omīrum nostræ urbis ædificiū, cuius fundamentum Christus est, amor nimirum patris, atq; uniuersalis ad omnes charitas. Quid, oro, structuræ? quid ædificij ab huiusmodi sperare debeam fundamentorū pacis primū, ueniæ, placationis, clementiæ, atq; hæc omnia, amor unus. Ecce q̃ breuī assertione, quales debēt esse parietes Ecclesiæ, testā item & columnæ, penē descripsit spiritus. Vix em̃ illum ad Ecclesiæ structurā pertinere dixero, qui quāuis sexcentis illitus sit sacramētis, uarijsq; adornatus uirtutibus, cœlestium quoq; rerum gratijs ac donis illustratus, elato tamen sit animo, atq; impuro. Sanctum quippe fundamentū, sancta requirit ædificia, ut eadem planē sit totius fabricæ ratio & textura, quemadmodum unum esse uoluit Deus sui unigeniti in terris corpus, quod est Ecclesia credentiū. Vnde nō immeritō exclamat Vates:

Gloriosa dicta sunt de te ciuitas Dei.

Portæ Sion (quod penē exciderat) pro tota ipsa ciuitate, atq; illius munitione & robore sumi debet. quod & de portis inferorū intelligi oportet, quandō, inquit Christus, portæ inferi non præualebunt aduersum te; id est, munitiones, machinæ, artesq; inferorū minimē in te præualebunt, etsi te quatiant. Itaq; suam Ecclesiam diligit Deus ardentius, quā unquā dilexit Sylo, in qua arca fuerat: D seu Hierusalem, in qua templum: Hierusalem, inquā, illam ueterem prophetarum interfectricem, & de qua sic uaticinatur dominus Iesus: Venient dies in te, & circumdabunt te inimici tui uallo, & circumdabunt te, & coangustabūt te undiq; & ad terrā prosternent te, & filios tuos qui in te sunt, & non relinquent in te lapidem super lapidem. De nostra uerò sic: Et portæ inferi non præualebunt aduersus eam. Ergo meritō gloriosa dicta sunt de te, ô ciuitas Dei. Dixerunt quidem scriptitæ undiq; de te olim scriptores ueteres illi præclarissimi prophete, subindēq; Apostoli, qui omnes te matrem illam cœlestem, & sponsam à Deo ornatā appellarūt, quæ illi filios ex omni passim orbe collectos pareres, nō quidē semine humano, sed illius spiritu & uerbo, qui sponsus est, conceptos, quemadmodum illius unigenitus ē pura, intemerataq; cōceptus est uirgine. Selah huc interiectū nos admonet, nihil unquā in terris fuisse, neq; esse posse, tam plenum gloria & dignitate, quod inferius non extiterit Dei Ecclesia, in qua ipse habitat rex gloriæ Christus Iesus. Ex hebræo quidam sic legunt: Gloriosa loquitur in te, ô ciuitas Dei; nempe Christus sponsus, qui sic effari de sua sponsa incipit:

Memor ero Rahab & Babylonis scientium me.

Ecce res noua, ecce præclara illa & gloriosa, quæ in te loquitur sponsus, ô cœlestis Hierusalē. Ecce tua à Deo, ô sterilis, quæ non paris, stupenda fœcūditas. Quid? O inenarrabile Dei consiliū, ô mentem puris animis tantūmodo cognitam. Ecce quomodo acruatim concurrunt homines.

Ecce alienigenæ, & Tyrus, & populus Æthiopum, hi fuerunt illi. Sub nomine quidem memoratararū gentium, quæ Iudæis inter cæteris orbi nationes, hostes fuerant infestiores, & magis cognitæ, totas per uniuersum latē orbem sparsas intelligi uult gentes, quæ ad fidem Christi, spiritu Dei cooperante, acceleraturæ erant. Siquidem haud multis post seculis ipse dicturus erat: Ite in uniuersum mundum, & prædicate Euangeliū omni creaturæ. Ait igitur: Memor



Memor ero etiam Rahab & Babylonis, hostium nimirum populi mei inexorabilium, quorum antea immemor fueram; eosque me agnoscentibus, fideque colentibus annumerabo, ut unum planè sint corpus cum his, quos ab æterno, ut me agnoscerent, à mundo secreuit æternus pater. Ceterum Rahab appellatiuum nomen esse afferit diuus Hieron. quod superbiam interpretatur. quare nonnullis uisum est ex hebreo transferri posse, Aegyptiorum. Idem quoque Chaldaeus, qui uice Rahab, Mezraim scribit, quæ dictio Hebraeis Aegyptum sonat. Mizraim fuit filius Cham, à quo perinde originè atque nomèn sortiti sunt Aegyptij. Rursus alienigenæ, Palæstini, seu Philistæi, Hebraeis sunt, quare is erit sensus: En nouum consilium, ac penè incredibile. Gentes mihi rebelles, atque hostili in me animo, ut sunt Aegyptij, Babylonij, Palæstini, Tyrij, Aethiopes, meos inter filios cõnumerauerunt. Hi quidem fuerunt illic, hoc est, ut uertit Symmachus, nati sunt in Sion, nempe per innouationem uitæ: nam in Sion primum natus est Christus, ex quo post suum natum sunt ortum; hoc est, in Sion innotescere mundo occæpit fidei autor, atque subinde à discipulis illum annuciari uniuersus ferè audiuit orbis. Ideo Felix, atque adeo ceteri ex hebreo sic uertunt: Hic natus est ibi. Paraphrastes item: Accurrent propterea, quod insignis ille natus sit ibi, nempe à prophetarum uaticinijs promissus, expectatusque ab omnibus & desideratus.

Nunquid Sion dicet, homo & homo natus est in ea?  
Ex hebreo: De Sion dicet, uir & uir natus est in ea. hoc est, unusquisque qui natus est ex spiritu & aqua, in ea natus est, nempe ut sit Dei filius, ac cœlorum ciuis. Vir & uir, pro unusquisque ponit, ne hinc modò de duplici in Christo natura philosophemur. Etenim in Ezechiele legimus: Homo homo de domo Israël, qui posuerit immunditias in corde suo. Id est, quicumque ex Israëlitis, quisquis is tandem fuerit, qui cõceperit munditias in corde suo. Digito itaque quasi hi cõmonstrabuntur, audientque in uulgus. Ille & ille natus est in ea. Nec mirum quidè; nam Et ipse fundauit eam altissimus.

Ipse quidem altissimus tam insolitæ mundo renascentiæ fundator fuit; ipse, inquam, non humanum ingenium, non sanctitas, quæ nulla erat, illius strauit fundamentum, quæ uis est spiritus in Deo. Etenim quis unquàm sibi persuasit sese ex te uenire posse ad Deum, nisi à Deo tractus? Ipse igitur nobilissimæ structuræ fundamentum est, progressus item, & consummatio; & qui Dominus narrabit in scripturis populorum, & principum horum, qui fuerunt in ea.

Felix sic: Dominus numerabit cum scribet populos: hic natus est ibi. Quid sit, numerabit, exponit Paraphrastes: Cõmemorabit, inquit. Alius rursus: In anales populorum referet, quod insignis ille natus sit in ea. Efficiet, inquit, dum recenset populos, ut cõmemoretur, quod mirabilis ille & stupendus omnibus, in ea natus sit. Summa, ait quidam, totius scripturæ est, Christum natum esse Ecclesiæ. Ceterum scripturæ eæ Dei, in æterna immotaque illius mente tanquam in libro exaratae sunt: in quo sanè quotquot seruant, hi enim uero qui in Sion ex filiis Iesu Christi renascunt, sunt scripti. Et id potissimum, quia insignis ille orbis in fauratore in ea natus, felicissimæ istiusmodi renascentiæ autor est. Verum ne nos quoque suo fraudetur sensu interpretes, sic dici posset: quod dominus narrabit, seu pronuntiabit, prout scriptum inueniet in scripturis populorum, hoc est, in libro uitæ, in quo scripti sunt credentium populi, atque eorum principes in primis, qui sic præcipua à Deo nuncupati sunt electione, nempe Apostoli, ac doctores, qui & ipsi fuerunt, seu, ut melius ex græco reddi posset, qui generati fuerunt in ea. Sed primus sensus mihi uerior uisus est, magisque spiritui, atque his quæ sequuntur, conueniens. Hic additur Selah.

Sicut lætantium omnium habitatio est in te.



**C** Argutissimo incœptū exordio epigrāma, argutiori clauditur fine. O Sion, inquit, ciuitas Dei, habitatio est in te, non mœroris quidē, ut sunt pleræq̃ huius mundi ædes, sed gaudiū, sed æterni, ob sedatas conscientias, tripudiū. Atqui bona istiusmodi omnia, in sinu Ecclesię perdurantibus proculdubio in hac quoq̃ uita, nedum in futura, cōtingunt. Verū non omnes, qui sacra intincti sunt uita, da, sacramētisq̃ initiati, in Ecclesię gremio, in quo perfecta inest pax, & in quo spirituales audiunt cantiones, choriq̃ illi ducunt cœlestiū consolationū plenissimī, qui ab amore profecti, in amorē tandem adēdō ardentē combusti resoluuntur, ut planē nihil in terris, quod suum esse uelint, præ se ferre queant, præter tenuissimos corporeę huiusce mortalitatis cineres, uerē esse, & cōmorari, non audeo dicere. Nego igitur quempiam, quamuis altē in uirtutū apice collocatum, aut religionis nomine insignē, intra Christi ulnas, in quibus sita est mortalium omniū beatitudo, locum habere, si conscientię stimulis punctus & discerptus, nullum sentit spiritualis lætitię gustū: quem in eo potissimē positū esse, & ducimus, & aliquando experti sumus, cū quis ita unitus e<sup>st</sup> Deo, ut quicquid Deū non referat, pacem scilicet, concordiam, dilectionē, mansuetudinē, pudicitiam, mundiq̃ neglectum, contēnat. Perfectissima quidem à suis expectat Christus. Quod si porrō hæc exactē nimīū à me requiri putes, atq̃ ob id in hunc tenuem Christi seruum excandesceas, cur tuam interim non reprehendis ignauā, ō qui tua, nescio qua, contentus perfectione, nihil iam fari libet præterquā, templum domini, templum domini, templum domini: Heu frigidas mei cordis (ne de alijs dicam) persuasiones. Certē extra Christi doctrinam ac uitam, non est salus. Cui honor sit semper, & benedictio in secula seculorum. Amen.

**PSAL. LXXXVIII.** Canticum psalmi filiorum Chora.  
**D** Vincenti, super infirmitatem ad humiliandum,  
 eruditium Heman Ezraitæ.



**D**omine Deus salutis meę, in die clamaui, & nocte coram te. Duobus quidem cantoribus, Heman scilicet, atq̃ ex posteris Chorę uni, iussu fuerat à rege, ut hanc cōmiserationis plenam, alternatim ad exprimendum Messię infirmitatem, atq̃ in terris cruciatus, occinerent odam. Volunt Hebręi Heman, qui fuit inter Leuitas sapientissimus, ex sui nominis conscriptione, quę planē eadem est cum primis literis tetragramaton, quę, ut exponunt Cabalistę, Messiam significant, Christum omnino referre, qui se humiliauit usq̃ ad mortem, propter mortaliū salutem. Cuius sanē mortis crudelitatem adēdō mœstē deplorat Vates, ut nullam penitus admittere uideatur consolationē: quod in alijs eiusdem argumenti psalmis minimē factum esse cernimus. Illi enim læto ferē clauduntur fine, in hoc uerō iacent omnia. Quod sanē cū considero, meam non queo nō maximopere execrari, ut sic dicam, incogitantia, qui tam stupidus sim, ac mei ipsius obliuiosus, ut afflicto sub capite & cruento delitiri audeam, atq̃ tam imprudēter meam instituere uitam coner, ac si ipse pro se, haud pro me, cruci affixus esset Christus. Quocirca cū hæc, quę in hoc psalmo, tanquā in crudeli tragœdia, dicuntur, cōmentari incipio, totus contremisco, quippe qui nullo adhuc me sentiam affectu permotū, qui uel minimam tam extremi doloris partem referat, quem pro me mei amantissimus subiit Iesus. Scribam tamē, illorū morem sequutus, qui quę ignorant scribunt. At non ignorat pro me, qui uice mei despectissimus omniū factus, clamat: Domine Deus salutis meę, in die clamaui, & nocte coram te. Dauid Kimhi Hebræorum doctissimus, fatetur titulorū uerba & sententias incognitas tentemus. Domine Deus, uide tenerum filiū in patrem animū, atq̃ affectum: uide, inquā, firmum Christi



Christi in orando propositū. In die, inquit, clamaui, nocte rursum à clamore nō destitui; atq; id quidē coram te, cui mei cordis arcana notissima sunt. Abijcies ne me filium tibi obsequentissimū; innocentem; absq; ulla causa ab improbis afflictum; O certæ salutis meæ autor, meos exaudi gemitus ac suspiria.

Intret in conspectu tuo oratio mea, inclina aurem tuā ad precē meā. A cordis radicibus nimirum euulsam, confusam, meticulosam, atq; ut sic loquar, exanguem. Tu excelsē, tu supra omnem altitudinē immensē, aures tuas illas ad audiendos humiliū gemitus faciles & benignas, ad pauperē tenui spiritali uoce suam enarrantē indigentia, inclina, accedatq; intrepidē in conspectu tuo, alioqui formidabili, mea à consternato animo dimanans oratio.

Quia repleta est malis anima mea, & uita mea inferno appropinquauit.

Infernus hīc, ut aliās quoq; diximus, est sepulchrū seu fouea. Adeo se ærumnis atq; aduersis oppressum fuisse fatetur, ut nihil iam ab his, qui mortui in sepulchris conduntur, dissimilis esset. Ad saturitatem, inquit, ac nauseam usq; plena est tormentis anima mea; hoc est, in his ferendis impar prorsus facta, ad tumultū usq; peruenit. Idcirco

Æstimatus sum cum descendētib; in lacum, factus sum sicut homo sine adiutorio.

Utra non procedit uersus Hebræis. Et est ferē idem, quod de descensū in fontem dixit; nunc illam lacum appellat. Anxiæ nimirum animæ indicium uerba hæc sunt, & querimonix: & est sensus, ut elegantissimē exponit à Paraphraste: Habitus sum, inquit, unus ē numero eorum, qui iamā corruituri sunt in barathrum; æstimatus nō pluris sum, quā homo suis uiribus omnibus destitutus.

Inter mortuos liber, sicut uulnerati dormientes in sepulchris, quorum non es memor amplius, & ipsi de manu tua repulsi sunt.

Liber tandem, inquit, à malis, quibus æquē exanguis inter mortuos iaceo, atq; solent hi, qui uulnerati, prorsusq; extincti iacent in sepulchro, quorum memoria iam extat nulla, factus sum. Vide quā latē interdum querelis frangimur homo in angustijs positus. Sunt qui uocem, liber, ad mundi referant negotia; ut sit sensus, se omnino liberum, propter mortem, à mundi curis & negotiis hoc est, se prorsus extinctum esse. Nam certē qui seriō moritur, ab omni peccatis mūdi cura liberatur, eo sanē modo, quo ab Apostolo dictum esse uolunt, Caterū Romanos liberos à iustitia extitisse, quandiu peccatis dicto paruissent, quorū quod ait, quorū non es memor amplius, de uita hac intelligi oportet, quo nunquā restituendi sunt, ac si omnino à Deo abiecti essent. Vnde illud est, quo queritur, ipsos de manu Dei repulso esse. Ad hæc,

Posuerunt me in lacu inferiori, in tenebrosis, & in umbra mortis.

Extrema aggregat mortis mala, quæ profundo puteo, seu lacui, obscuroq; locis & tenebroso comparat. Nec quidem, inquit, mihi solis lucem, alioquin omnibus cōmunem, præ mentis confusione atq; horrore, aspicere integrum est; in profundam omnino inferorū caliginem ac noctem coniectum me esse sentio. De umbra mortis aliās admo nuimus, declarauimusq;, quid sibi uelit istiusmodi loquutionis genus. Mala quidem huius mundi perinde mortem comitantur, ac solet umbra corpus.

Super me confirmatus est furor tuus, & omnes fluctus tuos induxisti super me.

Heu turbidam, planeq; confusam hominis mentem. Aspice ad quantam interdum adigatur desperationem, propter acerbiter persecutionū, anima, ut Deum rem tam mortalibus salubrē cōtra se furere suspicetur. Super me, ait,



**c** confirmatus est furor tuus: hoc est, totam tuam in me adeò effudisti indignationem, ut nullum iam supersit malorū genus, quo me non affixeris. Quæcunque enim mala, quæ homini in carne posito cōtingere possunt, ea omnia in me proiecta esse uideo. Quis hīc suam non exhorreat sortem? quis sibi hīc non timeat, simulac innocentissimū Dei filium tam anxie suum exprimere mœrorem audit? Non immeritò certè à spiritu additur in hoc loco *Selah*, uel id magis adeò, quòd statim subinfertur,

Longè fecisti notos meos à me, posuerunt me abominationē sibi: traditus sum, & non egrediebar.

Conclusus sum, inquit Campensis, nec uideo quo pacto explicem me. Verba sunt animæ, suam ualde exaggerātis miseriam, quæ atrocior hoc esse solet, quò quis extremas in calamitates prolapsus, & amicis, & ipsis quoque intima sibi necessitudine cōiunctis, despectui habet ac nausææ. Quod sanè Christo cōtigisset in terris, & scimus, & ut horrendū cōsueuimus spectaculū, execrati sumus, querimurque nō eousque etiā nos in crucis suauitate profecisse, quin pro Christi nomine atque amore, cōtumelias subire exhorreamus. Vide aliam dñi tui afflictionē:

Oculi mei languerunt præ inopia.

Præ inopia, Hebræis est, præ afflictione, seu dolore, ut reddit Paraphrastes. Alij uerò non ineptè sic uerti posse arbitrantur: Deiecta est præ afflictione facies mea, ut ferè idem sit loquendi modus cum illo alterius psalmi: Turbatus est à furore oculus meus, hoc est, facies mea præ amaritudine tabida facta est, & cadauerosa. Hæ sunt quidē certissimæ doloris notæ, pallor, macies, languidi depressique oculi & moribundi: ad hæc, suspiria, gemitus, crebraque atque anxie ab imo extractæ pectore uociferationes, Quare non iniuria additur:

**D** Clamaui ad te domine, tota die expandi ad te manus meas. Ad illorū nimirum morem, qui ob diutinos uitæ cruciatus, illò & oculos & manus, nedum uocem atque animum dirigunt, unde spem sibi salutis fore certam sciunt. Tota, inquit, die supplicabundus ad te protendi manus, dicens: Nunquid mortuis facies mirabilia, aut medici suscitabunt, & confutabunt tibi?

An hīc loquat Christus, caue dubites. Sic Euthymius: Lege humanæ naturæ formidat Christus mortem, & rogat se diutius uiuere. Etenim persuasum habet sancti Dei uiri, nullā aliam ob causam expetendā sibi esse hanc uitam aliòqui miserā & ærumnosam, nisi propterea, quò diutius in celebranda Dei religione uersari queāt. Cernunt quidē, quàm pauci inueniantur ex his etiam, qui ministeria in templis sibi arrogant, quibus propria magis non placeant cōmoda & delitiæ, quam crux Christi, quæ quoniā de more aspera est & cruenta, delictos auersatur animos, ut plerique iam facti sunt ex nostris, nempe illis, qui mūdum adhuc inter se pulchrorū cadauera expiscant. Exoptanda sit igitur nobis idcirco uita hæc temporaria, quò diu in crucis arena ac theatro, pro sponsa, cum mūdo, mundi que rannide digladiemur, nō ut ociosi carnis curam in desiderijs, ut inquit Paulus, perficiamus. Ait itaque: Num tu erga mortuos diuinitatis specimē ostēdere conlīs excitabunt sepultos, qui tuas cantaturi sint laudes? Non ab re quidem inter cætera quæ immortalitatē quodāmodo mortalibus polliceri uidentur, medicū posuit Vates, remedium nimirū mundo saluberrimū, diuinum, quodque non tam naturæ, quàm Deo ipso optimo maximo cooperari cernimus. Sed

Nunquid narrabit aliquis in sepulchro misericordiā tuam, & ueritatem tuam in perditione? Nunquid cognoscentur in tenebris mirabilia tua, & iustitia tua in terra obliuionis?

Qualem



Qualem, te oro, misericordiā? qualem ueritatē? quam iustitiā, qua gratis seruas in te sperantes, de te cantabimus, si in morte, atq; in sepulchro, loco nimirū exanimatorū corporum, ac cinerū, nos dereliqueris. In tenebris ne in terra ne obliuionis, mortuorū scilicet, quorum non es memor amplius, tua prædicabitur bonitas, quæ naturaliter lucida est, ac sole ipso meridiano splendidior. In sepulchro quidem, in fouea, in lacu inferiori quis te laudabit? Viuens igitur, uiuens ipse confitebitur tibi.

Et ego ad te domine clamaui, & mane oratio mea præueniet te.

Vt cunq; ulla absq; ope sub ærumnarū fasce, sub qua nihil iam præter metū, horrorē, desperationēq; & mortem uidere licet, opprimī uidear, adhuc tamē in te sperabo, adhuc uociferans in ipso statim aduersitatū exordio, in ipso summo mane, anteaq; densissimis inuoluatur tenebris, te lachrymis, atq; gemebūdīs præueniam deprecationibus. Id meum est consiliū: quod sanē cum à tua misericordia proficiscatur & uoluntate, non à mea uirtute,

Vt quid domine repellis orationē meam, auertis faciem tuam à me? Is certē piorum haudquaq; parentum mos est, filiorū preces negligere. Tu tamē omnīū clemētissimus, meā abijcis precationē, ac, quod me acrius affligit, faciem tuam illam, in qua omnis inest uis spei & ueniæ, indignabundus, planēq; iratus à me misero auertis. Quò igit me uertā: ad quem meum erit perfugiū? En Pauper sum ego, & in laboribus à iuuentute mea: exaltatus autē, humiliatus sum & conturbatus.

Longam hīc narrat suam, uel ab ipsa infantia, miserā: & est perinde, atq; si diceret, in miseris & cruce, uixi tota planē ætate. Sic illis, qui piē uiuere uolunt in Christo, cōtingere certum est. Non est, credemihi, seruus maior dño suo. Ita em̄ Christus, ut hīc narrat Vates, re ipsa expertus est. Mirū si ignores, uix illū natū nūdi persequutiones subiisse, sit ad Aegyptios fuga, sit cruēra illa puerorū occisio. quid illud? Vulpes, inquit, foueas, qua se abscondēt, habēt, & uolucres nirs, filius aut̄ hominis nō habet ubi caput reclinet. Nulla unq; fuit hora, quin dī semper cōuicijs atq; iniurijs, affectus fuerit Christus. O si iam crudeles illæ in Christū deferbuissent iniuriæ. Ob uirtutes quidē, atq; insolita mundo signa & miracula, indicīū nimirū sug æternæ diuinitatis & potentie, exaltari etiam in terris debuit. Verū perfidiosorū hominū cōtumelijs, fallisq; delationibus tractus, ut omnes sunt probi, aded afflictus fuit, ut hīc nunc se pauperē, deieciū, & à iuuentute oppressum, clamitet: Ego, inquit, qui exaltari debuerā, oppressus sum. Quid non conturbant improborū hominū linguæ, ac malus animus? Iam illud non omittā, paululū diuersam hanc literā esse Hebræis. Sic Felix: Pauper sum ego, & expirans præ excussione: id est, deficio, & emorior, propterea quòd me à manu tua, atq; ope excutis, longēq; propellis. Sequit̄: Tulī terrores tuos, dubitabo. Tulī, inqt, iudiciū tui, atq; ultionis terrores, dubitauīq; ne fortē sub opere deficerē. Quare sic Paraphr. Pertuli tales abs te mihi immisissos terrores, ut propemodū succubuerim, & desperare de salute tantū nō cœperim. Alia item alij ex hebreo etiā est litera. Ita illi: Fero terrores tuos, dico, ne fortē. hoc est: Tu dar propter iniquitates. Ex his uides, ni fallor, summē anxīū ac desperantē in rebus quid se posse somniat. Et tamē hæc omnia in Christo uerē fuisse ppter nos, nem pe ut nostre cōsuleret ignoratiæ, medereq; languori, & suā impartiret salutē, & credimus, & ualde gaudemus. Quòd si quidē istiusmodi uerissimis in Christo nō moueris terroribus & affectib; nondū illius factus es membrū, nondū plenē nosti, quid sit cum Christo cōmori, atq; in ipsum, tanq; unius imaginis formam, habuis, imò tuus, rem totam exequit̄.



**C** Super me transierunt iræ tuæ, & terrores tui conturbauerunt me. Quid signet, transierunt iræ tuæ, exprimit Paraphrastes. In me, ait, apparuerunt manifesta signa tui furoris. Quid? terrores tui, quibus mirū in modum conturbor, me exanimarunt, &

Circundederunt me sicut aqua tota die, circundederunt me simul. Parum forsan esset si terror unus post aliū diuissim succederet, calamitasq; calamitati cederet: at omnes simul in unum concurrere, instarq; præcipitantium aquarum in alicuius perniciē nullo facto intervallo cōuenire, id in primis intolerandū uidet, atq; humanis impar uiribus omnino. Quis id ferat, nisi aut Deus sit, aut Deo similis? Circundederunt me, inquit, omnes simul, nempe terrores, atq; horrendæ cōmixtæ metu perturbationes. Et demum, ne quid miseriarū cumulo deesse uideretur,

Elongasti à me amicum, & proximum, & notos meos à miseria. Replicat, tanq; infortuniorū omnium summū, quod superius dixit: Longè fecisti notos meos à me. A miseria, Hebræis est, in obscuritate, seu in tenebris. Sic totū reddit uersum Paraphr. Procul à me abire fecisti, si quis fortè reliquus fuit amans mei, aut uicinus beneuolus: quin & familiariter notos abscondisti, & ueluti in tenebris, ne uideri possint à me, collocasti. Vnde alius ex hebreo sic trāstulit: Notos meos obscuras. Vide quomodo perterrita anima, suarū calamitātū causam in deum reiiciat. Aufers, inquit, quicquid est cōsolationis, & addis quicquid est doloris & angustiae, itaq; me arctari sinis, ut nihil tam pugnare contra me appareat, q̃ tuipse. Idcirco acerbissimi tui in me furoris finem uidere posse, aliquando penè despero. Mirum quā effœminatē nostrę interdum sanctitatis asperitas sibi adblandiret, nisi cum istiusmodi collata seruatoris uniuersi Christi monij, illò non peruenisse erubesceret rea, quò innocentissimus omnium Christus ullo absque merito perfectissimè peruenit, nempe ad extremos, ob scelera haud quidem sua, sed aliorum, terrores & cruciatus. Quòd si adhuc hi tenō tantum spectaculum) defluxit sudor.

P S A L. L X X X I X.

Eruditium Ethan Ezraitæ.



Misericordias domini in æternū cantabo, in generatione & generationem annuntiabo ueritatem tuam in ore meo. Ethan, quemadmodū in superiori psalmo Heman, cantorū principem tunc easserunt, Samuelisq; nepotem. Cur uerò uterq; Ezraitæ dictus sit, ex scriptura nō habet, nisi quòd putant sic appellatos illos esse, quòd à Zarah filio Iuda originē traxerint. Vtuncq; de nomine disputent, nos scimus robustū à doctioribus, Ethan interpretari: quam quidem interpretationē Christo omnium robustissimo cōuenire, non est qui in dubium uertat. Cuius sanè regnū sub regni Dauidis typo, in hoc psalmo mirando effigiať mysterio. Siquidem æterni patris bonitas, atq; adeò de Christo pollicitationes, quę ueritas in Deo est sempiterna, ac gratia per Christū in Ecclesię sinum immissa, hīc prædicant, urgeturq; quòdammodo Deus à fide promissorū, ut quod pollicitus est, adimpleat. Sed psalmi exordium à suauissima misericordiæ uoce auspicatur sponsa, hoc modo: Misericordias domini in æternū cantabo, in generatione & generationē annuntiabo ueritatē tuam in ore meo. Veritatē tuam, fidem uertunt, de quo aliàs admonuimus. Vide quid de se polliceat. In æternū, inquit, cantabo. Non quidē sanctæ ignotum fuit, quā æternus futurus esset usus misericordiæ Dei apud sanctos. Nulla unquā fuit ætas, neq; esse potest, aut poterit in futurū, quæ ubertim diuinis non indigeat beneficijs, ac donorū gratijs. Cantabo igitur, doceboq; posteris, innumeris te modis (sic misericordias exponunt) misericordem esse: dicamq; illis, de tua haudquaquā dubitandū esse fide, quin præstiturus sis quęcumq; olima



olim pollicitus es. Pollicitus quippe es, tēq̃ æterno obligasti fœdere, ut homo cum miser esset, tu contrā misericors, pius, ad ignoscendumq̃ facilis, & gratio-  
sus; neq̃ unquam tam perditum posse esse hominē, quin tu ab instituto seruan-  
di ex æquo omnes absterrereris.

Quoniam dixisti, in æternū misericordia ædificabitur in cœlis, præ-  
paratio ueritas tua in eis.

Dixi, legunt Hebræi, & aptius quidē mea sententia; etenim unus est cum su-  
perioribus cōtextus. Annunciabo, inquit, & dixi, mihiq̃ persuasi, tuam in æter-  
num duraturā clementiā, semperq̃ incrementū recepturā, augendamq̃ è poste-  
ris in posteros in infinitū, quemadmodū tua in cœlis perstat æterna ueritas, ac si  
des. Cœlos quidē ipsos, alioqui mirabili & stupendo à te fabrefactos artificio,  
potius ruituros crederē, q̃ te à promissis discedere suspicarer. Vt enim hi firmi  
sunt & stabiles, ita tua est fides, ô Deus. Præparabit, Hebræis est, firmabit. Idem  
symmacho è græco. Mirum q̃ indissolubili cōnexę sint nodo (is amor est) mise-  
ricordia & ueritas: siquidem non exhiberet, ut diuus ait Augustinus, in imple-  
tione promissorū ueritas, nisi præcederet in remissione peccatorū pietas. Ve-  
rius illud est, quā multis à me probetur, uniuersas uias domini misericordiā  
esse, ac ueritatē. Illud nō omittendū, quòd Felix sic reddit hūc uersum: Quoniā  
dixi, mundus misericordia ædificabitur; nempe ob Adæ miseriam dirutus.

Disposui testamentum electis meis, iuraui Dauid seruo meo.

Hæc sunt sunt uerba Dei: ut sit mutatio personæ, frequens nimirū tropus in  
prophetis. Quid, inquit, de meis uerendū est promissis. Ego em̃ æternū, infra-  
tumq̃ cum meis percussi fœdus, illudq̃, ne in dubium unq̃ uerteret, cum ser-  
uo meo Dauide sanciuī iuramēto. Testamentū hīc est fœdus inter Deum & ho-  
mines percussum, quo suum se ille filium è Dauid semine missurū in mundum  
ad mortaliū salutē astrinxit Deus, quoc̃q̃ nos suam in fidem reciperet, nos illum  
in Deum. Vtrūq̃ enim perfectissimē, ac bona fide adimpleuit Deus; nos uerò  
in utroq̃ periuri extitimus. Feriam, inquit dominus, uobiscū pactum sempiter-  
num, misericordias Dauid fideles. Illud obscurū, quomodo se dicat Deus tan-  
tummodo cum electis suum æternū sanxisse pactū, & non cum cæteris. Ecquid  
firmum unquā cum impijs, perfidiosisq̃ hominibus sanciri potuisset. In illorū  
quippe animos qui id seruaturi forēt, tanq̃ in æs durum aut saxum, diuinū inci-  
dendū fuit pactum, stabiliendūq̃ in eternū. Quæ de re illud quod sequit̃ intulit̃

Vsq̃ in æternū præparabo semen tuum, & ædificabo in generatio-  
ne & generationem sedem tuam.

Selah hic ponit̃, quo nos admonitos uult spiritus, perpetuā prædici hīc semi-  
nis Dauid successionē, quæ est Ecclesia in Christo, in qua æterno ueluti incre-  
mento cœlestia coalescere deberēt eousq̃ munera, quoad Deus fieret omnia in  
cœnib. In quo etiā & nos (clamat Paulus) sorte uocati sumus, prædestinati secun-  
dū propositū eius, qui operat̃ omnia secundū consiliū uoluntatis suæ, ut simus  
in laudē gloriæ eius, nos qui speramus in Christo. Cæterū de promissione Dei,  
qua uel ab ipso mundi exordio, se suū ad nos missurū unigenitū toties pollicitus  
est, plena est sacra lex: quare nulla huc mihi hac de re adducunt̃ testimonia, & id  
maximē adeo, quia nulla mihi est cum Iudæis disceptatio. Fidelibus enim meæ  
professionis hominibus is meus defudat labor, nō infidelibus. Ergo seminis hu-  
iusce, atq̃ adeo throni regij perpetuitas, quam hīc Dauidi promissam esse cer-  
nimus, Christi regnum adumbrabat, qui semen illud est, de quo alio in psalmo  
sic pater: De fructu uentris tui ponam super sedem tuam. De alio quippe semi-  
ne, quā de Christo, istiusmodi asseuerare promissiones, nefas esset. Cum igit̃  
tur perseueranter seruandum id sit cum Deo fœdus,

Confitebunt̃ cœli mirabilia tua dñe, & ueritatē tuam in ecclesia san-  
ctorum.



c Mirabilia tua, uertit Fel. arcanū tuum, nempe Euangelium ab æterno absconditum, impijs nimirū, atq; à Deo auersis: his uerò qui ex fide sunt, reuelatum, & per Christū tandem patefactū, quos & hic cœlos uocat. Verūm & de angelicis mentibus hæc dici posse arbitror, quæ & ipse nostra ex instauratione secreuissimō quodam modo ac ratione perficiunt. Videntur enim beati illi spiritus nondum sua cōtenti posse esse, ut sic loquar, felicitate, plenēq; gaudere, quoad sanctos in periculis diuersari intuent: quocirca à seruatore dicunt lætitia affici suā per uno peccatore pœnitentiā agente. Ideo quicquid diuina nobis confert misericordia, laudant, perindeq; de illo lætantur, ac si in se collatū cernerent. Etenim una futura est illis nobiscum in cœlis mansio, perficiunturq; quotidie per cognitionē multiformis sapientiæ Dei, sacramentiq; istius, ut inquit Paulus, absconditā seculis in Deo, ab Ecclesia, quæ una est nobiscū cum ipsis in Christo: in qua quidem stupendas Dei operationes non cessant efferre laudibus.

Quoniā quis in nubibus æquabit dñō? similis erit Deo in filijs Dei: Meritò quidem summi opificis ab angelis, nuncijs nimirū illius & ministris, laudantur in Ecclesia operationes. Nam inter ipsos quamuis perfectissimis ornatos dotibus, quis cum Deo illorū conditore est cōparandus? is enim rex, illi serui: is conditor, illi creatura. In nubibus porro positum, exponūt pro. in cœlo, quod de supernis rursus spiritibus intelligi uolunt: quod & apertius sequenti exprimitur hemistichio. Quis similis, inquit, erit Deo in filijs Dei? Siquidē filij Dei in scripturis, pro cœlestibus illis mentibus interdū sumi solent. Quis similis tibi, reddit Campensis, inter angelos quantumuis sint potentes?

Deus qui glorificatur in cōsilio sanctorū, magnus & terribilis super omnes qui in circuitu eius sunt.

D Deus certē, inquit, est, cui nullus æquiparari potest. Nam ipse, etiam inter illos qui aliquid esse uident, ut sunt sanctorū cœtus, terribilis est ac metuendus: inter illos, inquam, qui circa eum sunt, illiq; ministrant, suspiciendus est, ac modis omnibus laudandus. Verūm ut etiam te alloquar, ô immense,

Domine Deus uirtutum quis similis tibi? potens es domine, & ueritas tua in circuitu tuo.

Hoc est, quæ circa te sunt, ueritas est & bonitas. Vnde quidam ex hebræo sic uertit: Domine Deus exercitū qui similis tibi maiestate, fide ac ueritate, quibus latus tuus stipat: Quemadmodū enim mundi huius tyrānis, impietate, auaritia, Dei cōtemptu & superbia, tanquā satellitibus, armata incedit: ita tu Deus maiestate, fide, misericordia, ac æqua in omnes dilectione tanquā uestitu deaurato circumdatus tuo in excelso sedes solio. Nam

Tu dominaris potestati maris, motum autem fluctuum eius tu mitigas. Tu humiliasti sicut uulneratum superbum, in brachio uirtutis tuæ dispersisti inimicos tuos.

Inter Dei miracula, quæ in Iudæorū gratiā gesta olim fuere, illud quo erepti sunt ab Aegyptiorū seruitute in primis, qd iam centies diximus, habet: idcirco frequēter in scriptura nostrā ad mordendā ingratitudinē recenset, eiusq; penē in nobis obsoleta renouat memoria. In nobis dico, qui tam prodigiosi exitus cōmodū atq; utilitatē excellentius nacti sumus, q̃ illi forsā, qui siccis pedib. turbidum illud traiecerunt mare. Iam illud mihi huius simile Esaię in mentem uenit: Nunquid, ait, nō tu percussisti superbū: uulnerasti draconē: nūquid nō tu siccasti mare, aquam abyssi uehementis: qui posuisti profundū maris ut transirent liberati? En quomodo prophete uno eodemq; accensi lumine miracula illa antiqua cōmemorātes, nostrā adumbrāt Ecclesiā. Verūm nos miseros, si nondum in nobis uulneratū esse superbū à uulnerato Christo sentimus, si nondum experimur æstum, fretumq; horrendū libidinis ex animo defecuisse nondum experi-



mur. Quàm uereor ne ad nostrā hæc scripta sint perniciem. Vide quid minetur Christus. Si, inquit, non uenissem, & loquutus eis non fuisset, peccatū non haberent. Vt cunq; uerò superbia atq; ambitio digniores mundi sedes occupent, attamen ô omnipotentissime,

Tui sunt cœli, & tua est terra: orbem terrę & plenitudinē eius tu fundasti, Aquilonem & mare tu creasti. Thabor & Hermon in nomine tuo exultabunt.

Aquilonē & dexteram, seu meridiē, uertunt ex hebræo. Siquidem orientem spectanti, ad dextrā fit meridies. Volunt enim his uocib. uniuersi molitorem Deum laudari. Cæterum Thabor mons celebris in Iudæa ad occidentē situs est, Hermō uerò ad orientē. Quatuor his igit̃ orbis plagis, uniuersale Dei imperiū intelligi uoluit spiritus. quanq̃ certē non absq; mysterio celeberrimorum montium Thabor & Hermō mentionē hīc fieri arbitror; in his enim Christum non semel signa suæ diuinitatis edidisse legimus. In Thabor em̃ transfigurationē illam famosissimā Christi factam legimus; in Hermon autem uiduæ filium à phetero expectatū, atq; à mortuis ad uitam restitutū asserunt. Nam in Hermon Nain ciuitas est posita. Occultē igitur à spiritu, unde orta sint fidei rudimenta, admonemur. Ait itaq; Tu cœlorū, tu terræ, tu rerum omniū, quæ orbis machinam mirabili exornant pulchritudine, fundamenta iecisti. Tu gelidam septentrionis regionē, tu meridiem, tu orientem, tu occidentē, pulcherrimo cōdidisti ædificiis. Ex quo qui tuam contemplañ sapientiā, te laudandī, in tuoq; sanctissimō nomine exultandī occasionem sumūt. Quid? Ipsi quoq; nouissimi in Iudæa montes, Thabor & Hermon, etsi inanimes & muti, sua tamen ipsa mole & uasitate, in nomine tuo exultabunt. Nec mirum sanē: siquidē in ipsis uita, tanquā aura suauis, è Christi ore spirare occēpit.

Tuum brachiū cum potentia, firmetur manus tua, & dextera tua. Ita unus est uersus Hebræis, qui sic reddunt: Brachium tuum est cum fortitudine: coroboreſ manus tua, exalteſ dextera tua. Paulò secus Paraphraſtes: *Robustissima est, inquit, manus tua, & potētissima dextera tua. Mens est enim prophetæ, diuinam omnibus præstantē celebrare magnitudinē & potentiam: iustitiam rursus, æquitatem, bonitatem, fidem: quibus sanē rebus, quicquid conditum est, regit, atq; innumeris afficit donorū largitionibus. Ideo statim intulit: iustitia & iudicium præparatio sedis tuæ: misericordia & ueritas præcedent faciem tuam.*

En quomodo uerbo, præparo, passim abutitur interpres. In hoc quippe loco, præparatio, Hebræis est habitaculū. Symmachus uerò tranſtulit, stabilitas. Cui & ad stipulatur Paraphraſtes, qui sic reddidit: iustitia & æquitate stabilitum est regale soliū tuum. Vide igitur, quibus munitæ esse debēt rebus regnorū leges. iustitia in primis atq; iudicio, rebusq; in ministrandis equitate, ac prudentia, misericordia in super & fide, quibus tanquā rotis currus in quo triumphat sua in Ecclesia Christus, fulcitur, sanctissimē gubernantur populi. Venales autem isti iudices & iniqui (si qui hoc fœdo delectantur cognomine) & qui suis in iudicijs crudeles sunt & perfidiosi, ad ea quæ hīc dicunt̃ minimē pertinent: cum Christo enim nulla illis est pactio. Proinde lachrymis decentius à pijs comitandi sunt hominibus, quàm adulatione & plausu. Sues quidem sunt, & canes. Cæterum quis talem non amaret regem, & antistitem, qui iustitia atq; æquitate munitus, misericors esset, & in his, quæ promisit, constantissimus? Contrā uerò, quis imitem unquam diligeret superiorem? quis fallacem? quis iniquum? quis suis insistentis & diffinitionibus, proprijs magis inseruientē affectibus, quàm legi Dei, cui semper, quemadmodum lictores solent magistratibus, misericordia & ueritas, an. eambulones sunt? Quamobrem



C Beatus populus qui scit iubilationem.

Et qui hæc agnoscens, in his, non in mundi plausu sese oblectat, indeq; lætandi occasionem uenatur, unde alij mœrorē ac luctum. Quod gaudium, mi lector, cum hoc cōparandum, cum anima numine obsignata, quæ est arrha spiritus, se Dei dono & misericordia adeo purgatam agnoscit, atq; ultra mundum se euectam non ignorat, ut plenius, quod aiunt, crateribus hauriat salutem à domino: quæ in eo maximè posita est, ut eum iustum esse credat, atq; ad clementiam facilem & liberalem, Hi nempe, qui sic affecti sunt,

Domine in lumine uultus tui ambulabunt, & in nomine tuo exultabunt tota die, & in iustitia tua exaltabuntur.

Lumen uultus Dei, illius est fauor, ac lux spiritus. Iustitia uerò ea est pars in Deo, qua gratis iustificati per fidem, spem assequendi eterna animo cōcipimus, persuasumq; habemus certissimas in cœlis paratas nobis esse cum Christo mansiones. Ex qua quidem fide & persuasione noster oriri solet amor erga eum flagrantissimus, qui illas præparauit: ut nihil tam expetere libeat, quàm omni abiecto mûdi gaudio, in illo solo lætari, atq; de cōdonatis noxis exultare; & id quidē omnib; diebus uitæ nostrę. Atqui idem esse hîc lumē Dei iudico, de quo sic alio in psalmo edisserit Vates: Signatū est, inquit, super nos lumen uultus tui dñe. rarum scilicet atq; insolitū, fidei. Vel illud Esaie: Et ambulabūt gentes in lumine tuo, Preuius quidem spiritu Dei, plana fiunt omnia, amœna, lucida, admiranda.

Quoniam gloria uirtutis eorum tu es, & in beneplacito tuo exaltabitur cornu nostrum.

D Tu quidem uirtutis omnis illorum, ac roboris ornamentū es, & gratia: siquidem bonarū rerum omniū autor es, & dator. Ideo cornu nostrum exaltabitur, hoc est, superiores nos hostibus facies. Cornu inter alias in scripturis significationes, uires, seu potentiā præ se fert. Quicquid igitur hi possunt, à te, qui gloria eorum es, possunt, ut qui gloriantur, in te glorient. Et in beneplacito tuo, ac uoluntate, non in nostro arbitrio penè attrito, aut bona, quam uocant, intentione, nostra aliquid erit potentia & uirtus.

Quia domini est assumptio nostra, & sancti Israël regis nostri.

Ratio quidē ac summa salutis in eo posita uidet, quod nullo nostro merito, à Deo solo, qui secundū propositū uoluntatis suæ nostros in se afferuit lapsus & errores, manūq; supposuit, ne prorsus post casum, in quem nostra corruimus uoluntate, collideremur, tanq; teneri infantes à nutrice, pēdeamus. Ipsi itaq; soli acceptum referre liceat, si quid à nobis feliciter pugnatū est, qui rex noster uerus est, Israëliscq; sanctificator, nempe omniū, qui directi ab eo ideo sancti efficiuntur, quoniā ab ipso ad sanctimoniā asciti sunt. Quod noster uertit interpretes, assumptio nostra: Hebræis est clypeus noster, seu protectio nostra. Vnde ex illis quidam sic transtulit: Apud dominum est protectio nostra, & sanctus Israël rex noster. Vt cuncq; legas, id non nescire oportet, Deum clypeum esse nostrum, protectionē, assumptionem, salutemq; & uitam: quæ summa est gratiæ euangelicæ. Vnde non absq; causa sic præsentē exorsus est odam Vates: Misericordias domini in æternum cantabo. Verum ad promissiones Dei Dauidi factas excutiendas intendamus.

Tunc loquutus es in uisione sanctis tuis, & dixisti: Posui adiutorium in potente, & exaltaui electum de plebe mea.

Nulli dubiū quod de seipso hæc dicat Vates, quē è turba delegit Deus, ut esset rex, de cuiusq; familia nascere Christus, & quem potentē ob sui spiritus gratiam appellat Deus. Olim, inquit, per uisiones, occultosq; spiritus afflatus loquutus es, ô Deus, sanctis tuis, nempe Nathan, Samueli, nonnullisq; alijs, quorum



rum nomina tibi nota sunt, illisq; dixisti; Summā auxiliij mei posui in fortissimo illo, quem adolescentem adhuc exaltaui, delegiq; è populo. Itaq;  
Inueni David seruum meum, oleo sancto meo unxi eum.

En quis sit potēs ille, atq; electus à Deo, exprimit. Et uerè illū inuenit Deus, ut uocatio illa ex electione fuisse dicat, non ex merito. Quid puer ille, & pastor, & penè a patre abiectus, cōmeruit unquam, ut rex à Deo institui, perungiq; debuisse? Inueni, inquit, David, nō ipse me. Nulla certè in ipso fuerūt merita, nulla ad regnū affectatio. Ego, ego illum inueni, atq; sanctissimo mei spiritus oleo delinui. Oleum id sanctum ad Christū referri debet, quo à patre unctus, rex ueris forū effectus est. Typus in hoc, quemadmodum in cæteris, fuit filij Dei, filius Iessæ, de quo sic loquitur Deus:

Manus enim mea auxiliabit ei, & brachiū meum confirmabit eum. De electione David, promotioneq; ad regnum, & unctione, addo & Dei manus confirmatione, qua supra alios euectus, formidabilis hostibus fuerit, cum alijs in gestis regum, tum potissimū in Samuelis libro fuscè admodum scriptum est. Huic itaque quem inueni, quem elegi, quem unxi, in omnibus opitulabor, cumq; mei subfulciam confirmaboq; brachij robore, ac uirtute. Nōne hīc tibi uidetur à spiritu dici, illos, qui non uocantur, non eliguntur, & qui ad regna & magistratus, iniussu Dei accedunt, à Deo sperni?

Nihil pficiet inimicus in eo, & filius iniquitatis nō apponet nocere ei. Clarius ex Hebræo legi posset: Non uiolentus esse poterit cōtra eum hostis, & filius iniquitatis non affliget eum. Tangit hīc Saulis odium, & persecutio- nes, unā cum suis adulatoribus, David: à quorum tamen insidijs diuina semper protectus fuit manu. Filius iniquitatis, Hebræorū more, pro iniquo homine potum scias, quod alijs notauimus.

Et concidam à facie ipsius inimicos eius, & odientes eum in fugam conuertam.

Id nō semel actum esse legimus, sed tum potissime, cum occiso Saule, fusi fu- gūq; fuere hostes. Conterā, inquit, quotquot audebunt sese illi opponere, atq; olores eius percutiā. Quod nostra habet æditio, in fugam conuertā, Hebræi le- gunt, percutiam, seu cædam. Vtrūq; tamen de suis hostibus inspexit David. Et ueritas mea, & misericordia mea cum ipso, & in nomine meo exal- tabitur cornu eius.

Ecce quomodo ferè semper ueritas & misericordia uno incedūt passu. Quòd enim Deus erga eum fidelis in pollicitationibus fuerit, ab eius profectū est mise- ricordia: alioqui quid bonorū homicidæ atq; adultero, nēpe ingratiſſimo & san- guinario homini, à Deo puritatis amantissimo præstari debuit? Haudquaquā igitur irritæ factæ sunt promissiones Dei ob illius scelera, quem antea inuenerat, delegeratq; ac oleo sancto regio perfuderat. Quocirca, inquit, per me illius ex- tolletur cornu, potestas scilicet atq; imperium.

Et ponam in mari manum eius, & in fluminibus dexteram eius. Per manum & dexteram, dominiū intelligit, quod ad finitimas usq; maris re- giones, ut erant Palæstini, ac Syri, prorogatū, ad Euphratē & Tigrim felicissi-

mè peruenit: quod sanè tum fuit, quando non solum Palæstini, ut dixi, ac Syri, uerumetiam Moabitæ, Aedomei, atq; aliæ conterminæ gentes, illius agnouerunt imperiū: tum dico, quando tota illi facta est tributaria Mesopotomia, quam Syriam fluminū appellant. Verum hæc certius de Christo dici par est, cuius im- perium supra omnes latè orbis regiones protenditur.

Ipse inuocabit me, pater meus es tu, Deus meus, & susceptor salu- tis meæ.



**C** Tamen si enim de Salomone dictum legimus, Ego ero et in patrem, & ipse erit mihi in filium; at quæ hæc tamen dicuntur, de Christo convenientius, quæ de mortali quopiam homine dici debent. Quod si pii omnes Deum in cœlis patrem agnoscunt, illumque uenerantes inuocant, ut fecit Dauid, id quidem factum est per gratiam & adoptionem: Christus uero naturalis est Dei filius, illique coæternus, consubstantialis, eiusdem uitæ, roboris, prouidentiae, uirtutis. Et qui cum primogenitus sit patris ab æterno ut Deus, ut homo tamen factus, est illi etiam primogenitus, ut eum uocat Paulus, in multis fratribus, ex mortuis, atque omnis creature, tanquam noui populi primitiæ, ac ueluti is, qui primus ultro è tumulo exuscitatus ad immortalitatem, præcipuum quiddam atque electum, ut ferè sunt primogeniti, in noua fidei creatura est factus, cuique data est omnis potestas in cœlo & in terra. Idcirco additur,

Et ego primogenitum ponam illum excelsum præ regibus terræ, Cui unquam primogenito data fuit potestas in cœlo & in terra, quod cunctos præcelleret orbis terrarum reges, nisi Christo? Iam illud superius dictum, Susceptor salutis meæ; Hebræi habent, rupes salutis meæ, seu firma salus mea. Mirum nisi hæc lætissimum in modum gestiat anima, considerans ad quantam rerum potestatem euectus ille sit, cui iam per fidem unita, eò & ipsa aliquando sublimitatis peruenire sperat, ubi ille potentissimus omnium factus, cuilibet rei imperat & dominatur. Ecquid igitur in uniuerso conditum est orbe, quod animæ, etiam in hoc mundo, Christo unitæ, non dicto pareat? Flagrantissima res est amor diuinus, qui quæcunque uel leui tactu apprehenderit, in se actutum rapit, urit, transmutat, unumque secum efficit. Huic proinde dicitur:

In æternum seruabo illi misericordiam meam, & testamentum meum fidele ipsi.

**D** Aeternum, inquit, illius uolo esse regnum, æternamque in regno misericordiam: & pactum tandem, hoc est, quicquid illi pollicitus sum, inuiolabili à me seruabitur fide. Sic Hebræi: Et fœdus meum erit ei firmum. Noster interpretis suo more testamentum pro fœdere reddidit. Obserua, Christi regnum in misericordia & ueritate, seu fide, fundatum esse. Quid ultra?

Et ponam in seculum seculi semen eius, & thronum eius sicut dies cœli. Dies cœli pro indefinito æuo posuit. Sic Felix: Et ponam in æternum semen eius, noster uero, in seculum seculi. Sequens hemistichius præcedentem interpretatur, Christi quidem posteritati, qui sumus nos, æterna promittitur hæreditas, quoniam ipse æternus est filius, per quem electi & ipsi facti sunt filij Dei, & hi quidem æterni. Verum illud horrendum, ac metu plenum, quod sequitur:

Si autem dereliquerint filij eius legem meam, & in iudicijs meis non ambulauerint, Si iustitias meas prophanauerint, & mandata mea non custodierint, Visitabo in uirga iniquitates eorum, & in uerberibus peccata eorum.

Vide gratiæ euangelicæ dignitatem, uide sponsi in peccantes clementiam, qui ne in delictis quidem capitalibus, cum magis ad ultionem irritat, non deserit, sed, quæ est eius incōprehensibilis bonitas, è peccati sorde eleuans, peramantemque corrigens, flagella quidem admouet, sed salutaria, sed paterna, non tyrannica, & letalia. Si contigerit, inquit, quod regni huiusmodi filij meam auersentur legem, secundumque mea non uixerint iudicia, quorum ui peccantibus poena, bene agentibus præmium constituit: si, inquam, iustitias meas, ceremoniasque ac statuta luxuriose uiuendo prophanauerint, præceptaque mea non seruauerint, corrigam quidem eos, sed, ut solent oues errantes à pastore corrigi, uirga, uerberibusque, si opus fuerit, ut resipiscant, in eorum animaduertam transgressionem. Misericordia.



Misericordiam autem meam non dispergam ab eo, neque nocebo in ueritate mea.

Non eum, inquit, mea fraudabo clementia, qui sic errauerit, neque mea fallam fidem. Sic hunc uersum legunt Hebraei: Pietate autem meam non auferam ab eo, neque mendax ero in ueritate mea, sed stabilis quaecumque pollicitus sum prestabo.

Neque prophanabo testamentum meum, & quae procedunt de labijs meis non faciam irrita.

Rursus pro foedere testamentum uertit interpres: & est sensus, ut reddit Campensis: Nunquam uiolabo pactum, quod est inter me & uos. Id enim quod semel loquutus sum, non mutabo unquam.

Semel iurauit in sancto meo, si Dauid mentiar, semen eius in aeternum manebit.

Iurant crebro homines, quia mutabiles sunt, atque in promissis nutabundi. Deus autem semel, quia immutabilis. Immutabiliter, inquit, per sanctitatem meam, hoc est, per memetipsum, quo nihil sanctius inuenitur, iurauit, Si Dauid fallam, hoc est, absit ut eum fallam. Modus is est iurandi apud Hebraeos. Mentiri ne Dauid potero: absit ut illi mentiar. Etenim firma erit, sicut illi pollicitus sum, illius posteritas, manebitque perpetuo.

Et thronus eius sicut sol in conspectu meo, & sicut luna perfecta, in aeternum, & testis in caelo fidelis.

Repetit ferè idem, quod in superioribus asseruit, dicens: Et thronus eius sicut dies caeli, hoc est, aeternus erit, quemadmodum dies illi aeterni sunt. Vnde angelus testis in caelo fidelis ad Mariam ita de Christo retulit: Regnabit in domo Iacob in aeternum, & regni eius non erit finis. Modò uerò ab eodem spiritu, qui tunc in uinculo illo loquebatur, audimus: Et thronus eius, nempe regius, sicut sol, aut luna in plenilunio, quae tunc perfecta est, aeternus erit: quam quidè lunam unam cum sole, diuturnitatis regni illius testem, & eum quidè fidelè, esse uolo. Vt illa luna non deficiat, ita nec regnum Christi, quibus tamen suo à motu natura non cessantibus, mortemque nouissimo, ut eam appellat Paulus, destructo hoste, tum regnum tradet Deo & patri obsequentissimus filius. Sunt porro qui è graeco transferunt, inter quos est Symmachus, uice testis, contestatus, & sic esset personae mutatio. Ille, inquit, qui contestatus ac pollicitus est, se ea meo semini daturum quae dicta sunt, in caelo fidelis testis est, & mentiri non potest. Rursum, quod noster uertit interpres, luna perfecta, Hebraeis est, quasi luna firmata in aeternum. Diuinitatis quidem Christi perpetuitatè soli meritò ac lunae aequiparari non inconueniens fuit, propterea quòd inter uisibiles creaturas, nulla, quae diuturnior appareat, inuenitur. Alio in psalmo sic canit de Christo Vates: Et permanebit cum sole, & ante lunam, in generatione & generatione. Sed quò immensa hinc regi mysteria non ignoremus, huc attexitur. Ceterum Christus sol est, Ecclesia uerò luna: haec enim à Christo suam accipit perfectionem, quemadmodum illa à sole suum lumen. Sed ad psalmum, qui deinceps querelis Iudeorum grauidus, sic illorum incipit enarrare animi amaritudinè. Ea, inquit, omnia quae dixisti, sic se habere non dubitamus, certoque scimus te tuum non abnegaturum foedus.

Tu uerò, quasi horum omnium oblitus, repulisti & despexisti, distulisti Christum tuum, auertisti testamentum serui tui, prophanasti in terra sanctuarium eius.

Sic Felix: Tu autem dereliquisti, & abominatus es, accensus es ira cum Christo tuo: deuastasti foedus serui tui, prophanasti usque ad terram diadema eius. Quod nos legimus, sanctuarium, uox est Hebraeis, quae capitis ornamentum significat,



**C** quocirca diadema transtulerūt. Vnde Paraphrastes: Violasse uideris foedus initum cum seruo tuo, & ignominiose in terram abiecisse diadema illius. Et est, ut dixi, querela Iudaici populi, rami quidem detruncati ab arbore: quibus omnia, maximè in captiuitate Babylonica, atq; oppressione sub Antiocho, cōtraria Dei promissionibus uidebantur: tunc enim suum omnino populum abiecisse, regnumq; ac Christū, Dauid scilicet atq; eius posteritatem, repudiasse, fregisse pactum, atq; à uinea tam dilecta amouisse maceriem ac sepe, uisus est Deus. Ideo in querimonia perseuerans sic intulit:

Destruixisti omnes sepes eius, posuisti firmamentū eius formidinē. Ut enim istiusmodi amaræ, ut uidentur, querelæ à Vate, uice populi Iudæorum à tyrannīs oppressi, planēq; de diuinis promissionibus desperantis, proferri uideantur: sic & ad Christianorū tempora, forsancq; præsentiā, aptari possunt. Certè non queunt, uel perfectissimi quidem uiri, non adeò interdum, ob cōculcatam Dei religionē, deprauatāq; Christianæ uitæ simplicitatē, etiam in his, qui christianissimi uideri uolunt, excandescere, ut propemodū de Deo queri, deq; illius pollicitationib. subuereri, ac penè desperare iudicent. Non pacato sanè animo, Dei gloriā in terris obscurari, optimos quosq; opprimi, iustitiā contemni, ac mundū tandem circa aras uersari, & nostram dementiā ab infidelibus derideri tolerant. Querunt itaq; clamāt, flent, & quasi iniustitiæ Deum insimulant, ac ferè ignauia, qui ad suum tuendū honorē tam tardus sit, damnāt. Tantum uerò abest ut à pietate deficiant, ut etiam accepto spiritus lumine, in illa magis cōsolident. Vehemēs id agere solet ab amore (si maximè in Deum, quem super omnia diligere oportet & colere, fertur) profectus dolor. Imago hæc rerū in Christi morte expressa fuit, qui cū infinitas suæ diuinitatis in terris præ se tulisset notas, traxissetq; illicio, ut sic dicam, beneficiorū, uerbicq; lepore atq; efficacia spiritus multitudinē, ita ut nemo iam, quin is Dei esset filius, ambigere potuisset, ignominiosissimo tamē mortis genere è mundo sublatus est. Dissipatū tum quidem fuit, uirgine excepta, quicquid fidei in terris inueniebat. Vnde illa fuit discipulorum in itinere expositulatio: Sperabamus quòd ipse esset redempturus Israel. quasi dicerent, nihil hac de re actum est. Sed ut ad psalmum reuertamur, de populi deiectione æquè loquit, atq; de uinea solemus desolata, aut oppido, quod muris dirutis, omnibus peruium factum sit. Cuncta, inquit, septa illius demolitus es, proq; uallo & propugnaculo, formidinē illi, atq; terrorē circumiecisti. Nonnulli ex hebræo confectionē legunt, hoc modo: Posuisti munitiones eius confectionē: hoc est, munitiones eius funditus euertisti. Quamobrem

Diripuerunt eum omnes transeuntes uiam, factus est opprobrium uicinis suis.

Datus est, ait, populus tuus pertranseuntium omnium libidini, ac depopulationi: neq; id satis, sed & illius ruinæ addita est irrisio, atq; à circūiacentibus uicinis ludibriū. Exin, prò dolor, uisus es penè pro ipsis stare hostibus, decertareq; contra tuos. Siquidem

Exaltasti dexterā deprimentiū eum, letificasti omnes inimicos eius. De istiusmodi tropo exaltandi manum aliās diximus, & est perinde, quasi sic summam rei exprimeret: Quò grauius percutiant, hostium alioqui per senos crudelissimè urgentium dexteram in altum attollens, illis uires, nobis imbecillitatem suppeditas: ex quo maxima illi affecti sunt lætitiā, ac de prostrato populo tuo, consolatione. Hinc, illis ferocioribus factis,

Auertisti adiutoriū gladij eius, & non es auxiliatus ei in bello, Acie, inquit, gladij populi tui aliter audacē & acutā, penitus retudisti, illūq; in prælio ulla absq; ope deseruisti, ac tandē, quod acerbiorē illi addidit mœrorē, Emunda-



Emundationē uertit interpres, pro magnificentia, seu splendore, atq; ornatu: nam crebris ablutionibus emundari, maximū erat Iudæis ornamentū, ac religionis signum. Illis itaq; alludens ritibus propheta, omnem sanctitatis famam & splendorē in Dei populo extinctum fuisse queritur, ut & Dei uiri querūtur nostra hac quoq; ætate satis, propter quorundam ē religionis cultoribus improbitatem, turpesq; mores, exulcerata. Collisisti, ex hebræo legi posset, deiecisti, detraxisti: seu etiam ex græco, confregisti: in idem tamen redeunt hæc omnia. Euertisti, inquit, soloq; æquaſti illius regnum & quierem; & id quidem præmatūre. Nanque

Minoraſti dies temporis eius, perfudiſti eum confusione.

Hoc est, anteaq; illius regnum adoleuiſſet, suumq; perfectē aſſumpſiſſet incrementum, excidi illud prorsus, atq; ē medio tanquā innocuū puerum tolli uoluisti. Intempestiuē illud quidem collabi tum uisum est. Quid; pro gloria antiqua illa patrū, ignominia perfudiſti dilectum populū tuum? Heu soriem humanam. Vidimus etiam & nos, expertiq; iam millies sumus, quē hīc à spiritu dicuntur, pigetq; nostram ita in longum protrahi uitam, ut omnia quæ ab antiquis patribus institutis degenerāt, intueamur. Iam fastu omnia atq; ambitione sunt plena, idcirco ludibrio & ignominia exposita. Perfudiſti nos, inquit, confusione, opprobrio, infamia, derisione. Verū (conuenientissimē insertum est hīc Selah)

Vsquequo domine auertis in finem? exardescet sicut ignis ira tua?

Clarius ex hebræo: Vsquequo domine absconderis in æternum? perpetuò ne derisus semper ne furor tuus in nos, uti ignis feruere solet, feruescet? Quousque hæc non uides? Quis id nō intelligat, te tuis fauere hostibus, amicis uerò aduersariis? atque ne illis feras suppetias, aliò diuertere? Ardebit ne hæc perpetuò tua in nos indignatio? Vix credo. Tu potius

Memorare quæ mea substantia: nunquid enim uariē cōstituiſti omnes filios hominum?

Ex hebræo, Recordare quāti æui ſim: ob quid frustra creasti omnes filios hominum? quasi dicat: Memento quā breue sit humanæ uitæ spatium. Etenim nemo est, quem non mors celeriter absumat. Cū ita sit, cur in totos aduersa, atque cito morituros, conijcis? Da igitur in hoc breuissimo uitæ cursu, ut respiciamus, quieteq; uiuentes tua fruamur bonitate, ne nos nequicquam nati uideamur. Vt quid homines creasti? num ut semper in miseria uiuendū sit? Cur sic genus abijcis humanū, quasi illud non crearis?

Quis est homo qui uiuet, & nō uidebit mortem? eruet animā suam de manu inferi?

Passim inferos pro sepulchro uertit interpres. Ait itaq; Sat sit malorū, quòd tam breui & uili, utpote infinitis obnoxia miserijs, facti sumus conditione. Si quidem nullus homo est, quamlibet ualidus & robustus, qui mortis futurus sit expertus & sepulchri. Omnes quippe morimur, ac tanquā aqua fluens ad sepulchra ferimur. Atqui supraquā dici potest istiusmodi cogitationū immanitate p̄ ex cruciari solent animi, desperarentq; interdum, nisi spei stimulis puncti, ad contemplandā futuræ uitæ tranquillitatē conuerterent. Quocirca Selah hīc positum est. Interim uerò præterita Dei beneficia, simul & pollicitationes memorantes, ita cum Deo res suas digerunt, ratiocinanturq;

Vbi sunt misericordiæ tuæ antiquæ domine, sicut iuraſti Dauid in ueritate tua?

Misericordias uocat promissiones tum ueteribus olim factas, tum nouissimè ipsi Dauidi confirmatas de Christo, quem mundo seruatorē fore pollicitus fuerat Deus, qui suis in pollicitationibus seruandis constantissimus semper ui-



**C**us est. Idcirco ait: Sicut iurasti David in ueritate tua, quæ falli nequaquā potest. Tunc enim, quando maximè totus periclitari uidebatur Dei populus, in id penè desperationis adducti sunt plerique, ut suspicarentur Dei promissiones de regni David perennitate, quæ in Christo expectabatur, fore irritas. Quis unquā a captiuis, traductisque toties, atque propemodum extinctis, id sperare fuisset ausus? Urget itaque Deum à promissis, & his quidem iusiurando confirmatis, hoc ferè modo: Melius quidem fuisset te nunquā nos tot exornasse tuæ misericordiæ signis, pollicitationibusque tam crebris admonuisse, quàm post spem conceptam, abiecisse deseruisseque penitus. Quò illæ abierunt promissiones? quò fœdus? inuentum? ne? Quò tandem iuramentum illud, quando tute Dauidi astrinxisti, te bona fide illius posteritatis curam habiturum? Falsis? ne illum lactasti pollicitationibus, ô clementissimè, an ueræ illæ potius extitere? constantes? infractæ? æternæ? Ergo

Memor esto domine opprobrii seruorum tuorum, quod continui in sinu meo, multarum gentium. Quòd exprobrauerunt inimici tui domine, quòd exprobrauerunt cōmutationem Christi tui.

Iam tandem Vates, uel potius orbis seruator, quæcunque malorum in suos ab improbis irrogari contigerit, in se fieri confitetur. Quod porto in sinu meo, uertit Felix: seu, suscipio in sinum meum, ut alius ex hebreo. Aquila uerò, tuli, nempe opprobrium. Cæterum quæ in sinu ferre consueuimus, ea nobis sunt cordi. Vates igitur ea se affici molestia ob populi Dei oppressiones asserit, ac si in se caderent omnino. Norma certè aureis conscribenda literis, ab illis maximè, qui primas in rebus publicis ac populis nacti sunt sedes. Certè pastor, si uerus pastor est, gregis sui incolumitate & salute lætatur, ægritudine moeret. Quid pater in filiorum languorè & morbum? quanta inturbatur solitudine? quanta animi anxietate? Eodem planè malo quo affligitur filius, affligitur & ipse: si nimirum, aut pater non est, aut pater est ferreus & crudelis. Ita animarum sunt præfules & custodes, quos sanè à meo patre sic admoneri uideo: Ante omnia, inquit, non, dissimulantes aut paruipendentes salutem animarum sibi cōmissarum, maiorem gerant sollicitudinem de rebus transitorijs, atque terrenis & caducis, sed semper cogitent, quòd animas susceperint regendas, de quibus etiam rationem reddituri sint. Penè nostræ ætatis præfules depinxit uir sanctus, quibus quidem tanta iam terrenarum rerum iniecta est cura & sollicitudo (sit ne in causa temporum conditio, an procliuus illorum animus in his tractandis, quæ ad mundum attinent, me fugit omnino) ut nullo alio constare robore religio appareat Christiana, quàm ut diues sit, & magnifica. Verùm ego quidem in cōraminatæ huius ætatis corruptione, id uitij genus reijcere solitus sum. Tantum illud cupio, ut cum Christo subditorum miserias ac lapsus, proprio in sinu gerant, condoleant, congemiscant, subleuent tandem. Eæ uerè pastores partes sunt. Porro, ut ad psalmum redeam, quòd uetus habet æditio, cōmutationem, tamen si de Iechonia, aut Sedechia, qui uice David in populo regnarunt, litera ac li exponant, uerior tamen sensus ille esse uidetur, quem ab Hebræorum & Felix cepimus, qui uestigia legunt, seu uestigijs. Idem diuus Hieronymus & Felix. Idem & cæteri, & in primis Chaldaeus, qui sic transtulit: Exprobrauerunt tarditatem uestigiorum pedum Messiae tui. Iudæi, qui in illa tunc ætate uixerunt, suo certè sanguine sperabant Christum nasciturum. Vnde intoleranter ferè sibi irrogata ab infidelibus audiebant impropéria, utpote qui in uenturum quemdam sperarent hominem, & Messiam, cuius ne uestigia quidem pedum uisuri essent. Istiusmodi igitur erant gentium, in Iudæorum ignominiam, ac Messiae derisionem, opprobria & contumeliæ. Faxit Deus, ne inter nos quoque sint, qui rideant, si quis sanctissimis Christi inhæreat uestigijs. Absurdissimum illud quidem,



dem, te aliud profiteri, aliud imitari. Verum quoquo se modo res habeant humanae, Deus est, inquit Vates, qui promissit: idcirco non poterit, quæ pollicitus est, non præstare, Ideo

Benedictus dominus in æternum, Fiat, fiat.

Hebræis: Amen, Amen.

PSALMVS. XC. Oratio Moſis uiri Dei.



Omne refugium factus es nobis à generatione in generationem.

De inscriptione huius psalmi, in psalmo secundo, quantum tum laus uilum fuit diximus. Caterum breuitatem, addo & uanitatem huius fugacis uitæ deplorat hic Vates, qui suo more ad tabernaculum fœderis respiciens, uocat Deum refugij habitaculum, ad quod confugere debeant homines. Nam quod nostra habet æditio, Domine refugium: Felix legit, & alij ferè ex hebræo, Domine habitaculum refugij. & est ac si dicat: Non est id manufactum, quod frequentamus, tabernaculum, ad quod in primis, nostris in indigentibus, recurtere debeamus: sed tu ipse tuæ es diuinitatis mansio, tuorumq; refugium ac salus: & id quidem priusquam mundus, atq; adeo omnia, quæ in mundo sunt, in lucem prodierint, Nam

Priusquam montes fierent, aut formaretur terra, & orbis, à seculo & in seculum tu es Deus.

Verissimum illud esse Pauli non ambigo, quo asserit nos ante mundi constitutionem à Deo fuisse uocatos, secretosq; ad uitam. In mente quippe illa æterna, cui omnia anteq; fiant, iam facta sunt, semper, etiam ante orbis huius fabricam, est rerum omnium uita, idcirco & prouidentia illarum & cura. Volunt nonnulli montes (quod in scripturis frequens est) pro angelica hic poni natura, terram autem pro humana. Non obstat tamē sensui, si simpliciter de uastissima montium mole intelligatur, modò illud, quod sequitur, libentissimè fateamur: A seculo, inquit, & in seculum tu es Deus, hoc est, non temporarius es Deus, sed æternus, sed ille, ad quem subinde nostra omnium referenda est salus. Quare

Ne auertas hominem in humilitatem, & dixisti, conuertimini filij hominum.

Longè secus litera est Hebræis. Sic illi: Tu redire facis hominem usq; ad contritionem, & dicis, reuertimini filij Adam, ut sit sensus: Tu Deus miseri Adæ filios, nempe debiles & corruptos, ad mortem continuè ducens, ad te, qui conditor eorum es, redire facis, dicisq;: O qui è puluere formati estis, corpore, moribusq; membris in puluerem redite: spiritu uerò, quem uobis inspirauit, reuertimini. Reuertimini ad uitam, qui uosmetipsos ultrò præcipitastis in interitum. Reuertimini ad me, uel serò, per pœnitentiam, qui per peccatum præproperè nimium recessistis.

Quoniam mille anni ante oculos tuos tanquam dies hesternæ, quæ præterijt, & custodia in nocte.

Hucusque Hebræis est uersus, cuius is erit sensus: Nostra enim uita tuam ad æternitatem collata nihil omnino est. Nam mille anni nostræ ætatis sunt tanquam dies, qui iam præterijt in oculis tuis. Sunt, inquā, ueluti noctis custodia, nempe trium horarum spaciū. Antiqui enim noctes in quatuor partes diuidere consueuerant. Et quidem,

Quæ pro nihilo habentur, eorum anni erunt. Hominū nimirū. Vide, te obsecro, humanæ uitæ inanitatē, quam umbræ somnium ex Græcis quidā appellauit. Vates uerò: Rapiuisti eos ut impetus aquarū:



c somnus sunt. Sic enim Hebræi uertunt ultimam uersus particulam, seu potius totum integrum uersum. Noster quidem interpret magis ad sensum respexit, quàm ad uerba, Ex græco tamē uertunt: Contemptus eorum erunt. quod quid sibi uelit, uix coniecturis auguror. Sunt & qui ex hebræo transferunt: Facis instar nimbi eos defluere: somnus sunt. En quibus rebus comparatur uita humana, rapido nimirum amni, & fluuio: repentinæ rursus nimborū præcipitationi, ac demū somno. Quis tam bellam nō amaret uitæ conditionē, quæ fluxui aquarum, & somno, herbæ insuper, quæ cum manē uiuida sit & tenera, mutatur illi cō, & ressecata arefcit, æquiparatur?

Manē, inquit, sicut herba transeat, manē floreat, & transeat, uesperidecidat, induret & arefcit.

Commodius enim uerba hæc omnia per futurū legi possent, transibit, florebit, arefcet, deciderit: ut esset sensus: Verè quidem miser sumus, quos æquē celeriter ex hac uita deiſcis, quemadmodū è cœlo nimbos deiſcis, aut pluuias repentinās: nosq; somno persimiles facis dictum factum euanescenti; atq; herbæ uiridi, quæ uesperide ressecata, indurefcit subito & siccatur.

Quia defecimus in ira tua, & in furore tuo turbati sumus. Posuisti iniquitates nostras in conspectu tuo, seculum nostrum in illuminatione uultus tui.

Non dissimulanter fatetur Vates, uitæ nostræ fugacitatē atq; incōmoda, nostris à peccatis originē habere: Deiſq; iudicium uocat iram, & furorem, seu indignationē, ut uertūt ex hebræo. Quòd, inquit, tantis circumdati ærumnis, indies magis consumimur: quòd aquæ labentis more defluimus, quòd somno simillimi facti sumus, id tua ab irritata à nobis bonitate ac patiētia, prouenit. Nam nostræ omnes positæ sunt in conspectu tuo peruersitates, totumq; illud, quod uisum, ante oculos tuos uersatur. Seculum nostrum, in hebræo non est, sed, occulta nostra, quæ ad peccata referuntur. Vnde sic Paraphraſtes: Peccata, quæ nos pro occultis habuimus, & in adolescentia cōmisimus, ipsa luce manifestiora sunt in conspectu tuo. Illud obiter notandum, quid sibi uelit, in adolescentia, à Paraphraſte. Dictio enim, occulta, quam noster uertit interpret, seculum, à nonnullis quoq; ex hebræo uertitur, iuuentutem nostram: hoc est, ut ipsi exponunt, peccata iuuentutis nostræ. Mens quippe prophætæ est, ut nō tam uitæ humanæ celeritatem defleat, quàm ipsius celeritatis causam & originē, nempe peccatum, atq; impudentissimæ iuuentutis transgressionem, quæ Dei omnino palàm sunt oculis, qui, ut inquit Salomon, multò plus lucidiores sunt super solem, circumspicientes omnes uias hominum.

Quoniam omnes dies nostri defecerunt, & in ira tua defecimus: anni nostri sicut aranea meditabuntur.

Haftenus Hebræis est uersus, quanq̃ apud eos nulla est de aranea mentio, sed sic transferūt, uel in primis diuus Hieron. Consumimus annos nostros tantumquā sermonem. Vnde sic quidam: Sicut sermo qui non reuertitur, uno tantum momento manens dum dicitur, & simul desinens, ita est uita hominis super terram. Seu, ut alij: tanquā murmur leue, aures scilicet ad momentum percellens. Vide quanta abundat similitudinū copia diuinum hoc poëma. Sic sunt res spiritus. Finiuimus, ait Campensis, annos nostros dicto citius. Heu quis iam hic rursus est, qui hanc tam breuem tantū faciat uitam, ut diuturnæ illius, qua in se uiuens Deus, sua nos donat æternitate, obliuiscat? Heu fallam mortalium spem illorum, qui omisso Deo, uitæ huic infelici, atq; aura ipsa uelociori, toto incurambunt animo. Araneolis quidē hi haudquaq; dissimiles sunt, qui tenuissimas & caducas maximo labore (stultè id quidem) componūt telas. Tui hi quidem sunt in



In his texendis, quæ stolidissimi illius animantis laborem magis spectare uidentur, quàm quæ digna sunt homine, qui superior est mundo, atq; ad immortalia inquirenda conditus. O stupidos animos, quid in imis cœlestia expiscari cōtentus: Fortassis certè toleranda utcunq; hæc esset uitæ breuitas, postq; sic nos risu comeruimus peccatis: at uanitatem, superuacaneasq; addere breuitati curas, ut nunc fit, quis æquo ferat animo: quis stultissimas has nostras nō irrideat et occurationes: Vis ne quàm in longum protrahi uix possint anni hominum audire?

Dies annorum nostrorū in ipsis septuaginta anni, si autem in potentibus, octoginta anni, & amplius eorum labor & dolor: quoniam superuenit mansuetudo, & corripiemur.

Dies, inquit, annorū nostrorum in ipsis, nempe diebus, seu hominibus, septuaginta sunt anni: ad summū uero in robustioribus, octoginta: si quis postea longiorē uixerit uitam, ea amplius uita nō est, sed labor, sed dolor, sed ærumna, sed uita morte ipsa grauior. Porro mansuetudinē, pro remissione, ac defectu uinum poni arbitror: namq; illis, qui ad decrepitam usq; perueniunt ætatē, perlanguescit ingenium, cessant uires, labascunt gēua, sicq; tandē corpus illud totum cadauerolum, effœtū, uietumq; & semimortuū: atq; hoc sanè modo corripiunt senes, proq; pristinis erratis dant pœnas. Quamq; non me clām est, hanc ultimā particulā aliter legi in hebræo. Sic illi uertunt: Quoniā citò recedit, at nos auolamus. Quare sic Paraphr. Abeunt uelocissime (decrepiti scilicet) & nos toti uelut alis assumptis auolamus. Poterat ne concitatorib. uerbis uitæ huius fugacitas exprimi: Illud quoq; postremò addendū quod, amplius, in hebræo nō est, sed fastus. Fastus, inq; eorū labor & dolor. Declinauit sanè tanq; sol ad occasum illorum fastus, & nos tanq; aues è nido, quasi nunq; fuerimus, auolamus. Mira res. Quis nouit potestatem iræ tuæ? & præ timore tuo iram tuam dinumerare?

Subobscurus is est uersus. Cæterum, dinumerare, ad sequentem uersum atq; alter secundū Hebræos, qui ita illum transferunt: Ad numerandū dies nostros sic notū fac, & offeremus cor sapientiæ. Sed quantū ad præsentis uersus obscuritatem pertinet, uideat dicendū, præ timore tuo iram tuā, ab Hebræorū etiam interpretibus transferri: & erit sensus: Ut quis enim te timet, sic tua est indignatio. Quocirca sic is uersus cum sequenti, quem ita reddit interpretes, exponi posset: Dexteram tuam sic notam fac, & eruditos corde in sapientia.

Domine, inquit, simulacres nostræ tecum, ut iudicare possimus, ita se habeat, quis tuæ iræ uim nouit: hoc est, quis agnoscere poterit, quantū, quàmue in longum protrahit tua in nos excandescencia: pro modo em̃ quo quisq; te timet, & uenerat, tua uidetur sequi ira. Etenim qualem te Deum sibi esse credit unusquisq;, talem te illi exhibes. Si quidem ut iudex timeris, iudex illi eris: si patrem te esse credit, te patrem haber: si iratum, iratum: si placabilem, placabilem. Talis igitur unicuiq; es, qualem te sibi esse persuasum habet. Quapropter notum fac nobis uitæ nostræ tempus, ne quantā, quàmue longē iræ tuæ obnoxij simus, ignoremus: atq; idcirco ommissa stultitia cor nostrū sapientiæ cōsecrabimus, cuius ea uis est, ut in te bona omnia nostra sita esse, à teq; pendere condiscamus. Ideo Conuerte dñe. Vsq; quo? & deprecabilis esto super serues tuos.

Quod enim de superiorib. duobus uersibus dicūt expositores quidā. conanturq; ab æditione ueteri nescio quem sensum formare, non libuit scribere cū multa, tum quia aded confusa uisa est litera, atq; ab Hebræis dissona, ut plaudo) quod Vates parū nonnunq; sibi cōstare in psalmis à tardis lectoribus iudicatur, dum unam atq; aliam plane dissimilem in uno plerunq; uersu poni literam suspicantur. Hanc quidem peperit ingeniorū confusionem nostra hæc à Graecis



cis non ex Hebræis translata æditio, & id sanè interdum paulum oscitanter: nisi mauis etiam in hac parte eruditissimorum hominum ignorantia damnare. Ego enim quæ à doctissimis didici expositoribus, qui linguarum longo assequuti sunt labore ac uigilijs peritiam, absque inuidia comunico. Fateor tamen me minima, uel nulla potius eruditione, addo & librorum copia instructum ad has qualescunque accessisse comentationes. Qui enim feliciori nati sunt fidere, quibusque maxima suppetit librorum uis, atque amicorum suppeditantium & ocium & impensas gratia, benignioribus scribant Musis. Mihi pro lucro non mediocri erit, si tantillo hoc mihi à benignissimo patre omnium concessio non destituar spiritu. Quid si aliquando à posteris, qui in me graviori erunt animo, quam hi forsitan, qui uiui autoris opera non absque stomacho legere consueverunt, & legar, & ut solent res nonnunquam rusticanæ ab optimatibus auidè expeti & gustari, inter librorum delicias hæc meæ computabuntur uigiliæ, dicentque studiosi: Ergo ne sine libris, sine Mecœnate, ab obscuro monacho, neglectoque à suis, non prorsus indocti scripti sunt comentarij? Quid uim addidit rudi illi uiro, nullius fermè numeri ac nominis, ut id auderet? Aut fuit Deus, aut nihil omnino. Certum illud est, Dei spiritum in solitudine atque silentio magis, quam inter turbas inueniri. Illi sic, nos uerò ad institutum redeamus. Hæc est nostra cum Christo perfectio, consolatioque in spiritu, cum Deus à nobis propter peccata auersus, reuertitur placatus, atque homini, rei utique uilissimæ, si uitam spectas, reconciliatur altissimus. Ait itaque: Ad solam redi pietatem, ô Deus. Verum usquequo toties imploratus abes? Receptam tandem debiti solutione, ueni, ac nos libera: & qui inexorabilis, ob crebras nostras offensiones, ferè factus eras, finito te à seruis tuis exorari, An nondum satis sæuitum est? Cesser iam manus tua, ô clementissime.

Repleti sumus manè misericordia tua, exultauimus & delectati sumus in omnibus diebus nostris.

Rursus interpret nonnihil confundit sensum. Consentaneum quippe fuerat, ut simul atque dixit, conuertere, & deprecabilis esto, ne ab instituto cadere uideretur, diceret, Reple, seu satia, ut legit Hebræus, misericordia tua: & sic exultabimus, & lætabimur omnibus diebus nostris. Satietas hæc Dei misericordiae cum à fide oriatur atque amore, gaudium ex se parit inenarrabile, pacem item animi, consolationemque in spiritu sancto, atque laudandi Dei mirè anxium studium ac desiderium: & id quidem tantisper dum uiuimus. Porro uis ea est amoris huiusce summo ferat nifu & ardore. Cæterum, manè, pro quamprimum uidimus, accipi solet. Vnde Paraphrastes: Copiosè, inquit, & citò summo mane benignitatis tuæ participes effice.

Lætati sumus pro diebus quibus nos humiliasti, annis quibus uidimus mala.

Iterum uertendum erat, Lætitia nos affice, seu, ut uertit Felix, Lætifica nos. Sicut, inquit, afflixisti nos, ita & mutata sorte, dies annique illi amari & turbidi, in dulcedinem & consolationem uertantur. Quid enim malorum non uidimus? Videamus quoque & bona. Et quidem, ut istuc quamprimum contingat,

Respice in seruos tuos, & in opera tua domine, & dirige filios eorum.

Orat iam Vates in calce psalmi, ut suos tandem placato intueatur uultu familes Deus, agatque ut eius opus, nempe spiritus infusionem, quæ in Christi aduentu copiosissime effluxit, non solum ipsi, uerum etiam illorum filij, nepotesque, & quæcumque ad eos attinet, persentiant. Quod sanè melius ex hebræo exprimitur doctiores, qui sic reddunt: Appareat in seruis tuis opus tuum, & gloria tua in filiis eorum. Quod quidem opus & gloria ad redemptionis humanæ beneficii retulit Paraphrastes: Appareat, inquit, seruis tuis salutiferum illud redemptionis opus, & reconciliatio



conciliatio diuinæ maiestatis tuæ nota fiat seruorū tuorū posteris. En nobilissimum Dei opus erga homines, en gloria, en decor, en pulcherrima sponsæ facies in sponsi sanguine honestata. Appareat igitur ille, quo apparente, è mundo, quicquid obscurum est & tenebrosum, eliminabitur.

Et sit splendor domini Dei nostri super nos, & opera manuum nostrarum dirige super nos, & opus manuum nostrarū dirige.

Splendor hīc domini Dei nostri, nempe Christi, per gratiam qui noster factus est, atq; per nostræ naturæ assumptionē unus ex nobis, præterquā quòd uim eam præ se fert spiritus, qua imbuti fideles, quæcunq; agunt lucida sunt, ac diuinam ex se referentia imaginem & præsentiam, crucis quoq; est signū, quo electorū frōtibus impresso, splendidiores efficiunt, quā sol ipse meridianus. Euangelium in super est, ac Christus tandem, qui splendor gloriæ, figurāq; substantiæ patris ab Apostolo appellat. Per hunc igitur, per quem, tanquā per purissimū uiuæ aquæ riuum, in nos gratiarum deriuat copiam ipse pater, opus manuum nostrarum dirigat ac confirmet; dirigat, inquā, & ratum habeat quæcunq; agere instituius (Opus & opus, nō opera & opus, ne in superfluis philosophemur, Hebræis est) ut nihil aliud rebus in agendis attendamus, præterquā proximi nostri cōmodum & salutem, sed in primis Dei honorem & gloriā. Cui laus sit & benedictio in secula seculorum, Amen.

## PSALMVS XC I.



Vi habitat in adiutorio altissimi, in protectione Dei cœli cōmorabitur.

Vates in hoc psalmo, cui nulla est inscriptio apud Hebræos, de mirabili Deo nitentiū fiducia, atq; adeo contrā de indicibili illius protectione erga homines, canere instituit. Quantū porrò spectat ad spiritualem psalmi sensum, quicquid iam dici potest, id diuus occupauit Bernardus, uir sanè cū doctrina & eruditione insignis, tum spiritus igne mirū in modum affectus, & incensus. Extant illius luculentissimæ ac facundæ in hunc psalmum lucubrationes, quæ passim ab omnibus qui illiusmodi delectantē scriptionib; leguntur. Eam ob rem nos nostrum non deferentes institutū, ad literā nostra in additione subobscurā & ambigūā, dilucidandā intenti erimus. Compertissimū id esse debet, Christū à spiritu hīc designari, qui sub tegmine alarū Dei, suis in aduersis & tentationib; se tutum prædicās, quid illi, qui uitam habent absconditā in Deo, ut inquit Paulus, cū contingunt aduersa, agere debeant, admonet. Psalmus igitur omnibus Christi membris cōmunis est, singulisq; qui Christo per fidem uniti sunt (tanquā absit superstitio) cōuenientissimè aptari potest. Sic itaq; ordit Vates: Qui habitat in adiutorio altissimi, in protectione Dei cœli cōmorabit. Qui, inquit, perseueranter, fortiq; animo sub altissimi tutela, tanquā sub scuto, sese texerit, quæcunq; euenerint, erit tutus. Ex hebræo sic uertunt: Qui sedet in abdito altissimi, in umbra omnipotentis cōmorabit. Commodū enim in Dei abdito & secreto illos sedere, qui in rebus ac negocijs huius mūdi fessi sunt, exoptat Vates: quippe quorū protectio inuisibilis omnino sit, ac mūdo intognita. Ad illas quidem spiritus operationes, puras nimirū, atq; à mūdi crassitie remotas, mens terrenarū rerū curis occupationibusq; distenta, qui assurgere poterit. Illum ne aliquando in Dei umbra sedere dixeris, qui abiecta Dei religione, in mundi plaustris, qui fide atq; dilectione in Deum translatus,

Dicet domino, susceptor meus es tu, & refugiū meum, Deus meus sperabo in eum.



c Felix tamen in prima persona sic transtulit: Dicam domino, spes mea, & munimentum meum, Deus meus confidam in eo:

Quoniā ipse liberabit me de laqueo uenantiū, & à uerbo aspero.

Et Græci & Hebræi, te legunt, non me. Et est uox spiritus ad illum, qui habitat in adiutorio altissimi: quemadmodum illa est habitatoris, sperabo in eum, suam testantis fidem, atq; ad admittendas Dei inspirationes promptitudinē. Mirum quā iucundo hīc ludat spiritus Dialogo, ut penē, nī cautus sis, te penitus, quis, cui, aut de quo loquatur, fugiat, adeo repentina interdum fit personæ mutationis. Cæterum, laqueum uenantium, seu uenatoris, insidias clām cuiuspiam factas interpretantur: uerbum uerò asperum, manifestas calumnias atq; iniurias. Ideo, calumniarū sermonem, uertit Symmachus. Verū ex hebræo, à peste noxia, seu confractio, reddunt, quæ manifesta exitia, seu perniciosum dolum esse existimant. Illud sciendum, totum hunc psalmum de tutela hominis, qui à Dei refugio pendet, intelligi, cuiq; neq; homines, neq; dæmones nocere ualidi sunt. Quare intulit:

Scapulis suis obumbrabit tibi, & sub pennis eius sperabis, scuto circundabit te ueritas eius.

Hucusq; Hebræis unus est uersus, quem sic reddunt: Ala sua operiet te, atq; sub pennis eius confides, pro scuto & clypeo erit ueritas eius. De tutela alarum Dei non semel diximus. Sumpta est metaphora ab auibus, quæ ob filiorum salutem, sese corpore, miluo aut accipitri opponūt, eosq; alis contegunt. Siue igitur scapulas legas cum nostro interprete, siue cum Hebræis, alas, fidam atq; sollicitam Dei erga suos protectionē intelligas. Quocirca additum est, scuto circundabit te ueritas eius; hoc est, sub illius fide, qua pollicitus est se perpetuū fore suis defensorem, tanquā sub scuto eris tutus. Cum recolit anima, quæ, quantū sint illa, quæ suis æternus promissit pater, quæcūq; occurrāt infracta perstat, in illumq; quem nouit in promissis cōstantissimū & fidelem, sua omnia reſcit desideria, indigentia, curasq; omnes & studia. Quo sanē instituto, tanquam parmula obtecta, nihil non audet in hostes, nempe impuros homines, atq; dissidiorū autores dæmones, quos omnes sub uocibus pauoris nocturni, sagittæq; uolantis perdiu, ac cæterarū rerum, quæ actutū sequunt, intelligi uult Vates. Cæterum uolunt nonnulli hīc, Dei ueritatē, illius esse uerbum, quo animæ protectæ in hoc uitæ deserto securissimā degunt uitam. Vnde non absq; ratione à seruatore est dictū: Pater sanctifica eos in ueritate, sermo tuus ueritas est. Hac itaq; Dei uerbi sanctificatione si ornatus es,

Non timebis à timore nocturno, à sagitta uolante in die.

Quæcūq; inquit, inferant dæmones die, quæcūq; nocte, nullum illi erit incommodum, qui sic protectus est, tantum abest ut timeat. Fiat, inquit Paraphrastes, ut neq; timeas si quis iaculo te petat etiam medio die. Neq; item

A negotio perambulante in tenebris, ab incurſu & dæmonio meridiano.

Nulla hīc de dæmonio fit apud Hebræos mentio, sed sic transferunt: A peste in caligine ambulante, ab egritudine repentina deuastante in meridie. Censent quidam Deber dictionē, quam noster uertit interpretes, negotio, & quam significare pestem asserūt, item Cheteb, quæ significat egritudinē repentinā, quamq; uertit interpretes, incurſu, nomina esse dæmonū, quorum ministerio Deus in inflicendis malis uti consueuit. Vt cūq; id sit, illud exploratissimū, quod à quocūq; pestis genere, siue occultum illud fuerit siue manifestum, immunis is erit atq; intactus, qui in protectione Dei cœli, hoc est, summē potentis, cōmorabit. Quare sic Paraphrastes: A peste, quæ clām inuadere homines solet, & ab ea quæ de improviso exorta ſæuiet, securus eris. Insuper

Cadent



Cadent à latere tuo mille, & decem millia à dextris tuis, ad te autem non appropinquabit.

Est, inquit, tanta fuerit pestis calamitas, aut bellorū immanitas, ut hinc latere à sinistro mille, illinc à dextro decē hominū millia corruāt, nihil tamē erit quod tu tibi metuas: siquidem te id mali non attinget. Vide iusti hominis constantiā, qui, uel ruat æther, immobilis perstat in Deo. Etenim in electis lædī quidem potest corpus, fides uerò minimè, quæ radices in Christi amore, unde omnis emacuatrobatur animæ, fixas habet.

Veruntamen oculis tuis considerabis, & retributionē peccatorum uidebis.

Non illa, inquit, quantūlibet crudelia atq; uniuersalia, ad te peruenient mala, quin potius tu securus Deum pro te in acie stantem contemplaberis, contraq; meritas dare pœnas impios proprijs intueberis oculis.

Quoniam tu es domine spes mea, altissimū posuisti refugiū tuum.

Contendunt nōnulli, altissimū, substantiuū hīc esse, ut illud quoq; est in psal. lxxv. Qui habitat in adiutorio altissimi: uoluntq; uocē illius esse, qui ob stuporē rerū earū, quas à spīritu audierat, dei in se cognoscēs uirtutē, id ferē dixit. Omnia certē sic se habere nō dubito, quoniā tu es dñe spes mea. Postea uerò ad illū cōuersus (sic se habet dialogorū ratio) qui suprā dixerat, Susceptor meus es tu, & refugiū meū: eum laudat, dicens: Ita tibi contigisse certō scio, quoniā tu posuisti altissimū, nempe Deum, refugiū tuū. Id sensisse Campensem uideo, qui sic reddidit: Quisquis igit̃ sapit, dñm, qui est super omnia, ueluti tutissimū asylū ante oculos tibi propone. Verū secus intellexisse ceteros ex hebreo ferē omnes nō me clām est. Sic Felix: Altissimū posuisti habitaculū refugij tui, ut altissimū, adiectiuū sit, & ad habitaculū referri debeat. Alius item ex eodē fonte: Excelsū posuisti habitaculū refugij tui, hoc est, cœleste, atq; improbis inaccessū. Quoquo modo legas, utriusq; sensum literæ aptē ualde conuenire arbitror Vatis animo. Sed uide an prior sensus, ad ea quæ sequunt̃, decentius accōmodari queat.

Non accedet ad te malum, & flagellum non appropinquabit tabernaculo tuo.

Tabernaculum pro tota domo & familiā hīc poni iudico. Et est perinde atq; tutierunt tui omnes, non modò tu solus, ab omni malorū genere ac plaga. Vnde sic Paraphrastes: Quod si feceris, ausim tibi polliceri, non futurum, ut ullum inopinatum malum te corripiat, uel ulla plaga familiā tuā infestet. Dicitio nem enim quam noster interpret simpliciter uertit, malum, inopinatū malum reddit, ut uides, Campensis. Idem fermē Felix: Non fortuitò, inquit, cadet apud te malum. Alius uerò, nō temerē ueniet ad te malum. Nullum igitur fatum, nūq̃ inopinatū malum te, aut tuos opprimit liberos, & uxorem, o tu qui fiduciam tuā in domino collocasti.

Quoniam angelis suis mandauit de te, ut custodiant te in omnibus tuis. In manibus portabunt te, ne fortē offendas ad lapidem pedem tuum.

Ratio, quamobrem Dei amici à malorū impetu tuti uiuunt, redditur. Præcepit, inquit, Deus angelis, ut illos suis in itineribus, & actionibus, quas secundū Deum agere instituunt, dirigant, tudentq; ac ueluti manibus adeo inoffensē gerant, ut ne, uel leuiter quidem, in lapillum illorū impingere queat pes. Exa-gram hīc narrat angelorū custodiam erga homines spīritus. Mirum quantum hī sint salutis hominū amātissimi, quantūq; de illorū lapsibus mœreāt. Idcirco nō absq; causa à Vate alio est dictum, quòd angeli pacis amarē flebant. Etenim ad ministratorij spīritus sunt, in ministeriū illorum delegati, ut inquit Paulus, qui



**C** hæreditatē capiunt salutis. de illorum uerò tutela pro reprobis, ut quosdam asserere uideo, nulla, quod sciam, in scripturis sit mentio. Piam tamen illorum, qui id opinantur, nō reprehendo sententiā, utpote ad maiorem execrationē improborum excogitatā, qui tam fortibus muniti custodibus, malunt dæmoni suo succumbere, quā fidelissimis illis monitoribus, retrahentibusq; à malo, auscultare. His porro uersibus à dæmone perperam citatis, Dei filio persuadere uoluit, ut sese e summo templi fastigio præcipitaret. At qui actiones illas, è quibus nulla tum Dei nomini, tum proximorū saluti conciliat gratia & gloria, temerarias esse diffiniūt sancti. Quis fructus, oro? quæ utilitas? aut quod unquā emolumētum diuinæ afferrī gloriæ potuisset, aut proximi cōmodo, è Christi ad ima lapsus? Pro te igitur, quisquis es qui Deo fidis, purissimi uigilant angeli, te protegent, te (sic illis iussit Deus) mirabili tutantur patrociniō, ac te, ne fortē offendas lapide pedem tuum, gestant manibus. Quid amplius expetis? uis ne aliam sublimiorem tibi à cœlesti patre concessam audire potestatem?

Super aspidem & basiliscum ambulabis, & conculcabis leonem & draconem.

Basiliscum dictio, non est in hebræo, sed, ut reddit Fel. Super leonem & aspidem iter facies, conculcabis catulum leonis & draconē. His quidem ferarū uocibus, rerum omniū, quæ uel morsu, uel ueneno, uel alia ratione quamlibet noxia & letali, obesse possunt, feritatē intelligi uoluit. Quas quidem non solum Dei amicis nocere haudquaquā posse asserit, uerum etiam illis fore usui ac cōmodo. Ecce, inquit Christus, do uobis potestatem calcandi serpentes & scorpiones, & super uirtutē omnē inimici, & nihil uobis nocebit. Quæ enim res tam formidabilis esse potest, cui non imperet Dei amicus, atq; illi frēnū ponat? Cæterum si uoces has omnes immanitatis, uarijs dæmonū artibus accōmodare libet, non **D** contradicit scriptura: imò ex illius accepimus spiritu & testimonio, dæmonem ob tectas calumniandi insidias, aspidem appellari, ob inuidiam basiliscū, à cuius conspectu præsentaneū hauritur uenenum: ob ferociam uerò leonem, atq; propter subitam iræ cōmotionem & impetum, nonnunquā draconē nuncupari. Verum in his allegorijs, ut iam præfati sumus, non diutius immorari nobis est animus: non desunt em̄, qui hoc piè & doctè edisserūt. Nos interim ad rem nostrā.

Quoniam in me sperauit liberabo eum, protegam eum, quoniā cognouit nomen meum.

En quò nos pura in Deum spes ac fiducia pertrahit. Quoniam, inquit, in me sperauit, ab omni eum liberū molestia reddam. Quoniam me concupiuit, uertit Felix. alius uerò: Quoniā me ardet, seu deperit. Ex nostro itaq; in Deum amore illud fit, quòd nulla tam crudelis atq; effera uis esse queat, quin subito cōmollescat, nostroq; subiiciatur imperio: tantū amor uerus sit, simplexq; ac purē candidus. Vnde obsecro, conditarū rerum orta est in hominē rebellio? unde illarū in nos sæuitia atq; inobedientia? unde tanta nocendi uis ac rabies? unde ardor ille despectusue, quòd non solum uenenatorū animantiū truculentia obnoxia facta sit humana conditio, sed etiam ab ipsis quoq; imbellibus muscarum morsibus ac pulicum, adeò molestè interdum inquietant homines, ut nulla sit somni aut cibi requies, nisi quòd in Deū ingratiissimi quiduis potius in terris appetūt & amant, quā ipsum super omnia amore dignum conditorē mundi? plausum ardentius tum quærunt, tum magnipendunt, quā Dei nomen & honorem: Porro cognoscere Dei nomē in hoc loco, est (opinor) excelsam illius suscipere maiestatem (Messiam seu filiū signari hīc etiam arbitror, secundū Hebræos) illumq; nostris in æumnis, abiecto mundi metu, implorare. Idcirco à Vate pu-

to additum esse,  
Clamauit ad me, & ego exaudiam eum, cum ipso sum in tribulatione.



ne, eripiam eum & glorificabo eum.

Inuocauit me, uertit Felix, Et respondebo illi. Vide certam de diuino præstidio pollicitationem. Respondebo, inquit, illi: hoc est, illius uotis annuā, adero, faueoq; illi. Neq; id satis quidem (ô cæcas mentes) illum, illum (inquam) haud multo pridem mihi infensum, modò uerò spe mihi atq; amore recôciliatū, non solum à periculis illis uitæ continuīs & ærumnis eximam, uerum etiā inter homines honoratum, cunctisq; uerendum faciam. Ad hæc,

Longitudine dierum replebo eum, & ostendam illi salutare meum.

Haud inter infima Dei dona computandū est illud uitæ genus longū, quod totum ad Dei honorē, multorumq; salutem expositum sit. Alioquin ignauis, sed et impudici, ex longo uitæ cursu longam sibi comparare uidentur miseriam, ut nonnullos aliquando uidimus, quos nullam sibi laudem ex tam numerosa annorum cōputatione asserere potuisse cōiiciebam, nisi quòd in religione consenuissent. Non uideo certè cur senī, ita de uirtutibus male merito, id dici queat: Et ostendam illi salutare meum, hoc est, ut interpretat Paraphrastes: Ostendam illi quibus modis beare soleam amicos meos. Ergo illos duntaxat, quibus nulla alia in primis est cura ac studium, nisi ut perseueranti uitæ ratione ac fide Deum quærant, amentq;, & suis in aduersis fidelissimè implorent, dirigat spiritus, fouet, adest; in afflictione, ut ferre queant, indurat, consolidat, tutatur, ornatq; dignitate, existimatione, ac tandem longo peractō annorum curriculo, quod totum ad Dei laudem, salutemq; animarū attritum fuerit, æterno donat uitæ statu, quæ est perfectissima Dei cognitio, in ipsoq; pax & quies. Cui honor sit æternus, Amen.

## PSALMVS XCII.

Psalmus cantici diei Sabbati.

**B**onum est confiteri domino, & psallere nomini tuo altissime.

Ex ipsa inscriptione argumentū ferè psalmi palam fit. Oda quippe erat ad hoc instituta, quò diuinæ potissimum die sabbato decantarentur operationes, ac, quibus cunctis beneficis est Deus, tum bonitas, tum misericordia. Neq; id quidē summa absq; ratione ac mysterio. Nam cū septimo hac quoq; die agerentur, illud in primis tanquā penè exoletū, à memoriaq; hominum delapsū, nouo ueluti usu reuocabatur, summū scilicet opificem die illo à cōdendis rebus cessasse: quo utiq; tum ritu significatū est, fore aliquando quòd diuinæ religioni addicti, rerum usum externarū, quas sex ipse diebus condidit, prætergressi, ab illisq; ociantes, in ipsius iam conditoris potentia, sapientissimòq; cōsilio, ac, qua res omnes permeat, bonitate considerata, æterno occuparent sabbato. Erit (inquit Deus in Esaia) sabbatū ex sabbato. hoc est, perpetua meorum à curis erit feratio, & quies. Aspice igitur, in quo maxime uersari debeat Christianorū uita, in recolendo scilicet Dei bonitatis præconio, refrigeratq; illius penè abolita cœlestiū donorū memoria. Verū aliter quàm fuit Dei cōsiliū, nostram ob impietate effectum est. Etenim sex cōtinuis uitæ huius infelicitatibus inœchanicis uacamus curis, atq; occupationib. septimo uerò, qui ab ipso statim rerum exordio ad contemplanda cœlestia selectus fuit, in iocundisq; illiberalibus, & perniciosissimo alendo ocio nostrā omnē nauamus operam. Proinde istud (ut sic loquar) monstrū sapientissimus præuidens Vates, nostramq; pungens oscitantia, melius dicerem socordia, ulironeamq; ad intentionem properantia, sic suam orditur admonitionē: Bonum est confiteri domino, & psallere nomini tuo altissime. O mortales, inquit Vates, ô qui ad cœlestia uocati estis bona, ô quorum nomina scripta sunt in cœlis, quibusq; ea prima est cura, ut calcato mundi fastu, re scilicet tam uili & abiecta, in diuino solūmodo per gustando amore trahamini; bonum, imò id solum bonum est, id pulchrum,



**C** id supra suauitatem omnem suauissimū, laudare Deum, nō uos, aut res uestras. Quid dicam? bonum id maximū omnium est, toto mentis tripudio, tuo psallere nomini ō altissime. Putas ne, mi lector, in hisce honestissimis occupatum horis posse quempiā suas laudare diuitias? sua scorta? sua scelera? O amentiam hominum: ō quā rari hī sunt, quibus quis laudandi Dei sit modus, perspectum sit. Confessio quidem, quam hīc à nobis exigit Vates, & quæ in celebrando potissimum Dei cultu & nomine consistit, totum uult animum & cor: quod si impurum est, infectum nimirum odijs, fœdisq; uoluptatibus, ac sui amore, non id uas est, in quo purissimæ Dei laudes recondi debeant, quodq; hīc figurat spiritus, atq; ad celebrandum Dei nomen inuitat, licet os quantumuis latè aperiant homines, ac mille uocum cōcentibus rem sacram peragant. Iniuria ea quidem est ingens Dei, non laus, ab improbo laudari homine, quocirca uideant, qua id animi exerceant innocentia & candore, illi qui horas canonicas celebrare iubentur, quicq; maiorem suæ uitæ partem in frequentandis templorū choris indefesso insumunt exercitio.

Ad annunciandum manè misericordiam tuam, & ueritatem tuam per noctem.

Clarius uertisset interpres, si per infinituum sensum explicuisset, ut ad priorem uersum referret, ad annunciandum, hoc modo: Bonum est confiteri domino: bonum, inquam, est annunciare manè misericordiā tuam. Quod quidem obseruauit Paraphrastes, qui sic reddidit: Cōmemorare summo manè clementiam tuam. Quanquam nō me præterit, ad annunciandū idem planè esse, quod, ut annunciem. Cæterum manè & per noctem, eum præ se ferre sensum uidetur, nempe singulis dierum ac noctium exordijs, seu statim ad hæc temporibus, sacrisq; religioni, quæ uespertinū de more erant, & matutinum. Eo ferè tempore mens ad diuina largius haurienda uidetur aptior, quod aliàs me dixisse meminī. quemadmodū etiā misericordiā Dei, illius esse bonitatem diximus, qua sua gratis elargitur dona: ueritatē uerò, illius in pollicitationibus tum fidem, tum constantiam. Tuam igitur, ō Deus, celebrari par est clementiam, & manè & noctu. Siue enim res nobis ad uota proueniant, quod manè est, siue in calamitatum nocte ac tenebris uoludemur, tuam tamen semper, nulla intercepti perturbatione animi, laudabimus fidem & misericordiam: atq; id quidem non tantum ore, & quod in primis tua requirit religio, mente, uerum etiam

In decachordo psalterio, cum cantico in cithara.

Quod sic uerti poterat ex hebræo: Super decachordo, & super Nablo, super instrumentō sonoro cum cithara. Hisce enim uarijs instrumentorū uocibus, flagrantem sui animi ardorem laudandi Dei ostendere uoluit. Causam porro, unde tam anxia orta sit cura pietatis, reddit:

Quia lætificasti me domine in factura tua, & in operibus manuum tuarum exultabo.

In factura tua, in opere tuo, uertit Felix. Paraphrastes autem: Delectasti me domine elegantissima hac operum tuorū uarietate. In consideranda, inquit, pulcherrima rerum effectione, forma, ordine, atq; illa potissimum, qua cunctis rebus conditis partim uitam, partim aptam illis substantiā ac statum impartis sapientia, quæ sanè omnia manuum tuarum operationes sunt, gaudio quammaximo afficior, ac lætissimū in modum oblector. Quid cum recolo meis à negocijs feriatus, quā diues sis in donis? quā nostri amantissimus? quā celer? quā potens & mirabilis ad ferendas tuis suppetias? cōtraq; in profligandis tuæ religionis hostibus, intentus, atq; ardens? Certè, mi domine, tum totus, quantum

Quā



Quàm magnificata sunt opera tua domine, nimis profundæ factæ sunt cogitationes tuæ.

Vide in quibus uersari debeat Christiani mens in sabbatis, nempe perpetuis fidei, paciſq; in Deo, festis diebus. Nam quæcūq; à Christiano fiunt homine, aut lingua proferuntur, quæ diuinū non referant honorē, aut proximi cōmodum, inutilia sunt, ociosa, seruilia, ac quibus maximè sanctum Dei polluitur sabbatū. Quàm diuites sumus, iactitāt aliq; quàm pulchra est nobis supellex, q̄ elegantes liberi, quàm ampla tum rerum, tum seruorū, tum canū uenaticorū cepia, quàm cōmoda ædificia, quàm magnis à principe ditamur donis, primisq; ornatur honorum gradibus. Quid? Qui nobis in decenti familia, in ludis, in iocis, in conuiuijs, in apparatibus, in literis quoq; ac rara linguarum peritiā, comparandi? Dñs sumus. Heu mentes stolidas. Iactabūdi indicia hæc sunt animi, atq; elati. Vi de quid Vates, perfecti quidem Christiani typus atq; imago, cogitare, palamq; proferre consueuerat. Quàm magnificanda, inquit, sunt opera tua, ô domine: quàm ex animo suam ob magnitudinem suspicienda. Obstrusissima sunt sanè, nobisq; omnino incognita tuæ prouidentiae consilia, quanto scilicet ordine, quantaq; erga homines charitate, hæc omnia supraquàm dici potest, aut ab humano percipi ingenio, admiranda condideris, distribuerisq; ac unicuiq; aptissimè rei, quod suæ cōueniret naturæ, impertiuēris. Imperſcrutabiles nimium, nimirum certè hi tui secreti sunt conceptus, ô altissime, occultiq; omnino atque inſoliti, illis potissimum, qui in mundi huius bonis occupati, insanissimè demerantur. Quocirca

Vir insipiens non cognoscet, & stultus non intelliget hæc.

Censent quidam insipientem hīc appellari rerum diuinarū omnino ignarū, licet humanarum peritum: ut sunt ferè illi, quibus, cū aetatem omnem in poetarum studijs, rhetorum, philosophorū quoq; pertriuērint, an Dei spiritus sit, ne per transfennā quidem unquam uidere contigit. A sapientia quippe Dei se moti cū sint, stultos mox illos fieri necesse est. Idcirco obscuratū est insipiens cor eorū, ut inquit Paulus, dicentesq; se esse sapientes, stulti facti sunt. En cuiusmodi generis sunt hi, quibus nulla est rerum cœlestiū cognitio, & gustus: nam sicertè Deum esse (quis id ignorat?) agnoscunt, non tamen sicut decet, eum aut amant, aut uenerantur. Suo enim contenti tumore atque existimatione, nihil aliud sibi querendum esse in hoc mundo iudicant, quàm ipsum mundum, atque illis in primis, quæ ad oblectamenta uitæ faciunt. Quid uerò censendum sit de uitam uiuunt ociosam, ne dicam turpem, uix dicere audeo. Penè illos homines, non esse asseuerarē, nisi ex illis plerosq; cernerem etiam ad primos regionum, religionumq; honores promoueri, licet indoctos, ac planè Dei spiritu, quæ est uera doctrina, & sapientia uacuos. Hos itaq; quos ex hebræo bestiales uocat felix, à diuinorum consiliorū notione remotos esse affirmat Vates. Vir stolidus, inquit Campensis, nihil horum intelligit: neq; stultus considerat in his naturæ miraculis omnipotentiam Dei. Stultitiā istiusmodi, imprudentiam uerit Euthymij interpres: hi enim de more, tum probos tum improbos ex præsentiorū fortuna metiri solent. Eam ob rem haud rarò improbis fauere soliti sunt, utpote fortunatissimis, proborum interim uita ludibrio habita. Verum ut in diuinis, sic in humanis stупidi & imprudentes, quàm sit fluxa sceleratorū hominum felicitas, aut nesciunt, aut scire dissimulant. Nam quidem

Cum exorti fuerint peccatores sicut fecum, & apparuerint omnes qui operantur iniquitatem, ut intereant in seculum seculi.

Hucusq; tum Græcis tum Hebræis est uersus, uerum subobscurus: qui tamē



**C**larior reddi queat, si post iniquitatem, has duas attexeris uoculas, Fiet tandem. Cæterum, apparuerint, Hebræis est, floruerint. & erit sensus: Cum uirere sicut gramen tenerum occæperint peccatores, aut florere uisi fuerint cuncti qui operantur iniquitatem, non illorum imputandum erit felicitati, sed ruinæ potius: siquidem huiuscemodi illorum sors perpetuæ magis signum est damnationis, quàm salutis. Hæc sunt quidem inter alia, quæ stultissimam istam hominum colluiem fugiunt:

Tu autem altissimus in æternum domine.

Illi enim sua ipsorum culpa interibunt, tu uerò, ac tecum tui, excelsus es, permanesq; perpetuò: hincq; ea, qua cuncta es fabricatus potentia, res omnes, nedum impios, territas, tuq; subiugas imperio,

Quoniam ecce inimici tui dñe, quoniã ecce inimici tui peribunt, & dispergentur omnes qui operantur iniquitatem.

Quò Vates ostendat, quàm celeriter Dei hostes exterminandi sint, per demonstrationis notam, atq; eam quidem geminatã, rem indicat, seq; illorum quasi cernentem exitum, eo maximè tempore, quo florere uidebantur, inducit. Ecce, inquit, inimici tui domine. Ecce inimici illi tui, qui suæ sortis penitus obliti, se nunquam sua ab illa rerum copia, ac sagina deficere posse somniabant. Ecce, inquam, quomodo repentino ueluti flatu, ut flos solet in hyeme, exarueret, ac tanquam leuissimæ rerum quiesquilix horsum sursum à uento impulsæ, dissipati sunt. Quò illorum abiit fastus: quò diuitiæ: quò insatiabilis habendi sitis? Parua enim nunc fossa contenti, eò infelicissimi demigrarunt, ubi nulla potest esse ærumnarũ intermissio, & miserix. Contra uerò, meus perpetuò in te, non in rebus hisce mundi inquietissimis, erit animus:

Et exaltabitur sicut unicornis cornu meum, & senectus mea in misericordia uberi.

Nulli quidem animati robustius est cornu, & quod in immensum ferè emergat, quàm est Monocerot, belluæ nimirum insuperabili, atq; uix uis à quopiam unquam domitæ. Quare suam hinc inuictam potentiam fore, utpote à numine formatam & munitam, sub metaphora cornu Monocerotis asserit uir sanctus. Cedunt enim spiritui carnis opera, & mundi iniuriæ. Interim, inquit, quò improbis multam præparas, similem meam facies uirtutem & fortitudinẽ, quæ uulgò ignoratur, fortitudini Monocerotis. Quid enim? Ipsam quoq; meam senectutẽ naturaliter debilem & effortã, iam nunc uiridi, salubriq; oleo atq; unguento, quo me renouatũ iri cõfido, perfusam sentio. Pro misericordia, & Græcis & Hebræis oleum pingue est, seu unguentũ uiride, ac recens, quod uigorem sancti spiritus esse exponunt interpretes, quoq; suum tum animæ tum corporis, & id etiã in grandæua ætate, succũ augescere canit propheta: sic enim membra delibuta, uigore sumunt. Ad hæc, ea est uis spiritus, ut non tantum piorũ animas recreet, quantum etiam ipsos artus se cõmodè habere faciat. Mirum quàm iucundam semper agat uitam uir in doctrina spiritus sese oblectans: quod sanè non agit occupatus in mundi curis animus, ut de more sunt auari, ambitiosi, & hi qui alienas depereunt mulieres.

Et despexit oculus meus inimicos meos, & insurgentibus in me malignantibus audiet auris mea.

Ex hebræo dilucidius uertisset: Respexit oculus meus in inimicos meos, gratia mihi scilicet, & optata. Quod desiderauĩ, inquit, in illis cõspexĩ, ruinã nimirũ & interitũ: atq; itidem de malignis illis, qui contra me insurgunt, audient aures meæ. De istiusmodi loquendi schemate in superioribus interdũ est dictum, sed in primis in quinquagesimo quarto psalmo fusè admodum. Dicerem, nisi aliud agere



agere instituissem, quantū in hoc genere, idcirco fortiter tolerandi improborū  
 iras, quoniā ea seruatur Deo uindicta, qui æquissimus rerum humanarū arbiter  
 est, proficiant sancti Dei uiri, quibus in spiritu, quem suū semel in omnibus ele-  
 gerunt ducem & præceptorē, uolupte est, illum subita extinctū epilexia audi-  
 re, uel eo maximè tēpore, cum in summo rerum apice uirere appareret: alterum  
 uerò angina, alterum ex his qui maiori uexabat uerbere religionē, peste celeri  
 & repentina absumptū. Quid nōne proprijs interdū uidimus oculis, nonnul-  
 los diros atq; implacabiles Ecclesiæ persequutores, in ipso uitæ exitu (horren-  
 dum spectaculū) & crucem, & Christum execratos esse, atq; à sese abegisse? Co-  
 lon rursus huic exulceratus, illi foedissimū alui profluuiū mortem attulit. Et tan-  
 dem aut ludibrio omnibus habiti solum uertere coguntur ut plurimum Dei ho-  
 mines, aut fortunis malè partis expoliati publicè obtruncantur. Interim uerò ui-  
 uunt miseri, etsi uulgò felices appareant. E contrario

Iustus ut palma florebit, sicut cedrus libani multiplicabitur.

Suo more Vates uirum illius iustitiæ studiosum, quæ ex Deo est, arbori ce-  
 leberrimæ cōparat, & feraci: palmæ quidem, ob fructus suauitatē; cedro autem,  
 ob insigne robur, ac gratam passim omnibus redolentiā, addo & diuturnitatē.  
 Notissimū illud est, palmam in superposita cōniti onera. Ex quo ortum putant,  
 ut uictores è prælio reuertentes, palmæ ferto coronarentur. Morem ferè hunc  
 seruauit mei instituti homines, qui defunctos uita monachos, tanquā qui è peri-  
 culosissima carnis pugna uictores exierint, corolla è palma uiridi, aut si hæc de-  
 desit, serpyllo croceoq; acantho, atq; gratissimi odoris amaraco, coronāt. Iustus  
 igitur eo ferè modo, in uitæ huius ariditate floridus erit ac uiuens, quo palma na-  
 tuo suo semper uestita uirore florescit, dulcissimisq; suo tempore onusta fructi-  
 bus, mirabilem præ se fert suauitatē. Erit, inquā, succrescetq; instar illius gene-  
 nis cedri, quæ altissimo alitur in Libano, qui inter Phœnices atq; Arabes, miræ  
 magnitudinis mons est. Etsi em̄ aliàs, alijsq; in locis procere ualdè innascentē ce-  
 dri, in Libano omnem fermè superare magnitudinē cernuntur. Ideo nostro ab  
 interprete multiplicationis uerbum additum est: Sicut cedrus, inquit, multipli-  
 cabitur. Et tandem,

Plantati in domo domini, in atrijs domus Dei nostri florebut.

Potest quidem longo pertrita æuo palma intermori, potest & cedrus: iustus  
 uerò iustitiæ illius genere fultus, quæ haudquaq; in Libano, aut quouis alio fe-  
 raci solo, sed in Deo, qui æternus est, fixas habet radices, æterno conuestit flore,  
 & fructu: cuiusmodi quippe sunt, qui in domo Dei, nempe fidelium Ecclesia plan-  
 tati, Christo noua semper ac uiridi attexuntur insitione. Quapropter in ipsis a-  
 trijs domus Dei nostri flores emittent uitæ odoratissimos, nō tantum illorū ani-  
 mæ, uerumetiam & ossa & cineres.

Adhuc multiplicabunt in senectū uberi, & bene patientes erunt.

Non ultra procedit uersus Hebræis. Sed alio modo & sensu, sic Felix: Adhuc  
 germinabunt in senectute, pingues & uirides erunt. Paraphrastes autē: Ita fiet  
 ut ualentes sint in senio, bene habitī, & uirentes. Non parua ea est laus in sene,  
 qui in robustiori ætate adeò ardenter in diuina incubuerit obsequia, ut ne tan-  
 tillum quidem in decrepita à pristino elanguerit calore, tantum abest ut non fla-  
 grantius remeò quotidie urgeat, quò calor iam noxius deferbuerit. Impossibi-  
 le planè est, ut senex sit stupidus & bardus, qui in iuuenili ætate solers extiterit  
 & grauis, ut plerumq; sunt, qui primis ab annis ad cœnobiorū asperitatem asciti  
 & molliuē in cœnobijs quis requirit? nihil tam curant, q̄p quomodo curis super-  
 uacaneis omissis sensu, senes illico fiant. Sene porro illo, qui & sensu & spiritu  
 puer sit, nil unquā turpius, addo & molestius, uisum est. Res admodū præposte-  
 ra uidet, cum senes ob ignauia ludibrio uulgò fiunt. Vir igitur ille, cui diuinus





**C**ordi est honor, semper in his quoq; quæ ad corporis habitudinē spectant, ne dum ad ea quæ sunt spiritus, uegetus erit, succulentus, ac cōmoda uiuet etiam in senectute uale tudine. Macies uerò & pallor in pœnitente, à mœrore potius, atq; angustia animi proficiscitur, quàm à cœlestium rerum gustu & consolatio ne, quæ iucundam efficit animam & gratiosam. Cæterum quid sibi uelit interpres, aut unde hauserit uoces illas, bene patientes, non sat scio: nisi fortè ad naturalem senum morē respexerit, qui plerumq; difficiles sunt, morosi, suspiciosiq; & supra modum sordidi & impatientes: quæ quidem uitia in bene morato sene, ac Deum timente, nequaquam esse posse asserit spiritus: quemadmodum meos uixisse parentes scribere non uerebor. Vterq; enim cū ad quintum & septuagesimum ætatis peruenisset annum, prolemq; numerosam christiano cultui, literis, ac Benedicti demū familiæ consecrasset, ullo ferè absq; corporis incōmodo, eodem omnino mense mortē obiit tranquillissimā. Nam cū animo, tum in Deū, ciuesq; suos ambo, ciues ipsi integerrimi, & nobiles, uiuida semper ex titissent fide, uiuida quoque membrorum decesserunt uale tudine, quippe qui ex resolutione uitæ magis, quàm quòd cū morbo aliquo molesto cōflictassent, ad Deum, ad quem liberorū iam partem præmiserant, felicissimè demigrarunt.

Vt annuncient, quoniam rectus dominus Deus noster, & non est iniquitas in eo.

Rectus sanè est dominus Deus noster, qui suos non deferens, prauosq; omnes auersans, æquissimo omnia ponderat iudicio. Quare in eo nulla potest esse iniquitas, nullus error, nulla prauitas, cū sit æterna sapientia, uita, atq; omne bonum. Cui laus sit atq; honos in secula seculorum. Amen.

## PSALMVS XCIII.

D



Ominus regnauit, decorē indutus est: indutus est dominus fortitudinem, & præcinxit se uirtute: etenim firmavit orbem terræ, qui non commouebitur.

Inscriptio, quæ huic psalmo adscribitur à nonnullis, superflua est: in hebræo enim absque titulo legitur. Quamobrem amputatis superuacuis, ad mentē psalmi enucleandam spiritum inuitemus. Is enim cū amor sit, nostro supremum in modum delectatur amore. Idcirco corda hominū frigida, ut meum est, atque à diuino abhorrentia calore, miris non cessat urgere flammis, accendereq; & usque adeo immutare, ut planè illa in aliam reformet imaginē, nempe cœlestem ac spiritualem. Permagna res ea est, & ineffabilis omnino, quòd Deus (quid ex celsius dici potest?) quòd Deus, inquam, ille, à cuius nutu quicquid conditū est dependet, in suaq; perseverat natura, aut in nihilum quoq; relabatur, unius oculi, & illius quidem confracti & semimortui, imò planè mortui, atque in cineribus collapsi, domicilium sibi eligat. Refutat hæc, scio, mundus. Heu tardas quorundam mentes, quibus persuasum id nondum est. Putant enim igneum spiritum in algidis manere posse animis. Ardere quidem opus est, atq; usq; ad separationē animæ & spiritus conflagrare illum, cui Deus, qui ignis cōsumens dicitur, uel mediocriter innotuit. Algor quippe noster, hoc est, procliuitas ad uitia, atq; amor mūdi, nos procul esse à Deo testant: & nos tamen solos eos esse, quorum animis diuinū uelit nolit infideat numē, somniamus. scilicet nulla alia Deo est cura, nisi ut modò cum illo hominū genere hospite, quod semper aliàs exaceratus est. Hæc itaq; atq; horū similia mente pertractās Dauid, mortuūq; detestans arrogantia & superstitionē, cui ex omnibus adhærescere debeāt homines in hoc describit psalmo. Is Christus est, cuius regnū, atq; eandem cum patre potestatem, mirabili adumbrat mysterio, canitq; Dominus regnauit, decorē indutus est: indutus est dominus fortitudinē, & præcinxit se uirtute: etenim firmavit orbem



orbem terræ, qui non commouebitur. Is unus integer est uersus in hebræo. Sic illi. Dominus regnauit, & uestiuit se magnificentia, indutus est dominus fortitudine & accinxit se; etiam orbis sic firmatus est, ut nutare non possit. Mos est scripturæ, ut eum dicat re illa indui, cuius possessor est, ac studiosus. Ita ferè dicunt hominem innocentia indutū, qui innocentia per omnes uitæ actus referre studet. Sic de ignominia, infamia, cæterisque aut uitijis aut uirtutibus ratiocinari fas erit. Volens itaque Vates Dei magnitudinē ac maiestatem, quæ maximè in uniuersali cōstitutione declarata est, ut cunctis exprimere, illum dicit decore, seu magnificentia, & fortitudine uestitū. Dñs, inquit Campensis, regnandi prouinciam suscepit, maiestate undique conspicuus: induit robur dominus, quo natura, & à seipso omnipotēs est. An uerò summæ fuerit potentia, tam uastā terræ molem, atque super aquas fluitantem, nihilominus immobilem fecisse, non est (credo) qui ambigat. Verum nescio quid hīc mihi de Christo subodorare uideor, qui non multo pridem in terris absque specie & decore uisus, modò cōfractis inferorum ualuis, splendidissimo rerū earum, quæ Deum decent, pallio circumamictus, in solio residet regio. En rex ille, cuius imperio mundi princeps debellatus fuit, electa mors, atque illius abolita origo, nempe peccatum, quomodo uirtute splendoreque, fortitudine ac maiestate ornatus, orbem hunc nostrum, nempe Ecclesiam ex terrenis conflata animis euexit, æternoque sui spiritus cōstabiliiuit clauo. Portæ, inquit, inferi non præualebunt aduersus eam. Quare cum tam excelsus sis, ô domine, cui nulla quauis sublimis cōferri queat potentia, Parata sedes tua ex tunc, à seculo tu es.

Iam inde, inquit, ab exordio constitutum est tibi solium; nanque ab æterno tu semper es. Heri quidem, clamat Paulus, atque hodie Christus Iesus, qui cum uisus naturæ sit cum patre, idem semper est rex, idem dominus, idēque in omnia, in se impartibilis, effusus. Nihil enim tam occultum est atque inaccessum, quod non permeet Christi uirtus. Contra quem

Eleuauerunt flumina domine, eleuauerunt flumina uocem suam, eleuauerunt flumina fluctos suos.

Omnes enim, quos sciam, expositores, & hi quoque qui allegorias horrent, allegorias hīc esse diffiniunt. Siquidem per flumina suos impetus atque horrorem euomentia, diram inimicorum Dei ferociam, sed quam ipse facile compescere possit, qui formidabilis est etiam maris fluctibus & procellis, intelligunt. Cuius quidem sæuitiæ terrorem quò magis exprimeret, crebris illis uocibus fluminum suos eleuantium clamores usus est, quanquam certè nihil obstare uideatur, quin de naturali illo fluuiorum, ac maris horrore ac metu, eo maximè tempeste quo turbidissimis conuoluuntur undis, simpliciter exponi queat. Artem ne putas nauticam tam fractos, iratosque maris fluctus, aut syderum aut uentorum beneuolentia sedare posse. Diuina absque dubio illa est uirtus & bonitas, quæ rebus quamlibet reluctantibus frænum injicere potis est. Verum in allegoria, uenos admonent doctiores, perstandum erit.

Auocibus aquarum multarum mirabiles elationes maris, mirabilis in altis dominus.

Sic litera ordinanda esset secundum Hebræos, quæ sic habet: Plus quam strepitus aquarum multarum, procellarumque maris admirabilium, admirandus est dominus, qui in excello præsidet. Quare sic Paraphrastes: Aquis quantum uis multissimo & uastissimis fluctibus maris potentior est dominus, altissima quæque possidens. Quod sanè de intoleranda iniquorum immanitate, atque in innocuos sæuitia intelligi par est, quos tamen à fortissima Dei manu cōfractum iri affirmat spiritus. Præsidet quidem Deus in cœlis, & quæ hīc aguntur diligentissime con-



c siderans, cuiuslibet nostrū, quemadmodū in corpore hoc mortali gestum fuerit, siue gloriam, siue ignominia impartietur. Vnde

Testimonia tua credibilia facta sunt nimis, domum tuam decet sanctitudo domine in longitudine dierum.

Probata, seu fidelia facta sunt ualdè testimonia tua, transferūt ex hebreo. His quidem duobus membris tota ferè Ecclesiæ effigiat imago. Quod enim diuinis habeat fides oraculis, ac pollicitationib. quodq; in omnibus tum dictis, tum factis, seruetur morum sanctitas, à fide, cui omniū salus innitit, & quæ est absolutissima ecclesiæ perfectio, ortum habet. Ait itaq;: Quæ pollicitus es in scripturis, uera sunt omnia, uera oracula, uera uaticinia, uera cuncta illa quæ tua nunc in Ecclesia fieri conspiciamus; & sicut tu sanctus sanctorū appellaris, ita domui tuæ conuenit, ut sit sancta, subindeq; tuta sanctarū animarum arx, & domiciliū; & id quidem in longitudine dierū, illorum nimirū, qui nullo claudunt usq; suos ex eū in terris suum habet ortum Ecclesia, nihilo tamē minus in cœlū usq; suos expandit ramos. Vterq; eū populus una est Ecclesia, quanq; diuerso uitæ genere. Hi quidem sub atrocissimo bellorū malleo adhuc atterunt, illi iam attriti felicissimam cum Deo agunt uitam, Cui laus sit & potestas in secula seculorū. Amen.

PSALMVS XCIII.



**D**eus ultionū dominus, Deus ultionum liberè egit. Nullus huic psalmo titulus in hebræo adscribitur. Is enim qui uulgo circumferit, insititius uidetur. Eo itaq; omisso, ad psalmi interpretationem uertamus animū. Cuius argumentū cum multis alijs cōuenit, nempe Deum infirmioribus uideri animis ad tam amplam sceleratorū hominū licentia, in opprimēdis maximè innocuis, cōniungere, ac quasi illius generis incogitantia insimulari, de qua Iob, Quid enim nouit Deus; quasi per caliginem iudicat. Sic se habet humana mens, erroribus uidelicet obnoxia quā plurimis, diuinæq; prouidentia intolerabiliter impatiens. Nemo certè est tam solido in fide pectore, cui aliquando in mentem nō ueniat: Quī sit, quod boni malis, mali bonis in hoc mundo, natiuo quasi rerum ordine, satiantur. Videat ne, ait, hec Deus: Nubes profectò latibulum eius, nec nostra cōsiderat. Quò sua illa æterna, qua cuncta æquissimo moderatur consilio, declinauit prouidentia; regnabunt ne semper impij; iacebit ne semper indefensa innocentia; Vix id credere ausim. Vide quò aliquando nostræ effrænata diuertant cogitationes, paulatimq; in impietatem, murmurationēq; contra Deum dilabantur, ni prestò adsit fides, quæ è perfectæ Vatis erumpens anima, sic suos solatur amicos: Deus ultionum dominus, Deus ultionum liberè egit. Deus, inquit, qui potestatem habet ulciscendi iniurias, qui potestatem dico habet ulla absque molestia aut contradictione, liberè, sincereq; ac bona fide, suos tutari filios, atq; ob improborum iniurijs interpretum re, sua proferet (ne dubitetis) iudicia. Maior hīc pars Hebræorum interpretum hunc legunt uersum per imperatiuū, hoc modo: Deus ultionum domine, Deus ultionum fac te cōspicuum, hoc est, tuam in reprimendis nefandorū hominum ausibus, eximendisq; è durissimo eorum imperio bonis, exere iam tandē potestatem. Tu qui cessare uideris, obdormiscereq; & planè latitare, æternam illam tuam atq; adeò potentissimā deprome palam uirtutem.

Exaltare qui iudicas terram, redde retributionem superbis.

Oppressiones utiq; illas, atq; improborum tum in Deum, tum in homines iniurias, à superbia oriri hīc asserit Vates. Corde enim humano peste illa exitioli semel infecto, quò non irrumpunt insanix miseri? Nullum sibi esse Deum effingit homo superbus: quocirca nulla unquā illi statuitur à dominandi, probosq; qui suæ aduersari queunt libidini, opprimendi cupiditate quies. Non tam sanè acriter



acri impeti solet cæstro, aut canis, aut asinus, quanta uir fastu atque ambitione, instinctus regnandi libidine, uel eò maximè, si id in indoctum inciderit uirus animi & sordidum, aut illiberalem: aut si doctum, leuitati obnoxium. In hos igitur inueharis, ô qui uniuersa iudex es terræ. Exaltare, hoc est, altissimū tuum illud, è quo diligentissimè cunctas mortalium actiones circumspicis, ascende solium, ac, quam meriti sunt, redde retributionem superbis.

Vsquequo peccatores domine? usquequo peccatores gloriabūtur?

Exprimi facile non potest, quàm efflictim interdum pij urantur ciues, ob felices sceleratorum successus, & superbiam, qui sua in republica nihil non possunt. Eam ob causam in illas aliquando prorumpunt querelas, quæ penè iniquæ uiderentur, nisi à sancto illos spiritu concitari scirent cordatiores. Vsquequo, inquit, imponent nobis impij: usquequo sua illa erit gloria? num semper obtemperandum erit hypocritis: simulatoribus: in mundi ceno, tanquam suis, commarcescentibus? Vsquequo tuam, nempe miserorum ciuium, uiduarum, pupillorum, atque sub usurarum onere fatiscientium, ac penè expirantium, diserpunt plebem? Quousque tuam in religionem statuent, legesq; sanctent temerarij? semper ne isti gloriosissimis ornabuntur titulis? nos miseria, infamia, & contumelijs? Exultabunt ne semper in rebus pessimis? Et quidem

Effabuntur & loquentur iniquitatem, loquentur omnes qui operantur iniustitiam.

Per tempus præsens hæc omnia pronuntianda sunt. Sic ex hebreo: Pronuntiant, & loquuntur quod durum est; iactant se omnes, qui operantur iniquitatem. Verbum, quod noster uertit interpres, Effabuntur, tenuè admodum est uersum: siquidem Hebræis effutire est, seu ebullire. & erit sensus: Impij nullo habito siue Dei, siue hominum respectu, quicquid libet, effutiunt, superbeq; elaterantes, ac dura & acerba edicentes, iactant se perinde ac si dii essent è cælo lapsi, homines nimirum ad omne genus facinorum perpetrandum qui nati uideantur. Ideo ulla absq; cōmiseratione,

Populum tuum domine humiliauerunt, & hæreditatem tuam uexauerunt.

Humiliauerunt, Hebræis est, oppresserunt, siue attriuerunt, ut reddit Camperis. Sic ille: Populum tuum atterere conabuntur, & patrimonium tuum auferent. Patrimonium, seu hæreditatem hinc uocat Vates, quem antea Dei populum appellauerat, Cuius uerò conditionis ac fortunæ sit hæreditas, contumaci aperit.

Viduam & aduenam interfecerunt, & pupillos occiderunt.

Id enim hominum genus de more alijs miserius est, atq; omniū iniurijs magis obuium, proinde à Deo ærumnosorū consolatore protectū. Atqui diuina illis protegit bonitas, qui à cæteris destituuntur, ut sunt ferè orphani, peregrini, desolataq; uiduæ, ac cæteri id genus miseri, quorum querelis plenus est orbis: non tantum quidem propter consuetos fortunæ euentus, quantum propter acerbiteriam, ac diram magistratuum, superbiorumq; ciuium litum, qui suas accumulandi fortunas ex aliorum incōmodis, ac fundis, turpissima tenentur cura, ut nos quoq; licet ad hæc lusciosi, nostra in patria & uidimus, & multò antea quàm accideret, quæ euenere, prædiximus. Exulcerata iam adeò facta erant omnia, & crudelia, & hæc quidem propalām, ut uel talpæ ipsæ ex oculata uidere potuissent, diuinareq; quæ postea sequuta sunt. Cæterū occisiones hinc pupillorum, peregrinorumq; & uiduarū, à ferro, occultoq; ueneno, ueneficio, usuris maximè, exilijs, proscriptionibus, squalloreue carcerū, ac litium protractione, ortum habent: & quæ cum ita aperta tum essent, ut ipsis quoque innotescere po-



C tuissent amentibus, stultè tamen fucum cœlo obducere sibi posse persuaferunt.

Et dixerunt, non uidebit dominus, nec intelliget Deus Iacob.

Stulta prorsus hæc est opinatio, cum ita immaniter de Deo omnium inspectore opinari audent improbi, ut illum latere, quæ hîc fiunt, aut credant, aut saltem sibi persuaderi cupiant. Non ima hæc terræ, inquiunt, despectat dominus, neq; Deum Iacob, quæ hîc aguntur tangunt. Hæc dicta efferatam illorum mentem exprimunt, qui temerariò res fieri hominum tum optant, tum alijs persuadere nituntur. Cæterum Deum Iacob dicit, pro eo quod est, Deum simpliciter, atq; illorum quidem, qui charissimorū interdum iniurijs obnoxij sunt, ut fuit uir ille obnoxius & soceri & fratris calumnijs, atq; insidijs. Quare

Intelligite insipientes in populo, & stulti aliquando sapite. Qui plan-  
tauit aurem non audiet: aut qui finxit oculum nō considerat: Qui cor  
ripit gentes non arguet: aut qui docet hominem scientiam?

Absurdissima ea est persuasio, cum quis ita insipiens efficitur, ut dicat, quòd  
qui audiendi nobis uim, formamq; intelligendi, ac uidendi concessit, ipse ho-  
rum omnium careat potestate. Atqui certissimū id est indicium, atq; argumen-  
tum, Deum omnia cognoscere, mirabiliq; providentiæ ratione cuncta audire,  
diūdicare, discernere, diffinire, quòd eorundem donorū in nobis autor sit. Si  
certè uiuimus, si cernimus, si audimus, si cognitione aliquid assequimur, id eius  
dono ac uirtute nobis cōtingit, quippe qui in illo sumus, uiuimus & mouemur.  
Ait itaq;: O qui belluis ipsis rationis expertibus haud multò sapientiores estis  
in populo, ad cor redite, intelligiteq;. Stolidi, quādo resipiscetis: Sic hunc primū  
hemistichium per interrogationem legunt nonnulli ex hebræo. Poterit ne ille,  
qui data alijs auditum, non audire? qui mirabilem uidendi confinxit aciem, non  
D uidere? quid nō uideret oculorum effector? Ad hæc, qui multa afficere solitus  
est gentes impias, relinquet ne uestra inulta scelera? Putandus ne is erit postre-  
mò uestra ignorare posse facinora, qui docet hominem scientiam? Si istiusmo-  
di quidem in Deo deliquium esse haudquaquā fatendum est, nouit igitur ho-  
minum mentes quamlibet occultas, atque à uisu humano penitus remotas. Fe-  
lix hanc ultimam particulam absque interrogatione legit. Idem quoq; pleriq;  
ex hebræo, sed cum additione, ipse est, ad hunc modum: Ipse est, qui docet ho-  
minem scientiam. Illud quoque addam, Paraphrasten uoces illas, qui corripit  
gentes, ad eruditionem referre ethnicorū, quos semper diuina bonitas suo di-  
gnata sit ad rectitudinis uiam fauore & ductu. Secus alijs, qui Vatem ad cele-  
briores Dei iudicij plagas, nempe diluuij, ignis Sodomorū, Pharaonis interi-  
tus, atq; id genus similium respexisse affirmant. Quæ quidem opinio ut mihi ue-  
rior uisa est, ita alijs probatum iri cupio.

Dominus scit cogitationes hominum quoniam uanae sunt.

Pulchrè id quidem cum superioribus conuenit: nam simul ut Deum docere  
hominem scientiam subindicasset, intulit ad hunc ferè modum subitò: Certè  
id nullo est pacto ambigendum, an Deus noscat omnia, quæ quilibet cogitat  
homo ex se, quàm uana sint & insulsa. Diuus Paulus hunc locum citat Corin-  
thijs scribens, sed una mutata uocula: Dominus, inquit, nouit cogitationes sa-  
pientium, quoniam uanae sunt. Cogitationes proculdubio hominum, si com-  
munem genuinamq; omnium consideremus ad errores procliuatatem, ac cu-  
liud sapere uidebuntur, quàm sapientiam carnis, letalemq; sui amorem, ac cu-  
ram, quocirca prudentissimè ab Apostolo sapientium cogitationes, appellan-  
tur cogitationes hominum, natura scilicet ad quæuis inania ac futilia cogitan-  
da solertium. Ideo

Beatus homo quē tu erudieris domine, & de lege tua docueris eum.

Hic



Hic nostra omnis retunditur audacia, fallacq; quorundam sanctimoniae per-  
 suasio taxatur, qui ex solenni suo, infatigabiliq; bonis in actionibus (ut sibi uide-  
 tur) labore atq; exercitio, suam metiri solent perfectionem, eamq; alijs prædica-  
 re. Errant omnino. Siquidem animæ institutio à diuina in primis prouenit eru-  
 ditione, non ab humano studio, & conatu. quanquā nostra etiam opus est pro-  
 pensa ad acceptandas spiritus immisiones uoluntate: hoc est, ad perfectam in-  
 ducendam animæ formam, quæ ex Deo est, unā cum ipso necessaria nostra est  
 uoluntas, ac mens. Beatū igit̃ illum in terris appellare non uerebimur, quem tu  
 erudire, tuāque cœlesti doctrina imbuere uolueris, ô domine. Is certè oppido  
 tuam omni instructus erit doctrina. O pectus, ô mens, ô cor uerè diuinum cui  
 tuam notitiam impartit Deus: cuiq; flagra, cui tentationes, cui ærumnæ, cui iniu-  
 ria fidem augent, non adimunt.

Vt mitiges ei à diebus malis donec fodiat peccatori fouea.

Hebræi sic: Vt præstes quietē illis à diebus malis. hoc est, adeò immensē bo-  
 nus es, atq; ad subleuandos tuos à miseria facilis ac celer, ut anteaquā etiam illo-  
 rum persequutores excindantur, miro eos subleuare solitus sis cōsilio & ratio-  
 ne. Interim enim quod sceleratis istiusmodi morum hominibus extrema præpa-  
 rat exitij fouea, tu piorum saluti cōsulens, illorum mitigas flammā: & id qui-  
 dem in diebus malis; in diebus, inquam, illis, qui cum amarissimi uulgò uidean-  
 tur, in sua uitate illis tamen spiritus & dulcorē cedere cōsuescunt. Sic sanè nullū  
 tam atrox est uulnus, quod leue non fiat illis & medicabile, qui curæ sunt Deo.

Quia non repellet dominus plebem suam, & hæreditatē suam non derelinquet.

Potest quidem princeps arrogans, aut iudex superbus, miserorum causas ne-  
 gligere, auersariq; oppressos, atq; ab sese tanquam canes abigere. Verum non  
 idem Deo est mos, qui faciliores eò præbere solet aures, quò qui clamant mise-  
 rabiliores sunt, ac mundo magis inuisi. Decoctoris igitur ne illum dicam per-  
 similem, qui suam luxuriosè uiuendo ligurierit hæreditatem & patrimonium:  
 uel id quidē esset de Deo opinari, qui eandē, imò longè diligentiorē, quā  
 se habeat optimē institutus ac prudens de proprijs fortunis, suis in tutandis e-  
 lectis, quæ sua est hæreditas, & curam & sollicitudinem præstare solitus est. Cæ-  
 terum hæreditas ea Dei uera est, quamq; ipse, quæcunq; aduersentur, bona tu-  
 tatur fide, amplectitur, fouet, in sinu gerit, quæ ex fide in fidem incrementū su-  
 mens, tota cœlestis efficitur, ut ferè sunt hominū conuentus, qui in Christo re-  
 nati, nihil salubrius ducūt, quā quomodo abiectis mundi lenocinijs, in bonis  
 tantum statuant felicitatē. Non hi quidem aut regna, aut diuitias, aut digni-  
 tates tanti faciunt, quanti simplicē uiuendi rationē, purumq; animū, ac suis in-  
 tractandis rebus fidem & constantiā: alioquin inter illos, qui mundū inhiant,  
 nulla potest esse Christi hæreditas, nullum bonum, nulla felicitas, nulla, quæ lau-  
 dabilis sit, uitæ ratio, etsi ornatissimis hi præditi sint morib. ac doctrina. Quod  
 sanè dixisse uelim propter illos, qui suæ tantūmodo uitæ instituto adblandien-  
 tes, ceteros aspernant. Quæ quidem persuasio tantam rei Christianæ conflauit  
 miseriam, ut penè illius uulnus immedicabile appareat, critq; proculdubio,  
 Quoad usq; iustitia conuertatur in iudicium, & qui iuxta illam om-  
 nes qui recto sunt corde.

Omnes prorsus ex hebræo sic ferè legunt: Donec iudiciū ad iustitiam reuer-  
 tatur. hoc est, ut rectè atq; ordinatè cuncta geratur, ad iustitiæq; normam, quod  
 minimè nunc sit, corrigantur. Vnde sic Paraphrastes: Futurū est enim, ut iusti-  
 tia coniungatur cum iudicio: & iudices, quod iustum est, iudicent, sequanturq;  
 illud uniuersi, qui integro sunt animo. Perfectum quidem illud oportet esse iu-  
 dicium, nempe ex Deo, ab omniq; liberum uanitate, ac sui amore, quod p̃js ant



C mis probari queat. Iuxta, inquit, illam, iustitiam nimirum, perpetua manebunt statione omnes recti corde, omnes qui Deum uerentur, omnes qui Christianæ seriò insiti sunt religioni. Interim uerò

Quis confurget mihi aduersus malignantes? aut quis stabit mecum aduersus operantes iniquitatem?

Nemo apparet. Heu quàm uana est salus hominum & infida. Quid humanis iam nitor opibus? quid præsidia amplius expeto nutantia?

Nisi quia dominus adiuuit me, paulominus habitasset in inferno anima mea.

Vide in quàm profundum miseriarum barathrum hi prouunt, qui fugacibus innituntur hominum auxilijs, contempto Deo. In inferno, inquit, habitasset anima mea, nisi mihi opem attulisset dominus. Vocat hic infernū, certam suarum rerum desperationē. quare ex hebræo sic uertunt nonnulli: Propemodū habitasset anima mea in silentio, hoc est, in tetrīs silentiū animarum locis apud inferos, seu in sepulchro, ut reddit Campensis. Parū, inquit, abfuit, quin uita spoliatus iacuerim in sepulchro. Hunc sanè uersum à mei ordinis uiro cū extremo olim colluctante anhelitu, piè admodum prolatū fuisse à nonnullis ex nostris accepi. Is em̃ cum anxiam longa fessus egritudine ageret animā, planēq; inter fratrum manus, qui seduli de more sunt & frequentes, de fide cum hoste decertans, periclitari uideretur, diuino tandem è bello illo periculoso ereptus patrocinio, in hæc uerba hilaris prorupit: Nisi quia dominus adiuuit me, paulominus habitasset in inferno anima mea. Gregorius is fuit Nouariensis, uir summa eruditione & sanctitate insignis. Summa igitur: Quis tam potens est? quis tam ualidus? quis tam fraterni cōmodi amans est, qui mecum contra illuuiem istam malignantiū stare audeat? Nemo quidē homo est, qui id queat, aut uelit: uix enim pro iusto quis moritur. Heu falsas amicorum pollicitationes, & caducas. Utinam quisquā mecum se his opponat mangonibus. Silent omnes. At ego aliam meo malo edoctus ineam præsidij rationem, & eam quidem certam, & potentissimā: ea est Christi: ea est illius, qui mei est amantissimus, qui non fallit, qui miseris præstò adest. Et quidem nisi is tam bonus dominus adiuuisset me, propemodū habitasset in inferno, loco nimirum calamitatis & miseriæ profundissimo, uita mea. Nam

Si dicebā, motus est pes meus, misericordia tua dñe adiuuabat me.

Diuini ea est præsidij uirtus, ut tunc maximè sese in suorum salutem expediat, cum desperatæ illorum uidentur res. Sic sanè suos interdū iactari sinit Deus, ut se prorsus à cœlesti patre destitutos opinent, actumq; de se esse omnino cogitent. Verum huic malo mederi solet diuinæ beneficentiæ memoria, quam suis minimè deesse posse certò sciunt omnes recti corde. Si dicebam, inquit, si sic suspicabar, certè motus est pes meus, lapsus sum: mihi dubio procul in peccatis obeundum est: perij: proinde dæmonū machinationibus atq; adeò improborū iniurijs me imparem esse uideo. Si hæc, inquam, tanquā canis importunus adlateratui, tua præstò adfuit, ne desperationi succumberē, misericordia: hoc est, se te tua supposuit, ne colliderer, clementia. Cæterū pedes anime illius sunt, apperentia ac desideria, quibus Deo fit proxima, aut rebellis, seu more Cain inuerecunda, & fugitiua.

Secundum multitudinē dolorum meorum in corde meo consolationes tuæ lætificauerunt animam meam.

Quis hic in calamitatibus desertum se à Deo expostulet? Istius quippe modus robur est fidei, ac mos, ut nunquā de se actum esse arbitretur anima, quæ Deo nixa, nihil tam timet, quàm desperationē. Ex quo quidem metu nō rara illa spiritus consolationes ortum habent, quæ in animam ob Dei iustitiā oppressam, è cœlo,



celo tanq̃ è limpidissimo aquarū uiuentiū fonte, permanare solitæ sunt, Cœlestis quidem pater, pater misericordiarū, ac Deus totius consolationis, à sanctissimis appellatur uiris. Mirum certè est ac iucundum, cū in mentē nobis uenit, quantū in suis consolandis diuina prona sit clementia. Quare & ter & quater felicem illum esse dixerō, qui internis huiuscemodī contentus gaudijs, carnis onera, hoc est, quicquid est in mundo, quo piæ onerant animæ, hoc libentius tolerat, quò illud, tanq̃ ad optimas assequendas purgationes, ut eas uocat Dionysius, instrumentū esse haud rarò expertus est. Etenim in crucis amaritudine genitus, omne inesse consolationis agnoscunt pii. Quocirca Vates, imò ipse Christus, uice omniū afflictorū, quantum maximè potest, inculcat, clamatq̃: Secundum multitudinē dolorū meorū, qui me intimo perrodunt laniatu, consolationes tuæ me recrearunt.

Nunqd adhæret tibi sedes iniquitatis, qui fingis laborē in præcepto? Fingis uerbum, nō ad Deum referendū est, sed ad sedem iniquitatis, seu iniquorum, ut reddunt pleriq̃ ex hebræo, qui sic ferè uertunt: Nunquid comes erit tui thronus prauitātū, formans afflictionē iuxta statutū: hoc est, thronus ne formans afflictionē afflictis, miseriamq̃ miseris accumulans ex statuto ac more, tecum erit in iudicando, ut hi agere solent, quorū ea uidetur esse in primis de liberatio, ut infontes affligant: Pro consuetudine quidem id habent, ut probos iniurijs atterant. Sic Paraphrastes: Nunquid cōmune tibi quicquā erit cum sobrio & potestate tyrāni, qui struit calumniā infontibus, idq̃ suo more, & tanta caliditate, ut legitimè id facere uideatur: Et ne ab ingenio illos discedere, atq̃ à consuetudo malignitatis more declinare suspicemur,

Captabunt in animam iusti, & sanguinē innocentē condemnabunt. Congregabunt aduersus animā iusti, uertit Felix, quanq̃ uerbum Captabūt nōnihil affert intellectus ad exprimendum perfidiorū hominū morē ac statum: & est perinde quasi diceret, Blanditijs illectant piorū animas. Verū Felix literam ad ea quæ sequuntur aptius cōuenire arbitror, ut sit sensus: Illis ipsis perditissima consuetudo est, ut facili in bonorū perniciem cōspirent, carpantq̃ si quem uiderint inculpatē uiuere. Norma quippe olim huiusce fuit moris turpissimi Iudas domini proditor, qui uidens, ut inquit scriba ille cœlestis, Christū sua opera traditū esse Iudæis exclamauit: Peccaui, tradens sanguinē iusti. Factus Deus benignissimus, ne istuc statutū adhuc uim habeat inter quāplurimos, qui Christum pro ludo habere uideri uolunt, dum infontes liuore moti non solim affligunt, uerum etiā Iudæis uendunt, nempe perfidis delatoribus atq̃ inuidis: quos equidem deteriores Iuda esse semper existimaui, quippe qui ne similitate quidem adduci possunt, quò dicant, ut dixit Iudas: Peccaui, sanguinē condemnantes innoxium. Periculosissimū id est statutum, & quod facili cor ad pietatem induret. Verū illi suum seruent morem, ut lubet: Deus suis deesse non potest. Nam

Factus est mihi dñs in refugiū, & Deus meus in adiutoriū spei meæ. In rupem fiducia mea, uertit Felix, uocatq̃ suam in Deum fiduciam uir iustus rupem, hoc est, locum tutissimū, atq̃ hostibus inaccessum. De qua quidem fiducia, qua potissimū seruantur homines, nō rarò hisce nostris in cōmentarijs, prout suggessit spiritus, diximus, inculcauimusq̃ totā in ea salutis nostræ summam positam esse: cuius sanè robur & efficacia Christi cruor est ac mors. Dñs igitur meū erit refugium, ut cunq̃ me traducant improbi, & Deus meus mihi in star erit rupis, arcisq̃ munitæ, quæ in ædito constructa est loco.

Et reddet illis iniquitatem ipsorū, & in malitia eorum disperdet eos, disperdet illos dominus Deus noster.

Quid sibi uelit, Reddet illis iniquitatē ipsorū, aperit Paraphrastes: Et retor-



**C** quebit, inquit, in illos iniquitatē, quā opprefferunt alios ipsi: & quemadmodū mereſc ſclerata uita illorū, ſubuertet eos funditus. Subuertet, inquā, illos nō homo naturaliter imbecillis, nō bellua, nō procelloſa maris tempeſtas, nō ipſi alioquin expauſcendi terræ hiatus, motuſq; terrifici: uerū dñs Deus noſter, hoc eſt, potentiſſimus omniū, cuius manum, ut inquit ille apud Maccabaos, neq; uiuus neq; defunctus effugiam. Illos itaq; noſtri amantiſſimus dominus, tanq; uiſiſſimas terrarū quiſquilias, aut atomorum luſus, diſperdet (ne dubitetis) diſſipabitq; radicitus, Cui laus ſit æterna, ac benediſtio in ſecula ſeculorum, Amen.

## PSAL. XC V.



**E**nite exultemus dño, iubilemus Deo ſalutari noſtro. Præoccupemus faciē eius in cōfeſſione, & in pſalmis iubilemus ei.

A ſuauiſſimo hīc inuitamur Dei ſpiritu, non iam quidem ad conuiuia, lalcuiasq; comēſſationes & choreas, ut hi agunt, qui amariffimo ducunt ſenſu: ſed ad ueram animi uoluptatē, ad quietem, ad ſabbatū illud delicatum, in quo perennis auditur Dei nominis ſanctificatio, uiuaxq; ſpiritus & trāquillus. Nam certē ut ipſe rerum omniū effector eſt, ita ex benigniſſima illius manu bona omnia ſperare conuenit. Verū illud timendum, ne in illud incredulitatis, ut inquit Paulus, cum Iudæis incidamus, ut hauſto iam gratiarum Oceano per Chriſtum, deteriores illis efficiamur, qui Deum tentantes in deſerto, uiasq; domini rectas ignorantes, ſuas ſecuti ſunt pluſquā uaniſſimas: ut nōnullos noſtra etiā ætate, hoc eſt, exorto iam ſole, toto perſequi animo tum cernimus, tum nullum illorū poni poſſe errori frānū ingemiſcimus. Adeo errores ſpecie recti ac religionis obteſti, uix ui unquam à quoq; diuelli potuere. Aperte enim peccantibus facilis adhiberi poteſt medela: fucatis uerò lapſibus, ac ſanctimonix teſtorio delimitis, nullum fermē eſt remediū. Nos igitur quorū appetētijs iam frānū iniectum eſt per Chriſtum, hiſce malis conciliatis animis ſua in ſorde dereliſtis, ad grauiora mentē excitemus, noſq; inter nos adhortāntes, ad ueram penē colapſam religionis fabricā, quæ in mentis puritate maximē ſedem habet, intrepide accingamur. Eia, inquam, unā cum ſanctiſſima Vatis anima, Venite, exultemus dño, iubilemus Deo ſalutari noſtro, præoccupemus faciē eius in cōfeſſione, & in pſalmis iubilemus ei. Hæ quidem uoces, iubilationis, exultationisq; & tripudij, mirē æſtuantē in anima præ ſe ferunt motum & affectum, quæ præ gaudio uerborū ſeriem exprimere nequiens, iſtiusmodi repetitis lætitiæ uocibus ſeſe promere appetit. Præoccupemus faciē eius, idem prætere uideſ, quod, Maturemus in conſpectum eius laudibus onuſti conuenire. Ex hebræo ſic uerti poſſet: Cōpareamus coram eo cum gratulatione. Paraphraſtes tamen alium cōcepiffe ſenſum uideſ. ſic ille: Ante omnia hoc agamus, ut placido uultu reſpiciat nos. Quicquid ex his elegeris, nihil ſpiritu officere arbitror: modò id cogites, animam diuinæ religionis auidam ſuum hīc detegere ardorem uoluiſſe, qui huiusmodi eſt efficacix, ut omnes ad celebrandas Dei laudes, qui animarum ſalutis autor eſt, accinctos eſſe cupiat. In cōfeſſione, Hebræis eſt, in celebratione, ſeu gratulatione. Feſtinemus, inquit, cōpareamusq; coram eo cum gratulatione, & pſalmos conſecremus ei.

Quoniā Deus, magnus dominus, & rex magnus ſuper omnes deos: quoniā non repellet dominus plebem ſuam.

Deus, inquit, magnus eſt dominus: rex item magnus præ om̄ibus dñs, cuiq; nullus quantumlibet excelfus, ac potēs, ſimilis eſt. Huic enim, quicquid uſquā inuenitur, cedit. Is quidem cuncta, quæ ipſe condidit, ſeruat, percurrit, regit, cōplectitur. Particula tamen uerſus extrema, neq; in græco, neq; in hebræo legitur.



tur: inſtituta uidetur: quæ tamen ſuo nō uacat fidei ſtimulo. Semper quidem læta eſt anima, cui perſuaſum eſt benigniſſimū dominū, ne ſemel quidem repelle re poſſe ſuæ afflictæ plebis humilitatē, tamen ſi cōſueat aliquando, uidereq; diſſimulet. Etenim uirtutū iter, illarum maximè, quibus animarū puritas acquiri; diſſimilis innitiū ſtudijs, quæ ſuapte natura molles exhorreſcūt animos. Cū certè ad diuinarū rerum notitiā & guſtum mentē intendimus, uirili opus eſt animo, atq; ad amplexandam Dei uoluntatē in omnibus, quæ interdum aſpera uidentur ac dura, diſpoſito. Secus quidem in brutos animi conceptus, atq; patientiæ illi, quæ uiro bene inſtituto neceſſaria eſt, rebelles, nunq; ferè diuinę pro ueniunt gratiæ. Viſ' ne ab optimo non repellī dominor? Eo degas uitæ genere, quod à terrenarū rerum amore alienū ſit, duraq; in aduerſis, uel eo maxime tempore, quo à Deo deſerī uideris. Certius id quidem eſt, quàm quod inſiciari quis debeat, quia non repellet dominus plebem ſuam.

Quia in manu eius ſunt omnes fines terræ, & altitudines montium ipſe conſpicit.

Explorationes terræ, ſeu profunda, & celſitudines montium, uertunt ex Hebræo: ut ſit ſenſus, nihil tam reconditū eſſe & abſtruſum, nihil ue tam ſublime atq; eminens, quod in manu Dei non ſit, hoc eſt, quod illi non pateat: quemadmodum quæ nos in manu habemus, nobis aperta ſunt & nota. Vnde autē, conſpicit, excogitauerit interpres, me fugit omnino. Non eſt quidem multū montium altitudinē oculis metiri poſſe. Ex Hebræo ſic uertunt: Excelsa montium ipſius ſunt. Idem fermè Campenſis: Cacumina, inquit, montiū ab ipſo habent quod ſunt. Eſt itaq; omniū maximus Deus noſter, præſtatq; omnibus quæ ſub ſua habent, ſiue ea in terris ſint, ſiue in cœlis. Quocirca ad exprimendam Dei potentiam rerum omniū effectricē, iſtiusmodi circumlocutione uſus eſt Vates: in manu, inquit, eius & poteſtate ſunt terræ penetralia, obſtruſæq; rerum cauæ, & quicquid ſublime eſt atq; eminens.

Quoniam ipſius eſt mare, & ipſe fecit illud, & aridam fundauerunt manus eius.

A maris effectiōe ac terræ, Dei arguit potentiā. Quis, oro, unquam tam uariarum undarum molem, terræq; amplitudinē & immenſitatem facere potuiſſet, qui Deus idem non eſſet? Ipſius enim creatura mare eſt: ſiquidem ipſe illud finxit: ſinxit quoq; aridam, ac quicquid tandem uſpīam conditum eſt. Ideo cū tam potens ſit ac formidabilis,

Venite adoremus & procidamus ante Deum, ploremus coram domino qui fecit nos.

Prudenter hīc quidem Vates modum ferè omnē, quo externo corporis motu reuerentiam alicui præſtare ſoliti ſumus, cōplectitur. Diſtīo enim quam nos legimus, adoremus, Hebræis eſt, expāſis manibus toto proſterni corpore. Procidamus uerò eſt, ceruicē incuruemus. Cæterum, ploremus, genua flectamus, uertunt. Quare ſic Paraphraſtes: Genua flectamus ante dominum autorem uitæ ac ſalutis noſtræ.

Quia ipſe eſt dominus Deus noſter, nos autem populus eius, & oves pascuæ eius: hodie ſi uocem eius audieritis.

Sic integrum legunt uerſum pleriq; ex hebræo. Deſcripta uniuerſali circa omnia Dei prouidentia atq; effectiōe, nunc de ſpeciali illius cura & beneuolentia erga ſeruandos canere inſtituit: uocatq; illos, oves proprii illius paſcui, hoc eſt, tenerè paternèq; educatos. Dici facile nō poſſet quàm zelotypus ſit Deus animarum, quāq; ardentè illarum depereat pulchritudinem. Idcirco erga eas non ſecus ſe habet, atque ſe habet paſtor gregis amantiſſimus erga oves:



Cis enim die noctuq; uigilat, ne quid caduco gregi in pastionibus, in stabulis, in aquationibus, atque id genus alijs gregum comodis deesse queat. Sic Deus suis in alendis gregibus, hildem ferme utitur artibus, sed insolito rerum ordine carerarum ac more. Siquidem nō solum suis pastor est & dux, uerumeriam, & pabulum, & potus, atq; omne cōmodum. Cruore quippe Christi, ea qua decet fide epotato, comestaq; illius carne, altus in altorem conuertitur, transfunditurq; anima in Deum, ita ut nihil iam in ea sit, quod non sit Deus, quod non sit pax, quod non sit uita: & tandem quantusquantus Deus est, noster est. Quis hic amore non emoritur? non colliquescit? non in nouam refunditur formam? Verum ne est (ō mentes hebetes ac uanas) uerum ne, inquam, est, Deum nō ita primum a nobis nostra ob delicta alienum, nobisq; iratum, ac planē implacabilem, subita ueluti pœnitudine retractum, nostrum factum esse? hoc est, facilem, placatum, beneuolum. quid beneuolum dico? ministrū potius dicendum erat: atq; id quidem in sanguine dilecti illius pueri, per quē accessum habemus ad patrem. O certē rem tardis incognitam animis. Quid stupidi in cœno, tanquam sues in uolutabro, lasciuitis? Olim quidem à Deo alienati auersi q; ui forsan ac minis retrahendi eratis; nunc autem amore opus est, simulac Deus noster est factus, qui omnium maximus, minimus tamē omnium in terris pro te, ō homo, uisus est. Quare, hodie, in hoc gratiæ tempore, si uocem eius audieritis, non amplius illam legis duram & minacem, sed suauem, fidemq; illi adhibueritis, ō quanta uos mentes in cœlis gaudia, quanta pax, q; amplæ diuitiæ, nempe æternæ, atq; in Dei thesauris reconditæ. Donec hodie cognominatur, ut inquit Paulus, quid cras præstolamini? Videte ne quis ex uobis obduretur fallaciâ peccati. Participes enim, huius hodie beneficio, Christi effecti, uidete ne quando sit in aliquo uerum cor malum incredulitatis discedendi à Deo uiuo. Ex Hebræo quidam sic hunc reddunt uersum, connectuntq; cum superiori ad hunc modum: Ille enim est Deus noster, nos autem populus pascuæ eius, & grex manus eius, dummodo uoci eius omni tempore pareamus. Paraphrastes uerò, Hodie, sequenti attexit uersui cum nostro, qui ait:

Hodie si uocem eius audieritis, nolite obdurare corda uestra, sicut in exacerbatione. Secundū diem tentationis in deserto, ubi tentauerunt me patres uestri, probauerunt & uiderunt opera mea.

Si uocem, ex Hebræo nōnulli, Vtinam uocē, interpretant. Hodie, inquit, utinam uocem eius audiat, uoluntq; uocem istiusmodi eandem esse ad laudandum Deū prouocationē, de qua sic in præcedentibus admonuit Vates, dicens: Venite adoremus & procidamus ante Deum. Vt cuncq; sit Hebræorū litera, ad gratiæ tempus, in quo natus est Christus, referendū est mysteriū: de quo illud in primis animaduerti par est, quod à Scriba illo sanctissimo retectum fuit: Et aperiens, inquit, os suum docebat eos. En uocis illius exordium, de qua sic Vates: Hodie si uocem eius audieritis. En Euangeliū, en uitę uerbum, en uox Dei, en quod solum audiri debet, dum hodie cognominatur. Verum illud me terret quod sequitur, uereorq; ne illis haudquaquē dissimilis inueniar, qui in deserto obmurmurantes, periculumq; facere de Dei potentia sunt ausi, dicentes: Nunquid & panem poterit dare, aut parare mensam in deserto? Tentauerunt me, inquit, patres uestri: patres increduli, atq; ære ipso duriores: expeririq; uoluerūt, an is Deus essem, qui illorum indigentia, seu potius libidini, quicquid opus esset, suppeditare possem. Ingratissimi omnium, id etiam atq; etiam explorare conati sunt, cum tamen complura non semel antea, & ea quidem manifestissima, meæ uiderint maiestatis indicia atque argumenta. Probauerunt certē haud raro antea, & uiderunt opera mea: nihilo tamen secius meliores effecti, de mea iterum potentia dubij, periculum facere præsumpserunt. Felix ex Hebræo sic uertit:



uertit: Nolite obdurare cor uestrum sicut in contentione. Alius: sicut in Iurgio. Id porro iurgij fuit in Raphidim, quod adeò celebre extitit, ut Iurgij nomē loco indiderit. Meribah autem & Massa, tentationem iurgij interpretantur. De hac quidem tentationis acerbitate & frequentia, sic cum Mose queritur dominus, dicens: Tentauerunt iam me per decem uices. Ad hæc,

Quadraginta annis proximus fui generationi huic, & dixi, semper hi errant corde. Ipsi uerò non cognouerunt uias meas, quibus iurauim in ira mea, si introibunt in requiem meam.

Proximus fui, Hebræis est, ut reddit Felix, molestia affectus sum, seu fastidiū perpeffus sum à generatione ista. Paraphrastes autem explicatius: Quadraginta annis ueluti lis mihi fuit cum illo hominū genere. Vide Dei bonitatis magnitudinem: nam cum populum illum rebellem & ingratum solo nutu extingueret potuisset, & certè propter impietate debuisset, noluit tamen, sed illud potius tentare aggressus est, an sua posset patientia, donorumq; cumulo, illorū superare perfidiam. Ex quo maxima inter creatorē & creaturam intercessit lis & contentio: ille quidem modestia, patientiaq; & liberalitate suam egit causam: hæc uerò arrogātia, tumidoq; supercilio, ingratitude, ac, quo maximè angebatur, liuore atq; odio. Attende igitur, quā iusta fuerit tam benigni domini querela & dolor. Quadraginta, inquit, annis patientissimè hunc rebellem toleraui populum, ita ut admirabundus intra me dicerē: Populus hic à recto aberrat, palamq; desipit: non enim meas agnouit uias. Meam quidem spreuit bonitatē, abiecit clementiam (eæ sunt uiaē Dei erga homines) derisit beneficia. Quid rogamem me auersatus est. Quid faciam populo istiusmodi oblocutori: rebellis: quærenti quæ sua sunt, nō quæ religionis: superbo: arrogant: liuido: malis omnibus sub prætextu pietatis refertissimo: Cor enim illorum longè à me abiit. Quare iratus, illo rumq; flagitijs laceffitus, dixi, iurauicq; me illos nunquam in terram illam quietissimam, quam illis dare pollicitus fueram, introducturū. De huiusmodi iurandi ratione aliàs diximus: & est perinde quasi diceret Deus, Ne sim iustus, si introibūt in requiem meam scelerati isti murmuratores. Exhorresco sanè totus cum hac cogito. Aliam certè animo, quā fuit illa Canaan, pertracto requiem, nempe æternam in Deo, à qua quidem excludi, extremam esse miseriam & calamitatem arbitror. Quod Moses, Aaron, ceteriq; illius gentis procures, alioqui pietatis cultores, indigni reperti fuerint qui terram illam tanto labore quæsitam ingrederentur, non multum adeò dolendum uidetur, simulatq; ad æternam ascisunt requiem per Christū. At uerò à cælo, à uita, à Deo, à perenni bonorū fonte, à quiete illa supræma, quæ etiam cum Dei iuramento promissa est christianis, christianū secludi hominē & propulsari, non solum dolendum est, uerum etiam fuspicijs, amnecq; lachrymarū deplendū. Quid porro illi, qui in sublimiori, quā uulgus est, doctrina fidei, ac mysteriorū sacramentis tum à lege, tum ab ipso usu Ecclesiæ propinatis, alti, educatiq; in religione, in sacris ritibus, in uirtutum cultu penè attriti, fatiscunt tamen nō nunquam, labantq; duplici, quod aiunt, uestimarum modus, etiam si toti in lachrymas colliqueremur. Ergo propter hos solū ab irato prolatus est domino, firmatumq; iusiurando, si introibunt in requiem meam. Ad quam tamen (prò Dei clementia) ipsi quoq; adulteri, parricidæ, sceleratores, & qui in peccatis occalluere, à benignissimo inuitantur Christo: Venite, inquit, omnes qui laboratis, & onerati estis, & ego reficiam uos, Cui laus sit, atq; honor in secula seculorum. Amen.





**C**antate domino canticū nouū, cantate domino omnis terra.

Si scirent homines, uel serò saltem, quā immensa felicitate plenus sit, Deum ex animo laudare, illique cor, alioquin ob insitas carni concupiscentias uagum, & sui dissimile, offerre, iam è mundo omnis ablata esset impietas. Verū cum id aut ignorēt quamplurimi, aut se scire, cum minime sciant, effingant & somnient, errorū, falsaque religionis etiam in ipsa religionis persuasione, plena facta sunt omnia. Carnis quippe amore detenti, uix an spiritus Dei sit in terris animaduertunt; cuius uirtute actus in hoc psalmo propheta, placato ab hostiū irruptione regno, atque propterea res populi feliciter cum se habent, cunctas hortatur terrarū uniuersarū regiones, ut impio abiecto deorum cultu, quæ sit uera pietas, & religio à Deo instituta, condoceant, illamque nouo, uti res solent præclaræ, extollant cantico. Atqui homines in Christo innouati, unde istiusmodi laudandi Dei ratio proficiscatur, nescire haudquaquam possunt: nam spiritualia à spiritualibus diiudicari solent hominibus. Qui uero mundi spiritu ducuntur, quicquid de cœlesti sabbato, in quo piorum animæ, uel in medio ipso turbarum fragore positæ, conuirescunt, audire contigerit, ad terra seclatæ mentis phantasmata retorquent. Nihil enim sublime cogitare norunt, adeo mens hominis ad diuina contemplanda summo ab opifice formata, in imis profundisque, tanquam tortuosus coluber, aut anguis, oblectatur. Siquidem ueteri assueta cantico, ac uæ, nouum illud, ad quod canendum suos prouocat hinc spiritus, ignorat omnino. Verū quid innouata dicat, consideremus: Cantate domino canticum nouum, cantate domino omnis terra. Ad rem eximiam, nouā, mundoque insolitam, inauditam, ac penè incredibilem laudandam, nouo opus est cantico. Ecce, inquit Deus, noua facio omnia: quocirca, o uos qui terram hanc, alioqui spinis obsitam, incolitis, nouo Deum laudate carmine. Ipse enim nouam largitus est gratiam, nouam Hierusalem, fidem nouam, uerbumque illud demum, de quo sic olim audiuius: Verbum, ait, abbreviatum faciam super terram. Agitedum

Cantate dño, & benedicite nomini eius, annunciate de die in diem salutare eius.

Semper ferè interpres, quod nō rarò diximus, pro salute, salutare transtulit. Sic Paraphrastes: Prædicare de die in diē salutē, qua seruati estis beneficio ipsius. Ut quidem eximium illud fuerit cœlitus beneficium, quo toties seruatus Iudæorum populus ad laudandum Dei nomen suo à rege prouocabatur: nihilominus apertum de Euangelio hinc est uaticinium, cuius sanè munere, antiquis reiectis exuuijs, allata est noua salutis gratia per Christum. Nouum nonne fuit salutis genus, innocentissimū Iesum dominū uniuersorū pro seruis, & illis quidem inimicis & facinorosis, uoluisse æquè emori, atque si ipse solus perditissimura in Deo. Ideo euangelizate indies latius, o sanctæ animæ, præconioque illius efferte nomen. Etenim in uniuerso terrarū orbe tam mirificum inuulgandum est Dei nostri donum. Quid moramini?

Annūciate inter gentes gloriā eius, in omnib. populis mirabilia eius. Nullus sanè sit orbis angulus, nulla gens, nulla regio, quæ diuinis per uos nō resonet laudibus. Stupenda quidem sunt, ac gloriosa, quæ de Deo dici debent.

Quoniam magnus dominus, & laudabilis nimis, terribilis est super omnes deos.

Magnus est quippe dñs, propter rerū conditarū effectiōē, in illisque potestatem ac prouidentiam. Laudabilis uerò, ob bonitatem, uariarū gratiarū munera ad omnes, ac spiritus effusionem, Terribilis item, propter occulta illius iudicia, consiliaque, profun-



profunda in caligine delitescantia. Idcirco rebus illis omnibus, quæ ab hominibus pro dijs habentur, formidabilis est, atq; acer nimis. Quæ uerò fuerint illa quæ diuinitatis sibi nomen antiquitus uindicauerint, notiora sunt, quàm ut nunc singillatim recenseantur. Nunc autem quæ sint ea, quæ religiosius, quàm Deus ipse, à nonnullis & quærentur & adorantur, facinorosiora sunt, quàm quæ à castis describi queant mentibus. Meræ insanix sunt, quas non pauci colunt pro dijs, atq; illi forsitan qui religionis prætextu ut heroës (nouum dementiæ genus) in terris haberi uolunt: quod si non obtinent, Deus bone, quantas subit calumnias innocentia eorum maximè, quibus nullum aliud adoratur numen in terris, præter illud quod Deum referat uiuum, terribilemque super omnes deos, Deos hinc uocat spiritus, falsorum diuum simulacra, & quicquid colitur, quod non sit Deus: & id quidem per ironiam, ut uel hoc modo saltem deterriti, quæ sit uera in terris religio, quæ uni tantummodo debetur Deo, perdiscant homines.

Quoniam omnes dij gentium dæmonia, dominus autem cœlos fecit. Dictio, dæmonia, in hebræo non est, sed, sculptilia aut uanitates, ut reddit Felix Paraphrastes uerò, nihil. Sic ille; Omnia enim quæ reliquæ nationes habent pro dijs, nihil sunt. Vide igitur in quàm tenui re olim suam posuerit religionem antiquitas. Vnde non absque Dei spiritus afflatu, idolum nihil esse definiuit Paulus. Verum quia dæmonum id statuarum genus inuentum fuit, quicquid in illis pro Deo uenerabantur homines, uerè dæmon appellari poterat. Rem ipsam magis referre uoluit interpretes, quàm literam. Dijs itaque illorum, qui colunt statuas, aut ædificiorum, aut res alias mortalitati obnoxias, ficti sunt ac nihili; Dominus autem noster tam pulchram machinam uniuersi, tam uariè ornatam, tam à uanitate alienam, sapientissimè fabrefecit. Potuit ne id agere quispiam, qui Deus non sit, & is quidem maximus & potentissimus, quicquid per se sit, ac solus omnino uerè beatus, atq; ita in se uiuens, ut cæteris uitam impartiat? Quid uerò? Confessio & pulchritudo in conspectu eius, sanctitas & magnificentia in sanctificatione eius.

Omnes ferè ex hebræo uertunt, in sanctuario eius, quod cœlum interpretantur. Verum ecclesiam hinc adumbrari censeo, cuius perfectionem sub pulchritudinis, sanctitatis & magnificentiæ nominibus designari arbitror: quæ sanè omnia in antiquo illo & celebri Iudæorum templo, umbra nimirum ecclesiæ uidebantur. Ab illius quidem ornatu, uult Ecclesiæ imaginem deliniri. Cæterum confessio ad fidem attrahit: decor uerò, seu pulchritudo, qua mirum in modum honestat Ecclesiam, sunt actiones à charitate profectæ: quibus sanè membris, perfectissima quædā forma tur sponsæ facies, quā sanctitatē appellamus, quæque indicibili quadam amoris ratione delectatus sponsus, non iam humilis amplius, aut ut olim despectus, sed magnificus, gloriaque conspicuus, in Ecclesiæ meditullio, hoc est, in suo sanctuario, quæ sunt sanctorum animæ, diuersatur. Quamobrem

Afferte domino patriæ gentium, afferte domino gloriam & honorem. Afferte domino gloriam nomini eius, tollite hostias, & introite in atria eius.

Patriæ gentium, ex hebræo reddunt clarius, familiæ gentium, seu progenies, ut Felix, aut tribus quoque. Sic illi; Tribuite domino, o populorum familiæ, tribuite domino gloriam & fortitudinem, tribuite domino maiestatem illam, quæ nomini ipsius respondeat. Corripite munera, properate in atria eius. Vide quomodo in effulgenda ecclesia à ritu antiquo non recedit Vates. De huiusmodi porro oblationum genere, in xxviii fuisse admodum dictum est psalmo. Verum illud non omitendum, Gentes hinc clarè, exclusis Iudæis, ad sanctificandum Dei nomen, ipsiusque nullus potest esse perfidiæ Iudæorum locus, ita nulla est pars cum fucatis



C christianis, & possessio: qui sanè cum sacra sint unda intincti, religionēq; initiati, nihil non agunt, quò Pharisæorum hypocrisis, scribarumq; superciliū, auaritiā, fraudulentiam, ac, qua maximè atteruntur miseri, tum inuidiam, tum ambitionem, imitari appareant. His itaq; à diuinorū gustu semotis, ô populorum familiæ, ô meretrices, ô peccatores, ô quibus lachrymæ panes sunt die ac nocte, tribuite domino, non uobis, at illi, gloriam, ac, qua potissimū erepti estis de manu hostili, fortitudinem. Illi, illi inquam soli, istiusmodi sit honor, sit potestas, sit prona ad opitulandum miseris uoluntas. Quocirca assumptis non iam myrrhæ amplius, thuris & aromatum, multò minus cruentarum uictimarum, inertiumq; pecorum muneribus, sed castimoniam, puriq; animi in Deum, properate, sanctaq; illius atria securi adite. Non iam quidem ut olim hostiarum numero placatur altissimus, sed fide, sed charitate, sed mansuetudine, sed mundanarum rerum despicientia & neglectu. O felicem rerum commutationem. Pateant igitur homines cum est peccandum, contremiscat &

Commoueatur à facie eius uniuersa terra.

Non hæc aut illa tyrannorū metu regio conturbetur, sed uniuersus omnino orbis à numinis præsentia exterefactus, in meliorem uitæ statum transeat, respiscatq; in Deo.

Dicite in gentibus, quia dominus regnauit: etenim correxit orbem terræ, qui non cōmouebitur, iudicabit populos in æquitate.

Is unus est uersus Hebræis, qui haud Correxerit, sed firmauit, aut parauit, uertunt. Stabilietur, inquit Paraphrastes, orbis, nec uacillabit amplius. Quam quidem stabilitatem ut de orbe hoc uisibili dici posse credimus, ad Ecclesiæ tamen firmitatem per Christum suæ sponsæ conciliatam, melius referri debere arbitramur, quam ad corruptibilem istam terrarum molem, quæ continuis obnoxia est alterationibus: ea uerò, quæ à Christi latere demanauit, perpetua nixa est soliditate, uiuocq; adeò suffulta spiritu, ut immobilis planè facta sit in Christo, qui Petra dicitur ac mons. Id itaque regnum est Christi, his subnixa est Ecclesiæ præsidij, hoc uiget robore, quapropter non potest non æquissimo pertractare iudicio iura populorū. Iudicabit, inquit, populos in æquitate: diuerso scilicet à tyrannis more, qui cum à cœlesti prorsus exhorrescant lege, quæcunque illis in mentem ueniunt, æqua putant. Verum ipso nōrint euentu homines, quàm turpiter suis in sancientiis legibus hallucinentur, aberrentq; omnino ab æquitate. Dicite igitur, enarrateq; in populis, quòd dominus suum firmauit regnum, itaque suo stabiliiuit spiritu, ut amplius nutare nequeat. In Christo enim, quod solidum est fundamentum, firmata est Ecclesia. Dudum quidem, ante nimirum illius aduentum, in gentibus regnabat impietas, nempe deorum cultura: in Iudæis autem liuor & ambitio. In uniuerso porro generatim orbe, peccatum & mansuetudo, ac demū discissa peccati syngrapha, occisa est mors. Quare ob tam mirandum Dei patris beneficium ac donum,

Lætentur cœli, & exultet terra, cōmoueatur mare & plenitudo eius.

Tametsi uerbum, cōmoueatur, aptari hîc posset, tamen efficacius ex Hebræo, perstrepet, redderetur: seu, tumultuetur, aut intonet quoque, ut Felix. Paraphrastes uerò sic: Exiliet præ lætitia mare cum omnibus quæ in ipso sunt. Communis hæc est de regno Christi lætitia. Seruato quippe homine, quicquid propter hominem conditum fuerat in nouam quodammodo refunditur formam, exhilarescit, præq; gaudio penè insanire uidet. Itaq; condita hîc omnia ad exultandum in domino propter salutis beneficiū à spiritu inuitant, cum inquit: Lætentur cœli, gestiat terra, mare, & quicquid in eo est, aut uiuit, præ gaudio perstrepet.



perstrepet. Agri, nemora, montesq; excelsi, atq; unà cum armentis ac saltuū feris, arbores, plantæ, inertiaq; saxa, ac rupes, in domino gaudeant, Et quidē hoc tanto perspecto munere, etiam

Gaudebunt campi, & omnia quæ in eis sunt, tunc exultabūt omnia ligna sylvarū à facie domini, quia uenit, quoniam uenit iudicare terrā.

Iudicabit orbem terræ in æquitate, & populos in ueritate suā.

A facie domini, coram domino, seu ante dominū cū ueniet, reddunt ex Hebræo nonnulli, Paraphrastes uerò, Propter dominū. Iam illud ualde iucundum, quodq; maximè sedantur piorū animæ in Deo, cū recolunt iudicē illum æquissimum, qui cuncta ut solo uerbo effinxit, ita ea ipsa nūtu solo iudicat, uenturum tandem ad perficiendum totius orbis iudiciū, ab improbis quidem corruptū, planeq; ab orbe ipso miserrimū in modum eliminatū. Quid nō ultrò calamitatū subiret uir sanctus hæc cogitans: Certè, inquit, utcūq; corrupti sint nostri æui iudices, atq; illis iura omnia facta sint uenalia, nihilq; hi statuunt quod à contamiatio non proficiatur animo, id tamen persuasum habeo, quod dominus tandem ueniet, ueniet in quā, ut orbem terrarū, ut mūdum, ut populos, secundum æquitatem, recteq; quod hi nō faciunt, ac bona fide, iudicet, ac quietissimo moderetur imperio. Cui honos sit in secula seculorum, Amen.

## PSALMVS XCII.

**D**ominus regnauit, exultet terra, lætentur insulæ multæ.

Ut uerum sit quod à nonnullis huc affertur expositoribus, David uidelicet ob celebrem illam, famosamq; contra Ammonitas uictoriā, hunc composuisse psalmum: illud uerius, regnum hīc Christi describi. Quare non absq; mysterio in sequentibus dicitur, Nubes & caligo in circuitu eius. Profundissima sunt hæc, altaq; inuoluta caligine & obscuritate. Ex Hebræis quidam præsentī legūt tempore psalmi initium, hoc modo: Dominus regnat, gaudet tellus. Item Paraphrastes: Dominus regni gubernacula suscipere dignatus est. Sed apud Hebræos uel potissimū, quod notat Felix in psalmorū libro, nunc temporis seruat ratio: nam ut plurimū tempus pro tempore poni conspiciuit. Verū quid de psalmo sentiat spiritus, ut datur, uideamus. Dominus regnat, exultet terra, lætentur insulæ multæ. Tellus in primis, quippe quæ tam sancti imperij, ut illud est Dei, capax sit, ad exultandum, ualdeq; lætandum in Deo prouocatur: insulæ uerò speciali postea nuncupatione: Lætentur, inquit, insulæ multæ: hoc est, ut interpretatur Kimhi Hebræus, gentium termini, quasi diceret, regiones etiam illæ, quæ procul à Iudæa atq; illius cultu remotæ sunt, lætentur. De eiusmodi gentium exterarum fide sic dominus dicit in Esaia: Me insulæ expectabunt, quò aduertat, pro gentium domicilijs insulas in scripturis nonnunq; poni. Ut quidem insulæ à continenti seiunctæ sunt, ita à Dei religionē erāt gentes: quæ tamen propè factæ sunt, ut inquit Paulus, in sanguine Christi, ut modò etiam interdum iucundissimo intuemur spectaculo, peccatores, metrices, homicidas, atq; id genus alios, illos, qui cœlū digitis tangere existimant, uitæ sanctimoniam æquare, ne dicam anteuertere. Idcirco, ô terra, ô insulæ, longeq; secretæ nationes, amœna ista derisa camporū elegantia, in dño, qui uos elegit, non uos eum elegistis, gaudete, lateq; tripudium agite. Siquidem Nubes & caligo in circuitu eius, iustitia & iudicium correctio sedis eius.

Correctio, Hebræis est firmamentum, fulcrum, seu basis, ut uertit Felix, aut habitatio. Iustitia, inquit, & iudiciū habitatio sedis eius: hoc est, quicquid ille instituit, quicquid iudicat, quicquid molitur, æquū est ac iustū. Iustitia quidē ad fidem referenda erit, iudicium ad mores, uitæq; institutionē & normam, Alio in



c pſalmo ſic canit Vates: Iuſtitia & iudiciũ præparatio ſedis eius. Cæterũ nubes & caligo, ad tremendam Dei potentiam, maiestatemq; exprimendam, hinc poſſi- cent ſent interpretes. Tum quidem cum denſis, atrisq; cœlum obducitur nubi- bus, apparentq; nigris cõmixta nimbis fulgetra, ac ruunt tandem pluuiæ, aërq; terrifico ſcinditur cõcuſſu, diuinũ magis quàm antea timetur iudiciũ, numenq; ad eſſe fatentur omnes. Hũc itaq; tam fortem dominũ, tamq; maiestate inſignẽ, qui tetra circũuallatus nube & caligine, condita omnia perterrefacit, noſtrum eſſe regem gaudeat tellus, haud ita pridem à tyrannicis malè habita iudicijs. Si- quidem is planè eſt, cuius throni baſes ſunt iuſtitia & iudiciũ. Quæ enim cunq; ipſe ordinat, quæ diffinit, quæ pro lege haberi uult, & quæ demum ad uitæ hu- manæ informationẽ inſtituit, æquiſſima ſunt & ſancta. Quid ultra expetendũ: ſatis ne eſt adhuc perſpecta tantĩ regis potentia? Audi iterum:

Ignis ante ipſum præcedet, & inflammabit in circuitu inimicos eius. Vide ſapientiſſimam Vatis animã. Etenim ab incœpta rerum earum meta- phora neuiquam diſcedens, quæ Dei in terris arguunt maiestatem, ut in Sina contigit monte: ad pauorem aliũ conſiderandum, quàm ſit ille, quo propter horriſonos ætheris ſtrepitus penè exanimantur in fide debiles, noſtras latenter ſubmonet cogitationes. Ad eum, inquam, metum nos reuocat, uel quo perterre facti increduli in die illo ſpiritus, quãdo feliciffimo aëris ſonitu reſciſſi ſunt cœ- li, unde igneæ deſcenderunt linguæ, ſic intra ſe: Quid nam uult hoc eſſe? unde iſta linguarum confuſio? dementes hi ſunt ac phanatici. Vel ad illum etiam, cuius ui acti reprobi, præq; anguſtia gementes clamabunt: Ergo errauimus à uia ueritatis, laſſatiq; ſumus in uia iniquitatis & perditionis? In utroque quidem ar- doris genere, maxima Dei oſtenſa eſt potentia, uirtus, maiestas, imperiũ: neq; in illo minus, quo nunc pñ exuruntur in Dei amore animi: impuri uerò & im- pñ, conſumuntur, ad interitumq; exeduntur. Vnde non immeritò ſubinfertur: Et inflammabit in circuitu, hoc eſt, undique ſuos ualſabit hoſtes & conſumet. Senſus igitur ac ſumma hæc erit, quòd Deus, regnante Chriſto, ſuam exhibitu- rus eſſet inter homines maiestatem, nō iam nubis illius terrore, & caliginis, aut tempeſtatis, quæ in mōte olim Sinai terrificis inſpecta eſt tonitruis ac terramō- tibus, ſed eius quidem, qua ſanctiſſimo affecti metu homines, de manu media- toris ſpiritus ſumerent flagrantiffimũ, quo mirum in modum accenſi exuſtiq; in diuinum refunderentur amorem, uitamq; uiuerent cœleſtem in eo, cum quo unum iam, id operante ſacri uerbi incendio, efficerentur. En flamman ſolis a- mantibus cognitam. Nōne cor ardens ſentitur in nobis cum nobiſcum loqui- tur dominus? cum mentem ſuo cœleſti rore perfundit? cum uarias rerum appe- tentias à piorum animis emittit, ac, tanquam ex oppreſſa nube fulmina & fulge- ras, uirtutes eiacula? Haud fieri quidem poteſt animã innouari in Deo abſq; igne præuio. Quare dictum eſt à ſpiritu: Ignis ante ipſum præcedet. Et quòd

Alluxerunt fulgura eius orbi terræ, uidit & cõmotæ eſt terra.

Clarius ex Hebræo: Illuſtrauerunt fulgura eius orbem terræ: uidit & expa- uit terra. Inſpiciſ ne cõmoti aëris terrorem? Verum tu ad animũ hæc omnia re- fer, diſcéque, quæ ſint cœleſtia in mente humana fulmina, & coruſcationes. Mens quidem, ut cœlũ, ſua habet fulgura, ſuos ignes, ſuos cadentiũ ſyde- rũ tra- ctus ac gyros. Sunt & ſua in Deo terrore pleniffima fulmina, ſunt tonitrus, ſunt imbres, ſunt tempeſtates, ac, quibus maximo afficiunt ſtupore homines, terræ- motus & concuſſiones. Sed iſ felix, cui iſtiusmodi diuinæ præſentia ſigna ad ul- tam cooperant & ſalutẽ: ut fermè illos uidere eſt, qui in his quæ ad mundũ atti- nent, occupati, proruſq; ſepulti, uix tacto Chriſti latere, cū centurione ſigna ad ul- gelico proclamant: Verè hic filius Dei eſt. Quàm ampla ſanè bona ſub his uer- bis cõprehenduntur. Vides diſiectas actutũ e corde impio, ſanguinarioq; milite ac Dei



ac Dei hoste, & nubes, & nimbos: Verum nō tam celeri transfodiūtur telō, aut fulmine afflantur hī, qui testudineis incedentes in Dei obsequio gressibus, se tā men celeres, imō se iam metam attigisse opinant. De his quidem quis id dicere audeat, quod uidit, & cōmota est terra, cū se cōelos illos esse somnient, de quibus sic in sequentibus asserit spiritus: Annunciauerūt cōeli iustitiā eius, nempe Dei, non suā frigidā religionis & pietatis: Etenim in illorum conspectu dura facta sunt omnia, immitia, indomita, marmorea. qđ de cōelis ipsis mysticis, minus de potenti cōelorum conditore dici potest. Siquidem etiam ipsi uasta sese erigentes in cōelum mole, tum scopuli, tum

Montes, sicut cera fluxerunt à facie domini, à facie dñi omnis terra.

Vidisti ne unquam spissam, præcipientē ex atro nímbo, Hyadum maximè tempore, per amplos latē campos proruerē pluuiā? Imaginē tum quidem colligatā ceræ præ se ferre omnia uident. Tunc quicquid agrorū, aut etiā montiū, alter ab omni exhorrentium cultura, ea in regione cernitur, in aquam, ob riuulos passim ad ima effluentes, submurmurantesq, ut solet cera in ignem proiecta, colliquescere apparet: quæ sanè res diuinæ indicium est potentiae, licet à plebique propter assiduitatem, uel incognitā, uel neglectā. Nihil omnino in terris sit, in quo Dei non reluceat bonitas, sapientia, fortitudo: cuius uirtute regna ipsa mundi, atq, imperia, quæ hīc montium nomine signantur, non secus nihilum delabuntur, ac solet cera flammis admota: ut de Iudæorum regno, aliarumq, gentium, sed in primis Romanorum uidere licet, qui omnes partim uoluntate, ultroq, sua Christo dederunt nomina. Quis id credat? Romanos scilicet rerum dominos, gentemq, potentissimā, unius fabri filio paruifecisse: A facie certè domini, & montes, & colles, & quicquid terrarum uspiam fuit, instar ceræ defluxisse uisum est. Eam ob rem

Annunciauerunt cōeli iustitiā eius, & uiderunt omnes populi gloriam eius.

En tandem, de quibus cōelis locutus est spiritus, à quibus ingentes illi manarant ignes & coruscationes: hī sunt nimirum de quibus alio in psalmo sic canit Vates: Annunciauerunt opera Dei, & facta eius intellexerunt. Castæ quippe mentes ac puræ, nullo nobiliori dignari possunt à Deo nomine, qđ cōeli. Nam quemadmodum Deus speciali quadam in cōelis habitat notitia & uisione, ita in electorū cordibus suam habet sedem diuinitas: à cuius radio, tanq, à sole nubes, illustrati, actiq, calore, non possunt non ardentissimè Dei iustitiā, cuius doctorum purgati sunt, annunciare, pro illaq, tutanda libentissimè mortem oppetere. Et id quidem propterea, quò gentes, quò populi, quò ipsi quoq, profligatæ uitate homines, hanc mundo insolitam experiantur gratiā, ex qua quidem maxima diuino honori, non temeritati hominum conciliatur gloria. Viderunt, inquit, manuq, contrectauerunt de uerbo uitæ, non iam Iudæi solū, aut qui religiosi uocabantur, sed omnes populi, omnes absque delectu nationes, uel ipsi quidem Hunni, Garamātes, atq, ultimas oras Oceani incolentes: quæ sanè imensa tum fuit Dei gloria, ut nunc quoq, est. Arcta quidem nimium esset Dei religio, si ad me, meiq, similes tantummodo spectaret. Quid enim à me requirat Deus, aut quid illi pollicitus sim, non me fugit: quò uerò nihil propè agam, de his quæ requirit, & doleo, & me ingratisimum omnium esse non ignoro. quid agant cæteri nescio. Quare de me, meiq, simillimis tantum hac dixisse contentus, feruidos deamo sanctos, atque in Christi uisceribus amplector: tardos uero, & sua sponte frigidos, uti diplades exhorresco. Quos tamen, ut confundantur, sibiq, quò Deo possint uiuere, intereant, Deum obsecro, obtestorq, si licet. Interim autem





c Confundantur omnes qui adorant sculptilia, & qui gloriantur in simulachris suis.

Vix enim cōfundi potest ad uitam anima, quæ in peccatis induruit; quæ quidem peccata non tam fœdis metiri soleo libidinibus, furtis, usuris, homicidijs, atq; id genus alijs uitæ contaminationibus, quàm odio, feritate, simulatione, prauisq; appetentijs, ac, qua maximè torquentur hi, qui proprii amoris morbo & inuidentiæ impallescent, ambitione. Facilius quidem illi, hoc est, qui maximis, atque adeo patentibus urgent delictis, ad mollem animi statū, piūq; in Deum reducunt affectum, atq; ad lachrymas, quàm hi qui sub prætextu religionis ab occultis adeduntur. Cæterū fusiles statuas & simulachra adorant non solū idolatræ, uerum etiam auari, scortatores, impudiciq; pusionū amatores, molles, effœminati, palpones, atq; honorū auidi; sed illi infelicius, qui seipsos admirantes, suas duntaxat colunt uirtutes, uanissimas scilicet rerū imagines & formas. Pudeant hi igitur, atq; inglorij uitam uiuant anxiam & miseram, simulacri aliteri, quæ nō sit Deus, sibi nimirū, aut numis, aut meretrici, aut amicis quoq; gloriam tribuunt. Iam quidem Christiano, si gloriandū est, in domino gloriari conuenit, nō in rebus quemadmodū cādūcis, ita hominis natura inferiorib. Quare

Adorate eum omnes angeli eius.

Ex hebræo principiū huius uersus fini superioris attexunt, hoc modo: Confundantur omnes qui seruiunt sculptili, qui gloriant in idolis, adorate eum omnes dij. Qui proinde sint dij istiusmodi, à Paraphraste exprimit, qui sit reddit: Prosternite uos ante illū, quotquot estis, qui pro dijs stultitia hominū habemini. Fuit ne unquam, uel inter ipsos superstitionū altores Aegyptios, tam turpe deorū simulachrū, ut est homo impurus, qui tamē pro Deo coli expetit? Fuit ne aliquando monstrū tam horrendum atq; immane, ut nūc sunt hi (si qui sunt) qui cum uita hac, ut uocant, seculari defuncti appareant, ambitiosiores tamen sunt illis qui in medio ipso mundi luto suam ponūt felicitatē, penēq; citò desitūrū faciunt animū, portionē utiq; diuinam, ac mortalitatis expertem omnino? En igitur sculptilia illa execranda & simulachra, de quibus sic Vates: Confundantur omnes qui adorant sculptilia, & qui gloriantur in simulachris suis. Ergo istiusmodi sunt dij gentium, hoc est, illorū qui suas ob turpitudines alienati sunt a Deo. Verū ō uos qui cœlestes in terris æmulamini spiritus, quiq; diuini uerbi præcones estis; & qui puram, planēq; angelicā cum Deo agitis uitam, illum, non falsas rerum imagines, adorate, eumq; colite qui uniuersorū, atque adeo cœlestiū animorū dominus est. Hunc uersum Paulus de secundo Christi aduentu Hebræis scribens citat. His itaq; ac tantis à Dei spiritu prolatis, atq; mortalium cordibus à principio impressis,

Audiuit & lætata est Sion.

Ea solennis purarū est animarū consuetudo, ut si quid, quod ad honorē Dei faciat, audire contigerit, q̄maximo afficiantur gaudio. Cōtrā uerò impuræ morerent & affligunt. Ad hæc, ut rerum omniū quoddam naturaliter est subiectum, ita cuilibet re alia in re effectus est aliquis & operatio. Proinde cum summè purus sit ac simplex Dei spiritus, simplices, pureq; defæcatos, & candidos requirit animos. Tale sanè est Dei domiciliū. Reliqua uerò, etsi forsan insigni apparent morum grauitate conspicua & ornata, dæmonū tamen speluncæ sunt ac uitiorum antra. Audierunt quidem semper improbi, quòd iustitia & iudicium bases throni Dei sint, atq; idcirco mœrore contabuere. E cōtrario autē, audiuit & lætata est Sion, populus nimirum, ubi uis gentium degant, electorum.

Et exultauerunt filia Iudæ propter iudicia tua domine.

Sion ac filia Iudæ, eandem præ se ferunt personā, nempe animæ per fidei lumen & confessionē Deo reconciliatæ. Nihil enim tam proximam Deo reddit animam,



animam, quàm fides, castaq; diuinarum rerum speculatio; ab utroq; enim feruidus quidam in Deum oriri solet amor, ex quo animæ pax atq; perfectio, tanquã ab amne riuus, perpetua deriuatur scaturigine. Amnis certè perennis Christus est, ager anima, riuus uerò Dei clementia; aquarũ item irriguũ, seu inferius siue superius id sit, gratia. Ergo à Christo per Dei clementiã in animam descendunt gratiæ. Cæterum quæ sint Dei iudicia in hoc loco, quorũ uí perspecta, in domino latentur filiæ Iudæ, si interrogor, puto illius esse in moderandis rebus humanis prouidentia, consilium, æquitatem, quaq; rei cuiuslibet, quod illi maximè conuenientissimũ est, impartit, sapientiã; addo & in disponendis hominũ tum præmijs, tum cruciatibus, inflexibile erga omnes propositum. Quare sic hunc uersum interpretatur Campensis: Exultauerunt filiæ Iudæ propter iudicia tua, qui impios terroribus exanimas, & pios exhilaras domine. Et est mutatio personæ, conuersioq; ad Deum animæ ardentissima.

Quoniam tu dominus altissimus super omnem terram, nimis exaltatus es super omnes Deos.

Omniũ quidem rerum quas in superioribus in proborum gratiam actas esse afferuit Vates, causa est, quòd Deus cunctis, qui terram hanc uastam incolunt, excelsior sit, Deosq; omnes, siue fictos, siue ex participatione ueros, infinita exuperet potentiæ ratione, ac modo. Dictio porro, nimis, ex hebræo, in immensum, seu ualde, uerti poterat, seu etiam infinitis modis, ut uult Campensis, qui sic reddit: Infinitis modis ob hæc miracula prelati es alijs uniuersis dijs. Quare

Qui diligitis dominum odite malum.

Id proprium est amoris animæ ad Deum, ut malum excretur. Imò fieri non potest, quempiam facinorosam non amplecti uitam, qui Deum non amat. Hic dicitur sic suos alloquitur spiritus: O uos, qui spretis mundi rebus, Deum, ut sanctis conuenit, amatis, odite malum. Si quidem diuinus amor purissimus est, nullus patitur foedari cõmistiõne, & sodalitiõ. Totus candidus est, nudus, innocent, & cui nullus comes est datus, præterquàm mali odium. Ideo

Custodit dominus animas seruorũ suorũ, & de manu peccatoris liberabit eos.

Puillus nimium is esset animus, & meticulosus, qui diuino protectus clypeo, humanum desideraret. Urgeat itaq; ut lubet improbus, minetur, sanctorumq; sanguinem exugat, ac uitam, quid hæc illis nisi risum parient? Putas ne sanctum uirum metuere posse tyrannum? nihil certè minus. Persuasum quippe habet, quòd dominus custodit animas seruorũ suorũ, & quòd de manu tandem peccatoris (tyrannum peccatorem uocat) illos eximere consuefcit, licet ad tempus illius audaciam dissimulet. Verum unde hæc tam alta effulsit pijs animis cognitio? Inde nimirum, quòd

Lux orta est iusto, & rectis corde lætitia.

Lux, inquit, cognitionis iusto orta est, tum Dei, tum sui: quæ Christus est, & lex sacra, qua cor perfusum in eam sensim transit rerum notitiã, ut nihil in terra esse, quod uerè esse dici queat, uideat: in Deo autem solida omnia, uerèq; beata & æterna. Conspicis ne perfectam rerum cognitionem in anima Deo unitam absq; literis, atq; ut nunc est usus, linguarum peritiã? Negociũ id quidem est, quod in corde transigitur, sede utiq; sapientiæ, si purum est, atq; à terrarum rerum contagione liberum. Censes ne in rebus conditis posse esse gaudium cum hoc comparandum? Quare non absque ratione à spiritu infertur, Et rectis corde lætitia: orta scilicet est, seu, ut nonnulli uertunt, inserta est, aut seminata. Quo sanè admoneor, de semine hinc illo forsitan dici, quod Dei esse affirmat Ioãnes, cuius uí animati ad mortem peccare minimè possunt electi, quosq;



**C** in calce psalmi ad lætitiā, mirisq; efferendam laudibus Dei sanctitatis memoriam, inuitari uideo.

Lætamini, inquit, iusti in domino, & cōfitemini memoriæ sanctificationis eius.

Nihil profectō in uita hominum turpius inuenitur, quā excussa penitus à mente diuinę bonitatis memoriā, in rebus tantūmodo illis uersari, quorum usu deteriores, quā pecudum sint, nanciscuntur mores. His itaq; à Dei luce sua pte sponte abalienatis, proindeq; in turpissimo suo illo uitę genere & gaudio derelictis, uos iusti, uos quibus nulla potior est cura ac studium, quā ut Dei religio in terris uiuax sit & nitida, lætamini, talemq; in cœlis uos habere propitiatorem, ut Deus est, gaudete, simulq; tantorum memoriā beneficiorū, quibus penē obruuntur homines, non dissimulantes, illius diuulgate sanctitatem, qua nos, licet immeritos, in Christi sanguine dealbatos, & purgat & sanctificat. Cui honos sit ac laus in secula seculorum, Amen.

PSALMVS XCVIJ.



Antate domino canticum nouum, quia mirabilia fecit.

**D** De cantico nouo, quod rei nouę atq; insolitę conuenire diximus, in superiori eiusdem exordij psalmo abundē explicuimus. Iam quidē dem rebus omnibus, quę ad fidem attinent, per Christū innouatis, nouū quoddam formandū erat cantandī genus, inusitatū illud quidem, & inauditum seculis antiquis, uerū sanctissimis cœlestium rerum uatibus præcognitum, uaticinijsq; celebratum. Canticum itaq; nouum, noua est lex, cuius uirtute animata in Deo innouat, abiectōq; uæ illo ueteri Adę, cui obnoxij facti erant omnes, in nouas se effundit recentioris Adę laudes, quia mirabilia fecit, quia inaudita, quia noua, quia stupenda operatus est. Mirandū certē in modum operatus est salutem in medio terrę. Quid tam mirabile unquā auditū fuit, quā Deum fieri hominem, hominem uerō Deum? Id quidem uidimus in Christi carne, nempe Dei atq; hominis unione. Res mirabilis ea certē fuit, atq; usq; eō incōprehensibilis, ut etiamnū profundissima obtecta sit caligine, ad eamq; præclara etiā cæcutiant ingenia, nedum tarda, lucisq; diuinę expertia, ut sunt pleraq; mortaliū. In primis quidē, ut tandē admirandarū rerum partē huiusmodi prælibemus,

Saluauit sibi dextera eius, & brachium sanctum eius.

Melius forsan uertisset interpretes, si brachio sancto eius uertisset: ut esset sensus, sola sua dextera, ullo absq; alio extero adminiculo, & brachio sancto suo salutem nobis attulit. Sic Paraphrastes: Victoriā enim sibi peperit sua ipsius dextera manu, & brachio sanctissimę maiestatis suę. Felix tamē legit ferē cum nostro: Saluauit, inquit, eum dextera eius, & brachiū sanctitatis eius. Per seipsum igitur, uirtuteq; propriā ac naturali, suas exequitur operationes Deus: neque externo indiget præsidio, uti solent homines quamuis potentia insignes, & auctoritate. Quare Paulus de Christo loquens, asserit illum declaratum esse filium Dei ex uirtute, nempe propriā, atq; cum patre comuni. In Esaia clamat Deus: Saluauit me dextera mea. Miro itaq; & inaudito modo rebus mortalium plandij pñ omnes per Christi uirtutem. Vnde à mortis nos dominio per illius gratiam liberati, in ipso, cui per fidem insiti sumus, iam uiuimus, mouemurq;, ac ad capeßenda cœlestia animamur. Iam tandem abraßa à mundo errorum nocte atq; ignorantia,

Notum fecit dominus salutare suum, in conspectu gentium reuelauit iustitiam suam.



Salutem suam, ex Hebræo uerti debuit: quanquam nec dictio, salutare, suuacat mysterio. Is Christus est, per quem sanè Dei uoluntas, seruandorumq; hominum consilium antea occultum, adeò clarè mundo innotuit, ut non tam notus sit sol iste uisibilis in meridie. Atque id est sacramentum illud, de quo Paulus Ephesijs scribens, inquit, Sacramentū uoluntatis Dei nobis notum factum esse secundum beneplacitū eius, quòd proposuit in eo, nempe Christo, instaurare omnia quæ in cœlis, & quæ in terra sunt, in ipso. Notam igitur fecit dominus salutem suam, gratiam nimirum redemptionis, per quam æterna fuit acquisita felicitas per Christum, atq; id quidem in conspectu gentium; hoc est, excluso ignauo Iudæorum uulgo, gentibus, peccatoribus scilicet, atque à cœlestium gustu alienis, reuelata est Dei iustitia, qua operāte iustificati sunt homines in fide unius mediatoris, per quem accessum nacti sumus ad patrē, à quo nostra omnis profecta est iustitia: ne gloriatur homo, quasi à se orta sit peccatorū ablutio. Id proculdubio contigit,

Quoniam recordatus est misericordiæ suæ, & ueritatis suæ domui Israël.

Pro domo Israël, reddit Felix: hoc est, ut interpretatur Campensis: Memor factus est misericordiæ suæ, & fidei (hæc est ueritas in Deo) in præstandis quæ promiserat Israël, nempe fidelibus, ad quos quidem facta est de mirabili redemptionis hominū facinore promissio, qua se æterna astrinxit fide Deus, se suum cœcessurum mundo unigenitū, subindeq; bona omnia cum ipso largius quam unquam antea, profusurum. Quod sanè actum est, cum Verbum caro factum habitauit in nobis: tum, dico, quando uidimus gloriam eius, gloriam quasi unigeniti à patre, & manus nostræ contrectauerunt de uerbo uitæ. Vides copiosam spiritus ubertatem: uides quomodo recordatus est misericordiæ suæ altissimus, qui antea, nostra ob scelera, quodammodo sui uidebatur oblitus figmentum: Hæc sanè omnia diuina operata est bonitas ob fidem, qua ab initio domui pollicitus fuerat Israël, nempe illis, qui in spiritu & igne renouandi erant, nouum iustitiæ genus in Christo, quem uerius in intimis animæ recessibus colimus, quam cruentis illis Iudæorum ritibus & ceremonijs, absque fide, quæ spiritu in primis nititur, ac mentis cultu. Cætera uerò fuere tardis ingenijs admixta, atq; in his, quæ ad ueram spectant religionem, rudibus & ignauis, auxiliata. Clementissimus itaq; pater nostris iam olim offensus erratis, suorū penè curauidebatur teneri nulla: at tandem placatus, propriæq; motus natura, illos ad memoriam reuocasse uisus est, cum uenit suppetias, ac ferè extinctos animauit, ad uitamq; deletio mortis imperio asciuit, Deosq; fecit. Neq; ea quidem omnia clam, atq; in occulto, sed palam uniuerso cernente mundo, Etenim

Viderunt omnes termini terræ salutare Dei nostri.

Iterum salutare pro salute transtulit. Nullus, inquit, orbis angulus tam arctus fuit & semotus, ad quem salutis præstitæ notitia non peruenerit. Quocirca

Iubilate domino omnis terra, cantate & exultate & psallite. Psallite domino in cithara, in cithara & uoce psalmi, in tubis ductilibus, & uoce tubæ corneæ. Iubilate in conspectu regis domini.

Hactenus Hebræis horum trium uersuum est litera. In cithara, in cithara, idem præ se fert, quod, psallite cithara, & citharæ sonū psalmi, seu uocem iungite. Sic Paraphrastes: Psallite in honorem domini cithara, sed adhibita ad citharam modulatione uocis. Ad hæc, cōmunis quidem cum sit omnibus salus, cōmunis & omnium debet esse lætitia. Quicquid igitur in terris est modulatio, quicquid neruorum, quicquid uocum, aut spiritus quoque effecti, & contentus, Deo tandem pulcherrimarū rerum effectori concinat, illiq; quicquid



C suauitatis in se habet, offerat. Instaurato quidem uniuerso, imò uniuersi domi-  
no homine, nulla debet esse pars mundi, uis nulla, nullaq̃ creaturarum species,  
aut natura, quæ suum non debeat agnoscere benefactorem, atque illi gratias a-  
gere. Vates enim à ritu illo antiquo, atque usu laudandi Dei, qui potissimum  
instrumentis constabat musicis, non discedens, qualis humana mens in diui-  
nis occupata obsequiis esse oporteat, latenter admonet; nempe ardens, & stu-  
diosa; alioqui frigida, imò uerò etiam tepida omnia, execratur Deus. Vfus quip-  
pe ille tubarum ex ære aut argento ductili, cornuū item & buccinarū, uocalissi-  
mam debere esse animæ confessionē, hoc est, intrepidam & constantē, præmon-  
strabat. Mysteriorū quidem plenus erat usus ille omnis ceremoniarū. Verum

Moueatur mare & plenitudo eius, orbis terrarum, & qui habitant  
in eo. Flumina plaudent manu, simul montes exultabunt à cōspectu  
domini, quoniam uenit iudicare terram.

Iterū, ut in præcedenti psalmo annotauimus, perstrepet mare, seu reboët, uer-  
tendum fuerat; hoc est, ut interpretatur Campensis, strepitum ædat præ gau-  
dio. Cæterum de huiusmodi rerum inanimatarum lætitiis satis abundè in su-  
perioribus, & maximè in nonagesimo sexto dictum est psalmo. Verbum, exul-  
tabunt, melius ex hebræo uerti poterat, exultent, quò omnium una sit uox in  
Dei laudes erumpens, à diuinoq̃ excitata spiritu, qui adeò suis in inspirationi-  
bus ardens est, ut rebus quoque interdum sensu carentibus mentem, ar-  
tusq̃ humanos tribuere uideatur. Quis unquam amnem aut fluuium manus,  
aut sensum gaudij habere dixit? Id quidem cœlesti excogitatum est consilio,  
quò homo, natura cœlestis, ad quantum animi incendium debeat moueri, in-  
telligat, simulac cernit cœlum, terram, mare, flumina, syluasq̃, & quicquid  
usquam gentium conditum est, ad laudandum Dei nomen tam accuratè pro-  
uocari. Suo quippe modo saxa ipsa etiam inertia, plantaq̃, & lapilli, in sui crea-  
toris laudes mirabili sese effundunt nisu. Solus homo naturæ diuinæ, ut dixi-  
mus, particeps, in re omnia alia potius quàm in his, quæ suam testentur originē,  
infelicissimè distinetur. Credo equidem, hac miserranda perspecta sui domini à  
Deo auersione, & cœlum, & terram, & mare, & condita demum omnia, quæ  
alicui usui sunt humano, in amarissimas resolui lachrymas, lamentariq̃ sese ini-  
quo seruire domino. Interim uerò ad celebrandū Dei nomen cōuertuntur, mu-  
tuosq̃ sese consolantur; quoniam tandem Deus

Iudicabit orbem terrarum in iustitia, & populos in æquitate.

Consultrice, ait, iustitia, atque affestrice æquitate, ueniet dominus ad uniuers-  
sale omnium iudicium. Dauid itaque ad ueterem arcæ religionem alludens (de  
hoc ritu aliàs diximus) nouum Christianæ pietatis cultum, qui iustitia maximè  
nititur & æquitate, deliniauit. Veniente quippe Christo in hunc mundum, iusti-  
tiam in primis & iudicium, quod hîc uocat spiritus æquitatem, secum tulit, fe-  
retq̃ in futurum, cū ad extremū illud ueniet examen: quo peractō, rerum om-  
nium finis erit, ut inquit Paulus; hoc est, Deus qui uniuersalis omniū est finis,  
erit omnia in omnibus. Cui laus sit & gloria in secula seculorum. Amen.

## PSALMVS XCIX.



Ominus regnauit, irascant̃ populi, qui sedet super Cherubin,  
moueatur terra.

Vates enarraturus Dei potentiā in hoc psalmo, quæ potissimum  
in eo uim habet, quòd suos incredibilem in modum tutatur, contraq̃ illis aduer-  
santes proterit & affligit, ab antiquis illis Iudæorū signis, quibus uniuerso pla-  
nè orbi



in orbi uerendus semper extitit, quibusq; se potentissimū illorum fuisse propugnatorē, terrificumq; hostium suorum oppugnatorē, ut tum fuere Amorrhæi, Amalechitæ, atq; aliæ numerosæ nationes, uariæq; culturę homines, latē omnibus tum Iudæis, tum gentibus ostendit, nos suo more prudentissimē aduocat, monetq; noui Adæ regni. Quām uerò terribili se habuerit modo Deus, quancq; omnibus in sacrosancto illo arcæ propitiatorio, quod duabus immensis Cherubin alis inumbrabat, expauescendus fuerit, sciunt uel tenuē docti in lege sacra. Sed hæc mysteriorū plena. Nanq; alarū imagines illę, formaq; humana effigiatę, inter quas suam sibi sedem delegisse uidebat diuinitas, id obscurissimo obtegebant ænigmate, Deum nusquā letius cōmorari, quām inter homines quidē, sed qui alati essent: hoc est, qui posito peccati onere, sumptisq; alis spiritus, in ipsum euolarent Deum, in quo omnis sita est animarum quies, ac pax. Verūm nos cecos, quibus adhuc mutæ Cherubin statuæ mortuum adumbrant propitiatorium: nullæ iam nobis alæ, nullus uolatus, nulla in Deum ē terris eleuatio, nisi tarda, uiscoq; prepedita, & iners. Terrenarum quippe rerum ambitione detentis, oppressisq; quī cœlum udis & dissipatis nequicquā pennis petere audemus? Cœlestia quidem expeditum & leuem requirunt uolatum, non lutulentū, implumē uel, aut (quod abiq; lachrymis nō profero) Dēdali filio persimilem, temerarium uidelicet atq; arrogantem, proinde dissolubilem, & caducum. Sed hīc mihi tempero, atq; quid in hoc psalmo sentiat spiritus balbutire incipio: pressa anim mens, ut mea est, ad lucem se habet Dei, quemadmodū se habent hallucinantes oculi & lusciosi ad solis radios: conor tamen, si quo modo, hisce meis laboriosis uigilijs, tanquā ultrici cura, atq; acerbo meæ carnis flagello, queam me proorsus à mundi amore euellere, atq; in Iesu sinum, ē quo omnis emanat sapientia, transuolare. Id agat ipse, postquam ex me aliud nihil spondere possum. præterquam modicam expetendi bonum uoluntatem, atque eam quidem ab ipso, quem in me omnia esse & uolo, & sic esse scio, Pereat in me bonum, quod à Deo non sit. Ipse igitur meus sit dux & rex, ut dux est, ac rex illorum, qui diligunt aduentum eius. Videte itaque mortales, quid de immensa illius potentia moueat spiritus: Dominus regnauit, irascantur populi, qui sedet super Cherubin, moueatur terra. Indicia hæc sunt regni Dei in terris, quando regnat clementia, pax, charitas, in rebusq; agendis fides, prudentia, & demum uirtutum omnium condimentum, iustitia. Proinde in Dei regno nulla potest esse impietas, nulla seditio, nullum odij genus, nulla superstitio, nulla auaritia, nullum denique tum errorum, tum uisiorū signum; nam certē ubi regnat Deus, nullus est locus peccato, nullus inuido, oblocutori, ambitioso, heluoni, duplici, mago, superbo, libidinoso, crudeli. Hæc quidem omnia dæmonū indicia sunt dominij, non Dei, cuius regnum ab omni horret inquinamento. Frendant igitur, ut lubet, improborum conuenticula, indignabundiq; obmurmurent populi, dominus tamen, cui quondam aureos inter Cherubin terrifica fuit sedes, regnat. Ex nationem refferri potest, illud ad metum: utrunq; uerò hūc convenientissimē quærare iudico: utcunque enim, aut contremiscant homines, aut rumpantur, nihilominus regnat dominus. Ad hæc, idem ipse

Dominus in Sion magnus, & excelsus super omnes populos. Ut olim enim dñs magnus fuit in Sion, & excelsus, utpote sede diuino consecrata cultui, ita nunc magnus est, imò longē maior in purissima illius Ecclesia, cuius typus terrestris illa fuit Hierusalem, quæ occidit prophetas, & Christum tandē. Neq; is quidem dominus in his tantūmodo aut illis excellit gentibus, sed super omnes ubiq; populos sublimis est, ac maiestate plenus. Omnibus quippe imperat, omnes tanq; oues pastor à grege deerrātes, coërcet, reuocat, trahit, beatificat. Quocirca quis est, qui tuam bene uoluens animo magnitudinē, ô Deus,



**C** non expauescat: non altum demittat supercilium: non totus, quantus est, metu simul & reuerentia cōtremiscat: Itaq; ut tandem finia, quaecunq; condita sunt,

Confiteantur nomini tuo magno, quoniā terribile & sanctum est.

Non ultra procedit uersus Hebræis. De confessionis uoce, non raro in superioribus diximus. Sic ex hebræo uerti posset: Celebrent, seu, fateantur nomen tuum magnum esse, ac metuendum: sanctum quippe est. Impuris certè animis & inquinatis, terrificum, penèq; intolerandum est nomen Dei; quippe qui nolent, quò liberius peccare possent, Deum esse. Vitale quidem nomen execrantur miseri. Contrà uerò purgatis dulce admodum est mentibus, & suaue. Quare non iniuria hīc Vates nomen Dei & magnum, & terribile, & sanctum quoq; affirmat esse. Verumenimvero ne diutius in peruestigando Dei nomine torquearis, Ipse est nomen suum.

Et honor regis iudicium diligit, tu paraisti directiones, iudicium & iustitiam in Iacob tu fecisti.

Id sæpenumero agit Dei spiritus in mente hominis, ut dum in contemplandis disquirendisq; cœlestibus dat operam, eò raptetur, quò affectus magis tum euehit & accendit. Ex quo plerunq; illud contingere necesse est, ut concitatio nonnunquā exagitata ignis flamma, in illius magis rei prorumpat uerba, cuius subiectū tum contemplat ardentius: hincq; crebræ illæ in prophetis personarū mutationes ortum habent, ut in hoc psalmo uideri potest. Eam ob rem non inconsultò, aut casu, ea quæ sunt spiritus contingere arbitranda sunt, sed summa ratione & consilio: noto tamen duntaxat illis, qui omiſſis cæterarū rerum, tantumquam meandris, occupationibus, toto feruntur nixu in Deum, qui cū purissimæ naturæ sit, puros suam ad religionē asciscit animos. Puritas uerò huiusmodi fide effigiatur, amore perficitur, atq; in Deum transit. Ceterū siue honor leuissimus dici posset. Proinde illud mihi Pauli in hoc loco succurrit, qui de Dei filio uerba faciens, sic ait: Qui cū in forma Dei esset (ecce honor regis) non rapinam arbitratus est se æqualem Deo, sed semetipsum exinaniuit. Non itaque ex honore illo supremo, ac potentia, qua Dei filius est appellatus, tyrannidem, ut complures ex nostris facere conspiciamus, exercebit, sed iudicium & aequitatem, rex noster Christus. Is enim hoc se humilior habuit in terris, quò excelsior semper erat in cœlis. Quid hīc nostrates dicunt proceres? cuius sunt professionis? Christi ne? Heu mundum perditum. Ergo honore illo immenso insignis rex noster æternus, non sui statim immemor factus est, atque impatiens animi, sed iudicium, sed æquitatem, sed clementiam semper suis in definiendis usus est rebus. Exemplum id sanè est excellentissimum, nostris inculcandum magistratibus. Deus bone, quantus interdum tumor: quantus afflictorum neglectus? Præ magnificentia illa quidem sua uix in se manent, uiri, si Deo placet, lepidissimi, quibus uel ipsum mel & saccharum nausææ solet esse ac stomacho. Verū tu, ô domine, quæ æqua sunt & pia, paraisti: hoc est, ea tibi in primis fuit cura, ut hī qui è Iacob familia ortum habent, nempe electi, iustè, decenterque suam instituerent uitam. Paraisti directiones, Hebræis est, fundasti æquitatem, aut huic simile. Impossibile quippe est, populos nō optimis informari uitæ præceptis, quorum superiores integri sunt, atque æquitatis amantiore, quā pro prii commodi, & honoris: quòd si secus sunt, uix illos homines appellare audeo, quandoquidem monstra illos potius ad deuastandam uineæ domini pulchritudinem, nescio à quo terræ inquinamento producta, optimi quique nunc cupare soliti sunt. Ego quidem corruptionem istiusmodi, nostram ad frænamdam superbiam ac luxum, Deum nostris in rebus pub. ac regionibus uelle esse iudico, quemadmodum in domibus Aegyptiorum atq; agris esse uoluit, & cyniphes,



niphes, & locustas. Verum his interim suo in ampuloso uite fastu eousque derelictis, quoad illis immittat dominus spiritum terroris & resipiscentiæ, o vobis humiles, p̄ijq; animi,

Exaltate dominum Deum nostrum,

Nō vosmetipsos, aut affines uestros, ut illi, sectæq; uestre factiosos & parasitos.

Et adorare scabellum pedum eius:

Non uestrum principem, & antistitem.

Quoniam sanctum est.

Scabellum pedum Dei, arca olim fuit, siue propitiatoriū: ad quod qui religioni uocabant, sese prosternere consueuerant. Dauid quidem rerum istiusmodi, atq; mysteriorum non ignarus, sic hac de re loquitur: Cogitauī, inquit, ut ædificarem domū, in qua requiesceret arca fœderis domini, & scabellū pedum domini Dei nostri. In illo enim sessurū se dominus promiserat, indeq; orantes exaudieturum. Modò uerò illud sibi nomen uindicat Ecclesia, & meritò. Non desunt porro, qui scabelli uocem ad Christi carnem referāt, persanctē id quidem. Proinde uaticiniū id esse arbitror prophetæ, uetustum illum iam tum adorandi morem execrantis, nouumq; quasi digito commonstrantis, quo Deus in Christo homine, uti in scabello aptissimo diuinitatis, colī, cognoscīq; deberet. Alioquin sublata Christi cognitione à mundo, imperfecta Dei esset notitia, obscura, & caliginosa, ne dicam nulla. Itaq; nostræ religionis cultus à sanctissima Christi præsentia uim sumpsit atq; efficaciam, addo & sanctitatē: quia ipse sanctus, quia Deus, quia bonorum omniū exordium est, ac finis. Ad hunc igitur confugiendum est nostris in ærumnis: ad hunc suspirandum, quoniam per ipsum accessum habemus ad patrem. Nullo quippe medio alio seruari posse hominem certissimum, ad quod sanctissimorū semper uita hominū prælusit, sed in primis præcipui illi religionis cultores atq; architecti,

Moses & Aaron in sacerdotibus eius, & Samuel inter eos qui inuocant nomen eius: inuocabant dominum, & ipse exaudiebat eos.

Hactenus Hebræis est uersus. Suo more Vates antiquorum patrum memoriam atque exemplum, quò nostram excitet segnitiam, in medium adducit: inter quos, qui præcipuo floruerint erga Deum studio & cultu, hi tres fuere. Aaron quidem primus fuit sacerdos à Deo institutus, Moses sacerdotij consecrator. Porro de Samuelis sanctitate illud perspicuum est, quò adolescentē adhuc sua dignatus fuit uisione ac uoce Deus. Simplicissimo se semper habuit uite modo ac ratione cum Deo uir ille, idcirco ei gratus, stupendoq; ornatus sanctitatis spiritu extitit & uaticinio. Quare non frustra à Vate inter inuocantes Dei nomen, quod maximū fuit illius fidei argumentū, inseritur. Tantum enim olim ualuit horum oratio, ut de illis sic dicat Deus in Hieremia: Si sterterint coram me Moses & Samuel, non est mihi animus ad populū istum. Cæterū de Aarone legimus, quomodo oblato thure uastum illud incendiū, quo populus ob seditionem latē saueq; absuebatur, dicto citius restinxerit. Vide quam uim secum afferant sanctorū hominum preces. Miramur nunc, quò uel usq; ad raudinem uociferātes ad dominū, non exaudimur. Nulla iam restant mala, quæ non iam millies experti simus. Vnde tot uitæ manant incōmoda? Perpetuæ ne erunt seditiones? bella? bonorum ciuium proscriptiones? exilia? Nullum ne unquā sortient finem subditorū rebelliones in principes, principūue crudeles in subditos exactiones? Quousq; dira hac lue tyrānidis, aut illa odiorū, etiam hi qui mortui sunt mundo, ne dicam Deo, afflictabuntur? Dormit ne Deus? Audiat ne, cum nihilominus suæ nos nostra dedimus nomina religioni? Esto, uix est fons excepti, perituri sumus, non deest tamen solenne illud & necessariū confessionis remedium, quæ sit sacerdoti; non deest Eucharistia, non ritus sacri,



**C** non medijs ferè orbis clericorum professio, ac monachorum: ex quorum quidam collegijs crebra exeunt cum priuatę, tum publicę ad Deum orationes, ieiunia, choriq; & noua in dies ædificata templa, cubicula, hospitalia, eleemosynę, dotesq; puellarum innuptarum, quę precariò lararijs deseruiunt, ac sexcenta alia istiusmodi à Deo inspirata, tanquam medelę, nostris malis refrigeria. Quĩ fit igitur, quòd æreum nobis quodammodo factum est cœlum, cum oramus: O cęcos animos. Cur, quęso te, tua hodierna deterior est uita, quàm fuit hesternæ, crastina uerò hodierna, atq; perẽdina crastina? Putas ne animũ in peccatis obduratũ, pertinacemq; posse aliquando hisce admotis externis tanquã cataplasmatis, alioqui salutaribus Ecclesię remedijs, emollescere, ad uitamq; reuocari? Fieri non potest, impurũ animum, hoc est, in peccatis perseuerantẽ, eo iustitię genere posse affici, quo minus illius fiant sordidę deprecationes, etiam si infinita Deo nuncupet uota, atq; religionum professiones. Censes ne antiquis patribus illis, de quorũ fide in præsentia fit mentio, ea fuisse animi perũicia & sæuitia, qua nunc ex nostris pleriq; ex doctioribus etiam, atq; ex his qui primas nacti sedes, nihil prius habent, quàm quomodo ab Ecclesię simplicitate descendere uideantur? Puras certè animas purus ille deamat spiritus, qui cum cor hominis integrum in orante requirat, saucium contrã ac dissipatũ auersat. Moses itaq; & Aaron, sanctissimi illius ordinis religionisq; primates, atq; subinde futurorum norma sacerdotum, à Vate hũc propterea adducuntur, quòd quę prædicti esse debeant integritate illi, qui gratas Deo suas esse cupiãt orationes, cetero qui Deo odiosas, intelligamus. Ad hæc, his additur simplicissime uite homo Samuel, quippe qui sedulus fuerit pro populo illo rebelli interpellator. Quare à Vate infertur: Inuocabant dominũ, & ipse exaudiebat eos, purificatę nimirum fidei homines. Iam tum quidem primũ cœpta est Ecclesię synceritas delinaria, quę tamen per ætates à primis illis patrũ degenerans exordijs, à Christo tandem suam adeptæ est perfectionẽ. Quę si porrò nostram ob ignauia nonnihil declinauit, ab ipso rursus erigenda est Christi spiritu, reintegrandaq; in pristinũ, tantũ nostra non desit opera & sollicitudo. Quod sanè hucusq; dixisse cõtentus sum, quòd non ignoret uulgus, unde uniuersĩ petenda sit, etiam absq; Concilijs, orbis reformatio, unde regna, unde respublicę, unde religiones (religionẽ) appello, sectas istas uarias religiosorũ, cum unam tamẽ profiteantur religionẽ penè collapsę suam sumere queant innouationẽ, nempe à Christi uita & doctrina. Quærunt nonnulli, cur Vates Samuelem, qui longissimo subsequutus est annorum spacio Mosen & Aaron, illis ac si una eademq; uixissent ætate, cõnumeret. Putant quidam interpretes, ob id, quòd hi tres è Leui per Kahat originẽ traxerint. Felices partus, quibus tam sanctum mundo est æditum germen. Inuocabant, inquit, dominum, & ipse eorum fide delectatus, exaudiebat eos. Ceterũ

In columna nubis loquebatur ad eos.

Id de Mose atq; Aaron notissimũ est, quibus in caligine Deus loqui cõsueuerat, ut ferè omnia illius ætatis obscuro obducta erant inuolucro. Nihil sanè de Deo audire poterant, nisi obscurè ac terrificè.

Custodiebant testimonia eius, & præceptum quod dedit illis.

Omnes ferè ex hebræo uertunt, statutũ. Vt cuncq; legas, legem significat, seu pactum, foedusq; cum illis percussum, quod nihilominus interdũ testimoniũ, utpote de Dei uoluntate contestans, appellatur. Lex enim quoddã fuit pactum cum populo illo initum, fuit mandatũ, fuit testimoniũ, fuit statutũ, fuit rei indiuidinę uoluntatis expressa significatio, obiecta tamen uulgò. Cuius rei indicium fuit uox Dei in nube & caligine audita. Ergo diuinę legis, quę fide nitiatur, obseruatio, causa est, quamobrẽ nostris inprecationib; exaudimur à Deo. Quare ut concludam,

Domine



Domine Deus noster, tu exaudiebas eos, Deus tu propitius fuisti eis, & ulciscens in omnes adinventiones eorum.

Indulgens fuisti eis, uerit Felix. Alij uerò ex hebræo, condonās illis: hoc est, propter illos fuisti condonans, nempe noxas populo. Illorum nanq̃ interuentu donabantur peccata populo, ac pœnæ: & id quidem tum maximè, eoq̃ temporis momento, quo de illis pœnas sumere decreuisset Deus. Sic ex hebræo intelligere necesse est; nam, adinuentiones eorum, ad peccatorū multitudinē illorum referri, nempe uulgi, ac multitudinis. quanq̃ nō adinuentiones, sed consilia, aut studia, seu etiam opera, ut uult Felix, ex hebræo uertendum fuerat. Sic Paraph. Deus licet potens sis, clemens tamen fuisti ad preces illorū in alios, etiam eo momento, quo ulcisceraris ea, quæ aduersum te stultè cōmenti fuerant. Quocirca

Exaltate dominū Deum nostrum, & adorate in monte sancto eius: quoniam sanctus dominus Deus noster.

In quinto uersu eadem, quæ hīc dicuntur, uidere licet, eo excepto, quòd in illo de arca propitiatorio fit mentio, in hoc uerò de Sion monte sancto Dei, quē nunc Ecclesiā Christi sponsam, alio sanctitatis genere, quā illa fuit, insignem, appellamus; in ipsa enim suam habet sedem Dei filius, qui totius sanctitatis fons est, atq̃ autor. Si quis igitur, quæ sit uera adorandi ratio ac modus, ignorat, ad Christi pedes cum lachrymis, etiam nihil dicens, aut offerēs, suppliciter procubat, & sat est. Cui & laus sit atq̃ honos in secula seculorum. Amen.

PSALMVS C. • In confessionem.

**U**bilate Deo omnis terra.

Inscriptio psalmi nihil aliud signat quā, psalmus ad laudandum compositus; qui quidem tamen cōmune habeat cum multis alijs argumentū, idcirco & eandem omnino expositionem, tamen suauissimo, atq̃ illo peculiari defluit cursu. Mirum enim quantum pijs animis afferāt suauitatis uerba illa, quæ de diuinis habent laudibus. Tum quidem exhilarescit cor, colliquiturq̃ præ amore mens. Cum sanè recolit Deum se habere quemadmodum creatorē, ita ducem, pastoremq̃, & in omnib. defensorē, non potest non felicissimè lætitia gestire in illo, nihilq̃ magis timere, quā ne, qui sanctissimū eius nomen extollant laudibus, desint. Quamobrē suo tantūmodo non cōtentus gaudio uir sanctus, ac erga Dei honorē studio, sic omnes terræ incolas adhortatur: Ubilate Deo omnis terra. O qui terrā hanc obscurā & spinosam colitis, quiq̃ rem arduam spiritus aggressi estis, gaudete in dño, nō in rebus mundi caducis & fallacibus: in Deo em̃ solū uestra omnis debet esse hilaritas & gaudium.

Seruite domino in lætitia, introite in conspectu eius in exultatione.

Is unus est uersus. Nulla sanè re alia humana in negotio spiritus tam delectatur Deus, quā si anima superuacaneo abiecto mœrore, in cœlestiū rerum gustu & consolatione uiuere, & mori tandē appetat, req̃ præstet. Etsi enim complura sint, occurrantq̃ in hoc mundo, adeò confusa & uaria, ut penè omnem auferre uideant lætandi occasionē, attamen nulla unq̃ tam acerba fuit calamitas quæ id effecerit, quo minus in spiritu aliqua saltē recepta sit consolatio: imò quò atrocior est, eò maiori afficiuntur mentis gaudio hī, qui nullam ueram in hoc statu uitæ lætandi rationē esse multoties experti sunt. In Deo igit cunctam gaudiorum summam statuentes, id ante omnia compertū habent, cor hilare & iucundum in diuino requiri obsequio: quod quidem hilaritatis genus à fide in Deū solida, cōscientiāq̃ nitida prouenire ego arbitror. Secus uerò cor infidele, conspurcatūq̃ uitiorū notis, gaudere quidem potest cum mundo (si tamen gaudium rectè dici potest tantula hæc lætitiarum fallacia) cum Deo autem minimè.



c Cum itaq; mihi meiq; simillimis dici audio, Seruite domino in lætitia: illud mihi audire uideor, Tua illa seruitus, qua Dei seruus appellari gaudes, pura sit, hiilaris, atq; ab illis quidem rebus, quibus mœror comes est ac dolor, ut sunt prauæ appetentiæ, corq; libidinosum, mens arrogans, atq; affectibus illis anxijs & infinitis ambitionis addicta, quibus modus statuitur nullus, libera, & seriò abhorrens. Cuiusmodi uerò sit gaudium, quo piæ affici solent animæ in Deo, puto rerum cœlestium esse desiderium, optimèq; de se conscia mens, ac pura fides. His enim, quibus hæc insunt bona, à spiritu dicitur: Introite in conspectu in exultatione. Is animæ ingressus etsi fidei constat professione, absurdum tamen minimè erit de externo quoque intelligi cultu ac ritu, ut ferè agunt hi, qui templa faciliè adeuntes, Deum ibi liberius, quàm usquam alibi uenerantur, & adorant. Id etiam de sacra altaris cõmunione interpretantur nonnulli. Verùm quæcunq; teste Deo peragunt homines, ea nimirum in conspectu Dei peragi arbitramur: ideo læto perfici debent animo, quippe quæ corâ illo, qui hilarè suo in obsequio deamat datorem, peraguntur. Lætæ sanè exultatio animæ, de qua nunc loquit spiritus, in intimis delitescit amoris penetralibus, raròq; aliud admittit consolationis genus: quod hi non agunt, qui intolerandū esse existimant longum cœlestium contemplationū gustum & lætitiā, nisi ad externas crebro transeant carnis refocillationes, effluantq; liberius in ea, quæ sensus alunt & oblectant, quàm illi, qui tardiores cùm sint in re spiritus, ea tamen, qua conuenit, accipiunt trepidatione ac reuerentia, si quid interdum diuinarum rerum experiuntur. Quis tum lachrymarum, suspiriorumq; illiusmodi originem, modum, exitum, dignè peruestigaret? Donà hæc certè sunt Dei, nō multis cognita, ideo fastidita. At uos, qui in ambiguo adhuc (ut ambigua res sunt humanæ) defudatis uitæ itinere, omni turpi remota persuasione,

d Scitote quoniā dominus ipse est Deus, ipse fecit nos, & nō ipsi nos: populus eius, & oues pascuæ eius.

Agnoscite, inquit, dominum esse illum Deum, qui fecit nos. Quid hac dignitate sublimius? Neque enim, ô tardi, ipsi fecimus nos: sed populus eius sumus, ac grex tener, quem cœlesti continenter alit pastione, quem fouet, quem in ulnis, tanquam destitutum agnum pastor, gestat. Quis itaq; tam hebeti uiuente, qui talem non agnoscat benefactorē, dominū, pastore? Quid torpetis?

Introite portas eius in confessione, atria eius in hymnis, confitemini illi, laudate nomen eius.

Portæ, ut aliquando diximus, pro conuentu, locisq; ubi conuenire cōsueuerant ad tractanda uulgò homines negocia, iuræq; accipienda à senioribus, non rarò in scripturis accipiuntur. Atria uerò memorat propterea, quòd illuc plebs unà coire solitus erat. Cæterum, uox confessionis, laudem denotat, ac, ut uertunt nonnulli, celebrationē. Sic illi: Ingredimini portas eius cum celebratione, atria item eius in hymnis, celebrate eum. Extollite, illiq; pro acceptis beneficijs gratias agite. Conclamate, diuinisq; illius insufurrate aurib. Nos populus tuus sumus, ô altissime, atq; oues pascui tui: tu pastor & dux. Confundor, mi lector, ac præ dolore ferè exanimor, cùm meam uerso animo in tam beneficum dominum duritiē, melius dicerem impietate, atq; ultroneā à mea salute fugam. Penè animum, cùm me spectro, despondeo. At erro, meq; hîc ipse reprehendo:

Quoniam suauis est dominus, in æternum misericordia eius, & usque à generatione in generationem ueritas eius.

Quid igit despero? Etenim ueritas eius, nempe constantissima in seruandis promissis fides, non uni quidē solum, aut alteri subuenit generationi, sed æquè ad omnes protenditur, in infinitaq; prorogatur secula. Quoniā itaq; suauis est dominus,



dominus, facilisq; ad subleuandos à miseria miseros, idcirco aeterna est eius clementia. Nec mirum id quidem: nam Deus est. Quicquid uerò de Deo dicitur, id Deum esse necesse erit. Etenim si suauis est ac pius, ea aeterna in illo est suauitas ac clementia, ut reliquæ quoq; illius bonitatis partes, atq; salutis humanæ indicia & argumenta, aeterna sunt. Cui honor sit & benedictio, in secula seculorum, Amen.

## PSALMVVS Dauid c i.



Misericordiam & iudicium cantabo, tibi domine psallam.

Videtur hic Vates perfectissimos in se uiri optimè instituti mores uoluisse exprimere. Verum in exilio cōstitutus, ea in primis Deo pollicuitur, quæ postea neq; ipse, neq; alius quispiam ante Christi aduentum perfecte præstitit. Ad Christum igitur hæc omnia referenda sunt, qui ut est perfectissimū uirtutū omnium uas & archiuum, ita uires suis suppeditare, quæ etiam illa, quæ factu impossibilia uidentur, egregiè compleant, nō differt. Opus id est fidei, atq; uehementis in Deum amoris, cuius telo cum sauciata fuerit mens, quid non tentabit? Huc itaq; nempe ad Christum optimarū rerum effectorē, nos qui uitreis incedimus plantis, nostri intellectus sensum cum in omnib. tum in hoc potissimū exponendo psalmo conuertamus, audiamusq; illum in eruditissimo Vatis pectore sic patrem alloquentē: Misericordiam & iudiciū cantabo, tibi domine psallam. Quemadmodū enim absolutissimū hīc uitæ christianę statum delineari cernes, ita cum primis formā illis dari arbitror, qui iudicandi munus sibi arrogant. Facilis quidē ista est cupiditas: sed illa, quæ uniuscuiusq; officio conueniūt, præstare, difficilē. Mirum quā uoluptuosē de honore sibi applaudant concessio, seu uī atq; ambitu abrepto, nōnulli: præ lætitiā penē insaniunt, leues quidem illi, ac nimīū ambitiosi. In pertractandis uerò rebus illis propter quas dantur magistratus, nihil eo hominū genere insulsius, nihil efferatius, nihil tam rīdū dignū: uix em̄ sese, quin in aliam transeant præ mentis alienatione speciem ac formā, continent. Adeo corruptus quidam ambiendi honores mos inoleuit, acturpis etiam in rebus pub. bene institutis consuetudo, ut cuilibet impuro, atq; etera nato, integrū sit illa potissimū ambire atq; assequi, quæ præclarissimis, atq; adeo integerrimis debentur uiris. Pro quibus sanē instituendis sic de se, ac si ex illis unus esset, testatur Dei filius: Misericordiā, inquit, & iudiciū cantabo. Concedendum semper est nostris in promulgandis sententijs misericordiā & prudentia, iudicium, ne aut totum sæuitia sit imperiū, aut legum omnino dissolutione. His planē rebus nostræ omnes expendendæ sunt actiones. Verum de alicui hic agi misericordiæ iudicijque genere, me admonet litera, quā sic ex Hebræo ferunt nonnulli: De bonitate & æquitate cantabo. Volunt enim bonitatem hīc esse propensum ad subueniendū cunctis animum: æquitatē uerò, uirtutē illam quæ ex recto, æquoue iudicio geruntur omnia: atq; his quidem totam uitā integritatem, inter ciues, ac iustitiam conseruari, & est sensus: De bonitate & æquitate, quibus res cunctæ hominum ritē gubernantur & instituuntur, in hoc psalmo memoriā facere decreui: pro illisq; cantabo: & id sanē propterea, quod tibi inde proueniat laus, atq; honor. Quare tibi, ô domine, non mihi aut meis, canam, psallamq; ac, quantum maximè potero, laudibus tuum efferam nomen.

Et intelligam in uia immaculata, quando uenies ad me.

Hoc semunire possunt dicto diuinæ gratiæ assertores, ut planē esse debent omnes qui uerē Christi spiritum hausere: tantum à digladiandi rabie se temperent. Tum, inquit, intelligam, tum syncera ab impuris secernā, prudenterq; rebus in agendis me habebō, cum ad me tu ueneris, qui longē meam ob turpitudinem recesseras: absque tuo enim auxilio nihil boni aut intelligere, aut re præ-



estare possum. Te uerò accedente ad cor, alioqui durum & indomitū, statim colliqueſcet, ferreamq; suam exuens naturam, in leniorem transibit formam atq; usum. Et ego quidem quæ erumpere debeant è fidei trunco, & gemmæ, & fructus, non prorsus ignarus,

Perambulabā in innocentia cordis mei in medio domus meæ.

Verba ferè quæ in hoc insunt psalmo, per futurum tempus legunt Hebræi, optimè id quidem, ut mea opinio fert: sunt enim synceræ animæ pollicitationes, non præteritæ uitæ narrationes. Cū ad me, inquit, ueneris, cū meam tandem legis frēno reluctātem inuiseris animam, cū me iacentem erexeris, uitaq; tui sanctissimi spiritus animaueris, traxerisq; uel inuitum & renitentem, tunc sanè cordis innocentiam nactus, quò tuus, non meus, me acciuerit spiritus, accedam, tutusq; perambulabo. Hoc porrò impetrato, me adeò obnixè ad æquitatis regulam informabo, ut in medio quoque & secreto domus meæ cubiculo, ubi nullus est hominum conspectus, qui meam diiudicent uitam, non secus eam seruaturus sim morum disciplinam, atq; si foris in publico contigerit diuersari. Eandem enim tum domi, tum foris, præ me feram conuersationis imaginē, quod nequeunt hypocritæ, qui suam illam fictam extenuantes in publico sanctimoniā, mentientesq; religionē, in secretioribus quæ ædiū, quæ cordis recessibus, nullam exhorrescunt turpitudinē. Cæterum ex hebræo, nonnullis quæ hīc dicuntur de domo, ad moderatā domus familiam referre libuit. Vnde sic Paraphrastes: A te em̄ adiutus, cōstanter uersabor pro puritate cordis mei in administratione domus meæ. Non est quidem in rebus domesticis & ciuilibus, addo & in his, quæ ad religionē spectant, meritum cum hoc comparandū, cū quis Dei timore nixus, ita sua in gubernāda familia se integrè prudenterq; gerit, ut nihil sanctius, nec ab ipsis quidē religionū professorib; requiras. Vtraque uitæ consuetudo sancta est, modò id agant homines, quod in baptismo sunt polliciti. Alioqui neglecta salutari illa uiuendi ratione, atq; alias, ac nouas, quotidie assuere sibi uite leges, parum prudentis est animi, ne dicam temerarij. His enim fulcienda illa est, non demolienda (quanquā non uideo quibus illa fulcris egeat, quæ certissimis nixa est spiritus sancti adminiculis) ea interdum dubijs, ac nutantibus. Verum tu uide quid istiusmodi imbutus numinis doctrina, ille nimirum ad cuius cor accessit Dei spiritus, de se testetur:

Non proponebam ante oculos meos rem iniustam, facientes præuaricationes odiui, non adhæsit mihi.

Tota ferè huius psalmi litera confusa est in nostro interprete. Ideo ne ambiguus reddat sensus, alioqui lucidus, illum qui Hebræis est ordinem sequi malo, quàm indoctè quorundā simplicitati consulens, somnia, non rem certam, quod potissimū execratur spiritus, adducere. Ita ex Hebræo uertit Felix: Non ponam in conspectu oculorū meorum uerbum Belial (id iniquū sonat) præuaricantem odio habui, non adhærebit mihi, nempe præuaricator. Scelus, inquit alius, præuaricationis sic odio habeo, ut non temerè adhærescat mihi. Paraphrastes uerò clarius: Hominē superbū semper odio habui, nec unquā familiaris fiet mihi. Quid porrò sibi uelit, Non proponebā ante oculos meos rem iniustam, seu uerbum Belial, unico expressit uerbo ipse Campensis. Nunquā mihi, inquit, imitandā proposui rem ullam iniquā. De Belial iam aliàs diximus. Proborū certè mores in usum nobis traiciendi sunt, ac tanquā naturalis cibus deglutendi: sceleratorū uerò consuetudo, uti anguis, fugienda omnino est, atq; à nostro conuictu refecanda: ut de oue morbosa, ne totum corrumpat gregem, suos hortatur monachos meos pater Benedictus. Quid si id non obseruant pleriq; quid si? Penè dixi contaminatas nōnunquā à mundo foueri, sanas uerò abijci, & opprimi. Istuc sanè est Dei iudicium per paucis cognitum, mihi tamen notissimum. Cor



Cor prauum, declinantem à me malignum non cognoscebam.

Sic Hebræi: Cor peruersum declinabit à me, malum non cognoscam. Nullū ferè adducit sensum noster interpres. Malum in hoc loco, nocentē hominem, & malignū appellat Vates. Sic cor prauū intelligi oportet, hominē prauo affectū animo, uersutū, fraudulentū, cuius artes ne acutiori quidem qui sunt ingenio, peruestigare, aut cauere queunt. Ex his unum cōpellat uetus ille comicus: Eho, inquit, lutū leoninū, ehò sterquiliniū publicū, impure, inhoneste, iniure, illex, labes populi, pecuniā accipiter, auide atq; inuide, procax, rapax, trahax, trecētis uersibus tuas impuritates loqui nemo potest. Periculosissima res est cum istiusmodi hominū genere necessitudinē habere: quare eos auersant omnino hī qui probiori prāditī sunt animo, eos nō cognoscūt, nō cōmune cum illis quicq; habere dignant. Boni certē bonorū delectant moribus: impuros uerò & illiberales, et si illis, quò diuinā referre queant munificentia, cum poscit necessitas, subuenire nō recusant, detestant, tantū abest ut illorū probent amicitia & familiaritatem. Interim tamen illorū curādus est morbus, isq; seruādus in illorū curatione modus, quo uti solent medici in ægrotis, qui uelint nolint curari debent. Ex cogitat, inquit Salomon, iustus de domo impij, ut detrahat impios à malo. Quæ sēne omnia perfectissimus seruauit Vates, qui sic infert:

Detrahentem secretò proximo suo, hunc persequabar: superbo oculo & insatiabili corde, cum hoc non edebam.

Sic ferè ex hebræo uertunt: Accusantē in secreto (hoc est, nihil mali suspicantem proximū suum accusantē) interimā, elatū oculis, & uastum corde, non parit. Nemini id nouū esse debet, si se Vates interempturū asserat obtrectatorē, clanculumq; deferentem in aliorū nomen & existimationē. Hac quidem uocis acerbitate ostendere uoluit, nullum esse posse in cōuictu hominū tam detestandum uirus & horrendum, quā illud est, quo infecti sunt perniciosissimi delatores ac maledici, quorum lue exitiali penē uniuersus iam attritus est orbis. Vsq; quo (scelus) præpostero uiuitur ordine? At uerò, inquit Vates, quo hī se habent modo, haud mea multū interest. Ego quidē interea cum superbo oculo & insatiabili corde nō libenter edo, nō conuersor, nō illorū approbo consuetudinem: nō illis quod Dei est, ut expetūt, tribuo: atq; magis id adeò, quòd sublimes oculos, atq; elatū cor cōtemnit altissimus. Siquidem uir impius procaciter obfirmat uultū suum: ingens nimirū arrogantia indicium, atq; elati animi, quod uastum cor à spiritu nuncupať. Etenim qui malo atq; elato sunt animo, hī de more impudenti sunt facie & aspectu: qua sanē uecordia se neminē uereri, cunctosq; despiciere uideri uolunt. Hincq; aliud erumpit ulcus, quòd satis nihil illis unq; facit, nulla dignitas, nullus honos, nulla potentia, nulla pecuniarū uis. Idcirco intolerabiles facti sunt mūdo, Deo odiosi, ac probis omnibus infensi. Attamen secreto Dei iudicio regnant plerunq; ac eo uiuunt uitæ genere, ac si nulla alia immortalis post hanc extaret uita, nihilq; non audent, quòd suas expleant cupiditates, quæ illò ferè tendunt, ut dij in terris habeantur. Nec desunt quidem (prò ueniendi ratio. Elatum igitur cor, atq; arrogantem animū ferre ne utiquam potero, ait propheta. Sed

Oculi mei ad fideles terræ, ut sedeant mecū, ambulans in uia immaculata hic mihi ministrabit.

Qui sint fideles terræ, elegantissimè, ut suus est mos, aperit Campensis: Oculi mei, inquit, obseruant eos, qui bona fide uersant in terra. Quæ quidem uerba superioribus illis, detrahentē secretò proximo suo, opponi debent. Hī igit, qui bona fide res peragunt, nemini graues, q̃ plurimis utiles, à principe magistratibus, si ueri principes sunt, meritò perornant, cōfessoresq; in iudicijs asci-



c scuntur, ut se hîc egisse Dauid suo in regno fatetur. Semper quidem illud rex & princeps cogitare debet, an ciues homines sint, uel ne, alio sanè modo in iicis homini frænû, equis alio, ac feræ indomitæ. Omnis proinde abesse debet feritas, cum de hominû gubernatione tractandum est, aut magistratus creandi sunt, legesq; sanciedæ, ac iura; ne pro pastoribus ac patribus, carnifices, modestissimæ præponant reipub. Ambulans, inquit, in uia immaculata, syncerèq; de Dei religionem sentiens, hîc mihi, meisq; populis, nō tanq; tyrannus imperabit, sed quasi omnîū minimus, administrabit, omniumq; salutem, ut optimus solet pater, prospiciet. Ceterū de cœlesti patre hæc dicta esse nō ambigo, qui ut malos suo in obsequio refutat ministros, sic bonos suo benignissimo dignat fauore: quorū sanè effigie aptissimè deliniauit Vates, cum ait: Ambulās in uia immaculata, quæ est uia iustitiæ, uia fidei, uia innocentie, qui talis est, dignus erit Deo administrer, uerusq; sacerdos, & filius. Sed illud ualde mirandum, si tu tibi persuadeas, te Dei esse ministrum, cum pollutis manibus & inquinato animo diuina peragis, ac facra ad Deas contrectas, resq; diuinæ consecratas religioni non secus actitas, atq; res solent ludicras pantomimi & scurræ. Purissimo quidem attactu contrectari debent omnia, quæ Dei dedicata sunt cultui, ne bona nostrum in exitium conuerſi experiamur. Iam illud quod sequitur horrendum:

Non habitabit in medio domus meæ qui facit superbiam, qui loquitur iniqua non direxit in conspectu oculorum meorum.

In medio domus meæ, simpliciter uerti poterat, in ædibus meis: uel, ut Felix, intra domū meam. Neq; Hebræis est, qui facit superbiam: sed, qui facit dolum seu fraudem. Rursus uerbum Direxit, illis est, durauit. Quare sic Paraphraſtes: Nō habitabit in ædibus meis fraudulentus: neq; is qui mendacijs assueuit, durabit apud me. Duæ ex res sunt, quibus decor omnis bonorū ac pulchritudo dehonestatur, fraudulentia & mendaciū. Cum quidem totum Dei regnum fide potissimum ac ueritate constet, gratiosò ne oculo cerni hi poterunt, qui doloſissimi cum sint, ac mendacissimi, liberè tamen in Dei ædibus perinde spatiantur, spatiantur autem: imò uerò etiā ad primas interdum, nescio qua sorte, obtrufi sedes, tanto præſident imperio, ac debent illi, qui ideo reiecti ab iiciuntur, quia innoxij sunt & puri: Sic se habent malè ordinatæ res publicæ & regna. Perfidiosi itaq; & doloſi, quippe qui indigni Dei cōtubernio à spiritu iudicantur, omni cauendi sunt studio, coërcendiq; iustitiæ fræno & capistro, ne illorum fraudulentia, falsisq; inuentis ac delationibus exterriti uiri Dei, fana sinant dicata religioni speluncas fieri latronū: quæ quidem res acerbior illis esse solet, quàm ipsa sit mors. Verū illud consolationi potest esse, quòd malæ fidei possessores cum sint illi, non diu erunt, non durabunt, ut inquit Vates, non semper Dei ædes flagitijs conspurcabit. Etenim religio nutare, notisq; quibusdam, ac nœuis interspergi potest: collabi uerò omnino, atq; indelebiliter scadari, minimè. Christus enim suam aliquando reuisset sponsam, quam firmam, nitidamq; esse uoluit, & æternam. Eam ob rem in psalmi calce sic rem absoluit Vates:

In matutino interficiebam omnes peccatores terræ, ut disperderem de ciuitate domini omnes operantes iniquitatem.

Rursus, interficiam uerti poterat. Ceterū, in matutinis, idem uult quod tempestiue, maturè. Celerius, inquit, quàm unquam putassent, omnes terræ impios interimam, atq; è Dei æde ac ciuitate sceleratissimū quēq; eliminabo. Domus quippe Dei, domus esse debet orationis, castimonie, uirtutū, nō emporiū rixarum, factionū, hæresum, libidinū, negotiationisq; & auaritiæ. Et ego quidem, qui hæc scribo, ita esse asserēs subscribo, colluuiemq; istam improborū è domo Dei eliminari cupio, rogo, obsecro, obtestor, ac tandem cura hac ingēti solui, atq; esse tecū, ô excelle, efflagito, Cui laus sit infinita in secula seculorū. Amen.



PSALMVS CII. Oratio pauperis cum mœrore animi cruciatur, & coram domino effuderit eloquium doloris sui.

**D**omine exaudi orationē meam, & clamor meus ad te ueniat. Volunt interpretes hunc psalmum querimoniā fuisse prophetā, si mul & uaticiniū, populi ē seruitute Babylonica reuersi, multoq; ententus studio & labore in reparatione & ciuitatis & templi, sed à finitimis gentibus impediti; egrē enim gentes illæ Dei religionē instaurari serebant. Quamobrem tam multis affectus fuit iniurijs, atq; hostium irruptionibus Iudæorum populus, ut penē ab instituto desisteret. Hincq; maxime audiebantur in vulgus querelæ, gemitus planctusq; mœroris plenissimi, atque amarissimæ ad Deum voces, quibus totus is ferme respersus est psalmus. Imago nimirum difficilis incrementi bonarum rerum, quæ continuò tum hominum, tum dæmonum intercipiuntur astu, atque odio. Nullum non uolunt lapidem improbi, quò felices in re spiritus interrumpantur successus. Id agunt dæmones: id rursus innata illæ in nobis appetentiæ, tristissimis infectæ irarum succis. Heu quantum mei interdū dispudet erroris, atq; nondum bene incœptæ iustitiæ, cum hæc uerbo animo. Senex iam sum, quippe qui secundum & quinquagesimū annum natatus, uix uitæ meę dissipatas colligere ualeo rationes, adeo segniter actæ uitę meę conturbor. Infans certē præ indignatione, cum recolo maiorē meā ætatis partem in nescio quibus me attriuisse persuasionibus, excutiendisq; tantum in festis telis, mea, ut mihi uidebatur, ab innocentia, flagitiosorū hominum iniurijs. Ignorabam miser, crucem optimē institutis animis, atq; ad religionem tuandam natis, semper fuisse necessariam. Sed tandem ad me reuersus, fideiq; prioris clypeo contactus, ac capite sub spinoso Christi, qui in hoc psalmo posuit, cum ipso sic meas præteritas execror culpas, clamoq; Domine exaudi orationem meam, & clamor meus ad te ueniat. Id genus orationis & clamoris, quo diuina flectitur seueritas, etsi in casti uiri ore & sermone speciosum est, nihilominus in amari cordis consternatione & mœrore positum esse in primis arbitror. Petit igitur uir sanctus, ut cor suum Deus afflictū benigno intueatur aspectu, uocemq; ac suspiria pacatis auscultet auribus. Atqui nequaquā formari queunt preces, quæ diuinis futuræ sint gratæ auribus, nisi ab anima, quæ summa subnixæ sit fide. Fides igitur ea est, quæ clamat, quæ orat, quæ impetrat, quæ Deum, alioqui ob peccata auersum, reuocat, atq; urget, dicens:

Non auertas faciem tuam à me, in quacuncq; die tribulor inclina ad me aurem tuam.

Benigno nos uultu respicit Deus, cum boni sumus: truci uerò, aut nullo omnino, cum mali. Non auertas, Hebræi habent, non abscondas, more uidelicet irati, atque illius, qui orantem penitus auersatur, audireq; recusat. Eo maxime, inquit, tempore, quo uxor & affligor, altissimas illas tuas mihi exili ac uix spiranti demitte, inclinaq; ut faciles solent parentes, aures, ac meis tandem responde uotis. Et

In quacuncq; die inuocauero te, uelociter exaudi me.

Inculcat idem sæpenumero uir magnis in periculis cōstitutus. Agè, inquit, domine, cum tuum imploro subsidium, ne tardus sis, sed matura. Maxima quidem pericula, maximam præsidij celeritatem postulant. Omnis quippe mora periclitanti longa esse solet, & nonnunquā letalis. Audi igitur domine, cum clamo. Clamo certē assidue,

Quia defecerunt sicut fumus dies mei, & ossa mea sicut cremium auerunt.



**C** En dira amari animi consternatio: en doloris effectus, si immensus est. Cremium, titio est Hebræis, seu focus: nam dictio illa locum, in quo perpetuus est ignis, significat. Ardens profectò metaphora, ac mirè dolori extremo conueniens: uehemens enim cum est, succum omnem vitalem adurit & consumit. Quid, inquit, gratiæ? quid boni mei mihi celeres atque inquinati attulerunt anni? Equidem tanquam fumus citò euanescens, desiere, consumptiq; interierunt: quin ipsa etiam ossa, alioqui suo modo uiuida, tanquam titio semiuustus effecta sunt, arida nimirum, atque uti ea solent quæ diutius in igne immorantur, torrefacta. Hoc sanè loquutionis genere uult suum declarare metum ac dolorem Vates, atque cum eo hi, qui fugacem uitæ huius statum seriò contemplantur. Verùm non ea contentus dixisse, alia insuper sui mœroris indicia subiicit:

Percussus sum ut fœnum, & aruit cor meum, quia oblitus sum comedere panem meum.

Parum aliter hunc uersum legunt Hebræi. Sic Felix: Percussum est quasi fœnum, & aruit cor meum. Flos quidem aut herba à fœniscis incisa, perlanguescit illicò & arescit: sic est uita hominis, sic est cor humanum in pectore maxime exagitato præ dolore cura & anxietate, atque magis id adeò, si cibo abstinet. Solent quidem homines in luctu & mœrore positi, cibum exhorrescere & fastidire: ex quo contingere oportet, quod anima suo destituta alimento exicetur, sitiq; perenni laboret. Adeò, inquit, intensus fuit dolor ac mordax, ut cibi prorsus oblitus, in mœrore & luctu contabuerim. Idcirco

A uoce gemitus mei adhæsit os meum carni meæ.

**D** Pellimeæ, uertunt nonnulli: quanquam caro pro pelle, & è contrario pellis pro carne accipi solet in scripturis. Studiosi quidem scripturarum id norint. Et est sensus: A uoce gemitus atque eiulatus, quibus maximè exhauriuntur præcordia, caroq; consumitur, uix pellis adustis cohæret ossibus. Atqui illud manifestum, quòd naturali deficiente nutrimento, quo caro alitur, restant ossa uix cutes, atque ea quidem rugosa & putri uestita: ut his accidit, qui febre diutius affliguntur. Præ clamoso gemitu, ait Campensis, factum est, ut uix hæreat ossibus pellis mea. Ad hæc

Similis factus sum pelicano solitudinis, factus sum sicut nycticorax in domicilio.

Siue pelicanum legas cum nostro interprete, & ut diuus uertit Hieronymus: siue onocrotalum, qui idem est cum pellicano, cum alijs, aut bubonem, illud putandum, prophetam huc aues deserta loca incolentes, cæterarumq; auium consortia fugientes, adducere uoluisse, quibus se similem præ nimia animi angustia extitisse fateretur. Mirum quàm ægrè ferat & lucem & solem, & ipsum quoque charissimorum congressum & aspectum, uir mœrens: si tamen uir dici debet is, qui alio doloris genere, quàm ille est, qui è transactæ uitæ memoria, poenarumq; terrore ac metu oriri solet, tam efflictim conteritur, ut hominum consortia alioqui naturaliter iucunda horreat. Sola enim peccata, atq; in Deum iniuriæ, id meritò sibi uindicant: quippe quæ, cum maxima sunt, hominum sus obbrutescere faciunt, uertuntq; in aliam, ut sic loquar, speciem, quæ non sit hominis. Obsecro, quid tantum horroris aut luctus ciere possunt terrenarum rerum iactura, liberorum orbitas, aut exilia, ut hominem penitus à se alienet, tamq; insanire faciat, ut omnino consolationem omnem renuat? Indicia sunt hæc non paruæ contra Deum infidelitatis. Vt suæ enim debentur partes carni ac sensibus, sic suæ animo, rei nimirum diuinæ & immortalis. Cæterum onocrotalos uolunt naturalium rerum indagatores in Aegypti solitudine nasci, sæueq; admodum affligi, ac sese usque ad sanguinis effusionem percutere, si ad



nidum reduces, filios à serpentibus occisos inueniunt. Afferunt rursus, fugacem valde esse alitem, cuius is sit naturaliter mos, ut rapina oppleta in os rursus illam euomat, atque inde demum in aluum ruminantium more deiciat. Imago certe supra modum mœrentium, qui eandem sæpe doloris causam uoluunt animo & reuoluunt, & sic tandem, uel cum non aduertunt, contabescunt. In domicilio, Felix uertit, deuastationum: hoc est, in locis dirutis atque solitarijs. Caterum nycticorax noctua est, bellua quidem (belluam illam appellare fas sit) humanos mirum in modum deuitans aspectus ac lucem. Aliam subinde attexit similitudinem propheta de passere, qui solus & mœstus domorum insidet tectis.

Vigilaui, inquit, & factus sum sicut passer solitarius in tecto.

Vigilare hic uerbum, Hebræis est intentè quippiam obseruare. Felix tamē, exercitatus sum, uertit. Paraphrastes uerò cum nostro sic reddit uersum: Præ solitudine somnum non indulsi oculis meis, & similis mihi uidebar esse passeri mœsto, qui solus in foramine desidet sub tecto. Vulgò enim auem quandā merula similem, solitariū passerem appellant, eò quòd sola ferè semper sit, & in tectis residens meticulosa garrit: auis alioquì suauissimo concentu & raro: nihil suuius audiri potest. Verum de passere illo cunctis notissimo hic dici arbitror, qui uagus & impudens, omnibus penè infensus est & odiosus. Is quidem è palis ac stipulis suum componens nidum, sub tectis emittit foetus: animal tamen est stridulum, atque usque ad fastidium loquax, quod prudentiæ imaginem, ut diuus uult Hieronymus, secum habeat. Excusso igitur penitus à calamitosi uiri oculis somno, similem se facit passerculo mœrenti, suamque deplorat ærumnam in tecto: cui nihil gratum esse potest, præterquā luctu pasci & enutrirī. Causam uerò sui inconsolabilis doloris mox addidit:

Tota die exprobrabant mihi inimici mei, & qui laudabant me, aduersum me iurabant.

Verbum quod noster uertit interpres Laudabant, Hebræi legunt, deludebant. & est sensus: Qui ludibrio me habebāt & derisioni, hi meam in perniciem coniurauerunt. Apertius item principium uersus à Paraphraste redditur: Tota die mei me probro affecerunt inimici. Asperum profectò illud est doloris genus, cum dolor cumulo dolor alius adijcitur omnium acerbissimus, nempe hostium acclamatio, atque uno ueluti facto agmine & cōspiratione, derisio, tristisquoque uultus ac trux. Non suo tamen uacat lepore & energia, uersio interpretis in uerbo, laudabant: quod sanè ad simulatos amicos attinet, qui nos coram admirantes, quicquid ue agimus laudantes, in omnibus coniunctissimam præ se ferunt nobiscum necessitudinem: uerum semoti ab aspectu, egregij fiunt statim obloquutores, atque unà cum apertis hostibus insidiatores. Quocirca ad exprimendū suum dolorem Vates ab istiusmodi rerum atrocitate manantē, hisce, ut uides, queribundis utitur uocibus:

Quia cinerem tanquam panem māducabam, & poculum meū cum fletu miscebam.

Quare cinerem, si uertisset interpres, dilucidior fuisset litera. Sic Paraphrastes: Quare cibus meus non sapuit magis mihi, quā si cinerem comedissem. Erat mos celebris illorum qui in luctu erant, in puluere sedere ac cinere: ut de tegerat, in puluere aut cinere agi dicebantur. Ideo quæcunque ab eis tunc agi conadeo humi pronus iacui, ut non iam panem, sed ipsum cinerem & puluerem esse tasse uisus sim. Quid porum hic meum cōmemoro: lachrymarum is fuit amnis, non uino quidem, aut è fonte aqua tunc usus sum, sed lachrymis, sed euulsis à cordis radicibus suspirijs. Quòd si tamen, quæ est natura hominis, aliquo utendum fuit poculo, id illico erumpente ab oculis lachrymarum riuo confundebar.



c tur. Omnes ferè ex hebræo, lachrymis uertunt, nō fletu, quanq̃ idem refert utraq̃ lectio; nō est fletus absq̃ lachrymis. Paraphraſtes tamē utraq̃ poſuit, hoc modo; Potui meo lachrymas admilcui, non temperans me à fletu.

A facie iræ indignationis tuæ, quia eleuans allififti me.

Iræ & indignationis uertendū fuerat, cum copula, Nec displicet quod ad apertio-  
torem addunt ſenſum nōnulli, qui ſic reddūt: Id autē propter indignationē &  
iram tuā; poculum ſcilicet cum lachrymis miſcebam. Paraphraſtes quoq̃; Pro-  
pterea quòd iratū te mihi ſciebam, & grauiter offenſum. En tandem uidēs quā-  
obrem tam acerbè, ut de ſe conteſtatur Vates, dolendum eſt: ob iniurias nimi-  
rum contra Dei honorē illatas. Sed ſtupidi nimīū ſunt homines, qui ex tantulo  
rerū ſuarū incōmodo & iactura, ſinem ſtatuunt dolori nullum; de his uerò, quę  
in Dei contumeliā tum ab ipſis, tum ab alijs impudentiſſimè fiunt, ne uultum  
quidē mutāt. Puluere, inquit, uice panis uſus ſum idcirco, quia te offendi, quia  
te irritaui, quia, te omiſſo, omne bonū perdiidi. Quid mihi timendum eſt, ſi iſtuc  
nō timeo? Video, uideo, in quem coniectus ſim malorū aceruū; ſolemus enim  
allififti me. Extuliſti certè me in ſublime, ut inde grauius caderē; ſolemus enim  
illa, quę minutius collidi uolumus, in altum tollere. Verūm quò me uertā; un-  
de meam incōptem deſenſionē? Ad meam igitur detegendam miſeriam, quò  
tuam nanciſcar miſericordiam, meū erit perſugium, Audi itaq̃ benigniſſime,  
in quā uile deſeruiſ mancipium.

Dies mei ſicut umbra declinauerunt, & ego ſicut fœnum arui.

Nihil umbra inanius. Declinauerūt, inquit, uitæ meæ dies, ſicut declinat um-  
bra, uergitq̃ ad noctē, cadente ſole. Vmbra quidem eſi grandior ſole occiden-  
te apparet, magnitudo tamē illa eò propior ſit nocti, quò maior uidetur. Nō ſe-  
cus fanè eſt uita hominis, fugax nimirum, uana, ac tum uicinior infortunijs &  
D morti, cum felix, magisq̃ beata uulgò exiſtimat. Dies igitur noſtri ſimiles ſunt  
umbræ ſerotinæ. Ego autem, ut de me, quod uerum eſt, fatear, non aliter quā  
fœnum breui exareſcam,

Tu domine in æternum permanes, & memoriale tuum in generatio-  
ne & generationem.

Certè umbra eſt uita hominis, imò umbræ ſomniū. Fumus inſuper eſt, ac quæ  
dam, ſi corpus ſpectas, rerum inanitas. Is tamen, qui talis eſt, tanto nonnunq̃ in-  
flatur timore & ſuperbia, ut illum, qui æterno ſtat æuo, cuiusq̃ memoria in tan-  
tum per res cōditas effuſa eſt, ut de progenie in progeniem ſempiterna tranſeat  
ſucceſſione, audeat iniurijs laceſſere, turpificareq̃ illius religionem, atq̃, quan-  
tum in ſe eſt, tum legem, tum ſacramentorū uirtutem & efficaciam, abrogare.  
Ego, inquit Vates, umbra fumoq̃ uelociorem uitam hanc tranſigens, fœno ex-  
ciſo torrefactioq̃ ſimilis factus ſum; tu uerò domine uanitatū omniū ſecurus,  
nihilq̃ immutatus, æterno permanes ſeculo. Quid uerò? memoria prorsus hu-  
manarum rerum labilis eſt, caduca, & quæ breuiſſimis præſcribitur dierum ter-  
minis: quæ autem de te eſt, nulla unquā aboleri poterit uetuſtate. Si quidem in  
cœlo tua rimanda eſt natura, quid uerendum, quo minus perpetua ibi ſit tuæ in-  
comprehenſibilis ſubſiſtentia ac uitæ memoria, cum nullum ibi ſit tempus, qd  
obliuioni natura obnoxium eſt ac mortis? Si in terris uerò tuam perueſtigamus  
prouidentiā, non deſunt ſparſim, paſſimq̃ res conditæ, in quibus tua relucet  
ſapientia, fides, bonitas, imperium. Poterunt ne interdum de his non recorda-  
ri homines? Poterunt ne, inquam, tam præclari doni, ut eſt uniuerſalis effectio-  
nis machina & pulchritudo, obliuiſci? Eſto obliuiſcantur. Erit ne cor tam ſtoli-  
dum & ingratum, quod opus illud celeberrimū Dei, qui Chriſtus eſt, in cuius  
uultu æterni patris impreſſa eſt imago, & ea quidem uiuax & æterna, ex animo  
abſiciat, contemnat? Contemnūt tamen. Omentes obliuiioſas, Itaque cum hoc  
ſe ha-



le habeat modo & forma, permagna hominum pars,

Tu exurgens domine misereberis Sion, quia tempus miserendi eius, quia uenit tempus.

Aliàs diximus Deum nobis dormire uideri, cum non fert opem inuocatus. Expergisci uerò, cum subuenit. Dormit rursus, cum sinit nos peccare; exurgit à somno, cum uim nostræ addit imbecillitati nos ipsos superandi. Dormit tandem, cum petenti bonorū suorū partem adolescenti filio, non contradicit, permittitq; insanum illum peregrè abire, cum suis uiuere, libidinibus inquinari, seipsum destituere. Expergiscitur autē, quando errantē admonet, rogat, trahit, suscipit demū, atq; ad felicissimū gratiarū osculum, gustumq; cœlestium admittit. Tu, inquit, exurgens, qui hucusq; dormire uisus es, tuæq; ciuitatis Sion, nempe animarum in te quiescentium misertus, euigila: nam tempus id est clementiæ. Accessit, inquam, tempus illud à maioribus promissum, quo dixere, affore aliquando, quod omni ablata miseria, regnaret misericordia & clementia, summa scilicet religionis perfectio. Non id dubium, tempus quo instauranda esset tum ciuitas, reparandumq; templum atque religio, statutum fuisse à Deo: quod quoniā à rudioribus maximè ignorabatur, diuinis prout poterāt uocabant supplicationibus & sacrificijs, quò tandem Deus illorum miseratus exitum, placatis hostiū animis suum inuiseret populū, tempusq; illud promissum ædificandi ciuitatem ac templum benignissimè præstaret, quod sanè sub Cyro & Dario actum esse legimus. Imago certè ea fuit ac præludiū, Ecclesiā Christi gentibus aliquando instaurandam, imò etiam à fundamentis excitandam. Tempus itaq; de quo hīc memorat Vates, ut illud fuerit Darij ac Cyri, ita ad Christi ætatē referri debet, sub quo aliud ædificij genus, quàm lateritiū, aut marmoreum, ædificandum esset: animæ nimirū, ac corda prius impia ac dissoluta hominū, quæ per Christum eousq; in altū euehenda forent, ut è limo, in quo infelices uolutabantur, de fide in fidem, tanq; scalæ gradibus innixa, in Deū usq; transirent, ibiq; summam tecti perficerent. Nanq; extrema nostri ædificij operatio Deus est, qui & basis & fundamentum. Hunc uersum sic ex hebræo uertunt nonnulli: Tu exurgas & miserearis, tempestiuum enim est ut eius miserearis: non diffinitus terminus adest, quod tempus redemptionis interpretatur Parastastes: Et tempus, inquit, redemptionis appetere uidetur iam nunc.

Quoniā placuerūt seruis tuis lapides eius, & terræ eius miserebunt. Seruos hīc uocat pios illos reges, quorum opera ad res suæ religionis instaurandas usus est Deus, quare sic reddunt uersum ex hebræo nonnulli: Quia bene uolunt, uolunt, Serui tui lapidibus eius, & pulueri eius fauent. Atqui nō illud instaurandum, nullum adeò immensum posse esse in re spiritus detrimentum, & ruinam, quin queat in primam, addo & meliorem formam restitui, modò uelint. Quod si, cum possunt, non præstant, impij magis in Deum censendi sunt, quàm in illius religionē crudeles, quàm pij patres & pastores. Sunt porrò qui huius uersus sensum ad sanctum piorū hominū desiderium transferūt, quibus ea in primis erat cura, isq; amor, ut ruinæ templi iam tandem resarcirentur: atque hī merito serui Dei à Vate appellati sunt. Ita in præsentia non deesse cernimus, qui id appetant, quærantq; sed nulla illis autoritas apud homines. Quod si quid tam ex istiusmodi illorum affectu & desiderio, pro merito adipiscuntur, id opus est. Quid agant igitur: sua quidem cōtenti pietate in Deum, id saltem præstabit, quod terræ eius miserebuntur.

Et timebunt gentes nomen tuum domine, & omnes reges terræ gloriam tuam.



**C** Non defuerūt quidem eo tempore, quo cœpta est reformari tum cultu, tum mœnibus Hierusalem, & reges, & primarij regionum homines, qui uisa operis magnificentia, perspectaq; duorū regum in renouando templo liberalitate, qui faterentur Deum Iudæorū, deorum omniū potentissimū. Qui quàm gloriosus & potens esset, ut in cæteris mundi rebus cognosci quīuerit, id magis tamen in religionis maiestate & reuerentia, comprehendi potuit. Etenim labor ille assiduus populi, studiumq; reādicandi templi, donaria item regia amplissima, ac pia ad rem sacram instaurandam exhortationes, illud spectabant, quòd Deus excelsus in Sion maximè cunctis appareret & gloriosus. Quod sanè perfectè cōtingere minimè potuit, nisi glorificato Christo, nempe perfectissimo mysteriorum omniū illorū, ac ritūū fine, ac, ut sic dicā, cōsummatore. Quocirca sequit̃,

Quia ædificauit dominus Sion, & uidebitur in gloria sua.

En fidei effectus: haud amplius quidem orat ut ædificentur muri Hierusalem, sed rem iam factam in spiritu contemplatur, fateiturq; suam Deum construxisse ciuitatē. Iam, inquit, suas erexit ædes dominus. Cernuntur templa, miraq; rerum pulchritudine & dignitate, latè patent religionis insignia. Sion quidem alio structuræ genere, modoq; alio ac ratione, extollitur. Etenim pro cemento, lateritijsq; parietibus aut tabulatis, ardentia ponūtur desideria, castiq; affectus, atq; à fide manantes operationes: hæc est structura, hoc ædificium quo oblectatur Christus, quòq; gloriosus in tetrīs, qui in cœlis ipsamet est gloria, apparet. Videbitur, inquit, in gloria sua, qui sumus nos: modò hi simus, per quos gloriarī ille queat, nos nostram, per ipsum acquisitam, non refutasse salutem. Verū unde tam immensum profectum est cōmodum: à nobis forsā? Minimè id quidem omnium: sed,

**D** Quia respexit in orationem humilium, & nō spreuit precem meam. Solent enim pleriq; mortalium eò insolentiores esse, ac magis tumidi, quò is qui supplex est, humili uestitus est ueste, aut minus ornato loquitur sermone. Non eo se habet modo diuina erga humiles facilitas, in eum maximè prona & liberalis, qui mundo infensus est & miser. Quanto interdum tument supercilio nostrates procures in humiles spiritu, in deiectos, in bonos tandem. Sua enim, nescio qua, contenti persuasione, uix orantes tolerant. Deus autem ad humilium respicit preces, admittitq; rogata. Dictu est difficile, q̃ ex animo superbos auersetur altissimus. Putās ne quempiam ex primoribus etiam nū inuenti, de quo illud, ut de Herode, dici queat? Spreuit, inquit, illum, nempe Christū, cum exercitu suo, adulatorū scilicet factiosorumq; delatorū ac decoctorū. Istiusmodi nōnunquam stipantur satellitio nostri reges ac principes. Verū hæc momentanea haudquaquam erunt coram Deo, neq; futuris tradentur seculis obliuioni. Quare, quò sciant posterī,

Scribantur hæc in generatione altera, & populus qui creabitur laudabit dominum.

Vaticinia omnia antiqua, prædictionesq; ad alteram, quàm illa fuit Iudæorum, referebantur ætatem, in qua prædictarum rerum euentus conscribi debuerant, quod sanè factum esse cernimus à Scribis spiritus, qui à Christo omnium fonte hauserunt umbrarum ueterum cognitionem. Vetus enim tempus illud patrū, quædam erat futurarū rerum imago ac umbra, quas in Christum desinere oportuit. Ideo à Vate futurorū conscio dictum fuit: Scribant hæc in generatione altera. Sed qualis generatio? Populus, inquit, qui creabitur. Clamat Esaias: Omnē qui inuocat nomen meum, creauī eum, formauī eum, & feci eum. Eæ gentes erant, quæ ex impio in sanctiorem reformandæ erāt statum per Christū: quas meritò ex Deo, nō ex carne aut sanguine nasci necesse erat. Atqui ueram illam esse creationem & natiuitatem arbitramur, qua de mundo nascimur



mur in Deo, dñq̃ efficimur unius cum illo effecti uoluntatis & amoris. Is itaque populus, hæc gens, is hominum cœtus & multitudo laudabit dominum; non gens illa rebellis, non populus duræ ceruicis, non plebs superstitiosa & infidelis, ut sunt quorundam adhuc mores & uita, uel in his, qui se laudare Deum opinantur, cum nihil tamen minus agant. Donum id est animarum præcipuum acrarum, simplicioribus ferè concessum animis, ac puris in Deum affectibus: neq̃ tamen istuc temerariò, casuq̃ fieri arbitrantur, aut suis ferūt acceptum studijs ac uigilijs. Quis nisi demens id credat? Sed

Quia prospexit de excelso sancto suo, dominus de cœlo in terram aspexit.

En plenum maiestatis mysterium: prospectus enim ille uiuificus Dei, quo sancta innumeris condecorauit bonis, tum fuit, quando Christum nostrum esse uoluit, ditauitq̃ mundum seipso. quid felicius? De excelso sancto suo, de excelso sanctitatis suæ, uertit Felix; quod cœlum esse exponunt, in quo felicissima refidet uisione cœlestis pater, intueturq̃ acta hominum, atq̃ ea iustissimo ponderat iudicio. Tuncq̃ demum figmenti misertus est sui, quando Deus homo factus est, & habitauit in nobis. Antea enim toruis, uti solent irati, mortales intuebatur oculis, quippe qui turpissimis inquinati peccatis, diuino indigni erant aspectu; nostra modò ætate placatus respexit de sublimi suæ sanctitatis solio, hoc est, de cœlo, loco nimirum quietissimo & beato, in terram hanc caliginosam, spiritibusq̃ ignorantia circumseptam,

Ut audiret gemitus compeditorū, ut solueret filios interemptorū. Clamoribus plena erant omnia, & eiulatibus. Flebant uniuersa, sed in primis miserorum ad cœlum usque eleuabatur stridor, planctusq̃ inconsolabilis: nec tamen erat qui ueniret suppetias: non erat, inquam, qui inter homines non inquinatissime uiueret. Quò se uerterent inextricabilibus catenarum nodis irruenti: nulla tum erat animorum quies, nullus fidei candor, nulla charitas, nulla pax. Compedes quidem pōderosæ nostris iniectæ pedibus erant, error, libido, fraudulencia, mala mens, mala uoluntas, ira, auaritia, crudelitas, ac, quapotissimum infecti erant homines, superbia, atque illius iugalis ambitio. Quibus sanè malis afflictis, nō solum obscuro tenebantur inclusi uitiorū carcere, uerumetiam ipsius mortis nexibus cōstricti, nullus illis supererat uitæ halitus: à Deo enim uitæ omnis origine longè errantes, iacebant prorsus exanimati. Mirum quàm latum tum erat mortis imperium: aduentante uerò uita, cessit mors, & facta sunt omnia uiua in Christo, qui uitam habet in semetipso, cætera autem ab illo. Imò uita omnis mors potius dici debet sine ipso, quàm uita. Ego certè, mi Lector, uitam illam magis, quàm mihi cōmunis est cum plantis atque arboribus, eligerem, quàm eam, qua cæteris præstant animantibus homines, absq̃ Christo: qui nos itas tandem miseratus calamitates, è cœlo in terram aspexit propterea, ut audiret gemitus compeditorum, & solueret filios interemptorum, hoc est, mortuos reuocaret in uitam, & id sanè,

Ut annuncient in Sion nomen dñi, & laudem eius in Hierusalem.

Ut prædicent, inquit, ad uitam restituti nomen Dei in Sion, atque illius laudes efferant in Hierusalem. Secundus hemistichius prioris est expositio. Sion enim & Hierusalem idem sunt in scripturis, locus utique Deo consecratus, qui Ecclesiæ imaginem præ se tulit, quæ una est Dei sponsa, quemadmodum unus est baptisumus, una fides, una religio, atq̃ unus Christus, nexus nimirum totius corporis in ipso, cuius is caput est, atq̃ incrementi origo & fons.

In conueniendo populum in unum, & reges ut seruiant domino.

Est non secus, atq̃ si assereret: Ea quæ dixi, felicissimo contingent successu,



- C cum collecti simul fuerint populi, illisq; unum fuerit cor & uoluntas. Imò regna ipsa, alioquin excelsa & formidabilia, Dei religionem summisse amplexabuntur, eruntq; omnes in Deo unum. Atqui istiusmodi concordis uitæ modus & ratio, potuit quidem ob cultus nitorem & maiestatem uideri Hierosolymis; uerum tam imperfectè, ut uix arctissimus orbis angulus, qui in Dei religionè consentiret, inueniretur. In Christo igitur hæc erat quærenda unio, perfectissimaq; tum regum tum populorū coitio: à qua si postea desitum est à quamplurimis orbis regionibus ac regnis, fuit, estq; impræsentiarū terrifica in facinorosos Dei ultio, ac iudicium: quod tamen si obstrusum sit, ac planè incognitum, nihilominus æquissimū est, magisq; timore dignum quàm admiratione. Pulcherrimam porrò huiuscemodi mentiū concordiam atq; unitatē, raram quidem, ac penè obsoletam, olim uisi sunt referre uoluisse, qui primi cœnobîa construxerunt: quæ in immensum adeò, ob spiritus ardorē & fidem, iam creuerant, ut quæ diuo solummodo dicata essent Benedicto, septem supra triginta millia, quas Abbatis uocari libuit, uno eodemq; tempore extitisse, pontificia referant decreta. Modò uerò paucissimū præ illo (ex his dico quæ nulli cōmendatitio obnoxia sunt diplomati) conficiūt numerū, atq; illa quidem raris habitata colonis, & his omnino & moribus & habitu uarijs ac discordantibus. Tunc itaq; ea ueræ est religionis imago, cum uno uiuitur animo, cōcordiq; spiritu & uoluntate alter alterius magis quàm propria curat cōmoda. Id egit Christus, id sua, ubicūq; sit, agit spōsa. Qui uerò secus agunt, hos, quocūq; uestiti sint habitu, ad Ecclesiam minimè spectare censeo, quæ purissimos, atque adeo unanimes diligit cultores.

- Respondit ei in uia uirtutis suæ, paucitatē dierū meorū nūcia mihi. Hebræis nulla hic est personæ mutatio, Sic illi: Afflixit in itinere uirtutem meam, abbreviauit dies meos. Vt non habeam, inquit, in quo confidam, meam
- D in uia hac uitæ satis per se ærumnosæ, pertriuu uirtutē, elumbemq; omnino meam ad iustitiā assequendam fecit, præciditq; cum nihil minus uererer, meæ ætatis annos. Vix natus iam perij. Heu uitam fugacē. Verum si cui grator est litera quā uulgò legimus, sic posset dici: Dominus respōdit, & a quo rependit pondere ei, nempe Hierusalem, quod deliquit: & id quidem in uia uirtutis suæ: hoc est, prout potens est, ualdeq; seuerus in eos qui peccant, Verum tu domine (conuersio animæ est ad Deum) ne diutius in sordibus maneam, saltem uitæ finē mihi annuncia; hoc quidem cognito, dissipatas forsan meas curas in unū colligam mecumq; collectas, ac bene cultas, ad te ueniens feram, Vnum oro,

Ne reuoces me in dimidio dierum meorum, in generatione & generationem anni tui.

Persuasio ea est periculosissima, cum quis longam sibi pollicetur uitam, quæ tam breuis est, ut umbræ imagini comparet. Quid illa inanitus: Is uersus mutulus est: deest enim secundū Hebræos in exordio uersus, dicebam, seu aliquid simile. Vnde Paraphrastes: Quare dicā, mi Deus, ne me hinc sustuleris dimidio dierum meorū, cum paucissimi sint. Parui quidem mei sunt anni, aiebat senex ille, & mali. Quid si tunc, cum nihil interim suspiceris, in medio breuissimæ uitæ cursu interciperis? Si breuissima tota est uita, quid erit dimidiū? Orat itaq; ne à tam breui re, ut est uita, tam citò rescindatur: sed illam saltem integram usq; ad decrepitam transcurrat. Id orat suo more Vates, orantq; sancti assidue, ob id, ne breui è uita excisi, breuem habeant laudandi Dei occasionem. Cupiūt quidem diu uiuere in hoc mundo, quò diu uacent Dei laudibus: nō quò libidinibus seruiant, aut avaritiæ, aut, qua maximè foedatur anima, ambitioni. Sed ex hoc, inquit, nō mediocrem me assequutum uideor consolationem, quòd anni tui, quibus aliquando fruiturus sum, sempiterni sunt: omnia enim excedunt secula, de progenieq; in progeniæ æterna transeunt successione. Atq; ut cætera præterea, Initio



Initio tu domine terram fundasti, & opera manuū tuarū sunt cœli.  
 Hauferat Vates à spiritu illud, quod hausit & Moses, cum dixit: In principio creauit Deus cœlum & terrā. Dauid uerò: Initio tu dñe terrā fundasti, & opera manuū tuarū sunt cœli, hoc est, certissima sunt cœli tuæ potentiae indicia, quem admodū certa sunt artificii, quæcūq; ipse proprijs firmauit manibus. Breuis itaq; cum sit uita hominis, idcirco corruptibilis & uaria, eodem quoq; afficiēti exitu unā cum cæteris rebus conditis cœli, quos tu tamen mirabili effigiaſti artificio ac prouidentia.

Ipsi peribunt, tu autem permanes, & omnes sicut uestimentum ueterascent, & sicut opertorium mutabis eos, & mutabuntur.

Sicut indumentum seu pallium mutabis eos, uertūt ex hebræo, & mutabuntur. Hic aperte à spiritu affirmatur, nouum, marcescente ueteri & pereunte, reſtendendū esse cœlum, nempe totam elementorū machinā, & quicquid supra clementa positum est. Omnino enim mundi huius fabricam interire, quo nouam nanciscatur imaginē, necesse est: alioqui non dixisset Eſaias, quod cœlum tanquam fumus deficiet, & terra tanq; uestimentū senescet. quod porro senescit, aiebat Paulus, prope interitum est. Ecquis unquam dixit uestem ab aliquo mutari, nisi cum priori abiecta aliam induerit: Ecce, ait, creo cœlos nouos, & terram nouam, & iam nō erit priorum memoria. Donec, inquit Iob, atteratur cœlum, cum dormierit nō resurget homo. Quod si certē non atterendum esset cœlum, prorsusq; dissipandum, neq; hominē resurrecturū affirmare cogeremur. Interibunt igitur cœli omnes, nobilissimū scilicet Dei opificium, nouamq; assumet faciem uniuersus orbis:

Tu autem idem ipse es, & anni tui non deficient.

En quomodo uacillent omnia: Deus uerò solus in seipso manens, suiq; semper similis, stat fixus atq; immotus, semper idem, fortis nimirū, sapiens, immortalis, seq; ipsum in se continens, uult omnia continuo circumferri motu ac gyro, & tandem interire. Siquidem more aquæ cuncta uno præterlabuntur cursu, ad interitumq; properant uniuersa. Anni uerò tui, ô Deus, finem fortientur nullum. Sed & tecum

Filij seruorū tuorū habitabunt, & semen eorum in seculum diriget.

Comodum, quam longa ueluti periodo circumscripserat propheta, rem tandem absoluit, concluditq; piorum animas eternā adepturas felicitatē cum Deo, qui æternus est atq; immutabilis. Filij, inquit, seruorū tuorū: hi utiq; quos uitæ uerbo propheta, apostoli, doctiq; alij procrearunt, æterno tecum æuo perseuerabunt, habitabuntq; ut filij solent in paternis ædibus, in amœnissimis tui patris recessibus, atque umbra, è qua, tanquam aura suauis, perpetuo spirat refrigerio sancti spiritus amor, à quo uita. Id igitur proprium illorum est semen, qui sinceram seruierunt seruitutem Deo: is illorum cōceptus, is partus tandem, ne omnino Dei filios & amicos, steriles dicas esse, atq; quoniam ab re uxoria nonnulli ex illis abstinent, ne dicam horrent, mundo inutiles. Hæc sanè doctrina, qua filij propè infiniti Deo procreantur, non tantum uerbo ipso & eruditione, quantum uitæ sanctitate, ac moribus undequaq; modestis & pijs, comparatur. Quod si desit eloquentia & literatura in his qui titulo gaudent seruorum Dei, at saltem non desit bonæ uitæ exemplum, non odor ille fragrantissimus, qui è castæ uitæ conuersatione, ut è lilio, aut uiola solet, adeo effule, sparsimq; manate confuescit, ut etiam profligatæ uitæ homines, quibusq; nullus inest spiritus, qui uita est animæ, stimulus, respirare soliti sint, atq; reuiuiscere in Deo. Steriles omnino, hoc est, neq; spiritu neque doctrina grauidos, sed inertem potius, atque ociosum ferentes uterum, è quo tandem maleolentis erumpat fama abertio, execratur Deus. Cæterum Dirigetur uerbum, Cōfirmabitur ex hebræo



C quidam transferunt. Paraphrastes uerò, in officio continebuntur. Vt cunq; legere libeat, illud apertū, Dei seruos, atq; illorū liberos per Euangelīū Deo genitos, quicquid agant, prosperè agere, confirmariq; in Deo, ac innouari; ceteros uerò antiquari, marcescere, abijciq; à numine ac negligi. De sancti seminis perpetuitate sic de Christo edisserens Esaias inquit; Si posuerit pro peccato animā suam, uidebit semen longæuum. Hæ sunt piorum animæ, quæ ad æternæ uitæ perennitatē ascitæ sunt per Christum. Cui laus sit in secula seculorum. Amen.

PSAL. CIII. David.



Benedic anima mea domino, & omnia quæ intra me sunt nomini sancto eius.

Dulcissimus is omniū uidetur esse psalmus, qui passim cœlesti cōflagrat amoris flamma. Est hilaris animæ de Dei bonitate memoria, & est pulcherrima è cœlo elapsa doctrina, spiritusq; instructio; in qua quidem, tanquā in lucidissimo speculo, quid sibi in re spiritus faciendum sit, cernunt animæ. Istiusmodi sanè uis est doctrina spiritus, ut totum ad se rapiat hominē. Idcirco nihil in se seruare debet humanū ingeniū, cum cœlestia rimanda sunt, atq; illa quidem, quæ mortaliū penè excedunt intellectum. Neq; id satis uidetur; nam aliam sibi uindicat partē, quæ tunc apparet, quando anima nō penitus satis sibi factum arbitrat, nisi & cæteri, suæ illius felicitatis, quæ omnē superat suauitatem, fiant participes. Hos igitur talibus ferè hortatur uerbis propheta, latenterq; de se loquens admonet, & quid ipsi agere debeāt instruit; O anima, inquit, mea (sic homo in doctrina spiritus eruditus loqui consuecit) quæ, uti tua est natura atque origo, ad cœlestia conniti debes, tuum lauda dominū & conditorem. Quicquid uiriū in te est, quicquid arbitrii, quicquid uoluntatis, quicquid cognitionis, id totum ad diuinū extollendū nomen impende. Quid gloriosius mihi unquam cōtingere potuit, quàm sic uixisse, ut nulla in me uitæ pars fuerit, quin tota in te arserit, ô Deus; te deperierit; tuum honorem ac gloriam, non suam quæsierit. Ergo etiam atq; etiam Benedic anima mea dño, & noli obliuisci omnes retributiones eius. Retributiones in scripturis non tantū beneficia illa, quæ diuina nobis, ob bene facta, repēdit bonitas, præ se ferūt, sed ea quoq; quibus nostrā præuenit miseriam & ignauia. Retributiones igitur sunt Dei dona in te, ô anima, sunt illius immensi in te amoris signa. Quid ocia ris? quid torpescis? Noli, noli tanta illius munera, tam uastum gratiarū cumulū, tantamq; copiam spiritus obliuisci. Proprium id est ingrati animi uitiū, cum sis beneficiarius, benefactorē non cognoscere. Noli tu, ô anima, ut cunq; agant cæteri, infinitas illius obliuioni tradere retributiones. Is est enim, ne diu, frustra q; per uana diuageris,

Qui propitiatur omnibus iniquitatibus tuis, qui sanat omnes infirmitates tuas.

Potes quidem, ut lubet, tuum iactare arbitriū, potes & uires: quid tum? poteris ne ex his candorem ob peccati turpitudinē amissum restituere? Ille enim, nō tu, nō homo alius, tuo mederi morbo potest. Sanat quidem in te, si quid peccasti, tuisq; propitius est reatibus & delictis. Atqui hīc uides à quo procedit fonte peccatorū remissio, riuicq; gratiarū. Certè cum quis onustus est peccatis, à uita quæ est in Deo excluditur. Excluso autē cætera illi omnia aduersari necesse erit, sed in primis Deum, qui cum uera animæ uita sit, omne horret peccatū, unde est mors. Quare oportet prius animā innouari spiritu, atq; à peccati sorde ablui, q; ad Dei dona capeffenda idonea sit, asciscaturq; ad uitam: cuius bepficij capax haudqua q; esse potest, dum durat in peccatis. Suam igitur non ignorans imbecillitatem & corruptionem, quicquid nitoris in se esse cognoscit, id Deo refert acceptum, aitq;

Qui



Qui redimit de interitu uitam tuam, qui coronat te in misericordia & miserationibus.

Interierat quidem totum genus humanū, nisi diuina subuenisset clementia; secus uerò quid nobis opis? quid præsidij? quid uirtutis afferre potuisset Christi aduentus? Vanum id fuisset consilium, uanusq; labor, si aut nulla, aut omnino aduersalis non extitisset mors. Sed & parū forsan uisum esset hominē ab interitu redemisse, nisi & præmia uirtuti illi præstita contulisset. Id donum fuit Dei: unde nō iniuria est additum, Qui coronat te in misericordia, & miserationibus. Sed misericordia cum sit una in Deo, illius tamen partes, propter uariam miserendi rationem, effectusq; uarios & multiplices, quibus nos tanquam corona, aut chlamyde circūuestire solitus est, miserationes dici possunt. Non contentus enim benignissimus pater, nos uno atq; altero miserationū genere perornare, innumeros alios addit clementiæ gradus & accessiones: ut nihil aliud serē appetere uideatur, nisi ut occasionē mortalium subleuandi miseriam nanciscat. Nos planē miseri, ille misericors, Cuius sanē rei id est indicium, quod nos sua nequaquam circumsepiret misericordia, nisi nostra undecumq; patēret miseria. Is itaq; solus est, qui coronat te uarijs clementiæ modis ac gradibus, ô anima, &

Qui replet in bonis desiderium tuum, renouabitur ut aquilæ iuuen-  
tus tua.

Non est quidē tam uehemens desiderium, quin statim fiat uoti compos anima, modo diuinarū rerum sit: alioqui res mūdi huius perditā, nihil satietatis, tamen si ex animo adeptæ, illi afferre possunt: cui satis nihil unquam facere potuit, quod Deus non esset. Replet igitur, exundareq; facit bonorum copia, tua omnia desideria Deus, ô anima. Illud caue, ne quid cupias, quod Deum nō referat: siquidem repletio tua ac satietas Deus est. Eum itaq; uel solum expete, & is tuum ad saturandum desiderium mirum in modum sufficiet. Dictionem, quam noster uerit interpret, desiderium, Hebræis est quibusdam, ornamentū: quod quidem uolent uigorem illum esse animæ, quo leuibus tanquā pennis facillimē in Deum eleuetur. Proinde uim illam igneam, quæ summo illi est ornamento, exuscitat Deus in anima, suppletq; si quid inanitatis inuenit aut torporis. Porro de Aquila scribunt doctiores, alitem esse, quæ egritudine aut senio minimē occidat, sed fame. Cuius rei ea est ratio, quod rostrum adeo illi in senectute subcuruetur, ut cibum capere nequeat. Quomodo uerò renouetur, incertum. Ex Hebræis tamē scribunt nonnulli, eum illi esse morem, ut quolibet decēnio usq; ad elementem euolet ignem, indeq; simulac ardentius incaluerit, se in mare demergere, ablueretq; se, atq; hinc nouas illi pennas subcrescere, & ita in nouam immutari formā, & ætatem. Verum quia hæc incognita sunt, apertiora persequamur. Illud pro certo habendū, istiusmodi Aquilæ renouatione uoluisse Vatem ostendere, qualis sit ex more in filijs Dei & mens, & animus, uegetus nimirum, perspicax, succiq; spiritus plenissimus, ardens, uiuax, insomnis: ad hæc uiridis mendacorum habitus, & etiam si senes sint & decrepiti, robustus, ut de antiquis Iudeorum patribus, nempe Noë, Abraham, Isaac, Iacob, Mose, atq; alijs quam plurimis legimus. Quod sanē donū nostra quoq; ætate, meaq; in religione memoria mihi iucundissima esse solet, præterea, unum ex uiuis cōmemorabo, qui octogesium quintū nunc agens annum, adeo commoda uiuit ualitudine, atq; in moderandis nostris rebus prudentia, & animi uirtute, ut nihil uiridioris in illo desideretur ætatis. Is enim quinquaginta adhuc præfuit annis, præestq; etiamnum cœnobijs, cum ad hanc diem duodecies totam rexerit molē, prijsq; sustentauerit humeris. Id oneris tertio quoque anno illi, qui præsidet, demandatur. Ferunt cordatiores, id totū huiusce collegij nostri corpus, unā cum illius ætate,



**C** tanq̃ solem cum suo cœlo uolui, atq̃ ad occasum properare. Id curent illius uitæ æmulatores. Mihi sat est illud à Deo optare, ut aut celerius quàm ille, si sic rem contingere opus est, ex humanis decedam, aut uana omnino illorum sit opinio, qui hæc uulgò iactitant. Ego enim à copia spiritus, spiritualiũ rerum diurnitatem metiri soleo, à tenuitate uerò interitũ. Sed ad psalmum.

Faciens misericordias dñs, & iudiciũ omnibus iniuriã facientibus.

**C**larius ex hebræo: Facit iustitias dñs, ac uindicat omnes qui patiuntur iniuriam. Apud Hebræos complures nulla hñc fit de misericordia mentio, sed de iustitia seu iustitijs. & est sensus, ut interpretatur Paraphrastes: Iusta sunt quęcũq̃ facit dominus, nec sine summo iudicio premi ad tempus sinet iustos plurimos. Poterat hñc caro queri, imò in spiritũ inuehi, atq̃ illi oblatrare: Quid me diuinorum beneficiorũ memoria obtundis? quid reuiuiscentiã illam aquilæ occultam adducis? quid cæteras adhortationes inculcas, cũ pios cernam homines ita atrociter à malis uexari, ut penè illorũ oblitus appareat Deus? Crux quidem tota est peracerba, uita proborũ in hoc mundo. Hæc sentit caro: secus autẽ spiritus, qui sic suas tutatur partes: Quęcũq̃ erga suos operatur Deus, illa æqua sunt, quid indignaris? an quoniam obstrusa hæc cũ sint, te omnino fugiũt? Est certe quoddam uitæ genus uiuax admodum, ac uirẽs in anima, quod solus ille, qui bonorũ omniũ autor est, absq̃ errore cognoscit. Melioribus enim nititur radici bus res spiritus, q̃ res carnis. Illud cauendum, ne cũ aduersis iactamur, Deo, qui cuncta iustissimo expendit iudicio, obmurmuremus. Ille quidem est, qui eiusmodi malis, bonis alijs longè melioribus, quàm mala illa fuerant aduersa, cõpensare nouit. Erigendus est itaq̃ animus, atq̃, quicquid insidiarũ moliant improbi, ita instituendus, ut persuasum habeat Deum certissimũ esse uindicẽ illorum, qui improborũ iniurijs afficiunt, cum mundoq̃ iniqua cõflictant cõditione. Atqui ne noua, nuperq̃ inuenta huiusmodi cuipiã uideat uiuendĩ ratio, antiqua est, ut antiqua semper fuit Dei pro hominibus cura atq̃ amor. Siquidem

Notas fecit uias suas Moysi filijs Israël uoluntates suas.

De lege ueteri fit mentio, in qua diuinæ conscriptæ fuere ad bene beatẽq̃ uiuendum præceptiones, quas uias hñc Dei uocat spiritus, quippe quæ illius contestantur uoluntatẽ, mentesq̃ uulgi illius à uero iustitiæ itinere deerrantes, rectè à iis præcipiebant. Viã igitur Dei sunt illius mandata, per quæ iter est ad beatitudinẽ. Si uis (inquit dominus Iesus) ad uitam ingredi, serua mandata. Cæterum, uoluntates suas, Hebræi habent, consilia sua, seu studia & opera, ut uertit Felix. quibus sanè, quàm amantissimus semper nostri fuerit æternus pater, latè omnibus patet. Quocirca infertur:

Miserator & misericors dominus, longanimis, & multũ misericors.

Vide quàm suauĩ concentu misericordiæ uocem replicat. Sic Felix: Pius & plenus gratia dominus, lentus ira, & magnus misericordia. Hanc Hebræorũ litteram eò libentius adduxi, quò minori discrucientur scrupulo in interpretanda misericordiæ dictione, ter in hoc uersu posita, rudiores. Magna profectò hñc nobis fidei uis additur, cũ persuasum habemus Deum, qui res nostras actiones cogitationesq̃ discussurus est, pium esse, lentumq̃ ad ultionem, atque impense clementem. Neq̃ id aliter posse contingere certum est, si tamen illud quoq̃ non nescimus, quòd pater est, non hostis & tyrannus. Idcirco

Non in perpetuum irascetur, neq̃ in æternum cõminabitur.

Si pater est, & is quidẽ filiorũ amantissimus, quomodo sempiterna illius erit in liberorũ noxas indignatio, atq̃ ad ultionẽ cõmotio? Legis quippe tempore, cũ cuncta, etiam in ipso religionis cultu, terrifica essent & formidolosa, neq̃ formidinis appareret finis, uidebatur & Dei ira finem habitura nullũ. Visus est tum quidem Deus implacabilis. Verũ suo aduentante filio, bona omnia, clementiam



mentiam maximè & lenitatē, cum illo esse uoluit. Et sanè cum filium suū tradidit, quomodo cum illo quoq; gratiarū omnīū cumulū non tradidisset? Aeternæ itaq; illius nō fuerunt mīgæ, odiq; signa in filios: quoniā, ut inquit Moses, Deus est misericors, & clemēs, patiens, & multæ miserationis, uerax insuper & custodiēs misericordiā in millia: quippe qui iniquitatē aufert, & scelera & peccata. Ideo Non secundum peccata nostra fecit nobis, neq; secundum iniquitates nostras retribuit nobis.

Actum de nobis prorsus esse nō ambigerē, si Dei ultio ac pœna nostra æquaret scelera: si par pari in inferendis plagis referret: si secundum quod meriti sumus, de nobis pœnas sumeret. Verū quia misericordissimus est, si præmia danda sunt, ea omne exuperant meritum; si uerò mulctandus est quispiam, dici non potest, quantū peccatū attenuet, quantūq; inuitus, penēq; tractus puniat. Non rependit igitur in infligendis pœnis, ut nostræ exigunt iniquitates, ac delicta, sed minori illa, quàm iustitia (ut sic dicam) requirit, cōpensat precio, tegitq; quantum potest, si quid peccauimus. Quod rarò agunt animarum antistites & pastores, quibus interdū uolupte est, si quem infamari, palamq; traduci audiunt. quid si illi agunt? nihil fœdius audiri potest. Neque sanè istuc insolitum est Deo, quòd non secundum iniquitates nostras rependit nobis:

Quoniā secundum altitudinē cœli & terræ corroborauit misericordiam suam super timentes se. Quantū distat ortus ab occidente, longè fecit à nobis iniquitates nostras.

Nulla quidem maior in rebus conditis inuenitur dimensio atq; interuallum, quàm illud est, quo cœlum à terra latè dissidet & separatur: uel illo, quod sol ab oriente exiens, properansq; ad occidentem, conficit. Id tamen superat Dei bonitas, quæ nostræ collata miseriæ & pusillitati, altior à nobis fit, abestq; longius quàm à terra cœlum, aut ab occiduis partibus orientales. Imò (prò quanta illius bonitas) nostra adeò à nobis exactè expunxit scelera, longēq; fugauit delicta, ut non maiori intercідatur cœli spacio atq; interstitio oriens atq; occidens. Magna est cœlorum à terris altitudo: sed longè maior est illius misericordia, præ nobis, qui peccauimus. Quid uerendum, o qui pusilli estis animo? nonne in immensum maior illius est clementia, quàm nostra sit miseria, atq; in peccatis proditiuitas? Siquidem

Quomodo miseretur pater filiorū, misertus est dñs timentibus se.

Quis hīc amore nō colliquescit? Vidisti ne unq; patrē (modò pater sit) filij affecti nō misereri: nō illius culpas ferre? remittereq; &, ne resciscant cæteri, obtegere? Eo itaq; modo se Dei erga nos habet misericordia, qua pius se habet pater in ægrotantes filios, aut delinquentes. Cuius quidem rei imaginem pulcherrimo adumbrauit exemplo filij illius aforti pater, qui reuertentem ad cor adolescentem non solum amplexatus est, uerum etiam maximis prosequutus est donis. Verū illud animo expendendum, non cunctis id filiis contingere, sed his tantūmodo, qui Deum ut patrem metuunt & uenerant. Ideo à spiritu dictū est, misertus est dñs timentibus se. Hi enim tametsi sæpe (quæ est mortalitatis humilce infelicitis natura) labunt, in turpissimosq; nonnunq; incidunt errores, attamen boni radices, ob Dei semen insitum, haudquaq; abijciunt. Signum nimirū deploratæ nondum animæ, si peccans à genuino quodam morfu, qui cor continuis tanq; stimulis pungere consuescit monitis, nō abhorret, atq; ut sic loquar, cum Dei metu, & sui horrore atque odio, peccat, peccatq; dispudet. Hos igitur miseratus dominus sua dignatur misericordia:

Quoniam cognouit figmentum nostrum, recordatus est quoniam puluis sumus.



**C** Obserua paternū hūc animū in filios. Quoniā, inquit, illum, qua nos effinxit massa, terrena nimirū, misera, caduca, fragili, nō prāterit, recordatus est quōd puluis sumus, quōd ex limo creti, quōd debiles, quōd infirmi: proinde magna nos lenitate tolerat, fertq; humeris. Quid nī ferat? Nam

Homo sicut fœnum.

Elogium id quidem dignū, quod in ædium frontispicio superborū literis imprimatur geneis. Demessa certē in pratis herba, mirū quā cito naturalem amittat gratiam & uirorē, dictoq; citius in aridissimam collabatur formam. Sic uita est hominis, qui uix in lucem æditus, ad mortē rapidissimo fertur cursu. Ad hæc

Dies eius tanquam flos agri sic effloreat.

Homuncio miserabilis, inquit Campensis, fœno in uita sua similis est, & nō aliter quā flosculus aliquis ad tempus florebit. Nihil ferē in campis tam iucundum aspectu uidet, quā pratū uarijs cōuestitum floribus. Ridere uidentur omnia, ad blandiriq; suo dño. Verū ea breuis est felicitas: etenim q̄minimo percussa solis æstu atq; ardore, perlanguescit illic, totumq; illum pristinū exuit honorē & gratiam. Huic igitur tam labili & caducæ rei æquiparatur ætas hominis ac uita. In uentos penē antea efflatur, quā apparere incipiat.

Quoniam spiritus pertransibit in illo, & nō subsistet, & non cognoscet amplius locum suum.

**D** Ex hebræo, Et nō cognoscet eum amplius locus eius, uertūt. Spiritus quoq; in hoc loco, uentus illis est, & est sensus: Si austeriori uento attactus fuerit flos, marcescet statim, a suoq; euulsus culmo adeo in nihilū relabē, ut ubi egerit, florueritq; ne indicium quidem erit ullum: perinde atq; nūq; uixerit, ē suo excidēt loco. Putas ne maioris esse diuturnitatis uitā hominis? Ex humanis quidem decedentē uana quædam subsequi solet inanitas, cui obliuio comes est, quod si tamē memoria magis umbra, quā reuera memoria interlucet, ea breuis est ac cito desitura. Non subsistet, inquit, nō diu erit, nō cognoscet amplius locū suū, nempe indignū, de quo memoria ulla esse debeat. Cæterū terrenus ne locus a cadauere cognosci poterit? Id propriū est animæ, quæ & ipsa si ad æternam propter scelera coniecta est noctem, humanarum prorsus rerum obliuiscit, nihilq; amplius recordatur præter suam miseriam, quæ cū immortalis sit, immortalis est & ipsa memoria, idcirco perpetuò misera est & ærumnosa.

Misericordia autē dñi ab æterno, & usq; in æternū super timētes eū.

Vniuersalis quidam radius est Dei clementia, omnes afflat, omnes ad lumen prouocat, trahitq;. Verū non omniū una est uoluntas & arbitriū. Volentibus enim suā impartitur lucē Deus, reluctātes uerò abiicit, obfuscatq; magis quā illustrat. Inde est quod nōnulli, etiā ex his qui sapientes uulgò censent ac sancti, adeo interdū turpiter suis in moderandis rebus hallucinentur, ut nihil omnino tum rationis illos habere iudices, obice quidē durissimo, aut superbæ, aut immoderate persuasionis, molli, puroq; spiritus lumini iniecto, quid re sit, quid quod æquitatē referat decerni potest. Perstrepūt magis, qui tales sunt, quā leges cōdunt. Proinde miseri semper sunt, præterq; quod tandē noti ludibrio uulgo habent ac fabulæ. Vult igitur Deus omnes suū ad lumen inuitari, cogi neutiq; sed qui pacato sunt animo ac miti, ut planē sunt Dei timore affecti, facile uocati assentiunt: qui uerò turbido & duro, quæcūq; insuffurat Deus aspernantur, obmurmurantq; ductori. Ergo ab æternis seculis nullū habuit ortū Dei clementia, quippe quæ semper in illo, qui æternus est, inerat, duratq; perpetuò. Siquidem quicquid feliciū in cœlis animorū inuenit, inuenieturq; in posterū, a Dei misericordia profectum est: alioqui in cœlis, neq; angelis, neq; hominibus locus esset ullus. At uerò tandem quales hi sint, qui uerē metuant Deum, subsequens ostendit uersus.



Eti iustitia illius in filios filiorum, his qui seruant testamentum eius, & memores sunt mandatorum ipsius ad faciendum ea.

Iustitia hic Dei, ut aliàs annotauimus, perfectissima illius est natura & bonitas, qua cōdita omnia in lucē sunt adita, seruāturq̃, alunt, atq̃ suo in statu ac natura confirmantur. Quæ quidem Dei benignitas cū omnibus præstō sit rebus, particulari tamen modo in piorum animos influit, deriuaturq̃ tanquā limpidissimus fons aut amnis. Ex quo fit, uisq̃ ea spiritus exoritur, qua fulti uiri Dei, quæcūq̃ ipse mandauit ultrò amplectuntur, pro uiribusq̃ obseruant; tantum abest ut ullus unquam prætereat dies, aut diei momentum, quo non meminerint, ut illa re præstent, mandatorū Dei. Alioqui diuinarum præceptionum quempiam memorem esse, uirtutemq̃ illarū non ignorare, atq̃ alios interdum uel disertissimè docere, nec unquam quod iussum est exequi, ridiculū uidetur. Ampla igitur est Dei bonitas, duratq̃ in his continuè, qui seruant bona fide testamentū eius, pactum nimirū initum etiam in ipso primo ortu cum illo. Nam cuilibet, cū nascitur, lex datur naturæ, atque ad Dei notionem quidam instinctus, ac tenax quædam appetitio: quam postea palàm in baptismo quilibet nostrum aperit, profiteturq̃, ac denuò fœdus illud penè deieratū innouat, ratumq̃ habet. Hisce nihilominus sic se habentibus, tum hoc tum illud scinditur, cōtemniturq̃ à multis. Nulla iam est illorum quæ promissimus memoria, fides nulla. Abieciimus legem naturæ, scriptam fœdauimus, innouatam per Christum frequentius, dissipauimus, reieciimus. Proinde quid nobis, oro, subsidij præstare unquam poterit æterna Dei iustitia ac misericordia, si nos perpetuò miseri esse deuerimus? Heu quantum me meæ pudet, pigetq̃ oscitantia atq̃ obliuionis. Discrucior animo cū in mentem uenit, quòd propterea memores sunt mandatorum Dei electi, ut faciant ea, non ut negligant, non ut auro gemmisq̃ perornata ad studiorum pompam exponant, non ut in scrinijs ociosa seruentur. Et tamen ab ipso legis conditore dici audio, neminem uitam posse adipisci æternam, nisi qui Dei mandata seruauerit. Illud saltem me pungere deberet, quòd

Dominus in cœlo parauit sedem suam, & regnum ipsius omnibus dominabitur.

Non terrenum est solium Dei in terris, hoc est, fallax & corruptum, ut ferè sunt solia mundi omnia, quibus ius est uenale & æquitas: sed in cœlis, ubi omnis abest corruptela, suam firmavit sedem altissimus, cuiq̃ regna omnia subdita sunt, paretq̃ illi dicto, quicquid uspiam conditum est. Quocirca, ô uos quæ celestes spiritus, ô æternæ mentes, talem adore dominū, illiusq̃ obtemperate uoluntati. Eia

Benedicite dominum omnes angeli eius potentes uirtute, facientes uerbum illius ad audiendam uocem sermonum eius.

Est mos his qui aliquid ardentius amant, illud ipsum cupere amari, laudariq̃ ab omnibus, quod ipsi amant. Id quidem passim in toto psalmorū uolumine Vati contingere cernimus, qui Deum super omnia diligens, omni ferè uerbo in illius sese effundit laudes, precaturq̃ cæteros, ut idem gnauiter peragant. Vocat hic angelos, potentes uirtute, tanquam illos, quorum ministerio diuina uirtutis prouidentia ad res difficiles atq̃ arduas peragendas, ut in ueteri lege uisibile obediūt, nihil cunctantes aut deprecantes: ut ignaui solent administri, qui, quæcūq̃ iusseris, obmurmurant & contradicunt. Nihil enim suauius illi habent animi, quàm incunctanter parère. Quare additū est, ad audiendam uocem sermonum eius: id est, ut illius statim pareant iussionibus. Non iniuria Paulus hos uocat spiritus flammam ignis, idem Dauid, idem & ceteri cœlestium rerum



**C** interpretes, ob celeritatē, atq; ad diuina peragenda iussa ardorem. Norma certe hæc est perfectæ in Christo obedientiæ, atq; illius populi; de quo sic pater: In auditu auris obediuit mihi. Monet suos monachos diuus Benedictus, ut expeditis manibus, cum quid iussum est, imperfectumq; quod inchoauerant, relinquentes opus, uicino obedientiæ pede iubentis uocē factis impleant: uult enim iuuenes sic promptos esse ad obedientiā, ut uno simul momēto, & iussio & opus suū habeāt perfectionē. Nouerat enim uir sanctus, illud unum esse remediū ad frānandam in iunioribus maximē petulantia animi, atq; arrogantiam. Addit etiā, quod si impossibilia factu quoq; iniungunt, agant tamen, ac Dei freti subsidio illa aggrediantur. Illud tamen in negotio spiritus cauendum, ne quid temerarium a superioribus, aut parū sibi cōstans, aut ambitiosum præcipiat. Quæcūq; igitur siue in cœlis siue in terris cōdita sunt, laudate Deū, illiq; obedite. Ad hæc Benedicite domino omnes uirtutes eius, ministri eius, qui facitis uoluntatem eius.

Virtutes eius, Hebræis est, exercitus eius, ut sit sensus: quotquot sub illo meretis, quicq; illius consecrati estis religioni, quæcūq; fieri uult ipse, perficite, illūq; non uos, aut uestros adulatoriē principes, laudate. Cœlum, terra, & ipsæ quoq; inferorum sedes, antraq; diuinam testantia iustitiam & seueritatē, illi gratias agite. Quid tandem?

Benedicite dño omnia opera eius, in omni loco dominationis eius.

Omnia, inquit, quæ aut creando, aut redimendo, aut seruando, sapientissimo formauit reformatiq; consilio & prouidentia, siue in cœlis, siue in terris, in loco nimirū dominationis eius, estis, dominū tam pulchri opificij effectorem extollite, ab illiusq; laudibus non cessate. At tu uerò in primis admirabili suæ bonitatis munere ditata, penecq; gratijs obruta,

**D** Benedic anima mea domino.

Qui pater tuus est ac consolator. Cui laus sit atque imperium in secula seculorum, Amen.

PSALMVS CIIII.



Benedic anima mea domino, domine deus meus magnificatus es uehementer: confessionem & decorem induisti.

Idem penè huius psalmi est argumentum, quod superioris: nempe Dei bonitatē & prouidentiam in rebus cōditis cerni posse: idcirco ab omnibus coli debere. O si spiritus Dei suauitatē pernoscerent homines, q̄ ex animo cordis duritiē perhorrescerēt. Infans interdū cum uideo totū ferē orbem in id cōsensisse, ut relicto Deo, cuius cognitio ex his quæ facta sunt, hauriri potest & cōprehendi, in imis potius cōmarcescat, uiuatq; adeo attonitus, ut propemodū nullam prouidentia in cœlis esse opinē. Quod si falsus sum, unde, oro, tanta uitiorum errorumq; illuies? unde amor mūdi? Terrenarū quippe rerū uisco præpediti homines, atq; nōnunq; hi, qui sanctimoniae formā præ se ferre deberent, nihil altū cōtemplari queunt: quocirca peruerso omnia ordine fieri conspiciamus. Nullus in terris iam probitatis locus est, nullus iustitię, nullus religioni; omnes quæ sua sunt quærūt, nō quæ Iesu Christi, nō quæ proximi, nō quæ suæ salutis. O uanas hominū curas. Animus ne cœlestis beatitudinis capax ac particeps, eo se habet modo in terris, ut nihil, q̄ sit in pecude, excellentius in se esse ostendat. Verū ut cæteri sua in causa cōniueant, aut cæcisint, hīc meū audire Iesum mihi libeat, qui meā nō ignorans naturā (melius dicerem naturæ corruptelam) quod mihi quotidie dicendū est, de se ipse dicit: Benedic anima mea dño. De benedictionis uoce nō rarò in superioribus diximus: hīc enim pro prædicare puto possum. & est sensus: Prædica, seu lauda anima mea dominū, illiq; si quid boni in te est,



te est, adscribe. Si quid deinde decoris, aut quod diuinam in hoc mundo referat sapientiā, deprehendis, fer illi acceptū. Siquidem pulcherrimæ huiusce machinæ mundanæ ipse effector est, ac conseruator. Dic igitur, ô anima mea, ac quanto potes maximo atq; ardenti clama effectur: Domine Deus meus magnificatus es uehementer, confessionē & decorem induisti. Hucusq; Hebræis primus est uersus. En quæ de Deo anima rebus cœlestibus assueta, cantare debeat: Domine, inquit, imò Deus, qui cūm uniuersalis sis omnium, meus tamen ob gratiā, quā in me esse cognosco, factus es, quā sublimi euectus es magnificentia: nam gloriosus cūm sis ab æterno in cœlis, nulloq; humano in moderandis rebus egeas præsidio, sed in te manens perpetuò felix sis ac beatus, gloriā nihilominus eandem, decoremq; & laudē ex his quoq; quæ cōdita sunt, ostendi uoluisti. Quare ipsa tuæ gloriæ pulchritudine ac maiestate tanq; chlamyde uestitus, undiq; conspicuus appares. Quam quidem rem, quò explicatior fiat, sic singulatim digeram. In primis enim

Amictus es lumine sicut uestimēto, extendens cœlum sicut pellem. Sicut cortinam, uertunt ex hebræo: seu tentoriū, ut Paraphrastes. Mira hæc res est: ut enim Vates Dei maiestatē, qua nihil stupore dignius, ob oculos poneret, facit eum lumine, nempe rerum cœlestium ornamento amictum, cœlumq; ipsum, intra quam sedeat, expansam ueluti cortinam, substratū. Sunt qui uerba hæc ad ductiles scripturæ sensus referant, qui ut pelles solent, extendi queunt: quod ut piē approbo, ita ineptē exposita in scripturis nō faciliē admitto. quāq; scio cortinæ instar aureæ diuinæ esse legem, in qua Christus, uti sol splendidus & admirabilis, suum posuit domiciliū: quāq; ad piorum refrigeriū & consolationem expandi sua in Ecclesia uoluit, tendiq; funibus ex serico hyacinthinis, coccoq; & bysso. Cuius rei imaginē tunc prælusisse uisa est cruenta illa corporis Iesu in cruce extensio, certa nimirū bene institutarum mentium refocillatio ac solamen. Sed hi uideant quorum interest, ne ineptē, dum sacram legem pro expansa pelle esse sibi somniāt, Christi corpus dilaniēt, proq; Dei filio, Chimæram, aut aliud effingant monstrū. Os, inquit, eius non cōminuetis. Tu enim es, nō nostra temeritas, ô Deus, qui extendis cœlum sicut ornatissimū tentoriū, & qui tegis aquis superiora eius, qui ponis nubem ascensum tuum, qui ambulas super pennas uentorum.

Vides hic supremas regiones cœlorū aquis tegi, & tanq; tabulato cooperiri. Verbum enim quod noster uertit interpres, tegis, uult Felix ex hebræo signare, contignationibus præmunire. Vnde ex eodem fonte sic reddit quidam: Contignas in aquis cœnacula tua. Vult porrò aquas pro nubibus poni, cūm nihil aliud sint nubes, quā crassities exhalationū conuoluta, quæ imbrīum gignendorum uim habeat: quocirca & nubes pro aquis interdum in ueteri maximē testamento legi. Qui ponis nubes ascensum tuum, id ferē uult, atq; qui uteris nubibus pro uehiculo. Vnde sic ex hebræo uerti poterat: Nubes in currum tuum aptas, alisq; uentorum aurigaris. Volas, ait Paraphrastes, uelocius quā si alas haberes ex uento: nempe incredibili uelocitate & cursu. Huiusce quidem rei facies tum cerni datur, cūm cœlum atris obuolutum nubibus, raptimq; à uentis agitatū, scissumq; fulgetris ac tonitruis, ad terras ferri uidetur. Nullum tam durum est cor & ferreum, quod diuinam tunc ostendi potentiam non fateatur, ex clametq; illam Dei manum esse, quæ horrendas illas cœlorum commotiones eleat. Tu es igitur qui ambulas, circumq; ueheris perinde ac si uentorum pennis indutus esses. Tu, inquam, es

Qui facis angelos tuos spiritus, & ministros tuos ignem urentem. Hic uentos intelligas, qui nunc huc nunc illuc, ut uertit Campensis, iussu Dei perflant, conuoluuntq; quæcunq; nacti fuerint obuia, Volunt item ignē urentem.



**C**tem ignita esse fulmina, quorū ministerio diuina utitur prouidentia ad terrorē orbi incutiendū, Solet enim Deus istiusmodi uentorū impetū, tanq̃ nuncios, atq; irā suę legatos, in impios, ut olim in Sodomitas atq; Aegyptios actum fuit, immittere. Diuus Paulus hūc locū de spiritibus angelicis interpretat, Hebræis scribens; Quos quidem spiritus, suos uoluit esse angelos, hoc est nūcios, Deus, suaq; ad peragenda iussa delegauit. Quomodo uerō urens ignis sint, aliās diximus. Quocūq; enim destinant, siue hi boni sint & felices, siue miseri & mali, secum ferūt ignē, hi quidem diuini amoris, illi libidinū & pœnarū. Proinde igneā quandam in angelis uim esse arbitror, quam sedulò ex diuina hauriunt contemplatione, concipiuntq; in sese, ut hi quoq; in terris afficiunt, qui ex assiduis cum Deo colloquijs & amicitia, quæ ex usu oriri solet cōtemplationis, ē limo ac terra in igneam fermē transierūt naturā: illam dico, quæ ab amore profecta, diuina potius quàm humana appellari potest. Verū alio flammārū genere exusti, ad illum cæcutimus ignem, qui ministros suos facit ignem urentem.

Qui fundasti terram super stabilitatem suam, non inclinabitur in seculum seculi.

Sunt qui ex hebræo uerba ea omnia, fundasti, facis, ponis, induisti, tegis, per tertiā personā legunt; sed sensui nō officit. At quomodo, quoue artificio aut miraculo terra fundata sit, in psalmo alio exposuimus, subiūximusq; philosophis illis potius, qui Dei spiritu afflati, ut fuit Iob, locuti sunt, adhibendā esse fidem, etiā in his infimis rerum diffinitionibus, quàm inflatis illis in Lyceo aut porticibus deambulantibus, qui uī potius, & audacia ingenij, quàm spiritus sancti ductu & calore, uarias in orbem adduxerūt hereses; quibus innixi, nullaq; certa in distincti persuasionē, quicquid de rerū origine, motuq; & uita, opinati sunt, mandarūt literis. Super se itaq; seu, super nihilum, ut ait ille, fundata est tellus; quod **D**sanē tanq̃ rem absurdam audire horret philosophus. Verū illud miraculo datum, quod tam immensa terrę moles nullo extero fulta subsidio aut fundamento, perstat immota, nec inclināt in seculum seculi, hoc est, non mouebitur loco ullo unquam tempore; non id tamen prorsus incredibile, nancq; pro fundamento terræ, Dei est uoluntas, ut magnus asserit Basilius. Insuper

Abyssus sicut uestimentū amictus eius, super mōtes stabunt aquæ. Eius, ad terrā refertur. Sic Felix: Abyssus ueluti uestimēto operuit eam, nempe terrā, quam hīc Vates totā initio obtectam aquis fuisse affirmat. De congerie quidem illa confusa, moleq; indigesta, quam dixere Chaos, mentionē hīc fieri duco, qua tanq̃ uesteres omnes in lucem adendæ opertæ fuerant. Vnde additum est, mōtes quoq; aquis coopertos fuisse, nisi forsitan de diluuiō Noë, quod terram totam inundauerit, malis intelligi. Vt uis, hæc omnia diuinā atque æternam testantur potentiā, quæ si iusserit, ut inquit Paraphrastes, supra montes stabunt aquæ, decrescētq;. Vnde infertur:

Ab increpatione tua fugient, à uoce tonitruī tui formidabunt. Ex hebræo, præcipitata sunt, seu festinabunt, nonnulli transferunt. Vocatq; Vates iussionem illam Dei, qua dictum fuit, Congregentur aquæ uniuersæ in locum unum, & appareat arida, increpationē, uocemq; tonitruī, qua congeries illa aquarū coacta, trepidē, ut solent res animatæ, festinantesq; in unum coiuuit locum. Ex quarum quidem abitu, ecce subitò

Ascendunt montes, & descendunt campi in locū, quem fundasti eis. Aquis enim decrescētibus, in uastoq; collectis Oceano, tum uisi sunt montes quodammodo ascendere, uallesq; subsidere, atq; aptam suæ naturæ delegisse sedem. Non campi legunt Hebræi, sed ualles. Iam illud mirum, quomodo in ter aquas posita non obruitur terra, tametsi continua exagitetur undarum sauitia atq; irā, Ea tua est uirtus, ô altissime, qui illis



Terminum posuisti quem non transgredientur, neq; conuertentur operire terram.

Non reuertentē, inquit, amplius, quò terram inundent atq; operiāt, ut prius: quādoquidē frānū illis inieciſti, præſcripſiſtiq; limites, quos ultra progredi nequirēt. Huc uſq;, inquit ſpiritus, tuus erit curſus atq; conatus, ô Oceane. Occultiſſimū id eſt myſteriū, quòd tam diligenter hīc de aquis habet ſermo. Ex aquis enim emeſa eſt uita, atq; mortaliū exorta eſt ſalus, poſtq; è lacero Chriſti latere dulciſſimus tum aquæ, tum cruoris effluxit riſus, quo ablutæ animæ ſunt ac depurate. Sed de his ſatis. Ad te redeo, ô rerum omnium effector. molitorq;

Qui emittis fontes in conuallibus, per medium montium pertransibunt aquæ.

Inter miranda, addo & amœna Dei opera, quæ in terris conſpiciuntur, illud ſuauiſſimū ſemper obuium eſt, quod ex fontiu. amniumq; uſu & oblectamento promanat. Quid proſpectui amœnius, quàm è ſublimi montiu faſtigio uidere fontem tam celerī ad ima ferri curſu, p̄r camposq; diffundi, ac tandem in amnē deſinere, ut penē in illud conniti uideatur, quomodo uſui quamprimū humano cōmodus ſit. Atq; has quidem in primis aquarū fluxiones inter mentes interdum inacceſſos uidere licet. Quis tantæ unquam cōmoditatis autor eſſe poterit niſi Deus? niſi cœleſtis parentis autoritas ac potentia. Tu igitur is ſolus es, ô Deus, qui è montibus fontes in ualles, locaq; humilia demittis, deriuasq; & cōmodiorem nanciſcantur tranſitum, p̄r montes illis ingentes profundosq; cecidiſti aditus. Vnde

P̄rabunt omnes beſtiæ agri, expectabunt onagri in ſiti ſua.

Extinguent onagri ſitim ſuam, uertit Felix. Vide uniuersale aquarū beneficium, quæ locis etiā inuiſis, atq; animantibus ab humano conſortio abhorrentibus, abundē ſuppētunt: ut ferē ſunt onagri, qui naturaliter ſolitudinis appetentia cum ſint, arentes incolunt regiones & ſolitarias. Et id quidem diuinā auget bonitatē, quæ, ne uel in horridis quidem atq; inhospitis ſolitudinū locis deſerere poteſt quin aquas feris quoq; indomitis latē largēq; ſuppeditet. Aiunt onagri (agreſtis is eſt aſinus) propter locorū ariditatē, perennē ſitire: eam ob rem ſitum pro ardenti poni deſiderio. Ita de illo Hieremias ſcribit: Onager aſinus in ſolitudine in deſiderio animæ ſuæ attraxit uentum amoris ſui. Iob rurſus de ſylueſtro illius more loquens, ait: Contemnit multitudinē ciuitatis. Puto hanc feram animi diuini amoris percupidi præ ſe ferre imaginē, cui nihil in terris iucundum eſſe poteſt, præterquā in ocio ac quiete cum Deo colloqui: quod inter turbas ac ſtrepitus haud quāq; fieri poſſe hī norūt, qui inuiti mundū hunc tumultuoſum habitāt: proinde nihil tam ſibi officere experiuntur, q̄ in frequētia hac maximē tempeſtate uiuere, in qua illa plerunq; audiuntur, quæ Deum à corde eximunt, mortemq; uel cū non aduertis, inferunt. Expectabunt igitur onagri in ſiti ſua. Quid expectabunt? Dei ceriē ſubſidium, quod ſanē omnibus, ubicunq; degunt, non poteſt non præſtō eſſe creaturis.

Super ea uolucres cœli habitabunt, de medio petrarū dabunt uoces.

Super ea, nōnulli uertunt, iuxta illos, nempe onagros, quanquam, ea, quoq; legi poteſt, & refertur ad flumina; de quibus ſic Vates ſecundum quorundā uerſionē: Qui emittis fontes in flumina. Verū, illos, ad fontes reſero, ut ſit ſenſus: ſuos amœnas fontiu ripas, teneris in ramuſculis, aut dura in ſilice, ſuos ligētes nidos cœli aues, è medio frondiū, aut è ſaxis cōcauis ſuauiſſimē cantitabūt. Nullus tamē, quod ſciam, ex hebreo tranſfert, de medio petrarū, ſed, de medio frondiū, aut, è frōdib. Cernis ne? (ô cor ſtupidū) cernis ne, inquā, quomodo pulcheri imā uniuerſi ſtructurā tam uarijs perornauit rerū eū minutarū cōmodis, ut planē



**C** nulla adeò obstrusa illius sit pars & incognita, in qua admirabilis non eluceat Dei sapientia, atq; in mortales charitas?

Rigans montes de superioribus suis, de fructu operum tuorum satiabitur terra.

De superioribus suis, uerti poterat, ex nubibus, uel æthere suo; & erit sensus clarior. Etsi enim è largo imbre & pluuiâ, totam irrigari terrâ uidemus, & fœcundari; hîc tamen montiû nominatim meminit, propterea quòd mōtes natura infœcundæ sunt & steriles, ut ex rei difficultate maiorem in Deo esse potentiam agnoscamus; nanq; excellentioris uideat esse uirtutis, saxa aut arentē glaream imbre edomare, q̃ terrâ pinguem & cultâ. Montibus itaq; unâ cum campis ad usum edomitæ humanû, uarij æduntur fructus, quorû ope quicquid fere animantiû in terris degit enutritur. Vnde non absq; ratione dictû est, De fructu operû tuorû satiabitur terra; id est, ut interpretatur Paraphrastes; Ex abundantia frugû, quæ opera tua proueniunt, saturabuntur quæcunq; degunt in terra.

Producens fœnum iumentis, & herbam seruituti hominum, ut educas panem de terra.

Iam cōmoda, quæ propter pluuiam proueniunt in campis, ut ferè sunt, herba, gramen, fruges, uinum, oleum, & id genus alia, narrare incipit; & primû de his quibus alunt pecudes; id fœnû est, quæ propria est iumentorû pabulatio, cum adhuc in pratis cōuirescit; excisum uerò, ad stabulamentû attinet. Quæ deinde sit herba, quæ humano cōueniat usui, puto illam esse quam in sudore uultus parandam esse condixit Deus. Vnde sic reddit Paraphrastes; Prouenire facit sua sponte fœnû in usum brutorû animantiû, & ad culturam hominis reliquam segetem. Quare actutum adiicit, ut educas panem de terra: huc enim tendit labor **D** omnis agrorum, ne desit panis. Felix tamen interiecta coma post herbam, seruituti hominû interpretatur, ad culturam hominis; ut sit sensus, Deum ad uictum animantium suppeditare fœnum & herbam, cultura hominum.

Et uinum quod lætificet cor hominis, ut exhilaret faciem in oleo, & panis cor hominis confirmet.

Simpliciter, quæ hîc de uino dicunt, intelligenda esse censeo. Siquidè modeste haustû, cor mirû in modû recreat; immoderate uerò, obnubilat & obtundit. Ceterû quòd faciē ex oleo splendidâ fieri dicit, ad priscû unguendi morē attinet. Creber enim ac celebris in conuiujs maximè is usus fuit, nec uituperandus quidem; alioqui Christus nunq; Phariseo illi obmurmurât, quòd sibi caput nō unxisset, exprobrasset. At uide Dei beneficentiâ; nō cōtentus enim necessaria uitæ humanæ præstitisse, addidit & illa quæ delicijs magis q̃ necessitati conuenire uidentur; ut sunt ferè odoramenta, atq; preciosorû unguentorû, suffituumq; usus. In his quidem, ut in cæteris, habendæ sunt gratiæ Deo, non noster quærendus luxus & libido, ut nunc fit. Eò quippe iam nostra processit mollities, ut scortis potius ac lenonibus is usui sit mos, quàm pudicis matronis, atque illis quidem uiris, qui nullum alium tam gratum cognoscunt in terris odorem atq; unctionem, q̃ illam quæ ab arbore uirtutû copiose defluit, atq; in animas deriuat. Nihil enim tam sanctû unq; institutû fuit à patribus, quin statim à filijs deprauatum fuerit & corruptum: ut is est usus odoramentorû, uiniq; & earum rerum omnium, quæ recreandæ naturæ humanæ causa inuentæ sunt. Inculcaterum de panis commodo in calce uersus. Penè sibi uisum fuerat de tam utili re pauca dixisse: ideo simulac suas dedit laudes uino, atq; pigmentis, statim addidit, cor hominis, utpote fons uirium, ac receptaculum, panis esu consolidari. Nullum profectò cibi genus est, quo uires hominis fortius reficiantur, quàm pane, orbi ferè toti communi & necessario. Vis porrò illa panis in alendis canibus



canibus incredibilis, quàm laude digna sit, illud est indicium, quòd ædes illæ quamlibet regiæ, ac dominij propè infiniti, in quib. abusus iste est turpissimus, nullo reguntur uitæ modo, qui laudandus sit; nanque inter canes enutriti, caninos de more induunt affectus homines. Sed ad institutum. De alio hîc panedici, quàm sit iste corporeus, nonnulli existimant: & piè quidem, nam illo corpora, hoc uerò animæ refocillantur: uterq; tamen Dei donum est immensum. Sed de his alijs: nos, ut diximus, ad institutum reuertamur. Ad omnia fermè singillarim enarranda commoda pluuia pergit Vates, atq; ait, quòd ex superna aquarum irrigatione

Saturabuntur ligna campi, & cedri libani quas plantauit, illic passer nificabunt, erodij domus dux est eorum.

Ligna campi, uertunt nonnulli, ligna domini, hoc est, ligna excelsa. quæ enim Dei sunt, sublimia sunt, atq; ingentia: ut cedros esse aiunt, quæ in libano monte uastæ admodum proceritatis conspiciuntur. Vnde additum est, quas plantauit: hoc est, ut interpretatur Campensis, tam altè crescunt, ut ipse uideri possit plantasse illas. Parum quidem tam altæ moli arborum conferre posset hominum opera, nisi Deus occultissimū naturæ alimentū subministraret, eueheretq; ad illam, quam cernimus, altitudinem. Pulcherrimæ quidem sunt aspectu, & delectabiles: cui tamen iucunditati non parū addunt decoris auium cantus, quæ in illis nidificant. Proinde dicitur, illic passer, seu melius, ut pleriq; ex hebræo uertunt, uolucres nidificabūt. Ceterū ultima pars uersus subobscura uidet, quæ tamen ex hebræo dilucidior est. Sic illi: Ciconiæ domus abietes. Solet em̃ id genus uolucrum in æditiis locis nidum struere, ut sunt abietes, ornī, cupressus, cedri, fagiq; immensæ proceritatis arbores. Verū quid sibi uelit, dux est eorum, uix auguror, uel eò maximè, quòd nullus ex hebræo, quod sciam, legit dux, sed abies, ut dixi. Ciconiæ, inquit, domicilium abies præbeat. Quòd autem pro erodio seu ardea, ciconiam uertunt, non multum interest quam uocem ap probes, modò id non ignores, utranq; auem ædita, ubi nidificet, loca deligere. Quāq; haud scio an rupes magis & saxa eligat quàm arbores ardea, genus nimirum accipitris, uelocissimi uolatus, ac prædæ infestissimi. Putant quidem a uem illam esse, quam uulgò falconem appellant. O stupendam certè Dei prouidentiam. Vide quid sequitur:

Montes excelsi ceruis, petra refugium erinaceis.

Tam sollicita de his quoq; rerū minutis curā habet Deus, ut uel ipsis belluis æferis parauerit, quòd, si quid aduersi senserint, cōfugiant. Cuiusmodi sunt cerui, damæ, capreaq; syluestres, quæ cū timidæ natura sint, excelsioribus gaudent locis: erinacei uerò & cuniculi, rupibus & cauernis. Montes igitur excelsi refugium sunt ceruis: petra autem erinaceis, uiperis, atq; alijs huius generis animantib. Non hîc silebo, refugiū erinaceis, hoc est, spinosis mentibus, Christus, qui petra dicitur, suppeditare. Felix qui in corde Christi, ubi amor habet, suū habet nidum: felix erinaceus, felix cuniculus, qui in rupe hac tuta inaccessaq; hostibus, suos alit scetus: qui sunt casti animæ conceptus & affectiones. Istaq; tam potens dominus, inter admirandas suæ sapientiæ operationes,

Fecit lunam in tempore, sol cognouit occasum suum.

Mos erat Hebræis, secundum lunę cursum cuncta distinguere ac numerare. Fecit, inquit Campensis, lunā certis modis & temporibus mutabilem. Sol uerò suū nouit repetere occasum tali absq; mutatione. Luna porrò, ut uidemus, cōtinuis circunferē motibus, atq; alternis agit gyris, ut nunc eam pleno orbe intueamur, nūc uacuā omnino, atq; inanē. Sol uerò uniformiter ab ortu ad occidentē proterat: quippe qui eisdē semper ornatus radijs, eò, quò nobilissima illius impellit



**C** natura, quotidie fertur, perstatq; sui semper similis & cōcors. Cæterum mirum quàm etiam nunc nostris inseruiat actionibus lunæ motus. Si pharmacumandum est, si eruendus è uena sanguis, si arbor incidenda, si colligendæ sunt uuæ & fruges, ad lunæ subito recurritur deliquium, oppositionē, coniunctionē, pallorem quoq; atq; obscuritatem. Hæc sanè omnia rectè fieri non est qui ambigat: longa enim rerum experientia deprehenderunt mortales, seruandas omnino esse in istiusmodi rerum actionibus, imò etiam in colligendis cōchis in littore, aut cancris, & ostreis, lunæ permotiones. Aiunt quidem ostreas, atq; id genus conchas, senescente luna inuberes esse, macras, tenues, exustas: crescente uerò, spondylos habere perpingues. Verum lunæ cursum obseruare in his quæ ad animum attinent, stultissimū uidetur: ut in conficiendis quoq; itineribus, aut induendis uestibus, & similibus, quæ superstitionē magis referunt, quàm pietatē. In hisce quidem rebus, quæ ad religionem spectant, nulla nobis cum re animo humano inferiori, debet esse cōmunio aut necessitas.

Posuisti tenebras & facta est nox, in ipsa pertransibūt omnes bestię syluæ.

En aliud mundi ornamentum. Vt enim nox in multis usui sit hominibus, est quoq; cōmodo non mediocri feris, quæ metu hominū per diu in antris, densisq; nemoribus latitant. Talis, inquit, tua est prouidentia, ut positis, iussisq; à te tenebris, fiat statim nox: cuius beneficio sylvarum bestię, quæ hominū causa lauerant, è latibulis exeant. Quinetiam

Catuli leonum rugientes ut rapiant, & quærant à Deo escam sibi.

**D** Clarius ex hebræo: Catuli leonum rugiunt ad prædam. Ea est leonis consuetudo, ut prædam nactus sæuè rugiat. Verum suo more etiam feræ uictum à Deo quærere uidentur, et si ulla illis est cognitio, Deum suum esse altorem agnoscūt & uenerantur. Quærere quidem escam à Deo eas crediderim, cum suo illo utentes naturæ ductu, affectibus inseruiūt sibi ingeneratis: quorū is unus est, quòd

Ortus est sol, & congregati sunt, & in cubilibus suis collocabuntur.

Perinde est ac si dicat: Iterum oriente sole sese turmatim recipiunt, quasi cōgente natura, in antra, ut noctem rursus expectent. Instinctū illum quidem naturæ in feris, quo se per diem à luce subtrahunt, nō tantū illarum datum esse causa arbitror, quantum hominis, qui liberè in agris esse posset, uel inermis. Quocirca additum est,

Exibit homo ad opus suū, & ad operationē suam usq; ad uesperam.

Uidetur terræ usum cōmunicasse cum feris homo, ut illæ quasi hominum timori consulentes interdium quiescerent, nocte ad prædam exituræ: homo uerò nocte quieturus, diem in negocijs ac laboribus consumeret. Atqui hîc mihi comprehendisse uideor, tanq; gemmam auro insertam, secretū quoddam diuinum in uersu hoc uerè aureo interluxisse. Nanq; illud seruatoris dîci arbitror: Exiui à patre, & ueni in mundum. En quomodo exiuit homo ad operationē suā usq; ad uesperam, nempe synagogæ: nam simulac Christus patris opus, quæ est fides, exequutus est in terris, desijt synagoga: qua extincta, Iterum, inquit, relinquo mundum, & uado ad patrem: ubi æterna nunc sedet in caligine, quam eandem esse cum luce illa existimo, quam Paulus inaccessibilem appellat: de qua, tanquā è uerò tenui, illud insusurrari audio, Operamini opus Dei. Hæc itaq; ac altiora, puto, in hoc loco cum pergustasset sanctissima Vatis anima, exclamauit:

Quàm magnificata sunt operā tua domine, omnia in sapientia fecisti, impleta est terra possessione tua.

Quàm magna, inquit, quàm honorifica, quàm admiranda, subindeq; elegantissima uarietate distincta sunt opera tua domine. Summa illa effecta sunt sapientia



ta & consilio: tuq; solus is es, in cuius conspectu nihil, quod casu fiat & fortuitò, inuenitur, sed omnia propria tua sunt, tuq; in potestate perseverant. Tuæ tandem potentia ac dominio tota, quanta est, subiecta est tellus, illiusq; ornatus, & cōmodum. Quod sanè hæcenus, ut potui, stylo sum persecutus: nunc uerò quid cōmodi, quid uè indicij tuæ afferat potentia mare, explicabo. Et quidē

Hoc mare magnū & spaciosum manibus, illic reptilia, quorum non est numerus, animalia pusilla cum magnis.

Solet scriptura res conditas uniuersas trifariam partiri: in cœlum, terrā, mare. Et quia Vates de Dei uirtute & potestate, quæ cū in cœlorum ornatu, tum in terræ cōmodo atq; utilitate resplendet, non nihil dixisset, easdem non minus in mari, propter animantiū uarietate, sed in primis ob uastam cetorū molem, nauigandiq; peritiam, cerni posse scribit. Miratur itaq; Vates, quo rerum miraculo id fiat, quòd hoc mare tam magnum sit ac latum, ut res ferè mundi uniuersas manibus, uinisq; amplecti uideat. Hebrei tamen nō manibus, sed spacijs, transferunt. Vtrunq; maris capacitati conuenit. Sic Paraphrastes: Hoc ingens mare cuius littora tanto à se mutuo distant spacio, innumerabilē habet piscium multitudinē. Penè quidem infinita sunt piscium species in mari. Volunt enim nihil in terris gigni, quod idem in mari non sit, nedum animalia ac plantæ. Sunt, inquit, in mari reptilia & belluæ, quæ carent numero, siue mediocris hæ sint magnitudinis, siue inusitata.

Illic naues pertransibunt.

Nōne id miraculo persimile, tam periculosum procellosumq; aquarū elementum, lembo uix tribus compacto asseribus trañci? Quis porro artem illam admirandam nautarū, ordinemue, atq; ad numeros cōmotam turmam, funesq; & anchoras in mare eiectas leuatasq; ingens nimirum pondus, enarrare sufficit? Maximū id quidem Dei potentia est argumentū: qui tamen ut maximarum rerum autor est, & conseruator, ita nostris interdum iratus delictis, mutat consilium, resq; illas, quæ usui datae sunt homini, in illius uertit exitium: ut nuper Christianorū classi contigit, quæ in Cirtæ obsidione posita, Algirium nunc uocant, tam ingenti disiecta est tempestate, ut centum onerariae desideratae sint naues, triremes quatuordecim, mediocris uerò magnitudinis penè absq; numero. Ead quidem in obsidione hostiū Christi, Christiani passi sunt. O incōprehensibile Dei iudicium. Vnde hæc strages ô Cæsar? Vis ne dicam unde? Ab auarissimi certe orbis dominio, crudeliq; imperio, & superbo. Heu sortem nostram miserandā. Non est quidē tam bene institutus populus, atq; hominū conuentus, cui non præsit rex aut princeps avarus, aut crudelis, aut superbus, aut his tribus simul colligatus funibus & catenis. Si Italiam peragro (ut facilis meæ professionis hominibus mos est, quàm uerò laudabilis, dii nostri uideant) nihil quod sanum sit uideo, nihil non corruptū, non uenale, non cupiditatibus o' noxium, nō se uisissimū. De alijs item orbis regionibus idem sperare audeo. Si hæ Dei inuita nō sunt, quæ alia sunt? Verissimū igitur est, quòd mare hoc magnū munditatis penè refertum est uitiorū monstris, ut stellas numero superent. Et cū sic se res habeant, diræ nimirū & intolerabiles, additus est etiam Ottomannus, Draco iste quem formasti ad illudendum ei.

Ludens in eo, seu, ut ludat in eo, aut rideat in eo, mari scilicet, ex hebræo uertunt: ut interim de serpente illo callidissimo, qui Euæ illudit, fecitq; uaser admodum imposturā, nihil dicam. Sunt piæ meditationes, sed quæ nihil hīc interim. Alius est sensus, is nimirū, quòd bellua ingens maris (cetū aliq; uocant, aliq; leuiathan, aliq; uerò draconē) tanti sit roboris & læuitiæ, ut merus illi sit lusus & iocus, per undas spaciari, perindeq; reliquos insectari piscium globos, ac si illorū esset rex & princeps. Ipsi ceti, uertit Campensis, eas uires tribuisti, ut ridere audeat,



c & contemnere reliqua, quæ degunt in mari omnia. Sic uerti poterat ex hebræo: Leuiathan, quæ formasti ut rideat in ipso, hoc est, in mari; quoniã aiunt illum, ut reddit Felix, cæterorũ piscium dominũ esse. Is dæmonis præ se fert imaginem, cum crudelis sit & inexorabilis; de quo ita Iob loquitur: An extrahere poteris Leuiathan hamo? nũquid multiplicabit ad te preces? nunquid feriet tecum pactũ? Ecce implacabilem dæmonum morem; ecce tyrannorũ naturam, æreque durior rem cum cæteris consuetudinẽ. Fit deterior dæmone homo superbus, qui ceto immanissimo belluarũ comparat, cui lusus sit minutioris gregis homines superpeditare. An uerò hæc sibi uindicauerit partes, uindicetque in præsentia superbissimus Turca, norunt omnes, sed in primis Cæsar, qui cum, iniqua ferè conditione, perpetuũ est negociũ, nec minus quàm arrogans sit, continuis experitur prælijs illius frater. Sed cæteris acerbius Veneti, quæ sibi sempiternũ fore malileum, ex his quæ hactenus passi sunt, diuinare possunt: atque adeo id maxime, quod ipsi inter sese non syncerè res tractant publicas, ut nuper actum est. Nam qui primus à secretis erat senatus, inuẽtus est (scelus) cum Ottomanno ipso consentire, secretaque illi senatus detegere; qui tamen deprehensus meritis luit penas. Siquidem inter columnas illas nobiles atque excelsas, quæ in uestibulo templi diuo Marco dicatĩ mira cernuntur magnitudine, laqueo illi cum nonnullis ex coniuratis gulam fregere. Damnũ aut propter illorũ perfidiã suã allatũ reipub. quis restitueret? Verũ ad benignitatẽ tuam enarrandã reuertor, ô Deus; namque

Omnia à te expectant, ut des illis escam in tempore opportuno.

Hic ferè est epilogus, atque eorum, quæ in superioribus sunt dicta, peroratio. Omnia tandem, inquit, quæ tu sapientissimo formasti consilio, quemadmodũ à te condita sunt, ita à te, ut illis des cibum naturæ cuiusque consentaneum, idque suo tempore, præstolantur, uiuuntque spe ea fulta. Quæ enim ad animantium commodũ & uitam præparasti, ea illo, quem tu sanxisti, perseverant ordine, seruantque temporum rationẽ, ut alia planè re in æstate utendum sit, alia in hyeme uerè ue, aut autumno. Certè

Dante te illis colligent, aperiente te manum tuam omnia implebuntur bonitate.

Hæc sanè ad utrumque ultæ genus attingit. Quæcunque enim expetunt homines, quæ ad usum uitæ, tum carnis, tum spiritus faciunt, ea à Deo sperari debent in primis, non à nostro ingenio aut industria. Dante igitur te, largaque effundente manu, colligimus, collectaque seruamus: imò omne bonũ tua à benignitate nascimur. Non secus enim mundus, ac solet campus florũ amœnitate, atque odore perornari, ac, ut sic dicam, recreari, ex aperta Dei manu passim donorum cœlestium abundantia exhilaratur, exundatque plenissimo ueluti cornu. Sic contra,

Auertente te faciem turbabuntur, auferes spiritum eorum, & deficient, & in puluerem suum reuertentur.

Irato domino concidunt omnia, relabunturque in nihilum. Te itaque faciẽ illam tuam, quæ cunctis dat uitam, auertente, hoc est, te deserente, non seruante, non pascente, non spirante in eis, en turbatio, en mors, en interitus. Potentissimũ sanè nostrũ, si Deo placet, arbitriũ. Quid? si quidem spiraculum illud uitæ, quod primis olim insufflasti parentibus, ab hisce abstuleris animantibus, peribunt illico, atque in terræ limũ, unde ortũ habent, reuertentur. Quid putas nascisci possent, quæ suis conat uiribus in altum euehi, fruique cœlestibus, præterque turbationem, bellumque intestinũ, ac mortẽ tandem? Dante uerò domino, cuncta, etiam præter spem atque expectationẽ, proueniunt bona. Quocirca iterum inculcat Vates:

Emittes spiritum tuum & creabuntur, & renouabis faciem terræ. Nouis hinc rerum successionibus renouari terræ faciem canit propheta. Dixit



rat enim quę accidunt rebus incōmoda ob Dei spiritus absentia: nunc, quę obueniunt cōmoda ob pręsentia, enumerat. Dei itaq; spiritus ea peditus est uirtute, ut non tantum res denuo, recensq; in lucem ædat atq; effingat, uerum etiam perditas aut senescentes redintegret, alteraq; alteri succedere faciat. Ex qua pulcherrima rerū uicissitudine & successione, noua quasi induit facie orbis uniuersus, ut in uerno tēpore uidere licet. De innouatione porro animę quid sentiam, penē dicere erubescō: quandoquidē quiduis aliud magis à nobis quærī uideo, quàm ea, quę ueram illi afferre possint integritatē. Id dicam solum, animę perfectionē à Dei spiritu provenire, non à spiritu, aut arbitrio humano: quod adeo debile est, ut fermē exoletum penitus uideatur. Quare

Sit gloria domini in seculum, lætabitur dominus in operibus suis.

Suo more Vates ad psalmi calcem properans, Dei gloriā attexit: hoc est, tam diuersarū rerum pulchritudinē atq; utilitatē, de quibus nonnulla in toto omnino psalmo differuit, uult à Deo bonorū omniū fonte prodijisse. Agendę sunt, inquit, Deo pro hisce omnib. quę cōmemorauī, gratię: illi sit gloria, illi laus, illi bonos, nō cras dūtaxat, aut perendie, sed semper, quoad uixerimus: nullus prætereat dies, quin totus in celebrando Dei honore impendatur. Nanq; ipse etiā suis in operibus, ueluti artifex in suo artificio, oblectamentū capit. Etenim cū tanta res mūdi olim prouidentia, sapientiāq; molitus sit, impresentiarū uerō foueat, cumulet, innouet, nonne quadā uidet affici uoluptate altissimū? Is quidē est, qui simul ut animę oscitantia & torpore suauißima beneficiorū suorum tum copia, tum memoria excutere haudquaq; ualuit, aliud remedij genus, nemineminarum ac terroris, adhibet: siquidem solus ille est

Qui respicit terram, & facit eam tremere, qui tangit montes & fumigabunt.

Incomprehensibilis Dei potentie id signum est, atq; argumentū. Solo nanq; prospectu, aut leui tactu, terram tremere, montesq; præ metu fumare, atq; in fauillas resolui facit. Quemadmodū enim solem suū oriri facit super bonos & malos indifferenter, ita nonnunq; minis, horrendisq; terremotibus ac fulminibus orbem territat uniuersum. Quę sanē forma est, atq; imago illorū, quę in corde hominū peragūtur. Nullum quippe terroris genus est, quin minus sit illo, quo se lætānt atq; conscientia torquent, & exanimantur. Verū illud me ualde consolatur, quod uita in uoluntate eius. Idcirco

Cantabo domino in uita mea, psallam Deo meo quandiu fuero.

En uotum illud solenne, quod in baptismo latenti sit mysterio. Quandiu, inquit, uixero, meā deuoueo uitam Deo: hanc illi cōsecro, dedo, immolo. Quare, si mihi deinceps lætandū erit, si canendū, si aliquid lucubrandū, is omnis meus erit scopus & subiectū. Ne illi uiuā, si posthac, quod hactenus à me actum non est, & fateor, & doleo, alium admittam uel amorē, uel metum, qui Dei non sit.

Iucundum sit ei eloquiū meum, ego uerò delectabor in te domine. Sit illi gratū meum studiū, meaq; iste lucubrationes, & labor. Non illi insuauis sit meus cātus, & quicquid aut dixerō, aut egero, illi probeſ. Et ut quidē tu, pater, lætaris in operib. tuis: ita ego in te lætabor, de te gaudebo pro te, nō pro mundi cōmodis, exultabo, atq; in te tandē curis liber emoriar. Contrā autem,

Deficiant peccatores à terra & iniqui, ita ut non sint.

Impossibile quippe est Dei religionis studiosum non odisse improbos. Si ciuis suę patrię amantissimus cupit ē medio tolli seditiosos, fures, adulteros, paricidas, ac, quibus maximē euertuntur ciuitates, tyrannos, quis tale detestetur odium? Non ab re igitur de se illud alio in psalmo testat Vates: Perfectio, inquit, odio, nempe maximo & cōsummato, oderam illos. Hic uerò, Extirpentur, ait,



☐ Scelerati isti è terra, radicitusq̃, tanquã noxium gramen, euellant è Dei sanctuario: non sint amplius qui Dei religionem prostituunt, meretricariq̃ faciant. Fac cessat nox, ut sol appareat. Quid cõmercij (uos execror) ô impurissimi, uobis esse potest cum mundissimo Dei cultu? Abite ô transfugæ, mali ciues, inquinati, diffidiosi, pessimi decoctores. Tu uerò tot malis erepta,

Benedic anima mea domino, Halleluia,

Cui laus sit in secula seculorũ. Amen.

PSALMVS CV.



Confitemini domino, & inuocate nomen eius, annunciate inter gentes opera eius.

In superiori psalmo Dei providentiã erga res conditas uniuersas celebrari uidimus: in hoc uerò peculiarẽ illius curam erga suos: eos nimirũ, qui illius credentes pollicitationibus, omni in Deum ferunt nisu & amore, describit Vates. Propterea enim ad religiosos accersebant cœtus & cõuentus prisci illi Iudæorũ procures multitudinẽ, quò Dei beneficia in se exhibita audientes, ad celebrandũ ipsius nomen inardescerent. Delicata quidẽ est rerum cœlestiũ memoria, quẽ nisi frequenter resarciatur refriceturq̃, perlanguescit continuò. Imago fuit, ni fallor, ritus ille, Ecclesiæ, in qua de more laudabiles peragunt ceremoniẽ, sitq̃ fidei confessio, ex qua omne cordis gaudiũ proficiscit. Vultis ne, inquit, audire, quamobrem constructa sint templa, atq̃ erectæ aræ: ut nimirum diẽ noctuq̃ numini seruiatur: quod sanè obsequium nullum penè, nisi sordidũ, esse arbitror, si ullo superstitionis aut proprij amoris nœuo dehonestatũ fuerit. Purissima proinde esse debent quæcunq̃ à nobis offerunt altissimo: alioquin illo loto corde, conspurcataq̃ conscientia Dei edes frequentare, nõ minoris est, ☐ est periculi, quàm si inter dæmones conuerferis ac dormias. Mors quippe est, quicquid inquinato animo, atq̃ infideli, uel in medijs ipsis sacris, egeris. Ite nũc, ô qui uestro, nescio quo, contenti uitæ genere, specie quidẽ candido & mundo, re autẽ ipsa impuro ac sordido, nihil aliud in Dei religione requiri opinamini, præterq̃ rituum magnificentia: qui quidẽ ritus ut laude digni sint, utpote à maioribus sanctis illis quidem uiris ordinati, ita malo illos exequi obsequio ac uano, maximæ indicium est confidentiæ, ne dicam stultitiæ. At uerò turba istiusmodi uulgarĩ hominum, nempe impura & supersticiosa omis̃sa, uos alloquor, ait spiritus, ô quibus nulla antiquior est cura ac studiũ, quàm ut Dei nomẽ passim ab omnibus celebret: Confitemini domino, & inuocate nomẽ eius, annunciate inter gentes opera eius. Sunt uobis res mundi commodæ, laudate Deum. Sunt aduersæ, itidem facite. Non uos ulla deterreat calamitas, nõ iniuriæ, non improborũ mingatq̃ insidię, quo minus in laudanda Dei uoluntate occupemini. Cæterũ si quid uestris in æumnis implorandum erit, Dei nomen implorate, fateaminiq̃ illum esse, à quo sunt, & seruantur omnia. Quocirca annunciate, diuulgateq̃ inter gentes, inter peccatores, inter meretrices, sanctas illius operationes: quandoquidẽ qui sanctiores existimantur id facere renuunt.

Cantate ei & psallite illi, narrate omnia mirabilia eius.

Quæ fecit creando, prouidendo, cõsulendo, ac tandem à morte, mortisq̃ uitore redimendo. Hæc sanè sunt stupenda Dei opera, narranda subinde his, qui in peccatis obdurati uix norunt, an sit Deus.

Laudamini in nomine sancto eius, lætetur cor quærentiũ dominũ. Nulli

Vera tandẽ illa est laus & gloria, cùm quem contigerit laudari in Deo. Nulli dubiũ esse debet, quòd Deus suo in nos spiritu effuso efficit, operaturq̃, si quid in nobis quod spiritum sapiat fieri sentimus. quare, quicquid illud sit, in eum refundimus, illiq̃ gratias habemus, quod est in nomine sancto eius laudari, seu, ut ex he-



ex hebræo uertunt nonnulli, gloriari, ut qui gloriatur, in dño gloriatur. Ac si  
porro tunc de nobis esse non uereamur, cum nobis, aut nostro arbitrio & uo-  
luntati, quod Dei proprium est, assignamus. Id maligni est animi, nequam, atq;  
ingrati omnino. Verum ex illo affectu ac desiderio, quo quis in Dei nomine  
laudari efflagitat, cor exilarescit, atq; in spiritu recreatur. Vnde additū est: La-  
tetur cor quærentiū dominū, qui uerò non quærunt, ut hypocritæ, æterno mœ-  
teant cruciatu, liuoreq; impallescant. Vos igitur, quos hic inuitat spiritus,

Quærite dominum & confirmamini, quærite faciem eius semper.

Confirmamini, in hebræo non est, sed dictio quæ ad Deum refert. Sic Felix:  
Querite dominū & fortitudinē eius. hoc est, fortitudinē à Deo exorate: quod ut  
tatum sit, ipsius primū, ne uestræ providentiæ, uestrisq; consilijs, quæ mortis  
nuncijs sunt, dimittamini, uobis adesse uirtutē desiderate. Iam facies hic Dei, fa-  
uor illius est, aut cognitio. Vnde sic Paraphrastes: Studete comparare uobis fa-  
uorem illius assidue. Anima quidem diuinæ cognitionis percupida, atq; anxia  
inueniendi Dei, non potest in friuolis mundi rebus occupari, sed libero ueluti  
pede, gressuq; expedito in illum, quem supra omnia & quærit & amat, fertur.  
Eam ob rem tarda omnia fastidit in alijs, increpat, urget, orat, cogit tandem, ac  
quantum maximè potest ingeminat: Quid stupidi quæritis? Videntem ne cum  
mortuis? O immemores animos. Quò in illius demum recalescatis dilectio-  
nem penè in uobis extinctam,

Mementote mirabilium eius quæ fecit, prodigia eius & iudicia o-  
ris eius.

Si mirabiliū uertere placuit interpreti, cur non etiā prodigiorū, iudiciorūq;  
sic ex hebræo legunt: Mementote mirabiliū eius quæ fecit, prodigiorū eius, &  
iudiciorū oris eius. Ad memoriā quidē illorū, quæ peculiari gessit cura Deus in  
deserto pro Iudaorū populo, nos excitat: quæ tamen ad historiā illam ueterem  
pertinere uideant, at quā maximis tamen grauida sunt mysterijs: ex hisq; admo-  
nemur, q̃ ingrati semper extiterint homines in suū benefactorē. Vt modò affi-  
ciantur alij, non quæro: de me id fateri possum, quòd nulla alia tam dirè discer-  
por cura & dolore, quàm cum ingratitudinis in benignissimū dñm me reum es-  
se uideo. Ferè id mihi uidef inexpressibile esse delictū: quocirca exhorresco cum  
hæc lego: nam mihi, meiq; simillimis ea dici arbitror. Memētote, ô immemores,  
ô stupidi, ô ingrati gestorū Dei, quæ tam immēsis erga uos perfecit beneuolen-  
tiæ signis & argumentis. Quid ultra potuit facere, & non fecit? In memoriā ue-  
niant portenta illa terrifica, iudiciaq; oris eius. Vocat portenta seu prodigia, si-  
cilia illa horrenda, quibus olim terrefecit Aegyptios, atq; deinde ceteros suo po-  
tulo in festos: iudicia uerò, legem sanctā, quam Moysi dedit in Sinai mōte, nimi-  
um ob id religiosissimo. Iam illud aduertendū, oris sui, ad illud referri, quòd le-  
gimus cum Mose Deum locutū ore ad os, ut solet amicus cum amico suo loqui.  
Quāq; aliam hīc mihi legem ab ore Dei prolatā uidere uideor. Illam quidē da-  
tam fuisse per Angelū diffinit Apostolus, hāc uerò à proprio Dei ore hausimus,  
ipsosq; edocente accepimus. Et aperiens, inquit Matthæus, os suū docebat eos.

Semen Abrahā serui eius, filij Iacob electi eius, ipse dominus Deus  
noster, in uniuersa terra iudicia eius.

In quibusdam ex Hebræorū interpretibus, ô, in principio uersus sic legimus:  
O semen Abraham serui eius, ô filij Iacob electi eius, ille est dominus Deus no-  
ster. Sub his duorum patrum nominibus, omnes fidei filij intelliguntur: nam  
Abraham, de cuius semine ortus est Christus, pater est fidei. Iacob autē uir sim-  
plici uitæ consuetudine & pura, Israël nomen propter immensam in Deum  
fiduciā adeptus est. Israël enim directū à Deo interpretantur. quo sanè tota uita  
Christiani mirabili adumbrata tum fuit uelo. Fides quidem in primis necessaria



**C** est: cor postea simplex & candidū, addo &, quæcūq; contingant, in Deo stabili: quæ perfectissima fidei pars est. Hos igitur per fidem Abrahamæ, cordisq; puritatem Iacob, iam filios Dei factos non nescire cōuenit, quoniam ipse dominus uniuersorū, Deus noster factus est, pater insuper, & is quidem clementissimus: cuius tamen iudicia (ne nomen patris audientes, spe uana illusi peccemus, maledictus enim qui peccat in spe) in uniuerso generatim orbe propagantur. Non is quidem in illa solū aut illa regnat regione & familia, iudicat efficitq; quodcūq; loquitur aut iubet, sed ubiq; omnes illius obnoxij sunt imperio, quod æquissimum est, atq; ullo absq; fidei fuco, &, ut sunt pleriq; hominum, simulatio, ne. Siquidem utcūq; refugiant homines, & reluctantur,

Memor fuit in seculum testamenti sui, uerbi quod mandauit in mille generationes.

Vide constantissimum Dei consilium, atq; æternū in præstando, si quid unq; pollicitus est, propositū. Testamēti sui, pacti sui legunt ex hebræo. De quo quidem pacto ac fœdere cum Abrahamā, Isaac postea & Iacob percusso, non uno in loco narrat Moses. Cuius sanè ea fuit summa, ut ipse illorū esset Deus, ipsi uicissim illius plebs ac populus. Semper id quidē præstitit æternus pater, licet ex parte hominis millies iam fractum sit fœdus, uiolataq; fides, ac iuramentum. Attrahentes enim absq; pœnitentiā, ut inquit Paulus, sunt Dei dona, uiuuntq; illius promissiones: non quod sic meruimus, sed quia recordatus est misericordiæ suæ à progenie in progenies. Quod fermè idem est cum illo, quod hīc asserit Vates: Memor, inquit, fuit eorum, quæ promisit, seruabitq; constantissimè, etiamsi mille sibi succederēt generationes. Verbi dico, haud immemor fuit, quod mandauit in mille generationes:

**D** Quod disposuit ad Abraham, & iuramenti sui ad Isaac. Hoc est: Memor fuit uerbi, nempe fœderis, quod percussit cum Abraham, & iuramenti, quo astrinxit sibi Isaac. Et

Statuit illud Iacob in præceptum, & Israël in testamentū æternum. Clarius ex hebræo: Quod statuit Iacob pro lege, & Israël in fœdus sempiternum, quorū uerborū sensum sic explicat Paraphrastes; Et quia id firmū esse uoluit, certa ueluti lege obligauit se Iacob, & Israël i perpetuo fœdere astrinxit se,

Dicens: tibi dabo terram Chanaan funiculum hæreditatis uestræ. Abrahamæ quidem, Isaac & Iacob, qui Israël est, non tantum promiserat Deus, uerum etiam iusiurando se illis terram daturum Chanaan in funiculum, seu sortem hæreditatis æternæ, firmauerat, quò tandem cunctæ in corū semine (is Christus erat) benedicerent cognationes terræ. Istuc sanè fuit testamentū Dei æternum, fœdusq; interposito iusiurando cum eis initum. Id fuit præceptum illud, ac uerbum, quod mandauit in mille generationes, in omnes scilicet, quò crederent, posteros. Nihil unquā tam exactè ab illis requisit Deus, quā ut istiusmodi crederent promissionibus. Fides igitur semper, uel ab ipso conditarum rerum exordio, necessaria fuit. Vnde non iniuria à Paulo diffinitur, absq; fide im possibile fore, ut quispiam Deo placeat. De funiculis aliàs diximus, quibus metiri fundos consueuerant antiqui, Mensuram pro re mensurata posuit.

Cū essent numero breui, paucissimi & incolæ eius. Et pertransierunt de gente in gentē, & de regno ad populum alterum. Nō reliquit hominem nocere eis, & corripuit pro eis reges. Nolite tangere Christos meos, & in prophetis meis nolite malignari.

Maximum id fuit Dei beneficium. Nam cū numero essent paucissimi, imò præ hostibus nulli, atque in terra illa peregrini uagiq;, etiam cū de regione in  
regio,



regionem transmigrarēt pulsi, fugatiq; è regno ad alterius regni populum con-  
fugerent, illos tamen semper adeo diligenter tutatus est Deus, ut neminem uim  
eis inferre sit passus; quin potius reges ipsos alioqui potentissimos, illorum cau-  
sa diris affecit plagis, dicens: Nolite uel leuiter quidem meos unctos attingere,  
& in prophetas meos, quos tanquam futurorum buccinatores è uulgo delegi,  
ceterò ne sitis iniurijs, nèue maligna in illos machinemini. Quanta hinc gestiunt  
consolatione ac tripudio animæ, quæ Deo nixæ, nihil tam arduum desperatūq;  
accidere posse arbitrantur, quin statim in umbram desinat ac fumum, si iusserit  
ille, qui non tam amplas hominum copias in prælijs, quæ suum ad honorē com-  
parantur (quæ fiunt inter Christianos, nulli sunt Deo honori) requirit, quàm fi-  
dem integram & flagrantem. Quid porro censendū sit de illis, pudet literis man-  
dare, qui cum perfectam uitæ rationem polliceantur, tam molliter tamen ioco-  
sas, nescio quas, ac risu dignas ferunt de gente in gentem, de domo nonnunq;  
tenui in ædes regias, demigrationes, atq; ut ipsi uocant, mutationes, ut penè in-  
saniant, querelisq; adeo immensis & cælum & terram conuoluant, ut Orestem  
te audire fatearis. Parua hi fulti sunt fide; nondū enim id uitæ genus, quod pro-  
miseri, sunt assequuti. Mortui quidē in hoc mundo, quid istas leuissimas inter-  
dum p; necessarias pertimescunt (ut ipsi uocant) iniurias? Viuorum certē is sen-  
sus est, non mortuorū. Quid tam igitur efforminatē res mundi tolerant? an ad-  
huc illos præterit, quod non reliquit hominem nocere eis? Sed iam aliud diuine  
leneuolentiæ signum in populum illum consideremus.

Et uocauit famē super terram, & omne firmamentū panis contriuit.  
Oserua hinc Dei potentiā. Ille enim cuius imperio parent omnia, famem in  
orbem accersiuit, iussitq; annonæ inopia cunctos periclitari. Quò se tunc uerte-  
rent mortales? quò illorū greges? Desperati planè omnes interitū, cum suum,  
tum, quo maximè discruciabantur animo, liberorum, præstolabant. E cælo tan-  
dem respexit dominus, & ne diutius inedia contabescerent,

Misit ante eos uirum, in seruum uenundatus est Ioseph.  
Iam illud, quod penè omiseram, nō prætereundū, quod in fine superioris uer-  
sus legimus, Firmamentū panis contriuit: ex hebræo nōnulli uertunt, uim pa-  
nis, seu uirgam, hoc est, sustentationē, cuius uocis efficaciam sic aperit Paraphra-  
ses: Cum omne illud, quod ad panē conficiendum cōducere solet, perdidisset,  
tum præmisit ante eos uirum. Notat Felix, uirgam illam, seu uim panis, omnia le-  
gumina significare, quò extremā illam fuisse famem intelligamus. Vnde illud  
est Ioseph ad Pharaonē: Consumptura est, inquit, fames omnem terram. Præmi-  
sit itaq; benignissimus pater, quasi illorum præoccupans calamitatē, ante illos  
uirum, nempe Ioseph, qui uenundatus à fratribus ad tantam rerum felicitatem  
euectus fuit, ut tanquam Deus coleretur. A captura igitur tam sancti pueri sa-  
lutem sunt nacti illius uenditores. Ita à Christo capto, à fratribusq; uendito, ex-  
posito, traducto, totius generis humani, quod, ut sic dicam, in sui conditoris ne-  
cem consenserat, salus permanuit. Sed historiæ instemus.

Humiliauerunt in compedibus pedes eius, ferrum pertransijt ani-  
mam eius.

Animam eius, pro corpore animato nōnunquā accipit scriptura. Vel uitam  
intellige, aut mentem, ut quidam legunt. Vi quidem doloris afflictus, penè fer-  
rum, catenas nimirum, quibus uinctus fuerat, ad animam usque admisisse uisus  
est. Ita sanè de illis, qui in maximis constituti sunt pœnis, dicere consuescimus.  
Proinde non absque commiseratione uersus is legi debet: Astrinxerunt, in-  
quit, pedes eius, pueri nempe innocentissimi, & casti, bonjs. quin ferrum ipsum  
horrendum, quo fures solent connodari & homicidæ, puram illius animam  
transuerberauit.



**C** Donec ueniret uerbum eius, eloquium domini inflāmauit eum. Multifariā exponunt hunc locū tum Græci tum Hebræi: mihi uerò illud magis arridet, quod perpauci ex interpretibus attingūt: hi uolunt, eius, ad Deum referri: uerbū uerò, illius esse decretū, quo maturo iam tēpore ad id destinato decreuit Iosephū à carcere eximī, interimq; tanq; aurū in angustijs perpurgari. Si quidem ea semper cunctis Dei amicis lex fuit posita, ut in cruce uiuerent. Sanctione itaq; Dei ac decreto, probatus fuit Ioseph, usquedum tēpus, quod ipse cōstituerat, aduentasset. Tu uide quomodo apuissimū attexuit uerbū dñi eloquio: Inflāmauit, inquit, eum, exussitq; uel usq; ad ossa, tam sanctū iuuenē Deiseruo, qui uita est animæ: imò fax illa, qua perustū cor, totum igneum fit, cōsopituruq; in Christo, qui solus tam casti ardoris capax est, atq; in alios effusor. Verū quid postea factū est, simulac ē Dei uerbo, quo arsit captiuus, diuina ostensa est lux:

Misit rex, & soluit eum, princeps populorum, & dimisit eum.

Magnum id quidem tum potuit uideri, ingentiū populorum principē, miseris squallidūq; captiui rationē habuisse. Misit rex, inquit, postq; Dei uerbum Iosepho innotuisse cognouerat: misit, inquam, qui longo affectū carceris squallore solueret, exoneraretq; catenis. Ille, dico, qui ingētib; dominabatur populis misit nūcios, qui eum liberū dimitterēt. Nec id quidē satis regi uisum est, sed &

Constituit eum dominum domus suæ, & principem omnis possessionis suæ.

Ecce ad quam tandem euehitur sublimitatē oppressa innocentia. Tu eris, inquit Pharaο, super domū meam, & ad tui oris imperium cunctus populus obediet, uno tantū regni solio, te præcedam, & uocauit eum lingua Aegyptiaca, Seruatorem mundi. E uinculis sanē ferreis ad totius terræ Aegypti imperium sublatu; est Ioseph. Quid Aegypti terrā tantūmodo memoror: uocauit, inquit, illum seruatorem mundi. Penē dixit Moses: Hic erit Christus Iesus triginta annis uenditus, captus, infamatus, ab uxore regis, nempe synagoga, ad libidinem prouocatus, ob idq; iniurijs affectus, denudatus, diroq; in ligno occisus, qui humatus insuper ad eam tandem gloriā eleuabitur, ut ad dexteram Dei in cœlestibus collocetur, Iesusq; passim ab omnibus digniori quidem testimonio, quā illud fuit Pharaonis, nuncupabitur.

• Ut erudiret principes eius sicut semetipsum, & senes eius prudentiam doceret.

Sicut semetipsum, in hebræo est, secundum suam uoluntatē. Signum nimirum immensæ illius tum sapientiæ, tum potestatis. Propterea, inquit, ad illam euectus est dignitatē, ut illius parerent dicto nō solum uulgò homines, uerum etiam ipsi Aegypti sapientes & grādeui. Sunt qui legunt ex hebræo, ut uinceret principes secundū suam uoluntatē. Quare sic Paraphr. Liberum fecit illi etiam principes regni conijcere in uincula, quod sanē ad summā illius potestatem attinet. Cætera uerò quæ sequunt, ad doctrinā & institutionē, quam quidē cū de politiori uitæ ratione, tum de unius Dei cultu & religione fuisse reor. Priorē tamen sensum magis probat Chaldeus. Interim autem paternā accersiuit familiā:

Et ingressus est Israël in Ægyptū, & Iacob accola fuit in terra Cham.

In Genesis libro hæc omnia leguntur. Pater tuus, inquit Pharaο ad Ioseph, & fratres tui uenerunt ad te. Vocat Ægyptū terram Cham, idcirco quòd Mizraim filius Cham terram illam primus habitauit post diluuium, cui & patris impietatem in seuit. Ideo cum indignatione is debet legi uersus. Et est ac si diceret: Tam sancta familia impijssimam ingressa est regionem. Iam illud superfluum: dicam tamen ob rudiores, Israël & Iacob eandem præ se ferre personam: atq; his quidem duobus nominibus mirum quā crebrò luscent propheta, ut penē, ni ad-



aduersitas animum, diuersi appareant uiri, cū unus tamen sit, quo omnium fidelium multitudinem, rerum typo atque umbra, sæpenumero uolunt intelligi. Idem igitur erit, Israël em ingressum esse Aegyptum, atque Iacob terram Cham incoluisse.

Et auxit populum suum uehementer, & firmavit eum super inimicos eius.

Firmavit uerbum, nihil aliud hic uult, quàm, superiorē illum fecit hostibus. Quanto porro adaucti fuerint numero in Aegypto, sic in Exodi libro legimus: filij Israël creuerunt, & quasi germinantes multiplicati sunt. & roborati nimis impleuerunt terram. Vide postea quid de illorum senserit robore Pharaos: Ecce, inquit, populus filiorum Israël multus, & fortior nobis est. Verum Deus, qui cuncta sapientissimo moderatur consilio, licet occulto & caliginoso,

Conuertit cor eorum, ut odirent populum eius, & dolum facerent in seruos eius.

Abolita quidem ab ingratissimis Aegyptiorum cordibus prima illa beneuolentiae memoria, pessimo incitantur odio contra Dei populum, fallacijsq; ac dolis pacem illam antiquā inturbant. Verum hæc, Deo autore, qui in suos interdum electos, imò planè semper, qui illos uexent, carnifices immittere consuecit. Venite, inquit, sapienter opprimamus eum. Proinde toto hi errant corde, qui in Aegypto hac terribilissima mundi, absq; Aegyptiorū iniurijs posse uiuere opinantur. At illud summa animi consolatione auditur, quòd Deus est, qui hæc ueri permittit; imò etiā nostram ad probationē promouet. Tantum quęcunq; ille malorum immiserit non deprecantes, æquo feramus animo, simulatq; comperitissimum id iam esse potest, ne uolam quidem manus uerti posse absq; Dei nutu: qui ne suis non præstò esse iudicaretur,

Misit Mosen seruū suum, Aaron, quem elegit ipsum. Posuit in eis uerba signorum suorum, & prodigiorum in terra Cham.

Hæc litera parum aliter in hebræo habet. Sic Felix: Posuerunt in ipsis uerba signorū eius, ut posuerunt, ad Mosen & fratrem referat: in ipsis uerò, ad Aegyptios. Hi itaq; ad illud ædendorum miraculorū munus electi, posuerunt, ædideruntq; inter Aegyptios signa illa, ut à Deo audierāt (id enim significat, uerba signorū) præscriptis nimirū ab ipso uerbis. Quare iussi & uocati, mirandas illas, letalesq; intulerunt plagas Aegyptijs: & id sanè in terra impia Cham, ac superstitiosa. Quæ quidem plagæ eæ fermè fuerunt. In primis enim

Misit tenebras, & obscurauit, & non exacerbauit sermones suos.

Non eo, neq; omnes, quo æditæ sunt ordine, cōmemorant plagæ: uerum nihil id ferè à contemplanda diuinæ bonitatis in suis uirtute & copia, nos retrahit. Parumper igitur ordine omissò, quæ in historijs potissimū requirit spiritus, peruestigamus. Exacerbauit, Hebræi plurali legunt numero, exacerbauerunt: seu, quo clarius erit, nō repugnauerūt, Moses nimirū atq; Aaron, uerbis eius, nempe Dei: hoc est, quicquid illis à Deo mandatū fuerat, non refutarūt. Magna profectò ea fuit uis fidei, duos adhuc rudes homines potentissimū illum regem offendere non esse ueritos. Quocirca non superuacaneū illud fuit dixisse, non repugnauerūt uerbis eius. Caterū de hac plaga scribit Moses, quòd tetra adeò ædensa fuit caligo, ut tribus diebus nemo uidit fratrem suum, nec mouit se de loco, in quo erat. Tu uide misterium: ubicunq; ait, habitabant filij Israël, lux erat.

Conuertit aquas eorum in sanguinem, & occidit pisces eorum, Hæc prima fuit ultio. Eleuans, inquit, uirgam Moses percussit aquam fluminis coram Pharaone & seruis eius, quæ uersa est in sanguinē: & pisces qui erāt in flumine mortui sunt: fuit sanguis in tota terra Aegypti.



**C** Et dedit terram eorum ranas in penetralibus regum ipsorum.  
Hæc secunda fuit plaga, de qua sic Moses: Extendit Aaron manum super aquas Aegypti, & ascenderunt ranæ, operueruntque terram Aegypti. Ex hebræo apertior est litera. Sic illi: Produxit terra eorum ranas, imò regum quoque penetralia, ranas uidelicet produxere. Insuper

• Dixit, & uenit cynomyia, & cyniphes, in omnibus finibus eorum.  
Is uersus duas continet plagas, ordine tamen uerso: prius enim ponenda erant cyniphes, cynomyia postea, quam uocem cum mulcam caninam interpretentur, Hebræis tamē omne genus uolatiliū, insectorūque uenenatorū significat. Et uenit, inquit, musca grauissima in domos Pharaonis, & seruorum eius, & in omnem terram Aegypti. Cæterū cyniphes pediculi sunt, unde morbus est pedicularis, morborū omniū turpissimus, & infamis. Aiunt enim nostra etiā ætate istiusmodi morbi genere interijisse Clementē v. i. Pont. max. Nōnulli uenocensent. Mortalis erat, atque propterea sexcentis, ut cæteri quoque ex uulgo homines, obnoxius mīserijs & ægritudinib. Tertia ea fuit ultio, de qua sic legimus: Omnis puluis terræ uersus est in cyniphes per totam terram Aegypti. Ad hæc,

Posuit pluias eorū grandinē, ignem comburentē in terra ipsorum.  
De hac sanē ultione, quæ in ordine septima est, scribit Moses, quòd tantæ fuit magnitudinis, quanta nunquam antea apparuit in uniuersa terra Aegypti, ex quo gens illa condita est. Cuiusmodi uerò generis fuerit ignis ille totam incendens terrā, puto fulgura, atque alios è cælo delapsos ignes exiisse, qui portentosi magis tunc uisi sunt, quàm nunquam aliàs.

Et percussit uineas eorum, & ficulneas eorum, & contriuit lignum finium eorum.

**D** Hæc enim ad supradictā spectant ultionē. Tam quidem ingens ac grauis illa fuit procella & grando, ut omnem prorsus uastauerit agri decorē, in unum plañē conuoluens exitium, & plantas, & arbores, illas maximē, quæ magis in delictijs habentur, ut uinæ sunt, ac ficus. Et demum, inquit, quicquid arborum intra Aegypti terminos inuentum fuit, depopulata est.

Dixit, & uenit locusta, & brucus, cuius non erat numerus: & comedit omne fœnū in terra eorum, & comedit omnē fructū terræ eorum.

Octauum id fuit uulnus. Atqui, ne addamus lectori fastidium, eademque sæpe repetamus, de hisce infestis pratorum graminibus, ac frugibus agrorū animalibus, in septuagesimo octauo dictū est psalmo. De hac ultione sic scribit Moses: Mane facto uentus urens leuauit locustas, quæ ascenderunt super uniuersam terram Aegypti. Et paulò post: Deuorata est, inquit, herba terræ, & quicquid per morum in arboribus fuit, quæ grando dimiserat. At tandem ad ultimū iam peruentum est exterminium.

Et percussit omne primogenitum in terra eorum, primitias omnis laboris eorum.

Primitias uirtutis eorum, reddunt nonnulli ex hebræo: uoluntque uirtutē hīc sumi pro uigignendi, quæ tunc consumpta fuit in animantibus. Verū Paraphrastes cum nostro penē legit. Sic ille: Percussit omne primogenitum in terris illorum, præcipua omnium laborum, propter quæ in agris colendis sudauerunt. Felix utranque recipit lectionem. De ultima hac plaga sic edisserit Moses: Factum est in noctis medio, percussit dominus omne primogenitum in terra Aegypti, à primogenito Pharaonis, qui in eius solio sedebat, usque ad primogenitum captiue, quæ erat in carcere, & omne primogenitum iumentorum. His itaque mirabili stupendoque ostensis portento, suos coëgit Deus, admonuitque quid opus esset facto.



Et eduxit eos cum argento & auro, & non erat in tribubus eorum infirmus.

Onustos enim spolijs Aegyptiorum, suos uoluit educi Deus. Idcirco sanctissimus fuit dolus ille & fallacia: quia domini id iussu factum: alioqui impiissimū fuisset non obtemperasse. Quaecumq; imperat Deus, omnibus perfecta sunt numeris. Iam illud admiratione dignum, quod in tam ampla proficiscentium multitudine, nemo, nec senes quidem decrepiti, aut in cunis uagientes, malè haberet. Non erat, inquit, in cunctis tribubus eorum languidus. Tunc quidem

Lætata est Ægyptus in protectione eorum, quia incubuit timor eorum super eos.

Quis hic ob tantam, tamq; subitam rerum immutationem, non obstupescat? Nullo quippe adduci poterant signo quāuis horrifico, Aegyptij, ut dimitterēt Dei populū: mox uerò acti plagis, suisq; edocti malis, non solum eos abire permiserunt, uerum etiā uim multa, ut abirent, contendere. Post uerò quā recesserunt, maximo affecti sunt gaudio: si gaudium id dici debet, ingenti ab ærumna & periculo, quod iterum in peiora deuoluantur, ereptos improbos. Non poterant, inquit, fermentari, cogentibus exire Aegyptijs, & nullam facere sinentibus moram. Interim autem ē cœlo pater

Expandit nubem in protectionem eorum, & ignem, ut luceret eis per noctem.

Iam hic primum perpulchra baptismi ostensa fuit imago, quā Paulus rudem ueluti gemmam ē lapillis marinis colligens secernensq; aiebat, Omnes in nube baptizatos esse. De qua quidem nube per diu obscura, noctu uerò lucida, sic sacra habet historia. Dominus precedebat eos ad ostendendum uiam per diem in columna nubis, & per noctem in colūna ignis. Vides quomodo nullo unquam tempore suis nō præsens adest Deus? Siue enim æstu carnis, aut superbia, liuorisq; incendio tanquā infestis solis radijs exuruntur pīj, refrigeriū habent spiritus, qui suæ dulcissimæ consolationis umbra & nube, nostrum contemperare solet ardorem, imò extinguere: rursusq; si frigido cordis affectu, tanquā udis lunæ radijs, in Deum illos ferri contigerit, eundem ipsum non auerfantur spiritum, sed limpidissimum ueluti lumen, faciemq; aut ignem potius ardentissimum, etiā usque ad ossium medullas admittunt: quo animati, ē tetragelidacq; noctis obscuritate in suum demigrant consolatorē, qui lux de luce est æterna, ignisq; conflagrans, cuius nomen Amor est.

Petierunt, & uenit coturnix, & pane cœli saturauit eos: dirupit petram & fluxerunt aquæ, abierunt in sicco flumina.

De istiusmodi diuinę prouidentię erga suum populum signis, in psalmo alio est dictū. Cū esuriret populus, obmurmurareq; in Deum, data est coturnix, pluuicq; de cœlo manna, panis nimirū in aëre angelorum ministerio formatus. Ad hæc, pro illorum potu scissa est petra, ex qua copiosæ adeo fluxerunt aquæ, ut instar fluminis in aridas delaberentur solitudines.

Quoniam memor fuit uerbi sancti sui, quod habuit ad Abraham puerum suum.

Nihil enim tam libenter inculcat scriptura, quā quod Deus, quæcūq; olim contulit beneficia, confertq; continuè, ea omnia naturali sua motus bonitate, non hominū studio, aut arbitrio, impartiri uoluit. Et ut rata magis (ō qui hic pudore nō cōfunditur) ut rata, inquam, magis sua esset uoluntas, hæc omnia promisit patribus, firmauitq; iuramento. Ipse uerò ea præditus est natura, ut fallere nequeat. Quocirca, quæcūq; olim pollicitus est, constantissimè, etsi interdum secus appareat, seruat. Percusso itaq; fœdere cum fidei parēte Abraham, illa fuit



**C**onditio, quòd Deus cōtinuus fidusq; esset hominis custos ac defensor, homo autem illius esset iussionibus adeò obsequens, ut nihil in primis coleret & amaret. Deus enim in sua perstat fide, nihilq; non obseruat; homo uerò abiect condictum, ruptaq; promissionis syngrapha, negauit acta. Verū Deus, quæ optima illius est natura, non periurū rebellemq; infectatus est odio, sed blandè etiam num, eorū memor quæ pollicitus est, illum reuocat, allicit, querit, retrahit. Hinc ideo, nempe à uastissimo clementiæ Dei pelago, ortum habuit, quòd assiduīs affecti fuerint Hebræi cœlitus donis, etsi quamplurimū mumurātes in benefactorum, donatoremq; ipsum unā cum donis fastidientes. Non fuit ulla unquā etas, quin homines Dei clementiā flagitijs atq; impietate uincere cōniterentur. Secus uerò Deus, qui nihil tam optat, quàm ut seruemur, in suo manet cōsilio, patumq; inuiolatū uult esse, decreuitq; uel obluctantē nō auersari animam, quoniam memor fuit, estq; cōtinuò, uerbi sancti sui, pactiq; in iti cum Abraham suo & seruo & amico. Ergo præludia illa nostræ fidei ac religionis tunc primum in Hebræis demonstrans, fouensq; beneficijs, ita se habuit, ut dixi, Deus.

Et eduxit populum suum in exultatione, & electos suos in lætitia. Et dedit illis regiones gentium, & labores populorum possederunt. Vt custodiant iustificationes eius, & legem eius requirant. Halleluia.

**D**Alterius quidem generis fuit gaudium, quo affecti sunt Hebræi, quàm illud quo Aegyptij in profectione eorum. A metu quidem atq; horrore plagarū, orta est Aegyptiorum lætitia: Hebræorū uerò à religione, atq; grata in benefactorem uoluntate: quæ tametsi in rudioris uulgi turba penè statim interierit, in sapientioribus tamē syncera mansit. Verū illud forsan non tam compertū, quarum rerum causa, nobilissima illa ostensa fuerint beneuolentiæ diuinæ signa in ingratum populum, rebellem, contumacē. Harum nimirū, ut resipiscerent, ut Deum quærent, amarentq;, & in signum amoris custodirent iustificationes eius, statuta scilicet, ritus, ceremonias, ac legem tandem eius exquirent, è qua humana omnis descendit iustificatio, quæ est lex spiritus. Ac demū præcipuum illud est amoris, ueræq; pietatis indicium, cuncta, quæ iussit dominus, absq; cunctatione exequi, req;, haud uerbis solum, præstare. Cui laus sit in secula seculorum. Amen.

## PSALMV S C VI. Halleluia.



Confitemini domino quoniam bonus, quoniā in seculum misericordia eius.

Ex inscriptione psalmi, quid sibi uelit spiritus, cognosci potest: laudandum scilicet esse Deum, quæcunq; obueniant. In alio psalmo sic de se testatur Vates: Benedicā, inquit, dominū in omni tempore. Ceterū nulla re alia tam ardentè noster in Deum amor accenditur, quàm si sedulò, diligenterq; illius in nos beneficia mente pertractemus, uoluamusq; animo nostras in illum offensiones, rursusq; illius in nos bonitatē, qua nos felicissima quadā urget contentione, superareq; nitī. Nos quidem nequitia atq; improbitate armati, cum illo concurrere uelle palām ostentamus; ille contrā, clementia ac lenitate. Hæc fermè in toto hoc psalmo uidere licet, dum patrum ingratitudinē diuinis opposuit muneribus ac beneficijs. Verū à Dei laudibus suum orditur psalmū propheta, typus nimirum Ecclesiæ Christi, cuius perfectissima ea est imago & factum misericordia eius. De cōfessionis uoce, quæ Dei præ se fert laudes, diximus aliquoties. Quam ob causam laudādus sit Deus, statim addidit: Quoniā, inquit, bonus, quoniam beneficus, quoniā æterna illius est misericordia, non temporaria, citoq; desitura, ut ea est hominū. Vt cunq; hi tamen fidem frangant, pactaq; uiolent



violens, suo stat nihilominus Deus stabilis infractusq; consilio ac uoluntate, quæ est, ut animas quamlibet rebelles & inquinatas ad sese reuocet, sibiq; recõciliet, atq; in nouam refundat formam. Vnde, oro, tam amplius processit Dei amor ad animam peccatricẽ, cum nullum inter eos similitudinis extet symbolum: Nil sane tali anima turpius potest inueniri, Deo autem nihil sanctius. Quare tota hæc dissimilitudinis atq; inæqualitatis coitio & concordia, à diuina profecta est clementia, quæ eterna est, & certa, licet forsitan nostram ob ingratitudinẽ nobis incognita. Proinde

Quis loquetur potentias domini, auditas faciet omnes laudes eius?

Stupet hinc anima, planeq; in cœlestiũ rerum cõsideratione retunditur: quodam enim audaci conceperat motu atq; affectu, se posse aliquando Dei omnes enarrare operationes, indeq; suam laudandi illius nominis auspicari materiam. Verum cum se impossibilia conari præuidet, in istiusmodi prorumpit stuporẽ. Quis, ô, tam altè raptus inuenitur, qui cuncta Dei opera, potentiamq; illius infinitam, qua condita uniuersa ex nihilo olim effecit, nunc tenet, permeat, moderatur, seruat, plenè, ut res ipsa postulat, eloqui unquã poterit: quis cuncta, unde ipse laudari debeat, recensabit? quis demũ inenarrabilia enarrare tentabit? Satis igitur quod hinc à spiritu dici uideo:

Beati qui custodiunt iudicium, & faciunt iustitiã in omni tempore.

O felices, inquit, illos, qui iustè adeo ac rectè suam instituunt uitam, ut ex Dei præscripto ac lege uiuere meritò diu queant. Iudicium enim ad uitam bene recteq; ordinandã attinet; iustitia uerò ad effectum magis fidei, Dei q; timoris, unde orrum habet sapiẽtia, referri debet. Qui certè istiusmodi ornatũ sunt uitæ paratib; suisq; ad illas disponunt operationes, perfectissimi omniũ sunt, etsi forsitan in disquirendis Dei secretis, tardi & hebetes. Quocirca ad assequendos Dei affatus, inspirationesq; illas, quarum ui cor in Dei amore comburit, pura opus est fide, uitæq; in Dei lege apprimè informata, ne nos nobis nescio quæ cõfingamus operationum auxilia: sancta ea quidem, sed quibus nihil fidere debeamus. Sunt enim scalæ gradus ualdè debiles, nostro quæ solũmodo proficiscunt ab arduis operationes, nempe absq; gratiæ clauo suffixæ: quo sanè remorata, mirũ quantum in alteram priori dissimilem transmigrent speciem: ex sordidis enim mundissimæ efficiuntur. Verum quoniam rem hanc tua à uoluntate, ô Deus, atq; arbitratu descendere non ignoramus,

Memento nostri domine in beneplacito populi tui, uisita nos in salutari tuo.

Hæc est totius fidei nostræ summa, hinc nostræ omnes tendunt preces, studia, labores, ut Dei fiat uoluntas. Cassæ nimirum sunt ac uanæ supplicationes, quæ tali non nituntur consilio, contra sanè illorum morem, qui cum orant ferè indignantur, nisi suæ se Deus cõfestim attemperet uoluntati, temerariq; nonnunq; obsecundet preconi. Hi profectò de more sunt, qui ex meritorum operationum p numero & assiduitate, Deum sibi promereri posse arbitrantur. Humiliauimus, inquit, animas nostras, & nõ aspexisti. Sanctæ quidem operationes ideo sanctæ sunt, quia à Deo proficiscunt, hoc est, ex mera Dei uoluntate proueniunt. Sensus igitur is erit: Memor sis quæso nostri, ô domine, eoq; nos prosequere fauore ac gratia, qua tuum prosequi populũ consuefcis, quidẽ tuamq; nobis impartire salutem. Quod si feceris, non quia sic meruimus, feceris, sed quia tu sic uis, & imperas:

Ad uidendum in bonitate electorum tuorum, ad lætandum in lætitia gentis tuæ, ut lauderis cum hæreditate tua,



**C** Inuise nos, inquit, haud flagello quidem & seueritate, sed suauissima tua, qui Christus est, refocilla salute, quò tuis uideri possit bene cuncta succedere, atq; illorum uotis respondere: facq; me illo frui bono, quo hi fruuntur, quos tu, ut tui essent, de mundo elegisti, ut eo gaudeam lætitiæ genere, quo gentes, quæ suum tibi dederunt nomē, gaudere solitæ sunt: atque ita ab una ex multis diuersorum morum hominibus conflata sorte atq; hæreditate, tibi gratiæ habeantur, lauderisq; ut tua ritè deposcit maiestas. Felix ex hebræo sic uersum transfert: Vt respiciam in bonitate electi tui: ut læter in iustitia gentis tuæ: ut laudem cum hæreditate tua. Puto hîc electum Dei Christum esse, in cuius bonitate ac meritis respiciendum esse à spiritu admonemur. Si quidem boni aliquid è nobis prodire contigerit, id totum Christo condonandum est. Totum dico, ne dum partim nostræ, partim ipsius concedimus bonitati, sordidū fiat ac uenale, quod aliqui totum datum Christo purum erat, atq; illius gratia & bonitate nostrum. Vis ne dicam quid boni à nobis expectari potest?

Peccauimus cū patrib. nostris, iniustè egimus, iniquitatē fecimus. Illud ferè Apostoli hîc mihi audire uideor: Omnes, inquit, peccauerūt, & e- gent gloria Dei: hoc est, cruce Christi, ac morte, quæ Dei præcipua gloria est. de qua quidem sic diuus ait Chrysostomus: Omnis gloria Dei, & omnis salus hominū in Christi morte est posita. Peccauimus (inquiunt etiam perfectissimi uiri) cum omnibus, qui ante nos fuerunt patres. Vide exaggerationē: peccauimus, iniustè egimus, iniquitatē fecimus, hoc est, multifariā iniquitate maculati, sceleratè uiximus: si tamen uita est, in peccatis uiuere, & nō potius periculosissimum mortis genus, certusq; interitus ac damnatio. Hæc dicunt (opinor) à Dei spiritu edocti. Secus alij: O si, inquiūt, fuisset in diebus patrum nostrorum, non essemus socij eorum in sanguine prophetarum. Heu quàm impij fuerunt hi, qui occiderunt Christū, qui Apostolos persecuti sunt, qui martyres tam sæ uè cōtrucidarūt. Nos certè, nostriq; ordinis uiri sanctis incumbunt actionibus, uirtutibus, elemosynis, neminē lædunt, nō occidunt, non scortant, nō alienas, ut hi uulgò impuri, usurpāt uxores, non furant; ieiunamus, affligimur, sanctisq; operā nauamus exercitijs, nihil non agimus, quò ex hominibus tandem dñj efficiamur. Audio, laudoq; modò synceri sint affectus, nempe ab amore proprio odioq; alieno, ab avaritiā, à dolo, à nequitia, à liuore, à fastu, à libidine demum intestina, atque ultionum rabie, liberi sint. Quàm facilè deludimur, quàm uelenter falsa nos decipi persuasione patimur. Verum propositum non deferentes institutum, dicamus, fateamurq; quòd semper, uel à pueris, iniustè egimus, quòd iniquitatem fecimus, quòd

Patres nostri in Ægypto non intellexerunt mirabilia tua, non fuerunt memores multitudinis misericordiæ tuæ, & irritauerunt ascen- dentes in mare, mare rubrum.

Is unus est uersus Hebræis. Iam incipit peccata patrum enumerare, cōtra itēdem perpetuā Dei in illos benignitatē, quò è speculo ueluti nitidissimo queat perspicī, quàm ingrati semper extiterint homines, & hi quidē qui maximis affecti fuerant beneficijs, ut Hebræorum fuerunt patres, qui non solū in Ægypto, cū ab incolis opprimerentur, uerum etiā ad mare rubrum, imò in medio ipso mari, deserto quoq; ubi man pluerat, murmurauerūt, de Dei potentia subuerentes, palamq; Moſen ductorem nempe illorum tam mansuetum, acerbè nimirum reprehendentes. Quid scelestius unquā auditum fuit: quid illa uoce turpius? Melius nobis fuisset seruire Ægyptijs, quàm mori in deserto: discede à nobis, ut seruiamus Ægyptijs. Hi quidem minimè ex animo, quæ pro se gesta fuerant, intellexerunt, serioq; expenderunt: quin potius horum omniū immemores facti, amplam tuæ misericordiæ abundantiam à mente proiecerunt ingratissimi,



atq; in mari, in mari (in. ꝑ) ipso rubro tam ingenti exiccato miraculo, nefandissimè rebellârūt. Tu tamen habita tui magis nominis atq; honoris ratione, q̃ quod eorū peccata deposcerēt, seruaſti eos, ut hinc atq; hinc passim, reꝓ ipsa tua demōstrares omnipotentiā. Quare de te tunc ita testatus es, o immēse, dicēs: Et sciant Aegyptij, quod ego dñs, cūm glorificatus fuero in Pharaone. Pessimè quidē res nostrā haberēt, si Deus nostris irritatus peccatis, dignas pro meritis inferret plagas: nō esset qui diu uiueret. Illorū itaq; etiā reluctantiū curā habuit,

Et saluauit eos propter nomen suum, ut notam faceret potentiam suam: & increpuit mare rubrum, & exiccatum est, & deduxit eos in abyſſis sicut in deserto.

Mira res: nam mare increpito, atq; subinde exiccato, illa per undas, profundissimasq; aquarum uortices & abyſſos complanata perinde fuit uia, atq; si per planitiem in deserto, loco nimirum arenti ac siticuloso, incessissent.

Et saluauit eos de manu odientium, & redemit eos de manu inimici, & operuit aqua tribulantes eos, unus ex eis non remansit.

Ita in Exodi libro legimus, quod fugientibus Aegyptijs occurrerūt aqua, & inuoluit eos dominus in medijs fluctibus, nec unus quidē superfuit ex eis. Preclara hīc norma ostendit fidei, qua sanctissimè admonemur, nullam posse esse hominis artem, atq; in declinandis improborū insidijs prudentiā, nisi Deus sit, qui nos, nostramq; innocentiam de manu hostili, ferociaq; illorū, qui nobis male uolunt, eximat, atq; in eorum caput, quicquid insidiarum moliti fuerant, retorqueat: ut certè quotidianis (ni prorsus stupidi sumus) uidemus exemplis retorqueri. Illud nihilominus consolationi non paruæ nobis debet esse, quod Deus integrè adeo faciem istiusmodi demoliri solitus sit, ut ne odor quidem supersit ullus. Vnus, inquit, ex eis non remansit, quin interiret.

Et crediderunt uerbis eius, & laudauerunt laudem eius. Citò fecerunt, obliti sunt operum eius, non sustinuerunt consilium eius.

Quid sibi uult, Citò fecerunt, uixdum intelligo: nisi fortè ad uitulum, quem sibi fecerūt in Oreb monte, cultum nimirū, ab Aegyptijs, qui boues colere consueuerant, edocti, referas. Hebraeis est, accelerauerunt, seu aliquid simile. Et est uox de incredulis dicta, qui cūm statim nō uident quæ Deus pollicitus est, non credunt, cūm tamen scriptum sit in Esaia: Qui credit non festinet. Idcirco à Vate addit: Obliti sunt operū eius. Heu fidem debilem & nutantē. Non sustinuerunt, inquit, ut faceret, quod facere instituisset: prauertere quodāmodo aduersi sunt Dei consiliū. Quis scit, clamabant, an Deus sit in nobis, uel ne? Vide illorum leuitatē. Viso quidem cōcreti maris portento, atq; hostium internectione, crediderunt uerbis eius, laudesq; illius cecinerūt. Mox uerò, ac si nulla unquā experti fuissent beneuolentiæ signa, ne expectato quidem triduo, quod à traiectione maris ad Maraath aquas intercesserat, Moſen obiurgati sunt dicētes: Quid bibemus? Plena sunt stomacho uerba hæc: proinde inferi, Et murmurauit omnis congregatio filiorum Israël contra Moſen & Aaron in solitudine.

Et cōcupierunt cōcupiscentiā in deserto, & tentauerūt Deum in inaquoso, & dedit illis potionē ipsorū, & misit saturitatē in animas eorū.

Inaquoso pro solitudine posuit, loco utiq; arido, & absq; irriguis aquis. Illud quoq; misit saturitatē, ex hebræo uerti poterat, misit maciem, seu tabem, in corpus eorum. Campensis uerò mortē reddit. Mulctauit, inquit, morte gulam illorum. Quanꝑ saturitatē ad illorū infamiā puto positam, & est ac si dixisset, usque ad uomitū impleti sunt. Id genus concupiscentiarū fuit, quando Man fastidientes dixerunt: O quis dabit nobis carnes ad uescendū? Recordamur pisciū, quos comedebamus in Aegypto gratis. In mentē ueniunt (en ociosæ mentis naufraga



c gium)cucumeres,&pepones,porriq̃,& cepæ,& allia. Data igitur sunt carnes; adductæq̃ maxima copia coturnices. Verū adhuc carnes erant in dentibus eorum,& ecce furor dñi cōcītatus in populū,perculsit eum plaga magna nimis. Et sic,æquissimo libramēto, misit pro pinguedine maciem in animas (animas pro corporibus hebraismus ponit)eorum: nam qui relicto Dei cibo, carnibus laginari concupiuerant, longè diuersa,quàm optauerant,affecti sunt compensatione. Macie quidem & pallore consumpti,meritas dederunt pœnas.

Et irritauerunt Mosen in castris,Aaron sanctū domini. Aperta est terra,& deglutiuit Dathan,& operuit super cōgregationem Abiron: Et exarsit ignis in synagoga eorum,flamma combussit peccatores.

Interitus Dathan & Abiron,qui seditionē contra Mosen cōcītauerāt,in Numerorū libro fusè admodū describitur: hī enim tumidissimo ambitionis uento inflati(uide ambitiosorū morem)populum illum aura leuiorē,in ipsum ducem atq̃ Aaron,Aaron (inquam) sanctum domini,& sacerdotē,adeò acerbè exulscitarunt,ut penè omnes ab eis desciscerent. Verū Deus, qui tamen si ad tempus ambitiosorū fastum atq̃ arrogantīā, ad bonorū profectum tolerare uideatur, si nem tamē illorū infortunijs ponere consuescit, eo maximè tēpore, quo se derelictos suspiciant,iussit,& dirupta est terra(ut sacra refert historia)sub pedibus eorum,& aperiens os suū deuorauit illos cum tabernaculis suis, & uniuersa substantia eorū,descenderuntq̃ uiui in infernū operti humo. Synagogā uocat illorum multitudinē,qui conspirauerāt cum Dathan & Abiron: de quorū plaga legimus, quòd septingēti ac millia hominū decē & quatuor desiderata sunt,absq̃ illis qui perierant in seditione Choræ. Sunt qui synagogā ad uiros illos referāt seditionis autores,qui primarij in synagoga concilij tempore,ut sacri habēt annales, per nomina uocabantur. A superioribus itaq̃ populi (ut nunc etiam est usus)illa orta est seditio,& cōiuratio. Neq̃ satis illud fuit,nam nullo affecti metu qui superfuerant,iterum à domino deficere conati sunt,

Et fecerunt uitulū in Oreb, & adorauerunt sculptile, & mutauerūt gloriam suam in similitudinem uituli comedentis fœnum.

Horrendum uituli conflati scelus memorat:impium sanè illud,ac multis omnino modis Dei populo ac religione indignum. Aspice in quàm immanē ruinus interdū, ob nimiam nostri confidentiā,errorem. Relicto quidem Dei cultu, fractoq̃ iusiurando, ac rupto fœdere,uitulum Aegyptiorū ritu ex ære arteq̃ fusoria conflatum erexerunt,clamantes: Hī sunt dī tui Israhel, qui te eduxerunt de terra Aegypti. Cæterū Oreb, seu Choreb, Sinai mons est,in quo tum Moses duas legis accepit tabulas, quas tamen in montis descensu cum choreas chorosq̃ audisset cantantium coram uitulo, fregit indignabundus. Illi autem inter rim gloriā magni Dei, incomprehensibilis, incorruptibilis, immortalis, cuius maiestate redundant omnia uiuuntq̃, numine illo æterno agitata, cuius uirtutem non ita pridem senserant:eam,inquam,gloriā tam admirandā,cōmutauerunt nō tam in uitulū,quàm in similitudinē uituli,nempe ærei,muti,atq̃ omnino sine sensu ac uita. O ingratos,quàm citò quidem

Obliti sunt Deum, qui seruauit eos, qui fecit magnalia in Ægypto, mirabilia in terra Cham,terribilia in mari rubro.

Ferunt execrabilem illum uituli cultum auari imaginem adumbrasse,cuius Deus aurum est, & argentū. Mirum quàm generatim in id culturæ prolabantur nostri æui principes ac prælati: nihil enim ita assidue auditur,quàm auri no men,aut utcunq̃ corrasarū exactionū & uectigalium, addo & mutuariū pecuniarum uis,ac minæ. Ego potius scortatoribus,uarijsq̃ libidinū monstris inquinatis,uitulū illum præluisse arbitror. Vnde illud est,quòd in auribus armil-  
lisq̃



lisq̃ aureis mulierum coaceruatīs, formam illam conſlarunt deteſtabilē: obliti quippe rerum illarū, quæ ſtupendiſſimo in eorum gratiā geſtæ fuerant miraculo in Aegypto Dei manu, qui toties ſeruauit eos: mira item illa in terra ſacrilega atq̃ impia Cham: ac demum in mari rubro terrifica alia & portētoſa, ex animo abijciētes, in illud impietatis genus collapſi ſunt, ut adoraret pro Deo uiuo mutum bouis ſimulachrū. Quid aliud ab his, qui Deum iam cōtempſerant, agi poſuit: Verūm Deus iam toties laceſſitus, mutauit, ut ſic dicam, mentem:

Et dixit, ut diſperderet eos, ſi non Moſes electus eius ſtetiſſet in conſractione in conſpectu eius, ut auerteret iram eius ne diſperderet eos.

Conſractionē uocat Vates diuulſionē illam, defectionemq̃ populi à Deo, cuius reconciliationis autor fuit Moſes: de quo legimus, quòd reprehendo populo, taliq̃ caſtigato, ob uituli adorationē, elogio, Peccaſtis peccatū maximum: illud adiecit, Aſcendā ad dominū, ſi quo modo quiuero eum deprecari pro ſcelere ueſtro, reuerſuſq̃ ad dñm ait: Aut dimitte eis hanc noxā, aut ſi non facis, dele me de libro tuo, quem ſcripſiſti. Tanti porrò uiri lachrymis placatus Deus, in illam tandem prorupit amoris notam: Dimitte me ut irāſcar contra eos: ex te enim, ne dubites, prodire faciā gentem magnā. Dixerat quidē haud ſemel Deus, ſententiāq̃ firmauerat, ſep̃ opulū illum contūmacē funditus euerſurū. Et feciſſet, ni Moſes, tantus nimirū homo, tam Deo charus, tam ſui gregis amatiſſimus, quod noſtri uix ſufferūt audire paſtores) obſtitiſſet, in medioq̃ ipſo uagationis incēdio ſtans, Dei iram ſedafſet, rēq̃ effeciſſet, ne illos omnino diſperderet. Fuit Chriſti mediatoris umbra, qui ſolus factus eſt Dei atq̃ hominū mediator, diuiniq̃ maceriem inimicitiarū, ut inquit Paulus, atq̃ odiorū, quæ inter hominē, atq̃ illius creatorē interceſſerant, Spreuerunt illi quidem ſuum benefactorem,

Et pro nihilo habuerunt terram deſiderabilem.

Terram auream, terram opimam, terram in qua beneplacitū fuit Deo habitare in ea. Permagnū certē illud fuit ſignum infidelitatis, terram illam tanto deſiderio expetitam, à Deoq̃ toties promiſſam, cōtempſiſſe. Tum uiſus eſt Deus contemni. Quocirca additur,

Non crediderūt uerbo eius, & murmurauerūt in tabernaculis ſuis, non exaudierunt uocem domini.

An murmurauerint inter ſeſe tumultantes, teſtis ſit Deus, qui de illorū perſidia cum Moſe atq̃ Aaron expoſtulans, ait: Uſquequo multitudo hæc peſſima murmurat cōtra me? Vide, mi lector, ſeditioſorū morem, ac ſtrepitū. Conſtituamus, inquit, nobis ducem, & reuertamur in Aegyptū. Utinā mortui eſſemus in Aegypto, & nō in hac uaſta ſolitudine. Peſſimi omniū, nōne melius emori potius in ſolitudine, tutore Deo, quā Aegyptiis ſeruire? Non paruerunt, inquit, mandatis eius, fidemq̃ illius dictis minimē adhibuere: quare iratus, de illis poenas omnino ſumere conſtituit.

Et eleuauit manum ſuam ſuper eos, ut proſterneret eos in deſerto.

Solet eñ qui grauiter ferire quempiā adnititur, manū in ſublime, quò fortius percutiat, extollere. Vnde uolens hic Vates iuſtam Dei fuiſſe ultionē, grauiffimūq̃ illorū peccatū, oſtendere, facit illum acrius in uerba inſurrexiſſe. Sic Paraph. Quare tanq̃ grauiter percuſſurus extulerat in altū manus ſuas contra illos, ut proſterneret illos in deſerto. Alius ex hebræo uertit: Stringebat manū ſuam in eos. Alij rursus uolunt per manuſelevationē iurātis morē exprimi, qui cū iurat, manū in altum tollere cōſueſcat: & eſt perinde, ac ſi dixiſſet: Iurauit ſe illos in ſolitudine proſtraturū. Non diſplicet quoq̃ quod alij hūc afferūt. Eleuauit, aiunt, manum ſuam more illorū, qui idcirco minantur, ne percutiant, ut hi faciunt, qui rei cuiuſpiā conſeſſionē expiſcari conantur. Cōminatus eſt itaq̃ Deus ſe illos ſubuerſurū, niſi ad cor rediſſent. Solet quippe diuina bonitas ua-



**C**rijs uti medelis, ac ad sanandam animam remedijs. Rogat interdum, admonet, minatur quoq; ut hinc uides populo illi suo tam charo cōminatum esse, se illum penitus destructurum.

Et ut deiiceret semen eorum in nationibus, & dispergeret eos in regionibus.

Verum nihil id propemodū: nam nullis cōmoti minis aut plagis, sua in pertinacia persistere.

Et initiati sunt Beelphegor, & comederunt sacrificia mortuorum.

Quomodo, quoue tempore id actum sit, quod eorū semen per regiones disperlerit gentium, tum crebra illorum exilia & captiuitates, tum nouissima melius testari possunt. Nullis quidem sedibus affixi, illò de more properant, conglomerantq; quò uitæ cōmodum, ac securitas eos uocat. Acti nihilominus æquissimo Dei iudicio à bene institutis regionib; ac ciuitatibus, nō desunt qui fugatos colligant, foueantq; & turpissimū in modum ad domesticā admittant consuetudinē, ad ludos ac choreas, ad thorū forsan. Nefas quidem execrabile. Sed hinc mihi tempero, ne me quispiam de mea hac patria dicere suspicaret. Nullis itaq; permoti illi minarū terroribus ac flagellis, sua in duritia permansere, & initiati sunt Beelphegor. Beel, seu Baal, cōmune erat deorum nomē apud priscos idololatrias Hebræis cōterminos: & significat magnum, seu dominū, seu etiam, ut alij uolunt, maritū. Vnde non absq; ratione uerbum, copulauit, in principio uersus positum uidetur, namq; ex hebræo sic legunt nonnulli: Et copulati sunt Beelpeor, aut phegor, ut legunt Græci, tanq; scorto, aut adulteræ. quanq; uerbum initiandi bellissimè hinc quadrare nō ambigo, cum sit sacris, aut re alia quoque imbui. Hinc sacra initia ab antiquis appellata mysteria, ob id, quod his ex agresti quodāmodo uita exculti homines, ad humanitatē formarent. Cæterum quid sibi uelit Peor, nō ita clarū: nisi fortè propterea, quod in illius nominis more apud Moabitas Bel (hunc Priapū fuisse opinant nonnulli) statua colī cōsueuerat. Quocirca non absurda ea est Aben Ezra opinio, qua asserit istud idcirco à Vate dictū, ad exprimendā turpem illorū cōsuetudinē cum mulieribus Moabiticis. quæ causa fuit, quamobrē spurcissimis Baal peor cōtaminarent sacrificijs: quæ hinc Vates sacrificia mortuorū appellat, hoc est, dijs mortuis, & nefandis cōsecrata. Sic em̄ de infausto illorū ausu in Numerorū libro legimus: Fornicatus est populus cum filiabus Moab, quæ uocauerūt eos ad sacrificia sua, initiatusq; est Israël Beelphegor, tanq; re sacra. Ex quo auersi illi à Deo uiuo defecerunt, Et irritauerunt eum in adinuationibus suis, & multiplicata est in eis ruina.

Adinuationes uocat illorum conatus & studia, quibus offensa Dei maiestas alia atq; alia exaggerauit illis mala: sed in primis multa illos peste uexauit. quod nostra habet æditio, ruina, Hebræis est pestis. & si ruina quoq; uox ad pestis effectum referri potest. Quid tantum unquam ruinae secum traxit inter mala, inuexiq; uulgò, quantum latè sparsa pestilentiae lues? Verum nō diutius sauisima illa in plebem debacchata est ultio. Etenim

Stetit Phinees & placauit, & cessauit quassatio.

Placauit, ex hebreo uertunt, uindicauit; seu, ut uult Felix, Executus est iustitiam, nempe Dei zelo permotus. Aptissimo præterea usus est uerbo, stetit: hoc est, se uirum præstitit fortem ac strenuū, qui fornicariū Hebræū unā cum scorto Medianite, ense inguini adacto transfodit. Plaga nimirū, atq; ultio cōuenientissima adulteris, scortatoribusq; ac turpissimo uitio illi, cui (pro facinus execrandum) fauent nonnulli ex his, qui matrimonia deprecant. Placato itaq; Deo cessauit pestis, millibus tamen hominum quatuor supra uiginti desideratis. Et



Et reputatum est illi ad iustitiam in generatione & generationē, usque in sempiternum.

Quandiu enim suo in statu persistat tempus atq; ætas, nulla unq̃ erit posteritas, quæ Phinees zelum æquissimū fuisse non prædicet. Ita quidē de illo sic constatū fuisse dominū legimus: Phinees Eleazar filius auertit iram meam à filiis Israël, quia zelo meo cōmotus est contra eos. Ecce do ei pacem fœderis mei, & erit tam ipsi quàm semini eius pactum sacerdotij sempiterni. Quid tali iustitia à Deo laudata fuit unq̃ sanctius? quid beatius? Putas ne id Dei testimoniū posse adeo exolescere, atq; ab hominū memoria interire, quo minus perpetuū sit, uirūq; de generatione in generationē usq; in sempiternū? Strenui igit̃ uiri illius æquitas, zelus, ac tandē præmiū, æterna erūt, quia à Deo profecta, cuius hīc testimonio laudat̃. Sed quid passus sit Moses propter perfidiam populi, uideamus.

Et irritauerunt eum ad aquam contradictionis, & uexatus est Moses propter eos, quia exacerbauerunt spiritum eius.

Aquæ miraculum, atq; iurgij occasio contra dominū in deserto Sin, notissima est in Numeris. Hīc nō possum non supremū in modum admirari dolereq̃, ad tantam aliquādo mentis infidelitatē, cordisq; inconstantia, potuisse Moſen, cum sanctū scilicet uirum deuenire, ut in elicienda Dei iussu è saxo aqua, nutante uacillantiq̃ protulerit fide: Num de petra hac uobis aquā poterimus elicere? adeo ne tantū possunt murmuratorū linguæ, ut Dei spiritū in sanctorū animis extinguāt? aut saltem opprimāt? Possum id equidē, ut dixi, admirari, mecumq; ut de re nimium acerba conqueri. Veruntamē in hoc eximio & miserabili sanctissimi uiri exemplo cōiectare libet, illud idem aliquando inter perfectissimos quoq; contigisse, cōtingereq̃ nōnunq̃ homines. Quamobrē colligendus est animus, si nostram interdū accidit labefactari uirtutē, pronamq; ad casus infirmitatem, simulac cernimus primos illos patres, tam Deo charos, in nefandissimos prolapsos errores & peccata. Quam porro execrandū fuerit Moſis delictū, ex uerbis Dei cōprehendi potest, qui iratus cōtra illum ac fratrem, istiusmodi promulgauit sententiam: Quia non credidistis mihi (ecce infidelitas) & sanctificastis me coram filiis Israël, non introducetis hos populos in terram, quam dabo eis. Deum igitur ad iram concitauerunt murmuratores illi iuxta aquas contradictionis ac iurgij: nomen nimirum aquis illis impositum à rei euentu, ubi male habitus fuit Moſes illorum causa, turbatusq; spiritu de Dei promissis hæsitauit. Vnde additur: Quia exacerbauerunt spiritum eius,

Et distinxit in labijs suis.

Planē, inquit, perturbauerūt illius animum, idcirco dubijs uerbis loquutus est dicens: Audite increduli & rebelles, num de petra hac uobis aquam poterimus elicere? In mentem tam pijs fratribus tunc uenit populi perfidia, crebraq; in Deum iniuriæ, & offensiones. Ideo ueriti ne ipse populi impietate lacessitus negaret aquas, nutanti tum fide, tum sermone, uerba illa indignabundi protulere. Cuius quidem rei illud fuit indicio, quod bis, anteaquam exirent aquæ, satisq; populo faceret, icta fuit silex. Eam ob rem à promissæ terræ ingressu prohibui fuere. Atqui maximū illorum fuisse delictum, penē ratio demonstrat. Si quidem nihil illis contingere potuisset acerbius. Spe igit̃ illa frustrati, unā cum cæteris diffidentia filijs,

Non disperdiderunt gentes, quas dixit dominus illis.

Imò ipsi dispersi sunt, atq; ab alijs captiui abducti. Vide quid illis per angelū cōminatur Deus. Noluistis, inquit, audire uocem meam, ut non feriretis fœdus cum habitatoribus terræ huius, & aras eorū subuerteretis, quamobrē nolui delere eos à facie uestra, ut habeatis hostes, & dñj eorū sint uobis in ruinā. Mirum



C quanta animi leuitate affecti fuerint Israëlitaë, qui una ferè hora & Deo immenso, & dæmoni turpissimo nomina dederint: fracto quippe fœdere cum Deo, aliam sua sibi sponte ascuiere religionem.

Et cõmixti sunt inter gentes, & didicerunt opera eorũ, & seruierunt sculptilibus eorum, & factum est illis in scandalum. Et immolauerũt filios suos, & filias suas dæmonijs.

Id scandalum fuit, atq; in quod, ut meriti fuerant, impingerent offendiculũ, quod cõminatus est Deus dicens: Et dii eorum erunt uobis in ruinã. Caterũm liberorũ sacrificiũ Moloch à gentibus illis turpissimo celebrabat ritus: quod excreans dñs in suis, sic lege sanciuĩt: Si quis dederit de semine suo Moloch, morte moriatur. Hunc putant nonnulli Saturnũ fuisse. Nefandissimũ sanè & crudele illud fuit sacrificij genus, in quo pater liberos, & hos quidem reluctantes, cœlumq; ipsum clamoribus implentes, excutiētesq; à collo uĩ multa gladium aut securim, ad cruentas idolorũ aras immolarent: atq; ita iugulatis filijs, in charissimam inuenti sunt desæuisse pignora, belluis ipsis immaniores.

Et effuderunt sanguinẽ innocentem, sanguinẽ filiorum suorum, & filiarum suarum, quas sacrificauerunt sculptilibus Chanaan.

Istuc impietatis cõmentũ in terra Chanaan ortum habuit, quo Dei populus miserandum in modum oblectatus, ad tantam animi crudelitatem prolapsus est, ut teneros, uagientesq; in cunis filios, iugulauerit, terramq; innoxio cruentaue rit sanguine. Vnde additur:

Et infecta est terra in sanguinibus, & contaminata est in operibus eorum, & fornicati sunt in adinventionibus suis.

D Quod ex nostris quidã legũt, Et interfecta est terra, error est propter literarũ uicinitatẽ ortus. Nam de pollutione terræ s sanguine oborta sermo hic fit, non de illius interfectione. Visa tunc est tellus, illam execrata abominationẽ, purũ illum cruorẽ infantũ ingratissimè hausisse. Sensit quodãmodo tam dirum factum, scelusq; tum uix auditũ in terris, inuita, qualisq; ingemiscens absorbuĩt. Et fornicati sunt, inquit, tanq; adulteræ legitimo cõtempo uiro, suis in operationib. situ dijsq; ac ad suam ipsorũ perniciẽ adinuentis cõsilijs. Plebs quidẽ illa Deo uno ueluti marito suam spopõderat religionẽ, sed postea alios naçta amatores, Deo purissimo derelicto, spurcissimũ idololatrarũ sequuta est cultum, & amorem. Sanguinibus, ex hebræo uerti poterat, sanguine: nisi malis, sanguinibus, pro frequẽtibus sanguinis effusionibus intelligi. Quocirca excanduit supramodũ,

Et iratus est furore dñs in populũ suũ, & abominatus est hereditatẽ suã. Et tradidit eos in manus gentiũ, & dominati sunt eorũ qui oderũt eos. Et tribulauerũt eos inimici eorũ, & humiliati sunt sub manib. eorũ.

Miseranda ea fuit rerum mutatio: qui nuper à Deo protecti uicinas ferè omnes debellauerãt nationes, mox sua ipsorũ culpa à Deo proiecti, illis parẽre coacti sunt, qui capitali eos odio persequerent. Execratus itaq; dñs populi sui mores, quem suam olim esse hæreditatẽ, & hanc charissimã, quamq; præter ceteras adamaret nationes, iam ab æterno delegerat, mirum in modum in tam turpem atq; impiã illius consuetudinẽ exarsit, abegitq; à sese. Traditi proinde sunt in manus hostiũ, sub quorum imperio afflictĩ, miserè illorum subiecti fuẽre tyrãnidi. Ergo maximæ iræ Dei in populos indicium erit à tyrãnis subigi. Siquidem ubi tyrannus est, ac regnat, ibi omnem malorũ cumulũ inesse cogita. Atqui ut maiorem populi illius ingratitudinẽ exprimeret, facilitatẽ Dei parentis ostendit.

Sæpe, inquit, liberauit eos, ipsi autem exacerbauerunt eum in cõsilio suo, & humiliati sunt in iniquitatibus suis.

Innume-



Innumeris enim tum locis, tum vicibus liberati, ad ingeniū statim rediere, atq; adeo saepe, ut penē impietate, Dei clementiā uoluisse superare uisi sint. Ille quidem, ut antea promiserat, continuis illos fouebat auxilijs ac beneficijs: hi contra, sempiternum numinis consilium inturbare conati sunt. Exacerbauerūt, Hebræi ferē omnes legunt, rebelles facti sunt. Sic Felix: Ipsi uerò rebelles facti sunt in consilijs suis, quorum uerborū sensum sic reddit Paraphrastes: Sua potius quā diuina consilia sequuti sunt. En rebellionis à Deo causā, atq; origo: nempe hominē suos sibi natura ingeneratos uelle sequi motus & consilia, spre- tis interim Dei consilijs, quā in eo uersantur, ut hominem uel reluctante quæ- rat. Verbum porro, humiliati sunt, non ad uirtutē referas, sed ad turpissimā, in quam peccando ceciderant, depressionem & infamiam. Depressi sunt, inquit, propter sua scelera, atq; impiam de Deo persuasionē. At Deus tamen (prò ge- nus pietatis inauditum) adhuc placatur, adhuc miseretur.

Et uidit cum tribularent, & audiuit orationē eorū: & memor fuit te- stamenti sui, & pœnituit eum secundū multitudinē misericordiæ suæ.

Et audiuit lamentationē eorum, ex hebræo uertunt, Campensis autem, etu- latus, seu querimonias. Certē pater, si uerus pater est, non tam unquā obstina- tē inexorabiliterq; in filios excandescit, quin statim rogatus parcat. Secus uerò illos agere cernimus, qui uitrici magis dicendi sunt & mercenarij, quā patres aut pastores, qui ut dii interdum maximis interpellati uotis ac supplicationi- bus, in leuioribus etiā culpis, placari uix possunt. Indiciū id sanē superbissi- mi est animi, ac tyrannici. Vidit, inquit, suorum afflictionē, suspiriaq; pientissi- mis hausit auribus, ut pij solent patres & pastores: memorq; fuit fœderis cum illis facti, licet illi immemores extiterint & ingrati. Pœnitentia igitur affectus est, se suos in angustijs deseruisse: & id quidem, non quòd ullam in eis inuenientiū- tiam, sed quia ipse copiosē misericors est, effecitq; ut gratiā cum illis inirent, qui eos captiuos abduxerant. Vnde sequitur:

Et dedit eos in misericordias in cōspectu omniū, qui ceperant eos.

Fecit, inquit, quæ sua est inexhausta clementia, ut illis hi misericordiā præsta- rent, qui eos in miserā cōiecerant. Non est quidē mediocre id Dei beneficiū, ca- ptiuum quempiam, seu aliquo alio miseræ genere oppressum, habere cōsolato- rem, præsertim illum, sub cuius custodia retineri contingat. Sed duriores nunc sunt homines, quā ut hisce pijs cōmollescere possint exēplis: quam maximis nunc extollunt laudib. qui efferationes sunt in miseros. Sunt ne hi custodes, an carnifices? Quoniā igitur surdi facti sunt istiusmodi miserorū oppressores, tu

Saluos fac nos domine Deus noster, & cōgrega nos de nationibus: Vt confiteamur nomini sancto tuo, & gloriemur in laude tua.

Hi duo uersus uī fidei graues, his optimē quæ in superioribus cū iudicia- rum beneficia sunt enarrata, cōueniunt, ostenduntq; nullam posse esse ærurnā ac aduersitatē tam acerbā, quin tolerāter ferri queat, addita firma in Deum spe, & fiducia. Firmam dico propterea, ob quorundā animi leuitatē: qui tamen nō nihil in Deum sperare uideant, tamē eousq; sperant, quoad eius refrigeriū sen- tiunt & leuamē: cæterū in palæstra uix horulā derelicti, despondent actuiū ani- mum, querunturq; se à Deo neglectos. Salubre haudquāq; id genus est fidei, in quod tamē turpissimē dilabunt homines. Collatis itaq; simul in hoc psalmo Dei donis & flagellis, in spem totū istud soluit negociū, aitq; suo more Vates: Serua nos mi dñe, qui Deus es noster, nosq; uarijs molestisq; à nationib. inter quas iu- stissimo tuo dissipati fuimus iudicio, collige, secernēq; ab illis, ut ullo absq; im- pedimēto, aut nota infidelitatis, tuū sanctissimū laudare possimus nomen: atq; præterea tua in religione occupati, te laudibus, ut par est, & quæ nostra est glo- ria, efferre ualeamus. Hūc quicquid conditū est cōueniat, mecūq; exclamer:



c Benedictus dominus Deus Israël à seculo, & usq; in seculum, & dicet omnis populus, fiat, fiat.

Ex hebræo sic; Et dicat omnis populus, Amen. Halleluia. Omnis itaq; populus generatim laudet Deum, qui omni laude maior est ab æterno & usq; in sempiternum; dicatq; cum Israël, nempe electorum cœto, quæ est Ecclesia in Christo, Amen. Halleluia.

P S A L M V S C V I I.



Onfitemini domino quoniam bonus, quoniã in seculum misericordia eius.

Nobilissimũ id genus est odarum, quod à diuinis laudibus suum habet exordiũ; ut hæc omnino est, quam in præsentia tractare intendimus, cœlestem illam quidem & admirabilem, utpote uario sacramentorũ ornatu, tanq; gēmata chlamyde uestitam; tota enim Christo grauida est, idcirco Dei bonitate atq; misericordia. Hincq; reiecto prorsus suis cum superstitionibus Iudeo, gens sponsæ uestimento assuitur, fiuntq; aquarum dulcium scaturigines, ubi nullum antea uel tenue quidem humoris fuerat indicium. Ponam, inquit, desertum in stagna aquarũ, & terram inuiam in riuos aquarũ. Felix sanè nostra ætas ob Christi præsentia, nisi homines natura ingratißimi, gratiarũ copiam peccando interclussissent. Penè em̃ occlusus est fons, aut saltē superstitionũ rudere atq; excrementis uitiorũ inturbatus. Vix certè an sit spiritus non nescimus. Possumus quidem die noctuq; in Dei laudibus occupari, oreq; ac cantu, ut nunc est usus, uociferari, cor uerò nostrũ quò abijt? quò mens diuinæ lucis capax atq; altrix auolauit? Equidē animus natura cœlestis, nisi prorsus candidus sit, liberq; à carnis contagione in suam ferat originē, laudes, quæ omnino turpes non sint, Deo canere nō potest, licet sanctissimæ appareant & euangelicæ. Proinde uagationes illæ mentis ultroneg, atq; cū rem sacrā facis more uelitū incursiones, à choris penitus laudantiũ Deum expellendę sunt, assuefaciēdaq; est mens ad quietem illā, quæ nuncq; requiescit, donec in Christi sinũ, ubi amor uiuit, demigret. Hæc ferè summa est psalmi, qui quemadmodũ occultissimo mysterio intercalaribus uideñ ludere uersibus, ita res maiorũ ueteres carptim libans, totā Christianorũ Ecclesiā effigiat. Ad hæc eodem utit̃ in hoc psalmo exordio Vates quo in superiori, dicens; Confitemini dño, quoniã bonus, quoniã in seculum misericordia eius. Pluribus omissis, quæ in alio dicta sunt eiusdē principij psalmo, id solum dicam, immensam Dei esse misericordiā, illiusq; bonitatē adeo effusē sparsimq; omnib. in rebus disseminatā, ut in nihilum penitus, nisi illius foræ essent calore, relaberent̃. Vis ea quidem est numinis, ut cuncta suo in statu cōseruet, augeat, animetq; in sese, modò uitæ capacia sint, ac rationis in primis, ut humana est natura, quæ quòd est, quòd uiuit, quòd redemptionē est nacta, ac uitam in Deo, illius debet bonitati, non propriæ iustitiæ, quæ nulla tunc erat: modò aliqua est per Christum, qui suos redemit, & proprio purificauit sanguine. Eapropter

Dicant qui redēpti sunt à dño, quos redemit de manu inimici, & de regionib. cōgregauit eos, à solis ortu usq; ad occasũ, ab aquilone & mari.

Verbo, dicant, addendum est, hymnum, seu laudem. & est sensus: Hi dicant laudem Deo, qui redempti sunt ab ipso. Quidam uertit: Agant gratias Deo redempti. ut expressam hñc esse Ecclesiæ imaginem nō dubitemus, quam Deus à quatuor mundi partibus euocatam, segregatq; à gentium cæterarum perfidia, in unum collegit ouile. Mare hñc positum pro meridie, ut aliàs quoque, clarum est: quanquam interdum pro occiduis partibus usurpatur, sed tunc pro mediterraneo accipitur, quòd est Iudææ ad occidentem. Verũ de mari rubro, qui sinus est Arabicus, hñc intelligi uolunt, quòd ad meridiē est Iudææ. Vnde ex hebræo uertūt quidā, ab Aquilone & austro, qui uentus meridionalis est.



Felix autem apertè, à meridie uertit. Ait itaq; Spōsam Christi è uarijs selectam regionibus, nempe orientalibus, occidujs, meridionalib. atq; septentrionalib. idcirco congregatam esse, ut diuinis uacet laudibus, præludium nimirū patriæ celestis, & beatitudinis. Hi tandem confidenter diuinas celebrant laudes, qui id gratis habent, quòd ex eorum numero sunt, qui redempti sunt à domino. An ita quàm enim uocarentur, unà cum cæteris

Errauerunt in solitudine in inaquoso, uiam ciuitatis habitaculi non inuenerunt, esurientes & sitientes animā eorum in ipsis defecit.

Vide impij cordis inanitatē; nullo etenim affectū spiritus refrigerio, perlanguescit, sicut tanquā ager siticulosus ac sterilis. In inaquoso, transferunt, in uia inculta, nempe dumis obsita, atq; interrupta. Incōmodorū quidem, quibus maxime affliguntur hi, qui uastas peragunt solitudines, meminit Vates: quòd perspicuum magis sit, quāta teneantur rerum spiritaliū inopia, qui à Deo alienati suo ferunt arbitrio, errabundo quidem & uano, dum suum est. Eos itaq; errare necesse est, esurire, sitire, ac nulli affixos domicilio, temerè, atq; ulla absq; unquā perueniendi spe ubi animus est, uagari. Solent enim qui in desertis locis iter habent, summa affici desperatione & mœrore, si aberrare contigerit. quocirca ut exitum istiusmodi exprimeret affectū, illud intulit, quòd uiam ciuitatis habitaculi non inuenerunt: quare animā eorum in ipsis defecit. Verum non omnino recordes facti, tantillum collegerunt halitum,

Et clamauerunt ad dñm cum tribularētur, & ex necessitatibus eorū liberauit eos, & eduxit eos in uia rectā, ut irent in ciuitatē habitationis. Immensæ id est consolationis plenum, cum recolit anima, se à suo nō posse ge-  
more diutius deferri, modò se errantē agnoscat, atq; illius imploret auxiliū, qui semper instructissimis præstò est copijs. Clamātes igitur, ut olim ueteres illi in solitudine actitarunt Hebræi, benignissimus exaudit dominus, illosq; de angustis ereptos fouet, consolatur, in ciuitatēq; habitationis, locum uidelicet tutum, quo tam imprudenter deerrauerant, inducit. Quid tum ab hospite liberali, du-  
moreq; fidissimo putas agi? Mensa sui uerbi cibo, potuq; Evangelico perornat, quā famē illam & sitim, amenti in solitudine contractā, sedare queāt. quæ sanè so-  
ludo inuia atq; inhospita, erat mundus, qui fame, sicut iustitię cōtabescens, iter quod ad ciuitatem, quam Dei gratiam esse arbitror, perducit, ignorabat. Via-  
tor erat anima, dux Christus, ad quem quidem nemo unquā accessit, quem pa-  
tis gratia prius non attraxerit. Quapropter

Confiteant dño misericordiæ eius, & mirabilia eius filijs hominū.

Quia satiauit animā inanem, & animam esurientē satiauit bonis. Intercalaris is primus est uersus, qui quartò repetit in hoc psalmo, more sanè eorū, qui istiusmodi metri genere ad flagrantē mentis æstum atq; ardorē com-  
monstrandū utunt. Vide pium animæ motum in Deum. Gratias, inquit, agant domino illius misericordiæ. Felicissimū profectò studiū. Vin' scire quales sint Dei misericordiæ? Sunt publicani, sunt meretrices, sunt id genus alij, qui Dei cle-  
mentia seruati, suum laudant seruatorē, colunt ex animo, ueneranturq; atq; illi gratias referunt. Hic locus hypocritis est nullus, qui suo seruari se posse marte-  
diant. In illis quidē non laudat Deū illius misericordiā, qua seruari renuūt, sed opera, quibus absq; fide laudari posse Deum somniant. Fides quidem, qua po-  
tissimum seruantur homines, nulla est, si desit misericordiæ Dei persuasio. Ad hæc, opera tanto sanctiora sunt, ac Dei spiritu digniora, quanto à fide certius, quod Dei donum est, proficiscuntur. Hæc igitur laudare Deum possunt, cetera uerò uituperant, atque ad iracundiā prouocant: quæ etsi mirabilia forsan uulgò apparent, tenuia tamen sunt ac nihili, quia in peccatis acta; nostra autē, hoc est,



c *syncerè Deum colentium, mirabilia prorsus & stupenda, quæq; filijs, ut inquit Vates, hominum narrari debeant, quia sancta sunt & salutaria: his enim nitiur iusti uiri anima, in his uiuit, in his sese oblectat. Cæterū mirabilia Dei sunt quæcūq; ille in suorum gratiam operatus est, creando, redimendo, seruando, glorificando. Quæ omnia filijs hominū, qui humanis etiā nū reguntur affectibus, quò in diuinum inardescant amorē, inculcanda sūnt (non ea, quæ nisi ieiunitatē spiritus afferunt, licet sanctissima uideantur) ut & ipsi laudare queant Deum, quia satiauit animā inanē Dei gustu, ac fide, illamq; fame periclitantē impleuit bonis illis, quæ fures non furantur, neq; tineæ blattæq; ignauæ demoliuntur. Atq; hæc quidem omnia à Dei manant misericordia, quæ, ut est benignissima illius natura, subleuat refocillatq;*

*Sedētes in tenebris, & umbra mortis, uinctos in mēdicitate & ferro. In mendicitate, nonnulli uertunt, in afflictione. Vnde sic quidā: Cū uincti & afflicti essent ferro, nempe ferreis catenis ac repagulis. Certè de peccatorum catenis hīc dici puto, ex his quæ præcesserunt. Siquidē nullum tam sæuum esse tenebrarū genus & catenarū iudico, quod cum peccatis, obscurioribus natura, quàm ipsa sit nox, conferri queat. Sed & peccatū mortē ipsam, ueluti umbra se corpus, sequitur. Umbra igit̃ mortis ipsum est peccatū, sub qua sanè umbra sedere hos dicit Vates, qui longo peccandi usu & consuetudine, tanquā angues udo in loco, cōmarcescunt, proprioq; enutriunt succo & ueneno, quæ sunt malæ appetentię, prauaq; desideria, ac conspurcata mens. Causa uerò ea esse uidet̃:*

*Quia exacerbauerunt eloquia Dei, & consiliū altissimi irritauerūt. Apertius ex hebræo uerti poterat: Quia abiecerunt sermones Dei, & consiliū altissimi contempserunt. Atqui malorū omnium origo indubitata hæc est, Dei uerbi contemptus, atq; sapientissimi illius consilij, quo gratis omnibus salutem impartiri pollicitus est, neglectus. Etenim in Dei uerbo uita est animæ: eo abiecto, quò se conferat infelix. Quoquouersum se uertit, tenebrę statim apparent densissimæ, atq; umbra mortis. Proinde siti acerbissima torqueri illum necesse est, ac tandem emori, qui ex se seruari posse opinatur, cuiq; nihil omnino suffragari potest diuina lex, quæ est lex uitæ in Christo Iesu, qui in se nostrā ponendam esse salutem, ac uitam, æterno decreuit consilio. Sinē me, inquit, nihil potestis facere. Quòd si tamen nostrum nonnihil quoq; posse in re salutis arbitrium per gratiā sanatum cōtendunt homines, illud ne negabunt, uim illam à Deo esse, atq; ut aliquid ualeat ab ipso iuari. Ergo per gratiam & sumus, & ad salutem, quæ in Christo sita est, erigimur, nanciscimurq; tandem per ipsum illud, ad quod assequendū nostra omnino tarda est uoluntas, in qua tota uis est arbitrij collocata, uel potius relicta: qua qui plus quàm par est nitunt̃, Dei uerbum, consiliūq; paruipendunt, atque ideo in cæco errant labyrintho, semper uagi, instabiles, atq; ad lapsus procliuiissimi. Tantæ quidem impietatis signum est, nimia de nobis confidentia, qua qui affecti sunt uiciniori imminēt ruinæ, quàm alius quiuīs maximo in uitæ discrimine constitutus. Ac de illis quidem, quæ mox sequuntur, dici puto:*

*Et humiliatum est in laboribus cor eorum, infirmati sunt, nec fuit qui adiuuaret.*

*Horrendū id est periculi genus, cū quis supra uires afflictus, opem implorat, nec inuenitur qui manum porrigat. Actum de illo prorsus esse conclamant omnes. Ita olim murmuratori populo in solitudine contigisse legimus. Clamauerunt, inquit, ad dominum, nec exaudiuit eos. A Deo quidem sua sponte alienati, quem alium finem suis æumnis expectare potuerunt. In omnem certē uitę confusionem prouere illos, qui huiusmodi sunt, necessariū esse cernimus, uel eos in primis, quibus rerū summa credita est in rebus pub, ac regnis. Hincq; orrum*



ortum habere credimus iudicia illa infinita impietatis, consiliaq; nefanda, conciliabula, ac iniquissimas in insontes cōspirationes, proscriptionesq; morte ipsa acerbiores; addo & uim illam intolerandam, non solum in fortunas miserorū ac facultates illatā, uerum etiā (nefas) in infelices ipsorū uxores, atq; ob id maritorū occisiones, & id genus alia propter Dei neglectum contingentia in mundo. Verē hi, ut inquit Vates, infirmi erant, morboq; ægrotarunt insanabili: nec fuit qui iret suppetias, Cæterū quem sensum afferant uerba illa, Et humiliatū est in laboribus cor eorū, ex Paraphrasie intelligi potest. Afflixit, inquit, molestissimis curis animas eorū, Aestuans quoddam mare est cor impij ac procellosum. Verū quoad uiuitur in hoc mundo, de diuina nunq̃ desperandū est misericordia, quæ etiam fugientes sequitur, retrahitq; à fuga, & seruat. Idcirco additur:

Et clamauerunt ad dominū cū tribularentur, & de necessitatibus eorum liberauit eos.

Is alius intercalaris uersus est, miro diuini amoris erga animā ardore accensus. Tamen si, inquit, illorum res pessimo essent loco, ipse tamen animarū amantissimus, è malis eos omnibus atq; angustijs, quas hīc necessitates uocat, dicto citius exemit, in tutoq; collocauit.

Et eduxit eos de tenebris & umbra mortis, & uincula eorū dirupit.

Obserua hīc iterū, tenebrarū, mortisq; umbræ, & catenarū fieri mentionem. Clamantes, ait, opemq; implorantes exaudiuit, atq; de nigra inferorū nocte, umbræq; mortis, & catenarum nodis penē indissolubilibus eripuit. Propterea

Confiteantur domino misericordiæ eius, & mirabilia eius filijs hominum, quia contriuit portas æreas, & uectes ferreos confregit.

Quæ sint portæ ex ære fabrefactæ, quarum uectes ac pessuli ferrei sint, quibusq; miserrimæ detinentur animæ, mox aperit, dicens:

Suscepit eos de uia iniquitatis eorum, propter iniustitias enim suas humiliati sunt.

In dictione, iniquitatis, omniū, ut ita dicam, massam uitiorū intelligi oportet.

Siquidem hominē nequam mala cuncta tanq̃ satellites comitantē. Sed pessimū id omniū esse solet satellitij genus, à nefarijs cōstipari hominibus, nempe ab hypocritis & adulatoribus, ab illisq; quibus iam manus ob frequentes occalluere

prehensiones, quæ haud multo pridem ob rastra. Iam illud nō omittendū, lite

am hanc paulò secus Hebræis esse. Sic Felix: Insipientes à uia transgressionis

eorū, & à delictis suis afflictī fuerūt. Alius rursus: Stulti propter uiam flagitij sui, & propter iniquitates suas affliguntur. Quæ & tandem unica est causa & ratio,

quod tamen omnē superat calamitatē, augetq; pijs animis dolorē & cruciatum,

quod omnes ferē Christiani in Iesu Christi fide infirmi sunt, ac planē elumbes.

Quā falsus sim, cōiectaremq; dubius, quod uel ipsi cæci intueri possent. Vtinā,

quæ, qui opulentiores sunt in regno Christi, diuites magis essent fide ac reli-

gione, q̃ huius mundi bonis. Melius res nostræ, nempe Christianorū, quæ pro-

modū cum infidelīū moribus cōueniunt, sese haberent. Mirum ne igitur erit

ut illud est, q̃ quod multis probari debeat argumentis, quod stulti (sic uersum

transferunt ex hebræo) propter uiam flagitij sui, & propter iniquitates suas affli-

untur. Noster uerò, propter iniustitias suas humiliati sunt. Insuper

Omnem escam abominata est anima eorum, & appropinquauerūt

ad portas mortis.

Grauius enim ægrotantis id proprium est, ut cibum omnē, præter illū, qui il-

lis morbo officit, aut nihil omnino prodest, fastidiat, quod sanē male affectæ



¶ ualeitudinis, mortisq; proximæ est signū. Quare simul ut dixit, omnē escam illius nausæ extitisse, mox intulit: Et appropinquauerunt usq; ad portas mortis. quō quidem cū peruentū est, nil uetat quo minus extremū efflet halitum ægrotus: abiectis enim his quæ salutē afferunt, mors illicō, quæ omnibus, tanq; leo prædæ, inhiat, uitam intercipit. Consimilem in modū se habet anima in fide Christi infirma, atq; propterea multis interspersa uitiorum notis, & scabie. Cæterū animæ stomachum illius esse mentē atq; intellectum diffiniunt; quo corrupto, hoc est, in rebus nihili contemplandis occupato, cibus omnis spiritalis nausæ illi est; indeq; ex malè concocto, tanq; cibo, Dei uerbo, letali afficitur ualeitudine: cui nisi Deus, in cuius manu uita ac mors posita est mortaliū, opituletur, illiusq; medeatur languori, interit, ferturq; ad perpetuas inferorū tenebras, ubi uæ est æternum, dolorq; inconsolabilis, atq; atra nox. In istiusmodi enim labe humana olim uersabatur malitia: in his hominum erat studium & cura. Verū suo edocti malo (ferreus ille est, quem nō emolliunt aduersa) sese paululū collegere,

Et clamauerunt ad dominū cū tribularentur, & de necessitatibus eorū liberauit eos. Misit uerbum suum & sanauit eos, & eripuit eos de interitionibus eorum.

Misit iustum, uertunt nōnulli ex hebræo. Attamen siue iustum, siue uerbū legere libet, Christū hīc mihi Vatem prælagisse iudico, à quo sanè languor omnis animarum sanandus erat, restituendusq; uel ipsis prorsus exanimatis, & uigor, & uita. Misso proinde ab æterno patre unigenito, nostris obducta est caro uulneribus, erepta est anima, atq; ab interitu asserta. Quare

Confiteantur domino misericordiæ eius, & mirabilia eius filijs hominum. Et sacrificent sacrificium laudis, & annuncient opera eius in exultatione.

En illud uenerandum, in quod reliqua omnia desiere, sacrificiū, nempe laudis, quo anima delectata tota amore comburitur, sitq; ebria, ac penè furens. Ex quo dici non potest, quanto cum gaudio atq; exultatione, Dei opera immensa & admiranda non solum libenter memorat, uerum etiam palam omnibus inuulgat. In his itaq; occupata studijs, non potest non uerè absq; errore Dei operationes agnoscere. Agnoscunt & improbi eruditi, sed non uerè, nō syncerè, nō mendullitus, quia absq; spiritus gustu eò sua dirigunt tum studia tum operationes, tum uim ingenij, ubi maior speratur ambitionis fructus. Agnoscunt & demones, credunt quoq; & contremiscunt. Etiam

Qui descendunt mare in nauibus facientes operationē in aquis multis, ipsi uiderunt opera domini, & mirabilia eius in profundo.

In, anteponendum erat mare, ad hunc modum: Qui descendunt in mare nauibus. Cæterū facientes operationes in aquis multis, uastis nimirū, atq; infinito reclusis littore & interuallo, uolunt mercatores, atq; istiusmodi alios esse audaculos, qui mare sulcant. Hi quidem optimè Dei opera, ac portenta illa immensa, tum rerum, tum animantiū, quæ in mari degunt, disquirunt, intelliguntq; atq; alijs summa cum admiratione audientiū enarrant. Norunt hī, inquam, plura in mari esse naturæ miracula, quàm in terra: thesauros item preciosissimos undis coopertos, gemmas, lapillos, uel in primis coralliorū fruticem, ut mollia scilicet sub undis innascentur, exempta uerò durentur coralliorū fruticem, ut mollia scilicet Innumerabiles porro piscium esse species deprehendunt, monstra item, conchylia, cetosq; illos adeo ingentes, ut non pisces aut belluas per mare ferri diccas, sed insulas arboribus consitas & herbosas. Quid? nullus est numerus phocis, uitulis, canibus, lupis, equis, atq; omnis generis fructibus sapore penè ueris similibus. In illis itaq; marinis oblectantur rebus negotiatores, quiq; maria sulcare



care consueſcunt, adiutiq; à rerum illarum opifice, in tam periculoſo aquarum procellarumq; traiectu ſecuri negociantur. Qui quidem opifex adeò potens eſt, ut eo iubente mare ipſum terrificè intumeſcat, æſtumq; unà cum undarum fragore commiſceat. Etenim

Dixit, & ſtetit ſpiritus procellæ, & exaltati ſunt fluctus eius. Aſcendunt uſq; ad cœlos, & descendunt uſq; ad abyſſos. Anima eorū in malis tabeſcebat, turbati ſunt ſicut ebrius, & omnis ſapientia eorum deuorata eſt.

Sapientia eorū deprimeſcit, uertit Felix; ſeu, ut alius, ceſſat, & refertur ad nauarum peritiã, quæ in immenſa uentorū procella, & confuſa aëris cōmotione illa, qua ſol etiã in meridie aufertur, propè eſt nulla. Doctiſſima hæc eſt tempeſtatis maritimæ deſcriptio. Motus enim illi maris tametiſi à naturalibus proficiſci uidentur cauſis, cauſarū tamē earum Deus, ut illius in omnibus cognoſcat uirtus & potentia, eos prouocat, ſedatq; cū uult. Dixit igitur, hoc eſt, quoties libitum fuerit ingentē illam procellarū uim & ſæuitiã uento excitat, idcirco uasti tolluntur ad ſydera fluctus. Viſu horrendū, nauē onerariã æſtu cernere circumferri, in gyroq; uentorū impetu rotari, ac modò ſummo in fluctu pendēre, modò reſuſo uado iactari, atq; ad ima arenæ nō abſq; gemitu, rudentumq; ſtridore ferri, & undas ſpondis fatiſcētibus excipere. Tum metu exanimantur uectores, nauatq; dubij quid opus ſit factò, ad Deum ſupplīces ſua nuncupant uota. Cū certè mortem intentent omnia, tetratq; obducatur cœlū caligine, ac magis in horas conualeſcat turbo, æſtusq; efferatius incrudeſcat, qd aliud imploraret numen? Quod enim ait, animā illorum, nempe uectorū in malis cōtabuiſſe, aptè illo principis poſitarū exponi poſſet: Tum ſubitò Aenæ ſoluuntur frigore membra, Animi, inquit Campenſis, illorū præ metu uidentur ſolui. Ad hæc aliud inferitur nauigantiū in cōmodum, cū illos ebrius, qui nutabundus ſua omnia facit, elegantiffimè cōparat. Ita eos metu illo extremo, ac nauſea affectos agere neceſſe eſt. Si quidē illa moleſtiſſima undarū iactatione, appuſuq; inæquali, oriri ſolet in meticuloſis maximè, tum capitis, tum animi uertigo, permotioq; adeò infeſta, ut pedes nūq; cōſiſtere permittat. Turbati ſunt, inquit, & moti ſunt ſicut ebrius. Verūm Clamauerūt ad dñm cū tribularenr, & ex neceſſitatibus eorū eduxiteos. Et ſtatuit procellam eius in auram, & ſiluerunt fluctus eius.

Ars illa nautica tam admirabilis, nulla planè eſt, niſi Deo nixa res ſuas omnes moderatiſſimè, atq; in Dei timore exerceat. Alioquin mare fragili ſulcare ligno, æram certa excipere pericula ſine Deo, quem portum unquam, qui confragorū nō ſit, ſubibit nauita de more blaſphemus & desperatus? En igitur quomodo una fidei uoce, pluſquam Cynofuræ beneficio, placantur uenti, mareq; ſine undarum ſtrepitu placido fertur murmure ad littus. Clariùs ex hebræo hunc legunt uerſum. Sic Felix: Locauit turbinem in tranquillitatem, & ſiluerunt undæ eorum. In auram, inquit, tenuem & ſuauem, ferox conuerſus eſt Eurys, procelloſusq; Aphricus iram depoſuit, atq; frænatis fluctibus ſubſedit tempeſtas, ac ſiluit. Non huc certè opus eſt, ut nouum aliud inducas numen: Dei iſtuc eſt opus, atq; ſanctiſſimæ illius uoluntatis effectio: quocirca grato illi animo ſuum illud cecinere ob redditam ſerenitatem celeuma:

Et lætati ſunt quia ſiluerunt.

Venti ſcilicet ac fluctus.

Et quia deduxit eos in portum uoluntatis eorum.

Permagnū id eſt Dei munus, cū quis Caietæ portum capere expetit conaturq; in Syrtes latentesq; ſcopulos non relabatur, aut miſerando curſu, quò uenit impellunt, per altum ad Sicula reuehitur littora, Deduxit, inquit, eos è pericu



c lis illis immensis in portum, quem concupierunt, Portum, inquam, desideratum plenius subierunt uelis. Ergo etiam atque etiam

Confiteantur domino misericordiae eius, & mirabilia eius filijs hominum, & exaltent eum in ecclesia plebis, & in cathedra seniorum laudent eum.

Iam illud addam, quod nondum dixi, uersum hunc intercalarem parum aliter Hebraeis esse. Sic illi: Celebrant dominum ob bonitatem suam: seu, ut interpretatur Paraphrastes, fateantur dominum esse clementissimum. Caterum obserua nostrae religionis grauitatem. In cathedra, inquit, seu in confessu senum laudent eum. Non senes tamen stupidos, ac longo turpissimoque usu libidinosos intelligas, quorum moribus nihil foedius inueniri potest. Atqui lucidissimum ueluti sydus est in terris bene moratus senex in iuuenum grege & multitudine. Contra uero nihil obscurius, quodque magis stomachum moueat, senem moroso, loquace, sordido, & (quod etiam nos aliquando experti sumus) oblocutore, ac patinis dedito. Eia itaque qui diuino dignati estis fauore, Deo id totum, quicquid est, referatis acceptum, atque in populi corona, senumque frequentia & confessu, in quo grauissima tractari solent, illum laudibus efferte. Ille quippe est,

Qui posuit flumina in desertum, & exitus aquarum in sitim.

Quis hic stupendam Dei potentiam non ueneret? Heu tardas animas. Non est quidem tam aridus squallensque ager, non uinea, non olea, non pratium, non, quicquid illud tandem sit, quod fructus afferat, tam infelix & infaecundum, quin gignendi propagandique prolem uim nanciscatur subito, si Deus iusserit, quod sane quoque de animae sterilitate dici posset. Sicca per se admodum anima est & ieiuna, absque Dei rore, quae inestimabilis illius est gratia. Vide igitur quid hac de re afferat ueritus, sed prius contrario argumento. Potest is, inquit, flumina in siccitatem uertere, atque eo modo terram propter sterilitatem desertam facere, uenasque aquarum intercidere, ac propterea cuncta siti enecare. Potest, inquam, uertere

Terram in falsuginem a malitia inhabitantium in ea.

Haec omnis causa est inediae, atque penuriae annonae, nostra uidelicet improbitas, & in Deum perfidia, malitia item, perversitas, ac sordida uitae ratio: ex quo tanta iam orta est in agris sterilitas, ut penae fruges omnes letalem in falsuginem & squallorem abierint: & id quidem propter malitiam inhabitantium in ea. Haec sunt uerba spiritus, ne tu causas nescio quas sterilitatis agrorum, inepte huc afferas. Regiones, inquit, feraces, camposque fecundos ac bene cultos, ob scelera illorum, qui terram incolunt, infructuosos, immissa huius falsuginis, facere potis est. E contrario autem,

Posuit desertum in stagna aquarum, & terram sine aqua in exitus aquarum.

Non diu patitur pientissimus dominus suos a mala exagitari fortuna, modo in flagella non insurgant, indignabundique oblucent: ob id enim data est homini aduersitas, ut candorem contrahat, non rubiginem. Expende itaque quid bonorum placatum afferat numen. Terram enim illam, quam prius iratum sterile scire, fontemque uiuos (hos exitus aquarum uocat propheta) exiccari iusserat, mox placatum in optatam erumpere facit tum frugum, tum aquarum copiam, ut iam uidere libeat germina cuncta reuirescere, fruges e campis atque arboribus uberitum, carris uehicularumque ob onera stridentibus conuehi: atque id propterea a briorum, fontiumque amoenitatem, & scaturigines, quae falsuginem illam noxiam a culmis atque aristis abluunt.

Et collocauit illic esurientes, & constituerunt ciuitatem habitationis.

De istiusmodi hominum multitudine, de qua hic loquitur Vates, in superioribus est dictum, quod esurientes & sitientes uiam ciuitatis habitaculi non inueniunt,



tunt; modò uerò felicissima hi cōmutatione, in terra feraci & amœna, quò suam sedare queāt famē ac sitim, collocati, locū sibi in ea tutum, atq; ad habitandū idoneum condere statuerunt, ibiq; cōmodis erectis ædibus respirare cœperunt:

Et seminauerunt agros, & plantauerunt uineas, & fecerunt fructum natiuitatis.

Contigit nonnuncq; quòd regio ab incolis propter famē deseritur, alijsq; incultus eligitur locus, quem ipsi colere incipiant, atq; uictum sibi ex Dei benignitate, qui rerum omniū bonarū autor est, ubertim comparent. Rursusq; accidit, ut loca etiā culta, propter peruersum quorundam dominiū, atq; malitiā inhabitantium, deserant homines: & sic regio satis per se fœcunda & felix, in solitudinem paulatim redigatur. Fructum natiuitatis, clarius ex hebræo uertunt, fructum annuum, seu fructum & fruges, ut reddit Felix. Mandarunt, inquit, agris illis innouatis semina, plantaruntq; uineas, quæ fructum redderent annuū, multiplicatum nimirum, ac felicissimū in modum auctum.

Et benedixit eis, & multiplicati sunt nimis, & iumenta eorum non minorauit.

Copiam quidem illam frugum & fructuū à diuina provenire benedictione fuerat Vates. Fatemur & nos, qui hæc quotidie in nostris tum animi, tum corporis fieri rebus experimur. Subtracta quidē à nobis Dei benignitate, quid miseriarū nō incurrimus? quid calamitatū nō nanciscimur? A Dei itaq; liberalitate provenit, quòd liberi nostri, quòd fructus, quòd nostra omnia, quæ ad uitæ usum faciūt, augent; quòd pecora nō minuunt, & intereunt, sed copiosa semper multiplicantur successione. Nuper enim in hac regione, in qua hæc nunc cōmentor, cuncta ferè interierūt animalia. Aiunt incolæ, ab inusitato id frigore cōtigisse. Ego uerò, ab illorū profectū esse malitiā, ac parū firma in Deum fide, respondeo, eisq; inculco, ac usq; ad fastidium replico. Idcirco mali,

Et pauci facti sunt, & uexati sunt à tribulatione malorum & dolore.

Effusa est contentio super principes, & errare fecit eos in inuio, & non in uia.

Contemptio, seu cōtemptus, uertendum fuerat, nō cōtentio, ut nos legimus. (quantq; & contentio suum habet sensum, qui ad illorū discordias, quæ maximæ nunc sunt, refertur.) Verum de ludibrio, quibus nostri interdum habent principes & superiores, hîc loquit; qui sanè contemptus ab illorum ne oriatur ignavia & auaritia, aut potius à subditorū superbia atq; improbitate, non dico: etsi quid sit in causa, nō me clām est, non omnia literis mandanda sunt. Tantū illud nō silebo, nostram adeò corruptā esse uiuendi consuetudinē, ut nullus omnino inueniat uitæ status, qui corruptissimus idem nō sit, & perditus. Sed, ut dicere incœperamus, de abiectis, in ordinemq; redactis, regionū rerumq; publicarum ministris & magistratibus, hîc fit mētio, quos per incertas sedes, locaq; inuia & deserta, propter pœnarū metū, oberraturos prædicit Vates. Contemptui semel habitū atq; irrisiōni, nulla illis potest esse requies, nullaq; quæ uera sit, subditorū reuerētia. Maximū id quidem est futuri exitij locorū argumentū, cum nullo habentur respectu atq; honore magistratus; sed irrisi, inuisiq; suo in fastu permanent. Pauci hi itaq; facti sunt, qui uero utūtur iudicio: qui malo, adeò in immensum creuerunt, ut locustas diceret, planēq; subditorū nō tantum æquare numerum, uerum etiam superare iuraret. Vtq; excedant numero, semper diro uexantur malè affecti animi æstu atq; indignatione. His itaq; multis numero, paucis uirtute ac prudentia, prætermisis, ille (qui est clementissimi principis mos & natura) opem his, qui mitiori sunt mente, semper attulit,



c Et adiuuit pauperem de inopia, & posuit sicut oues familias.

Exemit, inquit, afflictū à uexatione, atq; ab inedia, illiusq; in tantū multipli-  
cauit liberos, ut grex ouium fœcundus appareret. Suspirant hîc diuites, quibus  
nulli sunt filij: suspirât & pauperes, quibus octauo quoq; mense nascitur filius.  
Verum Dei id est consilium, mortalibus omnino incognitum. Qui enim effræ-  
nato sunt animo, atq; immoderato, peruersa istiusmodi rerum prouidentia acci-  
piunt mente: qui uerò miti ac pio, lætanter, quæcunq; accidunt, amplectuntur,  
Deoq; gratias agunt. Quare à spiritu infertur:

Videbunt recti, & lætabuntur, & omnis iniquitas oppilabit os suū.

Has, inquit, rerum mutationes, eo quo conuenit animo, recto nimirū ac pu-  
ro, considerabunt sancti: reprobi autē ne mutire quidem, ut solent pessimē sibi  
consciū malefici, audebunt. Est sanē quoddam impudentissimū hominū genus,  
qui uel tenuē nacti fortunæ capillum, supremū in modum insolescunt, ridenq;  
si quid bonis aduersi contigerit. Verum diuinis aliquando perspectis iudicijs,  
suaq; cum illis, qui syncero in Deum ferunt affectu, collibrata tum uita, tum au-  
toritate, mussant attoniti, penēq; præ tristitia exanimantur. Sed felix omnino is  
erit, ac planē beatus, cui hæc Deus mundo penitus ignota detexerit secreta. Di-  
uina certē hîc opus est mente. Quocirca

Quis sapiens & custodiet hæc? & intelliget misericordias domini?

D Miratur Vates, an inter colluuiem istam impurorū hominū quispiam, qui re-  
ctē de Dei prouidentia sentire queat, inueniatur. At qui summam eam esse ho-  
minis felicitatem arbitror, quæcunq; obuēniant, sedato ferre animo, tandemq;  
ad Dei illa referre consilium. Secus uerò qui agunt, nulla, quæ homine digna  
sit, afficiuntur cognitione: sed, uti bruta solent, naturalibus duntaxat raptan-  
tur affectibus, uiuuntq; omnibus molesti. Contrā uerò, qui sapientiā, cuius ea  
uis est in primis, ut superfluis abiectis mundanarum rerum curis atq; usu, in cœ-  
lestibus tantūmodo considerandis occupentur, dant operā, hi absq; errore, Dei  
intelligunt miserationes: hoc est, Deum multifariam benignissimum esse, atq;  
res omnes uti uariē, sic optimē in suorum gratiam instituere. Cui laus sit & glo-  
ria in secula seculorum. Amen.

## PSALMVS CVIII.

## Carmen odæ David.



Paratum cor meum Deus, paratum cor meum.

Ex duobus alijs psalmis, nempe LVII & LX, liquet hanc odam  
excerptam esse: quare, quæ in illis sunt dicta, superuacaneum esset re-  
petere. Illud tantūmodo obseruandum, psalmū sexagesimū, quod Hebræorum  
doctiores asserunt, de regno, quod primū Davidi contigit, compositum fuisse:  
hunc uerò de instaurando post exilium Babylonicum ipsius regni statu. Quæ  
sanē instauratio innouandī regni Christi, quod planē sub dira dæmonū tyran-  
nide exoleuerat, typus fuit. Siquidem exiliū illius acerbitas, quo propemodum  
extincta fuit Dei religio, nostri generis captiuitatem per Christi tandem liberato-  
rem uindicandam, adumbrauit. Vnde aptissimē de nostro dictum fuit liberato-  
re, quod captiuam duxit captiuitatē. At illud seriō considerandum, an in uetus  
illud à nobis relapsum sit exilium: num adhuc super flumina Babylonis nostra  
suspensa sint organa. Cum quidem horrenda mortaliū facinora mihi in memo-  
riam ueniunt, penē adducor, ut nostram suspicer miserabiliorem esse conditio-  
nem, quàm tum fuit illa sub iugo Assyriaco Iudæorum. Dempta enim à mundo  
Christi sanguinis efficacia, quam attenuant hypocritæ, nulli dubium quod no-  
stra acerbior esset calamitas, quàm illa, Siquidem nulla amplius pro nostris di-  
luendis peccatis relinquere hostia, cum illis sexcentæ uel uno die suppeterent.  
Verum



Verū id fide solida tenendū, illas omnes, præ nostra, sordidas fuisse, atq; nullius omnino roboris ac virtutis. Illis quidē caro in primis purificabatur: nostra uerò & cor & anima. Tantū illud exoptandū, ut homines iam demū oculos aperiant, cerantq; q̄ periculosus is sit uitæ status, in quo peccandi modus statuitur nullus, nullaq; habetur salutis ratio. Censendum ne est animas, cum ē corporibus exierint, in uentos abituras: inter moriturasq; cum brutis hisce artubus. O cæcū nostrum genus. Aut certē excisa est à mūdo Dei religio, aut nefanda docuit Christus: quod sanē impijssimū esset credere. Mens itaq; in alijs, quā sint sensuum oblectamenta, occupata, ea est, quæ cum sanctissima hīc Vatis anima suā testat in Deum fidem, ardēsq; à durissimo peccati dominio liberandi desiderij, clamat: Paratum cor meū Deus, paratū cor meū. Sunt qui ex Hebræo, paratū cor meū, nō replicant. Verū id aptē, ad exprimendū magis animæ affectum, promptiq; desiderij, atq; in rem spiritus conatū, positū esse iudico. Mirū quā cōtinuis spiritus incendijs conflagret suo in poemate Dauid. Nouerat enim Deū ignē esse: idcirco quæ de Deo tum sciri, tum foris exprimi debuerant, ignea esse oportere. Quare inquit, Paratū est cor meū: atq; iterum quò tua adimpleat iussa, paratū est. Recrudescant in me, ut lubet, innumere illæ mentis permotiones, appetentiæq; effraenes, paratū est cor meū. Nullum mihi posthac cum mūdo sit fœdus, nulla pactio, nulla cōcordia. Siquidem tuas ad amabiles admittendas inspirationes, quæ purgatissimā requirūt animā, paratū est cor meū. En cor igitur, en mens, en uoluntas, en arbitrij: tua hæc omnia sint, tuumq; ad obsequij parata. O si me totū, quantusquantus sim, pro te coniungat comburi. Tunc certē

Cantabo & psallam in gloriā mea.

In gloria mea, uertunt, ex animo: seu, pro uirili mea. Non desunt etiā qui, in lingua mea, transferunt. Attamen nō me præterit, quæ à nobis, quæ Dei laudes referat, peragunt, nostrā in gloriā cedere: neq; aliud quicq; esse, quo magis gloriari nos deceat, q̄ cum in his, quæ ad diuinū attinent honorē, occupamur. Reliquæ omnes uanæ sunt occupationes, uana studia, uanus uitæ cursus: quæ tamē uita proinde data est homini, ut suū agnoscat creatorē, cognitumq; diligat, atq; subinde, rebus cæteris omiſſis, & quærat, & sese illi totū cōsecret. Nulla quippe in nobis pars esse debet, quin tota illius sit, qui æquē nos diligit, ac si absq; nobis suū illi regnū graue esset ac molestū: adeo animarū amātiſſimus est æternus pater. Cui honor sit & benedictio in seculorum secula. Amen.

PSALMVS CIX. Vincenti Dauid psalmus.

Eus laudem meam ne tacueris.

Aliās diximus, diras huiuscemodi, quæ interspersæ sunt psalmis, ab animo diuinī honoris studioso prodire solitas in prophetis: quocirca eo, quo prolatae sunt candore ac sanctitate, accipiendæ sunt. Nihil enim carnale aut humile sentire potest anima in his quæ spiritus sunt edocta. Sordidi quippe homines & impuri, quicquid aliud, obstrususq; in scripturis dici audiunt, ad suum transferunt sensum, brutum nimirum & crassum. Quod si affectus illos prophetarum reconditos intelligere haudquaq; idonei sunt, id saltem non nescire contenti sint, quòd Dei filius, qui summa est ueritas, plerumque is est, qui istiusmodi inuehitur ratione in improbos suæ sponsæ persecutores, ut in hoc psalmo uidere licet, quem de ipsius tum in uita, tum in morte cruciatibus scriptum esse illud est testimonio, quòd Petrus uerba factururus Iudeis, hemistichium illum, Et episcopatum eius accipiat alter, in Iudæ proditoris infamiā unā cum alia alterius psalmi particula citauit, dicēs: Viri fratres oportet impleri scripturā, quam prædixit spiritus sanctus per os Dauid de Iuda, qui fuit dux eorum, qui cōprehenderunt Iesum, atq; subindē haud multò pōst addidit:



Scriptum est enim in libro psalmodi: Fiat cōmoratio corū deserta, & nō sit qui habitet in ea: et episcopatū eius accipiat alter. En uides quid uterq; spectarit psalmus, nempe Christū, qui totius uoluminis psalmodi ut est subiectū, ita & recitator & interpret. Ait itaq; amantissimus nostri Christus: Deus laudem meā ne tacueris. Dilucidius ex hebræo: Deus laudis meæ (autor scilicet) ne taceas, nec quæ mihi meis ab aduersarijs irrogantur mala dissimules:

Quia os peccatoris, & os dolosi super me apertum est.

Quemadmodum enim de Doëg, atq; cæteris id tunc dici potuit Vatis persecutoribus, ita de unoquoq; nūc innocentie insidiatore dici posse nō dubitemus. Inter quos primū sibi uindicat locū Iudas Iscariota, typus nimirū perfidiorū hominū ac delatorū, & quē hīc uocat spiritus per antonomasiā, peccatorē, cum propriū nihilominus illius sit nomē, dolosus, & proditor. Quisquis igitur dolis insidijsq; humanā peruertere nititur consuetudinē, proborumq; cōturbat tranquillitatē, Iudam imitatur, Cuius sanē animū ad lædendum anxīū uolens ostendere propheta, eum facit os, tanq; leonem in prædam, in proborū famā ac uitam aperire. Quid autem fœdissimum dolosorum os apertum afferat, mox intulit:

Loquuti sunt aduersum me lingua dolosa, & sermonibus odij circundederunt me, & expugnauerunt me gratis.

Quid è malè olenti sepulchro prodire posse arbitraris odoramēti, nisi pestiferi ac letalis? Sermonibus, inquit, odiosis, ab amarissimoq; animo profectis, undiq; me obsederūt, falsaq; moliti ac dolosa, me absq; causa oppugnarūt. Hæc tota uniuersalis exterminij summa est, cum scelerosi malorū inuectores in bene institutis hominū cœtibus locum habent, libenterq; audiūtur à magistratibus. Certè nisi synagogæ antistites, uel Iudam, uel delatores alios ac proditores audiissent, illisq; libenter auscultassent, nō tam dirè esset habitus Dei filius à suis.

A leuitate fermè principum tota illa manauit persecutio, ut in præsentia nostra quoque ætate manare conspiciamus. Verum tu cogita, quàm iustæ fuerint domini Iesu querelæ.

Pro eo, inquit, ut me diligerent, detrahebant mihi, ego autem orabam.

Hoc est, pro eo, quod me diligere debuerant, odiū, obrectationemq; rependerunt. Ex hebræo sic uertunt quidam: Pro amore, quo illos prosequutus sum, aduersant mihi: ego uerò ad orationē (miserorū sanē refugium) me cōuertī. Nulla quidem tam acerba potest esse calamitas, quin subito preceptionis auxilio uel omnino euanescat, uel saltem nostrā ad imbecillitatē attemperetur. Sed assidue esse debet. Vnde nō absq; causa à scriba illo sanctissimo fuit dictum de Christo, quod erat pernoctās in oratione Dei: Ego, ait, ad orationē recurri, cum interim me illi maledictis incesserent, dolosisq; illaqueare sermonibus peruestigarent. Vide illorū audaciam: Magister, inquit, scimus, quia à Deo uenisti: dic, li- cēt ne censum dari Cæsari, uel ne? Cernis tenerum hīc canes, sed prudentissimū circumsedisse cuniculum? Heu pessimū in nostram quoq; ætatem deriuatū exemplum. Dura profectò conditio, cum charitas odio compensatur, proq; gratia redditur obrectatio. Quocirca non semel questus est Christus, se à suis ingrati- tissimè acceptum. Sed illud in primis: Multa, inquit, bona opera ostendi uobis ex patre meo, propter quod horum uultis me occidere? Clarius adhuc illorum exprimit ingratitudinem, dicens:

Et posuerūt aduersum me mala pro bonis, & odiū pro dilectiōe mea.

Damnū (pro scelus) iniurias, maledicta, contumeliasq; pro beneficijs, pro ui- ta mortem, pro amore odium retulere. At tu pater, quandoquidem sic expetūt, suauissimumq; amoris detrectant iugum,

Constitu super eum peccatorem, & diabolus stet à dextris eius.

Diabolus



Diabolus seu satanas, impudentē hīc signat aduersariū, quem illi, populo nimirum ingrato, infestum esse precatur spiritus. Aduersariū, inquit, cōtinuum, semperq; astantē habeat, à quo multifariā iniurijs atteratur: sitq; illi hostis dñs, & is crudelissimus, qui mala illi inferre & uelit & possit. Intoleranda penitus ea uidet seruitus, cum à crudeli sitibundoq; cruoris ciuiū tyranno regunt populi. Sed de diabolo spiritu neq; hęc dici quoq; arbitror, cuius dominio hi merito traduntur, qui Deū negant, quiq; spurcissimū illum spiritum sibi à dextris, qui proprius Dei locus est, collocant. De Deo autem sic loquitur sponsa: Dominus à dextris est mihi, ne cōmouear. Adhuc uerò aliud pœnarum genus de illo, qui diabolum, eiecto Deo, sibi ad dexteram asciscit, in sequentibus obserua.

Cum iudicatur exeat condemnatus, & oratio eius fiat in peccatum.

Cum iudicio, inquit hebræus, sistitur, damnet, & defensio eius degrauiet crimen. Quare sic Paraphrastes: Cum causa illius tractata fuerit in iudicio, nō abstat illinc, donec impietatis cōdemnatus, & precatio illius exasperet iudicem, & augeat peccatū magis, q̃ remissionē impetret. Quid istiusmodi repulsa calamitosa? Atqui superbarum ea est conditio atq; arrogantia mentiū, ut ne tantillum quidem se agnoscentes, cum Deo ferē audent in iudicio, ut sic dicam, rixari. Vtū reiectæ atq; explosæ, multa aliqua insigni afficiuntur. Interim uerò quæcūq; agunt, ne dum orant, peccatum est grauissimū, licet illis ob duritatem ex peccandi licentiā contractam, occultum. Quare

Fiant dies eius pauci, & episcopatum eius accipiat alter.

Præfecturam eius accipiat alter, uertit quidam. De dignitatis ablatione loquitur Vates, ne tibi Iudam, cuius mentio hīc fit, Episcopū fuisse, ut nunc sunt, imageris: licet apostolus fuerit, cui dignitati aut officio potius, Episcopi (gradus mirū omniū in Dei Ecclesia excellentissimus) succedunt. Alij etiā ex hebræo mutant, munus, idcirco quod id officij genus necessariò ab illo, qui iubendi potestatem habet, demandatū subimus, quoq; qui spoliāt se affici ignominia arbitrat. Duas hīc igitur imprecat rum Iudæ, rum Iudæ simili, calamitates, uitæ nimirum, ac dignitatis abscissionē. Breues, inquit, sint eius uitæ dies, atq; in illius præfecturam alius illo dignior subrogetur. In ordinem quidem redactus uiuat gloriosius, imò ignominiosam quamprimū obeat mortem. Insuper

Fiant filij eius orphani, & uxor eius uidua.

Argumentū hīc sumunt nonnulli, Iudam uxorem habuisse, non est, credo, qui id neget. Verūm diræ istiusmodi nō solum ad Iudam attinent, sed etiam generatim ad omnes, qui illius imitantur perfidiam. Nam qui innocuum traducit hominem, uenditq; mendacijs, fit par Iudæ. Ad hæc

Nutantes transferantur filij eius, & mendicent, & eiſciantur de habitationibus suis.

Orat Iudæ filios, hoc est, proditorū liberos patrijs à sedibus depelli, incertoq; vagari uitæ genere: & sic paterna ab hæreditate exclusos, mendicanti fore obnoxios. Ex hebræo sic ferē: Instabiles uagentur filij eius, & mendicent, & inquirant de uastationibus suis. hoc est, ubi omnia quæ illorum erant, deuastata fuerint, præinopia inquirant, num ex ipsa rerum suarum ruina aliquid quo queant uiuere, residui sit: atq; hoc modo, & domi & foris, mendicatō uiuere cogant. Causam subinde huiusce calamitosæ inopiæ addit:

Scrutetur fcenerator omnem substantiam eius, & diripiant alieni labores eius.

Irreriat, aut, ut uult Campensis, perdat fcenerator, exactorq; quæcūq; illorum sunt, ac (quod maiorem illis excitet dolorem) quæ labore illorum immenso & sudore sunt parata, deprædentur alieni, Corradant penitus quicquid possit



c dent foeneratores, exactoresq; uiolentissimi, atq; labore congesta ui rapiant extranei. Quid infelicius, cum res nostrae integræ à foeneratoribus deglutiuntur, raptanturq; ab inexorabilibus decimarum, uectigalium, donorum quoq; (noua lex) ac mutuorum exactoribus? Quis unquam donauit inuitus? donant nihilominus nunc homines, atq; ea dant mutuò, quorum nulla speratur restitutio. Deest ne suus tantæ calamitati cumulus? Audi:

Non sit illi adiutor, nec sit qui misereatur pupillis eius.

Certè quod inops pater à ditioribus spernat, nec sit inter ciues qui illius subueniat miseriæ, ferri utcunq; potest; at filios, & hos interdum teneros, præ fameq; ingemiscientes, uidere uitæ subsidium magis lachrymis & nuditate quam uoce à prætereuntibus rogare, ab omnibus tamen surdis auribus præteriri & contemni, quis tam durus pater est, qui totus præ dolore non rumpat, fateaturq; se propter liberorum magis calamitatē angere, affligiq; acerbius, quam ob propriam? Unde non id mirum esse debet, si inter acerbissimas Dei ultionis poenas, hanc quoq; connumerari uides, in qua rogat Vates, ut non sit quem, uel ante patris oculos, illius misereat prolis. Omnè id quidem dolorē superat. Quid adhuc addi posset? Est ne aliquid dirius, quod non sit dictum? Est sanè, quid oro?

Fiant nati eius in interitum, in generatione una deleatur nomen eius.

Sit, ait, finis illius posteritatis interitus, in secundamq; non transeat generationem, sed unica tantummodo consumpti, una cum patris memoria aboleantur filij. Quid ultra?

In memoriam redeat iniquitas patrum eius in conspectu domini, & peccatum matris eius non deleatur.

Longa hinc esset disputatio, nisi aliud agerem: qui sit scilicet, quod patrum peccata ferant posteris, cum alio tamen loco asserat Deus, filium non laturum iniquitatē patris. Verum quod ad sensum psalmi attinet, est dicendum, improbos filios adeo acerbè à Deo puniri, ut penè uideantur patrum errata plerumq; Dei iudicio æquissimo non animaduersa, ferre, pro illisq; puniri. Siquidem quandiu mali sunt filij, atq; à malis exorti parentibus, illorum meritò dicuntur perferre iniquitates, quippe qui à corrupta producti radice, corrupti & ipsi sunt. Quod si tamen à parentum prauitate abhorrent, illorumq; abominantur uitam, tum quidem Dei filij efficiuntur, non hominum; idcirco de his illud dici potest elogium, quod filius non portabit iniquitatem patris. De illis uerò, quod eos Deus puniet in tertiam & quartam generationem: illud quoq; Reddam peccata patrum in filios: eo quidem modo uidetur maiorum scelera maximopere detestari Deus, dum sic in longum multas protrahit. De matris postea peccato specialis fit mentio, propter sordidum hominis conceptum, ortumq; immundum, ac, propter innatam illi uoluptatem in coitu, peccato obnoxium. Illud tamen non ignorandum, peccata illa parentum, pro quibus filij dant poenas, ad præsentem duntaxat spectare uitam. Caterum suum quilibet onus in futuro seculo ferre cogetur. Quicumque enim peccauerit, ipse, non filius, aut quilibet alius, luet poenas. At ne citius, quam illorum fert improbitas, consumantur,

Fiant contra dominum semper, & dispereat de terra memoria eorum.

Iugi, inquit, ultione, qui huiusmodi sunt, puniantur, ut & ipsi, & qui ad illos attinent, penitus exterminentur, adeoq; in nihilum abeant, ut nulla illorum amplius supersit memoria. Interminabilis sit illorum multa coram domino. Paulò secus detorquet sensum Paraphrastes: Sint hæc, inquit, ueluti ob oculos posita domino, sed in obliuionem ueniat apud homines, qui terram incolunt, si quid gessit unquam memoratu dignum.

Pro eo quod non est recordatus facere misericordiam, & persecutus est hominem inopem & mendicum, & compunctum corde mortificare.

Aperitius



Apertius exhebræo: Vt interficeret cōtritum corde, seu, ut alius legit: Persecutus est hominē afflicto & inopem, & contritū corde, ut occideret. Quid uero sit contritum corde, alius item exhebræo aperit: Persecutus est hominē deiectum, & ex corde mœrentē, ad occidendum eum. Verū ut legas, uoces earum, inops, afflicto, deiectus, ex corde mœrens, tristis, maximam præ se ferunt miseriam & calamitatem. Quocirca quid atrocius excogitari unquam potuit, quā fractum denuō frangere, canemq; excoriatum, ut est adagium, excoctare: Tam quidem graue est scelus, quod primū illud posuit Vates inter illa, propter quæ diræ illæ factæ sunt in superioribus imprecationes. Propterea, inquit, ea quæ imprecatus sum, cōtingent omnia, quod ne semel quidem in mentem illi uenit clementiæ exercendæ in proximū. Imō (pro Dei fidem) ipsum fractum, quod eum penitus extingueret, atrocissimo infectatus est odio, lingua, manu, ferro, ueneno tandem.

Et dilexit maledictionem, & ueniet ei, & noluī benedictionem, & congaibitur ab eo.

Nihil enim tam exacte ab homine æternus requirit genitor, quā misericordiam & charitatem: quibus sanè pernicipibus tanquam alis, anima ad propriam insuolat originem, qui Deus est, in quo præcipuæ istæ insunt partes, amor & clementia: imō amor ipse solus, cuius stimulus est clementia. Alioquin nisi summa in Deo esset misericordia & clementia, quid in nobis esset quamobrem tam carere nos, ut facit, adamaret: Cæterū maledictionē hīc uocat Dauid Dei execrationem & uindictā, qua hī in primis, qui in innocuos crudeles sunt & duri, imbutuntur: unde cæcitas promanat animæ, peruersaq; consilia, uecordia, ac ex illis illa religionis lues, superstitio. A benedictione uerō, quam illius esse benedictionem asserunt, & misericordiam, mens uegeta, ad diuināq; peruestiganda uers & acuta. Maluit igitur immanis is latro execrationē & maledictū, quā benedictionem: ideo quicquid optauit, integrè est assequutus. Qui

Et induit maledictionem sicut uestimentum, & intrauit sicut aqua in interiora eius, & sicut oleum in ossibus eius.

Cur nō, in ossa eius, uertit interpret: quemadmodū uertit, in interiora eius. Vide an quicq; miseræ cumulo atq; execrationis, addi possit. Ipsum illum, ait, totum obruat calamitas, occupet, premat, cingat, penetret. Eæ quidem proprietates sunt aque, olei, ac uestis. Obruimur certè aquis & suffocamur, illis maxime quæ interne perfluunt. Olei uerō unctio mirum quā penitus, uel usq; ad ossa, penetret. Cæterū ueste tegimur, occupamurq;. Hisce quidem uocibus uult Vates exprimere, quā hī deplorati sint & perditī, qui abiecta humanitate ferinos elidunt mores, duos nimirum, & in quemuis difficiles atq; iniuriosos. Quare scire, ut uides, exaggerat, dirasq; diris accumulat.

Fiat sicut uestimentum quo operitur, & sicut zona qua semper præcingitur.

Ad significandam rei alicuius perpetuitatem & cognitionē, nulla efficacior potuit asserri similitudo, quā uestis illius, qua toti ambimur, aut balthei, quo cingimur: utraque enim res totum colligit hominem, continetq; in sese. Ita agit impietas, si quem semel adorta fuerit: eum quippe totum, ut solet corpus unita aut cingulum, conuoluit, atque adeo strictim coarctat, ut uix illum respirare sinat. En tandem

Hoc opus eorum qui detrahunt mihi apud dominū, & qui loquuntur mala aduersus animam meam.

Opus pro mercede hīc poni uolunt doctores. quare sic Paraphrastes: Hæc sunt merces eorū à domino, qui mala uolunt mihi. Detrahunt item uerbum, He-



**c** brais est, aduersantur. Sed neq̃ detractiōis uox suo caret sensu: solet enim id uitij genus ab immanitate, de qua tam multa conquestus est dominus, enasci. Quid non molit̃ malorū crudelis animus? Aduersus animā meā, uel uitā meam, expone: uel simpliciter, me, ut ex hebræo redditur, quanq̃ etiam, animā meam, nō nihil horroris in se habet: nanq̃ ad occultas dæmonū suggestiones referri id posse iudico: ad eos quoq̃, qui blandis nos ad malum prouocant lenocinijs, per suasionibusq̃ mellitis ac uafis, ut sunt de more libidinosi, atq̃ hi, qui quoquo modo uiuas, laudant tamen, atq̃ assentantur.

Et tu domine, domine, fac mecum propter nomen tuum, quia suauis est misericordia tua, libera me.

Is unus uersus est. Sitibundam auxiliij animā demonstrat repetita uox, Dñe, dñe: quanq̃ Hebræis est, Deus domine: sed idem sensus. Petit hīc Dei filius patrem, ut sibi tot in ærumnis, importunisq̃ adulatorū oblocutorumq̃ insidijs opituletur: & id quidem, quoniā suauis illius est misericordia, & plusquā dici potest, iucunda. Ait itaq̃: Mi pater, nullum huc afferro hominū meritū aut uirtutē, qua tu illectus suppetias illi ferre debeas: sed tuā imploro misericordiā, tuamq̃ ad opitulandum miseris facilitatem appello. Agē, fac ut tuo respondeat nomini clementia: nomen quippe tuū, Amor est. Et ut quidem unico duntaxat uerbo quæ uolo dicam, libera me:

Quia egenus & pauper sum ego, & cor meū cōturbatū est intra me.

Quò enim maiorē excitet cōmiserationem, suam exaggerat miseriam: Egenus, inquit, ego sum, despectus, auxilio omī humano uacuuus, calamitosus. quò me uertam? ad homines? quid homine uenalius? quid minus in fide constans? Cor certē meum intra me totum mœrore contabuit. Quid? Heu domine,

**D** Sicut umbra cūm declinat ablatus sum, & excussus sum sicut locustę.

Sole quidem ad occasum properante adeò prolixa augentur umbrę, ut cum diei interitu in noctem abeant. Sic uita est hominis, cita nimirum ad occasum: quemadmodum umbra declinante luce consumitur, in nihilumq̃ tandem resoluitur. Vnde ex hebræo sic quidam transferunt: Incedo uelut umbra serotina. Quòd uerò ait se instar locustę fuisse excussus, ad morē huiusce animantis alludens, uagæ suæ uitæ motū exprimere uoluit, ut planē uagi sunt, qui à tyrannis acti, nulli certæ se dedunt sedī, sed modò huc, modò illuc transmigrantes, locustarum morem imitari uident̃, quę de loco in locum passim, sparsimq̃, quò suus ille naturalis fert motus, subsiliunt. Horum depinxit faciem apostolus, cū ait: In solitudinibus errantes, & in mōtibus, & in speluncis, & in cauernis terræ. Vi disti ne unquā locustarū agmen tam uario circumferri saltu, ut hi agūt, qui à persecutoribus acti, uarias mutant sedes? Penē hunc morem imitantur nostri temporis religiosi, in suis illis de loco ad locum mutationibus. Mallem certē id uagationis genus moderatius præcipi, ne quod sanctē à maioribus ob animarū salutem excogitatū fuit, id odio fieri uideatur: ac iam profusiores in huiusmodi pagatim regionatimq̃ uagandi occasionē, ne dicam ludibrium, fiant, cūm animarum, tum rerū damno, & iactura sumptus, quàm in accersendis uirtutibus, aut subuenienda pauperum inopia ac miseria.

Genua mea infirmata sunt à ieiunio, & caro mea immutata est propter oleum.

Sic Felix: Genua mea corruerunt. Alius itē: Genua mea uacillant præ ieiunio, & caro mea exaruit à pinguedine. Solebant enim antiqui feruidis quæ fiebant Deo precationibus ieiunia copulare, ut nunc quoq̃ ab illis agitur, quibus quis uerus orandi sit modus perspectum est. Rarò enim à uentre saturo & pingui sublimia illa, quę in purissima cernunt̃ oratione, cōprehendi possunt. quem quidem



quidem morē in sanctissima Vatis anima fuisse id est argumento, quod sua nu-  
tasse prae ieiunio genua fatetur; indicium nimirum summæ debilitatis, atq; à cibo ab-  
stinentiæ: quod & clarius in ultima uersus particula exprimere nititur. Caro  
mea, inquit, tota, subtracto cibo, ex quo oriri solet pinguedo, exaruit. Quare sic  
uertit quidam: Caro mea emarcuit, propter deficientem pinguedinē. Hæc san-  
nè omnia maximū in Vate, imò in Christo fuisse mœrorem indicant. Verum si  
uox olei nō displicet, illud uidetur dicendum, Vatem ad domini mentem aspe-  
xisse, qui, quò ieiunium dissimulare, præcepturus erat ieiunantis caput ungi, fa-  
ciemq; lauari. Sed prior sensus ad ea quæ sequuntur quadrare magis uidetur.

Et factus sum opprobrium illis, uiderunt me, & mouerunt capita sua.  
De istiusmodi irrisuionis genere in uigesimosecundo dictum est psalmo. So-  
let illa esse irrisoribus consuetudo, ut in derisum caput atq; os moueant, scœdēq;  
distorqueant. Sic Paraphrastes: Quicquid facio ludibrio sum illis: quoties ui-  
dent me, moto capite rident me. Turpissimus sanè is est mos, atq; impius omni-  
no: à liuore quidem atq; animi petulantia oriri solet. Vnde de seruatore nostro  
Christo Iesu, in quem omne conuiciorum genus proiecerunt Iudæi, legimus:  
quò prætereuntes blasphemabant eum, mouentes capita sua. Ita Dei electi in  
hoc mundo haberi solent, quò in omnibus suo sint haudquaquam dissimiles domi-  
no, qui hîc nostræ consulens indigentia clamat:

Adiuua me dñe Deus meus, saluū me fac propter misericordiā tuā.  
Quemadmodum enim Christus, ut inquit Paulus, tentatus est ut nos, ita &  
patrem, quò à malis eximeretur, rogauit. Nulla quippe in re, quò nostrā à pec-  
cati catenis assereret libertatē, defuit benignissimus dominus. Fer, inquit, opem  
Deus, meq; serua: non propterea quò id meruerit hominum genus, sed quia  
misericors es, atq; ad condonandas noxas pronus.

Et sciant quia manus tua hæc, & tu domine fecisti ea.  
Fecisti istud, uertunt pleriq;. Sentiant, inquit, hostes tuam hanc fuisse poten-  
tiam, quæ istuc operata est miraculum. Quis unquam putasset hominem derisum,  
atq; ab omnibus consputum, tam subito ereptum esse, reuixisse, ac uniuerso  
dominū constitutum? Tu certè domine, non alius quam uis sublimis ac po-  
tens, tam arduum exequutus es negocium. Et quidem  
Maledicent illi, & tu benedices: qui insurgunt in me confundantur,  
seruus autem tuus lætabitur.

Aptius forsan (quod quidam uolunt) totus is uersus optandi affectu legi pos-  
set, ad hunc modum: Maledicant illi ut lubet, tu autem benedicas. seu, ut habet  
Paraphrastes: Execrentur & malè uelint mihi, modò tu faueas, nihil poterūt. Po-  
terunt quidem (ut est illorum proteruitas atq; arrogantia) in me & lingua & ma-  
nu furere, uerum in medio ipso persecutionū æstu & conatu deficient confusi.  
Quid tum seruus tuus: lætabitur quidem in te, tibiq; salutis suæ uirtutē, ac sum-  
mam acceptam refere. Abeant igitur illi ut meriti sunt, &

Induantur, qui detrahunt mihi, pudore, & operiantur sicut diploi-  
de confusione sua.

Tamet si enim diplois uestis sit, ex hebreo tamen, quò sensus clarior reddat,  
pallium uertunt. Rursus uerbū, detrahunt, ut superius annotauimus, Hebræis  
est, aduersantur. Et est perinde, atq; toti ignominia cooperiantur mei isti aduer-  
sarij, sicut solent pallio homines cooperiri. Idem enim planè est quempiam pu-  
dore indui, ac tanquam pallio confusione contegi. Illi sic: ego autem

Confitebor dño nimis in ore meo, in medio multorū laudabo eum,  
quoniam astitit à dextris pauperis, ut saluam faceret à persequentibus  
animam meam.



**C** Rident hinc nostri temporis irrisores, quippe qui insigni cum præditi sint potentia atq; hominū favore, nullū unq; suæ fore terminū felicitati opinant. Idcirco tumidiore facti, quid nō audent malorū: cui nō detrahunt: quē nō adlatrāt? Vide quomodo temerarij & impudentes Dei abutunt patiētia. Illi, inquit Christus, maledicunt, blasphemāt, in Deumq; ipsum, nedum in homines, impudentissimè obganniunt: ego interim confitebor domino, illiq; gratias agam: atque id quidem nimis, hoc est, totis meis tum animi, tum corporis uiribus, totoq; affectu, atq; religionis, non questus, aut auræ popularis gratia, in medio ipso hominum conuentu & multitudine eum laudabo, dicamq; intrepidè, quod inopi, atq; ab omnibus derelicto, ad dexteram, ne in aduersis labascāt, nutetq;, tanq; fidelissimus comes adstat, illiq;, quò tandem illius uitam à callidis eripiat insidiatoribus, iudicibusq; iniquis, quibus plenus est orbis, auxiliatur. Cui laus sit in seculorum secula. Amen.

## PSALMVVS Dauid CX.



**D**ixit dominus domino meo, sede à dextris meis. Altissimis is est grauidus mysterijs psalmus, quippe qui de utraq; in Christo natura edisserat, obscure tamen, atq; in inuolucro. Huc mihi non nihil lucis attulere felicissima quorundam scholia: quanq;, ut uerū fatear, tardis, ut meū est, ingenijs non plenè satisfaciunt, q̄uis acutè elaborata scholia, quæ interdum quæ luce egent omittūt, dicuntq; quæ omitti possent. Quòd sint porrò, qui illa, quæ de solo Christo hinc dici debent, ad Dauidem ipsum psalmi autorem referre nitantur, superfluous labor est: quare omissis illorū rationibus, coactis sanè & frigidis, de Christo solummodo hæc omnia scripta esse dicamus. Constat enim nō solum ex Euangelio, uerumetiam ex Hebræorū doctioribus, totum hūc psalmū intelligendum esse de ipso Dei filio, atq; eius regno, quod in Sion cœpit, atq; inde latè propagatū tandiu stabit, quoad eius quicquid conditum est, illum adoret, fiantq; illius hostes tanq; scabellum pedum eius, hoc est, penitus ei fiant subiecti. Vt Deo quidem, omnia illi ab æterno subdita sunt: ut homini uerò, in tempore id factum est, seruaturq; ad illud omnino tempus, cum nouissimus destruetur inimicus mors. Hanc itaq; filij Dei sublimitatē prænotescens Dauid, sic secum: Dixit dominus domino meo. Dominus quidem est pater, dominus & filius: idem porrò uterq; est Deus. Atqui nō prætereundū uerbum, dixit, ob id prolatū, quòd filius est uerbum patris: quod etiam ex antiquis Hebræorū Rabbinijs nōnulli fassi sunt. Sic quidam; Dixit dominus, nempe pater, uerbo suo. Quid dixit? quid ab æterno diffiniuit? Sede à dextris meis: hoc est, esto omnium rex, primaq; fruiere potentia. Solent enim principes, qui suam ad dexteram quempiam sedere faciunt, omni illum ornare auctoritate atq; domino. Ita hinc de Christo ad dexteram patris ascito intelligendum erit: & est perinde, atq;, regna, ut ego, super omnia. Huiusce quidē sublimitatis tum cœpta est reuelari magnitudo, cum cœlos mortis spolijs onustus cōscendit, seditq;, ut inquit Marcus, ad dexteram Dei. De quo sanè mysterio Paulus Ephesijs scribens fuisse admodum edisserit, nempe Christum quatenus hominē ad dexteram patris in cœlestibus collocatū, constitutumq; supra omnem principatū, & potestatem, & uirtutem, & dominationē, atq; omne nomen, quod nominatur nō solum in hoc seculo, sed etiam in futuro:

Donec ponam inimicos tuos scabellum pedum tuorum. Deinde, inquit Paulus, finis: nanq; omnia subiecit sub pedibus eius, & ipsum dedit caput supra omnē Ecclesiā, quæ est corpus ipsius, & plenitudo eius, qui omnia in omnibus adimplet. Per omnia quidem membra adimplet, perficiturq; corpus Christi, qui omnia in omnibus, dum ipse agit in omnibus, implet. Ceterū Christi hostes illos esse diffiniūt, qui ex Deo nati minimè sunt. Hos, inquit, tam tibi



tibi subiectos faciā, ut illos nō secus, q̄ solet scabellū, cōculcare queas pedibus. illos tibi penitus subternā. Donec ponam, non propterea dictū esse puta, quōd hostibus illius subiugatis, ad dexterā Dei sedere desinet Christus. In huiusmodi locutionis genere animaduertēda est sermonis hebraici proprietas, qui nō nunq̄ quod ad terminatū refertur tempus, ad interminatū referūt: ut in Donec uidere licet, quod Latinis diffinitū signat tempus, his indiffinitum. ut sit sensus, tunc magis Christū regnaturū, cū pater hostes filiū pedibus tanq̄ scabellū calcandos prābuerit. Ad hunc ferē modū de coruo ex arca emisso legimus, qui egrediebatur, & nō reuertebatur donec siccarentur aquæ super terram: nunq̄ tamen reuersus est, licet aquæ exaruerint è terra. Quid illud? Et non cognouit tam donec peperit filiū suum primogenitū. Vides ad quantam prolaberemur impietatem, si, donec, ut ferē accipiunt Latini, interpretaremur?

Virgam uirtutis tuæ emittet dominus ex Sion.

En Christi meritum, propter quod ad Dei patris dexteram assumptus est, regnatq̄ beatus. Vis, inquit, tuæ uirtutis, potentię nimirum, ac signorum, quibus planē uniuersus deuictus est orbis, ex Sion primū & Hierusalem, Dei iussio ne prodibit, cuiq̄ pater dicit:

Dominare in medio inimicorum tuorum.

Hoc est, de illis tuo statue arbitratu, potestatemq̄ in eos uel reluctantes exercere. Caue putes de regno hīc Christi dici, quo æqualis semper est patri. Siquidē de illo nunc fit sermo, quo in tempore sanctissima illius in crucis ara exusta pro nobis carne, rerum omniū dominiū adeptus est. Atq̄ hoc prorsus modo oportuit Christum pati, & ita intrare regnū Dei. Nos plumbeos, qui regnum crucis Christi in pluma atq̄ inertī ocio uersari somniamus: idcirco nostris cupiditatibus, atq̄ ambitioni, quę ex immoderato mundi amore nasci solet, finis statuitur nullus. Sed ad Christum redeo, quem sic pater alloquitur:

Tecum principium in die uirtutis tuæ, in splendoribus sanctorum ex utero ante luciferum genui te.

Mirum quantū à nostra uariet æditiōe Hebræorū litera huius uersus. Verū quōd nostra etiā mollius redderet, principatus, nō principiū, uertendum fuerat. Nam cū ἀρχὴ utrūq̄ significet, mallet uertisset principatus, quōd esset sensus: Tecū, ô fili, hoc est, in te, neq̄ aliunde proueniēs erit principatus: regnumq̄ omnium uniuersale in die erit uirtutis tuæ, eo nimirū tēpore, quo gloriosus, potentiaq̄ eterna insignis, Deus absq̄ umbra in fulgentissimis sanctorū splendoribus apparebis, cū haud ita pridē seruus in terris uisus sis, & is quidē omniū despectissimus. Verū qui hebraicæ nō prorsus ignari sunt linguæ, diuersam ex hac quoq̄ lingua afferūt literā, sensusq̄ uarios & obscuros: quibus quidē omisissis, unā tantū ponere decreuimus, quā sic reddūt: Populus tuus spōtaneus est in die exercitus tui in magnificentijs sanctitatis: ab utero auroræ est tibi ros natiuitatis tuæ. hīc enim apertē de Ecclesia gentiū loquit̄ pater, quam populū appellat spontaneū, idcirco quōd futuri in ea erant homines, qui nō tantū res suas ac fortunas, uerum etiā propria ipsa corpora, atq̄ animas suapte spōte pro Christo offerret. Et id quidē in die exercitus tui, hoc est, tēpore christianæ militię, quę propter magnifica præclarāq̄ spiritus dona, unde omnis emanat sanctitas, cunctis fortior splēdidiorq̄ facta est potestatibus. Nam quemadmodū tui tibi subiecti erūt, uel inuiti, hostes: ita tuorū ultronea erit seruitus, multaq̄ sanctitatis magnificentiā insignis & cōspicua, neq̄ istuc sanē mirū: siquidē ab utero auroræ, id est, ante mundi ortū, rerumq̄ omniū effectiōnē, tua, ueluti à rore flos, fœcūda erit à meo spiritu natiuitas. Huc quidē spectare uideēt, quod quidā Rabbi Izaak antiquus Iudæorū interpretes in hūc attulit locū: Ante, inquit, solem propagat̄ nomē tuus: hoc est, anteq̄ crearetur sol, subsistens & firmū erat nomen Messię nostri,





**C** fuitq; sedens ad dexterā Dei. Cæterū qui nostræ innitunt æditioni, nefasq; putant ab illa uel latum digitū dissentire, sic hunc locū exponunt, ut uterus Dei sit occulta illius, penitusq; incognita substantia; ex qua quidem ante lucis huius uisibilis ortū, nempe absq; principio genitus sit filius patri æqualis, atq; eadē cum illo editus natura, uirtute, essentia, potestate. Nō nouū est in scripturis, uterq; pro arcano substantię Dei ac deitate, metaphoricē usurpari. Vnde illud est in Esaia: Audite me, inquit, domus Iacob, qui portamini à meo utero, qui gestamini à mea uulua. Sed illud subobscurum, quomodo ex illius utero exierit glacies, ut inquit Iob.

Iurauit dominus, & non pœnitebit eum, tu es sacerdos in æternum secundum ordinem Melchisedech.

Iam de filij sacerdotio loquit̃ pater, simul ut de illius regno in superiorib. est locutus. Iurauit itaq; pater, & nō pœnitebit: hoc est, promisit, factumq; nō mutabit, dicens: Tu es sacerdos in æternū secundū morē ritumq; præscriptū Melchisedech: qui quidem ut rex erat in Salem, quæ nūc est Hierusalē, ita & sacerdos: cuius sanē officiū fuit populum docere, pro eoq; orare, ac sacrificiū offerre. Sic Christus rex noster, nō tantū in Hierusalem, sed etiā in omni omnino orbis regione, sacerdotio pro humano functus est genere, cum se obtulit Deo pro omnī salute in ara crucis: atq; id in æternū, quoniā ipse est credentiū omnīū, quotquot fuere, suntq; impresentiarū, atq; in posterū erūt, & sacerdos, & hostia, seipsum offerens, mactansq; ac super altare sui inæstimabilis amoris incendēs. Adde quòd ex ipsa nominis Melchisedech, interpretatione, Christi dignitas magis quàm ipsius regis, exprimit̃. Iustitiæ regem interpretant̃, Pacis item ex Salem, in qua regnauit. Ecquis unq; efficacius Christo, regnū iustitiæ, pacisq; tum in cœlis, tum in terris, in fideiū animis stabiliiuit? Cæterū de Melchisedech nulla in scripturis fit mentio, quòd patrē habuerit & matrē, aut genealogiā, cum tamē habuerit. At Christus uerē nec patrē habuit in terris, nec eo modo, quo cæteri matrē: cuiusq; generationē quis enarrabit: nanq; illius genealogiā nullus hominum effari potest: quippe qui nec esse cœperit, nec esse desinet. Eam ob rem illius sacerdotium, ut diximus, æternū est, æternaq; illius uirtus & efficacia. Iesus enim Christus heri & hodie. Iam illud dubiū: quid, cum per sacerdotiū Leuiticū, ut inquit Paulus, cōsummatio fieret (populus enim sub ipso legē accepit) quid inquā necessariū fuit secundū ordinē Melchisedech aliū surgere sacerdotē, & nō secundū ordinē Aaron, qui fuit de tribu Leui? Mutatio quidē sacerdotij, mutandam esse legē demonstrauit. Quocirca reiecto sacerdotio illo cruento, in quo pecoribus litare cōsueuerant, reiecta est & lex crassa, stupido nimirū præscripta populo. Cui sanē lex spiritus successit, lex amoris, lex totius puritatis, in qua nō iam pecora immunda, sed nostras offerri animas edocuit Christus uerior aliusq; mi sacerdos, q̃ fuit Melchisedech, aut Aaron. Vt enim Aaron nō mansit in æternum, ita neq; eius sacerdotiū. Contrā uerò dictū est de Melchisedech Christi typō, quòd manet in æternū: atq; ita de illius sacerdotio dici necessariū erit. Verū hæc omnia Christo potius, quàm alijs, cōpetere, mysticus iste declarat psalmus, cum ait: Tu es sacerdos in æternum secundum ordinem Melchisedech.


Dominus à dextris tuis, confregit in die iræ suæ reges.

Paulò antē filiū sessurū ad dexteram patris asseruit Vates: modò uerò patrem ipsum ad filij dexterā astare memorat. De illa quidem sessione diximus, omnē tum filio datam fuisse regnandi potestātē: de hac uerò dicendum erit, quod aliàs quoq; diximus, cōtinuū patris auxiliū in filij ærumnis intelligi oportere. Deinde omnes illius quālibet potētes deiiciendos esse hostes. Et est ac si diceret: Dominus astans tibi à dextris, atq; omnia quæ ad bellum faciunt expediens, reges, nedum hostes alios, prosternet in die iræ suæ, id est, cum sœuire dignum duxerit,



rit, uolueritq; pro te irasci. Ad hæc,  
Iudicabit in nationibus, implebit ruinas, conquassabit capita in terra multorū. *Insper,* De torrente in uia bibit, propterea exaltauit caput.  
Expressius ex hebræo duos hos uertunt uersus. Sic Felix: Iudicabit in gentibus, congregauit cadauera: seu, ut alius, implebit cadaueribus, locū scilicet prælii, quod hic maximā animaduertas hostiū profligationē, quam subinde horribiliori quodam rursus modo in ultimo expressit uersu, dicens adeo crudele Christi hostium fore exterminium, ut ipse, si uolet, ab exundanti occisorum sanguine, tanq; è torrente, in transitu posset bibere: quibus quidem uerbis perfectam con summataq; Christi uictoriā fore, prædicat spiritus: ut in illa quoq; coacta Baalam benedictione uidere licet, qui de Israëlitis loquens inter cætera illud addidit: Ecce populus ut læna confurget, & quasi leo erigetur; nō accubabit donec deuoret prædam, & occisorū sanguinē bibat. Hoc igitur schemate signat Vates tantū sanguinis effundendū, ut è flumine ex hostiū cruore facto rex hic bibiturus sit. Propterea, inquit, exaltabit caput: hoc est, alacriter, ob rem feliciter gestam, suū exercebit imperiū, factus nimirū omnibus superior. Postremò, quod in superiori dictū est uersu, cōquassabit, seu uulnerabit capita in terra multorū, de tyrannis, superbisq; magistratib. liquet dici, qui cū in terra multorū regnēt, multisq; præpositi sint populis, ferino se habēt more, ne dicam impetu, crudeli nimirū & furioso: quiq; haud secus suos sibi subditos tractāt, atq; si canes essent aut feræ. Quē sanē morē nō solū in rebus pub. urbibusq; nōnullis locū habuisse uidimus & experti sumus, uerum etiā in sacris interdū ædibus, diuisq; ipsis consecratis maximo cōspeximus dolore. Hos itaq; tanq; multorū capita, sed dira & inhumana, iri contritum prædicat Vates. Iam illud quoq; nō silebo, me minimē præterire, quid piarū huc afferant meditationū expositores: quas quidē ut summisse ueneror & exosculor, ita, ne nimius essem, omittere illas malui, q̃ meo ab instituto discedere: quod sanē strictius forsan, q̃ tanta postulat rei maiestas, nō nunq; exprimere consuesco. Fastidio certē lectoris obtemperandū semper esse censui. Sed & illud, anteq; psalmū claudā, nō prætermittā, quod in ultimo deprehenderūt uersu nōnulli, sanctissimē id quidem & uerissimē: nempe ornatū illū omnē uirtutis, potestatisq; regię & sacerdotij, quo totum psalmū interspersum uidimus, Dei filio idcirco contigisse, quoniā de torrente, hoc est, de crucis amaritudine, decq; persecutionū amne ac fluuio, in hoc arduo uitæ transitu acerbissimē bibit, bibetq; in suis quoad uita hæc durabit. Certē si rem expendimus diligenter, nulla, quæ nobis magis utilis sit, ostensa est uia, quàm illa quæ ad crucē ducit. Id sanē durum atq; amarū uitę genus noster elegit dux Christus, quē quodidie audire mihi uideor clamantē, meq; seuerē increpantē: Piger quid dormis? ante clam est, quod per multas tribulationes, hoc est, per crucis tolerantiam, te oportet intrare regnū Dei: Cui ego: Id scio domine: sed mea me fallit teneritudo ac mollities, cui libentius, quàm crucis asperitati, assentiri soleo. Mea igitur sit miseria, tua autem clemētia, ac, qua sustentor, misericordia, ô clementissime, Cui & honor sit in secula seculorum. Amen.

PSALMVS CXI. Halleluia.

 Onfitebor tibi domine in toto corde meo, in consilio iustorū & congregatione.

In aliquibus ex superiorib. psalmis idem ferē est argumentū, quod in hoc quoq; cuius titulus penē quid sibi uelit exprimit. Quēadmodū em̃ a laudem magnificentiaq; diuinæ ordi cōfessione, sic agit in enarratione ac fine tandē dicens: Laudatio eius manet in seculū seculi. Iucundissimū id est argumenti genus, quo Deus laudat: nos uerò, ut meriti sumus, reprehendimur, cōtra nimirū



**C** hypocritarū morem, qui tametsi Deum, aut Dei amicos forsan laudari libenter audiunt, se tamen reprehendi ægrè ferunt, imò ingerunt sese, ac quodam se occultissimo insinuant modo in celebritatē illam laudum, quæ Deo debetur. Pessimum quidem istuc est hominum genus, quoq; uniuersus corruptus est orbis. Vis' ne, inquit senex ille, mundo hoc in pace frui? Lauda omnes, uel eos maxime, qui præsunt cæteris. Equidem (ut quod sentiam loquar) huiusmodi non mihi satisfaciunt paradoxa, utpote à Christi lege dissona, atq; omnino aliena ab eorum instituto, qui Dei spiritu afflati nequeunt, quantum sat est, tum in se, tum in alijs, malefacta deprimere. Inter quos quidem sanctissimū fuisse prophetam arbitror, qui dulcissimā suam à Dei laude exorsus odam, sic suum testatur affectum: Confitebor tibi domine in toto corde meo, in consilio iustorū & congregatione. De istiusmodi confessionis genere sic sentit Augustinus: Non est hic, inquit, confessio peccatorū, sed laudis. Illa luget, hæc gaudet; illa uulnus medico ostendit, hæc de sanitate gratias agit. Ait itaque: Celebrabo te, ô domine, laudibusq; te efferam ex animo tantulo hoc meo, quantus quantus ille sit, cum priuatim quidem in consilio sanctorū, tum palàm publico in cœtu hominū & cōuentu. Sunt qui hîc legunt, in concilio, quam literam sequutus Paraphrastes sic redidit: Omnia mea Deo accepta referam ex toto pectore palàm in cœtu & cōgregatione iustorū. Illud aduertendū, solos iustos, eos utiq; qui Dei laudem in primis expetūt, ea libenter quæ eò tendunt, audire, fructumq; inde uenari. Eapropter inter hos solummodo se Dei laudes celebraturū testatur Vates. Quæ uerò illa sint, quæ de Deo laudare instituit, mox intulit:

Magna opera domini, exquisita in omnes uoluntates eius.

**D** Forsan dilucidior esset litera, si sic cum Hebræis uertisset interpret: Magna opera domini, & exquisitè facta iuxta omnia desideria, seu beneplacita eorum, ut esset sensus: Quàm modis omnibus eximîa, planèq; omnē superantia sublimitatem sunt, quæcunq; operatus est dominus: quæ certè exquisita, diligenterq; peruestigata, adeò perfecta uidentur, ut qui illa, eo quo cōuenit animi candore cōtemplatus fuerit, tantam in illis deprehendet sapientiā, atq; erga homines charitatem, ut nihil ampliùs optare queat: quippe quæ omnia omniū uota excedant, uincantq; mortalium omniū spem, atq; expectationem. Illa tum demū uera esse uidetur cognitio de Deo, cum illum nostrū omnē excedere intellectum & comprehensionem nō ignoramus. Interpretis litera, etsi obscura est, in eundem tamen sensum cum illa, quæ est Hebræis, recidit. quanq; non me later, uoluntates eius, ad Deum referri à nōnullis, ut sit sensus: Dei opera diligentissimè considerata, probos incitant ad amplexandas illius uoluntates, nempe illius mandata. Alij rursus alios similes afferunt sensus: quare cuilibet suum sit iudicium & gustus. Cæterū sensus illos libenter audio, qui meū sedant animū, non inquietant. Per allegorias uerò, atque istiusmodi lusus uagari, ut quidem non uitupero, ita, quia meum non est institutū, non facilè amplector. Scio equidem, ut ad propositum reuertar, immensa esse, atque adeo omni magnificentia ac splendore prædita Dei opera. Scio & illud, nostrum intellectum ad ea plenè contemplanda cæcutire. Scio rursus, ita sapientia, prouidentiaq; & erga homines bonitate grauiter esse, ut nihil in eis, quod plenissimè nostram impleat mentem, exciteiq; ad noua semper inquirenda, desideretur. Scio tandem, quòd

Confessio & magnificentia opus eius, & iustitia eius manet in seculum seculi.

Vis' ne, inquit, breuiter quale sit Dei opus audire? Nō iam laude dignū est ali qua, sed ipsamet est laus, ipsamet gloria, ipsamet celebritas ac magnificentia. Hincq; perfectissima illius exoritur iustitia, qua nimirū undequaq; bonus est, ac summè, etiam in hostes, beneficus, & quæ, ut omnibus perfecta sit numeris, ma net



manet in perpetuum, Quocirca

Memoriā fecit mirabiliū suorū, misericors & miserator dominus.

Vtrā non procedit uersus Hebræis. Ne quidem nimiū in discernendo inter misericordem & miseratorē, quā sanè uocē uix accipiunt Latini, discruciemur, cōsulendi sunt Hebræorū interpretes, qui aut pium & misericordē transferūt, aut mitē & clementē, & est sensus: Cū sit pius dñs & misericors, effectū ne unq̃ (sic reddit Campensis) ut perire possit memoriā operū suorū tam mirabiliū: Etenim mirificis illā inculpsit modis in electorū mēte, ut tabulæ propemodū facti sint, in quibus diuinæ cōscriptæ operationes uulgò omnibus cōtemplandæ exponant. Quid: nōne ipsa quoq̃ ex se Dei opera, quādā ueluti memoriā, quā fecit dñs, quò perpetuò memores illius essemus, dici possunt: Nam (ut cetera suæ benignitatis indicia præteream) cū populus acerbè nimiū tum ab Aegyptijs, tum à finitimis in deserto uexaretur hostibus, fameq̃ non semel periclitaretur,

Escam dedit timentibus se, memor erit in seculum testamenti sui.

Sunc qui hunc locū de diuitijs ex Aegypto per Hebræos corrasis exponunt, nixi nimirū uocis hebraicæ, quā noster uertit interpres escam, significātia: quæ tametsi prædam ui correptā, utpote à feris, significat, nihilominus & ad facultatē prædæ, quinetiā ad uictū nō raptū transferri potest. Vnde in prouerbijs de muliere prudēte loquēs Salomon, illud inter cæteras illius, quæ à prudentia profiscunt, actiones attexuit, quòd surgens de nocte dedit prædā domesticis suis. Tareph uox, quæ tum hīc, tum eo in loco ponit̃, & prædam & uictum significat: uerū interpres prædam maluit uertere, q̃ uictū: quā uerò aptè iudicet lector. Ancillis enim, ac cæteris qui domi res exequunt̃ operosas, parabilem de more dant cibum, nō prædam, aut carnes à feris occisas. Eo igitur modo hunc intelligunt locum nōnulli, quo illud alterius psalmi: Eduxit eos cum argento & auro, unde adiectū putāt, Memor erit in seculū testamēti sui seu fœderis, quod multis sanè antea annis cum Abrahā percusserat, dicēs: Gentē cui seruituri sunt, ego iuocabo: & post hæc egredient̃ cum magna substantia. In hanc quoq̃ pedibus uenisse sententiā Paraphrasten uideo, qui sic uersum reddidit: Spolia hostiū diuicultoribus suis. Verū quod quidā huc de sacrosancto eucharistiæ cibo & potu afferunt, libentissimè audio: cui & ego suauissimū addo Dei uerbi symposium. Vtraq̃ mensa ad Dei fœdus cum hominibus inītū pertinet. Pollicitus quidem iam prima à rerum conditarū origine fuerat Deus, suos purissimo tum suæ carnis & sanguinis, tum Euāgelij edulio nutriendos, illorumq̃ alimēto ita robuste corroborandos, ut ex hominibus dñi efficerent̃. Felicissima sanè pastio, qua exalturata anima in diuinā penè transmigrat naturā, fide id operāte, atq̃ amore illo, qui naturaliter igneus est, incendente, exurentēue, si quid in ea terrenæ inuenit cōtagionis. Atqui fides illam in primis operat̃ excellentiā, ne dicā diuinitatē, quā animæ, ob dignā carnis cruorisq̃ Christi Iesu perceptionē cōtingere diximus. Amor postea igneā illā totam reddit, leuemq̃ adeò efficit, ac cœlestem, ut se in corpore hoc graui atq̃ inerti uix esse deprehendat. Sed hæc tardis uident̃ animis obscura, quia intentata: siquidem excellentiā duntaxat, ac

Virtutem operum suorum annuntiabit populo suo, ut det illis hæreditatem gentium.

Vt enim de populo illo Iudaico olim Dei, nūc satanę, hæc uerè dicta uideant̃, quòd fuerint illi gentiū fortunæ traditæ: ita, ut nostræ religionis umbella, de nobis quoq̃, & uerius dici possunt: quibus uis illa præclarissima operationū Dei per Christum tam aperta facta est ac lucida, ut indubitanter nostram Ecclesiam spectasse censendus sit Vates, non synagogam Iudæorum tantum: in qua licet fides, quam uirtutem operū Dei esse ducimus, magis exigeretur, quā cultus exterius, id tamen nisi à paucis præstari potuit. Nondū enim erat spiritus datus,



C nōdumq; cruor Christi cunctas sibi uindicauerat iustitiæ partes. Vīm igitur, roburq; diuinarū operationū, quæ tunc sub uelo atq; in caligine cerni poterant in Aegypto, in mari rubro, in deserto, atq; in primis in lapideis illis, in quibus conscripta fuit lex, tabellis, modò uerò quæ palàm aperteq; in eius Ecclesia, in baptismo, in fideiū cōuentu, in Euangelij prædicatione, imò in lege alia, aliq; stylo, nempe spiritus sancti, scripta exarataq; in electorū animis, nō tantum cerni possunt, uerum etiā pergustari, atq; ad medullas usq; animæ trañci, deglutiriq; suo solummodo reuelauit populo, qui sumus nos: modò hi simus qui dicimur, nempe Christiani: hoc est, tum moribus, tum uitæ conuersatione & charitate, Christū referētes; atq; id propterea, ut det nobis hæreditatē gentiū, quibus sanè cœlestis promissa est, exclusa Iudæorū turba, beatitudo. Non iam hīc terrā Chanaan adire libeat, nō Ammoreorū, nō Hiericōtinorū, nō cæterarū nationum agros ac uineas pollicei nobis Deus pro hæreditate, quæ propria fuit Iudæorū: sed spiritū, sed gratiā, sed misericordiam, sed remissionē peccatorū, sed cœlum ipsum tandem. Hæc sanè hæreditas est gentiū, de qua illud Dei est ad Abraham: In semine tuo benedicentur cunctæ cognationes terræ. Nam

Opera manū eius ueritas & iudiciū, fidelia omnia mandata eius. Quæ enim cunq; egit olim Deus, quæ ue agit in præsentia, aut ager unq; posterū, ueritatis, iudiciiq; & æquitatis plena sunt: nanq; quod pollicei præstat, similiterq; cuncta iustissimo pōderat æquilibrio. Quocirca fidelia, siq; semper similia sunt illius præcepta ac iussiones. Vide in diuinis rebus constantiam & rectitudinem. Aequa enim præcipit Deus, & quæ ab omni horrent fūco & simulatione: quoniam quæcunq; aut agit aut cogitat, ueritate nituntur atq; æquitate. Quare solida esse debent, ac iusta, quæ statuunthi qui Dei uices in terris actuant. Aliud quidem est elephantibus aut ursis non prorsus disciplinæ expertibus imperare, aliud hominī natura docili, frāno tamen reluctanti, si qui imperant stolidi sunt & inepti. Nullum quippe infortuniū molestius experimur in hac uita, quàm si ab iniquis aut stupidis contingit nos, non dico gubernari, sed confundi magistratibus. Proinde istiusmodi (si Deo placet) dynastis sorte potius humana, quàm uirtute ad dignitates obtrusis, & die & nocte inculcandum erit, clauisq; si uerba non suppetunt, infigendum ferreis, Fidelia omnia mandata eius; hoc est, fide plenæ sunt Dei præceptiones, ideo ratæ & iustæ sunt. Mites insuper, ueræ, moderatæ, summōq; expēsæ iudicio: ut planè sunt ea omnia, quibus formata est meæ professionis lex ac regula, ab euangelica nimirum dependens suauitate ac dulcedine. Idcirco illam discretionē præcipuam diuus appellauit Gregorius: quam quidem laudem meruit, opinor, quoniam ne digitum quidem à suauissimis Christi, qui mitissimus omnium fuit, declinat mandatis, quæ fidelia sunt ac salutaria, ideoq;

Confirmata in seculum seculi, facta in ueritate, & æquitate. Citius enim cœlum & terra transibunt, quàm uel unus è lege sacra expungiqueat apex: nanq; cum pura contineat mandata, æternamq; bene uiuendi præcipiat rationē ac uiam, æterno & illa fulcitur fundamēto. Verba, inquit, quæ, transibunt, licet condita omnia transeant, & cursim dilabantur. Siquidem quæ, ut dixi, ueritate & rectitudine cōnituntur, utpote quæ à Deo, qui summa est ueritas & iustitia, dependent, æterna illa omnino esse necesse est. Quam obrem nō absq; spiritus consilio est dictum, Dei præceptiones cōfirmatas esse in seculum seculi. Cuius porrò firmitatis illud maximè fuit indicium, quòd illam, quam toties suo in fœdere promiserat,

Redemptionem misit dominus populo suo, mandauit in æternum testamentum suum.

Hic iam apertè de Euangelij perpetuitate ac Christi, qui humanæ redemptionis



nis autor fuit ac nunciſ, ſit ſermo: quare nō ſemel Paulus illum noſtrā appel-  
lat redemptionē. Ipſeq; de ſe olīm teſtatus eſt, ſe à patre idcirco miſſum, ut præ-  
dicaret captiuis redemptionē. Quomodo uerò id aut actum ſit, aut agi potuerit,  
nō dicam modò: aliorū iſto labor: mihi ſat fuit myſteriū indicaffe, quod ſanè  
primū in admiranda illa Iudæorū ex Aegypto liberatione uelatū, per Chriſtum  
tandem, quid lucis in ſe haberet, innotuit. quam quidem lucem Euangelii eſſe  
credimus, quod pater, tanq; pacis atq; recōciliationis fœdus cum homine, æter-  
num eſſe decreuit. Dabo, inquit, uobis teſtamentū æternum. Semper enim uſq;  
ad mundi conflagrationē dominus Ieſus ſuos à peccatis aſſerit, purgat, uitāq; il-  
la animat, quæ abſcondita eſt in Deo. Quapropter

Sanctum & terribile nomen eius.

Cur nō ſanctum: cur nō terribile & uenerandū, ſimulac tam ſtupenda, tamq;  
inſolita mundo, in electorū gratiam operatus eſt, operaturq; continuò: Nōne  
in nomine Ieſu omne genu ſectitur? Quid illud? In nomine meo dæmonia eiſ-  
ciant, linguis loquent̃ nouis, ſerpentes tollent, & ſi mortiferū quid biberint, nō  
eiſ nocebit. O cerè nomen amabile: nomen, quo inuocato, ſeruant̃ quotquot  
fideles illi ſunt. Flagrantiffimū nomen atq; ignitum, quo autore ipſa etiā glacies  
incenditur, æquæue exurit̃, atque ſolet ſtipula aut ſulphur uix tacta flamma.  
Quis hoc audito, medullit̃ uſq; intellecto, amore non emoritur? nō colliquitur?  
non totus præ dulcedine exhauritur? Iſtiusmodi credo accenſus affectu ac deſi-  
derio Theophilus frater, ſic ſuū hendecaſyllabo ſolaſ æſtum, Ieſum alloquens:

*Flagrantiffime Ieſu amoris ardor,  
Et repleta ſitis, repletioq;  
Diuinæ ſitiens perennitatis.  
Flagrantiffime Ieſu odoris arbor,  
Miſcens necl̃ arcum croco liquorem,  
Spirans ambroſium roſis odorem.  
Amantiffime Ieſu honoris autor,  
Qui nos degeneres, diuq; Lethes  
Sopitos flumio vocas ad aſtra:*

*Pientiffime Ieſu amaror & ſel,  
Dum clauos crucis horridos amara  
In te ultro rapis, utq; dulcor, ut mel,  
Ut ſis ſimul mihi miſello.  
Quid tibi referam tot ob dolores  
Clementiffime Ieſu? an appetis cor?  
An cor appetis iſtud aridum? Ecce,  
Qualecunq; habeas, ſerasq; tecum.*

In nomine igitur tuo, ô benigniſſime, ſeruantur electi. Et quidem nomen tuū,  
ait Vates ille, nominabitur tibi à Deo in ſempiternum, pax iuſtitia, atque ho-  
nor pietatis. Verū illud cauendum, ne tam uenerandum, atque adeò, ut in-  
quit Malachias, horribile inter gentes nomen ſuperbè contemnāmus, deſidiaq;  
uerſemur. Si quidem

Initium ſapientia, timor domini.

Hoc eſt, ueræ cognitionis Dei exordiū eſt, timor dñi, quò ad illius trepident  
iudicia homines, atq; ad eius uerba & pollicitationes moueantur. Nam quidem  
Deum, ut conuenit, metuere, illumq; reiectis ſuperſtitionibus, ſcrupisq; ſuper-  
uacaneis eliminatis, ſyncerè atq; animoſe colere, totius religionis fons eſt, ac ra-  
dix. In ſuper

Intellectus bonus omnibus facientibus eum.

Qui tali, ut diximus, affecti ſunt metu & reuerētia, quiq; ea faciūt, Dei ſcilicet  
mādata, aut opera illa quidē, quæ in ueritate, ueròq; iudicio fieri ſolēt (eum ad ti-  
morē referūt) hiſ bonū impariſ animū, rectumq; in rimandis cœleſtibus, ne er-  
rent, intellectum, Dei bonitas. Ac, ne quid illius deeſſe poſſit felicitati,

Laudatio eius manet & in ſeculum ſeculi.

Tameſi enim hæc ultima pſalmi pars de homine dici queat, qui timet Deū,  
quòd illius ſcilicet ſit laus perpetuò duratura, ut ex Hebræo facile poteſt  
colligi, tamen & ad Deum ſi referatur nō erit inconueniens. Imò etiam, ut mea



**C** est opinio, is germanus uidet sensus, si sic rem absoluas: Intellectus bonus certe illis est ac perspicax, qui ea operatur quae iussit Deus. Verum ne laudem illam, quae sanctis debetur actionibus, homini, non Deo, nostra tribueret infidelitas, mox ueluti absolutissimum unde quaque additum est à spiritu *ἀξίωμα*: Laudatio eius, nempe Dei, manet in seculum seculi, Amen.

PSAL. CXII.

Halleluia.



**B**eatus uir qui timet dominum, in mandatis eius cupit nimis. Nulli dubium esse debet, ueram illam tandem esse hominis tum hinc in praesenti uita, tum in futura, beatitudinem, quae in Dei cognitione posita, à doctioribus sapientia appellari solita est: cuius originem Dei timorem illum esse existimant, qui à casto, trepidaque affectu ueneratione dimanat corde, ut ferè solent affici erga parentes filij. Hanc quidem à stultis contemni, deriderique suis in proverbijis querit Salomon. A timore igitur, quo uenerabundi in Deum ferimur, in illius cognitione, si non multum adeo in hoc mundo proficimus, exardescimus tamen & delectamur. Et haec quidem uera est sapientia, ex qua beatitudo. Nam quo alio medio è sensibus hisce brutis exire queat homo adhuc uiuens, praeterquam diuinæ purissimaeque Dei notionis, unde amor exoritur, non uideo. Itaque Vates tantarum rerum neutiquam ignarus, in hanc planè diuinam, sed stuporis plenam prorupit uocem: Beatus uir qui timet dominum, in mandatis eius cupit nimis. Vide operum delectationem diuino copulatam timori: id enim significat, cupit nimis, & est sensus: O beatum uirum illum, qui Deum timet: namque ut cætera, quae illi contingunt, bona sileam, in illius praeceptis supra omnia delectabitur. Et legem, & legis datorē ardentissime diligens, in illis, quibus se mirandum in modum oblectare possit, inueniet. Vis ne, mi lector, quod se extendat aliquando mandatorum Dei concepta in corde delectatio, audire? Non solum enim, qui illo affecti sunt dono, amicos diligunt, eisque faciunt bene, sed etiam hostes ipsos non minori: quid minori? maiori saepenumero charitatis nota, nempe beneficijs prosequuntur, quam proprios familiares, necessitudineque coniunctissimos. Excessus is qui dem diuinus est, atque illis insolitus, qui quosdam indoctos, ne dicam absurdos, in dei obsequio & amore constituunt gradus: cum ea uera sit in Dei amore instructio, nullum seruare modum aut gradum, sed illò absque ordine ferri, quod ab igne raptamur. Scilicet incendijs praescribi potest modus aut terminus. Voluntas quidem in negotio spiritus non potest esse nimia. At tu, qui haec, quae dico, experieris, ut de inquieti huiusce amantis è caelo compensationem.

Potens in terra erit semen eius, generatio rectorum benedicetur.

Qui externis opibus & fortunis, & non his, quae in animo insunt, bonis, uim potentiae metiri consuescunt, id refugium audire, quod filij timentium Deum ut plurimum in hoc mundo debiles & contempti, potentia aliqua praediti sint: secus hi, qui bus robur perspectum est fidei, censent. Siquidem nullam eam esse potentiam arbitrantur in homine quamlibet amplo insigni dominio & diuitijs, si Dei timore uacuus sit. Contra uero eum potentissimum omnium appellare non dubitant, qui Deum timet. In rebus quidem corporeis, atque ad uitae usum necessarijs, quantum sat est appetit, abundat etiam: in spiritualibus autem, uel cum non aduertit, exuberat. Qui non illum fortissimum, mundoque formidabilem dicam, qui inferiora haec omnia suo subiecit imperio, magnitudineque animi contempsit: Si curata domi est suppellex, si tenuis uictus, si in agris sterilitas, bona huiusmodi fortunae, prout sunt, uaria scilicet, inconstantia, perfidiaque obnoxia, & plerumque in immeritos contingentia, nunquam uel animum expleant, reputat. Unde istiusmodi, quae fors ista fallax producit, rebus contentus, maximas deridet fortunas, quas qui possident, raro expleantur: raro, sat est, dicunt: raro quae ea sint, quae uerè satiant animum, ne per transfennam quidem intuentur.

Age



Agè dic, uter horum potentior tibi uideat: rex ne, qui nullis quibus copiosis expletur diuitijs, an ciuis, cui uix cibarius suppetit panis, sed quieto uiuit animo? Vide tranquillum cor in sene illo, qui sic suum hortatur filium: Pauperem quidem uitam gerimus, sed multa bona habebimus si timuerimus Deum, & recesserimus à peccato, & fecerimus bene. En quomodo bona multa Deum timentibus obueniunt: quos sanè generationē rectorū appellat spiritus, quam felicissimam fore uaticinatur. Semen itaq; ac posteritas illius, qui Deum metuit, utpote à parente in eadem instructa religione & timore, quicquid tenuitatis occurrerit, potēs erit ac diues, etiam in terra hac infelici, ubi plerunq; qui Deum timet abijcitur, calcatur, à uitæq; cōmodis, nedum honoribus & dignitatibus, in quibus maxima solet esse potentia, excluditur. Veruntamen

Gloria & diuitiæ in domo eius, & iustitia eius manet in seculū seculi. Vide prudentiam Vatis. Ne putes, inquit, mundi huius diuites ea se habere ratione cum his, qui spiritu pauperes sunt, hoc est, in immensum ditissimi. Rari quidē ex illis inueniunt, qui à recto nō exorbitent, propterea quod ea sit diuitia rerum natura, ut faciliè, etiam sapientiores, à iustitiæ itinere deturbent; horum uero iustitia æterna est, quippe quæ illorū strictim adeo adhæsit animis, ut è corpore demigrantes illam quoq; secum ferant, Deoq; à quo illa processit, offerāt. Inrogatorem igitur suum refundunt donū. Caterū tametsi pro gloria in hebræo legimus, opes, seu opulentiam, tamen gloriæ uocē mirabiliter ad huiusmodi timentē Deū pertinere iudico, si illa ad existimationē, bonumq; nomē referatur. Suauissimus is odor est, gloriæq; ita celebris & insignis, cui nullæ, ne regiæ quidem, æquiparari queant opulentissimorū hominū diuitiæ. Malo quidem bonū nomen in paupere, quàm infamem uitijscq; inquinatum satrapam, aut regem quamuis diuitē & potentem. Sed quid si à turpissimis nonnunq; fœdari contingit delatoribus atq; maledicis proborū hominū uitam? Quid id refert simulatq; illorū nomina scripta esse in cœlis sapientissimus affirmat magister: In cœlis igitur bona sua omnia, diuitias, gloriā, splendorem, lautitiāq; esse uolunt & cōproscunt pauperes spiritu. Quocirca non iniuria dictum est, quod iustitia illorum manet in seculum seculi; & quod

Exortū est in tenebris lumē rectis, misericors & miserator, & iustus. Rursus, ut in superioribus egit, Deum timentes rectos appellat: quibus tandem cœlestis cognitionis lumen, ex quo maxima animæ exoritur cōsolatio, in tenebris interlucere asserit. Tenebras hīc uocat propheta aduersa, nēpe pauperiem, morbos, persecutiones, atq; id genus alia crucis præludia: lumen uero cōsolationē, quæ, ut dixi, ex Dei cognitione oriri solet. Fitq; ex eō lumine ac face spiritus, totus cœlestis homo & deiformis. Quare à se exiens, quicquid lucis in se esse pernoscit, in alios transfundere conat: adeo benignus iam factus est, misericors & iustus: hoc est, omni uirtutum, cœlestiumq; bonorū cumulo ditatus. Quod porro has uoces, miserator, misericors, & iustus, ad hominē Deū timentē retulerim, me admonuit Paraphrastes, qui sic uersum trāstulit: Exoriet, alijs de silentibus in tenebris, lux rectis, clemēti scilicet, pio & iusto. Vnde mox addit:

Iucundus homo qui miseretur & cōmodat, disponet sermones suos in iudicio.

Utra non procedit uersus Hebræis: cuius is sensus erit: Ter felix quidem est uir ille, ac mundo commodus, cuius mouentur uiscera in egenos, datq; illis mutuū. Is certē quæcunque ager, loqueturue, recto dispensabit iudicio. Nihil temerè, aut inconsultò proferet. Non te moueat, quod ad actiones quoque, disponet sermones suos, referre libuit: Symmachus enim uerbi græci, non sermones, sed rationes, transtulit: ut sit sensus, quem etiam ex Hebræo reddidit Campensis: Dabit, inquit, illi dominus eam prudentiam,



C ut dispensare sciat reliqua, quæ tractanda illi erunt, cum iudicio, hoc est, consue-  
to bonis delectu, qui is est, ut prosint omnibus, officiant nemini. Caterū, iucun-  
dus, mirū quā aptè huic quadret loco: siquidem uiro ab angustijs presso, cum  
malāq; conflictanti fortuna, nihil iucundius accidere potest, quā si de impro-  
uiso quis ferat suppetias. De istiusmodi hominū genere, qui misereantur & com-  
modant, illud uerè dici potest alterius psalmi elogium, quòd tota die misereant,  
& cōmodant: contra nimirū peruersam quorundam consuetudinē, qui tota die  
nefandissimis affligunt populos oppressionibus & usuris. Resonat iam cœlum  
ipsum ex mœstissimis oppressorū suspirijs atq; eiulatibus, nedum montes, aut  
in quibus delitescūt, solitudines, propter insaturabilem illorū famem, qui deuo-  
rant plebem Dei sicut escam panis. Hos tamen certissimus (non insolescant) ci-  
tissimusq; simul cum illorum nomine ac re, manet interitus. Contrā autem,

Quia in æternum non cōmouebitur, in memoria æterna erit iustus.

Vide iucundissimā antithesin. Illi q̄primū suæ crudelitatis luent pœnas: iu-  
stus uerò, ille, dico, de quo asseritur, recto eum sua omnia dispensaturū iudicio  
& delectu, perpetua uigebit in ore hominū memoria & celebritate, idcirco, quo  
niam suo nunquam dimouebitur loco, ac firmo erga Deum proposito. Et qui-  
dem in Deo, qui uita est omniū, positum, cur cum impijs, quorū finis mors est,  
exolescere, atq; cum illis interire timebimus? Etenim

Ab auditione mala non timebit, paratum cor eius sperare in dño.

Hoc est, si quid malorum sibi à mundo intentari audierit, iam fidei umbone  
protectus, non timebit, non à concepta de Deo fiducia dilabetur, tantū abest ut  
à pugna meticulosus excedat. Siquidem cor habet uirile, atq; ad spem salutis, ut  
cunq; res accidunt, paratissimum. Vnde

D Confirmatum est cor eius, non commouebitur donec despiciat ini-  
micos suos.

Firmū, inquit, est cor eius, uiuēq; animo præsenti ac uegeto, non cōmouebi-  
turq; quoad uiderit in aduersarijs suis, ultionem scilicet. Phrasis est hebræa, de  
qua aliās nō nihil diximus: & est ac si dixisset, usquedum uiderit suorū hostium  
interitum, qualem quiuis alius uidere uellet in suis hostibus. Id enim optandi ty-  
rannorū interitum genus, ad eos tantūmodo pertinet, qui à Deo, tanq; æternas  
bene uiuendi ideas, suæ omnes uitę rationes excerpunt. Et ut tandem excellen-  
tissimū sanctitatis gradum in uiro isto beato, de quo pulcherrimus hic factus est  
psalmus, inesse intelligamus, à Vate cōmodum infertur:

Dispersit, dedit pauperibus, iustitia eius manet in seculum seculi; cor  
nu eius exaltabitur in gloria.

Aptum sanè uerbum, dispersit, quo donantis expressa est liberalitas. Notat  
Felix, uim illam hebrææ esse uoci in hoc loco, ut, si id latinæ admitterent aures,  
transferri posset, sumptuauit, hoc est, expensas elargitus est. Id uellem perpen-  
derent ditiores, qui auaritiæ ueneno infecti obcæcati, aut non subueniunt o-  
mnino egenis, aut tenuissimè id quidem. Ingratissimū certè genus hominū, qui  
tam crudeles sunt in Christum. Dispersit igitur uir sanctus res suas adeò copio-  
se in alendo Christo in pauperibus, ut integrum illis præbuerit uictum, atq; ad  
alendam familiam expensas. Nonnulli suas, quòd alant canes, scorta, moriones,  
& parasitos, dispergunt facultates: Christus uerò, quantum in illis est, fame pe-  
riclitatur. Dispergendæ quidem sunt diuitiæ, ut hīc admonet spiritus, sed in usus  
uitæ honestos tum suæ, suorūq; tum pauperū, illorum maximè, quibus uirgi-  
tates maturæ uiro sunt domi. Nulla certè tam tenax in nobis debet esse cupidi-  
tas, quo minus in suppeditandis suis rebus inopi profusiores potius simus, q̄ a-  
uari. Quod sanè hīc annuisse Vatem arbitror cum ait: iustitia eius manet in secu-  
lum



lum seculi: hoc est, illius iustitiā, promptamq; erga Christi egenos liberalitatē, perseverantē esse & continuā uidebimus. Quocirca cornu eius, uirtus scilicet, fama, nomen, potestasq; illa, de qua superius est dictum, Potens in terra erit semen eius, exaltabitur in gloria: id est, à cunctis celebrabitur, in eoq; diuina laudabitur bonitas, cuius imitator is factus sit. Sed & beatius in Deo post hāc uitā, gloria atq; honore, quemadmodū solent triumphatores, coronabitur. Verū dignitatem, splendoremq; istiusmodi, cui comes est gloria,

Peccator uidebit & irascetur, dentibus suis fremet & tabescet, desiderium peccatorum peribit.

Clamat Salomon, desiderū iustorū omne bonū esse: præstolationē impiorū furorem. Atqui ea est inuidorū maximē natura, ut aliena perspecta celebritate ingemiscāt, acerbēq; perturbentur: unde odia plerūq; ortum habent, dissidia, persecutiones, exilia, ac, quibus maximē afficitur probitas, oblocutiones. Ille itaque qui istiusmodi liuido laborat morbo, ea uidens, quæ naturaliter inuidus uidere refugit, alienam nimirū gloriā & splendore, rumpitur, turpissimumq; in modum tabidus factus & cadauerosus, rabie corroditur & insanit. Verū nequicq;: nam uota eiusmodi effrænata, machinationesq; turbulentæ, finem sortientur nullum. Hic cernis, opinor, nostrum ob studium erga uirtutes, atq; diuinarum præceptionū obseruationē, quod merū Dei est donum, æternū patrē in nobis laudari: nos uerò illius uicissim gratia euehi, perornariq; dignitate, atq; aliud tandem in terris etiā (quis id credat?) apparere, indeq; maleuolorū animos miserabiliter torqueri, atq; ob inuidiam gratis emori: proin elumbes illorum conatus, atq; efferatum ad nocendum studium & desiderū, in auras resolui. Et id quidem seruatoris nostri benignitate & gratia. Cui laus sit æterna. Amen.

## PSAL. CXIII. Halleluia.



Audate pueri dominum, laudate nomen domini.

Idem fermē huius psalmi cum superiori est argumentum: nempe Deū cuncta, quæ hīc fiunt, intueri, regere, proq; suo mutare arbitrio, ac demū reiecta perfidorū cura, miseros fouere & restituere. Equidem uniuersum adhuc in tenebris uersari mundum arbitror, si quis uerus laudandī Dei sit modus ignoretur. Subtracto quidem huiusmodi ab Ecclesia fidei lumine atque ornamento, densissimæ undecunq; conspirant tenebræ. Etenim à puro, caecū duntaxat, ac cœlesti animato spiritus ardore, animo, tanta hæc res oriri cōfuescit. Nihil sanè dico: pura ipsa mens, quæ puro unita est corpori, ea tandem est, quæ nō solum ad celebrandas Dei laudes idonea censetur, uerum etiā ipsa met laus efficitur. Quamobrem quicquid agit, cogitat, loquitur, eò nimirū spectat, ut Deo honor sit, proximo cōmdum, sibi uerò ignominia. In id enim enixissimè incumbens, in eo, plusquam in se, & est, & uiuit, delectaturq; atq; felicitatem omnē suam, quæcunq; obtingant, collocauit. Idcirco ipsissima, ut sic dicam, propemodum res est, quam tam cupidè deamat. Qui igitur istiusmodi affecti sunt animo, pueri, seruiq; Dei, atque amici, ab omnibus meritò appellari debent: ceteri uerò uix eo dignari possunt nomine, quandoquidem nemo unquā ad tam altum seruitutis gradum asciri potuit, quin candidissimis perornatus esset moribus: animo in super in his quæ ad sui domini pertinerent honorem, flagrantissimo. Quod sanè à me dictum esse propterea uelim, quòd multi huiusmodi seruitutis imagine nescio qua decepti, se Dei tum seruos appellari merito debere existimant, cum semirasum circumferunt uerticē, aut mitra obtegunt. Ab animo quidem primū metiri istuc seruitutis genus solet altissimus, à cando-re postea uitæ & religione. Ignauum porrò id genus hominū, quod sibi hoc nomen, ullo absq; bonorū morum, aut sanctę mentis indicio, impudentissimè arro-



**C** gat; mallem à proborū contubernio eliminari, frænoq; disciplinæ arceri, quàm illam passim cernere sacrosanctā ab omnibus usurpari appellationē: hincq; illorum culpa fieri, quòd & ueri Dei serui & subreptitij, uno ueluti facto uolumine ludibrio habentur, ac uulgò irrisioni. Nulla quidem in terris tam syncera iustituitur res, cui subito aliqua non fiat impostura. Hos itaq; qui Deo, ut tanta potestulat maiestas, suum impendunt obsequiū, pueros Dei appellat Vates, atq; ad exhibendam purā Deo seruitutē, quæ potissimū laude constat, hortatur hoc modo, dicens: Laudate pueri dominū, laudate nomen domini. Vt nihil turpiter, nihil indecorè aut ambitiose operentur Dei serui, sed ad diuinā omnia bene, sancte q; uiuendi legem ac rationem instituunt, purgentq; seipsos in Deo, in quo fons omnis inest puritatis ac sanctimonix, istiusmodi suæ odæ fecit exordium Vates: O pueri, ô serui, ô quibus Dei peculiariter laus est cordi, atq; honor, laudate dominū, atq; illius lætanter efferte nomen: sanctum certè est & terribile, idcirco laudabile est, planeq; adorandum, atque omni persequendum religionis cultu & pietate. Itaq;

Sit nomen domini benedictum, ex hoc nunc & usq; in seculum.

Ab hoc, inquit, tempore usq; in sempiternū, nomen domini tremendum extimetur, celebreturq; à cunctis passim nationibus, Si quidem

A solis ortu usq; ad occasum, laudabile nomen domini.

**D** In superiorib. enim uersibus, tempora omnino omnia in extollendo Dei nomine expendi, consumi q; debere admonuit Vates. In hoc uerò, atq; in sequenti, loca orbis cuncta & hortat, & anxie id adeò inculcat, ut propè nihil aliud à nobis cœlitus exigī præ se ferat, q̃ ut Dei nomen semper, omniq; in loco atq; hominū gradu celebre fiat & notū. Et ut sanè nemo est, qui se abscondat à calore eius, ita ab orientalib. ad occiduas usq; plagas nemo sit, qui Dei nomen, quo in uocato seruant quotquot seruari cupiunt, non summis euehat laudibus. Etenim

Excelsus super omnes gentes dominus, & super cœlos gloria eius.

Quid ni nomen Dei sanctum, atq; alios, qui nota aliqua sanctitatis insigniti sunt, sanctificans, appellabimus, cum illius nomen sit, qui super omnes sublimis est gentes? Sed nec id quidem solū, uerum etiam cœlos quoq; ipsos gloria superet & maiestate? Ergo

Quis sicut dominus deus noster, qui in altis habitat, & humilia respicit in cœlo & in terra?

Hem quanta diuinæ erga homines charitatis uis est ac magnitudo. Quis, inquit, nostro similis est domino? qui cum supremū inhabitet locum, rebusq; omnibus tum quæ in cœlis sunt, tum quæ in terris, præstet, nihil tamen est tam humile & abiectum in mundo, quin ipse uideat & moderetur. quid mundum in cœlis, dico, ipsis diuina in primis suum habet locum prouidentia. Id dicit Vates, quòd Deum mentibus illis angelicis infinito (ut sic loquar) interstitio altiorum esse minimè ignoretur. Ex Hebræo sic uertunt quidam: Quis sicut dominus Deus noster, qui sublimat se in habitatione? hoc est, ut interpretatur Paraphrastes: Qui seipsum in altum erigit, ut sedeat quocunq; loco libitum fuerit illi: rursusq; seipsum conuertit ad contemplanda quæcunq; fiant uel in cœlo, uel in terra. Vellem mundi procures huiuscemodi instructi essent spiritus doctri-  
na: illos dico, qui altiores nacti sedes usque adeo interdum suæ obliuiscuntur sortis, ut nec quæ in cœlis sunt, nec quæ in terris honestè peraguntur, uidere, exanimosq; expendere dignentur. Tam cæci quidem nonnunq; sunt, atq; in ambitio-  
nis fumo prorsus obtenebrati. Viuunt enim ut propriæ suggerunt cupiditates: non ut Dei est lex, non ut uult spiritus, non ut subditorum expetit indigentia: hincq; nullū in eis, ne per umbram quidem, cerni potest in rebus agendis, aut diffiniendis, prouidentix signum. Semel quippe à uera moderandarū rerū ratione



Alone ac norma, qui Deus est, semoti, atque amentes effecti, ut res corporeas ineptissimè gubernant & sæuè ita cœlestia, tanq̃ res prorsus incognitas, aut parui pendunt, aut scire dissimulant. Eam ob rem, nihil illis in suo illo sic malè moderato imperio antiquius est, quàm ut probos opprimant, fessos atterant, fractosq̃ perfringant, contra nimirum Dei morem, qui

Suscitans à terra inopem, & de stercore erigens pauperem,  
Rerū uicissitudines mutare potest. Clarius forsā ex hebræo per tēpus præsens uertisset interpretes, suscitāt, & erigit: seu, ut quidā uertit, sublimat pauperē,  
Vt collocet eum cum principibus, cum principibus populi sui.

Quòd humilia, prorsusq̃ profligata intueatur Deus ac restituat, hisce ultimis psalmi uersibus enarrat Vates, probatq̃ idcirco, quòd pauperes, abiectos, uulgoq̃ ob probitatē irrisos, ex contemptissima rerum sorte non solum eximat, uerum etiam inter primarios populi Dei homines collocet, alijsq̃ præesse faciat. Vis ea quidem diuina est, non humana, cum quis probus ex humili ad altioremeuehitur fortunam: illa uerò humana omnino, cum scelerati è sordibus uisumma extracti, natiq̃ è terra, hoc est, ipsa contradicente natura, populis præponuntur. Quid hac peste exitius? quid turpius unquā uisum est? Tantum uerò abest, ut à Deo istiusmodi proueniat humanarum rerum corruptela & calamitas, ut etiam summopere illam detestetur.

Qui habitare facit sterilem in domo, matrem filiorum lætantem.

Volunt Hebræorū interpretes domū hīc poni pro familia, eo modo, quo de obstetricibus illis dictum fuit, quòd fecit illis Deus domos, hoc est, numerosam comodamq̃ dedit illis familiā. Vnde sic uertit quidam: Ipse ponit sterilem in familiam, & in matrē ob filios lætantem. quare is erit sensus, quòd ad diuinā pertineat prouidentiam, sterilissimas quasq̃ adeò abundè fœcundare, ut domū prole impleant: & quæ antea naturaliter fuerat sterilis, fiat mater illico, propter liberorum copiam lætitia gestiens. Hīc absq̃ dubio de gentiū Ecclesia est uaticiniū, de qua sic Esaias: Lauda sterilis quæ non parit, decanta laudem & hinni quæ non pariebas, quoniam multi filij desertæ, magis quàm eius quæ habet uirum. Misera hæc, atque ad punctum in modico derelicta, inquit Deus, in fructus demum uberes erupit, atque adeò largè effudit, ut orbem repleuerit uniuersum. Ideo non absq̃ profundissimo mysterio illud canitur de spiritu elogium: Spiritus domini repleuit orbem terrarū. Siquidem aliud nihil Christi Ecclesiam esse diffiniunt, quàm immensam æterni patris charitatē, largamq̃ illius spiritus effusionem in electorum cordibus disseminatā: cuius uirtute acti, uel ea quæ corporeis cerni nequeunt oculis, captuq̃ humano comprehendī, credūt, fideq̃ assequuntur: quæ summa est salutis in Christo Iesu domino nostro, Cui honor sit in secula, Amen, Halleluia.

## PSALMVS CXIII.

**N**exitu Israël de Ægypto, domus Iacob de populo barbaro.

Facta est Iudæa sanctificatio eius, Israël potestas eius.

Non ab re quidem uidetur, si nonnullorū hūc sententiam affero, qua aliter hunc psalmū cum quinq̃ sequētibz, Halleluia magnū, hoc est, hymnū magnū ab Hebræis appellari, illumq̃ in tribus præcipuis festis diebus decantari solitum, sed solennius post agni esum in Pascha. Vnde illud de hoc hymno intelligi uolunt, quod refert Euangelista de Christo, qui hymno dicto post cœnam exiuit domū. Verum ut is Iudæis fuerit mos, aliud hunc psalmum præfagisse arbitror, quàm quod nunc somniat illorum synagoga. Illud interim nō ignorandum, historiæ celebris ac famosæ Ægypti, marisq̃ in Hebræorum gratiam exiccati, frequentē idcirco in lege sacra fieri mentionē, ne non in scī si-



mus, quòd terrā potius ac cœlū moueri oporteat, mareq; exiccati, montes item unā cum elemētis omnibus pessum ire, quā ne unus quidem de his, qui Deo, illiusq; promissionibus fidunt, intereat. Summa enim fide fretum illud falsum transierunt Hebræi. Ita nos turbas has mundi molestissimas, in fide Iesu Christi uincere, aut saltem demulcere posse confidimus. Vates itaq; qui ex umbris illis obscurissimis, quæ postea in Christi Ecclesia detecto Mosis uultu cōtigere, eliciens, sic rei seriem orditur: In exitu Israël de Aegypto, domus Iacob de populo barbaro. Facta est Iudæa sanctificatio eius, Israël potestas eius. Hebræi hunc psalmū in duos diuidunt, quod & nos, illorū ordinem sequuti, obseruabimus. Israël & Iacob idem est populus, quemadmodum Aegyptus in hoc loco, & populus barbarus, eandem præ se ferunt gentem, nempe Aegyptiā. Mos quidem fuit Iudæis omnē linguā, quæ sua non erat, barbaram appellare ac peregrinam. Cæterū Iudæam seu Iudam, sanctificationē Dei factā fuisse, Israëlēmq; illius potestatem propterea dictum putant, quòd in Iuda siue Israël, tanq; in populo sibi grato & charissimo, suā esse religionē ac peculiare imperiū, uoluit Deus. Hanc sanè gentē inter cæteras orbis nationes sanctā esse decreuit; proinde illi data est lex & ceremoniæ, quibus Dei cultum testari poterat. Ad hæc, è Iuda natus est Christus secundum carnem; quocirca tribum illam secretissima quadam ratione iam inde à principio sanctificatam fuisse non absurdum est credere. Neque absq; mysterio fuisse dicunt, quòd cæteris metuentibus, rei q; miraculū summo animi stupore admirātibus, Iudæa tribus animosissimè Mosē in maris transitu prima sequuta est. Is itaq; sensus esto: Cū exiret Israël de Aegypto, posteriq; Iacob peregrinæ linguæ homines relinquerēt, tunc Iudas diuinæ religionis particeps factus est, atq; Israël Dei imperio ac ditioni præ cæteris orbis nationibus parēre occēpit. Vtrunq; enim expressit Deus cū inquit: Vos eritis mihi in peculiū de cunctis populis, & eritis mihi in regnum sacerdotale, & gens sancta. Atqui, ne in re ulla spiritus innascatur confusio, errare nō poterunt rudiores, si Iudam, Israël & Iacob, in hoc loco pro eodem acceperint populo. Sic aliās quoque una tribus pro reliquis sumi solet in scripturis. Sciāt & illud de nobis quoque dictū esse, quòd facta est Iudæa sanctificatio eius, & Israël (nempe idem populus per confessionē fidei sanctificatus) potestas eius. Dedit quippe nobis potestatem filios Dei fieri. Verū, ut ad historiam reuertamur,

Mare uidit & fugit, Iordanis conuersus est retrorsum.

Per prosopopœiam facit hīc Vates in anima uidere, atq; ob metū fugere. Rem enim tropo huiuscemodi uehementi exaggerat. Pauefactum, inquit, mare uiso Dei exercitu fugit: hoc est, cessit, liberumq; iter præbuit populo exiccatum, ita & Iordanis, qui cū primū ferentes Dei arcam sacerdotes cum populo sensit, resiliuit subito. Sic enim in Iosue libro legimus, quòd ingressis sacerdotes in locum, & pedibus eorum in parte aquæ tinctis, steterūt aquæ descendentes in locum unum; quæ autem inferiores erant, in mare solitudinis, quod nunc uocatur mortuum, descenderunt usquequo omnino deficerent. Mare itaq; Deum præsentem esse sentiens fugit, cessitq; pauidum; Iordanis item retrò abiit. Quid: ipsi quoq; alioquin inertissimi & rudes,

Montes exultauerunt ut arietes, & colles sicut agni ouium.

Exilierunt seu subsilierunt ut arietes, uertunt Hebræi. Præ metu id factū uolunt. Nanq; arietes, capreæ, agniq; cuniculi, atq; id genus animantes, cū currunt, subsiliunt. Ad montem Sinai allusit Vates, quem tremuisse, mirandumq; in modum concussū fuisse legimus, quando data fuit lex populo, quod & de cæteris circumiacentibus montibus ac collibus intelligere non inconueniens erit. Siquidem montem omnē terribilem, hoc est, mirè exagitatum tunc fuisse scribit Moses. Verū, ô rem insolitam,

Quid



Quid est tibi mare quod fugisti? & tu Iordanis quia conuersus es retrorsum? Montes exultastis ut arietes, & colles sicut agni ouium?

Vnde id quaeso? unde hæc tanta in rebus quoque inanimis commotio? Vnde est timor, quod tu mare exterrefactum fuga tibi prospexeris? et tu Iordanis cursu alio, qui libero & expedito, conuersus es retrorsum? Vos montes, uos collēs, uos inculti aggeres, instar arietum atque agnorum in fugam uersi, præ metuque exanimati facti estis? Tanti ne fuit populus ille imbellis, aut sacerdotes de more inermes, ut uix dum primo conspectu illorum accessu, retrò cessistis? Certè uim aliquam diuinam in illis fuisse sensistis. Itaque

A facie domini mota est terra, à facie Dei Iacob, qui conuertit petram in stagna aquarum, & rupem in fontes aquarum.

Præsentia, inquit, numinis in causa fuit, quod ipsa tota contremuerit tellus: præsentia dico illius, qui Deus est Iacob: hoc est, qui illius populi curam habuit, is fuit qui tam mirifica perfecit, non alius quispiam quam uis terribilis ac potens. Alia qui dem uis est diuina, alia humana. Illa quidem est quæ præter naturam saxi effecit, ut sicca rupe, copiosissimæ dimanarent aquarum scaturigines, stagnarentque in deserto. Posset ne id efficere uirtus hominis natura uitrei & imbecillis? Amens est si quis id dicat. Quare,

**N**on nobis domine, non nobis, sed nomini tuo da gloriam, super misericordiam tuam & ueritatem tuam.

PS. CXV.  
secundum Hebræos.

Is unus est uersus, cuius ultimam particulam clarius hac exprimunt uersione: Non tibi da gloriam, propter misericordiam tuam & ueritatem tuam, nobis nimirum præstitam. Ait itaque: Non certè, o domine, quasi sic meruimus: non, inquam, quasi id meruimus, sed tuum ne nomen sua fraude gloriam atque honorem, pro tua misericordia, ac, qua tute nobis affuturum astrinxisti fide, nos libera. Periculum quidem est non leue, quod improbi tuam in opitulando miseris intuentes moram, te carpant, dicantque te tuorum omnino immemorem esse & contemptorem. Periculum, inquam, est, Ne quando dicant gentes, ubi est Deus eorum?

Vrit mirum in modum uiri sancti animum improborum petulantia, atque in Dei religionem irrisio. Per ironiam hæc dicta sunt omnia: Vbi est Deus eorum: quasi dicant: Doremus illorum Deus? Num quæ hic agunt in suorum exitum, non curat: debiliorem is qui dem est, quam qui illos nostris est manibus queat eximere. At ego uos omnium stultissimos merito appellauerim, qui de omnipotentissimo id Deo dicere audetis.

Deus autem noster in cælo omnia quaecumque uoluit fecit.

Pulcherrima Dei diffinitio: facit quæ libet. Inter cætera, quæ in derisionem fidelium iactabant idololatram, illud erat, quod absque simulachris Deum colerent: id enim in lege cautum fuit. Irrepsit tamen is usus in Ecclesiam ob rudiorum documentum: modo documentum rationem non excedens, in superstitionem dilabatur. Tantum illud cauendum, ne in istiusmodi statuarum, pictarumque tabularum genere, sumptus fiant adeo intemperati, ut Christus se suo fraudari uictu in egenis quærat. Verum ad insulsa oblocutorum dicta & irrisionem, hæc ferè erat responsio: Tamen si quidem nulla nos manufacta colimus simulachra, ut uos, Deum tamen illum, qui cuncta implet numine, sedensque quietus in cælis, quicquid illi unquam libitum fuit, facit, adoramus. At uos cuius diuinitatis Deum colitis? Simulachra nimirum uitæ omnis (ridiculum) expertia, muta, ex auro aut ære fabrefacta, tanquam rem numen aliquod in se habentem, pro Deo uestris in templis erigitis. Certè

Simulachra gentium argentum & aurum, opera manu hominum. Os habent & non loquentur, oculos habent & non uidebunt. Aures habent & non audient, nares habent & non odorabunt. Manus habent & non palpabunt, pedes habent & non ambulabunt, non clamabunt in gutture suo.



**C** Deridet uir sanctus statuarū culturā, quæ nihil aliud erat q̃ ex crassa materia, ut est aurū, argentū, æs, aut rude saxū, manu hominis in animatiū effigiē expressa; nihil deinde. Vis' ne, inquit, illorū uanitatē uidere, ac deridere simul? Formā certē hominis, aut belluæ, aut asparagi quoq̃, si libet & cucurbitæ, homo inducere potuit: sed usum, sed uitā, sed motū, neutiq̃. Siquidē uestræ istæ statuæ, quas pro dijs haberi uultis, cum ora habeāt, aures item, oculos, nares, pedes, manus, & guttur tandē, num uident propterea? num loqui possunt? num audiunt? num olfaciūt? num palpanā, incedendiq̃ usum habēt? num ē gutture illo informi uel soni quidē tantillū ædere poterūt? Stultissimū sanē id est cōmentū, pro Deo uiuo mortuas colere statuas: reiq̃ illi diuinitatē uelle tribui, quæ merū sit hominis artificii atq̃ opus. Vt quidē ab hoc turpi idolorū cultu, foedaq̃ simulachrorū religione abhorrētes sunt omnes omnino Christiani, ita in aliud turpius forsan cultū genus prorūit nōnulli, qui suas adeo efflictim deamāt cupiditates, ut planē Deū optimū maximū, ac supra uitā omnē uiuentē, deserāt & cōtemnant. Hi quidem imaginarios sibi effingūt deos, illi uerō ē re aliqua omnino, quæ licet sensu careat, sensibus tamē inseruit. Quocirca hæc fortassis q̃ illa turpis minus uideri posset. Aes quidē aut lapidē ē terra erutū, quis malū dicat? uitiū uerō quis bonū? Falsa em̃ religionis persuasio semp̃ per se mala est & detestabilis: qd̃ & de nimio erga tabulas & parietes, immenso elaboratos artificio, amore, dictum esse uolo. Mirū q̃ in his colēdis, quæ maximo depictæ sunt sumptu, insaniāt nōnulli. Sed

Similes illis fiant, qui faciunt ea, & omnes qui confidunt in eis.

Quæ sint ea, quibus persimiles illorum cupiat esse artifices & cultores, aperit Paraphrastes: Similes, inquit, his fiant statuis, & qui faciūt eas, & quotquot spem suā ponunt in eis. hoc est, cæci hi fiant, surdiq̃, ac absq̃ omnino intellectu. Periculosissima sanē hæc est spiritus imprecatio, in quā tamē q̃ plurimos impēgisse iam uidimus, uidemus quoq̃ quotidie. Sua quidē spōte a uera adorādi ratione alienati, quid non errorum amplexant? Etenim turpissimis irretiti cupiditatibus, fumoq̃ superbię obcæcati, in lumē fidei, qui uerus est Dei cultus, lippos suos illos mentis oculos figere nequaquā ualidi sunt: ideo ullo absq̃ spiritus sensu hanc miseram traducunt uitā, in omnibus errantes, nihilq̃ prorsus, quod ueram referat religionem, ne somniantes quidem. E contrario autem

Domus Israël sperauit in dño: adiutor eorū, & protector eorū est.

Domus Aaron sperauit in dño: adiutor eorū, & protector eorum est.

Qui timent dñm sperauerūt in dño: adiutor eorū & protector eorū est.

Pulchra admodum hæc est auxiliij, protectionisq̃ diuinæ inculcatio. Siue enim ē domo sis Israël, siue Aaron, hoc est, si modis omnibus, in quacunq̃ natione sis regione, tuā in Deo (ut illi) posuisti fiduciā, atq̃ proinde in illorū sorte, qui Deū timent, te insertū uideris, ne dubita Deū cōtinuē tibi, quæcūq̃ agere institeris, affuturū. Semper enim benignissimus præstō adest dñs his, qui abiectis superstitionū simulachris, in illo solo sperare didicerint. Ceterū domus hic Israël meminit propter insignē uiri illius sanctitatē: unde credentes Israelitæ dicti sunt. Domus rursus Aaron, propterea quod præcipuo ea cultu diuinæ cōsecrata fuerat religioni: ex illa enim Leuitę, qui sacras exercebāt ceremonias, originē habuere. Vide auxesim. Primū quidē populū illū duntaxat tantillū Iudæorū spectasse uidet, cum ait, domus Israël. Postea uerō sacerdotes generatim omnes, dicens: Domus Aaron. Postremò autē mortaliū omniū nationes, cum inquit: Qui timēt dñm. Ergo qui timēt dñm, ubicūq̃ terrarū degāt, hi in Deū sperare, hoc est, uerā apprehendisse religionē censendi sunt. Cōtra uerò, illos qui Deū nō ueretur, etiā si cēties sacris initiati sint, religioniq̃ addicti, atq̃ in meditullio ipso templorū fundati, ad Dei religionē nunq̃ pertinere dicā. Syncerū enim cultū a suis requirit Deus, nō falsum, nō fucatū, nō uitij atq̃ erroribus inquinatū. At nos, si spi-



si spiritu attacti diuino, atq; idcirco in aliam transformati effigiē, nouā scilicet in Christo, aliquid quod Dei sapiat religionē præstiterimus, id quidem nobis minime imputandum erit, sed Dei omnino benignitati. Nam

Dominus memor fuit nostri, & benedixit nobis. Benedixit domui Israël, benedixit domui Aaron. Benedixit omnibus qui timent dominum, pusillis cum maioribus.

Sanctus ne es? id Deo refer acceptū, qui memor fuit tui, & benedixit tibi. Tu quidē tui prius immemor, imò Dei, in arenosis aberrabas locis, uiceq; sapiētiæ, quæ in timore sita est diuino, stercora amplexabar, sentiebas ne tum, obsecro, quò tuū te traheret arbitriū? Verū suū miseratus figmentū deus, memor fuit tui, quam sanè memoriā, alioquin æternā in Deo, tunc quidē renouari opinor, cum gratiā impartit. Memor igitur fuit tui, cum recordatus est misericordiæ suæ: benedixitq; nō solū Aaron domui, aut Israël, uerumetiā omnibus (modò timeāt dñm) siue pusilli hi fuerint & plebei, siue natu grandiores & dynastæ. Etenim nulla illi distinctio, nullus delectus, pauper ne sis, an diues, gloriosus ne, an inglorius, religioni ne alicui destinatus, an seculo familiaribus negocijs distentus, Deum time, & omniū te maximū appellabo, licet pressam degas uitā atq; ærum nosam; teq; in illorum numerum censebo, quos hic alloquitur Vates, dicens:

Adiiciat dominus super uos: super uos, & super filios uestros.

Exclamatio hæc est mirè ardēs, ex cōsideratione diuinæ liberalitatis, quæ tam profusa in erogandis donis esse consuevit: sed his tantūmodo qui uerī Israëlitaē sunt, uerī sacerdotes, uerī Dei cultores, & est sensus, quē per futurū reddit Paraphrastes: Addet uobis dñs, accumulabitq; noua ueterib, beneficia: uobis, dico, & filiis uestris. Hic sanè q̄ maxima inijciūt futuræ felicitatis spes patrib, familiās, qui Deū timēt, quicq; nil tam curāt in hoc mūdo, q̄ ut uera, nō tantū in se, quantū in liberis, in uxore, in tota omīno familia, reluceat religionis imago: atq; eam omnes apprehendāt uitæ rationē, quæ Christi mores referat, in quo nulla fuit lasciuia, nulla proteruitas, nulla habēdi rabies, nulla morū dissolutio, ambitio nulla, nullūq; auaritiæ aut effrænate cupiditatis, elatiue animi signū. Perfectissimus fuit Christus: sed eousq; tamē, ut nemini quātūlibet occupato, uitæ illius obstrum sit iter: neq; perfectionis nomē adeo extimescendū est, quo minus sanctissimæ illius uitæ uestigia cūctis obuia queāt esse; aliogn uniuersalis nō esset Deus, frustra q; uitæ huius ærūnas ultrò subiisset. Quòd si nihilominus adhuc, ô uos, q uario fortunæ ludibrio propter infinitas uitæ occupationes expositi estis, rem tam arduā ut uita est Christi, assequi posse dubitatis, illud saltē offerre nō pigeat, promptū uidelicet animū ad assequendū, fidēq; inuariabilē atq; incōcussam: qd uerò superest Deo cōmittite. Cæterū id uobis summæ debet esse cōsolationi, q

Benedicti uos à domino, qui fecit cœlum & terram.

Id est, qui omnipotētissimus omnium est, atq; optimus. Illi, inquit, curæ estis (quid ueremini?) qui rerum omnium conditarum autor fuit. Attamen

Cœlum cœli domino, terram autem dedit filiis hominum.

Vertunt nonnulli: Cœli, cœli, inquā, dñi sunt. Obserua hīc pactū Dei æternū cū Adæ posteris. Cœlos, ait, illos sublimes & beatos, suā esse habitationē uoluit altissimus: hominibus autē terrā hanc infimā cōcessit ad habitandū, in qua uiuent, subindeq; illius agnoscētes effectore, illū colerēt, diligerēt, atq; super omīa uenerarent. Hæc cōdendi uniuersi tota fuit ratio, ut homines in eo tanq; in uirtutum theatro sese exercerēt, ex hisq; quæ in illo pulcherrima uidentur, quā sublimia sint futuræ uitæ bona, quæ illis, qui in præsentī uita synceram amplectuntur religionem, promittuntur, contemplerent, quærereq; non desisterent. Animæ igitur, quæ in hoc mundi domicilio Deum nancisci, quantumq; illi per mittitur, possidere dat operam, sedes ipsa Dei, nedum mundus iste uisibilis,




**C** cōtinget aliquando. Tantū illud caueat, ne mundū tanq̃ patriā incolat, illoq̃ ueluti re propria & diuturna perfrui conet. Hanc certē habuere mentē antiqui Iudaorū patres, quōd uita hāc idcirco hominī data esset, ut Deum pulcherrimarū rerum opificem laudaret, alterq̃ alterū uerā admoneret religionis, quā multiplicata ambitio forū illuue penē interierat, interituramq̃ funditus diuinabant, nisi ex proborū numero extremā ueluti quādam superfuissent reliquiae, quā nō tantū religionē, religionū uel multitudinē instituerent, quantū institutam conseruarent. Eam ob rem uitae huius amantissimi extitere, sanctissimi illi quidē uiri, atq̃ diuini honoris flagrantissimū in modum appetentissimi, Quod sanē desiderium in psalmi fine sic exprimitur:

Nō mortui laudabūt te dñe, neq̃ omnes qui descendūt in infernū. Sed nos qui uiuimus benedicimus dño, ex hoc nūc & usq̃ in seculum.

**D** Ne quā aliās alijs in psalmis hac de re diximus, replicemus, illud tantū modo iam pluries dictum, dicam iterū: infernū uocem, Hebraeis esse sepulchrū: seu, ut uertit Felix, silentiū: quod quidem de hac uita defunctis intelligi oportet. Scio tamen de cruciatibus inferorū, atq̃ adeō de mortuis Deo ob peccatū, totū hunc uersum à nōnullis exponi: quē sanē sensum ut libenter audio, ita aliū, quem uerum esse arbitrati sunt Hebraeorū interpretes, afferre nō incōueniēs duxi. Aūt enim ad hunc ferē modū: Quādo quidē terrā hanc inferiorē, ô Deus, hominī ad habitandū concessisti, in qua ob stupendam rerū molitionē, multa inest tui nominis laudandi materia & occasio, illud potissimū occurrit cōsiderandum, tam nobile animal, ut est homo, aliā ob rationē ad hunc mundū incolendū abs te destinatū fuisse, quā ut solūmodo illius bonis uteretur, sed ut ex rerū conditarū pulchritudine & stupore, in creatoris amorē inardesceret, quā rereiq̃ quo illū posset testimonio, ut uerū Deū ac patrē, ceteris inuulgare rudioribus, atq̃ in his quā ad religionē attinent, tardis, parumq̃ instructis. Quā quidem religio idcirco inuenta est, seu potius à Deo humanis inspirata mentibus, ut modus quidam adorandi Deū inter homines cōstitueret, incrementūq̃ per homines ad id electos sumeret, atq̃ subinde hominē propter terrenae habitationis contagionē intertem factū, in Deū raperet. Verū illud semper tam sanctis coeptis fuit impedimento, ut nūc quoq̃ est, q̃ probis aut uita defunctis, aut ab improborū uiolentia oppressis reiectisq̃, religio in nefandorū manibus derelicta nutaret, sensimq̃ in superstitionē atq̃ impietate dilaberet. Quo quidē periculo à religiosissimis illis senibus animaduerso, mortē aliquin omnibus debitam penē detrectabant. Quid hinc, aiunt, nos dñe tam immaturē reuocas? Si pñ hinc omnes abeunt, soliq̃ impij remanent, quis in terris tuū laudabit nomen? Serua nos igitur aliquatisper in uita, ut saltem aliqui sint, qui tuam fulciant religionē. Non mortuorum id munus est, sed uiuorū. En res tuas nefandissimus quisq̃ occupat, usurpat, depopulat. Dormis ne? Aut tu per te rei tuae subueni, aut qui tui uice subueniāt, sustine. Morī quidem nō recusamus; imò suauior nobis esset mors quā uita. Verū tui honoris potius, quā nostri cōmodi habenda est ratio. Sine itaq̃ ut uiuamus. Quid laudis? quid religionis instaurandae à mortuis expectari potest? Non hi certē laudare te poterunt, sed nos quoad uiixerimus te dominū laudabimus amodò & usq̃ in seculum. Amen. Halleluia.

## PSALMVS CXVI.



Illexi, quoniam exaudiet dominus uocem orationis meae. Hunc compositū fuisse psalmū asserunt ferē omnes, cū David in deserto Maon à Saulis exercitu obsessus capite periclitaretur. Et quidē ea ultima illius uitae fuisset dies, nisi Saul à suis admonitus Philistaeos in regnum irrupisse, cessasset ab obsidione. Sic enim in Regnorum libro legimus: Nuncius



Nuncius uenit ad Saul, dicens: Festina & ueni, quoniā infuderūt se Philistaei super terrā. Reuersus est ergo Saul, desistens persequi Dauid. Præter spem igitur omniū liberatus Dauid, carmen istud composuit, in quo diuinæ erga se bonitatis immensitatē memorās, gratissimū amoris debitum, postquam aliud nequit, pollicetur. Atqui gratus suum in benefactorem animus nō potest non assidue beneficij memoriā retinere; ingratus uerò ne semel quidem sincere. Est quoddam hominū genus adeò beneficiorū obliuiosum, ut quicquid in illorum gratiam egeris, id pro debito accipiunt obsequio: quare nullam unquā referūt gratiam, neq; habent quidem. Quod sanè uitium in tumidis superbisq; magistratibus locum habere frequenter experiuntur homines. Ingratissimi hi sunt, atq; ab humanis prorsus affectibus alieni. Quocirca spinosis istiusmodi moribus omissis, mansuetissimū consideremus Vatis animū, qui ab amore è collatis in se beneficijs exorto, sic suum orditur carmen:

Dilexi, quoniam exaudiet dominus uocem orationis meæ.

Dilexi, cur nō, diligo: Is mos est scripturis, ut si fixam, perseverantēq; significare cupiunt actionē, præterito utant tempore, ut hīc uidere licet. Nam uox ista quam noster uertit interpretes, dilexi: Hebræis perinde est atq; dilectio Dei uindicauit sibi cor meū. Me totū, inquit, occupauit diuinus amor, propterea quòd me summo in periculo positū exaudiuit. Siue enim, exaudiet, cū nostro legas, siue exaudiuit, cum Hebræis, utrunq; ad fidei perfectionē attinet. Stulta planē est anima, atq; omnino attonita, cui iam nō compertū est à quātis erepta sit tum mortis, tum inferorū periculis per Christū. Proinde, poterit ne saltē ingentē illū donorū cumulū, uel tantilla nō cōpensare dilectione? cessare ne, quin sedulo in istud amabile prorumpet amoris uerbum, diligo: quoniam qui toties me ex angustijs asseruit, exaudiuitq; exaudiet iterum gemebundā meā orationis uocē.

Quia inclinauit aurem suam mihi, & in diebus meis inuocabo.

In diebus meis, quoad uixero, intelligas. Quoad eius, inquit, uixero, illius nomen inuocabo, quæ sanè inuocatio nō tantū illius est in ærumnis implorare auxilium, uerum etiā illū, quæcūq; cōtingant, ex animo amare, atq; illis, qui nō ita affecti sunt persuadere. Et id quidē propterea, quoniā cū supra omnē celsitudinē excelsus sit, ego uerò omniū minimus, aurē tamen suā illā sublimē mihi puillæ staturæ homini, atq; uirtutis, inclinauit. O certē ineffabilem Dei erga mīseros facilitatē. Nisi em̄ misericordissimus esset dñs, impossibile planē foret tā exilem uocē ac tenuē, ut est hominis, à tam excelsa exaudiri mēte, qualis est Deus. Exaudit tamē, adeò maximus omniū nostræ sese attēperat pusillitati. Visne modo audire miserabilē animę cōditionē, atq; ad implorandā dei opem necessitatē?

Circudederunt me, ait, dolores mortis, & pericula inferni inueni-  
runt me: tribulationem & dolorem inueni.

Is unus integer est uersus Hebræis. Querens Vates se à periculis inuentū, hoc est, unde quaq; occupatū, seq; tribulationē & dolorē inuenisse, extremā suam exprimere uoluit calamitatē. De qua quidē sic legimus. Dauid desperabat se posse euadere à facie Saul: quocirca se mortis doloribus hīc cinctū querit, atq; ab inferorū, sepulchri scilicet, periculis inuentū, direq; exagitatū dolet. Dolēt & qui malē antea ctæ uitæ meminerūt. De istiusmodi genere dicendi aliās annotauimus. Cæterū nōdum se uerē nouit, qui sibi timere desijt. Siquidē nō minori hostium numero se cinctū esse anima salutis suæ cupida cōsiderat, q; Dauid fuit in Ceila urbe obsessus: tunc dico, quando Ephor applicato per sacerdotē cōsultuit dñm, indeq; aufugit. Nō solū em̄ illa sepulchri periculū extimescit, mortē nimirum omnib; naturaliter odiosam, uerum etiā interminabiles inferorū cruciatus. Interim uerò suū illi enarrat infortuniū, quē absq; dubio suis affuturū ærūnis, et credit, & ut potest in mœrore & luctu, gaudet. Tribulationē, inquit, & dolorē inueni,



c Et nomen domini inuocaui. O domine, libera animā, misericors dñs & iustus, & Deus noster miseretur.

O domine, ô cui piorum animæ sunt curæ, libera animā meā à peruerforum hominū perfidia, à dæmone, à mundo, à periculis penè uitæ infinitis, quæ inueniunt nos nimis; tu misericors, tu iustus, tu ille, qui à miseris inuocatus misericordiam exhibes,

Custodiens paruulos dominus: humiliatus sum & liberauit me.

Misericors dicit Deus, quia nostræ condolens miseriæ subuenit. Iustus autē, quoniam ab improborū iniurijs tutat innocentiam. Penē dixi inutilem illum omnino esse principem ac iudicē, in quibus hæ duæ nō insunt partes. Monstrū id est ingens, si quem uideris suis in diffiniendis causis crudelitatem, iniquitatemque præ se ferre. Attamen utcumque sæuē, iniusteque sese habeant homines, dñs est, qui citra omnē animi ægritudinē perturbationemque, paruulos, nempe simplicis uitæ homines, qui de se nihil omnino, de Deo autē, cui res omnes suas cōmendarūt, plurimū existimātes, quietissimā agūt uitā. Cuius sanē quietis ea uidet ratio, quod se (ut res cadant) Deo resignarūt. Felicissimū quidē id est uitæ genus, sed paucis cognitū: idcirco turbulētissimis bellorū diffidijs repletus est orbis. Etenim cū negociosissimā uitā potius, quā simplicē & tranquillā sectamur, illa etiā quæ dudū altissimo sepulta erāt silentio, obliterataque omnino, reuiuiscere facimus, in mutuasque proinde incrudescētes similitudines, atque sine fine odia, unā nostris cum discordijs atque inexorabilibus animorū permotionibus, ad mortē unō facto omnium globo precipitatur. At illi, ut lubet; ego autē humiliatus sum, & liberauit me (attenuatus sum, uertit Felix) hoc est, cū acerbissimē diuexarer, cōsiliique ex pers penitus essem, tūc me liberauit, tūc manū porrexit, tūc dixit, sat est. Quare

D Cōuertere anima mea in requiē tuā, quia dominus benefecit tibi.

Reuertere anima mea, seu redi, uertendū erat, & est sensus: Ad ueterē illam tuā redi tranquillitatem & quietē, ô anima mea. A mœrore quippe ac turbis te reuocās, uires accipe ac spiritū. Dñs quidē pro te, si quid debebas, persoluit. Dici facile nō posset, quā sit grata homini probo quies in Deo, transactio negociorū oppressionumque tumultu & sæuitia; nec minus quidem sedata à peccatis conscientia, per Dei lumen, quo irradiata tota recreatur, uimque resumit in illo, qui lumen attulit. Quapropter in spiritu exultans non potest non palam fateri, quia ipse est dominus misericors & iustus. Et

Quia eripuit animam meam de morte, oculos meos à lachrymis, pedes meos à lapsu.

Summā propē totā nostræ expressit miseriæ propheta in hoc uersu: à quā tamen se Dei manu exolutū confitetur. Mors in primis ea est, mœror deinceps, à quo lachrymæ oriri solent; postremò lapsus; quæ tamen uox nescio quid efficacius in hebræo demonstrat, lapsum utique illū, qui ex aliena fit impulsione. Vnde quidā sic uertit: Pedes meos ab impactione. Sensus igitur is erit: nam postquam Deū sibi fecisse bene fassus est, mox beneficij rationē ac modum intulit: Quia dñs, inquit, meā asseruit uitā alio modo debilem, à morte: neque id satis, ab oculis quoque lachrymas, seu potius lachrymarū originē abegit, pedesque tandem meos, affectus scilicet natura effrænes, ab antiquis suis illis lapsibus reparauit. Quare

Placebo domino in regione uiuorum.

Id est, uersabor, ut uertūt ex hebræo; seu, ut ex græco, delectabor corā dño inter uiuos. Nulli dubium esse debet de regione hic mūdi dici: nisi mauis de puro Ecclesiæ statu intelligere, in qua iusti solummodo uerē uiuunt: siquidem iustus ex fide uiuet; improbi uerò semper mortui sunt, quia alieni à Deo, qui uita est anime, mortē cōtinuò obire illos necesse est. Cum istiusmodi quidē hominibus, qui mundo uiui, Deo mortui sunt, conuersari cupere, atque illis ad blandiri, proximi



xiimi interitus, atq; animæ exitij præludium est. Quis bonus improbis placere appetit? Aut quis unquā uiuus cum mortuis consuetudinē habere uoluit? Horrendum uisu id esset spectaculū, si uiuos homines cum mortuis ē tumulo exeitatis congregari, aut necessitudinē contrahere, pacisciq; mutuō non solum cerneret, uerum etiā inter illos unā uiuere cogeretur. Non nouū id est mundo, nō insolitum, & tamen non est qui horreat, aut tantam rerum confusionem dirimat. Videant igitur quid agant, quoq; uiuant uitæ genere hi, qui mortui uideri uolunt; qui tamen nihil aliud in uita hac mortali quærere uident, nisi ut carnem alant, & spiritū extinguant. Istiusmodi quidē uitæ ratio Epicurea potius, q̃ Christiana appellanda erit, atq; illa omnino, quæ suinos mores referat. In Christiano quidem homine nitida omnia esse debent, uiua, pacifica, temperata, purgatissimaq; in Deo. Cui honos sit ac laus in secula seculorum. Amen. Halleluia.

*Diuisio secundum Latinos.*

**C**Redidi, propter quod loquutus sum.

Is psalmus cum superiori unus est Hebræis: quorū ordinē sequuti, hunc abiq; numero suo capiti attexere uoluimus: distinctē tamen, ne Latini sua fraudent in psalmis concinnitate. Alius enim uidet, quia separatus: unus uerō, quia abiq; numeri annotatione. Sensum igitur à superioribus pendere uolunt, asseruntq; credidi uerbū, eodem dictū esse modo, quo superius usus est, dicens, Dilexi. Illic enim suæ in Deū dilectionis dedit specimen, hic fidei. Et est ac si dixisset: Meis in oppressiōibus & angustijs spem semper firmā ac fidem in Deo habui: & ut quidem credidi & speraui, sic egit mecum benignissimus dñs, quare id loquar, dicamq; omnibus quanta fecit Deus animæ meæ. Quis, modò sit meriti diocritate spiritus affectus, tam immensum erga se beneuolentiæ signum prætereire poterit, quin id omnibus inuulgari cupiat? Valde quidem, inquit, afflictus eram, atq; adeò acerbè, ut penè animo destituerer. Eripuit tamen me, ut credidi, ideo hanc meam uolo omnibus testatam esse fidem, cuius uirtute diuinis prope modum obrutus sum beneficijs. Verū illud non diffiteor, quod

Ego dixi in excessu meo, omnis homo mendax.

In præcipitatione mea, seu præcipitata fuga aut trepidatione, reddunt ex hebræo. quod si ad historiā referas, ut par est referri, is erit sensus ac summa. Dauid enim cum fuga, & illa quidē trepida ac præcipiti sibi cōsuleret, sic secū: Promissum mihi esse regnū à Deo per Samuelē certò scio. Vnde igitur sequissima istiusmodi persecutio, in qua mihi iam uideor moriendū esse: Certè penè adducor ut suspicer Samuelē in illis pollicitationib. falli potuisse, simulac omnē hominē falli posse nō ambigo. Tamen si enim propheta sit altissimi, decipi tamē, quia homo est, potuit. Impossibile quidem uidet, me unq; regnū istuc assecuturū, cuius ne umbrā quidem uidere sinor. Adeò quidem sæuè ab hostibus coarctor, ut morti magis proximus factus sim, q̃ uitæ. Verū non quieto id animo suspicatus sum, sed in metu, hoc est, mei parum compos, potius adlatraui, q̃ dixi: Omnis homo mendax. Non illud sanè seriò, atq; ex animo loquutus sum, tantū abest, ut de diuinis quicq; pollicitationibus addubitauerim. Ingratissimus quippe omnium essem, si quantū meo debeam benefactori ignorarē, aut scire dissimularē. Idcirco

Quid retribuam domino pro omnibus quæ retribuit mihi?

Ut aliās annotauimus, retribuere poni pro simpliciter dare, frequēs usus est in scripturis. Vtrūq; enim significatū in hoc uersu uidere licet. Et est p̃inde atque, quid rependam dño, cuius tam magnifica extant in me beneficia? Vides hic, puto, prostratam propemodum in aduersis fidem, sed actutū reuiuiscētē illius afflatu, qui deducit ad inferos, & reducit. In electis quidem potest utcunque nutare, ut in Christi discipulis contigit. Labefactari uerò omnino & extingui,



C ne utiquam, quia ex Deo nati sunt, Sed quid gratissima Vatis anima pro beneficiorum compensatione spondeat, uideamus.

Calicē salutaris accipiam, & nomen domini inuocabo: uota mea domino reddam coram omni populo eius.

Calicem saluationū, uertit Felix: seu, salutem, ut alijs. Sacra olim instituta erāt conuiuia, in quibus solennes Deo pro maximis illius beneficijs, gratiæ agebantur. Illic læta omnia & festiua apparebant. Vnde eo ex ritu Kimhi Hebræorum doctissimus, ita hunc exponit locū: Quando conuiuū lætus extruxero, leuabo calicem uino plenū, & gratias agam domino propter hanc salutē mihi cōcessam in conspectu multorū assidentū. Sunt ne nostratia istiusmodi formata institutione conuiuia: Heu mores corruptissimos, Qui morsus etiā in diuos audunt: qui risus plusquā impudentissimi: Quæ (malū) etiā in uirgines iactata dicteriat: Quantus horror minarū, iactationū, lasciuissimorumq; sermonū, atq; inter pocula blasphemiarū: Tot interdum Sardanapalos diceres, quot sunt cōuiuæ. Et ne quid amoenitatis desit conuictoribus, en qui conuiuatorē istiusmodi saluter elegantia: Ede, bibe, lude, post mortē nulla uoluptas. Ita sunt sanè nostræ ætatis sodalitates, ita ornata conuiuia, ita malè habita pudicitia. Cæterū ut ad psalmū, a quo me aliquantulum transuersum egit dolor, redeam, illud non ignorandum, typum quendam morē illum fuisse conuiuiorū & consuetudinē, qua crucis adumbrabatur imago: quam gratanter pro Christo amplecti consuecūt hi, quos frequenter cum sponso conuiuari contingit. Qui uerò conuiuij eiuscemodī apparatus esse debeat, aut qui conuiuæ, sponsus ipse in cœna illa ultima cum discipulis sobriè admodū comesta edocuit, cum longum cum suis habiturus sermonem, sic orsus est: Scitis quid fecerim uobis: totus enim sermo ille, aut potius testamentū, suauissimis redundat epulis, sed quæ filijs tantūmodo sponsi atq; amicis sunt expositæ. Mensa igitur Christi, illius est doctrina, calix, passio: amarissima quidem primo haustu, sed quæ ligno tanq; Marath aque immisso condulcescit. Vide quid Christus Pëtro nōdum tam necessario calici assueti responderit: Calicem, quem dedit mihi pater, non uis ut bibam illum: Verū nostra hæc ætas, omisso ligneo salutis poculo, è quo formata est crux, aureo se tota proluit babilonico, Calicem, ait Vates, non mortiferū heluonum, non scelerū cicuta permixtum accipiam: sed salutis, sed uitæ, sed Dei. Hincq; ebrius factus, nō turpissimi scorti nomen, aut adulteræ, ut solent in comestationibus combibones, quibus catamiti plerūq; pocillatores sunt, sed nomen domini inuocabo, atq; illius tum re, tum ore, referam religionē: prætereaq; uota mea omnia & desideria, conatus ue in super animi mei omnes in eo erūt, ut illum frequenti cōuentu, quātis per se ro laudibus extollam. Nec est quidem, quòd tam anxie quis tyrannorū persecutiones timeat aut mortē: fidei quippe armatura tecti haud insciū sumus, quòd

Preciosa in conspectu domini mors sanctorum eius.

Non sinit cœlestis pater facilē, ut putant, tyrannos aut auaros magistratus in suos grassari: sed eos, uti res solent preciosæ seruari, summa conseruat uigilantia, illosq; quando opus est, à mundi, atque adeo mortis iniurijs eximere cōsuecit. Si quidem res ab hominibus contemnuntur preciosæ, ita Deus quoq; suorū mortē negligit, quæ longè preciosior illi est, quàm sit homini unio, aut carbunculus. Intelligit autem ita magni haberi & esse domino mortē suorū, ut nō temere patiatur eam illis inferri: quòd si patitur, illam æterna cōpensat uita in cœlis.

O dñe, quia ego seruus tuus, ego seruus tuus & filius ancillæ tuæ, dirupisti uincula mea.

Perpende quanti illos faciat Deus, qui se totos consecrant numini, atq; illius delectantur seruitute: hos sanè (cætera propèmodum infinita illius amoris argumenta tantisper omittamus) à mundi laqueis præseruat, quos si nihilominus in eos,



eos, quæ fors est humana, nonnunquam impingere, illisque irretiri contigerit, non indissolubiliter propterea obstringunt, sed ut tandem exoluunt diuina. Verum frigidus dissipatosque in suis seruis animos auersatur cœlestis ignis: sed ardentes, paratosque requirit: quæ utique ardore in se fuisse Vates asserit, cum trina se seruū dñi appellat nomenclatione. Quia, inquit, ergo seruus tuus; ego, inquam, non vulgari modo seruus tuus, imò filius ancillæ tuæ sum, nodos illos humana existimatione indissolubiles, quibus, ne rectè incederē, strictim admodum detinebar, perfregisti. Ardens ualde hæc est seruitutis geminatio, qua non solum suā uoluit exprimere humilitatem, quæ in Vate maxima semper extitit, uerum etiam promptissimū ad seruitutē animū. Illud obseruant nonnulli, o dñe, non obsecrantis, sed cōfitentis interiectionē esse, quare sic hunc uersum orditur Paraphrastes: Merito te amo, benignissime dñe. Porro qui ancillam, Ecclesiam interpretantur, uideant quo nixi id dicant testimonio. Vult diuus Augustinus, Ecclesiam ancillam esse iustitiæ. Sed illud forsan uero propius, se ideo ancillæ filiū nuncupasse, quò suam uel ab ipsis progenitoribus argueret seruitutē. Fractis igitur uinculis, apertoque incedendi campo, uide quid agere debeat liber:

Tibi sacrificabo hostiam laudis, & nomen domini inuocabo. Vota mea domino reddam in cōspectu omnis populi eius, in atrijs domus domini in medio tui Hierusalem.

Quam propensum ad diuinas habuerit laudes animū, ex repetitis uotis, pollicitationibusque demonstrat Vates. Alias admonuimus, uota ferè in psalmis pro gratiarū actione, laudumque exhibitione usurpari, ut hinc uides. De alio uotorum genere non loquitur propheta, ait itaque: Hostias, quas tibi fore gratissimas arbitratum sum, laudum nimirum, atque gratiarū actionū, tibi meā ob liberationē offeram; interimque ab implorādo dñi auxilio non desistā. En igitur uota mea dño palam, inspectante multitudine uniuersa, in atrijs ipsis ediū Dei, in medio, inquam, tui, o sancta ciuitas, persoluam. Nos hic spectans Vates, ad morem laudandi Dei anti quum alludere uoluit, Templū enim ob id cōstructum fuerat. Modò uerò quis sit uerus adorandi ritus, & locus, Christum uideo ad puteū cum muliere sedentem, rem profundissime differere apud Samaritas. Verū enim uero à sanctis laudari solent mentibus & aræ & fana, in quibus sacra peragi debeant: sed cor in primis, in quo sedet ad puteū anima cū Christo, purū requiri dicunt. Vera illa sedes est numinis, Cui laus sit atque honos in secula seculorum, Amen. Halleluia,

## PSALMVS CXVII.



Audate dominum omnes gentes, laudate eum omnes populi. Quoniam cōfirmata est super nos misericordia eius, & ueritas domini manet in æternum.

Diuus Paulus uolens tum Iudæos tum gētes mutuae admonere cōcordiæ, in enarrandis utriusque gentis priuilegijs, longa Romanis scribens utitur oratione: gentesque tandē ad gratiā ascitas per Dei misericordiā affirmat: Iudæos uerò per promissiones factas illorum patrib. Dico, inquit (quasi innuat, in uestris refarciendis dissidijs iam fessus cōcludo) Christū Iesum ministrū fuisse circuncisionis (familiare fuit Apostolo Iudæos circuncisionē appellare) propter ueritatē Dei, ad confirmandas promissiones patrum. Gentes autē super misericordia, honorare Deū, sicut scriptū est: Propterea cōfitebor tibi in gentibus dñe. Et iterū: Laudate omnes gentes dñm, & magnificate eum omnes populi. Vtrūque igitur sapientissimus architectus cōnexuit in Ecclesiæ edificio parietē, quorū alterū gentes appellauit, alterū uerò populos. Rumor tunc fuit uulgò dissipatus, Iudæorum populū duntaxat diuinæ capacem fuisse religionis: quare in scripturis præ cæteris nationibus populi nomen sibi arrogarunt. Hoc itaque argumento utitur



**C** Vates, quo usus est Paulus ad describendam Ecclesiam fabricam, quae tota ex gentibus & Iudaeis constructa, tam altè euecta est, ut iam coelestis nuncupet: quippe quae fide illa fulcitur, quae sperandarum rerum substantia, argumentumque non apparentium definitur esse. Haec igitur fuit mens Vatis in hoc psalmo, gentes Dei populo, quò simul Dei laudes concinerent, unire; quae apertissima fuit imago Ecclesiae, nisi malis potiore aedificij partem asserere è gentibus, exclusis Iudaeis, emeruisse. Verum qui prima illius fundarunt exordia, Iudaei fuere: restant & reliquiae in fine temporum seruandae. Iam illud animaduertendum in psalmi dilucidatione, quòd singula singulis ad hunc ferè modum reddi debent: Laudate dominum omnes gentes, quoniam confirmata est super nos misericordia eius. Sequidem inter gentes annumerat Vates dicēs, super nos, quò arctam demonstrat Ecclesiae unitatē, ad quam utrunque adhortat populum Paulus, cum ait, ut unanimes, uno ore, honorificent Deum, & patrem domini nostri Iesu Christi, qui lapis sanè ille est, qui factus est in caput anguli. Aliud deinde sequitur psalmi membrum: Laudate eum omnes populi, nam ueritas domini manet in aeternum. Siquidem promissiones Dei aeternae sunt, ueraxque est Deus, qui quaecumque pollicitus est, inuolabiliter seruat. Cui laus sit in secula seculorum, Amen, Halleluia.

## PSAL. CXVIII.



**C**onfitemini domino quoniam bonus, quoniam in seculum misericordia eius.

**D** Variant interpretes in diffiniendo, quo potissimum tempore is à Dauid fuerit aeditus psalmus. Nonnulli putant illis compositum fuisse diebus, cum arca insigni pompa in urbem inuecta populus in delicijs esset. Alij item tum, cum ab Israele in regem inauguraret. Alij autem aliud, ut suspicantur, afferunt. Re igitur incerta omissa, quae explorata sunt sequamur. Compertum igitur habemus tum è Christi testimonio in Euangelio, tum Petri in Actis, de ipso Dei filio scriptum fuisse. Verum suo more Vates res tum gestas enarrans, in Messiam rei finem direxit, in quem umbræ illae ueteres, tanquam sine inuento desiere. Huc itaque in primis à bonitate laudat, deinde à misericordia: quas quidem partes in Deo mirum quam elegantè, uariorque poematis decore perorner disertissimus Vates. Finiamus igitur Vatem ad regnum ab uniuerso Israele uocatum, iucundissimamque deductum acclamatione, atque ipsum Christi imaginem representantem, in Dei tabernaculo ingenti omnium stupore Deo ipsi gratias agere, in hunc modum: Confitemini domino quoniam bonus, quoniam in seculum misericordia eius. Primum enim ad celebrandas Dei laudes omnes generaliter inuitat homines; deinde nominatim, à quo unctus fuerat, Israel. Aaron deinceps, cunctum nimirum sacerdotum ordinem: atque postremo omnes, siue gentes eae fuerint siue Iudaei, qui timore affecti erant domini. Celebrate, inquit, mecum, adeste o qui uestrum non ignoratis benefactorem, canite, mecumque laudibus efferte dominum, quoniam bonus est, cuiusque misericordia in aeternum durat aeuum.

Dicat nunc Israel quoniam bonus, quoniam in seculum misericordia eius. Dicat nunc domus Aaron, quoniam in seculum misericordia eius. Dicant nunc qui timet dominum, quoniam in seculum misericordia eius.

Vide suauissimum Vatis lusum in uersibus eiusdem omnino desinentiae. Dicant igitur hi omnes, ex animoque fateantur, quòd bonus sit dominus, quòd pius, quòd misericors: & id quidem in aeternum. Quae de re edoctus,

De tribulatione inuocaui dominum, & exaudiuit me in latitudine dominus.

Maximam quidem fert seculi animi angustiam tribulatio, moeror, dolor, atque id genus alia. Verum si Dei superant auxilio, aut saltem modum capiunt, attemperanturque imbecillitati humanae, mox animus exilarescit, dilatatur, ac respirare incipit.

Post



A Post multas, inquit, tribulationes, atq; animi anxietudines, in quibus uix respirare licuit (adeo arcta erant omnia & importuna) dedit tandem Deus quietem, dedit pacem, dedit sereniora tempora inuocatus. O certè felicissimū illum, qui Dei præsidio nixus, humanas deridet iniurias. Itaq;

Dominus mihi adiutor, non timebo quid faciat mihi homo.

Felix hunc uersum legit per interrogationem, hoc modo: Dominus pro me, nō timebo: quid faciet mihi homo? Verissimū illud est: Si Deus pro nobis, quis contra nos? Possunt quidem hostes ac tyranni proborū tranquillitatē interrumbare, remorariq; aliquantulū, auferre autem penitus nequeunt. Ratio sanè est, quod hi summā felicitatis in animo per fidē purificato, in quem ius tyrāni non habent, statuentes, tum ardentiori in Deum feruntur affectu & desiderio, cum atrocius uexantur. Hæ proprię sunt uitæ huius dotes, sexcentis illam uel una hora, obnoxiam esse æumnis. Dominus igitur mecum sit, ut semper esse confido: quicquid in me molitur inuidus, quicquid maledicus, quicquid ueterator, quicquid subdolos & perfidiosus, quicquid orbis ipse tandē uniuersus natura probis infestus, ne hilum quidem faciam, tantū abest ut illud timeam. Et quidem.

Dominus mihi adiutor, & ego despiciam inimicos meos.

Hic Hebræis est, ut supra alio in psalmo annotauimus, Ego uidebo in inimicis meis: ultionem scilicet diuinam. Vnde sic Paraphrastes: Videbo euenire hostibus meis, qualia quisq; optaret suis. De hoc quippe loquendi genere non raro diximus. Quanq; & uerbū despicio, non ab repositum posset uideri. Namq; illam pœnarū maximā arbitrantē tyranni, si ab his, quibus male uolunt, contemnantur. Vide, inquit, quomodo ab homūcione despecto, semiuero, fracto, nihiliq; omnino, nostra contemnitur auctoritas. O stulti, num id uos fugit? quod Bonum est confidere in domino, quàm confidere in homine. Bonum est sperare in domino, quàm sperare in principibus.

Per comparatiuū hos legunt uersus Hebræi: & apud meo iudicio, quò sua sit comparationi uis atq; energia. Melius, inquit, est cōfidere in domino, quàm in homine. Cur sic obsecro? quia nihil homine mutabilius: quia nil in rebus conditis tam uariabile & infidū, quàm est fauor principū. Hodie enim te uestit princeps, cras uerò, uel ad summum perendiē, te expoliat, atq; una eademq; hora te amplectitur & obtruncat. Ridiculum, illi obsequi tyrāno, qui me & Crassum, & Irum, ut lubet, faciat. Propter inconstantia igitur, addo & imbecillitatē humanam, nihil prorsus innitendū est homini: sed Deo tantūmodo, qui quemadmodum potentissimus est, ita sui semper est similis, atq; ad opitulandū pronus. Ergo uanissimo hominum fauore deriso, in benignissimo domino tota collocanda est uis subsidij. Sæpe quidem deluduntur, qui in homine quauis opulento sperant. De Deo autem quis id unquā dixerit? De qua quidem re cum quandoq; periculum fecisset Dauid, in istiusmodi tandem, tanq; piscator ictus, prorupit uerba: Melius est cōfidere in domino, quàm confidere in homine. Atqui unde Dei fauorē, contra morē hominū, constantissimū expertus fuerit, aperit dicens:

Omnes gētes circuiērūt me, & in nomine dñi, quia ultus sum in eos.

Vidisti ne unquā hominē summa oppressum miseria: omnia mala (clamat) in me conspirauerunt, ab omnibus opprimor, omnes me affligunt. Ita sanè Vatum nostro accidit, qui innumeris aggrauatus æumnis, se ab omnibus circūuentum gentibus querebatur. Omnes, inquit, gentes circuiērūt me. Sed nec id quid superflū omnino: à proprijs enim fugatus ciuib; Philistæorū subitò, Amalechitarumq; atq; cæterorum id genus hostiū finitimorum iniurijs obnoxius uixit. Verū diuino fultus præsidio, cunctos illos subiugauit barbaros. Vltus sum in eos, ex hebræo uertunt, perimam illos: sed idem sensus: factum ne illud sit, an faciendum, haud multum interest, modò id totum diuine referatur ac



c acceptum bonitati. Quam quidem rem uberius in sequentibus edisserit.

Circundantes circundederunt me, & in nomine domini, quia ultus sum in eos. Circundederunt me sicut apes, & exarserunt sicut ignis in spinis, & in nomine domini, quia ultus sum in eos.

Pulchra profectò similitudine ad cōmonstrandum hostiū suorū cū odium, tum subitū in inferendo malo transitum, usus est Vates: apum scilicet, atq; ignis in spinas debacchantis. Tam, inquit, copiosi, tamue mordaces me circumquaq; obfederunt inimici, ut apum examen dixisses. Verū q̄ primum extincti sunt, perinde atq; spinarū solet ignis, qui tanto exortus fragore & strepitu, ac si omnia consumpturus esset, citò tamen resoluitur, atq; in fumū abit. Optandi tempore hunc reddit sensum, quem diximus, Paraphrastes: Extinguantur, inquit, tam subitò, quā ignis per stipulas uolitans. Iam illud notandum, quoniam bonus, Hebræis tantūmodo in primo esse psalmi uersu. A pio aliquo interprete additum in alijs uidet̃. Cæterū, & in nomine dñi quia ultus sum in eos, nihil aliud uult, q̄, ut diximus, in nomine dñi ullo absq; negocio interimā illos, quò hinc cernere liceat, cuius efficacix sit Dei nomen; nō illud quidem charta, ut uocant, uirgine scriptum, colloq; sicariorū aut furum superstitione appensum, sed quod fidelium impressum sit menti, scriptumq; fidei atramento, ac stylo spiritus.

Impulsus, euersus sum, ut caderem, & dominus suscepit me.

Vide uim nominis Dei, ut decet sanctos, inuocati. Adeò, inquit, præcipienter ab hostibus impulsus fui, ut cadere omnino debuissē, dñi tamē manus suffulsi me. Ex hebræo ferè sic uertunt: Impellendo impulisti me, ut caderem, dominus autem adiuuit me. Videtur Vates Saulem, aut autorem alium suæ profectionis atq; exilijs peculiariter notasse. Quid nō malorū, inquit, ô perfide, in me es machinatus? omnem quippe uim, studiū, artemq; adhibuisti, quò me impellendo cadere faceres: & certè cadere debueram, sed Deus me à casu repara-  
uit. Quocirca exclamare libeat,

Fortitudo mea, & laus mea dñs, & factus est mihi in salutem.

Ecce nō solū memoris, uerumetiā grati animi signū. Si uici, inquit: si hostes, cū nihil minus opinarent̃, prostrauī: si ducē illorū contempsi, id Dei fuit munus, nō mea prudentia aut uirtus. Quare illū (ut alijs suū iactitent animi uigore atq; arbitriū, nō quero) illū, inquā, meā semper appellauero fortitudinē, uirtutē, atq; proinde laudem: hoc est, argumentū & materiā, tam insperatū laudandi beneficiū. Hebræi reddūt, carmen meū: seu canticū, ut Felix. Cōsidera, mi lector, si uel tantillū saltem hausisti spiritus gustū, quomodo secretissimo quodā coloris genere suū adumbrat Messia Vates. Intellige, uel serò, quis tuus sit adiutor, quis fortitudo, quis laus, quis carmen: hoc est, quem corde gestari par sit, quem inuocari, de quo aut meditari, aut scribere debeas, quò te tuæ iam demum puiectū est, ac finis, ita studiorū uigiliarūq; nostrarū scopus esse debet. Verū impurus animus, atq; in docendo ambitiosus, quid quod grauitatem sapiat, aut quod stimulos amoris infigat, uel scribere, uel edocere de Christo, re scilicet tam graui & diuina, unquam poterit: Nam quidem

Vox exultationis & salutis, in tabernaculis iustorum.

Non in tabernaculis impiorū, nō in ædibus facinorosis, milleq; libidinū, ordiorumq; inquinamentis conspurcatis, uox potest esse huiusmodi, atq; exultatio, quæ Dei sit. Potest quidem animus turpis canere, sed nō in dño: potest exultare, sed nō in dño. Id propriū candidæ est mentis, atq; illius, quæ salutem sibi præstitam à Deo, & cognoscit, & grato complectitur affectu. Sic dictionem, salutis, interpretantur. Et ne à quoquam unde tam fortis emanauerit humani animi uirtus nesciretur, statim intulit:

Dextera



**Dextera domini fecit uirtutem, dextera domini exaltauit me, dextera domini fecit uirtutem.**

Tametsi enim, exaltauit me, opportuna est lectio, & aptè huc quadrans: nihilo minus, exaltauit se, uertunt Hebræi, seu exaltabitur, ut reddit Paraphrastes. Idem Felix. Alius uerò, altissima est, quod sic exponunt: Dñi manus in ferenda mihi afflictio ope, potentissima uisa est atq; excelsa: idcirco fecit uirtutem, triumphumq; parauit. Huc, ni fallor, diuum respexisse Petrum arbitror, cum prohibitus à magistratu ne quid in nomine Iesu doceret, respōdit, Christū digito penè demonstrans: Hunc principem & saluatorē Deus exaltauit dextera sua ad dandam pœnitentiā Israhel, & remissionē peccatorū. Quid tali opere excellentius? quid magis Dei dexterae conueniens? quid decentius, quàm peccata, quæ uirtute planè humana facta erant indelebilia, expunxisse, condonasseq; noxas miseris, atq; ex hominibus, nempe ærūnolis & afflictis, deos fecisse? Quàm diligenter quidem literis in Ecclesiæ, templorumq; parietibus, imprimendum esset aureis: Dextera Domini facit uirtutē, dextera Domini exaltat nos. Ipsa etenim uis ea est sublimis, quæ in nobis, si quid unquā, quod pietatem referat, operamur, & mouet, & operatur, paratq; ob uictoriā haud secus, atq; si nostra esset uirtus, nō sua, triumphum, O si non moriar, sed uiuam, ut celebrem opera domini. Sic ex hebræo uertunt nonnulli sequentem uersum, quem ita noster transtulit:

**Non moriar, sed uiuam, & narrabo opera domini.**

Is uersus ad desiderium manendi in uita, ut alios nōnullos exposuimus in psalmis, referri nequaquā debet, sed ad insultantem in hostes animū, ad hunc ferè modum: Illi enim omnē, quò me interimerent, uoluerūt lapidem; uerū ego adhuc illis inuitis uiuo, uiuāq; diutius, quàm illi uolent; atq; ita Dei per me celebrabunt operationes. Siquidem in ipsis meis infortunijs, quæ ad meum excogitata sunt profectum atq; exercitium,

**Castigans castigauit me dominus, & morti non tradidit me.**

Castigans castigauit, hebraismus est, & est perinde ac, diligentissimè erudiuit me. Norma hæc est spiritus, ut crux pijs uita sit animis, impijs aut mors. Si quid igitur nobis aduersi irrogari cōtingat ab improbis, id ea recipiendum est animi pace, qua salutaria recipi debēt monita & reprehensiones, quæ à benignissimo permittuntur domino, idcirco, ut mirandos in nobis pariant iustitiæ fructus, nō animæ sterilitatē ac mortem. Idem planè de morbis dicendum erit, de filiorū orbitate, uxoreq; morosa, aut parum pudica, atq; de innumeris istiusmodi munda-narum rerum damnis & incōmodis. Noui, inquit, saluiferam mihi Dei fuisse castigationem, quæ mihi uitam attulerit, haud mortem. Quare

**Aperite mihi portas iustitiæ, ingressus in eas confitebor domino:**  
**hæc porta domini, iusti intrabunt in eam.**

Iustitiæ portas, aditū perueniendi ad sacros cœtus, festosq; dies, à quibus propter exiliū aberat, intelligit. Facultatē igitur eò adeundi, ubi religionis celebratur cultus, è quo iustitiam oriri sibi persuaerat, deprecatur. quasi diceret: Reuocatum ab exilio, ô sancti cœtus, ô qui religioni operam datis, uestrum in con-sortium admittite. Per hunc quidem aditum fit iter ad iustitiam: quod tamen nemo unquā, nisi iustus, pureq; defæcatus, aggredi audeat. Ab istiusmodi quidē iustitiæ portis inquinati arceri debent. Volūt ex nostris nōnulli, cœtus illos sacros, chorosq; ecclesiam prælagisse: alij doctrinam euangelicam: ego Christū, qui dixit: Ego sum ostium, si quis per me introierit, seruabitur. quanquam unū planè est, ecclesia, euangelium, Christus. Nouerat enim Propheta, ex ritibus illis antiquis quamlibet candidis & religiosis, non iustum effici potuisse hominē, sed Dei iustitiam esse, ut inquit Paulus, per fidem Iesu Christi. Idcirco portam ad iustitiam introducentē, fidem fore per Christum, persuasum habebat. Hanc



**C** itaq; sibi referari, sub uelo typoq; portarum tabernaculi illius informis, orat. Ingressus, inquit, eas confitebor domino. En pura fidei Ecclesiae confessio, quam hic pollicetur Vates. Vnde subdidit: Hæc porta domini. Neq; hoc satis uisum: Iusti, inquit, intrabunt in eam. Hinc clamat Paulus; Iustificati estis in nomine domini nostri Iesu Christi, & spiritu Dei. Porta itaque Dei est Christus, per quem accessum habemus ad patrem. Nemo, ait, uenit ad patrem nisi per me. Mirum certè si de alia intellexisse porta Vatem opineris; aut alium sibi proposuisse suæ quietis terminū, quàm Christi patrem, quem frustra appeti quæriq; citra Christum intelligebat, suspiceris; quod tandem expressius in sequentibus commonstrauit, cum ipsum Dei filium lapidem à fabricatoribus reiectum appellauit. Sed prius quid felicissimas illas tum fidei, tum charitatis portas ingressus, polliceatur, audiamus.

Confitebor tibi quoniam exaudisti me, & factus es mihi in salutē.

De confessionis uoce iam centies diximus. Hic pro gratiarū actione sumitur. Intrò, inquit, admissus nō ero ingratus, sed gratias tibi agam, te laudabo, te meā opem, meamq; salutem extitisse palam attestabor.

Lapidem quem reprobauerunt ædificantes, hic factus est in caput anguli.

Se uocat lapidem Vates ab ædificatoribus, tanquam nulli ædificij loco quadrantem, reiectum. A patria quidem & regno expulsus, conatusq; haud raro cum suis in gratiam redire, ne minimū quidem in plebe locum inuenit. Postea uerò restitutus, atq; ad regni sedem euectus, conspicuus omnibus & honoratissimus apparuit eo modo, quo apparere solent lapides illi angulares in insigniori loco fabricæ coaptati; quod quidem pro miraculo tum habitum fuit. Quæ

**D** propter dixit:

A domino factum est istud, & est mirabile in oculis nostris. Hæc dies quam fecit dominus, exultemus & lætemur in ea.

Semel dñs Iesus à Pharisæis prouocatus, multis prius propositis, quæ ad futuram eorum à Dei regno eiectionē pertinebant, similitudinibus, quò se illorū peruersitate atq; inuidia damnandū, mortemq; obiturū ignominiosissimā, sed mox è tumultu reuicturū, atq; subinde ab omnibus adorandum subindicaret, dixit: Nunquam ne legistis in scripturis, Lapidem quem reprobauerūt ædificantes, hic factus est in caput anguli: à dño factum est istud, & est mirabile in oculis nostris: Nulli igitur dubium esse debet, tunc Vatem, cum hæc scriberet & pateretur, typum gessisse Christi, qui lapis ille est, de quo sic Deus in Esaia: Ecce ego mittam in fundamentis Sion lapidem, lapidem probatū, angularem, preciosum, in fundamento fundatum. Etenim quia cuncti eo nituntur electi, in fundamento fundatū illum appellat spiritus, quia uerò duos maximè inter se dissidentes populos in unam coagmentauit Ecclesiā, angularem. Nō modò id nostri est ocij diffinire, quò referenda sit uox illa, Mirabile: siue enim ad lapidem referre libeat, ut sit lapis admirabilis, siue ad caput, siue ad angulum, siue etiam ad illud omne, quod in psalmo præcessit, idem est sensus, ad Christumq; attinet; atq; eò spectarunt interpretes, licet nonnihil in lectione uariant. Certè mirabilis is fuit lapis atq; immensus, qui utruncq; parietem tam longè ab inuicem diuulsum, iunxit, unumq; effecit, aliter una non esset Ecclesia. Quis id opus non miretur, clamatq; attonitus: A domino factum est istud, & est mirabile in oculis nostris. Conati sunt quidem Iudæi nescio quid architectari religionis absq; Christo: errauerunt miseri; deerat enim lapis ille, qui sublimi è monte recisus absq; manibus, primas sibi partes ædificij uindicaturus esset. Reiectus itaq; à sapientissimis, si Deo placet, ædificantibus, creuit, ut inquit ille, in montem excelsum: hoc est, ad eò cunctis, per potestatem illi traditam à patre, conspicuus atq; admirandus factus



factus est, ut meritò illi tanq̃ angulari saxo, totus Ecclesiæ connexus, cōpagōq̃ inniteretur. Dies igitur salutis, dies pacis, dies tripudiū, dies ista est, quam fecit dominus: siquidem in ea apparuit Christus, sol nimirum iustitiæ, amorq̃ uniuersi ac deliciæ, felix ætas, felix hominum fors. Quid ultrà mœrendum est? exultemus, lætemurq̃ in eo, nempe lapide preciosissimo, angulari, fundamento, ac iuncturarum omniū ædificiū conciliatori, qui à Iudæorum perfidia neglectus & fractus, reuixit tamen immortalis, atque ad Dei dexteram ascitus rex factus est uniuersorum. Ad quem quidem nos, qui ad illius structuram pertinere confidimus, supplices nostris in ærumnis, quibus tota hæc respersa est uita, cōfugiamus, clamemusq̃ tanquam unus omnium animus & cor:

O domine saluum me fac, ô domine bene prosperare. Benedictus qui uenit in nomine domini.

Hoc ferè modo, nouo acclamauit regi populus in Hebron. Hoc item Christo Ecclesia in hoc mundo. Cui quidem religioni præluferunt olim turbæ illæ, quæ Christo Hierosolymas intranti cum ramis, palmarumq̃ frondibus occurrerunt ouantes, clamantesq̃: Osianna filio Dauid, benedictus qui uenit in nomine domini, osianna in excelsis, quam uocem sic interpretatur Symmachus: Obsecro domine, saluum me fac obsecro. Neq̃ est quòd nos moueat, Euangelistas parum secus, atq̃ habet psalmus, citasse literam: ea quippe memorât, quæ tunc in usu erant in ore populi, qui ex patrum ritu consueuerat in die octaua festi tabernaculorum, in qua de more ramos, frondiumq̃ fasciculos gestare iussus per urbem, ita precabatur: Propter te Deus deorum salua nos, propter te domine dominorū salua nos, ut nō quidem temerè à Iudæis factum existimemus, quòd pompa illa ramorum solenni, Christo obuiam ierint clamantes, Osianna serua nos fili Dauid. Longius non est protrahendum mysterium. Id solum dixisse sufficiat, quod ad institutū nostrum facere uidebatur. Cæterum, bene prosperare, perinde est ac si dicas, felicem dona successum: uel, ut reddit Felix: Da prosperitatem, ferq̃ opem ô qui habitas in excelsis, liber nimirum à nostris hisce inquinatis iustitiæ semitis. Sit itaque laudatus qui uenit in nomine domini. Is quidem à patre missus, non potuit sua syncerissimè non fungi legatione, quam mirandum in modum uniuersus seruatus est orbis. Ideo omni laude superior est legatus noster. Aliunde porrò accedentes, fures sunt, ac piratæ. Vnde illa est domini Iesu expositulatio apud Ioannem: Ego ueni in nomine patris mei, & non accepistis me. Si alius uenerit in nomine suo, illū accipietis. Ergo, inquit Augustinus, maledictus qui uenit in nomine suo. Putas ne, mi lector, etiam in nostra ætate, alioqui ad terendas iustitiæ semitas animata, deesse, qui non missi à cœlesti patre, non uocati à spiritu sancto, non imbuti doctrina uerbi, sese in euangelicum obtrudunt ministerium, gradusq̃ illos sibi assumunt & uenantur, quos non Dei spiritus, sed ambitio suggerit & amor proprius? Maledicti hi certè à domino sunt, cum is solus, uerèq̃ benedictus sit, qui uenit in nomine domini: hoc est, qui Dei gloriam, non suam in edocendo Dei uerbo, quod sanè munus ad omnes attinet animarum præfules, querit. Aliter uerò quomodo poterunt credere, atque adeo Dei gloriæ suis illis in dignitatibus ac gradibus studere, qui gloriam, ut inquit Christus, ad inuicem aucupantur? O certè præposterum rerum ordinem. Iam uerò quid suæ professionis hominibus precentur hi benedicti, missiq̃ à domino, subinfert Vates: Et nos, inquiunt, benedicti, delegatiq̃ à benedicto,

Benediximus uobis de domo domini,

Beneq̃ precamur. Quis, quæso, alijs benedictionē impartiri auderet, quin esset ille prius benedictione ornatus? Nō quidē obuia cuiq̃ est doctrina spiritus. Proinde nō inconsultò nos admonet Paulus, probandos esse spiritus. Mirum



**C** quā turpiter hac in re labamur, propterea, quòd nostro nimium tribuentes iudicio, ac corporis cōmodo, in his, quibus fulciri debet pietas, Deique religio sustentari, infelicissimè cæcutimus, appellamusque lucē tenebras, & tenebras lucē. Sed istuc fortassis tolerandū esset inter rudes vulgi homines, atque apud illos, quibus lux fidei nondū ob Christianorum ignauitā innotuit. Verū cum infidelibus, & nos quoque, qui mūdo imposuisse somniamus, uno, ne dicā deteriori, cōuolui impietatis errore, omnē superat turpitudinē. Quid, oro, faceremus, si nullū cōmīno apparuisset lumen? Quid sacri in nobis promouerūt ordines? quid literæ? quid maiorū præceptiones? quid fides tandē, ac Christus? Nos ignauissimos, qui in meridiana ipsa luce hallucinantes, tenebras nescio quas inter lucētes, faciemque adulterinā ac subreptitiā, pro uera luce admittimus: & tamen nos Christianos esse, negato Christo, uideri uolumus. Luce igitur noua hīc erit opus? nouo item Christo? quasi id quidem optare uidemur, cū tam obnixè exorto reluctamur lumini. Ah pudeat Christianum de Christo suæ salutis autore (scelus id ingens) uel leuiter quidem suspicari. Siquidem ipse est, non alius,

Deus dominus, qui & illuxit nobis.

Itaque aliū inquirere Deum, aliudque opperiri lumen, impiū omnino id esset uotum & uanum. Ipse enim per se lumen præbet: imò uerò ipse lux ea est, præter quā nulla. Sol quippe iste uisibilis, præ illo densissima est caligo, utpote cui corpora duntaxat illustrare uis data sit ab illo, qui mentes permeans humanas, in ipsas animæ medullas felicissimos suæ cognitionis, addo & amoris, immittit radios. Quocirca

Constituite diem solennem in condensis usque ad cornu altaris.

**D** Tametsi enim secundum simplicē sensum ea uideretur literæ huius expositio, quā afferunt hi, qui planitiæ cōtenti difficiles montium ascensus refugiūt, quæ huiusmodi est: Constituite diem lætitiæ ad celebrandam Dei solennitatē in cōden sis, populo nimirū denso, & frequentī in templo, ut uel ipsius cornua altaris, cui sacerdotes tantūmodo ad stare debēt, occupet (utrūque enim altaris caput, cornua appellabant ueteres) attamen diuersa cū sit litera etiā inter Hebræos, diuersi emergūt sensus. Sic ex illis quidā transtulit: Redimite festū diē frondibus usque ad aræ cornua, quam literā secutus Paraphrastes, sic fusius rem exequitur: Colligite sub diē festū ramos, & templū ornate usque ad cornu altaris. Hunc morē quoque etiam nū seruant templorum curatores, quòd ex his innuant ritibus, maximū inesse populis interioris festiuitatis, quæ in spiritu fit, gaudiū, de quo illud: Exultemus & lætemur in eo. Felix uerò reddit: Vincite agnum funibus usque ad cornu altaris. Idem ferè Chaldaeus: Ligatē, inquit, agnos ad diem festū. Ad antiquū enim morē sacrificiā aspexit Vates, in quo hostiæ Deo immolandæ cornibus altaris alligari cōsueuerant. Vnde ex hebreo sic transferūt cæteri: Ligatē hostiam funibus ad cornua altaris: hoc est, hostijs Deo litate. Diuus tamē Hieronymus aliā approbasse lectionē uidetur, qui sic transtulit: Colligatē sub diem festū ramos, & templum ornate. Hæc omnia sanè populos ad animi lætitiā, cultumque religio nis festiuū adhortant. Verū aliud modò quærendum est nobis hostiarū genus, aliud altare, ritus alius, quā ille fuit Iudæorum cruentus. Nostræ quidē uictimæ, ne ab armētis uitulū aut buculam extrahi debere opineris, nos ipsi sumus. Altare, crux Christi, ignis, amor, gladius, fides. Sacerdos autē, qui & ara simul est & gladius, & ignis, Christus Iesus. Quæ porrò sint, quæ cani debeāt in frondoso isto sacrificandi more cantiones, in sequentibus edocet spiritus.

Deus meus es tu, & confitebor tibi: Deus meus es tu, & exaltabo te.

Hīc propemodū mihi illa esse uidet fidei cōfessio, quam apud Ioannē subdubius antè discipulus profitec, manumque Christi uulneribus admoūēs exclamāt: Dñs meus & Deus meus. Qui sic de Deo sentiunt, ipsum uenerantur, colunt, cæterisque



cæterisq; omiſſis hominũ præſidijs, quæ nutantia ſunt atq; infida, ſuis in aduerſis inuocant, ad ipſumq; tanquam ad tutiſſimũ aſylum ac portum confugiunt. Iam illud poſtremò notandum, uerſum illum intercalarem, quem poſt hunc noſtra habet editio, in hebræo non inueniri; eum nempe, Confitebor tibi, quoniã exauდიſti me, & factus es mihi in ſalutem, ſed oſtenſa ſui animi erga Deum conſtantia & fide, iterum eadem confeſſionis uoce, atq; eodem omnino uerſu, quo pſalmum incoepit, claudit, dicens:

Confitemini domino, quoniam bonus, quoniam in ſeculum miſericordia eius.

Cui honor ſit & benediçtio in ſecula ſeculorum. Amen.

## PSALMVS CXIX.

Aleph.



Beati immaculati in uia, qui ambulant in lege domini.

Totius humanæ conuerſationis perfectio hunc totũ modo occultiſſimo ac ratione, ſibi uindicat pſalmũ. Quocirca ſi purificatũ inuenit lectorem, mirabili illum afficit ardore, atq; ad res animi perueſtigandas incendio. Tantũ uerò abeſt, ut in illo quidpiam offenda non neceſſariò poſitum concinneq; repetitũ, ut nihil cõcinnius dici queat: quod uix aduertit qui hebetiori ſunt ingenio ac ſpiritu, quibus perſuaſum eſt uoces illas frequẽtes, legem, mandatum, iudiciũ, eloquiũ, præceptum, atq; alias in hunc modum dictiones redundare. Falluntur hi dubio procul: ſiquidem iſtiusmodi uoces nõ ſecus perornat pſalmũ, ac cœlum ipſum fulgentiſſima ſydera: quas tamen omnes unicam præferre legem affirmant doctiores, qui ſecundum uarias illius operationes atq; effectus, uarijs illam appellari nominibus à Propheta notarunt. Rationem uerò quamobrem octauo cuiq; uerſiculo literam unam alphabeti Hebræorum, ab Aleph incipiẽdo, attexerit Vates, fatentur ſe ignorare. Puto equidem uſum fuiſſe poëticum, non tamen ſuperuacaneũ, ſed admirabili oblectum myſterio, ut ferè omnia ſunt prophetica. Lex itaq; quæ Thorah Hebræis eſt, nõ minus doctè, quàm candidè & ſanctè, per membra hinc deſcribit. De cuius quidem appellationibus, cur ſcilicet hoc uel illo nuncupeſ nomine, in pſalmo decimono, quantũ ſatis tunc uifum fuit, explicuimus. Haud ſanè res admodũ difficile eſt purgato, ut dixi, animo, quid uoces ſibi uelint illæ crebræ, ſuo loco diſcernere. Iam illud dicendum uidetur, Prophetam in hoc pſalmo flagrantẽ piorum animũ erga Dei legem uoliſſe exprimere, ſubindeq; ingenti illos excruciarĩ dolore, cum ab improbis eam cernunt contemni, ludibriõq; haberi, ac ſub religionis pretextu uenum exponi. Illud quoq; admirandum, quomodo in tam uniformi uerſuum concinnitate atq; enarratione, noua ſemper, quæ Dei laudes referant, adducat Vates; ut mirũ id omnino uideri queat, quomodo idem ſæpe numero eiſdem penitus repetitis fomentis, excitari faciat incendiũ, nomen nimirũ tam aptum diuinæ legi, quàm quod aliud aptiſſimũ. Cæterũ nulla in homine poteſt eſſe tam digna Deo laudatio, q̃ eſt inculpatus uitæ tenor, hoc eſt, ad Dei legem apprimè informatus. Qui talis eſt, à Vate meritò cum hinc, tum aliàs, beatus, atq; in conſuetudine uitæ, quã uiam appellare libuit, immaculatus nuncupatur: quippe qui in Dei lege enutritus, nullo alio afficitur oblectamẽto, nullo alia tenetur cura, quàm ut ſecundum Dei præceptiones ſuam inſtituat uitam, omiſſis interim curis illis omnibus, quibus tam nobile impediri poſſit adificium. Ait itaq; Beati immaculati in uia, qui ambulant in lege domini. Hoc eſt, beati hi ſunt omnino, ac ter felices, qui inculpatè uiuentes, ſecundũ Dei legem & doctrinã id uitæ iter peragunt; nullo enim remorati obice, uitæ ſtadium expeditiſſimo conficiunt curſu. Dei quippe legem ac uerbum, pro ſcopo ſui laboris & curſus ſibi iam pridem ſtatuerẽ. Vnde



**C** Beati qui scrutantur testimonia eius, in toto corde exquirunt ea.  
 Testimonia, illius sunt praecepta, quibus suam nobis patefacit, testaturque uoluntatem. Vnde uertit quidam, contestationes. Hi igitur felices, qui diligenter affabreque Dei obseruant iussiones, quique illum haud ore solum, qui hypocritarum mos est, sed toto omnino corde, synceroque affectu inquirunt, illique suum probari cursum modis omnibus contendunt.

Non enim qui operantur iniquitatem, in uis eius ambulauerunt.  
 Fieri haud quidem potest uirum illum, qui per amoenas fidei semitas libenter incedit, posse longius errare. Indiciū sanè id est certissimū, quempiā penitus exorbitare, cum in foedas ultro impingit peccatorum salebras, erratque prudens. Felix hunc uersum ad beatos illos superius descriptos retulit, ut sit ratio, cur beatitudinis nomine coelitus donati sint. Nō em̄, ait, operati sunt iniquitatē, imò uerò potius in uis eius ambulauerūt, nēpe dei. Planè quidē sunt uiaē dñi, atque, ut ait Salomō, pulchre, & omnes semitae eius pacificae: quocirca amanti, atque adeo solerti opus est animo ad peragendū praeceptorū Dei cursum, alioquin & lucidū, & apertū.

Tu mandasti mandata tua custodiri nimis.

Torporem quidem omnē suo in obsequio fastidit Deus. Vnde nō iniuria in fine uersus additū est, nimis; hoc est, diligenter, indefessēque. Vt enim sancta, nobisque salutaria praecepit Deus, ita summū nobis ad illorum obseruationem adhibendum est studiū, excitandusque animus, atque elaborandum, ne surdis aliquando praecepisse uideatur tam potens dominus.

Vtinam dirigantur uiaē meae ad custodiendas iustificationes tuas.

**D** Hae est uis fidei in diuina lege inclusa, impiū gratis iustum effici, ac Deo charum. Vocat hinc igitur iustificationes, Dei promissiones à legis oraculo, tanquam ab arcae propitiatorio auditas: quibus sanè qui fidunt iusti actutum efficiuntur. Verum quoniā ad obtinendā huiusmodi animi excellentiā impares pro suis sunt uires humanae (Dei enim donū est, qui nostrā sustentat imbecillitatē, purgatque arbitriū & uoluntatē) idcirco exclamat Vates: O utinam mei cordis affectus, uitaque conuersatio, qua ætatis huius hippodromus utcunque transcurritur, adeo à recto nō exorbitet itinere, ut tuis possim parere mandatis. Et certè

Tunc non confundar, cum perspexero in omnibus mandatis tuis.

Sentit uir sanctus se nunquam suis in consilijs, quae à spe aeternae uitae proficiscuntur, atque adeo in adipiscenda mentis integritate, quae in sedula praeceptorū Dei meditatione sita est, iri fraudatū. Tūc, inquit, cum perspexero, hoc est, cum quae tuis in iussionibus ab homine efflagites considerauero, eaque re praestitero, non confundar, mea quoque nō frustrabor, quam de te cocepi, fiducia & persuasione. Frustrantur sanè, qui te amare simulant, ne digitū quidem ad ea quae praecepisti promouent. Scilicet amore istiusmodi pigro inertique, qui fide nescio qua cōtentus, nihil antiquius habet, quam ut nihil omnino operetur, delectaris. Christus, aiunt, pro nobis operat. Fateor equidem id amoris genus ac fidei, quod libenter ociaē, me penitus nō intelligere. A te enim audio, o uniuersorū Deus, mortalium erga te dilectionē ex praeceptorū tuorum obseruatione cōprehendi debere: alioquin amor nō est, sed falsa religionis persuasio. Quod uerò ad me attinet illud abs te exorare contendam, ut te duce, mea ita rectè ordinet uitaē ratio, quod quae sint operationes illae, quas tu à nobis requiris, nō ignoremus, ne stadij cursum metam appellemus. Felices quidem illas esse actiones semper existimaui ac perfectas, quae, tanquam uires arbori, innixae fidei, nullum in se statuerent meritum, sed in Deo, qui, quod alicuius sint momenti, autor est, atque ne in actionū delectu hallucinemur, lux uniuersalis. Hoc proinde impetrato,

Cōfitebor tibi in directione cordis, in eo quod didici iudicia iustitiae tuae.

Iudicia



Iudicia iustitiæ Dei, sunt illius decreta æquissima, solida, perfecta, quibus sancta maximè constat lex. Cæterū Dei iustitiā aliās diximus illius esse consummatissimā unde quaq; naturā ac bonitatē, quæ in legis cognitione æquè relucet, atq; sol ipse in suo cœlo. Vide igitur quid bonorū nanciscamur ex assidua in diuina lege exercitatione: cōsiliorū nimirū æternorū Dei notionē. Ait ergo: Te, ô dñe, celebrabo, ac te syncerè, simpliciq; uitæ instituto ac ratione, quod rectum est, quocq; itur ad te, consilium, laudibus meritò efferam, ubi secretissimā me docueris tuæ legis uirtutem atq; efficaciam. Iudicia quidem humana falsa plerunque sunt & iniqua, tua uerò æqua, ac te digna. Ideo

Iustificationes tuas custodiam, non me derelinquas usquequaq;.

Usquequaq; ubiq; est, seu quocuncq; tempore. Vocat iterum Dei legem, lætasq; legis promissiones, quod esse Euangelium definiūt, iustificationes. Tuas, inquit, iustificationes seruabo. uerū tu interim ne me deseras: siquidem te iuuante, seruabo, deserente autem non seruabo. Imbecille ualde arbitrium est humanum si senitur, fortissimum si Deo.

Beth.

In quo corrigit adolescentior uiam suam? in custodiendo sermones tuos.

Natura humana cūm omni planè ætate ad uitia procliuīs sit, tum id potissimū in adolescentiā uidere est. Tum quidem efferatius ætas illa, ut leuis & incōstans, ita æquè ad uitia atque ad uirtutes flexibilis, in varias continuò fertur cupiditates, raroq; uirtutum iter, uel centies intermissum, nisi uī maxima adhibita animi ac conatu, repetere potis est. Carnis quidem æstu incensa, difficillimè in uno perseverat uitæ consilio. Vnde nō immeritò adolescentiæ hic fit mentio. Verū illud tam petulantī ætati conuenientissimū erit frænum, si omissis lasciuijs, cor iuuenis in Dei se lege oblectauerit, illamq; amauerit doctrinam: qua adepta alio omnino deflagrabit incendio, quā illud sit, quo hi perpetuis aduruntur flammis, qui aut sensuum oblectamenta porcorum more amplexantur, aut ab humanis seducuntur erroribus. Vtruncq; enim hominū genus semper inquietum est. Da igitur mihi adolescentem, da iuuenem, da senem, da totum orbem Dei uerba audius, quā adulationes, falsasq; fortunæ pollicitationes audire, en Deus, en pax, en charitas, quæ iam nulla est, suam recuperabit sedem. Quaiq; re potissimū adolescens natura mollis ac dissolutus, suam poterit emendare uitam: quo remedio? nullo certè efficacius, quā si salutaria seruauerit Dei uerba, illiusq; libentius inheſerit monitis, quā mundi blanditijs ac lenocinijs. Dic princeps (te nunc alloquor, quisquis es, qui ad principatum uocaris) quam putas ratione tuas te aures, adhuc forsan tenellas, à turpissimis assentatorū delatorumq; artibus posse auertere? nōne Dei uerbo? nōne sacrosanctæ legis auxilio? Quid animum? quid cor piè adeò informabit ad clementiam, ad grauitatem, ad sapientiam? nihil sanè præterquam Dei doctrina, à qua instituendorum populorū forma extrahitur. Si quidem constituendi per prouinciā erūt magistratus, si imponenda uectigalia, si ciues ornandi honoribus, si tuis fortunis augendi, si fauore, si gratia, si contubernio honestandi, en lex diuina, quæ te id pulchre doceat. Et demū nullo alio itinere splendorem illum ac gloriā, ad quam tum probitate, tum literis, tum armis illis, quæ Christianum principem decent, te aspirare par est, assequere, nisi in custodiendo sermones Dei. Omitto prudens ad uoluptates suasores, qui avaritiæ facibus instincti, te ad exactiones principe indignas, ad depeculationes, ad ludos illiberales, ad sauitiam, tyrannidemq; instigaturi sunt. Quæ sanè hominum colluies adeò ex sese odio sa est omnibus, atq; ipso suo horrore detestabilis, ut propemodū superuacaneū sit te admonere. Quare sic te instructo, atq; proinde ad tuorum ciuium salutem,



c orbisq; terrarū ornamentū ædīto, paululum omisso, ad Vatem redeo, qui suum erga Dei legem cupiens testatum esse omnibus animum, ita de se loquitur:

In toto corde meo exquisiui te, ne repellas me à mandatis tuis.

Summa hæc est perfectionis Christianæ, Deum ita obnixè quærere, ut assequatur. Id enim est Deum toto corde inquirere. Aliter autē ad cœlestiū rerum cognitionē cum nati, tum post primā illam miserrimi Adæ ruīnam denuò accersiti, sed lumini ultrò oblucentes, sponte nos nostra Dei uocatum auersari, quo uelo, quo suffugio nostram inumbrabimus oscitantiam? Periculosissimū sanē illud genus est uitæ, cum quis cœlitus uocatus illud respondet comicum, Vocata est opera. Corde itaq; toto inquirendus est Deus, ne indignabundē nos suo ab obsequio propellat, ac tanq̃ inertes aluos sua à religione, quæ ab ardentissimis duntaxat animis apprehenditur, abigat, conspuatq; irrisos. Ne sinas, inquit, me tuis à mandatis aberrare. Nam

In corde meo abscondi eloquiā tua, ut non peccem tibi.

Aurea cum sint diuina eloquiā, ac gemmis ipsis preciosiora, in secreto recondenda sunt animæ repositorio, ne à furacibus auferant seruis, palamq; fiant uulgo natura leuissimo, atq; alieni appetitissimo, quæ sobriè impartienda sunt multitudini, ac cum delectu. Eloquiā uocat Dei mandata, seu legem, quæ frantum quoddā nostræ est ad peccata procliuitati. In animo, inquit, meo, in cordisq; meo dullis, tuos, ne aliquando laberer, reposui sermones, seruoq; perinde, ac solent homines fœneratitias pecunias ad lucrum: pro tutela illos habui. Et quidem

Benedictus es domine, doce me facere iustificationes tuas.

Cum docet Deus, planū sit illius religionis iter: alioqui sine Deo senticosum, syluaticum, inaccessum. Eam ob rem hīc anima mirè anxia sibi doctrinam spiritus suppeditari rogat, qua operante nihil non facile atq; amœnū in seruandis Dei præceptis apparet. Ex hebræo uertunt quidam, doce me ceremonias tuas: & per ceremonias, certas intelligunt leges ac ritus. Vult Kimhi præcepta illa esse, quorum tecta est ratio, atq; obscura: ut ferè erant ceremoniæ templi, antea autem tabernaculi. Kukim Hebræis est. Laude igitur omni præstantior es, mi Deus, quo autore audax factus, in corde meo abscondi eloquiā tua, illa scilicet assidue ruminans, ut non peccem tibi. Verum tu interim me tuas edoce præceptiones. Si quidem alia res est, tua audire uerba, aut in auratis lectitare codicibus cum uanitate, alia à spiritu tuo edoceri. Quare ne quod mei est muneris omnino denegem, insectumq; deferam,

In labijs meis pronunciaui omnia iudicia oris tui.

Vide quid boni secum afferat præsentia spiritus, quidue tandem pariat Dei uerbū in corde absconditū. Labijs, inquit, meis, ac lingua, iudicia cuncta ab ore tuo profecta, hoc est, edicta, oraculaq; legem nimirū sanctam, qua tua nota facta est mūdo uoluntas, enunciaui, palamq; cum tibi uisum fuit, patefeci. Id dicit Vates, quò q; libenter sollicitèq; de Dei lege loqueretur, ostendat. Ideo subdidit:

In uia testimoniorū tuorū delectatus sum sicut in omnibus diuitijs.

Testimonia, seu uiam testimoniorū appellat, ut iam diximus, Dei legē, quòd de ipsius legislatoris uoluntate contestetur. Nonnulli uertunt, oracula. Prædictus uerò doctor præcepta illa esse existimat, quibus aliqua ad refricandam diuinæ beneficentiæ memoriā præcipiuntur. Verū enim uero mens ea est prophetæ, ut suum erga Dei uerbum, ac legem, tum studiū, tum amorē præferat, cum aut se æquè ex ordine, modo, sapientiāq; quæ sunt uix eius, mandatorū Dei oblectamenta sumpsisse, ac solent alij ex diuitiarū copia & luxu. Alio in psalmo testimonia Dei desiderabilia esse asserit super mel & fauim: hoc est, super omnē mundi suauitatem & delectationem. Sic sunt affectus spiritus, sic amor, sic gustus. Quocirca



In mandatis tuis exercebor, & considerabo vias tuas.

Quòd enim secundum Dei legem quis uiuere possit, frequens id agit exercitatio, atq; assidua in illius doctrina meditatio. Secus enim nulla in terris certa esset de Deo notitia. Nam à lege, Dei uoluntas intelligitur. Quid si intellecta spernitur? Scelus id uidetur inexpiabile, Spernitur tamē etiam ab his interdum, qui illius profitentur cognitionē, ac religionis effigiem. Obsecro, unde is uanissimus cœlestium donorū usus? Puto equidem ab infecto mundi amore animo, fideiq; debilitate, ne dicam absentia, originem habere. Qui ita affecti sunt homines, in diuulganda Dei lege exercentur quidem, sed ad questum, ad gloriam, ad uulgi plausum: viasq; domini considerant, non quò illas terant, atq; in salutis sibi usum uertant, sed ut inde nomen sibi cōparent, aut illas prorsus diruant: quod propriū hæreticorū est, atq; illorum affinium hypocritarū. Quanquā certē mallem patentem hæreticum in domo Dei tolerari, quā hypocritā, qui suauissimo suo illo existimationis propriæ ueneno imbutus, quicquid agit, quicquid turpissimo cōmentatur animo, id totum in suum pertrahit colorē, tetrum nimirum, fucatum, pallidum, horrendum, exitialem, odiosum, Deoq; infensum, tantum abest ut quod sequitur illi probetur.

In iustificationibus tuis meditabor, non obliuiscar sermones tuos.

Sanctissimum id pij animi est uotum. Dic, inquit, ac nocte, tuis in præceptis me exercebo, in illisq; delectabor: neq; ulla unquam erit hora, quin tuos in mente habeam sermones, mandata, præceptiones, iudiciaq; oris tui.

Gimel.

Retribue seruo tuo, uiuifica me, & custodiam sermones tuos.

Iam illud compertū, ex præceptorū Dei obseruatione uitam oriri animæ, ex neglectu mortem. Retribuere uerbum (quod aliquādo annotauimus) Hebræis est non solum pro beneficijs beneficia reddere, aut pro benefactis præmiū, sed etiā simpliciter beneficium præstare, ut hīc uides. nisi malis de incōprehensibili id Dei benignitate exponere, qui etiā lacessitus iniurijs, pro offensionib; gratiā referre solitus est. Hebræi optandi affectu hunc legūt uersum: Viuam, hoc est, ut interpretať Paraphrastes, mihi uiuere liceat, & parēre mandatis tuis. Præstat igitur seruo tuo ut uiuam, uiresq; in uita, quò tuis obsequi possim mandatis, suppedita. Extra illa quidē nulla est uita, nullaq; conscientiæ pax, & quies. Ideo

Reuela oculos meos, & considerabo mirabilia de lege tua.

Pressis quidē animis ac tardis, pressa Dei lex uidetur & uilis. Sublimiori autem qui præditi sunt mente, admirandam illam esse, captumq; humanū excedere fatentur. Et quidem, quid non excelsum? quid nō mirabile ē Dei ore prodire possit? Est ne paruo id stupore dignū, hominē facinorosum, atq; subinde Dei hostem factū, legis beneficio æterni patris filium effici? Quid illud? Nōne stultitia mūdi elegit Christus: nōne infirma? nōne crucem autor uitæ? nōne, quò mundi sapientiam debellaret, æternumq; suis ab ignominia auspicaret regnū, uitam uixisse penē infamem uisus est uulgo? Quis unq; putasset hominem (res mira) cruci latronū scilicet supplicio affixum, derisum, pro infano habitum, consputum, atq; ab ipsis religionis primatibus ē templo eiectum, ad tantam prouehi potuisse gloriam, ut mūdo uniuerso frænum poneret? Hæc sanē omnia à cœlesti doctrina Euangelij hausimus, haurimusq; perpetuis ueluti aquarum dulcium uenis. Verum cognitu difficilia ualdē sunt, idcirco admiranda, atq; animo digna in primis nitido ac fideli. Quare diuina hīc opus est luce, illiq; continuè supplicandum, uociferandumq; quò nostros ad stupenda illa legis mysteria, secretaq; ineffabilia, ob desidiam graues aperiat mentis oculos. Reuela, inquit, aperi, qui rurpi cataclysi, lippitudineq; ignorantia hebescent, oculos meos, illorumq; purgans aciem lumen admoue, ut sic abs te illustrati, quæ tua in doctrina



**C** occulta sunt, intueri possint.

Incola ego sum in terra, non abscondas à me mandata tua.

Cognoscit se uir sanctus peregrinū, nō ciuem esse huius mundi: proinde claustra illa, qua in patria fruunt beati, carere luce: cuius tamen participem fieri, ne in re salutis hallucinetur, exoptat. Aduena, inquit, ego sum in hoc mundo, nō angelus, non indigena, non ciuis, sed homo uagus, rudis, impurus, exul: & qui hodie sum, cras uerò, aut plurimū perendie, non reuersurus hinc abeo. Quare tua ne me celes mandata, quorū sanè uim quis, nisi tu edocueris, assequi unquā poterit: Quod uerò ad me pertinet,

Cōcupiuit anima mea desiderare iustificationes tuas in omni tēpore.

Ex hebræo uertūt, cōfracta est, seu, rumpit prae desiderio anima mea cognoscendi iudicia tua. Hebraismus est, quo maximū desiderantis ostenditur incendium. Vnde illud est Christi: Desiderio desideravi hoc pascha māducare uobiscum anteq̃ patiar. Cōcupiuit, inquit, nō simpliciter quidē, anima mea tuas intelligere iustificationes, sed adeo ardentē & cōtinuò cōcupiuit, ut unum aliud in infinitum traheret desiderium. Idem etiā denotat uerbum, rumpitur. Hinc sanè animaduertendum quanto prosequenda sint studio, atq̃ animi intentione Dei eloquia, quae de more ignauiam omnē refugit & auersat. Hæc quidem quotidie in templis ore proferimus, quò uerò diuagetur mens, quidue desideriorū admittat, nouit Deus. Putant nōnulli peracto utcunq̃ diuino, ut uocāt, officio, omnia in tuto esse: quocirca quid nō audent improbitatis illo tecti umbone? Tu tamen, o excelsa, ne ad omnia conuiuere uidereris,

Increpasti superbos, maledicti qui declinant à mandatis tuis.

**D** Puto hīc hypocritas taxari, illos maximè, qui cum externo ritu, legisq̃ eruditione sancti appareāt, nihil tamen minus, q̃ legem, uita referūt. Se quidē magis quàm Dei honorē diligunt: idcirco illo cōtempo, atq̃ illius posthabitis mandatis, superbissimi omnium sunt. Quos tamē, si uultū, grauesq̃ mores inspicias, modestiam ipsam cute pallida, ac macie indutā esse affirmes, homines certè dignos quorū frons tali inuratur cauterio: Maledicti qui declinant à mandatis tuis. Id proprium hypocritarū est elogium, qui à puro Dei itinere ultrò aberrantes, feculenti penèq̃ irreuocabiliter labuntur. Detestabile omnino genus id est hominum, quibus meritò radij ipsi solis interdici possent. Hos igitur à Deo increpitatos, maleq̃ habitos affirmat spiritus. causam uerò addit: Maledicti, ait, qui declinant, aberrantq̃ prudenter à lege domini. Illi sic: tu autem, o domine,

Aufer à me opprobriū & contemptū, quia testimonia tua exquisiui.

Necessitudinē & cōiunctum cum superbis, atq̃ à Dei ore execratis, opprobriū uocat ac contemptū, seu, ut alij uertunt, ignominia. & optimè quidē: nam quid infamius, magisq̃ uitandū, q̃ contuberniū est superbiorū? Sunt qui has uoces ad probrū, quo quis afficit à superbis, referāt. & erit sensus: Me uindica ab irrisione atq̃ opprobrio illo, quo me uexant superbissimi isti ueteratores. Causa uerò: quoniā tua seruauī monita, quoniā tua mihi cordi fuit lex, quoniā à mandatis tuis non declinaui, quoniā in corde meo abscondi eloquia tua.

Etenim sederunt principes, & aduersum me loquebantur, seruus autem tuus exercebatur in iustificationibus tuis.

In throno, inquit, suo illo tumido atq̃ arroganti sederunt primarij plebis homines. Quid putas? In me, alioqui tuæ religioni consecratū, falsa promulgarūt iudicia, detestandasq̃ protulere sententias, à corruptissimo nimirū animo profectas. Ego tamen seruus tuus neq̃ sic deterritus succubui, sed, ut prius, nihil aliud quàm exercebar in mandatis tuis, quae ut conuenit seruata iustum reddunt hominem, atq̃ ad capeffenda coelestia idoneum.

Nam



A Nam testimonia tua meditatio mea est, & consilium meum iustificationes tuæ.

Vide perfectā legis Dei cognitionē in anima, quæ suam appellat uoluptatē, suam exercitationē; suosq; cōsiliarios, atq; à secretis assessores, Dei præcepta. Sic hunc uersum transtulit Felix; Etiam testimonia tua delectationes meæ, uiri consilij mei, hoc est, mei consultores, ac familiares, quibus cum uiuo, quorūq; congressu delector, tuæ sunt cōstitutiones. Adeò fulgentissima lux Dei est lex.

Daleth.

Adhæsit pauimēto anima mea, uiuifica me secundū uerbum tuum. Adhæsit pulueri, uertūt nōnulli, seu limo. Extremā his uerbis ostēdere uoluit sui animi cōsternationē; & est idem atq; morti proximus factus sum. Cēseo quī dem huiusmodi Vatis deiectionē ab absiduis hostiū suorū iniurijs, atq; in religionē insultatione prouenisse. Cæterū, uiuifica, uerbū frequēs in hoc psalmo, pollet perinde quasi dicas, restitue, refocilla, recrea. Ait igitur: Adhæsit penitus uita mea sepulchro: sed tu me pristinae restitue felicitati, ut es pollicitus, ac me recrea. Ab æterno quidem firmissimū emanarat cœlitus decretū & promissio, qua se Deus suis non defuturum amicis astrinxerat, modò hi suas nō celarent plagas. Ideò infertur:

Vias meas enunciaui, & exaudisti me, doce me iustificationes tuas.

Via enim domini, uia rectæ sunt & salutes; uia hominis obliqua, inquina ta, atq; ad interitum pertrahentes. Cum itaq; suas se Deo patefacturum uias pollicetur, aut patefactas asserit Propheta, uita suæ modum, rationemq; intelligit: hisce enim, quasi ujs quibusdam, uite huius regionē peragramus. Vita, inquit, meæ rationem omnino totam nō dissimulanter tibi exposui: quare tu huiusce- modi mea placatus fide, me clamantē, ad teq; tot in periculis, quibus tota hæc respersa est uita, confugientē, admitte, exaudiq;. Exaudisti, respōdisti uertunt, seu respōde, qd magis placet, ut sit sensus: Tu responde mihi, ut solent qui liben- ter audiunt, ac tuas me edoce præceptiones. In omnibus enim arbitrij humani uim extenuat propheta, nō tamen aufert omnino, ne tam insigni dono animam dispoliare uideatur. Dat quidem suas arbitrio partes, sed secundas; gratiæ uerò Dei primas, ut qui gloriatur, in domino gloriatur. Vnde clamat:

Viā iustificationū tuarū instrue me, & exercebor in mirabilib. tuis.

Rogat ueram sibi aperiri legis Dei cognitionem, qua intellecta, ex admiran- dis, quæ in ea latent, mysterijs animatus, respirare, atq; animū penē propter in- fortuna dissipatum, posset colligere. Sensum, inquit, germanū sanctissimæ tuæ legis me assequi facito; quo sanē impetrato, tunc liberē tuis in mirabilibus, quæ modò strictim tanquam per transfennam intueor, memet exercitabo, Atqui ut ingenuē meam confitear ignorantiam,

Dormirauit anima mea præ tedio, confirma me in uerbis tuis.

Liquefacta est anima mea præ anxietate; siue, illachrymaui, distillauiq;, uertūt quidā. Stillatim, inquit, effluxit anima mea præ ægritudine, atq; anxijs, quæ me arctarūt, cogitationib. Hinc mea me premebāt scelera, illinc pēnarū metus, atq; superbissima quorundā natura, qui tuæ præpositi erāt religioni. Quod si tamen mihi, etiā irreuocabiler, pereundū erit, tua saltem inuiolata perstet religio, & felix sum, etiā abs te refutatus. Verū id interim mihi qm maximæ erit cōsolationi ac fiduciæ, si me, ut es pollicitus, erexeris, meamq; planē nutantem firmaueris de tuis promissis fidem, quam sanē rem quò facilius assequar,

Viam iniquitatis amoue a me, & de lege tua miserere mei.

Nullus, quod sciam, ex Hebræorū interpretib. legit, iniquitatis; sed aut men- dacij, aut, ut Felix, falsitatis. Vide etiam, de, in nostro interprete superesse. Quid



c sibi porro uelit uox mendacij, ita aperit Paraph. Studiū mendacij, seu mentisendi, fucateq; uiuēdi, aufer à me, qui tamē sensus ad dictionē quoq; iniquitatis referri potest. Vide presentaneū tam periculoso morbo, uti est fucata uita, remediū à Dei lege perdiscendū. Et de lege, inquit, tua miserere mei, hoc est, tua ipsius motus clemētia, uerā mihi impartire ex lege cognitionē, frānū nimirū meā necessarium petulantia ac temeritati. nam, ut quod est nō dissimulem, te opitulante,

Viam ueritatis elegi, iudicia tua non sum oblitus.

Viam ueritatis opponit uia falsitatis, quæ propria uia est simulatorū: illa uerò ad synceros pertinet animos. Viam fidei, uertūt quidam. Nam fides iter illud est, quò rectā ad Deum itur. Vnde in fine octonarij clamat: Viam mandatorū tuorum cucurri. modò autem: Iudicia tua, nempe mandata legis fidei, non abieci, tantū abest ut illorum immemor uixerim, Imò uerò

Adhæsi testimonijs tuis domine, noli me confundere.

Purgatissimis id solet esse animis perfugiū, cū tentatione aliqua molesta, aut persecutionū acerbitate afficiunt, fidissimo Dei uerbo & promissioni, nō mendacissimis hominū pollicitationibus, fidere, illiq; adherescere. Ex quo fit, ut quę cunq; aut dicunt, aut faciunt, aut cogitant etiam, illa omnia ad æquissimā Dei legis regulam cōponi exoptent, req; ipsa perficiāt. Idcirco nihil minus uerendum est, q̃ ob malè factum aliquod, aut dictum, tanq; actum turpiter in scena ostensum, exhibent, ac, cum ignominia & probro uulgi, conspuant. Ne sinas me, inquit, spe illa, qua tibi adhærēs tuis dedi operā mandatis, frustrari: quandoquidē

Viam mandatorum tuorum cucurri, cū dilatasti cor meum.

d Ex hebræo, curram, uertunt: & dilatabis, & est sensus: Cū cor meū per gratiam, quod modò suo merito anxiatur, interq; sacrum & saxum positū uix palpat, dilataueris, spaciūq; respirandi feceris, tum uiam mandatorū tuorum alacriter percurram, qui nunc subtimidus ac mœstus, uix ui illi adhæreo.

He.

Legem pone mihi domine uiam iustificationum tuarum, & exquiram eam semper.

Diximus aliquando, nihil aliud esse in psalmis, legem ponere, statuereq; & similia, quā legem docere. Vnde sic uersum transferunt quidam: Doc me dñe uiam statutorū tuorū. hoc est, uiam illam diuinam, atq; intelligentiam, quæ tuis delitescit in mandatis, me doce, ô domine, ut ad ea seruanda, usquedum uiuero, memet accōmodem. Vertunt nonnulli pro, semper, propter mercedem.

Da mihi intellectum, & scrutabor legem tuam, & custodiam illam in toto corde meo.

Litera enim illa, qua lex dñi palām fit omnibus, manet litera, & ea interdum, quæ infert mortē, nisi unctio doceat, moueatq; mentē ad ea perscrutanda, quæ cognitu necessaria sunt in lege spiritus, qui uita est legis. Da itaq; tu dñe, cor docile, da lumen, da uim intelligendi quæ præcipis, ut sic re queam exequi, quæ intellexero, atq; ea custodire in toto corde meo. Vult igitur totū cor nostrum, atq; animam, lex Dei; alioqui dissipatis peruestigata affectibus, nihil aliud afferre solet legenti, præter spiritus ariditatem, atq; animi desperationem. Ne id quidem mihi contingat,

Deduc me in semitam mandatorum tuorum, quia ipsam uolui.

Deduc uerbo aptissimè usus est interpret, & est sensus: A fallacib. errorū diuerticulis, inanibsq; hominū persuasionib. ad uerā, regiamq; mandatorū tuorū semitā deduc me: id em̃ semp ex animo cōcupiui, quare durū, planeq; indomitū

Inclina cor meum in testimonia tua, & non in avaritiam.

Non ad lucrū, uertunt, seu ad questum, Mirū q̃ indignabundē (ut sic loquar) propria



propria auerſetur cōmoda uir ſanctus. Quę enim cūq; agit, ad Dei honorē, cōſeruicq; ſui cōmodū, hoc facilius reuocat, quò æquē atq; propriā, aliorū deamat ſalutē. Cū quis igitur ſuā cumprimis in rebus agēdis, cauſis, ue finiendis, utili-  
tatem, ac Deo poſthabito, qui præcipuus ambitioſorū mos eſt, neglectaq; proxi-  
mi cura, gloriā uenat, is auaritię aut lucri ſordidi rabie imbutus meritò cenſe-  
bitur. Quid porro de illis opinandum, qui cū donis ſpiritus ubertim affluant,  
ſeiſis tantūmodo cōtenti, quicquid cœlitus acceperūt alijs inuidēt, nōne aua-  
ritię ſimul & ingratitudinis infamia notādi erūt? Peit itaq; ſanctiſſima Vatis a-  
nima, ſe præceptorū Dei ſenſu diuitē effici, atq; in alios liberalē. Clamat in ſuper,

Auerte oculos meos ne uideant uanitatē, in uia tua uiuifica me.

Rurſus uiuifica poſuit pro recrea. Cæterū uidere uanitatē, ſeu uanū, idem eſt  
quòd uana pro ueris amplecti, atq; in illis oblectamenta capere. Et quia impoſſi-  
bile ferē uidetur res uanas, quæ aſſiduē nobis, uel nolentibus, in hac uita obuię  
ſiunt, nō aliquando cernere, illud à Deo rogandum, ne affectu illis hæreamus.  
Quare ſic uerſum interpretat Campēſis: Auerte oculos meos ne capiant amo-  
re rerum uaniſſimarū, quin potius tuis admonitionibus ad uitā perduc me. Por-  
rò uanus is eſt affectus ac deſideriū, cū quis alienam aut rem, aut uxorē depe-  
rit. Vanus item rerum etiam propriarū uſus, ſi immodicus eſt ac ſordidus. Ve-  
rū tu domine, quandoquidem ad uanitatē amplexandam tam præcípites ſu-  
mus atq; inconfiderati,

Statue ſeruo tuo eloquium tuum in timore tuo.

Quod in timore tuo, uertit Felix: hoc eſt, ut ipſe ſe interpretatur, quod perma-  
net in timore tuo. ſeu ut alius, qui (nempe ſeruus) timori tuo, ſe addixit ſcilicet,  
quancūq; ſimpliciter ſic luera reddi poſſet, ac ſenſus: Præfige ſeruo tuo uerbum  
tuum, quò te timeā. Secus uerò Dei timore abiecto quid nō malorū incurritur?

Amputa opprobriū meū, qđ ſuſpicatus ſum, qđ iudicia tua iucunda.  
Opprobriū uocat legis transgreſſionē, peccatq; turpitudinē, qua nil fœdus.  
Poſſumus quidem, imò, ut audacter quod eſt fatear, cogimur à nobis (egregiū ar-  
bitrū) humani pedamentū in peccata corruiere, fouerēq; in nobis peccati radices:  
at uerò ſurgere, ſtareq; atq; ſubinde luxuriem affectuum, tanq; pampinos ē ui-  
nea, frondare, id alienę eſt uirtutis, nempe Dei, cuius mandata iucunda ſunt ac  
leuiā. Tu, inquit, amputa, præcideq; peccati occaſiones, quod æternū animarū  
opprobrium eſt ac mors. Hanc ſanē timeo infamiam, culpamq; execror. Iudicia  
enim tua clementię temperamento ornata ſunt. Quid igitur uereor? an me ſal-  
uum noliſ? nihil ſanē minus.

Ecce concupiui mandata tua, in æquitate tua uiuifica me.

Ex hebreo, in iuſtitia tua, transferūt. Et, ut aliàs annotauimus, Dei iuſtitia per-  
fecta illius eſt bonitas, ē qua, tanq; à mari aliquo immenſo, riui dimanant gratia  
rum ad animā. In hac igitur iuſtitia, nō in ſua, petit refocillari uir ſanctus, omiſ-  
ſis interim lacunis auxilij humani, turbidis nimirū ac limoſis. En, inquit, uerba  
tua ſuper omnē ſuauiatē ſuauiſſima cōcupiui, dilexi, in meq; trāſfondere elabo-  
raui. Tu tuū in me recognoſcens donū, pro tua bonitate ac clementia, me in uita  
ſerua.

Vau.

Et ueniat ſuper me miſericordia tua domine, ſalutare tuū ſecundum  
eloquium tuum.

Suo more Propheta in hoc pſalmo, quemadmodū in ceteris huiuſcemodī, ter-  
tio ferē quoq; uerbo Dei miſericordiā interſerit. Nouerat quidē originē illam  
eſſe fidei, ē qua ſalus. Idcirco poſt miſericordię uocē, ſalutis mox addidit. Saluta-  
re ſuo more, pro ſalute tranſtulit interpreſ. & eſt ſenſus: Mihi obueniat me dela-  
illa tua erga afflictos conſueta, nempe miſericordia, ac, quam ſemper pollicitus



Ces, salus; Etenim cum ab æterno salutē, clementiamq; mortalibus impartire decreueris, promiserisq; nunc da, ne tuis in pollicitationibus uariis, incōstansq; ab improbis iudiceris. Atq; hunc in modum imperterritus uiuam,

Et respōdebo exprobrātib. mihi uerbū, q̄a speraui in sermonib. tuis.

Non in sermonibus hominū, qui plerunq; quæ in mente nō habent, loquuntur, simulatēq; pollicentur. Vide morem simulatorū: Exprobrant, inquit, mihi, quod dicere soleam me tuis fidere promissis, nō illorum. Hi quidem ut dī in terris haberi uolunt: quod si abnuo, refugioq; quas excitant tragœdias: quas cientes turbas; Illi, quia sunt infecti crudelitate, tuos improperant electos; tu illorū causam defendens præstō illis adsis,

Et ne auferas de ore meo uerbum ueritatis usquequaq; quia in iudicijs tuis supersperaui.

Videre hic licet nullā omnino improborū uim esse, quo minus quod uerū est proferamus, nisi Deus ipse à nobis offensus, uerbū elabi sinat fictū & meticulosum. Id ueritus Propheta, utpote sortis humanæ peritissimus, ita orat: Tametsi, inquit, hi, qui tuā impugnat religionē, ut sunt hypocritæ, uerbū aliqui tuū ad honorē prolatū inuertere conitunt, ueritatemq; audire refugiūt, tu tamen ne inuertas, ne quod omnino sanctū nō sit ex me uerbū prodire sinas, neq; ulla unquam ratione uelis me hominū metu deterritū mentiri, fucatēq; in sanctorū cōtū cōuersari: quādoquidem tua cupidissimē expecto iudicia, quibus meā ne, an superborū hostiū meorū causa æquior sit, appareat. Videtur interpretes, usquequaq; posuisse pro quacūq; ratione: aliter dictio est, quæ assidue, passim, aut semper significat. Item, supersperaui, ex hebræo uertunt simpliciter, speraui, uel expectaui. Expectaui, inquit, iudicia tua,

D Et custodiam legem tuam semper in seculum, & in seculum seculi. Toties repetitæ uoces seculi, nihil aliud q̄ semper præferūt. Constantiam hic anima profitei perpetuā: quæ sanè res in academia spiritus apprimè est necessaria. Nam hodie diuinæ legis studio obnixè operā nauare, deferarēq; quæcūq; occurrant, ne digitū quidem à firmo illo proposito trabalibus etiam (ut nobis uidetur) clauis confixo discedere, cras uerò promissi nos pœnitere, atq; proinde curam illam dignissimā, addo & facilem, molliter consultoq; relaxare & omittere, nōne animi à Deo alienissimi indicium erit? Vide quid dicat: Custodiam, inquit, legem tuam in perpetuum, & si quid ultra est;

Et ambulabam in latitudine, quia mandata tua exquisiui.

Ambulabā uerbū, cum ceteris quæ sequunt in hoc octonario, per futurū tempus legūt ex hebræo. Ceterū ex frequenti exercitatione in Dei lege, quidā alacer ac iucundus exoritur usus, atq; habitus nō tam quidē facilis, q̄ ipsi omnino legi adeo arctē agglutinatus, ut nisi ingēti queat ui abstrahi, quo minus re ipsa quicquid ea imperat, præstet. Id sanè opus atq; exercitiū uocat Propheta latā patenterq; ambulationē, hoc est, quæ nihil angusti in se habeat ac periculi. Ambulabo, inquit, securē, tranquilleq; stadium istuc uitæ percurram, quoniam tua mihi sunt cordi præcepta. Et quidem ubi spirituales istiusmodi inueniunt animæ appetentiæ, ibi sancta est libertas, ibi conscientiarū pax, ibi cursus expeditus atq; intrepidus. Quocirca infertur:

Et loquebar de testimonijs tuis in cōspectu regū, & nō cōfundebar.

Ea uirtus est fidei, atq; moderati in promulganda ueritate conatus, ut quamuis confuse rem turbent homines, uel hi maximē qui rerum potiuntur in rebus publicis, ac regnis, nihil indecorum, falsumq; aut minus nobis Christi maiestate dignum proferamus. Loquar, ait, audacter quæcūq; tuum ad honorem facere uidero, etiam si mihi coram regibus concionandum fuerit.

Et



A Et meditabar in mandatis tuis, quæ dilexi.

Nulli dubiū ex amore, ex quo actio oritur uoluntaria, atq; in actione ipsa delectatio, prouenire quod assidue in meditanda Dei lege uersant p̄ij. Aloquin etiā atq; etiā Dei mādata uersare animo, absq; fide, ac erga legislatorē dilectione, ipsa ex se meditatio molestissima est & terrifica. Non modò, inquit, aternā tuā uoluntatem, quæ ex tuis deprehenditur mandatis, potentissimis exposui regibus ac magistratibus, uerum etiā mandata ipsa tua, quæ uehementissimè amaui, continuis tanquam excubijs posthac uoluam, reuoluamq; animo:

Et leuabo manus meas ad mādata tua quæ dilexi, & exercebor in iustificationibus tuis.

Clamat Salomon, stultū illū omnino esse qui manū abscondit sub axilla, quo adagio taxant ociosi illi, qui nihil nō agunt, quò nihil prorsus agāt. Periculosissima ea est persuasio, qua nūc ferè uniuersus infectus est orbis. Operat̄, inquit, pro nobis Christus. Quid uos interim? Perbellū profectò dogma, te tuo a negotio manū subtrahere, atq; aliū qui pro te agat, subrogare. Tu quidē, si nescis, ad actiones illas, quibus perficitur fides, accersitus es: uim uerò meriti ac præmij, Christo, qui quo minus tuæ à Deo reiiciantur operationes, autor est, acceptam refer. Non quidem pro te idcirco agit Christus, ut tu omnino feriatus pascaris si de nescio qua interdum imaginaria potius, quàm solida & certa. Obserua quid de se hīc testet̄ Vates; Attollam, inquit, manus meas, ad opera nimirū fidei, ut illa re exequar, quæ tu tuis in præceptionibus nos exequi, effectūq; præstare uoluisti. Illa enim ualde diligo, proinde in illis perpetuo memet exercebo.

Zain.

Memor esto uerbi tui seruo tuo, in quo mihi spem dedisti.

Iam pluries diximus, ex pollicitationibus Dei æternis fidem in anima cōcipi, & coalescere. Verū earundē pollicitationū uidetur nōnunq; immemor Deus, cum inuocatus nō æquè ac nostra præpropere requirit uoluntas, subuenit; memor uerò, cum statim uenit suppetias. Ideo hīc clamat Vates: Haud immemor tui esto uerbi, promissorumue, quibus ego seruus tuus nixus, quæcūq; es pollicitus sperare audeo. Promissio quidem tua

Hæc me consolata est in humilitate mea, quia eloquium tuum uiuificauit me.

Sic Fel. Hæc est cōsolatio mea in afflictione mea. nō est enim tam dira aduersitas ac tentatio, quin anima promissionib. Dei fulta superet. Cum quidē illi in mentē uenit, cuius uirtutis & cōstantiæ is sit, qui salutē in rebus quoq; difficillimis adportatur; se est pollicitus, nō potest nō animose infortunijs resistere. Etenim Dei eloquio tanq; parmula aurea obtecta, nullorū bellorū genus cum mūdo, cū ipsisq; perfidijs quibus cum uiuere cogitur, detrectat. Eloquiū, inquit, tuum me refocillauit, & uitam penè mihi ereptam restituit. Interim autem

Superbi iniquè agebant usquequaq; à lege autem tua nō declinaui.

Superbi irriserūt me nimiū, uertit Fel. Paraphraustes uerò: Insultauerūt mihi miris modis. Fastus enim & arrogātia, Deo ullo absq; medio opponunt. Tantū illud expetit spiritus, ne propter persecutionū acerbitatē à dei lege desciscamus. Id propriū est Moab, belluæ nimirū superbissimæ, probos odio, ac si datur, tum ueneno, tum ferro, aut saltem linguæ amarulentia persequi. Illi tamen ne parū quidem ab instituto iam cœpto deflectunt, tantū abest ut conuiciū pro conuicio regerant. Talis fuit Vates, qui de se ita profiteri meritò poterat:

Memor fui iudiciorum tuorum à seculo domine, & cōsolatus sum.

Idem fermè repetit quod suprā, cum ait: Hæc me consolata est in humilitate mea. Recordabat̄ tum quidem Vates, quanta olim in sui populi gratiā cōtra ho-



C stes conterminos exercuisset iudicia Deus, quantas clades, & immensa interfec-  
set in gentes illas barbaras nonnunquam incendia, direptiones, excidia, ulceraque infa-  
nabilia, atque alias propè infinitas calamitates. Quapropter animatus, speransque  
fore aliquando quod eadè in praesentes uteretur hostes ultione, sese admirandum in  
modum consolabatur, dicens: In meis semper quolibet acerbis aduersitatibus, quid tua  
possent iudicia, quidue praese tulerint seueritatis in hostes, haud fui immemor:  
quare incredibili affectus sum consolatione. Verum ut quod res habet eloquar,

Defectio tenuit me pro peccatoribus derelinentibus legem tuam.

Horror inuasit me, siue, me apprehendit tabes, uertunt. Vnde sic quidam: To-  
tus horreo sceleratos istos, qui deserunt legem tuam. Vt enim probor: uita seipsa  
contenta, in illo, qui ut probi essent concessit, mirabiliter laetatur, ita illorum mores  
qui secus agunt, tam fert molestè, ut luem ipsam exitialem minori toleret incom-  
modo. Quare non iniuria queritur Vates, sese horrore simul & dolore affectum obuo-  
luntariam quorundam à Dei lege defectionem. At hi suis in affectibus, falsaque ca-  
cutiuerint persuasionem ut libuit,

Cantabiles mihi erant iustificationes tuae in loco peregrinationis meae.

Solent uiatores & peregrini, si quo uia longioris tadio afficiunt, cantu suum  
solari laborum, qui si pio sunt animo, aut psalmis, aut poemate alio istiusmodi sese  
recreant: si impuro, lasciuia sua leuare miseriam conantur carminibus. Adeo ne aeta-  
tis huiusce nostrae iuuenes, iuuenes quidem: imò senes quoque ipsi interdum graues  
& uenerandi, non solum in itineribus (id forsitan tolerandum) sed in medio ipso foro,  
in hospitibus, in delubris, ac propriis aedibus, praesente uxore, praesente nuru, praesente  
liberis, tota denique audiente familia, salibus obscenis, impudicissimisque  
tum meritis tum dictis uti magis consueverunt, quam castis facietis, metrisque il-  
lis ac cantibus, quorum auditione exhilarant in Deo animae, gestiuntque Dei spiritui  
tu, non Venerem conciantur: At tu, cui plebs magis Davidicum, aut Euangelij lepor  
placet, quam Cupidinis pharetra atque arcus, quid de se noster testetur poeta, audi. Pro  
carminibus, inquit, ac solatio molestissimae peregrinationis uitae huius, tua mihi  
fuit lex. Cum sane permulta sint, quae iter hoc uitae, per se satis salebrosum &  
difficile, uariis interturbent obicibus, solamen id unum mihi est, tuum uerbum:  
id cano, de illo meum oblecto, in illo laetor, per illud absque labore cursum hunc  
uitae peragro. Quid? Etiam

Memor fui nocte nominis tui domine, & custodiui legem tuam.

Quando, inquit, homines crapula, uinoque distenti, proinde tui immemores  
in utrumque obdormiscunt oculum: tunc dico, quando absque uerecundia ferarum mo-  
re in libidines ruitur, tuum ego nomen in memoria habui, idcirco quidem, ut  
tuas seruarem iussiones. Et certe

Haec facta est mihi, quia iustificationes tuas exquisiui.

Felix: Hoc fuit mihi, quoniam mandata tua custodiui, ut causa omnino tantae  
quietis extiterit Dei mandatorum observatio. Verum alium affert sensum Paraphrasi:  
qui sic reddit: Hoc mihi summopere fuit curae, ut mandata tua seruarem. Vtrumque  
fidei Prophetarum conuenit. Sunt qui etiam, haec, ad memoriam referant. Sed ex he-  
braeo ferè, hoc, transferunt, seu istud. quare sic uertunt quidam: Istud inde mihi  
contigit, quod mandata tua obseruaui. Vide uim obedientiae.

Heth.

Portio mea domine, dixi custodire legem tuam.

Quoniam quidem bona omnia sua in Deo reposita habent electi, ideo illum  
suum esse portionem atque hereditatem praedicant, ut hic praedicare audis Prophetam, qui  
sic suum erga Dei legem exponit studium: Te, o domine, meum esse portionem,  
ac sortem, inuito etiam mundo, decreui. Eam ob rem sic mecum: Tua certe mandata,  
ut res solent charissimae seruari, diligentissime seruabo, custodiamque continue. En



En me (num id te latet?) tuæ à puero consecratum religioni. Quare te meum omne bonum, meam pacem, meā etiam in hac uita felicitatem, perfectumq; uitæ statum tum sensi, tum cæteris ita esse alacriter diuulgauī. Ideo

Deprecatus sum faciem tuam in toto corde meo, miserere mei secundum eloquium tuum.

Id uult Vates: In tuā aspicio faciē, uti hi cōsuescunt, qui ab aliquo quidpiā, qd maximopere cupiunt, petunt, unde ait: Mei te misereat, ut es pollicitus. Tuā hīc imploro fidem. Verūm, ne ego quidem meis omnino partibus deesse uidear,

Cogitauī uias meas, & conuerti pedes meos in testimonia tua.

Vocat totū uitæ suæ filum uias: nam uaria admodū sunt uitæ nostræ instituta, uaria consilia, uarij affectus, quibus uelut quibusdam uiarū cōpendijs ad finem, quē maximē quærimus, assequendū utimur. Ait itaq; Vias meas, hoc est, totius uitæ meæ rationes nō dissimulanter expendi: quā malam esse aduertens correxi, pedesq; statim ad ea quæ mihi præscripsisti, retuli. Et quidem

Paratus sum, & nō sum turbatus, ut custodiam mandata tua.

Felix uertit: Festinaui, & nō distuli custodire præcepta tua. Alius item: Propero, & nō moror. Vide quomodo cū hīc tum aliās sæpe suas excretur uias tam sanctus uir, cœlitus uerō ostensas approbet. Et certē uiæ hominis, uiæ obliquæ sunt & asperæ: uiæ Dei regiæ, & in quibus nullus potest esse error aut duritas: quæ tamē neutiq; uulgarī arripiendæ sunt modo, sed auido & propero, ut se egisse hīc memorat Vates. Optimæ igit fidei indicium erit, cū quis diuinis absq; cunctatione obtēperauerit mādatis: alioqui rem differre quotidie, atq; ad perennum diem reijcere, quod hodie crāsue ad summum debet effici, animū præsertignauū ac nequam. Quām uerō periculosa sit tarditas in Dei obsequio, ex his quæ sequuntur, comprehendī datur.

Funes peccatorū circumplexi sunt me, & legem tuā nō sum oblitus.

Cōuentus impiorū uastauerūt me, trāsferūt ex hebræo. Quālibet, inquit, imensa emergant in dies pericula, doctrinæ tamen tuæ, è qua lumen oritur uitæ, non sum oblitus. Cæterū funes peccatorū, persuasiones sunt impiæ, illecebræ, cōsilia à religione abhorrentia, adulatoria, crudelia, funesta: addo iras, iniurias, persecutiones, dolos, fallacias, falsasq; delationes, ac cætera id genus alia corrupti animi indicia: hisce em, tanq; pedicis, illaqueat mens parū cauta & simplex. qui uerō firmiori sunt fide, & qui perspicaciori sunt cognitione, atq; in Deū affectu, à doctrina spiritus, unde perfecta deriuatur uitæ instructio, ne pedem quidem dimouent. Vnde sequitur:

Media nocte surgebā ad confitendū tibi, super iudicia iustitiæ tuæ.

Obserua hīc sedulū atq; ardens Vatis pectus ad Dei legē, qui ne in profundo quidē noctis cōcubio à laudando Dei nomine destiterit. Quod quidē temporis quām cōmodū sit illis, qui Deū querūt, quīq; diurnos exhorrescūt strepitus, ac, tanq; rem mirabiliter altissimis aduersantē cōtemplationib. turbas, aliās indicauimus. Surgendū quidē de nocte est, nō tamē ad furta, ad incestus, ad ludos, ad homicidia: uerū ad laudandū Deū, ad diluendūq; lachrymis, si quid interdū peccatū est. Et id nimirū propter iudicia iustitiæ Dei: hoc est, propter illius iudicia, quorū ministerio summa semper ostensa fuit iustitia à Deo. Cæterū iudicia iustitiæ Dei, æquissima illius est lex: cuius amore illectus uir sanctus, nō modò per diu sedulam in adipiscenda illius cognitione nauat operam, uerum etiā cū uigilantius, tum libentius id agit noctu, tempore nimirū quietissimo, atq; ad cōmiscenda cum Deo colloquia aptissimo. Hinc clamar:

Particeps sum ego omniū timentiu te, & custodientiu mādata tua.

Solet enim is, qui in inquirendo sponso occupatus, postq; frustra sese id tentasse aduertit, in illudq; penē indignabūdus prorupit, Quæsiui eū, & nō inueni:



**C** uocaui, & non respondit mihi: aliam inquirendi rationē, quam facilem suo fore desiderio sperat, ordiri: quæ est assidua cum his, quibus uenerādu quidam sanctusq; iniectus est erga Deū timor, consuetudo, hoc est, cum consummata uitæ hominibus in hoc mundo. Non est quidem tam obduratū in peccatis cor, quin ex longa cum illis cōuersatione cōmollescat, multò uerò magis, si iam à spiritu cultum sit. Quantū, Deus bone, lucis, quanta ex istiusmodi exoritur familiaritate in Dei obsequio iucunditas. Cum his itaq; quos Dei timore affectos nouerat, sua se cōmunicasse consilia, uitæq; rationes, fatetur Vates. Hos quidem Hierusalem filias suis in Canticis appellat sponsa, dicens: Adiuro uos filia Hierusalē, si inueneritis dilectū meū, ut nuncietis ei, quia amore langueo. Socius, inquit, sum factus, atq; illorum particeps, quæ te, ô domine, uenerantur, ac tuas seruant præceptiones. Verū neq; hi sine te aliquid sunt; à te enim suas illas, tanquam à uasto mari, hausere gratiarum fluxiones. Nam

Misericordia tua dñe plena est terra, iustificationes tuas doce me.  
Possunt certè nō nihil in doctrina spiritus eruditiores: ueruntamē quicquid iustitiæ nanciscimur, tibi cū primis, tuæq; misericordig, cuius influxu terra redundat uniuersa, referri acceptū par est. Quare tu me tuas edoce cōstitutiones, quibus lex constat uitæ.

Teth.

Bonitatem fecisti cum seruo tuo dñe, secundum uerbum tuum.  
Fatetur Vates, si quid unquam dignum laude peregisset, id totum à Dei benignitate promanasse. Eam idcirco denuò, crebroq; ne in reliquo uitæ cursu aberrare contingat, sibi auxilio esse efflagitat, aitq;: Tu domine, qui benignitate tua illa infinita in me hætenus usus es, atq; illa, tanquā æreo clypeo, me, ut promiseras, obtexisti, etiam atq; etiam

**D** Bonitatē & disciplinā & scientiā doce me, quia mandatis tuis credidi.  
Optat se suo similē esse dño in elargiendis beneficijs. Siquidē bonitatē eiusce modi interpretant quidā beneficentiā illā esse, qua illos, quibus cum uiuimus, honestamus. Vnde Symmachus sic principiū uersus trāstulit: Beneficio affecti seruū tuū dñe. Disciplinā postea uolūt esse temperamentū, ac in rebus gerendis decorē. Scientiam uerò ad rerum cōlestiū cognitionē pertinere opinantur. Ex hebræo tamen ferè uertunt: Bonum sensum, seu bonam ordinationē, atq; intelligentiam doce me. Paraphrastes autem utilitatem, quæ in cognitione legis sita est, interpretatur. Orat igitur uirtutē sibi legis reuelari, quæ ut doctrina plena est ac scientia, ita Dei benignitate erga omnes, & munificētia redundat. Maximam, inquit, uirtutem tuis inesse mandatis credidi. Verū

Priusquā humiliarer ego deliqui, propterea eloquiū tuū custodiui.  
Tamet si uerbū, humiliarer, quidpiam aliud signet Hebræis, q̄ affligi, proinde uariē enarrat; in id tamen consentiunt doctiores, ut de ipsa Dei correctione, qua, ne peccent, atteruntur nonnunquam electi, exponant. Mirum quā facile absq; aduersitatum cruce relabantur etiam perfectissimi Dei uiri. Sunt & qui uerba hæc omnia ad inquisitionem legis referant, polletq; perinde quasi, antequam ad tuas attenderem animū præceptiones erraui stolidus: modò uerò experfectior factus tuis parebo monitis. Siquidem

Bonus es tu, & in bonitate tua doce me iustificationes tuas.  
Natura, inquit, bonus es, ac mirabiliter ad benefaciendum pronus & liberalis; ideo te per huiuscemodi obtestor erga mortales dilectionē, ut uerā, ne errē iterū, impartias tuę legis intelligentiā. Nec frustra id quidē à te cōiando: namq;

Multiplicata est super me iniquitas superborum, ego autem in toto corde scrutabor mandata tua.

Non rarò diximus, Dei uerbum illud unicū esse remediū ac fulcrum, quo in

atro-



atrociſſimis quoq; aduerſis perſtamus intrepidi. Nullo quidē ſauciari poſſunt fortunæ uulnere, qui pro ſcuto Dei uerbum illius opponūt telis. Multę, inquit, creuerūt aduerſum me ſuperborum iniuriæ, ego è regione in illo totus fui, quò tuas ſeruari iuſſiones. Iniquitas, uertunt fallaciæ ſeu mendaciū: uerū in idem recidit ſenſus. Etenim cū ſuperbum hominē uideris, illum uitiorū omniū cumulo coopertū affirmato. Non eſt quidem tam horrendum ſcelus, quo nō infectum ſit cor arrogans & ſuperbum. Obſecro, unde tanta quorundam proceſſit uecordia, atq; in peccatis durities: unde tam rigens in Deum cōtumacia, ac iuncta cum proborum contemptu ſuperbia? Inde, opinor, quòd

Coagulatū eſt ſicut laccor eorum, ego uerò legem tuam meditatus ſum.

Impinguatū eſt uelut adeps cor eorū, uertunt. Solenne eſt in ſcripturis, quòd aliàs annotauimus, adipem pro rerū affluentia ac luxurię uſurpari, ut hīc uidere licet. Alij uertūt, ruina. Vt uerteris, ſtupidum animū quorundam propter nimiam rerum lautitiā, quæ animi cæcitātē afferre ſolet, digito quodāmodo designat. Crasſum, inquit, ac tanq; lactis coagulum, aut adeps omentata, ſtupidum factū eſt cor eorū, nempe ſuperborū, qui in fortunæ ſinu laſciuientes, nihil non agunt, quò ut dī in terris adorent. Ego interim, ut meus eſt mos, tua in lege me exercui, deq; tuis meum oblectaui animū præceptionibus. Et certè,

Bonum mihi quia humiliasti me, ut discam iuſtificationes tuas.

Bonum mihi lex oris tui, ſuper millia auri & argenti.

Id cōtra auarorū eſt inſtitutū, qui aurū colunt. Quamlibet, inquit, mihi obueniat maxima precioſarū rerū uis, etiā ſi mille excedat auri pondo, his tamen omnibus tua mihi gratior erit lex. Grata & tantundem tua mihi erit correctio, qua urgente tuas optimè perdidici iuſtificationes, hoc eſt, præcepta, quibus ſeruatis iuſti efficiunt quotquot in te credunt. Bona igitur, deſiderabilis, ſalutarisq; imò uerò etiā neceſſaria tua eſt crux, ô domine, ex qua uitam olim omniū pendere uidimus. Tu illo fac nos animo ac fide, tam ſalubre noſtræ ſuperbiæ ac petulantia medicamentū amplecti, quo eos decet, qui ut tua digni ſint ſubire improperia, nihil prius habent, quàm ut te uitæ aſperitate imitentur, tantum abeſt ut delectas mundi tuæ legis notioni antepoſuant.

Iod.

Manus tuæ fecerunt me, & plasmauerunt me, da mihi intellectum, ut discam mandata tua.

Cogit penè Deum Vates ad ferendas ſibi ſuppetias ex eo, quòd illius plasma ſit. Poterit ne unquā plaſtes, ſuos odiſſe typos, aut ipſam omnino proplaſticent? Eſto hī poſſint, in Deo certè nulla iſtiusmodi inuenitur maleuolentia, aut erga ſuum figmentū odium. Tu, inquit, quoniā tuis illis omnipotentiſſimis manibus, quibus etiā uniuerſalē architectatus es orbis machinā, me iſta, qua nūc appareo figurasti forma, da ut tuam intelligam ex lege uoluntatē. Hoc ſanè impetrato,

Qui timet te uidebunt me, & lætabunt, quia in uerba tua ſuſſeperaui.

En quomodo ſanctiſſimo quodā ſeſe mutuò ſcalpūt ungue uiri ſancti, alterq; alterius deamāt uirtutē, nō ſecusq; de alieno atq; de proprio cōgaudet bono: cōtra nimirū inuidorū naturā, qui tanta interdū afficiunt ob aliorū cōmodū triftitia, ut ne ob propriū quidē lætari queāt. Cernent me, ait, ita ut dixi affectum mei haud abſimiles, & gaudebūt, quia tuis conſiſus ſum promiſſionibus. Equidem

Cognoui dñe qā equitas iudicia tua, & in ueritate tua humiliasti me.

Vide fructū cognitiōis legis Dei. Quēadmodū em̄ cordi ſtupido occulta om̄ino ſunt myſteria legis, ita expeditis animis ac liberis, apta undequaq; ſiūt. Abſcōdiſti, inquit Chriſtus ad patrē, ſapientib. hęc mūdi huius hominib. & reuelaſti ea

(paruulis.



c De quorum felici numero cum esset propheta, sic suum testabatur ad Dei gloriam profectum: Bene noui, inquit, quod æquissima tua fuere iudicia, quodque merito me ærūnis affeceris. Veritatē suo more pro fide uertit interpres: hoc est, me affligi, ut tuos afflictum iri promissisti in hoc mundo, uoluisti: seruasque promissa nō modò cum me finis cum mala conflictare fortuna, atque interdum succumbere, uerum etiam cum me eximis, atque, ne prorsus atterar, salutiferam supponis manum. Quare

Fiat misericordia tua, ut consoletur me, secundum eloquium tuum seruo tuo.

Sit tandem, quæso, malorū meorū finis, sit modus. Et quemadmodum in ueritate tua humiliasti me, ita me tua cōsoletur clementia. Id enim tuo proprio ore pollicitus es huic tantillo seruo tuo. Atqui eloquia tua, eloquia casta sunt, ueridica, quibusque omnis præstanda sit fides, cum semper eadem sint, ac sui similia. Id mihi igitur, ut sunt pollicita, contingat, ac

Veniant mihi miserationes tuæ & uiuam, quia lex tua meditatio mea est.

Quæcūque enim agere instituerō, tuæ semper mihi obuiæ fiant miserationes, quò uiuam, quò in te maneā, quò mortē illam, quam secū letalis de me fert cogitatio, qua urgente me, aliquid ex me esse, multumque posse nōnunquam mihi persuasum, uitare queam. Etenim uim omnē consolationū, oblectamentorumque meorum, in tua lege esse uolui. Cōtrā uerò, simulac peruersa illorū sic exigit natura,

Confundantur superbi, quia iniuste iniquitatem fecerūt in me, ego autem exercebor in mandatis tuis.

Aliàs diximus, rationemque attulimus, quam obrem tam ardentem interdum in suos hostes inuehuntur sancti Dei uiri. Et ut nulla alia sit, ea sufficere potest, pacem scilicet ob perfidiosorum quorundam inquietudinem, superbamque uitæ consuetudinem perturbari, litesque etiam in pacificis proborum conuentibus creari, ac pessimo omnium exemplo illos male audire, qui propter auctoritatem magis cōspicui sunt, ac noti. Hos igitur pessimè de religione meritos, ne diutius in Dei gregem bacchenē, petit Propheta cōfundi, infamesque fieri. Absque causa, inquit, falsa in me moliti sunt. Quid porro ego? Tuis certè mandatis tanquam sacrae anchoræ inhærebo, meque in illis, ut in palæstra sit, animosissime exercitabo. Proinde

Conuertantur mihi timentes te, & qui nouerunt testimonia tua,

Redeant ad me, uertunt. Paraphrastes uerò, conueniant ad me. Solent enim qui simpliciore fide, labascere interdum, atque ab amicitia proborum deficere, cum illos cernunt adeò acerbè ab improbis uexari, neque esse interim qui causam innoxiorum suscipiat, ut fermè sibi persuaderi patiantur, astutos illos delatores uera attulisse, uulneraque merito inflixisse. Vide quò aliquādo adigitur miseriarum proborum uita. At tandem luce aliqua cœlitus inter turbidas illas uulgi permotiones apparente, ut faciles ad defectionē fuere, ita perspecta ueritate facile amicis reconciliantur, faterique coguntur æterni patris gratiam nunquam non præstò adesse innocentia, quam penè succubuisse ad tempus propterea perspexere, quòd in rebus istiusmodi iniquis, acutiore sunt ingenio atque arte improbi, quam probi, quibus ipsa satis est probitas etiam indefensa, neque ultra quærunt, cum illis in terea nullus sit finis mendaciorum, delationum, atque, quò efficacius rem peragant, huc & illuc more uelut cataphractariorumque, excursionum. Vecordes hi na tura sunt, idcirco inquietissimi, atque ad turbas conciendas astutissimi. Redeant itaque ad me simplices illi transfuga, alioqui tuæ religionis studiosi, quibusque nota est ex legis notitia uoluntas. Cæterum

Fiat cor meum immaculatum in iustificationibus tuis, ut non confundar. Pulcher



<sup>4</sup> Pulcherrima antithesi octonarium istum mirabilem claudit Propheta: Superbi, inquit, illi uilitigatores, plagiarijq; acuti, à sua illa in me ferocia reprimant, confundanturq; suo in scelere deprehensi. Ego autē corde abs te sincero, nempe absq; odio atq; ultionis affectu uacuo, donatus, non confundar, non meis in petitionibus repulsam feram.

## Caph.

Defecit in salutare tuū anima mea, & in uerbum tuū supersperaui.

Non potest flagrans in anima desiderium non suam præferre anxietatem, uel id maximè adeò, si circa diuina sit. Fatetur hinc igitur Vates suam prorsus prædesiderio salutis contabuisse animam. Languorem sanè istum ab amore proficisci non ignorant hi, qui assidue in secreto cordis silentio sic sponsum alloqui consuecunt. Abis' ne tam citò reuertere actutum, similisq; esto, ô dilecte, caprea, hinuloq; ceruorum super motem Bethel. En lectulus noster floridus. quò abis? Cui sponsum: Auerte oculos tuos ad me, quia ipsi me auolare fecerunt. Verum raræ iam factæ sunt, atq; in oculis domini præciosæ merces huiusmodi: idcirco derisæ, quia incognitæ. Iam mundi amor sedem diuini amoris in terris occupauit, desijt calor, excessitq; ab humanis, penè dixi, Deus. Ideo ad assequendos tam necessarios animæ ardores ac raptus, peruigili inflammatoq; opus est corde, atq; in inquisitione sponsi planè cōmolito & attenuato. Vide quanta ecstasi & defecione sui hæc dicat Vates: Defecit, inquit, prorsusq; elanguit anima mea prædesiderio, non illo quidem adipiscendi diuitias aut dignitates, quod suos de more exangues reddit appetitores, sed salutis, sed liberationis, sed tot in periculis, atq; aduersis auxiliij. Nam tuis semper confusus sum pollicitationibus. Falli ne potero? Quid? Ipsi etiam

Defecerunt oculi mei in eloquiū tuū, dicētes, quādo cōsolaberis me? Clarius forsan uertisset interpres, dicendo, quod ad Vatem referri est necessarium, nō ad oculos. & erit sensus: Peranxiemēi concupierunt oculi iam tandem cernere quæ promissisti, dicebamq; apud me, quando demū me cōsolaberis: assequar ne aliquando quæ tanto præstolor studio ac cura animi? Pertinacem oculorum extollentiam ad Deum, addo & præ longa expectatione ac tædio lachrymas, quæ oculos plerunq; reddunt hallucinantes & lusciosos, uult hinc intelligi. Rursus sui languoris, maleq; affecte habitudinis formā, metaphora utris in pruiua seu fumo suspensi, exprimere intendit, cum ait:

Quia factus sum sicut uter in pruina, iustificatiōes tuas nō sum oblit?

In fumo, uertūt quidam. Vter enim adhuc uiridis, aut ex humore præterito, quo recens imbutus fuerat, humefactus, si ad fumū pruinamue suspendat, constringitur, rugisq; contractis rumpit, ac prorsus inutilis efficitur. Ad eum omnino modū se deuenisse ob longiorē præ anxietate mœrorem fatetur uir sanctus: uerū nō propterea tam desperatè oppressum fuisse, ut diuinorū penitus abiecerit memoriā præceptorū. Quid autem in primis expetierit, mox aperit, dicens:

Quot sunt dies serui tui? quādo facies de persequentib. me iudiciū?

Serui tui, maximam præ se fert animi fiduciam, polletq; perinde, atq; tantilli huiusce homunculi, qui tibi iure omni mācipatus est. Restant ne, inquit, adhuc satis dierum, quibus mihi in his acerbissimis meorū aduersariorum iniurijs uiuendum sit? quādiu illorum differs ultionem? quādiu pœnas? Ridiculus sanè garritus: siquidem

Narrauerunt mihi iniqui fabulationes, sed non ut lex tua.

Tametsi enim dictionē, fabulationes, seu garrulitates, nō absq; ratione hinc positam esse iudicē, quippe qui nō ignorē nēnias plerūq; ac fabulas etiā à doctiori bus in uulgus pro uera solidaq; spiritus doctrina interspergi, quæ adeò simpliciū



c fidem non fulciunt, ut etiā profligent, tamen Hebræi foueam, seu foueas legūt, nec habent, narrauerunt, sed foderunt. Sic illi: Foderunt mihi flagitiosi foueas, quæ nō fuerunt secundum legem tuam. Lex enim præcipit pietatem, iustitiam, mansuetudinē, lenitatem; illi ē contrariio nugamenta nobis quædam, nugiuenduli ipsi uanissimi, ac fabulas adeo mellitas obtrudunt, ut nisi aduertas, in errores penē inextricabiles, tanq̃ in altissimas prolabaris foueas. Hic quidem illos, qui doctoris sibi arrogat cathedrā, taxari arbitror. Non parua id est doctrinæ officium, non paruus labor, non parua cura. Vide, te obsecro, ne pro tritico lapæ, aut infelix seratur lolium. Nam

Omnia mandata tua ueritas.

O excelsæ, non res friuolæ, non superstitiosæ, non adulatoriæ persuasiones, atq; absq; ordine ordinationes, aut falsa dogmata, quod propriū hæreticorū est, illorumq; qui uel rerum ignoratione, quas nunc didicere, uel data opera, ea instruunt doctrina auditores ac discipulos, quæ humana potius dici debet & superstitiosa, quàm diuina & spiritalis. Ex quo sanè fit, ut adolescentes malis imbuti exordijs, pessimum sortiantur finem in schola domini. Hæc uera illa est persecutio, qua nostris interdum afficimur ab institutoribus, ne dicam institutoribus, de qua sic queritur Vates:

Iniqui persecuti sunt me, adiuua me.

Falsa quidem pro ueris, aut mundana pro cœlestibus nostris edifferentibus præceptoribus, à quo alio uera erit eruditio? Nō immerito igitur additū est, adiuua me. Etenim

Paulominus consummauerunt me in terra, ego autem non derelinqui mandata tua.

D Tantum, inquit, non prostrauerunt me in terrā. Illud quidem est institutum, inuiolabileq; propositum in sanctis Dei, ut ad extremū usq; spiritū legem Dei seruent. Possunt utiq; falsæ illicio doctrinæ hæretici, atq; pastores indocti, illorū quassare animū, subuertere uerò omnino non possunt. Nam Dei luce adiuti illustratiq; radios tandem solis à caligine, noctēue obscura secernunt, ut hic Vate; secreuisse sese fatetur. Illis, inquit, me illaqueare conantibus, humiq; sterne re uī maxima adnitentibus, ego à tuæ legis præscripto ne unguem quidē transuersum discessi. Quare

Secundum misericordiam tuam uiuifica me, & custodiam testimonia oris tui.

En quā sedulō misericordiā Dei implorat uir Deo plenus, quæ est unica legis intelligendæ ratio. Etenim qui se ex se nihil, à Deo autē plurimū posse persuasum habet, quomodo non cōtinuò, cum continuū requirat operatorem lex sacra, ad Deū, quò sibi re in tanta præsertim opitulei, uociferabit? Vīua igitur ut tua sit operatio, hoc est, in fide acta, diuina opus est misericordiā, quocirca post misericordiæ inuocationē mox intulit, uiuifica me. Atq; in hunc animatus modum, tua custodiam, ô immense, testimonia, nempe omnia, quæ de tua nobis testantur uoluntate.

Lamed.

In æternum domine uerbum tuum permanet in cœlo.

Iam Dei uerbi perpetuitatē celebrat Vates, clamatq; cōdita omnia siue in cœlis siue in terris, illius parēre dicto. Vis, inquit, tui sanctissimi uerbi, quo condita suo in esse perstant, perennē præ se fert in cœlis primū constantiam. Etenim

In generatione & generatione ueritas tua, fundasti terrā, & pmanet.

A mundi quidem primaria molitione usq; ad illius occasum, fides tui uerbi, qua maximè stabilis, atq; adeo tui semper similis appares, quò omni prorsus fuco aut



co aut incōstantia uacuu iudicēris, æterna permanet memoria. Tu certē inter alia, quæ tuam testantur cū fidem, tum potentiā, iussisti terram hanc inertem stabiliri, & stabilis actutum facta est. Ad hæc,

Ordinatione tua perseverat dies, quoniam omnia seruiunt tibi.

Etsi quidem dierū successiones, qui perseveranti, quemadmodū ab opifice formati sunt, perdurant ordine, nō parum afferre uident laudis suo ipsi conditori, ut hīc cōprehendi potest, nihilominus litera Hebræorū aliū præfert sensum. Sic illi: Iudicijs tuis permanerūt hodie, & ad superiora referunt, quæ usq; in hodiernum diem, secundū quod illis ab æterno præscriptū fuit, durant, atq; ad Dei iudicia ac uoluntatem suam disponunt cursum. Omnia, inquit, tuo parent uerbo. Felix: Verbum, quod tam firmis nititur in Deo radicibus, ut sempiternum omnino sit, atq; ita stabile, ut ipsa potius cœlorū moles ad terram ferri posse censa sit, quā ipsum immutari. Et certē,

Nisi quod lex tua meditatio mea est, tunc fortē perissem in humilitate mea.

Passim pro afflictione, humilitatē uertit interpres. Porro ex rebus cōditis Dei uerbi perennitatē eliciens simul & admirās Propheta, in illo tanq; in unico suarum afflictionū refocillatore sese oblectat, clamatq;: O iam uideo quō mihi cōfugiendum deinceps sit. Etenim, nisi tua à doctrina respirassem, ô Deus, ab illaq; uirtutem meā imbecillitati impetrassem, tum absq; dubio funditus occidissem. Dici nō posset quā dīrē me afflixerant improborū iniuriæ. Verūm tua euestigio me recreauit lex, uitamq; penē extinctam restituit. Quare

In æternū nō obliuiscar iustificationes tuas, qā in ipsis uiuificasti me

Obserua hīc gratum animū, qui suam minimē ignorans liberationē, liberato ris manum osculatur. Aeternū, inquit, tuum est uerbum, æternæ promissiones, æterna lex, æterna erga homines benignitas: cuius beneficio tot à periculis erip tus, num ero ingratus? num tam præclari doni uiuam immemor? num tuæ legis, à qua uitam adeptus sum, nō recordabor? Discerpar potius quā tam horrendæ assentiar impietati: nanq; illius usquedum uixero adhærebo præceptionibus, quia in ipsis uiuificasti me. Proinde nihil in me, qd meū sit, seruans, totus

Tuus sum ego, saluum me fac, quoniā iustificationes tuas exquisiui.

Poterit ne dominus seruum, & illum quidem frugi, & carē emptum, à sese abigere? oppressum auersari? Istiusmodi forsan moris usus apud homines locū habet; in Deo autem istud uel tenuē quidem imaginari, omne exuperat scelus. Cū itaq; totus tuæ sim mancipatus religioni ac legi, serua me obsecro, ô benignissime; nam tua diligentissimē præcepta semperq; & quæsiui, & perscrutatus sum. Idcirco

Me expectauerunt peccatores ut perderent me, testimonia tua intellexi.

Testimonijs tuis, inquit Felix, prudens fui. hoc est, cū mei mihi insidiarentur aduersarij, casumq; meum auidē opperirentur, è lege tua, tanq; tui oris oraculo, quæ illis respondere possem perdidici. In illa enim uti in politissimo speculo, quæ quemlibet sua fors maneat, quidue firmitatis terrenæ huiusce felicitatis umbra afferat, conspexi, ac tandem

Omnis consummationis uidi finem, latum mandatū tuum nimis.

Non est quidem res, inquit, in hoc mundo tam ad amissim absoluta, consummataq; cuius finis non uideatur aliquando. Verūm mandatū tuum, hoc est, lex sancta, ac uerbum, latē absq; fine protenditur. Condita omnia, quæ humano subiecta sunt aspectui, interire aliquando necesse erit; sed Dei sermo nullo temporum occasu intercipiatur, aut præscripto terminatur.



Quomodo dilexi legem tuam dñe, tota die meditatio mea est.

Suum hîc erga Dei legem animum, quàm ardens uidelicet fuerit ac sedulus, ostendit Vates, uimq; in se diuinam ad id peragendum miratur. Omnes, quos sciam, tum ex græco, tum ex hebræo uertunt, quàm dilexi, cum admiratione, & est sensus: Mirum in modum tuam adamati legem, in illaq; contemplanda totus fui. Illa unica mihi semper fuit occupatio ac cura, ut tuam intelligerem ex lege uoluntatē. Ex qua quidem exercitatione haud parum mihi accessit cōmodi, sed illud in primis, quod

Super omnes inimicos meos prudentē me fecisti mandato tuo, quia in eternū mihi est. Super omnes docentes me intellexi, quia mandata tua meditatio mea est. Super senes intellexi, quia mādata tua quæsiui.

Vide quid bonorum afferat iugis diuinæ legis meditatio, ex qua tanta anima interdum perfundit̃ luce & cognitione, ut non modò hostes ipsa suos quālibet peritos, prudentia, cœlestiumq; rerum notitia superet, uerumetiam senes ipsos ac patres eruditissimos, preceptores quoq; multa imbutos literatura, antecellat. Viuax igit̃ ex lege fit anima, ingeniola, erudita, prudens, diuina tandem & beata. Semper, inquit, mecum illa est. Atqui nō perfunctoria rerum spiritualiū debet esset meditatio, non subita, non frigida, non ieiuna, sed frequens, sed continua, sed ardens, sed succi plena; alioqui nō solum sapientioribus in doctrina spiritus non præstabimus, uerumetiam ipsis mulierculis ac pueris inferiores euademus, uulgoq; ut nunc fieri uideo, derisi monstrabimur digito: nos, dico, quibus etsi lex Dei nō displicet, displicet tamen continuus illius usus. Proinde id necessariò contingere cernimus, nostraq; ætate admirando intuemur spectaculo, tam alta affici interdū secretorū cœlestiū cognitione uel mulieres, sexum nimirum ad uanitatem magis quàm ad eruditionē natum, uel idiotas prorsus uirōs, aut milites, ut si quid iam quod perfectionē uitæ referat auditur, ab ipsis audiatur. O certē seculum aureū. In Campania, in qua nunc hæc meditor, nō est tam impensē doctus concionator, quin ex unica cum mulieribus quibusdam confabulatione, peritissimōq; congressu, tum doctior, tum sanctior euadat. In mea quoq; patria, quod ego aliquando maxima animi uoluptate expertus sum, nisi aliud agerem, possem effari. Quanta, Deus bone, uidi afflatam spiritus immensitate: quanto in sororum sodalitiū conflagrasse incendio, quod uix inter eruditissimos meæ professionis homines mihi uidere contigit, coronam illam auream, gemmeam, Christiꝝ manibus cōtextam, & sensi, & fructum inde non mediocrem attuli. Passim audio per ciuitates secretissimo tum habitu, tum incessu, ad pias circumcursare spiritus officinas, ad hospitalia, ad puellas imperigine, scabieq; ac lepra infectas inuisendas, curandasq; uiduas nonnullas nobiles absq; horrore accedere, saniemq; uulnerum non secus contrectare & abstergere, ac quondā uitas matitales odoramentis, suffitibusq; preciosissimis aspersas cōtrectare cōsueuerant. Totus sanè horreo cūm hæc cōmentor, pavidusq; quē finem tandē istiusmodi sortiri uelit nouitas expecto. Interim uerò cum propheta, imò uerò potius cum prophetæ Deo, qui pro me hîc loquit̃, tentabo dicere:

Ab omni uia mala prohibui pedes meos, ut custodiam uerba tua.

Per imperatiuū reddit Campensis uersum, Auerte pedes meos: atq; in hunc modum diuinæ suus erit honos gratiæ. Cæterum pedes uocat animæ affectiones ac desideria, quibus tanquam pedibus & uehiculis, ad ea, quæ ardentius expetimus, ferimus. Reflecte, inquit, ab improbitatis itinere ad iustitiæ semitam gressus meos, affectus utiq; animæ uarios & uagos. Siquidem, quod sciam,

A iudicijs tuis non declinaui, quia tu legem posuisti mihi,



<sup>A</sup> En iterum, ponere legem, pro edocere, Doctrina certè spiritus non finit animam à diuinis diutius aberrare constitutionibus. Ab his enim prudentiam edocta, factaq; consideratior, rectà facillimè graditur. Atqui ea omnino est, quæ ut uerè, sic eruditè, id quod sequitur, proferre potest:

Quàm dulcia faucibus meis eloquia tua super mel ori meo.

Miratur Vates unde tanta dimanet è Dei uerbo suauitas, Mel, quod nōnunq; diximus, pro suauitate eduliorū in scripturis sumit. Quàm suauè, inquit, gustū meo afferūt palato uerba tua: certè suauior is est, quàm quem mel ullum æquare possit. hæc sponsa. Sponsus uerò amoris uices rependens, ita in Canticis amatoris respondet: Vitta coccinea labia tua, & eloquiū tuū dulce. Quid, mi lector, suauitates hæce amplius Circæas à sensibus uenaris? quid aliā, quæ Dei nō sit, aut ad Deum dirigat, doctrinam appetis? A sacra quippe lege, à Dei uerbo, à spiritus scriptura ac influxu, delectamenta illa oriri solent: quorū gustum qui semel hausere, quicquid uoluptatum formare potest mundus, fastidiunt. Ideo eiuscemodī sanctissimo allectus inescatusq; lenocinio (liceat hīc dolum sanctū, non sanctis uocibus exprimere)

A mandatis tuis intellexi, propterea odiui omnē uiam iniquitatis.

Solent hīc queri mei similes, lamentariq; quod in eo uixerint uitæ statu, quo perdiscendi literas tum græcas, tum hebraicas, quarū peritiā legis potissimū arcanæ reuelari opīnantur, sibi minus integrū fuerit. Scilicet germanā diuinæ legis cognitionem non magis ab animo apprimè candido Deoq; per amorem copulato, haberi posse censebimus, quàm à literato solū. Certè si rem attentius expendimus, linguarum notitiā splendidissimū quoddam in Dei Ecclesia syderum adminiculo inferiora hæc omnia irradiare fateamur. Nam cū totum robur fidei atq; Euangelij à Dei præceptionibus pendeat, mirum si Christianus quæ sint illiusmodi præcepta, quibus lex nititur, etiā absq; literis se ignorare dicat. Ad hæc, quæ efficacior lex unquam fuit, aut esse potest ad uim spiritus assequendam, seruandasq; diuinæ legis iussiones, quàm uita est Christi? Putandū ne erit simplicioris fidei homines nequaquam posse crucis amplexus attingere, hoc est, crucifixū Christū, nempe legis consummationē assequi, nisi Hebræos Christi crucifixores cōsulant? Absurda profectō hæc est persuasio, simulac comperit habemus numen secretissimo ueluti susurro unicuiq; salutis doctrinā instillare, modò homines cor porrigāt atq; assensum. Illud quoq; periculosum, fideiq; Christianæ nō parū detrahens, doctores illos cōsulere, è quorū animis antiquū nōdum deferbuerit in Christi nomen ac religionē odiū. Quod quidē non ideo dico, quod iuuenes à discendis literis absterrea, sed ut adhorter, moneamq; res spectas cum delectu perdiscendas esse, atq; ab illis quidē præceptoribus qui hostes nō sint. At tu uide quo suā fulcimento muniuerit legis cognitionē Prophetā. A mandatis, inquit, tuis, quæ facillè intelligunt, omnē hausi bene sancteq; uiuēdi rationē: quare ullo absq; negotio iter illud, qd tuis à semitis abhorret, caui.

Nun.

Lucerna pedibus meis uerbum tuum, & lumen semitis meis.

Diuus Petrus ad Dei nos sermonē, tanq; ad lucernā lucentē in caliginoso loco, animū intendere suis in Epistolis hortat. Sanctissima sanè apostolorū principis admonitio. Nam quēadmodū hi, qui in labyrintho aliquo diuagant, frustra exitū sperant absq; lumine: ita in infinitos, prorsusq; inextricabiles impingere peccatorū mæandros illos necesse est, qui uitam hanc ærumnosam sine uerbi Dei luce posse uiuere somniant. Quod quidem bene noscens tam scitus uir exclamat: Pro lucerna, facēq; lucidissima per id uastissimū errorū mare cæcutienti mihi fuit uerbum tuum, lumenq; præbuit semitis hīscē parum tutis tua sancta



**C** lex. Cui sanè beneficio respondens,

Iuravi, & statui custodire iudicia iustitiæ tuæ.

Id propriū bene institutarū mentiū est, nouis sese quotidie excitare stimulis, nouaq; uitę innouandæ Deo uota nuncupare, nam cū se cernunt nullo posse unquam, quāuis firmato, tam obnixè conari studio, ut (quod maximè cupiunt) ea qua conuenit animi integritate Dei legē seruent, stomachantur ferè secum, reprehenduntq; suam tarditatē, atq; proinde recentioribus sese in dies macerantes desiderijs, nouam Deo promittunt quotidie uitæ formam. Iuravi, inquit, & quod iuravi re præstabo, efficiamq; ne in his seruandis, quæ tu iustissimo seruari præcepisti iudicio, periurus uidear. Noui enim quātā sit efficacīa tuis à mandatis non deficere. Fateor enim quod

Humiliatus sum usquequaq; domine, *tu interim, quæ tua est fides, uiuifica me secundum uerbum tuum.*

Iterū, humiliatus sum, pro afflictus sum, uertit interpres. Valde, ait, afflictus sum, ualde exagitatus, ualde, imò uerò potius supra uires oppressus. Verū tu, quemadmodum es pollicitus, me in uita conserua, subindeq;

Voluntaria oris mei beneplacita fac dñe, & iudicia tua doce me.

Voluntaria oris, uocat gratiarū actiones, quas tanq; hostias, nō pro reatu quidem aliquo, aut legis præscripto, sed uolūtario sacrificadi ritu oblatas offerre cōsueuerat, ut nōnullæ erant uictimæ in lege ueteri. Sunt tamen qui uoluntarias istiusmodi oblationes ad fidei doctrinā, cōfessionemq; referāt, quæ nō solū libero, uolūtarioq; proferri debet spiritu, aut edoceri, uerū etiā auditores liberos, nulli scilicet superstitioni addictos, reddere. Piæ igitur eæ meæ, inq; tibi grata sint preces, gratiarūq; actiones, ac iudicia tua mox mihi per te innotescāt. Siquidem

**D** Anima mea in manibus meis semper, & legem tuā nō sum oblitus. Schema id est hebraicū: nam nihil aliud esse, animā in manu ferre, seu habere, asserūt, q; in periculis uersari. & est perinde, quasi id diceret Vates, quotidie periclitor. unde mox intulit: Posuerūt peccatores laqueū mihi. Ita igit animā in manu portare, uaria uitę discrimina subire exponūt, citantes illud Iob: Quare, inq; tibi, lacerō carnes meas dentibus meis, & animā meā porto in manib. meis. hoc est, omnīū iniurijs obuiā, expositāq; periculis. (Liceat obiter hæc annotare, carnes nostras dentib. lacerare dicimur, cū dolore aliquo immenso affecti miserandū in modum excruciamur.) Sic quoq; de Pythonissa illa legimus, quæ Sauli dixit: Ecce obediuit ancilla tua uoci tuę, & posui animā meā in manu mea. Ait itaq; uir sanctus: Vitam meā omnīū libidini obnoxia porto; ueruntamen neq; sic tuæ legis memoriā abiicio. Sunt & qui hūc uersum de arbitrio interpretant humano: uerū uideant qua id scripturarū autoritate fulciant. De periculis his quidē, quibus mortales in dies magis fiūt obnoxij, loquit Vates. quocirca statim addidit:

Posuerunt peccatores laqueum mihi, & de mandatis tuis nō erraui.

Errant enim à diuinis mandatis, qui uarijs improborū iniurijs laceßiti, afflictiq; calumnijs, adeò exanimant, ut animū, spe interim diuinarū pollicitationū abiecta, despondeant. Id certè non docet lex Dei, sed illud potius, ne in periculis malisq; irrogatis, à fidei doctrina secedamus, cuius ea in primis est instructio, ut, quæcūq; emergāt incōmoda, eo feramus animi robore, persuasioneq;, quod Deus suis deesse nō possit, licet nostras nōnunq; oppressiones uidere dissimulet. Passim, inquit, dolos, insidias, fictasq; delationes, atque artes id genus alias subdolas & acutas, tanquam laqueos mihi obiecere nefarij isti persecutores, à tua tamen lege nepedem quidem dimouī. Etenim

Hæreditate acquisiui testimonia tua in æternum, quia exultatio cordis mei sunt.

Oro,



Oro, quid gratius nobis in humanis, caducisq; fortunæ bonis obtingere potest, q̃ bona sunt hereditaria: Quò igitur suum erga diuinā legē patefaceret affectū, ait illā sibi uice hæreditatis extitisse, hoc est, unicè dilectā, exin oblectamēta cordis ingentia sumpsisse. Testimonia, inquit, tua meæ fuerunt deliciæ. Idcirco

Inclinaui cor meum ad faciendas iustificationes tuas in æternū, propter retributionem.

Seruile fermè id uidetur, Dei legē amplecti, atq; illius inhærere decretis, spectantū præmij. Quare aut omnino particula hæc est eradenda secundū Hebræos, aut mitius reddenda, ut sic reddunt quidam: Accōmodaui cor meū ad facienda statuta tua, in æternū, usq; in finem. Indicat Felix posse etiā legi, usq; in præmiū, hoc est, donec appareat quid pietas receptura sit; uel, ut ipse interpretatur, Præmium est facientibus ea. Alij etiā uertunt, non sine causa. Et ego puto causam istiusmodi ad id impellentē esse, nostrā erga Deū atq; illius præcepta dilectionē, quæ propria filiorū est uirtus, qua legis onus leue fit & suaue, alioqui grauissimum seruis ac mercenarijs. Amor igitur perfectio est legis.

Samech.

Iniquos odio habui, & legem tuam dilexi.

Alio in psalmo clamat Vates, perfectio sese odio odisse impios, Vertūt nōnulli, iniquitatē execratus sum; sed idem sensus; nanq; in homine, nō ipse homo habendus est stomacho atq; abominationi, sed scelera, sed uitia ipsa hærentia animo. unde additū est, Et legem tuā dilexi. semper enim amandus est homo, quālibet sceleratus, quatenus homo est, proinde ad capeſſenda cœlestia idoneus; uerū ipsa animi improbitas, factaq; à Dei lege abhorrentia, detestanda. Sed quoniam ita in immēsum huiuscemodi accreuit hominū lues ac uis, ut penè ipsi etiā perfectissimi uiri ab illorū obruantur impressione atq; impetu, ideo adiunxit:

Adiutor & susceptor meus es tu, & in uerbum tuum supersperaui.

Sic Felix: Latibulū & scutū meū tu. Hæc omnia tutū Dei esse præsidū denotant. Si quidē ab ineuitabili fortunæ uulnere ac telis impetimur, fugamurq; trepidi tanq; dispalati milites ex acie, inueniūt in deo perfugiū, inueniūt uallus, arxq; hinc inde abrupta, atq; idcirco hostibus inaccessa, ac tandē genera omnia armorum abundē suppeditant, modò nō frigeat in nobis fiducia ac spes, qua tota respersa est Dei lex. Quoniā, inquit alio in psalmo, in me sperauit, liberabo eū. hinc uerò, in uerbo tuo spem omnē meā esse uolui, quia sanctissimo firmatū est amoris clauo; uerba autem hominum fallacia plerunq; sunt atq; odiosa. Quocirca

Declinate à me maligni, & scrutabor mandata Dei mei.

Maximo semper fuit tranquillis animis impedimento facinorosorū hominū inquietudo, ac, quo fursum deorsum agitari solent legis Dei studiosi, odiū, iunctaq; cum potestate maleuolentia. Quò igitur liberius, trāquilliusq; diuinis nauare queat operam constitutionibus uir pius, orat è medio tolli quæcunq; tam sancto aduersant studio & conatui. Faceſſite, inquit, proculq; abite, ô maligni, ô pacis ofores, ô quibus pro ludo est alienam turbare tranquillitatem ac requiem, ne mihi mandata Dei mei seruare efflagitanti intertrimento sitis. Tu uerò domine sublatiſ prorsus obicibus,

Suscipe me secundum eloquium tuum & uiuam, & non confundas me ab expectatione mea.

Dilucidior esset litera si, sustēta me, uertisset interpres, aut, ut reddit Paraph. cōfora me. hoc est, me in hac cruēta ac laboriosa uite harena, in qua penè ppter hostiū atrocitatē uidere mihi uideor iam iā periclitādū esse, fulci, recrea, tuiq; uerbi cōsolatione refocillās, me, ne omīno succumbā, serua: atq; ad hūc modū mea nō frustrabor, quā in te habeo, expectatione ac fiducia. Obserua, qd sæpe replico,



C unde uires istiusmodi cum mūdo pugnae suppeditent, unde fauor, unde uictoriae spes, nempe à Deo. Proinde sanctissimū hunc seruant morē meae professionis tyrunculi, qui posteaq̃ uota illa sua corā Deo, testeq̃ Ecclesia nuncuparūt, tanq̃ cum acerrimis hostibus preliaturi, haec eadem supplicabundi proferūt uerba: quibus de more pronūciatis, cruceq̃ prius uice nimirū iusiurandi impressa arae, uitae tandem obitū profitent̃: hoc est, se inutiles prorsus mundi negocijs fore deierant, idcirco se suas aequē deinceps instituturos uitae actiones, ac p̃ij solēt mortui, qui tumulis conditi, in Deo tamen uiuunt. Quare ubi Benedicti monachum curas mundi auide, libenterq̃ admittere, atq̃ inde gloriā uenari cōspexeris, mortuū negociari dicas: quare quid mōstrosius? Memini equidem Prosperum Fauentinū primarium meae religionis uirum, ex me adhuc iuvene, sed studioso, sciscitatū fuisse: Ecquod unquam legissem deformius in libris monstrū? Ego, qui fabulis legendis nō nihil horarum aliquando impendissem, respondi, Chimaram id esse, aut Hippocentaurū, aut, si haec non satisfacerent, biformem nefandae Veneris monumenta Minotaurū, Cerberūue trifaucem. Et cum athenachus id est ambitiosus. Exhorruī fateor. Sed ad institutum reuerto, meiq̃ nō omnino immemor periculi cum Vate clamo:

Adiuua me, & saluus ero, & meditabor in iustificationib. tuis semp.

Rursus conforta me, aut sustenta, aut consolida, uertūt ex hebræo. Vnde sic Paraphrastes; Sustenta me, & saluus ero, & oblectabo me tuis mandatis quoad uiuero. Cum haec, atq̃ horum similia mihi legere contingit, occurrit statim animo, imò uerò interdum oculis, cum uineariū huius mei secessus cliuum animi causa peragro, quomodo uitis per se nonnunq̃ luxurians proserpat humi, atq̃ hinc inde diffundatur, syluescatq̃ omnino, absq̃ arbore, aut pedamento, quo se fulcire queat, alio. Quo quidem spectaculo uires humani arbitrij tunc mihi affabre muliceq̃ depingi coniecto, quod absq̃ Deo posse se aliquid sibi persuadet. Id sanè in frondes absq̃ fructu abire necesse erit. Vnde non ab re est, quod Vates tam anxie legis Dei notionem sibi impartiri postulat, Si quidem ex illius neglectu, illud etiam quod sequitur necessariò contingere oportet. Quid illud?

Spreuisti omnes discedētes à iudicijs tuis, q̃a iniusta cogitatio eorū. Spretis quidem legislatoris cuiuspiam præceptionibus, spernitur & legislator: qua propterea lacessitus iniuria, quid putas? adeò infelici contemptores istiusmodi afficit compensatione, ut illos uicissim spernat, ac, uti res solent nihil, proijciat. Eam ob rem à Vate secundum literam Hebræorum additur: Velut scoriam delesti omnes impios terrae. Noster uerò,

Præuaricantes reputaui omnes peccatores terrae, ideo dilexi testimonia tua.

Iam illud non prætereundū, quod in superiori uersu nostra habet additio, Iniusta cogitatio eorum, Hebræis esse, falsitas, seu dolus cogitatio eorū. Et adeos refertur, qui cum multis sese obligauerint nominibus ad Dei legem seruandā, nihil minus tamen animo cogitant, quàm quod ore polliciti sunt, re præstent. Hypocritae hi uocantur, quibus ea in primis mens est, ut boni uulgò appareāt: Vires nimirum totius orbis tam perniciofa, quàm quae alia perniciosissima. Velut scoriam, inquit, à nitido secretam argento illos reijcies, pro nihiloq̃ habebis. Vtuncq̃ callidè simplicioribus imponere consuecant, mihi non imponent: si quidem transgressores illos semper tuae esse legis existimaui, idcirco pessimos cum terrae, tum tuae potissimū religionis corruptores arbitratus sum. Verum equidem non propterea à tuis discessi admonitionibus, sed illas dilexi, ac, ut res solent charae, diligentissimè conseruaui. Tu interim

Confige timore tuo carnes meas, à iudicijs enim tuis timui.

Tametsi



Tametsi enim precatio illiuscemodi pia admodum sit, qua petimus carnē hanc nostrā petulantē, rebellemq; spiritui, ac unde quaq; efferā, coerceri, Deiq; timoris clauo transuerberari, ut hīc rogari uides; at ea tamē nō uidef modō esse mens Vatis, sed illa, quō ostendat miserandū se in modū uisa improborū ultione con sternatū, Ait igitur: Adeō seuerē, mi Deus, improbos istos tuæ religionis irrisores attriuisi conculcastiq; ut præ metu totus obriguerim, atq; à iudicijs tuis, secundū quæ pœnas illos dare coëgisti, exterritus, penē insaniuerim. Sic Fel. Cōsternata est, seu exhorruit præ timore tui caro mea, & à iudicijs tuis expaui. Hinc clamat Salomon: Pestilente flagellato sapientior erit paruulus.

Ain.

Feci iudicium & iustitiam, non tradas me calumniantibus me.

Paraphrastes, feci, uerbū ad Deum refert. Facere, inquit, soles quod iustum est & æquum, quare nō me relinques tyrannidi opprimentiū me. Alius uerō faciam uertit. Cateri cum nostro legunt, feci. Verū illud adnotandū, Prophetā quid in re agi debeat spiritus, aut in cōmuni ciuiū cōuictu seruari oporteat, nos admonere, cū ait, illud sese iam, quicquid illud fuerit, egisse, ne iactantia tam sanctū uirū insimulandū ducas. Porro iustitiā ad fidem pertinere non rarō alibi diximus, iudiciū uerō ad mores. Quare cū quempia uideris Dei religioni fauere, atq; inter ciues populariter, adeoq; prudenter suas instituere actiones, ut nemini grauis sit, q̃ plurimis autē cōmodus, hunc ad iustitiæ iudiciūq; regulam suam direxisse uitam, calculis omnibus asseuerato. Feci, inquit, iudiciū, feci iustitiam, feci quæcūq; tibi grata fore mihi persuasi, unde maxīma mihi conflata est apud improbos inuidia. Tu tamen (quid illi ex se possunt?) ne meam sinas illorum libidini obnoxiam esse innocentiam, sed potius

Suscipe seruum tuum in bonū, non calumnientur me superbi.

Nonnulli uertūt, sponde pro seruo tuo in bono: hoc est, pro tuo esto seruulo tuas ac præs, in tui gloriā. Alij uerō, oblecta seruū tuum bono: quod bonū sanctā esse legē, quietamq; cum ceteris consuetudinē, interpretant. Paraphrastes autē: Instiga seruū tuū ad bonū, ne opprimant me superbi. Sed neq; suscipe, uerbum suo caret mysterio, estq; ea prolatū ratione, qua superius cū dixit: Suscipe me secundum eloquium tuum & uiuam. Quod sanē unicū bonū est animæ, ita à cœlesti patre suscipi, atq; uti consuescūt pueri inter ulnas nutricis, foueri, ut tuta omnino sit, adolescatq; in Deo. Mirum si sic protecta anima, nefandorū hominū iniurias, addo & dæmonū irritamenta, multifaciat. Ita absq; dubio affectus fuit Dauid, sed sublimiori ratione Christus, qui extra hanc uixit aleam: & tamen mihi ad lapsus prono sublimens, meq; quid opus sit factu in re præsertim tam seria admonens, pro me hīc clamat:

Oculi mei defecerunt in salutare tuum, & in eloquium iustitiæ tuæ.

In expectādo, inquit, salutē mihi abs te iustitiæ uerbo promissam, penē diu nimum suspicientes lusciosi facti sunt oculi, atq; hallucinantes. Quod enim ocu los præ diuturna salutis expectatione, atq; subinde ad Dei eloquiū caligasse fate tur, ob id dicit, quoniā quicquid spei salutis concipiunt electi, id omne Dei uer bis ac pollicitationibus referunt acceptū. Verū multo ad illud assequendum peropus est studio ac labore. Cunctando ferē laborādoq; cœlestia nanciscimur dona. Cū itaq; res spiritus ita, ut dixi, se habeant,

Fac cum seruo tuo secundum misericordiam tuam, & iustificationes tuas doce me.

Agedū, inquit, fac, quid me præstolari cogitas: quid conari tanto maximē in negotio: an meā interim ut iactitem uirtutem: arbitriū: bonam mentem: Minime id quidem omniū, sed tuam hīc imploro misericordiam. Secundum igitur illius suauitatem meas dirigi uitæ rationes uehementer cupio, petoq; ut tu,



**C** non ficti isti præceptores, me tuas condoces facias constitutiones, præcepta nimirum uitæ ac salutis. Nam

Seruus tuus sum ego, da mihi intellectum, ut sciam testimonia tua. Vide effectum diuinæ clementiæ, cum mens ad cœlestes peragendas iussiones illustratur. Eam mihi, inquit, elargire lucem, quod tua intelligere queam præcepta. Atqui in præceptis, Dei intelligitur uoluntas: qua deinde perspecta, sed remisse, consultoque atque de industria contempta, seruus qui id agit, uerberibus, ut ait Christus, uapulabit multis. Ceremonias tuas, reddit Campensis. Nam ueteres quæcunque ad diuinum pertinebant cultum, ceremonias appellabant.

Tempus faciendi domine, dissipauerunt legem tuam.

Res ista est propter quam maximo afficiuntur dolore electi, cum cernunt sceleros quosdam non legem modo transgredi, uerum etiam alios ad id impietatis genus tum hortari, tum cogere. Tempus faciendi, ad tempus quo puniendi essent legis transgressores, referunt nonnulli: inter quos est Paraphraustes, qui sic uersum interpretatur: Tempus appetit, quo sumpturus es de impijs supplicium domine: nihil enim fecerunt doctrinam tuam. Alij uero tempus id esse asserunt, quod ad Dei iussu facienda idoneum sit, & quod tempus gratiæ nuncupant, seu, ut alijs uisum est, senectutis. Nec displicet interim quod subindicat Felix, ut sit sensus: Tempus mihi est faciendi domino: hoc est, ut seruiam domino, atque illius paream præceptionibus, uel eo maxime, quod alij dissipauerunt legem tuam, atque is sensus ad ea quæ dicta sunt, conuenire uidetur. Idcirco etiam subnectit Vates:

Ideo dilexi mandata tua super aurum & topazion.

**D** Illi, inquit, tuas nefandissimis dehonestarunt ausib, ordinationes, suas interim subrogantes: ego uero tuæ legi addictus, quæcunque præcipis auro omni antepo no ac topazio, gemmæ nimirum elegantissimi coloris ac uirtutis. Aiunt enim inter cetera uim topazio inesse præcipuam, quod lasciuos motus, atque appetentias uenereas restringat, si quis illud gerat collo alligatum, aut in annulo. Vt uera hæc sint, celebrius remedium est assidua in Dei lege meditatio, & ut inquit Vates, dilectio. Sunt tamen qui pro topazio, gemmam simpliciter transferunt, seu obryzum, nempe aurum purgatissimum. Vult hic Vates Dei legem rei cuiuslibet preciosæ præponderare, infertque:

Propterea ad omnia mandata tua dirigebar, omnem uiam iniquam odio habui.

Scitum id est omnino ac salubre, quicquid egeris ad diuinarum præceptionum regulam ac perpendicularum aptare & dirigere, ut hic se egisse fateatur Vates. Ad hoc enim conditæ sunt leges, potissimum diuinæ, quod homo natura uagus, atque ad uitæ dissolutionem pronus, habeat quibus sese præceptis, tanquam lupatis ac freno, coercet, contineaturque in officio. Nihil diuinius sane in terris esse iudico legem optime instituta, ac rationis temperamento sancita, nihilque à religione abhorrente, docta, graui; & quæ laudem pariat conditori, non contemptum ac derisionem. Vide quid hic de Dei lege sentiat Propheta: Mandata, inquit, tua (sic reddit Campensis) iustissima esse iudicaui: hoc est, unde quaque absolutissima, quare omne genus uitæ fucatum odio habui.

Phe.

Mirabilia testimonia tua, ideo scrutata est ea anima mea.

Admiratur uir sanctus reconditam sapientiam in lege Dei, ita tamen contemperatam, ut paruulis etiam obuia sit: imò uero magis illis facilis, qui simpliciore uitæ genere atque appetentiarum munditiæ cœlesti fidem habent doctori, quam sapientioribus huius mundi dynastis, qui plerumque proprio confisi ingenio nihil approbant,



approbāt, nisi quod intellectu percipi posse opinant. Atq; hoc modo summā salutis animarū, nempe fidem, subuertūt. His quidem diuine legis mysteria admirationi nequaquā esse possunt, cum illo sita sint loco, cuius aditus fidei magis, q̃ ratiocinationi humanæ panditur. Cæterū de mirabilibus, quæ in Dei lege delitescunt, mysterijs, in tertio dictum est psalmi huius octonario. Reuela, inquit, oculos meos, & considerabo mirabilia de lege tua. Hic uerò, digna admiratione tua sunt testimonia, ô Deus: ea nimirum omnia, quæ de suauissima tua nobis testantur uoluntate. Quare illa, ut potui, perscrutatus sum, in illisq; peruestigandis totus fui. Custodiui ea, uertunt quidam. Paraphrastes uerò: Obseruauit eas, scilicet ceremonias, anima mea. hoc est, ex animo, nō fucatè, non inconstanter, non meticolose, tuam seruauī legem. Nec frustra quidem: nam

Declaratio sermonū tuorum illuminat, & intellectum dat paruulis.

Hoc est, cum primū tuæ legis aperiuntur sensa, en lumen, en simplices faci-  
leq; suasibiles illa apprehendunt fide homines, quæ ingenio nequeunt doctiores. Eam ob rem

Os meū aperui, & attraxi spiritum, quia mandata tua desiderabam.

Anxiū hæc uerba præ se ferūt ad percipiendam Dei sapientiā in lege animū. Habitū fermè præ nimio rei cuiuspiam desiderio anhelantis, crebroq; spiritum trahentis remittentisq; expressit Vates. Haud secus, inquit, anxie tua intelligere præcepta desiderauī, quā anxie spiritū anhelus trahere cōsuesco. Ore meo, ait Paraphrastes, ueluti hiabam, ut assequerer prudentiam. Ite nunc, quibus adhuc persuasum est, habitu nescio quo inertī mentis atq; supino, posse hominē satis Dei legi facere. Sollicita sanè, ut hīc uides, atq; flagranti opus est cura ac studio, ad illud adīpiscendum, quod totum animæ conatū expetit, quodq; mediocritatem ferè auersatur, nedum inanitatē, ac confusum in re tam necessaria principium. Verū tu domine

Aspice in me, & miserere mei, secundū iudiciū diligentiū nomē tuū.

Miserere mei, inquit, ut eorū cōsuescis, qui tuū diligūt nomen: hoc est, te, nullamq; suis in bene factis uulgò aucupantes gloriā, quicquid in se habent, quod laude dignū sit, tuum ad honorē referunt. Id igitur iudiciū illorum est, quibus Dei honor magis cordi esse solet, q̃ proprius: idcirco illum supra omnia tum quærun, tum diligunt, cum interim cæterorū iudiciū sit, Deo posthabito, se tantūmodo spectare, ac proprijs inseruire cōmodis. Modò regnemus, inquit, quid ultra? Penè definiunt animas eundem cum corporibus nancisci finem. Tu

Gressus meos dirige secundum eloquium tuum, & non dominetur mei omnis iniustitia.

Quò enim aliquando ad eum iudicij nitorem perueniat, quem Dei amatoribus cōuenire asseruit Propheta, rogat suos, prout suggerūt Dei eloquia, firmari gressus, nempe studia, atq; affectus animi: qua quidem re impetrata, facile & illius quod sequit̃ compos fit uoti. Non dominef, inquit, imperiū me habeat in me improbitas aliqua. Tametsi enim nonnunq̃, quæ est conditio mortaliū, contingat hominē errare, labi q̃, non eousq; tamen lapsibus delectetur, ut illis, tantq̃ dominis, dicto pareat, libenterq; neglecto Dei timore, inhæreat. Hac, credo, motus doctrina Paulus clamabat: Nō regnet peccatum in uestro mortali corpore. Verū quò id expeditius assequar,

Redime me à calumnijs hominū, ut custodiam mandata tua.

Calumniā definit Hieronymus esse accusationē uasrè doloseq; confictam in aliquem: quam sanè uir probus tam horret, timeitq; interdum, quā quiduis aliud maximè horrendum, atq; adeò id potissimū, si iudices uenales sunt, ac spiritu Dei uacui. Assere, inquit, me à fucosorum hominum calumnijs, quò liberè tuas seruare possim institutiones. Insuper



C Faciem tuā illumina super seruū tuū, & doce me iustificationes tuas. Fauorem diuinū, quem uultus Dei illuminationē appellare libuit, implorat. Sentiant, inquit, calumniatores mei, quā libenter oppressæ fauere soleas innocentia. Tuos exere tandem radios, ô sol, ô paraclete, ô salutaris fax mentiū ac flāma, & me tua edoce decreta. Nam hi ignari sunt atq; indocti, quos eruditissimos ob demandatum illis officium esse oportuerat. Quocirca

Exitus aquarū deduxerūt oculi mei, quia nō custodierūt legē tuā. Dum, inquit, non ades, non illuminas, non redimis, nō custodis, à calumniatoribus autē malè audio, uideoq; cōmutato rerum legumq; ordine, probos atteri, improbos exaltari, en interim totus in lachrymas colliquesco. Quid lachrymas? Riuos quidem, & hos interminabiles, hisce ab oculis erumpere cerneret: quia tuam spreuerunt legem hi, nempe nefarij homines. Pius profectò is est fletus, cum quis ob desertā Dei legem à q̃ plurimis, flet, mœretq; inconsolabiliter. atq; is proprius est sanctorū hominum fletus ac lachrymarum ratio & causa.

## Zadik.

Iustus es domine, & rectum iudicium tuum.

A iustitia atq; æquitate laudat Dei legem Propheta, aitq;: Quicquid sanxisti, quod siue ad religionem, siue ad politicen attinet, æquum est, iusteq; sancitum, ob quam rem

Mandasti iustitiam testimonia tua, & ueritatem tuam nimis.

Interpres ferè pro ualde uehementerq;, nimis transtulit: qd æquè pollet, atq; mandasti iustitiā ac fidem tuis cōiunctas ualde esse mandatis. Etenim quacuncq; præcepisti, iustitia sunt ac fides. Iustitia quidem, quoniā propria motus bonitate, nihil nō bonorū mortalibus promissisti. Fides uerò, quod quæ promissisti, nulla nostra irritatus perfidia, aut illectus merito, re præstas. Hinc porro

Tabescere me fecit zelus meus, q̃a obliti sunt uerba tua inimici mei.

Fermè idem est, quod in superiori proximè dixit octonario: Exitus aquarū deduxerunt oculi mei, quia non custodierunt legē tuam, ut custodierūt ad Dei hostes referas, non ad oculos. Cæterum zelus, laudabilis illa est animi passio in scripturis, qua pro re uehementer amata excandescimus. Sic Christū ob domū patris, flagitijs, emptionibus, uenditionibusq;, atq; propterea callidis dolosisq; licitationibus conspurcatam à sacerdotibus, zelasse olim legimus. Vocat igitur suum zelum propheta per motionē illam animi, qua non nisi immensa cum molestia uidere poterat Dei legem, etiā à legis peritis, pessimo multitudinis exemplo, pessundari. Me prorsus tabidum, inquit, reddidit ob mœrorem zelus, iraq; ab amore tuæ religionis excitata, quod tuarum obliti fuere præceptionū hostes mei. Et quidem mirum haudquaq; esse debet, si ob tuam turpificatā legem, fœdatasq; constitutiones exarsit: nam

Ignitum eloquium tuum uehementer, & seruus tuus dilexit illud.

Aptissimū profectò diuini eloquiū ἐπιθετον, ignis, quanq; non ignitū, sed aut purum, aut, ut uertit Felix, examinatum, reddunt ex hebræo: hoc est, tanquā aurum igne depuratum, excoctumq; pluries. Alio in psalmo Dei eloquia comparat argento igne examinato, purgatoq; septies, hoc est, perfectè. Quis tantā nō amaret in auro perfectionē: nihil tamen præ Dei uerbo, quo abundè ditantur animæ, illo uerò absq; satietate corpora solummodo, ut est aurum, argentū, aut quiduis aliud è terra erutū preciosum. His itaq; rebus fortunæ stolidissimæ ludibrio expositis, ab animo reiectis, in his quæ Dei sunt, nempe æternis, noster fingendus est amor atq; intellectus. Quam sanè rem optimè intellexisse Propheta hic uideo. Seruus inquit, tuus dilexit illud, uerbum scilicet tuū super omnia desiderabilia expetendum.

Adolescens



*A* Adolescentulus, *fateor*, sum ego, & contēptus, iustificationes tuas non sum oblitus.

Hic mihi Vatis mansuetudinē, simul & extremū sui neglectū considera. Parvulus, inquit, ego sum, atq; contēptui habitus; tamen neq; propterea tua aspernatus sum praecepta. Id dixisse idcirco Vatem asserunt, quod diuinā promissionum, addo & legis beneficio, è statu illo abiectō pastoralī, ad regiam insperatō euectus fuerat dignitatē. Suā enim pristina cōditionis haud immemor tantus rex, adeo contemptim res hasce mundi instabiles tolerauit, ut se pluries nihil omnino esse in oculis domini, fassus fuerit. Quid nostri ex sese nati? Deus bone, quis tumor? Talpas dicerēs è terra exire elaborantes. Aurum certē, honores, magistratus, plausus vulgi, contrario penitus Vatis, imò uerò Christi instituto, anteponuntur Dei uerbo: cuius iustitia, bonitas nimirum, atq; æqua tum poenarum, tum prāmiorū ponderatio, æterna est, iustitia uerò hominum cito desitura. Ideo infert spiritus:

Iustitia tua iustitia in æternum, & lex tua ueritas.

Hoc est, quicquid de tua iustitia loquitur lex sacra, uerum est: quicquid promittit, firmum ratumq; quęcunq; occurrant aduersa, perseuerat. Quare si nonnunq; angore aliquo animi intolerando affectus, deficere, planēq; interire uisus sum, ad tuā statim legis consolationē recurri. Si morbo attritus, si improborum iniurijs atq; odio obnoxius fui, si à regno, si à patria, si à proprijs eiectus laribus, si male mihi audire etiam ab ipsis meis familiarissimis amicis contigit, si proinde maxima aliqua, atq; adeo iniquissima

Tribulatio & angustia inuenerunt me, *tunc sanē*, mandata tua meditatio mea est.

Ex hebreo: Mandata tua delectationes meæ. Quoties, inquit Campensis, aduersi aliquid, & quod me premeret, accidisset, mandatis tuis cōsolabar me. Nā

Æquitas testimonia tua in æternum, intellectum da mihi & uiuam.

Idem repetit, qd in alio dixit uersu: Mandasti iustitiā testimonia tua. Modò uerò, æquitas seu iustitia sunt testimonia tua: hoc est, iustitiam cum tuis coniunctam esse præceptionibus uoluisti. Cæterum id ita esse fac me plenius intelligere, quò uiuam. Siquidem è rerum eiusmodi scientia ac doctrina, uita animæ oritur, quemadmodū ab illarū ignorance error omnis atq; superstitio, è qua mors, suum habent exordium.

Coph.

Clamaui in toto corde, exaudi me dñe, iustificationes tuas requirā.

Quid necessitudine aliqua coactus Vates egerit, quid uē nos agere oporteat, ut in alijs plerisq; psalmis, ita in hoc ostendit octonario planē diuino. Clamaui, inquit, toto pectore. Quid illud? Præuenerunt oculi mei ad te diluculo. Ita sanē perpetua tenentur cura erga Dei legem, resq; omnino spiritus, sancti Dei uiri. Et certē simulacadeo in immensum percrebuere in mundo scelera, uariaq; crucis genera, oblata nimirum sponſæ à cœlesti parente, quò antiquū dediscat peccandi usum, in dies emergunt, passimq; nō modò ab ipso inuisibili exagitamur hoste, sed etiam à uisibilibus, illicio scilicet uoluptatū, cupiditatumq; irritamento, corrupto in morib. in iudicijs, in imperijs orbe terrarū uniuerso, ad Deum, ad patrem nostri amantissimū uociferandum erit, & id quidem toto corde nostro, toto affectu, totis animæ, ut sic loquar, interaneis. Clamant nōnunq; homines quā cantu, quā luctu: uerū illis æneū factum est cœlum, quia corde nequam toto clamant, quia affectu prauo imbuti clamant, quia animo adhærent mūdo, natura Dei beneficentiæ ingrato, hostiq; acerrimo. Ita nunc ferē sunt res spiritus. At quæ sit tandē uera clamandi ad Deum ratio, breuissima cōmonstrat



**C** uia Propheta, dicens: Iustificationes tuas requiram, seu custodiā, ut uertit Felix. In solerti igitur, uoluntariāq; mandatorū Dei custodia, obseruationēq;, qua nostra maximē constat religio, situs est uerus deprecandi numinis cultus ac modus. Cæterum quid suo in clamore spectarit Vates, mox intulit, dicens:

Clamaui ad te, saluum me fac, ut custodiam mandata tua.

Equidem difficultatē illam, quam in seruāda Dei lege nobis effingimus, magis nostræ adscribendam esse ignauia, ac turpi ocio, arbitror, quam legi ipsi, alioqui uel ipsis pueris obuiā ac facili: sed quæ tamen gnauum, cōtinuumq; efflagitat operatorē, nō cessatorē, ignauumq;, qui intercalaribus (ut sic dicam) quibusdam litare soleat Deo, tum uotis, tum actionibus, obseruatorē. Et tamē præceptum illud extat Dei inuiolabile: Non recedet, inquit, uolumen legis ab ore tuo, sed meditaberis in eo diebus ac noctib. Quare Dei lex naturaliter factu nequaquā difficilis, sit ardua, ac planē absq; Dei ope inaccessa. Idcirco mihi, quantū maximē potero, clamandum erit: Saluū me fac domine, hoc est, à letali hoc meo me asserens torpore, atq; animi incogitantia, da uires, quò tuas possim custodire constitutiones. Quod uerò ad me attinet,

Præueni in maturitate, & clamaui, quia in uerba tua supersperaui.

Præueni ante tempus, uertit Euthymij interpres: quod ex hebræo reddi posset, maturē, hoc est, ante diluculum euigilaui, præueniq; crepusculum. Verū unde tam anxia ē cubili surrectio: quoniā, inquit, spes mihi omnis tuis esset in pollicitationibus, quas quidem totas noctes stertentibus, effœminatæ ue ociatibus, nunquam obuenire sat scio. Ad hæc

Præuenerunt oculi mei ad te diluculo, ut meditarer eloquia tua.

**D** Hic illos admoneri à spiritu arbitror, qui etsi noctis uigilias, quæ apud Hebræos quadrifariē diuidebantur, anteuertere consuecunt, non id tamen actitant, quò Dei legi quietius incumbant, sed ut scelera occultius tenebris obtecti perpetrent, aut studio nescio quo uano literarū scriptionibus uacent inutilibus omnino, aut etiā, ut ait quidam, rem spe lucri auarē admodū diarijs cōduplicent papyris. Præuenerunt, inquit, excusso penitus somno, mei oculi noctis uigilias, (eo tēpore conticescūt omnia, carnisq; arrogātia acrius referuescit, oppugnatq; spiritū) ut legis intelligendæ studio nauarē operā, in illaq; intellecta me oblectarem. Igitur quando sic tua à gratia experrectus clamo & uigilo, tu

Vocem meam audi secundum misericordiam tuam domine, & secundum iudicium tuum uiuifica me.

Valde dubiæ res se nostræ haberēt, si ex qualitate affectuū, nostrū metiret erga se animū Deus. Ideo cōuenientissimū humanæ inuentū est imbecillitati temperamentū, Dei misericordia: cuius uirtute ac fauore, nostræ aliās reijciendæ, exaudiuntur deprecationes, grataq; Deo fiunt. Id sensit Vates, ubi suam audiri uocem, misericordiæ Dei mentione facta, orauit dicens: Vocem meā pro tua exaudi misericordia, ac secundum quòd tuo sanxisti fœdere, sententiāq; inuariatili pronunciaſti, me recrea. Si quidem

Appropinquauerunt persequentes me iniquitati, à lege autem tua longè facti sunt.

Id est cōnaturale nefarijs hominibus, ut hoc propius ad scelestas accedāt actiones, prauisq; inhærescant cōsilijs, quò longius à Deo fiunt. Hi legis Dei desertores appellanē, qui adeò interdū probis infesti sunt, ut penē illos capite periclitari uideas. Quod sanē periculi genus animaduertens Propheta, sic querit: Mitari uideas. Inquit, aduersantes, nempe homini, si nō omnino iusto, at iustitiæ nihilominus percupido, quò me suis irretiant fraudulentis, dolosisq; inuoluant machinationibus, propè fiunt. Id ne mirum: à lege enim tua, quæ secus, atq; hi agunt, edocet,



<sup>A</sup> edocet, longissimo secreti sunt intervallo. Verum

Propè es tu domine, & omnes uia tuæ ueritas.

Illi, inquit, tua à lege iandudū procul abiēre, tu uerò præstò illi ades, numine sanè illo efficacissimo, quo animā te semper uiuax est ac firma. Nam uia tuæ, cōsilia uidelicet, atq; æternæ tuæ prouidentie deliberationes, æque omnino sunt, ac ueræ. Compendiū id quidem est facillimū inueniendi Dei, illius lex & uerbū. Haud certè remotissimæ peragrandæ sunt regiones, religionesq; penè innumera sparsim per orbem disseminatæ adeundæ. Siquidem, ut inquit Moses, iuxta te est sermo ualde in ore tuo, & in corde tuo. En domiciliū ubi inuenitur Deus, en uerum templum, en fidei doctrina, in qua delitescit spiritus. Et quidem

Initio cognoui de testimonijs tuis, quia in æternum fundasti ea.

Pridem, ait, mihi persuasum fuit de testimonijs tuis, quòd æterno illa stabilita sint abs te cōsilio. Obserua hīc diuine religionis exordiū, qd est, credere Dei uerbum perpetuò mansurū: quæ ueræ summa est fidei, qua nixi nullo adeò impetuoso cōcuti possumus aduersitatū, doctrinarumq; flatu, quin in Dei amore intrepidè perstemus.

Res.

Vide humilitatē meā, & eripe me, quia legem tuam nō sum oblitus.

Suo more interpretis humilitatē pro afflictione transtulit. Certè, inquit, nō est animus tua à religione desciscere. Tu tamen (quis tutus in hoc mundo?) quæ tua est æqua de omnib. curatio, perpende quomodo periculosissimū in modū affligor: uerū ad tuā iugiter aspicio doctrinā, tātū abest ut illius immemor uiuā. Ideo

Iudica iudiciū meū, & redime me, propter eloquiū tuū uiuifica me.

Vacillantia plerunq; iudicia sunt hominū, uiolentæq; suspiciones, ac humanorū affectuū plenissime sententiæ: idcirco de me, ut ab intemperata adigunt in fecti cordis libidine, statuunt, sententiasq; pronunciant. Tu, simulatq; ab illorū tam malè habeor iudicio, meā asserere causam, patrociniūq; sume, ac quemadmodum es pollicitus, me in uita serua, tuoq; recrea spiritu. Atqui

Longè à peccatorib. salus, quia iustificationes tuas nō exquisierūt.

Ergo sedula, doctaq; legis inquisitio in causa est, quāobrem saluti, uitæq; celesti proximiores, q̃ illi, efficiuntur, qui nunq; ne per somniū quidē, illius peruestigant mentē, sed uagi semper, atq; ad omnē doctrinæ uentū nutantes, infirmior tandem adherent parti: ut nuper nōnullos ex doctioribus (heu sortem parū fidam hominū) egisse & uidimus & expauimus. Quid malorū nostra hæc nō cernit ætas? quid nō experitur infortuniorū? Itaq; in multiplices corruunt errores, labuntq; pleriq; in turpissimas superstitiones, quòd nō exquisierūt, aut minus piè Dei iustitiā & religionē coluere, ex his etiam, qui in suggestis nō mediocrē sibi compararūt gloriam ac nomen. Procul igitur à peccatoribus semota est salus, quia Dei legem haud perscrutati sunt. Et tamen

Misericordiæ tuæ multæ domine, secūdum iudiciū tuū uiuifica me.

Alibi annotauimus, misericordias in Deo, uarias illius esse miserēdi rationes, cum una tamē sit misericordia. Vnde Paraph. In finitis, inquit, modis misericors es dñe. Porrò Dei iudiciū in illius lege cōmendatū istiusmodi est effectus, ut bonis misericordiā impartiat, ab improbis uerò suaq; sponte malis auferat. Proinde secūdū id rogat se diiudicari iudiciū, à quo misericordia, unde oriū uita animæ, proficiscit. Secūdū, inq; iustissimū tuū iudiciū uitā mihi elargire. Nā sunt

Multi qui persequuntur me, & tribulant me, à testimonijs tuis non declinaui.

Ex hebræo ferè omnes interponunt, sunt, in hunc modum: Multi sunt qui persequunt me, & coarctant. Idem Paraphrastes. In alio psalmo sic suum exprimit tum mœrorē, tum periculū: Multi sunt qui tribulāt me. Atqui multos istos,



C quorum iniurijs obnoxia est innocentia, puto illos esse, de quibus sic Salomon: Multi tyranni federunt in throno. At itaq; Multi omnino sunt, qui me intolerandis propemodum afficiunt incommodis, affliguntq; supra vires; à tuis tamè præceptionib. adeò non discessi, ut in illis quoq; obseruandis totus fuerim. Equidè

Vidi præuaricantes & tabescebã, quia eloquia tua nò custodierunt.

Longè maior est dolor, quo afficiunt electi propter desertam Dei religionem, legemq; còtemptã, q̃ quo ipsi particularibus exagitant malis. Cum Deum præ omnibus diligant, quomodo super omnia illius non diligenter honorè; non tuebuntur gloriã; non uel centies pro ipso occumbent, si opus fuerit. Esto, inquit, irrequietis ueluti gyris in me mala redeant, recrudescantq; còtinuè, quid tum? sufferenda utcūq; erunt. At cum uidero præuaricatores istos impudentissimos tuis aduersari monitis, legè abrogare, palãq; perfricata fronte, se tuæ religionis hostes profiteri, ac tandè quæcūq; olim nobis pollicitus es deridere, tunc nò suffera, sed doloris immensitate oppressus, rei q; horrore exanimatus, còcidam. Idem fermè in superioribus questus est, dicens: Tabescere me fecit zelus meus, quia obliti sunt uerba tua inimici mei. Verũ tu tua in me recognoscēs munera,

Vide quoniam mandata tua dilexi domine, in misericordia tua uiuifica me.

En quomodo nò libenter à Dei misericordia còsideranda recedit Vates. More, inquit, patris suæ prolis amantissimi, expectantisq; filij cum hoste cògredientis uictoriã, me aspice. Vide filij uirtutè, quomodo à præscripto tuarũ admonitionum non discedens, manũ cum truculento animosissimè conserit inimico. Verũ quò bellum ex animi sententia finem nanciscat, tua mihi præstò adsit clementia, quæ me recreet, atq; à telis hostilibus intactum seruet. Id quidem fore tam persuasum habeo, quàm quiduis aliud persuasissimum. Siquidem

D Principium uerborum tuorum ueritas, in æternum omnia iudicia iustitiæ tuæ.

Caput, inquit, ac summa uerborũ tuorũ est ueritas; nam quæcūq; promissisti, còstantissimè re præstas, pollicitationib. uel ruat æther, felici respòdes successu. In perpetuũ igit, quemadmodum æterno sancita sunt tuæ providentiæ còsilio, firmataq; iuramento, ita æquissimo ponderata iustitiæ æquilibrio perseverant. Cæterum quæ sint iudicia iustitiæ Dei, in superiorib. exposuimus; nunc ad reliqua.

Schin.

Principes persecuti sunt me gratis, & à uerbis tuis formidauit cor meum.

Iam demum cuiusmodi debeat esse timor, quo nò nunq; còturbari illos cernimus, qui, quoniã innocui sunt, improborũ iniurias subeunt, aperit Vates. Tametsi, inquit, principes, magistratus, atq; id genus alij orbis optimates, me uarijs affligat modis, non illorũ tamè tam timeo persecutiones & odia, quàm ne malorum mole oppressus à tuis secedam uerbis, deficiamq; à fide. Gratis, in hoc loco perinde pollet, atq; sine causa, nulloq; meo merito. Quæ sanè dictio magnam præfert in persecutore malitiã, tum in illo qui patitur consolationè, cum absq; culpa maledictis improborũ, principumq; uiolentiæ obnoxius sit, unde infert:

Lætabor ego super eloquia tua, sicut qui inuenit spolia multa.

A uictore enim multa ui spoliiorũ impedimentorũ mue ab hostiũ castris, aut arcibus expugnatis direptorũ onusto letanteq; metaphorã eo penè modo, quo Esaias postea, desumpsit Duaid, sic ille: Sicut exultat uictores capta præda quã do diuidunt spolia, hic uerò: Aequè enim oblector tuis eloquijs, ac solent hi, qui prædam nacti opimã mirum in modum letitia gestiunt. Thesaurũ, uertit Campensis, Sicut, inquit, qui inuenit thesaurum maximũ, sic ex tuis capio uerbis uoluptatem.



luptatem. Signum porro id est meæ istiusmodi in te obseruantia, quod

Iniquitatē odio habui, & abominatus sum, legem autē tuam dilexi. Idem planē in alio expressit octonario, inquiens; Iniquos odio habui, & legem tuam dilexi. Verū hīc ardentiori uidetur cōmoueri affectu, cum addit, abominatus sum, quod idem est, atq; fastidiui ex animo, proq; infausto habui omne iniquitatem, seu falsitatem, ut uertunt nōnulli. Etenim quæcūq; Dei religioni aduersantur, uana omnino sunt ac falsa: quæ tamen omnia quamlibet difficilia unus deuincit amor, atq; propensa ad Dei legem uoluntas & studiū. Quod ex sequentibus innotescit clarius.

Septies, *inquit*, in die laudem dixi tibi, super iudicia iustitiæ tuæ.

Septenarius numerus admodū frequens in scripturis, Hebræis est numerus perfectionis; hoc enim indefinitā intelligūt multitudinē. Quare cum septies hīc dixit se laudes Deo celebrasse, perfectam animi deliberationē, curamq; laudandi Deum præ se tulit. Quem sanē morem, sanctissimū illum quidem & antiquū, seruant nostrates clerici, illo ostendentes numero, sese penitus diuino consecratos esse cultui. Sors enim domini sunt, non mundi. Quos proinde si mundo addictos, libidinibus, uenationibus atq; auaritiæ obtemperare, ut obtemperant multi, uideris, quo appellabis nomine? Illorum hore, ut uocant, canonicæ, Dei ne erunt laudes? Putant enim pensionē illas esse pro beneficio, atq; ordine accepto. Ut ita sit, mysterium tamen non fuit ignorandū. Vide, te obsecro, quo fine diuinum peragendum sit officiū. Super iudicia, *inquit*, iustitiæ tuæ: hoc est, quod æquissima iudicia tua, promissionesq; in lege factæ, quibus constat fides, recentiori semper refricentur memoria & cultu, præq; nobis feramus gratum animum, atq; coniunctum cum mundanarū rerum despicientia obsequium. Nam

Pax multa diligentibus nomen tuum, & non est illis scandalum.

En finis amoris in Deū, mētis quies à turbis, ac pax. Certē non est pax impijs, dicit dñs, Perfectissimus is est animarū status, nihil iam sentire qd non sit Deus. Proin clamabat Paulus: Iustificati per fidē pacem habemus ad Deū, hoc est; iam nostræ sedati sunt carnis motus illi effrænes, quorū incendio exestuauit conscientia, mens frangit, ac cor multiplicibus dilaniat morsib. Pax igit multa amplaq; illis est, qui tuam legē, ut cōuenit, diligūt. Hi profectō nullibi impingēt, uiuētq; tutissimi ab offendiculis: nāq; Dei semē habēt in se insitū & inseparabile. Quod si tamē labi interdū illos cōtingat, aut cespitare, reuocant ilicō: siquidnm peccare uentiq; sinunt ad mortē: tantū nō lōgiorib. despondeāt animū periculis, sed toleranter quicquid fors tulerit ferant, dicatq; illorū quilibet cum propheta.

Expectabā salutare tuum domine, & mandata tua dilexi.

Clamat Paulus à patientia probationē gigni, à probatiōe spem, qua nixi, nihil est tam arduū in mundo, quin ob amorē, firmāq; æternorū expectationē, uincamus. Spes, *inquit* idem, nō cōfundit, Salutare pro salute suo more trāstulit, nisi malis intelligere, salutare ad futurū tum quidē Messia retulisse pphetā. Sed hec alij uideāt, nos ad institutū. Tuā, *inquit*, cōtentē prestolabar salutē ô dñe, utcūq; in longū protraherent improborū iniuriæ, atq; artes demonū. Interim uerò à fide iam pridē apprehensa haudquaq; deficiens, tuas seruaui præceptiones; &

Custodiuit anima mea testimonia tua, & dilexit ea uehementer.

Anima mea, pro ex animo, diligentissimeq; ac cōsultō, posuit. Vnde statim addidit: Et dilexit ea uehemēter, nempe testimonia ac Dei iussa. Idcirco idē fermē replicat, atq; quò tam salutaris nos moneat doctrinē, impingit penē nobis, dicēs:

Seruaui mandata tua & testimonia tua, quia omnes uiæ meæ in conspectu tuo.

Sanctissima profectō Vatis confessio, ac laude digna: quandoquidē Dei dona cōniuenti minimē iudicio in se conspiciens omniū actionum suarū notionē



**C** illum habere confitetur. Omnes, inquit, uitæ meæ rationes tibi sunt nota. Et est idem ac si diceret: Quoniam id mihi semper persuasum fuit, te præsentem, intuentemq; me omnia, quæ ago, agere: ideo seruauî mandata tua, metu nimirum ac reuerentia illa motus, qua erga parentes filios decet permoueri.

Thau.

Appropinquet deprecatio mea in conspectu tuo dñe, iuxta eloquium tuum da mihi intellectum.

Orat hic rursus Vates legis sibi cognitionem impartiri, subindeq; se ab improborum iniurijs, quod libere in celebrandum ipsum benefactorem possit incumbere, liberari. Arctatur utiq; anima modo nescio quo infelici, cum in dæmonum, nefandorumq; hominum insidias, uel inuita reluctansq; inciderit, delabiturq; imprudens quotidie. Quam uellet in illum, quem unice deamat, ullo absq; impedimento posse auolare: quam ardentem id optat. Verum suo plerumq; frustratur tum nixu, tum desiderio, cum illud nostris omnino ingeneratum sit sensibus, ut perpetuo spiritui contradicant, impediantq; quantum possunt, uirtutis iter. Hinc ideo crudelissima illa inter humanam rationem ac mentem, portio utiq; diuinam, exoritur pugna, itaq; pertinaciter inter sese configunt, ut cui interdum is der palmam, qui istiusmodi miserabilem experitur congressum, ignoret omnino. Tamē id iucundissimum diuinis esse solet oculis spectaculum ac certamen, suosq; hisce indurare consuecit milites controuersijs æternus pater. Tantum illud suo à milite expetit, ne à fidei monitis, à quibus tota uictoria dependet ratio, etiam cum succumbere uideatur, mentem auocet. Atq; ea est causa, quam obrem toties in hoc psalmo de Dei lege mentionem facit Propheta, qui periculosissimi nequaquam immemor huiusce generis certaminis, in quo animæ, non corpora, uulnerantur: non immemor, inquam, quam impares omnino simus uiribus, uelle cum tam diro hoste, ut nosmet sumus, cōgredi, ad solitum semper recurrit suffugiū, nempe ad Deum, qui pro agonotheta harenæ præsidet, ut in huius statim octonarij exordio uidere licet. Clamor, inquit, meus, & deprecatio, seu, ut uertunt, lamentatio mea, alioquin tua indigna auditione, coram te fauorem nanciscatur. ne illam quidem refutes, obsecro, auserisq; sed tibi tanquam res non omnino odiosa, fiat proxima, admittaturq; abs te o clementissime: namq; illius id est consilium, ut uerborum tuorum intelligentiam assequatur. Quocirca

**D** Intret postulatio mea in conspectu tuo, secundum eloquiū tuum eripe me, Vide quomodo suis in petitionibus Propheta ferē Deum à pollicitationib. in lege factis urgeat, cogatq; penē ad ferendas sibi suppetias. Penetret, inquit, ad te mea usq; deprecatio, atq; ut non semel pollicitus es, me à malis hisce innumeris asserere. Tunc quidem

Eruclabunt labia mea hymnum, cum docueris me iustificationes tuas.

Commodo ualde usus est uerbo, Eruclabunt: hoc est, etiam nolens in tuas prorumpam laudes. Labia mea, schemate hebræo, pro ore usurpauit. Paraphrastes simpliciter reddit, Loquentur labia mea laudes tuas. Idem Felix. Obseruandum hic esse arbitror, quomodo ad diuinas proferēdas laudes, quæ ueræ laudes sint, necessaria omnino uideatur sacræ legis doctrina. Vbi, inquit, tu uim legis aperueris, edocuerisq; omnia illa, quæ tuis in præceptis inquirenda sunt, tunc labia mea hymnum, sacrumq; tuo deproment nomini panegyricum. Tunc, dico,

Pronunciabit lingua mea eloquium tuum, quia omnia mādāta tua æquitas.

Expende ut intellectus uerbi Dei mysterijs, perspectaq; Dei uoluntate in lege, tota exhilarescit anima, gesticq; tripudio in Deo. Non cōtenta enim dixisse, Eruclabunt labia mea hymnum, mox addidit, Pronunciabit, hoc est, ut interpretatur Paraphrastes, cantabit lingua mea uerba tua. Imò uerò etiam alijs, quod tua sublimius extollatur gloria, quod mens tuo à spiritu hausit, pronunciat, diuulgabitq; omnibus. Siquidem iudicia tua, quorum moderationi dicto parent uniuersa, iustissima sunt. Non sanē mediocre id est donum Dei, cum de lege quis interrogatus, apte, cōmodē, doctēq; ac cum percunctantis utilitate, Deiq; honore, quæ uera sunt legis sensa, tanquam scriba in regno Dei doctus, proferre nouit.

Fiat manus tua ut saluet me, quoniam mandata tua elegi.

Manus domini in scripturis præterq; quod robur signat, auxiliū quoq; fortitudinē, autoritatē, maiestatem, ut hic mihi uideatur, denotat. Et est perinde quasi, autoritas tua illa, maiestasq; qua cuncta perterrefacis condita, auxilio mihi sit ut saluus sim. Mandata quippe tua, posthabitis mundi curis, elegi, utq; meæ sint, usquedum uiuero, deliciarū decreui. Ego quidem

Concupiui salutare tuum domine, & lex tua meditatio mea est.

Et lex tua delectationes meæ, uertit Felix. Vtraq; lectio legis Dei studiosis mirifice conuenit. Nam non tantum continuam à nobis postulat exercitationem lex Dei, quantum in exercitatione uoluptatem ac mentis gaudium, quod ab amore proficisci non nescimus. Desiderio, inquit, mirabili tuam nanciscendi salutem, affectus fui, subindeq; lex tua ingenti mihi fuit uoluptati. Hanc sane plus quam delicias mundi uniuersas, uel à puero concupiui. Ergo

Viuet



**V**iuuet anima mea & laudabit te, & iudicia tua adiuuabunt me.

Omnes ferè ex hebræo uertunt, Viuat anima mea. Vnde sic Paraphrastes: Viuat anima mea, ut laudibus extollere possit te. Id dicit Vates, quoniam maximum præseantè tulerat desiderium salutis: & ne appetentia illa manendi in uita superuacanea, parumq; firma de cœlestiũ rerum statu persuasio uideretur, causam attexuit, dicēs: se in uita manere idcirco optasse, quò diutius Dei iudicia in lege condita sibi fore præsidio non diffidebat. Iudicia, inquit, tua, quibus uniuersa tuis affatim exornantur beneficijs, mihi robur addent. Mihi, inquam, qui

Erraui sicut ouis quæ periit: quere seruum tuum, quia mandata tua non sum oblitus.

Is error, ut est doctiorũ sententia, etiam in optimis inuenitur animis, qui cum nõ nihil interdum à proprijs raptentur affectibus, quibus impellentibus labuntur sæpenumero, ipsa quoq; contradicente mentis lege, errare sine dubio dicuntur à Deo, nõ secus ac solent oues à grege, remissa parumper custodis curatione & sedulitate. Verum ab illorũ memoria, quæ in Dei mandatis cõtinentur, non procul errant: imò uerò ipsis obiurgantibus, assidueq; ob oculos uersantibus, retrahētibusq; uoluntatē ab offirmato mentis proposito, peccāt. Propriũ id est hominis iusti, ut in uita animi peccare. Quocirca in psalmi fine, quasi omniũ quæ hactenus in toto psalmo dicta erant, epiphonema subnectens, ait: Et legem tuam non sum oblitus, etsi toties, tanquam ouicula errabunda, uisus sim à pastore negligi, atq; propterea interire. Quod ne accidat, tu per loca deuia & solitaria deerantem seruum tuum require, repertumq; ad gregem reliquum, quæ tua est æterna erga errantes uigilantia, mina. Cui laus sit in secula seculorum. Amen.

*Psalmos hinc desideratos ordine reperies pag. 126. & seq.*

PSAL. CXXXII. Canticum graduum.

**M**emento domine Dauid, & omnis mansuetudinis eius.

Haud dictu facile est, quanto instaurandę Dei religionis studio ac desiderio, rex conflagrauerit māsuetissimus, quam propè extinctam propter iuum à patria exilium, aduersamq; fortunam uiderat. Hincq; inconsolabiliter, an digna tandem arcę sedes inueniri posset, quæ Deo grata esset, agebatur. Huiusmodi itaq; sui animi æstus in hoc planè toto ostenditur cantico, rogatq; ut pollicitationes iam olim tum sibi, tum patribus factæ, cœlitus exhibeantur, atq; in Sion certam sui numinis sedem stabiliat altissimus, regnumq; posteris usque eò, quoad ueniat, qui mundo salutem afferat, confirmet. Hæc summa est psalmi: quem tamen in uerum Dauid, uerumq; illius regnum, nempe Ecclesiam, transferri debere uult spiritus. Dubitant nõnulli, an psalmus iste à Dauid æditus fuerit, propterea quòd in fine orationis filij in regnum successoris quædam sunt, quæ in hoc quoq; leguntur psalmo: illud etiam afferentes, absurdum uideri posse, tam sanctum regem suam iactare uoluisse mansuetudinem, quod sanè filio potius quàm patri conuenire arbitrantur. Verum ut rem breuiter expediāmus, quid uetat credere filium sua in oratione quædam à patre tam de Dei religione benemerito antea dicta, mutuatum fuisse? Nec rationi quidem spiritualium rerum repugnare uidetur, quòd duo eundem, iisdemque prorsus uerbis, in una simul resensum proferant. Quòd uerò suam ostendet mansuetudinem, atque præterea in tertia loquutus sit persona, dicens: Memento domine Dauid, & omnis mansuetudinis eius: præter illud, quòd ex hebræo afflictionem potius reddunt, quàm mansuetudinem, id carmen etiam loco precationis populo decantandum instituerat. Sed hinc non multum torqueor, cum mihi persuasum sit, quod aliàs testati sumus, totum psalmorum uolumen à Dauid, quem hymnorum autorem appellat Philo, compositum fuisse. Quare huc eum, qui suos erga Dei religionem exponat conceptus, introducāmus. Mirum nisi hinc & tu ardeas, simulac omnia ardere conspicias. Ardet sanè in Vate nostro animus, ardet fides, ardet religio, ardet ipsum demum poëma, quod non



C tantū spiritu, atq; flagrāte erga omnes charitate, quantū arte quoq; copīa, ac mirabili tum similitudinū, tum troporū structura, & grauitate exuberat. Vt diximus, ex hebræo legūt, afflictionis eius. Vnde Paraphrastes: Rationē habedominē, idēq; in bonū, ipsius Dauid malorū, quæ perpeſsus est plurima. Verū neq; mansuetudinis uox superuacanea uidet, quæ in ipso tanta fuit, ut Dionysius ad Demophilū monachū scribēs, asſerat Dauid merito suæ māſuetudinis maximā apud Deū gratiā naſtū esse. Ergo māſuetiſſimē se ſemp habuit in tot ſuis aduerſis, etiā cum truculentīſſimis ſue ſalutis hoſtibus. proinde clamat: Memēto dñe tui Dauid, Dauid dico, quē tu ſecundū cor tuū inueniſſe teſtatus es. Memēto illius māſuetudinis, memēto afflictiois, memēto miſerie, memēto quoq; fidei, actua in reparāda religione ſtudij & laboris. Iſtiusmodi animi affectionib; mirū in modū, donec uixit, affectus fuit Dauid: ſed ſanctiorib; Chriſtus, cuius rex ille typus fuit, & de quo illud ſcriptū eſſe nō ignoramus: Reuertentē filij Iſraēl, & querent dñm ſuum, & Dauid regem ſuum. De Chriſto loquit Oſeas, qui ætate poſt Dauid longiſſima ( fuit enim ſynchronos Eſaiæ, ut diuus inquit Hieron. ) uixit.

Sicut iurauit domino, uotum uouit Deo Iacob.

Aptius ex hebræo uerti poterat, qui iurauit, ut ſit ſenſus: Memento dñe Dauid, qui iurauit, uotūq; nuncupauit Deo Iacob. Voti uerò ſummā mox addidit:

Si introiero in tabernaculū domus meę, ſi aſcendero in lectum ſtrati mei. Si dederō ſomnū oculis meis, & palpebris meis dormitationē, & requiē tēporib; meis, donec inueniā locū dño tabernaculū Deo Iacob.

Iuramēto, inquit, ſeaſtrinxit Dauid, ſanctēq; promiſit, ſe ſuas nequaſq; ingreſſurū ædes, quietē mē capturū ullam, priuſq; locum ſedemq; numini gratā nancisceret. Requiē temporib; meis, non eſt in hebræo, ſed à Græcis additū. Cuius tamen ſenſus cum ſuperiorib; ualde cōuenit, & eſt æquē ac ſi dixiſſet: Nō dabo requiē capiti meo, nempe per ſomnū, donec aptā inueniā arcę manſionē. Multa quidē periphrasi quietē, quę ſit per ſomnū, deſcribit. Ceterū, ſi introiero, ſi aſcēdero, ſi dederō, modus erat iurandi apud Iudeos. Vnde illud quoq; eſt: Si introibūtin requiē meā. Vide eſtū animę Dei honorē ſimul & pacē propriā percupidē deſiderātis. Non requieſcā, inquit, non quī inaccessum detrectabo laborē, donec inueniā locum in me dignū Deo. Porro Iacob dicens, ſuo more ad Eccleſiā, contemplationē nos ſubleuat. Vir quidē ille ſanctiſſimus typū geſſit Eccleſiæ, quę uera eſt ſedes, quā ſibi elegit Dei filius in Ephrata, campisq; dumoſis nemo rum. Dum hæc itaq; ſecū cōmentat Dauid, de improuiſo illi oſtenſus eſt locus:

Ecce, inquit, audiuiſmus eam in Ephrata, inuenimus eā in cāpis ſyluæ.

Forſan, illum, uertendū erat, ut uertit Felix; nam de loco apto numini ſit ſermo: Donec, inquit, inueniā locum. Putant hīc nōnulli Vatem de ædificatione templi prædixiſſe, quòd illi inuenerit locum in cāpis ſyluæ, hoc eſt, in tribu Benjamin, quæ ſyluis denſa prius fuerat, quā in ea ex ædificaretur Hieruſalem, in qua templum. Alij de arca diutius per regiones translata exponunt, quę in area tandem Aruenæ Ieбуſæi iuſſu angeli requieuit. Quòd autem in Ephrata dixerit, ſic exponit Rabbi quidam. Audiuiſmus, inquit, à ſenioribus Ephratæ, reuelandū adhuc locum, in quo Deus uellet arcam reponi, quem locū poſtea ab angelo didicit in area eſſe Aruenæ, propterea ceciniffe: Inuenimus eam in campis ſyluę. Hac enim circumlocutione putat à Vate aream Aruenæ deſignatam. Ephrata enim terram fertilem interpretantur, idcirco uolunt id prædij nomen Aruenæ propter fertilitatem fuiſſe. Eam ob rem aſſerunt & Ephratam, & campos ſyluæ, pro eodem omnino loco poſitum. Verū inter hæc prorsus inexplorata illud exploratiſſimum, Vatem conſtructo altari in area ab Aruena, ſeu Hornan, ſiclis auri ſexcentis empta, oblatoq; ſacrificio, atq; ab igne abſumpto, dixiſſe, Hæc eſt domus Dei, & hoc altare in holocauſtū Iſraēl, Sed longius proſpexit



<sup>A</sup> Ipexit Vates, nempe Dei filium, quem uerum Dei tabernaculū, nō manufactū, neq; creationis huius mūdi, ut inquit Paulus, in quo quidē omnis plenitudo diuinitatis habitauit corporaliter, uerē nimirū absq; uelo & umbra, fore ædificandum in Ephrata, Bethleem scilicet (id enim illi quoq; erat nomē.) Nulla igitur data fuit requies tum prophetis, tum legi etiā ueteri, donec in Bethleem natus est Christus finis legis, & in quē cunctæ desiere Vatum prædictionēs. Audiui-  
mus, inquit, à natu grandioribus, à prophetis, à lege, templū illud sanctissimū diuinitatis in Bethleē Iudæ exordiū auspiciaturū, illicq; fundandū. Verū cum res postea, mysteriūq; illud præteritis seculis incognitū, manifestandū tamē sanctis eius, quibus, ut idem ait, uolet Deus notas facere diuitias gloriæ sacramenti huius in gentibus, indagaret, inuenimus illud in campis sylue, reperiaturq; refixū à Iudæis ad gentes densitate uitiorū asperas, incultas, prorsusq; senticolas, atq; in feraces demigrasse. Agro itaq; illo legis cerimoniarūq; uomere culto, abiecto & derelicto, in nemorosam sese insinuabit culturā Dei filius. hoc est, populo nostro ingratisimo reiecto, exteram (prò dolor) immundamq; suam ad religionem accerset gentem. Ergo umbratili cultu istiusmodi nostro omisso, temporarioq; illius abiecto usu & frequentia,

Introibimus in tabernaculum eius, adorabimus in loco ubi steterunt pedes eius.

Visibiles quidē ritus describens, ad inuisibilia nos condocere nititur Prophetā. Parato, inquit, loco, illius intrabimus templū, atq; ad arcam, scabellū sanè pedum Dei prostrati, uenerabundiq; illius adorabimus maiestatem. Reor equidē hic Vatem solito clariori diuinitatis perlustratum radio uidisse, atq; adeo humi prouum in specu illo informi, duroq; cubili, puerum Iesum modò natum à purissimo uirginis pectore pendentē, nostramq; tum primū uagitibus contestantem miseriam adorasse, exclamasseq;: Adorabimus tuæ ubi prima infantia steterunt uestigia, ô rex noster. Quæ uerò fuerint perpetua Christi uestigia in terris, non solum infantia, à nobis qui induere Christū, ut nos hortatur Paulus, cõtendimus, haud secus amplexāda, atq; amœnissime solēt delicias, si interrogor: istiusmodi fuere, fames, sitis, frigus, nuditas, horror, fletus, atq; extrema cum matre inope pauperies. Hæc sanè regia illa fuere noui partus crepūdia. Idcirco obseruandū, quòd quando Christū nominari contingit, tunc caput Ecclesiæ illū esse non dubitemus: proinde à sponsæ filijs, ne membra absq; capite posse esse somnias, imitandū, uimq; ab illo uitæ sumendā. Vera hæc est in primis rimandarū celestium rerum ratio atq; ordo. Pater em̃ ipsum dedit, ut inquit Paulus, caput esse supra omnē Ecclesiā, quæ est corpus ipsius, & plenitudo eius, qui omnia in omnibus adimplet: hoc est, qui in omnibus est, ac sufficit pro omni bono, adimpletur, consummaturq; in omnib. membris sui corporis, quæ est Ecclesia. Si quidem caput, ut ait Oecumenius, corpore complet & perficit, & ipsum etiam corpus capite. Vide igit an factū possibile sit electos à Christo diutius separari posse: alioqui Chimæra quandam horrendā propura sponsa in Ecclesiā introducemus, cum perfectissimū sanctissimūq; caput turpissimis cōuestimus mēbris, aut ab illo excidimur. Caput igitur à mēbro hic nobili atq; integro, ad nobiscum habitandum inuitari cernimus. quid si & à nobis: ô nos felices.

Surge domine in requiem tuam, tu & arca sanctificationis tuæ.

Agendum expergiscere, iam plus satis modò huc, modò illuc, peruagatus es. Quò non locorum te asportarunt Philistæi? quò non tui ipsimet mystæ? quò non impurissimi tuæ religionis hostes? En tandem locus, en sedes. Agè, surge, atq; eadē qua tu, tuæ sanctitatis arca requiescat mansione. Puto hic Deum, quò ad uiuificandam unā cum sanctitatis suæ arca, quæ est caro Christi, accedat Ecclesiam, rogari, purissimisq; sponsæ blanditijs inuitari, ad hunc ferè modum:



c Veni dilectemi, egrediamur in agrū, cōmoremur in uillis, manē surgamus ad uineas, uideamus si floruit uinea, si flores fructus parturiūt, si floruerūt māla pu nica. Hīc obruor mysterijs, mi lector: ad altiorem adhuc peruestigandū euehor sensum. Est uox patris, ō fili. Exantlatis mūdi istius ingratiſsimi erumnis, ad me ueni. Iam tua perfunctus es legatione, impletū est iuramentū, uotum absolutū, sedem inuenisti in Ephrata, fundasti Ecclesiā, eamq̃, quō uel ipse mandragorā suū afflent odorē, tuo irrigasti cruore. Ascita tecum est sponsa. Quid restat, nisi ut ad me, unde nunq̃ discessisti, remigres? Quin tecū exurgat arca, nempe Eccle sia, à te ē millibus electa, tuōq̃ sanctificata spiritu, atq̃ adeō tibi coniuncta, ut tu caput sis, illa corpus. Quōd porrō Ecclesia facta sit arca sanctificationis, innuit Paulus, cū inquit: Christus dilexit Ecclesiā, & tradidit seipsum ut sanctificaret illam. Verū nō omittendū, dictionē sanctificationis, Hebræis esse, fortitudinis. hoc est, ut reddit Paraphr. Veni cum arca, per quā sæpe omnipotentia tua appa ruit. Ex eo quidē loco admiranda illa prodibāt numinis oracula, mināq̃, & ter rores, quibus auditis rebellis ille populus exterrefactus in officio cōtinebatur. Secus modō in Ecclesia fieri cōspicimus, quæ amoris clauo trāsuerberata, amo re magis suos, ac lenitate coërcet, perficitq̃ in Deo, q̃ formidine ac minis. Vnde errant hī, qui arcæ præditi potestate nimīū turgide insolescunt, putantq̃ sub ditos sibi homines feras esse cicurandas, uīq̃ & uerbere in officio retinendas. Ab hoc prorsus more aliena est Ecclesiæ modestia & mansuetudo, quæ in Chri sto fundata nihil non agit, quō Christi uitam referat, qui sic suos admonet disci pulos: Discite à me, quia mitis sum, & humilis corde. Atq̃ de his quidem id di ctum esse non ambigimus, quod sequitur:

Sacerdotes tui induantur iustitia, & sancti tui exultent.

Luce hīc clarius apparet, quid uestes adumbrēt sacerdotales; nempe iustitiā, D eam sanē, qua per fidem ornantur sancti Dei uiri, quocirca additū est, Et sancti tui exultent. Nulla quippe potest esse uera animi exultatio in illo, in quo nō est sanctitas, uel saltem ad sanctitatē assequendam studium & conatus.

Propter Dauid seruum tuum non auertas faciem Christi tui.

Vncti tui, quō dilucidior sit sensus, uertunt, quanq̃ Christus (sic rudiorib. cō sulendū est) idem sonat Græcis, qd Latinis unctus. Et est ac si diceret, propter promissiones Dauidi factas, ne reiicias illius preces, qui tuus unctus est, rex ni mirum, qui de more ungi solet. Volunt em̃ istiusmodi loquendi modū, nō auer tas faciē, haud infrequentē esse in scripturis, ut ferē illud est, quo usus Adonias sic Bethsabee alloquit: Petitionē unam deprecor à te, ne cōfundas faciē meam. Ex hebræo uertūt, ne auertas faciem meam. Sed Paraphr. rem clarius exprimit, cū ait, ne auertas faciem à Christo tuo. Alius adhuc apertius: Ne differas, in quit, aduentū Christi tui. Is quidem ad aduentū filij Dei in mūdum respexit, de quo sanē permultæ extant Dei pollicitationes Dauidi factæ: extantq̃ frequētes illæ in Salomonē minæ, sed propter Dauid patrem tēperatæ. Ait itaq̃: Propter promissiones Dauidi factas te petimus, ne Christi præsentia diutius deneges: sed illum iam tandem nobis uidendū, ut toties pollicitus es, exhibe. Et quidem

Iurauit dominus Dauid ueritatem, & non frustrabitur illi.

Difficillimē nimirū nostræ persuaderi poterat imbecillitati, quōd Christus nostra futurus esset sapientia, iustitia, sanctificatio, redēptio. Idcirco Deus iusu randū suis addidit pollicitationib. quō nihil de illius ambigeremus fide. Astrinxit itaq̃ sese Deus iusiurando Dauidi, quod sanē nunq̃ uiolaturus esset, dicens:

De fructu uentris tui ponam super sedem tuam.

Sic Deus in Regum secundo: Suscitabo semen tuum post te, quod egredie tur de utero tuo, & firmabo regnum eius. Ipse ædificabit domum nomini meo, & stabiliam thronū eius regni usq̃ in sempiternū. Ego ero ei in patrē, & ipse mi hi erit



**A** hierit in filiū. An certè istuc totum de Salomone interpretandū sit, tu qui legis, cuiq; syncerus est animus, atq; ad secernendas umbras à corpore acutus, iudica. De Christo hæc uerius dici possunt quàm de Salomone, qui omniū ingratiſſimus Astarthen deum Sydoniorū, Chamosq; deum Moabitarū, turpiſſimè pro Deo uero coluit. De fructu igitur uētris tui, ne uerearis, tuo in solio collocabo.

Si custodierint filij tui testamentū meū, & testimonia mea hæc, quæ docebo eos, & filij eorum usq; in seculum sedebunt super sedem tuam.

Quid si non custodierint, peribit ne promissio? Minimè quidem; nam si filij erunt, custodient; si non custodient, filij neutiq; erunt. Ceciderūt quidem olim à terrenarū rerum domīnio Iudæi, quia non seruata est fœderis cōditio. Verū Dei sermo & promissio perseuerat in Christo Dauidis semine, à quo propagati fideles, quæ pollicitus est Deus obtinent. Hi quidem, atq; illorum posterī, diuinas adamuſſim seruant, seruabuntq; præceptiones, ac uitæ instituta, non quæ si bi somniāt & effingunt, sed quæ præcepit altissimus. Atqui hīc mihi uidere uideor æternā promittī felicitatē his, qui pactū cum Deo initū in baptismo, ac legis mādāta seruāt. quam quidē ob rem perpetuus id pijs deberet esse stimulus, quò periculi ab omnib. minimè præuisi admonerent, quodq; marmoreis in ædium aditis inscribi deberet literis: Qui bona egerūt ibunt in uitam æternā, qui mala in ignē æternū. Cæterū ex hebræo uertunt: Fœdus meum, & testimoniū meum. Quæ duæ uoces Euangeliū signant, si ad Ecclesiam eas referas. Si uerò ad Dauid atq; eius successores in regnum, fœdus hīc erit priuatum, testimoniū autem lex generalis. Et hæc omnia ad perfectionē attinent fidelium.

Quoniā elegit dominus Sion, elegit eam in habitationē sibi. Hæc requies mea in seculum seculi, hīc habitabo quoniam elegi eam.

Perpende quomodo paulatim Vates ad exprimendā Ecclesię tum electionē, tum perpetuitatē, descendit. De religione quidē illa ueteri synagoge, minimè id dici potest, quòd in seculū seculi in ea requieuerit Deus. Reiecta penitus suam ob impietatē, atq; ut inquit Eusebius, ob sacerdotū auaritiā & ambitionē, Hierusalē, reiectus est & illius cultus, nouaq; introducta est per Christū religionis forma, pura scilicet, atq; illius sanguine, tum nimia, qua occubuit, dilectione, cōsecrata. atq; hæc quidē præter omniū spem & expectationē. Nanq; ex Dei electione Christo cōiuncta est Ecclesia, ex quo suam ineffabilē cōmendauit in nobis Deus charitatē, ut inquit Paulus: quoniā cū adhuc peccatores essemus secundū tempus, Christus pro nobis mortuus est. Itaq; ex electione ac Dei charitate in immeritos, uocata est Ecclesia. Vnde nō absq; ingenti est mysterio, quod hīc ex hebræo uertunt: Quoniā elegit dominus Sion (en electio) cōcupiuit eam (ecce amor) in cathedrā sibi. Quare sic Paraphrastes: Elegit enim dñs Sion: sic amauit eam, ut habitare constituerit in ea. Sed ornatū intueamur sponsā istiusmodi gratuito, ad sponsi amplexus admissę: intueamur, inquā, sponsi erga illam munificentia, atq; profectam ab amore liberalitatē. In primis, inquit,

Viduā eius benedicens benedicā, pauperes eius saturabo panibus.

Volunt hī, qui interpretis lapsus nō animaduertūt (*ὁρῶν* pro *χρῶν* legisse uidetur: prima em̄ uox uiduā significat, altera uerò uenationē, seu, ut uertit Fel. cibum uiaticū: ceda est Hebræis) uolunt hī, dico, pro uidua uiri subsidio destituta, animā intelligi, quæ abiecta lege, contēptōq; iustitiæ itinere, suo uiuit arbitratu. Verū à Deo uocata ad uitā, se statim numini cōsecrat: quæ sanè diuina est benedictio atq; amoris signū. Quid, oro, tam insperatū, q; parricidā, adulterū, auarū, scortūq; infame, in purissimū Ecclesiæ sinū introduci, membrūq; Christi effici? Verū, ut dixi, uox hæc cibū huiusmodi, qui uiatorib. suppeditat, significat. Paraphr. annonā interpretať: quare uberē prouentū rerū, quæ ad sustentandū uitę huius exiliū & peregrinationē necessaria sunt, à Deo hīc promittī exponūt.



**C** Et certè legitimis Ecclesiæ filiis non possunt non copiose res ad uitæ usum necessariæ, à cœlesti patre suppeditari. Nunquā uidi, clamat Vates, iustum derelictum, nec semen eius quærens panem. Ideo in sponsi obsequio frigidiores, filiosq; ut eos uocat Paulus, diffidentia, obiurgatos fuisse tunc arbitror, quando sic suos admonuit discipulos Christus: Et uos nolite querere quid manducetis, aut quid bibatis, & nolite in sublimi tolli, hoc est, ne præsentibus minimè cōtenti, copiosioribus, quæ humanarū cupiditatum est natura, inhietis: hæc sanè omnia gentes inquirunt; pater autem uester scit quoniam his indigetis. Vult igitur pater, ut nos, nostrasq; indigentias in illum reiciamus, quippe qui maiori nos prosequitur charitate, quàm liberos nos nostros, aut nostram ipsi propriam salutem. Res, ait, illis ad uictum concernentes abundè suppetent, qui in me confidunt. Præterea

Sacerdotes eius induā saluari, & sancti eius exultatione exultabūt.

Pulchrè is uersus superiori respōdet, quo dictum est; Sacerdotes tui induantur iustitiam, & sancti tui exultent. Saluari, suo more uertit interpret, pro salute. De sacerdotibus id nouæ legis cani non est qui ambigat. Cæterum istiusmodi præfert sensum, salutem induere sacerdotem, quod ita & doctrina & sanctitate ornatus esse debeat, ut futurū beatitudinis statum præ se ferat. Sacerdos quidem in terris imago quædam est bonorū cœlestium; neq; in illo pars ulla cōspici debet, quæ pietatem, quæ dilectionē, quæ Deum tandem, salutem nimirū animarum, non sapiat. Secus uerò quomodo in illorū numerū censebit, de quibus illud canitur spiritus elogium: Vos sacerdotes domini uocabimini, ministri Dei nostri. Nunquid de se illud ritè proferre poterit? Induit me dominus uestimento salutis, & indumento lætitiæ circundedit me. Sanctissimū istud est ostentationis genus, quod nō tantū à suæ salutis cōmodo metiri quis solet, quantū ab illo, quod debet populis, impenso. Ergo à sacerdotibus, tanq̃ ab optimis bene uiuenti formis pendere debent è uulgo cæteri, qui plerunq; in his, quæ fidei sunt, nutare consueſcūt, si sacerdotes, atq; aliī uerbi Dei ministri nō iustitia & salute, sed turpissima uitæ consuetudine induti sunt. Eò quidem loci interdum istiusmodi deuenisse hominū ordinē & numerū uidimus, ut plures omnino essent, quàm ipsi in urbibus ciues, atq; in uillis agricolæ, & hi nōnunquam absq; literis, ac spiritu. Ex quo (malū) illud contingere non nescij sunt (modò scire uelint) episcopi, quod in ædibus ipsis proprijs ne ipsæ quidem consanguineæ uirgines tutæ sint. Quid in alijs porrò ædibus? Ad tantam enim impudentiam nōnullos proſecuisse ferunt parochos, ut hinc illos sacra agere, illinc infantes in concubinae gremio uagire audierint. Hos certè malæ fidei antistites & pastores, iustitia nūquam indutos esse dixero, & salute, è quorū moribus in greges mors ipsa desæuiens haud secus exire solita est, atq; ex antro horrido in uiatores latro, aut è ne more in armenta lupo. Res tamen non prorsus desperata uidetur, si dicæcesani, ut audio, præsules ad tam patentia templorū portenta nō cōniuent. Sed ad psalmum, ad puriores Dei administros, ad candorem Ecclesiæ reuertamur.

Illuc producam cornu Dauid, paraui lucernam Christo meo.

Diurnitatem uirtutemq; spiritus, quæ in Ecclesia per Christum florere debet, ostendit. Ibi florere faciam cornu Dauid, uertunt ex hebræo. Cæterū cornu in scripturis, quod aliàs annotauimus, pro robore, uictoria nōnunq; gloria, regno, amplitudine, potentia, maiestate tandem sumi solet. Sic Iob suum se cornu in puluerem deiecisse dicit: hoc est, regium fastum, atq; omnia quondam magnifica se abiēcisse fatetur. Hæc sanè omnia, mirum quàm copiose exuberēt in Dei regno, si tamen in spiritu cerni datur. Gloria uerò illa, pompæq; & maiestas, quæ superbissimū in modum inſoleſcimus in regnis ac rebus pub. mundana omnino est, & periculosa. De istiusmodi nō loquitur hic Vates: sed de illa, cuius uirtute




tute animę à mūdo separantur, cū altera illa à Deo hominē facilē separet, mūdoq; fortissimis ambitionis atq; arrogantię clauis affigat. Augebo, inquit, pro-  
rogaboq; potentiā & dignitatē in regno Dauid. Quæ quidem dignitas tametsi  
in lesse filio temporaria fuerit & caduca, in Christo tamē atq; eius membris stat  
solida, renouaturq; de die in diem in spiritu. Stupidi nimium fumus, si pulcher-  
rimam Ecclesię uiriditatē, qua incomparabilē sibi uindicat dignitatē & gloriā,  
non saltem fide comprehendimus, simulac nusquam non desit fax spiritus, quā  
mens irradiata, nihil tam altum reconditumq; inuenitur, quod fide non assequa-  
tur, alioqui frustra illud addidisset Deus, Adornaui lucernam Christo meo. Ve-  
rū lucernam hīc positam alio sensu pro posteritate arbitrantur, in qua proge-  
nitorum imagines, tanq; in lychnijs accensę thryallides, uiuūt. Non sanē infre-  
quens est in scripturis, huiuscemodi appellatione posteros nuncupari. Vide an  
illud in cōminationibus Salomonī à Deo factis ad hunc intelligi debeat modū:  
Auferam, inquit, regnum de manu filij eius, & dabo tibi decem tribus, filio au-  
tem eius dabo tribum unam, ut remaneat lucerna Dauid seruo meo. Illud rur-  
sus de impietate Hieroboam loquens: Propter Dauid dedit ei dominus Deus  
suus lucernā in Hierusalē, ut suscitarēt filium eius post eum. Ergo lucerna Chri-  
sti in Ecclesia sunt illius posterī, qui ex Deo nati sunt, qui etiā quæcūq; agant,  
aut cogitent, aut scribant, suum referunt progenitorē, felicissimamq; illius re-  
presentant imaginē. Parata quidem hęc fuit lucerna à patre suo unigenito ante  
orbis molitionē: quam sanē propterea usq; ad mūdi ipsius occasum lucere ius-  
sit, ut suo hīc in regno essent, qui filij sui dilectissimi præsentiā uitæ sanctitate re-  
ferrent. Felicem illum, qui tali dignatus appellatione, nihil quod tenebras ob-  
ducat, in se esse patitur. Is quidē istiusmodi se habebit modo, ut dixi, uirescetq;  
in dies magis, atq; in edificiū corporis Christi coalescet; lampades uerō fatua-  
rum uirginum extinguentur. Ideo subinfertur:

Inimicos eius induam confusione, super ipsum autem effloreat san-  
ctificatio mea.

Ex hebræo: Super ipsum autem florebit diadema, seu ornamentū. Vnde sic  
Paraphrastes: In capite illius fulgebit diadema. qua utiq; periphrasi splendorē  
regiū perpetuū duraturū in Dauidis semine, qui Christus est, innuere uoluit,  
Putant doctiores pro eodem accipi, & cornu Dauid, & lucernam, & diadema;  
nempe regiam potestatē atq; splendorē in Dauid posteris nunquam desiturū.  
quod quidem uaticiniū in Ecclesia quotidie perfici uidemus per Christi spiri-  
tum, qui nostrā pignus est hæreditatis, ut inquit Paulus, in redemptionē acqui-  
sitionis in laudem glorię ipsius. Impijs uerō terror est & interitus. Quare non  
absq; ratione dictum fuit ab eo: Inimicos eius (Christi uidelicet) induam confu-  
sione. Possunt certē non nihil in hoc mundo tyranni contra Ecclesiam, atq; pro-  
borum uitam; possunt heretici, possunt obloquutores, inuidi, superbissimiq; re-  
ligionis ministri. Verū istorū minæ iniurięq; temporarię sunt, somnūq; per-  
similes aut fumo, idcirco à spōsa ludibrio habitę. Breui enim, cū uisum fuerit  
sponso, molestissima huiuscemodi monstra dissipabit altissimus, pudoreq; ac  
confusione, tanquam infamię lacerna & pallio circumamicta, interficiet spiri-  
tū oris sui. Cui laus sit æterna. Amen.

PSALMVS CXXXIII. Canticum graduum Dauid.



Cce quā bonū & quā iucundū, habitare fratres in unum,  
Pacato regno, sedatisq; bellorum dissidijs, atq; propterea accita in-  
ter ciues concordia, carmen hoc mutuis cecinerunt adhortationibus  
sacerdotes inter sese, canuntq; assidue hī, qui Dei spiritu renati nihil antiquius  
habent & quærunt, quā ut unum sit cor, unaq; uoluntas, atq; unum omnino



c studium inter Dei filios, quos istiusmodi hortatur uerbis Apostolus: Solliciti seruire unitatem spiritus in uinculo pacis, unum corpus, unus spiritus. O uerè aureum dogma & diuinum. Et ut uerissimum illud sit, quod nec ethnicos quidem ipsos latuit autores, concordia scilicet res paruas crescere, discordia etiam maximas collabit: istud non minus uerum quàm necessariū, membra unius corporis inter se dissidentia quamprimum interire. Ita sunt sanè omnes sub Christo merentes, illiusq; facti per fidem membra, qui caput est, ut inquit Paulus, ex quo totum corpus compactum & connexum, per omnem iuncturam subministrationis secundum operationē in mensuram uniuscuiusq; membri augmentum corporis facit in edificationē sui charitate. Hanc quoq; spiritus doctrinam diuus nō ignorans Benedictus, suam ita hac de re promulgauit legem: Infirmi tates mutuas siue corporū, siue morum, patientissimè ferant, Obedientiam sibi certatim impendant. Nullus, quod sibi utile iudicat, sequat, sed quod magis alteri. Potest ne quicquā tam sancto addi secreto? Hic quidem (nec falsus sum) totam naturæ legem innouari uideo. Quid illud? Deum, inquit, timeant, Christoq; omnino nihil præponant. En Euangelicæ disciplinæ summa & perfectio. Diuus etiam Bernardus non rarò res has tantas suo quoq; tempore in monasterijs refrixisse queritur, atq; adeò acerbè in transgressores inuehitur, ut maledictiæ notam ab improbissimis mea etiam ætate hominibus non euaserit. Sic semper in terris candor animi fuit inuisus & odiosus. Quid de me dicerent homine omnium ignauissimo in Dei obsequio, si eadem, quæ tam sanctus antistes de suæ ætatis monachis dentatus scripsit, ac questus est, ego de præsentibus & modicè & uerecundè mandarem literis? Verum interim quòd turbæ ex Heli cacabo atq; olla deferueant, nos qui in causa sumus, sed liberari cõtendimus, uelimusq; nolimus rem optimam esse concordiam fatemur, unà cum puris illis animis, de quibus ille meritò celebratur uersiculus, Sacerdotes tui induantur iustitiam, & sancti tui exultent, clamemus: Ecce quàm bonum & quàm iucundum habitare fratres in unum. Quid bonum? quid iucundū tantūmodo? Istuc omnino optimum est, atq; id quidem, quo uel solo ex hominibus dii efficimur. nam sanè quidē nihil aliud eternas esse beatorū sedes arbitror & domicilia, aut, ut illas uocat omniū magister, mansiones, quàm cōmunis omnium in Deo cōfessio, unusq; animus, amor unus, ac pax. Sanctissimū id igitur est, cū homines simul uno connexi charitatis nodo, uniformi uiuunt uitæ genere. Turpissimum uerò illud, cū discordijs inter sese obortis, dissipato uiuūt animo. Non est, puto, tam nigra apud inferos regio, quæ queat cum huiuscemodi uitæ caligine comparari. Ita nihil amœnius concordie fratrum uita & quiete. Quocirca unguento illam preciosissimo assimilat spiritus dicens:

Sicut unguentum in capite quod descendit in barbam, barbam Aaron, quod descendit in oram uestimenti eius.

Is unus est uersus Hebreis, alioqui interruptus esset sensus. Comparat igitur fraternam concordia (fratres omnes sumus quotquot credimus) unguento illi Aaronico, nempe sacerdotali, cuius forma in Exodo disertissimè describitur à Mose. Eo quidem nō solū sacerdotes, atq; illorum liberi inungebant, uerum etiam tabernaculū, arcæq; testamenti, atq; uniuersa omnino religionis uasa, & supellex. Hoc oleū, inquit, unctionis sanctū erit mihi in generationes uestras. Gratiarū porrò cœlestiū id erat oleum, quo homo, ut in lege cauetur, haudquam ungi debet. Caro, inquit, hominis non ungetur ex eo, cuiusq; liquor in misericordie pyxide seruat in generationes prorsus uenturas absq; fine in Deo. Illud itaq; effusum super caput Aaron, odoratissimo à uertice per frontē ac barbam demanās riuulo, ad extremam usq; oram chlamydis descendebat: quo quidem pigmenti illius fluxu, mira passim sentiebatur odoris fragrantia. Tota ipsa



Atum demum religio suauissimā quandam sanctitatis maiestatem spirare uidebat. Ita sanè sunt Christianorum cœtus, inter quos cor unum est atque anima, in Dei cultu & religione. Ad hæc, capiti propiores qui sunt, hi ad barbam attinent sacerdotis. Siquidem spiritus oleum est regio sacerdotalis Christi uertice defluens, barbā primū occupat, pectus deinde, atque ad ima sensim delabit. Namque uarij in Ecclesia constituti sunt gradus, ipseque, ut impleret omnia, quosdam dedit Apostolos, quosdam autē Prophetas, alios uerò Euangelistas, alios autē pastores & doctores, ad cōsummationem sanctorum in opus ministerij in edificationem corporis Christi. Elegans profectò metaphora, atque ad ostendendum uitæ odorem in sanctis Dei magnopere apta. Cui tamen alia subinde non minoris efficacis adiuncta est à Vate, adeo copiosissima penè obruimur mysteriorum ubertate.

Sicut ros Hermon, qui descendit in montem Sion.

Est quidem, inquit, concors hominum conuictus gratijs æquæ omnibus abundans, ac quauis spiritus pinguedine beatus, atque ros est qui descendit in montem Hermon, atque ille qui descendit in montem Sion, loca nimirum ob felicissimum, frequentemque proris illapsum fecundissima, proinde pascuis comoda, atque à gregibus frequentata. Cæterum Hermō mons est ultra Iordanem positus, statio, ut dixi, propter herbarum copiam à pastoribus frequenter. Sion uerò mons notus est, ad cuius radices sita fuit Hierusalē. Hisce enim montibus propter fertilitatem absimiles haudquaquam sunt unanimes in Christo fideles: cum Cauaso porro sterili, aut Pyrenæo monti, niuosoque Atlanti, cōparari possint dissidiorum fautores, atque inter se rixantes. Et si enim quæ hinc dicunt de concordia, ac unanimi fratrum cōsensione, à nonnullis ad monasteria tum uirorum tum mulierum duntaxat referri uident, nihilominus ad omnes pertinere arbitror, qui in Ecclesia Christi uitam uiuere tranquillā modis omnibus inquirunt, siue monachi hi sint, siue patres familiars, siue in quouis alio uitæ genere occupati. Tam quidem in rebus publicis, Christianorum, atque in priuatis ciuium ædibus necessaria est pax & concordia, quam in ipsius religiosorum domicilijs. Nullo quippe pacto res spiritus uniuersales ad has angustias obtrudi debent, ne homines, ut uocant, seculares se à suauitate Evangelica reiectos esse doleant; aut ubi uitæ perfectionem expectari par fuerat, nihil minus interdum conspici detur. Gratia quidem Christi res est uniuersalis, omnes inuitat, omnes admonet, omnes trahit, omnes amplectitur.

Quia illic mandauit dominus benedictionem, & uitam usque in seculum.

Vbi pax est, atque amor mutuus. Ab istiusmodi quidem gratiarum copia atque ubertate nemo excluditur, non rex, non princeps, non miles, non mercator, non sutor, non faber, non ipsa demum paupercula ducens est colo stuppam anus. Illic, inquit, ubi istud uiuendi genus, nempe cōcors atque uniforme cum Deo inuentum fuerit, suam præstò adesse beneficentiā, uitamque beatam, ac perpetuam duraturam, præcepit Deus. Cui laus sit in secula. Amen.

PSALMVS CXXXIII. Canticum graduum.



Cce nunc benedicite dominum omnes serui domini, qui statis in domo domini, in atrijs domus Dei nostri.

Inter Dei ordinationes, quas Aaron in functione sacerdotij cœlitus audiuit, illa fuit: Sint tecum Leuitæ, & excubent in custodijs tabernaculi, & in omnibus ceremonijs eius. Eam ob rem hunc psalmum ad eos noctis potissimum tempore exuscitandos directum esse censent quidam. Verum cum uocem hanc uniuersalem poni uideo, de cunctis hinc dici arbitror, qui dies noctesque quibusdam maxime statis diebus in templo morabantur: quare prima uix facta omnibus admonitione, à Vate inferi: Qui statis in domo domini, in atrijs domus Dei nostri in noctibus. In atrijs domus Dei nostri, non est in hebreo, sed solummodo, qui statis in



c domo domini in noctibus. Iam cunctis omnino, qui coelestibus die noctuq; dant operam contemplationibus, compertū esse potest, quā cōmodum sit cōtemplationi silentiū, atq; propterea nocturnū tempus. Per diu quidem rarō eō ob strepitus conscendere apti sunt, quō sancto iam attriti usu & cōsuetudine, facile de nocte conscendunt. Mirum quantum tranquille officiant uitae diei turbæ. Ideo non nouum id esse debet ignauis, atq; insolitū, si quando tum à Dauid, tum à ceteris quoq; spiritus sancti uatibus se audiūt moneri, ne quietissimo noctis tempore abutant, totumq; dedant somno, ne dicam ludis, iocisq; scurrilibus, ac iunctis cum libidine comellationibus. Parasitorū lenonumq; hæc est uitae ratio, & meretricū: haud illorū quidem, quibus quantū æstimandū sit tēporis beneficiū, perspectum est. Eia, inquit, o uos qui serui Dei, quiq; illius religionis cultores uideri uultis, quid totas stertitis noctes? Vos, inquā, qui in domo Dei, ubi lux est fidei excubias agere decreuistis, appello. En surgite, en laudibus Deum extollite. Si interdum id integrè propter diei strepitus peragi nequit, en nox ad illud assequendū idonea. Paulò diuersum hūc reddit sensum Paraphrastes, pium tamē & sanctū. Nunq; illum, inquit, satis laudare poteritis, etiā si totas noctes in templo domini laudantes perstiteritis.

Extollite manus uestras in sancta, & benedicite dominum.

Veterem adorandi morem Iudæorū non omittens Propheta, ad ueriora nos sancta sanctorum introducit. Deprecaturi tum quidem, & manus, & oculos, & uocē quoq; illò supplicabundi dirigebāt, unde diuina dari responsa arbitrabantur. Id loci sancta erat arca & propitiatorium, quibus adumbrabatur Christus & Ecclesia. Qui enim altiori præditi erant spiritu, nescio quid sanctius in manufacto illo cernebant opificio, fore aliquando, ut in Christo umbrarum ueterum termino orbis planè uniuersus, nedum angustus terrarum angulus, ueretur. **D**rat Iudæa, aspiceret, gratiasq; ab illo hauriret. Huc absque dubio spectauit Vates, quando suos adhortabatur populos hoc modo, ut hic uides: Sustollite, inquit, manus, ut moris est, ad sanctuariū, arcamq; fœderis, ac quanto potestis studio & nisu, dominum laudibus efferte. E regione autem

Benedicat te dominus ex Sion, qui fecit cœlum & terram.

Quidā hīc uertit, uos. Dabit uos, inquit, dominus de Sion. Siue te, siue uos legere libeat, idem omnino erit sensus. Etenim optat Vates, ut bene illis sit à domino ex Sion (ea est Ecclesia) qui in illo toti sunt, quomodo à mundi amore atque occupatione alienati, arca illi cœlesti, nō quæ olim in tabernaculo bracteo-  
lis contexta aureis uidebatur, sed quæ in cœlis, opificio nimirū Dei, & creatione, templo sanè nulla elaborato hominū arte, ad dexteram Dei patris suam nata est sedem, æternam nimirum, atq; hostibus Ecclesiæ formidabilem, quoniā illius mansio est qui fecit cœlum & terram, obsequi possint. Cui honos sit perennis in secula seculorum, Amen.

PSAL. CXXXV. Halleluia.



Audate nomen domini, laudate serui dominum. **Q**ui statis in domo domini, in atrijs domus Dei nostri. Laudate dominum, quoniam bonus est dominus: psallite nomini eius, quoniam suaue.

Quamobrem hunc psalmū cōposuerit Dauid, nulla certa est coniectura. Verum quantum ad inscriptionē attinet, coniectare licet, uel hunc, uel ceteros huiusmodi notatos titulos, ad celebrandas Dei laudes, renouandamq; beneficiorum Dei memoriam, in populo illo ingratiſſimo, atque adeo in deorum cultum mirum in modum prono, institutos. Magnum id est improbitatis signum, beneficiarj animum in benefactorem obdurescere: uſitum sanè haud rarō Iudæorum



rum populo cum à prophetis, tum à Deo ipso obiectum. Quantum porro nos Iudæis in hoc peccati genere præstemus, maiora in nos, quam in illos exhibita testari possunt Dei beneficia. Nos amentes, si nondum tantarum gratiarum cumulus, uel dormiētibz innotuit: imò uerò notum auersamur, dissimulamuscq; ingratiſſimi illius munera: hincq; ortum habet, quòd ad Dei laudes frigidò omnino sumus, ad nostras uerò igne ipso flagrantiores. Quare non mirum esse debet, si nobis nostris in æumnis & miserijs, non est, neq; in cœlis, neq; in terris, qui misericordiam præstet. Condita iam omnia in nos obduruere, quemadmodum nos in Deum. Exuendū itaq; iam tandem istuc est cor lapideum, atq; ad diuinum amorē, cuius uirtute etiam ipsæ mansueſcieri possent Tigres natura duræ & intractabiles, assuefaciendum. Etenim à suauissimo cœlestium rerum gustu propulsi, quē alium cibum, quo nostra hæc infelix sustentari queat uita, operiemur: Iam pro maximo erit lucro, si à spīritu ad laudandū Dei nomen inuitati, lenem saltem præbuerimus auditū. Laudate, inquit, nomen domini, laudate seruidū, qui statis in domo domini, in atrijs domus Dei nostri. Laudate dominum, quoniā bonus est dominus, psallite nomini eius, quoniā suaue. Hæc sunt quæ potissimum in Deo laudanda uidentur: bonitas, seu clementia, & suauitas, qua etiam crucis amaritudo fit dulcis & delectabilis. Porro serui Dei omnes generatim credentes intelliguntur: qui uerò stant in domo dñi, in atrijsq; illius perseuerant, pro illis usurpant, qui speciali atq; adeò feruentiori cultu diuinæ uacant religioni, ut olim erant sacerdotes, leuitæ, quicq; in tabernaculo assiduus excubare consueuerāt uigilijs. Quem sanè morē imitari uelle cernimus frequentia illa per orbem interſpersa cœnobīa, ad tranquilliorē quidē uitę usum à maioribus inuēta, maximoq; erecta fidei seruire & disciplina: in quibus si pristinus cādor animi, ac pax, in qua mutua necessariò inest charitas, seruat, nō est quam obrem angelorum desideretur in terris uita & conuersatio. Ait itaq;: Vos omnes, ô qui diuina initiati estis religione, moneo, hortorq; ut Deum, quanto ualeatis studio, laudibus efferatis: sed uos in primis, quibus præcipua sacrorū peragendorū cōcredita est cura, cultusue purior. Agitedum, laudate Deum quotquot illi uestra dedistis nomina: laudate, inquam, illius bonitatē, prouidentia, facilitatem, in miserosq; clementiam. Siquidem bonus est dominus, suauis, atq; apprimè misericors. Ab istiusmodi enim irrigationibz. tanq; à felicissimis inexhausti fonti riuulis, in nos natura steriles bona omnia deriuat tam bonus pater.

Quoniam Iacob elegit sibi dominus, Israël in possessionem sibi.

En quomodo crebrò in sacra lege fit electionis mentio. Laudibus itaq; prosequendus est dominus ob id potissimū, quòd gratis Israël in peculiarem sibi populum, cuiq; infinita suæ benignitatis signa præbuit, elegit. Suapte, inquam, sponte Israël (idem est qui & Iacob) populū nimirū Israëliticū, ut esset illi uelut ornatus quidam rarus, ac gemma, à cæteris secreuit: uoluit quidē eum suas esse diuitias, suam hæreditatē, suum patrimoniū. Aliàs diximus non rarer Israeliticū populum credentiū adumbrasse, quem, ut hīc uides, ab inquinata profligatorum illuue cœlestis ab æterno delegit pater.

Quia ego cognoui quòd magnus est dominus, & Deus noster præ omnibus dñs.

Aliam adducit causam, cur laudandus sit Deus. Quia, inquit, egomet noui, haud raroq; expertus sum, quòd magnus est dñs, quòq; cæteros reliquarum nationū deos potentia sua infinita superat. Valet perinde atq; quicquid potentia est rarioris infinitò antecellit: quandoquidem

Omnia quæcūq; uoluit dominus fecit in cœlo & in terra, in mari, & in omnibus abyſſis. Educens nubes ab extremo terræ, fulgura in pluuiam fecit, & producit uentos de thesauris suis.



- C Hic cernis quomodo nequaquam ociosum sit uerbū, cognoui. Etenim ex illius operibus Dei magnitudinē se comprehendisse asserit Propheta: fateturque quod solus is demū sit, qui quaecūque libet, siue in cœlis, siue in terris, siue in mari aut lacubus fluminibusque altioribus, operatur. Abyssos pro uortiginosis, miraque profunditatis aquarū alueis posuisse uidetur. Quare sic Paraphrastes: Potestatem habet in uatissima illa maria, & in omnia quæ usquā obstrusa latent, & in locis profundissimis. Diuus uerò August, cuncta hæc suo more ad allegorias pertrahens, abyssos profundissimas humani cordis cogitationes interpretatur, sanctissime id quidem. Cætera quoque de ipso, quid scilicet præ se ferat cœlū, quid tellus, quid mare, diligens poterit lector cognoscere. Meū est institutū à literę serie nō nisi coactus discedere. Iam quid ē cœlorū influxu ac ministerio proueniat, quod magis admiranda appareat Deipotentia, aperit. Educit, inquit, seu eleuat, ut ex hebræo transferūt, exhalationes & uapores ex abdītis terræ uisceribus, quæ longissimo dissidet à cœlis interstitio: cogitque in nubes, unde ortum habent uenti, tonitrus, fulgura, fulgetraque, & id genus alia, ut sunt niues, grandines, rosque illud herbis gratissimū, ac pluuia. Ab extremo terræ interpretantur, ut diximus modò, Hebræorū doctiores, quantū nō me præterit ad mare illud referri ab alijs, eò quod ex illo nubes oriri uideant: namque ex mari cum densa exeāt, attollantque exhalationes, nimbosos illos, quos in aëre circūferri cernimus, procreāt globos, & qui bus præcípites erumpūt pluuia, caduntque grādines, agrorū nimirū exitiū & calamitas. Cæterū fulmina pluujs, ignēque aquis cōmiscet, quod rei miraculo haud dissimilis admoneamur, ignē scilicet in tam uasta aquarū mole nō extingui, imò excitari. Nōne illud terrificū, stuporemque omnē mortaliū superās uidetur, ignē inter largissimos sæpe nimbos emicare, fulguraque latē omnia cōflagrantia profligare, ac tandē uentos alterno ueluti impetu ē recōditissimis terrę locis, tanquam à Dei thesauris prorueret, atque horrendū in modū cuncta cōmiscere murmure ac stridore: E thesauris Dei uētos afflare asserit idcirco, quia incerta omnino est illorū origo, ut ferē sunt thesauri. Quocirca naturæ effector de uento similitudinē afferens in Ioanne, sic ait: Spiritus ubi uult spirat, & uocē eius audis, & nescis unde ueniat, aut quod uadat. Proinde somnijs philosophorū omissis, hæc omnia à Dei potentia atque arbitrato, cui soli rerum istiusmodi notæ sunt origines & causæ, proficisci fateamur. Audi & alia summæ potestatis argumenta in Deo:

Qui percussit primogenita Ægypti usque ad pecus, & misit signa & prodigia in medio tui Ægypti, in Pharaonem & in omnes seruos eius.

Summatim quæ gessit Deus in gratiam populi illius ueteris perstringit, quæ tamē aliàs copiosius edisserit, nempe insigniora, in quibusque summæ illius tum potentia, tum bonitatis reluxerūt indicia. Vsq̃ ad pecus, addidit, quod maiorem exprimeret calamitatem.

Et percussit gentes multas, & occidit reges fortes. Seon regem Amorrhæorum, & Og regem Bassan, & omnia regna Chanaan. Et dedit terram eorum hæreditatem, hæreditatem Israël populo suo.

- Hic fuit Seon ille ferocissimus, qui expulso Moab illius regnum occupauit. Hincque illud iactari cœptū est uulgo prouerbij loco: Venite in Efebon, edifice & construat ciuitas Seon. Qui tamē à Dei exercitu superatus interiit. Og uerò Bassan rex ē Seon interitu perterrefactus fortunam belli tentare uoluit, in quo & ipse, & illius liberi, cum totis copijs infelicissime occubueret. Verū ne militum robori, quod gestum fuit, adscriberet quispiam, uide quid Mosi Israëliti exercitus imperatori dicat Deus: Ne timeas eum, quia in manum tuam tradidi illum, & omnem populum ac terram eius. Atqui robur id est in primis, quo armati nostri debent esse principes, qui in Turcas expeditionem adornant, ne suis duntaxat fidentes classibus, aut uectigalibus uel exactis, & munitionibus, littora



**A** littora illa crudelia Christianorū sanguine madere faciant. Vidi equidem reliquias illas miseras militū ē fluctibus sub Cīrthæ (Argiriū uocant) oppugnationem eiectas, oras has nostras applicuisse, onustas quidē uotis, quibus sese seruat arbitrabant. Ceterū uerò nulla uitæ correctio, nulla religio, nulla exactio-  
num remissio: nam quas aduerso Marte aut tempestate amiserē fortunas, furtis eas actutum, latrocinij, ac pauperum bonis resarcire adorti sunt. Scilicet imminētem barbarorū cladem ab armato impietate milite perfractum iri nostri opinatur principes. Superbissimis itaq; profligatis, duce Deo, à Mose regibus, illorum regnum, ut fuerat pollicitus, ac terram dono dedit perinde atq; illius esset patrimonium, atq; sperata à maioribus hæreditas, populo suo charissimo.

Quapropter

Domine nomen tuum in æternum, domine memoriale tuum in generatione & generationem, quia iudicabit dominus populum suum, & in seruis suis deprecabitur.

Memoriale tuum: clarius ex hebræo, memoria tui, uertisset interpret. Rursus, iudicabit populum suum, pro populo suo. quare sic Paraphrastes: Suscipiet dñs patrociniū causæ populi sui contra aduersarios. Iudicabit igit̃ pro populo suo. Iam illud omnino malè uersum uideť: Et in seruis suis deprecabit. Quod si deprecationis uocem hīc locū habere existimauit interpret, exorabit potius, ut ex græco transferunt, uertendum fuerat: hoc est, ad preces populi sui facilis erit, sineq; se exorari. Ex hebræo tamen, cōsolabitur, reddunt. Videtur id eum ad modum dictum, quo illud Dei in Esaia: Eia, inquit, consolabor me super hostibus meis, & ulciscar de inimicis meis. Apparet enim tum Deus affici consolatione, cum nostra ulciscitur scelera; quemadmodum dolore, cum à nobis peccando irritat̃. Anthropopathia est, quod aliàs admonuimus. Sumpta enim de illo, cui male uult, pœna, uoluptas est homini irato ac sæuo. Intelligit igitur hīc Vates, Deum tandem longis satiatū suorū plagis, iri placatū. Ideo sic uertit quidam: Erga seruos suos placabilis erit. Itaq; propter immensa illa, atq; adeò infinita tuæ benignitatis signa in populū tuum exhibita, propter portenta, propter summā in moderandis illorum rebus prouidentia, tuum erit nomen æternum: memoriaq; rerum sic per te in tuorū gratiā gestarū, à generatione in generationem perpetua trāsibit successione. Si quidē tuos semper ab impijs tutatus es idcirco, quod cum illis in gratiā reuersus, in clemētissimo tuę pietatis sinu eos plagis diutius uexatos purgatosq; tanq; rem tibi charissimā collocasti. Ceterū

Simulachra gentium argentū & aurum, opera manuum hominū. Os habent & non loquentur, oculos habent & non uidebunt. Aures habent & non audient, neq; enim est spiritus in ore eorum. Similes illis fiant qui faciunt ea, & omnes qui confidunt in eis.

Vates considerata Dei potentia, atq; erga omnes, qui ad illum confugiunt, dilectione, facilitateq; ad opitulandum illis qui ueram amplexantur religionē, uanitates deridet Gentium, quæ inanimos, nulliusq; omnino sensus ac uirtutis deos sibi effingunt atq; adorant. Hæc planè ad uerbum in alio habentur psalmo, ibiq; explicata sunt.

Domus Israël benedicite dño, domus Aarō benedicite dño, domus Leui benedicite domino. Qui timetis dominū benedicite domino.

Deriso superstitioso gentium cultu, hortatur quotquot ueræ addicti sunt religioni, ut propter antedicta cœlitus beneficia Deum laudibus, ut meritis est, extollant: sed primū Israëlē, totum nempe populū: sacerdotes postea, quorū princeps fuit Aaron: Leuitas deinde, ac postremò cunctos Deū timētes. Quod Aaron primū meminerit, Leui postea, qui eiusdem erant tribus, id cōsulat





C factum uidetur, quò quis autor fuerit tribus Leuiticæ innotesceret. Is Levi fuit, non Aaron: sed is dignior, ideo primum à Vate ponitur. Vos igitur posteri Iacob, uos posteri Aaron, uos posteri Leui, uos quibus diuinus cordi est timor, laudate dominum, illiç gratias agite. Siquidem

Benedictus dominus ex Sion, qui habitat in Hierusalem, halleluia.

Vide quàm cautè Vates à more antiquo adorandi non discedens, Ecclesiæ dignitatē effigiat. In Sion quippe monte erat templum, in quo propitiatoriū, sedes utiq; Dei, mira seruabatur religione. Vnde hic ex Sion, loco nimirum unde cœlestia audiebant respōsa, promissionesq; illæ numinis frequētes, ac minç interdum uenerādo quodam prodibant silentio, laudandū esse Deum fatetur, cuius certa atq; adeò æterna futura esset māsio in Hierusalē, quæ Ecclesiæ fidei typus fuit ut sacer, ita illis, qui cæteris è uulgo hominibus uitæ sanctitate præstabant, exploratus. In quā quidem Ecclesia perpetuū se fore ueluti ciuem, non semel testatus est benignissimus seruator. Cui laus sit perennis. Amen.

## PSALMVS CXXXVI.



Confitemini domino quoniam bonus, quoniā in seculum misericordia eius.

Hæc laudis oda unā cum multis eiusdem est argumenti: Deum scilicet quia bonus est & clemens, laudandū esse. Et ut quidem omnes ad id muneris pertrahat prudētissimus Vates, nōnulla quæ Deus in prima mūdi effectione exhibuit beneficia, atq; mox alia, commemorat. Hoc idem prorsus precationis exordium suum edocuit exercitum rex Iosaphat, qui pugnaturus cum posteris Moab & Amon, sic suos hortatus est milites: Credite in dño Deo uestro, & securi eritis. Credite prophetis, & cuncta euenient prospera. Deditq; consiliū populo, & statuit cantores domini, ut laudarent eum in turmis suis, & antecederent exercitū, ac uoce consona dicerent: Confitemini dño quoniā bonus, quoniam in seculū misericordia eius. Vides ne quo in primis armorū genere suos armari uoluit milites tam pius rex: fide nimirū, ac prōpto laudādi Dei studio & affectu. Quò nō irrūperet istiusmodi instructus armis miles? Verūm alio se habet nunc modo disciplina militaris. Vidi interdū milites ad numerū tuba accitos, uocatosq; centuriatim ad signa, uno insedisse equo cū scorto: nulla interim à ducibus reprehensio, nulla seueritas, nulla omnino grauitas. Quò abiit synce-  
ra illa militiæ ratio ac disciplina? O uos igitur, inquit Vates, qui diuinorū laud-  
quaç immemores estis beneficiorū, Confitemini dño quoniā bonus, quoniā in seculū misericordia eius. Illud notandū, cuilibet psalmi huius uersiculo addi ex hebræo, quoniā in seculū misericordia eius. Vnde mirū uideri posset, quomodo tam sancta, dicā quoq; necessaria, à psalmo subtrahita sit particula. Tædio (opinor) psallentiū cōsulere maluerūt, nescio qui, choris præpositi, q̄ rei diuinę integritati ac perfectioni. Nulla certè dissimulanda esset ob torporē iniuria spiritus. Sensus igit is erit: Laudāndus ab omnib; est Deus, celebrāndusq; tum ob multa, tum quoniā bonus, quoniā in seculū misericordia eius. hoc est, sicut omnia uirtute superat, & prouidētia, ita clemētia, & bonitate. Namq; omnia hæc æterna sunt in Deo, quocirca æterna illius in nobis debet esse laus & confessio. Ergo

Confitemini Deo deorum, quoniā in seculum misericordia eius.  
Confitemini domino dominorū, quoniā in seculū misericordia eius.

Non id proinde dicit, ut deorū numerū esse opinemur, sed ob id, q̄ qui potē-  
tiores sunt in mundo, nescio quid diuinū præ se ferre uideant. In ipsis em̄ uene-  
randa quedā potentiæ plus quàm humanæ relucet imago, atq; id adeò, si poten-  
tiæ coniuncta sit probitas & clementia; alioqui furor est tyrannicus, si princeps  
exura



exuta probitate quamplurimū potest. Sub hęc Deum deorū illum appellat etiā, quò nulla realia nixi, in ipso solo cōfidere perdīcamus. Dñm rursus domino-  
rū, ne quem alium prater eum timeamus. Iam quę res in terris tam ualida erit,  
quę mentē sic à terræ crassamēto atq; ambitione liberam perterrefacere queat?  
Ille igitur solus, in cuius manu mors est & uita, timeri solet ab his, qui illum su-  
per omnia & amant, & uenerantur. Et

Qui fecit mirabilia magna solus, quoniam &c.

Mirabilia magna, auxesis est. Stupendissima, inquit, operatus est Deus, atq;  
ea quidem ullo absq; extero adminiculo solus.

Qui fecit ccelos in intellectu, quoniam &c.

Hoc est, non temerè aut inconsultò tam pulchram machinā molitus est cœ-  
lorum, sed prudentissimè, exquisitaq; arte & ingenio. Etenim summa in his po-  
tissimum deprehenditur sapientia, uirtus, immortalitas illius.

Qui firmauit terram super aquas, quoniam &c.

De fundamento terræ, quod Dei uoluntatē esse magnus asserit Basilius, in  
quartodecimo dictum est psalmo. Felix tamen, Extendit terrā super aquas, uer-  
tit. Alius item, expādit. hoc est, terrā ab aquis denudās, ipsas seorsum in abyssis  
contra eorum naturā stagnare fecit. Ad illud, opinor, respexit Vates, quo dictū  
fuit à rerum omniū opifice: Congregentur aquæ quæ sub cœlo sunt, in locum  
unum, & appareat arida, quemadmodum & illud quod sequitur:

Qui fecit luminaria magna, quoniam &c.

Quæ istiusmodi fuerint luminaria, actutum aperit.

Solem in potestatē diei, quoniam &c. Lunā & stellas in potestatē  
noctis, quoniam &c.

Creauit, inquit Moses, Deus duo luminaria magna, luminare maius, & lumi-  
nare minus. Maius quidē, ut diei præesset negocijs, ipsumq; illustraret, & persi-  
ceret: minus uerò (ea est luna) ut cum stellis præesset nocti, illamq; mutuatis à so-  
le radijs, ut possent, irradiarent. Lunæ quippe beneficiū ac stellarū, hi sentiunt  
inter ceteros, qui noctu loco peragrant inuia & deserta: hi quoq; qui nauigant,  
qui stellarum suffragio, uel potissimū Cynosuræ, uti cōsuecunt. Vnde non in-  
iuria à rerum effectore est dictum, quòd erunt in signa, & tempora, & dies, & an-  
nos. quanq; horum alia omninò est ratio.

Qui percussit Ægyptū cum primogenitis eorū, quoniam &c. Qui e-  
duxit Israël de medio eorum, quoniam &c. In manu potenti, & brachio  
excelso, quoniam &c. Qui diuisit mare rubrum in diuisiones, quo-  
niam &c. Et eduxit Israël per medium eius, quoniam &c. Et excussit  
Pharaonem & uirtutem eius in mari rubro, quoniam &c.

Nota est historia, quā nihilominus in superiorib. psalmis nōnunq; fustus, q̃  
hic modò fit, tractauimus. Libèter em̃ à nimia earundē rerū repetitiōe diuerto.  
Illud notandū, in brachio excelso, siue extento, inuictā Dei potentiā suo in asse-  
rēdo populo ab Ægyptijs, ostendī. Rursus ex illo Lin diuisiones. Inacti quidā  
occasionē, illud quod afferūt Thalmudici, uerū esse arbitrant. Scribunt em̃ ma-  
re in duodecim tunc sectum partes, quò unaquæq; tribus suam seorsim ab alijs  
haberet uiam. Sed id dictū potius uideē ad exprimendā uastissimā aquarū mo-  
lem illius maris tam latē Dei imperio distracti. Ceterū, excussit Pharaonē & uir-  
tutem eius in mari, clarius ex hebræo sic uertūt nōnulli: Et impulsit Pharaonē &  
exercitū eius in mare rubrū, ualetq; perinde ac si diceret: Ipsum etiā renitētem  
coēgit unā cum exercitu mare ingredi. Tum quidē istud cōtigisse arbitror, quā-  
do rei miraculo exanimati clamarūt: Fugiamus Israëlē, dñs em̃ pugnat pro eo.  
Atq; illo sanè modo, terrifico nimirū & procelloso, suos submersit hostes Deus.



**C** Qui traduxit populū suum per desertū, quoniam in seculum misericordia eius. Qui percussit reges magnos, quoniā &c. Et occidit reges fortes, quoniā &c. Seon regem Amorrhæorū, quoniam &c. Et Og regem Bassan, quoniā &c. Et dedit terram eorum hæreditatem, quoniam &c. Hæreditatem Israël seruo suo, quoniam &c.

Hæc eadem, atq; eodem omnino spiritus ardore, in superiori cecinit psalmo propheta. Traduxit, mitius uertisset duxit, seu deduxit, ut uertit Felix. Cæterū rerum spiritaliū ea est uirtus, ut quibuscūq; propositis, reuocatisq; ad memoriā, syluam illam ingentem beneficiorū Dei considerandā latenti quadam ratione ac modo, perspicacioribus proponat ingenijs. Nam quod canit populū illum Dei manu ex undis ereptum, per solitudinemq; circumductū, atq; potentissimis occisis regibus, illorum bona in hæreditatē Israël cessisse, maximam aperire uideretur rimam ad illa omnia, quæ tunc gesta fuere, peruestiganda: quibus sanè cognitis, mirum quā flagret animus tam potentem, copiosumq; in dona, amare benefactorē: qua luce insolita perlustratus, fateri cogitur, idcirco ammirandas illas in totius generis humani gratiā exhibuisse operationes altissimas, quoniam in seculum misericordia eius; &

Quia in humilitate nostra memor fuit nostri, quoniā &c. Et redemit nos ab inimicis nostris, quoniam &c. Qui dat escam omni carni, quoniam &c. Confitemini Deo cœli, quoniam &c.

**D** Confitemini domino dominorū, quod in fine psalmi nostra habet æditio, nō est in hebræo, sed illud solūmodo, ut uertit Felix: Celebrate Deum cœlorū, quoniam in æternū misericordia eius. Vide igitur quam ob rem mota Dei clementia, tam largum gratiarum sinum in istuc genus nostrum cum olim effudit, tum impresentiarū copiosiori quoq; effundit additamēto. Quia, inquit, memor fuit nostri, & id sanè in afflictione, deiectioneq; & miseria. Sic hoc loco uox humilitatis interpretanda est, ne cū illam uirtutē esse somnies, somnies & illud, propterea nostri miserū esse numē, quod illa præditi fuerimus uirtute, atq; hoc modo gratia amplius non sit gratia, sed merces: ut nōnullos de Christi matre interpretari uideo, quæ cum suam exploratissimā haberet deiectionē, despectamq;, si cum Dei magnitudine conferas, naturam, illud candidissima protulit fide: Quia respexit humilitatē ancillæ suæ. qui sanè sensus ex his, quæ sequuntur, deprehendi potest. Et redemit, inquit, nos ab inimicis nostris: regibus nimirū illis fortissimis, quidæmonum, atq; adeo seditionū, rixarumq; autorum imaginē adumbrant. Verū illud consolatoriū in fine additur, quod noster Deus is sit, qui perpetua suæ benignitatis serie quæcūq; in terris, quæ spirabile saltem uiuunt uitam, alit, pascitq; continuē. Vniuersę, inquit, carni cibum suppeditat. Res certē uel sola, quæ nostram ualida sit emortuā suscitare fidem. Quis talem non amaret dominū: quis similem unq; expertus est benefactorē: Itaq;, confitemini Deo cœli, qui pulcherrimā hanc orbis regionē, cœlorūq; elegantissimā fabrefecit machinam, quoniā in æternū misericordia eius. Siquidem ab illo dimanarunt fonte, manantq; quotidie inexhausti gratiarū riui, quibus obrutæ electorū animæ infaniunt propemodū in Deo, uiuuntq; in illo magis quā in se: cuius amore percite, atq; in silentissima illa perpauca cognita diuini amoris caligine immerse, sopore profundissimo in sponsi amplexu, ubi sedes est amoris, atq; ecstasis, emoriuntur. Cut laus sit æterna. Amen.

PSALMVS CXXXVII.



Vper flumina Babylonis illic sedimus & fleuimus, dum remur tui Sion.

In hoc psalmo Vates futuri excidij Hierosolymorum, atq; exilij illius fa-



lius famosi Iudæorū apud Babylonios sub Ioachim rege prædicit calamitates. Nanq; rex ipse cum peccasset, diuina statim destitutus fuit ope; quocirca à Nabuchodonosor captus, unā cum primarijs urbis hominibus & sacerdotibus abductus est captiuus, nihilq; relictum est in ciuitate, ut sacra refert historia, exceptis pauperibus, qui tamen & ipsi non adeò multò pòst sub Sedechia rege, ceteros sequuti sunt. Obtruncatis porrò filijs regis, atque effossis ipsius oculis, incensoque templo, ac dirutis urbis mœnijs, luctuosa facta sunt omnia, & mœsta. Omnem, inquit, domum combussit igni, & muros Hierusalem in circuitu destruxit omnis exercitus Chaldæorum. Reliquam autem partem populi quæ remanserat in ciuitate, & profugos qui transfugerant ad regem Babylonis, & reliquum uulgus transtulit Nabuzardan princeps militiæ, & de pauperibus terræ reliquit uinitores & agricolas. Atque hoc sanè modò superbissima cecidit Hierosolyma. Vnde non immeritò miserabilē illius flens casum Hieremias, sic queritur: Facta est quasi uidua domina gentium. Sederunt in terra, contuerunt senes. Filie Sion consperferunt cinere capita sua, accincti sunt cilicijs: abiecerunt in terram capita sua uirgines Hierusalem. Quid illud? Plauserunt super te manibus omnes transeuntes per uiam. Sibilauerunt, & mouerunt capita sua super filiam Hierusalem. Hæccine est urbs, dicentes, perfecti decoris, gaudium uniuersæ terræ? Quid flebilis unquam auditum fuit? In Babylone igitur captiuus populus Dei, miserandumq; in modum à uictore hoste habitus, suas quotidie lamentabatur ærumnas, atq; adeò id maxime, quòd derisus à barbaris rogabatur, ut illa caneret carmina etiam in Babylone, quæ Hierosolymis canere consueuerat. Hisce quidem lamentationibus & querimonijs totus is scatet psalmus. Ex uulgo porrò homines ob propriam solūmodo angebantur calamitatem, neq; ultra aliud. At qui altiori præditi erant mente, ut primates & sacerdotes, non tam ipsas horrebant catenas & carceres, quàm Dei religionis interitum. Exciso quippe templo, atque urbe diruta, timebant ne & ipsa simul cum parietibus collaberetur religio, toleranter alioqui laturi exilium, & si quid acerbius obtrussissent uictores. Ad ripas itaq; fluminū Babylonis sedentes desolati, sic suas exponebant querimonias. Super flumina Babylonis illic sedimus, & fleuimus dum recordaremur tui Sion. Multis irrigari fluminibus Babylonem tradunt autores, quorum notissima sunt Tigris & Euphrates, qui mediam ipsam intersecans ciuitatem iucundissimo præterlabitur aspectu, commodaq; non mediocria affert loci incolis. Puto captiuos sua potissimum domicilia in ripis illis fluminum solitarijs habuisse, ibiq; dato paululum respirandi ocio ab hostibus, frequenti cœtu ad memoriam desolatæ patriæ mutuis suspirasse queribus, simulque infelicissimum templi excidium defleuisse; quibus ita afflictis, nihilq; aliud admittentibus præterquàm lachrymas & dolorē, insultare soliti erant prætereuntes hoc modo: Agitedum, & Chaldæos quoq; rudes & indoctos, uestris illis quæ in templo magnifico Hierosolymis canere consueueratis, oblectate carminibus. Illi contrā, lætitiæ cantus in tam graui mœrore se haudquaquā proferre posse respondebant. His, inquiunt, tam inhumano ac ferro factatis in nos animo, in ripis illis sedimus, fleuimusq; cum dulcissimæ recordaremur patriæ: atq; proinde

In salicibus in medio eius suspendimus organa nostra. Citharas legūt alijs. Soler id genus arboris, quippe quod humidis delectat locis, amnes proximè, atq; per ripas fluminū sparsim emergere. Ceterū siue organa, siue citharas, q̄d magis quadrat ex hebræo, legas, nihil aliud sibi uolunt hæc uerba, q̄ illos omnino ab omni animi uoluptate cessasse. Quòd secum em attulerint citharas, aut organa, durū id dictū uideē, in strage potissimū illa omniū se uisima, & direptione. Quare nōnulli uocē illam, qua nos legimus organa, à uerbo quod Hebræis est ululo, deriuari opinant, uoluntq; hūc esse sensum; Cum in



c ter hostes ulularemus, ipsi insultantes incitabant nos ad cantum. Ideo infertur:

Quia illic interrogauerunt nos qui captiuos duxerunt nos, uerba cantionū: & qui abduxerūt nos, hymnū cātate nobis de canticis Sion. Nos uerò contrā: Quomodo cantabimus canticum domini in terra aliena?

Quasi dicerent: Scilicet nobis uolupe est domini laudes in ea terra concinere, quæ statuas, deosq; nihili pro uero colit Deo. Qui abduxerūt nos, non est in hebræo, sed sic ferè uertunt: Ibi postulauerūt nos, qui nos ceperant, uerba cantici, & suspenderamus lætitiā, canite nobis de canticis Sion. Tota illa erat ironia: à cuius dente, tanq̃ ab acutissimo transuerberati gladio, sic respondebant: Quo animo carmina Deo tantūmodo nostro debita cantabimus in terra hostili & peregrina? Id minime quidem licet, Proinde

Si oblitus fuero tui Hierusalem, obliuioni detur dextera mea.

Illi qui uolunt Iudæos instrumenta musica secum in exilio tulisse, sic uersum interpretantur: Suæ artis immemor mea fiat dextera, nunquā ue tangat citharam, si tui immemor fuero exterminij, ô Hierusalē. Alij uerò sic: Non possum obliuisci Hierusalem: quod si eius obliuisci possem, tum arriperet dextera mea citharam, & exerceret artem suam, Cui & quadrat quod sequitur:

Adhæreat lingua faucibus meis si non meminero tui, si non proposuero Hierusalem in principio lætitiæ meæ.

Hoc est, mutus fiam potius, quàm in terra aliena canere audeam canticū domini. Verū littera Paraphrastæ mihi uisa est lucidiorem expressisse sensum. Ita ille: Si unquam oblitus fuero tui Hierusalem, & dextera mea officij sui oblita citharam pulsauerit in gratiā alterius quàm unius Dei mei, opto ut sic hæreat lingua mea, ne possim loqui: imò & palato meo affigatur, si non quoad uixero, memor fuero tui, & si non proposuero laudes ipsius Hierusalem summo gaudio, quod unquā contingere poterit mihi. Felix tamen ultimam uersus particulam sic reddit: Si non extulero Hierusalem super caput lætitiæ meæ, quorū uerbum uidetur sensus: Nulla potest lætitiæ occasio accidere, quin illam statim excludat memoria excidij meæ patriæ, atq; subinde mœrorem pro oblato gaudio ingerat. Atqui rursus ne nostram omnino uideamur continere editionem, is suus sit sensus: Si tuæ aliquando oblitus fuero ruinæ Hierusalem, tum omne pereat auxilium, non sit mihi unquā Deus præsidio, sed mei penitus obliuiscatur (dextera enim pro salute poni in scripturis solet interdum) irrauceamq; omnino: & si te, ô Hierusalē, tuamq; sortem non ante initium cuiuscunq; mei prætulero gaudij, obtumescam. Id est, charior mihi erit luctus pro te assumptus, q̃ quiduis lætitiæ, quam in Babylone unquam sperare possem. Interim uerò

Memento domine filiorum Edom in die Hierusalē, qui dicunt, exinanite exinanite usq; ad fundamentum in ea.

Eius, tum ex græco, tum ex hebræo uerti debuerat, polleiq; perinde atq; euerite, excinditeq; eam à fundamentis. Vox erat Edomitārū, siue Idumæorū, descenditum quidem ab Edom, nempe Esau fratre Iacob, idcirco eiusdem sanguinis cum Israëlitis: quibus cum dolere debuisset fratrum casus, ex ipso magis incruduerāt: tanta est uis interdum liuoris atq; odij. Nam cum urbem, fratruq; bona cernerent à Chaldæis diripi, non solum opem non attulere, uerumetiam fraternitatis obliti, hostes, quod illa funditus euerterent, incitauerunt. Putas ne deesse nunc fratres, qui fratrum interitum sitiant, proindeq; Chaldæos, alioqui per se incitados, atq; in Dei amicos contumeliosos instigent? Da mihi hominem modò in ruinam aliquam coniectū, Deus bone, hinc atq; hinc, uel ab ipsis proprijs illius ædibus cernes Chaldæos ebullire, qui malum inferant, qui prouocent, qui irritatos crabrones irritent. Rident postea, tanquā rem mirum in modum



dum Deo gratam obtulissent. Ab aris' ne à sacris' ne foci: à fanis tandem ipsis istiusmodi sperare debuit probitas insaniam? Verum domine simulac homines obliuiosi sunt, memor esto tu filiorum Edom, qui nostram maiorem ad miseriam Chaldaeos prouocant, dicentes: Excindite, euellite radicitus, exinanite, urcite interrim, suffocate, uitā, nedum existimationē, adimite: sic uictores erimus. Ad hunc igitur modum Idumæis, pessimis scilicet fratribus, atq; ipsis Babylonij uicissitudinē imprecatur captiuus populus, rogatq; ut illis par pari referatur, retaliaturq; ut meriti sunt: his quidem, quoniam hostes crudelissimos ad urbis euerfionem incitabant; illis uerò, quoniam ulla absq; cōmiseratione euerterant. Cæterum diem Hierusalem, diem illum extremum excidij uocat propheta. Siquidem frequenter in scripturis dies pro fatali, ut sic loquar, cuiusq; hora sumi solet. Acerbissimus sanè omnium is est dolor, cum nostris in calamitatibus nostri ipsi rident domestici, atq; de malis nobis illatis, qui impulsores fuere, triūphant. belluinam quidem omnē superat immanitatē istiusmodi fratrum seuitia & plausus. Et tamen hisce bellissimis adornati facibus & lampadibus, sponsi aduentū securissimi omnium opperimur, putamusq; quemadmodū mundo (quanquā nec mundo quidem) ita Deo imposturam fieri posse. Iudiciū certè id est Dei, hoc timendum magis, quò à plerisq; minus animaduertitur, aut, quod magis dolendum est, animaduersum cōtemnitur, adeò alter alterius calamitates sitimus miseri, atq; audivissimè, ut alij sonēt obsonia, pergustamus. Fusius hæc quam putaram scripsi: querelæ enim quæ passim ab his, qui istiusmodi obnoxij sunt naufragio, audiuntur, me ad hæc cōmemoranda citra propositū adegit. Ego quidē in istiusmodi tragœdiarū genere, neq; Iudæi, neq; Edomitæ, neq; Babylonij per sonam induo: tantum quod suggerit spiritus ad ædificationē scribo, ut alij afficiantur, non multum moror; mihi sat fuit admonuisse. Tu uerò

Filia Babylonis misera, beatus qui retribuet tibi retributionē tuam, quam retribuisti nobis. Beatus qui tenebit, & allidet paruulos tuos ad petram.

Inuehitur in Babylonē ad hunc ferè modum: O misera Babylon, ô infelix, ô desolata (prædictio hæc est futuri) ô improvida, quæ nunc tam insolenter ob nostra exultas incōmoda; te fortior, beatorq; ueniet, qui tibi reddet pro hisce omnibus talionē, supplicijq; de te sumet inexorabiliter. Fortunatus, in quā, superueniet de improviso hostis, qui te apprehendet, strictimq; connodabit (infelix) ac teneros liberos tuis ab uberibus abstractos durissimis allidet saxis. De Babylonis exterminio sic uaticinatur Esaias: Omnis qui inuentus fuerit occidetur, & omnis qui superuenierit cadet gladio. Infantes eorum allident in oculis eorum, diripientur domus eorum, & uxores eorum uiolabuntur. Et ego suscitabo super eos Medos, qui argentū non quærant, nec aurum uelint: sed sagittis paruulos interficient, & lactantibus ubera non miserebuntur. Vide rursus quid in Abdia Vate sceleratis cōminetur Idumæis Deus. Propter interfectionem & propter iniquitatē in fratrem tuum Iacob opperiet te confusio, & peribis in æternum, in die cum stares aduersus eum, quando capiebant alieni exercitū eius, & extranei ingrediebant portas eius, & super Hierusalē mittebant sortem. Tu quoq; eras quasi unus ex eis. Cogita, mi lector, seuerissimā Dei esse retributionē in eos, qui alienam excitare consuecunt iracundiā contra illos, quorū uirtutibus inuidet ac fortunis. Cohorresco (fateor) cum hæc mihi in mentē ueniūt, vereorq; interdū, ne eadem tandē detur ab irritato Deo, aut Phrygibus, aut Aphris, desæuiēdi in res nostras ac filios potestas, quæ olim Parthis data est & Medis in Babylonios. Totus, in quā, exanimor, cum certissimū atq; adeò seuerum illud Dei iudiciū uerso animo. Sicut, inquit, fecisti, fiet tibi: retributionē tuam conuertam in caput tuum, Audio, ô domine, & cōtremisco. Verum tu, qui ipsa



C met es pletas, retribue seruo tuo. Id non deprecor, non detracto, sed uiuifica me secundum uerbum tuum. Cui imperium sit, atque ultio in contumaces, in secula seculorum, Amen.

## PSALMVS Dauid cxxxviii,



Onfitebor tibi dñe in toto corde meo, quoniã audisti omnia uerba oris mei: in conspectu angelorum psallam tibi.

Non potest sanctissima Vatis anima nō continenter Dei nomen laudibus efferre, atq; omnibus fermè psalmis suū erga Dei religionē zelum ac studium attexere. Quocirca multos hac de re cōposuit psalmos, eiusdem nimirum argumenti, ac in Deum fidei: ut in hoc uidere licet, melliflūo sanè & suauī. Quid nō in se habet suauitatis Dei laus? Putant quidā Vatē odam hanc cecinisse, cum interfecto Absalon, Deū templū ingressus adoraret, illiq; ob restitutū regnum gratias ageret. Verū incertū id omnino: illud autē certissimū, laudes hīc Dei celebrari. Ait itaq; Cōfitebor tibi dñe in toto corde meo, quoniã audisti uerba omnia oris mei: in conspectu angelorū psallam tibi. Hucusq; Hebræis unus est uersus, expuncta nihilominus particula, quoniam audisti omnia uerba oris mei, quæ insititia uideē. Sic Felix: Celebrabo te in toto corde meo in cōspectu deorū, seu iudicū, ut habet Chaldaeus. Siue igitur angelorū, siue deorū, siue iudicum legas, seniores populi si intellexeris, non errabis. Illiusmodi quippe appellationibus uocari soliti erant sapientiores, quicq; potestate aliqua digniori ceteris præstarent. & est ac si dixisset: Te laudabo, ô domine, tibiq; quæcūq; in me insunt bona, accepta feram; & id sanè toto animi affectu, non simulatè aut dolose, atq; in frequenti populi corona, ubi de more seniores atq; optimates conuenire consuefcunt, te dignis celebrabo canticis. Ad hæc,

D Adorabo ad templum sanctum tuum, & confitebor nomini tuo super misericordia tua & ueritate tua, quoniam magnificasti super omne nomen sanctum tuum.

Si transtulisset, super omnia nomen sanctū tuū, tota ferè extrema huius partis ablata esset ambiguitas. quanq; nec sic omnino quidē: nanq; Hebræis addit in fine, eloquiū tuū. Sic Felix: Super omne nomen tuū eloquiū tuū, ut sit hyperbole, ualeatq; perinde ac, super omne eloquiū tuū nomen tuū, & est sensus: Ego in templo, ubi tuā peculiariter inhabitat sanctitas, ubiq; mūdissimi tuæ religionis celebrant ritus, te adorabo, tuumq; nomē, ob tuā erga nos misericordiā, ac qua in seruandis promissis constantissimus es, fidem prædicabo. Et illud sanè serio: siquidem multò plura, quàm tu uerbis promiseras, tuū nobis præstitit nomen, nomen nimirū sanctissimū, atq; laude quamlibet immensa superius. Quòd si tam simpliciter absq; hyperbole ordinanda est litera, sic ex eodem fonte, unde hausit Felix, traducunt nōnulli: Nam extulisti super omnia nomen tuum & eloquium tuum. Verū prior sensus uidetur esse germanior.

In quacūq; die inuocauero te, exaudi me, multiplicabis in anima mea uirtutem.

Per tempus præteritū uertit Felix, atq; adeò cæteri fermè ex hebræo, hoc modo: In die quo inuocaui exaudisti me, roborauī me, atq; animæ meæ adijcies uirtutem. Sed in idem recidit tum sensus, tum litera, nempe Deū inuocatū nostræ præstò adesse imbecillitati. Mirum q; iucundè nostro Deus oblectetur in precationibus & studio & sedulitate; uult enim suo à figmēto quæri, rogari, diligī, tandemq; ab anima in orationibus feruida inueniri. Quo postea inuento, profundissimo illa tunc fruitur silentio ac pace. In Deo quippe longo quæsito labore cōquiescens, nihil aliud præter Deum uel sentit, uel se sentire intelligit. Hincq; fidei



fidei robore, quā hīc uirtutē auctam, multiplicatamq; appellari duco, nixa, in illud quod sequitur, ut uerissimē, ita confidentissimē prorumpit:

Confiteant tibi dñe omnes reges terræ, quia audierūt omnia uerba oris tui. Et cantent in uīs dñi, quoniā magna est gloria dñi. Quoniā excelsus dominus, & humilia respicit, & alta à longē cognoscit.

Melius doctorū iudicio hæc uerba per futurū uertisset interpres, cōfitebunt, audient, cantabunt, ut esset sensus; Reges terræ omnes te laudabunt, & te dñm esse fatebunt, simul ut nouerint te, quæcunq; pollicitus fueras, re præstitisse. Inde q; in uīs dñi, id est, ob res illius gestas admirādas, in quib. Dei unde quaq; relucet sapientia, cantabunt, & dicent; Quoniam magna est gloria dñi, qui tametsi sublimis sit atq; excelsus, quippe qui in cœlis residet, ima hæc nostra tamen respicit; neq; illius fallūt oculos, si quæ tumida sunt, licet à nobis semotus, longēq; positus esse uideatur. Nonnulli uertunt, humilem, seu depressum, ad hunc modum; Quoniam excelsus dominus, & humilem uidet, & sublimis à longē facit cognoscere, nempe iudicia sua æquissima esse, dum humiles in altum euehit, cōtraq; tumidos atq; arrogantes deijcit. Istiusmodi sanè uicissitudinum ratione delectatus, mites cominus, ut sic dicam, respicere uidetur; elatos uerò eminus, atq; uti res solent neglectæ, procul. Quare

Si ambulauero in medio tribulationis, uiuificabis me: Et sup irā inimicorū meorū extendisti manū tuam, & saluum me fecit dextera tua.

Illud nō segniter expendendū, omnes reges, in superiori uersu, pro uicinioribus regibus sumi oportere, qui Dauid nouerāt, quiq; audierant promissum illi regnum à Deo fuisse. Quapropter perspectis uīs dñi, cōsilijs scilicet atq; actionibus in Dauid fauorē exhibitis, illi gratias egerunt. Namq; uia dñi, per quas ad illius peruenit cognitionē atq; amorē, sunt illius operationes, cōsilia, providentia, in rebusq; administrandis ratio, ordo, decretumq; illud amoris æternū, quo condita omnia tanq; fræno, suo in officio, naturaliq; uigore cōtinere solitus est. Sancta hac itaq; armatus persuasione Vates, clamabat; Si mihi etiam per medios ipsos angustiarum forcipes eundum fuerit, tu uitam meam tutaberis. O ardentem Vatis fiduciam. Mirarer equidem si sic de se, ut solent nostri, testatus esset; Occumbam subito, neq; erit qui manū periclitātī porrigat. Vitam, inquit, meā tu reparabis, frænabisq; si quid in me turpissimi isti malorum inuentores moliti fuerint; & sic tua me seruabit dextera, non mea, quæ imbecillis est ac pauida; nō amicorum, quæ fallax & uana; non principum, quæ superba est, ac grauis; non tandem pastorum ipsorum ac magistratuum, quoniam de more quæ sua sunt quærunt, non quæ gregum, non quæ filiorum, non quæ Dei. Ergo

Dominus retribuet pro me, domine misericordia tua in seculum, & opera manuum tuarum ne despicias.

Dominus perficiet pro me, uertunt ex hebræo; hoc est, si quid in me debile fuerit & infirmum, supplebit dominus. Quancq; retribuet uerbum, si ad mortaliū referas ignauiam atq; egestatē, suum habet lepōrem, ualeiq; perinde, quasi id diceret; Egentio rem me prorsus esse fateor, quā ut quæ digna tanto sint domino rependere ualeam. Ideo is qui dedit, datori quoque ipse retribuet, hoc est, Deus quemadmodum in dona effusissimus fuit erogator, ita meam ipse in referendo gratiam suppleat indigentia, parcatq; ac pro accepto habeat, si quid minus datum fuerit, atque ita causam, quā obrem id agere debeat Deus, subinfert, & est mutatio personæ, conuersioq; ad Deum ualde ardens. Domine, inquit, misericordia tua æterna est: quare cœpta manuum tuarum opera in me tutando ne intermittas, sed, ut cœpisti, ad finem usque perfice. Cui honos sit ac benedictio in secula seculorum, Amen.





Omne probasti me, & cognouisti me. Tu cognouisti sessionem meam, & resurrectionem meam. Intellexisti cogitationes meas de longè.

Difficillimus is omnium est psalmus, in quo exponendo, ut in multis alijs accidit, si nostre duntaxat editionis litera expositores uti uoluerint, quod nonnullos obseruare uideo, hi nihil aliud assequi posse mihi uident, quam sudando nihil omnino agere. Qui uero hebrei tantummodo, simplicioris hi fidei hominibus, quorum saluti consulere debent eruditiores, satis minimè fecisse iudicabunt. Verum utranque rationabili (ut sic dicam) harmonia commiscere uelle, id operis est plusquam herculei, atque hominis infiniti propè oculi & laboris. Et tamen ea uidetur ratio & uia, quam nos sequi debeamus, quò utranque uitemus scopulū. An uero hæcenus, quod optabamus, quodque ab amicis expectari non in scilicet eramus, simus assecuti, aliorum sitium dicium. Id solum profiteri de me possum, in hoc meo labore prodesse uoluisse, non officere. Fateor & illud, me supra uires mihi asciuisse prouinciā: non defuisse tamen studiū, atque in illū, qui intellectū dat paruulis, tum fidem, tum illius captandi fauorē desiderium. Quid, oro, quod summā non saperet doctrinæ spiritus siccitatem, à monacho abiecto, indocto, addo & exagitato, subindeque ab omni discendi literas commodo remorato, expectari potuit. Ego ne à libris, doctorumque hominum congressu ac solatio longè semotus, rem tantam, in qua primi iam olim Ecclesiæ proceres maximo desudarunt ingenio, atque dicendi copia, aggressus: Stultus ne fuerim, an audax nimium, non dico. Illud interim non diffiteor, quod mihi ingentē afferre solet animi consolationē, me meis in scriptis & mentē, & ingenium, & quicquid demum sum, Dei filio, cuius honorē illustrari saneque cupio, consecrasse. Vt ut igitur res cæterę defuerint, id mihi neutiūque defuit. Quare illius ductu, ut hæcenus tanquam à uasto pelago peruentū est, ita quod restat cursus absoluendum erit. Atqui, ut dicere incœperamus, permulta sunt in hoc psalmo obscura & difficilia, quæ tamen si ingenium, quò intelligi possint, perspicax requirere uident, animū nihilominus in primis expetunt purgatū & candidū. Ingenia quidē quantumlibet acuta & docta, si nulla est cordis puritas, ac succus spiritus, uanissima pro ueris amplecti consuescunt. Diuina, atque adeo æterna hinc celebrat prouidentia, & in omnibus, quæ Deus ipse condidit, & præsentia, & bonitas: atque ita suū exprimit affectum Vates, dicens: Dñe probasti me, & cognouisti me. Tu cognouisti sessionē meā, & resurrectionē meā. Intellexisti cogitationes meas de longè. Quidam sic uertunt: Cognouisti cogitationē meā longè antè, hoc est, longè antequam incidat in animū meū, tu meam nouisti cogitationē. Dñe, inquit, quid miser cæcusque omnino de me sollicitus sum: id enim non me clam est, te nequaquam solum generaliter res cunctas perpendere, moderarique ratione, uerum etiā seorsim me, meaque opera, uerba, conceptusque animi, atque ipsas penitus latentes cogitationes, longè antequam in mentē ueniāt, exploras, rimarisque: quin & ipsa mea quoque sessio atque ambulatio, priusquam ego aliquid essem, nota erāt. Nulli dubiū, sessionē hinc, & resurrectionē, seu, ut uertunt, sedere meū, & resurgere meū, idem præ se ferre, ac quæ sim cogitaturus, quæ ue consilia ad agendum cessandumque agiturus, tu probè nosti. Vnde statim quasi se ipse exponens, addidit:

Semitam meam & funiculum meū inuestigasti, & omnes uias meas præuidisti.

Hoc est, ades & uides omnes operationes meas. Parum secus ex hebræo uertunt: Semitā meā & accubitū meū circundedisti, & cunctas uias meas explorasti. Vnde nullam hinc fieri mentionē de funiculo conspicis, sed uno omnes consensu uertunt ex hebræo, accubitū, & erit sensus: Si quopiam mihi iter facere contigerit, aut cubitū noctu ire libuerit, tu circum me es semper: atque ita studia omnia mea



mea & actiones, compertissima tibi sunt. Quid tam reconditum unquam fuit, quod tuum uigilem latere potuerit oculū? Omnia uides, omnia imple, omnia contines, permeas, animas, perscrutaris.

Quia non est sermo in lingua mea, ecce domine tu cognouisti.

Non ultra procedit uersus Hebræis, Felix sic: Quoniā nō est sermo in lingua mea, ecce dñe tu cognouisti totū ipsum, hoc est, ut se ipse interpretat, nōdū fuit sermo in lingua mea, & tu dñe cognouisti ipsum. Totū ipsum, ut uides, necessario ferè ab Hebræis positum, ab interprete omissum est. Ne uerbum, inquit Vates, ullum est in lingua mea, quod ecce tu (res mira) non prænoueris. Quare

Omnia nouissima & antiqua tu formasti me, & posuisti super me manum tuam.

Necesse est literā in hoc psalmo potissimū, intercidere nōnunq̃, ab editione q̃ nostra paululū, ut iam præfati sumus, dissentire, ne si illā, prout nos legimus, interpretari coner, aut nodum in scirpo querere uidear, aut ea somniare, quibus offensus spiritus, meas has satis per se frigidās & ieiunas, conspuat meritò lucubrations. Sic uertūt: A tergo & à facie tu formasti me: id est, undiq̃ finxisti me, ideo mirū minimè esse debet, si nihil te latet tuo in figmēto. Siquidē posuisti super me manū tuā, qua operāte, certa mihi impressa est forma. Quod me ex informi illo parentū meorū semine cōpegeris, corq̃ in primis, sedem utiq̃ animæ ad dideris, formauerisq̃ & carnē, & ossa, & neruos, & corpus tandem id totū sensibus, infinitisq̃ propemodū distinctum membris effigiaueris, altior res est, q̃ ut ab humano comprehendi queat ingenio. Quocirca exclamare libeat,

Mirabilis facta est sciētia tua ex me, cōfortata est, & nō potero ad eā.

Tam, inquit, excelsa atq̃ admiranda est horum cognitio, ac supra me posita, ut nullo ea modo assequi possim cogitatione: captum nimirū omnē superat humanū. Sed multò magis id uidere, si de animarū creatione tantilla saltem subiret cogitatio. Ceterum confortata est, clarius ex hebræo reddunt, exaltata est. Excedit, inquit, intellectum humanum. Itaq̃

Quò ibo à spiritu tuo? & quò à facie tua fugiam? Si ascendero in cœlum tu illic es, si descendero in infernū ades. Si sumpsero pennas meas diluculo, & habitauero in extremis maris. Etenim illuc manus tua deducet me, & tenebit me dextera tua.

Deum ubiq̃ præsentē esse memorat. Infernū pro sepulchro, q̃d aliās annotauimus, ponit Vates, seu pro abditissimis terrarū locis. Pēnas meas diluculo, uertunt alas auroræ: allusit enim ad celerē solis cursum, quo ab oriente ad occidentem uelocissimè transcurrit, nanq̃ extrema maris, pro occidente posuit, idcirco quod sol nostrū relinquens hemisphæriū, in mare se mergere appareat. Sed & illud, à spiritu tuo, ad morē respexisse hominū naturalem uide, quorū anhelitum cum ualde proximi sunt sentimus. Ait igitur: Cum totus, ô dñe, ubiq̃ sis, atq̃ omnia, etiam anteaq̃ sint, intuearis, quò hinc abire potero, quò tuū nō sentiam afflatum: fugiam ne: quò obsecro: quò, ut à tuo me subtraham aspectu, diuertā: certè si ascendero in cœlū, tua propria ibi est sedes: si in penetralia quoq̃ terræ descendero, & illicte offendam. Porro si ea mihi cōtingat uelocitas, ut assumptis alis cursum solis, imò ipsos solis radios, qui ab oriente ad extremū subito micant occidentē, anteuertā, neq̃ sic tuā uitare potero præsentia: siquidē quocunq̃ ferar, sub tua ero potestate, ac, ne ultra progrediar, tua me retinebit dextera, sustentabitq̃ uel inuitum. Rursus aliam excogitauī imprudens fugæ rationem,

Et dixi, forsitan tenebræ conculcabunt me, & nox illuminatio mea in delicijs meis.

Vide an conculcabunt, pro occultabunt, uerterit interpretes. Sic Felix: Tene-



**c** bræ operient me. Ceterū quid sibi uelit, & nox illuminatio mea in delicijs meis, non satis exploratum habeo. Sic quidam uertit: Et nox quasi lux circa me erit. Id dicere uoluit Vates, noctem ac tenebras rem eandem in Deo esse, quā diem ac lucem. Proinde statim intulit:

Quia tenebræ non obscurabuntur à te, & nox sicut dies illuminabitur. Scut tenebræ eius, ita & lumen eius.

Si igitur mecū ita ratiocinatus fuero, Fortassis occultabunt me tenebræ: quid aio demens? En nox, en tenebræ, non magis me tua à notitia celare poterunt, q̃ meridiana ipsa lux. Siquidem tenebræ quantumuis densæ, nunq̃ rem aliquam ita obscurare poterunt, quin tibi omnino nota sit: noxq̃ ipsa tantū tibi dat lucis, quantū dies. Etenim res eadem prorsus apud te sunt, & atræ tenebræ, & lux ipsa fulgentissima. Neq̃ propterea mirum id esse debet,

Quia tu possedisti renes meos, suscepisti me de utero matris meæ. Renes, ut aliquādo agere cōsuevit, p̃ occultis uiolētissimisq̃ cordis affectib. & cogitationib. accipit Vates, quanq̃ & pro generationis exordio, qd in renib. potissimū esse asserūt, sumi potest. Cæterū, suscepisti, ex hebræo reddūt, operui sti: & est uox illis quę perinde sonat, quasi tabernaculo cōtexisti. Intelligit em̃ de corpore, qd animā cōtegit. Felix uerò interpretat̃, orditus es. Paraph. item: Nō mirū si nihil te latet mei, cū secretissimas corporis mei partes ipse possideas, & cō pegeris me incredibili artificio in abditissima parte uētris genitricis meę. Quod porrò deus hominē ex matris utero suscipiat, nasciq̃ faciat, atq̃ per etates alat, exploratior res est, q̃ ut multis describat̃. Sed nequaquā ea est nūc Vatis intētio: uerū illa, q̃ ostēdat nihil tā abditū in rebus cōditis posse esse, qd diuinos fallere queat oculos. Idcirco fastus est deū intima cordiū secreta, affectusq̃ alioq̃ imperscrutabiles possidere: qd uehementius est, q̃ si cognitiōis uoce dūtaxat usus esset, additq̃

**D** Confitebor tibi quoniam terribiliter magnificatus es, mirabilia opera tua, & anima mea cognoscet nimis.

Hoc est, supra naturā per fidem cognoscet. Hic Dauid uastū pelagus, atq̃ immensum diuinę sapiētię, potētięq̃ & administrationis profundū intuitus, oculorū penē uertigine affectus est: quare cū timore atq̃ admiratione ad seipsum re uersus exclamauit, dicēs: Gratias tibi agam (sic uerbū cōfitebor, interpretandū est) quod nō solū à te formatus sum, sed etiam terribiliter, hoc est, tremendis modis, rationeq̃ captum omnē mortaliū excedente, formatus sum, nanq̃, magnificatus es, Hebræis est, formatus sum. Quocirca immēsa omnino sunt ac stupenda opera tua: qd sanē mens mea naturaliter in tam sublimiū rerum cōtemplatione cæcutiens, fatei, cognoscitq̃ nimis, uehementer nimirū, ac cum stupore.

Non est occultatū os meum à te, quod fecisti in occulto, & substantia mea in inferioribus terræ.

Propheta in stupēdæ formationis humani corporis admiratione perseverās, plusculū in ea prædicāda immorat̃. Seu os, seu corpus, seu uirtutē illā, quę ossib. ferē inest, legas, optima est lectio: & erit sensus, nullū esse os quantūlibet paruū in tam abdita corporis parte, qd deū lateat. Sub hęc, per inferiora terrę, maternū intelligit uterū. Iam & illud notandū, uocē illā, quā nostra habet editio, substantia, nōnullis esse in principio uersus, hoc modo: Nō est à te occultata substantia corporis mei, quādo formatus sum in abscōdito, & uarijs distinctus membris in inferiorib. terræ. quæ quidē ultima particula æquē Hebræis est, atq̃ si diceres, ut interpretat̃ Fel. phrygiatis formatus sum imaginibus: uocatq̃ opus phrygionū texturā illā mirabilē in corpore humano, ossiū, neruorū, arteriarū, uertebrarū, spinęq̃ illius tam musicē fabrefactę, quę à collo ad os usq̃ sacrū mirabili protenditur artificio. Quare sic Paraph. Veluti tapetū ē neruis & uenis contextus sum in utero matris, loco magis abdito, q̃ ullum est antrum terrę. Atq̃ hic uides quo sensu Campensis accipiat uerba illa, in inferioribus terræ, Et certē



Imperfectum meum uiderūt oculi tui, & in libro tuo omnes scribentur: dies formabuntur, & nemo in eis.

Quia obscurissima est pars ultima huius uersus, ideo mollius reddi poterat ex hebreo, ad hūc modū: Informe meū uiderūt oculi tui, & in libro tuo omnia scripta erāt, quæ per dies formata sunt, cū adhuc nullū eorū extaret. Vocat imperfectū suū, siue informe, embrionē, massam nimirū illā cōfusam cōceptus in utero: quæ tamē successiue per dies effigianda, in mēbraq; distinguēda, iam nota erat Deo, quippe qui artus illos omnes in tēpore formādos, tanq; in libro scriptos perspiceret, cū nihilominus ne unus quidē ex illis extaret. Antea quidē q; formā acciperent, iam formata erāt in Dei mēte. Sic Paraph. Veluti in libro apud te descriptā habes omniū membrorū rationē: quæ etsi nō nisi multis diebus in iustā magnitudinem excrescere possint, apud te tamē, ô dñe, nō est ea dierū uarietas, sed unus perpetuus dies. Verū si cui magis nostra arridet litera, alioquin obscura, sic fortē dici posset: In libro tuo, ô dñe, omnia sunt scripta, & dies ueniēt, in quib. nondū sunt qui postea in lucē ædent, & tamē omnia eorū nosti. Diuus enim Chrysostomus rei difficultatē cōfessus, huiuscemodi ex alio autore affert sensum. Informē me, inquit, uiderūt oculi tui: atq; ita uiderūt, ut eos uidēt, qui die, hoc est, tempestiue creati & nati sunt, ita ut ne una quidem dies ad perfectā eorū creationē deficiat, hoc est, imperfecta æquē ac perfectissima tibi sunt nota. Grauiissimi, atq; adeo doctissimi & sanctissimi uiri sententiā palām facere uolui, quò non nescius sis, quāta in explanandis psalmis inueniāt difficultas, his maximē, qui Hebræorum non consulunt libros atq; interpretes.

Mihi autē honorati sunt amici tui Deus, nimis confortatus est principatus eorum: dinumerabo eos, & super arenam multiplicabuntur, exurrexi, & adhuc sum tecum.

Videat is uersus, si nostrā sequearis literā, ad ea quæ dicta sunt, nō satis aptè quadrare. Nam cū Vates de mirabili corporis humani opificio differuisset, imò cū nondū quæ dicere cœperat absoluisset, ineptē quodāmodo uisus est nōnullis, ita de improviso ad celebrādos Dei amicos trāsire uoluisse. Quare germaniorē secuti Hebræorū interpretationē, sic hūc uersum trāstulere: Quam preciosæ fuerunt apud me cogitationes tuæ, ô Deus: q; inualuerūt summæ eorū: si dinumerauero eas, multiplicabunt super arenā. Vigilabo, & hucusq; ago tecū. Admirat itaq; uir sanctus incōprehensibilem diuinorū consiliorū in figurādo paruo hoc mūdo nostro rationē. & est sensus: Tam mirabilia sunt, ac uaria Dei inuēta, consiliaq; a in formando homine cogitationes, ut numerari haudquaq; possint: & ego adeo attentē in his rimandis distineor, ut etiā nocte de illis somniem, cumq; euigilauero inueniā me adhuc apud te, animo nimirū in tuis operibus occupato. Ultimā tamen particulam ad aliū retorquet sensum Paraph. in hūc modū: Si peruigil durauero tota uita mea in enumerandis illis (nempe cōsilijs Dei) idem egero: hoc est, facilius arenas numerauero in maris littore. Verū alijs uulgarem additionem secuti, quæ & una propemodū est cum Chaldæa, sic literā exponūt: Celebrandus es tu dñe super omnia, qui me tam stupenda figurasti ratione: sed & preciosi sunt digniq; honore amici tui in oculis meis, quos tantopere auctos, ut omnē superent numerū, esse uoluisti. Et quidem dum illorū coner numerū recēdere, arenā mihi uideor maris numerare uelle. Hincq; ab his, quæ me in mūdo hoc ærūnoso premūt, tanq; è graui somno euigilans, reuixi, atq; me nō prorsus in tāto, tamq; honorato tuorū numero destitutū arbitrās, adhuc, ut olim, me tecū esse gloriōr. Hic Vate ad numerū sanctorū, q; Christū, cuius ille typus fuit, secuturi erāt, respexisse asserendū est: sed in primis Apostolorū, quorū uirtus & principatus ita firmū sumpsit robur ac uirtutē, ut ob Christi nomē & religionē tyrānos ipsos potētissimos ac reges spreuerint, abierintq; gaudētes à cōspectu cōcilij, quoniā digni habitū essēt, qui pro nomine Iesu cōtumelias paterent. Vides



C amicorū Dei uirtutē; uides honorē; uides imperterritā propter Christi gloriā uitæ rationē; Poterat certē mūdus odisse Christū; extinguere uerò omnino, aut perterrefacere nō poterat, non potest, neq; unq; poterit. Proinde iucundissimū mihi est illum sic patrē alloquentē audire; Exurrexi, ab improborū nimirū iniurijs penē obrutus, ab insidijsq; illorū dolosissimis, ac morte tandem interceptus, & adhuc, uitam nequaq; mundi telis obnoxia nactus, sum tecum, quamlibet in me, meaq; membra crudeliter insaniant hostes isti mei perditissimi.

Si occideris Deus peccatores, uiri sanguinū declinate à me, quia dicis in cogitatione accipient in uanitate ciuitates suas.

Ex hebræo, peccatorē, seu impiū, numero singulari uertunt; & ad seditioforum caput refertur, quo de medio sublato, respirat innocētia, audacterq; in seditiosos ipsos insurgēs ita illis insultat; Viri sanguinarij, uiri maledici, uiri absq; fronte, facessite, abiteq; impudētissimi, nulla quippe uobis mecū potest esse necessitudo, nulla amicitia, nullū fœdus: tantū uerò abest ut uos timeā, ut etiam tam floccipendā, q̃ res soleam nihili. At uersus qui sequit̃ subobscurus est; nulla enim in hebræo fit mētio ciuitatū; sed sic reddunt; Qui loquunt̃ cōtra te quod nefas est, & eleuati sunt frustra aduersarij tui; uel accipient ad uanitatem, & est subaudiendū, nomen tuum. hoc est, uanē cōtemptiq; tuum usurpant nomen, perindeq; de ipso loqui consuescunt, ut de re omnino uana & futili. Ex græco quoq; ita uerti posset principiū uersus; Quoniam cōtentiosi estis in colloquijs. Quid autem sibi uelit, accipient in uanitate ciuitates suas, uix coniectari potest; nisi ad ipsa referas populorum capita, ac factionum duces, ut nonnullos referre uideo. Et est pulcherrima ad illud, quod alio uersu est dictum, antithesis: Nimiris cōfortatus est principatus eorum. Est itaq; sensus; hi in uanū accipient ciuitates, locaq; sibi à te, ut illa sanctē incolant, regantq; credita; nam nihil prorsus efficient pigri, inutilesq; ac malæ fidei pastores; loqui quidem possunt de te etiam elegātiſsimē, sed dolose, sed corde duplici, sed, quia uanissimi sunt, absq; fructu. Quis bonus tales aut amat, aut metuit magistratus? Quantū ad me attinet,

Nōne qui oderunt te domine oderam, & super inimicos tuos tabescebam? Perfecto odio oderam illos, & inimici facti sunt mihi.

En perfectissimū probitatis morē, turpem improborū uitam perfecto odio, hoc est, super omnia odisse. Cum enim Deū summē diligant, quomodo nō poterunt cōsummato illorū mores odio persequi, qui illi aduersant̃? Ceterā si quare indigent, ad opitulandū præstō sunt, in eoq; maximē Dei imitant̃ naturam, qui tametsi sceleratissimos quosq; supremū in modū abomineſ, nunq; tamē uniuersalem suam adeo illis subtrahit beneficentiam, quin solem suum oriri faciat ex æquo super bonos & malos. Nōne, inquit, odio te habentes, ô domine, habebam? nōne illos tanquam rem prorsus letalem exhorui; à me abegit; exoratus sum? nōne quemadmodum uehementer tuos deamo familiares, honorēq; & laudo, ita uehementer tuos odi inimicos? detestor; in illosq; amarissima inuehor indignatione? Hæc sunt nimirū perfecti odij signa, pro Dei honore cōtra improbos assumpti. Verū interuerso rerū ordine hæc omnia in particulares nostros effundimus inimicos, ac leuissima interdū occasione. Iam querelarū in nocuorū clamoribus tum occisorū, tum crudeliter ab immanissimis istiusmodi Dei hostibus oppressorū, ipsum resonat cœlum, nedum terra alioqui iniquatissima, atq; propter facinorosorum hominū licentiā probis omnibus odiosa. In istos igitur q̃uis primarios homines perfecto exarsi odio, nihil interim illorum ueritus magnitudinem. Simulac enim in te odij dederunt signū, hi exemplo inimici facti sunt mihi. Quod uerò superest,

Proba me Deus, & scito cor meū, interroga me, & cognosce semitas meas. Et uide si uia iniquitatis in me est, & deduc me in uia æterna.

Quam



Quālibet enim in his, quæ ad animarū salutē pertinent, profecerint pī homines, nihilominus in se semper quasdam inesse prauitatis reliquias nō bene exploratas suspicantur, neq; ita exactē se sibi notos esse arbitrant, quin semper pauidi sint, ac suis in ratiocinationib. cum Deo initis suū aliquid cōmiscere, quod peccatum sit, reformident. Attamē tūc planē se tutos esse opinent, cum sua omnia, q̄uis obstrusa, Deo syncerē detegūt, ut hīc à Vate fieri cernimus. Proba me, inquit, ō Deus, discute, examina, & mea omnia explora interiora: & uide tu (isti cæci sunt) an tale, quale est in ipsis, sit te irritandi in me desiderīū. Vide, inquā, an illorum in me odij ego autor fuerim, an illorū potius liuor, suspiciōq; ambitionis affleat, istuc excitauerit incendiū: atq; hoc sanē modo re optimē inspecta, deduc me in uīā tuā, quæ sancta est, recta & æterna: istorū uerò diuerticula, obliqua, inquinata, atq; ad mortē pertrahentia sempiternā. Nō hīc silebo dictionē, æterna, anōnullis uerti, seculi: ualeatq; ac si dixisset, deduc me in uiam seculi: hoc est, occide me: etenim seculi uīā ingredi, est mori. Hanc lectionē Campensi placuisse uideo, qui sic reddidit: Quod si fuerit (nempe studiū irritandi Dei mihi cōmune cū impijs) patiar æquo animo ut more aliorū impiorū occidas me. Sanctissima hæc est hominis diuinū honorē maximopere affectātis deuotio, q̄ mori mauult, q̄ Deū uel minimo quidē prauæ appetētix motu offendere. Idcirco deuouet se simul cū sceleratis morti potius, q̄ cū sui cōditoris iniuria diutius uiuere. At uerò magna est improbi audacia, illa uiuere animi securitate, melius dicerē temeritate, ac si in sinu Dei esset omnī iustissimus, cū tamē mille uitiorū capitaliū telis trāsossus sit. Crudelissimū quidē id esset uīsu spectaculū, si oculis cerni posset corporeis mens improbi, corq; sanguinarij hominis, auari rursus & ambitio si. Sed crudelius illud, si ita obduruit anima, ut malint uiuere nonnulli, & mori quoq; cū Dei odio, modò nō id resciscāt homines, q̄ probitati studentes à uulgi plausu præteriri. Modò regnent in hoc mūdo, suasq; expleant cupiditates, quid in alia futurū sit uita, nihil pensi habent. Ergo hī è uita, ut expetunt, abeant: nos uerò, qui istorū scalpro ac lima libenter expolimur, illū expectamus, qui nostrū ueterē reformet hominē: illiq; interim castis insusurramus suspirijs, Deduc nos domine in uiam æternam, Cui laus sit & benedictio in secula seculorū. Amen.

## PSALMVS Dauid CXL. Vincenti.



Ripe me domine ab homine malo, à uiro iniquo eripe me.

Hoc uno maximē indicio, quanti extiterit momenti persequutio Saul, Doëg, cæterorūq; adulatorū cōtra Dauid, cōmonstratur, quòd tot propterea composuerit eiusdem argumenti psalmos, ut is unus præcipuus est. Haud faciliè exprimi posset, q̄ exitialiter piorum tranquillitatē turbet istiusmodi orbis lues, nempe adulatorū, falsoq; traduentiū proborū uītā, apud illos potissimū iudices, qui leuissimo cū sint animo atq; ingenio, faciliè quò impellit astutorū acuitas præcipitant. Ita miser ille rex affectus fuit, qui cū se totum Doëg, atq; illius generis hominibus credidisset, quid nō insidiarū molitus est in Dauidem hominē sanē innocentissimū, ac Deo charū. Solenne id est in mūdo, syncerā uiuēdi rationē simulatoribus atq; inuidis infensam esse. Ab hisce enim, tanq; à duobus riuulis ex uno ambitionis fonte proruentibus, tota illa deriuata est Saul immanitas in generū: qui fons postea funditus in mitissimū seruatorē nostrū, tanq; in rem signatā, cuiusq; rex ille typum gessit effusus fuit. Vide igit quid hīc dicat innocētia in arcu persecutionū posita, afflictaq; in purissimo Iesu corpore: Eripe me dñe ab homine malo, à uiro iniquo eripe me. Fingas malum hominē & iniquū hīc esse Doëg, cuius cōsilijs usus Saul, tam immenso infectatus est odio Dauid. Totus is primus uersus eundem tanq; digito designat hominem, adulatorū scilicet principem. Ab homine, inquit, maligno illo, noxio, exitiali, iniquissimo, scelerato me exime. Sic uocem, iniquo, interpretari liceat.



**C** Qui cogitauerunt iniquitates in corde, tota die constituebant praelia. Tametsi ex hebræo plerique uertunt hunc uersum per tempus præsens, cogitant, constitutuunt, seu concinnant; non multum tamen interest, ut aliàs diximus, quo tempore uerba ex hebræo reddas, modò Vatis mentem non ignores. Machinati sunt, inquit, adultores illi res admodum iniquas, utpote fallas & sceleratas, contra me. Quæ porrò res illæ fuerint, alio statim aperit hemistichio: Quotidie excitauerunt praelia. Vide perpetuum nocendi animum in maleuolis, quocirca dictum est de illis: Tota die dissidia struunt ac bella. Ecquæ illorum fuerunt arma, atque ad demonstrationem innocuorum machinæ? Dicam:

Acuerunt linguas suas sicut serpentes, uenenum aspidum sub labijs eorum. En arma adulatorum, en oblocutorum tela ac spicula, en quibus expugnant tormentis principum animi. Quare non superflue in fine uersus additum est Selah, quo admonemur, quam mortiferum sit uenenum assentatorum lingua. Sed neque minoris est incommodi principum ipsorum leuitas, qui simul ut aures adulatorum persuasionibus ad mouere occiperint, in omne facile prolabunt uite dedecus. De ueneno aspidis præsentaneo aliàs diximus: sunt tamen qui uenenum araneoli, qui natura uenenosissimus est, si ex rhacinatorum maximè genere sit, transferunt. Expende quibus potissimum æquiparantur animantibus adultores. Quid non inficiunt cœnosæ istæ belluæ: quid non corrumpunt? Idcirco

Custodi me domine de manu peccatoris, & ab hominibus iniquis eripe me, qui cogitauerunt supplantare gressus meos.

Idem fermè repetit, quod in primo oratum est uersu. Non dico, inquit Augustinus, ut non noceant in causis seculi, sed in uia Dei. & rectè: nam quemadmodum iactura illa, qua ab improbis & tyrannis, in rebus fortunæ obnoxijis afficimur, est ridenda: ita illa, quæ ad animam attinet, extimescenda. Cæterum supplantare uerbum, ad fraudulētos pertinet homines & dolosos: ad superbos uerò quod sequitur:

Abconderunt superbi laqueum mihi, & funes extenderunt in laqueum, iuxta iter scandalum posuerunt mihi.

Artes sunt eæ superborum, illorum maximè, quorum tumori cōiuncta est ambitio. Quoquouersus te uertas, hi tensos habent insidiarum laqueos, ac, ut tuos fallant gressus, pedicas. Nihil intentatum relinquunt superbi, nullumque non mouent lapidem, ne cui inferiores sint. Superiores enim inextinguibili persequunt odio. Patres contemnunt, aut effœminatè metuunt. Inferiores uerò uel prorsus calcant, uel turpissimis sibi conciliant artibus. Istiusmodi quidem rerum uenaticarum nominibus anxium superborum animum, atque ad suppeditando innocuos describit studium. quocirca aptissimè rursus hic additur Selah. In hisce, ait, tam uarijs constitutus periculis, nunquam, quamuis supra uires pressum, despondi animum. Proinde

Dixi domino, Deus meus es tu, exaudi domine uocem deprecationis meæ. Domine domine uirtus salutis meæ, obumbrasti super caput meum in die belli.

Dñe dñe, Hebræis est, Deus dñe. Cæterum, obumbrasti super caput meum, sic uertit Felix: Operuisti caput meum in die armorum, hoc est, in die, quo arripienda fuerant arma. Paraph. uerò paulò aliter: Armasti caput meum quoties cōsiliendum fuit cum hoste armato undique. Vidēs ne quomodo Vates quicquid roboris aut uirtutis in se esse cognouit, illud totum Deo acceptum retulit? Id porrò capitis operimentum, salutis galeam uocat Apostolus: nepe animum uigilantem, nihilque non in bello hoc cum mundo periculossimo prospicientem. Omnis quippe ignauia, atque animi stupiditas militum in exercitu quantumlibet numerofo, atque armorum eleganti insigni, res est periculosa. Ait itaque: Cuncta quæ me obsidēt mala uigilatissime circūspiciēs, nullamque meis uim uiribus, adscribens, dixi dño, dñe tu mihi deus es, tu dux, tu ille



tu ille, qui caput hoc meum alioquin hostilibus peruium telis, ne uulneraretur, armasti. A te igitur armatus num dæmonū insidias, aut linguarum uirulentiam inter homines pertimescam? Id tamen orare non desistam, dicamq; ac quantum máximo potero ingeminabo clamore:

Non tradas me domine à desiderio meo peccatori, cogitauerūt contra me, ne derelinquas me, ne fortè exaltentur. Selah.

Vt dilucidior esset sensus, uerti poterat: Ne perficias dñe desideria impij, nefarium cogitatū eius ne permittas progredi, ne exaltenr. Orat Vates, ne cogitata scelera succedāt peccatori, impio nimirū Doëg assentatorū principi. Siquidē uoti is compos factus, unā cum illuuiē illa sceleratorum de adepta gloriari poterāt uictoria. Ne concedas, inquit, illum, quæ machinatus est, perficere, ne sumpta de me occasione insolescāt, tumideq; sese efferant illius sicarij. Selah adiectum indicat, præter naturam omnino esse impios extolli, atq; honoribus perornari: pios uerò præteriri & opprimi.

Caput circuitus eorum labor labiorum ipsorum operiet eos.

Laborem hīc pro molestia positum esse exponunt, Cæterum duobus modis uersum sic legi posse, etiam ex hebræo opinantur; Principem circumdantiū me afflictio labiorū eius operiat illum, ut sit sensus; Molestia quā mihi illorū dux impuro inferre ore conicitur, in illius caput recidat, uel ita: Labor consiliorū ipsorum obruat caput eorum, qui me circumueniunt.

Et cadent super eos carbones, in ignem deiciēs eos, in miserijs non subsistent.

Non præteribo quorundam sententiam, qui sic superiorē interpretantur uersum. Caput circuitus eorū, hoc est, caput & summa totius illorū impugnationis, qui me obsident, labor est, ac dira linguarū uirulentia, qua me perdere penitus adnitunt. Verū omnia hæc tandem in illorum retorquebuntur infamiam atque exitiū. Quicquid enim improbi oblocutores aduersus moliunt innocentia, laboriosissimū est ac molestissimū, quoniā id contra Deum excitari certò sciunt, præter illud, quod perpetuò afficiunt conscientia laniatu. Nihil sanè nō molestissimū atq; amarū experiri potest, aut gustare, mens turpis. Quod si quidē neq; humanitate, neq; Dei religione, neq; propria existimationis respectu nequeunt quidā permoueri, deduciq; quin semper mali sint, atq; in alios iniurij, timor saltem pœnarū, quas hīc minatur spiritus, illorū frænare deberet proteruitatē. Cadant, inquit, super illos, Sodomitarum more, carbones ignis. Quid? Tu illos in flammis cōijce, exureq; ac in profundissimū miseriarū barathrū proijce, atq; adeò penitus obrue, ut nunq; emergere ualeāt. In hebræo post ignē addūt foueā, seu foueas. Sic illi; In ignē deiciēs eos, & in foueas, ut nō insurgāt. Hac em̄ uerborū periphrasi extremā illorū fore calamitatē prædicat, quā sanè quotidie etiam cōtingere cernūt uel cæci. Longo iam usu edocti nescire nō possumus, q̄

Vir linguosus non dirigetur in terra, uirum iniustum mala capient in interitu.

Vir linguæ, ferè ex hebræo uertūt. Intelligit uirū loquacē, atq; proinde multa mentientē, cui nihil eorum, quæ in alienā effingere consuecit perniciem, succedere, imò uerò malū, quod alteri preparauit, fore illi in interitū precatur. Fiant, inquit, peruersis istis utilitigatoribus ac maledicis in exitium, quæ pijs mansuetisq; animis cooperant ad uitā: diræ nimirū oblocutiones, confictæ delationes, exilia, calumnia, ac demū iunctæ cum cauillationib. ac mendacijs iniuriæ. Probi quidē & temperati in miserijs quālibet acerbis diuino cōfisi præsidio perstāt immoti: sed improbi in paruis, nulliq; momēti aduersis succubunt illicò, ac mulierum more lamentantur, atque ita in miserijs non subsistent, sed de miseria in



**C** miseriam infelicissimè prouunt, Quid porro intellexerit Paraphrastes per uirum loquacem & iniustum, opere precium erit dicere. Quisquis, inquit, fuerit maledicus & proditor, nunquā stabilis erit in terris, Contra uerò

Cognoui quòd faciet dominus iudiciū inopis, & uindictā pauperū.

Fides enim etiā in maximis exagitata malis, si in sincero inuenitur animæ affectu, non perturbatur, sed res suas prudentissimè colligens sic secum ratiocinatur. Non semel quidē, quantū Deus in subueniendo miseris præstò sit, experita sum. Id fore quoq; persuasum habeo, quòd inopum causas, nempe illorū, qui nullo fulti hominū subsidio, à Deo solo pendere contenti sunt, tutabitur, deq; illis, qui nos, quorum saluti nemo est qui opituletur, affligunt, supplicium sumet, & ita nostras ulciscetur iniurias clementissimus dominus.

Veruntamen iusti confitebuntur nomini tuo, & habitabunt recti cum uultu tuo.

Veruntamen, etsi non ineptè positum uidetur, tamen ex hebræo aptius reddi posset, utiq; seu, ut Paraphrastes, tunc. Sic ille: Tunc iusti celebrabunt nomen tuum. Cæterū quid sibi uelit, habitabunt recti cum uultu tuo, quē me sensum afferat, ita puto intelligi posse, quemadmodum illud Dei ad Abraham: Ego, inquit, Deus omnipotens, ambula coram me. atq; seipsum exponēs mox addidit: Esto perfectus. Vis' ne, mi lector, longiori instrui circumlocutione? Vis' ne, inquam, te dignū reddere, cuius presentia, cuius lachrymas, cuius deprecationes, diuinus non aueretur uultus? Esto perfectus, esto, quemadmodū Christus fuit in mūdo, deiformis omnino. Hoc sanè modo in portu nauigas illius ductu, qui nostrum ita informat arbitriū & uoluntatē, ut nihil iam libeat uelle & appetere, quod ipsius non sit, ab ipsoq; proficiscatur, atq; in ipsum demū, tanq; in gratiarū omnium fontem redeat, Cui laus sit æterna in secula seculorum, Amen.

PSALMVS David CXLII.



Domine clamaui ad te, exaudi me, intende uoci meæ cum clamaui ad te.

David cum exul esset, atq; proinde longè à tabernaculo atq; arca fœderis, ubi sacra fieri cōsueuerant, semotus, mirū in modum discruciabat animi. Verū ut poterat, uotis, sanctisq; precationibus cultum illum resarcire decreuerat. Tum quidem, opinor, nostra adumbrabat religio. Siquidem exclusus Christus è templo, à proprijsq; reiectus consanguineis & ciuibus, sanctiorē fundauit religionē: cuius exordia tum primū deliniari cœpta sunt, cum apud Samaritanas, nempe alienigenas, & hostes quoq; à Iudæis execratos, afferuit, affore aliquando ut homines neq; in monte Moria, neq; Hierosolymis adorarent patrē, qui spiritus cum sit, in spiritu & ueritate adorari expetit. Hæc David uiderat. Attamen ritibus illis, qui donec uerius aduentaret sacerdotiū atq; incensum, seruandi fuerant, se non interesse mirabiliter angebatur: itaq; Deo suum non raro aperuit dolorem, conquestusq; est, dicens: Domine clamaui ad te, exaudi me, intende uoci meæ cum clamaui ad te. Ipsa quidem prima uox tenerum Vatis præ se fert animū erga Deū. Mi dñe, inquit, simulac à uenerando illo te colentiū coetu, à ritibus, à sacrificijs, à thure, me extorrens uidi, num propterea omni quoq; religione uacuuus esse debui? Ad te itaque, cui ubique sincera præstari debet pietas, meis in afflictionibus clamaui, clamoq;: tu modò, quæ tua est clementia, exaudi, sineq; te exorari, quin mentem tuam illam æternam, qua cuncta quoq; obstrusissima permeas & rimaris, uoci meæ lamentabili atq; suspirijs admove.

Dirigatur oratio mea sicut incensum in conspectu tuo, eleuatio manuum mearum sacrificium uespertinum.

De in-



A De incenso, fumigationeꝝ & mixtura thymiamatis, fufe admodum in libro Exodi scribitur. Sume, inquit, tibi aromata, stacten, onycham, galbanū boni odoris, & thus lucidissimū; æqualis ponderis erūt omnia. Et paulò pōst: Cū in tenuissimū puluerē uniuersa contuderis, pones ex eo corā tabernaculo testimonij. Hem quantā mysteriorū syluam hīc detegī uideo: sed aliud agimus. Illud tamen obiter annotandū, ad hunc respexisse morem, præmonstrasseꝝ sacramentum octauū angelum illum, qui thuribulū gestans manibus aureum, stetit ante altare, cuiꝝ uis magna incensi data fuit, ut & ipse daret de orationibꝫ sanctorū omniū super altare aureum, quod est ante thronū. Cæterū de sacrificio matutino ac uespertino frequens in sacra lege fit mentio. Erant duo agni, quorū alter manē, alter uesperī super altare ritu immolari sempiterno iuebantur. Pro his igitur tam operosis ritibus, se puras extulisse manus ad Deū fatetur Vates: *Vice*, inquit, suffitus illius thuris odoratissimi, sacrificijꝝ uespertini, mea tibi grata sit oratio, gratum uotum, grata manuum eleuatio. Quod uespertinū solūmodo sacrificiū memoret Vates, ea uidetur ratio, quod occultissimo quodam modo ac typo sanctius reputabatur. Etenim agnus qui manē occidebatur, ad illum qui uesperī, respicere uidebatur, cū is perfecti quodammodo illius diei sacrificij, uenturæꝝ alterius rationis uictimæ, & consummationē & imaginem præ se ferret. Sed quæ orare statuisset sanctissima Vatis anima, consideremus.

Pone domine custodiam ori meo, & ostiū circumstantiæ labijs meis. Neꝝ ex hebræo, neꝝ ex græco uertunt circumstantiæ. Ex græco sic: Ostium munitionis ad labia mea. Ex hebræo autē simpliciter transferūt: Conserua ostiū labiorum meorū. Vnde Paraphrastes sic totum reddit uersum: Adhibe domine frænum ori meo, & custodiam ianuæ labiorū meorū. In præcedenti quidē psalmo maledicentiā in Doēg atꝫ illius assentatoribus detestatus, in hoc orat, ne & ipse quid impiē in Deum aut homines iratus proferat. Nouerat enim quā prona esset lingua ad remaledicendū, compensandumꝫ par pari in reddendo cōuicio. Detestanda omnino hæc est consuetudo, & quæ ex diametro Dei repugnat Euangelio. Dum enim alter alteri morsum insigimus, uicissim omnes absumimur, linguæꝫ instrumento nimirū ad celebrandū Dei nomen formato, ad mutuas abutimur cōtumelias, famæꝫ dilacerationē. Et tamen tam capitali morbo, penēꝫ ob usum immedicabili, confessiunculis nescio quibus obscuris, dubijs, obrectis, ridiculis tandem, mederi opinamur. De redintegrandā uerò fratris aut re, aut existimatione, nulla interim neꝫ ab illo qui audit, neꝫ ab illo qui confitetur mentio: atꝫ hoc modo cæcus cæcum duxit, cæcusꝫ cæcum exoculauit. Quā libenter, mi lector, in re nostra cæcutimus, deludimurꝫ insani. Vide, te oro, quid hac de re quidam ethnicus nostrū ad ruborem senferit: Cum inquitinissimis, inquit, hominibus nō est cōuicio decertandum, neꝫ maledictis aduersum impudentes & improbos uelitandum: quia tantisper similis & cōpar eorū fias, dum paria & cōsimilia dicas atꝫ audias. Quid sanctius dici posset: quid magis euangelicū? Ne itaqꝫ in eandē planē omniū uniuersalem incidat pestilentia David, orat sibi frænū inijci, firmoꝫ obsignari uectē linguæ ostiū (hæc quidem omnia una conficit patientia, iunctaꝫ cum māsuetudine temperantia) additꝫ:

Non declines cor meum in uerba malitiæ, ad excusandas excusationes in peccatis, cum hominibus operantibus iniquitatem, & non communicao cum electis eorum.

Hactenus hunc termināt uersum Hebræi, & quidem aptè: alioqui sensus omnino lacerus esset atꝫ intercisus, sed cōcinnior illis est litera. Sic ferè illi: Ne patiaris cor meū labi in uerbum malū, ut cogitem cogitationes in impietate cum uiris qui operant iniquitatē: ne comedam de his, quæ illis sunt iucunda, hoc est, ne ullo unquā teneam desiderio comedendi parta rapinis atꝫ usuris, quantū uis



furibus ipsis ac rapacibus suauissima. Breuibus hinc quidem, mea sententia, expressit, quid sit in reprobam tradi mentem. Huius sane indicium rei est, cum Deus conceptam animi malitiam finit in opus egredi, oblectarique sese inuicem mutua ueluti scabie improbos. Hi à spiritu uasa ire nuncupari soliti sunt. Porro tametsi ad excusandas excusationes in peccatis, quod proprium profligatorum hominum est, suam scilicet extenuare culpam, causamque nescio quam peccati prætendere, huc utcunque aptari posset, tamen quæ germanior uisa est litera, hanc posui. Ne seducar, inquit, obsecro, istiusmodi prauorum hominum lenocinijs atque adulatione, sed potius

Corripiet me iustus in misericordia & increpabit me, oleum autem peccatoris non impinguet caput meum.

Præfert enim bonorum reprehensiones, improborum fauori & blanditijs. Quantum ad literam nostram attinet, planior uidetur sensus, ut uir iustus malitiam à suo haudquaquam dissimili reprehendi, cuius reprehensiones beneficii loco habiturus sit, quam oleo peccatoris, adulationis scilicet amœnitate, cui comes est mendacium, deliniri. Verum litera quæ est Hebræis, etsi eundem, subobscurum tamen reddit sensum. Sic illi: Percutiat me iustus in bonitate, atque redarguat me, oleum autem præcipuum non frangat caput meum, hoc est: Opto ut me potius percutiat iustus (beneficium enim id erit) quam ut impij oleo, cuius usus iam celebris est (ita est assentatio) & præcipuus, caput meum inungant; & id proinde, ne illorum delicijs inescatus, nefarijs etiam illorum consilijs assentiar. Oleum quippe istiusmodi non sanat, sed uulnerat, frangit, perturbatque caput, atque attonitum reddit. Simplicior tamen ea uidetur expositio, quæ oleum ad iustum illum, qui corripit in misericordia, refert, quamque è Felicis litera posse excuti arbitror. Sic ille: Percutiet me iustus misericordia, & redarguet me, oleum capitis, non prohibebit caput meum, hoc est: Cum me percutit iustus, misericordia ea est. Cum arguit, oleum est capitis. Idcirco tam salutare perfusionem non prohibebit caput meum, sed libenter admittet. Illud quoque non prætereundum, quod huic fauere sensui uidetur, oleum capitis, unguentum primarium, seu optimum, à nonnullis uerti, quod omnino non sis nescius pullam hinc de peccatore fieri mentionem; atque ita uersum sequenti assuunt hoc modo: Quia adhuc oratio mea contra mala eorum. Unde sic totum explicat uersum Paraphrasis. Verberet me potius iustus, & beneficii loco habiturus sum, & si castiget me, uulnus illud capiti meo molestum non erit, sed pro saluberrimo illud medicamine amplexurus sum, nec à proposito deterrebit me, sed pergam potius orare dominum ut seruet me quam alienissimum à sceleratis impiorum operibus. Alius uero, pro malis istorum orabo, uertit. Hæc diffusius forsitan quam mea fuit intentio. Verum tanta interpretum uarietas non nihil me interdum à proposito deerrare compellit. Quod si tamen nostræ adhuc in hærescere quis cupit literæ, sic dici potest:

Quoniam adhuc & oratio mea in beneplacitis eorum.

Id est, non cesso orare, dum illi interim suis in actionibus, quibus delectantur, ualdeque sibi placet, perseverant. Huic & conuenit Felicis litera: Et oratio mea, inquit, inter mala eorum, hoc est, dum interim in malis perdurant, ego pro illis oro. Pium certe uotis animam atque imitandum. Sed & quod sequitur, non minorem secum affert obscuritatem:

Absorpti sunt iuncti petrae iudices eorum, audient uerba mea quoniam potuerunt.

Is unus est uersus Hebræis, quem sic reddit Felix: Distrahant super acuminem lapidum iudices eorum, & audient eloquia mea, quoniam iucunda erunt. Ita etiam Symmachus ultimam reddit particulam. Ceterum qui literam nostram secuti sunt, ad Moysen & Aaron, qui ad aquas surgentes iuxta petram subdubitarunt, referre conantur. Alij uero ad Platonem, Aristotelem, Pythagoram, ac ceteros Ethicæ professorum, detorquent sensum. Verum non uideo quo id fundamento astruant, cum de æquissimo Dei iudicio in sceleratorum principes, ut erant Saul adulatores, quos hic



**A** hic iudices appellat, sit sermo: nihilq; aliud uult Vates in istiusmodi uerborū tro-  
po, q̃ ut crudeliter intereant fautores improbitatis, quare litera, quā ex hebræo  
adducūt, ad id asseuerandū uideť aptior: Tantū, inquit, abest ut sceleratorū gra-  
tiam, & beneficia exoptem, ut etiā illorū iudices atq; altores, ē sublimi tanq̃ ru-  
pe in saxa, cotesq; acutissimas præcipitari efflagitē, ut uel sic addiscā hi, qui mo-  
dō illorū persuasione dementati, meas spernebant admonitiones, illas salutare  
fuisse, atq; ab amāti animo profectas: quippe quæ de pace, de religiōe, de pietate  
fuerāt. O si his miseri auscultassent, id cerē, qđ dicturus sum, neuiq; cōtigisset.

Sicut crassitudo terræ erupta est super terram, dissipata sunt ossa no-  
stra secus infernum.

Hucusq; legi debet uersus, quē sic ex hebræo transferunt: Sicut qui findit, &  
secat in terra (ligna scilicet) dispersa sunt ossa nostra ad os inferni, seu sepulchri.  
Vide an forsan pro eruta, erupta uerterit interpres: aut scriba uicinitate literarū,  
quisquis ille fuerit, deceptus, p̃ interseruerit, ut sit sensus: Quēadmodū enim ter-  
ra interior, quæ pinguior de more est, ac crassa, uomere eruitur, & super terram  
aliā spargit: sic ossa nostra à nobis eruta sunt, fractaq; atq; ita dissipata, ut sepul-  
chro proximi magis essemus, q̃ uitē. Metaphora ossiū fractorū erutorū me, ad  
significādas uires adeo interdū nostras ab improborū sæuitia & frāgi & attenua-  
ri, ut nōnunq; mortuis perfimiles appareamus, utitur. Paraph. uerō de lignis su-  
per terrā securi incisis uersum interpretať, in hūc modū: Sicut qui amputat arbo-  
res, & findūt ligna, & per terram spargūt huc atq; illuc quę amputata sunt: sic os-  
sa nostra dispersa fuerūt, & soluta præ metu mortis: ad ipsum em usq; sepulchrū  
perueneramus. Mirū q̃ copiosus sit Vates suo in exprimēdo cōceptu similitu-  
dinib. Ceterū nō infrequēter diximus infernū pro sepulchro in scripturis poni.

Quia ad te dñe dñe oculi mei, in te speraui, non auferas animā meā.

Suo more Deū, per spem, fiduciāq; qua suis semper in ærumnis usus est,  
obtestat, dicēs: Quoniā ad te, mi dñe, mi, in quā, dñe cōfugi, clamauiq; atq; illorū  
ritu qui supra uires affligunt, oculos hosce meos præ mœrore semimortuos ex-  
tuli, subindeq; tuo in præsidio meā omnē collocaui fiduciā, ne sinas periclitari  
uitā meā. Auferas, seu effundas uerbo usus est, quō certi simus Deum, quando  
illi placitū fuerit, mortalium auferre animas, non ense, uenenumq; aut hostis  
dexteram. Qui quidem Deus nunq; suis uitam hanc fragilem adimī sineret, nisi  
daturus esset feliciorē. Ille solus, qui dedit, auferre potest. Alioqui certē si quę  
cunq; in nos moliantur improbi, illis integrū esset perficere, iandudū mūdus pro-  
bum haberet neminē. Verū Deus, qui cuncta æquissimo collibrat iudicio, æ-  
ternāq; dispensat prouidentia, quicquid siue in cœlis, siue in terris geritur, id to-  
tum in suorū salutem cedere & uult, & sic nobis persuasum esse præcipit. Qui sa-  
nē istiusmodi uiuunt persuasione, quęcunq; accidunt, semper tuti sunt & quie-  
ti. Neq; aliter quidem affectum fuisse Vatem censendum est, licet has diras in-  
perfidios illos Saul adulescentes, non absque animi permotione contorquere po-  
tuisset pressis humi animis uideri posset. Tranquillo cuncta hæc, quemadmodū  
& ea quę sequuntur, imprecatus est animo.

Custodi me à laqueo quem statuerunt mihi, & à scandalis operantiū  
iniquitatem.

Quem tetenderūt mihi, uertit ex hebræo. Rursus scandalū pro tendiculis, seu  
uinculis, ut uertit Cāpens, posuit: quæ omnia dolosorū hominū insidias præ-  
ferūt, & est ferē idem, quod in superiori precatu est psalmo, dicens: Custodi me  
dñe de manu peccatoris, & ab hominibus iniquis eripe me, qui cogitauerūt sup-  
plantare gressus meos. Huc sanē spectant superborū machinationes, ut simpli-  
cium cursum ad uirtutes, atq; proinde ad dignitates, intercitant, retrahantq; ne  
ipsi præuertant, ab instituto. Idcirco passim, sparsimq; insidias obtendūt, atq; oc-



**C**ultissimo fraudulentiae cōsilio & arte expansa, si quā, uel uerbo saltē, oberrare cōtingat, obducūt retia. Horū igit̃ pertimescēs insidias uir sanctus clamat: Pro me uigila domine, ne in laqueū, quem in meū extenderūt exitium, prolabar aliquando, neq; in illorū muscipulas, qui toti subdoli sunt, incidam. Quin potius

Cadāt in retiacula eius peccatores: singulariter sum ego donec trāseā.

Præcipitē, inquit, maledici illi palpones in retia illius, ducis nimirū illorū, qui seditiones alere consueuit: ego uerò singulariter ab illorū uita semotus ero quoad uixero, sic nostrā exponunt literam, quæ paulò secus Hebræis est. Sic illi: Incidant in retia sua impij unā omnes, ego in seculum transibo. hoc est, ipsi in eadem cadant retia ac dolos, quos mihi adornarūt: ego autem in seculum, perpetuoq; illorum euadam laqueos: uel, ut reddit Campensis, quoad ego saluus præteriero. Vterq; sensus immensam Vatis fiduciam in Deū celebrat. Cui nos sit ac gloria in seculorum secula, Amen.

PSAL. CXLII. Eruditium Dauid: cū esset in spelunca, oratio.



**V**oce mea ad dñm clamaui, uoce mea ad dñm deprecatus sum. Prima inscriptionis uox altioris nos admonet mysterij, q̃ sit fuga illa Dauid in specum Engaddi, in quo tanq; in extremo suæ salutis perugio delituit tam pius rex. Tum sanè uisus est penitus animo concidisse: omni enim temporis momento sæuissimū opperiens persecutorē, anxie admodū afflictabatur. At quæ tum egerit cogitaueritq; præsens demonstrat oratio, pia ualde, atq; eruditionis plenissima: quippe quæ Seruatoris nostri in antro isto mūdi obscurissimo cōmorantis imaginē retulerit. Sed tu uide, an secus hi agere debeāt, qui improborū crudelitati expositi sunt, atq; ipse egit Dauid in specu illo ancipiti metu penē exanimatus. Quid tum egerit rogas? Primū quidem ad consuetū diuinæ confugiens misericordiæ præsidiū, illius implorauit opem: deinde uerò nihil prius habuit, q̃ ut inimico parceret: nam cū Saul occidere potuisset, quo occiso res suæ omnes in tuto esse uidebant, noluit tamen, dixitq; illis, qui secum aderant militibus: Propitius sit mihi dñs, ne faciā hāc rem dño meo Christo dñi, ut mittā manū meā in eum. Cōsideras ne, ô tarde, quomodo tum planè ueram illius, cuius ipse typus fuit, expressit imaginē? Quid tam exactè Christus egit in terris, q̃ ut sibi patrē, orando, benefaciendoq; nō solū amicis, uerumetiā iplis infensis hostibus, demerere? Et ut nuncq; cæcis perspectū, usquedum uixit, illud fuerit, ne tum quoq; quidem, cū in cruce moribūdus in illam aureā, amorisq; plenissimā prorupit uocē? Pater dimitte illis. Haud graues forsan hostiū in illū exitere iniuriæ, ut nō multū fuerit illas cōdonasse. Credo, si haud multū est, uirum omniū innocentissimū, beneficūq; in omnes, crudelissimis prius exagitātū iniurijs, cruciatibusq; lacerū, uinctū, consputū, irrisum tandē cruci, latronū nimirū supplicio, suffigere, clauisq; acutissimis transuerberare. Ita habitus fuit à suis Christus in mundo, pepercit tamen omnibus. Imò uerò (res mira) factus est crudelissimorū hostiū suorū præses, fideq; iussor, atq; aduocatus apud patrē, alioqui filij iniurias uindicaturū. An modò hac in parte sint qui Christū referant & imitent, me omnino præterit. Illud uerò minimè, mortales ferè omnes, atq; in primis potentiores, ad odia, ad iniurias, ad persecutiones, ad uindictā, promptiores esse, q̃ ad charitatē, ad beneficia, ad pacē, ad ueniā. Quæ in Dei contumeliā fieri cōspicio, tum dico, tum ut resciscant posterij, mando literis: dicoq; cum sanctissimo meo Vate in specu ab hostiū armis circumsepto, imò cum Christo Dei unigenito in mundo hoc ab innumeris scribarū, Phariseorumq; ac synagogæ principum insidijs obfesso: Voce mea ad dominū clamaui, uoce mea ad dominū deprecatus sum. Repetitio quidē, uoce mea, uoce mea: item, ad dominū, ad dominum, solitum fidei ardorem in Vate demonstrat. Hæc sanè omnia, inquit Hieronymus,



**A**nymus, in humilitate corporea loquitur Christus, ut se uerum hominē manifestaret. Sed & uox ista, uox est cordis, affectus nimirū igneus, flagransq; desiderium, quo anima in Deum fertur. Nec quidem quempiam uerba hæc rectē proferre posse arbitror, qui totus non ardeat, uiuatq; fide in Deo magis quàm in se, quod uenustè admodum is, qui sequitur, indicat uersus.

Effundo in conspectu eius orationem meam, & tribulationē meam ante ipsum pronuncio.

Elegantissimè expressit ueri deprecatoris morē interpres in uerbo, effundo. Num putas cōponendas esse syllabas, aut quærendam dictionis elegantia, cum Deum oras? In corde enim tota res illa transigitur: quod quidem si mœrore aliquo graui aut pauore affici cōtigerit, quæ desiderat, quæ ue orare intendit, magis euomit & effundit, quàm loquitur. Coram, inquit, illius conspectu, qui ferre potest miseris suppetias, meam effundo precationem: seu, ut reddit Campensis, eloquium doloris mei: & sic illi meam aperio afflictionem.

In deficiendo ex me spiritū meum, & tu cognouisti semitas meas, in uia hac qua ambulabam, absconderunt superbi laqueum mihi.

Is unus integer est uersus, quem sic ferè reddunt ex hebræo: Cum torqueret in me spiritus meus tu cognouisti semitā meā, in uia qua ambulabam absconderunt laqueū mihi. Superbi, nō est in hebræo. Videtur hīc additū ex alio psalmo, cuius initium est, Eripe me dñe. Sunt qui, semitā meam, ad pauorē illum extremū referant, quo in spelunca ualde anxius sic secum: Me hīc tutum fore arbitrabar: quis unquā putasset rupes istiusmodi solū ibicibus peruias, meos petiisse aduersarios? Iam sentio uiam, qua elabi possim, extare nullam: quandoquidem in tramite etiā isto sic inaccessio, laqueū, quo me tandem cōprehendant, subocculant. Verū semitam, qua euadam, tu probè nosti. Alij ad uitæ innocentiam, quam uitæ semitam appellant, referri debere opinantur. Vtrunq; Vatis mentē exprimit. Et quidem nullū adeo inculpatæ uitæ genus inuenit, cui laqueos non obtendant inuidi: quod sanè Christo omnium sanctissimo sæpenumero cōtigisse legimus. Quare alio in psalmo ita suum palam facit dolorē: Circudederūt me tituli multi, tauri pingues obsederūt me. Hīc quoq;: Cum adeo, inquit, acerbè meus conturbaretur spiritus, ut omnino deficerem, me tamen illa omnia in sonitu perpeti nō ignorabas. Quid te unq; latere potuit? Tibi certè uitæ meæ omnis nota est ratio ac uia. Interim tamen (malum) in itinere istiusmodi purissimo, laqueos, quo me irretirēt, cōposuere. Quid illud, quod omnē superat calamitatē?

Considerabam ad dexteram & uidebam, & nō erat qui cognosceret me. Perijt fuga à me, & non est qui requirat animam meam.

Heu desolatā innocentia. Clamat Christus in Esaia: Circumspexi, & non erat auxiliator: quæsiui, & nō erat qui adiuuaret. Tamen si uox fugæ hīc cōuenire uideatur, tamen ex hebræo uertunt perfugium, aut huic simile. Nanq; de alieno loquitur auxilio, nō de fuga propria. Solent enim qui in maximis constituti sunt ærumnis, nō prorsus despōdere animū, si, qui opem ferre uelint, circū se stare uiderint. Verū cum ab omnibus se cernunt deseri, ac pro ignotis & peregrinis haberi, intolerandū in modum affligunt, ut hīc uides. Circumspiciebam, inquit, ad dexterā & sinistrā, ut uiderē an quispiā mihi adesse uellet: sed neminē, non dico qui subueniret, sed qui me agnosceret, uidi. Vnusquisq; enim, etiā ex charioribus & familiaribus, sua quærens cōmoda, me agnoscere dissimulauit: atq; ita omne mihi ereptū fuit suffugiū, nec quisq; tūc uilus est, cui mea cordi fuerit salus. Sic se habet mortalium ferè omnium cōsuetudo. Quid tunc egissent ceteri nescio: ego enim ex præterito tuo fauore edocui, animatusq;

Clamaui ad te dñe, dixi, tu es spes mea, portio mea in terra uiuentiū.



**C** Illud, quod penè exciderat, nō omittendū, quod in superiori additū est uersu, ad sinistram; ita enim subaudiunt ex hebræo. Volunt quidam uerbū, uidebam, illuc spectasse: sic Kimhi hebræus interpretatur. quare sic Paraphrastes: Respiciebam nunc in partem dexteram, nunc ad sinistrā. Porro magna ea est consolatio afflictorū, cum illis in mentē uenit, nullam posse esse tam calamitosam sortē, quam nō emolliat Deus, & dissipet inuocatus. Omni, inquit, humano denudatus præsidio clamaui ad te domine, dixiq; te meum esse Deum, meam fiduciam, meam salutem, meam omnino portionē; neq; inter uiuos alium esse quempiā, cui me tutò credere debuissē. De terra uiuentiū, quam mundum hūc esse opinantur, aliās diximus. Sperat hic Vates, Dei se bonitate in hoc quoq; mūdo, qui locus est uiuorum, fruiturū: idcirco eum uocat suam portionem. Qua quidem persuasione hi solū tenentur, qui nulla alia in re sua statuunt bona, præterq; in Deo; qui, quæcunq; contingant, semper electorū pars est ac portio. Siue igitur ex hac uita demigrem, siue in uita maneam, tu mea es portio, ô dñe, atq; is es, in quo spem omnē meā, uel à puero, collocare didici. Non multū adeò referre arbitror, quòd meis me expoliarūt bonis, nomenq; meū traduxerūt scelesti isti oblocutores: adhuc mea omnia salua esse uideo, simulac te hæreditatē habeo ac portionem. In te quidem tantummodo mei intenti sunt oculi. Ideo & tu quoq;

Intende ad deprecationē meam, quia humiliatus sum nimis. **Libera** me à persequentibus me, quia confortati sunt super me.

Nimis pro uehementer, suo more transtulit interpres: quemadmodū uoce, humiliatus sum, pro abiecto, misero, attenuato, summeq; oppresso, uti cōsueuit. Cæterū, confortati sunt, ualet perinde atq; præualuerunt mihi. Sit, inquit, iam finis malorum: equidem omnino depressus sum, hostes uerò præualent, quicquid moliantur efficiunt, quicquid de me cogitant, obtinent. Dormis ne domine: audi, meamq; lamentabilem admittens deprecationē, me à meis istis tam mihi infestis asserere persecutoribus. Et

Educ de custodia animā meā, ad confitendum nomini tuo. Me expectant iusti, donec retribuas mihi.

Custodiam, siue carcerem, uocat Propheta speluncam illam curarū plenam Engaddi: umbram nimirū afflictionū Christi, Christianorumq; in hoc mundo. Ab hisce enim penitus liberari impossibile uidet, nisi per mortē. quanq; & in uita quoq; possumus, cum aut æquissimo Dei consilio ē medio tollunt persecutores, aut fide, re nempe illa, qua uelit nolit (ut sic per excessum dicam) Deū in nostram cogimus factionem, superantur. Ergo me ē tetrissimo eductum ergastulo in spiritus libertatem, quò tui (ut mea est consuetudo) celebrare queam nominis maiestatem, uindica. Quod si (ut spero) impetrauero, tunc me in modum coronæ cingent iusti, stipabuntq; innocentiae fautores, postquam te mihi benefecisse senserint. Ita hunc hemistichium reddunt ex hebræo: Me circumdabunt iusti cum retribueris mihi: hoc est, cum mihi benefeceris. Cui laus sit in secula seculorum. Amen.

PSALMVS Dauid CXLIII.



**D**omine exaudi orationem meam, auribus percipe obsecrationem meam. In ueritate tua exaudi me, in tua iustitia.

Volunt interpretes hunc psalmū eiusdem esse argumenti, atq; eodem in loco compositū cum superiori. Illud notissimū, animæ extremo in mœrore constitutæ ac metu, precationē esse, ardentem eam quidem, uarijsq; intertextam spiritus aculeis, concitam, peracutamq; & mirè ingeniosam. Domine, inquit, exaudi orationem meam, auribus percipe obsecrationem meam. In ueritate tua exaudi me, in tua iustitia. Vt solet interpres, ueritate pro fide transtulit. Etenim



<sup>A</sup> Etenim hic Dei tum fidem, qua constantissimus est in promissis, tum iustitiam, qua undequaque perfectissimus apparet, uerecundissime implorat. Verum tu interim, quid inter iustitiam huiusmodi diuinam atque humanam inter sit, cogita. Homo quidem si suam humano iudici fatetur culpam, damnatur & occiditur: si uero Deo, absoluitur, atque ad uitam restituitur. Confugiendum itaque ad illum esse, qui ueniam reis sua execrantibus scelera est pollicitus, à spiritu admonemur. Si quidem quod promissit, constantissime seruabit: promissit uitam, uitam dabit. Cur dabit, oro: quia fidelis est, quia iustus, quia misericors: non quia nos iusti, aut fideles, aut erga conseruos nostros misericordes sumus: alioqui stultissimum omnino esset, hominem natura labilem, atque ad Dei iniurias procliuissimum, cum Deo mille quotidie offensionibus laceffito, uelle in iudicio disceptare. Id sane periculum haudquaquam ignorans Propheta, istiusmodi cum Deo rixandi genus detrectat, dicens:

Et non intres in iudicio cum seruo tuo domine, quia non iustificabitur in conspectu tuo omnis uiuens.

Ne summo, inquit, iure mecum agas, ô altissime: quandoquidem ne unus quidem est, si illius ad amissam uitam expendas, qui integer dici queat: utinam non iniquatissimus. Atqui istuc quoque idem cœlestibus usu euenire animis credo, si sic tecum congregi audeant. Non angelus igitur, non apostolus, non martyr, non propheta, præ te, iusti dici possunt: sunt tamen ea, quam tu illis præscripsisti, mensura ac fine. Tu uero tanquam bonorum Oceanus, in immensum, indiffinitumque, absque temporis spacio, aut locorum intercapedine, protenderis. Ego itaque meam damnatam iustitiam, tuam imploro, iudiciumque tuum illud seuerissimum, in quo me iamiam damnatum iri præsentisco, deprecor. Id certe crudelissimus exhorruit Cain, cum te (pro scelus) clementissimum fugiens patrem, abiit profugus super terram. Exhorruit & Iudas, qui ueniam non expectans laqueo se suspendit. Haud eo sane modo tuum refugium iudicium pauperes spiritu, qui idcirco se à iure subtrahunt, contentionesque tecum in iudicio auerfant, quod tua à misericordia solummodo seruari expetunt. Illi uero animi desperatione fracti, uel ipsam eos insequentem, rogantemque misericordiam spreuerunt, atque indignabundi reiecerunt. Quoquo igitur modo res se habeant, aut se habituræ sint, illud mihi abs te persuasum esse gaudeo, quod gratia seruari me oportet, quodque nulla mea est iustitia quæ id mereatur, & quod tuo semper, quoad uixerò, egebo patrocinio.

Quia persecutus est inimicus animam meam, humiliavit in terra uitam meam, collocauit me in obscuris sicut mortuos seculi.

Sicut mortui pridem, uertunt nonnulli: hoc est, qui multo antea tempore (seculum spaciū erat centum annorum) mortui fuerat. Augent hæc omnia Vatis timorem (desperationem non audeo dicere) & est sensus: Non solum quidem hostis me capita liter persecutus est, uerum etiam id quod efflagitauerat assecutus, meam penitus prostrauit uitam, deiecit, afflixit, ac demum me eò loci compulit, ut planè mortuo persimilem iudicarent. Alij de seruato in carcere ad mortem, cui omnia obscura sunt, ac pauoris plena, similitudinem hanc esse existimant. Vtrunque enim ad significandum tum Vatis animum in spelunca illa obscura latitantis, tum illius affectum, qui iudicij Dei memoria perterrefactus, mortuis ipsis potius inuideret, quam uiuis, etsi felicibus ac beatis. Nam dici facile qui posset, quam caliginoso uiuunt uitæ genere & calamitoso hi, qui grauem secum ferunt sarcinam conscientia, quæ perpetua ueluti accusatrix reum continuis diuerberat flagellis: urget: lacerat: exterrefacit: impropertat: Miserandum profectò spectaculum ac lachrymabile, cum mens rea est, accusatrix conscientia, lex læsa causam actitat, memoria litem contestatur, ac demum iudicij timor reum peragit. Putas ne illum, qui sic affectus est, posse aliud dicere, quam illud, quod hic dicitur: Persecutus est



c inimicus animam meam (en hostis audacia) humiliavit in terra uitam meam (en ictus propemodum immedicabiles) collocavit me in obscuris sicut mortuos seculi (en hostis uictoria & triumphus.)

Et anxius est super me spiritus meus, in me turbatum est cor meum.

Obstupefactum est cor meum, uertunt quidam, præ metu nimirum & dolore, ex uulneribus ab hoste acceptis contracto. Frigenti hinc, scio, iustissimi nostram atatis homines, quippe qui nullius sibi conscij cum sint homicidij, aut furti, aut adulterij, hos animæ stimulos atque anxietates ne tenuè quidem experiuntur. Cætera uerò, illa dico quæ in animæ theatro peragunt, quomodo se habent: Quod si nullus adhuc in te sensus est, id saltem cogita, quæ hinc dicuntur, ab innocentissimo dici Christo. Tuam ipse bene nouerat ab æterno oscitantiam. Idcirco pro te (quò doleas tandè) hasce doloris atque amaritudinis notas æquè ac si ipse solus sceleratissimus omnium esset, & tu iustissimus, promittit, dicens: Anxiatur, mireque exagitur in me spiritus meus. Quid torquet sese cor meum, atque ob uulnerum acerbicatem & dolorem obstupescit, penèque sensum amisit. Verum & tum quidem

Memor fui dierum antiquorum, meditatus sum in omnibus operibus tuis, & in factis manuum tuarum meditabar.

En suauitas illa ac dulcor, quo tota animi auferit amaritudo. Spem dico, quæ ex gestorum Dei memoria iam inde à primis annis in mortaliū salutem exhibiturum oriri solita est. Vnde alio in psalmo ita de priscis Iudeorum patribus testatur, dicens: Clamauerunt ad dominum cum tribularentur, & de necessitatibus eorum liberauit eos. Non est quidem tam uetus ætas, in qua non reluceat Dei in homines beneuolentia, appareantque beneficia & gratia, quibus sanè animaduersis mirabiles excitari solent spei stimuli in anima, ut & ipsa aliquando eisdem frui possit sperare audeat. Obruor, dicit aliquis, culparum cumulo. Audio: at uide, an ulla unquam fuerit ætas, in qua, qui paribus, aut grauioribus forsitan premerentur delictis, inuenti sint, & tamen efflagitantibus data est uenia. Illud tantum experit numen, ut usu peccandi abiecto execratorque, te tuæ pigeat turpitudinis. Cætera Deo committe. Air itaque uir fide uegetus: Ego illorum, quæ superioribus operatus es secularis, nequaquam immemor, uaria illa quidem & multa, animo diligentissime pertractaui, in illisque contemplandis totus fui. Vnde actum meum sensi erectam esse pusillanimitatem, firmatam spem, atque omnino cognitam Dei uirtutem, quæ in inferenda suis ope nunquam non præstò adfuit. (Ipse, inquit Paulus, seruator est omnium, sed maxime fidelium.) Quare spe hac nixus, prorsusque animatus,

Expandi manus meas ad te, anima mea sicut terra sine aqua tibi.

Iam diximus manuū extensione in sublimi, orantis affectum exprimi. Cæterum animi uehementer ægrotantis indicium est in hoc uersu reticentia. Volunt nonnunquam suam exprimere miseriam atque indigentiam orantes, sed singulibus intercepti narrationem amputant & interrumpunt. Vnde non absque spiritus consilio hinc additur diapsalma. Anima mea, inquit, quæ terræ instar siticulosa, præ nimioque æstu fatiscens, adusta facta est, tibi, uoluit dicere, anhelat, suspirat, ingemiscit: quandoquidem præ gratiarum ariditate, nec quid appetat, nec quid uelit, integrè exprimere potis est. quasi diceret, aridus, planeque adustus ad aquas confugio. Atqui terra, quæ imbre aut fonte non irrigatur, herbis nequaquam uestiri potest, non abundat messe, non floribus, non fructibus: ita anima neglecto gratiarum irriguo arefcit penitus, atque, ut diuus inquit Gregorius, non operitur uirtutibus, non cogitat de cœlestibus, & Deum esse magis suspicatur, quam persuasum habet, tantum abest ut quæ hinc dicuntur, intelligat. Suum quidem ignorans periculum, nullum, quod firmum sit, implorare poterit auxilium, neque id quoque quod sequitur percipiet.

Velociter



**Velociter exaudi me dñe, defecit spiritus meus. Non auertas faciē tuam à me, & similis ero descendentibus in lacum.**

Clarius ex hebræo uertunt: Ne similis efficiar descendentibus in puteū, seu foveā. Porro uelociter, arctam subueniendi arguit necessitatē. Vident mihi ex uoces, uelociter, exaudi, defecit spiritus, hominē nō iam cum metu aut dolore, sed cum ipso mortis extremo colluctantē prae se ferre. Ita nimirū affecti sunt, qui seriō suum aduertūt periculum. Cæterū explicatius rem aperuisset, si prouentibus, seu decidentibus in lacū aut foveā, uertisset interpres; alioquin potest quis citra periculū in foveam & puteū ultrò, sensimq; descendere: qui uerò deciderit, is nō absq; maximo uitæ periculo uel cadit, uel illic immorat. In eodem omnino sunt salutis discrimine, qui ab atrocissimis, atq; ut nunc est usus, inexorabilibus oppressi persecutoribus, aut dæmonū insidijs irretiti, sine De auxiliio cum infortunijs afflicti sūt. Clamat igitur Vates: Non auertas, quasi indignabundus atq; iratus, faciē tuam à me, sed placido mihi, ne desperē, arride uultu, ad blandireq; ne illis similis efficiar, qui in profundissimū delabunt puteū, qui absq; dubio, nisi præstò adsint qui ferant opem, ab aquis suffocantur. Exinde

**Auditā fac mihi manē misericordiā tuā, quia in te speraui: notam fac mihi uiam in qua ambulem, quia ad te leuaui animam meam.**

Manē, ut aliās admonuimus, Hebræis est sæpenumero, confestim, tempestiue, ualdeq; celeriter. unde illud est dei apud Hieremiā: Misi ad uos seruos meos prophetas manē cōsurgens: hoc est, tēpestiue monēs. Ita in hoc quoq; loco sumi debet, ut planē idem sit quod in superiorib; precatus est, dicens: Velociter exaudi me dñe. Quare sic uertit quidā: Ocyus annuncia mihi bonitatē tuā, te enim fido. Verū, manē, nescio quid prætendit efficacius, q̃ si simpliciter dixisset, celeriter, aut maturē: spectat enim ad præteritā angustiarū noctem, ualeatq; perinde, quasi pronunciaisset, disiecta persecutionū, tentationumq; obscuritate ac nocte, splendidū succedat manē, quod tua mihi euehat clementia. A te quidem quantus quantus sum pendeo. Quocirca uia illa recta, qua itur ad te, per te mihi innotescat. Ad te, non amplius ad me, aut ad uana hominum suffugia cor meum dirigo, atq; à terræ crassamento eleuo: hoc tu rege, affla, lumenq; illi, ne in tetro isto uitæ labyrintho hallucinetur, admoue. Ad hæc,

**Eripe me de inimicis meis domine, ad te confugi.**

Nō parua quidē securitatis est confugere ad Cæsare: sed immensæ omnino, ac certissimæ, ad dñm, in quo tota animarū, non modò corporū posita est quies. Ex hebræo uertit quidā, Ad te obtego: seu, ad te latiturus cōfugi. Possunt sanē homines procella aliqua aduersitatū acti in ædita, atq; hostibus inaccessa sese loca recipere, antraq; & solitudines habitare: uerū à Deo, quod tuti sint, expectandum. Vide igitur quid de se beatissimus testē Vates: Tametsi, inquit, locū hūc abditū, in quo latere possim, me nactum esse existimē: id tamen nihil prorsus esse arbitror, nisi tu serues, ac me ab hostium manibus eximas. Quare, o tu qui potes, me eripe, ad te enim cōfugio, te inuoco, te meū esse latibulū, atq; inter tot rerum pericula, defensorem uolo. Eia tu (eruditores istos indoctos fastidio)

**Doce me facere uoluntatē tuam, quia Deus meus es tu: spiritus tuus bonus deducet me in terram rectam.**

In uia rectitudinis, uertit Fel. Alius uerò, in terrā innocētię. Vocat uia rectā, seu terrā innocētiæ, uia iustitiæ, rectū nempe uitæ institutū. Ceterū spiritus Dei bonus, est ipse spiritus sanctus: quē bonū idcirco appellat, quia omīs spiritus humanus, præ illo, prauus est & erroneus. Clamat proinde Neemias: Spiritū tuū bonū dedisti eis, q̃ doceret eos. Cui & tanq; umbrę corpus illud succinuit euāgelicū: Et docebit uos, inq̃t, omnē ueritatē. Huius sanē ductu atq; auspicio uig ille,



**C** quæ asperæ uidentur & inamœnæ, planæ prorsus efficiunt & delectabiles. Spiritus is est Dei, quo si quis imbuatur, deiformis omnino fit, atque ad capeffendas eiuscemodi iustitię semitas idoneus. Ideo haudquaquam mirum esse debet, si qui istiusmodi donati sunt munere, diuinum quiddam præ se ferant in terris; ab omni quidem libidine immoderata alieni, ceteras facile superant uoluptates. Calcato quippe mundo, in cœlis cum Deo iam suas habent mansiones, uitamque istam ærumnosam peregrinationem, & se mundi peregrinatores, non ciues, appellare soliti sunt. Non te igitur iam præterit, quid boni afferat spiritus huiuscemodi bonus Dei, ab humano autem quod bonum prodire queat non uideo, cum natura superbissimus sit, atque mundanarum rerum appetentissimus. De utroque enim sic loquitur Vates quidam: Spiritus leuauit me & assumpsit me, & ab ipso amarus in indignatione spiritus mei. Spiritus igitur tuus, o domine, non huius mundi, seductor nimirum trahax, impurus, procax, dolosus, fugax, per eam me ducat semitam, quæ ad te ducit rectam, quæ tua æterna est uoluntas, doctrinaque spiritus; nam Deus meus es tu. Quocirca

Propter nomen tuum domine uiuificabis me, in æquitate tua educes de tribulatione animam meam.

In iustitia tua, uertunt ferè omnes ex hebreo, ut sit sensus: Nullum hic meum iactum meritum, aut ostento arbitrium; sed id duntaxat oro, obtestorque, ut propter nominis tui maiestatem, mihi uitam iamiam ab hostibus interceptam restituas, atque in iustitia tua, non mea, sorde omni impuriori, ex his, quibus penè obruor, aduersis, eduas animam meam.

Et in misericordia tua disperdes omnes inimicos meos, ut perdes omnes qui tribulant animam meam, quoniam ego seruus tuus sum.

**D** Tua hic res agitur, o Deus; etenim quoniam ego seruus tuus sum, idcirco impetor & affligor. Si quidem de mundo hoc essem, suum mundus diligeret, non persequeretur; nunc uerò & te, & qui te amant, odit. Verum non id dico, quod tuam me demeruisse gratiam arbitrer, sed tuam solum imploro misericordiam. Per ipsam igitur obtestor te, ut crudelē in me hostium compescas rabiem, iram franes, atque impurissimos illorum cœtus, qui non tantum in me, quantum in tuam conspirauerunt religionem, subuertas. Factiosos hæc lues terræ deamat; non pacificos, & eos quidem qui nihil habent antiquius, quam ut in te uiuant, mortemque tandem in te oppetant tranquillam, Cui laus sit æterna. Amen.

## PSAL. Dauid CXLIIII.



Benedictus dominus Deus meus, qui docet manus meas ad praelium, & digitos meos ad bellum.

Composuerit ne hunc psalmum Vates ob insignem illam & famosam contra Goliath Philistæorum ducem uictoriam, an ob aliam, ignotum est penitus. Illud uerò notum, synceras hic Deo agi gratias ob deuictos hostes, suamque in regnum restitutionem, in quo tum cuncta amœnitate floruisse uisa sunt. Nos interim à Vatis mente non longè discedentes, ad animum hæc omnia, ut par est, traducere cōdiscamus. Et quemadmodum frigidi omnino atque ieiuni sunt sensus, qui in enarranda solimodo gestarum rerum serie immorantur; ita parum calidi, imò inepti existimari à doctis hi solent, qui ad allegorias, ommissa interim litera, actutum transeunt. Quare tertium quoddam interpretandi genus inuentum est, atque à spiritu Dei sancto administratum, quo pulcherrimam utriusque sensus, tanquam licia uersicoloria, intertexeres picturam, ut consuefuerunt eruditiores. Quod et nos secuti, etsi non assecuti, utcumque nostram hæc ordinatur telam, atque, ut in cæteris actum est psalmis, cum sapientissima Vatis anima, sic diuinam extollimus bonitatem, admirabiliusque exclamamus: Benedictus dominus Deus meus, qui docet manus meas ad praelium, & digitos meos ad bellum. Illud in primis dicendum uideatur, multa in hoc esse psalmo, quæ ferè in xviii habentur; ideo non omnia



omnia exactè admodū, ne idem sæpe dicamus, hîc tractabunt. Laudat Prophetâ Dei uirtutē, illiq; gratias agit, quòd hostes suos prostrauerit. Laudandus est, inquit, dñs & Deus meus, qui cum pugnandū esset cum hostibus, meas edocuit manus arma cōtractare, ac digitos, quibus potissimū tela iaciunt, ensisq; uibratur, diligentissimè perarmauit. Sed arma, quæ ad animū attinent, pulchrè ab armamentario Pauli deligi possunt: qui suo primū militi balthēum accinxit castimonîæ, lorîcam deinde iustitiæ, ocreisq; in præparationem Euangelij pacis suas deuinxit: fidei scutum postea deauratum sinistro alligauit humero, caputq; salutis galea cōmuniens ei, tandem optimè collimatū obtulit gladiū uerbi Dei. hæc sanè est Dei armatura, qua induta anima, iam ualet, ut ipse ait, cōtra diaboli insidias, atq; dōlosas illius artes consistere. Quantum (prò) laudibus dux effendus est noster, qui tam diligenter suos armat milites, quiq; eos admonet & instruit, qua animi uirtute cum hoste concurrendum sit, quando eminus, quādo cominus, uel cæsim, uel punctim res peragi debeat, edocet, hortaturq;, & ne nisi uictores ex acie secedant, canāq; receptui, imperat. Interim uerò miles, si sapit, ne momentū quidem temporis à duce, aut ducis uexillo (ea est crux) detorquet oculos, in mediocq; ipso prælij ardore conclamar:

Misericordia mea, & refugium meum, susceptor meus, & liberator meus. Protector me<sup>9</sup> in ipso speraui, qui subdit populū meū sub me.

Notat Felix, populum meū, & populos, absq; pronomine legi posse. Diuus etiam Hieronymus populos legit, ut sit sensus: Ipse dñs tūrmâs illas hostium penè infinitas mihi subdidit. Quòd si populum meū mauis legere, ad obedientiā disciplinamq; militarem referendum censeo. Nihil propemodum tam celeriter militum dissipat alas, & cuneos in ordinem digestos, quā inobedientia atque cōfusio. Quòd quidem uitium suo in exercitu minime fuisse asserit Dauid, cum inquit: Qui subdit populum meum subtus me, nempe Deus: cuius auxilio fretus gigantem illum immanē Philistæorū ducem obruncauit, indeq; passim fusi, fugatiq; hostes, maximam opum uim, munitionumq; & impedimentorū, Iudeis in illorum castra irruentibus reliquerunt. Tantā ne unquam expectari potuit à populo illo ingratiſſimo Dei beneuolentiæ?

Domine quid est homo, quia innotuisti ei? aut filius hominis, quia reputas eum? Homo uanitati similis factus est, dies eius sicut umbra prætereunt.

Admiratur Vates, quī sit quòd Deus, tanta scilicet maiestas, tam ingens, tam incōprehensibilis, uanissimæ rei, somnoq; simillimæ, ut homo est, curā habeat? Hæc eadem admiratio in psalmo octauo, subindeq; mortalium uanitas in trigesimo nono copiosissimè sunt scripta, atq;, ut dedit spiritus, exposita. Illic enim: Vniuersa uanitas omnis homo uiuēs, hîc uerò: Homo uanitati similis factus est, dies eius sicut umbra prætereūt. Certè si uitā hominis inspectas, mera est umbra, imagoq; rei potius, quā ipsa res. Nihil sanè uelocius uita hominis: uix natus in terit, & id quidem tanta celeritate, ut uentos ipsos quoq; perniciosissimos anteuertat. Ex hebræo reddūt: Quid est homo quòd agnoscis eum? hoc est, quid audisti in homine, ut eum agnoscere digneris? quòd eum tam charū habeas? quòd foueas? quòd extollas? tantum (res mira) non fecisti illum Deum.

Domine inclina cœcos tuos & descende, tange montes & fumigabunt. Fulgura coruscationē, & dissipabis eos: emitte sagittas tuas, & conturbabis eos.

Hæc rursus in psalmo habentur decimo octauo. Optat Vates ut Deus terrificis sese ostendat signis omnipotentē: alioqui nulla re alia suos exterrefaciendos hostes. Alludit em̄ ad montē Sinai, in quo horrendis data fuit lex portentis



c & terramotibus, quippe quæ lex fuerat timoris & pœnarū. Imò uerò populus ille contumax & rebellis, istiusmodi potius minis & terroribus à peccatis arceri consueuerat, quàm beneficijs. Quare in accipienda in monte lege, aut ab arca Dei uoce, adeò perterrefacti sunt, ut in Mosen aliquādo indignabūdi exclamauerint: Loquere tu nobis, nō loquatur nobis dñs, ne fortè moriamur. Ita in subiugandis Dei hostibus nō tam uiribus atq; armis, quàm diuinis cœlitus miraculis, signisq; de cœlo emissis, usi sunt: atq; hoc sanè modo quid nō audebant? Ad hunc itaq; Dei morē, in subueniendōq; suis consuetudinē, ut uides, recurrit Vates, Paraphrastes, mōtes ad hostiū superbiam referens, sic reddidit uersum: Percute superbos illos reges, qui montibus uident̃ similes, sentiant iram tuā, & uoluti fumus euanescent. Sed hæc ad allegoriā pertinent, quæ propemodū hīc necessaria uidetur. Cæterū, inclinari seu demitti cœlum à Deo dicimus, cum montes nubibus, globisq; caliginosis tegi facit: tangitq; montes, quando eos fulminibus tanq; sagittis ferit: qui fumare porrò apparent, cum uapores illos spissos ac nigros attollunt, atramq; euomūt caliginem: quæ quidem omnia si fulgetris potissimū ac tonitruis cōmixta cernunt, q̃maximo afficiūt metu homines. Verūm ad aliud timoris genus, fumumq; alium, & montes, transferenda hæc esse uult spiritus: de quibus cum nonnulla in superioribus psalmis sint dicta, expositaq; à nobis, ad aliā consideranda descendamus.

Emitte manum tuam de alto, eripe me, & libera me de aquis multis & de manu filiorum alienorū. Quorum os loquutum est uanitatem & dextera eorum dextera iniquitatis.

In alio psalmo, quod hīc rogat fieri, factum esse cōmemorat. Misit, inquit, de summo, & accepit me, & assumpsit me de aquis multis. A quas multas uocat aduersitatum cumulum & procellam, ut illic declaratū fuit: filios uerò alienos, filios iniquitatis, à Dei nimirū religione extorres; quos sanè ueluti digito cōmonstrauit, cum dixit: Quorū os locutum est uanitatē, & dextera eorum dextera iniquitatis. hoc est, & lingua, & actione uani sunt, fallaces, perfidiosi, & simulators. Ab hisce quidem monstis, tanq; à Minotauro quodam infami & sæuo, aut Cerbero etiā, sancti Dei uiri nō iniuriā unā hīc cum Vate petunt eximi: quoniam id iam longo perdidicere usu, p̃ij animi tranquillitatē ab impudenti istiusmodi hominū colluuiē mirandum in modum diuexari solitam. Dexterā itaq; uocat iniquitatis, actiones illas hominū nefarias, quibus nobis imponere consuecunt fraudulentī. O quis me, inquit, à tam scelestā perfidiosorū hominū reprobabit consuetudinē? Quis tam impiē dirus fuit, qui meam ausit dolis mendacijsq; inturbare uitæ quietem? Verūm à cœlo (sat scio) tota hæc expectanda fuit, estq; impræsentiarum uictoria: qua sanè impetrata, quid amplius in terris aueo? Ergo

Deus canticum nouum cantabo tibi, in psalterio decachordo psallam tibi. Qui das salutem regibus, qui redemisti Dauid seruū tuum de gladio maligno.

Tum, inquit, nouam te laudandi, in nabloq; & decachordo tibi psallendi me occasionem nactum arbitror. Te dico, qui non solum cunctis generaliter hominibus opem ferre solitus es, uerum etiam ipsis potentissimis regibus atq; magistratibus, & id genus alijs in mundo hoc cōspicuis. Puto equidem de regibus peculiariter mentionē hīc fieri propterea, quòd cum Dei uicem in terris gerant, speciali quoque à Deo tutela gubernant̃. Nihil sanè iucundius, addo & uniuerso orbi utilius contingere potest rege integro, sapiente, atque religionis Christi defensore. Is certè plus quàm homo est. Heu quid audio? Verūm ne est Otomanorū classē Christiani regis stipendijs accitam, atque ipsius iussu in Christianorum



**A** norum uiscera (malū) obtrusam? O tempora, ō aetate plusquā ferream. Hucusq; direpta est Nicea, stupratae uirgines, abductusq; ui populus, ac demū diruta & exusta est ciuitas. Futuræ calamitatis hoc est præludiū. Sed ad psalmū. Gladium malignū pro subobscuris dolosisq; insidijs metaphoricè hīc poni cenſeo, eodē ferē modo, quo Maro lunam malignam appellauit. Mirum quā inter cætera nefandorum hominū uitia, semper maiori detestatus sit stomacho dolos & fraudulentias candidissimus Dei Vates. Quare non absq; causa factus est se canticū nouum, tanquam de re omnium difficillima exorata, si à perfidiosorum hominum insidijs immunis extitisset, cantaturum; inculcatq;

Erue me, & eripe me de manu filiorum alienorū, quorum os loquutum est uanitatē, & dextera eorū, dextera iniquitatis. Quorū filij sicut nouellæ plantationes in iuuentute sua, filiæ eorū compositæ, circūornatæ ut similitudo templi. Promptuaria eorum plena erectantia ex hoc in illud, oues eorū fectosæ abundantes in egressibus suis. Boues eorum crassæ, non est ruina maceriæ, neq; transitus, neq; clamor in plateis eorum.

Id enim est quod tam sæpe nostros olim doluit maiores, & in præsentia quoq; illos dolet, qui impiorū sortem miserantes, altius nescio quid contemplantur, illorum scilicet fortunas, dignitates, honores, rerumq; omniū lautitiam & felicitatem, ad maiorem illis data esse miseriam. Putant insani neminē posse esse felicem, qui his careat; imò miserrimū illum appellare soliti sunt, qui aut hæc nō obtinent, aut adepta amittunt. Idcirco in maximā illos decidere miseriam necesse est, cum illa uel casu aliquo inopinato, uel per mortem saltem, rem certē ineuitabilem, deferere compelluntur. Vide igitur quomodo in hoc psalmo, quod & sæpenumero agere consueuit, hos deplorat, simul & deridet uanam istam mundi felicitatem. Nam simulatq; filios illos uocauit alienos, hoc est, spiritu Dei uacuos, quorumq; uerba uana essent, atq; actiones subdolæ, ad res illas enumerandas, quas illis miseriam comparaturas esse præuiderat, etsi felicitatē promittere uiderentur, sese conuertit, dicēs, numerosam illis fore sobolem, ac uti plantam mirē auctam, ornatamq; in adolescentia sua; pecora deinde multa & fœcunda, uim tritici ingentem, incolumitatem, pacem, atq; omne bonum. Quid eiusmodi posset addi opulentia;? Vide horum stultitiam, ac ineptam gesticationem;

Beatum dixerunt populum, cui hæc sunt.

Comparat igitur Vates illorum filios teneris elegantibusq; arbuſtorū plantis, frondibus nimirū, ac floribus onustis & amœnis; filias uerò, templi angulis undiq; ornatis. Quemadmodū, inquit, in festis diebus totum ornatur templū, sic illorum filia pulcherrimo gradiuntur mundo, nulla quippe est illarum pars aut angulus in membris, quin tota ornata sit. Immenſum sanè amantiū ad libidinem illicitū, ut perbellè meriti sunt, qui huiusmodi, ut hīc depingit spiritus, sunt patres. Tessellati anguli, uertit Felix: quod quidem ad diuitū puellas, quæ ab imprudentissimis parentibus uenum exponuntur, quadrare mirum in modum arbitror. Nōne illæ tessellato, sectiliq; propemodū opere compositæ tibi uident, cum purpurisso, cerussa, minio & stibio, fūco nimirū uariiegato pictæ in publicum prodeunt? Quid onera catenarum? armillarū? inauriū ex unionibus, auroq; fusorio elaboratarum memorem? Vestes omitto uersicolores, ne ex opere tarſeato, musæacoq; ad upupas aut pauones effigiandos transire uidear. Sat sit igitur suam Chimæram uecordibus impegisse parentibus, ne dicam maritis. Cæterum, ex hoc in illud, id habet significati, quod illorū promptuaria, seu, quod uox hebræa uelle uidetur, penuaria, adeò ubertim implebuntur, quod futuri anni fruges in præteritas refundentur, uenientēq; unius anni prouentu, aliū cedere,



**C** trāsportariq; peropus erit; atq; hoc modo nō solū penus atq; horrea, uerū etiā anguli (sic hāc uocē interpretat Felix) grano, atq; omīs generis annona exuberare uidebunt. Ad hāc, oues eorū foetosaē abundantes in egressib. suis, etsi istiusmodi praeferre sensum uidetur, quod foetum adeo copiosum adent, ut egredientes ē caulis maximā spectantibus afferent uoluptatē, tamen ex hebræo maiori reddi posset efficacia ad hunc modum: Greges quoq; millia producent, & centena millia generantes in uicis nostris: ualeatq; perinde ac, adeo illorū greges augendos, ut omnes circumiacentes impleturi sint uicos, quod si ad uerbum redderetur, latinæq; aures paterentur, myriadificantes uerti posset. Immensum hīc numerum uult intelligi. Boues eorum crassæ, per masculinū genus aptius reddidisset. quantq; ex hebræo, boues ualidi, transferunt, seu oneri assueti & idonei: hoc est, qui ad agriculturā, plaustrāq; trahenda ualidi sunt. Postremò, ut rem tandem, inquit, absoluā, nulla est ruina, nulla discordia, querimonia nulla. Nemo tam audax est, qui illorum diruat maceriem, pertranseatq; illorum sata, aut uineas, aut hortum, sepesq; à loco moueat, atq; quod damnum aliquod inferat, circumpositas exurat uepres. Nullus est clamor miserie, nullus afflictionis, nullus calamitatis. Quid? Non est qui in illorum irrumpat fortunas, hostis, neq; qui à proprijs eos emigrare compellat laribus: nullus tandem in illorum plateis auditur plangentiū ululatus, sed tympana, sed tibiae, sed plausus, sed choreæ, sed lætitiæ cantica. O, inquit, fortunatum populum cui huiusmodi contingunt bona. Vos stultos potius dixerim; ego enim secus rem pondero; non uos utiq; beatos appello, non felices, non tranquillos, sed dico, inculcoq; quod solus ille est

Beatus populus, cuius est dominus Deus eius,

**D** Licet bonis omnibus illiusmodi careat, atq; à mundo isto uestro ludibrio habitus sit, ac fabulæ. Calculis sanè omnibus felicissimū illum esse pronuncio, qui Deū habet. Neq; proinde quidem diuitias reprehendi hīc opinor, sed illos qui diuitias adorant, hoc est, qui mundum Deo proponunt, eumq; propter diuitias offendere nō reformidant. Iam illud ultimò notandum, Hebræorū interpretes ad Vatem, atq; illius populos hāc omnia referre, quod pia quædam illius sit præcatio ad opima illa bona, ipso regnāte, populis suis cōcilianda. Vnde illi sic reddunt: Penuaria nostra plena sint, greges quoq; nostri, filij nostri, filiaē nostre, boues nostri. Et sic uolunt Vatem ad se omnia adaptasse. Verū cū rem pensatius discutere libuit, aduertī tandem ea magis à superbis illis diuitibus, quorum os loquutum est uanitatem, prolata esse: unde quæ istiusmodi fuerit illorū uanitas, in istis expressit uersibus. Postquam igitur dixit os eorum loqui ex more uanitatem, paulò post intulit quid sint loquuti. Penus, inquit, nostri pleni sunt, atq; in hunc modum cætera quæ sequuntur sibi petulanter arrogantes, in hanc demum dilabuntur animi impietatem, ut illos uerè beatos clamitent, quibus bona illa à mundo suppedientur. Quos tamen castigans spīritus, illos solummodo beatos nuncupat, quibus dominus, non diuitiæ, non celebritas, non dignitas, est Deus: hoc est, quibus Deus pro omnibus sufficit bonis. Cui laus sit in secula seculorum, Amen.

PSALMVS CXLV. Laus David.



Xaltabo te Deus meus rex, & benedicam nomini tuo in seculum, & in seculum seculi. Per singulos dies benedicam tibi, & laudabo nomen tuum in seculum, & in seculum seculi.

Ex psalmi inscriptione facile dignosci potest etiam argumentum. Laudes hīc Dei ob beneficia, quæ effusissimè in omnes, tanq; purissimas aquarum è fonte uiuo scaturigines deriuat creaturas, celebrantur. Et quidem extra uires positū est humanas, immensam beneficiorū illius congeriē erga homines posse uel ore

effari,



Affari, uel mandare literis, aut cogitationibus assequi, adeò infinita illius est liberalitas, cuius opera, potentiam, splendorē, mirandas res gestas, clementiam, iustitiam quoq; qua impiū gratis iustificat, patientiā qua peccātes ad poenitentiam præstolatur, misericordiāq; qua nostras nobiscū deflet miseras, prouidentiam tandem, unde omnibus subuenitur creaturis, non est cor tam eruditū, aut rimādīs rebus cœlestibus assuetū, quod cū peruestigare nititur, nō lassescat, non uel in ipso primo limine cæcuriat. Audet tamen mens pia, & quod nequit assequi intellectu, amore saltem ac desiderio subgustare contendit. Procax, ut sic loquar, amor est, nec ferē, etiam impossibilia pertentans, erubescit, raroq; in suo laudando amato defatigatur, ut in hoc psalmo uidere licet, cū ait:

Exaltabo te Deus meus rex, & benedicam nomini tuo in seculum, & in seculum seculi. Per singulos dies benedicam tibi, & laudabo nomen tuum in seculum, & in seculum seculi.

Primus enim uersus ab Aleph incipit, secundus à Beth, tertius à Gimel. Et sic seruato per singulos uersus ordine alphabeti, ad calcē usq; protendit psalmus. Illud considerandū, istiusmodi Dei laudes uix absq; peccati notā proferri posse, nisi ab anima, quæ frequenter q̃ suaui sit dñs experit. Purissima quidē omnia esse debent, quæ ad Dei attinent religionē, cuius potissima pars est ac nobilissima, sanctū Dei nomen laudibus efferre. Laudes uerò illas, quæ in templis ab impudicis cōtaminatisq; celebrant animis, cuiusmodi uocari debeāt nomine, me ignorare fateor. Authi quidē ita duri sunt & stupidi, ut nullā de Deo omnino, quæ tanto digna sit numine, cōceperint opinione, aut in malis obdurati in Deū ultrò iniuri j sunt. Danda est igitur opera, ut cor totum prius à terrenarū rerum crassitie releuetur, q̃ cum Deo, qui purissima est naturæ, loqui incipiat. Porro terrenarū rerū crassitiem appello, nimirū erga illas amorē, libidinē, auaritiā, ambitionē, carnis cōmoda, delicias, irritamenta nimirū uenerea, & cetera id genus mollia, quibus eneruat animus, terrenusq; penitus fit, atq; à Deo alienus. Nihil sanē à terra, terreq; uisco sustollit, qui huiuscemodi irretitus est affectib. A quibus quidē propheta, qui ut Christi, ita & omniū qui sunt Christi, typus extitit, abhorrens, alio omnino motu animi sic suas ordit ad Deum laudes: Exaltabo te ô Deus meus, ô rex, ô qui cōdita omnia præclarissima moderaris ratione ac prouidentia. Te magnificabo, tuumq; sanctum nomen, quoad eius uixerō, laudabo. Et id quidem per dies singulos. Dies autem? Imò uerò per singulas dierum horas, per ipsa quoq; minutissima horarum momenta te laudibus extollam, ac tuam mirabilem perpetuò, ultraq; si fieri id potest, celebrabo maiestati. Certè

Magnus dñs & laudabilis nimis, & magnitudinis eius nō est finis.

Nimis, quod sæpenuerò diximus, pro ualde, seu, ut interpretat Paraph. modis omnib. uertit interpres. Puto hīc Vatem non tantū ex pulcherrima rerū effectione, quantū ex mortaliū dignitate, atq; à morte per ipsum Deum redemptione, quā tum præuiderat, Dei magnitudinē cōsiderasse. Quāuis em̃ semper, atq; in omnib. magnus apparuerit Deus, in redēptione tamē hominū magnitudinē omnē, & seipsum quoq; (si sic de Deo loqui conuenit) superasse uisus est. Vide itaq; quāto id animi stupore, atq; admiratione proferri debeat: Magnus est dñs. Quis tam immensam potis est scrutari magnitudinē? nōne omnē illa excedit hominum inquisitionē? nōne conatū? nōne laudem? Et tamē nostro à nobis modulo laudandus es, atq; inquirendus, ô altissime. Siquidē ut ius ipsum, tum diuinum, tum humanum postulat,

Generatio & generatio laudabit opera tua, & potentiam tuam pronunciabunt.

Generatio generationi, seu. posteritas posteritati opera tua laudabit, uertunt ex hebr̃eo. Vnde sic Paraphrastes: Generatio una ueluti per manus tradet alteri



- C** laudes operū tuorū. Vide gratissimarū erga Deū mentū argumentū. Propriū id est parentū munus, ita liberos diuinis imbuere persuasionebus, ut & illi, qđ in posteros deinceps effundant, habeant. Atq; hoc modo sanctissima Dei interris conseruat religio. Ita uerū agūt pastores, ita p̄sules, ita episcopi. Quod sanē nō ignorans Paulus, sic suū admonet Timotheū: Quā audisti à me, inquit, per multos testes, hāc cōmenda fidelibus hominibus, qui idonei erūt & alios docere. Atqui ociosum nō debet esse Dei uerbū in terris, neq; alicui absq; spe scōnoris irrogatur. Idcirco enim ad multitudinis imperiū, cōuentuumq; hominū gubernationē in Dei Ecclesia constituunt Episcopi, atq; ceteri antistites, ut sunt inter meā professionis homines, Abbates, Prap̄ositi, & illi quidē qui nouis adhuc in huiusmodi uiuendi ratione instituendis prap̄ponunt adolescentibus (aliq; penē gradus superuacanei sunt, nec si diuus nunc uiueret Benedictus aliter sentiret) ut candida sint uerbi Dei uasa, ē quibus tanq; ab aureis aquarū uenis mirabilis illa, uiuaxq; spiritus doctrina, qua ex hominibus propē dī efficiunt auditores, manare solet. Ab istiusmodi quidem heroū genere, qui scilicet nostrā amantiores sunt salutis, q̄ rerum nostrarū, suffragiorū, p̄nsationū, aut (ut uocāt) beneficiorū & pensionū, toti spirituales reddimur, atq; illis prorsus similes, graues nimirū, eruditi, nostri in re spiritus haud absimiles, atq; in Dei obsequio ne digi-  
tum quidem à maiorū degenerantes institutis. Quare illud asserere possumus: si quid à subditis peccat, à patrumq; decretis, laxioribus ueluti habenis deflectitur; aut si statuer, seruanturq; maiorū instituta, atq; in primis lex spiritus, ac ignis ille tam Deo charus, quem mutuam appellare dilectionem libeat, intactus, à fumoq; immunis reparatur, id totum nostris pastoribus, qui nostram suā uolunt esse obnoxiam uoluntatem, acceptum referri debet. Sed ad psalmi dilucidationem hisce non ab re delibatis reuerto. Potentiam tuam, omnipotentia illam in  
**D** Deo intelligit, cuius uirtute condita omnia in lucem prodire. Ad hāc,

Magnificentia gloriæ sanctitatis tuæ loquent, & mirabilia tua narrabunt. Et uirtutē terribiliū tuorū dicēt, & magnitudinē tuā narrabūt.

Paulò aliter hos duos uersus reddunt aliq; Sic Felix: Decorē gloriæ magnificentia tuæ, & uerba mirabiliū tuorū loquar, & uirtutē terribiliū tuorū, dicent, & magnitudinē tuam narrabo. Hac sanē uerborū amplificatione uult Vates intelligi Dei bonitatem in omnes effusam creaturas. Verū, ut quod sentio, proferam, ad Christi glorificationē respexisse Vatem arbitror, qui se maximē conspicuū mundo præbuit per miracula, per crucē, per doctrinā spiritus, per resurrectionē, per felicissimū suum ad patrē reditū. In his omnibus cunctis latē mortalibus illius patēre potuit magnificentia, uirtus, decor, splendor, sanctitas, omnipotentia. Immenissima quidem fuit uirtus crucis. Aut ego quidem quæ non sunt somnio, aut absolutissimā Dei notionem in rudi illo, unde quaq; tamē suauitatē amoris spirante, stipite uidere mihi uideor. Ut ceteri ē crucis diuinijs afficiantur, ditescantq; nescio: ego in illa nō minus Deum cōtemplari soleo, quā aliq; forsan in tertio illo Pauli cœlo, in quo quædam humanis auribus planē inaudita & insolita se uidisse testatus est. Omne certē bonum in cruce Christi inesse sentio, simul ut ab illa Dei filium pendēre, passimq; infinitæ suæ sapientiæ, uirtutis, charitatisq; liquorem etiam in hostes effundere conspicio. Id quidem sensisse Vatem puto, ubi tam amplam uerborum Dei magnitudinem referentium aggregauit congeriem. Scio equidem nō mediocre diuinæ esse prouidentia ac splendoris signum, cōtemperatas temporum mutationes, florescentes item campos, fontes uiuidos, maria, foetus arborum, terramq; uarijs uestitam fructibus atq; animantibus, uentos, grandinē, nimbos, fulgura, solisq; lampadem illam uniuersalem, lunā, stellas, addo & diluuiā, incendia, terræ motus, & uastos hiatus, famē, bella, pestem, atq; innumeras propē animantiū species tum in mari, tum



ri, tum in terra, tum in aëre quoque degentiū. Verū his omnibus quiddam maius ac splendidius est crux Christi. Tamen & hæc & illa tanquam diuinæ maiestatis potentiam, ac bonitatē testantia, nostris prædicanda sunt posteris, nō fabulæ, non naniæ, aut quæ ad morū corruptionem faciunt, cōmemoranda, quod & illi alijs in posterum enarrent, alijsque alijs. Interea autem omnes pariter

Memoriam abundantiae suauitatis tuæ eructabūt, & in iustitia tua exultabunt.

En crucis summa, amor & fides. Suauitas quidem ad amorem attinet, iustitia uerò ad fidem, per quam iusti effecti pacem habemus, ut inquit Paulus, ad Deū. In uulneribus igitur Christi, in quibus suū habent nidum amor & fides, pernat anima: unde suauitates illas spiritus ineffabiles à sponsi sanguine epotatas, quia exprimere nequit, eructat, atque è purissimo (ut sic loquar) stomacho uomit potius, quā ordinatè porrigit. Hi nempe sunt affectus spiritus, ad quos quidē nascendos longo, atque adeò pertinaci opus est exercitio. Pertinaci dico, propter illos qui à spiritu in carnē facile dilabunt. Delicata certè uia est crucis, &, ut ita dicā, morosa, quippe quæ purgatissimū, firmūque postulat obsequiū. Etenim hodie incredibili aduri flamma ad amorē crucis, cras uerò aut ad summū perendie ad amorē mundi, defectionis animæ à Deo signū est, ne dicā summæ leuitatis argumentū atque amentia. Quantos (prò pudor) in adolescētia ardere uidi, in senectute uerò, quæ propria sanctitatis sedes est, adeò refrixisse, ut planè ignem illū puerilem fuisse, atque ab animi leuitate profectū iudicarem. Quod si tamen optimum fuit exordium, & maturè præmeditatū, uicti nihilominus itineris difficultate plerique, planiorē postea aggressi sunt uiam, atque ita spiritū extinguentes, in turpissimā, cunctisque molestam incidere senectutē, nō iam ut prius diuini amoris suauitatē eructantes, sed tristem crapulam, uinumque hesternū, aut, quod foedius est, meretricios amores & libidines: tantū abest ut quidpiam, quod oblocutiones, scurrilesque facetias nō saperet, proferrent. Tali sene nihil ineptius uideri potest. Secus uerò alijs, de quibus hīc loquitur spiritus, quod immensæ Dei suauitatis, benignitatisque memoria plenis, ut aiunt, buccis eructantes in illius exultant iustitia, non in propria, quæ nulla est, multò minus in dignitatibus huius mundi ac diuitijs, quæ uitro fragiliores sunt, atque aura fugaciores: dicuntque, ut de re adeò sublimi & ineffabili dici potest, ac clamant:

Miserator & misericors dñs, patiens & multū misericors. Suauis dominus uniuerſis, & miserationes eius super omnia opera eius.

Non te confundat uocum repetitio, miserator, misericors, atque iterum misericors. Sic ex hebræo mitius reddi posset: Clemēs & misericors est dñs, lentus ira, multus pietate; rursus bonus dominus omnibus, & miserationes eius super omnia opera eius, extendentur scilicet. Relucet, inquit, illius misericordia, quæ uarijs ostendi solet effectibus in cunctis operibus suis. De hisce quidē pietatis, clementiæ, misericordiæ, & bonitatis uocibus, quomodo uidelicet una sit Dei uirtus, quæ multifariā in res effusa sit cōditas, aliās & crebrò, prout suggessit spiritus, nōnulla diximus. Eæ quidem particulares sunt numinis dotes, sed tardis animis uix per ænigmata cognitæ: quas tamen optimè intellexisse Moſen arbitramur, qui duabus iterum excisis è saxo tabulis cū montem ascendisset, conspexissetque pertranseuntē dominū, exclamauit: Dominator, Domine, Deus, misericors & clemens, patiens, & multæ miserationis, & uerax. Quod & nos etiā, si nō eodem affectu, experientia saltem, atque rerū conditarū tum usu, tum cognitione sentire possumus, nanque cū sceleratiores in dies efficimur, modusque Dei iniurijs statuitur nullus, neque unquam uerè ad cor redimus (celerius enim faciliusque ad ignem colliquescit adamas, quā cor in peccatis induratū ad pœnitentiā) ipsum tamen tardissimū ad ultionē, celerrimū ad ueniā experimur. Verū illud miserrī



Cum omnino, quod unde placibilē & pudibundū formare debuimus animū, asperiorē fecimus, atq; ipso ferro duriorē impudentioremq; ac planē in ipsam Dei pietatem impium & sœuum. At ipse nihilo secius sic malē à nobis habitus, ab uniuersali illo suo in res omnes influxu neutiquam cessat. Idcirco

Confiteantur tibi dñe omnia opera tua, & sancti tui benedicant tibi.

Aptius uertisset interpretes per futurum, confitebuntur, & benedicent. Nam paulò pòst intulit, gloriā regni tui dicent. Sic Paraphraustes: Cum gratiarū actione laudabunt te domine uniuersa opera tua, præcipuē autem sancti tui magnificē loquentur de te. Id propriū sanctorū officium est atq; oblectamentū, Deum laudare, illiq; quæcunq; cōtingant in mundo, gratias agere. Nos contrā, ipsum quidem cum nobis bene est, laudamus; cum malē, excandescimus, atq; illum reprehendimus. Neq; ob id tamen ab erogandis donis benignissimus absterretur dñs, adeò sui amantissimus est figmenti. Celebrabunt itaq; te suum creatorem omnia opera tua, siue inanima illa sint, siue animata; sed in primis electi, sanctita tēq; præditi, magnificē de te & gloriose prædicabunt. Insuper

Gloriam regni tui dicent, & potentiā tuam loquent. Vt notam faciant filiis hominū potentiā tuam, & gloriam magnificentiae regni tui.

Opera quidem Dei suū magnificant conditorē, quando à creaturis mirabilis ac beneficis predicat. Cœlū, terra, mare, sol, luna, sydera, prouidentiaq; illa æterna demū in creaturas latē benigneq; effusa, Deū suo in opificio mirabilem extitisse clamitant, naturaliq; sibi ingenito celebrant modo. Verū sancti Dei uiri non solum ea omnia cum cæteris admiranda esse fatentur, uerum etiā fide percipiunt ac retinent, cum interim dicat impius in corde suo, nō est Deus: hīq; subinde regni Dei gloriam, splendoremq; quam iustitiam & iudiciū, seu æquitatē appellare mauis, esse iudico, confitentur, mirisq; efferūt laudibus. Fatentur, inquam, in Dei regno, quæ est illius Ecclesia, peccata gratis condonari, seruariq; electos ad uitam per Dei clementiam; ut qui gloriatur, in domino, nō in se, gloriatur. Fatentur rursus felicissimi istius regni potentiā, qua propria motus bonitate Deus, omnia facit, disponit, conseruat, punitq; impios, & tyrannos depriimit, pios uerò oppressos erigit, ac beatissimo suo recreat spiritu: & id quidem propterea, quò filios hominum, nempe rudes adhuc & mundo addictos, non prorsus istiusmodi regni Dei tum gloria, tum uirtus, tum, qua maximē oblectantur, misericordia, lateat. Nam certē

Regnum tuum, regnum omnium seculorum, & dominatio tua in omni generatione & generationem.

Videtur hīc mihi Vates illud dicere, quod uates alius postea de regno Christi uaticinatus est, dicēs: Potestas eius, potestas æterna. Illud quoq; cœlestis paranymphus ad Virginem: Regni eius non erit finis. Regnum, inquit, tuum in omnia extendetur secula, in cunctasq; tua regia prorogabitur potestas generationes. Infinitum tuum erit imperium. Et certē

Fidelis dominus in omnibus uerbis suis, & sanctus in omnibus operibus suis.

Is totus uersus in hebreo nō inuenit, cuius tamē is sensus esto: Dñs quidē suis in uerbis ac pollicitationib. uerax est, ac dignus cui cōstans habeat fides. Sanctus rursus, atq; adeò irreprehensibilis, ut nullā alicui iustæ præbeat querelæ occasionē. Id dictū esse puto, ppter ea quæ sequunt. Etenim nulla unq; tā remota à nobis fuit ætas, quin Deus miseros iuuerit, subleuaueritq; ab impiorū tyrānide: ut uerissimū semp illud extiterit, qd in psalmi fine dicebat: Custodit dñs omnes diligētes se, & omnes peccatores dispdet. Quare ut semp uerbis pollicitus est, req; præstitit

Alleuat dominus omnes qui corruunt, & erigit omnes elisos.

Solent



**A** Solent enim mundi huius potentiores ac principes, diuitibus tantummodo & fortunatis esse utiles, abiecta pauperum interim ac miserorum curatione. Contra uero Deus, illis plerumque contemptis, alleuat omnes qui corruunt, elisosque erigit & consolidat. Corruentes uocat spiritus illos, qui in uarijs periclitates aduersis, mori magis quam uitae sunt proximi. Elisos uero, seu, ut uertit quidam, incuruos, appellat morbo aliquo grauiori & egestate pressos, aut tyrannorum iniurijs atque odijs obnoxios. Ex hebraeo autem sic quidam transtulit: Fulcit dominus omnes qui casuri sunt, & erigit omnes collapsos. Miror nisi hic rubore suffundantur regionum, religionumque primates. Surdis ne canit spiritus: non audiunt. Idcirco, honesto atque alijs potius debito destitutis auxilio,

Oculi omnium in te sperant domine, & tu das escam illorum in tempore opportuno. Aperis tu manum tuam, & imples omne animal benedictione.

Benedictionem perinde ualere hic arbitror, ac abunde omne animal saturas. Quid, inquit, tam anxie tyrannos, illosque qui communia sibi uindicantes avaria, nulla unquam habendi tenent satietate, in subditam sibi plebem auarissimi & crudeles, sibi uero ac suis, de re non sua liberalissimi, pertimescitis? Ab illo enim, qui cibum ubertim omnibus suppeditat animantibus, uestra expectanda sunt & spiritus & carnis alimentum. Si auari sunt pastores & indocti, ut magna in mundo est copia, nobis tamen, qui pauperem atque ærumnosam sponte nos nostra potius uitam elegimus, quam uanam illorum felicitatem, deesse non potest deus, qui non auares, ut illi agunt, sed effusissimè res suas porrigit, satiatque omne animal benedictione, cibo nimis unicuique apto & idoneo, atque eo quidem ad uitae usum copiosissimo. Hic certe meam pungit sentio pusillanimitatem, ac frigidam de Deo persuasionem & fidem. Quid mihi iam tandem (uah) istuc afferre potest incommodi, quod is aut ille iniquissimus rerum communium administer sit: quod unus sibi & suis tantummodo prospiciens ceteros negligat: alius uero neque se ipse, neque ceteros diligens, in sorde marcescat avaritiae? Vt ut hi suas abunde expleant cupiditates, id haud me praeterit, quod

Iustus dominus in omnibus uis suis, & sanctus in omnibus operibus suis.

Est ferme idem, quod in alio dictum est uersu: Fidelis dominus in omnibus uerbis suis, & sanctus in omnibus operibus suis. Et est tanquam epiphonema superioribus respondens Dei laudibus. Ceterum uitae domini in hoc loco sunt sapientissima illius consilia, cogitationesque & decreta, quorum uirtute cunctis, ut illorum expetit indigentia, opitulatur. Multa, inquit, dixi quae ad Dei laudes, tyrannorumque uituperationem facere iudicauit: uerum quod pijs tandem sed subtimidis consulam animis, dico iustissimum esse dominum ad omnes, ac suis cunctis in actionibus sanctum, planeque beatum. Ideo

Propè est dominus omnibus inuocantibus eum, omnibus inuocantibus eum in ueritate.

Permagna hic omnibus iniecta est electis consolatio, quandoquidem propè illis esse dominum, utcumque procul absint homines, affirmat spiritus ille, qui uerax est, & de quo illud canit uaticinium: Spiritus meus erit in medio uestri. Proinde nulla pertimescenda est rerum mundanarum inopia, aut aduersitatum copia. Propè est iustus meus (clamat ad timidos Deus in Esaia) egressus est saluator meus. Sed & propè est interitus Moab. En quanta armanf fide credentes: en quam efficaci, firmaque promissi auxilij spe fulciantur hi, qui serio, non subdole & frigide, diuinum implorant subsidium. Sic quidam ex hebraeo hunc uersum transtulit: Dominus adest omnibus qui se inuocant, dummodo inuocent ex fide. Fide igitur opus est in petitionibus, quae Deo fiunt: alioqui nullus rogatarum rerum sperari poterit effectus nisi confusus, & qui mortem animae afferre consuevit. Nam foedior quendam in modum diuina offenditur maiestas ab his, qui haesitantes orant, quam ab his forsitan qui nihil omnino. Omnibus igitur illis duntaxat, qui inuocant eum in ueritate, spe uidelicet ac fide exorandi quae petunt, praesto adest dominus, qui



c Voluntatem timentium se faciet, & deprecationē eorum exaudiet, & saluos faciet eos.

Clarē exprimit, quid sit haud procul esse dominū ab his, qui hypocritarū nequaquā more orare consueſcunt. Optata, inquit, illorū faciet dominus, qui puro, uenerabundoq; & fideli, res suas cū orant, exponūt animo. Domine, inquit, ille, nō sum dignus leuare oculos meos ad cōelum. O immensam certē erga mīseros, seq; agnoscentes, Dei facilitatē. Vide quid inferat scriba ille sanctissimus: Et descendit, ait, iustificatus prae illo, qui sua secum insolenter annumerās merita, nō Deū orauerat, sed se ipse laudauerat. Puto pharisaeū illum, sordidū ædes sacras ingressum fuisse, sordidissimū uerò discessisse. Illorū itaq; uota cōlestis admittit pater, qui in humilitate, timoreq; illo, qui filijs cōuenit, orant: hos audit, hos seruat, hos, quantacūq; incidant mala, uult esse incolumes. Siquidem

Custodit dñs omnes diligentes se, & omnes peccatores disperdet.

Perpendis ne copiam, & eam quidē elegantissimā in Vate hoc nostro: Prius em̄ Dei filios in ueritate deprecātes appellauit, postea uerò Deū timentes, nunc demum amantes nuncupat. Eæ nempe præcipuæ sunt animæ dotes, quæ nihil charius habet in hoc mūdo, q̄ quomodo superuacaneo spreto curarū tumultu, Deo per amorē uniatur. Hæc est uoluntatis Dei summa, quod se amātes amat, seruat, tutaturq; ac beat tandē. Contrā uerò peccatores, hoc est, qui sponte sua mali sunt, & qui in peccatis nō tantū perseuerant, uerumetiā oblectant, ac suum more uolutant, à sese abigit. Quocirca diuino destituti patrociniō, in omnē prolabuntur uitæ turpitudinē, traditiq; in mentem reprobam, infelicissimo degunt uitæ genere, etsi felices in terra esse uideantur. Non est quidem ferarū laniatus cum illo æquiparādus, quo illarū lacerat cōscientia, qui pessimē sibi cōscij sunt, quicq; cū nulla affecti sint spiritus suauitate, in sceleribus facili obbrutescunt.

D Id est em̄ hominē à Deo, ut canit Vates, disperdi. Quod sanē cū mihi in memoriā uenit, ab imis unguibus usq; ad uerticē totus cohorresco. Video nescio quid in me, tum in his quos æquē atq; propriū diligo cor, nō omnino ab hoc periculo tutū. Ut uerò uideāt alij, haud mea multū interest scire: quantū ad me attinet,

Laudationem domini loquetur os meum.

Quid os tantūmodo: Egōne qui & ore, & corde, & animo, in Deū non multo pridem iniurius fui, nunc demū ad gratiā ascitus, os solūmodo tam immensi beneficij testem esse patiar: Laudes itaq; indefessē dicat os, dicat cor, dicat anima, dicantq; uel ipsi minutissimi corporis mei nerui & arteriæ. Totus em̄ cū mundus factus sim, quī nō totus quantus quantus sim, in diuinis occuper laudibus? Id quidem aueo, id quæro, id non tantum à me fieri expeto, petoq; à cōlesti patre, uerumetiā ab omnib. id fieri creaturis maximopere efflagito. Quare, quicquid conditum est suum laudibus efferat conditorem,

Et benedicat omnis caro nomini sancto eius in seculum & in seculum seculi.

Omnis uiuēs, inquit, At ego inanima quoq; addo, ut sunt, sol, luna, astra, plantæ etiam, atq; ipsa inertia montium saxa & cotes, suum celebrent effectore, atq; sanctissimū illius nomen, uel usq; ad cōelum condignis euehant panegyricis in perpetuum, & si quid ultra est, Amen.

PSALMVS CXLVI.

Halleluia.



Auda anima mea dominū, laudabo dñm in uita mea, psallam Deo meo quandiu sum.

Is eiusdem est argumenti psalmus, cuius est præcedēs, eo excepto, quod in hoc peculiariter nos admonet Vates, nullo modo hominem in homine quālibet principe & magno, sperare debere, Eo quidem ipso qd homo est, mille uitæ



A uita huius miseris est obnoxius. Tamen enim diuites sint homines & potentes, possunt ne seipsos ab inuitabili fortuna uulnere reparare: possunt ne, inquam, continua mundi infortunia deuitare: Quod si possunt, quanquam impossibile id omnino, possunt ne mori? Velint nolint, illorum demigrat spiritus: quo sane abeunte, tunc studia illorum omnia, curae, deliberationesque, & quicquid moliebant interit. Itaque in domino, cuius potentia summa est, immensae opes, uis infinita, quicquid & coeli, & terrae, & maris, & omnium omnino rerum effector est sapientissimus, atque earundem tutor & conseruator, sperandum esse condita omnia proclamant, nedum mens humana, ad peruestiganda coelestia à summo opifice formata. Haec ferè summa est psalmi. Quod uero oppressos ulciscitur, collapsos erigit, uictumque cunctis uiuentibus suppeditat, uinctos à carcere & catenis alserit, morbo fractos consolidat, atque hospitibus tandem, pupillisque ac uiduis, nempe miserorum turbae subuenit, id omne ad prouidentiam illius aeternam, qua cuncta suo procedunt ordine, referri debet: nisi malis speciali quadam prerogatiua mortalium naturam à Deo, ut facta fuit, sic seruari, atque ad feliciorē uitae statum, quam is praesens sit, acciri & disponi. Quam quidem rem considerans Propheta, timensque ne mens in rebus hisce nihili occupata creatoris amorē in creaturas retorqueret, illam penè sopitam, dormitabundamque blandiusculis inuitat uerbis, dicens: Lauda anima mea dominum, Mea animula, inquit, uagula, delicatula, quid in imis uersaris? quod tuum destinasti amorē? Infelix. Quid, oro, in terris est, quod admodum laudare debeas, & admirari? quid putas inueniri posse in hoc mundo, quod tuum non quaerat interitum? quod te non deprimat? quod tetra tuam non obducatur caligine dignitatē? Agedum te tandem in diuersa dissipatam collige, rebusque hisce caducis, quibus sanè omnibus longè melior es, neglectis, tuam inspicere nobilitatē. Quid tam altum, sublimēue in toto terrarum orbe, quod uel cogitatione comprehendere, uel cerni oculis possit, quod te inferius non sit? Id ne tantum Deum laudabis? non credo. Dominum igitur pulcherrimarum rerum autorem lauda, & admirare, mecumque delibera, & dic: Laudabo dominum in uita mea, psallam Deo meo quamdiu sum. Id firmum esse debet hominis propositum, ut Deum quoad uixerit, tum ore, tum optimis, quae à charitate uitaeque sapientia & candore proficiscunt, actionibus, referat. Ea quidem uera est in primis Dei laus, quam ante omnia ab homine requirit Deus, à templis exigit, à mundo quoque uniuerso, ut solent foeneratiuae pecuniae, uel inuitis dominis, extorquet. Adeo salutis hominum generaliter amantissimus est deus. Quocirca tempus laudandi dominum tota haec est uita. Vnde non iniuria clamat Vates: Laudabo dominum per omnem uitam meam, ipsoque Deo meo, usquedum uixero, cantabo psalmos. Donec, inquit, halitus in me fuerit, in diuinis occupabor laudibus. Sanctissimum certè animae uotum, dignumque quod serio nuncupent hi, qui nihilominus fatentur sese in laudando Deo occupatissimos. Admonuisse non inutile fuerit. Laus quippe Dei, quod alias diximus, omni ex parte sinceram requirit hominis uitam, fidemque unam in illo fixam solummodo, quem toto uitae nostrae curriculum laudare intendimus, quamobrem aptissimè addita est à spiritu generalis, quae omnes tangit, omnes admonet, omnium uellit aures, praecipio, clamatque ex alta ueluti specula Deus: O qui sublimem iustitiae montem ascendere contenditis, quicquid ex ima hac uestra arumnarum ualle extrahi desideratis,

Nolite confidere in principibus, in filiis hominum, in quibus non est salus. Exibit spiritus eius, & reuertetur in terram suam, in illa die peribunt omnes cogitationes eorum.

Aut uertendum erat, in filio hominis: aut, exhibit spiritus eorum. Sic Fel. In filio hominis, in quo non est salus. Quamuis, inquit, potentia praediti sint homines, mortales tamen sunt, proinde instabiles & uarij, uariaque illorum salus & infirma. Haud secus enim in illis tua firmata est spes, o homo, atque solent in glacie uestigia firmari. Si gelu quidem lapsantibus, securitatē bona pollicetur fide, ita uos uobis inter uos



c fidere permitto. Vos hortor, ut uana & caduca spe hominū cōtempta, in me solo sperare cōdiscatis. Vide hīc, oro, q̄ prudenter nos Vates à spe in homine collocanda deterreat. Nam posteaq̄ principum mentionē fecit, acutū addidit, in filio hominis, nos interim ad fragilem illorū naturā cōsiderandā excitans. Quālibet, inquit, potentes hi sint & diuites, sunt tamen homines, sunt mortales, sunt caduci, & qui ne sibi quidem auxilio esse possunt, Siquidem dictū factum illorū auolat spiritus: ipsi uerò in terrā, unde formati sunt, relabunt: atq; hoc modo in ipso mortis tempore omnia illorū peribunt cōsilia, deerit fauor, cessabitq; hodie potentia in illo, qui heri cunctis formidini fuit ac terrori. Heu uanissima omniū ferè mortaliū consilia. Putās ne illos meę patriæ ciues, ad quos, tanq̄ ad triarios, res cunctæ omnino à principe, alioqui natura gratiofo, atq; ut tota illa est familia, ingenuo & liberali, reiectæ fuerāt, pensi aliquid de futuris habuisse euentis, cum principis facilitate abusi, illud sibi in rebus administrandis conciliarunt apud ciues odij genus, ut mortuū ex dysenteria principem, illi haud multò post, fato tamen diuerso, sed uiolento & miserando, secuti sint: Quæ (prò Dei fidem) exempla, percupidos, importunosq; in rebus publicis magistratus mouere possunt, si hæc non mouent: Non igitur illi beati, ut forsā fortunæ risu decepti sibi persuaserant: sed

Beatus cuius Deus Iacob adiutor eius, spes eius in domino Deo ip-sius, Qui fecit cœlum & terrā, mare, & omnia quæ in eis sunt, qui custodit ueritatem in seculum.

Magno profectò inter se distant interstitio Dei potentia, uirtus, bonitas, magnitudo, & quæcūq; in homine q̄uis in terra beato esse possunt. Cum Deus quidem omnipotētissimus sit, fortissimusq; omniū & sempiternus: homo bulla est, infirmus, mortalis, ac, siue is princeps sit, siue rex, aut Imperator, nihili. Vanissima itaq; spes ea est, quæ in tam tenui ponit recula, ut homo est: firmissima uerò, quæ in Deo. Quare hīc clamat Vates: Felix nimirū, atq; iterū felix is est, cui Deus Iacob, Deus, inquam, ille quem sanctæ colunt animæ & adorant, est præsidio, cuiusq; fiducia solū domino Deo suo, non conseruis se interdum debilioribus, nitit: qui Deus cœli autor est, terræq; marisq; atq; omniū omnino rerum quæ in illis insunt, conditor. Idcirco infinitæ illius sunt diuitiæ, opesq; immensæ, atq; incōprehensibilis illius ad omnia fides ac prouidentia, nempe omnia quæ condidit perenni salutarisq; gubernantis ratione, uiuificantis, ad augentis, seruantisq; incorruptè. Vnde additū est: Qui custodit ueritatē in seculū. Et

Qui facit iudicium iniuriam patientibus, dat escam esurientibus. Dominus soluit compeditos, dominus illuminat cæcos, dominus erigit elisos, dominus diligit iustos, dñs custodit aduenas. Pupillum & uiduam suscipiet, & uiam peccatorum disperdet.

In limine hæc quidē omnia domorū principum, atq; aliorū, quorū interest res urbiū regionūq; administrare, inscribi debent: melius dicere in corde. Tamen si enim ad omnes uulgò homines spectare uident, ad illos tamē in primis attinet, qui uice Dei cæteris præsumt. Eæ certè ueræ illæ sunt operationes, quæ Dei promerent gratiā, quibusq; omiſſis mirū q̄ inexorabiliter in nos seuerissimus animaduertat dñs. At uide quid in totius enarratiōis capite affixit Vates. Deus, inquit, est qui oppressorū iniurias ulciscit, statq; in acie pro calumniis passis tanq̄ imperterritus uindex. Quid postea: Victū omnibus, tum mētis, tum uētris, modò cibū appetāt, ab eoq; opperiant, largissimè impartit. Soluit insuper in carcere detentos, uinctisq; manicas nō tam ferreas, q̄ in corde effœminatas laxat. Cæcis uisum, nō solū corporeū, uerum etiā spirituale elargit: collapsos, afflictosq; quod non faciunt nostri procures, erigit, sustentat, recreat, iustosq; omnes, qui



**A** sibi fidem adhibent, deamat, ac tandem hospitū, peregrinorū, pupillorū, uiduarumq; ac cæterorū id genus desolatorū curā habet indefessam, illosq; utpote ab alijs reiectos suscipit, fouet, exosculatur, beat tandem. Contrā uerò, uias impiorum erroneas, consilia uidelicet, instituta, machinationes, temeritatem, fundet, dissipabitq; ac, uti res solent leuissimæ, disperdet. Atq; ita uictor

Regnabit dominus in secula Deus tuus Sion, in generatione & generationem. Halleluia.

In hoc ultimo uersu sempiternū Dei esse regnū canit Propheta, illudq; Sion, tanquam præcipuo religionis domicilio cōgratulatur. Ex eiusmodi quidem contemplatione immenso afficitur gaudio mens nostra, speq; erigit in illo, quē esse æternū nouit. Cæterū ab æterno, quid nisi æterna expectari possunt? Aeternus igitur cum sit benefactor, æterna quoq; esse beneficia necesse erit, æternam protectionē, æternam salutem, æternam uitam. Ait itaq; O Sion, ô sancta Hierusalem, ô Dei sponsa, nutantē iam tandem collige animū. Siquidem dominus ille, ut dixi, tam potens, tamq; tui cupidus & amantissimus; Deus, inquam, ille tuus, hoc est, quem tuam esse felicitatem, uel serò, intellexisti, regnabit in æternum, illiusq; protectio in generationem à generatione ullo absq; unquam fine prorogabitur. Cui laus sit in secula seculorum, Amen.

## PSAL. CXLVII. Halleluia.



**A**udate dominum quoniā bonus est psalmus, Deo nostro sit iucunda decoraq; laudatio.

**B** Rursus, ut in proximè præteritis egit psalmis, accingit se ad Dei laudes beatissima Vatis anima, quod facile absq; alia lectoris admonitione ex titulo comprehendī potest. Nihil certè tam amantis animum delectare consueuit, quàm cum crebra illius laudandī quem amat, offertur occasio. Vnde iucundissimum id esse solet spectaculum, intueri, ut interdum intueor, hilari quempiam tum ore, tum animo, quæcunq; agi contingat, exclamantē: Semper laus eius in ore meo. Quem unq; sermonē alium? imò uerò quam actionē? quos mores tam gratos aut cernere, aut audire possumus, quàm illi sunt, qui Dei laudes referūt? E contrario quid tristius? quid, quod animū candidū tam effictim laceret, prosternatq; & conturbet, experimur, q; sermones noxios & illiberales? Blasphemi uerò atq; oblocutoris uerba quo nomine appellare, aut qua arte exprimere debeam nescio; quandoquidē ipso suo horrore & turpitudine omnē superāt dicendi uim & copiā. His proinde, cæterisq; qui instrumentis eiusmodi idcirco homini datis, ut suū laudet opificē, abutunt, omissis, animā diuini honoris studiosissimā audiamus, ita cæteros adhortantē: Laudate dñm quoniā bonus est psalmus, Deo nostro sit iucūda decoraq; laudatio. Sic Felix: Laudate dñm, quoniā bonū est psallere Deo nostro, quoniā iucundū decora est laus. Ex eodem item fonte ita alius: Laudate dñm, quoniā bonū est canere deo nostro, atq; iucundū, optabilis est laus. Vide q; suauibus appelle uocibus Dei laus: decora, inquit, est, pulchra, decens, optabilis, amœna: quæ quidem nomina laudī nequaquā illi adulatrici, quæ fit principi, aut turpi quæ fit scorto & adulteræ, conuenire arbitror, cum ē contaminatissimo proficiscatur affectu, cordeq; mirè anxio & perturbato. Bonum itaq; imò optimū omniū est psallere, ut nos facimus: sed Deo: canere item, sed Deo: latitia affici, gestirue & exultare, sed Deo: non lenæ, & meretrici. Quod sanè fit, cum cor in his tantūmodo, quæ Dei honorē repræsentant, occupatū, os alioqui mutū atq; iners ad promendas Dei laudes assuefacit, retorquetq; à praua loquēdi futilia, atq; ut ea uocat Christus, ociosa cōsuetudine, ad castos Dei sermones & uiuidos, ut olim edocta fuit uirgo illa celebris diuī Benedicti soror, ad quā de more ē summo Casini uertice, in quo amplissimū



**C** exædificatū erat cœnobiū, ut nunc quoq̃ est, ad planitiem, in qua secretissimus quidam erat secessus, nympharū quidem cœlestiū domus; descendere cōsueuerat. Quid puras tesseras ne ut luderent, aut bacchantiū more pergræarent? Vnde quomodo uirgo tam sanctum fratrem iam iam cum suis ad montis ascensum se accingentē compellat, obtestaturq̃: Quæso te frater, inquit, ut ista nocte (iam totum diem in Dei laudibus, sacrisq̃ colloquijs ad noctem usq̃ produxerant) nō me deferas, ut usq̃ manē aliquid de cœlestis uitę gaudijs loquamur. Felix petrus & beatū, quod diuino exæstuās incendio, à Deo, quod à fratre negabat, obtinuit. Videor enī uidere, cum hæc scribo, aut aliquando locū semidirutū inuiso (uix parua extant ueteris illius lararij uestigia) inter senem & puellam, ardentissimas, tanq̃ duobus igneis simul collisis lapidibus, in suis illis colloquijs felicissimoq̃ cōgressu, emicare diuini amoris scintillas, cordaq̃ illorum ex beatissimis illis sermonibus à corporeis euulsa fibris in cœlū rapi. Quem quidem effectum in illis minimè locum habere sat scio, qui non noctem unam atq̃ alteram cum die, sed menses integros, annosq̃, ac totam demū suam ætatem in scurrilibus consumunt tum iocis, tum ineptissimis facetijs & moribus ita dissolutis, ut illam nunquam mei pastoris legisse præ se ferant admonitionē: Scurrilitates, inquit, uel uerba ociosa, & risum mouētia, æterna clausura in omnibus locis damnamus. Aurea profectō institutio, atq̃ euangelicis consentanea præceptionibus. Quid nī igitur laudes illius purē, ab omnibus, ubicunq̃ degant homines, pro fabulis, uanisq̃ nanijs, persolui efflagitemus, qui tam ardentem nostram diligit salutem: Ipse quippe est

Ædificans Hierusalem dominus, dispersiones Israël congregabit.

**D** Apertius uertisset interpretes, si sic ex hebræo uertisset: Dñs ædificat Hierusalem, dispersos Israelitas congregabit. Hic Vates ad ueterē illam Hierusalem instaurationē post reduces è Babylonico exilio Iudæos alludens, Ecclesię effigiat exordia. Iam, inquit, uideo præsentiscoq̃ Deum diruta Hierusalem mœnia instaurantē, ædificantemq̃ meliora: ad hæc, afflictas Israelitarū reliquias passim per orbē dispersas, in unū, quò tandē unus unius sit pastor ouilis, colligentē. Id quoq̃ præuidit Esaïas, quando in suis de ecclesia uaticinijs illud addidit: Cōgregabit profugos Israël. Quales uerò futuri hī essent Israelitæ, alio in loco aperit, dicens: Cōgregamini, uenite, & accedite simul, qui saluati estis de gentibus. En ecclesiæ sagera peregrinis repleta piscibus. En libertas filiorū Dei, quibus data est requies, ut ait Oseas, ut quiescant paulisper ab onere regis & principū, nempe à mundi tyrannide, atq̃ immitti hominum imperio, cui ferē ueri obnoxij sunt Israelitæ, qui in spiritu, non in carne circuncisionē profitent̃. Atqui si Dei manu instaurata fuissent urbis illius mœnia, quæ prophetarū, atq̃ adeo filij Dei interemptrix fuit, adhuc suū seruaret decorē, extaretq̃ ciuitatū omniū pulcherriima, ut modò extat Ecclesia, cuius typus illa fuit, manerentq̃ etiamnum reliquæ illæ Iudæorū incorruptæ. Verū aliā exædificandam fore Hierusalem, aliudq̃ templum reformandū, quā illud fuit à Chaldæis excisum, atq̃ alios colligendos Israelitas ab illis, qui dicturi erāt, Super flumina Babylonis, illic sedimus & fleuimus, præuidit Vates. Ecce, inquit, noua facio omnia, Noua itaq̃ deducenda erat sponsa, nouæ constituendæ nuptiæ, noua erigenda conclauiā, nouū tandem construendū ædificiū: atq̃ hæc quidem omnia in humano perficienda fuerant corde, qđ postea breuissimo expressit Paulus, Corinthijs scribens, apophthegmate: Vos estis templum Dei uiuī. Ecce in quam paruam desijt refulam aceruus ille templi ueteris ceremoniarū, uictimarumq̃, laboris nimirū ac defatigationis propemodū in finitē. Cor igitur humanū rerum omniū illarū in spiritu capax factū est, cuius structura amore deliniat̃, fide constructa, sed Dei clementia perfectissimā nanciscit̃ formā. Ipse quidem est, haud ars nostra, uel ingenium,

Qui



**A** Qui sanat contritos corde, & alligat contritiones eorum, qui numerat multitudinem stellarum, & omnibus eis nomina uocat.

Cōtritos corde, uocat summē afflictos & deiectos. Cāterū alligat uerbo propterea usus est, quoniam uulnera, quibus medemur, institis fasciisq; diligentissimē à medico stringi solent, ac quò dolor mitigetur, concinnē admodum obligari. Vnde sic Paraphrastes: Qui sanat eos qui fracti sunt animo, & leniter curat dolores illorum; quicq; numerū planē infinitum stellarum supputare solitus cū sit, atq; illarum singulas suis appellare nominibus, perfectissimā rerum cognitionē in se esse testatur. Siquidem quibus nomina imponimus, ea nobis sunt nota, & erit sensus; Eadem facilitate, minori etiā, posse Deum dissipatos per regiones Israhēlitas in unum coire facere, qua sparsas per uastiores multò regiones cœli stellas, alioquī innumerabiles, numero complecti. Sed de æterna hīc proborum electiōne, quorum nomina scripta sunt in cœlis, uerba fieri arbitrantur nonnulli, de quibusq; sic diuus Deū alloquens edisserit Augustinus: Quos tu tibi elegisti de multis in templum sanctum tuum, ipsos mundas, effundens super eos aquam mundam, quorū nomina, numerumq; tu nosti. Quocirca cū purissima Vatis anima exclamare liceat:

Magnus dominus noster, & magna uirtus eius, & sapientiæ eius nō est numerus.

Felix, atq; adeò cāteri uertunt ex hebræo: Intelligentiæ eius nō est numerus seu mensura. In idem tamen recidit sensus. Siquidem mens est Vatis, Dei potentiam, qua suos seruare potis est, rursusq; sapientiā, qua uias ad id perficiendum probē callet, extollere. Vnde confestim addidit:

Suscipiens mansuetos dñs, humilians autē peccatores usq; ad terrā.

**B** Est idem ferē, quod in superiori cecinit psalmo, dicēs: Dominus erigit elisos, & nō multò pōst: Viā peccatorū disperdet. Mansuetos appellat illos, qui æquo placatoq; animo ferunt aduersa. Et tunc quidem illos æquabiliter, toleranterq; idcirco res ferre aduersas asserimus, quoniā illis fauet numen, suscipitq; eo planē modo, quo à medico, aut parentibus grauiter ægrotantes solent suscipi liberi atq; refocillari. Caue putes minorem esse in Deo erga afflictos & peccantes cōmiserationē, quā illa est, qua afflictim cōmouentur in filios patres morbo aliquo grauiori pressos. Imò hanc patrū curam nullam omnino esse prae illa, qua Deus assidue lapsantes in uia iustitiæ sustentat, nō desunt qui experiuntur. Afflictos itaq; ærumnosos, in turpitudinemq; aliquam peccatorū delapsos patientissimē tolerat, illisq; ne in pressuris desperent, secretissimis non cessat illud insusurrare monitis: Ego sum, nolite timere. cōtrā autem superbos innocuorum persecutores, atq; in secundis fortunæ euentibus elatos, deicit, prosternitq; penitus, atq; eo allidit modo, quo res solent uitreæ in terram proiectæ collidi. Ergo cū hac fore persuasum habeamus,

Præcinite dño in confessione, psallite Deo nostro in cithara. Qui operit cœlum nubibus, & parat terræ pluuiam. Qui producit in montibus fœnum, & herbam seruituti hominū. Qui dat iumentis escam ipsorum, & pullis coruorum inuocantibus eum.

Hac quidem uocum naturalīū annumeratione innuere uult David, nostris in calamitatibus, uel quas persecutores irrogāt, uel quas aëris inclementia, atq; colorū intemperies deuehit, nullatenus despondendū esse animū. Siquidē æterna Dei prouidentia, quæ minutissimarū etiā rerum curam habet, non potest re suis amicis necessarias atq; opportunas, nō affatim suppeditare. Canticū, inquit, quod laudes, gratiarumq; actiones resonet in cithara, sono nimirū suauissimo, Deo nostro præcinite. Ipse enim, cū nobis est cōmodum, tegit cœlum nū



cibus, tonatq; atq; inde aquas præparans imbrem omnibus gratissimū etiam in  
 siticulosos perpluit montes, unde herbae egerminant, uersicoloribusq; loca illa  
 arida & inculta cōuestiuntur floribus, atq; diuersi generis oleribus ad usum ho-  
 minis fecundantur. Ad hæc cuncta terræ animalia suo cuiuslibet apto naturaliter  
 cibo enutrit; quin & coruorū pullis à matre destitutis, convenientissimā illi æta-  
 ti subministrat escam, id agens (opinor) illorum miseratus crocitationem, que-  
 stusq; lamentabiles, qui uotorū loco ac supplicatione à patre exaudiuntur æter-  
 no. Ferunt enim coruum uiso partū degeneri (albi nascuntur coruorum pulli)  
 indignabundè auolare, nidoq; derelicto suum execrari fœtū: quem tamen cum  
 implumis sit, atq; ad quærendum pastum inutilis, nocturno pasci rore, uermicu-  
 lisq; nido subnascantibus, mirabili Dei prouidentia nutricari asserunt. Res mi-  
 ra sanè, atq; ea quidem, quæ omnē superet bonitatis modū. Vnde nō immeritò  
 in superiori dictū est uersu: Et sapientiæ eius non est numerus. Verū neq; absq;  
 mysterio de coruis facta est mentio. Contra omnino cœlestiū rerum naturā ui-  
 detur, teneras in fide adhuc animas diuino ali posse edulio, nisi eas mater dese-  
 rat, antiqua nimirū peccandi consuetudo, ac lex peccati: qua quidem à conscien-  
 tiæ nido & domicilio, nostro læsa candore, abeunte, à Deo mens pascitur, coale-  
 scitq; in spiritu. Sed alij hæc uideāt, nos ad institutū. Semel enim discipulorū an-  
 xiam quærendi uictum sollicitudinē castigans Christus, coruorū adduxit simili-  
 tudinē, inquit: Considerate coruos, quia non seminant neq; metunt, quibus  
 non est cellarium neq; horreum, & Deus pascit illos: quanto magis uos, qui plu-  
 ris estis illis. Considerate, inquam, lilia, quomodo crescunt, quomodo non labo-  
 rant, quomodo omni uacant uitæ cura & anxietudine. O tardos in credendo a-  
 nimos, Iob quoq; inter miranda diuinæ prouidentię cōsilia & res gestas, coruū  
 interserit esurientem, facitq; Deum interrogantē in hunc modum: Quis præpa-  
 rat coruo escam suam, quando pulli eius clamant ad eum uagientes, eò quòd nō  
 habeant cibum? Istiusmodi itaq; argumēto, quo usus est Christus de coruo, fœ-  
 no & lilij, usus est & Vates. Modò surdis hæc decantata non sit fabula, summa  
 certè infidelitate infectus est orbis uniuersus. Dic, te oro, colitur ne Deus synce-  
 re, ab his etiam, qui cultū Dei profitentur? Id nego, quid uulgus ager? quid sim-  
 plices mulierculæ? unde tanta ortum habet concupiscentiarū rabies? unde aua-  
 ritia? unde insaturabilis illa habendi sitis? Vin' dicam: à fidei penuria, specq; omni-  
 no in hisce caducissimis mundi rebus prostituta. Iam illud annotandum, serui-  
 tuti hominum, non inueniri in hebræo, sed sic duntaxat, ut uertit Felix: Qui fa-  
 cit germinare montes herbam, ita & alij.

Non in fortitudine equi uoluntatem habebit, neq; in tibijs uiri be-  
 neplacitum erit ei. Beneplacitum est domino super timentes eum, &  
 in eis qui sperant in eo.

Tibias hinc poni pro fortitudine non est ambigendum, ne quis instrumentū,  
 nescio quod, musicū imaginetur. Est enim tibia, quæ à genu incipiens ad mal-  
 leolos usq; protendit: cuius partes sunt, crea ac fura. Igitur pro elegantī hinc ho-  
 minis gressu ac robusto ponitur. Vult Vates syncerioris nos admoneri fidei ac  
 religionis, quæ potissimū in illo uim habet, quòd persuaderi nobis patiamur  
 nulla illam externa mundi gloria aut ambitione delectari, cuius sanè rei imagi-  
 nem perbellè equorum adumbrat superbia, atq; arduus ille, cum è stabulis edu-  
 cuntur, hinnitus: uir item alto gradiens passu, atq; in digitis obambulans: signū  
 nimirū ut fortitudinis, ita uani, elatq; animi & gloriosi. Hos uersus elegantissi-  
 me sic reddidit Paraphrastes: Fortitudinē equi nihili faciet, nec quæ uident esse  
 fortia crura uiri ad amorē inuitabunt illum: sed amat dñs, qui reuerenter colunt  
 eum, & qui spem ponunt in clementia ipsius. Et sic uides, uoluntatem, benepla-  
 citūq; pro amore hinc usurpari. Nō illius, inquit, amor in his transitorijs occupat  
 rebus,



**A** rebus, neq; illos qui istiusmodi fidunt rerum inanitati amare potest. Verum enimvero tota illius uolūtas, amorq; totus & cura in illos solum directā est, qui metu filiorū more uenerando affecti, spem suam omnem in illius collocant misericordia. Hi quidem Deo grati sunt, ceteri infensi. Cui laus sit in secula seculorum, Amen.

*Diuisio secundum nostros.*

**L**auda Hierusalem dominum, lauda Deum tuum Sion.

Omni sublata in his quæ dicta sunt, diffidentiae origine, rursus Hierusalem, nempe proborū multitudinē, & Sion, quò Deum laudibus concelebrent, hortatur: dicitq; Deum illius affirmaturū portas, ciuibusq; benefacturum, pacem insuper, annonæq; abundantiam suppeditaturum. Ex cœlestium quidem donorū cōmemoratione, Dei laudem elicere conatur Vates: alioqui certē ignaua adeò mortalium est natura, ut rarò ad diuinum laudandum nomen, nisi præmijs illecta, excitaretur. Vtinam & sic quoq;. Desunt ne in mundo, qui gratiarum actionum loco blasphemias referunt: Non est scelus, modò eluceat tantillum cōmodi, quod non aggrediantur homines. Clamant cœli, sol, luna, sydera, elementa, laudandum esse Deum: & quod quidem clamant, re quoq; ipsa exhibent: nec est in rebus conditis, quæ à præfixo sibi ordine, legēq; naturæ, uel paululum aberret. Solus homo animantium omniū ingratiſſimus, in suum creatorem iniurius inuenitur. Solus, inquam, homo à præscripto Dei mandato etiam (malum) à conditarum rerum exordio discessisse repertus est. Qui istiusmodi uiuunt uitæ genere, quicq; adhuc à facie Dei ambulantis in paradiso post meridiē, tanquam stolidus Adam, se occulunt, hīc retracti à fuga inuitantur, ut omīſis in Deum iniurijs, excussoq; reatum onere, ac reiecto in Christum, atq; omni prorsus eliminata diffidentiae caligine, ad lucem, ad ueniam, ad uitam confugiant, nouaq; laudum cantica pro antiquo uæ Deo dedicent. Ait ergo: O Hierusalem, quid Deo pro beneficijs reddere non erubescis iniurias: pro amore odiū: pro gratia damnū: lauda, honoraq; dominū, lauda, inquit, Deum tuum o Sion.

Quoniam confortauit seras portarū tuarū, benedixit filijs tuis in te.

Hæc est effigies Ecclesiæ, cuius filij & ciues, sanctorū sunt animæ. Seras posuit pro uectibus, quibus serari solent portæ atq; obfirmari. Tutam urbis custodiam hac uoce denotat. Rursus abundantiam, cū dicit, Hierusalem ciues, seu liberos, à domino benedicendos: quod magis exprimit in sequentibus.

Qui posuit fines tuos pacem, & adipe frumenti satiat te.

Felix profectò ea est ciuitas, quæ nullo affecta bellorum incōmodo ac sectarum, rebus illis, quæ ad uitæ usum ac lautitiam attinent, abundat. Contrā autem longis afflictī prælijs ciues, atq; inter sese dissidijs consumpti, etiam rebus uitæ necessarijs plerunq; carere uisi sunt. Verū ut huiusmodi rerum humanarum exitia à peruersis ciuium animis oriri solent, ita salutem à benignissimo domino proficisci non est qui dubitet. quare à spiritu dicitur: Qui posuit fines tuos pacem: hoc est, non solum intra urbis mœnia pacem, concordēq; ciuium animos esse uoluit, uerum etiam in omnibus latē finibus, conterminisq; locis & regionibus. Hincq; illud quod sequitur euenire necesse erit, locorum scilicet incolis rebus omnibus affluere, non tantumq; pasci à domino, sed opipare pasci. Adipem enim frumenti pro similagine, nempe farina cribro tenuissimo extracta, idcirco candidissima & delectabili, posuit. hanc sanè tritici medullam appellare soliti sunt hī, qui furnariam exercent. Delicatissimo itaque istiusmodi panis genere, rerum omniū lautarum copiam intelligi uoluit Propheta. Quæ tamen omnia ad interiorem quoq; opulentiam relata, mirum quàm iucundo afficiant gustu animam. Et, ut breuiter dicam, adeps hīc tritici, Dei est uerbum, quod di-



C lligenter ab hæreticorū furfure secretum, mirabilem illum in corde panem, qui de cœlo descendit, quoq; refocillantur animæ, atq; in Deo uiuunt, conficit. Vnde subinfert Vates:

Qui emittit eloquiū suum terræ, uelociter currit sermo eius.

Cū iubet, inquit, illi subitò dicto parent omnia, nam summa currit uelocitate sermo eius: hoc est, quod iusserit, quodq; uoluerit effici, efficitur illicò. Per id signatur, felicitatem huiuscemodī non diutius suspendendā: quippe qui solo uerbo, quæcunq; uult, efficere potis est. Quod sanè in niue, pruinaq; & grandine, quam ueluti buccellas quamprimū è cœlo deiicit, uidere licet. Quare sequit̃:

Qui dat niuem sicut lanam, nebulam sicut cinerē spargit. Mittit crystallum suam sicut buccellas, ante faciē frigoris eius quis sustinebit?

Pruinam sicut cinerem spargit, uertūt ex hebræo: & aptè quidem; nam nulla est cum cinere similitudo nebulæ, quæ uelum potius, aut tentoriū, si densior est, præ se fert, quàm cinerem. Pruinae uerò quadrat magis cōparatio. Sic Paraphrastes: Qui tribuit niuem similem lanæ, & pruinam tanquam cinerem dispergit. Cæterum crystallum neq; ex græco, neque ex hebræo uerti debuit, sed glaciem aut grandinem, quæ globulis quibusdam frigidissimis instar buccearū, utpote glacie concretis, è cœlo repentina aëris mutatione ac nimbo erumpere consueuit. Verū ex gelu quoq; uehementiori nasci, formariq; crystallum asserunt: sed non in aëre, ut grando, sed potius in locis, ubi perpetuæ ferè sunt niues, ac gelu. Iam illud admirandum diuinæ potentiæ argumentum, aquas æstiuo tempore congelascere, formariq; buccellas illas non longè à terra plerunq; à Syrio perusta frigidissimas: & has quidem tanta celeritate atq; impetu, ut anteaquàm animum aduertas, sata unà interdum cum uineis populata, syluasq; frondibus denudatas expostules. Quid rursus? (mira res)

Emittet uerbum suum, & liquefaciet ea: flabit spiritus eius, & fluent aquæ.

Iubente, inquit, domino glaciem illam dictum factū cernes liquefieri, in pluuiasq; cū uentum, quencunq; uoluerit, spirare fecerit, resolui. Atque hæc quidem omnia derepentē fiunt, mutanturq; subitò. Quo sanè colligi uoluit Propheta, nullam posse esse tam conclamatam miseriam, quin statim in feliciorē commutetur statum, si sic iusserit numen. Certè is est qui ducit ad inferos, & reducit. Ipse, inquam, est, qui deponit potentes de sede, & exaltat humiles. Quòd si interdum tamen superbos humilibus præponi, exaltariq; ac mitra nōnunq; pileo sceptroq; regio donari conspicias, tardus nimium es, si felicitatem, quam suis pollicitus est Deus, in hisce rebus fortunæ ludibrio expositis inueniri cogites. In spiritu quidem dona hæc insunt aurea, atq; in cōscientia sibi optimè conscia, menteq; tranquilla, ac rerum mundanarum contemptrice, præter id, quod spe firma uenturam iam possidet beatitudinem in Deo, sentitq; intra sese, atque experitur, quid sibi uelint conuersiones istiusmodi grandinis, induratiq; gelu in pluuiam: quid rursus nix, ad instar lanæ ob candorē è cœlo lapsa: quid pruina, quid frigus illud grandinis ferè tactu intolerabile, nisi id Deus temperaret, præ se ferat, intelligunt in diuinis exercitati contemplationibus. Putas ne animam in istiusmodi rebus peruestigandis occupatam, ab illoq; accensam igne ac spiritu, quo flante, suauissimi, ut hic canit Vates, defluunt aquarum riuī, minori illis affici gaudio, qui secundarum rerum successibus elati, uix se homines esse aliquando cogitāt: hos certè miseros calculis omnibus, licet in sinu, quod aiunt, fortunæ dormire cæcis appareant, affirmare possumus. Siquidem, quæ nobis ueram cōciliant felicitatem, æternamq; comparant beatitudinem, pro qua sanè adipiscēda uniuersus omnino contēendus est orbis, hæc ferè sunt: fides, amor, pietas,



**A** pietas, ultroneaq; mundanarum rerum atq; honorum despicientia; simplex uitæ usus & consuetudo; gaudium item spiritus, quo mirum in modum oblectatur Deus; ac sui prorsus, ob Dei honorē, salutemq; proximī, neglectus. Si hæc quidem in diuite homine, mitratōue capite contingere uideris, nihil amplius in hoc mundo, quod cœlestem referat statum perquiras. Verū illud nunquam me intellexisse fateor; quī fit, quod cū primū ad ecclesiasticas, ut uocant, dignitates quispiam ascitus est, nihil prius quærere uidetur, quā ut lautius, fastuosiusq;, quā prius egerat, uiuat. Quis nodum hunc mihi soluet? Aut certē Dei religio laxior, dissolutiorq;, quā ipse sit mundus, facta est, proinde ludibrio habitā; aut hi bonarum rerum corruptores dici possunt. Mihi nunquam persuaderi passus sum, fidei synceritatem in capite superbo, menteq; mundo addicta, manere posse. Quod si porrō se à mūdo alienissimos esse, ut profitentur, mihi iurarent, uix crederem; siquidem quæ fidei candorē testentur, nisi omnino plumbei simus, non ignorare possumus. Et hæc quidem ad reconditiōrē sensum eorum quæ dicta sunt, scribere nō sum ueritus, quò uniuersalem esse spiritus doctrinam, uel ipsæ sciant textrices mulierculæ, ac cæteri è uulgo rudes per officinas mechanici, quos hīc à spiritu ad laudandum Dei nomen inuitari cum cæteris arbitror.

Qui annunciat uerbum suum Iacob, iustitias & iudicia sua Israël.

Statuta sua, seu ceremonias & iudicia, transferūt ex hebræo; quibus sanè uocibus Dei legem intelligi uolunt, quæ uni data tunc fuit populo, exteris exclusis gentibus. Indiciū nimirum summæ Dei beneuolentiæ erga Iudæos, quos solos in terris suæ consecratos esse uoluit religioni. Quod quidē admirans Moses, sic populū illum ingratissimū, atq; in Deum contumacē exhortans, aiebat: Quæ enim est alia gens sic inclyta, ut habeat ceremonias, iustaq; iudicia, & uniuersam legem, quam ego proponam hodie ante oculos uestros: Dauid uerō:

Non fecit taliter omni nationi, & iudicia sua non manifestauit eis.

Aliās diximus morem esse spiritus in scripturis, Iacob, seu Israël, Dei amicos appellare, quibus solis nota sit Dei uolūtas: id est, quod fide de Deo persuasum habent, re id præstare satagunt. Peculiaris illa Iudæorū cura, eorum, qui in Dei Ecclesia Christum uitæ ratione & cultu imitaturi erant, fuit typus. Quibus sanè haud minus, quā populo illi Iudaico, facta illa fuit Moysis admonitio: Custodi, inquit, teipsum, & animam tuam sollicitè. Sollicitudinē uerō hanc in seruandis Dei præceptis, quæ iustitias ac iudicia, in superioribus appellari uidimus, in arduo uersari exercitio, longoq; usu, experimur. Et ut quidem nulla ex rat natio, ut inquit Moses, quæ habeat deos appropinquātes sibi, sicut Deus noster suæ adest Ecclesiæ: ita id propriū illius munus est ac cura, ab omni se gentium contaminatione alienissimā seruare. Et ne quæ sit istiusmodi gentium cōtaminatio te nescire cauſeris, illam sub nomine operū carnis ita adumbrat Paulus: Manifesta sunt, inquit, opera carnis: quæ sunt, fornicatio, immunditia, impudicitia, luxuria, idolorum seruitus, ueneficia, inimicitia, contentiones, æmulationes, ira, rixa, dissensiones, sectæ, inuidia, homicidia, ebrietates, comestationes, & his similia: quæ, inquit, prædico uobis, sicut prædixi, quoniam qui talia agunt regnū Dei nō consequent. Hæc sunt uerba Pauli illius, qui de se olim sic apud Corinthios testatus est: An experimentum quæritis eius, qui in me loquitur Christus? Ergo Christus est, qui asserit, neq; scortatorē, neq; effeminatorē, neq; idolorū cultorē, neq; ueneficū, neq; inimicitarū satorem, contentiosum, inuidum, rixosum, dissidiaq; spargentē, homicidam, ebrium, heluonem, parasitum, sectam nimirū ac disciplinā sanēq; egregiam, primarijs etiam mūdi hominibus gratissimā, posse Dei regnū ingredi. Eæ sunt ferè immundarū gentiū de more operationes, quas purissima Christi spōsa auersatur; cuius sanè alia est



C uitæ ratio, fructusq; aliq, qui à spiritu Dei sancto ortum habent, nempe charitatis, ut idem inquit Paulus, gaudiq, pacis, patientiæ, bonitatis, benignitatis, mansuetudinis, fidei, modestiæ, continentiæ, castitatis. Felix profecto ea est arbor, quæ huiusmodi spiritus onusta est fructibus. Quàm uereor, ne peiora multò ad huc in mundo, q̃ illa quæ à Paulo in recensendis carnis operationibus iam lazzo cōmemorata sunt, perpetrentur. Si hæc quidem in excellentioribus fieri locis, etiã palàm, cernimus, quid de uulgo censendum? Ad hæc si Iudæos, populum nimirum à cæteris selectum, & de quo id dici audio, quòd non fecit taliter omni nationi, cuiq; data est lex & testamentum, à iustitiæ semitis deerrasse legimus, quid impios tum egisse Philistæos arbitramur? quid Chananæos? quid Hiericontinos? Quid modò (ne multis) arrogantes agere Mahumetanos, Turcasq; exitij Christianorum sitibundos existimamus, cū audiunt, nobiliora religionis nostræ membra corrupta esse? Rident hæc, scio, carnis lenocinijs irretiti. Ridet mundus, subsannatq; illa, quæ à spiritu huc sunt ad electorum solatium adducta. Verūm ut mundo, mundiç amantioribus suis breui debetur interitus, ita Ecclesiæ suus semper inest decor, mercesq; æterna, quæ est uita abscondita in Deo per Iesum Christum. Cui honos sit in secula. Amen. Halleluia.

## P S A L M V S C X L V I I I. Halleluia.



Audate dominum de cœlis, laudate eum in excelsis.

Iam tandem uelut laboriosissima peracta nauigatione, uela contrahimus, portumq; haud procul aspicientes, Deo unico in freto hoc mundi tempestuosissimo desudantibus effugio, laudes, lætūq; celeuma canere instituiamus. O si quod tanta sit dignum maiestate, à frigido meo pectusculo, atque ad meditanda cœlestia tardo & ieiuno, prodijisse quicquam iudicabitur: tunc me beatum dixero. Proinde si quid, quod spiritum sapiat & eruditionem, est dictum, id totum Dei esto: sin minus, meum, hominis nimirum indocti, inertis, imbecillis, incauti: qui tamen illius sanctum nomen laudare conatus sim, mortalium uerò rudiores instituere, doctiores monere, atque meæ professionis homines ad grauiora scribenda allicere, & me tandem minimū Dei mancipium profiteri, assuefacereq; ad illius cognitionem & amorem, quem in terris penè extinctum esse non semel questus sum, querarq; tantisper dum uixero, non alios sanè reprehendens, sed me ipse meamq; desidiam arguens. Si quidem cū secundum & quinquagesimum iam agam annum, sexq; & triginta in habitu hoc lugubri transegerim (melius dicerē, propter meam stupiditatē atq; in Dei obsequio inertiam perdiderim) uix unius quidem horulæ spatiq, ut decuit, peracti mihi conscius sum. Serò quidem (infelix) cognoui uirtutē crucis: cuius ductu ego haud ita pridem pacatiorem quærens uitæ statum, ad solitudinē unā cum uno ex fratribus meis confugi. Quid tunc insidiarum, cōtumeliarūq; in solitudine etiã illa moliti fuerint nonnulli, quidue iniuriarū subierim, non uacat modò, neq; opus est recēdere, atq; adeò id magis, quòd querelas illas omnes iam pridem ad Deum æquissimū omniū iudicem retuli, penes quem maxima in debilisq; pro me in extremo omniū examine producēda extat dica. Illic enim innocuorum causæ aurificis (ut ait ille) statera, non populari trutina, ut nunc fit, examinabunt, sed diuina, hoc est, optima expendent equitate, absq; dolo, quæ in præsentia plerisq; à tribunalibus inauditæ reijciunt. Ab eodē porrò spiritu à solitarijs locis retractus, rursus noua mihi subeunda fuit ob ualentinē crucis necessitas. In qua quidem non nihil impeditus, hos meos paululum distuli cōmentarios, finiendos tamen secundum uoluntatem domini mei Iesu Christi, cuius splendorem in terris extolli, emergereq; tanquā è caligine propter quorundam ignorantiam, atq; coniunctam cum improbitate superstitionem, tam ardentè cupio



**A** cupio, quàm quis alius: cuiq; præterea omnes ferè liberos pientissimi mei parentes olim consecrauerant: quorum primum diuus sibi ascit in Scopetea familia Augustinus: sex, inter quos una fuit soror, quorumq; ego penè ultimus ætate eram, Benedictus. Ad cuius nunc sepulchrum in Calini uertice meos recogitans annos in amaritudine, extremam manum hisce ponere cōmentarijs, anno à Christo nato quingentesimo, & supra millesimum secundo & quadregesimo, uolui. Cuius quidem Christi benignitate silentissimo Albanetæ receptu, haud multò procul à cœnobio, monachorumq; conuersatione semoto, nunc uitor, conorq; iam tandem istiusmodi animi exercitio ab hac dissolui uariarū incursionum turbarumq; molestia, qua nolens premor, & frui Deo, qua re impetrata, uitam aliam, quæ infortunio obnoxia sit nulli, me tunc impetrasse mihi persuaderi patiar. Verùm penè serò illius datorem noui: notum uerò & quæro, & in ipso purificari operam nauo sedulam: & nisi, anteaquam è uita demigrem, assequor, perij. Assequar tamen, spero, ipsomet duce, quem, quoquouersum me uerto, uidere mihi uideor meam increpantem oscitantiam. Interim autem quòd misellum hunc uermem è puluere suscitet, atq; ad se accedere iubeat, in ipsius continenter occupabor laudibus, dicamq; cum Propheta: Laudate deum de cœlis, laudate eum in excelsis. Condita hîc omnia, tum cœlestia, tum terrestria, ad celebrandas Dei laudes inuitantur, ualeiq; perinde quasi diceret: Laudate dominū, ô uos cœlestia. In sequentibus uerò de his, quæ in terris sunt, ita ait: Laudate dominū de terra. Vos, inquit, cœlestes spiritus, quiq; corporeæ sarcinæ expertes uitam uiuitis in supernis felicissimam, laudate Deum.

Laudate eum omnes angeli eius, laudate eum omnes uirtutes eius, In primo uersu cœlestes omnes generatim complexus est spiritus, in hoc uerò particulares, eos nimirum qui in ministerium illorum mittuntur, ut inquit **B** Paulus, qui hæreditatem capiunt salutis: idcirco illos angelos appellauit. Cæterum uirtutes eius, pro exercitus eius, positum esse non est qui ambigat. Sunt enim beatissimi illi spiritus tanquam satellitium Dei patris, quo quæcunq; fieri in terris decreuerit, ad ea perficienda uti solet. Vnde alio in psalmo ministros illos uocat, qui faciunt uoluntatem eius. Maxima profectò ex istiusmodi purificatarum mentium obsequio dignitas apparet humana: quæ quidem (si fas est in cœlestibus illis animis ægritudinē aliquam imaginari) graui afficiuntur molestia & cruciatu, si ex his, quibus hi seruiunt, perire quempiam contigerit. Quanquam nulla illis adscribi debet incogitantia, atque in curanda mortalium salute tarditas & socordia; sed tota illa culpa est lapsi, qui etiam inuitis reluctantibusq; custodibus cadere uoluit. Etenim inexcusabilis iam omnino uidetur anima quæ peccat: quando quidem tam tutis circumuallata præsidijs, ultrò tamē succumbit, ac sese turpissimo prostituit mœcho.

Laudate eum sol & luna, laudate eum omnes stellæ & lumen.

Stellæ luminis, uertunt plerique: hoc est, stellæ lucentes. Sentit (opinor) de Planetis, quas stellæ erraticas uocant, & quæ stellis cæteris lucidiores sunt. Vnde sic reddit Campensis: Laudate illum Planetæ, qui lucetis præ cæteris stellis omnibus. Sol igitur, lumen nimirum stupendum, lampasq; ardentissima atque uniuersalis, lauda Deum. Laudet rursus luna, laudent stellæ, sed in primis lucidissima Planetarum sydera, quorum ordine ac motu, pulcherrimis distinctum est cœlum formis, ad signanda quidem tempora, distinguendasq; mortalium actiones plerasque, ut sunt res nauticæ, agricolationisue, medicorum, & similia, à Deo fabrefactis, non ad Alchimistarum, magorumq; diuinationes, & uanitatem, contra rerum naturam, summiq; opificis mandatū cœlitus ostensis. Nulla unquam fuit tam bene instituta res à Deo, quin statim ad maleficium impia hominum retorserit audacia. Hoc sanè modo cœlestium rerum effector



**C** non laudatur: quoniam quo illæ conditæ sunt sine, aut qui in illis inditi sunt effectus, atque ad ima hæc terræ influxus & deriuationes, aut ignorant homines, aut cognitum suis inseruire affectibus, excusso propemodum è Dei manu prouidentia sceptro, modis omnibus conquirunt. Stultissima illa est scientia, atq; uana omnino, quæ diuinationibus nixa mortalium animos fascinat potius, quàm futurorum notitiam impartit. Qua quidem nostro à theatro, ut par est, explosa, exhibitataq;

Laudate eum cœli cœlorum, & aquæ omnes quæ super cœlos sunt.

Hic non ultrà procedit uersus Hebræis. A suprema quidem cœlorum molitione, per tractus aërios ad terram usque, ordine seruato naturæ, descendit Propheta. Siquidem cum à mentibus illis æthereis cœpisset, ad cœlestiaq; mox transisset corpora, ab his iam ad cœlos cœlorum, nempe loca ubi sedes est ignis atque aëris, delabitur: indeq; statim ad terram, atque illa quæ circa nos sunt, commemoranda procedit. Non rarò quidem aërem cœli nomine uocant autores: nulliq; dubium esse debet supra aërem hunc nobis proximum, quem, ut diximus, cœli nomine dignantur autores, aquas quasdam tenuiores, quàm ut destillare queant, esse: nam pluuiæ ex crassioribus formantur nubibus. Unde dictum est, & aquæ quæ supra cœlos sunt: quod & de primo illo firmamento die secundo condito intelligi uolunt Hebræorum expositores, quodq; expansum appellant. Fecit (inquit Moses) Deus firmamentum, diuisitq; aquas quæ erant sub firmamento, ab his quæ erant super firmamentum: hoc est, raras illas & tenues, proinde in sublimi ob leuitatem pendentes, ab illis alijs, posito inter sese interstitio, quæ cum graues sint ac densæ, aut in pluuias conuertuntur & defluunt, aut infra nubibus retentæ stagnant. Sunt qui cœlum huc **D** Crystallinum aduocent, quod supra sydereum locatum esse uolunt. Verùm non longius hic est philosophandum, de his maxime, quæ ut immensas Dei laudes sua excitare queunt pulchritudine atque ornatu, ita occulta propemodum sunt, & (blaterent ut lubet Philosophi) incognita. Quod porrò cœlos cœlorum dixit, amplam illam ac uastam aëris regionem, cuius terra mareq; tam immenso ambiuntur complexu, exprimere uoluisset arbitror. O uarij igitur, uagiq; cœlorū orbes, ô aquæ, quæ supra cœlos ipsos stupendo Dei miraculo manetis, laudate Deum. Insuper

Laudent nomen domini, quia ipse dixit & facta sunt, ipse mandauit & creata sunt. Statuit ea in seculum, & in seculum seculi, præceptum posuit & non præteribit.

Vide prudentiam Vatis. Ad terram enim è cœlis descensurus, mortales prius admonitos esse uoluit, illa omnia tam admiranda, de quibus mentionem fecerat, solo Dei uerbo fuisse condita, suoq; in officio ac lege à Deo præscripta, perpetuò permanitura. Iam diximus seculum seculi, sempiternumq;, & his similia, non semper æternitatem significare in scripturis, sed longissima tempora, ut tunc fusius adnotauimus. Quare Paraphrastes sic hunc ultimum reddidit uersum: Et stabilitas, quam tribuit illis, durabit seculis plurimis, legem dedit singulis illorum, quam nequaquam transgredientur. Illius itaque iussu in lucem prodire, suntq; modò id, quod sunt. Atque propterea æterna quædam fixa illis est lex, ac præscriptum, quod transgredi haudquaquam possunt. Ad hæc (ne in superflua inter facere & creare differentia nequicquam immoremur, quod nonnullos facere uideo) non uos lateat sic solummodo ab Hebræis uersum legi: Laudent nomen domini, quoniam ipse mandauit & creata sunt. Quòd si ramen adhuc uerbo instare libeat, illud compertissimū, uanam illam omnino esse differentiam quam ponunt, facere ad Deum & ad hominem pertinere, creare autem



**A** autem ad Deum tantūmodo, Princeps quidem Romanæ eloquentiæ propriū artis esse affirmat creare & gignere, uocatq; Romulum creatorē urbis Romæ. His itaq; de cœlestibus leuiter summatisq; prælibatis, inquit: Vos quoq;

Laudate dominum de terra, dracones & omnes abyssi.

Hoc est, ô quæcunque de terra estis, uel in primis uos immanes belluæ, atq; profundi aquarum gurgites, mariaq; lacus atq; amnes, laudate dominum. Dracones hic uolunt intelligi monstra marina; abyssos uerò cuncta aquarum receptacula, quæ omnia mirabilem sui fuisse conditoris potentiam testantur, clamantq; Deum ob tam stupendam rerum effectiōem laudandum esse. Ad hæc,

Ignis, grando, nix, glacies, spiritus procellarum, quæ faciunt uerbum eius.

**B** Faciens uerbum eius, uertit Hebræus; id est, quicquid iusserit Deus, parens dicto. Et ad ipsum spiritum procellarū, seu uentum turbinis, ut reddit quidam, referūt, haud ad ea omnia, quæ in superioribus cōmemorauit. Siquidem istiusmodi uento tempestuoso solet Deus res exequi admirandas, ultionesq; in homines grauiōres, ut de Aegyptiorum interitu legimus. Per ignem quoque tonitrua intelligit, fulminibus horrendisq; aëris mugitibus coruscationibusq; permista, quæ cuncta in aëre terræ proximo formari cernimus. Cæterū uox, quam noster uertit interpres, glacies, Hebræis est uapor, per quem notantur siccæ illæ exhalationes, unde exeunt uenti, noxiq; flatus ac turbines. Neque hîc temueat, difficillimū uideri res omni carentes ratione ac uoce, laudare posse Deū. Laudant nihilominus, nosq; itidem ad laudandum opificis sapientiā, admirandis excitant stimulis, quippe quæ ne tantillum quidem à præscripto sibi ordine deflectunt, parentq; continuò numini. Et quidem nemo tam durus est, qui conditarum rerum motum, ordinem, situm, pulchritudinem, uim, formasq; uarias, atque illarum effectus contemplans, nō mirabilem in illis Dei sapientiā deprehendat, potentiam rursus & bonitatem. Hincq; anxium quoddam oriri solet laudandi Dei studium, addo & exercitium, iunctaq; cum hilaritate solertia. Itaque & uos etiam

Montes & omnes colles, ligna fructifera, & omnes cedri. Bestiæ, & uniuersa pecora, serpentes & uolucres pennatæ.

Depennis, seu alis uolucrum, mentio quæ hîc fit, aptè posita mihi uidetur, tantum abest ut superuacaneam iudicem. Quid enim miraculo simile potest auiri, si quis pennis aut alis ornatam uolucrem dixerit? Sed nisi usus rem attenuaret, tam immensum in illis diuinę relucere conspiceres potentiæ signum, ut penè stupore insanires. Quid non mirabile apparet, dignumq; Dei honore, si alarum, pennarūue ordinem in aue, texturam, formam, decorem, coloremq; & ad uolandum aptitudinem ac celeritatem, diligenter inspicias? Quod etiam de uariâ arborum tum syluestrium, tum domesticarum, natura intelligere nos admonet spiritus, cum ligna fructifera, ac cedros ad Dei laudes concinendas hortatur. Cedros pro sterilibus, syluaticisq; poni arboribus asserunt interpretes, proceris tamen, atque ad ædificia uel nauium uel ædium aprissimis. Ait igitur: O uos mōtes, ô loca omnia ædita, è planitię surgētia, ut sunt colles, cliuq; humiliores: quin arbores plantæq; ad producendos fructus procreatæ, inferaces quoque & incultæ, quarum nobiliores sunt Cedri, laudate Deum. Quid? Vos item belluæ immites, mitesq; & mansuefactæ, uos reptilia, uos alites tam uarijs ornatæ plumis, hucq; illucq; tam concinnè celeriterq; uolitantes, laudate Deum. Serpentes, pro quibuscunq; animantibus quæ repunt serpuntq; posuit. At iam, ut ad nobiliorem laudandi opificis uniuersi occasionem descendamus, uos appello, ô mortales, sed in primis



c Reges terræ, & omnes populi, principes & omnes iudices terre. Iuvenes & uirgines, senes cum iunioribus.

Omnes qui potestate aliqua insigni præditi sunt ac dominio, ut sunt potissimum reges, hîc à Vate ad laudandum Deum admonentur. Omnes populi, respublicas omnes intelligit, illosq; qui priuatis utuntur legibus, ut nunc sunt Veneti in Italia, Lucēses, Sena ciuitas in Hetruria, Perusium, atque nō multò pridem Florentia, ac cæteri istiusmodi generis procures, qui turmatim res populorum moderantur, uelut indice cōmonstrat. Principes uerò & iudices, pro magistratibus generaliter ius populo administratibus, frænoq; iustitiæ nocentes homines coërcentibus, hîc sumi possunt: qui si boni sunt & iusti, quid in regionibus optabilius? quid sanctius? quid tam dignū, quo diuina laudari queat prouidentia uisum est unquā? Secus uerò si inueniunt, nōne illud stuporē omnem excedere censerī debet (proinde maximis efferendus est Deus laudibus) cū regi improbo, aut magistratui, tot hominū millia parēre absq; seditione & tumultu cernuntur, illosq; pro dijs in terra uenerari? Tamen si quidem maximum id sit infortunium, ab impijs aut stolidis magistratibus hominum multitudinem gubernari, non idcirco tamen temerē dijudicanda sunt Dei consilia, qui nostra ob scelera sinit nonnunquā regnare, ut olim comminatus est, hypocritas. Sub hypocritæ nomine pessimum undequaq; intellige hominem. Sint itaque amēntes nostri, ut lubet, atq; iniqui superiores, semper tamen, ut dixi, laudandus est Deus: cuius in disponendis hominum rebus consilium ac prouidentiam uelle arguere, frænoq; nostræ temeritati iniecto reluctari, genus omne superat socordia, ne dicam superbiā. Cæterum neque mediocre id quidem est laudandi Dei argumentum, quod in ætatum hominū uarietate splendescere cernimus. Morū enim candor & simplicitas in adolescentulo, aut uirgine, nōne res est diuinæ?

D Quid robur in iuvene? quid agilitas? quid promptū ad arma, ad literas, ad disciplinas perdiscendas ingenium? Debet ne in his laudari Deus, an reprehendi? Senum uerò maturitatē, grauitatēq; prudentiā, in rebusq; agendis mētem uegetam & pudicam, quis non miretur? quis non, uti donum à supremo Deo collatum, mortalibus gratuletur? Vide igitur quomodo in quauis hominum ætate euidentissima non desit laudandæ Dei bonitatis occasio. In omnibus sanē his uestigia quædam numinis impressa esse animaduertimus, exin tremendā illius ueneramur maiestatem. Quapropter

Laudent nomen domini, quia exaltatum est nomen eius solius: confessio eius super cœlum & terram.

Is unus est uersus in hebræo, cuius sensum elegantissimē à Paraphraste sic redditum accepimus: Laudent nomen domini, exaltatum enim est & suspiciendum nomē illius solius. Honor & gratiarū actio debetur illi ab his, qui sunt uel in terra, uel in cœlis, quid? non solum quidem cœli ipsi & terra, diuinis resonare debent laudibus, gratiarūq; actionibus, sed & laudes illæ omnes quamlibet excelsæ & perfectæ, superandę omīno sunt, in diesq; magis amplificandę. Meritò igitur Dei nomen solum, nō nostrum, aut immoderatē principū, amicorumq; colendū est tum in cœlis, tum in terra. meritò celebrandum, meritò laudibus efferendum: nanq; solus ipse suam adamauit sponsam, auxitq; illi gratias, dignitatem, robur, existimationem. Ideo infertur,

Et exaltauit cornu populi sui.

Diximus nonnunq; quid cornu signet in scripturis. In hoc loco, dignitas est ac robur, nisi malis opinari Vate tum Christū Dei uirtutē hîc præfagisse, quem non raro in prophetis cornu appellari legimus: sed illud in primis. Erexit cornu salutis nobis: quod de Christo accipi non est qui ambigat, modò sit uel mediocriter in prophetis exercitatus. Ergo



A. Hymnus omnibus sanctis eius, filijs Israël populo appropinquanti sibi.

Ab illis, inquit, quos ipse sanctificauit, quosq; ut sui essent ab æterno delegit seculo, nempe Israël filios, credentes nimirum, atq; illi per amorem, uiteq; imitationem, propinquos & familiares, hymni panegyriciq; ardentes, atq; gratiarum persoluantur actiones. Cui laus sit & benedictio in secula seculorum. Amen.

PSAL. CXLIX. Halleluia.



Antate domino canticum nouum, laus eius in Ecclesia sanctorum.

Nulli dubium, hinc Vatem populi Dei liberationē ē Babylone praevidentem, liberationē aliam, cuius illa typū gerebat, prædixisse. In illa quidem seruitute, à Chaldæis, hostibus scilicet immanibus & cruentis, miserandum in modum oppressi fuere Iudei; in hac uerò à peccato, à morte, à diabolo, totum genus humanum. Ab illa, inquam, tantillam orbis portionē per Cyrum Babylonis regem manumissam legimus, ab hac autem per Christum uniuersorū dominum, orbem totum. Idcirco ut illi solitis suis cantiunculis, atq; instrumentis musicis, à consueto seruitutis onere liberi, Deo tum gratias egeret: ita nos ab insperata erepti captiuitate, nouo scilicet liberationis genere liberi facti, ad nouū dedicandum Deo canticum à spiritu inuitamur, qui sic suam orditur paraclesim: Cantate domino canticum nouum, laus eius in Ecclesia sanctorū. Ob nouum, inquit, atque eximium beneficium, nouum benefactori rependite canticum, resonentq; illius laudes non sanè in qualibet Ecclesia, ut est illa malignantium, sed in Ecclesia sanctorum, purarum scilicet mentium cœtu & congregatione. Vos itaque, qui noua facti estis per Dei filium creatura, nouam uiuendi rationem, quod nouum est canticum, assumite. Vetus iam error abijt, ueritas uerò per Iesum Christum facta est: quare nouum canendi modum constituite, gaudetq; gaudium magno.

Lætet Israël in eo qui fecit illum, & filiae Sion exultet in rege suo.

Siue Hierusalem filias, siue Israël, aut Iacob, in hanc scenam introducas, hi omnes Ecclesiae personam referunt: cuius id propriū esse debet, in suo lätari sponso, in illoq; oblectari, atque omni relecta mundi consolatione, exultare, quem suum regem esse ac dominū persuasissimū habet. In suo igitur conditore sapientissimoq; architecto, lätetur Israël, populus uidelicet credentiū: atq; subinde, qui ē Sion progeniti sunt sancti, cœlestibusq; speculationibus assueti, talem contigisse sibi regem gaudeant, exultentq; & triumphant. Hinc

Laudent nomen eius in choro, in tympano & psalterio psallant ei.

Eæ sanè instrumentorū uoces ingentem debere esse lätitiam, gaudiumq; in spiritu sancto, in electis arguunt. Eiuscemodi quidem instrumentorū modulationes non nisi in præcipuis populi gratulationibus, statisq; diebus, ac solennitatibus adhiberi consueuerant. Eam ob rem ut innuat qualis debeat esse ob reconciliatum genus humanum Deo per Christum lätitia & gratiarum actiones, uult Dei nomen & choro, & tympano, & psalterio celebrari. Sunt qui, in choro, uertunt in tibia, illud opinantes, de instrumentis solū musicis fieri mentionem. In honorē igitur illius nominis psallant choro, psallant tympano, psallant chely, quotquot ad sanctorum numerum attinent.

Quia beneplacitum est domino in populo suo, & exaltabit mansuetos in salutem.



C Apertius ex hebræo uerti poterat, ut uertit Felix: Quoniam diligit dominus populum suum. polletq; perinde, ut, ne graue sit uobis illum, qui uos diligit, laudare, deamat certè dñs populū suum. Effectus uerò huiusce amoris qualis? Exaltabit, inquit, mansuetos, depressosq;, quò salui sint, sustollet. Id est enim mansuetos exaltari in salutem. Homines quidem de more præteritis in honoribus mansueris, exaltant turgidos & superbos. Contrà Deus, exclusis fastuosis extollit humiles. quod sanè maximam tum nobis, quibus permagna est cum mundo concertatio & pugna, conciliare deberet uim fidei, tum illis, qui se uictores putant, metum, suarq; ruinæ prænotionem atq; infortunij. Verum quomocūq; hisuum non aduertant periculum, atq; ideo in rebus exultent pessimis, in innoxiosq; efferatioris in dies appareant, nihilominus

Exultabunt sancti in gloria, lætabuntur in cubilibus suis.

Hoc est, tanta illorū erit de superatis hostibus gloria, quòd non solūm lætitia gestient, uerumetiā in ipsis suis lectis & cubiculis, alioqui curarū altioribus. gaudebunt, iucundeq; requiescent. Sed aliud hīc mihi gloriationis genus subolere fateor, quo hilarē in modum efferri solent piæ sanctorū animæ, optimū scilicet conscientia testimoniū. Non est (opinor) gaudiū quod idæquare ualeat, quare non iniuria clamat Paulus: Gloria nostra hæc est, testimoniū cōscientia nostræ. Quid illud? Absit mihi gloriari, nisi in cruce domini mei Iesu Christi. Ergo gloriatio sanctorum crux Christi est, sancteq; sibi conscia mens. Alij, ut lubet, de adeptis, uel usque ad summum, diuitijs, delicijsq; & honoribus gloriantur: mihi autem (inquit mens sobria) tota mea erit gloriatio in cruce Christi: cuius uirtute adeò in sublime euehor, ut sperare audeam fore aliquando, ut in futura illa gloria, in qua multæ sunt mansiones, cubiculaq; multa & conclauiā, exultem, læterq; in sponso, qui est perfectissimus animæ status ac felicitas: ad quam quidem die noctūq; suspirant sancti. Interim uerò quòd eò proficiantur, ubi suus est amor,

Exultationes Dei in gutture eorū, & gladij ancipites in manib. eorū.

Exultationes Dei in gutture eorū, hebraismus est, quòd iucundā illis fore exultationē exprimit. Rursus pro gladijs utrinq; collimatis, inuictam illorū uirtutem, roburq; hostibus formidabile intelligi uult Dauid. Vnde sequitur:

Ad faciendam uindictam in nationibus, increpationes in populis. Ad alligandos reges eorum in compedibus, & nobiles eorum in manibus ferreis. Ut faciant in eis iudicium conscriptum.

Hoc est, iudiciū à Deo præfinitū, & de quo in sacris scriptū est annalibus, suū tandem sortietur finem. Iam illud uidetur fuisse hac de re atq; ultione scriptū in Deuteronomio iudicium ac sententia, à Deo quidem lata, à prophetis uerò scripta: Si acuero, inquit, ut fulgur gladium meū, & arripuerit iudiciū manus mea, reddam ultionē hostibus meis, & his, qui oderunt me, retribuam. Propterea, inquit, læti, gloriosiq; in aciem progredientur sancti Dei uiri, ensesq; bicipites & denudatos idcirco gestabunt manibus, quòd sese queant de exteris, peregrinisq; ulcisci nationibus, populosq; penè infinitos castigare, ac suis à finibus arcere: reges insuper, & ceteros sibi infestos tyrannos, catenis, arctisq; compedibus ac bois ferreis, & manicis, deuincire. Atq; eo sanè modo Dei iudicium suis à prophetis conscriptū, promissumq; in scripturis, suo non frustrabitur effectu. Quæ quidem res sanctorum gloriæ atq; exultationi non poterit non feliciter uerti, obuenireq; ad uota. Ideo additum est:

Gloria hæc est omnibus sanctis eius.

Hanc gloriam puto esse sanctorum in acie spiritus uictoriam, ad quam sanè in hoc toto supercœlesti psalmo spectasse Prophetam arbitror. Etenim quæ hīc dicuntur



**A** dicuntur, tamen si ad bellum, quo corporeis concurritur cum hoste telis atq; machinis, aptari & possunt & debent, attamen ad spiritum, cuius tutissimis armis muniri solent credentes, transferenda sunt. Arma enim militiæ nostræ, ut inquit Paulus, non carnalia sunt, sed potentia per Deum ad destructionem munitiōnū. O certè arma à pijs tantūmodo tractata animis. Tu uide quas arma istiusmodi demoliantur arces & propugnacula. Consiliū, inquit, destruentes, atq; omnem altitudinē extollentem se aduersus scientiam Dei. Credo equidem, si nostrates hac proceres instructi forent armatura, quod felicius suis in expeditionibus in infideles sese haberent. Verū cum his careāt, quid illa ex ære, fuluoq; auro fabrefacta ostendant? In Turcas quidem hoc maximè tempore & terra & mari bellacissimos uictores, atque cum ipsis Christianorum regibus (infandum) confœderatos, absq; armis fidei, hoc est, non sedato prius ab omni turpi affectu animo & uoluntate, accersitaq; in societatem, quæ iam pridem nostris è castris aufugerat, Dei religione, exercitus parare, haud tutum est: imò periculosissimum, ut frequentissimis acceptis cladibus, amissisq; Christianorum copijs, augurari possumus. Succedent (suspicio) & infeliciora, simul ut uideo unā cum flagellis augeri scelera, planctusq; miserorum ab atrocissimis rectorum provinciarum depredationibus exortos percrebrescere. Hinc enim (dirum spectaculum) milites Christianos ab inexorabilibus Arabis ac Turcis acervatim contrucidari cernimus, illinc uno atq; eodem omnino tempore Christianos à Christianis opprimi, affligi, bonisq; proprijs ac fortunis iniquissimè expoliari. Quid uidi ego his oculis Christianum (prò facinus inauditum) in Tyrreno hoc nostro ab infidelium manibus elapsum, ad Christianum littus capta iam nauī confugere, opemq; à spectantibus è littore implorare; qui tamen praeda (credo) allecti, miserabilem illum fesse admodum natantem (baltheum gestabat nummis plenū)

**B** afflicto, atq; (impediō lachrymis) quanto poterat nisu uicina petentem littora, fuste præacuto transfixere, corpusq; deserto in littore inhumatū deseruere.

## PSALMVS CL. Halleluia.



Audate dominum in sanctis eius, laudate eum in firmamento uirtutis eius.

Non absq; mysterio psalmorū concinnator (quisquis tandem ille fuit, qui psalmos in eum, quem nunc habemus, digessit ordinem) illos ferè omnes, qui Dei laudes præ cæteris ardentius celebrant, sub finem uoluminis collocauit: sed hunc in primis, quē de laudibus in æterna patria concinendis differere nō ignorauit. Tunc enim maiori affecti cognitione, in Deum purius intenterimus. Etenim quandiu in hac mundi crassitie positi, cum tardis sensibus, cum peccato, cum morte, cum uarijs uitæ incōmodis ac miserijs cōflictamur, uix raro ad ea intelligēda, quæ Deū nobis unice admirandū faciūt, adnitimur. Quare hebetiori, quæ acutissimo debueramus, intuentes oculo, illius magnitudinē, nō eo, quo cōuenit, studio atq; animi libertate, extollimus. Purius hæc omnia, atq; ardētius à beatis iam animis in cœlo peragunt. De hoc itaq; æternarū rerū statu à Propheta hīc dici arbitror, cum ait: Laudate dñm in sanctis eius. Videť dictio, sanctis, absolutè posita, pollereq; perinde atq; in sanctis sanctorū, seu, ut diuus uertit Hieron. in sancto eius. Fel. uerò, in sanctitate eius; hoc est, in sacrario Dei æterno: quod de loco sacro in Sion mōte cæteroqui religioni cōsecrato, atq; in quo erat arca illa celebris testamenti, ob ea quæ sequunt, minimè dici posse iudico. Laudate, inquit, eum in firmamento uirtutis eius. Firmamentū Hebræis est, expansum: quod quidem doctissimus adnotauit Fel. qui sic transtulit: In extensione uirtutis eius, quā sanè extensionē de cœlestis regni statu per catachresim intelligi uolunt. & est sensus; Laudate eum in firmamento potentię eius; id est,



C ubi potentia eius, alioquin in hoc mundo ob sensuum tarditatem penè incognita, sese detractio ignorantiae huiusce spissae uelo, clarius uisendam exhibet. Et ut quidem uerissimum hunc esse sensum non ambigo, ita illum quem uulgo sequimur, exosculor, & placuisse Paraphrastæ uideo. Sic ille: Laudate dominum ob insignem sanctitatem illius, laudate illum ob coelum, quod argumentum est fortitudinis illius. Primus tamen sensus mirum in modum placere solet his, qui ex assidua psalmorum lectione ac gustu, in eam tandem deuenere mentis alienationem, ut perfecto psalmorum cursu, se metam, qui Deus est in maiestate residens, uel cum non animaduernerint, attigisse gaudeant. Vnde si quid in psalmis, quod altissimum idem non sit, audire contigerit, fastidiunt illuc. Siquidem coelestes iam facti, res illas solummodo admittunt & amplexantur, quae coelestem uitae statum referunt. Proinde & illos, qui sequuntur, uersus ad eum interpretantur modum:

Laudate eum in uirtutibus eius, laudate eum secundum multitudinem magnitudinis eius.

Virtutum nomine res ab eo, cum in terra, tum in coelis, sapienter fortiterque gestas intelligit; hoc est, ea ratione factas, quae humanum penitus superet ingenium & uires. Idem de multitudine amplitudinis eius, uarijs nimirum suae prouidentiae, quae in coelis maxime relucet, argumentis ostensae, par est interpretari. Quae sane omnia quemadmodum in hoc mundo tenui magis apprehendimus coniectura, quam perfecte assequimur, ita simulatque moribundis his artibus exuti, Deum facie ad faciem intuebimur, infinito propius, quam nunc fit, illa uti sunt, contemplabimur. Quanta, Deus bone, rerum illarum, quae modo in aenigmate, ac ueluti per transennam cernimus, tunc erit cognitio, quantusque amor, quam immensa uoluptas, quam inenarrabilis, quam longe à sensibus his brutis remota iucunditas. Interim uero quod statum illum felicissimum nanciscamur, mecum, inquit, unà omnes

Laudate eum in sono tubae, laudate eum in psalterio & cithara. Laudate eum in tympano & choro, laudate eum in chordis & organo. Laudate eum in cymbalis bene sonantibus, laudate eum in cymbalis iubilationis.

Nunquam tanta usus est instrumentorum huiusmodi Musices congerie Vates, quanta in hoc extremo omnium psalmo, quod nimirum ad nobiliorem copiosoremque nos hinc pertrahat considerandam, quam ea sit, quae in hoc mundo, etiam à perfectissimis uiris impenditur, laudem. Etenim si in istiusmodi cultu extero aut his aut illis quae rei, de qua uis canere, sint apta, utendum est instrumentis atque harmonia, in aeterna nihilominus patria & beatitudine omnes intendendi sunt nerui, plectroque pulsandum, aut uoce cōtemperandum humana, si quid est, quod harmoniam ciere possit. Id quidem uidetur natura omnibus comparatum, ut si quem excellenter laudare, testimoniumque illi uirtutum insigne tradere affectant, quicquid laetitiam praese ferre potest, magno adhibeant studio ac plausu. Sic Vates mirabilem illam aeternae uitae laetitiam, ac tripudium cum Deo, uolens exprimere, tot adhibet, ut uideamus, instrumentorum uoces: tubae scilicet, psalterij, quam uiolam esse iam diximus, tympani quoque, chori, chordarumque. quancumque haec dictio Hebraeis est, minimè, instrumentum omnino nostra aetate incognitum. Rursus organi, cymbalique bene sonantis seu auditis: hoc est, ut interpretatur Felix, quod adeo magnū excitet sonum, ut à longinquo audiat. Vnde sic quidam ex hebraeo uertit: Laudate eum cymbalis canoris, laudate eum cymbalis clangentibus, more nimirum tubarum in bello clangentiū. Paraphrastes etiam: Laudate illum taratantarīs sonoris, laudate illum taratantarīs ad hilaritatem excitant-



**A** excitantibus. Vide quomodo ad exprimenda diuina, concita, summeq; ardentia & festina inculcat Vates. Ita se habent res spiritus: qui carnali adhuc uiuunt sensu, hæc ut non intelligunt, ita derident. Rarò enim quæ non cognoscimus, amamus. At iam Vates suis impositurus modum ac finem laudibus, ad quas sanè quæcūq; passim per orbem uniuersum, addo & in cœlo, sunt condita, ardent, ut uidimus, inuitauit studio, ad nobiliorem se uertit uniuersi partem, dicens:

Omnis spiritus laudet dominum.

Hoc est, omnis uita, cum hominum, tum angelorum, & quicquid tandem uitæ habet indicium, suum agnoscat creatorem, illiq; soli gloriam, qui uita est omnium in se credentium immortalis, æterna, beata, inuariabilis, & super omnem felicitatem felicissima, tribuat. Ad quam ego peccator, qui obstrusissima omnium mysteria frigidissimis hisce meis cōmentarijs dilucidare, melius dicerem contamine, ausus fui, suspiro, ingemiscoq;. O si, humanissime Lector, uel dictionē unam atque alteram, quæ diuinum referat honorem, in hoc meo tantillo laudē scriptam inuenias, tum felix sum & beatus, per Iesum Christum dominū meū per cuius misericordiam ter rogo atque obtestor, quisquis es, qui hæc legere lueris, ut meam miseratus infantiam, sic apud te dicas: Is pauper, quia aurū aut gemmam non habuit, papyraceum dedit donum. Dei quippe confusus clementia, atq; in peccantes facilitate, hæc non est ueritus balbutire. Nouerat sanè quidem & se & sua, sed & illum quoq;, cui se à puero consecrauerat. Cui laus sit, honorq; & benedictio in secula seculorum. Amen.

FINIS HYMNORVM DAVID  
REGIS ISRAEL.























+ colorchecker CLASSIC

+ calibrite



mm